



Ex Bibliotheca
majori Coll. Rom.
Societ. Jesu

44.4.2.

R. P. F.

8.44.I.12

PHILIPPI

A S^{MA} TRINITATE,

CARMELITARVM DISCALCEATORVM

PRIMI DEFINITORIS GENERALIS:

DISPV TATIONES

THEOLOGICÆ

In Primam Secundæ D. Thomæ,

Bibl. Secv COMPLECTENTES TRES TRACTATVS, *Coll. Thom.*

Scilicet de Ultimo fine hominis, & Actibus humanis: de Virtutibus, Vitiis,
& Peccatis in communi: & de Gratia.


Ex mira eiusdem Doct̃oris Angelici doctrina collecta, iuxta legitimam

Sec.

Schola ipsius intelligentiam.

Scv

TOMVS SECVNDVS.



LVGDVN.

Sumptibus CHRISTOPHORI FOVRMY, via Mercatoria
sub signo Occasionis.

M. DC. LXIV.

CVM PRIVILEGIO REGIS.

1894-1895

1895-1896



ILLVSTRISSIMO
 ET REVERENDISSIMO DOMINO
 D. IOSEPHO MARIAE
 DE SVAREZ
 EPISCOPO
 VASIONENSIVM, &c.

RIP LICI ductus motiuo (ILLV-
 STRISSIME AC REVERENDISSI-
 ME PRÆSVL) secundum Theologiæ
 meæ tomum Celsitudini Tuæ iam-
 pridem duxi consecrandum; videlicet
 motiuo grati animi in familiam, reuerentiæ in of-
 ficiū, & obseruantię in personam.

Tot tantisque beneficiis, & beneuolentiæ signis
se nostra sanctæ Theresiæ Prouincia Tuæ Nobilif-
simæ familiæ videt obstrictam; vt suo debito satis-
factum non credat hac omnibus occasione data
verbis confiteri; nisi simul & scriptis tam domesti-
cis, quàm publicis sequentibus sæculis manifestet:
noster Conuētus Auenionensis copiosa ac insigni
liberalitate Patruī tui D. Ludouici Suarez Proto-
notarij Apostolici, dignissimi in alma illa Ciuitate
Metropolitanæ Ecclesiæ Canonici, totius Dice-
cesis generalis Vicarij, ac meritissimi Prolegato-
rum Apostolicorum Loco-tenētis (cuius memoria
in benedictionibus est præsertim apud Carmelitas
Discalceatos) magna ex parte constructus appa-
ret, continuisque tuæ domus eleemosynis ac vene-
rabilis fratris tui metropolitanæ Auenionensis Ec-
clesiæ Præpositi muneribus cumulatur.

Nec mirum quod tam inclytæ & Illustris fami-
liæ, ex vltimis Cordubensium Bæticæ Regionis
partibus duobus abhinc sæculis adductæ, dignissima
progenies tot ac tanta liberalitatis & magnificen-
tiæ signa apud Carmelitas Discalceatos exhibeat;
quæ tot Heroïbus tam in armis quàm in scientiis,
imò etiam & in sanctitate, quæ longè præstantior
est, non interrupta serie decorata, vtilissimos gra-
tissimosque virtutum omnium splendores in om-
nes semper effudit. Enimuerò, vt strenuos in re
militari (vt potè ab instituto meo aliena) viros
Martinum, Ludouicum, & Ioannem Franciscum
ab ea oriundos prætermittam, ex eadem prodiit
Magnus

Magnus ille Ioseph Iacobi filius , Iurisperitus præstantissimus , Rotæ Auditor , atque Auditorum Rotæ Decanus. Ex ea prodire eximij illi Ioannes , Marcus , & Franciscus recensitæ superius Ecclesiæ Canonici ; quorum primus generalis fuit Archiepiscopus Vicarius : vltimus verò præfatæ Ecclesiæ Præpositus , Comitatus Venissini ReCTOR , consultor S. Officij , ac demum orator extitit eloquentissimus , vt ex nitidissimis eius orationibus Typis olim mandatis facilè comprobatur. Prodiit ex ea alter ille Ioseph insignis atque doctissimus , legis doctor excellentissimus , Auditor Rotæ prudentissimus , integerrimus Arausicani Senatus Consiliarius , qui ad publica quæque cùm ciuilia , tum Curialia euectus officia ; iis omnibus , vt summo studio , ita & fœlici successu , functum fuisse , nemo est qui non annuat. Prodiit ex ea alius itidem Ioannes ille Franciscus dignissimus Tholosanæ prouinciæ Societatis IESV Præpositus quem omnes vt piissimum in vita , post faustum verò obitum coluerunt , nec non & ad hodiernam vsque diem venerantur vt sanctum. Ex ea denique prodiisti (PRÆSVL VIGILANTISSIME) maioribus tuis vnus ipse maior , reliquosve omnes prædecessores tuos , si non tempore , virtutibus saltem & meritis , non secus ac Episcopali dignitate meritis illis & virtutibus debita , præcessisti.

Me Patria tuum in spiritualibus fecit subiectum : Malaussena siquidem (siue vt alij scribunt Malaucena) meum natale solum inter præcipuas Va-

sionensis Diœcesis vrbes , vel inter oppida celebriora computatur , siue plurium familiarum antiqua nobilitas , siue totius populi opulentia , & in omnibus diues abundantia , siue territorij æqualis amœnitatis fertilitas consideretur , tanta quippe, æstiuo præsertim tempore , in viridantibus pratis apparet gloria , tantum in copiosis aquarum ibidem vltro nascentium riuis contra Solis ardorem extat refrigerium , vt Clementem V. summum Pontificem tunc primò Gallias incolentem ad se allexerit , & quasi suum cum sacro purpuratorum Patrum Collegio conciuem fecerit, vt ædificatum peramplum eius Palatium (vulgo dictum Grosel) hætenus contra temporum iniurias gloriosum ac maiestate plenum, & plures ac sua venerabiles antiquitate & magnificentia Cardinalium domus euidenter demonstrant. Sed magnum eius gloriæ accessit incrementum, cum inclyta tua familia inter alias nobiles ibi cœpit numerari , dum frater tuus Auditor Rotæ cum Illustrissima Domo d'Aulan , alteri Nobilissimæ Marchionis d'Aigubonne sociata, inito matrimonio contraxit affinitatem , & hoc contractu ipsam dominationem d'Aulan , ac insignem eius nomenclaturam obtinuit.

Tot quasi innatæ in te resplendent virtutes , tot refulgent nobilis animi dotes , tam eximia micat doctrina , vt te omnibus ea videntibus venerandum ac obseruantia dignissimum exhibeant : hæc sunt quæ te ad munus Episcopale, tuis tamen im-

par


par meritis , euexerunt, & ad maiora sublimarent,
si condigno præmio coronarentur : plura de his di-
cenda mihi forent, nisi me tua modestia loqui pro-
hiberet. Hoc igitur munusculum, Tuæ Celsitu-
dini prædicto triplici titulo debitum consueta sus-
cipe benignitate ; illud fiducia plenus offero , spe-
rans quòd te non solum protectorem acerrimum,
verùm etiam approbatorem eximium inueniet,
cum in eo non nouitates , sed Angelici Doctoris
documenta , tibi legenti ac intimè penetranti sem-
per & vbique occurrent. Interim Illustrissimam
tuam Personam totamque Nobilem Suarium fa-
miliam exiguis precibus meis Domino commen-
dabo , eique diuina charismata sedulus implorabo.

TVÆ CELSITVDINIS

Humillimus & Addictissimus seruus
Fr. PHILIPPVS à SANCTISSIMA
TRINITATE Carmelita Discalceatus.



Prologus ad Lectorem.



N prodit in lucem, Lector beneuole, secundus Theologiae meae Tomus, tertium breui temporis interuallo praecedens, aequali fere passu properantem: hic est in Primam Secundae, alter in Secundam Secundae, quartus ratione materiae in Tertiam partem alios praecessit.

In hoc tomo tres Tractatus continente examinantur praecipua & difficiliora; quae D. Thomas proponit circa actus humanos, tam in esse physico, quam in esse morali consideratos: circa Virtutes, Vitia & Peccata in communi: & circa Gratiā, quae est principium extrinsecum humanorum actuum. Vnde in duobus primis tractatibus habes quidquid materiae moralis in mea Philosophia desiderari poterat, in hunc quippe locum quasi proprium ex industria reseruavi; ubi non leuiter, vt in Philosophia sed admodum fusè & radicitus examinatur.

In primo Tractatu agitur de Ultimo fine actuum humanorum, ac de beatitudine in qua consistit: Deinde agitur de voluntario, quod est conditio sine qua non actuum humanorum, & ex consequenti de inuoluntario; exinde agitur de ipsis actibus humanis, ad intellectum & voluntatem pertinentibus, in quibus speciales occurrunt difficultates: & tandem agitur de bonitate & malitia morali eorundem actuum ratione cuius pertinent ad ordinem moralem; haec doctrina maximè utilis & necessaria est ad animarum directionem, cum sit fundamentum casuum conscientiae.

In secundo Tractatu agitur de Virtutibus in communi: deinde de vitiis & peccatis item in communi; non quòd omnia quae de his dici possunt, discutiantur; sed tantum ea quae specialem habent difficultatem: videlicet de eorum oppositione ad virtutes, de propria specificatione, de mutua contrarietate, & denique de eorum effectibus.

In tertio Tractatu agitur de gratia per multas Disputationes: & Primò de eius necessitate; Secundò de eius diuisione; Tertiò de gratia habituali; Quartò de gratia actuali, siue de auxiliis diuinæ gratiae ac eorum concordia cum libero arbitrio; Quintò agitur de Iustificatione, primo effectū gratiae; & Sextò agitur de merito, quod est alius effectus gratiae.

Diū suspensus fui circa impressionem huius Tractatus de Gratia, quantum attinet ad duas Disputationes de auxiliis diuinæ gratiae, ac eorum concordia cum libero arbitrio, cum aliàs talis impressio fuerit prohibita per summos Pontifices Paulum V. & Urbanum VIII. sed inquirens circa hoc, responsum fuit mihi à viris doctissimis & religiosis tum in Gallia, tum Romae vnde nunc redeo, talem prohibitionem expirasse, & impressionem huius materiae

materiae nunc permissam à summo Pontifice ; (dummodò à censura contrariae partis abstineatur) cum ipso sciente & prudente quotidie plures circa illam prodeant tractatus ; non enim solùm in defensionem & impugnationem Iansenij repetitæ Apologiae , sed etiam alia opera , vt opus Suaris de Auxiliis prodierunt.

His suppositis opportunum , imò penitus necessarium duxi , antiquam Angelici Doctoris D. Thomæ , & discipulorum eius doctrinam proponere tanquam mediam inter Iansenij & Molinæ opiniones , vt faciliè legentibus appareat quantum ab utroque discedat extremo : non desunt enim , qui Iansenij doctrinam cum doctrina Thomistica in omnibus confundant , & ex victoria , quam supra aliquas Iansenij opiniones sibi promittunt , se victores supra Thomisticam in hac materia doctrinam futuros vel ignoranter , vel malitiosè gloriantur. Multa bona docuit Iansenius , & in his in quibus cum Thomistis conuenit , securus est ; doctrina quippe D. Thomæ (vt utar verbis eiusdem Angelici Doctoris de quadam S. Augustini sententia loquentis) satis est suo authore tuta , & maximè in hac materia de gratia , in qua conuenit cum Augustino , & vtriusque tanta est authoritas , vt eorum libros tanquam lydium lapidem ad examen huius materiae summi Pontifices semper proposuerint : & in hac parte adducens dictum cuiusdam Principis Hispani , affirmo doctrinam Thomisticam exinde securam apparere , quòd eius sequaces decisionem Apostolicam huius materiae desiderent ac procurent , confidentes in iustitia causæ ; Soli illi timeant , qui hanc decisionem refugiunt & impediunt quasi de sua causa desperantes. Vale Lector , & fructu meo labore.

Approbatio

Approbatio Theologorum Ordinis.

NOS Fr. Martialis à S. Paulino, Prior Conuentus Arelatenſis Carmelitarum Diſcalceatorum, Fr. Archangelus à SS. Sacramento, & Fr. Petrus à S. Andrea aliàs in hac noſtra Prouincia Sanctæ Matris Thereſiæ eiufdem Ordinis ſacræ Theologiæ Prælectores, ex commiſſione R. admodum P. N. Præpoſiti Generalis ſecundum iſtum Scholaſticæ Theologiæ Tomum in 1. 2. *D. Th. Tractatus de Vltimo fine ſeu Beatitudine humaniſue Actibus, de Virtutibus & vitiis, ac de diuina Gratia* continentem, & à R. P. PHILIPPO à SS. TRINITATE, Conuentus noſtri Maſſilienſis Priore maxima diligentia elaboratum, non minori cura examinauimus & in eo vniuerſa ſanam atque integerrimam Eccleſiæ Catholicæ veritatem vel adſtruentia vel confirmantia, ſolidiſſimam profundiſſimamque Præceptoris Angelici doctrinam, non modo luci reſtituentia, ſed reſtituta quoque noua luce condecorantia; Ac demum ad æternam Beatitudinem, finem hominum vltimum, amore virtutum, vitiorum horrore, ardentiffimoque diuinæ gratiæ deſiderio, & ſuauiſſimè dirigentia & fortiſſime impellentia demirati potiùs quàm contemplati ſumus. Quapropter Prælo mandandus non tam noſtram approbationem expetit, quàm publicam expectat mereturque ſtudioſorum omnium acclamationem. Ita cenſemus, teſtatur & proprio nomine ſubſcribimus Lugduni in Conuentu noſtro Beatiffimæ Virginis Mariæ de Monte Carmelo, die 22. Iunij anni ſalutis 1653.

Fr. MARTIALIS à ſancto Paulino.

Fr. ARCHANGELVS à ſanctiſſimo Sacramento.

Fr. PETRVS à ſancto Andrea.

Approbatio Doctorem Facultatis Pariſienſis.

NOS infra ſignati Doctores in Theologia Facultatis Pariſienſis, fidem facimus nos perlegiſſe & examinauiſſe Diſputationes in Primam Secundæ diui Thomæ (videlicet *de Vltimo hominis fine, de Actibus humanis, de Virtutibus, vitiis & peccatis, inſuper de Lege & Gratia.*) exaratas ſtudio & labore R. P. PHILIPPI à ſanctiſſima TRINITATE Carmelitæ Diſcalceati, in quibus nihil ab Eccleſiæ Catholicæ Romanæ religione & doctrina alienum reperimus, nihilque bonis moribus contrarium. Actum Lugduni die 27. Iunij 1653.

Fr. STEPHANVS MOLIN, Carmelita.

Fr. IOANNES ROBE', Prior Prædicatorum Lugdunenſium.

Approbatio Provicarij Generalis.

At tento Doctorem præfatorum teſtimonio non ambigimus quin in lucem debeant prodire, Diſputationes in 1. 2. S. Thomæ videlicet *de Vltimo hominis fine, de Actibus humanis, de Virtutibus & vitiis & peccatis, de Lege quoque & Gratia*, R. Patris PHILIPPI à SS. TRINITATE Carmelitæ Diſcalceati. Lugduni die 27. Iunij 1653.

DE-VILLE Pro-vicarius Generalis.

INDEX



I N D E X

TRACTATVVM, DISPVTATIONVM, ET DVBIORVM,

Quæ continentur in hoc Volumine , in Primam
Secundæ D. Thomæ.

TRACTATVS PRIMVS.

De vltimo fine Hominis , & de Actibus humanis.

DISPVTATIO I.

In Quæstionem 1.

De Fine actuum humanorum in com-
muni. pag. 4.

- DVB. I. **V**TRVM soli fini conueniat intrin-
secè ratio boni. ibid.
- 2 **V**trum finis semper sit nobilior
mediis. p. 9
- 3 *Virum bonum & finis sint idem.* p. 10
- 4 *Virum finis sit obiectum formale adequatum
voluntatis creatæ.* p. 12
- 5 *Virum à fine specificentur omnes actus volunta-
tis.* p. 18
- 6 *Virum finis exerceat munus causa : non solum
circa electionem mediorum ; sed etiam circa
sui desiderium.* p. 21

DISPVTATIO II.

In eandem Quæstionem.

De his , quibus competit agere propter
finem. p. 23

- DVB. I. **V**trum Deus in omnibus suis actibus,
tam necessariis , quàm liberis agat
proprie propter finem. ibid.
- 2 *Virum Deus actibus suis liberis tendat ad crea-
turas , tanquam ad media proprie dicta.*
pag. 28
- 3 *Virum homo in omnibus his actibus humanis
elicitis , proprie & formaliter agat propter*

finem p. 31

- 4 *Virum homo in omnibus suis actibus humanis
imperatis , proprie & formaliter agat pro-
pter finem.* p. 33
- 5 *Virum actus humani , quibus homo agit propter
finem , sint omnes & soli illi qui procedunt à
voluntate deliberata.* p. 35
- 6 *Virum creatura irrationales agant propter fi-
nem.* p. 37

DISPVTATIO III.

In eandem Quæstionem.

De habitudine voluntatis creatæ ad fi-
nem , tam vltimum , quàm interme-
dium. p. 41

- DVB. I. **V**trum voluntas creatæ habeat fines
intermedios , qui sint veri fines.
ibid.
- 2 *Virum intermedia sint verè & proprie fines
respectu anteriorum.* p. 45
- 3 *Virum voluntas creatæ possit actualiter , vel
habitualiter , simul appetere plures vltimos
fines.* p. 49
- 4 *Virum peccans mortaliter habeat creaturam
pro vltimo fine.* p. 54
- 5 *Virum iustus peccans venialiter habeat crea-
turam pro fine , saltem negativè vltimo.*
pag. 58
- 6 *Virum quicquid vult homo , velit propter vl-
timum finem , & referat in illum omnes suos
actus.* p. 61

Index Tractatum, Disputationum,

DISPUTATIO IV.

In Questionem 2.

De Beatitudine obiectiva. p. 67

- DVB. 1. **V**trum sit aliquid bonum in rerum natura, quod sit obiectum beatitudinis. *ibid.*
2. *Verum obiectum beatitudinis sit aliquid bonum creatum* p. 69
3. *Verum obiectum beatitudinis possit esse aggregatum tantum boni creati.* p. 71
4. *Verum Deus sit obiectum beatitudinis creatura intellectualis.* p. 72

DISPUTATIO V.

In Questionem 3.

De Beatitudine formali. p. 77

- DVB. 1. **V**trum beatitudo formalis in recto considerata sit aliquid creatum. *ibid.*
2. *Verum beatitudo formalis consistat in operatione partis intellectiva.* p. 79
3. *Verum beatitudo formalis consistat essentialiter in operatione intellectus.* p. 81
4. *Verum detur aliqua beatitudo naturalis.* p. 86

DISPUTATIO VI.

In questionem 4. & 5.

De quibusdam requisitis ad beatitudinem. p. 95

- DVB. 1. **V**trum beatitudo supernaturalis ex sua ratione petat reddere beatos ab intrinseco penitus impeccabiles. *ibid.*
2. *Verum ad beatitudinem supernaturalem sint necessariae dotes anima beata.* p. 97
3. *Verum sint & quae sint dotes corporis glorificati.* pag. 100
4. *Verum ad beatitudinem requirantur Aureolae, quid sint, & quibus conferantur.* p. 104

DISPUTATIO VII.

In Questionem 6.

De voluntario in communi. p. 110

DVB. 1. *Verum voluntarium recte definiatur*

ab Aristotele.

ibid.

2. *Verum voluntarium proprie dictum reperiatur in sola intellectuali natura.* p. 113
3. *Verum voluntarium proprie dictum diuidatur ut superius essentialiter ad voluntarium perfectum & imperfectum.* p. 115
4. *Verum voluntarium perfectum diuidatur proprie in liberum & necessarium.* p. 118
5. *Verum voluntarium proprie dictum diuidatur in directum & in indirectum.* p. 122

DISPUTATIO VIII.

In eandem Questionem.

De voluntario in particulari. p. 124

- DVB. 1. **V**trum verè & proprie loquendo detur voluntarium liberum. *ibid.*
2. *Verum voluntarium liberum per se primò soli conveniat voluntati.* p. 127
3. *Verum in voluntario libero ipsum liberum superaddat voluntario aliquam rationem intrinsecam.* p. 131
4. *Verum possit dari voluntarium indirectum absque ullo actu formali.* p. 135
5. *Verum ad voluntarium indirectum, seu ad omissionem voluntariam requiratur debitum non omittendi.* p. 139

DISPUTATIO IX.

In eandem Questionem.

De inuoluntario in particulari. p. 124

- DVB. 1. **V**trum actus violentus & coactus sit simpliciter inuoluntarius. p. 143
2. *Verum actus voluntatis possit esse simpliciter inuoluntarius per violentiam.* p. 146
3. *Verum aliqua creatura possit pati violentiam à Deo immediate.* p. 150
4. *Verum actus voluntatis possit esse simpliciter inuoluntarius per metum.* p. 154
5. *Verum agere ex metu sit aliquando licitum.* pag. 157
6. *Verum actus voluntatis fiat aliquo modo inuoluntarius per concupiscentiam.* p. 161
7. *Verum actus voluntatis fiat aliquo modo inuoluntarius per ignorantiam.* p. 164

DISPV

Et Dubiorum.

DISPUTATIO X.

In questionem 8.

De primo actu voluntatis scilicet volitione simplici. p. 167

DVB. 1. **V**trum obiectum simplicis volitionis sit solum bonum. p. 167

2 Vtrum in simplici volitione conditionata rei impossibilis possit esse peccatum. p. 170

3 Vtrum ad actum simplicis volitionis praequiratur perfectum iudicium intellectus. p. 172

4 Vtrum voluntas eodem actu moueatur in finem, & in media. p. 174

DISPUTATIO XI.

In Questionem 11.

De Actu Fruitionis. p. 178

DVB. 1. **V**trum fruitio sit actus potentia appetitiva. ibid.

2 Vtrum fruitio sit formaliter actus amoris, vel delectationis. p. 179

3 Vtrum fruitio sit tantum ultimi finis adepti. pag. 182

4 Vtrum fruitio perfecta sit ultimi finis tam obiectivi, quam formalis. p. 184

DISPUTATIO XII.

In Questionem 12.

De Actu intentionis. p. 188

DVB. 1. **V**trum intentio sit actus voluntatis. pag. 188

2 Vtrum intentio sit tantum ultimi finis. pag. 190

3 Vtrum intentio finis sit semper actus realiter distinctus ab electione mediorum. pag. 191

4 Vtrum intentio finis sit causa efficiens electionis mediorum. p. 196

DISPUTATIO XIII.

In Questionem 13.

De Actu electionis. p. 200

DVB. 1. Vtrum electio sit actus solius appetitus

intellectualis.

2 Vtrum electio sit tantum circa media. pag. 202

3 Vtrum propositis duobus mediis, possit quodlibet eligi, etiam minus utile. p. 205

4 Vtrum supposita efficaci intentione finis, ubi est unicum medium, voluntas sit necessitata ad illud eligendum. p. 208

DISPUTATIO XIV.

In Questionem 14.

De Actu consilij. p. 211

DVB. 1. **V**trum consilium formaliter sit sola inquisitio rationis. ibid.

2 Vtrum consilium sit tantum de mediis. pag. 213

3 Vtrum interueniat consilium in exercitio scientiarum & artium. p. 215

4 Vtrum consilium procedat ordine resolutorio. p. 218

DISPUTATIO XV.

In Questionem 15.

De Actu consensus. p. 221

DVB. 1. **V**trum consensus sit actus solius appetitus rationalis. ibid.

2 Vtrum consensus sit tantum de mediis. pag. 222

3 Vtrum consensus sit tantum de mediis, quae eliguntur. p. 224

4 Vtrum consensus sit semper actus realiter distinctus ab electione. p. 226

DISPUTATIO XVI.

In Questionem 16.

De Actu usus. p. 228

DVB. 1. **V**trum usus sit actus solius appetitus rationalis. p. 229

2 Vtrum usus sit tantum de mediis. p. 231

3 Vtrum usus sit actus formaliter & realiter distinctus à consensu & ab electione. p. 233

4 Vtrum usus possit esse de omnibus rebus creatis. p. 234

Index Tractatum, Disputationum,

DISPUTATIO XVII.

In Quaestione 17.

De Actu Imperij. p.239

- DVB. I. **V**trum imperium sit actus intellectus formaliter. *ibid.*
2. Vtrum imperium sit homini necessarium ad proprios actus. p.241
3. Vtrum posito imperio in intellectu, necessario sequatur usus in voluntate. p.244
4. Vtrum omnes actus & motus, qui sunt in homine possint subdi imperio rationis. p.245

DISPUTATIO XVIII.

In Quaestione 18.

De esse morali actuum humanorum in communi. p.251

- DVB. I. **V**trum ad esse morale actuum humanorum requirantur aliqua conditiones. *ibid.*
2. Vtrum moralitas actus humani sit quid distinctum ab eius entitate, ac libertate. p.255
3. Vtrum moralitas actus humani sit aliquis modus realis intrinsecus, & respectivus. p.257
4. Vtrum terminus proximè & formaliter specificativus moralitatis formalis sit solum obiectum morale. p.260
5. Vtrum sit, & quid sit moralitas obiectiva. p.263
6. Vtrum Moralitas adequatè dividatur, ut superius essentiale in bonitatē & malitiā. p.265

DISPUTATIO XIX.

In eandem Quaestione.

De bonitate, & malitia Actuum humanorum in communi. p.267

- DVB. I. **V**trum idem numero Actus humanus possit simul esse moraliter bonus &

malus.

ibid.

2. Vtrum idem numero Actus humanus possit successivè esse moraliter bonus & malus. p.271
3. Vtrum idem numero actus humanus possit esse in duplici specie bonitatis, vel malitiae moralis. p.272
4. Vtrum utraque species bonitatis vel malitiae moralis, quam habet actus humanus ab obiecto & a fine, sit ei essentialis. p.275
5. Vtrum aliquis actus humanus sit indifferens secundum suam speciem. p.278
6. Vtrum aliquis actus humanus sit omnino indifferens in individuo. p.281

DISPUTATIO XX.

In eandem Quaestione.

De principiis bonitatis, & malitiae moralis. p.283

- DVB. I. **V**trum bonitas & malitia moralis ex obiecto proveniens actui humano, sit essentialis & omnino prima. *ib.*
2. Vtrum bonitas & malitia actus humani, proveniens ei ab obiecto, sit specifica specie infima. p.285
3. Vtrum ex circumstantiis proveniat actui humano aliqua bonitas vel malitia moralis. pag.288
4. Vtrum ex singulis circumstantiis proveniat actui humano aliqua bonitas vel malitia moralis. p.290
5. Vtrum aliquando circumstantia mutent speciem bonitatis vel malitiae moralis. p.293
6. Vtrum quilibet finis bonus conferat actibus humanis bonitatem, & malus conferat malitiam moralem. p.295
7. Vtrum bonus finis diminuat aliquo modo bonitatem, quam actus habet ex obiecto: & malus malitiam. p.298
8. Vtrum actus humanus debeat aliquo modo referri in finem, ut ab eo recipiat bonitatem vel malitiam. p.300

TRACTATUS SECVNDVS.

De Virtutibus, Vitiis, & Peccatis in communi.

DISPUTATIO I.

In Quaestione 55.

De natura Virtutis. p.305

- DVB. I. **V**trum virtus humana sit in genere qualitatis sub specie habitus. *ibid.*

2. Vtrum virtus humana sit habitus operativus. p.307
3. Vtrum in actu virtutis sit aliqua ratio correspondens per se habitui. p.310
4. Vtrum virtus rectè definiatur ab Augustino. pag.313
5. Vtrum possit quis malè uti virtute. p.316

DISPV

Et Dubiorum.

DISPUTATIO II.

In Questionem 55.

De subiecto Virtutis. p. 320

- DVB. I. **V**trum in Deo sint virtutes. *ibid.*
 2 Vtrum in Angelis sint virtutes. p. 321
 3 Vtrum una & eadem virtus possit esse in di-
 versis potentiis. p. 324
 4 Vtrum in appetitu sensitivo sint virtutes pro-
 prie dicta. p. 326
 5 Vtrum in voluntate sint virtutes in ordine ad
 bonum connaturale proprii suppositi. p. 329

DISPUTATIO III.

In eandem Questionem.

De Virtutibus moralibus infusis. p. 332

- DVB. I. **V**trum dentur aliqua virtutes mo-
 rales per se infusa nobis. *ibid.*
 2 Vtrum virtutes morales infusa sint in volunta-
 te, vel in appetitu sensitivo. p. 336
 3 Vtrum virtutes morales infusa possint actibus
 nostris acquiri. p. 338
 4 Vtrum virtutes morales tam infusa, quam ac-
 quisita sint necessario adinvicem & cum pru-
 dentia connexa. p. 341
 5 Vtrum virtutes morales tam infusa, quam ac-
 quisita sint necessario connexa cum charitate.
 pag. 345

DISPUTATIO IV.

In Questionem 71.

De vitiis & peccatis secundum se. p. 350

- DVB. I. **V**trum vitium contra naturalia sit
 proprie & directe contrarium
 virtuti acquisita. *ibid.*
 2 Vtrum vitium contra naturalia sit etiam pro-
 prie & directe contrarium virtuti per se in-
 fusa. p. 352
 3 Vtrum vitium contra supernaturalia sit proprie
 contrarium virtuti per se infusa. p. 355
 4 Vtrum malitia sit de intrinseca ratione vitij.
 pag. 358
 5 Vtrum vitium sit peius quam peccatum.
 pag. 360

DISPUTATIO V.

In eandem Questionem.

De natura peccati in genere. p. 362

- DVB. I. **V**trum omne peccatum sit de facto
 contra legem. *ibid.*
 2 Vtrum sit essenziale peccato, quod sit contra le-
 gem proprie dictam. p. 363
 3 Vtrum sit essenziale peccato, quod sit iniuria
 Dei ut legislatoris. p. 366
 4 Vtrum sit etiam essenziale peccato, quod sit in-
 iuria Dei ut ultimi finis. p. 368

DISPUTATIO VI.

In eandem Questionem.

De peccato commissionis. p. 370

- DVB. I. **V**trum ratio formalis constitutiva
 peccati commissionis sit deuomi-
 natio realis extrinseca. *ibid.*
 2 Vtrum ratio formalis constitutiva peccati com-
 missionis sit purum ens rationis. p. 371
 3 Vtrum ratio formalis constitutiva peccati com-
 missionis sit aliquid positivum. p. 373
 4 Vtrum ratio formalis constitutiva peccati com-
 missionis sit aliquid privativum. p. 375

DISPUTATIO VII.

In eandem Questionem.

De peccato omissionis. p. 378

- DVB. I. **V**trum actus, qui est causa vel occa-
 sio peccati omissionis, sit intrin-
 sece malus eadem malitia morali,
 qua ipsum peccatum omissionis. *ib.*
 2 Vtrum actus, qui est causa vel occasio peccati
 omissionis, habeat aliam malitiam à malitia
 omissionis. p. 380
 3 Vtrum actus pure concomitans peccatum omis-
 sionis, ex hoc ipso sit moraliter malus. p. 382
 4 Vtrum peccatum omissionis incipiat imputari,
 quando quis eam vult formaliter in seipsa,
 aut virtualiter in sua causa seu occasione.
 pag. 384
 5 Vtrum exterior omisio semper imputetur ad
 peccatum, dum actu fit. p. 385
 6 Vtrum puer perveniens ad usum rationis peccet
 peccato omissionis, si non statim se convertat
 in Deum. p. 387

Index Tractatum, Disputationum,

DISPUTATIO VIII.

In Quaestionem 72.

De distinctione peccatorum p. 394

- DVB. 1. **V**trum peccata differant specie secundum obiecta. p. 395
2. Vtrum peccata distinguantur specie etiam ex aliis principiis. p. 397
3. Vtrum peccatum commissionis, & peccatum omissionis distinguantur specie in esse morali. p. 399
4. Vtrum peccatum mortale & peccatum veniale distinguantur specie. p. 401

DISPUTATIO IX.

In Quaestiones 85. 86. & 87.

De effectibus peccatorum. p. 409

- DVB. 1. **V**trum inclinatio naturalis ad bonum diminuat per peccatum. p. 410
2. Vtrum mors & alij defectus corporales sint effectus peccati. p. 412
3. Vtrum macula, qua est effectus peccati sit privatio gratiae, & luminis naturalis rationis. p. 415
4. Vtrum reatus poenae sit effectus peccati. pag. 418
5. Vtrum per omne peccatum inducatur reatus poenae, tam damni, quam sensus. p. 420
6. Vtrum per omne peccatum inducatur reatus poenae aeternae. p. 423
7. Vtrum per omne peccatum inducatur reatus poenae infinitae. p. 426

TRACTATUS TERTIVS.

De Gratia Dei, externo actu humanorum principio.

DISPUTATIO I.

In Quaestionem 109.

De necessitate gratiae. p. 434

- DVB. 1. **V**trum sit necessaria gratia ad cognoscendum speculative verum naturale. ibid.
2. Vtrum homo sine gratia possit practice cognoscere aliquod verum morale practicum. p. 435
3. Vtrum peccatores, & infideles possint facere aliquod opus moraliter bonum. p. 437
4. Vtrum homo sine gratia possit facere aliquod opus moraliter bonum. p. 439
5. Vtrum sit necessaria gratia ad vincendas tentationes. p. 441
6. Vtrum homini sit necessaria gratia ad diligendum super omnia Deum ut finem naturalem. p. 442.
7. Vtrum homo sine gratia possit implere omnia praecepta legis. p. 444
8. Vtrum homo sine gratia possit implere praecepta supernaturalia. p. 446
9. Vtrum sit necessaria gratia ad credendum mysteria fidei. p. 447
10. Vtrum sit necessaria gratia, ut quis mereatur vitam aeternam, se disponat ad gratiam, & resurgat à peccato. p. 449
11. Vtrum homo iustus indigeat speciali privilegio

gratiae, ad vitandum omnia peccata venialia. p. 450

12. Vtrum homo iustus indigeat auxilio gratiae ad perseverandum. p. 452

DISPUTATIO II.

In Quaestiones 110. & 111.

De diuisione gratiae. p. 459

- DVB. 1. **V**trum Gratia diuidatur in internam & externam. ibid.
2. Vtrum alia sit gratia ordinis naturalis, alia ordinis supernaturalis. p. 460
3. Vtrum gratia diuidatur in gratiam gratum facientem, & gratis datam. p. 461
4. Vtrum gratia diuidatur in habituales & actuales. p. 462
5. Vtrum gratia diuidatur in excitantem, & adiutantem. p. 464
6. Vtrum gratia diuidatur in praeuenientem & subsequenter. p. 466
7. Vtrum gratia diuidatur in operantem, & cooperantem. p. 468
8. Vtrum gratia actualis diuidatur in sufficientem & efficacem. p. 470

DISPV

Et Dubiorum.

DISPUTATIO III.

In easdem Quaestiones.

De concursu Dei in ordine gratiæ cum
causis secundis. p. 474

DVB. I. **V**trum Deus auxilio gratia prae-
prædeterminet physicè liberum ar-
bitrium ad agendum. ibid.

2 Vtrum sententia de prædeterminatione physica,
maximè in ordine gratiæ, sit S. Augustini, &
D. Thoma. p. 477

3 Vtrum Deus prædeterminet liberum arbitrium
ad materiale peccati. p. 479

4 Vtrum facienti quod in se est Deus infallibiliter
des gratiam. p. 483

5 Vtrum Deus concurrat etiam simultaneè cum
causis secundis ad actus supernaturales.
p. 485

6 Vtrum à solo Deo sit, quod hic actus superna-
turalis in individuo producat. p. 487

7 Vtrum causa secunda sit causa principalis actus
supernaturalis. p. 488

8 Vtrum tam causa prima, quàm causa secunda
concurrant tantum partialiter ad actus su-
pernaturales. p. 491

9 Vtrum actus supernaturalis sit connaturalis
causa secunda eleuata. p. 493

10 Vtrum bonus usus auxiliorum gratiæ sit effectus
eorundem auxiliorum. p. 494

DISPUTATIO IV.

In easdem Quaestiones.

De concordia liberi arbitrij cum efficacia
diuinæ gratiæ. p. 496

DVB. I. **V**trum homo habeat liberum arbi-
trium, ita ut liberè operetur.
ibid.

2 Quid sit liberum arbitrium. p. 498

3 Vtrum voluntas, dum actu operatur, sit verè
libera. p. 500

4 Vtrum liberum arbitrium creatum habeat su-
premius dominium suorum actuum. p. 502

5 Vtrum liberum arbitrium creatum possit abjice-
re auxilium efficax diuinæ gratiæ, ei resiste-
re, & dissentire. p. 503

6 Vtrum collatio auxilij efficacis sit adequata cau-
sa, quod liberum arbitrium operetur, &
conuersetur p. 506

7 Vtrum auxilium efficax praueniens gratiæ
solat aut ladat liberum arbitrium. pag.
507

8 Vtrum si Deus ageret ex necessitate natura,

adhuc voluntas creata ageret liberè, & effec-
tentia in rebus. p. 509

9 Vtrum cohereat cum libertate voluntatis, quod
in sensu composito non possit elicere actum,
ad quem efficaciter pramouetur, dummodò
possit in sensu diuiso. p. 511

10 In quo consistat legitima concordia diuinæ præ-
definitionis & gratiæ efficacis cum libero ar-
bitrio. p. 513

DISPUTATIO V.

In Quaestionem 112.

De Gratia habituali. p. 516

DVB. I. **V**trum gratia habitualis sit aliquid
creatum in anima. p. 517

2 Vtrum gratia habitualis distinguatur à chari-
tate. p. 518

3 Vtrum solus Deus sit causa principalis gratiæ
habitualis. p. 520

4 Vtrum gratia habitualis educatur de potentia
obedientiali anima. p. 522

5 Vtrum gratia habitualis sit aequalis in omnibus
iustis. p. 523

6 Vtrum quis possit esse certus quod sit in gratia
Dei. p. 525

DISPUTATIO VI.

In Quaestionem 113.

De Iustificatione. p. 532

DVB. I. **V**trum in iustificatione impij fiat re-
missio peccatorum. ibid.

2 Vtrum in iustificatione impij sit infusio gratiæ,
& iustitia interna acquisitio. p. 534

3 Vtrum sola gratia habitualis sit forma nostra
iustificationis. p. 536

4 Vtrum de potentia absoluta possit remitti pec-
catum absque iustificatione interna. pag.
539

5 Vtrum de potentia Dei absoluta possint simul
esse gratia & peccatum. p. 541

6 Vtrum sola fides sit dispositio necessaria ad iusti-
ficationem impij p. 543

7 Qui actus requiratur, ut disponatur impius ad
iustificationem. p. 545

8 Vtrum actus contritionis vel charitatis, qui sunt
ultima dispositio ad iustificationem impij,
procedant à gratia habituali, & habitibus
infusis. p. 547

Index Tract. Disputat. & Dubiorum.

DISPUTATIO VII.

In Questionem 114.


De Merito.

P. 554

DVB. 1. **V**trum homo mereatur apud Deum.
ibid.

2 Vtrum homo mereatur primam gratiam, augmentum eius, & perseverantiam in ipsa.
p. 556

- 3 Vtrum homo iustus mereatur gloriam. p. 559
- 4 Quae conditiones requirantur ad meritum de condigno. p. 562
- 5 Vtrum positis conditionibus assignatis, omnes actus virtutum tam infusarum, quam acquisitarum sint meritorij. p. 566
- 6 Vtrum homo iustus qualibet actu bono mereatur augmentum gratiae & gloriae. p. 569
- 7 Vtrum S. Patriarcha noster Elias & Enoch nunc mereantur. p. 571
- 8 Vtrum merita per peccatum mortificata reuiviscant in iustificatione. p. 572
- 9 Vtrum Deus promittat vltra condignum, & puniat citra dignum. p. 575.



TRACTATUS



TRACTATUS PRIMVS
DE
VLTIMO FINE HOMINIS,
ET DE
ACTIBVS HVMANIS.
PROLOGVS.

POSTQVAM Diuus Thomas in prima parte Summæ Theologicæ egit prius de Deo Optimo Maximo, ut est in se Vnus & Trinus, & postea ut est principium creaturarum: in secunda parte eiusdem Summæ (quam eius discipuli, ob nimiam prolixitatem subdiviserunt in primam secundam, & in secundam secundam) agit de Deo, ut est ultimus finis creature intellectualis, & maxime hominis: & consequenter agit de actibus humanis, siue procedentibus ex libero hominis arbitrio, per quos homo ad hunc finem pervenire potest, vel ab eo deviare. Primò igitur agit de ultimo fine hominis, & de eius beatitudine, quæ in consecutione ultimi finis consistit. Deinde agit de actibus humanis absolute, & de quibusdam conditionibus eorum: quæ omnia primo hoc Tractatu complectemur. Postmodum agit de virtutibus, vitiis, & Peccatis in communi, quæ concomitantur actus humanos: & de his erit secundus noster Tractatus. Tandem agit in fine primæ secundæ de principiis exterioribus humanorum actuum, quæ sunt Lex & Gratia; lex quidem est principium per modum influentis & dirigentis: gratia autem per modum mouentis & adiuuantis: & de hoc ultimo, tanquam de celeberrima nunc Theologiæ materia, erit tertius noster Tractatus in primam secundam. Primus hic Tractatus continet duas partes, in quarum prima agitur de ultimo fine ac beatitudine, in secunda agitur de actibus humanis, ac de quibusdam eorum conditionibus, ut bonitate & malitia: prima pars complectitur quinque priores Quæstiones D. Thomæ; secunda verò incipit à sexta quæstione, & concluditur vigesima prima.



QVÆSTIO I.

De ultimo fine hominis, in octo articulis divisa.

Vbi primo considerandum occurrit de ultimo fine humanæ vitæ, & deinde de his, per quæ homo ad hunc finem pervenire potest, vel ab eo deviare. ex fine enim oportet accipere rationes, eorum, quæ ordinantur ad finem. Et quia ultimus finis humanæ vitæ ponitur esse beatitudo, oportet primum considerare de ultimo fine in communi, deinde de beatitudine.

- ¶ Circa primum quærentur octo.
- ¶ Primo, utrum hominis sit agere propter finem.
- ¶ Secundo, utrum hoc sit proprium rationalis naturæ.
- ¶ Tertio, utrum actus hominis recipiant speciem à fine.
- ¶ Quarto, utrum sit aliquis ultimus finis humanæ vitæ.
- ¶ Quinto, utrum variis hominis possint esse plures ultimi fines.

R. P. Philippi Carm. discal. Disp. Theol. in 1. 2.

- ¶ Sexto, utrum omnia homo ordinet in ultimum finem.
- ¶ Septimo, utrum idem sit finis ultimus omnium hominum.
- ¶ Octavo, utrum in illo ultimo fine omnes alie creature conveniant.

ARTICVLVS I.

Utrum homini conveniat agere propter finem.

AD PRIMUM sic proceditur. Videtur, quod homini non conveniat agere propter finem: causa enim naturaliter prior est suo effectui. Sed finis habet rationem ultimi, ut ipsum nomen sonat. Ergo finis non habet rationem causæ, sed propter illud agit homo quod est causa actionis, cum hac præpositio, propter, designet habitudinem causæ, ergo homini non convenit agere propter finem.

¶ 2. Præterea, illud quod est ultimus finis, non est propter finem: sed in quibusdam actionibus sunt ultimus finis, ut patet per Philosophum in primo Ethic. ergo non omnia homo agit propter finem.

Inf. ar. 2.
ar. 1. q. 1.
q. 23. ar. 5.

ar. 1. q. 1.
ar. 1. q. 1.
ar. 1. q. 1.
ar. 1. q. 1.
ar. 1. q. 1.

¶ 3. Præterea, illud quod est ultimus finis, non est propter finem: sed in quibusdam actionibus sunt ultimus finis, ut patet per Philosophum in primo Ethic. ergo non omnia homo agit propter finem.

ARTICVLVS IV.

Utrum sit aliquis ultimus finis humane vite.

4 AD QVARTVM sic proceditur. Videtur, quod non sit aliquis ultimus finis humane vite, sed procedatur in finibus in infinitum. Bonum enim secundum suam rationem est diffusivum sui, ut patet per Dionys. 4. cap. de divin. nomin. Si ergo quod procedit ex bono, ipsum etiam est bonum; oportet quod illud bonum diffusum aliud bonum, & sic processus boni est in infinitum. Sed bonum habet rationem finis. Ergo in finibus est processus in infinitum.

1 Præterea, Ea quæ sunt rationis, in infinitum multiplicari possunt, unde & mathematicæ quantitates in infinitum augentur. Species etiam numerorum propter hoc possunt esse infinitæ, quia dato quolibet numero, alium maiorem ex cogitare potes. Sed desiderium finis sequitur apprehensionem rationis. Ergo videtur quod in finibus procedatur in infinitum.

2 Præterea, Bonum & finis est obiectum voluntatis. Sed voluntas infinites potest reflecti supra seipsam, possum enim velle aliquid & velle me velle illud, & sic infinitum. Ergo in finibus humane voluntatis proceditur in infinitum, & non est aliquis ultimus finis humane voluntatis.

3 Præterea, quod Philosophus dicit 2. metaphys. quod qui infinitum faciunt, auferunt naturam boni. Sed bonum est quod habet rationem finis. Ergo contra rationem finis quod procedatur in infinitum. Necessè est ergo ponere vnum ultimum finem.

CONCLUSIO.

In finibus & his quæ propter finem sunt, non est processus in infinitum, sed sicut est aliquid primum, a quo incipit motus ad finem, ita est unus ultimus finis.

1 Respondetur dicendum, quod per se loquendo, impossibile est in finibus procedere in infinitum, ex quacunque parte, in omnibus enim, quæ per se habent ordinem ad invicem, oportet quod remoto primo, remoueatut ea quæ sunt ad primum. Unde Philosophus probat in 1. phys. quod non est possibile in causis mouentibus procedere in infinitum, quia non esset primum mouens: quo subtraheretur alia mouere non possunt, cum non moueant nisi per hoc quod mouentur à primo mouente. In finibus autem inuenitur duplex ordo scilicet ordo intentionis, & ordo executionis: & in utroque ordine oportet esse aliquid primum. Idem enim, quod est primum in ordine intentionis, est quasi principium mouens appetitum: unde subtrahito principio, appetitus à nullo moueretur. Id autem quod est principium in executione, est unde incipit operatio: unde isto principio subtrahito, nullus inciperet aliquid operari. Principium autem intentionis est ultimus finis, principium autem executionis, est primum eorum, quæ sunt ad finem. Sic ergo ex neutra parte possibile est in infinitum procedere, quia si non esset ultimus finis, nihil appeteretur, nec aliqua actio terminaretur, nec etiam quiesceret intentio agentis. Si autem non esset primum in his, quæ sunt ad finem, nullus inciperet aliquid operari, nec terminaretur consilium, sed in infinitum procederetur. Ea vero, quæ non habent ordinem per se, sed per accedens, sibi inuicem coniunguntur, nihil prohibet infinitatem habere: causæ enim per accedens indeterminatæ sunt, & hoc etiam modo contingit esse infinitatem per accedens in finibus, & his quæ sunt ad finem.

2 Ad primum ergo dicendum, quod de ratione boni est, quod aliquid ab ipso effluat, non tamen quod ipsum ab alio procedat, & ideo cum bonum habeat rationem finis, & primum bonum sit ultimus finis, ratio ista non probat, quod non sit ultimus finis, sed quod à fine primo supposito procedatur in infinitum inferius versus ea, quæ sunt ad finem, & hoc quidem competere si consideraretur sola virtus primi boni, quæ est infinita. Sed quia primum bonum habet diffusionem secundum intellectum, cuius est secundum aliquam causam certam producere in causata, aliquis certus modus adhibetur horum effluxus à primo bono, à quo omnia alia bona participant virtutem diffusivam: & ideo diffusio bonorum non procedit in infinitum, sed sicut dicitur Sapient. 11. Deus omnia disposuit in numero, pondere & mensura.

3 Ad secundum dicendum, quod in his quæ sunt per se, ratio incipit à principio naturaliter notis. & ad aliquid terminari proceditur: unde Philosophus probat in primo Posteriorum, quod in demonstrationibus non est processus in infinitum: quia in demonstrationibus attenditur ordo aliquorum per se ad invicem connexorum, & non per accedens, in his autem quæ per accedens connexuntur, nihil prohibet rationem in infinitum procedere. accidit autem quantitati aut numero præexistenti inquantum huiusmodi, quod ei addatur quantitas aut unitas: unde in huiusmodi nihil prohibet rationem procedere in infinitum.

4 Ad tertium dicendum, quod illa multiplicatio actuum voluntatis reflexæ supra seipsam per accedens, se habet ad ordinem finium: quod patet ex hoc quod circa vnum & eundem actum indifferenter semel, vel pluries supra seipsam voluntas reflectitur.

ARTICVLVS V.

Utrum unus hominis possint esse plures ultimi fines.

5 AD QVINTVM sic proceditur. Videtur, quod possibile sit voluntatem vnius hominis in plura ferri simul sicut in ultimis finibus. Dicit enim Augustinus 19. de ciuitate Dei, quod quidam ultimum hominis finem posuerunt in quatuor, scilicet in voluptate, in quiete, in bonis naturæ, & in virtute. hæc autem manifestè sunt plura. ergo vnus homo

R. P. Philippi Carm. discal. Diff. Theolog. in 1. 2.

potest constituere ultimum finem suæ voluntatis in multis. diff. 14. ar.

1 Præterea, Quæ non opponuntur ad invicem, se inuicem non excludunt, sed multa inueniuntur in rebus quæ sibi inuicem non opponuntur. ergo si vnum ponatur ultimus finis voluntatis, non propter hoc alia excluduntur. q. 1. ar. 1. c. 1. ar. 1.

2 Præterea, Voluntas per hoc quod constituit ultimum finem in aliquo, suam liberam potentiam non amittit: sed antequam constitueret ultimum finem suum in illo, puta in voluptate, poterat constituere finem suum ultimum in alio, puta in diuitiis. Ergo etiam postquam constituit aliquis ultimum finem suæ voluntatis in voluptate, potest simul constituere ultimum finem in diuitiis. Ergo possibile est vnius hominis voluntatem simul ferri in diuersa, sicut in ultimis finibus. q. 1. ar. 1. c. 1. ar. 1.

3 Ad contra, illud in quo quiescit aliquis sicut in ultimo fine, hominis affectui dominatur: quia ex eo totius vite sue regulas accipit. Unde de gulosis dicitur Philo. tertio, Quorum Deus venter est, quia scilicet constituit ultimum finem in deliciis ventris: sed sicut dicitur Matt. 7. Nemo potest duobus dominis seruire, ad inuicem scilicet non ordinatis: ergo impossibile est esse plures ultimos fines vnius hominis ad inuicem non ordinatos.

CONCLUSIO.

Cum illud appetat aliquis ut ultimum finem, quod appetit ut bonum perfectum, & completum sui ipsius: non possunt vnius hominis plures simul esse fines ultimi.

1 Respondetur dicendum, quod impossibile est quod voluntas vnius hominis simul se habeat ad diuersa sicut ad ultimos fines, cuius ratio potest tripliciter assignari.

1 Prima est, quia cum vnumquodque appetat suam perfectionem, illud appetit aliquis ut ultimum finem, quod appetit ut bonum perfectum, & completum sui ipsius. Unde Augustinus dicit 19. de ciuitate Dei. Finem hominum nunc dicimus, non quod consumitur ut non sit, sed quod perficitur ut plene sit. Oportet igitur quod ultimus finis ita impleat totum hominis appetitum, quod nihil extra ipsum appetendum relinquatur: quod esse non potest si aliquid extraneum ad ipsius perfectionem requiratur. Unde non potest esse quod in duo licet tendat appetitus, ac si vtrumque sit bonum perfectum ipsum.

2 Secunda ratio est, quia sicut in processu rationis principium est quod naturaliter cognoscitur, ita in processu rationalis appetitus qui est voluntas, oportet esse principium id quod naturaliter desideratur: hoc autem oportet esse vnum, quia natura non tendit nisi ad vnum: principium autem in processu rationalis appetitus est ultimus finis, unde oportet id, in quod tendit voluntas sub ratione ultimi finis, esse vnum.

3 Tertia ratio est, quia cum actiones voluntatis ex fine specie fortiantur, sicut supra habitum est, oportet quod à fine ultimo, qui est communis, fortiantur rationem generis, sicut & naturalia ponuntur in genere secundum formalem rationem communem. Cum igitur omnia appetibilia voluntatis inquantum huiusmodi sint vnius generis, oportet ultimum finem esse vnum: & præcipue quia in quolibet genere est vnum primum principium: ultimus autem finis habet rationem primi principii, ut dictum est: sicut autem se habet ultimus finis hominis simpliciter ad totum humanum genus, ita se habet ultimus finis huius hominis ad hunc hominem, unde oportet quod sicut omnium hominum est naturaliter vnus finis ultimus, ita huius hominis voluntas in vno ultimo fine statuatur.

4 Ad primum ergo dicendum, quod omnia illa plura accipiebantur in ratione vnius boni perfecti ex his constitui, ad his qui in eis ultimum finem ponebant.

5 Ad secundum dicendum, quod etsi plura accipi possunt quæ ad inuicem oppositionem non habeant: tamen bono perfecto opponitur quod sit aliquid de perfectione rei extra ipsam.

6 Ad tertium dicendum, quod potestas voluntatis non habet ut faciat opposita esse simul, quod contingeret si tenderet in plura disparata, sicut in ultimos fines: ut ex 2. dictis patet.

ARTICVLVS VI.

Utrum homo omnia quæ vult, velit propter ultimum finem.

7 AD SEXTVM sic proceditur. Videtur quod non omnia quæcunque vult homo, propter ultimum finem velit. ea enim quæ ad finem ultimum ordinantur, seruo dicuntur quasi villis: sed iocosa à seriis distinguuntur. Ergo ea quæ homo iocose agit, non ordinat in ultimum finem. q. 1. ar. 1. c. 1. ar. 1.

1 Præterea, Philosophus dicit in principio 2. metaph. quod scientiæ speculatiue propter seipsas quaeruntur: nec tamen potest dici quod quilibet earum sit ultimus finis. Ergo non omnia quæ homo appetit, appetit propter ultimum finem. q. 1. ar. 1. c. 1. ar. 1.

2 Præterea Quicumque ordinat aliquid in finem, cogitat de illo fine: sed non semper homo cogitat de ultimo fine in omni eo quod appetit aut facit: non ergo omnia homo appetit, aut facit, propter ultimum finem. q. 1. ar. 1. c. 1. ar. 1.

3 Ad contra est, quod dicit Augustinus 19. de ciuitate Dei, illud est finis boni nostri, propter quod amantur cetera, illud autem propter seipsam.

CONCLUSIO.

Cum ultimus finis hoc modo se habeat in mouendo appetitum sicut se habet in aliis motionibus primum mouens, sine quo non mouentur cause secundæ: oportet quæcunque vult homo, velit propter ultimum finem.

1 Respondetur dicendum, quod necesse est, quod omnia quæ homo appetit, appetat propter ultimum finem, & hoc apparere duplici ratione. Primo quidem quia quicquid homo appetit, appetit sub ratione boni: quod quidem si non appetitur ut bonum perfectum, quod est ultimus finis, necesse est ut appetatur ut tendens in bonum perfectum, quia semper

per inchoatio alicuius ordinatur ad consummationem ipsius; sicut patet tam in his quæ sunt à natura, quàm in his quæ sunt ab arte: & ita omnis inchoatio perfectionis ordinatur in perfectionem consummatam, quæ est propter ultimum finem. Secundo, quia ultimus finis hoc modo se habet in mouendo appetitum, sicut se habet in aliis motionibus primum mouens. Manifestum est autem quod causa secunda mouens, non mouet nisi secundum quod mouetur à primo mouente: unde secunda appetibilis non mouet appetitum nisi in ordine ad primum appetibile, quod est ultimus finis.

Ad primum ergo dicendum, quod actiones ludicæ non ordinantur ad aliquem finem extrinsecum: sed tantum ordinantur ad bonum ipsius ludentis: prout sunt delectantes vel requiem præstantes. bonum autem consummationem hominis est ultimus finis eius.

Et similiter dicendum **A**d secundum de scientia speculatiua, quæ appetitur ut bonum quoddam speculatiua, quod comprehenditur sub bono completo & perfecto, quod est ultimus finis.

Ad tertium dicendum, quod non oportet ut semper aliquis cogitet de ultimo fine, quandoque aliquid appetit vel operatur: sed virtus primæ intentionis quæ est respectu ultimi finis manet in quolibet appetitu cuiuscunque rei: etiam si de ultimo fine actu non cogitetur: sicut non oportet, quod quis vadit per viam, in quolibet passu cogitet de fine.

ARTICVLVS VII.

Vtrum sit vnus ultimus finis omnium hominum.

AD PRIMUM sic proceditur. Videtur, quod non omnium hominum sit vnus finis ultimus: maxime enim videtur ultimus finis esse hominis incommutabile bonum: sed quidam auertuntur ab incommutabili bono, peccando: non ergo omnium hominum vnus est ultimus finis.

Respondeo dicendum, quod ad ultimum finem tota vita hominis regulatur. si igitur esset vnus ultimus finis omnium hominum, sequeretur quod in hominibus non essent diuersa studia viuendi: quod patet esse falsum.

Respondeo dicendum, quod ad ultimum finem actiones autem sunt singularium; homines autem etiam conueniunt in natura speciei: tamen differunt secundum ea quæ ad indiuiduum pertinent: non ergo omnium hominum est vnus ultimus finis.

Sed contra est, quod Augustinus dicit 1. de trinit. quod omnes homines conueniunt in appetendo vltimum finem, qui est beatitudo.

CONCLUSIO.

Tamen vnus est ultimus finis formaliter omnium hominum, multiplicatur tamen ea quæ per varia studia homines ut vltimos fines assequi conantur.

Respondeo dicendum, quod de ultimo fine possumus loqui dupliciter: vno modo secundum rationem ultimi finis: alio modo secundum id, in quo finis ultimi ratio inuenitur. Quantum igitur ad rationem ultimi finis, omnes conueniunt in appetitu finis ultimi: quia omnes appetunt suam perfectionem adimpleri, quæ est ratio ultimi finis, ut dictum est. Sed quantum ad id, in quo ista ratio inuenitur, non omnes homines conueniunt in ultimo fine: nam quidam appetunt diuitias tanquam consummatum bonum, quidam verò voluptatem, quidam verò quodcumque aliud. Sicut & omni gustui delectabile est dulce, sed quibusdam maxime delectabilis est dulcedo vini, quibusdam dulcedo mellis, aut alicuius talium: illud tamen dulce oportet simpliciter esse melius delectabile in quo maxime delectatur, quia habet optimum gustum: & similiter illud bonum oportet esse completissimum, quod tanquam vltimum finem appetit habens affectum bene dispositum.

Ad primum ergo dicendum, quod illi qui peccant, auertuntur ab eo: in quo verè inuenitur ratio ultimi finis: non autem ab ipsa ultimi finis intentione, quam quæruunt falso in aliis rebus.

Ad secundum dicendum, quod diuersa studia viuendi contingunt in hominibus propter diuersas res, in quibus quæritur ratio summi boni.

Ad tertium dicendum, quod etiam actiones sunt singularium, tamen primum principium agendi in eis est natura, quæ tendit ad vnum, ut dictum est.

ARTICVLVS VIII.

Vtrum in illo ultimo fine alia creatura conueniant.

AD OCTAVVM sic proceditur. Videtur, quod in vltimo fine hominis etiam omnia alia conueniant. finis enim responderi principio: sed illud quod est principium hominum, scilicet, Deus; est etiam principium omnium aliorum: ergo in ultimo fine hominis omnia alia conueniunt.

Respondeo dicendum, quod ad ultimum finem omnia ad seipsum tanquam ad vltimum finem: sed ipse est vltimus finis hominis, quia solo ipso fruendum, est ergo in fine ultimo hominis etiam alia conueniunt.

Respondeo dicendum, quod ad ultimum finem hominis est obiectum voluntatis: sed bonum voluntatis est bonum vniuersale, quod est finis omnium: ergo necesse est, quod in ultimo fine hominis omnia conueniant.

Sed contra est, quod vltimus finis hominum est beatitudo quam omnes appetunt: ut August. 1. dicit: sed non cadit in aliqua alia expertia rationis, ut beata sit: sicut Augustinus dicit in libr. 1. quæstionum; non ergo in ultimo fine hominis alia conueniunt.

CONCLUSIO.

Quamvis Deus sit vltimus finis omnium rerum, non est vnus, sed vnus est finis omnium rerum, & aliarum creaturarum ratione carentium & aliorum vltimus finis quantum ad illius consecutionem & adeptionem.

Respondeo dicendum, quod sicut Philosophus dicit in 1. Metaphys. finis dupliciter dicitur, scilicet, cuius & 1. meta. quo, id est ipsa res, in qua ratio boni inuenitur, & vnus siue acceptio illius rei: sicut si dicamus, quod motus corporis grauis finis est vel locus inferior, ut res: vel hoc quod est esse in loco inferiori, ut vnus: & finis avari est vel pecunia, ut res, vel possessio pecunie, ut vnus. Si ergo loquamur de ultimo fine hominis: quantum ad ipsam rem, quæ est finis; sic in ultimo fine hominis omnia alia conueniunt: quia Deus est vltimus finis hominis & omnium aliarum rerum. Si autem loquamur de ultimo fine hominis quantum ad consecutionem finis, sic in hoc fine hominis non communicant creaturæ irrationales, nam homo & alia rationales creaturæ consequuntur vltimum finem, cognoscendo & amando Deum, quod non competit aliis creaturis, quæ adipiscuntur vltimum finem, in quantum participant aliquam similitudinem Dei secundum quod sunt, vel viuunt, vel etiam cognoscunt.

Et per hoc patet responsio ad obiecta: nam beatitudo nominatur adeptionem vltimi finis.

DISPUTATIO I.

De Fine actuum humanorum in communi.

SUMMA Diuus Thomas in hac parte suæ summæ Theologicæ, assumpserit probandum, quod Deus optimus maximus sit vltimus finis, ac beatitudo obiectiua creaturæ intellectualis; ad quem debent dirigi omnes eius actiones: ideo statim a principio, incipiens ab vniuersalioribus consueta mirabili sua methodo, agit de ultimo fine hominis in communi; de quo in præsentī disputatione nos etiam agimus.

DVBIUM I.

Vtrum soli Fini conueniat intrinsecè ratio boni.

SUPPONENDUM est, quod hoc dubium potest etiam proponi sub aliis terminis: Vtrum scilicet, non tantum finis: sed etiam media participant intrinsecè rationem boni: sed ut constat hi duo modi in idem coincidunt. Ad horum igitur euidentiā sciendum est, quod in bono transcendentali siue obiectiuo, de quo solo in præsentī agimus, quatuor reperiuntur. Primum est, quod sit in se perfectum & integrum, siue quod habeat quæ sunt sibi debita secundum exigentiam suæ naturæ: unde D. Th. 1. p. q. 5. dicit bonum esse idem quod perfectum. Secundum est, quod sit perfectum alterius, siue quod habeat relationem conuenientiam, in ordine ad propriam naturam ipsius: & ita D. Thomas qu. 1. de veritate art. 1. ait: Conuenientiam entis ad appetitum exprimit hoc nomen bonum; unde in principio Ethicorum dicitur, Bonum est, quod omnia appetunt: conuenientiam verò entis ad intellectum exprimit hoc nomen verum. Tertium est, quod sit proximè appetibile: ex hoc enim quod aliquid est perfectum alterius, est proximè ab illo apponibile, cum vnumquodque appetat suam perfectionem naturaliter. Quartum tandem est, quod actu appetatur: quod enim est appetibile, facile appetitur: Ex his quatuor primum est materiale, & quasi

quasi præsuppositum fundamentum ad formalem rationem boni: ut enim aliquid sit perfectum alterius, in quo formalis ratio boni consistit, debet prius in seipso esse perfectum; solius quippe perfecti est perficere. Secundum est formale, siue ratio formalis ipsius boni, ut constat ex adducta autoritate D. Thomæ nec sibi contradicit idem Angelicus doctor, dum 1. p. q. 5. bonum vocat id quod est perfectum: tum quia ibi sumit perfectum; non passiuè, quod scilicet in seipso est tale; sed actiuè, quod scilicet est aliis perfectum, ac proinde perfectum aliorum: tum quia si sumat ibi perfectum passiuè & in seipso; non sumit illud, quasi sit formalis & essentialis ratio boni; sed sumit quasi præsuppositum necessariò fundamentum, & rationem à priori bonitatis ipsius: & ita declarat rationem formalem boni ex fundamento ipsius, sicut etiam aliquando illam declarat ex appetibilitate, quæ est tantum eius proprietas. Tertium est proprietas ipsius boni: per hoc enim quod aliquid sit perfectum alicuius, ac bonum ipsius; sequitur quod sit proximè ab illo appetibile, & sic appetibilitas est proprietas boni. Quartum est accidens respectu boni: potest enim stare bonum in se appetibile, absque eo quod actu appetatur. Ex his constat, in quo consistat ratio boni posita in titulo præsentis dubij: & de qua queritur, verum soli fini intrinsecè conueniat. Finis autem est terminus rei: & determinando ad præsentem materiam actuum humanorum, finis est terminus ad quem diriguntur actus humani; & dicitur finis intentionis. Definitur finis à Philosopho 1. Ethicorum cap. 7. & alibi sic: Finis est cuius gratia cætera fiunt: ex qua definitione communiter recepta colligitur: quod duo fini conueniunt. Primum & principalius est, quod propter se appetatur: & hoc est omnino ei essentialis, ac penitus indispensabile. Secundum est, quod alia propter ipsum appetantur: & hoc est complementum ipsius finis, & naturaliter consequens per modum proprietatis ad illud primum: imò per ipsum, quasi magis notum, Philosophus in adducta definitione explicat naturam finis, dum ait: Finis est, cuius gratia cætera fiunt. Finis diuiditur per modum totius actualis in suas partes integrantes, in finem cuius gratia, & in finem cui: Finis cuius gratia, est obiectum illud bonum, quod propter se appetitur, & cætera propter ipsum: Finis cui est subiectum, cui tale bonum appetitur. Finis cuius gratia subdiuiditur eodè modo per modum totius actualis in suas partes integrantes, in finem qui siue cuius, & in finem quo: Finis qui siue cuius, est obiectum illud bonum, quod propter se appetitur; & vocatur propterea finis obiectiuus: Finis quo est adeptio & consecutio illius boni; & vocatur finis formalis. Ratio autem, cur hæc diuisio & subdiuisio sint totius actualis in suas partes integrantes: & non totius potentialis in suas species completas, est manifesta, quia non quilibet ex

his finibus assignatis sigillatim sumptus mouet appetitum; sed debent omnes simul concurrere ad illum mouendum: non enim appetitur aliquid bonum, nisi alicui appetatur ab ipso habendum. Aliæ sunt diuisiones finis, de quibus infra agetur, ut in proximū & remotum, in vltimum & non vltimum. Ex hac diuisione finis satis constat; quod in præsentis dubio (dum querimus: verum soli fini conueniat intrinsecè ratio boni) intelligitur finis cuius gratia, siue qui & obiectiuus; ita ut ipse solus habeat intrinsecè bonitatem; media autem illam tantum extrinsecè participant. Medium verò nihil est aliud, quam via per quam itur ad vltimum: & in præsentis materia, nihil est aliud, quàm illud per quod voluntas tendit ad exequendum finem: medium quippe præcedit finem ordine executionis, sublequitur autem ordine intentionis: ideo enim eliguntur media, quia intenditur finis: & finis propter se appetitur, media verò ut sic tantum appetuntur propter finem, & ratio volendi media, est bonitas ipsius finis, in quantum sunt vtilia & conducentia ad eius assecutionem: vnde D. Th. 1. p. q. 5. art. 6. ad 2. ait: Vtilia dicuntur, quæ non habent in se vnde desiderantur; sed desiderantur solum, ut sunt ducentia in alterum; sicut sumptio medicinæ amaræ.

Prima opinio Suaris disp. 10. Metaphys. sect. 11. & Aliorum asserit soli fini conuenire intrinsecè rationem boni, extrinsecè verò mediis: vnde negat omnem bonitatem intrinsecam mediis, dicens quod solum denominantur extrinsecè bona ab vna & eadem bonitate intrinseca fini. Probatur multiplici autoritate D. Thom. quæst. 24. de veritate art. 6. sic ait: Tota ratio appetibilitatis eius, quod est ad finem in quantum huiusmodi, est finis. Item 1. Ethicorum lect. 9. ait: Est aliquid, quod appetitur non propter aliquam formalem bonitatem in ipso existentem, sed solum in quantum est vtile ad aliquid, sicut medicina amaræ. Quod amplius declarat 1. p. q. 5. art. 6. ad 2. dicens: Vtilia dicuntur, quæ non habent in se vnde desiderantur; sed desiderantur solum, ut sunt ducentia in alterum; sicut sumptio medicinæ amaræ. Et tandem infra q. 20. art. 3. ad 3. sic ait: Quando aliquid ex vno deriuatur in alterum, sicut ex causa agere vniuocatur aliud est, quod est in vtroque, sicut cum calidum calefacit, alius numero est calor calefacientis, & calor calefacti, licet idem specie, Sed quando aliquid deriuatur ab vno in alterum, secundum analogiam vel proportionem; tunc est tantum vnum numero: sicut à sano, quod est in corpore animalis, deriuatur sanum ad medicinam & vrinam; nec alia sanitas est medicinæ & vrinæ, quam sanitas animalis, quam medicina facit, & vrina significat: constat autem ex D. Th. 1. p. q. 5. art. 6. quod bonum est analogum proportionis & attributionis ad bonum honestum, & delectabile, & vtile: & ita cum solum bonum vtile conueniat

mediis, media important tantum extrinsecè bonitatem finis, nec ullam habent intrinsecam.

Secundò, si media ut talia haberent aliquam bonitatem intrinsecam, allicerent & mouerent ad se ipsam voluntatem: imò specificarent volitionis actum ad seipsam terminatum; voluntas quippe mouetur à quocumque bono, sicut & actus eius specificatur à quocumque bono terminante, cum bonum sit obiectum voluntatis: sed media ut talia non alliciunt, nec mouent voluntatem, nec specificant actum eius ad ipsam terminatum, ut docet D. Th. infra q. 8. art. 2. dicens: Omnis actus denominatus à potentia nominat simplicem actum illius potentie: sicut intelligere nominat simplicem actum intellectus: simplex autem actus potentie est in id, quod est secundum se obiectum potentie id autem quod est propter se bonum & volitum, est finis; unde voluntas proprie est ipsius finis: ea verò, quæ sunt ad finem, non sunt bona, vel volita propter seipsa, sed ex ordine ad finem; unde voluntas in ea non fertur, nisi quatenus fertur in finem; unde hoc ipsum quod in eis vult, est finis: ergo media ut talia non habent aliquam bonitatem, intrinsecam; ac proinde soli fini conuenit intrinsecè ratio boni, maxime cum sint aliqua media, quæ nullam habent entitatem realem, ut sunt omissiones aliquorum actuum in ordine ad aliquem finem obtinendum; & consequenter non habent intrinsecam bonitatem, quæ consequitur per modum proprietatis entitatem realem.

Tertiò, Media ut sic sunt entia relatiua, ordinata & tendentia in finem, ut communiter conceditur; ita ut totum eorum esse sit esse ad finem: sed entia relatiua ut talia, siue secundum esse ad nullam dicunt bonitatem intrinsecam in doctrina D. Th. & ipse D. Thomas infra q. 7. art. 2. ad 1. docet quod in his, quæ ad aliquid dicuntur, denominatur aliquid, non solum ab eo quod inest, sed etiam ab eo quod extrinsecus adiacet: ergo media ut sic nullam dicunt bonitatem intrinsecam, at tantum denominantur bona extrinsecè à bonitate finis; cui soli proinde conuenit intrinsecè ratio boni. Cuius signum est, quod media ut sic ita sunt bona, quod sublata bonitate finis, nullatenus bona remaneant, etiam si in seipsis non mutantur intrinsecè, ut constat in eadem medicina, quæ est bona respectu hominis indigentis sanitate, & mala respectu hominis sani.

CONCLUSIO.

RESPONDEO dicendum, quod non soli fini conuenit intrinsecè ratio boni: sed etiam conuenit intrinsecè mediis ut sic. 2. quamuis non æqualiter & vniuocè: fini quippe conuenit per se primò, & absolutè; mediis verò secundariò, & per dependentiam ac respectum ad finem. 3. Unde solus finis habet propriam bonitatem in se, & à se; media autem habent quidem bonitatem in se, sed non à se, at participatam & dependentem à fine. 4. propterea bonum, quod est finis, est

per se primò, & absolutè bonum: bonum autem, quod intrinsecè reperitur in mediis, est tantum bonum secundarium, diminutum, & secundum quid. Ac proinde, quamuis bonum in tota sua latitudine se extendat ad finem & ad media: tamen bonum, quod primariò & absolutè est tale, dicitur ad conuertentiam cum fine. Ita docent in presenti communiter discipuli D. Thomæ, & alij Theologi, quos adducunt Nostri Salmanticenses disp. 1. dubio 1.

Probatur prima pars conclusionis autoritate Philosophi & D. Thomæ. Philosophus lib. 1. magnorum moralium cap. 5. ait: Bonorum quædam sunt fines; quædam verò non: constat autem quod illa bona, quæ non sunt finis, debent esse media. Deinde 2. Ethicorum cap. 3. adducit traditam ab Antiquis, & communiter receptam diuisionem boni in honestum, delectabile, & vtile: constat autem quod sicut bonum honestum & delectabile est proprium fini, sic bonum vtile est proprium mediis. D. Thomas 1. p. q. 83. art. 3. ait: Proprium obiectum electionis est illud, quod est ad finem: hoc autem in quantum huiusmodi habet rationem boni quod dicitur vtile. Et infra quæst. 8. art. 2. ait: Ratio autem boni, quod est obiectum potentie voluntatis, inuenitur non solum in fine, sed etiam in his quæ sunt ad finem; videlicet in mediis, Tandem 2. 2. q. 33. art. 6. ad 3. ait: Ea quæ ordinantur ad finem, habent rationem boni ex ordine ad finem. Quæ testimonia manifestè dicunt in mediis ut sic esse aliquam bonitatem, dependentem quidem à fine ad quem ordinantur; intrinsecam tamen ipsis; hanc quippe importat particula *in*, & non bonitatem extrinsecam: maxime quia bonitas mediorum dicitur esse eorum utilitas & ordo in finem; quæ duo sunt intrinseca mediis: quod amplius exprimit D. Thomas in 2. d. 21. q. 1. art. 3. vbi sic ait: Aliquid tamen est quod in se bonitatem habet, non tamen appetitur, si absolutè consideretur; sed ex ordine ad finem bonitatem quandam sortitur, quæ utilitas nominatur.

Secundò, probatur ratione D. Th. 1. p. q. 5. art. 6. quam sic proponit: Bonum est aliquid in quantum est appetibile, & terminus motus appetitus: cuius quidem motus terminatio considerari potest ex consideratione motus corporis naturalis. Terminatur autem motus corporis naturalis simpliciter quidem ad vltimū, secundum quid autem etiam ad medium, per quod itur ad vltimum, quod terminat motum; & dicitur aliquid terminus motus, in quantum aliquam partem motus terminat, &c. Sic ergo in motu appetitus id quod est appetibile, terminans motum appetitus secundum quid, ut medium per quod tenditur in aliud, vocatur vtile, &c. Quæ ratio sic amplius expenditur: Media ut talia terminant secundum quid, siue aliquo modo motum appetitus, & vltèrius eum dirigunt ad finem, in quo simpliciter terminatur; quod secundum quid terminent talem

lem appetitum; prouenit tum quia sunt quædam participatio & inchoatio ipsius finis, sicut dispositio est quædam participatio & inchoatio formæ; tum quia media habent in seipsis quandam proportionem & conuenientiã cum fine, ratione cuius ad illum perducunt; & propterea hæc media potius eliguntur, quàm alia ad assequendum hunc finem: ratione verò talis conuenientiæ & proportionis cum fine, habent etiam conuenientiam & proportionem cum appetitu intendente assecutionem finis, ut illum ad suipsorum electionem præ aliis moueant; cui enim est conueniens assecutio alicuius termini, est etiam conueniens via & medium proportionatum tali assecutioni: si autem media mouent appetitum ad suipsorum electionem, quamuis dependenter à fine; etiã illum terminant secundum quid, dependenter tamen à fine, id est in ordine ad ipsum, tanquam ad vltimum in quo simpliciter terminatur; media quippe sunt via, qua peruenitur ad finem: ergo non soli fini conuenit intrinsecè ratio boni, sed etiam conuenit intrinsecè mediis ut sic; quod enim mouet appetitum ad se, & aliquo modo illum in se terminat, ratione cōuenientiæ & proportionis, quam cum illo habet, habet in se, ac proinde intrinsecam bonitatem, cum sola bonitas sit ratio formalis qua mouetur appetitus. Quod amplius declaratur duplici instantia. Prima adducitur in ratione D. Th. ex motu corporis naturalis: per hoc enim quod corpus graue mouetur connaturaliter ad centrum, tanquam ad suum locum naturalem, in quo eius motus vltimò terminetur & ibi quiescat, propter proportionē & conuenientiam, quam cum eo habet, ut in eo conseruetur; etiam connaturaliter mouetur ad medium, quo peruenire potest ad centrum, quod medium habens proportionē & conuenientiã cum centro, etiam habet proportionem & conuenientiã cum corpore graui, ut secundum quid & aliquo modo eius motum terminet: & quò mediū magis accedit ad centrum, ac proinde maiorem cum illo habet conuenientiam, eò magis allicit ad se corpus graue, ut experientia constat, videmus enim quod corpus graue quantò magis accedit deorsum, tantò velocius mouetur; quod ex eo prouenit, quòd virtus quā graue tendit in centrum, est quædā participatio virtutis conseruatiuæ eius dum existit in centro, ac proinde per approximationē ad centrum magis confortatur & roboratur, ac ita velocius mouet, ut docent Aristoteles & D. Th. lib. 1. de cælo lect. 17. Secunda instantia adducitur à D. Th. infra q. 8. art. 2. & sic proponitur: Eo modo se habet finis in practicis, quo se habet principium in speculatiuis: & eo modo se habet mediū in practicis, quo se habet conclusio in speculatiuis; & hoc propter sympathiam intellectus & voluntatis, fundatā tamen in diuerso vtriusque modo procedendi ad suum obiectum: intellectus quippe, per hoc quod at-

trahit quodammodo ad se obiectum, ex principiis naturaliter cognitis mouetur ad deducendas conclusiones: voluntas autem, quia trahitur ab obiecto cognito, ex intentione eius mouetur ad eligenda media, quibus ad illud perueniat: sed conclusiones deductæ ex principiis habent suam propriam veritatē intrinsecam, distinctam à veritate principiorum, ratione cuius terminant secundum quid intellectum, intelligentem actum scientiæ actualis; quæ tamen veritas conclusionum est participata & dependens à principiis, à quorum veritate intellectus simpliciter terminatur, in quantum intellectus per reditum ad principia quiescit, resoluendo ad ipsa deductas conclusiones, earumque veritatem in ipsis contemplan- do; nam & veritas principiorum relucet in conclusionibus, & veritas conclusionum radicitur in principiis: ergo media ordinata ad finem habent etiam suam propriam bonitatem intrinsecam, distinctam à bonitate finis, ratione cuius terminant secundum quid voluntatem procedentem actu electionis; quæ tamen bonitas medi- orum est participata & dependens à fine, in quo adepto voluntas quiescit.

Probaturs secunda pars conclusionis. Tum auctoritatibus & argumentis adductis pro prima opinione, quæ hanc partem efficaciter probant. Tum duplici expressa auctoritate D. Thomæ. Prima habetur quæst. 1. de malo art. 2. vbi sic ait: Loquendo de bono absolutè, bonum habet amplissimam extensionem: cum enim bonum sit id quod est appetibile, id quod est secundum se appetibile, est secundum se bonum; hoc autem est finis: sed quia ex hoc quod appetimus finē, sequitur quod appetamus, ea quæ ad finem ordinantur: consequens est, ut ea quæ ordinantur ad finem, ex hoc ipso quod in finem vel bonum ordinantur, boni rationē obtineant: Vnde vtilia sub diuisione boni comprehenduntur. Secunda habetur q. 21. de veritate ar. 1. vbi sic ait: Primò & principaliter dicitur bonum ens perfectiū alterius per modum finis; sed secundariò dicitur aliquid bonum, quod est ductiū in finem, propt̃ vtile dicitur bonum.

Secundò, probatur ratione: Bonum est perfectiū alterius, ac proinde est obiectum appetitus per modum conuenientis, ut constat ex dictis, & communiter conceditur: finis & media non habēt æqualiter & vniuocè, quod sint perfectiū alterius, quod sint obiectū appetitus per modum conuenientis; hoc enim habet finis per se primò, perfectè & simpliciter, ac à se independenter à mediis; media verò hoc habent tantum secundariò, imperfectè & secundum quid, ac participatiuè & dependenter à fine; cuius signum est, quod appetitus non quiescit acquisitis mediis, sed per illa vltius tendit in finem, quo adepto quiescit: ergo ratio boni conueniens intrinsecè tam fini, quam mediis; non tamen æqualiter & vniuocè illis conuenit, sed fini conuenit per se primò

primò, & absolutè ; mediis verò secundariò, & per dependentiam ac respectum ad finem.

Probatur tertia & quarta pars conclusionis. Tum ex dictis. Tum autoritate Aristotelis & D. Thomæ: Philosophus enim. 1. Ethicorum cap. 1. pro eodem sumunt bonū & finem: ait quippe: Bonum est, quod omnia appetunt; & subdit: Finium autem differentia quædam est &c. Et cap. 7. ait: Id quod unicuique est bonum, eidem etiam est finis. Et 2. Metaphysicæ textu 8. sic habet: Qui tollunt finem, tollunt rationem boni: Quod exponens D. Thomas lect. 4. ait: Remota causa finali remouetur natura & ratio boni, eadem enim ratio boni & finis est. Quæ omnia manifestè probant, quod solus finis habet propriam bonitatem in se, & à se; media autem habent quidem bonitatem in se, sed non à se, ac participatam & dependentem à fine propterea bonum quod est finis, est per se primò, & absolutè bonum: bonum autem, quod intrinsecè reperitur in mediis, est tantum bonum secundarium, diminutum, & secundum quid: ac proinde, quamuis bonum in tota sua latitudine se extendat ad finem & ad media; tamen bonum, quod primariò & absolutè est tale, dicitur ad conuertentiam cum fine. Cuius signum manifestum est, quod media secundum se ac præcisè sumpta non sunt sufficientia ad alliciendum mouendum, & terminandum appetitum; quia sic præcisè non sunt perfectiua appetentis simpliciter & absolutè, ac tantum participatiuè & dependentèr à fine, ac per ordinem ad ipsum & consequenter secundum se ac præcisè sumpta non sunt bona; sicut secundum se ac præcisè finis est simpliciter bonus.

Ad primum ergo dicendum, quod D. Thomas in primo loco solum excludit à mediis primariam & absolutam appetibilitatem, siue quæ sit in mediis à seipsis: non autem excludit appetibilitatem à fine: Vnde D. Thomā dicere quod tota ratio appetibilitatis eius quod est ad finem, siue medij in quantum huiusmodi, est finis; idè est ac dicere quod tota ratio appetibilitatis medij in quantum huiusmodi, est participata & dependens à fine. In secundo loco excludit tantum à mediis bonitatem formalem intrinsecam, quæ sit independens, ac per se sufficiens mouere appetitum, qualis est bonitas finis: non autem excludit bonitatem formalem intrinsecam, diminutā, dependentem, ac insufficientem seipsa mouere appetitum: quod colligitur ex ipso textu; nam utilitas intrinseca mediis est quædam formalis bonitas in eis existens: In tertio loco solum vult, quod media in seipsis præcisè, & absque ordine ad finem, non habent vnde sint desiderabilia; quia eorum bonitas non est absoluta & independens à fine, sed est ab illo participata & dependens, & ordinata ac conducens ad ipsum acquirendum. In quarto loco solum intendit, quod analogæ attributionis quatenus talia, dicuntur unicam formam intrinsecam principali analogatæ, à

qua cætera analogata extrinsecè denominantur: negatur tamen, quod bonum sit tantum analogum attributionis ad honestum, delectabile, & utile; est enim analogum proportionalitatis propriæ; quæ importat formam intrinsecam denominantem in omnibus analogatis, quia inter ipsa non est ordo omnimodæ dependentiæ in essendo ac in definiendo, sicut est inter analogata attributionis; quamuis possit esse inter ipsa ordo dignitatis, ut contingit in præsentibus; nam ex D. Th. 1. p. q. 5. art. 6 ad 3. Bonū per prius prædicatur de honesto, secundariò de delectabili, tertio de utili.

Ad secundum dicendum, quantum ad primam partem, quod bonitas mediorum allicit quidem & mouet voluntatem ad seipsam, sed non ut in ea sistat & quiescat: quia talis bonitas, per hoc quod est participata & dependens à fine, & ad ipsum ordinata, solum potest terminare secundum quid voluntatem, & non simpliciter; & sic illam allicit & mouet ad se, ut illam perducatur ad finem. Quantum ad secundam partem dicendum, quod media specificant actum voluntatis ad ipsa terminatum, qui est electio specie distincta ab alio actu eiusdem voluntatis, qui est intentio finis. Nec est in autoritate D. Thomæ aliquid contrarium doctrinæ traditæ: imò illam confirmat & declarat. Ad illud quod subditur, dicendum vel quod præfens doctrina solum procedit de mediis positiuis, quæ habent intrinsecam entitatem & utilitatem, & quæ deseruiunt prosecutioni finis intenti per modum termini *ad quem*; non verò de mediis priuatiuis & negatiuis, & quæ per se primò deseruiunt tantum ad vitandum malum, quorum electio non tam est electio boni, quam vitatio mali. Vel dicendum cum D. Th. infra q. 8. art. 1 ad 3. quod illud, quod non est ens in rerum natura, accipitur ut ens in ratione: vnde negationes & priuationes entia dicuntur: in quantum igitur sunt huiusmodi entia, apprehenduntur sub ratione boni; & sic voluntas in ea tendit: vnde Philosophus dicit in 5. Ethicor. cap. 1. quod carere malo habet rationem boni.

Ad tertium dicendum, quod media ut sic sunt entia relatiua secundum dici, & non secundum esse, quamuis fundent relationem secundum esse. Et dato quod media essent relatiua secundum esse, adhuc haberent propriam & intrinsecam bonitatem: non quidem secundum esse *ad præcisè* sumptum, bene tamen secundum esse *in* importatum in omni relatione reali. D. Th. autem solum vult quod relatiua denominetur & ab eo quod inest, tanquam à forma intrinseca ut à bonitate intrinseca media denominantur bona: Et etiam ab eo quod extrinsecus adiacet, tanquam à radice prædictæ formæ, ac proinde denominationis illam consequentis. Ad illud quod subditur, dicendum quod tantum probat, bonitatem mediorum ut sic, ita dependere à bonitate finis, quod illā sublatā bonitas mediorum ut stare non possit: sicut nec eorum utilitas & entitas.

D V B I V M II.

Vtrum Finis semper sit nobilior mediis.

Supponendum est, quod finis diuiditur in Sproximum & remotum. Finis proximus dicitur ille, ad quem actus proximè, & immediatè dirigitur: qui etiam dicitur finis operis, ac finis intrinsecus; dicitur finis operis, quia est obiectum ipsius; dicitur autem finis intrinsecus, quia ab intrinseco actus ad illum ordinatur. Finis remotus dicitur ille, ad quem actus remotè & mediatè, & ex sola intentione operantis dirigitur: qui propterea dicitur finis operantis, & etiam finis extrinsecus videlicet operi; imò hic finis in communi vsu loquendi absolutè vocatur finis, prior autem vocatur obiectum. Diuiditur etiam finis in vltimum, & non vltimum siue intermedium; Finis vltimus dicitur ille, qui vltèrius non ordinatur, & ad quem alij ordinantur: vel alij omnes absolutè, si sit vltimus finis absolutè: vel alij omnes in determinato ordine, si sit vltimus finis in aliquo tantum ordine. Finis non vltimus siue intermedium dicitur ille, qui sic terminat per modum finis, vt simul ad vltiorem finem ordinetur. Non autem idem est finis vltimus, ac finis remotus: sicut nec idè est finis non vltimus siue intermedium, ac finis proximus: quia respectu charitatis Deus est simul finis proximus & vltimus; Et plerumque contingit, dari finem remotum, qui sit intermedium & non vltimus, vt pote ad alium vltiorem finem ordinatus; qui propterea habet etiam rationem medij, & ita est finis respectu vnius, quòd etiam sit medium respectu alterius. Dum igitur in presenti querimus, Vtrum Finis semper sit nobilior mediis: non procedit dubium de eodem vt est finis & medium; quia materialiter loquendo tunc eiusdem est nobilitatis finis ac medium, quamuis formaliter loquendo ratio finis sit in ipso nobilior ratione medij; quia terminare quod est finis, importat actualitatem ac superioritatem; terminari autem quod est medij, importat subordinationem, dependentiam, & inferioritatem. Vnde dubium procedit de diuersis, quorum vnum sit finis, & aliud sit medium: vtrum scilicet illud quod est finis sit nobilius eo quod est medium: & hoc semper ac vniuersaliter contingat.

Prima opinio, quam sequitur Soto lib. 2. Physicorum, asserit non semper finem esse nobiliorem mediis: distinguens enim de fine, asserit quod finis vltimus semper est nobilior mediis, non tamen semper finis intermedium, dicit quippe rem aliquam nobiliorem posse ordinari ad aliam minus nobilem, tanquam ad finem. Probatur triplici instantia: Operatio est finis, non solum potentie operatiue, sed etiam ipsius operantis; nam ex Philosopho vnumquodque est propter suam operationem: sed operatio non est nobilior

potentia operatiua, & multò minus ipso operante; cum potentia sit actus primus, ac principium quo formale elicitium operationis, quæ est actus secundus elicited, nunquam autem principale actiuum, siue quod, siue quo, est inferius nobilitate suo termino producto, vt communiter conceditur; ipsum autem operans est substantia, & operatio est accidens, nunquam autem accidens est nobilius substantia nobilitate simpliciter: ergo non semper finis est nobilior mediis.

Secundò, Redemptio generis humani est finis Incarnationis filij Dei, iuxta illud symboli: qui propter nos homines, & propter nostram salutem descendit de cælis, & incarnatus est: Et maximè in doctrina D. Thomæ, qua dicitur quod si Adam non peccasset, Christus non venisset: sed Redemptio generis humani non est nobilior Incarnatione filij Dei; imò est infinitè ignobilior, cum sit bonum finitum. Incarnatio autem sit bonum infinitum ratione diuinæ Personæ: ergo non semper finis est nobilior mediis.

Tertiò, Potest ordinari actus religionis, puta orationis; imò & actus charitatis ad obtinendam v.g. temperantiam: Et tunc temperantia obtinenda est finis respectu actuum orationis & charitatis; qui actus sunt media respectu temperantiæ obtinendæ: sed temperantia non est nobilior oratione, aut charitate; cum oratio sit actus religionis, nobilissimæ virtutis inter morales, & charitas sit regina omnium virtutum, etiam theologicarum: ergo non semper finis est nobilior mediis.

C O N C L U S I O.

R E S P O N D E O dicendum, quòd finis vltimus semper est nobilior mediis 2. sicut & finis intermedium, si sit finis operis 3. non autè semper est nobilior, si sit tantum finis operantis: qui potius habet rationem effectus, quam finis. 4. Vnde sequitur, quod ea quæ sunt nobiliora non ordinantur seipsis ab intrinseco ad ignobiliora, sed tantum possunt ad illa ab extrinseco ordinari. Ita communiter discipuli D. Thom. vt Caietanus 3. p. quæst. 1. art. 3. & alij Theologi.

Probatur prima pars conclusionis: Finis vltimus omnium est Deus optimus maximus, iuxta illud: Omnia propter semetipsum operatus est Dominus: sed Deus est infinitè nobilior omnibus aliis, non solum diuinitate, at etiam simul sumptis; cum in summa simplicitate & vnitatem contineat eminenter omnium aliorum perfectiones, & insuper infinitam sibi propriam, de quo nullus dubitat: ergo vltimus finis semper est nobilior mediis. Maximè quia vltimus finis, & prima causa siue primum principium actiuum coincidunt, iuxta illud Apocalypsis: Ego sum Alpha & Omega, principium & finis: constat autem quòd primum principium actiuum, siue prima causa efficiens semper est nobilior suis effectibus, vltra enim propriam perfectionem, debet præhabere eminenter omnes & singulas illorum perfectiones:

B

nes:

nes : quia vnumquodque operatur , in quantum est actu ; & nemo dat quod non habet.

Probatur & explicatur secunda pars conclusionis. Dicimus, quod finis operis est mēſura mediorum, quæ ad illum ordinantur ; vnde ipsi fini media subordinantur secundum suam substantiam , & non solum secundum rationem præcisam medij : Sed ordo rectus exigit, quod ignobiliora subordinentur ex natura sua nobilioribus , & ad illa ordinentur ; & non è contra : imò est contra rectitudinem ordinis , quod nobiliora subordinentur ignobilioribus, quia nobiliora sunt natura sua superiora ignobilioribus ; & tamen si eis subordinarentur secundum suam substantiam , simul essent naturæ suæ inferiora ipsis, vt constat ex ipsis terminis : ergo etiam finis intermedius est nobilior mediis , si sit finis operis. Quod confirmatur autoritate D. Thom. qui 1. p. q. 50. art. 3. docet quod Angeli non ordinantur ad homines, tanquam ad finem, quia sunt perfectiores hominibus : & ita D. Thomas sentit, quod finis semper est nobilior mediis. Vnde cum Apostolus dicit de Angelis : omnes sunt administratorij spiritus , in ministerium missi, propter eos qui hæreditatem capiunt salutis, *ly propter* non importat causalitatem finis propriè, sed importat effectum custodiæ Angelorum.

Probatur tertia pars conclusionis. Tum ex adductis argumentis primæ opinionis , quæ hanc partem conclusionis efficaciter probant. Tum quia ordo naturæ à Deo stabilitus manet integer in sua rectitudine , quando aliquod nobilius ordinatur tantum ab extrinseco , & ex parte operantis ad aliquid ignobilius : quia tunc non illi subordinatur ab intrinseco & ex sua natura, quasi illi subditum vt fini : sed potius manens in sua superioritate, ordinatur ab extrinseco operante, ad illud perficiendum , tanquam ad effectum : quod etiam est iuxta rectitudinem ordinis naturæ, quæ petit vt superiora regant & perficiant inferiora, vt pote ipsis subdita. Et ex his manifesta est quarta pars conclusionis.

A d primum ergo dicendum, quod vel operatio non est propriè finis potentix operatiuæ, nec ipsius operantis, sed, est effectus vtriusque : vnde quando dicitur, quod vnumquodque est propter suam operationem , *ly propter* non dicit finem, sed effectum. Vel si operatio est finis potentix operatiuæ, & operantis : non est ipsa præcisè sumpta in abstracto, sed ipsa in concreto vt in subiecto operante ; sic autem dicit in recto se ipsam, & in obliquo dicit potentiam operatiuam & subiectum operans , quod totum est nobilius sola operatione, vt patet ; quia includit perfectionem operationis, & etiam perfectionem potentix operatiuæ, ac subiecti operantis.

A d secundum dicendum, quod Redemptio generis humani non est propriè causa finalis, sed potius effectus Incarnationis filij Dei. Cuius finis non est alius, quam gloria Dei iuxta illud A-

postoli : omnia vestra sunt , vos autem Christi , Christus autem Dei : in quibus verbis apparet ordo finium ; & tamen homo redimendus , siue redemptio hominis non assignatur pro fine Christi incarnandi, siue incarnationis Christi ; quin potius Christus assignatur vt finis aliorum. Quod valde consonat dictis, tum prima parte in materia de prædestinatione, tum tertia parte vbi ostendimus incarnationem filij Dei fuisse primò prædefinitam, vt finem omnium aliorum, quæ futura erant tam in ordine naturæ, quam in ordine gratiæ. Vnde cum in symbolo dicitur. Qui propter nos homines , & propter nostram salutem descendit de cœlis, & incarnatus est, *ly propter* non importat ordinationem medij ad finem sed ordinationem causæ ad effectum.

A d tertium dicendum, quod actus orationis & Charitatis non ordinantur ad temperantiam obtinendam ex natura sua, tanquam media ad finem : sed potius ordinantur tanquam causæ ad effectum ; quia ordinantur ad ipsam vt meritorij & impetratorij ipsius, res autem merita & impetrata est effectus moralis ipsius merentis & impetrantis. Vnde ibi temperantia ad summum est finis operantis, & non operis.

D V B I V M III.

Vtrum bonum & finis sint idem.

S Vpponendum est, quòd hæc propositio, bonum & finis sunt idem , est D. Th. hic art. 1. vbi ait : Obiectum autem voluntatis est finis & bonum , pro eodem enim sumit finem & bonum. Vnde talis propositio est vera : sed in præſenti est difficultas in quo sensu sit vera , vtrum vel in sensu identico, vel in sensu formali, vel tantum concomitanter. Ad cuius euidentiam sciendum est, quod licet bonum in tota sua latitudine se extendat tam ad finem , quam ad media , vt dictum est dubio primo, ac proinde in sensu identico non se habeant adæquatè ad conuertentiam bonum & finis, quatenus bonum amplius & latius patet, quam finis : tamen quia bonum intrinsecum mediorum est participatum ac dependens à fine, & ad finem ordinatur ; inde est quod potest fieri comparatio boni vt sic in tota sua latitudine , & finis. Possunt autem bonum & finis sumi , vel in actu signato, vel in actu exercito. Sumuntur in actu signato, quando vtrumque consideratur præcisè , secundum illud quod dicit in suo conceptu formali : sumuntur verò in actu exercito, quando vtrumque consideratur secundum illud omne quod habet, dum est in exercitio. Vnde finis in actu signato dicit tantum suam quidditatem , & virtutem , qua aptus est & potens allicere , mouere , & terminare appetitum ; non determinando aut exprimendo, quæ & qualis sit illa virtus : finis autem in actu exercito importat determinatè prædictam virtutem , & alia necessariò

necessariò concurrentia ad actualem allectionem, motionem, & terminationem appetitus. In qualibet autem causa duo reperiuntur, videlicet ipsamet quidditas causæ explicata per definitionem, & virtus quâ agit.

Prima opinio asserit, quod bonum & finis sunt idem, & in sensu identico, & in sensu formali. Hanc sequuntur illi authores, qui negant bonitatem intrinsecam mediis. Probatur autoritate D. Thom. lib. 2. metaphysicæ lect. 4. ait: Quod eadem est ratio boni, & ratio finis. Item 3. contra Gentes c. 17. ait: Oportet quod bonum in quantum bonum sit finis. Et postea subdit: Quicquid est finis, est huiusmodi in quantum est bonum. Et tandem q. 21. de veritate art. 2. ait: Ratio boni in hoc consistit, quod aliquid sit perfectiū alterius per modum finis: sed hic modus loquendi significat, quod bonum & finis sunt idem, & in sensu identico, & in sensu formali: ergo bonum & finis sunt idem, & in sensu identico, & in sensu formali.

Secunda opinio est in alio extremo, quod nullo pacto bonum & finis sint idem; Illam tenet Durandus in 2. d. 54. q. 7. Scotus autem illam tenet cum limitatione, dicens quod bonum & finis non sunt idem vniuersaliter loquendo, quia datur aliquod bonum, quod nullo modo est finis. Probatur; In obiecto terminante simplicem actum amoris, est ratio boni, solum quippe bonum potest amari; vnde D. Thomas infra q. 27. art. 1. dicit quod bonum est propria causa amoris: Et tamen in eo non est ratio finis, nam finis debet terminare actum intentionis in ordine ad electionem mediorum. Similiter vna diuina Persona amatur ab aliis vt bona; Et tamen non vt finis, quia diuinæ Personæ non habent finem à se distinctum. Deinde, bonum est quid superius ad finem & ad media; ratio quippe boni est intrinseca, tam fini, quam mediis, vt est communis sententia Thomistarum; sicut ratio entis, cum qua conuertitur bonum, est vtriusque intrinseca: ergo bonum & finis non sunt idem; cum adæquatè non conuertantur. Denique causa finalis & causa efficiens non coincidunt, & ita finis & efficiens non sunt idem: sed bonum est causa efficiens volitionis, cum bonum sit obiectum voluntatis, quæ est potentia passiva, & ex D. Th. 1. p. q. 77. art. 3. obiectum potentia passivæ agit in illam: ergo bonum & finis non sunt idem.

CONCLUSIO.

RESPONDEO dicendum, quod bonum simpliciter tale, quod dictum est conuenire fini, est idem cum fine fundamentaliter & in sensu identico 2. non tamen est omninò idem in sensu formali, quasi ratio & formalitas vnius in abstracto & in actu signato considerata sit ratio alterius 3. habent tamen tantam inter se connexionem & concomitantiam, vt ratio boni in actu signato, & quasi in abstracto sumpta sit ratio à priori, & proximum fundamentum rationis finis: in
R. P. Philippi Carm. discal. Diss. Theolog. in 1. 2.

actu verò exercito ipsum bonum formaliter denominatiue, per se, & immediatè sit finis. Hanc conclusionem quoad omnes partes communiter sequuntur discipuli D. Thom. vt Aluares, Martinez, Nostri Salmanticenses, & alij in præsentia.

Probatur prima pars conclusionis ex dictis dubio primo, vbi ostensum est, bonum simpliciter tale conuenire soli fini; mediis autem conuenire tantum bonum secundum quid, & diminutum; aliunde verò certum est quod bonum transcendens est idem cum re, cui dicitur conuenire, in sensu identico: quod etiam certum est de aliis transcendentibus, Vno, Vero, &c. Ergo bonum simpliciter tale, quod dictum est conuenire fini, est idem cum fine fundamentaliter & in sensu identico.

Probatur secunda pars conclusionis. Quæ habent diuersas formaliter definitiones, non sunt omninò idem in sensu formali: cum enim definitio sit oratio explicans naturam rei, vbi sunt diuersæ formaliter definitiones, ibi non potest esse vnica natura, ratio, & formalitas; ac oportet quod ibi sint diuersæ formaliter rationes seu diuersæ formalitates: sed bonum & finis habent diuersas formaliter definitiones; nam bonum definitur, quod est perfectiū appetitus per modum conuenientis; finis autem definitur, quod sit id, cuius gratia aliquid fit; vel quod est appetibile propter se, & alia propter ipsum: ergo bonum simpliciter tale non est omninò idem cum fine in sensu formali, quasi ratio & formalitas vnius in abstracto & in actu signato considerata sit ratio alterius. Deinde, Potest attingi in aliquo obiecto ratio boni formaliter, absque eo quod attingatur formaliter ratio finis, vt constat in brutis, quæ per sensum & appetitum attingunt formaliter rationem boni delectabilis in aliquo obiecto; & tamen non attingunt in eo rationem formalem finis: ergo ratio & formalitas boni in abstracto & in actu signato considerata non est ratio & formalitas finis, ac proinde bonum non est omninò idem cum fine in sensu formali: quando enim aliqua sunt omninò idem in sensu formali, est impossibile, quod ratio vnius formaliter attingatur, & non attingatur formaliter ratio alterius.

Probatur & explicatur tertia pars conclusionis. Quando aliquid secundum suam rationem formalem quasi abstractè consideratam, est proximum fundamentum alterius, & consequenter in actu signato est ipsum alterum fundamentaliter proximè; tunc in actu exercito denominatur per se ab eo, & exercet munus eius proximè & immediatè, quod est esse ipsamet formaliter denominatione: quod apparet in quantitate, quæ quia secundum suam rationem formalem est proximum fundamentum extensionis in actu signato, ideo in actu exercito est, & denominatur extensa: ergo cum bonum secundum suam rationem formalem in actu signato, & quasi in
B 2 abstracto

abstracto sumpta, sit ratio à priori, & proximum fundamentum rationis finis (ideo quippe appetitus mouetur ad finem, & finis mouet appetitum, quia in fine est ratio boni specificatiua appetitus;) sequitur quod in actu exercito ipsum bonum formaliter denominatiuè, per se, & immediatè sit finis. Et propterea D. Thomas q. 21. de veritate art. 1. ait: omnes rectè diffinientes bonum, ponunt in ratione eius aliquid, quod pertinet ad habitudinem finis; quod denotat intimam connexionem & concomitantiam inter bonum & finem, quæ non semper reperitur inter aliqua réaliter identificata, vt inter verum & bonum: licet enim verum & bonum sint realiter idem, sicut bonum & finis; non tamen possumus dicere absque limitatione, quod verum sit bonum, aut bonum sit verum: sicut dicimus absque limitatione, quod bonum sit finis, & finis sit bonum.

A d primum ergo dicendum, quod D. Thomas in primo loco non vult, quod sit omninò formaliter eadem ratio boni, & ratio finis: sed solum vult, quod ratio boni sit ratio à priori, & proximum fundamentum finalizandi ipsi fini, vt dictum est in tertia parte conclusionis: propter quod bonum formaliter denominatiuè est finis, & finis est bonum. Similiter in aliis locis tantum vult, quod bonum siue ratio boni sit fini ratio finalizandi: non autem vult, quod ratio boni & ratio finis in actu signato & quasi in abstracto sint formaliter idem, vt intendit obiectio: quod colligitur ex ultimo loco, vbi in definitione boni non ponitur finis in recto, sed tantum in obliquo; quod denotat habere maiorem connexionem inter se, quam purè identicam; non tamen denotat vnum esse omninò formaliter aliud, aut esse de cōceptu formali alterius; quia si sic se haberet, vnum poneretur in recto in definitione alterius.

A d secundum dicendum, quod quia actus voluntatis potest attingere formaliter rationem boni, non attingendo formaliter rationem finis, sequitur quod ratio boni non sit idem formaliter, quod ratio finis; sed non sequitur, quod in actu exercito ipsum bonum formaliter denominatiuè, per se, & immediatè non sit finis. Ad aliud dicendum quod quælibet diuina Persona est bona infinītè, imò est summum bonum, & ipsa essentia bonitatis; non secundum propriam rationem personalem præcisè sumptam quantum ad id quod in suo conceptu formali exprimit, & in quo distinguitur ab aliis personis: sed secundum diuinam essentiam, eiusque attributa, quibus identificatur, & quæ continet per modum transcendentis: & secundum hæc est simul vltimus finis, non solum creaturarum, sed etiam diuinarum Personarum, diuersimodè tamen, nam creaturarum est vltimus finis extrinsecus & distinctus, diuinarum verò Personarum est vltimus finis intrinsecus, indistinctus, ac semper possessus vt obiectum æternæ earum beati-

tudinis. Ad aliud dicendum, quod procedit de bono in tota sua latitudine, quod concedimus esse superius ad finem & media: non autem procedit de bono simpliciter tali, quod dicimus cōuertere cum fine. Ad aliud dicendum, quod secundum diuersam rationem idem potest esse causa efficiens, & causa finalis, vt constat in Deo, qui est prima & vniuersalissima causa efficiens, & simul est vltimus finis omnium. Deinde bonum agit tantum moraliter in voluntatem, ipsam alliciendo per simplicem sui ostensionem, qui modus agendi est proprius causæ finalis; non autem agit in illam physicè per impressionem alicuius, qui modus est proprius causæ efficientis: & ita non coincidunt in bono causa finalis, & causa efficiens.

D V B I V M IV.

Vtrum Finis sit obiectum formale adequatum voluntatis create.

S Vpponendum est, quod præsens dubium Sposset inferius pertractari supra quæstionis octauæ articulum secundum, in quo D. Thomas quærit: Vtrum voluntas sit tantum finis, an etiam eorum quæ sunt ad finem. Tamen quia ab expositoribus communius hic pertractatur, & valde conducit ad perfectam notitiam eorum, quæ dicta, & dicenda sunt de fine: ideo in præsentī illud proponimus, quod alij aliis verbis proponunt, Vtrum scilicet illud duntaxat bonum, quod habet rationem finis, sit obiectum specificatiuum voluntatis; media verò ad obiectum materiale pertineant. sed hi duo modi proponendi in idem coincidunt: nam si finis est obiectum adequatum voluntatis (quod idem est de bono, quod habet rationem finis;) sequitur quod sit specificatiuum ipsius, obiectum quippe adequatum est specificatiuum potentiz, vel habitus; cum sit vnicum motiuum & terminatiuum ipsius: ac proinde media distincta à fine excluderentur ab obiecto formali, & tantum pertinerent ad obiectum materiale. Ad cuius euidentiā sciendum est ex philosophicis, vbi hoc fusè explicuimus, quod obiectum alicuius potentiz vel habitus, est illud, quod illis obicitur, vt attingendum mediis illorum actibus. Diuiditur in obiectum materiale, & in obiectum formale: Obiectum materiale est illud omne, quod attingitur à tali potentia, vel habitu: Obiectum verò formale est illa ratio, quæ attingitur in obiecto materiali, & ratione cuius obiectum materiale attingitur. Obiectum materiale subdiuiditur in obiectum adequatum, & inadéquatum: Obiectum adequatum est illud, quod adæquat potentiam, vel habitum, & vltra quod non extenditur: Obiectum inadéquatum idem est ac parziale. Inter obiecta inadéquata alia sunt magis principalia, alia minus principalia, quæ attinguntur per ordinem ad magis

magis principale. Obiectum formale subdiuiditur in formale *quod*, & in formale *sub quo*: Obiectum formale *quod* est illa ratio formalis, quæ per se & ratione sui attingitur: Obiectum formale *sub quo*, est illa ratio formalis, sub qua ratio formalis *quæ* attingitur. In præsentī dubio, dum querimus, utrum finis, siue bonum quod conuertitur cum fine, sit obiectum adæquatum voluntatis, & specificatiuum ipsius: nomine obiecti intelligimus obiectum formale *quod*, siue rationem formalem *quæ*: utrum scilicet sit solus finis, aut sola ratio boni in fine reperta, quæ per se & ratione sui attingatur à voluntate in quocumque obiecto quod vult. Ratio *sub qua* voluntatis est specialis modus, quo hæc potentia tendit in suū obiectum; distinctus à modo tendendi intellectus: intellectus quippe tendit in suum obiectum, secundum quod illud habet in seipso, ac proinde attrahit ad se obiectum, & perficitur ab illo secundum esse quo in ipso intellectu habet: Voluntas verò è contra tendit in suum obiectum, secundum quod est à parte rei, ac proinde attrahitur ab obiecto, & perficitur ab illo secundum esse quod habet à parte rei: Vtriusque signum est, quod intellectus quantum est ex se, non curat de præsentia reali obiecti, aut de existentia ipsius in seipso; benè tamen voluntas, quæ non quiescit donec habeat realiter præsens obiectum. In hoc diuerso modo tendendi fundantur multa discrimina inter intellectum & voluntatem: quamuis etiam sint multe convenientiæ inter has potentias. sed illa quæ facit ad propositum est: quod vtrique potentia in homine habet, & actus simplices, & actus discursiuos. Actus simplex intellectus est intelligentia primorum principiorum: Actus verò discursiuus est scientia actualis conclusionum per principia. Actus simplex voluntatis est volitio boni ut sic præcisè: Actus verò discursiuus est volitio boni per modum finis aliorum, quæ dicitur intentio; & volitio alicuius in ordine ad finem, quæ dicitur electio mediorum. vnde D. Thomas q. 22. de veritate art. 13. ait: Intendere in hoc differt à velle, quod velle tendit in finem (siue in bonum) absolute; sed intendere dicitur ordinem ad finem, secundum quod est in quem ordinantur ea, quæ sunt ad finem. Igitur Intellectus & Voluntas discurrunt: intellectus quidè à principiis per se notis ad cognitionem conclusionum, voluntas verò ab intentione finis ad electionem mediorum: & sicut cognitio principiorum est intellectui ratio cognoscendi conclusiones, sic intentio finis est voluntati ratio eligendi media; propterea dicitur, quod finis in practicis est sicut principium in speculatiuis. Possunt tamen dupliciter comparari finis ad media, & principia ad conclusiones, ut docet Caietanus infra quæst. 8. art. 1. Vno modo secundum habitudinem significatam per particulam *propter*, quatenus scilicet denotatur media appeti propter finem; & conclusiones sciri

propter principia. Alio modo secundum habitudinem significatam per particulam *in*, quatenus denotatur finem apprehensum & cognitum in mediis appeti in illis; & principium, quod virtualiter manet in conclusionibus, in ipsis cognosci: inter quas habitudines hoc est discrimen, quod secundum illam, quæ significatur per particulam *propter*, medium & conclusio attinguntur secundum se, & ut talia formaliter; atque adeo per proprium actū, qui est electio respectu medij, & scientia actualis siue demonstratio respectu conclusionis; neque propterea sic terminant formaliter actum simplicis volitionis, & simplicis intelligentiæ: at verò secundum eam habitudinem, quæ significatur per particulam *in*, medium & conclusio non attinguntur secundum se, & formaliter ut talia sunt, aut secundum id per quod à fine & principiis distinguuntur; sed ratio attracta est formaliter ipse finis, & ipsa principia, quæ in medio & in conclusione voluntati & intellectui offeruntur. Et ideo simplex volitio & simplex intelligentia, quæ ad hæc obiecta terminantur, non propterea extrahuntur ab hoc quod est terminari ad finem & ad principia; neque ad media & conclusiones formaliter ut talia extenduntur.

Prima opinio asserit, quod Finis est obiectum adæquatum voluntatis, siue quod bonum quod habet rationem finis, est obiectum formale *quod* specificatiuum voluntatis, & quod media pertinent tantum ad obiectum materiale. Hanc opinionem sequuntur omnes illi authores, qui negant mediis bonitatem intrinsecam: & insuper alii etiam ex discipulis D. Thomæ; quamuis forte nõ discrepent à nobis, nisi verbis. Probat hanc opinio multiplici autoritate D. Thom. 1. p. quæst. 19. art. 2. ait: In his quæ volumus propter finem, tota ratio mouendi est finis, & hoc est quod mouet voluntatem. Vnde cum Deus alia à se non velit nisi propter finem, qui est sua bonitas, ut dictum est, non sequitur quod aliquid aliud moueat voluntatem eius, nisi bonitas sua. Hic art. 1. sic ait: Manifestum est, quod omnes actiones, quæ procedunt ab aliqua potentia capiuntur ab ea secundum rationem sui obiecti: obiectum autem voluntatis est finis. Et ad 2. Obiectum voluntatis est finis, sicut obiectum visus est color. nec potest explicari D. Th. de obiecto inadæquato, quantumuis principalitum quia obstat instantia de colore, qui est obiectum visus; tū quia aliàs eius ratio esset falsa, & illatio nulla, quia non est de ratione obiecti inadæquati quantumcumque principalis, ut quoties potentia operatur, operetur in ordine ad illud; alioquin adæquaret latitudinem talis potentiæ, & esset obiectum adæquatum, & inadæquatum. Infra q. 8. art. 2. ait: Id autem quod est propter se bonum & volitum, est finis: vnde voluntas proprie est ipsius finis: Ea verò quæ sunt ad finem, non sunt bona vel volita propter seipsa, sed ex ordine ad finem: vnde voluntas in ea non fertur, nisi

quatenus fertur in finem : vnde hoc ipsum quod in eis vult, est finis. Sed clarius in 1. d. 45. art. 2. ad 1. sic loquitur : In obiecto alicuius potentie est duo considerare : scilicet illud quod est materiale, & illud quod formaliter complet rationem obiecti, &c. illud quod formaliter complet rationem voliti, est finis, ex quo est ratio boni : & hoc intelligit Philosophus, cum dicit, quod voluntas est finis : sed ea quae sunt ad finem, habent se materialiter ad obiectum voluntatis. Idem docet alibi.

Secundò, probatur ratione, Illud est obiectum formale adaequatum & specificatum voluntatis, in quod ipsa voluntas secundum se tendit, & ad quod per se primò dicit habitudinem ; tum quia essentia & species est primum quod est in re, vnde in re respectiva, qualis est potentia, provenit ab eo ad quod per se primò dicit habitudinem siue respectum ; tum quia eo ipso quod aliquod obiectum terminat habitudinem voluntatis, intelligitur ipsa voluntas in seipsa & constituta in specie : sed voluntas secundum se tendit in solum finem ; & ad ipsum solum per se primò dicit habitudinem ; tum quia respicit solum finem ratione sui, utpote in se & à se bonum, media autem respicit tantum ratione finis propter bonitatem ipsius finis ; tum quia solus finis habet primariam convenientiam cum voluntate, & media tantum secundariam, ideo enim voluntas eligit media ut convenientia, quia conducunt ad finem convenientem quem intendit ; tum quia id docet D. Thomas q. 23. de veritate art. 1. ad 3. ubi sic ait : Voluntas est alicuius dupliciter : Vno modo principaliter, & alio modo secundariò. Principaliter quidem voluntas est finis, qui est ratio volendi omnia alia : secundariò autem est eorum quae sunt ad finem, quae propter finem volumus. Voluntas autem non habet habitudinem ad volitum, quod est secundarium, sicut ad causam, sed tantummodò ad volitum principale quod est finis : ergo finis est obiectum formale adaequatum & specificatum voluntatis.

Tertiò, Illud est obiectum formale adaequatum alicuius potentiae, vel habitus ; quod attingitur ab illa potentia, vel habitu ratione sui, cetera verò attinguntur ratione illius, quae propterea sunt tantum obiectum materiale, ut constat ex definitione obiecti formalis, & inductione generali in omnibus ; propterea quippe sola divina essentia est obiectum formale adaequatum divinae scientiae, & Personae divinae pertinent ad obiectum materiale, quia sola essentia divina est seipsa cognoscibilis, divinae autem Personae habent ab illa suam cognoscibilitatem : sed solus finis attingitur à voluntate ratione sui, media autem attinguntur tantum ratione finis ; non enim media ut talia sunt appetibilia, nisi in ordine ad finem & propter finem, ut saepe docet D. Thomas, & communiter conceditur : ergo

solus finis est obiectum formale adaequatum voluntatis, & media pertinent ad obiectum materiale, maxime quia media non movent, nec terminant actum voluntatis ; quod tamen proprium est obiecti formalis adaequati & specificatiui.

CONCLUSIO.

RESPONDEO dicendum, quod licet finis sit obiectum principale ac primarium voluntatis. creatae. 1. non tamen est obiectum formale adaequatum specificatum illius : sed est bonum in tota sua latitudine. 3. Vnde cum media etiam ut talia, sint intrinsecè bona, non pertinent tantum ad obiectum materiale ipsius. 4. & multò minus ad obiectum per accidens. 5. secus autem est respectu divinae voluntatis, cuius obiectum formale adaequatum est sola divina bonitas. Ita docent plures ex recentioribus discipulis D. Thomae, ut Montesinus infra q. 8. art. 2. disp. 12. q. 2. & multò plures extra scholam ipsius.

Probatur prima pars conclusionis, communiter recepta apud omnes, tum autoritatibus, tum rationibus adductis pro prima opinione ; quae hanc partem conclusionis efficaciter probant & conuincunt : & maxime suadetur hoc axioma philosophico, communiter recepto absque limitatione in ordine causae finalis : Propter quod vnumquodque tale, & illud magis : Vnde cum media sint appetibilia à voluntate ratione finis & propter finem, ipse finis est magis appetibilis ab eadem voluntate, ac proinde est obiectum principale & primarium ipsius.

Probatur secunda pars conclusionis, multiplici autoritate D. Thomae. Nam primò infinitis prope locis suae doctrinae, iuxta communem usum loquendi, assignat pro obiecto specificatio voluntatis bonum, non determinando ad bonum finis ; ac proinde sumendo illud in tota sua latitudine, ut se etiam extendit ad media : sicut assignat Verum aut Ens in tota sua latitudine pro obiecto specificatio intellectus. Secundò D. Thomas multis locis, ut in 2. d. 38. quaest. 1. & infra q. 8. art. 2. ad 2. & art. 3. ad 2. & tandem q. 12. art. 4. comparat media respectu voluntatis cum colore respectu potentiae visuæ ; finem verò cum luce : constat autem ex dictis in Philosophia iuxta mentem D. Thomae, quod tam lux, quam color pertinet ad obiectum formale potentiae visuæ : & consequenter tam bonum finis, quam bonum medium pertinent ad obiectum formale voluntatis. Tertiò aliis locis, ut q. 13. de veritate art. 1. ad 3. & art. 4. in corpore appellat finem obiectum principale voluntatis : obiectum autem principale non est idem quod obiectum formale adaequatum, ut patet : ergo finis non est obiectum formale adaequatum specificatum voluntatis creatae ; sed est bonum in tota sua latitudine. Vbi nota quod in praesenti nomine finis & mediorum, intelligimus bonum quod imbitur in fine & in mediis : siquidem tam finis, quam media in seipsis formalissimè considerata,

ut distincta & abstrahentia à ratione boni, sunt tantum obiectum materiale voluntatis creatæ.

Secundò, probatur ratione, Ita comparatur bonum in ratione obiecti ad voluntatem creatam, sicut verum aut ens in ratione obiecti comparatur ad intellectum; saluo tamen differenti modo procedendi & tendendi vtriusque potentie in obiectum: hanc comparisonem ponit D. Thomas infra; tum q. sequenti art. 8. vbi ait: Obiectum voluntatis quæ est appetitus humanus, est vniuersale bonum, sicut obiectum intellectus est vniuersale verum; Tum q. 8. art. 2. dicens: Vnde voluntas propriè est ipsius finis; ea verò quæ sunt ad finem non sunt bona vel volita propter seipsa, sed ex ordine ad finem; vnde voluntas in ea non fertur, nisi quatenus fertur in finem, vnde hoc ipsum quod in eis vult, est finis: sicut & intelligere propriè est eorum quæ secundum se cognoscuntur, scilicet principiorum: eorum autem quæ cognoscuntur per principia, non dicitur esse intelligentia, nisi in quantum in eis ipsa principia cõsiderantur: sic enim se habet finis in appetibilibus, sicut se habet principium in intelligibilibus sed non solum verum aut ens, quod reperitur in principiis, est obiectum formale adæquatum specificatiuum intellectus: at est verum aut ens in tota sua latitudine, ut etiam reperitur in conclusionibus, ut sæpe docet D. Thomas, & communiter conceditur: ergo non solum bonum, quod reperitur in fine, est obiectum formale adæquatum specificatiuum voluntatis creatæ: at est bonum in tota sua latitudine, ut etiam reperitur in mediis, siue quæ præcisè sunt media, siue in mediis ut talibus, quauis aliunde sint fines inter membra. Huic rationi sine dubio efficacissimæ respondent aduersarij diuersimodè. Quidam enim, ut Martinez infra quæstion. 8. dub. 1. ad 6. admittendo hanc omnimodam paritatem inter intellectum & voluntatem in ordine ad obiectum; asserunt quòd sola veritas principiorum sit obiectum formale adæquatum intellectus, & quod veritas conclusionum pertinet ad obiectum materiale ipsius. Alij verò ponentes discrimen inter intellectum & voluntatem in ordine ad obiectum, & concedentes veritatem conclusionum pertinere ad obiectum formale intellectus; negant exposito discrimine, quod bonitas mediorum pertineat ad obiectum formale voluntatis: discrimen autem ponunt inter conclusiones in ordine ad intellectum, & media in ordine ad voluntatem; quod respectu intellectus tam conclusio, quam principia sunt de primaria intentione, & omnium cognitio propter seipsam quæritur: solumque in ordine executionis vna ex aliis dependet: respectu verò voluntatis solus finis per se primò intenditur; media autem præcisè quærantur propter finem, & ita in ordine intentionis præcisè sunt aliquid secundarium. Sed tamen vtra-

que responsio deficit: Prima quidem, quia aliqui actus intellectus per se primò respiciunt veritatem conclusionum, ut sunt actus scientiæ & opinionis; vnde talis veritas est obiectum formale specificatiuum illorum actuum, non enim actus alicuius potentie vel habitus specificantur ab obiecto materiali, ut dicitur in tertia ratione: constat autem quod obiectum formale specificatiuum actuum & habituum alicuius potentie continetur sub obiecto formali adæquato specificatiuo talis potentie; quia obiecta habituum & actuum potentie sunt partes obiecti potentie; maximè quia potentia ipsa medijs habitibus & actibus attingit illa obiecta, quæ proinde debent esse obiecta formalia inadæquata ipsius, & contineri sub obiecto formali adæquato. Quod adhuc magis confirmatur ex his, quæ docuimus in secunda secundæ summæ nostræ philosophicæ q. 14. art. 1. vbi ostendimus, quod obiectum formale adæquatum intellectus humani est Ens, aut Verum in tota sua latitudine, ac proinde ut reperitur tam in principiis, quàm in conclusionibus. Secunda autem responsio deficit: quia æqualis est dependentia veritatis conclusionum à veritate principiorum, ac est dependentia bonitatis mediorum à bonitate finis: & sicut voluntas primariò ordinatur ad bonitatem finis, & secundariò ad bonitatem mediorum: sic intellectus primariò ordinatur ad veritatem principiorum, & secundariò ad veritatem conclusionum; tum quia sicut bonitas finis est à seipsa, & bonitas mediorum est participata à fine, sic veritas principiorum est à seipsa, & veritas conclusionum est participata à principiis; tum quia ex D. Thoma infra q. 8. art. 2. simplex & primarius actus intellectus versatur circa principia, compositus autem & secundarius versatur circa conclusiones; sicut simplex & primarius actus voluntatis circa finem, compositus autem & secundarius versatur circa media: Quæ duo manifestè indicant, non esse discrimen assignatum inter intellectum & voluntatem; & quòd intellectus primariò ordinatur ad veritatem principiorum, & secundariò ad veritatem conclusionum; per se tamen ad vtramque: sicut voluntas primariò ordinatur ad bonitatem finis, & secundariò ad bonitatem mediorum; per se tamen ordinatur ad vtramque. Quòd si intellectus non ordinat actu cognitionem conclusionum ad cognitionem principiorum, sicut voluntas ordinat electionem mediorum ad intentionem finis, & bonitatem mediorum ad bonitatem finis: hoc non tollit prædictam æqualitatem dependentiæ conclusionum à principiis, quæ est mediorum à fine; nec proportionatam ordinationem intellectus ad principia & conclusiones, quæ est voluntatis ad finem & media, quia hoc prouenit ex diuersitate motus intellectus & voluntatis, & se habet per accidens respectu prædictæ dependentiæ & ordinationis: diuersitas autem motus in hoc consistit, quod intellectus in exercitio

exercitio respicit principia, tanquam terminum *à quo*; & conclusiones, tanquam terminum *ad quem*, & à principiis mouetur ad conclusiones: voluntas autem in exercitio respicit finem vt assequendum, tanquam terminum *ad quem*, & media respicit tanquam viam ad illum, & ex intentione finis mouetur ad eius assecutionem per media. Quamuis etiam in hoc possit seruari paritas in motu intellectus & voluntatis: quod sicut voluntas non quiescit in volitione mediorum, at tantum in volitione finis: sic nec intellectus quiescit in cognitione conclusionum, sed illas reducit ad principia per resolutionem perficiendo circulus: ita quod incipiat eius motus à principiis, & terminetur ad eius assecutionem per media.

Tertio, probatur alia ratione examinanda dubio sequenti: Omnes actus cuiuscunque potentie versantur circa obiectum formale ipsius, vt certum est, quia obiectum formale adæquatum ita proportionatur potentie, vt nec illam excedat, nec ab illa excedatur, vnde potentia non potest ferri extra illud & quidquid attingit, sub illo attingit: sed sunt actus voluntatis, qui non versantur immediate circa finem, at circa media à quibus specificantur, attingentes in eis bonitatem formaliter existentem, quamuis radicaliter deriuatam à fine, & ab illo dependentem: qui actus sunt electio, consensus, & vsus: ergo obiectum formale adæquatum specificatum voluntatis creatæ, non est sola bonitas finis, sed est bonum in tota sua latitudine maxime quia alioquin sequeretur obiectum formale volitionis vt sic in tota sua latitudine non excedere obiectum simplicis volitionis, quod est bonum finis.

Probatur breuiter ex dictis tertia pars conclusionis: Bonum siue bonitas in tota sua latitudine est obiectum formale adæquatum specificatum voluntatis creatæ, vt dictum est: sed media sunt intrinsecè bona, ita vt in eis sit formalis bonitas, quamuis participata à fine, vt dictum est dubio primo: ergo non pertinent tantum ad obiectum materiale voluntatis creatæ, at eorum bonitas pertinet ad obiectum formale specificatum ipsius.

Probatur quarta pars conclusionis. Tum ex dictis in secunda & tertia parte, quæ hanc quartam partem à fortiori probant. Tum autoritate D. Thomæ, qui 1. p. q. 83. art. 3. Et q. 24. de veritate art. 6. probat electionem esse actum potentie appetitiue scilicet voluntatis; quia obiectum electionis, quod est bonum vtile, continetur sub obiecto talis potentie: quæ tamen ratio nihil probaret, si esset tantum obiectum per accidens illius potentie; quia ex obiectis per accidens non possunt dignosci actus alicuius potentie, imò nec ex obiectis materialibus, cum prædicta obiecta per accidens & materialia possint pertinere ad diuersas potentias, & sola obiecta formalia sint propria & specificatiua potentiarum. Tum sequenti duplici ratione: Media verè attinguntur

in seipsis, & amantur à voluntate, quia sunt in se formaliter bona; quamuis non per se primò, nec propter se: ergo sunt obiectum per se voluntatis; non obiectum per accidens; quia obiectum per accidens non attingitur in seipso, vt constat in substantia colorata respectu visus. Deinde, Eodem modo se habent media ad voluntatem, quo conclusiones se habent ad intellectum; nam sicut volumus media propter finem, sic cognoscimus conclusiones propter principia: sed conclusiones per se pertinent ad obiectum intellectus, siue sunt obiectum per se illius, & non obiectum per accidens, quia earum veritas per se cognoscitur ab intellectu per habitum scientificum: ergo etiam media sunt obiectum per se voluntatis, & non obiectum per accidens, quia eorum bonitas per se attingitur distinctis actibus voluntatis, videlicet electione, consensu, & vsu. Quod confirmatur autoritate Aristotelis 8. Ethicorum cap. 2. & D. Thomæ 1. p. q. 5. art. 6. diuidentium bonum in honestum, delectabile, & vtile: Vnde sicut bonum honestum, & bonum delectabile proprium finis, est bonum per se, & obiectum per se voluntatis; sic & bonum vtile proprium mediorum est obiectum per se voluntatis, & non obiectum per accidens. Quinta pars conclusionis manet probata in materia de voluntate Dei.

Ad primum ergo dicendum, quod quia finis est primum mouens ex bonitate, quam habet in se, & à se: Et bonitas mediorum, quæ aliquo modo mouent, est participata & dependens à fine; bene dicit D. Thomas in primo loco, quod tota ratio mouendi est finis, & hoc est quod mouet voluntatem: maxime quia finis mouet à se, & ad se simpliciter; media verò, quamuis moueant per propriam bonitatem, tamen quia illam habent participatam & dependentem à fine; ideo non propriè mouent à se, sed mouent in virtute finis; nec mouent ad se simpliciter, sed mouent ad finem, quia voluntas non quiescit simpliciter in ipsis, sed in fine per ipsa acquisito: Et ita tota ratio mouendi est finis, quia omnis motus voluntatis est à fine; vel formaliter si talis motus immediate terminetur ad finem; vel radicaliter & virtualiter, si talis motus terminetur ad media. Vnde D. Thomas bene infert, per hoc quod diuina bonitas est finis suæ voluntatis, quod nihil aliud moueat eius voluntatem: quia ex vna parte tota ratio mouendi est per se finis; & participatiue tantum mediorum: ex alia verò parte bonitas participata, quæ potest esse in creaturis ordinatis ad vltimum finem diuinæ bonitatis, vt pote inferioris ordinis, non est sufficiens ad mouendam diuinam voluntatem. & in super bonitas quæ in creaturis inuenitur mixta imperfectionibus, eadem pura ab omni defectu præhabetur eminenter in diuina bonitate. In secundo loco per obiectum voluntatis intelligit principale & primum, non adæquatum: Vnde ad instantiam

tiam de colore dicendum, quod potius fauet huic interpretationi, quia color non est obiectum formale adæquatum, visus, sed est inadæquatum, ut dictum est in secunda secundæ Summæ nostræ Philosophicæ q. 14. art. 6. obiectum quippe visus adintegratur ex luce & colore: Ad probationem verò dicendum, quod ratio D. Thomæ, & illatio eius est optima ex nostra interpretatione: imò si D. Thomas esset intelligendus de obiecto adæquato, eius ratio nihil probaret, sed tantum colligeret omnes actiones humanas esse circa finem: dicimus igitur quod quando aliqua potentia habet actus subordinatos, & obiectum eius formale non est simplex aliqua ratio sed est quid vnum tantum analogum ac proinde multiplex, cuius vna pars sit principalior, ut contingit in præsentibus: tunc sicut pars minus principalis obiecti ordinatur ad principalem, sic actus attingentes immediate partem illam minus principalem obiecti, ordinantur ad alios actus attingentes immediate principalem partem obiecti; & consequenter omnes actus illius potentie, vel immediate, vel mediate ordinantur ad obiectum principale ipsius, ut postea amplius declarabitur. In tertio loco D. Thomas tantum vult, quod voluntas non vult media propter seipsa præcisè, sed propter finem: prout *ly propter* importat causalitatem finalem, non enim illa vult, ut in eis tanquam in fine quiescat; si enim *ly propter* importaret causalitatem formalem, tunc dicendum quod voluntas vult media propter seipsa præcisè, idest propter bonitatem formalem in eis existentem. In quarto loco D. Thomas pro obiecto materiali intelligit minus principale ordinatum ad aliud, & pro formali intelligit magis principale complens rationem alterius: quæ interpretatio fundatur in communi doctrina recepta tam in naturalibus, quam in moralibus.

Ad secundum dicendum, quod maior est falsa: & tunc tantum verum est, quod illud est obiectum formale adæquatum alicuius potentie, in quod ipsa potentia secundum se tendit, & ad quod per se primò dicit habitudinem; quando obiectum talis potentie est quid simplex: quando autem obiectum formale, quod est analogum & multiplex, ut contingit in præsentibus; tunc potentia secundum se, & per se primò tendit, & dicit habitudinem tantum ad partem principalem illius obiecti; & per se secundò tendit, & dicit habitudinem ad partem eius minus principalem: & ita essentia & species talis potentie, quæ virtualiter est multiplex, provenit primò ab eo ad quod per se primò dicit habitudinem, & secundò ab eo ad quod per se secundò dicit habitudinem; nec talis potentia intelligitur adæquatè constituta in specie, & esse in seipsa, donec intelligatur eius habitudo terminata ad omnia quæ per se formaliter respicit, siue per se primò, siue per se secundò: cuius ratio est,

R. P. Philippi Carm. discal. Diss. Theolog. in 1. 2.

quia talis potentia elicit plures actus diversæ speciei, ad inuicem subordinatos; quorum aliqui sunt primò intenti, & terminantur ad partem principalem obiecti formalis; alij verò sunt per se secundò tantum intenti, & terminantur immediate ad partem minus principalem obiecti formalis; unde ut potentia hæc intelligatur perfectè in seipsa, & adæquatè constituta in specie per modum actus primi, debet intelligi in se potens elicere diversos in specie hos actus secundos, ac proinde ut dicens habitudinem ad diversas has partes obiecti formalis. Minor etiam argumenti deficit: nam primò voluntas secundum se tendit, tam in finem, quam in media; sed in finem primò, in media secundò, quia non solus finis est in se & propter se appetibilis, sed etiam media sunt appetibilia in se, & propter se, prout *ly propter* importat causam formalem appetibilitatis, nempe bonitatem intrinsecam fini & mediis; unde media alliciunt & movent voluntatem ad desiderium sui, & terminant aliquo modo eius motum; quamvis, quia non perfectè movent & terminant, dicantur movere propter finem, ut *ly propter* importat causalitatem finalem: Unde ad primam eius probationem dicendum, quod voluntas respicit tam finem, quam media ratione sui, idest ratione propriæ & intrinsecæ bonitatis; cum differentia tamen assignata: Ad secundam probationem dicendum, quod tantum conuincit, voluntatè habere primariam habitudinem ad finem, & secundariam ad media; quod concedimus, dummodo etiam concedatur, quod dicit habitudinem per se, & ad finem, & ad media; ad finem quidem tanquam ad causam, ad media autem tanquam ordinata ad causam finalem: nec aliud probat autoritas adducta D. Th. Nota tamen quod aliquando primariū & secundarium adintegrant obiectum formale, ut in præsentibus, & tunc utrumque; specificat potentiam aut habitum: aliquando verò solum primarium est formale, & secundarium est materiale. & tunc secundarium non specificat.

Ad tertium dicendum, quod *ly ratione sui*, siue *propter se*, potest dupliciter intelligi. Primò, ut importat causam formalem: Secundò ut importat causam finalem. Si maior intelligatur, secundum quod *ly, ratione sui*, importat causam formalem, est vera; falsa verò, si intelligatur, secundum quod *ly, ratione sui*, importat causam finalem: igitur obiectum formale adæquatum alicuius potentie, vel habitus est illud, quod attingitur ab illa potentia, vel habitu ratione sui, idest ratione formæ sibi intrinsecæ, per se inspectæ à tali potentia, vel habitu: iuxta autem hanc intelligentiam minor argumenti est falsa, quia media attinguntur à voluntate ratione sui, & non tantum ratione finis; quia attinguntur ratione suæ bonitatis intrinsecæ, & non tantum ratione bonitatis finis extrinsecæ ipsis. Ad instantiam adductam dicendū, quod obiectum formale adæquatum

quatum scientiæ diuinæ dicit totum ens diuinum formaliter, prout *ly scientia diuina* latè sumitur pro cognitione essentiali intellectus diuini: & ita non sola essentia diuina pertinet ad obiectum formale diuinæ scientiæ, sed etiam ad illud pertinent diuinæ Personæ, & non tantum ad obiectum materiale, quia diuinæ Personæ dicunt entitatem & veritatem diuinam sibi intrinsecam quæ est ratio formalis obiecti diuinæ scientiæ; quamuis illam habeant radicaliter à diuina essentia, ratione cuius diuina essentia, habet quod sit obiectum primum. Ad id quod subditur, constat ex dictis, quod media mouent & terminant actum voluntatis: quamuis non perfecte & simpliciter, sicut mouet & terminat ipse finis.

D V B I V M V.

Verum à Fine specificentur omnes actus voluntatis.

SVpponendum est, quod actus voluntatis circa bonum, de quibus agimus in præfenti, sunt plures: Alij circa finem, alij circa media. Circa finem est simplex Volitio, Intentio, & Fruitio: Simplicem volitionem in hoc distinguit D. Thomas q. 22. de veritate art. 13. quod Velle tendit in finem absolute; sed Intendere dicit ordinem ad finem, secundum quod est in quem ordinantur ea, quæ sunt ad finem: Fruitio autem est gaudium de fine adepto. Circa media ponuntur similiter tres actus, videlicet Electio, Consensus, & Vfus: de quorum natura & distinctione inferius dicetur. Et de his præcipue procedit præfens difficultas, Vtrum scilicet specificentur à fine, non obstante quod immediatè terminentur ad media, & non ad finem: sed maioris claritatis gratia difficultatem reducemus ad solam electionem; quæ tamen de illa dicentur, proportionem seruata debent dici de consensu & vfu. Ad cuius euidenciam sciendum est, quod electio idem est ac discretio inter aliqua, & acceptatio vnus præ aliis; Eligere quippe, à quo deriuatur electio, idem sonat ac vnum è multis legere; vnde electio sic generaliter sumpta dicit habitudinem tam ad rem eligendam, quam ad ea ex quibus eligitur. Diuersimodè tamen sumitur electio. Primò pro quocumque actu libero, quia de essentia libertatis est indifferentia; vnde cum voluntas ab intrinseco se determinat ad vnā partem contradictionis, vel contrarietatis, dicitur agere ex electione: Et in hoc sensu electio se extendit tam ad media, quam ad finem etiam vltimum in particulari, qui consistit in possessione & fruitione Dei. Secundò sumitur magis limitatè, pro volitione finis intermediij, vt habet rationem talis finis: cum enim talis finis semper ametur cum subordinatione ad finem vltimum, actus ad illum terminatus habet quodammodo rationem electionis. Tertiò adhuc magis limitatè sumitur pro actu, quo iuxta regulas prudentiæ af-

sumitur medium rationis, quod est proprius finis virtutis moralis in particulari materia: quamuis enim sit rationis naturalis, determinare finem in communi & abstractè sumptum virtutibus moralibus, quia hæ virtutes inclinant ad bonum honestum conforme rationi ex ductu eiusdem rationis: tamen est prudentiæ determinare in particulari materia, quomodo medium rationis inter diuersas circumstantias occurrentes debeat obseruari, & consequenter quomodo in hac & illa materia prædictum bonum debeat attingi, vt docet D. Thomas infra q. 66. art. 3. ad 3. dicens: Quod prudentia non solum dirigit virtutes morales in eligendo ea, quæ sunt ad finem, sed etiam in præstituendo finem: est autem finis vnusculque virtutis moralis attingere medium in propria materia, quod quidem medium determinatur secundum rectam rationem prudentiæ, vt dicitur in 1. & 6. Ethicorum. Loquens autem de electione sumpta hoc tertio modo infra quæst. 56. art. 4. ad 4. ait: In electione duo sunt: scilicet intentio finis, quæ pertinet ad virtutem moralem, & præceptio eius quod est ad finem. Quarta tandem & propriè sumitur electio pro actu immediatè terminato ad medium, vt dicit præcisè rationem vtilis in ordine ad aliquem finem: Et sic distinguitur essentialiter ab omnibus actibus voluntatis immediatè terminatis ad finem, nempe ab intentione, simplici volitione, & fruitione: sicut & ab aliis actibus sub alia diuersa ratione terminatis ad medium, vt consensu, & vfu: Et ita electio in hac propria acceptione, est acceptatio mediij in ordine ad assequendum finem intentum. Et de hac electione sic propriè sumpta quærimus in præfenti: Vtrum specificetur à fine: nam iuxta alias acceptiones, cum immediatè respiciat finem, non est dubium, quin ab illo specificetur; imò iuxta illas acceptiones confunditur cum intentione & aliis actibus voluntatis. Procedit autem dubium de specificatione in genere physico, & vt spectat præcisè ad ordinem naturæ: non autem de specificatione in genere moris, prout scilicet habet rationem bonæ, vel malæ moraliter; de hac enim agitur infra circa q. 18. vbi agitur de bonitate & malitia humanorum actuum.

Prima opinio asserit, omnes actus voluntatis specificari physicè à fine. Ita docent aliqui, etiam ex discipulis D. Thomæ, qui constituunt finem pro obiecto formali adæquato voluntatis; & media excludunt à prædicto obiecto formali, reducetes illa ad obiectum materiale ipsius. Probat hæc opinio: Specificatio physica actuum, habituum, & potentiarum sumitur ab eorum obiecto formali, & adhuc vt substat rationi *sub qua*, vt communiter conceditur; & ratio est, quia specificatio debet sumi ab aliquo proprio, & non ab aliquo communi pluribus; constat autem, quod solum obiectum formale est proprium, obiectum verò materiale est commune: sed solus finis est obiectum

obiectum formale adæquatum Voluntatis ; & consequenter omnium eius habituum & actuum, cum potentia respiciat, & attingat suum obiectum mediis habitibus & actibus : ergo omnes actus voluntatis specificantur à fine. Maxime quia finis est etiam ratio formalis *sub qua* actuum voluntatis, qui versantur circa media : sicut principia sunt ratio formalis *sub qua* cognitionis terminata ad conclusiones ; ratio autem *sub qua* proximè concurret ad specificationem.

Secundò, Electio voluntatis diuinæ solum specificatur à fine diuinæ voluntatis, qui est diuina bonitas ; non enim potest specificari à mediis creatis, alioquin ab eis dependeret, vt communiter docent Thomistæ in materia de Voluntate Dei. Et similiter actus Charitatis solum specificatur à Deo ultimo fine, etiam vt terminatur ad proximum tanquam medium ; quia etiam vt sic est actus virtutis Theologalis, sic dicitur quia specificatur à Deo : ergo etiam electio voluntatis creatæ solum specificatur à fine, vt constat ex analogia electionis creatæ ad electionem diuinam ; Et ex similitudine eiusdem electionis creatæ ad actum Charitatis, quia sicut electio respicit medium propter finem, & in ordine ad illum, sic actus Charitatis respicit proximum tanquam medium propter Deum & in ordine ad Deum ultimum finem.

Tertiò, Si electio non specificaretur à fine, sed à mediis, sequeretur quod semper esset diuersæ speciei ab intentione finis, quæ specificatur ab ipso fine ; vbi enim sunt diuersa specificatiua, ibi sunt diuersæ specificationes, & diuersæ specie res specificatæ : sed non semper electio est diuersæ speciei ab intentione, vt maxime apparet in actionibus peccaminosis ; nam dum quis intendit v.g. occidere hominem, & eligit gladium ad illum occidendum, tunc intentio illa & electio sunt eiusdem speciei ; cuius signum est, quia peccator non tenetur manifestare in confessione talem electionem, cum tamen teneatur manifestare omnes species peccatorum : ergo electio specificatur à fine.

CONCLUSIO.

RESPONDEO dicendum, quod licet actus voluntatis creatæ, qui immediate ac per se primò respiciunt finem, specificentur diuersimodè ab eodem fine, prout substat diuerso modo tendendi ipsius voluntatis. 2. Alij tamen actus eiusdem voluntatis creatæ, qui immediate ac per se primò respiciunt media, non specificantur à fine : sed diuersimodè specificantur ab iisdem mediis, prout substant diuerso modo tendendi ipsius voluntatis in ipsa. Ita communiter docent discipuli D. Thom. in præsentia, & potiori iure illi, qui sub obiecto formali adæquato voluntatis constituunt non tantum finem, sed etiam media, vt dictum est dubio præcedenti.

Probatur prima pars conclusionis, de qua non est difficultas inter authores : Actus alicuius

R. P. Philippi Carm. discal. Disp. Theolog. in 1. 2.

potentiæ specificantur adæquatè ab obiecto formali *quod*, & ab obiecto formali *sub quo* : siue specificantur à ratione formali *que* sui obiecti, & à ratione formali *sub qua* (quod est commune omnibus respectiuis) : sed finis, seu bonitas finis, est obiectum formale *quod* siue ratio formalis *que* illorum actuum voluntatis, qui immediate ac per se primò respiciunt finem : & diuersus modus tendendi ipsius voluntatis in finem est diuersa ratio formalis *sub qua* : ergo illi actus adæquatè specificantur à fine, & à diuerso modo tendendi ipsius voluntatis in finem, siue potius specificantur diuersimodè ab eodem fine, prout substat diuerso modo tendendi ipsius voluntatis ; quia ratio formalis *sub qua* est formalior in hac specificatione, vnde ratio formalis *qua* obiecti concurret tantum ad specificationem vt determinata à ratione formali *sub qua*, ac proinde vt substat illi.

Probatur secunda pars conclusionis auctoritate D. Thomæ. 1. p. q. 83. art. 3. ait ; Proprium obiectum electionis est illud quod est ad finem. Infra q. 13. art. 4. ait : Sicut intentio est finis, ita electio est eorum quæ sunt ad finem. Et tandem q. 22. de veritate art. 15. agens de electione, cuius potentiæ actus sit, sic ait : Quod enim sit directè actus voluntatis, patet ex duobus. Primò ex ratione obiecti ; quia proprium obiectum electionis est id, quod est ad finem : nomine autem proprii obiecti, quo aliquis actus in se constituitur & distinguitur ab aliis, intelligitur obiectum formale, quod solum est proprium, materiale quippe obiectum est commune multis. Vnde cum ex obiecto formali, vt substat rationi *sub qua*, proueniat specificatio actuum, vt statim dicitur, sequitur quod ex doctrina D. Thomæ actus voluntatis creatæ, qui immediate ac per se primò respiciunt media, specificentur à mediis. Deinde probatur ratione adducta ad probandam primam partem conclusionis, quæ debite applicata hanc etiam probat : Actus alicuius potentiæ specificantur adæquatè ab obiecto formali *quod* & ab obiecto formali *sub quo* : siue specificantur à ratione formali *que* sui obiecti, & à ratione formali *sub qua* ; (quod est commune omnibus respectiuis) in quantum obiectum formale *quod* attingitur in se immediate ab ipso actu, obiectum verò formale *sub quo* est ratio attingendi obiectum formale *quod* : (non enim est necesse, quod in se attingatur) sed finis non est obiectum formale *quod* illorum actuum voluntatis creatæ, qui immediate ac per se primò respiciunt media, ac sunt ipsa media ; vt colligitur ex duplici capite : primo quidem quia illi actus non denominant formaliter finem v.g. electum, ac denominant media, electa ; denominarent autem formaliter finem, & non media, si finis esset obiectum formale illorum : secundo autem, quia aliquando durat electio v.g. cessante formali & actuali cognitione finis, vt sæpe experimur ; constat autem

C 2 . quod

quod obiectum formale alicuius actus voluntatis debet esse formaliter & actu cognitum, quando durat actus ille, cognitio quippe formalis & expressa debet præire & concomitari actum voluntatis: Et diuersus modus tendendi ipsius voluntatis in media est ratio formalis *sub qua* prædictorum actuum, ut constat: ergo actus voluntatis creatæ, qui immediatè ac per se primò respiciunt media, non specificantur à fine; sed diuersimodè specificantur ab iisdem mediis, prout substant diuerso modo tendendi ipsius voluntatis in ipsa media. Denique scientia actualis siue cognitio scientifica specificatur proximè & formaliter à veritate conclusionum; Et non à veritate principiorum, à qua tantum specificatur remotè & radicaliter; adæquatè quippe specificatur à suo obiecto formali adæquato, quod immediatè attingit, nempe à veritate suarum conclusionum, ut substant talibus principiis, siue ut deducuntur ab illis, & in illis radicanur; quia essentialè est cuilibet respectivo specificari ab eo quod ex se ab intrinseco respicit, ut substat debito modo respiciendi, nam sicut dependenter ab illo respectu habet suam essentiam & suum esse, sic dependenter ab illo habet suam speciem, quæ est formalissimum essentia: ergo pari ratione, & simili modo actus voluntatis creatæ, qui immediatè ac per se primò respiciunt media, proximè & formaliter specificantur ab iisdem mediis, diuersimodè tamen, prout substant diuerso modo tendendi ipsius voluntatis in ipsa, & tantum remotè & radicaliter specificantur à fine, à quo bonitas mediorum participatur & dependet: paritas autem inter media & conclusiones ex vna parte ad specificandum proximè & formaliter actus quos immediatè terminant; & paritas inter finē, & principia ex alia parte ad specificandum remotè & radicaliter prædictos actus; provenit ex hoc, quod sicut veritas intrinseca conclusionibus, est obiectum formale sciētiæ, & pertinet ad obiectum formale adæquatū intellectus, quāvis sit participata & dependens à veritate principiorum; sic bonitas intrinseca mediis est obiectum formale electionis verbi gratia, & pertinet ad obiectum formale adæquatum voluntatis, quāvis sit participata & dependens à bonitate finis, ut dictum est dubio præcedenti.

Ad primum ergo dicendum, quod habet quidem maximam vim contra eos, qui dicunt quod solus finis est obiectum formale adæquatum voluntatis, & ab illo excludunt media reducentes ad obiectū materiale: nam ex vna parte non potest aliquis actus specificari ab obiecto materiali, sed necessario specificatur à suo proprio obiecto formali, ut constat ex dictis & communiter conceditur: ex alia verò parte non apparet, quomodo aliquid possit esse obiectū formale alicuius actus vnius potentia, & tamen pertinere solum ad obiectum materiale eiusdem potentia; in hoc quip-

pe apparet contradictio, cum potentia attingat suum obiectum mediis habitibus & actibus; ac ita obiecta formalia habituum & actuum sunt partes obiecti formalis ipsius potentia, & continentur ut obiecta formalia inadæquata sub obiecto formali adæquato illius. Nec illud quod adducunt aliqui, satisfacit, dum dicunt quod quidem actus primarij alicuius potentia habet pro obiecto formali id quod est formale respectu potentia; sed actus secundarij possunt habere pro obiecto formali id quod est materiale respectu potentia: & dant rationem, quia potentia specificatur tantum ab actibus primariis: & simul adducunt instantiam de ente rationis, quod pertinet tantum ad obiectum materiale intellectus; & tamen est obiectum formale habitus intellectualis, nempe Logicæ. Sed tamen hæc doctrina verè non soluit difficultatem propter dicta: & maximè quia quicumque actus potentia non tam attingit etiam *ut quo* obiectum, quam potentia ipsa *ut quo* attingat illud medio suo actu quasi tendentia ipsius; est autè impossibile quod potentia attingat aliquid medio quocumque actu suo, si in eo non reperiatur ratio formalis *quæ* obiecti sui, nam quocumque modo potentia operetur, semper attingit rationē formalem *quæ* sui obiecti: & ita ad summum habetur, quod actus secundarij potentia habent pro obiecto formali illud quod est secundarium in obiecto formali adæquato potentia; sicut actus primarij habent pro obiecto formali illud quod est primarium in obiecto formali adæquato potentia: nam potentia sicut essentialiter respicit omnes suos actus, tam primarios, quam secundarios; quodā tamen ordine; sic ab omnibus illis completè specificatur: quod patet in intellectu, qui completè specificatur à veritate, tam principiorū, quàm conclusionum; primariò à veritate principiorum, & secundariò à veritate conclusionū: non obstante quod actus tantum specificatur ab obiecto primario, quia illud tantum essentialiter respicit; disparitas autem provenit ab amplitudine potentia, & limitatione habituum & actuum. Nec similiter adducta instantia est vera, imò in philosophicis secunda secunda q. 42. art. 1. probauimus ens rationis contineri sub obiecto formali adæquato intellectus humani: & hanc adduximus rationē, quia ens rationis est obiectum per se habitus intellectualis, scilicet Logicæ; habitus autem alicuius potentia sunt determinationes ipsius in ordine ad peculiariora obiecta inadæquata, circa quæ ipsa versatur: ergo ens rationis non potest non pertinere, per modum obiecti formalis inadæquati, ad obiectum formale adæquatum intellectus; & ita licet in esse entis dependeat ab ente reali, non tamen ab illo dependet in esse obiecti intelligibilis, quia habet proprias passiones, quibus intelligatur & sciatur. Igitur relicta hac opinione, & eius solutione, respondetur ad argumentum, quod minor est falsa, ut proba



D V B I V M VI.

Utrum Finis exerceat munus causæ: non solum circa electionem mediorum; sed etiam circa sui desiderium.

probatum est dubio præcedenti. Ad illud quod subditur, dicendum quod finis potius est motiuum, quam ratio sub qua voluntas tendit ad media: deinde ratio formalis *sub qua* non specificat proximè & formaliter, sed ratio formalis *qua* ut substat rationi *sub qua*.

Ad secundum dicendum quantum ad primam partem, quod sicut obiectum formale adæquatum diuinæ voluntatis est sola diuina bonitas, ut ostensum est in materia de voluntate Dei: sic eadem sola diuina bonitas est obiectum formale singulorum actuum diuinæ voluntatis, sub peculiari ratione vniuscuiusque; & omnis bonitas creata pertinet ad obiectum materiale prædictorum actuum, ut ibidem dictum est: unde non mirum, si electio diuinæ voluntatis specificetur à bonitate diuina quæ est finis diuinæ voluntatis: & adhuc non specificatur ab illa ut habet rationem finis; sed potius ut habet rationem medij, vtramque enim habet rationem propter suam eminentiam; nam v.g. bonitas diuina specificat misericordiam, ut est ratio subleuandi alienam miseriam, & sic de aliis: in præsentem autem bonitas mediorum pertinet ad obiectum formale voluntatis creatæ; unde non mirum, si specificet eius electionem, quamuis sit distincta à bonitate finis. Quantum ad secundam partem nunc breuiter dicendum, vel quod est disparitas, nam proximus dilectus per charitatem non habet rationem medij in ordine ad Deum, nec diligitur per charitatem, nisi propter extrinsecam Dei bonitatem, quæ in eo per participationem donorum supernaturalium refulcet; media autem quæ immediatè attinguntur per electionem, verè sunt media, & attinguntur ratione bonitatis intrinsecæ. Vel dicendum quod admissa paritate, actus charitatis qua diligitur proximus, habet pro obiecto formali bonitatem creatam quæ est in proximo, sed est participatione bonitatis increatæ Dei; & ita distinguitur specie ab actu charitatis, quo diligitur Deus: cuius signum est, quod hi duo actus possunt esse simul in eodem; cum tamen duo actus, aut duo accidentia eiusdem speciei non possint esse simul. Sed de his agatur expressius proprio loco 2.2. cum agatur de Charitate.

Ad tertium dicendum, quod electio est semper diuersæ speciei in genere physico ab intentione: non autem semper est diuersæ speciei in genere morali, ut probat ratio: sed in præsentem agimus tantum de specificatione in esse physico, & non in esse morali, ut dictum est in supponendo: ad esse autem morale pertinent omnes species peccatorum manifestandæ in confessione.

Supponendum est, quod dum dicitur, finem esse primum in intentione, & vltimum in executione; non sic est intelligendum, quod finis ipse sit in se, & secundum suam realem existentiam posterior mediis etiam in se realiter consideratis; hæc enim intelligentia esset falsa, quia sic finis sæpe est prior in existendo mediis; & Deus ipse, qui est vltimus & maximè finis, est in se æternus, ac prior duratione omnibus mediis ad ipsum ordinatis, & conducentibus. Sed sic est intelligendum; quod finis est primum quod intenditur, ante electionem mediorum; & est postremum, quod in exercitio siue in executione acquiritur, post vsum mediorum. Igitur finis est primum, circa quod versatur voluntas, postquam ei ab intellectu ut bonum proponitur: & tunc exercet proprium munus causæ, illam ad seipsum alliciendo & moraliter mouendo; ut fusiè in physicis dictum est q. 14. maxime art. 4. & infra ex ibidem dictis explicabitur. Ex quo nunc sequitur inquirendum: Utrum finis pro tunc quando est primus in ordine intentionis (siue tunc etiam sit secundum suum esse reale, siue sit tantum secundum esse apprehensum & cognitum;) exerceat munus causæ, non solum circa electionem mediorum quibus debet acquiri, sed etiam circa sui desiderium: mouendo scilicet voluntatem non solum ad eligenda media; sed etiam ad actus simplicis volitionis ac intentionis sui, & ad desiderandam sui acquisitionem.

Prima opinio aliquorum extra scholam D. Thomæ, negat finem exercere munus causæ propriè finalis, in ordine ad sui desiderium: & asserit quod illud tantum exercet in ordine ad electionem mediorum. Probat: Finis est cuius gratia cætera fiunt, & ipse nullius gratia seu amore fit, ut docet Philosophus 2. Physic. cap. 3. ergo non exercet munus causæ propriè finalis, in ordine ad sui desiderium; aliàs fieret gratia alicuius, videlicet sui.

Secundò, Sub desiderio finis comprehenduntur tres actus voluntatis immediatè resicientes ipsum finem: Primus est simplex volitio, seu appetitio aut dilectio ipsius finis materialiter considerati, ut quoddam bonum est: Secundus est intentio ipsius formaliter considerati, ut finis est in ordine ad media: Tertius tandem est delectatio siue fruitio eiusdem finis iam habiti. Sed finis non exercet munus causæ propriè finalis in ordine ad aliquem ex his actibus: non in ordine ad primum, quia hic non versatur circa finem formaliter ut finis est, ac tantum versa-

tur circa illum materialiter ut est quoddam bonum: non in ordine ad secundum, quia communiter conceditur, quod finis non exercet munus causæ, nisi ut est in intentione, & ita intentionis actus est fini ratio cauſandi, & non effectus eius: nec in ordine ad tertium, quia causalitas finis exercetur in executione mediorum, unde cum adeptio finis sit terminus extrinsecus mediorum, illo adeptio cessat causalitas ipsius finis, & ita non extenditur ad delectationem siue fruitionem sui: ergo finis non exercet munus causæ circa sui desiderium.

Tertiò, Si finis exerceret munus causæ circa sui desiderium, sequerentur plura inconuenientia. Primum, quod finis esset sibi correlatiuus: cum tamen communiter assignentur tantum media pro correlatiuo finis. Secundum, quod daretur processus in infinitum: nam si finis sit causa amoris & desiderij sui, hic amor & desiderium procedit ex amore finis siue est gratia & amore finis: & si hic alius actus amoris est amore finis, procedetur in infinitum in actibus amoris finis. Tertium, quod non solum homines, sed etiam bruta agerent propriè propter finem: nam æquè bruta alliciuntur à bono delectabili, ac ab illo alliciuntur homines; & solum differunt in hoc quod homines eligunt media, non autem bruta: unde si finis exercet munus causæ in ordine ad desiderium sui, bruta æquè agent propter finem seu propter causalitatem finis, ac homines; quod tamen communiter negatur: ergo finis non exercet munus causæ circa sui desiderium, sed solum circa electionem mediorum.

CONCLUSIO.

RESPONDEO dicendum, quod finis exercet munus causæ propriè: non solum in ordine ad electionem mediorum. 2. sed etiam in ordine ad sui desiderium. Ita communiter discipuli D. Thomæ: tum in physicis ubi agitur de causalitate finis: tum in præſenti, ut Aluarez ex professo disputat. 2. & plures alij extra scholam D. Thomæ, ut Suares tom. 1. suæ Metaphysicæ disput. 23. sect. 3.

Probatur & explicatur prima pars conclusionis. Finis non potest acquiri sine mediis proportionatis, ideo enim adhibentur in ordine ad eius acquisitionem: quod autem hæc media præ aliis sint proportionata fini acquirendo, prouenit tum ex natura ipsius finis, tum ex natura mediorum, in quantum inter se conueniunt: ergo finis mouet voluntatem in ordine ad eligenda hæc media præ aliis ad sui acquisitionem: & consequenter finis exercet munus causæ propriè in ordine ad electionem mediorum; & in hoc nulla est difficultas inter authores.

Probatur & explicatur secunda pars conclusionis. Dicimus igitur quod finis mouet ad se moraliter & metaphoricè voluntatem: quæ motio metaphorica duo importat. Primum est, quod bonitas finis debite proposita voluntati ut con-

ueniens, ipsi placeat; quod est excitare, & illam allicere ad sui amorem & desiderium. Secundum est, quod terminet actum voluntatis: & ita causalitas finis ex utroque adæquatur; scilicet ex motione morali & metaphorica efficaci, ad quæ infallibiliter sequatur actus voluntatis; & ex terminatione; cum enim bonitas finis alliciat ad se appetitum, necessariò mouet moraliter ad actum, & terminat eundem actum: hanc enim utramque rationem includit finis, scilicet motui & terminationi. Hæc pars conclusionis sic explicata probatur: tum ex communi doctrina, qua dicitur quod finis includit duo; primum est, quod propter se diligatur & attingatur; secundum autem est, quod cætera appetantur propter ipsum: & hoc secundum sequitur ad primum, in quo præcipue consistit ratio finis: in illo autem primo includitur, quod actus quo diligitur & attingitur finis procedat ab ipso fine moraliter, siue ut exercente munus causæ finalis propriè; *scilicet* enim, propter importat causalitatem causæ finalis. Tum autoritate D. Thomæ hic art. 1. ad 2. ubi sic ait: Quidquid homo agit, verum est dicere, quod agit propter finem, etiam agendo actionem, quæ est ultimus finis. Et quæst. 22. de veritate art. 2. ait: Sicut influere causæ efficientis est agere: sic influere causæ finalis est appeti & desiderari; ubi D. Thomas ponit causalitatem finis in hoc quod sit appeti & desiderari, siue in hoc quod est mouere moraliter ad sui appetitum & desiderium.

Secundò, probatur ratione: Finis causalitas est prima omnium causarum, ut communiter conceditur, & expresse docet D. Thomas, tum 1. p. q. 5. art. 4. tum hic art. 2. dicens: Causarum enim ad inuicem ordinarum si prima subtrahatur, necesse est alias subtrahi. Prima autem inter omnes causas est causa finalis: cuius ratio est, quia materia non consequitur formam, nisi secundum quod mouetur ab agente, nihil enim reducit se de potentia in actum: agens autem non mouet, nisi ex intentione finis: si enim agens non esset determinatum ad aliquem effectum, non magis ageret hoc, quam illud: ad hoc ergo quod determinatum effectum producat, necesse est, quod determinetur ad aliquod certum, quod habet rationem finis: ergo finis exercet munus causæ propriè in ordine ad sui desiderium; si enim causalitas finis est omnino prima, ac necessariò prærequisita ad actionem causæ efficientis, quasi determinans ipsam ad hoc, vel illud operandum; debet necessariò influere in suo genere causæ ad hanc actionem, quæ est appetitus & desiderium ipsiusmet finis.

Ad primum ergo dicendum, quod ibi Philosophus expresse agit pro nobis: dicit enim, quod cætera appetuntur propter finem, finis autem appetitur propter seipsum, & sit sui gratia: nos enim non excludimus, imò ponimus quod appetatur & fiat gratia sui: unde dum Philosophus ait: obiectum

Quod finis est nullius gratia; per *ly nullius*, intelligit nullius alterius ab ipso.

Ad secundum dicendum, quod finis exercet munus causæ in ordine ad illos omnes actus. Vnde ad primam impugnationem dicendum, quod sufficit primo illo actu attingi finem materialiter ut est quoddam bonum, ad hoc ut finis dicatur propriè exercere munus causæ in ordine ad illum: nam causalitas finis in hoc saluatur essentialiter, quod appetatur ut quoddam bonum ratione sui; quamuis exigit per modum proprietatis, ut cetera appetantur propter ipsum, quod est ipsum attingi formaliter ut finis aliorum. Ad secundam impugnationem dicendum, quod finis dicitur causare, ut est in intentione, id est secundum quod est in apprehensione; & sic est æquiuocatio in nomine intentionis: igitur actus intentionis, qui versatur circa finem formaliter consideratum, non fit ex alio actu intentionis finis, sed fit ex motione finis. Ad tertiam impugnationem dicendum, quod licet causalitas finis exerceatur in executione mediorum; non tamen completur nisi in adeptione & fruitione ipsiusmet finis.

Ad tertium dicendum, quod ex doctrina tradita nullum sequitur inconueniens. Non primum: quia licet media sint correlatiuum finis, non tamen sunt correlatiuum adæquatum ipsius; sed ipsemet finis ut terminatiuus actuum voluntatis, est correlatiuus sibi ipsi in quantum est motiuius eorundem actuum. Nec sequitur secundum, quia amor, qui est primus actus circa finem, procedit ex motione finis, & non ex alio priori actu voluntatis circa finem: dicitur autem esse gratia & amore finis, id est propter finem siue ex motione finis. Nec sequitur tertium, quia licet bruta tendant ad bonum delectabile, sicut tendunt homines: non tamen se propriè mouent ab intrinseco ad finem, sicut se ad illum propriè mouent homines; nec propriè agunt propter finem, sicut propter illum agunt homines; quin potius instinctu naturæ, ex motione authoris eiusdem naturæ, mouentur & feruntur in illum: cuius discriminis ratio est; quia homo, ut infra dicetur, cognoscit finem ut sic formaliter, siue cognoscit ordinem quem habet, vel habere potest ad media; & ita se mouet propriè ad illum, etiam in actu libero, quo immediatè appetit ipsum finem: bruta autem non cognoscunt prædictum ordinem finis ad media, & consequenter cognoscunt finem formaliter ut talem; & ita non propriè se mouent ad illum.

¶

DISPUTATIO II.

De his, quibus competit agere propter finem.

POST QUAM determinatum est de natura & causalitate finis in communi; determinandum occurrit, quibus competit agere propter finem: quod fit in præsentibus

disputatione, excitata super articulum secundum D. Thomæ, in quo quaerit: utrum agere propter finem, sit proprium rationalis naturæ. Quia verò sub rationali siue intellectuali natura comprehenditur Deus, & Angelus, & Homo: ideo specialiter agatur de Deo, & de Homine; de Angelo quippe eadem est ratio, ac de homine.

D V B I U M I.

Utum Deus in omnibus suis actibus, tam necessariis, quam liberis agat propriè propter finem.

SUPPONENDUM est, quod in Deo, propter summam eius simplicitatem, non est distinctio realis actualis inter actum diuinæ potentie & ipsam potentiam; imò nec est distinctio virtualis, ob eandem summam simplicitatem, quando inter actum & potentiam nulla mediat virtus intellectualis aut affectiua; summa quippe diuina simplicitas exigit, quod quælibet linea in diuinis reperta pertingat, absque vlla distinctione virtuali, à prima potentia vsque ad vltimum actum. Vnde actus diuini intellectus est ipse intellectus, & actus diuinæ voluntatis est ipsa voluntas: quamuis secundum imperfectum nostrum modum concipiendi apprehendantur ut distincta. Cum autem in Deo, ut pote purè spiritali, nulla sit alia potentia, quam intellectus & voluntas: quibus & ad intra, & ad extra operetur: inde est, quod omnes actus Dei, de quibus in præsentibus quaerimus, utrum sint propter finem, sunt actus vel intellectus, vel voluntatis. Vtriusque verò huius potentie actus diuiduntur in necessarios & liberos: Necessarii sunt ex omnimoda necessitate naturæ, Liberi autem sunt ex electione: Necessarii subdiuiduntur in essentielles & notionales; Essentiales sunt ut intellectio, & dilectio siue amor diuinæ perfectionis & bonitatis conueniens tribus diuinis Personis; notionales sunt, ut dictio productiua Verbi, & spiratio productiua Spiritus sancti, quæ non tribus diuinis Personis, sed vni vel duabus tantum conueniunt: Actus liberi idem sunt substantialiter ac actus necessarii, & solum distinguuntur penes terminationem passiuam ad obiecta, liberam vel necessariam, ut dictum est in materia de voluntate Dei. De omnibus his actibus quaerimus in præsentibus, utrum in his Deus agat propter finem: vel ut *ly propter finem* importat propriè causam finalem, vel ut importat tantum rationem finalem: inter quæ hoc est discrimen, quod esse propter finem, tanquam propter causam propriè finalem inuoluit multas imperfectiones eius quod est propter finem, puta dependentiæ, distinctionis, effectus, & similes; esse autem propter finem, tanquam propter rationem finalem, excludit similes imperfectiones, & potest denudari ab omni imperfectione: quod declaratur

ratur à simili; nam ratio causæ efficientis propriè dictæ infert effectum ab ipsa in esse distinctum, ac proinde limitatum & imperfectum; ratio autem principij, vel ratio à priori non infert effectum de necessitate, sed aliquid productum, aut virtualiter emanans, in quibus nulla est imperfectio: & propterea in diuinis ponimus Patrem esse principium, non causam Filij; & Immutabilitatem esse rationem à priori, & non causam æternitatis.

Prima opinio asserit, Deum in omnibus suis actibus liberis simpliciter & absolute agere propter finem ipsi extrinsecum & creatum. Probatur: Deus diligit creaturas intellectuales vero amore amicitiae, & non amore concupiscentiae, ut communiter conceditur: sed de ratione amoris amicitiae est, quod amicus siue amatus sit finis *cui* ipsius amoris, sicut de ratione amoris concupiscentiae est, quod amans ipse sit finis *cui* amoris: ergo Deus in omnibus suis actibus liberis agit propter finem ipsi extrinsecum & creatum. Deinde, Deus actibus suis liberis versatur circa objecta creata, tanquam circa objecta specificatiua ipsorum, ut actu misericordiae versatur circa humanam miseriam subleuandam, & actu iustitiae versatur circa æqualitatem in rebus constituendam, & idem de aliis: sed objectum specificans est finis actus ab eo specificati, & actus specificatus est propter objectum specificans tanquam propter finem: ergo Deus in omnibus suis actibus liberis agit propter finem ipsi extrinsecum & creatum. Denique, opera meritoria creature intellectuales mouent diuinam voluntatem, ut Deus eidem creature concedat præmium promissum; unde Deus concedit præmium propter merita tanquam propter finem: ergo Deus in actibus suis liberis agit propter finem ipsi extrinsecum & creatum.

Secunda opinio asserit, quod Deus in omnibus actibus necessariis, etiam notionalibus agit propter finem. Probatur. Debet in omnibus Deo attribui perfectissimus modus operandi; hoc enim exigit summa diuina perfectio: sed est perfectissimus modus agendi agere propter finem, scilicet mouendo se & dirigendo suam operationem in illum, qui propterea modus agendi solis creaturis perfectioribus, quales sunt intellectuales, attribuitur: ergo in omnibus actibus necessariis, etiam notionalibus, debet Deo attribui, quod agit propter finem. Deinde: Actus notionales sunt voluntarij, non solum voluntate concomitante, sed etiam voluntate antecedente, ut est communior doctrina; ac proinde sunt ex cognitione & voluntate finis: ergo Deus in omnibus suis actibus necessariis, etiam notionalibus agit propter finem.

Tertia opinio Curiel & aliorum in præsentia, præcedenti opposita, negat absolute & simpliciter, quod Deus in suis actibus necessariis agit propter finem; etiam ut præcisè est ratio finalis

agendi. Probatur: Eadem est ratio, quantum ad hoc; de Deo ac de aliis agentibus necessariis: sed alia agentia necessaria in actibus suis necessariis non agunt propter finem; quia ut aliquid agat propter finem propriè loquendo, debet se mouere ac dirigere in finem, ut docet D. Thomas hic art. 2. & ex hoc probat creaturas irracionales non agere propter finem, quia non se mouent nec dirigunt formaliter in illum, at potius mouentur & diriguntur ab alio; constat autem quod agentia necessaria non se mouent nec dirigunt formaliter in finem, ad hanc quippe motionem & directionem requiritur, tum quod agens habeat verè dominium sui actus, tum quod voluntas operetur per modum voluntatis, ac proinde præsupposito consilio & deliberatione, quorum vtrumque repugnat agentibus necessariis, ut patet ex ipsis terminis, cum agant ex determinatione naturæ ad vnum, & ex impetu ipsius: ergo Deus in suis actibus necessariis, simpliciter & absolute non agit propter finem, etiam ut præcisè est ratio finalis agendi.

CONCLUSIO.

RESPONDEO, dicendum, quod Deus in actibus necessariis, sed essentialibus suæ voluntatis, qualis est amor essentialis diuinæ bonitatis, agit propter finem, ut præcisè est ratio finalis agendi, agit nempe propter ipsammet diuinā bonitatem 2. sed in actu notionali necessario formalissimè considerato, quo procedit Spiritus sanctus à Patre & Filio se mutuo diligentibus, nullo modo agit propter finem 3. in actibus autem liberis, si considerentur quoad terminationem passiuam, siue quantum ad effectus productos, Deus agit propriè propter finem, tanquam propter veram causam finalem. 4. si verò considerentur prædicti actus quoad terminationem actiuam, & ut se tenent ex parte ipsius operantis, Deus in nullo actu libero agit propter finem, tanquam propter causam finalem. 5. in omnibus tamen agit propter finem, tanquam propter rationem finalem agendi. Ita communiter docent discipuli D. Thomæ & alij.

Probatur prima pars conclusionis autoritate D. Thomæ 1. p. q. 19. art. 2. vbi ait: Sic igitur Deus vult, & se esse, & alia: sed se ut finem, alia verò ut ad finem. Ex quo constat, quod Deus vult se & suam bonitatem, tanquam vltimum finem omnium aliorum; & hoc actu amoris essentialis & necessarij: sed ut dictum est dubio vltimo disputationis præcedentis, finis verè influit moraliter modo sibi proprio, ad actus ad seipsum terminatos; ita ut verè exerceat munus causæ finalis in ordine ad illos, nisi obstat aliunde, sicut obstat in præsentia, cum in Deo nihil possit esse causatum, quia causatum siue effectus intrinsecè petit dependere, & distingui in esse ab ipsa causa, in Diuinis autē nulla est aut esse potest talis dependentia & distinctio; unde stante hoc obice finis exerceat in ordine ad illos actus verè munus rationis

rationis finalis, quæ non affert prædictas imperfectiones dependentiæ & distinctionis: ergo Deus in actibus necessariis, sed essentialibus suæ voluntatis, qualis est amor essentialis diuinæ bonitatis, agit propter finem, ut præcisè est ratio finalis agendi, agit nempe propter ipsammet diuinam bonitatem. Quod sic amplius declaratur: Diuina bonitas est summum bonum siue est bonitas per essentiam, nec in ordine ad ipsam diligendam, potest esse in Deo difficultas, imò in tali dilectione est summa delectatio & fruitio; & ita ex qua parte cognoscitur esse summum bonum, diligitur à Deo necessariò quoad specificationem; ex qua verò parte in tali dilectione nulla apparet difficultas, sed summa delectatio & fruitio, diligitur necessariò quoad exercitium: unde actus diuinæ voluntatis circa ipsam est summè necessarius. Aliunde verò ipsa diuina bonitas perfectissime à Deo cognoscitur sub omni ratione in ea reperta, ac proinde formaliter sub ratione ultimi finis simpliciter; intrinseci quidem & indistincti respectu ipsiusmet Dei, ac diuinorum quæ illam respiciunt; extrinseci autem respectu omnium aliorum: unde sic cognita mouet ad sui amorem, quasi ultimi finis, diuinam voluntatem; & consequenter ille actus amoris est propter diuinam bonitatem, non quidem influentem per modum causæ finalis, ut dictum est, benè autem per modum rationis finalis; sicut enim ratio à priori in ordine effectiuo nullam inuoluit imperfectionem ex his, quas inuoluit causa efficiens, propterea in diuinis summa simplicitas est ratio à priori immutabilitalis, & immutabilitas ratio æternitatis; sic ratio à priori in ordine finali siue in genere finis nullam inuoluit imperfectionem ex his, quas inuoluit causa finalis.

Probatur secunda pars conclusionis auctoritate D. Thomæ 1. p. quæst. 19. art. 8. ubi sic ait: Personæ diuinæ, quarum Pater est principium, non procedunt ut ad finem (cum quælibet illarum sit, vltimus finis) sed naturali processione, quæ magis ad rationem naturalis potentiæ pertinere videtur. Deinde probatur ratione deducta ex hac auctoritate D. Thomæ: Actus necessarius amoris notionalis, quo procedit Spiritus sanctus à Patre & Filio se mutuò diligentibus, non distinguitur adhuc virtualiter ex æquo ab actu necessario amoris essentialis, sed solum distinguitur ratione cuiusdam modi fecunditatis, quem habet ut est in Patre & Filio spirantibus, & quem ut notionalis reduplicatiuè, & formalissimè ut sic consideratus importat: sed amor notionalis ut sic formalissimè & reduplicatiuè consideratus, siue quoad prædictum modum fecunditatis, nullo modo est propter finem, etiam ut præcisè dicit rationem finalem; licet enim præsupponat perfectam & comprehensiuam cognitionem diuinæ bonitatis, etiam ut vltimi finis; tamen non habet formalissimè ex hac cognitione quod sit

R. P. Philippi Carm. discal. Diss. Theolog. in 1. 2.

spiratio siue productio Spiritus sancti; sed hoc habet ex fecunditate diuinæ naturæ; nam si per impossibile Deus amaret suam bonitatem absque prædicta cognitione, ac proinde non tanquam finem formaliter, adhuc haberet amorem illum ut notionalem & productiuum Spiritus sancti, supposita fecunditate diuinæ naturæ: ergo Deus in actu notionali necessario formalissimè considerato, quo procedit Spiritus sanctus à Patre & Filio se mutuò diligentibus, nullo modo agit propter finem;

Probatur & explicatur tertia pars conclusionis. Dicimus ergo quod actus diuini, quibus Deus libere ad extra operatur producendo effectus, possunt considerari vel secundum suam entitatem, vel secundum suam terminationem actiuam, vel tandem secundum terminationem passiuam: si sumantur primo modo, non distinguuntur ab actibus necessariis diuini intellectus, qui præsupposito decreto diuinæ voluntatis est potentia executiua & operatiua ad extra; ut sic autem certum est, prædictos actus liberos non habere causam finalem, cum in Deo ut pote prima causa nihil sit causatum: si sumantur secundo modo, dicunt ipsam entitatem actus se tenentem ex parte Dei operantis; & ut sic etiam certum est, illos non habere causam finalem, quia nihil per modum causæ finalis potest influere ad hoc quod Deus operetur hoc vel illud, quia Deus non habet causam finalem, sicut nec eius operatio; Deus quippe non habet finem extrinsecum & à se distinctum, nec ipse potest esse sui ipsius, aut alicuius sui causa finalis; tum quia in Deo nihil est causatum; tum quia causa finalis affert dependentiam in effectu & distinctionem, ac similes imperfectiones Deo repugnantes: si autem sumantur tertio modo, non dicunt in recto ipsam sui entitatem, nec important seipsos ut se tenentes ex parte Dei operantis, sed in recto dicunt productionem passiuam effectuum (quam tantum connotant, si sumantur secundum terminationem actiuam) & in illis ut sic sumptis Deus propriè agit propter finem, tanquam propter veram causam finalem; nihil enim est aliud dicere, quam quod Deus omnia producit propter seipsum, tanquam propter vltimam causam finalem omnium. Probatur auctoritate sacræ Scripturæ & Sanctorum Patrum: Prouerbio- rum 16. dicitur: Omnia propter semetipsum operatus est Dominus. Isaia 48. habetur: Ait Dominus, propter me, propter me faciam. Apocalypsis. 1. ait Christus verus Deus: Ego sum Alpha & Omega, Principium & Finitis. Idem sæpissime docent Sancti Patres: unde inter alios D. Thomas 1. p. q. 19. art. 1. ad 1. ait: Licet nihil aliud à Deo sit finis Dei; tamè ipsemet est finis respectu omnium, quæ ab eo fiunt. In his autem auctoritatibus nomine finis intelligitur causa finalis, & non tantum ratio finalis, ut statim probabitur. Deinde: sicut est impossibile, quod Deus non

D

fit

sit prima & vniuersalissima causa effectiua omnium productorum ad extra: sic est impossibile, quod non sit vltimus & vniuersalissimus finis eorundem: ideo quippe est causa omnium effectiua, quia omnia alia habent dependenter ac distinctum esse ab illo, quod denotat maximam perfectionem ex parte Dei, & imperfectionem ex parte creaturarum, quod scilicet habeant esse dependenter à Deo, & habeant illud participatum ab ipso qui est suum esse per essentiam: constat autem quod Deus non est minus perfectus in ratione vltimi finis, ac est perfectus in ratione primi principij seu primæ causæ; Et consequenter omnes effectus producti habent esse dependenter à Deo vt vltimo fine; maxime quia cum causa finalis sit omnium prima, prius intelligitur influere Deus per modum vltimi finis in esse omnium effectuum, quam per modum primæ causæ: ergo in actibus liberis, si considerentur quoad terminationem passiuam, siue quoad productionem passiuam effectuum, aut quoad effectus productos, Deus agit propriè propter finem, tanquam propter veram causam finalem; non solum vltimam, sed etiam intermediam, vt probat D. Thomas 1. p. q. 19. art. 5. ad 3. vbi sic ait: Deus voluit hominem habere manus, vt deserui- rent intellectui, operando diuersa opera: & voluit eum habere intellectum, ad hoc quod esset homo: & voluit eum esse hominem, vt frueretur ipso, vel ad complementum vniuersi: quæ quidem non est reducere ad alios fines creatos vltiores: vnde huiusmodi dependent ex simplici voluntate Dei; alia verò ex ordine aliarum causarum. Idem docet 1. contra Gentes cap. 86. dicens: Sic igitur procedere possumus in assignando diuinæ voluntatis rationem (sub intellige quoad terminationem passiuam ipsius:) Deus vult hominem habere rationem, ad hoc vt homo sit: vult autem hominem esse, ad hoc quod completio vniuersi sit: vult autem bonum vniuersi esse, ad hoc quod habeat bonitatem ipsius. Quod totum breui sententia exprimit D. Thomas dicens: Deus non vult hoc propter hoc; sed hoc vult esse propter hoc: primum dictum fundatur in hoc, quod Deus nō habet extra se causam, aut rationem finalem suæ voluntatis seu volitionis, quoad terminationem actiuam: secundum autem dictum fundatur in hoc quod plures effectus Dei non solum habent Deum vltimum finem, sed etiam habent alios fines intermedios; & ita Deus in actibus suis liberis productiuis ad extra, propriè agit propter finem, si dicti actus sumantur præcisè quoad terminationem passiuam, siue vt dicunt productionem passiuam effectuum.

Probatur quarta pars conclusionis auctoritate S. August. & D. Thomæ: Augustinus lib. 83. quæstionum quæst. 28. dicit, non esse quærendam causam, quare Deus voluerit creare mundum: D. Thomas 1. p. q. 19. art. 5. dicit, quod nul-

lo modo voluntas Dei causam habet: quæ dicta æquè intelligenda sunt de causa finali, ac de causa efficiente; cum vtraque ex eadem radice, scilicet dependentiæ & distinctionis in effectu re- pertæ, repugnet diuinæ volitioni. Deinde: Quilibet actus liber Dei ad extra operatiuus, quoad terminationem actiuam præcisè consideratus, est formaliter in ipso Deo; tum generali ratione actionis, quæ subiektatur in agente, vt dictum est in Physicis; tum peculiari ratione actionis intellectualis, quæ formaliter est immanens, & virtualiter tantum transiens: ac proinde talis actus sic consideratus, est quid diuinum & increatum: ergo sic consideratus non habet causam finalem, nec intrinsecam, nec extrinsecam; non quidem intrinsecam, tum quia in Deo vt pote prima causa nihil est causatum, tum quia in absolutis Dei perfectionibus nulla est distinctio, qualis debet esse inter causam & causatum; nec etiam extrinsecam ob easdem rationes, & maxime quia causatum dicit dependentiam à causa, quam non potest dicere aliquid diuinum ab aliquo creato extrinseco: & ita si actus liberi Dei considerentur quoad terminationem actiuam, & vt se re- nent ex parte ipsius operantis, Deus in nullo actu libero agit propter finem, tanquam propter causam finalem.

Probatur quinta pars conclusionis auctoritate D. Thomæ 1. contra Gentes sic ait: Finis est ratio volendi ea, quæ sunt ad finem: Deus autem vult bonitatem suam tanquam finem: omnia autem vult tanquam ea quæ sunt ad finem: sua igitur bonitas est ratio, quare vult (& consequenter quare operatur) illa quæ sunt diuersa ab ipsa. Et cap. 87. ait: Quamuis autem aliqua ratio diuinæ voluntatis assignari possit, non tamen sequitur, quod voluntatis eius sit aliqua causa. Deinde: Ex auctoritate sacræ Scripturæ habetur, quod Deus omnia operatur propter semetipsum; ergo ipsemet est sibi ratio finalis agendis; vnde non solum Dei effectus, sed etiam actus liber ad extra productiuius habet rationem finalem. Denique: Diuina bonitas mouet & allicit diuinam voluntatem, modo fini proprio, non tantum ad amorem sui, sed etiam ad producendum creaturas, seu ad actus liberos productiuos effectuum; cum enim bonum sit sui diffusiuum, vt docet Dionysius, multò magis summum bonum est sui diffusiuum; & ita diuina bonitas, quæ est summum bonum, exigit seipsam diffundere & communicare, modo sibi conuenienti, videlicet naturaliter & necessariò ad intra, & liberè ad extra; ac proinde mouet liberè diuinam voluntatem vt producat ad extra effectus, qui sint participationes diuinæ bonitatis: ergo Deus in omnibus suis actibus agit propter finem qui est sua bonitas; quod enim sic mouet & allicit diuinam voluntatem ad operandum, habet rationem finis respectu illius; non quidem per modum causæ finalis, quæ infert dependentiam, ac distinctio

distinctionem realem; bene tamen per modum rationis finalis, quæ non infert similes imperfectiones, & saluatur cum sola distinctione virtuali, quæ inter diuinas perfectiones reperitur. Ratio autem finalis actuum liberorum diuinæ voluntatis est sola bonitas diuina, vt docet D. Th. 1. p. q. 19. art. 1. ad 3. dicens: Obiectum (ac proinde ratio finalis) diuinæ voluntatis est bonitas sua, quæ est eius essentia: vnde cum voluntas Dei sit eius essentia, non mouetur ab alio à se; sed à se tantum: eo modo loquendi, quo intelligere & velle dicitur motus. Et ar. 2. ad 2. ait: Cum Deus alia à se non velit, nisi propter finem, qui est sua bonitas, vt dictum est, non sequitur quod aliquid aliud moueat voluntatem eius, nisi bonitas sua. Et ratio est manifesta. Tum quia Deus, ob summam suam eminentiam, est in seipso, secluso quocumque extrinseco, sufficienter constitutus in actu primo, imò & in actu secundo operationis ad extra, tam in genere efficientis, quam in genere finis: Tum quia aliàs aliquid extra Deum esset Deo causa finalis: ad causalitatem quippe finalem propriè dictam nihil amplius requiritur, quam quod aliquid in esse distinctum moueat moraliter aliud ad agendum; constat autem quod Deus non habet causam finalem, vel sui, vel suæ operationis; cum causa sit correlatiua causati, & in Deo nihil sit causatum.

Ad primum ergo dicendum, quod licet de ratione amicitie creatæ sit, ob eius limitationem, quod amicus siue amatus sit finis *cui*, tum ipsius amoris, tum boni amicabilem voliti amico: hoc tamè non est de ratione amicitie vt sic, sed sufficit ipsi, quod amicus sit finis *cui* boni amicabilem voliti; & ita creaturæ rationales sunt finis *cui* boni creati ipsis à Deo voliti & concessi, non autem ipsius amoris Dei secundum se, & quoad terminationem actiuam; & hoc ob eius eminentiam & illimitationem: quamuis possit concedi, quod creaturæ rationales sint finis *cui* amoris Dei quoad terminationem passiuam; sed hoc nihil aliud est, quam ipsas esse finem termini ipsius amoris. Ad aliud dicendum, quod sola bonitas diuina est obiectum specificatum actuum diuinæ voluntatis: illorum quidem, qui ad eam præcisè terminantur, secundum se & in se considerata: aliorum verò qui ad creaturas terminantur, non secundum se, sed vt est ratio diligendi creaturas: puta diuina bonitas est obiectum specificatum actus misericordie, vt ipsa est ratio subleuandi alienam miseriam: est autem obiectum specificatum actus iustitiæ, vt ipsa est ratio constituendi æqualitatem in rebus: & sic de aliis. Ad aliud dicendum, quod opera meritoria creaturæ intellectualis non propriè mouet diuinam voluntatem ad volendum & concedendum ei præmium: sed est diuina bonitas, vt ratio præmiandi merita, quæ tamen supponuntur vt obiectum materiale præmiandum; & ita creatura potius meretur recipere præmium à Deo,

R. P. Philippi Carm. discent. Diss. Theolog. in 1. 2.

quam quod Deus ipsi largiatur præmium; siue præmiu cadit sub merito, non autem actus Dei præmiantis secundum se, & quoad terminationem actiuam.

Ad secundum dicendum, quod minor est vera tantum, quando actus siue operatio petit ex natura sua esse in ordine ad finem: quod non contingit in presenti, nam actus notionales in Deo petunt solum oriri vt tales, ex fecunditate diuinæ naturæ: quamuis sub alia formalitate, vt sunt ipsimet actus essetiales ratione recti importati, habeant etiam hanc perfectionem, quod sint propter finem, vt dictum est. Ad aliud dicendum, quod sufficit ad hoc vt actus notionales sint voluntarij modo explicato in materia de Trinitate, quod procedat ex cognitione materialiter & specificatiue terminata ad finem: sed non requiritur, quod procedant ex cognitione formaliter & reduplicatiue terminata ad finem: vnde hi actus non sunt propter finem, seu propter merita finis, sed sunt propter fecunditatem diuinæ naturæ.

Ad tertium dicendum, quod maior est vera, si intelligatur de aliis agentibus necessariis, sed tantum perfectis, quæ scilicet operantur ex perfecta cognitione obiecti; minor autem intellecta de his agentibus, vt debet intelligi, est falsa; quia beati in actu amoris beatifici, necessario tam quoad specificationem, quam quoad exercitium agunt propter finem, scilicet bonitatem diuinam quam perfectè cognoscunt & possident. Vnde ad probationem in contrarium dicendum, quod hæc agentia necessaria perfectæ, quæ habent perfectam cognitionem finis, se mouent & dirigunt in illum: ad talem autem motionem & directionem non requiritur quod agens habeat verè dominium sui actus, aut quod agat præsupposito consilio, & ex deliberatione, quando obiectum est talis naturæ, quod perfectè cognitum petat amari necessario ac toto impetu naturæ: & talis est diuina bonitas quæ est summum bonum, tum respectu Dei, tum respectu beatorum ipsam quidditatiue videntium. Quando ergo obiectum est tale, esset inordinatus amor, si non tenderet ad illud omnimodè necessario, quia non tenderet ad illud iuxta merita & exigentiam ipsius: quando autem obiectum est bonum limitatum, quod proinde perfectè cognitum non petit amari necessario (quia in eo apparet aliquod malum, aut defectus alicuius boni, qui est malum, ratione cuius potest respui) tunc amor vt sit ordinatus, debet esse liber sub dominio amantis, ac procedere ex præsupposito consilio & ex deliberatione. Ratio autem, cur agens necessarium ex præsupposita perfecta cognitione finis, moueat se ab intrinseco in illum: non minus quam agens liberum, imò magis; prouenit ex hoc quod in seipso habet principium sufficientissimum talis motus, nempe bonum cognitum vt necessario amandum, & radix huius necessi-

D 2

tatis

tatis ab intrinseco est perfecta cognitio talis boni. Quod ex hoc confirmatur, quod actus ille hoc modo necessarius est magis voluntarius, quam actus liber; cum ille procedat à voluntate secundum totum eius impetum, hic verò ab illa procedat cum magna eius indifferentia ad agendum. Ratio verò, cur agentia necessaria imperfecta, qualia sunt bruta, & homines in aliquibus operationibus, non mouent se ab intrinseco ad finem, sed potius mouentur ab extrinseco, prouenit ex defectu perfectæ cognitionis ipsius finis, unde non habent in se sufficiens principium sui motus, qui proinde non dicitur esse ab intrinseco.

D V B I V M II.

Utrum Deus actibus suis liberis tendat ad creaturas, tanquam ad media propriè dicta.

Supponendum est ex dictis, quod ex vna parte Deus suis actibus liberis tendit ad creaturas; vult enim ipsas producere, ipsas producit, eisque multa bona communicat: ex alia verò parte Deus non tendit ad creaturas, tanquam ad finem, siue vt importat rationem finalem, siue vt importat causam finalem, vt constat ex dictis, tum dubio præcedenti, tum in materia de Voluntate Dei. Vnde in præsentī dubio quærimus: utrum Deus prædictis actibus liberis tendat ad ipsas tanquam ad media propriè dicta. Ad cuius euidentiam sciendum est, quod medium ad aliquem finem aliud est propriè dictum, aliud verò impropriè & largè: Medium impropriè & largè sumptum est illud omne, quod quocumque modo ordinatur ad finem, & ab illo dependet: Medium autem propriè dictum, præter illum ordinem ad finem, & dependentiam ab illo, importat tanquam fundamentum illius ordinis, aliquam conducentiam & vtilitatem respectu finis: ideo enim eligitur & assumitur in ordine ad illū, quia ipso mediante, ratione suæ conducentiæ & vtilitatis, potest finis acquiri & haberi. Vt autem certa ab incertis separemus, supponimus quòd Deus actibus suis liberis tendit ad creaturas, tanquam ad media aliquo modo ordinata ad diuinā bonitatem, vltimum finem ipsarum, & dependentia ab ipsa, ratione quippe ipsius, & propter ipsam tantum sunt diligibiles ac diliguntur à Deo. Vnde sola difficultas manet: utrum respectu Dei habeant rationem mediij propriè dicti in ordine ad diuinam bonitatem, propter quam, tanquam propter rationem finalem Deus actibus suis liberis ad alia tendit, siue alia attingit.

Prima opinio asserit, quod Deus actibus suis liberis tendit ad creaturas, tanquam ad media propriè dicta in ordine ad diuinam bonitatem. Probatum auctoritate sacre Scripturæ & Sanctorum Patrum: In sacra Scriptura sæpe habetur,

quòd Deus eligit creaturas in ordine ad se, iuxta illud: Elegit nos in ipso (scilicet Christo) ante mundi constitutionem: constat autem quòd electio est tantum mediij propriè dicti. Augustinus lib. 1. de doctrina Christiana cap. 30. ait de Deo: Non igitur fruitur nobis, sed vitur: nā si neque fruitur, neque vitur, non inuenio quemadmodum diligit: vsus autem est mediij propriè dicti, sicut fruitio est propriè finis. D. Thomas sæpe docet Deum diligere se vt finē & creaturas vt ad finem: quod autem diligitur vt ad finem, diligitur vt medium propriè dictum. Et in 3. d. 32. q. 1. art. 2. ad 2. docet amorem Dei erga creaturas esse amorem concupiscentiæ; quem certum est terminari ad obiectum sub ratione vtilis ipsi amanti: sed obiectum, quod verè habet rationem vtilis, est medium propriè dictum: ergo creaturæ habent rationem mediij propriè dicti respectu Dei, in ordine ad diuinam bonitatem; & ita Deus actibus suis liberis tendit ad creaturas, tanquam ad media propriè dicta.

Secundò, Deus vult merita nostra, vt conducentia ad vltimum finem beatitudinis: ergo suis actibus liberis, quibus hæc eligit, & non alia in ordine ad dictum finem, tendit ad ipsa, tanquam ad media propriè dicta. Maximè, quia non tendit ad ipsa tanquam ad finem propter se dilectum; unde sequitur, quòd tendat ad ipsa, tanquam ad media propriè dicta dilecta propter finem; nam sicut diligi propter se, quod conuenit fini, opponitur contradictoriè ad diligi propter aliud, quod conuenit mediis; sic finis & media opponuntur contradictoriè: & ita cum creaturæ non sint finis respectu Dei, sunt media propriè dicta, quia inter contradictoria non datur aliquid medians.

Tertiò, Si quid deesset creaturis, ratione cuius Deus actibus suis liberis non tenderet ad eas, tanquam ad media propriè dicta, esset quia nullam dicunt conducentiam aut vtilitatem respectu diuinæ bonitatis vt est in seipsa: sed hoc non deest creaturis; nam reuera creaturæ influunt in diuinæ bonitatis manifestationem, communicationem, & assecutionem, ac ita habent rationem vtilis & conducentis ad finem diuinæ bonitatis directè & immediatè; Deinde saltem mediatè & indirectè conducunt ad ipsam, vt inuicem sibi valde vtilis, quatenus, vt terminant diuinam dilectionem, cedunt sibi in mutuam vtilitatem & commodum, sibi que deseruiunt in ordine ad assequendum vltimum finem diuinæ bonitatis: quod sufficit ad rationem mediij propriè dicti; quia licet sit de ratione mediij esse vtile ad assequendum finem, non tamen est de ratione eius esse vtile ipsi fini, vtilitas quippe mediij est vtilitas ad finem, & non vtilitas finis vel fini, vt constat in medicina, quæ est medium propriè dictum in ordine ad acquirendam sanitatem; cuius tamen vtilitas non est vtilitas sanitatis aut sanitati, at est vtilitas infirmo ad sanitatem:

tatem : ergo Deus actibus suis liberis tendit ad creaturas, tanquam ad media propriè dicta in ordine ad diuinam bonitatem.

CONCLUSIO.

RESPONDEO dicendum, quòd Deus actibus suis liberis, puta dilectionis, non tendit ad creaturas, tanquam ad media propriè dicta, in ordine ad diuinam bonitatem. 2. sed tendit ad ipsas, tanquam ad obiecta materialia participantia diuinam bonitatem. 3. ita vt licet Deus diligat creaturas in ordine ad suam bonitatem : non tamen eas diligit per modum vtilis & conducentis ad ipsam ; sed per modum participantis ad participabile, & receptiui ad receptibile. 4. vnde ratio formalis & proxima terminandi diuinam dilectionem in creaturis, non est ratio mediij propriè dicti in ordine ad diuinam bonitatem, sed est ratio participationis & similitudinis ei usdem diuinæ bonitatis. Ita Discipuli D. Thomæ, præcipuè Nostri Salmanticenses in præsentii disp. 2. dub. 3.

Probatur prima pars conclusionis. Ex D. Thoma multis in locis maxime 1. contra Gentes cap. 78. Amor Dei erga omnes creaturas, etiam inanimatas est amor benevolentix : ergo Deus hoc actu libero amoris siue dilectionis (& idem dicendum de aliis actibus liberis ad creaturas terminatis, ob paritatem rationis) non tendit ad creaturas, tanquam ad media propriè dicta in ordine ad diuinam bonitatem ; quia ex D. Thoma infra quæst. 26. art. 4. amor mediij propriè dicti vt talis, non est amor benevolentix, sed amor concupiscentiæ, cum medium præcisè vt tale assumatur propter vtilitatem quam affert ipsi assumenti, ad hoc vt perueniat in finem. Quod sic amplius declaratur : Medium propriè dictum debet indispensabiliter habere conducentiam & vtilitatem in ordine ad finem, & in hoc consistit formalis eius ratio : vnde debet afferre vtilitatem illi, à quo assumitur vt medium, in ordine ad consequendum finem, & applicatum debet cum effectu illum conducere ad finem. Sed creaturæ respectu Dei non habent conducentiam nec vtilitatem in ordine ad finem ipsius Dei, scilicet diuinam eius bonitatem, siue non afferunt vtilitatem Deo in ordine ad habendum prædictum finem, nec ipsum conducunt ad eius possessionem ; quia non præstant in genere causæ efficientis aliquem influxum Deo in ordine ad illum finem, sicut præstant media vtilia ; & etiam quia Deus est sibi sufficientissimus ad perfectè possidendam suam bonitatem, & ad immensam sui beatitudinem ; vnde dicit Deo Psalmista : Deus meus est tu, quoniam bonorum meorum non eges ; quod constat ex eo, quòd licet nulla fuisset creatura, adhuc esset æquè beatus, ac modo est : ergo creaturæ non sunt media propriè dicta respectu Dei ; ac proinde Deus actibus suis liberis, puta dilectionis, non tendit ad ipsas, tanquam ad media propriè dicta, in ordine ad diui-

nam bonitatem. Ex quo constat, quòd non sufficit ad rationem mediij propriè dicti, esse quid consonum & decens ipsi fini : sed ex communi doctrina requiritur ; quòd afferat tendenti in finem, aliquod commodum, & in ipso habeat aliquem influxum quodammodo actiuum in ordine ad dictum finem : propterea medium propriè dictum habere debet quod sit vtile, vt communiter conceditur, vtilitas autem ipsius in prædictis consistit.

Probatur secunda pars conclusionis. auctoritate D. Thomæ 1. contra Gentes cap. 78. vbi sic ait : Voluntas Dei ad alia comparatur, in quantum bonitatem participant ex ordine ad bonitatem diuinam, quæ est ratio volendi Deo : Vnde cum bonitas, quæ est in creatura, sit similitudo diuinæ bonitatis, sequitur quòd ipse creaturam diligat. Item 1. p. quæst. 19. art. 2. vbi sic ait : Vnde & hoc pertinet ad rationem voluntatis, vt bonum quod quis habet aliis communicet, secundum quod possibile est : Et hoc præcipuè pertinet ad voluntatem diuinam, à qua per quandam similitudinem deriuatur omnis perfectio : Vnde si res naturales in quantum perfectæ sunt, suum bonum aliis communicant, multò magis pertinet ad voluntatem diuinam, vt bonum suum aliis per similitudinem communicet, secundum quod possibile est : sic igitur vult, & se esse, & alia ; sed se vt finem, alia verò vt ad finem, in quantum condecet diuinam bonitatem, etiam alia ipsam participare. Sed clarius & expressius in 3. d. 32. quæst. 1. art. 2. vbi sic ait : Vnicuique habenti cognitionem amabile est proprium bonum : vnde cum in Deo sit sui perfecta cognitio, amat suam bonitatem : bonum autem alicuius non solum dicitur secundum hoc quod in ipso est, sed secundum quod in alio est per similitudinem ; vnde cum bonitas, quæ est in creatura, sit similitudo diuinæ bonitatis, sequitur quòd ipse creaturam diligat. Ex quibus sic formatur ratio : Sola diuina bonitas est obiectum formale adæquatum & specificatiuum diuinæ voluntatis ; potentia quippe & actus dependent à suo obiecto formali specificatiuo, si ab illo realiter distinguantur, quia ab intrinseco ordinantur ad illud, & ab illo habent suum esse specificum, quod inuoluit dependentiam : vnde cum diuina voluntas eiusque actus dilectionis non possint dependere à bonitate creata, cum sint superioris, imò supremi ordinis diuini ; sequitur quòd bonitas creata pertineat tantum ad obiectum materiale diuinæ voluntatis & dilectionis, in quantum scilicet est participatio quædam & similitudo bonitatis diuinæ increatæ ; propter hoc tamen quod bonitas creata est participatio increatæ, habet quod pertineat ad obiectum diuinæ voluntatis & dilectionis, materiale tamen ; per hoc quippe quod Deus vult & diligit suam bonitatem tanquam obiectum formale specificatiuum, sequitur quòd amat eius participationem & similitudinem in

creaturis repertam tanquam obiectum materiale: ergo Deus actibus suis liberis tendit ad creaturas, tanquam ad obiecta materialia participantia diuinam bonitatem

Probatur tertia & quarta pars conclusionis. Bonitas creata, licet non sit specificatum formale diuinæ voluntatis, aut alicuius actus ipsius, propter rationem adductam: est tamen specificatum virtuale, in quantum ab illa specificarentur actu, si per impossibile diuinæ attributa respectiva possent specificari & dependere ab extrinseco: Et si creaturæ ad Deum ordinantur, ad ipsum trahuntur, & quodammodo efficiuntur bonum ipsius; hoc ideo est, quia sunt participationes bonitatis diuinæ, & bonitas creata est similitudo bonitatis increatæ; & non quia conducunt ut utiles ad diuinam bonitatem, ut ostensum est: ergo licet Deus diligat creaturas in ordine ad suam bonitatem, non tamen eas, diligit per modum utilis & conducentis ad ipsam; sed per modum participantis ad participabile, & receptiui ad receptibile: unde ratio formalis & proxima terminandi diuinam dilectionem in creaturis, non est ratio mediij propriè dicti in ordine ad diuinam bonitatem, sed est ratio participationis & similitudinis eiusdem diuinæ bonitatis; eadem quippe est ratio formalis & proxima terminandi diuinam dilectionem in creaturis; quæ in creaturis formaliter & proximè attingitur à diuina dilectione; illa quippe ratio est formalis præ aliis & respectu aliarum in hac terminatione, quamuis non sit ratio formalis diuinæ dilectionis, pertinet enim ad obiectum materiale ipsius, ut dictum est. Creaturæ verò sub ratione participantis diuinam bonitatem, dicunt duplicem ordinem ad Deum; videlicet & tanquam ad primum principium efficiens, à quo recipiunt & participant suam bonitatem; & tanquam ad vltimum finem, ad quem accedunt, & cui vniuntur per suam bonitatem: & sicut recipiendo bonitatem à Deo, terminant eius causalitatem effectiuam; sic appropinquando ipsi per prædictam bonitatem, terminant eius causalitatem finalem.

Ad primum ergo dicendum, sicut supra, quod non omnis electio versatur circa media, sed aliquando versatur circa obiecta aliqua quæ non habent rationem mediij propriè dicti: cuius ratio est, quia eligere est vnum è multis legere, potest autem fieri quod vnum è multis eligatur, quod sit medium ad finem, vel quod non sit medium ad finem. Ad autoritatem Augustini dicendum, quod ibi non accipit vsum formaliter & propriè, ut est actus respiciens aut executioni mandans medium sub ratione utilis diligenti, vel fini intento; sed accipit largè & materialiter prout vtitur aliquibus creaturis ad utilitatem aliarum, ut constat ex ipso textu: subdit enim: Sed neque sic vtitur ut nos; ille igitur vsus qui dicitur Dei, qui nobis vtitur, non ad eius, sed ad nostram utilitatem refertur: ad eius autem tan-

tummodò bonitatem. Ad autoritatem D. Thomæ dicendum, quod quando aliquid diligitur ut ad finem, si sit vtile vel diligenti, vel ipsi fini, tunc est medium propriè dictum; secus autem, si non sit vtile, ut dictum est creaturas non esse utiles Deo diligenti, nec fini diuinæ bonitatis: Et si alicubi D. Thomas dicat Deum diligere creaturas, tanquam media ad finem, sumit ibi medium largè pro omni eo quod ordinatur ad finem, nec est finis. Amor autem concupiscentiæ non semper terminatur ad medium propriè dictum; aliquando enim terminatur ad finem *cuius gratia*: Quod autem non sit mens Diui Thomæ, quod Deus amet creaturas amore concupiscentiæ, constat ex ipso textu, vbi sic ait: Quamuis nos non diligamus creaturas inanimatas amore beneuolentiæ, quia earum bonum non est à nobis: Deus tamen eas diligit amore beneuolentiæ, quia per hoc quod eis bonum vult, sunt, & bona sunt. Tamen Deus quamuis non amet aliquid in concupiscendo sibi, amat tamen in concupiscendo alteri, ut non fiat vis in verbo concupiscentiæ, quod anxietatem, non proprietatem desiderij importat.

Ad secundum dicendum, quod nec merita nostra habent rationem mediij, nec finis noster habet rationem finis respectu diuinæ volitionis, sed omnia obiecta creata sunt obiecta materialia diuinæ volitionis: cum hoc tamè stat, quod Deus vult merita nostra tanquam media propriè dicta nostri vltimi finis, ut pote nobis vtilia, & conducentia ad ipsum. Ad illud quod subditur, dicendum quod Deus non tendit ad nostra merita, nec tanquam ad finem propter se dilectum, nec tanquam ad media dilecta propter finem, sed tendit ad ipsa ut obiecta materialia ordinata ad diuinam bonitatem tanquam participationes ipsius: unde ipsa diligit propter aliud, nempe propter diuinam bonitatem, ad quam ordinantur modo dicto; & ita diligi propter aliud non solum conuenit medijs propriè dictis, sed etiam conuenit quibuscumque ordinatis ad aliud.

Ad tertium dicendum, quod ratio assignata est optima: nam medium propriè dictum debet dicere utilitatem & conducentiam ad finem, sed respectu tendentis ad finem, in ordine ad quem mediū dicitur medium, ut pote conducens ipsum in finem. Probationes autem in contrarium solum suadent, quasdam creaturas esse aliis media propriè dicta, ut pote utiles illis, & conducentes aliquo modo ad diuinam bonitatem ipsis manifestandam, vel comunicandam: sed non suadent, quod sint media propriè dicta respectu Dei diligenti, creaturas, quasi ipsi sint utiles in ordine ad diuinam bonitatem, vel ipsi manifestandam, vel alio modo comunicandam. Igitur utilitas mediij non est semper utilitas fini, ut probat instantia adducta: sed semper est utilitas ipsi tendenti ad finem in ordine ad finem.

D V B I V M I I I.

Verum homo in omnibus suis actibus humanis elicitis, propriè & formaliter agat propter finem.

Supponendum est, quod infra probabitur, Sesse differentiã inter actus hominis & actus humanos, siue inter actiones hominis & actiones humanas. Actus siue actiones hominis, dicuntur omnes illæ, quæ quocumq; modo exercentur ab homine. Actus verò siue actiones humanæ dicuntur omnes & solæ, quæ procedunt ab homine humano modo operante, scilicet vel ex deliberata voluntate, vel saltem ex perfecta cognitione finis. Ex his actibus aliqui sunt elicti à voluntate, quorum scilicet voluntas hominis est immediatum principium formale quo elicitum; quales sunt intentio finis, electio mediorum, &c. Alij sunt imperati, qui scilicet eliciuntur ab aliis potentiis, dependenter tamen ex motione voluntatis, quæ dicitur imperiũ, in quantum dat efficaciam imperio, quod propriè est actus intellectus. Hoc dubium præcipue procedit de actibus humanis elicitis (nam de imperatis dicitur dubio sequenti) qui versantur immediatè circa finem; de his quippe, qui versantur circa media, nulla est difficultas, quin sint propter finem, sicut & ipsa media. Quamvis autem dubio ultimo disputationis præcedentis, de hac re aliquid dictum sit: dum in communi quæsitum est: *verum finis exerceret munus causæ finalis, etiam circa actus ad se terminatos* maioris tamen claritatis gratiã traditam ibi doctrinam in communi ad particularem hanc materiam applicuimus. Ad cuius evidentiam sciendum est ex Physicis, quod finis est vera causa realis physica, vt communiter concedunt omnes Philosophi cum Aristotele & D. Th. 5. Metaphysicæ cap. 2. & ratio est manifesta: nam illud, à quo verè & per se pendet effectus, est vera & realis causa illius, si in illum verè influit: finis autem est huiusmodi, cum sit id, cuius gratia aliquid fit; constat enim quod vnumquodque pendet ab illo, cuius gratia fieri dicitur, quæ dependentia est realis siue à parte rei: & consequenter finis est vera causa realis: Quod confirmatur ex iam dictis, & mox dicendis: nam finis siue bonum mouet ad sui amorem; & dum est absens, allicit ad sui desiderium; si verò possideatur, causat gaudium & quietem: ista autem sunt effectus reales, cum in nobis experiamur: vnde finis verè est causa realis, effectus enim realis debet procedere à vera causa reali. Finis autem ex proprio modo causandi, non petit necessariò existere à parte rei; sed tantum in apprehensione, vt infra dicitur: quia causat vt desideratus; rei autem vt desideratæ sufficit, quod sit aliquid apprehensum: non repugnat autem, quod existat à parte rei, imò plerumque contingit illum

existere; & tunc mouet ad sui acquisitionem. Quando autem dicitur ab Aristotele. 1. de Generatione cap. 7. quod finis mouet metaphoricè: non sic est intelligendus, quod eius motio non sit vera & realis; sed solum vult, quod non sit effectiua, verum intentionalis & animalis, quatenus per eam finis mouet excitando & alliciendo appetitum ad sui amorem. Vnde motio causæ finalis dicitur metaphorica comparata ad causalitatem efficientis: quia mouere efficiendo est omninò rigorosè & strictissimè mouere.

Prima opinio Vasquis in præsentī disp. 3. Fonseca 5. Metaph. cap. 2. q. 11. sect. 2. & aliorum negat, quod homo in omnibus suis actibus humanis elicitis, propriè & formaliter agat propter finem. Ad hanc opinionem reducuntur alij authores, qui docent dari in voluntate humana aliquos actus neutros, qui nec versentur circa finem, nec circa media, qui proinde non sint propter finem. Probatur hæc opinio autoritate D. Th. 1. contra Gentes cap. 75. vbi sic ait: Causalitas finis in hoc consistit, quod propter ipsum alia desiderantur. Et in 3. dist. 27. qu. 1. art. 1. vbi dicit, quod amor finis est principium omnium actionum, quæ propter finem fiunt: ex quibus locis habetur, quod finis exercet solum suam causalitatem in ordine ad actiones terminatas circa media: quod consonat ipsi definitioni finis; Finis quippe est cuius gratia seu amore aliquid fit, cū causalitas finis non distinguatur ab eius amore: ergo homo in actibus suis humanis elicitis, qui immediatè versantur circa finem, non agit propriè & formaliter propter finem. & maximè in actu amoris ipsius finis, in quo consistit eius causalitas: si enim hic esset propter finem, causaret seipsum.

Secundò, sunt aliqui actus, qui sunt humani & versantur circa finem adeptum, vt delectatio, gaudium, & fruitio: sed hi actus non sunt propter finem, vt docent Aristoteles & D. Th. Aristoteles quidem. 1. de Generatione textu 55. dum ait, quod adepto fine cessat actio & motus, ac proinde causalitas finis; vnde actus qui sunt circa finem adeptum, non sunt ex causalitate finis, & consequenter nec propter finem, causalitas quippe finis est in hoc quod aliquid fit propter finem: D. Th. autem q. 21. de veritate ar. 2. dum ait pertinere ad rationem finis, vt sit appetitus vel desideratus ab his, quæ finem nondum attingunt: ergo homo non agit in omnibus actibus suis humanis elicitis, propriè & formaliter propter finem.

Tertiò, Potest apprehēdi bonum in communi, vt abstrahit ab honesto, delectabili, & vtili; scilicet sub ratione præcisā conuenientis: bonū autem sic apprehensum abstrahit ab hoc quod sit finis, aut medium; & ab hoc quod sit appetibile propter se, vel propter aliud: bonū autem sic apprehensum potest proponi voluntati, & vt sic ab illa appeti; volūtas quippe ob sympathiã, quam

quam habet cum intellectu, fertur in bonum sibi ab intellectu propositū, & iuxta modum quo sibi proponitur: constat autem ex vna parte, quod hic appetitus voluntatis est actus humanus, cum procedat ex perfectissima cognitione obiecti, ac plena deliberatione voluntatis; ex alia verò parte hic appetitus non est propter finem, cum nec sit finis, nec mediorum ordinatorum ad finem: ergo homo non agit in omnibus actibus suis humanis elicitis, propriè & formaliter propter finem.

CONCLUSIO.

RESPONDEO dicendum quod homo in omnibus actibus suis humanis elicitis, propriè & formaliter agit propter finem. Ita docent communiter discipuli D. Thomæ, & alij tum Philosophi in 2. Physicor. tum Theologi in præsentī.

Probatur conclusio autoritate D. Thomæ hic art. 1. ubi sic ait: Oportet, quod omnes actiones humanæ propter finem sint. Et in resp. ad 2. ubi sic ait: Quidquid homo agit, verum est dicere quod agit propter finem, etiā agendo actionem, quæ est ultimus finis. Quod dictum D. Th. amplius patebit ex dicendis dubio ultimo disputationis sequentis, ubi ostendetur quod quicquid vult homo, vult propter ultimum finem.

Secundò, probatur ratione: Si qui essent actus humani elicti, quibus homo non ageret propriè & formaliter propter finem, maximè essent illi, qui immediatè versantur circa finem, ut constat ex dictis aduersariorum: sed homo his actibus propriè & formaliter agit propter finem, nam tales actus propriè & formaliter sunt propter finem; cum ex communi doctrina finis duo includat; Primum est, quod propter se diligatur & attingatur, secundum autem est, quod cætera appetantur propter ipsum, & hoc secundum sequitur ad primum, in quo præcipuè consistit ratio finis; in illo autem primo includitur, quod actus quo diligitur & attingitur finis, procedat ab ipso met fine moraliter, siue ut exercente munus causæ finalis propriè, *ly* enim *propter* importat causalitatem causæ finalis; & hæc probata manent dubio ultimo præcedentis disputationis: ergo homo in omnibus actibus suis humanis elicitis, propriè & formaliter agit propter finem.

Tertio, Omnes actus humani; vel sunt immediatè circa finem, quales sunt simplex volitio, intentio, & fruitio; vel sunt immediatè circa media, quales sunt consensus, electio, & usus, qui omnes actus sunt prosecutionis (de his enim præcipuè est difficultas, quamvis etiam de actibus auersionis à malo, proportionem seruata, possit præsens doctrinæ debite applicata sustineri); manifestum est enim quod omnis actus humanus, qui sit prosecutio boni; vel terminatur ad appetibile propter se, quod proinde est bonum finis, aut honestum, aut delectabile; vel terminatur ad appetibile propter aliud, quod proinde est bonum vtile medij, hoc enim experimur in nobis, quod omne bonum nobis proponitur, vel

ut appetibile propter se, vel ut appetibile propter aliud; nec datur medium inter ista, quæuis enim sint duo modi positiui, æquivalent tamen positiui & eius negationi, vnde appeti propter se est appeti non propter aliud, & appeti propter aliud est appeti non propter se, & ita sunt modi virtualiter contradictorii, ad eum modum, quo esse per se & esse in alio: sed homo in omnibus prædictis actibus, propriè & formaliter agit propter finem; De illis qui immediatè versantur circa media, communiter conceditur, & ratio est manifesta, nam sicut media sunt propter finem, sic actus qui versantur circa media sunt propter finem, media quippe non conducunt ad finem, nisi assumpta; de illis verò, qui immediatè versantur circa ipsummet finem, constat quia bonitas finis perfectè ut talis formaliter cognita (ut supponitur in ordine ad actus humanos) prius mouet ad sui appetitum, propterea D. Thomas quæst. 22. de veritate art. 2. dicit: Quod sicut influere causæ efficientis est agere, ita influere causæ finalis est appeti & desiderari; deinde mouet ad appetitum mediorum conducentium ad sui acquisitionem; imò dicta bonitas finis absolute, independenter, ac primariò mouet ad sui appetitum; secundum quid verò, dependenter, & secundariò ad appetitum mediorum; & inde est quod finis magis propter se appetitur, quam media appetantur propter ipsum finem, iuxta illud axioma: Propter quod vnumquodque tale, & illud magis, cum appetitus mediorum non sit nisi propter appetitum finis, valet enim, ideo appetuntur media, quia appetitur finis: ergo homo in omnibus suis actibus humanis elicitis propriè & formaliter agit propter finem.

Ad primum ergo dicendum, quod D. Thomas in primo loco solum adducit causalitatem secundariam finis in ordine ad media, magis tamen notam; experimur enim manifestè in nobis, quod ex intentione finis procedimus ad electionem mediorum. In secundo autem loco solum dicit quod amor finis est principium omnium actionum, quæ sunt propter finem, siue immediatè versantur circa finem, siue immediatè circa media, quod est verissimum: non tamen negat, quin ipse amor finis sit propter finem, & procedat moraliter ab ipso met fine alliciente voluntatem ad amorem suæ bonitatis. Assignata autem definitio non explicat adæquatè rationem finis, at tantum secundariam: adæquatè verò sic definitur finis: Finis est quod propter se appetitur, cætera verò propter ipsum. Nec verum est quod amor finis sit causalitas finis; est enim eius effectus: causalitas autem est motio moralis siue allectio efficax, qua bonitas eius cognita trahit ad se voluntatem, ut amplius infra declarabitur.

Ad secundum dicendum, quod etiam illi actus humani, qui versantur circa finem adepti sunt propter finem & causantur moraliter à bonitate finis; quæ sicut apprehensa causat moraliter

liter sui amorem, & absens causat sui desiderium, sic præsens & possessa causat delectationem, gaudium, & fruitionem; & hi omnes actus sunt propter bonitatem finis, dictum autem Aristotelis non est intelligendum de omni actione quæ sit propter finem, sed solum de illa quæ tendit ad eius consecutionem. D. Thomas ibi nihil habet contrarium, imo stat pro nobis, ait enim: Duo sunt de ratione finis, ut scilicet sit appetitum vel desideratum ab his, quæ finem nondum attingunt: aut sit dilectum & quasi delectabile ab his, quæ finem participant; cum eiusdem rationis sit tendere in finem, & in fine quodammodo quiescere. Nec etiam contrariatur quæst. sequenti art. 6. ad 1. dum ait, quod sicut bonum per se ipsum appetitur, ita delectatio propter se, non propter aliud appetitur, si *ly propter* dicat causam finalem. Nam ibi non sumit delectationem formaliter, scilicet ut est actus elicitus circa finem, sicut nos sumimus in præsenti: sed sumit obiectivè quatenus habet rationem obiecti respectu alterius actus quo appetitur; & sic non ponit in numero cum fine, sed simul cum illo constituit unum integrum appetibile respectu voluntatis tendentis in finem; sic autem formalissimè non est propter finem, sed ingreditur rationem finis.

Ad tertium dicendum, quod licet intellectus possit apprehendere bonum in communi, ut abstrahit à fine & medio, & sub ratione præcisa convenientis, ac proinde ut abstrahit ab hoc, quod sit appetibile propter se aut propter aliud: non tamen potest sic illud proponere voluntati, ut amplectendum saltem in actu exercito, quod in nobis experimur: cum enim appeti propter se & propter aliud sint modi contradictoriè oppositi in ordine ad voluntatem, inde est quod voluntas debet tendere in bonum aliquo ex his modis. Igitur intellectus potest quidem speculativè & in actu signato proponere bonum sic in communi voluntati: tamen practicè & in actu exercito semper proponit illud determinatè iudicando esse appetibile, vel propter se ut finem, vel propter aliud ut medium: & hoc ideo quia voluntas fertur in obiectum ut est in seipso à parte rei cum omnibus circumstantiis, cum tamen intellectus abstrahat ab illis, quia fertur in obiectum ut habet illud in seipso.

D V B I U M IV.

Verum homo in omnibus suis actibus humanis imperatis, propriè & formaliter agat propter finem.

Supponendum est, quod ex actibus humanis, qui scilicet procedunt ex deliberata voluntate, saltem pro hoc statu viæ, præter elicitos immediatè ab ipsa voluntate, alij sunt imperati, qui ex motione voluntatis eliciuntur ab aliis potentiis, ipsi voluntati subordinatis quantum ad earum

R. P. Philippi Carm. discal. Diss. Theolog. in 1. 2.

operationem: & hoc modo actus intellectus qui sequuntur motionem voluntatis: & similiter actus potentiarum organicarum, tam immanentes, quam transeuntes, qui sequuntur motionem deliberatæ voluntatis, sunt actus humani imperati. Et de his procedit dubium præsens, non absolutè, sed ut possunt assumi per modum ultimi finis: quia ut possunt sic assumi, videtur quod non possunt esse propter finem; finis enim ultimus est omninò propter se, cætera verò propter ipsum. Ad cuius evidentiam sciendum est, tanquam certum & ab omnibus receptum, quod voluntas creata potest assumere aliquam operationem, non quidem à se elicitam, benè tamen imperatam, ut disputatione sequenti dicetur, tanquam ultimum suum finem: si enim inordinate operando, de facto constituat rationem ultimi finis in aliis rebus creatis; non apparet cur eam non possit constituere in aliqua actione à se imperata, illam exercendo vel appetendo præcisè propter ipsam, ac proinde non ordinando illam ad alium ulteriorem finem, sed sistendo in sola eius delectatione: hoc enim docet D. Thomas hic art. 1. ad 2. & Aristoteles 1. Ethicor. cap. 1.

Prima opinio negat hominem propriè & formaliter agere propter finem, suis actibus humanis imperatis, quando hi actus assumuntur per modum ultimi finis. Probatur: Est impossibile, quod idem sit causa & effectus sui ipsius, quod sit prius & posterius seipso, ut patet ex ipsis terminis; quod non solum est verum in genere causæ efficientis, sed etiam in genere causæ finalis, par enim ratio est utriusque generis, quantum ad hoc: sed si homo propriè & formaliter ageret propter finem, suis actibus humanis imperatis, quando hi actus assumuntur per modum ultimi finis, sequeretur quod idem esset causa & effectus sui ipsius, ac proinde prius & posterius seipso; nam prædicti actus ex vna parte ut supponitur, influunt ut ultimus finis & ut ultima causa finalis, quatenus assumuntur per modum ultimi finis; quatenus autem sunt propter finem, sunt effectus ipsius finis, *ly enim propter* importat dependentiam à causalitate finis, non autem sunt effectus alterius finis ulterioris, cum ultimus finis, qualis sunt isti actus, non ulterius ordinetur, & ita sunt effectus sui ipsius ut ultimi finis: ergo homo non agit propriè & formaliter propter finem, actibus suis humanis imperatis, quando assumuntur per modum ultimi finis.

Secundò, Sola voluntas habet pro obiecto finem sub ratione finis, ut communiter conceditur, aliæ verò potentie operatiæ habent alia obiecta: ergo sola voluntas agit propter finem, vna quippe potentia non attingit obiectum alterius; & ita soli actus procedentes à voluntate siue elicit ab ipsa sunt propter finem; non autem actus humani à voluntate imperati; & elicit ab aliis potentiis.

Tertiò, Actus aliarum potentiarum præcisè

E secun

secundum se considerati, & secluso voluntatis imperio, non sunt propter finem, ut communiter conceditur: ergo etiam ut imperati à voluntate non sunt propter finem, quia per hoc imperium nihil habent intrinsecum, ratione cuius possint habere hanc denominationem, quod sunt propter finem.

C O N C L U S I O.

R E S P O N D E O dicendum, quod homo agit propriè & formaliter propter finem, omnibus actibus suis humanis imperatis. 2. etiam si assumantur per modum ultimi finis. Ita docent in præsentì cõmuniter discipuli D. Thomæ, & alij.

Probatur prima pars conclusionis. Voluntas dum agit ex deliberatione, aut ex perfecta cognitione sui obiecti, verè agit propter finem, quia tunc tendit ad bonum quod habet rationem finis, vel per actus elicitos immediatè terminatos ad finem, vel per actus immediatè terminatos ad media & mediatè ad finem, ut dictum est dubio præcedenti: sed dum homo agit actibus suis humanis imperatis, voluntas agit ut *quo* ex deliberatione, & præsupposita perfecta cognitione sui obiecti, per hoc quod imperet actus aliarum potentiarum & ordinet eos ad illud, eisque utatur tanquam mediis ad illud assequendum; propter quod illi actus imperati dicuntur humani, & sunt media ipsius voluntatis & actuum eius elictorum ad consequendum finem: ergo homo agit propriè & formaliter propter finem actibus suis humanis imperatis.

Probatur secunda pars conclusionis auctoritate D. Th. hic art. 1. ad 2. ubi postquam ostendit, quod si quæ actio humana sit vel assumatur ut ultimus finis, debet esse voluntaria, non quidem elicitivè, sed imperativè, sic cõcludit: Vnde relinquitur, quod si qua actio humana sit ultimus finis, quod ipsa sit imperata à voluntate: & ita ibi aliqua actio hominis, ad minus ipsū velle, est propter finem. Quicquid ergo homo faciat, verum est dicere, quod homo agat propter finem, etiam agendo actionem quæ est ultimus finis, Hanc etiā partem cõclusionis docet idem D. Th. in 2. d. 40. q. 1. art. 3. item q. 2. de malo art. 3. & infra qu. 20. idem sæpe indicat. Deinde probatur ratione deducta ex dictis supra: Finis apprehensus movet & allicit voluntatem ad seipsum, & proprio sibi modo motionis moralis causat actus eiusdem voluntatis circa se immediatè terminatos, ut supra dictum est, quia finis appetitur propter se ipsum; & ita finis ut volitus & intentus, siue ut subordinatus voluntati, & cadens sub aliquo actu eius elicto, quo imperatur, est effectus sui ipsius in quantum apprehensi per intellectum & propositi voluntati per modum boni appetibilis & finis: ergo siue ultimus finis sit res aliqua, siue sit aliquis actus humanus imperatus, est semper propter finem, scilicet propter seipsum secundum diversam rationem explicatam.

A D primum ergo dicendum, quod quidem

in genere causæ efficientis idem non potest esse causa & effectus sui ipsius, nec prius & posterius seipso; bene tamen in genere causæ finalis: disparitas autem rationis provenit ex diverso modo operandi utriusque causæ; nam causa efficiens operatur physicè unde debet præexistere physicè suæ operationi, quia operari sequitur esse, ac proinde suo effectui per operationem producto: unde si idem esset causa & effectus sui ipsius in genere causæ efficientis, præexisteret physicè sibi ipsi, & ita dum ageret & produceret seipsum simul esset & non esset physicè, quod est impossibile; esset quidem quia ageret & produceret seipsum, non esset autem, quia tunc produceretur. Causa verò finalis operatur tantum moraliter, unde sufficit ad hoc quod sic agat, movendo scilicet & alliciendo ad se voluntatem, quod præexistat secundum esse proportionatum tali operationi, quod est esse apprehensum; & non esse physicum: est autem possibile, quod idem sit causa secundum esse apprehensum, sui ipsius secundum esse Physicum, & ita prius ac posterius seipso secundum hanc diversitatem essendi. Est tamen semper realis aliqua distinctio, saltem includentis & inclusi inter causam finalem & eius effectum, etiam in præsentì casu: nam idem actus, ut habet rationem causæ finalis mouentis, nondum est humanus quia non imperatus à voluntate, ac est obiectum ipsius tantum seu actus ipsius elicti quo imperatur: & habet tantum esse intentionale: ut verò habet rationem effectus, iam est actus humanus ut pote imperatus à voluntate, ab ipsa dependens, & importat esse Physicum in actu exercito.

A D secundum dicendum, quod quia voluntas est primum movens in exercitio inter omnes potentias, cui proinde omnes aliæ potentiae in hoc ordine subordinantur: inde est quod etiam illas ordinat dum vult, ad finem qui est eius obiectum primum, & in ordine ad quem omnia alia vult; & consequenter imperat actus ipsarum in ordine ad finem, unde sic imperati sunt propter finem; ad quod non requiritur, quod finis exerceat immediatè suam causalitatem circa tales potentias; sed sufficit quod illam exerceat circa voluntatem, à qua prædictæ potentiae applicantur ad suos actus: ut sic autem applicatæ respiciunt finem sub eadem ratione formaliter, sub qua voluntas illum respicit.

A D tertium dicendum, quod licet actus aliarum potentiarum præcisè secundum se considerati, & secluso voluntatis imperio, non sint propter finem: tamen ut subordinati illius imperio, eique moraliter coniuncti sunt propter finem: cuius ratio est, quia cum voluntas non possit agere, nisi ex intentione finis; inde est quod tam actus ab ipsa elicti, quam actus aliarum potentiarum ab ipsa imperati, & qui sunt obiecta circa quæ versantur actus elicti voluntatis, ordinantur ad eundem finem, ut dictum est.

D V B I V M V.

Vtrum actus humani, quibus homo agit propter finem, sint omnes & soli illi qui procedunt à voluntate deliberata.

Supponendum est, ex D. Thoma hic art. 1. Quod est differentia inter actus hominis & actus humanos: quod actus hominis dicuntur illi, qui procedunt quocumque modo ab homine: actus verò humani dicuntur illi, qui procedunt ab homine in quantum est homo, ac proinde ut operatur modo eleuato supra omnes alias creaturas irracionales inferiores seipso. In præsentia autem dubio quærimus absolute, præscindendo à diuerso statu hominis; vtrum actus humani, quibus homo dicitur propriè & formaliter agere propter finem, sint omnes & soli illi, qui procedunt à voluntate deliberata. Ad cuius euidenciam sciendum est, quod homo potest considerari in duplici statu, scilicet Viæ & Patriæ: in statu viæ, vbi ambulat per fidem in ænigmatæ, est omninò liber circa amorem & appetitum vltimi finis in particulari, & liber quoad exercitium circa amorem & appetitum eiusdem vltimi finis in communi videlicet beatitudinis ut sic; quamuis enim nullus possit velle miseriam, non tamen necessitatur velle in exercitio beatitudinem: Et multò magis est liber circa appetitum aliorum bonorum particularium. In patria autem, vbi visio succedit fidei, est omninò necessitatus circa vltimum finem beatitudinis etiam in particulari, videlicet Deum clarè visum, id est tam quoad specificationem, quam quoad exercitium. Radix huius discriminis ponitur in intellectu diuersimodè cognoscente eundem vltimum finem in statu viæ, & in statu patriæ. Hic in via homo non cognoscit perfectè clarè & euidenter, quod Deus sit beatitudo obiectiua & vltimus finis qui creaturæ intellectualis, cuius possessione sit beata, hoc enim sola fide obscura tenetur: circa beatitudinem autem in communi, quamuis sit necessitatus quoad specificationem, quia si habet actum circa illam, debet esse amoris & desiderij; remanet tamen liber quoad exercitium, quia potest apprehendere difficultatem & fastidium propter debilitatem & corruptionem naturæ, in continuato exercitio huius amoris & desiderij, & ratione huius difficultatis potest respici tale exercitium: in aliis autem bonis particularibus apprehendit semper aliquam rationem mali, saltem aliquem defectum boni, cum sint bona finita & limitata; defectus autem boni est quoddam malum; & ratione huius restat indifferentia in intellectu circa illa, vtrum sint amplectenda propter bonum quod habent, vel fugienda propter malum adiunctum; & pari modo est indifferentia in voluntate circa illa, & ita liberum est ipsi se ad vtramlibet partem diuisim de-

R. P. Philippi Carm. discal. Disp. Theolog. in 1. 2.

terminare. In patria autem perfectissimè videtur intellectus beatus, quod Deus est summum bonum, ac proinde beatitudo obiectiua, in qua proinde nulla est ratio mali, vel defectus boni, alioquin non esset summum bonum, cum posset dari maius: Et aliunde videtur quod nulla est difficultas, quin potius est summa delectatio in amore & possessione ipsius: propterea voluntas totò impetu naturæ fertur in Deum, nec in ea vlla manet circa ipsum secundum se consideratum libertas, sed summa est in ea necessitas; quamuis circa alia bona creata, quæ non habent necessariam coniunctionem cum summo illo bono, remaneat libera. Et ex his colligitur, cur voluntas hic in via habeat actus ex deliberatione procedentes circa vltimum finem, non autem in patria.

Prima opinio asserit, actus humanos, quibus homo agit propter finem, absolute loquendo, esse omnes & solos illos, qui procedunt à voluntate deliberata. Probatur, tum autoritate, tum ratione D. Thomæ hic art. 1. vbi sic ait: Actionum, quæ ab homine aguntur, illæ solæ propriè dicuntur humanæ, quæ sunt propriè hominis in quantum est homo: differt autem homo ab aliis irrationalibus creaturis in hoc quod est suorum actuum dominus; vnde illæ solæ actiones vocantur propriè humanæ, quarum homo est dominus: est autem homo dominus suorum actuum per rationem & voluntatem; vnde & liberum arbitrium esse dicitur facultas voluntatis & rationis: illæ ergo actiones propriè humanæ dicuntur, quæ ex voluntate deliberata procedunt.

Secunda opinio posita in alio extremo negat absolute, illos omnes & solos actus esse humanos, qui procedunt à voluntate deliberata. Probatur sigillatim quoad vtramque partem. Quoad primam quidè hoc modo: In Deo & Angelis sunt actus procedentes à voluntate deliberata; qui tamen non sunt actus humani: vnde non omnes actus, qui procedunt à voluntate deliberata, sunt humani. Deinde, actus plures sensitiui & motiui in homine procedunt à voluntate deliberata, sæpius videndi, deambulandi, &c. Qui tamen non sunt humani, ex eo quod non conueniunt homini in quantum est homo, qualiter debent ei conuenire actus humani ex D. Thoma; sed ei conueniunt in quantum est animal, cum in aliis animalibus reperiantur: ergo non omnes illi actus sunt humani, qui procedunt à voluntate deliberata. Quoad secundam verò partem sic probatur: Plures sunt actus humani, qui scilicet conueniunt homini in quantum est homo & differt ab aliis animalibus, ut prima cogitatio intellectus, motus primò primi voluntatis, qui tamen non procedunt à voluntate deliberata, imò antecedunt omnem eius deliberationem: similiter actus ridendi & flendi sunt humani, quia conueniunt homini præ aliis animalibus, in quantum in eo gradus sensitiuus ex coniunctio-

ne ad rationale est perfectior: qui tamē actus sæpe non procedunt à voluntate deliberata, ut constat in pueris & amentibus. Deinde in homine intentio finis est actus humanus ut pote liber: qui tamen non procedit à voluntate determinata, quæ præsupponit consultationem; circa finem autem non datur per se consultatio & consilium, hæc enim versantur circa media. Denique actus peccaminosi in homine sunt propriè humani & liberi: & tamen aliqui non procedunt à voluntate determinata, quin potius sunt ex defectu deliberationis, ut dum homo agit præcipiti modo, quando tenetur deliberare: ergo non soli illi actus sunt humani, qui procedunt à voluntate deliberata.

CONCLUSIO.

RESPONDEO dicendum, quòd absolute loquendo, omnes & soli illi actus in homine sunt humani, qui sunt perfectæ cognitio finis, vel procedunt ex perfectâ cognitione finis: siue sint necessarij, siue sint liberi. 1. si verò homo consideretur in statu viæ, omnes & soli illi actus eius sunt humani, qui procedunt à voluntate eius deliberata. Ita docent communiter discipuli D. Thom. in præsentī, quoad secundam partem: quoad primam verò docent Nostri Salmanticenses & alij plures.

Probatur prima pars conclusionis, ratione D. Thomæ hîc art. 1. Omnes & soli illi actus in homine sunt humani, qui procedunt ab homine in quantum est homo, & ut in modo operandi differt ab aliis creaturis irrationalibus; & hoc communiter conceditur: sed omnes & soli illi actus in homine, qui sunt perfectæ cognitio finis, vel procedunt ex perfectâ cognitione finis, procedunt ab homine in quantum est homo, & ut in modo operandi differt ab aliis creaturis irrationalibus; siue sint necessarij, ut visio beatifica, amor beatificus, fructio, & gaudium de Deo possessio; siue sint liberi, quos habet siue in patria circa bona particularia, siue hîc in viâ: quia ut dicitur dubio sequenti creaturæ irrationales non habent perfectam cognitionem finis, & ideo non agunt propter finem: ergo absolute loquendo, omnes & soli illi actus in homine sunt humani, qui sunt perfectæ cognitio finis, vel procedunt ex perfectâ cognitione finis, siue sint necessarij, siue sint liberi. Vnde quando D. Thomas definit actum humanum esse illum, qui procedit à voluntate deliberata; non definit ipsum in tota sua latitudine; sed tantum prout reperitur in homine pro hoc statu viæ, de quo hîc secundum statum viæ agit, prout scilicet actibus moralibus tendit in ultimum finem: cuius signum est, quòd D. Thomas hîc art. 3. dicit quòd idem sunt actus morales, & actus humani. Vnde D. Thomas in principio definit actum humanum siue actionem propriè humanam in tota sua latitudine, dum dixit in principio, quòd actionum quæ ab homine aguntur, illæ solæ propriè dicuntur humanæ, quæ

sunt propriæ hominis in quantum est homo; sub quibus comprehenduntur omnes, quæ in homine procedunt ex perfectâ cognitione finis. Quando autem postea dixit: Vnde illæ solæ actiones vocantur propriè humanæ, quarum homo est dominus: item: Illæ ergo actiones propriè humanæ dicuntur, quæ ex voluntate deliberata procedunt; restringit actionem humanam ad eam, quæ est in statu viæ, de qua præcipue acturus erat: in statu autem viæ differt præcipue homo ab aliis irrationalibus creaturis in hoc, quod est suorum actuum dominus, quod est medium in quo fundatur totus discursus D. Thomæ: quod autem etiam homo differat ab iisdem irrationalibus creaturis, maxime dum est in statu patriæ, in hoc quod habet perfectam cognitionem finis, est certissimum ut amplius constabit ex dicendis dubio sequenti: vnde nisi sic exponatur mens D. Thomæ, eius discursus erit inefficax.

Probatur secunda pars conclusionis. Tum expressa autoritate D. Thomæ adducta & iuxta prædictam expositionem intellecta: quam doctrinam inferius sæpe repetit, ut legenti occurrat. Deinde probatur ratione ipsius: Illi omnes & soli actus in homine sunt propriè humani, qui sunt proprii hominis in quantum est homo, ac proinde in quantum differt in modo operandi ab aliis irrationalibus creaturis, actus quippe humani denominantur ab homine in quantum homo est; maxime autem apparet quid sit homo ex comparatione eius qui est rationalis, ad creaturas irracionales, iuxta illud; contraria iuxta se posita magis elucescunt: sed omnes & soli illi actus sunt proprii hominis in quantum homo est, ac proinde in quantum differt in modo operandi ab aliis irrationalibus creaturis, quorum homo est dominus, qui scilicet procedunt ex voluntate deliberata, cum homo sit dominus suorum actuum per rationem & voluntatem; si homo consideretur in statu viæ, ubi non habet perfectam cognitionem sui finis, sicut illam habet in patria; remanet quippe in statu viæ indifferentia intellectus circa illum, & consequenter deliberatio in voluntate, in quibus consistit vel fundatur eius libertas & dominium suorum actuum: ergo si homo consideretur in statu viæ, omnes & soli illi actus eius sunt humani, qui procedunt à voluntate eius deliberata.

Ad primum ergo dicendum, quòd ibi D. Thomas docet nostram conclusionem quoad utramque partem: in prioribus quidem verbis quoad primam, in posterioribus autem quoad secundam, ut dictum est.

Ad secundum dicendum, quantum ad primam eius partem, ac primam eius probationem, quòd quia D. Thomas agit in præsentī de actibus liberis & moralibus hominis, qui propriè sunt humani; ideo dixit attendens potius ad res quam ad verba, quòd actus humani sunt illi, qui procedunt

cedunt à voluntate deliberata, sed debet subintelligi humana: quod satis indicatur in ipso textu, dum voluntatem deliberatam vocat illam, quæ regulatur ratione siue cognitione rationali. Ad aliud dicendum, quod illi actus assignati conveniunt homini in quantum est homo, non quidem secundum substantiam actus considerati, sed secundum ordinationem ad finem, quam participant à voluntate. Quantum ad secundam partem dicendum, quod illi actus assignati, quia nec sunt perfecta cognitio finis, nec ab illa procedunt: & aliunde non procedunt ab homine ex voluntate deliberata; non conveniunt homini in quantum est homo, & in quantum differt in modo operandi ab aliis creaturis irrationalibus; & ideo non sunt actus humani: non obstante quod conveniant homini in quantum differt in essendo ab aliis creaturis irrationalibus; sed modus essendi quantum ad præsentem difficultatem se habet remotè, per accidens, & de materiali; solus modus operandi se habet proximè, per se, & de formali. Ad aliud dicendum, quod deliberatio strictè sumpta supponit consultationem & inquisitionem de mediis in ordine ad finem; latè verò sumpta, ut sumitur in præsentia à D. Thoma, significat iudicium intellectus proponens rem cum indifferentia, & sufficienti lumine ad discernendum inter bonum & malum: Et sic sumpta deliberatione intentio finis procedit à voluntate deliberata. Ad aliud dicendum, quod dum homo peccat ex defectu deliberationis, cum tenetur deliberare de aliquo: tunc quidem non habet deliberationem formalem; benè tamen interpretatiuam, quia iudicat liberè hic & nunc esse agendum sine deliberatione formali.

D V B I U M VI.

Utrum creaturæ irrationales agant propter finem.

Supponendum est, quod nomine creaturarum irrationalium intelliguntur omnes illæ, quæ carènt cognitione intellectiva, siue quæ non sunt naturæ intellectivæ. Inter creaturas autem irrationales aliquæ sunt quæ omni carent cognitione, & sunt valde materiales, ut sunt omnes creaturæ materiales inanimatæ, & animatæ participantes tantum gradum vitæ vegetativæ: prioris generis sunt lapides, metalla, & similia; posterioris verò generis sunt plantæ, & similia. Aliæ verò sunt cognoscitivæ cognitione sensitiva, ut sunt omnia animalia: inter quas sunt diversi gradus cognitionis, iuxta maiorem vel minorem earum immaterialitatem, siue iuxta quod earum animæ sunt magis vel minus eleuatæ à materia, modus quippe operandi sequitur modum essendi, sicut operari sequitur esse. Immaterialitas autem est ratio à priori, tum cognoscibilitatis, tum cognitionis, ut dictum est in pri-

mam partem circa materiã de scientia Dei: De cognoscibilitate constat, ideo quippe obiecta materialia non sunt cognoscibilia seipsis, sed indigent speciebus immaterialibus ad sui cognitionem, propterea intellectus agens dicitur facere obiecta intelligibilia, actu, abstrahendo à phantasmatibus illas species immateriales: De cognitione verò experimur, quod iuxta modum essendi magis immaterialem ac perfectiorem, animalia sunt magis & minus cognoscitiva; ita quod animalia perfectiora, quorum videlicet anima magis eleuatur à materia, sint magis cognoscitiva; imperfectiora vero, quorum scilicet anima magis est immersa materiæ, sint minus cognoscitiva. Quæritur ergo in præsentia: Utrum creaturæ irrationales, siue sint cognoscitivæ, siue careant omni cognitione, agant propter finem: quod solum superest inquirendum ad perfectam eorum noticiam, quæ in tota hac disputatione dicta sunt.

Prima opinio negat absolutè, creaturas irrationales agere villo modo propter finem. Probat authoritate Aristotelis 2. Physicor. cap. 5. ubi sic ait: Eorum, quæ fiunt, alia propter aliquid fiunt; alia non: id est quædam fiunt propter finem; quædam verò non, ut ibidem lect. 8. dicit D. Thomas: certum est autem, quod si aliqua non fiunt propter finem, debent fieri à creaturis irrationalibus; nam creaturæ rationales ut tales, semper agunt propter finem. Deinde, ex Aristotele & D. Thoma ibidem, imò ex communi sententia, multa fiunt ab agentibus naturalibus casu & fortuito, præposterè & inordinatè, ut apparet in monstris: quæ autem sic fiunt, fiunt præter finem, & non propter finem: quod indicat agentia naturalia non agere propter finem. Denique si creaturæ irrationales agerent propter finem, vel agerent ut se mouentes & dirigentes in illum, vel ut motæ & directæ ab aliqua intelligentia: sed neutrum dici potest; non primum, quia cum plures ex ipsis nullo modo cognoscant finem, saltem istæ non possunt se mouere & dirigere in illum; nec secundum, quia aliàs nunquam deficerent à fine, cum talis defectus refunderetur ad intelligentiam motricem & directricem, cum tamen videamus multas deficere à consecutione finis: deinde etiam si nulla esset intelligentia in mundo, agentia naturalia eodem modo mouerentur ad suos fines, ac nunc se mouent, ut leuia sursum & grauia deorsum, quod indicat ipsa non moueri ab intelligentia: ergo creaturæ irrationales nullo modo agunt propter finem.

Secunda opinio in alio extremo posita, asserit creaturas irrationales agere propter finem propriè & formaliter. Hanc opinionem sequuti sunt omnes illi antiqui Philosophi, qui brutis & irrationalibus aliquam rationem & vim intellectiuam, quamuis imperfectiorem, quàm sit in hominibus, tribuebant. Probat principaliter de

irrationalibus uiuentibus vita sensitua, auctoritate illorum Philosophorum, qui fuerunt valde celebres, ut Pythagoras, sicut refert Plutarchus cap. 20. sui dialogi, cui titulus: Quod brutis ratio insit, ipse Plutarchus in eodem dialogo, Porphyrius lib. 4. de abstinentia vel sacrificiis, & alij. Deinde, probatur ratione: Viuentia vita sensitua cognoscunt & appetunt finem propriè & formaliter sub hac ratione; videlicet bonum delectabile ut sic, quod tantum habet rationem finis, cum solum appetatur propter se, & non propter aliud, quod proprium est finis ut sic; quod maximè manifestatur ex hoc quod prædicta uiuentia appetunt & assumunt plura per modum medij & utilis in ordine ad illud bonum delectabile, quod indicat illud bonum exercere causalitatem finis respectu eorum: sed ad hoc quod aliquod agens agat propter finem propriè & formaliter, nihil aliud requiritur, quàm quod cognoscat & appetat finem sub hac ratione, ut communiter conceditur, actio quippe agentis regulatur ab eius cognitione & appetitu: ergo irrationalia uiuentia vita sensitua agunt propter finem propriè & formaliter. Denique probatur de omnibus irrationalibus quacumque vita uiuentibus: Agere propter finem propriè & formaliter est agere mouendo se propter illum: sed omnia uiuentia quacumque vita ex vna parte agunt propter finem; ex alia verò parte dum agunt, mouent seipsa, quia ex Philosopho officium vitæ est moueri à se & ex D. Thoma 1. p. q. 18. art. 1. uiuentia discernuntur à non uiuentibus, quod uiuentia etiam insensibilia mouent se in suis operationibus: ergo omnia irrationalia uiuentia quacumque vita agunt propter finem propriè & formaliter.

CONCLUSIO.

RESPONDEO dicendum, quod creaturæ irrationales; siue careant omni cognitione, qualia sunt agentia purè naturalia; siue habeant cognitionem sensituiam, qualia sunt animalia bruta; in nulla sua actione agunt propriè & formaliter propter finem, quia non attingunt ex se finem sub ratione finis. 2. in omni tamen actione agunt impropriè & materialiter propter finem, quia attingunt illud quod est finis. 3. attingunt autem suos fines agendo ut motæ & directæ ab intelligentia cognoscente & intendente tales fines. 4. nomine autem intelligentiæ dirigentis, intelligitur non solum Deus prima intelligentia; sed etiam intelligentia creata motrix cælorum. 5. hanc verò directionem inchoatiuè habent statim à principio suæ productionis; completè verò, dum actu applicantur ad agendum. Hæc conclusio quoad omnes suas partes est communis, tam inter Philosophos, quam Theologos; & maximè inter discipulos D. Thomæ.

Probatur prima pars conclusionis auctoritate Aristotelis. 1. Metaph. cap. 3. & lib. 4. de Gener. Animal. cap. 1. Item multiplici auctoritate

D. Thomæ: hanc enim docet, tum hic art. 1. & infra q. 12. art. 5. tum 1. p. q. 113. art. 5. ad 2. tum 3. contra Gentes cap. 24. tum alibi sæpe. Deinde probatur prima ratione D. Thomæ, quam hic art. 2. sic breuiter proponit: Illa verò quæ ratione carent, tendunt in finem propter naturalem inclinationem, quasi ab alio mota, non autem à seipsis, cum non cognoscant rationem finis, & ideo nihil in finem ordinare possunt, sed solum in finem ab alio ordinantur. Quæ ratio sic amplius expenditur: Illa tantum propriè & formaliter agunt propter finem, quæ cognoscunt finem ut formaliter talem, siue quæ cognoscunt rationem finis in obiecto quod appetunt; quæ enim habent hanc cognitionem finis, propriè & formaliter se & sua in finem ordinant; ad cognoscendum autem in aliquo obiecto rationem finis, requiritur ex D. Thoma infra q. 6. art. 2. quod cognoscatur meritum ipsius obiecti quod habet rationem finis, & propter quod illam habet; deinde quod cognoscatur proportio eiusdem obiecti ad actum qui fit propter ipsum, & proportio actus ad ipsum; hæc enim omnia importantur in ordinatione ad finem; finis quippe est cuius gratia, siue propter cuius meritum aliquid fit: sed creaturæ irrationales non possunt cognoscere meritum obiecti ratione cuius habeat rationem finis, nec proportionem ipsius ad actum, vel actus ad ipsum; ad hoc enim requiritur cognitio ratiocinatiua & discursiua, aut alia superior, quarum neutra potest esse in creaturis irrationalibus, ut communiter conceditur, hæc quippe cognitio soli naturæ rationali & intellectuali competit: ergo creaturæ irrationales, siue careant omni cognitione, siue habeant cognitionem sensituiam, in nulla sua actione agunt propriè & formaliter propter finem. Denique probatur alia ratione, quam indicat Diuus Thomas hic eodem articul. 2. ad 3. quæ sic declaratur: Illa solum agunt propriè & formaliter propter finem suum particularem, quæ suam actionem ordinant, aut ordinare possunt debitè ad illum, ac proinde cum debita subordinatione ad finem vniuersalem & vltimum; cum talis ordinatio non possit fieri, absque perfecta cognitione finis particularis, quæ non habetur, nisi cognoscatur eius essentialis subordinatio ad finem vniuersalem & vltimum (eadem quippe est dependentia finis particularis & intermediij à fine vniuersali & vltimo, quæ est medij ut talis à fine; unde sicut non potest cognosci medium ut tale perfectè sine subordinatione ad finem, sic nec finis particularis & intermedius potest perfectè cognosci sine subordinatione ad vniuersalem & vltimum:) sed creaturæ irrationales, quia non cognoscunt vniuersalem & vltimum finem (hæc quippe cognitio est propria naturæ intellectualis, quia solus intellectus est vniuersalium, & sensus est tantum particularium ex Philosopho) non possunt habere perfectam

perfectam cognitionem sui finis particularis, quia non cognoscunt essentialem eius subordinationem ad finem vniuersalem & vltimum, cum non possit cognosci subordinatio alicuius ad aliud, nisi aliquo modo illud aliud cognoscatur; & consequenter non possunt ordinare debite suam actionem ad illum: ergo creaturæ irrationales in nulla sua actione agunt proprie & formaliter propter finem.

Probatur secunda pars conclusionis auctoritate Philosophi & D. Thomæ: Philosophus 2. Physicor. cap. 8. ait: Naturam alicuius gratia operari. Et 1. de Cælo dicit: Deus & natura nihil facit frustra. D. Thomas autem idem docet in præsentī art. 2. cuius ratio statim adducitur. Et 1. p. q. 78. art. 4. vbi sic ait: Necessarium est animali ut quærat aliqua, vel fugiat; non solum quia sunt conuenientia ad sensum, sed etiam propter alias quas alias commoditates & vtilitates: sicut avis colligit paleam, non quia delectat sensum, sed quia est utilis ad nidificandum. Non autem vult D. Thomas, quod animalia bruta cognoscant & assumant illa formaliter ut commoda & vtilia (sic enim assumerent illa formaliter ut media, ac ita assumerent in ordine ad finem & agerent propter finem, medium quippe ut tale & finis ut talis sunt correlatiua:) sed tantum vult, quod cognoscant & assumant illa, ut commoda & vtilia materialiter, & non ut delectabilia secundum sensum; cum hoc tamen stat, quod pertinent ad obiectum delectabile secundum potentiam æstimationis simul cum illo ad quod assumuntur, ut dicetur in responsione ad secundum. Deinde probatur ratione D. Thomæ hic art. 2. aliquantulum sic expensa: Creaturæ irrationales sunt determinatæ ad agendum hos effectus in specie, ut constat ipsa experientia, nam semper inuariabiliter eisdem de facto producant, ut in omnibus fieri potest inductio: nam in carentibus cognitione apparet quod graua semper tendunt deorsum, & leuia iussum, & in aliis apparent actiones & effectus proportionati eorum naturæ; in habentibus verò cognitionem apparent actiones & effectus mirabiliores, semper vniiformes & consoni eorum naturæ qualis est in omnibus animalibus conseruatio proprii indiuidui, procreatio & educatio foetuum, & similia his annexa: sed hæc determinatio prouenit ex hoc quod semper & immobiliter agunt propter eundem finem, qui est conseruatio sui in proprio indiuiduo, vel in propria specie: Et quamuis sint aliqua agentia æquiuoca, quæ non sunt determinata ad vnam speciem effectus, quia hæc respiciunt vnam rationem magis vniuersalem & communem in suis effectibus, semper tamen procurant in sua actione propriam conseruationem in suis effectibus quantum ad aliquid sibi similibus, ad quam conseruationem habent inclinationem naturalem; & ita hæc inclinatio est eorum finis, quamuis non ab ipsis cognitus: ex-

go creaturæ irrationales in omni sua actione agunt propter finem, quia attingunt illud, quod est finis ipsarum, quamuis hoc sit tantum agere propter finem improprie & materialiter; quia ad agendum propter finem proprie & formaliter, requiritur quod cognoscatur ratio finis, & proportio eius ad media & ad actus, ut dictum est.

Probatur tertia pars conclusionis auctoritate Aristotelis & D. Thomæ; imò & communi consensu Theologorum & Philosophorum. Aristoteles lib. 4. de Generatione animalium cap. 2. ait: Omnia quæ natura, vel arte efficiuntur, ratione aliqua esse vel fieri: Et 10. Metaph. cap. 3. laudat illos philosophos, qui dixerunt mentem seu intelligentiam facere in tota rerum natura, quod mens nostra in nobis efficit. D. Thomas hic art. 2. ait: Et ideo proprium est naturæ rationalis, ut tendat in finem, quasi se agens vel ducens ad finem: naturæ verò irrationalis, quasi ab alio acta vel ducta; siue in finem apprehensum, sicut bruta animalia; siue in finem non apprehensum, sicut ea quæ omni cognitione carent. & in responsione ad 3. sic ait: Et ideo necesse est quod omnia, quæ carent ratione, moueantur in fines particulares ab aliqua voluntate rationali, quæ se extendit in bonum vniuersale, scilicet à voluntate diuina. & inde est, quod est axioma communiter receptum à Philosophis: Opus naturæ est opus intelligentiæ. Idem docet D. Thomas, tum 1. p. q. 103. art. 1. tum 3. contra Gentes cap. 24. Deinde probatur ratione: Deus perfecte gubernat omnia sua prouidentia, iuxta illud Sap. 14. Tua autem Pater prouidentia ab initio cuncta gubernat: sed ex D. Thoma 1. p. q. 22. Prouidentia est ratio ordinandorum ad finem: ergo Deus omnia, iuxta modum suæ naturæ ordinat in proprios fines, secundum illud Sapientiæ 8. Attingit à fine vsque ad finem fortiter, & disponit omnia suauiter. Denique, Creaturæ irrationales tendunt in suum finem particularem; vel apprehensum, si sint cognoscitiuæ, ut bruta animalia; vel non apprehensum, si non sint cognoscitiuæ, ut agentia pure naturalia: hæc posteriores tendunt in illum ex appetitu & inclinatione omnino naturali; priores verò ex appetitu quidem sensitiuo, at determinato ad vnum, ut constat ex determinato effectū, quem semper & immobiliter producant, illæ quæ sunt eiusdem speciei: sed ea quæ tendunt in finem, vel ex appetitu omnino naturali, vel ex appetitu determinato ad vnum, tendunt ad illum, & illum attingunt, ut mota & directæ ab intelligentia cognoscente & intendente talem finem; & quæ talem appetitum vel eis indidit, vel ad actum secundum reducit: ergo creaturæ irrationales tendunt in suos fines, & illos attingunt, agendo ut motæ & directæ ab intelligentia cognoscente & intendente tales fines.

Probatur quarta pars conclusionis. & primò quòd

quòd Deus sit intelligentia mouens & dirigens creaturas irracionales in suos fines, certissimum est, quia in earum productione indidit illis appetitum naturalem, vel appetitum determinatum ad vnum: vnde motus subsequentes talem appetitum in ordine ad proprios fines, debent attribui Deo, non solum vt causæ vniuersali, sed etiam vt causæ particulari, sicut probatum est in Phisicis, dum ageretur de motu naturali grauium & leuium. Deinde quòd intelligentia creata motrix cœlorum sit mouens & dirigens creaturas irracionales in suos fines, sic ostendit D. Thomas 3. contra Gentes cap. 24. dicens: Quia verò omne quod mouetur ab aliquo per se & non per accidens, dirigitur ab eo in finem sui motus: corpus autem cœleste mouetur à substantia intellectuāli, & causat per sui motum omnes motus in istis inferioribus: necessarium est, quod corpus cœleste dirigatur in finem sui motus per substantiam intellectuālem, & per consequens inferiora corpora in proprios fines. Sic igitur non est difficile videre, qualiter naturalia corpora cognitione carentia, moueantur & agant propter finem: tendunt enim in finem sicut directa in finem à substantia intelligente, per modum quo sagitta tendit ad signum directa à sagittante. Hæc D. Thomas.

Probat quinta pars conclusionis: Creaturæ irracionales mouentur & diriguntur in suos fines, iuxta modum suæ naturæ, & sui appetitus naturalis in illos; omnia quippe mouentur & diriguntur in suos fines, vt illos attingant modo sibi proprio: ergo cum creaturæ irracionales habeant appetitum naturalem in suos fines, aut determinatum modum tendendi in illos, statim à principio suæ productionis; ex tunc etiam habent hanc directionem inchoatiue, completè verò dum actu applicantur ad agendum, tam à Deo prima causa, quam ab intelligentia motrice cœlorum.

Ad primum ergo dicendum cum D. Thomas ibidem lect. 8. quod illud testimonium Philosophi potest duplici via explicari, iuxta doctrinam traditam in conclusione. Vnde sic exponit Diuus Thomas: Dicit quòd quædam sunt propter finem: quædam verò non. Habet autem hæc diuisio dubitationem: quia omne agens agit propter finem, siue agat à natura, siue agat ab intellectu. Sed sciendum est, quòd ea dicit non propter aliquid fieri, quæ propter se sunt, in quantum in seipsis habent delectationem, vel honestatem, propter quam secundum seipsa placent. Vel dicit non propter finem fieri, quæ non sunt propter finem deliberatum: sicut confusio barbæ, vel aliquid huiusmodi, quod interdum fit absque deliberatione ex sola imaginatione: vnde habent finem imaginatum, sed non deliberatum. Ad aliud dicendum, quòd licet illi effectus, quos vocamus casuales, fortuitos, & præposteros, sint tales in ordine ad causas

particulares, & sic per accidens ab illis procedant: in ordine tamen ad causas vniuersales, & maximè primam verè per se & ordinatissimè intenduntur propter fines superiores, videlicet pulchritudinem vniuersi, quæ ex varietate & difformitate rerum confurgit; & manifestationem diuinarum perfectionum, quæ magis elucet in creaturis perfectis dum opponuntur defectuosis: quando autem fiunt tales effectus per accidens respectu causarum particularium, ipsæ tamen per se agunt propter suos fines particulares, quos tamen ex aliquo incidenti non attingunt. Ad aliud constat ex dictis, quòd creaturæ irracionales agunt propter finem motus & directæ ab intelligentia: nunquam autem deficiunt ab illo fine vniuersali, ad quem primariò ab intelligentia mouentur, quamuis deficiant à fine particulari, ad quem secundariò mouentur: nec est vllum inconueniens attribuire intelligentiæ similes defectus naturales, qui ordinantur ad maius bonum vniuersi; vnde communiter conceditur, quòd corruptiones & alij defectus naturales sunt de secundaria intentione naturæ vniuersalis, & ipsius authoris naturæ. Quod tamen non debet concedi de defectibus moralibus, cū per se repugnent diuinæ bonitati, ac bono vniuersi vt sic. Nec verum est id quod subditur, nā cœli non possunt moueri seipsis, sed debent moueri ab aliqua intelligentia, saltem à prima: cessante autem motu cœlorum, nullus esset motus in istis inferioribus, vt ostensum est in Phisicis.

Ad secundum dicendum, quòd illi Philosophi in hac sua opinione errarunt: si verè hanc ita intellexerint: & hos impugnant alij celebriores Philosophi, maximè Aristoteles. Ad aliud dicendum, quòd sensitiua irrationalia nec cognoscunt, nec appetunt propriè & formaliter finem sub ratione finis: quia ad hoc non sufficit, quòd appetant bonum delectabile non ordinando illud ad aliud: sed requiritur quòd appetant illud propter se propriè & formaliter, id est propter merita ipsius, & proportionem quam habet ad actum, & actus ad ipsum: & in hoc propriè & formaliter consistit causalitas finis; sic autem non appetunt, cum prædicta non cognoscant. Nec verum est quòd assumant aliqua per modum medij & vtilis ad finem: sed omnia illa appetuntur & assumuntur à brutis per modum boni delectabilis in quantum ex eis & ex bono delectabili ad quod deseruiunt, constituitur vnum integrum appetibile, quod obiicitur appetitui brutorum per modum vnius obiecti simplicis, absque ordinatione vnius ad aliud: æstimatiua quippe brutorum est determinata à natura, ad hoc quod per modum vnius obiecti simplicis apprehendat simul bonum aliquod delectabile, & omnia illa sine quibus haberi non potest, quando ei obiiciuntur: Et propterea eorum appetitus per modum naturæ fertur supra totum hoc, absque

que eo quod percipiatur ordo vnius ad aliud, ac proinde nec ordo medij vtilis ad finem, nec tamen sequitur quod eorum cognitio sit perfectior cognitione hominis, qui sigillatim cognoscit finem & media; & quod accedat ad cognitionem angelicam, quæ simul apprehendit finem & media. Dicendum enim, quod deficit à cognitione hominis, quia non cognoscunt in fine rationem finis, & in mediis rationem mediorum, nec proportionem ipsorum inter se, sicut cognoscit homo sua cognitione intellectuâ discursiua, qui cognitione sensitua eodem modo hæc cognoscit, ac cognoscunt bruta: multò magis autem deficit à cognitione Angelica; tum quia Angeli perfectè cognoscunt rationem finis & medij, quod non faciunt bruta; tum quia Angeli in vniuersa specie intelligibili cognoscunt simul finem & omnia media absolute, bruta autem non cognoscunt nisi media tunc occurrentia sensui, & adhuc per species intentionales distinctas & ordinatas ad speciem finis. Ad aliud dicendum, quod licet omnia viuientia moueant se ad operandum in ordine ad finem, in quo differunt à non viuentibus, quæ solum mouentur ab extrinseco: tamen non omnia viuientia eodem modo se mouent ad operandum in ordine ad finem, sed singula iuxta modum suum: nam illa quæ carent omni cognitione se mouent ad operandum in ordine ad finem quem non apprehendunt: viuientia autem cognoscitiua cognitione sensitua mouent se ad operandum in ordine ad finem apprehensum sub ratione particulari obiecti delectabilis, quod est agere propter finem materialiter: viuientia denique cognoscitiua cognitione perfecta intellectuâ mouent se ad operandum in ordine ad finem perfectè apprehensum sub ratione finis, & cum proportionem ad suum actum & ad media, quod est agere propter finem propriè & formaliter, vt dictum est. Prima mouent se quoad executionem operationis tantum: Secunda mouent se quoad executionem & formam quæ est principium operandi: Tertia verò quoad executionem, formam, & finem operationis.

DISPUTATIO III.

De habitudine voluntatis creatæ ad finem, tam vltimum, quam intermedium.



V I A disputatione præcedenti ostensum est creaturas rationales propriè & formaliter agere propter finem, qui est duplex, scilicet vltimus & intermedius: ideo in præsentia agimus de habitudine voluntatis creatæ ad finem, tam vltimum, quam intermedium.

R. P. Philippi Carm. discal. Diss. Theolog. in 1. 2.

D V B I V M I.

Vtrum voluntas creatæ habeat fines intermedios, qui sint veri fines.

S Vpponendum est, quod fines intermedij voluntatis creatæ, si qui sint, debent ordinari ad vteriores, saltem ad vltimum, vt constat ex ipsa etymologia nominis. De ratione verò finis vt sic, ac proinde siue vltimi, siue non vltimi, est quod sit bonum moraliter mouens & alliciens appetitum ad sui amorem & assentionem: ad quam motionem moralem necessario prærequiritur cognitio ipsius boni; non quidem tanquam ratio formalis mouendi, sed tanquam conditio *sine qua non*. Ad cuius euidentiam sciendum est, quod finis, cum non moueat nisi metaphoricè, & consequenter præsupponat intellectus cognitionem, habet duplex esse: Vnum reale, ad quod per media consequendum excitatur appetitus: Aliud intelligibile vel intentionale; illud scilicet quod habet in mente. Dicimus ergo quod finis mouet secundum suum esse reale & bonitatem realem; non verò secundum esse intentionale: & ita sola bonitas realis, non verò esse apprehensum vt tale, est ratio per quam formalissimè constituitur in esse appetibilis: ipsa autem bonitatis apprehensio est conditio *sine qua non* ad eius causalitatem. Prima pars huius dicti probatur breuiter ex dictis fusiùs in 1. 2. nostræ Summæ Philosophicæ quæst. 14. art. 3. Tum autoritate D. Thomæ 1. p. quæst. 80. art. 1. ad 2. item 1. contra Gentes cap. 75. Tum duplici ratione, quarum prima est: Illa est ratio formalis, per quam finis constituitur formalissimè in esse appetibilis, per quam finis allicit voluntatem, appetitur quippe à voluntate allecta: sed hæc est sola bonitas realis ipsius finis, non verò esse apprehensum vt tale, siue cognitio & apprehensio talis finis; nam infirmus v. g. non sumit potionem amaram propter sanitatem vt cognitam, at propter illam secundum suum esse reale; aliàs frustra adhiberentur externa remedia ad consequendam sanitatem, cum iam possideatur vt cognita: ergo sola bonitas realis ipsius finis; non verò esse apprehensum vt tale, est ratio per quam formalissimè finis constituitur in esse appetibilis, exercendo causalitatem finalem. Secunda ratio est: Illud est ratio, per quam finis constituitur formalissimè in esse appetibilis, quod adepto fine satiat appetitum; illud quippe quod formaliter facit aliquod appetibile, est illudmet per quod appetibile obtentum satiat appetitum; idè enim appetitus tendit in aliquod absens, vt ex illo adepto satiatur: sed sola bonitas realis ipsius finis iam adepta satiat appetitum, non verò esse apprehensum finis, seu cognitio & apprehensio ipsius; imò talis apprehensio acuit potius, quàm satiet desiderium appetitus: ergo sola bonitas realis finis, & non esse apprehensum vt tale, seu

F cogni

cognitio & apprehensio ipsius, est ratio per quā finis constituitur formalissimè in esse appetibilis. Quòd etiam cognitio & apprehensio finis non sit ratio formalis sub qua constituitur in esse appetibilis; loco citato efficaciter probatum est. Probatur etiam breuiter secunda pars nostri dicti; autoritate communi Philosophorum, qui docent quòd nihil volitū, quin præcognitum; & autoritate speciali Aristotelis 3. de Anima c. 10. vbi docet appetibile non mouere, nisi mente aut imaginatione perceptum. Item D. Thomæ multis locis suæ doctrinæ, vt 1. p. q. 82. art. 4. & infra q. 3. art. 4. ad 4. Item S. Augustini libr. 10. de Trinitate cap. 1. & 2. vbi dicit: Rem prorsus ignoram amare omninò nullus potest. Deinde: Appetitus est inclinatio in bonū sibi cōueniens: ergo vt appetens tendat in bonum, si sit appetens cognoscituum, debet necessariò cognoscere tale bonum esse sibi conueniens: & ita cognitio & apprehensio illius est conditio *sine qua non* ipsum bonum finis est appetibile: quòd si appetens non sit cognoscituum, quod proinde tendit tantum in bonum & finem, vt motum & directum ab alio; talis cognitio finis prærequiritur necessariò in mouente & dirigente. Denique, Finis causat tantum moraliter, & ad causalitatem requiritur quod habeat aliquod esse: sed ex vna parte finis ad causandum non indiget esse realis existentia, quia multa appetuntur quæ nondum sunt; ex alia verò parte ad causalitatem moralem requiritur quòd illud quod sic causat cognoscatur: & ita vt finis sit appetibilis, indiget habere esse cognitum, ac proinde ipsa bonitatis apprehensio in fine est conditio *sine qua non* ad eius causalitatem. Quærimus ergo in præsentī dubio, Vtrum voluntas creata habeat fines intermedios, qui sint veri fines, qui scilicet respectu illius verè exerceant munus causæ finalis, ipsam videlicet alliciendo tanquam ad bonum propter se appetibile. De voluntate autem increata ipsius Dei constat ex dictis, quòd non habet alium finem, quam seipsum ratione diuinæ suæ bonitatis; quæ tamen non est propriè causa, sed ratio finalis vltima; & non habet vllum finem intermedium.

Prima opinio Vasquis hîc disp. 4. cap. 2. negat dari fines intermedios ordinatos ad aliū finem, qui sint veri fines: ac proinde ex ipso voluntas creata non habet fines intermedios, qui sint veri fines. Probatur duplici autoritate Aristotelis: prima habetur 2. Physicor. cap. 3. vbi sic definit finem: Finis est cuius gratia cætera fiunt, id est cætera omnia præter ipsum: Constat autè quòd non omnia fiunt propter finē intermediū, nempe finis vltimus ad quem ordinatur: & consequenter finis intermedius non est verus finis. Secunda habetur 2. Metaphys. cap. 2. vbi sic ait: Item ipsum cuius gratia finis, tale autè est, quod non est alterius gratia, sed cuius causa cætera. Quare si tale erit vltimum, non erit infinitum:

quod si nihil tale, non erit ipsum cuius gratia, sed qui faciunt infinitum, latet eos quod boni naturam auferunt. Quibus verbis Philosophus duo dicit, quæ tollunt veram rationem finis à finibus intermediis: Primum est, quod finis non est alterius gratia; & tamen constat quod finis intermedius est gratia finis vltimi, siue est propter finem vltimum: secundum est, quod si nihil tale erit, id est vltimum, non erit ipsum cuius gratia seu finis: vnde ex Aristotele solus vltimus finis est verus finis, non autem fines intermedij: ergo voluntas creata non habet fines intermedios qui sint veri fines.

Secundò, Si voluntas creata habeat fines intermedios, qui sint veri fines; sequitur quòd appetat eandem bonitatē in illis finibus repertam propter se, & simul propter aliud: propter se quidem, quia talis bonitas est per modum veri finis, cui cōuenit appeti propter se; propter aliud autem, quia talis bonitas in finibus intermediis existens est propter bonitatem finis vltimi, & ad ipsam ordinata, & appetitur vt sic ordinata; & consequenter appetitur propter aliud: sed est impossibile quod voluntas creata simul & semel appetat eandem bonitatem propter se, & propter aliud; quia hi duo modi important contradictionem, nam appeti propter se est appeti non propter aliud, id est ratione sui, & non ratione alterius; & similiter appeti propter aliud est appeti nō propter se, siue est appeti ratione alterius, & non ratione sui: ergo voluntas creata non habet fines intermedios, qui sint veri fines.

Tertiò, Si voluntas creata haberet fines intermedios, qui sint veri fines; dum tenderet ad aliquem ipsorum, vel tenderet vnico actū, vel duplici: sed neutrum dici potest; Non primū, quia in fine intermedio sunt duæ bonitates, vna delectabilis vel honesta, quæ debet appeti propter se, si sit verè per modum finis; alia bonitas est vtilis in ordine ad vltiorem finem: hæ autem duæ bonitates, cum sint in eodē obiecto, ac proinde non subordinatæ, non possunt attingi vnico actū, cum vtrique debeat attingi immediatè, ex D. Th. autem infra q. 14. art. 4. quando bonitas finis & bonitas mediorū, secundum se & in recto immediatè attinguntur, tunc sunt duo motus voluntatis; & solum concedit posse attingi vnico actū, quando non vtraq; immediatè attingitur, at vna in alia, vel vna in recto & alia in obliquo; & maximè quia ille actus deberet esse simul actus intensionis vt terminatus ad bonitatem per modum finis, & electionis vt terminatus ad bonitatem per modum medij, vtramq; enim dicit finis intermedius, est autem impossibile quòd idem actus sit intentio & electio. Non secundum, quia circa vnū & idem obiectum, quale est idem finis intermedius, non potest voluntas creata tendere duplici actū simul & semel, sicut nec intellectus: ergo voluntas creata non habet fines intermedios, qui sint veri fines.

CONCLV

CONCLUSIO.

RESPONDEO dicendum, quod voluntas creata habet fines intermedios, qui sunt veri fines. Ita communiter docent discipuli D. Thom. & alij ferè omnes authores in præfenti.

Probatur conclusio autoritate Aristotelis & D. Thomæ: Aristoteles 1. Ethic. cap. 7. postquam definitionem finis tradidit, dicens esse illud, cuius gratia reliqua operantur omnes; tradit diuisionem finis in vltimum & intermedium, vltimum vocans perfectum, quia perfectè satiat appetitum, & reddit beatum; intermedium autem vocans imperfectum, quia tantum imperfectè satiat; ait igitur: cum itaque plures sint fines, & horum quosdam ob alios expectamus, vt diuitias, fistulas, instrumentaque omnia, perspicuum est non omnes fines esse perfectos: At finem optimum perfectum quid esse constat. Quare si tantum vnus perfectus sit finis, is hic erit qui queritur: sin plures, is qui horum est perfectissimus. Eum autem qui per se est expetibilis, perfectionem eo dicemus esse, qui est propter alium expetendus: Et cum qui nunquam ob aliud expetitur, iis vniuersis, qui per se & propter illum etiam expetuntur. Et cum igitur perfectum simpliciter qui per se semper est, & nunquam ob aliud expetendus: Talis autem finis ipsa felicitas maximè esse videtur. Hanc enim propter seipsam semper, & nunquam ob aliud quidquam expetimus: honorem autem, voluptatem, mentem, virtutem denique omnem, & propter se expetimus (quippe cum ipsorum vnumquodque expeteremus, si nihil inde etiam proueniret:) Et felicitatis etiam gratia; per hæc ipsa felices fore nos arbitantes. Hæc Philosophus: in quo testimonio habemus, quod fines imperfecti scilicet intermedij ita appetuntur propter vltimum finem, siue felicitatis gratia; quod etiam appetantur propter se, quod solum conuenit verò fini. Idem docet D. Thomas infinitis locis suæ doctrinæ, vt videre est apud authores: ex quibus sufficiat vnum adducere, qui habetur infra quæst. 12. art. 3. vbi sic dicitur: Aliqua duo possunt accipi dupliciter, vel ordinata ad inuicem, vel ad inuicem non ordinata: Et si quidem ad inuicem fuerint ordinata, manifestum est ex præmissis, quod homo potest simul multa intendere: est enim intentio non solum finis vltimi, vt dictum est, sed etiam finis medij: simul autem intendit aliquis & finem proximum & vltimum, sicut confectionem medicinæ & sanitatem. Hunc locum pro nostra sententia expressum fatetur Vasques, quamuis dicat D. Thomæ non accepisse ibi intentionem strictè & propriè pro actu terminato ad verum finem: sed tamen hoc dictum Vasquis est repugnans ipsi textui, nam D. Thomas in tota illa quæstione agit de intentione propriè & strictè sumpta, vt est actus voluntatis circa finem, & vt distinctus ab aliis omnibus actibus voluntatis, tam circa finem,

R. P. Philippi Carm. discal. Diss. Theolog. in 1. 2.

finem, quam circa media terminatis.

Secundò, probatur duplici ratione D. Thomæ. Primam sic proponit hic art. 6. Necesse est, quod omnia, quæ homo appetit (etiam per modum boni honesti & delectabilis, quod verè habet rationem finis) appetat propter vltimum finem, & hoc apparet duplici ratione. Primò quidem, quia quicquid homo appetit, appetit sub ratione boni: quod quidem si non appetitur vt bonum perfectum, quod est vltimus finis, necesse est vt appetatur vt tendens in bonum perfectum, quia semper inchoatio alicuius ordinatur ad consummationem ipsius; sicut patet tam in his, quæ sunt à natura, quam in his quæ sunt ab arte; & ita omnis inchoatio perfectionis ordinatur in perfectionem consummatam, quæ est propter vltimum finem. Secundam proponit quæst. 12. de veritate art. 2. ex comparatione ad causam efficientem his verbis: Sicut influere causæ efficientis est agere, ita influere causæ finalis est appeti & desiderari: Et ideo sicut secundarium agens non agit nisi per virtutem primi agentis existentem in eo: ita secundarius finis non appetitur nisi per virtutem finis principalis (videlicet vltimi) in eo existentem provt scilicet est ordinatus in illum. Et ideo sicut Deus propter hoc quod est primum efficiens, agit in omni agente; ita propter hoc quod est vltimus finis, appetitur in omni fine. Hæc duplex ratio sic amplius dilucidatur. Prima quidem hoc modo: Voluntas creata naturaliter est determinata ad appetendum vltimum finem suum, in quo quiescat satiata summa eius bonitate, & ita sit perpetuò in statu beatitudinis: hic autem vltimus finis importat obiectionem simul & formalem beatitudinem per modum vnius in communi, in particulari autem importat visionem diuinæ essentiae; ad quam tamen, vt pote mysterium gratiæ, non inclinatur nisi ex motione diuinæ gratiæ, & supposita fide (quamuis ad beatitudinem vt sic in communi inclinatur naturaliter) & hæc inclinatio est radix aliarum inclinationum voluntatis, ita vt quæcumque bona particularia & limitata appetit, illa appetat ex appetitu beatitudinis vt sic, quasi conducentia ad illam; vnde in appetitu cuiuscunque boni particularis includitur virtualiter appetitus summi boni, scilicet beatitudinis, & quicquid voluntas appetit, propter vltimum finem appetit, in quo adepto eius appetitus completè satiabitur, quia semper inchoatio alicuius ordinatur ad consummationem ipsius: igitur voluntas creata appetens bona particularia & limitata, non appetit vt vltimum finem, cum in eis adeptis non completè satiatur eius appetitus, & hoc naturaliter scitur ex propositione intellectus, sed appetit propter vltimum; nec his obstat, quod peccans dicitur appetere vt vltimum finem, obiectionem inordinate volitum in quo peccat; nam reuera peccans non appetit vt vltimum finem illud obiectionem ex parte actus, quasi velit formaliter

ter illud ut ultimum finem; sed tantum interpretatiue ex parte modi tendendi in illud, quia non ordinat illud debite ad ultimum finem beatitudinis supernaturalis saltem virtualiter, & ita interpretatiue peccator habet illud obiectum in quo peccat, ut ultimum finem, quia quod appetitur propter se, & non cum debito ordine ad alium finem, censetur appeti ut ultimus finis; semper tamen in appetitu talis obiecti includitur appetitus beatitudinis ut sic in communi, qui saluatur in omni alio appetitu: Aliunde vero voluntas creata appetit plura bona particularia propter se, propter bonum scilicet honestum aut delectabile quod in eis relucet, quod bonum est proprium finis, & non mediorum proprie dictorum, quibus tantum competit bonum utile: ergo illa appetit ut finem intermedium; quod enim appetitur ut finis, & non ut finis ultimus, appetitur ut finis intermedius. Secunda autem sic dilucidatur: Quamuis genus causae finalis oppositum habeat modum causandi modo causandi causae efficientis; quia causa efficiens agit per modum principij physice influentis, causa vero finalis per modum termini moraliter allicientis: conueniunt tamen in hoc, quod in utroque genere est subordinatio causarum; in genere efficientis est prima & vniuersalissima causa, cui omnes aliae subordinantur, immediatius quidem vniuersaliores, mediatus vero causae particulares; in genere autem finis est ultimus & vniuersalissimus finis, cui omnes alij fines subordinantur immediatius quidem vniuersaliores, mediatus vero fines particulares, qui tamen omnes sunt intermedij excepto ultimo, sicut omnes causae sunt secundae excepta prima: & sicut virtus primae causae efficientis saluatur in causis secundis, & virtus causarum vniuersalium in causis particularibus, ita quod causae particulares non agant nisi in virtute vniuersalium, & omnes secundae non agant nisi in virtute primae, modo alibi explicato; sic virtus ultimi finis saluatur in finibus intermediis, & virtus finium vniuersalium in finibus particularibus, ita quod fines particulares non moueant voluntatem creatam nisi in virtute vniuersalium, & omnes alij in virtute ultimi, ut paulo ante dictum est, quia non appetuntur fines intermedij nisi propter finem ultimum, in quantum in fine intermedio est inchoatiue ultimus, cum sit quaedam participatio ipsius & ipso mediante perueniatur ad finem ultimum: sed causae secundae efficientes, etiam particulares, non obstante earum subordinatione in agendo ad vniuersales & ad primam sunt verae causae, ut communiter conceditur: ergo etiam fines intermedij, quamuis particulares, non obstante eorum subordinatione in mouendo ad fines vniuersales & ad ultimum, sunt veri fines; & ita voluntas creata habet fines intermedios, qui sunt veri fines. Quando ergo dicitur quod de ratione finis est, ut sit ultimum,

non debet intelligi de ultimo simpliciter, sed respectu alicuius, quod idem est ac esse terminum illius, qui non est semper ultimus: & hoc docet D. Thomas libr. 2. Physicorum lect. 5. vbi sic ait: Ne aliquis credat quod solum id quod est ultimum, sit causa sicut *cuius gratia*, propter hoc quod nomen finis ultimum quodammodo videtur esse: est igitur omnis finis ultimus, non simpliciter, sed respectu alicuius. Et infra q. 12. art. 2. ad 2. ait: Terminus habet rationem ultimi finis, sed non semper ultimi respectu totius, sed quandoque respectu alicuius partis.

A d primum ergo dicendum, quod in definitione finis per *ly cetera*, non intelliguntur omnia absolute, ut intendit Vasques: sed tantum omnia quae finem antecedunt, & quae mediant inter agens & ipsum finem, siue sint plura, siue vnum tantum. Haec definitio sic intellecta conuenit omni fini, tam ultimo, quam intermedio. In secundo loco Philosophus agit de fine ultimo tantum: vbi ex hoc quod debet esse vnus finis ultimus, in cuius virtute alij moueant, concludit quod non est processus in infinitum, quia ablato ultimo fine, a quo ordine intentionis operatio primo incipit, debent amoueri alij fines, qui in virtute illius mouent: soli autem fini ultimo competit, quod non sit alterius gratia; & illo ablato tolluntur alij, ac ita si non esset ultimus finis, nullus esset finis.

A d secundum dicendum, quod eadem bonitas finis intermedij potest appeti propter se, & propter aliud simul & semel; sed secundum diuersam rationem: nam ut honesta & delectabilis appetitur propter se, quia ut sic habet rationem finis: ut ordinata vero, & ut utilis ac conducens ad ulteriorem finem appetitur propter aliud, videlicet propter illum finem, quia ut sic habet rationem intermedij: vnde cum contradictio sit affirmatio & negatio eiusdem de eodem secundum eandem rationem; appeti propter se, & appeti propter aliud, quod idem est ac appeti non propter se, non importat in praesenti contradictionem, quia sunt de eodem secundum diuersam rationem. Quod sic amplius explicatur ex dictis, sistendo in comparatione ad causam efficientem: nam sicut agere a se per propriam virtutem, & simul dependere ab alio in agendo, quod est quodammodo non agere a se, non importat contradictionem in causis efficientibus, quia haec duo coniunguntur in omnibus causis secundis: sic mouere a se per propriam bonitatem per modum honestatis aut delectabilitatis, & simul dependere ab alio in mouendo, quod conuenit finibus intermediis, ut pote subordinatis ultimo fini, quod est quodammodo non mouere a se, non importat contradictionem; & propterea possunt simul coniungi in finibus intermediis secundum diuersam rationem assignatam.

A d tertium dicendum, quod voluntas crea-

ta tendens ad aliquem finem intermedium, tendit ad illum vnico actu. Vnde ad impugnationem dicendum, quod quidem in fine intermedio est duplex illa assignata bonitas, cum sola distinctione formali, non reali, sed cum subordinatione, ita vt bonitas honesta vel delectabilis sit fundamentum bonitatis vtilis in ordine ad ulteriorem finem; & prima est principalior & primaria, secunda autem minus principalis & secundaria; quia licet in fine intermedio tam ratio, quam bonitas & finis & medij sint essentielles; prius tamen ei intelliguntur ratio & bonitas finis convenire, quam ratio & bonitas medij; tum quia prius natura terminat in se & a se appetitum per modum finis, ratione propriæ bonitatis honestæ vel delectabilis, quam per modum medij vtilis conducat ipsum appetitum ad ulteriorem finem, valet enim ista consequentia, ideo hic finis conducit appetitum ad ulteriorem finem; quia attingitur in se propter se: tum quia bonitas finis intermedij est per se primò honesta vel delectabilis, & secundario, & quasi extrinsecè vtilis, quia est in seipsa honesta vel delectabilis, & tantum vtilis in ordine ad ulteriorem finem; quicquid autem convenit rei secundum se, prius convenit ei, ac per se primò, quam quod ei convenit in ordine ad aliud, etiam si res sit aliquo modo ex se respectiva. Ex quo sequitur quod voluntas creata potest vnico actu intentionis tendere ad finem intermedium; attingendo simul & semel, cum aliqua tamen subordinatione, vtramque eius bonitatem; honestam quidem vel delectabilem per modum obiecti primarij, bonitatem verò vtilem per modum obiecti secundarij, qui actus vltimò terminatur ad finem vltimum. Quod declaratur ex comparatione ad causam efficientem: nam à causa secunda efficiente proximè & immediatè procedit actio, & quia est subordinata primæ, etiam à prima procedit eadem actio, & ita causa secunda est principium eiusdem actionis, & vt causa, & vt media: pari ergo ratione, quamuis differenti modo, propter diuersum genus causandi quod est inter causam efficientem & finalem, idem actus voluntatis creatæ tendit in finem intermedium, proximè quidem & immediatè sub ratione finis, & quodammodo remotè & mediatè sub ratione intermedij conducentis ad vltimum, quia terminatur ad hunc finem vt subordinatum vltimo; licet enim finis vltimus sit primum mouens in ordine intentionis, est tamen vltimum terminans in ordine executionis. Quamuis autem in eodem fine intermedio prædictæ duæ bonitates non distinguantur realiter, distinguuntur tamen formaliter; quod sufficit ad subordinationem vnus ab alia, siue ad subordinationem eiusdem realis bonitatis secundum vnā rationem ad seipsam secundum aliam rationem. D. Thomas autem ibi loquitur de bonitate finis & de bonitate medij, quando

hæ bonitates realiter distinguuntur, & vtrique secundum se & in recto immediatè attingitur; tunc enim requirunt diuersos actus quibus attingantur; secus verò, si vna tantum in recto, & alia in obliquo attingatur, vt dum finis in medijs, & media in fine appetuntur: quod apparet in actu cognitionis; si enim immediatè & in recto terminetur ad principia & conclusiones, est distinctus & multiplex, si autem attingat vel principia in conclusionibus, vel conclusiones in principijs, est vnicus; in præsentem autem non loquimur de distinctis realiter bonitatibus, sed de eadem realiter, quæ est simul finis ac medij, quæ proinde attingitur vnico actu; sicut eadem veritas, quæ simul est principium & conclusio, attingitur vnico actu. Ad illud quod subditur, dicendum quod ille actus est propriè intentionis, quia primarium quod attingit in fine intermedio, est bonitas finis; quamuis ratione secundarij quod attingit, possit extensiuè dici electio, non autem propriè, quia electio propriè dicta tantum versatur circa medium rigorosè sumptum, seu circa bonitatem vtilem, præcisè appetibilem propter aliud; talis autem non est bonitas finis intermedij, cum tota vt sic sit appetibilis propter se: non enim finis intermedius est medium præcisè & rigorosè, quia tale medium habet solum rationem vtilis, & influit in finem per modum principij effectiui, sicut medicina ad sanitatem, & instrumenta artis ad artefacta; sed finis intermedius ordinatur ad vltimum finem, tanquam pars ad totum, si vltimus finis sumatur in communi pro bono completè satiatiuo appetitus, hoc enim adintegratur ex particularibus bonis quæ sunt fines intermedij; si autem sumatur vltimus finis in particulari scilicet Deus, finis intermedius ad illum ordinatur, tanquam quid ei conexum ratione participationis & similitudinis ab eo derivatæ: quod autem appetitur propter finem, quasi ad ipsum ordinatum, vel tanquam pars ad totum, vel tanquam obiectum secundarium ad primarium participatum, appetitur eodem actu quo finis; non autem quod appetitur vt medium præcisè propter finem.

D V B I U M II.

Virum intermedia sint verè & propriè fines respectu anteriorum.

Supponendum est, quod intermedium dicitur illud quod est inter duo extrema: Et in præsentem materiam intermedium dicitur illud quod est inter primum & finem, siue sit vnicum, siue sint plura: solus igitur finis vltimus & solum primum medium in aliqua serie non possunt dici intermedium, reliqua alia inter hæc contenta dicuntur intermedia. Hæc intermedia dicunt duos respectus: vnum ad anteriora, alium ad posteriora: respectus ad posteriora nullo modo

do est respectus finis etiam latè sumpti, quin potius est ad finem: unde sola difficultas est de eorum respectu ad anteriora, utrū sit respectus finis verè & propriè dicti ad media. Ad cuius evidentiam sciendum est, quòd intermedia sunt in duplici differentia: quædam enim sunt, quæ præter bonitatem utilitatis, quam habent in ordine ad aliud, habent etiam bonitatem honestatis aut delectabilitatis, ratione cuius sunt appetibilia propter se, sicut ratione prioris bonitatis sunt appetibilia propter aliud: ut apparet in serie aliquarum virtutum subordinatarum, quarum omnium exprimitur aliqua honestas: & de his non agimus in præsentī, cum actum sit dubio præcedenti. Alia sunt intermedia, quæ præter bonitatem utilitatis, quam habent in ordine ad aliud, nullam habent bonitatem honestatis aut delectabilitatis, vel saltem illam non exprimunt, ratione cuius sint appetibilia propter se, & ita sunt appetibilia propter aliud, ut apparet in serie aliquarum actionum indifferentium, nec ex se delectabilium, ut confectio portionis medicinalis, eius sumptio, purgatio humorum, &c. Quæ possunt fieri abstrahendo ab honestate & delectabilitate præcisè propter sanitatem acquirendam: Et de his agimus in præsentī dubio; utrum scilicet ratione suæ utilitatis, præsciudendo ab honestate & delectabilitate, quas possunt habere per accidens coniunctas, sint verè & propriè fines respectu anteriorum; quòd enim sint fines lato modo, facilè ab omnibus conceditur, cum terminent aliquo modo anteriora ad se quodammodo ordinata.

Prima opinio Vasquis in præsentī disp. 4. Martines hic art. 4. dub. 2. & aliorum negat intermedia esse verè & propriè fines respectu anteriorum. Probatur autoritate Aristotelis & Diui Thomæ: Aristoteles lib. 1. magnorum Moralium cap. 2. sic ait: Bonorum alia sunt finis, alia non; quemadmodum sanitas quidem finis, at quæ sanitatis causa scilicet medicina neutiquam finis est. Et 8. Ethicor. cap. 2. sub fine tantum comprehendit bonum honestum quod absolute vocat bonum, & bonum delectabile siue iucundum, non autem bonum utile: unde ait: Quare fit, ut amabilia sint ipsum bonum (scilicet honestum) & iucundum ut finis. Idem docet. D. Thomas 1. Ethicor. lect. 9. & 1. p. q. 5. art. 6. ad 2. dicens: Utilia dicuntur, quæ non habent in se, unde desiderantur, sed desiderantur ut sunt conducentia in alterum, sicut sumptio medicinæ amaræ: ergo cum intermedia de quibus in præsentī agimus, sint tantum utilia & conducentia in alterum, ac proinde non habeant in se unde desiderantur, non sunt verè & propriè fines respectu anteriorum.

Secundò, probatur ratione deducta ex prædictis auctoritatibus; Finis verè & propriè dictus duo includit; primum est, quòd propter se ipsum appetatur, quod ipsi est essentialē; secundum

autem est quasi proprietas ipsius, quòd cætera propter ipsum appetantur, ut communiter conceditur: cum primo autem stat verè & propriè ratio finis, etiam ablato secundo, potest enim fieri quòd nihil sit aliud quod appetatur propter finem; at cum secundo non potest stare verè & propriè ratio finis, ablato primo quod est essentialē fini: sed intermedia, de quibus in præsentī agimus, non appetuntur propter se, quamvis anteriora appetantur propter ipsa; cum ex suppositione non habeant bonitatem honestatis aut delectabilitatis, quæ propter se appetitur; at tantum habeant bonitatem utilitatis quæ præcisè propter aliud appetitur: Ergo intermedia non sunt verè & propriè fines respectu anteriorum.

Tertiò, Si intermedia sint verè & propriè fines respectu anteriorum, sequitur quòd verè & propriè attingantur à voluntate creata per modum finis, & simul per modum mediij; nam ex vna parte maximè, propriissimè, & per prius sunt media, ratione bonitatis utilis quam per se primo afferunt; ex alia verò parte essent verè & propriè fines, unde sub utraque ratione à voluntate creata attingerentur, voluntas quippe potest ferri in quancumque rationem boni cognitam, iuxta eius merita; vel propter se, si sit finis; vel propter aliud, si sit medium: Et consequenter voluntas creata attinget quodlibet intermedium sub hac duplici ratione, duplici actu simul & semel; actu quidem intentionis, in quantum est verè & propriè finis: & actu electionis, in quantum est propriè medium: vel simul & semel attinget utramque rationem unico actu, qui sit simul formaliter intentio & electio: sed utrumque est impossibile: ergo intermedia non sunt verè & propriè fines respectu anteriorum.

CONCLUSIO.

RESPONDEO dicendum quòd omnia intermedia, etiam illa quæ tantum exprimunt bonitatem utilitatis, verè & propriè sunt fines, tam respectu anteriorum. 2. quam respectu actuum voluntatis. 3. quamvis valde imperfecti, & in genere finis diminuti. Ita ferè omnes discipuli D. Thomæ in præsentī, ut Medina, Aluarez, Cornejo, Nostri Salmanticenses, & alij plures.

Probatur conclusio quoad primam & secundam partem (secunda quippe sequitur ex prima: nam si intermedia verè & propriè sunt fines respectu anteriorum, verè & propriè movebunt per modum finis voluntatem, ad hoc ut ipsa appetat propter se, & appetat anteriora propter ipsa) autoritate Aristotelis & D. Thomæ: Philosophus 5. Metaphys. cap. 2. ait: Amplius ut finis hoc autem est, quod est cuius causa, ut ambulandi sanitas: nam quare ambulavit? dicimus, ut sanetur: Et quæcumque mouente alio fiunt infra finem, ut attenuatio, aut purgatio, aut pharmacia, aut organa &c. Quod dictum Philosophi exponens D. Thomas ibidem lect. 2. hæc inter alia habet: Non solum autem ultimum propter quod

quod efficiens operatur, dicitur finis respectu præcedentium: sed etiam omnia intermedia, quæ sunt inter primum agens & vltimum finem, dicuntur finis respectu præcedentium. Et eodem modo dicuntur causa, unde principium motus respectu sequentium: sicut inter medicinam, quæ est primum agens in hoc ordine, & sanitatem quæ est vltimus finis, sunt ista media, scilicet attenuatio quæ est propinquissima sanitati in his quæ superabundant in humoribus, & purgatio per quam acquiritur attenuatio, & pharmacia id est medicina laxatiua, & ex qua purgatio causatur, & organa id est instrumenta quibus medicina vel pharmacia præparatur & ministratur. Huiusmodi etiam omnia sunt propter finem, & tamen vnum eorum est finis alterius: nam attenuatio est finis purgationis, & purgatio pharmaciæ. Idem ferè reperit Aristoteles & D. Thomas 1. Physic. cap. 3. Quæ testimonia adeo sunt clara, vt quantum ad D. Thomam non dubitent aduersarij ipsum stare pro nobis: quantum verò ad Aristotelem aliqua adducunt contra eius translationes ex Græco in Latinum, quasi non legitimas: sed eorum dictis satisfaciunt plusquàm sufficienter Nostri Salmanticenses, & ostendunt ex ipso textu dictas translationes esse optimas, & potius standum esse communitati & antiquitati Doctorum illas acceptantium, & maxime D. Thomæ fidelissimi interpretis ipsius Philosophi, quàm singularitati & nouitati paucorum illas non admittentium.

Secundò, probatur ratione: Vt aliquid sit verè & propriè finis, requiritur & sufficit, quòd appetatur aut fiat propter se, & cætera appetantur aut fiant propter ipsum, vt constat ex definitione finis: cum hac tamen differentia, quòd finis vltimus in aliquo ordine subordinatur fini simpliciter vltimo & vniuersalissimo omnium, & mouet in eius virtute; alij verò fines particulares in eodem ordine subordinantur fini vltimo talis ordinis, & mouent in virtute illius; & tandem inter fines particulares anteriores subordinantur posterioribus, & mouent in virtute ipsorum: vt sanitas quæ est vltimus finis in ordine curationis medicinalis appetitur propter beatitudinē quam homo in omnibus querit, sumptio autem potionis medicinalis appetitur propter sanitatem causandam, confectio autem talis sumptionis appetitur propter eius sumptionē, & tandem instrumenta apta ad hanc confectionem & sumptionem appetuntur propter ipsam cōfectionem & sumptionem. Idem proportionē seruata, quamuis opposito modo reperitur in causis efficientibus, propter diuersitatem causalitatis repertæ inter causam efficientē & finalem: nam prima causa in aliquo ordine subordinatur causæ simpliciter primæ & vniuersalissimæ, & agit in virtute illius; causæ verò particulares illius ordinis subordinantur primæ causæ talis ordinis, & agunt in virtute illius; & tandem causæ instrumenta-

les subordinantur principalibus, & agunt in virtute ipsarum: eadem autem est ratio huius subordinationis causarum requisitæ in hoc vtroque genere causæ; idè quippe requiritur in genere causæ efficientis; quia nulla causa efficiens, excepta prima, perfectè continet effectum producendum, saltem quoad omnem eius modum & formalitatem, & propterea indiget tam morione virtuosa priorum, quam concursu posteriorum etiam instrumentalium, vt sic adiecta alijs attingat non solum totum, sed etiam totaliter effectum: Et prima causa quia perfectè continet omnem effectum possibilem, non indiget concursu aliarum causarum, & si eis vitur, non vitur ex indigentia, sed ex mera sua bonitate, qua suis creaturis communicat perfectionem causæ effectiuæ & principij actiui. Simili ergo & proportionali modo requiritur prædicta subordinatio in genere causæ finalis; quia nulla causa finalis, excepta vltima debite applicata, perfectè præcontinet in suo genere effectum producendum, saltem quoad omnem eius modum & formalitatem, & propterea indiget tam efficaci virtute morali vltiorum finium, qua possit mouere subiectum; quam concursu anteriorum, vt medijs ipsis eius causalitas attingat subiectum. Sed ex hoc discursu certo & cōmuniter recepto manifestè sequitur quòd omnia intermedia, etiam illa quæ tantum exprimunt bonitatem vtilitatis, si comparentur ad anteriora, appetuntur propter se, sicut appetuntur propter aliud, si comparentur ad posteriora: eo proportionali modo quo causæ efficientes mediæ agunt per se, si comparentur ad inferiores immediatiores effectui; sicut agunt per aliud, si comparentur ad superiores: sicut enim virtus actiua causarum efficientium mediarum est ex se productiua, quamuis vt subordinata causis superioribus sit productiua per aliud: sic bonitas quæ reperitur in omnibus intermedijs, de quibus agimus, licet non exprimatur nisi per modum vtilis, tamen quia est bonitas delectabilis aliquo modo fundata in vtilitate (per hoc enim quod aliquid apprehenditur vt vtile ad aliquod desideratum, affert aliqualem delectabilitatem; non quæ consequatur naturam ipsorum immediatè, sed quæ consequatur immediatè, eorum vtilitatem, ac proinde per se attinentem ad ipsa vt vtilia, & non tantum per accidens, sicut pertineret prior illa delectabilitas fundata immediatè in eorum natura, si adesset): inde est quòd appetitur non solum propter aliud, quia subordinata, sed etiam propter se, sicut quælibet alia bonitas delectabilis, quamuis imperfectè obdiminutam rationem delectabilis: appetuntur etiā anteriora propter ipsam, nam finis vltimus illius ordinis non mouet ad illa anteriora nisi per hæc posteriora intermedia, nec consequenter terminat anteriora nisi per hæc posteriora, & ita in ordine executionis & in exercitio operis anteriora immediatè appetuntur & executioni mandantur

tur propter intermedia posteriora, & tantum mediata propter vltimum finem illius ordinis, vt explicatum est: ergo omnia intermedia, etiam illa quæ tantum exprimunt bonitatem vtilitatis, verè & propriè sunt fines respectu anteriorum. Quod sic amplius confirmatur: Tum quia anteriora dependent ab intermediis posterioribus in aliquo genere causæ, non efficientis, materialis, & formalis vt patet: ergo in genere causæ finalis non vt à medio, & consequenter vt à fine qui in executione est posterior mediis: Tum quia interrogationi factæ per quare vel propter quid assumantur anteriora, adducuntur intermedia posteriora, vt si quæzatur quare vel propter quid fiat potio medicinalis, responderetur fieri propter purgationem; similis autem interrogatio & responsio pertinent ad genus causæ finalis: Tum quia quodlibet medium habet aliquem finem proximum à quo specificetur eius vtilitas, & est ille in quem immediatè influit; constat autem quòd anteriora influunt immediatè ad intermedia posteriora: Tum denique quia anteriora non amittunt rationem mediij & vtilis, quando non influunt in vltimum finem, dummodo influant sufficienter in posterius intermedium; quod denotat hoc esse verè & propriè finem respectu illorum.

Probatur tertia pars conclusionis autoritate Aristotelis & D. Thomæ: Aristoteles. 1. Ethicor. cap. 7. postquam dixit dari aliquos fines, quos propter alios appetimus, subiungit: Perspicuum est, non omnes fines esse perfectos, videlicet illos de quibus egerat, qui sunt intermediij propter alios appetiti. D. Thomas ibidem lect. 9. sic ait: Videntur autem esse plures gradus finium, quorum quosdam eligimus propter alios solum, sicut diuitias quæ non appetuntur, nisi in quantum sunt vtilis ad vitam hominis, & fistulas quibus canitur, & vniuersaliter omnia organa, quæ non quæzuntur nisi propter vsum eorum: vnde manifestum est, quod omnes isti fines sunt imperfecti. Quod etiam voluit indicare 2. Physicorum cap. 3. dum ait quòd omnia hæc intermedia sunt quodammodo finis, id est quid diminutum in genere finis, licet verè, propriè, & substantialiter sint finis, vt alibi docuit: maxime 3. contra Gentes cap. 2. dicens; Omnia intermedia inter agens & vltimum finem sunt fines respectu priorum, & principia actiua respectu sequentium. Deinde probatur ratione desumpta ex comparatione finis ad causam efficientem, quam adducit D. Thomas lect. 9. citata: In genere causæ efficientis est triplex gradus agentium. Primum agens est perfectissimum, nulli alteri subordinatum: & hoc mouet independenter ab alio, ex propria sua virtute; & hoc est Deus prima & vniuersalissima causa. Secundum agens est perfectum, quia agit propria virtute, sed non est perfectissimum, quia agit vt subordinatum primo ac dependenter ab illo; & hoc est agens

particulare principale nulli alteri agenti particulari subordinatum. Tertium est agens imperfectum, quamuis sit verum agens, quod subordinatur non solum primo agenti vniuersali, sed etiam secundo agenti particulari, & agit per virtutem ab illis participatam, & non omninò propriam, vnde dicitur agere in virtute illorum; & hoc est agens instrumentale: ergo similiter in genere causæ finalis est triplex gradus finium. Primus est finis perfectissimus, qui solum propter se appetitur, scilicet propter suam bonitatem nulli alteri subordinatam; & hic est finis vltimus. Secundus est finis perfectus, qui scilicet appetitur propter se perfectè, scilicet propter suam honestatem vel delectabilitatem quam exprimit: sed non est perfectissimus, nec perfectissimè propter se appetitur, quia appetitur cum subordinatione & in ordine ad vltimum finem; & hic est finis intermedius, de quo actum est dubio præcedenti. Tertius est finis imperfectus, qui magis propter aliud, quam propter se appetitur, quia tantum exprimit vtilitatem; & delectabilitatem aut honestatem, quam habere potest, habet fundatam in vtilitate, ac proinde valde imperfectam & diminutam; & hic finis comprehendit hæc intermedia, de quibus agimus in præsentì, respectu anteriorum: quæ sunt verè & propriè finis, etsi imperfectus, sicut causa agens instrumentalis est verè & propriè causa, licet imperfecta.

A d primum ergo dicendum, quòd Aristoteles & D. Thomas in illis locis loquuntur de istis intermediis formaliter & reduplicatiuè, secundum quod appetuntur propter aliud, ratione vtilitatis propriæ quam exprimunt: vnde meritò vt sic ea excludunt ab ordine finium; & includunt in ordine mediorum, quia propriissimè & perfectè sunt media. Alibi tamen, vt ostensum est, vocant ea fines, imperfectos quidem, sed verè & propriè tales propter delectabilitatem quam habent fundatam in sua vtilitate, & quam non exprimunt.

A d secundum dicendum, quòd verissimum est de ratione finis verè & propriè dicti esse, quòd appetatur propter seipsum, ad quod consequitur quòd cætera quæ appetuntur, appetantur propter ipsum. Vtrumque autem concedimus istis intermediis imperfectè ac diminutè, propter bonitatem delectabilem imperfectam & diminutam, quam habent fundatam in sua vtilitate, & quam non exprimunt; vnde sunt fines imperfecti & diminuti: sunt autem perfectissimè media propter vtilitatem propriam mediorum, quam per se primò important & exprimunt. Et quamuis hæc intermedia prius exerceant munus finis respectu anteriorum, quam munus mediij respectu posteriorum in ordine executionis: tamen in ordine intentionis prius mouent appetitum per modum mediij, quam per modum finis; quia in hoc ordine primum mouens est vltimus finis,

finis, in ordine ad quem cætera sunt media; & ita singula intermedia accipiuntur prius ut respiciunt posteriora in ordine ad vltimum finem, ac proinde per modum medij; quàm ut respiciunt anteriora in ordine ad primum medium, quod quidem non potest exercere munus finis respectu alterius medij, quia supponitur esse primum medium, & consequenter non habere anterius medium: potest tamen exercere munus inadæquatum finis respectu appetitus, in quantum potest appeti propter se, quamuis imperfectè, ratione delectabilitatis imperfectæ ac diminutæ, quam habet in propria vtilitate fundatam. Quia tamen primum medium non habet aliud munus magis notum (quamuis sit tantum per modum proprietatis, quod scilicet cætera appetantur propter ipsum) ideo communiter dicitur quod primum medium non potest habere rationem finis: si autem pro primo media intelligatur operatio agentis propter finem, ut volunt aliqui tunc in ipso processu ad finem primum illud medium nullo modo habet rationem finis; quia nec appetitur propter se, cum non sit obiectum sui, sed tendentia potentia in aliud obiectum, nec consequenter cætera appetuntur propter ipsum, cum nullum habeat anterius ad se ordinatum.

Ad tertium dicendum, quod si voluntas creata attingat hæc intermedia in ordine ad posteriora præcisè, ac ita sub ratione medij; tunc attingit actu qui præcisè habet rationem electionis: si autem cum ordine ad posteriora simul attingat in ordine ad anteriora (non enim potest illa attingere in ordine ad anteriora præcisè, propter vtilitatem in seipsis expressam, qua ordinantur ad posteriora;) tunc attingit actu quidem electionis, qui tamen extensivè potest dici actus intentionis: cuius ratio est, quia in his intermediis, vtilitas quæ cadit sub electione, est principalior, quam sit delectabilitas quæ potest cadere sub intentione.

D V B I U M III.

Utrum voluntas creata possit actualiter, vel habitualiter simul appetere plures ultimos fines.

Supponendum est ex D. Thoma hic art. 4. quod datur aliquis vltimus finis humanæ vitæ: Et probat D. Thomas ex comparatione finium ad causas efficientes hoc modo: Est impossibile quod in causis efficientibus essentialiter subordinatis seu dependentibus ab invicem formalissimè in causando (nam dependentia ab invicem in essendo, qualis esset, si generationes fuissent ab æterno, se habet per accidens in præsentis, & tantum affert subordinationem materialem inter causas, licet per se in essendo; non autem formalem & essentialem in causando) possit

dari processus in infinitum: quia nisi sit prima quæ incipiat influere, nulla alia influet, cum causæ secundæ agant ut motæ à prima & in virtute ipsius, & ita nulla erit actio: nisi autem sit vltima, nunquam terminatur actio, & ita nullus produceretur effectus: ergo similiter est impossibile quod in causis finalibus essentialiter subordinatis, seu dependentibus ab invicem formalissimè in mouendo moraliter appetitum possit dari processus in infinitum: quia nisi sit vltimus finis, à quo ordine intentionis incipiat talis motio, nullus erit alius finis qui moueat cum fines intermedij moueant in virtute vltimi, & ita nulla erit actio, cum nullum agens agat nisi propter finem, causa quippe finalis est prima omnium, ut communiter conceditur, & ostendit D. Thomas hic art. 1. Et subtracta prima causa, cui aliæ essentialiter subordinantur, necesse est subtrahi cæteras subordinatas: Et nisi sit primum medium, à quo ordine executionis incipiat motus, nulla similiter erit actio, cum in hoc ordine intermedia non agant nisi post primum. Hic autem vltimus finis humanæ vitæ in communi est beatitudo seu summa felicitas hominis ut sic in communi; quæ importat tam obiectum, in cuius possessione consistit beatitudo formalis, & dicitur beatitudo obiectiua; quàm actum quo tale obiectum possidetur, & dicitur beatitudo formalis. Beatitudo obiectiua dicit bonum perfectè & completè satiativum appetitus, quandiu enim appetitus non est completè satiat, remanet inquietus, & consequenter non beatus: illud autem bonum plenè satiativum appetitus, debet esse summum bonum, ut infra dicetur, quod potest esse vel per aggregationem formalem omnium bonorum particularium, vel per aggregationem virtuales per hoc quod sit aliquod bonum particulare, quod sit bonum per essentiam, ac proinde contineat eminenter in se omnem rationem boni; & hoc summum bonum est Deus: Et inde est quod beatitudo communiter definitur, quod sit status omnium bonorum aggregatione perfectus. Et in hoc conveniunt Theologi cum antiquis Philosophis, quod vltimum finem hominis seu beatitudinem in communi constituent in summo bono; differunt autem in assignando obiecto in particulari, in quo tanquam in summo bono adepto appetitus humanus quiescat, ut dicitur disputatione sequenti; imò in assignando obiecto beatitudinis, tam variaz fuerunt opiniones, ut Augustinus lib. 13. de Trinitate cap. 4. dixerit: Mirum est, cum capefendæ atque retinendæ beatitudinis voluntas una sit omnium, unde tanta existat de ipsa beatitudine rursus varietas atque diversitas voluntatum; non quod aliquis eam nolit, sed quod non omnes eam norint. Cerrum est autem ex fide quod Deus est summum illud bonum, beatitudo obiectiua, ac vltimus finis humanæ vitæ, cuius adeptione & possessione per claram & quidditativam

ratiuam visionem homines sunt beati. Dum autem in presenti quaerimus: utrum voluntas creata possit actualiter vel habitualiter simul appetere plures ultimos fines; non procedit dubium ex parte subiecti vel obiecti quod est ultimus finis, cum secundum veritatem vnicum sit subiectum nempe Deus, cui competit ratio ultimi finis; sed procedit ex parte apprehensionis ipsius appetentis, qui potest sibi proponere verè, vel falso plures ultimos fines, & consequenter illos appetere.

Prima opinio Suarez in presenti disp. 3. sectione 2. Valiquis disp. 5. & aliorum asserit voluntatem creatam posse actualiter simul appetere plures ultimos fines adequatos & totales, qui quidem non sint positiuè, sed tantum negatiuè ultimi: Dicuntur autem plures ultimi fines negatiuè, quando plura appetuntur absque ordinatione ad ulteriorem finem; positiuè verò dicuntur plures ultimi fines, quando plura appetuntur per modum ultimi finis. Probat hanc opinio autoritate Aristotelis & D. Thomæ: Aristoteles 1. Ethicor. cap. 4. docet esse de ratione cuiuslibet virtutis moralis, quod tendat in proprium bonum propter ipsum; ac proinde non ordinando illud ad ulteriorem finem: unde cum vno & eodem actu possit quis operari propter diuersas virtutes, poterit simul actualiter appetere plures ultimos fines negatiuè. D. Thomas autem infra qu. 12. art. 3. docet posse hominem plura simul intendere ad inuicem non ordinata: unde cum intentio sit præcipuè ultimi finis, poterit homo ex D. Thoma simul actualiter appetere plures ultimos fines negatiuè. Deinde, Gentiles colebant plures Deos, & de facto adhuc aliqui colunt; & consequenter respiciunt quemlibet ipsorum tanquam ultimum finem, ratio quippe ultimi finis est inseparabilis à Deo, sicut & ratio primi principij: ergo respiciunt simul actu plures ultimos fines negatiuè. Denique non repugnat dari plures causas efficientes totales & non subordinatas respectu eiusdem effectus: ergo etiam ex paritate rationis non repugnat dari plures ultimos fines negatiuè, simul actu respectu eiusdem.

Secunda opinio Granado in presenti tract. 1. disp. 3. num. 5. & Salas disp. 8. sect. 4. asserit quod ex suppositione alicuius erroris potest voluntas creata simul actu appetere plures fines ultimos positiuè. Probat: In appetitu ultimi finis positiuè talis potest admisceri aliquis error, vel quod non debet esse bonum plenè satiatiuum appetitus; vel quod tale bonum potest reperiri in pluribus: sed dato hoc casu erroris non apparet cur voluntas non possit appetere plura per modum ultimi finis, ut ex se patet, vnumquodque videlicet ut finem adequatum; maxime disiunctiuè, quod exprimitur sequenti actu, si obtinero hoc vel illud, quolibet ipsorum ero beatus; vel isto, si Deum habuero hoc vel illo modo, ero beatus.

ergo ex suppositione alicuius erroris potest voluntas creata simul actu appetere plures fines ultimos positiuè. Deinde, De facto peccator simul actu appetit duos fines ultimos positiuè, nempe Deum per fidem sibi propositum ut ultimum finem, & bonum commutabile ad quod per rationem errantem conuertitur peccando tanquam ad ultimum finem: ergo ex suppositione alicuius erroris potest voluntas creata simul actu appetere plures fines ultimos positiuè.

Tertia opinio asserit, quod voluntas creata potest simul habere duos aut plures fines ultimos positiuè; vnum quidem per appetitum actuale, alios autem per appetitum habituale: & multò magis si dicatur quod habitualiter illos omnes haberet. Hanc opinionem sequuntur, qui dicunt de potentia absoluta posse eundem hominem esse simul in gratia & in peccato. Probat: Supposito quod aliquis sit simul in gratia & in peccato, per gratiam est conuersus in Deum ultimum finem supernaturalem, & per peccatum est conuersus ad bonum creaturæ tanquam ad ultimum finem saltem habitualiter: ergo voluntas creata potest simul habere plures fines ultimos positiuè, saltem habitualiter. Deinde, Tam iustus qui venialiter peccat, quam peccator qui benè moraliter operatur, habet duos fines ultimos, saltem vnum actu, & alium habitualiter: nam iustus qui venialiter peccat, habet Deum pro ultimo fine ex qua parte est iustus; & ex qua parte peccat venialiter, habet alium ultimum finem actu, ad quem tendit suo actu: similiter peccator qui benè moraliter operatur, ex qua parte est peccator, habet pro ultimo fine bonum creaturæ, cum ut sic sit auersus à Deo ultimo fine; & ex qua parte benè moraliter operatur, habet alium ultimum finem honestum actualiter, ad quem tendit illo actu moraliter bono: ergo voluntas creata potest simul habere duos aut plures fines ultimos positiuè, vnum quidem actualiter, alium verò habitualiter.

CONCLUSIO.

RESPONDEO dicendum, quod voluntas creata potest quidem habere successiuè plures ultimos fines positiuè, etiam totales & adequatos. 1. sicut & simul actualiter plures inadæquatos & partiales: siue potest simul plura appetere actualiter per modum vnius ultimi finis. 3. non tamen potest simul actualiter appetere vel habere plures positiuè aut negatiuè ultimos fines adequatos & totales, nec collectiuè, nec disiunctiuè. 4. nec etiam potest illos habere simul habitualiter: nec simul vnum actualiter, & alium habitualiter. Ita communiter docent discipuli D. Thomæ, & alij in presenti.

Probat prima pars conclusionis, tanquam certa apud omnes. Tum quia iustus qui peccat mortaliter, se auertit à Deo ultimo fine & se conuertit ad bonum creaturæ tanquam ad ultimum

mum finem : & similiter peccator qui iustificatur, se auertit à bono creaturæ, quod peccando sibi constituerat vltimum finem, & se conuertit in Deum tanquam in vltimum finem : & ita in vtroque casu voluntas creata habet successiue plures vltimos fines positiue, totales etiam & adequatos vt constat. Tum quia potuit contingere, quod aliquis Philosophus antiquus mutaret sententiam de vltimo fine hominis ; ita quod successiue constitueret in illo, & in alio obiecto : & consequenter eius voluntas potuit habere successiue plures vltimos fines positiue, etiam totales & adequatos.

Probatur secunda pars conclusionis auctoritate S. Augustini & D. Thomæ. Augustinus lib. 19. de ciuitate Dei cap. 1. dicit quod quidam vltimum hominis finem posuerunt in quatuor, scilicet in voluptate, in quiete, in bonis naturæ, & & in virtute. Cui dicto Augustini respondens D. Thomas hic art. 5. ad 1. ait : quod omnia illa plura accipiebantur in ratione vnius boni perfecti ex his constituti, ab his qui in eis vltimum finem ponebant : ergo S. Augustinus & D. Thomas sentiunt, quod voluntas creata potest simul actualiter habere plures vltimos fines inadæquatos & partiales : siue melius potest simul plura appetere actualiter per modum vnius vltimi finis ; quia reuera eo ipso quod dicantur fines partiales, ordinantur ad totalem, sicut partes ad totum, vnde non sunt fines vltimi, sed ille totalis ad quem ordinantur. Deinde, Beatitudo definitur, quod sit status omnium bonorum aggregatione perfectus ; cui proinde indifferens est, quod sit vel aggregatio formalis plurium bonorum partialium, in quibus collectiue sumptis sit omnis ratio boni ; vel quod sit aggregatio virtualis omnium bonorum in vno subiecto summo bono, quod proinde contineat vnité in quodam gradu eminentissimo omnem rationem bonitatis dispersam in istis bonis inferioribus, & sub diuersa limitatione ab illis participatam : ergo cum vltimus finis voluntatis creatæ & beatitudo eius sint idem & verè conuertantur ; sequitur quod voluntas creata potest simul habere & appetere actualiter plures vltimos fines inadæquatos & partiales : siue potest simul plura appetere actualiter per modum vnius vltimi finis.

Probatur tertia pars conclusionis expressa auctoritate D. Thomæ, qui hic art. 5. illam probat triplici ratione efficacissima : ait autem : Impossibile est quod voluntas vnius hominis simul se habeat ad diuersa, sicut ad vltimos fines : subintellige totales & adequatos. Videantur tres eius rationes, non minus claræ, quam efficaces. Quarum tamen primam sic amplius expendimus ad maiorem omnium, quæ in tota hac materia dicuntur, euidentiam : Cum vnumquodque appetat naturaliter suam perfectionem, illud appetit aliquis vt vltimum finem, quod appetit vt bonum perfectum, & complementum sui ipsius ; ac pro-

inde bonum quod ab aliquo appetitur vt vltimus finis, debet esse in se ita perfectum, aut saltem apprehendi ita perfectum ab ipso appetente ; quod iudicetur ab illo, saltem iudicio practico, dum actu & in exercitio appetitur, esse bonum perfectè, plenè, & completè satiatium ipsius appetitus ; cum in illo adepto debeat appetitus omnino quiescere, (sicut omnia alia perfectè quiescunt in suo vltimo fine, ad quem propterea mouentur & terminus motus est quies) quia in tali adeptione finis debet esse perfectè beatus, ac proinde esse in statu omnium bonorum aggregatione perfectò, & consequenter perfectè, plenè, & completè satiatiuo appetitus, cum nullum bonum supersit ipsi extra appetendum : sed hæc ratio boni perfectè satiatii & completè beatificatiui appetitus seu voluntatis creatæ non potest esse, nec apprehendi esse in pluribus omnino distinctis, quasi sit adæquatè & totaliter in singulis, quomodo deberet esse, si illa plura essent plures vltimi fines adæquati & totales ; & si posset apprehendi in actu signato & speculatiue, non tamen practice & in actu exercitio ; nam sicut dum apprehenditur duplex bonum, practice iudicatur neutrum esse integrum & perfectum, vt potè cui desit perfectio alterius boni ; sic eo ipso quod apprehenditur duplex bonum, practice iudicatur neutrum esse perfectè satiatium appetitus, vt potè non integrè & perfectè bonum : vnde D. Thomas hic art. 5. ad 2. ait : Quod etsi plura accipi possunt, quæ ad inuicem oppositionem non habeant, tamen bono perfectò opponitur quod sit aliquid de perfectione rei extra ipsum ; ergo voluntas creata non potest simul actualiter appetere, vel habere plures positiue aut negatiue vltimos fines adæquatos & totales, nec collectiue, nec disiunctiue. Quod sic amplius declaratur : Experimur in nobis, quod quicquid voluntas appetit, illud appetit virtute vltimi finis, positiue talis, nempe motiuo beatitudinis, quam in omnibus quatit, & sic ad illam omnia alia ordinat tanquam media, hoc enim exigit dignitas & meritum ipsius vltimi finis & beatitudinis ; & propterea dicitur vltimus simpliciter & non tantum in aliquo ordine ; quia omnia simpliciter, & non tantum omnia alicuius ordinis, ad ipsum ordinantur, non tantum ex parte sua, sed etiam ex parte appetentis debite iudicantis iudicio practico de vltimo fine, alias apperès non diligeret vltimum finem formaliter vt talem : ergo cum aliunde non possint practice & in actu exercitio plura iudicari esse vltimos fines adæquatos & totales, vt ostensum est, inde est quod voluntas creata non potest simul actualiter appetere vel habere plures positiue aut negatiue vltimos fines adæquatos & totales, nec collectiue, nec disiunctiue : sed debet necessariò habere vnicum finem positiue vltimum, ad quem omnia alia ordinat, si ipsum formaliter diligat vt vltimum finem ; ac proinde non dantur plures fines negatiue vltimi

in eo sensu in quo eos admittunt aduersarij, nam ex ipsis finis negatiuè ultimus est talis conditionis, quòd ab appetente non ordinatur ad vltiores, sed alia omnia alicuius ordinis ad ipsum ordinantur. Dictum est in hac probatione, quòd ratio boni perfectè satiatiui & completè beatificatiui appetitus seu voluntatis creatæ, non potest esse nec apprehendi esse in pluribus omninò distinctis, nam plura omninò distincta important mutuam distinctionem, tum in essentia, tum in existentia; ac proinde important distinctas realiter bonitates, quarum nulla includit aliam; nec consequenter est summa bonitas, cum desit illi aliqua ratio bonitatis; vnde non est perfectè satiatiua appetitus, cum extra ipsam restet appetitui alia bonitas appetenda: ex quo sequitur quòd si illa plura omninò distincta appetantur, tanquam vltimi fines, appetuntur vt vltimi fines inadæquati & partiales, vt scilicet quodlibet ipsorum ratione bonitatis propriæ ab aliis distinctæ, concurret ad constituendum vnum finem vltimum totalem & adæquatum. Cuius contrarium reperitur in diuinis Personis, solis enim ipsis tam collectiue, quam disunctiue sumptis competit ratio vltimi finis adæquati & totalis, cum eadem numero sit bonitas omnium triū & singularum, quæ bonitas est formaliter constitutiva vltimi finis, vtpote diuina & summa; quamuis materialiter omnes tres concurrant ad constituendum vltimum finem in particulari creaturæ intellectualis, quia bonitas illa summa constitutiva formaliter vltimi finis, exigit conaturaliter & omnimoda necessitate esse indiuisè & realiter eadem in tribus diuinis Personis, sicut & eadem diuina essentia & diuina existentia; propter quod diuinæ Personæ non sunt plura omninò distincta, sed tantum plura relatiue & quantum ad relatiua præcisè distincta.

Probatur quarta pars conclusionis autoritate D. Thomæ: Tum hic art. 5. Tum q. 13. de malo art. 2. vbi probans quolibet peccato mortali deperdi habitum charitatis, sic ait adducendo rationem: Quia non est possibile vnus hominis esse multos fines vltimos: hoc autem dictum D. Thomæ procedit vniuersaliter, non solum quantum ad appetitum actuale simultaneum illorum, sed etiam quantum ad appetitum habituale, vel etiam actuale vnus, & habituale alterius, vt constat ex ipso textu, nam per actum peccati mortalis homo vel Angelus peccans conuertitur actu ad bonum commutabile creaturæ, & transacto tali actu remanet conuersus ad idem bonum habitualiter: Et tamen D. Thomas docet quolibet peccato mortali deperdi habitum charitatis, quo homo vel Angelus est tantum habitualiter conuersus ad Deum bonum incommutabile. Deinde probatur ratione D. Thomæ hic art. 5. in argumento, sed contra, quam sic breuiter proponit: Illud in quo quiescit aliquis sicut in vltimo fine, hominis affectui

dominatur: quia ex eo totius vitæ suæ regulas accipit; vnde de gulosis dicitur Philip. 3. Quorum Deus venter est, quia scilicet constituunt vltimum finem in deliciis ventris: sed sicut dicitur Mathæi 7. Nemo potest duobus Dominis seruire, ad inuicem scilicet non ordinatis: ergo impossibile est esse plures vltimos fines vnus hominis ad inuicem non ordinatos. Quæ ratio D. Thomæ sic magis declaratur: Illud quod habet rationem vltimi finis adæquati & totalis, respectu voluntatis creatæ, quo adepto debet perfectè quiescere & satiari eiusdem voluntatis appetitus, debet omninò dominari tali appetitui, totaliter ipsum sibi subordinando, & attrahendo omnimodè ad sui affectum; cum enim vltimus finis adæquatus & totalis sit summum bonum ac perfectè beatificatiuum ipsius appetentis, & proponatur voluntati vt tale, summè illam mouet, ac proinde totaliter allicit eam ad se, cum de ratione boni sit allicere appetitum iuxta sui meritum & dignitatem magis aut minus; vnde vltimo fini debet appetitus esse summè subiectus, ac totaliter subordinatus: quod colligimus à posteriori, quia vt ait D. Thomas & continuò experimur, totius vitæ regulas ex vltimo fine accipimus, ita vt quicquid appetimus, ex motiuo & virtute ipsius illud appetamus, & ad ipsum ordinemus: ergo voluntas creata non potest plures vltimos fines adæquatos & totales habere simul habitualiter: nec simul vnum actualiter, & alium habitualiter; si enim vnus vltimus finis omninò sibi subiicit appetitum, non remanet ipsi capacitas vt alteri vltimo fini similiter subiiciatur. Quod sic amplius declaratur: Ex affectu vltimi finis adæquati & totalis procedunt & regulantur omnes alij affectus, quasi ipsi omninò subiecti & subordinati: vnde cum ex vna parte vnus tantum affectus possit tantum terminari ad vnum vltimum finem adæquatum & totalem, si enim vnus & idem affectus terminaretur ad plura, ad illa terminaretur per modum vnus, & ad vnumquodque inadæquatè cum aliqua subordinatione ad alia: ex alia verò parte sit impossibile quòd dentur plures affectus talis naturæ, quòd vnicuique subordinentur omnes alij, vt constat ex ipsis terminis, nisi sit mutua subordinatio (quæ tamen repugnat affectui vltimi finis adæquati & totalis, qui nulli alteri subordinatur, sicut nec vnus vltimus finis adæquatus & totalis subordinatur alteri) manifestè sequitur quòd voluntas creata non potest plures vltimos fines adæquatos habere simul habitualiter: nec simul vnum actualiter, & alium habitualiter. Quamuis enim per se primò affectus actuales ad plures vltimos fines adæquatos & totales, importent & expriment talem oppositionem: illam tamen refundunt ad affectus habituales: Tum quia affectus actuales sunt causæ habitualium, & ita refundunt ad ipsas proprias repugnantia & oppositionis mutua conditiones;

nes; unde communiter conceditur quòd tandiu manet habitualis affectus ad aliquem finem, donec per actum oppositum retractetur: Tum quia hoc colligitur à posteriori, nam ille qui dicitur esse habitualiter conuersus ad aliquem finem, debet esse in præparatione animi vt se actualiter ad illum conuertat, cum opus fuerit: unde manifestè sequitur, quòd affectus ad vltimum finem adæquatum & totalem ita sibi subiicit omnes alios affectus tam actuales, quam habituales, vt omnes ab illo regulentur, & ad illum ordinentur vt dictum est. Denique, Si voluntas creata posset plures vltimos fines adæquatos & totales simul habere habitualiter: vel simul vnum actualiter, & alium habitualiter; sequeretur quòd simul posset esse conuersa ad Deum bonum incommutabile, & ad bonum commutabile creaturæ: quod sic ostenditur; nam potest simul habere habitum charitatis, quo habitualiter est conuersa ad Deum vt vltimum finem; & alios habitus prauos actibus peccaminosis acquisitos, & inclinantes ad peccata mortalia, quibus proinde est habitualiter conuersa ad bonum commutabile creaturæ: sed communiter negatur quòd voluntas creata possit simul esse conuersa ad Deum bonum incommutabile, & ad bonum commutabile creaturæ tanquam ad vltimos fines; alioquin posset quis simul esse iustus, & iniustus siue peccator: ergo absolute voluntas creata non potest simul habere habitualiter plures vltimos fines adæquatos & totales; Et hoc ex eadem radice iam explicata, nam ideo habitus prauus remanentes in iustis non conuertunt eos ad bonum commutabile creaturæ, quia subordinantur habitui charitatis non quidem vt imperantis eorum actus, sed potius vt refrænantis & prohibentis eos; ex eo quòd conuersio per Charitatem ad Deum vltimum finem subiicit sibi omnes alios affectus; unde quamuis illi habitus vitiosi non mutantur physice quoad eorum substantiam, mutantur tamen moraliter, in quantum per conuersionem ad Deum per charitatem, sunt retractati, ac proinde in via corruptionis, & tantum remotè ac quasi speculatiuè inclinant ad peccata: imò indirectè modo explicato subiiciuntur affectui in Deum vltimum finem, & ipsi Deo: Et idem dicendum de aliis affectibus tam habitualibus, quam actualibus voluntatis creatæ, quod subiiciuntur eius affectui ad vltimum finem: quamuis autem affectus habituales magis & directius videantur inter se contrariari, quam cum actualibus; tamen in rei veritate quoad præsentem materiam magis opponuntur habituales affectus cum actualibus, quam inter se, quia cum actualibus opponuntur oppositione virtualiter contradictoria, in quantum affectus vnus ad vltimum finem totaliter subiicit sibi alios affectus, si autem compateretur alios affectus in distinctos fines vltimos adæquatos, non illos sibi subiiceret, vt ostensum est; & hæc

oppositio virtualiter contradictoria inter actua-lem & habitua-lem affectum in distinctos fines vltimos magis exprimitur, quam inter duos affectus habituales in distinctos fines vltimos.

Ad primum ergo dicendum, quòd licet quilibet virtus moralis tendat in proprium bonum propter ipsum non tamen propter ipsum vt vltimum finem: unde voluntas creata per actus virtutum moralium non tendit in plures vltimos fines: Et sic intelligenda est autoritas Philosophi. Autoritas autem D. Thomæ ab ipsomet explicatur ibidem ad 2. dicit enim: Ea quæ sunt plura secundum rem, possunt accipi vt vnus terminus intentionis prout sunt vnum secundum rationem: vel quia aliqua duo concurrunt ad integrandum aliquod vnum: sicut ad sanitatem concurrunt calor & frigus commensurata: vel quia aliqua duo sub vno communi continentur, quod potest esse intentum: puta acquisitiò vini & vestis continetur sub luceo, sicut sub quodam communi: unde nihil prohibet, quin ille qui intendit lucrum, simul hæc duo intendat. Ad aliud dicendum, quòd sicut Gentiles idololatæ non constituunt adæquatè totam Deitatem in quolibet idolo, sed eam inter illa diuidunt: sic nec in quolibet constituunt adæquatè rationem primi principij, & vltimi finis omnium, sed eam inter illa diuidunt: unde non respiciunt illa vt plures vltimos fines adæquatos & totales. Ad aliud dicendum, quòd admissio pro nunc antecedenti (quod tamen esse falsum ostensum est in Physicis) negatur consequentia: quia paritas esset statuenda inter primas causas efficientes & vltimos fines: certum autem est quod est impossibile esse plures primas causas.

Ad secundum dicendum, quòd licet admittatur, quòd speculatiuè & in actu signato possit dari talis error: practicè tamen & in actu exercito non potest dari: quicquid enim appetitur per modum vltimi finis, debet appeti vt bonum plenè satiatuum appetitus, & consequenter vt non existens in pluribus. Ad illud quod subditur, dicendum quòd etiam disiunctiue non possunt apprehendi plura vt vltimi fines adæquati, nec consequenter potest in quolibet ipsorum adeptio constitui completa beatitudo, quæ consequitur adeptionem vltimi finis simpliciter & adæquatè: Et ita patet ad primum actum; in secundo autem attenditur tantum de formali possessio Dei, per quemcumque actum habeatur. Ad aliud dicendum, quòd licet peccator speculatiue cognoscat per fidem Deum vt vltimum finem: practicè tamen iudicat hinc & nunc, saltem ex parte modi tendendi, appetendum esse bonum commutabile creaturæ tanquam vltimum finem.

Ad tertium dicendum, quòd implicat contradictionem, quòd aliquis sit simul in gratia & in peccato mortali: hæc enim se mutuo natura-

liter & necessario excludunt, quasi habitus & priuatio, ab eodem subiecto. Vnde est impossibile quod Deus infundat gratiam sanctificantem peccatori, absque eo quod per aliquem actum saltem imperfectum, retrahat suam conuersionem ad bonum commutabile creaturæ, tanquam ad vltimum finem. Ad aliud dicendum, quod nec iustus qui venialiter peccat, nec peccator qui bene moraliter operatur, habet villo modo duos vltimos fines. Iustus enim habet pro vltimo fine sui & omnium suorum ipsum Deum, ad quem etiam peccata venialia iusti remotè & virtualiter ordinantur. Peccator autem habet pro vltimo fine bonum proprium vt tale: vnde quicquid vult & operatur, etiam moraliter bonum, ad illud virtualiter ordinat, vt explicabitur dubio sequenti.

D V B I V M IV.

Virum peccans mortaliter habeat creaturam pro vltimo fine.

SVpponendum, tanquam certum & vt commune axioma, quod qui peccat, auertit se à Deo bono incommutabili, & conuertit se ad bonum commutabile creaturæ: hoc expresse docet D. Thomas 3. p. q. 86. art. 1. dicens: Culpa mortalis vtrumque habet, & auersionem à Deo, & conuersionem ad bonum creatum. Et q. 28. de veritate art. 1. dicens: Quicumque in re temporali finem sibi constituit, quod facit omnis mortaliter peccans, ex hoc ipso quantum ad affectum suum, præponit creaturam Creatori, diligens plus creaturam quam Creatorem: finis enim est quod maximè diligitur. Et hoc sæpe exprimitur in sacra Scriptura: dicitur enim Deuteronomij 32. Dereliquit Deum factorem suum, & recessit à Deo salutari suo. Isaia 1. Væ genti peccatrici, dereliquerunt Dominum, abalienati sunt retrorsum. Et Ieremix 2. Me dereliquerunt fontem aquæ viuæ, & foderunt sibi cisternas, cisternas dissipatas, quæ continere non valent aquas. Ex quibus omnibus constat, quod peccans mortaliter, tollit quantum ad affectum saltem virtualem & implicitum, à Deo rationem vltimi finis, & illam constituit in aliqua creatura, vt amplius constabit ex dicendis in hoc dubio; vbi etiam determinabitur, an simpliciter peccator constituat in bono creato vltimum finem, & quodnam sit illud bonum creatum, an scilicet obiectum circa quod peccat, an aliquod aliud: Non autem inquirimus hîc de vltimo fine in communi; quia sic certum est quemlibet operantem, tam iustum, quam peccatorem habere pro vltimo fine suæ operationis beatitudinem in communi obiectiuam & formalem per modum vnius finis integri cuius gratia, & seipsum vt vltimum finem cui: sed inquirimus de vltimo fine in particulari, qui respectu iusti est Deus vt bonus bonitate diuina.

Prima opinio Suaris in præsentî disp. 3. n. 11. Vasquis disp. 5. cap. 1. & aliorum asserit, quod peccator constituit vltimum finem in illa creatura, cui inordinate adhæret peccando mortaliter: aut saltem in bono inordinato contrario ipsi Deo prout abstrahit ab hoc vel illo obiecto peccaminoso. Probatur autoritate S. Augustini & D. Thomæ: Augustinus lib. 83. questionum q. 30. sic ait: Omnis itaque humana peruersio est, fruendis vti velle, atque vtendis frui. Et lib. 14. de Ciuitate Dei cap. 28. ait: Amor sui vsque ad contemptum Dei ædificat ciuitatem Babylonis. D. Thomas infra q. 77. art. 4. ait: Inordinatus amor sui est causa omnis peccati: Quæ omnia indicant, creaturam illam, in qua peccator constituit rationem vltimi finis, esse bonum inordinatum vt sic, quod Sancti Patres vocant bonum commutabile.

Secundò, Peccator constituit vltimum finem in illa creatura, ad quam peccando mortaliter se conuertit; nam ex vi talis cōuersionis, se auertit à Deo vltimo fine, & ita quantum ad eius affectum attinet, transfert à Deo rationem vltimi finis ad creaturam: sed peccator peccando mortaliter se conuertit ad creaturam cui inordinate inhæret, aut saltem ad bonum inordinatum contrarium Deo, prout abstrahit ab hoc vel illo obiecto peccaminoso, propter ipsum enim Deum omninò derelinquit: ergo peccator constituit vltimum finem in illa creatura, cui inordinate adhæret peccando, aut saltem in bono inordinato contrario ipsi Deo, prout abstrahit ab hoc vel illo obiecto peccaminoso.

Tertiò, Vltimus finis peccatoris debet esse oppositus vltimo fini hominis iusti, vt patet; ac proinde debet consistere in aliquo bono creato, ita conueniente peccatori vt sic, quod sit disconueniens iusto, imò debet esse inreferibile ad vltimum finem iusti, & etiam naturæ puræ non deordinatæ: sed talis vltimus finis non potest esse aliud, quam creatura illa, cui peccator inordinate adhæret peccando, aut saltem bonum inordinatum contrarium ipsi Deo, prout abstrahit ab hoc vel illo obiecto peccaminoso; Tum quia eo ipso quod voluntas se auertit ab illo per poenitentiam, simul se conuertit ad debitum finem vltimum, & eo ipso quod se conuertit ad illud, simul se auertit à debito fine vltimo; Tum quia si esset aliquid aliud, maximè bonum proprium ipsius peccatoris, quod tamen non potest esse, cum bonum proprium non sit disconueniens iusto, sed sit referibile ad vltimum finem iusti, & possit esse finis naturæ puræ non deordinatæ: ergo vltimus finis peccatoris est creatura illa, cui inordinate adhæret peccando, aut saltem bonum inordinatum contrarium ipsi Deo, prout abstrahit ab hoc vel illo obiecto peccaminoso.

CONCLUSIO.

RESPONDEO dicendum, quod peccans mortaliter, quantum ad affectum tollit à Deo rationem

tionem ultimi finis, & illam constituit in creatura 2. vnde ultimus finis, *cui* hominis existentis in peccato mortali est ipsemet peccator secundum se & in sua natura consideratus, connotando priuationem gratiæ 3. ultimus vero finis, *cuius* gratia formalis in abstracto est bonum proprium ipsius peccatoris sub hac ratione boni proprii: in concreto verò est ipsemet peccator ut affectus vel afficiendus tali bono, connotando eandem priuationem gratiæ & charitatis, seu priuationem debitæ subordinationis ad ultimum finem supernaturalem 4. non autem est bonum inordinatum contrarium Deo, prout abstrahit ab hoc vel illo obiecto peccaminoso 5. sed ultimus finis materialis adæquatus simpliciter & absolute est aggregatum ex omnibus bonis tam honestis, quam delectabilibus, quæ inordinate peccator appetit sibi in ordine ad proprium bonum: quælibet verò bona particularia sic inordinate appetita sunt tantum ultimus finis adæquatus secundum quid & simpliciter inadæquatus. Ita communiter discipuli D. Thomæ quantum ad rei veritatem, licet quantum ad modum loquendi sit aliqua differentia inter illos.

Probatur & explicatur prima pars conclusionis. Dicimus igitur, quod Deus Optimus Maximus est ultimus finis omnium rerum, sicut est primum earum principium: sed est speciali modo ultimus finis creaturæ intellectualis, cum possit per eam immediate in seipso attingi per visionem beatificam, item per dilectionem & fruitionem completam: vnde Deus eleuando prædictam creaturam intellectualem ad hunc finem excedentem eius naturam seu supernaturalem, voluit & præcepit tali creaturæ, ut se & sua omnia voluntarie ordinaret ad hunc finem: Quando ergo talis creatura peccando mortaliter, committit actum ordinabilem ad finem illum, vel omittit actum imperatum in ordine ad illum; tunc quantum ad proprium affectum, saltem virtualem & interpretatiuum, tollit à Deo rationem ultimi finis, & illum constituit in creatura: nam ex vna parte de ratione ultimi finis simpliciter talis, qualis debet esse Deus, est quod omnia ad ipsum ordinentur, & ipse ad nullum aliud, ut constat ex supra dictis: ex alia verò parte Deus non potest esse finis ultimus partialis, creaturæ sociatus, maxima quippe ei sit iniuria, si creatura ei adæquetur; vnde cum ex affectu peccatoris aliquod ponatur in genere morali inordinatum à Deo ut ultimo fine simpliciter ordinis moralis; sequitur quod sit ordinatum ad creaturam tanquam ad ultimum finem ex eodem affectu peccatoris, quicquid enim sit, sit propter aliquem finem ultimum, ut dicetur infra: Et consequenter peccans mortaliter, quantum ad affectum tollit à Deo rationem ultimi finis, ut illam constituat in creatura.

Probatur secunda pars conclusionis auctoritate Aristotelis & D. Thomæ. Aristoteles lib. 9.

Ethicor. cap. 4. dicit, quod unusquisque sibi ipsi vult bona: & cap. 8. hoc applicans ad peccatores, dicit: Prauus quidem sui gratia cuncta agit, & tanto magis, quanto prauior est: incusant igitur ipsum, quia nihil nisi sibi agit. D. Thomas in 2. d. 42. q. 2. art. 1. ait: Finis ultimus in amore commutabilium bonorum est ipse homo, propter quem omnia alia querit. & quæst. 8. de Malo art. 1. ad 19. ait: Amare est velle bonum alicui: in hoc ergo quod homo appetit sibi quæcumque bona, videtur amare seipsum; & ideo amor sui ipsius non ponitur seorsum, vel radix peccati, vel etiam vitium capitale, quia omnes radices & capita vitiarum includunt inordinatum sui amorem. Deinde probatur ratione: Ille est ultimus finis *cui* hominis existentis in peccato mortali, cui ultimatè, vult, quæcumque bona vult, ut constat ex ipsius terminis; nam tali vult illa bona absque ordine ipsius ac bonorum ipsi volitorum ad vltiorem finem: sed existens in peccato mortali vult ultimatè sibi quæcumque bona vult, non enim in appetitu alicuius boni ordinat se & illa bona ad vltiorem finem, cum supponatur priuatus gratia & Charitate, quibus tantum potest ordinari ad vltiorem debitum finem, & consideratur præcisè secundum se & in sua natura, quæ propria virtute solum tendit ad bonum sibi commodum & congruum: ergo ultimus finis *cui* hominis existentis in peccato mortali est ipsemet peccator secundum se & in sua natura consideratus, connotando priuationem gratiæ. Circa dicta sciendum est ex Aristotele 9. Ethic. cap. 5. & D. Thoma ibidem lect. 5. quod hoc est ita naturale homini velle sibi tanquam ultimo fini *cui*, quæcumque bona vult: ut etiam hoc sit verum in amore amicitiae, quæ vult bonum amico propter ipsum amicum; nam amat ipsum amicum ut aliquid proprium & sibi coniunctum, & ita ultimatè ad se tanquam ad finem *cui* ordinat & amicum, & bonum ipsi volitum: vnde amor amicitiae & amor concupiscentiae naturalis non differunt ex parte finis *cui* ultimi, qui semper in utroque amore est ipse amans: sed differunt ex parte finis proximi *cui*; amans enim amore concupiscentiae vult sibi immediate bonum, amans verò amore amicitiae vult immediate bonum amico propter ipsum amicum, quamuis ultimatè ad se ordinet, & amicum, & bonum ipsi volitum. Sola Charitas ordinat ultimatè omnia ad Deum secundum quod est in seipso: cum enim sit optimus & rectus ordo Charitatis, quæ attingit Deum iuxta proprium meritum & dignitatem; & aliunde Deus non sit ordinabilis debito ordine ad creaturam, sed potius è contra creatura sit ordinabilis ad Deum; inde est quod iustus ita appetit sibi Deum ut summum bonum ut non appetat sibi tanquam ultimo fini *cui*, cum se & omnia sua ultimatè ordinet ad Deum tanquam ad ultimum finem *cuius* gratia: vnde etiam spes Theologica secundum se præcisè considerata

rata importat tantum amorem concupiscentiae ; & separata à Charitate ac informis , quamuis habeat ipsum Deum ut finem *cuius gratia* proximum , propterea est virtus Theologica : tamen habet pro fine ultimo *cui* ipsum sperantem , unde est valde imperfecta , quamuis non peccaminosa ; ad hoc enim quod aliquod opus sit peccatum , debet ordinari vel formaliter , vel saltem virtualiter ad creaturam , non solum ut ad ultimum finem *cui* , sed etiam ut ad ultimum finem *cuius gratia* ; quae ordinatio non semper reperitur in peccatore operante , propterea communiter negatur , maxime in schola D. Thomae , quod omnia opera peccatorum , aut etiam Gentilium sint peccata.

Probaturs tertia pars conclusionis auctoritate Philosophi libr. 8. Ethicorum cap. 2. ubi dicit : quod simpliciter quidem amicabile bonum ; unicuique autem , id quod est unicuique bonum. & cap. 5. ait : Expetibile esse constat , quod est absolute bonum ; unicuique verò , quod ipsi est tale , id est proprium. & lib. 9. c. 4. ait : Amabilia ad alios , ex his quae sunt ad seipsum , profecta esse videntur. Deinde probatur ratione ex dictis Philosophi deducta : Ille est ultimus finis *cuius gratia* formalis in abstracto , respectu alicuius , qui ab illo propter se appetitur absque ordine ad ulteriorem finem , cetera verò omnia appetuntur propter ipsum ; sicut enim finis proximus & particularis appetitur propter se , & alia propter ipsum , cum ordine tamen ad finem ultimum & universalem , quasi partis ad totum , & quasi participationis ad participabile ; sic finis ultimus & universalis respectu alicuius , debet ita ultimare propter se appeti , & alia propter ipsum , quod hoc fiat absque ordine ad ulteriorem finem : sed bonum proprium ipsius peccatoris sub hac ratione boni proprii , ab illo propter se appetitur absque ordine ad ulteriorem finem , cetera verò omnia appetuntur propter ipsum : naturalis quippe adest unicuique inclinatio ad suam conservationem & perfectionem , ut in omnibus experimur , iuxta tamen diversitatem naturae ; haec inclinatio vel est appetitus innatus in carentibus cognitione , vel est appetitus elicitus in habentibus cognitionem : & fundatur ac radicatur in ipsa natura : unde semper tendit ad bonum proprium ipsius naturae appetentis , vel conservandum si habet , vel acquirendum si non habet , cum ex hac conservatione vel acquisitione dependeat conservatio & perfectio naturae ; sed haec tendentia aliquando est formalis , aliquando virtualis , & aliquando tantum habitualis ; & consequenter omnes actus cuiuscumque naturae tendunt aliquo ex praedictis modis ad bonum sibi proprium sub ratione proprii , tanquam ad ultimum finem ; siue tales actus sint naturales , siue supernaturales , cum bonum naturae intellectualis se extendat ad omnia bona quibus potest perfici , ac proinde tam ordinis naturalis quam superna-

turalis , tam vera quam apparentia : nisi superveniat inclinatio Charitatis , quae non quaerit quae sua sunt , sed ordinat appetitum naturalem , ut non tendat ad bonum proprium naturae appetentis tanquam ad ultimum finem , sed tendat ad bonum divinum ut sic , seu in Deum ut in se bonum tanquam ad ultimum finem , vel formaliter , vel virtualiter , vel saltem habitualiter ; & hoc ideo quia Charitas creata est inclinatio divinae naturae participatae per gratiam , quae proinde habet ab intrinseco quod tendat ad bonum divinum ut tale , quod est sibi proprium : ergo cum in peccatore non sit inclinatio Charitatis debite ordinantis appetitum naturalem , ultimus eius finis *cuius gratia* formalis in abstracto , est bonum proprium ipsius peccatoris sub hac ratione boni proprii : in concreto verò est ipsemet peccator ut affectus vel afficiendus tali bono connotando privationem gratiae & Charitatis , seu privationem debite subordinationis ad ultimum finem supernaturalem. Sciendum tamen est , quod peccator non peccat quolibet actu appetitus ordinati ad proprium bonum tanquam ad ultimum finem , nisi talis ordinatio sit formalis aut virtualis ; non enim sufficit ad peccatum & demeritum ordinatio habitualis ; sicut nec ad meritum. Sufficit ordinatio habitualis ad bonum divinum sub ratione divini , seu ut est formaliter bonum Dei , per charitatem , sed requiritur ordinatio formalis aut virtualis ad ipsum tanquam ad ultimum finem , cum contrariorum sit eadem ratio ; alioquin omnes actus existentis in peccato mortali & infidelis essent peccata , cuius tamen contrarium docet D. Thomas , & est communiter receptum.

Probaturs quarta pars conclusionis : Ultimus finis *cuius gratia* formalis , simpliciter & absolute adaequatus , est ille qui ultimare propter se appetitur , & omnia alia ultimare appetuntur propter ipsum ; ita ut nihil appetatur nisi cum subordinatione vel formali , vel virtuali , vel saltem habituali ad ipsum , ut constat ex ipsis terminis : Sed non quicquid appetitur à peccatore , appetitur propter bonum inordinatum contrarium Deo , prout abstrahit ab hoc vel illo obiecto peccaminoso , ut sic formaliter ; Tum quia ut dictum est inclinatio naturalis cuiusque tendit ad bonum proprium ut formaliter tale , quod sub se comprehendit tam bonum ordinatum quam inordinatum , tam bonum verum quam apparens , tam bonum ordinis naturalis quam supernaturalis & divini etiam substantialiter , cum his omnibus bonis sit perfectibilis natura intellectualis ; Tum quia voluntas existentis in peccato mortali non semper tendit suis actibus ad bonum inordinatum ut sic formaliter , aut virtualiter , imò nec habitualiter , cum talis voluntas sic possit esse disposita habitualiter propter actum praecedentem , quod nolit amplius tendere ad obiectum inordinatum ut sic ; Tum quia de facto tendit ad bona ordinata ,

ordinata, ut dum facit eleemosinam & similia opera moraliter bona, hæc enim sunt referibilia ex sua natura ad debitum ultimum finem: ergo ultimus finis cuius gratia formalis in abstracto hominis existentis in peccato mortali non est bonum inordinatum contrarium Deo ut sic, prout abstrahit ab hoc vel illo obiecto peccaminoso.

Probatur quinta pars conclusionis: Ultimus finis materialis adæquatus alicuius appetitus debet esse talis conditionis, ut adæquet tam ipsum appetitum, quam formalem rationem finis eiusdem appetitus, ut constat ex ipsis terminis; nam obiectum adæquatum materiale cuiuscunque potentie sic ei commensuratur, quod ultra ipsum potentia non possit materialiter versari, & quod adæquatè comprehendat rationem formalem obiecti talis potentie ultimus autem finis inadæquatus alicuius appetitus est ille, cui appetitus adhæret quidem ultimo fini materialiter, saltem ex parte modi tendendi; inadæquatè tamen, vel quia non ei proponitur ut bonum adæquatè satiativum ipsius, vel quia non ei immobiliter & semper adhæret, qualiter debet adhærere ultimo fini adæquato etiam materiali: sed appetitus peccatoris adæquatè versatur materialiter circa aggregatum ex omnibus bonis, tam honestis, quam delectabilibus, quæ inordinatè peccator appetit sibi in ordine ad proprium bonum; versatur verò materialiter inadæquatè circa quælibet bona particularia sic inordinatè appetita, tanquam circa ultimum finem; per hoc enim quod hîc & nunc tendit ad aliquod ex his bonis, absque ordine ad debitum ultimum finem, hîc & nunc tendit ad illud ut ad ultimum finem ex parte modi tendendi, quia non ordinat illud ad ulteriorem finem, sed quantum ad affectum illud ultimatè appetit propter bonitatem illius; non tamen tendit ad illud ut ad ultimum finem materiale adæquatum, quia non proponitur ut bonum adæquatè satiativum ipsius, nec immobiliter & semper ei adhæret, sed successivè modo appetit unum, modo aliud: ergo ultimus finis materialis adæquatus simpliciter & absolute peccatoris est aggregatum ex omnibus bonis, tam honestis, quam delectabilibus, quæ inordinatè peccator appetit sibi in ordine ad proprium bonum: quælibet verò bona particularia sic inordinatè appetita sunt tantum ultimus finis simpliciter inadæquatus, & tantum adæquatus secundum quid. Vnde D. Thomas hîc art. 5. ad 1. dicit: Quod illa omnia, quæ appetit peccator, accipiuntur ab illo in ratione unius boni perfecti ex his constituti.

A d. primum ergo dicendum, quod omnes illæ autoritates solum important, quod peccator peccando constituit ultimum suum finem in creatura, per hoc quod inordinatè illam appetit & amat; videlicet secluso ordine ad debitum ultimum finem, ut dictum est in prima parte con-

clusionis; non autem important, quod peccator peccando appetit bona particularia sub ratione boni ordinati ut sic, vel quod sigillatim illa appetat ut ultimum finem materiale adæquatum, ut intendunt aduersarij.

A d. secundum dicendum, quod peccator peccando mortaliter, se convertit formaliter ad proprium bonum sub ratione talis, illud enim appetit in omni bono particulari quod appetit, & tantum materialiter se convertit ad bona particularia creata, quibus inordinatè adhæret, & adhuc inadæquatè si sumantur sigillatim, adæquatè verò materialiter; si collectivè sumantur, & ut important bonum inordinatum contrarium Deo, prout abstrahit ab hoc vel illo obiecto peccaminoso: unde ultimus finis formalis ipsius peccatoris est bonum proprium ut tale; ultimus verò finis materialis adæquatus est aggregatum illud ex omnibus bonis inordinatè appetitis, inadæquatus autem est quodlibet bonum inordinatè appetitum sigillatim sumptum.

A d. tertium dicendum, quod verum est ultimum finem peccatoris esse oppositum ultimo fini hominis iusti, & ita consistit in aliquo bono creato ita conveniente peccatori ut sic, quod sit disconueniens homini iusto, & irreferibile ad ultimum finem hominis iusti, & etiam puræ naturæ non deordinatæ: Sed falsum est quod illud bonum formaliter consideratum sit creatura illa, cui peccator inordinatè adhæret peccando, aut quod sit bonum inordinatum contrarium ipsi Deo, prout abstrahit ab hoc vel illo obiecto peccaminoso: sed est bonum proprium ipsius peccatoris sub hac ratione boni proprii, connotando privationem gratiæ & charitatis, seu privationem subordinationis ad debitum ultimum finem; hoc enim bonum opponitur ratione directi quod importat ultimo fini hominis iusti, qui est bonum divinum in seipso consideratum seu ut est bonum Dei; ratione verò connotati opponitur ultimo fini naturæ puræ non deordinatæ, qui est quidem bonum proprium ipsius, sed absque connotatione privationis gratiæ & charitatis, seu privationis subordinationis ad debitum ultimum finem; quia pura natura ut sic, cum non intelligatur elevata ad ordinem gratiæ, nec ordinata ad finem supernaturalem, non importat talem privationem gratiæ, & subordinationis ad illum finem, sed solum dicit negationem utriusque; Privatio quippe est carentia formæ in subiecto apto, Negatio autem est carentia formæ in quocunque subiecto non apto: Aliunde verò bonum proprium peccatoris est illud, quod peccator appetit formaliter in omni obiecto inordinatè appetito; prout habet prædictam connotationem privationis gratiæ, & subordinationis ad debitum ultimum finem. Vnde ad primam probationem in contrarium, dicendum quod eo ipso quod voluntas peccatoris se avertit à bono proprio cum dicta connotatione considerato per

poenitentiam, se conuertit ad debitum vltimum finem, nempe bonum diuinum, & eo ipso quod se conuertit ad bonum proprium cum dicta connotatione consideratum, se auertit à debito fine scilicet bono diuino. Ad secundam probationem dicendum, quod licet bonum proprium præcisè consideratum non sit disconueniens iusto, sed sit referibile ad vltimum finem iusti, & possit esse finis naturæ puræ non deordinatæ; non tamen hæc habet, si consideretur vt connotat priuationem gratiæ & subordinationis ad debitum vltimum finem, vt dictum est.

D V B I V M V.

Vtrum iustus peccans venialiter habeat creaturam pro fine, saltem negatiuè vltimo.

Supponendum est, quod peccatum definitur ab Augustino, quod sit dictum, factum, aut concupitum contra, vel præter legem Dei. Peccatum diuiditur in mortale & veniale: Peccatum mortale denominatur à morte spirituali, quam causat in iusto, priuando ipsum gratia quæ est vita spiritualis & supernaturalis: Peccatum autem veniale dicitur à venia; vnde per diuersum ordinem peccati ad veniam, diuersimodè peccatum dicitur veniale; vnde Primò omnia peccata, pro quibus habuimus veniam, possunt dici venialia; Secundò illa peccata dicuntur venialia, quæ merentur veniam, eo quod sint commissa vel ex inaduertentia, vel ex infirmitate; Tertiò illa peccata dicuntur propriè venialia, quæ non tollunt ordinem ad vltimum finem: Si loquamur de peccato veniali in prima & secunda acceptione, non differt genere à mortali, cum quodlibet peccatum mortale possit esse veniale: si verò loquamur de peccato veniali in tertia acceptione, differt genere in esse moris à mortali; quamuis ob dispositionem subiecti peccatum veniale possit esse in illo mortale quia ordinat ad mortale. In præsentī dubio sumimus peccatum veniale in tertia & propria acceptione: Quāuis autem peccatum mortale & veniale, vt istis nominibus exprimuntur, inter se non opponantur, siquidem mors & venia nullam dicunt oppositionem; quia tamen per peccatum mortale intelligimus illud, quod est contra finem, & ideo irreparabile quantum est in se; & per veniale intelligimus illud, quod potest reparari, cum sit tantum contra media; inde est quod peccatum mortale & peccatum veniale opponuntur. Certum est autem dari peccata venialia propriè sumpta, quæ sunt compossibilia cum gratia & charitate: Quod dentur peccata venialia, constat ex his locis sacre Scripturæ: Septies in die cadit iustus. S. Iacobus ait: In multis offendimus omnes. S. Ioannes dicit, quod qui dicit peccatum se non habere, ipse se seducit: constat autem, quod hæc loca sunt in-

relligenda de peccatis venialibus, & non de mortalibus: quia iustus non cadit septies in die per peccata mortalia, nam commissio primo peccato mortali, iam non est iustus; sed septies siue pluries cadit per peccata venialia: Nec omnes offendimus in multis peccatis mortalibus, quia multi sunt confirmati in gratia, qui proinde non peccant mortaliter, sed tantum venialiter, cum peccata mortalia excludant gratiam: Possunt etiam multi cum probabilitate morali dicere, peccatum mortale se non habere, cum D. Thomas & alij Sacti Patres dent signa moraliter certa ad hoc dignoscendum. Quia verò peccatum veniale est quid imperfectum in genere peccati, ex multiplici capite contingit quod aliquod peccatum sit tantum veniale, vel ex parte obiecti, vel ex paruitate materiæ, vel ex defectu cognitionis & deliberationis, vel etiam aliunde. Quod peccata venialia sint compossibilia cum gratia & charitate, communiter conceditur; vnde dicitur quod non opponuntur charitati, sed feruori eius, Quia tamen peccata venialia non imperantur à charitate, quæ respicit Deum vltimum finem; sicut ab illa imperantur actus virtutum moralium, inde est quod in præsentī dubitatur, vtrum iustus peccans venialiter habeat creaturam pro fine, saltem negatiuè vltimo.

Prima opinio Suaris in præsentī disp. 3. sect. 4. Vasquez disp. 5. cap. 2. Montesini disp. 2. q. 3. & aliorum asserit, quod iustus peccans venialiter habet creaturam pro fine saltem negatiuè vltimo. Probatur duplici autoritate S. Augustini. Prima habetur lib. 83. questionum q. 30. vbi ait. Omnis itaque humana peruersio est, fruendis vti velle, atque vtendis frui: vnde cum in peccato veniali sit aliqua peruersio humana, peccans venialiter fruitur illa creatura, cui peccando sic inhæret: & cum fruitio sit tantum respectu vltimi finis ex D. Thoma infra q. 1. art. 3. sequitur quod iustus peccans venialiter habeat illam creaturam pro fine, saltem negatiuè vltimo. Secunda habetur lib. de Doctrina Christiana cap. 3. vbi sic ait: Si eis, quibus vtendum est, frui voluerimus, impeditur cursus noster, & aliquando etiam deflectitur, vt ab his rebus quibus fruendum est, obtinendis vel retardemur, vel etiam reuocemur: in quibus verbis S. Augustinus duplicem ponit fruitionem; vnā, qua tantum retardamur ab obtinendo summo bono; aliam verò, qua ab illo deflectimus & reuocamur: constat autem quod prima illa fruitio reperitur in peccato veniali, & secunda in peccato mortali: ergo cum fruitio sit tantum respectu vltimi finis, iustus peccans venialiter habet creaturam pro fine, saltem negatiuè vltimo.

Secundò, Quilibet operans habet pro vltimo fine, saltem negatiuè illud, in quo vltimatè sistit, & quod appetit propter se, non ordinando illud ad vltiorem finem; vnde propriè illo fruitur, & non vtitur illo, inter quæ non datur aliquid medians,

medians, quia usus est respectu medij formaliter ut utilis in ordine ad finem, & fructio est tantum ultimi finis: Sed iustus peccans venialiter ultimatè sistit in creatura, cui adhæret peccando venialiter, & hanc appetit propter se non ordinando illam ad ulteriorem finem; nec potest ad debitum finem ultimum talem actum ordinare, cum hic actus ut pote defectuosus, non procedat à Deo ut à primò principio, & consequenter non potest ad illum ordinari ut ad ultimum finem, hæc quippe duæ rationes in Deo scilicet primi principij & ultimi finis se mutuò adæquant: ergo iustus peccans venialiter habet creaturam pro fine, saltem negatiuè ultimo.

Tertiò, Si quid suaderet, iustum peccantem venialiter non habere creaturam pro fine, saltem negatiuè ultimo, sed habere Deum; maximè quia per charitatem est habitualiter conuersus ad Deum: sed hæc ratio non sufficit; Tum quia actus peccati venialis, cum non sit referibilis in Deum ultimum finem, suspendit hanc conuersionem charitatis; Tum quia aliàs iustus peccans venialiter operaretur propter Deum, & sic peccaret propter illum, nam amaret obiectum peccaminosum propter illum, quod tamen est absurdum asserere: ergo iustus peccans venialiter habet creaturam pro fine, saltem negatiuè ultimo.

CONCLUSIO.

RESPONDEO dicendum, quòd iustus peccans venialiter non habet creaturam pro fine positiuè vel negatiuè ultimo 2. sed habet pro fine tam positiuè, quam negatiuè ultimo ipsum Deum, ut est in seipso 3. quia ad ipsum refert habitualiter obiectum circa quod venialiter peccat 4. non autem actualiter. Ita communiter discipuli D. Thomæ, & plures alij.

Probatur prima pars conclusionis autoritate D. Thomæ infra q. 88. art. 1. sic ait: Ille qui peccat venialiter, inhæret bono temporali, non ut fruens, quia non constituit in eo finem, sed ut utens & q. 89. art. 1. ad 3. ait: In peccato veniali non adhæret homo creaturæ tanquam fini ultimo. Et in iisdem locis ponit differentiam inter peccatum mortale & peccatum veniale, quòd mortale ponit inordinationem circa ultimum finem, veniale verò illam tantum ponit circa ea quæ sunt ad finem, seruato ordine finis. Deinde probatur ratione: Adhæsió appetitus circa aliquid, tanquam circa ultimum finem, est talis conditionis quòd firmet ipsum appetitum circa illud taliter, ut quandiu durat talis adhæsió, appetitus nihil aliud appetat propter se, sed omnia appetat in ordine ad illud, hoc enim necessariò exigit ratio ultimi finis, quomodocunq; sumatur, quia ut supra dictum est, de ratione ultimi finis est, quòd perfectè dominetur appetitui, unde illud ita in se firmat, quòd ab illo excludat omnem aliam inclinationem etiam habitualement ad alium ulteriorem finem: sed adhæsió appetitus hominis iusti circa obiectum venialiter peccaminosum

R. P. Philippi Carm. discal. Disp. Theolog. in 1. 2.

non est talis conditionis, quòd firmet taliter ipsum appetitum circa illud, ut quandiu durat talis adhæsió, appetitus nihil aliud appetat propter se, sed omnia appetat in ordine ad illud; nam contrarium experimur, quia iustus venialiter peccans sic adhæret Deo ut ultimo fini, quòd sit paratus relinquere tale obiectum, si sciret quòd tolleretur debitum ordinem ad Deum ultimum finem; & si tali obiecto adhæret, hoc ideo facit, quia scit hanc adhæsióem compati debitum illum ordinem, & habitualement sui inclinationem ad Deum ultimum finem, summè super omnia dilectum propter seipsum media Charitate: ergo iustus peccans venialiter non habet creaturam pro fine positiuè vel negatiuè ultimo. Denique, De ratione ultimi finis est quomodocunq; sumpti, siue positiuè, siue negatiuè, quòd sit perfectè satiatus ipsius appetitus ratione propriæ bonitatis; quamdiu enim appetitus non est perfectè satiatus, nondum habet ultimum finem, cum in eo debeat consistere eius beatitudo; & propterea supra dictum est, quòd bona creata particularia non possunt habere rationem ultimi finis etiam materialis adæquati, sigillatim sumpta, sed appetuntur sub ratione boni proprii, & ita semper in ordine ad aliud: quòd si bona particularia, circa quæ peccatur mortaliter, habent rationem ultimi finis materialis inadæquati, hoc prouenit ex modo tendendi appetitus in illa, in quantum tendit ad illa non saluando ordinem ad debitum ultimum finem: ergo cum bona particularia, circa quæ peccatur venialiter, ex vna parte non sint perfectè satiatiua appetitus, & ex alia parte appetitus tendat ad illa saluando ordinem ad debitum ultimum finem; sequitur quòd nec ratione sui seu propriæ bonitatis, nec ratione modi tendendi, sunt ultimus finis hominis iusti, & consequenter iustus peccans venialiter non habet creaturam pro fine positiuè vel negatiuè ultimo.

Probatur secunda pars conclusionis: Ille simpliciter est finis tam positiuè, quam negatiuè ultimus respectu alicuius, in quem ultimatè ordinantur ipse & omnia quæ ad ipsum pertinent, ut certum est: sed non solum homo iustus, at etiam omnia ad eum ut talem pertinentia, imò & ipse actus peccati venialis ultimatè ordinatur seu refertur ad Deum, quatenus illi subiicitur per habitum charitatis, quo iustus est habitualiter ad Deum conuersus, tanquam ad ultimum finem simpliciter, ut statim explicabitur in tertia parte conclusionis: ergo iustus peccans venialiter habet pro fine tam positiuè, quam negatiuè ultimo ipsum Deum ut est in seipso.

Probatur tertia & quarta pars conclusionis triplici autoritate D. Thomæ. Prima habetur quæst. 7. de Malo art. 1. ad 4. vbi sic ait: Ille qui peccat venialiter, non fruitur creatura, refert enim eam habitualiter in Deum, licet non actu. Secunda habetur in 1. d. 1. quæst. 3. ad 4. vbi ait:

H 2 Quam

Quamuis ille qui peccat venialiter, non referat actu in Deum suam operationem, nihilominus tamen Deum habitualiter pro fine habet: unde non ponit creaturam finem ultimum. Tertia habetur 2. 2. quæst. 24. art. 10. ad 2. ubi sic ait: Quod amatur in peccato veniali (scilicet ab homine iusto) propter Deum amatur habitu; etsi non actu. Deinde probatur ratione ex his auctoritatibus deducta: De ratione ultimi finis simpliciter respectu alicuius est, quod ita dominetur appetitui ipsius, ut tam ipse, quam quodcunque ad ipsum pertinens sit ultimatè in ordine ad illum, ut supra explicatum est: unde cum ultimus finis hominis iusti sit Deus ut est in seipso, ad quem semper est habitualiter ordinatus per Charitatem etiam dum venialiter peccat, sequitur quod Deus mediante habitu Charitatis ita dominatur appetitui hominis iusti, quod nihil velit, nisi salvo ordine debito ad Deum ultimum finem, unde omnia iusti opera Deo habitualiter per charitatè subiiciuntur; bona quidem directè & immediatè, per hoc quod in illa directè & immediatè influat per imperium; peccata verò venialia, quæ sunt mala secundum quid, indirectè & mediatè, per hoc quod potest impedire ne fiant, & permittit fieri, quia cum illis saluatur ordo debitus ad Deum ultimum finem, & ipse iustus operans est in tali dispositione ac præparatione animi, quod desineret facere illa peccata, si intelligeret per illa tolli debitum ordinè ad Deum ultimum finem, propterea quippe abstinet à peccatis mortalibus, quia per illa tollitur talis ordo: igitur peccata venialia prædicto modo cadunt permissivè sub dominio charitatis vniuentis iustum cum Deo ultimo fine habitualiter saltem; unde indirectè & mediatè ad ipsum ordinantur; indirectè quidem, quia ex propria ratione non sunt in Deum referibilia, sed tantum ut permissivè subdita charitati, quæ directè & immediatè Deum attingit; mediatè verò & secundariò, quia non immediatè & primariò appetuntur propter Deum, sed tantum appetuntur immediatè & primariò propter bonum proprium ipsius operantis, quod quia per charitatem est habitualiter debitè ordinatum ad Deum ultimum finem; inde est quod mediatè etiam ad Deum ordinantur ut ad ultimum finem, quæ immediatè ordinantur ad bonum proprium operantis sic debitè ordinatum per charitatem ad Deum ultimum finem: ergo cum iustus referat ad Deum ultimum finem modo dicto videlicet indirectè & mediatè peccata venialia, etiam ad illum refert habitualiter obiectum circa quod venialiter peccat, non autem actualiter. Ex his constat quod finis particularis proximus peccati venialis in homine iusto, est bonum proprium ipsius ut debitè subordinatum Deo ultimo fini; quia bonum proprium est ordinis inferioris nempe naturalis, bonum autem diuinum est ordinis superioris; imò supremi; & ordo in-

ferior ex natura sua subordinatur ordini superiori, cum tota perfectio huius ordinis inferioris eminentissimo modo contineatur in superiori; & inde est quod bonum diuinum est perfectiori & eminentiori modo satiativum appetitus, quam sit bonum proprium, & consequenter bonum diuinum verè & propriissimè ut est in seipso, habet rationem ultimi finis simpliciter; bonum autem proprium non habet rationem ultimi finis simpliciter in seipso, sed tantum ex affectu deordinato peccatoris seu existentis in peccato mortali.

Ad primum ergo dicendum cum D. Thom. infra q. 88. art. 1. ad 3. quod ille qui peccat venialiter, inhaeret bono temporali, non ut fruens, quia non constituit in eo finem, sed ut utens referens in Deum non actu, sed habitu: unde Augustinus in primo loco loquitur de peruersitate humana, quæ est perfectum malum culpæ, & importat inuersionem debiti ordinis, qui debet esse ad ultimum finem, ita quod media assumantur ut finis, & finis assumatur ut medium, & hæc peruersitas non reperitur in peccatis venialibus, quæ sunt tantum mala culpæ secundum quid, sed tantum reperitur in peccatis mortalibus: ita docet D. Thomas quæst. 7. de Malo art. 1. ad 10. Si autem queratur, utrum in peccato veniali sit usus, vel fructio; respondetur cum S. Bonaventura in 2. d. 42. art. 2. q. 1. ad 6. Quod neque est usus, neque fructio, sed abusus; nisi forte usus dicatur largè omnis amor, quo quis amat aliquid non quiescens in illo, sed refert ad aliud actu, vel habitu; siue referatur rectè, siue minus rectè: Unde cum Augustinus dicit, omnis qui amat aliquid, aut amat utens, aut fruens; accipit largè usum & fructiorem: usum pro omni amore relato, vel directè, vel indirectè: fructiorem pro amore non relato. In secundo autem loco Augustinus quidem ponit duplicem fructiorem largè sumptam: sed utramque in peccato mortali: quamuis autem quodlibet peccatum mortale auertat totaliter à summo bono; in electis tamen, quibus omnia remittuntur, cursus tantum retardatur, ne tam citò summum bonum obtineant; in reprobis verò, quia in finali decedunt impenitentia, cursus deflectitur à summo bono.

Ad secundum dicendum, quod iustus peccans venialiter non ultimatè sistit in creatura, cui adhaeret peccando: quia ut dictum est, illam creaturam, & actum peccati venialis ordinat habitualiter ad debitum ultimum finem; non quidem directè & immediatè, sed tantum indirectè & mediatè: illud autem, quod sic tantum indirectè & mediatè ordinatur ad Deum ultimum finem, non est necesse quod directè & immediatè ab illo procedat ut à primo principio; sicut debent ab illo directè & immediatè ut à primo principio procedere, quæ directè & immediatè ad illum ordinantur ut ad ultimum finem.

Ad tertium dicendum, quod ratio assignata est optima. Vnde ad primam eius impugnationem dicendum, quod actus peccati venialis, quamvis non sit directe & immediate referibilis in Deum, tamen quia omnino subditur dominio charitatis, ideo non tollit aut suspendit conuersionem habitualement hominis iusti in Deum ultimum finem, quæ habetur per charitatem, quin potius ab eadem charitate ordinatur habitualiter, sed indirecte & mediate ad Deum ultimum finem. Ad secundam impugnationem dicendum, quod nullo modo debet concedi quod iustus peccat venialiter propter Deum, etiam habitualiter, quia significaretur quod Deus influeret moraliter ad affectum peccaminosum; vnde etiam non debet concedi, quod tunc iustus operetur propter Deum ob eundem rationem: non obstante quod iuxta dicta debeat concedi, quod peccatum veniale, & eius obiectum ametur habitualiter à iusto propter Deum, & ad illum habitualiter referantur; hoc enim tantum indicat, quod amor Dei subordinet sibi & Deo tale peccatum & eius obiectum ratione sui dominij habitualis: non directe, quasi propter Deum fiat, sed indirecte modo explicato: vnde *hæc habitualiter* determinat amorem, ut supponat non pro amore actuali peccaminoso, qui fertur in obiectum peccati, & qui non potest vilo modo dici esse propter Deum; sed pro habituali amore charitatis, cui subiiciuntur peccatum veniale & eius obiectum; ac amor actualis defectuosus, in quo consistit ipsum peccatum.

D V B I U M VI.

Vtrum quisquid vult homo, velit propter ultimum finem, & referat in illum omnes suos actus.

Supponendum est, quod actus elicited à voluntate non potest esse finis ultimus ipsius voluntatis, bene tamen actus imperatus à voluntate; ita docet Diuus Thomas hic artic. 1. ad 2. ubi sic ait: Impossibile autem est, quod ipse actus à voluntate elicited sit ultimus finis: nam obiectum voluntatis est finis, sicut obiectum visus est color. Vnde sicut impossibile est, quod primum visibile sit ipsum videre; quia omne videre est alicuius obiecti visibilis: ita impossibile est quod primum appetibile, quod est finis, sit ipsum velle. Vnde relinquitur quod si qua actio humana sit ultimus finis, quod ipsa sit imperata à voluntate: Et ita ibi aliqua actio hominis, ad minus ipsum velle, est propter finem. Quicquid ergo homo faciat, verum est dicere, quod homo agat propter finem, etiam agendo actionem quæ est ultimus finis. Hæc D. Thomas: circa quæ notandum est, quod Angelicus doctor intelligit præcipue de ultimo fine *qui* siue obiectiuo, non autem de ultimo fine *quo* siue formali; quamvis

eius ratio de utroque conuincat, ut dicetur infra agendo de beatitudine formali: Quod sic intelligat D. Thomas, docent communiter eius discipuli in præfati: Et colligitur ex duplici capite; primo, quia in illo articulo loquitur de fine iuxta mentem Philosophi 1. Ethicor. cap. 1. cuius testimonio vitur, ut probet aliquas actiones habere rationem finis: Philosophus autem loquitur de actionibus quæ habent rationem finis *qui*, qualis est equitatio & ciuitarizatio; non verò de actionibus quæ præcisè habeant rationem finis *quo*, quia præcisè sunt affectationes finis *qui* seu obiectiuæ, omnis quippe actio quodammodo habet rationem finis *quo* seu formalis, quia quælibet est adeptio sui ipsius. Secundo, quia ibi D. Thomas supponit quod primum appetibile est obiectum voluntatis, sicut visibile est obiectum visus & concludit ex hoc principio quod sicut visibile distinguitur à videre, sic appetibile distinguitur ab appetere siue velle: hæc autem comparatio denotat, quod ibi loquitur de fine *qui* seu obiectiuo quem certissime constat distingui ab actu voluntatis, cum tamen non ita certò constet finem *quo* seu formalem ab illo distingui. Ex quo etiam sequitur, quod D. Tho. non loquitur ibi de ultimo fine adæquatè sumpto, prout adintegratur ex fine *qui* obiectiuo & ex fine *quo* formali. Per finem verò ultimum intelligit D. Thomas, tam de ultimo simpliciter, quam de ultimo in aliquo ordine; ratio quippe ipsius utrumque probat. Non tamen loquitur de fine simpliciter ultimo secundum rei veritatem: quia certissimum est quod Deus est ultimus finis *qui* obiectiuus creature intellectualis; & eius possessio, quæ consistit essentialiter in visione ipsius, & completiue in eius amore & fruitione est ultimus finis *quo* formalis: sed loquitur de ultimo fine, quoad affectum voluntatis creature, in quantum ex modo tendendi ipsius in aliquod bonum creatum, sic ei adhæret, quasi esset ultimus finis, iuxta illud ad Philipp. 3. Quorum Deus venter est. Concluso igitur à D. Thoma, quod actus elicited à voluntate non potest esse ultimus eius finis *qui* obiectiuus; statuitur quod actus à voluntate imperatus possit habere rationem ultimi finis *qui* obiectiuæ quantum ad affectum ipsiusmet voluntatis: nam licet talis actus habeat terminum productum, non tamen assumitur à voluntate ut ordinatus ad ipsum, sed assumitur in seipso cum præcisione à tali termino quasi per accidens coniuncto in ordine ad affectum voluntatis, quæ ultimè sistit in ipso actu secundum se: maximè quia actus immanentes, qui præcipue possunt habere rationem ultimi finis, licet habeant terminum productum, hic tamen potius habet rationem effectus, quam termini ad quem ordinentur prædicti actus; quin potius hic terminus ut plurimum ordinatur ad perfectionem actuum, ut constat in verbo quod producitur per intellectionem, propter perfectionem ipsiusmet intellectionis;

H 3 hæc

hæc enim completur in verbo à seipſa producto. Querimus in præſenti : Vtrum quicquid vult homo , velit propter vltimum finem ; vel in particulari , poſtquam illum ſibi determinauit , vel ſaltem in communi : & referat in illum aliquo modo omnes ſuos actus , ſcilicet vel formaliter , vel virtualiter , vel habitualiter : Tunc aliquid refertur ſeu dirigitur formaliter in aliquem finem , quando fit per actuale & expreſſam finis intentionem , ita vt finis actu influat in illud : Tunc aliquid habitualiter refertur ſeu dirigitur in aliquem finem : quando finis nihil actu influit in actum ; ſed tamẽ adest ſubiecto talis diſpoſitio habitualis , quod ratione ipſius omnes affectus ſubiecti ſunt ſub dominio illius finis : Denique aliquid refertur ſeu dirigitur virtualiter in aliquem finem ex duplici capite ; vel quando ratione præcedentis intentionis voluntas manet determinata ſufficienter ad actu imperandum illud ; vel quando obiectum operationis eſt ſeipſo ordinatum vel coniunctum cum vltimo fine , ratione quippe huius coniunctionis operatio attingens formaliter illud obiectum , attingit etiam virtualiter finem , licet nulla intentio finis præceſſerit formaliter , vt dum fidelis exiſtens in peccato mortali credit aut ſperat , fide aut ſpe ſupernaturali.

Prima opinio aliquorũ ex diſcipulis Scoti negat , quod quicquid vult homo , velit propter vltimum finem ; & citant Scotum pro ſua opinione in 1. d. 1. quæſt. 4. & in 4. d. 49. quæſt. 10. quamvis ab aliis exponatur quali loquens de vltimo fine in particulari , qui eſt Deus. Probatur : Sæpe contingit quod homo operatur abſque cognitione finis vltimi , vt patet in hominibus maximè barbaris , qui neſciunt in quo conſtat vltimus finis : ergo tunc homo non operatur propter vltimum finem , quia *ly propter finem* denotat influxum finis , qui eſt moralis motio , qua ad ſe trahit voluntatem , & hic influxus ſupponit cognitionem ipſius finis ; & conſequenter non quicquid vult homo , vult propter vltimum finem.

Secundò , Si quicquid vult homo , velit propter vltimum finem , debet intentio vltimi finis præcedere quemcunque alium actum humanum , cum talis intentio deberet influere ad omnem illum actum : ſed experientia conſtat , quod multa actu volumus abſque præuia intentione vltimi finis : ergo non quicquid vult homo , vult propter vltimum finem.

Tertiò , Si quicquid vult homo , velit propter vltimum finem , ſequuntur plura inconuenientia. Primum eſt , quod ſemper homo velit bonum , ordinatum ad ſummum bonum quod eſt vltimus finis , cum ex intentione illius ſemper ageret : conſtat tamen de contrario , nam multi volunt malum , cum appetant non eſſe quod eſt maximum malum , vt apparet in iis qui ſeipſos deſtruunt. Secundum eſt , quod nullus actus eſſet indifferens vel otioſus in indiuiduo , ſiquidem omnes actus hominis ordinarentur ad de-

bitum finem , nempe ad vltimum. Tertium eſt , quod homo eſſet neceſſitatus in omnibus ſuis actibus , cum non eſſet in eius poteſtate non referre eos ad vltimum finem : & tamen conſtat quod vt plurimum liberè agit : ergo non quicquid homo vult , vult propter vltimum finem.

CONCLUSIO.

RESPONDEO dicendum , quod homo quoties agit humano more , quicquid vult , vult ſaltem virtualiter propter vltimum finem in communi ſumptum. 2. propter vltimum verò finem in particulari ſumptum aliqua vult formaliter , alia virtualiter , & alia tantum habitualiter. 3. vnde abſolute loquendo verum eſt , quod quicquid vult homo , ſiue iuſtus , ſiue peccator , vult aliquo modo propter vltimum finem , & quod ad illum refert omnes ſuos actus. Ita docent communiter diſcipuli D. Tho. in præſenti , & ferè omnes alij Theologi ; imò & Philoſophi.

Probatur prima pars conſuſionis authoritate tum Sanctorum Patrum , tum Philoſophorum. Auguſtinus lib. 19. de Trinitate Deſcap. 1. ait : Illud eſt finis boni noſtri , propter quod amantur cætera , illud autem propter ſeipſum. Et lib. 13. de Trinitate cap. 3. ait : Si dixiſſet , omnes beati eſſe vultis , miſeri eſſe non vultis dixiſſet aliquid , quod nullus in ſua non cognosceret voluntatem : quidquid autem aliud quiſquam latenter velit , ab hac voluntate quæ omnibus hominibus ſatis nota eſt , non recedit. Idem repetit cap. 5. dicens : Quoniam verum eſt , quod omnes homines eſſe beati velint , idque vnum ardentiffimo amore appetant , & propter hoc cætera quæcumque appetunt. Boëtius. 3. de conſolatione proſa. 2. ait : Omnis mortalium cura , quam multiplicium ſtudiorum labor exercet , diuerſo calle procedit , ſed ad vnum beatitudinis finem nititur peruenire. Idem dicunt plures alij Sancti Patres , & D. Tho. probat ex profeſſo , tum alibi , tum hic art. 6. Idem docuerunt antiqui & celebriores Philoſophi , vt Ariſtoteles. 1. Ethic. cap. 7. Seneca lib. de Vita beata. Cicero lib. 1. & 2. de Finibus : qui omnes vnanimiter dicunt omnia appeti ab hominibus propter ſœlicitatem. Deinde probatur duplici ratione D. Thomæ ſic aliquantulum explicata : Vltimus finis hominis eſt ſummum bonum , perfecte videlicet ſatiatiuum appetitus , & in quo adepto eius beatitudo conſiſtit ; vltimus quidem finis in communi hæc importat in communem vltimus verò finis in particulari hæc importat in obiecto particulari & determinato : ſed quicquid vult homo , vel eſt illud ſummum bonum , vel eſt bonum aliquod particulare ordinatum ad ſummum illud bonum , tanquam participatio ad participabile , & tanquam inchoatio ad perfectionem conſummatam , conſtat quippe quod nihil vult homo niſi ſub ratione boni ſaltem apparentis ; ſi vult ſummum bonum , vult formaliter illud propter ipſummet quod eſt vltimus finis in

com

communi, & ita vult illud propter vltimum finem; si autem vult bonum particulare, vult illud cum prædicto ordine, & quasi medium ad vltimum finem, & ita vult illud saltem virtualiter propter vltimum finem, medium quippe vt tale appetitur propter finem: ergo quicquid vult homo, quoties agit humano more, vult saltem virtualiter propter vltimum finem in communi sumptum. Secunda ratio fundata in comparatione causæ finalis ad efficientem hic explicata proponitur: Eo modo se habet finis intermedius ad finem vltimum, quantum ad subordinationem & dependentiam in causando, quomodo se habet causa secunda ad primam; salua tamen disparitate fundata in diuerso modo causandi causæ finalis & causæ efficientis, scilicet physicè & moraliter vt communiter conceditur: sed causa secunda nunquam mouet physicè, nisi in virtute primæ causæ, ergo etiam finis intermedius nunquam mouet moraliter nisi in virtute vltimi finis, saltem virtualiter participata in fine intermedio; & ita quicquid vult homo, vult saltem virtualiter propter vltimum finem: nam velle aliquid propter vltimum finem, est vltimum finem mouere moraliter ad illud faciendum vel habendum: In diuerso autem modo causandi fundatur, quòd causa prima semper concurrat formaliter ad actum & effectum causæ secundæ; finis verò vltimus concurrat aliquando virtualiter tantum: ex eo enim quòd causa secunda debet physicè applicari à prima per præmotionem physicam à Deo efficienter procedentem; inde est quòd prima causa semper formaliter concurrat: ex eo verò quòd finis intermedius non sic physicè applicatur ab vltimo, sed mouet moraliter vt ordinatus ad ipsum; inde est quòd finis vltimus tantum virtualiter concurrat, quando non mouet vt in seipso cognitus & appetitus, at vt virtualiter tantum contentus in fine intermedio.

Probatur secunda pars conclusionis: Vltimus finis in particulari hominis iusti est bonum diuinum vt est bonum ipsius Dei: vltimus verò finis in particulari hominis existentis in peccato mortali est bonum proprium sub ratione boni proprii connotantis deordinationem sui ab vltimo fine, vt constat ex dictis supra: sed homo iustus aliqua vult formaliter propter Deum in seipso consideratum vt summum bonum, dum actu illa ad eum explicite dirigit; alia vult virtualiter propter eum, dum actu illa ad eum implicite dirigit, vel quia illa immediate attingunt Deum, vel ratione præcedentis actus; & alia tantum vult habitualiter propter Deum, quia per charitatem est habitualiter ad eum conuersus, ac ita habitualiter ipsi subiectus cum omnibus suis actibus ad ipsum referibilibus: similiter homo existens in peccato mortali aliqua vult formaliter propter bonum proprium sub ratione boni proprii, connotantis deordinationem sui ab vltimo fine

debito, dum scilicet actu aduertens facit illa propter seipsum prætermisso ordine ad vltimum finem debitum; alia vult virtualiter propter idem bonum proprium, sistendo vltimate in illo, siue non dirigendo ad vltiorem finem quando vt sic illa vult implicite ratione alicuius adiuncti quod formaliter vult; & denique vult habitualiter alia propter idem bonum proprium, vltimate sistendo habitualiter in illo, propter præcedentem conuersionem ad illud non retractatam, qua totaliter illi subiicitur habitualiter cum omnibus suis actibus ad illud referibilibus: ergo homo vult aliqua formaliter propter vltimum finem in particulari, alia virtualiter & alia tantum habitualiter; siue sit homo iustus, siue peccator.

Probatur tertia pars conclusionis ex dictis: Omnis volitio hominis respectu alicuius obiecti, vel est formalis, vel virtualis, vel habitualis, vt constat ex hucusque dictis; & communiter conceditur: sed ostensum est, quòd quicquid vult homo, siue iustus, siue peccator, vult propter vltimum finem non solum in communi, sed etiam aliquando in particulari sumptum, vel formaliter, vel virtualiter, vel saltem habitualiter: ergo absolute loquendo verum est, quòd quicquid vult homo, siue iustus, siue peccator, vult aliquo modo propter vltimum finem. Non tamen semper iustus bene operatur & meretur, nec semper existens in peccato mortali male operatur & demeretur: ratio vtriusque est eadem superius assignata; quia non sufficit ad bonum & malum morale, ad meritum & demeritum, quòd actus operantis habitualiter dirigatur ad debitum vel indebitum vltimum finem, sed requiritur directio formalis, vel saltem virtualis; & inde est, quòd iustus peccans venialiter non bene operatur nec meretur, quamuis habitualiter eius actus peccaminosus dirigatur ad debitum vltimum finem ratione subiecti per charitatem habitualiter illi subditi, non obstante quòd secundum se ille actus non est referibilis actualiter ad debitum vltimum finem, propterea interruptit omnem directionem virtualemente actuum talis subiecti ad debitum vltimum finem; & similiter existens in peccato mortali bene moraliter operans, non peccat nec demeretur, quamuis habitualiter eius actus dirigatur ad indebitum vltimum finem, ratione subiecti propter præcedentem indebitam conuersionem non retractatam, ad illum habitualiter conuersi, & totaliter eius dominio subditi; & hoc ideo quia talis actus moraliter bonus ex natura sua respicit immediate debitum finem proximum, & sic mediate est ordinatus cum suo fine proximo ad debitum vltimum finem, qui propterea interruptit omnem directionem virtualemente actuum talis subiecti ad indebitum vltimum finem; nam eo ipso quòd peccator bene moraliter operatur, practice retractat voluntatem quam habuit male operandi.

Ad primum ergo dicendum, quòd nullus est homo

homo quantumcumque barbarus, qui non implicite & virtualiter cognoscat vltimum finem saltem in communi, scilicet bonum complete satiatiuum appetitus, per hoc quod cognoscat bona particularia, quæ sunt participationes & quasi partes illius, & mouent moraliter in virtute illius.

A D secundum dicendum, vel cum aliquibus Thomistis verum esse, quod intentio vltimi finis debet præcedere quemcumque alium actum humanum, & hæc virtualiter perseverat in toto processu alicuius operationis, quamuis non recordemur talis intentionis, quia citò transit, & hoc videtur docere D. Thomas, tum hic art. 6. ad 3. tum infra quæst. 9. art. 6. ad 3. Vel dicendum secundum alios etiam Thomistas, quod sufficit intentionem vltimi finis simul incipere cum actu, qui versatur circa bona particularia, per hoc quod illa attinguntur, vt ordinata ad vltimum finem vt participationes illius.

A D tertium dicendum, quod nullum sequitur inconueniens ex assignatis. Non primum: quia verum est quod homo semper vult bonum saltem apparens, & nunquam vult malum, & si appetat non esse, illud appetit vt terminatiuum alicuius miseriae, cuius terminatio apprehenditur esse maius bonum, quam sit esse cum tali miseria. Nec sequitur secundum: nam ex vna parte concedimus non dari vllum actum humanum indifferenter in indiuiduo, vt infra dicitur, quamuis multi sint indifferentes secundum suam speciem: ex alia verò parte dicimus quod actus humanus, vt non sit otiosus, debet ordinari ad finem honestum qualis non est vltimus finis in communi consideratus, & vltimus finis peccatoris in particulari: maxime quia sine proximo intento potius iudicatur an aliquis actus humanus sit otiosus, an non. Nec tandem sequitur tertium: fatemur enim quod voluntas est necessitata quoad specificationem, non tamen quoad exercitium, in ordine ad vltimum finem in communi, seu in ordine ad beatitudinem, vnde quicquid vult, propter illam vult.

mus finis hominis, in eo consistit quod maxime in hominis affectu dominatur: huiusmodi autem sunt proprie diuitiæ. dicitur enim Eccles. 10. Pecunie obediunt omnia, ergo in diuitiis beatitudo hominis consistit.

¶ 2 Præterea, Secundum Boetium in 1. de consol. Beatitudo est status omnium bonorum aggregatione perfectus: sed in pecuniis omnia possideri videntur: quia vt Philosophus dicit in 5. Ethic. 2. Ad hoc nummus est inuentus, vt sit quasi fideiussor habendi, pro eo quodcumque homo voluerit, ergo in diuitiis beatitudo consistit.

¶ 3 Præterea, Desiderium summi boni cum nunquam deficiat, videtur esse infinitum: sed hoc maxime in diuitiis inuenitur, quia auarus non implebitur pecunia, vt dicitur Eccles. 5. ergo in diuitiis beatitudo consistit.

¶ 4 Ad contra, Bonum hominis in retinendo beatitudinem, magis consistit, quam in emittendo ipsam: sed sicut Boet. 2. in 1. de consol. dicit, Diuitiæ emittendo magis quam conseruando melius nitent, siquidem auaritia semper odiosos, claros facit largitas; ergo in diuitiis beatitudo non consistit.

CONCLUSIO.

Cum beatitudo sit vltimus finis hominis, artificialiter autem diuitiis homines quærant propter naturales, atque has referens ad naturam hominis sustentandam; impossibile est beatitudinem hominis consistere in diuitiis.

RESPONDENDO dicendum, quod impossibile est beatitudinem hominis in diuitiis consistere. Sunt enim duplices diuitiæ, vt Philosophus dicit in 1. Polit. 2. scilicet naturales & artificiales. Naturales quidem diuitiæ sunt, quibus homini subuenitur ad defectus naturales tollendos: sicut cibis & potus, vestimenta, vehicula, & habitacula, & alia huiusmodi. Diuitiæ artificiales sunt, quibus secundum se natura non inuatur, vt denarii; sed ars humana eos adinuenit propter facilitatem commutationis, vt sint quasi mensura rerum venalium. Manifestum est autem quod in diuitiis naturalibus beatitudo hominis esse non potest. quærentur enim huiusmodi diuitiæ ad sustentandam naturam hominis: & ideo non possunt esse vltimus finis, sed magis ordinantur ad hominem sicut ad finem. Vnde in ordine naturæ omnia huiusmodi sunt infra hominem & propter hominem facta: secundum illud Psalm. 1. Omnia subiecisti sub pedibus eius. Diuitiæ autem artificiales non quærentur nisi propter naturales, non enim quærentur nisi quia per eas emuntur res ad vsum vitæ necessarias: vnde multo minus habent rationem vltimi finis. Impossibile est igitur beatitudinem, quæ est vltimus finis hominis, in diuitiis esse.

A D primum ergo dicendum, quod omnia corporalia obediunt pecunie quantum ad multitudinem stultorum qui sola corporalia bona cognoscunt, quæ pecunia acquiri possunt. Iudicium autem de bonis humanis non debet sumi à stultis, sed à sapientibus, sicut & iudicium de saporibus ab his, qui habent gustum bene moderatum.

A D secundum dicendum, quod pecunia possunt haberi omnia venialia: non autem spiritalia, quæ vendi non possunt: vnde dicitur Proverb. 17. Quid prodest stulto diuitias habere, cum sapientiam emere non possit?

A D tertium dicendum, quod appetitus naturalium diuitiarum non est infinitus: quia secundum certam mensuram sufficiunt naturæ: sed appetitus diuitiarum artificialium est infinitus, quia deseruit concupiscentiæ inordinatæ, quæ non modificatur: vt 2. patet per Philosophum in 1. Polit. aliter tamen est infinitum desiderium diuitiarum summi boni: summum bonum quanto perfectius possideretur tanto ipsam magis amatur, & alia continentur: quia quanto magis habetur, magis cognoscitur: & ideo dicitur Ecclesiast. 24. Qui edunt me, adhuc esuriunt: sed in appetitu diuitiarum, & quorumcumque temporalium bonorum est e conuerso: nam quando iam habentur, ipsa continentur & alia appetuntur: secundum quod significatur Ioan. 4. cum Dominus dicit. Qui bibit ex hac aqua, per quam temporalia significantur, sitiet iterum. & hoc ideo: quia eorum insufficiencia magis cognoscitur cum habentur: & ideo hoc ipsum ostendit eorum imperfectionem, & quod in eis summum bonum non consistit.

ARTICVLVS II.

Vtrum beatitudo hominis consistat in honoribus.

AD 1. c. v. d. sic proceditur. Videtur, quod beatitudo hominis in honoribus consistat. beatitudo enim sine felicitate est primum virtutis, vt Philosophus dicit in 1. Ethic. 2. sed honor maxime videtur esse id quod est virtutis primum, vt Philosophus dicit in 4. Ethic. 1. ergo in honore maxime consistit beatitudo.

¶ 2 Præterea, Illud quod conuenit Deo, & excellentissimis, maxime videtur esse beatitudo, quæ est bonum perfectum. sed huiusmodi est honor: vt Philosophus dicit in 1. Ethic. 2. & primus Tim. 2. dicit Apost. Soli Deo honor & gloria. Ergo in honore consistit beatitudo.

¶ 3 Præterea, Illud quod est maxime desideratum ab hominibus, est beatitudo: sed nihil videtur esse magis desiderabile ab hominibus quam honor, quia homines patiuntur iacturam in omnibus aliis rebus, ne patiantur aliquod detrimentum sui honoris: ergo in honore beatitudo consistit.

Sed contra, Beatitudo est in beato, honor autem non est in eo qui honoratur, sed magis in honorante, qui reuerentiam exhibet honorato, vt Philosophus dicit 1. Ethic. 2. Ergo in honore beatitudo non consistit.

CONCLUSIO.

Cum secundum beatitudinem homo constituat in excellentia, cuius signum est honor & reuerentia, non nisi consecutus in honoribus beatitudo hominis consistit.

RESPONDENDO dicendum, quod impossibile est beatitudinem



QVÆSTIO II.

De his in quibus hominis beatitudo consistit, in octo articulos diuisa.



DICENDUM considerandum est de beatitudine.

Primo quidem in quibus sit.

Secundo, quid sit.

Tertio, qualiter eam consequi possimus.

¶ Circa primum quærentur octo.

- ¶ Primo, vtrum beatitudo consistat in diuitiis.
- ¶ Secundo, vtrum in honoribus.
- ¶ Tertio, vtrum in potestate.
- ¶ Quarto, vtrum in aliquo corporis bono.
- ¶ Sexto, vtrum in voluptate.
- ¶ Septimo, vtrum in aliquo bono animæ.
- ¶ Octauo, vtrum in aliquo bono creato.

ARTICVLVS I.

Vtrum beatitudo hominis consistat in diuitiis.

AD 1. c. v. d. sic proceditur. Videtur, quod beatitudo hominis in diuitiis consistat cum enim beatitudo sit vlti-

10
1. c. v. d. 28.
Et apud 1.
cap. 108.
264. Et
Ma. 5. 1. 5.
Et 1. Eth.
1. 5. c. 2.
c. 9. 1. 5.
c. 1. 1. 5.
8. Ethic.
1. 10. 5. c.
10. 8. c. 14.

1. Ethic.
2. c. 10. 5.

Supra. cap. 10. Et

tudinem consistere in honore, honor enim exhibetur alicui propter aliquam eius excellentiam: & ita est signum & testimonium quoddam illius excellentiæ, quæ est in honorato. Excellentia autem hominis maxime attenditur circa beatitudinem, quæ est hominis bonum perfectum: & secundum partes eius, id est, secundum illa bona, quibus aliquid beatitudinis participatur: & ideo honor potest quidem consequi beatitudinem, sed principaliter in eo beatitudo consistere non potest.

Ad primum ergo dicendum, quod honor non est primum virtutis propter quod virtuosus operantur, sed accipiunt honorem ab hominibus loco præmij, quasi à non habentibus ad dandum maius, verum autem primum virtutis est ipsa beatitudo: propter quam virtuosus operantur. Si autem propter honorem operarentur, iam non esset virtus, sed magis ambitio.

Ad secundum dicendum, quod honor debetur Deo & excellentissimis in signum vel testimonium excellentiæ præ-existentis, non quod ipse honor faciat eos excellentes.

Ad tertium dicendum, quod ex naturali desiderio beatitudinis, quam consequitur honor, ut dictum est, contingit quod homines maxime honorem desiderant: unde querunt homines maxime honorari à sapientibus, quorum iudicio credunt se esse excellentes vel felices.

Quærendum est honor à bono & sapientibus in corp. art.

ARTICULUS III.

Utrum beatitudo hominis consistat in fama seu gloria.

AD TERTIUM sic proceditur. Videtur quod beatitudo hominis consistat in gloria. in eo enim videtur beatitudo consistere, quod redditur sanctis pro tribulationibus, quas in mundo patiuntur, huiusmodi autem est gloria: dicit enim Apoll. Rom. 7. Non sunt condignæ passionibus huius temporis ad futuram gloriam, quæ reuelabitur in nobis ergo beatitudo consistit in gloria.

2 Præterea, Bonum est diffusivum sui, ut patet per Dionysium 4. cap. de divinis nominibus. sed per gloriam bonum hominis maxime diffunditur in notitiam aliorum: quia gloria, ut Ambrosius dicit, nihil aliud est quam clara cum laude notitia. Ergo beatitudo hominis consistit in gloria.

3 Præterea, Beatitudo est stabilissimum bonorum, hoc autem esse videtur fama vel gloria: quia per hanc quodammodo homines eternitatem sortiuntur, unde Boetius dicit in libro de consol. Vos immortalitatem vobis propagare videmini, cum futuri famam temporis cogitatis. Ergo beatitudo consistit in fama seu gloria.

Sed contra, Beatitudo est verum hominis bonum: sed famam seu gloriam contingit esse falsam: ut enim dicit Boetius in libro 3. de consol. Plures magnum sæpe nomen falsis opinionibus attulerunt: quo quid turpius excogitari potest? nam qui falso predicantur, suis ipsi necesse est laudibus erubescant: non ergo beatitudo hominis consistit in fama seu gloria.

CONCLUSIO.

Impossibile est in fama seu gloria humana, quæ frequenter fallax est, consistere hominis beatitudinem.

RESPONDEO dicendum, quod impossibile est beatitudinem hominis in fama seu gloria humana consistere: nam gloria nihil aliud est quam clara notitia cum laude, ut Ambrosius dicit. Res autem cognita aliter comparatur ad cognitionem divinam, & aliter ad cognitionem humanam: humana enim cognitio à rebus cognitis causatur, sed divina cognitio est causa rerum cognitarum. Unde perfectio humani hominis, quæ beatitudo dicitur, non potest causari à notitia humana, sed magis notitia humana de beatitudine alicuius procedit: & quodammodo causatur ab ipsa humana beatitudine, vel inchoata, vel perfecta. Et ideo in fama vel in gloria non potest consistere beatitudo, sed bonum hominis dependet sicut ex causa ex cognitione Dei: & ideo ex gloria, quæ est apud Deum, dependet beatitudo hominis, sicut ex causa sua: secundum illud Psalm. 90. Eripiam eum, & glorificabo eum: longitudine dierum replebo eum: & ostendam illi salutare meum. Est etiam aliud considerandum, quod humana notitia sæpe fallitur: & præcipue in singularibus contingit, cuiusmodi sunt actus humani: & ideo frequenter humana gloria fallax est. Sed quia Deus falli non potest, eius gloria semper vera est: propter quod dicitur secundum ad Corinth. 10. Ille probatus est quem Deus commendat.

Ad primum ergo dicendum, quod Apostolus non loquitur ibi de gloria quæ est ab hominibus, sed de gloria quæ est à Deo coram angelis eius: unde dicitur Mat. 1. Filius hominis conscribetur eum in gloria Patris sui coram angelis eius.

Ad secundum dicendum, quod bonum alicuius hominis quod per famam vel gloriam est in cognitione multorum: si cognitio quidem vera sit, oportet quod derivetur à bono existente in ipso homine: & sic præsupponit perfectam beatitudinem, vel inchoatam. Si autem cognitio falsa sit, non concordat rei: & sic bonum non invenitur in eo, cuius fama celebris habetur: unde patet quod fama nullo modo potest facere hominem beatum.

Ad tertium dicendum, quod fama non habet stabilitatem: imò falso rumore de facili perditur, & si stabilis aliquando perseveret, hoc est per accidens, sed beatitudo habet per se stabilitatem & semper

ARTICULUS IV.

Utrum beatitudo hominis consistat in potestate.

AD QUARTUM sic proceditur. Videtur, quod beatitudo consistat in potestate. Omnia enim appetunt assimilari Deo R. P. Philippi Carm. distal. Disp. Theolog. in 1.2.

tanquam ultimo fini & primo principio. sed homines qui in potestatibus sunt propter similitudinem potestatis, maxime videntur esse Deo conformes unde in Scriptura Dii vocantur ut patet Exod. 1. Dii non detrahes: ergo in potestate beatitudo consistit.

2 Præterea, Beatitudo est bonum perfectum sed perfectissimum est quod homo etiam alios congrue potest regere: quod convenit his qui in potestatibus sunt constituti. Ergo beatitudo consistit in potestate.

3 Præterea, Beatitudo cum sit maxime appetibilis, opponitur ei quod maxime est fugiendum. sed homines maxime fugiunt servitutem: cui contraponitur potestas. Ergo in potestate beatitudo consistit.

Sed contra, Beatitudo est perfectum bonum, sed potestas est maxime imperfecta: ut enim dicit Boetius 3. de consol. Potestas humana sollicitudinem mortis expellere formidinum aculeos vitare nequit: & postea, potentem censes, cui satellites laus ambiunt? qui quos terret, ipse plus metuit. non igitur beatitudo consistit in potestate.

CONCLUSIO.

Potestas, cum principium sit malum & bonum respiciens, in eius bono usu magis quam in ipsa, dicendum est consistere hominis beatitudinem.

RESPONDEO dicendum, quod impossibile est beatitudinem in potestate consistere propter duo. Primo quidem: quia potestas habet rationem principij, ut patet in 5. Metaph. beatitudo autem habet rationem ultimi finis. Secundo, quia potestas se habet ad bonum & ad malum, beatitudo autem proprium & perfectum hominis bonum: unde magis potest consistere beatitudo aliqua in bono usu potestatis, qui est per virtutem, quam in ipsa potestate, possunt autem quatuor generales rationes induci ad ostendendum, quod in nullo præmissorum exteriorum bonorum beatitudo consistat: quarum prima est, quod cum beatitudo sit summum hominis bonum, non compatitur secum aliquod malum omnia autem prædicta possunt inveniri & in bonis & in malis. Secunda ratio est, quia cum de ratione beatitudinis sit quod sit per se sufficiens, ut patet in 1. Ethic. hoc necesse est, quod beatitudine adepti, nullum bonum necessarium hominis desit: adeptis autem singulis præmissorum possunt adhuc multa bona homini necessaria deesse, puta sapientia, sanitas corporis, & huiusmodi. Tertia, quia cum beatitudo sit bonum perfectum, ex beatitudine non potest aliquod malum alicui provenire, quod non convenit præmissis: dicitur enim Eccl. 5. quod diuitiis interdum conservantur in malum domini sui, & simile patet in aliis tribus. Quarta ratio est, quia ad beatitudinem homo ordinatur per principia interiora cum ad ipsam naturaliter ordinatur: præmissa autem quatuor bona magis sunt à causis exterioribus, & ut plurimum à fortuna, unde & bona fortunæ dicuntur. Unde patet, quod in præmissis nullo modo beatitudo consistit.

Ad primum ergo dicendum, quod divina potestas est sua bonitas, unde uti sua potestate non potest nisi bene: sed hoc in hominibus non invenitur: unde non sufficit ad beatitudinem, quod homo assimiletur Deo quantum ad potestatem, nisi assimiletur ei quantum ad bonitatem.

Ad secundum dicendum, quod sicut optimum est quod aliquis utatur bene potestate in regimine multorum: ita pessimum est, si male utatur, & ita potestas se habet ad bonum & ad malum.

Ad tertium dicendum, quod servitus est impedimentum boni usus potestatis & ideo naturaliter homines eam fugiunt, & non quasi in potestate hominis sit summum bonum.

ARTICULUS V.

Utrum beatitudo hominis consistat in aliquo corporis bono.

AD QUINTUM sic proceditur. Videtur, quod beatitudo hominis consistat in bonis corporis, dicitur enim Eccl. 30. Non est census supra censum salutis corporis: sed in eo quod est optimum, consistit beatitudo: ergo consistit in corporis salute.

2 Præterea, Dionysius dicit 5. c. de divinis nominibus. quod esse est melius quam vivere, & vivere melius quam alia quæ consequuntur, sed ad esse vel vivere hominis requiritur salus corporis: cum ergo beatitudo sit summum bonum hominis, videtur quod salus corporis maxime pertineat ad beatitudinem.

3 Præterea, Quanto aliquid est communius, tanto ab altiori principio dependet: quia quanto est causa superior, tanto eius virtus ad plura se extendit, sed sicut causalitatis causæ efficientis consideratur secundum influentiam: ita causalitatis finis attenditur secundum appetitum. Ergo sicut prima causa efficiens est, quæ in omnia influat: ita ultimus finis est quod ab omnibus desideratur: sed ipsum esse est quod maxime desideratur ab omnibus, ergo in his quæ pertinent ad esse hominis sicut est salus corporis, maxime consistit beatitudo.

Sed contra est, quod secundum beatitudinem homo excellit omnia alia animalia: sed secundum bona corporis à multis animalibus superatur: sicut ab elephante, in diuturnitate vite: à leone in fortitudine, à ceruo, in cursu. Ergo beatitudo hominis non consistit in bonis corporis.

CONCLUSIO.

Cum corporalia bona ordinantur ad finem, impossibile est in aliquo corporis bono beatitudinem, quæ est ultimus hominis finis, consistere.

RESPONDEO dicendum, quod impossibile est beatitudinem hominis in bonis corporis consistere propter duo. Primo quidem: quia impossibile est, quod illius rei, quæ ordinatur ad aliud sicut ad finem, ultimus finis sit eiusdem conservatio in esse. unde gubernator non intendit sicut vitulum finem, conservationem navis sibi commissæ, eo quod navis ad aliud ordinatur sicut in finem, scilicet, ad naufragandum.

Lib. 3. de consensu 5. circa medium.

5. Metaph. 101. 172. 3.

1. Ethic. 6. 7. 100. 5.

13. 1. 2. 3. 4. 5. 6. 7. 8. 9. 10. 11. 12. 13. 14. 15. 16. 17. 18. 19. 20. 21. 22. 23. 24. 25. 26. 27. 28. 29. 30. 31. 32. 33. 34. 35. 36. 37. 38. 39. 40. 41. 42. 43. 44. 45. 46. 47. 48. 49. 50. 51. 52. 53. 54. 55. 56. 57. 58. 59. 60. 61. 62. 63. 64. 65. 66. 67. 68. 69. 70. 71. 72. 73. 74. 75. 76. 77. 78. 79. 80. 81. 82. 83. 84. 85. 86. 87. 88. 89. 90. 91. 92. 93. 94. 95. 96. 97. 98. 99. 100.

Sicut autem navis committitur gubernatori ad dirigendum, ita homo est suæ voluntati & rationi commissus: secundum illud quod dicitur Eccl. 13. Deus ab initio constituit hominem, & reliquit eum in manu consilij sui. Manifestum est autem, quod homo ordinatur ad aliquid sicut ad finem: non enim homo est summum bonum. Vnde impossibile est quod ultimus finis rationis & voluntatis humanæ sit conservatio humani esse. Secundo, quia dato quod finis rationis & voluntatis humanæ esset conservatio humani esse, non tamen posset dici, quod finis hominis esset aliquod corporis bonum. Esse enim hominis consistit in anima & in corpore: & quantum esse corporis dependeat ab anima, esse tamen humanæ animæ non dependet à corpore: * ut supra ostensum est: ipsumque corpus est propter animam, sicut materia propter formam, & instrumenta propter motorem, ut per ea suas actiones exerceat, vnde omnia bona corporis ordinantur ad bonam animam sicut ad finem: vnde impossibile est quod in bonis corporis beatitudo consistat, quæ est ultimus finis.

A d. primum ergo dicendum, quod sicut corpus ordinatur ad animam sicut ad finem, ita bona exteriora ad ipsum corpus, & ideo rationabiliter bonum corporis præfertur bonis exterioribus quæ per sensum significantur, sicut & bonum animæ præfertur omnibus bonis corporis.

A d. secundum dicendum, quod esse simpliciter acceptum secundum quod includit in se omnem perfectionem essendi præcænet vitæ & omnibus perfectionibus subsequentibus: igitur ipsum esse præhabet in se omnia bona subsequenda, & hoc modo Dionysius loquitur. sed si consideretur ipsum esse propter participatur in hac re vel in illa, quæ non capiunt totam perfectionem essendi: sed habent esse imperfectum sicut esse cuiuslibet creaturæ, sic manifestum est, quod ipsum esse cum perfectione superaddita est eminentius: vnde & Dionysius ibidem dicit, quod viuentia sunt meliora existentibus, & intelligentia viuentibus.

A d. tertium dicendum, quod quia finis responderet principio, ex illa ratione probatur, quod ultimus finis est primum principium essendi, in quo est omnis essendi perfectio: cuius similitudinem appetunt secundum suam perfectionem: quædam quidem secundum esse tantum, quædam secundum esse viuens & intelligens & beatum: & hoc paucorum est.

ARTICVLVS VI.

Vtrum beatitudo hominis consistat in voluptate.

A d. sextum sic proceditur. Videtur quod beatitudo hominis in voluptate consistat. beatitudo enim cum sit ultimus finis, non appetitur propter aliud, sed alia propter ipsam. Sed hoc maxime conuenit delectationi, ridiculum est enim ab aliquo querere, propter quid velit delectari: ut dicitur in 10. Ethic. * Ergo beatitudo maxime in voluptate & delectatione consistit.

¶ 1. Præterea, Causa prima vehementius imprimis quam secunda, ut dicitur in lib. 2. de causis, influentia autem finis attenditur secundum eius appetitum, illud ergo videtur habere rationem finis ultimi, quod maxime mouet appetitum: hoc autem est voluptas, cuius signum est, quod delectatio tantum abhorbet hominis voluntatem & rationem, quod alia bona continere facit. Ergo videtur quod ultimus finis hominis, qui est beatitudo maxime in voluptate consistat.

¶ 2. Præterea, Cum appetitus sit boni, illud quod omnia appetunt, videtur esse bonum optimum: sed delectationem omnia appetunt & sapientes & insipientes, & etiam ratione carentia: ergo delectatio est optimum: consistit ergo in voluptate beatitudo, quæ est summum bonum.

Sed contra est, quod * Boetius dicit in 3. de consolatio. Tristes exitus esse voluptatum, quicquid reminisci libidinum suarum vult, intelligit: quæ si beatos efficere possent, nihil cause esset, quin pecudes quoque beata esse dicantur.

CONCLUSIO.

Cum omnis delectatio sit quoddam proprium accidens quod consequitur beatitudinem, vel aliquam beatitudinem, partem dici non potest hominis beatitudo in delectatione seu voluptate consistere.

R. s. d. dicendum, quod quia delectationes corporales pluribus notæ sunt, assumptum sibi nomen voluptatum, ut dicitur 7. Ethicor. * In quibus tamen beatitudo principaliter non consistit, quia in vnaquaque re aliud est quod pertinet ad essentiam eius, aliud est proprium accidens ipsius: sicut in homine, aliud est quod est animal rationale mortale, aliud quod est risibile. Est igitur considerandum, quod omnis delectatio est quoddam proprium accidens, quod consequitur beatitudinem, vel aliquam beatitudinem partem: ex hoc enim aliquis delectatur, quia habet bonum aliquod sibi conueniens vel in re, vel in spe, vel saltem in memoria: bonum autem conueniens si quidem sit perfectum, est ipsa hominis beatitudo: si autem sit imperfectum, beatitudo est quædam participata, vel propinqua, vel remota, vel saltem apparens. Vnde manifestum est quod nec ipsa delectatio, quæ sequitur bonum perfectum, est ipsa essentia beatitudinis, sed quoddam consequens ad ipsam sicut per se accidens: voluptas autem corporalis non potest etiam modo prædicto sequi bonam perfectionem, nam sequitur bonum quod apprehendit sensus, qui est virtus animæ corpore viens. Bonum autem quod pertinet ad corpus, quod apprehenditur secundum sensum, non potest esse perfectum hominis bonum. Cum enim anima rationalis excedat proportionem materię corporalis, pars animæ quæ est ab organo corporeo absoluta, quandam habet infinitatem respectu ipsius corporis & partium animæ corpori concreta: sicut inuisibilia sunt quodammodo infinita respectu materialium, eo quod forma per materiam quodammodo contrahitur & limitatur: vnde

de forma à materia absoluta, est quodammodo infinita. Et ideo sensus, qui est vis corporalis, cognoscit singulare, quod est determinatum per materiam: intellectus vero qui est vis à materia absoluta, cognoscit vniuersale, quod est abstractum à materia, & continet sub se infinita singularia. Vnde patet, quod bonum conueniens corpori, quod per apprehensionem sensus delectationem corporalem causat, non est perfectum bonum hominis, sed est minimum quiddam in comparatione ad bonum animæ: vnde Sapient. 7. dicitur, quod omne aurum in comparatione sapientiæ, arena est exigua. Sic igitur neque voluptas corporalis est ipsa beatitudo, nec est per se accidens beatitudinis.

A d. primum ergo dicendum, quod eiusdem rationis est, quod appetatur bonum & quod appetatur delectatio: quæ nihil est aliud quam quietatio appetitus in bono, sicut ex eadem virtute, natura est quod graue seratur deorsum: & quod ibi quiescat. Vnde sicut bonum per se ipsum appetitur, ita delectatio propter se & non propter aliud appetitur, & ly, propter, dicit causam finalem. si vero dicat causam formalem, vel potius causam motiuiam, sic delectatio est appetibilis propter aliud, id est, propter bonum quod est delectationis obiectum: & per consequens est principium eius, & dat ei formam. ex hoc enim delectatio habet quod appetatur, quia est quies in bono desiderato.

A d. secundum dicendum, quod vehemens appetitus delectationis sensibilis contingit ex hoc, quod operationes sensuum, quia sunt principia nostræ cognitionis, sunt magis perceptibiles. vnde etiam à pluribus delectationibus sensibilis appetuntur.

A d. tertium dicendum, quod eo modo omnes appetunt delectationem sicut & appetunt bonum: & tamen delectationem appetunt ratione boni, & non e conuerso: ut dictum est. * vnde non sequitur quod delectatio sit maximum, & per se bonum sed quod vnaquæque delectatio consequatur aliquod bonum, & aliqua delectatio consequatur id quod est per se, & maximum bonum.

ARTICVLVS VII.

Vtrum beatitudo hominis consistat in aliquo bono animæ.

A d. septimum sic proceditur. Videtur, quod beatitudo consistat in aliquo bono animæ. beatitudo enim est quoddam hominis bonum, hoc autem per tria diuiditur, quæ sunt bona exteriora, bona corporis & bona animæ. sed beatitudo non consistit in bonis exterioribus: neque in bonis corporis, sicut supra ostensum * est: ergo consistit in bonis animæ.

¶ 1. Præterea, illud cui appetimus aliquod bonum, magis amamus quam bonum quod ei appetimus: sicut magis amamus amicum cui appetimus pecuniam, quam pecuniam. Sed vniuersique quodcumque bonum sibi appetit, amat: ergo seipsum amat magis quam omnia alia bona. Sed beatitudo est quod maxime amatur, quod patet ex hoc quod propter ipsam omnia amantur & desiderantur. Ergo beatitudo consistit in aliquo bono ipsius hominis, sed non in bonis corporis, ergo in bonis animæ.

¶ 2. Præterea, Perfectio est aliquid eius quod perficitur, sed beatitudo est quædam perfectio hominis: ergo beatitudo est aliquid hominis, sed non est aliquid corporis, ut ostensum est: * ergo beatitudo est aliquid animæ, & ita consistit in bonis animæ.

Sed contra est, quod sicut Augustinus dicit in lib. 2. de doctrina Christiana, id, in quo constituitur beata vita, propter se diligendum est: sed homo non est, propter seipsum diligendus, sed quicquid est in homine, est diligendum propter Deum, etiam in nullo bono animæ beatitudo consistit.

CONCLUSIO.

Beatitudo ipsa, cum sit perfectio animæ, est quoddam anima bonum inherens, sed id in quo beatitudo consistit, quod scilicet beatum facit, est aliquid extra animam.

R. s. d. dicendum, quod sicut supra dictum est, * finis dupliciter dicitur: scilicet ipsa res, quam adipisci desideramus, & usus seu adeptio, vel possessio illius rei. Si ergo loquamur de ultimo fine hominis quantum ad ipsam rem, quam appetimus sicut ultimum finem, impossibile est quod ultimus finis hominis sit ipsa anima, vel aliquid eius: ipsa enim anima in se considerata est in potentia existens, & de potentia scientie actu sciens, & de potentia virtutis actu virtuosus: cum autem potentia sit propter actum, sicut propter complementum, impossibile est, quod id quod est secundum se in potentia existens, habeat rationem ultimi finis: vnde impossibile est quod ipsa anima sit ultimus finis salispius: similiter etiam neque aliquid eius, siue sit potentia, siue actus sine habitu: bonum enim quod est ultimus finis, est bonum perfectum completum boni appetitus: appetitus autem humanus, qui est voluntas, est boni vniuersalis: quodlibet bonum autem inherens ipsi animæ est bonum participatum, & per consequens particulatum, vnde impossibile est quod aliquod eorum sit ultimus finis hominis. Sed si loquamur de ultimo fine hominis quantum ad ipsam adeptionem, vel possessionem, seu quæcumque usum ipsius rei, quæ appetitur ut finis, sic ad ultimum finem pertinet aliquid hominis ex parte animæ, quia homo per animam beatitudinem consequitur: res ergo ipsa quæ appetitur ut finis, est id in quo beatitudo consistit. & quod beatum facit: sed huius rei adeptio vocatur beatitudo: vnde dicendum est quod beatitudo est aliquid animæ, sed in quo consistit beatitudo est aliquid extra animam.

A d. primum ergo dicendum, quod secundum quod sub illa diuisione comprehenduntur omnia bona, quæ homini sunt appetibilia, sic bonum animæ dicitur non solum potentia, aut habitus, aut actus, sed & obiectum quod est extrinsecum, &

p. 9. 75.
c. 90.

Eadem loco
citatur.

In art.
art.

15

Art. 5. &
6. huius
quæst.

Art. 3.

lib. 1. de
doctr. Chr.
c. 1 & 22.

quæst. præc.
art. 9.

Li. 7. c. 14.
tom. 5.

& hoc modo nihil prohibet dicere id, in quo beatitudo consistit, esse quoddam bonum animæ.

A d secundum dicendum, quantum ad propositum pertinet, quod beatitudo maxime amatur tanquam bonum concupitum: amicus autem amatur tanquam id cui concupiscitur bonum: & sic etiam homo amat seipsum, unde non est eadem ratio amoris utrobique. utrum autem amore amicitie aliquid homo supra se amet, erit locus considerandi cum de charitate

* 2. 2. q. agitur.

26. art. 3.

A d tertium dicendum, quod beatitudo ipsa cum sit perfectio animæ, est quoddam bonum animæ inhaerens, sed id, in quo beatitudo consistit, quod scilicet beatum facit, est aliquid extra animam, ut dictum est.

In corp.

art.

ARTICVLVS VIII.

Utrum beatitudo hominis consistat in aliquo bono creato.

16

1. q. 13. a.

1. c. 9.

22. art. 2.

car. 2.

2. q. 85. a.

2. cor. 13.

4. contra

1. 7. 5. 17.

1. cor. 13.

1. c. 1.

2. 2. q. 85. a.

1. cor. 13.

2. 2. q. 85. a.

1. cor. 13.

2. 2. q. 85. a.

1. cor. 13.

2. 2. q. 85. a.

1. cor. 13.

2. 2. q. 85. a.

1. cor. 13.

2. 2. q. 85. a.

1. cor. 13.

2. 2. q. 85. a.

1. cor. 13.

2. 2. q. 85. a.

1. cor. 13.

2. 2. q. 85. a.

1. cor. 13.

2. 2. q. 85. a.

1. cor. 13.

2. 2. q. 85. a.

1. cor. 13.

2. 2. q. 85. a.

1. cor. 13.

2. 2. q. 85. a.

1. cor. 13.

2. 2. q. 85. a.

1. cor. 13.

2. 2. q. 85. a.

1. cor. 13.

2. 2. q. 85. a.

1. cor. 13.

2. 2. q. 85. a.

1. cor. 13.

2. 2. q. 85. a.

1. cor. 13.

2. 2. q. 85. a.

1. cor. 13.

2. 2. q. 85. a.

1. cor. 13.

2. 2. q. 85. a.

1. cor. 13.

2. 2. q. 85. a.

1. cor. 13.

2. 2. q. 85. a.

1. cor. 13.

2. 2. q. 85. a.

1. cor. 13.

2. 2. q. 85. a.

1. cor. 13.

2. 2. q. 85. a.

1. cor. 13.

2. 2. q. 85. a.

1. cor. 13.

2. 2. q. 85. a.

1. cor. 13.

2. 2. q. 85. a.

1. cor. 13.

2. 2. q. 85. a.

1. cor. 13.

2. 2. q. 85. a.

1. cor. 13.

2. 2. q. 85. a.

1. cor. 13.

2. 2. q. 85. a.

1. cor. 13.

2. 2. q. 85. a.

1. cor. 13.

2. 2. q. 85. a.

1. cor. 13.

2. 2. q. 85. a.

1. cor. 13.

2. 2. q. 85. a.

1. cor. 13.

2. 2. q. 85. a.

1. cor. 13.

2. 2. q. 85. a.

A d octavum sic proceditur. Videtur, quod beatitudo hominis consistat in aliquo bono creato. Dicit enim Dion. 4. c. de div. no. quod divina sapientia coniungit fines primorum principis secundorum: ex quo potest accipi quod summum inferioris naturæ sit attingere infimum naturæ superioris: sed summum hominis bonum est beatitudo: cum ergo angelus naturæ ordine sit supra hominem, ut in primo habitum est: ¶ videtur quod beatitudo hominis consistat in hoc quod aliquo modo attingit ad angelum.

¶ 2. Præterea, ultimus finis cuiuslibet rei est in suo opere perfecto: unde pars est propter totum, sicut propter finem: sed tota universitas creaturarum quæ dicitur maior mundus, comparatur ad hominem, qui in 3. Physic. dicitur minor mundus, sicut perfectum ad imperfectum, ergo beatitudo hominis consistit in tota universitate creaturarum.

¶ 3. Præterea, per hoc homo efficitur beatus quod eius naturale desiderium quietatur: sed desiderium hominis non extenditur ad maius bonum quam ipse capere potest: cum ergo homo non sit capax boni, quod excedit limites totius creaturæ, videtur quod per aliquod bonum creatum homo beatus fieri possit. & ita beatitudo hominis in aliquo bono creato consistit.

Sed contra est, quod August. dicit. 19. de civit. Dei. ¶ Vita carnis, anima est: ita beata vita hominis, Deus est. de quo dicitur, Psalm. 143. Beatus populus cuius Dominus Deus eius est.

CONCLUSIO.

Cum appetitus humanus qui est voluntas nihil quietum reddere aut satiare possit præter universale bonum quod est illius obiectum, omnia autem bona creatum sit bonum particulare, non potest hominis beatitudo consistere in aliquo bono creato.

R e s p o n d e o dicendum, quod impossibile est beatitudinem hominis esse in aliquo bono creato. beatitudo enim est bonum perfectum quod totaliter quietat appetitum: alioquin non esset ultimus finis si adhuc restaret aliquid appetendum. Obiectum autem voluntatis quæ est appetitus humanus, est universale bonum, sicut obiectum intellectus est universale verum. Ex quo patet quod nihil potest quietare voluntatem hominis nisi bonum universale, quod non invenitur in aliquo creato, sed solum in Deo, quia omnis creatura habet bonitatem participatam. Unde solus Deus voluntatem hominis implere potest, secundum quod dicitur in Psalm. 102. Qui replet in bonis desiderium, &c. In solo igitur Deo beatitudo hominis consistit.

A d primum ergo dicendum, quod superius hominis attingit quidem infimum angelicæ naturæ per quandam similitudinem: non tamen ibi sistit sicut in ultimo fine, sed procedit usque ad ipsum universalem fontem boni: qui est universale obiectum beatitudinis omnium beatorum tanquam infinitum & perfectum bonum existens.

A d secundum dicendum, quod si totum aliquid non sit ultimus finis, sed ordinatur ad finem ulteriorem, ultimus finis partis non est ipsum totum, sed aliquid aliud: universitas autem creaturarum ad quam comparatur homo ut pars ad totum, non est ultimus finis, sed ordinatur in Deum sicut in ultimum finem: unde bonum universi non est ultimus finis hominis, sed ipse Deus.

A d tertium dicendum, quod bonum creatum non est minus quam bonum, cuius est homo capax, ut rei intrinsecæ & inhærentis: est tamen minus quam bonum cuius est capax ut obiecti, quod est infinitum: bonum autem quod participatur ab angelo & à toto universo, est bonum finitum & contractum.

beatitudo consistit, & in sequentibus agetur de beatitudine formali, & de aliis beatitudinem formalem concomitantibus.

DUBIUM I.

Utrum sit aliquod bonum in rerum natura, quod sit obiectum beatitudinis.

S u p p o n e n d u m est, quod obiectum beatitudinis debet esse aliquod bonum: nam beatitudo formalis consistit in quietatione appetitus; constat autem quod non potest quietus esse nisi in perfecta assecutione sui obiecti, quod est bonum. Unde beatitudo adæquatè sumpta, ut complectitur tam obiectivam, quam formalem, vel in recto, vel in obliquo, definitur quod est status omnium bonorum aggregatione perfectus. Dicitur, status, quia beatitudo debet esse stabilis & permanens; imò ut sit perfecta, debet esse æterna: experimur enim in nobis, quod licet possideamus maximum bonum aliquod, tamen eo ipso quod apprehenditur transitorium, sequitur statim ex hac apprehensione, maxima inquietudo appetitus. Dicitur, omnium bonorum aggregatione perfectus, quia quandiu appetitus non possidet omne bonum, ulterius tendit appetendo bonum illud quod scitur abesse, & ita non est perfecte quietus, nec proinde perfecte beatus: posita verò aggregatione omnium bonorum in aliquo appetitu permanenti, status illius est perfectus. Quærimus igitur in præsentis dubio, utrum sit in rerum natura aliquod bonum, quod sit obiectum beatitudinis, siue in cuius possessione appetitus noster sit omnino quietus & satiat.

Prima opinio, sed impia Atheorum, negat dari in rerum natura bonum aliquod, quod sit obiectum beatitudinis. Probat: Si in rerum natura esset aliquod bonum, quod esset obiectum beatitudinis, tale obiectum esset ultimus finis creaturæ intellectualis, & consequenter creatura intellectualis vel propriis viribus, vel saltem vt plurimum ad illud perveniret; quod enim conceditur aliis creaturis ignobilioribus, scilicet pervenire ad suum finem vel propriis viribus, vel saltem vt plurimum, non deberet negari creaturæ intellectuali cæterarum nobilissimæ: sed communiter negatur quod creatura intellectualis perveniat vel propriis viribus, vel vt plurimum ad illud bonum quod assignatur tanquam obiectum beatitudinis: ergo non datur in rerum natura aliquod bonum, quod sit obiectum beatitudinis.

Secundò, Si quid probaret dari in rerum natura aliquod bonum, quod sit obiectum beatitudinis, esset quia datur in creatura intellectuali appetitus naturalis ad beatitudinem, & appetitus naturalis debet posse expleri, aliàs esset frustra: quod tamen est impossibile, quia natura non operatur frustra: Sed hæc ratio non probat. Tum quia non omnes appetunt naturaliter beatitudinem, cum videamus multos appetere & quærere

I 2

miseriam,

DISPUTATIO IV.

De Beatitudine obiectiva.



V t a creatura intellectualis est beata, dum assequitur ultimum suum finem: ideo postquam in præcedentibus egimus cum D. Th. de ultimo fine eiusdem creaturæ intellectualis; in præsentis agimus de beatitudine obiectiva, siue de his, in quibus hominis

R. P. Philippi Carm. discal. Diss. Theolog. in 1. 2.

miseriam, quales sunt illi qui appetunt non esse; Tum quia falsum est quod appetitus naturalis semper possit expleri, nam si ponatur in damnatis appetitus naturalis ad beatitudinem, certum est quod non potest expleri cum miserrimo eorum statui repugnet quæcumque beatitudo: ergo non datur in rerum natura aliquod bonum, quod sit obiectum beatitudinis.

Tertio, Si daretur in rerum natura aliquod bonum, quod esset obiectum beatitudinis, tale bonum deberet continere in se omnem rationem & perfectionem boni, quia beatitudo est status omnium bonorum aggregatione perfectus: sed non potest dari tale bonum, cum multa sint bona in rerum natura, quorum vnumquodque habet propriam suam rationem & perfectionem boni, distinctam à bonitate aliorum, quia bonitas sequitur entitatem, & multiplicem entitatem multiplex bonitas: ergo non datur in rerum natura aliquod bonum, quod sit obiectum beatitudinis.

CONCLUSIO.

RESPONDEO dicendum, tanquam certum de fide 1. & lumine naturali, quod datur in rerum natura aliquod bonum, quod est obiectum beatitudinis. Ita communiter omnes Fideles & Philosophi morales.

Probatur prima pars conclusionis auctoritate sacræ Scripturæ, Sanctorum Patrum, & Conciliorum, ubi sæpe habetur quod finis ad quem creatus est homo, sit beatitudo quæ in possessione Dei consistit: sed quia de his fuscè actum est 1. p. circa quæstionem duodecimam, ideo in præsentia sufficit auctoritas Prophetæ dicentis, quod nec oculus vidit, nec auris audiuit, nec in cor hominis ascenderunt, quæ præparauit Deus diligentibus se: quem locum cõmuniter Sancti Patres & Theologi intelligunt de beatitudine tam obiectiua, quam formali; quamuis etiam iuxta Apostolum literaliter de Incarnatione Christi intelligatur.

Probatur secunda pars conclusionis auctoritate omnium Philosophorum alicuius nominis, qui vnanimiter docuerunt dari beatitudinem, & consequenter dari obiectum beatitudinis aliquod summum bonum, quamuis inter se differrent in illo assignando, plures enim circa hoc extiterunt opiniones, vt dicit Aristoteles lib. 1. Ethicor. c. 4. D. Aug. lib. 19. de Ciuitate Dei cap. 1. & S. Ambrosius lib. 2. de Officiis cap. 2. Hanc Philosophorum doctrinam cõmuniter amplexatæ sunt omnes gentes: ergo certum est lumine naturali, quod datur in rerum natura aliquod bonum, quod est obiectum beatitudinis; hi quippe Philosophi gentiles non alio lumine, quam naturali rationis hæc doctrinam beatitudinis statuerunt. Deinde probatur ratione: Datur vniuersaliter in homine naturalis appetitus ad beatitudinem, quilibet enim experitur in seipso se naturaliter inclinari ad querendam felicem vitam in æternum duraturam, in qua sit appetitus perpetuo satietus:

cuius duplex signum habetur; primum quidem, quod ex eodem naturali appetitu beatitudinis oritur alius naturalis appetitus vitandi quamcumque miseriam; secundum autem, quod propositum quodcumque bonum statim incipit vilescere, nisi concipiatur vt summum bonum & perpetuo duraturum, in quo est perfecta satietas appetitus ac beatitudo: ergo datur aliquod bonum, quod sit obiectum beatitudinis siue beatitudo obiectiua (sine qua non potest esse beatitudo formalis;) quia est impossibile dari appetitum naturalem, qui non possit expleri, nam si non posset expleri, esset frustra; constat autem ex communi sententia, quod sicut natura non deficit in necessariis, sic nec operatur frustra, vterque enim defectus redundaret ad Deum authorem ipsius naturæ. Denique, Ratio naturalis dicat, quod sicut scelera & vitia inducunt reatum pœnæ, & merentur supplicium; sic bona opera & virtutes merentur præmium, & inducunt ius ad illud habendum: hoc enim dictamen rationis est præcipuum morale principium, quo homines retrahuntur à vitiis, & ad virtutes excitantur: ergo cum in præsentia vita sæpe contingat, quod scelera non consequantur supplicium debitum, nec bona opera suum præmium (sæpe enim scelestissimi homines toto tempore vitæ huius prosperantur, & boni affliguntur) infallibile est quod in alia vita æterna sceleribus summa correspondeat miseria, & bonis operibus summa felicitas ac beatitudo, quam homines virtuosi talibus operibus acquirere prætendunt, alioquin Deus non esset iudex iustus: vnde lumine naturali certum est, quod datur in rerum natura aliquod bonum, quod est obiectum beatitudinis. Possent alia adduci rationes, sed in re tam certa & manifesta sufficiunt adductæ.

Ad primum ergo dicendum, quod cum illud bonum, in cuius adeptione consistit beatitudo creaturæ intellectualis, sit supernaturale & ei improporcionatum, non acquiritur propriis eiusdem creaturæ viribus, nec vt in pluribus; quamuis alia creaturæ ignobiliore propriis viribus & vt in pluribus perueniant ad proprios fines sibi proportionatos: quod sic declarat D. Thomas 1. p. q. 23. art. 7. ad 3. dicens quod bonum proportionatum communi statui naturæ accidit vt in pluribus, & deficit ab hoc bono vt in paucioribus: sed bonum quod excedit communem statum naturæ, inuenitur vt in paucioribus, & deficit ab hoc bono vt in pluribus; sicut patet quod plures homines sunt, qui habent sufficientem scientiam ad regimem vitæ suæ, pauciores autem qui hac scientia carent, qui moriones vel stulti dicuntur; sed paucissimi sunt, respectu aliorum, hi qui attingunt ad habendam profundam scientiam intelligibilium rerum: Cum igitur beatitudo æterna in visione Dei consistens excedat communem statum nature &

& præcipue secundum quod est gratia destituta per corruptionem originalis peccati, pauciores sunt qui saluantur; Et in hoc etiam maxime misericordia Dei apparet, quod aliquos in illam salutem erigit, à qua plurimi deficiunt secundum communem cursum & inclinationem naturæ.

A d secundum dicendum, quod ratio assignata est optima, ut constat ex eius expensione facta in probatione conclusionis. Vnde ad primam eius impugnationem dicendum, quod nullus appetit miseriam; imò illi qui appetunt non esse, ideo non esse appetunt, quia desinentes esse, credunt se vitare miseriam in qua viuunt. Ad secundam impugnationem dicendum, quod sufficit ut appetitus naturalis ad beatitudinem potuerit expleri ante statum damnationis, ad hoc ut non dicatur esse frustra; Deinde absolute loquendo potest etiam in damnatis expleri, de potentia scilicet absoluta Dei, cessante tamen statu damnationis.

A d tertium dicendum, quod illud bonum, quod est obiectum beatitudinis, continet omnem rationem & perfectionem boni, ut dicitur dubio ultimo; Et sic omnia alia bona ab ipso distincta, sunt quædam participationes diminutæ illius: Et quamuis cum illo faciant maius bonum extensiuè, non tamen intensiuè; quia omnia alia bona continentur in illo eminenter, id est nobiliori modo quam in seipsis.

D V B I U M I I.

Verum obiectum beatitudinis sit aliquod bonum creatum.

Supponendum est, quod bonum creatum quod potest frui homo, diuiditur in bonum externum, in bonum corporis, & in bonum animæ. Bonum externum comprehendit diuitias, honores, gloriam siue bonam famam, potestatem supra alios, & similia. Bonum corporis comprehendit sanitatem, valetudinem, robur, pulchritudinem, voluptatem corpoream, &c. Bonum animæ comprehendit tam substantiam & potentias ipsius animæ, quam habitus virtutum siue intellectualium, siue moralium, & actus ipsius. Queritur ergo in præsentia, utrum obiectum beatitudinis sit aliquod bonum creatum ex assignatis. Non autem idem est, ac querere utrum beatitudo consistat in aliquo bono creato; quia cum beatitudo alia sit formalis, alia obiectiua; hoc secundum quæsitum magis latè patet quam primum, vnde certum est quod beatitudo formalis consistit in aliquo bono creato animæ, videlicet in aliquo eius actu, ut dicitur dispositione sequenti, & ita solum remanet examinandum, utrum etiam beatitudo obiectiua consistat in aliquo bono creato.

Prima opinio veterum Philosophorum asserit, quod obiectum beatitudinis sit aliquod bonum creatum: sed in illo assignando differebant,

aliqui enim assignabant aliquod bonum externum, alij aliquod bonum corporis, alij magis rationabiles assignabant aliquod bonum animæ. Probatum hæc opinio quantum ad id, in quo eius auctores conueniunt, quod scilicet obiectum beatitudinis sit aliquod bonum creatum: Beatitudo formalis creaturæ intellectualis consistit in aliquo actu connaturalissimo, ac omnimodè proportionato, ut pote suauissimo, cum debeat afferre summam delectationem: ergo obiectum beatitudinis debet esse aliquod bonum creatum proportionatum creaturæ intellectuali (bonum quippe increatum infinitum illam infinitè excedit); cum sit impossibile dari actum connaturalissimum ac omnimodè proportionatum creaturæ circa obiectum ipsi improporcionatum & excedens.

Secundò, Si quid obstarer quo minus obiectum beatitudinis sit aliquod bonum creatum, maxime quia omne bonum creatum est finitum, obiectum autem beatitudinis debet esse infinitum, ad hoc ut perfectè satiet appetitum intellectuale: sed falsum est, quod obiectum perfectè satiatiuum appetitus intellectualis debeat esse infinitum, cum capacitas ipsius appetitus sit finita ut pote creata, finitum autem potest satiari siue expleri alio finito, si sit æquale, & multò magis si sit excedens; & præcipue si Deus non det maiorem concursum appetitui, quam ad appetendum bonum creatum: ergo obiectum beatitudinis est aliquod bonum creatum.

Tertiò, beatitudo formalis creaturæ intellectualis est aliquod bonum creatum, ut communiter conceditur, maxime in schola D. Thomæ: ergo etiam beatitudo obiectiua creaturæ intellectualis est aliquod bonum creatum, quia beatitudo formalis & beatitudo obiectiua debent proportionari.

CONCLUSIO

RESPONDEO dicendum, quod obiectum beatitudinis non est aliquod bonum creatum, siue externum, siue corporis, siue animæ. 1. quamuis quodlibet ex istis bonis concurrat ad beatitudinem magis aut minus perfectè, iuxta maiorem aut minorem suam perfectionem. Ita communiter Theologi in præsentia.

Probatum prima pars conclusionis auctoritate sacræ Scripturæ, Conciliorum, & Sanctorum Patrum, apud quos passim habetur, quod beatitudo nostra consistit in Deo: vnde Bernardus ait, quod cætera cor nostrum occupare possunt, replere non possunt: est autem de ratione obiecti beatitudinis, quod perfectè repleat cor humanum, & satiet appetitum. Deinde probatur tum auctoritate, tum rationibus D. Thomæ, quibus septem articulis ex professo probat, quod obiectum beatitudinis non potest esse aliquod bonum creatum, siue externum, siue corporis, siue animæ; sigillatim enim excludit omnia bona creata, quia verò doctrina D. Thomæ est plana

& manifesta, in ipso textu videri potest. Denique probatur ratione, quam idem Angelicus Doctor adducit art. 8. huius quæstionis, sic amplius expensâ: Illud bonum quod est obiectum beatitudinis, cum debeat esse ultimus finis *qui* creaturæ intellectualis, debet perfectè ac totaliter quietare eius appetitum; aliàs non esset ultimus finis, quia adhuc restaret aliquid appetendum: sed non est aliquid bonum creatum, quod possit perfectè ac totaliter quietare appetitum creaturæ intellectualis, quia solum obiectum adæquatum potest perfectè ac totaliter satiare potentiam, ut patet; obiectum autem appetitus humani siue voluntatis est vniuersale bonum, sicut obiectum intellectus est vniuersale verum; siue est bonum absolute sumptum absque aliqua determinatione vel limitatione, siue quod includit omnem rationem & perfectionem boni, ac proinde cum abstractione formali à quocumque subiecto limitante; unde est bonum vniuersale, non præcisè in essendo qualis est Deus; nec tantum in prædicando, quod abstrahit ab existentia, & ita non potest satiare appetitum; verum est vniuersale bonum in esse obiecti realiter existentis, quod alij vocant vniuersale in obiectando vel in afficiendo: quod confirmatur ipsa experientia: experimur enim in nobis, quod adepto quocumque bono creato, non manet quietus appetitus, sed maiora bona desiderat, imò sæpe bonum quod prius placebat, de nouo incipit displicere: ergo obiectum beatitudinis non est aliquid bonum creatum.

Probatur secunda pars conclusionis: Hæc omnia bona assignata ut congrua dictamini rationis; participant veram rationem boni: ergo quodlibet ex illis concurrat ad beatitudinem, vel acquirendam, vel possidendam; cum beatitudo sit status omnium bonorum aggregatione perfectus; Et propterea quamuis Theologi constituent beatitudinem essentialem in possessione Dei, ad eius tamen complementum requirunt omnia prædicta bona convenientia statui beatorum; quæ verò disconueniunt perfectæ beatitudini acquisitæ, qualia sunt bona materialia, hic in via conducunt & concurrunt ad eius acquisitionem.

Ad primum ergo dicendum, quod cum beatitudo formalis creaturæ intellectualis sit superexcedens ac omnino supernaturalis, non potest consistere in actu connaturalissimo, ac omnimodè proportionato, si attendatur natura intellectualis in seipsa & secundum proprias vires; bene tamen si attendatur huiusmodi natura ut eleuata ad ordinem supernaturalem & cum virtute superaddita luminis gloriæ: per hanc igitur virtutem eleuatus intellectus creatus connaturalissimè ac omnino proportionatè fertur ad obiectum supernaturalis beatitudinis; & cum aliunde tale obiectum sit summum bonum realiter præsens, actus quo attingitur est

suauissimus: Et quamuis bonum increatum excedat infinitè intellectum creatum, etiam sic eleuatum, in esse rei; non tamen in esse obiecti, ut dictum est 1. p. dum ageretur de visione Dei.

Ad secundum dicendum, quod ratio assignata est optima. Vnde ad eius impugnationem dicendum, quod licet appetitus intellectualis creatus eiusque capacitas sint quid finitum ex parte subiecti & in esse rei; habent tamen infinitatem sine categorematicam ex parte termini seu obiecti, & in esse potentie obedientialis, inchoatam in propria sua ratione potentie naturalis, propter immaterialitatem ipsius, ut de intellectu docet D. Thomas 1. contra Gentes c. 43. ratione 7. Et lib. 3. cap. 50. ratione cuius habet quandam illimitationem & proportionem ad verum infinitum; & similiter appetitus intellectualis siue voluntas ratione suæ immaterialitatis habet quandam illimitationem & proportionem ad bonum infinitum; & propterea capacitas harum potentiarum nullo vero vel bono finito potest expleri. Ad illud quod subditur, dicendum quod etiam tunc appetitus intellectualis non diceretur propriè expletus, aut positiuè satiatus; ad hoc enim requiritur, quod in se tantum habeat boni, ut non possit amplius appetere posito sufficienti concursu primæ causæ: unde solum negatiuè diceretur satiatus, in quantum ex defectu sufficientis debiti concursus non amplius appeteret, quàm bonum creatum finitum.

Ad tertium dicendum, quod licet beatitudo formalis creaturæ intellectualis sit aliquid bonum creatum ex parte subiecti, & secundum id quod importat in recto; non tamen ex parte termini, & secundum id quod importat in obliquo: Et propterea beatitudo obiectiua siue obiectum beatitudinis formalis non debet esse bonum creatum, sed bonum increatum. Ratio autem, cur beatitudo formalis creaturæ intellectualis debet esse bonum creatum, est quia debet esse actus vitalis & immanens eiusdem creaturæ, ut dicitur disputatione sequenti, ac proinde debet esse forma creata ac physicè recepta ad modum recipientis. Ratio verò cur beatitudo obiectiua debet esse bonum increatum, est quia ex vna parte non recipitur in creatura intellectuali per modum formæ physicè informantis, sed tantum per modum formæ obiectiue terminantis, quæ non limitatur à recipiente, sicut limitatur forma physicè informans: ex alia vero parte solum bonum increatum potest perfectè satiare appetitum intellectualem, & reddere beatum, ut dictum est & amplius dicitur.

D V B I V M III.

Verum obiectum beatitudinis possit esse aggregatum totius boni creati.

Supponendum est, quod bonum creatum est participatio boni increati: quod cum sit infinitum participabile, ob suam illimitatam bonitatem; & aliunde sit infinite potens agere ac producere, ob summam suam actualitatem: sequitur quod bonum creatum sit quodammodo infinitum; non quidem actu, cum hoc repugnet ex parte ipsius, ut dictum est alibi; bene tamen in potentia, in quantum dato quocumque bono creato, Deus potest creare maius & maius siue perfectius in infinitum: Et sic aggregatio totius boni creati, prout includit tam actuale pro aliqua reali duratione, quam possibile; siue collectio omnium creaturarum tam actualium, quam possibilium importat infinitam bonitatem participabilem ex diuina creatoris bonitate, & ab illa dependentem. Quærimus ergo in præsentī (supposito quod obiectum beatitudinis creaturæ intellectualis non possit esse aliquod bonum creatum particulare, ut dictum est) utrum tale obiectum possit esse aggregatum totius boni creati: quod potest dupliciter intelligi; scilicet vel absolute, prout dicit totum bonum creatum aut creabile quod potest simul poni, & quod actu nunquam erit infinitum quantumcumque augeatur; vel ex suppositione quod per impossibile totum simul poneretur, & sic esset infinitum.

Prima opinio asserit, quod aggregatum totius boni creati possit esse obiectum beatitudinis. Probat: Ex Philosopho 8. Physicorum Vniuersitas creaturarum comparatur ad hominem sicut perfectum ad imperfectum, & sicut totum ad partem: sed perfectum est finis partis: ergo cum ultimus finis & obiectum beatitudinis sint idem, vniuersitas creaturarum siue aggregatum totius boni creati est obiectum beatitudinis.

Secundò, Aggregatum totius boni creati potest perfecte quietare naturale desiderium voluntatis, quod solum extenditur ad bonum ordinis naturalis comprehensum in aggregato totius boni creati: ergo aggregatum totius boni creati potest esse obiectum beatitudinis, cuius est perfecte quietare naturale desiderium voluntatis.

Tertiò, Aggregatum totius boni creati, prout dicit totum bonum creatum & creabile, importat bonum infinitum, cum sit participatio adæquata boni increati infiniti: ergo potest esse obiectum beatitudinis, bonum quippe infinitum potest perfecte satiare appetitum intellectualem, quod est proprium obiecti beatitudinis.

C O N C L U S I O.

RESPONDEO dicendum, quod obiectum beatitudinis non potest esse aggregatum totius

boni creati & creabilis 2. etiamsi per impossibile poneretur totum simul in rerum natura. Ita communiter docent authores.

Probat: prima pars conclusionis autoritate sacræ Scripturæ & Sanctorum Patrum, Ecclesiastæ. 1. dicitur: Vanitas vanitatum, & omnia vanitas. 1. Ioannis 2. habetur: Nolite diligere mundum, neque ea quæ in mundo sunt. Augustinus 5. Confessionum cap. 4. ait: Infelix homo, qui scit omnia illa (scilicet creaturas) te autem nescit: beatus autem, qui te scit, etiam si illa nesciat: qui verò te & illa nouit, non propter illa beator est, sed propter te solum beatus. Deinde probatur ratione: Aggregatum totius boni creati & creabilis semper actu importat bonum finitum, quamuis in potentia sit infinitum; communiter enim conceditur quod non possit actu produci infinitum, saltem de potentia ordinariā: sed bonum actu finitum non potest esse obiectum beatitudinis, cum non possit perfecte satiare appetitum intellectualem, cuius capacitas respicit bonum infinitum, ut dictum est: ergo aggregatum totius boni creati & creabilis non potest esse obiectum beatitudinis. Denique probatur ex mox dicendis circa secundam partem conclusionis, quæ hanc etiam efficacissime probant.

Probat: secunda pars conclusionis ratione, quam indicat D. Thomas hic art. 8. ad 2. sic aliquantum declarata: Obiectum beatitudinis perfectæ, de qua agimus in præsentī, debet esse simpliciter ultimus finis creaturæ intellectualis, ita ut ad ulteriorem non ordinetur, quia solum potest satiari perfecte appetitus (quod indispensabile requiritur ad beatitudinem) in assecutione ultimi finis simpliciter, quandiu enim restat aliquis ulterior finis acquirendus, non est perfecte quietus appetitus, sed adhuc inquietus ad illum tendit, ut manifestum est mobili corporeo quod non est perfecte quietum, donec peruenerit ad ultimum terminum: Sed aggregatum totius boni creati & creabilis, etiamsi per impossibile poneretur totum simul in rerum natura, non esset simpliciter ultimus finis creaturæ intellectualis; nam ex vna parte creatura intellectualis potest pertingere ad coniunctionem Dei sui creatoris, in qua consistit eius perfectio, ut dicitur dubio sequenti; ex alia verò parte aggregatum totius boni creabilis non potest non intelligi esse effectus Dei creatoris, ut patet, cum sit ens per participationem & non per essentiam, aliàs esset ipsemet Deus creator & nõ quid creatum, unde tale aggregatum totius boni creati & creabilis, si per impossibile poneretur totum simul in rerum natura, necessario respiceret Deum ut ultimum finem, sicut ipsum respiceret ut primum principium, quia omnia propter semetipsum operatur Dominus, cum sit impossibile quod Deus operetur propter finem à se distinctum, agens quippe subordinatur fini à quo mouetur ad agendum, & tamen est impossibile quod

quod Deus subordinetur alteri à se distincto (aliquius enim ad seipsum non est propria & realis subordinatione, quæ solum est inter plura realiter distincta;) quin potius cætera omnia Deo subordinantur, & ut primo principio, & ut ultimo fini: ergo aggregatum totius boni creati & creabilis, etiamsi per impossibile poneretur totum simul in rerum natura, non potest esse obiectum beatitudinis, scilicet creaturæ intellectualis. Deinde, Ut aliquid sit obiectum beatitudinis creaturæ intellectualis, debet esse bonum ab ea possessum, quia non satiatur nec omnino expletur appetitus, nisi habeat & possideat bonum amatum, quod absens prius erat desideratum, in hac enim perfecta satietate appetitus consistit beatitudo: sed aggregatum totius boni creati & creabilis, etiamsi per impossibile poneretur totum simul in rerum natura, non potest esse possessum ab intellectuali creatura, non enim potest concipi, quomodo hoc aggregatum totius boni creati & creabilis in se sumptum formaliter, possit haberi & possideri à qualibet creatura intellectuali; cum nec eminenter sumptum in Deo possit distinctè ab aliqua creatura videri, ut probatur 1. p. circa q. 12. ergo aggregatum totius boni creati & creabilis, etiamsi per impossibile poneretur totum simul in rerum natura, non potest esse obiectum beatitudinis creaturæ intellectualis.

A d primum ergo dicendum cum D. Thom. hic art. 8. ad 2. quod si totum aliquod non sit ultimus finis, sed ordinatur ad finem ulteriorem, ultimus finis partis non est ipsum totum, sed aliquid aliud: vniuersitas autem creaturarum, ad quam comparatur homo ut pars ad totum, non est ultimus finis, sed ordinatur in Deum sicut in ultimum finem: unde bonum vniuersi (licet per impossibile includeret actu aggregatum totius boni creati & creabilis positum in rerum natura) non est ultimus finis hominis, ac proinde nec est obiectum beatitudinis creaturæ intellectualis, sed ipse Deus.

A d secundum dicendum cum D. Thoma ibidem ad 3. quod bonum creatum non est minus quam bonum, cuius est homo capax ut rei intrinsecæ & inhaerentis: est tamen minus quam bonum, cuius est capax ut obiecti, quod est infinitum: bonum autem quod participatur ab Angelo & à toto vniuerso, est bonum finitum & contractum.

A d tertium dicendum, quod admissio hoc impossibile, quod scilicet poneretur totum simul in rerum natura aggregatum totius boni creati & creabilis; verum est quod importaret bonum infinitum, ut ratio probat: sed tamen non esset obiectum beatitudinis, ut ostensum est in secunda parte conclusionis, ex duplici impedimento. nec est mirum, quod admissio primo illo impossibili, sequatur aliud quod scilicet aliquid sit bonum infinitum, ac proinde includat omnem ra-

tionem & perfectionem boni, & tamen non sit obiectum beatitudinis: communiter enim conceditur, quod posito vno impossibili sequitur aliud, aut alia plura.

D V B I V M I V.

Utrum Deus sit obiectum beatitudinis creaturæ intellectualis.

Supponendum est contra Atheos, esse certum & secundum fidem, & lumine naturali, quod sit vnus Deus, ut demonstratiue probat multis argumentis, D. Thomas 1. part. quæst. 2. art. 3. & Aristoteles passim, & maxime in Metaphysica. Nomine autem Dei intelligitur id, quo maius excogitari non potest: unde est ens necessarium, simpliciter & omnimoda necessitate, ens per essentiam cuius omnia alia sunt entia per participationem, ens independens à quo omnia alia dependent in omnibus, immutabile, æternum, infinitum, immensum, suum esse, summum bonum: propterea est sibi sufficientissimum quantum ad omnia, & consequenter in seipso habet obiectum suæ beatitudinis, & est perfecte beatus in visione ac fruitione suiipsius, ut probat D. Thomas 1. part. quæst. 26. In presenti autem quærimus, utrum Deus sit etiam obiectum beatitudinis creaturæ intellectualis, videlicet Angeli & hominis.

Prima opinio negat Deum esse obiectum beatitudinis creaturæ intellectualis: hanc sequuntur Mahometani & alij constituentes beatitudinem in voluptatibus corporeis. Probatur: Beatitudo formalis consistit in actu valde connaturali & proportionato naturæ, cum debeat esse facilissimus ipsi, imò & suauissimus & consequenter obiectum debet esse proportionatum: sed nulla est proportio Dei ad creaturam intellectualem, quia in infinitum distat per excessum perfectionis, infiniti autem ad finitum nulla est proportio: ergo Deus non est obiectum beatitudinis creaturæ intellectualis.

Secundò, Obiectum beatitudinis debet esse perfecte satiatuum & expletuum appetitus intellectualis, cum debeat esse ultimus & adæquatus eius terminus, ultra quem non possit tendere, aliàs si quid esset ulterius appetendum, appetitus nondum esset perfecte quietus, nec proinde beatus: sed Deus non est obiectum perfecte satiatuum & expletuum appetitus intellectualis creaturæ, quia solum obiectum totale & adæquatum potest perfecte satiare & explorare potentiam, non autem obiectum parziale & inadæquatum, cum illud sit potentiae commensuratum & non istud; constat autem quod bonum vniuersale est obiectum appetitus intellectualis, prout includit tam bonum diuinum quam bonum creatum, ad utrumque enim se extendit, & consequenter Deus est tantum obiectum eius inadæquatum: ergo

ergo Deus non est obiectum beatitudinis creaturæ intellectualis.

CONCLUSIO.

RESPONDEO dicendum, quod Deus Optimus Maximus est obiectum beatitudinis creaturæ intellectualis. Ita communiter docent non solum omnes Theologi, sed etiam omnes Catholici tanquam certum de fide.

Probatur conclusio autoritate sacræ Scripturæ. Genesis 1. dicit ipse Deus Abraham: Ego protector tuus sum, & merces tua magna nimis. Psalmo 72. habetur: Quid mihi est in coelo, & à te quid volui super terrā. Item: Pars mea Deus in æternum. & Psalmo 102. Qui replet in bonis desiderium tuum. & tandem Ioannis 17. Hæc est vita æterna, ut cognoscant te solum Deum verū, & quem misisti Iesum Christum. Possent plura alia loca sacræ Scripturæ adduci, sicut & Conciliorū, quibus expressè dicitur quod Deus est obiectū beatitudinis creaturæ intellectualis, siue beatitudo obiectiua ipsius, aut quid simile.

Secundò probatur autoritate Sanctorum Patrum. Dionysius cap. 10. de cœlesti Hierarchia Deum dicit totius pulchritudinis atque ordinis summū æternūque principiū ac finem: quod autem est summum & æternum principium ac finis (siue primum principium & vltimus finis, idem enim est) necessariò etiam est obiectum beatitudinis. Irenæus lib. 3. cap. 22. ait: Gloria hominis est Deus. August. lib. 19. de Ciuitate Dei cap. 26. habet: Ut vita carnis anima est, ita beata vita hominis Deus est. Et lib. 3. confessionū cap. 4. Infelix homo, qui scit omnia illa (scilicet creaturas) te autem nescit: beatus autem qui te scit, etiam si illa nesciat; qui verò te & illa nouit, non propter illa beator est, sed propter te solum beatus. Boëtius lib. 3. de Consolat. prosa 10. dicit, Beatitudinem in summo Deo sitam esse necesse est. Idem docet Ambros. lib. 2. officiorum cap. 2. & tandem D. Th. hic art. 8. sic habet: Ex quo pater, quod nihil potest quietare voluntatem hominis nisi bonum vniuersale, quod non inuenitur in aliquo creato, sed solum in Deo, quia omnis creatura habet bonitatem participatā: Vnde solus Deus voluntatem hominis implere potest, secundum quod dicitur in Psalmo 102. Qui replet in bonis desiderium tuum, &c. in solo igitur Deo beatitudo hominis consistit.

Tertiò probatur ratione D. Thomæ adducta, & sic magis declarata: Deus est summū & vniuersale bonum, quod duplici via efficaciter & manifestè demonstratur: prima quidem, quia est suum esse, vnde in se ab intrinseco habet omnē rationem & perfectionem essendi; cum omnis forma per se subsistens absq; ordine ad receptiuum sit illimitata & infinita in suo ordine, ac proinde Deus qui est suum esse per se subsistens, est esse illimitatum & infinitum, ac continens omnem rationem & perfectionem essendi; & consequenter etiam omnem rationem ac per-

fectionem boni, bonum quippe & esse conuertuntur: secunda autem via est, quia Deus est primum & vniuersale principium totius entis & boni creati, ita ut nō solum possit producere quæ de facto producit, sed etiam producto quocunque quantuncunque perfectio possit semper & semper in infinitum perfectius producere; quod indicat in ipso esse infinitam actū perfectionem & bonitatem, quia vnumquodque operatur seu operari potest in quantum est actū, & nemo dat quod non habet, vnde Deus primum & vniuersale principium in actū primo totius boni creati possibilis, debet in se præhabere modo quodam eminentissimo & simplicissimo, simul & actualissimo infinitam ac vniuersalem rationem boni, quam in infinitum per partes potest creatis effectibus communicare, & ita est summum ac vniuersale bonum: ergo cum summum & vniuersale bonum sit obiectum totale & adæquatum appetitus intellectualis, qui dicitur volūtas; & aliunde Deus possit realiter haberi ac possideri à creatura intellectuali, ut dictum est 1. p. q. 12. sequitur quod Deus possit perfectè satiari & explere appetitum intellectualem, & consequenter quod sit obiectum beatitudinis creaturæ intellectualis. Quod cōfirmatur ex dictis supra: nam eo ipso quod Deus est primum principium omnis creaturæ, est etiam vltimus finis ipsius, sed diuersimodè acquirendus iuxta diuersam perfectionē vniuscuiusque; vltimus autem finis creaturæ intellectualis est obiectū beatitudinis ipsius, non enim potest esse beata nisi in assecutione sui vltimi finis, cum tunc solum sit perfectè quæta.

Ad primum ergo dicendum, quod beatitudo formalis consistit in actū connaturali & proportionato naturæ intellectuali, sed eleuata per lumen gloriæ: Deus autem in ratione obiecti est proportionatus eidem naturæ eleuata, ut docet D. Th. 1. p. q. 12. art. 1. ad 4. dicens quod proportio dicitur dupliciter: vno modo certa habitudo vnius quantitatis ad alteram, secundum quod duplum, triplum, & æquale sunt species proportionis: Alio modo quælibet habitudo vnius ad alterum proportio dicitur; & sic potest esse proportio creaturæ ad Deum in quantum se habet ad ipsum, ut effectus ad causam, & ut potētia ad actum: & secundum hoc intellectus creatus proportionatus esse potest ad cognoscendum Deum. Hæc doctrina D. Thomæ ibidem declarata fuit.

Ad secundum dicendum, quod bonum diuinum continet eminenter & adæquat virtualiter bonum vniuersale, quod est obiectum totale & adæquatum appetitus intellectualis: licet enim bonum vniuersale se extendat etiam ad creaturas; tamen in eis nihil est bonitatis, quod eminentiori & perfectiori modo non reperiatur in Deo, exclusis scilicet imperfectionibus cum quibus est in creaturis: Vnde cum Deus sit bonum vniuersale eminenter, potest non minus perfectè satiari appetitum intellectualem, ac si esset

set bonum vniuersale formaliter, quod nulli determinato indiuiduo competit, sed soli bonitati per intellectum præcisè & abstractè. Ex quo sequitur quòd loquendo de obiecto appetitus intellectualis extensiuè, Deus in se præcisè sumptus est tantum obiectum partiale & inadæquatum: loquendo verò de illo intensiuè, Deus sumptus secundum id quod formaliter simul & eminenter importat, est obiectum totale & adæquatum appetitus: quod sufficit vt satiet illum perfectè, & sit obiectum beatitudinis.



QVÆSTIO III.

Quid sit beatitudo, in octo articulis diuisa.



DEUM considerandum est quid sit beatitudo, & quæ requirantur ad ipsam.

Circa primum quaeruntur octo.

- ¶ Primo, vtum beatitudo sit aliquid increatum.
- ¶ Secundo, si est aliquid creatum, vtum sit operatio.
- ¶ Tertio, vtum sit operatio sensitiuæ partis, an intellectus tantum.
- ¶ Quarto, si est operatio intellectus partis, vtum sit operatio intellectus, an voluntatis.
- ¶ Quinto, si est operatio speculatiuæ intellectus, aut practici.
- ¶ Sexto, si est operatio intellectus speculatiuæ, vtum consistat in speculatione scientiarum speculatiuarum.
- ¶ Septimo, vtum consistat in speculatione substantiarum separatarum, scilicet angelorum.
- ¶ Octauo, vtum id sola speculatione Dei, qua per essentiam videtur.

ARTICVLVS I.

Vtrum beatitudo sit aliquid increatum.

AD PRIMUM sic proceditur. Videtur, quòd beatitudo sit aliquid increatum. Dicit enim Boet. in 3. de consol. * esse Deum ipsam beatitudinem, necesse est confiteri. ¶ 2. Præterea, Beatitudo est summum bonum: sed esse summum bonum conuenit Deo: cum ergo non sint plura summa bona, videtur quòd beatitudo sit idem quod Deus. ¶ 3. Præterea, Beatitudo est vltimus finis in quem naturaliter humana voluntas tanquam in finem tendit: sed in nulum aliud voluntas tanquam in finem tendere debet nisi in Deum quo solo fruendum est: vt August. dicit. ¶ Ergo beatitudo est idem quod Deus.

† Ideo. 1. de
dist. Christi.
cap. 4. 5. 6.
22. rom. 3.
* ibi. 1. 3.
in pr. 10. 3.

¶ 4. contra, Nullum factum est increatum, sed beatitudo hominis est aliquid factum: quia secundum August. 1. de doctr. Christi. * Illis rebus fruendum est quæ nos beatos faciant ergo beatitudo non est aliquid increatum.

CONCLUSIO.

Beatitudo hominis quantum ad causam vel obiectum, est aliquid increatum: quantum verò ad ipsam essentiam beatitudinis, est aliquid creatum.

q. 1. ar. 6. q. 7. ar. 7.

RESPONDO dicendum, quòd sicut supra dictum est, finis dicitur dupliciter. Vno modo ipsa res, quam cupimus adipisci, sicut auro est finis pecunie. Alio modo, ipsa adeptio vel possessio, seu usus aut fructus eius rei, quæ desideratur: sicut si dicatur quòd possessio pecunie est finis avari, & frui in voluptuosa est finis intemperati. Primo ergo modo vltimus hominis finis est bonum increatum, scilicet Deus, qui solus sua infinita bonitate potest voluntatem hominis perfectè implere. Secundo autem modo vltimus finis hominis est creatum aliquid in ipso existens, quòd nihil est aliud quàm adeptio vel fructus finis vltimi: vltimus autem finis vocatur beatitudo si ergo beatitudo hominis consideretur quantum ad causam vel obiectum, sic est aliquid increatum: si autem consideretur quantum ad ipsam essentiam beatitudinis, sic est aliquid creatum.

ca. prof. 10. h. 3. de off.

¶ Ad primum ergo dicendum, quòd Deus est beatitudo per essentiam suam. non enim per adeptionem aut participationem alicuius alterius beatus est, sed per essentiam suam. Homines autem sunt beati, sicut ibidem dicit Boet. * per participationem: sicut & dii per participationem dicuntur, ipsa autem participatio beatitudinis secundum quam homo dicitur beatus, aliquid creatum est.

¶ Ad secundum dicendum, quòd beatitudo dicitur esse summum hominis bonum: quia est adeptio vel fructus summi boni.

¶ Ad tertium dicendum, quòd beatitudo dicitur vltimus finis per modum, quo adeptio finis dicitur finis.

ARTICVLVS II.

Vtrum beatitudo sit operatio.

18

AD SECUNDUM sic proceditur. Videtur quòd beatitudo non sit operatio. Dicit enim Apostol. Rom. 6. Habetis

fructum vestrum in sanctificatione, finem verò vitam æternam d. 14. q. 1. sed vita non est operatio, sed est ipsum esse viuendum. ergo op. 3. col. 4. d. 4. q. 9.

¶ 2. Præterea, Boetius dicit in 3. de consol. * quòd beatitudo est status omnium bonorum aggregatione perfectus. sed & q. 4. a. 3. status non nominat operationem. ergo beatitudo non est operatio.

¶ 3. Præterea, Beatitudo significat aliquid in bono existens, cum sit vltima perfectio hominis. sed operatio non significat vt aliquid existens in operante, sed magis vt ab ipso procedens. ergo beatitudo non est operatio.

¶ 4. Præterea, Beatitudo permanet in beato: operatio autem non permanet, sed transit. ergo beatitudo non est operatio.

¶ 5. Præterea, Vnus hominis est vna beatitudo, operationes autem sunt multe. Ergo beatitudo non est operatio.

¶ 6. Præterea, Beatitudo inest beato absque interruptione: sed operatio humana frequenter interruptitur, puta somno vel aliqua alia occupatione, vel quiete. ergo beatitudo non est operatio.

¶ 7. contra est, quòd Philosophus dicit in primo Ethic. * quòd felicitas est operatio secundum virtutem perfectam.

CONCLUSIO.

Cum beatitudo consistat in vltimo hominis actu, necesse est ipsam esse aliquam hominis operationem.

RESPONDO dicendum, quòd secundum quòd beatitudo hominis est aliquid creatum in ipso existens, necesse est dicere, quòd beatitudo hominis sit operatio. Est enim beatitudo vltimus hominis perfectio, vnaquodque autem intrinsecum perfectio est, in quantum est actus, nam potentia sine actu imperfecta est: oportet ergo beatitudinem in vltimo actu hominis consistere. Manifestum est autem quòd operatio est vltimus actus operantis. vnde & actus secundus à Philosopho nominatur in secundo de anima * nam habens formam, potest esse in potentia operans, sicut sciens est in potentia considerans: & inde est quòd in aliis rebus res vnaquodque dicitur esse propter suam operationem, vt dicitur in 2. de celo. ¶ Necesse est ergo beatitudinem hominis operationem esse.

¶ Ad primum ergo dicendum, quòd vita dicitur dupliciter. Vno modo ipsum esse viuens: & sic beatitudo non est vita. * ostensum est enim quòd esse vnius hominis qualecumque sit, non est hominis beatitudo: solius enim Dei beatitudo est suum esse. Alio modo dicitur vita ipsa operatio viuens secundum quam principium vite in actum reducitur: & sic nominamus vitam actiuam vel contemplatiuam vel voluptuosam & hoc modo vita æterna dicitur vltimus finis: quod patet per hoc quòd dicitur, Ioan. 13. Hæc est vita æterna, vt cognoscatis Deum verum & vnum.

¶ Ad secundum dicendum, quòd Boet. * definiendo beatitudinem, considerauit ipsam communem beatitudinis rationem. Est enim communis beatitudinis ratio, quòd sit bonum commune perfectum: & hoc significauit cum dixit, quòd est status omnium bonorum aggregatione perfectus: per quòd nihil aliud significatur, nisi quòd beatus est in statu boni perfecti. Sed Aristot. * expresse ipsam essentiam beatitudinis ostendens per quid homo sit in huiusmodi statu: quia per operationem quandam. & ideo in 1. Ethic. * ipse etiam ostendit, quòd beatitudo est bonum perfectum.

¶ Ad tertium dicendum, quòd sicut dicitur in 9. Metaph. * duplex est actio: vna quæ procedit ab operante in exteriorem materiam, sicut vrere & secare: & talis operatio non potest esse beatitudo, nam talis operatio non est actio & perfectio agentis, sed magis patientis, vt ibidem dicitur. * Alia est actio manens in ipso agente, vt sentire, intelligere, & velle & huiusmodi actio est perfectio & actus agentis: & talis operatio potest esse beatitudo.

¶ Ad quartum dicendum, quòd cum beatitudo dicatur quiddam vltimum perfectionem, secundum quòd diuersæ res beatitudinis capaces, ad diuersos gradus perfectionis pertingere possunt: secundum hoc necesse est quòd diuersimodè beatitudo dicatur. Nam in Deo est beatitudo per essentiam, quia ipsum esse eius, est operatio eius: quia non fruitur alio, sed seipso. In angelis autem beatitudo est vltima perfectio secundum aliquam operationem qua coniunguntur bono increato: & hæc operatio est in eis vnica & sempiterna. In hominibus autem secundum statum præsentis vite est vltima perfectio secundum operationem qua homo coniungitur Deo: sed hæc operatio nec continua potest esse, & per consequens nec vnica est, quia operatio interfensione multiplicatur: & propter hoc in statu præsentis vite perfecta beatitudo ab homine haberi non potest. Vnde Philosophus in 1. Ethic. * ponens beatitudinem hominis in hac vita, dicit eam imperfectam, post multa concludens. Beatos autem dicimus, vt homines: & promittitur nobis à Deo beatitudo perfecta, quando erimus sicut angeli in celo: sicut dicitur Matth. 22. Quantum ergo ad illam beatitudinem perfectam cessat obiectio: quia vna & continua & sempiterna operatione in illo beatitudinis statu mens hominis Deo coniungitur: sed in præsentis vite quantum deficiamus à beatitudinis perfectione: est tamen aliqua participatio beatitudinis: & quanto operatio potest esse magis continua & vna, tanto plus habet rationem beatitudinis: & ideo in actus vite, quæ circa multa occupatur, est minus de ratione beatitudinis, quam in vita contemplatiua, quæ versatur circa vnum, id est, circa veritatis contemplationem. est aliquando homo actus non operetur huiusmodi operationem: tamen quia in promptu habet eam, semper potest operari: Et quia etiam ipsam cessationem puta somni vel occupationis alicuius naturalis ad operationem prædictam ordinat, quasi videtur operatio continua esse. Et per hoc patet solutio ad Q. 1. ar. 6. & ad 3. ar. 7. m.

ARTICVLVS III.

Virum beatitudo sit operatio sensitiua partis, an intellectiua tantum.

19

AD TERTIUM sic proceditur. Videtur, quod beatitudo consistat etiam in operatione sensus: nulla enim operatio inuenitur in homine nobilior operatione sensitiua, nisi intellectiua. Sed operatio intellectiua dependet in nobis ab operatione sensitiua: quia non possumus intelligere sine phantasmate, ut dicitur in tertio de anima. ergo beatitudo consistit etiam in operatione sensitiua.

Respondeo. Boetius dicit in 3. de consol. quod beatitudo est status omnium bonorum aggregatione perfectus. Sed quædam bona sunt sensitiua, quæ attingimus per sensus operationem: ergo videtur quod operatio sensus requiratur ad beatitudinem.

Respondeo. Beatitudo est bonum perfectum: ut probatur in 1. ethic. quod non esset, nisi homo perfecteretur per ipsam secundum omnes partes suas, sed per operationes sensitiuas quædam partes animæ perfectiuntur: ergo operatio sensitiua requiritur ad beatitudinem.

Sed contra, in operatione sensitiua communicant nobis bruta animalia, non autem in beatitudine. ergo beatitudo non consistit in operatione sensitiua.

CONCLUSIO.

Cum homo per sensus operationem coniungat nequeat increato bono, beatitudo non est sensitiua partis operatio.

Respondeo dicendum, quod ad beatitudinem potest aliquid pertinere tripliciter. Vno modo essentialiter. Alio modo antecedenter. Tertio modo consequenter: Essentialiter quidem non potest pertinere operatio sensus ad beatitudinem: nam beatitudo hominis consistit essentialiter in coniunctione ipsius ad bonum increatum, quod est ultimus finis, ut supra ostensum est. cui homo coniungi non potest per sensus operationem. Similiter etiam, quia sicut ostensum est, in corporalibus bonis beatitudo hominis non consistit, quæ tamen sola per sensus operationem attingimus: possunt autem operationes sensus pertinere ad beatitudinem antecedenter & consequenter: antecedenter quidem secundum beatitudinem imperfectam, qualis in presenti vita haberi potest, nam operatio intellectus præparat operationem sensus. Consequenter autem in illa perfecta beatitudine, quæ expectatur in celo: quia post resurrectionem ex ipsa beatitudine animæ, ut Augustinus dicit in epistola ad Diocetum, per quædam reseruentia in corpus & in sensus corporeos, ut in suis operationibus perfectiuntur: ut infra magis patebit, cùm de resurrectione ageretur non autem tunc operatio quæ mens humana Deo coniungitur à sensu dependebit.

Ad primum ergo dicendum, quod obiectio illa probat, quod operatio sensus requiritur antecedenter ad beatitudinem imperfectam, qualis in hac vita haberi potest.

Ad secundum dicendum, quod beatitudo perfecta, qualem angeli habent, habet congregationem omnium bonorum per coniunctionem ad vniuersalem fontem totius boni: non quod indigeat singulis particularibus bonis, sed in hac beatitudine imperfecta requiritur congregatio bonorum sufficientium ad perfectissimam operationem huius vite.

Ad tertium dicendum, quod in perfecta beatitudine perficitur totus homo, sed in inferiori parte per redundantiam à superiori: in beatitudine autem imperfecta presentis vite è conuerso à perfectione inferioris partis proceditur in perfectionem superioris.

ARTICVLVS IV.

Virum si beatitudo est intellectiua partis sit operatio intellectus, an voluntatis.

10

AD QVARTUM sic proceditur. Videtur, quod beatitudo consistat in actu voluntatis. Dicit enim Augustinus 19 de ciuitate Dei, quod beatitudo hominis in pace consistit unde in Psalm. 147. qui posuit fines tuos pacem: sed pax ad voluntatem pertinet. ergo beatitudo hominis in voluntate consistit.

Respondeo. Beatitudo est summum bonum, sed bonum est obiectum voluntatis, ergo beatitudo in voluntatis operatione consistit.

Respondeo. Primo mouenti respondet ultimus finis: sicut ultimus finis totius exercitatus est victoria, quæ est finis ducis, qui omnes mouet: sed primum mouens ad operandum est voluntas: quia mouet alias vias, ut ipsa dicitur ergo beatitudo ad voluntatem pertinere.

Respondeo. Si beatitudo est aliquis operatio, oportet quod sit nobilissima operatio hominis: sed nobilior est Dei dilectio, quæ est actus voluntatis, quàm cognitio, quæ est operatio intellectus, ut patet per Apostolum 1. ad Corinth. 13. ergo videtur quod beatitudo consistat in actu voluntatis.

Respondeo. Augustinus dicit in 13 de Trin. quod beatus est qui habet omnia quæ vult, & nihil vult male: & post pauca subdit, Et appropinquat beato qui bene vult quodcumque vult: bona enim beatorum faciunt quorum bonorum iam habet aliquid, ipsam scilicet bonam voluntatem. ergo beatitudo in actu voluntatis consistit.

Sed contra est, quod Dominus dicit Ioan. 17. Hæc est vita æterna ut cognoscant te Deum verum vnum: vita autem æterna est vltimus finis, ut dictum est. ergo beatitudo hominis in cognitione Dei consistit, quæ est actus intellectus.

CONCLUSIO.

Quam finem intelligibilem non conseruamus, nisi per hoc quod sit nobis præiens per actum intellectus: oportet beatitudinem essentialiter in actu intellectus consistere, & non nisi actum.

R. P. Philippi Carm. d. scilicet. Disput. Theolog. in 1. 2.

cidentaliter (secundum ipsam scilicet delectationem quæ beatitudinem consequitur) in actu voluntatis.

Respondeo dicendum, quod ad beatitudinem, sicut supra dictum est, duo requiruntur. Vnum, quod est esse beatitudinis: aliud, quod est quasi per se accedens eius scilicet delectatio ei adiuncta. Dico ergo, quod quantum ad id quod est essentialiter ipsa beatitudo impossibile est quod consistat in actu voluntatis. Manifestum est enim ex præmissis, quod beatitudo est consecutio finis vltimi: consecutio autem finis non consistit in ipso actu voluntatis, voluntas autem fertur in finem & abiectionem, cum ipsum desiderat, & præterit, cum in ipso requiescens delectatur. manifestum est autem quod ipsum desiderium finis non est consecutio finis, sed est motus ad finem: delectatio autem aduenit voluntati ex hoc, quod finis est præsens, non autem è conuerso ex hoc aliquid sit præsens, quia voluntas delectatur in ipso: oportet igitur aliquid aliud esse quàm actum voluntatis, per quod sit finis ipse præsens voluntati. Et hoc manifeste apparet circa fines sensibiles, si enim consequi pecuniam esset per actum voluntatis, statim à principio cupidus consecutus esset pecuniam, quando vult eam habere, sed à principio quidem est absens ei: consequitur autem ipsam per hoc quod manu ipsam apprehendit, vel aliquo huiusmodi, & tunc iam delectatur in pecunia habita; sic igitur & circa intelligibilem finem coniungit, nam à principio volumus consequi finem intelligibilem: consequimur autem ipsum per hoc quod sit præsens nobis per actum intellectus, & tunc voluntas delectatur in actu intellectus conficit, sed ad voluntatem pertinet delectatio beatitudinem consequens, secundum quod Augustinus dicit 10. confess. quod beatitudo est gaudium de veritate: quia scilicet ipsum gaudium est consummatio beatitudinis.

Ad primum ergo dicendum, quod pax pertinet ad vltimum hominis finem, non quasi essentialiter sit ipsa beatitudo: sed quia antecedenter & consequenter habet se ad ipsam. antecedenter quidem in quantum iam sunt remota omnia perturbantia & impediencia ab vltimo fine: consequenter vero in quantum iam homo adeptus vltimo fine, remanet pacatus desiderio quietato.

Ad secundum dicendum, quod primum obiectum voluntatis non est actus eius: sicut nec primum obiectum visus est visio, sed visibile. vnde ex hoc ipso quod beatitudo pertinet ad voluntatem tanquam primum obiectum consequitur quod non pertineat ad ipsam tanquam actus ipsius.

Ad tertium dicendum, quod finem primo apprehendit intellectus quàm voluntas: tamen motus ad finem incipit in voluntate: & ideo voluntati debetur id quod vltimo consequitur consecutionem finis, scilicet delectatio vel fructus.

Ad quartum dicendum, quod dilectio præminet cognitioni in mouendo, sed cognitio præuat dilectioni in attingendo. non enim diligitur nisi cognitum: ut dicit Augustinus in 10. de Trin. & ideo intelligibilem finem primo attingimus per actionem intellectus, sicut & finem sensibilem primo attingimus per actionem sensus.

Ad quintum dicendum, quod ille qui habet omnia quæ vult ex hoc est beatus, quod habet ea quæ vult quod quidem est per aliud quàm per actum voluntatis sed nihil malè velle requiritur ad beatitudinem, sicut quædam debita dispositio ad ipsam, voluntas autem bona ponitur in numero bonorum, quæ beatorum faciunt. prout est inclinatio quædam in ipsa: sicut motus reducitur ad genus sui termini: ut alteratio ad qualitatem.

ARTICVLVS V.

Virum beatitudo sit operatio intellectus speculatiui, an practici.

AD QVINTUM sic proceditur. Videtur, quod beatitudo consistat in operatione intellectus practici. finis enim vltimus cuiuslibet creature consistit in assimilatione ad Deum. Sed homo magis assimilatur Deo per intellectum practicum, quæ est causa rerum intellectarum, quàm per intellectum speculatiuum, cuius scientia accipitur à rebus ergo beatitudo hominis magis consistit in operatione intellectus practici, quàm speculatiui.

Respondeo. Beatitudo est perfectum bonum hominis. Sed intellectus practicus magis ordinatur ad bonum, quàm speculatiuus, qui ordinatur ad verum. vnde & secundum perfectionem practici intellectus dicimur boni: non autem secundum perfectionem speculatiui intellectus, sed secundum eam dicimur scientes vel intelligentes. ergo beatitudo hominis magis consistit in actu intellectus practici quàm speculatiui.

Respondeo. Beatitudo est quoddam bonum ipsius hominis. Sed speculatiuus intellectus occupatur magis circa ea quæ sunt extra hominem; practicus autem intellectus occupatur circa ea quæ sunt ipsius hominis, scilicet circa operationes & passionem eius. ergo beatitudo hominis magis consistit in operatione intellectus practici, quàm intellectus speculatiui.

Sed contra est, quod Augustinus dicit in 1. de Trin. quod contemplatio promittitur nobis, adionum omnium finis, atque æterna perfectio gaudiorum.

CONCLUSIO.

Principaliter in speculatiui intellectus operatione, ut in optima, & maximo propter sensum quædam & qua homo cùm Deo angelisque communicat, beatitudo nostra reueritur, licet secundariè in practici intellectus operatione consistat.

Respondeo dicendum, quod beatitudo magis consistit in operatione speculatiui intellectus quàm practici, quod patet ex tribus. Primo quidem ex hoc, quod si beatitudo hominis est operatio, oportet quod sit optima operatio hominis.

ARTICVLVS VIII.

Vtrum beatitudo hominis sit in visione diuinæ essentia.

24. **A**DOCTAVVM sic proceditur. Videtur quod beatitudo hominis non sit in visione ipsius diuinæ essentia: dicit enim Dionysius in ca. mysticæ Theologia. Quod per id quod est supremum intellectus, homo Deo coniungitur, sicut omnino ignoto: sed id quod videtur per essentiam, non est omnino ignotum: ergo vltima intellectus perfectio seu beatitudo, non consistit in hoc quod Deus per essentiam videtur.

¶ 2. Præterea, Altioris naturæ perfectio altior est: sed hæc est perfectio diuinæ intellectus propria, ut suam essentiam videat. ergo vltima perfectio intellectus humani ad hoc non pertingit: sed infra subsistit.

¶ 3. D. contra est, quod dicitur 1. Ioan. 3. Cum apparuerit, similes ei erimus, & videbimus eum, sicuti est ipse.

CONCLUSIO.

Cum Deus sit omnium prima causa, ad cuius essentiam cognoscendam remanet naturaliter hominis effectum cognoscendi desiderium, non nisi in illius essentia visione penenda est hominis beatitudo.

RESPONDENDO dicendum, quod vltima & perfecta beatitudo non potest esse nisi in visione diuinæ essentia. Ad cuius evidentiam duo consideranda sunt. Primo quidem, quod homo non est perfecte beatus quandiu restat sibi aliquid desiderandum & querendum. Secundum est, quod vniuersumque potentia perfectio attenditur secundum rationem sui obiecti: Obiectum autem intellectus est quod quid est, id est essentia rei, ut dicitur in 3. de anima. unde tantum procedit perfectio intellectus in quantum cognoscit essentiam alicuius rei. Si ergo intellectus aliquis cognoscit essentiam alicuius effectus per quam non possit cognosci essentia causæ, ut scilicet sciat de causa quid est, non dicitur intellectus attingere ad causam simpliciter quatinus per effectum cognoscere possit de causa an sit. Et ideo remanet naturaliter homini desiderium, cum cognoscit effectum, & scit eum habere causam, ut etiam sciat de causa quid est: & illud desiderium est admirationis, & causat inquisitionem, ut dicitur in principio 2. Metaphysicæ. Pura si aliquis cognoscens eclipsim solis, considerat quod ex aliqua causa procedit, de qua, quia nescit quid sit, admiratur, & admirando inquiri: nec ista inquisitio quiescit quousque perueniat ad cognoscendum essentiam causæ. Si igitur intellectus humanus cognoscens essentiam alicuius effectus creati non cognoscit de Deo nisi an est: nondum perfectio eius attingit simpliciter ad causam primam: sed remanet ei adhuc naturale desiderium inquirendi causam: unde nondum est perfecte beatus. Ad perfectam igitur beatitudinem requiritur quod intellectus pertingat ad ipsam essentiam primæ causæ: & sic perfectionem suam habeat per unionem ad Deum sicut ad obiectum in quo sola beatitudo hominis consistit, ut supra dictum est.

¶ A. v. primum ergo dicendum, quod Dionysius loquitur de cognitione eorum qui sunt in viatendentes ad beatitudinem.

¶ A. v. secundum dicendum, quod sicut supra dictum est, finis potest accipi dupliciter. Vno modo, quantum ad rem ipsam quæ desideratur: & hoc modo idem est finis & superioris & inferioris naturæ imò omnium rerum: ut supra dictum est. Alio modo, quantum ad consecutionem huius rei: & sic diuersus est finis superioris & inferioris naturæ secundum diuersam habitudinem ad rem talem: sic igitur altior est beatitudo Dei suam essentiam intellectu comprehendentis, quam hominis vel angeli videntis, & non comprehendentis.

Art. 1. in
quo q.

Art. 1. in
quo q.

Art. 1. in
quo q.

DISPUTATIO V.

De Beatitudine Formali.

PRÆMISSIS iis, quæ ad beatitudinem obiectiuam pertinent, accedimus ad examinanda illa quæ spectant ad beatitudinem formalem: sed quia plura ad illam spectantia iam in materia de visione Dei prima parte adducta & declarata sunt; in præsentem solum adducentur & declarabuntur, quæ ibi considerantur ad materiam beatitudinis pertinentia.

DVBIUM I.

Vtrum beatitudo formalis in recto considerata sit aliquid creatum.

SUpponendum est, quod beatitudo formalis importat aliquid in recto, & aliud in obliquo: Cum enim beatitudo formalis essentialiter consistat in assecutione & possessione summi bo-

ni, importat in recto ipsam assecutionem & possessionem, in obliquo autem importat summum bonum quasi obiectum suum; unde bene definitur beatitudo formalis, quod sit assecutio & possessio summi boni: beatitudo autem obiectiua importat in recto summum bonum, & in obliquo assecutionem ac possessionem ipsius; unde definitur quod sit summum bonum possessum, ubi eius assecutio & possessio connotatur: Ut verò beatitudo comprehendit utramque scilicet obiectiuam & formalem, definitur quod sit status omnium bonorum aggregatione (quod idem est ac summi boni assecutione & possessione) perfectus. Constat autem ex dictis tota disputatione præcedenti, quod beatitudo obiectiua non est aliquid creatum, sed est bonum diuinum increatum: Quærimus igitur in præsentem dubio, utrum beatitudo formalis in recto considerata sit etiam aliquid increatum, sicut est aliquid increatum ratione obiecti in obliquo importati, vel utrum sit aliquid creatum.

Prima opinio Henrici de Gandauo quodlib. 13. qu. 12. negat quod beatitudo formalis sit aliquid creatum: asserit enim quod sit diuina essentia vnita per illapsum cum anima beati. Probat authoritate sacre Scripturæ & Sanctorum Patrum, ubi sæpe habetur quod Deus est beatitudo nostra, & quod beati sunt Dij; Item quod beatitudo est ipsa Diuinitas: sed hi modi loquendi non sunt veri, nisi beatitudo formalis, quæ simpliciter dicitur beatitudo, sit ipsa diuina essentia vnita per illapsum cum anima beati, ac proinde nisi sit aliquid increatum: ergo beatitudo formalis in recto considerata non est aliquid creatum.

Secundò, Beatitudo formalis importat in sua ratione maximam & perfectissimam unionem, quæ potest esse inter Deum & beatum, cum ex vi ipsius beatus fiat Deus per participationem: sed maior & perfectior est unio Dei cum beato per intimam illapsam diuinæ essentia, quam quæcumque alia; imò hæc est maxima & perfectissima quæ potest esse, cum sit immediata coniunctio Dei cum beato, excludens quodcumque medium: ergo beatitudo formalis in recto considerata non est aliquid creatum.

Tertiò, Beatitudo formalis in recto considerata est summum bonum, & vltimus finis creaturæ intellectualis; est enim summum eius dilectum, cuius gratia diligit cætera, ut cõmuniter conceditur, & constat ex eo quod beatitudo formalis debet esse perfecte satiatu appetitus intellectualis, quod non esset, nisi esset summum bonum & vltimus finis eius, in quo perfecte quiesceret: sed ratio summi boni & vltimi finis non potest competere alicui creato in ordine ad naturam intellectualem, cum summum bonum & vltimus finis creaturæ intellectualis debeat esse bonum infinitum, ut pote perfecte satiatu appetitus intellectualis infinite capacis, esse autem bonum

bonum infinitum repugnat cuicumque creato: ergo beatitudo formalis in recto considerata non est aliquid creatum.

CONCLUSIO.

RESPONDEO dicendum, quòd licet Deus sit intimè vnitus beatis per illapsum diuinæ essentiae in ipsos. 2. beatitudo tamen formalis in recto considerata non consistit in hoc illapsu: vnde beatitudo formalis est aliquid creatum, & non diuina essentia vt vnita per illapsum mentibus beatorum. Ita communiter omnes Theologi tam antiqui, quàm moderni: nec desunt, qui pro nostra sententia interpretentur Henricum.

Probatur & explicatur prima pars conclusionis: Aliquid illabi in aliud est recipi intra terminos ipsius quasi superius in inferiori; nam propriè aqua (à qua deriuatur ad alia nomen illapsus) non dicitur illabi, nisi ex loco superiori & eminentiori diffundatur: vnde si diuinitus vnum corpus penetraret aliud, non tamen propriè diceretur illabi ei. Ex quo sequitur quod tantum res spirituales possunt illabi corporeis, & solus Deus potest illabi & de facto illabitur omnibus rebus tam corporeis, quàm spiritualibus: quod sic ostenditur, Deus est vbi operatur, ita vt operatio sit ratio formalis constitutiua rei purè spiritualis in aliquo, vt communiter docent discipuli D. Thomæ 1. p. q. 8. sed Deus intimè operatur in omnibus beatis, imò & in omnibus rebus, intra terminos scilicet ipsius essentiae cuiuscunque rei creatæ, dando simul & continuo influxu conseruando esse, quod est terminus ipsius essentiae: ergo Deus est intimè vnitus beatis per illapsum diuinæ essentiae in ipsos. Quod sic declarat D. Thomas in 2. d. 8. art. 5. ad 3. vbi ait: Esse intra aliquid est esse intra terminos eius: corpus enim habet terminos duplicis rationis, scilicet quantitatis & essentiae: Et ideo Angelus operans intra terminos corporalis quantitatis corpori illabitur: non autem ita quòd sit intra terminos essentiae suæ, nec sicut pars, nec sicut virtus dans esse, quia esse est per creationem à Deo. Substantia autem spiritualis non habet terminos quantitatis, sed tantum essentiae: Et ideo in ipsam non intrat nisi ille qui dat esse, scilicet Deus creator, qui habet intrinsecam essentiae operationem.

Probatur secunda pars conclusionis auctoritate sacrae Scripturae, Conciliorum, & Sanctorum Patrum, apud quos sæpe habetur quod beatitudo formalis consistit in visione & fruitione Dei, vt ostensum est 1. p. circa qu. 12. Et maxime constat ex illo Ioannis 17. Hæc est vita æterna, vt cognoscant te solum Deum verum: imò videtur hæc doctrina fuisse definita à Benedicto XII. dicente in quadam Extrauaganti, animas esse beatas visione ac fruitione diuinæ essentiae, & eam visionem ac fruitionem futuram æternam & perpetuam absque vlla interruptione. Deinde probatur triplici ratione D. Thomæ. Pri-

ma sic traditur ex his quæ docet hic art. 1. Beatitudo formalis nihil est aliud, quàm adeptio vel fruitio finis vltimi, siue Dei vt summi boni nostri: sed talis adeptio & fruitio non est illapsus Dei in beatos, cum in illapsu beati se habeant vt patientes & Deus vt operans in eis dando esse; & tamen adeptio & fruitio important actionem seu operationem beatorum circa Deum, quem adipiscuntur & adepto fruuntur: ergo beatitudo formalis in recto considerata, siue quantum ad ipsam essentiam beatitudinis, vt ait D. Thomas, non consistit in illapsu diuinæ essentiae in beatos. Secunda habetur q. præcedenti art. 4. Beatitudo formalis habet rationem finis *quo*, sicut beatitudo obiectiua habet rationem finis *qui*, quia beatitudo consistit adæquatè in adeptione vltimi finis summi boni, in qua includitur tam finis *qui*, quàm finis *quo*, sicut nec diuina essentia vt illapsa habet rationem finis *qui*, at potius habet rationem principij operantis, vt dictum est in prima parte conclusionis: ergo beatitudo formalis non consistit in illapsu diuinæ essentiae in beatos. Tertia habetur 3. contra Gentes cap. 26. Beatitudo formalis est propria rationali creaturæ, siue illi soli conuenit, & non irrationabilibus vt communiter conceditur: sed illapsus diuinæ essentiae non est proprius beatorum, at est communis ipsis cum omnibus aliis creaturis, nam Deus illabitur æquè omnibus creaturis formaliter loquendo per operationem, quamuis de materiali sit diuersus illapsus propter diuersitatem operationum siue effectuum productorum: ergo licet concederetur quòd ratione specialis effectus, quem Deus operatur in beatis, esset in eis beatitudo formalis, adhuc beatitudo formalis non consisteret in prædicto illapsu, at in effectum per ipsum productum. Vnde exemplum de ferro candente adductum ab aduersariis deficit; Tum quia falsum est ignem commisceri ferro, nam licet in poris ferri possint esse aliquæ scintillæ ignis, tamen non ignis peruadit totum ferrum, at calor & candor qui sunt effectus ignis; Tum quia esto ignis posset sic permisceri ferro immutando ipsū formaliter physice, tamen diuina essentia est impermixtibilis hoc modo creaturis, quasi formaliter physice seipsa illas immutet, solo namque effectum à se productum potest illas immutare.

A d primum ergo dicendum, quòd quando in sacra Scriptura & apud Sanctos Patres Deus vel Diuinitas dicitur beatitudo, ibi intelligitur de beatitudine obiectiua, & non de formali; vel ibi talis locutio est in sensu causali & non in sensu formali, si intelligatur de beatitudine formali; vel tandem diuinitas sumitur ibi participatiue & non formaliter, vt docet D. Thomas hic art. 1. ad 1. quia beatitudo formalis est quædam participatio diuinitatis.

A d secundum dicendum, quòd esto vnio Dei cum creatura per illapsum esset omnium maxima (quod tamen est falsum, nam vnio hypostatica

postatica est maior, cum hæc sit ad vnitatem diuinæ Personæ, & non illa; adhuc in tali vnione per illapsum non consisteret beatitudo formalis creaturæ intellectualis propter rationes adductas, sicut propter easdem rationes debite applicatas beatitudo formalis animæ Christi Domini non consistit in vnione hypostatica omnium maxima, quæ possunt esse Dei cū creaturis: & ita beatitudo formalis debet consistere in aliquo, quod sit formalis possessio Dei vt ultimi finis; licet sit quid medium inter Deum possessum & creaturam possidentem, imò necesse est esse quid medium per modum actionis, vt infra dicetur.

A d. tertium dicendum cum D. Thoma hîc art. 1. ad 2. quòd beatitudo formalis dicitur esse summum bonum hominis, quia est adeptio vel fruitio summi boni; & dicitur vltimus finis per modum quo adeptio finis dicitur finis. Vel dicendum cum eodem Angelico doctore 1. p. q. 26. art. 3. ad 1. quòd beatitudo quantum ad obiectum est summum bonum simpliciter: sed quantum ad actum in creaturis beatis est summum bonum non simpliciter, sed in genere bonorum participabilem à creatura. Dicitur autem beatitudo formalis summū dilectum creaturæ, non simpliciter, sed dilectione concupiscentiæ, vt docet D. Th. in 4. d. 49. q. 1. art. 2. quæstioncula 1. ad 3. dicens: Beatitudo ergo creata, quæ in nobis est, non diligitur nisi dilectione concupiscentiæ: vnde eius dilectionem referimus ad nos, & per consequens referimus eam in Deum, cum & nos in Deum referre debeamus; & ita non potest esse vltimum dilectum: est tamen vltimum concupitū, ex hoc ipso quod est maximum bonum, quod nobis in coniunctione ad Deum prouenit; & ideo dicitur esse propter se quæsitū vel desideratum, vtrumque enim importat aliquid vltimum in his quæ diliguntur amore concupiscentiæ: Etsi enim Deus concupiscatur, tamen idem est concupiscere Deum, & maximum bonorum quod nobis ex Deo prouenit; sicut idem est concupiscere vinum & effectū vini in nobis, puta delectationem.

D V B I U M II.

Vtrum beatitudo formalis consistat in operatione partis intellectiue.

Supponendum est, quòd in homine compositum ex anima spiritali & corpore distinguimus duas partes: prima dicitur superior & intellectiua, cuius potētiæ sunt intellectus & voluntas, operationes autem intellectio & volitio: secunda dicitur pars inferior & sensitiua, cuius potētiæ sunt non solum omnes sensitiuæ tam internæ quàm externæ cum suis actibus, sed etiam potētiæ vegetatiuæ item cum suis actibus. Quærimus ergo in præsentī dubio, vtrum beatitudo formalis consistat in operatione partis intellectiue indeterminatè loquendo, siue sit intellectio, siue

fit volitio: in quo quæsitō duo virtualiter continentur; primum est, vtrum beatitudo formalis consistat in aliqua operatione, vel in aliquo habitu; secundum autem, vtrum supposito quod beatitudo formalis consistat in aliqua operatione, talis operatio sit partis intellectiue, vel sensitiue. Ad cuius euidētiā sciendum est ex D. Thoma hîc art. 3. quòd ad beatitudinem potest aliquid pertinere tripliciter. Vno modo essentialiter, quando scilicet in ea sita est ratio beatitudinis, ita vt sine eo non sit beatitudo. Alio modo antecedenter, quasi preparans & disponens ad beatitudinem. Tertio modo consequenter, quasi proprietas & complementum ipsius beatitudinis.

Prima opinio D. Bonauenturæ in 4. d. 49. 1. p. distinct. q. 1. ad vltimum asserit, quòd beatitudo formalis consistit simul in habitu & operatione, & principalius in habitu quàm in operatione. Probat: Beatitudo formalis debet consistere in aliquo perfectissimo, vt communiter conceditur; cum sit perfectissima adeptio summi boni: sed habitus est perfectior operatione; Tum quia habitus supernaturalis, qualis debet esse beatificus, est causa principalis suæ operationis, & non è contra; Tum quia habitus ex propria ratione est quid permanens & diuturnum, operatio autem citò transiit; Tum quia habitus est actualior operatione, in quantum excludit maiorem potentialitatē à subiecto; Tum quia priuatio habitus est peior, quàm priuatio operationis, & consequenter habitus est melior ac perfectior operatione, illa quippe forma est melior, cuius priuatio est peior: ergo beatitudo formalis principalius consistit in habitu quàm in operatione.

Secundò, Beatitudo formalis consistit in affectione ac possessione summi boni scilicet Dei: sed per habitum luminis gloriæ antecedenter ad omnem operationem Deus perfectissimè habetur & possidetur, talis enim habitus est dispositio proxima vnionis diuinæ essentiæ cum beatis: ergo beatitudo formalis principalius consistit in habitu quàm in operatione.

Tertiò, Si beatitudo formalis principalius consistet in operatione, sequerentur plura inconuenientia. Primum quidem, quòd definitio beatitudinis communiter recepta, & tradita à Boëtio in 3. de Consolatione, esset falsa: nam dicitur status omnium bonorū aggregatione perfectus, status autem importat habitum, non operationem. Secundum esset, quòd homo esset sibi causa suæ beatitudinis, cum sit causa suæ operationis, & consequenter beatificaret seipsum. Tertium esset, quòd beatus præmiaret seipsum, siue esset principium sui præmij, sicut esset principium sui meriti; nam ex vna parte beatitudo formalis est præmium meritorum, ex alia verò parte beatus esset principium effectuum suæ operationis beatificæ: & tamen constat quòd qui meretur, debet ab alio præmiari.

CONCLV

CONCLUSIO.

RESPONDEO dicendum, quòd beatitudo formalis non consistit in aliquo habitu 2. etià operatiuo. 3. sed consistit in operatione partis intellectiue. 4. ad beatitudinem enim perfectà operatio partis sensitiue se habet tantum cōsequenter. Ita communiter discipuli D. Thomæ & alij.

Probatur prima pars conclusionis: Habitus requiritur vel in ordine ad esse, vel in ordine ad operari: habitus requisitus in ordine ad esse, est vnicus scilicet gratia sanctificans, quæ subiectata in substantia animæ intellectualis ipsam eleuat ad esse supernaturale, & facit participatiue diuinam: in ordine quippe ad esse naturale quælibet res est ex propria sua entitate in sua specie completa & perfecta: habitus requisitus in ordine ad operari, est multiplex iuxta multiplicem specie operationem. Hæc prima pars conclusionis procedit de habitu requisito in ordine ad esse, & probatur quòd beatitudo formalis non consistit in tali habitu: In omni ordine prius est esse, quàm beatum esse, quia beatitudo formalis est quædam accidentalis perfectio adueniens subiecto: ergo non consistit in aliquo habitu requisito ad esse. Deinde, si beatitudo formalis consisteret in aliquo habitu requisito in ordine ad esse, maximè consisteret in habitu gratiæ sanctificantis, qui constituit in ordine ad esse supernaturale; proportionatum beatitudini formali supernaturali: sed beatitudo formalis non consistit in habitu gratiæ sanctificantis, nam aliàs sequeretur, quòd omnis iustus habens gratiam sanctificantem esset formaliter beatus hac beatitudine perfecta, de qua loquimur in præsentem (quod tamen est falsum) cum vnicus sit in specie habitus gratiæ sanctificantis hîc in via inchoatus, & consummatus in Patria propter adiunctam visionem beatificam, in qua diceretur dubio sequenti consistere beatitudinem formalem: ergo beatitudo formalis non consistit in aliquo habitu requisito in ordine ad esse.

Probatur secunda & tertia pars conclusionis ratione D. Thomæ hîc art. 2. aliquantulum expensa: Beatitudo formalis est vltima hominis perfectio, cum sit adeptio & possessio vltimi finis, ac proinde perfectio non vltèrius ordinata, & consequenter vltima: sed habitus operatiuus non est vltima hominis perfectio, cum talis habitus ordinetur ad suam operationem, & per ipsam perficiatur, sicut & potentia; & sic operatio potius est vltima hominis perfectio intrinseca (& maximè si sit actio vitalis immanens, qualis est illa in qua constituemus beatitudinem formalem;) quia vnumquodque in tantum perfectum est, in quantum est actu: ergo beatitudo formalis non consistit in aliquo habitu operatiuo, sed consistit in operatione, & quidem partis intellectiue, quæ sola potest attingere Deum summum bonum obiectum beatitudinis. Deinde probatur alia ratione D. Thomæ in 4. d. 49. q. 1.

art. 2. quæstiuncula 2. sic breuiter ad formam reducta: Beatitudo formalis consistit in perfectissima coniunctione creature intellectualis ad Deum, per modum assecutionis & possessionis; quia beatitudo formalis est vltimus finis intrinsecus creature intellectualis, & Deus est vltimus eius finis extrinsecus, & ita beatitudo formalis consistit in perfectissima illa coniunctione: sed creatura intellectualis intimius & perfectius coniungitur Deo per operationem partis intellectiue, quàm per habitum operatiuum; quia non attingit Deum quasi obiectum beatificum & vltimum finem, immediatè per habitum operatiuum, at immediatè illum attingit per operationem partis intellectiue, habitus quippe mediante propria operatione attingit suum obiectum: ergo beatitudo formalis non consistit in habitu operatiuo, sed consistit in operatione partis intellectiue.

Probatur quarta pars conclusionis tum auctoritate, tum ratione D. Thomæ hîc art. 3. Et quidem quòd beatitudo formalis non consistat essentialiter in operatione partis sensitiue, sed tantum in operatione partis intellectiue, sic probat: Beatitudo hominis (scilicet formalis de qua in hac quæstione loquitur) consistit essentialiter in coniunctione ipsius ad bonum increatum, quod est vltimus finis, vt supra ostensum est, cui homo coniungi non potest per sensus operationem: Et ratio est manifesta, quia bonum diuinum increatum est omnino spirituale, & ita non potest attingi vitaliter per operationem corpoream sensus. Quòd autem beatitudo formalis consistat consequenter in operatione partis sensitiue, sic probat ex Augustino: Post resurrectionem ex ipsa beatitudine animæ, vt Augustinus dicit in epistola ad Dioscorum, fiet quædam refluencia in corpus, & in sensus corporeos, vt in suis operationibus perficiantur: Et ratio potest adduci, quia illa perfecta beatitudo est status omnium bonorum aggregatione perfectus, vnde requirit perfectionem operationum vtriusque partis hominis, per se quidem partis intellectiue consequenter autem partis sensitiue ex redundantia intellectiue, cui in illo statu ordinatissimo pars sensitiua perfectè subordinatur. Non potest dici quod beatitudo formalis consistat antecedenter in operatione partis sensitiue, si loquamur de beatitudine perfecta alterius vitæ, quia vt ait D. Thomas ibidem, tunc operatio qua mens humana Deo coniungitur, à sensu non dependebit: si verò loquamur de beatitudine imperfecta, qualis in præsentem vitam haberi potest, hæc beatitudo consistit antecedenter in operatione partis sensitiue, quia operatio intellectus, in qua essentialiter consistit, præexigit operationem sensus.

Ad primum ergo dicendum, quòd simpliciter loquendo operatio est perfectior habitu, quamuis secundum quid habitus sit perfectior operatione. Vnde ad primam probationem in

con

contrarium dicendum, quod habitus supernaturalis est causa principalis suae operationis quantum ad rationem specificam ipsi correspondentem, quantum vero ad maiorem actualitatem quae est in operatione, & ratione cuius operatio est perfectior habitu, ipse habitus non concurret in propria virtute, sed in virtute diuinæ promotionis: Quod autem operatio non sit causa principalis habitus supernaturalis, prouenit ex hoc quod habitus supernaturales sunt veræ proprietates gratiae, & ita debent produci ab ipsomet Deo à quo producitur gratia, quod est ipsos emanare à gratia. Ad secundam probationem dicendum, quod maior actualitas operationis supra habitum arguit maiorem simpliciter perfectionem operationis supra habitum: maior autem permanentia & diuturnitas habitus supra operationem, arguit tantum maiorem perfectionem secundum quid habitus supra operationem; quod adhuc in praesenti non contingit, nam operatio in qua essentialiter consistit beatitudo formalis perfecta, est aeterna. Ad tertiam probationem dicendum, quod operatio est actualior habitu, excludit enim à subiecto totam potentialitatem, & habitus relinquit in ipso potentialitatem ad operationem posteriorem ipso habitu. Ad quartam probationem dicendum, quod quia priuatio habitus infert priuationem operationis, & non e contra, sequitur quod priuatio habitus est peior priuatione actus: non autem si formaliter & cum praecisione loquamur.

A d secundum dicendum, quod per lumen gloriae Deus quidem vnitur cum beatis speciali modo, per hoc quod sit illis praesens in ratione obiecti beatifici, sed in actu primo: in hac tamen vnione, vt pote non perfecta, non consistit beatitudo formalis, sed in vnione Dei cum beatis per modum obiecti beatifici in actu secundo, & hac vnio fit per operationem partis intellectiuae, quae est vera affectio & possessio Dei optimi, maximi, ac summi boni.

A d tertium dicendum, quod ex dictis nullum sequitur inconueniens. Non primum, quia cum operatio in qua sita est beatitudo formalis, sit permanens & aeterna, aliunde vero sit quid actualissimum ac perfectissimum, constituit perfectiorem statum, quam constitueret habitus. Nec sequitur secundum, quia cum lumen gloriae à solo Deo communicatum sit tota virtus proxima visionis beatificae, & aliunde solus Deus sit obiectum beatitudinis, non potest absolute dici quod homo sit causa suae beatitudinis, aut quod se beatificet, quia in hac propositione potius importatur causalitas formalis & maxime extrinseca, quam causalitas effectiua: si autem dicta propositio exponatur de causalitate effectiua, est vera, sicut ista Ioannis 3. Qui habet hanc spem in eo, sanctificat se; & tamen homo minus concurret ad suam sanctificationem, quam

ad suam beatitudinem. Nec tandem sequitur tertium, quia praemium beatitudinis inchoatur in receptione luminis gloriae, ad quam homo se habet tantum passiuè, completur autem in visione beata, ad quam homo concurret actiuè sed in virtute luminis gloriae: non autem est inconueniens, quod homo sit hoc modo principium sui praemij; ad quod supposito lumine gloriae concurret necessariò, cum tamen concurrat liberè ad meritum.

D V B I U M III.

Vtrum beatitudo formalis consistat essentialiter in operatione intellectus.

SUPponendum est, quod sicut in parte intellectiua sunt duae potentiae, scilicet intellectus & voluntas, sic sunt duae operationes genericè sumptae; scilicet intellectio & volitio. Querimus ergo in praesenti dubio, in quam ipsarum beatitudo formalis essentialiter consistat. Ad cuius euidentiam supponimus, quod beatitudo formalis non potest ex aequo & essentialiter consistere in vtraque simul operatione, vt docet D. Thomas hic art. 2. ad 4. vbi sic ait de beatitudine formali Angelorum: In Angelis autem beatitudo est vltima perfectio secundum aliquam operationem, qua coniunguntur bono increato; & hac operatio est in eis vnica & sempiterna. Et paulò infra loquens de beatitudine formali perfecta hominum in alia vita sic ait: Vna & continua & sempiterna operatione, in illo beatitudinis statu mens hominis Deo coniungitur: Idem docet art. 4. & 8. & alibi saepe. Cuius ratio est, quam assignat D. Thomas locis citatis: quia beatitudo formalis debet esse quid maximè & per se vnum; Tum quia est maxima perfectio beati; Tum quia si beatitudo formalis non esset quid vnum per se, non posset in particulari definiri: ergo beatitudo formalis essentialiter considerata consistit in vna tantum operatione, quamuis ad eius complementum accidentale plures concurrant, vt constabit ex dicendis in hoc dubio. Vnde cum sacra Scriptura, Sancti Patres, & Concilia constituunt beatitudinem essentialem tum in visione, tum in fruitione Dei, vt maximè habetur expressum in Catechismo Romano, dum 1. p. ad illa verba Symboli, Vitam aeternam, dicitur: Solida quidem beatitudo, quam essentialem communi nomine licet vocare in eo sita est, vt Deum videamus, eiusque pulchritudine fruamur. Per beatitudinem essentialem intelligunt illud omne, quod per se necessariò & vniuersaliter concurret ad beatitudinem, quamuis non sit ipsa essentia beatitudinis, sed tantum sit proprietas inseparabilis & complementum eius intrinsecum: & hoc modo tam visio, quam fruitio Dei pertinent ad beatitudinem essentialem, visio quidem vt essentia beatitudinis, fruitio au-

L tem

tem ut proprietates: apud ipsos enim ponitur beatitudo essentialis ad excludendam accidentalem, quæ confurgit variabiliter ac contingenter ex bono creato. Nec dictis obstat, quod beatitudo definitur esse status omnium bonorum aggregatione perfectus: ad hanc autem perfectionem status requiritur non solum affectio summi boni per actum intellectus, sed etiam delectatio & fruitio de tali bono per actum voluntatis; maxime quia seclusa fruitione summi boni appetitus non esset perfecte satiatus, at esset adhuc inquietus aliquid ultra appetens, quod repugnat perfecto statui beatitudinis essentialis. Dicendum enim quod illa definitio, prout applicatur beatitudini formali, per omnium bonorum aggregationem, intelligit possessionem omnium bonorum siue summi boni, quæ possessio est per actum intellectus, & est radix omnium aliarum perfectionum, quæ in beato reperiuntur, quasi proprietates consequentes talem possessionem: Unde appetitus beati est summe quietus per possessionem summi boni, nec ultra ei restat appetendum aliquid in esse obiecti beatifici, in quo consistit eius beatitudo essentialis; quamvis ad complementum ipsius intrinsecum per modum proprietatis, requiratur fruitio summi boni, & ad complementum extrinsecum requirantur alie perfectiones, originatæ à beatitudine essentiali, & in illa radicate, ut amplius constabit ex dicendis. Cum igitur beatitudo formalis essentialiter considerata consistat in unica & simplici operatione partis intellectiue, queritur nunc an talis operatio sit intellectus, an voluntatis.

Prima opinio asserit, quod beatitudo formalis consistat essentialiter in operatione intellectus: sed eius sectatores differunt in assignanda operatione voluntatis, in qua consistat essentialiter beatitudo formalis: nam Scotus cum suis discipulis dicit esse amorem amicitie, quem vocat fruitionem: Aureolus autem cum aliis dicit esse delectationem de Deo viso, quam reducit ad amorem concupiscentie. Probatur hæc opinio uniuersaliter quantum ad hoc, in quo conueniunt eius authores, & in quo aduersantur doctrinæ Thomisticæ: Primo autoritate sacre Scripturæ & Sanctorum Patrum. Psalmo 35. dicitur: Inebriabuntur ab ubertate domus tuæ, & torrente voluptatis tuæ potabis eos. Matthæi 25. Intra in gaudium Domini tui. Ioannis 16. Gaudium vestrum nemo tollet à vobis: Quæ omnia & similia loca indicant beatitudinem formalem essentialiter consistere in actu voluntatis. Augustinus lib. 10. Confess. cap. 21. ait: Omnes ipsum gaudium vitam beatam vocant. Et lib. 8. de Ciuitate Dei cap. 9. ait: Nemo beatus est, qui eo quod amat, non fruitur. Et lib. 19. cap. 11. dicit, quod beatitudo hominis in pace consistit: Constat autem quod gaudium, fruitio, & pax sunt actus voluntatis. Tandem D. Thomas in multis locis hanc docet opinionem. Infra q. 11. art. 3. ad 3. ait:

Deus est ultimus finis, sicut res quæ ultimo queritur; fruitio autem sicut adeptio huius ultimi finis: Et post pauca subdit: Eadem ratio fruitionis est, qua fruimur Deo, & qua fruimur diuina fruitione: Et eadem ratio est de beatitudine creata, quæ in fruitione consistit. Item inferius quæst. 34. artic. 3. & in hac quæst. 3. artic. 1. dicit quod fruitio est adeptio ultimi finis. Item q. 4. art. 8. ad 3. dicit quod perfectio charitatis est essentialis beatitudini quantum ad dilectionem Dei. Et in 1. d. 1. q. 1. art. 1. ait: Fruitio consistit in optima operatione hominis, cum fruitio sit ultima felicitas hominis.

Secundo, Beatitudo formalis consistit essentialiter in illo actu, quo attingitur obiectum beatificum sub ratione beatificantis, ut certum est, quia attingentia obiecti beatifici ut talis, est beatitudo formalis: sed per actum voluntatis attingitur obiectum beatificum sub ratione beatificantis, quia per illum attingitur Deus ut est summum bonum, & ultimus finis, cum tamen per actum intellectus solum attingatur Deus ut est prima veritas; constat autem quod Deus est obiectum beatificans sub ratione summi boni & ultimi finis, non autem sub ratione primæ veritatis, quia solum bonum & non verum est satiatium appetitus: ergo beatitudo formalis consistit essentialiter in actu voluntatis: maxime quia perfectus actus amoris, qui pertinet ad voluntatem, perfectius vnit beatum ipsi Deo obiecto beatitudinis, quam actus intellectus, quia actus intellectus solum vnit Deo obiectiue considerato, actus verò voluntatis vnit Deo in se realiter considerato, imò quodammodo in ipsum transformatur.

Tertio, Beatitudo formalis essentialiter consistit in ultima & perfectissima operatione, quæ beatus quiescit in summo bono & ultimo fine nam in illa sola operatione est perfecte satiatus appetitus: sed talis operatio est operatio voluntatis; nam ex vna parte operatio voluntatis siue sit amor, siue sit fruitio summi boni, est operatio vltima partis intellectiue in ordine executionis, ad hanc enim præsupponitur & ordinatur visio intellectus, ac proinde operatio voluntatis est prior in intentione ac principalior; ex alia verò parte operatio qua beatus quiescit in summo bono ultimo fine, est operatio voluntatis, tum quia bonum & finis sunt obiectum solius voluntatis, tum quia voluntatis solius est moueri in finem, eiusdem autem est quiescere in fine, cuius est moueri in finem, imò per eandem virtutem: ergo beatitudo formalis essentialiter consistit in operatione voluntatis: maxime, quia ille non est censendus essentialiter beatus, qui haberet quodcumque bonum, si illud non amaret, nec illo frueretur.

Quarto, Beatitudo formalis essentialiter consistit in illo actu, qui inter obiecta creata est maxime volendus, quia beatitudo formalis debet esse

esse actus omnium perfectissimus, ac ita maximè inter cætera volendus: sed actus maximè volendus inter cætera est actus voluntatis; tum quia est magis proprius, & intimior potentiae volitivæ; tum quia voluntas inclinatur naturaliter ad suum actum, & non ad actum intellectus; tum quia actus voluntatis est perfectior actu intellectus, iuxta illud 1. ad Cor. 13. Maior horum est charitas; tum quia actus voluntatis est finis actus intellectus, visio quippe Dei ordinatur ad eius amorem & fruitionem, & non è contra, secundum illud Anselmi lib. 2. Cur Deus homo cap. 1. Peruersus ordo est amare ut intelligas, rectus vero intelligere ut ames: ergo beatitudo formalis essentialiter consistit in actu voluntatis: Maximè quia in tristitia, quæ est actus voluntatis, consistit damnatio formalis, contraria autem nata sunt fieri circa idem subiectum: Et congruè, quia in eadem potentia debet esse præmium beatitudinis, & supplicium damnationis, in qua fuit meritum & demeritum, quæ constat fuisse in voluntate.

CONCLUSIO

RESPONDEO dicendum, quòd beatitudo formalis perfecta, quæ expectatur in patria, consistit essentialiter in operatione intellectus, quæ est clara & quidditativa visio Dei. 2. completur tamen in operatione voluntatis, scilicet tam in actu dilectionis seu amoris, quàm in actu fruitionis Dei. 3. sed supernaturalis beatitudo formalis imperfecta, quæ habetur hic in via, moraliter considerata consistit primariò in actu Charitatis. 4. physicè verò considerata consistit in actu intellectus. Ita communiter discipuli D. Thomæ nemine excepto, & plures alij extra eius scholam, ut Durandus in 4. d. 49. quæst. 4. Lorca disp. 17. Vasques disp. 11. Granado disp. 3. sect. 2. Fonseca 1. Metaph. cap. 1. q. 1. Conimbr. in Ethicis disp. 3. q. 3. art. 2.

Probatur prima pars conclusionis autoritate sacræ Scripturæ & Sanctorum Patrum. Psalmo 16. dicitur: Satiabor, cum apparuerit gloria tua. Psalmo 79. Ostende faciem tuam, & salui erimus. & Psalmo 83. Ibunt de virtute in virtutè, videbitur Deus Deorum in Sion. Ioannis 17. Pater clarifica filium tuum, ut omne quod dedisti ei, det eis vitam æternam: Hæc est autem vita æterna, ut cognoscant te solum Deum verum. Item 1. Ioannis 3. Similes ei erimus, quia videbimus eum sicuti est: Quæ omnia Scripturæ testimonia manifestè indicant, perfectam beatitudinem Patriæ consistere essentialiter in visione Dei. Idem expresse docent plures Sancti Patres. Ambrosius lib. 2. de Officiis cap. 2. ait: Scriptura diuina vitam beatam posuit in cognitione diuinitatis. Bernardus serm. 5. de Assumptione sic loquitur: Hæc est merces, hic est finis fructus nostri laboris, visio scilicet Dei. Augustinus pluribus locis hanc docet sententiam. lib. 1. de Trinitate cap. 8. ait: Hæc nobis con-

templatio (scilicet diuinæ essentiae præmittitur actionum omnium finis, atque æterna perfectio gaudiorum. De Moribus Ecclesiæ c. 25. Æterna vita est ipsa cognitio, quæ est perfectorum præmium. lib. 2. de Libero Arbitrio cap. 14. Illos beatissimos facit quod scriptum est, tunc autem facie ad faciem: qui enim hoc inuenerunt, illi sunt in beatitudinis possessione. Et lib. de Spiritu & Littera cap. 33. Illa cognitione, illa visione, illa contemplatione (Dei videlicet in seipso) satiabitur in nobis omne desiderium; hoc enim solum sat est, ultra non habet quod appetat, quod inhiat, quod requirat: nam desiderio huius satisfactionis ardebat, qui Domino ait, ostende nobis patrem, & sufficit nobis. Et si credamus Dionysio Carthus. q. 1. Hieronymus iam beatus apparens Augustino sic loquitur: Tota beatitudo nostra est Deum videre, neque est vnus nostrum beatior alio, nisi in quantum faciem Deitatis clarius videt. Tandem D. Thomas hanc doctrinam tradit & probat ex professo multis locis, sed præcipuè 3. contra Gentes cap. 26. & in præsentī art. 4. Deinde probatur ratione eiusdem Angelici Doctoris sic amplius declarata: Beatitudo formalis perfecta, quæ expectatur in Patria, essentialiter consistit in actu, qui sit affectio, adeptio, & possessio Dei summi boni & vltimi finis, qui est beatitudo obiectiua, ut communiter conceditur; & meritò nam beatitudo formalis non potest essentialiter in alio consistere, quàm in affectu, adeptione, & possessione beatitudinis obiectiue seu obiecti beatitudinis: sed talis actus est operatio intellectus, quæ est clara & quidditativa visio Dei, & non est operatio voluntatis; nam ex vna parte intellectus habet hoc proprium, quòd suo actu trahat ad se obiectum, etiam secundum esse reale si actus est perfectus, qualis est clara & quidditativa visio Dei, ut ostensum est 1. p. q. 12. trahere autem ad se & intra se obiectum, est illud assequi, adipisci, & possidere, quatenus per hanc attractionem intellectus habet quoddam genus dominij supra ipsum obiectum; ex alia verò parte voluntas habet hoc proprium, quòd quocumque suo actu feratur quasi extra se ad obiectum, ipsi quodammodo subordinetur, ac potius possideatur ab obiecto quàm ipsum possideat, & consequenter nullus est actus voluntatis, qui ex propria sua ratione ac virtute faciat obiectum præsens; nam amor siue amicitie siue concupiscentie abstrahit à præsentia & absentia obiecti, & quamuis amor perfectus præsentiam obiecti exigat, illam tamen non causat at supponit; desiderium autem respicit obiectum ut absens, delectatio verò & fruitio licet sint de obiecto ut præsentī, non tamen causant eius præsentiam at præsupponunt, vnde nullus ex actibus voluntatis est formaliter consecutio & possessio obiecti beatifici propriè loquendo (quamuis latè quæcumque attingentia obiecti possit dici cō-

secutio ipsius; licet autem amatum dicatur esse in amante, sicut cognitum in cognoscente, tamen hæc est differentia, quod ex vi cognitionis cognitum est in cognoscente præsens in proprio esse vel naturali, vel saltem intentionali; amatum autem ex vi amoris aut cuiuscunque alterius actus voluntatis non est in amante præsens in proprio esse, sed tantum quoad affectum, inclinationem, & pondus ipsius amantis in amatum, quæ sunt quædam participationes ipsius amati: ergo beatitudo formalis perfecta, quæ expectatur in patria, consistit essentialiter in operatione intellectus, quæ est clara & quidditativa visio Dei, & non in aliqua operatione voluntatis; & multò minus in amore amicitiae, in quo illam constituit Scotus, quia beatitudo formalis est consecutio obiecti beatifici ut beatificantis ac proinde ut est summum bonum ipsius beati; constat autem quod amor amicitiae attingit Deum tantum ut in se bonum, & non ut bonum ipsius beati, sic enim attingitur amore concupiscentiae, qui respicit bonum possessum aut possidendum ab amante, sicut amor amicitiae respicit bonum possessum aut possidendum ab amico. Alias rationes plures & efficaces videre est apud D. Thomam 3. contra Gentes cap. 26.

Probaturs secunda pars conclusionis: Tum rationibus pro prima opinione adductis: quæ hanc tantum secundam partem, sed efficaciter probant: Tum expressa autoritate D. Thomæ hic art. 4. ubi ait. Sic igitur essentia beatitudinis in actu intellectus consistit, sed ad voluntatem pertinet delectatio beatitudinem consequens, secundum quod Augustinus dicit 10. Confess. quod beatitudo est gaudium de veritate, quia scilicet ipsum gaudium est consummatio beatitudinis: Vnde beatitudo completur in operatione voluntatis, per se primò quidem in fruitione Dei, quæ est gaudium de Deo possessio; ex consequenti verò in amore tam amicitiae, quam concupiscentiae ipsius Dei, cum sit impossibile frui Deo perfectè, nisi præintelligatur amor uterque ipsius, directè quidem amor concupiscentiae, indirectè autem amor amicitiae.

Probaturs & explicatur tertia pars conclusionis, in qua dicimus quod si beatitudo formalis imperfecta, sed supernaturalis quæ habetur hic in via, moraliter consideretur, id est per modum meriti & viæ qua pervenitur ad perfectam beatitudinem, consistit primariò in actu charitatis, quatenus charitas est radix meriti supernaturalis, & non nisi per charitatem pervenitur ad perfectam illam beatitudinem, iuxta illud Apostoli 1. ad Cor. 12. Excellentiorẽ viam vobis demonstro, sequimini Charitatem. Possent plures adduci tum autoritates, tum rationes ad hanc partem conclusionis comprobendam, sed in rem tam clara non est amplius immorandum.

Probaturs quarta pars conclusionis expressa autoritate D. Thomæ hic art. 5. ubi sic ait: Bea-

titudo imperfecta, qualis hic haberi potest, primò quidem & principaliter consistit in contemplatione, secundariò verò in operatione practici intellectus ordinantis actiones & passionibus humanas. Idem docet art. 7. quod adhuc magis explicat 2. 2. q. 180. art. 4. dum ait: Nunc autem contemplatio divinæ veritatis competit nobis imperfectè, videlicet per speculum & in ænigmatibus: vnde per eam fit nobis quædam inchoatio beatitudinis, quæ hic incipit, ut in futuro continetur. Ex quibus sic formatur ratio: Supernaturalis beatitudo formalis imperfecta physicè considerata, est hic in via quædam participatio & inchoatio beatitudinis Patriæ: vnde debet analogicè cum illa convenire, & sic debet esse consecutio, adeptio, & possessio obiecti beatifici, quamvis imperfecta: sed solus actus intellectus ex propria ratione potest esse consecutio, adeptio, & possessio obiecti, quia illud ad se trahit vel secundum esse naturale, & tunc est perfecta possessio; vel secundum esse intentionale, & tunc est imperfecta possessio, ut contingit in præsentibus: ergo supernaturalis beatitudo formalis imperfecta, quæ habetur hic in via, physicè considerata consistit in actu intellectus: maximè quia beatitudo naturalis huius vitæ ex Philosopho consistit in contemplatione. Hic autem actus intellectus est actus fidei supernaturalis, ut connotat charitatem, tanquam conditionem *sine qua non* beatificandi: actus quippe fidei, ut pote immediatè attingens Deum in seipso, est perfectissimus omnium aliorum intellectus, puta doni intellectus vel sapientiæ, qui disponunt ad actum fidei, vel manifestando obiecti credulitatem, vel rectè iudicando de creditis secundum veritatem divinam. Vnde sequitur, quod beatitudo supernaturalis viæ, cum sit imperfecta, non debet consistere in perfectissimo actu viæ qui est charitatis, sed tantum in perfectissimo actu intellectus dicente analogiam ad actum, in quo consistit perfecta beatitudo Patriæ.

Ad primum ergo dicendum, quod omnes illæ autoritates & similes sacre Scripturæ & Sanctorum Patrum, solum dicunt quod beatitudo formalis consistit in fruitione Dei, sed non dicunt quod essentialiter in illa consistat; dicimus ergo quod debent intelligi iuxta secundam partem conclusionis. Quantum ad D. Thomam, fatentur etiam aduersarij illum pro nobis stare: Vnde in primo & secundo loco non sumit fruitionem præcisè & seorsim, sed ut includens visionem Dei, cuius est complementum, & proprietas consequens, ac necessariò coniuncta, sicut & dilectio Dei, propterea in tertio loco dicit talem dilectionem esse essentialẽ beatitudini. In quarto autem loco expressè est pro nobis: nam ibidem: Optima autem operatio hominis est operatio altissimæ potentie ad nobilissimum obiectum quod est Deus: vnde ipsa visio divinitatis ponitur tota substantia nostræ beatitudinis:

Et

Et explicat qualiter fruitio sit vltima fœlicitas hominis, dicens: Ad vñionem autem maximè conuenientis sequitur delectatio summa, & in hoc perficitur summa fœlicitas, quam fruitio nominat ex parte sui complementi.

A d secundum dicendum, quòd per actum voluntatis non attingitur obiectum beatificum sub ratione beatificantis formaliter, quia Deus summum bonum non est formaliter beatificans immediate, vt est in se summum bonum; sed vt est summum bonum ipsius beati, habet autem esse summum bonum ipsius beati, per hoc quòd possideatur ab illo, mediante actu intellectus vt dictum est, quo apprehenditur summum illud bonum, quia est primum verum, & sic apprehensum ac possessum proponitur voluntati, quæ illud diligit, & simul illo perfectè fruitur: igitur licet summum bonum vt sic formaliter sit ratio *quæ* beatificans, non tamen est ratio *sub qua*, hæc enim est consecutio, adeptio, & possessio summi boni. Vnde beatitudo formalis consistit essentialiter in illo actu, quo attingitur obiectum beatificum sub ratione beatificantis proximè & immediate, sed talis ratio proxima & immediata non est ratio *quæ* summi boni, at ratio *sub qua* possessionis huius boni: ipse verò intellectus primò consequitur & possidet summum bonum ac vltimum finem, quia in eo est ratio primi veri, & videt quòd primum illud verum est summum bonum & vltimus finis. Ad illud quòd subditur, dicendum quòd perfectus actus intellectus ex propria ratione pertingit ad hoc, quòd vniat realiter ipsūmet Deum intelligenti, quamuis per modum obiecti cogniti: actus verò voluntatis quantumcunque perfectus ex propria sua ratione non causat vñionem amantis cum amato in se realiter considerato, quamuis ad illam aspiret.

A d tertium dicendum, quòd beatitudo formalis essentialiter consistit in vltima & perfectissima operatione, qua beatus perfectè consequitur & possidet summum bonum & vltimum finem; hoc enim adeptio & possessio perfectè quiescit appetitus intellectualis, in quantum est appetitus totius suppositi, vt sic enim potius appetit maius bonum ipsius suppositi ipsique supposito magis intimum, quàm appetat vt potentia particularis proprium bonum ac sibi intimum; quamuis ad perfectionem extrinsecam beatitudinis formalis & ad eius complementum, requiratur quies appetitus intellectualis, vt est particularis potentia, in summo bono & vltimo fine adeptio per proprium actum delectationis seu fruitionis: Et hic actus est posterior in executione, sed non prior in intentione, nec nobilior ipsa visione beatifica, cum se habeat vt proprietatem respectu essentia, essentia autem est prior in intentione & nobilior proprietate, licet proprietatem sit posterior in executione: vnde visio præsupponitur ad delectationem vt causa & principium ipsius, non autem ordinatur ad illam

vt ad finem. Quia verò bonum & finis sunt quid verum, & finem prius apprehendit intellectus quàm voluntas, ideo intellectus prius consequitur finem; quia verò motus ad finem incipit in voluntate, ideo voluntati debetur id quòd vltimò consequitur consecutionem finis, scilicet delectatio vel fruitio, ita D. Thomas hic art. 4. ad 3. vnde non est necesse quòd per eandem potentiam, qua quis primò mouetur in finem, per illam etiam primò consequatur finem. Ad illud quòd subditur, dicendum quòd ille censendus esset beatus, qui haberet summum bonum, quamuis illud non amaret, nec illo frueretur; si loquamur de beatitudine quoad essentiam, non autem quoad omnimodam perfectionem.

A d quartum dicendum, quòd actus visionis beatificæ, qui est actus intellectus, est magis volendus quàm actus voluntatis. Vnde ad primam rationem in contrarium, dicendum quòd voluntas vt appetitus totius suppositi (sub qua ratione præponderat sibi ipsi vt est peculiaris potentia) magis inclinatur ad maius bonum suppositi, quàm ad proprium suum actum, visio autem Dei est maius bonum beati videntis, quàm eius amor; licet amor vt est quoddam bonum ipsius Dei, sit quid maius quàm visio Dei. Ad secundam rationem dicendum similiter, quòd voluntas vt appetitus totius naturaliter inclinatur ad actum intellectus quatenus est bonum ipsius suppositi. Ad tertiam rationem dicendum, quòd actus intellectus est perfectior actu voluntatis secundum se; vnde visio Dei est perfectior actu charitatis, quamuis actus charitatis hic in via sit nobilior actu fidei, iuxta auctoritatem citatam Apostoli. Ad quartam rationem dicendum, quòd visio Dei non ordinatur ad eius amorem & fruitionem tanquam ad finem, sed tanquam causa ad effectum; imò amor & fruitio ordinantur ad visionem quasi proprietatem ad essentiam: ipsa verò visio, sicut & amor ac fruitio ordinantur ad ipsum Deum, & tanquam ad obiectum, & tanquam ad finem: Anselmus autem loquitur de cognitione practica viæ, quæ ordinatur ad amorem Dei. Ad illud quòd subditur, dicendum quòd damnatio formalis consistit in priuatione visionis Dei essentialiter, & completiue tantum in tristitia: Ad rationem verò congruentia respondet D. Th. quodlib. 8. art. 19. quòd meritum consistit in agendo, præmium autem in recipiendo: actio autem primò pertinet ad voluntatem, sed receptio pertinet ad intellectum; vnde præmium per prius attribuitur intellectui, meritum autem voluntati: Et idem dicendum de demerito & supplicio. Ad maiorem dictorum euidenciam, sciendum est id quòd docet D. Thomas sequenti art. 2. ad 2. quòd operationes non sunt propter delectationem, sed e contra, cuius signum est, quòd Deus institutor naturæ delectationes apposit propter operationes: vnde appetitus ritè ordinatus potius tendit ad operationem

tionem perfectam, quàm ad delectationem inde consequentem.

D V B I V M IV.

Verum detur aliqua beatitudo naturalis.

Supponendum est, quòd Deus potuit creare naturam intellectualem, absque eo quòd illam eleuaret & ordinaret ad finem supernaturalem, continendo scilicet ipsam intra proprios suos naturæ limites siue in puris naturalibus: sed ex summa sua bonitate & liberalitate ipsam eleuauit per gratiam ad ordinem supernaturalem, & ordinauit ad finem supernaturalis beatitudinis, in eiusdem Dei clara & quidditatiua visione ac fruitione consistentis, iuxta illud Prophetæ & Apostoli 1. ad Corinth. 2. Oculus non vidit, & auris non audiuit, & in cor hominis non ascenderunt, quæ præparauit Deus diligentibus se. Hoc dictum videtur certum, & ita vix reperitur qui neget ipsum: si enim aliæ creaturæ habent proprios ac omnino proportionatos fines, in quorum adeptione suam qualemcunque felicitatem habent; non apparet cur intellectualis creatura non potuerit sic creari, quòd tantum haberet vltimum finem sibi connaturalem, in cuius adeptione consisteret eius felicitas seu beatitudo quamuis imperfecta si comparatur ad beatitudinem supernaturalem ipsi possibilem ex diuina bonitate. Vnde absolute tunc potuit dari beatitudo naturalis creaturæ intellectualis: sed quaeritur nunc vtrum supposita prædicta eius eleuatione & ordinatione ad finem supernaturalem, de facto detur beatitudo naturalis, in qua operatione consistat, & in quo statu habeatur.

Prima opinio Vasquis hinc disp. 12. cap. 6. asserit nullam dari, imò impossibilem esse beatitudinem naturalem creaturæ intellectualis. Probat: Nulla perfectio compossibilis cum peccato mortali potest dici beatitudo naturalis, quia peccatum affert summam miseriam: sed omnis perfectio naturalis creaturæ intellectualis est compossibilis cum peccato mortali, quia quælibet natura intellectualis est ex se defectibilis in genere moris: ergo non datur, nec potest dari beatitudo naturalis. Deinde: Ex vna parte beatitudo debet perfecte satiare appetitum intellectualem, qui respicit bonum vt sic in tota sua latitudine siue summum bonum, cum talis appetitus sit infinitæ capacitatis: Ex alia verò parte beatitudo petit necessariò quòd sit continua & perpetua, per hoc enim quod citò transit nullus dicitur beatus: sed nulla perfectio seu operatio naturalis potest perfecte satiare appetitum intellectualem, cum omnis perfectio naturalis sit finita; nec vlla est operatio naturalis saltem in homine, quæ sit continua & perpetua: ergo nulla datur, nec est possibilis beatitudo naturalis. Denique: Si daretur aut esset possibilis beati-

tudo naturalis, sequerentur duo absurda; Primum quidem, quòd in dæmonibus esset talis beatitudo, cum in eis remanserit omnis perfectio naturalis, in qua potest consistere talis beatitudo; secundum autem, quòd homo posset viribus naturæ acquirere talem beatitudinem naturæ proportionatam, cum tamen homo suæ naturæ relictus non possit vitare peccatum mortale, quod omnem excludit beatitudinem.

Secunda opinio Magistri Cano lib. 9. de Locis cap. 9. asserit quòd beatitudo naturalis imperfecta, quæ hinc in via haberi potest, consistit in operatione voluntatis, & maxime in dilectione naturali ipsius Dei vt authoris naturæ. Probat authoritate D. Thom. infra q. 5. art. 5. vbi ait: Beatitudo imperfecta, quæ in hac vita haberi potest, potest ab homine acquiri per sua naturalia, eo modo quo & virtus in cuius operatione consistit. Deinde: Cum operatione etiam perfectissima intellectus speculatiui potest esse peccatum mortale, non autem cum perfecta dilectione Dei authoris naturæ super omnia: ergo cum beatitudo quæcunque debeat excludere peccatum mortale, quod est summa miseria, beatitudo imperfecta naturalis, quæ hinc in via haberi potest, consistit in dicta operatione voluntatis, & non in operatione intellectus. Denique: Beatitudo in quolibet statu, consistit in perfectissima operatione illius: sed perfectior est dilectio Dei authoris naturæ hinc in via, quàm eius cognitio, vt docet D. Thomas 1. p. q. 82. art. 3. quia dilectio attingit Deum immediatè in se, cognitio autem illum attingit mediante specie intelligibili: ergo beatitudo naturalis imperfecta, quæ hinc in via haberi potest, consistit in dilectione naturali ipsius Dei.

Tertia opinio aliquorum, quos refert Salas disp. 13. sect. 3. & quam ipse vt probabilem defendit, tenet quòd beatitudo naturalis reperitur in paruulis decedentibus cum peccato originali. Probat: Hi paruuli sunt ex vna parte immunes omnis laboris & afflictionis, vt est communior sententia Theologorum: ex alia verò parte habent perfectissimam & continuam cognitionem Dei authoris naturæ ac plurium rerum naturalium, & etiam habent dilectionem naturalem ipsius Dei authoris naturæ super omnia, & insuper viuunt simul in pacifica societate: ergo multò magis & perfectius reperitur in eis beatitudo naturalis, quàm in hominibus hinc degentibus cum multis miseriis.

CONCLUSIO.

RESPONDEO dicendum, quòd non solum est possibilis beatitudo naturalis creaturæ intellectualis. 2. sed etiam de facto datur. 3. & consistit primariò in operatione intellectus contemplantis Deum authorem naturæ, connotante tamen necessariò rectitudinem voluntatis per virtutes morales. 4. vnde etiam secundariò in operatione voluntatis consistit. 5. & quamuis aliquater

qualiter in hac vita mortali haberi possit. 6. solum tamen perfecte intra proprios limites habetur in alia vita. Hæc conclusio quoad omnes suas partes est communis inter Theologos.

Probatur prima pars conclusionis autoritate tum Philosophorum, tum Sanctorum Patrum: Antiqui omnes Philosophi celebriores cōcesserunt homini aliquam beatitudinē, utique naturalem, cum supernaturalis illa consistens in visione Dei, naturaliter sciri non possit: Hanc veritatem probat Aristoteles toto primo libro Ethicorum & alibi sæpe. Ex Sanctis Patribus illam docet S. Augustinus lib. 11. de Civitate Dei cap. 11. & 12. D. Thomas etiam tum in præsentī, tum alibi sæpissimē, unde quæst. 4. de Anima art. 16. ad 1. ait: Finis ad quem se extendit naturalis possibilitas animæ humanæ, est ut cognoscat substantias separatas secundum modum prædictum; & ab hoc non impeditur per hoc quod corpori vnitur: & similiter etiam in tali cognitione substantiæ separatæ vltima est felicitas hominis ad quam per naturalia peruenire potest. Deinde probatur ratione, Potuit ex vna parte creatura intellectualis creari absque eleuatione ad ordinem gratiæ & ordinatione ad finem supernaturalem, ut dictum est: ex alia verò parte inest homini naturalis appetitus beatitudinis siue felicitatis saltem sibi connaturalis, ut communi constat experientia (& idem dicendum de aliis creaturis intellectualibus): ergo cum creatura intellectualis in tali casu debuisset habere aliquem finem vltimum, ne frustra diceretur producta; hoc enim conceditur omnibus aliis creaturis vilioribus: & similiter cum appetitus naturalis non possit esse frustra, ut supra dictum est; sequitur quod est possibilis beatitudo naturalis creaturæ intellectualis consistens in adeptione talis finis. Hæc tamen beatitudo est valde diminuta & imperfecta.

Probatur secunda pars conclusionis; tum prædictis autoritatibus, quæ non solum de possibili, sed etiam de facto probant dari in aliquibus beatitudinem naturalem; Tum speciali autoritate D. Thomæ 1. p. q. 62. art. 1. vbi probat Angelos fuisse creatos in beatitudine naturali, & etiam in hac 1.2. quæst. 5. art. 3. & 4. Denique probatur ratione: Gratia non destruit, sed perficit naturam, ut cōmuniter dicitur, & propterea beatis in cœlo conceduntur non solum perfectiones ordinis gratiæ, verum etiam perfectiones ordinis naturæ, ut cognitio naturalis &c: ergo quod creatura intellectualis sit eleuata ad beatitudinem supernaturalem, non tollit quin de facto habeat beatitudinem naturalem illi priori compossibilem, quā per sua naturalia consequitur, sicut consequitur illam priorem per dona gratiæ. Nec dictis obstat quod illa perfectio, in qua consisteret beatitudo naturalis creaturæ intellectualis seclusa eius eleuatione ad ordinem gratiæ, sit ordinata ad vltiorem finem scilicet beatitudinem supernatu-

ralem. Nam ex hoc tantum sequitur, quod beatitudo naturalis non sit beatitudo perfecta ac simpliciter & absolute talis; non autem sequitur quod non sit beatitudo imperfecta & secundum quid siue in proprio ordine naturali, naturale siquidem additum beatitudini est particula diminuens.

Probatur tertia pars conclusionis quantum ad primum, tum autoritate, tum multiplici ratione Aristotelis lib. 10. Ethicorum, vbi probat ex professo beatitudinem hominis consistere principaliter in speculatione substantiarum separatarum & præsertim Dei primæ substantiæ: Aliquas eius rationes indicasse sufficiet, quæ habentur cap. 7. Prima procedit ex nobilitate operationis: nam beatitudo consistit in nobilissima operatione hæc autem est speculatio quæ est nobilior aliis, tum ex parte intellectus speculantis, tum ex parte diuinorum quæ sunt obiectum speculatum. Secunda procedit ex continuitate operationis debita statui beatitudinis, speculatio autem veritatis est magis continua, quàm alia operatio. Tertia ratio procedit ex delectabilitate maximè propria beatitudini, quæ maximè per se loquendo conuenit speculationi diuinorum; tum quia speculatio est connaturalissimum naturæ intellectuali, ac proinde suauissimum; tum quia speculatio Dei est delectabilis super alia propter excellentiam ipsius obiecti. Quarta ratio est quia speculatio primæ causæ est sibi sufficientissima & paucis indigens, quod est proprium beatitudinis. Quinta ratio est, quia speculatio appetitur propter seipsam, quod maximè congruit beatitudini. Probatur quantum ad secundum tum autoritate, tum ratione Aristotelis lib. 1. Ethicorum: quam exponit D. Thomas lect. 6. Beatitudo etiam imperfecta non potest esse cum maxima miseria, ut constat ex ipsis terminis: sed inordinatio voluntatis est maxima miseria, tum quia secum affert peccatum mortale, quia patitur violentos & inquietos motus passionum, tum quia extrinsecus adueniunt multa afflictiva, quæ sola virtutum ope possunt quietè tolerari: ergo contemplatio, in qua consistit beatitudo naturalis, debet connotare necessariò rectitudinem voluntatis per virtutes morales.

Probatur quarta pars conclusionis, tum ex modo dictis, tum expressa autoritate Aristotelis lib. 10. Ethicorum. cap. 8. & D. Thomæ ibidem lect. 2. & hic art. 5. vbi sic ait: Beatitudo autem imperfecta, qualis hic haberi potest, primo quidem & principaliter consistit in contemplatione, secundariò verò in operatione practici intellectus ordinantis actiones & passionem humanas. Deinde, Homo non tantum sibi vivit, sed etiam conuiuit aliis, cum sit animal sociale: ergo sicut necessaria ipsi est diuinorum speculatio, ut sit perfectus in vita quasi singulari & separata, sic necessaria est ipsi debita operatio, ut sit perfectus in vita sociali & ciuili; & sicut prima

ma illa perfectio dicitur beatitudo separata & diuina, sic secunda ista perfectio dicitur beatitudo moralis & humana.

Probatur quinta pars conclusionis autoritate Aristotelis & D. Thomæ. Aristoteles lib. 1. Ethicorum cap. 10. ait: Quid igitur obstat eum felicem dicere, qui per virtutem operatur perfectam, & bonis externis satis abundat, non quouis in tempore, sed in vita perfecta. Idem docet D. Thomas tum ibi lect. 16. tum alibi sæpe ut q. de Anima art. 16. & in 4. d. 49. q. 1. art. 1. quæstiuncula 3. ubi ait: Non negamus, quin aliqua beatitudinis participatio in hac vita esse possit, secundum quod homo est perfectus in bonis rationis speculatiuæ principaliter, & practiciæ secundariò: Et de hac felicitate Philosophus in libris Ethicorum determinat: aliam quæ est post hanc vitam nec asserens, nec negans. Deinde probatur ratione: Quamuis nullus homo in hac mortali vita careat omninò miseriis, nullus enim est qui non possit esse miser, quod indicat non dari in hac vita perfectam beatitudinem naturalem: tamen viri iusti & immunes omni peccato mortali, possunt habere aliquam contemplationem primæ causæ ac primi entis, per principia philosophica; & insuper per virtutes morales acquisite possunt ita habere moderatas suas passiones & actiones, ut non facile turbentur casibus humanis; quæ duo pertinent ad ordinem naturæ, (quamuis requiratur gratia tum habitualis, tum actualis ad remouendum peccatum;) & inducunt aliqualem beatitudinem, quam Philosophi posuerunt in mortalibus, quos nesciebant esse miseros ex contractione peccati originalis: ergo beatitudo naturalis aliquantulum in hac vita mortali haberi potest, & durare per maiorem partem ipsius; quamuis ut dictum est, sit valde diminuta & imperfecta.

Probatur & explicatur sexta pars conclusionis. Electi homines qui adulti decedunt, non solum habent cognitionem supernaturalem omnium, quæ pertinent ad eorum statum, vel in verbo, in qua consistit beatitudo supernaturalis essentialis; vel per speciales reuelationes, in qua consistit beatitudo supernaturalis accidentalis: sed etiam habent cognitionem naturalem eorundem, tum per species acquisite quas in sua separatione animæ conseruant, tum per species inditas in ipso instanti separationis, ut docet D. Thomas 1. p. q. 89. art. 1. ad 3. Electi verò, qui paruuli decedunt, licet non habeant species acquisite, tamen eorum animæ cognoscunt perfectè Deum in seipsis, & insuper per species in ipsa separatione inditas cognoscunt tum alias substantias immateriales, tum res naturales, quamuis non ita distinctè ac ipsas cognoscerent per species acquisite sibi proportionatas, quod tamen sufficit ad perfectam beatitudinem naturalem ipsis debitam: Aliunde verò omnes sunt

confirmati in bono: ergo beatitudo naturalis perfectè intra proprios limites habebitur ab electis in alia vita, quamuis perfectius ab adultis propter perfectiorem cognitionem rerum naturalium.

Ad primum ergo dicendum, quod quidem nulla potest esse beatitudo naturalis cum peccato mortali: sed excluso per gratiam peccato potest hic haberi beatitudo naturalis imperfecta & perfecta in futura vita per immobilitatem in bono rationis: unde gratia non est causa per se huius beatitudinis, sed causa per accidens tanquam remouens prohibens: in statu autem possibili puræ naturæ ad beatitudinem naturalem non fuisset necessaria gratia. Ad aliud dicendum, quod in alia vita perfectè satiatur appetitus intellectualis intra limites naturæ, per cognitionem abstractiuam Dei & aliarum rerum naturalium, & talis cognitio est perpetua: unde ibi erit perfecta beatitudo naturalis, hic verò est imperfecta propter contrariam rationem: Et quia beatitudo naturalis est multò inferior beatitudine supernaturali, sufficit quod inferiori modo attingat ipsum Deum summum bonum; non autem ad satietatem appetitus requiritur quod infinitè attingatur, imò nec in beatitudine supernaturali sic attingitur. Ad aliud dicendum, quod dæmones sunt summè miseri propter peccatum, obstinationem in malo, & æternam pœnam tam damni, quàm sensus, quamuis non amiserint perfectionem naturalem. Homo autem, quamuis indigeat auxiliis diuinæ gratiæ ad vitandum peccatum mortale: ex propriis tamen habet beatitudinem naturalem, quia hic influxus gratiæ in ordine ad talem beatitudinem, est tantum per modum remouentis prohibens.

Ad secundum dicendum, quod ibi D. Thomas per virtutem intelligit non moralem, sed intellectualem speculatiuam; vel si intelligit virtutem moralem, loquitur de beatitudine naturali quantum ad partem secundariam, non verò quantum ad primariam. Ad aliud dicendum, quod cognitio illa, in qua constituitur beatitudo naturalis etiam imperfecta huius vitæ, debet connotare exclusionem peccati mortalis, tanquam conditionem *sine qua non*; unde licet talis cognitio maneat eadem in esse rei cum peccato, non tamen manet in esse beatitudinis. Ad aliud dicendum, quod cognitio Dei est perfectior physicè dilectione Dei (quamuis moraliter dilectio sit perfectior cognitione) tum ex parte principij, tum ex parte obiecti, ex quibus petenda est simpliciter perfectio actus; dilectio tamen est secundum quid perfectior cognitione ex parte modi attingendi, quando dilectio attingit Deum ut est in seipso, & cognitio attingit ipsum ut est in intellectu, & sic intelligitur Diuus Thomas.

Ad tertium dicendum, quod illi paruuli sunt simpliciter miseri & damnati, propter peccatum originale

originale in quo sunt, & æternam pœnam damni: unde propriè loquendo non possunt dici beati, & quia habent perfectam illam cognitionem rerum naturalium: nec adhuc habent dilectionem perfectam naturalem Dei super omnia, per actum elicitum, quia sunt auersi ab ipso ut à fine supernaturali, est autem impossibile quod posita hac auersione sint perfectè conuersi ad ipsum Deum ut ad finem naturæ, propter subordinationem finis vltimi naturalis ad supernaturalem.



QVÆSTIO IV.

De his quæ ad beatitudinem exiguntur, in octo articulis diuisa.



ENDUM considerandum est de his quæ exiguntur ad beatitudinem.

Et circa hoc quærentur octo.

Primo, utrum delectatio requiratur ad beatitudinem.

Secundo, quid sit principalis in beatitudine, utrum delectatio vel visio.

Tertio, utrum requiratur comprehensio.

Quarto, utrum requiratur rectitudo voluntatis.

Quinto, utrum ad beatitudinem hominis requiratur corpus.

Sexto, utrum perfectio corporis.

Septimo, utrum aliqua exteriora bona.

Octauo, utrum requiratur societas amicorum.

ARTICVLVS I.

Utrum delectatio requiratur ad beatitudinem.

AD PRIMUM sic proceditur. Videtur, quod delectatio non requiratur ad beatitudinem. Dicit enim Augustinus in 1. de Trinit. quod visio est tota merces fidei, sed id quod est premium vel merces virtutis, est beatitudo: ut patet per Philosophum in 1. Ethicor. ergo nihil aliud requiritur ad beatitudinem, nisi sola visio.

Præterea, Beatitudo est per se sufficientissimum bonum, ut Philosophus dicit 1. Ethic. quod autem eget aliquo alio, non est perfecte sufficiens, cum igitur essentia beatitudinis in visione Dei consistat, ut ostensum est: videtur quod ad beatitudinem non requiratur delectatio.

Præterea, Operationem felicitatis seu beatitudinis oportet esse non impeditam: ut dicitur in 10. Ethic. sed delectatio impedit actionem intellectus: corrumpit enim estimationem prudentiæ, ut dicitur in 6. Ethic. ergo delectatio non requiritur ad beatitudinem.

Secundo contra est, quod Augustinus dicit 10. confess. quod beatitudo est gaudium de veritate.

CONCLUSIO.

Cum delectatio causatur ex hoc quod appetitus requiescit in bono adepto, ipsa ad beatitudinem sicut aliquid concomitans requiritur.

RESPONDEO dicendum, quod quadrupliciter aliquid requiritur ad aliud. Vno modo, sicut præambulum vel præparatorium ad ipsum; sicut disciplina requiritur ad scientiam. Alio modo, sicut perficiens aliquid: sicut anima requiritur ad vitam corporis. Tertio modo, sicut coadiuuans extrinsecus: sicut anima requiritur ad aliquid agendum. Quarto modo sicut aliquid concomitans: ut si dicamus quod calor requiritur ad ignem, & hoc modo delectatio requiritur ad beatitudinem: delectatio enim causatur ex hoc quod appetitus requiescit in bono adepto: unde cum beatitudo nihil aliud sit, quam adeptio summi boni, non potest esse beatitudo sine delectatione concomitante.

Ad primum ergo dicendum, quod ex hoc ipso quod merces alicui redditur, voluntas merentis quiescit, quod est delectari. unde in ipsa ratione mercedis redditæ delectatio includitur.

Ad secundum dicendum, quod ex ipsa visione Dei causatur delectatio: unde ille, qui Deum videt, delectatione indigere non potest.

Ad tertium dicendum, quod delectatio concomitans operationem intellectus non impedit ipsam: sed magis eam confortat, ut dicitur in 10. Ethic. Ea enim quæ delectabiliter facimus, attentius & perfectius operamur: delectatio autem extranea impedit operationem, quandoque quidem ex intentionis distractione, quia sicut dictum est, ad ea quibus delectamur, magis intenti sumus: & dum vni vehementer intendimus, necesse est quod ab alio intento retrahatur, quandoque autem etiam ex contrarietate: sicut delectatio sensus contraria rationi impedit estimationem speculatiui intellectus.

R. P. Philippi Carm. discal. Diss. Theolog. in 1. 2.

ARTICVLVS II.

Utrum in beatitudine sit principalis visio quam delectatio.

AD SECUNDUM sic proceditur. Videtur quod delectatio sit principalis in beatitudine: quam visio: delectatio enim, ut dicitur in 10. Ethic. est perfectio operis: sed perfectio est potior perfectibili, ergo delectatio est potior operatione intellectus, quæ est visio.

Præterea, Illud propter quod aliquid est appetibile, est potius: sed operationes appetuntur propter delectationem ipsarum. Unde & natura in operationibus necessariis ad conseruationem individuui, & speciei, delectationem apposit, ut huiusmodi operationes ab animalibus non negligantur. Ergo delectatio est potior in beatitudine, quam operatio intellectus, quæ est visio.

Præterea, Visio respondet fidei, delectatio autem sue fructio charitati. Sed charitas est maior fide, ut dicit Apostolus primæ ad Corinthios 13. Ergo delectatio sue fructio est potior visione.

Secundo contra, Causa est potior effectu: sed visio est causa delectationis, ergo visio est potior, quam delectatio.

CONCLUSIO.

Cum causa sit effectus potior, principalis bonum est ipsa visio in beatitudine, quam delectatio ipsam concomitans.

RESPONDEO dicendum, quod istam quæstionem mouet Philosophus in 10. Ethic. & eam insolutam dimittit: sed si quis diligenter consideret, ex necessitate oportet, quod operatio intellectus, quæ est visio, sit potior delectatione. Delectatio enim consistit in quadam quietatione voluntatis: quod autem voluntas in aliquo quietetur, non est nisi propter bonitatem eius in quo quietatur: si ergo voluntas quietatur in aliqua operatione, ex bonitate operationis procedit quietatio voluntatis: nec voluntas quærit bonum propter quietationem. sic enim ipse actus voluntatis esset finis: quod est contra præmissa. Sed ideo quærit quod quietetur in operatione: quia operatio est bonum eius. unde manifestum est quod principalis bonum est ipsa operatio, in qua quietatur voluntas, quam quietatio voluntatis in ipso.

Ad primum ergo dicendum, quod sicut Philosophus ibidem dicit, delectatio perficit operationem sicut decor iuuentutem, quæ est ad iuuentutem consequens: unde delectatio est quidam perfectio concomitans visionem: non sicut perfectio faciens visionem in sua specie perfectam esse.

Ad secundum dicendum, quod apprehensio sensitiua non attingit ad communem rationem boni, sed ad aliquod bonum particulare, quod est delectabile: & ideo secundum appetitum sensitiuum, qui est in animalibus, operationes queruntur propter delectationem, sed intellectus apprehendit vniuersalem rationem boni, ad cuius consequentiam sequitur delectatio. unde principalis intendit bonum, quam delectationem: & inde est quod diuinus intellectus, qui est institutor naturæ, delectationes apposit propter operationes, non est autem aliquid æstimandum simpliciter secundum ordinem sensitiui appetitus: sed magis secundum ordinem appetitus intellectiui.

Ad tertium dicendum, quod charitas non quærit bonum dilectum propter delectationem: sed hoc est ei consequens, ut delectetur in bono adepto quod amat: & sic delectatio non respondet ei ut finis: sed magis visio per quam primo finis sit ei præfatus.

ARTICVLVS III.

Utrum ad beatitudinem requiratur comprehensio.

AD TERTIUM sic proceditur. Videtur, quod ad beatitudinem non requiratur comprehensio: dicit enim Augustinus ad Paulinam, de videndo Deum. Attingere mente Deum, magna est beatitudo. Comprehendere autem est impossibile: ergo sine comprehensione est beatitudo.

Præterea, Beatitudo est perfectio hominis secundum intellectum & voluntatem, in qua non sunt aliz potentie quam intellectus & voluntas, ut in primo dictum est, sed intellectus sufficiens perficitur per visionem Dei: voluntas autem per delectationem in ipso. ergo non requiritur comprehensio tamquam aliquid tertium.

Præterea, Beatitudo in operatione consistit: operationes autem determinantur secundum obiecta: obiecta autem generalia sunt duo, verum, & bonum: verum correspondet visioni, & bonum & correspondet dilectioni, ergo non requiritur comprehensio quasi aliquid tertium.

Secundo contra est, quod Apost. dicit 1. ad Corinth. 9. Sic currite ut comprehendatis: sed spiritalis cursus terminatur ad beatitudinem. Unde ipse dicit 2. ad Timoth. vlt. Bonum certamen certavi, cursum consummaui, fidem seruavi, in reliquo reposita est mihi corona iustitiæ, ergo comprehensio requiritur ad beatitudinem.

CONCLUSIO.

Ad beatitudinem non solum requiritur visio, quæ perfecta est vltimi & intelligibilis finis cognitio: sed etiam comprehensio quæ finis præsentiam respicit, & fruiionem, quæ rei amantem in amato quietationem importat.

RESPONDEO dicendum, quod cum beatitudo consistat in consecutione vltimi finis, ea quæ requiruntur ad beatitudinem sunt consideranda ex ipso ordine hominis ad finem: ad finem autem intelligibilem ordinatur homo partim quiddam per intellectum, partim autem per voluntatem: per intellectum quidem in quantum in intellectu præexistit aliqua cognitio finis imperfecta: per voluntatem autem primo quidem per amorem, qui est primus motus voluntatis in aliquod, secundo autem

26

Supra 1.
O. loci ubi
notatur.
* Li. 10. c.
4. a. modus.
10. 1.

Li. 10. Eth.
c. 6. 7. & 8.
tam 1.

2. 1. art. 1.
ad 2.

Eodem lib.
Ethic. ca. 4.
post medium,
tam 1.

27

1. 2. p. 3. 4.
1. art. 3. cap.
4. ad 4. 9. 9.
4. art. 5. q.
1. cor.
1. p. 111.
6. 9. 10. 1.
Qu. 79. q.
1. per 4. que.
sequenti.

Lib. 10.
Ethic. c. 4.
10. m. 1.
In ista scilicet
omni.

M

autem

autem per realem habitudinem amantis ad amatum. quæ quidem potest esse triplex; quandoque enim amatum est præsens amanti, & tunc iam non quaeritur: quandoque autem non est præsens, sed impossibile est ipsum adipisci, & tunc etiam quaeritur: quandoque autem possibile est ipsum adipisci, sed est elevatum supra facultatem adipiscientis, ita ut statim haberi non possit, & hæc est habitudo sperantis ad speratum, quæ sola habitudo facit finis inquisitionem. Et istis tribus respondent aliqua in ipsa beatitudine: nam perfecta cognitio finis respondet imperfectæ. Præsentia vero ipsius finis respondet habitudini spei. Sed delectatio in præsentia consequitur dilectionem, ut supra dictum est: & ideo necesse est ad beatitudinem ista tria concurrere, scilicet visionem, quæ est cognitio perfecta intelligibilis finis, comprehensionem, quæ importat præsentiam finis, delectationem, vel fruitionem, quæ importat quæritationem rei amantis in amato.

Ad primum ergo dicendum, quod comprehensio dicitur dupliciter. Vno modo inclusio comprehensio in comprehendente. & sic omne quod comprehenditur à finito, est finitum: unde hoc modo Deus comprehendi non potest ab aliquo intellectu creato. Alio modo comprehensio nihil aliud nominat quam retentionem alicuius rei, quæ iam præsentialiter habetur: sicut aliquis consequens aliquem, dicitur eum comprehendere, quando tenet eum: & hoc modo comprehensio requiritur ad beatitudinem.

Ad secundum dicendum, quod sicut ad voluntatem pertinet spes & amor: quia eiusdem est amare aliquid, & tendere in illud non habitum: ita etiam ad voluntatem pertinet comprehensio & delectatio: quia eiusdem est habere aliquid, & quiescere in illo.

Ad tertium dicendum, quod comprehensio non est aliqua operatio præter visionem: sed quædam habitudo ad finem iam habitum, unde etiam ipsa visio vel res visa, quæ præsentialiter adest, obiectum comprehensionis est.

ARTICVLVS IV.

Primum ad beatitudinem requiritur restructio voluntatis.

AD QUAERTVM sic proceditur. Videtur, quod restructio voluntatis non requiritur ad beatitudinem. beatitudo enim consistit in operatione intellectus, ut dictum est. sed ad perfectam intellectus operationem non requiritur restructio voluntatis, per quam homines mundi dicuntur. dicit enim Augustinus in lib. retradationum, Non approbo quod in oratione dixi. Deus qui non nisi mundos verum scire voluisti. responderi enim potest multos etiam non mundos multa scire vera, ergo restructio voluntatis non requiritur ad beatitudinem.

Præterea, Prius non dependet à posteriori: sed operatio intellectus est prior quam operatio voluntatis. ergo beatitudo, quæ est perfecta operatio intellectus, non dependet à restructio voluntatis.

Præterea, Quod ordinatur ad aliquid tanquam ad finem, non est necessarium adeptum iam finem: sicut navis postquam pervenit ad portum. sed restructio voluntatis, quæ est per virtutem, ordinatur ad beatitudinem tanquam ad finem. ergo adeptæ beatitudinem, non est necessaria restructio voluntatis.

Secundo contra est, quod dicitur Matth. 5. Beati mundo corde: quoniam ipsi Deum videbunt. & Hebr. ultim. Pacem sequimini cum omnibus, & sanctimoniam sine qua nemo videbit Deum.

CONCLUSIO.

Sic ad beatitudinem requiritur voluntatis restructio, ut sine hac nec aliquis ad eam pervenire, nec in ea esse possit.

Respondens dicendum, quod restructio voluntatis requiritur ad beatitudinem, & antecedenter & concomitantem. Antecedenter quidem: quia restructio voluntatis est per debitum ordinem ad finem ultimum: finis autem comparatur ad id quod ordinatur ad finem, sicut forma ad materiam: unde sicut materia non potest consequi formam nisi sit debito modo disposita ad ipsam, ita nihil consequitur finem, nisi sit debito modo ordinatum ad ipsum: & ideo nullus potest ad beatitudinem pervenire, nisi habeat restructio voluntatis. Concomitantem autem: quia sicut dictum est, beatitudo ultima consistit in visione divinæ essentiae, quæ est ipsa essentia bonitatis: & ita voluntas videntis Dei essentiam, ex necessitate amat quicquid amat sub ordine ad Deum: sicut voluntas non videntis Dei essentiam, ex necessitate amat quicquid amat sub communi ratione boni quam movet: & hoc ipsum est quod facit voluntatem rectam. Unde manifestum est, quod beatitudo non potest esse sine recta voluntate.

Ad primum ergo dicendum, quod Augustinus loquitur de cognitione veri, quod non est ipsa essentia bonitatis.

Ad secundum dicendum, quod omnis actus voluntatis procedit ab aliquo actu intellectus: aliquis tamen actus voluntatis est prior quam aliquis actus intellectus: voluntas enim tendit in finalem actum intellectus, qui est beatitudo: & ideo recta inclinatio voluntatis præexistit ad beatitudinem: sicut rectus motus sagittæ ad percussorem signi.

Ad tertium dicendum, quod non omne quod ordinatur ad finem, cessat adveniente fine: sed id tantum quod se habet in ratione imperfectionis, ut motus: unde instrumenta motus non sunt necessaria postquam perveniuntur ad finem: sed debitus ordo ad finem est necessarius.

ARTICVLVS V.

Primum ad beatitudinem hominis requiritur corpus.

AD QUINTVM sic proceditur. Videtur, quod ad beatitudinem requiritur corpus, perfectio enim virtutis &

gratia præsupponit perfectionem naturæ: sed beatitudo est perfectio virtutis & gratiæ: anima autem sine corpore non habet perfectionem naturæ, cum sit pars naturaliter humane nature; omnis autem pars est imperfecta à suo toto separata. ergo anima sine corpore non potest esse beata.

Præterea, Beatitudo est operatio quædam perfecta, ut supra dictum est. Sed operatio perfecta sequitur esse perfectum: quia nihil operatur nisi secundum quod est ens in actu. Cum ergo anima non habeat esse perfectum quando est à corpore separata sicut nec pars separata à toto, videtur quod anima sine corpore non possit esse beata.

Præterea, Beatitudo est perfectio hominis: sed anima sine corpore non est homo. ergo beatitudo non potest esse in anima sine corpore.

Præterea, Secundum Philosophum in 10. Ethic. operatio felicitatis in qua consistit beatitudo, est non impedita, sed operatio animæ separata est impedita quia ut dicit Augustinus 12 super Genes. inest ei naturalis quidam appetitus corpus administrandi: quo appetitu retardatur quodammodo ne tota intentione pergat in illud summum calum, id est, in visionem essentiae divinæ. ergo anima sine corpore non potest esse beata.

Præterea, Beatitudo est sufficiens bonum, & quietas desiderium. Sed non convenit animæ separata: quia adhuc appetit corporis unionem, ut Augustinus dicit, ergo anima separata à corpore non est beata.

Præterea, Homo in beatitudine est angelis æqualis: sed anima sine corpore non æquatur angelis, ut Augustinus dicit: ergo non est beata.

Secundo contra est, quod dicitur Apocal. 14. Beati mortui, qui in Domino moriuntur.

CONCLUSIO.

Cum perfecta hominis beatitudo consistat in visione essentiae divinæ, quæ per phantasmata non videtur, ad ipsam non necessarium corpus requiritur quasi illius essentiam constituens: beatitudo tamen quæ in hac vita possibilis nobis est, cum in speculatione consistat, necessarium corpus exigit.

Respondens dicendum, quod duplex est beatitudo. Una imperfecta, quæ habetur in hac vita: & alia perfecta, quæ in Dei visione consistit. Manifestum est autem, quod ad beatitudinem huius vite de necessitate requiritur corpus. Est enim beatitudo huius vite operatio intellectus vel speculativus vel practicus. operatio autem intellectus in hac vita non potest esse sine phantasmate, quod non est nisi in organo corporeo ut in primo habuimus: & sic beatitudo quæ in hac vita haberi potest, dependet quodammodo ex corpore. Sed circa beatitudinem perfectam, quæ in Dei visione consistit, aliqui posuerunt quod non potest animæ advenire sine corpore existenti, dicentes quod animæ sanctorum à corporibus separata, ad illam beatitudinem non perveniunt, usque ad diem iudicii quando corpora resurgent: quod quidem apparet esse falsum & auctoritate & ratione. Auctoritate quidem: quia Apostolus dicit 1. ad Cor. 5. Quamdiu sumus in corpore, peregrinamur à Domino. & quæ sit ratio peregrinationis, ostendit, subdens, Per fidem enim ambulamus, & non per speciem. Ex quo apparet, quod quandiu aliquis ambulat per fidem, & non per speciem carens visione divinæ essentiae, non est in Deo præsens. animæ autem sanctorum à corporibus separata sunt Deo præsentia. Unde subditur, Audemus autem, & voluntatem habemus bonam peregrinari à corpore, & præsens esse ad Deum. unde manifestum est, quod animæ sanctorum separata à corporibus ambulant per speciem Dei essentiam videntes, in quo est vera beatitudo. Hoc etiam per rationem apparet: nam intellectus ad suam operationem non indiget corpore nisi propter phantasmata, in quibus veritatem intelligibilem contrahit, ut in primo dictum est. Manifestum est autem, quod divina essentia per phantasmata videri non potest, ut in primo ostensum est. Unde cum in visione divinæ essentiae perfecta hominis beatitudo consistat, non dependet beatitudo, perfecta hominis à corpore: unde sine corpore potest anima esse beata. Sed sciendum quod ad perfectionem alicuius rei dupliciter aliquid pertinet. Vno modo, ad constituendam essentiam rei: sicut anima requiritur ad perfectionem hominis. Alio modo requiritur ad perfectionem rei, quod pertinet ad bene esse eius: sicut pulchritudo corporis: vel velocitas ingenij pertinet ad perfectionem hominis. quævis ergo corpus primo modo ad perfectionem beatitudinis humane non pertinet, pertinet tamen secundo modo. cum enim operatio dependat ex natura rei, quanto anima perfectior erit in sua natura, tanto perfectius habebit suam propriam operationem, in qua felicitas consistit. unde Augustinus in 12. super Genes. ad litteram, cum quaesivisset utrum spiritibus defunctorum sine corporibus possit summa illa beatitudo præberi: respondit, quod non sic possunt videre incommutabilem substantiam, ut sancti Angeli vident, siue alia latente causa: siue ideo quia est in eis naturalis quidam appetitus corpus administrandi.

Ad primum ergo dicendum, quod beatitudo est perfectio animæ ex parte intellectus, secundum quem anima transcendit corporis organa, non autem secundum quod est forma naturalis corporis: & ideo illa naturalis perfectio manet, secundum quam ei beatitudo debetur, licet non maneat illa naturalis perfectio secundum quam est corporis forma.

Ad secundum dicendum, quod anima aliter se habet ad esse, quam alix partes: nam esse totius non est alicuius partium: unde vel pars omnino definit esse destructo toto, sicut partes animalis destructo animali: vel si remanent, habent aliud esse in actu, sicut pars lineæ habet aliud esse, quam tota linea: sed animæ humane remanet esse compositi post corporis destructionem. & hoc ideo, quia idem est esse formæ & materiæ. & hoc idem est esse compositi. anima autem subsistit in suo esse, ut in primo ostensum est. unde relinquitur, quod post separationem à corpore perfectum esse habet.

habeat, unde perfectam operationem habere potest, licet non habeat perfectam naturam.

Ad tertium dicendum, quod beatitudo est hominis secundum intellectum: & ideo remanente intellectu potest inesse ei beatitudo: sicut dentes Æthiops possunt esse albi, etiam post evulsionem: secundum quos Æthiops dicitur albus.

Ad quartum dicendum, quod dupliciter aliquid impeditur ab alio. Uno modo, per modum contrarietatis, sicut frigus impedit actionem caloris: & tale impedimentum operationis repugnat sententiæ. Alio modo, per modum cuiusdam defectus: quia licet res impedita non habet quicquid ad omnimodum eius perfectionem requiritur: & tale impedimentum operationis non repugnat sententiæ, sed omnimodæ perfectioni ipsius: & sic separatio animæ a corpore dicitur animam retardare, ne tota intentione tendat in visionem divinæ essentiae. appetit enim anima sic frui Deo, quod etiam ipsa fruendo demittit ad corpus per redundantiam sicut est possibile: & ideo quamdiu ipsa fruunt Deo sine corpore, appetitus eius sic quiescit in eo quod tamen adhuc ad participationem eius vellet: tum corpus pertingere.

Ad quintum dicendum, quod desiderium animæ separatæ totaliter quiescit ex parte appetibilis: quia habet id quod suo appetitui sufficit: sed non totaliter requiescit ex parte appetentis: quia illud bonum non possidet secundum omnem modum quo possidere vellet: & ideo corpore retinendo beatitudo erigit, non intensius, sed extensius.

Ad sextum dicendum, quod id quod ibidem dicitur, quod spiritus defunctorum non sic vident Deum sicut angeli, non est intelligendum secundum inqualitatem quantitatis: quia etiam modo aliqui animæ beatorum sunt assumptæ ad superiores ordines angelorum, clarius videntes Deum quam inferiores angeli: sed intelligitur secundum inqualitatem proportionis: quia angeli etiam infimi habent omnem perfectionem beatitudinis, quam sunt habituri: non autem animæ separatæ sanctorum.

ARTICVLVS VI.

Utrum ad beatitudinem requiratur aliqua perfectio corporis.

AD SEPTIMUM sic proceditur. Videtur quod perfectio corporis non requiratur ad beatitudinem hominis perfectam. perfectio enim corporis est quoddam corporale bonum: sed supra ostensum est, quod beatitudo non consistit in corporalibus bonis: ergo ad beatitudinem hominis non requiritur aliqua perfectio corporis.

¶ Præterea, Beatitudo hominis consistit in visione divinæ essentiae, ut ostensum est: sed ad hanc operationem nihil exhibet corpus, ut dictum est, ergo nulla dispositio corporis requiritur ad beatitudinem.

¶ Præterea, Quanto intellectus est magis abstractus à corpore, tanto perfectius intelligit: sed beatitudo consistit in perfectissima operatione intellectus. Ergo oportet omnibus modis animam esse abstractam à corpore. nullo ergo modo requiritur aliqua dispositio corporis ad beatitudinem.

¶ Contra, Præmium virtutis est beatitudo. unde dicitur Io. 13. Beati eritis si feceritis ea. sed sanctis repromittitur pro præmio non solum visio Dei & delectatio: sed etiam corporis bona dispositio, dicitur enim Iſa. vlt. Videbitis, & gaudebit cor vestrum, & ossa vestra quasi herba geminabunt, ergo bona dispositio corporis requiritur ad beatitudinem.

CONCLUSIO.

Ad omnem beatitudinem quocunque modo sumptam conveniens corporis humani antecedit & sequitur dispositio, ut illius decor & perfectio.

RESPONDEO dicendum, quod si loquamur de beatitudine hominis qualis in hac vita potest haberi, manifestum est, quod ad eam ex necessitate requiritur bona dispositio corporis. consistit enim hac beatitudo secundum philosophum in operatione virtutis perfectæ. manifestum est autem, quod per inualitudinem corporis in omni operatione virtutis homo impeditur potest. Sed si loquamur de beatitudine perfecta, sic quidam posuerunt, quod non requiritur ad beatitudinem aliqua corporis dispositio, immo requiritur ad eam ut omnino anima sit à corpore separata. unde Aug. 12. de civit. Dei introducit verba Porphyrii dicentis: Quod ad hoc quod sit beata anima, omne corpus fugiendum est. Sed hoc est inconueniens: cum enim naturale sit animæ corpori variari, non potest esse quod perfectio animæ naturalem eius perfectionem excludat. Et ideo dicendum est, quod ad beatitudinem perfectam requiritur perfecta dispositio corporis, & antecedenter & consequenter: antecedenter quidem, quia ut Augustinus. * dicit 12. super Gen. ad litteram, si tale sit corpus, cuius sit difficilis & gravis administratio, sicut caro quæ corrumpitur. & aggravat animam, auertitur mens ab illa visione summi cæli. unde concludit, quod cum hoc corpus iam non erit animale, sed spirituale: tunc angelis adæquabitur, & erit ei ad gloriam quod sarcinæ fuit. Consequenter vero, quia ex beatitudine animæ fiet redundantia ad corpus, ut & ipsum sua perfectione potiat. unde Aug. * dicit in epist. ad Dioscorum. Tam potenti naturâ Deus fecit animam, ut ex eius plenissima beatitudine redundet in inferiorem naturam incorruptionis vigor.

Ad primum ergo dicendum, quod in corporali bono non consistit beatitudo sicut in obiecto beatitudinis: sed corporale bonum potest facere ad aliquem beatitudinis decorem vel perfectionem.

Ad secundum dicendum, quod etsi corpus nihil conferat ad illam operationem intellectus, quæ Dei essentia videtur, tamen posset ab hac impedire: & ideo requiritur perfectio corporis, ut non impediat elevationem mentis.

Ad tertium dicendum, quod ad perfectam operationem intellectus requiritur quidem abstractio ab hoc corruptibili corpore quod aggravat animam: non autem à spirituali corpore, R. P. Philippi Carm. discal. Diff. Theologi. in 1. 2.

quod erit totaliter spiritui subiectum, de quo in tertia parte huius operis dicitur.

ARTICVLVS VII.

Utrum ad beatitudinem requirantur aliqua exteriora bona.

AD SEPTIMUM sic proceditur. Videtur, quod ad beatitudinem requirantur etiam exteriora bona: quod enim in prælium sanctis promittitur, ad beatitudinem pertinet sed sanctis repromittuntur exteriora bona, sicut cibus & potus, diuitiæ & regnum: dicitur enim Luc. 12. Ut edatis & bibatis super mensam meam in regno meo, & Matth. 6. Thesaurizate vobis thesaurum in celo: & Matth. 23. Venite benedicere patris mei, possidere regnum: ergo ad beatitudinem requiruntur exteriora bona.

¶ Præterea, secundum Boetium in 3. de consolatione, Beatitudo est status omnium bonorum aggregatione perfectus. sed exteriora sunt aliqua hominis bona, licet minima, ut Augustinus. dicit. ergo ipsa etiam requiruntur ad beatitudinem.

¶ Præterea, Dominus Mat. 5. dicit, Merces vestra multa est in celis: sed esse in celis significat esse in loco ergo saltem locus exterior requiritur ad beatitudinem.

¶ Contra est, quod dicitur in Psalm. 72. Quid enim mihi est in celis. & à te quid vel. super terram? quasi dicat, nihil volo nisi hoc quod sequitur: mihi adhaerere Deo bonum est. ergo nihil aliud extra Deum ad beatitudinem requiritur.

CONCLUSIO.

Ad beatitudinem patrie, exteriora bona, quæ vitæ animalis non spiritui deseruiunt, nullo modo requiruntur: ad eam tamen beatitudinem, quæ in vitæ æternæ ac contemplatiue operibus perficitur, necessaria sunt ut instrumenta.

RESPONDEO dicendum, quod ad beatitudinem imperfectam qualis in hac vita potest haberi, requiruntur exteriora bona, non quasi de essentia beatitudinis existentia, sed quasi instrumenta deseruiencia beatitudini: quæ consistit in operatione virtutis ut dicitur in primo * Eth. Indiget enim homo in hac vita necessariis corporis tam ad operationem virtutis contemplatiue, quam etiam ad operationem virtutis actiue, ad quam etiam plura alia requiruntur, quibus exerceat opera actiue virtutis.

Sed ad beatitudinem perfectam, quæ in visione Dei consistit, nullo modo huiusmodi bona requiruntur. Cuius ratio est, quia omnia huiusmodi bona exteriora vel requiruntur ad sustentationem animalis corporis, vel requiruntur ad aliquas operationes, quæ per animale corpus exercentur, quæ humana vitæ conueniunt: illa autem perfecta beatitudo, quæ in visione Dei consistit, vel erit in anima sine corpore, vel erit in anima corpori iuncta non iam animali, sed spirituali: & ideo nullo modo huiusmodi exteriora bona requiruntur ad illam beatitudinem, cum ordinentur ad vitam animalem. & quia in hac vita magis accedit ad similitudinem illius perfectæ beatitudinis felicitas contemplatiue, quam actiue, ut potest etiam Deo similior, ut ex dictis * patet: ideo minus indiget huiusmodi bonis corporis, ut dicitur in 10. * Ethic.

Ad primum ergo dicendum, quod omnes illæ corporales promissiones, quæ in sacra scriptura continentur, sunt metaphorice intelligendæ secundum quod in scripturis solent spiritualia per corporalia designari, ut ex his quæ nouimus ad desiderandum incognita confurgamus, sicut Gregor. dicit in quadam * homilia. Sicut per cibum & potum intelligitur delectatio beatitudinis. per diuitias sufficientia quæ homini sufficiunt Deus, per regnum, exaltatio hominis usque ad coniunctionem cum Deo.

Ad secundum dicendum quod bona ista deseruiencia animali vitæ non competunt vitæ spirituali, in qua beatitudo perfecta consistit. Et tamen erit in illa beatitudine omnium bonorum congregatio: quia quicquid bonum inuenitur in istis, totum habebitur in summo fonte bonorum.

Ad tertium dicendum, quod secundum August. * in lib. de serm. Dom. in monte, Merces sanctorum non dicitur esse in corporeis rebus: sed per calos intelligitur altitudo spiritualium bonorum. Nihilominus tamen locus corporeus scilicet celum empyreum aderit beatis: non propter necessitatem beatitudinis, sed secundum quandam congruentiam & decorem.

ARTICVLVS VIII.

Utrum ad beatitudinem requiratur societas amicorum.

AD OCTAVUM sic proceditur. Videtur, quod amici sint necessarii ad beatitudinem: futura enim beatitudo in scripturis frequenter nomine gloriæ designatur: sed gloria consistit in hoc quod bonum hominis ad notitiam multorum deducitur, ergo ad beatitudinem requiritur societas amicorum.

¶ Præterea, Boetius dicit, quod nullus boni sine consortio iocunda est possessio: sed ad beatitudinem requiritur delectatio. ergo etiam requiritur societas amicorum.

¶ Præterea, Caritas in beatitudine perficitur: sed caritas extendit se ad dilectionem Dei & proximorum. ergo videtur quod ad beatitudinem requiratur societas amicorum.

¶ Contra est, quod dicitur Sapient. 7. Venerunt mihi omnia bona pariter cum illa, scilicet cum diuina sapientia, quæ consistit in contemplatione Dei, & sic ad beatitudinem nihil aliud requiritur.

CONCLUSIO.

Etiamsi ad præsentis vitæ beatitudinem amicorum societas requiratur, ut illis ad opera vitæ actiue & contemplatiue præstanda, inueniatur oblectetur & exerceatur.

30

Supr. ar. 5.
& loci ibi
inducti.
2. 2. per
Iſam.
† 2. 2. ar.
3. ar. 5.
præced.

Lib. 12. ca.
26. an. prim.
6. li. 12. c.
26. an. prim.
tom. 3.

Lib. 12. ca.
15. 10. 1.

aliquantulum ante
medium &
est 17. 50.
tom. 2.

31
2. 2. q. 1. 1.
4. 3. ad 4.
Præf. 2.
ar. 2. prim.
cipium.
Lib. 2. de
lib. ar. cap.
19. & 1. 1. 1.
1. 1. 1. 1. 1.
1. 1. 1. 1. 1.

Lib. 1. Eth.
cap. 7.

† 1. 1. 1. 1. 1.
† 1. 1. 1. 1. 1.

hom. 1. 0. in
enang. ar.
ca. princip.

Lib. 1. 2. ca.
non remanet
ad 1. 0. 1. 1.

34

homo non tamen ad perfectam sequentis vite beatitudinem necessaria est.

RESPONDEO dicendum, quod si loquamur de felicitate presentis vite, sicut Philosophus dicit in 9. Ethic. Felix indiget amicis. non quidem propter utilitatem, cum sit sufficienti, nec propter delectationem, quia habet in seipso delectationem perfectam in operatione virtutis: sed propter bonam operationem, ut scilicet eis benefacere delectetur, & ut ab eis in benefaciendo iuuetur. Indiget enim homo ad bene operandum auxilio amicorum, tam in operibus vite acti-
lib. 9. Ethic. c. 9. q. 11 tom. 5.

uiz, quam in operibus vite contemplatiuiz. Sed si loquamur de perfecta beatitudine quae est in patria, non requiritur societas amicorum de necessitate ad beatitudinem, quia homo habet totam plenitudinem suae perfectionis in Deo: sed ad bene esse beatitudinis facit societas amicorum. Vnde Augustinus dicit super Genesim ad litteram, quod creatura spiritualis ad hoc quod sit beata, non nisi intrinsecus adiuuatur eternitate, veritate, charitate Creatoris: extrinsecus vero si adiuvatur dicenda est, fortasse hoc solo adiuvatur, quod se invicem vident, & de sua societate gaudent.

Ad primum ergo dicendum, quod gloria, quae est essentialis beatitudini, est quam habet homo non apud hominem, sed apud Deum.

Ad secundum dicendum, quod verbum illud intelligitur quando in eo bono quod habetur, non est plena sufficientia. quod in proposito dici non potest, quia omnis boni sufficientiam habet homo in Deo.

Ad tertium dicendum, quod perfectio charitatis est essentialis beatitudini quantum ad dilectionem Dei, non quantum ad dilectionem proximi. Vnde si esset una sola anima frons Deo, beata esset non habens proximum quem diligeret: sed supposito proximo sequitur dilectio eius ex perfecta dilectione Dei. unde quasi concomitanter habet amicitia ad perfectam beatitudinem.



QUESTIO V.

De adeptione beatitudinis, in octo articulos divisa.

DEINDE considerandum est de ipsa adeptione beatitudinis.

Et circa hoc quaeruntur octo.

- ¶ Primo, utrum homo possit consequi beatitudinem.
- ¶ Secundo, utrum unus homo possit esse alio beator.
- ¶ Tertio, utrum aliquis possit esse in hac vita beatus.
- ¶ Quarto, utrum beatitudo habita possit amitti.
- ¶ Quinto, utrum homo per sua naturalia possit acquirere beatitudinem.
- ¶ Sexto, utrum homo consequatur beatitudinem per actionem alicuius superioris creaturae.
- ¶ Septimo, utrum requirantur opera hominis aliqua ad hoc quod homo beatitudinem consequatur a Deo.
- ¶ Octavo, utrum omnis homo appetat beatitudinem.

ARTICVLVS I.

Utrum homo possit consequi beatitudinem.

AD PRIMUM sic proceditur. Videtur, quod homo beatitudinem adipisci non possit. sicut enim natura rationalis est supra sensibilem, ita natura intellectualis est supra rationalem, ut patet per Dionysium in libro de divinis nominibus. sed bruta animalia quae habent naturam sensibilem tantum, non possunt pervenire ad finem rationalis naturae. ergo nec homo qui est rationalis natura, potest pervenire ad finem intellectualis naturae, qui est beatitudo.

¶ 2 Præterea, Beatitudo vera consistit in visione Dei, quae est veritas pura. sed homini est connaturale, ut veritatem intueretur in rebus materialibus. Vnde species intelligibiles in phantasmatis intelligit, ut dicitur in 3. de anim. ergo non potest ad beatitudinem pervenire.

¶ 3 Præterea, Beatitudo consistit in adeptione summi boni: sed aliquis non potest pervenire ad summum nisi transcendat media cum igitur inter Deum & naturam humanam media sit natura angelica, quam homo transcendere non potest, videtur quod non possit beatitudinem adipisci.

Sed contra est, quod dicitur in Psalm. 97. Beatus homo quem in erudieris Domine.

CONCLUSIO.

Cum homo sit universalis boni per intellectum capax, quod voluntate appetere potest, possibile est hominem adipisci beatitudinem.

RESPONDEO dicendum, quod beatitudo nominat adeptionem perfecti boni. quicunque ergo est capax perfecti boni, potest ad beatitudinem pervenire. quod autem homo boni perfecti sit capax, ex hoc apparet, quod eius intellectus potest comprehendere universale & perfectum bonum, & eius voluntas appetere illud, & ideo homo potest beatitudinem adipisci. Apparet etiam idem ex hoc quod est capax visionis divinae essentiae, sicut in 1. habitum est in qua quidem visione perfectam hominis beatitudinem consistere diximus.

Ad primum ergo dicendum, quod aliter excedit natura rationalis sensibilem: & aliter intellectualis rationalem: natura enim rationalis excedit sensibilem quantum ad cognitionis obiectum; quia sensus nullo modo potest cognoscere universale, cuius ratio est cognoscitiva: sed intellectualis natura excedit rationalem quantum ad modum cognoscendi intelli-

gibilem veritatem, nam intellectualis natura statim apprehendit veritatem, ad quam rationalis natura per inquisitionem rationis pertingit, ut patet ex his quae in 1. dicta sunt: & ideo ad id quod intellectus apprehendit, ratio per quandam motum pertingit: unde rationalis natura consequi potest beatitudinem, quae est perfectio intellectualis naturae: tamen alio modo quam angeli. nam angeli consecuti sunt eam statim post principium suae cognitionis: homines autem per tempus ad ipsam perveniunt, sed natura sensitiva ad hunc finem nullo modo pertingere potest.

Ad secundum dicendum, quod homini secundum statum presentis vite est connaturalis modus cognoscendi veritatem intelligibilem per phantasmas: sed post huius vite statum habet alium modum connaturalem, ut in 2. dictum est.

Ad tertium dicendum, quod homo non potest transcendere angelos gradu naturae, ut scilicet naturaliter sit superior: potest tamen eos transcendere per operationem intellectus: dum intelligit aliquid super angelos esse, quod homines beatificat, quod cum perfecte consequetur, perfecte beatus erit.

ARTICVLVS II.

Utrum unus homo possit esse beator altero.

AD SECUNDUM sic proceditur. Videtur, quod unus homo alio non possit esse beator. beatitudo enim est primum virtutis, ut Philosophus dicit in 1. Ethic. sed pro operibus virtutum omnibus aequalis merces redditur. dicitur enim Matth. 10. quod omnes qui operati sunt in vinea, acceperunt singulos denarios: quia ut dicit Gregorius, aequalis eternae vite retributionem sortiti sunt. ergo unus non erit beator alio.

¶ 2 Præterea, Beatitudo est summum bonum: sed summum non potest esse aliquid maius: ergo beatitudine unus hominis non potest esse alia maior beatitudo.

¶ 3 Præterea, Beatitudo cum sit perfectum & sufficiens bonum, desiderium hominis quietat: sed non quietatur desiderium si aliquid bonum deest, quod suppleri possit: si autem nihil deest quod suppleri possit, non poterit esse aliquid aliud minus bonum. ergo vel homo non est beatus, vel si est beatus non potest alia maior beatitudo esse.

Sed contra est, quod dicitur Iohann. 14. In domo Patris mei mansiones multae sunt, per quas ut Augustinus dicit, diversae meritorum dignitates intelliguntur in vita aeterna. dignitas autem vite aeternae, quae pro merito datur, est ipsa beatitudo, ergo sunt diversi gradus beatitudinis: & non omnium est aequalis beatitudo.

CONCLUSIO.

Non potest beatitudo una ex parte obiecti alia maior esse, sed secundum fructum eius, quia alius est alio melius dispositus ad eam: unus altero beator esse potest.

RESPONDEO dicendum, quod sicut supra dictum est, in ratione beatitudinis duo includuntur, scilicet ipse finis ultimus, qui est summum bonum, & adeptio vel fructus ipsius boni. Quantum igitur ad ipsum bonum quod est beatitudinis obiectum & causa, non potest esse una beatitudo alia maior: quia non est nisi unum summum bonum, scilicet Deus, cuius fruitione homines sunt beati, sed quantum ad adeptionem huiusmodi boni vel fruitionem potest aliquis alio esse beator: quia quanto magis hoc bono fruatur, tanto beator est contingit autem aliquem perfectius frui Deo quam alium ex eo quod est melius dispositus vel ordinatus ad eius fruitionem, & secundum hoc potest aliquis alio beator esse.

Ad primum ergo dicendum, quod unitas denarii significat unitatem beatitudinis ex parte obiecti: sed diversitas mansionum significat diversitatem beatitudinis secundum diversum gradum fruitionis.

Ad secundum dicendum, quod beatitudo dicitur esse summum bonum inquantum est summi boni perfecta possessio suae fruitionis.

Ad tertium dicendum, quod nulli beato deest aliquid bonum desiderandum, cum habet ipsum bonum infinitum, quod est bonum omnis boni, ut Augustinus dicit: sed dicitur aliquis alio beator ex diversis eisdem boni participatione. additio autem aliorum bonorum non auget beatitudinem. unde Augustinus dicit in 3. Confess. Qui te & alia novit, non propter illa beator, sed propter te solum beatus.

ARTICVLVS III.

Utrum aliquis in hac vita possit esse beatus.

AD TERTIUM sic proceditur. Videtur, quod beatus alio possit in hac vita haberi. dicitur enim in Psalm. 118. Beati immaculati in via, qui ambulant in lege Domini. hoc autem in hac vita contingit. ergo aliquis in hac vita potest esse beatus.

¶ 2 Præterea, Imperfecta participatio summi boni non adimit rationem beatitudinis: alioquin unus non esset beator alio. sed in hac vita homines possunt participare summum bonum cognoscendo & amando Deum, licet imperfecte. ergo homo in hac vita potest esse beatus.

¶ 3 Præterea, Quod ab omnibus dicitur, non potest totaliter falsum esse. videtur enim naturale quod in pluribus est: natura autem non totaliter deficit sed plures ponunt beatitudinem in hac vita: ut patet per illud Psalm. 143. Beatorum dixerunt populum cui haec sunt scilicet presentis vite bona. ergo aliquis in hac vita potest esse beatus.

Sed contra est, quod dicitur Iob. 14. Homo natus de muliere brevis vivens tempore, repletur multis miseriis. sed beatus

beatitudo excludit miseriam. ergo homo in hac vita non potest esse beatus.

CONCLUSIO.

Cum perfecta beatitudo in visione diuine essentie consistat, omne malum excludat, hæc autem in hac vita haberi non potest.

RESPONDENDO dicendum, quod aliquis beatitudinis participatio in hac vita haberi potest, perfecta autem & vera beatitudo non potest haberi in hac vita. & hoc quidem considerari potest dupliciter. Primo quidem ex ipsa communi beatitudinis ratione: nam beatitudo, cum sit perfectum & sufficienti bonum, omne malum excludit, & omne desiderium implet. in hac autem vita non potest omne malum excludi, multis enim malis præfens vita subiaceret, quæ vitari non possunt, & ignorari ex parte intellectus, & inordinata affectioni ex parte appetitus, & multiplicibus pœnalitatibus ex parte corporis, vt * August. diligenter prosequitur 19. de ciuit. Dei. Similiter etiam homini desiderium in hac vita satari non potest: naturaliter enim homo desiderat permanentiam eius boni, quod habet, bona autem præfens vita transitoria sunt, cum & ipsa vita transeat, quam naturaliter desideramus, & eam perpetuo manere vellemus, quia naturaliter homo refugit mortem, unde impossibile est quod in hac vita vera beatitudo habeatur. Secundo, si consideretur id, in quo specialiter beatitudo consistit, scilicet visio diuine essentie, quæ non potest homini provenire in hac vita, vt in primo ostensum est, ex quibus manifeste apparet, quod non potest aliquis in hac vita veram & perfectam beatitudinem adipisci.

Ad primum ergo dicendum, quod beati dicuntur aliqui in hac vita vel propter speciem beatitudinis adipiscendam in futura vita, secundum illud Roman. 8. Spe salui facti sumus: vel propter aliquam participationem beatitudinis secundum aliqualem sortem boni fructuonem.

Ad secundum dicendum, quod participatio beatitudinis potest esse imperfecta dupliciter. Vno modo, ex parte ipsius obiecti beatitudinis quod quidem secundum sui essentiam non videtur & talis imperfectio tollit rationem vera beatitudinis. Alio modo potest esse imperfecta ex parte ipsius participantis, qui quidem ad ipsum obiectum beatitudinis secundum seipsum attingit, scilicet Deum: sed imperfecte per respectum ad modum, quo Deus seipso fruatur, & talis imperfectio non tollit veram rationem beatitudinis: quia cum beatitudo sit operatio quædam, vt * supra dictum est, vera ratio beatitudinis consideratur ex obiecto, quod dat speciem actui, non autem ex subiecto.

Ad tertium dicendum, quod homines reputant in hac vita esse aliquam beatitudinem propter aliquam similitudinem veræ beatitudinis: & sic non ex toto in sua estimatione deficiunt.

ARTICVLVS IV.

Verum beatitudo habita possit amitti.

AD QVARTVM sic proceditur. Videtur, quod beatitudo possit amitti. beatitudo enim est perfectio quædam: sed omnis perfectio inest perfectibili secundum modum ipsius, igitur homo secundum naturam suam sit mutabilis, videtur quod beatitudo ab homine mutabiliter participetur: & ita videtur, quod homo beatitudinem possit amittere.

¶ 1. Præterea, Beatitudo consistit in actione intellectus qui subiaceret voluntati: sed voluntas se habet ad opposita. Ergo videtur quod possit desistere ab operatione qua homo beatificatur: & ita homo desinet esse beatus.

¶ 2. Præterea, Principio responderet finis: sed beatitudo hominis habet principium: quia homo non semper fuit beatus, ergo videtur quod habeat finem.

¶ 3. contra est, quod dicitur Matth. 23. de iustis, quod ibant in vitam æternam, quæ vt dictum est, * est beatitudo sanctorum. quod autem est æternum, non desinit. ergo beatitudo non potest amitti.

CONCLUSIO.

Possibile est quomodo ab imperfecta beatitudine, qualis in hac vita haberi potest, desistere, non autem à perfecta, quæ quoniam in visione diuine essentie consistit, omne malum excludit.

RESPONDENDO dicendum, quod si loquamur de beatitudine imperfecta, qualis in hac vita potest haberi, sic potest amitti, & hoc patet in felicitate contemplatiua, quæ amittitur: vel per obliuionem, puta cum corrumpitur scientia ex aliqua ægitudine: vel per aliquas occupationes quibus totaliter abstrahitur aliquis à contemplatione. Patet etiam idem in felicitate actiua. voluntas enim hominis transmutari potest, vt videlicet degeperet à virtute, in cuius actu principaliter consistit felicitas. si autem virtus remanet integra, exteriores transmutationes possunt quidem beatitudinem talem perturbare inquantum impediunt multas operationes virtutis non tamen possunt eam totaliter auferre: quia adhuc remanet operatio virtutis dum ipse aduersarius homo laudabiliter sustinet. & quia beatitudo huius vite amitti potest, quod videtur esse contra rationem beatitudinis: ideo philosophus dicit in primo Ethic. * aliquos esse in hac vita beatos non simpliciter sed sicut homines: quorum natura mutationi subiecta est. Si verò loquamur de beatitudine perfecta, quæ expectatur post hanc vitam, sciendum quod Origenes posuit, * quorundam Platoniorum * errorem sequens, quod post ultimam beatitudinem homo potest fieri miser. Sed hoc manifeste apparet esse falsum dupliciter.

¶ Primo quidem ex ipsa communi ratione beatitudinis: cum enim ipsa beatitudo sit perfectum bonum & sufficienti, oportet quod desiderium hominis quietet, & omne malum excludat: naturaliter autem homo desiderat retinere bonum quod habet, & quod eius retinendi securitatem obtineat: alio-

quin necesse est quidd timore amittendi vel dolore de certitudine amissionis affligatur. Requiritur igitur ad veram beatitudinem, quod homo certam habeat opinionem bonum quod habet, nunquam se amissurum: quæ quidem opinio si vera sit, consequens est quod beatitudinem nunquam amitteret, si aprem falsa sit, hoc ipsum est quoddam malum falsam opinionem habere: nam falsum est malum intellectus, sicut verum est bonum ipsius, vt dicitur in 6. Ethic. * Non igitur iam verè erit beatus si aliquid malum ei inest.

¶ Secundo idem apparet si consideretur ratio beatitudinis in speciali: ostensum est enim supra quod perfecta beatitudo hominis in visione diuine essentie consistit: est autem impossibile quod aliquis videns diuinam essentiam, velit eam non videre, quia omne bonum habet quo aliquis carere vult, aut est insufficienti, & queritur aliquid sufficientius loco eius: aut habet aliquid incommodum annexum propter quod in fastidium venit: visio autem diuine essentie replet animam omnibus bonis cum coniungat fontem totius bonitatis. unde dicitur in Psalm. 16. Satiabor cum apparuerit gloria tua. & Sap. 7. dicitur, Venerunt mihi omnia bona pariter cum illa, scilicet cum contemplatione sapientie: similiter etiam non habet aliquid incommodum adiunctum: quia de contemplatione sapientie dicitur, Sapient. 8. Non habet amaritudinem conuersatio illius, nec tedium conuiuius eius: sic ergo patet quod propria voluntate beatus non potest beatitudinem deserere: similiter etiam non potest eam perdere Deo subtrahente, quia cum subtrahio beatitudinis sit quædam pœna, non potest talis subtrahio à Deo iusto iudice provenire nisi pro aliqua culpa in quam cadere non potest qui Dei essentiam videt, cum ad hanc visionem ex necessitate sequatur relictio voluntatis, vt supra ostensum est, * similiter etiam nec aliquid aliud agens potest eam subtrahere, quia mens Deo comanda super omnia alia eleuatur, & sic ab huiusmodi conuersione nullum aliud agens potest ipsam excludere. unde inconueniens videtur quod per quasdam alternationes temporum transeat homo de beatitudine ad miseriam, & e conuerso, quia huiusmodi temporales alternationes esse non possunt nisi circa ea quæ subiacent temporis & motui.

Ad primum ergo dicendum, quod beatitudo est perfectio consummata, quæ omnem defectum excludit a beato: & ideo absque mutabilitate aduenit eam habenti, faciente hoc virtute diuina quæ hominem subleuat in participationem æternitatis transcendentis omnem mutationem.

Ad secundum dicendum, quod voluntas ad opposita se habet in his quæ ad finem ordinantur: sed ad vltimum finem naturali necessitate ordinatur: quod patet ex hoc quod homo non potest non velle esse beatus.

Ad tertium dicendum, quod beatitudo habet principium ex conditione participantis: sed caret fine propter conditionem boni cuius participatio facit beatum, unde ab alio est initium beatitudinis, & ab alio est quod caret fine.

ARTICVLVS V.

Verum homo per sua naturalia possit acquirere beatitudinem.

AD QVINTVM sic proceditur. Videtur, quod homo per sua naturalia possit beatitudinem consequi: natura enim non deficit in necessariis: sed cum est homini tam necessarium, quam id quod per finem vltimum consequitur. ergo hoc naturæ humanæ non breuit potest igitur homo per sua naturalia beatitudinem consequi.

¶ 1. Præterea, Homo cum sit nobilior irrationalibus creaturis, videtur esse sufficientior: sed irrationales creaturæ per sua naturalia possunt consequi suos fines: ergo multo magis homo per sua naturalia potest beatitudinem consequi.

¶ 2. Præterea, Beatitudo est operatio imperfecta secundum philosophum. * eiusdem autem est incipere rem & perficere ipsam. cum igitur operatio imperfecta, quæ est quasi principium in operationibus humanis, subdatur naturali hominis potestati, quæ suorum actuum est dominus: videtur quod per naturalem potentiam possit peruenire ad operationem perfectam, quæ est beatitudo.

¶ 3. contra, Homo est principium naturaliter actuum suorum per intellectum & voluntatem. sed vltima beatitudo sanctis preparata excedit intellectum & voluntatem. dicit enim Apostolus 1. ad Corinth. 2. Oculus non vidit, & auris non audiuit, & in cor hominis non ascenderunt, quæ præparauit Deus diligentibus se. ergo homo per sua naturalia non potest beatitudinem consequi.

CONCLUSIO.

Non potest homo suis naturalibus viribus beatitudinem consequi: quæ in visione diuine essentie consistit, quæ in hac vita haberi potest.

RESPONDENDO dicendum, quod beatitudo imperfecta, quæ in hac vita haberi potest, potest ab homine acquiri per sua naturalia, eo modo quo & virtus in cuius operatione consistit, de quo infra dicitur. * sed beatitudo hominis perfecta (sicut supra dictum est) consistit in visione diuine essentie, videre autem Deum per essentiam est supra naturam non solum hominis, sed etiam omnis creaturæ, vt in primo ostensum est: * naturalis enim cognitio cuiuslibet creaturæ est secundum modum substantie eius: sicut de intelligentia dicitur in lib. de causis, quod cognoscit ea quæ sunt supra se, & ea quæ sunt infra se secundum modum substantie suæ: omnis autem cognitio, quæ est secundum modum substantie errat, deficit à visione diuine essentie quæ in ignis excedit omnem substantiam creatam: unde nec homo nec aliqua creatura potest consequi beatitudinem vltimam per sua naturalia.

Ad primum ergo dicendum, quod sicut natura non deficit homini in necessariis, quamuis non dederit sibi anima & intellectu.

lib. 6. ex c. 2. & 3.

2. & 3. a. 1.

2. & 3. a. 4.

37

lib. 6. ex c. 2. & 3.

lib. 6. ex c. 2. & 3.

lib. 6. ex c. 2. & 3.

lib. 6. ex c. 2. & 3.

lib. 6. ex c. 2. & 3.

lib. 6. ex c. 2. & 3.

lib. 6. ex c. 2. & 3.

lib. 6. ex c. 2. & 3.

lib. 6. ex c. 2. & 3.

lib. 6. ex c. 2. & 3.

lib. 6. ex c. 2. & 3.

lib. 6. ex c. 2. & 3.

lib. 6. ex c. 2. & 3.

lib. 6. ex c. 2. & 3.

lib. 6. ex c. 2. & 3.

lib. 6. ex c. 2. & 3.

lib. 6. ex c. 2. & 3.

lib. 6. ex c. 2. & 3.

lib. 6. ex c. 2. & 3.

lib. 6. ex c. 2. & 3.

lib. 6. ex c. 2. & 3.

lib. 6. ex c. 2. & 3.

lib. 6. ex c. 2. & 3.

lib. 6. ex c. 2. & 3.

lib. 6. ex c. 2. & 3.

lib. 6. ex c. 2. & 3.

lib. 6. ex c. 2. & 3.

lib. 6. ex c. 2. & 3.

lib. 6. ex c. 2. & 3.

lib. 6. ex c. 2. & 3.

lib. 6. ex c. 2. & 3.

lib. 6. ex c. 2. & 3.

lib. 6. ex c. 2. & 3.

lib. 6. ex c. 2. & 3.

lib. 6. ex c. 2. & 3.

lib. 6. ex c. 2. & 3.

lib. 6. ex c. 2. & 3.

lib. 6. ex c. 2. & 3.

lib. 6. ex c. 2. & 3.

lib. 6. ex c. 2. & 3.

lib. 6. ex c. 2. & 3.

lib. 6. ex c. 2. & 3.

lib. 6. ex c. 2. & 3.

lib. 6. ex c. 2. & 3.

lib. 6. ex c. 2. & 3.

menta sicut aliis animalibus, quia dedit ei rationem & manus quibus possit hanc sibi acquirere: ita nec deficit homini in necessariis: quamvis non daret sibi aliquod principium, quo possit beatitudinem consequi: hoc enim erat impossibile: sed dedit ei liberum arbitrium, quo possit conueniri ad Deum, qui eum faceret beatum: quod enim per amicos possumus, per nos aliquantulum possumus, ut dicitur in 3. Ethic.

Lib. 3. c. 3.
post. medius
ad 1. 3.

Lib. 2. de
cal. 1. 1. c. 1.
ad 64. c. 2.

Ad secundum dicendum, quod nobilitas conditionis est natura, quae potest consequi perfectum bonum, licet indigeat exteriori auxilio ad hoc consequendum, quia natura, quae non potest consequi perfectum bonum, sed consequitur quoddam bonum imperfectum, licet ad consecutionem eius non indigeat exteriori auxilio: ut philosophus dicit in secundo de celo: "Sicut melius est dispositus ad sanitatem qui potest consequi perfectam sanitatem, licet hoc sit per auxilium medicum, quam qui solum potest consequi quoddam imperfectam sanitatem sine medicum auxilio: & ideo creatura rationalis, quae potest consequi perfectum beatitudinis bonum indigens ad hoc diuino auxilio, est perfectior quam creatura irrationalis, quae huiusmodi boni non est capax: sed quoddam bonum imperfectum consequitur virtute lux naturae.

Ad tertium dicendum, quod quando imperfectum & perfectum sunt eiusdem speciei, ab eadem virtute causari possunt: non autem hoc est necesse si sunt alterius speciei: non enim quicquid potest causare dispositionem materiae, potest vitam perfectionem conferre: imperfecta autem operatio quae subiacet naturae hominis potestati, non est eiusdem speciei cum operatione illa perfecta, quae est hominis beatitudo, cum operatione illa dependeat ex obiecto: unde ratio non sequitur.

ARTICVLVS VI.

Verum homo consequatur beatitudinem per actionem alicuius superioris creaturae.

AD SEPTIMUM sic proceditur. Videtur quod homo possit fieri beatus per actionem alicuius superioris creaturae, scilicet angelici: cum enim duplex ordo innematur in rebus: unus partium vniuersi adiunctum, alius totius vniuersi ad bonum quod est extra vniuersum: primus ordo ordinatur ad secundum, sicut ad finem ut dicitur 12. Metaphys. sicut ordo partium exercitus adiunctum est propter ordinem totius exercitus ad ducem: sed ordo partium vniuersi adiunctum attenditur secundum quod superiores creaturae agunt in inferiores: ut in primo dictum est. beatitudo autem consistit in ordine hominis ad bonum, quod est extra vniuersum: quod est Deus, ergo per actionem superioris creaturae, scilicet angelici in hominem homo beatus efficitur.

Li. 12. Metaph. 12. c. 1.
12. c. 1.
12. c. 1.
12. c. 1.
12. c. 1.

¶ 1. Præterea, Quod est in potentia tale, potest reduci in actum, per id, quod est actu tale: sicut quod est potentia calidum, fit actu calidum, per id quod est actu calidum: sed homo est in potentia beatus: ergo potest fieri actu beatus per angelum qui est actu beatus.

12. c. 1.

¶ 2. Præterea, Beatitudo consistit in operatione intellectu. ut supra dictum est: sed angelus potest illuminare intellectum hominis: ut in primo habitum est: ergo angelus potest facere hominem beatum.

¶ 3. Contra est, quod dicitur in Psal. 13. Gratiam & gloriam dabit Dominus.

CONCLUSIO.

Cum beatitudo sit quoddam bonum excedens naturam creaturam, impossibile est homini eam conferri actione alicuius naturae creatae: sed sit solo Deo agente homo beatus.

Respondendo dicendum, quod cum omnis creatura naturae legibus sit subiecta (ut pote habens limitatam virtutem & actionem) illud quod excedit naturam creaturam, non potest fieri virtute alicuius creaturae: ideo si quid fieri oporteat quod sit supra naturam, hoc fit immediate a Deo: sicut suscitatio mortui, illuminatio caeci, & cetera huiusmodi. ostensum est autem, quod beatitudo est quoddam bonum excedens naturam creaturam: unde impossibile est quod per actionem alicuius creaturae conferatur: sed homo beatus fit solo Deo agente, si loquamur de beatitudine perfecta: si vero loquamur de beatitudine imperfecta, sic eadem ratio est de ipsa & de virtute, in cuius actu consistit.

Art. 6. c. 2.

Ad primum ergo dicendum, quod plerumque contingit in potentia actui ordinatis, quod perducere ad ultimum finem pertinet ad supremam potentiam: inferiores vero potentiae cōadiuvant ad consecutionem illius ultimi finis disponendo: sicut ad aeternam gubernationem, quae praestit naufragiis, pertinet usus navis, propter quem navis ipsa fit. sic igitur in ordine vniuersi homo quidem adiuvatur ab angelis ad consequendum ultimum finem secundum aliqua precedentia quibus disponitur ad eius consecutionem: sed ipsum ultimum finem consequitur per ipsum primum agentem qui est Deus.

Ad secundum dicendum, quod quando aliqua forma actu existit in aliquo secundum esse perfectum & naturale, potest esse principium actionis in alterum, sicut calidum per calorem calefacit: sed si forma existit in aliquo imperfecte, & non secundum esse naturale, non potest esse principium communicationis sui ad alterum: sicut intentio coloris qui est in pupilla, non potest facere album. neque etiam omnis quae sunt illuminata aut calefacta, possunt alia calefacere & illuminare: sic enim illuminatio & calefactio essent usque ad infinitum. lumen autem glorie per quod Deus videtur, in Deo quidem est perfecte secundum esse naturale: in qualibet autem creatura est imperfecte & secundum esse similitudinariam vel participatam: unde nulla creatura beata potest communicare suam beatitudinem alteri.

Ad tertium dicendum, quod angelus beatus illuminat intellectum hominis, vel etiam inferioris angeli quantum ad aliquas rationes diuinorum operum: non autem quantum ad

visionem diuinæ essentiae: ut in primo dictum est: ad eam enim videndam omnes immediate illuminantur a Deo.

ARTICVLVS VII.

Verum requirantur aliqua opera bona ad hoc, quod homo beatitudinem consequatur a Deo.

AD SEPTIMUM sic proceditur. Videtur, quod non requirantur aliqua opera hominis ad hoc ut beatitudinem consequatur a Deo: Deus enim cum sit agens infinitae virtutis, non praerigit in agendo materiam aut dispositionem materiam, sed statim potest totum producere: sed opera hominis cum non requirantur ad beatitudinem eius sicut causa efficiens (ut dictum est) non possunt requiri ad eam nisi sicut dispositiones ergo Deus qui dispositiones non praerigit in agendo, beatitudinem sine praecedentibus operibus confert.

¶ 1. Præterea, Sicut Deus est actor beatitudinis immediate: ita & naturam immediate instituit: sed in prima institutione naturae produxit creaturam nulla dispositione praecedente vel actione creaturae: sed statim fecit unumquodque perfectum in sua specie: ergo videtur quod beatitudinem conferat homini sine aliquibus operationibus praecedentibus.

¶ 2. Præterea, Apostolus dicit Rom. 4. beatitudinem hominis esse cui Deus confert iustitiam sine operibus, non ergo requirantur aliqua opera hominis ad beatitudinem consequendam.

¶ 3. Contra est quod dicitur Ioan. 13. Si hæc scitis, beati eritis, si feceritis ea, ergo per actionem ad beatitudinem pervenimus.

CONCLUSIO.

Solus Deus natura beatus est. Angelis vero diuina natura proximioribus unico motu beatitudinem suam consecuti, quam pluribus modis, seu actionibus meritorum Deus voluit ut homines consequerentur.

Respondendo dicendum, quod recte voluntatis, ut supra dictum est, sequitur ad beatitudinem, tamen nihil aliud habet quam debitus ordo voluntatis ad ultimum finem, quia ita exigitur ad consecutionem ultimi finis sicut debita dispositio materiam ad consecutionem formae: sed ex hoc non ostenditur quod aliqua operatio hominis debeat praecedere eius beatitudinem, possit enim Deus simul facere voluntatem recte tendentem in finem, & finem consequentem: sicut quandoque simul materiam disponit & inducit formam: sed ordo diuinæ sapientiae exigit ne hoc fiat: ut enim dicitur in 2. de celo. "Eorum quae nata sunt habere bonum perfectum, aliud habet ipsum sine motu, aliud vno motu, aliud pluribus. habere autem perfectum bonum sine motu convenit ei quod naturaliter habet illud. habere autem beatitudinem naturaliter est solius Dei: unde solius Dei proprium est quod ad beatitudinem non mouetur per aliquam operationem praecedentem. Cum autem beatitudo excedat omnem naturam creaturam, nulla pura creatura convenienter beatitudinem consequitur absque motu operationis per quam tendit in ipsam: sed angelus qui est superior ordine naturae, quam homo, consecutus est eam ex ordine diuinæ sapientiae vno motu operationis meritoriae: ut in primo expostum est. homines autem consequuntur ipsam multis modis operationum, qui merita dicuntur. unde etiam secundum Philosophum, beatitudo est premium virtuosorum operationum.

Ad primum ergo dicendum, quod operatio hominis non praerigitur ad consecutionem beatitudinis propter insufficienciam diuinæ virtutis beatificantis: sed ut servetur ordo in rebus.

Ad secundum dicendum, quod primas creaturas statim Deus perfectas produxit absque alia dispositione vel operatione creaturae praecedente: quia sic instituit prima individua specierum, ut per ea natura propagaretur ad posterum: & similiter quia per Christum, qui est Deus & homo, beatitudo erat ad alios derivanda secundum illud Apostoli ad Heb. 2. Qui multos filios in gloriam adduxerat: statim a principio suae conceptionis absque aliqua operatione meritoria praecedente anima eius fuit beata: sed hoc est singulare in ipso: nam pueris baptizatis subuenit meritum Christi ad beatitudinem consequendam: licet desint in eis merita propria, eo quod per baptismum sunt Christi membra effecti.

Ad tertium dicendum, quod Apostolus loquitur de beatitudine spei quae habetur per gratiam iustificancem, quae quidem non datur propter opera praecedentia: non enim habet rationem termini motus ut beatitudo, sed magis est principium motus quo ad beatitudinem tenditur.

ARTICVLVS VIII.

Verum omnis homo appetat beatitudinem.

AD OCTAVUM sic proceditur. Videtur, quod non omnes appetant beatitudinem: nullus enim potest appetere quod ignorat, cum bonum apprehensum sit obiectum appetitus: ut dicitur in 3. de anima. sed multi nesciunt quid sit beatitudo, quod, sicut Augustinus dicit in 13. de trinit. patet ex hoc quod quidam posuerunt beatitudinem in voluptatibus corporis: quidam in virtute animi: quidam in aliis rebus. non ergo omnes beatitudinem appetunt.

¶ 1. Præterea, Essentia beatitudinis est visio essentiae diuinæ, ut dictum est: sed aliqui opinantur hoc esse impossibile. quod Deus per essentiam ab homine videatur: unde hoc non appetunt ergo non omnes homines appetunt beatitudinem.

¶ 2. Præterea, Aug. dicit in 13. de tri. Quod beatus est qui habet omnia quae vult, & nihil male vult: sed non omnes hoc volunt, & tamen volunt illa se velle. non ergo omnes volunt beatitudinem.

39
1. 1. q. 6.
traductio-
ne. Et 1. q.
6. c. 5. ad
1. Et opus.
1. c. 178.
2. Art. 1. c.

1. 1. q. 6.
lib. 1. de
celo 1. c. 1.
64. 65.
66. 1. c. 2.

1. 1. q. 6.
1. 1. q. 6.
1. 1. q. 6.
1. 1. q. 6.
1. 1. q. 6.

1. 1. q. 6.
1. 1. q. 6.
1. 1. q. 6.
1. 1. q. 6.
1. 1. q. 6.

40
1. 1. q. 10.
Art. 1. c. 2.
Et 1. q. 10.
Art. 1. c. 2.
1. 1. q. 10.
1. 1. q. 10.
1. 1. q. 10.
1. 1. q. 10.
1. 1. q. 10.
1. 1. q. 10.

† Aug. lib. 13. de trin. Si vult esse vultis, miser esse non vultis, dixisset aliquid quod nullus in sua non cognosceret voluntate, quilibet ergo vult esse beatus.

CONCLUSIO.

Quamquam non omnes id appetant in quo beatitudo vera consistit & perfectum bonum naturaliter appetere certum est, in quo consistit communis ratio beatitudinis.

RESPONDEO dicendum, quod beatitudo dupliciter potest considerari. Vno modo secundum communem rationem beatitudinis: & sic necesse est, quod omnis homo beatitudinem velit: ratio autem beatitudinis communis est, ut sit bonum perfectum: sicut dictum est. cum autem bonum sit obiectum voluntatis, perfectum bonum est alicuius quod totaliter eius voluntati satisfacit: unde appetere beatitudinem, nihil aliud est quam appetere, ut voluntas satiatur: quod quilibet vult. Alio modo possumus loqui de beatitudine secundum specialem rationem quantum ad id in quo beatitudo consistit. & sic non omnes cognoscunt beatitudinem: quia nesciunt cui rei communis ratio beatitudinis conveniat: & per consequens quantum ad hoc non omnes eam volunt. Unde patet responsio ad primum.

Ad secundum dicendum, quod cum voluntas sequatur apprehensionem intellectus seu rationis: sicut contingit quod aliquid est idem secundum rem, quod tamen est diversum secundum rationis considerationem: ita contingit quod aliquid est idem secundum rem: & tamen vno modo appetitur, alio modo non appetitur. beatitudo ergo potest considerari sub ratione finalis boni & perfecti, quæ est communis ratio beatitudinis. & sic naturaliter & ex necessitate voluntas in illud tendit: ut dictum est. Potest etiam considerari secundum alias speciales considerationes, vel ex parte ipsius operationis, vel ex parte potentie operationis, vel ex parte obiecti: & sic non ex necessitate voluntas tendit in ipsam.

Ad tertium dicendum, quod illa definitio beatitudinis, quam quidam posuerunt, Beatus est, qui habet omnia quæ vult: vel, cui omnia optata succedunt, quodammodo intellecta est bona & sufficiens: alio vero modo est imperfecta. Si enim intelligatur simpliciter de omnibus quæ vult homo naturali appetitu: sic verum est, quod qui habet omnia quæ vult, est beatus. nihil enim satiat naturalem hominis appetitum nisi bonum perfectum, quod est beatitudo. Si vero intelligatur de his quæ homo vult secundum apprehensionem rationis, sic habere quadam quæ homo vult, non pertinet ad beatitudinem, sed magis ad miseriam in quantum huiusmodi habita impediunt hominem, ne habeat quæcumque vult naturaliter, sicut etiam ratio accipit ut vera interdum quæ impediunt à cognitione veritatis: & secundum hanc considerationem Augustinus addit ad perfectionem beatitudinis, quod nihil mali velit, quamvis primum posset sufficere, si recte intellexeretur, scilicet, quod beatus est qui habet omnia quæ vult.

Lucia in opem August. * addit ad perfectionem beatitudinis, quod nihil mali velit, quamvis primum posset sufficere, si recte intellexeretur, scilicet, quod beatus est qui habet omnia quæ vult.

DISPUTATIO VI.

De quibusdam requisitis ad beatitudinem.



VIA beatitudo importat statum omnium bonorum aggregatione perfectum: ideo ad ipsam plura requiruntur ut consequentia & concomitantia: unde post considerationem beatitudinis tam obiectivæ, quam formalis, de ipsis in præsentī disputatione agimus.

DVBIVM I.

Utrum beatitudo supernaturalis ex sua ratione petat reddere beatos ab intrinseco penitus impeccabiles.

SUPPONENDUM est ex dictis duplicem dari beatitudinem, vnam naturalem, aliam supernaturalem: naturalis consistens in perfecta contemplatione Dei authoris naturæ; viribus naturæ eiusdem habita, multò est imperfectior & inferior beatitudine supernaturali, quæ consistit in clara & quidditativa Dei visione ac fruitione: unde beatitudo naturalis, cum non sit perfecta & simpliciter beatitudo, sed valde imperfecta & secundum quid, ut pote subordinata beatitudine supernaturali, non exigit ex propria

sua ratione omnimodam impeccabilitatem in subiecto, sed tantum impeccabilitatem imperfectam & secundum quid id est circa ultimum finem naturalem, ut ostendimus in materia de Angelis, quos diximus impeccabiles in ordine ad purè naturalia ex viribus naturæ; fuerunt tamen peccabiles in ordine ad supernaturalia, & plures de facto peccaverunt: beatitudo autem supernaturalis, cum sit beatitudo perfecta simpliciter talis, exigit ex propria sua ratione, quod subiectum sit absolute & simpliciter impeccabile, id est tam in ordine ad naturalia, quam in ordine ad supernaturalia; & in hoc conveniunt communiter authores, scilicet quod beati sunt absolute & simpliciter impeccabiles, solum differunt circa modum impeccabilitatis, utrum scilicet sit vel ab intrinseco proveniens ex natura ipsius beatitudinis, vel ab extrinseco proveniens ex singulari Dei providentia & mantenentia, qua sic dirigit voluntates beatorum per auxilia suæ gratiæ, ut nunquam ad malum morale deflectant, ut dicitur de iusto qui hic in via potuit transgredi, & non est transgressus, facere mala, & non fecit. Rursus differunt, utrum admissa omnimoda impeccabilitate in beatis, debeat hæc intelligi secundum potentiam ordinariam seu de lege ordinaria, vel secundum potentiam absolutam seu de lege extraordinaria.

Prima opinio Scoti in 4. d. 49. q. 6. & aliorum negat, quod beatitudo supernaturalis reddat beatos ab intrinseco penitus impeccabiles. Probatur, Ex vna parte beatitudo supernaturalis non tollit à beatis Angelis & hominibus quod sint creature, nec ab illis aufert libertatem quæ est maxima perfectio, cum beatitudo potius perficiat naturam quam destruat: Ex alia verò parte omnis creatura est defectibilis in nihilum saltem ab extrinseco, quia ex nihilo est, in ordine physico; quod si sit creatura intellectualis & libera, ob eandem rationem ab intrinseco est defectibilis in ordine morali, ut docet Augustinus: ergo beatitudo supernaturalis ex sua ratione non reddit beatos ab intrinseco penitus impeccabiles.

Secundò, Beatitudo supernaturalis non opponitur contradictoriè, nec privatiuè cum peccato, at tantum contrariè, quia tam beatitudo supernaturalis consistens in visione Dei, quam peccatum actuale sunt actus positivi: ergo saltem de potentia Dei absoluta possunt esse simul, sicut & plura alia contrariè opposita de facto fuerunt simul, ut conceditur in Christo simul fuisse summum gaudium ex visione beatifica, & summam tristitiam tempore passionis. Maximè quia potest fieri ut aliquis eleuetur ad videndum Deum pro determinata duratione, & videat in Deo se esse ab ipso reprobatum, tunc enim ob illum effectum reprobationis poterit Deum odio habere.

Tertiò, Potest fieri, quod Deus imponat alicui beato præceptum liberè adimplendum: unde poterit beatus illud adimplere & non adimplere,

plere, imò si Deus neget auxilium efficax, non adimplebit de facto, cum tamen possit adimplere, quia auxilium efficax non dat posse, ac actu facere: ergo cum non adimplere præceptum sit peccare, beatus potest peccare, & de facto tunc peccaret, quia ad peccandum non amplius requiritur, quàm teneri facere, posse facere, & actu non facere. Et quamvis in sensu composito non posset beatus peccare, coniungendo scilicet peccatum cum beatitudine, potest tamen peccare in sensu diuiso per coniunctionem potentie peccandi cum beatitudine: quod manifestè apparet ex hoc quòd non repugnet ipsum peccare in eodem instanti in quo primò desineret ex Dei dispositione esse beatus; si enim tunc potest esse peccatum, necessariò requiritur quòd prius, & ita cum beatitudine præcesserit potentia ad peccandum: Et consequenter beatitudo supernaturalis ex sua ratione non petit reddere beatos ab intrinseco penitus impeccabiles.

CONCLUSIO.

RESPONDEO dicendum, quòd beatitudo supernaturalis ex sua ratione petit reddere beatos ab intrinseco penitus impeccabiles: ita quòd implicet contradictionem beatos posse peccare etiam in sensu diuiso durante statu beatitudinis. Ita communiter discipuli D. Thom. & alij Theologi in præsentia.

Probatur conclusio autoritate sacræ Scripturæ & Sanctorum Patrum: In sacra Scriptura sæpe habetur, quòd beati erunt similes Deo, quòd toto impetu adhærebunt summo bono, & similia quæ verificari non possunt, nisi dicatur quòd beati ex vi beatitudinis reddantur ab intrinseco impeccabiles. Plura similiter possent adduci Sanctorum Patrum testimonia, quibus habetur quòd beati necessariò Deum amant, qui amor causat omnimodam impeccabilitatem, quæ testimonia videri possunt apud authores. Hanc veritatem sæpe docet D. Thomas, vt in præsentia q. 4. art. 4. & 1. p. q. 62. art. 8. Tandem Seraphica Mater nostra Sancta Theresia, cœlestis doctrinæ Magistra hanc eandem veritatem mirabiliter & efficaciter probat in vltima suarum exclamationum, vulgari idiomate Hispanico, quod in Latinum trāslatum sic habet: O liberum arbitrium, ita tuæ libertatis captiuum, nisi confixum viuas timore & amore creatoris tui. O quando adueniet foelix illa dies, qua te in infinito illo summæ veritatis pelago submersum videbis, vbi iam liberum non eris ad peccandum, nec esse desiderabis, quia securum eris ab omni miseria, vitæ Dei tui connaturale effectum. Ipse beatus est, quia se cognoscit & amat, ac seipso fruitur, nec contrarium est possibile: nec habet, nec habere potest, nec ei perfectum esset posse habere libertatem recedendi à propria cognitione ac dilectione. Tunc anima mea ingredieris in requiem tuam, quando intrinsecè summo isti bono adhærebis, Et capies quod capit, & amabis quod amat,

& frueris eo quo fruitur, ac perditam videbis mutabilem tuam voluntatem. Iam tunc nulla erit mutatio, quia gratia Dei tantum potuit, quòd te diuinæ naturæ participem effecerit, & cum tanta perfectione, vt iam non possis, nec desideres posse summi boni obliuisci.

Secundo probatur ratione in prædicto testimonio indicata, & quam Diuus Thomas 1. part. quæst. 62. artic. 8. sic proponit: *Essentia Dei est ipsa essentia bonitatis: vnde hoc modo se habet videns Deum ad ipsum, sicut se habet quicumque non videns Deum ad communem rationem boni: impossibile est autem, quòd aliquis quidquam velit vel operetur, nisi attendens ad bonum, vel quòd velit diuertere à bono in quantum huiusmodi: Angelus igitur beatus (ac proinde & homo) non potest velle agere nisi attendens ad Deum, sic autem volens vel agens non potest peccare.* Quæ ratio sic amplius expenditur: Ex vna parte peccatum importat auersionem à bono diuino incommutabili, & conuersionem ad bonum commutabile creaturæ; peccatum quidem mortale importat auersionem simpliciter, peccatum autem veniale importat tantum auersionem secundum quid ex parte actus irreferibilis actualiter in Deum, quia subiectum per charitatem remanet habitualiter conuersum in Deum; peccatum commissionis per se habet tam conuersionem quàm auersionem, peccatum autem omissionis per se quidem habet auersionem, per accidens verò ratione actus adiuncti habet conuersionem: ex alia verò parte est impossibile, quòd aliquis sit simul actu auersus à Deo & conuersus actu in Deum, vt constat ex ipsis terminis, quasi auertatur ab illo actualiter vt ab vltimo fine, & simul conuertatur in illum actualiter vt ad vltimum finem: sed quilibet beatus ex ipsa ratione beatitudinis habet, quòd sit necessariò tam quoad specificationem, quàm quoad exercitium conuersus ad Deum, ac proinde quòd immobiliter stante beatitudine illi adhæreat; nam quia clarè & continuò videt Deum esse summum bonum, & nihil esse verum bonum nisi sit participatio ipsius ipsi conformis, non potest non esse determinatus quoad specificationem ad ipsum amandum, & ad aliud quodcumque amandum tantum propter ipsum, cuius est participatio; & quia nulla est difficultas, sed summa suauitas in amando tunc Deum clarè visum, non potest beatus non esse determinatus quoad exercitium ad ipsum actu amandum, & alia propter ipsum; sola quippe ratio mali & defectus in obiecto reperia relinquit indifferentiam quoad specificationem in subiecto, & sola difficultas operationis relinquit indifferentiam quoad exercitiū (quamuis determinatio quoad exercitium, quæ suspendi potest per subtractionem diuini concursus, non sit necessaria); hæc autem necessaria conuersio beati est in Deum non solum vt in obiectum,

ctum, sed etiam ut in ultimum finem, quia de ratione summi boni est quod sit ultimus finis, unde beatus videns & amans Deum ut summum bonum, videt & amat ut ultimum finem: ergo quilibet beatus ex ipsa ratione beatitudinis habet quod ab intrinseco sit penitus impeccabilis, ita quod implicet contradictionem, beatos posse peccare durante statu beatitudinis, siue in ipso statu beatitudinis habere potentiam peccandi.

Tertiò, Probatur alia ratione S. Augustini & D. Thomæ: Augustinus 2. De Genesi ad litteram cap. 36. ait: Sancti Angeli illam incommutabilem substantiam ita concipiunt, ut visione & amore eam præponant omnibus, & secundum eam dirigantur ut agantur, & ex ea dirigant quidquid agant: D. Thomas autem 1. p. q. 63. art. 1. sic eam proponit: Peccare nihil est aliud, quam declinare à rectitudine actus quam debet habere, siue accipiatur peccatum in naturalibus, siue in artificialibus, siue in moralibus: solum autem illum actum à rectitudine declinare non contingit, cuius regula est ipsa virtus agentis (vel est immobiliter coniuncta virtuti agentis:) si enim manus artificis esset ipsa regula incisionis (vel esset tali regulæ immobiliter coniuncta) nunquam posset artifex nisi rectè lignum incidere; sed si rectitudo incisionis sit ab alia regula non immobiliter coniuncta, contingit incisionem esse rectam & non rectam: Sed quamuis sola diuina voluntas sit regula sui actus, quia non ad superiorem finem ordinatur, ultimus quippe finis est prima regula omnium actionum ad ipsum referibilium; tamen voluntas beati est immobiliter tali regulæ coniuncta, tanquam ultimo fini, cuius summa bonitate perfectè satiata quiescit, & extra quem nihil ultra potest appetere: ergo voluntas beati non potest peccare, & ita beatitudo supernaturalis ex sua ratione petit reddere beatos ab intrinseco penitus impeccabiles, ita quod implicet contradictionem beatos posse peccare etiam in sensu diuiso, durante statu beatitudinis.

A D primum ergo dicendum cum D. Thoma quæst. 24. de Veritate art. 8. ad 4. quod ex hoc quod liberum arbitrium est ex nihilo, conuenit ei quod non sit naturaliter confirmatum in bono, nec hoc ei per gratiam conferri potest, ut in bono naturaliter per gratiam confirmatum sit: non autem libero arbitrio secundum quod est ex nihilo, conuenit quod nullo modo possit confirmari in bono. Quod autem liberum arbitrium diuersa eligere possit seruato ordine finis, hoc pertinet ad perfectionem libertatis eius: sed quod eligat aliquid diuertendo ab ordine finis, quod est peccare, hoc pertinet ad defectum libertatis: Vnde maior libertas arbitrij est in beatis, quam in nobis viatoribus qui peccare possumus, ut docet Diuus Thomas 1. part. quæst. 62. art. 8. ad 3.

A D secundum dicendum, quod beatitudo
R. P. Philippi Carm. discal. Diss. Theolog. in 1. 2.

supernaturalis & peccatum, simul cum oppositione formali contraria, includunt etiam oppositionem contradictoriam saltem virtualem, ut illam includunt esse per se & esse in alio: unde nullo modo possunt coniungi. Ad instantiam respondet D. Thomas 3. part. q. 46. art. 8. ad 1. quod gaudium fruitionis non contrariatur directè dolori passionis, quia non sunt de eodem: nihil autem prohibet contraria eidem inesse non secundum idem. Ad illud quod subditur, dicendum quod ille beatus videret in Deo suam reprobationem esse iustissimam & conuenientem manifestationi diuinarum perfectionum ac perfectioni vniuersi, unde potius Deum tunc amaret propter illam, quam odio haberet; quia haberet voluntatem benè ordinatam, sicut nunc de facto ob eandem rationem quilibet beatus Deum amat, videns in eo reprobationem suorum parentum.

A D tertium dicendum, quod imposito tali præcepto, quamuis beatus possit illud non adimplere negatiuè & in sensu diuiso, quod sufficit ad hoc ut adimpletio sit libera libertate contradictionis; non tamen potest illud non adimplere priuatiuè, vel contrariè & in sensu composito, sic enim non adimplere est præceptum violare. De hoc fusè egimus in 3. p. dum sermo esset de præcepto moriendi imposito Christo. Posito autem illo casu tenetur Deus impedire omnem defectum moralem in beato, & sic ex illa suppositione conferret necessario auxilium efficax requisitum ad tale præceptum adimplendum, nec posset non conferre; unde est casus omninò impossibilis, quod Deus aliquid præcipiat beato, & quod possit ei negare auxilium efficax ad illud implendum. Quamuis autem non repugnet, aliquem peccare in eodem instanti, in quo ex diuina dispositione desineret esse beatus, non tamen hoc indicat ipsum adhuc beatum habuisse potentiam peccandi, ad hoc enim sufficit quod tunc dum primò peccat, habeat potentiam peccandi, quæ sola prioritate naturæ præcedat actum peccaminosum; potentia autem peccandi dicit voluntatem creatam defectibilem ut sibi relicta, & non amplius in bono confirmatam per donum gratiæ consummatæ.

D V B I U M II.

Utum ad beatitudinem supernaturalem sint necessaria dotes animæ beatæ.

S Vpponendum est, quod dos animæ beatæ definitur à Diui Thoma in 4. d. 49. quæst. 4. artic. 1. his verbis: Dos est ornatus animæ, vitæ sufficiens, in æterna beatitudine iugiter perseverans: Hæc definitio declaratur ex his quæ attribuuntur doti propriè dictæ, sponsæ in ordine ad matrimonium humanum collatæ, à qua per translationem nomen dotis deriuatur ad
N aliquas

aliquas perfectiones animæ beatæ collatas, in ordine ad visionem ac dilectionem beatificam, in quibus consistit matrimonium spirituale perfectum animæ cum Deo. Dos humana confertur sponsæ, sed cum habitudine ad maritum: propterea dos ista spiritualis & mystica dicitur ornatus animæ, in ordine scilicet ad Deum quo ei placeat & ditetur. Dos humana confertur sponsæ, dum matrimonium solemniter celebratur & ipsa introducit in domum sponsi: propter quod dos ista spiritualis animæ beatæ dicitur in æterna beatitudine iugiter perseverans, id est collata animæ dum introducit ad æternam beatitudinem, quæ est domus & hæreditas sui sponsi. Tandem dos humana ordinatur ad congruam sponsæ sustentationem: & ideo dos mystica animæ beatæ dicitur, vitæ sufficiens. Ex quibus sequitur, quod non omnis perfectio quæ reperitur in anima beata, habet rationem dotis; sed solæ illæ quæ habent prædictas tres conditiones: quod scilicet respiciant Deum pro obiecto immediato, quod non conferantur ante statum beatitudinis, & quod conferant ad beatitudinem, siue ad vitam æternam in perfecta coniunctione & vnione animæ cum Deo consistentem, in qua consistit perfectum matrimonium hoc spirituale & mysticum. Ad quorum evidentiam sciendum est, quod hic in via non datur perfectum & consummatum matrimonium animæ cum Deo, sed tantum dantur sponsalitia, iuxta illud Osæ 2. Sponsabo te mihi in fide, & secundum verba Christi ad S. Matrem Nostram Theresiam: Deinceps vt vera sponsa meum zelabis honorē. Quod si sic aliquod matrimonium spirituale in hac vita alicuius animæ sanctissimæ cum Deo, est tantum ratum, & non consummatum, quod proinde potest dissolui absolute loquendo, unde est imperfectum: de hoc loquitur Sancta Mater Theresia libro Mansionum mansione 7. cap. 2. de quo sic habet: Scitote tantam esse differentiam inter sponsalitium & matrimonium spirituale, quanta est inter desponsatos & eos qui iam separari non possunt. Sed in initio capitis præmiserat: Verum nunc tractemus de diuino & spirituali matrimonio: quamuis hoc magnum beneficium non debeat in præsentī vita perfectè compleri, quandoquidem si à Deo recederemus magnum hoc bonum amitteretur. Matrimonium ergo perfectum animæ cum Deo & indissolubile consistit in perfectissima, actualissima, & mutua coniunctione ipsius animæ cum Deo, media visione ac dilectione beatifica; per visionem enim Deus traditur animæ ac perfectè possidetur, per amorem verò seu dilectionem anima perfectè traditur Deo & ab ipso possidetur, amans quippe amando adhæret amato, se totum ei committit, & quodammodo in ipsum transformatur. Constat igitur ex dictis, quod dotes animæ beatæ sunt quid distinctum à beatitudine formali completè sumpta, prout inclu-

dit tam visionem beatificam, quam amorem inde consequentem per modum complementi, in quibus consistit matrimonium spirituale perfectum, dos quippe distinguitur à matrimonio, & est quid præuium ad illud. Dotes autem animæ beatæ quamuis diuersimodè assignentur quantum ad nomina, tamen quantum ad rem ipsam conueniunt communiter authores, & assignant tres, scilicet Visionem, Comprehensionem, & Fruitionem, de quibus queritur, vtrum sint necessariae ad beatitudinem supernaturalem.

Prima opinio negat, quod ad beatitudinem supernaturalem sint necessariae dotes animæ beatæ. Probatur: Si ad beatitudinem supernaturalem essent necessariae dotes animæ beatæ, nullus esset beatus qui non haberet tales dotes: sed plures sunt beati, qui non habent tales dotes, videlicet Christus Dominus & Angeli, vt docet D. Thomas in 4. d. 49. q. 4. art. 3. & 4. ergo ad beatitudinem supernaturalem non sunt necessariae dotes animæ beatæ.

Secundò, Dos est necessaria ad matrimonium, per modum alicuius præuij & realiter ab ipso distincti, vt communiter conceditur: sed illæ quæ assignantur dotes animæ beatæ, non sunt quid præuium & distinctum ab ipsa beatitudine; nam beatitudo supernaturalis essentialiter consistit in visione Dei, & completur in fruitione; constat autem quod istæ dotes animæ beatæ non sunt aliud quam visio Dei, eius comprehensio, & fruitio: ergo illæ quæ assignantur dotes animæ beatæ, non sunt necessariae ad beatitudinem supernaturalem.

Tertiò, Non est assignabilis ratio, cur dotes animæ beatæ sint necessariae ad beatitudinem supernaturalem: nam si ideo sunt necessariae, quia beatitudinem antecedunt prioritate naturæ, sequitur quod plura alia antecedentia quæ assignari possunt, erunt dotes animæ beatæ: si autem ideo sunt necessariae, quia beatitudinem concomitantur, sequitur quod plures alie perfectiones beatitudinem concomitantes, vt securitas, concordia, potestas, &c. erunt dotes animæ beatæ: si verò ideo sunt necessariae, quia beatitudinem consequuntur, sequitur quod potius sunt fructus matrimonij spiritualis, quam dotes animæ beatæ: ergo ad beatitudinem supernaturalem non sunt necessariae dotes animæ beatæ.

CONCLUSIO.

RESPONDEO dicendum, quod ad beatitudinem supernaturalem sunt necessariae dotes animæ beatæ 1. videlicet tres assignatæ, Visio, Comprehensio, & Fruitio 3. quæ non importantur operationes, sed immediata principia ipsarum. 4. unde dos visionis importat habitum luminis gloriæ, dos fruitionis importat habitum charitatis vt principium præcisè fruitionis perfectæ, & dos comprehensionis importat relationem præsentis & indistantis ipsius voluntatis

voluntatis ad Deum obiectum beatificum, ut presentem & possessum per visionem, ratione cuius presentiae indefectibilis & æternæ Deus est quodammodo sub dominio voluntatis ut eo frui possit, & sic est dispositio immediate concurrens ad hanc fruitionem. Ita communiter docent discipuli D. Thomæ & alij

Probatur prima pars conclusionis. Tum communi autoritate Sanctorum Patrum & Theologorum, & maxime Diui Thomæ loco citato, qui unanimiter concedunt dotes animæ beatæ tanquam necessarias ad beatitudinem supernaturalem. Tum sequenti ratione: Ad matrimonium requiritur dos sponsæ ut sponso coniungi possit, iuxta conditionem ipsius matrimonij; ita ut si matrimonium sit materiale & naturale, dos sponsæ sit quid materiale & naturale; si verò matrimonium sit spirituale & supernaturale, dos etiam sit quid spirituale & supernaturale: sed beatitudo supernaturalis est matrimonium spirituale & supernaturale, quo anima beata indissolubiliter per totam æternitatem, tanquam sponsa coniungitur Christo Deo & homini vero eius sponso, ut constat ex sacra Scriptura maxime ex Canticis Canticorum & Apocalypsi: ergo ad beatitudinem supernaturalem sunt necessariae dotes animæ beatæ. Quod autem plures sint dotes animæ beatæ, cum tamen in humanis dos singulariter dicatur pro qualibet sponsa, huius differentiae ratio habebitur ex modo dicendis.

Probatur secunda pars conclusionis. Tum communi sententia Sanctorum Patrum & Theologorum, unde D. Thomas in 4. d. 49. q. 4. art. 9. quaestiuicula. 1. ait. Ab omnibus communiter ponuntur tres animæ dotes: diuersimodè tamen; quidam enim dicunt, quod tres animæ dotes sunt visio, delectatio, & fructio; quidam verò quod sunt visio, delectatio, & comprehensio: omnes tamen hæ assignationes reducuntur in idem, & eodem modo earum numerus assignatur. Deinde, Fides, Spes, & Charitas sunt perfectiones & quasi dotes animæ iustæ, quibus inchoatur eius matrimonium spirituale cum Christo hic in via: ergo debent in Patria assignari animæ beatæ perfectiones correspondentes prædictis virtutibus & earum imperfectionem excludentes, quibus tanquam veris animæ dotibus perficiatur dictum matrimonium: constat autem quod fidei correspondet visio, spei comprehensio, & charitati fructio; unde sunt tres assignatæ dotes animæ beatæ. Denique, Hæ tres perfectiones requiruntur, & sufficiunt ad perfectionem & suauitatem vnionis beatificæ animæ cum Christo, ut consideranti patet: ergo hæ, & non aliæ perfectiones sunt dotes animæ beatæ, cum per dotes animæ beatæ intelligantur perfectiones requisitæ ad perfectionem & suauitatem vnionis beatificæ.

Probatur tertia pars conclusionis autoritate R.P. Philippi Carm. discal. Diss. Theolog. in 1. 2.

D. Thomæ in 4. d. 49. q. 4. art. 2. vbi ait: Beatitudo & dos etiam realiter differunt; ut beatitudo dicatur ipsa operatio perfecta, qua anima beata Deo coniungitur; sed dotes dicuntur habitus, vel dispositiones, vel quæcumque aliæ qualitates, quæ ordinantur ad huiusmodi perfectam operationem. Quod magis explicat in responsione ad 3. dicens quod visio dupliciter potest accipi: uno modo actualiter, id est pro ipso actu visionis; & sic visio non est dos, sed est ipsa beatitudo: Alio modo potest accipi habitualiter, id est pro habitu à quo talis operatio elicitur, id est pro ipsa gloriæ claritate, qua anima diuinitus illustratur ad Deum videndum; & sic est dos & principium beatitudinis: Et similiter dicendum est de fruitione. Unde immerito aliqui dicunt D. Thomam hinc in Summa retractasse sententiam, quia dotes animæ beatæ denominauit visionem, fruitionem, &c. absque prædicta explicatione & limitatione, ista autem nomina absolute prolata significant operationes. Dicendum enim quod valde leue est fundamentum adductum, ad suadendam talem retractationem D. Thomæ; quia magis credendum est manifestæ eius explicationi in dicto loco Sententiarum, vbi ex professo & fusè agit de dotibus; quam debeamus moueri ex hoc quod similem non adhibuerit explicationem in præsentī, cum Summa multa succinctè pertractet, quæ alibi fusè docuit; unde sæpe multa supponit alibi dicta & explicata, cum Summa sit compendium operum ipsius: Et ita licet autoritas positiua Summæ præferenda sit authoritati positiuæ aliorum eius operum; non tamen autoritas negatiua Summæ est præferenda authoritati positiuæ aliorum operum; quin potius est ipsi postponenda. Deinde probatur ratione: Ex vna parte ratio dotis non competit visioni, comprehensioni, & fruitioni ut important operationes immediate attingentes Deum; quia in dictis operationibus consistit essentialiter matrimonium spirituale perfectum animæ beatæ cum Christo, nam per tales operationes anima beata perfecte Christo coniungitur, & Christus animæ beatæ, dos autem debet esse distincta ab ipso matrimonio & prior natura, ut constat ex matrimonio materiali, ex quo transfertur metaphoricè nomen matrimonij & dotis ad spirituales illam vnionem animæ cum Christo: ex alia verò parte immediatis principiis harum operationum, siue sint habitus, siue dispositiones, siue aliud ad ipsas prærequisitum proximè in anima beata, ratio dotis competit; quia sunt ornatus præuij ad matrimonium illud spirituale, ad ipsum proximè disponentes, & sufficientes ad eius iucunditatem ac perpetuitatem, ut consideranti patet, & amplius patebit ex dicendis in quarta parte conclusionis; & hæ sunt conditiones propriæ dotis: ergo visio, comprehensio, & fructio ut sunt dotes animæ beatæ, non important actuales operationes,

tiones, sed immediata principia ipsarum.

Probat & explicatur quarta pars conclusionis: Quantum ad dotem visionis manifestè constat ex dictis, quòd cum ex vna parte non sit ipse actus visionis beatificæ; ex alia verò parte debet esse immediatum principium talis actus, necessario sequitur quòd importat habitum luminis gloriæ quòd est immediatum principium actus visionis beatificæ. Quantum ad dotem fruitionis sic ostenditur: Habitus charitatis præter actum amoris tam amicitiae, quam concupiscentiae, communem hinc in via & in Patria (propter quòd charitas ut principium talis actus, non habet rationem dotis, dos quippe de qua loquimur, est propria Patriæ) habet in suo statu, perfectò Patriæ actum fruitionis beatificæ, cum eiusdem potentiae & habitus sit rendere per actum amoris in obiectum, & illo iam adepto perfectè quiescere per actum fruitionis: igitur dotem fruitionis constituimus in habitu charitatis, ut præcisè est principium perfectæ fruitionis beatificæ: nam uterque actus amoris beatifici excluditur à ratione dotis; amor quidè amicitiae, quia pertinet ad substantiam matrimonij spiritualis animæ cum Christo, quamvis non pertineat ad essentiam beatitudinis, sicut enim anima per visionem possidet Deum, sic per amorè amicitiae se tradit Deo & perfectè à Deo possidetur, unde ad perfectam matrimonij spiritualis unionem uterque actus requiritur; amor autem concupiscentiae qui est in beatis, quia consequitur prædictam coniunctionem animæ cum Christo, & etiam actus fruitionis, unde potius sunt fructus matrimonij, quam dos quæ debet matrimonium præcedere: similiter Charitas ut est principium utriusque actus amoris Dei, tam amicitiae quam concupiscentiae, non habet rationem dotis, quia uterque actus amoris Dei habetur etiam hic in via, unde charitas ut principium talis actus non est propria beatorum, sicut dos debet esse propria ipsorum, unde restat quòd habitus charitatis sit dos ut est præcisè principium fruitionis perfectæ propriæ beatorum, quæ ex propria sua ratione fertur in Deum summum bonum, ut præsentem formaliter & reduplicatiuè, quòd non habet amor quantuncunque perfectus, quamvis aspiret ad realem præsentiam obiecti: maxime quia dos ordinatur ad hoc, ut matrimonium sit delectabile, in fruitione autem est perfecta delectatio. Quantum ad dotem comprehensionis D. Thomas in 4. d. 49. q. 4. art. 5. quaestiuicula 1. ad 3. dicit quòd non importat habitum distinctum ab habitu visionis & fruitionis. Et in præsentì q. 4. art. 3. ait quòd comprehensio est quædam habitudo ad finem iam habitum: & consequenter dos comprehensionis importat, non actum visionis aut fruitionis propter dicta in tertia parte conclusionis; nec habitum qui sit immediatum principium visionis aut fruitionis, quia talis habitus pertinet ad

dotem visionis aut fruitionis, & non ad dotem comprehensionis distinctam ab aliis duabus; sed importat relationem seu habitudinem præsentiae & indistantiae ipsius voluntatis ad Deum obiectum beatificum, ut præsentem & possessum per visionem, ratione cuius præsentiae indefectibilis & æternæ Deus est quodammodo sub dominio voluntatis ut eo frui possit; & sic dispositio immediate concurrens ad hanc fruitionem, unde quamvis consequatur beatitudinem quantum ad essentiam, illam tamen antecedit quantum ad perfectionem, qua redditur iucunda & delectans, quòd sufficit ad rationem dotis.

Ad primum ergo dicendum, quòd in Christo propriè non est dos, ut probat D. Thomas in 4. d. 49. q. 4. art. 3. sequenti discursu: In illa coniunctione, qua Christus vnitur Patri per consensum amoris, etiam in quantum est Deus, non dicitur esse aliquod matrimonium, quia non est ibi aliqua subiectio, quam oportet esse sponsæ ad sponsum: similiter etiam neque in coniunctione humanæ naturæ ad diuinam, quæ est in unitate personæ, vel etiam per conformitatem voluntatis potest esse propria ratio dotis propter tria: Primò, quia exigitur conformitas naturæ inter sponsum & sponsam in illo matrimonio in quodantur dotes, & hoc deficit in coniunctione humanæ naturæ ad diuinam: Secundò, quia exigitur ibi distinctio personarum, humana autem natura non est personaliter distincta à Verbo: Tertiò, quia dos datur, quando sponsa introducit in domum sponsi, & sic videtur ad sponsam pertinere, quòd de non coniuncta fiat coniuncta; humana autem natura, quæ est assumpta in unitate personæ à Verbo, nunquam fuit quin esset perfectè coniuncta. Quantum ad Angelos sic ait D. Thomas loco citato art. 4. Ea quæ ad dotes animæ pertinent non est dubium Angelis sicut & hominibus conuenire: sed secundum rationem dotis non ita eis, sicut hominibus conueniunt; eo quòd non ita propriè conuenit Angelis ratio sponsæ, sicut hominibus: exigitur enim inter sponsum & sponsam naturæ conformitas ut sint eiusdem speciei; hoc modo autem homines cum Christo conueniunt, in quantum naturam humanam assumpsit, per quam assumptionem factus est conformis in natura speciei humanæ omnibus hominibus: Angelis autem non est conformis secundum unitatem speciei neque secundum naturam diuinam, neque secundum humanam naturam; & ideo ratio dotis non ita propriè conuenit Angelis sicut hominibus: tamen in his quæ metaphoricè dicuntur, cum non requiratur similitudo quantum ad omnia, non potest ex aliqua dissimilitudine concludi, quòd metaphoricè aliquid de alio non prædicetur; & sic ex ratione inducta non potest simpliciter haberi, quòd Angelis dotes non conueniant, sed solum quòd non ita propriè sicut hominibus, ratione dissimilitudinis prædictæ.

A d secundum dicendum, quòd beatitudo consistit essentialiter in visione & comprehensione Dei, completur verò in eius fruitione, prout ista important actuales operationes: dotes autem animæ beatæ, licet insignitæ iisdem nominibus, significant tamen principia immediata harum operationum, ut dictum est, ac proinde aliquid præuium & distinctum ab ipsa beatitudine.

A d tertium dicendum, quòd dotes animæ beatæ sunt perfectiones antecedentes prioritate naturæ ipsam beatitudinem, & immediatè ad ipsam concurrentes per modum principij: gratia autem consummata Patriæ non concurrat ad prædictas operationes immediatè, sed dat esse supernaturale, & ideo excluditur à ratione dotis.

D V B I V M III.

Utrum sint, & quæ sint dotes corporis glorificati.

SUPponendum est, quòd in fine mundi erit resurrectio mortuorum, & quòd electi in corpore rediuiui ibunt in vitam æternam: hæc sunt articuli Christianæ Fidei, expressè contenti in Symbolo Apostolorum. In corpore autem resurgenti erunt omnes potentie inferiores tam partis vegetatiuæ, quàm partis sensitivæ, quia hæc omnes pertinent ad integritatem naturæ humanæ, sicut & omnia membra corporis, decet autem naturam humanam in perfecto statu beatitudinis resurgere perfectam: cum hac tamen differentia, quòd potentie vegetatiuæ, videlicet nutritiua, augmentatiua, & generatiua non habebunt ibi proprium actum; Tum quia earum actus dedecet perfectum illum statum, cum sit nimis materialis & non possit fieri sine alteratione & passione corruptiua; Tum quia tunc cessabit finis actus illarum potentiarum, qui est vel propagatio humanæ speciei, vel restauratio & conseruatio cuiusque individui humani, nam multiplicatio hominum finiet cum hoc sæculo, iuxta dictum Christi Domini affirmantis, quòd homines erunt sicut Angeli Dei in cælo, nec ibi erit aliquid alterans aut corrumpens corpus gloriosum: hanc doctrinam habet D. Thomas in 4. d. 44. quæst. 1. artic. 3. quæstiuncula 4. ad 3. Potentie autem sensitivæ, utpote magis eleuatæ à materia & quodammodo spirituales, omnes tam internæ quàm externæ habebunt proprium actum, ut expressè docet D. Thomas in 4. d. 44. quæst. 2. item Anselmus lib. de Similitudinibus cap. 57. & alij plures: cuius ratio est, quia ex vna parte operationes sensitivæ sunt necessariæ ad perfectum statum naturæ humanæ, & ferè omnes ad perfectam societatem humanam: ex alia verò parte hæc operationes non dedecent statum beatitudinis, sed conferunt ad complementum accidentale ipsius. nec est inconueniens tunc admittere mutationem intentiona-

lem aut aliam perfectiuam in potentiis, sicut est inconueniens in eis admittere aliquam mutationem alterationem & corruptiuam. Qui constituunt locum beatorum intra cælum empyreum, in cuius medio constituunt substantiam subtilem ad instar aëris perlucidam, non habent difficultatem circa receptionem specierum in potentiis: Qui verò sedem beatorum constituunt supra dictum cælum, propter defectum medij requisiti ad deferendas species intentionales, aliquas videntur pati difficultates, quas tamen D. Thomas loco citato soluit, & vnico verbo potest responderi, quòd ex peculiari Dei concursu obiecta immediatè imprimunt species in potentiis, non transeuntes scilicet per medium: species verò odorum non exhibunt e corporibus gloriosis cum aliqua resolutione seu fumosa euaporatione sicut hîc, quia odor non erit per humidum suppressus sicut hîc, ut ibidem docet D. Thomas. Tunc autem omnes sensus erunt perfectissimi, imò secundum aliquos ad quamcunque distantiam pertingent in toto vniuerso; qui verò hoc negant, fatentur quòd beati ad nutum omnia obiecta percipient, vel per hoc quòd ex vi dotis agilitatis statim se transferent quo volent, vel quia diuina virtute ad eos statim adducentur species rerum quas percipere volent. Quamuis autem iuxta Apostolum 1. ad Cor. 13. linguæ cessabunt, id est diuersitas idiomatum, ut interpretantur Caietanus, Cornelius & alij: non tamen cessabit sensibilis locutio, quia tunc omnes beati, ut probabilius tenetur, vulgò & communiter vtentur lingua Hebraica, ut pote prima electa pro populo Dei, & à Christo vero Deo & homine hîc vtitata; scient tamen omnes alias linguas, & illis loquentur cum voluerint. Circa gustum, asserunt communiter authores, quòd in eius organo erit aliquis humor suauissimus & incorruptibilis, qui beatos perpetuò recreabit: merito autem sensibiles hæc delectationes beatis concedentur, qui se iisdem delectationibus pro Deo in hac vita priuarunt. In præsentem quærimus, prætermisissis aliis leuioris momenti, utrum corpus gloriosum habeat aliquas dotes, & quænam illæ sint.

Prima opinio asserit, dotes corporis glorificati plures esse, quàm quatuor communiter receptas, videlicet subtilitatem, impassibilitatem, agilitatem, & claritatem. Probatur autoritate S. Anselmi, qui libr. de Similitudinibus cap. 48. docet quòd septem erunt beatitudines corporis gloriosi, videlicet pulchritudo, velocitas, fortitudo, libertas, sanitas, voluptas, & diuturnitas: sed beatitudines corporis gloriosi sunt eius dotes: ergo plures sunt dotes corporis gloriosi, quàm quatuor communiter receptæ. Deinde, Potentie sensitivæ debent per aliquam dotem perfici in ordine ad proprios actus, non minus ac membra, quæ tamen dos non comprehenditur inter quatuor prædictas. Denique ad perfectionem cor-

poris gloriosi requiritur penetrabilitas , qua possit simul esse in eodem loco cum alio corpore , & propterea fuit concessa Christo : sed penetrabilitas non comprehenditur inter dotes assignatas : ergo dotes corporis glorificati plures sunt , quàm quatuor communiter receptæ.

Secunda opinio negat , omnes quatuor dotes corporis gloriosi dicere aliquam formam positivam : Ita tenet Durandus in 4. disp. 44. quæst. 4. de tribus aliis , solum claritatem excipiendo : Scotus autem ibidem asserit impassibilitatem esse quid negativum ; & non formam positivam , qua corpora beatorum ab intrinseco reddantur impassibilia. Probatur specialiter de impassibilitate , Sufficit extrinseca Dei protectio , ad hoc ut beati sint impassibiles , maximè dum cessabit in fine mundi motus cœli , qui est principium omnis alterationis corruptivæ naturalis : ergo frustra ponitur aliqua forma positiva intrinseca quæ sit dos impassibilitatis. Deinde , Corpora damnatorum sunt impassibilia & incorruptibilia in ordine ad agentia naturalia , & solum patiuntur ab instrumentis divinæ iustitiæ , absque eo quòd habeant aliquam formam positivam intrinsecam : ergo multò magis absque prædicta forma , corpora beatorum sunt impassibilia , & ita dos impassibilitatis non dicit aliquam formam positivam.

Tertia opinio , quam tenet Soto , licet ponat dotem impassibilitatis esse formam positivam intrinsecam , negat tamen esse quid distinctum ab anima informante ac eius informatione , quasi sit aliqua qualitas superaddita. Probatur auctoritate D. Thomæ 3. part. quæst. 45. art. 1. ad 3. ubi ait : Inter prædictas quatuor dotes sola claritas est qualitas ; & ibi constituit dotem impassibilitatis in perfecto dominio animæ beatæ in corpus gloriosum , siue in perfecta eius informatione. Deinde , Non est assignabile , qualis sit illa qualitas , quæ redderet corpus gloriosum impassibile : non enim potest esse elementaris , cum potius qualitas elementaris reddat corruptibile : nec cœlestis , nam aliàs glorificatio corporum attribueretur cœlo , & non Christo , ut refert & impugnat D. Thomas in 4. d. 44. quæst. 2. art. 1. quæstiuncula. 1. Nec denique potest esse supernaturalis , cum debeat esse corporea , & simul debeat emanare ab anima spiritali , quod est impossibile si sit qualitas supernaturalis : ergo dos impassibilitatis non est aliqua qualitas superaddita ; Maximè , quia omnis qualitas producibilis est finita , ac proinde posset vinci ab extrinseco corruptente , unde non redderet omnino impassibile.

CONCLUSIO.

RESPONDEO dicendum , quòd dantur dotes corporis glorificati 2. quæ sunt quatuor , videlicet subtilitas , impassibilitas , agilitas , & claritas. 3. & sunt formæ positivæ intrinsecæ , permanentes afficientes corpus gloriosum 4.

distinctæ ab anima beata & eius informatione , ac pertinentes ad genus qualitatis , sub specie habitus & dispositionis. Ita communiter discipuli D. Thomæ & plures alij.

Probatur prima pars conclusionis communi sententia Sanctorum Patrum & Theologorum , qui omnes vna voce fatentur dari dotes corporis glorificati. Deinde probatur auctoritate sacræ Scripturæ 1. ad Cor. 15. dicitur : Omnes quidem resurgemus , sed non omnes immutabimur : hæc autem immutatio corporum beatorum fit per aliquas dotes , ut ibidem lect. 8. exponit D. Thomas : Et deinde Apostolus enumerat ipsas dotes , ut constabit eius auctoritate adducenda in secunda parte conclusionis. Denique , Dos corporis glorificati est eius ornatu , vitæ sufficiens , in æterna beatitudine perseverans : sed talis ornatu est necessarius ad perfectam animæ beatitudinem , cum anima ad perfectionem plurimum suarum operationum in statu beatitudinis occurrentium , indigeat perfectione corporis , quia corpus quod corrumpitur , aggruat animam : ergo dantur dotes corporis glorificati , ut amplius probat D. Thomas hic q. 5. art. 6. Et maximè quia sicut corpus fuit particeps passionum cum anima propter Deum , sic cum ipsa debet suo modo & pro suo captu esse particeps gloriæ , per receptionem aliquarum dotium.

Probatur secunda pars conclusionis auctoritate sacræ Scripturæ , & Sanctorum Patrum. 1. ad Cor. 15. sic describuntur imperfectiones corporis mortalis , simul dotes corporis glorificati ipsis correspondentes : Seminatur , ait Apostolus , in corruptione ; surget in incorruptione : seminatur in ignobilitate ; surget in gloria : seminatur in infirmitate ; surget in virtute : seminatur corpus animale ; surget corpus spiritale. Quod sic exponit D. Thom. lect. 6. Dicit Augustinus in epistola ad Dioscorum : Tam potenti natura Deus fecit animam , ut ex eius plenissima beatitudine , quæ in fine temporum promittitur Sanctis , redundet etiam in inferiorem naturam quæ est corpus , non beatitudo quæ fruentis est propria , sed plenitudo sanitatis , id est incorruptionis vigor. Videmus autem ex anima quatuor corpori provenire , & tantò perfectius , quantò anima erit virtuosior. Primò quidem dat esse : unde quando erit in summo perfectionis , dabit esse spirituale (in quo est dos subtilitatis.) Secundò conservat à corruptione : unde videmus homines quantò sunt fortioris naturæ , minus à calore & frigore pati ; cum ergo anima fuerit perfectissima , conservabit corpus omnino impassibile (Et sic est dos impassibilitatis.) Tertiò dat pulchritudinem & claritatem : infirmi enim & mortui propter debilitatem operationis animæ in corpus , efficiuntur discolorati : Et quando erit in summa perfectione , faciet corpus clarum & fulgidum (Et sic est dos claritatis.) Quartò dat motum , & tantò facilius , quantò virtus animæ fuerit

rit fortior supra corpus : & ideo quando erit in ultimo suæ perfectionis , dabit corpori agilitatem , (quæ est quarta dos) Idem ferè repetit in 4.d.49.q.4.art.5. quæstiuncula 3. Ex hac igitur subiectione corporis ad animam , quantum ad quatuor prædicta , colligit dotes corporis glorificati esse quatuor enumeratas.

Probat & explicatur tertia pars conclusionis : Status perfectæ beatitudinis exigit , quod perfectiones ipsi debitæ sint in subiecto perfectè , ac proinde intrinsecè & permanenter : vnde quamvis Deus ab extrinseco & fluenter aliquando communicauerit similes perfectiones dotibus corporum beatorum , aliquibus Sanctis viatoribus , vt legitur in eorum vita ; dicendum tamen quod beatis ad exigentiam status beatifici perfectiones , quas dotes vocamus , corporis glorificati , intrinsecè ac permanenter communicat : Quod confirmatur ex his , quæ dicta sunt circa dotes animæ beatæ , quas diximus esse formas intrinsecas & permanentes. Hanc partem conclusionis docet D. Thomas , & specialiter de impassibilitate , de qua maior apparet difficultas , 1.p.q.97.art.1. his verbis : Alio modo dicitur aliquid incorruptibile ex parte formæ , quia scilicet rei corruptibili per naturam inhaeret aliqua dispositio , per quam totaliter à corruptione prohibetur : Et hoc dicitur incorruptibile secundum gloriam ; quia vt dicit Augustinus in Epistola ad Dioscorum , Tam potenti natura Deus fecit animam , vt ex eius beatitudine redundet in corpus plenitudo sanitatis & incorruptionis vigor. Et in 4.d.44.q.2.art.1. quæstiuncula 1. ait de opposita opinione : Præterea secundum hoc impassibilitas non posset poni dos in eis : quia non poneret aliquam dispositionem in substantia impassibili , sed solum prohibitionem passionis ab exteriori , scilicet diuina virtute , quæ etiam posset idem facere de corpore hominis in statu huius vitæ. Idem docet lect.8. supra 1. ad cor. c.15. exponens dictum Apostoli manifestè continens nostram conclusionem : sic enim ait Apostolus : Mortui (scilicet omnes) resurgent incorrupti , & nos (scilicet electi & beati) immutabimur : quod fiet per dotes corporis glorificati , vt communiter intelligunt Expositores & maximè D. Thomas loco citato : Et subdit rationem Apostolus manifestans dotem impassibilitatis , ait siquidem : Oportet enim corruptibile hoc induere incorruptionem , & mortale hoc induere immortalitatem. Deinde probatur ex his quæ indicat D. Thom. Alia impassibilitas (& sic de aliis dotibus) concedenda est corpori glorificato , ab illa quam habuit Corpus Christi Domini in triduo mortis , & ab illa quam habuit Adam in statu innocentie : constat autem quod illa impassibilitas corporis Christi & Adami fuit ex aduersariis ab extrinseco , vt docet D. Thomas 1.p.q. 97. art. 1. non fuit tamen in illo dos gloriæ perfectæ : ergo dotes corporis glorificati sunt formæ positivæ in-

trinsecæ , permanentes afficientes corpus gloriosum. Maxime si concedatur , quod impassibilitas Adami fuit forma positiua intrinseca , permanentes afficiens corpus ipsius , vt asserit D. Thomas loco citato dicens : Inerat animæ vis quædam supernaturaliter diuinitus data , per quam poterat corpus ab omni corruptione præseruare , quandiu ipsa Deo subiecta mansisset.

Probat & explicatur quarta pars conclusionis. Dicimus quod quia post resurrectionem in statu beatitudinis , anima beata perfectè dominabitur corpori glorioso , & corpus gloriosum erit omnino subiectum animæ beatæ : ideo non solum nihil in eo erit , quod resistat voluntati spiritus , quod fuit in corpore Adæ : sed etiam in eo erit aliqua perfectio effluens ab anima glorificata in corpus , per quam habile reddetur ad prædictam subiectionem , quæ quidem perfectio dos glorificati corporis dicitur : vnde est qualitas sub specie habitus & dispositionis , vt expressè docet D. Thomas in 4. d. 49. quæst. 4. art. 5. quæstiuncula 2. dicens : Sicut dispositiones , quæ sunt in anima beata ad prædictam operationem , qua Deo coniungimur , dicuntur animæ dotes : ita dispositiones quæ sunt in corpore glorioso , ex quibus corpus efficitur perfectè animæ subiectum , dicuntur corporis dotes : & clarius 3.p.q.45.art.3. ait : Dos nominat quandam qualitatem immanentem corpori glorioso. Igitur cū anima beata ex vi & exigentia status beatifici debeat perfectè dominari suo corpori naturaliter ei subiecto , ex redundantia suæ beatitudinis in ipsum effluit quadruplicem perfectionem intrinsecam & permanentem , qua reddatur habile ad perfectam eius informationem & ad operationes consequentes : vnde quamvis anima nec eius informatio intendatur formaliter & intrinsecè , per gradualem intensiorem virtutis informativæ ; intenditur tamen virtualiter & quodammodo extrinsecè per intrinsecam & permanentem dispositionem corporis glorificati , qua tale corpus redditur habile ad obediendum animæ & ad perfectam eius subiectionem. Vnde dos subtilitatis est qualitas , qua corpus gloriosum redditur quodammodo spirituale , quali omnino spiritui subiectum , quod prius erat animale id est subiectum animalibus passionibus ; & per illam habet quod facillimè possit alia corpora penetrare , prout penetratio dicitur facilem & subtilem diuisionem continui , mediâ quâ eius partes per interpartes alterius citò intromittuntur , non autem vt penetratio dicitur coexistentiam duplicis corporis in eodem omnino loco , hæc enim penetratio non est debita corpori glorioso , sed semper est ei supernaturalis ; & quamvis diuinitus corpori beatorum ad eorum desiderium , hæc penetratio concedatur , vt corpori Christi exeunti de sepulchro & ingredienti ad Discipulos ianuæ clausis ; hoc tamen fit in ordine ad alia corpora , non in ordine ad corpora gloriosa , quia vt

ait

ait D. Thomas, non est conueniens, quòd corpus gloriosum sit simul per penetrationem cum alio corpore glorioso: Tum quia in eis seruabitur debitus ordo, qui distinctionem etiam situationem requirit: Tum quia vnum corpus gloriosum non se opponit alteri, & sic nunquam duo corpora gloriosa erunt simul. Dos impassibilitatis est qualitas, qua corpus gloriosum redditur ab intrinseco impassibile & incorruptibile in ordine ad quamcunque creaturam, quatenus mediante ipsa corpus gloriosum perfectissime dispositum sic complete informatur ab anima, vt per ipsam potentia materie primæ omnino compleatur, ita quòd non sit capax informari altera forma, ac proinde nec alterari per receptionem dispositionum contrariarum suæ formæ, ex qua receptione sola potest sequi passio physica & corruptio. Dos claritatis est qualitas, qua corpus gloriosum redditur pulchrum, perspicuum, ac perlucidum. Dos tandem agilitatis est qualitas, qua corpus gloriosum redditur faciliter mobile ab anima, ita vt breuissimo & imperceptibili tempore percurrat maxima spatia, & statim perueniat ad quamcunque distantiam voluerit; & etiam promptum ad suas actiones. Vnde corpus humanum hic in via crassum & valde terrestre; passibile, corruptibile, & mortale; obscurum, & opacum; graue, & infirmum: redditur in Patria subtile, & quodammodo cœleste; impassibile, incorruptibile, & immortale; clarum, & perlucidum; leue, ac perfectæ virtutis ad obediendum animæ: licet sit idem quoad substantiam.

A d primum ergo dicendum, cum D. Thomas in 4. d. 49. quæst. 4. art. 5. quæstiuncula 3. ad 1. quòd illa septem quæ Anselmus ponit, continentur sub quatuor dotibus assignatis: Pulchritudo enim continetur sub claritate: Velocitas, & libertas, & fortitudo sub agilitate: sanitas, & diurnitas sub impassibilitate: Voluptas verò potest reduci ad subtilitatem, quia ex hoc quòd corpus est perfecte formatum per animam, est & ad delectationem dispositum. Ad aliud dicendum cum D. Thomas ibidem, quòd agilitas non solum pertinet ad motum, sed etiam ad sensum, & ad omnes alias operationes animæ, vt secundum hoc dicatur corpus gloriosum esse agile, quòd est perfecte habilitatum ad omnes operationes quæ per corpus exercentur. Ad aliud constat ex dictis, quòd non pertinet ad statum corporis gloriosi, quòd possit penetrare aliud corpus, vel ab illo penetrari in sensu quo procedit obiectio.

A d secundum dicendum, quòd impassibilitas corporis gloriosi debet esse perfectissima, & sic debet esse ab intrinseco, & non solum ab extrinseco Dei protectione, vel per remotionem aut cessationem corrumpentis. Ad aliud dicendum, quòd quia impassibilitas corporis gloriosi debet esse alterius rationis & perfectioris, ab

impassibilitate corporis damnati; potius sequitur quòd si impassibilitas corporis damnati sit ab extrinseco, impassibilitas corporis gloriosi debet esse ab intrinseco.

A d tertium dicendum, quòd D. Thomas in primo loco solum vult quòd inter quatuor dotes corporis gloriosi sola claritas sit qualitas continuo visibilis in ipsa persona beata, vt manifestè constat ex textu: sic enim ait, Sola claritas est qualitas ipsius personæ in seipsa: aliæ verò tres dotes non percipiuntur nisi aliquo actu, seu motu, seu passione; & ideo non propter illas transfiguratus dicitur, sed propter solam claritatem, quæ pertinet ad aspectum personæ ipsius. Constat ex dictis, quomodo sit accipiendum perfectum dominium animæ beatæ in corpus gloriosum, in quo D. Thomas secundo loco constituit dotem impassibilitatis. Ad aliud dicendum, quòd qualitates quæ sunt dotes corporis gloriosi, non sunt elementares, nec cœlestes quasi à cœlo productæ, sed sunt communicatæ à Deo per eandem actionem, qua communicauit animæ beatæ iumen gloriæ, ex cuius redundantia emanant ab anima, quasi proprietates illius status: Vtrum autem hæ qualitates sint naturales, vel supernaturales quoad substantiam, differunt auctores etiam Thomistæ: omnes quidem conueniunt, quòd sunt supernaturales quoad modum, quia procedunt à Deo vt glorificante, in ordine ad gloriam supernaturalem: aliqui tamen dicunt illas esse naturales quoad substantiam simpliciter, quamuis sint præternaturales & supernaturales secundum quid respectu subiecti, & hoc videtur probabilius in doctrina D. Thomæ, nam in 4. d. 44. quæst. 2. art. 4. quæstiuncula 2. ad 1. asserit quòd claritas gloriæ erit alterius generis quantum ad causam, sed non quantum ad speciem, vnde sicut claritas naturæ ratione suæ speciei est proportionata visui, ita claritas gloriosa: cuius ratio potest adduci, quia hæ qualitates non habent per se ordinari tanquam ad finem intrinsecum, ad aliquid supernaturale, à quo habeant esse specificum supernaturale: alij verò sunt qui etiam cum fundamento in Diuo Thoma, dicunt esse supernaturales quoad substantiam. Ad illud quod subditur, dicendum quòd quia qualitas quæ est dos impassibilitatis, primario habet satiare appetitum materie, inde est quòd licet sit entitatiuè finita, tamen non potest vinci ab extrinseco corrumpente, quia satiatio tali appetitu, materia est incapax alterius formæ ac proinde dispositionis corruptiue.

D V B I V M IV.

Vtrum ad beatitudinem requirantur Aureola, quid sint, & quibus conferantur.

S Vpponendum est; quòd in sacra Scriptura & Sapud Sanctos Patres, vita præsentis sæculi dicitur

dicitur militia, & Ecclesia viatorum dicitur militans: unde Iob. 7. dicitur: Militia est vita hominis super terram. Beatitudo autem, quæ datur in præmium meritorum, dicitur corona reddita pro victoria: propterea S. Paulus Apostolus 2. ad Timotheum 2. vitur nomine militia, militis, certaminis, & coronæ: ait enim discipulo: Labora sicut bonus miles Christi Iesu, &c. item: Qui certat in agone, non coronabitur nisi legitime certauerit. Et cap. 4. ait de seipso: Bonum certamen certavi, cursum consummaui, fidem seruaui: in reliquo reposita est mihi corona iustitiæ, quam reddet mihi Dominus in illa Die iustus iudex. Quia verò coronæ imperatorum, regum, & principum sunt ex auro, ideo aurea substantiue sumpta sumitur pro corona: Ab aurea verò deriuatur diminutiuum eius aureola, quæ significat paruum coronam siue coronulam. In præsentī materia nomine aureæ intelligitur gloria essentialis, nomine verò aureolæ intelligitur gloria accidentalis correspondens alicui peculiari pugne & victoriæ, desumpta metaphora ex corona aurea & corona aureola, quæ Exodi 25. fuerunt elaboratæ supra mensam propositionis, ex quibus ait Glossa, Per coronam auream significatur præmium essentialē, per coronam verò aureolam præmium accidentale: Non desunt tamen, qui pro aureola usurpant nomen laureolæ à lauro dictæ. Quærimus igitur in præsentī, vtrum ad beatitudinem requirantur aureolæ, quid sint, & quibus conferantur.

Prima opinio negat ad beatitudinem requiri aureolas. Probatur: Si ad beatitudinem requirerentur aureolæ, sequeretur quod omnibus beatis concedendæ essent aureolæ: sed aureolæ non conceduntur omnibus beatis, non conceduntur Christo Domino, nec Angelis vt docet D. Thomas: ergo ad beatitudinem non requiruntur aureolæ.

Secundò, Præter visionem Dei, & gaudium ex illa visione secutum, quæ duo pertinent ad beatitudinem, primum tanquam essentialē, secundum tanquam proprietatem, non videtur aliquid aliud requiri ad beatitudinem: sed visio Dei & gaudium de illo viso sunt corona seu aurea, & non aureola: ergo ad beatitudinem non requiruntur aureolæ.

Tertiò, Si ad beatitudinem requirantur aureolæ, maxime quia specialibus victoriis debentur præmia specialia etiam accidentalia: sed si hoc esset, sequeretur quod pro qualibet virtute assignanda esset peculiaris aureola, nam in exercitio cuiuslibet virtutis potest quis illustrem victoriam reportare, & maiorem quam reportent Martyres, Virgines, & Doctores, propter maiorem difficultatem operis: ergo cum pro qualibet virtute non sit assignanda peculiaris aureola, tres enim solum assignantur; ad beatitudinem non requiruntur aureolæ. Maxime quia non est assignabile subiectum earum, an sit mens aut corpus.

R.P. Philippi Carm. discal. Disp. Theolog. in 1. 2.

CONCLUSIO.

RESPONDEO dicendum, quod ad beatitudinem requiruntur aureolæ 1. quæ sunt privilegiata præmia privilegiatis victoriis correspondentia 3. Et sunt tantummodo tres, videlicet Martyrum, Virginum, & Doctorum. Ita communiter omnes Theologi.

Probatur prima pars conclusionis: Tum communi sententia Sanctorum Patrum & Theologorum, qui ad beatitudinem requirunt aureolas, vt necessarias per modum complementi accidentalis: Tum quia per aureolas intelliguntur privilegiata præmia privilegiatis victoriis correspondentia, vt statim dicitur: constat autem quod Deus iudex iustus, imò & misericors ac liberalissimus Pater, qui præmiat ultra condignum, singulis privilegiatis victoriis singula præmia correspondentia beatis largitur, quæ sunt præmia accidentalia beatitudini essentiali superaddita: ergo ad beatitudinem requiruntur aureolæ. Sed notandum ex D. Thoma in 4. d. 49. q. 5. art. 1. quod dupliciter potest aliquid superaddi ad beatitudinem essentialē. Vno modo ex conditione eius qui præmiatur: sicut supra beatitudinem animæ gloria corporis adiungitur, unde & ipsa gloria corporis interdum aureola nominatur; sic autem nunc de aureola non agitur. Alio modo ex ratione operis meritorij: quod quidem rationem meriti ex duobus habet, ex quibus habet etiam bonitatis rationem; scilicet ex radice charitatis, qua refertur in finem vltimum, & sic debetur ei essentialē præmium, scilicet peruentio ad finem, quæ est aurea: Et ex ipso genere actus, quod laudabilitatem quandam habet ex debitis circumstantiis, & ex habitu elicente, & proximo fine, & sic debetur ei quoddam accidentale præmium, quod aureola dicitur.

Probatur & explicatur secunda pars conclusionis ex his quæ docet D. Thomas quæstione citata art. 5. vbi diffinit aureolam in communi, quod sit privilegiatum præmium privilegiatæ victoriæ correspondens. Dicitur privilegiatum præmium, per quod distinguitur à præmio essentiali sito in visione clara Dei, & à præmio accidentali communi omnibus beatis consistente in gaudio de tali visione, quæ duo correspondent bonis operibus vt procedentibus à charitate. Dicitur, privilegiatæ victoriæ correspondens, id est insigni, excellenti, & perfectæ victoriæ: quamvis enim cuilibet victoriæ debeat aliquod præmium, privilegiatum tamen præmium non debetur nisi victoriæ privilegiatæ, qua beati inimicum perfectè subegerunt: inimicus autem hominis est triplex; videlicet diabolus, caro, & mundus. In quo autem consistat præmium istud privilegiatum, relictis aliorum placitis, explicat D. Thomas loco citato dicens: Quod aureola dicit aliquid aureæ superadditum, id est quoddam gaudium de operibus à se factis, quæ habent

O

bent rationem victoriæ excellentis; quod est aliud gaudium ab eo, quo de coniunctione ad Deum gaudetur, quod gaudium dicitur aurea: Et sic aureola principaliter est in mente, quamvis etiam resuletur in corpore, ut postea dicitur.

Probatur tertia pars conclusionis autoritate sacræ Scripturæ, ubi tres assignatæ aureolæ indicantur. De aureola Martyrum habetur Apocal. 7. Amicti stolis albis, & palmæ in manibus eorum. De aureola virginum dicitur Apocal. 14. Habent (scilicet virgines) nomen agni & nomen patris eius scriptum in frontibus suis. De aureola Doctorum dicitur Danielis 11. Qui ad iustitiam erudiunt multos, tanquam stellæ fulgebunt in perpetuas æternitates. Deinde probatur ratione D. Thom. in 4. d. 49. q. 5. art. 5. quam sic proponit: Aureola est quoddam privilegiatum præmium privilegiatæ victoriæ respondens: Et ideo secundum privilegiatas victorias in tribus pugnis, quæ cuilibet homini imminet, tres aureolæ sumuntur. In pugna enim quæ est contra carnem, ille potissimè victoriam obtinet, qui à delectationibus venereis, quæ sunt præcipuè in hoc genere, omninò abstinet: Et ideo Virginitas aureola debetur. In pugna verò, qua contra mundum pugnat, illa est præcipua victoria, cum à mundo persecutionem usque ad mortem sustinemus: unde & Martyribus, qui in ista pugna victoriam obtinent, secunda aureola debetur. In pugna verò, qua contra diabolum pugnamus, illa est præcipua victoria, cum aliquis hostem non solum à se, sed à cordibus aliorum remouet, quod fit per prædicationem & doctrinam: Et ideo, Doctoribus & prædicatoribus tertia aureola debetur. Ex quibus sic breuiter formatur ratio: Aureola est præmium privilegiatum alicui insigni & perfectæ victoriæ correspondens: sed sunt tantum tres insignes & perfectæ victoriæ de tribus hostibus scilicet Carne, Mundo, & Dæmone; de carne quidem per continuam Virginitatem, de mundo autem per Martyrium, de dæmone verò per Doctrinam & prædicationem: ergo sunt tantummodo tres aureolæ, videlicet Virginum, Martyrum, & Doctorum.

Aureola Martyrij, simpliciter & absolute loquendo, omnibus & solis illis confertur, qui pro Fide Christi, vel pro aliqua veritate relata ad fidem ab hominibus impugnata, usque ad mortem sustinuerunt: cuius ratio est, quia fides diuina est honestissimum motuum moriendi, & in tolerantia mortis est grauissima pugna, & gloriosissima victoria, cui debetur aureola. Ex quo inferitur, quod qui multa suffert pro fide, si talis tolerantia non sit usque ad mortem, verè non est martyr: si autem tolerantia sit usque ad mortem, quamvis labores non sint ita violenti quod statim causent mortem, verè est martyr, sicut ille qui finit vitam in carcere vel in exilio pro Fide: sicut & ille qui pro Fide recipit aliquod vul-

nus lethale, unde naturaliter debeat sequi mors, quamvis per accidens miraculosè sanetur: sed tunc ille, quamvis peccare possit absolute, & consequenter damnari, diuina tamen bonitate præseruabitur à damnatione & peccato mortali; & si admittatur quod tunc peccaret mortaliter, amitteret & meritum martyrij, & nomen martyris. Quamvis autem ex hac doctrina sequatur Beatissimam Virginem Dei genitricem Mariam non habere formaliter aureolam Martyrij: illam tamen habet eminenter in præmio essentiali correspondente martyrio spirituali, quod sustinuit tempore passionis, maxime iuxta crucem; Et etiam in gaudio accidentali de dicto martyrio, quod propter acerbissimam doloris omne aliud martyrium corporale superauit, & maiorem in Sanctissima Virgine fortitudinem exegit; propterea aliqui Sancti Patres illam vocant martyrem, unde Hieronymus serm. de Assumptione ait: Rectè dixerim, Dei genitrix virgo, & martyr fuit, quamvis in pace vitam finierit. Secundò inferitur, quod innocentes pro Christo occisi, fuerunt martyres actu tantum, & non voluntate, ut ait Bernardus, & etiam D. Thomas 2. 2. q. 124. art. 1. ad 1. quia non habuerunt vsum rationis, & ita non habent perfectam aureolam martyrij. Tertiò inferitur, quod nec Christiani milites bellum gerentes contra infideles, etiam ab illis impetiti in odium fidei, si pugnando occidantur, non sunt propriè martyres, quia martyrium habetur sustinendo, & non pugnando armis ac perimere volendo; quamvis illis militibus correspondebit præmium pro tam sancto & iusto bello.

Aureola Virginitatis, simpliciter & absolute loquendo, omnibus & illis solis confertur, qui propter Deum ex parte mentis habent votum vel propositum, saltem in hora mortis factum, virginitatem perpetuò seruandi: & ex parte corporis habent inexperientiam & immunitatem à delectatione carnali, quæ fit per voluntariam seminis resolutionem, hi enim perfectissimè triumphant de carne: materialis verò integritas seu illæso signaculi virginei, quamvis ordinariè concomiteretur, tamen non necessariò requiritur, quia potest amitti vel per violentiam, vel per infirmitatem, absque præiudicio virginitatis moralis: stante ergo prædicta inexperientia & immunitate ex parte corporis, potest amissum reparari propositum. Ex his sequitur quod Beatæ Virginitatis & sociis propriè debetur aureola Virginitatis, quamvis tantum sub finem vitæ haberint propositum virginitatis perpetuò seruandæ. Quia verò aureola potius debetur victoriæ quam pugna: inde est quod Beatissimæ Virgini concessa est perfectissima aureola virginitatis, quia ex diuina gratia habuit perfectissimam victoriam absque pugna in materia virginitatis.

Aureola Doctoratus, simpliciter & absolute loquendo, omnibus & illis solis confertur, qui in obsequium

obsequium fidei & propter Deum instruunt ex professo populum Christianum, vel scribendo, vel concionando, vel alio modo; sic enim perfectissime triumphant de dæmone, dum eum expellunt non solum à seipsis, sed etiam ab aliis. Vnde hæc aureola cōceditur Doctōribus Theologis, & non aliis vel Philosophis, vel humani Iuris-Consultis, & similibus, quia tales scientiæ non per se ordinantur ad fidem. Hæc aureola meritisimè conceditur Beatissimæ Virgini, quæ post Christi Passionem remansit in Ecclesia vt Magistra Fidei. Conceditur etiam Sanctæ Matri Theresiæ, de qua sacra Rotæ Congregatio in relatione pro eius canonizatione ait: Clarissimi omnium ordinum Theologi Beatæ Theresiæ sapientiam admirantur, & facilem mysticarum passionum explanationem adeo stupefunt, vt rarum genus sapientiæ eis videatur, quod de mystica Theologia Patres obscurè & sparsim traderunt, à virgine vna in methodū tam perspicuè atque concinnè fuisse redactum: meritoque illam quasi spiritualis doctrinæ Magistrā Ecclesiæ à Deo datam prædicant. Ex his aureolis nobilior est aureola Martyrij, deinde aureola Virginitatis, & vltima est aureola Doctoratus simpliciter loquendo, ex maiori difficultate pugnat; quamuis in aliis sit mutua præeminentia.

Ad primum ergo dicendum quantum ad Christum, quod quia aureola diminutiue dicitur, ideo propriè non conceditur Christo, in quo omnia debent esse non participatiue, sed secundum sui plenitudinem; & tamen Christo sunt per modum aureæ illæ perfectiones, quæ in aliis beatis sunt per modum aureolæ. Quantum ad Angelos, dicendum cum D. Thoma, quod eis aureola non debetur: cuius rationem assignat, quia aureola propriè respondet cuidam perfectioni in excellenti merito: ea verò quæ in hominibus ad perfectionem meriti pertinent, Angelis sunt naturalia, vel spectant ad communem eorum statum, aut etiam ad ipsum præmium essentialē: & ideo ratione qua hominibus debetur aureola, Angeli non habent aureolas.

Ad secundum dicendum, quod ad perfectum statum Beatorum, præter visionem Dei & gaudium ex illa secutum, requiritur speciale gaudium in Beatis, de triplici pugna & victoria insigni, quam de triplici hoste gloriosè reportarunt, & tale gaudium dicitur aureola.

Ad tertium dicendum, quod aureola tantum debetur speciali & excellenti victoriæ de aliquo hoste hominis reportatæ; quæ victoria perfecta non habetur nisi à martyribus, Virginibus, & Doctōribus, vt constat ex dictis; quamuis non desint aliæ victoriæ in exercitio aliarum virtutum. Ad illud quod subditur dicendum cum D. Thoma in 4. d. 49. q. 5. art. 5. quæstionculla 3. quod aureola propriè est in mente, est enim gaudium de operibus illis, quibus aureola debetur; sed sicut ex gaudio essentialis præmij, quod est

R. P. Philippi Carm. discal. Diss. Theolog. in 1. 2.

aurea, redundat quidam decor in corpore, qui est gloria corporis; ita ex gaudio aureolæ resultat æqualis decor in corpore, vt sic aureola principaliter sit in mente, sed per quandam redundantiam fulgeat etiam in carne. Quid autem illud sit in carne, determinari non potest in particulari: sufficit dicere, quod etiam externis signis Sancti Martyres, Virgines, & Doctōres ab aliis electis dignoscuntur. Quæ ad materiam de beatitudine hic desiderari videntur, diffusè habentur in materia de visione Dei.



QVÆSTIO VI.

De voluntario & inuoluntario, in octo articulis diuisa.



V : A Igitur ad beatitudinem per actus alios necesse est peruenire: oportet consequenter de humanis actibus considerare: vt sciamus quibus actibus perueniatur ad beatitudinem, vel impediatur beatitudinis via. Sed quia operationes & actus circa singula sunt: ideo omnis operatiua scientia in particulari consideratione perficitur. moralis igitur consideratio quia est humanorum actuum. Primo quidem tradenda est in vniuersali. Secundo vero in particulari.

¶ Circa vniuersalem autem considerationem humanorum actuum primo quidem considerandum occurrit de ipsi actibus humanis. Secundo, de principiis eorum. Humanorum autem actuum quidam sunt hominis proprii, quidam sunt homini & aliis animalibus communes; & quia beatitudo est proprium hominis bonum, propinquius se habent ad beatitudinem actus, qui sunt proprii hominis, quam actus, qui sunt homini aliisque animalibus communes. Primo ergo considerandum est de actibus qui sunt proprii hominis. Secundo de actibus qui sunt homini aliisque animalibus communes: qui dicuntur animæ passionēs.

¶ Circa primum duo consideranda occurrunt. Primo, de consideratione humanorum actuum. Secundo, de distinctione eorum actuum. cum autem actus humani propriè dicantur qui sunt voluntarij, eo quod voluntas est rationalis appetitus, qui est proprius hominis: oportet considerare de actibus in quantum sunt voluntarij. Primo ergo considerandum est de voluntario & inuoluntario in communi. Secundo, de actibus qui sunt voluntarij: quasi ab ipsa voluntate elicti, vt immediate ipsius voluntatis existentes. Tertio, de actibus qui sunt voluntarij, quasi à voluntate imperati, qui sunt ipsius voluntatis mediātibz aliis potentiis. Et quia actus voluntarij habent quasdam circumstantias secundum quas diiudicantur: primo considerandum est de voluntario, & inuoluntario, & consequenter de circumstantiis ipsorum actuum, in quibus voluntarium & inuoluntarium inuenitur.

¶ Circa primum quærentur octo.

¶ Primo, vtrum in humanis actibus inueniatur voluntarium.

¶ Secundo, vtrum inueniatur in animalibus brutis.

¶ Tertio, vtrum voluntarium esse possit absque omni actu.

¶ Quarto, vtrum violentia voluntati possit inferri.

¶ Quinto, vtrum violentia causet inuoluntarium.

¶ Sexto, vtrum metus causet inuoluntarium.

¶ Septimo, vtrum concupiscentia inuoluntarium causet.

¶ Octauo, vtrum ignorantia.

ARTICVLVS I.

Vtrum in humanis actibus inueniatur voluntarium.

AD PRIMUM sic proceditur. Videtur, quod in humanis actibus non inueniatur voluntarium. voluntarium enim est cuius principium est in ipso: vt patet per Greg. Nissen. & Damasc. & Aristotel. sed principium humanorum actuum non est in ipso homine, sed est extra: nam appetitus hominis mouetur ad agendum ab appetibili quod est extra: quod est sicut mouens non motum: vt dicitur in 1. de anima. ¶ ergo in humanis actibus non inuenitur voluntarium.

¶ 2. Præterea, Philosophus in 1. Phys. ¶ probat, quod non inuenitur in animalibus aliquis actus nouus qui non præueniatur ab alio motu exteriori: sed omnes actus hominis sunt noui: nullus enim actus hominis æternus est. ergo principium omnium humanorum actuum est ab extra: non igitur in eis inuenitur voluntarium.

¶ 3. Præterea, Qui voluntariè agit, per se agere potest: sed hoc homini non conuenit. dicitur enim Iohann. 5. Sine me nihil potestis facere. ergo voluntarium in humanis actibus non inuenitur.

¶ 4. Contra, est quod dicit Damascen. in lib. 1. quod voluntarium est actus qui est operatio rationalis. tales autem sunt actus hominis: ergo in actibus humanis inuenitur voluntarium.

CONCLUSIO.

Cum homo maxime sui operis finem cognoscit, & seipsum ad illum

41

¶ Niss. 1. 5. cap. 8. etiam præc.

¶ Damasc. lib. 1. tit. 1.

¶ Arist. 1. 1. tit. 1.

¶ Arist. 1. 1. tit. 1.

¶ Arist. 1. 1. tit. 1.

¶ Arist. 1. 1. tit. 1.

¶ Arist. 1. 1. tit. 1.

¶ Arist. 1. 1. tit. 1.

¶ Arist. 1. 1. tit. 1.

¶ Arist. 1. 1. tit. 1.

¶ Arist. 1. 1. tit. 1.

¶ Arist. 1. 1. tit. 1.

¶ Arist. 1. 1. tit. 1.

¶ Arist. 1. 1. tit. 1.

¶ Arist. 1. 1. tit. 1.

¶ Arist. 1. 1. tit. 1.

¶ Arist. 1. 1. tit. 1.

¶ Arist. 1. 1. tit. 1.

¶ Arist. 1. 1. tit. 1.

¶ Arist. 1. 1. tit. 1.

¶ Arist. 1. 1. tit. 1.

¶ Arist. 1. 1. tit. 1.

¶ Arist. 1. 1. tit. 1.

¶ Arist. 1. 1. tit. 1.

illum moueat, in illius affectibus maxime voluntarium inuenitur.

RESPONDEO dicendum, quod oportet in actibus humanis voluntarium esse. Ad cuius euentiam considerandum est, quod quorundam actuum principium est in agente, seu in eo quod mouetur quorundam autem motuum vel actuum principium est extra: cum enim lapis mouetur sursum, principium huius motionis est extra lapidem: sed cum mouetur deorsum, principium huius motionis est in ipso lapide. Eorum autem, quæ à principio extrinseco mouentur, quidam mouent seipsa, quædam autem non: cum enim omne agens seu motum agat seu mouetur propter finem (et supra habitum est) illa perfecte mouentur à principio intrinseco, in quibus est aliquod intrinsecum principium, non solum ut moueantur, sed ut moueantur in finem: ad hoc autem quod fiat aliquod propter finem, requiritur cognitio finis atque talis: quodcumque igitur sic agit, vel mouetur à principio intrinseco, quod habet aliquam notitiam finis, habet in seipso principium sui actus non solum ut agat, sed etiam ut agat propter finem: quod autem nullam notitiam finis habet, et in eo sit principium actionis vel motus, non tamen eius quod est agere vel moueri propter finem, est principium in ipso, sed in alio: à quo ei imprimitur principium suæ motionis in finem: unde huiusmodi non dicuntur mouere seipsa, sed ab aliis moueri. Quæ vero habent notitiam finis, dicuntur seipsa mouere: quia in eis est principium non solum ut agant, sed etiam ut agant propter finem: & ideo eam utramque sit ab intrinseco principio, scilicet quod agunt & quod propter finem agunt, horum motus & actus dicuntur voluntarij: hoc autem importat nomen voluntarij, quod motus & actus sit à propria inclinatione: & inde est, quod voluntarium dicitur esse secundum definitionem Arist. & Gregor. Nisi. & Damasc. non solum cuius principium est intra, sed cum additione scientiæ. unde cum homo maxime cognoscat finem sui operis, & moueat seipsum, in eius actibus maxime voluntarium inuenitur.

Ad primum ergo dicendum, non omne principium est principium primum: licet ergo de ratione voluntarij sit quod principium eius sit intra: non tamen est contra rationem voluntarij, quod principium intrinsecum causetur, vel moueatur ab exteriori principio: quia non est de ratione voluntarij, quod principium intrinsecum sit principium primum. Sed tamen sciendum quod contingit aliquod principium motus esse primum in genere, quod tamen non est primum simpliciter: sicut in genere alterabilitatis primum alterans est corpus celeste; quod tamen non est primum mouens simpliciter, sed mouetur motu locali à superiori mouente. sic igitur principium intrinsecum voluntarij actus, quod est vis cognoscitiva & appetitiva, est primum principium in genere appetitiui motus, quamuis moueatur ab aliquo exteriori secundum alias species motus.

Ad secundum dicendum quod motus animalis nouus præuenit quidem ab aliquo exteriori motu quantum ad duo. Vno modo inquantum per motum exteriori præsentatur sensui animalis aliquod sensibile, quod apprehensum mouet appetitum: sicut leo videns ceruicem per eius motum appropinquantiem incipit moueri ad ipsam. Alio modo inquantum per exteriorem motum incipit aliquantulum immutari naturali immutatione corpus animalis, puta per frigus vel calorem. corpore autem immutato per motum exterioris corporis immutatur etiam per accidens appetitus sensitivus, qui est virtus organi corporealis: cum ex aliqua alteratione corporis commouetur appetitus ad concupiscentiam alius rei: sed hoc non est contra rationem voluntarij, ut dictum est: huiusmodi enim motiones ab exteriori principio sunt alterius generis.

Ad tertium dicendum, quod Deus mouet hominem ad agendum, non solum sicut proponens sensui appetibile, vel sicut immutat corpus, sed etiam sicut mouens ipsam voluntatem: quia omnis motus tam voluntatis quam naturæ ab eo procedit sicut à primo mouente & sicut non est contra rationem naturæ quod motus naturæ sit à Deo, sicut à primo mouente inquantum natura est quoddam instrumentum Dei mouentis: ita non est contra rationem actus voluntarij, quod sit à Deo, inquantum voluntas à Deo mouetur: est tamen communiter de ratione naturalis & voluntarij motus quod sint à principio intrinseco.

ARTICVLVS II.

Utrum voluntarium inueniatur in animalibus brutis.

AD SECUNDUM sic proceditur. Videtur, quod voluntarium non sit in brutis animalibus: voluntarium enim à voluntate dicitur, voluntas autem sit in ratione, ut dicitur in 3. de anima: non potest esse in brutis animalibus, ergo neque voluntarium in eis inuenitur.

2 Præterea, Secundum hoc quod actus humani sunt voluntarij, homo dicitur esse dominus suorum actuum, sed bruta animalia non habent dominium sui actus: non enim agunt, sed magis aguntur: ut Damasc. dicit. ergo in brutis animalibus non est voluntarium.

3 Præterea, Damasc. dicit quod actus voluntarij sequitur laus vel vituperium, sed actibus brutorum animalium non debetur neque laus neque vituperium, ergo in eis non est voluntarium.

Sed contra est, quod dicit Philosophus in 3. Ethicor. quod pueri & bruta animalia communicant voluntario: & idem dicunt Gregor. Nyssenus, & Damasc. dicit.

CONCLUSIO.

In solis hominibus, finis cognitionem perfectam habentibus, voluntarium secundum perfectam rationem inuenitur, in brutis vero animalibus non nisi secundum imperfectam.

RESPONDEO dicendum, quod sicut dictum est, ad rationem voluntarij requiritur, quod principium actus sit intra cum aliqua cognitione finis. est autem duplex cognitio finis, perfecta scilicet & imperfecta. perfecta quidem finis cognitio est, quando non solum apprehenditur res quæ est finis, sed etiam cognoscitur ratio finis, & proportio eius quod ordinatur ad finem ipsum. & talis cognitio finis competit soli rationali naturæ. Imperfecta autem cognitio finis est, quæ in sola finis apprehensione consistit sine hoc, quod cognoscatur ratio finis, & proportio actus ad finem: & talis cognitio finis reperitur in brutis animalibus per sensum & estimationem naturalem. Perfectam igitur cognitionem finis sequitur voluntarium secundum rationem perfectam, prout scilicet apprehenso fine aliquis potest deliberare de fine & de his quæ sunt ad finem, moueri in finem, vel non moueri. Imperfectam autem cognitionem finis sequitur voluntarium secundum rationem imperfectam, prout scilicet apprehendens finem non deliberat, sed subito mouetur in ipsum, unde soli rationali naturæ competit voluntarium secundum rationem perfectam, sed secundum rationem imperfectam, competit etiam brutis.

Ad primum ergo dicendum, quod voluntas nominat rationalem appetitum: & ideo non potest esse in his quæ ratione carent. voluntarium autem denominatiue dicitur à voluntate, & potest trahi ad ea in quibus est aliqua participatio voluntatis secundum aliquam convenientiam ad voluntatem: & hoc modo voluntarium attribuitur animalibus brutis, inquantum scilicet per cognitionem aliquam mouentur in finem.

Ad secundum dicendum, quod ex hoc contingit quod homo est dominus sui actus, quod habet deliberationem de suis actibus, ex hoc enim quod ratio deliberans se habet ad opposita, voluntas in utrumque potest: sed secundum hoc voluntarium non est in brutis animalibus, ut dictum est.

Ad tertium dicendum, quod laus & vituperium consequuntur actum voluntarium secundum perfectam voluntarij rationem, qualis non inuenitur in brutis.

ARTICVLVS III.

Utrum voluntarium possit esse absque omni actu.

AD TERTIUM sic proceditur. Videtur, quod voluntarium non possit esse sine actu. Voluntarium enim dicitur quod est à voluntate: sed nihil potest esse à voluntate nisi per aliquem actum ad minus ipsius voluntatis. ergo voluntarium non potest esse sine actu.

2 Præterea, sicut per actum voluntatis dicitur aliquis velle: ita cessante actu voluntatis dicitur non velle, sed non velle involuntarium causat quod opponitur voluntario. ergo voluntarium non potest esse actu voluntatis cessante.

3 Præterea, De ratione voluntarij est cognitio, ut dictum est, sed cognitio est per aliquem actum. ergo voluntarium non potest esse absque aliquo actu.

Sed contra, illud cuius domini sumus, dicitur esse voluntarium. sed nos domini sumus eius quod est agere & non agere, velle & non velle: ergo sicut agere & velle est voluntarium: ita & non agere, & non velle.

CONCLUSIO.

Potest nonnunquam voluntarium esse sine exteriori actu cum interiori, ut quando vult non agere, quandoque vero absque interiori actu, ut cum non vult.

RESPONDEO dicendum, quod voluntarium dicitur, quod est à voluntate ab aliquo autem dicitur esse aliquid dupliciter. Vno modo directe, quod scilicet procedit ab aliquo inquantum est agens, sicut calefactio à calore. Alio modo indirecte, ex hoc ipso quod non agit: sicut submersio nauis dicitur esse à gubernatore inquantum desistit à gubernando.

Sed sciendum quod non semper id quod sequitur ad defectum actionis, reducitur sicut in causam in agens ex eo quod non agit, sed solum tunc cum potest & debet agere: si enim gubernator non posset nauem dirigere, vel non esset ei commissa gubernatio nauis, non imputaretur ei nauis submersio, quæ per absentiam gubernatoris contingeret: quia igitur voluntas volendo & agendo potest impedire hoc quod est non velle & non agere, & aliquando debet, hoc quod est non velle & non agere, imputatur ei, quasi ab ipsa existens, & sic voluntarium potest esse absque actu: quandoque quidem absque actu exteriori cum actu interiori: sicut cum vult non agere: aliquando autem & absque actu interiori, sicut cum non vult.

Ad primum ergo dicendum, quod voluntarium dicitur non solum quod procedit à voluntate directe sicut ab agente: sed etiam quod est ab ea indirecte sicut à non agente.

Ad secundum dicendum, quod non velle dicitur dupliciter. Vno modo prout sumitur in vi vnius dictionis secundum quod est infinitum huius verbi, Nolo. unde sicut cum dico, nolo legere, sensus est volo non legere: ita hoc quod est non velle legere, significat velle non legere: & sic non velle causat involuntarium. Alio modo sumitur in vi orationis, & tunc non affirmatur actus voluntatis, & huiusmodi non velle non causat involuntarium.

Ad tertium dicendum, quod eo modo requiritur ad voluntarium actus cognitionis, sicut & actus voluntatis, ut scilicet sit in potestate alicuius considerare & velle & agere: & tunc, sicut non velle & non agere cum tempus fuerit, est voluntarium, ita etiam non considerare.

ARTICVLVS IV.

Utrum violentia voluntati possit inferri.

AD QUARTUM sic proceditur. Videtur, quod voluntas non possit violentia inferri: vnumquodque enim potest

42.
2. dist. 25.
ar. 1. ad
serm. Et
3. dist. 27.
quæst. 1. ar. 1.
4. ad 1. v.
serm. Et ver.
9. 2. ar. 2.
ad primum
Et 3. Ethic.
1. 4. 6. 1. s.
5. cor. 1.
2. text. 4. l.
rom. 2.
† 1. 2. co
24.
6. 1. 3. Ethic.
c. 1. non
longè à fin.
† Dam. 1. l.
2. cap. 24.
Nisi
lib. 5. cap. 4.
ar. 1. prin.

Ar. 1. p. 1.
43
1. q. 7. l. 2.
ar. 3. ad 1.
c. 1. ad 1.
2. dist. 25.
ar. 3. co. 2. l. 2.
ad quæst. 1.
Et mal. 9.
3. ar. 1. ad
secundum.
Ar. 1. p. 1.
44
1. q. 11. l. 1.
ar. 3. ad 3.
cogi

Et 4. d. 29. cogi à potentiori: sed aliquid est humanæ voluntati potentius, scilicet Deus ergo saltem ab eo cogi potest.
 q. 22. ar. 5. § 2. Præterea, Omne passivum cogitur à suo activo quando
 q. 8. d. 9. immutatur ab eo: sed voluntas est vis passiva: est enim movens
 24. d. 4. Et motum, ut dicitur in 3. de anima. * cum ergo aliquando mo-
 Re. 6. le 4. ueatur à suo activo, videtur quod aliquando cogatur.
 co 2.
 § 3. Præterea, Motus violentus est qui est contra naturam:
 § 1. sed motus voluntatis aliquando est contra naturam, ut patet
 tom. 2. de motu voluntatis ad peccandum, qui est contra naturam: ut
 § 1. d. 4. ar. 1. Damasc. † dicit. ergo motus voluntatis potest esse coactus.
 § 1. d. 4. ar. 1. § 2. Si n. contra est, quod August. dicit in 5. * de civit. Dei,
 * lib. 5. de quod si aliquid sit voluntarie, non sit ex necessitate: omne
 enim. Deum autem coactum sit ex necessitate. ergo quod sit ex voluntate,
 c. 10. it. 5. non potest esse coactus: ergo voluntas non potest cogi ad
 agendum.

CONCLUSIO.

Impossibile est voluntati quo ad proprium eius actum, qui est
 velle ipsum, violentiam inferri, sicut contingit quo ad actus
 imperatos, quos videlicet exercet mediante alia potentia que
 propter exteriora aliqua ab actu suo impeditur potest.

RESPONDEO dicendum, quod duplex est actus voluntatis:
 unus quidem, qui est eius immediate velut ab ipsa elicitus, scilicet
 velle. Alius qui est actus voluntatis à voluntate imperatus
 & mediante alia potentia exercitus, ut ambulare & loqui, qui à
 voluntate imperantur mediante potentia motiva, quantum igitur
 ad actus à voluntate imperatos voluntas violentiam pati potest
 in quantum per violentiam exteriora membra impediunt possunt,
 ne imperium voluntatis exequantur: sed quantum ad ipsum
 proprium actum voluntatis, non potest ei violentia inferri. &
 huius est ratio, quia actus voluntatis nihil est aliud quam in-
 clinatio quædam procedens ab interiori principio cognoscen-
 te: sicut appetitus naturalis est quædam inclinatio ab interiori
 principio & sine cognitione: quod autem est coactus vel vio-
 lentum, est ab exteriori principio: unde contra rationem ipsius
 actus voluntatis est, quod sit coactus vel violentus: sicut etiam
 est contra rationem naturalis inclinationis vel motus lapidis,
 quod feratur sursum. potest enim lapis per violentiam ferri
 sursum: sed quod iste motus violentus sit ex eius naturali in-
 clinatione, esse non potest: similiter etiam potest homo per
 violentiam trahi, sed quod hoc sit ex eius voluntate, repugnat
 rationi violentiæ.

Ad primum ergo dicendum, quod Deus qui est potentior
 quam voluntas humana, potest voluntatem movere secundum
 illud Proverbum. Prov. 21. Cor. regis in manu Dei est: & quo-
 cumque volerit, vertet illud. Sed si hoc esset per violentiam,
 iam non esset cum actu voluntatis, nec ipsa voluntas moveretur,
 sed aliquid contra voluntatem.

Ad secundum dicendum, quod non semper est motus
 violentus quando passivum immutatur à suo activo: sed quan-
 do hoc sit contra interioriorem inclinationem passivi: alioquin
 omnes alterationes & generationes simplicium corporum es-
 sent innaturales & violentæ: sunt autem naturales propter na-
 turalem aptitudinem: interioriorem materiei vel subiecti ad talem
 dispositionem: & similiter quando voluntas movetur ab ap-
 petibili secundum propriam inclinationem, non est motus
 violentus, sed voluntarius.

Ad tertium dicendum, quod id in quod voluntas tendit
 peccando, est sit malum & contra rationalem naturam secun-
 dum rei veritatem: apprehenditur tamen ut bonum & con-
 veniens homini secundum aliquam delectationem sensus, vel
 secundum aliquid habitum corruptum.

ARTICULUS V.

Utrum violentia causet involuntarium.

45 AD QUINTUM sic proceditur. Videtur, quod violentia
 non causet involuntarium: voluntarium enim & in-
 voluntarium secundum voluntatem dicuntur. Sed voluntati
 violentia inferri non potest: ut ostensum est. * ergo violentia
 involuntarium causare non potest.

§ 2. Præterea, id quod est involuntarium, est cum tristi-
 tia: ut Damasc. & Philosophus dicunt: † sed aliquando pati-
 tur aliquis violentiam, nec tamen inde tristatur: ergo violentia
 non causet involuntarium.

§ 3. Præterea, quod est à voluntate, non potest esse in-
 voluntarium: sed aliqua violentia sunt à voluntate: sicut cum
 aliquis cum corpore gravi sursum ascendit. & sicut cum ali-
 quis infestis membris contra naturalem eorum flexibilita-
 tem. ergo violentia non causet involuntarium.

§ 4. Præterea, quod Philosophus & Damasc. dicunt: *
 quod aliquid est involuntarium per violentiam.

CONCLUSIO.

Cum violentia sit à principio extrinseco, voluntarium ve-
 ro, sicut & naturale, à principio intrinseco, necessarium est
 violentiam causare involuntarium.

RESPONDEO dicendum, quod violentia directe op-
 ponitur voluntario, sicut etiam & naturali. commune est enim
 voluntario & naturali, quod utrumque sit à principio intrin-
 seco: violentum autem est à principio extrinseco: & propter
 hoc sicut in rebus, quæ cognitione carent, violentia aliquid
 facit contra naturam: ita in rebus cognoscentibus facit al-
 quid esse contra voluntatem. quod autem est contra naturam,
 dicitur esse innaturale. & similiter quod est contra volunta-
 tem, dicitur esse involuntarium: unde violentia involuntarium
 causet.

Ad primum ergo dicendum, quod involuntarium volun-
 tario opponitur. dictum * est autem supra quod voluntarium
 dicitur non solum actus, qui est immediate ipsius voluntatis,
 sed etiam actus à voluntate imperatos. Quantum igitur ad
 actum qui est immediate ipsius voluntatis, ut supra dictum

est, † violentia voluntati inferri non potest: sed quantum ad
 actum imperatum voluntas potest pati violentiam: & quan-
 tum ad hunc actum violentia involuntarium facit.

Ad secundum dicendum, quod sicut naturale dicitur
 quod est secundum inclinationem naturæ, ita voluntarium di-
 citur quod est secundum inclinationem voluntatis. dicitur
 autem aliquid naturale dupliciter. Vno modo quia est à natu-
 ra, sicut à principio activo: sicut calefacere est naturale igni.
 Alio modo secundum principium passivum: quia scilicet est
 innata inclinatio ad recipiendum actionem à principio ex-
 trinseco: sicut motus celi dicitur esse naturalis propter apti-
 tudinem naturalem celestis corporis ad talem motum, licet
 movens sit voluntarium. Et similiter voluntarium potest ali-
 quid dici dupliciter. Vno modo secundum actionem, puta
 cum aliquis vult aliquid agere. Alio modo secundum passio-
 nem, scilicet cum aliquis vult pati ab aliquo exteriori manen-
 te in eo qui patitur voluntate patiendo, non est simpliciter
 violentum: quia licet ille qui patitur, non consensat agendo,
 consensat tamen volendo pati. unde non potest dici involun-
 tarium.

Ad tertium dicendum, quod sicut Philosophus dicit in 8.
 Physicorum. * Motus animalis quo interitum movetur ani-
 mal contra naturalem inclinationem corporis: est non sit
 naturalis corpori, est tamen quodammodo naturalis animalis
 cui naturale est quod secundum appetitum moveatur: & ideo
 hoc non est violentum simpliciter, sed secundum quid. & si-
 militer est dicendum cum aliquis infestis membris contra na-
 turalem dispositionem: hoc enim est violentum secundum
 quid, scilicet quantum ad membrum particulare, non tamen
 simpliciter quantum ad ipsum hominem.

ARTICULUS VI.

Utrum metus causet involuntarium simpliciter.

AD SEXTUM sic proceditur. Videtur, quod metus causet
 involuntarium simpliciter: sicut enim violentia est respec-
 tu eius quod contrariatur præfentialiter voluntati: ita metus
 est respectu futuri mali quod repugnat voluntati: sed violentia
 causet involuntarium simpliciter. ergo & metus involun-
 tarium simpliciter causet.

§ 1. Præterea, Quod est secundum se tale, quolibet
 addito, remanet tale: sicut quod secundum se est calidum,
 cuiusque coniungatur, nihilominus est calidum, ipso mo-
 mente: sed illud quod per metum agitur secundum se est in-
 voluntarium. ergo etiam adveniente metu est involuntarium.

§ 2. Præterea, Quod sub conditione tale, secundum quid
 est tale: quod autem absque conditione est tale, simpliciter
 est tale: sicut quod est necessarium ex conditione, est neces-
 sarium secundum quid: quod autem est necessarium absolute,
 est necessarium simpliciter: sed id quod per metum agitur,
 est involuntarium absolute, non est autem voluntarium nisi
 sub conditione, scilicet ut vitetur malum quod timeatur. ergo
 id quod per metum agitur, est simpliciter involuntarium.

§ 3. Præterea, contra est, quod Gregor. Nissen. dicit. * & etiam Phi-
 losophus †, quod huiusmodi quæ per metum aguntur, sunt
 magis voluntaria quam involuntaria.

CONCLUSIO.

Quod per metum fit, simpliciter voluntarium est, secundum
 quod autem involuntarium.

RESPONDEO dicendum, quod sicut Philosophus di-
 cit in 3. Ethic. * & idem dicit Gregor. Niss. in lib. suo de ho-
 mine. † Huiusmodi, quæ per metum aguntur, mixta sunt ex
 voluntario & involuntario. Id enim quod per metum agitur
 in se consideratum, non est voluntarium: sed sit voluntarium
 in casu, scilicet ad vitandum malum quod timeatur: sed si quis
 recte consideret magis sunt huiusmodi voluntaria quam in-
 voluntaria: sunt enim voluntaria simpliciter, involuntaria
 autem secundum quid: unumquodque enim simpliciter esse
 dicitur secundum quod est in actu: secundum autem quod est
 in sola apprehensione, non est simpliciter, sed secundum
 quid: hoc autem quod per metum agitur, secundum hoc est
 in actu secundum quod sit: cum enim actus in singularibus
 sit, singulare autem in quantum huiusmodi est hic & nunc,
 secundum hoc id quod sit, est in actu, secundum quod hic est
 & nunc, & sub aliis conditionibus individualibus: sic autem
 hoc quod sit per metum, est voluntarium, in quantum scilicet
 est hic & nunc: prout scilicet in hoc casu est impedimen-
 tum maioris mali quod timebatur: sicut proiedio mercium
 in mare sit voluntarium tempore tempestatis propter timorem
 periculi: unde manifestum est, quod simpliciter voluntarium
 est, unde & competit ei ratio voluntarij: quia principium
 eius est intra. sed quod accipiamus id quod per metum fit, ut
 extra hunc casum existens prout repugnat voluntati, hoc
 non est nisi secundum rationem tantum: & ideo est involun-
 tarium secundum quid, id est prout consideratur extra hunc
 casum existens.

Ad primum ergo dicendum quod ea quæ aguntur per me-
 tum & per vim, non solum differunt secundum præsens & fu-
 turum: sed etiam secundum hoc quod in eo quod agitur per
 vim, voluntas non consentit, sed omnino est contra motum
 voluntatis: sed id quod per metum agitur, sit voluntarium:
 ideo quia motus voluntatis fertur in id, licet non propter se-
 ipsum, sed propter aliud, scilicet ad repellendum malum quod
 timeatur: sufficit enim ad rationem voluntarij quod sit propter
 aliud voluntarium: voluntarium enim est non solum quod
 propter seipsum volumus ut finem, sed etiam quod propter
 aliud volumus ut propter finem. patet ergo quod in eo quod
 per vim agitur, voluntas interior nihil agit: & ideo, ut Gre-
 g. Nissen. dicit * ad excludendum ea quæ per metum aguntur, in
 definitione violenti, non solum dicitur quod violentum est
 cuius principium est extra, sed additur, nihil consentiente vim
 passo.

passio: quia ad id quod agitur per metum, voluntas timens aliquid consent.

A d secundum dicendum, quod ea quae absoluta dicuntur, quolibet addito remanent talia: sicut calidum & album: sed ea quae relative dicuntur, variantur secundum comparationem ad diversa: quod enim est magnum comparatum huic, est parvum comparatum alteri. Voluntarium autem dicitur aliquid non solum propter se quasi absolute, sed etiam propter aliud quasi relative: & ideo nihil prohibet aliquid quod de se non esset voluntarium, alteri comparatum fieri voluntarium per comparationem ad aliud.

A d tertium dicendum, quod illud quod per metum agitur, absque conditione est voluntarium: id est, secundum quod actu agitur: sed involuntarium est sub conditione, id est, si talis metus non immineret: unde secundum illam rationem magis potest concludi oppositum.

ARTICVLVS VII.

Verum concupiscentia causet involuntarium.

47 AD SEPTIMUM sic proceditur. Videtur, quod concupiscentia causet involuntarium. sicut enim metus est quidam passio, ita & concupiscentia: sed metus causat quodammodo involuntarium. ergo etiam concupiscentia.

¶ 1. Præterea, Sicut per timorem timidus agit contra id quod proponebat, ita incontinentis propter concupiscentiam: sed timor aliquo modo causat involuntarium; ergo & concupiscentia.

¶ 2. Præterea, Ad voluntarium requiritur cognitio: sed concupiscentia corrumpit cognitionem. dicit enim Philosophus in 6. Ethic. * quod delectatio siue concupiscentia delectationis, corrumpit estimationem prudentiae. ergo concupiscentia causat involuntarium.

¶ 3. d. contra. quod Damasc. dicit: * Involuntarium est: misericordia vel indigentia dignum, & cum tristitia agitur: sed necurum horum competit ei quod per concupiscentiam agitur. ergo concupiscentia non causat involuntarium.

CONCLUSIO.

Voluntarium aliquid dicitur ex eo quod voluntas in illud fertur: concupiscentia igitur non causat involuntarium, sed magis aliquid voluntarium facit.

R. s. p. o. n. d. o. dicendum, quod concupiscentia non causat involuntarium, sed magis facit aliquid voluntarium. dicitur enim voluntarium ex eo quod voluntas in illud fertur: per concupiscentiam autem voluntas inclinatur ad volendum id quod concupiscit: & ideo concupiscentia magis facit ad hoc quod aliquid sit voluntarium, quam quod sit involuntarium.

A d primum ergo dicendum, quod timor est de malo: concupiscentia autem respicit bonum: malum autem secundum se contrariatur voluntati: sed bonum est voluntati consonum. unde magis se habet timor ad causandum involuntarium quam concupiscentia.

A d secundum dicendum, quod in eo qui per metum aliquid agit, manet repugnantia voluntatis ad id quod agitur, secundum quod in se consideratur: sed in eo qui agit aliquid per concupiscentiam, sicut in incontinentem, non manet prior voluntas, quia repugnat illud quod concupiscit: sed manet ad volendum id quod prius repudiabat: & ideo quod per metum agitur, quodammodo est involuntarium: sed quod per concupiscentiam agitur, nullo modo: nam incontinentem concupiscentia agit contra id quod prius proponebat: non autem contra quod nunc vult. sed timidus agit contra id quod etiam nunc secundum se vult.

A d tertium dicendum, quod si concupiscentia totaliter cognitionem auferret, sicut contingit in illis, qui propter concupiscentiam sunt amentes, sequeretur quod concupiscentia voluntarium tolleretur, nec tamen propter effectum involuntarium: quia in his quae usum rationis non habent, neque voluntarium est, neque involuntarium, sed quandoque in his quae per concupiscentiam aguntur, non totaliter tollitur cognitio, quia non tollitur potestas cognoscendi: sed solum consideratio actualis in particulari agibili, & tamen hoc ipsum est voluntarium, secundum quod voluntarium dicitur quod est in potestate voluntatis, ut non agere, & non velle: similiter autem & non considerare: potest enim voluntas passioni resistere, ut infra dicitur. †

ARTICVLVS VIII.

Verum ignorantia causet involuntarium.

AD OCTAVUM sic proceditur. Videtur, quod ignorantia non causet involuntarium, involuntarium enim veniam meretur, ut Damasc. dicit: * sed interdum quod per ignorantiam agitur, veniam non meretur: secundum illud ad Corinth. 14. Si quis ignorat ignorabitur. ergo ignorantia non causat involuntarium.

¶ 1. Præterea, Omne peccatum est cum ignorantia: secundum illud Prover. 14. Errant qui operantur malum. Si igitur ignorantia involuntarium causet, sequeretur, quod omne peccatum esset involuntarium: quod est contra August. † dicentem, quod omne peccatum est voluntarium.

¶ 2. Præterea, Involuntarium cum tristitia est: ut Damasc. dicit: * sed quidam ignorantes aguntur, & sine tristitia. puta si aliquis occidit hominem quem querit occidere, putans occidere ceruicem: ergo ignorantia non causat involuntarium.

¶ 3. d. contra. est, quod Damasc. † & philosophus dicunt, quod involuntarium quoddam est per ignorantiam.

CONCLUSIO.

Ignorantia eorum quae quis scire tenetur, voluntarium facit.

placiter causas, non autem involuntarium: ignorantia vero quod concomitatur voluntatis actum, ut illius quod agitur, quod etiam si sciretur ageretur, non voluntarium facit: ea autem ignorantia quae causa est volendi id quod aliis quis non vult, simpliciter involuntarium facit.

R. s. p. o. n. d. o. dicendum, quod ignorantia habet causare involuntarium ea ratione qua priuat cognitionem, quae praerogitur ad voluntarium ut supra dictum est: * non tamen quolibet ignorantia huiusmodi cognitionem priuat. & ideo sciendum, quod ignorantia tripliciter se habet ad actum voluntatis. vno modo concomitante, alio modo consequenter, tertio modo antecedenter. Concomitante quidem, quando ignorantia est de eo quod agitur: tamen etiam si sciretur; nihilominus ageretur: tunc enim ignorantia non inducit ad volendum ut hoc fiat, sed accidit, simul esse aliquid factum & ignoratum: sicut in exemplo posito scilicet cum aliquis velle quid occidere hostem, sed ignorans occidit eum, putans occidere ceruicem: & talis ignorantia non facit involuntarium, ut philosophus dicit: * quia non causat aliquid quod sit repugnans voluntati: sed facit non voluntarium: quia non potest esse actu volitum.

Consequenter autem se habet ignorantia ad voluntatem inquantum ipsa ignorantia est voluntaria, & hoc contingit dupliciter secundum duos modos voluntarij supra positos. * Vno modo quia actus voluntatis fertur in ignorantiam, sicut cum aliquis ignorare vult, vel ut excusationem peccati habeat, vel ut non teneatur ad peccandum: secundum illud Iob 21. Scientiam viarum tuarum nolumus: & hoc dicitur ignorantia affectata. Alio modo dicitur ignorantia voluntaria eius quod quis potest scire & debet. sic enim non agere & non velle voluntarium dicitur: ut supra dictum est. * hoc igitur modo dicitur ignorantia siue cum aliquis actu non considerat quod considerare potest, & debet, quae est ignorantia malae electionis, vel ex passione vel ex habitu proveniens. siue cum aliquis notitiam quam debet habere, non curat acquirere: & secundum hunc modum ignorantia voluntaria dicitur, quia quis scire tenetur, voluntaria dicitur, quasi per negligentiam proveniens: cum autem ipsa ignorantia sit voluntaria aliquo istorum modorum, non potest causare simpliciter involuntarium: causat tamen secundum quid involuntarium inquantum praedicti motum voluntatis ad aliquid agendum: qui non esset scientia praesente. Antecedenter autem se habet ad voluntatem ignorantia quando non est voluntaria, & tamen est causa volendi quod alius non vult.

sicut cum aliquis homo ignorat aliquam circumstantiam actus quam non tenebatur scire, & ex hoc aliquid agit, quod non faceret si sciret. puta cum aliquis diligenter adhibita necessitate aliquem transire per viam prolixi sagittam qua interficit transentem: & talis ignorantia causat involuntarium simpliciter. Et per hoc patet responsio ad obiecta. Nam prima ratio procedit de ignorantia eorum quae quis tenetur scire: secunda autem de ignorantia electionis quae quodammodo est voluntaria, ut dictum est: * tertia vero de ignorantia quae concomitante se habet ad voluntatem.

DISPUTATIO VII.

De Voluntario in Communi.

POST QUAM D. Thomas in quinque praecedentibus quaestionibus egit de ultimo fine hominis; ac eius Beatitudine tam obiectiva, quam formali: in sequentibus quaestionibus agit de actibus humanis, siue propriis homini, quibus homo ipse pervenit ad beatitudinem: & quia actus humani dicuntur illi, qui saltem pro statu viae procedunt a voluntate deliberata; ideo statim in sexta quaestione agit de Voluntario & Involuntario: supra quam aliquae disputationes excitantur, & praesens est de Voluntario in communi.

DVBIUM I.

Verum Voluntarium recte definitur ab Aristotele.

Supponendum est, quod voluntarium in communi sic definitur ab Aristotele 3. Ethicorum cap. 1. Existente autem involuntario, quod vi & propter ignorantiam; Voluntarium videbitur utique esse, cuius principium in ipso sciente lingu

singularia, in quibus est operatio. Ad cuius definitionis evidentiam sciendum est quod voluntarium latissimè sumptum idem est ac spontaneum: unde cum spontaneum diuidatur in spontaneum metaphoricè, largè, & propriè dictum; sic & voluntarium. Spontaneum & voluntarium metaphoricè tale omnibus agentibus ex naturali inclinatione attribuitur: unde Poëtæ dicunt, quod terra sponte & voluntate germinat fructus suos. Spontaneum & voluntarium largè sumptum attribuitur agentibus ex præuia cognitione, sed imperfecta finis & mediorum, scilicet brutis, & hominibus hoc imperfecto modo agentibus. Tandem spontaneum & voluntarium propriè dictum solis convenit agentibus perfectis, qui scilicet ex perfecta finis & mediorum cognitione in suis actibus procedunt, unde huius spontanei & voluntarij principium formale quo est appetitus rationalis seu intellectualis. Voluntarium sic propriè dictum tria denominat, videlicet obiectum, actum, & effectum talis appetitus intellectualis qui dicitur voluntas, à qua derivatur nomen voluntarij: obiectum voluntatis dicitur aliquo modo voluntarium, quia terminat actum voluntatis, sed magis propriè dicitur volitum: effectus consequens ad actum voluntatis, puta commodum, incommodum, aut quid simile, dicitur quidem propriè voluntarium, sed non tam propriè ac dicitur ipse actus voluntatis, qui propriissimè dicitur voluntarius, siue sit elicitus ab ipsa voluntate, siue sit ab illa tantum imperatus, & elicitus ab alia potentia; cum hac tamen differentia, quod actus elicitus à voluntate, non solum est intrinsecè & formaliter voluntarius, sed etiam immediatè, actus verò imperatus, licet sit formaliter voluntarius, tamen est tantum mediatè talis. In tota hac materia de voluntario & inuoluntario agimus tantum de voluntario & inuoluntario propriissimè dicto ut importat actum voluntatis ab ipsa elicitem, vel imperatum. In hoc verò quærimus: Vtrum prædicta definitio Voluntarij tradita ab Aristotele sit bona quæ sic brevius potest proponi: Voluntarium est, cuius principium est intra, cum cognitione finis & omnium circumstantiarum: seu quod est ab intrinseco cum cognitione finis & omnium circumstantiarum.

Prima opinio negat hanc definitionem voluntarij esse bonam: Probatur: Hæc definitio convenit pluribus, quæ non sunt voluntaria: videlicet dilectioni naturali, qua Angelus diligit se, & Deum authorem naturæ: primo actui intellectus: & dolori ac tristitiæ damnatorum, quæ omnia ut constat sunt à principio intrinseco, & cum cognitione; & tamen constat quod non sunt voluntaria, quia non libera, sed necessaria: ergo cum bona definitio non possit convenire aliis à re definita, hæc definitio voluntarij tradita ab Aristotele non est bona.

Secundò, E contra hæc definitio non convenit

omni voluntario: nam multa sunt voluntaria, quæ non sunt ab intrinseco, qualis est ommissio voluntaria, quæ est sine ullo actu, hæc enim non procedit à principio intrinseco actiuo; quia omittere potius est non agere, quàm agere: alia autem sunt voluntaria, sine cognitione finis & circumstantiarum, ut cum quis noctu occidit amicum credens esse inimicum, Et dum quis dormiendo peccat; si enim dormit, non cognoscit; & si peccat, voluntariè agit: ergo cum bona definitio debeat convenire omni essentialiter contento sub re definita, hæc definitio voluntarij tradita ab Aristotele non est bona.

Tertiò, Si qui actus sunt voluntarij, maximè actus voluntatis, ut patet, voluntarium quippe denominatur à voluntate: sed actus voluntatis magis sunt ab extrinseco, quàm ab intrinseco; procedunt enim à Deo tanquam à prima causa, & à voluntate tanquam à causa secunda, constat autem quod in genere causæ efficientis prima causa principalius influit, quàm secunda, cum hæc influat in virtute illius, & non è contra; & insuper hi actus procedunt in genere causæ finalis ab appetibili extrinseco, non enim voluntas agit propter bonum apprehensum sub ratione apprehensi ut est in ipso appetente, at sub ratione boni realis ut est extra appetentem: ergo non rectè definitur ab Aristotele voluntarium, quod sit illud, cuius principium est intra, cum cognitione finis & circumstantiarum.

CONCLUSIO.

RESPONDEO dicendum, quod voluntarium perfectum rectè definitur ab Aristotele esse illud, cuius principium est intra, cum cognitione finis & circumstantiarum. Ita communiter docent. Philosophi in Ethicis, & Theologi in præsentī.

Probatur conclusio autoritate Sanctorum Patrum, qui hanc Philosophi definitionem amplectuntur, ut Gregor. Nilf. lib. 5. Philosophiæ cap. 3. Damascenus lib. 2. de Fide cap. 14. D. Thomas, tum hic art. 1. & 2. tum 3. Ethicorum lect. 4. ubi exponens prædictam definitionem Philosophi sic ait: Quamvis inuoluntarium videatur dici secundum remotionem voluntarij, tamen si respiciamus ad causas, dicitur aliquid voluntarium per remotionem eorum, quæ causant inuoluntarium, ut violentiæ, & ignorantæ: & quia vnumquodque cognoscitur per suam causam, ideo diffinitionem voluntarij tradit remouendo causas inuoluntarij: & dicit quod cum inuoluntarium fiat propter vim illatam, & propter ignorantiam, ut supra dictum est, voluntarium videtur esse cuius principium est in ipso operante; & sic excluditur violentia: ita tamen quod ipse operans sciat singulas circumstantias quæ concurrunt ad operationem; & per hoc excluditur ignorantia quæ causat inuoluntarium. Notandum tamen quod hæc definitio Philosophi, & expositio D. Thomæ intelliguntur de voluntario

luntario perfecto, quod soli rationali naturæ competit, & non de voluntario in tota sua latitudine, ad hoc enim sufficit, quod sit ab intrinseco cum cognitione.

Secundo probatur explicatione ipsius definitionis, qua ostenditur iuxta regulas summularum esse optimam, per hoc quod omni & soli voluntario perfecto conveniat, & ita optimè explicat naturam ipsius, quod est proprium bonæ definitionis, definitio quippe est oratio explicans naturam rei. Dicitur primò voluntarium esse, cuius principium in ipso, scilicet operante est, siue quod est ab intrinseco, idem enim significant hæc tria: Ad cuius intelligentiam sciendum est, quod voluntarium importat inclinationem operantis, & per hoc distinguitur à violento, quod est à principio extrinseco, ipso passo non conferente vim, at potius resistente: omnis autem inclinatio consequitur aliquam formam, & omnem formam consequitur sua inclinatio; formam quidem naturalem inclinatio naturalis, formam autem apprehensam inclinatio spontanea; ad inclinationem naturalem sequitur motus naturalis ad id quod est conveniens naturæ, ut in levi motus sursum, & in gravi motus deorsum; ad inclinationem verò spontaneam sequitur motus spontaneus: quia verò forma apprehensa est maximè propria ipsi operanti, quia illam propria operatione acquirit, & non tantum recipit ab extrinseco, sicut recipit formam naturalem à generante; inde est quod etiam inclinatio spontanea, & motus spontaneus sunt maximè proprii ipsi operanti, & consequenter motus spontaneus est maximè ab intrinseco, siue ex propriis ipsius operantis; quod etiam habet ex eo quod subiaceret directioni ipsius operantis, se ab intrinseco mouentis ad finem cognitum; cum tamen agentia alia naturalia vel totaliter moveantur ab extrinseco, si non sint viventia; vel saltem ab extrinseco moveantur ad finem, si non sint cognoscitiva, ut supra dictum est. Dicitur secundo, voluntarium esse cum cognitione finis & circumstantiarum, per quod denotatur voluntarium omnino perfectum conveniens soli appetitui rationali seu intellectuali; quamvis enim ad voluntarium imperfectum sufficiat imperfecta cognitio finis, ratione cuius cognitionis habet quod sit ab intrinseco, ut dictum est: tamen ut sit perfectè ab intrinseco sep ab operante ab intrinseco perfectè propter finem, requiritur hæc perfectæ cognitio finis & circumstantiarum, ratione cuius se perfectè ab intrinseco moueat ad finem, non solum materialiter, sed etiam formaliter, in quantum ab illo perfectè cognito allicitur, & in illum tendit actu elicto ab appetitu, concurrente obiecto per modum principij intrinseci, vel quia est seipso intimè unitum in esse cognito, vel ratione suæ speciei intentionalis: quæ vera sunt, non solum in ordine ad actus connaturales operantis, sed

etiam in ordine ad actus supernaturales, dummodo præcesserit cognitio supernaturalis obiecti, & appetitus intrinsecè eleuetur ad ordinem supernaturalem.

Tertiò, probatur ratione, quam indicat Philosophus, tradendo ipsam definitionem, dum ait: Existente autem involuntario, quod vi, & propter ignorantiam: Voluntarium opponitur involuntario, unde definitio voluntarij debet excludere omnes causas & condiciones concurrentes ad involuntarium: sed ad involuntarium duæ causæ seu condiciones præcipuè possunt concurrere, scilicet violentia & ignorantia: ergo definitio voluntarij debet ambas excludere; constat autem ex dictis, quod esse ab intrinseco excludit violentiam, hæc enim infertur à principio extrinseco, cum sit contra inclinationem subiecti; esse autem cum cognitione finis & circumstantiarum excludit ignorantiam; unde hæc definitio voluntarij perfecti tradita ab Aristotele est optima. Ex dictis colligitur, voluntarium ut sic, prout abstrahit à perfectò & imperfectò, posse definiri sic, est illud quod est ab intrinseco cum cognitione.

Ad primum ergo dicendum, quod definitio prædicta nulli alteri convenit; quam voluntario: Unde ad primam instantiam dicendum, quod dilectio naturalis, qua Angelus diligit se & Deum authorem naturæ, est voluntaria, licet non libera: plus enim dicit voluntarium quam liberum. Ad secundam instantiam dicendum, quod voluntarium in creatura rationali denominatur à voluntate, vel eliciente, vel imperante: & quia primus actus intellectus non subiaceret voluntati, ideo non est voluntarius; quamvis enim sit ab intrinseco non tamen est cum cognitione, hæc enim propositio, fieri cum cognitione, importat quod cognitio præcedat, & illud quod fit sit effectus cognitionis, & non ipsamet cognitio. Ad tertiam dicendum, quod dolor & tristitia damnatorum sunt quidem physicè voluntaria, quia procedunt à voluntate per modum naturæ, sed sunt involuntaria moraliter, quatenus displicent damnatis.

Ad secundum dicendum quoad primam partem, quod omisio est voluntaria indirectè, ut infra dicetur, & est ab intrinseco cum cognitione, quia semper coniungitur cum aliquo actu directè voluto: Alij qui asserunt dari puram omissionem absque ullo penitus actu, dicunt illam causari à voluntate, non quidem actu formali etiam indirectè, sed actu interpretativo. Quoad secundam partem dicendum, quod illa occisio quantum ad substantiam est voluntaria, quia ut sic fit cum cognitione; quantum verò ad circumstantiam personæ occisæ est involuntaria, quia ut sic non fit cum cognitione. Ad aliud dicendum, quod sicut peccatum commissum in somnis est tantum voluntarium in causa, sic procedit ex cognitione in causa.

Ad tertium dicendum, quod actus voluntarij dicuntur esse ab intrinseco, quia petunt procedere à principio formali *quo* intrinseco, quod coalescit ex virtute cognoscitiua & appetitiua, & ratione cuius operans mouet se ab intrinseco; vnde influxus primæ causæ vniuersalis modificatur in tali principio: appetibile verò mouet, secundum quod est intrinsecum ipsi operanti per formam apprehensam repræsentantem bonitatem ipsius, bonitas quippe ipsa quæ est à parte rei mouet, sed vt intrinsecè apprehensa.

D V B I U M II.

Utrum Voluntarium propriè dictum reperiatur in sola intellectuāli natura.

Supponendum est, quod non est necessarium, quod actus voluntarius sit obiectiue volitus; quamuis hoc non repugnet. Prima pars sic ostenditur: Actus voluntatis primò primi nullo modo sunt in se peccaminosi (quamuis possint esse peccaminosi in sua causa) quod aliunde non prouenit, nisi quia non cadunt sub voluntate per modum obiecti voliti vt *quod*, at tantum vt *quo* vt pote essentialiter volitiones: & consequenter non est necessarium, quod actus voluntarius sit obiectiue volitus; quod confirmatur ex comparatione ad actus aliarum potentiarum, nam intellectio vna & eadem non est intellectio sui ipsius, siue non est intellectio & res intellecta, nec visio est simul res visa: eadem autem est ratio prædictorum actuum voluntatis, quantum ad hoc, vt consideranti patet. Secunda pars verò sic probatur: Voluntas potest reflectere supra seipsam, vel formaliter & explicitè vel virtualiter & implicitè; formaliter quidem explicitè duplici via, scilicet quando aliquo actu antecedente imperat alios suos subsequentes, potest enim velle nunc exercere postea actus charitatis; & quando actu subsequente vult suos actus antecedentes: virtualiter autem & implicitè, quando actus ipsius procedit vel ex perfecto dominio vel ex perfectissima cognitione sui & obiecti; nam eo ipso quod voluntas vult aliquod obiectum cum tali dominio sui actus, virtualiter & implicitè vult se velle, propterea talis actus dicitur liber, & ita procedit à voluntate se determinante ad illum, quod possit non procedere; & similiter eo ipso quod voluntas vult aliquod obiectum cum perfectissima cognitione sui actus & obiecti, virtualiter & implicitè vult se velle tale obiectum, vnde simul vult obiectum & volitionem obiecti eodem actu, vt contingit in beatis, qui ex intuitiua Dei cognitione seu visione continuo volunt bonum diuinum, & volunt se velle; & talis actus est maximè voluntarius, tum ex parte principij scilicet voluntatis toto impetu cum perfecta cognitione tendentis, tum ex parte dictæ reflexionis virtualis & implicitæ, ratione cuius habet quod sit terminus

R.P. Philippi Carm. discal. Diss. Theolog. in 1.2.

sui ipsius obiectiue volitus, vt dictum est.

Prima opinio asserit, quod voluntarium propriè dictum reperiatur in sola intellectuāli natura. Probatur primò: Voluntarium dicitur à voluntate, vt constat: sed voluntas verè & propriè dicta solum reperiatur ibi intellectuāli natura; & si attribuatur aliis naturis, dicitur tantum metaphoricè de illis, ratione cuiusdam imperfectæ participationis: ergo voluntarium propriè dictum reperiatur in sola intellectuāli natura; sicut & intellectuāle propriè dictum, quia in illa sola verè & propriè reperiatur intellectus, à quo denominatur intellectuāle, non obstante quod in brutis sit æstimatiua, quæ est quædam participatio intellectus.

Secundò, De ratione voluntarij propriè dicti est, quod sit ab intrinseco cum cognitione finis & omnium circumstantiarum, vt constat ex definitione ipsius tradita ab Aristotele & explicata à D. Thoma: sed talis cognitio finis & omnium circumstantiarum potest reperiri in sola intellectuāli natura, hæc enim cognitio tam perfecta repugnat aliis naturis inferioribus & imperfectioribus, de quibus propterea communiter dicitur quod non agunt propter finem: ergo voluntarium propriè dictum reperiatur in sola intellectuāli natura.

Tertiò, Voluntarium propriè dictum exigit necessariò, quod operans moueat se ab intrinseco, vt constat etiam ex eadem definitione, & communiter conceditur: sed hoc est proprium solius intellectuālis naturæ, quod moueat se ab intrinseco ad operandum, vt docet D. Thom. 2. contra Gentes cap. 47. dicens: Inueniuntur in substantiis creatis quædam, quæ non agunt se ipsa ad operandum, sed aguntur vi naturæ, sicut inanimata, plantæ, & animalia bruta; sub quibus comprehenduntur omnes aliæ naturæ præter intellectuālem: ergo voluntarium propriè dictum reperiatur in sola intellectuāli natura; propterea D. Thomas hic art. 7. ad 3. ait: In his, quæ vsum rationis non habent, neque voluntarium est, neque inuoluntarium.

C O N C L U S I O.

R E S P O N D E O dicendum, quod voluntarium propriè dictum reperiatur quidem imperfectè in omni natura cognoscitiua. 1. sed perfectè in sola reperiatur natura intellectuāli 3. quando operatur ex perfecta cognitione finis & circumstantiarum, & cum dominio sui actus. Ita docent communiter Theologi in præsentia.

Probatur prima pars conclusionis autoritate Aristotelis 3. Ethicorum cap. 1. vbi dicit quod pueri & bruta animalia communicant voluntario. Idem docet Augustinus lib. 5. de Ciuitate Dei cap. 9. Gregorius Nissen. lib. 5. Philosophiæ cap. 4. Damascenus lib. 2. de Fide cap. 24. & tandem D. Thomas hic art. 2. vbi hoc probat ex professo hac ratione: Ad rationem voluntarij requiritur, quod principium actus sit intra cum

P

aliqua

aliqua cognitione finis; ita quod imperfectam cognitionem finis sequitur voluntarium (intelligit proprie, & non tantum metaphoricè dictum) secundum rationem imperfectam, prout scilicet apprehedens finem non deliberat, sed subito mouetur in ipsum: Imperfecta autem cognitio finis, quæ in sola finis apprehensione consistit, sine hoc quod cognoscatur ratio finis, & proportio actus ad finem, reperitur in omni natura cognoscitiua, etiam in brutis animalibus per sensum & æstimationem naturalem: vnde voluntarium propriè dictum reperitur imperfectè, siue secundum rationem imperfectam in omni natura cognoscitiua.

Probatur secunda pars conclusionis. Tam ex dictis dubio præcedenti, ubi explicando definitionem voluntarij perfecti, traditam ab Aristotele, & explicatam à D. Thoma, ostendimus quod de ratione voluntarij perfecti est, quod sit cum perfecta cognitione finis & circumstantiarum; quæ perfecta cognitio non potest reperiri nisi in sola intellectuali natura. Tum autoritate & ratione D. Thomæ hic art. 2. ubi sic probat: Ad rationem voluntarij requiritur, quod principium actus sit intra cum aliqua cognitione finis: est autem duplex cognitio finis, perfecta quidem finis cognitio est quando non solum apprehenditur res quæ est finis, sed etiam cognoscitur ratio finis, & proportio eius quod ordinatur ad finem ipsum; & talis cognitio finis competit soli rationali (seu intellectuali) naturæ: perfectam igitur cognitionem finis sequitur voluntarium secundum rationem perfectam, prout scilicet apprehenso fine aliquis potest deliberans de fine, & de his quæ sunt ad finem, moueri in finem, vel non moueri: vnde soli rationali (seu intellectuali) naturæ competit voluntarium secundum rationem perfectam. Nota tamen quod hic D. Thomas loquitur tantum de voluntario perfecto libero: nam est aliud voluntarium necessarium competens intellectuali naturæ, quod est perfectum, imò perfectius libero, ut infra dicetur.

Probatur & explicatur tertia pars conclusionis. In natura intellectuali reperiuntur Deus, Angelus, & Homo: Deus est perfectissimè intellectualis, ac in supremo gradu cognoscitiuus finis ultimi, videlicet sui ipsius, ad quem creauit & ordinauit omnia; & etiam finium intermediorum, ac omnium circumstantiarum, & insuper agit ad extra cum perfecto dominio sui actus: Et consequenter in Deo est voluntarium secundum perfectissimam rationem; tum necessarium, dum seipsum amat; tum liberum, dum versatur circa creaturas. Angelus est quidem perfectè intellectualis, sed tamen deficit à perfectissima intellectualitate Dei, & est in medio gradu inter Deum & hominem; cognoscit perfectè finem, ac simul & eodem actu omnes circumstantias, cum sine discursu, & absque compositione ac diuisione comprehendat om-

nia naturalia: vnde in Angelo est voluntarium secundum perfectam rationem; tum necessarium, dum seipsum ac Deum authorem naturæ diligit naturali continua dilectione, item dum Deum diligit in seipso ut authore gratiæ dilectione beatifica supernaturali; tum liberum, dum versatur liberè circa creaturas. Homo, qui est in infimo gradu intellectualitatis, & communicat cum Angelis superioribus se, secundum partem intellectiuam, & cum animalibus brutis inferioribus se communicat secundum partem sensitiuam; vtraque enim parte constat; cum sit animal rationale: vnde in actibus partis sensitiuæ, quos habet communes cum aliis animalibus, nec subiicit imperio voluntatis; reperitur quidem voluntarium propriè dictum, sed secundum rationem imperfectam, ut dictum est de aliis actibus animalium brutorum, cum sit par ratio de illis; quod adhuc intelligendum est, quando concurrunt conditiones requisitæ ad voluntarium: in actibus autem partis intellectiuæ aliquando reperitur perfecta cognitio finis & circumstantiarum vel absque dominio actus, ut in dilectione beatifica, vel cum dominio actus, ut eum agit ex deliberatione: Et tunc in primo casu in prædictis actibus reperitur voluntarium necessarium propriè dictum secundum rationem perfectam, in secundo autem casu reperitur voluntarium liberum propriè dictum secundum rationem perfectam: aliquando verò in actibus partis intellectiuæ non reperitur perfecta cognitio finis & circumstantiarum, ut contingit in motibus voluntatis qui præueniunt vsum rationis, sicut accidit semper in pueris & amentibus, & sæpe in aliis hominibus ex aliquo impedimento: & tunc in illis actibus reperitur voluntarium quidem propriè dictum, sed tamen secundum rationem imperfectam; ut proportionè seruata dictum est de actibus partis sensitiuæ; quia regula & mensura voluntarij propriè dicti est cognitio, ut dictum est ex D. Thoma; perfectam igitur cognitionem consequitur voluntarium secundum rationem perfectam; imperfectam verò cognitionem consequitur voluntarium secundum rationem imperfectam. Ex quibus omnibus constat illud, quod dicitur in hac tertia parte conclusionis: quod scilicet voluntarium propriè dictum in sola reperitur natura intellectuali, quando operatur ex perfecta cognitione finis & circumstantiarum, & cum dominio sui actus.

Ad primum ergo dicendum cum D. Thoma hic art. 2. ad. 1. quod voluntas nominat rationalem appetitum: & idè non potest esse in his quæ ratione carent: voluntarium autem denominatiuè dicitur à voluntate, & potest trahi ad ea in quibus est aliqua participatio voluntatis secundum aliquam conuenientiam ad voluntatem: Et hoc modo voluntarium attribuitur animalibus brutis, in quantum scilicet per cognitionem aliquam mouentur in finem, Ex quibus constat, quod

quod denominatiuum non solum attribuitur iis, in quibus est forma à qua ortum habuit tale denominatiuum: sed etiam ex communi usu sapientum potest legitime attribui iis, quibus est aliqua participatio seu similitudo talis formæ, & tali vsui standum est: vnde licet in aliis naturis ab intellectuali non sit propriè voluntas; est tamen propriè in illis volūtarium, quod idem est ac spontaneum: nec idem est de intellectuali: quia ex tali usu sapientū non attribuitur brutis, quamuis in illis sit aliqua participatio intellectus; cuius ratio est, quia intellectuale siue intellectiuum denotat gradum vitæ superiorem sensitiuo conuenienti brutis; volūtarium autem significat actum appetitus cognoscentis, qui appetitus vt abstrahit à rationali seu intellectuali & à sensitiuo dicitur voluntas ex S. Ambrosio lib. 1. de Vocatione Gentium cap. 2. & 4. ac ex D. Augustino lib. 3. de Ciuitate Dei cap. 9. qui appetitum sensitiuum beatorum vocant voluntatem: quamuis frequentius voluntas sumatur pro appetitu intellectuali.

A D secundum dicendum, quod est quidem de ratione voluntarij propriè dicti, quod sit ab intrinseco cum aliqua cognitione finis & circumstantiarum: sed non cum perfectâ cognitione finis & omnium circumstantiarum; hoc enim est de ratione voluntarij perfecti tantum, vt dictum est, quod non conuenit aliis naturis inferioribus & imperfectioribus natura intellectuali, quæ non attingunt ad perfectam cognitionem finis & circumstantiarum, quibus propterea competit solum voluntarium imperfectum. Definitio autem voluntarij tradita ab Aristotele & explicata à D. Thoma propriè tantum conuenit voluntario perfecto.

A D tertium dicendum, quod non solum conuenit naturæ intellectuali, quod moueat se ab intrinseco ad operandum: sed etiam conuenit aliis naturis cognoscitiuis, vt ostensum est dubio præcedenti. Vnde ad auctoritatem D. Thomæ adductam in contrarium, dicendum quod ibi Angelicus Doctor non excludit à viuētibz cognoscitiuis seu animalibus, quod ab intrinseco se moueant ad operandum, sed tantum excludit quod se moueant cum electione & dominio sui actus, vt constat ex ipso textu; immediate enim subdit: non enim est in eis agere & non agere: imò ratione 3. distinguens duos modos mouendi se ab intrinseco, nempe cum dominio sui actus, & sine illo: hunc secundum modum concedit brutis. Quia verò animalia bruta in modo se mouendi tenent medium locum inter insensibilia & intellectualia, quia illa nullo modo se mouent ad finem quasi à se cognitum, ista verò se mouent ad finem perfectè à se cognitum, & animalia bruta se mouent ad finem vtunque à se cognitum; & aliunde cognitio finis requiritur ad motionem ab intrinseco: inde est quod bruta media, comparata cum vno extremo naturæ intellectualis perfectè se mouentis

ab intrinseco ad finem, dicuntur non se mouere ab intrinseco, sed moueri vi & impetu naturæ; quia deficiunt à perfectione motus ab intrinseco illius extremi: comparata verò cum alio extremo naturæ insensibilis nullo modo se mouentis ad finem, dicuntur simpliciter se mouere ad finem. Ex quibus constat, quod cum animalia bruta vtunque cognoscant finem & se moueant ad illum, participant voluntarium, quamuis imperfectum. Ad illud quod subditur, dicendum quod ibi D. Thomas non loquitur de voluntario propriè dicto in communi, sed tantum de voluntario perfecto, quod est fundamentum esse moralis; & hoc voluntarium, sicut & inuoluntarium oppositum, non reperitur in his quæ vsum rationis non habent, ad hoc quippe requiritur electio & dominium ipsius actus, vtumque autem fundatur in vso rationis.

D V B I U M III.

Vtrum Voluntarium propriè dictum diuidatur vt superius essentielle ad voluntarium perfectum & imperfectum.

Supponendum est, quod voluntarium multis simpliciter diuiditur, etiam propriè dictum. Primò diuiditur ex parte subiecti in voluntarium de obiecto voluto dictum, de actu voluntatis, & de effectu talis actus. Secundò diuiditur ex parte principij in voluntarium in potentia & in voluntarium actu: Voluntarium in potentia est illud quod continetur in virtute voluntatis quasi in actu primo constitutæ, vt deambulatio futura: Voluntarium autem in actu est illud quod in exercitio procedit à voluntate reducta ad actum secundum vt deambulatio præsens seu actualis. Tertio diuiditur ex parte cognitionis immediate, & mediatè tantum ex parte principij, in voluntarium perfectum & in imperfectum, de quibus agitur in hoc dubio, & dictum est in præcedentibus. Quarto diuiditur voluntarium perfectum ex parte modi tendendi in formale & virtuale: Formale est illud quod formaliter & expressè procedit à voluntate per modum actus, vel effectus: Virtuale autem, quod etiam dicitur tacitum & interpretatiuum est illud quod virtualiter & implicite ratione præcedentis actus procedit à voluntate; per verum tamen directum, & positium eius influxum. Quintò diuiditur voluntarium propriè dictum & perfectum ex parte etiam modi tendendi in liberum & necessarium: Liberum procedit à voluntate cum indifferentia ad vtumlibet; Necessarium autem procedit cum determinatione ad vnum. Sextò diuiditur voluntarium perfectum, ex parte item modo tendendi in directum & in indirectum: Voluntarium directum est illud, quod procedit à voluntate per verum & positium influxum, siue immediate, siue mediatè; Voluntarium autem indirectum est illud, quod non procedit qui-

dem positiuè à voluntate, sed tamen ei imputatur, quia ab illa non impeditur, posita in voluntate facultate & obligatione impediendi, quod etiam dicitur voluntarium interpretarium, & talis est voluntaria omisso. Septimò diuiditur voluntarium ex parte principij in voluntarium ex propria, & ex aliena voluntate, siue secundum alios in voluntarium physicum & morale: Voluntarium ex propria voluntate siue physicum est illud, quod vnusquisque sponte sua facit, quod proinde procedit à propria voluntate ipsius operantis; Voluntarium autem ex aliena voluntate siue morale est illud, quod quidem physicè procedit à voluntate alterius suppositi, quæ tamen reputatur vt propria: quod potest contingere quatuor modis; vel cum aliquis consentit vt alius eius nomine agat, sic matrimonium factum per procuratorem est voluntarium; vel cum ex iure seu autoritate superioris vnus constituitur pro alio, sicut tutor pro pupillo; vel cum naturaliter vnus est sub potestate & dominio alterius, vt filius sub potestate patris, voluntas enim patris reputatur vt voluntas filij; vel denique cum aliquis ex pacto acceptat aliquid pro se & in se contentis, ita quod obseruata aliqua conditione priuilegium obtineat sibi & suis posteris & illa non obseruata amittat tale priuilegium, & ad hoc reducitur peccatum originale. Octauo tandem diuiditur voluntarium in voluntarium in seipso, & in voluntarium in alio: Voluntarium in seipso est illud, quod secundum se procedit à voluntate, vel eliciente, vel imperante; Voluntarium autem in alio (quod semper est voluntarium imperatum, nam voluntarium elicitum semper est voluntarium in seipso) est illud, quod non quidem in se & secundum se terminat volitionem, sed in alio in quo cognoscitur, siue illud aliud sit causa, siue sit totum, aut quid simile; & istud quod sic dicitur voluntarium, sequitur ad aliud per se, & non tantum per accidens. Aliæ possunt adduci diuisiones & subdiuisiones voluntarij propriè dicti; sed adductæ sunt præcipuæ: de tribus autem agemus in hac disputatione, quæ habent aliquid difficultatis; & primò in præsentis dubio de diuisione voluntarij propriè dicti in perfectum & in imperfectum; secundò de diuisione voluntarij perfecti in liberum & necessarium; tertio de diuisione voluntarij in directum & in indirectum.

Prima opinio negat voluntarium propriè dictum esse superius essentialia, saltem vniuocum ad voluntarium perfectum & imperfectum. Probatur: Omne superius essentialia saltem vniuocum, perfectè reperitur in omnibus & singulis sub se contentis, vt patet inductione in omnibus, nam ratio v.g. animalis, quia est superius essentialia vniuocum, reperitur perfectè in omnibus & singulis animalibus, & sic de alijs vniuocis: sed in voluntario propriè dicto, quod denominatur imperfectum, non reperitur perfectè ratio

voluntarij, vt constat ex ipsis terminis; ideo enim dicitur imperfectum, quia non habet perfectam rationem voluntarij, vt communiter conceditur, & docet D. Thomas hic art. 2. ergo voluntarium propriè dictum non est superius essentialia, saltem vniuocum ad voluntarium perfectum & imperfectum.

Secundò, De ratione superioris essentialis vniuoci est quòd non suscipiat magis & minus, & quòd secundum se æqualiter participetur ab omnibus suis inferioribus; per hoc enim differt superius essentialia vniuocum ab analogo, quòd vniuocum habet vnum simpliciter conceptum, ac proinde æqualiter participatum ab inferioribus; analogum verò habet conceptum secundum quid tantum vnum, ac inæqualiter participatum ab inferioribus: sed voluntarium propriè dictum consideratum in ordine ad voluntarium perfectum & imperfectum, suscipit magis & minus, & inæqualiter participatur ab illis, vt communiter conceditur: ergo non est superius essentialia saltem vniuocum in ordine ad illa.

Tertio, Voluntarium quod denominatur imperfectum, non est propriè voluntarium; nam si esset voluntarium propriè dictum, vel hoc haberet, quia procedit ab intrinseco principio, vel quia est cum cognitione finis: constat autem quòd ex neutro capite hoc habet; si enim haberet à primo, sequeretur quòd voluntarium imperfectum esset magis propriè voluntarium, quàm voluntarium perfectum, quia est à principio magis connaturali, ac minus dependente à cognitione & attractione obiecti extrinseci, ac proinde magis intrinseco; non autem habet à secundo, si enim adesset cognitio finis, voluntarium imperfectum, quod conuenit beatis, dirigeretur ad finem, quod tamen communiter negatur: ergo voluntarium propriè dictum non est superius essentialia, saltem vniuocum ad perfectum & imperfectum.

CONCLUSIO.

RESPONDEO dicendum, quòd voluntarium propriè dictum diuiditur tanquam superius essentialia vniuocum in voluntarium perfectum & in imperfectum. 2. ita tamen quòd si voluntarium imperfectum sit appetitus sensitiui, hæc diuisio sit generis in species. 3. si autem voluntarium imperfectum sit appetitus rationalis, hæc diuisio sit speciei tantum in sua individua accidentali solum perfectione magis & minus perfecta. Ita docent communiter discipuli D. Thomæ in præsentis.

Probatur prima pars conclusionis autoritate Aristotelis & D. Thomæ: Aristoteles 3. Ethicor. cap. 1. loquens de voluntario propriè dicto ait: Electio vique voluntarium esse videtur, non idem autem, sed in plus voluntarium: voluntario enim quidem, & pueri, & omnia animantia communicant, electione autem non: Et repentina voluntaria quidem dicimus, secundum electionem

tionem autem non. D. Thomas autem hic art. 2. probat voluntarium propriè dictum, quod ibi diuidit in perfectum & in imperfectum ratione cognitionis perfectæ & imperfectæ finis, reperi in animalibus brutis. Deinde probatur ratione deducta ex doctrina D. Thomæ: Ratio voluntarij propriè dicti in hoc consistit, quod sit ab intrinseco principio cum cognitione finis materialiter sumpti, siue obiecti quod est finis, ita ut ratione illius cognitionis agens se moueat ad illud obiectum: sed hæc ratio essentialiter reperitur tam in voluntario perfecto, quam in imperfecto; quia tam homo, cui conuenit voluntarium perfectum; quam aliud quodcunque animal, cui conuenit voluntarium imperfectum, mouet se ab intrinseco ad obiectum quod est finis ex præuia cognitione ipsius; quod si inæqualiter ac diuersimodè tendant, hoc prouenit ex parte differentiarum essentialium ipsius voluntarij, ut dicetur in solutione obiectionum: ergo voluntarium propriè dictum est superius essentialiale vniuocum ad perfectum & imperfectum.

Probatur secunda pars conclusionis: Actus appetitus rationalis distinguuntur saltem specie ab actibus appetitus sensitui; nam ex principiis specie distinctis procedunt actus specie distincti, siue dicatur quod principia specificentur ab actibus, siue actus specificentur a principiis; constat autem quod appetitus rationalis connotans cognitionem intellectualem distinguitur saltem specie ab appetitu sensitui connotante cognitionem sensituiam, maximè quia vnus est spiritualis, alter materialis: ergo voluntarium perfectum quod semper est actus appetitus rationalis seu intellectualis, distinguitur specie a voluntario imperfecto quod est actus appetitus sensitui; & consequenter diuisio voluntarij propriè dicti in perfectum & in imperfectum est generis in species, si voluntarium imperfectum sit appetitus sensitui. Quod sic amplius declaratur: Principia voluntarij perfecti ex vna parte conueniunt in vno conceptu vniuoco cum principiis voluntarij imperfecti; nam appetitus & cognitio intellectualis conueniunt cum appetitu & cognitione sensitui in conceptu appetitus & cognitionis: ex alia verò parte differunt suis essentialibus differentiis; eo maximè quia ut dictum est appetitus & cognitio intellectualis, quæ sunt principia voluntarij perfecti, sunt spiritualia; & appetitus & cognitio sensitui, quæ sunt principia voluntarij imperfecti, sunt materialia & corporea: ergo etiam voluntarium perfectum & voluntarium imperfectum, quæ procedunt ab illis principiis, conueniunt in vno conceptu communi, & differunt suis essentialibus differentiis; & consequenter diuisio illius conceptus communis vniuoci, abstracti a voluntario rationali & sensitui, est diuisio generis in species: conceptus enim communis vniuocus, qui contrahitur per differentias essentielles, & per intel-

lectum abstrahitur ab inferioribus essentialiter distinctus, est genericus.

Probatur tertia pars conclusionis. Tum auctoritate D. Thomæ infra q. 67. art. 6. Tum ex eius doctrina ibi tradita, & sic amplius declarata: Quando imperfectio alicuius rei non est de ratione speciei ipsius, nihil prohibet idem numero, quod prius fuit imperfectum, postea perfectum esse, sicut homo per augmentum perficitur, & albedo per intensiorem: ex quo colligunt aliqui eius discipuli, quod idem actus numero potest esse successiuè indeliberatus primò & postea deliberatus: vnanimiter tamen omnes concludunt, quod actus indeliberatus & actus deliberatus eiusdem potentia circa idem obiectum non distinguuntur specie, in ordine physico, quamuis in ordine morali possint esse diuersi in specie, in quantum vnus erit peccaminosus, & alius non; & licet ibi appareat diuersus modus tendendi potentia ad obiectum, videlicet deliberatè & indeliberatè; quia tamen hic diuersus modus non se tenet ex parte ipsius potentia tendentis, sed præcisè ex parte cognitionis extrinsecæ tali potentia (per hoc enim quod ipsi proponitur perfectè obiectum ut est in se ipso cum defectu bonitatis, tendit in illud deliberatè: per hoc autem quod ipsi proponitur obiectum, vel perfectè secundum quod includit omnem rationem bonitatis, vel imperfectè non indicato vllò defectu bonitatis in illo latente, tendit in illud indeliberatè); inde est quod talis diuersitas tendendi non mutat speciem, at tantum perfectionem accidentalem, quamuis in aliis diuersus modus tendendi mutet speciem, quando est intrinsecus, vel habitui, vel actui tendenti ad obiectum, ut ordinariè contingit in speculatiuis: ergo cum voluntarium perfectum semper sit actus appetitus rationalis, si voluntarium imperfectum sit actus eiusdem appetitus; diuisio voluntarij in perfectum & in imperfectum ut sic præcisè, est diuisio speciei tantum in sua individua, accidentali solum perfectione magis & minus perfecta; nisi aliunde succedat diuersitas specifica, videlicet ex diuersitate formali obiecti, quæ etiam diuersitas specifica procedens ex diuersitate formali obiecti potest reperi inter duos actus voluntarios perfectos tendentes ad diuersa formaliter obiecta. Confirmatur hoc totum ex instantia de Charitate, quam ibidem adducit D. Thomas his verbis: Caritas autem est amor, de cuius ratione non est aliqua imperfectio; potest enim esse & habiti & non habiti, & visi & non visi: vnde Caritas non euacuatur per gloriæ perfectionem, sed eadem numero manet: ex quo sic procedit nostra confirmatio: Caritas viæ habet rationem voluntarij imperfecti respectu Charitatis Patriæ (quamuis etiam in via sit voluntarium perfectum simpliciter loquendo) quia non procedit hic in via ex tam perfecta cognitione diuinæ bonitatis, ac

procedit in patria : & tamen secundum omnes Authores non distinguitur specie physica Charitas viæ à Charitate patriæ, siue consideretur habitualiter, siue actualiter ; imò ex communi penè sententia idem actus Charitatis incœptus in via potest perseverare in patria , si contingat aliquem decedere cum actuali amore Dei , vt certum est de Sanctissima Virgine & ex reuelatione particulari habemus de Sancta Matre Nostra Theresia : ergo si voluntarium imperfectum sit actus appetitus rationalis, diuisio voluntarij in perfectum & in imperfectum est diuisio speciei tantum in sua indiuidua , accidentali solum perfectione magis & minus perfecta.

Ex dictis inferimus, quod plus differt voluntarium imperfectum , quod est actus appetitus rationalis , ab alio voluntario imperfecto, quod est actus appetitus sensitiui ; quam voluntarium perfectum à voluntario imperfecto eiusdem appetitus rationalis : vnde voluntarium propriè dictum prius diuiditur in voluntarium quod est actus appetitus rationalis, & in voluntarium quod est actus appetitus sensitiui : Deinde voluntarium appetitus rationalis diuiditur in perfectum & in imperfectum eiusdem appetitus, vt amplius explicabitur dubio sequenti.

Ad primum ergo dicendum , quod ratio voluntarij in communi perfectè reperitur in omnibus voluntariis propriè dictis : & hæc ratio importat præcisè quod sit ab intrinseco cum cognitione , & perfectè reperitur non solum in voluntario quod dicitur perfectum , sed etiam in voluntario quod dicitur imperfectum : vnde denominatio perfecti & imperfecti non provenit à ratione illa communi quasi sit secundum se inæqualiter participata, sed à differentiis essentialibus vel saltem accidentalibus ipsorum ; eo proportionali modo quo quædam animalia dicuntur perfecta , alia imperfecta , ex parte differentiarum animalis magis vel minus perfectarum : & ita dum D. Thomas ait : quod voluntarium non reperitur in brutis secundum perfectam rationem voluntarij, intelligit de ratione voluntarij vt contracta per differentiam, non de ipsa secundum se.

Ad secundum dicendum, quod licet vniuoca substantiue sumpta non suscipiant magis & minus in sua ratione præcisè sumpta , quæ proinde vt sic æqualiter reperitur in inferioribus ; & per hoc differunt ab analogis : tamen adiectiue sumpta , vt sumitur voluntarium , possunt suscipere magis & minus ; vnde dicimus quod vnus Angelus est magis immaterialis quam alius, non obstante quod immaterialitas sit conceptus vniuocus ad omnes Angelos : cuius differentie ratio est, quia substantiua sumuntur in seipsis præcisè, & ita ratio vniuoca quæ est vnica in omnibus inferioribus, non dicitur substantiue secundum magis & minus : adiectiua verò sumuntur vt alteri adiacentia & coniuncta , & ita cum ra-

tio vniuoca vt coniuncta differentiis quibus contrahitur, diuersimodè perficiatur, dicitur adiectiue secundum magis & minus ; quod nihil aliud est, quam ipsam esse magis & minus perfectam ratione suarum differentiarum : & si voluntarium sumatur substantiue , dum dicitur magis & minus voluntarium, idem est ac voluntarium dici perfectius & imperfectius.

Ad tertium dicendum , quod voluntarium denominatiue imperfectum est propriè voluntarium & hoc habet ex utroque capite, quia scilicet est ab intrinseco principio , & est cum cognitione finis, vnum quippe sine alio non sufficit ad voluntarium propriè dictum. Vnde ad impugnationem contra primum , dicendum quod solum probat voluntarium imperfectum esse magis connaturale, quam voluntarium perfectum , propter rationem adductam ; non autem probat esse magis voluntarium, quia voluntarium non sequitur quamcunque inclinationem, sed inclinationem intentionalem fundatam in cognitione, sicut naturale sequitur inclinationem naturalem radicatam in forma specifica. Ad impugnationem contra secundum , dicendum quod quia bruta se mouent tantum ad finem materialiter ; inde est quod non dirigunt se & suos actus in finem , nam dirigere propriè idem est ac ordinare & regulare id quod dirigitur in ordine ad illud ad quod dirigitur, quod fieri non potest nisi cognoscatur proportio vnus ad aliud, quam non cognoscunt bruta, vt dictum est supra ; propterea non tendunt ad finem formaliter , ac tantum materialiter.

D V B I U M I V.

Vtrum Voluntarium perfectum diuidatur propriè in liberum & necessarium.

Supponendum est , quod voluntarium sequitur inclinationem intentionalem , vt dictum est, provenientem à forma intentionalis, sicut naturale sequitur inclinationem naturalem, provenientem à forma specifica, & inde est quod voluntarium includit cognitionem & regulatur ab illa ; vnde si cognitio sit perfecta, voluntarium est perfectum ; si autem cognitio sit imperfecta, voluntarium erit imperfectum. Tunc cognitio est perfecta , quando obiectum perfectè attingitur vt est in seipso ; imperfecta autem , quando non sic attingitur. Aliquando provenit necessitas in actibus voluntariis ab imperfectione cognitionis ; aliquando verò à perfectione cognitionis : Provenit quidem ab imperfectione cognitionis, quando obiectum limitatæ bonitatis proponitur sub ratione boni quam habet, absque consideratione suæ limitationis & defectus in ratione boni ; tunc enim appetitus fertur in illud cum determinatione , & absque indifferentia quæ fundatur in dicta limitatione : & hoc contingit

tingit siue appetitus sit determinatus ad vnum ob suam materialitatem & limitationem, ac proinde incapax indifferentiæ; & talis est appetitus sensitivus secundum se: siue appetitus sit secundum se capax indifferentiæ, tamen sequendo imperfectam illam cognitionem, fertur subito ad obiectum, non aliter ac si esset incapax indifferentiæ; & talis est appetitus rationalis in suis moribus primò primis: Et hoc voluntarium necessarium est imperfectum, vnde non agimus de illo in præsentis dubio, sed sufficienter actum est in dubio præcedenti. Voluntarium necessarium perfectum, de quo hic agimus, provenit à perfectione cognitionis: quando scilicet obiectum summæ & illimitatæ bonitatis perfectè cognitum proponitur vt tale appetitui; tunc enim appetitus, qui ab intrinseco est determinatus ad bonum, fertur necessariò in illud, cum nulla possit in illo obiecto esse ratio mali, nec in illo perfectè cognito apprehendi, sicut nec vllus defectus bonitatis qui habet rationem mali, propter quæ possit ab appetitu respui. Est tamen difficultas, vtrum hoc voluntarium necessarium perfectum habeat propriè rationem voluntarij, & ita sit perfectum habeat propriè rationem voluntarij, & ita sit perfectum non solum ex parte obiecti, sed etiam ex parte principij & in ratione voluntarij; propter quod voluntarium perfectum diuidatur propriè in liberum & necessarium: Alij proponunt hoc dubium sub aliis verbis, Vtrum voluntarium perfectum sit idem quòd liberum.

Prima opinio Vasquis in præsentis disp. 23. cap. 4. & aliorum extra scholam D. Thomæ, negat voluntarium perfectum diuidi propriè in liberum & necessarium. Probatur autoritate D. Thomæ hic art. 2. vbi sic ait: Perfectam igitur cognitionem sequitur voluntarium secundum rationem perfectam, prout scilicet apprehenso sine aliquis potest deliberans de fine, & de his quæ sunt ad finem, moveri in finem, vel non moveri: In quibus verbis Angelicus Doctor pro eodem sumit voluntarium perfectum & voluntarium liberum; vnde signum est, quod voluntarium perfectum non diuiditur propriè in voluntarium liberum & necessarium.

Secundò probatur ratione: Voluntarium perfectum conuenit solum naturæ intellectuali, ac proinde debet importare modum operandi proprium tali naturæ, vt docet D. Thomas hic art. 2. sed talis modus operandi non potest esse alius, quam agere liberè; Tum quia voluntas, quæ est appetitus naturæ intellectualis, est essentialiter potentia merè libera, sicut appetitus brutorum est potentia merè naturalis, vnde voluntas perfectè operando operatur tantum liberè; Tum quia agere cum necessitate ac determinatione ad vnum conuenit brutis; Tum quia agere liberè & necessariò sunt duo modi agendi oppositi ex Aristotele 2. Physicæ, & 9. Metaphysicæ, & ita

non possunt conuenire eidem naturæ & eidem potentia perfectò modo operanti: ergo voluntarium perfectum non diuiditur propriè in liberum & necessarium.

Tertiò, De ratione voluntarij perfecti est, quòd agens perfectè se moueat ab intrinseco ad finem, & cum perfecta cognitione ipsius ac omnium circumstantiarum, vt sæpe docet D. Thomas: sed sic se mouere ad finem soli conuenit agenti libero, & non agenti necessario; nam primò agens liberum seipsum mouet cum pleno dominio sui actus, agens verò necessarium potius mouetur impetu naturæ, & ab obiecto, absque prædicto dominio, quod est moveri ab extrinseco; deinde agens liberum se mouet ex plena deliberatione & expensione circumstantiarum omnium, non autem agens necessarium, perfecta autem cognitio non potest esse sine plena deliberatione & expensione omnium circumstantiarum; vt ex se patet: ergo solum voluntarium liberum est perfectum; & consequenter voluntarium perfectum non diuiditur propriè in liberum & necessarium.

CONCLUSIO

RESPONDEO dicendum, quòd quilibet actus voluntatis est propriè & intrinsecè voluntarius, siue sit liber, siue necessarius. 2. soli autem voluntati competit voluntarium perfectum 3. quod non est idem ac liberum: sed diuiditur propriè in liberum & necessarium. 4. ex quibus necessarium perfectiori modo participat rationem voluntarij, quam liberum. 5. Hæc diuisio non est generis in species; sed subiecti in accidentia. Ita docent communiter discipuli D. Thomæ in præsentis, & plures alij.

Probatur breuiter prima pars conclusionis, in qua omnes conueniunt: De ratione actus voluntarij propriè & intrinsecè talis, est quòd sit ab intrinseco principio & cum cognitione finis, nihil enim amplius requiritur, vt constat ex dictis: sed omnis actus voluntatis est ab intrinseco principio, nempe ipsa voluntate se mouente ad actum, vel liberè, si actus sit liber; vel necessariò, si actus sit necessarius: est etiam cum cognitione finis saltem materialiter considerati, quia ex communi axioma nihil est volitum, quin præcognitum: ergo omnis actus voluntatis est propriè & intrinsecè voluntarius, siue sit liber, siue necessarius. Maximè quia hoc conceditur omnibus actibus appetitus sensitivi, qui tantum imperfectè habent rationem voluntarij, & per analogiam ad voluntatem.

Probatur etiam breuiter ex supradictis secunda pars conclusionis: Voluntarium perfectum sequitur cognitionem perfectam, sicut voluntarium imperfectum sequitur cognitionem imperfectam, ex D. Thomæ hic art. 2. sed actibus solius appetitus intellectualis seu voluntatis competit sequi cognitionem perfectam, scilicet intellectus cui coniungitur, & quem vt ducem

in

in omnibus sequitur; actus enim appetitus sensitui sequuntur cognitionem imperfectam sensuum: ergo actibus solius voluntatis competit ratio voluntarij perfecti, & consequenter soli voluntati competit voluntarium perfectum.

Probat^r tertia pars conclusionis. Tum auctoritate D. Thomæ hic art. 2. vbi dicit quod perfectam cognitionem finis sequitur voluntarium secundum rationem perfectam, quamuis in sequentibus verbis explicando hanc doctrinam vniuersalem applicet ad cognitionem perfectam finis, & ad voluntarium perfectum inde secutum, quæ reperiuntur in statu viæ, vbi homo agit ex deliberatione; applicat autem ad hæc quasi nota nobis, vel etiam quia principale eius intentum est hic agere de actibus moralibus hominis viatoris tendentis ad vltimum finem. Tum ratione ex doctrina D. Thomæ deducta: Ad voluntarium perfectum duo requiruntur, & sufficiunt: Primum est, quod sit à principio perfecte intrinseco: Secundum autem est, quod sit cum perfecta cognitione finis & circumstantiarum: nam sicut ad voluntarium simpliciter requiritur & sufficit quod sit ab intrinseco cum cognitione, sic ad voluntarium perfectum requiritur & sufficit quod sit perfecte ab intrinseco & cum perfecta cognitione: sed non solum voluntarium liberum, at etiam aliquod voluntarium necessarium habet hæc duo; nam quando voluntas creata diligit Deum amore beatifico, hic actus amoris est perfecte ab intrinseco, & cum perfecta cognitione finis; quod sit à principio perfecte intrinseco, patet: nam procedit à voluntate vitaliter vt actus immanens, de ratione autem actus vitalis & immanentis est quod sit perfecte à principio intrinseco, & insuper obiectum ipsum dilectum scilicet bonum diuinum, à quo moraliter procedit actus, coniungitur intrinsece cum voluntate beati media cognitione ipsius, maximè quia seipso immediatè vnitur cum intellectu beati; quod sit cum perfectissima cognitione finis, etiam patet, nam hic amor procedit ex visione intuitiua summi illius boni diuini, qua perfecte & quidditatiuè attingitur in seipso, aliunde verò hic actus amoris beatifici est omnino necessarius, & quoad specificationem, quia terminatur ad summum bonum vt tale cognitum, in quo proinde nihil apparet ratione cuius possit respui; & quoad exercitium, cum nulla sit difficultas in exercitio ipsius: ergo voluntarium perfectum non est idem ac liberum, sed diuiditur propriè in liberum & necessarium. Nec obstat id quod dicunt aduersarij, quod scilicet hic actus amoris sit impetu naturæ, Deo extrinsece concurrente & per modum primæ causæ, & per modum obiecti allicientis & moraliter mouentis voluntatem creatam ad illum actum: quæ omnia indicant talem actum, non esse perfecte ab intrinseco, nec totum quod est in actu correspondere principio intrinseco operantis,

& consequenter non esse in operante, totum quod est mouere se & moueri à se. Nam contra: quia fieri impetu naturæ contingit dupliciter: Primo modo quia non inest operanti integrum principium actus, & ideo indiget quasi impelli ab authore naturæ, non solum concurrente vt prima & vniuersalissima causa motione generali, sed etiam concurrente vt agente particulari; & sic agere impetu naturæ, non est se perfecte mouere ab intrinseco; & sic fieri impetu naturæ, non est perfecte fieri à principio intrinseco ipsius operantis; & hoc modo non procedit amor beatificus. Secundo modo contingit aliquid fieri impetu naturæ, quando inest operanti integrum principium actus, quod tamen nullo impellente, sed ab intrinseco est determinatum ad eliciendum talem actum, ac est inseparabile ab illo; & sic fieri impetu naturæ est maximè fieri ab intrinseco. Nec tamen fieri ab intrinseco excludit vnquam concursum primæ causæ, propter subordinationem causæ secundæ essentiali ad primam causam, solum excludit concursum eius per modum agentis particularis. Nec etiam fieri ab intrinseco excludit motionem moralem obiecti, quin potius illam includit, hæc enim tollit quin operans incipiat physicè se mouere ab intrinseco per modum causæ particularis ad illud obiectum; imò facit quod sic perfecte se moueat ab intrinseco, & eò perfectius, quod obiectum intimius vnitum in esse cognito perfectius mouet moraliter. Deinde probatur alia ratione: In Deo est duplex amor, ex imperfecto nostro modo concipiendi, & quantum ad diuersos modos tendendi. Primus est necessarius, quo diligit suam diuinam bonitatem in seipsa, siue sub ratione bonitatis diuinæ; & quo notionaliter sumpto, prout scilicet est in Patre & Filio, procedit Spiritus sanctus. Secundus est liber, quo diligit diuinam bonitatem, non vt in seipsa, sed vt est ratio diligendi creaturas, & easdem creaturas, vt obiecta materialia; & vterque est formaliter in Deo, vt communiter conceditur: sed vterque amor est perfecte voluntarius, & voluntarius perfectus; Quod sit voluntarius, certum est, quia vterque est actus diuinæ voluntatis, qui proinde procedit ab intrinseco cum cognitione; Quod sit perfecte voluntarius, seu voluntarius perfectus, constat; Tum quia ratio voluntarij est formaliter in Deo, quicquid autem est formaliter in Deo, est in eo perfectissime & vt perfectio simpliciter simplex; Tum quia non minus procedit perfecte ab intrinseco, & cum perfecta cognitione amor Dei necessarius, ac amor eius liber: ergo voluntarium perfectum non est idem ac liberum, sed diuiditur propriè in liberum & necessarium. Quod adhuc magis in Deo confirmatur, si attenditur, quod si Deus, non se diligit perfecte voluntariè, sequitur quod in tali dilectione est admixtum aliquid de inuoluntario, quod repugnat.

gnat. Quod autem uterque prædictus amor sit in Deo summè perfectus, abstrahendo pro nunc à ratione voluntarij, sic ostenditur: Ex vna parte sunt idem quoad substantiam actus, amor necessarius & amor liber, absque vlla distinctione virtuali, ut constat ex dictis in primam partem de Voluntate Dei: ex alia verò parte est perfectio in voluntate diligere vnumquodque obiectum secundum regulas rationis & iustitiæ, vnumquodque scilicet iuxta proprium meritum; unde quia diuina bonitas est summum bonum in seipsa, & est summa delectatio in actuali eius dilectione, inde est quòd diuina voluntas illam diligit necessariò, & quoad specificationem & quoad exercitium; quia verò ut est ratio diligendi creaturas, se tenet quodammodo ex parte ipsarum, & hæc nec dicunt summum bonum, nec necessariam connexionem cum illo, quasi illud non possit stare sine ipsis, inde est quòd diligit liberè diuinam bonitatem sub hac ratione: & ita uterque amor Dei est summè perfectus.

Probaturs quarta pars conclusionis ex dictis in præcedenti: Illud voluntarium perfectiori modo participat rationem voluntarij, quod perfectiori modo procedit ab intrinseco & est cum perfectiori cognitione; cum enim hæc duo requirantur & sufficiant ad rationem voluntarij propriè dicti, quòd scilicet sit ab intrinseco & cum cognitione, vbi reperitur esse magis ab intrinseco & cum maiori cognitione, ibi est magis siue perfectius voluntarium: sed voluntarium necessarium, de quo agimus in præsentī, est magis ac perfectiori modo ab intrinseco, & cum maiori & perfectiori cognitione, saltem aliquando, & nunquam euenit contrarium, quòd scilicet voluntarium liberum sit magis ab intrinseco & cum maiori cognitione, quàm voluntarium necessarium de quo agimus, quod sigillatim ostenditur: Quòd voluntarium necessarium sit magis ac perfectiori modo ab intrinseco, quàm voluntarium liberum, ex duplici capite provenit: primò quidem, quia voluntarium necessarium procedit à voluntate completè constituta in actu primo & agente per modum naturæ, voluntarium autem liberum procedit ab illa ut à potentia libera, ratio autem potentiæ naturalis est prior in voluntate, & consequenter intimior, quam sit ratio potentiæ liberæ; secundò quia prior & intimior est voluntati inclinatio ad suum obiectum adæquatum & satiativum, quod diligit necessariò propter se, & ratione cuius diligit cætera, quam ad obiecta inadæquata quæ diligit liberè ratione adæquati in illis participari: Quòd voluntarium necessarium sit aliquando cum maiori & perfectiori cognitione, quàm voluntarium liberum; & quòd voluntarium liberum nunquam sit cum maiori & perfectiori cognitione, quàm voluntarium necessarium de quo agimus, manifestè patet, quia hoc voluntarium necessarium semper re-

gulatur visione beatifica, quæ est maior & perfectior omnium cognitionum, voluntarium autem liberum in creaturis regulatur inferiori & imperfectiori cognitione; quia tamen in Deo regulatur etiam visione beatifica, ideo addimus *ly aliquando*: ergo voluntarium necessarium perfectiori modo participat rationem voluntarij, quàm necessarium liberum.

Probaturs & explicatur quinta pars conclusionis: Dicimus quod rationes necessarij & liberi respectu voluntarij non sunt essentielles, sed sunt tantum quidam modi accidentales siue accidentaliter efficientes actum voluntarium, & consequenter voluntarium non diuiditur in necessariū & liberum, tãquam genus in species, sed hæc diuisio est subiecti in accidentia, quod sic ostenditur: Idem actus voluntatis secundum speciem est necessarius & liber, ut constat in actu charitatis viæ & in actu charitatis patriæ, sunt enim eiusdem speciei, & tamen hic est necessarius, & ille liber ex D. Thoma infra q. 67. art. 6. vbi loquitur non tantum de habitu Charitatis, sed etiam de actu; & licet loqueretur tantum de habitu, adhuc ex eius doctrina idè colligeretur de actu, cum habitus specificetur à suo actu primario, unde vbi est idem habitus, colligitur à posteriori ibi esse idem actus primarius; & in hoc conueniunt ferè omnes Doctores: imò secundum probabiliorem sententiam idem actus numero potest successiue esse liber & necessarius, ut si quis ex impetu amoris Dei moreretur, ut refertur de Sancta Matre Nostra Theresia, idem actus amoris in incœptione esset liber in via, & in cōtinueatione esset necessarius in patria: Quinimò communiter docent Theologi, quod idem actus amoris Christi Domini fuit simul necessarius & liber; necessarius quidem, in quantum terminabatur ad Deum clarè visum, ut in se consideratum; liber verò ut terminabatur ad ipsum tam cognitum scientia infusa, quàm clarè visum secundum quod in actu exercito est ratio diligendi creaturas: ergo diuisio voluntarij perfecti in liberum & necessarium, non est diuisio generis in species, sed subiecti in accidentia; si enim esset diuisio generis in species, differentia liberæ & necessarij essent specie distinctæ, & ita non possent conuenire actibus eiusdem speciei, & multò minus iisdem numero actibus, aut successiue, aut simul: est enim implicancia, quod duo actus eiusdem speciei constent differentiis constitutivis specie diuersis, vel quod idem actus sit diuersarum specierum, aut successiue, aut simul. Nec obstat illud quod respondent aduersarij, scilicet quòd prædicti actus sunt eiusdem speciei entitatiue & quantum ad substantiam, non autem in ratione voluntarij, quæ ratio non est substantia actus, ut dicunt, sed est modus procedendi ab intrinseco, qui potest variari de necessario in liberum, vel è contrario de libero in necessarium. Sed contra hæc respon-

sio ad summum suadet quòd idem actus secundum speciem physicam, varietur secundum speciem moralem liberi & necessarij, quòd est variari tantum accidentaliter in ordine physico, de quo sine dubio agimus, dum quaerimus utrum liberum & necessarium sint differentiae specificae: Ratio huius est, quia ratio voluntarij est omnino intrinseca & essentialis physice actui voluntatis; sicut est illi essentialis physice, quòd procedat ab intrinseco & cum cognitione, quae est definitio voluntarij, & consequenter voluntarium non est simplex modus actus voluntatis, quin potius est ratio essentialis generica illius contrahibilis ad multas species pro diuersitate obiectoris formalium; bene tamen liberum & necessarium sunt puri & simplices modi respectu voluntarij ut sic, pro ut hic agimus de voluntario secundum quòd dicit actum voluntatis, & ut sic diuiditur voluntarium in liberum & necessarium tanquam subiectum in accidentia: si autem per voluntarium velimus intelligere, non actum voluntatis, sed modum eius procedendi, communem libero & necessario; tunc potest concedi quòd modus procedendi voluntarie diuiditur in liberum & necessarium, tanquam genus in species.

Ad primum ergo dicendum, sicut iam dictum est, quòd D. Thomas ibi in principio illius propositionis agit absolute de voluntario perfecto, dum ait, quòd voluntarium secundum rationem perfectam sequitur perfectam cognitionem: sed in fine determinat doctrinam illam generalem ad voluntarium liberum, quòd est voluntarium perfectum nobis valde notum; & eodem modo intelligendus est quòd non loquitur de voluntario perfecto in tota sua latitudine, sed de voluntario libero tantum, dum ait, laudem & vituperium consequi voluntarium secundum rationem perfectam: & similiter sunt exponenda loca sacrae Scripturae & Sanctorum Patrum, dum assumunt voluntarium pro libero.

Ad secundum dicendum, quòd voluntarium perfectum conuenit quidem soli naturae intellectuali, ac proinde importat modum operandi proprium tali naturae: sed tamen falsum est, quòd hic modus operandi non possit esse alius quam agere libere. Vnde ad primam probationem in contrarium, dicendum quòd voluntas ex sua eminentia habet, quòd sit potentia naturalis & simul libera, ac proinde quòd possit operari per modum naturae & necessario, & etiam libere, & utroque modo perfecte, quando adest perfecta cognitio: & est impossibile quòd sit potentia libera, quin sit prius prioritate naturae potentia naturalis, propter rationes adductas in quarta parte conclusionis: unde non sequitur quòd si datur appetitus qui in brutis est potentia merè naturalis, quòd debeat dari in natura intellectuali appetitus qui sit potentia merè libera. Ad secundam probationem dicendum, quòd illud

agere cum necessitate & determinatione ad vnum, quòd conuenit brutis, prouenit ex imperfectione cognitionis ipsorum: agere verò cum necessitate & determinatione ad vnum, quòd conuenit naturae intellectuali ut tali, & de quo agimus in praesenti, prouenit ex perfectione cognitionis; unde non est idem. Ad tertiam probationem dicendum, quòd agere libere & agere necessario sunt quidem diuersi modi agendi oppositi, & propterea non possunt esse idem modus agendi; sunt tamen compossibiles eidem potentiae propter eius amplitudinem, imò etiam & eidem habitui; quia potentiae distinguuntur specie ex diuersa ratione obiecti adaequati, & habitus non semper distinguuntur specie ex diuerso modo tendendi in sua obiecta, quando scilicet haec diuersitas tendendi prouenit ab extrinsecis, ut contingit in praesenti, & non ab intrinsecis ipsius habitus liberum quippe & necessarium proueniunt in voluntate ex diuersa cognitione & propositione obiecti.

Ad tertium dicendum, quòd maior est vera, sed minor falsa. Vnde ad primam eius probationem dicendum, quòd agens necessarium de quo hic loquimur, aequè se mouet ab intrinseco, ac agens liberum, imò magis, quia in se habet adaequatum principium sui motus, & magis intimum, quam habeat agens liberum, ut ostensum est: quòd igitur non moueatur ex pleno dominio sui actus, sed cum determinatione ad vnum, hoc prouenit ex perfectione cognitionis sui obiecti, quae perfectior cognitio facit quòd voluntarium sit perfectius: dictum est autem in quo sensu sit verum, quòd agens perfecte necessarium, moueatur impetu naturae. Ad secundam probationem dicendum, quòd agens necessarium de quo loquimur, habet perfectiorem cognitionem finis & omnium circumstantiarum per visionem beatificam, quam habeat agens liberum per aliam quancunque viam quancunque deliberet & expendat circumstantias; visio quippe beatifica, ut pote intuitiva obiecti, continet eminenter perfectionem cuiuscunque scientiae & notitiae inferioris, & virtualiter est deliberatiua & expensiuu omnium.

D V B I V M V.

Utrum Voluntarium proprie dictum diuidatur in directum & in indirectum

Supponendum est, quòd aliquid potest dici voluntarium indirectum dupliciter. Primum, quando est volitum ex consequenti, ut contingit cum agens facit aliquid, ad quod scit consequi aliud, tunc enim sicut agens vult directe illud aliquid ad quod consequitur aliud, sic vult indirecte illud aliud consequutum ex primo: sed hoc indirectum est nimis late sumptum, & conuenit etiam voluntario virtuali, quòd ex vi praecedentis actus dicitur

dicitur volitum secundariò & mediatiè, & de hoc non agimus in præfenti, quia propriè loquendo non est voluntarium indirectum; imò est voluntarium directum, quia directè, licet mediatiè & secundariò, terminat actum voluntatis. Secundò & propriè dicitur voluntarium indirectum, quando ita est volitum, quòd secundum se & in se nullo modo terminet actum formalem voluntatis directè tendentis in illud, siue primariò, siue secundariò; sed tantum indirectè, ut cum agens volendo aliquid directè non considerat de alio quod consequitur ad illud, cum tamen teneatur illud considerare & impedire, & hoc modo ommissio alicuius præcepti dicitur voluntaria indirectè, quando tempore impletionis præcepti siue quo deberet impleri præceptum, fit aliud impossibile cum tali impletionem, & hoc voluntarium dicitur etiam interpretativum. Quærimus ergo in præfenti: utrum hoc voluntarium indirectum sit propriè voluntarium, & consequenter utrum voluntarium propriè dictum diuidatur in directum & in indirectum: supposito ex dictis, quòd voluntarium directum sit voluntarium propriè dictum.

Prima opinio negat voluntarium indirectum esse propriè voluntarium, & ex consequenti negat voluntarium propriè dictum diuidi in directum & in indirectum. Probatur: Voluntarium propriè dictum petit necessariò, quòd sit ab intrinseco & cum cognitione; & consequenter petit procedere à voluntate verè & physicè influente in illud quòd dicitur propriè voluntarium, siue sit actus, siue sit aliquis effectus: sed voluntas non influit verè & physicè in illud quòd dicitur voluntarium indirectum; quin potius tale voluntarium importat omissionem influxus: ergo voluntarium indirectum non est propriè voluntarium, & ita voluntarium propriè dictum non diuiditur in voluntarium directum, & in indirectum.

Secundò, Si voluntarium indirectum esset propriè voluntarium, sequeretur quòd omnis ommissio boni obligatorij esset peccatum; non enim amplius videtur requiri ad peccatum omissionis, quàm quòd sit ommissio alicuius obligatorij propriè voluntaria: sed non omnis ommissio boni obligatorij est peccatum, ut potest in multis declarari; nam si quis obligatus recitare Officium diuinum proiciat nauigando Breuiarium in mare, non videtur quòd peccet, quoties non recitat, & tamen est ommissio boni obligatorij; similiter si quis videns duos in extremo periculo æquè constitutos, & potens vni tantum subuenire (quia non potest duobus simul subuenire) huic potius quam alteri subuenit, tunc non subueniendo alteri omittit bonum obligatorium, æqualiter enim obligatur subuenire utrique in eodem periculo constituto; & tamen constat quòd subueniendo vni non peccat: ergo voluntarium indirectum non est propriè voluntarium, & consequenter voluntarium propriè dictum non diuiditur in directum & in indirectum.

rium, & consequenter voluntarium propriè dictum non diuiditur in directum & in indirectum.

Tertiò, Voluntarium indirectum est voluntarium per accidens, propterea debet reduci ad aliquod voluntarium directum quòd est per se voluntarium; & ita communior sententia docet, quòd non possit dari pura ommissio sine aliquo actu voluntatis, vel antecedente, vel concomitante: sed quòd est tantum per accidens tale, non dicitur esse tale propriè, ut patet ex ipsis terminis: ergo voluntarium indirectum non est propriè voluntarium: Maxime quia dum voluntas aliquod obligatorium omittit, directè & propriè vult aliquid oppositum; est autem impossibile, quòd simul & semel velit propriè duo opposita & impossibilia.

CONCLUSIO.

RESPONDEO dicendum, quòd voluntarium indirectum est voluntarium propriè dictum, & ita voluntarium propriè dictum diuiditur in directum & in indirectum. 1. hæc diuisio non est generis in species, sed analogi in analogata. Ita communiter docent Theologi.

Probatur prima pars conclusionis. Voluntarium propriè dictum solum importat, quòd sit ab intrinseco cum cognitione, ut ostensum est: sed voluntarium indirectum est ab intrinseco cum cognitione, procedit enim à voluntate præsupposita cognitione aliqua, ut explicabitur disputatione sequenti; si enim dicitur voluntarium, & non metaphoricè, cum soli naturæ cognoscitiuæ conueniat, debet aliquo modo procedere à voluntate, à qua est denominatio voluntarij; & quia voluntas non operatur, nisi præsupposita cognitione, quia nihil volitum quin præcognitum, inde est quòd voluntarium indirectum est cum aliqua cognitione: ergo est voluntarium propriè dictum, & ita voluntarium propriè dictum diuiditur in directum & in indirectum. Deinde, sæpe voluntarium indirectum est peccatum mortale, ut cum quis tenetur v. g. audire sacrum, & toto matutino tempore quo celebratur sacrum, dormit vel ludit; tunc indirectè vult non audire sacrum, & non audiendo peccat mortaliter: sed de ratione peccati mortalis est quòd sit propriè voluntarium, ut omnes concedunt; imò debet esse plenè voluntarium, cum esse propriè voluntarium conueniat etiam peccato veniali: ergo voluntarium indirectum est voluntarium propriè dictum, & ita voluntarium propriè dictum diuiditur in directum & in indirectum.

Probatur secunda pars conclusionis. Voluntarium propriè dictum non est superius vniuocum ad voluntarium directum & indirectum, quia non importat vnā rationem illis communem æqualiter, contractam per differentias essentielles; sed dicit duas rationes voluntarij, quarum vna dependet ab alia, eo modo

quo ens in ordine ad Deum & creaturas, quod propterea est analogum: ita ut hæc inæqualitas sit in ipsa ratione communi voluntarij secundum se, & non tantum ratione alicuius differentia, quia hic propriè differentia non reperiuntur, sed tantum modi; nam voluntarium directum petit ex se esse ab intrinseco principio directè influente, quod est esse perfectè à principio intrinseco; voluntarium verò indirectum petit ex se esse ab intrinseco principio, sed cum hoc modo imperfecto & diminuto essendi ab intrinseco, quod tantum indirectè procedat à principio intrinseco, quod non est tam propriè esse à principio intrinseco: ergo hæc diuisio voluntarij propriè dicti in directum & in indirectum non est diuisio generis in species, sed analogi in analogata. Quod confirmatur efficaciter argumentis in contrarium adductis.

A d primum ergo dicendum, quod secundum illos authores, qui dicunt posse dari puram omissionem absque villo actu, non est necesse quod voluntas influat physicè formaliter, sed tantum physicè interpretatiuè, ad hoc ut detur voluntarium indirectum, quod est voluntarium interpretatiuum; sed hæc declarabuntur disputatione sequenti: secundum alios verò quos sequimur, dicendum quod voluntas verè physicè & formaliter influit in voluntarium indirectum, sed indirectè, per hoc quod directè influat in actum qui est causa vel conditio omissionis: unde voluntarium indirectum importat omissionem influxus circa rem obligatoriam; & simul importat influxum indirectum in talem omissionem.

A d secundum dicendum, quod verum est, omnem omissionem boni obligatorij esse peccatum, quandiu remanet voluntaria indirectè, & multò magis quando est voluntaria directè. Unde ad impugnationem, & ad primam instantiam in contrarium, dicendum quod ille talis obligatus ad recitandum Officium diuinum, si proiciat Breuiarium in mare, cum hac aduertentia quod imposterum non poterit recitare Officium diuinum, toties peccat, quoties non recitat, & tenetur dicere in confessione quanto tempore non recitauit Officium: quod si postea poeniteat ipsum quod proiecerit Breuiarium, & sic retractet voluntatem indirectam quam in proiectione Breuiarij habuit non recitandi, & satisfaciatur meliori modo quo potest diuino officio, recitando quæ scit memoriter, tunc amplius non peccat, quia illa omisio iam non est villo modo voluntaria. Ad secundam instantiam dicendum, quod ille talis qui videt duos in extremo periculo æquè constitutos, & cuilibet potest æquè facillè succurrere, tenetur saltem lege charitatis illis succurrere, & potest incipere præbere suum auxilium cui voluerit ex illis, & si alius tunc pereat, perditio non est simpliciter voluntaria respectu non succurrentis (supponitur enim

quod illam non vult actu expresso & formali) sed est impropiè voluntaria, & nullo modo peccaminosa, quia non obligatur in illo casu succurrere vtrique simul, quia non potest, & ad impossibile nemo tenetur; sed tantum disiunctim tenetur illis succurrere, id est vel illi, vel isti; unde est liberum ipsi incipere à quo voluerit, cum voluntate saltem virtuali succurrendi vtrique si posset.

A d tertium dicendum, quod voluntarium indirectum dicitur voluntarium per accidens siue per aliud; quia est volitum ratione alterius quod est volitum directè, & reducitur ad illud: quod autem est sic voluntarium per accidens, est voluntarium propriè, quamuis indirectè. Ad illud quod subditur, dicendum quod est possibile, imò necessarium quod dum voluntas vult directè vnum oppositorum, velit indirectè simul & semel omissionem alterius: unde dum voluntas omittit aliquod obligatorium, non vult simul & semel duo opposita & impossibilia, sed vult directè vnum oppositorum propriè actu formali, & omissionem alterius indirectè sed propriè actu interpretatiuo.

DISPUTATIO VIII.

De Voluntario in particulari.

POST considerationem Voluntarij in communi sequitur considerandum de ipso in particulari: unde in præsentī disputatione agemus de voluntario libero, & de voluntario indirecto, circa quæ voluntaria particularia solum occurrit difficultas specialis: Quia tamen circa voluntarium liberum seu libertatem multa commodius tractantur in materia de Gratia, vbi agitur de concordia liberi arbitrij cum auxilijs diuinæ gratiæ: inde est quod pauca in præsentī ex multis seligimus quæ pertinent ad libertatem, cætera remittentes ad proprium locum.

D V B I U M I.

Vtrum verè & propriè loquendo detur voluntarium liberum.

Supponendum est, quod liberum prout coniungitur voluntario seu actibus voluntatis, idem est ac non subiectum: unde quia contrariorum eadem est doctrina, ex diuersitate subiectionis & subiecti colligitur diuersitas libertatis & liberi. Prima subiectio dicitur coactionis; & est quando potentia non habet in se sufficiens principium ad se mouendum ab intrinseco; & ita mouetur ab agente particulari extrinseco: huic subiectioni correspondet libertas à coactione. Secunda subiectio dicitur necessitatis totalis seu ab intrinseco; & est quando potentia est ab intrinseco

trinfeco adæquatè determinata ad se mouendū, & ita habet ab intrinfeco principium totale proximum sui motus determinati; unde non indiget moueri ab agente extrinfeco particulari, nec indiget deliberatione ad suum motum, quia hic motus est totaliter subiectus ipsi potentia; & hæc subiectio non diminuit voluntarium, ut dictum est supra: huic subiectio correspondet libertas à determinatione seu libertas indifferentia, seu libertas arbitrij. Tertia subiectio dicitur directionis, & est subiectio formalis ad aliquam legem directiuam: & huic subiectio correspondet libertas exemptionis, quæ nulli creaturæ potest conuenire, sed soli Deo creatori, quia de ratione creaturæ est quod subiiciatur Deo supremo Domino eiusque directioni: Hæc subiectio creaturæ rationalis ad legem diuinam non derogat perfectioni libertatis creatæ, si sit ex affectu charitatis; derogat autem, si sit ex formidine pœnæ: unde est illud Augustini libro de Natura & Gratia cap. 57. Sub lege est, qui timore supplicij quod lex minatur, non amore iustitiæ se sentit abstinere ab opere peccati nondum liber. Item est illud eiusdem Augustini epist. 89. Hæc voluntas libera tantò erit liberior, quantò sanior: tantò sanior, quantò diuinæ misericordiæ subiectior. Ex dictis inferendum est, quòd dum in præfenti quærimus: Vtrum verè & propriè loquendo detur voluntarium liberum, non loquimur de libero exemptionis, sed tantum de libero à coactione, & de libero indifferentia siue à necessitate absoluta.

Prima opinio, sed hæretica negat verè & propriè loquendo, dari in humanis actibus voluntarium aliud liberum quam libertate à coactione, & absolutè negat dari in illis voluntarium liberum libertate indifferentia. Hanc opinionem secuti sunt, tum Aliqui antiqui Philosophi, tum moderni hæretici: sed ex diuerso principio: Philosophi enim illi ideo tollebant libertatem indifferentia seu à necessitate, quia admittebant fatum, cui asserebant resisti non posse; sed omnes actiões humanas ei subiici: hæretici verò tollunt libertatem eandem indifferentia, quia dicunt illam opponi efficaciam diuini decreti & auxiliorum gratia: vel quia dicunt fuisse extinctam per peccatum originale. Probat hanc opinio autoritate sacræ Scripturæ & Sanctorum Patrum, qui sæpe dicunt homines non posse resistere diuinæ voluntati & potestati: ergo actus voluntarij hominum non sunt liberi libertate indifferentia.

Secundò, Si quid suaderet in humanis actibus dari voluntarium liberum libertate indifferentia, maximè quia voluntas circa bona particularia sequitur ductum intellectus, & iudicium indifferens ipsius de eorum dilectione, quæ proinde dilectio est indifferens: sed falsum est quòd voluntas, quando versatur circa bona particularia, sequatur in omnibus ductum intelle-

ctus, ut ipsa constat experientia, nam sæpe appetimus id quod iudicamus esse fugiendum, & è contra sæpe fugimus quod iudicamus esse appetendum; deinde dato quod voluntas tunc in omnibus sequatur ductum intellectus, ex hoc potius habetur, quòd voluntas sit subiecta intellectui, ac proinde non libera, cum libertas opponatur subiectio; insuper habetur quòd sit determinata ad vnum, sicut & iudicium intellectus quod sequitur, iudicat enim vltimò intellectus hoc determinatè hic & nunc esse agendum, & consequenter habetur quòd voluntas sit necessitata, & non libera, cum libertas opponatur determinationi ad vnum quæ inducit necessitatem: ergo non datur voluntarium liberum libertate indifferentia. Alia possent adduci argumenta ex efficacia diuinæ prædefinitionis & præmotionis desumpta, quæ tamen remittuntur ad materiam de gratia, vbi aptius & commodius pertractantur.

CONCLUSIO.

RESPONDEO dicendum, quòd in actibus humanis datur voluntarium liberum, non solum libertate à coactione. 1. sed etiam libertate à determinatione, siue libertate indifferentia. 3. quæ indifferentia per se & essentialiter constitutiva libertatis creatæ, est indifferentia actiua & indifferentia contradictionis siue quoad exercitium 4. quamuis libertati creatæ possit coniungi indifferentia contrarietatis siue quoad specificationem, & coniungatur indifferentia passiva. Ita communiter docent non solum discipuli D. Thomæ, sed etiam alij Theologi.

Probat hanc prima pars conclusionis. Tum ipsa continua experientia: experimur quippe in nobis, quod multa sponte volumus & facimus, ac nemine cogente. Tum quia amor beatificus est maximè voluntarius, ut supra ostensum est: sed hic amor est maximè liber libertate à coactione; nam beati illo amore tendunt in bonum diuinum à se possessum toto impetu voluntatis & charitatis & est maxima delectatio in illo actu; quæ omnia indicant illum actum esse summè spontaneum, & non coactum ergo in actibus humanis datur voluntarium liberum libertate à coactione.

Probat hanc secunda pars conclusionis autoritate sacræ Scripturæ, Conciliorum, & Sanctorum Patrum. Genesis 4. dicitur. Sub te erit appetitus tuus, & tu dominaberis illius. Ecclesiastici 15. Deus ab initio constituit hominem, & reliquit illum in manu consilij sui. & cap. 31. Qui potuit transgredi, & non est transgressus; facere mala, & non fecit: Idem passim habetur in sacra Scriptura. Concilia plura definiunt quòd in actibus humanis sit voluntarium liberum libertate à determinatione ad vnum, siue libertate indifferentia: sed præcipuè hoc determinat Conciliū Tridentinum sess. 6. canone 4. 5. & 6. Idem communiter docent Sancti Patres, unde Nazianzenus in Apologetico ait: Arbitrij libertas parem in

veramque partem motum habet Hilarius in Psalmum 2. Vnicuique nostrum libertatem vitæ sensuumque permisit, non necessitatem in alterutrum affigens. & maxime Augustinus libr. de Gratia & Libero Arbitrio, ac D. Thomas: unde q. 6. de Malo art. 1. contrariam opinionem reiicit ut hæreticam, absurdam, &c. ait enim: Quidam posuerunt quod voluntas hominis ex necessitate mouetur ad aliquid eligendum, nec tamen ponebant quod voluntas cogeretur, &c. Hæc autem opinio est hæretica: tollit enim rationem meriti & demeriti in humanis actibus: non enim videtur esse meritorium vel demeritorium, quod vitare non possit. Est etiam annumeranda inter extraneas Philosophiæ opiniones, quæ non solum cõtrariatur fidei, sed subuertit omnia principia Philosophiæ moralis: si enim non sit liberum in nobis, sed ex necessitate mouemur ad volendum, tollitur deliberatio, exhortatio, præceptum, & punitio, & laus, & vituperium; circa quæ moralis Philosophia consistit. Huiusmodi autem opiniones, quæ destruunt principia alicuius partis Philosophiæ, dicuntur positiones extraneæ: sicut nihil moueri, quod destruit principia scientiæ naturalis. Ad huiusmodi autem positiones ponendas inducti sunt aliqui homines partim propter proteruiam, partim propter aliquas rationes quas soluere non potuerunt, ut dicitur in 4. Metaphysicæ. Idem docet q. 24. de Veritate art. 1. & alibi sæpe, ubi plures ad hoc probandum adducit rationes. Ex quibus omnibus sic formatur ratio fundamentalis: Voluntas est potentia cæca; determinata tamen ad bonum ut sic siue ad beatitudinem quæ est summum bonum, & ex consequenti est etiam determinata ad esse, viuere, & similia sine quibus beatitudo haberi non potest: ex qua igitur parte voluntas est potentia cæca, debet sequi ductum rationis seu intellectus, & operans conformiter ad eius iudicium; quod est duplex, saltem virtualiter, primum iudicat de quolibet obiecto quale sit, & quam habeat bonitatem ratione cuius debeat appeti secundum verò iudicium iudicat quod hic & nunc in actu exercito sit appetendum, vel respuendum tale obiectum: ex qua vero parte voluntas est tantum determinata ad bonum ut sic, seu ad summum bonum & beatitudinem in communi, & ad ea sine quibus beatitudo haberi non potest, habet quod sit indifferens circa quæcunque bona particularia limitata sine quibus beatitudo haberi potest: ergo quotiescunque intellectus primo illo iudicio iudicat obiectum aliquod esse bonum limitatum, & non habere necessariam connexionem cum beatitudine, quia videt quod sine ipso beatitudo haberi potest (licet iudicet hic & nunc tale bonum esse appetendum, ratione illius primi iudicii proponentis sub indifferencia illud bonum appetendum, in quantum proponit illud posse appeti ratione bonitatis quam habet, & posse respui ratione limitationis

in bono quæ est quoddam malum) remanet ipsa voluntas cum simili indifferencia ad appetendum vel respuendum illud bonum, & tunc in appetitu eius actuali, si appetat illud bonum, est voluntarium liberum libertate à determinatione, siue libertate indifferentiæ. Denique probatur quod libertas propriè dicta non solum opponatur coactioni, sed etiam necessitati: Tum quia aliàs in pueris, furiosis, pecoribus, & in processibus diuinis esset libertas, in quibus non est coactio: Tum quia aliàs nulla vnquam fuisset controuersia de concordia liberi arbitrij cum diuinis decretis & auxiliis gratiæ; nullus enim dubitauit hominem non cogi à Deo, imò omnes affirmant: Tum quia liberum arbitrium est ipsa voluntas, non simpliciter, sed ut principium electionis; potestas autem eligendi nequit intelligi cum determinatione ad vnum.

Probatur & explicatur tertia pars conclusionis: Indifferencia per se & essentialiter constitutiva libertatis creatæ in ratione libertatis, debet conuenire libertati ut sic, ac proinde omni libertati; quamuis possit habere aliquam imperfectionem adiunctam ratione talis libertatis, nempe creatæ ad quam libertas ut sic contrahitur: sed sola indifferencia actiua, & sola indifferencia contradictionis siue quoad exercitium conueniunt libertati ut sic & omni libertati, nam libertas diuina est perfectissima libertas, & tamen ipsa habet solam indifferenciam actiuam, & indifferenciam contradictionis, quia per modum principij purè actiui potest in exercitio velle & nolle aliquid; non autem habet indifferenciam passiuam, cum omne passiuum excludatur à Deo utpote dicens potentialitatem; & insuper eadem diuina libertas semper necessariò fertur in bonum appetitu prosecutionis, & non potest ferri in malum, cum tamen ad indifferenciam contrarietatis requiratur quod liberè voluntas possit ferri in bonum & in malum bono contrarium: ergo indifferencia per se & essentialiter constitutiva libertatis creatæ, est indifferencia actiua, & indifferencia contradictionis siue quoad exercitium.

Probatur & explicatur quarta pars conclusionis. Indifferencia contrarietatis in hoc consistit quod potentia libera non sit determinata ad vnum contrariorum, sed possit ferri in vtrumque contrarium, videlicet in bonum & malum. Indifferencia verò passiuam importat subordinationem ad agens extrinsecum, & simul dicit potentialitatem in ordine ad actum elicitum quem ipsa potentia recipit: sed libertas creatæ potest habere quod ipsa potentia libera non sit determinata ad vnum contrariorum, sed possit ferri in vtrumque videlicet bonum & malum morale, ut ordinariè contingit in viatoribus, qui habent voluntatem defectibilem; & de facto dicit subordinationem ad Deum primam causam, & simul dicit potentialitatem in ordine ad suum actum

actum elicitum quem recipit : quæ duo non reperiuntur in Deo, qui ut pote prima & vniuersalissima causa nulli alteri subordinatur, & ut purissimus actus nihil habet receptum : ergo libertati creata potest coniungi indifferentia contrarietatis siue quoad specificationem, & de facto coniungitur indifferentia passiva. Hæc amplius in materia de Gratia examinabuntur.

A d primum ergo dicendum, quod in similibus locutionibus Scriptura sacra & Sancti Patres tantum volunt, quod in sensu composito non possumus resistere diuinæ voluntati & potestati; quod idem est ac dicere, quod ista duo non possunt componi siue simul reperiri, quod scilicet Deus velit aliquid efficaciter, & quod actu illi resistamus : non autem negant quod in sensu diuiso possumus resistere diuinæ voluntati & potestati, quod nihil est aliud, quam nos ita facere quæ Deus vult à nobis fieri, ut simul possumus ea non facere: vnde non excludunt simultatem potentia, sed potentiam simultatis. Quomodo autem cum hac simultate potentia stet diuina decreta non posse fieri irrita, dicetur suo loco.

A d secundum dicendum, quod ratio assignata est optima. Vnde ad primam eius impugnationem dicendum cum D. Thoma q. 24. de Veritate art. 2. quod quando appetitus videtur cognitionem non sequi, hoc ideo est, quia non circa idem accipitur appetitus, & cognitionis iudicium : est enim appetitus de particulari operabili, iudicium verò rationis quandoque est de aliquo vniuersali, quod est quandoque contrarium appetitui. Sed iudicium de hoc particulari operabili, ut nunc, nunquam potest esse contrarium appetitui : qui enim vult fornicari, quamuis sciat in vniuersali fornicationem malum esse, tamen iudicat sibi ut tunc bonum fornicationis actum, & sub specie boni ipsum eligit : Hæc D. Thomas. Ad secundam impugnationem dicendum, quod illa subiectio voluntatis ad intellectum non opponitur eius libertati; quia illud iudicium practicum intellectus, quod sequitur voluntas, est liberum; intellectus quippe applicatur à voluntate ad illud faciendum, & ita solum voluntas potest dici necessitata ex suppositione quod seipsam applicauerit medio illo iudicio practico intellectus; hæc autem necessitas non tollit libertatem, sed radicatur in illa : alioquin nullum daretur liberum actuale, quia omne quod est, necesse est esse. Vnde posito illo iudicio practico voluntas potest dissentire illi in sensu diuiso, quamuis non possit in sensu composito; siue ratione prioris iudicii intellectus, quo iudicatum fuit aliquod obiectum posse sub indifferentia diligere, manet voluntas indifferens in actu primo circa tale obiectum, & ita potest illud appetere vel respicere, licet posito iudicio ultimo practico intellectus infallibiliter sequatur actus voluntatis operantis absolute liberè ratione illius prioris iudicii indifferentis quo actuatur,

& quod virtualiter manet in ultimo iudicio practico; nec potest dici quod agat necessariò, nisi necessitate ex suppositione, infallibilitatis & consequentia. Igitur voluntas ut substat præcisè priori illi iudicio, antequam adueniat secundum, habet duplicem indifferentiam, vnam positiuam, aliam priuatiuam seu negatiuam : indifferentia positiuam importat virtutem ipsius voluntatis non determinatam & limitatam ad vnum, ac indifferentem per modum actus primi; & hæc est de intrinseca ratione potentia libera, quæ proinde nunquam ab illa separatur, etiam dum actu operatur : indifferentia verò negatiua seu priuatiua importat suspensionem ab omni actu secundo; & hæc non est de ratione libertatis aut potentia libera, quin potius debet tolli ad hoc ut sit exercitium libertatis seu actualis libertas : hanc igitur indifferentiam priuatiuam aut negatiuam tollit iudicium vltimum practicum intellectus, sicut & diuina præmotio, non autem aliam positiuam; & propterea nec illud iudicium, nec præmotio officit libertati, quin potius vtrumque illam perficit, reducendo potentiam liberam de actu primo ad secundum seu faciendam eam, de habitualiter libera, actualiter talem.

D V B I U M II.

Vtrum Voluntarium liberum per se primò soli conueniat voluntati.

SUPponendum, quod præsens dubium solum procedit de subiecto, & non de radice voluntarij liberi; vnde idem est ac quærere, vtrum per se primò conueniat actui voluntatis quod sit formaliter liber, seu quod in eo sit formalis libertas : certum est enim, quod radix libertatis sit in intellectu, ut constat ex dictis, per hoc quod sub indifferentia proponit obiecta ipsi voluntati ut diligenda, in quantum scilicet illa proponit ut bona particularia limitata, non habentia necessariam connexionem cum beatitudine, ad quam tantum voluntas necessitatur quoad specificationem hinc in via : vnde ait D. Thomas infra q. 17. art. 1. ad 2. Quod radix libertatis est voluntas sicut subiectum; sed sicut causa est ratio : ex hoc enim voluntas potest ad diuersa ferri, quia ratio potest habere diuersas conceptiones boni : Et ideo Philosophi diffiniunt liberum arbitrium, quod est liberum de ratione iudicium, quasi ratio sit causa libertatis. Et q. 24. de Veritate art. 2. ait : Sciendum est, quod cum ad operationem nostram tria concurrant, scilicet cognitio, appetitus, & ipsa operatio : tota ratio libertatis ex modo cognitionis dependet : appetitus enim cognitionem sequitur, cum appetitus non sit nisi boni, quod sibi per vim cognoscitiuam proponitur. In quo autem fundetur indifferentia iudicii intellectus, quæ est radix libertatis in voluntate, declarat D. Thomas 1. p. q. 83. art. 1. ex differ-

ferentia

ferentia quæ intercedit inter cognitionem brutorum, & cognitionem hominis: cum enim dixisset quod bruta, etiam circa bona particularia sunt determinata ad vnum, quia non ex collatione, sed ex naturali instinctu de illis iudicant; subdit de homine: sed homo agit iudicio, quia per vim cognoscitiuam iudicat aliquid esse fugiendum vel prosequendum: sed quia iudicium istud non est ex naturali instinctu in particulari operabili, sed ex collatione quadam rationis, ideo agit libero iudicio potens in diuersa ferri: ratio enim circa contingentia habet vim ad opposita, vt patet in dialecticis syllogismis, & rhetoricis persuasionibus: particularia autem operabilia sunt quædam contingentia; & ideo circa ea iudicium rationis ad diuersa se habet, & non est determinatum ad vnum. Idem docet q. 14. de Veritate art. 1. vbi affert duo signa ad ostendendum, quod animalia bruta agunt ex iudicio naturali seu ex instinctu naturæ, & non ex iudicio libero seu ex electione; ait enim: Quod quidem patet: Tum ex hoc quod omnia quæ sunt eiusdem speciei similiter operantur, sicut omnes hirundines similiter faciunt nidum: Tum ex hoc quod habent iudicium ad aliquod opus determinatum, & non ad omnia, sicut apes non habent industriam ad faciendum aliquod aliud opus nisi fauos mellis, & similiter est de aliis animalibus. Idem fere repetit art. sequenti, vbi dicit quod iudicium rationis seu iudicium liberum hominis se extendit ad omnia: & quia hoc iudicium naturale in brutis est determinatum ad vnum, sequitur quod potentia motiua in eis vt applicata tali iudicio sit etiam determinata ad vnum. Ex dictis habetur quod prima radix intrinseca libertatis est indifferentia iudicij: radix autem extrinseca libertatis actualis in genere causæ finalis est indifferentia obiectiua, quæ consistit in limitatione bonitatis; bonum quippe limitatum ratione bonitatis potest appeti, ratione verò limitationis potest respui: sed in genere causæ efficientis est omnipotentia Dei primæ causæ. Primum sic declarat D. Thomas infra q. 10. art. 2. dicens: In motu cuiuslibet potentie à suo obiecto consideranda est ratio, per quam obiectum mouet potentiam: visibile enim mouet visum sub ratione coloris actu visibilis: vnde si color proponatur visui, ex necessitate mouet ipsum, nisi aliquis visum auertat: si autem proponeretur aliquid visui, quod non omnibus modis esset color in actu, sed secundum aliquid esset tale, secundum autem aliquid non tale; non ex necessitate visus tale obiectum videret, posset enim non intendere in ipsum ex ea parte qua non est coloratum in actu, & sic ipsum non videret: Sicut autem coloratum in actu est obiectum visus, ita bonum est obiectum voluntatis: vnde si proponatur aliquid obiectum voluntati, quod sit vniuersaliter bonum & secundum omnem considerationem, ex necessitate voluntas

in illud tendit, si aliquid velit, non enim poterit velle oppositum: si autem proponatur sibi aliquod obiectum, quod non secundum quamlibet considerationem sit bonum, non ex necessitate voluntas fertur in illud: Et quia defectus cuiuscunque boni habet rationem non boni; ideo illud solum bonum quod est perfectum, & cui nihil deficit, est tale bonum, quod voluntas non potest non velle, quod est beatitudo; alia autem quælibet particularia bona, in quantum deficiunt ab aliquo bono, possunt accipi vt non bona, & secundum hanc considerationem possunt repudiari, vel approbari à voluntate, quæ potest in idem ferri secundum diuersas considerationes. Secundum autem sic declarat eadem q. 10. art. 4. dicens: Sicut Dionysius dicit 4. cap. de Diuinis Nominibus, ad prouidentiam diuinam non pertinet naturam rerum corrumpere, sed seruare; vnde omnia mouet secundum eorum conditionem, ita quod ex causis necessariis motionem diuinam consequuntur effectus ex necessitate; ex causis autem contingentibus sequuntur effectus contingenter: quia igitur voluntas est actiuum principium non determinatum ad vnum, sed indifferenter se habens ad multa, sic Deus ipsam mouet, quod non ex necessitate ad vnum determinat, sed remanet motus eius contingens, & non necessarius, nisi in his ad quæ naturaliter mouetur. Et ad 1. ait: Voluntas diuina non solum se extendit, vt aliquid fiat per rem quam mouet, sed vt etiam eo modo fiat, quo congruit naturæ ipsius: Et ideo magis repugnaret diuinæ motioni, si voluntas ex necessitate moueretur, quod suæ naturæ non cōpetit, quam si moueretur liberè prout competit suæ naturæ. Quod adhuc magis explicat 1. p. q. 19. art. 8. vbi sic ait: Cum aliqua causa efficax fuerit ad agendū, effectus consequitur causam, non tantum secundum id quod fit, sed etiam secundum modum fiendi vel essendi: ex debilitate enim virtutis actiue in semine contingit quod filius nascatur dissimilis patri in accidentibus, quæ pertinent ad modum essendi. Cum igitur voluntas diuina sit efficacissima, non solum sequitur quod fiant ea quæ Deus vult fieri; sed quod eo modo fiant, quo Deus ea fieri vult; vult autem quædam fieri Deus necessariò, quædam contingenter vt sit ordo in rebus ad cōplementū vniuersi; & ideo quibusdam effectibus aptauit causas necessarias quæ deficere non possunt, ex quibus effectus de necessitate proueniunt; quibusdam autem aptauit causas contingentes defectibiles, ex quibus effectus contingenter veniant. Constat igitur ex dictis quod radix extrinseca libertatis in genere causæ efficientis est omnipotentia diuina seu summa efficacia diuinæ voluntatis: in genere verò causæ finalis est indifferentia obiectiua boni. Sed radix intrinseca libertatis est indifferentia formalis iudicij intellectus; & ita intellectus ratione sui iudicij indifferens est causa

causa libertatis : Quærimus nunc , utrum etiam primò & per se sit subiectum libertatis ; ita quòd formalis libertas per se primò possit reperiri in intellectu, vel utrum per se primò tantum conueniat voluntati ; & ita voluntarium liberum per se primò ipsi soli conueniat , non tantum ut voluntarium, sed etiam ut liberum.

Prima opinio Durandi in 2. d. 24. q. 3. & aliorum extra scholam D. Thomæ asserit, quòd libertas formalis per se primò conuenit intellectui, ac proinde independentè à voluntate. Probatur ex duplici definitione libertatis : Prima habetur apud S. Bernardum lib. de Libero Arbitrio : vbi dicit quòd liberum arbitrium est liberum de ratione iudicium. Secunda est Magistri Sententiarum in 2. d. 24. vbi dicit quòd liberum arbitrium, est facultas voluntatis & rationis vnum præ altero eligendi : ex quibus definitionibus habetur, quòd esse liberum arbitrium per se primò conuenit intellectui ; ex prima quidem quòd ipsi soli conuenit, ex secunda verò quòd æquè primò ipsi conuenit, ac conuenit voluntati.

Secundò, Illi potentiæ per se primò conuenit libertas formalis, quæ secundum se est libera ; potentia quippe quæ secundum se est libera, non participat ab alio libertatem, & ita per se primò ei conuenit libertas formalis : sed intellectus est secundum se liber formaliter, cum antecederet ad voluntatis actum sit indifferens ad opposita ; quia respicit obiectum vniuersalissimum videlicet ens & verum, vnde indifferenter potest se applicare ad quodcumque ens & verum ; imò eius indifferencia est radix & causa indifferentiæ voluntatis : ergo libertas formalis per se primò conuenit intellectui.

Tertiò, Actus intellectus per se primò, & antecederet ad voluntatem est in nostra potestate, scilicet iudicium conclusiuum electionis per voluntatem faciendæ ; imò per illum actum intellectus habemus dominium electionis ipsius per voluntatem faciendæ : sed ille actus est formaliter liber per se primò, qui per se primò est in nostra potestate, & ratione cuius habemus dominium cæterorum : ergo actus intellectus per se primò, & antecederet ad voluntatem est formaliter liber, & ita libertas formalis per se primò conuenit intellectui.

CONCLUSIO.

RESPONDEO dicendum, quòd soli voluntati per se primò conuenit libertas formalis. 1. vnde libertas formalis non conuenit intellectui secundum se, at tantum ut substat motioni voluntatis 3. nec etiam conuenit appetitui sensitui hominis, nisi ut substat prædictæ motioni & directioni voluntatis. 4. vnde absolute loquendo voluntarium liberum per se primò soli conuenit voluntati, non solum ut voluntarium, sed etiam ut liberum. Ita communiter discipuli D. Thomæ, & alij Theologi.

Probatur prima pars conclusionis. Tum autem R. P. Philippi Carm. discal. Disp. Theolog. in 1. 2.

thoritate, tum ratione D. Thomæ infra q. 9. art. 1. vbi dicit quòd voluntas est primum mouens quoad exercitium actus, quamuis intellectus sit primum mouens quoad specificationem eiusdem actus : si autem voluntas est primum mouens quoad exercitium, ipsi soli per se primò conuenit formalis libertas quæ in actu humano reperitur. Vnde sic ait D. Thomas : Cum omne agens agat propter finem, principium huius motionis, (scilicet subiecti) est ex fine ; & inde est quòd ars ad quam pertinet finis, mouet suo imperio artem ad quam pertinet id quod est ad finem, sicut gubernatoria ars imperat nauifactionem, ut in 2. Physicorum dicitur : bonum autem in communi, quod habet rationem finis, est obiectum voluntatis ; & ideo ex hac parte voluntas mouet alias potentias animæ ad suos actus, vtimur enim aliis potentiis cum volumus, nam fines & perfectiones omnium aliarum potentialium comprehenduntur sub obiecto voluntatis, sicut quædam particularia bona. Quæ ratio D. Thomæ sic amplius expenditur : Illi soli potentiæ per se primò conuenit libertas formalis, quæ sola per se primò vtitur aliis potentiis animæ, mouendo eas in exercitio ad proprios fines & obiecta, siue cuius est per se primò applicare se & cæteras potentias actiue ad actum ; nam sicut in actu indifferenti est formalis libertas actualis, sic in actuali applicatione ad talem actum est per se primò formalis libertas actualis, cum talis actus participet libertatem ab illa applicatione : sed sola voluntas per se primò vtitur aliis potentiis animæ, mouendo eas in exercitio ad proprios fines & obiecta, siue solius voluntatis est per se primò applicare se & cæteras potentias actiue ad actum ; quia finis vniuersalis (siue bonum ut sic) est obiectum ipsius voluntatis, vnde ipsam per se primò mouet ad exercitium motione morali propria ipsius finis, per hoc quòd apprehensus ab intellectu proponitur ipsi voluntati, & ex tunc voluntas fertur in illum secundum quòd est in seipso à parte rei applicando scilicet seipsam ad actum, & simul applicando per actum qui dicitur usus, cæteras potentias necessarias ad acquisitionem ipsius finis & boni ; constat enim quòd illa potentia vel ars, quæ respicit finem vltimum & vniuersalem, debet applicare alias potentias vel artes quæ respiciunt fines particulares & intermedios, contentos sub illo vniuersali, & ad illum vltimum ordinatos : ergo soli voluntati per se primò conuenit libertas formalis.

Probatur secunda pars conclusionis. Libertas formalis per se primò conuenit illi potentiæ tantum, quæ per se primò mouet se & alias potentias efficienter ad exercitium actus, ut dictum est ; quia libertas formalis reperta in actibus humanis prouenit ab illa potentia, quæ est primò actiua in exercitio, ac proinde per se primò illi soli conuenit formalis libertas : sed intellectus non mouet se primò, nec alias potentias effi-

R

cienter

cienter ad exercitium actus; imò sic mouetur à voluntate; quia licet intellectus sit primum mouens per modum proponentis, ita quòd nihil sit volitum, quin præcognitum; tamen hæc motio non est efficienter actiua, & applicatiua ad exercitium, sed est tantum moraliter actiua & moraliter applicatiua ad exercitium, quantuncunque enim sit efficax iudicium intellectus de prosequendo vel fugiendo aliquo obiecto, si tamen illud proponat cum indifferentia, remanet voluntas indifferens & libera in ordine ad prosequendum vel fugiendum tale obiectum, & potest non sequi illud iudicium, quamuis, si sit efficax, infallibiliter sequetur (hoc dictum est de iudicio primo quod antecedit omnem actum voluntatis, de quo solo potest esse difficultas, alia quippe iudicia quæ consequuntur actum voluntatis, & actus imperij intellectus mouent & applicant ad exercitium dependenter à voluntate) & ita semper voluntas est primum mouens actiue & efficienter ad exercitium actus, tam seipsam, quam omnes alias potentias, ipsum etiam intellectum, in quantum intellectus consideratur vt peculiaris potentia, cuius actus & obiectum continentur sub obiecto voluntatis, quia sunt peculiaris bona, exercitium quippe actus est in ordine ad assequendum bonum seu finem, & ita incipit à voluntate efficienter, cum eius sit respicere bonum & finem, ac tendere vel immediate, vel mediantibus aliis potentiis ad illum, & secundum hoc voluntas est nobilior potentia quam intellectus; licet intellectus sit simpliciter nobilior voluntate propter omnimodam dependentiam in operando & in essendo voluntatis ab intellectu, & propter nobilitatem maiorem obiecti intellectus magis ampli & abstracti: ergo cum intellectus non sit primum mouens quantum ad exercitium actus, libertas formalis non conuenit illi secundum se, at tantum vt substat motioni voluntatis; quamuis in illo secundum se sit radix libertatis, vt dictum est, quod etiam conducit ad eius nobilitatem supra voluntatem.

Probatur tertia pars conclusionis. Appetitus sensitivus hominis nihil habet supra appetitum sensitivum aliorum animalium, nisi in quantum coniungitur rationi & voluntati humanæ, ac substat motioni & directioni ipsius, vt communiter conceditur, & constat ex eo quod idem est obiectum appetitus sensitivi, siue sit in homine, siue in aliis animalibus: sed appetitus sensitivus aliorum animalium non participat libertatem, quia non coniungitur rationi & voluntati, vt constat ex dictis in supponendo, ex eo quod sequitur iudicium naturale impressum ab autore naturæ, vnde appetitus brutorum mouetur necessario ab his quæ occurrunt sibi proposita vt bona absque collatione: ergo nec appetitui sensitivo hominis conuenit libertas formalis, nisi vt substat motioni & directioni voluntatis. Quod

confirmatur ex eo quòd actus appetitus sensitivi, vt præueniunt voluntatem, non sunt peccaminosi in se, ex solo defectu libertatis.

Probatur quarta pars conclusionis. Ex vna parte voluntarium perfectum, quale est voluntarium liberum, per se primò conuenit voluntati, & ab illa denominatiue deriuatur ad alias potentias, in quantum earum actus subordinantur voluntati, voluntas quippe est forma à qua denominatur aliquid perfecte voluntarium: ex alia vero parte liberum per se primò soli conuenit voluntati, si liberum sumatur formaliter, vt sumitur quando coniungitur voluntario; ergo absolute loquendo, voluntarium liberum per se primò soli conuenit voluntati, non solum vt voluntarium, sed etiam vt liberum.

Ad primum ergo dicendum cum D. Thomas 1. p. q. 83. art. 3. ad 2. quòd iudicium est quasi conclusio & determinatio consilij: determinatur autem consilium primò quidem per sententiam rationis, & secundò per acceptionem appetitus: vnde Philosophus dicit in 3. Ethicor. quod ex consiliatis iudicantes desideramus secundum consilium: Et hoc modo ipsa electio dicitur quoddam iudicium, à quo nominatur liberum arbitrium: ex quibus constat, quòd quando liberum arbitrium definitur, quòd sit liberum de ratione iudicium; est vera definitio in sensu causali, sed non in sensu formali. Quantum verò ad secundam definitionem, dicendum, quòd ideo liberum arbitrium in sua definitione includit tam voluntatem, quam rationem seu intellectum, quia vtraque potentia concurret ad libertatem; non tamen æqualiter, nam voluntas est subiectum formale per se primum libertatis, ratio verò est radix ipsius, vnde in illa definitione, quantum ad sensum, licet non quantum ad verba, voluntas importatur in recto & immediate, ratio autem in obliquo & mediate: & colligitur ex eo quòd dicitur facultas eligendi, electio quippe est formaliter actus voluntatis præsupposito actu intellectus.

Ad secundum dicendum, quòd intellectus non est secundum se formaliter liber, cum antecedenter ad actum voluntatis non habeat indifferentiam in agendo requisitam ad libertatem formalem. Pro quo nota quòd est triplex indifferentia, videlicet in essendo, in agendo, & in proponendo: Indifferentia in essendo est quando aliquid contingenter est vel non est, quia ad neutrum secundum se est determinatum; & hæc indifferentia conuenit actui libero: Indifferentia in agendo est, quando aliquid secundum se non est determinatum ad agere vel ad non agere, sed habet facultatem ad vtrumlibet; & hæc indifferentia conuenit potentie formaliter liberæ: Indifferentia in proponendo est, quando potentia & eius actus, licet sint determinata ad esse & agere, possunt tamen proponere aliquod obiectum sub indifferentia appetendum & respuendum,

puendum, quia apprehendunt illud non esse summum bonum, nec ei necessariò connexum; & hæc indifferentia non constituit formaliter liberum, at tantum radicaliter liberum; Et hanc solum indifferentiam habet intellectus antecedenter ad actum voluntatis. Nec per hoc quod habet obiectum vniuersalissimum, sequitur quòd possit se applicare ad considerandum quodcunque ens aut verum; nam si consideret liberè, debet applicari à voluntate, à qua deriuatur omnis formalis libertas; si autem consideret necessariò, applicatur naturaliter ab autore ipsius naturæ ad talem considerationem.

Ad tertium dicendum, quòd actus intellectus non est in nostra potestate, antecedenter ad actum voluntatis: & ita iudicium conclusiuum electionis per voluntatem faciendæ potest esse naturale, & sic non est in nostra potestate, sed in potestate authoris naturæ, qui intellectum applicat ad tale iudicium; vel potest esse liberum, per hoc quòd intellectus applicetur à voluntate ad tale iudicium, & tunc est in nostra potestate illud iudicium: Nec est verum quòd per illud iudicium habeamus formaliter & immediatè dominium electionis per voluntatem faciendæ; sed habemus formaliter & immediatè dominium talis electionis ab ipsa voluntate se applicante ad electionem, & tantum radicaliter & mediatè ab illo iudicio intellectus, quod sequitur voluntas.

D V B I U M III.

*Vtrum in voluntario libero ipsum liberum
superaddat voluntario aliquam
rationem intrinsecam.*

Supponendum est, quòd nomine voluntarij liberi intelligimus hunc actum voluntatis liberum, siue ab ipsa voluntate elicitum, siue imperatum: & de hoc quaerimus, vtrum in actu voluntario liberum dicat aliquam rationem intrinsecam. Constat autem quòd actus voluntarius liber procedit vel immediatè à voluntate libera, si sit elicitus; vel mediatè, si sit imperatus; ita quòd dicitur actus voluntarius, quia procedit à potentia voluntatis; dicitur autem liber quia procedit ab ipsamet potentia voluntatis vt libera. Actus autem voluntatis procedens ex deliberatione est liber in se, non solum in actu signato, sed etiam in actu exercito: & similiter voluntas est libera non solum in actu primo, sed etiam in actu secundo, siue dum actu operatur, imò operatio actualis est exercitium ipsius libertatis: Quod si voluntas libera actu operans, & actus eius elicitus habent aliquam necessitatem, talis necessitas non est necessitas simpliciter, sed necessitas secundum quid & ex suppositione, quia omne quod est, dum est, necesse est esse,

R.P. Philippi Carm. discal. Disp. Theolog. in 1. 2.

quamuis in seipso sit liberum & contingens.

Prima opinio, Suaris hic disp. 1. sect. 3. Valquis hic disp. 34. cap. 3. & disp. 95. art. 10. Molinæ in Concordia q. 23. art. 4. & aliorum extra scholam D. Thomæ, negat libertatem addere rationem aliquam intrinsecam actibus voluntatis etiam elicitis, & asserit importare denominationem tantum extrinsecam desumptam à potentia libera. Probat: Idem actus numero potest successiuè fieri & esse de necessario liber, & de libero necessarius; imò simul & semel idemmet actus voluntarius amoris, quo Christus Dominus diligebat Deum in se, vt regulatus scientia beata erat necessarius, vt regulatus verò scientia indita erat liber, vt communiter conceditur in schola Diui Thomæ: ergo in actu voluntario nec liberum, nec necessarium superaddit voluntario aliquam rationem intrinsecam; quia vel talis ratio esset essentialis voluntario, vel saltem esset modus intrinsecus; si esset essentialis, sequeretur quòd idem actus numero constaret duplici ratione specifica, in genere Physico, quod est impossibile; si autem esset modus intrinsecus, adhuc sequeretur quòd idemmet actus numero intrinsecè constitueretur modis oppositis, necessarij scilicet & liberi, quod etiam est impossibile, cum modi oppositi se mutuò ab eodem subiecto excludant.

Secundò, Actus voluntarius dicitur liber vel necessarius, ex habitudine ad suum formale principium, quod operatur vel liberè, vel necessariò, vt communiter conceditur: sed hæc habitudo actus voluntarij ad suum formale principium non facit quòd in ipso actu sit aliqua ratio intrinseca, at tantum denominatio extrinseca; Tum quia idem est de ipso principio formali, ac de actu, in ipso autem principio liberè vel necessariò operari dicit tantum denominationem extrinsecam; prouenientem ex iudicio practico intellectus vel indifferenti vel determinato, nam posse operari & non operari in principio liberè operante dicit tantum negationem determinationis ad vnum agendum; Tum quia eadem est ratio de libero & necessario, ac est de vitali & artificiali, constat autem quòd vitale & artificiale importat tantum denominationem extrinsecam super actum, prouenientem in actu vitali ex eius coniunctione ad principium vitæ, à quo separatus non esset vitalis, in actu verò artificiali prouenientem ex eo quòd fiat iuxta regulas artis secundum intentionem artificis, quæ intentio est merè extrinseca actui: ergo in actu voluntario nec liberum, nec necessarium superaddit voluntario aliquam rationem intrinsecam.

Tertiò, Repugnat naturæ actus cuiuscunque secundi, quòd intrinsecè sit liber; Tum quia actus secundus est in seipso determinatus ad vnā partem, & tamen ad liberum intrinsecum necessariò requiritur indifferentia ad vtrumlibet, opposita prædictæ determinationi; Tum quia

R 2

repugnat

repugnat habitui, quòd sit intrinsecè liber, & maximè habitui supernaturali v. g. charitatis, cum sit determinatus ad vnum, scilicet ad diligendum Deum, quæ determinatio opponitur libertati, & tamen habitus magis coniungitur potentia liberæ quam actus, habitus enim mediat inter potentiam & actum, actus quippe elicitur à potentia informata per habitum: ergo in actu voluntario saltem liberum non superaddit voluntario aliquam rationem intrinsecam, at tantum denominationem extrinsecam: Maximè quia in actu voluntario liberò ipsius Dei liberum nihil intrinsecè superaddit actui voluntario.

CONCLUSIO.

RESPONDEO dicendum, quòd voluntas est potentia simul naturalis & libera: vnde voluntarium aliud est necessarium consequens voluntatem vt naturam, aliud est liberum consequens voluntatem vt liberam. 2. in voluntario libero ipsum liberum superaddit voluntario aliquam rationem intrinsecam, & non tantum denominationem extrinsecam. 3. quæ ratio non est quidem differentia essentialis specifica, imò nec differentia indiuidualis: sed est modus accidentaliter intrinsecus superadditus entitati actus voluntarij, realiter ab illo distinctus distinctione reali minori, quæ dicitur modalis. 4. hic modus intrinsecus superadditus est modus dependentiæ actus liberi à principio libero. 5. & idem dicendum proportionem seruata circa actum voluntarium necessarium. Ita communiter docent Discipuli D. Thomæ in præsentia.

Probatur & explicatur prima pars conclusionis ex his quæ docet D. Thomas q. 22. de Veritate art. 5. vbi sic ait: In rebus ordinatis oportet primum modum includi in secundo; & in secundo inueniri, non solum id quod sibi competit secundum rationem propriam, sed quod competit secundum rationem primi: sicut homini conuenit non solum ratione vti, quod ei competit secundum propriam differentiam, quæ est rationale; sed vti sensu vel alimento, quod ei competit secundum genus suum, quod est animal, vel viuum: natura autem & voluntas hoc modo ordinata sunt, vt ipsa voluntas quædam natura sit; quia omne quod in rebus inuenitur, natura quædam dicitur: & ideo in voluntate oportet inueniri non solum id quod voluntatis est (scilicet ratio potentia liberæ) sed etiam quod naturæ est (scilicet ratio potentia naturalis). Et ex hoc infert quòd voluntas sit ab intrinseco determinata ad bonum vt sic: vnde statim subdit: Hoc autem est cuiuslibet naturæ creatæ, vt à Deo sit ordinata in bonum, naturaliter appetens illud; inde & voluntati ipsi inest naturalis quidam appetitus sibi conuenientis boni. Ex hac autem determinatione, quam habet voluntas per modum naturæ ab ipso Deo conditore, in ordine ad bonum vt sic, siue ad summum bonum & beatitudinem perfectè satiativam appetitus,

ad quam tendit impetu naturæ; habet quòd simili modo & impetu tendit ad ea, sine quibus tale bonum haberi non potest, vt ad esse, viuere, & similia; ad alia autem tendit sub indifferentia & liberè, mota tamè ex prædicta sui determinatione ad bonum vt sic; eo proportionali modo, quo intellectus ex naturali cognitione principiorum tendit ad conclusiones ex illis deductas, vel necessariò, si debitè deducantur ex illis principiis, vel liberè, si indebitè deducantur: ergo voluntarium aliud est necessarium, consequens voluntatem vt naturam; aliud est liberum, consequens voluntatem vt liberam.

Probatur secunda pars conclusionis: Omne illud, quod intrinsecè reperitur in aliqua potentia actiua formaliter vt sic considerata, in quantum scilicet habet rationem actus primi essentialiter ordinati ad suum actum secundum; reperitur etiam intrinsecè in ipso actu secundo quasi in exercitio talis potentia: licet enim plura, quæ per accidens & materialiter reperiuntur in ipsa potentia, non debeant reperiri in eius actu, vt potentialitas fundata in limitatione ac distinctione ipsius potentia à suo actu, quia in his potentia & actus eius opponuntur; illa tamen omnia, quæ reperiuntur per se & formaliter in potentia actiua vt sic per modum actus primi, debent necessariò reperiri in actu secundo quasi in exercitio ipsius potentia, saluo tamen modo proprio vtriusque, qui consistit in hoc quòd illud quod est habitualiter & permanenter in potentia, sit actualiter & transeunt in actu, si actus citò transeat, id exigente propria vtriusque natura, cuius ratio est, quia potentia actiua est principium formale operationis, quod proinde debet relucere in ipsa secundum illud omne quod habet vt est principium formale actiuum ipsius; si enim communiter conceditur, quòd virtus & perfectio causæ relucet in effectu, siue sit causa principalis, siue sit causa instrumentalis, ex eo quòd causa vt talis se communicat suo effectui vt tali; vnde est quòd in omni effectu pendente à pluribus causis, siue subordinatis & totalibus, siue partialibus, siue principalibus siue instrumentalibus, oportet reperiri diuersas rationes correspondentes prædictis diuersis causis vt concurrentibus per modum causæ ad talem effectum, alioquin frustra adhiberentur illæ causæ ad productionem talis effectus; multò magis debet concedi, quòd quicquid reperitur in potentia actiua per modum actus primi, debet reperiri in eius operatione per modum actus secundi, quia potentia actiua immediatius & per prius ordinatur ad suam operationem, quam ad suum effectum, & intimius coniungitur operationi quam effectui, imò potentia & operatio quodammodo sunt vnum principium formale, nec ponunt in numero, quia operatio nihil aliud est quam exercitium potentia: Sed in voluntate ratio liberæ est aliqua ratio

tio intrinseca superaddita entitati ipsius voluntatis, & consequenter liberum per modum actus primi superaddit voluntario item per modum actus primi aliquam rationem intrinsecam, & non tantum denominationem extrinsecam, ut communiter conceditur, & constat; tum quia ratio potentiae liberae in voluntate importat in ipsa facultatem ad sequendum iudicium indifferens intellectus, ac proinde indifferentiam ad agendum & non agendum, quae non reperiuntur in aliis potentiis praecise sumptis, unde important in voluntate aliquam perfectionem intrinsecam ipsi propriam: tum quia non est assignabile aliud subiectum, in quo sit intrinsecè forma, quae denominat voluntatem habitualiter liberam (haec tamen ratio liberi habitualis superaddita voluntati non est realiter ab illa distincta, sed tantum virtualiter, & dicit ipsam voluntatis potentiam ut indifferentem in actu primò ad extrema contradictionis, quod non est quid distinctum ab eius natura & actiuitate, at ipsi maximè intrinsecum: quia perfectiones diuisae & realiter multiplicatae in actibus inadæquatis, præhabentur unitæ & realiter identificatae in eorum principio formali): & aliunde voluntas non solum concurret ad suum actum liberum, praecise considerata secundum suam substantiam, sed etiam concurret ut libera formaliter, ut ex se constat: ergo in voluntario libero ipsum liberum superaddit voluntario aliquam rationem intrinsecam, & non tantum denominationem extrinsecam. Deinde probatur alia ratione: Actus liber voluntatis dicit intrinsecum ordinem ad ipsam voluntatem, tanquam ad suum principium formale; in quantum voluntarius quidem, dicit ordinem ad voluntatem consideratam ut talis potentia videlicet voluntas; in quantum verò liber dicit ordinem ad voluntatem ut est potentia libera; voluntas quippe concurret secundum utramque rationem ad suum actum liberum, ad ipsum ut voluntarium concurret ut voluntas, ad ipsum verò ut liberum concurret ut libera: ergo sicut ordo voluntarij, quem dicit actus voluntarius liber ad voluntatem ut est potentia volitiva, est aliqua ratio intrinseca ipsi actui, & non sola denominatio extrinseca; sic ordo liberi, quem dicit idem actus voluntarius liber ad voluntatem ut est potentia libera, est aliqua ratio intrinseca ipsi actui, & non sola denominatio extrinseca, ut constat ex paritate rationis. Quod confirmatur ex vitalitate, quae in actu vitali est aliqua ratio intrinseca, & non sola denominatio extrinseca, propter rationes adductas; cum hac tamen differentia, quòd ad hoc ut aliquid denominetur propriè & simpliciter, ac intrinsecè vitale, non sufficit quòd procedat à principio vitali, sed debet remanere intimè coniunctum tali principio vitali siue per modum actus, siue per modum termini aut effectus ipsius actus; & inde est quòd effectus procedentes à causis viuen-

tibus & transeuntes extra, non dicuntur vitales, sicut dicuntur vitales operationes immanentes & earum termini intrinseci: ad hoc autem ut aliquid denominetur propriè & simpliciter ac intrinsecè voluntarium liberum aut necessarium, sufficit quòd procedat à voluntate agente, vel liberè, vel necessario, siue sit actus eius elicitus, siue sit actus imperatus: quamuis actus elicitus sit per se primò & immediatè liber; actus verò imperatus sit tantum participatiuè, secundariò, & mediatè liber, intrinsecè tamen propter subordinationem & dependentiam eius à voluntate, ut à causa liberè influente.

Probatur & explicatur tertia pars conclusionis. Actus voluntatis habet rationem genericam voluntarij perfecti à voluntate à qua procedit: habet autem rationem specificam seu differentiam essentialem ab obiecto suo formali, à quo specificatur: sed rationem liberi aut necessarij, suae entitati superadditam, habet ex modo tendendi in tale obiectum, qui modus tendendi prouenit voluntati ab extrinseco iudicio intellectus, vel indifferente, vel determinato ad vnum; & propterea non concurret ad essentialem specificationem ipsius actus, sed ad accidentalem eius differentiam: quòd manifestè colligitur ex dictis supra, ubi saepe dictum est, eundem actum v. g. amoris Dei esse successiuè liberum & necessarium, si quis moreretur in actuali amore Dei, hic quippe actus liberè inchoatus in via, perseverat necessariò in patria; imò eundem actum amoris Christi fuisse liberum, ut erat regulatus scientia indita, & fuisse necessarium ut erat regulatus scientia beata: quorum utrumque plusquam efficaciter probat hanc partem conclusionis, ad illam quippe efficaciter probandam sufficit, quòd actus amoris Dei idem secundum speciem cum diuersitate numerica, sit liber hic in via, & necessarius in Patria, ad colligendum quòd ratio liberi, & ratio necessarij sint accidentales differentiae; quòd autem sint modi propriè dicti, & non differentiae indiuiduales constitutivae diuersorum actuum numero, constat ex paulo ante dictis, nam differentiae indiuiduales non mutantur permanente eodem indiuiduo, & tamen ratio liberi & ratio necessarij mutantur permanente eodem numero actu amoris; imò haec duae rationes sunt simul compossibiles in eodem actu amoris, & tamen certum est, quòd duae differentiae indiuiduales non sunt compossibiles in eodem indiuiduo; sicut sunt compossibiles duo modi propriè dicti, etiam oppositi, sed successiuè, vel simul sub diuersa ratione, ut in solutione argumentorum dicitur: ergo ratio intrinseca, quam in voluntario libero ipsum liberum superaddit voluntario non est differentia essentialis, specifica, imò nec differentia indiuidualis, sed est modus accidentalis intrinsecus, superadditus entitati actus voluntarij, realiter ab illo distinctus distinctione reali minori, quae dicitur modalis.

Probatur & explicatur ex dictis quarta pars conclusionis. Per hoc quod actus voluntarius procedit à voluntate ut liberè agente, supposito iudicio indifferente intellectus, alio modo procedit in seipso, & cum diuersa dependentia à voluntate; ac si procederet ab ipsa necessariò agente, supposito iudicio intellectus determinato ad vnum; nam procedendo à voluntate liberè agente, ita ab illa dependet, ut simpliciter possit esse vel non esse; procedendo autem ab ipsa necessariò agente, ita ab illa dependet, ut simpliciter non possit non esse hic & nunc, quantum est ex parte ipsius voluntatis: ergo modus intrinsecus, quem in voluntario libero, ipsum liberum superaddit voluntario, est modus dependentiæ actus liberi à principio libero.

Probatur quinta pars conclusionis ex dictis: eadem quippe est ratio de actu voluntatis necessariò, ac de actu libero; quantum ad hoc, quod ratio necessarij sit ratio intrinseca actui voluntario, superaddita ipsi actui; & quod talis ratio non sit differentia indiuidualis specifica, imo nec differentia indiuidualis, sed quod sit modus accidentalis intrinsecus, distinctus realiter ab actu voluntario distinctione minori, quæ dicitur modalis, & qui sit modus dependentiæ ipsius actus necessarij à voluntate necessariò operante. Vnde quamuis specificatio actuum voluntatis desumatur ab obiectis formalibus; ratio tamen liberi vel necessarij proximè sumitur à diuerso modo tendendi ipsius voluntatis ad illa obiecta, iam explicato, quamuis remotè desumatur à diuerso iudicio intellectus, & radicaliter ab ipsis obiectis secundum quod apprehenduntur ab intellectu ut liberè, vel ut necessariò appetenda, & sic proposita voluntati eam excitant ad appetitum liberum aut necessarium sui ipsorum: merito tamen posita fuit ratio liberi & necessarij in dependentia actus voluntarij à voluntate, vel liberè, vel necessariò agente, quia ratio liberi & necessarij in actu voluntario immediatè est ab ipsa voluntate in quantum ab ea procedit actus, & tantum mediatè est ab obiecto mouente potius moraliter voluntatem ad actum, quam terminante ipsum actum.

A d primum ergo dicendum, quod idem actus potest successiue, & etiam simul esse necessarius & liber: Et tamen cum hoc stat, quod liberum & necessarium superaddunt voluntario aliquam rationem intrinsecam. Vnde ad impugnationem dicendum, quod talis ratio non est essentialis specifica, ut probat argumentum; imò nec est differentia indiuidualis constitutiva actus; sed est purus modus intrinsecus tamen actui: nec est impossibile, quod modi oppositi respectu actuum inferioris ordinis, ac ita se ab illis mutuò excludentes, simul conueniant in vno actu eminentissimo ac superioris ordinis, qualis fuit ille actus amoris Christi, & qualis est amor beatorum terminatus ad Deum ut est in se, &

ut est ratio diligendi creaturas, quia quæ sunt dispersa in inferioribus propter eorum limitationem, sunt vnita in superioribus propter eorum maiorem latitudinem: vnde similes actus eminentes sunt virtualiter multiplices. Quod sic declaratur ex dictis: Radix liberi & necessarij petenda est ab obiecto voluntatis, & à diuersa propositione ipsius facta voluntati: vnde si possit idem obiectum simul & semel proponi voluntati, ut liberè, & ut necessariò diligendum; vel ratione diuersæ cognitionis qua attingitur, ut fuit in Christo Domino; vel sub diuersa ratione in ipso considerata, ut contingit in beatis: tunc voluntas eodem actu simul & semel illud diligit, & liberè, & necessariò; & sic actus idem formaliter, & virtualiter multiplex habet duplicem dependentiam à voluntate, scilicet liberi ab ipsa liberè operante, & necessarij ab ipsa necessariò operante: quando autem actus transit de libero in necessarium, vel de necessario in liberum, tunc mutat dependentiam quam habet à voluntate iuxta diuersum modum operandi ipsius voluntatis, ac processionis actus.

A d secundum dicendum, quod diuersa illa habitudo actus voluntarij ad suum formale principium, est aliqua ratio intrinseca in ipso. Vnde ad primam impugnationem dicendum, quod in voluntate facultas agendi vel necessariò, vel liberè dicit rationem intrinsecam & perfectionem positiuam; quamuis in hoc quod est agere liberè, talis perfectio exprimitur per hanc negationem, scilicet non esse determinatum ad vnum. Ad secundam impugnationem dicendum, quod vitale & artificiale important modos intrinsecos ipsis actibus, & non solum denominationem extrinsecam: vitale quidem importat dependentiam emanationis actus à principio vitæ & coniunctionis eius cum ipso; artificiale verò importat dependentiam actus à principio operante secundum regulas artis, quæ dependentia est aliquid intrinsecum, sicut in actibus moralibus est aliquid intrinsecum fieri à principio operante secundum regulas morum, ut infra dicitur.

A d tertium dicendum, quod actus secundus potentiæ liberæ verè est liber in se, imò est exercitium ipsius libertatis. Vnde ad primam impugnationem dicendum, quod actus secundus non ideo dicitur liber, quasi sit indifferens ad esse & non esse, ex propria quippe ratione actus secundi habet quod actu sit determinatus: sed ideo dicitur liber, quia procedit à potentia omnino indifferenti ad agendum vel non agendum immediatè antequam ageret, quamuis dum actu agit, sit determinata ad agendum; sed hæc determinatio est tantum ex suppositione, quæ non opponitur libertati: Hæc impugnatio æquè procedit contra aduersarios, qui dicunt actum secundum, dum est determinatus ad vnum, denominari liberum; & ita tenentur illi respondere

eo proportionali modo quoad suam denominationem extrinsecam, quo nos respondemus quoad modum intrinsecum liberi, quem ponimus in voluntario libero. Ad secundam impugnationem dicendum, quod habitus non procedit à potentia, sicut ab illa procedit actus, sed solum recipitur in potentia, sicut in illa recipitur actus: Vnde non habet habitus illam dependentiam à potentia, ratione cuius dicatur liber, sicut illam habet actus quia procedit à potentia libera; & ita habitus non dicitur propriè & intrinsecè liber eo modo quo actus dicitur liber; sed tantum dicitur aliquo modo liber, in quantum intrinsecè receptus cooperatur potentiae liberæ ad operationem liberam. Ad illud quod subditur, dicendum quod quia actus diuinæ voluntatis non distinguitur ab ipsa voluntate, sed est actus purissimus: ideo ipsemet absque vlla ratione superaddita, est formaliter liber & necessarius secundum diuersam terminationem eius liberam, vel necessariam ad obiecta: quod non est in actibus voluntariis creatis, qui verè procedunt à potentia.

D V B I U M IV.

Utrum possit dari voluntarium indirectum absque vllò actu formali.

Supponendum est, quod voluntarium indirectum nihil est aliud, quam omissio voluntaria alicuius boni obligatorij: vnde sub aliis terminis proponitur etiam hoc dubium, Utrum scilicet possit dari omissio voluntaria sine actu qui sit causa omittendi. Ad cuius euidenciam sciendum est, quod hic voluntariū non sumitur prout denominat obiectum volitum, aut effectum subsequutum, sed vt denominat actum, ac proinde sumitur pro voluntario in exercitio seu in actu secundo, & non pro voluntario in potentia seu in actu primo: & de hoc queritur, vtrum possit dari absque vllò actu formali, vel ipsius voluntatis, vel alterius potentiae cuiuscunque, siue internæ, siue externæ; qui actus sit causa seu occasio omittendi. Hic actus formalis potest multipliciter coniungi cum omissione. Primò per se, vel tanquam pars ipsius omissionis, vel tanquam tendens ad illam vt ad obiectum volitum, vt si quis expresse veller omittere aliquid ad quod tenetur, puta audire Sacrum, vel recitare Officium. Secundò potest coniungi per accedens, quando aliquis actus exercetur tempore, quo instat obligatio ab aliud faciendum, & exercitium talis actus est occasio omittendi illud obligatorium, puta si quis luderet, vel dormiret, quando audiendum est Sacrum, vel recitandum Officium; quod potest contingere vel cum aduertentia obligationis prædictæ, vel cum inaduertentia vincibili & culpabili. Tertiò potest per accedens coniungi vel formaliter, vel virtualiter:

Coniungitur actus formaliter cum omissione, quando ipsam concomitatur; coniungitur autem virtualiter, quando ipsam antecedit, & tamen est causa vel occasio ipsius moraliter loquendo; puta cum aliquis vult inebriari, vel nimium vigilare, ex quo moraliter sequitur quod mane dormiet tempore quo tenetur audire Sacrum. Certum est autem, quod actus formalis, de quo loquimur, non est actus intellectus antecedens voluntarium indirectum, quia est omnino necessarium, quod actus intellectus præcedat actum voluntatis, cum nihil sit volitum quin præcognitum: vnde dubium procedit de quolibet alio actu præter istum, etiam si ille actus sit intellectus. Actus autem alicuius potentiae vel est formalis & explicitus, vel est interpretatiuus & implicitus: Tunc actus est formalis & explicitus, quando potentia tendit in aliquid in seipso & expresse: Tunc autem est interpretatiuus & implicitus, quando fit aliquid, ex quo interpretari licet, quod potentia tendit actu in aliud: Sola differentia est inter authores, quod illi qui dicunt posse dari puram omissionem voluntariam absque vllò actu, dicunt actum interpretatiuum non supponere actum formalem in quo fundetur, & in hoc distinguunt actum interpretatiuum ab actu virtuali, quod actus virtualis supponit actum formalem in quo fundetur: sed illi qui negant posse dari puram omissionem voluntariam absque vllò actu, dicunt actum interpretatiuum fundari semper in aliquo actu formali physico, siue antecedente, siue concomitante; posito enim actu formali circa aliquod obiectum exercendum, est fundamentum interpretandi, quod ille qui habet talem actum formalem, vult non exercere aliud obiectum impossibile cum illo primo, vnde illud velle non exercere est actus voluntarius interpretatiuus; qui tamen differt ab actu virtuali, quod actus virtualis est de eodem obiecto de quo est actus formalis, vel saltem de obiecto alio compossibili; actus verò interpretatiuus est de obiecto indirectè volito, & de obiecto impossibile cum alio directè volito.

Prima opinio Durandi in 2.d.35.q.2. Ioannis Bachon. d.45. & aliorum Antiquorum, quos sequuntur Curiel infra q.71.art.5.dub.1. Cornejo in præsentī disp. 1.dub.7. asserit posse dari voluntarium indirectum siue omissionem voluntariam, absque vllò actu formali, ad quod dicunt sufficere actum interpretatiuum excludentem omnem actum physicum. Probatur triplici authoritate D. Thom. Prima habetur hic art.3. vbi sic ait: *Quia igitur voluntas volendo & agendo potest impedire hoc, quod est non velle & non agere, & aliquando debet; hoc quod est non velle & non agere imputatur ei quasi ab ipsa existens: & sic voluntariū potest esse absque actu; quandoque quidem absque actu exteriori cum actu interiori, sicut cum vult non agere; aliquando autem & absque actu*

actu interiori, sicut cum non vult. Secunda habetur infra q. 71. art. 5. vbi sic ait: Quandoque omissionis peccatum est cum actu interiori, ut cum aliquis vult non ire ad Ecclesiam: quandoque verò absque omni actu, vel interiori, vel exteriori, sicut cum aliquis, hora qua tenetur ire ad Ecclesiam, nihil cogitat de eundo, vel non eundo ad Ecclesiam. Et tandem concludit: Verius dici potest, quòd aliquod peccatum possit esse absque omni actu. Tertia & clarior habetur in 1. d. 35. q. 1. art. 3. vbi sic ait: Quidam dicunt, quòd in peccato omissionis semper oportet aliquem actum esse, per quem aliquis retardatur ab expletionem mandati vel præcepti: siue interioris voluntatis, ut cum aliquis vult præcepto non obedire: siue exterioris, ut cum aliquis facit aliquem actum, per quem ab expletionem præcepti impeditur; & ponitur exemplum de illo, qui nimis vigilat, & non potest surgere hora debita: sed ista opinio non videtur necessitatem habere: cum enim voluntas libera sit, neque ad aliquid faciendum vel non faciendum determinetur, potest hoc modo prætermittere aliquid, quod eius contrarium non velit, nec de eius contrario cogitet, nec etiam de aliquo alio quod sit per se impedimentum eius quod facere tenetur. Hæc D. Thomas quod nihil clarius. Maximè quia circa omissionem admittit actum voluntatis interpretatum; qui etiam admittitur in contractibus civilibus, iuxta hanc iuris regulam; Qui tacet, consentire videtur.

Secundò probatur, De ratione potentie libere est, quòd saltem habeat indifferentiam contradictionis, hæc enim reperitur in omni vera libertate, nam indifferentia contrarietatis, quæ respicit actus oppositos, ut bonum & malum, est tantum extensio libertatis creatæ defectibilis: sed indifferentia contradictionis ut distincta ab indifferentia contrarietatis, dicit quòd potentia libera ita habeat sub suo dominio agere & non agere, ut possit pro libito agere & non agere, siue exercere aliquem actum & suspendere omnem actum; vnde stante aliquo præcepto talis suspensio actus erit ommissio voluntaria: ergo potest dari voluntarium indirectum absque villo actu formali: maximè si daretur casus, quòd Deus præciperet alicui exercitium alicuius actus indeterminatè & vagè: cum enim debeat concedi ex vna parte, quod ille utpote liber possit omittere executionem talis præcepti; & ex alia parte talis ommissio non possit esse cum aliquo actu, cum exercito quocunque actu impleretur illud præceptum; necessariò sequitur quòd tunc esset ommissio absque villo actu.

Tertiò, Stante præcepto v. g. dilectionis Dei, & aduertentia talis præcepti, positisque necessariis ad hoc ut voluntas possit adimplere tale præceptum; tunc reuera voluntas tenetur illud adimplere, & si non adimpleat, est ommissio voluntaria & peccaminosa, quia qui potest & debet

aliquid facere, si illud non facit, hæc ommissio censetur voluntaria & culpabilis: sed dato illo casu potest fieri, quòd hæc ommissio sit omninò absque villo actu si Deus subtrahat omninò suum concursum efficacem, & tantum concedat sufficientem, efficax quippe Dei concursus non datur ad posse facere, sed ad actu facere, & supponit posse in actu primo, ut est communis doctrina Thomistarum: ergo potest dari voluntarium indirectum absque villo actu formali.

CONCLUSIO.

RESPONDEO dicendum, quòd quamvis possit dari voluntarium indirectum absque villo actu formali, qui vel sit de essentia ipsius, vel qui per se coniungatur cum ipso. 1. est tamen absolute & simpliciter impossibile dari voluntarium absque villo actu formali, vel antecedente, vel concomitante saltem per accidens, qui sit causa vel occasio omittendi. Ita communiter docent discipuli Divi Thomæ, Caietan. & Bannes 1. p. q. 63. art. 5. Aluares, Martines, Nostri Salmanticensis & alij in præsentia.

Probatur prima pars conclusionis auctoritatibus D. Thomæ pro prima opinione adductis, quæ talem hanc partem conclusionis efficaciter probant. Deinde, probatur etiam ratione primo loco adducta pro eadem prima opinione, quæ convincit pro hac parte conclusionis. Denique probatur ex modo dicendis in secunda parte conclusionis.

Probatur secunda pars conclusionis expressissima auctoritate D. Thomæ infra q. 71. art. 5. vbi referens, duas extremas opiniones, mediâ procedit viâ; vnde sic ait: Vtraque autem opinio secundum aliquid veritatem habet: si enim intelligatur in peccato omissionis illud solum, quod per se pertinet ad rationem peccati, sic quandoque omissionis peccatum est cum actu interiori; ut cum aliquis vult non ire ad Ecclesiam: quandoque verò absque omni actu vel interiori, vel exteriori; sicut cum aliquis, hora qua tenetur ire ad Ecclesiam, nihil cogitat de eundo, vel non eundo. Si verò in peccato omissionis intelligatur causa vel occasio omittendi, sic necesse est in peccato omissionis aliquem actum esse; non enim est peccatum omissionis, nisi cum aliquis prætermittit quod potest facere & non facere: quod autem aliquis declinet ad non faciendum illud, quod potest facere & non facere, non est nisi ex aliqua causa vel occasione coniuncta vel præcedente: & si quidem causa illa non sit in potestate hominis, ommissio non habet rationem peccati, sicut cum aliquis propter infirmitatem prætermittit ad Ecclesiam ire; si verò causa vel occasio omittendi subiaceat voluntati, ommissio habet rationem peccati; & tunc semper oportet quod ista causa. in quantum est voluntaria, habeat aliquem actum, ad minus interioris voluntatis. Idem ferè dicit q. 2. de Malo art. 1. ait enim: Sic ergo per se loquendo potest

potest esse aliquod peccatū, ad quod non requiritur aliquis actus de essētia peccati; & in hoc veritatem habet secunda opinio. Si autem consideretur id quod requiritur ad peccatū vt causa peccati; sic oportet quod ad quodlibet peccatum, etiā omissionis, aliquis actus requiratur. Itē ait: Ad hoc ergo quod omissio sit peccatum, requiritur quod causetur ex aliquo actu voluntario. Et tandē concludit: Sic ergo quantū ad hoc prima opinio vera est, quod ad omissionem requiritur actus voluntarius vt causa. Hęc omnia D. Thomas, quæ ita clara sunt vt non liceat dubitare de mente ipsius: vnde responsiones Aduersariorum ad hęc testimonia, quod scilicet D. Thomas loquitur vel de actu interpretatiuo, vel loquitur de eo quod frequenter & regulariter contingit, & non absolute ex natura rei; sunt manifestē contra ipsum textum; nam Diuus Thomas ibi agit de peccato omissionis non leuiter & morali modo, sed exactissimē inquirendo de omnibus iis quæ ad ipsum concurrunt, tam per se, quam per accidens, tam vt causa intrinseca, quam vt causa extrinseca: & referens duas opiniones oppositas; primam quidem, quæ semper ad peccatum omissionis requirebat actum per se tendentem ad illud, vel pertinentem ad illius essentiam; secundam verō quæ negabat ad peccatum omissionis concurrere actū vt causam: eligit ipse mediam viam; & recedit à prima negādo quod ad peccatum omissionis debeat cōcurrere actus qui sit de essentia ipsius, vel qui per se tēdat ad ipsum: recedit verō à secunda, asserendo quod ad peccatum omissionis debeat necessariō & indispensabiliter concurrere actus, qui sit causa vel occasio ipsius: intelligit verō de actu formali, & non de interpretatiuo prout intelligunt Aduersarij; quia ibi loquitur de actu voluntario eo modo quo loquebantur de illo prædictæ duæ opiniones; constat autem quod illæ opiniones loquebantur de actu voluntario formali, & non de interpretatiuo in sensu Aduersariorum.

Secundō probatur ratione: Vt aliquis actus sit in exercitio voluntarius, debet voluntas in exercitio se habere circa illū, quasi actus primus actiuus ad suum actū secūdū egredientē, aut quasi egredientem ab ipsa, vt cōstat ex ipsis terminis; nihil enim dicitur volūtarium per modū actus, nisi sit egrediens, aut cōcipiatur quasi egrediens à voluntate: sed voluntariū indirectum, qualis est ommissio voluntaria non est de facto egrediens, nec potest cōcipi vt egrediens in exercitio à voluntate, absque vllō actu: nam ex vna parte est impossibile quod voluntas feratur in aliquid, nisi sub ratione boni, cum bonum sit obiectum adæquatum volūtatis, & potentia non possit ferri extra suum obiectum ex alia verō parte illud quod omittitur, apprehenditur vt malum, vnde appetitus per omissionē ab illo refugit; & ommissio ipsa non apprehenditur vt in se bona & appetibilis, sed tantū vt bona & appetibilis in ordine ad aliquod bonū propositum, cui opponitur illud quod omittitur, & quod mouet voluntatē & allicit ad se media tali omissione

qua remouetur illud oppositum: constat autem quod voluntas nunquam habet recedere ab aliquo vt malo, nisi virtute alicuius actus quo accedit ad bonum, cui opponitur illud malum, vt manifestum est in materia passionum circa amorem & odium; & hoc propter rationē adductam quia obiectum adæquatum appetitus est bonum, vnde semper terminatur ad bonū: ergo est absolutē & simpliciter impossibile, dari voluntariū indirectum, seu omissionem voluntariam, absque vllō actu formali, vel antecedente, vel concomitante saltē per accidens, qui sit causa, vel occasio omitendi. Igitur vt voluntas cēseatur esse in exercitio circa aliquid, requiritur quod primō moraliter moueatur ab aliquo bono per se appetibili circa quod versetur in exercitio, posita quippe hac motione morali obiecti boni erga voluntatem, non potest volūtas non versari circa illud aliquo actu formali & positiuo, secundū conditionem iudicij intellectus libero vel necessario: deinde ratione illius boni per se appetibilis per modum finis, appetit alia quasi media ad illū finem, vel prosequendo si sint bona, vel fugiendo si sint mala, & proponantur ipsi vt talia, quomodo proponuntur ea quæ vult omittere, ommissio quippe est quædam fuga, & non potest appetitus fugere bonū vt tale cum sit obiectum eius ad quod est determinatus quoad specificationē; & si refugit aliquid est sub ratione mali, vel sub priuatione maioris boni quæ est quoddam malum: vnde communiter conceditur, quod passiones quæ versantur directē circa malum, radicanter in iis quæ directē versantur circa bonū, sicut odium in amore. Et hoc est ita connaturale appetitui, quod versetur circa malū per actum fugæ, propter bonum quod prosequitur amando; (propter rationē adductam, quia solū bonum est obiectum formale adæquatum ipsius; quod obiectum debet saluari in omni actu potētia) quod proposito aliquo malo, vel sub ratione mali, statim reflectatur supra bonum, cui opponitur illud vt destructiuū ipsius, vel in particulari, vel saltē in communi supra bonum proprium; & ex actu prosecutionis illius boni siue antecedente & præuio, siue concomitātē & simultaneo, eliciat actum fugæ circa illud malum propositū; hęc autem cōnaturalis modus agendi appetitus provenit ex inclinatione naturali, quam quælibet res habet ad sui conseruationem ac perpetuitatē, ex hac enim inclinatione quælibet res habet, quod per se primō & naturaliter tēdat in bonum quod est cōueniens & conseruatiuum naturæ, & quod fugiat à malo disconuenienti & destructiuo naturæ: Cum ergo obiectum quod omittitur, apprehendatur hīc & nunc vt malum, propterea enim omittitur; & ommissio sit per modum fugæ; necessariō sequitur quod voluntas non potest vllō modo versari in exercitio circa obiectum omittendum, nisi versetur etiam vel prius, vel simul circa aliud obiectum apprehensum vt bonū & intuitu cuius istud omittatur; & etiam necessariō sequitur quod ommissio considerata in actu

S

exercitio

exercito, ut censeatur voluntaria ac virtualiter voluta, debeat fundari supra actum positivum & formalem eiusdem voluntatis terminatum ad aliquod bonum apprehensum; cum sit impossibile quod appetibile per accidens, qualis est ommissio, non fundetur in appetibili per se, & non reducat ad illud. Ex quibus colligitur, quod ut voluntarium indirectum, ut est ommissio, possit dici proprie voluntaria in aliquo sensu, debet esse ab intrinseco cum cognitione, cum hæc sit definitio voluntarij in genere, ac proinde debet esse ut egrediens à principio activo vitali quasi exercitiū ipsius. Sequitur etiam quod omne voluntarium indirectum fundetur supra voluntario directo, & consequenter quod omnis ommissio voluntaria in actu exercito fundetur in aliquo actu formali, qui sit causa vel occasio ommissionis, & qui interpretatiue dicatur actus ommissionis; cum non sit aliàs fundamentum interpretandi aliquam ommissionem esse voluntariam in exercitio, nisi intelligatur aliquo modo ut egrediens à voluntate, vel directe, vel indirecte: directe quidem, quando voluntas expresse vult ipsam ommissionem; indirecte verò, quando vult aliquid ad quod sequitur ommissio alterius obligatorij, in utroque tamen casu semper interuenit aliquis actus formalis, & hoc necessario ut dictum est. Sequitur tandem, quod licet actus formalis non dicatur per se coniungi cum ommissione, in hoc triplici sensu, vel quia non pertinet ad essentiam ommissionis, vel quia non tendit directe in ipsam, vel quia non requiritur actus determinatus: in alio tamen sensu actus formalis per se requiritur ad ommissionem, quia necessario coniungitur cum illa modo explicato. Ex his facile impugnantur responsiones Aduersariorum adhibitz nostræ rationi, & facile etiam solvuntur eorum argumenta in contrarium adducta.

Ad primum ergo dicendum, quod D. Thomas in primo loco non excludit ab ommissione voluntaria omnē actum; sed tantum excludit actum quasi pertineat ad rationem ipsius peccati ommissionis, vel quasi tendat per se in ommissionem, ut constat ex ipso textu; nunquam enim actus formalis est de essentia ommissionis, & sæpe actus formalis non tendit per se ad ommissionē. In secundo autem loco est manifestè pro nobis, ut constat ex dictis in probatione conclusionis: in sequentibus enim verbis expresse dicit, quod ad ommissionem voluntariam necessario requiritur aliquis actus formalis, qui sit causa vel occasio omittendi; quamvis in præcedentibus verbis negauerit in ommissione actum formalem, qui sit de essentia ommissionis, vel qui per se in illam tendat. In tertio denique loco loquitur D. Thomas, ut interpretantur aliqui eius discipuli de ommissione voluntaria quoad speciem obiectiue consideratam, sic enim nullum supponit actum formalem, at importat carētiā actus debiti: non autem loquitur de ommissione voluntaria ut in exercitio, sicut loquimur de ea in præfenti, quæ ut sic necessario supponit actum. Vel ut interpretantur alij, excludit ab ommissione voluntaria etiam

in exercitio, actum formalem antecedentem per modum causæ, quasi pertinentem ad ommissionem per modum complementi & formæ denominantis: Et hæc solutiones habet fundamentum in ipso textu. Non desunt alij ex discipulis D. Thomæ, qui dicunt Angelicum Doctorem emendasse sententiam in locis pro nobis citatis. Ad illud quod subditur de actu interpretatiuo, iam dictum est quo sensu illum admittat D. Thomas: admittit enim illum fundatum in actu formali; per hoc enim quod aliquis omittit facere quæ debet, per hoc quod aliud tunc faciat, interpretatiue vult illa ommittere, unde illa formalis operatio est actus interpretatiuus ommissionis. Quatum ad illam regulam iuris dicendum, quod aliquando silentium præsumitur pro actu, quando res cedit in utilitatē tacentis; & tunc contractus in foro externo est validus, quia ad bonum & pacem Reipublicæ in multis ipsum ius supplet cōsensum personarum: Si tamen consensus internus contrahentium sit omnino necessarius, ut contingit in matrimonio, tunc cōtractus non est in se & coram Deo in foro conscientiz validus, nisi præcesserit aliquis actus formalis voluntatis consentientis, qui tamen præsumitur in silentio, quādo ad sunt aliqua signa externa; & hoc ideo quia voluntas non potest in exercitio consentire, nisi sit aliquis actus eius formalis.

Ad secundum dicendum, quod de ratione quidem libertatis est indifferentia contradictionis: sed tamen indifferentia ipsa contradictionis ita importat agere & non agere, exercere & suspendere actum, quod tantum sit suspensio actus huius & illius actus disiunctiue, & sic de singulis in particulari, non autem omnium collectiue, propter rationem adductam; & ita indifferentia contradictionis non potest exerceri sine aliquo actu; quāvis hic actus non per se exigatur ab hac indifferentia ratione sui, sed tantum ratione voluntatis, quæ non potest esse in exercitio absque aliquo actu: Et in hoc differt indifferentia contradictionis ab indifferentia contrarietatis, quod indifferentia contrarietatis secundum se versatur circa duos actus positivos, indifferentia verò contradictionis versatur circa vnum actum positivum & negationem seu priuationē ipsius. Ad illud quod subditur, dicendum quod non potest præcipi à Deo actus malus, & consequenter potest impleri præceptum Dei de exercitio alicuius actus indeterminate & vagè, per quemcunque actum bonum in particulari, & poterit violari præceptum illud per ommissionem actus boni, sed hæc ommissio haberet adiunctam commissionem actus mali. Quod si posset dari illud præceptum Dei generale de quocunque actu tunc non posset violari per ommissionem, cum hæc esset omnino impossibilis.

Ad tertium dicendum, quod dato illo casu, quod staret præceptum dilectionis Dei, & aduertentia talis præcepti, cum omnibus necessariis ad hoc ut voluntas possit adimplere tale præceptum: si Deus subtraheret omnino suum concursum efficacem à voluntate, ita ut nullum penitus

tus

tus haberet actum formale; tunc omissio illa non esset voluntaria in exercitio, ac proinde non esset peccaminosa, quia ad peccatum omissionis requiritur posse, teneri, & non facere per modum exercitij actualis voluntatis; in hoc casu autem esset primum & secundum, quia concedimus concursus Dei ordinarius non dare posse, quamvis concursus supernaturalis det posse; deesset tamen tertium, quia non facere in exercitio non potest esse absque ullo actu; & ita in illo casu non facere esset simplex negatio, & non priuatio actus debiti.

D V B I U M V.

Utrum ad voluntarium indirectum, seu ad omissionem voluntarium requiratur debitum non omittendi.

Supponendum est, quod in voluntario indirecto possunt duo considerari, scilicet ommissio ipsa actualis indirecte voluntaria, & effectus subsequens ad tale omissionem; non enim sola ommissio dicitur voluntaria indirecte modo explicato, sed etiam dicitur sic voluntarium id quod ad omissionem per se sequitur: v.g. in omissione gubernandi nauem est ipsa non gubernatio actualis, & ad illam consequitur submersio navis, & naufragium nauigantium. Ipsa autem actualis ommissio potest dupliciter considerari, vel secundum se precise ut est negatio seu non positio alicuius actus, vel secundum quod est peccatum & est priuatio actus. Vtroque autem modo considerata potest dupliciter contingere, vel per simplicem non positionem actus, vel per interruptionem actus exercitii. In presenti dubio querimus vniuersaliter, Utrum ad voluntarium indirectum, prout scilicet complectitur tam omissionem voluntariam, quam effectum ad illam secutum, requiratur debitum non omittendi. Ad cuius evidentiam sciendum est, quod omne debitum seu omnis obligatio provenit ex aliquo precepto, vel naturali, vel positivo, siue sit obligatio orta ex iustitia, siue ex charitate, siue ex quocunque alio titulo: Obligatio autem orta ex aliquo precepto vel est ad agendum, qualis est obligatio ad diligendum Deum ex precepto charitatis; vel est ad non agendum seu ad omittendum agere, qualis est obligatio ad non occidendum; prior obligatio fundatur semper in precepto affirmativo, posterior autem fundatur in precepto negativo. Quia tamen in presenti principaliter agitur de voluntario indirecto, prout complectitur omissionem voluntariam, quam ut complectitur effectum ad omissionem subsequens, inde est quod in titulo dubij expressam facimus mentionem ipsius omissionis, & voluntarium indirectum ad illam determinamus.

Prima opinio Durandi in 3.d.33.q.2. Suarez hic tract.2.d.1.sect.5. Vasquez d.24.cap.3. Aluaris d.34. Montefini d.9.q.4. & aliorum negat ad voluntarium indirectum requiri debitum non omittendi, vniuersaliter loquendo: asserit ergo quod ad omis-

sionem, ut dicit puram negationem actus, ac proinde negative & secundum se precise consideratam, non requiritur debitum non omittendi, ad hoc ut in exercitio censetur voluntaria: sed tantum asserit tunc requiri debitum non omittendi, si consideretur ommissio priuative & secundum quod est peccaminosa & culpabilis. Probatur prima pars huius opinionis, in qua sola est difficultas, autoritate D. Thomae in 2.d.35. art.3 ad 5. item q.2. de Malo art.1 ad 2. item infra q.71 art.5 ad 2. & alibi, ubi loquens de per se requisitis ad omissionem voluntariam, nullam facit mentionem de debito non omittendi, sed tantum facit mentionem de facultate faciendi actum omissum: ergo ex mente D. Thomae ad omissionem voluntariam non requiritur debitum non omittendi. Quod confirmatur etiam autoritate Aristotelis lib.3. Ethic. cap.5. ubi dicit omissiones eorum actuum esse voluntarias, quae sunt in nostra potestate; etiam si illi actus non cadant sub precepto.

Secundo, Qui non audit Missam in die feriali, quando scilicet non adest debitum eam audiendi; posita ex parte intellectus cognitione & aduertentia, & posita ex parte voluntatis facultate audiendi & non audiendi; non minus voluntarie ac libere non audit, ac voluntarie & libere eam audit, qui positus praedictis ex parte intellectus & voluntatis illam audit, ut patet, cum aequale sit indifferens & expeditus ad utrumque: ergo ad voluntariam & liberam omissionem audiendi Missam non requiritur debitum non omittendi, sicut ad voluntariam & liberam auditionem Missae non requiritur debitum audiendi, ut patet in audiente in die feriali: Maxime quia haec ommissio audiendi Missam est eadem intrinsece, siue ad sit preceptum audiendi, siue non ad sit, cum preceptum sit omnino extrinsecum, & voluntarium ut sic dicatur per ordinem ad principium intrinsecum, quod in utroque casu est idem scilicet eadem facultas potentiae vitalis cum cognitione.

Tertio, Tunc ommissio est voluntaria indirecte, quando causa vel occasio illius est directe voluntaria; tunc enim ommissio habet rationem effectus indirecti, quando autem causa est voluntaria, etiam effectus est voluntarius: sed secluso debito non omittendi, potest dari causa vel occasio voluntaria omissionis, ut constat in eo qui voluntarie ludit in die feriali, ratione cuius ludi aduertens non audit Missam: ergo potest dari ommissio voluntaria absque debito non omittendi: Maxime quia potest dari similis ommissio quae sit meritoria, ut patet in eo qui in mediis tormentis generose perseverat in confessione fidei, & omittit actum idololatriae, non autem potest esse meritum sine voluntario.

CONCLUSIO.

RESPONDEO dicendum, quod si ommissio sumatur precise ut est simplex non positio actus, ad hoc ut sit voluntaria in exercitio & quasi in actu secundo, requiritur necessario debitum non omittendi. 2. si autem sumatur ut coniuncta

moraliter actui quem interruptit, sufficit talis coniunctio, absque debito non omittendi, ad hoc ut sit voluntaria. 3. ut autem sit omissio peccaminosa, semper requiritur debitum non omittendi actum omissum. 4. & idem proportionem seruata dicendum de effectu consequente omissionem, quod ut sit voluntarius indirecte, necessarium est quod qui omittit, teneatur non omittere. 5. ex parte verò voluntatis non requiritur ad omissionem voluntariam, quod voluntas possit eam impedire; hoc enim tantum requiritur ad omissionem liberè voluntariam. Ita Caietanus, Conradus, Medina, Cornejo, Nostri Salmanticenses, & plures alij in præsentia.

Prolatur & explicatur prima pars conclusionis, in qua præcipua est difficultas. Omissio voluntaria in exercitio & quasi in actu secundo, necessariò petit concipi ut egrediens in exercitio ab ipsa potentia actiua; per hoc enim distinguitur ab omissione voluntaria in actu primo & in potentia, quæ est tantum voluntaria in actu signato: & insuper debet concipi per modum exercitij actualis quamuis indirecti, ipsius potentie; non autem per modum obiecti voliti, cum eadem sit ratio formæ, ac negationis seu priuationis ipsius; omissio autem est negatio seu priuatio actualis exercitij potentie, directi & positiui, vnde ipsa omissio debet esse & concipi ut exercitium actuale potentie, sed negatiuum & consequenter indirectum. His positis probatur hæc pars conclusionis autoritate D. Thomæ hic art. 3. vbi sic ait: Sed sciendum est, quod non semper id quod sequitur ad defectum actionis, reducitur sicut in causam in agens, ex eo quod non agit: sed solum tunc cum potest & debet agere. Si enim gubernator non posset nauem dirigere, vel non esset ei commissa gubernatio nauis, non imputaretur ei nauis submersio, quæ per absentiam gubernatoris contingeret: quia igitur voluntas volendo & agendo potest impedire hoc quod est non velle & non agere, & aliquando debet hoc quod est non velle & non agere, imputatur ei quasi ab ipsa existens. Quo testimonio D. Thomas non solum docet hanc primam partem conclusionis, sed etiam docet quartam partem: nam tradit doctrinam circa ipsam omissionem, quam etiam applicat ad effectum omissionis; & dicit quod ad omissionem voluntariam, sicut & ad eius effectum (cum de eo afferat exemplum) requiritur quod agens possit & debeat agere, & quod non agat. Nec potest explicari D. Thomas, quod loquatur ibi de omissione voluntaria in ordine morali, non autem in ordine physico, ut volunt aliqui: quia reuera agit D. Thomas in hac questione de voluntario in esse physico, & infra q. 18. agit de voluntario in esse morali, & constat ex ipsis verbis textus quod agit hic de voluntario in esse physico; non enim dicit simpliciter quod non velle, & non agere imputatur voluntati; sed addit,

quasi ab ipsa existens, quod indicat exercitium actuale physicum, quamuis indirectum ipsius voluntatis. Deinde probatur ratione: Ad hoc ut omissio sit voluntaria in exercitio & quasi in actu secundo, modo sibi proprio scilicet indirecte, requiritur quod reducatur ad voluntatem ut ad causam, tanquam exercitium ipsius actuale indirectum; sicut ut aliquis actus positiuus sit voluntarius in exercitio directe, requiritur quod reducatur ad voluntatem ut ad causam, tanquam exercitium ipsius actuale directum; quia ex vna parte eadem est proportionalis ratio de negatione seu priuatione, ac de ipsa forma; ex alia verò parte sicut ratio voluntarij in actu primo & habitualiter prouenit à voluntate in actu primo & habitualiter considerata, sic ratio voluntarij in exercitio & actualiter prouenit à voluntate in exercitio & actualiter influente: Sed si omissio sumatur præcisè ut est simplex non positio actus, & excludatur debitum non omittendi, non potest reduci ad voluntatem ut ad causam, tanquam exercitium ipsius actuale indirectum; non quidem ut ad causam moralem, quia causa moralis omissionis supponit obligationem agendi, ut infra dicitur, non enim imputatur alicui agenti omissio, nisi teneatur non omittere; nec etiam ut ad causam physicam, quia simplex non positio actus non dicit per se esse à causa physica in exercitio, nisi præintelligatur actus qui non ponitur nunc, præcedere in tali causa in seipso ac interrupti de nouo per non positionem sui, ut dicitur in secunda parte conclusionis; vel saltem præcedere intelligatur in suo debito siue in debito ponendi ipsum, posito quippe actu vel debito ponendi ipsum, si voluntas tunc non ponat, vel interrumpat, intelligitur influere actu omittendo, sed diuerso modo quo influeret si actum poneret: nisi autem intelligatur præcedere actus vel debitum ipsius, voluntas tantum respicit omissionem actus quasi obiectum volitum, & non quasi exercitium actuale sui indirectum circa aliquod obiectum; & sic omissio non est voluntarium indirectum de quo loquimur in præsentia, at potius est obiectum directe volitum: ergo si omissio sumatur præcisè ut est simplex non positio actus, ad hoc ut sit voluntaria in exercitio & quasi in actu secundo, requiritur necessariò debitum non omittendi: Maxime quia ut dicitur ad 3. *secus totali debito tunc non intelligitur omissio fieri ex suo non esse, seu ex suo contrario.*

Probatur secunda pars conclusionis. Eo ipso quod voluntas interruptit aliquem actum cum aduertentia & cognitione, & sic incipit omittere ipsum; verè mutat suum actuale exercitium positiuum quod habebat, in exercitium actuale negatiuum ac destructiuum prioris illius positiui, etiam secus totali quocunque debito non omittendi talem actum; quod verum est, quando primò incipit illa omissio, ac proinde tunc est voluntaria

voluntaria in exercitio : ergo si omissio sumatur vt coniuncta moraliter actui quem interruptit, sufficit talis coniunctio absque debito non omit- tendi, ad hoc vt sit voluntaria.

Probatur tertia pars conclusionis, de qua nul- lus dubitat. Tum communi consensu Philoso- phorum moralium, & Theologorum. Tum quia omne peccatum est contra legem Dei, si sit pec- catum commissionis ; vel præter legem, si sit pec- catum omissionis : lex autem inducit debitum faciendi per præcepta affirmatiua, & debitum omit- tendi per præcepta negatiua : ergo vt omis- sio sit peccaminosa, semper requiritur debitum non omit- tendi actum omissum. Quod debitum potest esse vel ex iustitiæ, vel ex charitatis lege, vel ex alio titulo : cum hac tamen differentia, quod qui omittit aliquid ad quod tenetur lege iustitiæ, non solum peccat, sed etiam tenetur ad restitutionem ; qui autem omittit aliquid, ad quod tenetur tantum lege charitatis, quam- uis peccet, non tamen tenetur ad restitutionem.

Probatur quarta pars conclusionis authorita- te D. Thomæ hic art. 3. adducta in probatione primæ partis, ibique expensa. Deinde probatur ratione à priori: Talis effectus consequens omis- sionem habet tantummodo mediante illa quod sit voluntarius, ac proinde participat ab ipsa omissione voluntaria quod sit voluntarius : ergo cum omissio non sit voluntaria, nisi qui omittit teneatur non omittere, si omissio sumatur præ- cisè vt est simplex non positio actus ; etiam con- sequens effectus non est voluntarius, nisi qui omittit teneatur non omittere. Denique proba- tur à posteriori : Si non esset necessarium, quod qui omittit, teneretur non omittere, ad hoc vt effectus consequens omissionem esset indirectè voluntarius ; sequeretur quod omnia hominum peccata essent indirectè voluntaria ipsi Deo, quia potest illa impedire, & non impedit ; & nisi dicatur quod ad voluntarium indirectum requiri- tur obligatio impediendi, seu debitum non omit- tendi ponere impedimentum, nihil superest quominus peccata à Deo permissa imputentur ipsi quasi indirectè voluntaria, quia non impe- dit cum possit, subministrando auxilia efficacia, quibus resistatur temptationibus & sic peccata vitentur : sed non potest dici quod peccata ho- minum sint indirectè voluntaria ipsi Deo ; imò potius illa directè prohibet & abhorret, vt fides docet, & commissæ punit æternis suppliciis nisi per poenitentiam deleantur ; quæ omnia manife- stè conuincunt & demonstrant quod peccata nullo modo sunt aut possunt esse voluntaria ipsi Deo, maximè peccata mortalia, quæ quantum ad affectum interpretatiuum ipsius peccatoris sunt destructiua Dei, vt infra dicetur in materia de peccatis : ergo est necessarium quod qui omit- tit, teneatur non omittere, ad hoc vt effectus consequens omissionem sit indirectè volunta- rius. Ex dictis colligitur, quod aliud est effe-

ctum esse volitum & esse voluntarium, nam v.g. submersio navis potest esse directè volita ab aliquo, si desideret illam ; cui tamen non est vo- luntaria, prout hic agimus de voluntario ; in- quantum effectus coniunctus cum actu est quo- dammodo vnum cum ipso in ordine ad princi- pium, nec consideratur vt habet rationem ob- iecti voliti : vnde vt submersio navis sit volun- taria, requiritur quod qui omittit succurrere cum possit, teneatur succurrere, & non succur- rat ; nisi admittatur casus positus in secunda parte conclusionis, quod ille talis iam dirige- bat nauim, & interruptit directionem, tunc enim ipsi omittenti dirigere voluntaria est sub-mersio navis subsequuta ad omissionem dire- ctionis : quamuis autem illa submersio non sit hoc modo voluntaria ei qui non succurrit, cum non teneatur succurrere ; hic tamen peccabit, si velit quocunque modo perditionem navis quasi obiectum. Licet autem ad hoc vt effectus secu- tus ad omissionem sit voluntarius, requiratur quod omissio sit voluntaria aliquo modo ex di- ctis, scilicet vel ratione debiti non omit- tendi, vel ratione actus interrupti : tamen non quoties omissio est voluntaria, effectus etiam ad eam se- cutus est voluntarius ; nam potest fieri quod ta- lis effectus non sequitur per se, ac tantum per ac- cidens ad omissionem, mediante scilicet alia cau- sa ; tunc enim etiam ad voluntariam & prohibi- tam omissionem sequitur effectus inuoluntarius, nisi talis effectus sit simul prohibitus, quia ratio- ne prohibitionis & obligationis omit- tendi esset voluntarius ei qui obligatus non impediret ; nam ratione præcepti pertinet ad ipsum impedire, & si non impediat, moraliter ita se habet, ac si il- lum physicè fecisset : Ex quo inferunt authores, quod quando quis facit opus licitum, etiam si se- quatur malum quantumuis præuisum, sed ex malitia alterius, tunc illud malum non imputa- tur facienti opus licitum ad quod sequitur tale malum ; expensis tamen circumstantiis sæpe sua- dendum est aliquibus, vt abstineant ab opere li- cito, ad hoc vt mala euitentur.

Probatur quinta pars conclusionis. Volunta- rium positivum siue in actibus diuiditur in vo- luntarium liberum & in voluntarium necessa- rium : & consequenter etiam voluntarium pri- uatiuum, quod est in omissionibus, diuiditur in voluntarium liberum & in voluntarium necessa- rium ; quia voluntas sicut est determinata ab in- trinseco ad aliquod bonum, videlicet summum bonum, & est indifferens ad alia bona limitata : sic est determinata ab intrinseco ad aliquam omissionem, vt cum quis appetens aliquod bo- num, apprehendit de nouo illud esse impossi- bile, tunc enim necessario omittit illud appetere, quia non potest appeti nisi possibile ; & similiter si cui actu odienti Deum communicaretur visio beatifica, statim necessario omitteret odium il- lud & conuerteret in amorem, in utroque autem

casu ex dictis ommissio esset voluntaria: Est etiam indifferens ad alias omissiones. v. g. audiendi Sacrum, recitandi Officium, & ad similes posito debito non omittendi: ergo sicut ad voluntarium positivum necessarium non requiritur ex parte voluntatis quod possit illud non exercere, at tantum hoc requiritur ad voluntarium positivum liberum, ut communiter conceditur & constat ex dictis disputatione precedenti; sic ad voluntarium negativum seu privativum necessarium, quod est in omissionibus, non requiritur ex parte voluntatis quod possit impedire siue non exercere, at tantum hoc requiritur ad voluntarium privativum liberum; & consequenter ad omissionem voluntariam ut sic non requiritur quod voluntas possit eam impedire, hoc enim tantum requiritur ad omissionem liberè voluntariam.

A d primum ergo dicendum, quod D. Thomas hic art. 3. satis declarat suam mentem, ubi agit ex professo de omissione voluntaria, nam expresse dicit hæc tria ad illam requiri, posse agere, teneri, & non agere; unde si alibi non facit mentionem de secundo scilicet de debito non omittendi, vel illud subintelligit, vel loquitur de omissionibus voluntariis in potentia tantum, & non in actu. Et similiter dicendum ad Aristotelem: Debitum autem non omittendi idem est ac debitum faciendi actum omissum quando ommissio est voluntaria, & hoc debitum requiritur; nec sufficit ad omissionem voluntariam, quod sit debitum omittendi; quia ut sit ommissio voluntaria, debitum debet violari & quasi destrui per omissionem, non autem compleri & perfici; per omissionem autem violatur & destruitur debitum non omittendi, & completur ac perficitur debitum omittendi; & propterea ommissio furandi, instante debito non furandi seu omissionis furandi, non est præcisè ex se voluntaria, cum reperiatur in dormientibus.

A d secundum dicendum, quod posita cognitione & advertentia ex parte intellectus, & facultate ex parte voluntatis, ommissio audiendi Sacrum in die feriali, quando non adest debitum eam audiendi, potest quidem esse volita per modum obiecti, non autem potest esse voluntaria per modum exercitij actualis ipsius voluntatis, propter rationem assignatam; unde ut talis ommissio audiendi Sacrum esset hoc modo voluntaria, deberet vel esse debitum audiendi, vel interrumpi actus audiendi. Ad comparationem autem factam inter actum audiendi Missam & omissionem ipsam audiendi, dicendum quod est disparitas in hoc; quod actus audiendi Missam seipso, secluso quocunque alio, est actuale exercitium potentia; non autem ommissio audiendi sine debito audiendi, vel sine interruptione actus audiendi, ut ostensum est. Ad illud quod subditur, dicendum quod illa ommissio non est

diversa à seipsa, sed est eadem, siue adsit præceptum & debitum, siue non adsit, tum in ratione omissionis, tum in ratione voluntarij in actu primo, quia semper est ommissio, & ommissio voluntaria in actu primo, cum sit à principio intrinseco; non tamen est eadem in ratione voluntarij exerciti, quia ut explicatum est, absque debito, vel absque interruptione actus, ommissio ipsius non potest esse actuale exercitium potentia; ex quibus patet quod per præceptum extrinsecum non mutatur intrinsecè ipsa ommissio, sed tantum habet dicere diversum respectum extrinsecum ad potentiam, quasi exercitium actuale ipsius, ratione præcepti connotati.

A d tertium dicendum, quod maior argumenti est tantum vera de voluntario in actu primo siue in potentia; tunc enim quando causa vel occasio est voluntaria, effectus per se ad illam secutus est voluntarius in potentia, non tamen est semper voluntarius in actu seu in exercitio, quia non semper potest esse actuale exercitium ipsius voluntatis: Quod sic ostenditur, Actus positivus potentia; est semper actuale exercitium ipsius, quia hic actus physicè ac realiter fit *ut quo*, ab ipsa potentia realiter influente, quia verè transit de non esse sui ad esse, quod debet necessariò reperiri in omni eo quod fit, ut scilicet fiat ex non esse sui siue ex suo contrario, ut ait Philosophus: ipsa autem negatio seu privatio actus, quæ est ommissio, non potest esse actuale exercitium, etiam negativum & indirectum potentia; nisi intelligatur fieri ut *quo* suo modo ab ipsa; secluso autem omni actu qui interrumpatur, vel debito ponendi actum, non potest ommissio intelligi fieri à potentia, quia omne quod fit, ut dictum est, fit ex suo contrario seu ex non esse sui; contrarium autem omissionis est actus, quem ommissio destruit, vel in seipso consideratus, vel saltem contentus virtualiter in suo debito; & tantum vel in actu, vel in debito actus est non esse omissionis. Ad illud quod subditur, dicendum quod ommissio illa idololatriæ, non esset propriè voluntaria in illo casu, (nisi in causa, scilicet in confessione fidei) posset tamen esse per se volita; & sic esse meritoria.

DISPUTATIO IX.

De Involuntario in particulari.



V M eadem sit contrariorum doctrina, postquam D. Thomas in hac questione sexta egit de Voluntario tribus primis articulis, in quinque sequentibus agit de Involuntario ex multiplici radice causato: de quo agimus in præsentis disputatione.

D V B I V M

D V B I V M I.

Utrum actus violentus & coactus sit simpliciter inuoluntarius.

Supponendum est, quòd Aristoteles 3. Ethicorum cap. 2. affert duas causas inuoluntarij dicens: Existente autem inuoluntario, quod vi, & propter ignorantiam: D. Thomas autem in presenti quæstione affert quatuor, scilicet violentiam, metum, concupiscentiam, & ignorantiam. Incipiendo igitur à prima, quæ est violentia seu vis, sciendum est, quod ista quatuor valde differunt, videlicet necessitare, impedire, cogere, & violentare: & simili modo differunt necessarium, impeditum, coactum, & violentum: Necessitare est determinare ad vnum & Necessarium est illud quod est determinatum ad vnum: Impedire est auferre exercitium propriæ actionis, & Impeditum est illud cui auferitur tale exercitium: Cogere dicit ordinem ad operationem, & est compellere aliquod animal contra eius inclinationem elicitam, Coactum verò dicitur illud quod procedit contra hanc inclinationem elicitam: Tandem Violentare est inferre vim alicui rei, siue animatæ, siue inanimatæ, contra eius inclinationem naturalem; unde Violentum est illud quod est contra naturalem inclinationem rei, siue animatæ, siue inanimatæ: Ex quibus constat quod coactum & violentum distinguuntur penes maiorem & minorem extensionem, quia coactum propriè tantum reperitur in cognoscentibus, in quibus solis est appetitus elicitus; violentum autem reperitur tam in cognoscentibus, quam in non cognoscentibus: unde & animalia, & lapides dicuntur pati violentiam, quando alicubi detinentur contra propriam inclinationem; sola verò animalia, & non lapides dicuntur pati coactionem. Quia tamen in tota hac materia agimus de violento quod opponitur voluntario, & causat inuoluntarium, ut statim dicetur; & voluntarium, ac oppositum ei priuatiuè inuoluntarium reperiuntur tantum in cognoscentibus, de voluntario quippe supra ostensum est, idem autem est subiectum priuationis ac formæ priuatæ; inde est quòd in tota hac materia pro eodem sumimus violentum & coactum, propterea in præsentī dubio quærimus; Utrum actus violentus & coactus sit simpliciter inuoluntarius; non autem potest sumi necessarium absolute pro violento, quia necessarium propriè coniungitur cum voluntario ut supra dictum est, violentum autem opponitur voluntario, & causat inuoluntarium. Violentum definitur ab Aristotele 3. Ethicor. cap. 1. sic: Violentum est, in quo agens vel patiens nihil confert. Definitur etiam hoc modo: Violentum sit, nihil conferente eo cui vis affertur: Ex quibus deducitur sequens definitio penè sub

iisdem verbis, communiter recepta, & explicanda dubio. 3. sequenti: Violentum est illud, quod est à principio extrinseco, passo non conferente vim. Et applicando ad præsentem materiam: Actus violentus & coactus est ille, qui est à principio extrinseco, ipsa potentia actiua non conferente vim seu non inclinante ad talem actum, at potius resistente: Ex quo patet, quod violentum potest sumi vel actiue, vel passiuè; actiue sumptum importat virtutem & actionem qua effectus introducit in passo resistente; passiuè verò importat effectum (qui in præsentī est actus) introductum in eodem passo resistente. Quærimus ergo in præsentī: Utrum violentum excludat voluntarium, ita quod actus violentus (vtique passiuè) seu coactus sit simpliciter inuoluntarius. Sed ad maiorem euentiam huius difficultatis adhuc sciendum est, quòd inuoluntarium sumitur tribus modis, videlicet negatiuè, priuatiuè, & contrariè: Sumitur negatiuè, quando attribuitur subiecto incapaci actus voluntarij, quale est omne subiectum non cognoscituum; & tunc inuoluntarium excludit non solum rationem voluntarij, sed etiam capacitatem ad illud: Sumitur priuatiuè, quando est in subiecto capaci actus voluntarij, quale est omne subiectum cognoscituum, nec repugnat appetitui eius; actus tamen à tali subiecto elicited deficit à ratione voluntarij ob carentiam alicuius conditionis requisitæ, quia scilicet sit vel sine cognitione, vel cum errore, &c. Sumitur denique contrariè, quando est in subiecto apto seu capaci actus voluntarij, & repugnat appetitui eius, ac contrariatur connaturali eius actui, seu formali, seu virtuali, seu interpretatiuo & præsumpto: In præsentī autem sumitur inuoluntariū hoc tertio tantum modo; nam inuoluntarium primo modo vix dicitur tale, secundo autem modo potius est non-voluntarium, quam inuoluntarium; licet enim grammaticaliter videantur idem esse inuoluntarium & non-voluntarium, tamen ex communi vñ inuoluntarium importat contrarietatem & resistantiam appetitus positiuam, non-voluntarium autem excludit hanc contrarietatem & resistantiam.

Prima opinio negat quòd actus simpliciter violentus & coactus sit simpliciter inuoluntarius. Probat: Ad actum simpliciter inuoluntarium requiritur, quod procedat ex subiecto cum resistantia actiua ipsius, actu enim principium actiuum resistit motui sibi contrario; unde actus qui procedit ex subiecto cum sola resistantia passiuua ipsius, non est simpliciter inuoluntarius: Ad actum verò simpliciter violentum & coactum non requiritur, quòd procedat ex subiecto cum resistantia actiua ipsius, at sufficit quòd ex illo procedat cum resistantia eius passiuua; sufficit enim ad violentum ut sic quod sit cum resistantia passiuua subiecti, ut colligitur ex definitione violenti tradita

ab

ab Aristotele, qua dicitur violentum esse illud, quod est à principio extrinseco passio non conferente vim: ergo cum in eodem actu hæc duo sint compossibilia; quòd procedat ex subiecto cum resistantia passiva, in quo est ratio violenti simpliciter, ut dum quis ex ignorantia aliquid facit; & quòd non procedat ex subiecto cum resistantia actiua, quod tamen requiritur ad inuoluntarium simpliciter, ut patet in exemplo allato de operante ex ignorantia; sequitur quòd actus simpliciter violentus & coactus non sit simpliciter inuoluntarius.

Secundò, Ut aliquid dicatur simpliciter inuoluntarium, debet esse contra inclinationem ipsius voluntatis, ita quòd voluntas vel actu tendat, vel saltem sit in se disposita ad tendendum in contrarium: sed ad violentum simpliciter & ad coactum non requiritur, quòd sit contra inclinationem voluntatis; ut apparet in puella cui infertur violentia, ipsa quippe dicitur opprimi simpliciter, licet non resistat quantum potest, & tamen hæc oppressio non est simpliciter inuoluntaria, quia non supponitur puella resistere quantum potest: ergo actus simpliciter violentus & coactus non est simpliciter inuoluntarius.

CONCLUSIO.

RESPONDEO dicendum, quòd violentum seu coactum opponitur voluntario: unde ad proportionem violentiæ illatæ definit actus esse voluntarius, siue violentia sit actiua, siue passiva. 1. Et consequenter actus simpliciter violentus & coactus est simpliciter inuoluntarius. 3. ac proinde nec bonus aut malus, moraliter, nec meritorius aut demeritorius. 4. potest autem fieri quòd idem actus sit secundum quid violentus, & secundum quid voluntarius. 5. potest etiam esse secundum diuersam rationem violentus & voluntarius. Hæc conclusio quoad omnes suas partes est communis apud Philosophos morales. 3. Ethicorum cap. 1. & apud Theologos in præsentia, unde vix reperitur, qui ab illa dissentiat.

Probatum prima pars conclusionis: Violentum seu coactum est à principio extrinseco, ut constat ex eius definitione, ita quòd passum nullam vim conferat ad ipsum, imò potius ipsi resistat: unde est contra inclinationem ipsius passi. Voluntarium autem est à principio intrinseco ex se concurrente ad ipsum; unde est secundum inclinationem subiecti, cui est voluntarium: ergo violentum seu coactum opponitur voluntario, illa quippe sunt opposita quæ habent oppositas rationes; unde cum opposita non possint simul esse in eodem subiecto, ad proportionem violentiæ illatæ definit actus esse voluntarius, & habet de inuoluntario; dictum est autem, siue violentia sit actiua, siue passiva; non quòd utraque non sit simul, cum actiua sit causa passivæ; & dum est actiua, causat passivam; & dum est

passiva, causatur ab actiua: sed quia utraque opponitur voluntario; passiva quidem proximè & immediate, cum sit in eodem subiecto in quo est aut esse potest voluntarium; actiua verò opponitur radicaliter & mediata in quantum est causa passivæ & est in agente extrinseco.

Probatum secunda pars conclusionis. Ex dictis violentum & voluntarium opponuntur, ac proinde non possunt in eodem subiecto reperiri perfecte; quòd est commune omnibus oppositis, quòd licet aliqua possint imperfectè & secundum aliquid simul reperiri, ut constat in oppositis contrariè, nunquam tamen possunt esse perfecte simul seu reperiri simpliciter in eodem secundum gradus perfectos quia de ratione oppositorum est, quòd vnum excludat aliud, unde si vnum oppositum sit simpliciter & totaliter in subiecto, aliud simpliciter & totaliter ab eodem excluditur: ergo actus simpliciter violentus & coactus est simpliciter inuoluntarius, siue nihil habens de voluntario. Ex dictis sequitur secundum communem doctrinam, quòd si Baptisma sit per violentiam simpliciter susceptum, nullo modo est voluntarium: ac proinde non est verè sacramentum, nec sic baptizatus tenetur ad obseruantiam legis Christianæ: Nota tamen, quòd ut aliquid dicatur factum vel susceptum omninò violenter & coactè, debet esse resistantia absoluta & efficax ex parte illius qui dicitur pati violentiam; Et ut in foro exteriori censeatur aliquid fieri vel suscipi violenter & coactè simpliciter, non solum requiritur actus internus nolitionis absolutus & efficax, sed etiam debet esse externa resistantia absoluta & efficax, siue debet ille cui violentia infertur, facere quòd in se est ut resistat; unde qui baptizatur cum resistantia quidem interna, sed non externa, licet verè non sit baptizatus, censeatur tamen ut talis in foro externo, & debet cogi ad obseruantiam legis Christianæ; & qui sacrificat idolis exterius, quamuis interius resistat, verè censeatur sacrificare, & sacrificando peccat, quia actus ille externus indebiti sacrificij est prohibitus, prohibemur enim adorare Deos alienos, non solum interius, sed etiam exterius, & hoc præcepto negatiuo quòd obligat semper & pro semper.

Probatum tertia pars conclusionis. Genus moris fundatur in voluntario perfecto supra descripto, conueniente soli naturæ intellectuali, quòd scilicet procedit à principio intrinseco cum cognitione perfecta, quæ est finis ut sic & circumstantiarum; & propterea actus animalium brutorum, quia non procedunt cum hac perfecta cognitione, & sic non sunt perfecte voluntarij, non pertinent ad genus moris, ut communiter conceditur: Ex alia verò parte meritum & demeritum fundantur in bonitate & malitia morali, quæ sunt in actu voluntario libero, ut etiam communiter conceditur: ergo actus simpliciter violentus & coactus, quia est simpliciter inuoluntarius

luntarius siue nihil habens de voluntario, non est bonus aut malus moraliter, quamuis in esse physico seu ex parte obiecti sit bonus aut malus; nec est meritorius aut demeritorius: unde nec violenta adoratio idoli per violentam inclinationem capitis est mala & demeritoria, nec elemosina data per violentam extortionem pecunie est bona & meritoria.

Probatum & explicatur quarta pars conclusionis. Tum à pari ex contrariis physicis, quæ secundum quid & imperfectè possunt simul reperiri in eodem subiecto, ut constat de frigore & calore in subiecto tepido: ergo etiam idem actus potest esse secundum quid violentus & secundum quid voluntarius, quamuis violentum & voluntarium sint contraria. Tum ex his quæ sæpe in nobis experimur, nam multa fiunt ex imperio alterius, quæ non sunt omnino voluntaria, sed habent admixtum aliquid violenti, quia fiunt contra propriam inclinationem; cuius signum est, quod nisi vrgeret præceptum, non fierent. Tum denique ex illo exemplo satis communi, quando mercator nauigans proicit merces in mare tempore tempestatis ad exonerandam nauim & ad vitandum naufragium; cogitur enim metu naufragij illas proicere, quod indicatur ex eo quod flens proiciat, & tamen voluntariè proicit quia hic & nunc omnibus pensatis iudicat melius esse proicere, quam non proicere, nam de facto eligit proicere & proicit: ergo potest fieri, quod idem actus sit secundum quid violentus, & secundum quid voluntarius.

Probatum quinta pars conclusionis. Tum ex immediatè dictis circa projectionem mercium in mare tempore tempestatis: hæc enim projectio est violenta & contra inclinationem mercatoris, considerata ut affert damnum & detrimentum mercatori: est verò voluntaria & secundum inclinationem mercatoris, considerata ut præseruat à naufragio. Tum etiam, quia est par ratio quantum ad hoc, de violento & voluntario ex parte actus, ac de violento & voluntario ex parte obiecti: sed idem potest esse violentum & voluntarium ex parte obiecti, secundum diuersam rationem; nam v.g. mors illata Sanctis Martyribus erat illis maximè voluntaria seu voluta, in quantum erat medium placendi Deo & imitandi Christum; erat verò inuoluntaria seu violenta, in quantum erat effectus tyrannicæ crudelitatis; ac in derisum Christianæ religionis: ergo idem actus potest esse secundum diuersam rationem violentus & voluntarius.

Ad primum ergo dicendum, quod licet metaphysicè loquendo, ad violentum sufficiat resistentia passiva subiecti; tamen de facto vix reperitur violentum, cui non resistat subiectum per inclinationem aliquo modo actiuam; & maximè si violentia inferatur potentie actiue, ut contingit in presenti, cum voluntarium & inuoluntarium sint actus voluntatis, vel eliciti, vel

imperati: & ita sicut ad actum simpliciter inuoluntarium requiritur, quod procedat ex subiecto cum resistentia actiua ipsius: sic etiam requiritur ad actum simpliciter violentum, quod procedat ex subiecto cum resistentia actiua ipsius, ut amplius explicabitur dubio sequenti, quæ resistentia reperitur etiam dum quis operatur ex ignorantia. Definitio autem Violenti tradita ab Aristotele solum indicat, quod ad rationem violenti præcisè non requiritur resistentia actiua; sed non excludit, quin hæc reperiatur in violento ordinariè coniuncta cum resistentia passiva; propterea aliqui in dicta definitione per *ly*, *passo non conferente vim*, intelligunt passiua resistentiam; unde idem reputant esse, passo non conferente vim, ac passo resistente.

Ad secundum dicendum, quod requiritur tam ad inuoluntarium simpliciter, quam ad violentum simpliciter, quod sit contra inclinationem ipsius voluntatis. Unde ad instantiam dicendum, quod illa oppressio puellæ est ipsi simpliciter & violenta & inuoluntaria tam ex parte actus, quam ex parte obiecti; nam supponitur quod directè resistat actu voluntatis, & ita non est voluntaria directè; & insuper supponitur quod faciat, quicquid tenetur facere exterius, ad resistendum oppressori, & ita non est voluntaria indirectè propter omissionem, quia ut dictum est tunc solum ommissio est voluntaria, quando adest debitum non omittendi. Ad quid autem teneatur exterius illa puella, non conueniunt omnino Authores: aliqui enim dicunt, quod secluso periculo consentiendi peccato, non tenetur se exponere periculo mortis aut infamiae, ut resistat: alij verò asserunt, quod semper tenetur facere omnia possibile ut resistat: conueniunt tamen omnes, quod si sit euidentis periculum consentiendi, debet omnia sibi possibile facere, vociferando, exterius resistendo, imò si non sit alia via euadendi, ipsum oppressorem interficiendo, quamuis ipsa se exponat periculo mortis aut infamiae sic resistendo; cuius ratio est, quia est præceptum negatiuum de non peccando, & etiam de non exponendo se periculis euidentibus peccandi, præceptum autem negatiuum semper & pro semper obligat. Si dicatur, quod est probabilius, quod secluso euidenti periculo consentiendi, puella non tenetur adhibere tantam resistentiam cum periculo mortis & infamiae, quia illa resistentia est tantum sub præcepto positiuo, quod non obligat pro semper: tunc ommissio tantæ resistentiæ non est voluntaria, saltem moraliter, quia non est sub præcepto, nec adest debitum non omittendi; & consequenter illa oppressio est per modum passionis violentæ, & est simpliciter inuoluntaria & violenta in genere moris, quamuis in esse physico non sit simpliciter inuoluntaria, quia ex efficaci & absoluta voluntate non adhibentur omnia media possibile ad illam vitandam; unde non est dicenda vo-

T

luntaria

luntaria aut inuoluntaria simpliciter in esse physico, sed debet dici non voluntaria, quia in esse physico est secundum *quid* voluntaria, & secundum *quid* inuoluntaria. Hæc metaphysicè vera sunt: quia tamen moraliter vix sciri potest, quando mulieribus instat evidens periculum consentiendi peccato in simili casu, semper est illis consulendum, quod toto impetu resistant, etiam cum periculo vitæ & famæ amittendæ; quia licet aliquando non tenerentur resistere hoc modo, semper tamen perfectius agunt sic resistendo.

D V B I V M II.

Utrum actus Voluntatis possit esse simpliciter Inuoluntarius per violentiam.

Supponendum est, quod actus voluntatis sunt in triplici differentia: aliqui enim sunt tantum elicit, alij tantum imperati, alij simul elicit & imperati. Actus voluntatis tantum elicit sunt illi, qui immediatè ab ipsa procedunt, tanquam à principio formali *quo* actiuo seu effectiuè concurrente, nullo præsupposito alio actu eiusdem voluntatis quo applicetur ad tales actus. Actus voluntatis tantum imperati, sunt illi qui procedunt ab aliis potentiis effectiuè & immediatè, sed ex motione voluntatis illas applicantis. Actus denique voluntatis simul elicit & imperati, sunt illi qui immediatè procedunt ab ipsa voluntate, sed ex vi præcedentis alicuius actus ab eadem voluntate elicit, quo se ad hos posteriores applicat, putà cum voluntas nunc intendit amare postea aliquod obiectum, & postea illud amat; hic enim actus amoris est actus elicitus à voluntate, quia immediatè ab illa procedit, & simul est ab illa imperatus, quia procedit ex prævia determinatione ac motione eiusdem voluntatis. In præsentī dubio agimus de quocunque actu voluntatis, siue sit tantum elicitus, siue sit tantum imperatus, siue sit simul elicitus & imperatus; & quærimus, utrum voluntas possit pati violentiam in ordine ad aliquem ex his actibus; & simul quærimus, utrum possit pati violentiam quantum ad cessationem à proprio actu: quod est vniuersaliter quærere, utrum voluntas in ordine ad seipsam possit pati violentiam. Ad cuius euidentiā sciendum est, quod duplex est violentia: vna dicta à Iurisperitis absoluta seu præcisa, quæ à D. Thoma in 2. d. 15. art. 2. dicitur compulsio; & est illa quæ totaliter cogit subiectum ad receptionem violenti: Alia dicta à Iurisperitis conditionata, quæ à D. Thoma dicitur impulsio; & est illa quæ impellit & inclinat subiectum, non tamen totaliter cogit: Et de hac non agimus in præsentī, sed de prima, nam qui libet proponens voluntati aliquod bonum aut conueniens, potest in illa causare hanc secundam violentiam, circa primam autem, quæ est vio-

lencia simpliciter, procedit difficultas, & maxime in ordine ad Deum, qui solus potest intrinsecè transmutare voluntatem.

Prima opinio Angelī in Moralibus cap. 3. asserit, quod voluntas potest pati violentiam in ordine ad suos actus elicitos, & consequenter quod possit dari actus voluntatis elicitus simpliciter inuoluntarius per violentiam. Probatur: Tunc voluntas patitur violentiam, quando facit aliquid contra suam naturalem inclinationem, ex motione alicuius agentis extrinseci; hoc enim importat violentum, quod sit à principio extrinsecò contra naturalem inclinationem subiecti: sed voluntas potest elicere suos actus, contra suam inclinationem, ex motione alicuius agentis extrinseci; vt si à Deo applicetur ad odio habendum proprium esse & beatitudinem, ad quæ diligenda est naturaliter inclinata; vel etiam si à Deo applicetur ad amandum necessariò obiectum sub indifferentia ab intellectu propositum, quod ab intrinsecò petit amare liberè; vel si necessitaretur à Deo ad actum tristitiæ, quam naturaliter refugit; vel si inclinata per actum efficacem ad aliquod obiectum, inclinaretur per actum contrarium in aliud; vel denique si voluntas efficaciter deliberata ad non consentiendum alicui illicito, eius consensus extorqueretur à vehementi passione appetitus sensitiui; ergo voluntas potest pati violentiam in ordine ad suos actus elicitos; Maxime quia conceditur, quod alix potentiæ possint pati violentiam in ordine ad suos actus elicitos, eadem autem est ratio voluntatis & aliarum potentialium quantum ad hoc.

Secunda opinio est in alio extremo, & negat absolutè, quod voluntas possit pati violentiam, etiam in ordine ad actus imperatos. Probatur: Actus imperati procedunt ex imperio seu motione voluntatis: sed actus sic procedentes à voluntate sunt essentialiter voluntarij, cum procedant à principio intrinsecò cum cognitione, quod solum requiritur tanquam essentialē ad voluntarium: ergo cum voluntarium & violentum opponantur, non possunt actus etiam imperati voluntatis esse violenti, & ita voluntas, non potest pati violentiam, etiam in ordine ad actus imperatos. Deinde, Visio est actus imperatus voluntatis: sed licet fiat renitente voluntate, per violentiam apertionem oculorum, adhuc est voluntarius quia fit à principio intrinsecò cum cognitione, cum sit actus vitalis procedens à potentia visiva, & potest ad eam supponi cognitio: ergo cum eadem sit ratio de alijs actibus imperatis quantum ad hoc, omnis actus voluntatis imperatus est voluntarius; & consequenter voluntas non potest pati violentiam etiam in ordine ad actus imperatos.

Tertia opinio Durandi in 4. d. 19. q. 1. Caiet. 1. p. q. 81. art. 1. Conradi in præsentī, & Aliorum negat absolutè, quod voluntas possit pati violentiam,

tiam, quantum ad cessationem à suis actibus elicitis. Probatum: Violentum, quod potest attribui potentiis actiuis in ordine ad suos actus elicitos, debet esse contra inclinationem ipsarum in ordine ad tales actus, ut patet: sed voluntas, dum cessat ab actu, etiamsi talis cessatio sit ab extrinseco, puta per subtractionem diuini concursus; non dicit inclinationem ad illum, cum ex se sit indifferens ad hunc & illum actum, imò etiam ad operandum & non operandum: ergo voluntas non potest pati violentiam, quantum ad cessationem à suis actibus elicitis. Maxime quia ad violentiam opus est resistentiâ potentiz actiuâ.

CONCLUSIO.

RESPONDEO dicendum, quòd voluntas potest pati violentiam in ordine ad suos actus imperatos 2. sicut & in ordine ad recipiendum aliquam formam. 3. in ordine vero ad suos actus elicitos potest quidem pati violentiâ, quantum ad cessationem ab ipsis. 4. non autem quantum ad eorum productionem. 5. unde actus voluntatis elicitus non potest esse inuoluntarius per violentiam; bene tamen actus imperatus. Hæc conclusio quoad omnes suas partes est valde communis inter discipulos D. Thomæ, & alios Theologos, quos citant Nostrum Salmanticenses hic disp. 5. dub. 3.

Probatum prima pars conclusionis auctoritate D. Thomæ hic art. 4. ubi sic ait: Quantum igitur ad actus à voluntate imperatos, voluntas violentiam pati potest, in quantum per violentiam exteriora membra impediri possunt, ne imperium voluntatis exequantur. Deinde probatur ratione: Tunc voluntas patitur violentiam in suis actibus imperatis, quando hi fiunt contra naturalem eius inclinationem, vel quando suspenduntur contra eandem naturalem eius inclinationem: sed potest fieri, quòd actus alicuius potentiz subditæ voluntati, qui dicuntur actus imperati ipsius voluntatis, fiant contra naturalem inclinationem ipsius voluntatis, ut si alicuius nolentis efficaciter videre aperiantur vi oculi, tunc ille videbit contra suam inclinationem; potest etiam fieri, quòd tales actus suspendantur contra naturalem inclinationem, ut si alicuius volentis efficaciter videre claudantur vi oculi, tunc ille non videbit contra suam inclinationem: ergo voluntas potest pati violentiam in ordine ad suos actus imperatos. Notandum est circa dicta in hac prima parte conclusionis, quòd actus imperati voluntatis eliciuntur semper ab aliqua potentia subdita voluntati & subordinata quoad suos actus: actus quippe aliarum potentiarum, quæ directè & immediatè non subduntur voluntati, quales sunt potentia nutritiua, augmentatiua, & similes, non sunt nec dicuntur actus imperati voluntatis, nec voluntas in eis dicitur pati violentiam: Actus verò illarum potentiarum, quæ subduntur directè voluntati, dicuntur actus

R. P. Philippi Carm. discal. Disp. Theolog. in 1. 2.

imperati ipsius voluntatis, & dicuntur violenti tum ipsi subiecto seu supposito operanti, tum ipsi voluntati, tum ipsismet potentiis, quando fiunt contra inclinationem voluntatis; sunt quidem violenti ipsi subiecto seu supposito operanti, quia voluntas est inclinatio totius suppositi, unde cum tales actus fiunt contra inclinationem voluntatis consequenter etiam fiunt contra inclinationem totius suppositi, ac proinde sunt ipsi violenti; sunt etiam violenti ipsi voluntati, quia fiunt contra inclinationem eius; sunt denique violenti ipsis potentiis subordinatis voluntati, quia in ipsis est duplex inclinatio, vna specialis in ordine ad proprium actum, alia vniuersalis in ordine ad imperium seu motionem voluntatis, ut ei obediant propter bonum totius suppositi; sicut proportionem seruata in omnibus creaturis est duplex inclinatio, vna specialis ad proprium bonum, alia vniuersalis ad bonum vniuersi & ad obediendum Deo auctori ipsius vniuersi; vniuersalis autem inclinatio, tam in potentiis, quam in cæteris creaturis est potentior, quam specialis inclinatio, unde vniuersalis præualet speciali quando sunt in ordine ad opposita, ut apparet in graui ascendente, contra suam specialem inclinationem ad locum deorsum, quando ob bonum vniuersi impediendum est vacuum; cuius ratio in vtrisque est, quia partes sunt propter totum, & tantum perfecte conseruantur in conseruatione sui totius: cum ergo prædictæ potentiz subditæ voluntati applicantur ab extrinseco ad actus alijs sibi proprios & convenientes secundum inclinationem specialem, si tamen repugnent inclinationi voluntatis, ac proinde vniuersali inclinationi prædictarum potentiarum, quæ est vehementior, verè sunt & dicuntur violenti respectu ipsarum potentiarum, sicut violenter maneret aqua deorsum, cum substat loco in quo est vacuum. Hæc doctrina est communiter recepta, & habetur passim in D. Thomæ, ut q. 22. de Veritate art. 5. ad 3. de intellectu, de appetitu autem sensitivo 2. 2. q. 175. art. 1. ad 2. Ex qua sequitur quòd potentiz non subditæ voluntati, non possunt pati violentiam in ordine ad productionem suorum actuum, quia ad illos habent inclinationem naturalem, nec inest eis inclinatio ad obediendum voluntati, ratione cuius possint ex motione voluntatis ferri in oppositum suorum actuum; unde proprii actus nunquam sunt in eis violenti, imò nec sunt formaliter violenti ipsi voluntati, quamuis velit eis carere, defectu subordinationis ipsarum ad voluntatem, tantum præsuppositiuè possunt esse violenti respectu voluntatis, ut si quis augeatur contra suam voluntatem, quia cogitur manducare: hæc tamen potentiz possunt pati violentiam quantum ad cessationem à suis actibus, cum sit eadem ratio quantum ad hoc de ipsis, ac de voluntate.

Probatum secunda pars conclusionis. Tunc vo-

T 2

luntas

luntas patitur violentiam in recipiendo aliquam formam, ac recipit inuoluntariò, quando resistit actu elicitò tali receptioni; tunc enim receptio est contra inclinationem elicitam ipsius voluntatis, & fit per actiuam coactionem principij extrinseci: sed potest fieri, quòd voluntas resistens actu elicitò recipiat à Deo infundente; vel habitum aliquem naturalem, putà scientiæ; vel habitum supernaturalem, putà fidei, non enim vlla apparet in hoc difficultas, imò resistentia voluntatis potest esse laudabilis, si quis motiuo humilitatis resisteret debito modo Deo volenti infundere scientias, vel alia dona gratuita, ne ab alijs propter hæc æstimaretur: ergo voluntas potest pati violentiam in ordine ad recipiendum aliquam formam. Hæc tamen violentia esset tantum in ordine ad actum elicitem voluntatis, non autem in ordine ad inclinationem eius naturalem seu innatam; quia quicquid potest à Deo infundi voluntati potest & debet recipi in ipsa tanquam in particulari natura, cum ea subiectione & inclinatione, quæ reperitur in omni natura in ordine ad suum authorem.

Probaturs tertia pars conclusionis. Tunc voluntas propriè patitur violentiam, quando aliquid in ea fit à principio extrinsecò, contra naturalem eius inclinationem, vt constat ex definitione violenti, quod est à principio extrinsecò, passo non conferente vim, seu aliquo modo resistente: sed potest fieri quòd voluntas cesset à suis actibus elicitis contra naturalem suam inclinationem duplici via; prima quidem, si impeditur quocunque modo; saltem per subtractionem diuini concursus, ab eliciendo actu quem prius efficaciter voluit elicere, eadè quippe est ratio de hoc actu, ac de alijs actibus purè imperatis, in ordine ad quos verè patitur violentiam, vt dictum est, cum talis actus sit verè imperatus, quamuis simul foret elicitus; secunda autem via, si voluntas priuaretur aliquo actu sibi debito, vel etiam omni actu, vt si voluntas Angeli per subtractionem diuini concursus suspenderetur ab actuali dilectione sui, & voluntas beati per eandem subtractionem diuini concursus debiti in statu beatitudinis suspenderetur à dilectione beatifica, & tandem si voluntas suspenderetur ab omni actu, cum tamen omnis potentia actiua habeat innatam inclinationem ad operandum seu ad proprium actum secundum genus (quamuis sit ex se indifferens ad hunc vel illum secundum speciem) essentialiter enim potentia ordinatur ad actum, nec est nisi propter actum: vnde sicut materia prima pateretur violentiam, si priuaretur omni forma; & similiter ignis pateretur violentiam, si impediretur à sua actione combustiua; & etiam lapis, si impediretur descendere deorsum; quia materia prima dicit naturalem inclinationem ad omnes formas disiunctiue, & ignis dicit naturalem inclinationem ad comburendum, & lapis etiam ad locum

deorsum, & propterea eis debetur concursus primæ causæ: sic potentia actiua, quæcunque illa sit, pateretur violentiam, si suspenderetur ab omni actu, vel ab aliquo actu sibi debito, cum ad illum dicat naturalem inclinationem, & sit ei debitus concursus primæ causæ ad illum: ergo voluntas in ordine ad suos actus elicitos potest pati violentiam, quantum ad cessationem ab ipsis. Nota tamen quòd hîc non intelligimus de violentia simpliciter tali, sed tantum de violentia secundum quid, qualis potest inferri creaturis à Deo, vt dicitur dubio sequenti. Nota deinde, quòd quando voluntas priuatur aliquo vel omni actu contra naturalem suam inclinationem præcisè per suspensionem diuini concursus; tunc illa priuatio est quidem violenta modo dicto, sed non est propriè inuoluntaria: At quando illo priuatur contra efficacem volitionem, quam habuit de tali actu, qui propterea habet rationem actus simul eliciti & imperati; tunc illa priuatio est simul violenta & inuoluntaria, iuxta ea quæ dicta sunt dubio vltimo præcedentis disputationis. Ex quo sequitur, quòd ad cessationem violentam præcisè ab actu, non requiritur quòd voluntas in actu secundo inclinet ad talem actum, sed sufficit quòd inclinet in illum per modum actus primi; maximè quia ad violentiam non requiritur resistentia actiua subiecti, sed sufficit resistentia passiuæ: ad cessationem verò inuoluntariam, requiritur quòd voluntas per actum antecedentem inclinet in exercitio ad talem actum.

Probaturs & explicatur quarta pars conclusionis. Quamuis hoc sit commune omni creaturæ, vt dicitur dubio sequenti, quòd non possit pati à Deo violentiam simpliciter talem; quia in illa inclinatio innata, quam habet ad obediendum Deo suo conditori, præualeat inclinationi alteri particulari quam habet ad proprium bonum: conceditur tamen, quòd plures creaturæ possunt pati violentiam à Deo secundum quid, si ab illo moueantur, vel retardentur contra particularem illam inclinationem ad proprium bonum; & de hac loquimur in præsentî, & negamus quòd voluntas possit illam pati à Deo, in ordine ad suos actus elicitos, quantum ad eorum productionem seu elicentiam. Quod probatur auctoritate Sanctorum Patrum. Augustin. lib. 5. de Ciuitate Dei cap. 10. ait: Si aliquid sit voluntate, non fit necessitate id est coactè. Damascenus lib. 3. de Fide cap. 17. ait: Enim verò cum voluntatem dicimus, non eam coactam ac necessitate constrictam, sed liberam dicimus. Anselmus de Libero Arbitrio cap. 3. ait: Ligari potest homo, & inuitus, quia nolens: potest torqueri inuitus, quia nolens; potest occidi: velle autem non potest inuitus, quia non potest velle nolens velle. Idem docent alij vt Magister Sententiarum in 1. d. 25. Et tandem D. Thomas, tum hîc.

hic art. 4. tum q. 22. de Veritate art. 5. vbi ait: Sicut potest accipi ex verbis Augustini 3. de Ciuitate Dei, Duplex est necessitas: necessitas scilicet coactionis, & hæc in voluntatem nullo modo cadere potest. Et art. 8. sic ait: Deus potest immutare voluntatem de necessitate, non tamen potest eam cogere. Deinde probatur ratione D. Thomæ hic art. 4. quam sic proponit: Actus voluntatis nihil est aliud, quam inclinatio quædam procedens ab interiori principio cognoscente: sicut appetitus naturalis est quædam inclinatio ab interiori principio, & sine cognitione: quod autem est coactum vel violentum, est ab exteriori principio: vnde contra rationem ipsius actus voluntatis est, quod sit coactus vel violentus; sicut etiam est contra rationem naturalis inclinationis vel motus lapidis, quod feratur sursum; potest enim lapis per violentiam ferri sursum, sed quod iste motus violentus sit ex eius naturali inclinatione, esse non potest: similiter etiam potest homo per violentiam trahi, sed quod hoc sit ex eius voluntate, repugnat rationi violentiæ. Quæ ratio sic amplius declaratur: Voluntarium seu spontaneum opponitur contradictoriè violento seu coacto, vt constat ex definitionibus amborum, in quibus reperiuntur rationes essentielles contradictoriæ; nam voluntarium seu spontaneum definitur, quod est à principio intrinseco cum cognitione; violentum autem seu coactum definitur, quod sit à principio extrinseco, nec requirit cognitionem; constat autem quod principium intrinsecum, & principium extrinsecum important rationes ex consequenti contradictorias, eo modo quo ens per se & ens in alio, se mutuo negantes; & similiter esse cum cognitione necessariò requisita, & non requirere cognitionem, sunt contradictoria: sed actus elicit voluntatis sunt essentialiter voluntarij & spontanei, seu procedentes perfectè ab intrinseco cum cognitione, vt communiter conceditur: ergo non possunt esse violenti & coacti, ac proinde voluntas non potest pati violentiam in ordine ad suos actus elicitos, quantum ad eorum productionem; licet enim Deus, qui est potentior quàm voluntas humana, possit voluntatem mouere, imò & necessitare imprimendo ipsi aliquid contrarium inclinationi, quam tunc habet, quomodocunque hoc fiat: tamen eo ipso quod elicit actum, talis actus est voluntarius, seu est tendentia voluntaria ipsius; & consequenter voluntas in actuali & exercita eorum elicientia nullam patitur violentiam, quia nihil fit contra eius inclinationem naturalem, quin potius prorumpit in suam connaturalem inclinationem elicitam, quæ est proprius actus ipsius; non obstante quod illæ præuiz dispositiones, quibus mutata est de vno actu in eius contrariū, videantur asserre aliquod vestigium violentiæ, sed remotè; Et idem dicendum est proportionem seruata de appetitu sensitui brutorum

in ordine ad suos actus elicitos, propter paritatem rationis: non tamen idem potest dici de appetitu sensitui hominis: cuius ratio est, quia ex vna parte voluntas in homine, & appetitus sensituius in brutis sunt inclinatio, non solum particularis in suum obiectum, sicut quælibet alia potentia, sed sunt inclinatio totius suppositi, & ita quicquid fit iuxta eorum inclinationem, fit iuxta inclinationem totius suppositi, vnde actus eorum non possunt esse violenti nec ipsis, nec supposito; ex alia verò parte appetitus sensituius hominis est particularis eius inclinatio, sicut & quælibet eius potentia, sed non est inclinatio totius suppositi (sicut est in brutis) cum substat appetitui rationali seu voluntati quasi inclinationi totius suppositi; & ita non quicquid fit iuxta eius inclinationem, fit iuxta inclinationem totius suppositi, vnde actus eius possunt esse violenti & supposito, & voluntati, si fiant contra inclinationem ipsius voluntatis. Ex dictis est sufficienter probata & manifesta quinta pars conclusionis.

Ad primum ergo dicendum, quod voluntas non potest elicere suos actus contra suam inclinationem, ex motione alicuius agentis extrinseci. Vnde ad primam probationem in contrarium, dicendum quod implicat beatitudinem vt sic odio haberi; cum non possit apprehendi sub aliqua ratione mali, nec aliqua ratio mali in illa, cum sit status omnium bonorum aggregatione perfectus; constat autem quod solum malum est obiectum odij: Similiter proprium esse absolutè sumptum non potest, etiam de potentia absoluta, odio haberi, propter necessariam connexionem, quam per modum subiecti beatitudinis habet cum ipsa beatitudine; sumptum verò prout affectum aliqua miseria, ac proinde ratione mali annexi potest odio haberi, & hoc odium prouenit ex amore proprii esse secundū se, & vt connexi cum beatitudine, ex hoc enim oritur quod ipsum respuat vt affectum miseria & infelicitate, & consequenter tale odium non est contra naturalem inclinationem voluntatis, nec violentum. Ad secundam probationem dicendum, quod Deus non potest necessitare voluntatem ad amandum aliquod obiectum sub indifferentia propositum ab intellectu, vt probatur in materia de Gratia; cuius ratio est, quia radix libertatis est in intellectu inquantum sic apprehendit obiectum, quod ex vi talis apprehensionis obiectum non alliciat aut trahat necessariò voluntatem, sed relinquat illam in sua indifferentia: Quod si Deus necessitaret voluntatem per determinationem iudicij intellectus ad vnum, tunc illa necessitas non esset violenta voluntati, quia ipsa non respicit suum obiectum nisi vt cognitum, & ita non habet ad illud inclinationem necessariam aut liberam, iuxta merita illius, sed tantum iuxta diuersam illius apprehensionem. Ad tertiam probationem dicen-

dum, quod actus tristitiae, siue sit necessarius, siue liber propter diuersitatem iudicii intellectus; semper tamen est voluntarius, quia ut dictum est, naturalis inclinatio voluntatis non est in obiectum ut sic, sed in obiectum apprehensum; & ita non est contra naturalem eius inclinationem, quod feratur in obiectum contristabile apprehensum ut bonum, quod sub ratione contristabilis praecise refugeret. Ad quartam probationem dicendum cum D. Thoma q. 22. de Veritate art. 8. quod quantuncunque voluntas immutetur in aliquid, non dicitur cogi in illud. Cuius ratio est, quia ipsum velle aliquid, est inclinari in illud; coactio autem vel violentia est contra inclinationem illius rei, quae cogitur. Cum igitur Deus voluntatem immutat, facit ut praecedenti inclinationi succedat alia inclinatio, ita quod prima auferatur, & secunda maneat. Vnde illud ad quod inducit voluntatem, non est contrarium inclinationi iam existenti, sed inclinationi quae prius inerat; vnde non est violentia, neque coactio. Sicut lapidi ratione suae grauitatis inest inclinatio ad locum deorsum; hac autem inclinatione manente, si sursum projiciatur, erit violentia: si autem Deus auferat à lapide inclinationem grauitatis, & det ei inclinationem leuitatis, tunc ferri sursum non erit ei violentum; & ita immutatio motus potest esse sine violentia, & per hunc modum intelligendum est, quod Deus voluntatem immutat, sine eo quod voluntatem cogat. Ad quintam probationem dicendum, quod quandiu voluntas est sic efficaciter deliberata ad non consentiendum, non potest extorqueri eius consensus à quacunque & quantuncunque vehementi passione, quia voluntas dominatur appetitui sensitui, non è contra: quod si consentit voluntas, hoc ideo est quia voluntarie recedit ab illa efficaci deliberatione. Ad illud quod subditur, constat ex dictis, cur aliae potentiae possint pati violentiam in ordine ad suos actus elicitos, cum tamen voluntas non possit.

Ad secundum dicendum, quod ratio procedit de actibus voluntatis actu imperatis: Et hos concedimus esse voluntarios, non violentos: sed conclusio procedit de actibus, qui dicuntur imperati, quia possent & deberent imperari à voluntate; Et hos dicimus posse esse violentos, & non voluntarios, si fiant contra imperium & motionem voluntatis, propter vim illatam ab extrinseco. Ad aliud dicendum, quod licet visio facta renitente voluntate sit à principio intrinseco elicitui, non tamen est à principio intrinseco applicatiui ipsius principij elicitui, imò est contra inclinationem talis principij intrinseci applicatiui scilicet voluntatis, & etiam consequenter est contra inclinationem totius suppositi, & insuper est contra inclinationem praecipuam potentiae visivae, ut dictum est; Et propterea talis visio est violenta, & voluntas patitur

violentiam in ordine ad illam; & idem dicendum de aliis actibus imperatis.

Ad tertium dicendum, quod voluntas dicit inclinationem per modum actus primi, ad actum ut sic indeterminate hunc vel illum; imò supposita cognitione intellectus, debet esse in actuali operatione: vnde si cesset ab omni actu supposita tali cognitione, per subtractionem diuini concursus, est contra eius inclinationem, & consequenter est illi violentum, nam priuatur & concursu, & actu sibi debito; quotiescunque enim actus est debitus, etiam concursus ad illum est debitus. Deinde potest aliquis actus esse debitus voluntati, non solum ex generali ratione potentiae actiuae; sed etiam ratione alterius actus praecedentis, ut ostensum est, quo voluntas ad ipsum elicendum determinatur: vnde patitur violentiam in ordine ad illum, si propter extrinsecum impedimentum non eliciat. Ad illud quod subditur, dicendum quod quando voluntas cessat ab actu sibi debito, propter extrinsecum aliquod impedimentum, resistit tali impedimento resistentia actiua, vel formali vel saltem interpretatiua. Quomodo autem ad violentiam opus est resistentia actiua, dicetur dubio sequenti, quod apponimus ad maiorem euidenciam eorum, quae dicta sunt de inuoluntario per violentiam; quamuis non praecise pertineat ad materiam de voluntario & inuoluntario.

D V B I V M III.

Utrum aliqua creatura possit pati violentiam à Deo immediate.

Supponendum est, quod violentum definitur esse illud, quod est à principio extrinseco, passo non conferente vim. Haec definitio traditur ab Aristotele 3. Ethicorum cap. 1. recipitur à D. Thoma, & communiter tam à Philosophis Moralibus, quam à Theologis in praesenti: Circa cuius intelligentiam in aliquibus conueniunt authores, in aliis differunt; conueniunt quidem in hoc, quod ad violentiam tres requirant conditiones; Prima, quod sit à principio effectiuo extrinseco; Secunda, quod ipsum subiectum, quod patitur violentiam, ad illam non concurrat effectiue adiuuando; Tertia, quod sit contra inclinationem naturalem ipsius subiecti; duae priores conditiones sunt explicite in ipsa definitione, tertia implicite continetur; vnde *ly, passo non conferente vim*, non sumitur negatiue, sed contrarie, id est passo resistente; & ita violentia non est tantum praeter inclinationem subiecti, sed etiam contra; quamuis aliquando in definitione violenti assumatur particula praeter pro contra, ut apud Aristotelem 2. Ethicorum cap. 9. dum ait: Violentum esse, quod est à principio extrinseco praeter impetum intrinsecum passi. Ratio autem huius dicti est, quia si ad violentiam

violentiam sufficeret quòd esset præter inclinationem subiecti, & non requireretur quòd esset contra; sequeretur quòd infusio & receptio habituum supernaturalium in natura intellectuali esset violenta, quia est præter inclinationem ipsius. Differunt autem in assignando quænam resistentia sit necessaria ad violentiam, Vtrum requiratur actiua, vel sufficiat passiuæ: differunt etiam in determinando, Vtrum violentia passi consistat in abiectioe formæ connaturalis, vel in acquisitione formæ oppositæ, excludentis à subiecto formam connaturalem: differunt tandem circa subiectum violentiæ, Vtrum scilicet sit solum passum, vel vtrum possit esse agens. Quantum ad primum, Vasques hic disp. 25. cap. 3. & alij asserunt, quòd ad violentiam non sufficit resistentia passiuæ subiecti, sed quòd requiritur resistentia actiua: quod probant tum autoritate Philosophi 2. Ethicorum cap. 9. vbi dicit violentum esse contra impetum intrinsicum passi, quod denotat resistentiam actiuam: Tum etiam, quia aliàs sequeretur nullam esse alterationem violentam simpliciter, quia nulla alteratio est contra inclinationem passiuam materiæ: Tum è contra, quia aliàs sequeretur multa esse violenta, quæ tamen negantur esse talia, vt quies cœlis post diem iudicij, tenebræ aëri, & etiam humanitas Christi sine propria subsistentia, cum cœli habeant inclinationem passiuam ad motum, & aër ad lucem, & humanitas Christi ad propriam subsistentiam. Sed tamen in contrarium est communis sententia, quòd per se sufficit ad violentiam resistentia passiuæ, quamuis ordinariè ad illam concurrat resistentia actiua: Primum constat; quia aliquid dicitur violentum præcisè, quando est contra inclinationem naturalem subiecti, quæ inclinatio aliquando est tantum in recipiendo, & tunc subiectum resistit tantum passiuè ad introductionem & receptionem formæ disconuenientis; quod confirmatur instantia materiæ primæ, quæ verè esset in statu violento, si per impossibile priuaretur omni forma substantiali, & tamen constat quòd se haberet merè passiuè resistendo tali priuationi: Secundum autem constat, quia ordinariè subiectum quod patitur violentiam, concurrat actiuè ad formam qua priuatur violenter, & consequenter actiuè resistit violentiæ per inclinationem actiuam ad formam connaturalem qua priuatur; quæ resistentia actiua aliquando est actus secundus formalis elicitus, aliquando autem est tantum actus virtualis & interpretatiuus. Vnde ad primam probationem in contrarium dicendum, quòd nomine impetus intrinsici intelligitur inclinatio naturalis, siue sit actiua, siue passiuæ, formalis, aut materialis. Ad secundam dicendum, quòd licet nullus motus sublunarius possit dici violentus respectu materiæ primæ; plures tamen dicuntur violenti, quia sunt contra inclinationem naturalem formæ, à

qua denominatio naturalis & violenti eius oppositi potius desumuntur, quàm à materia, quia ratio naturæ potius conuenit formæ quàm materiæ. Ad tertiam dicendum, quòd cœli habent potentiam contradictionis siue indifferentem ad motum & ad quietem, quamuis motus dicatur ipsis naturalis ratione suæ figuræ sphericæ, & licet talis motus circularis esset ei naturalis ratione formæ substantialis, quies tamen quam habebunt post diem iudicij ex diuina dispositione, non foret violenta propter ea quæ dicuntur in hoc dubio, & similiter dicendum de aëre, quòd scilicet habet potentiam contradictionis siue indifferentem ad lucem & ad tenebras, vnde vtrumque ex istis est ipsi naturale, & neutrum est violentum: quod proportionem seruata debet dici de materia prima in ordine ad singulas formas & ad earum priuationem: Tandem circa humanitatem Christi dicendum, quòd inclinatio humanitatis perfectissimè satiatur per diuinam verbi subsistentiam, vnde quamuis careat propria subsistentia, non tamen est in statu violento; maximè quia appetitus naturalis essentiæ non tendit ad subsistentiā propriam primariò, & propter perficiendam potentiam naturalem, sed primariò tendit ad subsistentiam perfectè completiuam, propter perficiendum absolute compositum. Quantum ad secundum breuiter dicimus, quòd violentia passi consistit, tam in abiectioe formæ connaturalis, quàm in acquisitione formæ oppositæ excludentis à subiecto formam connaturalem; vnde aqua patitur violentiam dum ex frigida fit calida, tam in abiectioe frigiditatis sibi connaturalis, quam in acquisitione caloris sibi contrarij; cuius ratio est, quia tam amissio frigiditatis, quàm acquisitio caloris est contra inclinationem naturalem aquæ, vnde calefactio aquæ est motus violentus includens prædictas duas mutationes violentas. Quantum ad tertium etiam breuiter dicimus, quòd non solum passum, sed etiam agens potest esse subiectum violentiæ, seu pati violentiam, vt constat ex Philosopho 3. Ethicorum cap. 1. vbi sic ait: Violentum autem est, cuius principium extra, tale existens, in quo nihil confert operans, vel patiens: Sed hoc debet intelligi iuxta dicta dubio præcedenti, scilicet de agente in ordine ad actus imperatos voluntatis, aut appetitus qui sit inclinatio totius suppositi, vel quantum ad cessationem ab actibus elicitis talis appetitus: vnde quando in definitione violenti communiter recepta subiectum violentiæ determinatur ad passum, dum dicitur, passio non conferente vim seu resistente, per quod videtur excludi agens; dicimus hoc ideo esse, quia pati est proprium passi vt sic formaliter, non verò agentis vt sic formaliter & reduplicatiuè, quia agens vt agens formaliter & reduplicatiuè tantum agit, & si agens materialiter ac specificatiuè patitur, vt patitur, habet rationem passi, & non agentis. Cum

ergo

ergo constet creaturas plures pati violentiam ab inuicem : quærimus in præfenti, vtrum etiam possint pati violentiam à Deo, vel saltem aliqua ipsarum.

Probatur opinio asserit creaturas posse pati violentiam à Deo, hanc sequuntur simpliciter & absque vlla distinctione Vasques hic disp. 25. cap. 4. Valentia disp. 1. qu. 1. puncto 3. & alij. Cum sequenti verò limitatione & distinctione, videlicet si Deus agat vt agens particulare in ordine ad finem particularem, non verò si agat vt agens vniuersale in ordine ad bonum vniuersi, sequuntur Medina hic in art. 4. & Montesinus disp. 10. q. 2. Probatur : Tunc creatura patitur violentiam, quando in ea aliquid fit contra naturalem eius inclinationem, vt constat ex definitione violenti: sed multa fiunt à Deo in creaturis contra naturalem eius inclinationem, vt docet D. Thomas q. 6. De Potentia art. 1 ad 1. & questione 13. de Veritate art. 1. quod maximè apparet in alligatione dæmonum ad ignem æternum immediate à Deo facta, sunt enim ibi summè violenter, cum illi resistent actu etiam elicit: ergo creaturæ possunt pati violentiam à Deo.

Secundò, Si quid suaderet creaturas non posse pati violentiam à Deo, maximè quia in eis est inclinatio vniuersalis ad obediendum Deo auctori naturæ; hæc enim ratio affertur: sed hæc ratio nulla est, quia etiam in creaturis est similis inclinatio vniuersalis ad bonum vniuersi, & tamen illa non obstante creaturæ patiuntur violentiam, quando mouentur contra proprias inclinationes in ordine ad bonum vniuersi; nam ascensus lapidis aut aquæ ad replendum vacuum verè est violentus, cum in lapide nihil sit naturale, etiam per modum instrumenti, conferens ad talem motum sursum, imò naturalis grauitas resistit huic motui: ergo creaturæ non possunt pati violentiam à Deo.

Tertiò, Possunt creaturæ pati violentiam, imò de facto patiuntur à Deo concurrente cum causis secundis, vt communiter conceditur; cum certum sit Deum concurrere ad omnes actiones causarum secundarum, & quòd ad tales actiones multi sequantur effectus violenti: sed quicquid fit à Deo mediis causis efficientibus, potest ab ipso fieri immediate, vt etiam communiter conceditur: & effectus sic à Deo immediate productus non mutat suam naturam, at est eiusdem rationis, ac quando fit mediantibus causis secundis; quod declaratur in ascensu lapidis, quomodocunque fiat, semper enim est à principio extrinseco resistente ipso lapide, ratione grauitatis naturalis, qua tendit deorsum, ille siquidem impulsus qui immediate à Deo imprimatur lapidi, supplet præcisè impulsus agentis particularis: ergo creaturæ possunt pati violentiam à Deo immediate.

CONCLUSIO.

RESPONDEO dicendum, quòd nulla alia creatura à voluntate, potest immediate à Deo pati violentiam, simpliciter 1. at tantum violentiam secundum quid. 3. voluntas verò creata potest ab ipso pati violentiam secundum quid quantum ad cessationem à suis actibus, quantum verò ad elicientiam ipsorum, nec violentiam secundum quid pati potest. 4. hæc vera sunt de voluntate vt est natura, nam vt libera præcisè potest pati violentiam simpliciter à Deo in aliquibus. Ita communiter discipuli D. Thomæ in præfenti, & alij.

Probatur prima pars conclusionis, in qua præcipua est difficultas, autoritate sacræ Scripturæ & Sanctorum Patrum. Sapientiæ 16. dicitur: Ignis, vt nutrentur iusti, etiam suæ virtutis oblitus est, creatura enim tibi factori deseruiens exardescit in tormentum aduersus iniustos, & lenior fit ad benefaciendum pro his qui in te confidunt. Augustinus lib. 26. contra Faustum cap. 3. ait: Deus Creator & Conditor omnium naturarum, nihil contra naturam facit; id enim erit cuicunque naturale, quod ille fecerit, à quo est omnis numerus, & ordo naturæ, &c. D. Thomas. 1. p. q. 105. art. 6. ad 1. sic ait: Cum aliquid contingit in rebus naturalibus præter naturam inditam, hoc potest dupliciter contingere: vno modo per actionem agentis, qui inclinationem naturalem non dedit: sicut cum homo mouet corpus graue sursum, quod non habet ab eo vt moueatur deorsum, & hoc est contra naturam. Alio modo per actionem illius agentis à quo dependet actio naturalis: & hoc non est contra naturam, vt patet in fluxu & refluxu maris, qui non est contra naturam, quamuis sit præter motum naturalem aquæ, quæ mouetur deorsum: est enim ex impressione cœlestis corporis, à quo dependet naturalis inclinatio inferiorum corporum. Cum igitur naturæ ordo sit à Deo rebus inditus, si quid præter hunc ordinem faciat, non est contra naturam. Idem docet alibi sæpe, & probat ex professo. 3. contra Gentes cap. 100. multis rationibus: vnde ratione. 3. sic ait: Præterea in agentibus etiam corporalibus hoc videtur, quod motus qui sunt in istis inferioribus corporibus ex impressione superiorum, non sunt violenti, neque contra naturam, quamuis non videantur convenientes motui naturali, quem corpus inferius habet secundum proprietatem suæ formæ: non enim dicimus quod fluxus & refluxus maris sit motus violentus, cum sit ex impressione cœlestis corporis, licet naturalis motus aquæ sit solum ad vnā partem, scilicet ad medium. Multò igitur magis quicquid à Deo fit in qualibet creatura non potest dici violentum, neque contra naturam. In quarta ratione dicit, quod Deus est prima mensura essentiæ & naturæ cuiuslibet rei, & consequenter hoc est naturale rei, & non contra naturam, quod ei inditum est

est aut quomodocunque impressum à Deo. Idem ferè repetit q. 1. de Potentia art. 3. ad. 1. ubi sic concludit: Et hoc modo omnes creaturæ quasi pro naturali habent, quòd à Deo in eis fit: Et per hoc in eis distinguitur potentia duplex, vna naturalis ad proprias operationes vel motus, alia quæ obedientiæ dicitur ad ea quæ à Deo recipiunt. Et tandem hanc doctrinam confirmat 1. p. q. 60. art. 5. ex his quæ in naturalibus & politicis contingunt, ait enim: Hæc inclinatio naturalis demonstratur ex his quæ naturaliter aguntur: quia vnumquodque sicut agitur naturaliter, sic aptum natum est agi: videmus enim quòd naturaliter pars se exponit ad conseruationem totius, sicut manus exponitur ictui absque deliberatione ad conseruationem totius corporis: & quia ratio imitatur naturam, huiusmodi imitationem inuenimus in virtutibus politicis; est enim virtuosus ciuis, vt se exponat mortis periculo pro totius Reipublicæ conseruatione: & si homo esset naturalis pars ciuitatis, hæc inclinatio esset ei naturalis. Quia igitur bonum vniuersale est ipse Deus, & sub hoc bono continetur etiam Angelus, & homo, & omnis creatura; quia omnis creatura naturaliter secundum id quod est, Dei est; sequitur quòd naturali dilectione etiam Angelus & homo plus & principalius diligit Deum, quàm seipsum. Ex quibus omnibus sequens ratio, eaque efficacissima deducitur: Tunc tantum aliquid patitur violentiam simpliciter, quando in illo fit aliquid contra inclinationem illius naturalem; ita quòd si in illo subiecto fit duplex inclinatio naturalis, vna vniuersalis & potentior, alia particularis & minus potens; tunc tantum illud subiectum patitur violentiam simpliciter, quando illud quod in eo fit, est contra illam inclinationem vniuersalem & potentior, quamuis sit conforme inclinationi particulari, & minus potens; & è contra non patitur violentiam simpliciter, quando illud quod in eo fit, est conforme inclinationi vniuersali & potentiori, quamuis sit contra inclinationem particularem & minus potentem; cuius ratio est manifesta, quia subiectum resistit magis illi, quod fit contra inclinationem suam naturalem principalem, quæ sine dubio est illa vniuersalis potentior, quàm resistat ei quod fit contra suam inclinationem naturalem minus principalem, quæ est particularis minus potens ac subiecta & subordinata illi vniuersali; & quia denominatio simpliciter desumitur à principali, sicut illud quod est secundum inclinationem vniuersalem, dicitur simpliciter naturale per comparisonem ad aliud quod est secundum inclinationem particularem, quod in dicta comparisonem est tantum naturale secundum quid; sic subiectum dicitur simpliciter resistere (in quo est violentia simpliciter) ei quod est contra inclinationem vniuersalem; & secundum quid tantum resistere (in quo est violentia

R.P. Philippi Carm. discal. Diss. Theolog. in 1. 2.

secundum quid) ei quod in dicta comparisonem est contra inclinationem particularem: Sed in omni creatura est duplex inclinatio naturalis; vna particularis cuique propria ad proprium bonum, & differens pro diuersitate naturæ, quæ ordinariè apparet; alia verò vniuersalis ad bonum vniuersale, quia omnis creatura concurret ad bonum vniuersi, quasi pars ipsius, & qua apta est obedire Deo suo conditori ac auctori suæ naturæ; & hæc secunda inclinatio est potentior ac subordinans sibi aliam; quia ex vno capite cum pars sit naturaliter propter totum, magis inclinat ad bonum totius quàm ad bonum proprium, maximè quia bonum eius proprium non potest stare sine bono totius, & hoc experimur in multis, vt in manu quæ naturaliter se exponit ictui vt saluet totum, experimur in aqua quæ contra particularem inclinationem ascendit ad replendum vacuum pro bono vniuersi, &c. ex alio verò capite Deus Creator huius vniuersi, ita condidit naturas rerum, eisque indidit particulares inclinationes, quòd tamen sibi supremum in eas reseruauit dominium, vnde naturaliter eis inest potentia obedientiæ seu obediensialis, quæ aptæ sunt recipere à Deo quicquid voluerit eis imprimere, etiam contra particulares earum inclinationes, quas receperunt à Deo cum hac subordinatione: ergo quomodocunque creatura moueatur à Deo, mouetur secundum hanc vniuersalem inclinationem ad bonum vniuersi, & ad obediendum Deo, in ea potentior & principalem; etiamsi moueatur contra inclinationem suam particularem illi priori subiectam; & ita non resistit simpliciter diuinæ motioni, at tantum secundum quid; & consequenter nulla alia creatura à voluntate potest immediatè à Deo pati violentiam simpliciter, at tantum violentiam secundum quid; excipitur autem voluntas creata, propter dicta dubio præcedenti, & dicenda hîc in tertia & quarta parte conclusionis.

Probaturs secunda pars conclusionis. Tum ex immediatè dictis in prima parte. Tum ex rationibus primæ opinionis; quæ hanc partem tantum, sed efficaciter suadent.

Probaturs tertia pars conclusionis, quoad omnia quæ continet, ex dictis dubio præcedenti, ubi ostensum est quòd voluntas pateretur violentiam secundum quid, si per subtractionem diuini concursus priuaretur omni actu, vel cessaret ab actu sibi debito. & insuper ostensum est, quòd quantum ad elicientiam suorum actuum nullam omninò potest pati violentiam, & quòd si aliquam patitur, est in ordine ad actus imperatos.

Probaturs & explicatur quarta pars conclusionis: Voluntas hoc habet commune cum omnibus aliis creaturis, quod sit quædam particularis natura; & de ipsa sub hac ratione loquendum est

V

in

in ordine ad Deum, sicut loquimur de aliis naturis particularibus; quod scilicet in ea sit duplex inclinatio explicata, vna particularis ad bonum particulare proprium, alia vniuersalis ad bonum vniuersi & ad obediendum Deo; & hæc inclinatio duplex est recta, & secundum primam tendit ad bonum sibi proprium cum subordinatione ad bonum diuinum, quod magis sic diligit quam proprium; per secundam autem apta est obedire Deo, & moueri quomodo ei placuerit in ordine ad bonum vniuersi. Habet autem voluntas hoc peculiare, quod sit potentia libera, & domina sui actus, quamuis sub supremo Dei dominio; & ex hac parte potest habere inclinationem contrariam iis, quæ ex diuina dispositione in seipsa fiunt, & hæc actualis inclinatio est defectibilis & peccaminosa, qualis est in voluntate damnatorum, ex eo quod detineantur in inferno; & ut sic potest pati violentiam simpliciter à Deo: quæ aptius potest dici violentia simpliciter in genere moris, quia in esse physico non potest dici violentia simpliciter: nam voluntas ut libera sibi subordinatur ut naturæ, quia ratio naturæ est prior, ratio verò liberæ est posterior; vnde quamuis ut libera patiatur violentiam, hæc tamen non est violentia simpliciter ipsi voluntati, quia ut natura mouetur iuxta vniuersalem inclinationem, ad illud cui resistit ut libera.

A d primum ergo dicendum, quod nihil fit à Deo, nec fieri potest in creaturis contra principalem inclinationem illam vniuersalem, de qua dictum est; sed tantum contra inclinationem particularem subiectam illi priori; & de hac loquitur D. Thomas locis citatis: Vnde non possunt pati à Deo violentiam simpliciter, ac tantum violentiam secundum quid. Ad instantiam dicendum quod hæc violentia dæmonum non est violentia simpliciter absque limitatione, sed debet dici violentia simpliciter in genere moris, propter rationem adductam.

A d secundum dicendum, quod quicquid fit in creaturis, iuxta inclinationem quam habent ad obediendum Deo, & ad bonum vniuersi, non est contra naturam seu violentum; vnde ascensus lapidis aut aquæ ad replendum vacuum non est violentus, cum sit ex inclinatione naturali positiua in ipsis principaliori; & hic motus sursum causatur actiue in ipsis ab Authore naturæ, & ab aliis causis superioribus, ut docet sæpe D. Thomas, & maxime locis citatis; vnde non opus est quod in ipsis sit aliquid naturale, etiam per modum instrumenti, conferens ad talem motum sursum, sed sufficit prædicta inclinatio obediendi Deo, & tendendi ad bonum vniuersi, cuiuslibet creaturæ innata, & earum quidditati identificata.

A d tertium dicendum, quod creaturæ non patiuntur violentiam à Deo, etiam ut concurrente cum causis secundis, sed omnis violentia crea-

turis illata debet refundi ad causas secundas. Deinde dato quod creaturæ paterentur violentiam à Deo mediatè, in quantum eius concursus modificatur in causis secundis, tamen non possunt immediatè violentiam ab illo pati, quia scilicet creaturæ naturaliter sequuntur motionem eius puram & non modificatam; vnde licet Deus se solo causet eundem effectum quoad substantiam, quem causat mediante causa secunda; non tamen causat eundem effectum quantum ad modum producendi, secundum quem attenditur violentia; & quamuis impulsus Dei immediatè concurrentis suppleret præcisè quantum ad substantiam impulsus agentis particularis, non tamen suppleret illum præcisè quantum ad modum; nam quomodocunque Deus agat, siue ut agens primum & vniuersale, siue ut agens particulare ac supplens causam secundam, semper agit ut supremus dominus, & intendit vniuersalissimum finem, qui est adimpletio suæ voluntatis, & extensio suæ diuinæ perfectionis, nec alio modo potest agere, cum hic modus agendi sit sibi proprius; & ita semper inuenit creaturam aptam obedire suæ motioni, ex innata illa inclinatione vniuersali.

D V B I V M IV.

Virum actus voluntatis possit esse simpliciter inuoluntarius per metum.

S Vpponendum est, multa fieri & sustineri per metum seu propter metum, ut quotidiana patet experientia, metus autem sic infra q. 41. definitur à D. Thoma: Metus est passio, qua refugimus malum futurum, cui resisti non potest: Et ideo differt à tristitia quæ est de malo præsentis. Potest autem metus coniungi alicui actioni vel passioni dupliciter, scilicet causaliter & concomitanter: coniungitur causaliter, quando mouet & impellit ad actionem vel passionem, & tunc dicitur aliquis agere & pati ex metu, seu propter metum, & per metum: coniungitur autem concomitanter, quando quidem non mouet nec impellit ad actionem vel passionem, sed tantum illam concomitatur, & tunc dicitur aliquis agere cum metu, seu in metu: vnde valde differunt agere ex metu seu propter metum & per metum, & agere cum metu seu in metu; primum enim importat causalitatem, secundum autem importat concomitantiam. Differt autem metus à violentia in modo causandi, quod violentia causat in genere causæ efficientis, compellendo scilicet subiectum ad actionem vel passionem, non expectato consensu voluntatis, imò ipsa voluntate resistente; cum de ratione violenti sit, quod sit à principio extrinseco, passio non conferente vim, seu potius resistente: metus autem causat in genere causæ finalis, impellendo quidem subiectum ad actionem vel passionem, sed tantum per modum suadentis, & ita

& ita non habet effectum nisi supposito consensu voluntatis. Ea quæ fiunt ex metu seu propter metum, comparantur ad ipsum tanquam ad causam, vel per se, vel per accidens: comparantur quidem per se, quando sic fiunt ex metu, quod secluso metu non fierent, ut est proiectio mercium in mare tempore tempestatis ad vitandum naufragium, cessante quippe metu naufragij, non esset talis proiectio: comparantur autem per accidens: quando sic fiunt ex metu, quod secluso metu adhuc fierent; & sunt illa quæ ex se sunt amabilia & eligibilia à voluntate, propter bonitatem & convenientiam quam habent, fiunt tamen ex aliquo metu, ut est observatio legis diuinæ facta ex metu respectu iustorum. In præsentī dubio querimus: utrum actus voluntatis possit esse simpliciter inuoluntarius per metum, sed intelligitur in ordine ad ea, quæ per se comparantur ad metum, ita quod secluso metu non fierent; nam de aliis, quæ per accidens comparantur ad metum, ita quod secluso metu adhuc fierent, nulla est difficultas; cum certum sit fieri ex inclinatione voluntatis, quod colligitur ex eo quod æquè fierent secluso omni metu, & ita non possunt fieri inuoluntariè simpliciter, imò possunt fieri omninò voluntariè absque vlla mixtione inuoluntarij, ut constat in viris perfectis observantibus legem Dei, in quibus licet timor & metus offendendi Deum concurrant ad hanc observantiam, ita tamen voluntariè observant, quod talis observantia videatur ipsis connaturalis, ratione amoris Dei seu charitatis fortiter & suauiter impellentis ipsos ab omni bonum, & retrahentis ab omni malo; & propterea dicitur, quod iusto lex non est posita. In his autem, quæ comparantur per se ad metum, & fiunt ex metu, siue consistant in actione, siue in passione, ut sunt proiectio mercium in mare tempore tempestatis ad saluandam vitam, & tolerantia ablationis pecuniarum à latrone absque resistentia item ad saluandam vitam; reperiuntur ad minus tres actus voluntatis. Primus est amor mercium aut pecuniarum, qui perseverat durante actione vel passione, imò & transacta actione & passione. Secundus est amor vitæ conseruandæ; & hic amor est efficacior alio, cum eius obiectum apprehendatur ut maius bonum. Tertius est electio efficax huius maioris boni scilicet conseruationis vitæ, præ alio minori scilicet conseruationis mercium siue pecuniarum; seu est electio efficax minoris mali scilicet iacturæ mercium & pecuniarum, ad vitandum maius malum scilicet amissionis vitæ. Dictum est prædictos tres actus reperiiri ad minus, quia aliqui assignant quartum, videlicet nolitionem inefficacem v. g. proiiciendi merces in mare, procedentem ex amore ipsarum: sed quicquid sit, an detur iste actus formaliter, tamen sine ipso proiectio illa mercium erit æquè inuoluntaria, cum iste actus includatur virtualiter in amore mercium seu in vo-

R. P. Philippi Carm. discal. Diss. Theolog. in 1. 2.

litione inefficaci conseruationis mercium.

Prima opinio asserit, actum voluntatis esse simpliciter inuoluntarium per metum. Probatur, Voluntarium & inuoluntarium, seu liberum & non liberum important condiciones seu rationes contrarias; nam voluntarium & liberum (hic enim pro eodem sumuntur, sicut & inuoluntarium & non liberum) debet esse ex inclinatione voluntatis, inuoluntarium autem & non liberum debet esse contra talem inclinationem, unde cum idem numero actus non possit habere condiciones & rationes contrarias, non potest simul esse voluntarius & inuoluntarius, ac proinde si est inuoluntarius, est simpliciter inuoluntarius nihil habens de voluntario: sed omnes fatentur, quod actus voluntatis est inuoluntarius per metum: ergo actus voluntatis est simpliciter inuoluntarius per metum. Deinde; Transgressio legis siue Ciuilis, siue Canonice ex graui metu contingens, ut si quis propter imminens aliquod graue periculum non audiret sacrum, aut non obseruaret ieiunium; excusatur à culpa: ergo signum est, quod est simpliciter inuoluntaria. Denique, Multi contractus facti ex metu cadente in constantem virum, sunt ipso iure naturæ irriti & nulli, ut cum quis ex tali metu proficetur in religione, vel nubit: ergo sunt simpliciter inuoluntarij, cum aliunde non appareat, cur sint censendi irriti.

Secunda opinio asserit, quod actus voluntatis ex metu graui procedentes sint magis inuoluntarij, quam voluntarij. Probatur autoritate Aristotelis & D. Thomæ: Aristoteles 3. Ethicor. cap. 1. ait: Simpliciter enim nemo fortunas suas eiicit sponte. Et paulò post ait: Talia igitur sua sponte quisquam agit, at simpliciter fortassis inuitus. D. Thomas sæpe docet, illa quæ fiunt ex timore siue ex metu non esse simpliciter voluntaria; imò docet alibi, quod in communi & secundum se sumpta, sunt simpliciter inuoluntaria, quamuis in particulari possint esse voluntaria. Quod potest confirmari duabus vltimis rationibus pro prima opinione adductis, quæ si probant actum voluntatis ex metu factum esse simpliciter inuoluntarium, multò magis probant plus participare de inuoluntario quàm de voluntario.

CONCLUSIO.

RESPONDEO dicendum, quod actus voluntatis ex metu procedens, est mixtus ex voluntario & inuoluntario. 1. magis tamen est voluntarius, quam inuoluntarius. 2. unde simpliciter dicitur voluntarius, & secundum quid tantum inuoluntarius. Ita communiter docent discipuli D. Thomæ & alij in præsentī.

Probatur prima pars conclusionis autoritate, tum Philosophi, tum Sanctorum Patrum. Philosophus 3. Ethicor. cap. 1. docet quod ea quæ fiunt per metum, sunt magis voluntaria, quàm inuoluntaria; & consequenter sunt mixta ex voluntario

luntario & involuntario. Idem docet S. Gregorius Nissenus citatus à D. Thom. hic art. 6. & ipse Angelicus Doctor probat ex professo ibidē. Deinde probatur exemplo quod adducit D. Thomas loco citato: Proiectio mercium in mare tempore tempestatis ad vitandum naufragium, est voluntaria; quia omnibus pensatis eligitur hic & nunc à voluntate, & executioni efficaciter mandatur, quod autem eligitur à voluntate, est voluntarium; est etiam quodammodo involuntaria, quia est contra inclinationem mercatoris ad conservandum suas merces, quod manifestè significatur ex eo quod mercator flet illas proiiciendo: ergo actus voluntatis ex metu procedens, est mixtus ex voluntario & involuntario. Hæc tamen pars conclusionis, & Probatio eius debent tantum intelligi de illis quæ fiunt ex metu, quæ scilicet secundum se considerata habent rationem mali, & ut sic sunt contra inclinationem voluntatis; tamen hic & nunc eliguntur ab ipsa voluntate ad vitandum maius malum, & propter maius bonum: quod expressè docet D. Thomas loco citato, dum ait: Id enim quod per metum agitur, in se consideratum non est voluntarium; sed fit voluntarium in casu, scilicet ad vitandum malum quod timeatur. Igitur si aliquid fiat, quod secundum se consideratum sit iuxta inclinationem operantis, licet etiam interueniat metus ad eius executionem, ut dum vir iustus obseruat legem Dei, & ex inclinatione ac propensione quam habet ad bonum, & etiam ex metu offendendi Deum, & incurrendi damnationem; tunc actus ille est simpliciter voluntarius nihil habens de involuntario: solum habet aliquid de involuntario ipsa obseruantia legis diuinæ, quando id quod præcipitur, est in se arduum ac repugnans inclinationi naturali operantis, sit tamen ab operante contra propriam inclinationem ex metu dānationis; tunc enim actus ille est volūtarius, quia fit; & etiam est aliquo modo involuntarius, quia est secundum se contra inclinationem subiecti, quatenus res præcepta materialiter & in esse rei considerata displicet appetitui propter difficultatem; & hæc displicentia non est mala, nec reddit obseruantiam legis peccaminosam, ut definit Concilium Tridentinum sess. 6. can. 8. his verbis: Si quis dixerit gehennæ metum, per quem ad misericordiam Dei, de peccatis dolendo confugimus, vel à peccato abstinemus, peccatum esse; anathema sit: Solum esset mala hæc displicentia, si esset rei ut præcepta formaliter, siue ut cadit formaliter sub præcepto; quia tunc etiam displiceret diuinum præceptum, quod tamen secundum rectam rationem displicere non potest, cum nihil mali verè in se habeat, ratione cuius possit licitè respui.

Probatur secunda pars conclusionis auctoritate & ratione D. Thomæ hic art. 6. ubi sic ait: Sed si quis rectè consideret, magis sunt huius-

modi (quæ scilicet per metum aguntur) voluntaria, quam involuntaria; sunt enim voluntaria simpliciter, involuntaria autem secundum quid; Et statim sic efficaciter probat: Vnumquodque enim simpliciter esse dicitur secundum quod est in actu; secundum autem quod est in sola apprehensione, non est simpliciter, sed secundum quid: hoc autem quod per metum agitur, secundum hoc est in actu, secundum quod fit; cum enim actus in singularibus sint, singulare autè in quantum huiusmodi est hic & nunc, secundum hoc id quod fit est in actu, secundum quod hic est nunc, & sub aliis conditionibus individualibus: sic autem hoc quod fit per metum est voluntarium, in quantum scilicet est hic & nunc; propterea scilicet in hoc casu est impedimentum maioris mali quod timebatur: sicut proiectio mercium in mare fit voluntarium tempore tempestatis propter timorem periculi, &c. Deinde; Quando in aliquo subiecto est duplex inclinatio, vna principalior, alia minus principalis, tunc actus ad utramque consequutus, & in utraque fundatus magis conformatur inclinationi principaliori, quam inclinationi minus principali; quia illa magis influit in actum ut pote principalior & potentior, quam ista minus principalis & debilior: sed in voluntate operante ex metu est duplex inclinatio, vna principalior & efficax qua vult operari, & de facto operatur; alia minus principalis & inefficax qua vult non operari, & virtute cuius non operaretur, nisi alia præualeret; ut constat in proiectione mercium tempore tempestatis ad saluandam vitam, nam ex inclinatione principaliori ad saluandam vitam efficaciter voluntas vult proiicere, & de facto proiicit merces; ex inclinatione verò ad seruandas merces vult sed inefficaciter, seu vellet non proiicere, quod idem est, ac nollit proiicere; & apparet, nam flendo proiicit, & de facto non proiiceret, nisi alia inclinatio saluandæ vitæ præualeret: ergo cum actus voluntatis debeat magis conformari inclinationi principaliori & efficaci, quam inclinationi minus principali & inefficaci; & dicatur voluntarius à prima, & involuntarius à secunda; sequitur quod actus voluntatis ex metu procedens, magis sit voluntarius, quam involuntarius.

Probatur tertia pars conclusionis. Tum ex dictis in præcedenti; hanc enim efficaciter probant. Tum expressa auctoritate D. Thomæ hic art. 6. ubi postquam docuit, quod illud quod fit per metum, est magis voluntarium, quam involuntarium, sic concludit: Vnde manifestum est, quod simpliciter voluntarium est, vnde & competit ei ratio voluntarij, quia principium eius est intra: sed quod accipiatur id quod per metum fit, ut extra hunc calum existens propterea repugnat voluntati, hoc non est nisi secundum rationem tantum; & ideo est involuntarium secundum quid, id est prope consideratur extra hunc

hunc casum existens. Tum denique ratione superius adducta, & sic ad intentum huius partis applicata: Quando in subiecto est duplex inclinatio, actus ad utramque consequurus, & in utraque fundatus denominatur simpliciter & absolute, seu sine addito, à potiori & principaliori, & denominatur tantum secundum quid à minus principali, & tunc maxime quando una inclinatio contrariatur alteri, ut constat inductione in omnibus; & propterea supra ostensum est, quod omnia quæ fiunt in creaturis à Creatore, non sunt violenta nisi secundum quid, & simpliciter naturalia, quia consequuntur inclinationem ipsarum vniuersalem ad obediendum Deo in eis principaliorē: ergo cum actus voluntatis ex metu procedens sit voluntarius ex principali inclinatione eius, & inuoluntarius ex inclinatione minus principali, ut ostensum est; debet simpliciter & absolute, seu sine addito dici voluntarius, & secundum quid tantum inuoluntarius, quod confirmatur ex Scriptura: nam vituperantur aliqua facta ex metu: unde signum est esse simpliciter voluntaria; dicitur enim Ioan. 12. Propter Phariseos non confitebantur, ut ex Synagoga non eicerentur, dilexerunt enim magis gloriam hominum, quam gloriam Dei.

Ad primum ergo dicendum, quod repugnat quidem eundem numero actum, siue internum & elicitem voluntatis, qualis est electio proiciendi merces in mare; siue externum & imperatum, qualis est ipsa proiectio mercium, esse simul voluntarium & inuoluntarium simpliciter; non autem repugnat, quod sit voluntarius simpliciter, & inuoluntarius secundum quid: cuius ratio est; quia ratio voluntarij provenit ipsi ex inclinatione voluntatis simpliciter tali, ratio autem inuoluntarij provenit ipsi ex alia inclinatione quæ est tantum secundum quid; unde cum hæ duæ inclinationes sint simul compossibiles, ut pote respicientes diuersa obiecta, sequitur quod etiam rationes voluntarij & inuoluntarij ab ipsis inclinationibus derivatæ sint compossibiles in eodem actu. Ad aliud dicendum, quod transgressio formalis legis nunquam excusatur à peccato, quamvis ex metu contingat, diminuitur tamen culpa; & ita non licet quocunque metu urgente transgredi præcepta negativa, quæ semper & pro semper obligant: transgressio autem materialis legis, quæ dicitur talis, quia lex pro tunc non obligat (leges quippe humanæ, & etiam aliquæ divinæ non obligant, nisi cum possunt commodè observari) excusatur à peccato, quia cessat obligatio legis, non verò ex eo quod non sit simpliciter voluntaria; & talis est lex de audiendo sacro, & seruando ieiunio. Ad aliud dicendum, quod tales contractus ex metu cadente in constantem virum facti, non sunt inuoluntarii iure naturæ, sed tantum iure positio; unde nisi ius positium obstarer, essent legitimi ex ipso iure na-

turæ, quia sunt simpliciter voluntarij, quamvis secundum quid inuoluntarij, ita communiter Discipuli D. Thomæ & alij in præsentī: Nec est contrarius Angelicus Doctor in 4. d. 29. art. 3. q. 1. ibi enim loquitur supposito iure Ecclesiastico positio, & rationes quas ibi adducit ex natura matrimonij & indissolubilitate eius, sunt tantum congruentiæ, in quibus fundatur ius positium.

Ad secundum dicendum, quod Aristoteles in utroque loquitur de fortunis seu diuitiis absolute consideratis, siue abstrahendo à circumstantiis, quæ hic & nunc illas comitantur; & ut sic certum est, quod simpliciter nemo fortunas sua eiicit sponte, at simpliciter fortassis inuitus: certum est autem, quod si de illis loquamur in particulari, ut hic & nunc substant talibus circumstantiis, possunt simpliciter sponte eiici, ut ostensum est. Ad authoritatem D. Thomæ dicendum, quod dum ait illa, quæ fiunt ex metu, non esse simpliciter voluntaria, sumit ibi simpliciter ut excludit admixtionem contrarij, scilicet inuoluntarij; non autem sumit simpliciter, ut opponitur ad esse secundum quid: unde quæ fiunt ex metu, sunt voluntaria simpliciter, quia sunt talia sine addito; non autem sunt voluntaria simpliciter, quasi non habeant admixtionem inuoluntarij. Aliud dictum D. Thomæ debet intelligi eo modo, quo expositum est dictum Aristotelis. Nec rationes adductæ pro prima opinione fauent huic secundæ, ut constat ex earum solutione.

D V B I U M V.

Utrum agere ex metu sit aliquando licitum.

Supponendum est, quod actiones, quæ possunt cadere sub metu, siue fieri propter metum; sunt in triplici differentia. Nam quædam sunt ex natura sua bonæ moraliter, quia honestæ & conformes rationi, & nullo modo sunt prohibitæ, imò sæpe sunt præceptæ, qualis est cultus Dei, honor parentum, amor patriæ, obseruantia superioris & magistri, &c. Aliæ sunt malæ moraliter, quia ex se sunt contra honestatem & rationem, & sunt prohibitæ lege Naturæ, & aliquando etiam lege Positiua, siue Diuina, siue Ecclesiastica, siue Ciuili, quales sunt actiones contrariæ supra enumeratis; & hæ dicuntur prohibitæ, quia malæ. Tandem sunt aliæ mediæ siue neutra, quia scilicet secundum suam speciem sunt indifferentes ad bonitatem & malitiam moralem, & ex adiunctis circumstantiis possunt fieri bonæ vel malæ moraliter, quale est comedere, ieiunare, & similia; & hæ aliquando sunt præceptæ ex bono fine, sicut ieiunium in Ecclesia; aliquando verò sunt prohibitæ, etiam ex bono fine, ut comestio panis Propositionis in Antiqua Lege, communicatio cum excommunicatis in Lege Gratæ, &c. & hæ sunt & dicuntur malæ,

quia prohibita. De his omnibus actionibus procedit præsens dubium, quando ex metu fiunt. Ad cuius euidenciam sciendum est, quod metus diuiditur in metum cadentem in virum constantem, & in metum cadentem in virum inconstantem. Metus cadens in virum constantem, est ille qui non repugnat constantiæ & fortitudini viri prudentis: pro quo Authores communiter assignant sequentes conditiones. Prima est, vt malum quod timetur, sit graue. Secunda, vt non vanè & leuiter vt tale à timente iudicetur. Tertia, vt minitans possit minas exequi. Quarta, vt minitans sit solitus minas exequi. Quinta tandem est, vt malum quod timetur non possit facile à timente vitari: malum autem illud quod timetur, debet esse malum ipsius timentis aliquo modo, vel quia est propriæ personæ, vel personæ sibi coniunctæ, vt patris, matris, filij, fratris, sororis, amici, &c. Metus autem cadens in virum inconstantem dicitur ille; qui caret aliqua ex prædictis conditionibus. Metus cadens in constantem virum adhuc est duplex: nam alius est metus mortis, vel mali grauis futuri, quod imminet & sequitur necessariò necessitate naturæ, nisi illi obuietur, qualis est metus mortis in famelico, nisi comedat: Alius autem est metus mortis, vel mali grauis futuri, quod quidem non imminet nec sequitur ex necessitate naturæ, sed infertur ex aliquo agente morali extrinseco, nisi illi obuietur, qualis est metus mortis vel tormentorum procedens ex minis tyranni.

Prima opinio asserit aliquando licitum esse ex metu agere etiam turpissima, & committere peccata, ad consequendum aliquod bonum, vel ad vitandum graue malum, sicut mentiri ad vitandum mortem, vel etiam extrinsecè thus adhibere idolis: Hanc opinionem seu errorem sequuntur plures Christiani orientales. Probatur autoritate Aristotelis 3. Ethicor. cap. 1. vbi dicit esse aliqua turpia, quæ vir constans potest licitè agere ex metu mortis. Et in quadam lege habetur, quod seruus non peccat faciens aliquod delictum metu mortis imminuentis. Deinde probatur autoritate sacre Scripturæ, vbi dicitur quod Deus præmiauit mendacium obstetricum Aegypti, quæ metu mortis occultabant paruulos Iudæorum: & laudatur Iudith, quamuis multa mendacia dixerit Holoferni. Denique, retinere alienum est ex se malum; & tamen metu mortis potest quis retinere alienum licitè, vt si quis retineat ensen amenti vel furioso etiam petenti, ne ipsum interficiat: ergo licitum est aliquando ex metu agere etiam turpissima, & committere peccata, ad consequendum aliquod bonum, vel ad vitandum graue malum.

Secunda opinio Caietani hîc art. 4. & aliorum asserit, nunquam licitum esse agere id, quod prohibetur aliqua lege positua, siue diuina, siue humana canonica, vel ciuili; etiam ex metu mortis, aut alio cadente in constantem virum.

Probatur ex cap. Sacris, de his quæ vi metusve causa fiunt, vbi dicitur non excusari à peccato eum, qui quocunque metu habet commercium cum excommunicato. Deinde, Potest Princeps siue Ecclesiasticus, siue secularis præcipere aliquid sub peccato mortali, etiam cum periculo vitæ, vt Episcopus potest tempore pestis præcipere Præbyteris, ne discedant à Ciuitate; & Rex idem potest præcipere medicis, quamuis tunc infert grauis metus mortis, & certum est quod ille metus non excusaret à peccato contrafacientem: ergo nunquam licitum est agere id, quod prohibetur aliqua lege, etiam ex metu mortis, aut alio cadente in constantem virum. Denique, Si quis nuberet propter metum mortis cum consanguinea, abique dispensatione Ecclesiæ, peccaret non obstante metu illo: ergo nunquam licitum est agere id, quod prohibetur aliqua lege, etiam ex metu mortis, aut alio cadente in constantem virum.

Tertia opinio, sed hæretica, asserit nunquam licitum esse agere ex metu seruili, etiam illud quod aliàs esset bonum. Probatur autoritate sacre Scripturæ: Metus seu timor seruilis est oppositus charitati, dicitur enim. 1. Ioannis 4. Timor non est in charitate: sed perfecta charitas foras mittit timorem, quoniam timor poenam habet, qui autem timet, non est perfectus in charitate: ergo est malum operari ex tali timore, etiam illud quod aliàs esset bonum.

CONCLUSIO.

RESPONDEO dicendum, quod agere ex metu seu timore etiam seruili, illa quæ sunt moraliter bona, est licitum, imò laudabile. 1. sicut etiam est licitum & laudabile habere aliquam operationem neutram seu indifferentem, ex metu cadente in constantem virum. 2. imò metus hic excusat à peccato operationes, quæ sunt solum prohibita lege Humana, siue Canonica, siue Ciuili. 3. excusat etiam à peccato operationes, quæ sunt contra legem diuinam purè posituam, siue scriptam, siue non scriptam: dummodo hic metus sit mali quod sequatur necessariò necessitate naturæ: si enim hoc malum inferretur à causâ libera extrinseca, metus eius non excusaret tales operationes à peccato. 4. nullus autem metus cuiuscunque mali, siue sequatur ex causâ naturali, siue ex causâ libera, excusat à peccato operationes prohibitas lege naturali. 5. vel intrinsecè peccaminosas. Hæc conclusio quoad primam partem est de fide, quoad reliquas est valde communis inter auctores: hanc expressè docent Cornejo hîc tractatu 4. disp. 3. dubio vltimo, Nostri Salmanticenses hîc in Annotationibus circa articulum 6. & alij.

Probatur prima pars conclusionis autoritate Concilij Tridentini sess. 6. canone 8. vbi sic definitur: Si quis dixerit gehennæ metum, per quem ad misericordiam, de peccatis dolendo confugimus, vel à peccato abstinemus, peccatum esse; anathema

anathema sit. Deinde, Si agere ex metu seu timore serui illa quæ sunt moraliter bona, vt est observatio mandatorum Dei, & exercitium bonorum operum, non esset licitum, at malum & peccaminosum; sequeretur quòd Deus induceret nos ad peccandum, quia sæpe in sacra Scriptura Deus iniungit obseruantiam suorum mandatorum ex metu gehennæ; sicut & exercitium bonorum operum vt dum refertur in Euangelio quòd dicturus sit reprobis in die iudicii: Ite maledicti in ignem æternum, quia esuriui, & non dedistis mihi manducare: Sed est impium dicere quòd Deus nos inducat ad peccandum: ergo agere ex metu seu timore etiam serui, illa quæ sunt moraliter bona, est licitum; imò laudabile, quia laudabile est vti quocunque medio honesto ad benè agendum, & ad fugiendum peccata: laudabilius quidem est agere ex puro motiuo diuinæ bonitatis; sed quia multi plus mouentur metu poenæ, quam virtutis amore, ideo laudabile est benè operari ex metu gehennæ.

Probatur & explicatur secunda pars conclusionis: Est laudabile quidem habere animum immobilem in bono & ad malum; quia hæc immobilitas procedens ex motiuo virtutis est constantia: sed est vituperabile habere animum immobilem circa res indifferentes, quando ex hac immobilitate instat periculum alicuius mali grauis; cum enim hæc immobilitas non sit ex motiuo virtutis, at potius ex motiuo victoriæ, est pertinacia: ergo cum habere aliquam operationem neutram seu indifferentem, vt ambulare, aut quid simile non sit contra virtutem, est licitum & laudabile ex metu cadente in constantem virum, habere aliquam operationem neutram seu indifferentem, & est vituperabile pati aliquod malum graue propter pertinaciam voluntatis tantum.

Probatur tertia pars conclusionis. Sunt aliquæ leges naturales, & etiam aliquæ leges diuinæ, quæ non obligant cum periculo mortis, aut alterius mali grauis; vt sunt leges naturales de satisfaciendo creditori, de adimplendo voto, de reddendo deposito, &c. (circa leges diuinas dicitur in quarta parte conclusionis): ergo iudicandum est, quòd lex humana, siue sit canonica, siue ciuilis, quantum est ex parte sui non obliget cum periculo mortis, aut alterius mali grauis, cum lex humana secundum se non strictius obliget, quam lex naturalis diuina; & ita metus cadens in constantem virum excusat à peccato operationes, quæ sunt prohibitiæ lege humana, siue canonica, siue ciuili. Dictum est, quòd istæ leges non obligant secundum se, & ex parte sui, cum periculo mortis, aut alterius mali grauis; quia potest fieri quòd tunc etiam obligent, propter aliquam circumstantiam, puta scandali, vel salutis animarum.

Probatur & explicatur quarta pars conclusio-

nis. Potest contingere mors, aut aliud graue malum ex obseruantia legis diuinæ purè positiuæ, vel ex causa naturali & necessitate naturæ, vel ex causa libera: Et dicimus quòd metus cadens in constantem virum excusat à peccato operationes, quæ sunt contra legem diuinam purè positiuam, dummodo hic metus sit mali quòd sequatur necessariò necessitate naturæ: si enim hoc malum inferretur à causa libera extrinseca, metus eius non excusaret tales operationes à peccato. Primum dictum probatur triplici instantia: Lex diuina prohibebat Laicis comedere Panes propositionis; & tamen Dauid cum sociis laicis illos comedit absque peccato, quia illos comedit ne fame periret cum sociis, vt constat ex 1. Regum 21. quòd autem non peccauerit, constat ex eo quòd à Christo excusatur. Item Lex diuina prohibebat laborare die sabbathi, & tamen Apostoli in sabbatho euellentes spicas, vt succurrerent vigenti fami, non peccauerunt, quia Matthæi. 12. excusantur à Christo exemplo Dauidis. Tandem Lex diuina præcipiebat, quòd paruuli circumciderentur octauo die, & tamen excusantur Iudæi qui paruulos non circumciderunt per quadraginta annos, propter metum mortis imminens ex vulnere itinerantibus in deserto. Dictum est autem de lege diuina purè positiua, quia si haberet annexam legem naturalem, qualia sunt præcepta Decalogi, ratione huius hoc dictum deberet intelligi iuxta ea quæ dicuntur in quinta parte conclusionis: debet autem intelligi de lege diuina secundum se siue ex parte sui, quia ratione alicuius adiuncti, puta scandali, aut salutis animarum, prædictus metus non excusaret à peccato; vnde si Episcopus v.g. tempore pestis aut belli relinquat commissum sibi gregem, absque eo quòd debite eius saluti spirituali provideat, non excusatur à peccato. Secundum dictum sic declaratur: Transgressio legis diuinæ ex tali metu contingens cedit in contemptum fidei, religionis, & eiusdem legis, ac ordinariè in scandalum & detrimentum proximorum, quòd non erat in primo casu: ergo talis metus non excusat à peccato operationes, quæ sunt contra legem diuinam: vnde tenemur obseruare diuina præcepta concurrente aliqua ex his circumstantiis, etiam instante periculo mortis.

Probatur quinta pars conclusionis. Quæ sunt prohibita lege naturali, sunt prohibita quia mala, & non mala præcisè quia prohibita, vt sunt ea quæ prima principia iuris naturalis prohibent contenta in præceptis Decalogi: ergo nullus metus excusat à peccato operationes prohibitas lege naturali: & si aliquid legatur factum contra legem naturalem quòd excusetur, debet admitti circa hanc transgressionem dispensatio diuina. Per legem autem naturalem intelligimus prima illa principia contenta in Decalogo, & alia principia communia conformia rectæ rationi, non verò

verò conclusiones ex illis deductas : nam de his conclusionibus, putà quòd votum aut iuramentum sit implendum, quòd depositum sit reddendum, &c. iudicandum est, sicut de lege humana, quòd non pro semper obligant : vnde positus aliquibus circumstantiis, & maximè metu alicuius mali grauis, non obligabunt.

Probatur sexta pars conclusionis autoritate sacrae Scripturae & Sanctorum Patrum. Sacra Scriptura damnat eos, qui ex metu committunt peccata, siue actiones intrinsecè malas. Isaia 51. habetur : Oblitus es Domini factoris tui, & formidasti iugiter tota die à facie furoris eius qui te tribulabat. Et Ioannis 12. dicitur : Propter Pharisaeos confitebantur, vt ex Synagoga non eiicerentur, dilexerunt enim magis gloriam hominum, quam gloriam Dei : Vnde signum est, quod metus non excusat à peccato actiones aliunde peccaminosas ; alioquin Scriptura non condemnaret dictas actiones ex metu factas. Sancti Patres communiter docent, nullo metu etiam mortis, dicendum esse vel leuissimum mendacium, aut committendum minimum peccatum veniale : De mendacio videtur omninò determinatum in sacra Scriptura, dicitur enim Leuitici 19. Non mentiemini, neque decipiet vnusquisque proximum suum : De peccato veniali docet ex professo S. Augustinus lib. contra Mendacium cap. 8. Deinde probatur autoritate Aristotelis 2. Ethicorum cap. 1. vbi docet esse quædam turpia, vt matricidium & similia, quæ nullo metu sunt facienda ; quia potius oportet multis suppliciis mortem obire, quam talia committere. Denique probatur ratione : Tunc tantum metus excusat omninò à peccato, quando operatione ex metu facta euitatur maius malum : sed malum culpæ, etiam venialis est maius malum, quam malum poenæ ; cum malum poenæ non sit simpliciter malum, nec à Deo prohibitum, imò sæpe ab ipso intentum ; malum autem culpæ est simpliciter malum, à Deo prohibitum, & nunquam ab ipso intentum ; cum sit contra legem Dei, si sit peccatum mortale ; vel præter legem Dei, si sit peccatum veniale, ex D. Thoma infra q. 78. art. 1. ad 1. ergo nullus metus cuiuscunque mali, siue sequatur ex causa naturali, siue ex causa libera, excusat à peccato operationes intrinsecè peccaminosas. Conueniunt tamen Authores in hoc, quòd licet metus non excuset omninò à peccato ; iuxta tamen maiorem vel minorem sui intensiorem, magis vel minus minuit peccatum, non quidem quantum ad hoc quòd ex mortali faciat veniale, aut ex veniali fiat nullum, sed quantum ad hoc quòd intra proprios limites peccatum mortale vel veniale ex metu factum sit leuius, & minus indignum venia ; quia metus minuit voluntarium, vt dictum est, ac ita minuit malitiam peccati.

A d primum ergo dicendum, quòd ibi Aristoteles nomine turpium intelligit vilia & abie-

cta, quæ sunt turpia respectu corporis ; & hoc verum est, nam vir constans metu mortis potest fugere currendo per vicos absque vituperio, si ab aggressore ad mortem quærat, & ipse sit inermis, potest etiam ipsi humiliari ex eodem metu ; non autem intelligit turpia respectu animi, qualia sunt peccata omnia, contraria rectæ rationi. In illa autem lege nomine delicti, non intelligitur aliqua operatio prohibita quia mala ab intrinseco, sed operatio prohibita iure positivo, quæ esset mala nisi metu excusaretur. Ad aliud dicendum, quòd illæ mulieres laudantur in sacra Scriptura & præmiantur, propter bona opera, non propter mendacia : maximè quia propter ignorantiam inuincibilem, quòd mentiri propter bonum finem esset peccatum, erant excusabiles. Ad aliud dicendum, quòd potest quis licitè retinere vel non reddere alienum, attentis illis aut similibus circumstantiis, vt dictum est.

A d secundum dicendum, quòd caput illud communiter exponitur de communione seu commercio cum excommunicato in eodem crimine, vel de commercio scandaloso, vel de commercio habito in contemptum Ecclesiasticæ censuræ : non autem intelligitur de commercio habito ex metu mortis cessantibus illis circumstantiis, putà si quis sine tali commercio cum excommunicato non posset famem, aut aliquod graue periculum vitare. Ad aliud dicendum, quòd posito tali præcepto, metus non excusaret à peccato : tamen quia non habentur in lege humana similia præcepta inde est quòd in eius transgressione prædictus metus iuxta dicta excusat à peccato. Ad aliud dicendum, quòd in illo casu non peccaret talis nubens, nisi hæc violentia fieret in contemptum Sacramenti matrimonij : peccaret tamen exercendo actum matrimonialem, quia accederet ad non suam.

A d tertium dicendum cum D. Thoma 2. 2. q. 19. art. 4. quòd timor seruilis ex parte seruitutis habet quòd sit malus : seruitus enim libertati opponitur ; vnde cum liber sit, qui causa sui est, vt dicitur in 1. Metaph. seruus est, qui non causa sui operatur, sed quasi ab extrinseco motus. Quicumque autem ex amore aliquid facit, quasi ex seipso operatur, quia ex propria inclinatione mouetur ad operandum : & ideo contra rationem seruitutis est, quòd aliquis ex amore operetur ; sic ergo timor seruilis in quantum seruilis est, charitati contrariatur. Si ergo seruitas esset de ratione timoris seruilis, oporteret quòd timor seruilis simpliciter esset malus ; sicut adulterium simpliciter est malum, quia id ex quo contrariatur charitati, pertinet ad adulterij speciem : Sed prædicta seruitas non pertinet ad speciem timoris seruilis, sicut nec infirmitas ad speciem fidei informis : species enim moralis habitus vel actus ex obiecto accipitur ; obiectum autem timoris seruilis est poena, cui accidit quòd bonum,

bonum, cui contrariatur pœna, ametur tanquam finis ultimus, & per consequens pœna timeatur tanquam principale malum, quod contingit in non habente charitatem; vel quod ordinetur in Deum sicut in finem, & per consequens pœna timeatur tanquam principale malum, quod contingit in habente charitatem: non enim tollitur species habitus, per hoc quod eius obiectum vel finis ordinatur ad ulteriorem finem. Et ideo timor seruilis secundum suam substantiam bonus est, sed seruitas eius est mala. Hæc D. Thomas: Ex quibus constat, quod timor seruilis non est oppositus charitati ut sic, sed tantum perfectæ charitati, quæ amat Deum propter ipsum Deum, non alio motiuo quam diuinæ bonitatis.

D V B I U M V I.

Utrum actus voluntatis fiat aliquo modo inuoluntarius per concupiscentiam.

Supponendum est, quod inuoluntarium differt à non-voluntario, quod non-voluntarium est negatiuum importans simplicem negationem voluntarij; & ita potest applicari cuicunque actui, etiam non apto ut sit voluntarius: inuoluntarium autem est priuariuum importans priuationem voluntarij; & ita solum potest applicari actibus qui apti sunt esse voluntarij, vel quia sunt elicitum ab appetitu, vel quia sunt ab ipso imperati: Vnde merito in præsentem quærimus, verum actus voluntatis fiat aliquo modo inuoluntarius per concupiscentiam: Per actum voluntatis intelligimus actum appetitus rationalis qui est voluntas, siue elicitum, siue imperatum: per concupiscentiam autem intelligimus quemcunque actum, siue passionem appetitus sensitui terminatam ad bonum, siue sit partis concupiscibilis, siue partis irascibilis; & ita nomine concupiscentiæ comprehendimus amorem, desiderium, & gaudium partis sensitivæ concupiscibilis; item spem & audaciam partis sensitivæ irascibilis; & solum excludimus actus appetitus sensitui terminatos ad malum, ut sunt odium, fuga, & tristitia partis concupiscibilis, timor seu metus, desperatio, & ira partis irascibilis: nam sicut eadem est ratio de istis quantum ad hoc quod possint causare inuoluntarium (& propterea quæ dicta sunt de metu dubio præcedenti; æquè procedunt de aliis actibus appetitus sensitui terminatis ad malum;) sic eadem est ratio de illis omnibus actibus appetitus sensitui terminatis ad bonum, ut constabit amplius ex dicendis. Hi autem actus appetitus sensitui terminati ad bonum (& idem proportionem seruata dicendum de aliis terminatis ad malum) se habent dupliciter ad actum voluntatis, vel antecedenter, & ita sunt quodammodo causa ipsius; vel consequenter, & ita sunt effectus ipsius: primo modo incipit appetitus sensitivus ferri in bo-

num sibi conueniens, & mouet voluntatem ut præsupposita cognitione intellectus in illud etiã proprio actu feratur: secundo modo incipit voluntas ferri in bonum sibi conueniens, & ex ipso actu voluntatis excitatur appetitus circa idem bonum. In præsentem non est difficultas de actibus appetitus sensitui terminatis ad bonum, ut consequuntur actum voluntatis, sed tantum ut antecedunt, & simul concomitantur: nam ut antecedunt illum, sunt causa motiua illius quantum ad substantiam, ut verò concomitantur, sunt causa illius quantum ad continuationem, intensionem, aut quid simile: constat autem, quod actus voluntatis nullo modo potest fieri inuoluntarius per concupiscentiam, nisi actus concupiscentiæ comparetur ad ipsum ut causa, ac proinde ut antecedit. Ad horum autem euidentiã recolenda sunt, superius dicta circa diuisionem voluntarij: nam ex ibidem dictis voluntarium diuiditur in perfectum & in imperfectum; voluntarium perfectum soli conuenit naturæ intellectuali agenti modo sibi proprio, id est cum cognitione finis & circumstantiarum; voluntarium verò imperfectum conuenit cuicunque naturæ cognoscitiuæ agenti cum cognitione, sed non cum perfecta cognitione finis & circumstantiarum. Voluntarium perfectum subdiuiditur in liberum & necessarium: liberum importat, quod sit à principio intrinseco, cum cognitione finis & circumstantiarum, ita quod illud principium intrinsecum scilicet voluntas ex vitalis cognitionis maneat indifferens in ordine ad suum actum, & ad obiectum: voluntarium autem perfectum necessarium importat, quod sit à principio intrinseco scilicet voluntate, cum perfecta cognitione finis & circumstantiarum, ita quod illud principium intrinsecum ex vi talis cognitionis maneat determinatum ad suum actum, & ad obiectum. Igitur voluntarium imperfectum, quod conuenit homini, de quo agimus in præsentem, essentialiter requirit, & sufficit quod sit à voluntate, cum cognitione obiecti seu finis materialiter considerati; reliqua omnia, puta intensio actus, impulsus agentis extrinseci, & similia sunt ei accidentaria. Voluntarium perfectum liberum essentialiter requirit, & sufficit quod sit à voluntate indifferenti, cum perfecta cognitione finis & circumstantiarum, id est finis sub ratione finis; cætera omnia, puta intensio actus, impulsus agentis extrinseci, & similia sunt ei accidentaria. Tandem voluntarium perfectum necessarium essentialiter requirit, & sufficit quod sit à voluntate determinata ad vnum, cum perfecta cognitione finis & circumstantiarum; cætera omnia, puta quod sit cum cognitione omnium circumstantiarum, vel tantum aliquarum, & similia sunt ei accidentaria.

Prima opinio Angelæ in suis Moralibus cap. 3. asserit absolutè & absque vlla distinctione, quod actus voluntatis fiat aliquo modo inuoluntarius

X per

per concupiscentiam. Probatur: Actus voluntatis fit inuoluntarius aliquo modo per metum, in quantum ratione metus talis actus patitur diminutionem voluntarij, & est mixtus ex voluntario & inuoluntario, vt docet Diuus Thomas in præfenti, & communiter conceditur: ergo etiam actus voluntatis fit aliquo modo inuoluntarius per concupiscentiam; Tum ex paritate rationis, quia metus & concupiscentia eodem modo concurrunt extrinsecè, & adhuc non per modum causæ effectiuæ propriæ, sed per modum occasionis ad actum voluntatis; Tum quia concupiscentia est sæpe causa timoris, vt dum quis timet naufragium in nauigatione, quam per concupiscentiam diuitiarum aggressus est, vnde cum timor sit causa inuoluntarij, etiam concupiscentia quæ est causa timoris, est etiam causa inuoluntarij, iuxta illud, Quod est causa causæ, est causa causati. Deinde, Concupiscentia minuit cognitionem, vt communiter conceditur; & propterea minuit etiam peccatum, vt docet D. Thomas infra q. 77. art. 6. ergo concupiscentia minuit voluntarium, cum cognitio sit de ratione voluntarij, & concurrat ad malitiam peccati. Denique, Sæpe contingit, quod ille qui operatur ex vehemēti concupiscentia patiatur tristitiam in sua operatione, vt lubricus peccans cum remorsu conscientie: ergo actus voluntatis ex concupiscentia procedens, est aliquo modo inuoluntarius, ratione tristitiæ adiunctæ & occasionatæ ex concupiscentia.

Secunda opinio Valentis hic disp. 2. quæst. 1. puncto. 5. in responsione ad. 1. quasi in alio extremo, asserit solum voluntarium liberum minui per concupiscentiam. Probatur auctoritate D. Thomæ hic art. 7. vbi sic ait: Concupiscentia non causat inuoluntarium, sed magis facit aliquid voluntarium. Deinde, Præponderat incrementum, quod ex concupiscentia accedit voluntario, ex parte inclinationis voluntatis, quæ est præcipuè & essentialiter de ratione voluntarij: ergo licet concupiscentia aliquantulum minuat cognitionem minus principaliter requisitam ad voluntarium perfectum, non tamen minuit ipsum voluntarium perfectum, si non sit liberum. Denique, Concupiscentia minuit voluntarium liberum, vt communiter conceditur: ergo non minuit, at potius augeat voluntarium perfectum necessarium; Tum quia in actu voluntario liberum & necessarium sunt contraria, quod autem minuit vnum contrariorum, augeat aliud; Tum quia ideo minuitur liberum per concupiscentiam, quia ratione illius obscuratur cognitio intellectus, & proponitur voluntati obiectum cum minori indifferentia, & consequenter proponitur cum maiori determinatione, quæ conducit ad maiorem necessitatem actus voluntarij.

CONCLUSIO.

RESPONDEO dicendum, quod concu-

piscentia minuit: imò aliquando tollit omnino voluntarium perfectum, prout comprehendit tam voluntarium liberum, quam voluntarium necessarium. 2. non autem tollit, aut minuit voluntarium imperfectum: quin potius augeat illud quantum ad intensionem. 3. vnde absque distinctione non est concedendum, quod actus voluntatis fiat aliquo modo inuoluntarius per concupiscentiam. Ita communiter discipuli D. Thomæ in præfenti.

Probatur prima pars conclusionis. De ratione voluntarij perfecti est, quod sit à principio intrinseco, cum perfecta cognitione finis & circumstantiarum; ita quod si sit voluntarium liberum, talis cognitio seu iudicium indifferens intellectus relinquat indifferentem voluntatem ad vtrumlibet, siue ad prosequendum aut respiciendum obiectum; si autem sit voluntarium necessarium, talis cognitio seu iudicium intellectus determinatum ad vnum determinet etiam voluntatem ad vnum, v. g. ad prosequendum obiectum, ita vt non possit non prosequi: sed concupiscentia potest minuere, imò & tollere hanc perfectam cognitionem finis & circumstantiarum, vt quotidie experimur; videmus enim quod passio obscurat intellectum, vt non aduertat plures circumstantias operis, quas aduertit transacta passione, vnde poenitet nos transacta passione, fecisse plura quæ durante passione fecimus: imò videmus quod ex passione vehemēti absorbetur vsus rationis, & aliqui sunt amentes, & ita carent omnino cognitione finis & circumstantiarum requisitâ ad voluntarium perfectum, vnde tunc operantur more brutorum: ergo concupiscentia minuit, imò aliquando tollit omnino voluntarium perfectum, prout comprehendit tam voluntarium liberum, quam voluntarium necessarium. Quod expressè docet D. Thomas infra q. 77. art. 6. & inde infert quod passio minuit peccatum.

Probatur secunda pars conclusionis quantum ad primum: Ad rationem voluntarij imperfecti requiritur & sufficit, quod sit à principio intrinseco cum cognitione præuia obiecti, vt constat ex dictis supra: sed concupiscentia non potest tollere ab actu voluntatis, quin sit à principio intrinseco nempe ab ipsa voluntate, imò potius concupiscentia mouet voluntatem ad operandum; nec potest tollere, quin talem actum voluntatis præcedat cognitio obiecti, cum nihil sit volitum quin præcognitum: ergo concupiscentia non tollit voluntarium imperfectum. Probatur quantum ad secundum: Ex vna parte concupiscentia non minuit cognitionem requisitam ad voluntarium imperfectum, hæc quippe cognitio est obiecti sub ratione boni statim apparentis, & non sub alia ratione eleuatiore quæ transcendat cognitionem sensus, purâ sub ratione finis dicentis proportionem ad actum & ad media; Et ita cognitio sensus coniuncta cogni-

tionis

ioni intellectus de eodem obiecto & sub eadem ratione, non minuit dictam cognitionem intellectus, sicut minueret si esset de obiecto sub alia ratione eleuatiore, ut contingit in voluntario perfecto; imò potius illam confortat: Ex alia vero parte concupiscentia non retardat voluntatem à suo actu, at potius illam mouet ad actum, & incitat ut cum maiori conatu & feruore tendat ad obiectum concupitum, ut quotidiana patet experientia: ergo concupiscentia non minuit voluntarium imperfectum, quin potius auget illud quantum ad intensiorem. Et ita intelligendus est Diuus Thomas hic art. 7. & iuxta dicta exponi debet eius ratio statim adducenda.

Probatur tertia pars conclusionis auctoritate & ratione D. Thomæ hic artic. 7. ubi sic ait: Concupiscentia non causat inuoluntarium, sed magis facit aliquid voluntarium: dicitur enim aliquid voluntarium ex eo quod voluntas in id fertur; per concupiscentiam autem voluntas inclinatur ad volendum id quod concupiscit; & ideo concupiscentia magis facit ad hoc quod aliquid sit voluntarium, quam quod sit inuoluntarium. Quæ ratio à priori sic amplius declaratur: Quando appetitus sensitius & voluntas simul feruntur in aliquod obiectum, in tali obiecto concurrunt omnes conuenientiae in ordine ad appetentem; nam iudicatur conueniens per cognitionem sensitiuam ipsi appetitui sensitiuo, & etiam iudicatur conueniens per cognitionem intellectiuam ipsi voluntati seu appetitui rationali: unde appetens utroque appetitu tendit in illud, & tendit cum maiori conatu ex parte utriusque, quia vna tendentia confortat alteram; sicut contra quando hi duo appetitus sunt oppositi circa idem obiectum, vnus retardat alium, ut experientia constat. Insuper concupiscentia facit quod obiectum apprehendatur ab intellectu sub maiori ratione boni, & quasi offuscat ipsum, ne percipiat in obiecto aliquam rationem mali & disconuenientis, obquam à voluntate respuatur, & quodammodo applicat ipsum ad considerandam præcisè rationem illam boni & conuenientis, quam ipsamet appetit: Et ita concupiscentia non causat inuoluntarium, sed magis causat voluntarium, scilicet ut importat actum voluntatis procedentem à principio intrinseco cum cognitione, in quo consistit ratio voluntarij ut sic. Quod amplius declaratur à posteriori: nam ut docet Aristoteles. 3. Ethicorum cap. 1. & ipsa constat experientia, Concupiscentia excitat voluntatem ut amet aliquod obiectum cum maxima delectatione, unde nihil inuoluntarij causat in tali actu amoris, at potius excludit ab ipso omnem rationem inuoluntarij, & reddit purum ab omni inuoluntario, quod aliunde posset aduenire: ergo absque distinctione non est concedendum, quod actus voluntatis fiat aliquo modo

inuoluntarius per concupiscentiam; maxime quia ut dictum est, ratio voluntarij ut sic in communi, de quo hic intelligimus, præcisè consistit in hoc quod sit ab intrinseco cum cognitione, & hanc rationem æquè participat voluntarium dictum imperfectum, ac voluntarium perfectum.

Ad primum ergo dicendum cum D. Thoma hic art. 7. ad 1. quod est differentia inter metum seu timorem & concupiscentiam, quod timor est de malo, concupiscentia autem respicit bonum: malum autem secundum se contrariatur voluntati; sed bonum est voluntati consonum: unde magis se habet timor ad causandum inuoluntarium, quam concupiscentia. Unde ad primam probationem in contrarium dicendum, quod ex differentia assignata sequitur, quod quamuis metus & concupiscentia concurrant extrinsece ad actum voluntatis, & adhuc per modum occasionis: non tamen eodem modo ad illum concurrunt; nam concupiscentia concurrat ad illum adiuuando, cum sint de eodem bono; metus autem concurrat retardando & potius impediendo, cum metus sit de malo contrario voluntati, & actus voluntatis sit alicuius boni. Ad secundam probationem dicendum, quod licet concupiscentia sit causa seu occasio timoris, ut constat in instantia adducta; tamen concupiscentia non est causa talis causalitatis in timore, siue non est causa cur timor taliter causet: unde non sequitur quod si timor sit causa inuoluntarij, etiam concupiscentia sit causa inuoluntarij; illud enim axioma est tantum verum, quando aliquid est causa causæ & causalitatis ipsius, tunc enim est etiam causa causati; per hoc enim quod est causa non solum causæ, sed etiam causalitatis, concurrat mediante ipsa ad eius causatum seu effectum. Ad aliud dicendum, quod concupiscentia minuit quidem cognitionem requisitam ad voluntarium perfectum, siue necessarium, siue liberum, & propterea etiam minuit peccatum, quod tantum reperitur in voluntario libero; non autem minuit cognitionem requisitam & sufficientem ad voluntarium ut sic. Ad aliud dicendum, quod illa tristitia quæ in tali operatione reperitur, non provenit ex concupiscentia, iuxta dicta in conclusione; sed provenit ei ex aliis capitibus, quod non negatur absolute: non enim negatur quod actus ex concupiscentia factus possit habere aliquid inuoluntarij admixtum, sed negatur quod illud inuoluntarij procedat ex concupiscentia. Vel dicendum cum D. Thoma hic ad 1. quod illa tristitia seu repugnantia non reperitur in operatione, dum viget concupiscentia, sed vel antecedit, vel subsequitur; nec est de ipsa operatione, sed de aliquo eius effectui, & malo futuro quod timetur: Quod declaratur ex hoc quod concupiscentia inducit ad obliuionem tristitiæ vel displicentiæ, quæ potest reperiri in operatione, & omnino illam ab-

sumit, quod non est in metu, ut apparet in oppositione operationis arduæ, quæ fit ab incontinente ad explendam concupiscentiam, ad eam quæ fit à timido propter metum, hic enim sentit difficultatem in operando, cum tamen ille non sentiat.

Ad secundum dicendum, quod authoritas illa D. Thomæ solum procedit de voluntario ut sic, non autem de voluntario perfecto, siue libero, siue necessario. Ad aliud dicendum, quod ad voluntarium perfectum requiritur & quod sit ab intrinseco, & quod sit cum perfecta cognitione: unde siue tale voluntarium sit necessarium, siue liberum, minuetur in eo ratio voluntarij, si minuatur cognitio ad illud essentialiter requisita; ad voluntarium quippe æquè requiritur cognitio, ac requiritur quod sit à principio intrinseco. Ad aliud dicendum, quod ex eodem capite venit, quod concupiscentia minuat voluntarium perfectum tam liberum, quam necessarium, nempe ex eo quod minuit cognitionem finis & circumstantiarum, requisitam ad utrumque: & quantum ad hoc voluntarium liberum & voluntarium necessarium non sunt contraria, at potius conformia; sunt autem contraria in eo quod voluntarium liberum est cum indifferentia, quia obiectum perfectè cognitum ob limitatam suam bonitatem exigit cum indifferentia appeti; voluntarium autem necessarium est cum determinatione ad vnum, quia ex perfecta cognitione obiecti voluntas determinatur ad illud necessariò appetendum: hæc autem determinatio sicut & indifferentia quæ est in voluntario libero, radicaliter prouenit ex diuersa conditione obiecti perfectè cognita: unde cum per concupiscentiam minuatur cognitio requisita ad voluntarium perfectum, minuitur etiam per illam voluntarium perfectum, siue necessarium, siue liberum: illud autem voluntarium necessarium, quod præcedit ex imperfecta cognitione proportionante obiectum cum determinatione amandum, est voluntarium imperfectum; & non voluntarium perfectum, quod dicimus minui per concupiscentiam.

D V B I V M VII.

Utrum actus voluntatis fiat aliquo modo inuoluntarius per ignorantiam.

SUpponendum est ex dictis, quod inuoluntarium & non voluntarium opponuntur sicut priuatiuum & negatiuum: inuoluntarium igitur solum propriè dicitur de actu qui debet esse voluntarius, cum priuatio sit carentia formæ quæ deberet inesse subiecto: non voluntarium autem potest dici de quocunque actu, etiam si non debeat esse voluntarius: unde inuoluntarium dicit quod sit repugnans voluntati, non voluntarium autem non dicit hanc repugnantiam,

sed puram negationem voluntarij. Ut autem sciatur utrum actus voluntatis fiat aliquo modo voluntarius per ignorantiam, prius sciendum est ex D. Thomæ hic art. 8. quod ignorantia sumitur tripliciter, videlicet antecedenter, concomitanter, & consequenter; & hæc omnes acceptiones sunt in ordine ad actum voluntatis. Ignorantia antecedens (quæ etiam à Theologis dicitur inuincibilis, inculpabilis, & probabilis) quia omninò antecedit actum voluntatis, non est voluntaria, & tamen est ipsi causa volendi quod aliàs non vellet, ut cum aliquis homo ignorat aliquam circumstantiam actus, quam non tenebatur scire, & ex hoc aliquid agit, quod non faceret si sciret. Ignorantia concomitans est illa, quæ simul est cum actu voluntatis, & dicitur etiam accidentaliter concurrens: quia nec est causa, nec effectus talis actus; non quidem causa, cum voluntas æquè ageret sine tali ignorantia, ac agit cum illa, ut puta cum quis paratus occidere inimicum, illum occidit credens se occidere feram; nec etiam effectus, quia nullo modo talis ignorantia est volita. Tandem Ignorantia consequens (quæ etiam à Theologis dicitur vincibilis, culpabilis, & improbabilis) dicitur illa, quæ aliquo modo consequitur actum voluntatis, unde est voluntaria & quodammodo effectus voluntatis: potest autem esse voluntaria directè vel indirectè; si directè, dicitur ignorantia affectata; si indirectè, dicitur ignorantia crassa, seu supina, seu malæ electionis: est autem directè voluntaria, cum quis actu affectat habere ignorantiam alicuius quod debet scire; est verò indirectè voluntaria, cum quis non curat scire id quod debet scire.

Prima opinio asserit, per nullam ignorantiam etiam antecedentem, actum voluntatis fieri inuoluntarium simpliciter. Probat: Posita ignorantia antecedente, quicumque actus voluntatis, siue elicitus, siue imperatus procedit ab intrinseco scilicet ab ipsa voluntate, & præuia cognitione, quia nihil volitum quin præcognitum: ergo actus voluntatis non fit simpliciter inuoluntarius per ignorantiam antecedentem.

Secunda opinio asserit, actum voluntatis fieri simpliciter inuoluntarium per ignorantiam consequentem. Probat: Illud est simpliciter inuoluntarium, quod fit repugnante simpliciter voluntate: sed quod fit cum ignorantia consequente, fit repugnante simpliciter voluntate, videmus enim quod si quis ex ignorantia crassa occidat inimicum credens esse feram, dolet se occidisse, quod indicat talem occisionem esse contra inclinationem voluntatis: ergo actus voluntatis fit simpliciter inuoluntarius per ignorantiam consequentem.

C O N C L V S I O.

R E S P O N D E O dicendum, quod per ignorantiam antecedentem actus voluntatis fit simpliciter

pliciter inuoluntarius. 2. per ignorantiam autem consequentem fit inuoluntarius secundum quid: & non simpliciter. 3. sed per ignorantiam concomitantem actus voluntatis est non voluntarius, non autem inuoluntarius. Ita expressè D. Thomas hic art. 8. & cum eo communiter eius discipuli, & alij.

Probatur & explicatur prima pars conclusionis. In actu voluntatis siue elicitio, siue imperato, qui fit cum ignorantia antecedente debemus distinguere illud quod fit cum cognitione, & illud quod fit cum ignorantia antecedente; nam ex vna parte nihil fit à voluntate, nisi adsit aliqua cognitio, quia nihil volitum, quin præcognitum; ex alia verò parte certum est quòd sæpe actibus voluntatis admiscetur ignorantia antecedens, vt constat in exemplo adducto à D. Thoma, & in hoc cum quis furatur rem alienam ignorans inuincibiliter esse rem sacram, cum hac dispositione animi quòd nullo pacto vellet furari rem sacram; hic enim cognoscit suam operationem esse furtum, sed ignorat esse sacrilegium: Dicimus igitur in præfati, quòd illa operatio secundum quòd est sacrilegium vt procedit ex ignorantia antecedente, est simpliciter inuoluntaria; quamuis sit voluntaria secundum quòd est furtum vt procedit ex præuia cognitione. Hæc pars conclusionis sic explicata probatur autoritate Aristotelis & D. Thomæ: Aristoteles citatus à D. Thoma hic art. 8. ait: quòd inuoluntarium quoddam est per ignorantiam; dat autem signum ad dignoscendum quando ignorantia facit simpliciter inuoluntarium, dicens: Qui ob ignorantiam quidpiam agit, si ipsum poenitet, inuitus fecisse videtur. D. Thomas autem loco citato ait loquens de ignorantia antecedente: Et talis ignorantia causat inuoluntarium simpliciter. Deinde probatur ratione quam breuiter proponit D. Thomas, & indicauit Aristoteles in prædicta autoritate: Ignorantia antecedens vt sic non est voluntaria villo modo, cum omnino præcedat voluntatem, & excludat omnem sui cognitionem, quæ tamen cognitio est necessaria ad quodcunque voluntarium: aliunde verò hæc ignorantia est voluntati causa volendi, quòd aliàs non vellet, seu nollet (quia non vellet sumitur apud D. Thomam hic non purè negatiuè, sed contrariè) vt manifestè colligitur ex signo quòd adducit Aristoteles in præfata autoritate, nam sæpe poenitet ipsam fecisse quòd fecit, recedente tali ignorantia & adueniente cognitione; vnde infertur quòd illud factum ex tali ignorantia est contra inclinationem, saltem virtualem & interpretatiuam voluntatis; ac ita habetur, quòd illud quod fit ex ignorantia antecedente, procedit sine cognitione simpliciter, & fit contra inclinationem virtualem ipsius voluntatis, quandoquidem nullo modo est volitum, nec in se, nec in sua causa scilicet ignorantia: sed quòd procedit

à voluntate contra eius inclinationem, & procedit absque cognitione, est simpliciter inuoluntarium, vt constat ex dictis: ergo per ignorantiam antecedentem actus voluntatis fit simpliciter inuoluntarius.

Probatur secunda pars conclusionis quantum ad primum, autoritate D. Thomæ hic art. 8. vbi ait: Causat tamen secundum quid inuoluntarium, in quantum præcedit motum voluntatis ad aliquid agendum, qui non esset scientia præfente. Deinde probatur ratione: Ignorantia consequens excludit actualem cognitionem seu considerationem alicuius circumstantiæ actus, ratione cuius exclusionis talis actus fit, qui forte aliàs non fieret, vt dum quis culpabiliter ignorans diem ieiunij carnem manducat; & sic illa ignorantia est causa alicuius, quòd fit contra inclinationem voluntatis, vel saltem præter illam, & absque actuali cognitione: ergo cum actus voluntatis non fiat simpliciter inuoluntarius per ignorantiam consequentem, vt statim dicitur; fit tamen per illam inuoluntarius secundum quid. Probatur quantum ad secundum, autoritate Diui Thomæ hic art. 8. vbi ait: Cum autem ipsa ignorantia sit voluntaria aliquo istorum modorum, non potest causare simpliciter inuoluntarium. Deinde probatur ratione: Ignorantia consequens, siue sit affectata, siue crassa, est simpliciter voluntaria siue volita; prior quidem directè, posterior autem indirectè, vt dictum est: ergo actus voluntatis, qui ad illam sequitur, est voluntarius; & consequenter actus voluntatis per ignorantiam consequentem non fit simpliciter inuoluntarius, sed est mixtus ex voluntario & inuoluntario. Quæ dicta sunt in hac parte conclusionis, æquè procedunt de ignorantia affectata, ac de ignorantia crassa, quòd scilicet, neutra causet inuoluntarium simpliciter, bene tamen inuoluntarium secundum quid: hoc enim expressè docet de vtraque D. Thomas, & rationes adductæ de vtraque probant; quamuis enim ignorantia affectata, vt pote magis voluntaria, plus voluntarij influat in suum effectum, quam ignorantia crassa minus voluntaria; tamen etiam aliquid inuoluntarij influit, ob rationem Diui Thomæ, quia scilicet præcedit motum voluntatis ad aliquid agendum, qui non esset scientia præfente: nam licet voluntas actu præcedente velit expressè hanc ignorantiam, & ex consequenti & virtualiter id quòd ad illam sequitur; tamen actu subsequenti non vult expressè id quòd ad illam sequitur, imò fortè si adesset actualis consideratio, impediret illud, vnde illud quòd fit ex tali ignorantia, est contra inclinationem voluntatis, quæ quantum est in se petit operari ex perfecta cognitione.

Probatur tertia pars conclusionis autoritate D. Thomæ hic art. 8. vbi ait: Concomitanter quidem, quando ignorantia est de eo quòd agi-

tur: tamen etiam si sciretur, nihilominus ageretur: tunc enim ignorantia non inducit ad volendum ut hoc fiat, sed accidit simul esse aliquid factum & ignoratum: sicut in exemplo posito, scilicet cum aliquis vellet occidere hostem, sed ignorans occidit eum, putans occidere ceruum; & talis ignorantia non facit inuoluntarium, ut Philosophus dicit; quia non causat aliquid quod sit repugnans voluntati: sed facit non voluntarium; quia non potest esse actu volitum, quod ignoratum est. Quod sic amplius declaratur. Ex vna parte est de ratione voluntarij, quod sit cum cognitione: ex alia verò parte est de ratione inuoluntarij, quod repugnet voluntati, siue quod sit contra inclinationem eius: sed quod procedit ex ignorantia concomitante, non procedit ex cognitione, nec est volitum in se vel in sua causa; nec etiam est repugnans voluntati, imò est secundum dispositionem ipsius: ergo nec est voluntarium, nec inuoluntarium, at est non-voluntarium, quod importat puram negationem voluntarij; & non priuationem sicut inuoluntarium; & ita per ignorantiam concomitantem actus voluntatis est non-voluntarius, non autem inuoluntarius. Ex dictis colligunt Authores, quod occisio externa inimici ex ignorantia concomitante procedens non est peccaminosa in seipsa, quamuis occidens sit in peccato, quia erat in præparatione animi ad illum occidendum: cuius ratio est, quia nullum est peccatum, quod non sit voluntarium; dictum est autem, quod occisio externa est non-voluntaria, seu non est voluntaria. Colligunt etiam, quod hæc ignorantia excusat à Censuris Ecclesiasticis: vnde si quis ex hac ignorantia percuteret aut occideret clericum, non esset excommunicatus: cuius ratio est, quia censuræ sunt circa actus externos voluntarios (non enim Ecclesia punit solos actus internos similibus poenis) dictum est autem, quod actus procedentes ex ignorantia concomitante non sunt voluntarij.

Ad primum ergo dicendum, quod licet omnis actus voluntatis procedat ab intrinseco, & cum præuia aliqua cognitione: tamen in eodem actu est aliqua ratio aliquando consequens ignorantiam antecedentem, ut ostensum est in furto sacrilego: & hæc ratio est simpliciter inuoluntaria in actu, quamuis actus furti sit quoad substantiam voluntarius.

Ad secundum dicendum, quod illud quod fit ex ignorantia consequente, non sit simpliciter repugnante voluntate, sed tantum repugnante secundum quid: quia si simpliciter repugnaret, adhiberet diligentiam sufficientem ad excludendam ignorantiam, & ad impediendum ne illud fieret: quod autem postea operans ex tali facto doleat, hoc prouenit ex nouo aliquo motiuo, & indicat quod non sit factum omnino voluntariè, sed non indicat quod sit factum simpliciter inuoluntariè.



QVÆSTIO VIII

De voluntate quorum sit ut voluntarium, in tres articulos diuisa.

DEinde considerandum est de ipsis actibus voluntatis in speciali. Ex primo, de actibus qui sunt immediate ipsius voluntatis, velut à voluntate elici. Secundo de actibus imperatis à voluntate: voluntas autem mouetur & in finem, & in ea quæ sunt ad finem.

¶ Primo igitur considerandum est de actibus voluntatis, quibus mouetur in finem: & deinde de actibus eius quibus mouetur in ea quæ sunt ad finem: actus autem voluntatis in finem videntur esse tres, scilicet velle, frui, & intendere. Primo ergo considerabimus de voluntate. Secundo, de fruitione. Tertio, de intentione.

¶ Circa primum consideranda sunt tria. Primo quidem, quorum voluntas sit. Secundo, à quo mouetur. Tertio, quomodo mouetur.

Circa primum queruntur tria.

¶ Primo, utrum voluntas sit tantum boni.

¶ Secundo, utrum sit tantum finis, an etiam eorum quæ sunt ad finem.

¶ Tertio, si est aliquo modo eorum quæ sunt ad finem, utrum vno motu moueatur in finem, & in ea quæ sunt ad finem.

ARTICVLVS I.

Utrum voluntas sit tantum boni.

AD primum sic proceditur. Videtur, quod voluntas non tantum sit boni: eadem enim est potentia oppositorum, sicut virtus albi & nigri. sed bonum & malum sunt opposita, ergo voluntas non solum est boni, sed etiam mali.

¶ Præterea, Potentia rationales se habent ad opposita persequenda secundum Philosophum: sed voluntas est potentia rationalis, est enim irratione, ut dicitur in 3. de anima ergo voluntas se habet ad opposita. non ergo tantum ad volendum bonum, sed etiam ad volendum malum.

¶ Præterea, Bonum & ens conuertuntur: sed voluntas non solum est entium, sed etiam non entium: volumus enim quandoque non ambulare & non loqui: volumus etiam interdum quædam futura quæ non sunt entia in actu. ergo voluntas non tantum est boni.

¶ Contra est, quod Dion. dicit 4. cap. de diuin. nom. Quod malum est præter voluntatem, & quod omnia bonum appetunt.

CONCLUSIO.

Voluntas, cum sit inclinatio consequens intellectus apprehensionem, non nisi in bonum, vel appetens bonum tendit.

¶ Respondens dicendum, voluntas est appetitus quidam rationalis: omnis autem appetitus non est nisi boni, cuius ratio est: quia appetitus nihil est aliud quam quædam inclinatio appetentis in aliquid, nihil autem inclinatio nisi in aliquid simile & conueniens. cum igitur omnis res inquantum est ens, & substantia, sit quoddam bonum, necesse est ut omnis inclinatio sit in bonum, & inde est quod Philosophus dicit in 1. Ethic. quod bonum est quod omnia appetunt.

Sed considerandum est, quod cum omnis inclinatio consequatur aliquam formam, appetitus naturalis consequitur formam in natura existentem: appetitus autem sensitivus vel etiam intellectivus seu rationalis, qui dicitur voluntas, sequitur formam apprehensam: sicut igitur id, in quod tendit appetitus naturalis, est bonum existens in re, ita id, in quod tendit appetitus animalis vel voluntarius, est bonum apprehensum. Ad hoc igitur quod voluntas in aliquid tendat, non requiritur quod sit bonum in rei veritate, sed quod apprehendatur in ratione boni. & propter hoc Philosophus dicit in 2. Physic. quod finis est bonum, vel appetens bonum.

Ad primum ergo dicendum, quod eadem potentia est oppositorum: sed non eodem modo se habet ad utrumque. voluntas igitur se habet & ad bonum, & ad malum, sed ad bonum appetendo ipsum; ad malum verò, fugiendo illud. ipse ergo actus appetitus boni vocatur voluntas secundum quod nominat actum voluntatis. sic enim nunc loquimur de voluntate: fuga autem mali magis dicitur voluntas: vnde sicut voluntas est boni ita voluntas est mali.

Ad secundum dicendum, quod potentia rationalis non se habet ad qualibet opposita persequenda, sed ad ea quæ sub suo obiecto conuenienti continentur, nam nulla potentia persequitur nisi suum conueniens obiectum: obiectum autem voluntatis est bonum. Vnde ad illa opposita persequenda se habet voluntas, quæ sub bono comprehenduntur: sicut moueri & quiescere, loqui & tacere, & alia huiusmodi: in utrumque enim horum fertur voluntas sub ratione boni.

Ad tertium dicendum, quod illud quod non est ens in re, natura, accipitur ut ens in ratione. vnde negationes & priuationes entia dicuntur rationis, per quem etiam modum futura: prout apprehenduntur, sunt entia. inquantum igitur sunt huiusmodi entia apprehenduntur sub ratione boni, & sic voluntas in ea tendit. Vnde Philosophus dicit in 3. Ethic. quod castre malo habet rationem boni.

ARTICVLVS

ARTICVLVS II.

Utrum voluntas sit tantum finis, an etiam eorum, quæ sunt ad finem.

AD SECUNDUM sic proceditur. Videtur, quod voluntas non sit eorum quæ sunt ad finem, sed tantum finis. Dicit enim Philosophus. in 1.ª Eth. quod voluntas est finis, electio autem eorum quæ sunt ad finem.

¶ 1. Præterea, Ad ea quæ sunt diuersa genere, diuersæ potentie animæ ordinantur, ut dicitur in 6. Eth. * sed finis de ea quæ sunt ad finem, sunt in diuerso genere boni. nam finis qui est bonum, honestum vel delectabile, est in genere qualitatis vel actionis, aut passionis. bonum autem quod dicitur vile, quod est ad finem, est in ad aliquid, ut dicitur in 1.ª Ethic. ergo si voluntas est finis, non erit eorum quæ sunt ad finem.

¶ 2. Præterea, Habitus proportionantur potentiis, cum sint earum perfectiones. sed in habitibus qui dicuntur artes operatiuæ, ad aliud pertinet finis, & ad aliud quod est ad finem. sicut ad gubernatorem pertinet usus nauis. qui est finis eius: ad nauifacium verò constructio nauis, quæ est propter finem. ergo cum voluntas sit finis, non erit eorum quæ sunt ad finem.

Sed contra est, quia in rebus naturalibus per eandem potentiam aliquid pertranſit media & perſtingit ad terminum. sed ad ea quæ sunt ad finem, sunt quædam media per quæ peruenitur ad finem, sicut ad terminum. Ergo si voluntas est finis, ipsa etiam est eorum quæ sunt ad finem.

CONCLUSIO.

Voluntas ut potentia est, finem & ea, quæ sunt ad finem tanquam bona, respicit. ut vero actum nominat, proprie tantum finis est.

RESPONDEO dicendum, quod voluntas quandoque dicitur ipsa potentia, quæ volumus: quandoque autem ipse voluntatis actus. Si ergo loquamur de voluntate secundum quod nominat potentiam, sic se extendit & ad finem & ad ea quæ sunt ad finem. ad ea enim se extendit vnaquæque potentia, in quibus inuenitur potest quocunque modo ratio sui obiecti, sicut visus se extendit ad omnia quæcunque participant quocunque modo colorem. ratio autem boni quod est obiectum potentie voluntatis, inuenitur non solum in fine, sed etiam in his, quæ sunt ad finem. Si autem loquamur de voluntate secundum quod nominat proprie actum, sic proprie loquendo est finis tantum. omnis enim actus denominatur à potentia nominat simplicem actum illius potentie, sicut nominat simplicem intelligere actum intellectus. Simplex autem actus potentie est in id, quod est secundum se obiectum potentie: id autem quod est propter se bonum & volitum, est finis: unde voluntas proprie est ipſius finis. Ea vero quæ sunt ad finem, non sunt bona vel volita propter seipsa, sed ex ordine ad finem: unde voluntas in ea non fertur nisi quatenus fertur in finem. unde hoc ipsum quod in eis vult est finis: sicut & intelligere propriè est eorum, quæ secundum se cognoscuntur, scilicet principiorum: eorum autem, quæ cognoscuntur per principia, non dicitur esse intelligentia nisi in quantum in eis ipsa principia considerantur. Sic enim se habet finis in appetibilibus sicut se habet principium in intelligibilibus, ut dicitur in 7.ª Ethic.

Ad primum ergo dicendum, quod Philosophus loquitur de voluntate secundum quod proprie nominat simplicem actum voluntatis: non autem secundum quod nominat potentiam.

Ad secundum dicendum, quod ad ea quæ sunt diuersa genere ex æquo se habentia, ordinantur diuersæ potentie: sicut sonus & color sunt diuersa genera sensibilibus ad quæ ordinantur auditus & visus. Sed vile & honestum non ex æquo se habent, sed sicut quod est secundum se, & secundum aliter. huiusmodi autem semper referuntur ad eandem potentiam: sicut per potentiam visiuam sentitur & color & lux per quam color videtur.

Ad tertium dicendum, quod non quicquid diuersificat habitum, diuersificat potentiam: habitus enim sunt quædam determinationes potentiarum ad aliquos speciales actus: & tamen quilibet ars operatiua considerat & finem & id quod est ad finem: nam ars gubernatoris considerat quidem finem, ut quem operatur: id autem quod est ad finem, ut quod imperat. contra verò nauifacium considerat id quod est ad finem. ut quod operatur: id verò quod est finis. ut ad quod ordinat id quod operatur. & iterum in vnaquaque arte operatiua est, & aliquis finis proprius, & aliquid quod est ad finem. quod proprie ad illam artem pertinet.

ARTICVLVS III.

Utrum voluntas eodem actu moueatur in finem, & in id, quod est ad finem.

AD TERTIUM sic proceditur. Videtur, quod eodem actu voluntas feratur in finem, & in id quod est ad finem, quia secundum Philosophum. Vbi est vnum propter alterum, ibi est vnum tantum. sed voluntas non vult id quod est ad finem, nisi propter finem. ergo eodem actu mouetur in vtrumque.

¶ 2. Præterea, Finis est ratio volendi ea quæ sunt ad finem: sicut lumen est ratio visionis colorum. sed eodem actu videtur lumen & color. ergo idem est motus voluntatis quo vult finem, & ea quæ sunt ad finem.

¶ 3. Præterea, Idem numero motus naturalis est qui per media tendit ad vltimum: sed ea quæ sunt ad finem comparantur ad finem sicut media ad vltimum. ergo idem motus voluntatis est quo voluntas fertur in finem, & in ea quæ sunt ad finem.

Sed contra, Actus diuersificantur secundum obiecta: sed diuersæ species boni sunt finis, & id quod est ad finem, quod dicitur vile. ergo non eodem actu voluntas fertur in vtrumque.

CONCLUSIO.

Non solum in finem, sed & in ea quæ ad finem sunt, voluntas eodem actu fertur potest, quantum diuersa ratione.

RESPONDEO dicendum, quod cum huius sit secundum solutus, id autem quod est ad finem, in quantum huiusmodi, non sit volitum nisi propter finem, manifestum est quod voluntas potest ferri in finem, in quantum huiusmodi, sine hoc quod feratur in ea, quæ sunt ad finem: sed in ea quæ sunt ad finem in quantum huiusmodi non potest ferri, nisi feratur in ipsum finem. sic ergo voluntas in ipsam finem dupliciter fertur, vno modo absolute secundum se; alio modo, sicut in ratione volendi ea, quæ sunt ad finem. Manifestum est ergo quod vnus & idem motus voluntatis est quo fertur in finem, secundum quod est ratio volendi ea, quæ sunt ad finem, & in ipsa quæ sunt ad finem. Sed alius actus est quo fertur in ipsum finem absolute, & quandoque præcedit tempore: sicut cum aliquis primo vult sanitatem, & postea deliberans quo modo possit sanari, vult conducere medicum ut sanetur: sic etiam & circa intellectum accidit, nam primo aliquis intelligit ipsa principia secundum se. postmodum autem intelligit ea in ipsis conclusionibus secundum quod assentit conclusionibus propter principia.

Ad primum ergo dicendum, quod ratio illa procedit secundum quod voluntas fertur in finem, ut est ratio volendi ea quæ sunt ad finem.

Ad secundum dicendum, quod quandoque videtur color, eodem actu videtur lumen. potest tamen videri lumen sine hoc quod videatur color, & similiter quandoque quis vult ea quæ sunt ad finem, vult eodem actu finem, non tamen econuerso.

Ad tertium dicendum, quod in executione operis ea quæ sunt ad finem, habent se ut media, & finis. ut terminus. unde sicut motus naturalis interdum sistit in medio, & non perſtingit ad terminum, ita quandoque operatur aliquis id quod est ad finem, & tamen consequitur finem, sed in volendo est econuerso. nam voluntas per finem deuenit ad volendum ea quæ sunt ad finem, sicut & intellectus deuenit in conclusionibus per principia quæ media dicuntur. unde intellectus aliquando intelligit medium, & ex eo non procedit ad conclusionem: & similiter voluntas aliquando vult finem, & tamen non procedit ad volendum id quod est ad finem.

Ad illud verò quod in contrarium obicitur, patet solutio per ea quæ supra dicta sunt. nam vile & honestum non sunt species boni ex æquo diuisæ: sed se habent sicut propter se & propter alterum. unde actus voluntatis in vnum potest ferri sine hoc quod feratur in alterum: sed non econuerso.

DISPUTATIO X.

De Primo actu voluntatis scilicet volitione simplici.

POSTQVAM D. Thomas egit q. 6. de actibus humanis in communi, & q. 7. de circumstantiis humanorum actuum: hinc q. 8. incipit agere de Actibus Humanis in particulari, qui in genere sunt octo; videlicet duo pertinentes ad intellectum, qui sunt Consilium, & Imperium; & sex pertinentes ad voluntatem, qui sunt simplex Volitio, Intentio, & Fruitio, Consensus, Electio, & Usus: De quibus sigillatim agendum est eodem ordine, quo de illis egit D. Thomas, non autem eo ordine quo concurrunt ad operationem: In præſenti igitur disputatione agimus de primo actu voluntatis, qui est simplex volitio: respicit enim finem sumptum præcisè secundum se, hæc autem consideratio finis absoluta, est omninò prima.

DVBIVM I.

Utrum obiectum simplicis volitionis sit solum bonum.

Supponendum est, quod in voluntate sunt actus correspondentes actibus appetitus sensitiui,

sensitivi, qui passiones vocantur, & insuper alij: cum enim voluntas sit appetitus intellectualis naturæ perfectus, debet respicere omnia illa obiecta quæ respicit appetitus sensitivus; & cum sit appetitus superior, debet plura respicere: unde in ipsa debent esse actus, quibus attingat prædicta obiecta; ac proinde actus correspondentes actibus appetitus sensitivi, quibus attingat obiecta, quæ attingit appetitus sensitivus; videlicet circa bonum amor, desiderium, & gaudium; circa malum autem odium, fuga & tristitia; qui actus correspondent actibus appetitus concupiscibilis; sunt & alij correspondentes actibus appetitus irascibilis, videlicet spes & desperatio, audacia & timor, ac appetitus vindictæ correspondens iræ. Alij verò actus sunt intentio, & fruitio ipsius finis ut sic; consensus, electio, & usus circa media, qui actus non sunt in appetitu sensitivo, quia non attingit finem & media sub ratione finis & medij: Et de his in præsentī specialiter agimus; Eadem autem est ratio passionum, ac actuum voluntatis ipsi correspondentium, excepto quòd passiones sunt motus materiales, actus verò voluntatis sunt spirituales. Sicut ergo primus motus appetitus sensitivi est appetitio seu amor in abstracto, & appetere seu amare in concreto; ac est radix omnium aliorum motuum, nam ex amore boni sequitur eius desiderium si absit, & gaudium de ipso quando adest, & similiter sequitur odium mali contrarij, fuga eius seu recessus ab illo si absit, & tristitia quando adest; & idem est de aliis actibus appetitus irascibilis: sic primus actus appetitus intellectualis siue voluntatis in abstracto est simplex volitio seu amor, & in concreto est velle seu amare, & est radix omnium aliorum actuum eiusdem voluntatis. Hic primus actus dicitur à D. Thoma hic art. 1. voluntas; sicut primus actus, imò & primus habitus intellectus dicitur intellectus, quia est purus ac simplex actus ipsius; ad distinctionem tamen ipsius potentie vocabitur posterum simplex volitio, & merito quia habet obiectum omnino simplex scilicet finem præcisè secundum se, seu bonum ut sic, abstrahendo ab hoc quòd sit præsens aut absens, quòd sit finis in ordine ad media, aut medium, vel quid simile; à qua compositione non abstrahunt alij actus posteriores, ut constabit ex dicendis in tota hac materia. Ut autem appareat, quem ordinem habent inter se actus humani de quibus hic agimus, sciendum est quòd voluntas non operatur nisi dependenter ab intellectu, & ita quemlibet actum voluntatis debet præcedere actus intellectus, cum ipsa sit potentia cæca & debeat tendere ad bonum cognitum: non quòd ipsa cognoscat bonum ad quòd tendit: sed quia idem suppositum per intellectum cognoscit bonum, & in illud cognitum tendit per voluntatem. Sunt ergo quatuor actus rationis seu intellectus, secundum quòd dirigit humanos actus, ut docet D.

Thomas q. 15. de Malo art. 4. Quorum primus est intellectus quidam, quo aliquis rectè existimat de fine, qui est sicut principium in operativis, ut Philosophus dicit in 2. Physicor. Secundus actus est consilium de agendis. Tertius est iudicium de illis. Quartus actus est præceptum de agendo. Primò igitur intellectus cognoscit bonum per modum finis præcisè seu obiecti voluntatis, quòd sibi propositum vult & amat voluntas, & de hac simplici volitione agimus in hac disputatione. Quòd si tale bonum cognoscatur sub ratione finis in ordine ad media, & sic proponatur voluntati; sequitur actus voluntatis qui dicitur intentio, quo voluntas tendit ad bonum ut habet rationem finis in ordine ad media. Cum autem finis ut sic non possit acquiri nisi per media, ideo ex efficaci intentione finis voluntas applicat intellectum ad querenda media apta ad assecutionem ipsius, unde intellectus consulit de mediis utilibus, quæ postquam inveniunt, ea proponit voluntati; Et tunc sequitur alius actus voluntatis qui dicitur consensus, quo placent & approbantur media per consilium adinventa. Deinde intellectus iudicat de ipsis mediis quænam sint magis apta & utilia in ordine ad assecutionem finis; & tunc sequitur actus voluntatis qui dicitur electio, quo voluntas ex mediis propositis eligit illa iudicata magis apta & utilia. Denique ut ex ordine intentionis, qui terminatur in hac electione mediorum, fiat transitus ad ordinem executionis, necessarius est actus intellectus qui dicitur imperium, quo excitatur & moraliter movetur voluntas ad exercitium operis scilicet enim per actus præcedentes voluntas sit disposita & inclinata ad agendum, tamen quando instat exercitium, potest apparere nova difficultas, aut saltem apparet alio modo instante exercitio, quàm prius appareret: unde videmus quòd tunc aliqui recedunt ab opere, licet prius optimè elegissent, & prævidissent omnes difficultates futuri operis; & ita opus est quòd detur actus intellectus, quo voluntas efficaciter applicetur ad opus, qui dicitur imperium continens efficaciam omnium actuum præcedentium, & ab hoc incipit ordo executionis; quia tamen actus imperij habet efficaciter movere ipsam voluntatem ad opus ex vi præcedentis actus ipsiusmet voluntatis, quo saltem virtualiter vult hoc imperium, inde est quòd voluntas dicitur primum movens quoad exercitium; ad hunc ultimum actum intellectus sequitur ultimus actus voluntatis circa media, qui dicitur usus, & quo voluntas applicat cæteras potentias operativas ad agendum, & tandem fit operatio. Igitur ad operationem humanam ad extra exercitam requiritur totus hic processus actuum: non tamen de omnibus his actibus in particulari agendum est, sed tantum de illis, de quibus agit D. Thomas, & eodem ordine quo ipse agit; nam quantum ad actus intellectus, sufficienter actum est in libris

bris de Anima de actu cognitionis intellectualis, ac de actu iudicij, vnde superest tantum agendum de actibus consilij & imperij; quantum verò attinet ad actus voluntatis, de omnibus illis sex recensitis sigillatim agetur, quamvis enim de ipsis sæpe alibi mentio fiat, tam in Theologicis, quàm in Philosophicis, & maximè sub finem librorum de Anima, vbi agitur de voluntate; hîc tamen proprius locus est agendi de ipsis. Et incipiendo à primo qui est simplex volitio, de quo est præfens disputatio, quærimus in hoc dubio, Vtrum obiectum simplicis volitionis sit solum bonum, quod scilicet iudicatur conueniens ipsi volenti, siue iudicium sit verum, siue sit falsum.

Prima opinio Nominalium negat, quòd obiectum voluntatis, ac proinde simplicis volitionis sit solum bonum: asserit enim quòd voluntas potest pro sua libertate ferri in malum sub ratione mali, per affectum amoris & complacentiæ; & in bonum sub ratione boni, per affectum odij & displicentiæ. Probatur: Voluntas est potentia libera: ergo ad experimentum suæ libertatis potest velle indifferenter bonum & malum; saltem ex diuino præcepto potest velle miseriam, imò summam miseriam, quæ est maximum malum.

Secundò, Voluntas aliquando peccat ex malitia, vt quando odio habet Deum: sed peccare ex malitia est velle malum sub ratione mali; in hoc enim differt peccatum ex malitia à peccato ex errore, quòd qui peccat ex errore, vult malum credens esse bonum; qui autem peccat ex malitia, vult malum sciens esse malum, vt constat instantiâ adductâ de odio Dei, quod non potest apprehendi nisi sub ratione mali: ergo voluntas potest velle malum sub ratione mali; imò de facto vult malum sub ratione mali, vt apparet in damnatis & aliis, qui efficaciter appetunt non esse, quod non potest apprehendi sub ratione boni, ac tantum sub ratione mali seu priuationis boni.

Tertiò, Voluntas aliquando appetit sibi impossibile, & appetit alteri malum ex motiuo malo, v. g. vt Deo displiceat: ergo ex vtroque capite habetur, quòd obiectum simplicis volitionis non sit solum bonum; nam ex vna parte impossibile non est bonum, quia bonum est proprietas entis, impossibile autem non est ens, imò dicit repugnantiam quòd sit ens; ex alia verò parte malum volitum ex motiuo malo est malum sub ratione mali.

CONCLUSIO.

RESPONDEO dicendum, quòd bonum formale est obiectum simplicis volitionis. 1. vnde est impossibile quòd voluntas possit nolle seu odio habere bonum cognitum sub ratione boni: aut velle seu amare malum cognitum sub ratione mali. Ita communiter Disci-

R.P. Philippi Carm. discal. Diss. Theolog. in 1. 2.

puli Diui Thomæ, & alij in præfenti.

Probatur & explicatur prima pars conclusionis. Dicimus igitur quòd bonum diuiditur in transcendentale & formale: Bonum transcendentale est illud, cui nihil deest ad complementum suæ naturæ; & de hoc dicitur Genesis 1. Vidit Deus cuncta quæ fecerat, & erant valde bona: Bonum autem formale est illud, quod est conueniens alicui naturæ; vnde calor in igne est bonum & transcendentale, & formale; calor verò in aqua est bonum quidem transcendentale, sed non formale, quin potius est malum formale. Bonum formale in communi, siue aliquo modo conueniens appetenti; siue sit conueniens naturæ rationali, ac proinde quod est bonum morale & honestum; siue sit conueniens naturæ corporeæ, ac proinde quod est bonum delectabile; siue quocunque alio modo sit conueniens appetenti, est obiectum simplicis volitionis. Hæc pars sic explicata probatur tum autoritate Philosophi 8. Ethicorum cap. 5. vbi sic ait: Amabile quidem bonum, vnicuique autem proprium. Tum autoritate & ratione Diui Thomæ hîc art. 1. vbi sic ait: Voluntas est appetitus quidam rationalis (si ly voluntas sumatur pro potentia est appetitus per modum actus primi; si autem sumatur pro volitione, vt de facto sumitur, est appetitus per modum actus secundi): omnis autem appetitus non est nisi boni. Cuius ratio est: quia appetitus nihil est aliud, quam quædam inclinatio appetentis in aliquid: nihil autem inclinatur, nisi in aliquid simile & conueniens: cum igitur omnis res, in quantum est ens & substantia, sit quoddam bonum, necesse est vt omnis inclinatio sit in bonum; & inde est quòd Philosophus dicit in 1. Ethicorum, quòd bonum est, quod omnia appetunt. Subdit autem quòd hæc inclinatio rationalis consequitur formam apprehensam, sicut inclinatio naturalis consequitur formam in natura existentem. Tum denique probatur experientiâ, experimur enim, quòd nihil volumus, nisi sub aliqua ratione boni & conuenientis apprehendatur, vt amplius patebit ex solutione argumentorum primæ opinionis.

Probatur & explicatur secunda pars conclusionis. Hæc est differentia inter appetitum naturalem & appetitum rationalem, quòd appetitus naturalis semper fertur in bonum verum, ac verè conueniens ipsi appetenti; appetitus autem rationalis non semper fertur in verum bonum, ac verè conueniens ipsi appetenti, sed sæpe fertur in bonum tantum apparens, quod est simpliciter malum ac disconueniens appetenti: cuius differentię ratio est, quia appetitus naturalis consequitur formam naturalem, quæ tendit semper ad suam perfectionem, ac proinde ad verum bonum ac verè ipsi conueniens: appetitus autem rationalis consequitur formam apprehensam, constat autem quòd aliquid potest apprehendi

prehendi ut bonum & conueniens, quod in se nec est bonum nec conueniens. His positis probatur hæc pars conclusionis, quantum ad primum: Obiectum voluntatis est bonum secundum generalem rationem boni, sicut dictum est, ut tamen est cognitum: ergo est impossibile, quod voluntas possit nolle seu odio habere bonum cognitum sub ratione boni; quia qualibet potentia est naturaliter determinata ad tendendum in suum obiectum, ut cum ipso uniatur, tanquam perfectibile cum suo perfectiuo; per actum autem nolitionis seu odij non sic tendit voluntas in bonum ut ipsi uniatur, quin potius ab illo recedit & à se reiecit. Probatur quantum ad secundum: Est impossibile quod aliqua potentia feratur actu prosecutionis extra suum obiectum formale adæquatum, ut communiter conceditur: sed malum ut sic est extra obiectum voluntatis, quod est bonum sub ratione boni cognitum, cum malum sit ipsi oppositum: ergo est impossibile quod voluntas possit velle seu amare malum cognitum sub ratione mali; imò est impossibile quod possit velle seu amare aliquid indifferens aut abstrahens à bono & malo; & ita si proponatur voluntati aliquid bonum absque vlla apparente ratione mali, non potest non amare illud sicut non potest non odisse malum propositum sub ratione mali & absque vlla apparente ratione boni; unde eius indifferencia provenit ex eo, quod quando ei proponitur aliquid bonum, proponitur etiam cum aliqua ratione mali; & similiter quando proponitur aliquid malum, proponitur etiam cum aliqua ratione boni; & consequenter amat sub indifferencia tale bonum, cum possit illud respuere sub illa ratione mali; & odit cum indifferencia tale malum, cum possit illud velle sub illa ratione boni. Nota tamen, quod dum dicitur quod obiectum volitionis est bonum conueniens ipsi volenti; per *h* conueniens intelligitur vel conueniens secundum aliquam conformitatem & decentiam in ordine ad ipsum volentem; vel secundum aliquam utilitatem & commoditatem, etiam in ordine ad ipsum volentem: prima conuenientia reperitur in amore amicitiae, secunda autem in amore concupiscentiae.

Ad primum ergo dicendum, quod voluntas non est potentia libera in ordine ad bonum sub ratione boni, nec in ordine ad malum sub ratione mali: sed est determinata ab Authore naturæ ad amandum bonum ut sic, & ad odiendum malum ut sic: est autem potentia libera in ordine ad quodcunque bonum & malum limitatum, ut dictum est; & ita potest experiri suam libertatem in ordine ad ista, non autem in ordine ad illa. Nec Deus potest præcipere ipsi, quod amet summam miseriam, cum hoc sit impossibile, & si amet aliquam miseriam, apprehendit illam sub ratione boni, & maxime si talis amor caderet sub diuino præcepto.

Ad secundum dicendum, quod in nullo peccato, etiam ex malitia commissio appetitur malum sub ratione mali: sed quia in quolibet obiecto limitato potest reperiri triplex ratio boni, scilicet honesti, delectabilis, & utilis; peccatum ex malitia dicitur illud, quo appetitur ex certa scientia & plena deliberatione aliquod obiectum, contra legem Dei, & contra bonum honestum; sub aliqua tamen ratione boni utilis aut delectabilis: in peccato autem ex errore non est certa scientia & omnimoda aduertentia malitiæ moralis; unde qui peccat peccato odij Dei, sic peccando appetit aliquid bonum utile vel delectabile in actu peccati. Ad illud quod subditur, dicendum quod non esse apprehenditur à damnatis & aliis sub ratione boni non quidem absolute consideratum, sed apprehensum ut est terminatum summæ alicuius miseriæ, ut fuisse probauimus 3. p. Summæ nostræ Philosophicæ q. 10. art. 5.

Ad tertium dicendum quantum ad primam partem, quod voluntas nunquam appetit, nec potest appetere sibi impossibile apprehensum ut tale, appetitu absoluto & efficaci; sed tantum appetitu conditionato ex parte actus, qui appetitus sic exprimitur; Si hoc non esset impossibile, vellem illud; & ita quoties voluntas appetit aliquid impossibile, illud apprehenditur ut possibile: Quod ex professo probauimus. 3. p. Summæ nostræ Philosophicæ q. 10. art. 4. Quantum ad secundam partem dicendum, quod ille qui appetit malum alteri ex aliquo motiuo moraliter malo, illud appetit sub aliqua ratione conuenientis sibi, & sub ratione boni utilis aut delectabilis: unde non vult malum sub ratione mali, sed sub ratione boni.

D V B I U M II.

Utrum in simplici Volitione conditionata rei impossibilis possit esse peccatum.

Supponendum est, quod impossibile simpliciter, & ut tale propositum voluntati non potest efficaciter & absolute appeti: unde nihil proponitur voluntati ut prosequendum affectu absoluto, nisi sub ratione possibili in actu, non quidem signato, sed exercito representatum. Impossibile verò ex suppositione potest appeti affectu absoluto complacentiæ: sed ut subest suppositioni suæ impossibilitatis, solo affectu conditionato potest appeti; sicut & quodlibet aliud impossibile etiam simpliciter: Sed querimus in præsentia, Utrum hic affectus seu appetitus ad quoduis impossibile terminatus possit esse peccaminosus & demeritorius, vel etiam meritorius: si enim circa obiectum malum sit demeritorius, circa obiectum bonum erit meritorius, Ad cuius euidentiam sciendum est, quod impossibile est duplex: vnum simpliciter per se & ex vi terminorum,

terminorum, ut hominem esse leonem, Angelum esse æqualem Deo, &c. aliud verò secundum quid & per accidens ex vi alicuius accidentalis suppositionis, ut Adamum non peccasse. Aliquod autem impossibile potest aliquando iudicari possibile vel ex ignorantia siue errore, vel ex passione ligante rationem: Et tunc non est dubium, quin sic iudicatum possit appeti voluntate efficaci, absoluta, atque deliberata; ac si reuera esset possibile: sed impossibile iudicatum ut tale non potest appeti voluntate efficaci operatiua, & ad executionem procedente; at tantum ut sic potest appeti voluntate inefficaci, & imperfecta, nec procedente ad executionem. Ita docet expressè D. Thomas multis locis, ut in 2. d. 30. q. 1. art. 1. ad 6. Item q. 22. de Veritate art. 13. ad 12. Item infra q. 13. art. 5. sed expressius q. 16. de Malo art. 3. ad 9. ubi sic ait: Voluntas, quæ dicitur impossibile, non est perfecta voluntas tendens in aliquid consequendum; quia nullus tendit in id, quod existimat impossibile: sed est quædam imperfecta voluntas, quæ dicitur velleitas, quia scilicet aliquis vellet id, quod existimat impossibile; sed sub hac conditione, si possibile esset. Ex quo constat quod volitio rei impossibilis ut talis iudicata est conditionata, & dicitur velleitas siue voluntas simplicis complacentiæ. Inter actus autem conditionatos voluntatis aliqui sunt conditionati ex parte sui siue ex parte tendentiæ ipsorum; alij verò sunt conditionati ex parte obiecti & absoluti ex parte sui; alij denique sunt conditionati tam ex parte sui, quam ex parte obiecti. Primi sic exprimuntur: Hoc succedet, si me determinabo ad illud volendum; Et similes actus ex parte sui conditionati important siue connotant in subiecto imperfectionem, scilicet novam determinationem, ac ita in eo supponunt potentialitatem; & propterea tales actus conditionati non possunt poni in Deo, ut pote actu purissimo & immutabili, possunt autem poni tam in homine, quam in Angelo, cum eis non repugnet similis imperfectio. Secundi sic exprimuntur: Si hoc facias, volo hoc tibi dare; Et hi actus conditionati ex parte obiecti & absoluti ex parte sui nullam important aut connotant imperfectionem seu potentialitatem & mutabilitatem in subiecto, sed tantum in obiecto; & propterea tales actus conditionati etiam ponuntur in Deo: ut volitio qua voluit derivationem gratiæ originalis in posteros Adami, si ille non peccasset: item volitio qua vult omnes homines saluos fieri, si perseverent in gratia: Et similes volitiones Dei dicuntur decreta conditionata. Tertiij denique sic exprimuntur: Si hoc succederet, & me determinarem ad hoc faciendum, fieret illud.

Prima opinio, Quæ attribuitur Ferrariensi, negat in simplici volitione conditionata rei impossibilis posse esse peccatum. Probatur autoritate D. Thomæ, qui q. 16. de Malo art. 3. ad 9. loquens

de ista voluntate inefficaci, incompleta, & conditionata; negat esse voluntatem conversionis aut auersionis, in qua peccatum mortale & meritum consistit.

Secundò, Si in simplici volitione conditionata rei impossibilis posset esse peccatum, ac proinde demeritum; posset etiam in illa esse meritum, si sit de obiecto bono, ut constat ex paritate rationis: sed in simplici volitione conditionata rei impossibilis non potest esse meritum; aliàs posset dari meritum infinitum, ut si quis vellet amare Deum infinitè, si hoc esset possibile; nam cum velle amare Deum finitè, sit meritum finitè; sic velle amare infinitè, esset meritum infinitè; & ita S. Augustinus meruisset infinitè, dum ex maximo in Deum amore, ipsi Deo loquens diceret: Si ego essem Deus, mallet me, quam me esse Deum: ergo cum in pura creatura non possit dari meritum infinitum, in simplici volitione conditionata rei impossibilis non potest esse peccatum.

CONCLUSIO.

RESPONDEO dicendum, quod in simplici volitione conditionata rei impossibilis potest esse peccatum. Ita communiter docent Authores in præsentia.

Probatur conclusio: Simplex volitio conditionata rei impossibilis potest habere quicquid requiritur ad peccatum; nam potest ex vna parte esse de obiecto malo, ut ostendetur in secunda ratione; ex alia verò parte potest procedere ex plena deliberatione & perfecto iudicio, quia impossibilitas obiecti non impedit nec perturbat usum rationis circa exercitium talis actus: nec aliunde inefficacia, quæ in tali actu reperitur, impedit rationem peccati, at tantum assecutionem obiecti voliti; cum talis actus aliquando sit verè elicitus, quando est tantum conditionatus ex parte obiecti, & tunc est in seipso à parte rei; aliquando verò sit in præparatione animi, quando scilicet est conditionatus ex parte sui, quod tamen est sufficiens ad peccatum, nam eo ipso quod aliquis est paratus ad actum peccaminosum, verè peccat in corde: ergo in simplici volitione conditionata rei impossibilis potest esse peccatum.

Secundò, Appetitus, quo damnati & odientes Deum, volunt ipsum Deum non esse, est simplex volitio conditionata rei impossibilis: sed talis appetitus, cum procedat ex plena deliberatione & malitia; & sit intrinsecè malus, cum per illum magna fiat Deo iniuria, est peccatum ut communiter conceditur: ergo in simplici volitione conditionata rei impossibilis potest esse peccatum. Quod amplius confirmatur ex eo quod Apostata Angeli post primum peccatum, potuerunt ex iudicio erroneo appetere Dei æqualitatem sibi impossibilem: constat autem quod in tali appetitu, ut pote deordinato, est peccatum: ergo in simplici volitione conditionata

Y : nata

nata rei impossibilis potest esse peccatum.

Tertiò, In simplici volitione conditionata rei impossibilis potest esse meritum; ut constat tum in feruido illo actu S. Augustini, quo Deo dicebat, Si ego essem Deus, mallet te, quàm me esse Deum; Tum in actu quo pœnitens vellet se non peccasse: ergo etiam in simplici volitione conditionata rei impossibilis potest esse peccatum & demeritum, ut constat ex paritate rationis; Imò probatur à maiori ad minus, nam plus requiritur ad meritum quàm ad demeritum & peccatum, quia bonum ex integra causa, malum autem ex quocunque defectu.

A d primum ergo dicendum, quòd D. Thomas ibi tantum vult, quòd in illa volitione inefficaci, quantum est ex parte sua, non est perfecta & completa conuersio & auersio, quæ requiritur ad complementum peccati, quæ proinde debet esse sufficiens absolute ex parte sui ad executionem obiecti voliti: non tamen negat, quòd in illa volitione inefficaci sit conuersio & auersio sufficiens ad peccatum internum, & similiter ad meritum, quando procedit ex plena deliberatione, quamuis dicatur imperfecta & incompleta talis conuersio & auersio, quia ut dictum est, non pertingit ad executionem obiecti voliti.

A d secundum dicendum, quòd sicut simplici volitione conditionata rei impossibilis, potest esse peccatum & demeritum; sic etiam potest esse meritum. Vnde ad impugnationem dicendum, quòd intensio meriti non procedit ex obiecto volito; sed intensio meriti in esse physico procedit ex intensione actus, in esse verò morali procedit ex dignitate personæ: vnde cum in nulla pura creatura possit dari intensio actus physice infinita, nec dignitas infinita personæ; inde est quòd in nulla pura creatura possit esse meritum infinitum. Et ita non sufficit ad meritum infinitum, quòd quis vellet amare Deum infinite, sed deberet infinite velle amare Deum infinite; imò magis meretur, qui cum maiore intensione & feruore vellet Deum amare secundum suam possibilitatem finitam, quam ille qui cum minori intensione ac feruore vellet Deum amare infinite; quia sola voluntas efficax reputatur pro facto, & non inefficax. Vnde quamuis S. Augustinus multum meruerit in feruido illo actu amoris, non tamen meruit infinite.

D V B I V M III.

Vtrum ad actum simplicis volitionis prærequiratur perfectum iudicium intellectus.

Supponendum est, quasi certum & ab omnibus concessum, quòd ad omnem actum voluntatis debet præcedere aliqua cognitio intellectus, iuxta axioma philosophicum, quòd nihil volitum, quin præcognitum: vnde nulla est difficultas, quòd ad actum simplicis volitioni

prærequiratur aliqua cognitio intellectus; Sed difficultas est, vtrum ad talem actum prærequiratur perfectum iudicium intellectus. Ad cuius euidenciam sciendum est, quòd in nobis est duplex iudicium intellectuale: Vnum perfectum, aliud imperfectum. Iudicium perfectum reperitur in secunda tantum mentis operatione, & consequitur affirmationem & negationem, seu compositionem & diuisionem, actus quippe iudicii distinguitur ab actu compositionis & diuisionis, seu ab actu affirmationis & negationis in intellectu humano, secus autem in Angelico, qui simplici intuitu obiectum comprehendit, & perfecte de illo iudicat: Signum huius distinctionis est, quòd postquam intellectus noster formauit aliquam propositionem affirmatiuam aut negatiuam, componendo vel diuidendo, manet dubius si velit, & suspendit iudicium de veritate aut falsitate talis propositionis; & propterea in hoc perfecto iudicio est propriè veritas, quasi in proprio subiecto ipsam cognoscente, & ita est in eo ut cognita. Iudicium imperfectum reperitur in prima mentis operatione, sed non distinguitur à prima apprehensione seu à simplici notitia ipsius intellectus; per hoc enim quòd aliquid apprehendit, iudicat quamuis imperfectè illud esse tale quòd apprehendit, & quodammodo discernit ab aliis; ex eo maximè quòd illa simplex apprehensio est mentalis locutio, in omni autem locutione mentali est aliquod iudicium: & propterea in prima mentis operatione reperitur veritas aliqua inchoata & imperfecta, ut ostendimus in 3. p. Summæ nostræ Philosophicæ q. 9. art. 2. quamuis veritas completa & perfecta sit tantum in iudicio perfecto quòd est in secunda mentis operatione, ut ibidem dictum est: distinctio autem, quæ reperitur inter iudicium perfectum & actum compositionis & diuisionis partim provenit ex imperfectione intellectus humani, & partim ex perfectione talis iudicii; nam quia intellectus humanus est imperfectus, non potest eodem actu componere vel diuidere, ac simul formaliter & perfecte iudicare de compositione vel diuisione; potest autem intellectus humanus habere in prima sui operatione imperfectum iudicium, indistinctum à simplici notitia. Nec mirum si in prima illa mentis operatione ponatur aliquale iudicium, quandoquidem simile iudicium imperfectum conceditur sensibus internis tam hominis, quam bruti multò inferioribus & ignobilioribus intellectu, etiam quantum ad primam sui operationem: nam. D. Thomas 1. p. q. 59. art. 3. asserit oues fugere lupum ex quodam iudicio, quo existimant eum sibi nocituum. Et Aristoteles. 1. Metaph. cap. 2. asserit quædam animalia esse disciplinabilia in quibus est aliqualis prudentia: hoc autem iudicium est in brutis ab æstimatiua, non quidem per compositionem aut diuisionem, sed per simplicem existimationem disconuenientiæ repectæ in obiecto

iecto cognito; imò etiam sensus communis imperfectior omnium sensuum interiorum habet aliquod iudicium, dum discernit inter obiecta sensuum exteriorum, ut inter album & nigrum, inter graue & acutum, inter odorem suauem & ingratum, inter dulce & amarum, inter calidum & frigidum, humidum & siccum. Igitur quaerimus in praesenti: Vtrum ad actum simplicis volitionis praerequiratur perfectum iudicium intellectus, quod dictum est reperiri in secunda mentis operatione; vel vtrum sufficiat iudicium imperfectum intellectus, quod dictum est reperiri in prima eius operatione.

Prima opinio, quam sequitur Medina quaestione sequenti art. 2. dubio ultimo, Valentia hic disp. 2. q. 4. Suares disp. 13. Metaphysicae sect. 7. asserit ad nullum actum voluntatis sufficere simplicem apprehensionem, sed ad omnem actum requiri iudicium perfectum intellectus practici, & quod sit imperatiuum. Probatur autoritate Aristotelis 3. de Anima cap. 3. vbi dicit quod imaginatiua nuda obiecti mali & terribilis non mouet voluntatem ad affectum perturbationis & timoris, nec imaginatio sola boni futuri ardui mouet ad affectum spei; sed opinio mali terribilis, aut boni futuri mouet voluntatem ad huiusmodi affectus: constat autem quod opinio importat iudicium perfectum, quod est in secunda mentis operatione: ergo ad actum simplicis volitionis non sufficit simplex apprehensio intellectus, sed semper requiritur iudicium perfectum intellectus practici, quod sit imperatiuum.

Secundò, Si quis esset actus simplicis volitionis, ad quem non praerequireretur iudicium perfectum; maximè esset actus subitus, qui est vel primò primus, vel secundò primus: sed ad talem actum simplicis volitionis etiam requiritur iudicium perfectum; cum enim hic actus sit perfectior actu appetitus sensitiui, ad ipsum requiritur perfectius iudicium, quam requiratur ad actum appetitus sensitiui, constat autem quod ad actum appetitus sensitiui requiritur iudicium imperfectum, ut docet D. Thomas. 1. p. q. 59. art. 3. dicens ouem fugere lupum ex quodam iudicio, quo iudicat eum sibi nocituum: ergo ad actum simplicis volitionis praerequiratur iudicium perfectum intellectus.

Tertiò, Si ad actum simplicis volitionis sufficeret sola apprehensio intellectus, ita ut voluntas posset amare vel odio habere, absque perfecto iudicio intellectus, sequerentur plura inconuenientia. Primum est, quod homo operaretur eodem modo per appetitum rationalem, quo operatur per appetitum animale seu sensitiuum, idest per simplicem apprehensionem obiecti. Secundum est, quod posset quis odio habere beatitudinem in communi; cum talis beatitudo possit per simplicem apprehensionem proponi voluntati ab intellectu sub aliqua ratione mali. Tertium est quod possemus quacun-

que apprehensione delectari vel tristari, sperare vel timere; & ita possemus facillè transire de vno affectu in alium contrarium, cum possit facillè mutari apprehensio eiusdem; quod tamen experientia constat esse falsum: ergo ad actum simplicis volitionis non sufficit sola apprehensio intellectus, sed praerequiratur perfectum iudicium,

CONCLUSIO.

RESPONDEO dicendum, quod ad actum simplicis volitionis non praerequiratur necessàriò iudicium perfectum intellectus repertum in secunda eius operatione; sed sufficit iudicium imperfectum quod est in prima eius operatione, & importat cognitionem simplicem apprehensiuam 2. quamuis ad actum perfectum simplicis volitionis praerequiratur tale iudicium perfectum intellectus. Ita docent plures ex discipulis Diui Thomae, & expresse Cornejo in praesenti tract. 5. disp. 1. dubio ultimo, vbi citat pro hac conclusione Scotum in 2. d. 6. q. 2. ad. 1.

Probatur prima pars conclusionis: Talis est sympathia inter actus voluntatis & actus intellectus, & tanta correspondentia in perfectione; quod ad actum perfectum voluntatis praerequiratur actus perfectus intellectus, quia cognitio est regula volitionis; vnde sicut ad actum perfectum volitionis praerequiratur actus perfectus cognitionis, qui in nobis consistit in iudicio perfecto secundae operationis mentis; sic ad actum imperfectum volitionis (quales sunt illi qui dicuntur primò primi, & excludunt omnem deliberationem, vel illi qui dicuntur secundò primi, & excludunt plenam deliberationem) sufficit quod praecedat actus imperfectus cognitionis, qui est in prima mentis operatione, & est quoddam iudicium imperfectum: sed non est necesse quod actus simplicis volitionis sit perfectus; imò saepe contingit quod sit imperfectus, ut dictum est de actibus primò primis, & secundò primis, ergo ad actum simplicis volitionis non praerequiratur necessàriò iudicium perfectum intellectus, repertum in secunda eius operatione; sed sufficit iudicium imperfectum quod est in prima eius operatione, & importat cognitionem simplicem apprehensiuam. Deinde, iudicium perfectum importat perfectam ponderationem conuenientiae vel disconuenientiae obiecti, ut debet concedi, cum sequatur ad compositionem aut diuisionem, siue ad affirmationem aut negationem: ergo tale iudicium non praerequiratur necessàriò ad actus imperfectos simplicis volitionis, quales sunt primò primi, & secundò primis; quia ad illam ponderationem non possunt non sequi actus plenè deliberati voluntatis, & tamen constat quod praedicti actus non sunt plenè deliberati. Denique, Appetitus sensitiuus tam hominis, quam bruti ex simplici apprehensione obiecti conuenientis mouetur ad eius amorem, & ex simplici apprehensione obiecti disconuenientis

nientis mouetur ad eius odium; conceditur enim communiter, quod in æstimatoria proponente obiectum appetitui non sit perfectum iudicium, sed quoddam imperfectum & indistinctum à simplici apprehensione: ergo etiam voluntas potest ex simplici apprehensione obiecti conuenientis moueri ad eius amorem, & ex simplici apprehensione obiecti disconuenientis moueri ad eius odium, ut constat ex paritate rationis; nam licet voluntas propter suam eminentiam supra appetitum sensitium (est enim appetitus superioris ordinis nempe intellectualis) possit non procedere ad suum actum, & possit illum suspendere, usque ad plenam ponderationem conuenientiae vel disconuenientiae obiecti, & usque ad plenam deliberationem; potest tamen ex aliquo motiuo extrinseco, aut dispositione ipsius subiecti statim ferri ad obiectum primò apprehensum, puta si subiectum in illud inclinetur ex aliqua passione appetitus sensitui; imò ipsa voluntas potest, per actum antecedentem deliberatum, se determinare ad actus subitos procedentes ex prima apprehensione obiecti, si deliberet sequi primam apprehensionem: & consequenter ad actum simplicis volitionis non prærequiritur necessariò iudicium perfectum intellectus, repertum in secunda eius operatione, sed sufficit iudicium imperfectum, quod est in prima eius operatione, & importat cognitionem simplicem apprehensiuam. Quamuis ad actum perfectum simplicis volitionis prærequiratur tale iudicium perfectum intellectus: quæ est secunda pars conclusionis, sufficienter ex dictis probata; propter dependentiam quippe & subordinationem voluntatis ad intellectum, quantum ad suam operationem, est impossibile quod actus eius sit perfectus, nisi præcedat perfectus actus cognoscitiuus ipsius intellectus, cum voluntas quasi potentia cæca sequatur ductum rationis seu intellectus.

A d primum ergo dicendum, quod ibi Philosophus solum vult, quod sola apprehensio mali terribilis, aut boni ardui non mouet ad affectum timoris aut spei; nisi adsit opinio siue iudicium de futuritione talis mali vel boni: quod si illud iudicium erit perfectum, talis affectus erit efficax & deliberatus; quod si iudicium illud erit imperfectum, talis affectus erit subitus & indeliberatus.

A d secundum dicendum, quod ad actum subitum simplicis volitionis non prærequiritur iudicium perfectum. Vnde ad probationem in contrarium, dicendum quod actus subitus simplicis volitionis est quidem perfectior actu appetitus sensitui, quantum ad suam entitatem, cum quilibet actus voluntatis sit spiritualis, & actus appetitus sensitui sit materialis; sed quantum ad modum tendendi in obiectum est perfectior; & ita non prærequirit perfectius iudicium quantum ad modum proponendi obiectum, quam

prærequirat actus appetitus sensitui; sed tantum prærequirit perfectius iudicium quantum ad substantiam actus, cum omne iudicium intellectus sit spirituale, & iudicium æstimatoria sit materiale.

A d tertium dicendum, quod ex dictis in conclusione nullum sequitur inconueniens. Nam primum quod obiicitur non est inconueniens: fateamur enim quod homo in actibus subitis eodem modo operatur per appetitum rationalem, quo operatur per appetitum animale seu sensitium, quantum ad hoc quod est procedere per simplicem apprehensionem obiecti. Secundum quod assertur, est impossibile: cum enim beatitudo in suo conceptu essentiali dicat, quod sit status omnium bonorum aggregatione perfectus, includit necessariò omnem rationem boni, & excludit omnem rationem mali: vnde æquè est impossibile, quod beatitudo proponatur voluntati ab intellectu sub aliqua ratione mali, per simplicem etiam apprehensionem; ac est impossibile quod bonum ut sic in communi proponatur voluntati ab intellectu sub aliqua ratione mali, per simplicem etiam apprehensionem. Quantum ad tertium dicendum, quod solum delectamur vel tristamur, speramus vel timemus, per apprehensionem boni conuenientis aut disconuenientis: nec vnus affectus inefficax v.g. delectationis ex sola apprehensione procedens expellit efficacem affectum tristitiae procedentem ex perfecto iudicio; & ita non est tam facilis transitus de vno affectu in alium contrarium, cum talis mutatio non semper dependeat ex simplici & sola apprehensione.

D V B I V M IV.

Verum Voluntas eodem actu moueatur in finem, & in media.

S Vpponendum est ex D. Thoma hic art. 2. quod voluntas se extendit & ad finem, & ad ea quæ sunt ad finem scilicet media, secundum quod voluntas nominat potentiam: secundum autem quod nominat actum, est finis tantum. Ratio primi est, quia ratio boni, quod est obiectum formale potentiae voluntatis, inuenitur non solum in fine, sed etiam in his quæ sunt ad finem, & propter hoc supra ostendimus bonum in tota sua latitudine esse obiectum formale voluntatis. Ratio secundi est, quia omnis actus denominatus à potentia, nominat simplicem actum illius potentiae, sicut intelligere nominat simplicem actum intellectus: simplex autem actus potentiae est in id, quod est secundum se (siue primariò & absque dependentia ab alio) obiectum potentiae; id autem quod est propter se bonum & volitum est finis, vnde voluntas propriè est ipsius finis: cauerò quæ sunt ad finem, non sunt bona vel volita propter seipsa, sed ex ordine ad finem; vnde voluntas

luntas in ea non fertur, nisi quatenus fertur in finem, vnde hoc ipsum quod in eis vult, est finis: sicut & intelligere propriè est eorum, quæ secundum se cognoscuntur, scilicet principiorum; eorum autem quæ cognoscuntur per principia, non dicitur esse intelligentia, nisi in quantum in eis ipsa principia considerantur: sic enim se habet finis in appetibilibus, sicut se habet principium in intelligibilibus, ut dicitur in 7. Ethicorum. Hæc D. Thomas, In quibus nota, quod ideo voluntas ut nominat actum potentia volitionis, dicitur tantum esse finis; quia actus denominatus à potentia est actus principalis illius potentia, & ita simpliciter dictus debet versari circa obiectum principale & primum talis potentia: vnde voluntas pro actu sic propriè sumpta dicit actum voluntatis in ordine ad finem absolute & secundum se, sicut intelligentia dicit actum intellectus in ordine ad principia: & ita sicut intelligentia non adæquat intellectionem; sic nec voluntas pro actu, quam in hac disputatione vocamus simplicem volitionem, adæquat volitionem ut sic in tota sua latitudine: vnde sicut intellectio includitur in omni actu intellectus, siue sit principiorum, siue conclusionum; sic volitio includitur in omni actu voluntatis, siue sit finis, siue mediorum: Et tandem sicut intellectio est actus adæquatus intellectus, & propterea respicit idem obiectum adæquatum intellectus; sic volitio est actus adæquatus voluntatis, & propterea respicit idem obiectum adæquatum voluntatis, quod est bonum in communi, ut abstrahit à bono finis, & à bono mediorum, ut supra dictum est; & consequenter volitio potest esse finis & mediorum: Dubium autem præsens est: Vtrum voluntas eodem actu volitionis moueatur in finem & in media.

Prima opinio asserit, quod voluntas non potest eodem actu moueri in finem & in media. Probatur: Est impossibile quod idem actus voluntatis sit diuersarum specierum in genere physico; quamuis hoc sit possibile in genere moris, ut communiter conceditur: sed si voluntas posset eodem actu moueri in finem & in media, idem actus voluntatis esset diuersarum specierum in generico physico; nam actus quo voluntas tendit in finem, est intentio; actus verò quo tendit in media, est electio, qui actus sunt diuersæ speciei in genere physico: ergo voluntas non potest eodem actu moueri in finem & in media.

Secundò, Actus voluntatis multiplicantur & distinguuntur secundum diuersa obiecta formalia; vnde idem actus voluntatis non potest terminari ad diuersa obiecta formalia: sed finis & medium secundum proprias rationes sunt diuersa obiecta formalia, cum sint diuersæ species boni; nam finis est bonum honestum aut delectabile, quod est bonum propter se appetibile; medium autem est bonum utile, quod est tantum bonum pro-

pter aliud: ergo voluntas non potest eodem actu moueri in finem & in media.

CONCLUSIO.

RESPONDEO dicendum, quod voluntas potest ferri in finem in quantum huiusmodi, absque eo quod feratur in media. 2. sed non potest ferri in media ut talia, absque eo quod feratur in finem. 3. actus quo voluntas fertur in finem secundum se & absolute consideratum, est distinctus tam formaliter, quam realiter ab illo quo fertur in media; & illum præcedit aliquando etiam tempore. 4. sed potest voluntas eodem actu ferri in media, & in finem, secundum quod finis est ratio volendi seu appetendi media. Ita docent communiter Discipuli Diui Thomæ & alij in præfenti.

Probatur prima pars conclusionis autoritate & ratione D. Thomæ hic art. 3. ubi sic ait: Cum finis sit secundum se volitus; manifestum est quod voluntas potest ferri in finem in quantum huiusmodi, sine hoc quod feratur in ea quæ sunt ad finem. Quæ ratio sic declaratur: Vnumquodque obiectum eo modo est appetibile à voluntate, quo est bonum; cum enim appetibilitas consequatur bonitatem quasi proprietas, modus appetibilitatis etiam consequitur modum bonitatis: sed finis in quantum huiusmodi est in se bonus absque dependentia à mediis; vnde non dependet ab illis in sua bonitate, sed tantum in assecutione sui, ut communiter conceditur: ergo finis in quantum huiusmodi est in se appetibilis absque dependentia à mediis; & consequenter voluntas potest ferri in finem in quantum huiusmodi, absque eo quod feratur in media.

Probatur secunda pars conclusionis autoritate & ratione D. Thomæ loco citato, ubi sic ait: Cum id quod est ad finem, in quantum huiusmodi, non sit volitum, nisi propter finem; manifestum est quod voluntas in id quod est ad finem, in quantum huiusmodi, non potest ferri, nisi feratur in ipsum finem. Vnde concludit: Sic ergo voluntas in ipsum finem dupliciter fertur, vno modo absolute secundum se, alio modo sicut in rationem volendi ea quæ sunt ad finem. Quæ ratio Diui Thomæ sic etiam declaratur: Vnumquodque obiectum eo modo est appetibile, quo est bonum ut dictum est: sed media ut talia, quamuis sint in se bona, non tamen absque dependentia à fine, ac cum subordinatione ad finem, quandoquidem eorum bonitas est participata à fine, & propter ipsum ut supra ostensum est; utilitas quippe, quæ est bonitas mediorum, est propter honestatem vel delectationem, quæ est bonitas finis: ergo media ut talia, quamuis sint appetibilia, non tamen absque dependentia à fine, ac cum subordinatione ad finem; & consequenter voluntas non potest ferri in media talia, absque eo quod feratur in finem.

Probatur tertia pars conclusionis autoritate D. Thomæ

D. Thomæ loco citato, ubi sic ait: Alius actus est, quo voluntas fertur in ipsum finem absolute (scilicet ab illo quo fertur in ea quæ sunt ad finem) & quandoque præcedit tempore: sicut cum aliquis primò vult sanitatem, & postea deliberans quo modo possit sanari, vult conducere medicum ut sanetur: sic etiam & circa intellectum accidit; nam primò aliquis intelligit ipsa principia secundum se, postmodum autem intelligit, ea in ipsis conclusionibus, secundum quod assentit conclusionibus propter principia. Deinde: Finis in quantum huiusmodi est in se appetibilis, absque dependentia à mediis, ut ostensum est in prima parte conclusionis: ergo per actum distinctum ab illo quo appetuntur media, appetitur à voluntate secundum se & absolute consideratus; & consequenter actus, quo voluntas fertur in finem secundum se & absolute consideratum, est distinctus tam formaliter, quam realiter ab illo quo fertur in media.

Probatur quarta pars conclusionis autoritate D. Thomæ loco citato; ubi sic ait: Manifestum est ergo, quòd vnus & idem motus voluntatis est, quo fertur in finem, secundum quod est ratio volendi ea quæ sunt ad finem, & in ipsa quæ sunt ad finem. Deinde: Voluntas non potest ferri in media in quantum huiusmodi, nisi feratur in ipsum finem, ut dictum est; quamvis enim operatio exterior possit siltere in mediis, & non pertingere ad finem, tamen in volendo est è conuerso, ut ait D. Thomas hic art. 3. ad 3. nam voluntas per finem deuenit ad volendum ea quæ sunt ad finem, sicut & intellectus deuenit in conclusiones per principia quæ media dicuntur: ergo potest eodem actu ferri in media, & in finem, secundum quod finis est ratio volendi seu appetendi media. Denique probatur ratione Philopoli 3. Topicorum cap. 2. Vbi est vnum propter alterum ibi est vnum tantum; siue illud quod est ratio alicuius, in quantum tale non ponit in numero cum illo; sed constituit idem obiectum cum illo, ac proinde eodem actu potest attingi, quo illud attingitur, ut constat in lumine propterea ratio videndi colorem: ergo potest voluntas eodem actu ferri in media, & in finem, secundum quod finis est ratio volendi seu appetendi media. Notandum tamen, quòd ea quæ in præsentis dubio dicta sunt, debent intelligi quando finis & media distinguuntur; quando enim idem est medium simul & finis respectu diuersorum; ut constat in finibus intermediis, qui respectu anteriorum sunt fines, & respectu posteriorum sunt media; tunc finis & medium necessariò appetuntur eodem actu, ut dictum est supra disp. 2.

Ad primum ergo dicendum, cum Nostris Salmanticensibus in Annotationibus supra art. 3. huius q. 8. quòd medium ad aliquem finem, & ipse finis possunt dupliciter considerari, & attingi à voluntate: vel ita quòd vtrumque attinga-

tur in recto, formaliter, & ut quod: vel ita quòd solus finis attingatur hoc modo; medium autem virtualiter, aut in obliquo: vel è conuerso medium ut quod, immediate, & formaliter; & finis solum ut quo mediatè, & virtualiter. Primo modo terminant actus specie distinctos: nam qui terminatur ad finem, est primariò & formaliter intentio; qui verò terminatur ad medium, est formaliter & primariò electio. Secundo autem modo idem actus, siue intentio, siue electio terminatur ad vtrumque, aliter tamen & aliter: nam intentio attingit finem immediate & ut quod, ab eoque specificatur; media verò attingit virtualiter seu in obliquo: quatenus qui vult finem ut assequendum per media, virtualiter iam vult ipsa media. Electio autem attingit ut quod & immediate medium, ab eoque specificatur; finem verò attingit ut quo & virtualiter, in quantum vult media propter illum. Vnde intentio à fine descendit ad media; electio verò à mediis ascendit ad finem. Et quia actus suam denominationem nò tribuit absolute & simpliciter, nisi obiecto quod: ideo neque intentio denominat medium intentum, sed solum finem: nec electio denominat finem electum, sed tantum medium. Ex quibus constat, quòd voluntas fertur in finem & in media vnico actu, qui sit vnus speciei in genere physico; & qui sit vel intentio, vel electio iuxta differentiam attingendi finem & media.

Ad secundum dicendum cum D. Thoma hic art. 3. in responsione ad vltimum, quòd vile & honestum non sunt species boni ex æquo diuisæ: sed se habent sicut propter se, & propter alterum; unde actus voluntatis in vnum potest ferri, sine hoc quòd feratur in alterum: sed non è conuerso. Vnde quia medium subordinatur fini, & appetitur propter ipsum, ac participat ab illo bonitatem; inde est, quòd non ex æquo distinguitur ab illo in ratione obiecti formalis: & ita non est opus multiplicare & distinguere actus voluntatis ad finem & medium attingendum, quando concurrunt ad constituendum totale obiectum, vnum quidem ut quod, aliud verò ut quo, sicut dictum est.



Q V Æ S T I O X I.

De fruitione, quæ est actus voluntatis, in quatuor articulos diuisa.



Et nunc considerandum est de fruitione.

Et circa hoc quaeruntur quatuor.

¶ Primo, Vtrum frui sit actus appetitiue potentie.

¶ Secundo, Vtrum soli rationali creature conueniat, an etiam animalibus brutis.

¶ Tertio, Vtrum fruitio sit tantum vltimi finis.

¶ Quarto, Vtrum sit solum finis habiti.

A R T I C V L V S I.

Vtrum frui sit actus appetitiue potentie.

Ad primum sic proceditur. Videtur, quòd frui non sit actus appetitiue potentie. frui enim nihil aliud esse videtur, quam fructum capere: sed fructum humanæ vitæ dicitur esse beatitudo accipit intellectus, in cuius actu beatitudo consistit.

q. 3. ar. 1. confitit: vt supra ostensum est. * ergo sui non est appetituius potentia, sed intellectus.

¶ 1. Præterea, Quilibet potentia habet proprium finem, qui est eius perfectio: sicut visus finis est cognoscere visibile, auditus percipere sonos, & sic de aliis. sed finis rei est fructus eius: ergo sui est potentia cuiuslibet, & non solum appetituius.

¶ 2. Præterea, Fruitio delectationem quandam importat: sed delectatio sensibilis pertinet ad sensum qui delectatur in suo obiecto: & eadem ratione delectatio intellectualis ad intellectum. ergo fruio pertinet ad apprehensiuam potentiam, & non ad appetituius.

Sed contra est, quod August. dicit in 1. de doctr. Christi. * & in 10. de Trin. Frui est amore inhære alicui rei propter seipsum. sed amor pertinet ad appetituius potentiam. ergo & fruio est actus appetituius potentia.

CONCLVSIO.
Cum fruio ad delectationem vel amorem spectet, appetituius potentia actus est.

RESPONDEO dicendum, quod fruio & fructus ad idem pertine videtur, & vnum ex altero derivari. Quid autem a quo, nihil ad propositum refert, nisi quod hoc probabile videtur, quod id quod magis est manifestum, prius etiam fuerit nominatum. Sunt autem nobis primo manifesta quæ sunt sensibilibus magis, vnde a sensibilibus fructibus nomen fruitionis derivatum videtur. Fructus autem sensibilis est id quod vltimum ex arbore expectatur. & cum quadam suauitate percipitur; vnde fruio pertinet videtur ad amorem vel delectationem quam aliqua habet de vltimo expectato, quod est finis: finis autem & bonum est obiectum appetituius potentia: vnde manifestum est quod fruio est actus appetituius potentia.

Ad primum ergo dicendum, quod nihil prohibet vnum & idem secundum diuersas rationes ad diuersas potestates pertinere. ipsa igitur visio delinquantum est visio, est actus intellectus: inquantum autem est bonum & finis, est voluntatis obiectum, & hoc modo est eius fruio. & finem hunc intellectus consequitur tanquam potentia agens, voluntas autem tanquam potentia mouens ad finem, & fruens sine iam adepto.

Ad secundum dicendum, quod perfectio & finis cuiuslibet alterius potentia continetur sub obiecto appetituius, sicut proprium sub communi: vt dictum est supra. * vnde perfectio & finis cuiuslibet potentia inquantum quoddam est bonum, pertinet ad appetituius, propter quod appetituius potentia mouet alias ad suos fines, & ipsa consequitur finem quando quilibet aliarum pertingit ad finem.

Ad tertium dicendum, quod in delectatione duo sunt, scilicet perceptio conueniens, quæ pertinet ad apprehensiuam potentiam: & complacentia eius quod offertur vt conueniens, & hoc pertinet ad appetituius potentiam, in qua ratio delectationis completur.

ARTICVLVS II.

Vtrum frui conueniat tantum rationali creature, an etiam animalibus brutis.

67 AD SECUNDUM sic proceditur. Videtur, quod frui solummodo sit hominum. dicit enim August. in 1. * de doctr. Christi. quod nos homines sumus qui fruimur & vitimur: non ergo alia animalia frui possunt.

¶ 1. Præterea. Frui est vltimi finis: sed ad vltimum finem non possunt pertinere bruta animalia. ergo eorum non est frui.

¶ 2. Præterea, Sicut appetitus sensibilis est sub intellectu, ita appetitus naturalis est sub sensu: si igitur frui pertinet ad appetitum sensitiuum, videtur quod pari ratione possit ad naturalem pertinere. quod patet esse falsum. quia eius non est delectari. ergo appetitus sensitiui non est frui: & ita non conuenit brutis animalibus.

Sed contra est, quod August. dicit in lib. 13. q. * Frui quidem cibo & qualibet corporali voluptate non absurde existimantur & beati.

CONCLVSIO.

Conuenit rationali naturæ fruio secundum rationem perfectam, brutis autem secundum imperfectam, ceteris autem nullo modo conuenit.

RESPONDEO dicendum, quod sicut ex prædictis habetur, frui non est actus potentia peruenientis ad finem, sicut exequentis: sed potentia imperantis executionem: dictum * est enim quod est appetituius potentia. In rebus autem cognitione carentibus inuenitur quidem potentia pertingens ad finem per modum exequentis, sicut graue tendit deorsum, & leue sursum. Sed potentia ad quam pertinet finis per modum imperantis, non inuenitur in eis, sed in aliqua superiori natura quæ sic mouet totam naturam per imperium, sicut in habentibus cognitionem, appetitus mouet alias potentias ad suos actus. vnde manifestum est quod in his, quæ cognitione carent, quæuis pertingant ad finem, non inuenitur fruio finis: sed solum in his quæ cognitionem habent. sed cognitio finis est duplex, perfecta & imperfecta. Perfecta quidem, qua non solum cognoscitur id quod est finis & bonum, sed ratio vniuersalis & boni: & talis cognitio est solius rationalis naturæ. Imperfecta autem cognitio est, qua cognoscitur particulariter finis & bonum: & talis cognitio est in brutis animalibus, quorum & virtutes appetituius non sunt imperantes libere, sed secundum naturalem instinctum ad ea, quæ apprehendunt, mouentur. vnde rationali naturæ conuenit fruio secundum rationem perfectam, brutis autem animalibus secundum rationem imperfectam, aliis autem creaturis nullo modo.

Ad primum ergo dicendum, quod August. loquitur de fruione perfecta.

R. P. Philippi Carm. discal. Disp. Theolog. in 1. 2.

Ad secundum dicendum, quod non oportet quod fruio sit vltimi finis simpliciter, sed eius quod habetur ab vnoquoque pro vltimo fine.

Ad tertium dicendum, quod appetitus sensibilis consequitur aliquam cognitionem, non autem appetitus naturalis, præcipue propter quod est in his, quæ cognitione carent.

Ad quartum dicendum, quod August. ibi loquitur de fruione imperfecta, quod ex ipso modo loquendi apparet. dicit enim quod sui non adeo absurde existimantur & beati, scilicet sicut vii absurdissime dicerentur.

ARTICVLVS III.

Vtrum fruio sit tantum vltimi finis.

AD PRIMUM sic proceditur. Videtur, quod fruio non sit tantum vltimi finis. dicit enim Apostolus ad Philemonem, itaque frater, ego te fruar in Domino: sed manifestum est, quod Paulus non posuerat vltimum suum finem in homine. ergo sui non tantum est vltimi finis.

¶ 2. Præterea, Fructus est quo aliquis fruatur: sed Apostolus dicit ad Gal. 3. Fructus spiritus est caritas, gaudium, pax, & huiusmodi, quæ non habent rationem vltimi finis. non ergo fruio est tantum vltimi finis.

¶ 3. Præterea, Actus voluntatis supra seipsum reflectuntur, volo enim me velle, & amo me amare: sed frui est actus voluntatis: voluntas enim est per quam fruimur, vt Aug. dicit 18. de Trin. ¶ ergo aliquis fruatur sua fruione. sed fruio non est vltimus finis hominis, sed solum bonum increatum quod est Deus. non ergo fruio est solum vltimi finis.

Sed contra est, quod Aug. dicit 10. de Tri. * quod non fruatur siquis id quod in facultatem voluntatis assumit, propter aliud appetit. sed solum vltimus finis est qui non propter aliud appetitur: ergo solius vltimi finis est fruio.

CONCLVSIO.

Fruio tantum vltimi finis est, qui non propter aliud queritur, sed propter seipsum, vt in eo voluntas quiescat & delectetur.

RESPONDEO dicendum, quod sicut dictum est, * ad rationem fructus duo pertinent: scilicet, quod sit vltimum, in quo. & quod appetituius quiescat quadam dulcedine vel delectatione. Vltimum autem est simpliciter, & secundum quid: simpliciter quidem quod ad aliud non refertur, sed secundum quid, quod est aliquorum vltimum. quod ergo est simpliciter vltimum, in quo aliquid delectatur, sicut in vltimo fine, hoc quippe proprie dicitur fructus, & eo proprie dicitur aliquis frui: quod autem in seipso non est delectabile, sed tantum appetitur in ordine ad aliud, sicut portio amara ad sanitatem, nullo modo fructus dici potest: quod autem in se habet quandam delectationem, ad quam quidam præcedentia referuntur, potest quidem aliquo modo dici fructus: sed non proprie & secundum completam rationem fructus eo dicitur frui. Vnde Aug. in 10. de Trin. dicit, * quod fruimur cognitionis in quibus voluntas delectata quiescit: non autem quiescit simpliciter nisi in vltimo: quia quamdiu aliquid expectatur, motus voluntatis remanet in suspensio: licet iam ad aliquid peruenierit. Sicut in motu locali, licet illud quod est medium in magnitudine, sit principium & finis: non tamen accipitur, vt finis in actu, nisi quando in eo quiescit.

Ad primum ergo dicendum, quod sicut August. dicit in 1. de doctrina Christi. * Si dixisset, Te fruar, & non addidisset, in Domino: videretur finem delectationis in eo posuisse. sed quia addidit in Domino, in Domino se posuisse finem, atque in eo se sui significauit: vt sic fratre se frui dixerit, non tantum medio.

Ad secundum dicendum, quod fructus aliter comparatur ad arborem producentem, & aliter ad hominem fruentem; ad arborem quidem producentem comparatur, vt effectus ad causam: ad fruentem autem sicut vltimum expectatum & delectatum. dicuntur igitur ea quæ enumerat ibi Apostolus, fructus: quia sunt effectus quidam spiritus sancti in nobis (vnde & fructus spiritus dicuntur) non autem ita quod eis fruamur tanquam vltimo fine. Vel aliter dicendum, quod dicuntur fructus secundum Ambr. * quia propter se petenda sunt: non quidem ita quod ad beatitudinem non referantur, sed quia in seipsis habent vnde nobis placere debeant.

Ad tertium dicendum, quod sicut supra dictum est, ¶ finis dicitur dupliciter. Vno modo ipsa res: alio modo adeptio rei, quæ quidem non sunt duo fines, sed vnus finis in se consideratus & alteri applicatus. Deus igitur est vltimus finis sicut ¶ quæ vltimo quæritur, fruio autem sicut adeptio huius vltimi finis. sicut igitur non est aliud finis Deus & fruio Dei, ita eadem ratio fruitionis est qua fruimur Deo, & qua fruimur diuina fruione: & eadem ratio est de beatitudine creata, quæ in fruione consistit.

ARTICVLVS IV.

Vtrum fruio sit solum finis habiti.

AD QUINTUM sic proceditur. Videtur, quod fruio non sit nisi finis habiti. dicit enim August. 10. de Trin. * quod frui est cum gaudio vii non adhuc spei, sed iam rei: sed quando non habetur, non est gaudium rei, sed spei. ergo fruio non est nisi finis habiti.

¶ 2. Præterea, Sicut dictum est, ¶ fruio non est proprie nisi vltimi finis: quia solus vltimus finis quietat appetitum: sed appetitus non quietatur nisi in fine iam habito. ergo fruio, proprie loquendo, non est nisi finis habiti.

¶ 3. Præterea, Frui est capere fructum, sed non capitur fructus nisi quando iam finis habetur. ergo fruio non est nisi finis habiti.

Sed contra Frui est amore inhaerere alicui rei propter seip.
Lib. 1. de sam. vt Aug. dicit: sed hoc potest fieri etiam de re non habita.
dicitur. Ch. 1. ergo frui potest esse etiam finis non habiti.

o. 4. in prin-
cip. 10.3.

CONCLUSIO.

Est perfecta fruitio ultimi finis habiti realiter, imperfecta
vero finis non habiti realiter, sed in intentione tantum.

RESPONDEO dicendum, quod frui importat compa-
rationem quandam voluntatis ad ultimum finem, secundum
quod voluntas habet aliquid pro ultimo fine. Habetur autem
ultimus finis dupliciter: vno modo perfecte, & alio modo
imperfecte. Perfecete quidem, quando habetur non solum in
intentione, sed etiam in re: imperfecte autem, quando habetur
in intentione tantum. Est ergo perfecta fruitio iam habiti
finis realiter, sed imperfecta est etiam finis non habiti realiter,
sed in intentione tantum.

A d primum ergo dicendum, quod August. loquitur de
fruitione perfecte.

A d secundum dicendum, quod quies voluntatis dupliciter
impeditur. Vno modo ex parte obiecti, quia, scilicet, non
est ultimus finis, sed ad aliud ordinatur. Alio modo ex parte
appetentis finem, qui nondum adipiscitur finem. obiectum
autem est quod dat speciem actui: sed ab agente dependet
modus agendi: vt sit perfectus vel imperfectus secundum
conditionem agentis: & ideo eius quod non est ultimus finis,
fruitio est impropria quasi deficiens à specie fruitionis. Finis
autem ultimi non habiti est fruitio, propria quidem, sed
imperfecta propter imperfectum modum habendi ultimum
finem.

A d tertium dicendum, quod finem accipere vel habere
dicitur aliquis, non solum secundum rem, sed etiam secundum
intentionem: vt dictum est.

+++

DISPUTATIO XI.

De Actu Fruitiois.

QUAMVIS in exercitio & ordine genera-
tionis fruitio sit ultimus actus volun-
tatis simpliciter loquendo; cum versetur
circa ultimum finem adeptum, ac proinde sup-
ponat actum intentionis de adeptione illius, &
omnes alios actus circa media quibus fit talis
adeptio: Tamen ordine dignitatis, & in genere
causæ finalis Fruitio est primus actus voluntatis,
cum ad ipsum omnes alij tanquam ad finem or-
dinantur: vnde merito, postquam D. Thomas
q. 8. egit de simplici Volitione, quæ est actus
voluntatis omnino primus, absolutus ab aliis,
quia per se non dicit ordinem ad assecutionem
obiecti, & q. 9. egit de motiuo voluntatis, &
q. 10. egit de modo quo voluntas mouetur: des-
cendens ad particulares actus voluntatis, prius
agit de his qui sunt circa finem, deinde de his
qui sunt circa media, & ordinantur ad eos qui
sunt circa finem; in agendo quippe de his
actibus procedit secundum prioritatem causæ
finalis omnino primam, tam in coordinatione
actuum pertinentium ad ordinem intentionis,
quam in coordinatione actuum pertinentium
ad ordinem executionis: Et primò agit de Fru-
itione; quæ est primus actus voluntatis in gene-
re causæ finalis.

DVBIUM I.

Vtrum Fruitio sit actus potentia appetitiva.

SUPPONENDUM est ex D. Thoma hinc art. 1.
Squod Fruitio derivatur à fructu: ait enim:
Hoc probabile videtur, quod id quod magis
est manifestum, prius etiam fuerit nominatum:
sunt autem nobis primò manifesta, quæ sunt

sunt sensibilia magis; vnde à sensibilibus fructi-
bus nomen fruitiois derivatum videtur: fru-
ctus autem sensibilis est id quod ultimum ex ar-
bore expectatur, & cum quadam suauitate per-
cipitur; vnde fruitio pertinere videtur ad amo-
rem vel delectationem, quam aliquis habet de
ultimo expectato, quod est finis. Ex quibus de-
ducitur, quod frui est capere fructum rei de-
sideratæ & de illa delectari tanquam de vlti-
mo fine; quam prius expectabamus, vt con-
stabit ex dicendis.

Prima opinio asserit Fruitioem esse forma-
liter actum potentia cognoscitiuæ, & non po-
tentia appetitiuæ. Hanc sequitur Sotus in 4. d. 49.
q. 1. art. 4. vbi dicit: Actionem consequutiua
boni desiderati habere rationem fruitiois for-
maliter. Probatur autoritate S. Augustini &
D. Thomæ. S. Augustinus libro 1. de Doctrina
Christiana cap. 31. dicit: Frui aliqua re esse vi-
dere eam. Et libr. de Moribus Ecclesiæ cap. 3.
ait: Quid est aliud Frui, quam præsto habere
quod amas. D. Thomas autem in 4. d. 49. q. 1.
art. 4. dicit Visionem Dei, quatenus est finis &
obiectum, pertinere ad fruitioem: constar au-
tem quod videre & visio, & similiter habere
pertinent ad potentiam assecutiua rei deside-
ratæ, & non ad potentiam appetitiua; po-
tentia autem assecutiua vltimi finis simpliciter
est potentia cognoscitiua, scilicet intellectus:
ergo fruitio est formaliter actus potentia co-
gnoscitiuæ.

Secundò, Frui est fructum siue voluptatem
capere ex re desiderata, vt constat ex definitio-
ne fruitiois: sed voluptas non capitur ex re de-
siderata per potentiam appetitiua, putà volun-
tatem, at per alias potentias, vt voluptas ex ci-
bo per gustum, ex cantu per auditum, ex pul-
chro per visum: ergo fruitio est formaliter actus
potentia cognoscitiuæ, non autem potentia ap-
petitiuæ, puta voluntatis.

Tertiò, Fruitio perfectissima, quæ est vltimi
finis simpliciter, siue obiecti beatifici, consistit
in perfecta assecutione ac possessione talis finis
& obiecti: sed assecutio & possessio vltimi finis
& obiecti beatifici nempe Dei, est actus intelle-
ctus & non voluntatis, & propterea in eo consti-
tuit D. Thomas beatitudinem formalem, & non
in actu voluntatis: ergo simpliciter & absolute
loquendo, fruitio est formaliter actus potentia
cognoscitiuæ, & non potentia appetitiuæ.

CONCLUSIO.

RESPONDEO dicendum, quod fruitio est
formaliter actus potentia appetitiuæ; 2. cau-
saliter verò est actus potentia cognoscitiuæ &
assecutiua obiecti desiderati. 3. vnde perfe-
cta fruitio est actus voluntatis formaliter, &
causaliter actus intellectus. Ita communiter Dis-
cipuli D. Thomæ & alij Theologi in præsentia.

Probatur prima pars conclusionis. Tum ex
communi vsu loquendi, ex quo habetur, quod
frui

frui sit idem formaliter ac voluptatem capere ex re desiderata, & in ea habita delectari, constat autem quòd delectari est formaliter actus potentiae appetitivae. Tum auctoritate S. Augustini & D. Thomae: S. Augustinus lib. 10. de Doctrina Christiana cap. 4. dicit quòd frui est amore inhaerere alicui rei propter seipsam. Et lib. 10. de Trinitate cap. 10. ait: Voluntas adest, per quam fruamur rebus vel utamur: fruimur enim cognitis, in quibus voluntas propter seipsa delectata conquiescit: utimur verò eis, quae ad illud referimus, quo fruendum est. D. Thomas hic art. 1. probat ex professo, quòd fruitio est actus appetitivae potentiae. Deinde probatur ratione, quam ibidem sic proponit D. Thomas: Fruitio pertinere videtur ad amorem vel delectationem, quam aliquis habet de ultimo expectato, quod est finis: finis autem & bonum est obiectum appetitivae potentiae: unde manifestum est quòd fruitio est actus appetitivae potentiae. Quae ratio sic amplius declaratur ex his quae docet Augustinus in adductis auctoritatibus, & D. Thomas in tota hac quaestione: Frui est conquiescere ex delectatione percepta in adeptione rei, quae expectabatur tanquam aliquod bonum ultimum: unde fruitio est quies in tali delectatione: quae quies, ut potè vitalis, non dicit suspensionem actus, at dicit actum vitalem perfecti gaudij de bono possessio: sed delectatio & gaudium, sicut & quies ex delectatione percepta in adeptione rei, quae expectabatur tanquam aliquod bonum ultimum, est formaliter actus potentiae appetitivae; nam eiusdem est quiescere in termino, cuius est tendere ad illum terminum, docet siquidem Philosophus, quòd res naturalis per eandem virtutem quiescit in suo loco naturali, per quam ad illum movetur; unde cum sit potentiae appetitivae tendere ad bonum ultimum siue ad ultimum finem, cum bonum & finis sint obiectum ipsius, etiam est potentiae appetitivae quiescere in illo bono: ergo fruitio est formaliter actus potentiae appetitivae.

Probatur secunda pars conclusionis. Tum ex argumentis pro prima opinione adductis, quae hanc solam partem conclusionis, sed efficaciter probant. Tum quia aliquid dicitur, causaliter seu in sensu causali tale, quod est causa illius quod est tale formaliter seu in sensu formali, ut communiter conceditur: sed actus potentiae cognoscitivae & affectivae obiecti desiderati est causa actus potentiae appetitivae, qui est formaliter fruitio, non enim fruimur nisi de bono adeptio, & sic potentia per quam adipiscimur obiectum bonum, est causa fruitionis de tali bono: ergo fruitio causaliter siue in sensu causali est actus potentiae cognoscitivae & affectivae obiecti desiderati.

Probatur tertia pars conclusionis, ex dictis: Fruitio formaliter est actus potentiae appetitivae, & causaliter est actus potentiae cognoscitivae & affectivae obiecti desiderati.

affectivae obiecti desiderati; & consequenter perfecta fruitio est formaliter actus perfectae potentiae appetitivae, & causaliter est actus perfectae potentiae cognoscitivae obiecti desiderati: sed voluntas est perfecta potentia appetitiva, & intellectus est perfecta potentia cognoscitiva & affectiva obiecti desiderati, maxime in patria: ergo perfecta fruitio est actus voluntatis formaliter, & causaliter actus intellectus.

Ad primum ergo dicendum, quod S. Augustinus in illis locis loquitur de fruitione in sensu causali, & non in sensu formali: siue affert causam fruitionis, & non rationem formalem ipsius, videre quippe & praesto habere rem amatam, est causa fruitionis illius; & non ipsa fruitio, quae est quies vitalis in re amata, visa, & habita. D. Thomas autem in illo loco non vult quòd visio Dei pertineat ad fruitionem, quasi ratio formalis ipsius; sed tantum vult quòd pertineat ad illam, quasi obiectum ipsius, in quantum visio Dei est beatitudo formalis & ultimus finis, quo beati fruuntur.

Ad secundum dicendum, quòd fructus siue voluptas capitur ex re desiderata per potentiam appetitivam, ex eo quòd in tali re habita sibi complaceat, Unde ad impugnationem in contrarium, dicimus quòd per gustum, auditum, visum (& sic de aliis potentiis affectivis alicuius boni desiderati) habetur illud bonum, de quo habito appetitus sibi complaceat seu de quo voluptatem capit; & in hac complacentia & voluptate de tali bono consistit formaliter fruitio, & causaliter tantum in affectione illius; & ita gustare cibum, audire cantum, videre pulchrum est tantum frui illis causaliter; frui verò formaliter, est per appetitum sibi complacere in illis.

Ad tertium dicendum, quòd perfectissima fruitio, quae est ultimi finis simpliciter siue obiecti beatifici, consistit quidem causaliter in affectione & possessione talis finis & obiecti, tum quia illa affectio & possessio est causa fruitionis formalis, tum quia est eius obiectum: formaliter autem consistit perfectissima illa fruitio in delectatione de tali ultimo fine & obiecto beatifico habito & possessio; & haec delectatio est complementum formalis beatitudinis (consistentis essentialiter in visione Dei) per modum proprietatis, ad illam quippe visionem conaturaliter sequitur maxima delectatio, etiam de ipsa visione, ut docet Divus Thomas hic art. 1. ad 1.

D V B I U M II.

Utrum Fruitio sit formaliter actus amoris, vel delectationis.

Supponendum est, quòd ad fruitionem alicuius boni tria requiruntur. Primum est affectio & possessio talis boni; Fruitio quippe est quietatio

quietatio appetitus in bono, quandiu verò bonum non habetur, appetitus illud desiderat, & ita non est quietus, at potius inquietus, cum ad illud extra se tendat; & solum est in se quietus, quando tale bonum in se habet. Secundum est dilectio seu amor talis boni, fruitio siquidem est obiecti, quod prius desiderabatur, desiderium autem supponit amorem; imò si aliquid obiectum prius amatum & concupitum, desineret amari quando habetur, non esset amplius obiectum fruitionis. Tertium est delectatio seu gaudium de tali bono. Constat autem ex dictis, quòd fruitio non consistit formaliter, at tantum causaliter in assecutione & possessione boni desiderati: unde restat inquirendum in præsenti, utrum essentialiter consistat in amore boni habiti; vel in gaudio & delectatione de tali bono. Ad cuius evidentiam notanda est differentia, quæ versatur inter hos tres actus voluntatis, qui sunt circa bonum, videlicet inter amorem seu dilectionem, desiderium, & gaudium siue delectationem (hi siquidem actus non solum reperiuntur in appetitu sensitivo, sed etiam in appetitu intellectuali: sed diversimodè, nam in appetitu sensitivo sunt passionēs, quia important alterationem seu motum corporalem; in appetitu autem intellectuali important simplices actus seu operationes voluntatis) Amor igitur est radix tam desiderij, quàm gaudij; non enim desideramus, nisi bonum amatum, dum abest; nec gaudemus, nisi de bono amato, dum adest. Desiderium fertur in bonum amatum, sed ut formaliter absens, & ita quando est præsens, cessat desiderium. Gaudium fertur in bonum amatum, sed ut formaliter præsens, & ita quandiu abest, non est gaudium de ipso, quamvis possit esse gaudium de spe consecutionis illius: Desiderium ergo dicit tendentiam in bonum absens, & ita est motus imperfectus subiecti indigentis, & propterea non reperitur in Deo qui nullo eget: Gaudium autem dicit quietem in bono præsenti, & ita est motus perfectus subiecti satiati, & propterea reperitur in Deo, sicut & amor qui nullam habet admixtam imperfectionem. Amor denique respicit bonum quasi in communi, ut abstrahit à præsenti & absenti, ut docet D. Thomas 1. contra Gentes cap. 91. dicens: Amor ex parte obiecti non importat aliquid repugnans Deo, cum sit boni: nec ex modo se habendi ad obiectum; nam amor est alicuius rei, non minus cum habetur, sed magis, quia bonum aliquod sit nobis affinius cum habetur. Unde & motus ad finem in rebus naturalibus ex propinquitate finis intenditur: quandoque autem contrarium per accidens accidit, ut pote quando in amato experimur aliquid, quod repugnat amori; tunc enim minus amatur quando habetur. Et ibidem explicat, quare ordinariè amor boni habiti sit maior & firmior, quàm amor boni desiderati; Et dicit quòd vnumquodque

vult & appetit naturaliter suo modo proprium bonum; bonum autem habitum & possessum est magis proprium, quia magis intimum & vnitum. Unde concludit, quòd propria ratio amoris consistit in hoc, quòd affectus vnus tendat in alterum, sicut in vnum cum ipso aliquo modo; propter quod à Dionysio dicitur, quòd amor est vnitiva virtus: sic enim ait Dionysius de Divinis Nominibus cap. 4. Amorem siue divinum, siue Angelicum, siue spiritualem vim quandam coniungentem, miscentemque intelligamus, quæ superiora quidem impellit, ut inferioribus prospiciant & consulant: paria autem ut inter se societate iungantur: ac denique inferiora ut se conuertant ad superiora. Et Augustinus lib. 8. de Trinitate cap. 10. ait: Quid est amor, nisi quædam vita duo aliqua copulans, vel copulare appetens, amantem scilicet & quod amatur. Ex quibus omnibus constat, quòd licet amor possit esse absque præsencia obiecti: tamen perfectus amor vel fundatur in præsencia obiecti vel ad illam tendit.

Prima opinio Scoti in 1. d. 1. q. 3. & aliorum asserit fruitionem esse formaliter actum amoris. Probatum auctoritate S. Augustini lib. 2. de Doctrina Christiana cap. 4. & lib. 10. de Trinitate cap. 10. ubi dicit, quòd Frui est amore inhaerere alicui rei propter seipsam: ergo fruitio est formaliter actus amoris.

Secundò, Fruitio est actio potentiae appetitivæ, ut docet D. Thomas hic art. 1. attingens bonum præsens ut ultimum finem sed talis actio potentiae appetitivæ debet esse amor, nam desiderium est de bono absente, delectatio autem siue gaudium non est actio, sed passio; & si est actio, non est distincta ab amore; & si est actio distincta ab amore, tamen non est actio potentiae appetitivæ tantum, nec est tantum de ultimo fine: quæ omnia sigillatim sic ostenduntur. Primum quidem, quòd delectatio siue gaudium non sit actio, sed passio: Tum quia D. Thomas infra q. 31. art. 1. ad 1. dicit quòd hæc propositio (delectatio est operatio) non est vera per essentiam, sed per causam: Tum quia tristitia contraria delectationi non est actio sed passio, contrariorum autem eadem est ratio: Tum quia sicut tristiari non est in nostra potestate, sic nec delectari; & tamen essent in nostra potestate, si essent actiones. Secundum expresse docetur à S. Augustino lib. 14. de Civitate Dei cap. 7. ubi sic ait: Cupiditas aut desiderium est amor boni nondum habiti, & delectatio est amor fruens bono habito. Tertium constat ex eo quòd sensus externi, qui non sunt potentiae appetitivæ, at cognoscitivæ, delectantur suis obiectis, & insuper est delectatio de mediis, & non tantum de ultimo fine: ergo fruitio est formaliter actus amoris.

Tertio, si quid obstarat, cur fruitio non esset formaliter actus amoris, esset quia fruitio debet esse actus potentiae appetitivæ circa bonum præsens

præsens ut sic; amor autem abstrahit à præsentia obiecti amati: sed hæc ratio nulla est, quia amor est virtus vnitiva, ac proinde tendit ad hoc quod vniat obiectum amatum subiecto amanti; imò non est perfectus amor, nisi sit talis vniò; quod indicat amorem, saltem perfectum, qualis debet esse fruitio, non abstrahere à præsentia obiecti amati, ac esse actum potentia appetitiua circa bonum præsens ut sic: ergo fruitio est formaliter actus amoris.

CONCLUSIO.

RESPONDEO dicendum, quod Fruitio non est formaliter actus amoris. 2. sed actus delectationis circa ultimum finem propriè loquendo 3. & ita Frui est suauiter & iucundè in ultimo fine adepto delectari, Ita communiter Discipuli D. Thomæ & alij in præsentia.

Probatur conclusio quoad omnes partes (vna enim sequitur ex alia, cum solum amor & delectatio sint actus potentia appetitiua, circa bonum præsens: vnde cum fruitio debeat esse actus potentia appetitiua circa bonum præsens; sequitur, quod si non est formaliter actus amoris, est formaliter actus delectationis; & si est formaliter actus delectationis, non est formaliter actus amoris, ac tantum causaliter, in quantum amor obiecti est causa fruitionis ipsius iam habiti) autoritate sacrae Scripturae & Sanctorum Patrum. Ad Romanos 15. dicitur: A vobis ducar illuc, si primum vobis ex parte fruius fuero. Et ad Philemonem habetur: Itaque frater, ego te fruar in domino. Augustinus lib. 1. Doctrina Christiana cap. 33. ait: Vicinissimè dicitur, frui esse cum delectatione vti: cum enim adest quod diligitur, etiam delectationem secum necesse est gerat. D. Thomas hic art. 1. ad 3. sic ait: In delectatione duo sunt, scilicet perceptio conuenientis, quæ pertinet ad apprehensiuam potentiam: & complacentia eius quod offertur ut conueniens, & hoc pertinet ad appetitiuam potentiam, in qua ratio delectationis completur. Constat autem quod duo priora testimonia sacrae Scripturae distinguunt fruitionem ab amore: cum certum sit Apostolum dilexisse prius eos, quibus se dicit fruiturum. Posteriora verò testimonia Patrum expressè dicunt fruitionem consistere formaliter in delectatione completa. Quod autem delectatio, in qua consistit formaliter fruitio, debeat esse completa & circa ultimum finem propriè loquendo, constat ex S. Augustino lib. 10. de Trinitate cap. 10. vbi ait: Quod fruimur cognitis, in quibus voluntas delectata conquiescit; non autem est propriè quies, nisi in fine ultimo adepto. Et lib. 1. de Doctrina Christiana cap. 32. ait: Si dixisset, Te fruar; & non addidisset, in Domino: videretur finem delectationis in eo posuisse; sed quia addidit, in Domino, in Domino se posuisse finem, atque in eo se frui significauit: ut sic fratre se frui dixerit, non

tanquam termino, sed tanquam medio.

Secundò, Probatur ratione: Fruitio est actus potentia appetitiua circa bonum præsens ut sic formaliter, quod propriè loquendo debet esse ultimus finis adeptus; quia fruitio importat quietem siue quietationem vitalem appetitus in bono, ut constat ex Augustino, quies autem appetitus non est nisi in bono præsentia ut sic formaliter & adepto, quandiu enim bonum abest, tandiu appetitus tendit in illud, nec prius quiescit, quam acquisierit: sed ex vna parte amor, qui est actus potentia appetitiua, non est circa bonum præsens ut sic formaliter; nam amor ex propria ratione abstrahit à præsentia & absentia boni amati, cum eiusdem sit speciei amor boni absentis, ac boni præsentis, ut constat in actu charitatis viæ, & charitatis patriæ; quod si amor tendat ad vniõnem boni amati cum amante, ac proinde ad sui perfectionem ordinariè exigat præsentiam obiecti; tamen quia illa perfectio non est de ratione formali & specifica amoris, ac tantum de ratione materiali & indiuiduali ipsius; inde est quod præsentia obiecti in ordine ad amorem se habet tantum ut conditio materialis, & non ut ratio formalis, sicut se debet habere in ordine ad fruitionem: ex alia verò parte, delectatio, quæ est alius actus potentia appetitiua circa bonum, est circa bonum præsens ut sic formaliter, ut constat ex dictis, & de quo nullus dubitat: ergo fruitio non est formaliter actus amoris; sed est actus delectationis circa ultimum finem, propriè loquendo: & ita frui est suauiter & iucundè in ultimo fine adepto delectari.

Ad primum ergo dicendum, quod quia amor concurret ad fruitionem ut causa ipsius, sicut dictum est: ideo Augustinus optimè dicit, quod frui est amore inhærere alicui rei propter se ipsam; hæc autem inhærentia rei amata propter se ipsam est suavis & iucunda delectatio in re amata iam habita & possessa, causata ex amore ipsius: vnde ex hac autoritate potius habetur, quod fruitio non est formaliter actus amoris, cum ex ea amor concurret ad fruitionem tantum in obliquo.

Ad secundum dicendum, quod fruitio est actio potentia appetitiua, attingens bonum præsens ut ultimum finem: Et talis actio non est amor, sed delectatio ut dictum est; vnde delectatio est actio, & non passio, & quidem actio distincta ab amore; & est actio potentia appetitiua tantum, si sumatur secundum id quod de formali importat, & propriè loquendo est tantum de ultimo fine. Vnde ad impugnationem primi dicendum, quod quando D. Thomas in illo loco negat delectationem esse operationem, non absolutè vult quod delectatio non sit aliqua operatio, sed solum vult quod non sit operatio affectiua obiecti delectabilis: ita explicat D. Thomam Ferrar. 3. contra Gentes cap. 90. Quod

autem D. Thomas non excludat absolute à delectatione, quod sit actio seu operatio, constat ex his quæ docet in corpore articuli citati ab aduersariis: Tristitia etiam est actio opposita delectationi, unde sicut delectatio est complacentia in bono præsentis, sic tristitia est displicentia in malo præsentis: Tristari autem & delectari sunt in nostra potestate, quando sunt actus ex deliberatione procedentes, sæpius tamen sunt actus primò primi eliciti ab appetitu, quia malum præsens vrget appetitum, & præuenit eius deliberationem. Ad impugnationem secundi dicendum, quod loquitur S. Augustinus in sensu causali, & non in sensu formali, quia amor propriè dictus est causa desiderij & delectationis, & non ratio formalis superior vtriusque: Vel etiam potest dici, quod amor sumitur ibi improprie ab Augustino, & in lata quadam significatione, prout est tendentia in bonum, abstrahens à præsentia & absentia illius. Ad impugnationem tertij dicendum, quod delectatio quæ percipitur, dum sensus externi percipiunt sua obiecta, est actus formaliter appetitus sensitui, consequens talem perceptionem siue operationem sensuum externorum; non autem est actus sensuum externorum. Nec tamen dicimus, quod quæcunque delectatio de bono habito sit fruitio, sed tantum delectatio de bono adepto per modum vltimi finis; si sit fruitio propriè dicta, & absolute talis.

A d tertium dicendum, sicut dictum est, quod amor non respicit bonum vt præsens formaliter, & præsentia obiecti se habet tantum de materiali, & vt cōditio requisita ad perfectionem amoris, & non vt ratio formalis obiecti: fruitio autem respicit bonum vt præsens formaliter, ita vt præsentia sit de ratione formali obiecti ipsius fruitionis; & ita fruitio non potest esse formaliter actus amoris.

D V B I V M III.

Utrum Fruitio sit tantum vltimi finis adepti.

Supponendum est, ex D. Thoma hic art. 2. quod fruitio nullo modo propriè conuenit naturis carentibus cognitione, sed tantum metaphoricè: huius ratio est, quia fruitio propriè dicta est actus vitalis elicitus potentia appetitiuæ, vt dictum est: carentia autem cognitione non habent talem potentiam appetitiuam elicitiuam actus, cum talis potentia consequatur potentiam cognoscitiuam, & actus eius sequatur actum potentia cognoscitiuæ, & fundetur in forma apprehensa, sicut appetitus innatus fundatur in forma naturali seu specifica: Unde graue quando peruenit ad centrum, propriè dicitur ibi quiescere & connaturaliter; non autem dicitur propriè frui, sed metaphoricè eo modo quo pratum dicitur ridere. Naturis autem

cognoscitiuis propriè conuenit fruitio, sed tamen iuxta modum cognitionis ipsarum, ita quod si sit perfecta cognitio finis, erit quoque fruitio secundum rationem perfectam: si autem sit imperfecta cognitio, erit quoque fruitio secundum rationem imperfectam: unde sicut supra dictum est de voluntario, sic nunc dicendum est de fruitione, quod regulatur cognitione: & consequenter quia in sola natura intellectuali est perfecta cognitio finis, quia cognoscit non solum finem materialiter & specificatiuè, sed etiam formaliter & reduplicatiuè, quatenus cognoscit rationem finis; ideo in sola ipsa est fruitio secundum rationem perfectam, sicut & voluntarium secundum rationem perfectam: in alijs autem naturis cognoscentibus est tantum fruitio secundum rationem imperfectam sicut & voluntarium, quia in ipsis est tantum imperfecta cognitio finis; cognoscunt enim finem materialiter & specificatiuè tantum, id est cognoscunt bonum ipsis propositum quod est finis, non autem cognoscunt finem formaliter & reduplicatiuè, siue non cognoscunt in bono proposito rationem vniuersalem finis & boni: & propterea S. Augustinus lib. 1. de Doctrina Christiana cap. 3. & 22. dicit absolute: Quod nos homines sumus, qui fruimur & utimur. Lib. autem 83. Quæstionum q. 30. dicit: Frui quidem cibo, & qualibet corporali voluptate non absurde existimantur & bestia: vbi attribuit brutis fruitionem tantum imperfectam, quod ex ipso modo loquendi apparet, vt exponit D. Thomas hic art. 2. ad 4. dicit enim quod frui non adeò absurde existimantur & bestia, scilicet sicut vt absurdisimè dicerentur.

Prima opinio asserit, quod fruitio non sit tantum vltimi finis. Probatur autoritate S. Augustini lib. 1. de Doctrina Christiana cap. 34. & lib. 83. Quæstionum q. 33. vbi docet, non esse fruendum creaturis, sed vtendum eis, referendo scilicet eas in Deum vltimum finem: Et insuper dicit, quod in eo est peruersitas humana, quod fruatur vtendis, & vtatur fruendis: sed creaturæ nec sunt, nec possunt esse vltimus finis creaturæ intellectualis, vt dictum est: ergo fruitio non est tantum vltimi finis.

Secundò, Fruitio formaliter est actus delectationis, & perfecta fruitio est actus perfectæ delectationis: sed delectatio etiam perfecta potest esse de bono quod non sit vltimus finis, multi enim perfecte delectantur bonis creatis: ergo fruitio non est tantum vltimi finis.

Tertiò, Si quid suaderet fruitionem esse tantum vltimi finis, esset quia fruitio importat perfectam quietem appetitus, quæ in solo vltimo fine reperiri potest: sed falsum est quod fruitio importet perfectam quietem appetitus; quia ex D. Thoma hic art. 4. verè fruitio est vltimi finis in intentione tantum habiti, & tamen constat quod tunc non est perfecte quietus appetitus, imò

imò tendit actu desiderij ad habendum in re ipsum ultimum finem : ergo fruitio non est tantum ultimi finis.

CONCLUSIO.

RESPONDEO dicendum, quòd fruitio simpliciter talis, ac omninò perfecta est tantum ultimi finis adepti realiter seu in re habiti. 2. ultimi verò finis in intentione tantum & in spe habiti est quidem fruitio simpliciter talis, sed tamen imperfecta. 3. At finis intermediij est tantum fruitio secundum quid. Ita communiter docent Authores in presenti.

Probatur prima pars conclusionis autoritate S. Augustini & D. Thomæ. Augustinus lib. 10. de Trinitate cap. 11. dicit quòd non fruitur, si quis id quod in facultatem voluntatis assumit, propter aliud appetit : vnde cum tantum ultimus finis sit id quod non appetitur propter aliud, fruitio simpliciter talis, ac omninò perfecta est tantum ultimi finis adepti realiter, seu in re habiti. D. Thomas hinc art. 3. probat ex professo, quòd fruitio sit tantum ultimi finis : & art. 4. docet quòd perfecta fruitio est tantum ultimi finis realiter habiti, ait enim concludens : Est ergo perfecta fruitio iam habiti finis realiter. Deinde probatur ratione S. Augustini & D. Thomæ, quæ sic breuiter proponitur art. 3. Augustinus in 10. de Trinitate dicit, quòd fruimur cognitis, in quibus voluntas delectata conquiescit : non autem quiescit simpliciter nisi in ultimo ; quia quandiu aliquid expectatur, motus voluntatis remanet in suspensio, licet iam ad aliquid peruenerit : sicut in motu locali, licet illud quod est medium in magnitudine, sit principium & finis ; non tamen accipitur ut finis in actu, nisi quando in eo quiescitur. Quæ ratio sic amplius expenditur : Fruitio simpliciter talis, ac omninò perfecta importat quietem vitalem omninò perfectam in bono perfecto perfectè habito ; si enim ad fruitionem ut sic requiritur quòd voluntas delectata conquiescat in bono cognito, ut constat ex prædicta autoritate S. Augustini ; ad fruitionem simpliciter talem, ac omninò perfectam requiritur quòd voluntas perfectè delectata conquiescat in bono perfecto perfectè habito : sed voluntas non potest habere quietem vitalem omninò perfectam in bono perfecto perfectè habito, nisi tale bonum sit ultimus finis realiter adeptus, seu in re habitus ; quia ex vna parte solus ultimus finis, ut pote in cuius adeptione consistit beatitudo, est summum bonum, ac proinde perfectum, & perfectè satiativum appetitus, vnde in illo solo potest appetitus perfectè quiescere ; ex alia verò parte appetitus semper tendit actu desiderij in bonum cognitum quod appetit, nec circa illud perfectè quiescit, donec realiter peruenerit & habuerit, ut experientia constat : ergo fruitio simpliciter talis, ac omninò perfecta est tantum ultimi finis adepti realiter seu in re habiti. Quod confirmatur duplici instantia D. Thomæ, addu-

cta hinc art. 3. Prima quidem de mobili naturali, quod non quiescit perfectè nisi adepto ultimo termino sui motus : Secunda autem de arboribus, à quarum fructu denominatur fruitio ; non enim dicimur perfectè frui foliis aut floribus, sed tantum fructu qui est ultimus, quod appetitum quietat quadam dulcedine vel delectatione. Ex quibus inferitur, quòd fruitio simpliciter talis, ac omninò perfecta de qua loquitur, est tantum veri ultimi finis realiter adepti : & non ultimi finis quantum ad affectum formalem aut interpretativum peccatoris ; nam licet peccator dicatur propriè frui illa creatura, circa quam peccat mortaliter, quia in illa constituit rationem ultimi finis, saltem quoad affectum interpretativum, eo ipso quòd suam actionem circa illam non ordinat ad debitum finem ultimum ; tamen non habet perfectam illam fruitionem, quam habent beati in possessione Dei, cum in tali fruitione sit complementum formalis beatitudinis.

Probatur secunda pars conclusionis autoritate S. Augustini & D. Thomæ. S. Augustinus lib. 1. de Doctrina Christiana cap. 4. dicit quòd frui est amore inhærere alicui rei propter seipsam : potest autem esse imperfecta inhærentia per amorem ultimo fini in intentione tantum & in spe habiti. D. Thomas hinc art. 4. ait : Imperfecta fruitio est etiam finis non habiti realiter, sed in intentione tantum. Deinde probatur ratione D. Thomæ ibidem, sic aliquantulum expensa : Fruitio simpliciter talis est tantum ultimi finis habiti, & importat quietem appetitus in illo : sed ultimus finis, licet non habeatur perfectè, nec quietet perfectè appetitum, nisi quando habetur in re ; tamen habetur imperfectè, & quietat imperfectè appetitum, quando habetur in intentione & in spe, experimur enim quòd quando adest spes consequendi aliquod bonum, gaudemus & aliquid quiescit appetitus ; vnde Apostolus dicit ad Rom. 12. Spe gaudentes : ergo ultimi finis in intentione tantum & in spe habiti, est quidem fruitio simpliciter talis, sed tamen imperfecta ; licet vtrique sit fruitio simpliciter : Cuius ratio est, quia obiectum fruitionis adæquatè formaliter sumptum est ultimus finis habitus, ita ut tam res adepta per modum ultimi finis, quam eius adeptio pertineat ad obiectum formale fruitionis : sed ubi est diuersa ratio obiecti formalis, ibi est diuersitas specifica actuum, ut communiter conceditur : ergo cum sit diuersa formaliter adeptio ultimi finis in re, & adeptio eiusdem in spe, quia prior est per visionem beatificam, posterior autem per fidem ; sequitur quòd fruitio imperfecta, quæ est ultimi finis in spe tantum habiti, distinguatur specie à fruitione perfecta, quæ est ultimi finis in re habiti : quod non est in dilectione charitatis, quia abstrahit à præsentia & absentia obiecti secundum propriam rationem, & ita charitas viæ imperfecta est eiusdem speciei cum charitate perfecta patriæ.

Probatur

Probatur & explicatur tertia pars conclusionis. Dicitur quòd fruitio finis intermediij est quidem propria, vt proprium excludit metaphoricum: dicitur autem impropria, quasi non completa, & idem est ac fruitio secundum quid tantum. Probatur tum ex dictis in prima parte conclusionis, quæ hanc partem etiam conuincunt, si debite applicentur. Tum expressa autoritate D. Thomæ hic art. 3. vbi sic ait: Vltimum autem est simpliciter, & secundum quid: simpliciter quidem, quod ad aliud non refertur, sed secundum quid, quod est aliquorum vltimum, &c. quod autem in se habet quandam delectationem, ad quam quædam præcedentia referuntur, potest quidem aliquo modo dici fructus, sed non propriè; secundum completam rationem fructus eo dicimur frui. Ex quibus sic breuiter formatur ratio: Fruitio est delectatio de aliquo bono habito, quod habeat rationem vltimi; ita quòd si sit simpliciter vltimum, erit fruitio simpliciter; si autem sit vltimum secundum quid tantum, erit fruitio secundum quid tantum: sed finis intermedius est aliquod bonum habitum (de hoc enim in præsentia tantum loquimur; quando enim non est bonum aliquod delectabile, vt contingit in potione amara, tunc certum est quod non sit obiectum fruitionis) & est vltimum secundum quid, id est respectu anteriorum, non autem est vltimum simpliciter, quia refertur ad vltiorem finem: ergo finis intermediij est tantum fruitio secundum quid.

A d primum ergo dicendum, quòd fruitio creaturæ in rei veritate est tantum fruitio secundum quid: sed quantum ad affectum, saltem interpretatiuum peccatoris in ea constituentis vltimum finem, est fruitio simpliciter, quia assumit illam creaturam vt vltimum simpliciter quia nec refertur actu, nec virtute ad vltimum finem.

A d secundum dicendum, quod delectatio omnino perfecta non potest esse, nisi de bono perfecto siue perfectè satiatiuo appetitus, quod proinde debet esse vltimus finis: Et quamuis aliqui videantur perfectè delectari in bonis creatis; non tamen sic est iuxta illud Augustini: Domine fecisti nos ad te; ideo inquietum est cor nostrum, donec requiescat in te: & ita in omni delectatione de bonis creatis semper est admixta aliqua difficultas, quæ impedit perfectam fruitionem.

A d tertium dicendum, quòd perfecta fruitio importat perfectam quietem appetitus; & imperfecta fruitio importat imperfectam quietem: Fruitio autem vltimi finis in intentione tantum habiti est fruitio imperfecta, vt expressè docet D. Thomas loco citato; & sola fruitio vltimi finis in re habiti est fruitio perfecta, quia hæc perfectè quietat appetitum, illa verò imperfectè.

D V B I V M I V.

Vtrum Fruitio perfecta sit vltimi finis, tam obiectiui, quam formalis.

Supponendum est, ex dictis supra primam quæstionem, quòd vltimus finis diuiditur in obiectiuum & formale. Vltimus finis obiectiuus est ipsa res, quæ vltimò appetitur propter suam bonitatem, & dicitur vltimus finis *qui*; & talis in rei veritate est solus Deus, qui est summum bonum perfectè satiatiuum appetitus. Vltimus finis formalis est ipsa assecutio seu possessio vltimi finis obiectiui, & dicitur vltimus finis *quo*: Et hi duo vltimi fines non sunt simpliciter & adæquatè duo fines, sed sunt duæ rationes complentes & adintegrantes vnum vltimum finem, vt docet D. Thomas, tum supra q. 1. art. 8. & q. 2. art. 7. tum hic art. 3. ad 3. vbi sic ait: Finis dicitur dupliciter. Vno modo ipsa res: alio modo adeptio rei: quæ quidem non sunt duo fines, sed vnus finis in se consideratus, & alteri applicatus. Deus igitur est vltimus finis sicut res quæ vltimò quæritur: fruitio autem sicut adeptio huius vltimi finis. Sicut igitur non est alius finis Deus & fruitio Dei, ita eadem ratio fruitionis est, qua fruimur Deo, & qua fruimur diuina fruitione: & eadem ratio est de beatitudine creata, quæ in fruitione consistit (non quidem essentialiter, sed per modum complementi, vt dictum est). Ratio autem, cur res ipsa & adeptio eius non sunt duo fines adæquati, sed duæ rationes complentes & adintegrantes vnum finem, est quia nec res ipsa præcisè, nec etiam adeptio eius præcisè & seorsum sumpta mouet & allicit appetitum ad sui desiderium; sed simul & semel concurrunt ad talem motionem moralem res ipsa & adeptio rei: ita vt adæquatum obiectum appetitus sit res vt adipiscenda, siue adeptio vt est talis rei adeptio; magis tamen propriè dicitur res vt adipiscenda, quia res debet importari in recto, vt pote finis *qui*, adeptio autem debet importari in obliquo, vt pote finis *quo*: & quamuis in hac propositione, res vt adipiscenda, materialiter adeptio sit in recto, quia concretè & adiectiue sumitur; tamen formaliter est in obliquo, nam res vt adipiscenda idem formaliter dicit, ac res vt substantia adeptioni. Ex quibus videtur sequi, quòd adeptio rei desideratæ pertineat ad obiectum fruitionis vt pars ipsius, & non vt mera conditio *sine qua non*: Ad cuius tamen maiorem euidenciam præsens dubium excitatur.

Prima opinio, quæ attribuitur Caietano 2.2. q. 17. art. 5. & Medina in præsentia art. 4. asserit quòd res desiderata dum habetur est obiectum adæquatum fruitionis, adeptio verò ipsius rei est tantum conditio *sine qua non*: & consequenter fruitio perfecta est tantum vltimi finis obiectiui,

non

non autem ultimi finis formalis. Probatur: Visio Dei tantum concurrat ut conditio ad actum fruitionis beatificæ, sicut & ad actum dilectionis beatificæ; Tum quia hoc est generaliter verum, quod actus intellectus est solum conditio prærequisita ad actum voluntatis, quia nihil volitum quin præcognitum; Tum quia propriè loquendo beati dicuntur frui Deo viso, & non visione Dei: sed visio Dei est adeptio ipsius Dei desiderati: ergo res desiderata, dum habetur, est obiectum adæquatum fruitionis, adeptio verò ipsius rei est tantum conditio *sine qua non*; maxime quia solus Deus, & non visio Dei, est obiectum adæquatum spei virtutis Theologicæ, ideo Theologicæ, quia immediatè attingit ipsum Deum, & solum ipsum ut obiectum adæquatum: constat autem quod idem bonum ut præsens est obiectum fruitionis, quod absens fuit obiectum spei & desiderij. Deinde, Obiectum adæquatum fruitionis beatificæ est ultimus finis perfectè cognitus cognitione directâ, sic enim est perfectè adeptus & habitus: sed solus Deus est ultimus finis perfectè cognitus à beatis cognitione directâ, quæ est visio beatificæ; ipsa autem visio non est perfectè cognita à beatis cognitione directâ, at tantum alia cognitione reflexa: ergo solus Deus est obiectum adæquatum fruitionis beatificæ, & visio beatificæ est tantum conditio *sine qua non* illius. Denique, Si adeptio rei desideratæ constituat eam in esse obiecti fruitionis, quasi ratio formalis, & non tantum ut conditio *sine qua non*, sequitur quod res desiderata terminet per accidens, & non per se fruitionem, id est ratione alterius, eo modo quo homo sub colore terminat visionem; quod tamen dici non potest; ergo res desiderata, dum habetur, est obiectum adæquatum fruitionis, adeptio verò ipsius rei est tantum conditio *sine qua non*.

Secunda opinio in alio extremo posita Durandi in 1. d. 1. q. 2. asserit solam adeptionem finis ultimi esse obiectum proximum & immediatum fruitionis: ipsum verò finem esse tantum obiectum remotum & mediatum. Probatur: Ex Aristotele 10. Ethicorum cap. 5. delectationes distinguuntur specie per operationes quas consequuntur, & quæ sunt adeptiones boni delectabilis: ergo ipsa sola adeptio boni delectabilis est obiectum proximum & immediatum delectationis & fruitionis, & bonum delectabile est tantum obiectum remotum & mediatum; illud quippe est obiectum adæquatum proximum & immediatum alicuius actus, à quo talis actus specificatur in seipso, & distinguitur specie ab aliis. Deinde, Fruitio est boni proprii adepti, sicut tristitia est mali proprii habiti; ita ut tristitia de summo malo, & fruïtio summi boni opponantur; & cum oppositorum eadem sit ratio, eis oppositum cum proportionem debet assignari obiectum proximum & immediatum: sed obiectum

proximum & immediatum tristitiæ circa ultimum finem, est amissio summi boni, & non ipsum summum bonum, cum in sola amissione summi boni, & non in ipso summo bono sit ratio mali præsentis quod est obiectum tristitiæ: ergo obiectum proximum & immediatum fruitionis perfectæ, quæ est ultimi finis, est adeptio summi boni, & non ipsum summum bonum: Maxime, quia summum bonum sumptum pro re prius desiderata & sperata, non est bonum proprium ipsius desiderantis & sperantis: sicut est bonum proprium ipsius adeptio talis rei, quæ adeptio etiam est summum bonum. Denique, Fruitio perfecta succedit desiderio nostræ beatitudinis; ac proinde idem bonum est obiectum proximum & immediatum fruitionis perfectæ, ac desiderij beatitudinis, quamvis sub diuersa ratione formali, nam ut præsens est obiectum fruitionis, & ut absens est obiectum desiderij: sed obiectum desiderij nostræ beatitudinis proximum & immediatum non est Deus ipse, at visio ipsius Dei; cum desiderare beatitudinem proximè & immediatè, sit desiderare beatitudinem formalem, quæ consistit in visione Dei, seu in eius adeptione ac possessione: ergo obiectum proximum & immediatum fruitionis perfectæ est visio & adeptio Dei summi boni, & non Deus ipse, qui est tantum obiectum remotum & mediatum.

CONCLUSIO.

RESPONDEO dicendum, quod fruïtio perfecta est ultimi finis, tam obiectiui, quam formalis, per modum vnius obiecti totalis ex utroque completi. 1. quia tam ipsa res, quæ dicitur ultimus finis obiectiui 3. quam adeptio talis rei, quæ adeptio dicitur ultimus finis formalis, est obiectum proximum & immediatum fruitionis perfectæ. Ita communiter Theologi in præsentia.

Probatur prima pars conclusionis. Tum ex dictis in supponendo, ubi ostensum est, quod ex fine *qui*, & fine *quo* constituitur vnus finis totalis; & consequenter ex ultimo fine *qui*, & ex ultimo fine *quo* constituitur ultimus finis totalis: vnde cum fruïtio perfecta sit ultimi finis, est tam ultimi finis *qui* seu obiectiui, quam ultimi finis *quo* seu formalis. Tum ex dicendis circa secundam & tertiam partem conclusionis: si enim probetur, quod tam res ipsa, quæ dicitur ultimus finis obiectiui, quam adeptio talis rei, quæ adeptio dicitur ultimus finis formalis, est obiectum proximum & immediatum fruitionis perfectæ, ita ut adeptio non sit mera conditio; necessariò sequitur quod fruïtio perfecta sit ultimi finis, tam obiectiui, quam formalis, per modum vnius obiecti totalis ex utroque completi. Tum specialiter probatur expressa autoritate Diui Thomæ hic art. 3. ad 3. in supponendo adducta.

Probatur secunda pars conclusionis. Tum rationibus adductis pro prima opinione, quæ hanc

A a

partem

partem efficaciter probant. Tum expressa auctoritate S. Augustini & D. Thomæ: S. Augustinus lib. 10. de Trinitate cap. 10. dicit, quod fruimur cognitis, in quibus voluntas delectata conquiescit; Quibus verbis in recto assignantur pro obiecto proximo & immediato fruitionis ipsæ res cognitæ, in quibus voluntas delectata conquiescit: D. Thomas autem hic art. 3. & 4. expresse probat, quod fruitio perfecta sit tantum ultimi finis in re habiti, qui modus loquendi importat in recto rem ipsam quæ est ultimus finis: ergo talis res est obiectum proximum & immediatum fruitionis perfectæ. Tum postremo sequenti ratione: Inter actum fruitionis perfectæ, & rem ipsam quæ est ultimus finis obiectivus, nihil mediat per modum obiecti *quod*, & adeptio talis rei solum mediat per modum obiecti *quo* formalis, ut explicabitur in tertia parte conclusionis; ex obiecto autem *quod*, & obiecto formali *quo* adintegratur & completur vnum obiectum totale proximum & immediatum, ut constat inductione in omnibus obiectis potentiarum, habituum, & actuum; propterea potentia, habitus, & actus immediate attingunt obiectum *quod* sub obiecto formali *quo*: ergo res, quæ dicitur ultimus finis obiectivus, est obiectum proximum & immediatum fruitionis perfectæ; cum aliunde sit summum bonum.

Probatur tertia pars conclusionis. Tum arguuntis pro secunda opinione factis, quæ hanc partem conclusionis conuincunt. Tum expressa auctoritate D. Thomæ hic art. 3. ubi cum probasset fruitionem esse tantum ultimi finis, utique tanquam obiecti proximi & immediati; in responsione ad 3. dicit quod ultimus finis, cuius est fruitio, dicitur dupliciter. Vno modo ipsa res; alio modo adeptio rei, quæ quidem non sunt duo fines, sed vnus finis in se consideratus & alicui applicatus. Tum sequenti ratione: ex vna parte adeptio illius rei quæ est ultimus finis, est summum bonum ac proprium ipsius adipiscantis ultimum finem, circa quod est summa delectatio proximè & immediate; & propterea talis adeptio cadit sub spe ac desiderio: quod totum experientia constat, nam in nobis experimur quod speramus & desideramus non solum Deum, sed etiam visionem Dei, & beati experimur se delectari de Deo, & etiam de visione Dei: ex alia verò parte adeptio rei, quæ est ultimus finis obiectivus, est ultimus finis formalis ex D. Thoma & communi sententia: ergo adeptio rei quæ est ultimus finis obiectivus, quæ adeptio dicitur ultimus finis formalis, est obiectum proximum & immediatum fruitionis perfectæ; Maxime quia si non esset obiectum, sed tantum conditio obiecti, non esset volita & desiderata ut *quod*, sed tantum ut *quo*; solum quippe obiectum alicuius actus voluntatis est volitum ut *quod*, conditio autem obiecti est tantum volita ut *quo*; constat autem quod adeptio vlti-

mi finis est volita ut *quod*, sicut & vltimus finis est volitus ut *quod*.

Ad primum ergo dicendum, quod visio Dei non est tantum conditio obiecti fruitionis beatificæ, sed verè est obiectum ipsius. Vnde ad primam probationem in contrarium, dicendum quod aliquando actus intellectus est tantum conditio prærequisita ad actum voluntatis, quando scilicet est simplex propositio obiecti: aliquando verò intrat rationem formalem obiecti actus voluntatis, quando actus voluntatis est de obiecto habito, & actus intellectus est adeptio talis obiecti, ut accidit in visione Dei. Ad secundam probationem dicendum, quod propriè loquendo Beati dicuntur frui, & Deo viso, & visione Dei. Ad illud quod subditur, dicendum quod non solus Deus, sed etiam visio Dei est obiectum spei virtutis Theologicæ: Deus quidem ut adipiscendus est obiectum *quod*, adeptio verò eius seu visio est obiectum *quo*, & ex utroque completur obiectum spei: quæ dicitur virtus Theologica, quia immediate attingit Deum tanquam obiectum *quod*, & hoc est proprium virtutum Theologicarum: viator igitur sperat & desiderat & Deum, & videre Deum; sicut qui sitit, desiderat & aquam, & bibere aquam. Ad aliud dicendum, quod per visionem beatificam non solum directè cognoscitur Deus, sed ipsa met visio perfectè cognoscitur virtuali quadam reflexione ipsius intellectus supra seipsum; unde eodem actu visionis beati perfectè vident Deum, & vident se videre Deum, ac ita fruuntur tam Deo viso, quam visione Dei. Ad aliud dicendum, quod adeptio rei desideratæ constituit quidem eam in esse obiecti adequati fruitionis, non autem in esse obiecti absolute: quia res desiderata ratione propriæ bonitatis habet quod sit obiectum fruitionis per modum finis *qui*, & adeptio ipsius requiritur per modum finis *quo*, ut sic constituatur integrum & adequatum obiectum fruitionis ex utroque: homo autem non habet ex se, quod sit obiectum visus, & solum terminat visionem ratione coloris; unde est maxima disparitas.

Ad secundum dicendum, quod delectationes ex Aristotele distinguuntur specie per operationes assecutivas boni delectabilis, non præcisè sumptas, sed ut connotant seu includunt hoc vel illud bonum delectabile; & ita tam bonum delectabile, quam eius assecutio per se pertinet ad obiectum fruitionis. Ad aliud dicendum, quod sicut summum bonum ut adeptum est obiectum fruitionis, sic summum bonum ut amissum est obiectum tristitiæ; cum hac tamen differentia, quod summum bonum in se & ratione bonitatis propriæ habet quod sit aliquo modo obiectum fruitionis, non autem ut sic habet quod sit obiectum tristitiæ, at tantum ut substat amissioni: unde summum bonum pertinet tantum ad obiectum materiale tristitiæ, cum

cum tamen pertineat ad obiectum formale fruitionis: quod provenit ex opposita ratione actuum fruitionis & tristitiæ, quorum primus formaliter respicit malum, & tantum materialiter respicit bonum ut substat malo. Summum bonum est bonum etiam proprium ipsius desiderantis & sperantis, & non tantum adeptio summi boni. Ad aliud dicendum, quod non sola visio Dei, sed etiam Deus ipse est obiectum spei & desiderij: unde qui desiderat beatitudinem, desiderat per modum obiecti integri & adæquati, simul beatitudinem obiectivam ut finem *qui*, & beatitudinem formalem ut finem *quo*.



QVÆSTIO XII.

De intentione, in quinque articulos divisa



DE I N D E considerandum est de intentione.

Et circa hoc quaeruntur quinque.

¶ Primo, utrum intentio sit actus intellectus vel voluntatis.

¶ Secundo, utrum sit tantum finis ultimi.

¶ Tertio, utrum aliquis possit simul duo intendere.

¶ Quarto, utrum intentio finis sit idem actus cum voluntate eius quod est ad finem.

¶ Quinto, utrum intentio conveniat brutis animalibus.

ARTICVLVS I.

Utrum intentio sit actus intellectus vel voluntatis.

70 **A**D P R I M U M sic proceditur. Videtur, quod intentio sit actus intellectus, & non voluntatis. Dicitur enim Matth. 6. Si oculus tuus fuerit simplex, totum corpus tuum lucidum erit: ubi per oculum significatur intentio, ut dicit August. * in lib. de serm. Domini. in monte. sed oculus cum sit instrumentum visus, significat apprehensum potentiam, ergo intentio non est actus appetitus potentie, sed apprehensum.

¶ 2 Præterea, ibidem August. dicit, * quod intentio lumen vocatur à Domino, ubi dicit, Si lumen quod in te est, tenebræ sunt, &c. sed lumen ad cognitionem pertinet, ergo & intentio.

¶ 3 Præterea, Intentio designat ordinationem quandam in finem: sed ordinare est rationis, ergo intentio non pertinet ad voluntatem, sed ad rationem.

¶ 4 Præterea, Actus voluntatis non est nisi finis vel eorum quæ sunt ad finem, sed actus voluntatis respectu finis vocatur voluntas seu fruitio, respectu autem eorum quæ sunt ad finem, est electio, à quibus differt intentio, ergo intentio non est actus voluntatis.

71 **S** E C U N D O contra est, quod August. dicit in 10. de trin. * quod voluntatis intentio copulat corpus visum visui, & similiter speciem in memoria existentem ad actum animi interioris cogitantis. est igitur intentio actus voluntatis.

CONCLUSIO.

Cum voluntas moueat omnes animæ vires in finem, eius propriæ intentio actus est.

R E S P O N D E O dicendum, quod intentio, sicut ipsum nomen sonat, significat in aliud tendere: in aliud autem tendit & actio mouentis & motus mobilis: sed hoc quod motus mobilis in aliud tendit, ab actione mouentis procedit. Unde intentio primo & principaliter pertinet ad id quod mouet ad finem: unde dicimus architectorem & omnem præcipientem mouere suo imperio alios ad id, ad quod ipse tendit. voluntas autem mouet omnes animæ vires ad finem, ut supra * habitum est. unde manifestum est quod intentio proprie est actus voluntatis.

A D P R I M U M ergo dicendum, quod intentio nominatur oculus metaphorice: non quia ad cognitionem pertinet, sed quia cognitionem præsupponit per quam proponitur voluntati finis ad quem mouet, sicut oculo præuidemus quo tendere corporaliter debeamus.

A D S E C U N D U M dicendum, quod intentio dicitur lumen, quia manifesta est intendenti. unde & opera dicuntur tenebræ: quia homo scit quid intendit, sed nescit quid ex opere sequatur: sicut August. * ibidem exponit.

A D T E R T I U M dicendum, quod voluntas quidem non ordinat, sed tamen in aliud tendit secundum ordinem rationis: unde hoc nomen intentio nominat actum voluntatis præsupposita ordinatione rationis ordinantis aliquid in finem.

A D Q U A R T U M dicendum, quod intentio est actus voluntatis respectu finis: sed voluntas respicit finem tripliciter. Vno modo absolute: & sic dicitur voluntas prout absolute volumus, vel sanitatem, vel si quid aliud est huiusmodi. Alio modo consideratur finis secundum quod in eo quiescit: & hoc modo fruitio respicit finem. Tertio modo consideratur finis secundum quod est terminus alicuius quod in ipsum ordinatur.

R. P. Philippi Carm. discal. Disp. Theologi. in 1. 2.

ur, & sic intentio respicit finem: non enim solum ex hoc intendere dicimus sanitatem, quia volumus eam, sed quia volumus ad eam per aliquid aliud peruenire.

ARTICVLVS II.

Utrum intentio sit tantum ultimi finis.

A D S E C U N D U M sic proceditur. Videtur, quod intentio sit tantum ultimi finis. Dicitur enim in lib. sententiarum Prosperi, Clamor ad Deum est intentio cordis: sed Deus est ultimus finis humani cordis, ergo intentio semper respicit ultimum finem.

¶ 2 Præterea, Intentio respicit finem secundum quod est terminus: ut dictum est, * sed terminus habet rationem ultimi finis, ergo intentio semper respicit ultimum finem.

¶ 3 Præterea, Sicut intentio respicit finem, ita & fruitio, sed fruitio semper est ultimi finis, ergo & intentio.

S E C U N D O contra, Ultimus finis humanarum voluntatum est vnus, scilicet beatitudo, ut supra dictum est. * si igitur intentio esset tantum ultimi finis, non essent diuersa hominum intentiones, quod patet esse falsum.

CONCLUSIO.

Tamen intentio sit semper ipsius finis, non tamen semper est ultimi finis.

R E S P O N D E O dicendum, quod, sicut dictum est, * intentio respicit finem secundum quod est terminus motus voluntatis. In motu autem potest accipi terminus dupliciter. Vno modo ipse terminus ultimus, in quo quiescit, qui est terminus totius motus. Alio modo aliquod medium, quod est principium vnus partis motus est finis vel terminus alterius, sicut in motu, quo itur de A in C per B, C est terminus ultimus, B autem terminus, sed non ultimus: & vtriusque potest esse intentio unde est semper sit finis, non tamen oportet quod semper sit ultimi finis.

A D P R I M U M ergo dicendum, quod intentio cordis dicitur clamor ad Deum: non quod Deus sit obiectum intentionis semper, sed quia est intentionis cognitio: vel quia cum oramus, intentionem nostram ad Deum dirigimus, quæ quidem intentio vim clamoris habet.

A D S E C U N D U M dicendum, quod terminus habet rationem ultimi finis: sed non semper ultimi respectu totius, sed quandoque respectu alicuius partis.

A D T E R T I U M dicendum, quod fruitio importat quidem quietem quæ est in fine, quod pertinet solum ad ultimum finem: sed intentio importat motum in finem, non autem in quietem, unde non est similis ratio.

ARTICVLVS III.

Utrum aliquis possit simul duo intendere.

A D T E R T I U M sic proceditur. Videtur, quod non possit aliquis simul intendere plura. Dicit enim Aug. * in lib. de serm. Dom. in monte, quod non potest homo simul intendere Deum & commodum corporale, ergo pari ratione neque aliqua alia duo.

¶ 2 Præterea, Intentio nominat motum voluntatis ad terminum: sed vnus motus non possunt esse plures termini ex vna parte, ergo voluntas non potest simul multa intendere.

¶ 3 Præterea, Intentio præsupponit actum rationis sive intellectus: sed non contingit simul plura intelligere secundum Philosophum. * ergo etiam neque contingit simul plura intendere.

S E C U N D O contra, Ars imitatur naturam: sed natura ex vno instrumento intendit duas utilitates, sicut lingua ordinatur ad gustum & ad locutionem, ut dicitur in 3. de anima. * ergo pari ratione ars vel ratio potest simul aliquid vnum ad duos fines ordinare, & ita potest aliquis simul plura intendere.

CONCLUSIO.

Potest voluntas intentio simul in multa ferri, ut finem vltimum & proximum, & vnum alteri præeligendo.

R E S P O N D E O dicendum, quod aliqua duo possunt accipi dupliciter, vel ordinata adinuicem vel adinuicem non ordinata: & si quidem adinuicem fuerint ordinata, manifestum est ex * permissis, quod homo potest simul multa intendere. Est enim intentio non solum finis ultimi, ut dictum est, * sed etiam finis medij: simul autem intendit aliquis & finem proximum & ultimum, sicut confectionem medicinz & sanitatem. Si autem accipiantur duo adinuicem non ordinata, sic etiam simul homo potest plura intendere: quod patet ex hoc, quod homo vnum alteri præeligit: quia melius est altero: inter alias autem conditiones, quibus aliquid est melius altero, vna est quod ad plura valet. Unde potest aliquid præeligi alteri ex hoc quod ad plura valet: & sic manifeste homo simul plura intendit.

A D P R I M U M ergo dicendum, quod August. intelligit hominem non posse simul Deum & commodum temporale intendere. sicut ultimos fines: quia ut supra ostensum est, * non possunt esse plures fines ultimi vnus hominis.

A D S E C U N D U M dicendum, quod vnus motus possunt ex vna parte esse plures termini, si vnus ad alium ordinatur: sed duo termini adinuicem non ordinati ex vna parte vnus motus esse non possunt. Sed tamen considerandum est, quod id, quod non est vnum secundum rem, potest accipi ut vnum secundum rationem. Intentio autem est motus voluntatis in aliquid præordinatum in ratione, sicut dictum est: * & ideo ea quæ sunt plura secundum rem, possunt accipi, ut vnus terminus intentionis, prout sunt vnum secundum rationem: vel quia aliqua duo concurrunt ad integrandum aliquid vnum, sicut ad sanitatem concurrunt calor & frigus commensurati:

A a 2

71
22. q. 2. 10.
art. 1. cor.
Et 2. d. 13.
art. 3. Et
ser. q. 22.
art. 3. cor.
art. 3. ad 3.

q. 1. art. 7.

art. 1. huius
quæst.

72
ser. q. 1. 1.
art. 1. 3. cor.
Et 2. d. 13.
art. 3. Et
ser. q. 22.
art. 3. cor.
art. 3. ad 3.

lib. 2. Top.
c. 4. in de
clarat. 3. 1.
loci tem. 1.
lib. 3. in fi.
Et lib. 2.
tem. 3. 1.

art. 3. huius
quæst.
Et 2. d. 13.
art. 3. Et
ser. q. 22.
art. 3. cor.
art. 3. ad 3.

art. 3. ad 3.

lib. 10. c. 7.
circa finem
inmanit.
Et lib. 11.
c. 3. Et 4.
clarum: Et
c. 6. tem. 3.

* q. 9. a. 1.

* lib. 2. de
serm. Dom.
in monte.
c. 21. 4. mor.
do ad finem
et per 10. 4.

vel quia aliqua duo sub vno communi continentur, quod potest esse intentum, puta acquisitio vini & vestis continetur sub lucro, sicut sub quodam communi. unde nihil prohibet, quin ille, qui intendit lucrum, simul hæc duo intendat.

¶ 2. ad tertium dicendum, quod licet in primo dictum est, contingit simul plura intelligere, inquantum sunt aliquo modo vnum.

ARTICVLVS IV.

Vtrum intentio finis sit idem actus cum voluntate eius quod est ad finem.

73 **AD QVARTVM** sic proceditur. Videtur, quod non sit vnus & idem motus intentio finis, & voluntas, eius quod est ad finem. Dicit enim August. in 10. de Trinit. quod voluntas videndi fenestram, finem habet fenestram visionem, & altera est voluntas per fenestram videndi transientes. sed hoc pertinet ad intentionem quod velim videre transientes per fenestram. hoc autem ad voluntatem eius quod est ad finem, quod velim videre fenestram. ergo alius est motus voluntatis intentio finis, & alius voluntas eius quod est ad finem.

¶ 2. Præterea, Actus distinguuntur secundum obiecta, sed finis & id quod est ad finem, sunt diuersa obiecta. ergo alius motus voluntatis est intentio finis, & voluntas eius quod est ad finem.

¶ 3. Præterea, Voluntas eius quod est ad finem, dicitur electio: sed non est idem electio & intentio. ergo non est idem motus intentio finis cum voluntate eius quod est ad finem.

¶ 4. contra est, quod id quod est ad finem, se habet ad finem, ut medium ad terminum: sed idem motus est, qui per medium transit ad terminum in rebus naturalibus. ergo & in rebus voluntariis idem motus est intentio finis, & voluntas eius quod est ad finem.

CONCLUSIO.

Vnus & idem subiecto motus est voluntatis in finem tendens, & in id quod est ad finem.

RESPONDEO dicendum, quod motus voluntatis in finem, & in id quod est ad finem, potest considerari dupliciter. Vno modo secundum quod voluntas in vtrumque fertur absolute, & secundum se: & sic sunt simpliciter duo motus voluntatis in vtrumque. Alio modo potest considerari secundum quod voluntas fertur in id, quod est ad finem propter finem, & sic vnus & idem subiecto motus voluntatis est tendens ad finem & in id, quod est ad finem. Cum enim dico, volo medicinam propter sanitatem, non designo nisi vnum motum voluntatis: cuius ratio est, quia finis ratio est volendi, & quæ sunt ad finem: idem autem actus cadit super obiectum & super rationem obiecti, sicut eodem viro est coloris & luminis, ut supra dictum est. Et est simile de intellectu, quia si absolute principium & conclusionem consideret, diuersa est consideratio vtriusque: in hoc autem quod conclusioni propter principia assentit, est vnus actus intellectus tantum.

¶ 1. ad primum ergo dicendum, quod August. loquitur de visione fenestrarum & visione transcuntium per fenestram, secundum quod voluntas in vtrumque absolute fertur.

¶ 2. ad secundum dicendum, quod finis inquantum est res quædam, est aliud voluntatis obiectum, quàm id quod est ad finem: sed inquantum est ratio volendi id quod est ad finem, est vnum & idem obiectum.

¶ 3. ad tertium dicendum, quod motus, qui est vnus subiecto, potest ratione differre secundum principium & finem: ut assensus & descensus, sicut dicitur in 3. Phy. sic igitur inquantum motus voluntatis fertur in id quod est ad finem, propter ordinem ad finem, est electio: motus autem voluntatis, qui fertur in finem secundum quod acquiritur per ea quæ sunt ad finem, vocatur intentio: cuius signum est quod intentio finis esse potest, etiam nondum determinatis his quæ sunt ad finem, quorum est electio.

ARTICVLVS V.

Vtrum intentio conueniat brutis animalibus.

74 **AD QVINTVM** sic proceditur. Videtur, quod bruta animalia intendunt finem. natura enim in his quæ cognitione carent, magis distat à rationali natura quàm natura sensitiua, quæ est in animalibus brutis: sed natura intendit finem etiam in his quæ cognitione carent: ut probatur in 2. Physic. ergo multo magis bruta animalia intendunt finem.

¶ 2. Præterea, Sicut intentio est finis: ita & fructio: sed fructio conuenit brutis animalibus, ut dictum est. ergo & intentio.

¶ 3. Præterea, Eius est intendere finem, cuius est agere propter finem, cum intendere nihil sit nisi in aliud tendere. sed bruta animalia agunt propter finem: mouentur enim animal vel ad cibum querendum, vel ad aliquid huiusmodi. ergo bruta animalia intendunt finem.

¶ 4. contra est, Intentio finis importat ordinationem alicuius in finem, quod est rationis: cum igitur bruta animalia non habeant rationem, videtur quod non intendunt finem.

CONCLUSIO.

Quamuis proprie & principaliter brutis animalibus non conueniat intentio, conuenit tamen quatenus instinctu naturali ad aliquid mouentur.

RESPONDEO dicendum, quod sicut supra dictum est, intendere est in aliud tendere, quod quidem est & mouentis & moti: secundum quidem igitur quod dicitur intendere finem, id quod mouetur ad finem ab alio, sic natura dicitur intendere finem, quasi mota ad suum finem à Deo, sicut sa-

gitta à sagittante: & hoc modo etiam bruta animalia intendunt finem inquantum mouentur ab instinctu naturali ad aliquid. Alio modo intendere finem est mouentis: prout scilicet ordinat motum alicuius, vel sui, vel alterius in finem: quod est rationis tantum. unde per hunc modum bruta non intendunt finem, quod est proprie & principaliter intendere, ut dictum est.

¶ 1. ad primum ergo dicendum, quod ratio illa procedit, secundum quod intendere est eius quod mouetur ad finem.

¶ 2. ad secundum dicendum, quod fructio non importat ordinationem alicuius in aliquid sicut intentio, sed absolutam quietem in fine.

¶ 3. ad tertium dicendum, quod bruta animalia mouentur ad finem, non quasi considerantia, quod per motum suum possint consequi finem: quod est proprie intendentis, sed quasi concupiscentia naturali instinctu mouentur ad finem quasi ab alio mota, sicut & cetera quæ mouentur naturaliter.

DISPUTATIO XII.

De Actu Intentionis.

POSTQVAM actum est de Fruitione, superest agendum de Intentione, quæ est alius actus voluntatis circa finem: primus quidem ordine generationis, sed non ordine dignitatis.

DVBIUM I.

Vtrum Intentio sit actus Voluntatis.

SUPPONENDUM est ex D. Thoma hic art. 1. ad 4. quod voluntas respicit finem tripliciter. Vno modo absolute: & sic dicitur voluntas, prout absolute volumus, vel sanitatem, vel si quid aliud est huiusmodi. Alio modo consideratur finis secundum quod in eo quiescitur: & hoc modo fructio respicit finem. Tertio modo consideratur finis secundum quod est terminus alicuius quod in ipsum ordinatur: & sic intentio respicit finem; non enim solum ex hoc intendere dicimur sanitatem, quia volumus eam, sed quia volumus ad eam per aliquid aliud peruenire. Ex quo constat, quod actus intentionis proprie sumptus essentialiter distinguitur ab alio actu qui dicitur voluntas seu simplex volitio, propter assignatam diuersitatem formalem inuentam in obiecto horum actuum: Unde quando Aristoteles lib. 3. Ethicorum cap. 2. actum voluntatis circa finem ut consequibilem per media, appellat voluntatem, assumit voluntatem in lata quadam significatione pro actu voluntatis circa finem, abstrahendo ab hoc quod finis consideretur absolute, vel cum ordine ad media & ut consequibilis per media. Ad tollendam ergo æquiuocationem distinguimus, ex communi doctrina Philosophorum Moralium & Theologorum, hos duos actus, scilicet voluntatem seu simplicem volitionem, & intentionem distinctione specifica. Et querimus in præsentī: Vtrum Intentio sit actus voluntatis, vel intellectus, vel vtriusque potentie simul.

Prima opinio S. Bonaventuræ in 1. d. 38. art. 2. q. 2. asserit, quod Intentio essentialiter includit duplicem

duplicem actum circa finem; videlicet actum voluntatis qui est volitio ipsius finis, & actum intellectus qui est collatio mediorum & finis. Probatur: Intentio est volitio finis ut consequibilis per media, in quo includitur tam ipsa volitio finis quam collatio mediorum cum fine, & ordinatio eorum ad finem: sed sicut volitio est actus voluntatis, sic collatio & ordinatio est actus rationis seu intellectus; nam conferre & ordinare sunt actus potentiae cognoscitivae: ergo intentio essentialiter includit duplicem actum circa finem, unum voluntatis, & alium intellectus.

Secundò, Intentio est tendentia potentiae in finem sub ratione finis, & cum ordine ad media: sed non solum voluntas, at etiam intellectus tendit in finem sub ratione finis & cum ordine ad media; voluntas quidem sua volitione, intellectus autem sua cognitione; nam sicut voluntas vult finem ut finem, id est sub ratione finis, & cum ordine ad media; sic intellectus cognoscit finem ut finem, siue sub ratione finis, & cum ordine ad media; imò tendentia voluntatis ad finem sub ratione finis dependet à tendentia intellectus ad eundem finem sub ratione finis: ergo intentio essentialiter includit duplicem actum circa finem, unum voluntatis, & alium intellectus.

CONCLUSIO.

RESPONDEO dicendum, quòd licet Intentio habeat adiunctum actum intellectus. 1. formaliter tamen loquendo est actus voluntatis. Ita nunc communiter docent Philosophi Morales & Theologi in praesenti.

Probatur prima pars conclusionis. Tum argumentis pro prima opinione adductis, quae hanc tantum partem conclusionis, sed efficaciter probant. Tum quia voluntas nunquam operatur circa aliquid, nisi praesupposita cognitione intellectus iuxta illud, nihil volitum, quin praecognitum: ergo voluntas ut tendat in finem ut per media consequibilem, praerequirat cognitionem eiusdem finis cum ordine ad media; & sic Intentio, quae est tendentia voluntatis in finem sub ratione finis & cum ordine ad media, habet adiunctum actum intellectus. Et propterea Intentio dicitur metaphorice oculus, iuxta illud Matthaei. 6. Si oculus tuus fuerit simplex, totum corpus tuum lucidum erit: non quia intentio ad cognitionem pertineat, ut ait D. Thomas hic art. 1. ad 1. sed quia cognitionem praesupponit, per quam proponitur voluntati finis ad quem movet, sicut oculo prauidemus, quo tendere corporaliter debeamus.

Probatur secunda pars conclusionis, Tum autoritate, tum ratione D. Thomae hic art. 1. sic amplius expensa. Intentio proprie sumpta est tendentia potentiae in aliud tanquam in finem, ac ita in aliud secundum quod est in seipso à parte rei, in quo proinde appetitus quiescere potest; & non secundum quod est tantum in

apprehensione, in quo ut sic appetitus non quiescit: sed tendentia in aliud tanquam in finem ac ita in aliud secundum quod est in seipso à parte rei, est actus voluntatis; Tum quia haec est differentia inter intellectum & voluntatem, quòd intellectus fertur in res secundum quòd sunt in ipso intellectu, unde potius illas ad se trahit quam tendat ad illas, voluntas autem fertur in res secundum quòd sunt in seipsis à parte rei, & ita proprie quasi extra seipsam ad illas tendit; Tum quia tendere in finem, ut est in seipso à parte rei, est primò & principaliter illius potentiae, cuius est seipsam & reliquas potentias movere primò quoad exercitium ad finem, quod convenit voluntati, ut supra dictum est: ergo intentio formaliter loquendo est actus voluntatis. Deinde probatur alia ratione D. Thomae in 1. d. 38. quaest. 1. art. 3. quaestiuicula 5. Intentio circa bonum est prosecutio obiecti, circa malum verò est fuga obiecti; intendimus enim aliquando bonum prosequi, & aliquando malum fugere: sed prosequi & fugere sunt actus voluntatis formaliter loquendo, nam prosequi est actus circa bonum, & fugere est actus circa malum; constat autem quòd prosequi bonum ut sic, & fugere malum bono contrarium sunt actus voluntatis, cum bonum ut sic sit obiectum ipsius, & eiusdem potentiae sit tendere in proprium obiectum, & recedere à contrario: ergo intentio formaliter loquendo est actus voluntatis. Denique probatur expressa autoritate sancti Augustini libr. 10. de Trinitate capit. 7. & sancti Ambrosij lib. de Spiritu & Littera cap. 4. ubi intentionem vocat affectum dicens: Affectus operi tuo nomen imponit, id est intentio recta vel prava denominat opus bonum vel malum.

Ad primum ergo dicendum, quòd quia Intentio est ens per se, & non ens per accidens, ideo non potest essentialiter constitui ex duobus actibus diuersarum potentiarum: Et consequenter licet connotet actum intellectus conferentis & ordinantis media ad finem: essentialiter tamen & adequatè consistit in affectu & volitione finis ut consequibilis per media; quia tendere in aliquid ut in finem seu terminum, per media esse solet.

Ad secundum dicendum cum D. Thoma hic art. 1. quòd primò & principaliter tendere in aliud tanquam in finem convenit illi potentiae, cuius est primò quoad exercitium movere seipsam & reliquas potentias in finem, quod est solius voluntatis, ut dictum est: unde intellectus secundum se consideratus respicit quidem finem etiam sub ratione finis, ut est quoddam verum, non ut est bonum vniuersale terminatum appetitus, sub qua ratione tantum dicitur proprie finis: quod si intellectus tendit ad finem ut sic, hoc habet ex motione voluntatis; intentio autem primò & principaliter pertinet ad id

quod mouet ad finem ; & tantum secundario ac participatiue ad id quod mouetur ad finem.

D V B I V M II.

Utrum Intentio sit tantum ultimi finis.

Supponendum est, quod intentio proprie loquendo, soli naturæ intellectuali conuenit, ut docet D. Thomas hic art. 5. & probat ex eo quod intendere est in aliud tendere : tendere autem in aliud est tam mouentis, quam moti ; sed principaliter & proprie est tantum ipsius mouentis, in quantum ordinat motum alicuius, vel sui, vel alterius in finem ; quod est rationis tantum. Et affert radicem istius infra q. 22. art. 5. quia sola creatura intellectualis cognoscit finem formaliter sub ratione finis, quia cognoscit proportionem finis cum actu, & habitudinem mediorum ad ipsum finem : vnde cum ordinare ad finem siue mouere ad finem præsupponat hanc cognitionem ; inde est quod soli conuenit naturæ intellectuali, proprie loquendo, mouere se & alia in finem, ac intendere finem : vnde cum brutis solum conueniat tendere in finem ut mota ab Authore naturæ, & non ut mouentia se ad illum formaliter, propter defectum cognitionis finis sub ratione finis ; ideo valde improprie dicuntur intendere finem. Et propterea D. Thomas q. 22. de Veritate art. 13. duplicem ponit intentionem finis, Vnam latè sumptam, quæ est simplex tendentia in certum aliquem finem ; & hic actus intentionis conuenit omnibus rebus creatis, omnes quippe naturæ tendunt suis actibus in proprios fines ; intellectuales quidem ex propria directione, aliarum verò ex directione Authoris naturæ ; quamuis cognoscitiuæ perfectiori modo supra alias in finem tendant, quia ipsum materialiter cognoscunt. Aliam ponit intentionem strictè sumptam, pro tendentia in finem per certa media ex propria directione & ordinatione ; & hæc soli conuenit naturæ intellectuali, & de hac tantum quasi de propria intentione in præsentī loquimur, & querimus Utrum sit tantum ultimi finis. Ad cuius euidentiā sciendum est, quod finis dicitur ultimus dupliciter : vel simpliciter & positiuè, & talis est beatitudo : vel secundum quid & negatiuè, & talis est quilibet finis particularis propter se appetitus, & non ordinatus ad alium finem ulterio-rem, respectu enim appetentis se habet ut ultimus simpliciter, quamuis in rei veritate non sit talis.

Prima opinio Vasquis in expositione art. 2. huius quæstionis asserit, quod intentio est tantum ultimi finis secundum quid & negatiuè sumpti, quamuis non tantum ultimi finis simpliciter & positiuè talis : & hoc modo dicit intelligendum esse D. Thomam. Probat : Finis verè & proprie loquendo, est tantum illud, cuius

gratia aliquid fit, & quod appetitur propter seipsum & non propter aliud ; vnde fines, qui dicuntur intermedij, non sunt verè & proprie fines, quia appetuntur propter alia & non propter seipsos : sed intentio est actus voluntatis tantum circa finem verè & proprie dictum, ut communiter conceditur : ergo intentio est tantum ultimi finis secundum quid & negatiuè sumpti.

Secundò, Si intentio non esset tantum ultimi finis, saltem secundum quid & negatiuè sumpti, sed esset finis intermedij, sequeretur duo inconuenientia. Primum esset, quod idem tenderetur propter se, & simul propter aliud ; propter se quidem sub ratione finis, cuius proprium est appeti propter se ; propter aliud autem sub ratione medij, cuius proprium est esse & appeti in ordine ad aliud : constat autem quod idem non potest simul intendi propter se & propter aliud, cum hi duo modi sint oppositi. Secundum esset, quod idem actus voluntatis esset formaliter simul intentio & electio ; intentio quidem, in quantum terminaretur ad finem sub ratione finis ; electio autem, in quantum terminaretur ad eundem finem intermedium sub ratione medij : communiter autem negatur, quod idem actus voluntatis sit formaliter intentio & electio ; cum intentio & electio sint diuersæ speciei, & sit impossibile quod idem actus sit formaliter diuersæ speciei : ergo intentio est tantum ultimi finis saltem secundum quid & negatiuè sumpti.

CONCLUSIO.

RESPONDEO dicendum, quod intentio non est tantum ultimi finis ut sic 2. seu non est solum ultimi finis simpliciter & positiuè. 3. nec etiam est solum finis ultimi secundum quid & negatiuè sumpti. Ita communiter discipuli D. Thomæ, & alij in præsentī.

Probat per primam partem conclusionis. Tum expressa autoritate & ratione D. Thomæ hic art. 2. Tum communi sententia Philosophorum Moralium & Theologorum qui omnes concedunt intentionem non esse tantum ultimi finis. Tum ex dicendis circa secundam & tertiam partem conclusionis : si enim probetur, quod intentio non est tantum ultimi finis, siue ultimus finis sumatur simpliciter & positiuè, siue sumatur secundum quid & negatiuè : & aliunde non sit alia acceptio ultimi finis ; necessariò sequitur quod intentio non est tantum ultimi finis, ac potest esse finis intermedij.

Probat per secundam partem conclusionis. Tum ex prædicta communi sententia Philosophorum Moralium & Theologorum, qui ponunt in voluntate actum intentionis circa particulares fines, ut circa sanitatem acquirendam, peregrinationem faciendam, aut quid simile ; qui fines particulares non sunt ultimus finis simpliciter & positiuè, cum ultimus finis simpliciter & positiuè talis sit vnicus & perfecta beatitudo. Tum autoritate & ratione Diui Thomæ hic art. 2. quæ saltem

saltem hanc secundam partem conclusionis efficaciter probat.

Probatur tertia pars conclusionis expressa autoritate D. Thomæ hic art. 3. ubi sic ait: Est enim intentio, non solum finis ultimi, ut dictum est, sed etiam finis medij: simul autem intendit aliquis & finem proximum & ultimum, sicut confectionem medicinæ & sanitatem: unde D. Thomas ibi probat quod aliquis potest simul intendere plures fines subordinatos; & consequenter ex ipso intentio non est tantum ultimi finis, etiam secundum quid & negativè sumpti, siue ultimi finis particularis in aliquo ordine rerum; sed potest esse finis intermedij. Deinde probatur ratione Divi Thomæ sic ad propositum, & iuxta mentem ipsius applicata (nam art. 3. ut vidimus, explicat se, & declarat se agere de ultimo fine particulari, & secundum quid ac negativè tali, dum negat intentionem esse ultimi finis tantum art. 2.) Intentio respicit finem secundum quod est terminus motus voluntatis: in motu autem potest accipi terminus dupliciter. Vno modo ipse terminus ultimus, in quo quiescit, qui est terminus totius motus. Alio modo aliquod medium, quod est principium unius partis motus, & finis vel terminus alterius. Quod est verum in directione creaturæ intellectualis; non solum in ordine ad finem simpliciter & positivè ultimum ipsius, qui est beatitudo, in qua adeptus totaliter & pro semper quiescit appetitus; sed etiam in ordine ad ultimum finem secundum quid ac negativè talem, & in una serie rerum; quia potest fieri, quod in una serie rerum sint plures fines subordinati, ac ordinati ad ultimum in illa serie; sic igitur appetitus mouetur ad illum ultimum, quasi ad terminum sui motus totalis, quod etiam moueatur ad fines intermedios, ita ut per priores tanquam per media perveniat ad posteriores tanquam ad veros fines priorum, ut supra ostensum est: unde sicut verè est intentio circa ultimum finem in illa serie rerum, quia est verus finis, & quia appetitus ex vi volitionis ipsius procedit ad eligenda media; sic est verè intentio circa finem intermedium, quia respectu anteriorum est verus finis, ut ostensum est supra disp. 3. dub. 1. & quia appetitus ex vi volitionis ipsius procedit ad eligenda media, videlicet illa quæ in ordine executionis sunt anteriora: ergo intentio est etiam finis ultimi secundum quid & negativè sumpti. Denique probatur alia ratione deducta ex discrimine, quod reperitur inter intentionem & fruitionem: quam sic proponit D. Thomas hic art. 2. ad 3. Fruitio importat quidem quietem quæ est in fine, quod pertinet solum ad ultimum finem: sed intentio importat motum in finem, non autem in quietem. Que ratio sic ad intentum expenditur: Intentio & Fruitio differunt in hoc, quod fruitio est tantum ultimi finis, quia est actus appetitus per modum quietis vitalis in fi-

ne, quies autem non habetur nisi in ultimo: Intentio autem non est tantum ultimi finis, quia est actus appetitus per modum tendentiæ in finem, tendentia autem non solum terminatur ad finem ultimum, sed etiam & prius terminatur ad medium finem: ergo cum fruitio possit esse ultimi finis secundum quid & negativè talis, ut contingit in eo qui adhæret alicui creaturæ tanquam ultimo fini (quamvis non sit omnino perfecta fruitio, hæc enim est tantum de vero ultimo fine adepto, ut supra dictum est): sequitur quod intentio non sit tantum finis ultimi secundum quid & negativè sumpti; alioquin nulla esset differentia inter intentionem & fruitionem.

Ad primum ergo dicendum, sicut supra disp. 3. dub. 1. quod fines intermedij sunt verè & propriè fines, unde circa illos verè potest esse intentio: nam prædicti fines non solum dicunt rationem utilis in ordine ad fines alios ulteriores, quibus subordinantur, sed etiam dicunt rationem honesti vel delectabilis in ordine ad anteriora, quæ sibi subordinant; unde fines intermedij, si comparentur cum anterioribus, verè appetuntur propter seipsos, & gratia ipsorum sunt anteriora; non obstante quod etiam appetantur propter ulteriores fines, & quod fiant gratia ipsorum:

Ad secundum dicendum, quod finis intermedium appetitur quidem simul propter se & propter aliud: non tamen intenditur propter aliud sed propter seipsum tantum; quia intendi est tantum finis ut sic, finis autem ut sic non est propter seipsum: unde appeti est tam finis, quam medij; intendi autem est solius finis ut sic: Et ita non sequitur primum inconueniens, quod idem intenderetur simul propter se & propter aliud. Nec sequitur secundum, quia ut ostensum est supra disp. 3. dub. 1. ad 3. actus voluntatis circa finem intermedium est tantum intentio formaliter & intrinsecè, propter rationem ibidem adductam, quamvis extensivè possit dici electio.

D V B I U M III.

Utrum Intentio finis sit semper actus realiter distinctus ab electione mediorum.

Supponendum est ex dictis sæpe, quod voluntas non fertur in suum obiectum nisi ut præcognitum: unde iuxta diversum modum cognitionis diversimodè fertur in illud. Applicando ergo hanc doctrinam ad præsentem materiam: certum est, quod finis aliquando cognoscitur in se absolutè, ac omnino præcisus à medijs etiam in communi: & tunc voluntas fertur in illum, ut in obiectum bonum ut sic, actu simplicis volitionis, qui dicitur etiam voluntas, quia est primus actus potentie voluntatis, unde eius

eius nomine etiam denominatur : De hoc actu nullus dubitat, quin sit semper distinctus ab electione mediorum, quia dum voluntas habet hunc actum, nullo modo versatur circa media. Aliquando finis cognoscitur secundum rationem termini alicuius, quod in ipsum ordinatur, siue per ordinem ad media quibus est assequibilis, sed tantum in communi sumpta : Et tunc voluntas fertur in finem formaliter sub ratione finis, actu intentionis ; qui proinde aliquo modo attingit media, videlicet indirectè, implicite, & in obliquo ; finem autem attingit directè, explicite, & in recto : sicut è contra voluntas per actum electionis fertur directè, explicite, & in recto in media ; indirectè verò, implicite, & in obliquo fertur in finem, quia est impossibile quòd voluntas attingat media absque ordine ad finem. Potest autem voluntas ferri in finem & in media dupliciter, vt docet D. Thomas hic art. 4. Vno modo secundum quòd voluntas in vtrumque fertur absolute & secundum se. Alio modo secundum quòd voluntas fertur in medium propter finem, in quantum in medio determinato vult ipsum finem. Querimus ergo in presenti : Vtrum intentio finis sit semper actus realiter distinctus ab electione mediorum : qui modus inquirendi non est idem cum alio, quo queritur, vtrum voluntas possit eodem actu ferri in finem & in media, vt constabit ex dicendis.

Prima opinio S. Bonaventuræ in 2. d. 38. dub. 4. Durandi ibidem q. 3. & aliorum asserit intentionem finis esse semper eundem actum realiter cum electione mediorum. Probat : Finis attingitur per actum intentionis tantum sub ratione finis, ac proinde cum ordine ad medium ; medium verò attingitur per actum electionis tantum sub ratione medij, ac proinde cum ordine ad finem, quia finis & medium vt sic sunt correlatiua : sed quando potentia fertur in aliqua ordinata, tunc eodem actu fertur in illa omnia ; & maxime quando vnum est ratio formalis attingendi aliud (vt accidit in presenti, nam finis est ratio volendi medium) quod apparet in naturalibus, idem quippe motus numero tendit in medium & in terminum : ergo intentio finis est semper idem actus realiter cum electione mediorum. Deinde, finis semper est ratio volendi medium, vt communiter conceditur : ergo eodem actu appetuntur finis & medium ; sicut ob eandem rationem videtur color & lumen eadem visione, vnde idem actus qui est intentio vt terminatus ad finem, est electio vt terminatur ad medium.

Secunda opinio Cornejo hic disp. 2. dubio 4. & aliorum asserit, quòd intentio explicita finis in aliquo medio determinato iam consultato per rationem, est idem actus realiter cum electione ipsius medij : Quod sic explicat, dicens quòd sicut actio & passio sunt idem realiter motus, actio quidem vt egrediens ab agente, passio ve-

rò vt receptus in passio ; & sunt eadem realis entitas sub diuersis tamen rationibus formalibus : sic vnicus & idem actus voluntatis secundum entitatem realem attingit finem & medium ; & secundum quòd attingit finem, est intentio ; secundum autem quòd attingit medium, est electio ; & sic intentio & electio sunt idem actus realiter, & tamen sunt duo actus essentialiter distincti. Probat, Electio medij determinati potest esse intentio finis implicita & virtualis, propter ordinem medij in finem, ex hoc enim essentiali ordine & dependentia medij à fine, sequitur necessario quòd intentio virtualis & implicita finis includatur in electione medij : ergo etiam electio talis medij potest esse intentio finis explicita & formalis ; quia non est maior repugnancia, quòd voluntas eodem actu velit explicite & formaliter medium, finem verò implicite & virtualiter ; quam quòd eodem actu velit explicite & formaliter tam medium, quam finem. Deinde, Intellectus potest eodem actu cognoscere causam in effectu cognito v.g. Deum in creaturis, & principium in conclusione, vt sæpe docet D. Thomas : ergo similiter voluntas poterit eodem actu secundum rem, velle formaliter & expresse finem in aliquo medio determinato expresse & formaliter volito ; & tunc idem actus secundum rem erit intentio & electio : quod maxime apparet, dum voluntas fertur in finem intermedium ; nam talis actus, vt attingit rationem finis, est intentio ; vt verò attingit rationem medij, est electio.

Tertia opinio posita in alio extremo, asserit, quòd voluntas non potest vnquam ferri eodem actu in finem & in medium : sed quòd necessario debet in illa ferri distinctis realiter actibus. Probat, Voluntas fertur in medium, quia fertur in finem, nam fertur in medium propter finem, & ita motus in finem est causa motus in medium : ergo isti duo motus siue actus voluntatis realiter distinguuntur, idem enim non potest esse causa sui ipsius. Deinde, Actus voluntatis circa finem est intentio, actus autem illius circa medium est electio : sed est impossibile quòd idem actus realiter sit intentio & electio ; cum intentio & electio essentialiter distinguantur, ac sint diuersæ speciei, & repugnet quòd idem actus realiter sit per se in duplici specie : ergo voluntas non potest ferri eodem actu in finem & in medium, sed necessario debet in illa ferri distinctis realiter actibus. Denique, Si voluntas posset eodem actu realiter ferri in finem & in medium, sequeretur quòd idem actus esset amor & odium, volitio & nolitio, prosecutio & fuga ; cum possit fieri quòd aliquod malum, circa quòd sit odium, nolitio, & fuga ; sit medium ordinatum ad aliquod bonum tanquam ad finem, circa quòd sit amor, volitio, & prosecutio : sed est impossibile quòd idem actus voluntatis sit amor & odium, voli-

tio & nolitio, prosecutio & fuga: ergo est impossibile, quod voluntas possit eodem actu realiter ferri in finem & in medium; sicut est impossibile quod intellectus eodem actu cognitionis feratur in principium & conclusionem, aliàs idem actus esset à diuersis habitibus.

CONCLUSIO.

RESPONDEO dicendum, quod voluntas potest ferri in finem & in medium, vel distinctis actibus 2. vel etiam vno & eodem actu. 3. nunquam tamen idem actus realis erit formaliter & intrinsecè intentio & electio: sed erit vel intentio vel electio formaliter & intrinsecè; quod si sit intentio formaliter & intrinsecè, erit materialiter & extensiuè electio; & è contra: unde intentio finis est semper actus realiter distinctus ab electione mediorum. Ita communiter Discipuli D. Thomæ.

Probatur prima pars conclusionis autoritate D. Thomæ hic art. 4. vbi sic ait: Motus voluntatis in finem & in id quod est ad finem, potest considerari dupliciter. Vno modo secundum quod voluntas in utrumque fertur absolute & secundum se: & sic sunt simpliciter duo motus voluntatis in utrumque. Deinde, Potest voluntas ferri in finem sub ratione finis, & ut consequibilem per media ut sic vagè & indeterminatè sumpta; & tunc est intentio finis: Et postea potest ferri ex priori illa intentione finis ad electionem mediorum in particulari post consultationem de illis factam: imò ordinariè sic contingit: non enim sufficit simplex volitio finis, quæ dicitur voluntas, ad mouendum voluntatem in ordine ad media eligenda, tum quia simplex volitio non est efficax ad exercitium operis, tum quia non respicit finem ut consequibilem per media; unde prærequiritur intentio finis, quæ est actus efficax voluntatis, ut ipsamet voluntas moueatur ad electionem mediorum in particulari: sed quando voluntas prius fertur in finem, & postea in media, habet distinctos actus, ut patet, quia ad unitatem actus, sicut & ad continuitatem motus indispensabiliter requiritur continuitas: ergo voluntas potest ferri in finem & in medium distinctis actibus. Denique; Eodem modo se habet voluntas ad finem & ad medium, quo se habet intellectus ad principium & ad conclusionem, ut communiter conceditur; cum sit eadem dependentia conclusionis à principio in esse & in cognosci, quæ est medijs à fine in esse & in appeti: sed intellectus potest ferri distinctis actibus cognitionis in principium & in conclusionem, si in utrumque feratur absolute & secundum se; tunc enim actus, quo fertur in principium, est intelligentia; actus verò quo fertur in conclusionem, est scientia: ergo pari ratione voluntas potest ferri in finem & in medium distinctis actibus; & sic actus quo fertur in finem, est intentio; actus verò quo fertur in medium, est electio.

R. P. Philippi Carm. discal. Diss. Theolog. in 1. 2.

Probatur secunda pars conclusionis autoritate Diui Thomæ hic art. 4. vbi sic ait. Alio modo potest considerari secundum quod voluntas fertur in id, quod est ad finem propter finem: & sic vnus & idem subiecto motus voluntatis est tendens ad finem, & in id quod est ad finem: cum enim dico, volo medicinam propter sanitatem, non designo nisi vnum motum voluntatis: Cuius ratio est, quia finis ratio est volendi ea quæ sunt ad finem: idem autem actus cadit super obiectum, & super rationem obiecti; sicut eadem visio est coloris & luminis. Quæ ratio D. Thomæ sic amplius declaratur: Quando aliqua potentia fertur in aliqua duo non ut distincta & disparatè se habentia, sed ut sunt quodammodo vnum propter dependentiam & subordinationem vnus ad aliud, quia vnum est ratio tendendi simul in aliud; tunc potentia eodem actu fertur in utrumque, ut constat tum instantia adducta à Diuo Thoma de visione coloris & luminis; tum instantia motus naturalis valde accommodata ad propositum, idem quippe numero motus tendit in medium & in terminum; tum generali inductione in omnibus potentiis: sed potest fieri quod voluntas feratur in finem & in medium, non solum absolute & ut sunt secundum se distincta, at ut sunt quodammodo vnum propter dependentiam & subordinationem medijs ad finem, quia finis est voluntati ratio tendendi in medium, ut cum propter sanitatem vult medicinam: ergo voluntas potest vno & eodem actu ferri in finem & in medium. Deinde probatur ex paritate eius quod contingit in intellectu: quod sic breuiter proponit D. Thomas hic sub finem art. 4. vbi sic ait: Et est simile de intellectu, quia si absolute principium & conclusionem consideret, diuersa est consideratio vtriusque: in hoc autem quod conclusioni propter principia assentit, est vnus actus intellectus tantum. Quod sic declaratur: Potest fieri quod intellectus (postquam assentitus est principiis, antequam ex eis educeret conclusionem, per actum intelligentiæ) assentiatur conclusioni eductæ propter eadem principia, quæ etiam tunc in conclusione considerat; quia conclusio est virtus principiorum, unde sicut præhabetur conclusio in principiis, sic principia relucet in conclusione: constat autem, quod quando intellectus assentitur conclusioni eductæ propter principia in conclusione relucet: tunc est vnus tantum actus intellectus, qui est circa conclusionem tanquam circa obiectum cui assentitur; & est circa principium, tanquam circa rationem formalem assentiendi: ergo à pari, quando voluntas vult medium propter finem in medio relucet: tunc est vnus tantum actus voluntatis, qui est circa medium, tanquam circa obiectum quod appetit; & circa finem, tanquam circa rationem finalem appetendi.

B b

di:

diuex diuerso quippe modo tendendi intellectus & voluntatis, prouenit quod principium concurrat ut ratio formalis ad assensum conclusionis; finis autem concurrat ut ratio finalis ad volitionem mediorum; quia scilicet intellectus est potentia cognoscitiva, & fertur in obiectum intentionaliter præiens & intus habitum, unde quando vnum concurrat ad cognitionem alterius, concurrat ut ratio formalis cognoscendi, ad cognitionem quippe maximè requiritur concursus causæ formalis; voluntas autem est potentia appetitiva, & fertur actu intentionis in finem ut realiter in seipso abientem, & ita finis concurrat ut ratio finalis ad volitionem mediorum.

Probat & explicatur tertia pars conclusionis. Constat ex dictis, quod voluntas vno & eodem actu fertur aliquando simul in finem & in medium: sed tamen negatur, quod ille actus sit formaliter & intrinsecè simul intentio & electio; unde tantum est intentio vel electio formaliter & intrinsecè: si enim attingat formaliter, explicitè, & in recto finem, est intentio; quamuis materialiter & quodammodo extensiuè sit electio per hoc quod virtualiter, implicitè, & in obliquo attingat medium: si autem attingat formaliter, explicitè, & in recto medium, est electio; quamuis materialiter & quodammodo extensiuè sit intentio per hoc quod virtualiter, implicitè, & in obliquo attingat finem, quomodo ipsum attingit in quantum est ratio volendi seu eligendi medium. Hoc posito probatur hæc tertia pars conclusionis: Intentio & electio sunt duo actus voluntatis essentialiter & specificè distincti, ut communiter conceditur, & constat ex eo quod respiciunt diuersa formaliter obiecta; intentio quidem respicit finem ut consequibilem per media, electio autem respicit medium ut sic ordinatum ad finem: sed idem actus realiter formaliter & intrinsecè non potest importare duos actus essentialiter & specificè distinctos, quia idem actus numero non potest esse in duplici specie verè & intrinsecè, in hoc enim est manifesta contradictio; nam esset simul vnus ut supponitur, & non esset vnus sed duo, quia esset verè & intrinsecè in duplici specie: ergo idem actus voluntatis nunquam erit formaliter & intrinsecè intentio & electio: Ad instantiam quæ solet adduci de actione & passionem, quod sint idem motus; constabit ex dicendis in solutione argumentorum secundæ opinionis. Deinde probatur ratione, quam adducit D. Thomas hic art. 4. ad 3. his verbis: Motus qui est vnus subiecto, potest ratione differre secundum principium & finem: ut ascensio & descensio, sicut dicitur in 3. Physicor. sic igitur in quantum motus voluntatis fertur in id quod est ad finem, prout ordinatur ad finem, est electio: motus autem voluntatis, qui fertur in finem secundum quod acquiritur per ea quæ sunt ad fi-

nem, vocatur intentio: cuius signum est quod intentio finis esse potest etiam nondum determinatis his quæ sunt ad finem, quorum est electio. Quæ ratio Diui Thomæ sic ad nostrum intentum declaratur: Ascensio & descensio sunt duo motus non solum formaliter, sed etiam realiter, quia non continuantur, cum in puncto reflexionis sit quies negativa, quæ est principium extrinsecum vnus motus & finis alterius; quod etiam verum est, dum per accidens ascensio & descensio simul in eodem subiecto reperiuntur, ut si quis ascenderet scalam quæ ab alto demittitur; & hoc ideo quia est impossibile, ut dictum est, quod duo motus essentialiter & specie distincti sint idem motus realiter: ergo etiam intentio finis & electio mediorum sunt duo voluntatis motus non solum formaliter, propter diuersum obiectum formale, sed etiam realiter, quia nec possunt simul reperiri, nec continuari, at tantum coordinari; & si possent simul reperiri, adhuc realiter distinguerentur, quia etiam tunc essent distincti essentialiter, quod amplius declarabitur in sequenti ratione: ergo intentio finis est semper actus realiter distinctus ab electione mediorum. Denique, Vel voluntas attingit prius finem in seipso, & posterius medium etiam in seipso; vel simul vtrumque attingit: sed quodcunque dicatur, intentio finis est semper actus realiter distinctus ab electione mediorum; nam in primo casu intentio finis est causa electionis mediorum, non solum finalis, at etiam efficiens, ut dicitur dubio sequenti; constat autem quod licet idem possit esse secundum esse apprehensum causa finalis sui secundum esse reale, cum ad causalitatem finalem ut pote moralem solum prærequiratur esse intentionale causæ; tamen idem non potest esse causa efficiens sui, quia ad causalitatem efficientis prærequiritur esse physicum causæ, cum talis causalitas, sit physica, & aliunde idem esse physicum ut pote productum & effectus, esset realiter posterius seipso, quod est impossibile; & ita quando voluntas attingit prius finem in seipso, & posterius medium etiam in seipso, hoc fit distinctis actibus, ut dictum est in prima parte conclusionis, quorum primus est intentio, & secundus electio: in secundo verò casu, scilicet quando voluntas attingit simul finem & medium, est quidem vnus tantum actus seu motus voluntatis, ut dictum est in secunda parte conclusionis, qui tamen est tantum formaliter & intrinsecè vel intentio, vel electio, & non formaliter vtrumque; nam intentio est actus voluntatis terminatus ad finem ut consequibilem per media, tanquam ad obiectum *quod*; & electio est actus eiusdem voluntatis terminatus ad medium ut ordinatum ad finem; tanquam ad obiectum etiam *quod*; constat autem quod est impossibile, quod voluntas simul attingat finem ut *quod* & medium ut *quod*, sicut est impossibile quod intellectus simul attingat tam principium quam

quàm conclusionem ut *quod*; sed vnum ex istis & intellectus & voluntas attingit ut *quo* in alio attracto ut *quod*, per actum specificatum & denominatum ab objecto attracto ut *quod*, qui proinde sit tantum formaliter & intrinsecè vel intentio aut electio respectu voluntatis, vel intelligentia aut scientia respectu intellectus; qui tamen actus potest materialiter & extensivè denominari ab objecto attracto ut *quo*: ergo nunquam idem actus realis voluntatis erit formaliter & intrinsecè intentio & electio; sed erit vel intentio vel electio formaliter & intrinsecè: quamvis actus intentionis possit quodammodo materialiter & extensivè dici electio, quia medium attingitur in fine; & è contra actus electionis possit quodammodo materialiter & extensivè dici intentio, quia finis attingitur in medio: unde propriè & absolute loquendo, intentio finis est semper actus realiter distinctus ab electione mediorum.

A d primum ergo dicendum, quod voluntas potest seorsim attingere & finem & medium, per hoc quod formaliter, explicitè, & in recto feratur in vnum; & in aliud tantum virtualiter, implicitè, & in obliquo; potest enim ferri in finem, absque ordine ad medium aliquod determinatum; & potest ferri in medium absque actuali intentione finis, sufficit enim quod præcesserit; & tunc attingit distinctis actibus finem & medium: quando autem attingit actu finem in medio, ut rationem quasi formalem, sed potius finalem volendi medium; tunc eodem actu attingit utrumque, ut dictum est in secunda parte conclusionis. Ad aliud dicendum, quod non sufficit ut virtualiter & remote finis sit ratio volendi medium; ad hoc ut eodem actu formaliter & explicitè attingatur à voluntate; sed requiritur quod tunc actu sit ratio volendi medium, quando voluntas actu vult medium, ut habetur ex instantia visus circa colorem & lumen: Et quamvis finis & medium attingantur eodem actu, quando finis est actu ratio volendi medium; tamen ille actus est tantum formaliter & intrinsecè vel intentio, vel electio, & non utrumque simul, ut dictum est in tertia parte conclusionis.

A d secundum dicendum, quod actio & passio sunt duo motus, tam formaliter, quam realiter distincti, ut fusè probauimus in 3. Physicorum tota q. 17. unde hæc instantia non fauet aduersariis. Ad priorem verò rationem dicendum, quod siue finis sit implicitè & virtualiter tantum volitus in mediis, siue explicitè & formaliter; tunc semper actus ille voluntatis circa medium volitum ut *quod*, est tantum formaliter & intrinsecè intentio, quia intentio debet attingere finem ut *quod*, & non tantum ut *quo*, sicut accidit in præsentibus dum attingitur ut ratio volendi medium. Ad posteriorem rationem dicendum, quod conceditur voluntatem posse

R.P. Philippi Carm. discal. Diss. Theolog. in 1.2.

eodem actu attingere finem & medium, sicut intellectus eodem actu potest attingere causam & effectum, principium & conclusionem: sed negatur quod ille actus sit formaliter & intrinsecè intentio & electio; sicut negatur quod idem actus naturalis intellectus sit formaliter intelligentia & scientia. Ad illud quod subditur, iam supra dictum est, quod actus voluntatis terminatus ad finem intermedium, est tantum formaliter & intrinsecè actus intentionis, quamvis materialiter & extensivè possit dici electio; & hoc ideo quia ratio utilis & medij in tali fine est subordinata rationi honesti vel delectabilis constitutiue finis.

A d tertium dicendum, quod si voluntas feratur prius in finem, & postea in medium, fertur in illa distinctis actibus, & actus quo fertur in finem est causa alterius actus quo fertur in medium: si autem feratur in finem & in medium simul, in medium quidem ut in obiectum *quod*, in finem autem ut in obiectum *quo* seu ut in rationem quasi formalem volendi medium; tunc fertur in illa vnico actu electionis, qui non habet aliam causam efficientem quam voluntatem, habet autem causam finalem scilicet ipsum finem in medio volitum ut *quo*. Ad aliud dicendum, quod actus voluntatis terminatus ad finem ut ad obiectum *quod*, est intentio; si autem sit tantum terminatus ad finem ut ad obiectum *quo*, & ad medium ut ad obiectum *quod*, talis actus est solum intrinsecè & formaliter electio, quamvis materialiter & extensivè possit dici intentio: unde nunquam verum est, quod idem actus realis sit formaliter & intrinsecè intentio & electio, quod concedimus huic secundæ opinionis. Ad aliud dicendum similiter, quod quando voluntas odit, non vult, & fugit aliquod medium, propter finem quem amat, vult, & prosequitur; tunc ille actus est tantum odium, nolitio, & fuga formaliter & intrinsecè, quamvis virtualiter & extensivè possit dici amor, volitio, & prosecutio; & in hoc nullum est inconueniens. Ad illud quod subditur, constat ex dictis, quod intellectus quidem non potest ferri eodem actu in principium & in conclusionem ex æquo, quasi feratur in utrumque ut in obiectum *quod*; sed tamen potest ferri eodem actu in utrumque, si in vnum feratur ut in obiectum *quod*, & in aliud ut in obiectum *quo*, & ille actus sumet suam speciem ab obiecto *quod*; & ita erit scientia actualis, & procedet ab habitu scientiæ si attingat ut *quod* conclusionem, etiamsi attingat ut *quo* principium: & idem dicendum proportionem seruata de voluntate, quod distinctis actibus fertur in finem & in medium, si in utrumque feratur ut *quod*; fertur verò in illa vnico actu, si in vnum feratur ut *quod*, & in aliud ut *quo*.

D V B I V M IV.

Utrum intentio finis sit causa efficiens electionis mediorum.

Supponendum est, quod præsens dubium procedit quando voluntas distinctis actibus tendit in finem & in media, ac proinde quando intentio finis est actus realiter distinctus ab electione mediorum, iuxta ea quæ dicta sunt dubio præcedenti. Ad cuius evidentiam sciendum est, quod intentio est semper de re absenti, ita quod absentia sit saltem conditio *sine qua non* actus intentionis, & propterea opponitur fruitioni, quæ est de eadem re sed præsentī; Conuenit autem autem intentio cum spe & desiderio, in hoc quod hi tres actus voluntatis sunt de re absenti: differt autem ab illis; Tum quia intentio semper est circa finem, spes verò & desiderium aliquando sunt circa finem, aliquando circa media; Tum quia intentio semper est actus efficax, quia respicit finem ut consequibilem per media, spes autem & desiderium non semper sunt actus efficaces, sed aliquando sunt simplices affectus. Est etiam differentia inter spem & desiderium: Tum quia spes est tantum de re difficili & ardua, desiderium autem de quacunque re bona; & propterea Christus Dominus propriè desiderauit gloriam sui corporis, sed non eam propriè sperauit, & inde est quod desiderium in communi sumptum est superius ad spem, cum omnis spes sit desiderium, sed non omne desiderium est spes: Tum quia desiderium est de re etiam non futura, & iudicata ut tali, ut damnatus ad mortem, quamuis sciat certò se moriturum, tamen desiderat non mori; spes verò est tantum de re futura, vnde si quis haberet certam reuelationem suæ condemnationis seu reprobationis, non posset propriè habere spem saluationis, at tantum desiderium, quia ad sperandum est necessaria credulitas & fiducia futuri euentus; vnde Caietanus infra q. 40. art. 1. docet quod potest contingere desperatio circa obiectum, quod scitur esse possibile, dum tamen iudicatur non esse futurum. Cum ergo intentio sit de re absenti, sed futura, videlicet de fine ut consequibili per media, certum est quod intentio finis aliquo modo concurrat ad electionem mediorum; sed dubium est, utrum ad illam concurrat per modum causæ efficientis.

Prima opinio Durandi in 2. d. 24. q. 2. Gregorij de Valentia in 1. 2. disp. 2. q. 4. & aliorum, asserit intentionem non esse veram causam efficientem electionis mediorum, sed tantum conditionem *sine qua non* antecedenter requisitam. Probatur: Si intentio finis esset causa efficiens electionis mediorum, semper deberet præcedere electionem mediorum; quia causa efficiens semper est prior effectui, cum operari supponat esse:

sed intentio finis non semper præcedit electionem mediorum, imò sæpe illam subsequitur, ut quando in medio determinato intenditur finis: ergo intentio finis non est causa efficiens electionis mediorum.

Secundò, Idem non potest esse causa efficiens & finalis respectu eiusdem, cum sit diuersus modus causandi horum causarum; nam causa efficiens influit physicè secundum suum esse reale, causa verò finalis tantum influit moraliter secundum esse apprehensum, qui duo modi oppositi in causando non possunt simul concurrere in eadem causa: sed intentio finis est causa finalis electionis mediorum, ideo enim eliguntur media, quia intenditur finis: ergo intentio finis non potest esse causa efficiens electionis mediorum.

Tertiò, Causa efficiens debet esse realiter, dum causat, quia operari per modum causæ efficientis supponit & sequitur esse: sed quando voluntas eligit media, non adest intentio finis realiter, imò nec cogitatio finis; & hoc contingit ordinariè, experimur enim quod post intentionem finis, determinamus de mediis, ea eligimus, & executioni mandamus, absque eo quod tunc cogitemus de fine: ergo intentio finis non est causa efficiens electionis mediorum.

CONCLUSIO.

RESPONDEO dicendum, quod intentio finis est causa efficiens electionis mediorum, in quantum simul cum voluntate concurrat ad electionem mediorum. Ita Cornejo in præsentia disp. 2. dub. 5. Vasques disp. 23. cap. 4. & alij.

Probatur conclusio autoritate Aristotelis & D. Thomæ: Aristoteles 6. Ethicor. cap. 2. dicit quod sicut se habent in speculabilibus principia circa intellectum & conclusiones, ita in operabilibus finis respectu voluntatis & electionis mediorum: constat autem quod assensus principiorum est causa efficiens assensus conclusionum; vnde etiam intentio finis est causa efficiens electionis mediorum. D. Thomas supra q. 9. art. 3. sic ait: Hoc modo se habet finis in appetibilibus, sicut principium in intelligibilibus: manifestum est autem, quod intellectus per hoc quod cognoscit principium, reducit seipsum de potentia in actum quantum ad cognitionem conclusionum, & hoc modo mouet seipsum: & similiter voluntas per hoc quod vult finem, mouet seipsam ad volendum ea quæ sunt ad finem. Ex hac Doctrina ostendit in responsionibus argumentorum, quod voluntas non secundum idem mouet & mouetur, nec secundum idem est in actu & in potentia, sed in quantum actu vult finem reducit se de potentia in actum respectu eorum quæ sunt ad finem; quæ doctrina non esset vera, si intentio finis non concurreret efficienter ad electionem mediorum, ut statim dicitur.

Secundò, Probatur ratione Diui Thomæ sic amplius

amplius expensâ : Omne illud quod constituit principium efficiens in actu primo in ordine ad operandum, ita quod in effectu producto sit aliquid reale correspondens specialiter tali constituenti; verè concurrit efficienter cum illo principio ad effectum illius, & non tantum ut conditio *sine qua non*, quia nihil reale correspondet specialiter puræ conditioni, nec conditio propriè constituit principium in actu primo ad operandum : sed intentio finis constituit voluntatem in actu primo in ordine ad eligendum media, & in electione mediorum est aliquid reale specialiter correspondens intentioni finis, quod sigillatim sic ostenditur : Et quidem primum, quod scilicet intentio constituat voluntatem in actu primo in ordine ad eligendum media, constat ex eo quod ait D. Thomas loco citato, nempe quod voluntas per actum intentionis finis est in actu, vt se moueat ad electionem mediorum ad quam est in potentia, & ita non est secundum idem in actu & in potentia ; Quod confirmat à posteriori, ex eo quod voluntas non semper se mouet ad electionem mediorum; at tantum dum est præsens vel formaliter, vel saltem virtualiter actus intentionis quo vult finem, vt ibidem dicit ad 1. Secundum autem, quod scilicet in electione mediorum sit aliquid reale specialiter correspondens intentioni finis, constat ex eo quod talis electio dicit habitudinem intrinsecam ad ipsum finem intentum : ergo intentio finis verè concurrit efficienter ad electionem mediorum, & consequenter est causa efficiens illius.

Tertiò probatur alia ratione adducta ab Aristotele & D. Thoma, ac desumpta ex paritate quæ reperitur inter intellectum & voluntatem, quantum ad motum intellectus in conclusionem ex principio, & motum voluntatis in media ex fine : Eo modo concurrit intentio finis cum voluntate ad electionem mediorum, quo concurrit assensus principij cum intellectu ad assensum conclusionis ; vt constat tum ex adducta autoritate Philosophi & D. Thomæ ; tum ex æquali dependentia intellectus ab assensu principij in ordine ad assensum conclusionis, & voluntatis ab intentione finis in ordine ad electionem mediorum ; Tum quia communiter conceditur, quod sicut se habet principium in intelligibilibus, sic se habet finis in appetibilibus : Sed assensus principij concurrit efficienter cum intellectu ad assensum conclusionis ; tum quia assensus conclusionis est discursiuus, quæ ratio discursiui non correspondet intellectui præcisè sumpto, vt patet, aliàs omnis eius actus esset discursiuus, at correspondet intellectui concurrenti effectiuè cum priori assensu principij, quandoquidem discursus propriè dictus non importat tantum quod vnus actus procedat ab intellectu post alium, verum importat quod vnus actus intellectus procedat ex alio, vbi inuoluitur causalitas efficientis ; Tum quia assensus principij

non concurrit vt pura conditio *sine qua non*, nec vt obiectum præcisè cognitum ad assensum conclusionis ; non quidem vt pura conditio, quia pura conditio non mouet ad effectum, sicut assensus principij mouet ad assensum conclusionis, nec in effectu aliqua ratio correspondet puræ conditioni, sicut ratio discursiui in assensu conclusionis correspondet assensui principij, nec vt obiectum præcisè cognitum, quia dum assensus principij mouet intellectum ad assensum conclusionis, non cognoscitur vt quod per modum obiecti ipse assensus, sed principium cui præbetur assensus ; & cum aliunde sequatur naturaliter assensus conclusionis ex assensu principij, sequitur quod assensus principij concurrit efficienter ad assensum conclusionis : ergo intentio finis concurrit efficienter ad electionem mediorum, & consequenter est causa efficiens illius.

Ad primum ergo dicendum, quod intentio finis semper præcedit, saltem prioritate naturæ, electionem mediorum ; quia intentio finis mouet ad electionem mediorum, & est regula ac mensura ipsius : vnde in medio determinato non intenditur propriè finis, sed cognoscitur præcedens intentio finis, quæ mouit efficienter ad electionem talis medij.

Ad secundum dicendum, quod non repugnat idem secundum diuersum influxum esse simul causam efficientem & finalem, quia hæ duæ causalitates non se excludunt, cum certum sit Deum influere in actum charitatis, & vt primam causam efficientem, & vt vltimam causam finalem : vnde non esset magnum inconueniens concedere, quod intentio finis sit causâ efficiens secundum suum esse reale electionis mediorum, & causâ finalis secundum suum esse apprehensum. Deinde dicendum, quod non tam intentio finis, quam finis intentus est causâ finalis electionis mediorum ; quia illud est causâ finalis secundum esse apprehensum electionis mediorum, quod secundum suum esse reale vel productum, vel acquisitum est effectus talis electionis, vt communiter conceditur ; constat autem quod finis intentus, vel vt productus, vel vt acquisitus est effectus electionis mediorum ; & non ipsa intentio finis, cum ipsa præhabeatur perfectè secundum suum esse reale ante electionem mediorum : vnde in hac propositione (ideo eliguntur media, quia intenditur finis) non est causalitas finis, sed efficientis.

Ad tertium dicendum, quod ad causalitatem causæ efficientis necessariò & indispensabiliter requiritur quod præexistat saltem prior prioritate naturæ : sicut etiam necessariò requiritur quod sit realiter dum causat ; sed non semper debet esse in seipsa formaliter, sufficit enim quod aliquando sit virtualiter in alio : vt in aliquo suo effectu, vt multoties contingit in physicis : & ita dicimus in præsentia, quod per intentionem

numquodque huiusmodi bonorum apprehendere, ut eligibile vel fugibile. Solum autem perfectum bonum, quod est beatitudo, non potest ratio apprehendere sub ratione mali, aut alicuius defectus: & ideo ex necessitate beatitudinem homo vult, nec potest velle non esse beatus aut miser: electio autem cum non sit de fine, sed de his quæ sunt ad finem (ut iam dictum est *) non est perfecti boni quod est beatitudo, sed aliorum particularium bonorum: & ideo homo non ex necessitate sed libere eligit.

et. v. hinc
quod.

A d. primum ergo dicendum, quod non semper ex principiis ex necessitate procedit conclusio. Sed tunc solum, quando principia non possunt esse vera si conclusio non sit vera. Similiter non oportet quod semper ex fine inest homini necessitas ad eligendum ea, quæ sunt ad finem: quia non omne quod est ad finem, tale est quod sine eo finis haberi non possit, aut si tale sit, non semper sub tali ratione consideratur.

A d. secundum dicendum, quod sententia siue iudicium rationis de rebus agentis est circa contingentia quæ à nobis fieri possunt. In quibus conclusiones non ex necessitate sequuntur ex principiis necessariis absoluta necessitate, sed necessitas solum ex conditione: ut si currit, movetur.

A d. tertium dicendum, quod nihil prohibet si aliqua duo aequalia proponantur secundum unam considerationem, quin circa alterum consideretur aliqua conditio per quam emineat, & magis spectetur voluntas in ipsum quam in aliud.

DISPUTATIO XIII.

De Actu Electionis.

POST considerationem actuum voluntatis, qui versantur circa finem; consequenter considerat Divus Thomas, illos, qui sunt circa media, & primò agit de electione.

D V B I V M I.

Utrum Electio sit actus solius appetitus intellectualis.

SUPPONENDUM est, quod eligere à quo derivatur electio, est aliquid præ aliis accipere; & ita electio generaliter sumpta est acceptio unius præ aliis. Sumitur ergo dupliciter electio: Primo modo largè pro omni acceptione unius præ aliis; & in hoc sensu ponitur electio in prædestinatione, & prædestinati dicuntur electi, quia Deus eos ab æterno accipit in ordine ad gloriam, præ aliis quos reprobat: Secundo modo sumitur strictè ut est actus circa media tantum, accipiens unum præ aliis in ordine ad finem consequibilem; & in hoc sensu agimus in tota hac disputatione de electione. Querentes autem in præsentis dubio: Utrum electio sit actus solius appetitus intellectualis seu rationalis, duo querimus; Primum quidem, Utrum sit actus potentie appetitivæ, non potentie cognoscitivæ; Secundum autem, Utrum dato quod sit actus appetitus, sit actus solius appetitus intellectualis seu voluntatis, & non appetitus sensitivus; quod idem est ac querere, Utrum electio soli naturæ intellectuali conveniat.

Prima opinio asserit, quod electio sit actus tam potentie cognoscitivæ, quam appetitivæ, & principalius potentie cognoscitivæ. Probatur hæc opinio quantum ad primam partem, auctoritate Philosophi & sancti Gregorii Nissen: Philosophus 6. Ethicorum cap. 1. dicit electionem

esse, aut intellectum appetituum, aut appetitum intellectuum: S. Gregorius Nissenus lib. 5. Philosophiæ cap. 4. dicit quod electio neque est appetitus secundum seipsum, neque consilium solum, sed ex his aliquod compositum. Probat quantum ad secundam partem, ipsamet ratione quam adducit D. Thomas hic art. 1. ad probandum quod electio sit actus appetitus, quia materialiter est actus voluntatis, & formaliter actus rationis, ex eo quod in actu procedente à duabus potentiis subordinatis, illud quod habet à potentia superiori est formale, illud autem quod habet ab inferiori est materiale: sed hæc ratio probat, quod electio est principalius actus rationis seu potentie cognoscitivæ, quia illud quod est in actu formale, est principalius eo quod est in eodem actu materiale: ergo electio est actus tam potentie cognoscitivæ, quam appetitivæ, & principalius potentie cognoscitivæ.

Secunda opinio, quam tenuere aliqui antiqui Philosophi, asserit quod quamvis electio sit actus appetitus, non tamen solius intellectualis. Probat: Bruta cognoscunt rationem finis & habitudinem convenientiæ mediorum ad finem, & ex hac cognitione assumunt aliqua media præ aliis proportionata ad finem ab ipsis intentum, ut apes assumunt flores ad conficiendum mel, hirundines assumunt festucas ad nidum componendum; quod etiam apparet in aliis brutis, quæ assumunt comestibilia sibi aptiora in ordine ad conservandam vitam; imò in aliquibus brutis cernitur mirabilis providentia & sagacitas, ut in formica, vulpe, &c. quæ assumunt verè media ut talia sub ratione boni vtilis præcisè in ordine ad finem delectabilem, cum in talibus mediis sit potius labor quam delectatio: ergo electio, cum in brutis reperiatur, non est actus solius appetitus intellectualis. Deinde in appetitu sensitivo hominis, ut prævenit vltimæ rationis, potest esse electio, cum in eo possit esse libertas sufficiens ad peccatum veniale, ut docet Caietanus: ergo electio non est actus solius appetitus intellectualis. Denique potest contingere, quod bruto apponantur duo pabula æquè commoda cum æquali distantia, cum æquali cognitione, & cum omnimoda paritate; & tunc si fame prematur, assumet unum præ alio: ergo potest esse in bruto verè electio, cum non sit reducendum ad impetum naturæ, quod potius se convertat ad hoc, quam ad illud, natura quippe est determinata ad unum, hic autem apparet facultas eligendi indifferenter.

CONCLUSIO.

RESPONDEO dicendum, quod electio speciali quidem titulo præsupponit actum rationis seu intellectus præconsiliantis. 1. tamen est propriè actus appetitus. 3. & solius intellectualis. Ita communiter docent tam Philosophi Morales, quam Theologi in præsentis.

Probat

Probatur prima pars conclusionis : Tunc fit electio alicuius medij præ aliis in ordine ad aliquem finem intentum , quando præhabito consilio de diuersis mediis illud iudicatur aliis præferendum , vt pote magis idoneum & commodum , vnde electio dicitur actus deliberatus : ergo electio speciali titulo præsupponit actum rationis seu intellectus præconsilientis ; quamuis enim ad alios actus voluntatis prærequiratur actus intellectus , qui sit cognitio obiecti appetibilis , quia nihil volitum quin præcognitum ; tamen specialis actus intellectus prærequiritur ad electionem , qui propriè dicitur actus rationis , & qui confert media cum fine , & cognita proportionem ac conuenientiam omnium cum fine , vnum iudicatur præ aliis eligendum propter maiorem proportionem & conuenientiam eius cum fine ; qui actus in subiecto discursiuo , qualis est intellectus humanus , est multiplex formaliter , nam importat inquisitionem , consultationem , & iudicium de mediis ; in subiecto verò non discursiuo , qualis est intellectus Angelicus , est vnus tantum formaliter & multiplex virtualiter . Deinde probatur autoritate Aristotelis & Diui Thomæ : Aristoteles libr. 3. Ethicorum cap. 2. & 3. definiens electionem dicit , quòd est actus voluntatis præconsiliatus ; quod idem est ac præsupponens inquisitionem & consilium intellectus circa medium eligendum : D. Thomas autem hic art. 1. probat quòd electio præsupponit actum rationis : vnde inter alia hæc habet ; Manifestum est autem , quòd ratio quodammodo voluntatem præcedit , & ordinat actum eius , in quantum scilicet voluntas in suum obiectum tendit secundum ordinem rationis , eo quòd vis apprehensiuæ appetitiuæ suum obiectum repræsentat .

Probatur secunda pars conclusionis autoritate Aristotelis & D. Thomæ : Aristoteles in adducta definitione electionis dicit , quòd electio est actus voluntatis præconsiliatus , id est præsupponens consilium : quod non esset verum , si non esset actus elicited à voluntate , & consequenter est propriè actus appetitus . D. Thomas autem hic art. 1. sic habet : Et ideo electio substantialiter non est actus rationis , sed voluntatis ; perficitur enim electio in motu quodam animæ ad bonum quod eligitur : vnde manifestè actus est appetitiuæ potentie . Deinde probatur ratione indicata à D. Thoma : Actus aliquis dicitur propriè esse illius potentie , à qua elicited , licet dependeat ab alia superiori imperante vel ordinante ipsum , & ex illo imperio & ordinatione habeat aliquam specificationem accidentalem , vt postea dicitur ; ita vt actus elicited ab aliqua potentia sit essentialiter , substantialiter & realiter seu materialiter vt ait D. Thomas , actus talis potentie ; accidentaliter autem seu formaliter , vt ait D. Thomas , sit actus potentie superioris imperantis & ordinantis ipsum : sed electio elicited

à voluntate , cum obiectum ipsius comprehendatur sub obiecto voluntatis ; constat enim ex vna parte , quòd actus circa aliquod obiectum elicited ab illa potentia , quæ respicit tale obiectum quasi partem sui obiecti adæquati , nam potentia respicit suum obiectum , siue parziale , siue totale & adæquatum mediantibus suis actibus ; Ex alia verò parte etiam constat , quòd obiectum electionis comprehenditur sub obiecto voluntatis , nam obiectum electionis est vtile vt sic appetibile propter finem , vtile autem vt sic est particulare bonum , comprehensum sub bono in communi quod est obiectum voluntatis , bonum enim in communi diuiditur ex D. Thoma . 1. p. q. 5. art. 6. in bonum honestum vtile , & delectabile : ergo electio est propriè actus appetitus .

Probatur tertia pars conclusionis . Tum communi consensu & doctrina Philosophorum Moralium & Theologorum in præfenti . Tum expressa autoritate Aristotelis 3. Ethicorum cap. 2. & D. Thomæ hic art. 2. Tum ratione eiusdem Doctoris Angelici , sic amplius declarata : Electio est acceptio vnus medij præ aliis in ordine ad finem intentum , & sic electio est respectu plurium mediorum , ita tamen quòd supposita inquisitione & consultatione de illis , aut saltem lato iudicio de magis idoneo seu commodo , istud præ aliis eligatur : sed talis actus est solius appetitus intellectualis ; nam appetitus qui regularur immediatè per intellectum , est appetitus intellectualis ; sicut appetitus qui regularur per sensum , est sensitivus ; Constat autem quòd ille appetitus , qui eligit vnum medium præ aliis facta consultatione ipsorum , regularur immediatè per intellectum , quandoquidem talis consultatio fit ex ponderatione proportionis & conuenientie mediorum cum fine , vbi includitur perfecta cognitio finis sub ratione finis & mediorum vt talium , quæ cognitio soli conuenit intellectui , vt dictum est supra ; & ex hac perfecta cognitione mediorum habetur , quòd appetitus intellectualis non sit determinatus ad vnum ex illis naturaliter accipiendum , sed remanet indifferens ad eligendum vel non eligendum , propter iudicium indifferens intellectus , quo licet proponatur vnum medium aptius aliis , tamen proponitur sub indifferentia eligendum , per hoc quòd proponantur alia media quæ etiam possunt eligi , & ita finis non habet necessariam omnino connexionem cum illo iudicato magis idoneo ; & è contra ex imperfecta cognitione sensus appetitus sensitivus est determinatus ad vnum particulare secundum ordinem naturæ : ergo electio est actus solius appetitus intellectualis siue voluntatis , non autem appetitus sensitivi , qui solus est in brutis animalibus ; & propter hoc brutis animalibus electio non conuenit .

Ad primum ergo dicendum , quòd Philosophus in illo loco non opus habebat determina-

re, cuius potentia actus sit electio, an intellectus, an voluntatis; sufficebat enim ad eius intentum, quod esset actus alterius potentia, cum utraque sit principium actus humani, & deberet ibi probare quod electio sit actus humanus: iam tamen lib. 3. cap. 1. & 3. inquirens naturam electionis, ipsamque definiens dixerat expressè, quod erat actus voluntatis præconiliatus, id est præsupponens consilium. Sanctus Gregorius Nissenus dicit electionem esse aliquod compositum ex appetitu & consilio; non quod velit electionem ex his duobus actibus substantialiter componi, cum hoc sit impossibile, aliàs electio non esset ens per se vnum, sed ens per accidens; at ideo dicit electionem esse quid compositum ex appetitu & consilio, quia uterque actus per se requiritur ad electionem, ipsa quippe electio consistit essentialiter in actu appetitus, & necessariò prærequirit actum consilij. Ad illud quod adducitur ex ratione Diui Thomæ, dicendum quod formale illud, quod à potentia superiori deriuatur ad actum potentia inferioris, est accidentale, quædam scilicet specificatio accidentalis; materiale verò illud, quod est in actu ab ipsa potentia inferiori eliciente, est essentialiter actui; & consequenter hoc formale non est principalius in actu quàm materiale, imò è contra; vnde tantum est verum, quod formale est principalius quàm materiale, quando vtrumque est intrinsecum & essentialiter rei.

Ad secundum dicendum, quod bruta non cognoscunt rationem finis, nec habitudinem convenientia mediæ ad finem, ut supra dictum est: vnde falsum est quod ex hac cognitione assumant aliqua media præ aliis proportionata ad finem ab ipsis intentum, quia nec propriè habent finem intentum, nec media propriè electa. Vnde ad omnes illas instantias dicendum, quod animalia bruta mouentur ab Authore nature diuersimodè, secundum vniuscuiusque naturam, ad suos particulares fines per media proportionata; absque tamen collatione mediæ ad fines ab ipsis facta (quam collationem necessariò præsupponit electio) sed & ad media & ad finem in mediis relucemem feruntur impetu nature, tanquam in vnum obiectum adequatum, vnico actu & eodem modo: nec feruntur in media ut vtilia, sed ut simul cum fine sunt delectabilia; Nec obstat, quod in exercitio mediæ sit labor, cum sit commune omni corporeo delectabili habere laborem admixtum, & hic labor est delectabilis propter obiectum delectabile ad quod ordinatur. Ad aliud dicendum, quod in appetitu sensitivo hominis, ut omninò præuenit vsum rationis, id est quando nec directè nec indirectè cadit sub ratione, non est peccatum veniale, ut videtur definitum in Concilio Tridentino Sess. 5. cap. 3. vbi dicitur quod concupiscentia non nocet non consentientibus. Ad

aliud dicendum, quod hic casus est moraliter impossibilis, & valde metaphysicus: sed dato quod possit esse, probabilius dicitur quod tale brutum instinctu nature eiusque Authôris moueretur ad vnum pabulum potius quàm ad aliud, quia tunc Author nature deberet providere & concurrere specialiter ad conseruationem bruti: Alij dicunt quod dato illo casu tale brutum ad nullum ex his pabulis moueretur, sed manens suspensum moreretur fame.

D V B I U M II.

Vtrum Electio sit tantum circa media.

Supponendum est, quod omne appetibile habet rationem vel finem, vel mediæ: ratio finis importat bonitatem honestam aut delectabilem in re appetita; ratio autem mediæ importat bonitatem vtilem & commodam: & inde est quod appetitur finis propter seipsum, medium autem appetitur propter finem; quia honestum & delectabile habent in se & ex se rationem boni, vtile autem habet quidem in se, sed non ex se rationem boni, illam quippe participat à bono honesto vel delectabili ad quod ordinatur; vnde experimur, quod non appetitur vtile ut sic, nisi propter honestatem aut delectabilitatem. Quamuis autem ratio finis & ratio mediæ sic distinguantur & opponantur, sunt tamen compossibiles in eodem obiecto respectu diuersorum: propterea dantur fines intermediæ, qui verè sunt fines respectu posteriorum, ut supra dictum est: vnde solum primum medium excludit rationem finis, & solus vltimus finis excludit rationem mediæ; simpliciter quidem, si sit vltimus finis simpliciter & absolutè, qualis est beatitudo & bonum in communi, & Deus clarè visus in particulari, propterea non potest ordinari ad aliud, alioquin illud aliud esset vltior finis; secundum quid autem, si sit vltimus finis secundum quid tantum seu in aliquo ordine, propterea intra ealem ordinem non potest ad aliud ordinari, quamuis absolutè & extra ealem ordinem possit ad aliud ordinari. Querimus ergo in præsentia: Vtrum electio sit tantum circa media.

Prima opinio asserit, quod electio non solum est circa media, sed etiam circa finem. Probatur autoritate Aristotelis & D. Thomæ: Aristoteles. 1. Ethicorum dicit nos eligere esse felices; constat autem quod felicitas seu beatitudo non solum est finis, sed etiam vltimus finis. D. Thomas infra q. 66. art. 3. ad 3. dicit quod prudentia præstituit finem virtutibus moralibus: constat autem id quod pertinet ad prudentiam, pertinere ad electionem: ergo electio non solum est circa media, sed etiam circa finem: maximè, quia potest eligi Deus, qui est vltimus finis; Dicitur enim Deuteronomij 16. Elegisti Dominum Deum

Deum tuum. Et Aug. dicit in hoc esse peruerſitatem humanam, vti ſcilicet fruendis, & frui vtendis: Si vſus eſt de fruendis quæ ſunt vltimus finis, etiam de illis erit electio.

Secundò, Media eliguntur propter finem, vt communiter conceditur: ergo finis ipſe magis eligitur, quia vt dicitur in. 1. Poſteriorum, Propter quod vnumquodque tale, & illud magis; & ita electio non ſolum eſt circa media, ſed etiam circa finem: Imò hoc experimur, nam propoſitis duobus bonis, ſcilicet honeſto & delectabili, quæ duo bona habent tantum rationem finis, vnum eligitur præ alio.

Tertiò, Si quid ſuaderet, electionem eſſe ſolum circa media, maxime ratio D. Thomæ, quia ſcilicet media ſolum poſſunt eſſe conclusio ſyllogiſmi practici: Sed hæc ratio deficit; Tum quia etiam finis intermedius poteſt eſſe conclusio ſyllogiſmi practici; Tum quia alias ſequeretur quòd in Angelis non eſſet electio, cum enim abſolute & ſimpliciter non ſint diſcurſiui, ſicut non formant ſyllogiſmos ſpeculatiuos, ſic nec formant practicos; & tamen conſtat ex communi ſententia, quòd in Angelis eſt electio: ergo electio non ſolum eſt circa media, ſed etiam circa finem.

CONCLUSIO.

RESPONDEO dicendum, quòd electio proprie dicta eſt ſolum circa media 2. poſſibilia ipſi eligenti 3. & ab ipſo exercenda. 4. Vnde vltimus finis etiam materialiter conſideratus, non poteſt eſſe obiectum electionis proprie dictæ. Ita communiter Philoſophi Morales & Theologi.

Probatur prima pars conclusionis authoritate Ariſtotelis & D. Thomæ. Philoſophus 3. Ethic. cap. 2. ſic ait: Voluntas finis magis eſt; electio verò eorum, quæ ad finem ſpectant. Vt, ſani eſſe volumus: eligimus verò ea, quibus ſani eſſe valeamus. Felices quoque eſſe volumus, atque ita dicimus: dicere verò, eligimus felices eſſe, minimè conuenit. D. Thomas autem hic art. 3. ex profeſſo probat, quòd electio ſit ſolum eorum quæ ſunt ad finem, id eſt mediorum. Deinde probatur ratione Ariſtotelis loco citato: Electio eſt finis conſilij, ſiue eſt actus voluntatis conſequens conſilium, & propterea definitur quòd ſit actus voluntatis præconſiliatus; & conſequenter debet eſſe de illis ſolum, de quibus eſt conſilium proprie dictum: ſed conſilium proprie dictum verſatur ſolum circa media, & non circa finem; quod conſtat ex eo quòd de vltimo fine ſcilicet beatitudine (qui non poteſt habere rationem medij) non eſt conſilium, nullus enim conſilium ſumit, an debeat appetere beatitudinem: ergo electio proprie dicta eſt ſolum circa media. Denique probatur ratione D. Thomæ, quæ eſt maior explicatio præcedentis, & ſic proponitur hic art. 3. Electio conſequitur ſententiam vel iudicium, quòd eſt ſicut conclusio ſyllogiſmi operatiui: vnde illud cadit ſub electione,

quod ſe habet vt conclusio in ſyllogiſmo operabilem: finis autem in operabilibus ſe habet vt principium, & non vt conclusio, vt Philoſophus dicit in 2. Phyſicor. vnde finis in quantum eſt huiusmodi, non cadit ſub electione. Quæ ratio ſic amplius declaratur: Electio in practicis ſe habet vt ſcientia in ſpeculatiuis, quia intentio finis ſe habet in practicis vt cognitio principiorum in ſpeculatiuis, vt ſæpe docet Philoſophus & communiter conceditur; cuius ratio eſt, quia ſicut veritas conclusionis dependet à veritate principiorum quaſi ab ipſa participata, & in ipſa radicata, vnde veritas principiorum eſt regula ac meſura veritatis conclusionis; ſic bonitas mediorum dependet à bonitate finis, quaſi ab ipſa participata, & in ipſa radicata, vnde bonitas finis eſt regula ac meſura bonitatis mediorum ergo ſicut ſcientia eſt ſolum circa conclusionem ſyllogiſmi ſpeculatiui, ſic electio eſt ſolum circa conclusionem ſyllogiſmi practici; conſtat autem quòd media ſunt conclusio ſyllogiſmi practici, cuius principium eſt finis, ex ipſa quippe intentione finis procedimus ad inquirenda media per conſilium in practicis; ſicut in ſpeculatiuis ex intelligentia principiorum procedimus ad deducendas conclusiones.

Probatur ſecunda pars conclusionis. Tum expreſſa authoritate Ariſtotelis 3. Ethicorum cap. 2. vbi dicit quòd electio non eſt impoſſibile: & Diui Thomæ hic art. 5. vbi probat ex profeſſo, quòd electio ſit ſolum poſſibile. Tum multiplice ratione eiſdem Angelici Doctoris: nam electio eſt ſolum eorum, quæ per nos aguntur; ac proinde poſſibile: Deinde quòd eligitur, aſſumitur tanquam medium in ordine ad conſequendum finem; ac proinde debet eſſe, aut ſaltem apprehendi vt poſſibile, quia per id quòd eſt impoſſibile, nullus poteſt conſequi finem: Denique electio eſt de conclusione ſyllogiſmi practici, cuius principium eſt finis intentus, qui proinde iudicatur vt poſſibilis; cum enim intentio ſit ſemper efficax & in ordine ad operationem, per quòd differt à ſimplici volitione & velleitate, neceſſariò debet eſſe de re poſſibili & conſequibili per operationem: ergo cum ex principio poſſibili non poſſit ſequi conclusio impoſſibilis, ſicut nec ex principio vero conclusio falſa; neceſſe eſt quòd media, quæ ſunt conclusio ſyllogiſmi practici, ſint poſſibilia ipſi eligenti, Quòd confirmat à poſteriori Diuus Thomas dicens: Cuius ſignum eſt, quia cum in conſiliando perueniunt homines ad id quòd eſt eis impoſſibile, diſcedunt quaſi non valentes vltèrius procedere.

Probatur tertia pars conclusionis. Tum expreſſa authoritate Ariſtotelis & D. Thomæ: Ariſtoteles 3. Ethicor. cap. 2. dicit quòd nullus eligit niſi ea, quæ exiſtimat fieri per ipſum: D. Thomas hic art. 4. ex profeſſo probat, quòd electio ſit tantum eorum quæ per nos aguntur. Tum ra-

tione eiusdem Angelici Doctoris, quæ sic proponitur: Non minus debet subiacere nostræ potestati, ac subesse actioni & causalitati medium quam finis, cum finis non sit consequibilis nisi per medium: sed finis subest actioni & causalitati nostræ, nam aliquando est ipsamet actio nostræ, quando verò est res aliqua, tunc necesse est, quòd aliqua humana actio interueniat, vel in quantum homo facit rem illam quæ est finis, vel in quantum homo aliquo modo vitur vel fruitur re quæ est finis: ergo medium subest actioni & causalitati nostræ, & consequenter electio est circa media ab ipso eligente exercenda.

Probatur quarta pars conclusionis expressa autoritate D. Thomæ hic art. 3. vbi sic ait: Sed sicut in speculatiuis nihil prohibet id quod est vnius demonstrationis vel scientiæ principium, esse conclusionem alterius demonstrationis vel scientiæ: primum tamen principium indemonstrabile non potest esse conclusio alicuius demonstrationis vel scientiæ: ita etiam contingit id quod est in vna operatione vt finis, ordinari ad aliquid vt ad finem; & hoc modo sub electione cadit, sicut in operatione medici sanitas se habet vt finis, vnde hoc non cadit sub electione medici, sed hoc supponit tanquam principium: sed sanitas corporis ordinatur ad bonum animæ; vnde apud eum qui habet curam de animæ salute, potest sub electione cadere esse sanum, vel esse infirmum, nam Apostolus dicit 2. ad Cor. 12. Cum enim infirmor, tunc sum potens: sed vltimus finis nullo modo sub electione cadit. Deinde probatur ratione ex his deducta: Electio propriè dicta non est circa finem, at circa ea quæ sunt ad finem scilicet media ordinata ad finem, vt probatum est prima parte conclusionis: sed vltimus finis, etiam materialiter consideratus, non potest ordinari ad vltiorem finem; commune quippe est omni fini, quòd vt finis formaliter & reduplicatiuè non ordinetur ad aliud, at terminet ordinationem alterius; proprium verò est vltimo fini, quòd nec materialiter & specificatiuè ordinetur ad aliud, at terminet ordinationem omnium aliorum; quod ita est verum, vltimum finem materialiter & specificatiuè seu vt res quædam est, non ordinari ad aliud, vt hoc sit non solum ex natura rei, sed etiam quoad affectum nostrum, cum non possimus apprehendere vltimum finem seu beatitudinem in communi, nec Deum si perfectè cognoscatur (vt cognoscitur in patria) sub ratione mediij, at necessariò debent cognosci sub ratione finis: ergo vltimus finis etiam materialiter consideratus, non potest esse obiectum electionis propriè dictæ.

Ad primum ergo dicendum, quòd Aristoteles in illo loco loquitur de electione latè sumpta, quæ est acceptio vnius præ alijs, siue hoc sit in finibus, siue in medijs: Quod autem hæc sit mens Aristotelis, patet ex dictis in prima parte con-

clusionis, nam lib. 3. Ethicor. cap. 1. ait: *Felices quoque esse volumus, atque ita dicimus: dicere verò, eligimus felices esse, minimè conuenit.* Ad illud D. Thomæ dicendum, quòd prudentia ex eo dicitur præstituiere finem virtutibus moralibus, non quod versetur circa fines virtutum moralium vt sic (versatur enim circa media, & non circa fines, vt expressè docet D. Thomas infra q. 47. art. 6.) sed quia in particulari dicat quid sit faciendum in exercitio virtutum moralium: non enim prudentia dicat v.g. quòd sit temperatè viuendum, hoc enim dicat lumen rationis, sed prudentia dicat quantum cibi & potus sit sumendum in exercitio virtutis temperantiæ; & hoc se habet vt medium in ordine ad finem talis virtutis. Ad illud quod subditur ex sacra Scriptura, dicendum quòd ibi eligere sumitur lato modo vt dictum est circa auctoritatem Aristotelis. Augustinus autem loquitur quantum ad affectum, non quidem formalem, sed interpretatiuum ipsius peccatoris; per hoc enim, quòd peccator adhæret creaturæ non seruato ordine ad vltimum finem, interpretatiuè ipsi adhæret vt vltimo fini, & consequenter fruitur ipsa: & cum non sit nisi vnus vltimus finis, interpretatiuè censetur ad illam creaturam cætera omnia, etiam ipsum Deum ordinare; & sic interpretatiuè vitur Deo fruendo, & fruitur illa creatura vtenda.

Ad secundum dicendum, quòd illud axioma est tantum verum, quando id in quo fit comparatio, est commune extremis comparatis; sicut medium amatur propter finem, & consequenter magis amatur finis quam medium, quia amari conuenit tam fini quam medio: eligi autem propriè non conuenit fini, sed tantum medijs; vnde non sequitur, quòd si media eligantur propter finem, quòd finis ipse magis eligatur. Ad illud quod subditur, dicendum ex D. Thoma hic art. 3. ad 2. quòd vltimus finis est vnus tantum: vnde vbicunque occurrunt plures fines, inter eos potest esse electio, secundum quod ordinantur ad vltimum finem. Igitur quando proponuntur duo bona, vnum honestum, & aliud delectabile, statim occurrit intentio vltimi finis scilicet beatitudinis, saltem in communi, & in ordine ad ipsum eligitur vnum ex illis bonis præ alio, ac proinde non vt finis, sed vt medium ad finem vltimum; quamuis materialiter & specificatiuè eligatur finis intermedius, siue id quod aliàs est finis respectu anteriorum.

Ad tertium dicendum, quòd ratio D. Thomæ est optima, vt constat ex dictis. Vnde ad primam eius impugnationem dicendum, quòd quidem finis intermedius potest esse conclusio syllogismi practici; sed tamen sub ratione mediij quam habet in ordine ad vltiorem finem, & non sub ratione finis quam habet in ordine ad anteriora. Ad secundam impugnationem dicendum, quòd ratio D. Thom. principaliter procedit in

in ordine ad nos, qui sumus propriè & formaliter discursui: potest tamen extendi ad Angelos, qui sunt virtualiter discursui discursu proprio; vnde iudicium tam speculatiuum, quàm practicum ipsorum est virtualis syllogismus.

D V B I U M III.

Utrum propositis duobus mediis, possit quodlibet eligi, etiam minus utile.

Supponendum est, ex dictis, quòd postquam voluntas habet intentionem finis; statim intellectus procedit ex vi præcedentis illius intentionis, quæ est actus efficax, ad inquisitionem mediorum proportionatorum ad consequendum illum finem; & ad consultationem de illis, quænam sint magis vel minus proportionata, facta verò consultatione profert iudicium & sententiam de omnibus illis; & iuxta hoc iudicium proponit prædicta media voluntati, quibus consentit voluntas, & ordinariè eligit magis proportionata; & in hoc conueniunt Authores; differunt tamen in determinando, utrum propositis duobus aut pluribus mediis æquè utilibus, possit voluntas eligere quodlibet ex ipsis; & etiam ex pluribus inæqualiter utilibus possit eligere minus utile. Ad cuius euidenciam sciendum est, quòd voluntas potest intendere finem duobus modis: Primo ut absolute & quomodocunque consequibilem: secundo ut consequibilem meliori modo quo consequi potest.

Prima opinio Conradj in præsentī circa art. 6. Vasquis disp. 43. cap. 2. & aliorum asserit, quòd voluntas ex duobus mediis æquè utilibus nullum eliget, & ex duobus inæqualiter utilibus non potest eligere minus utile. Probatur autoritate Sanctorum Patrum. Augustinus lib. 3. de libero Arbitrio cap. 7. probat ex professo, neminem posse eligere non esse, quia esse quantumvis cum miseria melius est, quàm nullo modo esse. Damascenus lib. 2. de Fide cap. 22. dicit quòd iudicium intellectus semper est de meliori bono, & post iudicium sequitur affectio amplectens id quod iudicatum est. Gregorius Nissenus lib. 3. Philosophiæ cap. 4. definiens eligibile dicit esse id; quod consilio præiudicatum est. Anselmus Dialogo de Vnitate cap. 16. docet omnem voluntatem electiuam habere quod & cur: & tamen non haberet cur, si non semper eligeret maius bonum. Et tandem D. Thomas hic art. 6. ad 3. sic ait: Nihil prohibet, si aliqua duo æqualia proponantur secundum vnā considerationem, quin circa alterum consideretur aliqua conditio, per quam emineat; & magis flectatur voluntas in ipsum quàm in aliud: vnde D. Thomas requirit ad electionem vnus præ alio, quòd in eligendo appareat maior bonitas.

Secundò, probatur triplici autoritate Ari-

stotelis. Prima habetur 3. Ethicorum cap. 3. vbi dicit: Idem esse eligibile à voluntate, quod ex consultatione cæteris præfertur. Secunda habetur libr. 2. de Cælo cap. 13. vbi dicit, quòd brutum famelicum propositis æquè duobus pabulis æqualibus quoad omnia, non accessurum potius ad vnum quàm ad aliud: idem autem videtur esse de voluntate propositis duobus mediis æqualibus. Tertia habetur lib. 3. de Anima cap. 11. vbi dicit quòd in parte deliberatiua est quædam regula, qua regulantur & mensurantur omnes & singulæ rationes bonitatis, quæ in rebus agendis reperiuntur; & quòd voluntas sequitur id quod hac regula iudicatur maius: Quæ omnia probant, voluntatem non posse assumere vnum ex duobus mediis æqualibus, & multò minus non posse assumere medium minus utile.

Tertiò, Si voluntas propositis duobus mediis æqualibus posset quodlibet eligere, vel etiam minus utile, sequerentur plura inconuenientia. Primum est, quòd consultatio de maiori & minori utilitate mediorum esset frustra. Secundum est, quòd voluntas possit velle malum vt sic, nam minus bonum quod eligeret, haberet rationem mali scilicet priuationem maioris boni. Tertium est, quòd esset peccatum absque vllò errore, si voluntas eligeret minus bonum cum aduertentia, in quo esset peccatum: & tamen communiter conceditur, quòd omnis peccans est ignorans. Quartum tandem est, quòd colligeretur voluntatem non esse naturaliter determinatam ad bonum, si possit respuere maius bonum, & eligere minus: nam si naturaliter esset determinata ad bonum, esset etiam determinata ad maius bonum.

C O N C L U S I O.

RESPONDEO dicendum, quòd propositis duobus mediis æquè utilibus, potest voluntas pro sua libertate quodlibet eligere. 1. imò propositis duobus inæqualiter utilibus, potest eligere minus utile. 3. nisi intendat consequi finem meliori modo, quo potest consequi. Ita docent Medina hic artic. 6. Cornejo tractatu 5. disp. 4. dub. 4. Suares disp. 19. Metaph. q. 6. Valentia hic disp. 2. q. 8. puncto 3. & alij.

Probatur prima & secunda pars conclusionis, (eadem quippe est de ratio vtriusque) autoritate Philosophi & Sanctorum Patrum. Philosophus. 3. Ethicorum cap. 2. dicit quosdam opinari quod melius est, & tamen ob malitiam illud non eligere, vt constat de incontinenti. D. Augustinus lib. 12. de Ciuitate Dei cap. 6. dicit quòd idem obiectum æqualiter propositum duobus æqualiter dispositis tam intrinsecè, quàm extrinsecè, potest ab vno appeti, & ab alio respu: ergo etiam ex paritate rationis, propositis duobus mediis æquè utilibus potest voluntas quodlibet ex ipsis eligere. S. Bernadus Opusc. de Gratia & Libero Arbitrio docet tantam esse voluntatis li-

bertatem, quòd possit appetere aliquid contra consilium & iudicium rationis. Notandum tamen pro illorum, quæ in hoc dubio dicuntur, intelligentia; quòd non dubitamus, quin voluntas semper eligat id quod iudicatur melius hic & nunc iudicio practico, vt supra dictum est; sed dicimus quòd voluntas potest eligere ex duobus mediis æquè vtilibus, & vt talibus propositis iudicio speculatiuo, quodlibet pro sua libertate; imò ex duobus inæqualibus eligere minus vtile, vnde tunc iudicat melius esse ad ostendendam suam libertatem, & ad complacendum sibi in tali ostensione libertatis, eligere etiam minus vtile medium. Deinde probatur ratione, quam adducit D. Thomas hic art. 6. his verbis: In omnibus particularibus bonis potest (scilicet intellectus) considerare rationem boni alicuius, & defectum alicuius boni, quod habet rationem mali: & secundum hoc potest vnumquodque huiusmodi bonum apprehendere, vt eligibile vel fugibile: solum autem perfectum bonum, quod est beatitudo, non potest ratio apprehendere sub ratione mali, aut alicuius defectus: & ideo ex necessitate beatitudinem homo vult, nec potest velle non esse beatus aut miser: electio autem, cum non sit de fine, sed de his quæ sunt ad finem, vt iam dictum est, non est perfecti boni quod est beatitudo, sed aliorum particularium bonorum: & ideo homo non ex necessitate, sed liberè eligit. Quæ ratio sic amplius declaratur: Electio est tantum de bonis particularibus, quæ sunt omnia media de quibus est tantum electio: quodlibet autem bonum particulare, propter limitatam suam bonitatem potest appeti vel respui, si non habeat necessariam connexionem cum bono in communi, appeti quidem propter bonitatem quam habet, respui verò propter defectum maioris bonitatis, qui est quoddam malum: & ita quando sunt plura media non subordinata respectu alicuius finis, ex vna parte nullum ipsorum habet necessariam connexionem cum tali fine, potest enim per quodlibet medium ex illis acquiri finis, quamuis forte non tam benè; ex alia verò parte quodlibet ipsorum habet limitatam bonitatem, & proponitur cum tali limitatione: ergo voluntas potest quodlibet ipsorum, siue æqualiter, siue minus vtile eligere & respuere. Quod confirmatur ex eo quòd si proponantur duo bona sub ratione finis, potest ob rationem dictam voluntas eligere siue accipere æqualiter bonum, & etiam minus bonum, absolutè loquendo: ergo similiter si proponantur duo bona sub ratione medij, potest ob eandem rationem eligere æqualiter vtile, & etiam minus vtile, absolutè loquendo; non enim ratio finis & ratio medij quantum ad hoc, aliquid facit vel obstat, cum supponatur finis posse acquiri per alterutrum ex illis mediis, licet non æquè bene, & voluntas tantum intendat acquirere finem, & non me-

liori modo quo potest acquiri; & aliunde voluntas non sit determinata naturaliter nisi ad summum bonum & ad ea quæ habent necessariam connexionem cum illo, & sine quibus illud haberi non potest; propter quod eminet supra appetitum naturalem & appetitum sensitivum, hi quippe appetitus sunt naturaliter determinati ad maius bonum ipsius subiecti; & ita voluntas manet indifferens circa bona particularia, ac domina suorum actuum circa illa, & consequenter potest exercere vel suspendere actum in ordine ad quod voluerit, ad manifestandam suam libertatem, & ad complacendum sibi in tali manifestatione libertatis: Et propterea Philosophus lib. 2. Magnorum Numerabilium cap. 6. dicit: Si quis roget, quare hoc modo agere placeat: Respondetur, quia placet, Quibus indicat Philosophus non esse inquirendam aliam rationem in acceptione vnius boni etiam minoris præ alio maiori, vel vnius æqualis præ alio, quam propriam voluntatis libertatem. Denique probatur alia ratione: Voluntas diuina ex duobus mediis potest eligere æqualiter vtile, & etiam minus vtile; imò hoc fecit in ordine ad creationem mundi: assumpsit enim Deus mundum creatum, tanquam medium ad manifestandas creaturas suas diuinas perfectiones; & tamen docet D. Thomas 1. p. q. 25. art. 6. & cum eo communiter Theologi, quòd Deus non produxit mundum perfectissimum quoad singulas creaturas, sed potuit creare multò perfectiorem: ergo etiam voluntas creata, cum non magis inclinet ad bonum, imò minus quam diuina; ex duobus mediis potest eligere æqualiter vtile, & etiam minus vtile. Nec potest assignari disparitas ex eo quòd voluntas diuina est infinita & eligit absque indigentia, quæ duo non conueniunt voluntati create: Nam hæc se habent per accidens ad præsens intentum: nam D. Augustinus lib. 1. de Genesi contra Manichæos cap. 2. refert ad solam diuinam libertatem, quòd Deus creauerit hunc mundum, & in hoc tempore potius quam in alio; & in his comparat diuinam voluntatem cum create: vnde ait: Qui ergo dixerit, quare Deus fecerit cælum & terram, &c. Respondendum est, quia voluit: Non ergo fecit Deus mundum in hoc instanti, quia erat hoc melius, sed quia voluit: Et paulò ante dixerat; Vt prius quam hoc inquirent, discant vim voluntatis humanæ: Et consequenter quantum ad præsens, differentia assignata ex infinitate diuinæ voluntatis, est omnino per accidens; maxime quia si esset infinita, & non libera, ex hoc potius esset determinata ad maius bonum assumendum: & similiter differentia assignata, ex hoc quòd diuina voluntas eligit absque indigentia propria est omnino per accidens; nam etiam voluntas creata potest eligere aliquid ex mera libertate, & absque propria indigentia, propter bonum amici.

Probatur

Probat^{ur} tertia pars conclusionis. Quamvis ordinariè finis intendatur ut consequibilis meliori modo quo potest, propter quod dicitur communiter, quod voluntas est determinata ad eligendum media magis utilia; non tamen hoc est ita infallibile, quin voluntas possit intendere finem absolute & utcumque consequibilem, & consequenter eligere media etiam minus utilia ad illum consequendum, ut dictum est in prima & secunda parte conclusionis. Dicimus ergo in presenti, quod quando voluntas intendit consequi finem meliori modo quo potest consequi, tunc propositis duobus mediis inæqualiter utilibus, non potest eligere minus utile, sed necessariò debet eligere magis utile: cuius ratio est, quia ex una parte, finis non est consequibilis meliori modo nisi per media meliora seu magis utilia; ex alia verò parte, iuxta intentionem finis, necessitatur, ex suppositione talis intentionis, voluntas ad eligenda media: propositis autem duobus mediis æquè utilibus, supposita prædicta intentione, voluntas de novo applicat intellectum ad inquirendum an sit aliud medium utilius; quod si non occurrat, potest voluntas ex illis duobus eligere quod voluerit, iuxta dicta in prima & secunda parte conclusionis.

A d primum ergo dicendum, quod ibi Augustinus loquitur de voluntate ordinata ritè eligente, quæ semper eligit quod melius est. Damascenus autem & Gregorius Nissenus loquuntur, iuxta illud quod ordinariè contingit, quod scilicet voluntas sequitur iudicium intellectus de meliori bono & utiliori medio; non autem loquuntur iuxta illud quod contingere potest. Anselmus verò tantum vult, quod voluntas electiva habet obiectum, importatum per *ly Quod*, & finem prius intentum, importatum per *ly cur*. Quantum ad authoritatem D. Thomæ, dicendum cum Caietano ibidem quod Angelicus Doctor non contendebat inuestigare aut determinare, an voluntas posset vel non posset eligere æquale vel minus bonum, sed solum volebat satisfacere argumento proposito, & ostendere electionem esse liberam adhuc in illis casibus, ad quod satis erat quod voluntas possit mouere intellectum ad inuestigandam aliam rationem maioris bonitatis, & conuenientiæ in medio æqualiter aut minus utili; non curando an etiam electio esset libera, ex eo quod possit voluntas eligere æquale aut minus bonum, relicto maiori: unde hæc authoritas non est contraria doctrinæ nostræ; imò illi fauet, si per conditionem quæ consideratur circa alterum duorum æqualium intelligatur manifestatio propriæ voluntatis; & aliunde doctrina D. Thomæ in corpore articuli tradita pro nobis est, ut constat ex dictis.

A d secundum dicendum, quod Aristoteles in primo loco loquitur secundum illud quod ordinariè contingit, & non secundum illud quod debet semper & necessariò contingere. In se-

cundo autem loco, quamvis sit verum id quod dicit, non tamen facit contra nos, propter differentiam quæ est inter appetitum sensitivum & appetitum intellectuale; ille quippe non habet dominium suorum actuum, sed determinatur totaliter ab obiecto; unde semper & necessariò appetit maius bonum, & quantum est in se manebit suspensus inter bona æqualia æqualiter proposita: iste verò appetitus scilicet voluntas, ut pote libera & habens dominium suorum actuum, potest se determinare circa bona particularia ut voluerit, eligendo alterutrum ex bonis æqualibus, vel etiam eligendo minus bonum. In tertio tandem loco loquitur ut in primo, secundum illud quod ordinariè contingit, & non secundum illud quod debet semper & necessariò contingere. Quod autem hæc sit mens Aristotelis: patet tum ex eo quod paulò inferius dicit, quod voluntas aliquando relicto iudicio & regula rectæ rationis, trahatur ab appetitu sensitivo ad eligendum quodlibet; Tum quia cap. 2. eiusdem libri dixerat quosdam opinari quod melius est, & tamen ob malitiam illud non eligere.

A d tertium dicendum, quod nullum tale sequitur inconueniens. Non primum: quia illa consultatio ut plurimum habet suum effectum, cum ordinariè voluntas illam sequatur; & sufficit quod voluntas possit illam sequi, ut non dicatur esse frustra. Nec sequitur secundum: quia voluntas dum eligit minus bonum, minoritas illa quæ est in bono, & importat defectum boni & rationem mali, non est voluntati ratio eligendi; sed talis ratio est bonitas rei licet minor coniuncta manifestationi propriæ libertatis; & ita voluntas tunc non vult malum ut sic, imò nec velle potest: dum autem eligit minus bonum, respuit aliquando formaliter, & aliquando tantum virtualiter, maius bonum quod se tenet ex parte obiecti; quamvis hic & nunc minus bonum quod se tenet ex parte obiecti, ut coniunctum manifestationi libertatis; iudicetur quid melius, quam maius bonum quod se tenet ex parte obiecti, præcisum à tali manifestatione. Nec sequitur tertium; quia non semper est peccatum, dum eligitur minus bonum, sed tantum dum eligitur contra aliquam legem: in omni autem peccato reperitur aliquis error, vel iudicii speculatiui, vel saltem iudicii practici, ut dicitur in materia de Peccatis. Nec tandem sequitur quartum: quia ex dictis solum colligitur, voluntatem non esse naturaliter determinatam ad bona particularia & limitata, quia quodlibet ipsorum potest respuere; non autem colligitur, quod non sit naturaliter determinata ad bonum ut sic in communi, siue ad summum bonum quod est beatitudo. Igitur ratio adæquata cur voluntas eligat medium minus utile, relicto magis utili: est quia ex una parte supponitur ipsam intendere finem utcumque consequibilem, & posse consequi

consequi medio minus utili: ex alia verò parte exercitium medij minus utilis coniunctum manifestationi libertatis iudicatur quid melius & maius bonum, quàm exercitium medij magis utilis præcisa tali manifestatione.

D V B I V M I V.

Vtrum Supposita efficaci intentione finis, ubi est vnicum medium, voluntas sit necessitata ad illud eligendum.

Supponendum est, quòd fieri potest ut in ordine ad aliquem finem consequendum, occurrat vnicum tantum medium, ut sæpe in nobis experimur: imò potest fieri quòd & de facto & de possibili sit vnicum medium in ordine ad aliquem finem; ut potest confirmari ex mysterio Incarnationis, supposito enim quòd Deus voluerit sibi satisfieri ex toto rigore iustitiæ pro iniuria sibi facta per peccatum, non fuit possibile aliud medium, quàm incarnatio alicuius diuinæ Personæ, ut probatur in Tractatu de Incarnatione. Querimus igitur in præsentī, quando ex vna parte voluntas habet efficacem intentionem finis; & ex alia parte vel est, vel occurrit vnicum medium ad talem finem consequendum, Vtrum voluntas sit necessitata ad illud eligendum, aut maneat libera circa illud. Ad cuius euidentiā sciendum est, quòd intentio propriè loquendo est actus circa finem consequibilem per media, ut dictum est Disputatione præcedenti, vnde semper dicit ordinem ad executionem; & consequenter volitio finis absque prædicto ordine non est intentio propriè dicta: Ex quo patet, quòd quantum est ex parte ipsius intentionis, omnis intentio est efficax, sed diuersimodè, aliquando enim eius efficacia pertingit vsque ad consecutionem finis, aliquando autem sistit in hoc quod ex vi illius inquirantur & consultantur media; potest enim fieri, quòd propter difficultatem apparentem in exercitio mediorum, vel medij si sit vnicum, voluntas desistat à prosecutione finis intenti, ut contingit in infirmo, qui prius efficaciter intendit sanitatem, & ex vi illius intentionis inquit media, sed postquam aduertit ad obtinendam sanitatem opus esse abscissione alicuius membri, ita abhorret hoc medium, ut desistat à præensione sanitatis, & malit mori quàm hoc medium exequi. In præsentī igitur dubio loquimur de intentione finis efficaci primo modo, quando scilicet pertingit vsque ad consecutionem finis: Vtrum scilicet supposita tali intentione, ubi est vnicum medium, voluntas sit necessitata ad illud eligendum.

Prima opinio, quæ attribuitur Nominalibus, asserit quòd supposita efficaci intentione finis, ubi est vnicum medium, voluntas nullo modo est necessitata ad illud eligendum. Probatur: De ra-

tione electionis est libertas, saltem ut importat indifferentiam contradictionis; & propterea non conuenit brutis eligere quia carent hac indifferentia, & sunt determinata & necessitata ad vnum assumendum: sed quando est vnicum medium, si supposita efficaci intentione finis, voluntas sit necessitata ad illud eligendum, non est libera ut libertas importat indifferentiam contradictionis, ut constat ex ipsis terminis: ergo tunc non est verè electio, & ita est contradictio in terminis dicere quòd voluntas sit necessitata tunc eligere illud vnicum medium.

Secundò, Ad meritum requiritur libertas, sicut & ad demeritum, ut communiter conceditur; vnde dicitur quòd naturalibus & necessariis nec meremur, nec demeremur: sed supposita efficaci intentione finis, dum eligitur illud, vnicum medium, est ordinariè meritum aut demeritum: ergo voluntas non est necessitata ad illud eligendum, at manet libera.

C O N C L V S I O.

R E S P O N D E O dicendum, quòd supposita efficaci intentione finis, ubi est vnicum medium, voluntas est necessitata etiam quoad exercitium ad illud eligendum. 1. non necessitate simpliciter tali & absoluta: sed necessitate secundum quid & ex suppositione. Ita communiter tum Discipuli D. Thomæ, tum alij Theologi in præsentī.

Probatur prima pars conclusionis auctoritate D. Thomæ, qui supra q. 10. art. 2. ad 3. dicit quòd necessariò volumus illa, sine quibus vltimus finis haberi non potest, ex eo quod efficaciter & necessariò volumus vltimum finem: ait enim Finis vltimus ex necessitate mouet voluntatem, quia est bonum perfectum: & similiter illa quæ ordinantur ad hunc finem, sine quibus finis haberi non potest, sicut esse, & viuere, & huiusmodi: Alia verò sine quibus finis haberi potest, non ex necessitate vult qui vult finem, sicut conclusiones, sine quibus principia possunt esse vera, non ex necessitate credit, qui principia credit: Ex quibus manifestè colligitur nostra conclusio; siue enim plura sint media, sine quibus finis haberi non potest; siue sit vnicum, sine quo finis intentus haberi non potest, supposita ac perseuerante efficaci intentione ipsius finis, necesse est ex tali suppositione, quòd illud vnicum medium eligatur seu assumatur in ordine ad finem consequendum. Deinde probatur ratione: Quamuis illud medium secundum se consideratum possit habere rationem mali seu ardui & difficilis, propter quam ut sic absolute possit respui; tamen ut substat efficaci intentioni finis, superatur hæc difficultas, & remouetur ratio mali, ac proponitur ut valde bonum. & utile, ac ut omninò executioni mandandum: ergo cum voluntas sequatur iudicium, & maxime practicum intellectus, est necessitata ex tali suppositione ad illud medium eligendum. Denique probatur alia

betur, non erit consilium de fine, sed de eo quod est ad finem.
 A d secundum dicendum, quod de operationibus est consilium inquantum ordinantur ad aliquem finem. Unde si aliqua operatio humana sit finis, de ea inquantum huiusmodi, non est consilium.

ARTICVLVS III.

Utrum consilium sit solum de his, quae a nobis aguntur.

83; **A D TERTIUM** sic proceditur. Videtur, quod consilium non sit solum de his, quae aguntur a nobis: consilium enim collationem quandam importat; sed collatio inter multos potest fieri etiam de rebus immobilibus, quae non sunt a nobis, puta de naturis rerum, ergo consilium non solum est de his, quae aguntur a nobis.

¶ **Præterea**, Homines interdum consilia quaerunt de his, quae sunt lege statuta, unde & iurisperiti dicuntur: & tamen eorum qui quaerunt huiusmodi consilium, non est leges facere, ergo consilium non solum est de his, quae a nobis aguntur.

¶ **Præterea**, Dicuntur etiam quidam consultationes facere de futuris eventibus, qui tamen non sunt in potestate nostra, ergo consilium non solum est de his, quae a nobis sunt.

¶ **Præterea**, Si consilium esset solum de his, quae a nobis sunt, nullus consiliaretur de his, quae sunt per alium agenda: sed hoc patet esse falsum, ergo consilium non solum est de his, quae a nobis sunt.

¶ **Ad contra est**, quod Gregor. Nissenus dicit. Consiliatur de his, quae sunt in nobis, & per nos fieri possunt.

CONCLUSIO.

Consilium cum proprie collationem inter plures de particularibus contingentibus, quae a nobis sunt, vel fieri possunt, denotet, proprie etiam circa ea est, quae a nobis finis gratia aguntur.

Respondendo dicendum, quod consilium proprie importat collationem inter plures habitam: quod & ipsum nomen designat: dicitur enim consilium quasi confidum, eo quod multi confident ad simul conferendum. Est autem considerandum, quod in particularibus contingentibus ad hoc quod aliquid certum cognoscatur, plures conditiones, seu circumstantias considerare oportet, quas ab uno non facile est considerare, sed a pluribus certius percipiuntur: dum quod unus considerat, alij non occurrat. In necessariis autem & vniuersalibus est absolutior & simplicior consideratio, ita quod magis ad huiusmodi considerationem unus per se sufficere potest: & ideo inquisitio consilij proprie pertinet ad contingentia singularia, cognitio autem veritatis in talibus non habet aliquid magnum, ut per se sit appetibilis, sicut cognitio vniuersalium & necessariorum: sed appetitur secundum quod est utilis ad operationem, quia actiones sunt circa contingentia singularia: Et ideo dicendum est, quod proprie consilium est circa ea, quae aguntur a nobis.

Ad primum ergo dicendum, quod consilium importat collationem, non quancunque, sed collationem de rebus agenda ratione iam dicta.

Ad secundum dicendum, quod id quod est lege positum, quamuis non sit ex operatione quaerentis consilium, tamen est directum eius ad operandum: quia ista est una ratio aliquid operandi mandatum legis.

Ad tertium dicendum, quod consilium non solum est de his, quae aguntur, sed de his, quae ordinantur ad operationes: & propter hoc consultatio dicitur fieri de futuris eventibus inquantum homo per futuros eventus cognitos dirigitur ad aliquid faciendum vel vitandum.

Ad quartum dicendum, quod de aliorum factis consilium quaerimus, inquantum sunt quodammodo vnum nobiscum, vel per vniorem effectum, sicut amicus sollicitus est de his, quae ad amicum spectant, sicut de suis: vel per modum instrumentalitatis sunt quasi una causa, cum vnum agat per alterum: & sic dominus consiliatur de his, quae sunt agenda per seruum.

ARTICVLVS IV.

Utrum consilium sit de omnibus, quae a nobis aguntur.

84; **A D QVARTVM** sic proceditur. Videtur, quod consilium sit de omnibus, quae sunt per nos agenda: electio enim est appetitus praconsiliatus, ut dictum est, sed electio est de omnibus, quae per nos aguntur: ergo & consilium.

¶ **Præterea**, Consilium importat inquisitionem rationis: sed in omnibus, quae non per imperium passionis agimus, procedimus ex inquisitione rationis, ergo de omnibus, quae aguntur a nobis, est consilium.

¶ **Præterea**, Philosophus dicit in 3. Ethic. quod si per plura aliquid fieri potest, consilio inquirimus per quod facillime & optime fiat: si autem per vnum, qualiter per illud fiat, sed omne quod fit, fit per vnum, vel per multa: ergo de omnibus, quae sunt a nobis, est consilium.

¶ **Ad contra est**, quod Gregor. Nissenus dicit, quod de his, quae secundum disciplinam vel artem sunt determinata appetibus, non est consilium.

CONCLUSIO.

De illis, quae secundum artem vel disciplinam determinata sunt, aut quae parui sunt momenti, consilium non est, sed de his tantummodo, quae cum aliquo sunt momenti incerta sunt, seu in dubio vocantur.

Respondendo dicendum, quod consilium est inquisitio quorundam, ut dictum est: de illis autem inquirere solemus, quae in dubio veniunt: unde & ratio inquisitionis, quae dicitur argumentum, est rei dubie faciens fidem, quod autem aliquid in operabilibus humanis non sit dubium, ex

duobus contingit. Vno modo, quia per determinatam viam proceditur ad determinatos fines, sicut contingit in artibus, quae habent certas vias operandi, sicut scriptor non consiliatur quomodo debet trahere litteras, hoc enim determinatum est per artem. Alio modo, quia non multum refert verum sit, vel sic fiat: & ista sunt minima, quae parum adiuvant, vel impediunt respectu finis consequendi; quod autem parum est quasi nihil accipit ratio. Et ideo de duobus non consiliatur, quantum ordinantur ad finem, ut Philosophus dicit: scilicet de rebus paruis, & de his, quae sunt determinata qualiter fieri debent, sicut est in operationibus artium praeter quasdam coniecturales, ut Gregor. Nissenus dicit, vitura medicinalis, negotiatus, & huiusmodi.

Ad primum ergo dicendum, quod electio praesupponit consilium ratione iudicij vel sententiae: unde quando iudicium, vel sententia manifeste est absque inquisitione, non requiritur consilij inquisitio.

Ad secundum dicendum, quod ratio in rebus manifestis non inquiri, sed statim iudicat: & ideo non oportet in omnibus, quae ratione aguntur, esse inquisitionem consilij.

Ad tertium dicendum, quod quando aliquid per vnum potest fieri, sed diuersis modis: potest deliberationem habere, sicut & quando fit per plura, & ideo opus est consilio: sed quando determinatur non solum res, sed modus, tunc non est opus consilio.

ARTICVLVS V.

Utrum consilium procedat ordine resolutorio.

A D QVINTVM sic proceditur. Videtur, quod consilium non procedat modo resolutorio: consilium enim est de his, quae a nobis aguntur, sed operationes nostrae non procedunt modo resolutorio, sed magis modo compositio, scilicet de simplicibus ad composita: ergo compositum consilium non semper procedit modo resolutorio.

¶ **Præterea**, Consilium est inquisitio rationis, sed ratio a prioribus incipit, & ad posteriora deuenit, secundum convenientiorem ordinem. Cum igitur praeterita sint priora praesentibus, & praesentia priora futuris, in consiliando videtur esse procedendum a praesentibus, & praeteritis in futura, quod non pertinet ad ordinem resolutorium, ergo in consiliis non seruatur ordo resolutorius.

¶ **Præterea**, consilium non est nisi de his, quae sunt nobis possibilis, ut dicitur in 1. Ethic. sed an sit nobis aliquid possibile perpenditur ex eo quod possumus facere vel non possumus facere, ut perueniamus in illud, ergo in inquisitione consilij a praesentibus incipere oportet.

¶ **Ad contra est**, quod Philosophus dicit in 3. Ethic. quod ille, qui consiliatur, videtur quaerere de resoluere.

CONCLUSIO.

Cum a fine qui prior est in intentione & posterior in executione, consilium incipiat, recte dicitur ordine resolutorio procedere.

Respondendo dicendum, quod in omni inquisitione oportet incipere ab aliquo principio: quod quidem, si sicut est prius in cognitione, ita etiam sit prius in esse: non est processus resolutorius, sed magis compositiuis. Procedere enim a causis in effectus, est processus compositiuis: nam causa sunt simplices effectibus. Si autem id, quod est prius in cognitione, sit posterius in esse, est processus resolutorius: ut pote, cum de effectibus manifestis indicamus, resoluendo in causas simplices: principium autem in inquisitione consilij est finis, qui quidem est prior in intentione, posterior tamen in esse: & secundum hoc oportet quod inquisitio consilij sit resolutoria, incipiendo scilicet ab eo, quod in summo intenditur, quousque perueniamus ad id quod statim agendum est.

Ad primum ergo dicendum, quod consilium est de operationibus: sed ratio operationum accipitur ex fine, & ideo ordo ratiocinandi de operationibus est contrarius ordini operandi.

Ad secundum dicendum, quod ratio incipit ab eo, quod est prius secundum rationem, non autem semper ab eo quod est prius tempore.

Ad tertium dicendum, quod de eo quod est agendum propter finem, non quaeremus scire an sit possibile, si non esset congruum fini: & ideo prius oportet inquirere an conueniat ad dandum in finem, quam consideretur an sit possibile.

ARTICVLVS VI.

Utrum consilium procedat in infinitum.

A D SEXTVM sic proceditur. Videtur, quod inquisitio consilij procedat in infinitum: consilium enim inquisitio est de particularibus in quibus est operatio: sed singularia sunt infinita: ergo inquisitio consilij est infinita.

¶ **Præterea**, Sub inquisitione consilij cadit considerare non solum quid agendum sit: sed etiam quo modo impedimenta tollantur. Sed quilibet humana actio potest inhiere impediri & impedimentum tolli potest per aliquam rationem humanam: ergo in infinitum remanet quaerere de impedimentis tollendis.

¶ **Præterea**, Inquisitio scientiae demonstratiua non procedit in infinitum: quia est deuenire in aliqua principia per se nota, quae omnimodum certitudinem habent. Sed talis certitudo non potest inueniri in singularibus contingentibus, quae sunt variabiles, & incerta, ergo inquisitio consilij procedit in infinitum.

¶ **Ad contra** Nullas mouetur ad id, ad quod impossibile est quod perueniat, ut dicitur in 1. de celo, sed infinitum impossibile

21. 1. Ethic.
2. 2. 10. 5.

2. 3. 10. 5.

2. 3. 10. 5.

2. 3. 10. 5.

2. 3. 10. 5.

2. 3. 10. 5.

2. 3. 10. 5.

2. 3. 10. 5.

2. 3. 10. 5.

2. 3. 10. 5.

2. 3. 10. 5.

2. 3. 10. 5.

2. 3. 10. 5.

2. 3. 10. 5.

2. 3. 10. 5.

2. 3. 10. 5.

2. 3. 10. 5.

2. 3. 10. 5.

2. 3. 10. 5.

2. 3. 10. 5.

2. 3. 10. 5.

2. 3. 10. 5.

2. 3. 10. 5.

2. 3. 10. 5.

2. 3. 10. 5.

2. 3. 10. 5.

2. 3. 10. 5.

2. 3. 10. 5.

2. 3. 10. 5.

2. 3. 10. 5.

2. 3. 10. 5.

2. 3. 10. 5.

2. 3. 10. 5.

2. 3. 10. 5.

2. 3. 10. 5.

2. 3. 10. 5.

2. 3. 10. 5.

2. 3. 10. 5.

2. 3. 10. 5.

2. 3. 10. 5.

2. 3. 10. 5.

2. 3. 10. 5.

2. 3. 10. 5.

2. 3. 10. 5.

2. 3. 10. 5.

2. 3. 10. 5.

2. 3. 10. 5.

2. 3. 10. 5.

2. 3. 10. 5.

2. 3. 10. 5.

2. 3. 10. 5.

2. 3. 10. 5.

2. 3. 10. 5.

2. 3. 10. 5.

2. 3. 10. 5.

2. 3. 10. 5.

2. 3. 10. 5.

2. 3. 10. 5.

2. 3. 10. 5.

2. 3. 10. 5.

2. 3. 10. 5.

2. 3. 10. 5.

2. 3. 10. 5.

2. 3. 10. 5.

2. 3. 10. 5.

2. 3. 10. 5.

2. 3. 10. 5.

2. 3. 10. 5.

2. 3. 10. 5.

2. 3. 10. 5.

2. 3. 10. 5.

impossibile est transire. si igitur inquisitio consilij sit infinita, nullus consiliari inciperet: quod patet esse falsum.

CONCLUSIO.

Non est inquisitio consilij in infinitum procedens, nisi in potentia, actu enim terminata est tam ex parte principij, quam termini inquisitionis.

Ad primum dicendum, quod inquisitio consilij est finita in actu ex duplici parte, scilicet ex parte principij & ex parte termini: accipitur enim in inquisitione, consilij duplex principium, vnum proprium ex ipso genere operabilium, & hoc est finis, de quo non est consilium, sed supponitur in consilio ut principium, ut dictum est. Aliud ex alio genere assumptum, sicut & in scientiis demonstratiuis vna scientia supponit aliqua ab alia, de quibus non inquitur: huiusmodi autem principia, quæ in inquisitione consilij supponuntur, sunt quæcumque sunt per sensum accepta, utpote quod hoc sit panis vel ferrum; & quæcumque sunt per aliquam scientiam speculatiuam, vel practicam in vniuersali cognita: sicut quod moriari est à Deo prohibitum, & quod homo non potest viuere nisi nutriatur nutrimento conuenienti: & de istis non inquitur consiliator. Terminus autem inquisitionis est id quod statim est in potestate nostra, ut faciamus. Sicut enim finis habet rationem principij, ita id quod agitur propter finem, habet rationem conclusionis. Vnde id quod primo agendum occurrit, habet rationem vltimæ conclusionis, ad quam inquisitio terminatur: nihil autem prohibet consilium potentia infinitum esse, secundum quod in infinitum possunt aliqua occurrere consilio inquirenda.

Ad primum ergo dicendum, quod singularia non sunt infinita actu, sed in potentia.

Ad secundum dicendum, quod licet humana actio possit impediri, non tamen semper habet impedimentum paratum, & ideo non semper oportet consiliari de impedimento tollendo.

Ad tertium dicendum, quod in singularibus contingentibus potest aliquid accipi certum, etsi non simpliciter, tamen ut nunc, prout assumitur in operatione. Sortem enim sedere non est necessarium: sed cum sedere dum seder, est necessarium: & hoc per certitudinem accipi potest.

DISPUTATIO XIV.

DISPUTATIO XIV.

De Actu Consilij.

QUia electionem præcedit Consilium: inde est quod postquam D. Thomas egit de electione questione præcedenti, in præsentia agat de Consilio.

DVBIUM I.

Vtrum Consilium formaliter sit sola inquisitio rationis.

Supponendum est, tanquam omninò certum & communiter receptum, quod consilium est actus intellectus, ut docet D. Thomas hic art. 1. & Aristoteles 3. Ethicor. cap. 1. In processu verò consilij plures interueniunt actus intellectus, vel realiter, vel saltem virtualiter distincti: nam habita intentione finis per voluntatem, statim ab ipsa applicatur intellectus ad inuenienda media: vnde Primò est actus intellectus, qui dicitur inquisitio mediorum; & tunc intellectus iudicat de omnibus mediis occurrentibus, an sint vtilia, vel inutilia in ordine ad prædictum finem intentum: Secundò est actus intellectus, qui dicitur Consultatio de mediis iudicatis vtilibus, quænam sint magis vtilia; & finis huius consultationis dicitur iudicium finale seu sententia de mediis: Ad inquisitionem terminatam priori iudicio consequitur actus voluntatis, qui dicitur Consensus, ut dicetur disputatione sequenti: Ad consultationem verò terminatam posteriori iudicio consequitur actus voluntatis, qui dicitur Electio, de quo actum est

disputatione præcedenti: & ita consilium præcedit secundum aliquid tam consensum, quam electionem voluntatis. Quia verò ut dictum est supra, agit D. Thomas de his actibus humanis secundum ordinem & prioritatem causæ finalis: ideo statim post electionem, & ante consensum agit de Consilio: quia consilium omninò perfectum, & completum vltimo illo iudicio subsequitur consensum, & antecedit electionem; debet autem agi de Consilio in eo ordine in quo intelligitur omninò completum. Ex quibus constat, quod consilium non nominat vnum simplicem actum intellectus, sed plures realiter, vel virtualiter distinctos; realiter quidem distinctos in intellectu discursiuo, virtualiter autem tantum distinctos in intellectu non discursiuo, qualis est Angelicus, in quo non est propriè & formaliter aliud de consilio, quam vltimum illud iudicium seu sententia de mediis magis vtilibus. Præcipue tamen in intellectu discursiuo hominis numerantur tres actus pertinentes ad consilium: Primus inquisitio mediorum, ut habet annexum prius illud iudicium inter media vtilia & inutilia, quia inquisitio hæc est tantum mediorum vtilium; & ita talis inquisitio & hoc iudicium pro eodem actu computantur. Secundus est consultatio de mediis iudicatis vtilibus, in quo præcipue videtur consistere ratio consilij. Tertius tandem est iudicium posterius ad consultationem, quo hæc media iudicantur magis vtilia, quam alia in ordine ad finem intentum; quod iudicium dicitur etiam sententia, & est quasi conclusio totius processus qui reperitur in consilio: numeratur autem specialiter hoc iudicium, ut actus distinctus à consultatione, cum tamen prius illud iudicium non sic numeretur; quia ut dicetur in hoc dubio, hoc iudicium posterius est terminus extrinsecus consultationis, prius autem illud iudicium est quasi pars inquisitionis. Querimus ergo in præsentia: Vtrum Consilium formaliter sit sola inquisitio rationis de mediis, vel vtrum etiam includat iudicium hoc postremum de mediis magis vtilibus.

Prima opinio asserit, quod consilium formaliter sit sola inquisitio rationis. Probat autem auctoritate sacræ Scripturæ: Psalmo 12. habetur, *Quandiu ponam consilium in anima mea, Quæ verba significant solam inquisitionem rationis.* Item auctoritate D. Thomæ hic art. 1. ubi sic ait: *Et hæc inquisitio Consilium vocatur, propter quod Philosophus dicit in 3. Ethicorum, quod electio est appetitus præconsiliari: ergo consilium formaliter est sola inquisitio rationis.*

Secunda opinio asserit, quod consilium importat formaliter, tam inquisitionem & consultationem, quam iudicium postremum seu sententiam de mediis magis vtilibus: & ita iuxta hanc opinionem consilium formaliter consistit in integro syllogismo practico cum conclusio-

ne. Probatur auctoritate sacre Scripturæ: Psalm. 1. dicitur; Beatus vir qui non abiit in consilio impiorum: & 1. ad Corinth. 7. De Virginitate præceptum domini non habeo, consilium autem do, &c. Quibus verbis sub consilio non sola comprehenditur inquisitio mediorum, sed etiam iudicium de illis. Item auctoritate Aristotelis. 3. Ethicor. cap. 3. ubi ait: Eum qui consultat videri quærere, & resolvere: constat autem, quod sicut per quærere importatur inquisitio, sic per resolvere importatur iudicium seu sententia de inquisitis. Deinde probatur ratione: In Deo est propriè consilium iuxta illud ad Ephes. 1. Qui operatur omnia secundum consilium voluntatis suæ: sed consilium non est in Deo, quantum ad inquisitionem & consultationem, cum ista duo importent ignorantiam & dubitationem, quæ maximam dicunt imperfectionem Deo impossibilem: ergo consilium est in Deo, quantum ad iudicium consequens inquisitionem & consultationem, quod nullam dicit imperfectionem, ac proinde tale iudicium pertinet formaliter ad consilium. Denique Consilium non est completum sine hoc iudicio ultimo: ergo hoc iudicium pertinet formaliter ad consilium.

CONCLUSIO.

RESPONDEO dicendum, quod consilium formaliter inchoatur in inquisitione mediorum. 2. intrinsecè completur in eorum consultatione. 3. unde iudicium seu sententia de magis utilibus est terminus tantum extrinsecus consilij. Ita communiter Philosophi morales & Theologi.

Probatur & explicatur prima pars conclusionis. Dicimus ergo quod consilium formaliter inchoatur in inquisitione mediorum, prout habet adiunctum primum iudicium, quo intellectus iudicat de omnibus mediis occurrentibus, an sint utilia, vel inutilia in ordine ad finem intentum. Et quidem quod consilium inchoatum consistat in inquisitione mediorum constat ex auctoritate Damasceni libro 2. de Fide cap. 22. ubi dicit, quod consilium est appetitus inquisitivus: Deinde auctoritate & ratione D. Thomæ hic art. 1. ubi ex professo probat quod consilium sit inquisitio: cuius ratio est, quia in rebus agendis multa incertitudo invenitur, quia actiones sunt circa singularia contingentia, quæ propter sui variabilitatem incerta sunt. Quod autem talis inquisitio habeat adiunctum primum iudicium, quo intellectus iudicat de omnibus mediis occurrentibus, an sint utilia, vel inutilia in ordine ad finem intentum; constat tum ex eo quod illa inquisitio est intellectualis, ac proinde debet esse cognoscitiva mediorum quæ inveniuntur, an sint utilia, vel inutilia, unde tunc intellectus iudicat de utilitate, vel inutilitate ipsorum; tum quia inquisitio seu investigatio mediorum sine discretionem utilium ab inutilibus

per iudicium, potius afferret confusionem in ordine ad electionem, per accumulationem & aggregationem plurimarum rerum tum utilium, tum inutilium, quàm conferret ad ipsam electionem: unde statim ac occurrunt media, intellectus iudicat de eorum utilitate vel inutilitate: & in hac inquisitione, habente adiunctum hoc primum iudicium, inchoatur formaliter consilium.

Probatur secunda pars conclusionis auctoritate Aristotelis 6. Ethicorum cap. 9. & 11. ubi distinguit consilium à iudicio, ut postea magis explicabitur; & consequenter consilium est completum ante iudicium ultimum de mediis. Item auctoritate S. Gregorij Nissenii lib. 5. Philosophiæ cap. 4. ubi dicit consultationem esse in his rebus, quæ adhuc quærentur, id est de quibus adhuc non est latum iudicium seu data sententia. Item auctoritate D. Thomæ hic art. 1. ubi ponit rationem formalem consilij in inquisitione præcedente iudicio: unde ait: In rebus autem dubiis & incertis ratio non profert iudicium, absque inquisitione præcedente, & ideo necessaria est inquisitio rationis ante iudicium de eligendis, & hæc inquisitio consilium vocatur: Nota tamen quod sub inquisitione D. Thomas comprehendit, tam priorem illam mediorum, in qua dictum est inchoari formaliter consilium, quàm aliam posteriorem, quæ idem est ac consultatio de mediis iudicatis utilibus, quænam sint utiliora & consequenter eligenda: & in hac inquisitione seu consultatione dicimus, compleri intrinsecè consilium; Tum quia consilium denominatur à consiliando seu consultando, & ita in consultatione debet esse perfectum & completum intrinsecè consilium; Tum quia hanc consultationem immediatè consequitur iudicium seu sententia de mediis magis utilibus; quod iudicium cum sit terminus extrinsecus consilij, ut statim dicitur, necesse est dicere quod ante illud, in ipsa consultatione completur intrinsecè consilium.

Probatur tertia pars conclusionis auctoritatibus adductis pro secunda parte, quæ hanc etiam efficaciter probant. Deinde probatur auctoritate D. Thomæ q. 15. de Malo art. 4. ubi numerat consilium de agendis, & iudicium de illis tanquam duos actus ex æquo distinctos. Denique ex Aristotele 6. Ethicorum, cap. 9. & 11. dantur in intellectu practico duæ virtutes essentialiter distinctæ, quæ sunt partes prudentiæ: Prima dicitur Eubulia siue bene consiliativa, quia deseruit ad rectè consiliandum: Secunda dicitur bene iudicativa, quæ si procedat secundum regulas communes & ordinarias, vocatur Synesis; si autem procedat secundum regulas superiores & extraordinarias, vocatur Gnome; & hæc doctrina communiter recipitur, imò experientia constat, videmus enim aliquos valde habiles & aptos ad inquirenda media, ac faciles ad illa inveniendâ;

uenienda; & tamen aliquando sunt valde inhabiles & inepti ad iudicandum de illis, ac proinde sunt difficiles ad se determinandum ad hæc vel ad illa eligenda: ergo cum consilium correspondeat Eubulæ, & iudicium correspondeat Synesi vel Gnome, consilium & iudicium sunt duo actus intellectus practici ex æquo essentialiter distincti, virtutibus quippe essentialiter distinctis correspondent actus ex æquo essentialiter distincti, ut patet inductione in omnibus.

Ex quibus constat, Consilium optimè definiti, quod sit Inquisitio rationis de re dubia & magna à nobis facienda. Dicitur, inquisitio; scilicet practica mediorum. Dicitur, de re dubia; quia de rebus per se notis non fit consultatio, sed statim profertur iudicium. Dicitur, de re magna; quia de rebus leuibus non capimus consilium, sed tantum de rebus magni momenti, ut docet Philosophus lib. 3. Ethicorum cap. 1. Dicitur tandem, de re à nobis facienda; quia consilium est de re possibili, constituta in nostra potestate, ac quodammodo ad nos pertinente, ut dicitur postea.

Ad primum ergo dicendum, quod si illa inquisitio mediorum sit perfecta, & importet consultationem mediorum magis vtilium, quomodo intelligitur autoritas illa sacræ Scripturæ, Diui Thomæ, & Aristotelis, Consilium est formaliter perfectum & completum intrinsecè: quod si sit inquisitio imperfecta, & importet inuestigationem omnino primam mediorum vtilium præ inutilibus, est quidem formaliter consilium, sed imperfectum & incompletum.

Ad secundum dicendum, quod sæpe in sacra Scriptura, & apud Sanctos Patres & alios Auctores, consilium sumitur non solum pro illo quod formaliter importat, sed etiam pro illo quod infert per modum conclusionis practicæ; & sic includit tam inquisitionem & consultationem, quam iudicium vltimum seu sententiam: & in hoc sensu procedunt illa testimonia sacræ Scripturæ. Ad autoritatem verò Aristotelis dicendum, quod *ly resolvere* non significat ibi idem ac concludere practicè seu iudicare quid sit agendum: sed significat de vno in aliud procedere inquirendo, seu inuestigare viâ resolutoriâ, ut infra dicitur. Ad aliud dicendum, quod consilium non est propriè in Deo, secundum id quod formaliter importat, nempe secundum inquisitionem & consultationem, propter hoc quod ista important ignorantiam & dubitationem, quæ Deo repugnant: sed ponitur in Deo consilium secundum iudicium perfectum de mediis, quod est conclusio ipsius consilij; in quo iudicio nulla est imperfectio, sed maxima perfectio virtualiter continens quicquid est perfectionis in inquisitione & consultatione præcedente. Ad aliud dicendum, quod consilium est quidam motus rationis procedentis ex vno in aliud: vnde habet duplex complementum, vnum intrin-

secum & essentialiale, aliud verò extrinsecum & accidentale: Primum complementum consilij consistit in completa eius ratione formali, quæ tamen ulterius tendit ad complementum extrinsecum (hoc enim est commune omni motui, quod quamuis sit intrinsecè completus per suam rationem formalem, tamen tendat ad complementum extrinsecum, scilicet terminum): Secundum complementum consilij consistit in iudicio seu sententia de mediis eligendis.

D V B I U M II.

Utrum Consilium sit tantum de mediis.

Supponendum est id quod sæpè diximus, finem se habere in practicis, sicut principium in speculatiuis; & media se habere in practicis, sicut conclusiones in speculatiuis; ita ut sicut conclusiones pendent à principiis in sua veritate, & ad principia resoluuntur; sic media pendent à fine in sua bonitate, & ad finem resoluuntur, imò tantum sunt propter ipsum finem acquirendum. Inter media autem necessaria ad consecutionem finis, alia sunt possibile, alia impossibile: Qui intendit efficaciter finem, & inquirendo inuenit media possibile, prosequitur vsque ad consecutionem finis per executionem mediorum; vnde consilium tunc est & dicitur vtile ac fructuosum, in ordine scilicet ad finem intentum: quando autem inquirendo inuenit media impossibile, desistit & à consecutione finis, & ab executione mediorum; ita docet Aristoteles 3. Ethicorum cap. 1. dicens, quod qui per concilium inuenit medium necessarium ad consecutionem finis esse sibi impossibile, desistit ab executione, quasi desperans à consecutione finis: si verò inueniat media possibile à se fieri, tunc incipit operari; & consilium illius est & dicitur vtile ac fructuosum, in ordine scilicet ad finem intentum, ut dictum est; sicut est inutile & infructuosum in ordine ad dictum finem, quando inuenit media impossibile; quamuis non sit omnino inutile ac vanum, quia per ipsum reperitur difficultas, imò impossibilitas acquirendi talem finem, & ita voluntas ab illo desistit, vnde tollitur impedimentum quo voluntas posset retardari ab intentione alterius finis, quando enim persistit in intentione illius prioris, non intendit alterum. Constat ex dictis, quod consilium est de mediis: Nunc quærimus, utrum sit tantum de mediis, vel etiam sit de fine.

Prima opinio asserit, consilium non tantum esse de mediis, sed etiam de fine. Probatur duplici autoritate D. Thomæ: Prima habetur supra q. 6. art. 2. vbi dicit quod voluntas apprehenso fine deliberans de ipso & de mediis, mouetur; constat autem quod deliberare idem est, ac consultare: Secunda habetur infra q. 73. art. 3. vbi docet quod prudentia præstituit finem virtutibus

moralibus, quod necessariò debet fieri mediante consilio: ergo consilium non tantum est de mediis, sed etiam de fine. Deinde, Consilium sumitur ad tollendam dubitationem; propterea Gregorius Nissenus lib. 5. Philosophiæ cap. 5. dicit, quod omne consilium quæstio est: sed in ordine ad operationes humanas potest esse dubitatio, non tantum circa media, ac etiam circa fines; potest enim quis dubitare, an debeat quærere statum religiosum, aut sæcularem, an debeat se exercere in hac vel in illa virtute: ergo consilium non tantum est de mediis, sed etiam de fine: & hoc expressè docet Plato in Lachete, ubi dicit: Dum aliquis alterius gratiâ aliquid quærit, de illo ipso consultatio est; cuius gratiâ aliquid quæritur, non de eo quod quæritur alterius gratiâ.

Secunda opinio asserit, consilium esse de omnibus mediis in ordine ad finem, siue talia media sint exercenda ab ipso consultante, siue ab alio. Probat, Agricola, nauta, & alij consultant de futuris eventibus, ut de pluvia, vento, & similibus quæ non sunt in eorum potestate. Similiter Patres consultationes faciunt de his, quæ sunt agenda per filios; & idem dicendum de amicis. Item Iurisperiti possunt inire & dare consilium principi circa leges ab ipso principe condendas. Et tandem potest quis apud semetipsum consilium inire de factis aliorum, puta quid deberent facere in tali & tali casu, & damnat si non faciant: ergo consilium est de omnibus mediis in ordine ad finem, siue talia media sint exercenda ab ipso consultante, siue ab alio.

CONCLUSIO.

RESPONDEO dicendum, quod consilium est tantum de mediis 1. aliquo modo ad ipsum consultantem pertinentibus 3. dubiis & incertis 4. & quæ sint alicuius momenti, siue de quibus inter sit, utrum sic vel sic fiant. Ita communiter Discipuli D. Thomæ & alij in præfenti.

Probat, prima pars conclusionis autoritate Aristotelis 3. Ethicorum cap. 1. & S. Gregorij Nisseni lib. 5. Philosophiæ cap. 5. ubi dicit, quod non de fine, sed de his quæ sunt ad finem, est consilium. Deinde probatur tum autoritate, tum ratione D. Thomæ hic art. 2. quam sic proponit: inis in operabilibus habet rationem principij, eo quod rationes eorum quæ sunt ad finem, ex fine sumuntur: principium autem non cadit sub quæstione, sed principia oportet supponere in omni inquisitione: unde cum consilium sit quæstio, de fine non est consilium, sed solum de his quæ sunt ad finem. Hæc ratio est efficacissima & evidentissima: in omni quippe discursu siue inquisitione principia supponuntur, tanquam id in quo fundatur discursus, & à quo incipit inquisitio: unde in speculatiuis principia supponuntur discursui ut per se nota, vel saltem ut prius nota; & in practicis suppo-

nuntur inquisitioni ut per se volita, vel saltem ut prius volita, & hoc constat inductione in omnibus; nam v. g. medicus non inquit, An sit sanandus infirmus, sed hoc supposito inquit quibus mediis sit sanandus. Subdit autem D. Thomas: Tamen contingit id quod est finis respectu quorundam, ordinari ad alium finem; sicut etiam id quod est principium vnius, demonstrationis, est conclusio alterius: & ideo id quod accipitur ut finis in vna inquisitione, potest accipi ut ad finem in alia inquisitione; & sic de eo erit consilium.

Probat, secunda pars conclusionis autoritate Aristotelis 3. Ethicorum cap. 1. & S. Gregorij Nisseni lib. 5. Philosophiæ cap. 5. ubi dicit: Consiliamur de his, quæ fiunt in nobis, & per nos fieri possunt. Et D. Thomæ hic art. 3. ubi ait: Et ideo dicendum est, quod propriè consilium est circa ea, quæ aguntur à nobis: Et in responsione ad quartum explicat se, dicendo quod sufficit ut illa media, de quibus est consilium, pertineant aliquo modo ad ipsum consultantem; ait enim: Quod de aliorum factis consilium quærimus, in quantum sunt quodammodo vnum nobiscum, vel per vñionem affectus, sicut amicus sollicitus est de his quæ ad amicum spectant, sicut de suis: vel per modum instrumenti, nam agens principale & instrumentale sunt quasi vna causa, cum vnum agat per alterum; & sic Dominus consiliatur de his quæ sunt agenda per seruum. Deinde probatur ratione D. Thomæ: Ex vna parte Consilium est tantum de his quæ fiunt à causa libera, quæ propter suam indifferentiam potest sic & aliter operari; nam causæ naturales & necessariae sunt determinatæ ad vnum, & ita semper agunt eodem modo, unde non indigent consilio; nec item opus est consilio ad illa, quæ fortuito & casu contingunt, cum eueniant præter intentionem & propositum; & sic restat à sufficienti causarum enumeratione, quod consilium sit tantum de his quæ fiunt à causa libera, qualis est consultans ipse: ex alia verò parte nullus capit consilium, nisi de his quæ aliquo modo ad ipsum pertinent, ut experientia constat: ergo consilium est tantum de contingentibus singularibus aliquo modo ad ipsum consultantem pertinentibus; quæ tantum possunt habere rationem medij, quia cognitio veritatis in talibus non habet aliquid magnum, ut per se sit appetibilis, sicut cognitio vniuersalium & necessariorum; sed appetitur secundum quod est utilis ad operationem, quia actiones sunt circa contingentia singularia.

Probat, tertia pars conclusionis autoritate Aristotelis eodem 3. libro. Ethicorum cap. 2. Item S. Gregorij Nisseni loco citato. Et D. Thomæ hic art. 4. ubi sic ait: Et ideo non consiliamur de his, quæ sunt determinata qualiter fieri debent, sicut est in operationibus artium, præter quasdam coniecturales, ut Gregorius Nissenus

nus

nus dicit, ut puta Medicinalis, Negotiativa, & huiusmodi. Deinde probatur ratione D. Thomæ: Consilium est inquisitio quædam de agendis, ut dictum est: sed solum inquiri solet de his quæ in dubium veniunt, siue de dubiis & incertis; cum enim scitur perfectè quid agendum sit, quomodo, quando, ubi, & sic de aliis circumstantiis, nulla sit inquisitio, sed statim supposita efficaci intentione finis proceditur ad operandum: ergo consilium est tantum de mediis dubiis & incertis. Denique probatur instantiâ, quam adducunt S. Gregorius Nissenus & D. Thomas loco citato: De his, quæ secundum disciplinam vel artem sunt determinata operibus non est consilium, ut constat experientia in omnibus artibus, quæ ad suos fines habent sua media determinata; & solum est consilium in his, quæ non habent media determinata, quales sunt artes dictæ coniecturales, ut Medicinalis, Negotiativa, &c. ergo signum est, quod consilium est tantum de mediis dubiis & incertis aliquo modo.

Probatur quarta pars conclusionis auctoritate D. Thomæ hîc. art. 4. ubi sic ait: Et ideo de duobus non consiliamur, quamvis ordinentur ad finem, ut Philosophus dicit, scilicet de rebus parvis. Deinde probatur ratione Diui Thomæ: Consilium inquisitio quædam est, de illis autem inquirere solemus, quæ in dubium veniunt; unde & ratio inquisitiua, quæ dicitur argumentum, est rei dubiæ faciens fidem: Quod autem aliquid in operabilibus humanis non sit dubitabile, ex duobus contingit. Vno modo, quia per determinatas vias proceditur ad determinatos fines, &c. Alio modo, quia non multum refert, utrum sic vel sic fiat: Et ista sunt minima, quæ parum adiuuant, vel impediunt respectu finis consequendi; quod autem parum est, quasi nihil accipit ratio. Igitur ex duplici capite potest intelligi quod non sit consilium de minimis. Primo, si finis intentus sit tam parui momenti, quod parum referat eligere hoc vel illud medium ad consecutionem ipsius. Secundò, quando media sunt talia in ordine ad finem intentum, ut minima sit differentia inter illa, quatenus æquè benè potest finis acquiri his vel illis: unde tunc non opus est consultatione & consilio ad eorum electionem; & ita quamvis ordinariè electio sequatur consilium formaliter sumptum, & propterea electio dicitur appetitus præconsiliatus, & Aristoteles dicit, consiliabile & eligibile esse idem, tamen contingit aliquando, iuxta dicta in hac quarta parte conclusionis, quod sit electio absque prævio consilio ut dicit inquisitionem & consultationem, quamvis debeat præcedere iudicium de mediis eligendis, quod reducitur ad consilium: ex quo constat, quod quando Aristoteles dicit consiliabile & eligibile esse idem, non intelligit in sensu formali, sed tantum vult quod ut plurimum eadem res est obiectum consilij & electionis.

Ad primum ergo dicendum, quod D. Thomas in primo loco per *ly deliberare* non intelligit consultare, sed liberè ferri: quod si quis deliberet de aliquo, pro tunc illud nondum habet rationem finis, sed medij ordinabilis saltem ad ultimum finem. In secundo autem loco non vult, quod prudentia præstituat simpliciter fines virtutibus moralibus, cum illos ex se habeant ex dictamine rationis, sed tantum vult quod prudentia dirigat in exercitio virtutes morales circa proprias materias, ut dictum est supra. Ad aliud dicendum cum D. Thomas hîc art. 2. ad 1. quod id quod accipitur ut finis, est iam determinatum: unde quandiu habetur ut dubium, non habetur ut finis: Et ideo si de eo consilium habetur, non erit consilium de fine, sed de eo quod est ad finem: Et ita respectu dubitantis de electione status religiosi vel sæcularis, hi duo status nondum habent rationem finis, sed medij saltem in ordine ad ultimum finem beatitudinis. Ad auctoritatem Platonis dicendum, quod non vult consilium esse de fine quasi de obiecto, sed solum vult quod sit de fine quasi de fine, id est initum de mediis propter finem.

Ad secundum dicendum, cum D. Thomas hîc artic. 3. ad 3. quod consilium non solum est de his quæ aguntur, sed de his quæ ordinantur ad operationes: & propter hoc consultatio dicitur fieri de futuris eventibus, in quantum homo per futuros eventus cognitos dirigitur ad aliquid faciendum vel vitandum. Ad illud de patribus & amicis respondet D. Thomas hîc art. 3. ad 4. quod pater & filius, sicut & duo amici sunt quodammodo vnum. Ad aliud dicendum, quod Iurisperiti concurrunt quasi instrumenta principis ad condendas leges, unde sunt quodammodo vnum cum ipso principe, nam ut ibidem ait D. Thomas, agens principale & instrumentale sunt quasi vna causa cum vnum agat per alterum. Ad aliud dicendum, quod si tale consilium de factis aliorum ordinetur ab ipso consultante, ut ex illo saltem indirectè dirigatur in suis operibus, tunc illud consilium est de mediis aliquo modo ad ipsum consultantem pertinentibus, sæpe enim possumus discurrere de factis aliorum in ordine ad nostras operationes, puta cum inquirimus quid faceremus, si essemus in eorum loco; quod si tale consilium non ordinatur ad proprias operationes, est consilium vanum & inutile; & de hoc non agimus in præsentia.

D V B I U M III.

Utrum interueniat Consilium in exercitio Scientiarum & Artium.

Supponendum est ex dictis dubio præcedenti, quod iuxta doctrinam Aristotelis & D. Thomæ communiter receptam, Scientiæ & Artes diuiduntur in certas, & in coniecturales. Scientiæ

tiz & artes certæ sunt illæ, quæ semper eodem modo ad suos actus siue operationes procedunt; propter stabilitatem obiecti vel intrinsicam prouenientem ex natura ipsius inuariabili, quæ reperitur in scientiis speculatiuis vt plurimum, quarum obiecta inuariabilia faciliè vt talia cognoscuntur, quia vt ait D. Thomas hinc art. 3. in necessariis & vniuersalibus est absolutior & simplicior consideratio, & ita scientiæ eodem semper modo, & iisdem mediis sub vna serie seu ratione formali contentis tendunt ad illa obiecta; vel propter stabilitatem extrinsecam obiecti seu materiæ prouenientem ex communi vsu, quæ reperitur vt plurimum in artibus, quarum obiecta seu opera per ipsa facta ex vsu inuariabilia sunt, & ita similes artes eodem semper modo, & iisdem mediis tendunt ad illa obiecta seu opera. Scientiæ & artes coniecturales sunt illæ, quæ non habent certum & determinatum modum operandi, propter variationem materiæ, circa quam versantur in ordine ad sua obiecta & fines, vnde in suo modo procedendi non habent physicam certitudinem, sed tantum coniecturalem; & talis est scientia medicinæ, ars negotiatiua, & aliæ huiusmodi. Hæ autem scientiæ & artes omnes possunt considerari vel ratione sui, vel ratione habentis; qui aliquando eas perfectè possidet, & tunc dicitur sciens aut artifex peritus; aliquando autem eas imperfectè possidet, & tunc dicitur sciens aut artifex imperitus. In præsentī agimus de scientiis & artibus ratione sui, ac proinde vt sunt in subiecto perito perfectè eas possidente: non autem agimus de illis ratione subiecti, ac proinde vt habent annexam incertitudinem & ambiguitatem ex parte subiecti imperiti imperfectè eas possidentis; quia certum est in exercitio scientiarum & artium, vt sunt in subiecto imperito, ex parte talis subiecti interuenire consultationem speculatiuam & practicam.

Prima opinio asserit, quòd absolute in exercitio omnium scientiarum etiam speculatiuarum potest interuenire consilium. Probatur autoritate Aristotelis. 3. Ethicorum cap. 2. vbi ait: Magis autem in artibus, quàm in scientiis consultationi locus est; in eis enim sæpius ambigere solemus: Quibus verbis constat esse locum consultationi in scientiis, licet non tam frequenter, ac est in artibus. Deinde. In exercitio scientiarum speculatiuarum sæpe occurrunt oppositæ sententiæ, de quarum veritate dubitantes, præuie consultamus in ordine ad vnius electionem; in quo est formaliter consilium: ergo in exercitio scientiarum etiam speculatiuarum potest interuenire consilium. Denique, potest contingere, quòd in exercitio scientiarum speculatiuarum aliqua conclusio possit deduci per diuersa media; imò hoc sæpe de facto contingit, eadem quippe propositio diuersis mediis probatur: sed tunc opus est consilio ad electionem vnius medijs, præ alijs,

pro deducenda tali conclusione, cum possit esse dubius intellectus, ex quonam medio facilius & efficacius conclusio deducetur: ergo in exercitio scientiarum etiam speculatiuarum potest interuenire consilium.

Secunda opinio asserit, quòd in exercitio omnium artium simpliciter potest interuenire consilium. Probatur autoritate Philosophi adducta in præcedenti opinione, vbi nulla facta distinctione artium dicit, quòd magis in artibus, quàm in scientiis consultationi locus est. Deinde, Quicquid fit in omnibus artibus, vel potest fieri per vnicum medium, vel potest fieri per plura media: sed in vtroque casu opus est consilio; quia vt ait Aristoteles. 3. Ethic. cap. 3. si per plura aliquid fieri potest, consilio inquiritur per quod facillimè & optimè fiat: si autem per vnum, qualiter per illud fiat; vnde semper artifex discursit quid sit faciendum, aut quomodo sit faciendum: ergo in exercitio omnium artium potest interuenire consilium. Denique in tali exercitio omnium artium interuenit electio mediorum ad aliquid faciendum: ergo etiam consilium, electio quippe est terminus consilij, vnde quicquid cadit sub electione, cadit prius sub consilio, propterea Philosophus dicit, consiliabile & eligibile esse idem.

Tertia opinio posita in alio extremo, asserit quòd non potest interuenire consilium in exercitio alicuius scientiæ vel artis. Probatur autoritate Aristotelis 2. Physicorum textu 86. vbi sic ait: Absurdum autem est non opinari agere propter finem, nisi videant mouentem vti consultationes & tamen ars consultatione non vitur. Deinde Aristoteles 3. Ethicorum cap. 3. docet actiones humanas, & non operationes esse consiliabiles: sed opera artis non sunt actiones humanæ, ac operationes, vt docet idem Philosophus 6. Ethicorum: ergo in exercitio alicuius artis non potest interuenire consilium. Denique, De illis solum potest esse consilium, de quibus potest esse electio, cum sit terminus consilij: sed electio non potest esse de operibus artis, cum electio sit agibile, & non effectibile ex Aristotele 6. Metaphys. comm. 1. vbi sic ait: Disciplinarum efficientium principium in efficiente, aut est mens, aut ars, aut potestas aliqua: agentium verò principium est electio, quæ in agente est: ergo consilium non est de operibus artis, & ita consilium non potest interuenire in exercitio alicuius scientiæ vel artis.

CONCLUSIO.

RESPONDEO dicendum, quòd non interuenit consilium propriè dictum, de quo in præsentī loquimur, in exercitio scientiarum speculatiuarum. 2. sicut nullum interuenit consilium in exercitio artium certarum, quarum modus agendi est inuariabilis. 3. sed tantum in exercitio scientiæ moralis. 4. & scientiarum seu artium coniecturalium, quarum regulæ operandi

operandi non sunt stabiles, sed variantur ex variatione materiæ circa quam versantur. Ita communiter Philosophi morales & Theologi in præfenti.

Probatur prima pars conclusionis autoritate D. Thomæ hic art. 3. ubi excludit consilium à necessariis & vniuersalibus, quia in illis est absolutior & simplicior consideratio: & postea subdit; Et ideo inquisitio consilij propriè pertinet ad contingentia singularia. Deinde probatur ratione: Consilium propriè dictum, de quo loquimur in præfenti, est practicum, ordinatum ad electionem mediorum efficaciter conducentium ad assecutionem finis intenti, quæ assecutio est terminus totius processus moralis: sed in exercitio scientiarum speculatiuarum non interuenit tale consilium vt patet, quia solius scientiæ moralis est proximè dirigere operationes humanas in ordine ad finem: ergo consilium propriè dictum, de quo in præfenti loquimur, non interuenit in exercitio scientiarum speculatiuarum: quamuis interueniat aliquod consilium speculatiuum.

Probatur & explicatur secunda pars conclusionis. Dicimus quòd in exercitio artium certarum, quarum modus agendi est inuariabilis, propriè non interuenit consilium, etiam illud quod potest competere aliis rebus quàm moralibus. Probatur autoritate expressa Aristotelis. 3. Ethicor. cap. 2. S. Gregorij Nisseni lib. 5. Philosophiæ cap. 5. ubi dicit quòd de his, quæ secundum disciplinam vel artem sunt determinata, operibus non est consilium. Et D. Thomæ hic art. 4. ubi sic ait: Consilium est inquisitio quædam, vt dictum est: de illis autem inquirere solemus, quæ in dubium veniunt; quòd autem aliquid in operabilibus humanis non sit dubitabile, ex duobus contingit. Vno modo, quia per determinatas vias proceditur ad determinatos fines, sicut contingit in artibus, quæ habent certas vias operandi, sicut scriptor non consiliatur, quomodo debet trahere lineas, hoc enim determinatum est per artem, &c. Et ideo non consiliamur de his, quæ sunt determinata qualiter fieri debent, sicut est in operationibus artium. Quæ ratio sic breuiter reducit in formam: Consilium est tantum de dubiis & incertis: sed in exercitio artium certarum, quarum modus agendi est inuariabilis, nullum est dubium, cum omnia per regulas artis sint determinata, vnde qui aliter ageret, non exerceret talem artem, imò desineret agere iuxta illam artem, & ageret contra regulas illius: ergo non interuenit consilium in exercitio artium certarum, quarum modus agendi est inuariabilis.

Probatur tertia pars conclusionis ex dictis, nam ostensum est quòd consilium propriè pertinet ad singularia contingentia, circa quæ sunt actiones humanæ; & præcedit electionem mediorum conducentium ad assecutionem finis in-

tenti: sed intentio finis, & electio mediorum sunt exercitium scientiæ moralis, cum hæc ordinetur ad directionem actionum humanarum: ergo consilium propriè dictum, de quo in præfenti loquimur, est tantum in exercitio scientiæ moralis.

Probatur & explicatur quarta pars conclusionis. Dicimus quòd licet consilium propriè dictum, de quo in præfenti loquimur, pertinet scilicet ad actiones humanas reperiatur tantum in exercitio scientiæ moralis: consilium tamen practicum quod potest in aliis reperi, interuenit in exercitio scientiarum seu artium coniecturalium, quarum regulæ operandi non sunt stabiles, sed variantur ex variatione materiæ circa quam versantur, qualis est scientia seu Ars medicinalis, negotiatiua, nauigatiua, & similes in quibus iuxta diuersitatem circumstantiarum occurrentium diuersimodè procedendum est. Probatur autoritate Aristotelis 3. Ethicor. cap. 3. Item Platonis in Alcibiade. Item Diui Thomæ hic art. 4. ubi cum dixisset, quòd non consiliamur de his, quæ sunt determinata qualiter fieri debent, sicut est in operationibus artium; subdit: Præter quasdam coniecturales, vt Gregorius Nyssenus dicit, vt putà medicinalis, negotiatiua, & huiusmodi. Deinde probatur ratione: Consilium est de dubiis & incertis: sed multa occurrunt dubia & incerta in exercitio scientiarum seu artium coniecturalium, quarum proinde regulæ operandi non sunt stabiles, sed variantur ex variatione materiæ circa quam versantur, vt inductione patet in omnibus; nam verbi gratiam edicus non semper eodem modo exercet artem medicinæ in curanda febre; sed iuxta diuersas condiciones, vel subiecti, vel temporis, & alias similes diuersa adhibet medicamenta; etiam non transgrediendo, at obseruando regulas artis: ergo consilium interuenit in exercitio scientiarum seu artium coniecturalium, quarum regulæ operandi non sunt stabiles, sed variantur ex variatione materiæ circa quam versantur.

Ad primum ergo dicendum, quòd in scientiis quidem speculatiuis est consilium speculatiuum, vt probat autoritas Philosophi, & vtraque ratio adducta: sed tale consilium non est illud propriè dictum, de quo agimus in præfenti, quod per se pertinet ad actiones humanas, vt docet D. Thomas hic art. 3. & maxime in responsione ad 1. ubi sic ait: Consilium importat collationem, non quamcunque, sed collationem de rebus agendis. Dixit autem Aristoteles, quod magis in artibus, quàm in scientiis consultationi locus est; quia in scientiis nullum potest esse dubium circa obiecta, cum hæc sint necessaria, & à scientiis præsupponantur quantum ad An sint, & Quid sint; solumque est dubium de modo procedendi circa illa: sed in artibus potest esse dubium,

bium, tam de rebus per eas faciendis, quæ sunt obiecta ipsarum, quàm etiam de modo faciendi.

A d secundum dicendum, quòd ideo Philosophus dicit quòd magis in artibus, quàm in scientiis consultationi locus est; quia in omnibus artibus potest esse dubium de rebus faciendis, quæ res sunt obiecta artium; & in aliquibus potest etiam esse dubium de modo faciendi, ut dictum est; cum tamen in scientiis non possit esse dubium circa obiecta. Non tamen vult Philosophus quòd in omnibus artibus possit esse dubium circa modum procedendi ad obiectum, quasi circa medium ad finem, de quo tantum est consilium proprie dictum. Ad aliud dicendum cum D. Thomas hic art. 4. ad 3. quòd quando aliquid per vnum potest fieri, sed diuersis modis; potest dubitationem habere, sicut & quando fit per plura, & ideo opus est consilio: sed quando determinatur non solum res sed modus, tunc non est opus consilio: Vnde quamuis artifex discurrat & dubitet quid debeat facere materialiter in individuo; non tamen proprie est consilium, quod solum est de modo faciendi qui est medium ad finem. Ad aliud constat ex dictis superius; quòd multa cadunt sub electione, quæ non cadunt sub consilio; & quòd electio in nobis sapius quidem est terminus consilij, aliquando tamen est terminus iudicij.

A d tertium dicendum, quòd Aristoteles in illo loco non loquitur vniuersaliter de omni arte; sed loquitur indefinite de aliquibus, scilicet de certis quarum regulæ sunt inuariabiles: hoc enim sufficebat ad eius intentum, cum probandum illi esset, quòd potest esse operatio absque consultatione, & ostendit quòd reperiatur de facto in aliquibus artibus. Ad aliud dicendum, quòd materia quidem primaria & magis propria consilij sunt actiones humanæ; tum quia præcipue præ aliis habent dubitationem, cum sint circa singularem contingentiam maximè incerta; tum quia sunt maximi momenti, ut pote conducentes ad vltimum finem beatitudinis; tum quia sunt communes omnibus hominibus: materia autem secundaria & minus propria consilij sunt etiam operationes artis: vnde Philosophus in illo loco solum vult, quòd operationes artis non sint primario consiliabiles, quasi materia propriissima consilij; sed non vult absolute excludere, quin sint secundo consiliabiles. Ad aliud dicendum, quòd similiter electio habet pro materia primaria & magis propria actiones humanas, vnde dicitur esse agibile: potest tamen esse factibile, quia habet operationes artis pro materia secundaria & minus propria: & iuxta hæc intelligendus est Aristoteles.

D V B I V M I V.

Verum Consilium procedat ordine resolutorio.

S Vpponendum est, quòd consilium est duplex. Vnum exercetur à multis Consiliatoribus, & importat collationem inter plures habitam: & ab hoc videtur deriuatum esse nomen consilij; dicitur enim consilium quasi confiduum, eo quod multi confident ad simul conferendum. Aliud consilium est particulare & exercetur ab vno tantum consiliatore, ut dum quis inquit apud semetipsum quid agere debeat. Primum consilium sensu percipitur, vnde est magis notum: Secundum autem percipitur intellectu à quo fit, vnde quamuis non sit ita notum, est tamen proprie consilium, quia consilium proprie est inquisitio quædam de rebus dubiis in ordine ad electionem, conferendo scilicet ipsa ad inuicem, ut iudicetur quænam præ aliis sint eligenda: constat autem quòd hæc inquisitio non solum potest fieri à pluribus, sed etiam à singularibus; licet non æquè bene, quia ut ait D. Thomas hic art. 3. in particularibus contingentibus, de quibus est consilium, ad hoc quod aliquid certum cognoscatur, plures conditiones seu circumstantias considerare oportet, quas ab vno non facile est considerari, sed à pluribus certius percipiuntur, dum quod vnus considerat, alij non occurrit; vnde in vnoquoque homine seorsum considerato est Eubulia siue virtus bene consiliatiua. Hæc autem inquisitio consilij in per se ordinatis est processus finitus; quia clauditur principio, qui est vltimus finis in aliqua serie rerum; & termino, qui est primum medium executioni mandandum; quod tamen habet rationem vltimi & termini, cum processus iste incipiat extrinsecè ab intentione finis vltimi quam supponit, & deueniat vsque ad primum illud medium, in cuius electione extrinsecè etiam finitur. In ordinatis autem per accidens potest inquisitio consilij procedere in infinitum synchegorematicè: potest enim quis de vna serie rerum procedere in aliam & in aliam successiue, consiliando in singulis; series autem rerum sunt synchegorematicè infinitæ. Primum docet expressè D. Thomas hic art. 6. Secundum indicat ibidem in responsione ad primum. Quia verò processus rationis potest esse compositiuus seu compositorius, & resolutiuus seu resolutorius, ideo in præsentem quærimus, verum consilium sit processus compositorius, vel resolutorius. Ad cuius euidenciam sciendum est, quòd hi duo modi procedendi sunt oppositi: nam modus compositiuus incipit & procedit ab aliquo principio, quod sit prius & in cognitione & in esse, ut dum proceditur à causis effectiuis ad earum effectus, & à partibus ad totum, nam causæ sunt simpliciores effectibus, & partes ipso toto: modus au-

tem

tém resolutorius incipit & procedit à principio, quod quidem est prius in cognitione, sed posterius in esse, ut dum proceditur ab effectibus ad causas, à toto ad partes. Quòd manifestatur in domo; nam circa illam procedimus modo compositiuo in ædificatione, quia procedimus à partibus prius secundum esse reale constructis ad totam domum posterius secundum esse reale constructam; in destructione verò procedimus modo resolutorio, quia procedimus à tota domo ad partes, resoluendo scilicet ipsam in suas partes.

Prima opinio asserit consilium procedere ordine compositiuo. Probatur: In operabilibus finis se habet ad media, sicut in speculatiuis principia se habent ad conclusionem, ut sæpè docent Aristoteles & D. Thomas: sed processus speculatiuus, qui est à principiis ad conclusionem, est processus compositiuus, ut communiter conceditur: ergo cum consilium sit processus à fine ad media, est processus compositiuus, & ita procedit ordine compositiuo.

Secundò, Processus à causa ad effectum est processus compositiuus, ut communiter conceditur: sed consilium est processus à causa ad effectum, scilicet à fine ad media, constat enim quòd finis est causa mediorum: ergo consilium est processus compositiuus.

CONCLUSIO.

RESPONDEO dicendum, quòd consilium non est processus simpliciter compositiuus.
2. nec mixtus ex compositiuo & resolutorio.
3. sed est simpliciter processus resolutorius: & consequenter procedit ordine resolutorio. Ita communiter Discipuli Diui Thomæ in præsentia.

Probatur prima pars conclusionis, Processus simpliciter compositiuus opponitur processui simpliciter resolutorio, ut constat ex dictis, & communiter conceditur: sed consilium est processus simpliciter resolutorius, ut ostendetur in tertia parte conclusionis: ergo consilium non est processus simpliciter compositiuus.

Probatur secunda pars conclusionis: Ideo in scientiis est processus mixtus ex compositiuo & resolutorio; quia eadem scientia procedit à causis secundum esse prioribus, seu secundum rem existentibus ad earum effectus, videlicet à principiis ad conclusiones; & vice versa etiam procedit ab effectibus ad causas dum reducit conclusiones ad prima principia, ex quibus prius illas deduxerat: sed consilium non procedit à causa priore secundum esse, seu secundum rem existente ad effectum, in quo est processus compositiuus; at tantum procedit ab effectu ad causam, in quo est processus tantum resolutorius; nam consilium procedit à fine ad media, constat autem quòd finis non est prior secundum esse ipsis mediis, nec est causa effectiua ipsorum; at tantum est prior secundum intentionem præci-

sè, ut habet rationem finis, & efficitur ab ipsis mediis unde finis secundum esse reale est effectus mediorum: ergo consilium non est processus mixtus ex compositiuo & resolutorio. Vnde consilium tantum procedit à fine ad media, non autem procedit à mediis ad finem: hoc enim est proprium actus imperij, qui incipit ordinem executionis, in quo proceditur à mediis ad finem; consilium autem est in ordine intentionis, in quo proceditur à fine ad media. Quòd indicat D. Thomas hic art. 5. ad 1. dicens quòd consilium est de operationibus: sed ratio operationum accipitur ex fine; & ideo ordo ratiocinandi (ac proinde consiliandi) de operationibus est contrarius ordini operandi.

Probatur tertia pars conclusionis autoritate Aristotelis & D. Thomæ; Aristoteles 3. Ethicorum cap. 3. dicit, quòd ille, qui consiliatur, videtur querere & resolvere; unde ex Philosopho consilium est questio resolutoria, siue processus simpliciter resolutorius. D. Thomas art. 5. sic ait: Principium autem in inquisitione consilij est finis, qui quidem est prior in intentione, posterior tamen in esse: & secundum hoc oportet quòd inquisitio consilij sit resolutoria, incipiendo scilicet ab eo, quod in futuro intenditur, quousque perueniatur ad id quod statim agendum est. Deinde probatur ex dictis in secunda parte conclusionis: Consilium est quidam processus; non compositiuus simpliciter, quia non procedit simpliciter à causa secundum rem prius existente ad effectum; nec mixtus ex compositiuo & resolutorio, quia nunquam procedit à tali causa priori secundum esse reale ad effectum; at semper procedit ab effectu ad causam, ut ostensum est: ergo est simpliciter processus resolutorius; Tum quia processus, qui non est simpliciter compositiuus, nec mixtus ex compositiuo & resolutorio, debet esse simpliciter resolutorius, ut constat ex sufficienti partium enumeratione; Tum quia processus, qui est semper ab effectu ad causam, est simpliciter resolutorius.

Ad primum ergo dicendum, quòd principia conclusionis sunt priora secundum esse ipsa conclusione, & sunt causa quodammodo efficiens ipsius; & ideo processus ab illis ad conclusionem est compositiuus: sed finis non est prior secundum esse ipsis mediis, nec est causa efficiens ipsorum; quin potius è contra media sunt causa efficiens finis, unde processus à fine ad media non est compositiuus, at resolutorius: & ita comparatio inter finem in ordine ad media, & inter principia in ordine ad conclusionem, tenet in multis aliis, ut sæpè dictum est; sed non in hoc, ad quod probandum adducitur in præsentia, propter rationem assignatam.

Ad secundum dicendum, quòd processus à causa ad effectum est compositiuus, si causa sit prior secundum esse ipso effectu, sicut est causa efficiens;

efficientis; non autem si sit tantum prior secundum intentionem, & posterior secundum esse, sicut est causa finalis ut sic respectu mediorum; quia talis causa in genere efficientis est effectus, & consequenter processus ab illa est resolutorius.



QVÆSTIO XV.

De consensu qui est actus voluntatis in comparatione eorum, quæ sunt ad finem, in quatuor articulos diuisa.



PRIMO considerandum est de consensu.

Et circa hoc quaeruntur quatuor.

- ¶ Primo, utrum consensus sit actus appetitiuus, vel apprehensiuus virtutis.
- ¶ Secundo, utrum conueniat brutis animalibus.
- ¶ Tertio, utrum sit de fine vel de his quæ sunt ad finem.
- ¶ Quarto, utrum consensus in actum, pertineat solum ad superiorem animæ partem.

ARTICVLVS I.

Utrum consensus sit actus appetitiuus vel apprehensiuus virtutis.

AD PRIMUM sic proceditur. Videtur, quod consentire pertineat solum ad partem animæ apprehensiuam Augustinus enim 12. de Trinit. consensum attribuit superiori rationi. sed ratio nominat apprehensiuam virtutem. ergo consentire pertinet ad apprehensiuam virtutem.

¶ 2. Præterea. Consentire est simul sentire. sed sentire est apprehensiuus potentie. ergo & consentire.

¶ 3. Præterea. Sicut assentire dicit applicationem intellectus ad aliquid ita & consentire. sed assentire pertinet ad intellectum, qui est vis apprehensiuus. ergo & consentire ad vim apprehensiuam pertinet.

SED contra est, quod * Damasc. dicit in 2. lib. quod si aliquis iudicat & non diligit, non est sententia, id est consensus: sed diligere ad appetitiuam virtutem pertinet, ergo & consensus.

CONCLUSIO.

Cum consentire sit simul sentire atque ita quandam coniunctionem importet ad id cui consentitur: magis proprie actus dicitur debere appetitiuæ virtutis, cuius est in aliud tendere quàm apprehensiuæ.

RESPONDEO dicendum, quod consentire importat applicationem sensus ad aliquid. Est autem proprium sensus, quod cognoscitiuus est rerum præsentium: vis enim imaginatiua est apprehensiuus similitudinum corporalium etiam rebus absensibus, quarum sunt similitudines; intellectus autem apprehensiuus est vniuersaliū rationum, quas potest apprehendere indifferenter, & præsentibus & absensibus singularibus. Et quia actus appetitiuus virtutis est quidam inclinatio ad rem ipsam secundum quandam similitudinem, hinc est quod ipsa applicatio appetitiuus virtutis ad rem secundum quam ei inhaeret, accipit nomen sensus: quasi experientiam quandam fumens de re, cui inhaeret, in quantum complacet sibi in ea. vnde Sap. 1. dicitur. Sentite de Domino in bonitate: & secundum hoc consentire est actus appetitiuus virtutis.

AD PRIMUM ergo dicendum, quod, sicut dicitur in 3. de anima, voluntas in ratione consistit. vnde cum Augustinus attribuit consensum rationi, accipit rationem secundum quod in ea concluditur voluntas.

AD SECUNDUM dicendum, quod sentire proprie dictum ad apprehensiuam potentiam pertinet, sed secundum similitudinem cuiusdam experientie pertinet ad appetitiuam, ut * dictum est.

AD TERTIUM dicendum, quod assentire est quasi ad aliud sentire. & sic importat quandam distantiam ad id cui assentitur: sed consentire est simul sentire. & sic importat quandam coniunctionem ad id cui consentitur. & ideo voluntas cuius est tendere ad ipsam rem, magis proprie dicitur consentire. Intellectus autem cuius operatio non est secundum motum ad rem, sed potius de conuerso, ut in 1. * dictum est magis proprie dicitur assentire: quomodo vnum pro alio poni solet. Potest etiam dici, quod intellectus assentit in quantum à voluntate mouetur.

ARTICVLVS II.

Utrum consensus conueniat brutis animalibus.

AD SECUNDUM sic proceditur. Videtur, quod consensus conueniat brutis animalibus, consensus enim importat determinationem appetitus ad vnum sed appetitus brutorum animalium sunt determinati ad vnum. ergo consensus in brutis animalibus inuenitur.

¶ 2. Præterea. Remoto priori remouetur posterius. sed consensus præcedit operis executionem: si ergo in brutis non esset consensus, non esset in eis operis executio: quod patet esse falsum.

¶ 3. Præterea, Homines interdum consentire dicuntur

in aliquid agendum ex aliqua passione, per concupiscentiam vel iram. sed bruta animalia ex passione agunt. ergo in eis est consensus.

SED contra est, quod Damasc. * dicit, quod post iudicium hominis disponit & amat quod ex consilio iudicatum est, quod vocatur sententia, id est consensus. sed consilium non est in brutis animalibus. ergo nec consensus.

CONCLUSIO.

Cum nulla sit in brutis animalibus appetitiui motus applicatio ad quippiam agendum, impossibile est illis consensum aliquem conuenire.

RESPONDEO dicendum, quod consensus, proprie loquendo, non est in brutis animalibus. cuius ratio est: quia consensus importat applicationem appetitiui motus ad aliquid agendum. eius autem est applicare appetitiuum motum ad aliquid agendum, in cuius potestate est appetitiuus motus: sicut tangere lapidem conuenit quidem baculo. sed applicare baculum ad tactum lapidis, est eius qui habet in potestate mouere baculum, bruta autem animalia non habent in sui potestate appetitiuum motum: sed talis motus in eis est ex instinctu naturæ. Vnde brutum animal appetit quidem, sed non applicat appetitiuum motum ad aliquid, & propter hoc non proprie dicitur consentire, sed solum rationalis natura, quæ habet in potestate sua appetitiuum motum, & potest ipsum applicare vel non applicare ad hoc vel ad illud.

AD PRIMUM ergo dicendum, quod in brutis animalibus inuenitur determinatio appetitus in aliquid passiuè tantum; consensus vero importat determinationem appetitus non solum passiuam, sed magis actiuam.

AD SECUNDUM dicendum, quod remoto priori remouetur posterius, quod proprie ex eo tantum sequitur si autem aliquid ex pluribus sequi possit, non propter hoc posterius remouetur vno priorum remoto: sicut si induratio possit fieri & à calido & frigido (nam lateres indurantur ab igne, & aqua congelata induratur ex frigore) non oportet quod remoto calore remouetur induratio. executio autem operis non solum sequitur ex consensu, sed etiam ex impetuoso appetitu, qualis est in brutis animalibus.

AD TERTIUM dicendum, quod homines qui ex passione agunt, possunt passionem non legi: non autem bruta animalia. vnde non est similis ratio.

ARTICVLVS III.

Utrum consensus sit de fine, vel de his, quæ sunt ad finem.

AD TERTIUM sic proceditur. Videtur, quod consensus sit de fine: quia propter quod vnumquodque, & illud magis; sed his quæ sunt ad finem, consentimus propter finem; ergo fini consentimus magis.

¶ 2. Præterea, Actio intemperati est finis eius. sicut & actio virtuosi est finis eius. sed intemperatus consentit in proprium actum; ergo consensus potest esse de fine.

¶ 3. Præterea, Appetitus eorum quæ sunt ad finem, est electio, ut supra * dictum est, si igitur consensus esset solum de his quæ sunt ad finem, in nullo ab electione differre videretur: quod pater esse falsum per Damasc. * qui dicit quod post disputationem, quam vocauerat sententiam, sit electio. non ergo consensus est solum de his quæ sunt ad finem.

SED contra est, quod amas. * ibidem dicit quod consensus siue sententia est quando homo disponit & amat quod ex consilio iudicatum est, sed consilium non est nisi de his quæ sunt ad finem. ergo nec consensus.

CONCLUSIO.

Cum consensus proprie loquendo, non sit nisi applicatio motus appetitiui ad id quod ex consilio iudicatum est, & consilium non sit nisi de his quæ sunt ad finem: constat consensum etiam proprie non esse nisi de his quæ sunt ad finem.

RESPONDEO dicendum, quod consensus nominat applicationem appetitiui motus ad aliquid præsentem in potestate applicantis: in ordine autem agibilibus primo quidem oportet sumere apprehensionem finis, deinde appetitum finis: deinde consilium de his, quæ sunt ad finem. deinde appetitum eorum, quæ sunt ad finem: appetitus autem in vltimum finem tendit naturaliter. vnde & applicatio motus appetitiui in finem apprehensum, non habet rationem consensus, sed simplicis voluntatis. de his autem quæ sunt post vltimum finem, in quantum sunt ad finem, sub consilio cadunt: & sic potest esse de eis consensus, in quantum motus appetitiuus applicatur ad id, quod ex consilio iudicatum est. motus verb appetitiuus in finem, non applicatur consilio. sed magis consilium ipsi: quia consilium præsupponit appetitum finis, sed appetitus eorum quæ sunt ad finem, præsupponit determinationem consilij. Et ideo applicatio appetitiui motus ad determinationem consilij, proprie est consensus. vnde cum consilium non sit nisi de his, quæ sunt ad finem, consensus proprie loquendo, non est nisi de his quæ sunt ad finem.

AD PRIMUM ergo dicendum, quod sicut conclusiones scimus per principia; horum tamen non est scientia: sed quod maius est, scilicet intellectus, ita consentimus his quæ sunt ad finem propter finem; cuius tamen non est consensus, sed quod maius est, scilicet voluntas.

AD SECUNDUM dicendum, quod intemperatus habet pro fine delectationem operis, propter quam consentit in opus magis, quàm in in ipsam operationem.

AD TERTIUM dicendum, quod electio addit supra consensum quandam relationem respectu eius cui aliquid præteligitur: & ideo post consensum adhuc remanet electio. potest enim contingere quod per consilium inueniantur plura ducentia ad finem, quorumdam quodlibet placeat, in quolibet eorum consentitur: sed ex multis quæ placeant, præaccipimus vnum, eligendo: sed si inueniatur vnum solum quod placeat, non differunt re consensus & electio, sed ratione tantum; ut consensus

consensus dicitur secundum quod placet ad agendum : electio autem secundum quod præferatur his quæ non placeant.

ARTICVLVS IV.

Utrum consensus in actum pertineat solum ad superiorem animæ partem.

90 **AD QVARTVM** sic proceditur. Videtur, quod consensus ad agendum non semper pertineat ad superiorem rationem. delectatio enim consequitur operationem, & perficit eam, sicut decore iuuentutem, sicut dicitur in 10. ² Ethico. sed consensus in delectationem pertinet ad inferiorem rationem, ut dicit August. in 12. de Trin. ergo consensus in actum non pertinet ad solam superiorem rationem.

^{Id. 10. n. 6.}
^{q. 4. paulo post m. d. 10. 5.}
^{2. ibi 12. d.}
^{12. 1. m. 3.}

¶ 1. Præterea, actio in quam consentimus, dicitur esse voluntaria: sed multarum potentialium est producere actiones voluntarias. ergo non sola superior ratio consentit in actum.

^{Id. 12. d.}
^{q. 12. 7. m.}
^{1. m. 3.}

¶ 2. Præterea, Superior ratio intendit æternis inspicendis & consulendis, ut August. dicit in 12. de Trin. sed multoties homo consentit in actum, non propter aliquas rationes æternas, sed propter aliquas rationes temporales, vel etiam propter aliquas animæ passiones, non ergo consentit in actum pertinet ad solam superiorem rationem.

^{Id. 12. d.}
^{q. 12. cap. 12.}
^{circ. m. d. 10. 3.}

¶ 3. Contra est, quod Aug. dicit 12. de Trin. Non potest peccatum efficaciter perpetrandum mente decerni, nisi illa mentis intentio penes quam summa potestas est membra in opus mouendi, vel ab opere cohibendi, male actioni cedat & seruiat.

CONCLUSIO.

Consensus in actum cum sit finalis sententia de agendis, solum ad superiorem animæ partem, rationem scilicet secundum quod in ea voluntas includitur, pertinet.

RESPONDO dicendum, quod finalis sententia semper pertinet ad eum, qui superior est, ad quem pertinet de aliis iudicare: quamdiu enim iudicandum restat quod proponitur, nondum datur finalis sententia. Manifestum est autem, quod superior ratio est, quæ habet de omnibus iudicare: quia de sensibilibus per rationem iudicamus. de his vero quæ ad rationes humanas pertinent, iudicamus secundum rationes diuinas, quæ pertinent ad rationem superiorem. & ideo quamdiu incertum est an secundum rationes diuinas restatur, vel non, nullum iudicium rationis habet rationem finalis sententia. Finalis autem sententia de agendis est consensus in actum: & ideo consensus in actum pertinet ad rationem superiorem: secundum tamen quod in ratione voluntas includitur, sicut ² supra dictum est.

^{art. 1. ad 1.}

Ad primum ergo dicendum, quod consensus in delectationem operis pertinet ad superiorem rationem, sicut & consensus in opus: sed consensus in delectationem cogitationis pertinet ad rationem inferiorem, sicut ad ipsam pertinet cogitare: & tamen de hoc ipso, quod est cogitare, vel non cogitare, in quantum consideratur ut actio quedam, habet iudicium superior ratio: & similiter de delectatione consequente: sed in quantum accipitur ut ad actionem aliam ordinatum, sic pertinet ad inferiorem rationem: quod enim ad aliud ordinatur, ad inferiorem artem, vel potentiam pertinet, quam finis ad quem ordinatur: unde ars quæ est de hæc, architectonica, seu principalis vocatur.

^{q. 6. art. 1.}

Ad secundum dicendum, quod quia actiones dicuntur voluntarie, ex hoc quod eis consentimus, non oportet quod consensus sit cuiuslibet potentia: sed voluntatis à qua dicitur voluntarium, quæ est in ratione, sicut ² dictum est.

Ad tertium dicendum, quod ratio superior dicitur consentire, non solum quia secundum rationes æternas semper moueat ad agendum, sed etiam quia secundum rationes æternas non dissentit.

634 635 636 637 638 639 640 641 642 643 644 645 646 647 648 649 650 651 652 653 654 655 656 657 658 659 660 661 662 663 664 665 666 667 668 669 670 671 672 673 674 675 676 677 678 679 680 681 682 683 684 685 686 687 688 689 690 691 692 693 694 695 696 697 698 699 700 701 702 703 704 705 706 707 708 709 710 711 712 713 714 715 716 717 718 719 720 721 722 723 724 725 726 727 728 729 730 731 732 733 734 735 736 737 738 739 740 741 742 743 744 745 746 747 748 749 750 751 752 753 754 755 756 757 758 759 760 761 762 763 764 765 766 767 768 769 770 771 772 773 774 775 776 777 778 779 780 781 782 783 784 785 786 787 788 789 790 791 792 793 794 795 796 797 798 799 800 801 802 803 804 805 806 807 808 809 810 811 812 813 814 815 816 817 818 819 820 821 822 823 824 825 826 827 828 829 830 831 832 833 834 835 836 837 838 839 840 841 842 843 844 845 846 847 848 849 850 851 852 853 854 855 856 857 858 859 860 861 862 863 864 865 866 867 868 869 870 871 872 873 874 875 876 877 878 879 880 881 882 883 884 885 886 887 888 889 890 891 892 893 894 895 896 897 898 899 900 901 902 903 904 905 906 907 908 909 910 911 912 913 914 915 916 917 918 919 920 921 922 923 924 925 926 927 928 929 930 931 932 933 934 935 936 937 938 939 940 941 942 943 944 945 946 947 948 949 950 951 952 953 954 955 956 957 958 959 960 961 962 963 964 965 966 967 968 969 970 971 972 973 974 975 976 977 978 979 980 981 982 983 984 985 986 987 988 989 990 991 992 993 994 995 996 997 998 999 1000

DISPUTATIO XV.

De Actu Consensus.

EX Actibus ad ordinem intentionis spectantibus, qui circa media versantur, superest Consensus; primus quidem viæ generationis & in genere causæ efficientis, postremus tamen in genere causæ finalis; quia non solum est prior electione, sed etiam est prior consilio, quatenus importat consultationem de mediis vtilibus, & iudicium suum extrinsecum complementum; quamuis sit posterior eodem consilio, ut dicit primam inquisitionem mediatorum. In tractatu autem actuum humanorum observatur prioritas & posterioritas in genere causæ finalis, ut dictum est: Et quia aliunde res absolute considerata accipiuntur in statu perfecto

& completo; inde est quod postremo loco agitur, intra ordinem intentionis, de Consensu postquam actum est de consilio.

DVBIVM I.

Utrum Consensus sit actus solius appetitus rationalis.

SUPPONENDUM est, quod in homine est duplex appetitus ultra naturalem seu innatum. Primus dicitur sensitivus, communis ipsi & aliis animalibus, ad quem pertinent omnes animæ passiones, quasi motus ipsius. Secundus dicitur rationalis seu intellectualis, proprius ipsi homini si compararetur aliis animalibus, quamuis sit communis ipsi & aliis naturis intellectualibus. Hic duplex appetitus consequitur duplicem cognitionem quæ est in homine, nempe intellectualem & sensitivam: ad quamlibet enim formam sequitur aliquis appetitus; ad formam quidem naturalem siue specificam constitutivam subiecti, sequitur in omnibus rebus appetitus naturalis seu innatus; ad formam autem apprehensam sequitur appetitus cognoscitivus siue supponens cognitionem; quæ forma si sit intentionalis, dicitur appetitus sensitivus; si sit forma intellectualis, dicitur appetitus rationalis & intellectualis. Aliquando appetitus sumitur pro potentia, & tunc appetitus rationalis est potentia voluntatis: aliquando verò sumitur pro actu elicito à tali potentia, & tunc dicitur appetitus per modum actus secundi, quia potentia est appetitus per modum actus primi, & sic volitio boni est appetitus rationalis elicitus. In præsentī, dum quæritur, utrum consensus sit actus solius appetitus rationalis, appetitus sumitur ut significat potentiam voluntatis: Virtualiter autem duo quæruntur; primum, utrum consensus sit actus potentia appetitiuæ, & non apprehensivæ; secundum, utrum supposito quod consensus sit actus virtutis appetitiuæ, sit actus solius appetitus rationalis seu intellectualis, qui est voluntas.

Prima opinio asserit, quod consensus est actus virtutis apprehensivæ, & non appetitus. Probat: Consensus deriuatur à consentire: sed consentire dicit actum virtutis apprehensivæ, nam consentire est simul sentire, siue est plures habere idem iudicium de aliqua re, sicut dissentire est plures habere diuersum iudicium; constat autem quod sentire & habere iudicium seu iudicare sunt actus virtutis apprehensivæ, & non appetitus: ergo consensus est actus virtutis apprehensivæ, & non appetitus.

Secundò, Damascenus lib. 2. Orthodoxæ Fidei cap. 22. dicit quod post iudicium homo disponit, & amat quod ex consilio iudicatum est, quod vocatur sententia, id est consensus; unde ex Damasceno idem est consensus ac sententia & iudicium: sed sententia & iudicium sunt actus

Ee 3 appre

& significat correspondentiam ipsarum in ordine ad aliquid agendum; Vnde S. Bonaventura in 2. d. 28. art. 2. q. 2. dicit consensum esse concordiam voluntatis & intellectus ad aliquid agendum. Sumitur autem strictè in hac materia morali, secundum communem acceptionem & usum loquendi, solum pro actu appetitus rationalis siue voluntatis, consequente iudicium illud primum intrinsecum consilio, quo media utilia reperiuntur & discernuntur ab inutilibus; antecedente verò consultationem, (quæ est intrinsecus terminus consilij) de mediis magis utilibus, & potiori iure iudicium ultimum de iisdem mediis magis utilibus eligendis, quod est terminus intrinsecus totius processus consilij, sicut dicitur à pluribus, quod conclusio est terminus extrinsecus discursus speculativi. Quamvis autem consensus secundum primariam & originariam suam significationem sit actus potentie apprehensivæ, & ita magis videatur attribuendus intellectui quam voluntati; tamen nunc ex communi acceptione & usu loquendi inter Philosophos morales & Theologos, iuxta secundariam suam significationem, sumitur tantum pro prædicto actu voluntatis: sæpe enim contingit, quod nomina non retineant primariam & originariam suam significationem, sed tantum usurpentur iuxta secundariam & translativam suam significationem, ut constat in hoc nomine lapis, quod derivatur à lædendo pede, & translatum est ad significandum aliquod particulare lædens pedem, scilicet ad significandum petram; & tamen certum est quod nunc lapis ex communi usu significat tantum petram, & non aliud quodcumque lædens pedem: vnde ad distinctionem, actus intellectus dicitur assensus; & actus voluntatis, consensus ob rationem adductam à D. Thoma hic art. 1. ad 3. Querimus igitur in præsentia, utrum consensus iuxta secundariam, sed nunc ex communi acceptione magis propriam suam significationem, sumptus pro prædicto actu voluntatis sit tantum de mediis.

Prima opinio asserit, consensum non esse tantum de mediis, sed etiam de fine. Probatur, Bonum delectabile & delectatio de illo sunt finis, solum quippe bonum utile & usus illius habent rationem medij, ut communiter conceditur: sed voluntas consentit bono delectabili & delectationi de illo, ut etiam communiter conceditur: ergo consensus non est tantum de mediis, sed etiam de fine.

Secundò, Consentimus mediis propter finem, omnes quippe actus voluntatis, imò & intellectus circa media sunt propter consecutionem ipsius finis: ergo magis consentimus fini quam mediis, iuxta illam regulam Philosophi, Propter quod unumquodque tale, & illud magis, vnde consensus non est tantum de mediis, sed etiam de fine, & multò magis.

Tertiò, Potest esse peccatum circa ultimum finem, & tale creditur fuisse primum peccatum Angelorum, iuxta probabiliorē sententiam: ergo consensus non est tantum de mediis, sed etiam de fine, cum non possit esse peccatum circa aliquid, nisi sit consensus de illo.

CONCLUSIO.

RESPONDEO dicendum, quod consensus est tantum de mediis. 1. vnde nullo modo potest esse consensus de ultimo fine. 3. de finibus autem inter mediis potest quidem esse consensus ut habent rationem medij: sed non ut habent rationem finis. Ita communiter docent Philosophi morales & Theologi in præsentia.

Probatur prima pars conclusionis, tum auctoritate, tum ratione D. Thomæ hic art. 3. quam desumpsit ex S. Damasceno citato ibidem in argumento, Sed contra: Quæ ratio sic breviter ad formam reducitur: Consensus propriè loquendo sequitur consilium iuxta inquisitionem ipsius de aliquibus, quamvis præcedat illud ut importat ultimam consultationem, & finalem sententiam de illis; & consequenter consensus est tantum de illis, de quibus est consilium, hoc enim est univèrsaliter verum, quod actus voluntatis est de eodem obiecto materiali, de quo est actus præcedens intellectus à quo regulatur, quamvis sub diuersa ratione formali, voluntas quippe illud attingit sub ratione boni, & intellectus sub ratione veri aut entis: sed consilium quoad omnia quæ importat, etiam quoad primam inquisitionem, est tantum de mediis, ut ostensum est disputatione præcedenti: ergo consensus est tantum de mediis. Et ita D. Thomas concludit sic: Vnde cum consilium non sit nisi de his, quæ sunt ad finem, consensus propriè loquendo, non est nisi de his quæ sunt ad finem.

Probatur secunda pars conclusionis auctoritate D. Thomæ hic art. 3. ubi sic ait: Appetitus autem in ultimum finem tendit naturaliter; vnde & applicatio motus appetitivi in finem apprehensum non habet rationem consensus, sed simplicis voluntatis. Deinde probatur ratione D. Thomæ sic amplius expensa: Consensus nominat applicationem appetitivi motus ad aliquid præexistens in potestate applicantis; siue est actus, quo voluntas applicat se ipsam ad volendum aliquid, quod est in eius potestate constitutum: sed voluntas non propriè seipsam applicat ad volendum ultimum finem, at potius applicatur ab authore naturæ ad talem volitionem, quia appetitus tendit naturaliter ad ultimum finem, ut docet D. Thomas supra q. 9. art. 4. & 6. ut autem voluntas propriè se applicet ad aliquid, debet seipsam ex deliberatione perfectâ, & pleno dominio sui actus ad illud mouere: ergo voluntas non habet actum consensus circa ultimum finem; & ita nullo modo potest esse consensus de ultimo fine: vnde solum voluntas applicat seipsam ad volenda media posita in eius potestate,

potestate, ex prævia apprehensione & intentione finis ultimi, respectu cuius potius applicatur & mouetur inclinatione naturali ab ipso auctore naturæ, quam se applicet & moueat, eo proportionali modo quo aliarum creaturarum diriguntur ab auctore naturæ ad proprios fines; hæc autem motio & applicatio fit per actus vitales ab intrinseco procedentes, & propterea voluntas non se habet omnino passiuè in ordine ad ultimum finem, quomodo se habent inanimata & non cognoscentia ad proprios fines; sed se habet aliquantulum actiuè, eo modo quo cognoscentia se habent ad proprios fines, id est quantum ad tendentiam, non verò quantum ad directionem.

Probatur tertia pars conclusionis auctoritate Diui Thomæ hinc art. 3. ubi sic ait: De his autem quæ sunt post ultimum finem, in quantum sunt ad finem, sub consilio cadunt; & sic potest esse de eis consensus, in quantum motus appetitiuus applicatur ad id, quod ex consilio iudicatum est; motus verò appetitiuus in finem non applicatur consilio, sed magis consilium ipsi, quia consilium præsupponit appetitum finis, sed appetitus eorum quæ sunt ad finem præsupponit determinationem consilij; & ideo applicatio appetitiui motus ad determinationem consilij propriè est consensus. Deinde probatur ratione ex his deducta: Consensus sequitur consilium quoad inquisitionem ipsius, ut sæpe dictum est: sed de finibus intermediis ut habent rationem mediij potest esse inquisitio, non autem ut habent rationem finis; cuius ratio est superius assignata, quia scilicet inquisitio consilij est quidam processus & motus rationis, qui non potest esse in termino à quo vel ad quem, at tantum in medio; in ordine autem intentionis in operabilibus se habet finis ut terminus, à quo extrinsecè incipit consilium; & in ordine executionis se habet ut terminus, ad quem dirigitur consilium & extrinsecè desinit: ergo de finibus intermediis potest quidem esse consensus, ut habent rationem mediij, sed non ut habent rationem finis; quamuis consensus & omnes alij actus, tam intellectus, quam voluntatis vtriusque ordinis scilicet intentionis & executionis possint aliquo modo dici esse de fine, quia ad eius affectionem ordinantur; in præsentem autem negatur consensus esse de fine immediate tanquam de obiecto.

Ad primum ergo dicendum cum D. Thoma hinc art. 3. ad. 2. quod intemperatus habet pro fine delectationem operis, propter quam consentit in opus magis, quam in ipsam operationem. Unde consensus est de opere delectabili, si quis assumat delectationem pro fine: potest tamen esse consensus de bono delectabili & de delectatione simul; si quis assumat illa ut media ad beatitudinem, quæ in omnibus saltem virtualiter intenditur.

Ad secundum dicendum, quod illa regula

est tantum vera, quando illud in quo fit comparatio conuenit extremis comparatis, & vni propter aliud, ut dictum est supra, quod non contingit in præsentem, quia consensus non conuenit fini propter rationem assignatam, at tantum mediis. Quod optimè declarat D. Thomas hinc art. 3. ad. 1. à simili, dicens quod sicut conclusiones scimus per principia; horum tamen non est scientia, sed quod maius est scilicet intellectus siue intelligentia: ita consentimus his quæ sunt ad finem propter finem; cuius tamen non est consensus, sed quod maius est, scilicet voluntas seu simplex volitio, & etiam intentio.

Ad tertium dicendum, quod ad peccatum sufficit quicumque consensus, siue strictè, siue latè sumptus: circa finem etiam ultimum admittimus posse dari consensum latè sumptum; sed negamus posse dari de fine consensum strictè sumptum, de quo loquimur in præsentem.

D V B I V M III.

Verum Consensus sit tantum de mediis, quæ eliguntur.

Supponendum est, quod ut plurimum in ordine ad aliquem finem intentum occurrunt plura media consulenti iudicata utilia: quia tamen non semper possunt omnia executioni mandari, vel quia sunt siquid impossibilia, vel quia frustra fit per plura, quod potest fieri per pauciora, si æquè benè; ideo postquam intellectus per inquisitionem consilij adinuenit media utilia in ordine ad aliquem finem, & iudicauit ut talia præ aliis occurrentibus iudicatis inutilibus; non ibi sistit, sed vterius procedit, & conferendo media utilia inter se, de illis consultat quænam sint utiliora, in ordine ad electionem; cum enim finis intendatur ordinariè ut consequibilis meliori modo quo potest, inde est quod queruntur media magis utilia, & melius conductia ad eius consecutionem: tandem facta collatione & consultatione prædicta, iudicat intellectus quænam media sint magis utilia & eligenda. Querimus igitur in præsentem: Verum consensus sit tantum de mediis magis utilibus, quæ eliguntur post ultimum iudicium & sententiam finalem intellectus; vel sit de omnibus mediis iudicatis utilibus per primum iudicium intellectus.

Prima opinio Vasquis hinc in art. 1. num. 13. & 14. asserit quod consensus sit tantum propriè de mediis, quæ eliguntur: in quantum dicit, quod complacentia voluntatis circa media non est propriè consensus. Probatur auctoritate S. Damasceni, qui lib. 2. Orthodoxæ Fidei cap. 22. dicit quod post iudicium homo disponit & amat quod ex consilio iudicatum est, quod vocatur sententia, id est consensus: Et cap. 25. expressè docet consensum sequi sententiam intellectus: sed

sed sententia intellectus est tantum de mediis quæ eliguntur ut communiter conceditur: ergo consensus, siue sit ipsa sententia intellectus, siue illam sequatur, est tantum de mediis quæ eliguntur.

Secundò, Iudicium intellectus est tantum de mediis quæ eliguntur, ut communiter conceditur: sed consensus est applicatio motus appetitiui ad id quod ex consilio iudicatum est, ut docet D. Thomas hic art. 3. ubi sic ait: De his autem quæ sunt post ultimum finem, in quantum sunt ad finem, sub consilio cadunt: & sic potest esse de eis consensus, in quantum motus appetitiuus applicatur ad id quod ex consilio iudicatum est; & ita ex D. Thoma consensus est tantum de mediis, de quibus est iudicium consilij: ergo consensus est tantum de mediis, quæ eliguntur.

Tertiò, Si consensus esset de omnibus mediis, & non tantum de illis quæ eliguntur, sequeretur quod qui peccat intendendo malum finem, committeret multa peccata circa media, consentiendo videlicet omnibus mediis vtilibus in ordine ad prædictum finem intentum: sed falsum est quod committantur illa multa peccata: ergo consensus non est de omnibus mediis, at tantum de illis quæ eliguntur.

CONCLUSIO.

RESPONDEO dicendum, quod consensus de quo in præsentī loquimur, tanquam de actu adæquatè distincto ab electione, non tantum est de mediis quæ post ultimum iudicium intellectus eliguntur. 2. sed etiam de omnibus aliis iudicatis vtilibus per primum iudicium intellectus, vel simul, vel sigillatim sumptis. Ita communiter Discipuli D. Thomæ, & alij in præsentī.

Probatur prima pars conclusionis, de qua nullus dubitat, communi sententia & auctoritate Philosophorum moralium & Theologorum. Deinde probatur ratione: Electio supponit consensum, quia consensus est complacentia in mediis; certum est autem quod media non eliguntur à voluntate, nisi prius voluntas sibi in eis placeat: ergo consensus, de quo in præsentī loquimur, tanquam de actu adæquatè distincto ab electione, est de mediis quæ post ultimum iudicium intellectus eliguntur.

Probatur & explicatur secunda pars conclusionis. Dicimus quod consensus latè sumptus admiscetur omnibus actibus intellectus & voluntatis; nam intellectus, dum intelligit, consentit suæ intellectioni & rebus intellectis; & voluntas, dum eligit media, consentit suæ electioni & mediis electis: sed tamen hic consensus non est actus ex æquo realiter distinctus ab aliis actibus quibus admiscetur. Verum consensus strictè sumptus est aliquis peculiaris actus voluntatis ex æquo distinctus ab aliis eius actibus: cum enim consensus iste sit complacentia vo-

luntatis in mediis, & voluntas possit sibi complacere in mediis iudicatis vtilibus, ante ultimum iudicium intellectus de magis vtilibus, necessarium est quod consensus distinguatur tunc ex æquo ab electione quæ est post illud iudiciū, quod proinde mediat inter consensum & electionem, ordinariè loquendo ut dicetur dubio sequenti. His positis probatur hæc pars conclusionis auctoritate D. Thomæ hic art. 3. ad 3. ubi sic ait: Electio addit supra consensum quandam relationem respectu eius cui aliquid præeligitur: & ideo post consensum adhuc remanet electio: potest enim contingere quod per consilium inueniantur plura ducentia ad finem, quorum dum quodlibet placet; in quodlibet eorum consentitur; sed ex multis quæ placent, præaccipitur vnum eligendo: sed si inueniatur vnum solum quod placeat, non differunt re consensus & electio, sed ratione tantum, ut consensus dicatur secundum quod placet ad agendum, electio autem secundum quod præferitur his quæ non placent. In quibus D. Thomas plura dicit in fauorem nostræ conclusionis. Primum est, quod consensus est complacentia in mediis per consilium adiuuentis ut ducentibus ad finem: unde cum possit fieri, imò ordinariè sic fiat, quod non eligantur omnia media quæ placent, sed tantum aliqua ex ipsis per collationem adinuicem iudicata magis vtilia; necessario sequitur quod consensus sit non tantum de mediis quæ eliguntur, sed etiam de omnibus aliis iudicatis vtilibus per primum iudicium intellectus, vel simul, vel sigillatim sumptis. Secundum quod dicit, est quod consensus distinguitur re ab electione, quando per consilium inueniuntur plura ducentia ad finem, siue plura media vtilia ad finem, & tantum distinguitur ratione, quando inuenitur vnum solum medium quod placet: Ratio vtriusque habetur ex dictis, quia quando per inquisitionem consilij inueniuntur plura media vtilia ad finem, requiritur quod voluntas ex collatione ipsorum determinetur ad eligendum magis vtile, & ita inter consensum & electionem debet interuenire consultatio de mediis magis vtilibus, & ultimum intellectus iudicium de illis, unde mediis his actibus intellectus diuiduntur, & ex æquo distinguuntur consensus & electio qui sunt actus voluntatis. Sed quando per inquisitionem consilij inuenitur vnicum medium vtile ad finem, tunc non requiritur consultatio & iudicium prædictum intellectus; sed supposita efficaci intentione finis, statim ex necessitate voluntas illud accipit, & ita complacentia seu consensus & electio non distinguuntur ex æquo, & consequenter non differunt re, sed ratione tantum, ut ibidem explicat D. Thomas. Deinde probatur ratione, Non implicat quod omnia media, quæ fuerunt per inquisitionem consilij inuenta, iudicentur æquè vtilia, & sic intellectus maneat anceps nullum ex illis eligendo: sed tunc

esset verè consensus de illis mediis, quia voluntas in eis sibi complaceret: ergo consensus non est tantum de mediis quæ eliguntur, sed etiam de omnibus aliis iudicatis vtilibus per primum iudicium intellectus, vel simul, vel sigillatim sumptis.

A D primum ergo dicendum, quòd Damascenus in primo loco loquitur de consensu latè sumpto, qui admiscetur omnibus actibus intellectus & voluntatis. In secundo item loco debet explicari de consensu latè sumpto. Vel si loquatur de consensu strictè sumpto, de quo in præsentī loquimur, per sententiam in utroque loco intelligit primum iudicium intellectus discernentis media vtilia ab inutilibus: & adhuc in primo loco eius propositio est tantum vera in sensu causali.

A D secundum dicendum, quòd consensus est applicatio motus appetitiui ad id quod ex consilio iudicatum est; non quidem iudicio illo posteriori, quod extrinsecè complet & terminat consilium; sed iudicio priori, quod est intrinsecum consilio, & forte indistinctum ab inquisitione & inuentione mediorum vtilium præ inutilibus: & hoc modo intelligendus est Diuus Thomas.

A D tertium dicendum, quòd si quis verè consentiat omnibus mediis occurrentibus in ordine ad finem intentum, & illa media habeant speciales malitias, tunc erunt plura specie peccata, puta si quis in ordine ad fornicandum consentiat seorsim furto, homicidio, &c. (potest enim fieri, quòd voluntas non consentiat omnibus illis propter aliquam rationem peculiarem in eis repperitam, quamuis ordinariè voluntas consentiat omnibus mediis iudicatis vtilibus). Si autem illa media non habeant speciales malitias, non erunt specie plura peccata, licet seorsim omnibus consentiat, sed idem peccatum repetitum. Si autem vnico actu omnibus mediis consentiat, & media habeant speciales malitias, erit quidem vnum peccatum, sed cum multiplici deformitate morali specie distincta. Si tandem media non habeant speciales malitias, & vnico actu illis consentiat, erit quidem vnicum etiam numero peccatum, propter malitiam finis intenti; sed tamen erit maius, quia vult talem finem efficacius, quandoquidem omnibus mediis ad illum conducentibus consentit: si enim aliquibus mediis tantum consentiret, & non omnibus, esset fundamentum iudicandi, quòd non ita efficaciter vult illum finem.

D V B I V M IV.

Utrum Consensus sit semper actus realiter distinctus ab electione.

Supponendum est, quòd in præsentī tantum loquimur de consensu strictè sumpto, de quo

hactenus in hac disputatione actum est, & non de consensu latè sumpto siue in tota sua latitudine, prout scilicet admiscetur omnibus actibus intellectus & voluntatis; nam certum est quòd dum voluntas eligendo, virtualiter consentit electioni, tunc ille consensus non est actus realiter distinctus, saltem ex æquo, ab ipsa electione. Quærimus ergo, Vtrum consensus strictè sumptus pro complacentia in mediis vtilibus propositis in ordine ad aliquem finem, semper sit actus realiter & ex æquo distinctus ab electione quæ est acceptio vnus mediij præ aliis: vel vtrum aliquando idem actus possit esse realiter ac formaliter consensus & electio.

Prima opinio asserit, quòd idem actus voluntatis possit esse realiter ac formaliter consensus & electio, cum aliqua distinctione rationis. Probatur expressa autoritate D. Thomæ hîc art. 3, ad 3. vbi sic ait: Sed si inueniatur vnum solum (scilicet medium) quod placeat: non differunt re consensus & electio, sed ratione tantum; ut consensus dicatur secundum quod placet ad agendum; electio autem, secundum quod præfertur his quæ non placent.

Secundò, Quando inuenitur per consilium vnicum medium vtile in ordine ad finem efficaciter intentum, tunc voluntas eodem actu illi consentit, & illum eligit; nam simul in illo complacet, in quo est consensus; & illud efficaciter vult & accipit præ aliis mediis inutilibus, in quo est electio: vnde tunc inchoatiue actus ille est inefficax & consensus, terminatiue autem est efficax & electio: ergo idem actus voluntatis potest esse realiter ac formaliter consensus & electio, cum aliqua distinctione rationis; maxime quia talis actus circa prædictum medium non est tantum consensus, cum sit actus efficax, & consensus sit semper actus inefficax: nec est tantum electio, cum talis actus dicat intrinsecè complacentiam, & tamen electio non dicit intrinsecè complacentiam, sed illam supponit: vnde talis actus debet esse simul consensus & electio.

Tertiò, Ex vna parte omnis actus voluntatis circa media in ordine ad finem est electio, sicut omnis actus voluntatis circa finem in ordine ad media est intentio; in hoc enim differt intentio à simplici volitione, quòd simplex volitio est circa finem præscindendo à mediis; & in hoc differt electio à consensu, quòd consensus est de mediis ut præscindunt ab ordine efficaci ad finem: ex alia verò parte omnis actus complacentiæ circa media est consensus: ergo cum actus voluntatis circa vnicum medium in ordine ad finem, sit simul complacentia de tali medio, & sit de illo cum efficaci ordine ad finem, simul est consensus & electio.

C O N C L V S I O.

RESPONDEO dicendum, quòd ordinariè consensus est actus realiter distinctus ab electione

ctione 1. imò est semper realiter distinctus ab illa. 3. & est impossibile quòd idem actus sit formaliter consensus & electio, si propriè sumantur. Ita tenent omnes, qui distinguunt specie consensum & electionem.

Probatur prima pars conclusionis autoritate D. Thomæ, qui distinctis quæstionibus agit de consensu & de electione, tanquam de actibus realiter distinctis, saltem ordinariè: quod maxime declarat hic art. 3. ad 3. vbi sic ait: Electio addit supra consensum quandam relationem respectu eius cui aliquid præeligitur, & ideo post consensum adhuc remanet electio: potest enim contingere quòd per consilium inveniatur plura ducentia ad finem, quorum dum quodlibet placet, in quodlibet eorum consentitur; sed ex multis quæ placent, præaccipimus vnum eligendo. Deinde probatur ex dictis: Ordinariè inter consensum & electionem intercedit actus intellectus; nam consensus est de omnibus mediis vtilibus inuentis, electio autem est tantum de mediis magis vtilibus, post iudicium intellectus de maiori eorum utilitate; sic enim ordinariè procedit voluntas, vt supra dictum est: ergo ordinariè consensus est actus realiter distinctus ab electione.

Probatur secunda & tertia pars conclusionis (secunda quippe necessariò est vera, si tertia probetur esse vera). Est impossibile, quòd idem actus sit in genere physico realiter & formaliter in duplici specie, quamvis hoc sit possibile in genere morali: cuius ratio est, quia differentia essentialis physica est constitutiva rei intrinsecè in seipsa, vnde sicut est impossibile quòd idem sit duo, sic est impossibile quòd sit in duplici specie physica: differentia autem moralis non est constitutiva essentialiter rei, sed est ipsi superaddita, ac proinde accidentaliter, vnde non est mirum quòd in genere morali idem possit esse in duplici specie: sed consensus & electio, si propriè sumantur, sunt duæ species actuum voluntatis in genere physico; nam consensus in sua formali ratione est complacentia de mediis vtilibus in ordine ad finem intentum, ita vt sit de mediis secundum quòd dicunt præcisè relationem ad finem; electio autem in sua formali ratione est acceptio mediorum magis vtilium præ aliis in ordine ad finem intentum, ita vt sit de mediis secundum duplicem relationem, vnam quidem ad finem, aliam verò ad reliqua media, vt constat ex dictis in tota hac disputatione, & in disputatione de electione: ergo est impossibile quòd idem actus sit formaliter consensus & electio, si propriè sumantur.

Ad primum ergo dicendum, quòd ibi D. Thomas non accipit electionem propriè, sicut eam acceperat in propria quæstione de ipsa electione: nam electio propriè est acceptio vnus medij magis vtilis præ aliis minus vtilibus post iudicium & sententiam intellectus de mediis

magis vtilibus; vnde acceptio talis medij vnici occurrentis præ aliis inutilibus non est propriè electio, de qua agimus in præsentì, sed est electio lato modo.

Ad secundum similiter dicendum, quòd illa volitio efficax talis medij vnici occurrentis, non est propriè electio: sed est consensus efficax de tali medio: licet enim ordinariè consensus sit actus inefficax, quia multa occurrunt media, & tunc voluntas solum in illis complacet, quia expectatur iudicium intellectus de magis vtili quòd præ aliis accipiat in ordine ad executionem: tamen quando est vnicum medium, & finis efficaciter intenditur, tunc consensus est actus efficax de tali medio, & est complacentia in ordine ad executionem.

Ad tertium dicendum, quòd quidem omnis actus voluntatis circa finem in ordine ad media est intentio; non autem omnis actus voluntatis circa media in ordine ad finem, etiam efficaci, est electio vt dictum est; quia si sit vnicum medium, est consensus efficax de tali medio: vnde quamvis ordinariè consensus sit de mediis vt præscindunt ab ordine efficaci ad finem, non tamen hoc habet necessariò.



QVÆSTIO XVI.

De vñ qui est actus voluntatis in comparatione eorum, quæ sunt ad finem.

D E I N D E considerandum est de vñ. Et circa hoc quarantur quatuor.
Primo, vtrum vñ sit actus voluntatis.
Secundo, vtrum conveniat brutis animalibus.
¶ Tertio, vtrum sit tantum eorum, quæ sunt ad finem, vel etiam finis.
¶ Quarto, de ordine vsus ad electionem.

ARTICVLVS I.

Vtrum vñ sit actus voluntatis.

AD PRIMUM sic proceditur. Videtur, quòd vñ non sit actus voluntatis: dicit enim Augustinus in 1. de * doct. Christ. quòd vñ est id quòd in vñ venit ad aliud obtinendum, referre, sed referre aliquid ad aliud est rationis, cuius est consensus, & ordinare. ergo vñ est actus rationis, non ergo voluntatis.
¶ 2. Præterea, * Damasc. dicit, quòd homo impetum facit ad operationem, & dicitur impetus: deinde vñ, & dicitur vsus; sed operatio pertinet ad potentiam executivam, actus autem voluntatis non sequitur actum executivum potentie, sed executio est vñ, ergo vñ non est actus voluntatis.
¶ 3. Præterea, Augustinus dicit in lib. 3. * quæst. Omnia quæ facta sunt in vñ hominis facta sunt: quia omnibus vñ, ratio iudicando ea quæ hominibus data sunt; sed iudicare de rebus à Deo creatis, pertinet ad rationem speculativam, quæ omnino separata videtur à voluntate, quæ est principium humanorum actuum: ergo vñ non est actus voluntatis.

¶ 4. contra est, quòd Aug. dicit in 10. de * Trin. Vñ est assumere aliquid in facultatem voluntatis.

CONCLUSIO.

Cum voluntas sit omnis anime vires, & habitus, vel organa ad suos proprios actus applicare: illius primo & principaliter vs primi moventis vsus est, rationis autem vs dirigens, cæterarum verò potentiarum, vs exequutivus.

RESPONDEO dicendum, quòd vsus rei alienius importat applicationem rei illius ad aliquam operationem: vnde & operatio ad quam applicamus rem aliquam, dicitur vsus eius, sicut equitare est vsus equi, & percutere est vsus baculi. ad operationem autem applicamus & principia interiora agendi, scilicet ipsas potentias animæ, vel membra corporis: vt intellectum ad intelligendum, & oculum ad videndum: & res exteriores, sicut baculum ad percutiendum: sed manifestum est quòd res exteriores non applicamus ad aliquam operationem nisi per principia intrinseca, quæ sunt potentie animæ, vt habitus potentiarum, aut organa, quæ sunt corporis membra. Ostensum est autem * supra, quòd voluntas est quæ movet potentias animæ ad suos actus, & hoc est applicare

91
1. de 1. q. 1.
art. 2.
* lib. 3. c.
4. & lib. 10.
de 10. cap.
10. paulo
2. principio
rom. 1.
* lib. 3. ar.
1. lib. 3. ar.
cap. 21.
lib. 3. q.
q. 30 in 2.
2. 10. 2.

11. ante
medium.
10. 1.

cas ad operationem. unde manifestum est, quod uti primo & principaliter est voluntatis tanquam primi mouentis, rationis autem tanquam dirigentis, sed aliarum potentiarum tanquam exequentium, quae comparantur ad voluntatem, à qua applicantur ad agendum, sicut instrumenta ad principale agens: actio autem proprie non attribuitur instrumento, sed principali agenti, sicut edificatio aedificatori: non autem instrumentis. unde manifestum est, quod uti proprie est actus voluntatis.

A d primum ergo dicendum, quod ratio quidem in illud refert, sed voluntas tendit in id quod est in aliud relatum per rationem: & secundum hoc dicitur, quod uti est referre aliquid in alterum.

A d secundum dicendum, quod Damasc. loquitur de vsu secundum quod pertinet ad executivas potentias.

A d tertium dicendum, quod etiam ipsa ratio speculativa applicatur ad opus intelligendi, vel iudicandi à voluntate. & ideo intellectus speculativus uti dicitur tanquam à voluntate motus, sicut alia executivae potentiae.

ARTICVLVS II.

Utrum uti conveniat brutis animalibus.

91 **A**D SECUNDUM sic proceditur. Videtur, quod uti conveniat brutis animalibus. frui enim est nobilius quam uti. quia ut Aug. dicit in 10. de t. Trinit. Vtitur eis quae ad aliud referimus, quo fruendum est. sed frui convenit brutis animalibus, ut supra dictum est. ergo multo magis convenit eis uti.

¶ Præterea, Applicare membra ad agendum est uti membris, sed brutis animalia applicant membra ad aliquid agendum, sicut pedes ad ambulandum, cornua ad percussendum. ergo brutis animalibus convenit uti.

¶ Contra est quod * Aug. dicit in lib. 13. q. vii aliquid non potest nisi animal, quod rationis est participes.

CONCLUSIO.

Naturae usus brutis animalibus, cum ratione careant, & unum ad alium referre nesciant; competere potest.

¶ Respondens dicendum, quod sicut * dictum est, uti est applicare aliquid principium actionis ad actionem, sicut consentire est applicare motum appetitum ad aliquid appetendum, ut * dictum est. applicare autem aliquid ad alterum non est nisi eius quod habet super illud arbitrium: quod non est nisi eius qui licet referre aliquid in alterum, quod ad rationem pertinet, & ideo solum animal rationale & consentit & utitur.

A d primum ergo dicendum, quod frui importat absolutum motum appetitus in appetibile. sed uti importat motum appetitus ad aliquid in ordine ad alterum. Si ergo comparantur uti & frui quantum ad obiecta, sic frui est nobilius quam uti; quia id quod est absolute appetibile, est melius quam id, quod est appetibile solum in ordine ad aliud. sed si comparantur quantum ad vim apprehensivam precedentem, maior nobilitas requiritur ex parte usus: quia ordinare aliquid in alterum, est rationis. absolute autem aliquid apprehendere potest etiam sensus.

A d secundum dicendum, quod animalia per sua membra aliquid agunt instinctu naturae: non per hoc quod cognoscant ordinem membrorum ad illas operationes. unde non dicuntur proprie applicare membra ad agendum, nec uti membris.

ARTICVLVS III.

Utrum usus possit esse etiam ultimi finis.

93 **A**D TERTIUM sic proceditur. Videtur, quod usus possit esse etiam ultimi finis. Dicit enim August. in 10. de t. Trin. Omnis qui fruitur, utitur. sed ultimo fine fruitur aliquis, ergo ultimo fine aliquis utitur.

¶ Præterea, Uti est assumere aliquid in facultatem voluntatis, ut * ibidem dicitur: sed nihil magis assumitur à voluntate, quam ultimus finis. ergo usus potest esse ultimi finis.

¶ Præterea, Hilarius dicit in secundo de t. Trin. quod aeternitas est in patre, species in imagine. id est in filio, usus in manere, id est in spiritu sancto: sed spiritus sanctus cum sit Deus, est ultimus finis.

¶ Contra est quod dicit August. in lib. 83. * quæ. Deo nullus recte utitur, sed solus Deus est ultimus finis. ergo ultimo fine non est utendum.

CONCLUSIO.

Quoniam usus applicationem alicuius ad aliud denotat, ipse tantummodo eorum est quae sunt ad finem, & non ultimi finis.

¶ Respondens dicendum, quod uti, sicut * dictum est, importat applicationem alicuius ad aliquid. quod autem applicatur ad aliud, se habet in ratione eius quod est ad finem. & ideo uti semper est eius, quod est ad finem: propter quod & ea quae sunt ad finem accommodata, vilia dicuntur. & ipsa vilitas interdum usus nominatur. sed considerandum est, quod ultimus finis dicitur dupliciter. Vno modo simpliciter, & alio modo quo ad aliquem: cum enim finis, ut * supra dictum est, dicatur quandoque quidem res, quandoque autem adeptio rei vel possessio eius, sicut avaro finis est, vel pecunia, vel possessio pecuniae: manifestum est quod simpliciter loquendo, ultimus finis est ipsa res: non enim possessio pecuniae est bona nisi propter bonum pecuniae, sed quo ad hunc adeptio pecuniae est finis ultimus: non enim quereretur pecunia avarus nisi ut haberet eam. ergo simpliciter loquendo & proprie, pecunia homo aliquis frui-

ter, quia in ea ultimus finem constituit: sed in quantum refert eam ad possessionem, dicitur uti ea.

A d primum ergo dicendum, quod Aug. loquitur de vsu communiter secundum quod importat ordinem finis ad ipsam fruiotionem, quam aliquis querit de fine.

A d secundum dicendum, quod finis assumitur in facultatem voluntatis, ut voluntas in illo quiescat: unde ipsa requies in fine, quae finitio est, dicitur hoc modo usus finis: sed id quod est ad finem, assumitur in facultatem voluntatis, non solum in ordine ad usum eius quod est ad finem: sed in ordine ad aliam rem, in qua voluntas quiescat.

A d tertium dicendum, quod usus accipitur in verbis Hilarii pro quiete in ultimo fine: eo modo quo aliquis communiter loquendo, dicitur uti fine ad obtinendum ipsum, sicut * dictum est. unde August. in 6. de t. Trinit. dicit, quod illa delectatio, felicitas vel beatitudo usus ab eo appellatur.

ARTICVLVS IV.

Utrum usus precedat electionem.

94 **A**D QUARTUM sic proceditur. Videtur quod usus precedat electionem. post electionem enim nihil sequitur nisi executio: sed usus cum pertineat ad voluntatem, precedit executionem. ergo precedit etiam electionem.

¶ Præterea, Absolutum est ante relatum. ergo minus relatum est ante agis relatum: sed electio importat duas relationes, unam eius quod eligitur ad finem, aliam vero ad id cui preeligitur: usus autem importat solum relationem ad finem. ergo usus est prior electione.

¶ Præterea, Voluntas utitur aliis potentis in quantum mouet eas, sed voluntas mouet etiam seipsam, ut dictum est. ergo etiam voluntas seipsam, applicando se ad agendum: sed hoc facit cum consentit: ergo in ipso consensu est usus: sed consensus precedit electionem, ut * dictum est, ergo & usus.

¶ Contra est, quod * Damasc. dicit quod voluntas post electionem impetum facit ad operationem, & postea utitur. ergo usus sequitur electionem.

CONCLUSIO.

Usus electionem sequitur si consideretur voluntas ut utitur ceteris executivis potentis, nunquam tamen si ad rationem conferatur, usus electionem precedit.

¶ Respondens dicendum, quod voluntas duplicem habitudinem habet ad volitum: unam quidem, secundum quod est quodammodo in volente per quamdam proportionem vel ordinem ad volitum. unde & res, quae naturaliter sunt proportionatae ad aliquem finem, dicuntur appetere illum naturaliter: sed sic habere finem est imperfecte habere ipsum. omne autem imperfectum tendit in perfectionem: & ideo tam appetitus naturalis quam voluntarius, tendit ut habeat ipsum finem realiter, quod est perfecte habere ipsum. & hanc est secundam habitudinem voluntatis ad volitum. volitum autem non solum est finis, sed id, quod est ad finem: ultimum autem quod pertinet ad primam habitudinem voluntatis respectu eius, quod est ad finem, est electio: ibi enim completur proportio voluntatis, ut complete velit id quod est ad finem, sed usus iam pertinet ad secundam habitudinem voluntatis, qua tendit ad consequendum rem volitam: unde manifestum est quod usus sequitur electionem: si tamen accipitur usus secundum quod voluntas utitur executivis potentis, mouendo ipsam. sed quia voluntas etiam quodammodo rationem mouet, & utitur ea, potest intelligi usus eius quod est ad finem, secundum quod est in consideratione rationis referentis ipsum in finem. & hoc modo usus precedit electionem.

A d primum ergo dicendum, quod ipsam executionem operis precedit motio, qua voluntas mouet ad extendendum, sequitur autem electionem. & sic cum usus pertineat ad prædictam motionem voluntatis: medium est inter electionem & executionem.

A d secundum dicendum, quod id quod est per essentiam suam relatum, posterius est absolute: sed cui attribuitur relationes, non oportet quod sit posterius: imò quanto causa est prior, tanto habet relationes ad plures effectus.

A d tertium dicendum, quod electio precedit usum si referantur ad idem. nihil autem prohibet quod usus unus precedat electionem alterius. & quia actus voluntatis reflectuntur supra seipsos, in quolibet actu voluntatis potest accipi consensus & electio, & usus: ut si dicatur quod voluntas consentit se eligere & consentire, & utitur se ad consentiendum & eligendum, & semper isti actus ordinati ad id quod est prius, sunt priores.

DISPUTATIO XVI.

De Actu Usus.



BSOLVTIS his actibus humanis, qui pertinent ad ordinem intentionis, & sunt de mediis; superest agendum de illis, qui circa media pertinent ad ordinem executionis, qui sunt tantum duo, videlicet Imperium & Usus: prius tamen agitur de Vsu, quia licet imperium sit prius in genere causae efficientis, est tamen posterius

posterius in genere causæ finalis, cum sit propter vsum; in Tractatu autem actuum humanorum seruetur ordo causæ finalis, vt dictum est.

D V B I U M I.

Vtrum vsus sit actus solius appetitus rationalis.

Svpponendum est, quod vsus sumitur multis modis. Primo sumitur, vt opponitur otio, & ita significat quancunque operationem. Secundo sumitur pro assuefactione operationis, & tunc idem est ac actus frequenter elicitus à potentia; vnde communiter dicimus, quod aliquis habet talem vsum siue consuetudinem operandi: sed hac acceptio vsus est valde lata, & prima latissima. Tertio sumitur magis strictè, pro applicatione cuiuscunque rei vel potentie ad exercitium operationis, siue circa finem, siue circa media. Quarto sumitur omninò propriè pro applicatione potentie ad exercitium actus circa media vtilia ad consecutionem finis intenti; & in hoc sensu loquimur de vsu in tota hac disputatione. Quinto tandem sumitur adhuc magis strictè, pro vt opponitur abusui, ac proinde pro recta applicatione alicuius rei vel potentie ad exercitium actus debiti, & in ordine ad debitum finem: vnde abusus est assumptio vel applicatio alicuius ad finem dissonum suæ conditioni vel naturæ: ex quo sequitur, quod vsus de quo loquimur in præsentì, aliquandò est bonus & rectus, aliquando malus & dicitur abusus. Quærimus ergo in hoc dubio, Vtrum vsus sit actus solius appetitus rationalis: quo titulo virtualiter duo continentur; primum est, vtrum vsus sit actus potentie appetitiue, & non potentie apprehensiuæ; secundum supposito quod sit actus potentie appetitiue, sit actus solius appetitus rationalis, & non appetitus sensitiui. Ad cuius euidentiā sciendum est, quod vsus propriè dictus, de quo in præsentì, sumitur dupliciter, actiue scilicet & passiuè: Vsus actiuus est applicatio actiua rei alicuius, seu potentie ad suam operationem exercendam & talis vsus est subiectiue in potentia vtente & applicante: Vsus passiuus est applicatio passiuæ rei alicuius seu potentie ad eandem operationem exercendam, & talis vsus est subiectiue in re applicata; vnde si aliqua potentia seipsam applicet ad exercitium suæ operationis, simul erit in illa vsus actiuus & vsus passiuus. In præsentì tantum agimus de vsu actiuo, cum passiuus possit esse in multis: & adhuc de vsu actiuo formali, & non de directiuo, nam certum est quod vsus directiuus est actus intellectus dirigentis suo iudicio voluntatem.

Prima opinio Vasquis hîc disp. 47. negat dari actum voluntatis ab ipsa elicitum, qui sit vsus & asserit quod voluntas denominatur vtens extrinsecè ab operatione potentie executiue subsecuta ex vi præcedentis electionis voluntatis.

Probatur: Aristoteles & D. Thomas exactè disputantes de actibus voluntatis, nusquam dixerunt quod vsus esset actus elicitus à voluntate; & D. Thomas tantum docet, quod vsus pertinet ad voluntatem vt primò mouentem, ad intellectum vt dirigentem, & ad alias potentias vt exequentes: ergo ab eodem vsu, qui est subiectiue in potentiis executiuis, ipsæ potentie denominantur intrinsecè quasi vsæ seu applicatæ ad vsum, voluntas autem & intellectus denominantur extrinsecè vtentes, illa quidem formaliter, iste verò directiue.

Secundò, Ex vna parte potest aliquis denominari extrinsecè à forma alteri intrinseca, sicut Deus denominatur creator à creatione, quæ est actio transiens & recepta in creaturis, & ignis denominatur calefaciens à calefactione recepta in ligno: ex alia verò parte est superfluum ponere aliquem actum in voluntate, actiue applicantem cæteras potentias ad exercitium operis, nam supposita efficaci intentione finis, & electione mediorum, statim potentie ad quas pertinet executio mediorum, naturali inclinatione exequentur media electa, propter subordinationem quam habent ad voluntatem: ergo non datur actus voluntatis elicitus, qui sit vsus.

C O N C L U S I O.

R E S P O N D E O dicendum, quod datur aliquis actus elicitus in homine, qui dicitur vsus formalis actiuus. 2. & est actus appetitus 3. solius rationalis 4. qui proinde non conuenit brutis. Ita communiter docent Discipuli D. Thomæ, & alij in præsentì.

Probatur prima pars conclusionis: Per vsum formalem actiuum intelligitur actus aliquis specialis, quo applicantur potentie executiue ad exercitium sui operis, circa media prius electa in ordine ad finem intentum, vt communiter conceditur, & fatentur aduersarij: sed in homine datur talis actus, vt sæpe docet D. Thomas tota hac quæstione, & maximè articulo 2. vbi dicit quod vti est applicare aliquod principium actionis ad actionem, & subdit quod hoc pertinet tantum ad appetitum rationalem siue voluntatem, vt docuerat art. 1. constat autem quod applicare immediatum vt est à voluntate, importat actum elicitum ab ipsa voluntate, & immanentem formaliter iuxta omnium opinionem, ac tantum virtualiter transeuntem; nam applicare est agere, vnde importat actionem voluntatis in concreto: Quod adhuc confirmatur ex eo, quod D. Thomas in toto hoc tractatu de actibus humanis sæpe facit mentionem de vsu, tanquam de verò actu voluntatis distincto, ab alijs, vt amplius infra declarabitur; & sanctus Augustinus libr. 10. de Trinitate cap. 11. dicit quod vti est assumere aliquid in facultatem voluntatis; quod importat actum elicitum ipsius voluntatis: ergo datur aliquis actus elicitus in homine, qui dicitur vsus formalis actiuus. Deinde,

de, Talis actus applicatiuis potentiarum executionem ad exercitium sui operis, est necessarius in homine; cum non sufficiant alij actus tam voluntatis, quam intellectus admissi ab aduersariis, ad hoc ut potentia executiue efficaciter applicentur ad opus; nam posita efficaci intentione finis, & optima electione mediorum, potest occurrere noua difficultas dum instat exercitium, aut nouo modo proponi tunc, quamuis ante fuerit præuisa, vnde videmus quod propterea multi desistunt à prædicta intentione; & ideo D. Thomas requirit supra prædictos actus pertinentes ad ordinem intentionis, alios duos; videlicet imperium intellectus, quo prædicta difficultas, aut nouus difficultatis modus superetur; & vsus voluntatis consequens imperium, & virtute illius efficaciter applicans potentias executiuas ad exercitium sui operis, ut ita de ordine intentionis fiat transitus ad ordinem executionis, ut amplius declarabitur tum infra in præsentī disputatione, tum disputatione sequenti: ergo datur in homine talis actus, cum natura & Deus author eius non deficiant in necessariis ad perfectam constitutionem naturæ; & cum talis actus debeat dici, etiam ex aduersariis, vsus formalis actiuus, datur aliquis actus elicitus in homine, qui dicitur vsus formalis actiuus.

Probaturs secunda pars conclusionis, tum autoritate, tum ratione D. Thomæ hinc art. 1. quæ sic breuiter reducitur in formam. Vti est applicare potentias executiuas ad exercitium sui operis: sed applicare per se primò ad exercitium operis pertinet ad illam potentiam, quæ est primum mouens quoad exercitium; constat autem quod primum mouens quoad exercitium in homine est appetitus rationalis siue voluntas, sicut intellectus est in illo primum mouens quoad specificationem; cuius ratio est, quia ut constat inductione in omnibus, illius est primò mouere quoad exercitium, quod respicit finem totius motus & operis, sola autem voluntas seu appetitus rationalis respicit finem ut sic: ergo uti siue vsus formalis actiuus est actus appetitus rationalis in homine, in quantum vult efficaciter potentias executiuas operari tunc actu, talis quippe actus est virtualiter transiens, & efficax in potentiis subordinatis.

Probaturs tertia & quarta pars conclusionis autoritate & ratione D. Thomæ hinc art. 2. quæ sic amplius declaratur. Vti de quo loquimur in præsentī, est applicare potentias executiuas ad exercitium operis circa media vtilia & conducentia ad finem intentum, quæ media prius fuerint electa: sed hoc est proprium solius appetitus rationalis, cuius etiam solius est intendere finem, & eligere media; cuius ratio est, quia appetitus conformatur in perfectione cognitioni quam sequitur, & ita cum solus intellectus cognoscat finem & media formaliter sub ratione finis & mediorum, ac connexionem & conue-

nientiam mediorum cum fine; sic solus appetitus rationalis, qui solus sequitur cognitionem intellectus, applicat potentias executiuas ad exercitium operis circa media vtilia & conducentia ad finem intentum: ergo uti siue vsus formalis actiuus est actus solius appetitus rationalis; & cum in brutis non sit appetitus rationalis, illis non conuenit vsus formalis actiuus, quod debet intelligi propriè loquendo, nam impropriè dicuntur uti suis membris, ut equi pedibus, boues cornibus, &c. Vsus autem passiuus est propriè in ipsis, quia applicantur ad suos actus ab auctore naturæ, in ordine ad proprios fines, ab ipso applicante perfectè cognitos cum proportionem mediorum circa quæ applicantur. Nota cum D. Thomas hinc art. 2. ad 1. differentiam, quæ est inter vsum & fruitionem, propter quam conceditur fruitio propriè, quamuis imperfecta brutis; vsus autem propriè, quantumuis imperfectus eis non conceditur: vnde August. libro 83. Questionum q. 30. ait. Vti aliquid non potest, nisi animal quod rationis est particeps.

Ad primum ergo dicendum, quod licet antecedens esset verum, nihil tamen concluderet, quia procedit ab autoritate negatiua, quæ non est efficax ad probandum. Dicimus tamen ad antecedens, quod D. Thomas eo ipso quod docet, Vti esse voluntatem applicare potentias executiuas ad exercitium operis, satis expressè dicit vsum esse operationem voluntatis, & actum ab ipsa elicitum, ut constat ex dictis, non enim voluntas potest applicare alias potentias ad exercitium, nisi mediante aliquo actu elicitu; imò hoc virtualiter dicit loco ab aduersariis citato, dum ait quod uti primò & principaliter est voluntatis tanquam primi mouentis vti que actus ipsius, ut respondeat titulo dubij. Nec dubium, quin D. Thomas fidelis interpres Aristotelis hanc doctrinam ex ipso Aristotele collegerit, & maxime 3. de Anima cap. 11. vbi dicit quod voluntas est mouens motu, scilicet mouens suo actu cæteras potentias ad exercitium operis, in quo est vsus, motu moraliter ab intellectu, & physice à Deo.

Ad secundum dicendum, quod deficit ex vtraque parte. Nam quantum ad primam dicendum, quod potest quidem aliquis denominari extrinsecè à forma alteri intrinsecè: sed non potest denominari agens, nisi per actum intrinsecum; vnde in Physicis probatum est, omnem actionem subiectari in agente per ipsam denominato, & ita Deus denominatur creator per creationem actiuam intrinsecam ipsi, sicut & ignis denominatur calefaciens calefactione actiua, quæ est actio ignis in ipso subiectata: & quamuis posset de hoc dubitari circa actionem transeuntem, tamen non deberet dubitari de hoc circa actionem immanentem, qualis est omnis actio voluntatis. Quantum ad aliam partem, constat ex dictis quomodo non est superfluum, imò

imò est omnino necessarium ponere actum voluntatis adiuuè applicantem ceteras potentias ad exercitium sui operis, etiam supposita efficaci intentione finis & electione mediorum, propter rationem adductam in prima parte conclusionis quæ amplius infra expendetur.

D V B I U M II.

Utrum vsus sit tantum de mediis.

Supponendum est ex dictis supra, quod finis intentus adæquate constituitur ex fine *Qui*, & fine *Quo*: Finis *Qui* est ipsa res, quam voluntas intendit adipisci; finis autem *Quo* est adeptio ipsius rei, uterque enim cadit sub intentione, nam qui intendit aliquid pro fine, simul intendit illud adipisci. Non tamen isti duo fines æqualiter participant rationem finis, nam finis *Qui* ex natura rei est simpliciter finis, nec habet rationem medij; sicut illa habet finis *Quo*, cum sit propter finem *Qui*: potest tamen ex affectu intendentis aliter contingere, quod scilicet res intenta ab ipso ordinetur ad adeptionem & possessionem eiusdem rei. Hoc docet D. Thomas, hic art. 3. & declarat sequenti exemplo, ait enim: Ultimus finis dicitur dupliciter. Vno modo simpliciter, & alio modo quoad aliquem: cum enim finis, ut supra dictum est, dicatur quandoque quidem res, quandoque autem adeptio rei vel possessio eius, sicut avaro finis est, vel pecunia, vel possessio pecuniæ manifestum est quod simpliciter loquendo, ultimus finis est ipsa res; non enim possessio pecuniæ est bona, nisi propter bonum pecuniæ; sed quoad hunc adeptio pecuniæ est finis ultimus, non enim quæreret pecuniam avarus, nisi ut haberet eam. Supposita hac distinctione finis, quærimus Utrum vsus possit esse de fine aliquo ex istis, vel sit tantum de mediis: loquimur autem de vsu propriè & strictè sumpto, ac dubio præcedenti explicato, nam aliquando vsus latè sumitur pro fruitione alicuius rei: unde in hac lata sumptione dicit Augustinus lib. 10. de Trinitate cap. 11. Omnis qui fruitur, vitur: Et Hilarius lib. 2. de Trinitate paulò post principium ait: Aternitas est in Patre, species in imagine id est in Filio, & vsus in munere id est in Spiritu sancto.

Prima opinio asserit, quod vsus non sit tantum de mediis, sed etiam propriè sit de fine. Probatur: Avarus verè & propriè vitur pecunia, ut communiter conceditur: sed pecunia est finis avari, ad illam quippe acquirendam ordinat omnia media possibilis: ergo vsus potest esse propriè de fine, & non tantum de mediis.

Secundò, Potest constitui finis in aliqua operatione, puta in contemplatione alicuius obiecti: sed hoc posito potest voluntas uti potentia, cuius est illa operatio, applicando scilicet potentiam ad exercitium illius operationis, in qua applica-

tione est vsus: ergo vsus potest esse de fine, & non tantum de mediis.

Tertiò, Augustinus lib. 83. Quæst. q. 30. dicit quod omnis humana perversio est fruendis vti velle, atque vtendis frui: ergo cum fruitio sit de fine, vsus etiam potest esse de fine, & non tantum de mediis.

CONCLUSIO.

RESPONDEO dicendum, quod vsus est propriè tantum de mediis. 1. unde de ultimo fine nullo modo potest esse vsus. 3. de finibus autem intermediis potest quidem esse vsus, ut habent rationem medij, sed non ut habent rationem finis. Ita communiter Philosophi morales, & Theologi in præsentia.

Probatur prima pars conclusionis autoritate & ratione D. Thomæ hic art. 3. quam sic breuiter, sed efficaciter proponit: Vti importat applicationem alicuius ad aliquid (id est applicationem alicuius rei siue potentie ad exercitium operationis utilis ad consecutionem finis intenti), quod autem applicatur ad aliud, se habet in ratione eius quod est ad finem; & ideo vti semper est eius quod est ad finem; propter quod & ea quæ sunt ad finem accommodata, vtilia dicuntur, & ipsa utilitas interdum vsus (scilicet passivus) nominatur: constat autem quod sola media ut sic, habent rationem eius quod est ad finem, & etiam rationem utilis: ergo vsus est propriè tantum de mediis.

Probatur secunda pars conclusionis autoritate S. Augustini, qui lib. 83. Quæstionum q. 30. dicit, quod Deo nullus rectè vitur. Deinde probatur ratione ex dictis deducta. Vti est alicuius in ordine ad aliud modo explicato: sed ultimus finis ut sic consideratus non ordinatur, nec potest ordinari ad aliud, quin potius omnia ad ipsum ordinantur, hoc enim importat essentialiter ultimus finis, quod propter seipsum appetatur, cetera verò appetantur propter ipsum: ergo de ultimo fine nullo modo potest esse vsus.

Probatur tertia pars conclusionis: tum autoritate D. Thomæ hic art. 3. ubi dicit, quod potest quis vti aliquo fine, prout illum ordinat ulterius, & refert ad aliud, sicut avarus uti dicitur pecunia, quæ est finis eius, prout eam refert ad possessionem. Deinde, Vti importat applicationem alicuius ad aliquid, siue in ordine ad aliud: sed fines intermedij ut habent rationem medij, sunt quidem in ordine ad aliud, cum sint ordinati ad ulteriorem finem, quasi ad posteriorem terminum; ut autem habent rationem finis respectu anteriorum, non sunt in ordine ad aliud, quin potius anteriora sunt ad ipsos quasi ad terminum ordinata, quamvis dicant aliquem respectum ad anteriora quæ terminant, prædicamentalem non transcendentalem: ergo de finibus intermediis potest quidem esse vsus ut habent rationem medij, sed non ut habent rationem finis.

A d primum ergo dicendum, cum D. Thomas hic art. 3. quod simpliciter loquendo & propriè, pecunia homo aliquis fruitur, quia in ea ultimum finem constituit; sed in quantum refert eam ad possessionem, dicitur uti ea. Igitur respectu alicuius hominis pecunia habet rationem tam finis, quam mediij, quamvis secundum diuersam rationem: nam pecunia respectu talis hominis quatenus avari, est ultimus finis; respectu verò eiusdem quatenus gulosi vel luxuriosi, est tantum medium: Et ita homo ille fruitur pecunia quatenus avarus, & utitur ea quatenus gulosus vel luxuriosus: quando autem præcisè vult pecuniam ut eam possideat, non est simpliciter uti pecunia, ac tantum secundum quid; & est simpliciter frui illa, quia pecunia & eius possessio adintegrant vnum ultimum finem, & consequenter relatio pecuniæ ad possessionem non tollit simpliciter à pecunia rationem ultimi finis, ac tantum secundum quid.

A d secundum dicendum, quod in tali casu vsus non est circa operationem quæ constituitur finis, sed est circa applicationem passiuam potentia elicientis talem operationem, & hæc applicatio est medium ad talem operationem, & est obiectum vsus qui consistit in applicatione actiua dictæ potentia.

A d tertium dicendum, quod de eodem potest esse fruitio & vsus, sed secundum diuersam rationem: est quidem fruitio, in quantum illud assumitur ut finis; est autem vsus, in quantum illud assumitur ut medium: & quia peccator ex affectu saltem interpretatiuo, assumit ut medium illud quod debet esse finis, & assumit ut finem illud quod debet esse medium; inde est ex Augustino, quod humana peruersio est, fruendis uti velle, atque vtendis frui.

D V B I V M III.

Vtrum vsus sit actus formaliter & realiter distinctus à Consensu & ab Electione.

Supponendum est ex dictis, quod sunt tres actus voluntatis circa finem, & tres alij circa media. Primus actus circa finem, ut præcindit ab ordine saltem efficaci ad media; dicitur voluntas seu simplex volitio, & est actus inefficax in ordine ad consecutionem finis, & consistit in quadam complacentia de illo: Secundus actus circa finem ut sic, & ut dicens ordinem efficacem ad media, quasi causa electionis ipsorum; dicitur intentio, qui proinde est actus efficax, quantum est ex se, in ordine ad consecutionem finis, & consistit in absoluta volitione finis ut consequendi: Tertius actus est circa finem iam adeptum & possessum; & dicitur fruitio, consistens in delectatione & gaudio procedente ex adæptione ac possessione finis. Primus actus cir-

ca media proposita vtilia ad consecutionem finis, præcindendo ab ordine executionis eorum; dicitur consensus, qui consistit in quadam complacentia de illis vel simul, vel sigillatim sumptis: Secundus actus circa media iudicata magis vtilia ad consecutionem finis, & tendens ad executionem ipsorum; dicitur electio, qui consistit in acceptione aliquorum præ aliis: Tertius circa media, quasi mandans illa executioni in ordine ad consecutionem finis; dicitur vsus: de quo querimus in præsentia, vtrum sit actus formaliter & realiter distinctus à consensu & ab electione; quod enim distinguatur tam formaliter, quam realiter ab aliis tribus actibus voluntatis, qui sunt circa finem, nullus dubitat; cum actus distinguantur formaliter & realiter penes sua obiecta formalia, constat autem quod finis ut sic de quo sunt prædicti tres actus, & media ut sic de quibus est vsus, sunt distincta obiecta formalia: nec vllus dubitat, quin distinguatur vsus ab actibus intellectus, qui interueniunt in ordine ad consecutionem finis: quia ut dictum est, vsus est actus voluntatis, quæ est potentia realiter & formaliter distincta ab intellectu; est autem impossibile quod idem actus realis sit duarum potentialium, quasi ab ipsis elicitus, maxime quando actus est simpliciter immanens & vitalis, ut contingit in præsentia. Vnde nunc solum restat inquirendum vtrum vsus etiam sit actus formaliter & realiter distinctus à consensu & ab electione, qui sunt actus voluntatis circa eadem media.

Prima opinio Vasquis hic disp. 47. negat absolute, quod vsus sit actus distinctus ab electione. Probat, Vsus & electio ex vna parte sunt circa idem obiectum formale, nempe circa medium iudicatum magis vtile in ordine ad consecutionem finis: ex alia verò parte posita electione efficaci talis mediij, non est necessarius nouus actus in homine ad exequendum tale medium, sed naturali consequentia potentia executiua executioni mandat medium efficaciter electum; si enim potentia executiua bruti operatur, supposito appetitu alicuius obiecti, absque nouo actu, multò magis hoc erit in homine, in quo potentia executiua est æquè subordinata appetitui, & sæpe perfectior: ergo absolute loquendo vsus non est actus distinctus ab electione. Deinde voluntas utitur etiam seipsa, dum seipsam applicat ad eligendum: ergo tunc vsus & electio non distinguuntur, nam tunc vsus est applicatio actiua, & electio est applicatio passiuæ, actio autem & passio sunt realiter idem motus.

Secunda opinio asserit, quod vsus distinguitur quidem formaliter ab electione: sed negat quod distinguatur semper realiter: hanc opinionem proponit ut probabilem Cornejo hic tract. 5. disp. 6. dub. 3. quamvis iudicet contrariam esse probabiliorem. Probat: Ex vna parte potest fieri, quod electio perseveret vsque ad executionem

tionem medij electi: ex alia verò parte actus duo formaliter distincti possunt esse idem realiter, ut potest ostendi multiplici exemplo; maximè in actione & passione, quæ formaliter distinguuntur, & tamen sunt idem realiter motus: ergo usus non distinguitur semper realiter ab electione, quamvis distinguatur formaliter.

CONCLUSIO.

RESPONDEO dicendum, quòd usus propriè dictus de quo loquimur in præsentì, semper distinguitur formaliter & realiter à consensu 2. sicut & ab electione 3. quam sequitur in processu, quo voluntas tendit per media ad consecutionem finis intenti. Ita communiter Discipuli D. Thomæ & alij in præsentì.

Probatur prima pars conclusionis. Usus propriè dictus, de quo loquimur in præsentì, non est quidam usus virtualis intimè inclusus in omni actu voluntatis, quatenus voluntas dum vult, virtualiter vult se velle, & ita applicat se ad volendum, & quodammodo utitur seipsa; sed est usus formalis, qui est actus voluntatis applicans potentias executivas ad exercitium operis: constat autem quòd hic actus distinguitur formaliter & realiter à consensu; tum quia hic actus est efficax semper, consensus autem ordinariè est inefficax; tum quia hic actus est in ordine executionis, consensus autem est in ordine intentionis, & mediant inter ipsos iudicium, electio, & imperium: ergo usus propriè dictus, de quo loquimur in præsentì, semper distinguitur formaliter & realiter à consensu.

Probatur secunda pars conclusionis auctoritate D. Thomæ, qui in tota hac materia de Actibus humanis loquitur de electione & usu, tanquam de duobus actibus formaliter & realiter distinctis, unde de quolibet instituit propriam quæstionem: & in hac quæstione de usu art. 4. docet ex professo, quòd usus est posterior electione; quod indicat in doctrina D. Thomæ esse duos actus formaliter & realiter distinctos. Deinde probatur ratione: Ex vna parte electio & usus habent diuersa formaliter obiecta, ut docet D. Thomas hic art. 4. nam licet respiciant eadem media; tamen illa respiciunt sub diuersa ratione formali, electio quidem præcisè sub ratione proportionis & utilitatis quam habent ad finem, usus autem illa respicit quatenus substant executioni, & sunt à parte rei: ex alia verò parte electio pertinet ad ordinem intentionis, usus autem pertinet ad ordinem executionis, unde electio est realiter prior, & usus posterior; imò potest fieri quòd electio fuerit efficax in suo ordine, per hoc quod in intentione fuerint electa media magis utilia præ aliis; & quod tamen non sequatur applicatio potentie executivæ, in qua consistit usus, vel propter nouam difficultatem in exercitio apparentem, quæ prius non apparebat, vel propter nouum modum quem tunc habet instantis exercitio difficultas prius considerata; pro-

R. P. Philippus Carm. discal. Diss. Theolog. in 1.2.

pter quod videmus quotidie, multos post efficacem intentionem finis, & efficacem etiam in suo ordine mediorum electionem, noua difficultate, vel nouo modo apparente deterreri, & ita desistere ab executione mediorum electorum, & à prosecutione finis intenti; unde ut amplius declarabitur disputatione sequenti, post electionem mediorum requiritur actus efficacissimus imperij intellectus, qui infallibiliter inferat usum voluntatis, qui proinde mediat inter electionem & usum: ergo ex qua parte electio & usus habent diuersa formaliter obiecta, sunt actus formaliter distincti, quia actus distinguuntur formaliter penes sua obiecta formalia à quibus specificantur; ex qua verò parte electio pertinet ad ordinem intentionis, & est realiter prior; usus autem pertinet ad ordinem executionis, & est posterior, distinguuntur realiter, idem enim actus non potest esse prior & posterior realiter seipso: & consequenter usus distinguitur formaliter & realiter ab electione.

Probatur tertia pars conclusionis auctoritate D. Thomæ hic art. 4. & eius ratione, quæ sic in formam reducit. Est duplex ordo, secundum quem voluntas tendit in bonum: primus est ordo intentionis, secundum quem voluntas tendit in bonum & finem ut apprehensum: secundus autem est ordo executionis, secundum quem voluntas tendit in bonum & finem ut est realiter in seipso: constat enim quòd processus, quo voluntas tendit in bonum, incipit ab illo priori ordine intentionis, & completur in hoc posteriori ordine executionis: ergo cum electio pertineat ad ordinem intentionis, & usus ad ordinem executionis, usus sequitur electionem in processu, quo voluntas tendit per media ad consecutionem finis intenti. Quamvis aliquis usus voluntatis præcedat electionem, nempe usus quo voluntas applicat intellectum ad consulendum de medijs, ut eodem artic. 4. docet Diuus Thomas: sed talis usus non est ille finalis, de quo loquuntur Authores in præsentì materia.

Ad primum ergo dicendum, quantum ad primam partem, quòd licet electio & usus sint circa eadem media utilia ad finem, & ita habeant idem obiectum materiale: respiciunt tamen prædicta media sub diuersa ratione formali, ut dictum est, & ita habent diuersum obiectum formale. Quantum ad secundam partem constat ex dictis, quare posita efficaci intentione finis, & efficaci electione mediorum, requiratur nouus actus in homine ad exequendum media. Nec illud quod subditur de brutis, facit ad propositum, propter diuersum modum tendendi hominis & brutorum ad suos fines: homo quippe, cum tendat ad suum finem cum perfecta cognitione ipsius finis & mediorum, requirit ad consequendum suum finem omnes actus

Gg enumera

enumeratos ex deliberatione procedentes : bruta verò, quia non cognoscunt finem aut media ut sic formaliter, nec proportionem & convenientiam mediorum ad finem, inde est quòd non requirunt prædictos actus, sed statim tendunt impetu naturæ ad bonum apprehensum, mota tamen ab Authore naturæ, qui perfectissimè cognoscit fines ipsorum, & proportionem mediorum ad tales fines. Ad aliud dicendum, quòd in præsentì non loquimur de illo usu virtuali, qui intrinsecè reperitur in quolibet actu voluntatis, ut ait D. Thomas hic art. 4. ad 3. dicens: Quia actus voluntatis reflectuntur supra seipsos, in quolibet actu voluntatis potest accipi consensus, & electio, & usus; ut si dicatur quòd voluntas consentit se eligere & consentire, & utitur se ad consentiendum & eligendum: sed loquimur de usu formali, qui est ultimus actus voluntatis tendentis ad finem.

Ad secundum dicendum, quòd electio includitur in ordine intentionis, & in illo definit: unde ad incipiendum ordinem executionis requiritur actus imperij ex parte intellectus, & usus de quo loquimur ex parte voluntatis. Nec verum est, imò est impossibile quòd duo actus formaliter distincti sint idem realiter, sicut est impossibile quòd duo sint unum; quæ enim distinguuntur formaliter, distinguuntur essentialiter & specificè, idem autem realiter non potest distinguì essentialiter & specificè à seipso, aliàs esset idem & diuersum à seipso: nec ullum in creatis potest adduci exemplum in contrarium; unde ad illud de actione & passione, dicendum quòd sicut formaliter, ita & realiter distinguuntur, nec sunt idem numero motus, sed dicuntur esse idem motus ordine, in quantum actio causat passionem, & passio sequitur ad actionem, ut dictum est in Phisicis.

D V B I V M IV.

Utrum Usus possit esse de omnibus rebus creatis.

SUpponendum est, quòd in præsentì loquimur de usu passiuo, unde idem est ac quærere, quibus rebus sit utendum; usus tamen passiuus connotat usum actiuum, cuilibet enim passiuo correspondet proprium actiuum. Usus autem actiuus conuenit omni & soli naturæ intellectuali, & ita conuenit non solum homini, sed etiam Deo & Angelis; quamuis eminentiori modo, ac seclusis omnibus imperfectionibus (si loquamur de Deo) quæ in creaturis reperiuntur, nempe potentialitatis, distinctionis realis, ac limitationis; ponimus enim in Deo omnes actus, de quibus huc usque egimus, tam intellectus, quam voluntatis (solum excepto consilio formaliter considerato, propter ignorantiam & dubitationem annexam indispensabiliter, quamuis

sit in Deo iudicium quòd est terminus consilij; unde potest dici quòd licet non sit formaliter in Deo consilium, est tamen eminenter.) Dum ageremus de mysterio Prædestinationis, ostendimus quomodo in Deo concurrant prædicti omnes actus circa hoc mysterium. Ex dictis sequitur, quòd Deus, Angelus, & homo possunt verè uti: In præsentì quærimus quibus rebus uti possunt; siue sumatur usus strictè & propriè, prout importata actum spirituales voluntatis applicantis potentias executiuas ad exercitium operis; siue sumatur latè & impropriè pro quocunque actu voluntatis circa medium in ordine ad finem, siue ille actus sit consensus, siue electio, siue usus propriè dictus.

Prima opinio negat, quòd usus possit esse de omnibus rebus creatis. Probat: Actus fidei, spei, charitatis, & fruitionis beatificæ sunt aliquid creatum, de quo nullus dubitat: sed prædictis actibus non possumus uti; quia tales actus immediatè attingunt Deum ultimum finem, propterea dicuntur Theologici; ac proinde potius coniungunt Deo, quam ad illum deducant: quòd maximè verum est de fruitione beatificæ: ergo usus non potest esse de omnibus rebus creatis. Deinde, Si de prædictis actibus posset esse usus, etiam posset esse usus de Deo obiecto prædictorum actuum; nam obiectum importatur in obliquo per actum: ergo cum non possit esse usus de Deo credito, sperato, & dilecto; nec etiam potest esse usus de fide, spe, & charitate.

Secunda opinio negat, quòd de omnibus rebus creatis possit esse usus licitus. Probat: Non licet uti peccato propter Deum; cum peccatum non sit ordinabile in Deum: ergo cum peccatum sit quid creatum, non potest esse usus licitus de omnibus rebus creatis.

Tertia opinio, in alio extremo posita, asserit quòd potest esse usus, non solum de omnibus rebus creatis, sed etiam de Deo Creatore. Probat: auctoritate S. Augustini lib. 83. Quæstionum q. 30. ubi dicit, quòd omnis humana peruersio est, velle uti fruendis, & frui utendis; unde ex Augustino usus potest esse de iis de quibus est fruitio, fruitio autem potest esse de Deo, imò perfectissima fruitio est solum de Deo. Deinde, Vti est velle aliquid propter aliud: sed potest quis velle Deum & amare illum, non solum amore amicitiz, at etiam amore concupiscentiz, cuius est ordinare rem amatam ad bonum ipsius amantis: ergo potest esse usus etiam de Deo. Denique, Ex Diuo Thoma hic art. 3. potest avarus referre pecuniam ad possessionem ipsius, & tunc dicitur uti ea: ergo etiam ex paritate rationis, potest beatus referre Deum ad fruitionem quam de illo habet, & sic diceretur uti eo.

CONCLUSIO.

RESPONDEO dicendum, quòd potest esse usus de omnibus rebus creatis. 2. etiam licitus.

rus. 3. Solo autem Deo fruendum est. Ita communiter docent Theologi.

Probatur prima pars conclusionis: Vfus est de mediis vtilibus ad consecutionem finis intenti, vt constat ex dictis: sed omnes res creatæ possunt esse media vtilia ad consecutionem vltimi finis, omnia quippe creata efficaciter conducunt ad cognitionem & amorem Dei creatoris, & consequenter ad consecutionem ipsius qui est vltimus finis, iuxta illud Sap. 13. Vani autem sunt omnes homines, in quibus non subest scientia Dei; & de his quæ videntur bona, non potuerunt intelligere eum qui est, neque operibus attendentes agnouerunt quis esset artifex: à magnitudine enim speciei & creaturæ cognoscibiliter poterit creator horum videri; & multa alia subduntur, quibus damnantur homines, quòd rebus creatis non vtantur ad suam salutem, at potius abutantur ad damnationem: ergo potest esse vsus de omnibus rebus creatis.

Probatur secunda pars conclusionis: Nulla est res creata, qua non possimus debite vt in ordine ad consecutionem vltimi finis; quod ita verum est, vt etiam peccatis commissis sic debite possimus vt, non quasi peccata directe in vltimum finem conducant per modum actionis, cum potius vt sic ab illo auertant; sed quia per modum obiecti cogniti mouent peccatorem ad poenitentiam, & ita occasionaliter conducunt ad beatitudinem, iuxta illud Apostoli: Omnia cooperantur in bonum his, qui secundum propositum vocati sunt sancti; Et propterea Theologi ponunt permissionem peccatorum inter effectus prædestinationis, qui simul sunt media efficaciter conducentia ad vitam æternam: ergo potest esse vsus, etiam licitus, de omnibus rebus creatis.

Probatur tertia pars conclusionis: Vfus non potest esse de vltimo fine, vt dictum est; & de illo solo debet esse fruitio simpliciter talis & perfecta, cum in eius adeptione perfecte fatietur & quiescat appetitus, vt etiam dictum est: sed nulla creatura verè in se habet rationem vltimi finis, & hæc essentialiter Deo competit: ergo solo Deo fruendum est; ac proinde nec Deo vtendum, nec creaturis fruendum: vnde merito dicit Augustinus, quòd omnis humana peruersio est, quod etiam vitium vocatur, velle vt fruendis, & frui vtendis.

A d primum ergo dicendum, quòd hinc in via vtimur actibus fidei, spei, & charitatis, quia sunt media vtilissima ad consecutionem realem Dei vltimi finis, hi quippe actus non coniungunt nos realiter & perfecte Deo: fruitio autem beatifica, quia pertinet ad vltimum finem tanquam complementum beatitudinis, dum habetur actus, non cadit sub vsu, potest tamen cadere sub vsu per modum obiecti hinc in via cogniti, quatenus in Deum tendimus per amorem & gratiarum actionem, quia nos ad hanc dignitatem eleuauit,

R. P. Philippi Carm. discal. Diss. Theolog. in 1. 2.

quod ipso frui possumus. Ad aliud dicendum, quòd vtendo prædictis actibus, vtimur eo tantum quod importatur in recto, non autem eo quod importatur in obliquo, quandoquidem non potest cadere sub vsu: potest etiam dici, quòd Deus vt creditus, vt speratus, & vt in via dilectus potest cadere sub vsu aliquo modo, in quantum ordinatur ad seipsum vt clarè visum, vt possessum, & vt amore beatifico dilectum: non tamen est peruersio humana de qua loquitur Augustinus, quia tunc non assumitur creatura quasi vltimus finis; vnde tunc est simul vt & frui Deo sub diuersa ratione, & consequenter non est simpliciter vt fruendis, aut frui vtendis.

A d secundum dicendum, quòd peccatum potest ordinari ad Deum per modum obiecti cogniti, ac motui poenitentiae & consequenter de peccato vt sic potest esse vsus licitus, imò & laudabilis.

A d tertium dicendum, quòd talis vsus est peruersus & illicitus: per hoc enim quòd peccator adhæret indebite creaturæ, non ordinando illam ad vltimum finem, virtualiter & interpretatiue constituit illam suum vltimum finem vnde dicitur frui illa vt vltimo fine quoad affectum virtualem & interpretatiuum: & quia Deus non potest simul cum aliqua re creata constituere vnum vltimum finem, inde est quòd interpretatiue se habet vt medium respectu peccatoris, qui proinde vtitur interpretatiue Deo ipsum ordinando ad indebitum suum finem vltimum. Ad aliud dicendum, quòd qui amat Deum amore concupiscentiæ, ordinat quidem Deum ad se tanquam ad finem *cui*, non autem tanquam ad finem *cuius gratia*, quin potius seipsum ordinat in Deum tanquam in vltimum finem *cuius gratia*, & consequenter non assumit Deum vt medium, nec vtitur illo: si enim quis Deum ordinaret ad se vt ad finem *cuius gratia*, non amaret villo modo Deum, sed amaret seipsum inordinatè. Ad aliud dicendum, quòd quia voluntas beati est benè ordinata, non potest referre Deum ad ipsam fruitionem, quia hoc esset inordinatum; non enim Deus est bonus propter fruitionem, sed fruitio est bona propter Deum: vnde beatus ordinat fruitionem quam habet de Deo vt bono à se possessio, ad ipsum Deum vt in se bonum tanquam ad vltimum finem *cuius gratia*: & hoc ideo quia videt Deum esse vltimum finem, qui proinde non potest ab ipso ad aliud ordinari, repugnat quippè vltimo fini ad aliud ordinari; vnde est disparitas in instantia allata, quia auarus potest apprehendere pecuniam vt medium referibile ad possessionem sui.



QVÆSTIO XVII.

De actibus imperatis & voluntate, in novem articulos divisa.



DEIMUS considerandum est de actibus imperatis & voluntate.

Et circa hoc quaeruntur novem.

Primo, utrum imperare sit actus voluntatis, vel rationis.

Secundo, utrum imperare pertineat ad bruta animalia.

Tertio, de ordine imperij ad vsum.

Quarto, utrum imperium & actus imperatus sint unus actus, vel diversi.

Quinto, utrum actus voluntatis imperetur.

Sexto, utrum actus rationis.

Septimo, utrum actus appetitus sensitivi.

Octavo, utrum actus animæ vegetabilis.

Nono, utrum actus exteriorum membrorum.

ARTICVLVS I.

Utrum imperare sit actus rationis, vel voluntatis.

AD PRIMUM sic proceditur. Videtur quod imperare non sit actus rationis, sed voluntatis. imperare enim est mouere quoddam. Dicit enim Auic. quod quadruplex est mouens, scilicet perficiens, disponens, imperans, & consiliarius: sed ad voluntatem pertinet mouere omnes alias vires animæ: ut dictum est ^{supra}. ergo imperare est actus voluntatis.

2^a Præterea, Sicut imperari pertinet ad id quod est subiectum, ita imperare pertinet ad id quod est maxime liberum: sed radix libertatis est maxime in voluntate. ergo voluntatis est imperare.

3^a Præterea, Ad imperium statim sequitur actus. Sed ad actum rationis non statim sequitur actus: non enim qui iudicat aliquid esse faciendum, statim illud operatur. ergo imperare non est actus rationis, sed voluntatis.

Sed contra est, quod Gregor. Nissenus [†] dicit, & etiam [†] Philosophus, quod appetitus obedit rationi: ergo rationis est imperare.

CONCLUSIO.

Imperare est actus rationis essentialiter, præsupposito tamen actu voluntatis, cuius virtute ipsa ratio per imperium mouet, quoad exercitium actus.

RESPONDEO dicendum, quod imperare est actus rationis, præsupposito tamen actu voluntatis. Ad cuius evidentiam considerandum est, quod quia actus voluntatis & rationis in se inuicem possunt ferri, prout scilicet ratio rationatur de volendo, & voluntas vult rationari, contingit actum voluntatis præueniri ab actu rationis, & e converso: & quia virtus prioris actus remanet in actu sequenti, contingit quandoque quod est aliquid actus voluntatis, secundum quod manet virtute in ipso aliquid de actu rationis, ut [†] dictum est de vfu & electione: & e converso, aliquid est actus rationis, secundum quod virtute manet in ipso aliquid de actu voluntatis. Imperare autem est quidem essentialiter actus rationis, imperans enim ordinat eum cui imperat ad aliquid agendum, intimando vel denuntiando. sic autem ordinare per modum cuiusdam intimationis est rationis: sed ratio potest aliquid intimare vel denuntiare dupliciter. Vno modo absolute, quæ quidem intimitio exprimitur per verbum indicatiui modi, sicut si aliquis alicui dicat, hoc est tibi faciendum. Aliquando autem ratio intimat aliquid alicui mouendo ipsum ad hoc, & talis intimitio exprimitur per verbum imperatiui modi: puta cum alicui dicitur, fac hoc. primum autem mouens in viribus animæ ad exercitium actus, est voluntas, ut [†] supra dictum est. cum ergo secundum mouens non moueat nisi in virtute primi mouentis sequitur quod hoc ipsum quod ratio mouet imperando, sit ei ex virtute voluntatis. vnde relinquitur quod imperare sit actus rationis præsupposito actu voluntatis, in cuius virtute ratio mouet per imperium ad exercitium actus.

AD PRIMUM ergo dicendum, quod imperare non est mouere quocunque modo, sed cum quadam intimatione denuntiatiua ad alterum, quod est rationis.

AD SECUNDUM dicendum, quod radix libertatis est voluntas, sicut subiectum. sed sicut causa, est ratio. ex hoc enim voluntas liberè potest ad diuersa ferri, quia ratio potest habere diuersas conceptiones boni, & ideo philosophi diffiniunt liberum arbitrium quod est liberum de ratione iudicium, quasi ratio sit causa libertatis.

AD TERTIUM dicendum, quod ratio illa concludit quod imperium non sit actus rationis absolute, sed cum quadam motione, ut dictum est.

ARTICVLVS II.

Utrum imperare pertineat ad animalia bruta.

AD SECUNDUM sic proceditur. Videtur, quod imperare conueniat brutis animalibus: quia secundum Auic. Virtus imperans motum est appetitiua, & virtus exequens motum est in musculis, & in nervis. sed vtrique virtus est in brutis animalibus, ergo imperium inuenitur in brutis animalibus.

2^a Præterea, De ratione ferri est, quod ei imperetur: sed corpus comparatur ad animam, sicut ferus ad dominum, sicut dicit Philosophus in 1. ^o Polit. ergo corpori imperatur ab anima etiam in brutis, quæ sunt composita ex anima & corpore.

3^a Præterea, Per imperium homo facit imperium ad opus: sed imperus in opus inuenitur in brutis animalibus, ut [†] Damasc. ^{lib. 2. c. 22.} mal. dicit. ergo in brutis animalibus inuenitur imperium.

Sed contra, Imperium est actus rationis, ut [†] dictum est. ^{art. præced.} est: sed in brutis non est ratio: ergo neque imperium.

CONCLUSIO.

Cum imperare sit actus rationis, impossibile est animalibus brutis conuenire.

RESPONDEO dicendum, quod imperare nihil aliud est, quam ordinare aliquem ad aliquid agendum cum quadam intimatiua motione: ordinare autem est proprius actus rationis. vnde impossibile quod in brutis animalibus, in quibus non est ratio, sit aliquo modo imperium.

AD PRIMUM ergo dicendum, quod via appetitiua dicitur imperare motum, in quantum mouet rationem imperantem: sed hoc est solum in hominibus: in brutis autem animalibus virtus appetitiua non est proprie imperatiua, nisi imperatium sumatur large pro motu.

AD SECUNDUM dicendum, quod in brutis animalibus corpus quidem habet, vnde obediunt: Sed anima non habet vnde ordinet: & ideo non est ibi ratio imperantis & imperati, sed solum mouentis & moti.

AD TERTIUM dicendum, quod aliter inuenitur imperus ad opus in brutis animalibus, & aliter in hominibus. homines enim faciunt imperum ad opus per ordinationem rationis, vnde habet in eis imperus rationem imperij. in brutis autem sit imperus ad opus per instinctum naturæ: quia scilicet appetitus eorum statim apprehenso conuenienti, vel inconuenienti, naturaliter mouetur ad prosecutionem vel fugam. vnde ordinatur ab alio ad agendum, non autem ipsa seipsa ordinant ad actionem, & ideo in eis est imperus: sed non imperium.

ARTICVLVS III.

Utrum vsum præcedat imperium.

AD TERTIUM sic proceditur. Videtur, quod vsum præcedat imperium. Imperium enim est actus rationis præsupponens actum voluntatis: ut supra dictum est. [†] sed vsum est actus voluntatis: ut supra dictum est. [†] ergo vsum præcedit imperium.

2^a Præterea, Imperium est aliquid eorum quæ ad finem ordinantur, eorum autem quæ sunt ad finem, est vsum. ergo videtur quod vsum sit prius quam imperium.

3^a Præterea, Omnis actus potentie motæ à voluntate vsum dicitur: quia voluntas virtutis alius potentie, ut supra dictum est. sed imperium est actus rationis, prout mota est à voluntate: sicut dictum est. [†] ergo imperium est quidam vsum: commune autem est prius proprio: ergo vsum etiam prius quam imperium.

Sed contra est, quod Damasc. dicit, [†] quod imperus ad operationem præcedit vsum: sed imperus ad operationem sit per imperium. ergo imperium præcedit vsum.

CONCLUSIO.

Prius est naturaliter imperium quam vsum imperij.

RESPONDEO dicendum, quod vsum eius quod est ad finem, secundum quod est in ratione referentem ipsum in finem, præcedit electionem, ut supra dictum est. [†] vnde multo magis præcedit imperium: sed vsum eius quod est ad finem, secundum quod subditur potentie exequatur, sequitur imperium, eo quod vsum videntis coniunctus est cum actu eius, quo quis vtitur, non enim vtitur aliquis baculo antequam aliquo modo per baculum operetur. imperium autem non est simul cum actu eius cui imperatur, sed naturaliter prius est imperium, quam imperio obediatur, & aliquando etiam est prius tempore. vnde manifestum est, quod imperium est prius quam vsum.

AD PRIMUM ergo dicendum, quod non omnis actus voluntatis præcedit hunc actum rationis, qui est imperium: sed aliquis præcedit, scilicet electio, & aliquis sequitur, scilicet vsum, quia post determinationem consilij, quæ est iudicium rationis, voluntas eligit, & post electionem ratio imperat ei, per quod agendum est, quod eligitur: & tunc demum voluntas alicuius incipit vti exequendo imperium rationis: quandoque quidem voluntas alterius cum aliquis imperat alteri, quandoque autem voluntas ipsius imperantis cum aliquis imperat sibi ipsi.

AD SECUNDUM dicendum, quod sicut actus sunt præuii potentie, ita obiecta actibus. obiectum autem vsum est id quod est ad finem: ex hoc ergo quod ipsum imperium est ad finem, magis potest concludi quod imperium sit prius vsum quam quod sit posterius.

AD TERTIUM dicendum, quod sicut actus voluntatis videntis ratione ad imperandum præcedit ipsum imperium, ita etiam potest dici quod & istum vsum voluntatis præcedit aliquod imperium rationis, eo quod actus harum potentiarum supra seipsos inuicem reflectuntur.

ARTICVLVS IV.

Utrum imperium & actus imperatus sint actus unus vel diuersi.

AD QVARTUM sic proceditur. Videtur, quod actus imperatus non sit unus actus cum imperio. diuersum enim potentiarum diuersi sunt actus: sed alterius potentie est

est actus imperatus, & alterius ipsam imperium, quia alia est potentia quæ imperat, & alia cui imperatur. ergo non est idem actus imperatus cum imperio.

¶ 2 Præterea, Quæcunque possunt ab invicem separari, sunt diversa, nihil enim separatur à seipso: sed aliquando actus imperatus separatur ab imperio: præcedit enim quandoque imperium, & non sequitur actus imperatus: ergo alius actus est imperium ab actu imperato.

¶ 3 Præterea, Quæcunque se habent secundum prius & posterius, sunt diversa: sed imperium naturaliter præcedit actum imperatum. ergo sunt diversa.

Ab. 2. T. p. c. 2. p. 100. d. p. 10. 1. S. 2. d. contra est, quod Philo. dicit, quod ubi est unum propter alterum, ibi est unum tantum. sed actus imperatus non est nisi propter imperium. ergo sunt unum.

CONCLUSIO.

Imperium & actus imperatus sunt unus & idem actus humanus sicut quoddam totum, multi autem secundum partes.

Ab. 2. p. 100. d. p. 10. 1.

RESPONDEO dicendum, quod nihil prohibet aliquam esse secundum quid multa: & secundum quid unum. Quoniam omnia multa sunt secundum aliquid unum, ut Dionys. dicit ult. c. de div. nom. Et tamen differentia attendenda in hoc, quod quædam sunt simpliciter multa, & secundum quid unum, quædam vero e converso unum tantum hoc modo dicitur sicut & ens: ens autem simpliciter est substantia, sed ens secundum quid est accidens, vel etiam ens rationis, & ideo quæcunque sunt unum secundum substantiam sunt unum simpliciter, & multa secundum quid: sicut totum in genere substantie compositum ex suis partibus, vel integralibus, vel essentialibus est unum simpliciter. nam totum est ens & substantia simpliciter: partes vero sunt entia & substantie in toto: quæ vero sunt diversa secundum substantiam & unum secundum accidens, sunt diversa simpliciter, & unum secundum quid: sicut multi homines sunt unus populus, & multi lapides sunt unus acervus, quæ est unitas compositionis aut ordinis. Similiter etiam multa individua, quæ sunt unum genere vel specie, sunt simpliciter multa, & secundum quid unum. nam esse unum genere vel specie, est esse unum secundum rationem. Sicut autem in genere rerum naturalium aliquod totum componitur ex materia & forma, ut homo ex anima & corpore: qui est unum ens naturale, licet habeat multitudinem partium: ita etiam in actibus humanis actus inferioris potentie materialiter se habet ad actum superioris: in quantum inferior potentia agit in virtute superioris motus ipsam. sic enim & actus moventis primi formaliter se habet ad actum instrumenti. Unde patet quod imperium & actus imperatus sunt unus actus humanus, sicut quoddam totum est unum: sed est secundum partes multa.

Ad primum ergo dicendum, quod si essent potentie diversæ ab invicem non ordinatæ, actus earum essent simpliciter diversi: sed quando una potentia est movens alteram, tunc actus earum sunt quodammodo unus. nam idem est actus moventis, & moti, ut dicitur in 3. Phys.

Ab. 2. p. 100. d. p. 10. 1. c. 2. p. 100. d. p. 10. 1.

Ad secundum dicendum, quod ex hoc quod imperium & actus imperatus possunt ab invicem separari: habetur quod sunt multa partibus. nam partes hominis possunt ab invicem separari, quæ tamen sunt unum toto.

Ad tertium dicendum, quod nihil prohibet in his quæ sunt multa partibus & unum toto, unum esse prius alio: sicut anima quodammodo est prius corpore, & cor est prius aliis membris.

ARTICULVS. V.

Utrum actus voluntatis imperetur.

99. Ab. 2. p. 100. d. p. 10. 1. c. 2. p. 100. d. p. 10. 1.

AD QUINTVM sic proceditur. Videtur, quod actus voluntatis sit imperatus. dicit enim Aug. 8. in 8. confess. Imperat animus ut velit animus, nec tamen facit. velle autem est actus voluntatis. ergo actus voluntatis non imperatur.

¶ 2 Præterea, Si convenit imperari, cui convenit imperium intelligere: sed voluntatis non est intelligere imperium. differt enim voluntas ab intellectu cuius est intelligere. ergo actus voluntatis non imperatur.

¶ 3 Præterea, Si aliquis actus voluntatis imperatur, pari ratione omnes imperantur: sed si omnes actus voluntatis imperantur, necesse est in infinitum procedere: quia actus voluntatis præcedit actum imperantis rationis, ut dictum est. qui voluntatis actus si iterum imperatur, illud iterum imperium præcedet aliquis rationis actus: & sic in infinitum. hoc autem est inconueniens, quod procedatur in infinitum. non ergo actus voluntatis imperatur.

S. 2. d. contra, Omne quod est in potestate nostra, subiacet imperio nostro: sed actus voluntatis sunt maxime in potestate nostra: nam omnes actus nostri in tantum dicuntur in potestate nostra esse, in quantum voluntas sunt. ergo actus voluntatis imperantur à nobis.

CONCLUSIO.

Cum ratio possit de voluntatis actu ordinare, eidem imperari de ratione necessarium est.

RESPONDEO dicendum, quod sicut dictum est, imperium nihil aliud est quam actus rationis ordinantis cum quadam motione ad aliquid agendum. Manifestum est autem quod ratio potest ordinare de actu voluntatis, sicut enim potest iudicare, quod bonum sit aliquid velle, ita potest ordinare imperando quod homo velit. ex quo patet quod actus voluntatis potest esse imperatus.

Ad primum ergo dicendum, quod sicut Aug. ibid. dicit, animus quando perficitur imperat sibi ut velit, tunc iam vult: sed quod aliquando imperet, & non velit, hoc contingit ex hoc quod non perfecte imperat. Imperfectum autem imperium contingit ex hoc quod ratio ex diversis partibus mou-

tur ad imperandum vel ad non imperandum: unde fluctuat inter duo, & non perfecte imperat.

Ad secundum dicendum, quod sicut in membris corporali- bus quodlibet membrum operatur non sibi soli, sed toti corpori, ut oculus videt toti corpori, ita etiam est in potentia animæ: nam intellectus intelligit non solum sibi, sed omnibus potentiis: & voluntas vult non solum sibi, sed omnibus potentiis: & ideo homo imperat sibi ipsi actum voluntatis in quantum est intelligens & volens.

Ad tertium dicendum, quod cum imperium sit actus ratio- nis, ille actus imperatur qui rationi subditur: primus autem voluntatis actus ex rationis ordinatione non est, sed ex infinita natura, aut superioris cause, ut supra dictum est: & ideo non oportet quod in infinitum procedatur.

ARTICULVS VI.

Utrum actus rationis imperetur.

AD SEXTVM sic proceditur. Videtur, quod actus ratio- nis non possit esse imperatus: inconueniens enim videtur quod aliquis imperet sibi ipsi: sed ratio est quæ imperat, ut supra dictum est. ergo rationis actus non imperatur.

100. 1. q. 112. art. 1. ad 1. artic. 1.

¶ 2 Præterea, Id quod est per essentiam, diversum est ab eo quod est per participationem: sed potentia, cuius actus imperatur à ratione, est ratio per participationem, ut dicitur in 1. Ethic. ergo illius potentie actus non imperatur, quæ est ratio per essentiam.

¶ 3 Præterea, Ille actus imperatur qui est in potestate nostra, sed cognoscere & iudicare verum, quod est actus rationis, non est semper in potestate nostra, non ergo actus rationis potest esse imperatus.

S. 2. d. contra, Id quod libero arbitrio agimus, nostro imperio agi potest, sed actus rationis exercetur per liberum arbitrium, dicit enim Damasc. quod libero arbitrio homo ex- quirat, & scrutatur, & iudicat, & disponit. ergo actus rationis possunt esse imperati.

CONCLUSIO.

Actus rationis quo ad exercitium sunt imperati, cum in nostra sint potestate, sed quo ad specificationem non semper sunt imperati, alius videlicet rationis circa ea, quorum est consi- gens veritas.

RESPONDEO dicendum, quod quia ratio supra seipsam reflectitur, sicut ordinat de actibus aliarum potentiarum, ita etiam potest ordinare de suo actu. Unde etiam actus suus potest esse imperatus. Sed attendendum est, quod actus rationis potest considerari dupliciter. Vno modo quantum ad exerci- tium actus, & sic actus rationis semper imperari potest: sicut cum indicitur alicui quod attendat, & ratione utatur. Alio modo quantum ad obiectum respectu cuius duo actus rationis attenduntur: primo quidem, ut veritatem circa aliquid apprehendat: & hoc non est in potestate nostra: hoc enim con- tingit per virtutem alicuius luminis vel naturalis, vel super- naturalis: & ideo quantum ad hoc, actus rationis non est in potestate nostra, nec imperari potest. Alius autem actus ra- tionis est dum his, quæ apprehendit, assentit. si igitur fuerint talia apprehensa, quibus naturaliter intellectus assentiat (sicut prima principia) assensus talium vel dissensus non est in po- testate nostra sed in ordine nature. & ideo proprie loquendo nature imperio subiacet. Sunt autem quædam apprehensa, quæ non adeo conuincunt intellectum, quin possit assentire vel dissentire, vel saltem assensum vel dissensum suspendere pro- pter aliquam causam, & in talibus assensus ipse vel dissensus in potestate nostra est, & sub imperio cadit.

Ad primum ergo dicendum, quod ratio hoc modo impe- rat sibi ipsi, sicut & voluntas mouet seipsam, ut supra di- ctum est: in quantum scilicet utraque potentia reflectitur supra suum actum, & ex uno in aliud tendit.

Ad secundum dicendum, quod propter diuersitatem ob- iectorum quæ actus rationis subducunt, nihil prohibet ratio- nem seipsam participare: sicut in cognitione conclusionum participatur cognitio principiorum.

Ad tertium patet responsio ex dictis.

ARTICULVS VII.

Utrum actus appetitus sensitui imperetur.

AD SEPTIMVM sic proceditur. Videtur, quod actus sensitui appetitus non sit imperatus. Dicit enim Aposto- lus Rom. 7. Non enim quod volo bonum hoc ago: & glo. exponit, quod homo vult non concupiscere, & tamen con- cupiscit: sed concupiscere est actus appetitus sensitui. ergo actus appetitus sensitui non subditur imperio nostro.

101. Infr. quæst. 50. d. 3. c. 9. 1. q. 112. art. 1. ad 1. artic. 1.

¶ 2 Præterea, Materia corporalis soli Deo obedit quan- tum ad transmutationem formalem, ut in primo habetur est. sed actus appetitus sensitui habet quandam formalem transmutationem corporis, scilicet calorem, vel frigus. ergo actus appetitus sensitui non subditur imperio humano.

¶ 3 Præterea, Proprium motuum appetitus sensitui est apprehensum secundum sensum vel imaginationem: sed non est in potestate nostra semper, quod aliquid apprehendamus sensu, vel imaginatione. ergo actus appetitus sensitui non subiacer imperio nostro.

S. 2. d. contra est, quod Gregorius Nyssenus dicit, quod obediens rationi diuiditur in duo: in desideratum & irasci- tum, quæ pertinent ad appetitum sensituum. ergo actus appetitus sensitui subiacer imperio rationis.

CONCLUSIO.

Actus appetitus sensitui quomodo ab animi potestate sunt, rationis imperio subiunguntur: quomodo vero modo insequuntur corporis

Lib. 4. c. 8. c. 1. m. d. d. c. 9. in p. 112.

DISPUTATIO XVII.

De Actu Imperij.

SVPEREST agendum de Actu imperij, à quo incipit ordo executionis: agetur autem de necessitate ipsius, de eius efficacia, & tandem de his quæ illi subduntur.

DUBIUM I.

Utrum Imperium sit actus intellectus formaliter.

SUPponendum est, quòd duo sunt necessariè requisita ad imperium. Primum est ordinare aliquem ad aliquid agendum, denuntiando & intimando quid agendum sit. Secundum est mouere & applicare ad agendum: vnde ad imperantem requiritur vis decretiua & vis actiua. Igitur non omnis intimatio seu denuntiatio superioris habet rationem imperij propriè dicti, sed solum illa in qua continetur tam vis decretiua, quam vis motiua aliquo modo: propterea si superior intimaret seu denuntiaret subdito aliquid per verbum indicatiui modi, vt si diceret hoc est tibi faciendum, non esset propriè imperium, quia ibi solum relucet vis decretiua: vnde vt sit propriè imperium, debet superior intimare seu denuntiare subdito per verbum imperatiui modi, vt si dicat ei fac hoc, in quo relucet tam vis decretiua, quam vis motiua: ex quo constat, quòd imperare est ordinare aliquem ad aliquid agendum cum quadam intimatiua motione, vt docet D. Thomas hic art. 2. Et consequenter imperium est ordinatio alicuius ad aliquid agendum cum quadam intimatiua motione. Imperium autem est actus tantum superioris ad inferiorem, & propterea opponitur orationi, quæ est actus inferioris tantum ad superiorem. Cum in actu interno imperij reperitur aliquid pertinens ad intellectum, nempe ordinatio & intimatio; & etiam aliquid pertinens ad voluntatem, nempe motio; ideo in presenti quaerimus, vtrum imperium sit actus intellectus formaliter, vel vtrum sit actus voluntatis, non enim potest esse actus vtriusque potentiae formaliter, quasi ab vtraque immediatè elicitus, vt communiter conceditur, cum sit actus immanens, & in omnium sententia receptus in potentia eliciente, est autem impossibile quòd idem actus numero sit in duplici subiecto receptus, cum enim talis actus sit accidens, & accidens indiuiduetur à subiecto recipiente, si esset receptus in duplici subiecto realiter distincto, esset duplex actus, & non vnus numero.

Prima opinio Durandi in 2.d.24.q.2. & d. 37. q.2. quam alij sequuntur, asserit quòd imperium sit formaliter actus voluntatis. Probatur: Im-

perium debet esse actus formaliter potentiae omnium aliarum præstantissimæ, imò & reginæ, cui omnes alie obediunt, imperare quippe est superioris ad inferiorem: sed voluntas est præstantissima & regina omnium potentiarum, cui omnes alie obediunt, vt communiter conceditur: ergo imperium est formaliter actus voluntatis, & non intellectus: maximè quia actus aliarum potentiarum dicuntur communiter actus imperati ipsius voluntatis, & non intellectus: & tamen si imperium esset formaliter actus intellectus, & non voluntatis, tales actus potius dicendi essent actus imperati intellectus, quàm voluntatis.

Secundò, In imperio est vis impulsiva ad obediendum; qui enim imperat, debet habere vim compellendi subditos ad obediendum: sed penes voluntatem tantum, & non penes intellectum est vis impulsiva ad obediendum, qua efficaciter ceteræ potentiae applicantur ad exercitium operis: ergo imperium est formaliter actus voluntatis, & non intellectus.

Tertiò, Si imperium non esset formaliter actus voluntatis, sed intellectus, vel esset simplex apprehensio, vel compositio & diuisio, vel ratiocinatio; non enim sunt plures intellectus operationes, quàm hæ tres: sed ad nullam istarum pertinet imperium; & probatur de secunda, de qua sola posset esse dubium, nam secunda mentis operatio completur in iudicio, & tamen secundum doctrinam D. Thomæ imperium est actus distinctus à iudicio: ergo imperium est formaliter actus voluntatis, & non intellectus.

CONCLUSIO.

RESPONDEO dicendum, quòd imperium est actus intellectus formaliter & in recto, 2. quamuis in obliquo possit dici actus voluntatis, in quantum ex præsupposito actu voluntatis habet vim motiuam ad exercitium operis. Ita communiter Discipuli D. Thomæ & alij in presenti, cum eodem Angelico Doctore hic art. 1. quem sic incipit: Imperare est actus rationis, præsupposito tamen actu voluntatis: in medio autem sic habet: Imperare est quidem essentialiter actus rationis: & tandem sic concludit; vnde relinquitur, quòd imperare sit actus rationis præsupposito actu voluntatis, in cuius virtute ratio mouet per imperium ad exercitium actus.

Probatur prima pars conclusionis, Imperare nihil est aliud, quàm ordinare aliquem ad aliquid agendum cum quadam intimatiua motione, vt docet Diuus Thomas hic artic. 2. ita quòd ordinare importetur in recto, & mouere tantum importetur in obliquo: vnde ad substantiam actus imperij sufficit quòd ordinet ad aliquid agendum, intimando & denuntiando; quòd autem moueat pertinet tantum ad efficaciam imperij: sed ordinare, intimare & denuntiare sunt formaliter actus

actus intellectus, nam ordinare est cognitio directiva in concreto ad finem præcognitum, intimare autem & denuntiare sunt locutiones, ac cognitio & locutio sunt formaliter actus intellectus: ergo imperium est formaliter actus intellectus. Deinde, Eiusdem potentie est formaliter actus imperare, cuius actus formaliter est obedire, cum imperare & obedire ad inuicem referantur: sed obedire est formaliter actus intellectus, ut habetur ex illo Apostoli: Captiuantes intellectum in obsequium fidei; Et hoc ideo, quia licet aliæ potentie exequantur imperium materialiter, non tamen formaliter quasi percipientes ordinationem & intimationem quæ est in imperio: ergo imperium est formaliter actus intellectus. Denique probatur expressa autoritate Aristotelis 1. Ethicorum cap. ultimo, & sancti Gregorij Nissenii libr. 4. Philosophiæ cap. 8. & 9. qui expressè dicunt, quod appetitus obedit rationi: obedientia scilicet materiali de qua dictum est: illius autem est imperare formaliter, cui alij obediunt.

Probatur secunda pars conclusionis. Tum prædicta autoritate D. Thomæ. Tum sequenti ratione ex eo deducta: Imperium de quo loquimur, est actus efficax in ordine ad exercitium, ita ut posito tali imperio sequatur necessario usus voluntatis applicantis ceteras potentias ad exercitium operis, unde ab imperio incipit infallibiliter ordo executionis, & consequenter in imperio est vis motiua ad exercitium operis: sed mouere ad exercitium operis per se primò soli convenit voluntati, quæ respicit finem, eius quippe est primò mouere quoad exercitium, cuius est respicere finem, ut ostensum est supra, & docet item supra Diuus Thomas quæst. 9. & consequenter quæcunque alia potentia mouet ad exercitium, hoc habet participatiuè à voluntate, unde mouet in virtute ipsius, ac proinde ex vi alicuius actus præcedentis ipsius voluntatis; quia ut docet D. Thomas hic art. 1. actus voluntatis & rationis supra se inuicem possunt ferri, & virtus prioris actus remanet in actu sequenti: ergo imperium potest dici in obliquo actus voluntatis, in quantum ex præsupposito actu voluntatis habet vim motiuam ad exercitium operis. Deinde, Nisi dicatur: quod imperium habet vim motiuam ad exercitium operis, ex præsupposito actu voluntatis, & dependenter ab illo; sequitur quod voluntas sit simpliciter necessitata ad usum, & non tantum ex suppositione sui actus præcedentis: nam per imperium omnino determinatur ad usum, & ita si in imperio nihil est eius, sed se habet ad illud merè passiuè; verè per illud necessitatur simpliciter ad exercitium, & non tantum ex aliqua suppositione sui actus, composibili cum eius libertate: ergo imperium habet vim motiuam ad exercitium operis, ex præsupposito actu voluntatis, & dependenter ab illo,

& consequenter potest dici actus voluntatis in obliquo.

A D primum ergo dicendum, quod intellectus est nobilior potentia, quàm sit voluntas, ut probatum est in libris de Anima, & si voluntas est regina potentiarum, intellectus est rex ipsarum: Et quamuis sit mutua dependentia inter intellectum & voluntatem in ordine ad exercitium, maior tamen est dependentia voluntatis ab intellectu, cum ab illo dependeat in suo obiecto quod est bonum cognitum; & ita intellectus præit voluntatem tam in ordine intentionis, quàm in ordine executionis: nec aliæ potentie obediunt voluntati, nisi propter imperium intellectus. Ad illud quod subditur, dicendum quod actus aliarum potentiarum sunt imperati tam ab intellectu, quàm à voluntate: ab intellectu quidem formaliter, à voluntate verò causaliter, quatenus voluntas mouet intellectum ad imperandum: absolute tamen dicuntur imperati à voluntate, quia voluntas est principium primum formaliter liberum, & primum mouens quoad exercitium; & propterea ipsi attribuntur omnes actiones humanæ, & dicuntur actus eius imperati, non autem dicuntur actus imperati intellectus, quia intellectus applicatur à voluntate ad illos imperandos. Nec tamen esse formaliter liberum in voluntate est nobilius, quàm esse radicaliter liberum in intellectu; sed è contra propter dependentiam formaliter liberi à radicaliter libero, sicut nobilius est radicaliter calidum quàm formaliter calidum.

A D secundum dicendum, quod vis illa motiua & impulsiva ad obediendum est quidem in imperio participatiuè & dependenter à voluntate: sed tamen quia motio non est præcipuum quod est in imperio, sed est quid tantum necessarium ad efficaciam illius; salua substantia actus, quæ consistit in ordinatione & intimatione, quæ pertinent ad intellectum formaliter, inde est quod imperium est formaliter actus intellectus, & non voluntatis.

A D tertium dicendum, quod imperium pertinet ad secundam mentis operationem, & consistit in enuntiatione affirmatiua vel negatiua, ut fac hoc, ne facias hoc; & est quoddam iudicium; non quidem ostensiuum quod exprimitur verbis indicatiui modi, hoc est faciendum; sed est iudicium præceptiuum, quod exprimitur verbis imperatiui modi, fac hoc: & hoc iudicium præceptiuum non solet vocari simpliciter iudicium, sed dicitur imperium, & distinguitur à primo illo iudicio, quod simpliciter vocatur iudicium, & in quo est tantum vis directiua, & non vis motiua: saltem efficax; in imperio autem utraque vis reperitur.

D V B I V M II.

Vtrum imperium sit homini necessarium ad proprios actus.

Supponendum est, quòd imperium actiuum, de quo loquimur in præsentì, est actus solius naturæ intellectualis, vnde nullo modo competit brutis, vt probat ex professo D. Thomas hic art. 2. cuius ratio est assignata, quia imperare est ordinare aliquem ad aliquid agendum cum quadam intimatione: ordinare autem est proprius actus rationis; vnde impossibile est, quòd in brutis animalibus, in quibus non est ratio, sit aliquo modo imperium. Vnde imperium actiuum reperitur in homine, in Angelis, & in Deo: Quòd reperitur in homine in ordine ad actus aliorum, experimur quotidie, in ordine verò ad proprios actus, ostendetur in hoc dubio: Quòd reperitur in Angelis & in Deo in ordine ad actus aliorum, habetur sæpe in sacra Scriptura; in ordine verò ad proprios actus, ostendetur ex dicendis. Imperium autem passiuum reperitur tantum propriè in creaturis intellectualibus, quæ solæ percipiunt ordinationem & intimationem imperantis; vnde sicut solæ creaturæ intellectuales imperant (quod etiam conuenit Deo, & potiori iure tanquam supremo omnium Domino) sic solæ creaturæ intellectuales propriè imperantur, siue ad eas solas propriè dirigitur imperium. Aliquo modo tamen potest imperium dirigi ad alias creaturas, etiam non cognoscitiuas, & quando imperium est valde efficax, suum in eis physicè operatur effectum: vnde dicimus quòd Angeli mouent cœlos per actum imperij virtualiter transeuntem, & Deus per actum imperij creauit hoc vniuersum, vt constat ex his quæ dicuntur capite 1. Genesis, vbi actio Dei creatiua describitur per verba imperatiui modi, vt Fiat firmamentum, Fiat lux, &c. Merito autem hic modus agendi per imperium ad extra Deo attribuitur, cum sit perfectissimus & conueniens supremo eius dominio supra creaturas. Cum ergo experiamur in homine imperium in ordine ad alios, quærimus in præsentì dubio, vtrum sit ei necessarium ad proprios actus.

Prima opinio Vasquis hic disp. 49. cap. 4. negat quòd imperium sit homini necessarium ad proprios actus. Probatur: Iudicium de mediis magis vtilibus, & efficax eorum electio sufficiunt, secluso quocunque alio, ad hoc vt tempore debito & statuto executioni mandentur, propter naturalem subordinationem potentiarum exequentium ad intellectum & voluntatem; nihil enim potest assignari, quod posito tali iudicio & electione possit impedire aut retardare executionem operis: ergo imperium non est homini necessarium ad proprios actus; non enim ex alio capite posset esse necessarium, quàm ad mouen-

dum potentias executiuas, vel quantum ad specificationem, vel quantum ad exercitium, cum ergo sufficienter moueantur quantum ad specificationem per illud iudicium, & etiam sufficienter moueantur quantum ad exercitium per illam electionem aut alium actum voluntatis, superfluum est tale imperium.

Secundò, Imperium est tantum superioris ad inferiorem, & debet habere vim coactiuam siue coercitiuam: sed idem non est superior & inferior respectu sui, nec intellectus habet vim coactiuam respectu voluntatis; alioquin posito tali imperio voluntas moueretur coactè, & necessariò, non liberè: ergo imperium non est homini necessarium ad proprios actus, maximè, quia non ponitur in Angelis, nec in Deo, in ordine ad proprios actus; tum quia diuina voluntas, respectu cuius esset tale imperium, non habet superiorem, cum sit realiter idem cum diuino intellectu, cuius actus deberet esse tale imperium; tum quia posito iudicio & electione in Deo, nulla potest apparere noua difficultas Deo, aut nouus modus difficultatis, dum instat exercitium operis.

Tertiò, Si imperium sit homini necessarium ad proprios actus, sequitur quòd ad singulos actus liberos voluntatis sit necessarium imperium, cum non sit maior ratio cur imperium sit necessarium ad vnum, quàm ad alios, propter æqualem indifferentiam voluntatis ad quemlibet ipsorum, ratione cuius indifferentiæ ponitur esse necessarium imperium intellectus ad voluntatem: sed non est necessarium imperium ad singulos actus liberos voluntatis, alioquin multiplicarentur multum actus imperij, antequam perueniretur ad exercitium alicuius operis: ergo imperium non est homini necessarium ad proprios actus.

C O N C L U S I O.

R E S P O N D E O dicendum, quòd necessarium est ponere imperium in homine, in ordine ad proprios actus. 1. non quidem in ordine ad omnes actus liberos voluntatis. 3. nec ad hoc vt intimetur voluntati quid eligendū sit. 4. sed tantum est necessarium ad vnum & executionem; ad hoc scilicet quòd voluntas applicet potentias executiuas, vel membra corporis ad exequendum media electa. Ita communiter Discipuli D. Thomæ & alij in præsentì.

Probatur prima pars conclusionis autoritate Aristotelis, & D. Thomæ: Aristoteles 1. Ethicorum cap. vltimo dicit quòd appetitus obedit rationi, vtique imperanti: vnde cum nihil sit superfluum in ordine naturæ, necessarium est ponere imperium in homine, in ordine ad proprios actus: D. Thomas hic docet ex professo articulo 5. 6. & 7. quòd actus aliqui rationis, voluntatis, & appetitus sensitui cadunt sub imperio rationis eiusdem suppositi cuius sunt actus proprii. Deinde probatur ratione: Ex vna parte

Hh

intelle

intellectus potest imperare voluntati, cum intellectus sit superior voluntate, & in omnibus dux & prior, unde potest ipsam ordinare ad aliquid agendum intimando & denuntiando ei quid sit agendum: ex alia verò parte applicatio potentiarum exsequentium, quæ dicitur usus, non potest fieri absque prædicta ordinatione & intimatione in qua consistit imperium, ut dicitur in quarta parte conclusionis, quæ applicatio & ordinatio sunt in eodem homine; ergo necessarium est ponere imperium in homine in ordine ad proprios actus.

Probatur secunda pars conclusionis. Si sit necessarium ponere in homine imperium in ordine ad omnes actus liberos voluntatis, sequitur implicatio in adiecto, scilicet quod nullus actus liber voluntatis sit liber: Quod sic ostenditur. Ex una parte communiter conceditur, quod ad imperium necessariò sequitur actus voluntatis imperatus: quæ necessitas dicenda est absoluta, & repugnans libertati, si non radicetur in aliquo actu libero ipsius voluntatis; nam si in illo radicetur, est tantum necessitas ex suppositione talis actus voluntatis exerciti, quæ non repugnat libertati. Ex alia verò parte habetur, si ad omnem actum liberum voluntatis requiritur imperium, quod primum imperium antecedit omnem actum liberum voluntatis, unde non radicatur in aliquo actu libero voluntatis, & ita actus voluntatis ad illud consequitur necessariò necessitate absoluta, consequitur enim ad actum illum imperij ex vi præcisa obiecti & ex naturali determinatione exerciti: ergo talis actus voluntatis non est liber; & consequenter nullus alius est liber, cum omnes alij sequantur necessariò ex vi illius primi, qui si non sit liber, sed absolute necessarius, sequentes actus non participabunt ab illo libertatem, sed absolutam necessitatem. Respondent aduersarij, quod primum illud imperium intellectus est liberum ex duplici capite, scilicet quia potuit impediri à voluntate, & quia intellectus determinatur ad imperandum ab ipso actu voluntatis imperato posito in eodem instanti cum imperio. Sed hæc responsio deficit ex utroque capite: nam sequeretur contra communem doctrinam, quod primus omninò actus intellectus dicendus esset liber, cum pari modo diceretur posse impediri, & determinari ab actu voluntatis consequente pro eodem instanti. Deinde falsum est quod voluntas possit impedire primum illud imperium, si non possit præintelligi actus liber voluntatis ad illud, quod admittunt aduersarij: Et similiter est impossibile quod voluntas determinet intellectum ad imperandum, nisi volendo quod imperet, unde talis volitio debet præintelligi imperio, quod tamen ex aduersariis est impossibile, cum illa volitio sit effectus imperij, ac proinde consequens imperium.

Probatur tertia pars conclusionis autoritate

D. Thomæ hic art. 3. ad. 1. ubi expressè docet, quod imperium sequitur electionem: ait enim, Non omnis actus voluntatis præcedit hunc actum rationis, qui est imperium: sed aliquis præcedit, scilicet electio; & aliquis sequitur, scilicet usus, quia post determinationem consilij, quæ est iudicium rationis, voluntas eligit, & post electionem ratio imperat ei per quod agendum est quod eligitur: & tunc demum voluntas alicuius incipit uti exequendo imperium rationis: quandoque quidem voluntas alterius, cum aliquis imperat alteri; quandoque autem voluntas ipsius imperantis, cum aliquis imperat sibi ipsi. Deinde, Supposita efficaci intentione finis & adhibito consilio de mediis vtilibus ad consequendum finem, ac lato iudicio de mediis magis vtilibus, sufficienter intimatur voluntati quid eligendum sit, nempe medium magis utile, cum ordinariè & saltem virtualiter intendat consequi finem meliori modo quo potest: ergo non est necessarium ponere imperium in homine ad hoc ut intimetur voluntati quid eligendum sit; imò supposito tali iudicio imperium esset superfluum, maxime quia posito tali iudicio non occurrit aliqua nova difficultas, aut specialis modus difficultatis in ordine ad electionem, sicut potest occurrere & de facto occurrit in ordine ad usum, ut statim dicitur.

Probatur quarta pars conclusionis autoritate D. Thomæ hic art. 3. ubi ex professo probat quod imperium præcedit usum. Item autoritate Aristotelis 6. Ethicorum cap. 10. ubi dicit quod prudentia est præceptiva, quia finis prudentiæ est quid agendum sit. Deinde probatur à priori: Nomine imperij intelligitur actus efficax intellectus, quo ordinatur voluntas ad usum cum intimatiua motione; ita ut obiectum talis actus sit usus actiuus, quo voluntas applicat potentias executivas ad exercitium operis, & ex consequenti etiam usus passiuus siue applicatio passiva harum potentiarum: sed talis actus est necessarius, propter nouam difficultatem, vel nouum modum difficultatis occurrentem, dum instat executio operis; nam licet difficultas omnis quæ reperitur in executione, potuerit esse præuisa ante electionem, non tamen potuit tunc eo modo proponi, qualis occurrit & apparet in ipsa executione; executio quippe aliter proponitur, quando est à longe, & apprehenditur futura per iudicium præcedens electionem; ac dum proximè & immediatè instat, quia dum instat, verè est & apparet difficilior, ut in nobis experimur, qui sæpe desistimus ab electione facta, propter difficultatem & timorem quem causat executio præsens, quem non causabat executio futura; propterea opus est actu efficaci intellectus, quo non obstante illa noua difficultate vel ipsamet iterum insurgente & ut maiori propolita, dirigatur & moueatur voluntas ad applicandum potentias executivas exercitio operis

operis seu executioni mediorum electorum; qui actus verè habet rationem imperij, cum importet ordinationem ipsius voluntatis ad aliquid agendum cum intimatiua motione: ergo imperium est necessarium in homine ad vsum & executionem, ad hoc scilicet quòd voluntas applicet potentias executiuas, vel membra corporis ad exequendum media electa. Radix istorum est: quia iudicium præcedens electionem, & imperium illam consequens habent diuersa obiecta formalia, & consequenter sunt actus realiter distincti: iudicium respicit media magis vtilia vt eligibilia, imperium autem illa respicit vt executioni statim mandanda; & ita sicut in mediis secundum duplicem illum statum est diuersa ratio appetibilitatis, sufficiens ad distinguendos formaliter & realiter duos actus voluntatis, scilicet electionem & vsum; sic in eis est duplex ratio cognoscibilitatis obiectiue, sufficiens ad distinguendos formaliter & realiter duos actus intellectus, scilicet iudicium de vtili quasi futuro, & imperium de vtili præsentis: maximè quia necessarium est, quòd tam ordo intentionis, quàm ordo executionis incipiat ab intellectu; ita tamen quòd ordo intentionis absolute incipiat ab intellectu, ordo verò executionis incipiat ab intellectu moto à voluntate; propterea actus imperij est efficacissimus, vt pote continens efficaciam omnium actuum præcedentium, tam intellectus, quàm voluntatis, nempe intentionis, iudicij, electionis, &c. vnde non est mirum, si posito imperio infallibiliter sequatur vsum & executio operis, vt dicetur dubio sequenti. Ex dictis sequitur, quòd prudentia incipit à consilio, perseverat in iudicio, & terminatur in imperio: vnde hi tres actus sunt actus prudentiæ generaliter sumptæ, qui tamen pertinent ad diuersas virtutes specie, quæ sunt partes subiectiue prudentiæ generaliter sumptæ: Prima dicitur Eubulia siue rectè consiliatiua; Secunda dicitur Synesis siue bene iudicatiua per regulas communes, vel dicitur Gnome si sit iudicatiua per regulas superiores; Tertia tandem retinet nomen generis, & dicitur prudentia siue rectè præceptiua, fortè quia imperare est præcipuus actus prudentiæ, quia in imperio completur exercitium prudentiæ.

Ad primum ergo dicendum, quòd posito iudicio & electione mediorum, si nihil de nouo occurreret, posset subsequi executio, propter naturalem subordinationem potentiarum exequentium ad intellectum & voluntatem: sed quia dum instat executio, occurrit noua difficultas, vel nouus modus difficultatis vt dictum est; ideo requiritur efficax actus imperij, quo superetur prædicta difficultas, & sic non impediatur aut retardetur executio.

Ad secundum dicendum, quòd in homine sunt plures potentie, quarum intellectus est superior respectu aliarum, vnde potest illis impe-

rare. Quando autem imperium sistit in imperante, non opus est quòd habeat vim coactiuam siue coercitiuam propriè, sed sufficit quòd habeat vim directiuam & motiuam aliquo modo: vnde si sit imperium efficax, efficaciter & infallibiliter mouebit, quamuis non cogat aut necessitet. Itaque vt dictum est supra, imperium intellectus habet virtutem motiuam à voluntate, & ita quamuis voluntas efficaciter moueatur per imperium intellectus, non tamen per illud cogitur, aut necessitatur absolute; sed tantum operatur necessariò necessitate ex suppositione sui actus, ex quo imperium habet vim motiuam. Ad illud quod subditur, dicendum quòd ponitur actus imperij in Angelis & in Deo, in ordine ad proprios actus: sed in Deo est seclusis omnibus imperfectionibus potentialitatis & limitationis; vnde non ponitur in ipso, propter nouam difficultatem, aut nouum modum difficultatis occurrentem; at ponitur propter distinctam rationem obiecti electionis & imperij, de qua dictum est: vnde cum propter diuersas rationes formales obiectiuas multiplicemus virtualiter, aut saltem secundum nostrum modum concipiendi, in Deo virtutes tam intellectuales, quàm affectiuas, & actus ipsarum; inde est quòd idem fieri debet in præsentis materia: sufficit autem superioritas virtualis diuini intellectus respectu diuinæ voluntatis, ad constituendum imperium in diuino intellectu in ordine ad diuinam voluntatem. Ex dictis colligitur, quòd licet ponatur imperium in aliquo ad proprios actus; non tamen ponitur in eodem oratio respectu sui, quia oratio est actus intellectus qui est suprema potentia, vnde in eodem subiecto non habet superiorem quem oret, oratio autem est actus inferioris ad superiorem.

Ad tertium dicendum, quòd imperium propriè dictum non requiritur ad singulos actus liberos voluntatis, sed tantum ad actum vsum quo applicantur potentie executiue ad exercitium operis: imperium autem respectu huius actus habet mouere voluntatem, & quantum ad specificationem ratione eius quod habet ab intellectu à quo elicitur, cum omnis actus intellectus sit intellectio; & quantum ad exercitium participatiue ac dependenter ab ipsamet voluntate. Ad alios igitur actus voluntatis præcedit quidem aliquis actus intellectus, sed vel est simplex apprehensio, vel iudicium, qui actus sufficit ad determinandam voluntatem ad aliquid volendum: ad solum vsum actiuum strictè sumptum, quo applicantur potentie executiue ad exercitium operis, propter maiorem difficultatem instantis executionis, requiritur hic actus imperij efficacissimus.

D V B I V M III.

Verum posito imperio in intellectu, necessario sequatur usus in voluntate.

Supponendum est ex dictis, quod imperium est medium inter electionem & usum, unde sicut est causa usus, sic est effectus electionis: posita igitur electione efficaci, & perseverante usque ad tempus executionis necessario sequitur imperium necessitate infallibilitatis & ex suppositione; si autem apparente nova difficultate circa executionem non sequatur imperium, signum est quod voluntas destitit à tali electione. Est autem dubium inter Authores, utrum imperium sequatur immediatè ad electionem, vel mediante actu distincto ipsius voluntatis formaliter & explicitè volentis imperium. Sed breviter dicitur, quod iste actus medius voluntatis potest interuenire; non tamen est necessarium quod interueniat, ac proinde ordinariè imperium sequitur immediatè ad electionem tempore determinato ad executionem. Prima pars huius dicti probatur ex hoc, quod ex nullo capite apparet repugnantia, cur facta electione iam instante tempore executionis, voluntas non possit velle formaliter & explicitè imperium intellectus præuium executioni, quia ut ait D. Thomas hic art. 1. actus voluntatis & rationis supra se inuicem possunt ferri; & propter hoc etiam conceditur, quod post intentionem finis, & ante consilium de mediis conducentibus ad talem finem, potest dari actus voluntatis, quo formaliter & explicitè velit consilium. Secunda pars huius dicti probatur ex hoc, quod est mutua subordinatio inter intellectum & voluntatem in ordine ad executionem operis, ita ut posito actu priori alterutrius potentie, statim sequatur alius alterius potentie, donec perueniatur ad finem intentum, absque eo quod sit necessarium quod intellectus imperet singulos actus voluntatis, vel quod voluntas velit formaliter & explicitè singulos actus intellectus: & sic ordinariè imperium sequitur immediatè ad electionem efficacem, tempore determinato ad executionem, ex vi ipsius electionis saltem virtualiter perseverantis in subiecto, per hoc quod ratione præcedentis electionis maneat determinatum ad perficiendum opus intentum.

Prima opinio negat, quod posito imperio in intellectu, sequatur necessario usus in voluntate. Probatur: Executio operis cum debita aduertentia fit liberè, & propterea talis executio est meritoria vel demeritoria, iuxta diuersitatem materie, ergo posito imperio in intellectu, non sequitur necessario usus in voluntate; si enim talis usus sequeretur necessario, executio operis etiam sequeretur necessario, cum eandem habeat connexionem cum usu, quam usus habet cum imperio.

Secundò, Non potest dari usus actiuus sine passiuo ut patet: sed potest fieri quod posito imperio in intellectu, non sequatur necessario usus passiuus, ut si imperetur actus appetitus sensitui, potest contingere quod appetitus resistat imperio rationis, imò experimur quod sæpe ita contingat: ergo posito imperio in intellectu non sequitur necessario usus in voluntate.

Tertiò, Imperium superioris ad subditum est efficacius, quàm imperium intellectus ad voluntatem, cum superior habeat vim coactiuam respectu inferioris, quam non habet intellectus respectu voluntatis: sed posito imperio superioris, non necessario obedit inferior, imò sæpe non obedit: ergo posito imperio in intellectu, non sequitur necessario usus in voluntate.

C O N C L V S I O.

R E S P O N D E O dicendum, quod posito imperfecto imperio in intellectu, non sequitur necessario usus in voluntate 1. qui tamen necessario sequitur, posito imperio perfecto in intellectu, necessitate infallibilitatis, consequentia, ex suppositione, ac secundum quid 3. non autem necessitate consequentis, absoluta, & simpliciter tali. Ita communiter Theologi in præsentia.

Probatur prima pars conclusionis autoritate sancti Augustini libr. 8. Confess. cap. 9. ubi sic ait: Imperat animus, ut velit animus, nec tamen facit; & subiungit rationem: Non ex toto vult, non ex toto imperat; nam in tantum imperat, in quantum vult; in tantum non fit quod imperat, in quantum non vult, scilicet perfecte & efficaciter. Deinde probatur ratione, Potest fieri quod non habeatur intentio efficax alicuius finis, ac proinde nec efficax electio mediorum; sed quod habeatur tantum velleitas circa finem & circa media: & consequenter imperium consequens ad hanc velleitatem erit pari modo inefficax, nam efficacia actuum inferiorum subordinatorum debet provenire ab efficacia actuum superiorum; & tunc non sequetur usus in voluntate, cum in eo consistat executio operis: ergo posito imperfecto imperio in intellectu, non sequitur necessario usus in voluntate.

Probatur secunda pars conclusionis. Imperium perfectum est actus efficacissimus, continens virtualiter efficaciam omnium actuum perfectorum præcedentium, scilicet intentionis, iudicii, electionis, &c. Aliunde verò est maxima subordinatio & sympathia voluntatis ad intellectum, ita quod voluntas feratur connaturaliter ad obiectum sibi determinatum ab intellectu: ergo posito imperio perfecto in intellectu, sequitur necessario usus in voluntate, necessitate infallibilitatis, consequentia, ex suppositione, ac secundum quid. Et cum ad usum actiuum voluntatis sequatur necessario usus passiuus potentialium seu membrorum exequentium, propter absolutum dominium voluntatis supra potentias inferiores

riores ac membra corporis; inde est quod (si nullum sit impedimentum, vel ex defectu virtutis, vel ex defectu materiæ, vel aliunde) posito imperio perfecto in intellectu, sequetur necessariò usus passivus in potentiis vel membris executivis, eadem necessitate infallibilitatis, consequentiæ, ex suppositione, ac secundum quid.

Probatur tertia pars conclusionis. Tum primo argumento primæ opinionis; quod hanc partem conclusionis efficaciter probat; nam actus procedens necessariò necessitate consequentis, absoluta, & simpliciter tali, non est actus liber, cum talis necessitas repugnet libertati; ac proinde non est meritorius aut demeritorius, quia meritum & demeritum fundantur in bonitate & malitia morali, & hæc fundantur in voluntario perfecto, quod est liberum in viatoribus. Deinde, In imperio intellectus est vis motiva, participata à voluntate, ut dictum est, in qua consistit efficacia ipsius imperij; & consequenter usus in voluntate sequitur ex vi talis motionis: ergo cum talis vis motiva sit in imperio intellectus dependenter ab actu libero voluntatis, sequitur quod necessitas, qua procedit usus ex imperio intellectus, non sit necessitas consequentis, absoluta, & simpliciter talis, quia hæc necessitas non habet pro radice & fundamento actum liberum; sed est tantum necessitas infallibilitatis, consequentiæ, ex suppositione, ac secundum quid.

A d primum ergo dicendum, quod necessitas infallibilitatis, consequentiæ, ex suppositione, ac secundum quid non tollit libertatem; sicut eam tollit necessitas consequentis, absoluta, & simpliciter talis: unde quamvis usus & executio operis sequantur necessariò ad imperium intellectus prima illa necessitate; non tamen desinunt procedere liberè, & sic possunt esse meritoriarum operationes vel demeritoriarum, iuxta diversitatem materiæ; & consequenter completur in eis meritum vel demeritum, quod fuit inchoatum in primo actu libero, & continuatum in sequentibus actibus.

A d secundum dicendum, quod posito imperio perfecto in intellectu, quod scilicet procedat ex efficaci intentione finis & electione mediorum, non potest contingere quod appetitus sensitivus ei resistat; & si ei resistit, signum est quod tale imperium est imperfectum: unde sicut sequitur necessariò usus activus in voluntate, posito imperio perfecto in intellectu; sic etiam sequitur usus passivus in potentiis executivis.

A d tertium dicendum, quod imperium superioris ad inferiorem siue subditum, non est efficacius imperio intellectus ad voluntatem; imò est multò inefficacius ipso, si præcisè sumatur: quia voluntas subditi non habet naturalem subordinationem & sympathiam ad intellectum

& voluntatem superioris, ut statim illis conformetur; sicut illam habet voluntas ad proprium intellectum, quæ proinde statim illi conformatur. Verum tamen est, quod si superior coniungat vim coactivam suo imperio, tunc infallibiliter & coactè fiet id quod imperatum est.

D V B I V M IV.

Utrum omnes actus & motus, qui sunt in homine possint subdi imperio rationis.

Supponendum est, quod sunt plures & diversi actus & motus in homine, iuxta diversitatem potentialium quæ in eo reperiuntur. Unde in parte eius superiori sunt actus intellectus & voluntatis, qui sunt motus perfecti harum potentialium: In parte verò inferiori reperiuntur actus appetitus sensitivi; tam cognoscitivi, ut sunt actus sensuum exteriorum & interiorum; quàm affectivi, ut sunt omnes illi actus seu motus qui dicuntur passionibus: Sunt etiam actus animæ vegetatiivæ, ut nutritio, augmentatio, generatio, &c. insuper sunt motus membrorum corporis generaliter, & specialiter motus cordis & cerebri. Et de his omnibus quaeritur in præsentia: Utrum possint subdi imperio rationis; quod autem non ei semper subdantur, manifestum est. Imperium autem & actus imperatus, quamvis in esse physico sint diversi actus, in genere tamen moris seu in esse morali sunt unus actus, ut docet D. Thomas hic art. 4. Cuius ratio est: quia in actibus humanis actus inferioris potentie materialiter se habet ad actum superioris: in quantum inferior potentia agit in virtute superioris mouentis ipsam. Unde patet, quod imperium & actus imperatus sunt unus actus humanus, sicut quoddam totum est unum, sed est secundum partes multa. Hæc D. Thomas.

Prima opinio negat, quod actus intellectus possint subdi imperio rationis, siue quod intellectus possit imperare sibi ipsi. Probatur: Imperium est superioris ad inferiorem: sed intellectus non est superior respectu sui ipsius: ergo intellectus non potest imperare sibi ipsi, & consequenter actus intellectus non possunt subdi imperio rationis. Deinde, Si actus intellectus possent subdi imperio rationis, cum sit eadem ratio de omnibus eius actibus, possent omnes eius actus subdi tali imperio, quod tamen communiter negatur. Denique, Si actus intellectus possent subdi imperio rationis, sequeretur quod possemus relinquere opinionem probabiliorē, & assumere minus probabilem ex imperio rationis; cum enim rationes non cōvincant nec pro vna, nec pro alia, poterit intellectus determinari ex imperio rationis ad utramlibet, si semel subdatur tali imperio; quod tamen non videtur dicendum: ergo actus intellectus non possunt subdi imperio rationis.

Secunda opinio asserit, quemlibet actum voluntatis

Intuitus subdi imperio rationis, siue sit circa finem, siue circa media, dummodo sit liber. Probatur: Actus liberi sunt in nostra potestate & sub dominio nostro, & in hoc distinguuntur ab actibus necessariis, qui necessitate naturali procedunt: sed quod est in nostra potestate & sub dominio nostro, subditur imperio rationis, in quo præcipue consistit dominium: ergo quilibet actus voluntatis subditur imperio rationis.

CONCLUSIO.

RESPONDEO dicendum, quod subduntur imperio rationis actus intellectus quoad exercitium. 2. sicut & actus voluntatis circa executionem mediorum. 3. Item actus appetitus sensitui: quamuis non plenè & totaliter. 4. actus verò animæ vegetabilis non subduntur tali imperio. 5. motus autem membrorum quæ sunt instrumenta potentiarum animæ sensitivæ, subduntur prædicto imperio: secus autem motus membrorum quæ sunt instrumenta potentiarum animæ vegetativæ. Ita communiter Philosophi morales & Theologi in præfenti.

Probatur & explicatur prima pars conclusionis. Actus intellectus potest dupliciter considerari, vno modo quantum ad exercitium actus, alio modo quantum ad specificationem. Quantum ad exercitium subditur imperio rationis: quia consideratio intellectus potest esse medium ad assequendum aliquem finem, vnde intellectus potest esse potentia executiva, & sic applicari per vsum voluntatis prævio imperio de tali vfu. Quantum ad specificationem verò, si sit simplex apprehensio, non subditur imperio, sed illam habet ex lumine naturali vel supernaturali quo procedit circa aliquod obiectum: si autem sit iudicium, seu assensus aut dissensus, aliquando subditur imperio rationis, vt quando intellectus versatur circa credibilia & opinabilia, cum enim non conuincatur circa illa, potest per imperium rationis determinari ad vtramlibet partem vt assensum vel dissensum præbeat, vel vt suspendat vtrumque; aliquando non subditur imperio rationis, vt quando intellectus versatur circa prima principia, vel circa conclusiones euidenter ab illis deductas, cum enim conuincatur circa illa, est determinatus ad vnum naturaliter. Hæc docet D. Thomas hic art. 6.

Probatur secunda pars conclusionis. Tum autoritate D. Thomæ hic art. 5. Tum ex dictis supra, vbi ostensum est quod imperium præcedit immediatè vsum, qui est actus voluntatis, quo applicantur potentie executivæ ad executionem mediorum: vnde licet alij actus voluntatis non subdantur imperio rationis; hic tamen qui est circa executionem mediorum, subditur illi.

Probatur tertia pars conclusionis autoritate D. Thomæ hic art. 7. vbi nomine appetitus sensitui comprehendit omnes potentias sensitivas:

& dicit quod actus potentiarum sensitivarum in quantum dependent ab ipsis potentiis, subduntur imperio rationis; in quantum verò dependent à dispositione organi corporalis, cui affixæ sunt dictæ potentie, possunt subtrahi à tali imperio, nam si quis habeat oculum malè affectum, quamuis imperetur actus visionis, non tamen sequetur visio. Subiungit autem, quod aliqui motus subiti appetitus sensitui, excitati ad apprehensionem imaginationis vel sensus, fiunt præter imperium rationis; subduntur tamen imperio rationis, tum quia potuissent impediri à ratione, si fuissent præuisi, tum quia possunt continuari vel terminari per rationem. Tandem concludit cum Philosopho libro. 1. Politicor. cap. 3. quod ratio præest irascibili & concupiscibili, non principatu despotico, qui est domini ad seruum; sed principatu politico aut regali, qui est ad liberos, qui non totaliter subduntur imperio.

Probatur quarta pars conclusionis, tum autoritate, tum ratione Diui Thomæ hic art. 8. quam sic proponit: Ratio imperat per modum apprehensivæ virtutis, & ideo actus illi qui procedunt ab appetitu intellectivo vel animali (qui scilicet consequitur aliquam apprehensionem) possunt à ratione imperari: non autem actus illi qui procedunt ab appetitu naturali (qui scilicet non consequitur aliquam apprehensionem) huiusmodi enim actus sunt vegetabilis animæ. Hoc autem debet intelligi de subiectione directæ, nam indirectè tales actus subduntur imperio rationis: nam per subtractionem vel ministrationem alimenti possunt potentie vegetativæ applicari ad suas operationes, vel ab illis suspendi, hæc autem subtractio vel ministratio subiaceret directè imperio rationis.

Probatur quinta pars conclusionis autoritate D. Thomæ hic art. 9. vbi dicit quod est eadem ratio, quantum ad hanc subiectionem, de potentiis organicis, ac de membris quæ sunt organa seu instrumenta harum potentiarum: vnde cum actus siue motus membrorum sint motus potentiarum organicarum; necessariò sequitur quod motus membrorum, quæ sunt instrumenta potentiarum animæ sensitivæ, subduntur imperio rationis, sicut & ipsæ potentie; motus autem membrorum, quæ sunt instrumenta potentiarum animæ vegetativæ, non subduntur imperio rationis, sicut nec ipsæ potentie. Ex his inferitur, quod motus cordis non subditur imperio rationis, quia non est animalis quasi per se consequens aliquam apprehensionem, sed est naturalis procedens immediatè à facultate animæ vt vegetativa est; quod si aliquando dicitur animalis, hoc ideo est quia in solis animalibus reperitur.

Ad primum ergo dicendum, quod intellectus vt imperans est quodammodo superior seipso vt exequente: quia vt imperans dicit seipsum

ipsum in recto, & voluntatem in obliquo, ex qua oritur quod imperium ipsius habeat vim moriuam: ut exequens autem dicit seipsum solum. Ad aliud dicendum, quod non est eadem ratio de omnibus actibus intellectus, quantum ad hoc quod est subdi imperio rationis, ut ostensum est. Ad aliud dicendum cum D. Thoma hic art. 6. quod sunt quædam apprehensa, quæ non adeo conuincunt intellectum, quin possit assentire vel dissentire, vel saltem assensum vel dissensum suspendere propter aliquam causam: & in talibus assensus ipse vel dissensus in potestate nostra est, & sub imperio cadit; ex quo sequitur quod possumus relinquere opinionem probabiliorem, & assumere minus probabilem ex imperio rationis.

Ad secundum dicendum, quod actus liberi voluntatis dicuntur esse in nostra potestate, & sub dominio nostro: quia procedunt ex plena deliberatione voluntatis, propter iudicium indifferens intellectus aliquando, aliquando autem propter imperium liberum.



QVÆSTIO XVIII.

De bonitate & malitia humanorum actuum in generali, in undecim articulos diuisa.

POST hoc considerandum est de bonitate & malitia humanorum actuum. Et primo, quomodo actio humana sit bona vel mala. Secundo de his quæ consequuntur ad bonitatem vel malitiam humanorum actuum, puta meritum vel demeritum, peccatum & culpa.

¶ Circa primum occurrit triplex consideratio. Prima est de bonitate & malitia humanorum actuum in generali. Secunda de bonitate & malitia interiorum actuum. Tertia, de bonitate & malitia exteriorum actuum.

¶ Circa primum queruntur undecim.

¶ Primo, utrum omnis actio sit bona, vel aliqua sit mala.

¶ Secundo, utrum actio hominis habeat quod sit bona, vel mala ex obiecto.

¶ Tercio, utrum hoc habeat ex circumstantia.

¶ Quarto, utrum hoc habeat ex fine.

¶ Quinto, utrum aliqua actio hominis sit bona, vel mala in sua specie.

¶ Sexto, utrum actus habeat speciem boni vel mali ex fine.

¶ Septimo, utrum species, quæ est ex fine, contineatur sub specie, quæ est ex obiecto, sicut sub genere, aut è conuerso.

¶ Octauo, utrum sit aliquis actus indifferens secundum suam speciem.

¶ Nono, utrum aliquis actus sit indifferens secundum indiuiduum.

¶ Decimo, utrum aliqua circumstantia constituat actum moralem in specie boni vel mali.

¶ Undecimo, utrum omnis circumstantia augens bonitatem vel malitiam constituat actum moralem in specie boni vel mali.

ARTICVLVS I.

Utrum omnis humana actio sit bona, vel aliqua mala.

104 **A**D PRIMUM sic proceditur. Videtur, quod omnis actio hominis sit bona, & nulla sit mala. dicit enim Dion. 4. c. de di. no. Quod malum non agit nisi virtute boni: sed virtute boni non sit malum. ergo nulla actio est mala.

¶ 2. Præterea, Nihil agit nisi secundum quod est actus: non est autem aliquid malum secundum quod est actus. sed secundum quod potentia prius actus. in quantum autem potentia perficitur per actum, est bonum, ut dicitur in 9. Metaph. Nihil ergo agit in quantum est malum, sed solum in quantum est bonum. Omnis ergo actio est bona, & nulla mala.

¶ 3. Præterea, Malum non potest esse causa nisi per accidens, ut patet per Dionys. 4. cap. de diuin. nom. sed omnis actionis est aliquis per se effectus. nulla ergo actio est mala, sed omnis actio est bona.

¶ 4. contra est, quod Dominus dicit Ioann. 1. Omnis qui male agit, odit lucem. est ergo aliqua actio hominis mala.

CONCLUSIO.

Quia de ratione boni est, ipsa efficiendi plenitudo, non omnis hominis actio simpliciter bona dici potest, sed quantum deest illi

de plenitudine efficiendi, quæ debetur actioni humane tantum ad bonitatem deficit, & sic dicitur mala.

RESPONDENDO dicendum, quod de bono & malo in actionibus oportet loqui sicut de bono & malo in rebus, eo quod vnaquæque res talem actionem producit qualis est ipsa. In rebus autem vnumquodque tantum habet de bono, quantum habet de esse. bonum enim & ens conuertuntur, ut in 1. dictum est. solus autem Deus habet totam plenitudinem sui esse secundum aliquid vnum & simplex: vnaquæque res vero alia habet plenitudinem efficiendi sibi convenientem secundum diuersa. Unde in aliquibus contingit, quod quantum ad aliquid habent esse, & tamen eis aliquid deficit ad plenitudinem efficiendi eis debitam: sicut ad plenitudinem esse humani requiritur quod sit quoddam compositum ex anima & corpore habens omnes potentias & instrumenta cognitionis & motus. Unde si aliquid horum deficiat alicui homini, deficit ei aliquid de plenitudine sui esse. quantum igitur habet de esse, tantum habet de bonitate: in quantum vero aliquid ei deficit de plenitudine efficiendi, intantum deficit à bonitate, & dicitur malum; sicut homo cæcus habet de bonitate quod vult, & malum est ei quod caret visu. Si vero nihil haberet de entitate vel bonitate. neque malum neque bonum dici posset. sed quia de ratione boni est ipsa plenitudo efficiendi, si quidem alicui aliquid de fuerit de debita efficiendi plenitudine, non dicitur simpliciter bonum, sed secundum quid in quantum est ens, poterit tamen dici simpliciter ens, & secundum quid non ens, ut in 1. dictum est. Sic igitur dicendum est, quod omnis actio in quantum habet aliquid de esse, intantum habet de bonitate: in quantum vero deficit ei aliquid de plenitudine efficiendi, quæ debetur actioni humane: intantum deficit à bonitate, & sic dicitur mala; puta si deficiat ei, vel determinata quantitas secundum rationem, vel debitus locus, vel aliquid huiusmodi.

AD primum ergo dicendum, quod malum agit in virtute boni deficientis, si enim nihil esset ibi de bono, neque esset ens, neque agere posset: si autem non esset deficientis, non esset malum. Unde & actio causata est quoddam bonum deficientis: quia secundum quid est bonum, simpliciter autem malum.

AD secundum dicendum, quod nihil prohibet aliquid esse secundum quid in actu, unde agere possit, & secundum aliud priuari actu unde causet deficientem actionem: sicut homo cæcus actu habet virtutem gressuam per quam ambulare potest sed in quantum caret visu, qui dirigit in ambulando, patitur defectum in ambulando dum ambulat respiciendo.

AD tertium dicendum, quod actio mala potest habere aliquem effectum per se secundum id quod habet de bonitate & entitate: sicut adulterium est causa generationis humane, in quantum habet commixtionem maris & femine, non autem in quantum caret ordine rationis.

ARTICVLVS II.

Utrum actio hominis habeat bonitatem vel malitiam ex obiecto.

AD SECUNDUM sic proceditur. Videtur, quod actio non habet bonitatem vel malitiam ex obiecto, obiectum enim actionis est res. in rebus autem non est malum, sed in visu peccantium, ut Augustinus dicit in lib. 9. de doct. Christiana. ergo actio humana non habet bonitatem vel malitiam ex obiecto.

¶ 2. Præterea, Obiectum comparatur ad actionem ut materia: bonitas autem rei non est ex materia, sed magis ex forma quæ est actus. ergo bonum & malum non est in actibus ex obiecto.

¶ 3. Præterea, Obiectum potentie actus comparatur ad actionem sicut effectus ad causam: sed bonitas causæ non dependet ex effectibus, sed magis e conuerso. ergo actio humana non habet bonitatem, vel malitiam ex obiecto.

¶ 4. contra est, quod dicitur Osee nono. Facti sunt abominabiles sicut ea, quæ dilexerunt: sit autem homo Deo abominabilis propter malitiam suæ operationis. ergo malitia operationis est secundum obiecta mala, quæ homo diligit. & eadem ratio est de bonitate actionis.

CONCLUSIO.

Sicut prima rei naturalis bonitas est ex forma, quæ dat speciem rei, ita prima bonitas moralis est ex obiecto conuenienti, & simili modo de malitia moralis censendum est.

RESPONDENDO dicendum, quod sicut dictum est, bonum & malum actionis, sicut & ceterarum rerum, attenditur ex plenitudine efficiendi vel defectu ipsius. primum autem, quod ad plenitudinem efficiendi pertinere videtur, est id, quod dat rei speciem. sicut autem res naturalis habet speciem ex sua forma, ita actio habet speciem ex obiecto, sicut & motus ex termino. & ideo, sicut prima bonitas rei naturalis attenditur ex sua forma, quæ dat speciem ei, ita & prima bonitas actus moralis attenditur ex obiecto conuenienti, unde & à quibusdam vocatur bonum ex genere, puta uti re sua. & sicut in rebus naturalibus primum malum est, si res generata non consequitur formam specificam puta si non generetur homo, sed aliquid loco hominis. ita primum malum in actionibus moralibus est, quod est ex obiecto, sicut accipere aliena, & dicitur malum ex genere, genere pro specie accepto, eo modo loquendi quo dicimus humanum genus totam humanitatem speciem.

AD primum ergo dicendum, quod licet res exteriores sint in se ipsas bonæ, tamen non semper habent debitam proportionem ad hanc vel illam actionem: & ideo in quantum considerantur ut obiecta talium actionum, non habent rationem boni.

AD secundum dicendum, quod obiectum non est materia ex qua, sed materia circa quam: & habet quodammodo rationem forme in quantum dat speciem.

105
Inf. 9. 19.
4. 1. & 2.
2. 2. 4. 21.
2. 2. 20. &
2. 2. 36. 4.
3. cor.
2. 1. 3. de
dell. chor. c.
12. parum
à principio,
tomo 1.

104
Infr. 1. 2.
2. 2. 4. 7. 1.
2. 2. 4. 7. 1.
2. 2. 4. 7. 1.
2. 2. 4. 7. 1.
2. 2. 4. 7. 1.
2. 2. 4. 7. 1.
2. 2. 4. 7. 1.
2. 2. 4. 7. 1.
2. 2. 4. 7. 1.

Ad tertium dicendum, quod non semper obiectum actionis humanæ est obiectum actus potentie. nam appetitiva potentia est quodammodo passiva inquantum mouetur ab appetibili: & tamen est principium humanorum actuum. neque etiam potentiarum actuum obiecta semper habent rationem effectus, sed quando iam sunt transmutata: sicut alimentum transmutatum est effectus nutritivæ potentie, sed alimentum nondum transmutatum comparatur ad potentiam nutritivam, sicut materia circa quam operatur. ex hoc autem quod obiectum est aliquo modo effectus potentie actus, sequitur quod sit terminus actionis eius, & per consequens quod det ei formam & speciem: motus enim habet speciem à terminis. & quamvis etiam bonitas actionis non causetur ex bonitate effectus: tamen ex hoc dicitur actio bona, quod bonum effectum inducere potest, & ita ipsa proportio actionis ad effectum est ratio bonitatis ipsius.

ARTICVLVS III.

Utrum actio hominis sit bona vel mala ex circumstantia.

105

Inf. 9. 42.
ar. 6. cor.
Et mal. 9.
3. ar. 5. co.
Q. 9. 7. a.
4. cor. Et
quod. 4. ar.
16. cor. Et
2. di. 36. a.
3. cor.
2. q. 7. a. 1.
† ibi. 6.
met. 10. 8.
10m. 3.
* 1. 6. me-
taphys.
4. 10m. 3.
† ar. 1. p. 1.
lib. 2. ethic.
c. 6. 10m. 3.

AD QVARTVM sic proceditur. Videtur, quod actio non sit bona vel mala ex circumstantia: circumstantie enim circumstant actum sicut extra ipsum existentes, vt * dictum est: sed bonum & malum sunt in ipsis rebus, vt dicitur in 6. † Metaphys. ergo actio non habet bonitatem vel malitiam ex circumstantia.

¶ 1. Præterea, Bonitas vel malitia actus maxime consideratur in doctrina morum. sed circumstantie cum sint quidam accidentia actuum, videntur esse præter considerationem artis: quia nulla ars considerat id quod est per accidens, vt dicitur in 6. * Meta. ergo bonitas vel malitia actionis non est ex circumstantia.

¶ 2. Præterea, id quod conuenit alicui secundum suam substantiam, non attribuitur ei vt aliquid accidens. Sed bonum & malum conuenit actioni secundum suam substantiam: quia actio ex suo genere potest esse bona vel mala: vt † dictum est. ergo non conuenit actioni ex circumstantia, quod sit bona vel mala.

¶ 3. Contra est, quod Philosophus dicit in lib. * Ethic. quod virtuosus operatur secundum quod oportet, & quando oportet, & secundum alias circumstantias. ergo ex contrario virtuosus secundum vnumquodque virtutem operatur quando non oportet, vbi non oportet: & sic de aliis circumstantiis. ergo actiones humanæ secundum circumstantias sunt bonæ vel malæ.

CONCLUSIO.

Sicut res naturales non modo ex suis substantialibus formis perfectionem sortiuntur, verum etiam ex accidentibus superuenientibus: ita & humani actus non solum ex obiectis, verum ex circumstantiis boni vel mali esse dicuntur.

RESPONDO dicendum, quod in rebus naturalibus non inuenitur tota plenitudo perfectionis, quæ debetur ei ex forma substantiali, quæ dat speciem, sed multum superadditur ex superuenientibus accidentibus: sicut in homine ex figura, ex colore: & sic de aliis, quorum si aliquod deficit ad decentem habitudinem consequitur malum: ita etiam est in actione. nam plenitudo bonitatis eius non tota consistit in sua specie, sed aliquid additur ex his quæ adueniunt tanquam accidentia quidam: & huiusmodi sunt circumstantie debite: vnde si aliquid deficit quod requiritur ad debitas circumstantias, erit actio mala.

Ad primum ergo dicendum, quod circumstantie sunt extra actionem inquantum non sunt de essentia actionis, sunt tamen in ipsa actione velut quidam accidentia eius: sicut & accidentia, quæ sunt in substantiis naturalibus, sunt extra essentias earum.

Ad secundum dicendum, quod non omnia accidentia per accidens se habent ad sua subiecta: sed quidam sunt per accidentia, quæ in vnaquaque arte considerantur: & per hunc modum considerantur circumstantie actuum in doctrina morali.

Ad tertium dicendum, quod cum bonum conuertatur cum ente sicut ens dicitur, secundum substantiam & secundum accidens: ita & bonum attribuitur alicui & secundum esse suum essentiale, & secundum esse accidentale tam in rebus naturalibus, quam in actionibus moralibus.

ARTICVLVS IV.

Utrum actio humana sit bona vel mala ex fine.

107

Inf. 9. 73.
ar. 1. ad 1.
* Cap. 4. in
par. 4. al-
quod. 10m.
a principio.

AD QVINTVM sic proceditur. Videtur, quod bonum & malum in actibus humanis non sint ex fine: Dicit enim Dionys. 4. cap. de di. no. * quod nihil respiciens ad malum, operatur si igitur ex fine deriuaretur operatio bona vel mala, nulla actio esset mala: quod patet esse falsum.

¶ 1. Præterea, Bonitas actus est aliquid in ipso existens: finis autem est causa extrinseca: non ergo secundum finem dicitur actio bona vel mala.

¶ 2. Præterea, Contingit aliquam bonam operationem ad malum finem ordinari: sicut cum aliqui dat elemosynam propter inanem gloriam, & conuerso aliquam malam operationem ordinari ad bonum finem. sicut cum quis furatur, vt det pauperi non ergo est ex fine actio bona vel mala.

¶ 3. Contra est, quod Boetius dicit in Topic. * quod cuius finis bonus est, ipsum quoque bonum est: & cuius finis malus est, ipsum quoque malum est.

CONCLUSIO.

Actiones humanæ sicut ex fine dependent, ita præter absolutam bonitatem quam ex se habent, & eam quam ex obiecto vel ex circumstantiis, ex fine quoque bonitatem vel malitiam suscipiunt.

RESPONDO dicendum, quod eadem est dispositio rerum in bonitate & in esse: sunt enim quidam quorum esse ex alio non dependet: & in his sufficit considerare ipsum eorum esse absolute. Quidam vero sunt quorum esse dependet ab alio: vnde oportet quod considerentur per considerationem ad causam, a qua dependent: sicut autem esse rei dependet ab agente & forma, sic bonitas rei dependet a fine: vnde in personis diuinis, quæ non habent bonitatem dependentem ab alio, non consideratur aliqua ratio bonitatis ex fine: actiones autem humanæ & alia, quorum bonitas dependet ab alio, habent rationem bonitatis ex fine, à quo dependent præter bonitatem absolutam, quæ in eis existit. Sic igitur in actione humana, bonitas quadruplex considerari potest. Vna quidem secundum genus prout scilicet est actio: quia quantum habet de actione & entitate, tantum habet de bonitate, vt dictum est. * Alia vero secundum speciem, quæ accipitur secundum obiectum conueniens. Tertia secundum circumstantias, quasi secundum accidentia quidam. Quarta autem secundum finem, quasi secundum habitudinem ad bonitatis causam.

Ad primum ergo dicendum, quod bonum, ad quod aliquis respiciens operatur, non semper est verum bonum: sed quandoque verum bonum, & quandoque apparens: & secundum hoc ex fine sequitur actio mala.

Ad secundum dicendum, quod quamvis finis sit causa extrinseca: tamen debita proportio ad finem & relatio in ipsum inhaeret actioni.

Ad tertium dicendum, quod nihil prohibet actioni habenti vnam prædictarum bonitatum deesse aliam: & secundum hoc contingit actionem: quæ est bona, secundum speciem suam vel secundum circumstantias ordinari ad finem malum, vel conuerso, non tamen est actio bona simpliciter, nisi omnes bonitates concurrant: quia quilibet singularis defectus causat malum: bonum autem causatur ex integra causa: vt Dionys. dicit 3. ca. de diuinis nominibus. * Ar. 1. 3.

ARTICVLVS V.

Utrum aliqua actio humana sit bona vel mala in sua specie.

AD QVINTVM sic proceditur. Videtur, quod actus morales non differant specie secundum bonum & malum. bonum enim & malum in actibus inuenitur conformiter rebus, vt dictum est. * Sed in rebus bonum & malum non differunt specie: idem enim specie est homo bonus & malus, ergo neque etiam bonum & malum in actibus differunt specie. 108

¶ 1. Præterea, Malum cum sit priuatio, est quoddam non ens: sed non ens non potest esse differentia, secundum Philosophum in 1. Metaph. * Cum ergo differentia constituat speciem, videtur quod aliquis actus ex hoc quod est malus, non constituitur in aliqua specie & ita bonum & malum non differunt specie humanorum actuum. Ar. 1. 3. 10.

¶ 2. Præterea, Diuersorum actuum secundum speciem diuersi sunt effectus: sed idem specie effectus potest consequi ex actu bono & malo: sicut homo generatur ex adulterio & ex matrimoniali concubitu. ergo actus bonus & malus non differunt specie. L. 3. tr. 10.

¶ 3. Præterea, Bonum & malum dicitur in actibus quandoque secundum circumstantiam, vt dictum est: * sed circumstantia cum sit accidens, non dat speciem actui. ergo actus humani non differunt specie propter bonitatem & malitiam. 10m. 3.

¶ 4. Contra, Secundum Philosophum in 2. Ethic. * similes habitus, similes actus reddunt: sed habitus bonus & malus differunt specie, vt liberalitas & prodigalitas. ergo & actus bonus & malus differunt specie. Ar. 1. 3. 10.

CONCLUSIO.

Cum actus speciem habeat ex obiecto, cuius bonum & malum differentia sunt, manifestum est actum bonum & malum differre specie. 2. 1. 4. 3.

RESPONDO dicendum, quod omnis actus speciem habet ex suo obiecto, sicut supra dictum est. * vnde oportet quod aliqua differentia obiecti faciat diuersitatem speciei in actibus. Est autem considerandum, quod aliqua differentia obiecti facit differentiam speciei in actibus, secundum quod referuntur ad vnum principium actuum: quod non facit differentiam in actibus secundum quod referuntur ad aliud principium actuum. quia nihil quod est per accidens, constituit speciem, sed solum quod est per se. potest autem aliqua differentia obiecti esse per se in comparatione ad vnum principium, & per accidens in comparatione ad aliud, sicut enoscere colorem & sonum per se differunt per comparationem ad sensum, non autem per comparationem ad intellectum. In actibus autem bonum & malum dicitur per comparationem ad rationem: quia vt Dionys. dicit 4. ca. de diu. * Bonum hominis est secundum rationem esse, malum autem quod est præter rationem: vnicuique enim rei est bonum quod conuenit ei secundum suam formam, & malum quod est ei præter ordinem suæ formæ. patet ergo quod differentia boni & mali circa obiectum considerata comparatur per se ad rationem, scilicet secundum quod obiectum est ei conueniens vel non conueniens. dicuntur autem aliqui actus humani vel morales secundum quod sunt à ratione, vnde manifestum est, quod bonum & malum differunt specie in actibus moralibus, differentie enim per se differunt specie. ad 4. 3. 10.

Ad primum ergo dicendum, quod etiam in rebus naturalibus bonum & malum, quod est secundum naturam & contra naturam, differunt specie naturæ. corpus enim mortuum & corpus viuum non sunt eiusdem speciei: & similiter bonum inquantum est secundum rationem: & malum, inquantum est præter rationem, differunt specie moris. in 2. 1. 3. 10.

Ad secundum dicendum, quod malum importat priuationem

tionem non absolutam, sed consequentem talem potentiam. dicitur enim malus actus secundum suam speciem. non ex eo quod nullum habeat obiectum, sed quia habeat obiectum non conueniens rationi: sicut tollere aliena. unde in quantum obiectum est aliquid positive, potest constituere speciem mali actus.

A d tertium dicendum, quod actus coningalis & adulterii secundum quod comparantur ad rationem, differunt specie, & habent effectus specie differentes: quia vnum eorum meretur laudem & premium, aliud vituperium & penam. sed secundum quod comparantur ad potentiam generatiam, non differunt specie: & sic habent vnum effectum secundum speciem.

A d quartum dicendum, quod circumstantia quandoque sumitur per differentiam essentialis obiecti, secundum quod ad rationem comparatur: & tunc potest dare speciem actui morali. de hoc oportet esse quandoque circumstantia transmutat actum de bonitate in malitiam: non enim circumstantia faceret actum malum, nisi per hoc, quod rationi repugnat.

ARTICVLVS VI.

Utrum actus habeat speciem boni vel mali ex fine.

109 **A**D SEPTIMUM sic proceditur. Videtur, quod bonum & malum quod est ex fine, non diuersificant speciem in actibus. actus enim habent speciem ex obiecto: sed finis est prater rationem obiecti. ergo bonum & malum quod est ex fine, non diuersificant speciem actuum.

¶ 1. Præterea, id quod est per accidens, non constituit speciem, ut dictum est, * sed accidit alicui actui quod ordinetur ad aliquem finem, sicut quod aliquis det elemosynam propter inanem gloriam. ergo secundum bonum & malum, quod est ex fine, non diuersificantur actus secundum speciem.

¶ 2. Præterea, Diuersi actus secundum speciem ad vnum finem ordinari possunt: sicut ad finem inanis gloriæ ordinari possunt actus diuersorum virtutum & diuersorum vitiorum. non ergo bonum & malum, quod accipitur secundum finem, diuersificat speciem actuum.

Sed contra est, quod supra ostensum est, * quod actus humani habent speciem à fine. ergo bonum & malum quod accipitur secundum finem, diuersificat speciem actuum.

CONCLUSIO.

Bonitas vel malitia humanorum actuum moralis specie distinguuntur etiam ex fine qui proprium obiectum actus interioris voluntatis est, sumi debet.

Respondendo dicendum, quod aliqui actus dicuntur humani, in quantum sunt voluntarij, sicut supra dictum est: * in actum autem voluntario inuenitur duplex actus scilicet actus interior voluntatis, & actus exterior: & uterque horum actuum habet suum obiectum, finis autem proprius est obiectum interioris actus voluntarij: id autem circa quod est actio exterior, est obiectum eius. sicut igitur actus exterior accipit speciem ab obiecto circa quod est, ita actus interior voluntatis accipit speciem à fine, sicut à proprio obiecto, id autem quod est ex parte voluntatis, se habet ut formale ad id quod est ex parte exterioris actus: quia voluntas virtutis membris ad agendum, sicut instrumentis. neque actus exteriores habent rationem moralitatis nisi in quantum sunt voluntarij & ideo actus humani species formaliter consideratur secundum finem, materialiter autem secundum obiectum exterioris actus. Unde Philosophus dicit in 1. Ethic. * Quod ille qui furatur, ut committat adulterium, est per se loquendo magis adulter quam fur.

A d primum ergo dicendum, quod finis habet rationem obiecti, ut dictum est. *

A d secundum dicendum, quod ordinari ad talem finem, est accipere exteriori actui: non tamen accipere actui interiori voluntatis, qui comparatur ad exteriorem, sicut formale ad materiale.

A d tertium dicendum, quod quando multi actus specie differentes ordinantur ad vnum finem, est quidem diuersitas speciei ex parte exteriorum actuum, sed vnitas speciei ex parte actus interioris.

ARTICVLVS VII.

Utrum species, quæ est ex fine, continetur sub specie, quæ est ex obiecto, sicut sub genere vel conuerso.

110 **A**D SEPTIMUM sic proceditur. Videtur, quod species bonitatis, quæ est ex fine, continetur sub specie bonitatis, quæ est ex obiecto sicut species sub genere: puta cum aliquis vult furari ut det elemosynam. Actus enim habet speciem ex obiecto, ut dictum est: * Sed impossibile est quod aliquid continetur in aliqua alia specie, quæ sub propria specie non continetur: quia idem non potest esse in diuersis speciebus non subalternis. ergo species, quæ est ex fine, continetur sub specie, quæ est ex obiecto.

¶ 1. Præterea, Semper vltima differentia constituit speciem specialissimam. Sed differentia, quæ est ex fine, videtur esse posterior quam differentia, quæ est ex obiecto: quia finis habet rationem vltimi. ergo species, quæ est ex fine, continetur sub specie, quæ est ex obiecto sicut species specialissima.

¶ 2. Præterea, Quanto aliqua differentia est magis formalis, tanto magis est specialis, quia differentia comparatur ad genus ut forma ad materiam: sed species quæ est ex fine, est formalior ea quæ est ex obiecto: ut dictum est. * ergo species, quæ est ex fine, continetur sub specie, quæ est ex obiecto, sicut species specialissima sub genere subalterno.

R. P. Philippi Carm. discal. Dis. Theolog. in 1. 1.

Sed contra, Cuiuslibet generis sunt determinate differentie. sed actus eiusdem speciei ex parte obiecti potest ad infinitos fines ordinari: puta furum ad infinita bona vel mala: ergo species quæ est ex fine, non continetur sub specie, quæ est ex obiecto, sicut sub genere.

CONCLUSIO.

Species moralis actus ex fine accepta, non continetur sub specie actus ex obiecto specificati, sicut sub genere, sed sunt in distinctis speciebus.

Respondendo dicendum, quod obiectum exterioris actus dupliciter potest se habere ad finem voluntatis. Vno modo sicut per se ordinatum ad ipsum, sicut bene pugnare per se ordinatur ad victoriam. Alio modo per accidens: sicut accipere rem alienam, per accidens ordinatur ad dandum elemosynam. Oportet autem, ut Philosophus dicit in 7. Metaph. * quod differentie diuidentes aliquod genus, & constituentes speciem illius generis, per se diuidant illud. si autem per accidens, non recte procedit diuisio: puta si quis dicat, animalium aliud rationale, aliud irrationale: & animalium irrationalem aliud alatum, aliud non alatum. alatum enim & non alatum non sunt per se determinatiui eius quod est irrationale. Oportet autem sic diuidere, animalium aliud habens pedes, aliud non habens pedes: & habentium pedes, aliud habet duos, aliud quatuor, aliud multos: hæc enim per se determinant priorem differentiam. Sic igitur quando obiectum non est per se ordinatum ad finem, differentia specifica, quæ est ex obiecto non est per se determinatiua eius quod est ex fine, nec conuerso. unde vna istarum specierum non est sub alia, sed tunc actus moralis est sub duabus speciebus quasi disparatis. unde dicimus quod ille qui furatur, ut mereatur, committit duas malitias in vno actu. Si vero obiectum per se ordinetur ad finem, vna dictarum differentiarum est per se determinatiua alterius, unde vna istarum specierum continetur sub altera. considerandum autem restat quæ sub qua. Ad cuius evidentiam primo considerandum est, quod quanto aliqua differentia sumitur à forma magis particulari, tanto magis est specifica. Secundo, quod quanto agens est magis vniuersale, tanto ex eo est forma magis vniuersalis. Tertio, quod quanto aliquis finis est posterior, tanto respondet agentis vniuersaliori: sicut victoria quæ est vltimus finis exercitus, est finis intentus à summo duce: ordinario autem huius actus vel illius est finis intentus ab aliquo inferiorum ducum. Et ex istis sequitur quod differentia specifica, quæ est ex fine, est magis generalis: & differentia quæ est ex obiecto per se ad talem finem ordinato, est specifica respectu eius. voluntas enim cuius proprium obiectum est finis, est vniuersale motuum respectu omnium potentiarum animæ, quarum propria obiecta sunt obiecta particularium actuum.

A d primum ergo dicendum, quod secundum substantiam suam non potest aliquid esse in duabus speciebus, quarum vna sub altera non ordinetur. Sed secundum ea quæ rei adueniunt, potest aliquid sub diuersis speciebus contineri: sicut hoc pomum secundum colorem continetur sub hac specie, scilicet alibi: & secundum odorem sub specie bene redolentis: & similiter actus, qui secundum substantiam suam est in vna specie nature, secundum condiciones morales superuenientes ad duas species referri potest: ut supra dictum est. *

A d secundum dicendum, quod finis est postremum in executione, sed est primum in intentione rationis: secundum quam accipiuntur moralium actuum species.

A d tertium dicendum, quod differentia comparatur ad genus ut forma ad materiam. in quantum facit esse genus in actu: sed etiam genus consideratur ut formalis specie (secundum quod differentia comparatur ad genus ut forma ad materiam) in quantum facit esse absolutius & minus contractum. unde & partes definitionis reducuntur ad genus cause formalis: ut dicitur in lib. Phys. * & secundum hoc genus est causa formalis speciei, & tanto est formalior: quanto communior.

ARTICVLVS VIII.

Utrum aliquis actus sit indifferens secundum suam speciem.

AD OCTAVUM sic proceditur. Videtur, quod non sit aliquis actus indifferens secundum suam speciem. malum enim est privatio boni secundum Augustinum, * sed privatio & habitus sunt opposita immediata secundum Philosophum. ergo non est aliquis actus qui secundum speciem suam sit indifferens, quasi medium existens inter bonum & malum.

¶ 1. Præterea, Actus humani habent speciem à fine vel obiecto, ut dictum est: * sed omne obiectum & omnis finis habet rationem boni vel mali. ergo omnis actus humanus secundum suam speciem est bonus vel malus. nullus ergo est indifferens secundum speciem.

¶ 2. Præterea, Sicut dictum est, * actus dicitur bonus qui habet debitam perfectionem bonitatis, malus cui aliquid de hoc deficit: sed necesse est, quod omnis actus vel habeat totam plenitudinem suæ bonitatis: vel aliquid ei deficiat. ergo necesse est, quod omnis actus secundum speciem suam sit bonus vel malus, & nullus indifferens.

Sed contra est, quod Augustinus dicit in libro de ser. Dom. in mont. * quod sunt quedam facta media, quæ possunt bono vel malo animo fieri: de quibus est temerarium iudicare. sunt ergo aliqui actus secundum speciem suam indifferentes.

CONCLUSIO.

Sunt aliqui ex humanis actibus indifferentes secundum suam speciem, quorum videlicet obiectum nihil includit ad rationem pertinentis, sicut leuare de terra festucam.

Respondendo dicendum, quod sicut dictum est, * actus

111
1. diff. 1. q. 3. ad 3. Es
2. diff. 4. q. 1. s. Et
mal. q. 2. ar. 4. per
10. q. 3. cor. 6
quod. 9. ad 15. cor.
* Aug. 1. ench. op. 11. sem. 3. In praedic. cap. de oppos.
* 4. ar. 3. ar. 1. hum. in quæst. lib. 2. c. 28. time 4

Li. 5. Ethic. ca. 3. paulo post prin. 10. 5. In cor. q. 1. ar. 1.

Ar. 3. hu. in quæst.

2. 1. ar. 1.

Ar. 6. hu. in q.

omnis habet speciem, ab obiecto, & actus humanus, qui dicitur moralis, habet speciem ab obiecto relato ad principium actuum humanorum, quod est ratio. unde si obiectum actus includat aliquid quod conueniat ordini rationis, erit actus bonus secundum suam speciem, sicut dare eleemosynam indigenti: Si autem includat aliquid, quod repugnet ordini rationis, erit malus actus secundum speciem, sicut furari quod est tollere aliena. contingit autem quod obiectum actus non includit aliquid pertinens ad ordinem rationis: sicut leuare festucam de terra, ire ad campum, & huiusmodi: & tales actus secundum speciem suam sunt indifferentes.

Ad primum ergo dicendum, quod duplex est priuatio. quædam quæ consistit in priuatum esse: & hæc nihil relinquit, sed totum aufert, ut cæcitas totaliter aufert vitem: & tenebræ lucem, & mors vitam: & inter hæc priuationem & habitum oppositum non potest esse aliquid medium circa proprium susceptibile. Est autem alia priuatio quæ consistit in priuari: sicut ægritudo est priuatio sanitatis, non quod tota sanitas sit sublata, sed quod est quasi quædam via ad totalem ablationem sanitatis, quæ fit per mortem. & ideo talis priuatio cum aliquid relinquit, non semper est immediata cum opposito habitu. & hoc modo malum est priuatio boni: ut Simplicius dicit in commento super lib. Prædicamentorum: quia non totum bonum aufert, sed aliquid relinquit, unde potest esse aliquid medium inter bonum & malum.

Ad secundum dicendum, quod omne obiectum vel finis, habet aliquam bonitatem vel malitiam saltem naturalem: non tamen semper importat bonitatem vel malitiam moralem, quæ consideratur per comparationem ad rationem, ut dictum est: * & de hac nunc agitur.

In corp. 4.

Ad tertium dicendum, quod non quicquid habet actus, pertinet ad speciem eius, unde etiam in ratione suæ speciei non continetur quicquid pertinet ad plenitudinem bonitatis ipsius, non propter hoc est ex specie sua malus nec etiam bonus: sicut homo secundum suam speciem neque virtuosus, neque vitiosus est.

ARTICVLVS IX.

Verum aliquis actus sit indifferens secundum individuum.

112

Ad Novum sic proceditur. Videtur, quod aliquis actus secundum individuum sit indifferens: nulla enim species est, quæ sub se non contineat vel continere possit aliquid individuum: sed aliquis actus est indifferens secundum suam speciem, ut dictum est: * ergo videtur quod aliquis actus individualis potest esse indifferens.

¶ 2. Præterea, Ex individualibus actibus constantur habitus conformes ipsis: ut dicitur in 2. Eth. * sed aliquis habitus est indifferens. dicit enim Philosophus in 4. Eth. ¶ de quibusdam, sicut de placidis & prodigiis, quod non sunt mali: & tamen constat, quod non sunt boni, cum recedant à virtute: & sic sunt indifferentes secundum habitum. ergo aliqui actus individuales sunt indifferentes.

¶ 3. Præterea, Bonum morale pertinet ad virtutem, malum autem morale pertinet ad vitium. Sed contingit quandoque, quod malum actum qui ex specie sua est indifferens, non ordinat ad aliquem finem vitij vel virtutis ergo contingit aliquem actum individuum esse indifferens.

¶ 4. contra est, quod Gregor. dicit in quadam homilia * Oritur verbum est quod utilitate rectitudinis, aut ratione iuxta necessitatem, aut pia utilitatis caret. sed verbum otiosum est malum: quia de eo reddent homines rationem in die iudicii: ut dicitur Matth. 12. Si autem non caret ratione iuxta necessitatem aut pia utilitatis, est bonum. ergo omne verbum aut est bonum, aut malum: pari ergo ratione, & quilibet alius actus vel est bonus, vel malus: nullus ergo individualis actus est indifferens.

CONCLUSIO.

Quemvis humanum actum in individuo consideratum, quando ex deliberata ratione procedit, bonum esse vel malum necesse est: verum si tantummodo ex imaginatione proveniat, ut cum quis faciat barbam, saltem indifferens esse nihil vetat.

Respondendo dicendum, quod contingit quandoque aliquem actum esse indifferens secundum speciem, qui tamen est bonus vel malus in individuo consideratus. & hoc ideo, quia actus moralis, sicut dictum est, * non solum habet bonitatem ex obiecto, à quo habet speciem, sed etiam ex circumstantiis, quæ sunt quasi quædam accidentia, sicut aliquid conuenit individuo hominis secundum rationem speciei. & oportet quod quilibet individualis actus habeat aliquam circumstantiam, per quam trahatur ad bonum vel malum, ad minus ex parte intentionis finis. Cum enim rationis sit ordinare, actus à ratione deliberatus procedens, si non sit ad debitum finem ordinatus, ex hoc ipso repugnat rationi, & habet rationem mali. si vero ordinatur ad debitum finem, conuenit cum ordine rationis, unde habet rationem boni: necesse est autem quod vel ordinatur, vel non ordinatur ad debitum finem. unde necesse est omnem actum hominis à deliberata ratione procedentem in individuo consideratum, bonum esse vel malum. Si autem non procedit à ratione deliberata, sed ex quadam imaginatione (sicut cum aliquis faciat barbam, vel mouet manum aut lapidem) talis actus non est proprie loquendo moralis vel humanus, cum hoc habeat actus à ratione: & sic erit indifferens quasi extra genus moralium actuum existens.

Ad primum ergo dicendum, quod aliquem actum esse indifferens secundum suam speciem potest esse multipliciter. Vno modo sic, quod ex sua specie debeat ei quod sit indifferens: & sic procedit ratio, sed tamen isto modo nullus actus ex sua specie est indifferens. non enim est aliquod

obiectum humani actus, quod non possit ordinari vel ad malum, vel ad bonum per finem, vel circumstantiam. Alio modo potest dici indifferens ex sua specie, quia non habet ex sua specie quod sit bonus vel malus: unde per aliquid aliud potest fieri bonus vel malus: sicut homo non habet ex sua specie, quod sit albus, vel niger, nec tamen habet ex sua specie quod non sit albus aut niger. potest enim albedo vel nigredo superuenire homini aliunde, quam à principis specie.

Ad secundum dicendum, quod Philosophus * dicit illum esse malum proprie, qui est aliis hominibus nocivus: & secundum hoc dicit, prodigium non esse malum, quia nulli alteri nocet nisi sibi ipsi: & similiter de omnibus aliis qui non sunt proximi nocui. Nos autem hic dicimus malum communiter omne quod est rationi recte repugnans, & secundum hoc omnis individualis actus est bonus vel malus, ut dictum est *.

Ad tertium dicendum, quod omnis finis à ratione deliberata intentus pertinet ad bonum alicuius virtutis, vel ad malum alicuius vitij. nam hoc ipsum quod aliquis agit ordinat ad sustentationem vel quietem sui corporis, ad bonum virtutis ordinatur in eo, qui corpus suum ordinat ad bonum virtutis: & idem patet in aliis.

ARTICVLVS X.

Verum aliqua circumstantia constituat actum moralem in specie boni vel mali.

Ad Decimum sic proceditur. Videtur, quod circumstantia non possit constituit aliquam speciem boni, vel mali actus: species enim actus est ex obiecto. Sed circumstantiæ differunt ab obiecto. ergo circumstantiæ non dant speciem actus.

¶ 1. Præterea, Circumstantiæ comparantur ad actum moralem: sicut accidentia eius, ut dictum est. * Sed accidentia non constituunt speciem. ergo circumstantiæ non constituunt aliquam speciem boni vel mali.

¶ 2. Præterea, Vnius rei non sunt plures species: vnus autem actus sunt plures circumstantiæ. ergo circumstantiæ non constituunt actum moralem in aliqua specie boni vel mali.

¶ 3. contra, Locus est circumstantia quædam, sed locus constituit actum moralem in quadam specie mali: furari enim aliquid de loco sacro est sacrilegium. ergo circumstantiæ constituunt actum moralem in aliqua specie boni vel mali.

CONCLUSIO.

Quandoque aliqua circumstantia respiciat speciem ordinem rationis pro vel contra, ex tali circumstantia constituitur aliqua species moralis actus in bonitate, vel malitia.

Respondendo dicendum quod sicut species rerum naturalium constituuntur ex naturalibus formis, ita species moralium actuum constituuntur ex formis. propterea sunt à ratione conceptæ: sicut ex supradictis * patet, quia veritas determinata est ad vnum, nec potest esse processus nature in infinitum, necesse est peruenire ad aliquam ultimam formam, ex qua tumatur differentia specifica, postquam alia differentia specifica esse non possit. & inde est quod in rebus naturalibus quod est accidens alicui rei, non potest accipi vi differentie constitutens speciem. Sed processus rationis non est determinatus ad aliquid vnum: sed quolibet dato, potest ulterius procedere & ideo quod in actu vno accipitur vi circumstantiæ superaddita obiecto, quod determinat speciem actus, potest iterum accipi à ratione ordinante, ut principalis conditio obiecti determinat speciem actus: sicut tollere alienum habet speciem ex ratione alieni. ex hoc enim constituitur in specie furari, & si consideretur super hoc ratio loci vel temporis, se habebit in ratione circumstantiæ: sed quia ratio etiam de loco vel de tempore & aliis huiusmodi ordinare potest, contingit conditionem loci circa obiectum accipi ut contrariam ordini rationis: puta quod ratio ordinat iniuriam non esse faciendam loco sacro. unde tollere aliquid alienum de loco sacro, addit speciem repugnantiam ad ordinem rationis: & ideo locus, qui prius considerabatur ut circumstantia, nunc consideratur ut principalis conditio obiecti rationi repugnans. & per hunc modum quandoque aliquæ circumstantiæ respiciunt speciem ordinem rationis vel pro vel contra, oportet quod circumstantia det speciem actui morali vel bono, vel malo.

Ad primum ergo dicendum, quod circumstantia, secundum quod dat speciem actui, consideratur ut quædam conditio obiecti (sicut dictum est *) & quasi quædam specifica differentia eius.

Ad secundum dicendum, quod circumstantia manens in ratione circumstantiæ, cum habeat rationem accidentis, non dat speciem: sed inquantum mutatur in principalem conditionem obiecti, secundum hoc dat speciem.

Ad tertium dicendum, quod non omnis circumstantia constituit actum moralem in aliqua specie boni vel mali, cum non quilibet circumstantia importet aliquam consonantiam vel dissonantiam ad rationem. unde non oportet licet sine multis circumstantiis vnus actus, quod vnus actus sit in pluribus speciebus, licet etiam non sit inconueniens quod vnus actus moralis sit in pluribus speciebus moris etiam disparatis: ut dictum est *.

ARTICVLVS XI.

Verum omnis circumstantia augens bonitatem vel malitiam, constituat actum moralem in specie boni vel mali.

Ad Vndecimum sic proceditur. Videtur, quod omnis circumstantia pertinet ad bonitatem vel malitiam, det speciem

10. in arg. 11. in arg.

12. in corp.

113

Sup. art. 3. ad 4. & 11. in arg. 11.

10. in arg. 11. in arg. 11.

10. in arg. 11. in arg. 11.

10. in arg. 11. in arg. 11.

10. in arg. 11. in arg. 11.

10. in arg. 11. in arg. 11.

10. in arg. 11. in arg. 11.

10. in arg. 11. in arg. 11.

10. in arg. 11. in arg. 11.

10. in arg. 11. in arg. 11.

10. in arg. 11. in arg. 11.

10. in arg. 11. in arg. 11.

10. in arg. 11. in arg. 11.

10. in arg. 11. in arg. 11.

10. in arg. 11. in arg. 11.

10. in arg. 11. in arg. 11.

10. in arg. 11. in arg. 11.

10. in arg. 11. in arg. 11.

10. in arg. 11. in arg. 11.

10. in arg. 11. in arg. 11.

10. in arg. 11. in arg. 11.

10. in arg. 11. in arg. 11.

10. in arg. 11. in arg. 11.

10. in arg. 11. in arg. 11.

10. in arg. 11. in arg. 11.

10. in arg. 11. in arg. 11.

10. in arg. 11. in arg. 11.

10. in arg. 11. in arg. 11.

10. in arg. 11. in arg. 11.

10. in arg. 11. in arg. 11.

10. in arg. 11. in arg. 11.

10. in arg. 11. in arg. 11.

10. in arg. 11. in arg. 11.

10. in arg. 11. in arg. 11.

10. in arg. 11. in arg. 11.

10. in arg. 11. in arg. 11.

speciem actui. bonum enim & malum sunt differentie speciei moralium actuum. quod ergo facit differentiam in bonitate vel malitia moralis actus, facit differre secundum differentiam speciem quod est differre secundum speciem: sed id quod addit in bonitate vel malitia actus, facit differre secundum bonitatem & malitiam: ergo facit differre secundum speciem. ergo omnis circumstantia addens in bonitate vel malitia actus, constituit speciem.

¶ 2 Præterea, Aut circumstantia adueniens habet in se aliquam rationem bonitatis vel malitiae, aut non. Si non, non potest addere in bonitate vel malitia actus: quia quod non est bonum, non potest facere maius bonum: & quod non est malum, non potest facere maius malum. Si autem habet in se rationem bonitatis vel malitiae, ex hoc ipso habet quandam speciem boni vel mali. ergo omnis circumstantia augens bonitatem vel malitiam, constituit novam speciem boni vel mali.

¶ 3 Præterea, Secundum Dio. 4. ca. de di. no. * Malum causatur ex singularibus defectibus: quilibet autem circumstantia aggravans malitiam, habet speciem defectum. ergo quilibet circumstantia habet novam speciem peccati & eadem ratione quilibet augens bonitatem, videtur addere novam speciem boni, sicut quilibet unitas addita numero facit novam speciem numeri. bonum enim consistit in numero, pondere, & mensura.

¶ 4 Contra, Magis & minus non diversificant speciem, sed magis & minus est circumstantia addens in bonitate & malitia, ergo non omnis circumstantia addens in bonitate vel malitia, constituit actum moralem in specie boni vel mali.

CONCLUSIO.

Quia non omnis circumstantia bonitatem vel malitiam actus adaugens habet bonitatem vel malitiam secundum se, ideo non præcis dat novam speciem.

¶ 1 Respondendum dicendum, quod sicut dictum est, * circumstantia dat speciem boni vel mali actui morali inquantum respicit speciem ordinem rationis. contingit autem quandoque, quod circumstantia non respicit ordinem rationis in bono vel malo nisi præsupposita alia circumstantia à qua actus moralis habet speciem boni vel mali, sicut tollere aliquid in magna quantitate vel parva non respicit ordinem rationis in bono vel malo, nisi præsupposita aliqua alia conditio: per quam actus habet malitiam vel bonitatem: puta hoc, quod est esse alienum, quod repugnat rationi. Unde tollere alienum in magna vel parva quantitate non diversificat speciem peccati, tamen potest aggravare vel diminuire peccatum: & similiter est in aliis malis vel bonis. unde non omnis circumstantia addens in bonitate vel malitia, variat speciem moralis actus.

¶ 2 Ad primum ergo dicendum, quod in his quæ intenduntur & remittuntur, differentia intentionis & remissionis non diversificat speciem: sicut quod differt in albedine secundum magis & minus, non differt secundum speciem coloris, & similiter quod facit diversitatem in bono vel malo secundum intentionem & remissionem, non facit differentiam moralis actus secundum speciem.

¶ 3 Ad secundum dicendum, quod circumstantia aggravans peccatum, vel augens bonitatem actus, quandoque non habet bonitatem vel malitiam secundum se, sed per ordinem ad aliam conditionem actus, ut dictum est: * & ideo non dat novam speciem, sed auget bonitatem vel malitiam, quæ est ex alia conditione actus.

¶ 4 Ad tertium dicendum, quod non quilibet circumstantia inducit singularem defectum secundum seipsum, sed solum secundum ordinem ad aliquid aliud & similiter non superaddit novam perfectionem nisi per comparisonem ad aliquid aliud: & pro tanto licet augeat bonitatem vel malitiam, non tamen semper variat speciem boni vel mali.

DISPUTATIO XVIII.

De esse morali actuum humanorum in communi.

QUOD VITAE esse morale consequitur ad esse physicum actuum humanorum: ideo postquam actum est de actibus humanis, tam in communi, quam in particulari quoad esse physicum; sequitur agendum de ipsis quoad esse morale, & primò in communi, quod fit præsentis disputatione.

DV BIV M I.

Utrum ad esse morale actuum humanorum requirantur aliqua conditiones.

SUPPONENDUM est, quod sunt duo ordines rerum. Primus dicitur, ordo naturalis, qui R.P. Philippi Carm. discal. Disp. Theolog. in 1. 2.

comprehendit omnia entia physica secundum eorum entitatem, & naturales conditiones: unde in hoc ordine continentur omnia realia, quæ sunt in toto universo. Secundus ordo dicitur moralis, dicens respectum ad regulam rationis, & importat speciem aliquem modum à tali regula participatum: unde in hoc ordine solum continentur illa entia, quæ dicunt respectum ad prædictam regulam. Hi duo rerum ordines vocantur etiam duo genera entium: primum dicitur genus physicum, secundum autem dicitur genus moris. Morale autem dicitur illud, quod pertinet ad mores: Mos verò sumitur tripliciter. Primò sumitur pro assuetudine & frequentatione actuum humanorum. Secundò sumitur pro inclinatione habituali, acquisita ex assuetudine & frequentatione actuum humanorum. Tertiò tandem extenditur ad significandum ipsum actum humanum ex prædicta assuetudine & inclinatione procedentem, ut docet D. Thomas in 3. d. 23. q. 1. art. 4. Quæstioncula 2. Quamvis autem mos secundum ethymologiam nominis magis propriè sumatur pro assuetudine agendi, & inclinatione habituali ad agendum, quam pro actibus ex prædicta assuetudine & inclinatione procedentibus: moralitas tamen à more derivata magis propriè reperitur in actibus humanis, quam in aliis quibuscunque; imò solum formaliter reperitur in actibus humanis; in aliis verò ut obiectis, circumstantiis, habitibus, legibus, &c. reperitur per attributionem ad actus humanos, in quantum ad illos concurrunt eo proportionali modo, quo sanitas reperitur solum formaliter in animali, in aliis autem reperitur per attributionem ad animal, ut in medicina tanquam in causa, in vrina tanquam in signo, in dicta tanquam in conservativo. Et sic actus humani sunt morales formaliter: habitus autem & obiecta dicuntur moralia, quia sunt causa moralitatis actuum, illi quidem in genere causæ efficientis, ista verò in genere causæ formalis extrinsecæ: synderesis dicitur moralis per modum regulæ & mensuræ intrinsecæ, lex verò dicitur moralis per modum dirigentis ac regulæ extrinsecæ. Alia denique sunt quæ reducuntur ad genus moris propter connexionem quam habent ad actus humanos, ut fama, honores, dignitates, officia, & similia. Principaliter tamen agimus in hac materia de moralitate formali, quæ est in actibus humanis: unde in præsentis dubio querimus, utrum ad esse morale actuum humanorum requirantur aliqua conditiones.

Prima opinio, quam sequuntur Victoria in relatione de puero veniente ad usum rationis, Molina 1. p. q. 14. art. 13. disp. 2. Zumel ibidem: asserit quod ad esse morale actuum humanorum requiruntur duæ conditiones: Prima est quod sit liber, Secunda quod procedat ex deliberatione rationis. Probatur: Actus puerorum & amentium sunt propriè liberi, cum procedant ex in-

Ii 2 differentia

differentia ad vtrumlibet, vt apparet ex eo quod diuersimodè se habent circa idem obiectum consideratum sub iisdem circumstantiis; quæ diuersitas non apparet in brutis, propterea negamus actus eorum esse liberos: Et tamen prædicti actus puerorum & amentium non sunt humani, nec morales, quia non procedunt ex deliberatione & discretionem inter bonum & malum morale; & propterea nec sunt meritorij, nec demeritorij: ergo ad esse morale actuum humanorum requiruntur hæ duæ conditiones, scilicet quod sit liber, & quod procedat ex deliberatione. Deinde, In amentibus est aliquis discursus circa opera naturæ & opera artis, nam vitant nocua & operantur iuxta regulas artis; qui discursus non est in eis circa opera moralia: quod indicat in eis esse libertatem, quæ sequitur discursum vt pote actum rationis; non autem esse in eis deliberationem quæ est circa moralia: ergo ad esse morale actuum humanorum requiritur tam libertas, quam deliberatio. Denique, Si quis comedat carnes die prohibito, ignorans inuincibiliter prohibitionem, talis comestio est libera; & tamen quia non procedit ex deliberatione, non pertinet ad genus moris, non enim est mala moraliter: ergo ad esse morale actuum humanorum requiritur tam libertas, quam deliberatio.

Secunda opinio negat, libertatem esse conditionem requisitam ad esse morale actuum humanorum. Probatur autoritate D. Thomæ, qui supra q. 1. art. 3. & alibi sæpe pro eodem accipit actum voluntarium, humanum, & moralem: constat autem quod actus voluntarius & humanus diuiditur in necessarium & liberum; & consequenter idem debet dici de actu morali, ac proinde ad esse morale actuum humanorum non requiritur necessariò libertas. Item D. Thomas in 3. d. 18. q. 1. art. 2. ad 2. asserit actum, quo Christus diligebat Deum, fuisse meritorium, ac proinde moraliter bonum; & tamen ibidem ad 5. dicit fuisse necessarium, etiam quoad exercitium. Deinde probatur multiplici instantia actuum humanorum, qui sunt boni vel mali moraliter, & tamen non sunt liberi. Nam primo actus amoris beatifici est moraliter bonus, cum sit valde conformis rationi, habeat omnem perfectionem quæ reperitur in amore viæ, & contrarietur odio Dei, Secundò actus quo excitamur primò à Deo ad bonum, est similiter bonus moraliter, cum sit secundum regulas moris; & tamen tam amor beatificus, quam iste actus est necessarius. Tertiò è contra actus sensualitatis sunt mali moraliter & peccata; vt constat tum ex autoritate Apostoli ad Rom. 7. dicentis: Non quod volo bonum, hoc ago, sed quod odi malum, illud facio: Et iterum, Sentio aliam legem in membris meis, repugnantem legi mentis meæ, & captiuantem me in legem peccati; Tum quia si non essent peccata, potuissent esse

in Christo, quod tamen negant Theologi; Tum quia D. Thom. asserit actus sensualitatis vt præueniunt iudicium rationis, esse peccata: Et tamen constat quod tales actus siue motus sensualitatis non sunt liberi. Denique, Aliquis actus exterior, aut aliqua omisso boni obligatorij potest incipere esse mala moraliter quando non substat voluntati, purà si quis ebrius occidat alium, vel non audiat sacrum: ergo ad esse morale actuum humanorum non requiritur libertas.

CONCLUSIO.

RESPONDEO dicendum, quod ad esse morale actuum humanorum necessariò requiritur libertas 2. saltem contradictionis & quoad exercitium 3. non vt pura conditio; sed vt fundamentum moralitatis 4. & ipsa sola sufficit. Ita communiter docent Theologi in præfenti.

Probatur prima pars conclusionis autoritate D. Thomæ hinc art. 9. vbi sic ait: Si non procedit à ratione deliberatiua, talis actus non est propriè loquendo moralis. Item q. sequenti art. 3. ait: Idem sunt actus morales, & actus humani: constat autem quod actus humani in via exercitii sunt liberi. Item in 2. d. 24. q. 3. art. 2. ait: Ibi incipit genus moris, vbi primò dominium voluntatis inuenitur. Et d. 40. q. 1. art. 5. ait: Actus autem susceptibilis est bonitatis moralis, secundum quod humanus est, humanus autem est secundum quod aliquatenus ratione deducitur: quod contingit in illis actibus tantum, qui imperantur à voluntate, quæ consequitur deliberationem rationis. Potest confirmari autoritate Concilij Tridentini Sess. 5. de Peccato originali, vbi definitur sub anathemate, concupiscentiam non nocere eis qui non consentiunt: Loquitur autem concilium de concupiscentia actuali, siue de motibus concupiscentiæ, vt constat ex ipso textu: si autem non nocent tales motus, quando non præbentur eis consensus; signum est quod non sunt moraliter mali, quando non procedunt liberè, & consequenter libertas est necessaria ad esse morale ipsorum, ac proinde etiam aliorum. Deinde probatur à priori: Vt actus dicatur moralis, debet elici à principio morali, vel procedere modo morali, vel tendere in obiectum morale, vt constat ex sufficienti enumeratione eorum, à quibus potest desumi denominatio moralis: sed actus quicunque etiam humanus, qui non est liber, non elicitur à principio morali vt sic; nec procedit modo morali, nec tendit in obiectum morale: non quidem elicitur à principio morali, quia voluntas non est principium morale, nisi vt subiecta regule & legi, & vt regulabilis per ipsam; regula autem legis in hoc differt à regula naturæ, quod regula naturæ etiam intellectualis, simpliciter & absolutè determinat ad vnum, regula verò legis ita determinat ad vnum, quod

tamen

tamen relinquit indifferentiam in subiecto ad oppositum; hæc autem indifferentia non est nisi subiecti liberi: nec actus humanus procedit modo morali nisi sit liber, quia procedere modo morali est procedere sub regula & directione legis, ac proinde cum prædicta indifferentia actus ad utrumlibet, ita enim respicit vnum extremum actus, quod virtute respiciat aliud, quamvis ex suppositione quod est, sit determinatus ad vnum; & propterea talis actus est dignus laude vel vituperio, præmio vel supplicio; quæ non conueniunt nisi actui procedenti liberè, actus quippe procedens coactè vel necessariò, non est in potestate operantis; & quia non potest aliter operari, ideo totaliter operando non meretur laudem aut vituperium, præmium aut supplicium; propterea dicitur, Beatus vir, qui potuit transgredi, & non est transgressus, facere mala, & non fecit; ideo stabilita sunt bona illius in Domino: Nec denique actus humanus tendit ad obiectum morale, nisi sit liber, quia obiectum dicitur morale ex hoc præcisè, quod cadit sub dispositione legis, & est attingibile per actum subiectum legi, qui debet esse liber ut constat ex dictis: ergo actus moralis debet esse liber, & consequenter ad esse morale actuum humanorum necessariò requiritur libertas. Denique, Omnis actus moralis est in individuo bonus aut malus, nullus quippe datur indifferens, ut dicitur infra; omnis autem actus moraliter bonus est meritorius, & omnis actus moraliter malus est demeritorius; sed omnis actus meritorius aut demeritorius est liber, quia naturalibus & necessariis nec meremur, nec demeremur, ut communiter dicitur: ergo à primo ad vltimum omnis actus moralis est liber, & ita ad esse morale actuum humanorum necessariò requiritur libertas.

Probatur & explicatur secunda pars conclusionis. Libertas diuiditur in libertatem contrarietatis siue quoad specificationem, & in libertatem contradictionis siue quoad exercitium, ut constat ex supradictis: Dicimus igitur in præsentibus, quod ad esse morale actuum humanorum non requiritur necessariò libertas contrarietatis siue quoad specificationem (quamvis ordinariè hæc concurrat) sed saltem necessariò requiritur libertas contradictionis. Quod sic probatur: Ex vna parte actus moralis est ille, qui cadit sub regulis morum, siue sub directione legis, qui proinde non est à natura determinatus ad vnum, sed est indifferens ad utrumlibet: ex alia verò parte non solum actus liber quoad specificationem, sed etiam actus liber quoad exercitium cadit sub directione legis, potest enim præcipi vel prohiberi, cum non sit determinatus à natura ut sit, sed est indifferens ad esse & non esse, cum sit perfectè sub dominio agentis: ergo ad esse morale actuum humanorum necessariò requiritur saltem libertas contradictionis & quoad exer-

citium. Vbi nota primò, quod licet libertas contrarietatis siue quoad specificationem dicat quandam extensionem & maiorem manifestationem libertatis, quam non dicit libertas contradictionis siue quoad exercitium: tamen actus procedens ex libertate contradictionis æquè subest dominio agentis, quantum ad hoc ut sit vel non sit, ac actus procedens ex libertate contrarietatis; nam æquè potest agens per libertatem contradictionis disponere de suo actu, ac per libertatem contrarietatis, nam per utramque potest absolute exercere, vel non exercere actum: quamvis ut dictum est, per libertatem contrarietatis non solum possit non exercere talem actum, sed etiam possit exercere actum contrarium, quod importat extensionem libertatis & maiorem eius manifestationem. Nota secundò quod ut actus liber sit moralis, debet esse in actu exercito, & non solum in potentia, quia ut est tantum in potentia, non est proximè capax subiectionis ad regulas morum (in qua subiectione consistit moralitas actus) vnde leges, quæ sunt regulæ morum, disponunt tantum de actibus, & respiciunt potentias tantum in ordine ad positionem actuum.

Probatur tertia pars conclusionis. Libertas est modus intrinsecus actuum humanorum, sicut & necessitas, ut supra dictum est: vnde moralitas conuenit actibus ut in se formaliter liberis, ita ut moralitas commensuretur libertati: nam si libertas sit plena & perfecta, moralitas est perfecta; si autem libertas sit semiplena & imperfecta, moralitas est imperfecta, ut apparet in malitia peccati venialis: sed quod est intrinsecum subiecto alicuius formæ, & est ratio habendi talem formam, ac quasi mensura ipsius; non est in subiecto pura conditio respectu talis formæ, sed est fundamentum ipsius, ut constat ex ipsis terminis, nam pura conditio non habet sic influere in receptionem formæ: ergo ad esse morale actuum humanorum libertas necessariò requisita, non est pura conditio, sed est fundamentum ipsius moralitatis: Maximè quia pura conditio necessaria ad aliquid est extrinseca, & potest saltem diuinitus suppleri: & tamen libertas est omnino ac indispensabiliter necessaria ad moralitatem, ut dictum est.

Probatur quarta pars conclusionis autoritate D. Thomæ. In 2. d. 24. q. 3. art. 2. dicit, quod ibi incipit genus moris, ubi primò dominium voluntatis inuenitur. Et supra q. 1. art. 1. dicit quod sola libertas sufficit, ut actus sit humanus, & consequenter actus moralis, cum ut ibidem docet, idem sit actus moralis & actus humanus. Deinde, Eo ipso præcisè quod aliquis actus est liber, potest subiici regulis morum siue legi, nam est proximè capax præcipi vel prohiberi: ergo præcisa & sola libertas sufficit ad esse morale actuum humanorum. Denique probatur à posteriori: Sola libertas sufficit in actu, ad hoc

ut sit dignus laude vel vituperio, ut docet Divus Thomas infra q. 21. art. 2. sed dignitas laudis supponit bonitatem moralem, & dignitas vituperij supponit malitiam moralem, sicut proprietas essentiam: ergo sola libertas sufficit ad esse morale actuum humanorum.

A d primum ergo dicendum, quod esse liberum, & procedere ex deliberatione rationis sunt omnino idem. Vnde ad argumentum dicendum, quod actus puerorum & amentium nullo modo sunt liberi: quia sicut voluntas non potest velle simpliciter, sine prævia cognitione intellectus; sic nec potest velle liberè, sine prævia deliberatione: quæ cum non sit in pueris & amentibus, ut fatentur Aduersarij, nec in illis est libertas & indifferentia; sed agunt more brutorum ex impetu naturæ, quando eis proponitur obiectum cum certis circumstantiis: nec verum est, quod diuersimodè se habeant circa idem obiectum consideratum sub iisdem circumstantiis; nam quotiescunque proponitur illis idem obiectum sub iisdem omnino circumstantiis, tam ex parte obiecti, quàm ex parte ipsorum; semper eodem modo, & necessariò se habebunt circa illud; ita ut illis positis non possint non agere, & illis deficientibus non possint agere. Ad aliud dicendum, quod in amentibus nullus est discursus, nam si possent discurrere circa opera naturæ, & circa opera artis; etiam possent discurrere circa moralia, cum sit par ratio de illis non enim est difficilius colligere aliquam conclusionem facilem ex principiis moralibus, ac illam colligere ex principiis artificialibus: vnde vitant nociva ex instinctu naturæ, sicut bruta; & operantur iuxta regulas artis, vel ex memoria, vel ex disciplina; & sic etiam bruta possunt aliquando operari, & ipsi amentes possunt instrui circa moralia, sed tamen eorum actus non erunt propriè morales. Ad aliud dicendum, quod illa comestio carniū secundum substantiam est libera & ex deliberatione procedens; & si fiat ex recta intentione finis, adhibitis aliis circumstantiis, est moraliter bona: ut verò est transgressiua legis, nec est libera villo modo, nec ex deliberatione procedit, cum ut sic nullo modo sit voluntaria, nec directè nec indirectè, nec formaliter nec virtualiter, nec in se nec in causa, cum procedat ex ignorantia inuincibili prohibitionis.

A d secundum dicendum, quod quando D. Thomas pro eodem accipit actum voluntarium, humanum & moralem; accipit voluntarium limitatè pro perfectò conueniente homini in statu viæ, & similiter accipit actum humanum pro actu quo homo tendit ad vltimum finem beatitudinis: actus autem voluntarius perfectè, & conueniens homini in statu viæ, est actus liber. In secundo autem loco, dum simul ait, actum Charitatis Christi fuisse meritorium, & necessarium quoad exercitium; sic communiter intelli-

gitur à Thomistis, quod ille actus Charitatis Christi, ut terminatus ad Deum secundum se consideratum, & ut regulatus scientia beata, fuit necessarius quoad exercitium; & ut sic non fuit meritorium, tum quia erat omnino necessarius, tum quia non erat actus viatoris tendētis ad terminum, qualis debet esse actus meritorius: Ut verò terminatus ad Deum, prout in actu exercitio est ratio diligendi creaturas, fuit liber quoad exercitium, & fuit meritorium in quantum regulatus scientia indita conueniente Christo ut viatori: Vnde idem actus Charitatis Christi fuit necessarius & liber, fuit comprehensoris & viatoris, fuit actus merentis & actus fruētis; sed tamen sub diuerso lumine, & secundum diuersam rationem. Ad aliud dicendum, quod illæ instantiæ non probant intentum: Vnde amor beatificus non est moraliter bonus, prout bonum morale fundat meritum & imputabilitatem ad laudem, de quo loquimur in præsentī; quamuis sit bonus, in quantum dicit perfectionem consonam naturæ intellectuali, quæ perfectio est multò maior quàm sit moralitas reperta in amore viæ, & est opposita odio Dei. Similiter dicendum de illo actu, quo primò excitamur à Deo ad bonum. Actus verò sensualitatis non sunt mali moraliter nec peccata, ut præueniunt iudicium rationis, ut definit Concilium Tridentinum Sess. 5. Decreto de Peccato Originali, ubi sic ait: explicando Apostolum: Hanc concupiscentiam, quam aliquando Apostolus peccatum appellat, Sancta Synodus declarat Ecclesiam Catholicam nunquam intellexisse peccatum appellari, quod verè & propriè in renatis peccatum sit, sed quia ex peccato est, & ad peccatum inclinat: Prædicti autem motus sensualitatis non fuerunt in Christo, quia repugnant plenitudini scientiæ & gratiæ Christi Domini, quæ ipsos æquè cohibebat, ac iustitia originalis primi parentis in statu innocentiae: maxime quia tales motus important pronitatem ad malum, & difficultatem ad bonum: D. Thomas verò debet intelligi de illis actibus non quantum ad inceptiōnem, sed quantum ad durationem, cui aliquo modo consentit voluntas. Ad aliud dicendum, quod illa occisio, & omissio audiendi sacrum non sunt mala moraliter & peccata secundum se præcisè, sed ut coniuncta & subordinata ebrietati liberæ à qua procedunt; & potius dicuntur esse mala moraliter in sua causa, quam in seipsis, quamuis in ipsis compleatur peccatum exinsecè: & propterea potest fieri, quod quis peccet præparans alicui venenum, & tamen mors subsequens siue occisio exercita non sit peccatum, si ille qui præparauit venenum, ante effectum secutum poeniteat, quia tunc illa occisio non est voluntaria, peccatum autem est voluntarium.

DVBIUM II.

Verum moralitas actus humani sit quid distinctum ab eius entitate, ac libertate.

Supponendum est, quod præsens dubium procedit tantum de actibus elicitis à voluntate; nam certum & manifestum est, quod in eius actibus imperatis, qui eliciuntur ab aliis potentiis, moralitas est quid distinctum ab eorum entitate; idem quippe numero actus in esse naturæ transit de vna specie moralitatis in aliam, scilicet de bono in malum moraliter, & è contra absque vlla mutatione propriæ entitatis. Quia tamen non ita apparet in actibus elicitis voluntatis hic transitus ad diuersas species moralitatis: inde est quod præsens dubium de illis instituitur, vtrum scilicet in illis moralitas sit quid distinctum, tam ab ipsorum entitate physica, quam ab ipsorum libertate, quam supra diximus in illis esse modum realem accidentalem, intrinsecum superadditum eorum entitati: vel vtrum sit idem cum eorum entitate, aut saltem cum eorum libertate; ita vt nihil aliud sit formaliter actum humanum esse morale, quam esse liberum.

Prima opinio negat moralitatem esse quid distinctum ab entitate actus humani. Probatur duplici authoritate Diui Thomæ: Prima habetur questione sequenti art. 1. vbi dicit bonum & malum, quæ sunt differentie moralitatis, esse per differentias actus voluntatis: Secunda habetur in 2. d. 40. q. 1. art. 1. vbi sic ait: Ipsi actus voluntatis, qui per se & immediate ad voluntatem pertinent, per se in genere moris sunt: vnde simpliciter diuiduntur interiores actus voluntatis per bonum & malum, sicut per differentias essentielles. Deinde, Sunt aliqui actus voluntatis intrinsecè mali in genere moris vt odium Dei, desperatio & similes: ergo malitia moralis ipsorum non est quid distinctum ab eorum entitate. Denique actus externi sunt moraliter boni vel mali, quia imperantur à voluntate, vt communiter conceditur; ergo ipsi actus eliciti voluntatis sunt se ipsis boni vel mali moraliter, & ita moralitas non est quid distinctum ab eorum entitate: maximè quia habitus morales sunt per suam substantiam in genere moris, & non per aliquid superadditum; eadem autem est ratio quantum ad hoc, de actibus, ac de habitibus.

Secunda opinio Scoti in 2. d. 40. q. vnica. Durandi in 2. d. 38. q. 1. num. 5. & aliorum negat moralitatem esse quid distinctum à libertate actus humani. Probatur authoritate D. Thomæ, qui sæpe in tota hac materia morali dicit, quod actus humanus & actus moralis idem sunt: actus autem humanus nihil aliud est quam actus liber, & ita actus moralis & actus liber idem sunt, iuxta illud axioma, Quæ sunt eadem vni tertio, sunt eadem inter se; & consequenter moralitas non est

quid distinctum à libertate actus humani. Et alibi dicit quod actus nostri sunt morales, secundum quod procedunt ex ratione, & in quantum sunt liberi. Deinde probatur ratione, Omnis actus moralis est liber, & omnis actus liber est moralis, vt communiter conceditur; & iuxta modum libertatis est modus moralitatis: ergo libertas & moralitas sunt vnum & idem. Denique, Posita libertate in aliquo actu, & secluso quocunque alio, talis actus est moralis; Tum quia est regulabilis per legem, in quo consistit eius moralitas; Tum quia est imputabilis, vel ad laudem, vel ad vituperium, quod est proprietas moralitatis; Tum quia est bonus vel malus, siue conformis & difformis rationi, quæ sunt differentie moralitatis: ergo libertas constituit formaliter actum in esse morali; & ita moralitas quæ est ratio constitutiva entis moralis, non est quid distinctum à libertate actus humani.

CONCLUSIO.

RESPONDEO dicendum, quod moralitas actus humani est quid distinctum ab eius entitate physica. 2. ac libertate. 3. & ita moralitas est aliquid accidentaliter superadditum tam entitati physice actus humani, quam eius libertati. Ita communiter docent Discipuli D. Thom.

Probatur prima pars conclusionis. Entitas actus humani siue ratio specifica ipsius in esse naturali & physico provenit ab obiecto secundum se, præciso respectu ad regulas morum: moralitas verò actus humani; vel non sumitur ab obiecto, vt constat in actibus indifferentibus ex sua specie, qui sunt boni & mali moraliter ex aliqua circumstantia; vel si sumitur ab obiecto, non sumitur ab illo secundum se considerato absque ordine ad regulas morum, ac vt subiecto regulis morum scilicet legibus, vt infra dicetur, per hoc quod præcipiatur aut prohibeatur: ergo moralitas actus humani est quid distinctum ab eius entitate physica, siue ab eius ratione naturali specifica; quia vbi sunt distincta principia specificatiua, ibi res specificata sunt distinctæ, cum principium specificatiuum sit etiam principium distinctiuum. Deinde, Potest fieri, imò sæpe contingit, quod idem actus numero, absque vlla mutatione in sua entitate physica, transeat de non esse morali ad esse morale, vel de esse morali ad non esse morale, vel de vna specie entis moralis in aliam: Exemplum primi est si actus incipiat absque deliberatione, & continuetur ex deliberatione; tunc in principio non est moralis, quia non est liber, postea verò est moralis, quia liber: Exemplum secundi est in actu charitatis inchoato in via, & continuato in patria (potest quippe idem actus charitatis viæ continuari in patria; nec videtur saltem in Angelis posse afferri repugnantia talis continuationis) nam hic in via est moralis, quia liber; in patria verò non est moralis, quia non est liber:

&

& quamvis negaretur hæc continuitas actus charitatis, sufficeret tamen ad intentum, quod charitas viæ & charitas patriæ sint eiusdem speciei physiciæ, cum tamen hic in via pertineat ad ordinem moralem, & non in patria, nam semper habetur quod nulla facta mutatione entitatis physiciæ secundum rationem specificam, mutatur tamen moralitas: Exemplum tertij est, si quis comedens carnes tempore licito cum debitis circumstantiis, perseveret in comestione & voluntate comedendi accedente tempore illicito; tunc illa voluntas siue volitio, & comestio de bona fit mala moraliter: sed quando duo ita comparantur ad inuicem, ut vno mutato aliud non mutetur, verè sunt distincta à parte rei: ergo moralitas actus humani est quid distinctum ab eius entitate physica & naturali.

Probatur secunda pars conclusionis. Libertas actus humani pertinet ad ordinem physicum, cum agere liberè sit modus agendi proprius naturæ intellectualis; etiam secluso ordine ad regulas morum, siue ad legem præcipientem aut prohibentem, ut constat dum talis actus, proposita bonitate physica obiecti cum indifferentia, tendit in illud liberè, non attendendo ad regulas morum; & maxime quando nec actus, nec obiectum substat legi præcipienti aut prohibenti, ut contingit in actibus & obiectis ex sua specie indifferentibus, quæ possunt sic esse vel vel non esse absque peccato: ergo cum ordo moralis distinguatur ab ordine physico, & illud adæquatè supponat quasi fundamentum, sequitur quod moralitas actus humani est quid distinctum ab eius libertate. Deinde, Manente actu humano cum eadem libertate potest mutari eius moralitas de bonitate in malitiam, vel è contra, ut constat in exemplo adducto comedentis carnem prius tempore licito, & postea tempore illicito; potest enim fieri quod cum eadem omnino aduertentia & indifferentia illam utroque tempore comedat; & tamen comestio, sicut & voluntas comedendi prius est moraliter bona, si adsint debite circumstantiæ, postea fit mala: ergo cum sit impossibile quod eadem simplex entitas realis simul mutetur, & maneat immutata, sequitur quod moralitas actus humani sit quid distinctum ab eius libertate. Denique, Diuersæ sunt differentiæ & species libertatis ab speciebus & differentiis moralitatis: nam differentiæ & species libertatis assignantur à Theologis sequentes, videlicet quoad specificationem, quoad exercitium, directam, indirectam, in se, in causa, & similes quæ non attribuuntur moralitati: cui è contrario attribuuntur primò bonitas & malitia, quæ postea subdividuntur in infinitas fere species de quibus agit D. Thomas totâ Secundâ Secundæ, & quæ proximè non attribuuntur libertati: ergo moralitas actus humani est quid distinctum ab eius libertate.

Probatur tertia pars conclusionis ex dictis in

prima & secunda parte: nam si moralitas actus humani est quid distinctum ab eius entitate physica & naturali, & ab eius libertate; necessario sequitur quod sit aliquid accidentaliter utrique superadditum.

Ad primum ergo dicendum, quod D. Thomas in primo loco solum vult, quod bonum & malum sint differentiæ actus elicitæ voluntatis per se, prout *ly per se* opponitur ad esse per aliud, non autem ut *ly per se* idem est ac essentiale; & hoc constat ex ipso textu; nam ibi D. Thomas distinguit actus elicitos voluntatis ab imperatis, quod actus elicitæ sunt boni & mali moraliter per se siue ratione sui, & non participatiue ab aliis actibus; actus verò imperati non habent per se & ratione sui quod sint boni & mali moraliter, sed hoc habent participatiue ab aliis actibus nempe ab elicitis. In secundo loco, dum dicit actus interiores voluntatis per se esse in genere moris, & diuidi per bonum & malum sicut per differentias essentielles: *ly per se* eodem modo debet exponi ac in priori testimonio: Loquitur autem de illis actibus secundum quod respiciunt regulas morum, & non præcisè secundum entitatem physicam eorum: secundum autem quod illi actus respiciunt regulas morum, habent pro differentiis bonum & malum, quas tamen non habent secundum suam entitatem physicam: & ita hæc differentiæ pertinent ad esse morale illorum actuum, & non ad entitatem physicam. Ad aliud dicendum, quod illi actus voluntatis sunt mali intrinsecè malitia morali, non secundum suam entitatem præcisè, cum facti absque deliberatione non sint moraliter mali; sed quia liberè elicitæ non possunt esse cum debita subiectione ad regulas morum; quia sic elicitæ non possunt non esse contra legem æternam & legem naturalem. Ad aliud dicendum, quod solum probat actus elicitos voluntatis esse per se moraliter bonos & malos, prout *ly per se* opponitur ad per aliud, & importat quod tales actus non habent ab aliis actibus, quod sint boni & mali moraliter: cum tamen actus imperati voluntatis non sint boni & mali moraliter, nisi mediis actibus elicitis ipsius voluntatis, à quibus imperantur, tamen omnes sunt boni vel mali, per hoc quod respiciant regulas morum. Ad illud quod subditur, dicendum quod quia leges, quæ sunt regulæ morum sunt de actibus, & non de habitibus, ideo moralitas conuenit tantum intrinsecè & formaliter actibus, & extrinsecè ac denominatiue habitibus; maxime quia libertas, quæ est fundamentum moralitatis conuenit tantum formaliter & intrinsecè actibus, & non habitibus: unde non mirum si moralitas est quid distinctum ab entitate physica actuum humanorum, non autem ab entitate physica habituum: cuius signum est, quod habitus idem numero vel specie, secundum entitatem physicam inuariatum, non variatur moraliter de bono in malum,

lum, vel è contra: cuius tamen contrarium accidit in actibus, vt dictum est.

A d secundum dicendum, quòd D. Thomas loquitur in sensu identico materiali, vel in sensu causali, & non in sensu formali: quia licet materialiter sit verum, quòd omnis actus humanus viatoris sit moralis, & quòd omnis actus moralis sit liber; tamen non ex eodem capite prouenit, quòd talis actus sit moralis, & quòd sit liber, habet enim quòd sit moralis ex subiectione ad regulas morum, habet autem quòd sit liber quia procedit cum indifferentia, hic tamen processus cum indifferentia est causa cur sit subiectus regulis morum: vnde in actu humano moralitas est quid distinctum ab eius libertate. Similiter in aliis locis loquitur in sensu causali, & non in sensu omnino formali, si per procedere à ratione intelligatur idem ac procedere ex iudicio indifferenti intellectus, quod est radix libertatis; si autem per procedere à ratione intelligatur idem ac procedere ex dictamine synderesis vel prudentiæ, quæ est intimatio diuinæ legis & propria regula moralitatis, loquitur in sensu formali; sed tamen hoc dictamen supponit illud iudicium indifferens quod est radix & causa libertatis. Ad aliud dicendum quòd quamuis in indiuiduo omnis actus liber sit moralis, non tamen hoc ita est ex natura rei, cum actus ex sua specie indifferens secundum se abstrahat à moralitate, etiam vt est humanus, & tamen non abstrahat à libertate: Et quamuis omnis actus liber esset moralis, adhuc non sequeretur quòd libertas & moralitas essent idem, sed tantum sequeretur quòd se haberent concomitanter, ex eo quòd libertas est fundamentum moralitatis. Ad aliud dicendum, quòd posita libertate in aliquo actu, seclufa lege talis actus non esset moralis: vnde ad primam probationem in contrarium dicendum, quòd moralitas in actu non consistit in hoc quòd possit regulari per regulas morum, siue in hoc quòd possit esse conformis aut difformis illis regulis, sed consistit in hoc quòd de facto regulari per illas regulas, & sit conformis aut difformis illis; quod manifestatur ex artificialibus, nam operatio vel effectus dicitur artificialis, non per hoc quòd sit capax subiici regulis artis, & ab illis regulari, sed per hoc quòd actu illis subiiciatur & regulari: Ad secundam probationem dicendum, quòd actus liber est quidem imputabilis agenti quantum ad esse, per hoc præcisè quòd est liber; non autem est illi imputabilis quantum ad condignitatem laudis aut vituperij, nisi per hoc quòd sit actualiter conformis aut difformis regulis morum scilicet legibus: Ad tertiam probationem dicendum, quòd actus liber non est de facto bonus aut malus moraliter, nisi per ordinem ad regulas morum, in quantum scilicet tendit ad obiectum vt actu lege præscriptum, & hæc subiectio actus ad legem est bona per conformitatem, & mala per diffor-

mitatem: Nec conformitas aut difformitas actus ad rationem, vt ratio importat iudicium intellectus, est moralitas ipsius actus, sed tantum vt ratio importat dictamen synderesis vel prudentiæ.

D V B I U M III.

Vtrum moralitas actus humani sit aliquis modus realis intrinsecus, & respectiuus.

S Vpponendum est, quòd homo habet duplex dominium respectu suarum operationum liberarum, scilicet naturale & morale. Dominium naturale consistit in hoc quòd habet potestatem exercendi & non exercendi illas; non enim habet talem potestatem respectu aliarum operationum, quæ ab ipso ex necessitate procedunt, vt constat in operationibus partis vegetatiuæ: & hoc dominium in homine non est supremum, sed est subordinatum primo & supremo Dei creatoris dominio supra omnes & singulas creaturas; vnde ex omnipotentia & summa efficacia diuinæ voluntatis, tanquam à prima radice habetur, quòd homo operetur liberè, quia quando virtus agentis est efficax, tunc fit id quod vult, & quoad substantiam, & quoad modum quo vult illud fieri. Dominium morale addit supra naturale respectum ad regulas morum, vnde consistit in hoc quòd homo habet potestatem exercendi suas operationes in ordine ad regulas morum, per conformitatem scilicet, aut difformitatem ad illas regulas: hoc dominium quantum ad conformitatem operationum ad regulas morum, est similiter subordinatum primo & supremo Dei dominio, in quantum omne bonum morale de sursum est; quantum autem ad difformitatem harum operationum à regulis morum, est supremum dominium in homine, quia se solo potest homo deficere in moralibus, quia ex nihilo est, vt ait Augustinus; vnde est prima & vnica causa malitiæ moralis suarum operationum: sicut autem ad dominium naturale consequitur in actu libertas, sic ad dominium morale consequitur in actu moralitas, quam in dubio præcedenti dictum est distingui tam ab entitate physica ipsius actus, quam ab eius libertate: in præsentem autem circa ipsam tria quærimus, vtrum scilicet sit aliquis modus realis, vtrum sit modus intrinsecus, vtrum sit modus respectiuus.

Prima opinio Vasquis hic disp. 73. cap. 9. & aliorum asserit moralitatem actus humani esse ens rationis. Probatur: Totum esse morale oritur & dependet à ratione, qua deficiente nulla esset moralitas: ergo est ens rationis. Deinde, Moralitas actus humani est relatio ipsius ad obiectum sumptum in esse moris, siue vt præscriptum aliqua lege: sed relatio actus ad suum obiectum est tantum relatio rationis, quando ob-

iectum non existit à parte rei & est tantum in apprehensione, quomodo est obiectum morale: ergo moralitas actus humani est tantum ens rationis siue relatio rationis. Denique, Moralitas in obiectis est tantum ens rationis, & non quid reale; quod enim obiectum sit præceptum vel prohibitum aliqua lege, nihil est reale, at tantum relatio rationis talis obiecti ad legem præcipientem vel prohibentem: ergo cum actus sint proportionati obiectis, moralitas etiam in actibus est tantum ens rationis.

Secunda opinio Suaris disp. 1. sect. 1. Salas hic tract. 7. disp. sect. 1. asserit moralitatem actus humani esse denominationem extrinsecam. Probat: Moralitas actus humani habet pro fundamento eius libertatem; & provenit ab aliquo extrinseco, scilicet vel ab obiecto, vel à ratione, vel à lege: ergo ex utroque capite est tantum denominatio extrinseca; ex primo quidem, quia libertas est tantum denominatio extrinseca in actu humano, & consequenter moralitas in libertate fundata non potest esse aliquid intrinsecum, denominatio quippe extrinseca non potest esse fundamentum formæ intrinsecæ; ex secundo etiam capite est tantum denominatio extrinseca, quod enim provenit ab extrinseco, non potest esse forma intrinseca. Deinde, Idem actus potest transire de vna specie morali in aliam, ut de malo morali in bonum, absque eo quod intrinsecè mutetur, ut si quis comedens carnem tempore prohibito per legem, continuet comestionem cessante prohibitionem propter mutationem extrinsecam legis: ergo moralitas non est quid intrinsecum, at sola denominatio extrinseca; cum sit impossibile mutari aliquid intrinsecum in subiecto, & non mutari intrinsecè tale subiectum. Denique, Moralitas actus humani sæpe dependet à sola voluntate hominis, sicut ab illa sola dependet lex præcipiens aut prohibens talem actum, ex qua lege talis actus habet suam moralitatem: sed quæ dependent à sola voluntate hominis, sunt puræ denominationes extrinsecæ, ut constat in officiis, magistratibus, honoribus, &c. ergo moralitas actus humani est tantum denominatio extrinseca.

Tertia opinio asserit moralitatem actus humani esse aliquid absolutum. Probat, Si moralitas actus humani non esset aliquid absolutum, at respectuum, sequeretur quod tribueret aliquam denominationem termino siue obiecto per eam inspecto, hoc enim proprium est formæ respectivæ: sed non apparet quam denominationem moralitas actus humani tribuat termino siue obiecto: ergo moralitas actus humani est aliquid absolutum, & non respectuum. Deinde, Si moralitas actus humani non est aliquid absolutum, at respectuum, vel est relatio transcendentalis, vel relatio prædicamentalis: sed neutra est, quia relatio transcendentalis non distinguitur à subiecto, sicut distinguitur moralitas actus

humani ab eius entitate; relatio verò prædicamentalis semper habet terminum actu existentem, quem tamen semper non habet moralitas actus humani, imò sæpe terminus actus humani est ab ipso actu productus; Insuper ex Aristotele relationi nihil est contrarium, & tamen bonitas moralis contrariatur malitiæ morali: ergo moralitas actus humani est aliquid absolutum.

CONCLUSIO.

RESPONDEO dicendum, quod moralitas formalis actus humani est aliquis modus realis, vel saltem realiter à parte rei, eo modo quo sunt privationes 2. intrinsecus actui 3. & transcendentaliter respectivus. Ita communiter Discipuli D. Thomæ, & alij in præfenti.

Probat & explicatur prima pars conclusionis, in qua duo dicimus, scilicet quod moralitas sit modus, & quod sit realis vel realiter; non quidem realitate physica, sed realitate morali, quæ est quid diminutum si comparatur ad realitatem physicam, cum non habeat esse stabile & fixum in rerum natura; propterea non repugnat dari aliquod morale infinitum non solum privativum, ut constat in malitia peccati mortalis, sed etiam positivum, ut constat in valore infinito operum Christi Domini: Cum tamen sit impossibile dari realitatem aliquam physicam infinitam, cum habeat esse stabile & fixum in rerum natura, & à parte rei determinetur ac limitetur ad aliquod genus. Probat hæc pars conclusionis quantum ad primum, scilicet quod moralitas actus humani sit modus (ac proinde reducibilis ad prædicamentum actionis, in quo per se ponuntur actus humani, etiam interni, ut probatum est in libris de Anima, ubi ostendimus intellectionem poni directè in prædicamento actionis, & non in prædicamento qualitaris ut volunt aliqui): Moralitas actus humani est quid distinctum ab eius entitate, imò & ab eius libertate, ut dictum est supra: & est aliquid utriusque superadditum, afficiens & modificans utrumque realiter: ergo est aliquis modus. Deinde, Moralitas obiectiva est aliquis modus obiecti, & non præcisè substantia ipsius, ut dicetur inferius: ergo etiam moralitas formalis est aliquis modus ipsius actus, quamvis sit sua differentia inter moralitatem formalem & moralitatem obiectivam, ut constabit ex dicendis: igitur moralitas obiectiva consistit in subiectione obiecti ad regulas morum, à quibus determinatur vel per præceptum, vel per prohibitionem; & propterea est modus, quia ex D. Thoma infra q. 49. art. 2. Modus est quem mensura determinando præfigit, & hic modus non pertinet ad lineam appetibilitatis, sed ad lineam mensuræ determinantis & subiicientis legi quod volendum est: sic moralitas formalis derivata in actum ab obiectiva, consistit in subiectione actus ad regulas morum, per ordinem ad obiectum ab eisdem regulis determinatum;

terminatum; & non pertinet ad lineam volitionis, sed ad lineam mensuræ patliuæ determinantis ipsum actum, & subiicientis ad regulas morum quæ sunt mensura actiua. Probatur quantum ad secundum, scilicet quod moralitas actus humani sit realis, vel saltem realiter à parte rei, eo modo quo sunt priuationes: Ens rationis est tantum obiectiue in intellectu, nec reperitur in rebus antequam ab intellectu fiat, vt communiter dicitur: sed moralitas actus humani verè est in actu à parte rei independenter à fitione intellectus; nam independenter ab intellectu cogitante actus humanus est bonus aut malus moraliter à parte rei, per hoc quod sit conformis aut difformis à parte rei ad regulas morum: ergo moralitas actus humani est realis, & non ens rationis; vel saltem est realiter à parte rei.

Probatur secunda pars conclusionis: Moralitas actus humani consistit in subiectione eius ad regulas morum; & in eo resultat per hoc, quod dicat respectum siue habitudinem ad obiectum cum subiectione ad regulas morum, siue ad obiectum vt determinatum per regulas morum; actus quippe humanus verè attingit obiectum sub prædicta determinatione, ac proinde vt morale obiectiue: sed hic respectus siue habitudo actus humani ad obiectum morale est aliquid intrinsecum actui; nam sicut habitudo eius ad obiectum physicum est aliquid ipsi intrinsecum, quia per illam specificatur in esse physico; sic habitudo eius ad obiectum morale est aliquid ipsi intrinsecum, quia per illam specificatur in esse morali; specificatum enim per modum formæ debet esse intrinsecum rei specificatæ, in quocunque sit ordine, cum sit constitutum ipsius: ergo moralitas actus humani est aliquid intrinsecum actui, & cum sit modus, est modus intrinsecus, & non denominatio extrinseca. Deinde, Moralitas formalis, quæ est forma denominans actum humanum morale, debet esse intrinsecè in aliquo subiecto; omnis quippe forma denominans est intrinsecè in aliquo, cui tribuit denominationem intrinsecam, quamuis aliis tribuat denominationem extrinsecam, vt constat inductione in omnibus: sed moralitas formalis non est intrinsecè in aliquo concurrente ad actum morale, scilicet nec in potentia morali, nec in obiecto item morali, nec in ratione vel lege, quasi ab illa actus extrinsecè denominetur moralis: quod sigillatim ostenditur; non quidem est in potentia, quia potentia moralis se habet ad actum vt causa efficiens, causa autem efficiens non denominat effectum per formam sibi intrinsecam, sed per formam ab ipsa effectui intrinsecè communicatam, vt constat inductione in omnibus; nec est in obiecto, quia nullum obiectum denominat immediatè actum quem terminat, sed mediante habitudine actus ad ipsum, vt etiam constat inductione, quia sicut terminat actum mediante tali habitudine, sic ipsum de-

nominat mediante tali habitudine; nec est in ratione, vel lege, tum quia ratio vel lex est radix moralitatis formalis, & non subiectum, tum quia actus moralis non dicit immediatam habitudinem ad rationem vel legem, sed mediante obiecto determinato per rationem vel legem, & ita si actus non denominatur moralis formaliter à moralitate obiecti immediati, multò minus denominatur talis à ratione vel lege ipsi mediata, nec potest dici quod hæc denominatio proueniat à libertate, quia libertas denominat actum liberum, & non morale, eo quod est in ordine physico, & non in ordine morali: ergo moralitas actus humani est modus intrinsecus actui.

Probatur & explicatur tertia pars conclusionis. Dicimus quod moralitas actus humani est quidam modus respectiuus, non tantum per ordinem ad ipsum actum quasi ad subiectum (quod est commune omni accidenti) sed etiam per ordinem ad aliquid extrinsecum: verum hic respectus non est prædicamentalis, sed transcendentalis. Probatur quantum ad primum: Moralitas formalis quæ est in actu humano, est causata à voluntate vt à causa efficiente, ab obiecto autem vt à causa finali siue formali extrinseca, & à ratione ac lege vt à prima radice: sed ex omnibus istis capitibus moralitas formalis habet quod sit modus respectiuus, & non absolutus; ex parte quidem voluntatis, quia voluntas non agit moraliter nisi per ordinem ad regulas morum, & consequenter producit actum ordinatum ad regulas morum, ac ita moralitas formalis, quæ consistit in tali ordine, est modus respectiuus ex parte voluntatis; ex parte etiam obiecti, & rationis siue legis, quia ista omnia se habent ad actum morale per modum termini & finis, de ratione autem termini & finis est quod terminent, & in hoc est causalitas finis, si autem terminant actum, actus illa respicit, & consequenter moralitas formalis est modus respectiuus ex parte obiecti, & rationis ac legis: ergo moralitas formalis est modus respectiuus. Quod confirmatur ex hoc, quod bonitas & malitia moralis, quæ sunt species moralitatis formalis, non sunt quid ab solutum, sed sunt modi respectiui in actibus humanis, per conformitatem vel difformitatem ad regulas morum: constat autem quod gradus genericus absolutus non contrahitur per differentias respectiuas. Probatur quantum ad secundum, quod scilicet respectus moralitatis non sit prædicamentalis, sed transcendentalis: Relatio prædicamentalis non est genus ad contraria, nec in prædicamento relationis est directa contrarietas, at tantum oppositio relatiua, vt communiter conceditur: sed moralitas formalis est genus ad contraria, scilicet ad bonitatem & malitiam: ergo moralitas formalis non est relatio siue respectus prædicamentalis. Deinde, Respectus prædicamentalis ex propria ratione etiam specifica nullam dicit perfectionem aut

imperfectionem, ut certum est in schola Diui Thomæ: sed moralitas formalis dicit ex propria ratione saltem specifica perfectionem aut imperfectionem, ut constat in bonitate & malitia: ergo moralitas formalis non est respectus prædicamentalis: maximè quia sæpe habet terminum non existentem, ut cum appetitur aliquod possibile; constat autem quod respectus siue relatio prædicamentalis necessariò petit terminum existentem seu actualem. Cum ergo moralitas formalis non sit respectus prædicamentalis, debet esse respectus transcendentalis, omnis quippe respectus realis vel est prædicamentalis, vel transcendentalis.

A d primum ergo dicendum, quod non omne quod oritur & dependet à ratione, est ens rationis in eo sensu quo intelligunt Aduersarij, aliàs actus intellectus & voluntatis, & similiter omnia artificialia essent entia rationis, quia sic dependent à ratione, ut illa deficiente non essent: vnde ens rationis propriè dicitur illud tantum, quod sic dependet ab intellectu, ut nulum habeat esse à parte rei, sed tantum esse obiectiuum in intellectu. Ad aliud dicendum, quod in actu est relatio transcendentalis ad obiectum, supra quam fundatur relatio prædicamentalis quando adfunt conditiones requisitæ ad relationem realem; sin minus, est tantum relatio rationis supra transcendentalem. Ad aliud dicendum, quod moralitas obiectiua dicit aliquid reale, nempe entitatem obiecti, ut connotantem præceptum vel prohibitionem legis: Quare autem moralitas formalis actus sit distincta ab eius entitate, non autem moralitas obiectiua ab entitate obiecti, dicetur infra.

A d secundum dicendum, quod libertas est modus intrinsecus actus humani, ut supra dictum est, vnde in ea potest fundari modus intrinsecus moralitatis. Moralitas autem formalis actus humani effectiue procedit à voluntate tendente ad obiectum morale, vnde potest esse modus intrinsecus in ordine ad tale obiectum, à quo solum procedit ut à fine, aliquid autem intrinsecum potest sic procedere ab extrinseco. Ad aliud dicendum, quod talis actus mutatur intrinsecè in esse moris, amittendo malitiam moralem & acquirendo bonitatem moralem, qui sunt modi intrinseci & oppositi actuum humanorum; quamuis non mutetur intrinsecè in esse physico. Ad aliud dicendum, quod moralitas actus humani non dependet immediatè & directè à voluntate aut lege humana, sed tantum mediatè & indirectè, in quantum præcipit aut prohibet obiectum, per ordinem ad quod actus humanus procedit à voluntate bonus aut malus: vnde est disparitas in instantiis, nam illa assignata dependent immediatè & directè à voluntate vel intellectu hominis, quæ sunt extrinseca illi in quo sunt officia, magistratus, & honores; vnde non mirum, quod

ista sint denominationes extrinseca.

A d tertium dicendum, quod quia moralitas actus humani est tantum modus ipsius actus, ideo simul cum actu dat obiecto denominationem, & ita ab actu morali denominatur obiectum volitum moraliter siue subiectiue ad regulas morum: vnde hæc denominatio quantum ad volitum ut sic, correspondet actui humano secundum suam substantiam siue entitatem, quantum verò ad modificationem ipsius, quod sit volitum moraliter siue subiectiue ad regulas morum, correspondet moralitati formali actus humani. Ad aliud dicendum, quod moralitas formalis actus humani est relatio siue respectus, non quidem prædicamentalis, ut conuincunt probationes adductæ; sed est respectus seu relatio transcendentalis: Vnde ad probationem in contrarium dicendum quod relatio transcendentalis nunquam distinguitur realiter à subiecto tanquam res à re, sicut ab illo distinguitur relatio prædicamentalis; aliquando tamen distinguitur realiter modaliter, quæ distinctio est minima inter reales, & ab aliquibus vocatur distinctio ex natura rei; & tunc maximè quando subiectum & respectus sunt in diuerso rerum ordine, ut contingit in præsentī; nam actus humanus, qui est subiectum moralitatis formalis, est in ordine physico; moralitas autem formalis, qui est respectus transcendentalis, est in ordine morali.

D V B I V M IV.

Utrum terminus proximè & formaliter specificatiuus moralitatis formalis sit solum obiectum morale.

Svpponendum est, quod cum moralitas formalis quæ est in actu humano, sit quidem respectus transcendentalis, debet habere terminum, à quo proximè & formaliter specificetur; hoc enim est commune omnibus respectiuis, quod ab aliquo termino ab ipsis inspecto specificentur. Plures autem sunt termini extrinseci, quos respicit moralitas formalis actus humani (terminus quippe intrinsecus ipsius, quem respicit sub communi ratione accidentis considerata, est entitas ipsius actus), videlicet natura siue substantia intellectualis & voluntas, quæ sunt principium actiuum ipsius, illa quidem principium radicale, ista verò principium proximum: deinde obiectum, quod respicit tanquam finem, denique rationem & legem dirigentem, quam respicit tanquam mensuram & regulam: sub nomine autem obiecti non intelligimus obiectum strictè sumptum, sed latè sumptum ut comprehendit etiam circumstantias & finem. Cum ergo specificatio moralitatis formalis ex aliquo ex his terminis debeat provenire, querimus in præsentī, utrum obiectum morale sit

fit terminus proximè & formaliter specificatiuus moralitatis formalis actus humani.

Prima opinio negat obiectum morale esse terminum proximè & formaliter specificatiuum moralitatis formalis. Sed Authores illius differunt inter se, in assignando termino illo specificatiuo: vnde hæc communis illorum opinio subdividitur in tres particulares, quarum prior est opinio Scoti Quodlibeto 18. & Vasquis hinc disp. 73. cap. 9. qui asserunt naturam rationalem esse terminum specificatiuum moralitatis formalis. Probatur: Actus quicunque ex sua generali ratione habet maximam & primariam dependentiam à suo principio radicali: ergo cum natura rationalis sit principium radicale actus moralis, & aliunde sit præcipua inter regulas moris; est terminus specificatiuus moralitatis formalis, quæ nihil aliud est quàm habitudo actus ad regulas moris. Deinde, Bonitas & malitia, quæ sunt species moralitatis formalis, specificantur à natura rationali; quia bonitas moralis importat conuenientiam actus quasi bonum conueniens ipsi operanti, malitia verò moralis importat disconuenientiam actus quasi malum disconueniens ipsi operanti; ac proinde vtrique specificatur à natura operantis, respectu cuius habent conuenientiam & disconuenientiam: ergo etiam moralitas in genere specificatur à natura rationali.

Secunda opinio Zumel infra q. 71. art. 6. disp. 1. asserit voluntatem vt subiectam regulis morum esse terminum specificatiuum moralitatis formalis. Probatur, Actio specificatur à suo principio formali, saltem secundum rationem genericam considerata, nam v.g. volitio est actio genere distincta ab intellectu, quia illa procedit à voluntate, ista verò procedit ab intellectu; & hoc ideo quia actio nihil est aliud quàm egressus ab agente: ergo actus moralis specificatur à suo principio morali, quod est voluntas vt subiecta regulis morum.

Tertia opinio asserit legem siue dictamen rationis esse terminum specificatiuum moralitatis formalis. Probatur autoritate D. Thomæ, qui sæpe dicit esse morale actus humani in hoc consistere, quòd procedat à ratione, & quòd ei sit vel conformis vel difformis. Deinde, Bonitas & malitia, quæ sunt species moralitatis formalis, omninò dependent à lege; vnde stante eadem lege, & variato etiam obiecto, manet eadem bonitas vel malitia actus, vt si quis furetur pecunias, vestes, &c. & propterea peccatum dicitur esse contra legem: Et è contra variata lege, & stante eodem obiecto, variatur bonitas vel malitia actus, vt apparet in comedente carnem successiue tempore per legem prohibito, vel non prohibito: ergo signum est, quòd lex siue dictamen rationis est terminus specificatiuus moralitatis formalis.

CONCLUSIO.

RESPONDEO dicendum, quòd terminus proximè & formaliter specificatiuus moralitatis formalis actus humani non est natura rationalis 2. nec voluntas 3. nec dictamen rationis aut lex. 4. sed est obiectum morale siue obiectum operanti præfixum per regulas morum. Ita communiter Discipuli D. Thomæ in præsentia.

Probatur prima pars conclusionis: Natura rationalis est tantum principium radicale actus moralis, vnde ad illum non concurret proximè & immediatè, at tantum remotè ac mediatè, quia nulla substantia est proximè ac immediatè operatiua: ergo etiam dato quòd actus moralis deberet specificari à suo principio elicitiuo, adhuc non specificaretur proximè & formaliter à natura rationali. Deinde, Natura rationalis secundum se non pertinet ad ordinem moris proximius & directius, quàm ad ordinem physicum; imò è contra, cum entitas eius physica sit fundamentum moralitatis ipsius: ergo cum natura rationalis non sit specificatiua proximè & formaliter actus humani in esse physico, multò minus est specificatiua ipsius in esse morali.

Probatur secunda pars conclusionis. Potentia est propter actum, sicut actus est propter obiectum, & ita prius est in intentione obiectum quàm actus, & actus quàm potentia, vt docet Aristoteles 2. de Anima textu 33. dicens: Priores potentiis actus & operationes secundum rationem sunt, & adhuc his priora sunt opposita siue obiecta; cuius ratio est, quia ideo alicui naturæ communicantur tales potentie, quia talis natura est ab eius authore ordinata, vt mediis actibus illarum potentiarum attingat obiecta, vnde actus sunt via & tendentia ad obiecta, & non ad potentias: ergo potentia specificatur potius ab actu, quàm actus à potentia: & consequenter, quia modus actus sapit naturam actus quam consequitur, moralitas formalis quæ est modus actus humani, nō specificatur à potentia voluntatis, cum ab illa non specificetur actus. Deinde, In actu humano per prius reperitur moralitas, quàm reperiatur in voluntate: nam omnis moralitas deriuatur à regulis morum, quæ sunt leges & dictamen rationis; constat autem quòd leges & dictamen rationis sunt per se primò de actibus in ordine ad obiecta, & non de potentiis vel habitibus, præcipitur enim vel prohibetur operatio; & tantum sunt ex consequenti de potentiis & habitibus, cum sint de illis in ordine ad actus & obiecta: ergo quamuis actus specificarentur à principio formali elicitiuo siue à potentiis, adhuc voluntas non esset proximum & formale specificatiuum moralitatis formalis actus humani, cum moralitas conueniens voluntati dependeat à moralitate actus in genere causæ finalis & formalis extrinsecæ, à qua procedit specificatio.

Probatur tertia pars conclusionis: Proximum

& formale specificatiuum alicuius actus siue formæ est illud, quod talis actus siue forma proximè & immediatè respicit, vt constat ex ipsis terminis: sed actus moralis non respicit proximè & immediatè dictamen rationis aut legem, at tantum mediante obiecto, nam actus immediatè & directè respicit obiectum per dictamen rationis aut legem propositum, & tantum mediatè & indirectè dictamen rationis aut legem proponentem; eodem quippe modo, quamuis in diuerso genere causæ, actus moralis respicit dictamen rationis aut legem in sua tendentia, quo dictamen rationis aut lex respicit actum morale per modum dirigentis & regulæ; constat autem quod dictamen rationis aut lex respicit actum morale tantum mediatè, in quantum proponit obiectum prosequendum vel fugiendum, & ex tali propositione ac determinatione obiecti regulat actum mediatè, mediante scilicet obiecto præfixo & regulato: ergo terminus proximè & formaliter specificatiuus moralitatis formalis actus humani non est dictamen rationis aut lex.

Probatur quarta pars conclusionis, Tum ex dictis: nam si terminus proximè & formaliter specificatiuus moralitatis formalis actus humani, nec est principium radicale ipsius scilicet natura rationalis, nec principium formale & proximum scilicet voluntas, nec principium directiuum scilicet dictamen rationis aut lex; necessariò sequitur quod talis terminus sit obiectum morale siue obiectum operanti præfixum per regulas morum, nihil enim aliud assignari potest. Tum expressa autoritate D. Thomæ in tota hac quæstione: vnde art. 8. sic ait: Sicut dictum est, actus omnis habet speciem ab obiecto: & actus humanus qui dicitur moralis, habet speciem ab obiecto relato ad principium actuum humanorum, quod est ratio, Et q. 2. de Malo art. 6. ait: Cum actus moralis sit actus, qui est à ratione procedens voluntarius, oportet quod actus moralis speciem habeat secundum aliquid in obiecto consideratum, quod ordinem habeat ad rationem. Idem docet alibi. Deinde probatur ratione Actus moralis est formaliter via & tendentia in obiectum morale; nam sicut actus secundum illud quod importat in esse physico, est via & tendentia ad obiectum physicum siue in esse physico consideratum; sic actus secundum illud quod importat in esse morali, id est secundum moralitatem formalem, est via & tendentia ad obiectum morale siue in esse morali consideratum; quia cum moralitas formalis sit modus & perfectio tenens se ex parte actus, debet habere in obiecto specificatiuo actus aliquam rationem sibi correspondentem à qua specificetur, quia modus non specificatur seorsim à re specificata, sed simul & semel cum illa: ergo cum actus moralis specificetur ab obiecto, vt communiter conceditur, vt moralis specificatur

ab obiecto vt morali, & ita terminus proximè & formaliter specificatiuus moralitatis formalis actus humani est obiectum morale, siue obiectum operanti præfixum per regulas morum. Denique, In simplicibus, quales sunt actus morales, ab eodem sumitur ratio communis generica, à quo sumitur ratio particularis specifica: sed ratio particularis specifica moralitatis formalis, scilicet bonitas aut malitia, sumitur ab obiecto morali, vt infra ostendetur: ergo etiam ratio communis generica moralitatis formalis sumitur ab obiecto morali; & sic terminus proximè & formaliter specificatiuus moralitatis formalis actus humani est obiectum morale, siue obiectum operanti præfixum per regulas morum.

Ad primum ergo dicendum, quod actus habet quidem maximam & primariam dependentiam à suo principio radicali in genere causæ efficientis; non autem in genere causæ formalis extrinsecæ, à qua desumitur specificatio: Nec verum est, quod natura rationalis sit præcipua regula moris, vt dicitur dubio sequenti: & consequenter non est terminus specificatiuus moralitatis formalis. Ad aliud dicendum, quod bonitas & malitia moralis specificantur ab obiecto morali; & non à natura rationali, quæ est indifferens vt consideratur in ordine physico, vel ordine morali: vnde conuenientia & disconuenientia actus ad ipsam potest esse vel in ordine physico, vel in ordine morali: si sit in ordine morali, prouenit formaliter & proximè ab obiecto morali, quod prius respicit vt terminum specificatiuum, quam respiciat naturam rationalem vel per modum principii radicalis, vel etiam per modum subiecti.

Ad secundum dicendum, quod licet actio specificetur aliquo modo à suo principio formali, in genere scilicet causæ efficientis, in quantum talis actio posita in exercitio est talis speciei, quia procedit à tali principio, vt probat ratio & instantia adducta: tamen simpliciter loquendo actio specificatur à suo obiecto siue termino inspecto, quia essentialiter est via & tendentia ad illum, & illum respicit quasi formam extrinsecam; formæ autem extrinsecæ est proprium specificare respectiua, sicut formæ intrinsecæ est proprium specificare absoluta; quia generaliter loquendo specificare est proprium formæ, & non principij actiui: vnde volitio est actio genere distincta ab intellectione, quia illa est circa bonum in genere, ista verò circa verum; quamuis in exercitio volitio dicatur actio genere distincta ab intellectione, quia illa procedit à voluntate, ista verò procedit ab intellectu.

Ad tertium dicendum, quod D. Thomas solum vult, dictamen rationis aut legem esse principium primum & radicale moralitatis actuum humanorum: non autem vult quod sit terminus proximè & formaliter specificatiuus ipsius; cum assignet

assignet pro tali termino obiectum morale siue obiectū determinatum à dictamine rationis vel lege. Ad aliud dicendum, quòd bonitas & malitia moralis dependent quidem remotè à lege, proximè autem dependent ab obiecto formali quod est obiectum ipsum vt subiectum legi; & cōsequenter bonitas & malitia moralis proximè & formaliter desumuntur ab obiecto, remotè autem & radicaliter à lege: mutata autem lege necessariò mutatur obiectum morale vt sic formaliter, quamuis materialiter sit idem, vt infra dicetur.

D V B I U M V.

Utrum sit, & quid sit moralitas obiectiua.

Supponendum est, quòd ordo moralis distinctus ab ordine physico, oritur à regulis morum, & deriuatur ad actus humanos liberos, ad eorum principia & obiecta, secundum quòd tales actus his regulis subordinantur: per ordinem igitur ad has regulas desumitur bonitas & malitia moralis; diuersimodè tamen, nam bonitas consistit in adæquatione & conformitate actuum humanorum ad illas, vnde directè ab illis regulatur; malitia autem in inadæquatione & difformitate eorundem actuum ad illas, per defectum, vel per excessum, vnde tantum indirectè ab illis regulatur. Prima autem regula ordinis moralis est lex æterna in mente diuina existens: Proxima verò est dictamen rationis, secundum quòd prædictam legem æternam participat, & ei subordinatur; Ita docet multis locis D. Thomas, vt q. 5. de Virtutibus art. 2. item q. 2. de Malo art. 4. item q. sequenti art. 4. vbi sic ait: In omnibus causis ordinatis effectus plus dependet à causa prima, quàm à causa secunda: quia causa secunda non agit nisi in virtute primæ causæ. Quòd autem ratio humana sit regula voluntatis humanæ ex qua eius bonitas mensureretur habet ex lege æterna, quæ est ratio diuina. Vnde in Psalmo 4. dicitur: Multi dicunt, quis ostendit nobis bona? signatum est super nos lumen vultus tui Domine: Quasi diceret, lumen rationis quod in nobis est, in tantum potest nobis ostendere bona, & nostram voluntatem regulare, in quantum est lumen vultus tui, id est à vultu tuo deriuatum. Vnde manifestum est, quòd multò magis dependet bonitas voluntatis humanæ à lege æterna, quàm à ratione humana: & vbi deficit humana ratio, oportet ad rationem æternam recurrere. Igitur lex æterna, quæ vt ait D. Thomas infra q. 91. art. 1. est ratio gubernationis rerū in Deo, sicut in principe vniuersitatis existens, & à qua primò dirigitur omnes actus humani ad vltimū finem per fines intermedios, est prima regula moralitatis formalis eorundem actuum, per ordinem enim ad vltimum finem attenditur moralitas humanorum

actuum; & hæc regula est indefectibilis in regulando: sed quia hæc directio humanorū actuum ad vltimum finem non debet esse omninò extrinseca, cum creatura intellectualis se ab intrinseco moueat ad vltimum finem, ex perfecta cognitione quam habet illius; inde est quòd præter illam legem æternam ipsi extrinsecam, debuit illi dari alia lex intrinseca, quæ est dictamen rationis, quo tanquàm regula proxima ab illa prima deriuata eique conformi, regularentur omnes actus humani liberi. Hoc autem dictamen rationis practicæ enuntians & imperans, quid agendum vel fugiendum sit, est lex naturalis, quæ informatur lege æterna, sicut & ceteræ leges, siue diuinæ, siue humanæ; quæ omnes sunt participationes legis æternæ. Natura verò rationalis quamuis possit dici regula quodammodo radicalis moralitatis actuum humanorum, in quantum est radix luminis rationis, quod est mensura, & regula proxima dictæ moralitatis: absolute tamen & secundum se considerata vt antecedit dictamen rationis practicæ, non est formaliter regula moralitatis; Tum quia inclinatio naturæ rationalis non solum est ad bonum morale, sed etiam ad bonum physicum, & ita secundum se præcisè non habet producere actus morales; Tum quia aliquid potest esse bonum moraliter, quod tamen est contra inclinationem naturæ intellectualis secundum se præcisè considerata, vt contemptus vitæ propter aliquod bonum superioris ordinis, constat enim quòd natura rationalis secundum se præcisè considerata inclinat maximè ad conseruationem vitæ & proprii esse. Ex dictis sequitur, quòd nullus actus humanus est formaliter bonus aut malus, nisi per ordinem ad aliquam legem; & secluso tali ordine, si qua concipiatur bonitas aut malitia in actibus humanis, est tantum fundamentalis, & non formalis

Prima opinio negat esse moralitatem intrinsecam obiectiuam, siue negat reperiri in obiectis aliquam moralitatem intrinsecam. Probat: Est impossibile quòd in obiectis sint totæ rationes intrinsecæ distinctiue specierum moralitatis, quot sunt species moralitatis, nam vt constat in virtutibus & vitiis sunt plurimæ species moralitatis: ergo moralitas obiectiua non est aliquid intrinsecum in obiectis. Deinde, Plura sunt obiecta, quæ secundum se æquè possunt terminare actum bonum, ac actum malum, & solum per legem determinantur extrinsecè ad terminandum actum bonum aut malum, vt constat in obiectis secundum suam speciem indifferentibus: ergo moralitas obiectiua non est aliquid intrinsecum in obiectis: maximè quia non est assignabilis causa efficiens illius.

Secunda opinio asserit moralitatem obiectiuam esse modum intrinsecum, realiter superadditum obiectis, & ab illis separabilem. Probat: In actibus moralibus moralitas formalis est modus

us intrinsecus, ipsis actibus realiter superadditus, & separabilis ab illis: ergo etiam moralitas obiectiua est modus intrinsecus, realiter superadditus obiectis, & ab illis separabilis, ut constat ex paritate rationis. Deinde moralitas obiectiua non est in obiectis ante legem, sed illis aduenit cum lege ut communiter docetur in schola D. Thomæ: ergo est modus intrinsecus, realiter superadditus obiectis, & ab illis separabilis.

CONCLUSIO.

RESPONDEO dicendum, quod datur moralitas obiectiua 1. quæ est aliquid intrinsecum obiectis 3. non tamen realiter superadditum. 4. & consistit in hoc quod obiecta sint appetibilia vel respuibilia sub determinatione legis. Ita communiter Discipuli D. Thomæ.

Probatur prima pars conclusionis auctoritate D. Thomæ q. sequenti art. 1. ad 3. ubi sic ait: Bonum per rationem repræsentatur voluntati ut obiectum: & in quantum cadit sub ordine rationis, pertinet ad genus moris, & causat bonitatem moralem in actu voluntatis. Deinde, Actus moralis ut sic specificatur ab obiecto morali, ut dictum est, & constat ex eo quod dum quæritur, quare hic actus sit vel bonus vel malus moraliter; respondetur, quia terminatur ad obiectum bonum vel malum moraliter: ergo datur moralitas obiectiua, est enim impossibile, quod obiectum causet in actu per modum principii specificatiui moralitatem formalem, nisi in seipso prius habeat aliquam moralitatem/specificatiuam actus, quæ vocatur moralitas obiectiua.

Probatur & explicatur secunda pars conclusionis. Dicimus quod moralitas obiectiua proxima formaliter & in recto sumpta, non est denominatio extrinseca præcepti, vel prohibiti, vel præscripti à lege; quamuis hæc denominatio sit conditio simpliciter necessaria: sed aliquid intrinsecum obiectis. Probatur auctoritate D. Thomæ tum q. 1. de Malo art. 6. tum infra q. 72. art. 6. ubi docet quod peccata non diuersificantur specie ex diuersitate præceptorum, sed ex diuersitate materiæ & motiui, ratione cuius prohibentur. Deinde probatur ratione: Moralitas obiectiua dicit subiectionem passiuam obiecti ad regulas morum per conformitatem vel difformitatem, ut sæpe dictum est: sed talis subiectione obiecti est aliquid intrinsecum ipsi obiecto: ergo moralitas obiectiua est aliquid intrinsecum obiectis. Denique, Non est omnino idem, quod aliquod obiectum sit v.g. lege prohibitum aut præceptum, & quod sit moraliter malum aut bonum; tum quia esse obiectum prohibitum est denominatio de genere boni, & est à Deo per legem illud prohibente, esse verò moraliter malum obiectiue est de genere mali moralis, nec est à Deo; tum quia sub eadem prohibitionem obiecti intelliguntur duæ moralitates obiectiue in eodem obiecto, nam ut ter-

minat actum fugæ iuxta prohibitionem, est bonitas obiectiua moralis, ut verò terminat actum prosecutionis contra prohibitionem, est malitia obiectiua moralis: ergo moralitas obiectiua est aliquid intrinsecum obiectis, proueniens illis ab ipsa lege, & importat subiectionem illorum ad legem; quæ subiectione ex parte obiectorum est passiva, tenens se ex parte ipsorum, & est illud intrinsecum quod ponimus in præfati, & connotat subiectionem quasi actiuam, se tenentem ex parte legis, & denominantem extrinsecè obiecta bona vel mala moraliter.

Probatur tertia pars conclusionis. Quod aliquid sit subiectum legi, non habet ex hoc præcisè quid reale superadditum suæ entitati; sed solum connotat extrinsecè ipsam legem subijcientem, & propriam entitatem subiectam immediate se ipsam; non enim tunc illud fit de nouo, ut dicatur fieri cum ordine subiectionis ad legem ipsi superaddito, ut contingit in actu morali; nec à lege aliquid intrinsecè recipit, lex quippe non est physice actiua, at tantum moraliter per modum dirigentis & præcipientis; nec ad positionem legis resultat relatio realis mensurabilis ad mensuram, quia relatio hæc realis est in ordine physico, & fundatur in mensurabilitate proueniente ab intrinseco & ex natura rei, non autem ab extrinseco: ergo moralitas obiectiua non est aliquid realiter superadditum obiectis. Deinde, Moralitas quæ est in voluntate, tanquam in principio actus moralis, non est aliquid realiter ipsi superadditum, quamuis sit ipsi intrinsecum; importat enim ipsam entitatem & virtutem physicam voluntatis, productiuam sui actus secundum determinationem legis, & consequenter tam in esse physico, quam in esse morali; ita quod voluntas ex se præcisè considerata sit productiua sui actus in esse physico, ut subiecta verò legi sit productiua ipsius in esse morali: ergo etiam moralitas, quæ est in obiecto tanquam in termino actus moralis, non est aliquid ipsi realiter superadditum, quamuis sit ipsi intrinsecum, cum sit proportio & correspondentia inter principium & finem seu terminum actus.

Probatur & explicatur ex dictis quarta pars conclusionis. Dicimus igitur, quod moralitas obiectiua obiectis intrinseca, ex vna parte non est ipsis realiter superaddita, ex alia verò parte non dicit præcisam entitatem physicam obiectorum, & consequenter debet dicere ipsam entitatem physicam obiectorum, ut stat sub determinatione legis, siue ut substat dominio & potestati ipsius: ergo moralitas obiectiua consistit in hoc quod obiecta sint appetibilia vel respuibilia sub determinatione legis; & ita est quædam ratio intrinseca realiter indistincta ab entitate physica obiectorum, importans modum subiectionis passivæ eorum ad legem, tanquam ad mensuram seu regulam, cui consonant vel dissonant in ordine ad terminandum actus voluntatis liberos.

Ad primum ergo dicendum, quod non est impossibile esse tot rationes intrinsecas obiectis, distinctivas specierum moralitatis, quot sunt species moralitatis; imò de facto sunt, & consistunt in diuersis modis conformitatis vel oppositionis obiectorum ad legem, in ordine ad terminandum actus voluntatis, quamuis sit difficile singulas in particulari determinare: Et hæ rationes sunt specificatiuæ, ac ita distinctiuæ omnium specierum moralitatis, non enim à lege potest immediatè & formaliter hæc distinctio haberi, quamuis sit necessariò requisita per modum radices & regulæ totius moralitatis. Ad aliud dicendum, quod solum probat necessariam esse legem simpliciter & absolutè, ad hoc ut obiecta, maximè indifferentia fiant obiecta moralia: ad omnia quippe obiecta est necessaria lex, ut ex ordine physico extendantur ad ordinem moralem, quia seclusa lege nulla est bonitas aut malitia moralis actualis & formalis in obiectis, quamuis in aliquibus præintelligatur bonitas aut malitia fundamentalis; bonitas quidem in illis quæ præcipiuntur, quia physice sunt conformia naturæ intellectuali; malitia verò in illis quæ prohibentur, quia physice sunt difformia eidem naturæ intellectuali: unde ista dicuntur prohibita quia mala, ista verò præcepta quia bona; alia autem sunt physice indifferentia secundum suam speciem ad bonum & malum, & accedente lege determinantur omninò ab extrinseco ad bonitatem vel malitiam moralem. Ad illud quod subditur, dicendum quod moralitas obiectiua non est quid realiter distinctum ab entitate physica obiectorum, sed tantum importat subiectionem passiuam ipsorum ad legem; & propterea non indiget ad suum esse causa efficiente distincta ab illa, qua fuit producta entitas physica obiectorum, sed sufficit præsentia legis ad hoc ut sit, ad cuius absentiam delineret esse.

Ad secundum dicendum, quod moralitas formalis est modus intrinsecus, realiter superadditus ipsis actibus, & ab illis separabilis, ut dictum est; non autem moralitas obiectiua est modus realiter superadditus obiectis: Cuius disparitatis ratio est, quia actus de nouo procedunt cum ordine ad obiecta moralia, ac proinde in sua processione possunt ex vi illius cum dicto ordine, habere modum realem moralitatis realiter superadditum suæ entitati physice: obiecta verò moralia non producuntur de nouo per ordinem ad legem, nec vllum habent influxum à lege superueniente; sed tantum ex præsentia illius habent subiectionem ad illam, quod non est aliquid realiter ipsis superadditum, & consequenter nihil entitatis realis amittunt, dum per absentiam legis tollitur hæc subiectio. Ad aliud dicendum, quod ante legem est in obiectis tota realitas moralitatis obiectiue, quæ importat in recto; non tamen constituit proximè illa in esse morali, quia deest connotatum necessariò requisitum

ad talem constitutionem, scilicet lex importata in obliquo.

D V B I U M VI.

Vtrum Moralitas adæquatè diuidatur, ut superius essentiale in bonitatem & malitiam.

Supponendum est, quod licet præsens dubium possit esse de quacunque moralitate, siue formali quæ est in actibus, siue obiectiua quæ est in obiectis, siue actiua quæ est in principio elicente: Tamen principaliter est de moralitate formali, quam diximus esse modum superadditum realiter entitati physice actuum humanorum. Quærimus igitur de illa, vtrum adæquatè diuidatur in bonitatem & malitiam, vel vtrum sit aliquod aliud membrum huius diuisionis: & insuper quærimus, vtrum moralitas diuidatur in hæc membra, tanquam superius essentiale in sua inferiora: sunt enim multe species diuisionum.

Prima opinio Vasquis hæc disp. 55. cap. 4. Martinez in art. 8. dubio vnico, & aliorum negat moralitatem adæquatè diuidi in bonitatem & malitiam, unde addunt tertium membrum, scilicet indifferentiam. Probatur duplici autoritate D. Thomæ: Prima habetur hæc art. 2. vbi dicit quod prima species moralitatis actus sumitur ab obiecto: unde cum inter obiecta humanorum actuum aliqua sint bona, alia mala, alia indifferentia, sequitur quod sicut in actibus humanis est bonitas ex obiectis bonis, & malitia ex obiectis malis, sic est in illis indifferentia ex obiectis indifferentibus. Secunda habetur hæc art. 8. & alibi, vbi docet quod bonum & malum in moralibus non opponuntur immediatè, & consequenter inter illa mediat alia species moralitatis, quæ est indifferentia. Deinde probatur ratione: Ex vna parte dantur aliqua obiecta indifferentia secundum se, quæ proinde possunt terminare actus indifferentes: Ex alia vero parte hi actus indifferentes verè sunt morales, cum procedant à voluntate ut subiecta regulis morum, & ex deliberatione rationis: ergo tales actus nec sunt boni, nec mali moraliter, at indifferentes moraliter; & ita præter bonitatem & malitiam moralem, datur indifferentia moralis & consequenter moralitas non diuiditur adæquatè in bonitatem & malitiam.

Secunda opinio Valentis in præsentis q. 13. puncto 3. negat moralitatem diuidi ut superius essentiale in bonitatem & malitiam. Probatur: Bonitas & malitia non sunt differentie essentielles respectu moralitatis, cum idem actus possit transire de bono in malum, & simul habere diuersas species bonitatis vel malitiæ: ergo moralitas non diuiditur ut superius essentiale in bonitatem & malitiam, differentie quippe diuidentes superius essentiale debent esse essentielles. Deinde, Si moralitas diuidatur ut superius essen-

L1 tiale

tiale in bonitatem & malitiam, vel est superius vniuocum, vel analogum: sed neutrum dici potest: Non primum, Tum quia bonitas est quid positium, & malitia est quid priuatum, ad positium autem & priuatum non datur superius vniuocum; Tum quia moralitas est quid transcendens bonitatem & malitiam, transcendentia autem repugnat superiori vniuoco; Tum quia superius vniuocum descendit æqualiter ad sua inferiora ipso perfectiora ratione differentie superaddita, & tamen constat quod moralitas inæqualiter participatur à bonitate & malitia, & quod malitia non sit perfectior moralitate vt sic: Secundum autem negatur à Discipulis D. Thomæ qui malitiam moralem æquè constituunt in aliquo positio, ac bonitatem moralem: ergo moralitas non diuiditur vt superius essentielle in bonitatem & malitiam. Denique, Si moralitas diuiditur vt superius essentielle in bonitatem & malitiam, sequitur quod bonitas sit differentia essentialis, & consequenter quod aliquid creatum sit bonum per essentiam; quod tamen repugnat dicto Christi dicentis, Nemo bonus nisi solus Deus, Quod communiter intelligitur de bonitate per essentiam: ergo moralitas non diuiditur vt superius essentielle in bonitatem & malitiam.

CONCLUSIO.

RESPONDEO dicendum, quod moralitas diuiditur adæquatè in bonitatem & malitiam 1. vt superius essentielle. Ita communiter Discipuli D. Thomæ, & plures alij.

Probatur prima pars conclusionis autoritate D. Thomæ hic art. 5. & art. 8. vbi sic ait: Actus humanus qui dicitur moralis, habet speciem ab obiecto relato ad principium actuum humanorum, quod est ratio: vnde si obiectum actus includat aliquid quod conueniat ordini rationis, erit actus bonus secundum suam speciem, sicut dare elemosynam indigenti: si autem includat aliquid quod repugnet ordini rationis, erit malus actus secundum speciem, sicut furari quod est tollere aliena. Contingit autem quod obiectum actus non includat aliquid pertinens ad ordinem rationis, sicut leuare festucam de terra, ire ad campum, & huiusmodi, & tales actus secundum speciem suam sunt indifferentes. Deinde probatur ratione ex hac autoritate deducta: Omnis moralitas attenditur penes legem æternam & dictamen rationis, & consistit in subiectione ad ista tanquam ad regulas morum, ad legem quidem æternam tanquam ad primam regulam, ad dictamen verò rationis tanquam ad proximam regulam, illi priori subordinatam, cum sit participatio illius: vnde ad moralitatem actus non sufficit quod cadat sub lege æterna vt est ratio diuinæ voluntatis, qua regulantur actus ipsius Dei in productione & gubernatione creaturarum; sed requiritur vt cadat sub lege æterna, quatenus medio dictamine rationis participatur à nobis, & regulat actus nostros liberos: sed omnis moralitas

quæ attenditur penes legem æternam & dictamen rationis modo explicato, adæquatè est bonitas vel malitia moralis; nam lex æterna & dictamen rationis non habent rationem legis ac regulæ morum, nec exercent munus eius, nisi præcipiendo vel prohibendo; non enim simplex permissio, ad quam se habet merè negatiuè ipsa lex pertinet propriè ad legem, cum lex circa illa nihil disponat; ac proinde talis permissio non est actus formalis legis, at tantum metaphoricus, quatenus lex potest versari circa illa obiecta præcipiendo vel prohibendo, circa quæ se habet merè negatiuè: si igitur actus sit conformis legi, est bonus moralis; si autem sit difformis legi, est malitia moralis; si autem sit indifferens ad legem tunc lex non habet rationem regulæ respectu illius, & ita non est actus moralis: ergo moralitas diuiditur adæquatè in bonitatem & malitiam.

Probatur secunda pars conclusionis autoritate D. Thomæ hic art. 5. vbi ait: Manifestum est quod bonum & malum diuersificant speciem in actibus moralibus: differentie enim per se & specificæ diuersificant speciem. Et ibidem ad 1. sic ait: Bonum in quantum est secundum rationem & malum in quantum est præter rationem, diuersificant speciem moris. Et 1. p. q. 48. art. 1. ad 2. ait: Bonum & malum sunt differentie specificæ in moralibus. Et tandem 3. contra Genes cap. 9. ait: Malum & bonum in moralibus specificæ differentie ponuntur: Quæ non essent vera, si moralitas non esset superius essentielle respectu bonitatis & malitiæ: Deinde probatur ratione, Bonitas moralis importat habitudinem conformitatis ad regulas morum, malitia verò moralis importat habitudinem difformitatis ad easdem regulas: ergo sunt species aut quasi species moralitatis vt sic, quæ importat habitudinem ad regulas morum, abstrahendo à conformitate & difformitate ad illas, tanquam à differentiis aut modis contrahentibus; & consequenter moralitas diuiditur vt superius essentielle in bonitatem & malitiam. Vtrum autem moralitas sit superius vniuocum vel tantum analogum ad bonitatem & malitiam hoc dependet ex dicendis in Tractatu sequenti circa malitiam moralem constitutiuam peccati: si enim concedatur quod est aliqua ratio positia, certum est quod moralitas est superius vniuocum ad bonitatem & malitiam moralem, cum æqualiter ab illis participetur facta hac suppositione, & si est aliqua inæqualitas, illa se tenet ex parte differentiarum contrahentium rationem communem moralitatis; si autem dicatur quod malitia moralis est priuatio, tunc moralitas est tantum superius analogum ad bonitatem & malitiam, non enim datur superius vniuocum ad positium & priuatum: Hoc secundum vt probabilius eligitur.

AD primum ergo dicendum, quod obiecta tantum influunt moralitatem in actus humanos in quantum sunt moralia; sunt autem moralia præcisè

precisè, in quantum subiiciuntur regulis morum, siue legibus actu regulantibus; ut autem subiiciuntur legibus actu regulantibus, sunt bona vel mala moraliter in individuo, quamuis ex sua specie sint indifferentia: & iuxta hæc intelligendus est D. Thomas in prima authoritate. In secunda verò loquitur de actibus moralibus quoad entitatem physicam, siue materialiter & specificatiuè sumptis; ut sic enim bonum & malum in moralibus non opponuntur immediatè, sed inter illa mediat indifferentia: si verò bonum & malum morale sumantur formaliter & reduplicatiuè ut moralia, opponuntur immediatè, ut dictum est. Et eodem modo intelligendus est D. Thomas, dum diuidit actum morale in bonum, malum, & indifferentem; sumit enim actum morale materialiter pro actu humano siue libero. Et ex his patet ad rationem in contrarium: nam licet sint obiecta indifferentia secundum suam speciem, sicut & actus indifferentes: tamen ut illa obiecta cadunt sub regulis morum, non sunt indifferentia in individuo, sed bona vel mala: & similiter actus ad illa obiecta terminati, quamuis secundum suam speciem sint indifferentes, ut tamen procedunt à voluntate ut subiecta regulis morum, & ex deliberatione rationis, sunt in individuo boni vel mali, ut infra probabitur.

Ad secundum dicendum, quòd bonitas & malitia sunt differentie vel modi essentiales respectu moralitatis. Vnde ad rationem in contrarium dicendum, quòd licet idem actus physicè consideratus possit transire de bono in malum, & simul habere diueras species bonitatis vel malitiae: tamen est impossibile quòd idem actus in esse moris consideratus transeat de bono in malum, sed tunc diuersificatur essentialiter in esse morali: & si sint plures species moralitatis in aliquo actu humano, tunc quamuis sit vnicus actus physicè, tamen est multiplex moraliter. Ad aliud dicendum pro nunc; quòd siue moralitas sit superius vniuocum, siue sit superius analogum, est tamen superius essentialiter, ut constat in ente quod est superius essentialiter ad substantiam & accidens, & tamen est tantum analogum ad illa. Vnde ad impugnationes primæ partis dicendum, quòd illi qui dicunt moralitatem esse superius vniuocum ad bonitatem & malitiam, asserunt malitiam esse quid positium æquè ac bonitatem: & quòd moralitas sumitur strictè pro conceptu communi completo, & non largè pro omni eo quod pertinet ad genus moris, & asserunt in exemplum substantiam, quæ hoc duplici modo potest sumi: Et tandem asserunt quòd moralitas æqualiter descendit ad bonitatem & malitiam, & quòd malitia addit differentiam perfectiorem ipso gradu communi moralitatis; Nec obstat quòd bonitas sit perfectior ratione propriæ differentie, cum hoc reperiatur in omnibus vniuocis, quòd vna species sit perfectior alia ex parte suæ differentie specificæ. Ad impugnationem verò

R.P. Philippi Carm. discal. Disp. Theolog. in 1. 2.

secundæ partis dicendum, quòd non desunt ex Discipulis D. Thomæ, qui malitiam¹ moralem constituunt in aliquo priuatiuo, qui proinde dicunt inoralitatem esse superius essentialiter, sed analogum ad bonitatem & malitiam prout reperiuntur in actibus, in quibus sunt aliquid superadditum & realiter distinctum ab eorum entitate; quamuis ut reperiuntur in habitibus & obiectis, possit moralitas esse superius vniuocum ad illas, quia non sunt aliquid superadditum & realiter distinctum ab eorum entitate. Ad aliud dicendum, quòd dictum illud Christi est verum in duplici sensu: Primo quòd solus Deus est bonus per essentiam, id est non per participationem, cum sit ex seipso bonus, omnis autem creatura sit bona tantum participatiuè à Deo. Secundò autem quòd solus Deus habeat ex propria essentia, absque villo superaddito, cum sit actus purissimus, totam suam & infinitam bonitatem, quod nulli creaturæ competit, quæ licet habeat aliquam bonitatem ex propria essentia, non tamen habet totam suam bonitatem ex illa; imò præcipua eius bonitas consistit in esse distincto realiter ab eius essentia, & insuper multiplicem participat bonitatem à suis proprietatibus & aliis formis superadditis essentiae, & realiter ab illa distinctis.

DISPUTATIO XIX.

De Bonitate & Malitia Actuum humanorum in communi.

POST considerationem moralitatis actuum humanorum in communi, considerandum est de bonitate & malitia eorundem actuum item in communi: quia ut dictum est, sunt duæ species, aut quasi species moralitatis, eam adæquatè contrahentes.

DUBIUM I.

Utrum idem numero actus humanus possit simul esse moraliter bonus & malus.

SYPPONENDUM est, quòd actus humanus habet tam esse physicum, quàm esse morale, ita quòd esse physicum ipsius sit fundamentum esse morali. Quærimus igitur in præsentī dubio, utrum idem numero actus humanus in esse physico consideratus possit simul esse moraliter bonus & malus; & sic esse multiplex in genere moris, cum sit impossibile eundem in genere moris actum esse bonum & malum bonitate & malitia morali, ut docet D. Thomas infra q. 20. art. 6. Non est autem dubium, quin idem specie physica actus possit simul esse bonus & malus moraliter, ut v.g. vsus carniū tempore Quadragesimæ est moraliter bonus in homine infirmo, & moraliter malus in homine sano. Bonitas mo-

LI 2 ralis

ralis actus humani est quodammodo duplex. sicut & bonitas naturalis. Prima est, qua dicitur bonus in seipso, per hoc quod habet omnia requisita ad bonitatem moralem; & hæc attenditur penes obiectum, quod est specificatiuum actus moralis: Secunda est, qua dicitur bonus alteri, scilicet homini in quo est & à quo elicitur; unde hæc attenditur penes principium elicitivum & subiectum receptivum ipsius actus. Præsens dubium procedit de prima bonitate & de malitia ipsi directe opposita: constat autem ex dictis disputatione præcedenti, quod dicta bonitas formalis humanorum actuum est quidam modus realis intrinsecus ipsis, ac realiter superadditus eorum entitati & libertati, per modum habitudinis ad obiectum morale, quod hic & nunc est consonum rectæ rationi, & sic importat conformitatem ad regulas morum, ac proinde omnimodam rectitudinem: & hanc conformitatem ac rectitudinem vocat D. Thomas hic art. 1. plenitudinem essendi, quia tales actus habent omnia requisita ad suam perfectionem: malitia autem formalis humanorum actuum consistit in difformitate eorum ad regulas morum, & provenit ex eo quod vel obiectum, vel circumstantiæ, vel finis dissonat rationi; Quod si malitia sit forma positiua, ut plures dicunt, & quod infra Tractatu sequenti examinabitur, est etiam modus realis intrinsecus ipsis, ac realiter superadditus eorum entitati & libertati, per modum habitudinis ad obiectum morale, vel ad circumstantias, vel ad finem hic & nunc dissonum rectæ rationi. Rursus bonitas & malitia moralis alia est essentialis, alia accidentalis: Essentialis est illa, quæ procedit ab obiecto, & dicitur etiam primaria, ut docet D. Thomas hic art. 2. & communiter recipitur, quia actio sumit speciem ab obiecto, sicut & motus à termino: Accidentaliter autem bonitas & malitia moralis est illa, quæ procedit à circumstantiis (quamvis illa, quæ procedit à fine sit formalior, ut dicetur disputatione sequenti), quia circumstantiæ sunt extra conceptum obiecti, & hoc docet D. Thomas hic art. 3. & maxime ad 3. ubi sic ait: Cum bonum conuertatur cum ente, sicut ens dicitur secundum substantiam & secundum accidens: ita & bonum attribuitur alicui, & secundum esse suum essentialiter, & secundum suum esse accidentale, tam in rebus naturalibus, quam in actionibus moralibus. Tandem circumstantiæ possunt considerari formaliter ut circumstantiæ actus, quatenus antecedenter ad ipsum afficiunt obiectum: vel materialiter, quatenus se habent tantum ex consequenti & concomitanter ad actum: secundum priorem considerationem influunt bonitatem vel malitiam moralem in actum, secundum posteriorem verò considerationem non influunt, quia respiciunt alium actum.

Prima opinio, quam sequuntur Caietanus hic art. 8. & 9. Lorca in præsentis disp. 28. Corduba

lib. 2. q. 23. & alij, asserit quod idem numero actus humanus possit simul esse moraliter bonus & malus: unde asserit quod actus humanus obiecto bono, quamvis sit circa malum finem & desint circumstantiæ debite, erit bonus bonitate essentiali & primaria ex parte obiecti, & mul malus ex parte finis & circumstantiarum. Probatur multiplici autoritate D. Thomæ: hic art. 4. ad 3. ait: Nihil prohibet actioni habere unam prædictarum bonitatum deesse aliam secundum hoc contingit actionem, quæ est bona secundum speciem suam, vel secundum circumstantias, ordinari ad finem malum, vel è converso; non tamen est actio bona simpliciter, nisi omnes bonitates concurrant: quia quilibet singularis defectus causat malum, bonum autem causatur ex integra causa, ut Dionysius dicit 3. cap. de Divinis Nominibus. Idem docet in 2. d. 36. q. 1. ad 5. ad 1. ubi ait: Illa bonitas quæ est ex genere manet in actu, quantumcunque per alias circumstantias indebitas deordinetur. Et tandem infra q. 114. art. 10. ad 2. docet Ægyptiacas obsecres meruisse suo mandacio aliquod præmiu temporale: Quod etiam repetit 2. 2. q. 110. art. ad 4. ubi subdit: Cuius merito non repugnat deformitas illius mendacij.

Secundò, Bonitas & malitia essentialis & specifica actuum humanorum in genere moris, totum dependet ab obiecto, à quo specificantur ipsi actus: accidentaliter autem dependet à fine & circumstantiis; unde illa est primaria, ista verò secundaria: sed non repugnat in moralibus, sicut nec in naturalibus, quod aliquid sit bonum bonitate essentiali, & malum accidentaliter: ergo idem numero actus humanus potest simul esse moraliter bonus & malus: ut si quis det eleemosynam, vel baptizetur, vel martyrium subeatur propter inanem gloriam.

Tertiò, Per actus habentes obiectum bonum & malum finem aut alias malas circumstantias potest adimpleri lex divina, ut cum quis audiat sacrum in die festo, vel det eleemosynam propter vanam gloriam: ergo tales actus, quamvis sint moraliter mali ex parte finis & circumstantiarum, sunt tamen moraliter boni ex parte obiecti; quia sunt conformes legi, & lex non potest esse nisi de actu bono; & consequenter idem numero actus humanus potest simul esse moraliter bonus & malus. Imò crucifixio Christi erat actio Iudeorum crucifigentium, fuit summè mala: ut verò erat Passio Christi Crucifixi fuit summè bona; constat autem quod actio transiens & passio sunt idem actus numero, cum identificentur realiter.

CONCLUSIO.

RESPONDEO dicendum, quod idem numero actus humanus non potest simul esse bonus & malus moraliter moralitate formaliter, quia non solum malum obiectum, sed etiam malus finis, aut mala alia circumstantia, formaliter

ter & antecedenter ad actum considerata, deprauat totum actum. 3. quamuis materialiter & concomitanter ad actum sumpta nullam ei malitiam moralem communicet. Ita communiter Discipuli D. Thomæ: Medina infra q. 20. art. 6. Martinez ibidem dub. 4. Nostri Salmant. in præsentī disp. 6. dub. 1. N. Cornejo disp. 5. dub. 2. Montes. disp. 23. quæst. 5. Curiel & alij plures.

Probatur prima pars conclusionis autoritate sacre Scripturæ, & Sanctorum Patrum. Matthæi 6. dicitur: Videte ne iustitiam vestram faciatis coram hominibus. Item. Amen dico vobis, receperunt mercedem suam. Lucæ 19. habetur: Si oculus tuus nequam fuerit, totum corpus tuum tenebrosum erit: Quod sic exponitur, Si intentio tua fuerit mala, totum opus tuum erit malum. Augustinus lib. contra Mendacium cap. 15. ait: Nihil posse dici absurdius, quam opus aliquod esse simul iustum & iniustum. D. Thomas exponens Philosophum 2. Ethicorum ait: Peccare quidem multis modis contingit, at rectè agere vnicè: quia propter & alterum facile, & alterum difficile est; facile quidem non attingere signum, difficile autem illud attingere: Sic habet lect. 7. Rectitudo operationis vno solo modo contingit, peccatum autem in actione contingit infinitis modis: & inde est quod peccare est facile, quia multipliciter hoc contingit; sed rectè agere est difficile, quia non contingit nisi vno modo, &c. Item in 2. d. 38. q. 1. art. 4. ait: Cum aliquis vult dare eleemosynam propter inanem gloriam, hic est vnus actus voluntatis, & hic actus totus malus est, licet non ab omni eo quod in eo est, malitiam habeat. Item q. sequenti art. 2. ad 2. ait quod velle facere aliquid, quando non debet fieri, non est velle bonum. Et art. 7. ad 2. ait: Voluntas non potest dici bona, si sit intentio mala causa volendi: qui enim vult dare eleemosynam propter inanem gloriam consequendam, vult id quod de se est bonum sub ratione mali; & ideo prout est volitum ab ipso, est malum, vnde voluntas eius est mala. Et ad 3. ait: Siue voluntas sit eius quod est secundum se malum, & sub ratione boni (intellige materialiter) siue sit boni sub ratione mali, semper voluntas erit mala: sed ad hoc quod sit voluntas bona, requiritur quod sit boni sub ratione boni, id est quod velit bonum & propter bonum. Deinde probatur ratione. D. Thomæ sic amplius declarata: Vt actus humanus sit moraliter bonus, requiritur quod habeat obiectum morale bonum sub ratione boni siue honesti, vt communiter conceditur: sed si desit aliqua circumstantia debita ex parte obiecti, tunc obiectum aliàs bonum, non proponitur sub ratione boni & honesti, at potius proponitur vt malum & defectuosum, quia malum ex quocunq; defectu, & bonum ex integra causa: ergo si desit aliqua circumstantia, actus moralis est simpliciter malus, vnde idem

numero actus humanus non potest simul esse moraliter bonus & malus.

Probatur secunda pars conclusionis, & simul prima pars confirmatur: Vt actus humanus sit in genere moris substantialiter bonus, debet esse conformis rectæ rationi, quæ est proxima regula morum, vnde debet per rationem hic & nunc dictari vt bonus, ac proinde vt actus virtutis moralis, vt laudabilis & meritorius: sed si desit aliqua circumstantia debita actui morali, non dictatur vt talis per rationem, cum ex defectu illius circumstantiæ potius hic & nunc dictetur vt malus, vt repugnans prudentiæ attendenti ad omnes circumstantias, & vt vituperabilis ac demeritorius: ergo si desit aliqua circumstantia debita actui morali, talis actus non est substantialiter bonus; & consequenter idem numero actus humanus non potest simul esse moraliter bonus & malus: quia non solum malum obiectum, sed etiam malus finis, aut mala alia circumstantia formaliter & antecedenter ad actum considerata deprauat totum actum. Deinde probatur sigillatim de singulis: & primò de obiecto, autoritate D. Thomæ in 2. d. 36. q. 1. art. 5. vbi sic ait. Subtracta ab actu bonitate quæ est ex genere (siue ex obiecto) tollitur quæcunque alia, siue ex fine, siue ex circumstantiis; tum quia obiectum morale specificat actum moralem vt dictum est, vnde circa obiectum moraliter malum non potest esse actus moraliter bonus, etiam propter bonum finem elicitus; & propterea communiter dicitur, quod non sunt facienda mala vt eueniant bona: De fine autem probatur tum ex illo Lucæ 19.; Si oculus tuus nequam fuerit, totum corpus tuum tenebrosum erit; tum quia obiectum est medium respectu finis & formalizatur ab ipso fine vt docet D. Thomas, vnde finis malus vt pote formale quid respectu obiecti, hic & nunc refundit malitiam moralem & inhonestatem in obiectum sibi subordinatum aliàs bonum, & sic actus terminatus ad obiectum aliàs bonum moraliter, propter malum finem, non participat ab obiecto honestatem, at participat inhonestatem & malitiam moralem ab illo, radicaliter à fine moraliter malo proueniente: De circumstantiis tandem probatur, Circumstantia quæcunque, licet sit distincta ab obiecto, tamen se tenet ex parte ipsius; ita quod in esse morali non accipitur seorsim obiectum & seorsim circumstantia, sed obiectum accipitur vt vestitum & affectum circumstantiis; vnde quælibet mala circumstantia formaliter & antecedenter ad actum considerata reddit obiectum moraliter malum, quod ex seipso præcisè aliàs esset bonum: & in hoc differt ordo moralis ab ordine physico, quod in ordine physico subiectum & accidentia possunt separatim ab inuicem considerari, & stare bonum subiecti cum malo alicuius accidentis, quia in hoc ordine accidentia per accidens coniunguntur subiecto; sed in ordine

morali obiectum & circumstantiæ formaliter considerata accipiuntur per modum vnius, quia circumstantiæ per se considerantur in moralibus, vt docet D. Thomas hic art. 3. ad 2. vnde vt in corpore eiusdem articuli habetur, si aliquid desit quod requiratur ad debitas circumstantias, erit actio mala, quia ex quacunque circumstantia mala redditur malum obiectum.

Probatur & explicatur tertia pars conclusionis. Circumstantia tantum propriè & formaliter consideratur, quando consideratur vt se tenens ex parte obiecti, quasi ipsum afficiens, & sic se habet antecedenter ad actum, qui fertur in obiectum affectum & vestitum circumstantiis; materialiter autem & impropriè consideratur, quando se habet tantum ex consequenti & concomitanter ad actum, vt si cui recta intentione finis properanti ad martyrium adueniret aliquis motus inanis gloriæ: Dicimus ergo quod mala circumstantia sic materialiter & concomitanter ad actum sumpta nullam ei malitiam moralem communicat: sed aliqua imperfectio proueniens ex tali circumstantia relinquit actum in sua bonitate morali. Probatur autoritate D. Thomæ q. sequenti art. 2. ad 2. vbi ait: quod supposito quod voluntas sit boni, nulla circumstantia potest eam facere malam; quod intelligi debet de circumstantia materialiter & concomitanter sumpta. Deinde, Vix aut rarò inuenitur actus humanus, qui non habeat admixtum aliquem defectum concomitantem ex circumstantiis sic materialiter consideratis, putà alicuius vanæ gloriæ non quidem principaliter intentæ: quod si talis defectus vitiaret totum actum, vix aut rarò mereremur; quod cum nullus admittat, dicendum est quod mala circumstantia materialiter & concomitanter ad actum sumpta, nullam ei malitiam moralem communicat. Denique: Quamuis per vnum & eundem actum moralem non possimus simpliciter mereri & demereri, quia meritum & demeritum simpliciter sunt eius vitæ æternæ, quod indicat eundem actum non posse simul esse bonum & malum moraliter: potest tamen fieri, quod actu simpliciter meritorio vitæ æternæ admisceatur aliquod demeritum secundum quid, quod est priuationis vitæ æternæ ad tempus, & hoc propter defectus ex circumstantiis materialiter & concomitanter sumptis prouenientes, quod indicat Apostolus, dum ait 1. ad Cor. 3. Si cuius opus arserit, detrimentum patietur, ipse autem saluus erit, sic tamen quasi per ignem: ergo mala aliqua circumstantia materialiter & concomitanter ad actum sumpta, nullam ei malitiam moralem communicat.

A d primum ergo dicendum, quod D. Thomas in primo loco solum vult, quod actio humana sumat bonitatem & malitiam moralem etiam à fine: vnde sensus illorum verborum non est compositus, quod scilicet idem actus simul ha-

beat bonitatem specificam ab obiecto, & malitiam ex fine; sed sensus est diuisus, quod scilicet actus, qui secundum se habere potest bonitatem ex obiecto & circumstantiis, tamen potest carere bonitate proueniente à fine; & ita redditur totus malus ex mala intentione finis. In secundo loco debet eodem modo intelligi, quod scilicet actus humanus, quantumcunque deordinetur per alias circumstantias indebitas, si tamen sit de obiecto moraliter bono, quantum est ex parte obiecti retinet bonitatem quæ est ex genere, quamuis ex concursu illarum circumstantiarum sit intrinsecè totus malus, non tamen totaliter, quia non ex omni parte est malus. In tertio loco nihil habet contra conclusionem, si dicatur quod illæ obstrictes meruerunt vt cunque premium temporale, non mēdacio suo, sed timore Dei & beneuolentia in Iudeos, quibus coniunctū fuit mendacium, quod tunc inculpabiliter credebant esse licitum.

A d secundum dicendum, quod bonitas & malitia moralis actuum humanorum non sumitur ab obiecto nudo & præcisè sumpto, sed ab ipso vt vestito circumstantiis se tenentibus ex parte ipsius; vnde si aliqua ex his circumstantiis obiectiuis fuerit mala, iam totum obiectum non est bonum, & sic actus non sumit ab eo bonitatem; & ex his sicut ex supradictis constat, cur in naturalibus aliquid sit bonum bonitate essentiali & malum accidentaliter, non autem in moralibus: vnde si quis daret eleemosynam, vel reciperet baptismum, vel subiret martyrium propter inanem gloriā, non faceret opus bonum, nec quicquam mereretur: & similiter si quis inciperet hos actus ex bono fine, & postea continuaret ex vana gloria, hi actus licet physicè essent continuati, moraliter tamen essent interrupti, vnde non essent iidem, nam prius elicerentur à voluntate informata virtute, posterius autē elicerentur à voluntate informata vitio: si tamen inanis gloria se haberet tantum concomitanter, tunc actus nullam ab ea participaret malitiam.

A d tertium dicendum, quod sunt aliquæ leges, quæ tantum præcipiunt vel prohibent actum quoad substantiam operis, non autem quoad rectum finem & circumstantias debitas; & tales leges adimplentur per actum de obiecto bono, quamuis aliunde moraliter malū. Ad illud quod subditur de crucifixione Christi, respondet D. Thomas in 2. d. 40. q. 1. art. 4. ad 1. his verbis: Cum actio sit in agente, & passio in patiente, non potest esse idem numero accidens (ac proinde nec idem actus) quod est actio, & quod est passio; cum vnū accidens non possit esse in diuersis subiectis: Et hoc testimonio D. Thomæ vti sumus in prima secundæ nostræ Summæ Philosophicæ q. 17 art. 2. ad probandum quod de mente eiusdem D. Thomæ actio transiens subiectatur in agente.

D V B I V M II.

Vtrum idem numero actus humanus possit successiue esse moraliter bonus & malus.

Supponendum est, quod actus humanus alius est externus, alius internus: ex internis alius est elicitus à voluntate, alius est ab ipsa imperatus, vt constat ex supradictis. In præsentī dubio quærimus, vtrum idem numero actus humanus in esse physico cōsideratus possit successiue esse moraliter bonus & malus: non autē quærimus de actu humano in esse morali cōsiderato, est enim implicantia in terminis, quod idem numero vel etiam specie actus moralis sit simul aut successiue moraliter bonus & malus, cum bonitas & malitia sint species aut quasi species moralitatis essentialiter distinctæ. Procedit autem dubiū vniuersaliter; tam de actu externo, quàm de interno; tam de elicto à voluntate, quàm de imperato ab ipsa.

Prima opinio Gabrielis in 2. d. 41. q. 1. & aliorum negat eundem numero actum elicitum voluntatis posse successiue esse moraliter bonum & malum, siue transire de bono in malum, & è contra. Probatur autoritate D. Th. qui infra, qu. 88. art. 4. dicit esse impossibile, quod idem actus numero trāseat de peccato veniali in mortale; & assignat rationem, quia cum peccatum principaliter consistat in actu voluntatis, non potest mutari peccatum de veniali in mortale, nisi mutetur actus voluntatis: ergo multò minus potest actus humanus de bono fieri malus, nisi mutetur & sit alius numero.

Secundò, Actus voluntatis ex vna parte est instantaneus nullam admittens successionem in suo fieri & esse: ex alia verò parte eius moralitas fundatur in ipsa entitate actus liberi: ergo est impossibile quod idem numero actus voluntatis sit successiue moraliter bonus & malus, successio quippè repugnat instantaneæ durationi eiusdem actus.

Tertiò, Est impossibile quod actus voluntatis mutetur in esse morali, nisi mutetur obiectum in esse morali, cum actus moralis specificetur & totaliter dependeat ab obiecto: non autem mutatur obiectū in esse morali, nisi de nouo ac sub diuersa ratione conuenientiae vel disconuenientiae ab intellectu proponatur: non potest autem obiectum duplici ac differēti modo propositum attingi per vnicum actum, sed cuilibet propositioni intellectus correspondet distinctus saltem numero actus voluntatis: ergo de primo ad vltimum non potest actus voluntatis mutari moraliter de bono in malum, vel è contra, nisi mutetur physicè saltem numero in sua entitate; & ita non potest idem numero actus elicitus voluntatis successiue esse moraliter bonus & malus.

CONCLUSIO.

RESPONDEO dicendum, quod non solum idē numero actus humanus externus potest successiue esse moraliter bonus & malus 2. sed etiam idem numero actus internus elicitus voluntatis. Ita tenent quoad primam partem communiter omnes Theologi: quoad secundam verò partem vniuersi Discipuli D. Thomæ & plures alij, vt Durandus in 2. d. 40. q. 3. Suarez disp. 8. sect. 2. Vasques disp. 56. cap. 2.

Probatur prima pars conclusionis autoritate, ratione, & instantia D. Thomæ q. 2. de Malo art. 4. ad 7. vbi sic ait: Nihil prohibet aliquid esse idem numero secundum vnum genus, quod tamen secundum aliud genus non solum numero, sed etiam specie differt: sicut si sit aliquod corpus continuum in vna parte album, & in alia parte nigrum, est vnum numero in quantum est continuum; sed differt non solum numero, sed specie in quantum est coloratum. Et similiter si in aliquo actu continuo primò feratur intentio in bonum, postea ad malum, sequitur quod sit idem actus numero secundum suam naturam, sed tamen differt specie secundum quod est in genere moris. Deinde probatur ratione: Actus externus tandiu est vnus & idem numero, quandiu est continuus & non interruptus, vt communiter conceditur in Physicis; vnde successiua oratio, recitatio, &c. est vnus & idem actus numero continuatus, si nulla sit interruptio: sed potest fieri quod oratio externa continuata sit successiue moraliter bona & mala; vt si incœperit cum recta intentione finis, ad gloriam Dei & ædificationem proximis; & postea continuetur cum mala intentione finis, vt propter vanam gloriam: ergo idem numero actus humanus externus potest successiue esse moraliter bonus & malus. Denique, Genus physicum & genus morale in actu humano valdè differunt, & entitas naturalis & physica illius est fundamentum moralitatis superadditæ per modum cuiusdam accidentis: ergo cum sit de ratione accidentis, quod possit adesse & abesse sine subiecti corruptione; & maximè si sit accidens omninò extrinsecum, qualis est moralitas respectu entitatis, sequitur quod idem numero actus humanus externus potest successiue esse moraliter bonus & malus.

Probatur, & explicatur secunda pars conclusionis. Dicimus quod idem numero actus internus elicitus voluntatis potest successiue esse moraliter bonus & malus: quod est indiffinitè intelligendum, quia hoc non repugnat ex generali ratione actus elicti voluntatis, vt statim dicetur; quamuis aliunde, vt ex ratione eius specifica, possit repugnare, vt constat in actu charitatis. Hæc pars sic explicata probatur: Ex D. Thomæ q. sequenti art. 1. Bonum & malum morale se habent eo modo respectu actus voluntatis, quo verum & falsum respectu actus intellectus: sed

idem

idem actus numero intellectus potest successiue esse verus & falsus ex sola variatione obiecti; vt hic actus, Petrus sedet, est verus Petro sedente, & postea falsus ipso surgente & stante: ergo idem numero actus internus elicitus voluntatis potest successiue esse moraliter bonus & malus. Deinde probatur vltima ratione adducta ad probandam primam partem conclusionis, quæ hanc etiam efficaciter probat, vt consideranti pater. Denique, Potest voluntas velle vesci carnibus tempore licito, & continuare hanc volitionem tempore illicito; siue hoc fiat per vnum & idem iudicium intellectus, proponens hoc quod est vesci carnibus diuersimodè pro diuerso illotempore; siue fiat per distincta iudicia intellectus immediate sibi succedentia: sed tunc idem numero actus internus elicitus voluntatis est successiue bonus & malus moraliter; quod sit idem numero, constat quia est de eodem obiecto sub eadem ratione physica considerato, nempe de hoc quod est vesci carnibus ad naturalem corporis sustentationem, & absque vlla interruptione; quod autem sit successiue bonus & malus moraliter, etiam constat, quia licet sit de eodem obiecto sub eadem ratione pertinente ad genus physicum, est tamen de obiecto successiue sub diuersis rationibus pertinentibus ad genus moris, nempe conformitatis & difformitatis ad regulas morum pro diuerso illo tempore: ergo idem numero actus internus elicitus voluntatis potest successiue esse moraliter bonus & malus.

A D primum ergo dicendum, quod D. Thomas ibi negat peccatum veniale posse fieri mortale, non ex eo quod idem numero actus humanus physice considerato, non possit successiue esse peccatum veniale & mortale; quod tamen deberet probari, & non habetur ex D. Thoma, imò contrarium: sed ex eo negat peccatum veniale posse fieri mortale, quia voluntas deberet mutari moraliter, & consequenter ibi essent duo actus in esse moris. Vnde sic habet D. Thomas: Peccatum veniale fieri mortale, potest tripliciter intelligi. Vno modo sic, quod idem actus numero primò sit peccatum veniale, & postea mortale; & hoc esse non potest, quia peccatum principaliter consistit in actu voluntatis, sicut & quilibet actus moralis, vnde non dicitur vnus actus moraliter, si voluntas mutetur, quamuis etiam actio secundum naturam sit continua: si autem voluntas non mutetur, non potest esse quod de veniali fiat mortale. Alio modo potest intelligi vt id, quod est veniale ex genere, fiat mortale; & hoc quidem possibile est, in quantum constituitur in eo finis, vel in quantum refertur ad mortale peccatum sicut ad finem, &c. Dicimus ergo quod quando actus humanus idem numero physice manens, sit successiue de bono moraliter malus, tunc moraliter est duplex actus; & sic nunquam verum est, quod bonum morale fiat malum morale.

A D secundum dicendum, quod licet actus voluntatis sit formaliter indiuisibilis, & fiat instantaneè totus simul, & absque successione: tamen est virtualiter diuisibilis, & durat per correspondentiam ad nostrum tempus, vnde potest dum primò producitur esse bonus, & postea dum continuatur fieri malus moraliter.

A D tertium dicendum, quod obiectum aliquod potest successiue diuerso modo proponi in esse moris, per eundem numero actum intellectus physice considerato; & consequenter potest successiue diuerso modo appeti in esse moris, per eundem numero actum voluntatis physice considerato: actus quippe intellectus & voluntatis physice tantum variantur, variato physice obiecto; moraliter autem variantur, variato moraliter obiecto, variatio physica præscindit à regulis morum, variatio autem moralis est per ordinem ad regulas morum. Deinde dato quod varietur physice actus intellectus in diuersa propositione obiecti moralis, adhuc non est necesse quod varietur physice actus voluntatis, potest enim voluntas vno actu physice continuato ferri in duplicem propositionem subordinatam eiusdem obiecti moralis.

D V B I V M III.

Vtrum idem numero actus humanus possit esse in duplici specie bonitatis, vel malitiæ moralis.

S Vpponendum est, quod est impossibile vt idem actus numero sit in duplici specie ordinis physici, & dicere contrarium importat manifestam contradictionem, nam sequeretur quod talis actus esset idem & non idem; esset idem numero ex suppositione, non esset idem numero, cum esset in duplici specie, distinctio autem specifica importat distinctionem numericam eiusdem ordinis, quia distinctio specifica est maior, quam sit numerica. Quærimus igitur in præsentī dubio, Vtrum idem numero actus humanus secundum suam entitatem physicam, possit esse in duplici specie bonitatis, vel malitiæ moralis.

Prima opinio Vasquis hic dis. 51. cap. 2. & 3. item disp. 73. cap. 7. negat eundem numero actum humanum posse esse in duplici specie bonitatis moralis, quarum vna sit ex obiecto, alia verò ex fine; quamuis concedat posse esse in duplici specie malitiæ moralis: vnde dicit quod electio boni medijs propter bonum finem, nullam accipit bonitatem à medio siue obiecto volito quantumcunque bono; sed quod habet omnem suam bonitatem à solo fine intento: & consequenter in actu voluntatis dandi eleemosynam propter Deum, non est bonitas misericordix, sed solius charitatis. Probat authoritate Aristotelis & D. Thomæ. Aristoteles 2. Ethicor. cap. 4. dicit quod ad opera virtutis requiritur, quod fiant à sciente & eligente propter ipsa: constat autem

autem quòd quando eligimus opus misericordiae propter charitatem, non eligimus illud opus propter honestatem misericordiae, sed propter honestatem charitatis, *ly enim propter* indicat causam finalem, & non formalem. D. Thomas supra q. 13. art. 1. docet quòd cum aliquis exercet actum fortitudinis propter Dei amorem, talis actus materialiter est fortitudinis, formaliter verò charitatis. Et hic art. 6. docet quòd actus interior voluntatis habet speciem à fine utique operantis, qui est distinctus ab ipso obiecto. Et in responsione ad 2. ait quòd ordinari ad talem finem, etsi accadat exteriori actui: non tamen accedit actui interiori voluntatis, qui comparatur ad exteriorem, sicut formale ad materiale.

Secundò, Actus cuiuscunque potentiae specificatur à solo obiecto formali, & non ab obiecto materiali: sed solus finis est obiectum formale actuum humanorum, cetera verò sunt tantum obiecta materialia, ut docet D. Thomas hic art. 6. ubi sic ait: Et ideo actus humani species formaliter consideratur secundum finem, materialiter autem secundum obiectum exterioris actus: Et confirmat autoritate Aristotelis subdens: Vnde Philosophus dicit in 5. Ethicorum. cap. 2. quòd ille qui furatur ut committat adulterium, est per se loquendo magis adulter quam fur ergo actus humanus, est tantum in specie bonitatis moralis quam habet à fine, & consequenter idem actus humanus numero non potest esse in duplici specie bonitatis moralis.

Tertiò, Quando quis eligit opus pietatis propter poenitentiam, tunc illud opus pietatis non appetitur propter se, sed tanquam medium ad poenitentiam & propter poenitentiam: ac proinde ut actus iste electionis terminatur ad opus pietatis, non participat ab illo bonitatem moralem quae dicitur honestatem, quia illud opus pietatis non habet rationem boni honesti quae soli fini convenit, at tantum habet rationem boni utilis convenientem mediis: ergo idem numero actus humanus non potest esse in duplici specie bonitatis moralis, quatum una sit ab obiecto, alia à fine.

CONCLUSIO.

RESPONDEO dicendum, quòd idem numero actus humanus potest esse in duplici specie bonitatis, vel malitiae moralis, quarum una sit ex obiecto, alia verò ex fine. 1. ad quod requiritur quòd tam obiectum, quam finis sub ratione honesti vel inhonesti apprehendatur. 3. potest etiam ex multiplici fine intento habere plures species bonitatis, vel malitiae moralis. Ita communiter Theologi in praesenti.

Probatur prima pars conclusionis autoritate D. Thomae tota hac quaestione, maximè articulo 4. 6. & 7. item 2. 2. q. 19. art. 4. ubi ait: Non tollitur species habitus per hoc quòd eius obiectum vel finis ordinatur ad ulteriorem finem. Sed clarius 3. contra Gentes cap. 128. ubi sic ait: Con-

tingit vnum actum duorum vitiorum esse, dum actus vnius vitij ad finem alterius vitij ordinatur, ut cum quis furatur ut fornicetur, actus quidem secundum speciem suam est avaritiae, secundum intentionem verò luxuriae. Eodem modo & in virtutibus contingit, quòd actus vnius virtutis ad aliam virtutem ordinatur: sicut cum quis dat sua, ut cum altero amicitiam habeat charitatis, actus quidem ex sua specie est liberalitatis, ex fine autem charitatis. Deinde probatur ratione: Actus humanus est quid respectuum tam in ordine ad obiectum quod respicit, quam in ordine ad finem ad quem ordinatur; & consequenter debet ab utroque specificari in genere moris, si utrumque respiciat in ordine ad regulas morum; hoc enim est proprium respectui, quòd specificetur ab eo ad quod per se ordinatur: ergo cum idem numero actus humanus possit habere bonum obiectum & bonum finem, vel malum obiectum & malum finem, potest esse in duplici specie bonitatis vel malitiae moralis. Quod confirmatur ex eo quòd talis actus procedit à diversis habitibus virtutum vel vitiorum, & consequenter ab illis participat diversas species ut docet D. Thomas 2. 2. q. 4. art. 3. ad 1. ubi sic ait: Nihil prohibet vnum actum à diversis habitibus informari, & secundum hoc ad diversas species reduci. Et specialiter declarat in martyrio, eadem 2. 2. q. 124. art. 2. ad 2. ubi sic ait: Ad actum martyrij inclinat charitas, sicut primum & principale motuum, per modum virtutis imperantis; fortitudo autem sicut motuum proprium, per modum virtutis elicientis: & inde est quòd martyrium est actus charitatis ut imperantis, fortitudinis autem ut elicientis, &c. cuius ratio est manifesta, quia praeter convenientiam quam habet actus virtutis ad rationem ex parte finis intenti, specialem habet convenientiam ex parte obiecti, ut constat in martyrio, in actu misericordiae, iustitiae, &c. Respondent Aduersarij multipliciter huic rationi: quidam enim dicunt quòd ex utraque bonitate constituitur una species sicut ex genere & differentia, quia bonitas quae est ex obiecto contrahit aliam quae est ex fine: Alij dicunt quòd quia obiectum appetitur propter finem, & non propter seipsum: impeditur ne communiceetur actui propriam bonitatem: Alij denique negant actum vnius virtutis imperari ab alia, & asserunt quòd omnes actus ordinati ad finem alicuius virtutis eliciuntur ab illa. Sed tamen haec omnes responsiones deficiunt: nam Prima est expresse contra D. Thomam hic art. 7. & contra rationem, quia genus & differentia constituentes speciem per se ad inuicem ordinantur ut partes; bonitas autem proveniens ab obiecto non per se ordinatur ad illam quae est ex fine, sed ad illam tantum ordinatur ex ipso operante: Secunda autem responsio manet impugnata ex his quae supra docuimus, nempe dari fines intermedios qui sunt veri fines, & qui simul appetuntur

M m

propter

propter seiplos ratione propriæ bonitatis, & etiam propter ulteriorem finem: Tertia verò est contra mentem D. Thomæ, ut constat ex adductis eius testimoniis; & insuper est contra communem sententiam Theologorum, qui ponunt plures virtutes elicitiuas suorum actuum, quamuis tales actus ab alia virtute putà charitate imperentur, hæc autem necessitas ponendi plures virtutes elicitiuas actuum, provenit ex specialibus difficultatibus, quæ in vnaquaque materia occurrunt, & quæ non possunt vinci ab vna virtute; & ita propter difficultatem occurrentem in subeundo martyrio, præter charitatem imperantem, requiritur virtus fortitudinis firmantis animum in tolerantia passionum; & similiter dicendum in alijs materiis: Quod confirmatur ex sacra Scriptura, quæ Danielis 4. Tobie 4. & Ecclesiastici 3. attribuit misericordiæ facere elemosinam, unde signum est, quod elargitiæ elemosinæ sumit bonitatem specificam ab obiecto misericordiæ, & quod hic actus elicitur à virtute misericordiæ, licet imperetur ab alia virtute. Denique probatur hæc prima pars conclusionis ex multis inconuenientibus, quæ ex opposito ipsius sequuntur. Primum est, quod non esset magis meritorium, nec melius eligere opera melioris virtutis ad finem charitatis, quam eligere opera inferioris virtutis, aut etiam opera ex sua specie indifferentia. Secundum est, quod iustus qui ordinat omnes suas actiones ad finem charitatis ut maximè apparet in Christo Domino, haberet omnes alias virtutes otiosas, si hæc virtutes non eliciunt actus, nec influunt in ipsos aliquam bonitatem moralem; & ita in Christo Domino, qui semper actu sua opera ordinabat ad finem charitatis, omnes aliæ virtutes à charitate fuissent superflue, & consequenter non debuissent illi infundi, sicut propter hanc superfluitatem non fuerunt illi infusæ fides, spes, & poenitentia. Tertium est, quod charitas non posset dici forma omnium virtutum, nam ex D. Thoma 2. 2. q. 23. art. 8. ideo dicitur forma virtutum, quia imperat earum actus easque applicat ad illos eliciendos; & tamē ex Aduersariis sola charitas eliceret omnes actus virtutum. Quartum est, quod omnes actus virtutum essent eiusdem speciei, nam actus conformantur in specie suo principio elicitiuo: Plura alia assignantur inconuenientia ab Authoribus.

Probatur secunda pars conclusionis. Obiectum actus moraliter boni debet esse moraliter bonum: ac proinde honestum, quia bonitas moralis consistit in honestate ac conformitate ad regulas morum: aliunde verò obiectum voluntatis est bonum cognitum: ergo ut actus humanus habeat bonitatem ex obiecto, requiritur quod obiectum sub ratione honesti apprehendatur; & pari modo ut habeat malitiam ex obiecto, requiritur quod obiectum apprehendatur sub ratione inhonesti; alias tale obiectum non

appeteretur sub ratione honesti vel inhonesti. Hæc ratio probat etiam quantum ad finem, quod scilicet requiritur ut apprehendatur sub ratione honesti ad bonitatem actus, & sub ratione inhonesti ad malitiam moralem actus.

Probatur tertia pars conclusionis. Tum communi sententia Philosophorum moralium & Theologorum. Tum ex dictis: nam si semel conceditur, ut omnes concedunt, quod actus humanus habet speciem bonitatis vel malitiæ moralis ex fine intèro; cum possint intendi plures fines, ut communiter conceditur, idem numero actus humanus potest ex multiplici fine intento habere plures species bonitatis vel malitiæ moralis.

Ad primum ergo dicendum, quod licet opera virtutis fiant ultimè propter finem ad quem imperantur; sunt tamen proximè & immediatè propter ipsa, id est propter honestatem specificam ipsorum prouenientem ab obiectis: ita D. Thomas in 1. d. 1. q. 2. art. 1. ad 3. ubi sic ait: Propter se dicitur dupliciter: Vno modo secundum quod opponitur ad propter aliud: & hoc modo virtutes & honestum non propter se diliguntur, cum etiam ad aliud referantur. Alio modo dicitur propter se, secundum quod opponitur ad per accidens: & sic dicitur propter se diligere, quod habet in natura sua aliquid mouens ad diligendum, & hoc modo virtutes propter se diliguntur, quia habent in se aliquid unde querantur, etiam si nihil aliud ab eis contingeret: non tamen est conueniens ut aliquid propter se ametur, & tamen ad alterum ordinetur. Igitur obiectum virtutis non subordinatur fini operantis, tanquam rationi formali constitutiue ipsius in esse obiecti honesti, sed tanquam finis particularis fini vniuersaliori: & ex hoc patet ad authoritatem Philosophi. Ad primam authoritatem D. Thomæ dicendum, quod ibi Angelicus Doctor solum vult, quod actus elicitus à fortitudine, qui materialiter siue substantialiter est actus fortitudinis, sit formaliter in esse moris actus charitatis, per hoc quod in moralibus obiectum virtutis ex fine recipit nouam bonitatem moralem, quia in moralibus finis dat formam. Ad secundam verò & tertiam authoritatem dicendum, quod D. Th. vel per actum interiorem voluntatis intelligit tantum actum imperantem, & hic à solo fine habet speciem; vel intelligit actum interiorem ipsius voluntatis tendentem ad obiectum actus exterioris, & tunc conceditur quod habet speciem à fine, sed non solum, nam aliam speciem habet ab obiecto; Primum docet ibi D. Thomas, Secundum non negat, & alibi docet ut ostensum est.

Ad secundum dicendum, quod quia finis operantis est ultimum, à quo actus humani specificantur in esse morali, dicitur quodammodo finis esse obiectum formale actuum humanorum;

rum ; obiecta verò quæ sunt finis operis, dicuntur quodammodo esse obiecta materialia : non tamen definiunt esse obiecta formalia, quia dant actibus & speciem physicam & speciem moralem : & sic intelligendus est D. Th. & Philosophus ab illo citatus.

Ad tertium dicendum, quòd opus pietatis assumptum propter poenitentiam, simul appetitur & propter se proximè & immediatè, ratione propriæ honestatis ac bonitatis moralis ; & etiam appetitur propter aliud, nempe propter poenitentiam ad quam ab operante ordinatur : vn in opere pietatis est bonum honestum ratione sui, & bonum vtile ratione suæ ordinationis ad poenitentiam ; & consequenter illud opus habet duplicem speciem bonitatis moralis, primam ex obiecto à quo habet proximè & immediatè propriam honestatem, & secundam à fine à quo participat aliam honestatem.

D V B I U M IV.

Utrum utraque species bonitatis vel malitiae moralis, quam habet actus humanus ab obiecto & à fine, sit ei essentialis.

Supponendum est ex dictis, & ex dicendis disputatione sequenti, quòd actus humanus habet bonitatem vel malitiam moralem, ab obiecto quod immediatè respicit, à fine ad quem dirigitur, & à circumstantiis cum quibus fit : Non est difficultas, quin bonitas vel malitia moralis, quæ est in actu humano à circumstantiis, sit ei accidentalis ; quia circumstantiæ sunt quædam accidentia actus humani, vnde illi communicant bonitatem aut malitiam moralem accidentalem : & ita solum est difficultas de bonitate aut malitia morali, quæ est in actu humano tam ab obiecto, quàm à fine. Ad cuius euidendiam sciendum est, quòd istæ duæ bonitates vel malitiæ possunt tripliciter comparari inter se & in ordine ad actum humanum. Primo in ratione prioris & posterioris, habent enim aliquem ordinem inter se, siue ex natura rei, siue ex intentione operantis. Secundò in ratione principalioris in ordine ad actum humanum, quænam scilicet sit magis principalis, primaria, & intrinseca actui. Terriò in ratione maioris & minoris, quænam scilicet ex illis sit maior, & quænam minor. In præsentī non agimus de illis hoc tertio modo : quia certum est, quòd si obiectum actus humani sit nobilius, quàm finis eius, tunc bonitas ab obiecto procedens est maior quàm illa quæ procedit à fine ; & è contra si finis est nobilior quàm obiectum eius, tunc bonitas à fine procedens est maior quàm illa quæ procedit ab obiecto : quod simili modo dicendum est de malitia morali : agimus igitur de illis primo & secundo modo. Quando autem fit aliquod opus moraliter bonum propter aliquem finem, tunc interueniunt tres actus, vt cum ali-

quis orat ad satisfaciendum pro peccatis : Primò vult & intendit satisfacere, secundò vult orare vt satisfaciatur, tertio orat ad satisfaciendum : Primus actus est interior elicitus à voluntate per virtutem poenitentiae, & dicitur imperans : Secundus est etiam interior elicitus à voluntate per virtutem religionis, & dicitur actus imperatus respectu prioris, quamuis sit etiam imperas respectu sequentis : Tertius est actus intellectus simpliciter imperatus, & procedens ex vi aliorum, quasi executio ipsorum. Circa primum actum conueniunt Authores, quòd bonitas quam habet à fine, est illi essentialis, omnino primaria, imò & vnica, quia respectu illius obiectum & finis coincidunt : Vnde solum est difficultas de secundo & tertio actu, respectu enim vtriusque finis & obiectum distinguuntur, obiectum quippe est orare, finis autem est satisfacere, & ab utroque participant bonitatem vt dictum est. Rursus vterque hic actus potest sumi dupliciter, scilicet vel reduplicatiuè vt imperatus à poenitentia, ac vt procedens virtute ipsius, in ordine ad satisfaciendum, quasi medium electum ad satisfaciendum ; vel specificatiuè, in quantum est actus religionis respiciens honestatem sui obiecti, quamuis aliunde imperetur & ordinetur ad alium finem vltiorem.

Prima opinio Vasquis hîc disp. 51. & aliorum negat, actum humanum habere speciem essentialem bonitatis vel malitiae moralis ab obiecto, quando ab operante ordinatur ad alium finem, à quo solo asserit prædictum actum essentialiter specificari. Probatur autoritate Aristotelis & D. Thomæ : Aristoteles lib. 5. Ethicorum c. 2. dicit quòd ille qui furatur, vt committat adulterium, est per se loquendo magis adulter, quàm fur, vt refert D. Thomas hic art. 6. Ipse verò Angelicus Doctor eodem articulo dicit quòd actus humani species formaliter consideratur secundum finem, materialiter autem secundum obiectum exterioris actus : Et supra q. 3. art. 1. dicit actum fortitudinis exercitum propter amorem Dei, pertinere materialiter ad fortitudinem, & formaliter ad charitatem. Item qu. sequenti art. 2. ad 1. docet finem esse obiectum voluntatis, & consequenter ab illo debent essentialiter specificari omnes actus eius elicti ; & propterea D. Thomas hic art. 6. distinguens actum internum voluntatis ab actu externo, dicit illum sumere speciem à fine, vtrique operantis tanquam ab obiecto, illum verò sumere speciem ab ipso obiecto. Deinde, Actus electionis specificatur essentialiter à fine, cum finis sit ratio volendi media, ex D. Thoma supra q. 8. art. 3. & q. 12. art. 4. Cuius ratio potest desumi ab actibus intellectus, nam quando intellectus assentitur alicui propositioni ex aliquo motiuo quod sit ratio assentiendi, tunc ille assensus non sumit suam speciem essentialem ab illa propositione materiali, at tantum à motiuo, vt constat, cum ex

R.P. Philippi Carm. discal. Disp. Theolog. in 1.2.

Mm 2 diuersis.

diuersis motiuis assentiamur eidem propositioni per actus essentialiter distinctos: sed omnis actus humanus ordinatus ad finem operantis, est essentialiter electio; propterea Philosophus 1. Ethicorum cap. 7. vocat virtutem moralem habitum electiuum: ergo actus humanus ordinatus ad finem operantis specificatur essentialiter à fine, & non ab obiecto. Denique, Plura peccata habent speciem essentialem à solo fine, & non ab obiecto, nam vt docet D. Thomas 2. 2. qu. 82. art. 2. & qu. 75. art. 1. si quis dicat aliquid animo auferendi honorem, est contumelia; si fine dissoluendi amicitias, est susurratio; si fine confusionis & erubescentiæ in proximo, est irrisio: Et qu. 74. art. 2. ad 1. docet susurrationem esse maius peccatum, quàm detractionem, quia licet eius obiectum sit leuius, finis tamen est grauior. Et tandem ex diuersis finibus distinguit diuersas species mendacij qu. 110. artic. 2. nam si finis sit nocumentum proximi, dicitur mendacium perniciosum; si autem finis sit utilitas proximi, dicitur mendacium officiosum: ergo etiam alij actus humani ordinati ad finem operantis, habent speciem essentialem à solo fine, cum sit eadem ratio de omnibus.

Secunda opinio Curiel hic art. 6. dub. 2. est in alio extremo, & negat actum humanum etiam vt imperatum habere speciem essentialem bonitatis vel malitiæ moralis à fine; & asserit quòd illam habet à solo obiecto proximo & immediato, ita vt omnis species bonitatis vel malitiæ moralis proueniens à fine actui humano imperato sit accidentalis. Probatur multiplici autoritate D. Thomæ, qui passim docet actus humanos specificari ab obiecto proximo. Deinde, Electio non specificatur à fine, sed à medio electo, aliàs electio non distingueretur ab intentione quæ specificatur à fine intento: sed actus humanus ordinatus ad finem operantis, verè est electio: ergo non specificatur à fine operantis, sed ab obiecto proximo ordinato ad talem finem.

CONCLUSIO.

RESPONDEO dicendum, quòd actus humanus imperatus habet speciem essentialem bonitatis vel malitiæ moralis, tam ab obiecto, quàm à fine, siue talis actus sit actus interior, siue sit exterior: sed tamen diuersimodè. 1. nam vt imperatus reduplicatiuè habet speciem essentialē bonitatis vel malitiæ moralis à fine. 3. specificatiuè verò consideratus illam tantum habet ab obiecto proximo: vnde ei vt sic specificatio procedens à fine, est tantum accidentalis. 4. sed tamen est formalis, & formalior illa quam habet ab obiecto. Ita communiter Discipuli D. Th. sed expressius Nostri Salmanticenses hic disp. 6. dubio 4.

Probatur prima pars conclusionis. Tum ex rationibus adductis pro prima & secunda opinione, quæ tantum hanc partem conclusionis

probant, vt constabit ex earum solutione. Tum ex dicendis circa secundam & tertiam partem, vbi ostendetur quòd actus humanus imperatus, vt imperatus formaliter reduplicatiuè, habet speciem essentialē bonitatis vel malitiæ moralis à fine; materialiter autem & specificatiuè sumptus illam tantum habet ab obiecto; & ita actus humanus imperatus diuersimodè consideratus habet speciem essentialē bonitatis vel malitiæ moralis, tam ab obiecto, quàm à fine, vt dictum est dubio 1. huius disputationis.

Probatur secunda pars conclusionis adductis autoritatibus D. Thomæ in fauorem primæ opinionis, & etiam autoritate Aristotelis ibidem adducta quæ saltem conuincunt actum humanum imperatum, vt formaliter & reduplicatiuè imperatum specificari à fine. Tum speciali autoritate eiusdem Angelici Doctoris q. 1. de Virtutibus art. 10. ad 10. vbi sic ait: Actus cuius habitus, prout imperatur ab illo habitu, accipit speciem moralem formaliter loquendo de ipso habitu: vnde cum quis fornicatur vt furetur, actus iste licet materialiter sit intemperantiæ, tamen formaliter est auaritiæ. Deinde probatur ratione: Actus humanus imperatus, vt formaliter & reduplicatiuè imperatus, & ordinatus ad finem operantis, respicit essentialiter talem finem, & vt sic non sistit in suo obiecto proximo, sed illud respicit propter talem finem; quia actus imperatus vt sic formaliter & reduplicatiuè, est subordinatus actui imperanti & quodammodo vnus & idem cum eo, & sic ab eodem habet suam specificationem essentialē sub hac ratione

Probatur tertia pars conclusionis multiplici autoritate D. Thomæ: nam tota hac questione illam docet, expressè quidem art. 2. articulo verò 4. distinguens obiectum à fine operantis, dicit quòd bonitas quæ competit actui secundum suam speciem, accipitur secundum obiectum conueniens. Et art. 5. dicit quòd omnis actus speciem habet ex suo obiecto. Item in 4. d. 16. q. 3. art. 1. quæstiunc. 2. ad 3. facta distinctione inter finem operis & operantis, de primo ait: Iste finis dat speciem actui, vnde non est circumstantia, &c. Alius verò est finis agentis, &c. & hic finis dicitur hæc circumstantia Curab hoc autem actus non recipit speciem propriam, sed communem, secundum quòd actus imperati induunt speciem virtutis vel vitij imperantis supra speciem quam habent ex habitu eliciente. Item q. 8. de Malo art. 1. ad 14. ait: Moralia non recipiunt speciem à fine remoto, sed à fine proximo. Et tandem 2. 2. q. 11. art. 1. ad 2. ait: Vitia habent speciem ex fine proximo, sed ex fine remoto habent genus & causam: sicut cum aliquis mœchatur vt furetur, est ibi species mœchiæ ex proprio fine & obiecto, &c. Deinde probatur ratione quoad primum: Actus humanus per se primo & essentialiter respicit proprium obiectum,

& quantumcunque ordinetur ad finem operantis sibi extrinsecum; tamen ex propriis & intrinsecis respicit proprium obiectum tanquam finem sibi intrinsecum & cōnaturalem: ergo cum respectiua specificentur essentialiter ab illo, quod per se primò & essentialiter respiciunt, dicendum quod actus humanus imperatus specificatiuè consideratus, habet speciē essentialē bonitatis vel malitiæ moralis ab obiecto proximo; maximè quia ordinatio ipsorum ad finem operantis non mutat eorum naturam quam habent à principio suo immediatè elicitiuo, cui in natura specifica debent proportionari, & commensurari. Quod confirmatur ex hoc, quòd aliàs actus fidei informis & actus fidei formatæ non essent eiusdem speciei essentialis, sed diuersæ; quia actus fidei informis specificatur ab obiecto ex communi sententia, & ex aduersariis actus fidei formatæ specificaretur non à proprio obiecto, sed à fine charitatis; & consequenter non esset fides, eiusdem speciei essentialis in homine peccatore, cum illa quæ est in homine existente in gratia, quod tamen non dicitur. Probatur quoad secundum: Ex vna parte actus humanus per se primò & necessariò tendit ad proprium obiectum, & propterea vt dictum est ab illo habet speciē essentialē bonitatis vel malitiæ moralis: ex alia verò parte tantum secundariò & accidentaliter ordinatur ad finem operantis, cum sine tali ordinatione stare possit, nam potest quis credere, & ordinando suum actum ad aliquem finem putà charitatis, si credat propter amorem Dei; & non ordinando talem actum ad illum aut alium finem: ergo ab illa ordinatione, vt pote contingenti & accidentaria actui humano secundum se considerato, non potest ipse actus essentialiter specificari, at tantum accidentaliter, ac proinde specificatio procedens à fine est tantum accidentaliter actui humano imperato specificatiuè & materialiter sumpto; maximè quia talis specificatio à fine procedens potest absolute adesse actui & abesse, saltem per intellectum, absque eius corruptione; & tantum facta aliqua suppositione, ac reduplicatione accidentali adest illi necessariò; quod autem ad est necessariò, non ad est essentialiter absolute, at tantum essentialiter sub illa reduplicatione.

Probatur & explicatur quarta pars conclusionis. Dicimus igitur quòd licet specificatio actus humani, ei proueniens à fine operantis, sit accidentaliter absolute propter rationes adductas; dicitur tamen formalis, & est formalior illa quæ ei prouenit ab obiecto, quia specificatio proueniens à fine operantis aduenit specificationi prouenienti ab obiecto, quasi forma materiæ, eamque vltimò actuat: ex quo patet quòd essentialē & formale in præsentī materia non sunt idem; nam essentialē dicit primum conceptum rei, ac proinde omninò ei intrinsecum, qui prouenit à prima forma, & excludit accidentale;

formale verò dicit actum siue intrinsecum siue extrinsecum, qui potest prouenire à quacunque forma, & solum excludit rationem subiecti & potentiæ passiue; & consequenter non sequitur quòd illud quod est formalius in re, sit essentialē, vt constat in existentia, quæ est formalissimum quod est in re, cum sit vltimus actus, & tamen non est de essentia rei: & similiter in præsentī species quam actus humanus habet à fine operantis, est formalissima quia vltimò determinat actum humanum, & tamen non est essentialis. Hæc pars sic explicata probatur auctoritate D. Thomæ hic artic. 6. vbi sic ait: Actus humani species formaliter consideratur secundum finem, materialiter autem secundum obiectum exterioris actus. Item in 3. d. 30. q. 1. art. 3. ad 6. ait: Actus habet bonitatem ex obiecto & fine, & bonitas quæ est ex obiecto, est materialis respectu illius quæ est ex fine. Item qu. 1. de Virtutibus art. 10. ad 10. ait: Ex hoc quòd actus temperantiæ vel fortitudinis imperantur à charitate ordinatè eos in vltimum finem, ipsi actus formaliter speciem sortiuntur: nam formaliter loquendo fiunt actus charitatis. Tandem 2. 2. q. 23. art. 8. id amplius declarat dicens: In moralibus forma actus attenditur principaliter ex parte finis: cuius ratio est, quia principium moralium actuum est voluntas, cuius obiectum & quasi forma est finis, semper autem forma actus consequitur formam agentis: vnde oportet quòd in moralibus, id quod dat actui ordinem ad finem, det ei formam: manifestum est autem secundum prædicta, quòd per charitatem ordinantur actus omnium aliarum virtutum ad vltimum finem, & secundum hoc ipsa dat formam actiuam omnium aliarum virtutum. Ex quibus omnibus sic formatur ratio: Ordo agentium est secundum ordinem finium, ita vt agenti proximo correspondeat finis proximus, agenti superiori finis superior siue vltior, & supremo agenti finis vltimus; vnde idem est dicere, quòd actus procedit à superiori agente, & quòd ordinetur ad vltiorem finem; & eandem habet specificationem formaliter à fine, quam ab agente habet efficienter: sed ex D. Th. q. 14. de Veritate art. 5. quodcumque duo sunt principia mouentia vel agentia ad inuicem ordinata, id quod in effectu est ab agente superiori, est sicut formale, quod verò est ab inferiori agente, est sicut materiale; & hoc ideo quia vt docet qu. 2. de Malo art. 2. ad 11. actus superioris virtutis est causa actus inferioris, & ita semper formaliter se habet ad ipsum: ergo specificatio actus humani à fine operantis (qui est vltior finis respectu actus) procedens est formalis, & formalior illa quam habet ab obiecto, quod est finis proximus ipsius actus.

A d primum ergo dicendum cum D. Thom. q. 8. de Malo art. 1. ad 15. quòd aliquis non denominatur fur vel mœchus ex actu vel passione,

sed ex habitu, sicut de iniusto Philosophus dicit in 5. Ethicorum: intentio autem hominis provenit ex habitu, & ideo quando aliquis furatur ut mœchetur, committit quidem actum peccatum furti, sed tamen intentio procedit ab habitu, & ideo non denominatur fur sed mœchus. Vel dicendum quod quia specificatio, quæ est à fine, est formalior; & aliunde quia in moralibus plus æstimatur affectus quam effectus; inde est quod qui furatur ut committat adulterium, est per se loquendo magis adulter quam fur. Ad autoritatem verò D. Thomæ, quantum ad primum & secundum eius testimonium, constat ex dictis quomodo sit intelligendus: Quantum ad tertium dicendum, quod ibi loquitur de actu imperante voluntatis præcisè, cuius obiectum est finis, & non de aliis actibus eius elicitis qui sunt imperati, quorum obiectum est distinctum à fine operantis: Quantum ad quartum dicendum similiter, quod per actum internum siue interiorem voluntatis, intelligit præcisè actum illum internum, quo imperatur actus exterior. Ad aliud dicendum, quod actus electionis non specificatur essentialiter & immediate à fine, sed à medio ut ordinato ad finem: Vnde ad instantiam quæ adducitur de intellectu, negatur paritas; intellectus quippe & voluntas differunt quantum ad modum specificationis suorum actuum ex diverso modo tendendi ad sua obiecta; quia enim intellectus tendit ad obiectum modo compositorio, ideo motuum assentiendi alicui veritati est ei ratio formalis assentiendi, & sic specificat essentialiter illum assensum; quia verò voluntas tendit ad obiectum modo resolutorio, ideo bonitas finis non est ei ratio formalis appetendi media, sed est tantum ratio finalis, ratio autem formalis appetendi est bonitas ipsorum mediorum: Deinde non omnis actus humanus ordinatus ad finem operantis, est essentialiter electio; imò secundum se & in ordine ad proprium obiectum est intentio ut plurimum, quando scilicet eius obiectum habet rationem boni honesti vel delectabilis, & tantum extensivè & accidentaliter ex ordinatione accidentali ad finem operantis (ad quem secundum propria & intrinseca consideratus potest non ordinari, ac sistere in suo obiecto tanquam in proprio & connaturali fine) habet quod sit electio. Ad aliud dicendum, quod hæc est differentia inter peccata quæ consistunt in dicto, & peccata quæ consistunt in facto quod illa quæ consistunt in facto verè sunt completa à parte rei; illa quæ consistunt in dicto, verè non sunt completa à parte rei, sed dependent ad sui complementum ex intentione dicentis; vnde non mirum, si ex diverso fine ipsius dicentis specificetur essentialiter, cum aliunde non habeant specificationem essentialem, illa quippe quæ dicuntur, sunt tantum obiecta materialia ipsorum: nisi dicatur, quod finis intrinsecus & obiectum præ-

dictorum peccatorum est diminutio famæ proximi, & quantum ex hac parte sunt omnia eiusdem speciei, & quod tantum differunt moraliter ex parte finis extrinseci ipsius peccatoris: Similiter mendacium habet suam speciem essentialem à suo obiecto & fine intrinseco, qui est decipere alium; habet autem diversas species accidentales perniciosi, officiosi, &c. ex diverso fine extrinseco scilicet ex fine mentientis.

Ad secundum dicendum, quod D. Thomas in omnibus illis locis loquitur de actibus humanis non imperatis, vel si loquitur etiam de imperatis, loquitur de illis specificativè, non reduplicativè sumptis. Ad aliud dicendum, quod actus humanus ut imperatus reduplicativè, & ut ordinatus ad finem operantis, non tantum sumitur sub ratione electionis, sed etiam ut efficit quid unum in esse moris cum ipsa intentione operantis, quæ essentialiter specificatur à fine ipsius operantis.

D V B I V M V.

Verum aliquis actus humanus sit indifferens secundum suam speciem.

Supponendum est, quod hoc dubium aliter ab aliis proponitur: Vtrum scilicet sit aliquis actus voluntatis, qui ex parte sui obiecti præcisè considerati, & ut distincti à fine operantis & à circumstantiis, nec sit determinatè bonus, nec determinatè malus moraliter, sed sit indifferens ad utrumque: sed hi duo modi inquirendi in idem redeunt, suppositis iis quæ dicta sunt, quod scilicet actus humani specificantur, absolute loquendo, essentialiter à solo obiecto. Ad perfectam autem notitiam actuum humanorum, & bonitatis ac malitiæ moralis eorum, necessarium est de eorum indifferentia agere: Vnde etiam superius quæsitum est, utrum moralitas actuum humanorum adæquatè diuidatur in bonitatem & malitiam, vel utrum sit tertia species dicta indifferentia. Quia tamen ibidem dictum est indifferentiam non esse tertiam speciem moralitatis, ideo præsens dubium est de indifferentia physica actuum humanorum: Certum est autem, non omnes actus humanos esse indifferentes secundum suam speciem; nam ut constat ex sacra Scriptura plures sunt boni, alij verò mali secundum suam speciem siue ex proprio obiecto. Boni sunt ex proprio obiecto isti, colere Deum, honorare parentes, diligere proximum, & similes qui laudantur & præcipiuntur in sacra Scriptura: Mali verò sunt ex proprio obiecto isti, odium Dei, idololatria, mendacium, periuriū, & similes qui damnantur & prohibentur in sacra Scriptura; priores quidem sunt boni, quia ex propriis obiectis sunt conformes rationi; posteriores autem sunt mali, quia ex propriis obiectis sic aduersantur rationi, ut non possint denudari à malitia, quamvis

quamuis adesset recta intentio finis, & quæcunque adhiberentur circumstantiæ.

Prima opinio negat, quod sit aliquis actus humanus indifferens secundum suam speciem. Probat: Bonum & malum opponuntur privatiue, vt docet Augustinus in Enchiridio cap. 11. sed privatio & habitus opponuntur immediate, ita vt nihil mediet inter ipsa, vt docet Philosophus in Postprædicamentis capite de Oppositis: ergo non datur aliquis actus humanus indifferens secundum suam speciem; maxime quia non datur medium inter verum & falsum, omnis quippe actus intellectus est determinate verus aut falsus, est autem eadem oppositio inter bonum & malum respectu voluntatis, quæ est inter verum & falsum respectu intellectus.

Secundò, Si aliquis actus humanus esset indifferens secundum suam speciem, sequeretur quod moralitas non diuideretur adæquatè in bonitatem & malitiam, sed daretur tertia species moralitatis quæ esset indifferentia, nam moralitas actus humani principaliter petitur ab obiecto, à quo petenda esset indifferentia actus humani si daretur: sed moralitas adæquatè diuiditur in bonitatem & malitiam moralem, vt communiter docent Discipuli D. Thomæ: ergo non datur aliquis actus humanus indifferens secundum suam speciem, sicut nec datur habitus indifferens, Aristoteles enim 1. Rhetor. cap. 12. dicit habitus esse aut virtutis aut vitij: Et 3. Ethicor. cap. 3. docet habitus esse de his, quibus homo efficitur melior vel peior; maxime quia non est assignabile quid dicat indifferentia supradictam physicam actus humani.

Tertiò, Vel actus humanus habet obiectum honestum, vel non: & similiter vel respicit finem honestum, vel non: sed quicquid dicatur, non datur actus humanus indifferens; nam si dicatur primum, quod scilicet habet obiectum honestum, & respicit finem honestum, sine dubio talis actus est honestus & bonus; si autem dicatur secundum, quod scilicet non habet obiectum honestum, nec respicit finem honestum; tunc talis actus ex qua parte non habet obiectum honestum, & sistit in bono solum delectabili, est bonus, cum sit contra rationem sistere in bono solum delectabili; ex qua verò parte non respicit finem honestum, est otiosus & malus, quod enim caret honesto fine, est otiosum; & consequenter non datur aliquis actus humanus indifferens secundum suam speciem.

CONCLUSIO.

RESPONDEO dicendum, quod datur aliquis actus humanus indifferens secundum suam speciem. 1. Vnde actus humanus liber diuiditur secundum suam speciem in moralem & non moralem. 2. actus humanus moralis subdiuiditur essentialiter in bonum & malum. 3. actus humanus non moralis subdiuiditur accidentaliter in actum omnino indifferentem, & in

actum bene vel male sonantem. Ita communiter Discipuli D. Th. & alij in præsentia.

Probat: prima pars conclusionis auctoritate Sanctorum Patrum. Hieronymus Epist. 89. ait: Bonum est continentia; malum est luxuria: inter hæc datur medium vt ambulare, &c. Augustinus lib. 2. de Serm. Domini in monte cap. 28. dicit quod sunt quedam facta media, quæ possunt bono vel malo animo fieri, de quibus est temerarium iudicare. D. Thomas tum hic art. 8. tum q. 2. de Malo art. 5. probat eam ex professo. Deinde probatur ratione D. Thomæ hic art. 8. Actus humanus sumit speciem ab obiecto: sed sunt aliqui actus humani, qui nec habent obiectum bonum aut conforme rationi, nec obiectum malum aut disforme rationi, si præcisè circumstantiis, considerentur; ac habent obiectum ex se indifferens ad bonum & malum, cum secundum se non dicat conuenientiam aut disconuenientiam ad dictamen rationis, vt sunt ambulare, leuare festucam de terra, ire ad agrum, &c. quod enim hæc non sunt ex se determinate mala, constat quia ex bono fine possunt honestari, cum tamen illud quod est ex se determinate malum, nullo bono fine possit honestari, vt constat in mendacio; quod autem non sint ex se determinate bona, constat quia si fiant absque bono fine, erunt otiosa vel saltem non bona: ergo dantur aliqui actus humani indifferentes secundum suam speciem; & hi sunt de quibus ait Christus Dominus Matthæi 7. iuxta expositionem Augustini: Nolite iudicare, & non iudicabimini; nolite condemnare, & non condemnabimini. Denique probatur à posteriori: Communiter dicitur, quod sunt aliqui actus humani boni quia præcepti, vt abstinere à carnibus die Veneris; & alij sunt mali quia prohibiti, vt manducare carnes die Veneris: ergo signum est quod isti actus sunt indifferentes secundum suam speciem, & quod possunt ex adiunctis circumstantiis determinari ad bonum vel malum: si enim secundum suam speciem essent determinate boni vel mali, dicerentur à contrario præcepti quia boni, vel prohibiti quia mali.

Probat: secunda pars conclusionis: Ex vna parte omnis actus humanus bonus vel malus est actus moralis, quia dicit ordinem conformitatis, vel difformitatis ad dictamen rationis, quæ est proxima regula morum, vt dictum est: ex alia verò parte actus indifferens vt sic non est moralis, cum non dicat ordinem vel conformitatis vel difformitatis ad dictamen rationis, abstrahit enim ab vtraque: ergo cum detur aliquis actus humanus indifferens secundum suam speciem, vt ostensum est in prima parte conclusionis, actus humanus diuiditur secundum suam speciem in moralem & non moralem.

Probat: tertia pars conclusionis ex dictis disputatione præcedenti, vbi ostensum est quod moralitas in communi (quæ soli actui humano libero

libero competit) diuiditur adæquatè, tanquam superius essentialè, in bonitatem & malitiam moralem: ergo actus humanus moralis subdiuiditur essentialiter in bonum & malum.

Probatür & explicatur quarta pars conclusionis. Dicimus quòd actus humani indifferentes sunt in duplici differentia accidentali: quamuis enim omnes in hoc conueniant, quòd eorum obiectum nec est ex se determinatè bonum, nec determinatè malum; tamen in hoc differunt, quòd aliquorum obiectum non magis propendit in bonitatem quàm in malitiam, & hi dicuntur actus purè & omninò indifferentes; aliorum verò obiectum, etsi nec bonum nec malum sit, propendit tamen secundum se magis vel in bonitatem vel in malitiam; si magis propendat in bonitatem, dicuntur actus bonè sonantes; ut ire ad Ecclesiam, ad xenodochia, &c. hi enim actus habent ut plurimum finem honestum, ut orare, visitare infirmos, &c; si autem magis propendat in malitiam, dicuntur actus malè sonantes, ut occidere hominem, accipere rem alterius, quæ ut plurimum sunt mala ex aliqua mala circumstantia, tamen non sunt intrinsecè mala, & ita ex bono fine possunt honestari, ut si ministri iustitiæ occidant reum propter zelum iustitiæ, & si egenus in extrema necessitate accipiat rem alterius ad sibi succurrendum. His positis sic breuiter probatur hæc pars conclusionis: Obiectum cuiuscunque actus humani vel est ex propria sua ratione bonum, vel malum, vel neutrum ex his determinatè, quòd proinde est indifferens ad utrumque: quòd autem cum hac indifferentia obiectum magis propendat in bonitatem vel malitiam, hoc non extrahit illud ab illo statu medio & indifferenti, ac proinde quòd magis vel non magis propendat ad bonum vel ad malum, sunt differentię merè accidentales respectu illius: ergo cum actus humanus physicè consideratus à solo obiecto habeat speciem essentialè, sequitur quòd actus humanus non moralis subdiuiditur accidentaliter in actum omninò indifferentem, & in actum bonè vel malè sonantem.

A d primum ergo dicendum cum D. Thoma hic art. 8. ad 1. quòd duplex ex priuatio: Quædam quæ consistit in priuatum esse, & hæc nihil relinquit, sed totum aufert, ut cæcitas totaliter aufert visum, & tenebræ lucem, & mors vitam: & inter hanc priuationē & habitum oppositum non potest esse aliquod medium circa proprium susceptibile. Est autem alia priuatio, quæ consistit in priuari: sicut egritudo est priuatio sanitatis, nō quòd tota sanitas sit sublata, sed quòd est quasi quædam via ad totalem ablationem sanitatis, quæ sit per mortem: & idealis priuatio, cum aliquid relinquat, nō semper est immediata cum opposito habitu; & hoc modo malum est priuatio boni, ut Simplicius dicit in Commento super librum Prædicamentorum: quia non totum bo-

num aufert, sed aliquid relinquit, unde potest esse aliquod medium inter bonum & malum. Ad illud quòd subditur, dicendum quòd est disparitas inter bonum & malum ex vna parte, & inter verum & falsum ex alia: nam bonum & malum non opponuntur secundum ens & non ens, sed tanquam priuatio in fieri & habitus; verum autem & falsum ex D. Thoma q. 2. de Malo art. 5. ad 9. opponuntur secundum ens & non ens; verum enim est cum dicitur esse quòd est, vel non esse, quòd non est; falsum autem cum dicitur esse quòd non est, vel non esse quòd est: unde sicut nec inter esse & non esse est medium, ita neque inter verum & falsum. Vel dicendum quòd est paritas, & quòd in intellectu sunt actus secundum suam speciem indifferentes ad verum & falsum, ut sunt illi qui sunt circa futura contingentia secundum se sumpta, & præscindendo à diuinis decretis de eorum futuritione vel non futuritione; unde cum hac præscissione hæc propositio, Antichristus erit, nec est determinatè falsa, nec determinatè vera, sed indifferens ad utrumlibet.

A d secundum dicendum, quòd moralitas adæquatè diuiditur in bonitatem & malitiam moralem, ut supra ostensum est: unde hæc indifferentia actuum humanorum pertinet tantum ad ordinem physicum: nec petitur moralitas ab obiecto, nisi in quantum tale obiectum dicit ordinem vel conformitatis, vel difformitatis ad regulas morum. Ad instantiam de habitu, dicendum quòd habitus operatiuus debet esse conueniens vel disconueniens naturæ subiecti in quo est, & sic omnis habitus operatiuus qui est in homine, debet esse conformis vel difformis rationi, ac proinde bonus vel malus; maxime quia habitus non acquiruntur nisi per actus ut sunt indiuiduo exerciti, ut sic autem sunt determinatè boni vel mali, saltem ex aliqua circumstantia, & nullus est indifferens in indiuiduo, ut dicitur dubio sequenti. Ad illud quòd subditur, dicendum quòd indifferentia actus humani nihil aliud dicit supra entitatem physicam ipsius, quàm capacitatem ad habendum moralitatem ex aliis principiis, quam non habet ex proprio obiecto.

A d tertium dicendum, quòd datur aliquis actus humanus, qui secundum suam speciem abstrahit ab obiecto honesto & inhonesto, & habet obiectum indifferens ad utrumque & similiter præscindit à fine honesto & inhonesto: ad hoc autem ut talis actus non sit malus, sufficit quòd versetur circa bonum delectabile non repugnans bono honesto, & quòd possit reddi honestum per ordinationem ad finem honestum: quòd autem actu ordinetur, vel non ordinetur ad finem honestum, hoc est extra speciem talis actus, & pertinet ad eius indiuiduationē, secundum quā nullus actus humanus potest esse indifferens, ut probat ratio, & dicitur dubio sequenti.

D V B I V M VI.

Vtrum aliquis actus humanus sit omninò indifferens in indiuiduo.

SVpponendum est, quòd dantur plures actus hominis indifferentes in indiuiduo, quales sunt omnes illi qui dicuntur indeliberati, qui scilicet procedunt ab homine absque deliberatione rationis, vt cum ex sola imaginatione fricatur barba, mouetur manus, &c. sed quia hi actus non sunt, nec dicuntur humani, ideo præsens dubium non procedit de illis, at tantum de illis actibus qui ex perfecta cognitione & deliberatione procedunt ab homine, & dicuntur perfectè voluntarij. Querimus igitur, vtrum aliquis ex istis actibus humanis sit omninò indifferens in indiuiduo: Per actum autem humanum in indiuiduo consideratum, non intelligimus actum vt præcisè indiuiduatum, siue vt importat præcisè suam rationem specificam vt indiuiduam aut contractam per differentiam indiuidualem; nam certum est, quòd actus indiuiduus de obiecto indifferenti, etiam vt sic consideratus retinet suam indifferentiam: sed per actum humanum in indiuiduo, intelligimus actum humanum coniunctum omnibus suis accidentibus, & vestitum omnibus circumstantiis concurrentibus ad eius existentiam in rerum natura: vnde querere vtrum aliquis actus humanus sit omninò indifferens in indiuiduo, idem est ac querere vtrum aliquis actus humanus, attentis omnibus suis circumstantiis ita sit indifferens, vt nec ex parte obiecti, nec ex parte aliquius circumstantiæ sit aliquo modo bonus aut malus.

Prima opinio Alensis 3.p. q.35. membro 3. D. Bonaventuræ in 2.d.41. art. 1. q.3. Scoti ibidem q. vnica, & Vasquis in præsentī disp. 51. asserit, quòd possit dari aliquis actus humanus per se omninò indifferens in indiuiduo. Probat authoritate Sanctorum Patrum. Hieronymus Epist. 89. ad Augustinum ait: Bonum est continentia, malum est luxuria, inter vtrumque indifferens ambulare, digerere alui stercore, capitis naribus purgamenta proicere, sputis reumata iacere: hoc nec bonum, nec malum est; siue enim feceris, siue non feceris, nec iustitiam nec iniustitiam habebis. D. Gregorius Nazianzenus Oratione 3. contra Iulianum concedit medium inter dignū pœna & laude; quod non potest esse nisi actus indifferens: ergo potest dari aliquis actus humanus per se omninò indifferens in indiuiduo; maximè cum sit certum dari aliquem indifferentem secundum suam speciem, constat autem quòd species non potest existere nisi in aliquo indiuiduo.

Secundò, Fricare manus scalpere barbam, sputis excrementa naturæ proicere, & similia in indiuiduo nec sunt bona nec mala: quòd non

sint bona, habetur ex Augustino 1. de Sermone Domini in monte cap. 34. & 35. vbi dicit non satis esse ad rectitudinem actionis, fieri propter huius vitæ necessitatē subleuandam; & constat ratione, nam si essent bona, essent actus aliquius virtutis, & essent materia voti, & tamen vtrumque negatur: quòd non sint mala, etiam constat ex communi sententia, & maximè quia nullus de eis confitetur: ergo sunt actus omninò per se indifferentes in indiuiduo.

Tertiò, Plures sunt actus secundum suam speciem indifferentes: & aliunde non adest præceptum, quo præcipiantur referri ad honestum finem, quando actu exercentur, vt ire ad agrum; tale enim præceptum si adesset, vel esset positium, vel naturale; si positium, haberetur in sacra Scriptura; si naturale, contineretur in Decalogo, vnde cum non habeatur in sacra Scriptura, nec contineatur in Decalogo, signum est euidens quòd non datur tale præceptum: ergo illi actus indifferentes ex sua specie, etiam si non referantur ad debitum finem honestum, non sunt mali; nec etiam boni, cum non honestentur ex ordinatione ad finem honestum, & consequenter sunt per se omninò indifferentes in indiuiduo.

CONCLUSIO.

RESPONDEO dicendum, quòd per se loquendo omnis actus humanus est in indiuiduo bonus vel malus moraliter: & sic nullus est omninò indifferens in indiuiduo. 1. quamuis per accidens possit aliquis actus humanus esse omninò indifferens in indiuiduo. Hæc conclusio quoad primam partem est communis inter Discipulos D. Thomæ: quoad secundam verò partem illam tuentur Aluares disp. 71. Nostri Salmanticenses disp. 6. dub. 2. & alij plures.

Probatur prima pars conclusionis autoritate Sanctorum Patrum: Augustinus lib. de peccatorum meritis & remissione cap. 18. illam expresse docet. Et similiter S. Gregorius citatus à D. Thoma. Et tandem ipse Angelicus Doctor illam ex professo probat hîc art. 9. Deinde probatur ratione D. Thomæ in corpore articuli sic magis declarata: Homo tenetur in omnibus suis operibus ex deliberatione procedentibus, quæ dicuntur actus humani, operari vt homo, id est iuxta regulas rationis & dictamen synderesis, quæ inter alia dictat homini bonum honestum esse aliis bonis præferendum, & omnia eius opera esse saltem virtualiter in finem honestum ordinanda, vt sic vita eius naturæ ipsius rationali correspondeat, pars enim sensitua & animalis, vt pote inferior, debet subesse ac subordinari parti rationali superiori, & ab illa dirigi & regulari: hæc autem prima principia practica statim data occasione distantur à synderesi, quæ est habitus congenitus per modum naturæ, sicut & intellectus qui est habitus primorum principiorum speculatiuorum, vt homo haberet ab ipso

authore naturæ in promptu prima principia, tam speculatiua, quàm practica naturaliter nota & absque errore, vt mediis ipsis posset se tam in speculatiuis, quàm in practicis dirigere: Vel ergo actus ex sua specie indifferentes ordinantur in finem honestum, ordinatione formali, aut saltem virtuali: vel nullo modo ordinantur: si aliquo modo ordinantur ad finem honestum, ab illo honestantur, ac fiunt actus moraliter boni ex fine, vnde non sunt actus omninò indifferentes; si autem nullo modo ordinantur ad finem honestum, eo ipso sunt actus mali & indirecti, vt pote non correspondentes regulis rationis, distantibus esse habendum in omnibus finem honestum. Denique probatur alia ratione D. Thomæ eodem art. 9. in argumento Sed contra: Omnis actus humanus otiosus est malus, & non indifferens, si enim verba otiosa damnantur in sacra Scriptura & iudicanda à Deo ac punienda dicuntur, non minus actus otiosi debent damnari, iuxta illud Hieronymi in Psalm. 16. Si de verbis otiosis redditur ratio, quantò magis de operibus, quæ maioris momenti sunt: sed omnis actus humanus, si sit secundum suam speciem indifferens, & non ordinetur aliquo modo, saltem virtualiter ad finem honestum, est otiosus vt docent Sancti Patres, & maxime S. Gregorius citatus à D. Thoma dicens: Otiosum verbum est, quod vtilitate rectitudinis, aut ratione iustæ necessitatis, aut piæ vtilitatis caret; Quod pari ratione debet dici de actu humano, & propterea communiter asseritur, quòd operari absque fine honesto, propter solum finem delectabilem sit malum: ergo omnis actus humanus non ordinatus ad finem honestum est malus; si autem sit ordinatus & habeat alia requisita, est bonus, & consequenter nullus est omninò indifferens in indiuiduo.

Probatur secunda pars conclusionis auctoritate D. Thomæ, tum supra q. 6. art. 8. tum infra q. 76. art. 3. vnde manifestè colligitur. Deinde probatur ratione: Per accidens potest fieri, quòd aliquis inuincibiliter & inculpabiliter ignoret, quòd sit malum operari propter finem indifferentem, quamuis enim dictum sit, quòd ratio dicat esse in omnibus operandum propter finem honestum, tamen potest quis sequi opinionem probabilem aliquorum, quòd aliquando sit licitum operari propter finem indifferentem, vel aliunde potest credere quòd hoc dictamen patitur aliquam exceptionem: sed dato illo casu actus humanus ex sua specie siue ex obiecto indifferens, nec est bonus, nec malus formaliter in indiuiduo; non quidem bonus, quia non est assignabile principium, à quo desumat suam bonitatem, supponitur enim esse & obiectum & finis indifferens cum cognitione talis indifferentiæ. & similiter cum cognitione quòd actus de obiecto & fine indifferenti est indifferens, secus autem esset si probabiliter teneretur actum de ob-

iecto & fine indifferenti posse esse bonum; nec est malus formaliter (quamuis materialiter sit malus) quia ignorantia inuincibilis excusat illum à malitia formali: ergo per accidens potest aliquis actus humanus esse omninò indifferens in indiuiduo.

Ad primum ergo dicendum, quòd S. Hieronymus loquitur de illis actibus, etiam vt actu elicitis, secundum id præcisè quod habent ex sua specie, & ex proprio obiecto, non autè secundum omnes suas circumstantias consideratis. Ad auctoritatem S. Gregorij Nazianzeni dicendum, quòd per hominem dignum pœna intelligit peccatorem, & per hominem dignum laude intelligit hominem eximiè sanctum qui non solum præcepta, sed etiam consilia adimplet; vnde medium ponit, scilicet hominem non peccatorem, nec eximiè sanctum, sed hominem adimplètem præcepta, & non consilia. Ad illud quod subditur, optimè respondet D. Thomas hîc art. 9. ad 1. quæ responsio sic breuius proponitur ad exigentiam obiectionis, quòd scilicet idem actus humanus etiam indiuidualiter consideratus retinet indifferentiam ex obiecto, quam habet secundum speciem consideratus, quamuis per se loquendo sit ex alio capite bonus aut malus, & ita non est omninò indifferens in indiuiduo.

Ad secundum dicendum, quòd similes actus si fiant ex deliberatione (sub qua ratione de illis loquimur, aliàs non essent actus humani) & sint necessarij vel notabiliter viles ad salutem, sunt moraliter boni, vt docet D. Thom. tum in 2. d. 40. q. 1. art. 5. tum in præsentî art. 9. ad 3. vbi sic ait: Omnis finis à ratione deliberatiua intentus pertinet ad bonum alicuius virtutis, vel ad malum alicuius vitij: nam hoc ipsum quod aliquis agit ordinatè ad sustentationem vel quietem sui corporis, ad bonum virtutis ordinatur (id est virtualiter per hoc quòd tale obsequium est rationabile) in eo qui corpus suum ordinat ad bonum virtutis; vnde non requiritur actualis directio horum actuum ad finem honestum: reducuntur autem hi actus vel ad aliquam partem temperantiæ seu speciem modestiæ, vel ad amorem naturalem circa seipsum & proprium corpus non tamen sunt materia voti per se, quia votum est de meliori bono, & potest fieri quòd actus his contrarij sint meliores propter mortificationem: Augustinus autem solum vult, quòd non sufficit ad honestatem, operari propter bonum naturæ, nisi id fiat quando recta ratio dicat; si autem dicti actus non sint necessarij vel viles, sunt moraliter mali, vt pote otiosi, sed quia sæpius fiunt absque deliberatione, ideo debent absolui in confessione generaliter sub actibus otiosis.

Ad tertium dicendum, quòd datur præceptum naturale non operandi otiosè, & continetur sub primo præcepto Decalogi, Diliges Dominum Deum tuum ex toto corde tuo, & ex

tota anima tua, & ex omnibus viribus tuis; ex vi enim huius præcepti tenetur homo se & omnes actus suos ad Deum saltem virtualiter dirigere, per hoc quod illos dirigat ad finem honestum, ut docet D. Thomas 2. 2. q. 44. art. 5. hoc autem præceptum vel pertinet ad prudentiam, vel ad aliquid superius nempe synderesim, & est præceptum negatiuum.

DISPUTATIO XX.

De Principiis Bonitatis, & Malitiæ moralis.

VAMVIS ex dictis constet, principia bonitatis & malitiæ moralis esse tria, videlicet obiectum actus humani, circumstantias ipsius, & finem operantis: ad maiorem tamen huius materiæ declarationem, de his in præsentī disputatione agitur.

DUBIUM I.

*Utrum bonitas & malitia moralis ex obiecto pro-
ueniens actui humano, sit essentialis &
omniñò prima.*

Supponendum est, tanquam omniñò certum & indubitatum apud omnes, quod actus humanus sumit ab obiecto aliquam bonitatem vel malitiam moralem: ut manifestè colligitur ex sacra Scriptura, Sapientis Patribus & Doctoribus. Osee 9. dicitur: Facti sunt abominabiles sicut ea quæ dilexerunt. Augustinus tractatu 2. in Ioannem ait: Si terram diligis, terra es; si Deum diligis, quid dicam? Deus eris. Et Epistola 52. ait: mores nostros ex eo quod quis diligit, dijudicandos esse, quia non faciunt bonos neque malos mores, nisi boni vel mali amores. Tandem D. Thomas hic artic. 2. probat ex professo, quod actio hominis siue actus humanus habeat bonitatem vel malitiam ex obiecto, quod ibi distinguit à circumstantiis & à fine: cuius ratio est; quia actus humanus tam in esse physico, quam in esse morali est respectiuus, & primarius eius terminus est obiectum: unde sicut ab illo sumit suam speciem ordinis naturalis & physici, sic ab eodem sumit speciem ordinis moralis, scilicet bonitatem vel malitiam moralem. Recolendum est tamen id quod multoties dictum est, quod scilicet actus humanus diuiditur in internum & externum; & uterque habet suum obiectum, à quo specificatur in esse moris, capiens ab eo bonitatem vel malitiam moralem: Obiectum actus externi est sola materia circa quam versatur, ut attingibilis per ipsum actum, sicut obiectum furti est res aliena, obiectum adulterij est vxor aliena: Obiectum autem actus interni est non solum materia circa quam ut attingibilis ab actu externo, sed etiam est ipse actus externus; ex quo

R. P. Philippi Carm. discal. Disp. Theolog. in 1. 2.

sequitur, quod actus internus & actus externus sunt sibi inuicem causa bonitatis & malitiæ moralis, sed in diuerso genere causæ; nam actus externus secundum se ratione suæ moralitatis obiectiuæ consideratus est causa formalis extrinseca bonitatis vel malitiæ formalis actus interni; actus verò internus est causa efficiens bonitatis vel malitiæ formalis actus externi in exercitio, ratione suæ moralitatis formalis quam prius in seipso habet, actus quippe internus in exercitio præcedit externum, quamuis externus in esse obiectiuo præcedat internum, prius quippe apprehenditur furtum, quam sit volitio furti; & ex mutua hac prioritate sequitur mutua communicatio bonitatis & malitiæ moralis inter hos duos actus, nec vllum est in eo inconueniens: primum tamen principium bonitatis & malitiæ moralis vtriusque actus est materia circa quam versantur, ut attingibilis per ipsos actus, immediate quidem per actum externum, mediate verò per actum internum; per hoc enim quod hæc materia ut passimè attingibilis per actum est conformis vel difformis ad regulas morum, habet bonitatem vel malitiam moralem obiectiuam, quam communicat actui externo considerato in esse obiectiuo; materia verò ipsa simul cum actu interno adhuc obiectiuè considerato influit bonitatem vel malitiam formalem in actu interno, qui eandem bonitatem vel malitiam communicat actui externo ut exercito, & idem actus externus quantum ad bonitatem vel malitiam moralem formalem, pender quodammodo à seipso obiectiuè considerato & à propria bonitate vel malitia obiectiuæ. Cum ergo actus humanus sumat ab obiecto aliquam bonitatem vel malitiam moralem, quærimus in præsentī dubio, utrum talis bonitas vel malitia moralis ex obiecto proueniens actui humano, sit essentialis & omniñò prima.

Prima opinio negat bonitatem & malitiam moralem, ex obiecto prouenientem actui humano, esse essentialem & omniñò primam. Probatur autoritate D. Thomæ. In 2. d. 36. q. 1. art. 5. dicit primam bonitatem actionis sumi ex conuenientia cum sua causa, & consequenter non ex obiecto. Supra q. 1. art. 3. docet quod species actus moralis sumitur ex fine, ac proinde non ex obiecto. Et in præsentī art. 4. assignans quadruplicem bonitatem actionis humanæ, ponit secundò loco illam quam habet ex obiecto, unde non est prima. Et tandem art. 6. dicit quod actus humani species formaliter consideratur secundum finem, materialiter autem secundum obiectum exterioris actus: cum ergo id quod est formale, sit magis essentialē & prius illo quod est materiale, sequitur quod bonitas & malitia moralis procedens à fine sit potius essentialis & prima, quam illa quæ est ex obiecto.

Secundò, Plures sunt actus humani, qui non habent bonitatem aut malitiam moralem ex ob-

N n 1 iecto

iecto, tum vniuersaliter quando obiectum est indifferens, tum quando obiectum vitatur aliqua mala circumstantia, tum quia sunt aliqui actus speciales qui à solo fine habent bonitatem vel malitiam, vt actus fortitudinis qui est tolerantia passionum & mortis, actus virginitatis, peccata oris quæ ex diuersa intentione peccatoris habent diuersam speciem, vel detractationis, vel suffurationis, vel irrisationis: ergo signum est quod bonitas & malitia moralis ex obiecto proueniens actui humano, non est essentialis & omnino prima.

Tertio, Eadem res omnino potest esse obiectum tam actus moraliter boni, quam actus moraliter mali, sicut Deus qui est obiectum amoris boni & odij mali; imò obiectum actus moraliter mali potest esse bonum, vt Deus respectu actus odij; & obiectum actus moraliter boni potest esse malum, vt quando peccatum odio habetur, vel peccator diligitur: ergo signum est quod bonitas & malitia moralis ex obiecto proueniens actui humano, non est essentialis & omnino prima, quia si esset talis, non posset ab obiecto bono non prouenire actui humano bonitas moralis, & ab obiecto malo malitia.

CONCLUSIO.

RESPONDEO dicendum, quod bonitas & malitia moralis ex obiecto proueniens actui humano, est ipsi essentialis 2. & omnino prima. Ita communiter Discipuli D. Thomæ & alij.

Probatum prima pars conclusionis ex dictis dubio 4. disputationis præcedentis, vbi illam efficaciter probauimus. Ex quibus sic formatur ratio: Bonitas & malitia moralis sunt quidam modi actus humani, pertinentes ad genus moris, & consequentes specificam eius entitatem physicam; vnde debent ab eodem principio in ordine morali constituto essentialiter prouenire, à quo vt constituto in ordine physico prouenit specificatio eius physica, nam simul & semel actus humanus recipit speciem physicam & moralem essentialem, ac proinde ab eodem principio: sed actus humanus habet suam speciem in esse physico à suo obiecto, vt condistincto à circumstantiis & fine operantis, siue ab obiecto vt sic prouenit actui humano sua species physica, vt communiter conceditur; & ratio est manifesta, quia actus est essentialiter tendentia ad suum obiectum, sicut motus est tendentia ad suum terminum; & ita sicut motui prouenit species physica à termino, sic actui prouenit species physica ab obiecto: ergo etiam ab obiecto vt constituto in ordine morali prouenit essentialiter actui humano bonitas & malitia moralis, quæ sunt species ordinis moralis. Deinde probatur: Bonitas & malitia moralis proueniens ab obiecto est omnino prima in actu humano, vt statim dicitur: ergo est essentialis; in quolibet enim ordine illud quod primo reperitur in re aliqua, & quod primo in illa concipitur, est essenziale in tali ordine.

Probatum secunda pars conclusionis: Actus humanus per se primo & necessario respicit suum obiectum in esse physico consideratum; cetera verò omnia, vt circumstantias & finem operantis, respicit tantum secundario & contingenter, & cum dependentia ab obiecto, quasi ipsi associata; vt manifestè colligitur ex hoc quod talis actus specie in esse physico non potest esse absque tali obiecto, potest tamen esse absque talibus circumstantiis & absque tali fine operantis, qui propterea dicitur finis extrinsecus actui: ergo cum actus humanus habeat bonitatem & malitiam moralem, tam ab obiecto suo in ordine morali constituto, quam à circumstantiis & à fine operantis, sequitur quod bonitas & malitia moralis ex obiecto proueniens actui humano sit omnino prima; maximè quia circumstantiæ sunt quædam accidentia actus humani, vt docet D. Thomas hic art. 3. imò non dant bonitatem & malitiam moralem, nisi habeant quodammodo rationem obiecti voliti. Quod sic amplius declaratur: Bonitas aut malitia moralis, quam tribuunt actui humano circumstantiæ & finis operantis, supponit bonitatem aut malitiam ab obiecto prouenientem, fundatur supra illam, & non afficit actum nisi mediante illa: è contra verò bonitas aut malitia moralis proueniens ab obiecto nullam aliam supponit in actu humano in qua fundetur, sed per se & immediatè afficit ipsum actum: nam v. g. si quis dat alicui Ecclesiæ elemosynam in ordine ad satisfaciendum, in tali actu sunt tres bonitates, scilicet bonitas misericordiæ in elargitione elemosynæ, bonitas religionis ex circumstantia loci sacri cui fit elemosyna, & bonitas iustitiæ ex fine satisfactionis; constat autem quod bonitas misericordiæ in tali actu est substantia & fundamentum aliarum, & aliarum quasi accidentia innituntur supra illam, nam si præcindamus à tali actu bonitatem misericordiæ, destruitur talis actus, etiam si remaneant aliarum bonitates; & è contra præcisis aliis bonitatibus, & remanente sola bonitate misericordiæ, remanet idem actus numero quoad substantiam, quamuis accidentaliter mutatus: ergo bonitas & malitia moralis ex obiecto proueniens actui humano, est omnino prima.

Ad primum ergo dicendum, quod D. Thomas in primo loco loquitur de bonitate physica actionis, quam ibidem appellat bonitatem ex essentia actus, & hic art. 4. appellat bonitatem secundum genus actionis, non autem loquitur de bonitate morali: vtrique tamen prouenit ex obiecto in genere causæ formalis extrinsecæ, à principio autem in genere causæ efficientis; cum hac tamen differentia, quod nihil bonitatis moralis concipitur in actu humano, donec concipitur obiectum determinatum conforme rationi; concipitur verò aliquid bonitatis physice & transcendentalis in actu humano per ordinem ad principium, absque determinatione obiecti, ex hoc

hoc præcisè quòd secundum gradum communem v. g. volitionis concipiatur ut procedens à voluntate, sicut ex hoc præcisè intelligitur aliquid entitatis ipsius. In secundo loco intelligit D. Thomas de fine intrinseco operis siue actus, qui est idem ac obiectum, non autem intelligit de fine intrinseco qui est operantis, ut constat ex ipso textu. In tertio loco per primam bonitatem actionis intelligit D. Thomas bonitatem physicam & transcendentalem, ut dictum est; ait enim loquens de quadruplici bonitate quæ est in actione: Vna quidem secundum genus, prout scilicet est actio, quia quantum habet de actione & entitate, tantum habet de bonitate; & hæc bonitas est absolute prima, & fundamentum bonitatis moralis; quia tamen est in ordine physico, & non in ordine morali, ideo alia bonitas secundum speciem, quam assignat secundo loco, quæ accipitur secundum obiectum conueniens & conforme rationi, est omnino prima inter bonitates morales quæ sunt in actu humano; nam ponit tertio loco bonitatem moralem quæ est ex circumstantiis, & quarto loco ponit bonitatem quæ est ex fine. In quarto autem loco D. Thomas tantum vult, quòd bonitas moralis actus humani, quæ prouenit ab obiecto & est essentialis, compleatur à bonitate proueniente à fine quæ est formalior, ut dictum est dubio 4. disputationis præcedentis.

A d secundum dicendum, quòd in præsentī loquimur de actu humano, quando habet bonitatem moralem ex obiecto: & tunc dicimus cum D. Thoma, quòd quando actus humanus habet plures bonitates morales scilicet ex obiecto, ex circumstantiis, & ex fine; illa quam habet ex obiecto, est illi essentialis & omnino prima: si autem non habet bonitatem moralem ex obiecto, tunc prima quam habet vel ex fine, vel ex aliqua circumstantia, est illi essentialis non quidem in esse physico, sed in esse morali reduplicatiuè considerato; quia nulla moralitas est essentialis actui physico ut reduplicatiuè considerato, prima autem moralitas est illi essentialis in esse morali considerato, quia per illam primò in genere moris constituitur & ab aliis distinguitur, prima autem forma constitutiva & distinctiva in aliquo ordine, est essentialis in tali ordine: ex quo sequitur quòd genus morale non est ita firmum & stabile, ac genus physicum; nam in genere physico quod semel est essentialis respectu alicuius, nunquam est illi accidentale, vel è contra; in genere autem morali bonitas proueniens actui humano, vel ex circumstantiis vel ex fine, quæ aliàs esset accidentalis, est essentialis actui humano indifferenti ex obiecto: ratio huius discriminis est, quia genus physicum conuenit rei per se, genus autem morale illi tantum conuenit ex suppositione alicuius extrinseci. Ex hoc patet ad primam & secundam probationem in contrarium: Ad

tertiam verò dicendum quantum ad actus fortitudinis & virginitatis, quòd habent specialem bonitatem ex proprio obiecto siue materia, supposito tamen fine honesto tanquam conditione, qua posita eorum obiectum est conforme rationi, cum aliàs præcisè sumptum sit indifferens: Quantum verò ad peccata oris iam dictum est, quòd intentio loquentis pertinet ad rationem formalem obiecti ipsorum, vnde est finis intrinsecus ipsorum; & hoc ideo quia verba sunt significatiua & expressiua conceptuum ex intentione loquentis; non tamen desunt illis peccatis fines extrinseci, ut si quis illa committeret propter vanam gloriam.

A d tertium dicendum, quòd obiectum actus humani non dat ipsi bonitatem materialiter consideratum, sed formaliter ut attingibile per ipsum actum: vnde si diuerso modo se tenente ex parte actus attingatur, est diuersum formaliter ac multiplex, quamuis materialiter sit tantum vnum: diuerso autem modo attingitur obiectum per actum prosecutionis & per actum fugæ; vnde si obiectum sit bonum in se, sicut Deus & proximus ut talis, influit bonitatem moralem actui prosecutionis, & malitiam moralem actui fugæ, quia est conforme rationi ut bonum verum ametur, & est contra rationem quòd fugiatur; & è contra si obiectum sit malum in se sicut peccatum & peccator ut talis, influit malitiam moralem actui prosecutionis, & bonitatem moralem actui fugæ, quia est conforme rationi, quòd verum malum fugiatur, & est contra rationem quòd ametur.

D V B I U M II.

Utrum bonitas & malitia moralis actus humani, proueniens ei ab obiecto, sit specifica specie infima.

S Vpponendum est ex D. Thoma q. 2. de Ma-
Slo art. 4. quòd actus humanus in quantum est actus, nondum habet rationem boni vel mali moralis, nisi aliquid addatur ad speciem contrahens: licet etiam ex hoc ipso quòd est actus humanus, & ulterius ex hoc quòd est ens, habeat aliquam rationem boni, sed non huius boni quod est secundum rationem esse, de quo nunc agimus: bonum autem physicum quod est in actu humano contrahitur ad rationem boni vel mali moralis, per hoc quòd respiciat obiectum ut subordinatum regulis morum, vel quia habet circumstantias eisdem regulis subiectas, vel quia ordinatur ad finem operantis per ordinem ad illas regulas. Et quia ex dictis constat actum humanum ex obiecto habere bonitatem vel malitiam essentialem ac omnino primam, quæ proinde est specifica; adhuc restat inquirendum, utrum sit specifica in specie infima & atomica, vel tantum in specie subalterna.

Prima opinio, quæ attribuitur Scoto Quodlibeto 18. asserit bonitatem & malitiam moralem

actus humani, prouenientem ei ab obiecto, non esse specificam specie infima, sed esse specificam specie subalterna, siue genericam. Probatur multiplici autoritate D. Thomæ. Supra q. 1. art. 5. ad 3. sic ait: Sicut genus determinatur per speciem, ita etiam bonum in genere (id est ex obiecto) determinatur per bonitatem quæ est ex fine & ex aliis circumstantiis: & ideo illud bonum quod est ex fine & circumstantiis, responderet bono quod est ex genere, sicut species generi. Hic art. 6. dicit actum humanum sumere speciem ex fine, & consequenter non ex obiecto. Item 2. 2. q. 148. art. 4. diuidit species gulæ secundum circumstantias sequentes, Præproperè, Lautè, Nimis, Ardentè, Studiosè. Et q. 154. inter species luxuriæ ponit, Adulterium, Raptum, Incestum, & Sacrilegium; quorum malitia specifica non sumitur ex obiecto luxuriæ, sed ex circumstantiis iniustitiæ, impietatis, & irreligiositatis. Et tandem q. 158. art. 5. distinguit species iræ secundum circumstantias Acuti, Amari, & Difficilis.

Secundò, Actus humanus quo quis vult honestè viuere vt sic in communi, vel actus humanus quo quis vult prauè viuere, & similes attingentes aliquod obiectum in communi, verè habent bonitatē vel malitiam moralem ab illo obiecto: sed non habent ab illo bonitatem vel malitiam moralem specificam specie infima; tum quia res specificata non potest habere maiorem vnitatem specificam, quam habeat specificatum, constat autem quòd illud obiectum in communi non habet vnitatem specificam specie infima; tum quia si haberent bonitatem vel malitiam moralem specificam specie infima pertinerent ad determinatam aliquam virtutem vel ad determinatum vitium, quæ tamen assignari non possunt: ergo actus humani non habent bonitatem vel malitiam moralem specificam specie infima ab obiecto.

Tertiò, Bonitas vel malitia moralis actus humani, proueniens ei ab obiecto, est materialis illa verò que prouenit à fine est formalis ex D. Thomæ hic art. 6. vnde comparatur ad aliam tanquam perfectiū ad perfectibile, & consequenter tanquam species ad genus: ergo bonitas vel malitia moralis actus humani, proueniens ei ab obiecto, non est specifica specie infima.

CONCLUSIO.

RESPONDEO dicendum, quòd bonitas & malitia moralis actus humani, proueniens ei ab obiecto est specifica specie infima. Ita communiter Discipuli D. Thomæ in præsentī, & ferè omnes alij Theologi.

Probatur conclusio multiplici autoritate D. Thomæ: In præsentī art. 2. sic ait: Ita primum malum in actionibus moralibus est, quod est ex obiecto, sicut accipere aliena: & dicitur malum ex genere, genere pro specie accepto, eo modo loquendi quo dicimus humanum genus totam humanam speciem. Idem docet alibi sæpe, vbi-

cunque agit de specificatione & distinctione virtutum & vitiorum.

Secundò, probatur ratione D. Thomæ hic art. 2. sic magis declarata: Quælibet res habet suam speciem a forma à forma, qua intrinsecè & essentialiter constituitur, cum hac differentia, quòd res absoluta habet hanc formam constitutiuam penitus absolutam ab extrinseco, & sic eius specificatio est omninò ab intrinseco; res verò respectiua habet quidem hanc formam constitutiuam intrinsecam, sed tamen respicientem aliquod intrinsecum quasi radicem sui, vnde licet specificatio rei respectiua sit formaliter & immediatè à dicta forma intrinseca, est tamen radicaliter & mediatè ab illo extrinseco, quod propterea dicitur forma extrinseca specificationis quod manifestum est in motu, qui formaliter & immediatè specificatur ab ordine ad suum terminum, radicaliter autem & mediatè ab ipso termino; hæc autem forma intrinseca est respectus siue ordo rei respectiua ad suum terminum: sed obiectum est terminus ille, quem essentialiter respicit actus humanus; in esse quidem physico, secundum bonitatem physicam eius obiectiuam; in esse autem morali, secundum bonitatem vel malitiam moralem eius obiectiuam, vt ostensum est: ergo actus humanus habet suam speciem a forma, ab obiecto quidem radicaliter & mediatè, ab ordine verò ad obiectum formaliter & immediatè, tam in esse physico, quam in esse morali: & sic bonitas & malitia moralis actus humani, proueniens ei ab obiecto, est specifica specie infima.

Tertiò, Bonitas & malitia moralis actus humani, proueniens ab obiecto, est ei essentialis ac omninò prima: bonitas verò & malitia moralis eiusdem actus, proueniens à circumstantiis & fine est tantum accidentalis, vt dictum est: vnde circumstantiæ vt tales non constituunt bonitatem & malitiam moralem actus humani essentialem & omninò primam (quod si aliquando illam constituent, vt quando dicuntur mutare speciem, tunc considerantur vt circumstantiæ, sed transeunt in rationem obiecti, vt docet D. Thomas hic art. 10.) sed solum illam augent intra eandem speciem, vt constat ex dictis, & amplius constabit ex dicendis, ergo bonitas & malitia moralis actus humani, proueniens ei ab obiecto, est specifica specie infima, ratio quippe specifica infima est essentialis, & non accidentalis; maximè, quia si species infima malitiæ moralis actus humani, non proueniret ab obiecto, sed à circumstantiis, non essent aperienda in confessione obiecta peccatorum, à quibus tantum esset ratio generica peccatorum, quæ in confessione non est necessariò operienda; sed aperiendæ essent circumstantiæ, à quibus prouenirent species peccatorum; vnde frustra Concilium Tridentinum distingueret inter circumstantias mutantes speciem, & non mutantes speciem,

ciem, omnes enim æqualiter constituerent speciem, & ita deberent aperiri in confessione.

Ad primum ergo dicendum, quod intentum D. Thomæ in primo loco est tantum ostendere, quod bonitas moralis actus humani, quæ provenit ab objecto, & dicitur bonitas ex genere, determinatur per bonitatem quæ est ex fine & ex aliis circumstantiis, sicut genus determinatur per speciem; ita ut cõparatio teneat tantum quoad substantiam determinationis, non verò quoad modum ipsius; nam genus determinatur per speciem, quam essentialiter continet; bonitas verò actus humani ex genere determinatur per bonitatem provenientem à circumstantiis & fine, tanquam per aliquid accidentaliter coniunctum. In secundo loco D. Thomas per actum interiore humanum, intelligit tantum actum imperantem, respectu cuius idem sunt objectum & finis; imò ibi probat quod talis actus habet speciem à fine, quia finis est eius objectum: unde sic ait; In actu voluntario inuenitur duplex actus, scilicet actus interior voluntatis (videlicet imperans, non enim loquitur de actu interiori voluntatis imperato, cum sit eadem ratio de ipso, ac de actu exteriori, quantum ad vtriusque specificationem, ut consideranti patet) & actus exterior: & uterque horum actuum habet suum objectum: finis autem propriè est objectum interioris actus voluntarij (scilicet imperantis): id autem circa quod est actio exterior, est objectum eius: sicut igitur actus exterior accipit speciem ab objecto circa quod est; ita actus interior voluntatis accipit speciem à fine, sicut à proprio objecto. In tertio loco bene diuidit D. Thomas species gulæ secundum prædictas rationes, quæ non sunt circumstantiæ actus gulæ, sed differentiæ essentielles, quia ut ibidem dicit D. Thomas, sunt diuersa motiua propria generis gulæ, & ideo per se diuidunt illud genus. In quarto loco numerat prædicta tanquam species luxuriæ, non rigorosè, sed latè sumptas; quia illarum differentiarum non sunt propriæ generis luxuriæ: sed communes aliis etiam vitiis; & ita non sunt differentiarum essentielles luxuriæ, constituentes cum illa vnā speciem malitiæ moralis, ac tantum vnum secundum quid, nam reuera in qualibet ex illis est duplex malitia specifica atoma detegenda in confessione; unde qui confiteretur, debet dicere se commisisse sacrilegium v. g. in materia luxuriæ. In quinto loco rationes assignatæ sunt differentiarum essentielles respectu iræ, & non puræ circumstantiarum, ut ibi explicat Caietanus.

Ad secundum dicendum, quod illa objecta scilicet viuere honestè ut sic in communi, & viuere prauè ut sic etiam in communi, quamuis in esse rei & in esse objecti materialiter sumpti, sint tantum genericæ; in esse tamen objecti formaliter considerati, sunt specifica specie infima. Pro quo nota ex vna parte, quod objectum non spe-

cificat actum aut habitum, secundum id quod habet in esse rei seu materialiter, sed in esse objecti formaliter considerati, ut posset probari inductione in omnibus: ex alia verò parte honestè viuere, & prauè viuere possunt dupliciter considerari; primò ut sunt totum potentiale dicens in radice omnes suas differentias, & ut sic sunt quid genericum; secundò ut sunt totum actuale dicens actu tantam vel tantam perfectionem, & præscindens à contrahibilitate per differentias, & ut sic sunt quid atomum, & sub hac ratione specificant actum internum voluntatis. Ex his patet ad primam probationem in contrarium, quomodo actus humanus specificatus non habet maiorem vnitatem specificam, quàm habeat objectum specificatum. Ad secundam probationem dicendum, quod illa objecta non pertinent ad determinatam aliquam virtutem, nec ad determinatum aliquod vitium, sed sunt objecta synderesis superioris ad virtutes & vitia; unde actus voluntatis circa illa non sunt actus determinatæ virtutis aut determinati vitij, nec exigunt ad sui productionem aliquem habitum; nec ex illorum repetitione generatur habitus, sed sufficit inclinatio naturæ rationalis in bonum conforme rationi, ut docet D. Thomas infra qu. 56. art. 6. dicens: Cum enim per habitum perficiatur potentia ad agendum, ibi indiget potentia habitu perficiente ad bonè agendum, qui quidem habitus est virtus, ubi ad hoc non sufficit propria ratio potentiae: omnis autem potentiae propria ratio attenditur in ordine ad objectum; unde cum sicut dictum est, objectum voluntatis sit bonum rationis voluntati proportionatum, quantum ad hoc non indiget voluntas virtute perficiente: Et ex eadem radice naturalis inclinationis ad bonum rationis provenit quod in voluntate non sit, nec possit esse habitus inclinans ad prauè viuendum ut sic in communi, per hoc enim quod sit naturaliter inclinata ad bonum rationis, habet naturalem repugnantiam ad malum oppositum, & ita est incapax reddi facilis ad illud, & consequenter est incapax habitus facilitatis: Igitur voluntas est naturaliter inclinata absque vllò habitu ad bonum proprium sibi connaturale & proportionatum; & quia homo est animal sociale & politicum, etiam eius voluntas est naturaliter inclinata ad bonum aliorum ut sic in communi, quamuis ad illud ut est sub particularibus circumstantiis debeat determinari per aliquem habitum, quia ut sic tale bonum habet maiorem difficultatem, & maximè quando voluntas impeditur à bono proprio, cui alienū sæpe opponitur. Si tamen hic actus, volo honestè viuere, ex adiunctis habeat magnam aliquam difficultatem, opus est ad illum auxilio actuali diuinæ gratiæ, ut dicetur infra dum agatur de necessitate gratiæ, & hoc propter debilitatem humanæ naturæ post peccatum; & similiter si fiat ex motiuo supernaturali, quamuis tunc secundum aliquos

autho

Authores procedat à charitate, quæ est inclinatio ad bonum supernaturale, in habentibus gratiam; vel à virtute spei in non habentibus gratiam.

Ad tertium dicendum, quod bonitas vel malitia moralis actus humani proveniens à fine, est formalis & perfectiua respectu illius quæ provenit ab obiecto, sed tamen est accidentaliter ut dictum est, unde non comparatur ut species ad genus, quia species continetur essentialiter sub genere.

D V B I V M III.

Verum ex Circumstantiis proveniat actus humano aliqua bonitas vel malitia moralis.

Supponendum est, quod circumstantiæ dicuntur à circumstando, quia scilicet sunt aliquæ conditiones particulares, quæ circumstant actus humanos; Dicuntur conditiones, quia sunt quædam quasi accidentia actuum humanorum: Dicuntur particulares, quia non omnes conditiones actuum humanorum sunt illorum circumstantiæ propriè dictæ, de quibus agimus in præsentia, sunt enim quædam conditiones generales transcendentes omnes actus morales, ita ut sine ipsis tales actus esse non possint, ut subiectio & obedientia ad Deum & ad legem respectu actus boni, rebellio & inobedientia communis, ingratitude & similes respectu actus mali, & hæ dicuntur circumstantiæ communes, quæ non dant determinatam bonitatem vel malitiam actibus humanis, nec ponunt in numero cum aliis principiis bonitatis vel malitiæ moralis, sed ad illa reducuntur: Dicuntur tandem circumstare actus humanos, quia sunt extra essentiam ipsorum, & tamen aliquo modo ad ipsos pertinent, inquantum vel mutant eorum speciem vel saltem augent aut minuunt eorum bonitatem vel malitiam intra eandem speciem moralem, ut dicitur postea. Hæ circumstantiæ humanorum actuum sic descriptæ sunt septem, traditæ à Philosopho 3. Ethicorū cap. 1. & à Tullio in sua Rhetorica. 1. de Inventionem, & communiter receptæ, quæ omnes sequenti versu comprehenduntur.

Quis, Quid, Vbi, Quibus auxiliis, Cur, Quomodo, Quando.

De quatum sufficienti enumeratione differit Divus Thomas supra quæst. 7. art. 3. Quis est circumstantia personæ operantis, quod sit religiosus vel secularis. Quid non est materia circa quam vel obiectum, vel effectus sequutus, sed est aliqua circumstantia eorum; ut in furto quod sit magnum vel paruum, in homicidio quod sit secularis vel clerici; & hæc circumstantia dicitur à Philosopho circa quid, ut refert D. Thomas loco citato, & per hoc melius exprimitur. Vbi est circumstantia loci, ut in Ecclesia, in foro, &c. Quibus auxiliis est circumstantia instrumenti siue medij quo fit actio, ut si est percussio, utrum

fuerit facta ense vel baculo, de aliis utrum medium sit licitum vel illicitum. Cur siue propter quid est circumstantia finis; non quidem ipsius operis, qui dicitur finis intrinsecus, & est obiectum ipsius; sed finis operantis. Quomodo est circumstantia modi ipsius actus, ut quod sit intensus vel remissus. Quando est circumstantia temporis & durationis actus, ut quod fiat tempore licito vel prohibito, quod multum vel parum duret. Quærimus ergo in præsentia, utrum ex his circumstantiis proveniat actui humano aliqua bonitas vel malitia moralis.

Prima opinio negat ex circumstantiis provenire actui humano aliquam bonitatem vel malitiam moralem. Probatur autoritate D. Thomæ, qui q. sequenti art. 2. dicit actum voluntatis solum dependere ab obiecto in sua bonitate: & consequenter non habet bonitatem à circumstantiis.

Secundò, Circumstantia non potest tribuere aliquam bonitatem vel malitiam actui humano, nisi sit volita, ut infra dicitur, quia moralitas fundatur supra voluntarium: sed quicquid est volitum, est obiectum voluntatis, & non circumstantia eius; sicut quicquid est visum, est obiectum potentiæ visivæ: ergo circumstantia ut talis duplicatiuè & formaliter, nullam tribuit actui humano bonitatem vel malitiam moralem; at tantum transit in obiectum, & sic non provenit a actui humano ex circumstantiis aliqua peculiaris bonitas vel malitia moralis.

Tertiò, Circumstantiæ ut plurimum sunt extrinsecæ actui humano, ut consideranti pateat: ergo non dant illi bonitatem vel malitiam moralem intrinsecam, at tantum extrinsecè illum denominant bonum aut malum; quod enim dat bonitatem vel malitiam intrinsecam alicui subiecto, debet esse intrinsecum illi.

C O N C L U S I O.

R E S P O N D E O dicendum, quod ex circumstantiis provenit actui humano aliqua bonitas vel malitia moralis 2. sed tantum accidentaliter ipsi actui considerato tam in esse naturæ, quam in esse moris. 3. non solum secundum gradum specificum, sed etiam secundum gradum individualement. Ita communiter docent tam Philosophi morales, quam Theologi in præsentia.

Probatur prima pars conclusionis intellecta generaliter tam de actu interno quam de externo, autoritate D. Thomæ hic art. 3. & 9. infra qu. 42. art. 6. Item qu. 2. de Malo art. 5. ubi ait: Contingere non potest, quod actus humanus singularis sine circumstantiis fiat, quæ ipsum faciunt rectum vel indirectum. Deinde probatur ratione D. Thomæ: Circumstantiæ sunt quædam accidentia actus humani, quæ possunt reduci ad ordinem moralem, per conformitatem vel difformitatem ad regulas morum: ergo ex illis provenit actui humano aliqua bonitas vel malitia moralis,

moralis, non minus ac ex accidentibus ordinis physici provenit substantiæ intra eundem ordinem aliqua bonitas vel malitia naturalis, ut constat ex paritate rationis; nam sicut substantia in ordine physico non est omnino completa & integra per sua essentialia, sed ad suam integritatem requirit plura accidentia, quibus ultimum completur; sic actus humanus non intelligitur omnino completus in ordine morali per sua essentialia, sed ad suum complementum & integritatem requirit circumstantias, quæ sunt accidentia ordinis morales, quibus ultimum completur. Denique, Actus humanus ratione circumstantiarum est magis conformis vel difformis regulis morum, magis meritorius vel demeritorius, magis laudabilis vel vituperabilis, ut communiter conceditur, & est manifestum: nam regulæ morum non solum præcipiunt quod aliquid fiat, sed etiam quod fiat à tali persona, tali loco & tempore, tali medio, tali modo & ob talem finem; & ita ratione harum circumstantiarum actus humanus magis est illis conformis vel difformis, ac proinde magis meritorius ex maiori conformitate vel demeritorius ex maiori difformitate, & similiter magis laudabilis vel vituperabilis: ergo cum bonitas & malitia moralis actus humani attendatur penes conformitatem & difformitatem ipsius ad regulas morum; & colligatur à posteriori ex merito ac demerito, & ex laude ac vituperio, quæ consequuntur bonitatem & malitiam moralem actus humani; necessario sequitur, quod ex circumstantiis provenit actui humano aliqua bonitas vel malitia moralis; utrum autem ex omnibus & singulis circumstantiis proveniat, dicetur dubio sequenti. Hoc totum potest amplius declarari ex circumstantiis, quæ mutant speciem actus morales; quamvis enim non sint puræ circumstantiæ, sed transeant ad rationem obiecti; hoc tamen manifestè indicat, quod puræ circumstantiæ augent vel minuunt bonitatem & malitiam moralem eiusdem actus.

Probatur secunda pars conclusionis. Ex una parte omnis moralitas est accidens respectu entitatis naturalis actus humani, cum ordo moralis adueniat ordini physico; ex alia verò parte actus humanus habet à suo obiecto totam suam bonitatem essentiali; quia illud solum per se primò respicit, tam in ordine physico, quam in ordine morali, ut sæpe dictum est: ergo bonitas vel malitia moralis, quæ ex circumstantiis provenit actui humano, est tantum accidentalis ipsi actui considerato tam in esse naturæ, quam in esse moris. Circa quod notandum est, quod aliquando circumstantiæ mutant speciem moralem actus humani, & tunc dant bonitatem vel malitiam moralem omnino primam & essentiali: sed tamen hoc non est contra dicta, quia tunc illæ circumstantiæ non sunt puræ circumstantiæ, imò amittunt rationem circumstantiæ,

& induunt rationem obiecti. Hoc autem provenit ex differentia, quæ est inter ordinem physicum & ordinem moralem, quod ordo physicus est stabilis & fixus in rerum natura, unde quando aliqua duo comparantur in hoc ordine per modum substantiæ & accidentis, idem respectu eiusdem non potest transmutari de substantia in accidens, & è contra: ordo autem moralis dependet à voluntate, & propterea ad eius placitum eadem bonitas vel malitia moralis fit de essentiali accidentalis, & de accidentali essentialis; ut si quis fureretur propter adulterium, & committat adulterium propter furtum, tunc in primo casu malitia furti est essentialis actui humano, & malitia adulterij est accidentalis; in secundo autem casu è contra malitia adulterij est essentialis actui humano, & malitia furti est illi accidentalis.

Probatur tertia pars conclusionis. Ex D. Thoma hic art. 3. & supra q. 7. art. 3. ad 3. circumstantiæ accidunt actui morali, & comparantur ad ipsum quasi quædam accidentia: ergo sicut accidentia naturalia dant tantum bonitatem vel malitiam naturalem actui humano accidentalem, non solum considerato secundum gradum specificum, sed etiam secundum gradum individuum; sic circumstantiæ dant tantum bonitatem vel malitiam moralem accidentalem actui humano non solum considerato secundum gradum specificum, sed etiam secundum gradum individuum: & ratio utriusque est, quia tam in ordine physico, quam in ordine morali actus humanus habet intra limites proprii generis & speciei principium formale individuationis sui, pertinens ad substantiam ipsius actus antecedenter ad omnia accidentia. Unde quando dicitur à D. Thoma, quod actus humanus individuat à circumstantiis, debet intelligi de individuatione accidentali & extrinseca, quæ consequitur individuationem intrinsecam priorem, & illam manifestat.

Ad primum ergo dicendum, quod ibi D. Thomas loquitur de bonitate essentiali tantum actus humani, & non de accidentali: unde rectè docet quod actus voluntatis solum dependet ab obiecto in sua bonitate, quia potest velle obiectum præscindendo à circumstantiis in particulari consideratis, quia potest obiectivè proponi sine illis ut sic in particulari: actus autem exterior etiam in sua bonitate essentiali dependet à circumstantiis in particulari consideratis; non quod ab illis directè procedat, sed quia obiectum à quo procedit, non potest executioni mandari sine circumstantiis in particulari sumptis.

Ad secundum dicendum, quod tam obiectum, quam circumstantiæ sunt volitæ; sed cum hac differentia quod obiectum est directè, per se, ac primariò volitum; circumstantiæ autem sunt tantum volitæ indirectè, per modum adiuncti, ac secundariò; & hæc cognitio sufficit

ad hoc ut circumstantiæ tribuant actui humano aliquam bonitatem vel malitiam moralem, absque eo quod transeant in obiectum: unde ad instantiam de obiecto potentiae visuæ, dicendum quod est disparitas; per hoc enim quod potentia visuæ est materialis, ideo solum percipit suum obiectum specificatum, & id quod se tenet ex parte ipsius, nec reflectitur supra se ipsam & supra suum actum; sicut reflectuntur intellectus & voluntas, quia sunt potentiae spirituales, ac proinde minus limitatæ; Quamvis possit dici quod respectu potentiae visuæ obiecta communia, ut quantitas, figura, & motus; non tam sunt obiectum ipsius, quam circumstantiæ obiecti, quia tantum secundario videntur: & sic est aliquo modo paritas.

Ad tertium dicendum, quod si concluderet, probaret etiam quod obiectum non daret actui humano aliquam bonitatem vel malitiam moralem, quia est extrinsecum actui, sicut sunt extrinsecæ circumstantiæ: Dicendum ergo quod actus humanus est & denominatur intrinsece bonus vel malus, per respectum transcendentalem sibi intrinsecum tam ad obiectum, quam ad circumstantias, ex quibus omnibus tanquam à forma extrinseca provenit actui humano eius bonitas vel malitia moralis actui intrinseca.

D V B I V M I V.

Utrum ex singulis circumstantiis proveniat actui humano aliqua bonitas vel malitia moralis.

Supponendum est, quod in præsentī dubio loquimur de circumstantiis particularibus, dubio præcedenti explicatis; non autem de communibus, quæ ad omnes actus humanos bonos vel malos concurrunt: quales sunt in ordine ad actus bonos obedientia ad legem, humilitas & subiectio ad Deum, amor sui, prudentia, &c. in ordine verò ad actus malos inobedientia ad legem, rebellio contra Deum, imprudentia, & similes. Igitur inter has circumstantias communes & alias particulares hæc est differentia, quod hæ circumstantiæ communes concurrunt ad singulos actus bonos vel malos moraliter, tanquam condiciones inseparabiles, nec ut tales dant actibus specialem bonitatem vel malitiam moralem: particulares verò circumstantiæ non concurrunt omnes ad singulos actus per se indispensabiliter, cum respectu aliquorum actuum per accidens se habeant quædam circumstantiæ, ut temporis & loci. Querimus ergo in præsentī tantum de circumstantiis particularibus, quæ per se concurrunt ad actum humanum, utrum ex singulis per se concurrentibus proveniat actui humano aliqua bonitas vel malitia moralis. Ad cuius evidentiam sciendum est, quod ex his particularibus circumstantiis quædam immediate afficiunt actum humanum,

quædam autem immediate; immediate quidem circumstantiæ Quis, Quomodo, & Quando, id est qualitas personæ operantis, modus operandi, & duratio siue continuatio operis; mediatè autem circumstantiæ Quid & Cur, quia afficiunt actum humanum mediante obiecto, Quid enim est modus obiecti ut quantitas materiæ, Cur verò est finis ad quem dirigitur actus ab operante, & ob quem assumitur obiectum; Circumstantiæ Quibus auxiliis & Vbi, siue mediis & locis possunt vel immediate vel mediatè afficere actum humanum, quia interdum ad actum, interdum ad obiectum possunt immediate pertinere. Ut autem prædictæ circumstantiæ per se concurrentes ad actum humanum dent ipsi bonitatem vel malitiam moralem, debent aliquo modo esse cognitæ & volitæ, ut communiter docent Theologi, & probatur autoritate Aristotelis & D. Thomæ: Aristoteles 3. Ethicorum cap. 1. dicit ignorantiam circumstantiæ reddere actum involuntarium, ut si quis occidat patrem putans esse alium hominem, erit homicida voluntarius, sed non parricida; constat autem quod bonitas & malitia moralis reperitur tantum in actu voluntario. qui solus est actus humanus: D. Thomas q. sequenti art. 1. docet non posse aliunde actum humanum sumere bonitatem, quam ex obiecto siue primario siue secundario; per obiectum autem secundarium intelligit circumstantias. Est tamen differentia inter circumstantias mutantes speciem moralem actus, ac simul dantes primam bonitatem vel malitiam moralem; & inter eas quæ non mutant speciem, sed augent bonitatem vel malitiam moralem intra eandem speciem; quod priores debent esse cognitæ & volitæ formaliter, directè, per se primò, & immediate; quia induunt rationem obiecti, ut dicitur dubio sequenti: posteriores autem non sic debent esse cognitæ, & volitæ, sed sufficit quod sint cognitæ & volitæ virtualiter, indirectè, secundario, & mediatè; quia non sunt cognitæ & volitæ per modum obiecti quod, sed per modum adiuncti.

Prima opinio negat, ex singulis circumstantiis per se concurrentibus ad actum humanum, provenire tali actui aliquam bonitatem vel malitiam moralem. Probatur sigillatim de pluribus: Circumstantia Quis dicit conditionem personæ, ut dignitatem ipsius: sed talis dignitas non dat aliquam bonitatem vel malitiam actui; nam si aliquis maxime sanctus easdem operationes bonas cum eadem intentione ac iisdem circumstantiis faciat, quas facit alter minoris sanctitatis, eius operationes non sunt meliores nec magis meritorie quam operationes alterius, vel dicendum quod eius dignitas concurrat secundum totam suam latitudinem, & dat æqualem bonitatem & valorem omnibus suis operibus; contra verò si idem vir maximæ sanctitatis peccet, vel venialiter vel moraliter, eius peccatum cæteris paribus non erit gravius, quam peccatum alterius viri minoris

minoris sanctitatis, aut etiam peccatoris: ergo à circumstantia Quis non prouenit actui humano aliqua bonitas vel malitia moralis.

Secundò, Quantitas materiæ, quæ est circumstantia Quid, non dat actui bonitatem vel malitiam moralem; alioquin sequeretur, quòd actus quo quis vellet dare eleemosynam infinitis pauperibus si essent, esset infinitè bonus: & è contra actus, quo quis vellet occidere infinitos homines, esset infinitè malus; nam si ad proportionem quantitatis materiæ crescit bonitas & malitia moralis actus, sequitur quòd ad quantitatem infinitam materiæ, actus humanus debeat esse infinitè bonus vel malus, quod tamen communiter negatur: ergo à circumstantia Quid non prouenit actui humano aliqua bonitas vel malitia moralis.

Tertiò, Facere eleemosynam in Ecclesia non est quid melius cæteris paribus, & attenda sola loci circumstantia, quàm illam facere extra Ecclesiam, vt communiter conceditur, & tamen Ecclesia est locus sacer: ergo à circumstantia Vbi siue loci non prouenit actui humano aliqua bonitas vel malitia moralis.

Quartò, Circumstantia Quando importat durationem & continuationem actus: sed ex duratione & continuatione non prouenit actui humano aliqua bonitas vel malitia moralis; Tum quia id docet Aristoteles. 1. Ethicorum cap. 3. dicens, quòd sicut album diuturnum non est magis album, quàm album vnus diei, ita neque bonum diuturnum aut perpetuum erit melius, quàm bonum transitorium; Tum quia est per accidens quòd actus humanus multum vel parum duret; Tum quia ex opposito sequeretur, quòd actus humanus continuatus per vnā horam in qua sunt infinitæ partes vel instantia, haberet infinitam bonitatem vel malitiam moralem, aut saltem actus ab æterno continuatus vsque ad hoc tempus, cum possibilis fuerit creatura intellectualis ab æterno, de potentia Dei absoluta, & tamen actus alicuius puræ creaturæ non potest esse infinitus secundum bonitatem: ergo à circumstantia Quando non prouenit actui humano aliqua bonitas vel malitia moralis.

Quintò, Circumstantia Quomodo includit intentionem actus humani: sed ab intentione non prouenit actui humano aliqua bonitas vel malitia moralis; alioquin sequeretur quòd plures actus boni vel mali vt quatuor v.g. non adæquarent bonitatem vel malitiam vnus actus boni vel mali vt sex, sicut plures calores vt quatuor non adæquant vnum calorem vt sex, quod tamen videtur inconueniens: ergo à circumstantia Quomodo non prouenit actui humano aliqua bonitas vel malitia moralis.

CONCLUSIO.

RESPONDEO dicendum, quod ex singulis circumstantiis per se concurrentibus ad actum humanum, prouenit actui humano aliqua bonitas vel malitia moralis: siue tales circumstan-

tiæ mutant speciem 2. siue non mutant speciem. 3. dummodo tales circumstantiæ pertineant ad ordinem moralem, & non sint tantum conditiones materiales seu accidentia physica. Ita communiter Philosophi morales & Theologi in presenti, cum D. Thoma qui hanc conclusionem sæpe docet, tum supra qu. 7. tum hac quæstione 18. & tribus sequentibus, tum qu. 2. de Malo art. 5. & alibi.

Probatur prima pars conclusionis: Circumstantiæ morales quæ mutant speciem, vel induunt rationem obiecti: & dant primam moralitatem actui ipsi essentialē; vel dant actui specialem moralitatem, licet accidentalem, vt communiter conceditur, & propterea sunt aperiendæ in confessione ex præcepto Concilij Tridentini: ergo ex singulis circumstantiis per se concurrentibus ad actum humanum, si mutant speciem, prouenit actui humano aliqua bonitas vel malitia moralis. Deinde probatur inductione per singulas in actu furti, Si quis Deo vouit paupertatem, & furetur rem sacram, in Ecclesia, Sacerdoti celebrandi, accedendo ad communionem, ex animo fornicandi cum virgine Deo sacrata, talis actus furti ex omnibus illis capitibus siue circumstantiis habet quòd sit sacrilegium, vt consideranti patet, & ita est actus vndequaq; specialiter malus in genere moris; & quamuis sit tantummodo sacrilegium ex parte circumstantiarum, tantam tamen continet malitiam moralem, vt superet actum moralem continentem plures malitias accidentales simul cum malitia essentiali: ergo ex singulis circumstantiis per se concurrentibus ad actum humanum, si mutant speciem, prouenit actui humano aliqua bonitas vel malitia moralis.

Probatur & explicatur secunda pars conclusionis discurrendo per singulas circumstantias. Si quis peccet in Deum post recepta ab illo plura beneficia, tale peccatum ex circumstantia Quis, ratione ingratitude habet maiorem malitiam. Qui furatur centum aureos, committit furtum maioris malitiæ, quàm qui furatur vnicum aureum, ex circumstantia Quid. Cum aliquis dicit verbum otiosum in Ecclesia, tale peccatum est grauius ex circumstantia Vbi siue loci. Cum Quis vitur medio illicito ad peccandum, accrescit peccato malitia moralis ex circumstantia Quibus auxiliis. Si Quis furetur clauem animo diripiendi domum, huic furto clauium aduenit gradus malitiæ moralis ex fine eiusdem rationis, qui est direptio domus. Item si quis modo indebito aliquem occidit, v.g. cum crudelitate vel sauitia, sine dubio hic modus influit homicidio nouum gradum malitiæ moralis. Tandem qui committit peccatum tempore quo deberet vacare diuinis laudibus, tunc ex circumstantia temporis accedit actui humano aliquid malitiæ moralis: ergo ex singulis circumstantiis per se concurrentibus ad actum humanum, prouenit actui humano aliquid

aliquid bonitatis vel malitiæ moralis, etiam si non mutant speciem.

Probat & explicatur tertia pars conclusionis. Sunt aliquæ conditiones concurrentes per accidens ad actum humanum, quæ se tenent tam ex parte operantis, quàm ex parte operis, & quæ nullo modo cadunt sub regulis morum, putà quod fiat satisfactio in pecunia à Rege, non enim conditio personæ regis aliquid dignitatis influit tali satisfactioni; secus autem esset si talis satisfactio fieret in honore, humiliatio quippe Regis plus æstimabilis est quàm humiliatio alterius inferioris. Hæ autem conditiones per accidens concurrentes ad actum humanum, vocantur conditiones materiales seu accidentia physica, & dicimus quod ex illis nulla bonitas vel malitia moralis provenit actui humano: si verò essent conditiones formales dictæ conditiones morales, tunc dicimus quod ab illis provenit actui humano aliqua bonitas vel malitia moralis, iuxta dicta in prima & secunda parte conclusionis ob rationes adductas. Quando ergo dicitur, quod sunt aliquæ circumstantiæ diminuentes bonitatem vel malitiam moralem; tunc tales circumstantiæ vel sunt materiales conditiones extra genus moris, & præcisè pertinentes ad genus physicum (omnis quippe circumstantia moralis augeat aliquo modo bonitatem vel malitiam moralem); vel dicuntur diminuentes, quia parum de bonitate vel malitia morali communicant actui, ut parva duratio actus, parva quantitas materiæ qua tamen possit dari minor. Vnde colligitur, quod si actio ex genere suo mala fiat propter bonum finem, putà si quis furetur ad dandam eleemosynam: & similiter si sint aliquæ passionis, ut metus, concupiscentia, & etiam ignorantia, quæ diminuant bonitatem vel malitiam actus humani; tunc nec ille finis, nec similes passionis sunt circumstantiæ propriè dictæ, sed tantum improprie & reduciuntur: cuius ratio est, quia circumstantia moralis propriè dicta debet afficere aliquo modo obiectum, saltem per modum privationis, ut quando aliquid fit absque fine debito, ac proinde debet aliquo modo augere bonitatem vel malitiam moralem provenientem ab obiecto, vel essentialiter mutando speciem, vel accidentaliter modificando illam.

A d primum ergo dicendum, quod si maior sanctitas se habeat per accidens ad operationes bonas, ut se habeat in casu proposito, tunc non est conditio moralis propriè dicta de qua in præsentī loquimur, sed est conditio materialis physica, & sic ab illa non provenit actui humano aliqua bonitas moralis: non enim dignitas accidentalis personæ proveniens à gratia habituali concurret secundum totam latitudinem ad bonitatem actus humani, sicut ad illam concurret dignitas substantialis in Christo Domino; cuius ratio est, quia physicus concursus personæ tanquam principij quod, secundum ea quæ substantialiter con-

tinet, non subiaceret libertati, vnde cum aliàs ad moralem bonitatem actus requiratur dignitas personæ sequitur quod talis dignitas substantialis concurret secundum totam suam latitudinē, & si sit infinita ut in Christo, bonitas moralis actus ex hac parte erit infinita; concursus autem physicus gratiæ habitualis & habituum supernaturalium, ex quibus attenditur dignitas accidentalis personæ, subiaceret libertati, vnde secundum quod hæc magis vel minus influunt physicè in actum, etiam causant maiorem vel minorem bonitatem moralem in actu. Ad aliam partem similiter dicendum, quod maior sanctitas personæ se habet per accidens ad peccatum, quamvis ratione alicuius adiuncti se habeat per se ad illud, putà ratione perfectioris cognitionis & ingratiitudinis, quæ possunt intervenire quando peccatum procedit ex malitia: in primo casu maior sanctitas personæ non est circumstantia moralis peccati; & ita non facit illud gravius; imò tale peccatum est quodammodo levius, ut docet D. Thomas 2. 2. qu. 186. art. 10. dicens: Si religiosus non ex contemptu, sed ex infirmitate vel ignorantia aliquod peccatum, quod non est contra votum suæ professionis, committat absque scandalo, levius peccat eodem genere peccati, quàm sæcularis: & subdit rationem, quia citius relurgit, & minus in peccato perseverat: in secundo autem casu maior sanctitas personæ est circumstantia moralis peccati, & ita facit illud gravius.

A d secundum dicendum, quod quantitas obiecti & maximè infiniti non augeat secundum totam suam latitudinem & adæquate bonitatem vel malitiam actus, sed cum quadam proportionem ad modum quo moraliter attingitur, & ad affectum siue conatum voluntatis: vnde qui vult dare eleemosynam viginti pauperibus, habet actum moraliter meliorem actus illius, qui vult dare eleemosynam decem tantum pauperibus, cæteris paribus; sed non meliorem decem gradibus; Et qui vult dare eleemosynam infinitis pauperibus, habet actum moraliter meliorem actu illius qui vult dare eleemosynam finitis tantum pauperibus, sed non excessu infinito extrinsecè ex parte obiecti, & idem dicendum proportionem servata, de malitia morali actus illius, quo quis vellet occidere infinitos homines.

A d tertium dicendum, quod conditio loci sacri vel non sacri, in ordine ad faciendum in eo eleemosynam, non est circumstantia moralis, sed accidens physicum, & ita facere eleemosynam in Ecclesia non est melius cæteris paribus, quàm illam facere extra Ecclesiam, imò ordinariè est melius illam facere in abscondito iuxta consilium Christi Domini.

A d quartum dicendum, quod ex duratione & continuatione provenit actui humano aliqua bonitas vel malitia moralis, etiam si duret tantum per instans, duratio quippe determinata vel continuatio

tinuatio non est de ratione intrinseca actus quāvis aliquam vagē & indeterminatē exigat. Vnde ad primam probationem in contrarium, dicendum cum D. Thoma ibidem lect. 7. & infra q. 42. art. 6. ad 3. quod Philosophus loquitur ibi de sola bonitate essentiali, quæ consistit in indivisibili, & non de accidentali in qua est magis & minus. Ad secundam probationem dicendum, quod est quidem per accidens actui humano secundum se præcisè considerato, quod multum vel parum duret, sed non est per accidens illi considerato secundum regulas morum: nam cæteris paribus actus diuturnus est melior vel peior accidentaliter actu transitorio, vnde vnus actus continuatus per horam, excedit in bonitate vel malitia morali, cæteris paribus, alium continuatum tantum per dimidiam; imò excedit in bonitate vel malitia plures eiusdem speciei interruptos intra idem spatium. Ad tertiam probationem dicendum, quod horæ spatium est finitum actu, & tantum infinitum in potentia: propter infinitas partes proportionales, & infinita instantia quæ habet in potentia; vnde bonitas vel malitia moralis, quæ provenit actui humano ex duratione & continuatione per vnā horam, est tantum finita actu, quamvis habeat aliquam infinitatem in potentia: si autem supposita creatione alicuius ab æterno, actus aliquis ipsius esset ab æterno continuatus vsque ad hoc tempus, nullum est inconueniēs concedere quod sicut actus ille haberet infinitam durationem à parte ante & secundum quid, sic haberet infinitam secundum quid bonitatem vel malitiam moralem ex parte illius durationis; & tamen non esset simpliciter infinitus secundum bonitatem, quia illa bonitas non est simpliciter infinita, & quia est valde extrinseca & accidentalis actui.

Ad quintum dicendum, quod ab intensiōne provenit actui humano aliqua bonitas vel malitia moralis. Vnde ad impugnationem dicendum, quod solum probat plures actus bonos vel malos vt quatuor non adæquare in perfectione physica & in ordine ad effectum producendum, actum intensum vt sex, vt conuincit instantia de caloribus: sed non probat, plures actus bonos vel malos vt quatuor non adæquare bonitatem vel malitiam moralem vnus vt sex, aut etiam non adæquare meritum vel demeritum ipsius; dicimus enim quod licet non adæquent eius intensiōnem physicam, vt manifestè colligitur in caloribus ex eorum effectū, nam vnus calor vt sex potest producere alium calorem vt sex, & multi calores vt quatuor non possunt producere vnum calorem vt sex; tamen adæquant, imò supereant eius bonitatem vel malitiam moralem, & consequenter eius meritum vel demeritum, quia ordo moralis attenditur ex prudenti æstimatione, est autem fundamentum plus æstimandi multos actus remissos,

quàm vnicum aliquantulum intensiorem, si enim actus esset heroicus, excederet plures & plures alios remissiores. Sed de hoc infra in materia de Merito.

D V B I U M V.

Vtrum aliquando circumstantia mutant speciem bonitatis vel malitiæ moralis.

Supponendum est, quod vt circumstantia moralis influat actui humano aliquam bonitatem vel malitiam moralem, debet esse aliquo modo cognita & volita, vt dictum est supra: cum enim actus humanus debeat esse voluntarius, & bonitas ac malitia moralis soli actui humano conueniat; inde est quod circumstantiæ debent esse aliquo modo volitæ, ac proinde præcognitæ, adhuc vt actus sit moraliter bonus vel malus ex parte ipsarum, sicut & ad hoc vt sit voluntarius & humanus ex parte ipsarum; & influunt bonitatem vel malitiam moralem diuersimodè, iuxta modum quo sunt cognitæ & volitæ. Possunt autem esse cognitæ tripliciter. Primò formaliter, directè, & explicite in seipsis: Secundò virtualiter, indirectè, & implicite in alio: Tertiò tandem interpretatiuè, vt quando quis tenetur scire aliquas circumstantias, vt illas euitet, si enim occurrant ex incuria ipsius, dicuntur interpretatiuè cognitæ & volitæ. Rursus circumstantiæ possunt sumi formaliter & materialiter: sumuntur formaliter, quando considerantur per modum alicuius adiuncti obiecto actus, & sic retinent rationem circumstantiæ; sumuntur autem materialiter, quando considerantur vt principalis conditio obiecti determinantis speciem actus. Quærimus ergo in præsentī, vtrum aliquando circumstantiæ mutant speciem bonitatis vel malitiæ moralis.

Prima opinio negat circumstantias vnquam mutare speciem bonitatis vel malitiæ moralis, siue dare nouam speciem bonitatis vel malitiæ moralis actui humano; & asserit eas tantummodò augere speciem bonitatis vel malitiæ moralis, quæ provenit ab obiecto. Probat: Circumstantiæ actus humani semper habent rationem accidentis respectu actus, & rationem adiuncti respectu obiecti ipsius actus, nunquam verò habent rationem obiecti, nam circumstantia importat conditionem circumstantem obiectum: sed à solo obiecto provenit species bonitatis vel malitiæ moralis actui humano: ergo circumstantiæ nunquam mutant speciem bonitatis vel malitiæ moralis.

Secundò, Ex vna parte adulterium, sicut & parricidium est vnicum peccatum: ex alia verò parte propter circumstantiam sacri plura peccata sunt grauiora, & denominantur sacrilegia, vt homicidium sacerdotis, violatio virginis Deo sacræ, & furtum ex loco sacro: ergo signum est, quod circumstantiæ non mutant speciem bonitatis

tis vel malitiæ moralis ; siue quòd non dant nouam speciem bonitatis vel malitiæ moralis , sed tantum augent bonitatem vel malitiam moralem, quæ prouenit ab obiecto.

Tertio, Si aliquando circumstantiæ mutarent speciem bonitatis vel malitiæ moralis , seu si darent nouam speciem bonitatis vel malitiæ moralis , aut istud conueniret omnibus & singulis circumstantiis, aut tantum aliquibus: sed neutrum dici potest ; non primum , quia vulgò dicitur quòd finis præ aliis circumstantiis dat speciem actui morali ; nec secundum , cum eadem sit ratio de omnibus circumstantiis : ergo circumstantiæ nunquam mutant speciem bonitatis vel malitiæ moralis , siue non dant nouam speciem bonitatis vel malitiæ moralis.

CONCLUSIO.

RESPONDEO dicendum , quòd aliquando circumstantiæ mutant speciem bonitatis vel malitiæ moralis. 2. quod fit dupliciter, scilicet vel dando primam speciem bonitatis aut malitiæ moralis actui humano, vel dando illi secundam speciem. 3. aliquando autem non mutant speciem bonitatis vel malitiæ moralis, sed augent bonitatem vel malitiam moralem intra eandem speciem. Ita communiter Philosophi morales & Theologi in præfenti.

Probatur prima pars conclusionis, tanquam omnino certa, saltem quoad malitiam, expressa autoritate Concilij Tridentini Sess. 14. cap. 5. de Confessione, vbi dicitur dari circumstantias mutantes speciem peccatorum. Et cap. 7. diffinit tales circumstantias esse necessario confitendas. Deinde probatur ex immediatè dicendis in secunda parte, quæ hanc primam efficaciter probant.

Probatur secunda pars conclusionis quoad primum. Aliquando contingit, quòd aliquis actus per aliquam circumstantiam transferatur de bono in malum, vel de indifferenti in malum aut bonum, per hoc quòd illa circumstantia facit vt obiectum aliàs bonum reddatur hîc & nunc malum, aut obiectum aliàs indifferens reddatur hîc & nunc malum vel bonum in esse moris, ita vt actus circa illud elicitus sequatur conditionem obiecti vt affecti per illam circumstantiam: v. g. si quis det elemosynam de re furto sublatâ aut propter inanem gloriam, vel si quis eat in agrum animo furandi aut animo laudâdi Deum: sed in tali casu illa circumstantia dat primam speciem bonitatis vel malitiæ moralis actui humano, cum talis actus nullam speciem moralitatis habeat ex obiecto secundum se considerato; & consequenter dicitur mutare speciem bonitatis vel malitiæ moralis, non quam de facto actus habeat ex obiecto, sed quam ex illo habere posset: ergo aliquando circumstantiæ mutant speciem bonitatis vel malitiæ moralis, dando primam speciem dictæ bonitatis vel malitiæ actui humano; & tunc circumstantiæ non sunt formaliter

circumstantiæ respectu obiecti, aut etiam respectu actus humani in esse moris considerati, benè tamen considerati in esse naturæ; quia cum tales circumstantiæ dent actui primatm & essentialem moralitatem, habent necessariò rationem obiecti, & non circumstantiæ ipsius. Probatur quoad secundum. Aliquando contingit quòd aliquis actus habeat ex obiecto bonitatem vel malitiam moralem, & simul ex circumstantiis propter specialem earum conformitatem aut difformitatem ad regulas morum, diuersæ rationis ab ea quam habet obiectum, vt apparet in furto sacrilego, in obedientia religiosa & similibus: sed in illo casu hæ circumstantiæ dant actui humano, non quidem primam speciem bonitatis vel malitiæ moralis, hæc enim prouenit actui ex obiecto, sed secundam speciem; quia vbi est specialis aliqua conformitas vel difformitas ad regulas morum, ibi est noua species bonitatis vel malitiæ moralis; & consequenter dicuntur mutare speciem bonitatis vel malitiæ moralis, non quòd ab actu tollant speciem, ipsi prouenientem ab obiecto, imò illam supponunt tanquam essentialem ac omnino primam; sed quia superaddunt nouam speciem actui humano, quæ quamuis sit accidentalis, & secunda, tamen formalizat & denominat primam: ergo aliquando circumstantiæ mutant speciem bonitatis vel malitiæ moralis, dando secundam speciem dictæ bonitatis vel malitiæ actui humano; & tunc illæ circumstantiæ habent rationem circumstantiæ tam respectu obiecti, quàm respectu actus in esse moris considerati: & in utroque casu hæ circumstantiæ mutantes speciem bonitatis vel malitiæ moralis actus humani, debent esse cognitæ & volitæ aliquo modo. Hæc secunda pars conclusionis est D. Thomæ hîc art. 10. vbi illam probat ex professo; cuius ratio est, quia tunc circumstantiæ accipiuntur à ratione ordinante, vt principalis conditio obiecti determinantis speciem actus.

Probatur tertia pars conclusionis expressa autoritate & ratione D. Thomæ hîc art. 11. quæ sic proponitur: Circumstantia dat speciem boni vel mali actui morali, in quantum respicit specialem ordinem rationis: contingit autem quandoque, quòd circumstantia non respicit ordinem rationis in bono vel malo, nisi præsupposita alia circumstâtia, à qua actus moralis habet speciem boni vel mali, vt tollere multum vel parum de alieno: vnde non omnis circumstâtia addens in bonitate vel malitia variat speciem moralis actus. Igitur ex dictis colligitur, quòd circumstantia variat speciem actus moralis, quando dicit specialem ordinem conformitatis vel difformitatis ad regulas morum, vt velle furari aliquid ex loco sacro: quando autem non dicit specialem ordinem conformitatis vel difformitatis ad regulas morum, sed tantum modificat ordinem obiecti ad dictas regulas, non variat speciem actus moralis.

ralis, sed augeat eius bonitatē vel malitiam moralem intra eandem speciem, unde dicitur quod magis & minus non diuersificant speciem.

Possit hic inquiri, vtrum quælibet ex septem circumstantiis possit variare speciem actus moralis, siue ipsum constituere in specie boni vel mali moralis: & similiter vtrum quælibet possit augere bonitatem vel malitiā moralem intra eandem speciem. Secundò etiam possit inquiri, vtrum quando actus aliquis habet duplicem speciem, vel plures species moralitatis, siue bonitatis vel malitiæ moralis, vnā ab obiecto, aliam vel alias ex circumstantiis, tunc vna species sit essentialiter sub alia, & quānam sub alia, vel vtrum sint species disparatæ. Ad primum quæsitum respondetur, quod quælibet circumstantia ex illis septem potest & variare speciem bonitatis vel malitiæ moralis, & augere bonitatem vel malitiam moralem intra eandem speciem; Multi casus possunt adduci pro vtraque parte: quamuis finis vt plurimum variet speciem, dando secundā speciem, quia finis ob specialem suam rationem ordinariò est extra speciem ipsius obiecti, & est terminus ipsius, & sic ordinariò ab illo provenit actui humano distincta species bonitatis vel malitiæ moralis ab illa, quæ provenit ex obiecto: in aliis verò circumstantiis frequentius reperitur quod augeant bonitatem vel malitiam moralem, quia omnes illæ ex propria sua ratione habent quod vt plurimum considerentur per modum alicuius adiuncti respectu obiecti: cum hoc tamen stat, quod aliquando finis augeat tantum bonitatem vel malitiam moralem intra eandem speciem, vt cum quis vult furari solum vt furetur, tunc enim idem est finis ac obiectum in esse moris, nec distinguitur finis operantis à fine operis. Ad secundum quæsitum respondetur nunc breuiter, quod illæ duæ vel plures species sunt disparatæ, nec vna continetur sub alia, vt docet D. Thomas hic art. 7. vnde quando alibi cōparat adulterium, stuprum, &c. ad luxuriam tanquam species ad genus: ibi accipit genus & speciem non logicè & propriè, sed moraliter & largè; ita vt propter aliquam analogiam ad genus logicū & speciem logicam, illud dicatur genus morale, quod est aliquo modo superius respectu alterius, & illud dicatur species quod est aliquo modo inferius respectu alterius: vnde quando plura peccata & diuersa ex parte obiecti, sunt ex eodem motiuo siue fine, malitia quæ provenit ex fine est generica in esse moris, malitia verò proveniens ex obiecto est in esse moris specifica: Et hæc notanda sunt, ne iudicetur esse contrarietas in dictis D. Thomæ.

Ad primum ergo dicendum cum D. Thomas hic art. 10. ad 1. quod circumstantia, secundum quod dat speciem actui, consideratur vt quædam conditio obiecti, & quasi quædam specifica differentia eius.

Ad secundum dicendum, quantum ad pri-

mam partē, quod tam adulterium, quàm parricidium dicitur esse vnicum peccatum, quamuis vtrumque contineat duas malitias morales específicas, quia peccatum est nomen substantiuum, ad multiplicationem autem nominis substantiuī requiritur & multiplicatio significati formalis, & multiplicatio significati materialis; hic verò licet multiplicetur significatum formale peccati, quod est malitia moralis non tamen multiplicatur materiale eius significatum quod est actus liber. Quantum ad secundam partē dicendum, quod in illis peccatis malitia sacrilegij est specifica in esse moris, sicut & malitia quæ illis provenit ex proprio obiecto, & vtraque est aperienda in confessione: vnde quamuis conueniant in malitia specifica sacrilegij, differunt tamen in malitia specifica cuique propria ex parte obiecti, & ita ratio sacri in ordine ad illa peccata non est tantum circumstantia aggrauans, sed est circumstantia mutans speciem.

Ad tertium dicendum, quod mutare speciem bonitatis vel malitiæ moralis conuenit omnibus & singulis circumstantiis, ita quod nulla sit, quæ aliquando non mutet speciem; finis tamen frequentius hoc facit, & dat rationem D. Thomas supra qu. 7. art. 4. ad 2. dicens quod finis, etsi non sit de substantia actus, est tamē causa actus principalissima, in quantum mouet agentem ad agendum, vnde & maximè actus moralis speciem habet ex fine: Quoties ergo finis operantis, qui solus dicitur circumstantia, distinguitur à fine operis qui est obiectum ipsius, toties dat nouam speciem moralitatis actui humano, quia finis operantis est ei motiuum operandi. Notanda tādē ex dictis differentia, quæ est inter circumstantiam finis & alias circumstantias, quod aliæ circumstantiæ non sunt motiua agendi sicut finis, sed sunt quidam quasi modi ipsius obiecti, aliquando considerati vt accidentales & extrinseci, aliquando vt intrinseci per modum conditionis principalis ipsius, vt dictum est.

D V B I U M V I.

Vtrum quilibet finis bonus conferat actibus humanis bonitatem, & malus conferat malitiam moralem.

Supponendum est, quod respectu actus humani duo fines considerantur. Primus dicitur proximus & intrinsecus, siue finis operis, & est obiectum ipsius actus, quod est terminus eius immediatus. Secundus dicitur finis remotus & extrinsecus, siue finis operantis, qui est terminus mediatu ipsius actus; ad illum quippe non ex propria ratione, sed ab extrinseca directione operantis mediante obiecto terminatur. Aliquando isti duo fines distinguuntur, & hoc frequentius, vt cum quis dat pauperi eleemosynam ob inanem gloriam, vel ieiunat item ob inanem gloriam, vel

vel celebrat propter luctum: Aliquando autem, quamvis non ita frequenter, coincidunt, ut cum quis dat eleemosynam propter honestatem misericordiae, cum ieiunat propter bonitatem temperantiae, cum celebrat propter bonum religionis. In praesenti agimus tantum de fine operantis, qui solus est circumstantia actus humani (in duobus quippe prioribus dubiis huius disputationis actum est de fine operis qui est obiectum actus humani): specialiter autem & seorsim agitur de circumstantia finis, propter specialem rationem motui quam habet praeter aliis circumstantiis: Quapropter dicitur causa totius bonitatis vel malitiae moralis, quae reperitur in actu humano, tam essentialis quam accidentalis; essentialis quidem quae formaliter provenit actui ab obiecto, & accidentalis quae provenit ab aliis circumstantiis, est causa quoad existentiam & in actu exercito (nam quoad essentialiam & in actu signato essentialis procedit ab obiecto, & accidentalis procedit ab aliis circumstantiis); illius autem bonitatis vel malitiae moralis accidentalis ipsi specialiter correspondentis, est causa tam quoad essentialiam & in actu signato, quam quoad existentiam & in actu exercito. Obiectum actus moralis habet rationem medij in ordine ad finem operantis, & potest sex modis fieri comparatio talis obiecti ad illum finem. Primum potest quis velle obiectum bonum propter bonum finem, ut dare eleemosynam propter amorem Dei. Secundo est contra potest velle obiectum malum propter finem malum, ut furari propter adulterium. Tertio potest velle obiectum bonum propter finem malum, ut dare eleemosynam propter vanam gloriam. Quarto potest velle est contra obiectum malum propter finem bonum, ut furari ad dandam eleemosynam. Quinto potest velle obiectum indifferens propter finem vel bonum vel malum, ut ire in agrum vel ad laudandum Deum vel ad furandum. Sexto est contra potest velle obiectum bonum aut malum, propter finem indifferens, ut in Quadragesima edere vel ieiunare propter sanitatem praecise. Constat autem ex dictis quod finis bonus non confert bonitatem moralem actibus humanis de obiecto malo, & quod finis malus confert malitiam actibus humanis tam de obiecto malo, quam de obiecto bono: Quærimus autem in praesenti, quænam conditiones requirantur ex parte finis, ad hoc ut finis bonus conferat actibus humanis bonitatem, & finis malus conferat illis malitiam moralem.

Prima opinio asserit, quod si obiectum sit bonum, & finis secundarius sit indifferens, actus erit bonus, dummodo finis primarius sit bonus, v.g. si quis eat in agrum primario ad laudandum Deum, & secundario ad vacandum venationi, non ordinans villo modo venationem ad finem honestum. Probatur, Actus humanus ex propria ratione per se primo terminatur ad suum obiectum primarium, ex directione vero operantis

per se primo ordinatur ad finem primarium ipsius operantis; ita ut tam obiectum secundarium, quam finis secundarius se habeat per accidens, & propterea ab obiecto secundario non specificatur actus: ergo si obiectum sit bonum, & finis secundarius sit indifferens, actus erit bonus, dummodo finis primarius sit bonus.

Secunda opinio asserit, quod si obiectum sit malum, & finis bonus, talis finis non minuit malitiam moralem actus humani, sed potius illam auget. Probatur autoritate S. Augustini lib. 10. Homiliarum homilia. 7. ubi sic ait de raptore: Si totum tribuat pauperibus, quod abstulerit, addit potius ad peccata sua, quam minuat.

CONCLUSIO.

RESPONDEO dicendum, quod finis secundum se bonus & honestus (saltem in aestimatione ipsius operantis) & proportionatus actui quo appetitur, confert actui humano bonitatem moralem, si ab obiecto malo vel aliunde talis actus non sit malus, & sic influxus finis non impediatur. 2. quod si finis bonus & proportionatus non confert actui humano bonitatem moralem ob dictum impedimentum, nec etiam illi confert malitiam moralem; sed potius minuit illam quam habet ex obiecto. 3. finis autem obiective malus in genere moris. 4. vel etiam improporcionatus actui humano, confert illi malitiam moralem. Hæc conclusio quoad omnes partes est communis inter Theologos.

Probatur prima pars conclusionis: Finis quantum est in se, influit actui humano moralitatem sibi proportionatam, nisi impediatur; sicut & obiectum & aliae circumstantiae, ut constat ex dictis: ergo finis secundum se bonus & honestus (saltem in aestimatione ipsius operantis inculpabili) & proportionatus actui quo appetitur, influit siue confert actui humano bonitatem moralem, si ab obiecto malo vel aliunde talis actus non sit malus, & sic influxus finis non impediatur.

Probatur secunda pars conclusionis quantum ad primum: Sicut dare v.g. eleemosynam secundum se non est malum moraliter, imò est bonum; sic nec velle dare eleemosynam est malum moraliter, imò est bonum: & consequenter furari ex intentione dandi eleemosynam non habet esse malum moraliter ex dicta intentione finis, nam ex bono principio non oritur malum. Quod confirmatur à posteriori, si enim in tali furto essent duæ malitiae, una ex obiecto, alia ex fine, deberent aperiri in confessione, utraque enim esset specifica modo explicato; & tamen constat ex communi usu & sententia, quod qui furatur ex intentione dandi eleemosynam, vel uniuersaliter qui peccat ex alio bono fine, non tenetur aperire in confessione hanc intentionem: ergo si finis bonus & proportionatus non confert actui humano bonitatem moralem, propter aliquod impedimentum, nec etiam illi confert malitiam

malitiā moralem. Probatur quantum ad secundū auctoritate S. Aug. lib. contra Mendacium c. 7. & in Enchiridio cap. 18. & D. Th. 3. contra Gentes, c. 138. Deinde probatur ratione: Qui furatur v. g. animo dandi eleemosynam, magis afficitur eleemosyna quā furto, iuxta illud, Propter quod vnumquodque tale, & illud magis (quod axioma in genere causæ finalis est vniuersaliter verū) & colligitur manifestè ex Philosopho, qui 5. Ethicorum cap. 2. dicit eum, qui furatur propter adulterium, esse magis adulterum quā furem: vnde bonus finis adiunctus obiecto malo minuit rationem voluntarij circa tale obiectum; ergo etiā minuit in actu humano malitiā quam habet ex obiecto. Denique licet non esset maior affectus erga finem, quā erga obiectum, adhuc affectus erga finem minuit affectum erga obiectum, propter limitatam virtutem voluntatis, quæ quod plus distrahitur, eò redditur minor circa singula; & consequenter affectus voluntatis circa malū obiectum minuitur in ratione voluntarij ex affectu eiusdem circa bonum finem: ergo si finis bonus & proportionatus non confert actui humano bonitatē moralem, propter aliquod impedimētum; minuit tamen malitiā eius moralem, quam participat vel ab obiecto, vel à circumstantiis malis.

Probatur tertia pars conclusionis ex dictis, nam ex communi Theologorum sententia, finis quantum est in se, iuxta propriam sui conditionem obiectiuam confert bonitatem vel malitiā moralem actui humano, quia tam in ordine physico, quā in ordine morali influit vt apprehensus: ergo finis obiectiuè malus in genere moris confert actui humano malitiā moralem.

Probatur & explicatur quarta pars conclusionis. Finis ille dicitur improporionatus actui humano, qui est inferior in dignitate ipso actu, eiusque obiecto (si enim sit superior in dignitate, est valde proportionatus in ratione finis, & eò amplius, quod est dignior vt constabit ex dicendis): hæc autem improporion & inferioritas finis dupliciter contingit. Primò, quando finis non est quid honestum, sed tantum delectabile & indifferens, & in eo sistit intentio voluntatis, vt si quis iret in campum præcisè propter delectationem venationis vel deambulationis. Secundò contingit, quando finis est quidem honestus, sed tamen non ita perfectus, ac est actus & obiectum ipsius; & assumitur vt finis primarius & principalis illius actus: ratio primi est, quia cum actus humanus procedat ex principiis rationis, necessariò petit habere pro fine bonum rationis, & consequenter bonum honestum, quod solum est conforme rationi per se primò, vt pote ipsi proprium, alia verò bona non sunt conformia rationi, nisi participant aliquam honestatē, vnde bonum delectabile, & bonum indifferens secundum se sunt finis improporionatus & inferior respectu actus humani: ratio secundi est, quia finis principalis appetitur propter se, & alia propter ipsum, & propterea magis appetitur quā alia, iuxta illud

R. P. Philippi Carm. discal. Disp. Theolog. in. 1. 2.

axioma, Propter quod vnumquodque tale, & illud magis; vnde cum finis præferatur obiecto actus humani, & consequenter ipsi actui, qui est eiusdem rationis cum obiecto specificatio sui, nisi sit saltem æquè perfectus, ac est actus & obiectum ipsius, ibi est peruersitas & deordinatio rationis quod scilicet minus bonum præferatur maiori, & quod maius bonum ordinetur ad minus bonum; vnde finis non ita perfectus, ac est actus humanus & obiectum ipsius, est finis improporionatus & inferior respectu actus humani. Hæc pars conclusionis sic explicata probatur auctoritate D. Thomæ hic art. 2. ad 1. vbi sic ait: Licet res exteriores sint in seipsis bonæ, tamen non semper habent debitam proportionem ad hanc vel illam actionem: & ideo in quantum considerantur vt obiecta talium actionum, non habent rationem boni; constat autem quod quantum ad hoc est paritas inter obiectum & finem, imò finis in hoc debet præponderare obiecto, cum tam actus ipse, quā obiectum eius ordinentur ad finem. Deinde probatur ratione: Eo ipso quod finis est improporionatus modo explicato ipsi actui, est contra rationem, quod actus ad illū ordinetur; & consequenter actus ad illum ordinatus, vt sic contra rationem ordinatus, ac rationi repugnans, est moraliter malus, vt pote regulis morum difformis, & ab illo fine improporionato habet malitiā moralem: ergo finis improporionatus actui humano confert illi malitiā moralem; & propterea D. Thom. 2. 2. qu. 83. art. 6. docet quod non licet orare propter tēporalia, tanquam propter finem principalem, & communiter docent Theologi quod celebrare Missam propter lucrum, tanquam propter finem principalem, est actus malus ex fine; non ob aliud, nisi quia lucrum est bonum improporionatum actui.

Ad primum ergo dicendum, quod finis ex propria ratione indifferens non conducit ad affectationem alicuius honesti; vnde quantumcunque secundarius, hic & nunc est malus obiectiuè in esse moris, quia in indiuiduo non datur indifferens in esse moris: & quamuis in ordine physico actus humanus tantum specificetur ab obiecto primario, ad quod per se primò terminatur, & quod solum se habet per se respectu actus; tamen in ordine morali omnia, quæ dicunt ordinem ad regulas morum, se habent per se ad conferendam bonitatem vel malitiā moralem actui humano, vt apparet in circumstantiis, quæ minus principaliter concurrunt, quā cōcurrat finis etiā secundarius: Ratio discriminis inter ordinem physicum & ordinem moralem assignata est; quia ordo physicus conuenit actui à parte rei secundum se, actus autem secundum se tantum dependet per se ab illo, quod per se primò respicit; ordo autem moralis conuenit actui ab extrinseco, scilicet ex regulis morum, vnde in hoc ordine per se dependet ab omnibus concurrentibus ad sui productionem, secundum quod

Pp

dicunt

dicunt ordinem conformitatis vel difformitatis ad dictas regulas, quamuis sit ordo maioris vel minoris dependentiæ, ex quo sequitur in actu maior & minor bonitas vel malitia moralis.

Ad secundum dicendum, quod Augustinus ibi non vult, quod intentio dandi eleemosynam ex re sublata per furtum, addat nouam & specialem malitiam ipsi furto, quasi augēs malitiam eius specificam: sed tantum vult, quod qui furatur etiam ex intentione dandi eleemosynam ex re sublata per furtum, committit nouum peccatum scilicet furti, & sic addit potius ad peccata sua quam minuat ex illis. Notandum tamen quod licet bonus finis diminuat malitiā actus humani, non sequitur propterea quod melior finis moraliter per se & ratione sui illam magis diminuat, quamuis magis diminuat sub ratione maioris boni physici, & per accidens: Quod sic declaratur. Ex vna parte, maius & melius bonū physicum magis attrahit affectum secundum se, bonum autem morale non ratione sui, sed sub ratione boni physici attrahit affectū; & quia finis magis honestus potest apprehendi sub ratione maioris boni physici, inde est quod melior finis moraliter, quamuis ratione sui non magis diminuat malitiam actus humani, illam tamen diminuat sub ratione maioris boni physici; quia quod magis trahit ad se affectum sub hac ratione, eò magis minuit voluntarium circa obiectum malum: ex alia verò parte potest quis credere, quod furari v.g. ex bono fine non sit ita malum, & quanto melior est finis in esse moris, tantò malum sit minus; & consequenter melior finis moraliter, licet non per se, tamen per accidens minuit malitiam actus humani, scilicet propter ignorantiam vincibilem, quæ etiam minuit voluntarium, & ex consequenti malitiam moralem fundatam in voluntario.

D V B I V M VII.

Utrum bonus finis diminuat aliquo modo bonitatem, quā actus habet ex obiecto: & malus malitiam.

Supponendum est, quod non est licitum male agere propter bonum finem: quamuis enim bonus finis ut dictum est, minuat malitiam actus, nunquam tamen illam totaliter tollit, nisi ad sit ignorantia inuincibilis. Hoc supponendum est commune inter Theologos, imò inter Fideles, unde vulgò dicitur, quod non sunt faciēda mala ut eueniant bona: est tamen contra Cassianum Collatione 17. cap. 17. vbi ait: Quando igitur graue aliquod imminet de veritatis cōfessione discrimen, tunc mendaciorū sunt recipienda perfugia: hunc tamen errorem impugnant communiter Sancti Patres, ut August. lib. contra Mendacium cap. 7. Item Scholastici cum Magistro in 2. d. 40. & specialiter D. Th. q. sequenti ar. 7. ad 3. vbi sic ait: Siue voluntas sit eius quod est secundum se malum & sub ratione boni, siue sit boni sub ratione mali, semper voluntas erit mala: sed ad hoc quod sit voluntas bona, requiritur quod sit boni sub ratione

boni, id est quod velit bonum & propter bonum. Vnde cum in sacra Scriptura aliqua opera ex obiecto mala excusantur propter bonum finem, debet intelligi quod circa illa fuit ignorantia inuincibilis; vel si nō sint ab intrinseco mala, sicut cum Samson se simul cum Philistæis occidit ex ruina domus, quod fiant ex inspiratione diuina & motione Spiritus sancti; Ita docent August. & D. Th. 2. 2. q. 64. ar. 5. ad 4. vbi sic ait: Dicendū quod sicut August. dicit in primo de Ciuit. Dei, non Samson aliter excusatur, quod seipsum cum hostibus ruina domus oppresserit, nisi quod latenter Spiritus sanctus hoc iusserat, qui per illum miracula faciebat: Et eandem rationem assignat de quibusdam Sanctis fœminis, quæ tempore persecutionis seipsas occiderunt, quarum memoria in Ecclesia celebratur. Nec dictis repugnant duo Scripturæ testimonia, si legitimè intelligantur: Primum habetur Matthæi 6. vbi dicitur, Si oculus tuus fuerit simplex, totum corpus tuum lucidum erit; id est si intentio finis fuerit bona, totum opus erit bonum, ut interpretantur Sancti Patres: Secundum habetur cap. 7. vbi dicitur, Non potest arbor bona malos fructus facere, id est ex bona intentione non possunt procedere praua opera. Ad primum enim testimonium respondet D. Thomas ibidem exponendo, quod debet intelligi de operibus tantum ex genere suo bonis, quæ si fiant ex recta intentione, sunt ex omni parte bona; & hoc dixit Christus Dominus occasione Pharisæorum, quorum opera redarguebat quia procedebant ex vana gloria, licet enim aliquando essent ex genere bona, tamen ex malo fine erant moraliter mala. Ad secundum testimonium per arborem bonam intelligitur voluntas bona non solum in intentione, sed etiam in electione, id est habens bonum finem & bonum obiectum; & quatenus talis non potest facere opus malum. Quod si vrgeatur, quod licet hominem occidere propter bonū Reipublicæ: Respondetur quod occidere malefactorem est ex obiecto bonum; respectu habentis auctoritatem publicam & præidentis bono communi, est enim actus iustitiæ vindicatiuæ cōseruatis bonum commune. Cum igitur ex dictis constet, quod bonus finis coniunctus obiecto bono augeat bonitatem actus humani, in quantum dat illi nouam speciem bonitatis: queritur in præsentī, utrum etiā augeat bonitatē quam habet ex obiecto, vel eam diminuat, & idem pari ratione queritur de fine malo in ordine ad actum moraliter malum ex obiecto.

Prima opinio negat, quod bonus finis diminuat bonitatem quam actus habet ex obiecto: & pari ratione negat quod malus finis diminuat malitiam quam actus habet ex obiecto. Probarur: Bonus finis diminuit malitiam quam actus habet ex obiecto, ut cōmuniter conceditur: ergo non diminuit bonitatem quam actus habet ex obiecto, at potius illam augeat; quia cum bonitas, & malitia moralis sint contraria, & quod minuit vnum contrarium, augeat aliud, bene sequitur quod

quòd bonus finis minuens malitiam quam actus habet ex obiecto, augeat potius quam minuat, bonitatem quam habet ex obiecto.

Secundò, Aliæ circumstantiæ bonæ non diminuunt bonitatem quam actus habet ex obiecto, etiam si mutant speciem, ut communiter conceditur, quin potius illam augent: ergo etiam bonus finis, quamuis det nouam bonitatem actui, non minuit bonitatem quam actus habet ex obiecto, at potius illam augeat intra proprios limites.

Tertiò, probatur de fine malo: siue finis malus sit eiusdem speciei cum obiecto, siue sit diuersæ speciei ab illo, augeat malitiam quam actus habet ex obiecto; nam si quis furetur clauem ut spoliaret domum, furtum clauium in specie furti est grauius, quam si solas clauem furaretur; item si quis occidat hominem ut tollat ab eo unum aureum, grauius peccat quam si occideret eum ut tolleretur centum aureos: ergo absolute malus finis non minuit, at potius augeat malitiam quam actus habet ex obiecto.

CONCLUSIO.

RESPONDEO dicendum, quòd malus finis etsi augeat malitiam actus humani quam habet ex obiecto per additamentum nouæ & specialis malitiæ, quod est eam augere extrinsecè: tamen illam non augeat, at minuit intra proprios limites & intrinsecè. 2. & idem dicendum proportionem seruata ex paritate rationis, de bono fine in ordine ad bonitatem actus humani, si talis finis sit particularis & non ultimus. 3. si autem sit ultimus finis siue in communi, siue in particulari: nullo modo minuit bonitatem actus humani. Ita communiter Theologi in presenti.

Probatur prima pars conclusionis: Qui occidit ut furetur, licet furtum intentum non minuat absolute malitiam occisionis, at potius augeat, quia nouam illi addit malitiam, & non facit aliunde quòd homo non se habeat æquè liberè circa totum hoc, quod est occidere propter furtum, ac se haberet circa occisionem præcisè, si non adesset intentio furti: tamen quia virtus voluntatis est limitata, per hoc quòd distrahitur ad plura, scilicet ad obiectum & finem cui per se obiectum non subordinatur, diuiditur quodammodo in seipsa, & est diminuta respectu singulorum, unde diminuitur ratio voluntarij circa quodlibet: ergo cum malitia moralis (& idem dicendum de bonitate) fundetur supra voluntarium, manifestè sequitur quòd, quia finis malus intentus diminuit voluntarium circa obiectum, per dictam distractionem, etiam diminuat malitiam moralem quam actus habet ab obiecto, intra proprios limites, siue intra propriam lineam, & intrinsecè; quòd est illam minuere secundum quid tantum, & simpliciter illam augere. Hæc ratio desumpta est ex D. Th. 3. contra Gentes cap. 138. Quamuis autem probet adæquatè primam partem conclusionis, quantum ad omnia quæ continet: specialiter tamen probatur quòd malus finis non augeat malitiam actus humani ex obiecto prouenientem, intra proprios limites & intrinsecè; Tum quia occisio facta propter furtum, ex hoc

quòd sit coniuncta cum furto, non habet maiorem malitiam intra speciem occisionis; Tum quia si occisio non esset mala ex obiecto, ut quando reus ab habente auctoritatem occiditur, malus finis adiunctus non faceret illam malam intra propriam speciem siue ex obiecto, quod satis indicat finem malum non augere malitiam quam actus habet ex obiecto, intra proprios limites, si enim posset illam augere, etiam posset de nouo causare.

Probatur & explicatur secunda pars conclusionis. Dicimus quòd si finis intentus sit bonus, & sit particularis, ut cum actus vnius virtutis ordinatur ad finem alterius virtutis particularis ita ut non sit ultimus finis, tunc bonus ille finis, etsi augeat bonitatem actus humani, quam habet ex obiecto, per additamentum nouæ & specialis bonitatis, quod est eam augere extrinsecè: tamen illam non augeat, at minuit intra proprios limites & intrinsecè: eadem quippe est ratio de fine bono in ordine ad actum bonum, ac de fine malo in ordine ad actum malum, ut consideranti patet: ergo cum ostensum sit in prima parte conclusionis, quòd malus finis etsi augeat malitiam actus humani quam habet ex obiecto, per additamentum nouæ & specialis malitiæ, quod est eam augere extrinsecè: tamen illam non augeat, at minuit intra proprios limites & intrinsecè; idem dicendum est de bono fine in ordine ad actum bonum, quantum ad hoc quòd est augere & minuere eius bonitatem, ut docet D. Th. 3. contra Gentes cap. 138.

Probatur tertia pars conclusionis auctoritate D. Th. q. 21. de Veritate ar. 5. ubi sic ait: Deus habet rationem causæ finalis, cum sit omnium ultimus finis, sicut & primum principium: ex quo oportet ut omnis alius finis non habeat habitudinem vel rationem finis, nisi secundum ordinem ad causam primam, quia causa secunda non influit in suum causatum, nisi præsupposito influxu causæ primæ. Deinde probatur ratione ex hac auctoritate deducta: Est impossibile ut id quòd requiritur ex parte alicuius causæ per se & necessariò ad causandum suum effectum, impediatur vel totum, vel ex parte talis effectus; & consequenter est impossibile, quòd id quòd requiritur per se & necessariò ex parte obiecti ad causandam bonitatem moralem in actu humano, impediatur illa vel in totum, vel ex parte diminuendo scilicet ipsam: sed ultimus finis siue consideratus in communi, siue consideratus in particulari (nam quantum ad hoc ultimus finis in communi & ultimus finis in particulari non ponunt in numero) requiritur ex parte obiecti per se & necessariò ad causandam bonitatem moralem in actu humano, nisi enim actus humanus respiciat obiectum cum debita subordinatione ad ultimum finem obiectum non influet tali actui bonitatem moralem, ut constat ex auctoritate D. Thomæ, & est per se manifestum ac communiter receptum: ergo ultimus finis siue in communi, siue in particulari nullo modo minuit bonitatem actus humani, at illum reddit omnibus modis meliorem. Quod declaratur

ratur hac instantia : Si quis volens dare eleemosynam, sisteret in hoc præcisè & vellet non ordinare illam eleemosynam in vltimum finem, verè ille actus esset deordinatus & malus, quicquid enim est à Deo vt à prima causa seu primo principio, debet aliquo modo ad ipsum ordinari, vel formaliter, vel virtualiter, vel saltem habitualiter, vt non sit malum moraliter; vt autem sit bonum moraliter, requiritur quòd vel formaliter, vel virtualiter ad illum ordinetur: ergo signum est quòd vt obiectum influat actui humano bonitatem moralem, tale obiectum debet attingi cum subordinatione ad vltimum finem. Nec contrariatur D. Thomas 3. contra Gentes cap. 138. dum ait: Cum quis dat sua, vt cum altero amicitiam habeat charitatis, actus quidem ex sua specie est liberalitatis, ex fine autem charitatis: huiusmodi autem actus maiorem laudem habet ex maiori virtute scilicet ex charitate, quàm ex liberalitate: vnde etsi remittatur in eo quod liberalitatis est, ex eo quod ad charitatem ordinatur, laudabilior & maiori mercede dignus erit, quàm si liberalitas augetur non in ordine ad charitatem. Dicendum enim quòd dum D. Thomas ait, actum liberalitatis remitti in eo quod liberalitatis est, quia ordinatur ad charitatem, non accipit ibi charitatem secundum quòd respicit Deum vltimum finem vt obiectum primum (de quo solùm intelligitur hæc tertia pars conclusionis) sed secundum quòd respicit proximū propter Deum, vt constat ex ipso textu, qui proximus est obiectum secundarium charitatis, & non habet rationem vltimi finis, nec est obiectis aliarū virtutum ratio influendi bonitatem actibus ipsarum.

Ad primum ergo dicendū, quòd bonus finis ex duplici capite diminuit malitiam, quam actus habet ex obiecto: primo, quia quantum est in se conferret bonitatem actui nisi impediretur ex malo obiecto, vnde talis actus cū fundamēto iudicatur minus malus, quàm si esset malus etiā ex fine: secundo, quia diminuit rationem voluntarij in actu. Ex primo capite non potest bonus finis diminueri bonitatem actus, imò illam auget quia diminuit malitiā bonitati contrariam; vt optimè concludit ratio adducta: ex secundo autem capite diminuit bonitatem actus indirectè per diminutionem voluntarij in actu, ad quod se habet per accidēs bonitas vel malitia formalis actus, & ita bonitas & malitia non considerantur vt contraria.

Ad secundum dicendum, quòd quantum attingit ad præsens, est disparitas inter finem & alias circumstantias: nam ex vna parte alia circumstantia assumuntur vt quid vnum cum obiecto, quia obiectum consideratur vt vestitum talibus circumstantiis; finis autē assumitur seorsum tanquam terminus ad quem ordinatur obiectum: ex alia verò parte finis habet rationem motiui, cuius est allicere affectum & ad se & ad obiectum, ac ita distrahere affectum; alia verò circumstantia sunt quidā modi ipsius obiecti, & ita colligunt

affectum ad ipsum obiectum: inde est quòd alia circumstantia non diminuunt bonitatem, quam actus habet ex obiecto, quamuis finis bonus illam diminuatur. Quod amplius declaratur ex his quæ docet D. Th. 2. 2. q. 154. art. 6. ad 3. & art. 7. ad 2. per hoc enim quòd finis sit motiui appetendi obiectum; ex ipso, & non ex ratione formali obiecti, vehementius excitatur affectus circa obiectum, vnde diminuitur ratio voluntarij in actu circa obiectum sub sua ratione formali consideratum; eo modo quo ratio voluntarij diminuitur in actu ex aliqua vehemente passione: per hoc autem quòd alia circumstantia sint modi ipsius obiecti, reddunt ipsum obiectum difficilius, quàm esset seclusis circumstantiis, & maxime si varient speciem, & consequenter quantum est in ipsis, retardant affectum circa obiectum, vnde non diminuunt in actu rationem voluntarij, quin potius colligitur talem actum esse magis voluntarium circa obiectum in sua ratione formali consideratum, quatenus in illud vt sic terminatur non obstantè repugnantia circumstantiarum.

Ad tertium dicendum, quòd in vtroque casu malus finis diminuit malitiā, quam actus habet ex obiecto. Vnde ad primam probationem in contrarium, dicendum, quòd ibi distrahitur affectus voluntatis, nam partim fertur circa acceptionem clauium, & partim circa spoliationem domus, vnde est magis limitatus circa quodlibet ipsorum, & ita minus voluntariè cuiuslibet adhaeret, ac proinde est minor malitia circa quodlibet, quamuis absolute ex vtroque exurgat maior malitia. Ad secundam probationem dicendum, quòd dato illum talem grauius peccare, hoc tamen non provenit per se ex minori motiui, sed ex maiori contemptu vitæ humanæ, qui colligitur ex paruitate motiui.

D V B I V M VIII.

Vitū actus humanus debeat aliquo modo referri in finem, vt ab eo recipiat bonitatem vel malitiam.

Supponendum est, quòd actus tripliciter potest dirigi siue referri ad finem: scilicet formaliter, virtualiter, & habitualiter: vnde est triplex directio actus in finem, videlicet formalis, virtualis, & habitualis. Directio formalis est illa, quæ procedit ex actuali & expressa intentione finis. Directio virtualis est illa, quæ procedit ex intentione implicita & virtuali ipsius finis; vel per hoc quòd præcesserit formalis & actualis intentio, quæ virtute in aliquo effectu censeatur remanere; vel per hoc quòd obiectum actus sit ex propria sua ratione ordinatum ad finem. Directio tandem habitualis importat in subiecto quandam habitualement dispositionem, ratione cuius est fundamentum iudicandi, quòd suos actus dirigeret in finem si aduerteret. Querimus igitur in præsentī, vtum actus humanus debeat aliquo modo referri in finem, & quonam modo ex assignatis, vt ab eo recipiat bonitatem vel malitiam moralem. Ad cuius euidentiā scien-

sciendum est, quod nullus est actus humanus, qui non possit habere bonitatem vel malitiam moralem ex fine extrinseco, qui est finis operantis: quamvis non illam habeat de facto ex defectu ordinationis ad finem morale. Primum constat, quia omnes actus boni possunt referri ad Deum, etiam actus ipse charitatis potest ordinari ad Deum clarè visum & ad visionem Dei, & sic habere Deum pro fine intrinseco seu obiecto, & pro fine extrinseco seu fine operantis; similiter potest ordinari ad satisfaciendum pro peccatis & ad cultum Dei: & consequenter habebit ex illo fine extrinseco aliquam bonitatem vel malitiam moralem, puta poenitentiae, religionis, &c. Secundum autem constat ex eo, quod operans non semper intendat formaliter vel virtualiter alium finem, quam finem operis; requiritur autem relatio formalis aut virtualis actus in finem, ad hoc ut participet ab illo bonitate vel malitia morale, ut statim dicetur: Quamvis autem omnes actus humani ordinentur vel formaliter vel virtualiter in ultimum finem in communem; & in peccatoribus ad ultimum etiam finem in particulari, qui est bonum proprium ipsius operantis; hi tamen fines seipsis praese non sunt boni vel mali moraliter (nisi subdantur aliquo modo regulis morum) ac proinde non possunt influere bonitatem vel malitiam moralem in actus.

Prima opinio asserit sufficere, quod actus humanus referatur habitualiter in finem, ad hoc ut recipiat ab eo bonitatem vel malitiam moralem. Probatur autoritate D. Thomae in 2. d. 40. q. 1. art. 5. & q. 2. de Malo art. 5. ad 7. ubi dicit omnem actum moraliter bonum, factum ab existente in gratia, esse meritorium vitae aeternae: sed ex una parte nullus actus est meritorius, nisi habeat bonitatem ex fine charitatis, ut docet D. Thomas qu. 26. de Veritate art. 6. ex alia verò parte actus moraliter bonus existentis in gratia aliquando habitualiter tantum ordinatur ad finem charitatis: ergo sufficit quod actus humanus referatur habitualiter in finem, ad hoc ut recipiat ab eo bonitatem vel malitiam moralem. Deinde, Ad hoc ut sacramenta habeant suum effectum, sufficit intentio habitualis tum ministrantium, tum suscipientium; De intentione habituali ministrantium docet D. Thomas 3. p. qu. 64. art. 8. ad 3. dicens: Licet ille qui aliud cogitat, non habeat actualem intentionem, habet tamen intentionem habituales, quae sufficit ad perfectionem sacramenti; De intentione habituali suscipientium ostenditur ex eo quod si quis voluerit prius baptizari, postea dormiens aut amens factus baptizetur, verè recipit effectum sacramenti ut docet D. Thomas 3. p. qu. 68. art. 12. & tamen constat quod in illo nulla est actualis intentio, siue formalis, siue virtualis recipiendi sacramenta, at tantum est intentio habitualis: ergo etiam ex paritate rationis, ad hoc ut actus humanus recipiat à fine bonitatem vel malitiam moralem, sufficit ut habitualiter referatur in finem.

Secunda opinio, quae attribuitur Durando in 2. d. 40. qu. 2. asserit requiri, quod actus humanus referatur formaliter in finem, ad hoc ut recipiat ab eo bonitatem vel malitiam moralem. Probatur, Transacta formali intentione finis nihil remanet, quo actus sequentes dicantur referri virtualiter in illum, si enim aliquid remanet, est habitus v.g. charitatis, qui tamen refert tantum habitualiter actus sequentes: ergo ut actus humanus recipiat à fine bonitatem vel malitiam moralem, requiritur quod formaliter in illum referatur. Deinde, Bonitas & malitia moralis sunt quaedam habitudo formalis actus humani ad obiectum aut finem iuxta regulas morum: ergo ut actus humanus sit bonus aut malus moraliter ex fine, requiritur quod in illum formaliter referatur.

CONCLUSIO.

RESPONDEO dicendum, quod ut actus humanus recipiat à fine bonitatem vel malitiam moralem, non sufficit quod in illum habitualiter referatur. 2. nec tamen requiritur quod in illum semper formaliter referatur: sed sufficit & requiritur relatio virtualis. 3. perfectior autem est relatio formalis. Ita communiter docent Theologi.

Probatur prima pars conclusionis autoritate D. Thomae qui multis locis suae doctrinae asserit, non sufficere ad bonitatem actus humani, habituales eius relationem in finem, ut in 2. d. 38. q. 1. art. 1. ad 4. & d. 40. q. 1. art. 5. ad 6. & q. 2. de Virtutibus art. 11. Deinde probatur ratione de bonitate (eadem autem est ratio de malitia, quantum ad hoc): Bonitas quae reperitur in actu humano ex fine, procedit ex influxu morali ipsius finis, & ex influxu physico virtutis ordinantis actum ad talem finem, ut docet D. Th. 2. 2. q. 58. art. 1. ad 4. dicens: Quilibet virtus secundum propriam rationem ordinat actum suum ad proprium finem illius virtutis: quod autem ordinetur ad ulteriorem finem, hoc non habet ex propria ratione, sed oportet esse aliam superiorem virtutem, à qua in illum finem ordinetur: sed hic influxus moralis finis, & influxus physicus virtutis superioris ordinantis actum ad finem important in actu relationem actualem ipsius in finem, & non tantum relationem habituales; est enim impossibile concipere, quod virtus ordinans actum in finem influat actualiter illi bonitatem per modum principij, & quod finis etiam influat actualiter eandem bonitatem in actum per modum termini; nisi talis virtus actualiter ordinet actum in finem, influit quippe ordinando & non aliter; ac proinde nisi talis actus ordinetur actualiter in finem, aut dicat relationem actualem in finem: ergo ut actus humanus recipiat à fine bonitatem moralem, non sufficit quod in illum habitualiter referatur. Denique, Si sufficeret relatio habitualis actus humani in finem, ad hoc ut ab illo reciperet bonitatem vel malitiam moralem; sequeretur quod omnia opera existentium in gratia, & quae sunt compossibilia cum charitate, essent moraliter bona, quia per charitatem vir iustus cum omnibus suis



TRACTATUS SECVNDVS DE VIRTVTIBVS, VITIIS, ET PECCATIS IN COMMVNI.

PROLOGVS.

QUAMVIS Diuus Thomas, à questione vigesima secunda inclusiue usque ad quadragesimam octauam item inclusiue agat de passionibus animæ, & à questione citata usque ad quinquagesimam quartam agat de habitibus in generali: his tamen prætermisissis, quia circa primum nihil peculiare occurrit dicendum, præter ea quæ habentur in textu D. Thomæ & in Commentariis Caietani: & circa secundum constat sufficienter ex dictis in Philosophia de substantia, subiecto, causâ, augmento, corruptione & diminutione, ac distinctione habituum; Quamuis etiam ex dicendis in hoc Tractatu amplius constabit: ideo accedimus ad questionem quinquagesimam quintam, à qua incipit D. Thomas agere de virtutibus in communi, & perseverat usque ad questionem septuagesimam; à septuagesima verò prima usque ad nonagesimam differit de virtutibus & peccatis item in communi. Hic autem tractatus hæc omnia complectetur, contrariorum quippe eadem est ratio, & contraria iuxta se posita magis elucescunt. Quamuis autem præcipue agatur, tam de virtutibus, quam de virtutibus & peccatis in communi; plura tamen de vniuersis in particulari dicentur maioris claritatis gratia.

QVÆSTIO LV.

De virtutibus, quantum ad eorum essentiam, in quatuor articulos diuisa.

CONSEQUENTIA considerandum est de habitibus in speciali. Et quia habitus, ut dictum est, distinguuntur per bonum & malum, primo dicendum est de habitibus bonis, qui sunt virtutes: & alia adiuncta, scilicet dona, Beatitudines & fructus. Secundo, de habitibus malis, scilicet de vitiis & peccatis.

Circa virtutes autem quinque consideranda sunt. Primo, de essentia virtutis. Secundo, de subiecto eius. Tertio, de diuisione virtutum. Quarto, de causa virtutis. Quinto, de quibusdam proprietatibus virtutis.

Circa primum quærentur quatuor.

- ¶ Primo, vtrum virtus humana sit habitus.
- ¶ Secundo, vtrum sit habitus operatiuus.
- ¶ Tertio, vtrum sit habitus bonus.
- ¶ Quarto, de definitione virtutis.

ARTICVLVS I.

Vtrum virtus humana sit habitus.

291 AD PRIMUM sic proceditur. Videtur, quod virtus humana non sit habitus. Virtus enim est vltimum potentie: ut dicitur in primo de celo: sed vltimum vniuersumque reducitur ad genus illud, cuius est vltimum, sicut punctum ad genus lineæ, ergo virtus non reducitur ad genus habitus.

¶ 1 Præterea, August. dicit in 2. de lib. arbit. * quod virtus est bonus usus lib. arbitij; sed usus liberi arbitij est actus. 1. dist. 43. ergo virtus non est habitus, sed actus.

¶ 2 Præterea, Habitibus non meremur, sed adibus: alioquin homo mereretur continue etiam dormiendo. sed virtutibus meremur: ergo virtutes non sunt habitus, sed actus.

¶ 3 Præterea, August. * dicit in lib. de moribus ecclesiæ, quod virtus est ordo amoris: & in lib. 23. quæst. dicit, quod ordinatio, quæ virtus vocatur, est fruendis suis, & utendis.

¶ 4 Præterea, August. * dicit in lib. de moribus ecclesiæ, quod virtus est ordo amoris: & in lib. 23. quæst. dicit, quod ordinatio, quæ virtus vocatur, est fruendis suis, & utendis.

¶ 5 Præterea, Sicut inueniuntur virtutes humane, ita & virtutes naturales: sed virtutes naturales non sunt habitus: sed potentie quædam. Ergo etiam neque virtutes humane.

¶ 6 Contra est, quod Philosophus in lib. Tridamentorum scienciam & virtutem ponit esse habitus.

CONCLUSIO.

Cum virtus sit perfectio potentie in ordine ad actum, necessario virtus est habitus.

RESPONDEO dicendum, quod virtus nominat quantum potentia perfectionem: vniuersumque enim perfectio potentie ad actum: unde potentia dicitur esse perfecta secundum quod determinatur ad actum. Sunt autem quædam potentie, quæ secundum seipsas sunt determinate ad actum, sicut potentie naturales actus: & ideo humanæ diuinitatis potentie naturales secundum seipsas dicuntur virtutes: potentie autem rationales, quæ sunt propriæ hominis, non sunt determinate ad vnum, sed se habent indeterminate ad multa: determinantur autem ad actum per habitus, sicut ex supradictis patet. & ideo virtutes humane habitus sunt.

AD PRIMUM ergo dicendum, quod quandoque virtus dicitur id ad quod est virtus, scilicet vel obiectum virtutis, vel actus eius. sicut fides dicitur quandoque id quod creditur, quandoque

que verò ipsum credere, quandoque autem ipse habitus, quo creditur: unde quando dicitur, quod virtus est virtutum potentia, sumitur virtus pro obiecto virtutis. id enim, in quod virtutis potentia potest, est id, ad quod dicitur virtus rei: sicut si aliquis potest ferre centum libras & non plus, virtus eius consideratur secundum centum libras, non autem secundum 60. obiectum autem procedebat, ac si essentialiter virtus esset virtutum potentia.

Ad secundum dicendum, quod bonus vsus liberi arbitrij dicitur esse virtus secundum eandem rationem. quia scilicet est id, ad quod ordinatur virtus, sicut ad proprium actum: nihil est enim aliud actus virtutis, quam bonus vsus liberi arbitrij.

Ad tertium dicendum, quod aliquo dicitur mereri dupliciter. Vno modo sicut ipso merito, eo modo quo dicimus currere cursu: & hoc modo meretur adibus. Alio modo dicitur mereri aliquo sicut principio merendi, sicut dicimus currere potentia motu: & sic dicitur mereri virtutibus & habitibus.

Ad quartum dicendum, quod virtus dicitur ordo vel ordinatio amoris, sicut id, ad quod est virtus: per virtutem enim ordinatur amor in nobis.

Ad quintum dicendum, quod potentia naturales sunt de se determinate ad vnum, non autem potentia rationales: & *secorpar.* ideo non est simile, ut dictum est.

ARTICVLVS II.

Vtrum virtus humana sit habitus operatiuus.

AD SECUNDUM sic proceditur. Videtur, quod non sit de ratione virtutis humane, quod sit habitus operatiuus: dicit enim Tullius in 4. de Tusculan. quæstionibus, quod sicut est sanitas & pulchritudo corporis, ita est virtus animæ: sed sanitas & pulchritudo non sunt habitus operatiui, ergo neque virtus.

Ad 1. præterea, In rebus naturalibus inuenitur virtus non solum ad agere, sed etiam ad esse: ut patet per Philosophum d. 26. q. 2. in primo de celo, quod quidam habent virtutem, ut sunt semper: quidam vero non ad hoc, quod sunt semper, sed aliquo tempore determinato. sed sicut se habet virtus naturalis in rebus naturalibus, ita se habet virtus humana in rationalibus, ergo etiam virtus humana non solum est ad agere, sed etiam ad esse.

Ad 2. præterea, Philosophus dicit in 7. Phys. quod virtus est dispositio perfecta ad optimum: optimum autem ad quod hominem oportet disponi per virtutem, est ipse Deus, ut probat 3. & 6. & August. in lib. 2. de moribus Ecclesiarum: ad quem disponitur anima per assimilationem ad ipsum, ergo videtur quod virtus dicatur qualitas quidam animæ in ordine ad Deum tanquam assimilationis ad ipsum, non autem in ordine ad operationem, non igitur est habitus operatiuus.

Ad 3. contra est, quod Philosophus dicit in 1. Ethic. quod virtus virtutis cuiusque rei est, quæ opus eius bonum reddit.

CONCLUSIO.

Virtus humana, cum sit perfectio potentie in ordine ad opus, oportet ipsam esse habitum operatiuum.

RESPONDO dicendum, quod virtus ex ipsa ratione nominis importat quandam perfectionem potentie: ut supra dictum est: unde cum duplex sit potentia, scilicet potentia ad esse, & potentia ad agere, virtutisque potentie perfectio virtus vocatur: sed potentia ad esse se tenet ex parte materie, quæ est ens in potentia: potentia autem ad agere se tenet ex parte forme, quæ est principium agendi, eo quod vnumquodque agit in quantum est actus. in constitutione autem hominis corpus se tenet sicut materia, anima vero sicut forma: & quantum quidem ad corpus homo communicat cum aliis animalibus, & similiter quantum ad vires, quæ sunt animæ & corpori communes: solæ autem illæ vires, quæ sunt propriæ animæ, scilicet rationales sunt hominis tantum, & ideo virtus humana, de qua loquimur, non potest pertinere ad corpus: sed tantum ad id, quod est proprium animæ, unde virtus humana non importat ordinem ad esse, sed magis ad agere: & ideo de ratione virtutis humane est, quod sit habitus operatiuus.

Ad primum ergo dicendum, quod modus actionis sequitur dispositionem agentis. vnumquodque enim quale est, ita operatur: & ideo cum virtus sit principium aliqualis operationis, oportet quod in operante præexistat secundum virtutem aliquam conformis dispositio: facit autem virtus operationem ordinatam, & ideo ipsa virtus est quidam dispositio ordinata in anima secundum scilicet quod propriæ potentie animæ ordinantur aliquantulum ad invicem, & ad id quod est extra, & ideo virtus in quantum est conueniens dispositio animæ, assimilatur sanitati & pulchritudini, quæ sunt debite dispositiones corporis: sed per hoc non excluditur quin virtus etiam sit operationis principium.

Ad secundum dicendum, quod virtus, quæ est ad esse, non est propria hominis, sed solum virtus quæ est ad opus rationis, quæ sunt propria hominis.

Ad tertium dicendum, quod cum Dei substantia sit eius actio, summa assimilatio hominis ad Deum est secundum aliquam operationem, unde, sicut supra dictum est, felicitas sue beatitudo per quam homo Deo maxime conformatur, quæ est finis humane vite, in operatione consistit.

ARTICVLVS III.

Vtrum virtus humana sit habitus bonus.

AD TERTIUM sic proceditur. Videtur, quod non sit de ratione virtutis, quod sit habitus bonus. Peccatum enim in malo semper sunt, sed etiam peccati est aliqua virtus: secundum illud 1. ad Corinth. 13. Virtus peccatilis: ergo virtus non semper est habitus bonus.

Ad 1. præterea, Virtus potentie responderet, sed potentia non solum se habet ad bonum, sed etiam ad malum, secundum illud 1. 1. 5. Vt, qui potentes estis ad bibendum vinum, & vin fortiter ad miscendam ebrietatem, ergo etiam virtus se habet & ad bonum & ad malum.

Ad 2. præterea, secundum Apostolum 1. ad Corinth. 12. Virtus in infirmitate pericitur, sed infirmitas est quoddam malum, ergo virtus non solum se habet ad bonum, sed etiam ad malum.

Ad 3. contra est, quod August. dicit in lib. 2. de moribus Ecclesiarum, Nemo autem dubitabit quod virtus animam facit optimam. & Philosophus dicit in 1. Ethic. quod virtus est quæ bonum facit habentem, & opus eius bonum reddit.

CONCLUSIO.

Virtus humana, quæ est habitus operatiuus, cum disponat hominem in ordine ad virtutem in quod ponitur, necessarium bonum est habitus, & boni operatiuus.

RESPONDO dicendum, quod sicut supra dictum est, virtus importat perfectionem potentie, unde virtus cuiuslibet rei determinatur ad virtutem, in quod res potest, ut dicitur in primo de celo. Virtutem autem, in quod vnaquæque potentia potest, oportet quod sit bonum: nam omne malum defectum quandam importat, unde Dion. dicit in 4. De diuin. nom. quod omne malum est infirmum, & propter hoc oportet quod virtus cuiuslibet rei dicatur in ordine ad bonum: unde virtus humana, quæ est habitus operatiuus, est bonus habitus, & boni operatiuus.

Ad primum ergo dicendum, quod sicut perfectum, ita & bonum dicitur metaphorice in malis. Dicitur enim & perfectus fuit sue latro, ut patet per Philosophum in 3. Met. secundum hoc ergo etiam virtus metaphorice in malis dicitur, & sic virtus peccati dicitur lex: in quantum scilicet per legem occasionaliter est peccatum augmentatum, & quasi ad maximum suum posse peruenit.

Ad secundum dicendum, quod malum ebrietatis & nimis potationis consistit in defectu ordinis rationis: contingit autem cum defectu rationis esse aliquam potentiam inferiorem perfectam ad id quod est sui generis, etiam cum repugnantia vel defectu rationis, perfectio autem talis potentie cum sit cum defectu rationis, non potest dici virtus humana.

Ad tertium dicendum, quod tanto ratio perfectior esse ostenditur, quanto infirmitas corporis & infirmitas patitur: magis potest vincere seu tolerare: & ideo virtus humana, quæ rationi attribuitur, in infirmitate pericitur dicitur: non quidem rationis, sed in infirmitate corporis, & infirmitatem patitur.

ARTICVLVS IV.

Vtrum virtus conuenienter diffiniatur.

AD QUARTUM sic proceditur. Videtur quod non sit conueniens diffinitio virtutis, quæ solet aliquando fieri: virtus est bona qualitas mentis, quæ recte virtutis, quæ nullus 2. d. 39. male virtutis, quam Deus in nobis sine nobis operatur: virtus enim est bonitas hominis, ipsa enim est quæ bonum tantum habet: sed bonitas non videtur esse bona sicut nec albedo est alba: igitur inconuenienter dicitur, quod virtus est bona qualitas.

Ad 1. præterea, Nulla differentia est communis duobus generibus, eam sit generis diuisiva. ad bonum est communis quantum ad 9. qualitas, conueniunt enim cum ente, ergo bonum non debet poni in diffinitione virtutis ut differentia qualitas.

Ad 2. præterea, Sicut Aug. dicit in 12. de ciuitate Dei, ubi primo occurrit aliquid quod non sit nobis, peccatumque commune, illud ad mentem pertinet, sed quidam virtutes sunt etiam irrationabilium partium, ut Philosophus dicit in 1. Ethic. non ergo omnis virtus est bona qualitas mentis.

Ad 3. præterea, Rectitudo videtur ad iustitiam pertinere, unde iidem dicuntur recti & iusti, sed iustitia est species virtutis, inconuenienter ergo ponitur rectum in diffinitione virtutis cum dicitur, Quæ recte virtutis.

Ad 4. Quicunque superbit de aliquo: male virtutis eo sed multi superbiunt de virtute, dicit enim A. C. in regula quod luxuria etiam bonis operibus insidiat, ut peccant. Italem est ergo, quod nemo virtute male virtutis.

Ad 5. præterea, Homo per virtutem iustificatur, sed August. dicit super illud 1. Maiora horum faciet, qui creauit te sine te, non iustificabit te sine te, inconuenienter ergo dicitur, quod virtutem Deus in nobis sine nobis operatur.

Ad 6. contra est, auctoritas August. 1. r. r. eius verbis prædicta diffinitio colligitur, & præcipue in secundo de libero arbitrio.

CONCLUSIO.

Virtus est bona qualitas, seu habitus mentis, quæ recte virtutis, quæ nullus male virtutis, & quam Deus in nobis sine nobis operatur.

RESPONDO dicendum, quod ista diffinitio perfecte completitur totam rationem virtutis: perfecta enim ratio vniuersalisque rei colligitur ex omnibus causis eius. Comprehendit autem prædicta diffinitio omnes causas virtutis: causa namque formalis virtutis, sicut & cuiuslibet rei, accipitur ex eius genere & differentia, cum dicitur bona qualitas: genus enim virtutis qualitas est differentia autem bonum est rationem conuenienter diffinitio, si loco qualitas habitus poneretur: qui est genus propinquum, virtus autem non habet materiam ex qua, sicut nec alia accidentis, sed habet materiam circa quam, & materiam in qua, scilicet subiectum: materia autem circa quam est obiectum virtutis, quod non ponitur in prædicta diffinitione ponitur, eo quod per obiectum determinatur virtus ad speciem: hic autem assignatur diffinitio virtutis in communi, unde ponitur subiectum loco causæ materialis, cum dicitur, quod est bona qualitas mentis: finis autem virtutis cum sit habitus operatiuus, est ipsa operatio.

Sed notandum, quod habituum operatiuorum aliqui sunt semper

semper ad malum, sicut habitus vitiosi; aliqui vero quandoque ad bonum, & quandoque ad malum: sicut opinio se habet ad verum & falsum: virtus autem est habitus semper se habens ad bonum, & ideo ut discernatur virtus ab his, quæ semper se habent ad malum, dicitur, Quæ recte viuunt: ut autem discernatur ab his, quæ se habent quandoque ad bonum, quandoque ad malum, dicitur, Quæ nullus male vituit. Causa autem efficiens virtutis infusa, de qua diffinitio datur, Deus est, propter quod dicitur, Quam Deus in nobis sine nobis operatur: quæ quidem particula si auferatur, reliquum diffinitionis erit commune omnibus virtutibus & acquisitis & infusis.

Ad primum ergo dicendum, quod id quod primo cadit in intellectu, est ens: unde unicuique apprehensio à nobis attribuitur quod sit ens, & per consequens quod sit, vnum & de bonum, quæ conuertuntur cum ente: unde dicimus quod essentia est ens & vna & bona, & quod vnitas est ens & vna & bona: & similiter de bonitate, non autem hoc habet locum in specialibus formis, sicut est albedo & sanitas, non enim omne quod apprehendimus, sub ratione albi & sani apprehendimus: sed tamen considerandum, quod sicut accidentia & formæ non subsistentes dicuntur entia, non quia ipsa habeant esse, sed quia eis aliquid est: ita etiam dicuntur bona vel vna, non quidem aliqua alia bonitate, vel vnitate, sed quia est eis aliquid bonum vel vnum, sic igitur & virtus dicitur bona, quia in ea aliquid bonum.

Ad secundum dicendum, quod bonum quod ponitur in diffinitione virtutis non est bonum commune quod conuertitur cum ente, & est in plus quam qualitas, sed est bonum rationi: secundum quod Dionysius dicit in 4. cap. de diuin. nom. * quod bonum animæ est secundum rationem esse.

Ad tertium dicendum, quod virtus non potest esse in irrationali parte animæ, nisi in quantum participat rationem: ut dicitur in 1. Ethic. & ideo ratio siue mens est proprium subiectum virtutis humanæ.

Ad quantum dicendum, quod iustitia est propria rectitudo, quæ constituitur circa res exteriores, quæ in vsum hominis veniunt, quæ sunt propria materia iustitiæ, ut infra patebit: sed rectitudo quæ importat ordinem ad finem debitum, & ad legem diuinam, quæ est regula voluntatis humanæ (ut supra dictum est) communis est omni virtuti.

Ad quintum dicendum, quod virtute potest aliquis male uti tanquam obiecto: puta cum male sentit de virtute, cum odit eam, vel superbit de ea, non autem tanquam principio vsum, ita scilicet quod malus sit actus virtutis.

Ad sextum dicendum, quod virtus infusa causatur in nobis à Deo sine nobis agentibus, non tamen sine nobis consentientibus, & sic est intelligendum quod dicitur, Quam Deus in nobis sine nobis operatur, quæ vero per nos aguntur, Deus in nobis causat, non sine nobis agentibus: ipse enim operatur in omni voluntate & natura.

Marci 6. dicitur, Non poterat ibi ullam virtutem facere: Matth. 7. In nomine tuo virtutes multas fecimus: Et August. lib. 2. de Libero Arbitrio cap. 19. ait Virtutem esse bonum vsum liberi arbitrij. Tertiò sumitur pro obiecto; unde Aristoteles lib. 1. de Cælo cap. 11. vocat eam vltimum potentiam. Quartò sumitur nimis strictè pro sola fortitudine: unde Sapientia 8. sic enumerantur quatuor virtutes cardinales: sobrietatem & prudentiam docet, & iustitiam & virtutē, id est fortitudinem. Quintò tandē & propriè sumitur ad propositū nostrum pro perfectione quadam potentia rationali superaddita, ex qua redditur operatio perfecta & conformis naturæ rationali: & in hoc sensu sumitur Psalmo 83. Ibunt de virtute in virtutem: Et à Philosopho lib. 2. Ethicorum cap. 5. dicitur dispositio perfecti ad optimū. Querimus igitur in hoc dubio de Virtute in hac vltima acceptione, vtrum sit in genere qualitatis sub specie habitus; ita ut habitus sit verè superius essentialiter respectu virtutis.

Prima opinio Scoti in 1. d. 17. q. 2. & quodlibeto 18. & aliorum, asserit virtutem humanam essentialiter esse relationē prædicamentalem, vel ad prudentiam, vel ad naturam; & tantum subiectiue & de materiali importare habitum. Probatur autoritate Philosophi, qui 7. Physicorum textu 17. ait: Virtus autem omnis & vitium ad aliquid sunt.

Secundò, Potest vnus & idem habitus moralis successiue esse malus & bonus, ac proinde vitium & virtus, mutata solum relatione conformitatis vel deformitatis eius ad rationem rectam; nam idem habitus abstinentiæ acquisitus ex falso & erroneo rationis dictamine, postea posset esse bonus, & consequenter virtus inclinans ad actus abstinentiæ ex recto & prudenti dictamine rationis; Item iidem habitus in esse physico, qui coniuncti prudentiæ & gratiæ sunt virtutes, illis deperditis amittunt esse virtutis, Et tandē habitus offerendi sacrificia in antiqua lege pertinebat ad virtutem religionis, adueniente verò lege gratiæ in eadem ludæo factus est habitus superstitionis: ergo habitus non est superius essentialiter respectu virtutis, at est subiectum illi accidentaliter coniunctum, superius quippe essentialiter non potest separari à suo inferiori.

Tertiò, Eo modo se habet ratio virtutis ad habitum; quo modo se habet bonitas actualis ad actum: Tum quia sicut actus est quid physicum & bonitas actualis est quid morale, sic habitus est quid physicum & virtus est quid morale; Tum quia debet esse correspondentia inter habitum virtutis & actum bonum, ex eo quod habitus virtutis secundum totum quod habet acquiratur per actus bonos, & secundum totum suum esse ordinetur ad actus bonos: sed actus non cõparatur ad bonitatē tanquam superius essentialiter, at tanquam subiectum accidentaliter coniunctum, ut communiter cõceditur: ergo etiam habitus non

Qq

com

DISPUTATIO I.

De natura Virtutis.

SUPPONIT in præsentī D. Thomas esse virtutem ex dictis quæstione præcedenti, art. 3. vbi diuidit habitum in bonum & malum; constat autem quod habitus bonus est virtus. Vnde prætermittā quæstione An sit, quæ est prima agitanda in omni materia, quando manifestè non constat de existentia rei: statim in principio inquirat, Quid sit virtus, & declarat naturam ipsius.

DUBIUM I.

Vtrum Virtus humana sit in genere qualitatis sub specie habitus.

SUPPONENDUM est, quod nomen virtutis à viro deriuatur; ut docet Tullius 2. Tusculanarum quæstionum: sumitur autem multis modis. Primò sumitur latissimè pro quacunque perfectione rei, seu facultate ad aliquid faciendum: unde dicitur Psalmo 32. Verbo Domini cæli firmati sunt, & spiritu oris eius omnis virtus eorum, id est perfectio. Secundò sumitur pro effectu siue actu potentia operatiua: unde

R. P. Philippi Carm. discal. Disp. Theolog. in 1. 2.

comparatur ad virtutem tanquam superius essentialiter, ac tanquam subiectum accidentaliter coniunctum.

CONCLUSIO.

RESPONDEO dicendum, quod virtus non est in genere relationis: sed in genere qualitatis. 2. sub specie habitus: ita ut habitus sit superius essentialiter respectu virtutis, & non tantum subiectum accidentale. Ita communiter Philosophi morales, & Theologi in presenti.

Probatur prima pars conclusionis ex definitione virtutis communiter recepta, quam adducit & exponit tanquam optimam D. Th. hic art. 4. Sic autem definitur: Virtus est bona qualitas mentis, qua recte vivitur, qua nullus male utitur, quam Deus in nobis sine nobis operatur: Ex quibus constat quod qualitas est genus remotum virtutis, & ita virtus est in genere qualitatis, & non in genere relationis. Deinde probatur autoritate S. Augustini lib. 1. de Moribus Ecclesie c. 6. ubi dicit Virtutem nihil aliud essentialiter esse, nisi habitum, & quasi sapientis animae qualitatem. Denique probatur ratione: Virtus est quaedam perfectio potentiae superaddita in ordine ad operationem, quasi ipsam inclinans & facilitans ad operandum in determinata materia, est enim complementum ipsius potentiae, ut postea dicetur & communiter conceditur: sed omnis perfectio potentiae superaddita in ordine ad operationem, est qualitas, nullum enim aliud accidens ordinatur ad operationem praeter qualitatem; ut consideranti patet, & maxime relationi competit quod non sit operatiua: ergo virtus non est in genere relationis, sed in genere qualitatis, ut amplius constabit ex dicendis.

Probatur secunda pars conclusionis autoritate Aristotelis & D. Th. Aristoteles lib. 2. Ethicorum cap. 5. postquam ostendit virtutem non esse potentiam, nec actum seu affectionem, concludit esse habitum; dicens: Si ergo virtutes neque affectus sunt, neque facultates; habitus necessario sunt, ut autem ostendat quod sit essentialiter habitus, siue quod habitus sit genus illius subdit; Quod igitur genus est virtutis, dictum est. D. Thomas exponens praedictum locum Lectione 5. ait: Concludit, quod manifestum quid sit virtus secundum suum genus, quod scilicet est in genere habitus, Idem docet alibi, & ex professo probat hic art. 2. & 3. ac tandem art. 4. ait explicando definitionem virtutis: Ellet tamen convenientior definitio, si loco qualitatis habitus poneretur, qui est genus propinquum. Deinde probatur ratione: Diffinitio habitus conuenit virtuti, ut constat ex eius declaratione: ergo virtus est habitus essentialiter. Probatur antecedens, in quo solo potest esse difficultas, consequentia enim est manifesta: Habitus diffinitur ex Aristotele, quod sit qualitas disponens rem bene vel male secundum se, vel in ordine ad operationem: habitus quippe operatiuus,

de quo agimus in presenti, est complementum potentiae, necessario requisitum quando actus eliciendus aliquo modo excedit innatam virtutem ipsius potentiae; vel per hoc quod est ordinis superioris, & tunc habitus dat simpliciter operari per modum virtutis totalis proximae; vel per hoc quod actus est per se difficilis respectu potentiae, & tunc habitus dat faciliter, prompte, & delectabiliter operari; & solum potentia non indiget habitu, quando actus est omnino proportionatus potentiae, nec est per se difficilis eadem potentiae, quia potentia respectu talis actus est naturaliter completa & determinata; & propterea voluntas non indiget habitu ut tendat ad bonum proprium sibi connaturale, sicut nec potentiae naturales ad proprios actus, nec intellectus agens, &c. ut docet D. Th. q. de Virtutibus ar. 1. Constat autem quod virtus disponit potentiam in ordine ad operationem; nam virtus supernaturalis & infusa disponit ipsam in ordine ad operationem simpliciter excedentem, ut pote superioris ordinis; virtus vero acquisita disponit ipsam ad operationem aliquo modo excedentem ac ipsi per se difficilem, in quantum potentia non est naturaliter determinata ad hanc specie operationem; quod maxime apparet in virtute morali, de qua principaliter agitur in presenti, nam operatio siue actus moralis excedit potentiam naturalem in sua virtute naturali & physica praecise consideratam, est enim specialis difficultas in potentia naturali, quod ordinet propriam suam operationem ad regulas morum, vel per conformitatem vel etiam per difformitatem; quia sicut est difficile operari iuxta regulas morum contra inclinationem appetitus, sic etiam est difficile operari contra regulas morum conscientia repugnante: unde habetur quod virtus est essentialiter habitus. Igitur virtus habet pro supremo genere qualitatem, & pro proximo habet habitum, qui est qualitas difficile mobilis a subiecto, mediat autem inter supremum & proximum genus dispositio generice sumpta; haec enim diuiditur in habitum & in dispositionem specificam sumptam, quae retinet nomen generis, & importat qualitatem facile mobilem a subiecto; tandem habitus diuiditur in bonum & malum, siue in virtutem & vitium, si ita est quod vitium sit habitus proprie dictus, multi enim asserunt quod sit tantum praua dispositio, per hoc quippe quod est contra rationem est facile mobile a natura rationali.

Ad primum ergo dicendum cum D. Thomas ibidem, quod Philosophus vocat virtutem ad aliquid, non quod sit essentialiter relatio praedicamentalis & secundum esse sed quia est respectiua secundum dici, & fundat relationem secundum esse: sufficit autem quod sit hoc modo respectiua, & sit in prima specie qualitatis, ad hoc ut non detur per se motus ad illam, nam motus alterationis, de quo ibi loquitur Philosophus, per se tantum terminatur ad qualitates tertiae speciei,

ciei, scilicet ad passionem & patibilem qualitatem.

A d secundum dicendum, quod est impossibile quod vnus & idem habitus moralis sit successiue bonus & malus, virtus & vitium; quia talis est habitus, quales sunt actus per quos acquiritur habitus, & ita per actus moraliter bonos acquiritur habitus moraliter bonus, qui inclinat in actus bonos similes iis quibus fuit acquisitus; per actus verò moraliter malos acquiritur habitus moraliter malus, qui inclinat in actus malos similes iis quibus fuit acquisitus; non autem datur habitus indifferens, sicut nec datur actus humanus in individuo indifferens, per quem possit acquiri. Vnde ad primam probationem in contrarium, dicendum, quod per actus vitiosos abstinentiæ generatur habitus malus, & hic nunquam erit bonus, sed si fiant actus abstinentiæ ex recto & prudenti dictamine rationis, generabitur nouus habitus abstinentiæ bonus, qui erit virtus, sicut prior est vitium; quia tamen idem est obiectum materiale vtriusque, ideo prior habitus per accidens disponit ad acquirendum secundum per remotionem impedimentorum, vt docet Caietanus hic art. 1. Ad secundam probationem dicendum, quod habitus virtutum moralium remanent cum propriis differentiis essentialibus, etiam in genere moris, amissa gratia & prudentia; non tamen sub statu virtutis, vt dicitur infra. Ad tertiam probationem dicendum, quod nisi talis ludæus excusetur ignorantia inuincibili, dum in statu legis gratiæ offert sacrificia legis antiquæ, committit actum superstitionis, amittit habitum religionis quo prius offerebat talia sacrificia, & ex frequentatione oblationis acquirit nouum habitum, sed malum; quod si habeat facilitatem & delectationem in offereundo statim à principio, dicimus hoc provenire ex eo quod per habitum bonum præexistentem superauerat omnia impedimenta, quæ ab exercitio similium actuum poterant retardare; sicut contingit in hæretico, qui quamuis amittat habitum fidei supernaturalis, per hoc quod discredat vni articulo fidei, tamen facile credit fide humanâ cetera mysteria supernaturalia, propter rationem assignatam.

A d tertium dicendum, quod maior est falsitas, est enim disparitas quantum ad hoc inter habitum bonum & actum virtutis, & radix huius disparitatis consistit in hoc, quod habitus non est causa adæquata siue principium totale ipsius actus, potentia enim simul concurret cum habitu ad actum virtutis; si enim actus sit tantum virtutis moralis, potentia concurret proximè ad eius entitatem, & habitus ad eius bonitatem; si autem actus sit virtutis supernaturalis, potentia concurret ad actum vt virtus radicalis, & habitus concurret etiam ad entitatem vt virtus totalis proxima: cum ergo habitus non sit causa adæquata, siue principium totale actus; non mirum quod

in actu distinguamus esse morale correspondens habitui, ab esse physico correspondente potentiæ tanquā modum superadditum entitati physice ipsius actus; & tamen in habitu non distinguamus esse physicum ab esse morali, quicquid enim est in habitu, pertinet ad genus moris. Vnde quamuis habitus bonus acquiratur per actus virtutis secundum se totum, & ordinetur ad illos, quia tamen acquiritur in ordine ad bonitatem actus, ad quam tantum ordinatur (si loquamur de habitibus moralibus) inde est quod non debet adæquatè correspondere actibus: si loquamur autem de habitibus infusis & supernaturalibus, quia hi concurrunt ad substantiam actus, inde est quod est maior correspondentia inter habitum & actum, & in vtroque est ratio virtutis ex propria specie, antecedenter ad quemlibet modum moralitatis superadditum.

D V B I U M I I.

Vtrum Virtus humana sit habitus operatiuus.

S Vpponendum est, quod virtus humana concurret aliquo modo ad actum virtuosum: sed quia potest concurrere alio modo, quam in genere causæ efficientis; scilicet vel per modum causæ finalis, quia actus tendit ad perficiendum habitum; vel per modum causæ formalis extrinsecæ & specificatiuæ actus, cum actus sit eiusdem rationis ac habitus; vel per modum causæ materialis, quia est dispositio passiva subiecti: inde est quod in præsentem querimus, vtum concurrat ad actum virtuosum per modum causæ efficientis, ac ita sit habitus effectiue operatiuus. Ad cuius euidenciam sciendum est, quod omnes habitus morales ordinantur ad operationem, homo quippe ex propria natura rationali, est perfecte constitutus per modum subiecti in ordine morali, per hoc enim quod sit rationalis, est sufficienter ordinatus ad regulas morum, quarum prima est dictamen rationis, vnde solum indiget habitibus moralibus in ordine ad operationem, propter difficultatem concurrentem in multiplici operatione morali. Inter habitus autem supernaturales datur vnus proximè ordinatus ad esse, qui est habitus gratiæ sanctificantis, qui proinde subiectatur proximè in substantia animæ, cum tamen omnes alij subiectentur in potentiis, vt pote ordinati proximè ad operationem. Ratio autem cur inter habitus supernaturales requiratur vnus immediatè ordinatus ad dandum esse, cum tamen inter morales non requiratur similis habitus, est quia homo seipso est constitutus in ordine morali vt dictum est; non autem est seipso constitutus in ordine supernaturali, vnde indiget forma superaddita habitualiter permanente, ad hoc vt eleuetur ad ordinem supernaturalem, & habeat esse supernaturale, quod est quædam participatio diuinæ naturæ: &

Q 2 quia

quia ad esse sequitur operari, & ad modum efficiendi modus operandi; inde est quod ex gratia habituali sanctificante emanant virtutes supernaturales in ordine ad operationes supernaturales, & propterea recipiuntur & subiectantur in potentiis, quæ sunt principia formalia operandi; sunt autem complementum potentiæ per modum totalis virtutis proximæ, cum tamen alij habitus operatiui inferioris ac naturalis ordinis sint tantum complementum potentiæ per modum partialis virtutis proximæ: Cuius differentia ratio est, quia actus supernaturales quoad substantiam (in ordine ad quos infunduntur habitus supernaturales) excedunt simpliciter potentias naturales secundum suam entitatem consideratas, & sic opus est eas proportionari illis actibus, per receptionem habituum supernaturalium eiusdem ordinis cum ipsis actibus: actus verò naturales quoad substantiam non excedunt potentias naturales, sed quoad substantiam sunt eis proportionati, cum sint eiusdem ordinis naturalis; unde non indigent habitibus, qui sint complementum ipsarum per modum totalis virtutis proximæ in ordine ad tales actus, ut amplius infra declarabitur.

Prima opinio, quam sequuntur aliqui Authores antiqui extra scholam D. Thomæ, negat quod virtus humana sit habitus operatiuus per modum principij effectiui, & asserit eam concurrere ad substantiam vel ad modum actus, ut dispositionem passiuam potentiæ. Probatur: Ex vna parte potentia actiua habet sufficientem vim effectiuam ipsius actus virtuosus, ut præintellecta habitui, cum seipsa independentem ab habitu sit, potentia actiua: ex alia vero parte nihil est in actu virtuoso quod correspondeat habitui quasi principio effectiuo; nam in actu est tantum entitas physica, intentio, & moralitas; quæ omnia correspondent potentiæ: ergo virtus humana non est habitus operatiuus per modum principij effectiui, at tantum concurret ad actum ut dispositio passiuam potentiæ, in quantum potentia per habitum virtutis disposita, est aptior & facilius ad operandum; habitus quippe ad nihil aliud requiritur, siue in anima, siue in corpore, quam ad hanc maiorem aptitudinem & facilitatem; unde experimur quod diuersi diuersa operantur propter variam complexionem; & quod propter eandem complexionem in generatione receptam, filij vt plurimum imitantur suos progenitores.

Secundò, Virtus humana acquiritur per actus eiusdem rationis cum illis, qui ei succedunt, vt communiter conceditur ita vt sit effectus æqui-uocus illorum actuum, & illi actus sint causa æqui-uoca virtutis, vt constat ex eo quod actus est actualior habitu, & habitus sit permanetior actu: sed est impossibile quod in æqui-uocis sit reciprocatio secundum speciem, quasi id quod est effectus, producat aliquid eiusdem speciei cum sua causa, vt constat inductione in omnibus; &

maximè quia causa æqui-uoca est perfectior effectu, & ita implicat quod virtus humana, quæ acquiritur per actus & est effectus æqui-uocus eorum, sit causa æqui-uoca similium actuum: ergo virtus humana non est habitus operatiuus per modum principij effectiui, at tantum concurret ad actum vt dispositio passiuam potentiæ.

Tertiò, Si virtus humana sit habitus operatiuus per modum principij effectiui, sequuntur plura inconuenientia. Primum est, quod actus virtutis principalius procedat à virtute humana, quam à potentia, & quod consequenter potius illi tribuatur quam isti, nam virtus si semel concurret effectiue ad actum, se habet vt formale & perfectiuum, potentia autem vt materiale & perfectibile, quod autem est formale & perfectiuum, perfectius ac principalius concurret, quam illud quod est materiale & perfectibile; constat autem quod actus virtutis non procedit principalius à virtute humana, quam à potentia, nec potius illi tribuitur quam isti. Secundum est, quod respectu eiusdem causæ idem esset effectus immediatus & mediatu: non actus virtutis, per quos acquiritur habitus virtutis humanæ, procedunt immediatè à potentia tanquam à causa; si autem virtus humana esset principium effectiuum similium actuum in specie, tales actus procederent mediatè à potentia, mediante scilicet habitu virtutis humanæ; est autem impossibile, quod idem in specie sit effectus immediatus & mediatu respectu eiusdem causæ. Tertium est, quod actus virtutis procederet à duabus causis totalibus immediatè; cum enim potentia possit se solà & absque virtute humana eundem actum producere, signum est quod sit causa totalis ipsius, & non tantum causa partialis, quia causa partialis non potest producere absque concursu suæ concausæ; & consequenter etiam virtus humana est causa totalis eiusdem actus; constat autem, quod idem effectus non potest produci à duabus causis totalibus immediatè, saltem in doctrina D. Thomæ: ergo virtus humana non est habitus operatiuus per modum principij effectiui, at tantum concurret ad actum vt dispositio passiuam potentiæ.

CONCLUSIO.

RESPONDEO dicendum, quod virtus humana est habitus operatiuus per modum principij effectiui: & ita non solum concurret ad actum vt dispositio passiuam potentiæ, sed verè simul cum potentia influit efficienter in ipsum actum. Ita communiter docent Discipuli D. Th. & plures alij.

Probatur conclusio multiplici autoritate D. Thomæ, sæpe enim repetit in tota hac materia morali, quod virtus humana est habitus operatiuus per modum principij effectiui vel efficienter influentis in actum: sed hoc probat ex professo hic art. 2. ratione statim adducenda, & sic concludit: Et ideo de ratione virtutis humanæ est, quod

quod sit habitus operatiuus. & art. 3. ait: Virtus humana est habitus bonus & boni operatiuus. Quod potest confirmari etiam autoritate Philosophi lib. 2. Ethicorum cap. 6. ubi dicit, quod virtus vniuscuiusque rei est, quæ opus eius bonum reddit.

Secundò probatur ratione D. Thomæ hic art. 2. Illa forma, quæ actuatur & perficit potentiam actiuam in ordine ad operationem, est habitus operatiuus per modum principij effectiui, simulque cum potentia influit efficienter in operationem; nam ex qua parte est forma potentia, habet rationem habitus permanentis; ex qua verò parte actuatur & perficit potentiam actiuam in ordine ad operationem, est ei ratio agendi, quia vnumquodque agit in quantum est actu & perfectum; & consequenter forma, quæ actuatur & perficit potentiam actiuam in ordine ad operationem, est habitus operatiuus per modum principij effectiui, simulque cum potentia influit efficienter in operationem: sed virtus humana actuatur & perficit potentiam actiuam in ordine ad operationem siue in ordine ad agere, & non tantum in ordine ad esse; quauis enim omnis forma actuatur & perficiat subiectum in quo est, aliquo modo in ordine ad esse, tamen hæc est differentia inter formas actuantes & perficientes potentiam actiuam, & formas actuantes & perficientes alia subiecta; quod istæ primariò ordinantur ad esse subiecti, illæ verò ordinantur per se primò ad agere potentia; imò quia esse potentia ordinatur ad agere, ideo tales formæ dum actuant potentiam actiuam in ordine ad esse, actuant eam in ordine ad agere; & in hoc differunt virtutes humanæ, & etiam virtutes infusæ à gratia sanctificante, quod gratia sanctificans subiectata in essentia animæ, eam perficit & actuatur tantum in ordine ad esse, virtutes verò subiectatæ in potentiis animæ, eas perficiunt & actuant per se primò in ordine ad agere; quamuis prius, tamen ex consequenti eas perficiant & actuent in ordine ad esse: ergo virtus humana est habitus operatiuus per modum principij effectiui, simulque cum potentia influit efficienter in operationem.

Tertiò, Actus virtutis est similis in specie virtuti humanæ, vt communiter conceditur, cum & virtus, & actus eius specificentur ab eodem obiecto formali quod respiciunt: ergo virtus humana est potentia ratio agendi, cum enim vnumquodque agat in quantum est actu, illud est ratio agendi, cui actio siue actus assimilatur; quod si virtus humana est potentia actiuæ ratio agendi, est habitus operatiuus per modum principij effectiui, simulque cum potentia influit efficienter in operationem.

Ad primum ergo dicendum, quod potentia actiuæ non habet sufficientem vim effectiuam actus virtuosæ, quoad omnia quæ continet actus, vt præ intellecta habitui, quamuis habeat sufficientem vim effectiuam quoad aliquas rationes

in actu repertas: vnde in actu virtuosæ est aliquid correspondens habitui virtutis humanæ secundum se considerato, vt dicitur dubio sequenti. Ad illud quod subditur, dicendum quod omnis dispositio perficiens & actuans potentiam actiuam, non disponit eam tantum passiuè, sed etiam actiuè vt constat ex dictis in nostris probationibus: Ad experientiam autem dicendum, quod si aliquando complexio naturalis inducit ad agendum, hoc ideo est quia talis complexio inclinat ad materiale virtutis aut vitij, sed non ad formale, nam aptitudo quæ est formalis in virtutibus, non potest esse à natura, sed per habitum impressum à ratione, vt docet D. Th. infra q. 63. art. 1. Vnde quantum ad materiale actus complexio naturalis, quæ est in organo potentia aliquo modo influit efficienter: habitus autem virtutis, quia concurret ad formale actus virtuosæ, perfectio modo influit effectiuè. Quibus addendum est, quod filij imitantur parentes, non solum propter complexionem in generatione receptam, sed etiam propter continuam communicationem cum ipsis.

Ad secundum dicendum, quod tam in actu, quam in habitu virtutis humanæ potest considerari ratio tendentiæ in obiectum, & quantum ad hoc actus & habitus sunt eiusdem speciei; vnde in hac ratione nec actus præcedentes sunt causa æquiuoca habitus, nec habitus est causa æquiuoca actuum subsequentium. Potest etiam considerari mutus excessus inter habitum & actum virtutis, habitus enim excedit actum in permanentia, actus autem excedit habitum in actualitate; quauis ergo habitus excedat in permanentia actus quibus producit, non propterea repugnat ipsi produci per tales actus, quasi per instrumenta potentia quantum ad hoc: & similiter quamuis actus subsequentes excedant in actualitate habitum, non propterea repugnat ipsos produci per talem habitum, quasi per instrumentum potentia quantum ad hoc. Igitur quantum ad id in quo vniuocè se habent actus & habitus virtutis, actus præcedens potest esse & de facto est causa principalis vniuoca habitus, & habitus est causa vniuoca actus subsequentis, quia in causis vniuocis datur reciprocatio secundum speciem: quantum verò ad id in quo æquiuocè se habent, actus præcedens est causa tantum instrumentalis habitus & habitus est causa instrumentalis actus subsequentis; hoc autem axioma, In causis æquiuocis non datur reciprocatio secundum speciem, intelligitur tantum de causis principalibus, & non de causis instrumentalibus: cuius ratio est, quia causa principalis nunquam est ignobilior effectui; sed est nobilior, si sit æquiuoca; & æque nobilis si sit vniuoca; causa verò instrumentalis est ignobilior effectui: & inde est quod idem non potest esse causa principalis æquiuoca & effectus respectu eiusdem in specie.

Ad tertium dicendum, quod ex nostra con-

clusione nullum sequitur inconueniens ex assignatis. Non primum: quia tunc tantum illud quod est formale & perfectiū, concurret principaliter ad actum, quando constituit absolute agens, & dat simpliciter virtutem ad agendum, quod tamen non facit virtus humana; secus autem est de virtute infusa, quæ quia est potentie totalis virtus agendi proxima, principaliter concurret ad actum. Secundum quod assignatur, non est inconueniens; imò necessarium, quod potentia tendens ad suam perfectionem, statim à principio producat aliquos actus imperfectos, id est absque facilitate ac delectabilitate, ab ipsa procedentes immediate; & quod mediis ipsis acquirat habitum, quo completa & perfecta potentia postea producat actus perfectos, id est cum facilitate ac delectabilitate, ab ipsa mediante habitu procedentes. Tertium, inconueniens quidem est, sed non sequitur: quia potentia & habitus virtutis humanæ non comparantur ad actum virtutis, tanquam duæ causæ; sed potentia est principium formale quo ipsius, habitus autem virtutis humanæ est complementum talis principij: unde absolute potentia sine habitu potest producere eundem actum, quem cum habitu producit quia non habet ab illo absolute vim actiuam; sed tamen non potest illum producere eodem modo, & cum eadem perfectione, quia habitus est complementum & perfectio talis principij.

D V B I U M III.

Vtrum in actu virtutis sit aliqua ratio correspondens per se habitui.

Supponendum est, hoc dubium procedere principaliter de virtute morali: nam de virtutibus infusis idem dicendum, quod dictum est prima parte q. 12. de Visione beatifica respectu luminis gloriæ; cum enim virtutes infusæ & supernaturales sint potentie totalis ratio proxima agendi, eadem est ratio de ipsis in ordine ad proprios actus, quæ est de lumine gloriæ in ordine ad visionem beatificam: & ita dicendum est, quod virtutes infusæ & supernaturales indistincte concurrunt cum potentia eleuata ad totum quod est in actu, quamuis in actu distinguamus virtualiter rationes correspondentes potentie tanquam principio formali radicali secundum se, ab illis quæ correspondent virtutibus tanquam principio formali proximo. Sed quia virtus moralis non est potentie totalis ratio proxima agendi; cum potentia possit absolute sine tali virtute producere actum eiusdem rationis, licet imperfectum, ideo præsens dubium occurrit Vtrum in actu virtutis moralis sit aliqua ratio correspondens per se habitui, & quænam illa sit. Ad cuius euidentiam sciendum est, quod in actu virtutis quatuor reperiuntur. Primum est sub-

stantia physica actus, quæ importat quidditatem siue essentiam ipsius, constitutam ex omnibus gradibus superioribus & differentia specifica. Secundum eius bonitas moralis superaddita entitati physice, ut modus intrinsecus, quæ consistit in conformitate talis actus ad regulas morum: bonitas igitur moralis est modus accidentalis actus humani in ordine physico considerati, est tamen ratio essentialis ipsius in ordine morali considerati. Tertium est intensio actus, quæ est quidam modus, consequens tam esse physicum, quam esse morale ipsius. Quartum est facilitas, qua procedit actus mediante habitu. Certum autem est, quod tria priora sunt intrinseca actui, ac realiter ab inuicem distincta: De substantia actus constat, quia constituit actum; unde est ipsi intrinseca, ac distincta tum ab intensione, tum à bonitate morali, ab intensione quidem, quia intensio potest variari manente eodem actu quantum ad substantiam; à bonitate verò morali, quia sunt in diuerso ordine rerum, illa in ordine physico, ista in ordine morali: De intensione quod sit intrinseca, nullus dubitat, cum sit modus afficiens realiter ipsam substantiam actus: De bonitate morali dictum est superius. Solum est dubium inter Authores de Facilitate, vtrum sit aliquid intrinsecum actui, & ab aliis tribus distinctum: Aliqui vt Durandus in 3. d. 23. q. 4. Suares disp. 44. Metaphysicæ sect. 6. & ex Discipulis D. Thomæ Aluarez in præsentī disp. 92. Martinez supra qu. 49. art. 3. dub. 1. asserunt quod facilitas in actu virtutis est tantum denominatio extrinseca, proveniens à potentia per habitum completa facile eliciente, & reputant quodcunque intrinsecum esse superfluum ad hanc denominationem. Sed tamen communior est sententia, maximè inter Discipulos D. Thomæ, quod sit aliquis modus intrinsecus actui, ex natura rei siue distinctione minori modalis ab eius entitate & moralitate distinctus; & idem proportionem seruata dicendum, quod difficultas actus est quidam modus ipsi intrinsecus: Hanc sequuntur Capreol. in 3. d. 23. art. 3. Hispal. ibidem q. 1. art. 4. ad 2. Nostri Salm. Montefinus & alij in præsentī. Quod facilitas sit modus intrinsecus, quo actus redditur facilis; probatur Tum autoritate D. Thomæ in 1. d. 17. q. 2. art. 4. vbi sic ait: In actu animæ est plura considerare, scilicet speciem, & modum, & effectum: & explicans hunc modum subdit; modus autem quem ponit habitus in opere est facilitas & delectatio, ut dicit Philosophus 2. Ethicorum, quod signum habitus oportet accipere delectationem in opere fientem. Et supra q. 51. art. 2. & infra q. 63. art. 2. & alibi ponit in actu procedente ab habitu aliquam perfectionem, quæ non est in aliis actibus. Tum ex his quæ supra dicta sunt circa libertatem actus, quæ ad præsens applicata æquè probant facilitatem actus esse modum ipsi intrinsecum; in actu quippe procedente ab habitu

bitu est specialis modus dependentiæ à tali habitu, siue à potentia completa & perfecta per habitum, ratione cuius hic actus est perfectus in modo procedendi & omnino connaturalis potentiæ sic completæ: ab hoc modo actus denominatur perfectus, facilis, conueniens, firmus, delectabilis, &c. Quod facilitas sit modus ex natura rei siue distinctione minori modali distinctus ab entitate physica, bonitate morali, & intensione actus, suaderetur ex eo quod non sit impossibile, quod idem numero actus incipiat ante habitum, & producto per ipsum habitum continetur; unde cum in tali casu modus facilitatis non sit in principio coniunctus entitati, bonitati, & intentioni actus, sed postea superueniat ei, signum est quod ab illis tribus distinguatur; separatio quippe aliquorum ab inuicem est manifestum & infallibile signum distinctionis mutue eorum.

Prima opinio negat, quod in actu virtutis moralis sit aliqua ratio correspondens per se habitui. Probatur, In actibus vitiosis nihil est per se correspondens habitibus vitiorum, sed totum quod est in illis actibus, correspondet voluntati; De entitate & intensione physica non est dubium, adhuc enim sufficit innata virtus voluntatis diuina motione applicata; De malitia verò morali & facilitate ipsorum, etiam constat, hæc enim non excedunt vim defectiuam voluntatis, per hoc enim quod est ex nihilo, potest in infinitum & maxima facilitate seipsa deficere, ut docet Augustinus: ergo etiam in actibus virtutis nihil est per se correspondens habitibus, ut constat ex paritate rationis communiter recepta.

Secundò, Omnis ratio inuenta in actu virtutis moralis per se correspondet potentiæ ex diuina motione operanti. In actu virtutis moralis sunt quatuor prædicta, de quibus potest esse difficultas, scilicet entitas eius physica, bonitas morali, intensio, & facilitas: Quod entitas physica actus per se correspondeat potentiæ, ex eo constat quod potentia præintellecta habitui eundem in specie actum producit: Quod bonitas morali per se etiam correspondeat potentiæ, ex eodem principio constat, nam potentia præintellecta habitui virtutis producit actus virtutis, & mediis illis acquirit habitum: Quod intensio actus tam in ordine physico, quam in ordine morali per se correspondeat potentiæ ex diuina motione operanti, etiam constat ex eo quod primus actus antecedens acquisitionem habitus, potest ex diuina motione esse intensissimus, & sic procedere à potentia præintellecta habitui: Quod denique facilitas actus per se correspondeat potentiæ, constat ex autoritate D. Thomæ infra q. 63. art. 1. ubi sic ait: Secundum verò naturam individui, in quantum ex corporis dispositione aliqui sunt dispositi vel melius, vel peius ad quasdam virtutes; prout scilicet vires quædam sensitiuæ actus sunt quarundam partium corporis, ex quarum dispo-

sitione adiuuantur, vel impediuntur huiusmodi vires in suis actibus, & per consequens vires rationales, quibus huiusmodi sensitiuæ vires deferuiunt: & secundum hoc unus homo habet naturalem aptitudinem ad scientiam, alius ad fortitudinem, alius ad temperantiam: ergo nulla ratio ex his, quæ reperiuntur in actu virtutis moralis, per se correspondet habitui.

CONCLUSIO.

RESPONDEO dicendum, quod habitus virtutis moralis concurret ad omnes rationes tam physicas, quam morales repertas in actu perfecto virtutis 2. cum hac differentia quod per se primò concurret ad bonitatem moralem tanquam ad rationem productam, & ad facilitatem tanquam ad complementum & modum ipsius, ita ut de formali per se attingat utrumque 3. ad entitatem verò physicam ipsius præcisè sumptam non concurret per se 4. benè tamen ut substratam bonitati morali eiusque facilitati. Ita communiter Discipuli D. Thomæ, Capreolus in 3. d. 23. art. 3. Hispalensis ibidem q. 1. art. 4. Caietanus supra q. 49. art. 3. & 2. 2. q. 81. art. 4. Nostri Salmanticenses in præfenti & alij.

Probatur prima pars conclusionis, contra aliquos Authores contrarium docentes; Gotsfredus enim docet quod habitus virtutis moralis concurret tantum ad intensiorem actus, confortando potentiam & adiuuando ut fortius operetur: Vasques autè docet, quod habitus virtutis concurret tantum ad modum facilitatis qui est in actu: Et tandem Suares docet, quod habitus virtutis secundum se concurret tantum ad substantiam actus & non ad modum facilitatis, quem non admittit. Probatur igitur: Potentia & habitus virtutis moralis indiuisè concurrunt ad actum, quia efficiunt vnicum principium ex facultate naturali & complemento ipsius constitutum; unde habitus virtutis moralis debet prius in ipsa potentia recipi vitaliter, ad hoc ut det ipsi facile & delectabiliter operari, antequam ipsa operetur, & consequenter dat ipsi facilitatem ad totum actum: ergo habitus virtutis moralis concurret ad omnes rationes tam physicas, quam morales repertas in actu perfecto virtutis; nam si influxus potentiæ & habitus sit indiuisus ex parte principij, est etiam indiuisus ex parte termini. Deinde probatur ex impugnatione trium opinionum oppositarum: Prima quidè conuincitur falsitatis: Tum quia potentia habens habitum virtutis moralis, non propterea producit actum intensiorem, ac produceret antequam haberet habitum, imò sæpe producit minus intensum, quod satis indicat habitum non concurrere tantum ad intensiorem actus; Tum quia omnes habitus virtutum moralium concurrunt proportionaliter ad actum, ita ut in actu sit aliquid correspondens proportionaliter habitibus, constat autem quod habitus remissi non concurrunt ad intensiorem actus, alioquin non requireretur

reretur intentio in habitu in ordine ad actus intensos, unde habitus non concurrat tantum ad intensiorem actus: Secunda autem sententia impugnatur; Tum ex dictis in probatione huius primæ partis conclusionis; Tum quia actus assimilatur habitui quantum ad suam speciem, siue quantum ad entitatem specificam, & non tantum quantum ad modum facilitatis, unde habitus non solum concurrat ad illum modum facilitatis; Tum quia habitus si solum concurreret ad illum modum, solum etiam illum per se respiceret, & illum haberet pro specificatione, quod constat esse falsum, nam habitus virtutum moralium distinguuntur penes diuersas species bonitatis moralis actus & obiecti, & non penes diuersos modos facilitatis: Tertia tandem sufficienter impugnatur ex dictis in supponendo, ubi ostensum est dari modum facilitatis in actu, & quod habitus dat potentiam faciliter & delectabiliter operari; unde quando Aristoteles dicit 2. Ethicorum cap. 1. quod habitus concurrat ad actus similes his per quos genitus est, intelligendus est de similitudine quoad substantiam & speciem actus, non de similitudine accidentali quoad modum facilitatis.

Probatur secunda pars conclusionis, quantum ad primum, autoritate Aristotelis & D. Thomæ: Aristoteles 2. Ethicorum cap. 5. dicit potentias esse, per quas sumus potentes irasci vel misereri; sed habitus, quibus bene vel male: D. Thomas in 4. d. 49. q. 1. art. 2. quæstiuncula 2. ad 2. ait: In actu duo est considerare, scilicet substantia actus, & forma ipsius à qua perfectionem habet: actus ergo secundum substantiam principium est naturalis potentia, sed secundum formam suam principium est eius habitus. Deinde probatur ratione, Ad illud per se primo concurrat habitus virtutis moralis, ad quod producendum potentia naturalis indiget tali habitu, ut constat ex ipsis terminis: sed potentia naturalis indiget habitu virtutis moralis ad producendum actum moraliter bonum, siue ad causandam in actu bonitatem moralem; potentia quippe naturalis secundum se est tantum potens producere actum quantum ad substantiam, ut autem producat actum quantum ad bonitatem moralem, indiget habitu ex influxu rationis causato, ut docet D. Thomas q. de Virtutibus art. 9. dicens: Cum igitur ratio multoties inclinet virtutem appetitiuam, fit quædam dispositio formata, per quam inclinatur in vnum quod consuevit; & ista dispositio sic formata est habitus virtutis, unde si recte consideretur, virtus appetitiuæ partis nihil est aliud, quam quædam dispositio siue forma sigillata & impressa in vi appetitiua à ratione; & propter hoc quantumcunque sit fortis dispositio in vi appetitiua ad aliquid, non potest habere rationem virtutis, nisi sit ibi id quod est rationis, &c. ergo habitus virtutis moralis per se primo concurrat ad bonita-

tem moralem actus, tanquam ad rationem productam; maxime quia actus assimilatur in natura specifica ipsi habitui virtutis, in quantum moraliter bonus, cum ut bonus sit tendentia actualis ad idem obiectum, & sub eadem ratione obiecti moralis, ad quod virtus est tendentia habitualis. Probatur quantum ad secundum: Bonitas moralis, præcisa facilitate, potest reperiri in actu, absque eo quod potentia naturalis sit completa per habitum virtutis, sufficit enim quod potentia applicetur motione aliqua transiente; & habitus ex actibus generatur, ut potentia per ipsos completa faciliter & connaturaliter postea eliciat actus, ut communiter dicitur, & docet D. Thomas loco proxime citato, ubi hæc inter alia dicit: Oportet ergo ut alio modo recipiatur (scilicet rectitudo in potentia) scilicet per modum qualitatis inhærentis, ut rectitudo regulæ efficiatur forma potentie regulatæ: sic enim faciliter & delectabiliter quod rectum est operabitur, sicut id quod est conueniens suæ formæ: & hæc quidem qualitas siue forma, dum adhuc est imperfecta, dispositio dicitur; cum autem iam consummata est, & quasi in naturam versa, habitus nominatur; & consequenter facilitas & connaturalitas reperta in actu moraliter bono, quasi specialis modus dependentiæ, correspondet per se habitui virtutis moralis: ergo habitus virtutis moralis per se primo concurrat ad facilitatem coniunctam bonitati morali actus, tanquam ad complementum & modum ipsius bonitatis, ita ut de formali & per se attingat utrumque.

Probatur tertia pars conclusionis autoritate Aristotelis 2. Ethicorum cap. 5. & D. Tho. in 4. d. 49. q. 1. art. 2. superius adducta. Deinde: Entitas physica actus virtuosus præcisè sumpta, siue ut non dicit ordinem ad bonitatem moralem, non excedit innatam virtutem potentie naturalis; & propterea potentia naturalis non indiget habitu superaddito ad producendum actum quantum ad substantiam, quia ut ait D. Thomas q. sequenti art. 6. Cum per habitum perficiatur ad agendum, ibi indiget potentia habitu perficiente ad bene agendum (qui quidem habitus est virtus) ubi ad hoc non sufficit propria ratio potentie: ergo habitus virtutis non concurrat per se ad entitatem physicam actus virtuosus præcisè sumptam. Denique: Ex vna parte tota virtus moralis est tendentia per se ad obiectum morale; ex alia vero parte ipsa est in potentia inferiori participatio potentie superioris scilicet rationis: ergo cum entitas physica actus præcisè sumpta non pertineat ad ordinem moralem nec in ipsa ut sic præcisè aliquid reliceat correspondens rationi ut regulanti & dirigenti, quamuis dependeat à ratione ut proponente & imperante; sequitur quod habitus virtutis moralis non concurrat per se ad entitatem physicam actus virtuosus præcisè sumptam.

Probatur

Probatur quarta pars conclusionis ex dictis circa primam partem: Habitus virtutis moralis concurrit ad omnes rationes tam physicas, quam morales repertas in actu virtutis: sed non concurrit ad rationes physicas præcisè sumptas: ergo concurrit ad ipsas ut substratas bonitati morali eiusque facilitati; & consequenter concurrit per se; quamvis secundariò, ad substantiam actus & ad eius physicam intensionem, ut substratam bonitati morali, quia ut sic utraque reduciue pertinet ad ordinem moralem: igitur licet virtus moralis per se primò in ordine intentionis respiciat bonitatem moralem actus virtuosì, à qua proinde specificatur, eiusque facilitatem modo dictò; tamen ordine executionis prius còcurrit & per se secundariò ad substantiam actus & ad eius intensionem physicam, tanquam ad subiectum bonitatis moralis, & tanquam ad fundamentum à quo resultat.

Ad primum ergo dicendum, quòd in actibus vitiosis est aliquid per se correspondens habitibus vitiorum, cum proportionem ad ea quæ dicta sunt circa actus virtuosos: & ita habitus cuiuscunque vitij concurrit ad omnes rationes tam physicas, quam morales repertas in actu vitioso, cum hac differentia quòd per se primò concurrit ad malitiam moralem tanquam ad rationem productam, & ad facilitatem tanquam ad complementum & modum ipsius, ita ut de formali & per se attingat utrumque: ad entitatem verò physicam ipsius præcisè sumptam non concurrit per se, bene tamen ut substratam malitiæ morali, eiusque facilitati; eadem quippe est ratio quantum ad hoc de actu vitioso in ordine ad habitum vitij, ac de actu virtuosò in ordine ad habitum virtutis moralis. Vnde ad probationem in contrarium, dicendum quòd ad entitatem & intensionem physicam actus vitiosi sufficit innata virtus voluntatis diuina motione applicata, si talis entitas & intensio præcisè sumantur ut sunt in ordine physico: ad malitiam verò moralem & ad facilitatem ipsius non sufficit innata virtus voluntatis, sed requiritur ad hæc habitus vitiosus; quamvis enim voluntas ex se sit defectibilis in actu primo, quia est ex nihilo, ut tamen deficiat in ordine morali facile & delectabiliter, requiritur ut radicalis eius defectibilitas compleatur per multiplicem habitum vitiorum.

Ad secundum dicendum, quòd quidem omnis ratio inuenta in actu virtutis moralis correspondet voluntati ex diuina motione operanti, tanquam virtuti remotæ operandi, sed non tanquam virtuti proximæ. Vnde ad probationem in contrarium, dicendum quòd entitas physica actus præcisè sumpta per se correspondet potentia, ut ratio probat; si autem consideretur ut substrata bonitati morali, excedit ipsam potentiam, quæ proinde indiget virtute superaddita ad entitatem physicam ut sic sumptam; quòd si a-

R. P. Philippi Carm. discal. Diss. Theolog. in 1. 2.

ctus facile & connaturaliter ab illa procedat, virtus superaddita debet esse habitus; & ex his patet ad illud quod subditur de bonitate morali & intensione actus, si enim potentia indiget virtute superaddita ad entitatem physicam actus ut substratam bonitati morali, multò magis ad ipsam bonitatem moralem; & quamvis sine habitu & antecedenter ad illum actus virtutis possit esse intensior ex vi maioris motionis diuinæ, non tamen sine habitu est facilis & connaturalis: Auctoritas verò D. Thomæ adducta solum probat quòd in omnibus sunt quædam semina virtutum ex naturali dispositione, in quantum per diuersam dispositionem naturalem homines ad materiale diuersarum virtutum inclinantur; non tamen actus ex dicta dispositione naturali producti sunt veri actus virtutis moralis; ad hoc enim requiritur in potentia virtus moralis, vel per modum habitus, si actus sit facilis, perfectus in modo procedendi, & connaturalis; vel per modum motionis transeuntis, si actus sit difficilis, imperfectus in modo procedendi, & præternaturalis: Et hoc docet D. Thomas q. de Virtutibus art. 9. ubi sic ait: Et propter hoc quantumcunque sit fortis dispositio in vi appetitiua ad aliquid, non potest habere rationem virtutis, nisi sit ibi id quod est rationis, &c.

D V B I U M I V.

Utrum virtus rectè diffiniatur ab Augustino.

Supponendum est, quòd multæ traduntur virtutis definitiones, tam ab Aristotele, quam ab aliis: Quatuor colliguntur ex doctrina Aristotelis. Prima habetur 2. Ethicorum cap. 6. his verbis: Virtus est habitus, qui bonum facit habentem, & opus eius bonum reddit. Virtus bonum facit habentem in genere causæ formalis per simplicem sui communicationem: reddit autem opus bonum tam in genere causæ efficientis, quia est principium agendi, quam in genere causæ formalis, quia in exercitio specificat ipsum opus. Secunda definitio habetur ibidè: Virtus est habitus electiuus, in mediocritate consistens diffinita ratione quoad nos, ut determinauerit ipse prudens: Sensus illius est, quòd virtus debet consistere in medio iuxta prudentem rationis determinationem; vnde ad virtutem sufficit medium rationis, nec requiritur medium rei, præter quàm in iustitia ob specialem eius rationem. Tertia habetur 3. Physicorum cap. 3. sic: Virtus est dispositio perfecti ad optimum; siue est affectio potentia per ipsam perfectæ ad actum perfectum ratione modi procedendi facile & connaturaliter in tali specie. Quarta habetur lib. 1. de Cælo c. 11. ubi dicitur virtus vltimum potentia: si per *h* vltimum non intelligatur actus vel obiectum potentia, ut potest intelligi, sed intelligatur complementum ipsius potentia. Prima definitio con-

R r uenit

uenit omnibus virtutibus tam intellectualibus quàm affectiuis, tam theologicis quàm moralibus: cum hac tamen differentia, quòd virtutes morales, & ex theologicis charitas absolutè & simpliciter nulla facta suppositione bonum faciunt habentem: intellectuales autem faciunt tantum bonum secundum quid, si synderesim & prudentiam excipias, quæ quia inclinant per se ad honestum, absolutè duntaxat bonum, faciunt simpliciter habentem bonum, & ex theologicis fides & spes bonum faciunt habentem facta suppositione status Viatoris, nam absolutè melior est visio quàm fides, & possessio quàm spes. Secunda definitio nullo modo conuenit virtutibus intellectualibus, quæ sunt habitus iudicatiui, non habitus electiui: vnde conuenit tantum virtutibus moralibus, & potest aliquo modo extendi ad spem & charitatem, si electiuum sumatur pro libero comprehendente tam intentionem quàm electionem, præcipuus quippe actus ipsarum est circa vltimum finem: in aliis autem virtutibus moralibus earum actus dicuntur electiones, non quòd sint purè electiones, sed quia attingunt suum obiectum in medio, separantes cum ab extremis vitiosis superexcedentiæ & defectus, in quo est quædam electio. Denique tertia & quarta definitio conueniunt omnibus virtutibus. S. Augustinus duas affert virtutis definitiones: Primam libro 83. Quæstionum q. 31. in hunc modum: Virtus est habitus bonus, modo & ratione, naturæ consentaneus. Secundam autem lib. 2. de Libero Arbitrio cap. 18. & 19. quæ sic colligitur à Magistro in 2. d. 27. & à D. Thoma hic art. 4. Virtus est bona qualitas mentis, qua rectè viuatur, qua nullus malè vitur, quam Deus in nobis sine nobis operatur; siue quam Deus solus in homine operatur. Alij alias tradunt virtutis definitiones: vt quòd virtus sit habitus afficiens benè potentiam hominis aliquo modo rationalem, ad eliciendam operationem naturæ hominis conformem & rectam; Sed hæc definitio sicut & aliæ similes reducuntur ad præcedentes. In præsentia autem non vacat, examinare has omnes virtutis definitiones, sed tantum cum D. Thoma examinabimus secundam traditam ab Augustino, communiter à Theologis receptam: Vnde quærimus in hoc dubio, vtrum virtus rectè definiatur ab Augustino prædictâ secundâ definitione.

Prima opinio negat virtutem rectè definiri ab Augustino prædictâ definitione. Probatur: Hæc definitio non conuenit omnibus virtutibus, sed tantum Theologicis & moralibus infusis: nam virtutibus intellectualibus non rectè viuatur; imò nec fide benè viuatur, cum peccatores habentes fidem supernaturalem malè viuant: Similiter iisdem virtutibus intellectualibus potest quis malè vti, si vsus illarum sit propter vanam gloriam; imò potest quis malè vti virtutibus

moralibus, superbiendo de illis: ergo hæc definitio virtutis est diminuta, & ita virtus non rectè definiatur ab Augustino prædictâ definitione.

Secundò, Hæc definitio aliis conuenit à virtute definita: scilicet actui virtutis, dispositioni præcedenti habitum, gratiæ habituali, donis Spiritus sancti, continentiae & perseverantiæ contra motus passionum, ac tandem synderesi; quæ omnia non habent rationem virtutis propriè dictæ; & tamen eis conuenit prædictâ definitio, vt consideranti patet: ergo cum non conueniat soli virtuti, non est bona sed superflua, & sic virtus non rectè definiatur ab Augustino prædictâ definitione.

Tertiò, Definitio vt sit bona, debet perfectè explicare naturam rei, quia definitio est oratio explicans naturam rei: sed prædictâ definitio virtutis non perfectè explicat eius naturam; cum enim virtus sit aliquid respectiuum, specificatum ab obiecto quod respicit, vnde non potest perfectè explicari eius natura nisi per ordinem ad obiectum, quod tamen non ponitur in hac definitione: ergo hæc definitio non est bona, & ita virtus non rectè definiatur ab Augustino prædictâ definitione.

CONCLUSIO.

RESPONDEO dicendum, quòd virtus rectè definiatur ab Augustino prædictâ definitione. 2. quæ sumpta adæquatè conuenit tantum virtutibus infusis. 3. si autem separentur vltima hæc verba (quam Deus in nobis sine nobis operatur) conuenit omni virtuti, siue Theologicæ, siue morali, siue intellectuali. Ita communiter docent Discipuli D. Thomæ, & alij in præfenti.

Probatur prima pars conclusionis: Tum auctoritate: tum ratione D. Thomæ hic art. 4. sic in formam reducta: Tunc rectè definiatur aliquid, quando perfectè eius quidditas & natura explicatur, definitio quippe est oratio explicans naturam rei: sed ex prædictâ definitione ab Augustino tradita perfectè explicatur quidditas & natura virtutis; per ipsâ quippe assignantur omnes quatuor causæ virtutis, scilicet formalis, materialis, finalis, & efficiens; formalis quidem per priora illa verba *Virtus est bona qualitas*; materialis autem, per *ly mentis* mens quippe vt dicit potentias aliquo modo rationales, est subiectum siue materia in qua, & non circa quam est virtus; finalis verò, per sequentia verba *qua rectè viuatur, qua nullus malè vitur* quia finis virtutis, cum sit habitus operatiuus, est ipsa operatio; & tandem causa efficiens, per postrema verba *quam Deus in nobis sine nobis operatur* quia solus Deus est causa efficiens virtutis infusæ, cui soli conuenit hæc definitio sic adæquatè sumpta: ergo virtus rectè definiatur ab Augustino hac definitione. Deinde probatur expendendo prædictam definitionem: Dicitur, qualitas, quia est in genere quali

qualitatis, ut ostensum est; & quamvis habitus sit proximum genus virtutis, propter quod aptius poneretur, ut docet D. Thomas, quia genus proximum ut pote minus commune, magis explicat naturam rei; aptè tamen potest poni qualitas, genus remotum, quia etiam genus remotum explicat naturam rei: Adduntur reliqua omnia verba per modum differentie, quia virtus per illa simul sumpta distinguitur ab omnibus aliis; Nam per *ly bona*, distinguitur à pravis qualitatibus; Per *ly mentis*, distinguitur à qualitatibus quæ sunt in corpore ut in subiecto; Per *ly qua rectè vivitur*, distinguitur ab habitibus vitiosis qui inclinant ad malè vivendum; Per *ly qua nullus malè vitur*, distinguitur ab habitibus qui quandoque se habent ad bonum, quandoque ad malum, qualis est opinio quæ se habet ad verum & falsum; Per reliqua verba assignatur causa efficiens virtutis infusæ: ergo virtus rectè definitur ab Augustino hac definitione.

Probatur secunda pars conclusionis: Virtutes acquiruntur, siue sint intellectuales, siue morales, dicuntur tales; quia propriis actibus & proprio labore acquiruntur, unde quamvis concurrat Deus tam præviè, quàm simultaneè, tamen concurrat nobiscum, & ita Deus non operatur in nobis sine nobis has virtutes; sicut in nobis sine nobis operatur virtutes infusas, nam licet diuino auxilio nos ad illas disponamus, non tamen concurrimus efficienter ad earum productionem, simul enim cum gratia à solo Deo infunduntur: ergo hæc definitio sumpta adæquatè conuenit tantum virtutibus infusis.

Probatur tertia pars conclusionis: Tum ex dictis, tum expressa autoritate D. Thomæ hic art. 4. vbi cum immediatè ante posuisset, Quam Deus in nobis sine nobis operatur, statim subdit: Quæ quidem particula si auferatur, reliquum definitionis erit commune omnibus virtutibus, & acquisitis & infusis: Quod autem ibi comprehendat etiam virtutes intellectuales, constat ex præmissis, dixerat enim quod per ista verba, Qua nullus malè vitur, discernitur virtus ab habitu opinionis qui se habet ad verum & ad falsum; Ex quibus constat quod secundum D. Thomam habitus intellectualis qui se habet semper ad verum, est virtus: Sed expressius loquitur qu. 1. de Virtutibus art. 2. vbi postquam adduxisset omnes huius definitionis particulas, præter hanc vltimam, Quam Deus in nobis sine nobis operatur, ait: Hæc autem omnia conueniunt tam virtuti morali, quàm intellectuali, tam theologicæ, quam infusæ.

A d primum ergo dicendum, quod licet absolute loquendo, tantum rectè viuamus virtutibus moralibus & theologicis quæ sunt in voluntate, quia per illas habetur rectitudo & bonitas moralis, quæ est rectitudo & bonitas simpliciter: tamen secundum quid rectè viuimus virtutibus intellectualibus & fide diuina, rectitudine sci-

licer illius potentie in qua sunt, in quantum per illas attingit verum. Ad aliud dicendum cum Caetano, quod etiam virtute intellectuali nullus malè vitur formaliter, quasi virtus per se ad malitiam actus concurrat, & hoc sufficit ad saluandam bonitatem huius definitionis; potest tamen fieri quod quis vitur malè materialiter virtute intellectuali, eliciendo scilicet mediante ipsa actum moraliter malum, non quidem ex ipsa virtute, sed ex prava intentione finis operantis; quia vero obiecto intellectus non contrariatur malitia moralis, sed falsitas: virtus autem moralis nec materialiter potest concurrere ad actum ex aliqua parte moraliter malum, quia ex se virtus moralis est in genere moris, & bono morali obiecto ipsius repugnat malitia moralis yndecunque proueniat.

A d secundum dicendum, quod hæc definitio, virtutis nulli ex assignatis conuenit, excepta synderesi: Non actui virtutis, quia non est qualitas sed actio: nec dispositioni, quia non est qualitas perfecta & completa, quomodo qualitas assumitur in hac definitione; quamvis definitio aliquantulum dispositioni conueniat, quia est virtus imperfecta & incompleta: Nec gratie habituali, quia ut docet D. Thomas in 2. d. 27. q. 1. art. 2. ad 8. per hoc quod dicitur, qua rectè vivitur, ostenditur virtus esse principium rectæ operationis; non enim sumitur hic rectè vivere secundum quod est esse virtutis, sed secundum quod est operatio rei viuæ; gratia autem non est principium recti operis nisi mediante virtute, & ideo non est illud quo immediatè rectè vivitur: Nec donis Spiritus sancti ita propriè conuenit, ut docet D. Th. infra q. 68. art. 1. ad 3. dicens. Si volumus diffinitionem restringere ad virtutes proptè distinguuntur à donis, dicemus quod hoc quod dicitur, qua rectè vivitur, intelligendum est de rectitudine vitæ: quæ accipitur secundum regulam rationis; regula quippe & mensura donorum non est communis ratio etiam illustrata lumine naturali, fidei, & prudentiæ; sed est instinctus & impulsus Spiritus sancti mouentis & impellentis animam supra omnes communes regulas: Nec conuenit continentie & perseuerantie, quia per ipsas non rectè vivitur rectitudine perfectâ importatâ in hac definitione, quia ista duo non habent perfectâ operationem, eo quod non reducant passionem ad medium, sed maneant cum illis valde immoderatis, ut docet D. Th. infra q. 58. art. 3. ad 2. Quantum ad synderesim fatemur quod illi conuenit hæc definitio, quia est propriè virtus intellectualis & radix virtutum moralium, quam Aristoteles 6. Ethicorum cap. 3. comprehendit sub intellectu qui est habitus principiorum, & diuiditur in speculatiuum & practicum; Habitus speculatiuus principiorum dicitur intelligentia seu intellectus, Habitus practicus principiorum dicitur synderesis.

A d tertium dicendum, quod eo ipso quod in

hac definitione dicitur, *qua rectè vivitur*, in quo importatur operatio recta, sufficienter exprimitur ordo virtutis in communi ad obiectum bonum in communi; cum enim omnis operatio mentis habeat proprium obiectum, operatio recta habet obiectum bonum.

DUBIUM V.

Utrum possit quis malè vti virtute

Supponendum est, ad maiorem evidentiam prædictæ definitionis, propter quam excitatur hoc dubium, quod sunt tria genera virtutum. Aliæ sunt intellectuales tantum, quæ perficiunt intellectum in ordine ad cognitionem, & inclinant ad actum bonum ex genere, non tamen determinant bonum usum ipsius, & sunt intelligentia, sapientia, scientia, & ars. Aliæ sunt morales, quæ perficiunt appetitum & inclinant ad actum bonum, & sunt iustitia, fortitudo, & temperantia; quibus debet coniungi prudentia, licet enim subiectetur in intellectu, tamen convenit cum virtutibus moralibus in hoc quod respicit rectitudinem appetitus, & bonum usum actus, cum sit regula omnium virtutum moralium. Aliæ tadem sunt theologales, sic dictæ quia immediate versantur circa Deum velut circa proprium obiectum. Præsens dubium procedit generaliter de virtute, ut comprehendit hæc tria genera, & quaeritur utrum possit quis malè vti virtute: Potest autem intelligi dupliciter, quod aliquis utatur virtute, ut docet D. Thomas hic art. 4. ad 5. vel tanquam principio, applicando ipsam ad actum eliciendum: vel tanquam obiecto, ut cum benè aut malè de ea sentimus, cum eam amamus aut odio habemus, cum superbimus aut humiliamur de ea. Certum est autem, quod hoc posteriori usu potest quis malè vti virtute, ut docet D. Thomas loco citato dicens: Virtute potest aliquis malè vti tanquam obiecto, puta cum malè sentit de virtute, cum odit eam, vel superbit de ea: unde præsens dubium tantum procedit de priori usu; in quo virtus se habet ut principium effectivum.

Prima opinio asserit, quod quis possit malè vti virtute, tanquam principio, effectivo. Probatur sigillatim in vnoquoque genere virtutum: Potest quis abuti intelligentia, sapientia, scientia, & arte, ut dicitur illis utitur propter inanem gloriam; tunc enim actus elicitus est moraliter malus: ergo potest quis malè vti virtute intellectuali.

Secundo, Potest quis mala intentione vti prudentia, iustitia, fortitudine, & temperantia, eliciendo scilicet actus ipsarum vel ex vana gloria, vel alio motivo indebito: sed hæc quatuor sunt virtutes morales: ergo potest quis malè vti virtute morali; & propterea D. Thomas 2. 2. q. 57. art. 1. ait de iustitia: Iustum dicitur aliquid quasi habens rectitudinem iustitiæ, ad quod termi-

natur actio iustitiæ, etiam non considerato qualiter ab agente fiat.

Tertio, Potest quis credere mysteria supernaturalia ut à Deo revelata, propter vanam gloriam, & similiter potest sperare beatitudinem supernaturalem propter vanam gloriam: sed hi actus credendi & sperandi sunt elicitus à fide & spe virtutibus theologis: ergo potest qui malè vti virtute theologica; propterea Augustinus serm. 15. de verbis Apostoli dicit, quod superbia etiam bonis operibus insidiatur ut pereant maximè quia potest quis malè vti charactere, qui est qualitas supernaturalis, ut consecrando vel absolviendo ex malo fine.

CONCLUSIO.

RESPONDEO dicendum, quod nullus potest malè vti formaliter virtute, quæcunque illa sit. 2. potest autem malè vti materialiter, tum virtutibus intellectualibus excepta prudentia, tum etiam fide theologica. 3. non verò virtutibus moralibus, ac prudentia, nec spe aut charitate. Ita communiter Discipuli D. Thomæ & alij.

Probatur prima pars conclusionis ex definitione virtutis explicata dubio præcedenti, in qua habetur inter alia propria virtuti, *qua nullus malè utitur*, quod debet saltem intelligi de malo usu formali, quia scilicet ipsa virtus non potest per se per modum principij effectivi concurrere ad malitiam actus. Deinde ex una parte actus cuiuscunque virtutis ex suo genere est rectus; quia respicit, vel verum, vel bonum: ex alia verò parte formalis usus virtutis est in ordine ad proprium actum præcisè ex suo genere consideratum: ergo nullus potest malè vti formaliter virtute, quæcunque illa sit, quasi ipsa virtus per se concurrat ad malitiam actus; & sic intelligendus est D. Thomas hic art. 4. ad 5. dum ait, quod non potest aliquis malè vti virtute, tanquam principio usus, ita scilicet quod malus sit actus virtutis.

Probatur secunda pars conclusionis quantum ad virtutes intellectuales, excepta prudentia, tum prima ratione primæ opinionis, tum sequenti: Virtutes alie intellectuales perficiunt tantum intellectum in ordine ad verum, & non in ordine ad bonum sub ratione boni, & earum rectitudo in hoc consistit, quod attingant verum sub ratione veri; nec ex proprio genere determinant bonum usum actus: sola quippe prudentia inter virtutes intellectuales determinat bonum usum actus: ergo potest quis malè vti materialiter virtutibus intellectualibus excepta prudentia; & sic actus virtutum intellectualium erunt boni physice per hoc quod attingant verum, & mali moraliter per hoc quod fiant ex mala intentione, vel cum alio defectu morali; quia enim vero non opponitur malitia, sed falsitas, inde est quod in eodem actu virtutis intellectualis malitia moralis est compossibilis cum veritate, & consequenter cum eius bonitate physica. Probatur quantum ad secundum de fide theologica, autoritate D.

Th.

Th. 2. 2. q. 47. art. 13. ad 1. ubi ait: Fides in sui ratione non importat aliquam conformitatem ad appetitum rectorum operū: ex quo sic formatur ratio. Fides theologica est virtus intellectualis per se primò speculatiua, nec respicit obiectum sub ratione boni, sed sub ratione primi veri: ergo licet actus fidei ex malo fine, vel ex praua aliqua circumstantia reddatur malus moraliter, manet tamen in sua perfectione physica, quæ consistit in certitudine ac infallibilitate sibi essentiali; & sic physicè non destruitur, cum malitia moralis sit composibilis cum certitudine ac infallibilitate actus, per solam quippe falsitatem destruitur veritas, & consequenter certitudo & infallibilitas.

Probatur tertia pars conclusionis, quantum ad virtutes morales: Virtutes morales habent pro obiecto bonum sub ratione boni honesti, & sic non modo respiciunt actum ex se bonum, at etiam respiciunt bonum vsum: ergo non possunt elicere actum ex aliquo capite moraliter malum, cum idem actus non possit simul esse bonus & malus moraliter, etiam ex diuerso capite, vt dictum est supra; & propterea Philosophus 2. Ethicorum cap. 6. ait de virtute morali, quòd bonum facit habentem, & opus eius reddit perfectum: vnde non potest quis malè vt etiam materialiter virtutibus moralibus. Probatur quantum ad prudentiam: Prudentia quamuis sit virtus intellectualis, tamen determinat bonum vsum actus, cum sit regula & moderatrix omnium virtutum: ergo actus prudentiæ destruitur ex quacunque malitia morali reperta in actu subiecto prudentiæ; & sic non potest quis malè vt prudentia, etiam materialiter. Probatur quantum ad charitatem & spem: Charitas non solum habet bonum diuinum vt in se est pro obiecto, sed etià pro fine, & ita refert in illud totum suum actum immediatè, constat autem quòd nihil moraliter malum potest immediatè referri in Deum: vnde quando D. Thomas q. 2. de Malo art. 4. ad 1. videtur dicere quòd dilectio Dei potest ad malum finem ordinari, intelligit de dilectione naturali, quæ ex hac parte potest vitari: De spe docet D. Thomas 2. 2. q. 17. art. 1. ad 1. dicens: Spe attingente Deum nullus potest malè vt, sicut nec virtute morali attingente rationem; cuius ratio est, quia spes theologica est virtus perficiens voluntatem in ordine ad bonum diuinum vt obtinendum ab ipso sperante, & consequenter respicit bonum sub ratione boni: ergo nulla potest interuenire circumstantia, quæ aliquo modo vitiet actum ipsius, alioquin non respiceret bonum sub ratione boni, sed respiceret illud sub aliqua ratione mali; & ita non potest quis malè vt, etiam materialiter spe aut charitate.

Ad primum ergo dicendum, quòd tantum probat secundam partem conclusionis, quòd potest quis malè vt materialiter virtutibus intellectualibus.

Ad secundum dicendum, quòd si quis ex malo fine vel praua aliqua circumstantia operetur aliquem actum, quamuis hic actus videatur materialiter esse alicuius virtutis moralis, tamen non elicitur ab aliqua virtute, nec est formaliter actus virtutis; sed est actus moraliter malus elicitus immediatè ab ipsa potentia. Vnde ad auctoritatem D. Thomæ dicendum, quòd loquitur ibi de rectitudine materiali obiectiua iustitiæ, quæ attenditur per comparisonem ad aliud; & non de rectitudine formali, quæ est per comparisonem ad agentem, & in qua consistit formalis ratio virtutis: Quod autem vtraque rectitudo debeat esse in actu iustitiæ, docet ibidem D. Thomas dicens: Rectum verò quod est in ordine iustitiæ, etiam præter comparisonem ad agentem, constituitur per comparisonem ad aliud; sed in aliis virtutibus non determinatur aliquid rectum (etiam obiectiue) nisi secundum quòd aliquo modo sit ab agente, quia tales virtutes sunt circa proprias passionem ipsius agentis tanquam circa obiectum, iustitia verò versatur circa alium.

Ad tertium dicendum, quòd si quis credat propter vanam gloriam, actus quidem est fidei supernaturalis substantialiter, sed moraliter malus: si quis autem speret propter vanam gloriam, actus non est spei supernaturalis, & est moraliter malus: cuius differentie ratio assignata est in probanda conclusione. Augustinus autem solum vult quòd per superbiam opera ex obiecto aliàs bona, sunt moraliter mala. Ad illud quòd subditur, dicendum quòd potest quis materialiter malè vt charactere, sicut & virtutibus intellectualibus: est autem differentia inter characterem & virtutes morales, prudentiam, spem & charitatem; quòd character non respicit pro obiecto bonum honestum sub ratione honesti, nec determinat bonum vsum actus; & ideo potest quis malè vt illo materialiter, non autem dictis virtutibus ob rationem assignatam.



QUESTIO LVI

De subiecto virtutis, in sex articulos diuisa.



DEINDE considerandum est de subiecto virtutis.

Et circa hoc quærentur sex.

- Primo, vtrum virtus sit in potentia animæ sicut in subiecto
- Secundo, vtrum vna virtus possit esse in pluribus potentiis.
- Tertio, vtrum intellectus possit esse subiectum virtutis.
- Quarto, vtrum irascibilis & concupiscibilis.
- Quinto, vtrum vires apprehensiuæ.
- Sexto, vtrum voluntas.

ARTICVLVS I.

Vtrum virtus sit in potentia animæ sicut in subiecto.

295

AD PRIMUM sic proceditur. Videtur, quòd virtus non sit in potentia animæ sicut in subiecto. Dicit enim August. in 2. de lib. arb. * quòd virtus est qua rectè viuunt: viuere autem non est per potentiam animæ, sed per eius essentiam: ergo virtus non est in potentia animæ, sed in eius essentia. Sup. q. 50. art. 1. Et 3. q. 7. a. 1. et 11. q. 2. ar. 1. q. 2.
 ¶ Preterea, Philosophus dicit in 2. Eth. * Virtus est quæ bonum facit habentem, & opus eius bonum reddit: sed sicut 2. ar. 1. q. 2. ar. 1. q. 2. ar. 1. q. 2.

R. 1. 3

opus

op. 3. cor. 1. opus constituitur per potentiam, ita habens virtutem constituitur per essentiam animae: ergo virtus non magis pertinet ad potentiam animae, quam ad eius essentiam.

¶ 2. Præterea, potentia est in secunda specie qualitatis: virtus autem est quadam qualitas, ut supra dictum est: qualitas autem non est qualitas, ergo virtus non est in potentia animae sicut in subiecto.

¶ 3. Contra, Virtus est ultimum potentiae, ut dicitur in 1. de celo: sed ultimum est in eo, cuius est ultimum, ergo virtus est in potentia animae.

CONCLUSIO.

Virtus humana cum sit perfectio & habitus operativus, est in potentia anima tanquam in proprio subiecto.

¶ 1. Respondendo dicendum, quod virtutem pertinere ad potentiam animae, ex tribus potest esse manifestum. Primo quidem ex ipsa ratione virtutis, quæ importat perfectionem potentis: perfectio autem est in eo cuius est perfectio. Secundo ex eo, quod est habitus operativus, ut supra dictum est: omnis autem operatio est ab anima per aliquam potentiam. Tertio ex hoc, quod disponit ad optimum, optimum autem est finis, qui vel est operatio rei, vel aliquid consecutum per operationem à potentia egredientem, unde virtus humana est in potentia animae, sicut in subiecto.

Ad primum ergo dicendum, quod vivere dupliciter sumitur. Quandoque enim dicitur vivere ipsum esse viventis, & sic pertinet ad essentiam animae, quæ est viventis essendi principium. Alio modo vivere dicitur operatio viventis, & sic virtute recte vivitur inquantum per eam aliquis recte operatur.

Ad secundum dicendum, quod bonum vel est finis, vel in ordine ad finem dicitur, & ideo cum bonum operantis consistat in operatione, hoc etiam ipsum quod virtus operantem bonum facit, refertur ad operationem, & per consequens ad potentiam.

Ad tertium dicendum, quod unum accidens dicitur esse in alio sicut in subiecto, non quia accidens per se ipsum possit sustentare aliud accidens, sed quia unum accidens inhæret substantiæ mediante alio accidente, ut color corpori mediante superficie, unde superficies dicitur esse subiectum coloris, & eo modo potentia animae dicitur esse subiectum virtutis.

ARTICULUS II.

Utrum una virtus possit esse in pluribus potentiis.

196 AD SECUNDUM sic proceditur. Videtur, quod una virtus possit esse in duabus potentiis: habitus enim cognoscitur per actus, sed unus actus proceditur diversimode à diversis potentiis, sicut ambulatio procedit à ratione vel dirigetur, à voluntate sicut à mouente, & à potentia motiva sicut ab exequente, ergo etiam unus habitus potest in pluribus esse potentiis.

¶ 1. Præterea, Philosophus dicit in 2. Ethic. quod ad virtutem tria requiruntur, scilicet scire, velle, & immobiliter operari. sed scire pertinet ad intellectum, velle ad voluntatem, ergo virtus potest esse in pluribus potentiis.

¶ 2. Præterea, Prudentia est in ratione, cum sit recta ratio agibilium, ut dicitur in 6. Ethic. est etiam in voluntate, quia non potest esse cum voluntate perversa, ut in eodem lib. dicitur, ergo una virtus potest esse in duabus potentiis.

¶ 3. Contra, Virtus est in potentia animae sicut in subiecto: sed idem accidens non potest esse in pluribus subiectis: ergo una virtus non potest esse in pluribus potentiis animae.

CONCLUSIO.

Impossibile est unam virtutem esse in duabus potentiis, nisi illæ ordinem ad invicem habeant in participatione illius virtutis.

Respondendo dicendum, quod aliquid esse in duobus, contingit dupliciter. Vno modo sic, quod ex æquo sit in utroque: & sic impossibile est unam virtutem esse in duabus potentiis, quia diversitas potentialium attenditur secundum generales condiciones obiectorum, diversitas autem habituum secundum speciales, unde ubicunque est diversitas potentialium, est diversitas habituum, sed non convertitur. Alio modo potest esse aliquid in duobus vel pluribus, non ex æquo, sed ordine quodam: & sic una virtus pertinere potest ad plures potentias, ita quod in una sit principaliter, & se extendat ad alias per modum diffusionis, vel modum dispositionis, secundum quod una potentia mouetur ab alia, & secundum quod una potentia accipit ab alia.

Ad primum ergo dicendum, quod idem actus non potest æqualiter & eodem ordine pertinere ad diversas potentias, sed secundum diversas rationes & diverso ordine.

Ad secundum dicendum, quod scire præxigitur ad virtutem moralem inquantum virtus moralis operatur secundum rationem rectam, sed essentialiter in appetendo virtus moralis consistit.

Ad tertium dicendum, quod prudentia realiter est in ratione sicut in subiecto: sed præsupponit rectitudinem voluntatis sicut principium, ut infra dicitur.

ARTICULUS III.

Utrum intellectus possit esse subiectum virtutis.

197 AD TERTIUM sic proceditur. Videtur, quod intellectus sit subiectum virtutis. Dicit enim August. in lib. de moribus Ecclesie, quod omnis virtus est amor. subiectum autem amoris non est intellectus, sed solum vis appetitiva, ergo nulla virtus est in intellectu.

¶ 2. Præterea, Virtus ordinatur ad bonum, sicut ex supra dictis patet, bonum autem non est obiectum intellectus, sed

appetitus virtutis, ergo subiectum virtutis non est intellectus, sed appetitiva virtus.

¶ 3. Præterea, Virtus est, quæ bonum facit habentem, ut Philosophus dicit, sed habitus perfectiens intellectum non facit bonum habentem: non enim propter scientiam vel artem dicitur homo bonus, ergo intellectus non est subiectum virtutis.

¶ 4. Contra est, quod mens maxime dicitur intellectus: subiectum autem virtutis est mens, ut patet ex diffinitione virtutis supra inducta, ergo intellectus est subiectum virtutis.

CONCLUSIO.

Cum virtus sit quæ simpliciter & actu bonum facit habentem, & opus eius bonum reddit, impossibile est intellectum esse subiectum virtutis simpliciter, nisi secundum ordinem ad voluntatem, quæ virtutis simpliciter subiectum est.

Respondendo dicendum, quod sicut supra dictum est, virtus est habitus, quo aliquis bene vitat. Dupliciter autem habitus aliquis ordinatur ad bonum actum. Vno modo, inquantum per huiusmodi habitum acquiritur homini facultas ad bonum actum: sicut per habitum Grammaticæ habet homo facultatem recte loquendi, non tamen Grammatica facit, ut homo semper recte loquatur, potest enim Grammaticus barbarizare, aut solæcismum facere, & eadem ratio est in aliis scientiis & artibus. Alio modo aliquis habitus non solum facit facultatem agendi, sed etiam facit, quod aliquis recte facultate utatur: sicut iustitia non solum facit, quod homo sit promptus voluntatis ad iusta operandum, sed etiam facit, ut iuste opere-retur. Et quis bonum sicut & ens, non dicitur simpliciter aliquid secundum id, quod est in potentia, sed secundum id quod est in actu: ideo ab huiusmodi habitibus simpliciter dicitur homo bonum operari, & esse bonus: puta quis est iustus vel temperatus: & eadem ratio est de similibus. Et quia virtus est quæ bonum facit habentem, & opus eius bonum reddit, huiusmodi habitus simpliciter dicuntur virtutes quia reddunt bonum opus in actu, & simpliciter faciunt bonum habentem. Primi vero habitus non simpliciter dicuntur virtutes: quia non reddunt bonum opus, nisi in quadam facultate, nec simpliciter faciunt bonum habentem: non enim dicitur simpliciter aliquis homo bonus ex hoc, quod est sciens vel artifex, sed dicitur bonus solum secundum quid, puta bonus Grammaticus, aut bonus faber, & propter hoc plerumque scientia & ars contra virtutem diuiditur, quandoque autem virtutes dicuntur, ut patet in 6. Ethicorum.

¶ Subiectum igitur habitus, qui secundum lib. 6. Ethic. quid dicitur virtus, potest esse intellectus non solum practicus, sed etiam intellectus speculativus ubique omni ordine ad voluntatem: sic enim Philosophus in 6. Ethicorum, scientiam, sapientiam, & intellectum & etiam artem potest esse intellectus. Quales virtutes. Subiectum vero habitus, qui simpliciter dicitur virtus, non potest esse nisi voluntas, vel aliqua potentia, secundum quod est mota à voluntate: cuius ratio est, quia voluntas movet omnes alias potentias, quæ aequaliter sunt rationales ad suos actus, ut supra habitum est, & ideo quod homo actu bene agat, contingit ex hoc, quod homo habet bonam voluntatem, unde virtus, quæ bene facit agere in actu non solum in facultate, oportet quod vel sit in ipsa voluntate, vel sit in aliqua potentia, secundum quod est à voluntate mota: contingit autem intellectum à voluntate moveri, sicut & alias potentias, considerat enim aliquis aliquid actu, eo quod vult, & ideo intellectus secundum quod habet ordinem ad voluntatem, potest esse subiectum virtutis simpliciter dictæ, & hoc modo intellectus speculativus vel ratio, est subiectum fidei, movetur enim intellectus ad assentiendum his quæ sunt fidei ex imperio voluntatis: nullus enim credit nisi volens: intellectus vero practicus est subiectum prudentiæ, cum enim prudentia sit recta ratio agibilium, requiritur ad prudentiam, quod homo se bene habeat ad principia huius rationis agendorum, quæ sunt fines, ad quos bene se habet homo per rectitudinem voluntatis: sicut ad principia speculabilium per naturale lumen intellectus agentis. Et ideo sicut subiectum scientiæ, quæ est ratio recta speculabilium, est intellectus speculativus in ordine ad intellectum agentem, ita subiectum prudentiæ est intellectus practicus in ordine ad voluntatem rectam.

Ad primum ergo dicendum, quod verbum August. intelligendum est de virtute simpliciter dicta, non quod omnis talis virtus sit simpliciter amor: sed quia dependet aequaliter ab amore in quantum dependet à voluntate, cuius prima affectio est amor, ut supra dictum est.

Ad secundum dicendum, quod bonum universaliusque est finis eius, & ideo cum verum sit finis intellectus, cognoscere verum est bonum actus intellectus: unde habitus perfectiens intellectum ad verum cognoscendum, vel in speculativis, vel in practicis dicitur virtus.

Ad tertium dicendum, quod ratio illa procedit de virtute simpliciter dicta.

ARTICULUS IV.

Utrum irascibilis & concupiscibilis sint subiectum virtutis

AD QUARTUM sic proceditur. Videtur, quod irascibilis & concupiscibilis non possint esse subiectum virtutis. Multum enim vires sunt communes nobis & brutis, sed tunc loquimur de virtute secundum quod est propria homini: sic enim dicitur virtus humana, non igitur humanæ virtutis potest esse subiectum irascibilis & concupiscibilis, quæ sunt partem appetitus sensitivi, ut in primo dictum est.

¶ 2. Præterea, Appetitus sensitivus est vis vitiis organo corporali: sed bonum virtutis non potest esse in corpore hominis. Dicit enim Apostolus Rom. 7. Scio quod non habito in carne mea bonum, ergo appetitus sensitivus non potest esse subiectum virtutis.

¶ 3. Præterea

h. 1. Eth. id est, universaliter appetitum, ut dicitur in 1. Ethic. *
c. 1. sub appetituo autem comprehenditur voluntas. & ideo
si qua virtus est in voluntate, erit moralis: nisi sit theologica,
†. 3. 67. ut infra patebit. †

A. D. tertium dicendum, quod quædam virtutes ordinantur
ad bonum passionis moderatæ, quod est proprium huius vel
illius hominis & in talibus non est necessarium, quod sit ali-
qua virtus in voluntate, cum ad hoc sufficiat natura potentia,
ut 2. dictum est. sed hoc solum necessarium est in illis virtuti-
bus, quæ ordinantur ad aliquod bonum extrinsecum.

DISPUTATIO II.

De Subiecto Virtutis.

CONSIDERATA iam virtutis naturâ,
inquirendum est de eius subiecto, quod
fiet in præsentī disputatione, vbi agetur
tam de subiecto quod quam de subiecto quo.

D V B I V M I.

Vtrum in Deo sint virtutes

Supponendum est, in Deo esse summam
simplicitatem, ita ut in eo nulla sit prorsus
compositio realis, imò nec compositio rationis
fundata in reali, ut probat D. Thomas 1. p. q. 3.
per multos articulos: unde si semel in Deo po-
nantur virtutes, nō possunt distingui nec ab ipso
Deo, nec ab inuicem distinctione aliqua reali
actuali, quæ sit à parte rei (in diuinis quippe
nulla est distinctio realis, nisi inter relatiua); sed
ad summum distinguuntur tam à Deo, quàm ab
inuicem distinctione virtuali, quæ fundatur in
summa eminētia diuinæ entitatis, quæ in seipsa
summè vna, tanquā in principio primo omnium
aliorum effectiuo, vnité continet omnes perfe-
ctiones in suis effectibus multipliciter dispersas;
causa quippe efficiens debet præhabere totam
perfectionem sui effectus, iuxta hæc axiomata;
Vnumquodque agit in quantum est actu, & Ne-
mo dat quod non habet. Quærimus ergo in præ-
sentī, vtrum in Deo sint virtutes, virtualiter ab
ipso & ab inuicem distinctæ.

Prima opinio negat in Deo propriè esse vir-
tutes. Probatur sigillatim de vnoquoque genere
virtutum, & primò de intellectualibus: Deus est
purissimus actus, unde in sua essentia nihil habet
potentialitatis oppositæ actualitati purissimæ:
ergo cum sit naturæ intellectualis, debet in linea
intellectiui continere essentialiter identificata,
& absque vlla distinctione virtuali, quicquid per
se pertinet ad ordinem intellectuum, scilicet in-
tellectum, principia intelligendi, imò & ipsam
intellectionem; unde in Deo non sunt virtutes
intellectuales.

Secundò, Virtutes morales dantur in ordine
ad mores, & deseruiunt ad componendas passio-
nes, ut maximè apparet in fortitudine & tempe-
rantia, & ideo subiectantur in appetitu sensitivo:
Aliunde verò iustitia, quæ non est circa passio-
nes, repugnat Deo; non enim illā potest habere

in ordine ad seipsum, nec in ordine ad creatu-
ras, quia Dei ad hominem non potest esse per-
fecta iustitia, ut docet Aristoteles, non autē potest
admitti in Deo imperfecta iustitia, cui omnis
imperfectio repugnat: ergo in Deo non sunt vir-
tutes morales, cum in eo non sint passionēs.

Tertiò, Virtutes theologice sunt fides, spes, &
charitas: sed nulla ex his virtutibus est in Deo;
non fides, cum in ipso sit visio perfectissima &
comprehensiva sui & omnium aliorum, quæ op-
ponitur fidei; nec spes, cum in Deo sit possessio
summi boni opposita spei; nec tandem charitas,
quia ad amandum bonum proprium & con-
naturalissimum non opus est virtute superaddi-
ta, sed sufficit ipsa natura tali bono proportio-
nata ab intrinseco: ergo in Deo non sunt virtu-
tes theologice.

CONCLUSIO.

RESPONDEO dicendum, quòd in Deo sunt
virtutes tam intellectuales 1. quàm affectiue,
quæ nullam in suo conceptu formali important,
vel supponunt imperfectionem. 3. non tamen
sunt in illo per modum habitus præcisè, sed per
modum actus purissimi. Ita communiter Disci-
puli D. Thomæ, & alij.

Probatur prima pars conclusionis autoritate
sacræ Scripturæ & Sanctorū Patrum, apud quos
passim Deus dicitur intelligens, sapiens, sciens,
prudēs, & artifex huius mundi: ergo necessariò
sunt in eo virtutes in abstracto correspondentes
his concretis, omnium quippe concretorum in
Deo ponuntur abstracta constitutiva ipsorum.
Deinde probatur communi consensu Theolo-
gorum, qui sæpe mentionem faciunt diuinæ in-
telligentiæ, sapiētiæ, scientiæ, prudentiæ, & artis
tanquam diuinorū attributorū; imò cum D. Th.
agunt ex professo de Scientia Dei q. 14. primæ
partis, quæ simul est vera sapientia & intelligen-
tia; agunt q. 22. de Prouidentia quæ est pars pru-
dentiæ; & tandem agunt qu. 15. de Arte Diuina
& Idæis Diuinis. Denique probatur ratione:
Dantur respectu Dei obiecta formalia harū vir-
tutum intellectualium; nam sunt in Deo aliquæ
rationes per modum primorum principiorum, ut
quòd Deus sit suum esse, actus purissimus, quæ
sunt obiectū formale intelligentiæ; sunt aliæ ra-
tiones per modum conclusionum, ut quòd Deus
sit æternus, immutabilitas quippe est ratio for-
malis à priori æternitatis, quæ sunt obiectū for-
male sapiētiæ & scientiæ; est in Deo recta ratio
obiectiua agibilibus, quæ est obiectum formale
prudentiæ; & similiter est recta ratio obiectiua
factibilium, quæ est obiectū artis: ergo dantur
in Deo virtutes intellectuales, posito quippe ob-
iecto formali alicuius virtutis, debet poni talis vir-
tus in Deo, aliàs in eo esset aliquis defectus.

Probatur & explicatur secunda pars conclu-
sionis: Ex virtutibus affectiuis plures in suo con-
ceptu formali non important nec supponunt im-
perfectionem, ut iustitia, misericordia, liberali-
tas,

tas, &c. alix verò vt pœnitentia, supponunt aliquam imperfectionem, pœnitentia enim est de peccato: virtutes affectiuæ prioris ordinis sunt in Deo, posterioris autè ordinis non sunt in Deo. Primum constat tum autoritate sacræ Scripturæ & Sanctorum Patrum, vbi passim fit mentio diuinarum virtutum affectiuarum, putà iustitiæ, misericordiæ, liberalitatis, &c. Tum autoritate Theologorum, qui cum D. Thoma de his virtutibus diuinis agunt vt 1. p. q. 21. & alibi. Tum ex his quæ diximus supra q. 19. primæ partis, vbi ex professio probauimus in diuina volūtate esse virtutes affectiuas, quæ proinde in præsentī non repetimus. Secundum autem ex se constat, quia nihil est in Deo formaliter, quod in suo cōceptu formali importat vel supponit imperfectionem, cum Deus sit perfectissimus, ac ita excludens omnem imperfectionem.

Probatur & explicatur tertia pars conclusionis. Summa actualitas & perfectio diuina petūt, vt in quauis linea sit tanta simplicitas & identitas, quòd quicquid est in illa, sit per modū actus purissimi talis lineæ, absque vlla distinctione virtuali: vnde in linea primaria essendi, quæ est fundamentum aliarum, ipsa essentia diuina, substantia absoluta illi propria, & existētia sunt absque vlla distinctione virtuali, & essentia est suum esse, quod etiam 1. p. circa qu. 19. explicauimus de aliis lineis in Deo repertis: ergo tam virtutes intellectuales, quàm virtutes affectiuæ non sunt in Deo per modum habitus præcisè, sed sunt per modum actus purissimi; istæ igitur virtutes sunt actus eminentissimi, continētes absque vlla distinctione etiam virtuali, totam perfectionem repertam in habitu & actu talium virtutum.

A d primum ergo dicendum, quòd quidem Deus est actus purissimus: sed cum hac puritate sunt compossibiles in Deo plures lineæ, fundatæ in summa eminentia diuinæ entitatis, & virtualiter distinctæ: linea autem essendi includit tantum essentiam, substantiam absolutam, & existētiā siue esse intellectuale; alix lineæ operatiuæ constant vel ex potentia actiua & actu, vel ex virtute & actu.

A d secundum dicendum, quòd in Deo loco virtutum moralium; dantur virtutes affectiuæ: Vnde in Deo non dantur illæ virtutes, quæ in nobis sunt ad moderandas passiones. Ad illud de iustitia; dicendum quòd in Deo est perfectissima quantum attinet ad essentiam virtutis, quāuis non sit tanta obligatio ex parte Dei, quanta est ex parte hominis: Nec Aristoteles dixit quòd Dei ad hominem non potest esse perfecta iustitia, nisi forte ob defectum obligationis; sed dixit quòd hominis ad Deum non potest esse perfecta iustitia, quia homo non potest Deo reddere ad æqualitatem.

A d tertium dicendum, quòd in Deo non sunt fides & spes, vt ratio adducta convincit: est autem in Deo charitas per modum dilectionis
R. P. Philippi Carm. discal. Disp. Theolog. in. 1. 2.

naturalis non quidem vt habitus superadditus sicut probat ratio, sed vt actus purissimus.

D V B I U M I I

Vtrum in Angelis sint virtutes.

Supponendum est, quòd licet Angeli sint substantiæ separatæ à materia physica; non tamen sunt ita simplices, quin admittant plures compositiones & distinctiones in sua entitate; Logicè componuntur ex genere & differentiis; Physicè ex subiecto & accidentibus, habent enim potentias intellectus & voluntatis realiter essentialiter superadditas; Metaphysicè componuntur ex essentia, substantia, & existētia: vnde non repugnant Angelis virtutes ex parte simplicitatis, sed quæritur vtrum aliunde repugnent, & adhuc non quæritur de omnibus virtutibus, sed de virtutibus ordinis naturalis, siue intellectualibus, siue affectiuis: nam omninò certum est, in ipsis esse virtutes supernaturales; quæ emanant à gratia quasi proprietates; & non repugnant statui beatitudinis; imò in statu Viæ habuerunt fidem & spem: cuius ratio est, quia propria virtute naturali non possunt attingere obiecta supernaturalia, vt constat ex ipsis terminis propter excessum obiectorum; vnde tales virtutes sunt realiter distinctæ ab ipsis potentiis, & à quocunque naturali in eis reperto, & propterea virtutes intellectuales supernaturales distinguuntur realiter ab speciebus, hæ quippe omnes sunt quoad substantiam ordinis naturalis, infusæ à Deo vt auctore naturæ statim à principio creationis, quāuis deseruiant ad cognitionem supernaturalem: & similiter omnis perfectio & virtus propriè dicta, quæ reperitur in Angelis, est in eis indita à principio suæ conditionis, vt docet D. Thomas q. 16. de Malo art. 3. dicens: Angeli omnes sic cōditi sunt, vt quidquid pertinet ad naturalem perfectionem eorum, statim à principio suæ creationis habuerint: Dictum est de virtute propriè dicta, quia dubium est etiam inter Discipulos D. Thomæ Vtrum Angeli possint suis actibus acquirere alios habitus, qui non sint propriè virtutes, sicut habitum opinionis, fidei naturalis & similes; aliqui affirmant absolutè, vt Suares lib. 2. de Angelis cap. 38. alij absolutè negant vt Nauarrete controuersia 68. Alij plures vtrumque probabile tenent.

Prima opinio negat in Angelis esse virtutes realiter superadditas eorum potentiis. Probatur generaliter de omnibus virtutibus: Potentiæ Angelorum scilicet intellectus & voluntas, sunt seipsis completæ in ordine naturali; quod colligitur tum ex eo quòd sunt superioris rationis à nostris: tū quia sunt indefectibiles seipsis in ordine naturali præcisè sumpto; tum quia in dæmonibus omnia naturalia integra remanserunt, & tamen constat in eis non esse alias virtutes, quàm

S I

quàm proprias potentias: ergo in Angelis non sunt virtutes realiter superadditæ eorum potentiis, vel essent superflue.

Secundò probatur specialiter de virtutibus intellectualibus, expressa autoritate D. Thomæ in 3. d. 14. q. 1. art. 1. quæstiunc. 2. ad 1. ubi sic ait: Angelus non indiget habitu in cognitione naturali quia non abstrahit à phantasmatis species, sed habet eas innatas, indiget tamen eo in cognitione supernaturali: unde dicitur Iob. 25. Nunquid est numerus militum eius, & super quem non fulget lumen illius? Et ideo Angeli in cognitione naturali non indigent habitu, secundum quòd ad habitum requiritur lumen; exigitur autem, secundum quòd requiruntur species rerum, quia habent esse limitatum, &c.

Tertiò, Intellectus angelicus est perfectior intellectu humano, ut constat ex eo quod est proprietas naturæ angelicæ, sicut intellectus humanus est proprietas naturæ humanæ, quæ est imperfectior quàm sit angelica, & ita ex hac parte intellectus angelicus saltem habebit supra humanum, quòd proprio lumine absque alio superaddito cognoscat prima principia, cum tamen intellectus humanus ex sua imperfectione indigeat habitu intelligentiæ ad cognoscenda prima principia: Aliunde verò intellectus angelicus non est discursiuus, sed conclusiones cognoscit in principiis; constat autem quòd intellectus aliquis solum indiget sapientiæ & scientiæ ad attingendas conclusiones in seipsis, attinguntur enim in principiis eadem virtute qua attinguntur principia: ergo in Angelis non sunt hæc virtutes intellectuales intelligentiæ, sapientiæ, & scientiæ; & consequenter nec prudentiæ, nec ars ob eandem rationem.

CONCLUSIO.

RESPONDEO dicendum, quòd in Angelis sunt virtutes, tãquam perfectiones naturales per modum habitus, realiter superadditæ potentiis, & ab illis distinctæ. 2. tam intellectuales, etsi minus limitatæ. 3. quam affectiuæ eorum naturæ convenientes. 4. virtutes autem intellectuales in eis realiter distinguuntur ab speciebus intellectualibus. Ita communior sententia Thomistarum: Ferrar. 1. contra Gentes cap. 56. Bannes & Nauarrere 1. p. q. 58 art. 1. Medina, Sotus, Victoria, Zumel, Nostri Salmanticenses, & alij plures etiam extra scholam D. Thomæ illam docent.

Probatur prima pars conclusionis: Tum ex dicendis in secunda & tertia parte, si enim ostendatur quòd in Angelis sint virtutes intellectuales, & etiam virtutes affectiuæ per modum habitus, realiter superadditæ potentiis, & ab illis distinctæ, benè sequitur quòd absolute loquendo sint prædicto modo virtutes in Angelis, cum virtutes angelicæ sint vel intellectuales, vel affectiuæ. Tum sequenti ratione: In Deo sunt virtutes tanquam perfectiones naturales per modum

actus purissimi, virtualiter superadditæ potentiis actiuis scilicet intellectui & voluntati, & ab illis virtualiter etiam distinctæ, ut communiter concedunt Theologi, & has virtutes vocant attributa diuina: ergo in Angelis sunt cum quadam proportionem similes virtutes, tanquam perfectiones naturales per modum habitus, realiter superadditæ potentiis, & ab illis distinctæ; nam ex qua parte Angeli non sunt suum esse, sed important compositionem ex essentia & esse, debent habere suas perfectiones naturales, quæ sunt proprietates aut quasi proprietates, per modum habitus, illas enim habere per modum actus purissimi, solum competit Deo actui purissimo, excludenti omnem compositionem realem aut etiam compositionem rationis in reali fundatam, ac proinde excludenti omnem potentialitatem; ex qua verò parte Angeli sunt limitati & finiti secundum omnem rationem, debent habere suas perfectiones naturales realiter superadditas potentiis, & ab illis distinctas, habere enim suas perfectiones solum virtualiter superadditas potentiis, & ab illis solum virtualiter distinctas, soli Deo conuenit ut pote illimitato & infinito secundum omnem rationem, & in quo propterea nulla est realis distinctio, ubi non reperitur oppositio relatiua; & ideo dicitur, quòd ea quæ sunt dispersa in inferioribus, sunt vnita in superioribus. Confirmatur ex eo quòd in Deo plures lineæ virtualiter distinguuntur, quia tales lineæ in creaturis sunt realiter distinctæ propter formalem distinctionem obiectorum, quæ sufficit ad hoc ut in potentiis & virtutibus sit distinctio entitatiua & realis, quando sunt limitatæ, ut contingit in omnibus creaturis, sola quippe illimitatio potest impedire in absolutis distinctionem realem.

Probatur secunda pars conclusionis quantum ad primum: Virtutes intellectuales, etiam in Angelis, habent obiecta formaliter distincta ab obiecto intellectus; intellectus quippe habet pro obiecto formali ens verum ut sic absolute, absque vlla determinatione vel modificatione; virtutes autem intellectuales habent pro obiecto formali ens verum sub aliqua determinatione vel modificatione, ut intelligentiæ habet verum ut in seipso immediate cognoscibile, sapientiæ & scientiæ habent verum ut per causas cognoscibile, scientiæ quidem per causas ordinarias, sapientiæ verò per causas superiores, & sic de aliis virtutibus intellectualibus: sed à distinctione formali obiectorum prouenit distinctio realis & entitatiua potentiarum & habituum ad inuicem, quia per hoc quòd potentiæ & habitus specificantur ab obiectis formalibus, ab iisdem etiam debent realiter distingui, nisi ipsorum illimitatio impediat, & ita in omnibus creatis distinctio formalis præcisa obiectorum causat distinctionem tum formalem, tum realem & entitatiuam potentiarum & habituum, quia in omnibus illis est limitatio

mitatio, si enim in nobis hoc communiter conceditur, debet etiam concedi in Angelis ob paritatem rationis seu limitationis: ergo in Angelis virtutes intellectuales sunt realiter superadditæ potentiis, & ab illis distinctæ. Probatur quantum ad secundum: Intellectus Angelicus est medius inter diuinum & humanum, inferior scilicet diuino, & superior humano; vnde licet sit simpliciter finitus & limitatus, non tamen sic est limitatus ac est intellectus humanus, sed habet maiorem quandam elevationem & actualitatem: ex quibus sequitur quod sicut ob suam limitationem qua est inferior intellectu diuino, habet plures species intelligibiles & plures virtutes intellectuales realiter superadditas, vt ostensum est: sic ob suam maiorem elevationem, qua est superior intellectu humano, habet species intelligibiles vniuersaliores, & virtutes intellectuales etiam vniuersaliores ac minus limitatas, quam habeat intellectus humanus; par enim quantum ad hoc apparet ratio de speciebus intelligibilibus, ac de virtutibus intellectualibus propter commensurationem ac proportionem, quam debent habere cum suo subiecto connaturali: ob maiorem verò actualitatem, qua est superior etiam intellectu humano; petit habere suas species intelligibiles & suas virtutes intellectuales statim à principio suæ conditionis; quamuis ob potentialitatem quam habet, & qua est inferior intellectu diuino, non habeat has species & virtutes sibi identificatas: ergo in intellectu angelico sunt virtutes intellectuales minus limitatæ; vnde quamuis realiter distinguantur hæ generales virtutes, intelligentia, scientia seu sapientia, prudentia, & ars in Angelis; non tamen scientia & ars subdiuiduntur in tot habitus, ac in intellectu humano, sed in eis sufficit vnus habitus scientiæ pro omnibus obiectis cognoscibilibus per principia purè naturalia, cui superaddendus est habitus theologicus ab ipso distinctus, quia procedit ex principiis supernaturalibus reuelatis; & idem proportionaliter dicendum de arte.

Probatur & explicatur tertia pars conclusionis. Virtutes affectiuæ dicuntur illæ, quæ sunt in affectu siue appetitu; & quia in homine sunt duo appetitus consequentes ad formam apprehensam, vnus intellectualis, alius sensitivus, inde est quod in homine iuxta hanc diuersitatem appetitus est diuersitas virtutum affectiuarum; & ita in appetitu intellectuali siue voluntate est iustitia cum suis partibus, quarum actus in voluntate consummantur; in appetitu autem sensitivo est fortitudo circa passiones irascibilis, & temperantia circa passiones concupiscibilis: Cum autem in Angelis sit tantum appetitus intellectualis, propterea in ipsis ex virtutibus affectiuis est tantum iustitia cum suis partibus propriè loquendo, fortitudo autem & temperantia possunt tantum in eis poni metaphoricè, quia non possunt

R. P. Philippi Carm. discal. Diss. Theolog. in 1.2.

in eis habere proprium actum qui est moderari passiones subiecti in quo sunt, & non aliorum; vnde Angeli non habent has virtutes per hoc quod velint moderationem nostrarum passionum, hanc enim moderationem volunt ex affectu charitatis.

Probatur quarta pars conclusionis: Tum auctoritate D. Thomæ, qui agens de habitibus intellectualibus eos distinguit ab speciebus intelligibilibus: Tum duplici ratione, Prima est, quia virtutes intellectuales se tenent ex parte intellectus quasi complementum intrinsecum virtutis ipsius; species autem intelligibiles quamuis sint in intellectu, tamen se tenent ex parte obiectorum quasi vicariæ ipsorum, & ita sunt complementum extrinsecum intellectus: ergo virtutes intellectuales in Angelis realiter distinguuntur ab speciebus intelligibilibus, sicut & in nobis. Secunda ratio est, quia in intellectu angelico generales hæ virtutes intellectuales non multiplicantur, & tamen multiplicantur species intelligibiles: ergo hæ virtutes intellectuales in Angelis distinguuntur ab speciebus intelligibilibus; maximè quia species secundum se & immediate tribuunt intellectui tantum vt apprehendat obiectum, virtutes autem intellectuales illi immediate tribuunt vt iudicet de obiecto diuersimodè iuxta diuersitatem ipsarum; imò eadem species intelligibiles indifferenter se habent vt deseruiant huic vel illi virtuti intellectuali, quæ omnia indicant distinctionem realem inter virtutes intellectuales & species intelligibiles.

A d primum ergo dicendum, quod potentia Angelorū scilicet intellectus & voluntas dicuntur seipsis cōpletæ in ordine naturali, non quod non indigeant virtutibus realiter superadditis, sed quia petūt eas habere statim à principio suæ creationis quasi per modum proprietatum, & ita nunquam sunt sine illis; & in hoc sunt superiores nostris potentiis, quæ has virtutes acquirunt propriis actibus, & ita dicunt potentialitatem ad eas; & similiter per hoc redduntur omnino indefectibiles in ordine naturali, quia sunt inseparabiles ab his virtutibus, quæ sunt regulæ & rectitudines potenciarum; Quantum ad illud de dæmonibus, Sotus & Victoria dicunt dæmones peccando amisisse has virtutes; alij autem asserunt eas pertinere ad integritatē & complementum naturæ angelicæ, ac proinde in eis remansisse in esse qualitatū, & non in esse virtutū propter eorum deordinationem ab vltimo fine supernaturali per se primò, & ab vltimo fine naturali ex consequenti, quæ deordinatio excludit simpliciter virtutes etiam naturales; addunt tamen quod in illis prudentia & virtutes morales nullum exercent actum aut exercere possunt.

A d secundum dicendum cum Nazario, quod D. Thomas ibi per habitum intelligit lumen intellectus agentis abstrahens species à phantasmatis, aut habitum ex vi talis luminis causa-

tum, & vtrumque D. Thomas excludit ab Angelis, non autem excludit habitus virtutum naturalium ipsis inditos ab Authore naturæ, in principio creationis ipsorum.

A d. tertium dicendum quantum ad primam partem, quod intellectus Angelicus ex sua perfectione supra humanam, petit habere inditum ab Authore naturæ habitum intelligentiæ per modum proprietatis, quo cognoscat prima principia, cum tamen intellectus humanus ex sua imperfectione non statim illū habeat à principio creationis, sed post actum cognitionis alicuius primi principij statim resultat: non autem intellectus Angelicus petit ex seipso, absque aliquo superaddito, cognoscere prima principia; imò hoc ei repugnat, cum non possit esse sua regula & rectitudo (hoc enim soli diuino intellectui cōuenit, ut pote actui purissimo, qua propter non habet virtutes realiter siue actualiter superadditas & distinctas; at tantum virtualiter), & debeat esse subditus Deo; & consequenter debet recipere à Deo authore naturæ has virtutes naturales, quibus reguletur & dirigatur in ordine naturali, ut ab aliquo superiori vices gerente legis æternæ & imperij diuini. Quantum ad secundam partem dicendum, quod licet angelicus intellectus non sit formaliter discursiuus, est tamen virtualiter talis; & licet vno intuitu id est absque discursu formali cognoscat tam principia in seipsis immediatè, quàm conclusiones in principijs; tamen ibi sunt duæ rationes formales obiectiuæ, prima est immediata connexio terminorum, quibus constant principia, in ordine ad cognitionem principiorum in seipsis; secunda est connexio conclusionum cum principijs, in ordine ad cognitionem conclusionum in principijs: & hæc sufficiunt ad distinguendos realiter in Angelis actus & similiter habitus intelligentiæ & scientiæ seu sapientiæ; sicut sufficiunt ad illos virtualiter distinguendos in Deo: unde si Angelus per se primò & directè consideret principia, quamuis in eis videat conclusiones ex consequenti & de materiali, propter earum connexionem cum principijs in eadem specie repræsentatam, est actus intelligentiæ procedens ab habitu intelligentiæ; si autem per se primò & directè consideret conclusiones, quamuis eas videat in principijs, ac proinde ex consequenti & de materiali videat simul & semel principia in eadem specie repræsentata, est actus scientiæ seu sapientiæ (non enim hæc duæ virtutes intellectuales semper realiter distinguuntur, quia scientia perfecta & superior est sapientia) & procedit ab habitu scientiæ seu sapientiæ: & sicut in nobis non esset perfecta cognitio sine istis virtutibus, sic nec in Angelis.

D V B I U M I I I.

Vtrum vna & eadem virtus possit esse in diuersis potentiis.

SVpponendum est, tanquam omninò certum apud omnes, & experienciā teste comprobatum, quod in homine sunt virtutes, tam intellectuales, quàm affectiuæ; videmus enim quod per frequentationem actuum tam circa speculabilia, quàm circa practica, operatio redditur facilis, connaturalis, constans, & delectabilis; quæ conditiones sunt effectus habituum, & virtutum si reperiuntur in actu moraliter bono: unde in præsentī non inquirimus, vtrum in homine sint virtutes; sicut etiam non inquirimus, vtrum virtutes sint in substantia animæ rationalis, vel in potentiis eius; constat enim ex dictis disputatione præcedenti, quod subiectionem in potentiis animæ, ut probat D. Thomas hic art. 1. triplici ratione; quia scilicet virtus est perfectio potentiz; quia est habitus operatiuus, omnis autem operatio est ab anima per aliquam potentiam; & quia est dispositio perfecti ad optimum, optimum autem est finis, qui vel est operatio rei, vel aliquid consecutum per operationem à potentia egredientem: Inquirendum tamen restat cum D. Thoma hic art. 2. vtrum vna & eadem virtus possit esse in diuersis potentiis subiectiuè. Ad cuius euidentiā sciendum est ex D. Thoma loco citato, quod virtutem esse in duabus potentiis potest contingere dupliciter: vno modo sic quod ex æquo sit in vtraque; alio modo quod sit in vtraque ordine quodam, in vna quidem principaliter, in alia verò per modum diffusionis, seu per modum dispositionis, secundum quod vna potentia mouetur ab alia, & secundum quod vna potentia accipit ab alia: Dubium præsens procedit in primo sensu, vtrum scilicet ex æquo & completè in diuersis potentiis saluetur conceptus & species alicuius virtutis; nullus enim dubitat, quin virtus superioris potentiz se extendat ad potentiam inferiorem quam mouet, & aliquid in ea participetur, in quantum actus potentiz inferioris habet quendam modum & participium virtutis, quæ est in potentia superiori, à qua inferior mouetur.

Prima opinio Aureoli apud Capreolum in 3. d. 33. asserit quod vna & eadem virtus possit esse subiectiuè in diuersis potentiis. Probatur: De facto sunt aliquæ virtutes, quæ simul sunt in appetitu rationali & in appetitu sensitivo, ut liberalitas magnificentia, humilitas, & similes: sed appetitus rationalis scilicet voluntas, & appetitus sensitivus sunt diuersæ potētiz, cum vnus sit potentia spiritalis, alius verò sit potentia organica: ergo vna & eadem virtus potest esse in diuersis potentiis, ab actu enim ad potentiam valet consequentia.

Secundò,

Secundò, Actus fidei procedit tam ab intellectu credente reuelata, quàm à voluntate mouente intellectum ad credendum: similiter actus prudentiæ procedit tam ab intellectu rectè iudicante, quàm ab imaginatiua considerante singularia requisita ad prudentiam: ergo habitus fidei est simul in intellectu ac in voluntate, & habitus prudentiæ est simul in intellectu & in imaginatiua; quando enim aliquis actus dependet à duabus potentiis per se, ambæ debent perfici per habitum elicitiuum talis actus.

Tertiò, Orare, vouere, & iurare sunt actus virtutis religionis; & consequenter hæc virtus debet esse subiectiue in illa potentia, à qua eliciuntur tales actus; quòd sint actus virtutis religionis, docet D. Th. 2.2. q. 83. art. 3. de oratione dicens, Oratio est propriè religionis actus: de voto docet quæst. 88. art. 5. & de iuramento qu. 89. artic. 4. constat autem quòd orare, vouere, & iurare sunt actus elicitivi ab intellectu, vnde in intellectu debet esse virtus religionis: sed virtus religionis est etiam in voluntate, cū deuotio quæ est actus ipsius, sit in voluntate ex D. Thom. 2. 2. q. 82. art. 1. ergo vna & eadem virtus potest inesse diuersis potentiis.

CONCLUSIO.

RESPONDEO dicendum, quòd vna & eadem specie virtus non potest ex æquo & completè reperiri in diuersis subiectis, siue potentiis. 1. & multò minus vna & eadem numero virtus. Ita communiter Discipuli D. Thomæ, & alij Theologi.

Probatur prima pars conclusionis, tum auctoritate, tum ratione D. Thomæ hic art. 2. vbi sic ait: Aliquid esse in duobus contingit dupliciter, Vno modo sic, quòd ex æquo sit in utroque: & sic impossibile est vnā virtutem esse in duabus potentiis, quia diuersitas potentiarum attenditur secundum generales condiciones obiectorum, diuersitas autem habituum secundum speciales: vnde vbicumq; est diuersitas potentiarum, est diuersitas habituum, sed non conuertitur. Quæ ratio sic amplius expenditur: Ex vna parte vbi est distinctio obiecti formalis, ibi est distincta formaliter ac specie virtus, vt communiter conceditur, quia virtus specificatur ab obiecto formali; vnde multiplicato obiecto formali specificatio multiplicatur specie virtus; & sic vna & eadem virtus in specie non potest respicere duo obiecta formaliter distincta: Ex alia verò parte obiectum virtutis existentis in aliqua potentia continetur essentialiter sub obiecto talis potentiæ tanquā pars ipsius, cum enim virtus per modum habitus & formæ completæ sit complementum ipsius potentiæ & quasi pars ipsius, perficit ipsam inadæquatè in ordine ad proprium ipsius potentiæ obiectum, vnde virtus respicit inadæquatè obiectum talis potentiæ, quod est obiectum virtutis contineri sub obiecto potentiæ essentialiter, quasi pars sub

toto potèntiali; & sic potentia ex se respiciens obiectum secundum generalem aliquam conditionem, determinatur ex multiplici virtute ad plura obiecta secundum speciales condiciones; ex quo sequitur quòd virtus est magis limitata quàm potentia, sicut obiectum virtutis est magis limitatum quàm obiectum potentiæ; sequitur etiam quòd obiecta formalia, quæ sufficiunt ad distinguendum specie potentias, multò magis sufficiunt ad distinguendum specie virtutes; & consequenter quoties sunt diuersæ potentiæ propter obiecta formalia, toties virtutes in eis subiectatæ sunt diuersæ speciei: ergo vna & eadem specie virtus non potest ex æquo & completè reperiri in diuersis subiectis siue potentiis. Dicitur autem, ex æquo & completè; quia virtus superioris potentiæ mouentis inferiorem, est incompletè ac per modum cuiusdam intentionis in potentia inferiori mota: sed virtus sic participata non habet rationem virtutis propriæ respectu participantis, cum non subijciatur potentiæ participantis, sed potius subijciat sibi potentiam participantem, & eam ordinet ultra proprium obiectum, ac extendat ad obiectum superioris potentiæ, à qua deriuatur illa virtus participata: & hoc modo actus intellectus ex motione charitatis intentionaliter participat in eodem intellectu, extenduntur ultra lineam veri propriam ipsi intellectui, ad lineam boni propriam voluntati, & ad lineam boni diuini propriam charitati.

Probatur secunda pars conclusionis ex dictis in prima parte: Si enim vna & eadem specie virtus non potest ex æquo & completè reperiri in diuersis subiectis siue potentiis, propter eius limitationem formalem proueniētem ab obiecto; multò minus vna & eadē numero virtus potest ex æquo & cōpletè reperiri in diuersis subiectis siue potentiis propter maiorem eius limitationem materiale proueniētem à subiecto, limitatio quippe materialis & numerica magis coarctat formam receptam, quàm limitatio formalis & specifica; nam limitatio materialis & numerica ita facit vnum, vt reddat illud omnino indiuisum in se ac diuisum à quolibet alio, limitatio autem formalis & specifica compatitur diuisionem materiale & numericam. Deinde probatur auctoritate & ratione D. Thomæ hic art. 2. in argumento Sed contra, vbi sic ait: Virtus est in potentia animæ sicut in subiecto: sed idem accidens nam potest esse in pluribus subiectis: ergo vna virtus (saltem numero) non potest esse in pluribus potentiis animæ.

Ad primum ergo dicendum, quòd si liberalitas, magnificentia, humilitas, & similes virtutes ponantur tam in appetitu rationali, quàm in appetitu sensitivo, quælibet ipsarum non est vna simplex virtus in specie, sed est virtus multiplex in specie, sed de hoc dicetur dubio sequenti.

hac definitione dicitur, *qua rectè vivitur*, in quo importatur operatio recta, sufficienter exprimitur ordo virtutis in communi ad obiectum bonum in communi; cum enim omnis operatio mentis habeat proprium obiectum, operatio recta habet obiectum bonum.

DUBIUM V.

Utrum possit quis malè vti virtute

Supponendum est, ad maiorem evidentiam prædictæ definitionis, propter quam excitatur hoc dubium, quod sunt tria genera virtutum. Aliæ sunt intellectuales tantum, quæ perficiunt intellectum in ordine ad cognitionem, & inclinant ad actum bonum ex genere, non tamen determinant bonum usum ipsius, & sunt intelligentia, sapientia, scientia, & ars. Aliæ sunt morales, quæ perficiunt appetitum & inclinant ad actum bonum, & sunt iustitia, fortitudo, & temperantia; quibus debet coniungi prudentia, licet enim subiectetur in intellectu, tamen convenit cum virtutibus moralibus in hoc quod respicit rectitudinem appetitus, & bonum usum actus, cum sit regula omnium virtutum moralium. Aliæ tandem sunt theologales, sic dictæ quia immediate versantur circa Deum velut circa proprium obiectum. Præsens dubium procedit generaliter de virtute, ut comprehendit hæc tria genera, & quaeritur utrum possit quis malè vti virtute: Potest autem intelligi dupliciter, quod aliquis utatur virtute, ut docet D. Thomas hic art. 4. ad 5. vel tanquam principio, applicando ipsam ad actum eliciendum: vel tanquam obiecto, ut cum benè aut malè de ea sentimus, cum eam amamus aut odio habemus, cum superbimus aut humiliamur de ea. Certum est autem, quod hoc posteriori usu potest quis malè vti virtute, ut docet D. Thomas loco citato dicens: Virtute potest aliquis malè vti tanquam obiecto, puta cum malè sentit de virtute, cum odit eam, vel superbit de ea: unde præsens dubium tantum procedit de priori usu; in quo virtus se habet ut principium effectivum.

Prima opinio asserit, quod quis possit malè vti virtute, tanquam principio, effectivo. Probatur sigillatim in vnoquoque genere virtutum: Potest quis abuti intelligentia, sapientia, scientia, & arte, ut dñ illis utitur propter inanem gloriam; tunc enim actus elicitus est moraliter malus: ergo potest quis malè vti virtute intellectuali.

Secundo, Potest quis mala intentione vti prudentia, iustitia, fortitudine, & temperantia, eliciendo scilicet actus ipsarum vel ex vana gloria, vel alio motivo indebito: sed hæc quatuor sunt virtutes morales: ergo potest quis malè vti virtute morali; & propterea D. Thomas 2. 2. q. 57. art. 1. ait de iustitia: Iustum dicitur aliquid quasi habens rectitudinem iustitiæ, ad quod termi-

natur actio iustitiæ, etiam non considerato qualiter ab agente fiat.

Tertio, Potest quis credere mysteria supernaturalia ut à Deo revelata, propter vanam gloriam, & similiter potest sperare beatitudinem supernaturalem propter vanam gloriam: sed hi actus credendi & sperandi sunt elicitus à fide & spe virtutibus theologis: ergo potest quis malè vti virtute theologica; propterea Augustinus serm. 15. de verbis Apostoli dicit, quod superbia etiam bonis operibus insidiatur ut pereant; maximè quia potest quis malè vti charactere, qui est qualitas supernaturalis, ut consecrando vel absoluendo ex malo fine.

CONCLUSIO.

RESPONDEO dicendum, quod nullus potest malè vti formaliter virtute, quæcunque illa sit. 1. potest autem malè vti materialiter, tum virtutibus intellectualibus excepta prudentia, tum etiam fide theologica. 3. non verò virtutibus moralibus, ac prudentia, nec spe aut charitate. Ita communiter Discipuli D. Thomæ & alij.

Probatur prima pars conclusionis ex definitione virtutis explicata dubio præcedenti, in qua habetur inter alia propria virtuti, *qua nullus malè utitur*, quod debet saltem intelligi de malo usu formali, quia scilicet ipsa virtus non potest per se per modum principij effectivi concurrere ad malitiam actus. Deinde ex vna parte actus cuiuscunque virtutis ex suo genere est rectus; quia respicit, vel verum, vel bonum: ex alia verò parte formalis usus virtutis est in ordine ad proprium actum præcisè ex suo genere consideratum: ergo nullus potest malè vti formaliter virtute, quæcunque illa sit, quasi ipsa virtus per se concurrat ad malitiam actus; & sic intelligendus est D. Thomas hic art. 4. ad 5. dum ait, quod non potest aliquis malè vti virtute, tanquam principio usus, ita scilicet quod malus sit actus virtutis.

Probatur secunda pars conclusionis quantum ad virtutes intellectuales, excepta prudentia, tum prima ratione primæ opinionis, tum sequenti: Virtutes aliæ intellectuales perficiunt tantum intellectum in ordine ad verum, & non in ordine ad bonum sub ratione boni, & earum rectitudo in hoc consistit, quod attingant verum sub ratione veri; nec ex proprio genere determinant bonum usum actus: sola quippe prudentia inter virtutes intellectuales determinat bonum usum actus: ergo potest quis malè vti materialiter virtutibus intellectualibus excepta prudentia; & sic actus virtutum intellectualium erunt boni physice per hoc quod attingant verum, & mali moraliter per hoc quod fiant ex mala intentione, vel cum alio defectu morali; quia enim vero non opponitur malitia, sed falsitas, inde est quod in eodem actu virtutis intellectualis malitia moralis est composibilis cum veritate, & consequenter cum eius bonitate physica. Probatur quantum ad secundum de fide theologica, autoritate D.

Th.

Th. 2. 2. q. 47. art. 13. ad 1. ubi ait: Fides in sui ratione non importat aliquam conformitatem ad appetitum rectorum operū: ex quo sic formatur ratio. Fides theologica est virtus intellectualis per se primò speculatiua, nec respicit obiectum sub ratione boni, sed sub ratione primi veri: ergo licet actus fidei ex malo fine, vel ex praua aliqua circumstantia reddatur malus moraliter, manet tamen in sua perfectione physica, quæ consistit in certitudine ac infallibilitate sibi essentiali; & sic physice non destruitur, cum malitia moralis sit composibilis cum certitudine ac infallibilitate actus, per solam quippe falsitatem destruitur veritas, & consequenter certitudo & infallibilitas.

Probatur tertia pars conclusionis, quantum ad virtutes morales: Virtutes morales habent pro obiecto bonum sub ratione boni honesti, & sic non modo respiciunt actum ex se bonum, ac etiam respiciunt bonum vsum: ergo non possunt clicere actum ex aliquo capite moraliter malum, cum idem actus non possit simul esse bonus & malus moraliter, etiam ex diuerso capite, vt dictum est supra; & propterea Philosophus 2. Ethicorum cap. 6. ait de virtute morali, quod bonum facit habentem, & opus eius reddit perfectum: vnde non potest quis malè vt etiam materialiter virtutibus moralibus. Probatur quantum ad prudentiam: Prudentia quamuis sit virtus intellectualis, tamen determinat bonum vsum actus, cum sit regula & moderatrix omnium virtutum: ergo actus prudentiæ destruitur ex quacunque malitia morali reperta in actu subiecto prudentiæ; & sic non potest quis malè vti prudentia, etiam materialiter. Probatur quantum ad charitatem & spem: Charitas non solum habet bonum diuinum vt in se est pro obiecto, sed etiā pro fine, & ita refert in illud totum suum actum immediatè, constat autem quod nihil moraliter malum potest immediatè referri in Deum: vnde quando D. Thomas q. 2. de Malo art. 4. ad 2. videtur dicere quod dilectio Dei potest ad malum finem ordinari, intelligit de dilectione naturali, quæ ex hac parte potest vitari: De spe docet D. Thomas 2. 2. q. 17. art. 1. ad 1. dicens: Spe attingente Deum nullus potest malè vti, sicut nec virtute morali attingente rationem; cuius ratio est, quia spes theologica est virtus perficiens voluntatem in ordine ad bonum diuinum vt obtinendum ab ipso sperante, & consequenter respicit bonum sub ratione boni: ergo nulla potest interuenire circumstantia, quæ aliquo modo vitiet actum ipsius, alioquin non respiceret bonum sub ratione boni, sed respiceret illud sub aliqua ratione mali; & ita non potest quis malè vti, etiam materialiter spe aut charitate.

Ad primum ergo dicendum, quod tantum probat secundam partem conclusionis, quod potest quis malè vti materialiter virtutibus intellectualibus.

Ad secundum dicendum, quod si quis ex malo fine vel praua aliqua circumstantia operetur aliquem actum, quamuis hic actus videatur materialiter esse alicuius virtutis moralis, tamen non elicitur ab aliqua virtute, nec est formaliter actus virtutis; sed est actus moraliter malus elicitus immediatè ab ipsa potentia. Vnde ad auctoritatem D. Thomæ dicendum, quod loquitur ibi de rectitudine materiali obiectiua iustitiæ, quæ attenditur per comparisonem ad aliud; & non de rectitudine formali, quæ est per comparisonem ad agentem, & in qua consistit formalis ratio virtutis: Quod autem vtraque rectitudo debeat esse in actu iustitiæ, docet ibidem D. Thomas dicens: Rectum verò quod est in ordine iustitiæ, etiam præter comparisonem ad agentem, constituitur per comparisonem ad aliud; sed in aliis virtutibus non determinatur aliquid rectum (etiam obiectiue) nisi secundum quod aliquo modo fit ab agente, quia tales virtutes sunt circa proprias passionem ipsius agentis tanquam circa obiectum, iustitia verò versatur circa alium.

Ad tertium dicendum, quod si quis credat propter vanam gloriam, actus quidem est fidei supernaturalis substantialiter, sed moraliter malus: si quis autem speret propter vanam gloriam, actus non est spei supernaturalis, & est moraliter malus: cuius differentie ratio assignata est in probanda conclusione. Augustinus autem solum vult quod per superbiam opera ex obiecto aliàs bona, fiunt moraliter mala. Ad illud quod subditur, dicendum quod potest quis materialiter malè vti caractere, sicut & virtutibus intellectualibus: est autem differentia inter characterem & virtutes morales, prudentiam, spem & charitatem; quod character non respicit pro obiecto bonum honestum sub ratione honesti, nec determinat bonum vsum actus; & ideo potest quis malè vti illo materialiter, non autem dictis virtutibus ob rationem assignatam.



QVÆSTIO LVI.

De subiecto virtutis, in sex articulos diuisa.



PRIMUM considerandum est de subiecto virtutis.

Et circa hoc quaeruntur sex.

- ¶ Primo, vtum virtus sit in potentia animæ sicut in subiecto.
- ¶ Secundo, vtum vna virtus possit esse in pluribus potentis.
- ¶ Tercio, vtum intellectus possit esse subiectum virtutis.
- ¶ Quarto, vtum irascibilis & concupiscibilis.
- ¶ Quinto, vtum vires apprehensiuæ.
- ¶ Sexto, vtum voluntas.

ARTICVLVS I.

Vtrum virtus sit in potentia animæ sicut in subiecto.

295

AD PRIMUM sic proceditur. Videtur, quod virtus non sit in potentia animæ sicut in subiecto. Dicit enim Augustinus in 2. de lib. arb. * quod virtus est qua recte vituitur. vitute autem non est per potentiam animæ, sed per eius essentiam: ergo virtus non est in potentia animæ, sed in eius essentia. 2. Præterea, Philosophus dicit in 2. Eth. * Virtus est quæ bonum facit habentem, & opus eius bonum reddit: sed sicut opus

Sup. q. 50. ar. 1. Et 3. q. 7. ar. 1. cor. 1. 19. d. 1. 11. q. 2. ar. 4. Et 1. 2. q. 14.

Et 3

opus

Art. 3. cor. opus constituitur per potentiam, ita habens virtutem consti-
tuitur per efficientiam animæ, ergo virtus non magis pertinet ad
1. cor. 1.9. potentiam animæ, quam ad eius efficientiam.
opus. 3. cor. 1.9. Potentia est in secunda specie qualitatis: virtus
cap. 8. autem est quidam qualitas, ut supra dictum est: qualitas
lib. 2. de autem non est qualitas, ergo virtus non est in potentia animæ
lib. 2. cap. 8. sicut in subiecto.

1. cor. 1.9. Sicut contra, Virtus est virtutum potentia, ut dicitur in 1.
1. cor. 1.9. de celo: sed virtutum est in eo, cuius est virtutum, ergo vir-
tus est in potentia animæ.

6.6. cor. 5. **CONCLUSIO.**
q. 1. cor. 1.9. Virtus humana cum sit perfectio & habitus operativus, est
q. 1. cor. 1.9. in potentia animæ tanquam in proprio subiecto.

49. cor. 1.9. **RESPONDO** dicendum, quod virtutem pertinere ad
lib. 1. cor. 1.9. potentiam animæ, ex tribus potest esse manifestum. Primo quia
1.16. cor. 1.9. virtutem ex ipsa ratione virtutis, quæ importat perfectionem po-
tentia: perfectio autem est in eo cuius est perfectio. Secundo
q. 1. cor. 1.9. ex eo, quod est habitus operativus, ut supra dictum est: omnis
q. 1. cor. 1.9. autem operatio est ab anima per aliquam potentiam. Tercio
ex hoc, quod disponit ad optimum, optimum autem
est finis, qui vel est operatio rei, vel aliquid consecutum per
operationem à potentia egredientem, unde virtus humana est
in potentia animæ, sicut in subiecto.

A primū ergo dicendum, quod vivere dupliciter sumi-
tur. Quandoque enim dicitur vivere ipsum esse viventis, &
sic pertinet ad efficientiam animæ, quæ est viventis efficiendi prin-
cipium. Alio modo vivere dicitur operatio viventis, & sic
virtute recte vivitur inquantum per eam aliquis recte opera-
tur.

A secundū dicendum, quod bonum vel est finis, vel in
ordine ad finem dicitur, & ideo cum bonum operantis con-
sistat in operatione, hoc etiam ipsum quod virtus operantem
bonum facit, refertur ad operationem, & per consequens ad
potentiam.

A tertium dicendum, quod vnum accidens dicitur esse in
alio sicut in subiecto, non quia accidens per seipsum possit
sustentare aliud accidens, sed quia vnum accidens inhaeret
substantia mediante alio accidente, ut color corpori median-
te superficie, unde superficies dicitur esse subiectum coloris,
& eo modo potentia animæ dicitur esse subiectum virtutis.

ARTICULVS II.

Vtrum una virtus possit esse in pluribus potentiis.

196 AD SECUNDUM sic proceditur. Videtur, quod una vir-
tus possit esse in duabus potentiis: habitus enim cognos-
centis per actum, sed vnus actus progreditur diuersimode à di-
uersis potentiis, sicut ambulatio procedit à ratione ut dirigat,
à voluntate sicut à mouente, & à potentia motus sicut ab
exequente, ergo etiam vnus habitus potest in pluribus esse po-
tentis.

1. cor. 1.9. 2. Præterea, Philosophus dicit in 2. Ethic. * quod ad vir-
tutem tria requiruntur, scilicet scire, velle, & immobiliter o-
perari, sed scire pertinet ad intellectum, velle ad voluntatem,
ergo virtus potest esse in pluribus potentiis.

1. cor. 1.9. 3. Præterea, Prudentia est in ratione, cum sit recta ratio
agibilium, ut dicitur in 6. Ethic. * est etiam in voluntate,
quia non potest esse cum voluntate peruersa, ut in eodem lib.
dicitur, ergo vna virtus potest esse in duabus potentiis.

1. cor. 1.9. Sicut contra, Virtus est in potentia animæ sicut in subiecto:
sed idem accidens non potest esse in pluribus subiectis: ergo
vna virtus non potest esse in pluribus potentiis animæ.

CONCLUSIO.
Impossibile est vnā virtutem esse in duabus potentiis, nisi
ille ordinem ad inuicem habeant in participatione illius virtu-
tis.

RESPONDO dicendum, quod aliquid esse in duobus,
contingit dupliciter. Vno modo sic, quod ex æquo sit in v-
troque: & sic impossibile est vnā virtutem esse in duabus
potentiis, quia diuersitas potentialium attenditur secundum
generales conditiones obiectorum, diuersitas autem habituum
secundum speciales, unde vbiunque est diuersitas potentia-
rum, est diuersitas habituum, sed non conuertitur. Alio modo
potest esse aliquid in duobus vel pluribus, non ex æquo, sed
ordine quodam: & sic vna virtus pertinere potest ad plures
potentias, ita quod in vna sit principaliter, & se extendat ad
alias per modum diffusionis, vel modum dispositionis, se-
cundum quod vna potentia mouetur ab alia, & secundum quod
vna potentia accipit ab alia.

A primū ergo dicendum, quod idem actus non potest
æqualiter & eodem ordine pertinere ad diuersas potentias, sed
secundum diuersas rationes & diuerso ordine.

A secundū dicendum, quod scire præexigitur ad virtu-
tem moralem inquantum virtus moralis operatur secundum
rationem rectam, sed essentialiter in appetendo virtus mor-
lis consistit.

A tertium dicendum, quod prudentia realiter est in ratio-
ne sicut in subiecto: sed præsupponit rectitudinem volunta-
tis sicut principium, ut infra dicitur.

Art. 3. cor. 1.9.

ARTICULVS III.

Vtrum intellectus possit esse subiectum virtutis.

197 AD TERTIUM sic proceditur. Videtur, quod intelle-
ctus sit subiectum virtutis. Dicit enim Augustinus in lib. * de
lib. 1. cor. 1.9. moribus Ecclesiæ, quod omnis virtus est amor, subiectum au-
tem amoris non est intellectus, sed solum vis appetitiua, ergo
1. cor. 1.9. nulla virtus est in intellectu.

2. Præterea, Virtus ordinatur ad bonum, sicut ex supra-
dictis patet. Bonum autem non est obiectum intellectus, sed

appetitus virtutis, ergo subiectum virtutis non est intelle-
ctus, sed appetitiua virtus.

3. Præterea, Virtus est, quæ bonum facit habentem, ut
Philosophus * dicit, sed habitus perficiens intellectum non fa-
cit bonum habentem: non enim propter scientiam vel autem
dicitur homo bonus, ergo intellectus non est subiectum vir-
tutis.

Sicut contra est, quod mens maxime dicitur intellectus
subiectum autem virtutis est mens, ut patet ex diffinitione
virtutis supra inducta, ergo intellectus est subiectum vir-
tutis.

CONCLUSIO.

Cum virtus sit quæ simpliciter & actu bonum facit habentem,
& opus eius bonum redditur impossibile est intellectum esse
subiectum virtutis simpliciter, nisi secundum ordinem ad vo-
luntatem, quæ virtutis simpliciter subiectum est.

RESPONDO dicendum, quod sicut supra dictum est,
virtus est habitus, quo aliquis bene virtus. Dupliciter autem
habitus aliquis ordinatur ad bonum actum. Vno modo, in-
quantum per huiusmodi habitum acquiritur homini facultas
ad bonum actum: sicut per habitum Grammaticæ habet homo
facultatem recte loquendi, non tamen Grammatica facit, ut ho-
mo semper recte loquatur, potest enim Grammaticus barbari-
zare, aut solocismum facere, & eadem ratio est in aliis scientiis
& artibus. Alio modo aliquis habitus non solum facit facultatem
agendi, sed etiam facit, quod aliquis recte facultate utatur:
sicut iustitia non solum facit, quod homo sit promptus vo-
luntatis ad iusta operandum, sed etiam facit ut iuste opere-
retur. Et quis bonus sicut & ens, non dicitur simpliciter ali-
quid secundum id, quod est in potentia, sed secundum id quod
est in actu: ideo ab huiusmodi habitibus simpliciter dicitur ho-
mo bonus operari, & esse bonus: puta quia est iustus vel tem-
peratus: & eadem ratio est de similibus. Et quia virtus est quæ
bonum facit habentem, & opus eius bonum reddit, huiusmodi
habitus simpliciter dicuntur virtutes quia reddunt bonum
opus in actu, & simpliciter faciunt bonum habentem. Primi
verò habitus non simpliciter dicuntur virtutes: quia non red-
dunt bonum opus, nisi in quadam facultate, nec simpliciter
faciunt bonum habentem: non enim dicitur simpliciter ali-
quis homo bonus ex hoc, quod est sciens vel artifex, sed dicitur
bonus solum secundum quid, puta bonus Grammaticus,
aut bonus faber, & propter hoc plerumque scientia & ars contra
virtutem diuiditur, quandoque autem virtutes dicuntur, ut
patet in 4. Ethicorum. * Subiectum igitur habitus, qui secundum lib. 6. Eth.

quid dicitur virtus, potest esse intellectus non solum practicus, cap. 3. cor. 1.9. &
sed etiam intellectus speculativus abique omni ordine ad vo-
luntatem: sic enim Philosophus in 6. Ethicorum *, scientiam, lib. 6. Eth.

sapientiam, & intellectum & etiam artem ponit esse intelle-
ctus, quæ virtutes. Subiectum verò habitus, qui simpliciter dicitur
virtus, non potest esse nisi voluntas, vel aliqua potentia, se-
cundum quod est mota à voluntate: cuius ratio est, quia vo-
luntas mouet omnes alias potentias, quæ aliquantulum sunt
rationales ad suos actus, ut supra habitum est, & ideo quod
homo actu bene agat, contingit ex hoc, quod homo habet
bonam voluntatem, unde virtus, quæ bene facit agere in actu,
non solum in facultate, oportet quod vel sit in ipsa volunta-
te, vel sit in aliqua potentia, secundum quod est à voluntate
mota: contingit autem intellectum à voluntate moueri, sicut
& alias potentias, considerat enim aliquis aliquid actu, eo
quod vult, & ideo intellectus secundum quod habet ordinem
ad voluntatem, potest esse subiectum virtutis simpliciter di-
ctæ, & hoc modo intellectus speculativus vel ratio, est subie-
ctum fidei, mouetur enim intellectus ad assentiendum his quæ
sunt fidei ex imperio voluntatis: nullus enim credit nisi vo-
lens: intellectus verò practicus est subiectum prudentiæ, cum
enim prudentia sit recta ratio agibilium, requiritur ad pruden-
tiam, quod homo se bene habeat ad principia huius rationis
agendorum, quæ sunt fines, ad quos bene se habet homo per
rectitudinem voluntatis: sicut ad principia speculabilium per
naturale lumen intellectus agentis. Et ideo sicut subiectum
scientiæ, quæ est ratio recta speculabilium, est intellectus spec-
ulativus in ordine ad intellectum agentem, ita subiectum
prudentiæ est intellectus practicus in ordine ad voluntatem
rectam.

A primū ergo dicendum, quod verbum Augustini intel-
ligendum est de virtute simpliciter dicta, non quod omnis ta-
lis virtus sit simpliciter amoris, sed quia dependet aliquantulum
ab amore in quantum dependet à voluntate, cuius prima affectio
est amor, ut supra dictum est.

A secundū dicendum, quod bonum vniuersumque est fi-
nis eius, & ideo cum verum sit finis intellectus, cognoscere
verum est bonus actus intellectus: unde habitus perficiens in-
tellectum ad verum cognoscendum, vel in speculativis, vel in
practicis dicitur virtus.

A tertium dicendum, quod ratio illa procedit de virtute
simpliciter dicta.

CONCLUSIO.

Cum virtus sit quæ simpliciter & actu bonum facit habentem,
& opus eius bonum redditur impossibile est intellectum esse
subiectum virtutis simpliciter, nisi secundum ordinem ad vo-
luntatem, quæ virtutis simpliciter subiectum est.

RESPONDO dicendum, quod sicut supra dictum est,
virtus est habitus, quo aliquis bene virtus. Dupliciter autem
habitus aliquis ordinatur ad bonum actum. Vno modo, in-
quantum per huiusmodi habitum acquiritur homini facultas
ad bonum actum: sicut per habitum Grammaticæ habet homo
facultatem recte loquendi, non tamen Grammatica facit, ut ho-
mo semper recte loquatur, potest enim Grammaticus barbari-
zare, aut solocismum facere, & eadem ratio est in aliis scientiis
& artibus. Alio modo aliquis habitus non solum facit facultatem
agendi, sed etiam facit, quod aliquis recte facultate utatur:
sicut iustitia non solum facit, quod homo sit promptus vo-
luntatis ad iusta operandum, sed etiam facit ut iuste opere-
retur. Et quis bonus sicut & ens, non dicitur simpliciter ali-
quid secundum id, quod est in potentia, sed secundum id quod
est in actu: ideo ab huiusmodi habitibus simpliciter dicitur ho-
mo bonus operari, & esse bonus: puta quia est iustus vel tem-
peratus: & eadem ratio est de similibus. Et quia virtus est quæ
bonum facit habentem, & opus eius bonum reddit, huiusmodi
habitus simpliciter dicuntur virtutes quia reddunt bonum
opus in actu, & simpliciter faciunt bonum habentem. Primi
verò habitus non simpliciter dicuntur virtutes: quia non red-
dunt bonum opus, nisi in quadam facultate, nec simpliciter
faciunt bonum habentem: non enim dicitur simpliciter ali-
quis homo bonus ex hoc, quod est sciens vel artifex, sed dicitur
bonus solum secundum quid, puta bonus Grammaticus,
aut bonus faber, & propter hoc plerumque scientia & ars contra
virtutem diuiditur, quandoque autem virtutes dicuntur, ut
patet in 4. Ethicorum. * Subiectum igitur habitus, qui secundum lib. 6. Eth.

quid dicitur virtus, potest esse intellectus non solum practicus, cap. 3. cor. 1.9. &
sed etiam intellectus speculativus abique omni ordine ad vo-
luntatem: sic enim Philosophus in 6. Ethicorum *, scientiam, lib. 6. Eth.

sapientiam, & intellectum & etiam artem ponit esse intelle-
ctus, quæ virtutes. Subiectum verò habitus, qui simpliciter dicitur
virtus, non potest esse nisi voluntas, vel aliqua potentia, se-
cundum quod est mota à voluntate: cuius ratio est, quia vo-
luntas mouet omnes alias potentias, quæ aliquantulum sunt
rationales ad suos actus, ut supra habitum est, & ideo quod
homo actu bene agat, contingit ex hoc, quod homo habet
bonam voluntatem, unde virtus, quæ bene facit agere in actu,
non solum in facultate, oportet quod vel sit in ipsa volunta-
te, vel sit in aliqua potentia, secundum quod est à voluntate
mota: contingit autem intellectum à voluntate moueri, sicut
& alias potentias, considerat enim aliquis aliquid actu, eo
quod vult, & ideo intellectus secundum quod habet ordinem
ad voluntatem, potest esse subiectum virtutis simpliciter di-
ctæ, & hoc modo intellectus speculativus vel ratio, est subie-
ctum fidei, mouetur enim intellectus ad assentiendum his quæ
sunt fidei ex imperio voluntatis: nullus enim credit nisi vo-
lens: intellectus verò practicus est subiectum prudentiæ, cum
enim prudentia sit recta ratio agibilium, requiritur ad pruden-
tiam, quod homo se bene habeat ad principia huius rationis
agendorum, quæ sunt fines, ad quos bene se habet homo per
rectitudinem voluntatis: sicut ad principia speculabilium per
naturale lumen intellectus agentis. Et ideo sicut subiectum
scientiæ, quæ est ratio recta speculabilium, est intellectus spec-
ulativus in ordine ad intellectum agentem, ita subiectum
prudentiæ est intellectus practicus in ordine ad voluntatem
rectam.

A primū ergo dicendum, quod verbum Augustini intel-
ligendum est de virtute simpliciter dicta, non quod omnis ta-
lis virtus sit simpliciter amoris, sed quia dependet aliquantulum
ab amore in quantum dependet à voluntate, cuius prima affectio
est amor, ut supra dictum est.

A secundū dicendum, quod bonum vniuersumque est fi-
nis eius, & ideo cum verum sit finis intellectus, cognoscere
verum est bonus actus intellectus: unde habitus perficiens in-
tellectum ad verum cognoscendum, vel in speculativis, vel in
practicis dicitur virtus.

A tertium dicendum, quod ratio illa procedit de virtute
simpliciter dicta.

CONCLUSIO.

Cum virtus sit quæ simpliciter & actu bonum facit habentem,
& opus eius bonum redditur impossibile est intellectum esse
subiectum virtutis simpliciter, nisi secundum ordinem ad vo-
luntatem, quæ virtutis simpliciter subiectum est.

RESPONDO dicendum, quod sicut supra dictum est,
virtus est habitus, quo aliquis bene virtus. Dupliciter autem
habitus aliquis ordinatur ad bonum actum. Vno modo, in-
quantum per huiusmodi habitum acquiritur homini facultas
ad bonum actum: sicut per habitum Grammaticæ habet homo
facultatem recte loquendi, non tamen Grammatica facit, ut ho-
mo semper recte loquatur, potest enim Grammaticus barbari-
zare, aut solocismum facere, & eadem ratio est in aliis scientiis
& artibus. Alio modo aliquis habitus non solum facit facultatem
agendi, sed etiam facit, quod aliquis recte facultate utatur:
sicut iustitia non solum facit, quod homo sit promptus vo-
luntatis ad iusta operandum, sed etiam facit ut iuste opere-
retur. Et quis bonus sicut & ens, non dicitur simpliciter ali-
quid secundum id, quod est in potentia, sed secundum id quod
est in actu: ideo ab huiusmodi habitibus simpliciter dicitur ho-
mo bonus operari, & esse bonus: puta quia est iustus vel tem-
peratus: & eadem ratio est de similibus. Et quia virtus est quæ
bonum facit habentem, & opus eius bonum reddit, huiusmodi
habitus simpliciter dicuntur virtutes quia reddunt bonum
opus in actu, & simpliciter faciunt bonum habentem. Primi
verò habitus non simpliciter dicuntur virtutes: quia non red-
dunt bonum opus, nisi in quadam facultate, nec simpliciter
faciunt bonum habentem: non enim dicitur simpliciter ali-
quis homo bonus ex hoc, quod est sciens vel artifex, sed dicitur
bonus solum secundum quid, puta bonus Grammaticus,
aut bonus faber, & propter hoc plerumque scientia & ars contra
virtutem diuiditur, quandoque autem virtutes dicuntur, ut
patet in 4. Ethicorum. * Subiectum igitur habitus, qui secundum lib. 6. Eth.

quid dicitur virtus, potest esse intellectus non solum practicus, cap. 3. cor. 1.9. &
sed etiam intellectus speculativus abique omni ordine ad vo-
luntatem: sic enim Philosophus in 6. Ethicorum *, scientiam, lib. 6. Eth.

sapientiam, & intellectum & etiam artem ponit esse intelle-
ctus, quæ virtutes. Subiectum verò habitus, qui simpliciter dicitur
virtus, non potest esse nisi voluntas, vel aliqua potentia, se-
cundum quod est mota à voluntate: cuius ratio est, quia vo-
luntas mouet omnes alias potentias, quæ aliquantulum sunt
rationales ad suos actus, ut supra habitum est, & ideo quod
homo actu bene agat, contingit ex hoc, quod homo habet
bonam voluntatem, unde virtus, quæ bene facit agere in actu,
non solum in facultate, oportet quod vel sit in ipsa volunta-
te, vel sit in aliqua potentia, secundum quod est à voluntate
mota: contingit autem intellectum à voluntate moueri, sicut
& alias potentias, considerat enim aliquis aliquid actu, eo
quod vult, & ideo intellectus secundum quod habet ordinem
ad voluntatem, potest esse subiectum virtutis simpliciter di-
ctæ, & hoc modo intellectus speculativus vel ratio, est subie-
ctum fidei, mouetur enim intellectus ad assentiendum his quæ
sunt fidei ex imperio voluntatis: nullus enim credit nisi vo-
lens: intellectus verò practicus est subiectum prudentiæ, cum
enim prudentia sit recta ratio agibilium, requiritur ad pruden-
tiam, quod homo se bene habeat ad principia huius rationis
agendorum, quæ sunt fines, ad quos bene se habet homo per
rectitudinem voluntatis: sicut ad principia speculabilium per
naturale lumen intellectus agentis. Et ideo sicut subiectum
scientiæ, quæ est ratio recta speculabilium, est intellectus spec-
ulativus in ordine ad intellectum agentem, ita subiectum
prudentiæ est intellectus practicus in ordine ad voluntatem
rectam.

A primū ergo dicendum, quod verbum Augustini intel-
ligendum est de virtute simpliciter dicta, non quod omnis ta-
lis virtus sit simpliciter amoris, sed quia dependet aliquantulum
ab amore in quantum dependet à voluntate, cuius prima affectio
est amor, ut supra dictum est.

A secundū dicendum, quod bonum vniuersumque est fi-
nis eius, & ideo cum verum sit finis intellectus, cognoscere
verum est bonus actus intellectus: unde habitus perficiens in-
tellectum ad verum cognoscendum, vel in speculativis, vel in
practicis dicitur virtus.

A tertium dicendum, quod ratio illa procedit de virtute
simpliciter dicta.

CONCLUSIO.

Cum virtus sit quæ simpliciter & actu bonum facit habentem,
& opus eius bonum redditur impossibile est intellectum esse
subiectum virtutis simpliciter, nisi secundum ordinem ad vo-
luntatem, quæ virtutis simpliciter subiectum est.

RESPONDO dicendum, quod sicut supra dictum est,
virtus est habitus, quo aliquis bene virtus. Dupliciter autem
habitus aliquis ordinatur ad bonum actum. Vno modo, in-
quantum per huiusmodi habitum acquiritur homini facultas
ad bonum actum: sicut per habitum Grammaticæ habet homo
facultatem recte loquendi, non tamen Grammatica facit, ut ho-
mo semper recte loquatur, potest enim Grammaticus barbari-
zare, aut solocismum facere, & eadem ratio est in aliis scientiis
& artibus. Alio modo aliquis habitus non solum facit facultatem
agendi, sed etiam facit, quod aliquis recte facultate utatur:
sicut iustitia non solum facit, quod homo sit promptus vo-
luntatis ad iusta operandum, sed etiam facit ut iuste opere-
retur. Et quis bonus sicut & ens, non dicitur simpliciter ali-
quid secundum id, quod est in potentia, sed secundum id quod
est in actu: ideo ab huiusmodi habitibus simpliciter dicitur ho-
mo bonus operari, & esse bonus: puta quia est iustus vel tem-
peratus: & eadem ratio est de similibus. Et quia virtus est quæ
bonum facit habentem, & opus eius bonum reddit, huiusmodi
habitus simpliciter dicuntur virtutes quia reddunt bonum
opus in actu, & simpliciter faciunt bonum habentem. Primi
verò habitus non simpliciter dicuntur virtutes: quia non red-
dunt bonum opus, nisi in quadam facultate, nec simpliciter
faciunt bonum habentem: non enim dicitur simpliciter ali-
quis homo bonus ex hoc, quod est sciens vel artifex, sed dicitur
bonus solum secundum quid, puta bonus Grammaticus,
aut bonus faber, & propter hoc plerumque scientia & ars contra
virtutem diuiditur, quandoque autem virtutes dicuntur, ut
patet in 4. Ethicorum. * Subiectum igitur habitus, qui secundum lib. 6. Eth.

quid dicitur virtus, potest esse intellectus non solum practicus, cap. 3. cor. 1.9. &
sed etiam intellectus speculativus abique omni ordine ad vo-
luntatem: sic enim Philosophus in 6. Ethicorum *, scientiam, lib. 6. Eth.

sapientiam, & intellectum & etiam artem ponit esse intelle-
ctus, quæ virtutes. Subiectum verò habitus, qui simpliciter dicitur
virtus, non potest esse nisi voluntas, vel aliqua potentia, se-
cundum quod est mota à voluntate: cuius ratio est, quia vo-
luntas mouet omnes alias potentias, quæ aliquantulum sunt
rationales ad suos actus, ut supra habitum est, & ideo quod
homo actu bene agat, contingit ex hoc, quod homo habet
bonam voluntatem, unde virtus, quæ bene facit agere in actu,
non solum in facultate, oportet quod vel sit in ipsa volunta-
te, vel sit in aliqua potentia, secundum quod est à voluntate
mota: contingit autem intellectum à voluntate moueri, sicut
& alias potentias, considerat enim aliquis aliquid actu, eo
quod vult, & ideo intellectus secundum quod habet ordinem
ad voluntatem, potest esse subiectum virtutis simpliciter di-
ctæ, & hoc modo intellectus speculativus vel ratio, est subie-
ctum fidei, mouetur enim intellectus ad assentiendum his quæ
sunt fidei ex imperio voluntatis: nullus enim credit nisi vo-
lens: intellectus verò practicus est subiectum prudentiæ, cum
enim prudentia sit recta ratio agibilium, requiritur ad pruden-
tiam, quod homo se bene habeat ad principia huius rationis
agendorum, quæ sunt fines, ad quos bene se habet homo per
rectitudinem voluntatis: sicut ad principia speculabilium per
naturale lumen intellectus agentis. Et ideo sicut subiectum
scientiæ, quæ est ratio recta speculabilium, est intellectus spec-
ulativus in ordine ad intellectum agentem, ita subiectum
prudentiæ est intellectus practicus in ordine ad voluntatem
rectam.

A primū ergo dicendum, quod verbum Augustini intel-
ligendum est de virtute simpliciter dicta, non quod omnis ta-
lis virtus sit simpliciter amoris, sed quia dependet aliquantulum
ab amore in quantum dependet à voluntate, cuius prima affectio
est amor, ut supra dictum est.

A secundū dicendum, quod bonum vniuersumque est fi-
nis eius, & ideo cum verum sit finis intellectus, cognoscere
verum est bonus actus intellectus: unde habitus perficiens in-
tellectum ad verum cognoscendum, vel in speculativis, vel in
practicis dicitur virtus.

A tertium dicendum, quod ratio illa procedit de virtute
simpliciter dicta.

CONCLUSIO.

Cum virtus sit quæ simpliciter & actu bonum facit habentem,
& opus eius bonum redditur impossibile est intellectum esse
subiectum virtutis simpliciter, nisi secundum ordinem ad vo-
luntatem, quæ virtutis simpliciter subiectum est.

RESPONDO dicendum, quod sicut supra dictum est,
virtus est habitus, quo aliquis bene virtus. Dupliciter autem
habitus aliquis ordinatur ad bonum actum. Vno modo, in-
quantum per huiusmodi habitum acquiritur homini facultas
ad bonum actum: sicut per habitum Grammaticæ habet homo
facultatem recte loquendi, non tamen Grammatica facit, ut ho-
mo semper recte loquatur, potest enim Grammaticus barbari-
zare, aut solocismum facere, & eadem ratio est in aliis scientiis
& artibus. Alio modo aliquis habitus non solum facit facultatem
agendi, sed etiam facit, quod aliquis recte facultate utatur:
sicut iustitia non solum facit, quod homo sit promptus vo-
luntatis ad iusta operandum, sed etiam facit ut iuste opere-
retur. Et quis bonus sicut & ens, non dicitur simpliciter ali-
quid secundum id, quod est in potentia, sed secundum id quod
est in actu: ideo ab huiusmodi habitibus simpliciter dicitur ho-
mo bonus operari, & esse bonus: puta quia est iustus vel tem-
peratus: & eadem ratio est de similibus. Et quia virtus est quæ
bonum facit habentem, & opus eius bonum reddit, huiusmodi
habitus simpliciter dicuntur virtutes quia reddunt bonum
opus in actu, & simpliciter faciunt bonum habentem. Primi
verò habitus non simpliciter dicuntur virtutes: quia non red-
dunt bonum opus, nisi in quadam facultate, nec simpliciter
faciunt bonum habentem: non enim dicitur simpliciter ali-
quis homo bonus ex hoc, quod est sciens vel artifex, sed dicitur
bonus solum secundum quid, puta bonus Grammaticus,
aut bonus faber, & propter hoc plerumque scientia & ars contra
virtutem diuiditur, quandoque autem virtutes dicuntur, ut
patet in 4. Ethicorum. * Subiectum igitur habitus, qui secundum lib. 6. Eth.

quid dicitur virtus, potest esse intellectus non solum practicus, cap. 3. cor. 1.9. &
sed etiam intellectus speculativus abique omni ordine ad vo-
luntatem: sic enim Philosophus in 6. Ethicorum *, scientiam, lib. 6. Eth.

sapientiam, & intellectum & etiam artem ponit esse intelle-
ctus, quæ virtutes. Subiectum verò habitus, qui simpliciter dicitur
virtus, non potest esse nisi voluntas, vel aliqua potentia, se-
cundum quod est mota à voluntate: cuius ratio est, quia vo-
luntas mouet omnes alias potentias, quæ aliquantulum sunt
rationales ad suos actus, ut supra habitum est, & ideo quod
homo actu bene agat, contingit ex hoc, quod homo habet
bonam voluntatem, unde virtus, quæ bene facit agere in actu,
non solum in facultate, oportet quod vel sit in ipsa volunta-
te, vel sit in aliqua potentia, secundum quod est à voluntate
mota: contingit autem intellectum à voluntate moueri, sicut
& alias potentias, considerat enim aliquis aliquid actu, eo
quod vult, & ideo intellectus secundum quod habet ordinem
ad voluntatem, potest esse subiectum virtutis simpliciter di-
ctæ, & hoc modo intellectus speculativus vel ratio, est subie-
ctum fidei, mouetur enim intellectus ad assentiendum his quæ
sunt fidei ex imperio voluntatis: nullus enim credit nisi vo-
lens: intellectus verò practicus est subiectum prudentiæ, cum
enim prudentia sit recta ratio agibilium, requiritur ad pruden-
tiam, quod homo se bene habeat ad principia huius rationis
agendorum, quæ sunt fines, ad quos bene se habet homo per
rectitudinem voluntatis: sicut ad principia speculabilium per
naturale lumen intellectus agentis. Et ideo sicut subiectum
scientiæ, quæ est ratio recta speculabilium, est intellectus spec-
ulativus in ordine ad intellectum agentem, ita subiectum
prudentiæ est intellectus practicus in ordine ad voluntatem
rectam.

A primū ergo dicendum, quod verbum Augustini intel-
ligendum est de virtute simpliciter dicta, non quod omnis ta-
lis virtus sit simpliciter amoris, sed quia dependet aliquantulum
ab amore in quantum dependet à voluntate, cuius prima affectio
est amor, ut supra dictum est.

A secundū dicendum, quod bonum vniuersumque est fi-
nis eius, & ideo cum verum sit finis intellectus, cognoscere
verum est bonus actus intellectus: unde habitus perficiens in-
tellectum ad verum cognoscendum, vel in speculativis, vel in
practicis dicitur virtus.

A tertium dicendum, quod ratio illa procedit de virtute
simpliciter dicta.

CONCLUSIO.

Cum virtus sit quæ simpliciter & actu bonum facit habentem,
& opus eius bonum redditur impossibile est intellectum esse
subiectum virtutis simpliciter, nisi secundum ordinem ad vo-
luntatem, quæ virtutis simpliciter subiectum est.

RESPONDO dicendum, quod sicut supra dictum est,
virtus est habitus, quo aliquis bene virtus. Dupliciter autem
habitus aliquis ordinatur ad bonum actum. Vno modo, in-
quantum per huiusmodi habitum acquiritur homini facultas
ad bonum actum: sicut per habitum Grammaticæ habet homo
facultatem recte lo

Q. 1. Præterea, Augustin. probat in lib. de morib. Ecclæsiæ, quod virtus non est in corpore, sed in anima, eo quod per animam corpus regitur. vnde quod aliquis corpore bene utatur, totum refertur ad animam: sicut si mihi auriga obtemperans, equos quibus præest, recte regit, hoc totum mihi debetur: sed sicut anima regit corpus, ita etiam ratio regit appetitum sensitiuum. ergo totum rationali parti debent, quod irascibilis & concupiscibilis recte regantur. sed virtus est quæ recte viuatur: vt supra dictum est. * virtus igitur non est in irascibili & concupiscibili, sed solum in parte rationali.

Q. 4. Præterea, Principalis actus virtutis moralis est electio, vt dicitur in 1. Ethicorum * sed electio non est actus irascibilis, sed rationis: vt supra dictum est. * ergo virtus moralis non est in irascibili & concupiscibili, sed in ratione.

S. 2. contra est, quod fortitudo ponitur esse in irascibili: temperantia autem in concupiscibili. vnde Philosophus dicit in 3. Ethicorum. * quod hæc virtutes sunt irrationabilium passionum.

CONCLUSIO.

In irascibili, & concupiscibili, vsunt potestates appetitus sensitiui, nulla virtus est: sed vs subordinatur rationi, necesse est in utraque aliquam virtutem esse, quæ quædam est illarum ad rationem ipsam, habitualis conformitas.

R. 1. dicendum, quod irascibilis & concupiscibilis dupliciter considerari possunt. Vno modo secundum se, inquantum sunt partes appetitus sensitiui, & hoc modo non competit eis, quod sint subiectum virtutis. Alio modo possunt considerari inquantum participant rationem per hoc quod natura sunt rationi obedire: & sic irascibilis vel concupiscibilis potest esse subiectum virtutis humanæ. Sic enim est principium humani actus inquantum participat rationem: & in his potentiis necesse est ponere virtutes. quod enim in irascibili & concupiscibili sunt aliquæ virtutes, patet, actus enim, qui progreditur ab vna potentia secundum quod est ab alia mota, non potest esse perfectus: nisi utraque potentia sit bene disposita ad actum: sicut actus artificis non potest esse congruus nisi etiam artifex sit bene dispositus ad agendum, & etiam ipsum instrumentum. In his igitur, circa quæ operantur irascibilis & concupiscibilis, secundum quod sunt à ratione motæ, necesse est vt aliquis habitus perficiens ad bene agendum, sit non solum in ratione, sed etiam in irascibili & concupiscibili. Et quia bona dispositio potentie mouentis motu attenditur secundum conformitatem ad potentiam mouentem: ideo virtus, quæ est in irascibili & concupiscibili, nihil aliud est quam quædam habitualis conformitas illarum potentiarum ad rationem.

A. 1. primum ergo dicendum, quod irascibilis & concupiscibilis secundum se consideratæ, prout sunt partes appetitus sensitiui communes sunt nobis & brutis: sed secundum quod sunt rationales per participationem, vt obedientes rationi, sic sunt proprie hominis: & hoc modo possunt esse subiectum virtutis humanæ.

A. 2. secundum dicendum, quod sicut caro hominis ex se quidem non habet bonum virtutis, sit tamen instrumentum virtutis actus inquantum mouente ratione membra nostra exhibemus ad seruendum iustitiæ. Ita etiam irascibilis & concupiscibilis ex se quidem non habent bonum virtutis, sed magis infirmitatem somitis, inquantum verò conformantur rationi, sic in eis aggeneratur bonum virtutis moralis.

A. 3. tertium dicendum, quod alia ratione regitur corpus ab anima & irascibilis & concupiscibilis à ratione, corpus enim ad nutum obedit animæ absque contradictione, in his in quibus natura est ab anima moueri. vnde Philosophus dicit in 1. Polit. * quod anima regit corpus despotico principatu, id est, sicut dominus seruum. & ideo totus motus corporis refertur ad animam, & propter hoc in corpore non est virtus, sed solum in anima. Sed irascibilis & concupiscibilis non obediunt ad nutum rationi, sed habent proprios motus suos, quibus interdum rationi repugnant. vnde in eodem lib. Philosoph. dicit, * quod ratio regit irascibilem & concupiscibilem principatu politico: quo scilicet reguntur liberi, qui habent in aliquibus propriam voluntatem. & propter hoc etiam oportet in irascibili & concupiscibili esse aliquas virtutes, quibus bene disponantur ad actum.

A. 4. quartum dicendum, quod in electione duo sunt, scilicet intentio finis, quæ pertinet ad virtutem moralem: & præceptio eius quod est ad finem, quod pertinet ad prudentiam, vt dicitur in 6. Ethicorum. * Quod autem habeat rectam intentionem finis circa passionem animæ, hoc contingit ex bona dispositione irascibilis & concupiscibilis: & ideo virtutes morales circa passionem sunt in irascibili & concupiscibili, sed prudentia est in ratione.

ARTICVLVS V.

Vtrum virtus apprehensivæ sensitiuæ sint subiectum virtutis.

190 **A. 1.** dicendum sic proceditur. Videtur, quod in virtutibus sensitiuis apprehensivis, interior possit esse aliqua virtus. Appetitus enim sensitiuus potest esse subiectum virtutis inquantum obedit rationi: sed vires sensitiuæ apprehensivæ interiori rationi obediunt, ad imperium enim rationis operantur & imaginantur, & cogitant, & memorantur. ergo in his virtutibus potest esse virtus.

Q. 2. Præterea, Sicut appetitus rationalis, qui est voluntas, in suo actu potest impediri vel etiam adiuuari per appetitum sensitiuum, ita etiam intellectus vel ratio potest impediri vel etiam iuvari per vires prædictas. sicut ergo in viribus sensitiuis appetitiuis potest esse virtus, ita etiam in apprehensivis.

Q. 3. Præterea, Prudentia est quædam virtus, cuius partem ponit Tullius memoriam in sua Rhetorica. * ergo etiam in vi

memoratiua potest esse aliqua virtus, & eadem ratione in illis interioribus apprehensivis viribus.

S. 2. contra est, quod omnes virtutes vel sunt intellectuales, vel morales, vt dicitur in 2. Ethicorum. * morales autem virtutes omnes sunt in parte appetitiua: intellectuales autem in intellectu, vel ratione: sicut patet in 6. Ethicorum. * nulla ergo virtus est in viribus sensitiuis apprehensivis interioribus.

CONCLUSIO.

Cum virtus sit habitus perfectus, quo non nisi bonum opus operari contingit: in viribus apprehensivis non est virtus, quæ verum cognoscitur.

R. 1. dicendum dicendum, quod in viribus sensitiuis apprehensivis interioribus ponuntur aliqui habitus: quod patet ex hoc præcipue, quod Philosophus dicit in libr. de memoria, * quod in memorando vnum post aliud, operatur consuetudo, quæ est quasi quædam natura: nihil autem est aliud habitus consuetudinalis quam habitudo acquisita per consuetudinem, quæ est in modum naturæ. Vnde de virtute dicit Tullius in sua Rhetorica *, quod est habitus in modum naturæ rationi consentaneus. In homine tamen id, quod ex consuetudine acquiritur in memoria & in aliis viribus sensitiuis apprehensivis, non est habitus per se, sed ad aliquid annexum habitibus intellectibus partit, vt supra dictum est: sed tamen si qui sunt habitus in talibus viribus, virtutes dici non possunt: virtus enim est habitus perfectus, quo non contingit nisi bonum operari: vnde oportet, quod virtus sit in illa potentia, quæ est consummatura boni operis: cognitio autem veri non consummatur in viribus sensitiuis apprehensivis, sed huiusmodi vires sunt quasi preparatorie ad cognitionem intellectuum: & ideo in huiusmodi viribus non sunt virtutes, quibus cognoscitur verum, sed magis in intellectu vel ratione.

A. 1. primum ergo dicendum, quod appetitus sensitiuus se habet ad voluntatem, quæ est appetitus rationis sicut motus ab eo. & ideo opus appetitiuæ virtutis consummatur in appetitu sensitiuo: & propter hoc appetitus sensitiuus est subiectum virtutis: virtutes autem sensitiuæ apprehensivæ magis se habent vt mouentes respectu intellectus, eo quod phantasmatata se habent ad animam intellectus, sicut colores ad visum: vt dicitur in 3. de anima *, & ideo opus cognitionis in intellectu terminatur: & propter hoc virtutes cognoscitivæ sunt in ipso intellectu, vel ratione. Et per hoc patet solutio. **A. 2.** dicendum.

A. 3. tertium dicendum, quod memoria non ponitur pars prudentiæ, sicut species est pars generis, quasi ipsa memoria sit quædam virtus per se: sed quia vnum eorum quæ requiruntur ad prudentiam, est bonitas memoriæ: vt sic quodammodo se habet per modum partis integralis.

ARTICVLVS VI.

Vtrum voluntas possit esse subiectum virtutis.

191 **A. 1.** dicendum sic proceditur. Videtur, quod voluntas non sit subiectum alicuius virtutis. Ad id enim conuenit potentia, ex ipsa ratione potentia, non requiritur aliquis habitus, sed de ipsa ratione voluntatis cum sit in ratione, secundum Philosophum in 3. de anima. * est quod tendat in id quod est bonum secundum rationem, ad quod ordinatur omnis virtus: quia vnumquodque naturaliter appetit proprium bonum. virtus enim est habitus per modum naturæ consentaneus rationi: vt Tullius dicit in sua Rhetorica. * ergo voluntas non est subiectum virtutis.

Q. 2. Præterea, Omnis virtus aut est intellectualis aut moralis: vt dicitur in 1. & 2. Ethicorum. * sed virtus intellectualis est sicut in subiecto in intellectu & ratione, non autem in voluntate: virtus autem moralis est sicut in subiecto in irascibili & concupiscibili, quæ sunt irrationales per participationem. ergo nulla virtus est in voluntate sicut in subiecto.

Q. 3. Præterea, Omnes actus humani, ad quos virtutes ordinantur, sunt voluntarij: si igitur respectu aliquorum humanorum actuum sit aliqua virtus in voluntate, pari ratione respectu omnium actuum humanorum erit virtus in voluntate. aut ergo in nulla alia potentia erit aliqua virtus, aut ad eundem actum ordinabuntur duæ virtutes: quod videtur inconueniens: voluntas ergo non potest esse subiectum virtutis.

S. 2. contra est, quod maior perfectio requiritur in mouente, quam in moto: sed voluntas mouet irascibilem & concupiscibilem: multo ergo magis debet esse virtus in voluntate, quam in irascibili & concupiscibili.

CONCLUSIO.

Virtutes quæ ordinant affectum hominis in Deum vel in proximum, sunt in voluntate sicut in subiecto, vt charitas, iustitia, & huiusmodi.

R. 1. dicendum dicendum, quod cum per habitum perficiatur potentia ad agendum, ibi indiget potentia habitus perficiens ad bene agendum (qui quidem habitus est virtus) ubi ad hoc non sufficit propria ratio potentie: omnis autem potentie propria ratio attenditur in ordine ad obiectum. vnde cum sicut dictum est, obiectum voluntatis sit bonum rationis voluntati proportionatum, quantum ad hoc non indiget voluntas virtute perficiente: sed si quod bonum imminet homini volendum, quod excedat proportionem volentis, siue quantum ad totam speciem humanam, sicut bonum diuinum, quod transcendit limites humanæ naturæ, siue quantum ad indiuiduum sicut bonum proximi, ibi voluntas indiget virtute. & ideo huiusmodi virtutes, quæ ordinant affectum hominis in Deum, vel in proximum, sunt in voluntate sicut in subiecto, vt charitas, iustitia, & huiusmodi.

A. 1. primum ergo dicendum, quod ratio illa habet locum de virtute, quæ ordinat ad bonum proprium ipsius volentis, sicut temperantia & fortitudo, quæ sunt circa passionem humanam: & alia huiusmodi, vt ex dictis patet.

A. 2. secundum dicendum, quod rationale per participationem non solum est irascibilis & concupiscibilis, sed omnino, id

lib. 1. Eth. id est, vniuersaliter appetituum, vt dicitur in 1. Ethic. *
 sub appetitu autem comprehenditur voluntas. & ideo
 si qua virtus est in voluntate, erit moralis: nisi sit theologia,
 vt infra patebit. †

† 7. 62. A d. tertium dicendum, quod quidam virtutes ordinantur
 ad bonum passionis moderatz, quod est proprium hominis vel
 illius hominis & in talibus non est necessarium, quod sit ali-
 qua virtus in voluntate, cum ad hoc sufficiat natura potentiz,
 vt * dictum est. sed hoc solum necessarium est in illis virtuti-
 bus, quæ ordinantur ad aliquod bonum extrinsecum.

DISPUTATIO II.

De Subiecto Virtutis.

CONSIDERATA iam virtutis naturâ,
 inquirendum est de eius subiecto, quod
 fiet in præsentī disputatione, vbi agetur
 tam de subiecto quod quàm de subiecto quo.

DVBIUM I.

Vtrum in Deo sint virtutes

Supponendum est, in Deo esse summam
 simplicitatem, ita vt in eo nulla sit prorsus
 compositio realis, imò nec compositio rationis
 fundata in reali, vt probat D. Thomas 1. p. q. 3.
 per multos articulos: vnde si semel in Deo po-
 nantur virtutes, nō possunt distingui nec ab ipso
 Deo, nec ab inuicem distinctione aliqua reali
 actuali, quæ sit à parte rei (in diuinis quippe
 nulla est distinctio realis, nisi inter relatiua); sed
 ad summum distinguuntur tam à Deo, quàm ab
 inuicem distinctione virtuali, quæ fundatur in
 summa eminētia diuinæ entitatis, quæ in seipsa
 summè vna, tanquā in principio primo omnium
 aliorum effectiuo, vnité continet omnes perfe-
 ctiones in suis effectibus multipliciter dispersas;
 causa quippe efficiens debet præhabere totam
 perfectionem sui effectus, iuxta hæc axiomata;
 Vnumquodque agit in quantum est actu, & Ne-
 mo dat quod non habet. Querimus ergo in præ-
 senti, vtrum in Deo sint virtutes, virtualiter ab
 ipso & ab inuicem distinctæ.

Prima opinio negat in Deo propriè esse vir-
 tutes. Probatur sigillatim de vnoquoque genere
 virtutum, & primò de intellectualibus: Deus est
 purissimus actus, vnde in sua essentia nihil habet
 potentialitatis oppositæ actualitati purissimæ:
 ergo cum sit naturæ intellectualis, debet in linea
 intellectui continere essentialiter identificata,
 & absque vlla distinctione virtuali, quicquid per
 se pertinet ad ordinem intellectuum, scilicet in-
 tellectum, principia intelligendi, imò & ipsam
 intellectionem; vnde in Deo non sunt virtutes
 intellectuales.

Secundò, Virtutes morales dantur in ordine
 ad mores, & deferuiunt ad componendas passio-
 nes, vt maximè apparet in fortitudine & tempe-
 rantia, & ideo subiectantur in appetitu sensitivo:
 Aliunde verò iustitia, quæ non est circa passio-
 nes, repugnat Deo; non enim illa potest habere

in ordine ad seipsum, nec in ordine ad creatu-
 ras, quia Dei ad hominem non potest esse per-
 fecta iustitia, vt docet Aristoteles, non autè potest
 admitti in Deo imperfecta iustitia, cui omnis
 imperfectio repugnat: ergo in Deo non sunt vir-
 tutes morales, cum in eo non sint passionēs.

Tertiò, Virtutes theologicæ sunt fides, spes, &
 charitas: sed nulla ex his virtutibus est in Deo;
 non fides; cum in ipso sit visio perfectissima &
 comprehensua sui & omnium aliorum, quæ op-
 ponitur fidei; nec spes, cum in Deo sit possessio
 summi boni opposita spei; nec tandem charitas,
 quia ad amandum bonum proprium & conna-
 turalissimum non opus est virtute superaddi-
 ta, sed sufficit ipsa natura tali bono proportio-
 nata ab intrinseco: ergo in Deo non sunt virtu-
 tes theologicæ.

CONCLUSIO.

RESPONDEO dicendum, quòd in Deo sunt
 virtutes tam intellectuales 2. quàm affectiuæ,
 quæ nullam in suo conceptu formali important,
 vel supponunt imperfectionem. 3. non tamen
 sunt in illo per modum habitus præcisè, sed per
 modum actus purissimi. Ita communiter Disci-
 puli D. Thomæ, & alij.

Probatur prima pars conclusionis auctoritate
 sacræ Scripturæ & Sanctorū Patrum, apud quos
 passim Deus dicitur intelligens, sapiens, sciens,
 prudēs, & artifex huius mundi: ergo necessariò
 sunt in eo virtutes in abstracto correspondentes
 his concretis, omnium quippe concretorum in
 Deo ponuntur abstracta constitutiuæ ipsorum.
 Deinde probatur communi consensu Theolo-
 gorum, qui sæpe mentionem faciunt diuinæ in-
 telligentiae, sapiētiae, scientiae, prudentiae, & artis
 tanquam diuinorū attributorū; imò cum D. Th.
 agunt ex professo de Scientia Dei q. 14. primæ
 partis, quæ simul est vera sapientia & intelligen-
 tia; agunt q. 22. de Prouidentia quæ est pars pru-
 dentiae; & tandem agunt qu. 15. de Arte Diuina
 & Idæis Diuinis. Denique probatur ratione:
 Dantur respectu Dei obiecta formalia harū vir-
 tutum intellectualium; nam sunt in Deo aliquæ
 rationes per modum primorum principiorum, vt
 quòd Deus sit suum esse, actus purissimus, quæ
 sunt obiectū formale intelligentiae; sunt aliæ ra-
 tiones per modum conclusionum, vt quòd Deus
 sit æternus, immutabilitas quippe est ratio for-
 malis à priori æternitatis, quæ sunt obiectū for-
 male sapientiae & scientiae; est in Deo recta ratio
 obiectiua agibilium, quæ est obiectum formale
 prudentiae; & similiter est recta ratio obiectiua
 factibilium, quæ est obiectū artis: ergo dantur
 in Deo virtutes intellectuales, posito quippe ob-
 iecto formali alicuius virtutis, debet poni talis vir-
 tus in Deo, aliàs in eo esset aliquis defectus.

Probatur & explicatur secunda pars conclu-
 sionis: Ex virtutibus affectiuis plures in suo con-
 ceptu formali non important nec supponunt im-
 perfectionem, vt iustitia, misericordia, liberali-
 tas,

tas, &c. alia verò ut poenitentia, supponunt aliquam imperfectionem, poenitentia enim est de peccato: virtutes affectivæ prioris ordinis sunt in Deo, posterioris autè ordinis non sunt in Deo. Primum constat tum autoritate sacræ Scripturæ & Sanctorum Patrum, ubi passim fit mentio diuinarum virtutum affectivarum, puta iustitiæ, misericordiæ, liberalitatis, &c. Tum autoritate Theologorum, qui cum D. Thoma de his virtutibus diuinis agunt ut 1. p. q. 21. & alibi. Tum ex his quæ diximus supra q. 19. primæ partis, ubi ex professio probauimus in diuina voluntate esse virtutes affectivas, quæ proinde in præsentī non repetimus. Secundum autem ex se constat, quia nihil est in Deo formaliter, quod in suo cōceptu formali importat vel supponit imperfectionem, cum Deus sit perfectissimus, ac ita excludens omnem imperfectionem.

Probatum & explicatur tertia pars conclusionis. Summa actualitas & perfectio diuina petūt, ut in quauis linea sit tanta simplicitas & identitas, quòd quicquid est in illa, sit per modū actus purissimi talis lineæ, absque vlla distinctione virtuali: vnde in linea primaria essendi, quæ est fundamentum aliarum, ipsa essentia diuina, substantia absoluta illi propria, & existentia sunt absque vlla distinctione virtuali, & essentia est suum esse, quod etiam 1. p. circa qu. 19. explicauimus de aliis lineis in Deo repertis: ergo tam virtutes intellectuales, quàm virtutes affectivæ non sunt in Deo per modum habitus præcisè, sed sunt per modum actus purissimi; istæ igitur virtutes sunt actus eminentissimi, continētes absque vlla distinctione etiam virtuali, totam perfectionem repertam in habitu & actu talium virtutum.

A d primum ergo dicendum, quòd quidem Deus est actus purissimus: sed cum hac puritate sunt compossibiles in Deo plures lineæ, fundatæ in summa eminentia diuinæ entitatis, & virtualiter distinctæ: linea autem essendi includit tantum essentiam, substantiam absolutam, & existentiam siue esse intellectuale; aliæ lineæ operatiuæ constant vel ex potentia actiua & actu, vel ex virtute & actu.

A d secundum dicendum, quòd in Deo loco virtutum moralium, dantur virtutes affectivæ: Vnde in Deo non dantur illæ virtutes, quæ in nobis sunt ad moderandas passiones. Ad illud de iustitia; dicendum quòd in Deo est perfectissima quantum attinet ad essentiam virtutis, quāvis non sit tanta obligatio ex parte Dei, quanta est ex parte hominis: Nec Aristoteles dixit quòd Dei ad hominem non potest esse perfecta iustitia, nisi forte ob defectum obligationis; sed dixit quòd hominis ad Deum non potest esse perfecta iustitia, quia homo non potest Deo reddere ad æqualitatem.

A d tertium dicendum, quòd in Deo non sunt fides & spes, ut ratio adducta conuincit: est autem in Deo charitas per modum dilectionis

naturalis non quidem ut habitus superadditus sicut probat ratio, sed ut actus purissimus.

D V B I U M I I

Utrum in Angelis sint virtutes.

Supponendum est, quòd licet Angeli sint substantiæ separatæ à materia physica; non tamen sunt ita simplices, quin admittant plures compositiones & distinctiones in sua entitate; Logicè componuntur ex genere & differentiis; Physicè ex subiecto & accidentibus, habent enim potentias intellectus & voluntatis realiter essentialiter superadditas; Metaphysicè componuntur ex essentia, substantia, & existentia: vnde non repugnant Angelis virtutes ex parte simplicitatis, sed quæritur utrum aliunde repugnent, & ad hoc non quæritur de omnibus virtutibus, sed de virtutibus ordinis naturalis, siue intellectualibus, siue affectivis: nam omnino certum est, in ipsis esse virtutes supernaturales; quæ emanant à gratia quasi proprietates; & non repugnant statui beatitudinis; imò in statu Viæ habuerunt fidem & spem: cuius ratio est, quia propria virtute naturali non possunt attingere obiecta supernaturalia, ut constat ex ipsis terminis propter excessum obiectorum; vnde tales virtutes sunt realiter distinctæ ab ipsis potentiis, & à quocunque naturali in eis reperto, & propterea, virtutes intellectuales supernaturales distinguuntur realiter ab speciebus, hæ quippe omnes sunt quoad substantiam ordinis naturalis, infusæ à Deo ut auctore naturæ statim à principio creationis, quāvis deferuiant ad cognitionem supernaturalem: & similiter omnis perfectio & virtus propriè dicta, quæ reperitur in Angelis, est in eis indita à principio suæ conditionis, ut docet D. Thomas q. 16. de Malo art. 3. dicens: Angeli omnes sic cōditi sunt, ut quidquid pertinet ad naturalem perfectionem eorum, statim à principio suæ creationis habuerint: Dictum est de virtute propriè dicta, quia dubium est etiam inter Discipulos D. Thomæ Utrum Angeli possint suis actibus acquirere alios habitus, qui non sint propriè virtutes, sicut habitum opinionis, fidei naturalis & similes; aliqui affirmant absolute, ut Suares lib. 2. de Angelis cap. 38. alij absolute negant ut Nauarrete controuersia 68. Alij plures utrumque probabile tenent.

Prima opinio negat in Angelis esse virtutes realiter superadditas eorum potentiis. Probatum generaliter de omnibus virtutibus: Potentiæ Angelorum scilicet intellectus & voluntas, sunt seipsis completæ in ordine naturali; quod colligitur tum ex eo quòd sunt superioris rationis à nostris: tū quia sunt indefectibiles seipsis in ordine naturali præcisè sumpto; tum quia in dæmonibus omnia naturalia integra remanserunt, & tamen constat in eis non esse alias virtutes, quàm

S i

quàm

quàm proprias potentias: ergo in Angelis non sunt virtutes realiter superadditæ eorum potentiis, vel essent superflua.

Secundò probatur specialiter de virtutibus intellectualibus, expressa autoritate D. Thomæ in 3. d. 14. q. 1. art. 1. quæstione. 2. ad 1. vbi sic ait: Angelus non indiget habitu in cognitione naturali quia non abstrahit à phantasmatibus species, sed habet eas innatas, indiget tamen eo in cognitione supernaturali: vnde dicitur Iob. 25. Nunquid est numerus militum eius, & super quem non fulget lumen illius? Et ideo Angeli in cognitione naturali non indigent habitu, secundum quod ad habitum requiritur lumen; exigitur autem, secundum quod requiruntur species rerum, quia habent esse limitatum, &c.

Tertiò, Intellectus angelicus est perfectior intellectu humano, vt constat ex eo quod est proprietas naturæ angelicæ, sicut intellectus humanus est proprietas naturæ humanæ, quæ est imperfectior quàm sit angelica, & ita ex hac parte intellectus angelicus saltem habebit supra humanum, quod proprio lumine absque alio superaddito cognoscat prima principia, cum tamen intellectus humanus ex sua imperfectione indigeat habitu intelligentiæ ad cognoscenda prima principia: Aliunde verò intellectus angelicus non est discursiuus, sed conclusiones cognoscit in principiis; constat autem quod intellectus aliquis solum indiget sapientia & scientia ad attingendas conclusiones in seipsis, attinguntur enim in principiis eadem virtute qua attinguntur principia: ergo in Angelis non sunt hæ virtutes intellectuales intelligentia, sapientia, & scientia; & consequenter nec prudentia, nec ars ob eandem rationem.

CONCLUSIO.

RESPONDEO dicendum, quod in Angelis sunt virtutes, tãquam perfectiones naturales per modum habitus, realiter superadditæ potentiis, & ab illis distinctæ. 2. tam intellectuales, etsi minus limitatæ. 3. quam affectiuæ eorum naturæ conuenientes. 4. virtutes autem intellectuales in eis realiter distinguuntur ab speciebus intellectualibus. Ita communior sententia Thomistarum: Ferrar. 1. contra Gentes cap. 56. Bannes & Nauarrere 1. p. q. 58 art. 1. Medina, Sotus, Victoria, Zumel, Nostri Salmanticenses, & alij plures etiam extra scholam D. Thomæ illam docent.

Probatur prima pars conclusionis: Tum ex dicendis in secunda & tertia parte, si enim ostendatur quod in Angelis sint virtutes intellectuales, & etiam virtutes affectiuæ per modum habitus, realiter superadditæ potentiis, & ab illis distinctæ, bene sequitur quod absolute loquendo sint prædicto modo virtutes in Angelis, cum virtutes angelicæ sint vel intellectuales, vel affectiuæ. Tum sequenti ratione: In Deo sunt virtutes tanquam perfectiones naturales per modum

actus purissimi, virtualiter superadditæ potentiis actiuis scilicet intellectui & voluntati, & ab illis virtualiter etiam distinctæ, vt communiter concedunt Theologi, & has virtutes vocant attributa diuina: ergo in Angelis sunt cum quadam proportionem similes virtutes, tanquam perfectiones naturales per modum habitus, realiter superadditæ potentiis, & ab illis distinctæ; nam ex qua parte Angeli non sunt suum esse, sed important compositionem ex essentia & esse, debent habere suas perfectiones naturales, quæ sunt proprietates aut quasi proprietates, per modum habitus, illas enim habere per modum actus purissimi, solum competit Deo actui purissimo, excludenti omnem compositionem realem aut etiam compositionem rationis in reali fundatam, ac proinde excludenti omnem potentialitatem; ex qua verò parte Angeli sunt limitati & finiti secundum omnem rationem, debent habere suas perfectiones naturales realiter superadditas potentiis, & ab illis distinctas, habere enim suas perfectiones solum virtualiter superadditas potentiis, & ab illis solum virtualiter distinctas, soli Deo conuenit vt pote illimitato & infinito secundum omnem rationem, & in quo propterea nulla est realis distinctio, vbi nõ reperitur oppositio relatiua; & ideo dicitur, quod ea quæ sunt dispersa in inferioribus, sunt vnita in superioribus. Confirmatur ex eo quod in Deo plures lineæ virtualiter distinguuntur, quia tales lineæ in creaturis sunt realiter distinctæ propter formalem distinctionem obiectorum, quæ sufficit ad hoc vt in potentiis & virtutibus sit distinctio entitatiua & realis, quando sunt limitatæ, vt contingit in omnibus creaturis, sola quippe illimitatio potest impedire in absolutis distinctionem realem.

Probatur secunda pars conclusionis quantum ad primum: Virtutes intellectuales, etiam in Angelis, habent obiecta formaliter distincta ab obiecto intellectus; intellectus quippe habet pro obiecto formali ens verum vt sic absolute, absque vlla determinatione vel modificatione; virtutes autem intellectuales habent pro obiecto formali ens verum sub aliqua determinatione vel modificatione, vt intelligentia habet verum vt in seipso immediate cognoscibile, sapientia & scientia habent verum vt per causas cognoscibile, scientia quidem per causas ordinarias, sapientia verò per causas superiores, & sic de aliis virtutibus intellectualibus: sed à distinctione formali obiectorum prouenit distinctio realis & entitatiua potentialium & habituum ad inuicem, quia per hoc quod potentia & habitus specificantur ab obiectis formalibus, ab iisdem etiam debent realiter distingui, nisi ipsorum illimitatio impediat, & ita in omnibus creatis distinctio formalis præcisa obiectorum causat distinctionem tum formalem, tum realem & entitatiuam potentialium & habituum, quia in omnibus illis est limitatio

mitatio, si enim in nobis hoc communiter conceditur, debet etiam concedi in Angelis ob paritatem rationis seu limitationis: ergo in Angelis virtutes intellectuales sunt realiter superadditæ potentiis, & ab illis distinctæ. Probatur quantum ad secundum: Intellectus Angelicus est medius inter diuinum & humanum, inferior scilicet diuino, & superior humano; unde licet sit simpliciter finitus & limitatus, non tamen sic est limitatus ac est intellectus humanus, sed habet maiorem quandam eleuationem & actualitatem: ex quibus sequitur quod sicut ob suam limitationem qua est inferior intellectu diuino, habet plures species intelligibiles & plures virtutes intellectuales realiter superadditas, ut ostensum est: sic ob suam maiorem eleuationem, qua est superior intellectu humano, habet species intelligibiles vniuersaliores, & virtutes intellectuales etiam vniuersaliores ac minus limitatas, quam habeat intellectus humanus; par enim quantum ad hoc apparet ratio de speciebus intelligibilibus, ac de virtutibus intellectualibus propter commensurationem ac proportionem, quam debent habere cum suo subiecto connaturali: ob maiorem verò actualitatem, qua est superior etiam intellectu humano; petit habere suas species intelligibiles & suas virtutes intellectuales statim à principio suæ conditionis; quamuis ob potentialitatem quam habet, & qua est inferior intellectu diuino, non habeat has species & virtutes sibi identificatas: ergo in intellectu angelico sunt virtutes intellectuales minus limitatæ; unde quamuis realiter distinguantur hæ generales virtutes, intelligentia, scientia seu sapientia, prudentia, & ars in Angelis, non tamen scientia & ars subdiuiduntur in tot habitus, ac in intellectu humano, sed in eis sufficit vnus habitus scientiæ pro omnibus obiectis cognoscibilibus per principia purè naturalia, cui superaddendus est habitus theologicus ab ipso distinctus, quia procedit ex principiis supernaturalibus reuelatis; & idem proportionaliter dicendum de arte.

Probatur & explicatur tertia pars conclusionis. Virtutes affectiuæ dicuntur illæ, quæ sunt in affectu siue appetitu; & quia in homine sunt duo appetitus consequentes ad formam apprehensam, vnus intellectualis, alius sensitiuus, inde est quod in homine iuxta hanc diuersitatem appetitus est diuersitas virtutum affectiuarum; & ita in appetitu intellectuali siue voluntate est iustitia cum suis partibus, quarum actus in voluntate consummantur; in appetitu autem sensitiuo est fortitudo circa passiones irascibilis, & temperantia circa passiones concupiscibilis: Cum autem in Angelis sit tantum appetitus intellectualis, propterea in ipsis ex virtutibus affectiuis est tantum iustitia cum suis partibus propriè loquendo, fortitudo autem & temperantia possunt tantum in eis poni metaphoricè, quia non possunt

in eis habere proprium actum qui est moderare passiones subiecti in quo sunt, & non aliorum; unde Angeli non habent has virtutes per hoc quod velint moderationem nostrarum passionum, hanc enim moderationem volunt ex affectu charitatis.

Probatur quarta pars conclusionis: Tum auctoritate D. Thomæ, qui agens de habitibus intellectualibus eos distinguit ab speciebus intelligibilibus: Tum duplici ratione, Prima est, quia virtutes intellectuales se tenent ex parte intellectus quasi complementum intrinsecum virtutis ipsius; species autem intelligibiles quamuis sint in intellectu, tamen se tenent ex parte obiectorum quasi vicariæ ipsorum, & ita sunt complementum extrinsecum intellectus: ergo virtutes intellectuales in Angelis realiter distinguuntur ab speciebus intelligibilibus, sicut & in nobis. Secunda ratio est, quia in intellectu angelico generales hæ virtutes intellectuales non multiplicantur, & tamen multiplicantur species intelligibiles: ergo hæ virtutes intellectuales in Angelis distinguuntur ab speciebus intelligibilibus; maximè quia species secundum se & immediate tribuunt intellectui tantum ut apprehendat obiectum, virtutes autem intellectuales illi immediate tribuunt ut iudicet de obiecto diuersimodè iuxta diuersitatem ipsarum; imò eadem species intelligibiles indifferenter se habent ut deseruiant huic vel illi virtuti intellectuali, quæ omnia indicant distinctionem realem inter virtutes intellectuales & species intelligibiles.

A d primum ergo dicendum, quod potentia Angelorum scilicet intellectus & voluntas dicuntur seipsis cōpletæ in ordine naturali, non quod non indigeant virtutibus realiter superadditis, sed quia petūt eas habere statim à principio suæ creationis quasi per modum proprietatum, & ita nunquam sunt sine illis; & in hoc sunt superiores nostris potentiis, quæ has virtutes acquirunt propriis actibus, & ita dicunt potentialitatem ad eas; & similiter per hoc redduntur omnino indefectibiles in ordine naturali, quia sunt inseparabiles ab his virtutibus, quæ sunt regulæ & reconditæ potentiarum; Quantum ad illud de dæmonibus, Sorus & Victoria dicunt dæmones peccando amisisse has virtutes; alij autem asserunt eas pertinere ad integritatē & complementum naturæ angelicæ, ac proinde in eis remansisse in esse qualitativè, & non in esse virtutū propter eorum deordinationem ab vltimo fine supernaturali per se primò, & ab vltimo fine naturali ex consequenti, quæ deordinatio excludit simpliciter virtutes etiam naturales; addunt tamen quod in illis prudentia & virtutes morales nullum exercent actum aut exercere possunt.

A d secundum dicendum cum Nazario, quod D. Thomas ibi per habitum intelligit lumen intellectus agentis abstrahens species à phantasmatibus, aut habitum ex vi talis luminis causa-

Secundò, Actus fidei procedit tam ab intellectu credente reuelata, quam à voluntate mouente intellectum ad credendum: similiter actus prudentiæ procedit tam ab intellectu rectè iudicante, quam ab imaginatiua considerante singularia requisita ad prudentiam: ergo habitus fidei est simul in intellectu ac in voluntate, & habitus prudentiæ est simul in intellectu & in imaginatiua; quando enim aliquis actus dependet à duabus potentiis per se, ambæ debent perfici per habitum elicitiuum talis actus.

Tertiò, Orare, vouere, & iurare sunt actus virtutis religionis; & consequenter hæc virtus debet esse subiectiue in illa potentia, à qua eliciuntur tales actus; quòd sint actus virtutis religionis, docet D. Th. 2. 2. q. 83. art. 3. de oratione dicens, Oratio est propriè religionis actus: de voto docet quæst. 88. art. 5. & de iuramento qu. 89. artic. 4. constat autem quòd orare, vouere, & iurare sunt actus elicti ab intellectu, vnde in intellectu debet esse virtus religionis: sed virtus religionis est etiam in voluntate, cū deuotio quæ est actus ipsius, sit in voluntate ex D. Thom. 2. 2. q. 82. art. 1. ergo vna & eadem virtus potest inesse diuersis potentiis.

CONCLUSIO.

RESPONDEO dicendum, quòd vna & eadem specie virtus non potest ex æquo & completè reperiri in diuersis subiectis, siue potentiis. 2. & multò minus vna & eadem numero virtus. Ita communiter Discipuli D. Thomæ, & alij Theologi.

Probatur prima pars conclusionis, tum auctoritate, tum ratione D. Thomæ hic art. 2. vbi sic ait: Aliquid esse in duobus contingit dupliciter. Vno modo sic, quòd ex æquo sit in utroque: & sic impossibile est vnā virtutem esse in duabus potentiis, quia diuersitas potentialium attenditur secundum generales condiciones obiectorum, diuersitas autem habituum secundum speciales: vnde vbiq; est diuersitas potentialium, est diuersitas habituum, sed non conuertitur. Quæ ratio sic amplius expenditur: Ex vna parte vbi est distinctio obiecti formalis, ibi est distincta formaliter ac specie virtus, vt communiter conceditur, quia virtus specificatur ab obiecto formali; vnde multiplicato obiecto formali specificatio multiplicatur specie virtus; & sic vna & eadem virtus in specie non potest respicere duo obiecta formaliter distincta: Ex alia verò parte obiectum virtutis existentis in aliqua potentia continetur essentialiter sub obiecto talis potentie tanquā pars ipsius, cum enim virtus per modum habitus & forme completæ sit complementum ipsius potentie & quasi pars ipsius, perficit ipsam inadæquatè in ordine ad proprium ipsius potentie obiectum, vnde virtus respicit inadæquatè obiectum talis potentie, quod est obiectum virtutis contineri sub obiecto potentie essentialiter, quasi pars sub

toto potèntiali; & sic potentia ex se respiciens obiectum secundum generalem aliquam conditionem, determinatur ex multiplici virtute ad plura obiecta secundum speciales condiciones; ex quo sequitur quòd virtus est magis limitata quàm potentia, sicut obiectum virtutis est magis limitatum quàm obiectum potentie; sequitur etiam quòd obiecta formalia, quæ sufficiunt ad distinguendum specie potentias, multò magis sufficiunt ad distinguendum specie virtutes; & consequenter quoties sunt diuersæ potentie propter obiecta formalia, toties virtutes in eis subiectatæ sunt diuersæ speciei: ergo vna & eadem specie virtus non potest ex æquo & completè reperiri in diuersis subiectis siue potentiis. Dicitur autem, ex æquo & completè; quia virtus superioris potentie mouentis inferiorem, est incompletè ac per modum cuiusdam intentionis in potentia inferiori mota: sed virtus sic participata non habet rationem virtutis propriæ respectu participantis, cum non subijciatur potentie participantis, sed potius subijciat sibi potentiam participantem, & eam ordinet ultra proprium obiectum, ac extendat ad obiectum superioris potentie, à qua deriuatur illa virtus participata: & hoc modo actus intellectus ex motione charitatis intentionaliter participata in eodem intellectu, extenduntur ultra lineam veri propriam ipsi intellectui, ad lineam boni propriam voluntati, & ad lineam boni diuini propriam charitati.

Probatur secunda pars conclusionis ex dictis in prima parte: Si enim vna & eadem specie virtus non potest ex æquo & completè reperiri in diuersis subiectis siue potentiis, propter eius limitationem formalem proueniētem ab obiecto; multò minus vna & eadē numero virtus potest ex æquo & cōpletè reperiri in diuersis subiectis siue potentiis propter maiorem eius limitationem materialem proueniētem à subiecto, limitatio quippe materialis & numerica magis coarctat formam receptam, quàm limitatio formalis & specifica; nam limitatio materialis & numerica ita facit vnum, vt reddat illud omnino indiuisum in se ac diuisum à quolibet alio, limitatio autem formalis & specifica compatitur diuisionem materialem & numericam. Deinde probatur auctoritate & ratione D. Thomæ hic art. 2. in argumento Sed contra, vbi sic ait: Virtus est in potentia animæ sicut in subiecto: sed idem accidens nam potest esse in pluribus subiectis: ergo vna virtus (saltem numero) non potest esse in pluribus potentiis animæ.

Ad primum ergo dicendum, quòd si liberalitas, magnificentia, humilitas, & similes virtutes ponantur tam in appetitu rationali, quàm in appetitu sensitivo, quælibet ipsarum non est vna simplex virtus in specie, sed est virtus multiplex in specie, sed de hoc dicetur dubio sequenti.

A d secundum dicendum, quod actus fidei tantum procedit ab intellectu vt eliciente, à voluntate autem procedit vt imperante: vnde in solo intellectu, in quo consummatur & perficitur actus fidei, debet esse virtus fidei; & sufficit quod in voluntate sit charitas, ratione cuius imperatur actus fidei à voluntate, & quæ non primario respicit actum fidei, sed actum proprium dilectionis supernaturalis Dei. Et similiter dicendum, quod actus prudentiæ solum per se procedit ab intellectu, ab imaginatiua vero procedit tantum præsuppositiue & remote, quia cognitio singularem prærequiritur ad iudicium intellectus, in quo consistit prudentiæ actus; & ita in solo intellectu est virtus prudentiæ.

A d tertium dicendum, quod orare, vouere & iurare sunt quidem actus intellectus quoad esse physicum quod habent, ab illo vt sic elicit, & in eo consummati in ordine physico: quoad esse verò virtutis sunt actus religionis existens in voluntate, cuius actus proprius est deuotio, per quam intellectus applicatur à voluntate ad orandum, vouendum, & iurandum; & à qua trahuntur ad rationem virtutis: vnde quia hæc tria consummatur & perficiuntur in intellectu quantum ad entitatem physicam, ideo in intellectu ponuntur virtutes intellectuales necessariæ ad perfectionem illorum actuum: quia verò consummatur & perficiuntur in voluntate quantum ad esse virtutis per deuotionem, ideo in voluntate ponitur virtus religionis, cuius actus proprius est deuotio. Quod optimè circa orationem explicat D. Thomas in 4. d. 15. q. 4. art. 1. quæstione. 2. dicens: Oratio actus quidam est, dicimus autem actum aliquem esse virtutis actum, si in sui ratione aliquid claudat, quod ad ordinem virtutis pertineat: & ideo oportet quod illius virtutis actus ponatur, ad quam pertinet illa conditio, quæ sibi ordinem virtutis tribuit. Oratio autem ex genere actus non importat aliquam rationem virtutis, quod genus est petitio: sed absolute actum potentiæ demonstrat nullam circumstantiam vel in bonum, vel in malum vestitum: Adduntur autem à Damasceno duæ differentię, quæ ordinem virtutis demonstrant, scilicet decentium, & à Deo: quod est petere quod oportet, & à quo oportet: sed prima conditio non complet rationem orationis, quia si ab homine decentia petamus, talis petitio oratio non dicitur: neque etiam est de essentia orationis, quia si etiam quis indecentia petat à Deo, orat quidem, sed carnaliter orat; vnde illa conditio magis pertinet ad bene esse orationis, quam ad rationem suæ speciei. Relinquitur ergo, quod ex hoc oratio speciem trahit, & ad rationem virtutis trahitur, quod est à Deo petitio: cum autem petitio siue deprecatio, quæ ad superiorem sit reuerentiam habeat adiunctam, ex qua impetrare nititur quod intendit, constat quod oratio ex hoc efficaciam habet ad impetrandum illud pro quo oratur, quod Deo

reuerentiam exhibet: vnde cum Deo reuerentiam exhibere sit actus latræ, oratio actus latræ erit elicitivè, quatenus scilicet est virtus; imperatiue autem quoad entitatem physicam: nec obstat quod latræ in voluntate est, non in ratione cuius actus est oratio, quia videtur actu rationis, vt ex eo reuerentiam Deo exhibeat.

D V B I V M IV.

Vtrum in appetitu sensitivo sint virtutes proprię dictæ.

S Vpponendum est, quod plures sunt potentiæ in homine, & diuiduntur in rationales siue intellectuales, sensitivas, & vegetatiuas: Ad intellectuales pertinent intellectus, & voluntas quæ est appetitus ordinis intellectualis: Ad sensitivas pertinent sensus interni & externi, qui sunt cognoscitivi, & appetitus sensitivus diuisus in irascibilem & concupiscibilem: Ad vegetatiuas autem pertinent nutritiua, augmentatiua, & generatiua: Quæ omnes potentiæ sunt proprietates animæ rationalis secundum quod continet perfectionem tam proprii ordinis intellectui, quam ordinis sensitiui & vegetatiui. Ex his potentiis aliquæ sunt subiectum virtutis, aliæ non: ex intellectualibus quidem intellectus possibilis & voluntas sunt subiectum virtutis, non autem intellectus agens; Quod intellectus possibilis sit subiectum virtutis, docet D. Thomas hic art. 3. Quod etiam voluntas sit subiectum virtutis, docet art. 6. Quod autem intellectus agens non sit subiectum virtutis superadditæ, docet qu. 1. de Virtutibus art. 1. dicens quod illa potentia quæ est tantum agens, siue quæ non mouetur ab alia superiori, non indiget ad hoc quod sit principium actus aliquo inducto: vnde virtus talis potentiæ nihil est aliud quam ipsa potentia; talis autem potentia est diuina, intellectus agens, & potentiæ naturales; vnde harum potentialium virtutes non sunt aliqui habitus, sed ipsę potentiæ in seipsis completæ: Ex potentiis sensitivis cognoscitiuæ non sunt subiectum virtutis, vnde virtutes proprię superadditæ per modum habitus non reperiuntur in sensibus siue internis, siue externis, vt probat D. Thomas hic art. 5. dicens: Si qui sunt habitus in talibus viribus (videlicet sensitivis apprehensivis) virtutes dici non possunt: virtus enim est habitus perfectus, quo non contingit nisi bonum operari; vnde oportet quod virtus sit in illa potentia, quæ est consummatiua boni operis, cognitio autem veri non consummatur in viribus sensitivis apprehensivis, sed huiusmodi vires sunt quasi præparatoriæ ad cognitionem intellectiuam; & ideo in huiusmodi viribus non sunt virtutes, quibus cognoscitur verum, sed magis in intellectu vel ratione; quærimus autem in præsent, vtrum appetitus sensitivus sit subiectum virtutis:

virtutis : Tandem ex potentiis vegetatiuis nulla est subiectum virtutis, sicut nec membra corporis; quia potentia vegetatiua sunt naturaliter determinata ad vnum modum operandi, & non habent indifferentiam, quam virtutes supponunt in subiecto; membra autem corporis non habent actum proprium, & ita sunt tantum mota, & non mouentia, subiectum autem virtutis est mouens motum, Quæ omnia magis patēbunt ex dicendis in hoc dubio..

Prima opinio S. Bonauenturae in 3. d. 33. art. 1. q. 3. Scoti q. vnica. Vasquis. in præsentī disp. 87. cap. 2. & aliorum negat in appetitu sensitiuo esse virtutes propriè dictas. Probatur: Virtus debet habere pro subiecto potentiam humanam & liberam, cum virtus ordinetur ad actum humanum, moraliter bonum ac laude dignum; actus autem humanus debet procedere à potentia humana, id est sic propria hominis, vt non cōueniat brutis; actus verò moraliter bonus, ac laude dignus debet esse liber, & consequenter debet procedere à potentia libera: sed appetitus sensitiuus non est potentia humana siue propria hominis, cum reperiatur in brutis; nec est potentia libera, libertas quippe formalis est in sola voluntate, libertas autem radicalis est in intellectu, & ita libertas sistit in parte superiori animæ, nec communicatur parti inferiori sensitiua: ergo appetitus sensitiuus non est subiectum virtutis propriè dictæ.

Secundò, Virtus moralis habet pro obiecto bonum honestum, & sic potentia quæ est subiectum virtutis, debet esse talis conditionis quòd possit attingere bonum honestum, & quòd in ea consummetur opus virtutis: sed neutrum conuenit appetitui sensitiuo; non quidem primum, quia obiectum adequatum ipsius est bonum sensu apprehensum, & consequenter bonum sensibile, non autem bonum honestum quòd à sola ratione potest apprehendi, quæ est proxima regula moralitatis; nec secundum, quia opus virtutis consummatur in actu externo, ac proinde in membris corporis, & non in appetitu sensitiuo: ergo appetitus sensitiuus non est subiectum virtutis propriè dictæ.

Tertiò, Ex Aristotele 2. Ethicorum cap. 5. item lib. 8. cap. 13. virtus moralis est habitus electiuus; & consequenter potest tantum habere pro subiecto illam potentiam, cuius est eligere, habitus quippe perficit potentiam in ordine ad proprium actum: sed eligere est actus solius appetitus rationalis siue voluntatis, & nō appetitus sensitui, vt docet D. Thomas supra q. 13. art. 1. ergo virtus moralis propriè dicta non potest habere pro subiecto appetitum sensitiuum.

CONCLUSIO.

RESPONDEO dicendum, quòd in appetitu sensitiuo sunt aliqui habitus 2. qui habent rationem virtutis propriè dictæ 3. & versantur circa moderationem passionum vtriusque partis

ipsius, videlicet concupiscibilis & irascibilis. Ita communiter Discipuli D. Thomæ & alij in præsentī.

Probatur prima pars conclusionis, de qua vix vllus dubitat: Experiētiā constat, quòd appetitus sensitiuus per frequentationem actuum acquirit facilitatē ad reprimendas & moderandas passiones, imò & delectabilitatem; quæ sunt indicia & signa manifesta habituum in eo existentium, cum antea in tali repressiōe ac moderatione esset difficultas & labor; habitus enim ad hoc necessarij ponuntur, vt potentia facilè, & delectabiliter versetur circa propriū obiectum ipsi aliquo modo improporcionatum, vt communiter conceditur: ergo in appetitu sensitiuo sunt aliqui habitus.

Probatur secunda pars conclusionis tum ex definitionibus virtutis ab Aristotele, Augustino, & D. Th. traditis, ac superius examinatis, quæ vt consideranti constat, conueniunt habitibus existentibus in appetitu sensitiuo, qui proinde sunt virtutes propriè dictæ. Tum sequenti ratione deducta ex doctrina D. Th. hic art. 4. & qu. 1. de Virtutibus art. 4. vbi ex professo probat hanc partem cōclusionis: Ad hoc vt in aliqua potentia requirantur habitus, qui sint virtutes propriè dictæ, sunt necessariæ tres conditiones: Prima est, quòd talis potētia sit apta moueri & regulari per potentiam superiorem, & defectu huius conditionis in intellectu agente nulla est virtus; potentia quippe non subordinata alteri, non potest disponi & perici ab altera per acquisitionē habitus, sed debet esse naturaliter in seipsa completa & perfecta: Secunda est, quòd talis potentia habeat proprium motum, & aliquam indifferentiam, siue quòd non sit omninò determinata ad vnum modum operandi, & defectu huius conditionis in membris externis, & in sensibus tam internis quàm externis nulla est virtus; quia cum virtus sit habitus operatiuus, necessariò debet esse in potentia quæ habeat proprium motum, & insuper quòd in illo motu habeat aliquam indifferentiam, siue quæ non sit omninò determinata ad vnum modum operandi; potentia enim sic determinata ad vnum, est naturaliter completa & perfecta, & ita non indiget virtute superaddita, quæ requiritur inter alia ad tollendam aliquam indifferentiam potentia, per hoc quod facit illam vniformiter operari, cum ante acquisitionem habitualis virtutis difformiter operaretur: Tertia est, quòd talis potentia sit consummatoria actus virtuosī, & non tantum præparatiua vel inchoatiua, vt docet D. Thom. hic art. 5. dicens: Vnde oportet quòd virtus sit in illa potentia, quæ est consummatoria boni operis, & defectu huius conditionis, quia cognitio veri non consummatur in viribus sensitiuis apprehensiuīs, concludit quòd in huiusmodi viribus non sunt virtutes, quibus cognoscitur verum, sed magis in intellectu vel ratione; &

ratio

ratio est, quia virtus habet opus perfectum, cum sit dispositio perfecti ad optimum, perfectio autem consistit in consummatione: sed hæ tres conditiones concurrunt in appetitu sensitivo in ordine ad proprios actus, tam quoad partem concupiscibilem, quam quoad irascibilem, ut sigillatim sic ostenditur: Et quidem quod appetitus sensitivus sit potentia apta moveri & regulari per potentiam superiorem, scilicet per rationem, constat experientia, nam viri probi moderantur passiones appetitus sensitivi secundum dictamen rationis, & sic in eis appetitus sensitivus obedit rationi mouenti & regulanti: Quod autem appetitus sensitivus habeat proprium motum, & aliquam indifferentiam siue quod non sit omnino determinatus ad unum modum operandi, constat ex eo quod sæpe contra rationem operatur, & aliquando sequitur ductum rationis: Quod denique appetitus sensitivus sit consummatus actus virtuosus, & non tantum præparativus vel inchoativus, si loquamur de consummatione intrinseca & essentiali, constat ex eo quod passione (quæ solæ sunt obiectum virtutum existentium in appetitu sensitivo) intra limites eiusdem appetitus moderatæ reducantur ad medium siue ad regulam rationis; sufficit enim ad hoc ut aliquis dicatur temperatus & fortis, quod habeat passiones concupiscibilis & irascibilis rationi perfecte subiectas, quamvis exterius non operetur; unde exterior operatio est tantum consummatio extrinseca & accidentalis, & hæc consummatio siue complementum extrinsecum nihil addit maioris bonitatis, sed tota bonitas intensiva residet in actu immanenti: ergo in appetitu sensitivo sunt habitus qui habent rationem virtutis proprie dictæ. Quod confirmatur ex his quæ docet D. Thomas loco citato de Virtutibus, ubi inter alia hæc habet: Membrum exterius ad nutum obedit superiori imperanti absque ulla repugnantia secundum naturæ ordinem, nisi sit impedimentum aliquod ut patet in manu & pedo: appetitus autem inferior habet propriam inclinationem ex natura sua, unde non obedit superiori appetitui ad nutum, sed interdum repugnat: in membro igitur exteriori non est necessarium aliquid perfectivum actus humani, nisi naturalis eius dispositio, per quam natum est moveri à ratione: sed in appetitu inferiori, qui rationi repugnare potest, est necessarium aliquid, ut operationem quam ratio imperat, prosequatur; si enim immediatum operationis principium sit imperfectum, oportet operationem esse imperfectam, quantumcunque perfectio ad sit superiori principio: & ideo si appetitus inferior non esset in perfecta dispositione ad sequendum imperium rationis, operatio quæ est appetitus inferioris sicut proximi principij, non esset in bonitate perfectæ; esset enim cum quadam repugnantia sensibilis appetitus: quando igitur oportet operationem hominis esse circa ea quæ sunt ob-

iecta sensibilis appetitus, requiritur ad bonitatem operationis, quod sit in appetitu sensibili aliqua dispositio vel perfectio, per quæ obediat rationi, & hanc virtutem vocamus. Hactenus D. Thomas iuxta doctrinam Aristotelis, qui lib. 3. Ethicorum cap. 10. dicit fortitudinem & temperantiam esse virtutes irrationabilium partium.

Probatur tertia pars conclusionis ex dictis: Virtutis ponitur in subiecto ad rectificandum actum ipsius, siue ad perfectionem actus: ergo cum passiones sint actus appetitus sensitivi & perfectio ac rectitudo ipsarum consistat in hoc, quod sint moderatæ iuxta regulam rationis, & redactæ ad mediocritatem, sequitur quod virtutes existētes in appetitu sensitivo versantur circa moderationem passionum utriusque partis ipsius, videlicet concupiscibilis & irascibilis: & ita in concupiscibili ponitur temperantia, abstinencia, castitas, &c. in irascibili ponitur fortitudo, magnanimitas, magnificentia, &c.

Ad primum ergo dicendum, quod appetitus sensitivus ut subordinatus rationi, & ut participans influxum ipsius, est potentia humana, quia ut sic est rationalis per participationem & obediens rationi, & hoc modo potest esse subiectum virtutis humanæ: quamvis secundum se consideratus præcisè, & ut communis homini & brutis non sit subiectum virtutis humanæ. Similiter appetitus sensitivus ut subiectus rationi, & motus à voluntate est potentia libera per participationem: appetitus quippe sensitivus ut est in homine, habet à prima sui emanatione quod sit aptus obedire voluntati, & ut sic est inchoativè liber; completè autem est liber, per hoc quod actu moveatur à voluntate ex præsupposito actu rationis, sed semper participativè, quia soli voluntati per se primò competit esse potentiam formaliter liberam, & soli rationi per se primò competit esse potentiam causaliter & radicaliter liberam: & sic appetitus sensitivus cum dicta subordinatione sicut est liber, sic est principium actus liberi.

Ad secundum dicendum, quod appetitus sensitivus potest attingere bonum honestum, & in eo consummatur opus virtutis. Unde ad impugnationem primæ partis dicendum, quod appetitus sensitivus in homine, sicut & cognitio sensitiva propter eorum coniunctionem cum ratione, ac subordinationem ad rationem, habent ut ex participatione ac morione eiusdem rationis eleventur ad attingendum bonum honestum, quod non est omnino extra lineam sensibilis & corporei; unde quamvis ratio & appetitus rationalis per se primò attingant bonum honestum, cognitio tamen sensitiva & appetitus sensitivus etiam illud attingunt per quandam participationem rationis: requiritur tamen quod cognitio intellectiva talis boni cum suis circumstantiis præcedat, & eiusdem propositio ex prudentia voluntati facta, cum enim cognitio intellectiva

lectiua & cognitio sensitiva sunt eiusdem suppositi, possunt simul concurrere ad dirigendum eundem actum appetitus sensitivi. Ad secundæ partis impugnationem constat ex dictis, quod opus virtutis moralis consummatur intrinsecè & essentialiter in appetitu sensitivo, quamvis extrinsecè & accidentaliter consummetur in actu externo.

A D tertium dicendum cum D. Thoma q. 1. de Virtutibus art. 4. ad 2. quod virtutes quæ sunt in appetitu sensitivo, sunt habitus electivi completivè & executivè, in quantum scilicet per tales habitus ultimum complementum bonitatis actui virtutis confertur, in hoc scilicet quod irascibilis & concupiscibilis absque difficultate sequantur ordinem rationis. Vel dicendum cum eodem Angelico Doctore in 3. d. 33. q. 2. art. 4. ad 2. quod virtutes existentes in appetitu sensitivo sunt habitus electivi participativè, in quantum enim ad appetitum sensitivum potest pervenire rationis imperium, talis appetitus in quantum huiusmodi, particeps electionis esse potest. Vel tandem dicendum cum D. Thoma hic art. 4. ad 4. quod hæc virtutes sunt habitus electivi dispositivè & causaliter, in quantum iuxta dispositionem appetitus sequitur electio.

D V B I U M V.

Vtrum in voluntate sint virtutes in ordine ad bonum connaturale proprii suppositi.

SVpponendum est, quod bonum honestum, virtutis obiectum dividitur in proprium & alienum: Bonum proprium dicitur illud, quod est in eodè supposito in quo est virtus: Bonum autem alienum dicitur illud, quod est in diuerso supposito, ab eo in quo est virtus. Rursus tam bonum proprium, quam bonum alienum subdividitur in naturale & supernaturale siue ordinis diuini. Cōveniunt autem in hoc communiter Authores, quod necessariae sunt virtutes in voluntate, ad hoc ut voluntas facilè & delectabiliter in bonum alienum feratur, siue sit naturale, siue supernaturale: vnde ponunt in ea iusticiam cum suis partibus subiectivis & potentialibus, quibus redditur alteri quod suum est, ponunt etiam in voluntate charitatem, qua diligit bonum diuinum ut est bonum ipsius Dei. Conveniunt similiter in hoc, quod necessaria sit virtutis in voluntate, ad hoc ut facilè & delectabiliter feratur in bonum proprii suppositi, si sit supernaturale: vnde ponunt in ea spem virtutem theologicā, qua fertur in bonum diuinum ut ab ipsa possidendum: Ratio vtriusque est, quia tam bonum alienum, quam bonum supernaturale excedit proportionem volentis; illud quidem quantum ad individuum tantum, quia appetitus per differentiam individualement determinatur ad bonum proprii suppositi, iuxta dictum Philosophi: Amabile bonum, vni-

R. P. Philippi Carm. discal. Disp. Theolog. in 1. 2.

cuique verò proprium; istud autem excedit quantum ad speciem, quia bonum supernaturale, ut pote ordinis diuini est supra totam speciem naturæ humanæ. Vnde in præsentī restat inquirendum tantum de bono proprio & connaturali: & sic quærimus, vtrum in voluntate sint virtutes in ordine ad bonum connaturale proprii suppositi.

Prima opinio asserit, quod in voluntate sunt virtutes in ordine ad bonum connaturale proprii suppositi: hanc sequuntur omnes illi Authores qui contra dicta in dubio præcedenti, negant in appetitu sensitivo esse virtutes propriè dictas, qui proinde ponunt in voluntate virtutes fortitudinis & temperantiæ: hanc etiam sequitur Valentia hic disp. 5. qu. 2. puncto 1. & alij. Probat authoritate D. Thomæ: Infra qu. 58. art. 3. ad 2: ponit in voluntate habitum continentiae à delectationibus, & habitum perseverantiæ in tristitiis, quos vocat perfectiones ipsius voluntatis. In 3. d. 33. qu. 2. art. 4. quæstionc. 1. dicit quod in omni potentia quæ est principium humani operis, oportet esse habitum virtutis, quo opus eius bonum redditur: vnde cum voluntas sit principium cuiuscunque humani operis, debent in ea esse virtutes etiam in ordine ad bonum connaturale proprii suppositi. Idem docet hic art. 4. Et tandem in præsentī art. 1. constituit prudentiam in ratione, & tamen 1. 2. q. 47. art. 3. ad 3. concedit eam requiri in sensu interno: ergo non est repugnantia in doctrina D. Thomæ, quod virtutes quæ sunt in appetitu sensitivo in ordine ad bonum proprii suppositi, ponantur etiam in voluntate.

Secundò, Omnia requisita ad constituendas virtutes concurrunt in voluntate, etiam in ordine ad bonum proprii suppositi: nam voluntas est subiectum capax virtutis, & propterea ex communi sententia plures virtutes in ea collocantur: est potentia indifferens ad rectitudinem & defectum, etiam in ordine ad bonum proprium: patitur difficultatem in ordine ad bonum proprium sibi à ratione propositum, & propterea sæpe desistit ab eius prosecutione, & sæpe etiam amplectitur contrarium: & tandem elicit plures actus in ordine ad bonum proprium connaturale, ut ex se patet: ergo cum virtutes acquirantur per actus honestos in eadem potentia, in qua tales actus eliciuntur, sequitur quod in voluntate sunt virtutes in ordine ad bonum connaturale proprii suppositi: maximè quia in voluntate sunt habitus vitiosi in ordine ad bonum proprii suppositi, ut apparet ex inclinatione quam voluntas habet ad actus malos circa proprium bonum, ut intemperantiæ, &c. hæc enim inclinatio non est à natura quin potius repugnat naturæ rationali, vnde debet esse ab habitibus superadditis: constat autem quod idem est subiectum contrarium, siue contraria debent versari circa idem subiectum, ut communiter dicitur.

Tertiò, Humilitas, studiositas magnificentia,

T t

&c

& liberalitas sunt virtutes ordinatæ ad bonum connaturale proprii suppositi; nam humilitas est ad moderandum affectum spei & appetitum propriæ excellentiæ, studiositas est ad moderandum affectum propriæ cognitionis tam intellectiue quàm sensitiuæ, magnificencia & liberalitas sunt ad moderandas passiones circa pecuniam & sumptus: sed hæ omnes virtutes sunt in voluntate; De humilitate docet D. Thomas 2.2. q. 161. art. 4. & meritò nam in voluntate subiectatur superbia humilitati opposita, idem autem est subiectum contrariorum: De studiositate docet idē D. Th. 2.2. q. 166. sicut & in voluntate est vitium curiositatis oppositum studiositati: Et tandem de magnificencia & liberalitate docet idem Angelicus Doctor 1. p. q. 21. art. 1. ad 1. dicens: Quædam virtutes morales sunt circa operationes, vt puta circa donationes & sumptus, vt iustitia & liberalitas & magnificencia, quæ etiam non sunt in parte sensitiua, sed in voluntate; vnde nihil prohibet huiusmodi virtutes in Deo ponere: ergo in voluntate sunt virtutes in ordine ad bonum connaturale proprii suppositi.

CONCLUSIO.

RESPONDEO dicendum, quòd in voluntate nulla est virtus in ordine ad bonum connaturale proprii suppositi. 2. & consequenter nec est in ea ullū vitium circa tale bonum. 3. vnde quamuis in intellectu sint virtutes in ordine ad quodcunque verum; non tamen in voluntate sunt virtutes in ordine ad quodcunque bonum. Ita docent communiter Discipuli D. Thomæ: Capreolus & Hispal. in 3. d. 33. Ferrar. lib. 2. contra Gentes cap. 92. Bannes 2.2. q. 26. art. 3. dub. 2. Caietanus, Aluarez, Martines, Nostri Salmanticenses, & alij in præfenti.

Probatur prima pars conclusionis expressa auctoritate D. Th. hic art. 6. & q. 1. de Virtutibus art. 5. vbi sic ait: Si ergo duæ virtutes sunt in voluntate sicut in subiecto, scilicet charitas & iustitia, &c. illæ autem virtutes quæ circa passiones consistunt, sicut fortitudo circa timores & audacias, & temperantia circa concupiscentias, oportet eadem ratione esse in appetitu sensitiuo. nec oportet quòd ratione istarum passionum sit aliqua virtus in voluntate: quia bonum in istis passionibus est quod est secundum rationem: & ad hoc naturaliter se habet voluntas ex ratione ipsius potentiæ, cum sit proprium obiectum voluntatis. Deinde probatur ratione: Ex vna parte voluntas est naturaliter determinata ad sequendum ductum rationis siue intellectus, propter naturalem coniunctionē cum eodem intellectu, & dependentiam ab illo, ac immediatam concomitantiam in sui emanatione ab eadem anima rationali per modum appetitus rationalis; & ita sicut intellectus ex ipsa sua emanatione habet totam suam perfectionem pro tunc debitam, sic illam debet habere voluntas, quia sicut natura horret superflua, sic nec deficit in necessariis: ex

alia verò parte bonum connaturale proprii suppositi est valde proportionatum ipsi voluntati præcisè secundum se consideratæ, vt constat ex ipsis terminis; quòd si ad eius prosecutionem occurrat aliqua difficultas, vel illa procedit ex passionibus appetitus sensitiui, vel ex cōcurrentia boni alieni in aliqua determinata materia oppositi & repugnantis bono proprio: ergo ex qua parte intellectus proponit voluntati bonum honestum & cōforme rationi, ipsa voluntas ex hac propositione est determinata ad illud proseguendum: & ex qua parte intellectus proponit voluntati bonum cōnaturale proprii suppositi, ipsi voluntati secundum se consideratæ proportionatum, seipsa præcisè secundum suam rectitudinem naturalem & innatam inclinationē ad bonum, absque vlla virtute realiter superaddita, potest in illud ferri & proseguire; quamuis ad tollendam difficultatem & improportionem ortam ex passionibus, requiratur in appetitu sensitiuo aliqua virtus, vbi sit moderatio passionū; & ad tollendam difficultatem & improportionem ortam ex concurrentia boni alieni, requiratur aliqua virtus in eadē voluntate, sed præcisè in ordine ad bonum alienum, quæ scilicet rectificet & firmet voluntatem circa illud, naturaliter rectificatam & firmatam circa bonum proprii suppositi; quia sicut voluntas ex generali ratione appetitus inclinatur ad bonum, & ex speciali ratione appetitus rationalis inclinatur ad bonum honestum conforme rationi, sic ex particulari & individuali ratione appetitus talis suppositi inclinatur ad bonum connaturale proprii suppositi, iuxta illud proloquium, Amabile quidē bonum, vnicuique verò proprium. Igitur voluntas ex ipsa sua emanatione est completè rectificata & perfecta in ordine ad bonum connaturale proprii suppositi, quam rectitudinem & perfectionem non habet intellectus statim in sua emanatione in ordine ad verum propter rationem adducendam in tertia parte conclusionis: hæc autem rectitudo & perfectio naturalis voluntatis non est virtus, de qua loquimur in præfenti, tum quia non est ex æquo distincta ab ipsa voluntate, tum quia non aduenit contingenter & accidentaliter voluntati, sicut debet aduenire virtus propriè dicta, sed coniungitur ei necessariò ab ipsa eius emanatione, & ita non est virtus sed quid superius & nobilius virtute.

Probatur secunda pars conclusionis: Vitium sicut & virtus, si propriè sumantur, sunt habitus siue qualitates difficilè mobiles à subiecto, aut saltem sunt dispositiones præponderantes inclinationi naturali subiecti, ipsumque subiectum inclinantes ad actus sibi ipsis correspondentes; sed est impossibile quòd in voluntate sit aliquis habitus aut dispositio vitiosa, inclinans ipsam in malum proprii suppositi, & præpoderans eius inclinationi naturali ad bonum sui suppositi; Tum quia illa inclinatio, vt pote naturalis & necessa-

riò

riò coniuncta voluntati, est immutabilis in seipsa, unde non potest alterari per aduentum cuiuscunque alterius; Tum quia est fortior & nobilior quacunque virtute, constat autem quòd si in voluntate esset aliqua virtus perfecta, quandiu talis esset non compateretur vitium contrarium; Tum quia vniuersaliter est verum, quòd inclinationi naturali completæ, qualis est ista voluntatis ad bonum proprii suppositi, non potest coniungi habitus aut dispositio permanens ei repugnans, vt constat in lapide, qui ex eo quòd habet inclinationem naturalem completam ad descensum, non potest acquirere habitum aut dispositionem permanentem ad ascendendum, quantuncunque proiciatur sursum; quamuis possit recipere impulsu violentum ad ascensum, si impellens præualeat inclinationi eius naturali: quod non potest accidere voluntati quæ in ordine ad proprios actus non potest violentiam pati, nec impelli ab vlla creatura contra suam naturalem inclinationem, nec ab ipso Deo potest impelli ad malum proprii suppositi, cum omnis operatio diuina sit ordinata & tendat ad bonum, & nulla possit tendere ad malum: ergo non est in voluntate vllum vitium circa bonum proprii suppositi.

Probatur & explicatur tertia pars conclusionis, ostendendo ex dictis differentiam, quæ est inter voluntatem & intellectum, ratione cuius in voluntate esset superflua virtus in ordine ad bonum proprii suppositi, & tamen est necessaria in intellectu etiam in ordine ad verum connaturale: hanc assignat D. Thomas q. 1. art. 5. ad 3. dicens: Cognitio fit per aliquam speciem, nec ad cognoscendum potentia intellectus sufficit per seipsam, nisi speciem à sensibilibus accipiat: & ideo oportet in his etiã quæ naturaliter cognoscimus, esse quendam habitum, qui etiam quodammodo principiũ à sensibus sumit, vt dicitur in fine Posteriorum: sed voluntas ad volendum non indiget aliqua specie; unde non est simile. Quæ doctrina D. Thomæ potest duplici via explicari. Primò si dicatur, quòd quia intellectus ad quamcunque suam operationem indiget speciebus superadditis, tanquam concurrentibus ad eandem operationem; propterea quæcunque operatio intellectualis habet aliqualem difficultatem, & excedit innatam virtutem ipsius intellectus, ac proinde in intellectu debent esse virtutes in ordine ad quodcunque verum, quibus rectificetur in ordine ad illud; maximè quia cognitio veri fit per attractionem obiecti ad se: voluntas autem, cum feratur extra se ad ipsum obiectum, & sit inclinatio subiecti, seipsa est sufficiens absque vllò superaddito, vt attingat bonum connaturale proprii suppositi sibi proportionatum, præsupposito tantum actu intellectus proponentis; & solum indiget compleri per habitus superadditos in ordine ad bonum aliquo modo excedens & improporcionatum, quale est bo-

R. P. Philippi Carm. discal. Diss. Theolog. in 1. 2.

num supernaturale, & bonum alienum quod potest repugnare bono proprio & ipsum impedire. Secundo potest explicari, si dicatur quòd intellectus diuiditur in agentem & possibilem, & quòd intellectus agens est omnino perfectus & completus ab ipsa sua emanatione, & ad ipsum pertinet perficere & complere intellectum possibilem tempore debito; unde sicut formatis iam organis ipsum perficit & complet quoad species intelligibiles, sic tunc etiam ipsum perficit & complet quoad habitus superadditos & requisiti ad eius operationem: voluntas autem quia non diuiditur in agentem & possibilem, ideo vnica existens debet naturaliter emanare in seipsa completa & perfecta in ordine ad bonum sibi connaturale & proportionatum, quod est bonum connaturale proprii suppositi.

Ad primum ergo dicendum, quòd hæc continentia & perseverantia non sunt virtutes, sed aliquid minus virtute vt ibidem docet D. Thomas ex Philosopho 7. Ethicorum cap. 1. & probat duplici ratione. In secundo loco D. Thomas loquitur de potentiis, quæ non habent rectitudinem naturalem completam in ordine ad opus, hæc quippe indigēt habitu virtutis, quo opus earum bonum reddatur: talis autem non est voluntas in ordine ad bonum proprii suppositi, vt dictum est. In tertio loco solum dicit quòd in his, circa quæ operantur irascibilis & concupiscibilis, secundum quod sunt à ratione motæ, necesse est vt aliquis habitus perficiens ad benè agendum, sit non solum in ratione, sed etiam in irascibili & concupiscibili: nullam autem facit ibi mentionem de voluntate, & maximè in ordine ad bonum connaturale proprii suppositi, respectu cuius est naturaliter perfecta, vt docet hic art. 6. dicens quòd cum per habitum perficiatur potentia ad agendum, ibi indiget potentia habitu perficiente ad benè agendum (qui quidem habitus est virtus) vbi ad hoc non sufficit propria ratio potentie: omnis autem potentie propria ratio attenditur in ordine ad obiectum, unde cum obiectum voluntatis sit bonum rationis voluntati proportionatum, quantum ad hoc non indiget voluntas virtute perficiente: Igitur D. Thomas prædicto loco vult, quòd ratio perficiatur per prudentiam, & appetitus sensitivus per virtutes morales. In quarto loco non dicit, quòd prudentia subiectetur in sensu interno, sed quòd à ratione ad illum quodammodo pertingat: ait enim, Non tamen ita quòd prudentia sit in sensu interiori sicut in subiecto principali, sed principaliter quidem est in ratione; per quamdam autem applicationem pertingit ad huiusmodi sensum.

Ad secundum dicendum, quòd licet voluntas sit capax virtutis in ordine ad bonum aliquo modo excedens, quale est bonum diuinum & bonum alienum; non tamen est capax virtutis in ordine ad bonum proportionatum, cum sit se-

Tt 2 ipsa

ipsa perfecta in ordine ad illud; nec est defectibilis circa illud ex parte sui, sed tantum ratione passionum & concurrētīā boni alieni, & ita virtutes sunt collocandæ in appetitu sensitivo ad moderandas passiones, vel in ipsa voluntate in ordine ad bonum alienum; Similiter hæc difficultas est extrinseca voluntati, quia nō oritur ex defectu perfectionis in ea requisitæ, nec ab excessu obiecti vel actus, sed à passionibus aut aliis impediētis; & consequenter per frequentationem actuum non acquiritur virtus in voluntate circa bonum connaturale proprii suppositi. Ad illud quod subditur, constat ex dictis quod in voluntate non sunt habitus vitiosi circa bonum connaturale proprii suppositi: intemperantia verò & similes habitus pravi sunt in appetitu sensitivo.

Ad tertium dicendum sigillatim de his virtutibus, quod humilitas propterea est virtus acquisita moderans affectū spei, & appetitum propriæ excellentiæ iuxta regulas solius rationis, & ut sic ordinatur ad bonum connaturale proprii suppositi, est tantum in appetitu sensitivo: quando autem D. Thomas collocat humilitatem in voluntate, loquitur de humilitate ordinata ad bonum supernaturale: Vtriusque humilitatis mentionem facit D. Thomas 2.2. q. 161. Primæ quidem art. 4. ad 2. ubi ait: Licet humilitas sit in irascibili sicut in subiecto, ponitur tamen pars modestiæ & temperantiæ propter modum: Secundæ autem facit mentionem art. 1. ad 5. dicens: Humilitas autem secundum quod est specialis virtus, præcipue respicit subiectionem hominis ad Deum, propter quem etiam aliis humiliando se subicit; ut sic autem humilitas infusa ponitur in voluntate, sicut & superbia humilitati opposita. Quantum ad studiositatem dicendum, quod studiositas acquisita, quæ respicit solam naturalem cognitionem, & vitium curiositatis ipsi directè oppositum, & quæ ut sic est ordinata ad bonum connaturale proprii suppositi, subiectionatur in appetitu sensitivo: D. Thomas autem loco citato loquitur de studiositate infusa, quæ est in ordine ad cognitionem aliquo modo supernaturalem, sicut & curiositas ei opposita, de quibus dicitur Eccles. 3. Altiora te ne quæsieris, & fortiora te ne scrutatus fueris, & in pluribus operibus eius non fueris curiosus, &c. Quantum ad magnificentiam & liberalitatem, dicendum quod est duplex magnificentia & liberalitas, nam si moderentur passiones circa sumptus & pecunias, ac proinde in ordine ad bonum connaturale proprii subiecti; sunt tantum in appetitu sensitivo ut partes fortitudinis & temperantiæ: si autem respiciant sumptus & pecunias in ordine ad alterum, sunt partes potentiales iustitiæ, & subiectionatur in voluntate, & de hac magnificentia & liberalitate intelligit ibi D. Thomas; sed non sunt in ordine ad bonum connaturale proprii suppositi: est autem distinctio essentialis & specifica inter v-

tramque magnificentiam & liberalitatem, quia eadem virtus specie non potest esse in diuersis potentiis.

DISPUTATIO III.

De Virtutibus moralibus infusis.

QUAMVIS D. Thomas per multas questiones immediatè succedentes, materiam de Virtutibus prosequatur: nulla tamen peculiaris difficultas occurrit, nisi circa q. 63. de Virtutibus moralibus infusis, & circa q. 65. de Virtutum connexionem ad inuicem, cum prudentia, & cum Charitate: cætera omnia in ipso textu manifesta sunt.

D V B I V M I.

Vtrum dentur aliqua virtutes morales per se infusæ nobis.

SUPPONENDUM est ex D. Th. in hac prima secundæ q. 63. quod virtutes diuiduntur in acquisitas & infusas, nullas enim habemus à natura secundum perfectionem, quamuis omnes humanæ virtutes sint nobis à natura secundum aptitudinem & inchoationem, in quantum in ratione hominis insunt naturaliter quædam principia naturaliter cognita tam scibilibus, quam agendorum, quæ sunt quædam seminaria intellectualium virtutū & moralium; in quantum in voluntate inest quidam naturalis appetitus boni, quod est secundum rationem; vnde secundum naturā speciei humanæ inchoatio virtutum est à natura: est etiam secundum naturā individui, in quantum ex corporis dispositione aliqui sunt dispositi vel melius vel peius ad quasdam virtutes: consummatio autem & perfectio virtutum non est à natura. Ex his virtutum initiis quæ in nobis sunt, acquiruntur virtutes perfectæ per frequentationem actuum & assuetudinem operum, ut ibidem docet D. Th. art. 2. & experimur in nobis, nam ex assuetudine operum circa aliquam materiam virtutis hoc assequimur, quod facile & delectabiliter versamur circa illam materiam, cum prius difficulter & cum labore versaremur, quod indicat ex tali assuetudine operum acquisitum esse habitum virtutis. Querimus autem in præsentī, vtrum dentur aliqua virtutes morales per se infusæ nobis: Quod dentur aliqua per se nobis infusæ, nempe theologicæ Fides Spes & Charitas, definitum est in Concilio Tridentino; Et sic tota difficultas reducitur ad virtutes morales, vtrum sint aliqua per se infusæ. Ad cuius euidentiam sciendum est, quod aliqua virtus potest esse infusa dupliciter, vel per se, vel per accidēs: Est infusa per se, quando ex propria natura habet, ut à solo Deo effe-

ctiue

etià producatur quia est ordinis supernaturalis & diuini: Est autem infusa per accidens, quando ex propria natura habet, vt possit per actus nostros acquiri, cum sit ordinis naturalis, & tamen ex aliqua dispensatione diuina alicui infunditur; & hoc pacto dicuntur infusæ primo Parenti, & etiam Christo Domino virtutes ex genere suo acquisitæ. In hoc dubio tantum agimus de Virtutibus moralibus per se infusis.

Prima opinio Scoti in 3. d. 36. q. 1. Durandi ibidem d. 33. q. 6. & aliorum, negat dari aliquas virtutes morales per se infusas. Probat: Ex vna parte nulla est necessitas virtutum moralium per se infusarum: ex alia verò parte nullum extat signum aut vestigium ipsarum; imò sunt signa & indicia manifesta quòd non sint in nobis: Primum sic ostenditur, Si tales virtutes essent necessariae; vel essent necessariae propter iustificationem, vt earum actus essent dispositiones ad gratiam; vel propter meritum, vt earum actus essent conducentes ad gloriam; sed ad vtrumque sufficiunt virtutes theologice per proprios actus, & etiam per actus virtutum acquisitarum: Secundum autem ex duplici capite ostenditur, nã habitus virtutum faciunt ad actus virtutum, & expellunt à subiecto suo vitia contraria; constat autem quòd de nouo iustificati per gratiam (quo tempore deberent adesse virtutes infusæ) non facilius eliciunt actus virtutum quàm antea, quin potius sentiunt eandem difficultatem ad eos eliciendos, imò experiuntur inclinationem vitiorum præexistentium contrariorum: ergo non dantur aliquæ virtutes morales per se infusæ, vel essent superflue; & tamen constat quòd sicut in ordine naturæ nihil est superfluum, sic nec in ordine gratiæ multò perfectiori & superiori.

Secundò, Ex D. Thoma in præsentis q. 62. art. 3. Virtutes theologice hoc modo ordinant hominem ad beatitudinem supernaturalem, sicut per naturalem inclinationem & rectitudinem rationis ordinatur homo in finem sibi connaturalem: sed sufficit naturalis inclinatio & rectitudo rationis ad ordinandum hominem in finem sibi connaturalem per actus virtuosos ordinis naturalis, vt colligitur ex eo quod antecederet ad acquisitionem alicuius habitus virtutis, homo elicit similes actus: ergo sufficiunt virtutes theologice ad ordinandum hominem ad beatitudinem supernaturalem per actus virtuosos ordinis supernaturalis; & consequenter non dantur aliquæ virtutes morales per se infusæ, non enim ad aliud possent deferuire, quàm ad prædictam ordinationem hominis ad beatitudinem supernaturalem. Quod confirmatur ex hoc quòd charitas in ordine gratiæ se habet vt voluntas in ordine naturæ; ita vt sit inclinatio generalis ad omne bonum supernaturale, ac proinde ad bonum iustitiæ, fortitudinis, & temperantiæ; eiusdem quippe virtutis est, respicere ac tendere in finem & in media.

Tertiò, Si dentur aliquæ virtutes morales per se infusæ; vel sunt eiusdem rationis, nominis, & numeri cum acquisitis; vel non: sed neutrum dici potest; Non primum, quia essent superflue & otiosæ, sufficiunt enim virtutes acquisitæ per charitatem ordinatæ, si ponatur quòd virtutes morales per se infusæ sint eiusdem rationis, nominis, & numeri cum acquisitis; Nec secundum dici potest, tum quia non assignatur obiecta distincta harum virtutum ab obiectis virtutum acquisitarum; tum quia non est assignabile motuum intrinsecum supernaturale in materia v.g. temperantiæ, ex quo hæ virtutes possint distingui ab acquisitis; tum quia relatio ad finem supernaturalem, quæ assignari potest ad distinguendas has virtutes ab acquisitis, non est sufficiens ad talem distinctionem, cum sit tantum ad finem extrinsecum & remotum, à quo non specificantur virtutes, at potius à fine intrinseco & proximo scilicet obiecto, aliunde etiam hæc relatio potest reperiri in virtutibus acquisitis ex imperio charitatis ordinantis ipsas ad finem supernaturalem: ergo non dantur virtutes morales per se infusæ; maximè quia non dantur virtutes intellectuales per se infusæ.

CONCLUSIO.

RESPONDEO dicendum, quòd non solum sunt possibiles. 2. sed de facto dantur aliquæ virtutes morales per se infusæ 3. in instanti iustificationis simul cum gratia 4. essentialiter distinctæ ab acquisitis 5. & æquæ ad minus multiplicatæ. Ita communiter docent Theologi in præsentis: imò aliqui contrariam opinionem graui censura dignam arbitrantur.

Probat: prima pars conclusionis. Tum ex dicendis in secunda parte; si enim probetur de facto dari aliquas virtutes morales per se infusas, potiori iure probatur illas esse possibiles, nam vt communiter conceditur, à potentia ad actum valet consequentia. Tum sequenti ratione: Illud est possibile, cuius causæ ad eius existentiam necessariae non repugnant, si enim tales causæ non repugnant, nec ipsum repugnabit esse: sed nulla ex causis necessariis ad existentiam virtutum moralium per se infusarum repugnat, vt constat inductione per singulas; nam Deus vt author supernaturalis est causa efficiens, qui omnia non implicantia contradictionem ex propriis prædicatis potest efficere, tã in ordine gratiæ vt author supernaturalis, quàm in ordine naturæ, & de facto multa efficit in vtroque ordine; causa finalis est beatitudo supernaturalis, quæ secundum fidem est possibilis, imò est de facto; causa materialis, quæ in qualitatibus est subiectum, est potentia obedientialis passiva siue receptiua creaturæ intellectualis, quam concedunt Aduersarij in ordine ad gratiam & ad virtutes theologicas; tandem causa formalis extrinseca, de qua potest esse difficultas (intrinseca quippe non distinguitur ab earum quidditate) sunt obiecta formalia,

T: 3 quæ

quæ dantur distincta ab obiectis formalibus virtutum acquisitarum, ex diuerso motiuo quo ambæ procedunt; nam virtutes acquisitæ procedunt ex motiuo naturali, infusæ autem procedunt ex motiuo supernaturali: v.g. temperantia acquisita moderatur passiones concupiscibiles iuxta regulam rationis humanæ in ordine ad bonum naturæ & salutis corporeæ; temperantia verò infusa easdem passiones moderatur iuxta regulam fidei supernaturalis in ordine ad bonum gratiæ & salutis animæ: Fortitudo acquisita moderatur passiones irascibiles, iuxta rectitudinem rationis propter finem naturalem honestum; fortitudo autem infusa easdem passiones moderatur, iuxta dictamen fidei diuinæ propter finem supernaturalis beatitudinis: Et tandem iustitia acquisita ponit medium inter homines vt sunt conciuēs huius mundi, iuxta inclinationem rectæ rationis, vt seruetur pax & societas humana inter eos; iustitia autem infusa ponit medium inter eosdem homines, vt sunt ciues sanctorum & & domestici Dei, iuxta regulam fidei vt sit inter eos pax quasi cœlestis & deifica: ergo virtutes morales per se infusæ sunt possibiles.

Probatur secunda pars conclusionis auctoritate sacre Scripturæ, Conciliorum, & Sanctorum Patrum, Sapientiæ & dicitur de diuina sapientiā; Sobrietatem & prudentiam docet, & iustitiam & virtutem, quibus vtilius nihil est in vita hominibus. Ad Galatas 3. habetur: Qui tribuit vobis spiritum, & operatur virtutes in vobis, &c. In Concilio Viennensi Clementina vnica de Summa Trinitate & Fide Catholica habetur: Nos attendentes generalem efficaciam mortis Christi, quæ per Baptisma applicatur pariter omnibus baptizatis, opinionem quæ dicit tam paruulis, quam adultis conferri in Baptismo informantem gratiam & virtutes, tanquam probabiliorem & ex dictis Sanctorum, ac modernorum Doctorum Theologiæ magis consonam & concordem, sacro approbante Concilio, duximus eligendam: Vbi nota quòd tempore huius Concilij circa annum Christi 1311. florebat Schola Thomistica, quæ cum suo Angelico Doctore affirmabat, vt nunc affirmat, infusionem virtutum non solum Theologicarum, sed etiam moralium: extabant etiam discipuli Scoti & Durandi, qui negabant infusionem virtutum moralium: & in hoc Concilio electa fuit Sententia Thomistica. In Cathéchismo Romano parte 2. cap. 2. dicitur: Huic additur nobilissimus omnium virtutum comitatus, quæ cum gratia diuinitus infunduntur. Hanc doctrinam amplexi sunt communiter Sancti Patres, pro quibus sufficiant quatuor Antiqui Ecclesiæ Latinæ Doctores: Ambrosius lib. 6. Exameron cap. 7. Attende, inquit, qualem animam ac mentem habeas, cui dicit Deus: Ecce ego Hierusalem pinxi muros tuos, Illa anima à Deo pingitur, quæ habet in se virtutum gratiam renitentem, splen-

doremque pietatis, &c. Hieronymus præfatione in Lamentat. Hieremiz, deplorans statum animæ in peccatum lapsæ ait: Non auri & argenti metallis, sed virtutibus radiabat: Ablata sunt hæc cuncta, nudata est domus Dei cunctis ornamentis suis. Augustinus tractatu 8. in 1. Epist. Ioannis sub initium inquit: Opera misericordiæ, affectus charitatis, sanctitas pietatis, incorruptio castitatis, modestia sobrietatis: semper hæc tenenda sunt, quia intus sunt omnes hæc virtutes, quas nominaui: quis autem sufficit omnes nominare? quasi exercitus est imperatoris, qui sedet intus in mente tua: quomodo enim imperator per exercitum suum facit quod ei placet, sic Dominus Iesus Christus incipiens habitare in interiore homine nostro, id est in mente, per fidem vtitur istis virtutibus quasi ministris suis. Gregorius Magnus hom. 5. in Ezechielem ait: Potest mobilitas spiritus aliter intelligi; in Sanctorum quippe cordibus iuxta quasdam virtutes semper permanet; iuxta quasdam verò recessurus venit, & venturus recedit. In fide enim, spe, atque charitate, & in aliis bonis, sine quibus ad cœlestem patriam non potest veniri, sicut est humilitas, castitas, iustitia, misericordia, perfectorum corda non deserit: in prophetiæ verò virtute, doctrinæ facundia, miraculorum exhibitione, electis suis aliquando adest, aliquando se subtrahit. His addendus est D. Th. quintus Ecclesiæ Doctor, qui in hac 1. 2. q. 63. art. 3. ex professo probat, aliquas virtutes morales esse in nobis per infusionem. Deinde probatur rationibus adducendis in probatione tertiæ partis conclusionis, quæ hanc etiam efficaciter probant.

Probatur tertia pars conclusionis quadruplici ratione Caietani loco citato. Prima est: Non minus perfectè prouidit Deus ordini gratiæ, ac prouidit ordini naturæ, cum enim ordo gratiæ sit multò nobilior & superior ordine naturæ, non debuit ille esse Deo minoris curæ ac prouidentię quàm iste; imò debuit ille esse Deo maioris curæ ac perfectioris prouidentię, qui perfectiorem habet prouidentiam de perfectioribus: sed ordini naturæ sic Deus prouidit, quòd ad esse substantiale naturæ intellectuales, statim à principio conditionis ipsius, consequerentur potentia, quasi proprietates illius naturæ, vt esset perfecta & quantum ad esse, & quantum ad operari, quæ potentia sunt eiusdem ordinis naturalis cum ipso esse, ac ipsi proportionatæ: ergo ordini gratiæ etiam sic prouidit, quòd ad esse supernaturale participatum per gratiam, vt dicitur 2. Petri 1. consequenter potentia operatiuæ, quasi proprietates gratiæ sanctificantis, statim à principio infusionis ipsius gratiæ vt sic natura intellectualis esset perfecta in ordine gratiæ, & quantum ad esse, & quantum ad operari; hæc autem potentia sunt tam virtutes theologicæ circa vltimum finem immediatè, quàm virtutes morales infusæ circa

circa media ad illum finem; dicuntur autem potentia, quia sunt tota virtus proxima agendi. Secunda ratio est, quam assignat D. Thomas loco citato: Virtutes theologicæ se habent in ordine gratiæ, sicut se habent synderesis & appetitus naturalis beatitudinis in ordine naturæ; nam sicut per hæc principia naturalia ordinatur creatura intellectualis ad finem naturalem, sic per virtutes theologicas ordinatur ad finem supernaturalem: sed ex efficacia horum principiorum naturalium habentur virtutes morales ordinis naturalis, ac proinde acquisitæ, ut communiter conceditur: ergo cum non sit minor efficacia virtutum theologicarum, ex illis procedent virtutes morales eiusdem ordinis in eodem instanti cum ipsis infusæ, quicquid enim est in nobis ordinis supernaturalis, debet à Deo ut authore supernaturali produci, ac nobis infundi. Tertia ratio est, quia præter obiecta virtutum moralium acquisitarum, dantur obiecta virtutum moralium per se infusarum, videlicet eadem obiecta materialia sub diuersa ratione formali, explicata in prima parte conclusionis, & amplius explicanda in solutionibus fundamentorum primæ opinionis: ergo debent dari virtutes morales per se infusæ; nam aliàs defectuosus esset ordo gratiæ, si posito obiecto alicuius virtutis in illo ordine, non poneretur talis virtus; sicut defectuosus esset ordo naturæ, si posito obiecto alicuius potentia vel habitus in illo ordine, non poneretur potentia vel habitus illi correspondens; cum hac tamen differentia, quod habitus naturales virtutis possunt acquiri successiuè; cum enim non requirantur ad simpliciter, sed ad faciliè operandum, possunt ex vi principiorum naturalium mediis actibus acquiri; habitus autem virtutum moralium per se infusarum, quia sunt tota virtus proxima agendi, debent statim à principio iustificationis infundi. Quarta ratio delumitur ex fine virtutum: nam sicut homo in ordine naturæ per synderesim & naturalem inclinationem ad bonum, ordinatur ad beatitudinem naturalem, & per virtutes morales acquisitas perficitur in ordine ad media: sic per virtutes theologicas in ordine gratiæ debite ordinatur ad beatitudinē supernaturalem, & per virtutes morales infusas perficitur in ordine ad media; & quia hæc virtutes sunt quædam proprietates gratiæ, debent simul cum gratia & ab eodem agente produci.

Probatur quarta pars conclusionis. Tum quia virtutes morales per se infusæ sunt ordinis gratiæ, virtutes autem morales acquisitæ sunt ordinis naturæ; hi verò ordines essentialiter distinguuntur, sicut & illa quæ ad illos pertinet. Tum quia ut dictum est, virtutes morales per se infusæ habent obiectum supernaturale, videlicet medium & honestatem constitutam à ratione supernaturali in passionibus & operationibus; virtutes autem morales acquisitæ habent obiectum naturale, scilicet medium & honestatem consti-

tutam à ratione naturali in eadem materia passionum & operationum; naturale autem & supernaturale essentialiter distinguuntur. Tum denique quia virtutes morales infusæ componunt vitam & mores hominis in ordine ad societatem & pacem deificam beatorum; virtutes autem morales acquisitæ solum respiciunt societatem & pacem humanam inter ciues huius mundi; est autem manifestum, quod hi duo fines essentialiter distinguuntur.

Probatur quinta pars conclusionis: Virtutes constituuntur in seipsis, & inter se distinguuntur penes obiecta formalia, ut communiter conceditur: ergo cum eadem materiæ, quæ ut regulatæ per rationem naturalem sunt obiecta virtutum moralium acquisitarum, sint obiecta formalia virtutum moralium infusarum ut regulatæ per rationem supernaturalem, sequitur quod virtutes morales infusæ sunt æque ad minus multiplicatæ, ac virtutes morales acquisitæ. Inter virtutes morales infusas comprehenditur prudentia, licet subiectetur in intellectu; non autem necesse est quod infundantur aliæ virtutes intellectuales correspondentes acquisitis, scilicet intellectus, sapientia, scientia, & ars; quia per virtutes theologicas sufficienter disponuntur intellectus & voluntas in ordine ad ultimum finem beatitudinis supernaturalis secundum regulas communes; & per dona intellectus, sapientiæ, & scientiæ omnibus iustis communia secundum specialem motionem Spiritus sancti.

Ad primum ergo dicendum, quod deficit ex utraque parte. Vnde ad probationem primæ partis dicendum, quod virtutes morales per se infusæ non sunt quidem necessariæ propter iustificationem, quasi earum actus sint dispositiones præuiæ ad gratiam, quamvis sint dispositiones concomitantes: sunt tamen necessariæ propter meritum, licet enim actus virtutum acquisitarum sint meritorij, prout imperantur à charitate; quia tamen imperium charitatis non est ipsis connaturale, sic nec meritum: & ita debent dari virtutes morales per se infusæ, quibus sit connaturale imperium charitatis & meritum, ut pote existentibus in eodem ordine gratiæ cum charitate & merito; vnde charitas videtur virtutibus acquisitis, quasi instrumentis inferioris ordinis & improporionatis, ac quasi ministris extraneis & alienis; videtur autem virtutibus moralibus infusis, quasi instrumentis eiusdem ordinis & proportionatis, ac quasi ministris propriis. Ad probationem secundæ partis dicendum, quod habitus virtutis siue acquisitæ, siue infusæ dat facilitatem per se & intrinsecam respectu actus, quæ consistit in hoc quod principium talis actus sit completum & perfectum; non autem semper dat facilitatem extrinsecam respectu actus, quæ provenit ex remotione impedimentorum, solus quippe habitus virtutis acquisitæ dat posteriorem hanc facilitatem, quia acqui

acquiritur per exercitium quo remouentur dicta impedimenta: hanc facilitatem experimur, & non priorem; sicut & difficultatem huic oppositam, & non difficultatem priori illi oppositam: nec mirum si iustificati experiantur in principio inclinationem vitiorum præexistentium, quia vitia non opponuntur directe & immediate virtutibus infusis, sicut opponuntur virtutibus acquisitis, ut dicitur in materia de peccatis; & consequenter vitia etiam in gradibus intensis possunt aliquandiu permanere cum virtutibus infusis, quamuis non sub statu vitiorum, sed retractata & in via corruptionis, vnde non denominant vitiosum ipsum iustificatum.

A D secundum dicendum, quod admissa paritate inter virtutes theologicas & principia naturalia, virtutum, adhuc minor propositio argumenti deficit; nam inclinatio naturalis & rectitudo rationis non sufficit, ad ordinandum perfecte hominem in finem sibi connaturalem, antecedenter ad acquisitionem virtutum; cuius signum est, quia tales virtutes debent acquiri ad hoc ut mediis illis eliciantur actus virtutum perfecti, qui prius erant imperfecti: & pari ratione virtutes theologice non sufficiunt, ad ordinandum perfecte ex omni parte hominem in finem supernaturalem, nisi ad sint virtutes morales infusæ, quæ ipsum perficiant in omni materia morali. Ad confirmationem dicendum, quod charitas est inclinatio generalis ad bonum supernaturale, sed sub ratione boni ut sic, non autem sub multiplici ratione particulari, sub qua attingitur ab aliis virtutibus moralibus infusis: quamuis autem obiecta virtutum moralium infusarum assumantur à charitate imperante ut media ad ultimum finem, sunt tamen fines intrinseci & proximi illarum virtutum, & sub ratione finis, & non sub ratione medij ab illis considerantur.

A D tertium dicendum, quod virtutes morales infusæ, quamuis sint eiusdem nominis, & ferè eiusdem numeri ut dicitur dubio sequenti, cum virtutibus acquisitis; sunt tamen diuersæ rationis, ut ostensum est, maxime in quarta parte conclusionis: Vnde ad primam probationem in contrarium, dicendum quod in materia temperantiæ reperitur tam motium naturale, quam supernaturale, ut constat ex dictis: Ad secundam probationem, dicendum quod virtutes infusæ distinguuntur ab acquisitis ex diuersis eorum motiuis & obiectis formalibus, ad quæ connaturaliter sequitur relatio earum ad finem supernaturalem; vnde hæc relatio in virtutibus moralibus infusis est connaturalis, cum tamen sit præternaturalis in virtutibus acquisitis. Ad illud quod subditur de virtutibus intellectualibus, constat ex dictis circa quintam partem conclusionis.

D V B I V M I I.

Virum virtutes morales infusæ sint in voluntate, vel in appetitu sensitivo.

SVpponendum est, quod in homine quatuor sunt potentie capaces virtutis, videlicet ratio ipsa siue intellectus, voluntas, irascibilis, & concupiscibilis; hæc quippe omnes sunt rationales vel ex se, vel participatiue ut dictum est. Constat autem ex supradictis, quod virtutes morales acquisitæ, sic dictæ quia versantur circa passiones & operationes humanas, ita distribuuntur quod prudentia subiectatur in ratione, iustitia in voluntate, fortitudo in irascibili, & temperantia in concupiscibili. Quærimus in præsentem, **utrum** idem dicendum sit de virtutibus moralibus infusis, quæ correspondent prædictis, & iisdem nominibus insigniuntur, quamuis essentialiter ab illis distinguantur, cum sint ordinis supernaturalis, ut ostensum est dubio præcedenti. Sed ut certa ab incertis separemus, sciendum est quod communiter conceditur, prudentiam infusam subiectari in intellectu, sicut & prudentiam acquisitam; cuius ratio est, quia prudentia est virtus directiua aliarum, & consequenter debet subiectari in potentia cognoscitiua finis sub ratione finis, ad quem ordinatur directio, constat autem quod solus intellectus est potentia cognoscitiua finis sub ratione finis: Similiter conceditur iustitiam infusam subiectari in voluntate, sicut & iustitiam acquisitam; cuius ratio est, quia ex una parte iustitia est virtus affectiua respiciens bonum, & ita debet esse in potentia appetitiua; ex alia verò parte appetitus sensitivus ob suam materialitatem potest tantum attingere bonum proprium, non autem bonum alienum, & multò minus si sit supernaturale; vnde iustitia quæ respicit bonum alienum, naturale quidem si sit acquisita, supernaturale verò si sit infusa, debet subiectari in voluntate. Vnde præsens difficultas reducitur ad virtutes morales infusas, quæ respiciunt tantum bonum proprii suppositi, quales sunt fortitudo & temperantia cum suis partibus, & si quæ sint aliæ.

Prima opinio omnium eorum, qui appetitui sensitivo negant virtutes morales acquisitas, eodem aut potiori iure negat eidem appetitui sensitivo virtutes morales infusas vniuersaliter loquendo, & sic omnes illas constituit in parte superiori, videlicet prudentiam in ratione; iustitiam verò, fortitudinem, & temperantiam in voluntate. Probatur: Virtutes morales infusæ sunt quoad substantiam supernaturales, & non tantum quoad modum: sicut & actus per eas eliciti, cum ipse sint tota virtus proxima agendi, & dent simpliciter & non tantum faciliter operari, per quod distinguuntur à virtutibus acquisitis: sed aliquid supernaturale quoad substantiam non potest subiectari

ectari in subiecto materiali & corporeo, qualis est appetitus sensitivus; quod enim est supernaturale, est nobilius quocunque alio ordinis naturalis, etiam si sit spirituale; & insuper est participatio alicuius in Deo existentis formaliter; unde ex qua parte id quod est supernaturale, est nobilius quocunque naturali, non potest subiectari in subiecto corporeo & materiali, sicut ob suam nobilitatem accidens spirituale ordinis naturalis non potest in eo subiectari; & ex qua parte est participatio alicuius in Deo existentis formaliter, non potest esse quid corporeum & materiale, cum in Deo non sit aliquid corporeum & materiale formaliter, ac tantum eminenter, ut constat ex eo quod Deus non potest dici corporeus & materialis, & consequenter quod est supernaturale quoad substantiam, non potest subiectari in subiecto corporeo materiali: ergo virtutes morales infusæ non subiectantur in appetitu sensitivo.

Secundò, Si virtutes morales infusæ, quæ versantur circa moderationem passionum, essent in appetitu sensitivo, moderarentur passiones ante aduentum virtutum moralium acquiritarum, cum talis moderatio deberet esse finis ac proprius effectus earum: sed constat ipsam experientiam de contrario, nam antequam multò exercitio domentur passiones, ac subordinentur rationi, quod fit per virtutes acquiritas, in iustificatis passiones sunt immoderate, quantumvis in eis sint virtutes morales infusæ cum gratia sanctificante & virtutibus theologicis: ergo virtutes morales infusæ non subiectantur in appetitu sensitivo.

Tertiò: Ex vna parte actus virtutum moralium infusarum dependet à voluntate mouente & imperante, ut communiter conceditur: ex alia verò parte cum aliquis actus dependet à pluribus principiis, omnia illa principia debent perfici in ordine ad eliciendum connaturaliter talem actum; ut docet D. Thomas: ergo cum circa materiam passionum appetitus sensitivus sit perfectus virtutibus acquiritis, sola voluntas debet perfici virtutibus moralibus infusis; hæc quippe essent superflue appetitui sensitivo, aliis acquiritis in eo existentibus; & consequenter virtutes morales infusæ non subiectantur in appetitu sensitivo, sed in sola voluntate.

CONCLUSIO.

RESPONDEO dicendum, quod licet omnes virtutes morales infusæ, quæ versantur circa passiones, ut fortitudo & temperantia cum earum partibus, subiectentur in appetitu sensitivo. 2. aliæ tamen subiectantur in voluntate, quarum scilicet actus in ipsamet voluntate consummatur. Ita communiter Discipuli D. Th. in presenti.

Probatur prima pars conclusionis autoritate D. Thomæ, infra q. 85. art. 3. assignans subiectum omnium virtutum moralium, quæ erant in statu iustitiæ originalis, ac proinde tam supernaturalem, quam naturalem, sic ait: Sunt autem quatuor potentie animæ, quæ possunt esse subiecta

virtutum, scilicet ratio in qua est prudentia, voluntas in qua est iustitia, irascibilis in qua est fortitudo, concupiscibilis in qua est temperantia. Idem docet q. de Virtutibus art. 10. ad 11. ubi dicit quod fortitudo & temperantia virtutes infusæ sunt in appetitu sensitivo, cum enim sibi obieciisset definitionem virtutis infusæ traditam ab Augustino, quod scilicet est bona qualitas mentis, &c. ac proinde debet subiectari in parte rationali, sic respondet: Irascibilis & concupiscibilis accipiunt nomen rationis vel rationalis, in quantum participant aliquantulum rationem, in quantum obediunt ei: & secundum eundem modum accipiunt nomen mentis, ut verum sit quod Augustinus dicit, quod virtus infusa est bona qualitas mentis. Deinde probatur ratione ex dictis supra circa virtutes morales acquiritas, ad propositum sic applicata: In illa potentia subiectantur virtutes, in qua consummantur ac perficiuntur intrinsecè opera talium virtutum, siue cuius sunt proprii actus illarum virtutum; nam virtutes dantur potentie elicitive, quando naturaliter non est rectificata in ordine ad proprios actus, ut tales actus ab ea procedant omnino perfecti; nec sufficit quod potentia directiva vel imperativa talium actuum sit perfecta, cum ipsa non det perfectionem illis actibus immediate, sed tantum mediante potentia elicitiva, à qua ut completa immediate oritur quicquid in actibus reperitur: sed opera virtutum moralium infusarum, quæ versantur per se primò circa passiones, consummantur ac perficiuntur intrinsecè in appetitu sensitivo, siue actus illarum virtutum sunt proprii appetitus sensitivi, cum sint passiones moderate talis appetitus secundum prudentiam infusam, ut moderata audacia, moderatus timor, &c. hæc quippe passiones moderate ex motivo supernaturali, ac ita rectificate in ordine gratiæ, sunt actus virtutum moralium infusarum; moderate verò ex motivo naturali, ac ita rectificate tantum in ordine nature, sunt actus virtutum moralium acquiritarum: ergo omnes virtutes morales infusæ, quæ versantur per se primò circa passiones, ut fortitudo & temperantia cum earum partibus, subiectantur in appetitu sensitivo; & propterea continentia & perseverantia, quæ versantur circa passiones, & resident in voluntate, quia tantum attingunt inchoationem, non verò consummationem boni operis ad quod ordinantur, scilicet moderationem passionum, deficient à ratione virtutis.

Probatur secunda pars conclusionis: Sunt aliquæ virtutes morales infusæ, quarum opera consummantur ac perficiuntur intrinsecè in ipsa voluntate, & quarum actus proprii sunt elicti ab ipsa voluntate, quales sunt illæ quæ per se primò non versantur circa passiones, quamvis secundariò possint ordinari ad eas, ut studiositas quæ moderatur affectum voluntatis circa spirituales cognitionem præcisè ex motivo super-

V v

naturali

naturali: Aliunde verò voluntas ex sua natura non potest tales actus elicere, cum sint de obiecto formaliter supernaturali, & ex motivo item supernaturali, ut dictum est dubio præcedenti: ergo cum virtus debeat subiectari in illa potentia, in qua actus illius virtutis intrinsece consummantur, quasi proprii talis potentia, ut dictum est, sequitur quòd illæ virtutes subiectantur in voluntate, quarum actus in ipsamet voluntate consummantur.

A d primum ergo dicendum, quantum ad ipsas virtutes, quòd sunt supernaturales quoad substantiam; quia procedunt à Deo authore supernaturali, & habent obiectum supernaturale, & ab intrinseco ordinantur ad finem supernaturalem; & non quia sunt participationes alicuius in Deo formaliter existentis, alioquin sequeretur quòd ratio substantia (& sic de pluribus aliis) esset supernaturalis, quia in Deo est formaliter ratio substantia; & è contra fides, spes, poenitentia, humilitas, & similes virtutes non essent supernaturales, quia nulla earum est formaliter in Deo: Quamvis autem materialia & corporea non possint immediatè respicere Deum authorem supernaturalem, possunt tamen illum sic respicere mediante fide & charitate, quasi instrumenta fidei & charitati proportionata: vnde ratio materialis & corporei non repugnat supernaturalitati; Nec mirum quòd aliquid ordinis supernaturalis sit secundum aliquam rationem physicam ignobilius alio ordinis naturalis, imò hoc est necessarium, quia ratio substantia reperta in naturalibus est nobilior ratione accidentis reperta in supernaturalibus. Quantum ad actus etiam dicendum, quòd sunt supernaturales quoad substantiam: & quamvis actus appetitus sensitivi sint passionibus, quia tamen hoc nomen passionis ex communi acceptione malè sonat & declinat ad malum; ideo non dicimus in communi passionibus aliquas esse supernaturales, sed tantum in particulari nomine determinato, sicut dicimus odium sanctum, timorem iustum, iram siue zelum secundum Deum esse actus supernaturales; non minus ac dicimus amorem, desiderium, & gaudium esse actus supernaturales.

A d secundum dicendum cum D. Thoma q. de Virtutibus art. 10. quòd passionibus ad malum inclinantes non totaliter tolluntur neque per virtutem acquisitam, neque per virtutem infusam, nisi forte miraculosè: qui semper remanet colluctatio carnis contra spiritum etiam post moralem virtutem, de qua dicit Apostolus ad Galatas 5. quòd caro concupiscit aduersus spiritum, spiritus autem aduersus carnem. Sed tam per virtutem acquisitam, quam infusam huiusmodi passionibus modificantur, ut ab his homo non effrenatè moveatur. Sed quantum ad aliquid præualeat in hoc virtus acquisita, & quantum ad aliquid virtus infusa: virtus enim acquisita præualeat quantum ad hoc quòd talis impugnatio minus

sentitur; & hoc habet ex causa sua, quia per frequentes actus quibus homo est aduefactus ad virtutem, iam dissiuevit talibus passionibus obedire, consuevitque eis resistere: ex quo sequitur, quòd minus earum molestias sentiat. Præualeat verò virtus infusa quantum ad hoc, quòd facit quòd huiusmodi passionibus, etsi famulentur, nullo tamen modo dominantur: virtus enim infusa facit quòd nullo modo obediantur concupiscentiis peccati, & facit hoc infallibiliter ipsa manente; sed virtus acquisita deficit in hoc, licet in paucioribus, sicut & aliæ inclinationes naturales deficiunt in minori parte: vnde Apostolus ait Rom. 7. Cum essemus in carne, passionibus peccatorum quæ per legem erant, operabantur in membris nostris, ut fructificarent mortis; nunc autem soluti sumus à lege mortis in qua detinebamur, ita ut seruiamus in nouitate spiritus, & non in vetustate litterarum. Hæc omnia D. Th.

A d tertium dicendum, quòd sufficit ponere in voluntate virtutem theologicam charitatis, quæ perficiatur ad imperandum & mouendum ad actus virtutum infusarum, ipsa enim charitas est inclinatio ad finem supernaturalem, ad quem per ipsam charitatem prædictæ virtutes ordinantur: sufficit autem charitas ad hoc ut voluntas sic imperet & moueat, sicut sufficit naturalis rectitudo eiusdem voluntatis ad bonum honestum, ad hoc ut imperet & moueat ad actus virtutum acquisitarum: quæ virtutes acquisitæ non sufficiunt in appetitu sensitivo, sed requiruntur virtutes infusæ in eo, ad hoc ut sit instrumentum proportionatum, & minister proprius ipsius charitatis imperantis & mouentis. Hæc solutio colligitur ex D. Thoma in 3. d. 33. q. 2. art. 4. quæstiunc. 1. ad 3. vbi sic ait: Virtutes quædam sunt acquisitæ, & quædam gratiæ: Virtutibus autem acquisitis nobilior est naturalis ordinatio in ratione & voluntate ad bonum: vnde non est inconueniens, si à naturali potentia earum actus imperentur, cum ex hoc sint virtutes in inferioribus partibus, quòd superioribus in eo quòd naturale est eis obediunt. Sed virtutes infusæ sunt nobiliores potentiis naturalibus; eis tamen omnibus nobilior est charitas quæ est in voluntate, qua mediante ratio inferioribus viribus præcipit: & ideo non est inconueniens, quòd à charitate motus aliorum virtutum etiam imperentur.

D V B I V M I I I

Utrum virtutes morales infusæ possint actibus nostris acquiri.

SUpponendum est, quòd præsens dubium procedit tantum de virtutibus moralibus per se infusis, quæ sunt proprietates gratiæ, ac ordinis supernaturalis; & non de virtutibus per accidens infusis, hæc siquidem ab intrinseco habent quòd per actus possint acquiri, & de facto per eos acquiruntur ordinariè, & tantum ex aliquo priu

privilegio per accidens alicui infunduntur, & sic dicuntur infusæ primo Parenti & Christo Domino. Procedit etiam hoc dubium de possibili, & non de facto: nam certum est virtutes morales per se infusæ non acquiri de facto nostris actibus, quasi actus ipsi concurrant effectivè ac principaliter ad earum productionem, quomodo actus dicuntur concurrere ad productionem habituum; & hoc probatur ex definitione virtutis infusæ tradita ab Augustino, & superius explicata, qua virtus hæc dicitur bona qualitas mentis, qua rectè vivitur, qua nullus malè vitur, quam Deus in nobis sine nobis operatur, id est per modum causæ principalis: nostris tamen actibus cooperamur ad earum productionem, quia licet producantur in nobis sine nobis operantibus, non tamen sine nobis cooperantibus dispositivè, imò in Sacramento poenitentiae nostris actibus operamur ad earum productionem simul cum gratia, sed hi actus qui sunt materia proxima Sacramenti, concurrunt tantum instrumentaliter effectivè: extra sacramentum autem non est fundamentum ponendi hunc concursum effectivum instrumentalem nostrorum actuum ad productionem gratiæ simul cum omnibus virtutibus infusis. Id quod dictum est de prima productione virtutum moralium infusarum, debet intelligi etiam de secunda earum productione siue augmento, ut docet D. Thomas quæst. de Virtutibus art. 11. dicens: Sicut virtutes acquisitæ augentur ex actibus per quos causantur, ita virtutes infusæ augentur per actionem Dei: actus autem nostri comparantur ad augmentum charitatis & virtutum infusarum ut disponentes, sicut ad charitatem à principio obtinendam, &c. Ibidem in solutione ad 14. sic ait: Charitas & aliæ virtutes infusæ non augentur activè ex actibus, sed tantum dispositivè & meritoriè. Et ita intelligendus est Angelicus Doctor, dum eadem q. art. 10. ad 19. ait quod actus virtutis infusæ non causant aliquem habitum, sed per eos augetur habitus præexistens, id est dispositivè & meritoriè, vel saltem dispositivè solum, ut quando fidelis elicit actum fidei aut spei: Et similiter intelligendus est, dum supra q. 51. art. 4. ad 3. ait, quod illi actus confirmant præexistentem habitum: Restat ergo quod hoc dubium procedit tantum de possibili. Rursus per actus nostros non intelligimus actus purè naturales, nec actus supernaturales procedentes à virtutibus moralibus infusis: Ratio primi est, quia supernaturale excedit totam naturam, & ita non potest effectivè & principaliter produci per aliquid naturale: Ratio secundi est, quia aliàs iidem actus essent causa & effectus in eodem genere causæ efficientis respectu virtutum moralium infusarum: causa quidem efficiens, inquantum concurrerent effectivè ad earum productionem; effectus autem in eodem genere causæ, inquantum ab eis effectivè pro-

cederent. Vnde præsens difficultas solum est de actibus supernaturalibus, qui elicerentur vel ex aliquo auxilio actuali supernaturali, vel per virtutes theologicas, si istæ infunderentur cum gratia absque aliis virtutibus supernaturalibus.

Prima opinio asserit quod virtutes morales infusæ possunt actibus nostris acquiri; imò quod sic de facto acquirantur. Probatur auctoritate sacrae Scripturæ & Sanctorum Patrum, ex quibus habetur quod adultus per proprios actus iustificatur & acquirit gratiam, & consequenter etiam virtutes supernaturales quæ gratiam consequuntur: Ecclesiast. 2. dicitur: Qui timens Dominum, præparabunt corda sua, & in conspectu illius sanctificabunt animas suas. 1. Ioannis 3. Omnis qui habet hanc spem in eo, sanctificat se. D. Thomas q. 17. de Veritate art. 1. ad 4. secundi ordinis ait: Ex actibus infusæ charitatis generatur aliquis habitus dilectionis. & 3. p. q. 85. art. 2. ad 3. dicit quod poenitentia expellit peccatum effectivè, quod non potest facere, nisi per hoc quod physicè acquirit gratiam & virtutes supernaturales.

Secundò, Eadem est proportio inter actus supernaturales & virtutes supernaturales, quæ est inter actus naturales & virtutes naturales; cum ex vna parte actus utriusque ordinis sit perfectior habitu, ex alia verò parte actus supernaturales non sunt minoris efficaciar, quàm actus naturales: ergo cum actibus nostris naturalibus acquirantur virtutes naturales, etiam actibus supernaturalibus acquiruntur, au saltem possunt acquiri virtutes supernaturales; cum aliunde non possit dari actio sine termino producto; Maxime quia communiter conceditur, quod virtutes ex propria ratione acquisitæ possunt infundi: ergo è contra virtutes ex propria ratione infusæ possunt actibus nostris acquiri.

Tertiò, Per actum contritionis & charitatis iustificatur impius, ita ut hic actus sit ultima dispositio ad gratiam sanctificantem, & ad virtutes gratiam concomitantes: ergo cum homo sit causa principalis effectiva huius actus, ut eleuatus auxilio diuino supernaturali, est etiam causa principalis effectiva gratiæ sanctificantis, & virtutum concomitantiam gratiam; quia enim forma resultat ex ultima dispositione; eadem actione & ab eodem agente producit, à quo producit ultima dispositio.

CONCLUSIO.

RESPONDEO dicendum, quod virtutes morales infusæ seu supernaturales non possunt actibus nostris acquiri. 1. nec etiam augeri. 3. sed necessariò & indispensabiliter debent à Deo infundi & augeri. Ita communiter docent Theologi in præsentia.

Probatur prima pars conclusionis auctoritate D. Thomæ q. de Virtutibus art. 10. ad 13. ubi sic ait: Aliquid est in potentia in anima, quod non est natum educi in actum nisi per vir-

tutem diuinam : & sic sunt in potentia in anima virtutes infusæ. Deinde probatur ratione : Ab eodem agente indispensabiliter producantur proprietates alicuius formæ , à quo producit talis forma , iuxta illud , Qui dat formam , dat consequentia ad formam ; cuius ratio est , quia eadem actione producantur proprietates , quæ producit ipsa forma , imò non tam dicuntur produci , quam resultare & dimanare ab ipsa forma , quia sunt terminus secundarius illius actionis ad exigentiam formæ : sed ex vna parte gratia sanctificans à solo Deo potest produci tanquam à causa principali , vt communiter conceditur , & expressè docet D. Thomas infra qu. 112. art. 1. vbi sic ait : Sic enim necesse est quòd solus Deus deficiat , communicando consortium diuinæ naturæ (per gratiam scilicet sanctificantem) sicut impossibile est quòd aliquid igniat nisi solus ignis ; quod ita verum est , vt Christo Domino negetur causalitas principalis physica respectu gratiæ , sed de his fusè alibi : ex alia verò parte omnes virtutes morales infusæ sunt rigorosè loquendo proprietates gratiæ , sicut & virtutes theologice : vt communiter etiam conceditur , & docet D. Thomas infra qu. 110. art. 4. ad 1. dicens : Quod sicut ab essentia animæ effluunt eius potentiæ , quæ sunt operum principia , ita etiam ab ipsa gratia effluunt virtutes in potentias animæ , per quas potentiæ mouentur ad actus : ergo virtutes morales infusæ à solo Deo possunt produci tanquam à causa principali , & ita non possunt actibus nostris acquiri . Quæ ratio sic amplius dilucidatur , ex aliquali expensione tam maioris quàm minoris propositionis ; Et quidem quantum ad maiorem , quòd scilicet ab eodem agente & eadem actione per se producantur proprietates , à quo producit essentia ; constat quia proprietates sunt omninò connexæ ipsi essentia , quasi quædam pars & corollarium ipsius ; vnde nunquam est essentia , saltem in statu perfectò & seclusis impedimentis , absque suis proprietatibus ; quod indicat eas produci ab eodem agente & eadem actione , qua producit essentia , non enim apparet quomodo aliàs posset regulariter inueniri concursus diuersorum agentium & plurium actionum ; & per hoc distinguuntur veræ proprietates ab aliis accidentalibus , hæc enim licet possint simul produci cum essentia & ab eodem agente , hoc tamen non est necessarium ob defectum prædictæ connexionis ; Quod adhuc magis constat ex eo quòd veræ proprietates sunt potentiæ actiue seu principia proxima & immediata operationum ac effectuum , beneficio naturæ subministrata ad supplendum defectum essentia , quæ seipsa non est proximè & immediatè operatiua ; vnde cum essentia sit communicabilis per dicta principia , quæ sunt proprietates , sequitur quòd quicquid est formaliter in essentia , est virtualiter in proprietatibus , & quòd

proprietates virtualiter adæquant perfectionem essentia , ac proinde quòd requiritur eadem perfectio agentis & actionis ad producendas proprietates , quæ requiritur ad producendam essentiam . Quantum autem ad minorem propositionem , quòd scilicet omnes virtutes morales infusæ sint veræ proprietates gratiæ sanctificantis , sicut & virtutes theologice , constat ex eo quòd hæc virtutes sunt eiusdem ordinis supernaturalis cum gratia , sunt principia proxima & immediata actionum & effectuum supernaturalium ; vnde à Deo vt autore supernaturali conceduntur , ne ordo gratiæ sit defectuosus circa operationes & effectus , qui omnes non possunt connaturaliter esse , nisi superaddantur gratiæ sanctificantis hæc omnes virtutes ; gratia quippe sanctificans est ad esse , & non ad operari , quælibet autem virtus etiam theologica est ad vnā tantum speciem actionis & effectus ; & tandem hæc virtutes infusæ dant simpliciter posse operari , & non tantum dant faciliter operari sicut virtutes acquisitæ , nam sine virtutibus infusis aut aliquo supernaturali supplente non potest dari actio supernaturalis , bene autem potest dari actio naturalis virtuosa absque virtutibus acquisitis , ex naturali perfectione potentiarum ; vnde virtutes acquisitæ non sunt proprietates naturæ , sicut virtutes infusæ sunt proprietates gratiæ . Notandum tamen , quòd licet gratia sit participatio diuinæ essentia formalissimè considerata , non tamen sequitur quòd in iustis debeat emanare eadem & tot perfectiones , quot sunt in diuina natura ; cuius ratio est , quia non est adæquata participatio diuinæ naturæ , at tantum participatio deficiens , vnde non emanat immutabilitatem , æternitatem , immensitatem &c. quia hæc proprietates conueniunt Deo ob summam eius eminentiam & actualitatem , & repugnat cuicunque creaturæ ; imò non emanat eadem in omnibus iustis virtutes , nec pro omni statu , sed tantum iuxta eorum conditionem & exigentiam status ; vnde in Christo Domino non emanauit fidem , spem , & poenitentiam , sed forte alias emanauit ; similiter in statu Patriæ emanat lumen gloriæ , & in statu Viæ emanat fidem , spem , poenitentiam , &c.

Probatur secunda pars conclusionis . Tum inductione generali in omnibus , videmus enim quòd sola illa causa concurrens effectiue ad intentionem alicuius effectus quæ absolute potest illum producere , quia intensio est ipsum magis illius effectus . Tum quia virtutes morales infusæ non possunt augeri , nisi simul augeatur gratia , ita quòd augmentum illarum procedat ex augmento gratiæ , non minus ac productio ipsarum à productione gratiæ ; vnde cum gratia non possit effectiue augeri ac principaliter nostris actibus , at tantum dispositiue & meritoriè , sequitur quòd nec virtutes morales infusæ possint effectiue ac principaliter augeri nostris actibus , at tantum

tantum dispositiue & meritoriè. Ex his probata manet tertia pars conclusionis.

A d primum ergo dicendum, quod quando sacra Scriptura & Sancti Patres dicunt, quod adultus iustificatur per proprios actus: si intelligatur de prima iustificatione quæ fit per infusionem gratiæ solum volunt quod dispositiue, & non effectiue concurrat ad hanc iustificationem: si autem intelligatur de secunda iustificatione quæ fit per augmentum gratiæ, iuxta illud Apocal. ultimo, Qui iustus est, iustificetur adhuc, solum volunt quod dispositiue simul & meritoriè concurrat ad talem iustificationem, & non effectiue physicè. D. Thomas in primo loco non vult quod ex actibus infusæ charitatis generetur aliquis habitus dilectionis naturalis ut dicit Bannes si tales actus sint elicitæ à charitate, quia actus supernaturales si generant habitus, illos generant supernaturales, actus enim generant habitus similes & eiusdem ordinis: si autem per actus charitatis intelligantur actus imperati & quoad substantiam naturales, generant habitum dilectionis naturalem: si verò concedatur quod D. Thomas loquitur ibi de actibus elicitis charitatis, ac proinde supernaturalibus, solum vult quod illi actus concurrant dispositiue, & non effectiue ad generandum habitum charitatis; quia actus charitatis, licet effectiue procedat ab habitu, concurrat tamen dispositiue ad infusionem ipsius charitatis & gratiæ. In secundo autem loco, dum ait quod poenitentia expellit omne peccatum effectiue, non sic intelligit, quasi poenitentia physicè producat gratiam, sed quia effectiue offert Deo satisfactionem, qua oblata remittitur peccatum sub ratione iniuriæ: unde ibidem ait, quod poenitentia expellit omne peccatum effectiue, in quantum operatur ad destructionem peccati, prout est remissibile ex divina gratia, homine cooperante.

A d secundum dicendum, quod est disparitas inter actus & virtutes naturales ex vna parte, & inter actus & virtutes supernaturales ex alia: quia virtutes naturales non sunt proprietates naturales rigorosè loquendo, unde non debent dari ab authore naturæ, sed possunt postea acquiri per actus virtuosos, quos natura ex propriis principiis potest elicere: virtutes autem supernaturales sunt proprietates gratiæ, unde debent infundi ab authore gratiæ; & quamvis actus ipsarum non sint minoris efficacæ, quàm actus naturales, tamen non possunt producere habitus, quia hi præsupponuntur à Deo producti: Nec verum est, quod non possit dari actio sine termino producto, ut in Physicis probatum est. Ad illud quod subditur, dicendum quod ideo virtutes ex propria ratione acquisitæ possunt à Deo per accidens infundi, quia Deus se solo potest producere in genere causæ efficientis, quicquid potest cum causa secunda, nisi sit actus vitalis aut terminus eius intrinsecus, ob peculiarem dependentiam

ipsorum à principio vitali: Virtutes autem ex propria ratione infusæ non possunt acquiri nostris actibus, quia ut dictum est, sunt proprietates gratiæ, & debent simul ab eodem agente ac per se eadem ratione produci cum gratia.

A d tertium dicendum, quod actus charitatis vel contritionis non est dispositio antecedens simpliciter iustificationem, ac proinde infusionem gratiæ sanctificantis & virtutum supernaturalium: sed est tantum dispositio concomitans procedens ab ipsa gratia & à virtute charitatis vel contritionis à qua elicitur: unde quamvis sit in eodem instanti reali cum illis, & sit prior in genere causæ materialis dispositiue, est tamen posterior in genere causæ efficientis; prioritas autem in genere efficientis dicitur simpliciter talis, prioritas verò in genere causæ materialis dispositiue dicitur tantum secundum quid talis in hac concurrentia prioritatum & posterioritatum.

D V B I V M I V.

Virtutes virtutes morales tam infusæ, quàm acquisitæ sint necessario ad inuicem & cum prudentia connexæ.

S Vpponendum est, quod in præsentī dubio comprehendimus omnes virtutes morales communes vitæ humanæ, siue infusæ, siue acquisitæ; quales fortitudo, temperantia, & similes: eadem quippe est ratio de infusis, ac de acquisitis attendita natura ipsarum per ordinem ad obiectum, abstrahendo à conditionibus acquisiti & infusi: quamvis maior appareat difficultas in acquisitis, per hoc quod successiue habeantur, & non simul sicut habentur infusæ. Unde principaliter hoc dubium procedet de virtutibus acquisitis; quæ tamen in eo dicuntur, debent proportionem seruata applicari virtutibus infusis. Ad cuius euidenciam sciendum est ex D. Thom. hic q. 65. art. 1. quod virtus moralis acquisita potest accipi vel perfecta, vel imperfecta: Virtus imperfecta siue in esse imperfecto nihil aliud est, quàm aliqua inclinatio in nobis existens ad opus aliquod de genere bonorum faciendum; siue talis inclinatio sit in nobis à natura, siue ex assuetudine: si talis inclinatio sit à natura, non habet essentiam, nec modum virtutis formaliter loquendo, etiam imperfectæ, quia de ratione virtutis est quod reguletur & dirigatur per prudentiam; & sic materialiter solum potest dici virtus: si sit ex assuetudine, vel illa inclinatio est habitus, vel tantum dispositio; si sit habitus, est quidem essentialiter virtus, sed imperfecta quoad modum & statum; si autem sit tantum dispositio, sic est virtus imperfecta, ut solum materialiter & apparenter, non autem formaliter & essentialiter sit virtus. Virtus moralis perfecta est habitus inclinans in bonum opus benè agendum;

dum; id est ad faciliter, promptè, delectabiliter, & firmiter agendum quantum est ex inclinatione ipsius virtutis, nam potest fieri quòd ex vertibilitate liberi arbitrij non semper sortiatur effectum, quia virtus subditur quantum ad vsum libero arbitrio, & non è contra; liberum verò arbitrium potest deficere ab inclinatione virtutis, donec confirmetur in gratia: vnde virtus perfecta in præsenti non sumitur pro virtute in summo gradu intentionis, aut in gradu heroico considerata, ut aliàs potest sumi.

Prima opinio Scoti in 3. d. 36. art. 1. Vasquis in præsenti disp. 88. cap. 4. & aliorum negat virtutes morales acquisite esse necessariò ad inuicem & cum prudentia connexas, etiam in esse perfecto consideratas. Probatur autoritate Sanctorum Patrum: Hieronym. lib. 1. contra Pelagium dicit sententiam de connexione virtutum non esse diuinam neque Apostolorum, sed Philosophorum: & subdit, Neque enim mihi curæ est quid Aristoteles, sed quid Paulus doceat. Augustinus Epist. 29. Bernardus serm. 70. in Cantica & alij asserunt quòd iusti non habent omnes virtutes, sed inter ipsos aliqui habent aliquas, & alij alias: ergo virtutes morales acquisite non sunt necessariò ad inuicem connexæ.

Secundò: Ex vna parte diuersa sunt subiecta proxima virtutum moralium, nam prudentia est in intellectu, iustitia in voluntate, fortitudo in parte irascibili, & temperantia in parte concupiscibili; & quamuis essent in eodem subiecto, tamen idem subiectum perfectibile distinctis perfectionibus partialibus, potest perfici secundum vnam, licet non perficiatur secundum alias: ex alia verò parte virtus moralis diffinitur ab Aristotele 1. Ethicorum cap. 6. quòd sit habitus electius in mediocritate consistens, prout sapiens determinabit; Ex qua diffinitione solum habetur, quòd quælibet virtus moralis attingat medium rationis in propria materia, nec indicatur connexio ipsarum ad inuicem: ergo virtutes morales nec ex propria ratione, nec ex parte subiecti sunt necessariò ad inuicem connexæ; Maxime quia experientia cõstat aliquos esse promptos ad rectè agendũ in aliquibus materiis moralibus, & non in omnibus; quod manifestè conuincit non esse in eis omnes virtutes morales, sed tantum aliquas.

Tertiò, Dicere quòd omnes virtutes morales sunt necessariò adinuiçè connexæ, infert multa inconuenientia. Primum est; quòd vna non posset acquiri sine alia, & ita per actum vnius acquirerentur omnes; vel simul elicerentur actus omnium virtutum, quorum vtrumq; est impossibile. Secundũ est, quòd vna virtus esset alteri ratio essendi, si vna non posset esse sine altera; & consequenter vnaquæque esset prior altera, imò esset prior seipsa, quod implicat contradictionem. Tertium est, quòd pari modo dici posset, quòd vna virtus intellectualis non posset esse si-

ne alia; cum eadem sit depèdencia scientiæ v.g. ab intelligentia seu habitu principiorum, quæ est virtutum moralium à prudentia: & similiter quòd vna ars non posset esse sine alia; ars quippe est recta ratio factibilium, sicut prudentia est recta ratio agibiliũ, si ergo homo non potest esse rectè dispositus circa aliqua agibilia, nisi sit rectè dispositus circa omnia; sic non posset esse rectè dispositus circa aliqua factibilia, nisi esset rectè dispositus circa omnia.

CONCLUSIO.

RESPONDEO dicendum, quòd si loquamur de virtutibus moralibus, quæ perficiunt hominem secundum communem statum, scilicet quantum ad ea quæ communiter in omni vita hominum occurrunt agenda, ita sunt adinuiçem connexæ, ut vna non possit esse in statu perfecto sine aliis. 1. benè tamen in statu imperfecto. 3. vnde non potest dari prudentia perfecta sine aliis virtutibus moralibus, nec vice versa possunt dari aliæ virtutes morales perfectæ sine prudentia: quamuis in esse imperfecto possint esse separatæ. 4. si verò loquamur de virtutibus moralibus quæ perficiunt hominem secundum aliquem eminentem statum, & quarum materiæ non occurrunt communiter vnicuique exercendæ; virtutes morales acquisite non sunt semper actu cum aliis in esse perfecto consideratis connexæ, sed solum in potentia proxima. Ita communiter docent Discipuli D. Thomæ & alij.

Probatur prima pars conclusionis autoritate Sanctorum Patrum & Philosophorum. Ambrosius lib. 1. Officiorum cap. 26. ait: Liqueat cognatas sibi esse virtutes. Et lib. 5. in Lucam ait: Connexæ igitur sunt, concatenatæque virtutes, ut qui vnâ habeat, plures habere videatur. Hieronymus epist. ad Fabiolam de quadraginta duabus mansionibus filiorum Israël ait: Hærent sibi & inter se ita connexæ sunt (scilicet virtutes) ut qui vna caruerit, omnibus careat. Augustinus lib. 6. de Trinitate cap. 4. ait: Virtutes quæ sunt in animo humano, nullo modo separantur ab inuicem. Gregorius Magnus lib. 1. Moralium cap. 39. ait: Neque enim vnaquæque virtus verè virtus est, si mixta aliis virtutibus non est. Et lib. 22. cap. 1. ait: Vna enim virtus sine aliis aut omninò nulla est, aut imperfecta. Idem docent alij Sancti Patres. Quantum ad Philosophos, docet Hieronymus loco pro prima opinione adducto, eos esse in hac sententia de connexione virtutum. August. Epist. 28. dicit omnibus Philosophis placuisse dogma de inseparabilitate virtutum. Vnde Aristoteles lib. 6. Ethic. cap. 13. propositæ questionis, An virtutes separari possint; respondet quod non, & dat rationem his verbis: Etenim cum prudentia quæ est vna, simul inerunt vniuersæ. Deinde probatur ratione indicata ab Aristotele, & adducta à D. Thoma tum hic q. 65. art. 1. tum q. 5. de Virtutibus art. 2. sic aliquantum expensâ. Ex vna parte nulla virtus moralis potest esse

esse perfecta sine prudentia perfecta, quia proprium virtutis moralis est facere electionem rectam, cum sit habitus electivus: ad rectam autem electionem non sufficit inclinatio in debitum finem, quod est directe per habitum virtutis moralis; sed requiritur etiam quod aliquis directe eligat ea quæ sunt ad finem, quod fit per prudentiam, quæ est consiliativa, & iudicativa, & præceptiva eorum quæ sunt ad finem: non autem sunt plures prudentiæ partiales, ut vult Scotus, pro pluralitate materiæ & circumstantiarum; cum enim actus prudentiæ sit rectum iudicium & imperium practicum circa agibilia, & fieri possit, imò ordinariè contingat quod plures materiæ & circumstantiæ ad unum opus simul concurrant, & de omnibus illis simul sumptis iudicandum sit, & lato iudicio imperandum sit exercitium operis, necessariò sequitur quod debeat esse vnica prudentia respiciens has omnes materias & circumstantias; quia prudentia est virtus superior ad alias morales, quæ sunt quædam participationes & sigillationes prudentiæ, appetitui impressæ, ipsæque conformantes rationi, quæ autem sunt dispersæ in inferioribus, sunt vnita in superioribus: Et quamvis darentur plures prudentiæ partiales, nulla tamen esset perfecta sine aliis ob rationem adductam, quia ad rectum iudicium & imperium practicum possunt occurrere plures materiæ & circumstantiæ, unde ad simul iudicandū de illis deberet concurrere plures illæ prudentiæ, & si ferretur iudicium & esset consequens imperium, non attentis & ponderatis illis omnibus circumstantiis, tale iudicium & imperium esset imprudens & inconsideratum; nam recta ratio potest aliud dicere omnibus illis attentis, quod non diceret aliquibus ex illis tantum attentis. Ex alia vero parte non potest esse perfecta prudentia sine omnibus virtutibus moralibus, quæ perficiunt hominem secundum communem statum, scilicet quantum ad ea quæ communiter in omni vita hominum occurrunt agenda, ut sic probat D. Thomas loco citato de Virtutibus dicens: Sicut virtutes morales esse non possunt absque prudentia, ita nec prudentia potest esse sine virtutibus moralibus; est enim prudentia recta ratio agibilium, ad ipsam autem rectam rationem in quolibet genere requiritur quod aliquis habeat rectam estimationem & iudicium de principiis, ex quibus ratio illa procedit; principia autem agibilium sunt fines, ex his enim sumitur ratio agendorum, de fine autem habet aliquis rectam estimationem per habitum virtutis moralis, quia ut Philosophus dicit in 3. Ethicorum; Qualis vnusquisque est, talis & finis videtur ei, sicut virtuoso videtur appetibile ut finis, bonum quod est secundum virtutem, & vicioso illud quod pertinet ad illud vitium; & est simile de gustu infecto & sano; unde necesse est, quod quicumque habet prudentiam, habeat etiam virtutes morales. Quod

confirmatur ex eo, quod licet admittatur aliqua rectitudo in voluntate, in ordine ad bonum proprium connaturale, quæ sit ei innata & præuia ad virtutes; hæc tamen limitatur ad tale bonum proprium connaturale, nec sufficit ad bonum alienum, nec ad rectificandum perfecte appetitum sensitivum, & propterea superadduntur virtutes morales: Ergo si loquamur de virtutibus moralibus, quæ perficiunt hominem secundum communem statum, scilicet quantum ad ea quæ communiter in omni vita hominum occurrunt agenda, ita sunt ad inuicem connectæ, ut vna non possit esse in statu perfecto sine aliis.

Probatur secunda pars conclusionis. Tum rationibus pro prima opinione adductis, quæ hanc partem tantum conclusionis, sed efficaciter probant. Tum quia potest quis exercere actus alicuius virtutis absque eo quod exerceat actus aliarum, & hoc ordinariè contingit, cum enim materiæ virtutum sint diuersæ, non semper concurrunt simul, sed sæpius separatim occurrunt: ergo cum ex vna parte virtutes acquirantur per proprios actus, & ex alia parte vna non possit acquiri sine aliis in statu perfecto propter rationem adductam, sequitur quod vna virtus moralis (etiam ex his quæ perficiunt hominem secundum communem statum, scilicet quantum ad ea quæ communiter in omni vita hominum occurrunt agenda) possit esse in statu imperfecto sine aliis.

Probatur tertia pars conclusionis ex dictis in prima & secunda parte, ex quibus hæc tertia pars manifestè sequitur: sic tamen amplius declaratur. Quamuis ad prudentiā perfectam requiratur perfecta rectitudo appetitus circa finem honestum adæquatè sumptum, quæ non habetur nisi per virtutes morales ut dictum est: tamen ad prudentiam imperfectam, quæ est prior aliis virtutibus moralibus etiam in statu imperfecto consideratis, ac independens ab illis, sufficit synderesis ex parte rationis, & naturalis siue innata inclinatio ad bonum ex parte appetitus. Similiter ad acquirendas alias virtutes morales in statu imperfecto sufficit prudentia imperfecta, quāvis requiratur prudentia perfecta ad illas acquirendas in statu perfecto ut dictū est: ergo non potest dari prudentia perfecta sine aliis virtutibus moralibus, nec vice versa possunt dari aliæ virtutes morales perfectæ sine prudentia; quamuis in esse imperfecto possint esse separatæ, ita tamen quod prudentia semper debeat præire in statu imperfecto, nam sine ipsa nulla alia virtus potest acquiri vel esse quantumvis imperfecta.

Probatur quarta pars conclusionis auctoritate, ratione, & instantiis D. Thomæ q. 5. de Virtutibus art. 2. ad 9. & in præsentī q. 65. art. 1. ad 1. ubi sic ait: Quædam verò virtutes morales sunt, quæ perficiunt hominē secundum aliquem eminentem statum, sicut magnificentia & magnanimitas:

nimitas: & quia exercitium circa materias harum virtutum non occurrit unicuique communiter, potest aliquis habere virtutes morales sine hoc, quod habitus harum virtutum habeat actu, loquendo de virtutibus acquisitis: sed tamen acquisitis aliis virtutibus habet istas virtutes in potentia propinqua: cum enim aliquis per exercitium adeptus est liberalitatem circa mediocres donationes & sumptus, si superueniat ei abundantia pecuniarum, modico exercitio acquirit magnificentiae habitum: sicut Geometer modico studio acquirit scientiam alicuius conclusionis, quam nunquam considerauit: illud autem habere dicimur, quod in promptu est ut habeamus, secundum illud Philosophi in secundo Physicorum: Quod parum deest, quasi nihil deesse videtur. Idem potest dici de virginitate, nam habenti castitatem facile est habere affectum virginitatis, quantum est ex parte ipsius habentis. Igitur ratio connexionis virtutum ad inuicem in statu perfecto, non est earum similitudo siue conuenientia in genere; ut constat ex dictis in hac parte conclusionis; sed est earum affinitas secundum quam accedit, quod materia vnius non potest rite exerceri, nisi superetur difficultas quae in materiis aliarum inuenitur.

A d primum ergo dicendum, quod S. Hieronymus est in nostra sententia, ut constat ex autoritate ipsius in prima parte conclusionis adducta: in loco autem citato in contrarium solum vult quod haec sententia de connexionione virtutum non sit diuina, neque Apostolorum, ac proinde quod non est sic curandum de illa, ac si esset doctrina fidei: non tamen inde sequitur quod non sit vera, imò ut talis creditur ab Hieronymo, per hoc quod dicatur sententia communis Philosophorum. Ad autoritatem aliorum Patrum respondet D. Th. q. 5. de Virtutibus art. 2. ad 1. quod debent intelligi de virtutibus quantum ad vsus, & non quantum ad habitus: diuersi enim Sancti diuersimodè excedunt se inuicem in vsibus diuersarum virtutum, secundum quod de quolibet Confessore dictum est: Non est inuentus similis illi, qui conseruaret legem excelsi.

A d secundum dicendum quantum ad primam partem, quod quia virtutes morales habent mutuam dependentiam ab inuicem; tam mediatam ratione prudentiae, in qua omnes connectuntur; quam immediatam ratione materiae singularum, quia materia vnius quodammodo redundat in materiam aliarum, in quantum vna virtus non potest semper perfecte medium attingere in propria materia, nisi ab aliis adiuuetur; inde est quod debent esse connexae & simul existere in eodem subiecto, siue sit idem subiectum formale, siue diuersa sint subiecta formalia. Quantum ad secundam partem dicendum, quod illa definitio virtutis sufficienter indicat connexionem virtutum moralium inter se, per hoc quod importat earum connexionem

cum prudentia: & etiam per hoc quod attingere medium in aliqua materia importat remotionem omnium impedimentorum, quae à tali medio possunt abducere; haec autem remotio non potest adaequate & perfecte fieri, nisi ad sint omnes virtutes, quia materia vnius redundat in materiam alterius. Ad illam experientiam dicendum, quod ex maiori exercitio alicuius virtutis potest quis esse magis inclinatus ad eius materiam, quam ad materias aliarum, per hoc quod exercitium tollit impedimenta: sed tamen inde non sequitur quod ad perfectum statum vnius virtutis, non requiratur connexio & consortium aliarum propter rationem adductam.

A d tertium dicendum, quod nullum sequitur inconueniens ex assignatis. Non primum: nam potest fieri quod vno actu acquirantur in statu perfecto omnes virtutes morales, si materiae omnium concurrant per modum motiui, vel per modum circumstantiae ad talem actum (nam per modum obiecti vna solum potest concurrere) per hoc quod tales materiae sint inuicem coniunctae: nec tamen hoc est necessarium, sed sufficit quod simultate morali, licet non metaphysica, breui scilicet postea sic in statu perfecto acquirantur, propter connexionem materialium & mutuam immixtionem, ita D. Thomas q. 5. de Virtutibus art. 2. ad 9. Nec sequitur secundum, nam absolute vna virtus non est alteri ratio essendi, quamuis sit mutua dependentia ad hoc ut sint in statu perfecto: omnes quidem virtutes morales dependent à prudentia in genere causae formalis & directivae; prudentia verò dependet ab aliis in genere causae materialis dispositivae, & in genere causae efficientis mouentis ad exercitium, & iuxta hanc diuersam dependentiam est diuersa prioritas & posterioritas inter ipsas, communiter recepta inter causas: nulla tamen virtus potest dici prior seipsa propter indistinctionem. Nec tandem sequitur tertium: nam D. Thomas hic q. 65. art. 1. ad 3. assignat disparitatem inter virtutes morales ex vna parte, & virtutes intellectuales & artes ex alia, dicens quod virtutes intellectuales sunt circa diuersas materias ad inuicem non ordinatas, sicut patet in diuersis scientiis & artibus, & ideo non inuenitur in eis connexio, quae inuenitur in virtutibus moralibus existentibus circa passiones & operationes, quae manifestè habent ad inuicem ordinem: nam omnes passiones à quibusdam primis procedentes, scilicet amore & odio, ad quasdam alias terminantur, scilicet delectationem & tristitiam. Et similiter omnes operationes, quae sunt virtutis moralis materia, habent ordinem ad inuicem & etiam ad passiones, & ideo tota materia moralium virtutum sub vna ratione prudentiae cadit. Habent tamen omnia intelligibilia ordinem ad prima principia, & secundum hoc omnes virtutes intellectuales dependent ab intellectu principiorum, sicut prudentia à virtutibus morali

moralibus: principia autem vniuersalia, quorum est intellectus principiorum, non dependent à conclusionibus, de quibus sunt reliquæ intellectuales virtutes: sicut morales dependent à prudentia, eo quod appetitus mouet quodammodo rationem, & ratio appetitum.

D V B I U M V.

Vtrum virtutes morales tam infusa, quàm acquisita sint necessario connexa cum charitate.

Supponendum est, quòd virtutes morales possunt considerari dupliciter, scilicet secundum essentiã præcisè, & secundum statum perfectum: secundum essentiã considerata important prædicata quidditatiua virtutis, & dicuntur propriè & non metaphorice virtutes: secundum verò statum perfectum considerata important quòd possint se extendere ad omnia sua obiecta & in eis attingere medium rationis, & dicuntur simpliciter & absolutè virtutes. De Virtutibus autem moralibus acquisitis possumus loqui vel attentè præcisè earum naturã, vel ex suppositione eleuationis creaturæ rationalis ad ordinẽ gratiæ, & adhuc iuxta diuersum statum ipsius naturæ intellectualis: vnde potest triplex status naturæ distingui, videlicet naturæ puræ, naturæ integræ, & naturæ lapsæ siue corruptæ. Præsens dubium principalius procedit de virtutibus moralibus acquisitis: Vt autem separemus certa ab incertis, sciendum est quòd virtutes theologicæ, quamuis ordinariè simul infundantur, non tamen tantam habent connexionem, quin priores possint esse sine posterioribus; & ita potest esse fides sine spe & charitate, & spes sine charitate, quamuis tunc non habeant perfectam rationem virtutis ex D. Th. hic q. 65. art. 4. non tamen è contra possunt posteriores esse sine prioribus, vnde charitas non potest esse sine spe & fide, nec spes sine fide. Similiter sciendum est, quòd charitas potest absolutè loquendo reperiri sine virtutibus acquisitis, & de facto sic reperitur in parvulis iustificatis, & aliquando etiam in adultis. Sed in præsentì quærimus, vtrum ipsæ virtutes acquisitæ possint reperiri sine charitate.

Prima opinio negat, posse dari veras virtutes acquisitas sine charitate, quæ propriè habeant essentiã virtutis. Probatur autoritate & communi doctrina Sanctorum Patrum, qui absolutè negant dari in infidelibus & peccatoribus veras virtutes. Deinde si in peccatoribus essent veræ virtutes, peccatores possent dici virtuosì; quod cum negetur, debet concedi quòd sine charitate non dantur veræ & propriæ virtutes.

Secunda opinio in alio extremo posita asserit, quòd virtutes morales acquisitæ in statu perfecto possunt esse & cõseruari sine charitate. Probatur autoritate D. Th. qui infra q. 71. art. 4. docet quòd vnum vel alterum peccatum mortale

R. P. Philippi Carm. discal. Diss. Theolog. in 1. 2.

potest esse cum virtute acquisita, quamuis non cum infusa. Item autoritate Philosophorũ, qui agnouerunt virtutes morales acquisitas in statu perfecto existere in aliquibus Gentilibus, in quibus tamen non erat charitas. Deinde per vnum actum valde remissum v. g. intemperantiæ potest quis amittere charitatem: & tamen tunc non remittitur temperantiæ virtus, sicut nec vitium intemperantiæ acquiritur: ergo virtutes morales acquisitæ in statu perfecto possunt esse & cõseruari sine charitate.

Tertia opinio asserit, quòd etiam virtutes morales infusæ possunt esse & cõseruari sine charitate. Probatur: Maior est cõnexio virtutum theologalium inter se, quàm earum cum virtutibus moralibus infusis, cum sit maior similitudo & affinitas theologalium inter se, quàm theologalium cum moralibus: sed fides & spes virtutes theologales possunt esse sine charitate, vt communiter conceditur: ergo etiam virtutes morales infusæ.

CONCLUSIO:

RESPONDEO dicendum, quòd tanta est connexio virtutum moralium infusarũ cum charitate, vt non possint esse sine charitate, nec charitas sine illis. 2. virtutes autem morales acquisitæ, quamuis in statu naturæ integræ potuissent esse perfectæ sine influxu charitatis secundum considerationem philosophicam; non tamen secundum considerationem theologicã. 3. sed in statu naturæ lapsæ non possunt virtutes morales acquisitæ de nouo acquiri, vel cõseruari in esse perfecto sine charitate; benè tamen quoad essentiã in statu imperfecto. 4. Vnde absolutè loquendo tam secundum considerationem theologicã, quàm philosophicã nulla virtus meretur nomen virtutis, nisi coniungatur charitati, & ab illa informetur. Ita communiter docent Theologi cum D. Thoma hic q. 65. art. 2. & 3.

Probatur prima pars conclusionis quantum ad primum tum autoritate, tum ratione D. Thomæ art. 2. citato sic in formam redactã: Virtutes morales infusæ non possunt esse sine prudentia infusã, vt constat ex dictis dubio præcedenti: sed prudentia infusa non potest esse sine charitate, quia vt dictum est in eodem dubio, non potest dari perfecta prudentia, qualis debet esse infusa, absque perfecta rectitudine appetitus circa finem, quia non potest esse rectitudo circa media ad finem, nisi supponatur rectitudo circa ipsum finem: constat autem quòd sola charitas perfectè rectificat appetitum circa vltimum finem supernaturalem, ad quem ordinantur omnes virtutes morales infusæ; quamuis enim spes aliquo modo rectificet appetitum circa vltimum finem supernaturalem, nõ tamen perfectè illum rectificat, tum quia non rectificat circa ipsum in se consideratum, & vt est terminus perfecti amoris amicitiae, at tantum circa ipsum vt consequendum,

X x

quendum, & ut est terminus imperfecti amoris concupiscentiæ; tum quia adhuc non rectificat sufficienter appetitum circa ultimum finem etiam ut consequendum, & ut est terminus amoris concupiscentiæ sine charitate, quia spes separata à charitate est mortua, & ita ut sic non mouet ad ultimum finem peractus meritorios, quibus tantum potest haberi ultimus finis: ergo tanta est connexio virtutum moralium infusarum cum charitate, ut non possint esse sine charitate. Probatur quantum ad secundum auctoritate & ratione D. Thomæ, tum hic q. 65. art. 3. tum q. 4. de Virtutibus art. 2. quæ sic in formam reducitur: Deus in quocunque ordine siue gratiæ, siue naturæ ad quæcunque dat inclinationem, dat etiam formas aliquas, quæ sunt principia operationum & motuum, ad quæ res inclinatur; quia Deus non minus perfectè operatur in operibus gratiæ, quam in operibus naturæ, sed in omni ordine operatur perfectissimè: sicut igni dat leuitatem, per quam promptè & faciliter sursum tendit, quò naturaliter inclinatur; & animalibus dat organa, quibus perfici possunt opera, ad quæ peragēda anima habet potestatem & inclinationē, quia ut dicitur Sapientiæ 8. Disponit omnia suauiter: sed per charitatē dat Deus inclinationem ad operationes supernaturales virtutum; per hoc quòd charitas ordinat hominem ad finem ultimum supernaturalem, inclinat etiam ad omnes actus supernaturales virtutum, quibus solis peruenitur ad dictum ultimum finem; quælibet enim ars vel virtus, ad quam pertinet finis, imperat his quæ sunt ad finem: vnde cum charitate infunduntur habituales formæ expeditè producentes actus supernaturales virtutum, ad quos charitas inclinat; quæ habituales formæ sunt virtutes morales infusæ: ergo secundum decentiam diuinæ sapientiæ & bonitatis, ad infusionem charitatis simul habitus omnium virtutum moralium infunduntur, & consequenter charitas non potest esse sine virtutibus moralibus infusis attentā rerum naturæ: ex quo sequitur quòd virtutes morales infusæ non solum habent connexionem propter prudentiam, sed etiam propter charitatem, & quòd qui amittit charitatem per peccatum mortale, amittit omnes virtutes morales infusæ; & ideo dicitur 1. ad Cor. 13. Charitas patiens est, benigna est, &c. Sciendum igitur est ex D. Thoma 2. 2. q. 152. art. 3. ad 2. quòd connexio virtutum accipitur secundum illud quod est formale in virtutibus, id est secundum charitatem, vel secundum prudentiam; non autem secundum id quod est materiale: nihil enim prohibet alicui virtuoso superpetere materiā vnius virtutis, non autem materiā alterius; sicut pauper habet materiā temperantiæ, non autem materiā magnificentiae. Et hoc modo alicui habenti alias virtutes deest materia virginitatis, id est integritas carnis: tamen potest id quod est formale in virginitate

habere, ut scilicet habeat in præparatione mentis prædictæ integritatis conseruandæ propositū, si hoc sibi competeret: sicut pauper potest in præparatione animi habere propositum magnificos sumptus faciendi, si sibi competeret: Et similiter ille qui est in prosperitate habet in præparatione animi propositum aduersa æquanimiter tolerandi; & sine hac præparatione animi non potest aliquis esse virtuosus.

Probatur secunda pars conclusionis quantum ad primum: In statu naturæ integræ nulla fuissent impedimenta, quo minus homo potuisset acquirere virtutes ordinis naturalis perfectas, iuxta exigentiam illius status perfecti, & quominus eas sic potuisset conseruare; etiam si non fuissent illi communicata gratiæ auxilia, nec influxum præbuisset charitas, propter integritatem ipsius naturæ, & eius commensurationem ac proportionem ad tales virtutes: quia in illo statu potuisset absque auxilio diuinæ gratiæ adimplere totam legem naturalem, diu abstinere à peccato, & exercere omnes actus virtutum naturalium, ut dicitur in materia de gratia: ergo virtutes morales acquisitæ in statu naturæ integræ potuissent esse perfectæ sine influxu charitatis, secundum considerationem philosophicam. Probatur quantum ad secundum: Theologi procedētes ex principiis fidei cōsiderant hominem in ordine ad finem supernaturalem: Philosophi autem procedētes ex solo lumine naturali ipsum considerant in ordine ad finem naturalem præcisè: ergo cum virtutes morales acquisitæ sine influxu charitatis non rectificēt hominē in ordine ad finem supernaturalem, sed tantum in ordine ad finem naturalem, non potuissent esse perfectæ in statu naturæ integræ secundum considerationem theologicam, quamuis potuissent esse perfectæ secundum considerationem philosophicam. Vnde D. Thomas hic q. 65. art. 2. ait: Aliæ virtutes scilicet acquisitæ, sunt secundum quid virtutes, non autem simpliciter, ordinant enim hominem benè respectu finis ultimi in aliquo genere, non autem respectu finis ultimi simpliciter.

Probatur tertia pars conclusionis quantum ad primum: Tum quia peccatum quo excluditur charitas, corrumpit perfectionem prudentiæ, per hoc quòd in appetitu generat prauam aliquam dispositionem; sine prudentia autem perfecta non possunt dari perfectæ virtutes morales: Tum quia ex Augustino peccatum suo pondere in peccatum trahit; facilitas autem peccandi non compatitur virtutes perfectas: Tum quia sine gratia & charitate nullus dicitur simpliciter bonus; & tamen virtus perfecta facit habentem simpliciter bonum, ut constat ex definitione virtutis. Probatur quantum ad secundum: Tum auctoritate Philosophorum, quia in Gentilibus nō habentibus charitatem agnouerunt veras virtutes quamuis imperfectas: Tum experientiā, nam

nam videmus peccatores facile elicientes actus aliquarum virtutum facilius, quod indicat adhuc in eis perseverare virtutes acquisitas, quæ sunt principia horum actuum; sed brevi peribunt nisi ad statum gratiæ redeant, quia vnum peccatum trahit ad aliud: & propterea signum moraliter certum iustificationis est diu abstinere à peccato: sed hæc amplius declarantur in materia de Gratia.

Probatur quarta pars conclusionis autoritate Sanctorum Patrum, qui negant in infidelibus & peccatoribus esse veras virtutes: unde Augustinus exponens illud Apostoli ad Rom. 14. Omne quod non est ex fide, peccatum est, ait: Vbi deest agnitio veritatis, falsa est virtus etiam in bonis moribus: cuius ratio est assignata, quia licet habeat essentiam virtutis, non tamen habet statum & perfectionem illius etiam ordinis naturalis, nisi sit coniuncta charitati: quia ex tali coniunctione eleuatur à charitate ut respiciat finem supernaturalem, & habentem faciat simpliciter bonum.

Ad primum ergo dicendum, quod Sancti Patres ideo negant infidelibus veras virtutes, quia virtutes in eis repertæ sunt imperfectæ ac secundum quid tantum; & illi loquuntur de virtutibus secundum considerationem theologicam. Ad aliud dicendum, quod denominatio virtuosus simpliciter, provenit tantum à virtute perfecta, qualis non est in peccatoribus.

Ad secundum dicendum, quod D. Thomas intelligendus est iuxta dicta in tertia parte conclusionis, de virtute acquisita quoad essentiam, & non quoad statum & perfectionem virtutis. Ad aliud dicendum, quod illi Philosophi decipiebantur, credentes esse in Gentibus perfectas virtutes morales, cum in eis deessent plurimæ, ut vera humilitas, amor Dei authoris naturæ super omnia: constar autem ex dictis dubio præcedenti, quod vna virtus moralis non potest esse perfecta sine aliis. Ad aliud dicendum, quod minimus actus intemperantiæ tollit perfectionem temperantiæ, saltem indirectè, per hoc quod diminuat prudentiam, & excludat charitatem.

Ad tertium dicendum, quod non est maior connexio virtutum theologiarum inter se, quam charitatis cum virtutibus moralibus infusis: nec ad connexionem virtutum ita concurrunt similitudo, sicut concurrunt dependentia: fides igitur & spes, quia sunt priores charitate, non dependent ab illa; sicut ab illa dependent virtutes morales infusæ, quia posteriores: unde hæc non possunt esse etiam quoad essentiam sine charitate, sicut possunt esse sine illa fides & spes quoad essentiam.



QVÆSTIO LXXI.

De vitiis & peccatis secundum se, in sex articulos diuise.

QUONIAM QVÆSTIO considerandum est de vitiis & peccatis.

Circa quæ sex considerata occurrunt. Primo quidem, de ipsis vitiis & peccatis secundum se. Secundo, de distinctione eorum. Tertio, de comparatione eorum ad invicem. Quarto, de subiecto peccati. Quinto, de causa eius. Sexto de effectu ipsius.

Circa primum quærentur sex.

Primo, vitium vitium contrarietur virtuti.

Secundo, vitium vitium sit contra naturam.

Tertio, quid sit peius, vitium vitium, vel actus vitiosus.

Quarto, vitium actus vitiosus possit esse simul cum virtute.

Quinto, vitium in omni peccato sit aliquis actus.

Sexto, de distinctione peccati, quam August. ponit 32. contra Faustum, peccata esse dicta, vel facta, vel concupita, contra legem æternam.

ARTICVLVS I.

Vitium vitium contrarietur virtuti.

AD PRIMUM sic proceditur. Videtur, quod vitium non contrarietur virtuti. Vni enim vnum est contrarium, ut probatur in 10. Metaphy. sed virtuti contrariatur peccatum & malitia; non ergo contrariatur ei vitium: quia vitium dicitur etiam si sit indebita dispositio membrorum corporalium, vel quarumcumque rerum.

2 Præterea, Virtus nominat quandam perfectionem potentiz: sed vitium nihil nominat ad potentiam pertinentem. Ergo vitium non contrariatur virtuti.

3 Præterea, Tullius dicit in 4. de Tusc. quæstionibus, quod virtus est quædam sanitas animæ: sanitati autem oppositur ægrotudo vel morbus magis quam vitium: ergo virtuti non contrariatur vitium.

Sed contra est, quod dicit August. in lib. de perfectione iustitiz, quod vitium est qualitas secundum quam malus est animus: virtus autem est qualitas, quæ facit bonum habentem, ut ex supradictis patet. Ergo vitium contrariatur virtuti.

CONCLUSIO.

Vitium secundum quod ordinatur ad bonum, peccatum ipsum contrariatur: ut verò bonitas quedam est, ei opposita est malitia: vitium autem virtuti contrarium est secundum propriam rationem virtutis.

RESPONDENDO dicendum, quod circa virtutem duo possumus considerare, scilicet ipsam essentiam virtutis, & id ad quod est virtus. In essentia quidem virtutis aliquid considerari potest directè, & aliquid ex consequenti. Directè quidem virtus importat dispositionem quandam alicuius convenienter se habentis secundum modum suæ naturæ. Unde Philosoph. dicit in 7. Phyl. quod virtus est dispositio perfecti ad optimum: dico autem perfecti, quod est dispositum secundum naturam. Ex consequenti autem sequitur, quod virtus sit bonitas quædam: in hoc enim consistit vniuersiusque rei bonitas, quod conuenienter se habet secundum modum suæ naturæ. Id autem ad quod virtus ordinatur, est actus bonus, ut ex supradictis patet. Secundum hoc igitur tria inueniuntur opponi virtuti, quorum vnum est peccatum, quod opponitur sibi ex parte eius, ad quod virtus ordinatur: nam peccatum proprie nominat actum inordinatum, sicut actus virtutis est actus ordinatus & debitus: secundum autem quod ad rationem virtutis consequitur, quod sit bonitas quædam, opponitur virtuti malitia: sed secundum id quod directè est de ratione virtutis, opponitur virtuti vitium: vitium enim vniuersiusque rei esse videtur, quod non sit disposita secundum quod conuenit suæ naturæ. Unde August. dicit in 1. de lib. arb. Quod perfectioni naturæ deesse perspexeris, id voca vitium.

AD PRIMUM ergo dicendum, quod illa tria non contrariantur virtuti secundum idem: sed peccatum quidem contrariatur secundum quod virtus est operatiua boni; malitia autem secundum quod est bonitas quædam: vitium autem proprie secundum quod est virtus.

AD SECUNDUM dicendum, quod virtus non solum importat perfectionem potentiz quæ est principium agendi: sed etiam importat debitam dispositionem eius, cuius est virtus: & hoc ideo, quia vnumquodque operatur secundum quod actu est. Requiritur ergo, quod aliquid sit in se bene dispositum, quod debet esse boni operatiuum, & secundum hoc virtuti vitium opponitur.

AD TERTIUM dicendum, quod sicut Tull. dicit in 4. de Tusc. quæst. morbi & ægrotationes sunt vitiositatis: in corporibus enim morbum appellat totius corporis corruptionem: puta febrem, vel aliquid huiusmodi: ægrotationem verò morbum cum imbecillitate, vitium autem, cum partes corporis inter se dissident. Et quamvis in corpore quandoque sit morbus sine ægrotatione: puta cum aliquis est interior male dispositus, non tamen exterior præpeditur à solitis operationibus: in animo tamen, ut ipse dicit, hæc duo non possunt, nisi cogitatione secerari. Necessè est enim, quod quodocunque aliquis interior est male dispositus habens inordinatum affectum, quod ex hoc imbecillis reddatur ad debitas operationes exercendas: quia vnaquæque arbor ex suo fructu cognoscitur, id est homo ex opere, ut dicitur Matt. 12. Sed vitium animi (ut Tull. ibidem dicit) est habitus, aut affectio animi in tota vita inconstans, & à seipsa dissentiens: quod quidem inuenitur etiam

372

Sup. q. 68.

ar. 1. ad 2.

6. ver. 90.

14. ar. 6.

ad 2. 6.

vir. quæst.

2. ar. 1. ad

1. 6. 5. 6.

quæst. 1. ar.

13. co.

10. 17.

Lib. 4. in fol

6. a prim.

lib.

* cor. ca. 5.

4. ratioc.

namini.

11. 7.

* 2. 53.

ar. 3. 6. 4.

Lib. 7. tex.

17. 10. 2.

256. a. 1.

Li. 3. de leg.

ber. arb. ad.

14. in fine.

10. 1.

Lib. 4. non

multa re-

moti aut

med. lib.

* Li. 4. T. 1.

fin. 4. ar. 1.

6. a. prim.

lib.

* 1. ad. lib.

non remou

aut. 1. 1.

abique

absque morbo vel agrotatione, utpote cum aliquis ex infirmitate vel ex passione peccat; Vnde in plus se habet vitium, quam agrotation vel morbus: sicut etiam virtus in plus se habet, quam sanitas: nam sanitas etiam quidam virtus ponitur in 7.^a Phisic. & ideo virtuti convenientius opponitur vitium, quam agrotation, vel morbus.

* Lib. 7.
Phy. 6.
17. 100b.

ARTICVLVS II.

Vtrum vitium sit contra naturam.

373 AD SECUNDUM sic proceditur. Videtur, quod vitium non sit contra naturam. Vitium enim contrariatur virtuti, ut dictum est. sed virtutes non sunt in nobis à natura: sed causantur in nobis per infusionem, aut ab assuetudine, ut dictum est. Ergo vitia non sunt contra naturam.

* 2. Præterea, Ea quæ sunt contra naturam, non possunt assuescere, sicut lapis nunquam assuescit ferri sursum, ut dicitur in 2.^a Ethic. sed aliqui assuescunt ad vitia. Ergo vitia non sunt contra naturam.

* 3. Præterea, Nihil quod est contra naturam, inuenitur in habentibus illam naturam, ut in pluribus: sed vitia inueniuntur in hominibus ut in pluribus: quia, sicut dicitur Matt. 7. Lata est via, quæ ducit ad perditionem, & multi vadunt per eam. Ergo vitium non est contra naturam.

* 4. Præterea, Peccatum comparatur ad vitium sicut actus ad habitum, ut ex supra dictis patet: sed peccatum diffinitur esse dictum, vel factum, vel concupitum contra legem Dei, ut patet per August. 22. contra Faustum: lex autem Dei est supra naturam. Magis ergo dicendum est, quod vitium sit contra legem, quam quod sit contra naturam.

Sed contra est, quod August. 7. dicit in 3. de liber. arbit. Omne vitium eo ipso quod vitium est, contra naturam est.

* Art. 1.
Cap. 27. m.
prim. 10. 5.
13. paulo
ano finem
tom. 1.
Art. præc.

art. 1.

lib. 3. de li.
bi. orb. cap.
23. & 14.
tom. 1.

cap. 4. p. 4.
ad multum
remouit d
finem.

lib. 2. de
Inasuetudine
in fol. 4. an.
se finit lib.

* lib. 3. de
lib. orb.
cap. 23. 10
prim. 10. 1.

CONCLUSIO.

Quoniam per animam rationalem homo speciem sortitur, ceterum contra hominis naturam vitium est, quatenus ordinem rationis excludit.

RESPONDENDO dicendum, quod sicut dictum est, vitium virtuti contrariatur: virtus autem vniuersalisque rei consistit in hoc quod sit bene disposita secundum convenientiam suæ naturæ. ut supra dictum est. Vnde oportet, quod in qualibet vitium dicatur ex hoc, quod est disposita contra id quod conuenit suæ naturæ. vnde & de hoc vnaquæque res vituperatur: à vitio autem nomen vituperationis detractum creditur, ut Aug. 2. dicit in 3. de lib. arbit.

Sed considerandum est, quod natura vniuersalisque rei potissime est forma, secundum quam res speciem sortitur, homo autem in specie constituitur per animam rationalem: & ideo id quod est contra ordinem rationis, propriè est contra naturam hominis, inquantum est homo: quod autem est secundum rationem, est secundum naturam hominis inquantum est homo. Bonum autem hominis est secundum rationem esse, & malum hominis est præter rationem esse, ut Dionysius dicit 4. cap. de diu. uom. Vnde virtus humana quæ hominem facit bonum, & opus ipsius bonum reddit, intantum est secundum naturam hominis inquantum conuenit rationi: vitium autem intantum est contra naturam hominis, inquantum est contra ordinem rationis.

Ad primum ergo dicendum, quod virtutes etsi non causentur à natura secundum suam esse perfectum: tamen inclinant ad id, quod est secundum naturam, id est, secundum ordinem rationis. Dicit enim Tullius in Rhet. sua, quod virtus est habitus in modum naturæ rationi consentaneus: & hoc modo virtus dicitur esse secundum naturam, & per contrarium intelligitur, quod vitium sit contra naturam.

Ad secundum dicendum, quod Philosoph. ibi loquitur de his quæ sunt contra naturam, secundum quod esse contra naturam opponitur ei quod est esse à natura: non autem secundum quod esse contra naturam opponitur ei quod est esse secundum naturam, eo modo quo virtutes dicuntur esse secundum naturam, inquantum inclinant ad id quod natura conuenit.

Ad tertium dicendum, quod in homine est duplex natura, scilicet rationalis, & sensitiva. Et quia per operationem sensus homo permeat ad actus rationis, ideo plures sequuntur inclinationes naturæ sensitivæ, quam ordinem rationis: plures enim sunt qui assuecuntur principium rei, quam qui ad consummationem pertineant: ex hoc autem vitia & peccata in hominibus proveniunt, quod sequuntur inclinationem naturæ sensitivæ contra ordinem rationis.

Ad quartum dicendum, quod quicquid est contra rationem artificiatum, est etiam contra naturam artis, quæ artificiatum producit: lex autem æterna comparatur ad ordinem rationis humanæ, sicut ars ad artificiatum. Vnde eiusdem rationis est, quod vitium & peccatum sit contra ordinem rationis humanæ, & quod sit contra legem æternam. Vnde August. dicit in 3. de lib. arbit. quod à Deo habent omnes naturæ quod naturæ sunt: & in tantum sunt vitiosæ, inquantum ab eis, quæ factæ sunt arte discedunt.

ARTICVLVS III.

Vtrum vitium sit peius quam actus vitiosus.

374 AD TERTIUM sic proceditur. Videtur, quod vitium, (id est, habitus malus) sit peius quam peccatum, id est, actus malus. Sicut enim bonum, quod est diuturnius, est melius, ita malum quod est diuturnius, est peius: sed habitus vitiosus est diuturnior, quam actus vitiosus, qui statim transiit. Ergo habitus vitiosus est peior quam actus vitiosus.

* 2. Præterea, Plura mala sunt magis fugienda, quam vnum

* Sup. art. 1.
et. &
mal. q. 2.
art. 2. ad
9. & art. 5.
ad 8.

malum: sed habitus malus virtualiter est causa multorum malorum actuum. Ergo habitus vitiosus est peior quam actus vitiosus.

* 3. Præterea, Causa est potior quam effectus: sed habitus perficit actum tam in bonitate, quam in malitia. Ergo habitus est potior actui, & in bonitate & in malitia.

Sed contra, pro actu vitioso aliquis iussu punitur, non autem pro habitu vitioso, si non procedat ad actum. Ergo actus vitiosus est potior quam habitus vitiosus.

CONCLUSIO.

Quia propter bonitatem vel malitiam ipsius actus, dicitur habitus bonus vel malus (ex eo scilicet quod ad actum bonum vel malum inclinet) idcirco simpliciter loquendo, actus mali habitibus malis sunt peiores.

RESPONDENDO dicendum, quod habitus medio modo se habet inter potentiam & actum. Manifestum est autem, quod actus in bono & malo præminet potentia, ut dicitur in 9. Metaph. * melius est enim bene agere, quam posse bene agere, & similiter vituperabilius est male agere, quam posse male agere. Vnde etiam sequitur, quod habitus in bonitate & in malitia medium gradum obtineat inter potentiam & actum: ut scilicet sicut habitus bonus vel malus præminet in bonitate vel malitia potentia, ita etiam subdatur actui. Quod etiam ex hoc apparet, quod habitus non dicitur bonus vel malus, nisi ex hoc, quod inclinat ad actum bonum vel malum. Vnde propter bonitatem vel malitiam actus dicitur habitus bonus vel malus, & sic potior est actus in bonitate vel malitia, quam habitus: quia propter quod vnumquodque tale, & illud magis est.

Ad primum ergo dicendum, quod nihil prohibet, aliquid esse simpliciter altero potius, quod tamen secundum quid ab eo deficit: simpliciter enim potius indicatur quod præminet, quantum ad id quod per se consideratur in utroque: secundum quid autem quod præminet secundum id quod per accidens se habet ad utrumque. Offensum est autem ex ipsa ratione actus & habitus, quod actus est potior in bonitate & malitia quam habitus: quod autem habitus sit diuturnior quam actus, accidit ex eo, quod utrumque inuenitur in tali natura, quæ non potest semper agere, & cuius actio est in motu transiente. Vnde simpliciter actus est potior tam in bonitate, quam in malitia, sed habitus est potior secundum quid.

Ad secundum dicendum, quod habitus non est simpliciter potior actui, sed secundum quid, id est, virtute. Vnde ex hoc non potest concludi, quod habitus sit simpliciter potior in bonitate vel malitia, quam actus.

Ad tertium dicendum, quod habitus est causa actus in genere causæ efficientis: sed actus est causa habitus in genere causæ finalis, secundum quam consideratur ratio boni & mali, & ideo in bonitate & malitia actus præminet habitui.

ARTICVLVS IV.

Vtrum peccatum simul possit esse cum virtute.

AD QUARTUM sic proceditur. Videtur quod actus vitiosus, siue peccatum, non possit simul esse cum virtute. Contraria enim non possunt esse simul in eodem. Sed peccatum quodammodo contrariatur virtuti, ut dictum est. Ergo peccatum non potest simul esse cum virtute.

* 2. Præterea, Peccatum est peius quam vitium, id est, actus malus, quam habitus malus: sed vitium non potest simul esse in eodem cum virtute. Ergo neque peccatum.

* 3. Præterea, Sicut peccatum accidit in rebus voluntariis, ita & in rebus naturalibus, ut dicitur in 2. phisic. sed nunquam in rebus naturalibus accidit peccatum nisi per aliquam corruptionem virtutis naturalis: sicut monstra accidunt corruptio aliquo principio in semine, ut dicitur in 2. phisic. Ergo etiam in rebus voluntariis non accidit peccatum nisi corrupta aliqua virtute animæ, & sic peccatum & virtus non possunt esse in eodem.

Sed contra est, quod Philosoph. dicit in 2. Ethic. * quod per contraria virtus generatur & corrumpitur: sed vnus actus virtuosus non causat virtutem, ut supra dictum est. Ergo neque vnus actus peccati tollit virtutem. Possunt ergo simul in eodem esse.

CONCLUSIO.

Mortale peccatum non potest simul esse cum virtutibus infusis sicut cum acquisitis, veniale tamen vitium cum utrisque esse potest.

RESPONDENDO dicendum, quod peccatum comparatur ad virtutem sicut actus malus ad habitum bonum, aliter autem se habet habitus in anima, & forma in re naturali: forma enim naturalis ex necessitate producit operationem sibi convenientem, vnde non potest esse simul cum forma naturali actus sonus contrariæ, sicut non potest esse cum calore actus frigidaionis, neque simul cum leuitate motus deiectionis, nisi forte ex violentia exterioris momentis: sed habitus in anima non ex necessitate producit suam operationem: sed homo virtus eo cum voluerit, vnde simul habitus in homine existente, potest non vti habitu, aut agere contrarium actum, & sic potest habens virtutem procedere ad actum peccati: actus vero peccati si comparatur ad ipsam virtutem, prout est habitus quidam, non potest ipsam corrumpere, si sit vnus tantum: sicut enim non generatur habitus per vnum actum, ita nec per vnum actum corrumpitur, ut supra dictum est. Sed si comparatur actus peccati ad causam virtutem, sic possibile est, quod per vnum actum peccati aliquæ virtutes corrumpantur: quodlibet enim peccatum mortale contrariatur charitati, quæ est radix omnium virtutum infusarum, in quantum sunt virtutes: & ideo per vnum actum peccati mortali excluduntur per consequens omnes virtutes infusæ, inquantum sunt virtutes: & hoc dico propter fidem & spem, quarum

lib. 9. 1. 1.
10. 1. 1.

in cor. art.

Sup. q. 63.

et. 2. ad 2.

et. 1. 1. 0.

73. a. 1. ad

2. & q. 77.

art. 2. ad 3.

* 2. 2. q.

24. art. 12.

et. mal. q.

2. art. 9. ad

13. & vir-

q. 1. art. 1.

ad 3.

* art. 1. hu-

ius qual.

7. 2. Phis.

10. 12. 1. 2.

* 10. lib. 5.

10. 1. 1. 1.

19. 5. 1. 1.

* 2. eth. 4. 3.

in fin. & 1.

& 2.

19. 5. 1. 1.

ad. 2.

quam habitus remanent informes post peccatum mortale, & sic non sunt virtutes, sed peccatum veniale, quod non contrariatur caritati, nec excludit ipsam, per consequens etiam non excludit alias virtutes. virtutes vero acquisitæ non tolluntur per unum actum cuiusvis peccati. Scilicet peccatum mortale non potest simul esse cum virtutibus infusis, potest tamen simul esse cum virtutibus acquisitis; peccatum vero veniale potest simul esse & cum virtutibus infusis, & cum acquisitis.

Ad primum ergo dicendum, quod peccatum non contrariatur virtuti secundum se, sed secundum suum actum, & ideo peccatum non potest simul esse cum actu virtutis: potest tamen simul esse cum habitu.

Ad secundum dicendum, quod vitium directe contraria-
tur virtuti, sicut & peccatum actui virtuoso, & ideo vitium
excludit virtutem, sicut peccatum excludit actum vir-
tutis.

A d tertium dicendum, quod virtutes naturales agunt ex necessitate, & ideo integra existente virtute nunquam peccatum potest in actu inueniri: sed virtutes animæ non producant actus ex necessitate, unde non est similis ratio.

accidens se habent ad peccatum omniſſionis: iudicium autem de rebus dandum eſt ſecundum illud quod eſt per ſe, & non ſecundum illud quod eſt per accidens. Vnde verius dici poteſt, quod aliquod peccatum poſſit eſſe abſque omni actu: alioquin etiam ad eſſentiam aliorum peccatorum actualium pertinerent actus & occaſiones circumſtantes.

Aut primum ergo dicendum, quod plura requiruntur ad bonum quam ad malum, eo quod bonum contingit ex tota integra causa, malum autem ex singularibus defectibus, vt Dion.⁸ dicit 4. cap. de diuin. nom. Et ideo peccatum potest contingere, siue aliquis faciat quod non debet, siue non faciendo quod debet: sed meritum non potest esse nisi aliquis faciat voluntarie quod debet, & ideo meritum non potest esse sine actu, sed peccatum potest esse sine actu.

Ad secundum dicendum, quod aliquid dicitur voluntarium non solum quia cadit super ipsum actus voluntatis, sed quia in potestate nostra est ut fiat vel non fiat, ut dicitur in 3.^a Ethic. unde etiam ipsum non velle potest dici voluntarium, inquantum in potestate hominis est velle & non velle.

A d tertium dicendum, quod peccatum omissionis contrariatur praecepto affirmativo, quod obligat semper, sed non ad semper: & ideo solum pro tempore illo aliquis cessando ab actu peccat, pro quo praeceptum affirmativum obligat.

ARTICVLVS V.

Verum in quolibet peccato sit aliquis actus.

376 **AD QUINTVM** sic proceditur. Videtur, quod in quolibet peccato sit aliquis actus. Sicut enim meritum comparatur ad virtutem, ita peccatum ad vitium comparatur: sed meritum non potest esse abique aliquo actu. Ergo nec peccatum potest esse abique aliquo actu.

¶ a Præterea, August.^{us} dicit in lib. de lib. arbit. quod omne peccatum adeo est voluntarium, quod si non sit voluntarium, non est peccatum: sed non potest esse aliquid voluntarium nisi per actum voluntatis. Ergo omne peccatum habet aliquem actum.

¶ 3. Præterea, Si peccatum esset absque aliquo actu, sequeretur, quod ex hoc ipso, quod aliquis cessat ab actu debito, peccaret: sed contra quod quies cessat ab actu debito, ille scilicet, qui nunquam actum debitum operatur; ergo sequeretur, quod continue peccaret, quod est falsum. Non ergo est aliud peccatum absque actu.

Sed contra est, quod dicitur Iacob. 4. Scienti bonum facere & non facienti peccatum est illi: sed non facere non importat aliquem actum. Ergo peccatum potest esse absque actu.

CONCLUSIO.

Com per accidens interdum & prae intentionem, ex causa
vel occasionis circumstantia, peccatum omissionis sequi consti-
gat: iudicium autem de rebus secundum illud quod est per ac-
cidens ferri non debeat: verius dici potest aliquod peccatum
absque omni alia esse posse.

RESPONDENDO dicendum, quod questio ista principaliter mouetur propter peccatum omissionis. de quo aliqui diuersimode opinantur. Quidam enim dicunt, quod in omni peccato omissionis est aliquis actus, vel interior, vel exterior. Interior quidem sicut cum aliquis vult non ire ad ecclesiam, quando ire tenetur. Exterior autem, sicut cum aliquis illa hora, qua ad ecclesiam ire tenetur, vel etiam ante, occupat se talibus, quibus ab eundo ad ecclesiam impeditur. Et hoc quodammodo videtur in primum redire. Qui enim vult aliquid, cum quo aliquid simul esse non potest, ex consequenti vult illo carere: nisi forte non perpendat, quod per hoc, quod vult facere, impeditur ab eo quod facere tenetur, in quo casu posset per negligentiam culpabilis iudicari. Alij vero dicunt, quod in peccato omissionis non requiritur aliquis actus: ipsum enim non facere, quod quis facere tenetur, peccatum est.

¶ Vtique autem opinio secundum aliquid veritatem habet. Si enim intelligatur in peccato omissionis illud solum, quod per se pertinet ad rationem peccati, sic quandoque omissionis peccatum est cum actu interiori: ut cum aliquis vult non ire ad ecclesiam. Quandoque vero absque omni actu vel interiori vel exteriori: sicut cum aliquis hora, qua tenetur ire ad ecclesiam, nihil cogitat de cundo, vel nō cundo ad ecclesiam. Si vero in peccato omissionis intelligatur etiam causae vel occasiones omittendi, sic necesse est in peccato omissionis aliquem actum esse: non enim est peccatum omissionis, nisi cum aliquis praetermittit quod peccatum potest facere & non facere: quod autem aliquis declinet ad non faciendum illud quod potest facere & non facere, non est nisi ex aliqua vel occasione coniuncta vel praecedente: & siquidem causa illa non sit in potestate hominis, omissio non habet rationem peccati, sicut cum aliquis propter infirmitatem praetermittit ad ecclesiam ire. Si vero causa vel occasio omittendi subiaceat voluntati, omissio habet rationem peccati, & non semper oportet quod ista causa inquantum est voluntaria, habeat aliquem actum ad minus interiorem voluntatis. Qui quidem actus quandoque directè fertur in ipsam omissionem, puta cum aliquis vult non ire ad ecclesiam, vitans laborem; & tunc talis actus per se pertinet ad omissionem, voluntas enim cuiuscunque peccati per se pertinet ad peccatum illud, eo quod voluntarium est de ratione peccati. Quandoque autem actus voluntatis directè fertur in aliquid, per quod homo impeditur ab actu debito: siue illud in quod fertur voluntas, sit coniunctum omissioni, puta cum aliquis vult ludere quando ad ecclesiam debet ire: siue etiam sit praecedens, puta cum aliquis vult diu vigilare de sero, ex quo sequitur, quod non vadat hora matutinali ad ecclesiam; & tunc actus ille interior vel exterior per accidens se habet ad omissionem, quia omisso sequitur praeter intentionem. Hoc autem dicimus per accidens esse, quod est praeter intentionem, ut patet in 2. Physic. Vnde manifestum est, quod tunc peccatum omissionis habet quidem aliquem actum coniunctum, vel praecedentem, qui tamen per

Utrum conuenienter diffiniatur peccatum, esse dictum, vel factum, vel concupisum contra legem aeternam.

ARTICVLVS VI.

AD SEXTUM sic proceditur. Videtur quod inconvenienter diffiniatur peccatum cum dicitur: Peccatum est dictum, vel factum; vel concupitum contra legem æternam. Dictum enim, vel factum, vel concupitum importat aliquem actum: sed non omne peccatum importat aliquem actum, vel dictum. Ergo hæc definitio non includit omne peccatum.

¶ *Præterea, † August. dicit in lib. de duabus animabus; Peccatum est voluntas retinendi vel consequendi quod iustitia vetat: sed voluntas sub conscientia comprehenditur, secundum quod conscientia largo modo sumitur pro omni appetitu: ergo sufficit dicere, Peccatum est concupiscunt contra legem æternam, nec oportuit addere dictum vel factum.*

¶ Præterea, Peccatum propriè consistere videtur in a-
nimatione à fine: nam bonum & malum principaliter conside-
rantur secundum finem, vt ex * iustitias pater. vnde & *
August. in 1. de lib. arbit. per comparationem ad finem defi-
nit peccatum dicens. quod peccare nihil est aliud quam negli-
gere rebus æternis temporalia sectari. Et in 7. lib. 11. q. dicitur
quod omnis humana peruersitas est vti fruendis & frui ven-
dis: sed in præmissis dispositione nulla fit mentio de auersione
à debito fine. Ergo insufficienter definitur peccatum.

¶ 4. Præterea, Ex hoc dicitur aliquid esse prohibitum, quia legi contrariatur: sed non omnia peccata sunt mala, quia prohibita; sed quædam sunt prohibita, quia mala. Non ergo in communi definitione peccati debuit poni, quod sit contra legem Dei.

¶ Præterea, Peccatum significat malum hominis ædum, vt ex dictis patet : sed malum hominis est contra rationem esse, vt Dion. dicit. 4. cap. de diuin. nom. Ergo potius debuit dici, quod peccatum sit contra rationem, quàm quod peccatum sit contra legem æternam.

CONCLUSIO.

CONCLUSIO.

Cum peccatum nihil aliud sit quam actus humanus malus, recte a R. Augustino definitur, esse dictum, vel factum, vel concupiscentum contra legem eternam.

RESPONDEO dicendum, quòd sicut ex * dictis patet, peccatum nihil aliud est, quàm actus humanus malus, quòd autem aliquis actus sit humanus habet ex hoc quòd est voluntarius sicut ex * supradictis patet, siue sit voluntarius quasi à voluntate elicitus, vt ipsum velle vel eligere: siue quasi à voluntate imperatus, vt exteriores actus vel locationis, vel operationis. Habet autem actus humanus, quòd sit malus ex eo, quòd caret debita commensuratione, omnis autem commensuratione cuiuscuq; rei attenditur per comparationem ad aliquam regulam, à quasi diuerat, incommensurata erit. Regula autem voluntatis humane est duplex. Vna propinqua & homogenea, scilicet ipsa humana ratio. Alia vero est prima regula, scilicet lex aeterna, quæ est quasi ratio Dei. Et ideo* August. in diffinitione peccati posuit duo: vnum quòd pertinet ad substantiam actus humani, quòd est quasi materiale in peccato, cum dixit, Dictum vel factum vel concupiscitum: aliud autem quòd pertinet ad rationem mali, quòd est quasi formale in peccato, cum dixit, Contra legem æternam.

Ad primum ergo dicendum, quod affirmatio & negatio
reducuntur ad idem genus : sicut in diuinis genitum & inge-
nitum ad relationem, vt * Aug. dicit in §. de trinita. & ideo
pro eodem est accipiendum, dictum & non dictum, factum
& non factum.

A *n* secundum dicendum, quod prima causa peccati est in voluntate, quæ imperat omnes actus voluntarios in quibus solum inuenitur peccatum, & ideo August. quandoque per solum voluntatem diffinit peccatum, sed quia etiam ipsi exteriores actus pertinent ad substantiam peccati, cum sint secundum se mali, ut ^o dictum est, necesse fuit, quod in definitione peccati poneretur etiam aliquid pertinens ad exteriores actus.

A *n* tertium dicendum, quod lex æterna primo & principaliter ordinat hominem ad finem, consequenter autem facit hominem bene se habere circa ea, quæ sunt ad finem : & ideo in hoc quod dicit, contra legem æternam, tangit autem finem à fine, & omnes alias inordinationes.

A D quantum dicendum, quòd cùm dicitur, quòd non omne peccatum ideo est malum quia est prohibitum: intelli-

gitur a prohibitionē facta per ius positivum. Si autem referatur ad ius naturale, quod continetur primo quidem in lege aeterna, secundario vero in naturali iudicatorio rationis humanae, tunc omne peccatum est malum, quia prohibitum: ex hoc enim ipso quod est inordinatum, iuri naturali repugnat.

¶ 1. b. 2. de
lib. arbit.
16. c. 1.

Ad quintum dicendum, quod à theologia consideratur peccatum praeipue secundum quod est offensa contra Deum, à Philosopho autem morali secundum quod contrariatur rationi: & ideo Augustinus convenientius diffinit peccatum ex hoc, quod est contra legem aeternam, quam ex hoc quod est contra rationem, praeipue cum per legem aeternam regemur in multis, quae excedunt rationem humanam, sicut in his quae sunt à dei.

¶ 1. b. 2. de
lib. arbit.
16. c. 1.

DISPUTATIO IV.

De Vitiis & Peccatis secundum se.

AB SOLVTIS iis, quae pertinent ad primam partem huius Tractatus & ad materiam virtutum: superest agendum de aliis, quae constituunt secundam partem huiusmodi Tractatus, scilicet de Vitiis & Peccatis in communi.

DUBIUM I.

Vtrum vitium contra naturalia sit propriè & directè contrarium Virtuti acquisitae.

SUPPONENDUM est, tanquam certum & ab omnibus concessum, quod vitium aliquo modo opponitur virtuti: sed quia oppositio inter aliqua est quadruplex, videlicet contraria, contradictoria, priuatiua, & relatiua; quaerimus in praesenti quanam ex assignatis sit oppositio inter vitium & virtutem, & determinamus dubium ad oppositionem contrariam, quae reperitur inter ea quae sub eodem genere maximè distant, & ab eodem subiecto mutuò se expellunt, vt docet Aristoteles. Ad cuius euidentiam sciendum est, quod vitium & peccatum quamuis conueniant in hoc quod deuiant à regula, differunt tamen, si propriè loquamur, in hoc quod vitium dicit habitum seu dispositionem permanentem, peccatum autem dicit actum secundum & transiuntem; quamuis aliquando etiam in sacra Scriptura vitium sumatur pro peccato, & peccatum pro vitio. Igitur vitium deuiat à regula per modum actus primi inclinantis ad actionem deordinatam, peccatum verò deuiat per modum actus secundi: sed quia est triplex regula, videlicet naturalis, artificialis, & moralis siue rationis; propterea vitia & peccata sunt in triplici differentia, alia sunt naturae scilicet quicunque defectus naturales, alia sunt artis scilicet defectus in exercitio artium contingentes, alia sunt moralia siue rationis scilicet defectus circa regulas morum; & haec simpliciter & absolute dicuntur vitia & peccata, & de his tantum agitur in praesenti materia: sed quia quaedam vitia sunt contra naturalia, & alia contra supernaturalia; sicut quaedam virtutes sunt circa naturalia videlicet acquisitae, aliae verò sunt circa supernaturalia videlicet infusae; in hoc

dubio solum quaerimus, vtrum vitium contra naturalia sit propriè & directè contrarium virtuti acquisitae.

Prima opinio negat, quod vitium contra naturalia sit propriè & directè contrarium virtuti acquisitae. Probat: Contraria propriè & directè definiuntur ab Aristotele esse ea, quae sub eodem genere maximè distant, & ab eodem subiecto se mutuò expellunt: sed vitium contra naturalia & virtus acquisita non sunt huiusmodi; nam Primò non maximè distant, quia ex Philosopho 2. Ethicor. cap. 8. vitia extrema plus distant inter se quam à virtute media, plus enim distant inter se timiditas & audacia quam distent à fortitudine, similiter plus distant auaritia & prodigalitas inter se, quam distent à liberalitate; imò quia ex Aristotele 5. Physicor. textu 22. non potest fieri transitus de extremo in extremum nisi per medium, ideo ipsemet cap. de Qualitate docet colores medios non contrariari coloribus extremis; Secundò vitium & virtus se simul compatiuntur in eodem subiecto etiam in gradibus intensis, vt auaritia vel prodigalitas & fortitudo: ergo vitium contra naturalia non est propriè & directè contrarium virtuti acquisitae.

Secundò, Idem habitus naturalis transit de vicio in virtutem; vt si quis ex malo fine ieiunet, acquirit abstinentiam vitiosam; si autem purificet intentionem, talis abstinentia est virtuosa: Nec mirum si in habitibus affectiuis fiat iste transitus de malo in bonum; cum fiat similis transitus in actibus, idem quippe actus saepe de bono fit malus, & è contra; & similiter in habitibus intellectualibus fiat transitus de obscuro & ineuidenti in clarum & euidentem, vt constat in nostra Theologia, quae de ineuidenti pro statu Viae fit euidentis in Patria: sed inter ea quae sunt propriè & directè contraria non fit similis transitus, quia maximè distat, & se mutuò expellunt: ergo vitium contra naturalia non est propriè & directè contrarium virtuti acquisitae.

Tertiò, Ex Philosopho 10. Metaph. textu 14. vni vnum tantum est contrarium, scilicet propriè & directè: sed ex vna parte vitia opponuntur donis Spiritus sancti distinctis à qualibet virtute, vt docet Aug. lib. de Quaest. Euangel. q. 8. ex alia verò parte cuiuslibet virtuti mediae opponuntur duo vitia extrema: ergo ex prima parte vitia non sunt propriè & directè contraria virtutibus acquisitis, & ex secunda parte virtus acquisita neutri vitio extremo est propriè & directè contraria; maximè quia assignantur plura vitia, quibus nulla virtus est propriè & directè contraria; sicut inuerecundia seu impudentia, & incontinentia, non enim verecundia & continentia sunt virtutes: de verecundia asserunt Aristoteles 2. Ethicor. cap. 7. & D. Thomas infra q. 144. art. 1. quia verecundia potest esse cum turpi facto, non operatur intuitu honestatis sed metu dedecoris, nec ad bonum impellit at tantum à malo coërcet: de
cont

continentia docent etiam Aristoteles loco citato & D. Thomas 2. 2. q. 155. art. 1. quia potest esse cum passionibus immoderatis : constat autem ex Philosopho 10. Metaphysicæ, quòd dato vno contrariorum est dabile aliud.

CONCLUSIO.

RESPONDEO dicendum, quòd vitium opponitur virtuti. 2. non contradictoriè. 3. nec priuatiuè. 4. nec relatiuè. 5. sed contrariè contrarietate directâ & propriè dictâ. Ita communiter Philosophi morales & Theologi.

Probatur prima pars conclusionis. Tum communi voce omnium, qua dicitur vitium opponi virtuti. Tum autoritate sacræ Scripturæ & Sanctorum Patrum: Ecclesiastici 33. dicitur: Contra malum bonum, & contra vitam mors. Isaia 5. Væ qui dicitis malum bonum, & bonum malum. Augustinus lib. de perfectione iustitiæ circa finem 4. ratiocinationis ait, quòd vitium est qualitas, secundum quam malus est animus: virtus autem est qualitas, quæ facit bonum habentem. D. Thomas hic art. 1 ait: Secundum id quod directè est de ratione virtutis (scilicet secundum quòd virtus directè importat dispositionem quandam alicuius conuenienter se habentis secundum modum suæ naturæ) opponitur virtuti vitium: vitium enim vniuscuiusque rei esse videtur, quod non sit disposita secundum quod conuenit suæ naturæ; vnde Augustinus dicit in 3. de Libero Arbitrio cap. 14. Quod perfectioni naturæ deesse perspexeris, id voca vitium. Tum ex dicendis in quinta parte conclusionis, contrarietas enim est species oppositionis.

Probatur secunda pars conclusionis: Illa tantum opponuntur contradictoriè, quorum vnum negat & destruit formaliter aliud: contradictio enim est affirmatio & negatio eiusdem de eodem: sed vitium & virtus non se mutuò negant, nec destruunt formaliter, at tantum effectiue; quia tam vitium, quam virtus est quid posituum: ergo vitium non opponitur contradictoriè virtuti.

Probatur tertia pars conclusionis: Oppositio priuatiua solum inuenitur inter habitum & eius priuationem, non autem inter duos habitus: sed tam vitium, quam virtus est habitus aut saltem dispositio positiua, & neutrum est formalis priuatio alterius: ergo vitium non opponitur priuatiuè virtuti. Deinde, Si vitium opponeretur priuatiuè virtuti, maximè propter malitiam moralem quam includit, & quæ est priuatio bonitatis conuenientis virtuti: sed ex hac parte non opponitur ei priuatiuè, quia nec bonitas moralis per se primò conuenit virtuti, nec malitia moralis per se primò conuenit vitio, sed illa conuenit actui virtutis, ista verò, conuenit peccato, vt docet D. Thomas hic art. 1. ergo vitium non opponitur priuatiuè virtuti.

Probatur quarta pars conclusionis: Opposi-

tio relatiua habet extrema quæ se mutuò ponunt, sunt simul naturâ & cognitione, dicuntur ad conuertentiam, & formaliter considerata nullam dicunt perfectionem: sed hæ proprietates relatiuorum non reperiuntur inter vitium & virtutem: non enim vbi est virtus, ibi debet esse vitium correspondens, & e contra; nec vitium & virtus dicuntur ad conuertentiam, non enim dicitur quòd vitium sit virtutis vitium, aut virtus sit vitij virtus; aliunde verò virtus dicit perfectionem, & vitium imperfectionem: ergo vitium non opponitur relatiuè virtuti.

Probatur quinta pars conclusionis autoritate Aristotelis & D. Thomæ: Aristoteles cap. de Qualitate loquendo de contrarietate directâ & propriè dictâ, affert exemplum in virtutibus & vitiis, dicens iniustitiæ iustitiam cōtrariari: Idem docet 2. Ethicorum cap. 7. & 8. item lib. 7. cap. 8. D. Thomas autem hic art. 1. id probat ex professio. Deinde, Ad contrarietatem directam & propriè dictam requiritur & sufficit, quòd extrema sub eodem genere constituta inter se maximè distent, & ab eodem subiecto mutuò se expellant, vt docet Aristoteles 10. Metaphysicæ textu 13. & 14. sed vitium & virtus sunt huiusmodi, nam sunt sub eodem genere remoto habitus aut dispositionis; maximè distant inter se saltem in genere moris, vt constabit ex dicendis in solutione obiectionum; & mutuò se expellunt ab eodem subiecto vt experientia docet, & communiter conceditur: ergo vitium opponitur virtuti contrariè contrarietate directâ & propriè dictâ.

Ad primum ergo dicendum, quòd minor est falsâ. Et ad probationem primæ partis dicendum, quòd virtus & vitium possunt considerari vel in genere moris, vel in genere naturæ siue in esse physico, & in vtroque genere maximè distant: si considerentur in genere moris, maximè simpliciter distant, plusquam distent vitia extrema inter se, quia ambo sunt in genere turpis & inhonesti, virtutis autem in genere honesti, vt docet D. Th. supra q. 64. art. 1. ad 1. si autem considerentur in genere naturæ & in esse physico, adhuc maximè distant, sed non simpliciter quia sic vitia extrema magis distant, at secundum quid in quantum plurimum distant & sunt impossibilia in eodem subiecto: Similiter dicendum, quòd colores medij sunt contrarij extremis, quia plurimum distant, quod est distare maximè secundum quid, Aristoteles autem dum negat colores medios maximè distare ab extremis, & vitia à virtutibus, intelligendus est de distantia maxima simpliciter tali, & non de distantia maxima secundum quid: Quantum ad illud quod dicitur, quòd non potest fieri transitus de extremo in extremum nisi per medium respondet D. Thomas q. de virtutibus in communi art. 13. ad 14. dictum illud Philosophi esse verum

verum tantūmodo quando transitus fit per motum continuum, quod non contingit in præsenti, nam motus quo quis mouetur de vitio in vitium, non est continuus, sicut nec motus intellectus & voluntatis, quando ab vno obiecto feruntur in aliud, & ideo non est opus vt de vitio ad vitium fiat transitus per virtutem. Ad secundam probationem dicendum, quod virtus & vitium non se compatiuntur in eodem subiecto secundum statum perfectum siue in gradibus intensis; de virtute & vitio oppositis communiter conceditur, de virtute autem & vitio disparatis constat ex dictis supra in materia virtutum, vbi ostensum est tantam esse earum connexionem, vt nulla possit esse in statu perfecto sine aliis eodem modo perfectis.

Ad secundum dicendum, quod idem habitus physicus non potest fieri de vitio virtus, aut de virtute vitium: vnde qui ex ieiunio moraliter malo acquirit abstinentiam vitiosam, talis habitus abstinentiæ nunquam est principium elicitiuum ieiunij moraliter boni, tantum inadæquate & indirecte disponit ad illud, in quantum tollit impedimenta ieiunandi, eoercendo appetitum ne indebitè cibum appetat: vnde in principio sola potentia ex sua naturali rectitudine, vel etiam adhibito auxilio diuinæ gratiæ, si actus sit arduus, elicit actū abstinentiæ propter honestū finē, donec ex similibus actibus potentia acquisierit virtutē abstinentiæ. Ad primam instantiam dicendum, quod est disparitas inter actus & habitus: nam actus est tendentia ip obiectū, idem autem actus physicè continuatus potest ex variatione iudicii prius tendere debite & postea indebitè, & ita fieri de bono moraliter malus: habitus autem inclinat ad actus similes tam physicè quàm moraliter illis, quibus acquisitus est, quia inclinat in idem obiectum & ex iisdem motiuis. Ad secundam instantiam dicendum, quod in habitibus affectiuis bonitas & malitia moralis actiua est intrinseca & inseparabilis, quia vt dictū est inclinant ad similes actus iis quibus acquisiti sūt: in habitu autem intellectuāli scientifico, qualis est Theologia, obscuritas seu inevidentia & claritas seu euidencia sunt omnino extrinsecæ & accidentales, quia proueniunt ab habitu principiorum; vnde non mirum si variato habitu principiorum Theologiæ (qui hīc in Via est fides obscura & ineuidens, & in Patria lumen gloriæ clarum & euidens) Theologia nostra de obscura & ineuidenti fiat clara & euidens.

Ad tertium dicendum, quod illud axioma Philosophi habet aliquas limitationes: Prima est, quod debet intelligi de contrariis extremis, quæ simpliciter maximè distant, non autem de aliis contrariis, quæ se habent tantum vt medium & extremum. Secunda limitatio est, quod debet intelligi de contrariis adæquate secundum omnes rationes in eis repertas: Tertia limitatio est, quod debet intelligi secundum vnā & eandem ra-

tionem, nam secundum diuersas rationes vnum potest pluribus contrariari, vt docet D. Thomas hīc art. 1. Vnde ad minorem quantum ad primam partem, dicendum cum D. Thoma supra q. 68. art. 1. ad 2. quod vitia contrariantur donis & virtutibus secundum diuersas rationes; quia in quantum sunt contra bonum rationis, contrariantur virtutibus; in quantum autem sunt contra diuinum instinctum, contrariantur donis: idem enim contrariatur Deo & rationi, cuius lumen à Deo deriuatur. Quantum verò ad secundam partem dicendum, quod virtus in genere moris, in quo maximè distat simpliciter à vitiis, est vnum extremum oppositionis, & duo vitia contraria sunt aliud extremum adæquatum, cui virtus propriè & directè contrariatur; quia in esse moris illa duo vitia contraria sunt quid vnum: sed in genere physico virtus & vitium non opponuntur vt duo extrema, sed vt medium cum extremo, idem autem medium potest duobus extremis contrariari, propriè quidem & directè; non autem propriissimè, quia non simpliciter maximè distant. Ad illud quod subditur, dicendum quod verecundia & continentia vt pertinent ad voluntatem, sunt virtutes imperfectæ, quod sufficit pro veritate conclusionis, non autem sunt perfectæ virtutes, vt probationes conuincunt. Vel etiam potest dici ex D. Thoma 2. 2. q. 144. art. 1. ad 4. quod quilibet defectus causat vitium, non autem quodlibet bonum sufficit ad rationem virtutis: & ideo non oportet quod omne illud, cui directè opponitur vitium, sit virtus; quamuis omne vitium opponatur alicui virtuti secundum suam originem: & sic inuerecundia in quantum prouenit ex nimio amore turpitudinum, opponitur temperantiæ.

D V B I V M I I.

Verum vitium contra naturalia sit etiam propriè & directè contrarium virtuti per se infusa.

Supponendum est ex dictis circa materiam virtutum, quod virtutes aliæ sunt ordinis naturalis acquisitæ per proprios actus operantis, procedentes ex motiuo honesto sed naturali; quæ tamen per accidens possunt alicui à Deo infundi, vt dicuntur infusæ Christo Domino & primo Parenti: Aliæ sunt per se infusæ & ordinis supernaturalis, quæ sunt proprietates gratiæ; & quamuis respiciant eadem obiecta materialia, quæ respiciunt virtutes acquisitæ, respiciunt tamen illa sub motiuo supernaturali: vnde obiectum siue materia temperantiæ virtutis acquisitæ est vti moderatè cibus seu eoercere appetitum concupiscibilem, ne inordinatè cibos appetat; sed ex hoc motiuo naturali, ne scilicet inordinata sumptio ciborum noceat sanitati, vel impediatur vsus rationis, vel alio simili: obiectum autem siue materia temperantiæ virtutis infusæ est idem

idem usus moderatus ciborum, sed ex motiuo supernaturali, ut scilicet obediatur legi diuinæ, ut corpus debilitatum subiiciatur animæ ad exercitium operum supernaturalium, aut alio simili; & ita actus temperantiæ non erit virtutis supernaturalis & infusæ, nisi expressè habeatur hoc motiuum supernaturale. Dubio præcedenti ostensum est, quod vitium contra naturalia est propriè & directè contrarium virtuti acquisitæ: Queritur in præsentī utrum sit etiam propriè & directè contrarium virtuti per se infusæ. Ad cuius evidentiam sciendum est, quod virtus moralis est habitus electivus in mediocritate consistens, quod potest intelligi vel causaliter, vel formaliter & essentialiter: virtutem consistere in mediocritate causaliter, est ipsam effectivè ponere medium in suis actibus elicitis, siue sint actus voluntatis, siue actus appetitus sensitivi: virtutem verò consistere in mediocritate formaliter seu essentialiter, est ipsam esse mediam inter vitia contraria: consistere in medio siue in mediocritate causaliter, est de ratione virtutis moralis, unde reperitur in omni virtute moralis: consistere autem in medio siue in mediocritate formaliter, non est de ratione virtutis moralis, unde non reperitur in iustitia quæ non habet vitia opposita, iustitiæ quippe sola opponitur iniustitia, reperitur tamen in aliis virtutibus moralibus: Hæc doctrina est D. Thomæ supra q. 59. art. 1. ad 1. ubi sic ait: Virtus secundum suam essentialitatem non est medium inter passiones, sed secundum suum effectum; quia scilicet inter passiones medium constituit.

Prima opinio asserit, quod vitium contra naturalia est propriè & directè contrarium etiam virtuti per se infusæ. Probatur autoritate D. Thomæ hic art. 1. ubi nulla facta distinctione virtutis acquisitæ & infusæ, docet tum autoritate Augustini, tum etiam ratione, quod vitium contrariatur virtuti: ergo cum virtus infusa sit verè virtus non minus ac acquisita, vitium contra naturalia est propriè & directè contrarium etiam virtuti per se infusæ.

Secundò, Vitium contra supernaturalia contrariatur propriè & directè virtuti per se infusæ; cum sint in eodem ordine, sub eodem genere maximè distent, & ab eodem subiecto mutuo se expellant: ergo etiam vitium contra naturalia contrariatur propriè & directè virtuti per se infusæ; quia vitium contra naturalia continetur eminenter in vitio contra supernaturalia, quod enim est inferioris ordinis, eminenter continetur in eo quod est ordinis superioris.

Tertiò, Actus intemperantiæ v.g. siue sit ex motiuo naturali, siue ex motiuo supernaturali elicitus, contrariatur propriè & directè actui temperantiæ infusæ; Tum quia hi actus non possunt esse simul; Tum quia actus intemperantiæ, etiam ex motiuo naturali elicitus, non solum est contra finem naturalem, sed etiam est contra finem su-

pernaturalem, supposita elevatione hominis ad ordinem gratiæ: ergo etiam habitus intemperantiæ naturalis, qui est vitium contra naturalia, contrariatur propriè & directè habitui temperantiæ per se infusæ; Tum quia tota contrarietas habituum oritur ex contrarietate actuum; Tum quia per actum intemperantiæ naturalis, quia auertit tam ab ultimo fine naturali quam supernaturali, acquiritur habitus intemperantiæ, qui respicit tam ultimum finem naturalem quam supernaturalem, qui proinde est saltem virtualiter contra supernaturalia, & formaliter contra naturalia: maximè quia non requiritur ut actus eliciatur expressè ex motiuo supernaturali, ad hoc ut habitus sit aliquo modo supernaturalis; sicut non requiritur ut actus eliciatur expressè ex motiuo naturali, ad hoc ut habitus acquisitus sit naturalis.

CONCLUSIO.

RESPONDEO dicendum, quod attentà rerum naturā, vitium contra naturalia non est propriè & directè contrarium virtuti per se infusæ. 1. opponitur tamen ei contrariè contrarietate impropria & indirecta. 3. sed supposita elevatione hominis ad ordinem gratiæ. Ita communiter docent Theologi.

Probatur prima pars conclusionis autoritate D. Thomæ in 4. d. 14. q. 2. art. 2. ad 4. Deinde probatur ratione: Habitus ex propria natura habent, quod specificentur in seipsis, ac proinde quod ab invicem distinguantur, per ordinem ad sua obiecta formalia, ut communiter conceditur: & consequenter propria & directā contrarietas inter habitus, attentā eorum natura, debet desumi per ordinem ad eorum obiecta formalia in quantum scilicet talia obiecta sunt inter se formaliter opposita: sed obiecta formalia vitij contra naturalia & virtutis per se infusæ non sunt formaliter opposita, quamvis obiecta materialia sint opposita: nam obiecta materialia temperantiæ infusæ & temperantiæ naturalis sunt cibi moderatè & immoderatè sumpti; obiecta verò sunt hæc diuersæ sumptiones ciborum ex diuerso motiuo, obiectum quippe formale temperantiæ virtutis infusæ est sumptio moderata ciborum ex motiuo supernaturali, ut scilicet corpus subiiciatur spiritui ne contra legem Dei infurgat, & per hoc distinguitur à temperantia virtute acquisita quæ habet pro obiecto hanc moderatam sumptionem ciborum, sed ex motiuo naturali, ut scilicet conseruetur sanitas corporalis; obiectum autem formale intemperantiæ naturalis est sumptio immoderata ciborum ex motiuo naturali, putà ut corpus delectetur cibus aut impediatur usus rationis & per hoc distinguitur ab intemperantia quæ est contra supernaturalia quæ habet pro obiecto hanc immoderatam sumptionem ciborum ex motiuo supernaturali, putà ut violetur lex diuina, & impediatur contemplatio diuinorum: Constat autè quod moderata sum-

Y y

ptio

ptio ciborum ex motiuo supernaturali, & immoderata sumptio ex motiuo naturali, non sunt obiecta formaliter, at tantum materialiter opposita, quia in ordine ad habitus affectiuos motiuum est ratio formalis *sub qua* obiecti, transferens illud ad diuersum ordinem ut patet: ergo attenta rerum natura, vitium contra naturalia non est propriè & directè contrarium virtuti per se infusæ.

Probatur & explicatur secunda pars conclusionis: Ad contrarietatem propriam & directam requiritur quod extrema (si sint habitus affectiu, quales sunt habitus vitij & virtutis moralis) sic se habeant quod vnum sit per modum prosecutionis, & aliud per modum fugæ respectu eiusdem obiecti formalis; hoc enim requiritur ut sub eodem genere maximè distent; & insuper requiritur quod se mutuò directè ab eodem subiecto expellant, per actus scilicet proprios formaliter oppositos. Ad contrarietatem autem impropriad & indirectam requiritur, sed sufficit quod vnum sit per modum prosecutionis, & aliud per modum fugæ respectu eiusdem obiecti materialis, sic enim sub eodem genere saltem remoto plurimum distant; & insuper requiritur sed sufficit, quod se mutuò ab eodem subiecto expellant, per proprios actus aliquo modo oppositos: sed vitium contra naturalia & virtus per se infusa sic se habent ut vnum sit per modum prosecutionis, & aliud per modum fugæ respectu eiusdem obiecti materialis, ut ostensum est in prima parte conclusionis; & insuper se mutuò indirectè ab eodem subiecto expellunt, per actus aliquo modo oppositos; nam virtus infusa indirectè tollitur per actum vitij contra naturalia, per hoc quod excluditur gratia sanctificans si sit peccatum mortale, vel per hoc quod subiectum disponitur ad actum vitij similis contra supernaturalia: ergo attenta rerum natura, vitium contra naturalia opponitur contrariè virtuti per se infusæ, contrarietate impropria & indirecta.

Probatur & explicatur tertia pars conclusionis: Ordo naturæ & ordo gratiæ secundum se nullam habent connexionem, sicut nec proportionem: vnde creatura intellectualis potuit produci in puris naturalibus; & tunc nulla fuisset oppositio vel contrarietas, siue propria & directa, siue impropria & indirecta, inter vitium contra naturalia & virtutem per se infusam, quia in illo statu nulla fuisset virtus per se infusa, cum hæc pertineat ad ordinem gratiæ, ut pote supernaturalis: supposita verò eleuatione hominis siue creaturæ intellectualis ad ordinem gratiæ, vitium contra naturalia & virtus per se infusa habent aliquam connexionem, propter subordinationem finis naturalis ad finem supernaturalem eiusdem creaturæ, propter hanc enim subordinationem non potest deficere circa finem naturalem per actum vitij contra naturalia, nisi simul indirectè deficiat circa finem supernaturalem,

quem per se respicit virtus infusa: ergo contrarietas impropria & indirecta, quæ est inter vitium contra naturalia & virtutem per se infusam, quamuis sit attenta rerum natura, tamen non est nisi supposita eleuatione hominis siue creaturæ intellectualis ad ordinem gratiæ.

Ad primum ergo dicendum, quod D. Thomas hic assumit tam vitium, quam virtutem; & dicit quod inter se contrariantur, quia verum est quod omne vitium contrariatur omni virtuti, sed tamen diuersimodè iuxta dicta in præsentī & præcedenti dubio.

Ad secundum dicendum, quod vitium contra supernaturalia non contrariatur propriè & directè virtuti per se infusæ, quia non expellit eam propriè & directè per proprios actus, ut dicitur dubio sequenti. Sed esto vitium contra supernaturalia contrariaretur propriè & directè virtuti per se infusæ: non tamen sequitur quod vitium contra naturalia contrarietur propriè & directè virtuti per se infusæ, quia non sunt de eodem obiecto formali, ut ostensum est: nec verum est illud quod dicitur, quod scilicet illud quod est inferioris ordinis, eminenter contineatur in eo quod est ordinis superioris, semper & regulariter loquendo; nam nec Angelus est eminenter homo, nec homo est eminenter leo, &c. solum hæc eminentialis continentia conceditur, quando superius potest efficere id quod potest inferius; ex causalitate quippe colligitur perfectio essentia, & ex operari colligitur esse: constat autem quod virtus per se infusa non est elicitiua actus naturalis virtutis.

Ad tertium dicendum, quod actus intemperantiæ ex motiuo naturali elicited contrariatur tantum improprie & indirectè actui temperantiæ infusæ: nec amplius probant duæ rationes adductæ, ut constat ex dictis; nam quod hi duo actus non possint esse simul prouenit ex oppositione obiecti materialis tantum siue materiæ *circa quam*, quæ est sumptio ciborum moderata & immoderata; oppositio autem obiecti materialis non constituit contrarietatem propriam & directam, sed tantum oppositio obiecti formalis: Actus autem intemperantiæ ex motiuo naturali elicited est directè contra finem naturalem, & tantum indirectè contra finem supernaturalem, supposita eleuatione hominis ad ordinem gratiæ: & consequenter per actum intemperantiæ naturalis repetitum, solum acquiritur habitus intemperantiæ naturalis, ad cuius acquisitionem non est necesse ut talis actus eliciatur expresse ex motiuo naturali, nam propter coniunctionem & proportionem motiui naturalis cum materia talis vitij, & convenientiam ipsius cum principio elicitiuo actus, implicite & virtualiter actus procedit ex tali motiuo, nisi explicite & formaliter habeatur motiuum supernaturale: Ad acquisitionem verò intemperantiæ vel alterius vitij supernaturalis, requiritur quod

quòd actus procedat explicitè & formaliter ex motiuo supernaturali; quia cum tale motiuum non sit coniunctum nec proportionatum materiz vitij secundum se, nec sit conueniens principio elicitiuo actus in se considerato, nisi habeatur explicitè & formaliter, nec etiam habetur implicitè & virtualiter. Et idem proportionem seruata dicendum est in ordine ad actus virtutis: vt enim sit actus virtutis supernaturalis, requiritur quòd explicitè & formaliter procedat ex motiuo supernaturali: vt autem sit actus virtutis naturalis, sufficit quòd procedat implicitè & virtualiter ex motiuo naturali.

D V B I U M III.

Vtrum vitium contra supernaturalia sit propriè contrarium virtuti per se infusæ.

SUpponendum est, quòd sicut virtutes aliæ sunt ordinis naturalis, quæ sunt per se acquisite; aliæ sunt ordinis supernaturalis, quæ sunt per se infusæ; priores procedunt in suis actibus ex motiuo naturali, posteriores autem ex motiuo supernaturali: sic vitia alia sunt ordinis naturalis, quæ procedunt in suis actibus ex motiuo naturali, alia sunt ordinis supernaturalis, quæ procedunt in suis actibus motiuo supernaturali. Est tamen differentia inter virtutes & vitia, quòd vitia tam ordinis naturalis, quàm ordinis supernaturalis acquiruntur nostris actibus, quia homo seipso est defectibilis in operando in vtroque ordine: virtutes autem ordinis supernaturalis non acquiruntur nostris actibus, bene tamen virtutes ordinis naturalis, quia illæ sunt proprietates gratiæ sanctificantis vt dictum est supra, & propterea simul cum ipsa infunduntur. Ex quibus constat, quòd virtutes ordinis supernaturalis sunt in sua entitate perfectiones supernaturales, sicut virtutes ordinis naturalis sunt in sua entitate perfectiones naturales: vitia verò ordinis supernaturalis sunt in sua entitate quid naturale, non minus ac vitia ordinis naturalis; quamuis distinguantur in hos ordines, propter diuersum motiuum tendendi, & propter oppositionem formalem quam habent ad diuersas virtutes horum ordinum: Et inde est quòd virtutes propriè & simpliciter diuiduntur in naturales & supernaturales, ac dicuntur absolutè tales; vitia autem non propriè & simpliciter diuiduntur in naturalia & supernaturalia, nec absolutè dicuntur talia, sed tantum secundum quid possunt dici supernaturalia propter rationem dictam; vnde aptius diuiduntur in vitia contra naturalia & in vitia contra supernaturalia, quamuis aliquando dicantur vitia naturalia & vitia supernaturalia, subintelligendo reductiue quantum ad supernaturalia: Supposito igitur quòd ex actibus vitiosis ex motiuo supernaturali procedentibus acquirantur vitiosi habitus contra supernaturalia, acti-

bus similes, sicut per actus vitiosos ex motiuo naturali procedentes acquiruntur vitiosi habitus contra naturalia; quærimus in præsentia, vtrum vitium contra supernaturalia sit propriè contrarium virtuti per se infusæ. Ad cuius euidentiam sciendum est, quòd tale vitium est propriè virtuti per se infusæ oppositum aliquo genere oppositionis; directè etiam virtuti ex opposito correspondenti, aliis verò saltem indirectè propter mutuam omnium inter se connexionem: hæc constant ex dictis; solum nunc restat inquirendum, vtrum hæc oppositio siue directæ, siue indirectæ vitij contra supernaturalia cum virtute per se infusæ, sit contrarietas propriè dicta.

Prima opinio asserit, vitium contra supernaturalia esse propriè contrarium virtuti per se infusæ. Probat: Ad propriam contrarietatem requiritur sed sufficit, quòd extrema sub eodem genere maximè distent, & ab eodem subiecto se mutuò expellant, vt constat ex definitione contrariorum propriè, tradita ab Aristotele & communiter recepta: sed vitium contra supernaturalia & virtus per se infusa sunt sub eodem genere habitus vel dispositionis, & maximè distant iuxta ea quæ superius dicta sunt, & ab eodem subiecto se mutuò expellunt, tam effectiue quàm formaliter, vt docet D. Thomas q. 1. de Virtutibus art. 10. ad 16. dicens: Licet per actum vnum simplicem non corrumpatur habitus acquisitus, tamen actus contritionis virtutis gratiæ habet quòd corrumpat habitum vitij: vnde in eo qui habuit habitum intemperantiæ, cum contritetur, non remanet cum virtute temperantiæ infusæ habitus intemperantiæ in ratione habitus, sed in via corruptionis: & constat experientia, nam videmus quòd per exercitium vitij tollitur virtus infusa, & per exercitium virtutis infusæ tollitur vitium contra supernaturalia: ergo vitium contra supernaturalia est propriè contrarium virtuti per se infusæ.

Secundò, Actus vitij contra supernaturalia & actus virtutis per se infusæ sunt propriè contrarij, vt communiter conceditur, & euidenter colligitur ex eorum impossibilitate in eodem subiecto, est enim impossibile vt idem simul amet & odio habeat Deum autorem gratiæ: ergo etiam habitus vitij contra supernaturalia & habitus virtutis per se infusæ sunt propriè contrarij, quia habitus sumunt suam speciem, & consequenter suam distinctionem & oppositionem ab actibus.

Tertiò, Nisi dicatur quòd vitium contra supernaturalia & virtus per se infusa sunt propriè contraria & se mutuò expellunt, sequuntur plura inconuenientia. Primum est, quòd si quis insignis peccator habens plures habitus vitiosos, iustificetur per baptismum, & statim moriatur, tunc etiam statim erit beatus, & sic in principio suæ beatitudinis conseruabit habitus vitiosos; quod est absurdum & repugnans statui perfe-

cto beatitudinis. Secundum est, quod in eodem simul erunt habitus odij Dei & habitus charitatis: & consequenter idem simul erit habitualiter conuersus ad Deum authorem gratiæ per habitum charitatis, & habitualiter auersus per habitum odij, quod est omnino impossibile. Tertium est, quod eadem voluntas esset etiam intensè inclinata simul ad bonum & ad malum, si habeat vitium & virtutem infusam in gradibus intensis. Quartum est, quod peccator iustificatus habens habitus vitiosos, simul denominandus esset bonus & malus, vitiosus & virtuosus, quia forma inhærens, maximè si sit in statu perfecto, denominat subiectum: imò peccator iustificatus non posset dici virtuosus & bonus, at tantum vitiosus & malus, quia bonum ex integra causa, malum autem ex quocunque defectu.

CONCLUSIO.

RESPONDEO dicendum, quod vitium contra supernaturalia non est propriè contrarium virtuti per se infusæ. 2. sed tantum impropriè. Ita communiter Discipuli D. Thomæ & alij.

Probatur prima pars conclusionis à priori: Ad contrarietatem propriè dictam hæc tria necessariò indispensabiliter requiruntur, quod extrema contrarietatis sint sub eodem genere, quod maximè distent, & quod ab eodem subiecto saltem materiali se mutuò expellant; ita quod si desit aliquod ex istis, iam non sit propria, at tantum impropria contrarietas: Sed hæc tria non reperiuntur inter vitium contra supernaturalia & virtutem per se infusam, etiam ipsi vitio correspondentem; nam licet sint sub eodem genere, & maximè distent, non tamen ab eodem subiecto se mutuò expellunt: quod non tantum est verum de subiecto formali, at etiam de subiecto materiali; nam quantum ad subiectum formale, non est idem vitij contra supernaturalia & virtutis per se infusæ; vitij quippe cuiuscunque subiectum est potentia naturalis, cum entitas vitij sit naturalis; virtutis autem per se infusæ subiectum est potentia obedientialis, cum entitas huius virtutis sit supernaturalis, constat autem quod potentia naturalis & potentia obedientialis sunt diuersa formaliter subiecta, ratione diuersi agentis & termini connotati, potentia siquidem naturalis respicit agens & terminum ordinis naturalis, potentia autem obedientialis respicit agens & terminum ordinis supernaturalis: quantum verò ad subiectum materiale, licet vitium contra supernaturalia & virtus infusa ei correspondens & opposita sint in eodem subiecto, non tamen se mutuò ab illo expellunt formaliter, imò nec per se effectiue, quod vitium non expellat virtutem infusam, manifestè deducitur ex D. Thoma 2. 2. q. 24. art. 12. ex communi etiam doctrina Theologorum, qui docent virtutem per se infusam esse in sua entitate superna-

turalem, ac proinde dependere à solo Deo authore gratiæ in suo fieri, conseruari, & augeri, vnde non potest effectiue vel formaliter proximè ab vlla creatura corrumpi aut à subiecto expelli; Quod etiam virtus infusa non expellat vitium formaliter aut etiam per se effectiue, statim ostendetur: ergo vitium contra supernaturalia non est propriè contrarium virtuti per se infusæ. Deinde probatur à posteriori: Vitium contra supernaturalia, & virtus per se infusa etiam opposita possunt esse simul in eodem subiecto in gradibus intensis, imò intensissimis, vt si quis habens intensissimum habitum intemperantiæ iustificetur per actum intensissimum contritionis & dilectionis Dei, tunc recipiet iuxta suam dispositionem gratiam intensissimam, & omnes virtutes infusas, ac inter eas temperantiam in eodem gradu intensiōis: & sic intemperantia contra supernaturalia (supponitur enim quod fuerit acquisita ex motiue supernaturali, quod est possibile) & temperantia per se infusa erunt simul in eodem subiecto in gradibus intensissimis; Quod sit temperantia intensissima, est omnino certum ex dictis in materia de Virtutibus, quod etiam sit intemperantia intensissima, est manifestum & omnino euidens ex vehementissima inclinatione, quæ sentit idem iustificatus in peccatum intemperantiæ, quæ est effectus talis habitus: & de his habemus exemplum in S. Maria Ægyptiaca, vt enim refertur in eius vita, post conuersionem tam intensam, ac post receptam gratiam simul cum virtutibus infusis tam copiosam, qua perseuerabat cum tot tantisque molestiis in horrenda solitudine; nihilominus tamen in principio sentiebat vehementissimam inclinationem in peccatum intemperantiæ, vt ipsamet reuelauit, cui ex Dei gratia semper restitit: ergo vitium contra supernaturalia non est propriè contrarium virtuti per se infusæ, quia vt cōstat ex definitione & lege contrariorum tradita ab Aristotele & communiter recepta, contraria propriè dicta non possunt esse simul in eodem subiecto in gradibus intensis; quod non solum est verum in ordine naturali, sed etiam in ordine morali, in hoc quippe ordine sunt verè & propriè contraria, nempe vitium contra naturalia & virtus acquisita, vt docet Philosophus, & tamen propria hæc contrarietas non aliunde determinatur & iudicatur, quàm ex prædicta definitione ac lege contrariorum; quæ amplius constabunt ex solutione argumentorum primæ opinionis.

Probatur secunda pars conclusionis ex dictis in prima parte: Vitium contra supernaturalia & virtus per se infusa sunt opposita aliquo genere oppositionis, vt communiter dicitur: sed non sunt opposita contradictoriè vel priuatiue, quia in his oppositis vnum extremum oppositionis est negatiuum vel priuatiuum, & tamen tam vitium contra supernaturalia, quàm virtus per se infusa est quid positiuum; nec sunt opposita

posita relatiuè, iuxta dicta dubio primo huius disputationis, nam quantum ad hoc eadem est ratio de vitio contra supernaturalia & virtute per se infusa, quæ est de vitio contra naturalia & virtute acquisita: nec sunt opposita contrariè contrarietate propria, vt dictum est in prima parte conclusionis: ergo superest tantum quod sint opposita contrariè contrarietate impropria, vt constat ex sufficienti enumeratione differentiarum oppositionis; hæc autè impropria oppositio contraria in hoc cōsistit, quod extrema oppositionis ambo sint positiua, & quod sub eodem genere maximè distent; & tamen non se mutuò expellant immediatè ab eodè subiecto, siue formaliter siue effectiuè; in quo deficiunt à cōtrariis propriè dictis, quæ se mutuò expellunt immediatè ab eodem subiecto, siue formaliter, siue effectiuè, & ita sunt impossibilia in eodem subiecto in gradibus intensis, saltem naturaliter loquendo.

A d primum ergo dicendum, quod vitium contra supernaturalia & virtus per se infusa non se mutuò expellunt ab eodè subiecto formaliter aut effectiuè vt constat ex dictis. Vnde ad auctoritatem D. Thomæ dicendum, quod dum ait non remanere cum virtute temperantiæ infusæ habitum intemperantiæ in ratione habitus, sed in via corruptionis; non intelligit quod tunc habitus intemperantiæ transeat de habitu in dispositionem, vel quod amittat aliquid de suis intrinsicis, & ita sit tantum vitium materialiter, & non formaliter; vtrumque enim falsum est: primum quidem, quia est impossibile vt aliquid transeat de vna specie physica in aliam, constat autem ex D. Thomæ & communi doctrina, quod habitus distinguitur specie à dispositione: secundum autem est falsum, quia est impossibile quod aliquid etiam materialiter remaneat, variatum in suis rationibus intrinsicis & essentialibus; si autem non varietur in illis, manet idem formaliter quoad substantiam, & non tantum materialiter, vnde remanet idem formaliter quoad substantiam habitus intemperantiæ: intelligit igitur D. Thomas, quod adueniente virtute temperantiæ infusæ simul cum gratia sanctificante, cuius est proprietas, habitus vitiosus intemperantiæ manet debilitatus per modum dispositionis facile mobilis; non quod aliquid de eius entitate physica vel intensione intrinseca varietur, sed quia retractata adhæsiōe voluntaria ad eius obiectum, & subministratis auxiliis diuinæ gratiæ, voluntas eius inclinationi resistit; & per cessationem actuum, ad quos inclinat, & à quibus conseruaretur, paulatim per accidens debilitatur, & tandem corrumpitur si hæc cessatio sit diuturna, vt docet Aristoteles 2. Ethicor. cap. 3. & lib. 8. cap. 5. & etiam D. Th. supra q. 33. art. 3. & 2.2. q. 24. art. 10. & in 1. d. 17. q. 2. art. 5. Vnde habitus vitij quamuis non debilitetur aut corrumpatur per se actibus virtutis infusæ, debilitatur tamen aut corrumpitur per

accidens actibus virtutis infusæ inquantum tales actus important cessationem actuum vitij impossibilem cum actibus virtutis: & ideo D. Thomas optimè dicit, quod in eo qui habuit habitum intemperantiæ, cum conteritur, non remanet cum virtute temperantiæ infusæ habitus intemperantiæ, in ratione habitus (siue in ratione vitij, quasi ita efficaciter inclinans ad actus malos sicut antea) sed in via corruptionis. Ad experientiam autem dicendum, quod virtus infusa non tollitur per se effectiuè per exercitium vitij contrarij, sed tantum dispositiuè ac demeritoriè, inquantum propter illos actus vitij, si sint peccata mortalia, homo priuatur gratia sanctificante simul cum omnibus virtutibus infusis: per exercitium autem virtutis infusæ tollitur vitium contra supernaturalia, nō per se, sed per accidens modo explicato, vnde in principio manet in tota sua intentione cum virtute infusa.

A d secundum dicendum, quod actus vitij contra supernaturalia & actus virtutis per se infusæ sunt magis contrarij, quàm habitus vitij & virtutis, qui sunt principia illorum actuum; quia eo ipso quod habitus habeant suam oppositionem ab actibus, sequitur quod sit maior oppositio inter actus quàm inter habitus, iuxta illud axioma, Propter quod vnumquodque tale, & illud magis; vnde non mirum quod actus sint propriè contrarij, & habitus tantum improprie. Ratio huius maioris contrarietatis inter actus quàm inter habitus, potest adduci à priori, quia vnus actus includit negationem alterius ex parte obiecti, non autem habitus, per hoc quod actus est immediata attingentia obiecti & essentialis tendentia in illud, habitus autem tantum mediatè tendit & attingit obiectum; & idem dicendum de alijs principiis actuum: & propterea ab oppositis obiectis & terminis actus participant maiorem oppositionem quàm principia. Hæc autem maior contrarietas actuum quàm habituum, colligitur à posteriori: Tum ex omnimoda impossibilitate actuum vitiorum contrariorum; cum tamen naturaliter habitus contrarij possint esse simul in gradibus remissis, & saltem supernaturaliter concedatur ab omnibus quod possint esse simul in gradibus intensis; sicut & duæ qualitates contrariæ: Tum quia in naturalibus inuenimus, quod principia contrariorum motuum, etiam in gradibus intensis, sint simul per se, vt constat in lapide proiecto sursum, in quo est impulsus mouens illum sursum, & grauitas quæ est principium motus deorsum, cum tamen sit impossibile, quod simul per se sint in lapide motus sursum & motus deorsum.

A d tertium dicendum, quod ex doctrina nostræ conclusionis nullum sequitur inconueniens ex assignatis. Non primum, quia licet habitus vitiosi non contrariantur propriè virtutibus infusis, contrariantur tamen perfectæ beatitudinī,

tudini, quæ est status omnium bonorum aggregatione perfectus, & sic habitus vitiosi vt pote mali in genere moris; debent tolli ante adeptionem beatitudinis, siue ante, siue post poenas purgatorij. Nec sequitur secundum, concedendo quod in eodem sit simul habitus odij Dei & habitus charitatis: nam licet homo per habitum Charitatis sit habitualiter conuersus ad Deum authorem gratiæ, non tamen per habitum odij Dei est habitualiter ab eo auersus, proximè saltem & immediatè; sed hæc proxima & immediata habitualis auersio à Deo, est à peccato habituali termino intrinseco cuiuscunque peccati actualis, & dicitur macula peccati à D. Th. infra q. 86. peccatum enim quo auertimur à Deo, tãdiu remanet habitualiter & habitualiter auertit, donec retractetur & eius macula per gratiæ sanctificantis nitorem auferatur: hæc autem macula peccati importans priuationem gratiæ ex connotatione actus peccaminosi, distinguitur ab habitu vitioso; quia causatur per vnicum actum peccati mortalis, nec vna macula contrariatur ex se alteri, & tamen habitus vitiosus ordinariè non causatur per vnicum actum, & vnus habitus vitiosus contrariatur ex se alteri, vt prodigalitas auaritiæ. Tertium assignatum non est inconueniens absolute loquendo, quod scilicet in principio conuersionis peccator iustificatus, simul ex diuersis principiis inclinetur intense in bonum & in malum: sed paulò post si exerceatur in actibus virtutum, debilitantur habitus vitiosi modo explicato, & sic inclinatio in malum diminuitur. Nec tandem sequitur quartum, quia denominatio vitiosi non provenit immediatè ab habitu vitij, sed ab actu vitioso habitualiter manente quandiu non retractatur, vnde retractatis omnibus actibus vitiosis per contritionem, peccator iustificatus non potest dici malus & vitiosus, nisi reincidat in eadem peccata ex inclinatione prauorum habituum remanentium: ex vi autem iustificationis per infusionem gratiæ & virtutum habet integram causam bonitatis moralis actualis, cui non proximè & immediatè opponitur malitia moralis habituum, sed tantum malitia actualis vel habitualis peccatorum: cuius ratio est, quia defectus rectitudinis habitualis, qui provenit ab habitu vitij, non est contra aliquod præceptum, sicut est defectus actualis rectitudinis, qui provenit à peccato; & propterea prior defectus non est malum morale oppositum immediatè bonitati morali simpliciter ipsius subiecti, sicut est posterior defectus.

D V B I V M IV.

Vtrum malitia sit de intrinseca ratione Vitij.

Supponendum est ex D. Thoma hic artic. 1. Quod sicut in virtute duo possunt considerari,

sic & in vitio virtuti contrario: Primum est ipsa essentia virtutis & vitij, secundum est id ad quod est virtus & vitium, scilicet actus ordinatus ac moraliter bonus respectu virtutis, & actus inordinatus ac moraliter malus respectu vitij. Ad essentiam autem virtutis & vitij aliquid pertinet directè, & aliquid pertinet ex consequenti: directè pertinet quod est constitutum ipsius per modum partis essentialis scilicet generis & differentię: ex consequenti autem pertinet omnis proprietas vel quasi proprietas talis essentię. Quando igitur in præienti dubio quærimus vtrum malitia sit de intrinseca ratione vitij, idem est ac quærere; vtrum malitia pertineat directè ad essentiam vitij. Ad cuius euidenciam sciendum est: quod sicut virtus dicitur bona dupliciter, sic & vitium dicitur malum dupliciter, scilicet causaliter & formaliter: dicitur virtus bona causaliter, quia est principium actus boni; & vitium dicitur malum causaliter, quia est principium actus mali, in quo est causalitas effectiua vtriusque: dicitur virtus bona formaliter, quatenus ex hoc quod est principium actus boni moraliter, est conueniens & conformis naturæ rationali hominis; & vitium dicitur malum formaliter, quatenus ex hoc quod est principium actus mali moraliter, est disconueniens ac difformis naturæ rationali hominis, quia natura rationalis ex dictamine rationis & synderefsis inclinatur ad bonum morale, cuius principium est virtus, & refugit à malo morali, cuius principium est vitium. Rursus virtus dicitur bona, & vitium dicitur malum formaliter, vel proximè vel remotè seu fundamentaliter: bonitas formalis proxima virtutis importat actualem relationem conuenientię & conformitatis ipsius, ad naturam rationalem hominis; malitia verò formalis proxima vitij importat actualem relationem disconuenientię & difformitatis ipsius ad naturam rationalem hominis: sed bonitas formalis remota seu fundamentalis virtutis importat quidditatem ipsius, quæ est fundamentum bonitatis proximæ; malitia verò formalis remota seu fundamentalis vitij importat quidditatem ipsius, quæ est fundamentum malitiæ proximæ. Bonitas formalis proxima denominat virtutem alteri bonam, & malitia formalis proxima denominat vitium alteri malum: sed bonitas formalis remota denominat virtutem in se bonam, & malitia formalis remota denominat vitium in se malum.

Prima opinio asserit, quod malitia formalis proxima est de intrinseca ratione vitij. Probatur ex definitione vitij opposita definitioni virtutis: nam sicut virtus ex Aristotele. 2. Ethicorum cap. 6. dicitur, quæ bonum facit habentem: & ex Augustino lib. 2. de libero arbitrio cap. 19. dicitur esse bona qualitas mentis, qua rectè viuatur, &c. sic vitium dicitur, quod malum facit habentem; & dicitur mala qualitas mentis, qua malè viuatur,

viuitur, &c. in quo exprimitur malitia formalis proxima: ergo cum definitio sit oratio explicans naturam rei, malitia formalis proxima est de intrinseca ratione vitij.

Secundò, Determinata bonitas formalis proxima est differentia essentialiter constitutiva virtutis, ut docet D. Thomas hic art. 1. in quantum dicit quòd esse dispositionem conuenientem naturæ rationali, est de essentia virtutis directè pertinēs ad illam; ait enim, Directè quidem virtus importat dispositionem quandam alicuius conuenienter se habentis secundum modum suæ naturæ: & confirmat autoritate Philosophi 7. Physicorum dicentis quòd virtus est dispositio perfecti ad optimum, perfecti scilicet quod est dispositum secundum naturam: ergo determinata malitia formalis proxima est differentia essentialiter constitutiva vitij, quia contrariorum eadem est ratio.

Tertiò, Ex D. Thoma hic art. 1. vitium vniuscuiusque rei esse videtur, quod non sit disposita secundum quod conuenit suæ naturæ: & confirmatur ex dicto Augustini lib. 3. de Libero Arbitrio cap. 14. dicentis, quod perfectioni naturæ deesse perspexeris, id voca vitium; unde vitium essentialiter est dispositio disconueniens naturæ rationali, sicut virtus est dispositio illi conueniens: sed vitium esse dispositionem disconuenientem naturæ rationali, est esse illi malum, in quo importatur malitia formalis proxima; sicut virtutem esse dispositionem conuenientem naturæ rationali, est esse illi bonum; in quo importatur bonitas formalis proxima: ergo malitia formalis proxima est de intrinseca ratione vitij.

CONCLUSIO.

RESPONDEO dicendum, quòd malitia causalis est de intrinseca ratione vitij. 2. sicut & malitia formalis remota, quæ etiam fundamentalis dicitur. 3. non autem malitia formalis proxima; hæc enim consequitur ad essentiam vitij, tanquam proprietas ipsius. 4. & idem dicendum de bonitate causali & formali remota ac proxima respectu virtutis. Ita communiter Discipuli D. Th.

Probaturs prima pars conclusionis: Malitia causalis in vitio importat quòd vitium sit principium effectuum actus mali moraliter: sed est de intrinseca ratione vitij, quòd sit principium actus mali moraliter; nam sicut est de intrinseca ratione cuiuscunque habitus operatiui quòd sit principium actus, à quo specificatur in ordine physico, quia habitus operatiuus est essentialiter propter suum actum; sic est de intrinseca ratione habitus operatiui defectiue in ordine morali, qualis est habitus vitij, quòd sit principium actus defectiui in esse moris siue mali moraliter, ut constat ex paritate rationis; nam sicut habitus in ordine physico consideratus, est propter actum eiusdem ordinis, & ab illo specificatur in esse physico; sic habitus in ordine morali considera-

tus, qualis est habitus vitij, est propter actum eiusdem ordinis, & ab illo specificatur in esse morali: ergo malitia causalis est de intrinseca ratione vitij.

Probaturs secunda pars conclusionis: Malitia formalis remota, quæ etiam fundamentalis dicitur, importat in vitio quòd sit dispositio disconueniens & difformis naturæ rationali tanquam subiecto, ad quod consequitur relatio disconuenientie ipsius vitij ad eandem naturam: sed est de intrinseca ratione vitij, quòd sit dispositio disconueniens & difformis naturæ rationali tanquam subiecto, sicut è contrario est de intrinseca ratione virtutis, quòd sit dispositio conueniens & conformis naturæ rationali; nam quia habitus tam virtutis quam vitij soli naturæ rationali conueniunt, & ei conceduntur ad hoc ut mediis illis connaturaliter eliciat proprios actus; inde est quòd tales habitus essentialiter sunt dispositiones vel conuenientes & conformes illi naturæ, si sint habitus virtutis; vel disconuenientes & difformes, si sint habitus vitij, semper tamen in ordine ad actus correspondentes; & ita malitia formalis remota idem est ac malitia causalis, dicitur quippe malitia formalis ut attenditur ex parte vitij efficientis subiectum, dicitur autem malitia causalis ut attenditur in ordine ad actum moraliter malum: ergo malitia formalis remota, quæ etiam fundamentalis dicitur, est de intrinseca ratione vitij.

Probaturs tertia pars conclusionis: Malitia formalis proxima vitij importat actualem relationem disconuenientie & difformitatis ipsius ad naturam rationalem hominis; sicut bonitas formalis proxima virtutis importat actualem relationem conuenientie & conformitatis ipsius ad eandem naturam rationalem hominis: sed talis relatio disconuenientie & difformitatis non est de intrinseca ratione vitij, at tantum consequitur ad eius essentiam tanquam proprietas ipsius; sicut relatio conuenientie & conformitatis non est de intrinseca ratione virtutis, at tantum consequitur ad eius essentiam tanquam proprietas ipsius; nam vitium & virtus non sunt respectiua prædicamentalia, nec ad subiectum sub ratione communi accidentis, nec ad actum sub propria ratione habitus operatiui; at tantum sunt respectiua transcendentalia, unde ad eorum essentiam transcendentaliter respectiuam consequitur prædicta relatio conuenientie & relatio disconuenientie: ergo malitia formalis proxima non est de intrinseca ratione vitij sicut nec bonitas formalis proxima est de intrinseca ratione virtutis, at utraque consequitur ad vtriusque essentiam tanquam proprietas ipsius.

Probaturs quarta pars conclusionis. Tum ex dictis, quibus hanc partem etiam expressè probauimus. Tum autoritate D. Thomæ hic art. 1. ubi postquam dixerat quòd in essentia virtutis aliquid considerari potest directè, & aliquid ex conse-

consequenti: & quod directè virtus importat dispositionem quandam alicuius conuenienter se habentis secundum modum suæ naturæ; subdit: Secundum autem quod ad rationem virtutis consequitur, quod sit bonitas quædam, opponitur virtuti malitia: constat autem quod illud non est de intrinseca ratione virtutis, quod ad rationem virtutis consequitur, vt patet ex ipsis terminis: ergo licet bonitas causalis sit de intrinseca ratione virtutis, sicut & bonitas formalis remota, quæ etiam fundamentalis dicitur; non tamen bonitas formalis proxima, hæc enim consequitur ad essentiam virtutis tanquam proprietas ipsius.

Ad primum ergo dicendum, quod bonitas importata in definitione virtutis, & malitia importata in definitione, vitij, est bonitas & malitia causalis vel formalis remota scilicet fundamentalis, & non formalis proxima.

Ad secundum dicendum, quod determinata bonitas formalis proxima non est differentia essentialiter constitutiva virtutis: nam esse dispositionem conuenientem naturæ rationali, importat tantum directè bonitatem formalem remotam seu fundamentalem, quamuis ex consequenti importet bonitatem formalem proximam quasi proprietatem: & idem dicendum de malitia in ordine ad vitium.

Ad tertium dicendum similiter, quod vitium esse dispositionem disconuenientem naturæ rationali, est esse illi malum fundamentaliter seu formaliter remotè, & non formaliter proximè.

D V B I V M V.

Vtrum Vitium sit peius quàm peccatum.

Supponendum est, quod nomine vitij, intelligimus habitum vitiosum, iuxta propriam eius significationem; per peccatum autem intelligimus actum vitiosum siue difforem regulis morum: Vnde præsens dubiū procedit tantum in genere moris inter actum & habitum actui correspondentem, vtrum scilicet habitus vitiosus sit peior quàm actus vitiosus. Quæ autem dicuntur hîc circa vitium & peccatum in ordine ad malitiam moralem, extendi debent ad virtutem & actum virtutis correspondentem, in ordine ad bonitatem moralem: vtrum scilicet habitus virtutis sit melior in genere moris quàm actus eiusdem virtutis. Examinare enim quid sit melior aut peior in genere entis & naturæ, an actus, an habitus a quo actus procedit, non est præsentis loci: tamen breuiter dicendum quod actus adæquatus est melior habitu etiam in esse physico, sicut & potentia simpliciter loquendo; quamuis secundum quid tam habitus quàm potentia sit melior actu. Prima pars huius dicti est communis inter Discipulos D. Thomæ: hanc docent Caietanus &

Medina in præsentia, Capreolus in 4. d. 49. quæst. 2. art. 3. ad 2. Ferrar. 3. contra Gentes cap. 64. & alij plures etiam extra scholam D. Thomæ: illamque tradit Angelicus Doctor tum hîc art. 3. tum alibi sæpe, vt 1. part. quæst. 25. art. 1. ad 2. & quæst. 105. art. 5. & quæst. 5. de Potentia art. 5. ad 14. Cuius ratio est, quia ex una parte actus est causa finalis tam potentia quàm habitus, quia ambo sunt propter actum, & ab ipso specificantur: ex alia verò parte actus dicit maiorem actualitatem, quàm potentia & habitus, & ideo non sufficiunt potentia & habitus ad producendum hunc actum in indiuiduo, sed debent actuari diuina præmotione, quamuis sufficiant ad ipsummet actum secundum suam speciem consideratum: constat autem, quod illud quod est finis & actualius, est melius simpliciter loquendo ac perfectius alio quod ad ipsum finem ordinatur, & est minus actuale ipso. Secunda verò pars huius dicti probatur tum ex eo quod actus citò transit, potentia verò & habitus sunt quid permanens: Tum quia potentia & habitus sunt causa actus effectiua, de potentia certum est, de habitu etiam constat, nam licet habitus vt plurimum sit tantum necessarius, ad hoc vt actus faciliè producat, aliquando tamen est necessarius vt simpliciter actus producat, vt patet in habitu supernaturali, & semper attingit effectiue substantiam actus ab ipso procedentis: constat autem quod permanentia & causalitas effectiua dicunt perfectionem saltem secundum quid supra illud quod citò transit & efficitur: Vnde actus, ex quibus producit habitus, ex hac etiam causalitate effectiua habent quod sint perfectiores ipso habitu.

Prima opinio asserit, vitium esse peius simpliciter loquendo quàm peccatum in esse morali. Probatur: Vitium est causa efficiens actus peccaminosi ab ipso procedentis, vt communiter conceditur: ergo est potius in malitia, ac proinde peius quàm peccatum, quia causa efficiens est potior suo effectu, vt docet Aristoteles 2. Physicor. Augustinus lib. 83. quæstionum q. 2. dum ait: Omne quod fit ei a quo fit, par esse non potest, & sæpissimè D. Thomas.

Secundò, Habitus virtutis est melior in esse morali, quàm actus virtutis: Tum quia habitus simpliciter denominat virtuosum ipsum subiectum, non autem actus: Tum quia simplex habitus continet virtute plures actus vt cõcedit D. Th. hîc art. 3. ad 2. ergo etiã habitus vitiosus siue vitium est peius peccato siue actu peccaminoso in esse morali, cum sit par ratio contrariorum.

Tertiò, Habitus est melior seu potior actu in esse physico, maxime quando habitus est potentia tota ratio agendi, qualis est habitus supernaturalis; quia tunc habitus est principium formale proximum adæquatum actus, & continet eminenter omnes actus suæ speciei, ac respicit obiectum perfectiori modo quàm actus, scilicet sub

sub ratione magis vniuersali & magis abstracta: ergo etiam in esse morali habitus est potior actu quocunque seorsim sumpto propter easdem rationes, & ita vitium est peius quàm peccatum.

CONCLUSIO.

RESPONDEO dicendum, quòd licet vitium sit secundum quid peius in esse morali quàm peccatum. 2. simpliciter tamen & absolute peccatum est peius quàm vitium. 3. & idem simpliciter dicendum circa habitum & actum virtutis. Ita communiter docent Discipuli D. Thomæ, & alij Authores in præsentia.

Probatur prima pars conclusionis: Tum cõmuni Doctõrum sententia: Tum rationibus pro prima opinione adductis, quæ hanc primam partem conclusionis efficaciter probant: Tum expressa autoritate D. Thomæ hic art. 3. ad 1. vbi sic ait: Vnde simpliciter actus est potior tam in bonitate quàm in malitia, sed habitus est potior secundum quid.

Probatur secunda pars conclusionis, Tum autoritate, tum triplici ratione D. Thomæ hic art. 3. Primam & fundamentalem à priori sic proponit sub finem articuli. Habitus non dicitur bonus vel malus (in ordine scilicet morali) nisi ex hoc quod inclinat ad actum bonum vel malum: vnde propter bonitatem vel malitiam actus, dicitur habitus bonus vel malus; & sic potior est actus in bonitate vel malitia quàm habitus, quia Propter quod vnumquodque tale & illud magis: Quod axioma est verum in omni genere causæ, vt in præsentia notat Caietanus, quando tam causæ quàm effectus est capax talis denominationis. Secundam sic paucis à posteriori proponit in argumento Sed contra: Pro actu vitioso aliquis iuste ponitur, non autem pro habitu vitioso, si non procedat ad actum: ergo actus vitiosus est peior in esse morali quàm habitus vitiosus: Quæ ratio sic amplius declaratur, Meritum & demeritum sunt proprietates bonitatis & malitiæ moralis, vt dictum est supra; merito autem correspondet præmium, & demerito supplicium siue punitio: vnde illud cui correspondet maius præmium, est magis meritorium; & illud cui correspondet maius supplicium, est magis demeritorium: illud autem quod est magis meritorium, est moraliter melius; & illud quod est magis demeritorium, est moraliter peius: sed ex Augustino de Prædestinatione Sanctorum cap. 10. & D. Thomæ quæst. 2. de Malo art. 2. ad 9. nemo meretur aut demeretur per id quod facere potest, sed per id quod facit; nec præmiatur aut punitur propter id quod facere potest, in quo continetur tam potentia quàm habitus, sed propter id quod facit, in quo est actus: ergo actus peccaminosus est peior in esse morali quàm habitus vitiosus; imò habitus participat bonitatem aut malitiam moralem ab actu in genere causæ finalis, quod est præcipuum in ordine morali, quam-

R. P. Philippi Carm. discal. Disp. Theolog. in 1. 2.

uis actus participet in genere causæ efficientis bonitatem aut malitiam moralem ab habitu. Tertiam tandem sic proponit in principio eiusdem articuli: Habitus medio modo se habet inter potentiam & actum: manifestum est autem, quòd actus in bono & malo præeminet potentia, vt dicitur in 9. Metaph. melius est enim bene agere quàm posse bene agere, & similiter vituperabilius est male agere quàm posse male agere: vnde etiam sequitur, quòd habitus in bonitate & malitia medium gradum obtineat inter potentiam & actum, vt scilicet sicut habitus bonus vel malus præeminet in bonitate vel malitia potentia, ita etiam subdatur actui. Ex his probata manet tertia pars conclusionis.

AD primum ergo dicendum, quòd licet in ordine physico causæ efficiens principalis & totalis sit potior suo effectui; essentialiter quidem & simpliciter, si sit causæ æquiuoca; accidentaliter autem & secundum quid, si sit causæ vniuoca: tamen in ordine morali effectus, qui simul est causæ finalis, qualis est actus respectu habitus, est potior sua causæ efficiente, quia secundum causam finalem consideratur ratio boni & mali moralis; quia ratio boni, & mali moralis originatur à lege, proponente obiectum ac finem debitum, & præcipiente actum; qui actus si sit legi conformis ac ita moraliter bonus, generat habitum virtutis quantum est ex se, si autem sit legi difformis ac ita moraliter malus, generat habitum vitij.

AD secundum, quòd habitus virtutis non est melior in esse morali, quàm actus virtutis, sed è contra propter rationes adductas. Vnde ad primam probationem in contrarium, dicendum quòd quia habitus est permanens, & actus citò transiens, inde est quòd habitus simpliciter denominat subiectum, & non actus: sed si actus esset permanens, principalius denominaret subiectum quàm habitus; quod indicat actum in esse morali esse simpliciter potiozem habitum, quamuis secundum quid habitus sit potior actu ratione permanentiæ: quibus addendum est ex dictis supra, quòd ab actu virtualiter remanente subiectum simpliciter denominatur, & non ab habitu, sicut peccator transacto peccato, ab illo denominatur auersus habitualiter à Deo, non autem denominatur sic auersus ab habitu vitioso, cuius signum est quòd retractato in iustificatione peccato, & adhuc remanente habitu, peccator iustificatus non dicitur auersus à Deo. Ad secundam probationem dicendum, quòd habitus non continet per modum principij formalis adæquati plures actus, sed tantum per modum principij inadæquati, ad constituendum enim principium formale adæquatum concurrunt etiam potentia applicata per diuinam præmotionem.

AD tertium similiter dicendum, quòd habitus non est potior actu in esse physico, quia habitus nunquam est tota ratio agendi: licet enim

Zz

habitus

habitus supernaturalis sit potentia tota ratio agendi proxima, potentia tamen ex propria natura habet virtutem agendi radicalem: unde non sufficit quod habitus sit principium formale proximum adæquatum actus, ad hoc ut dicatur continere eminenter omnes actus suæ speciei, quia solum principium adæquatum continet eminenter effectum: Nec verum est, quod habitus respiciat obiectum perfectiori modo quam actus; imò è contra actus respicit perfectiori modo obiectum, quia actualiori modo & immediate: nec habitus respicit obiectum sub ratione magis vniuersali formaliter, quam respiciat actus, at tantum respicit sub ratione magis vniuersali materialiter: nec illud respicit sub ratione magis abstracta intensiue, quam respiciat actus, at tantum sub ratione magis abstracta extensiue: ex quibus solum habetur, quod habitus sit potior secundum quid in esse physico, ut conceditur in prima parte conclusionis, non autem simpliciter, ut negatur in secunda parte conclusionis.

DISPUTATIO V.

De Natura Peccati in genere.

PECCATUM diuiditur generali ac prima diuisione in peccatum commissionis, & in peccatum omissionis: Antequam autem accedamus ad has species peccati, opus est ut iuxta methodum compositionis, agamus prius de natura peccati in genere in præfenti disputatione.

D V B I V M I.

Vtrum omne peccatum sit de facto contra legem.

Supponendum est, quod lex diuiditur in æternam, naturalem, & positiuam: Lex æterna est ratio agendorum à creatura rationali, in mente diuina ab æterno existens: Lex naturalis, quæ est impressio & participatio legis æternæ, est dictamen rationis circa agenda, de quo dicitur, Signatum est super nos lumen vultus tui Domine: Lex positiva sub expressis verbis est posita, & subdiuiditur in diuinam & humanam; Lex diuina à Deo est posita, & continetur in sacris Litteris; Lex humana est posita à Principe alicuius Reipublicæ, Et hæc iterum subdiuiditur in Ecclesiasticam positam ab aliquo Ecclesiæ Præfato, & in Civilem positam ab aliquo Principe sæculari, Quærimus ergo in præfenti, vtrum omne peccatum sit de facto contra legem: indefinite loquimur tam de lege, quam de modo existendi contra legem; & ita sensus quæriti est, vtrum omne peccatum sit de facto contra aliquam legem ex enumeratis, directe vel indirecte, immediate vel mediate. Si autem peccatum

est contra legem vel naturalem, vel positiuam immediate, est etiam mediate contra legem æternam à qua procedunt aliæ leges, quasi quædam participationes ipsius. Peccatum diuiditur in originale & actuale: Originale respectu nostri, quod fuit actuale respectu primi Parentis, simul contrahitur cum natura: Actuale verò committitur propria voluntate. Actuale peccatum diuiditur in peccatum commissionis, & in peccatum omissionis, de quibus sigillatim in sequentibus disputationibus agetur: Vtrumque autem subdiuiditur in mortale & veniale; mortale, sic dictum quia priuat gratia sanctificante quæ est vita animæ, est contra vltimum finem; veniale verò, quod compatitur secum gratiam sanctificantem & charitatem, solumque minuit eius feruorem, est tantum circa media saluo debito ordine ad vltimum finem. In præfenti quærimus de omni peccato actuali: certum est enim quod peccatum originale fuit ab Adamo commissum contra legem diuinam positiuam, expresse ipsi Adamo intimatam.

Prima opinio negat, quod omne peccatum sit de facto contra legem. Probatur autoritate sacre Scripturæ: Ad Rom. 2. dicitur, Qui sine lege peccauerunt, sine lege peribunt: Ex quo loco manifestè habetur, quod sunt aliqua peccata quæ sunt absque lege.

Secundò, Aliqua sunt mala quia prohibita, & alia sunt prohibita quia mala; ex quibus priora sunt propriè contra legem, quia lex prohibens se habet antecederet ad illa; posteriora verò non sunt contra legem, quia lex prohibens se habet tantum consequenter ad illa: ergo non omne peccatum est de facto contra legem.

Tertiò, Peccatum veniale est verum peccatum, ut certum est apud omnes Catholicos, cum sit actus in genere moris defectuosus: sed peccatum veniale non est contra legem, at præter legem, ut expresse docet D. Thomas infra q. 88. art. 1. & colligitur ex illo Iacobi 2. Quicumque totam legem seruauerit, offendet autem in vno, factus est omnium reus; Constat autem quod qui peccat venialiter, non offendit in vno (scilicet præcepto legis) cum non sit omnium reus: ergo non omne peccatum est de facto contra legem.

CONCLUSIO.

RESPONDEO dicendum, quod omne peccatum siue commissionis 1. siue omissionis est contra aliquam legem. Ita communiter docent Theologi in præfenti.

Probatur prima pars conclusionis autoritate S. Augustini & D. Thomæ: Augustinus lib. 12. contra Faustum cap. 27. definit peccatum in genere. & maxime peccatum commissionis, quod sit dictum, vel factum, vel concupitum contra legem æternam, in quantum ipsa virtute continetur in omni alia lege, & omnis alia lex habet ab ipsa vim obligandi. Circa quam definitionem no-

ta cum D. Thoma hic art. 6. ad 5. quod à Theologis consideratur peccatum præcipue, secundum quod est offensa contra Deum, à Philosopho autem morali secundum quod contrariatur rationi: & ideo Augustinus convenientius diffinit peccatum ex hoc quod est contra legem æternam, quàm ex hoc quod est contra rationem: præcipue cum per legem æternam reglemur in multis, quæ excedunt rationem humanam, sicut in his quæ sunt fidei. D. Thomas autem art. citato ex professo probat, omne peccatum & maximè peccatum commissionis esse contra legem æternam. Deinde probatur ratione D. Thomæ: Omne peccatum est actus moraliter malus; malitia autem moralis actus humani consistit in hoc quod non sit commensuratus & conformis regulis morum; sed regulæ morum sunt leges, ita ut lex æterna sit prima regula, & lex naturalis sit proxima regula, lex verò positiua siue diuina siue humana sit media regula, ut constat ex dictis supra; quod autem non est commensuratum & conforme legi, est contrarium legi ac proinde contra legem, ergo omne peccatum commissionis est contra aliquam legem.

Probatur secunda pars conclusionis auctoritate D. Thomæ loco citato ad 1. ubi sic ait: Affirmatio & negatio reducuntur ad idem genus, sicut in diuinis genitum & ingentum ad relationem, ut Augustinus dicit in 5. de Trinitate, & ideo pro eodem est accipiendum, Dictum & non dictum, factum & non factum: constat autem quod sicut dictum & factum important peccatum commissionis, sic non dictum & non factum important peccatum omissionis. Deinde probatur ratione: Non minus est contra legem facere quod prohibet, quàm non facere quod præcipit, in utroque enim casu lex æquè violatur: sed sicut est peccatum commissionis, quando quis facit quod lex prohibet; sic est peccatum omissionis, quando non facit quod lex præcipit: ergo peccatum omissionis est contra aliquam legem. Ex quo inferunt Authores, quod omne peccatum est contra obedientiam latè sumptam, quæ importat omnes virtutes quatenus inclinant ad seruandam legem in propria materia: non autem omne peccatum est contra obedientiam strictè sumptam, quæ est specialis virtus; ut enim peccatum sit contra obedientiam sic sumptam, debet per illud lex violari vel ex contemptu, vel ex amore exemptionis à lege, vel ex detestatione subiectionis ad legem.

A d primum ergo dicendum, quod Gentiles, de quibus ibi loquitur Apostolus, quamuis non peccauerint contra legem Moyſis, de qua ibidem est sermo, quia pro ipsis non fuit data: peccauerunt tamen contra legem naturalem, ut communiter docent Authores, & expresse dicit Apostolus cap. præcedenti, ubi inter alia plura habet: Ita ut sint inexcusabiles, quia cū cognouif-

sent Deum, non sicut Deum glorificauerunt, aut gratias egerunt, sed euauerunt in cogitationibus suis, & obscuratum est insipiens cor eorum dicentes enim se esse sapientes, stulti facti sunt.

A d secundum dicendum cum D. Thoma hic art. 6. ad 4. quod cum dicitur, quod non omne peccatū ideo est malum quia est prohibitum; intelligitur de prohibitione facta per ius posituum: si autem referatur ad ius naturale, quod continetur primò quidem in lege æterna, secundariò verò in naturali iudicatorio rationis humanæ, tunc omne peccatum est malum quia prohibitum; ex hoc enim ipso quod est inordinatum, iuri naturali repugnat.

A d tertium dicendum, quod peccatum veniale est verum peccatum, & verè est contra legem saltem naturalem, quæ dictat abstinendum esse ab omni malo morali: sed tamen quia lex, cuius obseruantia non est necessaria ad conseruationem charitatis, & ad consecutionem vitæ æternæ, non dicitur lex simpliciter, at tantum lex secundum quid; inde est quod peccatum veniale dicitur esse præter legem, & non contra legem simpliciter talem: & hoc modo intelligendus est D. Th. & S. Iacobus.

D V B I U M I I.

Utrum sit essenziale peccato, quod sit contra legem propriè dictam.

S Vpponendum est, quod dictamen rationis est lex propriè dicta, & dicitur lex naturalis, quæ est participatio & similitudo legis æternæ. Quod dictamen rationis sit lex propriè dicta, ac proinde quod habeat rationem præcipientis & imperantis, & non tantum rationem iudicantis ac simpliciter proponentis; habetur ex communi doctrina Sanctorum Patrum & Scholasticorum, sed præcipue Augustini lib. 1. de Libero Arbitrio cap. 6. & D. Thomæ in tota hac quaestione, ubi sæpe dictamen rationis vocat legem naturalem, & infra quaest. 92. art. 2. docet quod actus legis non est iudicare, sed præcipere aut prohibere. Quod amplius probatur ex eo, quod dictamen rationis, dum intimat aliquid absolute faciendum aut fugiendum, verè obligat, & peccat qui ei non obedit: ergo signum est quod illud dictamen non est pure iudicatum & indicatum, sicut est cum aliquid proponit sub indifferentia tanquam melius, puta seruare virginitatem & facere alia opera consilij: sed verè & propriè habet imbitam rationem imperij & præcepti, quia ex solo iudicio de bonitate vel malitia operis non oritur necessitas & obligatio faciendi, ut constat in operibus consilij: Vnde licet dictamen rationis fiat per verba indicatiui modi, & non per verba imperatiui, nempe hoc est faciendum aut non faciendum, non

autem dicit fac hoc aut non facias hoc; tamen similes propositiones indicatiuæ habent vim proprii præcepti, quia ex D. Thoma supra q. 17. art. 1. imperium sæpe intimatur per modum indicatiui, ut cum dicitur, hoc est tibi faciendum. Quod autem lex naturalis sit participatio legis æternæ, eiusque similitudo, ostendetur amplius dubio sequenti, nunc tamen breuiter probatur ex illo Psalmi: Signatum est super nos lumen vultus tui Domine: Hæc autem lex naturalis est à Deo indita mentibus omnium hominum; propterea Apostolus ad Rom. 2. ait: Gentes quæ legem (scilicet positiuam) non habent, naturaliter ea quæ legis sunt faciunt, ipsi sibi sunt lex. Ex quo sequitur quod lex naturalis non est ipsa natura rationalis, sed est dictamen rationis procedens ex synderesi, quæ est habitus primorum principiorum practitorum: tum quia lex actu debet intimare quid sit agendum aut non agendum, tum quia lex naturalis dicitur ab Augustino & D. Thoma loco citato, & communiter ab aliis esse indita mentibus hominum; vnde præsupponit, tanquam subiectum, ipsam mentem humanam, & consequenter naturam rationalem. Querimus igitur in præsentia, utrum sit essentialiale peccato, quod sit contra aliquam legem propriè dictam.

Prima opinio Vasquis hîc disp. 97. negat esse essentialiale peccato, quod sit contra aliquam legem propriè dictam: & asserit quod seclusa quacunque lege, actus aliquis humanus esset bonus aut malus moraliter, per hoc præcisè quod esset conformis aut difformis naturæ rationali. Probatur: Sunt aliqui actus intrinsecè mali, qui ex nullo fine vel alia circumstantia possunt honestari, & ideo sunt prohibiti quia mali, ut mendacium, odium Dei, & omnes illi qui sunt contra præcepta Decalogi: vnde in istis malitia provenit ex principiis intrinsecis actus, & non ex sola prohibitione legis; quod patet ex eo quod cum Deus possit dispensare in suis legibus, non tamen potest dispensare circa similes actus, ut communiter conceditur; & per hoc distinguuntur ab aliis actibus, qui dicuntur mali quia prohibiti: ergo cum tales actus antecederet ad omnem legem sint moraliter mali & peccata, ita ut non existente lege adhuc essent peccata, sequitur quod non est essentialiale peccato, quod sit contra legem propriè dictam.

Secundò, Antecedenter ad legem æternam, quæ importat actum liberum, Deus cognoscit mendacium & odium Dei esse quid intrinsecè malum morale, per scientiam simplicis intelligentiæ, quæ ut pote necessaria præcedit omnem actum liberum, per hoc præcisè quod opponuntur diuinæ & rationali naturæ: vnde mendacium non ideo est malum morale, quia prohibetur lege æterna, aut quia ratio naturalis dictat illud esse malum & fugiendum, sed potius contra ideo lex æterna illud prohibet, & ratio

naturalis dictat esse malum morale, quia de facto ex propria ratione est tale, alioquin potuisset non prohiberi, at permitti: ergo non est essentialiale peccato, quod sit contra legem propriè dictam.

Tertiò: Ex vna parte licet per impossibile nulla esset lex æterna, nec ullus Deus, adhuc mendacium esset malum morale & consequenter peccatum, per hoc præcisè quod est contrarium naturæ rationali: ex alia etiam parte si per impossibile Deus mentiretur, malè ageret moraliter & peccaret ex D. Thoma Quodlib. 5. art. 4. per hoc præcisè quod mendacium est contrarium naturæ diuinæ: & tamen in neutro casu mendacium esset contra legem propriè dictam; in primo quidem, ut supponitur; in secundo autem, quia Deus in suis actibus non potest subdi legi, cum lex debeat ferri à superiori; & Deus non possit habere superiorum: ergo non est essentialiale peccato, quod sit contra legem propriè dictam.

CONCLUSIO.

RESPONDEO dicendum, quod non solum est essentialiale peccato, quod dicitur malum quia prohibitum, esse contra legem propriè dictam. 2. sed etiam est essentialiale peccato, quod dicitur prohibitum quia malum. 3. vnde est essentialiale peccato ut sic, quod sit contra legem propriè dictam. Ita communiter Discipuli D. Thom. & alij in præsentia.

Probatur prima pars conclusionis, in qua nulla est difficultas: Peccatum quod est malum quia prohibitum, solum habet quod sit malum morale, & consequenter peccatum, quia sit contra prohibitionem legis, ut constat ex ipsis terminis, & apparet in esu carniū tempore prohibito, ita ut talis esus carniū non ex se malus, nec esset peccatum, nisi fieret contra prohibitionem legis tali tempore, cum alio tempore factus posset esse moraliter bonus: ergo est essentialiale peccato, quod dicitur malum quia prohibitum, esse contra legem propriè dictam; illud enim est essentialiale alicui rei, sine quo res non potest esse nec concipi.

Probatur secunda pars conclusionis autoritate sacre Scripturæ: Psalmo 118. habetur, Præuaricantes reputaui omnes peccatores terræ: Si autem non esset essentialiale omni peccato, quod esset contra legem propriè dictam, omnes peccatores non possent dici præuaricantes, quia præuaricatio est contra legem & recessus à lege, ut docent Ambrosius Serm. 16. in hunc locum, & Augustinus Concione 25. in hunc Psal. 1. Ioannis 3. dicitur quod peccatum est iniquitas, siue deuiatio & recessus à lege, ut explicat Beda: & consequenter peccatum ut sic est essentialiter contra legem. Ad Rom. 4. ait Apostolus: Lex iram operatur; ubi enim non est lex, nec præuaricatio, ac proinde nec peccatum. Nota quod Apostolus in prioribus verbis dicit, quod lex scilicet

licet scripta Iudæis à Moyse data, iram operatur siue infert supplicium & probat posterioribus verbis, Vbi non est lex, nec præuaricatio; Quæ verba nisi continerent vniuersalem propositionem, quodd scilicet non possit esse præuaricatio, nisi sit lex, malè probarent, nam sentus eorum esset particularis, quodd scilicet vbi non est lex Mosayca, nec est præuaricatio legis Mosaycæ; cum tamen Apostolus probandum suscepisset, quodd peccata in legem Mosaicam verè erant præuaricationes; vnde cap. 5. dicit, Vsq̃ue ad legem peccatum erat in mundo, sed non imputabatur (id est ad pœnam per modum præuaricationis) cum lex non esset: Quodd optimè probat hac vniuersali propositione, Vbi enim nō est lex, nec præuaricatio; & vbi est lex, est præuaricatio si non obseruetur: Vnde Glossa in hunc locum inquit; Apostolus non ait, vbi non est lex, non est iniquitas, sed non est præuaricatio: omnis enim legem præteriens est iniquus; sed non è contra, quia qui legem non acceperunt, iniqui dici possunt, præuaricatores autem dici non possunt. Deinde probatur autoritate Sanctorum Patrum: Ambrosius lib. de Paradiso cap. 8. ait: Quid est peccatum, nisi diuinæ legis præuaricatio, & cœlestium inobedientia mandatorum? Augustinus diffiniens peccatum, asserit esse dictum, factum, vel concupitum contra legem Dei æternam, & lib. 2. de Peccatorum meritis cap. 16. ait: Nam nec peccatum erit, si non diuinitus iubeatur vt non sit. & lib. de Fide contra Manichæos inquit: Malum non est natura, sed auersio à Dei præceptis. & tandè lib. de Libero Arbitrio cap. 3. & sequentibus contra Euodiū dicentē aliqua esse vetita quia mala, probat nihil esse malum, nisi quia prohibitum lege æterna. D. Thomas hic art. 6. explicans traditam ab Augustino peccati definitionem, asserit esse de ratione peccati, quodd sit actus inordinatus à lege, quæ est regula voluntatis humanæ: & in responsione ad 4. soluens cum Augustino dictum Euodij ait: Cum dicitur, quodd non omne peccatum ideo est malum quia est prohibitum: intelligitur de prohibitione facta per ius positium: si autem referatur ad ius naturale, quodd continetur primò quiddem in lege æterna, secundariò verò in naturali iudicatorio rationis humanæ; tunc omne peccatum est malum, quia prohibitum: ex hoc enim ipso quodd est inordinatum, iuri naturali repugnat. Denique probatur ratione D. Thom. loco citato: Peccatum quodcunque formaliter consideratum est malum morale, & consequenter habet suam malitiam moralem proximam & formalem per ordinem ad formales regulas morum, per hoc quodd sit eis difforme, siue per hoc quodd sit contra eas: sed regulæ morum sunt leges; prima quiddem regula & ætherogenea est lex æterna, quæ est quasi ratio Dei, qua scilicet ordinat de actibus humanis; propinqua verò & homogenea est ipsa humana

ratio, siue dictamen rationis per synderesim: aliæ autem leges sunt mediæ inter legem æternam, cuius virtutem participant; & legem naturalem siue rationem humanam, quam circa particularia dirigunt: nec natura rationalis est formalis regula morum, at tantum est quasi radicalis & fundamentalis regula, inquantum exigit dirigi per leges, vt dictum est supra: ergo malitia formalis, quæ est in peccato quocunque, etiam illo quodd dicitur prohibitum quia malum, prouenit ei ex eo quodd sit contra aliquam legem propriè dictam, & consequenter est essenziale peccato vt sic, quodd sit contra legem propriè dictam; quamuis peccatum habeat suam malitiam radicalem fundamentalem, ex hoc quodd sit diffonum naturæ rationali, sed tamen per hanc fundamentalem malitiam actus humanus non constituitur, formaliter in esse peccati siue mali moralis.

Probatur tertia pars conclusionis, & simul confirmatur præcedens. Ex vna parte actus non potest esse humanus & liber, ac proinde nec moralis, nisi procedat ex dictamine rationis, quodd est lex naturalis, vt constat ex dictis supra: ex alia verò parte per hoc præcisè quodd talis actus sit conformis illi dictamini, est moraliter bonus; per hoc autem quodd sit illi difformis, est moraliter malus, siue aliàs sit conueniens siue disconueniens naturæ humanæ, vt constat in mendacio officioso, si quis enim habeat dictamen erroneum, quodd sit mentiendum ad saluandam vitam proximi, vel ad magnum eius commodum, si adsit ignorantia inuincibilis, vt dictum est de obstetricibus Ægyptiacis; tunc mendacium officiosum est moraliter bonum, & tunc non mentiri esset moraliter malum ac peccatum, quamuis absolute & semper mendacium sit disconueniens naturæ rationali; quodd constat ex eo quodd ratio non impedita dictat esse fugiendum: ergo est essenziale peccato vt sic, quodd sit contra legem propriè dictam.

A d primum ergo dicendum, quodd illi actus, qui dicuntur intrinsecè mali ac peccata, & qui dicuntur prohibiti quia mali, habent antecedenter ad legem positiuam formalem malitiam moralem, antecedenter verò ad legem æternam & ad legem naturalem habent tantum malitiam fundamentalem; vnde in illo priori quo v. g. mendacium præintelligitur legi æternæ, est quiddem malum & peccatum naturæ, inquantum est contrarium diuinis attributis & diffonum naturæ rationali; non autem est malum morale vel peccatum in genere moris: hæc malitia mendacij in ordine naturæ est fundamentum malitiæ moralis ipsius, cum sit ratio cur Deus per legem æternam prohibeat mendacium, nam sicut Deus est necessariò determinatus ad diligendum sua diuina attributa, sic necessariò est determinatus ad odio habendum ac prohibendum lege æterna quicquid prædictis attributis

tis contrariatur: quamvis possit non prohibere actu per legem positivam, in qua purè sumpta potest Deus dispensare, secus autem in lege æterna, vel in alia lege positiva quæ inclusam habeat legem æternam.

A D secundum dicendum, quòd antecederet ad legem æternam, Deus cognoscit per scientiam simplicis intelligentiæ, mendacium & odium Dei esse quid intrinsecè malum naturæ rationalis, quod est malum morale fundamentaliter, non formaliter: nihil enim est malum morale formaliter quod non sit difforme legibus quæ sunt regulæ morum; Deus autem est naturaliter determinatus ad prohibendum per legem æternam, quicquid est contrarium divinis attributis; & quamvis possit illud non prohibere per legem positivam, non tamen potest permittere quia non potest fieri bonum moraliter, ob malitiam fundamentalem quam ab intrinsecò habet, quicquid autem permittitur lege positiva quasi licitum, debet esse moraliter bonum.

A D tertium dicendum quantum ad primam partem, quòd dato illo impossibili mendacium non esset malum morale formaliter, sed tantum esset malum & peccatum naturæ, quod est fundamentum malitiæ moralis. Quantum verò ad secundam partem dicendum, quòd etiam dato illo impossibili quod Deus mentiretur & malè ageret moraliter, tunc faceret contra legem scilicet dictamen rectæ rationis, quod in Deo esset lex naturalis: non autem repugnat quòd supposita distinctione virtuali intellectus & voluntatis in Deo, voluntas dirigatur per intellectum, qui ex propria ratione est potentia superior voluntate, & sic eius dictamen est quodammodo lex divinæ voluntatis: sed tamen repugnat divinæ voluntati, quòd dirigatur per legem extrinsecam, à superiori natura vel supposito impossitam, quia implicat concipi aliquid maius aut superius Deo, quia ex communi sensu hominum, Deus est id quo maius aliquid excogitari non potest.

D V B I V M III.

*Verum sit essenziale peccato, quòd sit iniuria Dei
ut legislatoris.*

S Vpponendum est, quòd Deus est supremus legislator, à quo omnis lex emanat, cum enim ipse sit author tum naturæ, tum gratiæ ad quam eleauit naturam, ad ipsum pertinet condere leges tam immediatè, quàm mediatè, quibus naturam intellectualem dirigeret, & circa naturalia, & circa supernaturalia. Vnde primò intelligitur à Deo emanare lex æterna, qua ab æterno statuit circa creaturas intellectuales quid agere, & quid vitare debeant: hæc legem impressit in earum mente per synderesim, & ita dicta-

men rationis est lex naturalis, ac participatio legis æternæ: Quia verò plurimum obscurata fuit lex naturalis per peccata, Deus dedit immediatè legem scriptam, & inspirauit aliis populi Principibus humanas condere leges, quæ si sint iustæ & conformes rectæ rationi sunt quædam explanationes legis naturalis & legis æternæ. Quòd lex æterna imbibatur in lege naturali constat ex illo Psalmi: Signasti super nos lumen vultus tui Domine: dictamen quippe rationis non solum indicat quid facere, & quid vitare debeamus; sed etiam aduertere facit, hoc debitum aliquid faciendi vel vitandi, imponi à Deo auctore naturæ, quæ aduertentia est formalis & explicata in iis qui habent actualem Dei notitiam, in aliis autem est tantum aduertentia virtualis & implicita, in quantum vident hoc debitum esse impositum ab aliquo superiore ac potentiore. Nec obstat quod aliquando dictamen rationis errat, seu conscientia, & tamen obligat, putà cum quis credit mentiendum esse ad saluandam vitam amici: dicendum enim quòd etiam tunc per accidens in illo dictamine rationis includitur lex æterna, nam licet lex æterna absolute prohibeat mentiendum esse, tamen per accidens in illo casu non prohibet, imò tunc præcipit sequendum esse illud dictamen rationis, quod semper sequendum est quando non aduertitur contrariari legi superiori: vnde licet per se lex æterna semper præcipiat bonum, per accidens tamen aliquando præcipit quod est materialiter malum: quod verum est siue error sit inuincibilis, siue vincibilis; sed tamen cum hac differentia, quòd si error sit inuincibilis, tunc benè moraliter operatur, qui sequitur dictamen rationis erroneum; si autem error sit vincibilis, tunc peccat qui sequitur dictamen rationis erroneum, & peccaret si non sequeretur; peccat quidem sequendo, quia talis error est voluntarius, & tenetur illum vitare ac ita sequi rectam rationem; peccaret verò si non sequeretur, quia ut dictum est, quilibet tenetur sequi dictamen rationis, quando non apparet lex superior contraria: Nec mirum quòd talis ex sua culpa reducatur ad has angustias, & aliquo modo necessitatur ad peccandum, cum peccet siue sequatur, siue non sequatur dictamen rationis erroneum; hoc enim sibi imputare debet, quia cum debuit & potuit, non exclusit dictum errorem ut sequeretur rectam rationem: & ita absolute loquendo liberè peccat, quamvis ex suppositione talis erroris necessario peccet. Ex dictis sequitur Deum esse supremum legislatorem, & ab eo omnes leges dimanare: Et quamvis in omnibus aliis legibus à se vel ab aliis impositis possit dispensare, imò & eas auferre; non tamen potest dispensare in lege æterna, nec in lege naturali, nec in præceptis Decalogi: Quòd possit dispensare in aliis legibus, imò & eas auferre, constat quia supremus legislator potest dispensare in

in legibus à se & à suis subditis quocunque modo impositis, nec aliunde est repugnàtia ex parte rerum præceptorum, quæ seculis legibus possunt bene vel male fieri: Quòd autem non possit dispensare in lege æterna, nec in lege naturali constar, quia aliàs aliquid intrinsecè malum foret licitum, quod implicar; Quòd etiam non possit dispensare in præceptis Decalogi expresse & ex professo docet D. Thomas infra q. 100. art. 8. quia talia præcepta continent conseruationem boni communis, & ipsum ordinem iustitiæ & virtutis, imò sunt quoddam compendium legis æternæ, ac legis naturalis. Cum ergo hæc ita sint quòd ex vna parte omnis lex à Deo dimanat, & ex alia parte omne peccatum est contra aliquam legem, vt constat ex dictis: querimus in præsentibus, vt sit essentialiale peccato, quòd sit iniuria Dei vt legislatoris.

Prima opinio negat, esse essentialiale peccato, quòd sit iniuria Dei vt legislatoris. Probat: Philosophi agentes de peccato considerant essentialia ipsius: sed non considerant illud vt est iniuria Dei legislatoris, ex D. Thoma hic art. 6. ad 5. vbi sic ait: A Theologis consideratur peccatum præcipue secundum quod est offensa contra Deum, à Philosopho autem morali secundum quod contrariatur rationi: ergo non est essentialiale peccato, quòd sit iniuria Dei vt legislatoris.

Secundò, Peccatum cognoscitur ab omnibus vt contrarium naturæ rationali, ac proinde vt malum ipsius: non autem cognoscitur ab omnibus vt contrarium legi propriè dictæ, cum aliqui id negent: ergo potius peccatum est iniuria Dei vt authoris naturæ, quàm vt legislatoris, quia ad peccatum necessariò requiritur cognitio personæ offensæ, ad hoc vt sit iniuria illi facta.

Tertiò, Potest quis habere sufficientem cognitionem ad committendum peccatum, per hoc quod sciat aliquid esse contra rectam rationem: & tamen potest simul non habere sufficientem cognitionem ad offendendum Deum vt legislatorem, vel per hoc quod habet ignorantiam inuincibilem quòd sit Deus, vel quòd sit author legis naturalis, contra quam scit esse peccatum: ergo non est essentialiale peccato, quòd sit iniuria Dei vt legislatoris.

CONCLUSIO.

RESPONDEO dicendum, quòd est essentialiale peccato, quòd sit iniuria & offensa Dei vt legislatoris. Ita docent communiter Theologi.

Probat conclusio vnica sed efficaci ratione: Qui transgreditur legem ab aliquo impositam sciens & volens, & cum sufficienti cognitione ipsius legislatoris, verè offendit ipsum legislatorem, ita vt transgressio & præuicatio legis sic facta sit offensa & iniuria intentata ipsius legislatoris; quia enim in lege includitur voluntas legislatoris, sequitur quòd qui transgreditur le-

gem cum dicta aduertantia, verè resistit voluntati legislatoris, quod est ipsum offendere, subditus quippe non potest citra offensam & rebellionem resistere voluntati sui superioris, qualis est legislator: sed ex vna parte peccator transgreditur sciens & volens legem à Deo impositam, videlicet legem naturalem, cum peccando operetur contra dictamen rationis, illi resistendo, aliàs non peccaret; lex autem naturalis est lex à Deo procedens, & participatio legis æternæ vt dictum est: ex alia verò parte quicunque peccator habet sufficientem cognitionem Dei vt legislatoris, nam sicut natura demonstrat Deum suum authorem (ita vt non possit dari ignorantia inuincibilis de existentia Dei, vt alibi ostendimus) sic lex naturalis sufficienter manifestat Deum suum authorem vt supremum legislatorem, naturali quippe cognitione facile percipit homo se dirigi ab aliquo superiore, tam in ordine physico, quàm in ordine morali, propter quod dicitur in Psalmo, Signatum est super nos lumen vultus tui Domine; Cuius signum est, quòd quilibet peccans aduertit se peccando, malè agere, & se esse reum poenæ, ab authore vniuersi quæ offendit imponenda: ergo peccator peccando verè offendit Deum vt legislatorem, & consequenter est essentialiale peccato, quòd sit iniuria & offensa Dei vt legislatoris, illud enim est essentialiale alicui rei, sine quo talis res concipi non potest.

Ad primum ergo dicendum, quòd licet Philosophi non considerent peccatum formaliter & explicitè, vt est offensa Dei (sub qua ratione illud considerant Theologi): virtualiter tamen & implicitè illud considerant vt est offensa Dei, per hoc quod illud considerant vt contrariatur rationi; & propterea D. Thomas non dicit absolute, quòd peccatum consideratur tantum à Theologis secundum quod est offensa contra Deum, & à Philosopho morali secundum quod contrariatur rationi; sed dicit quòd præcipue sub hac diuersa ratione ab illis consideratur, quia certum est quòd sub vtraque illa ratione, saltem virtualiter & implicitè, ab vtrisque consideratur: nec defuere inter Gentiles Philosophos, qui formaliter & explicitè considerauerunt peccatum vt erat offensa Dei; & propterea Augustinus lib. 8. de Trinitate cap. 10. & 14. laudat Platonem eo quod docuerit, in rebus humanis nihil esse Deo gratius virtute, nihilque odiosius vitio & peccato.

Ad secundum dicendum, quòd omnes cognoscunt peccatum esse contrarium dictamini rationis, quod cū sit lex naturalis, sequitur quòd peccatum sit etiam contra Deum vt legislatorem: Nec obstat quòd aliqui negent dictamen rationis esse legem propriè dictam, sufficit enim quòd in rei veritate ita sit: ad hoc autem vt peccatum habeat rationem iniuriæ alicui factæ vel intentatæ, sufficit cognitio virtualis & implicita illius,

illius, qualem omnis peccator peccando habet Dei vt legislatoris.

Ad tertium similiter dicendum, quòd quilibet peccator, per hoc quod habet formalem & explicitam cognitionem, quòd peccatum sit cōtra rectam rationem; habet etiam virtualem & implicitam cognitionem quòd sit contra Deum vt legislatorem, & sic peccando illum offendit; nec enim potest dari ignorantia inuincibilis, quòd sit Deus, aut quòd sit author legis naturalis, vt dictum est.

D V B I V M IV.

Vtrum sit etiam essentielle peccato, quòd sit iniuria Dei vt ultimi finis.

SVpponendum est, quòd sicut est proprium Dei esse primum omnium rerum creaturarum principium, sic est proprium eius esse vltimum illarum finem, sed speciali modo creaturæ intellectualis, quæ directè & immediatè per proprios actus debet ad illum tendere, & potest cum auxilio gratiæ ad illum peruenire. Ratio primi principij conuenit Deo ex summa eius actualitate, qua & necessariò est, imò est suum esse, & aliis est causa essendi, vnumquodque enim agit in quantum est actus: ratio verò vltimi finis conuenit Deo ex summa eius bonitate (quæ consequitur esse, ens enim & bonum conuertuntur) per hoc quippe quòd est summum bonum, continet omnem rationem boni, & ita potest satiare appetitum tam innatum, quàm elicatum cuiuscunque creaturæ, quia bonum est illud ex Philosopho quod omnia appetunt: sed in ipso adepto immediatè perfectiori modo satiatur appetitus creaturæ rationalis, quæ in eius visione & fruitione consummatam habet beatitudinem. Ad rationem vltimi finis simpliciter duo independabiliter requiruntur: Primum est, quòd ipse vltimè nō ordinetur, si enim vltimè ordinaretur, iā non esset vltimè finis, sed illud aliud ad quod ordinaretur, vt constat ex ipsis terminis, quia vltimum simpliciter excludit vltimè: Secundum est quòd ad ipsum omnia alia ordinentur, si enim aliqua, & non omnia simpliciter ad ipsum ordinarentur, iam non esset vltimè finis simpliciter, at tantum secundum quid & in aliquo genere. Vt ergo Deus habeat rationem vltimi finis respectu creaturæ intellectualis, non solum ipsa, sed etiam omnes & singuli eius actus ad ipsum debent dirigi: imò præcipuè attenditur directio actuum, qua & ipsa creatura dicitur esse voluntariè directā, sicut & voluntariè deordinata dicitur per inordinationem actuum: nam quantum ad ordinationem naturalem cuiuscunque creaturæ ad Deum creatorem, certum est esse omnino fixam & inuariabilem, quia natura est effectus solius Dei, ac ita perfectè ordinatus; vnde communiter conceditur, quòd etiam dæmones

habent hanc rectam ordinationem naturalem: circa verò ordinationem voluntariam creaturæ intellectualis ad Deum, certum est esse variabilem ex defectu voluntatis, quæ quia ex nihilo est, potest deficere & in seipsa, & in suis operibus, quia tales operationes non sunt effectus solius Dei, sed Dei vt causæ primæ, & voluntatis vt causæ proximæ defectibilis. Manifestum est autem, quòd sit maxima Deo iniuria, quoties ex affectu peccatoris aliquid sit contra Deum, quod scilicet derogat alicui diuinæ perfectioni, quia etiam in humanis iniuria alicui irrogatur, quando intentatur ei aliquid nocumentum, quamuis aliunde effectum non habeat, quia in moralibus affectus reputatur pro effectum. Quærimus ergo in præsentī dubio, Vtrum sit essenziale peccato, quòd sit iniuria Dei vt vltimi finis.

Prima opinio negat, quòd sit essenziale peccato, quòd sit iniuria Dei vt vltimi finis. Probat: Quæ sunt essentialia peccato, non possunt concipi separata à peccato, vt constat, quia nihil potest esse absque suis essentialibus quibus constituitur: sed ratio iniuriæ Dei vt vltimi finis potest concipi separata à peccato, nam si homo fuisset creatus in puris naturalibus, cum non fuisset ordinatus ad Deum finem supernaturalem, non se auertisset ab ipso per peccatum, quia non potest esse auersio priuatiua circa illum finem, circa quem non potest esse conuersio; tota autem iniuria quæ potest esse Dei vt vltimi finis, consistit in priuatiua auersione ab ipso vt vltimo fine: ergo non est essenziale peccato, quòd sit iniuria Dei vt vltimi finis.

Secundò, Tunc tantum est iniuria contra aliquem, quādo ei causatur aliquod damnum; vnde Aristot. 1. Rhetoricorum cap. 10. ait, quòd vbi re ipsa non est damnum & læsio in bonis propriis, non est iniuria contra iustitiam: sed per peccatum non causatur Deo vt vltimo fini damnum aliquod, vt constat ex illo lob 35. Si peccaueris, quid nocebit ei: ergo non est essenziale peccato, quòd sit iniuria Dei vt vltimi finis.

Tertiò, Quicquid est essenziale peccato, prouenit illi ab obiecto à quo specificatur: sed ab obiecto solum prouenit peccato ratio mali siue defectus moralis, ratio verò iniuriæ seu offensæ prouenit illi ex ordine ad personam offensam, quæ est distincta ab obiecto peccati: ergo non est essenziale peccato, quòd sit iniuria Dei vt vltimi finis; & ita ratio iniuriæ est in peccato ad summum per modum proprietatis.

C O N C L V S I O.

RE S P O N D E O dicendum, quòd est essenziale peccato, esse iniuriam Dei vt vltimi finis, tam naturalis, quàm supernaturalis. 1. ratio autem iniuriæ & ratio defectus moralis in peccato non sunt ex æquo distinctæ ac impermixtæ; nec vna est superior & alia inferior, sed se mutuò includunt. Ita communiter Discipuli

cupuli Diui Thomæ in præfenti.

Probatur & explicatur prima pars conclusionis. Dicimus quod quocunque peccatum simpliciter tale, scilicet mortale quod est contra finem (veniale siquidem est tantum contra media, vt infra dicitur) habet essentialiter quod sit iniuria Dei vt ultimi finis, tam naturalis, quam supernaturalis. Probatur, Qui tollit à Deo rationem ultimi finis tam naturalis quam supernaturalis, quantum est in se destruit ipsum Deum, & facit illi iniuriam vt ultimo fini, tam naturali quam supernaturali, quia Deus habet essentialiter rationem vtriusque finis ultimi, nec esset verus Deus sine illa ratione vtriusque finis ultimi; nam sicut Deus ab intrinseco petit esse primum principium creaturæ in quocunque ordine, siue naturæ siue gratiæ, sic ab intrinseco petit esse vltimum finem ipsius in quocunque ordine constituatur, siue naturæ siue gratiæ, hi quippe ordines non sunt omnino disparati, at sunt subordinati: sed peccator peccando tollit, quantum est in se ex affectu virtuali & interpretatiuo, licet non ex affectu semper formali & explicito, à Deo rationem ultimi finis tam naturalis quam supernaturalis, quia peccando mortaliter constituit rationem ultimi finis in creatura, cui inhaeret per peccatum inordinatè, vnde ad illam se conuertit tanquam ad vltimum finem, & consequenter se simul auertit à Deo vt ultimo fine cuiuscunque ordinis; quia ex vna parte non potest esse nisi vnus vltimus finis, ex alia verò parte quamuis plures creaturæ possint assumi per modum vnius vltimi finis, tamen Creator & creatura non possunt sic assumi citra iniuriam Creatoris, tum quia comparatur creaturæ, tum quia ratio vltimi finis ipsi propria conceditur creaturæ: ergo peccator peccando mortaliter facit iniuriam Deo vt ultimo fini, tam naturali quam supernaturali; & consequenter est essenziale peccato, quod sit iniuria Dei vt vltimi finis, tam naturalis quam supernaturalis.

Probatur secunda pars conclusionis quantum ad primum: Est impossibile, quod concipiatur peccatum vt est defectus moralis, quin simul concipiatur vt est iniuria Dei, & vt legislatoris, & vt vltimi finis: quia defectus moralis est in peccato, quatenus est actus deordinatus, tam à regulis morum siue legibus quarum author est Deus, quam à debito vltimo fine qui est Deus: ergo ratio iniuriæ & ratio defectus moralis in peccato non sunt ex æquo distinctæ ac impermixtæ; quia quando aliqua sunt impermixta, & ex æquo distincta, vnum potest concipi sine alio. Probatur quantum ad secundum: Est impossibile quod aliquid sit defectus moralis, & non sit offensa Dei; & contra est impossibile quod aliquid sit offensa seu iniuria Dei, & non sit defectus moralis: sed ratio superior potest esse sine inferiori, vt constat in animali quod potest esse

sine rationali: ergo ratio iniuriæ Dei, & ratio defectus moralis in peccato non ita se habent, quod vna sit superior & alia inferior, & consequenter ex vtroque dicto huius partis conclusionis habetur, quod hæc duæ rationes se mutuò includunt. Vnde quando D. Thomas infra q. 73. art. 7. ad 3. dicit quod auersio à Deo sequitur ad auersionem à regula rationis, ex quo videtur sequi quod ratio iniuriæ Dei proueniens ex prima auersione, sit proprietas defectus moralis proueniens ex secunda auersione: non loquitur de sequela reali & physica conueniente proprietati in ordine ad essentiam, sed loquitur de sequela rationis & per nostros conceptus inadæquatos de quidditate peccati. Nec tamen sequitur, in quolibet peccato esse duplicem speciem malitiæ, scilicet propriam v.g. intemperantiæ, & iniustitiæ; nam malitia iniustitiæ est conditio potius generalis omnis peccati, quando est tantum virtualiter intenta: si autem à peccante esset in seipsa directè & expressè intenta, tunc esset noua species malitiæ moralis.

Ad primum ergo dicendum, quod etiam dato illo casu, quod homo fuisset creatus in puris naturalibus, & consequenter non esset actu ordinatus ad Deum finem supernaturalem; adhuc peccatum esset actu auersio à Deo vt à fine ultimo naturali, & simul esset virtualiter auersio à Deo vt à fine ultimo supernaturali; quia peccatum est tam malignantis naturæ, quod quantum est in se sit destructiuum tam ordinis naturalis, quam ordinis supernaturalis, vt contingit nunc de facto; & ita est per accidens illi quod in puris naturalibus actu non daretur ordo supernaturalis gratiæ, & quod Deus in actu exercito non haberet rationem vltimi finis supernaturalis sufficit enim quod in actu signato illam haberet ad hoc vt peccatum tunc haberet rationem iniuriæ Dei vt vltimi finis tam naturalis quam supernaturalis. In illo autem statu peccatum esset auersio priuatiua à Deo vltimo fine supernaturali, non quod excluderet actualem, quæ tunc esset conuersionem ad Deum vt finem supernaturalem, tunc enim non esset talis conuersio; sed talis naturæ est quod illam conuersionem excluderet si de facto esset, quia priuationes sunt actu, licet formæ priuatiue sint tantum in potentia.

Ad secundum dicendum, quod quantum ad affectum saltem interpretatiuum peccatoris, per peccatum causatur Deo maximum dānum; nam peccator peccando mortaliter, quantum est in ipso, destruit Deum, vt docet S. Bernardus serm. 3. Resurrect. Dom. vbi loquens de mala voluntate sic ait: Sed vtinam vel rebus istis esset contenta, nec in ipsum (horribile dictu) desequisset authorem: nunc autē & ipsum, quantum in ipsa est, Deum perimit voluntas propria, omnino enim vellet Deum peccata sua aut vindicare non posse, aut nolle, aut ea nescire: vult

ergo eum non esse Deum, quæ quantum in ipsa est, vult eum aut impotentem, aut iniustum, aut insipientem: crudelis planè & omninò execranda malitia, quæ Dei potentiam, iustitiam, sapientiam perire desiderat. Deinde quantū ad effectum licet Deus non lædatur in bonis intrinsicis, videlicet vita, beatitudine, &c. quia est omninò immutabilis: læditur tamen per peccatum in bonis extrinsecis, scilicet honore, cultu, & in aliis quæ Deo accrescūt ex bonis nostris operibus, & quæ Deus maximè æstimat dicens, quòd gloriam suam alteri non dabit.

Ad tertium dicendum, quòd in obiecto peccati virtualiter includitur Deus & vt legislator, & vt vltimus finis: vt legislator quidem, quia obiectum peccati est moraliter malum, ac proinde lege prohibitum à legislatore: vt vltimus finis verò, quia in moralibus obiectum aliquod præcipitur aut prohibetur in ordine ad Deum vltimum finem.

DISPUTATIO VI.

De Peccato Commissionis.

POST considerationem peccati in genere, considerandum est de ipso in particulari: Quia ergo peccatum diuiditur in peccatum commissionis & in peccatum omissionis, in præsentī disputatione agitur de peccato commissionis, in sequenti verò agetur de peccato omissionis.

D V B I V M I.

Utrum ratio formalis constitutiva peccati commissionis sit denominatio realis extrinseca.

SUPPONENDUM est, quòd peccatum commissionis constituitur ex materiali ratione & formali: ratio materialis pertinet ad ordinem physicum, & est ipsa entitas actus peccaminosi adæquatè sumpta quoad omnia sua prædicata essentialia physica, videlicet entis realis, accidentis, actus humani liberi, talis actus in specie & in indiuiduo: ratio formalis eiusdem peccati pertinet ad ordinem moralem, & importat malitiam moralem ipsius actus, quæ exurgit in actu per hoc quòd tendat in obiectum moraliter malum, siue propositum per regulas morum vt fugiendum. Querimus ergo in præsentī, vtrum hæc ratio formalis constitutiva peccati commissionis sit denominatio realis extrinseca actui peccaminoso, vel vtrum sit aliquid intrinsecum actui.

Prima opinio asserit, malitiam moralem, quæ est ratio formalis constitutiva peccati commissionis, esse denominationem realem extrinse-

cam actui peccaminoso: hanc sequuntur illi Authores, qui supra docuerunt moralitatem actus humani esse denominationem extrinsecam. Probatur iisdem fundamentis ad præsens intentum applicatis: Malitia moralis actus humani habet pro fundamento eius libertatem; & prouenit ab aliquo extrinseco, scilicet vel ab obiecto, vel à ratione, vel ab alia lege positiua: ergo ex vtroque capite est tantum denominatio realis extrinseca; ex primo quidem, quia libertas est tantum denominatio extrinseca in actu humano, & consequenter malitia moralis in libertate fundata non potest esse aliquid intrinsecum, denominatio quippe extrinseca non potest esse fundamentum formæ intrinsecæ; ex secundo etiam capite est tantum denominatio extrinseca, quod enim prouenit ab extrinseco, non potest esse forma intrinseca.

Secundò, Idem actus humanus, absque eo quod intrinsecè mutetur, potest fieri de malo moraliter bonus, & è contra; & sic acquirere bonitatem moralem & amittere malitiam, & è cōtra, vt si quis comedens carnem tempore prohibito per legem, continuet comestionem cessante prohibitionē propter mutationem extrinsecam legis: ergo malitia moralis non est quid intrinsecum, at sola denominatio extrinseca; cum sit impossibile mutari aliquid intrinsecum in subiecto, & non mutari intrinsecè tale subiectum.

Tertiò, Malitia moralis actus humani sæpe dependet à sola voluntate hominis, sicut ab illa sola dependet lex prohibens talem actum, ex qua lege talis actus habet suam malitiam moralem: sed quæ dependent à sola voluntate hominis sunt puræ denominationes extrinsecæ, vt constat in officiis, honoribus, &c: ergo malitia moralis actus humani, quæ est ratio formalis constitutiva peccati commissionis, est tantum denominatio realis extrinseca.

CONCLUSIO.

RESPONDEO dicendum, quòd ratio formalis constitutiva peccati commissionis, siue malitia moralis non est denominatio realis extrinseca. Ita communiter Discipuli D. Thomæ & alij.

Probatur conclusio iisdem rationibus, quibus supra ostensum est, moralitatem in communi non esse denominationem extrinsecam actus humani, sic tamen ad intentum applicatis: Ratio formalis constitutiva peccati commissionis importat malitiam moralem actus humani, vt communiter conceditur: malitia autem moralis actus humani consistit in difformitate eius ad obiectum morale, siue in habitudine difformitatis ad obiectum vt determinatum per regulas morum: sed talis habitudo difformitatis ad obiectum morale est aliquid intrinsecum actui humano, sicut & habitudo conformitatis; nam sicut habitudo eius ad obiectum physicum est aliquid ipsi intrin-

intrinsecum, quia per illam specificatur in esse physico; sic habitudo eius ad obiectum morale est aliquid ipsi intrinsecum, quia per illam specificatur in esse morali; specificatum enim per modum formæ debet esse intrinsecum rei specificatæ, in quocunque sit ordine, cum sit constitutum ipsius: ergo ratio formalis constitutiva peccati commissionis est aliquid intrinsecum actui humano, & non sola denominatio extrinseca.

Secundò, Ratio formalis constitutiva actus virtutis, siue bonitas moralis actus humani non est sola denominatio extrinseca; sed verè est aliquid intrinsecum actui, scilicet habitudo conformitatis eius ad obiectum morale, ut docet D. Thomas supra quæst. 12. vnde actus virtutis est & dicitur intrinsecè bonus: ergo etiam ratio formalis constitutiva peccati commissionis, siue malitia moralis actus humani non est sola denominatio extrinseca, sed verè est aliquid intrinsecum actui, ut constat ex paritate rationis, nam sicut bonitas moralis consistit in habitudine conformitatis actus ad obiectum morale, sic malitia moralis consistit in habitudine diffinitatis actus ad obiectum morale, vnde actus peccati commissionis est & dicitur intrinsecè malus.

Tertiò, Malitia moralis, quæ est ratio formalis constitutiva peccati commissionis, & est forma denominans actum humanum peccaminosum, debet esse intrinsecè in aliquo subiecto; omnis quippe forma denominans est intrinsecè in aliquo, cui tribuit denominationem intrinsecam, quamuis aliis tribuat denominationem extrinsecam, ut constat inductione in omnibus: sed malitia moralis non est intrinsecè in aliquo concurrente ad actum peccati commissionis, scilicet nec in potentia morali, nec in obiecto item morali; nec in ratione vel lege, quasi ab illa talis actus extrinsecè denominetur moraliter malus, ut ostensum est supra circa moralitatem in communi disp. 18. dubio 3. in secunda parte conclusionis: ergo malitia moralis, quæ est ratio formalis constitutiva peccati commissionis, & est forma denominans actum humanum peccaminosum, est intrinsecè in peccato commissionis; si enim debet esse in aliquo intrinsecè, & non est intrinsecè in aliquo concurrente ad actum peccaminosum, restat quòd sit intrinsecè in ipso actu peccati commissionis; imò hoc manifestè indicatur ipsis terminis, nam ratio formalis constitutiva alicuius actus in sua specie, debet esse essentialis, & consequenter intrinseca: vnde ratio formalis constitutiva peccati commissionis non est denominatio realis extrinseca.

Ad primum ergo dicendum, quòd libertas est modus intrinsecus actus humani, ut supra ostensum est, vnde in ea potest fundari modus intrinsecus malitiæ moralis; quæ effectiue procedit à voluntate deficienter tendente ad ob-

iectum morale, & ideo potest esse modus intrinsecus actui in ordine ad tale obiectum, à quo solum procedit ut à fine siue termino, aliquid autem intrinsecum potest sic procedere ab extrinseco.

Ad secundum dicendum, quòd talis actus mutatur intrinsecè in esse moris, amittendo scilicet malitiam moralem, & acquirendo bonitatem moralem, vel è contra, quæ sunt modi intrinseci & oppositi actuum humanorum; quamvis non mutetur intrinsecè in esse physico.

Ad tertium dicendum, quòd malitia moralis actus humani non dependet immediatè & directè à voluntate vel à lege humana, sed tantum mediatè & indirectè, in quantum lex prohibet obiectum, per ordinem ad quod actus humanus procedit à voluntate defectuosus & moraliter malus: vnde est disparitas in instantiis, nam illa assignata dependent immediatè & directè à voluntate vel intellectu hominis, quæ sunt extrinseca illi in quo sunt officia & honores; vnde non mirum, quòd ista sit tantum denominationes extrinseca.

D V B I U M II.

Utrum ratio formalis constitutiva peccati commissionis sit purum ens rationis.

Supponendum est, ex Logicis, quòd purum ens rationis dicitur illud, quod habet tantum esse obiectiue in intellectu: vnde nihil est in rerum natura, apprehenditur tamen ab intellectu quasi verè esset aliquid à parte rei. Inter entia rationis sunt aliqua, quæ habent modum substantiæ, ut sunt Chimeræ: alia sunt, quæ habent modum qualitatis, ut negationes & priuationes: alia tandem sunt, quæ habent modum relationis, ut ratio generis, speciei, &c. Hæc vltima tantum propriè dicuntur entia rationis logica, & de his solum procedit præsens dubium; vnde quæritur utrum ratio formalis constitutiva peccati commissionis sit purum ens rationis logicum siue relatio rationis: quòd enim non sit ens rationis primi generis, scilicet per modum substantiæ, est satis evidens, quia peccatum commissionis consistit in actu humano inordinato, inordinatio autè non habet modum substantiæ: utrum autem possit dici ens rationis secundi generis per modum priuationis vel negationis, dicetur postea; Circa quæ nota, quòd priuationes & negationes non sunt pura entia rationis, quamuis enim conueniant cum entibus rationis, quòd nullam à parte rei dicunt entitatem, & tantum apprehenduntur ad modum entis: differunt tamen à puris entibus rationis, quòd pura entia rationis non sunt formaliter à parte rei, at tantum fundamentaliter, vnde cessante actione intellectus nullum est formaliter purum ens rationis; priuationes autem

& negationes verè sunt à parte rei independenter ab intellectu, quia nemine cogitante datur verè cæcitas quæ in animali est priuatio visus, & in lapide est negatio ipsius: vnde priuationes & negationes non sunt à parte rei in ratione entis, benè tamen in propria ratione priuationis & negationis, quia verè à parte rei sunt aliquæ formæ priuatæ & negatæ: Quamuis autè ex dictis supra de moralitate actuum humanorum in communi, posset haberi decisio huius dubij, ad maiorem tamen huius materiæ euidentiā, specialiter tractandum est de formali constitutiua peccati, siue de malitia morali, quia ibi principaliter tractatum est de bonitate morali constitutiua actus virtutis, & ad hunc locum examen accuratum malitiæ moralis remissum est.

Prima opinio Vasquis hîc disp. 95. cap. 9. & 10. asserit quòd ratio formalis constitutiua peccati commissionis sit purum ens rationis. Probatur: Ex vna parte totum ens morale oritur & dependet à ratione, qua deficiente nulla esset moralitas: ex alia verò parte malitia actus humani tota pendet ex aliena voluntate: ergo talis malitia, quæ est ratio formalis constitutiua peccati commissionis, est purum ens rationis; quod enim est in actu humano tantum dependenter à ratione, & à voluntate aliena, non potest esse aliquid reale, vt valor pecuniæ, dignitas officij, &c.

Secundò, Malitia moralis actus humani, quæ est ratio formalis constitutiua peccati commissionis, est relatio difformitatis ipsius actus ad obiectum sumptum in esse moris, siue vt prohibitum aliqua lege: sed relatio actus ad suum obiectum est tantum relatio rationis, quando obiectum non existit à parte rei, & est tantum in apprehensione, quomodo est obiectum morale, & maximè quando est aliquid impossibile, vt si quis appetat omnimodam æqualitatem Dei: ergo malitia moralis, quæ est ratio formalis constitutiua peccati commissionis, est relatio rationis, siue purum ens rationis.

Tertiò, Malitia moralis in obiectis non est quid reale, sed tantum est quid rationis; quòd enim obiectum sit prohibitum aliqua lege, nihil est reale, at tantum relatio rationis talis obiecti ad legem prohibentem: ergo cum actus sint proportionati obiectis, à quibus specificantur, malitia etiam moralis in actibus est purum ens rationis; & consequenter ratio formalis constitutiua peccati commissionis est purum ens rationis.

CONCLUSIO.

RESPONDEO dicendum, quòd malitia moralis actus humani, quæ est ratio formalis constitutiua peccati commissionis, non est purum ens rationis: sed est aliquid saltem realiter à parte rei, eo modo quo sunt priuationes & negationes. Ita communiter Discipuli D. Thomæ & alij.

Probatur conclusio, Purum ens rationis est tantum obiectiue in intellectu, nec reperitur in rebus anrequam ab intellectu fiat, & cessante actione intellectus statim esse desinit, vt communiter conceditur: sed malitia moralis actus humani, quæ est ratio formalis constitutiua peccati commissionis, verè est in actu humano à parte rei independenter à fictione intellectus; nam independenter ab intellectu cogitante, actus humanus factus contra regulas morum, est malus moraliter à parte rei & peccatum, vt debet concedi, alioquin tantum darentur peccata per fictionem intellectus, & non verè à parte rei, quod est absurdum dicere: ergo malitia moralis actus humani, quæ est ratio formalis constitutiua peccati commissionis, non est purum ens rationis; sed est aliquid saltem realiter à parte rei, eo modo quo sunt priuationes & negationes: Hoc vltimum additur, quia in præsentii dubio solum excludimus, quòd formale peccati sit purum ens rationis, in sequentibus autem determinabimus, Vtrum sit quid reale positium, vel tantum realiter priuatum.

Secundò, Ex vna parte nemine cogitante malitia moralis, quæ est ratio formalis constitutiua peccati commissionis, est realiter distincta à bonitate morali formaliter constitutiua actus virtutis: & ex alia parte sicut actus virtutis ratione suæ bonitatis causat habitum virtutis, sic actus peccati commissionis ratione suæ malitiæ moralis causat habitum vitij ex Aristotele. 1. Ethicorum cap. 1. nam sicut actui humano physicè considerato correspondet entitas physica habitus per ipsum producti, sic eius bonitati vel malitiæ morali correspondet bonitas vel malitia moralis habitus: sed est impossibile quòd aliquid sit realiter distinctum ab alio nemine cogitante, & quòd à parte rei sit ratio producendi aliquid, nisi sit realiter & à parte rei; nam purum ens rationis sicut non est nisi intellectu cogitante, sic nec distinguitur ab alio, nisi intellectu cogitante, nec potest esse ratio vel conditio agendi independenter ab intellectu, quia distingui & agere consequuntur ad esse, & sequuntur modum ipsius: ergo malitia moralis actus humani, quæ est ratio formalis constitutiua peccati commissionis, non est purum ens rationis; sed est aliquid saltem realiter à parte rei, eo modo quo sunt priuationes & negationes.

Tertiò, Proprietates consequuntur essentiam & ipsi proportionantur, quia sunt complementum connaturale essentiæ; vnde eo modo sunt proprietates, quo modo est essentia, saltem non possunt proprietates esse realiter & à parte rei, nisi essentia sit realiter & à parte rei, aliàs modus essendi proprietatum excederet modum essendi essentiæ, quòd est impossibile: sed proprietates actus moraliter mali & peccati commissionis, videlicet demeritum & indignitas personæ sunt realiter & à parte rei, vt communiter conceditur,

tur, nemine quippe cogitante peccator peccans demeretur & habet quandam indignitatem: ergo malitia moralis, quæ est ratio formalis constitutiva peccati commissionis, & qua actus humanus est moraliter malus, non est purum ens rationis; sed est aliquid saltem realiter à parte rei, eo modo quo sunt priuationes & negationes.

A d primum ergo dicendum quantum ad primam partem, quod non omne quod oritur & dependet à ratione, est ens rationis in eo sensu quo intelligunt aduersarij; aliàs actus intellectus & voluntatis, & similiter omnia artificialia essent entia rationis, quia sic dependent à ratione, ut illa deficiente non essent: unde ens rationis propriè dicitur illud tantum, quod sic dependet ab intellectu, ut nullum habeat esse à parte rei, sed tantum esse obiectuum in intellectu. Quantum ad secundam partem dicendum, quod malitia actus humani directè & immediatè pendet à propria voluntate, difformiter operante in ordine ad leges; & tantum pendet indirectè & mediatè ab aliena voluntate, dictas leges constituyente.

A d secundum dicendum, quod malitia moralis actus humani est relatio transcendentis ad obiectum, utrum positiua, an priuatiua, statim dicetur, hanc consequitur relatio prædicamentalis in actu, quando adsunt conditiones requisitæ ad relationem realem; sin minus, est tantum relatio rationis supra transcendentalem.

A d tertium dicendum, quod malitia obiectiua dicit entitatem obiecti, ut attractam per actum peccati difformiter ad legem prohibentem: Quare autem malitia moralis actus sit distincta ab eius entitate, non autem malitia obiectiua ab entitate obiecti, dictum est supra.

D V B I U M III.

Utrum ratio formalis constitutiva peccati commissionis sit aliquid positiuum.

SUpponendum est, quod in peccato commissionis est actus humanus liber, pertinet per se ad ipsum peccatum, quasi materiale ipsius; & per hoc distinguitur à peccato omissionis, in quo non reperitur aliquis actus per se ad ipsum requisitus, sed tantum per accidens ut occasio vel causa peccati, ut ostendetur disputatione sequenti. Igitur in peccato commissionis per se reperitur actus, quo peccator se conuertit ad bonum commutabile creaturarum indebitè ac inordinatè, quia creaturis inhæret contra regulas morum; & consequenter à Deo se auertit bono incommutabili, per hoc enim quod contra leges à Deo positas inordinatè amat creaturas; Deo facit iniuriam, quatenus hic amor inordinatus non est ordinabilis ad Deum vltimum finem, & ita sistit interpretatiuè in creaturis tan-

quam in vltimo fine; & quia Deus & creatura aliqua non possunt assumi ut vnus vltimus finis (est enim iniuriosum Deo, quod ei coæquetur creatura in ratione vltimi finis, cum sit de intrinseca ratione Creatoris quod sit vltimus finis creaturæ sibi subordinatæ, sicut & quod sit primum eius principium); nec potest esse nisi vnus vltimus finis, inde est quod per amorem inordinatum, quo se conuertit ad creaturam formaliter, se virtualiter auertit à Deo ut vltimo fine. Querimus ergo in præsentī, utrum malitia moralis, quæ est ratio formalis constitutiva peccati commissionis, sit aliquid positiuum: de materiali quippe dicti peccati commissionis, quod importat entitatem physicam ipsius, nullus dubitat, quin sit aliquid reale positiuum.

Prima opinio, quam sequuntur plures ex Discipulis D. Thomæ, asserit malitiam moralem, quæ est ratio formalis constitutiva peccati commissionis, esse aliquid positiuum. Probatur auctoritate eiusdem Angelici Doctoris: 1. p. q. 48. art. 1. ad 2. ait: Sic igitur malum, quod est differentia constitutiva in moralibus, est quoddam bonum adiunctum priuationi alterius boni: sicut finis intemperati est non quidem carere bono rationis, sed delectabile sensus absque ordine rationis; unde malum in quantum malum non est differentia constitutiva, sed ratione boni adiuncti. Idem docet 3. contra Gentes cap. 9. Et q. sequenti art. 6. ad 2. ait: Peccatum etiam non habet speciem ex parte auersionis, quia secundum hoc est negatio vel priuatio; sed ex parte conuersionis, secundum quod est actus quidam, unde secundum diuersa præcepta legis non diuersificantur peccata secundum speciem. Et art. 9. ad 2. ait: Malum in quantum huiusmodi priuatio est, & ideo diuersificatur specie secundum ea quæ priuantur, sicut & ceteræ priuationes: sed peccatum non sortitur speciem ex parte priuationis vel auersionis, ut supra dictum est (scilicet art. 1. eiusdem questionis, ubi illud ex professo probat) sed ex conuersione ad obiectum actus.

Secundò, Peccatum formaliter consideratum dicit actum terminatum ad obiectum moraliter malum siue dissonum rationi: sed totum hoc est aliquid positiuum, nam quod actus terminetur ad obiectum sub regulis morum non importat per se primò priuationem, ut constat in actu moraliter bono: ergo malitia moralis, quæ est ratio formalis constitutiva peccati commissionis, sicut & bonitas moralis, quæ est ratio formalis constitutiva actus virtutis, est aliquid positiuum: maxime quia sunt aliqui actus intrinsecè mali ex præciso ordine ad proprium obiectum.

Tertiò, Ratio formalis constitutiva peccati commissionis non est quid priuatiuum, siue non est in actu priuatio rectitudinis moralis; Tum quia aliàs peccatum commissionis non distingueretur à peccato omissionis, consistente forma-

liter in priuatione; Tum quia hæc priuatio consequitur ad rationem peccati, per hoc enim quod actus humanus attingit obiectum moraliter malum, verè habet rationem peccati, ad quod consequitur quod in eo sit priuatio debitæ rectitudinis; Tum quia in actu intrinsecè malo non potest esse priuatio debitæ rectitudinis, cum nõ sit aptus ad illam habendam, imò repugnet illi talis rectitudo: ergo ratio formalis constitutiva peccati commissionis est aliquid positium; cum enim sit aliquid intrinsecum actui à parte rei, si non est quid priuatiuum, necessariò est aliquid positium.

CONCLUSIO.

RESPONDEO dicendum, quod ratio formalis constitutiva peccati commissionis non est aliquid positium. 2. sed totum positium, quod reperitur in actu peccati commissionis, pertinet ad materiale talis peccati. Ita docent plures ex Discipulis D. Thomæ, extra scholam verò Thomisticam S. Bonaventura in 2. d. 34. art. 2. q. 3. Durandus ibidem q. 2. & alij.

Probatur prima pars conclusionis (in qua solum est difficultas, secunda enim sequitur ex prima) autoritate sacræ Scripturæ & Sanctorum Patrum. In Scriptura sæpe habetur, quod omnis creatura, siue omnis entitas positiua est bona, vt Ecclesiast. 3. dicitur, Cuncta fecit bona in tempore suo, & 1. ad Timotheum 4. Omnis creatura Dei bona est: constat autem quod peccatum formaliter consideratum non potest dici bonum, imò in eadem sacra Scriptura dicitur malum & abominabile, & sic ratio formalis constitutiva peccati commissionis non est aliquid positium. Sancti Patres communiter docent peccatum esse defectum, esse priuationem & absentiam boni, esse actum inordinatum & defectuosum, vnde est illud Augustini, quod peccare non est efficere, sed deficere. Dionysius cap. 4. de Diuinis Nominibus inter alia habet: Itaque neque in dæmonibus, neque in nobis est malum quasi existens, sed vt defectus & desertio priorum bonorum. S. Augustinus serm. 22. de Verbis Domini, & D. Thomas 1. p. q. 15. art. 3. ad 1. asserunt quod peccatum non habet idæam in Deo, nec à Deo cognoscitur in se per seipsum, sed per bonum oppositum: constat autem quod omne positium completum, quale esset peccatum si ratio formalis ipsius constitutiva esset positiua, habet idæam in Deo. Plura adducuntur Sanctorum Patrum, & maximè D. Thomæ testimonia, ad probandum quod ratio formalis constitutiva peccati commissionis est aliquid priuatiuum, ex quo necessariò sequitur quod non sit aliquid positium.

Secundò, Ratio formalis constitutiva peccati commissionis est malitia moralis actui humano coniuncta, & quicquid aliud consideratur in actu peccaminoso, pertinet ad ordinem physicum, & est tantum materiale peccati, nam sicut

peccatum formaliter consideratum pertinet ad genus moris & est malum morale, sic ratio formalis constitutiva ipsius debet esse malitia moralis; quæ exurgit in actu per hoc quod sit difformis regulis morum, imò est ipsa difformitas: sed malitia moralis non est aliquid positium, alioquin esset participatio diuinæ entitatis; omne quippe positium est participatio diuinæ entitatis; constat autem quod nihil est, aut esse potest in Deo malitiæ moralis, sicut nec mali naturalis, cum Deus sit summum bonum in omni ordine: ergo ratio formalis constitutiva peccati commissionis non est aliquid positium.

Tertiò, Si ratio formalis constitutiva peccati commissionis sit aliquid positium, sequitur quod Deus æquè sit causa peccati formaliter considerati, ac est causa actus virtutis, cum Deus sit causa totius entitatis positiuæ, vt docet D. Thomas 1. p. q. 44. art. 1. & communiter conceditur, aliàs aliquid positium esset independens à Deo, & sic Deus non esset prima & vniuersalissima omnium causa: sed non potest dici quod Deus sit causa peccati formaliter considerati, at tantum conceditur quod sit causa prima ipsius materialis peccati, & adhuc materialiter considerati; Concilium enim Tridentinum Sessione 6. canone 6. definit Deum non esse causam peccati, quod communiter intelligitur quantum ad formale ipsius; & meritò, nam aliàs Deus esset sibi contrarius, quia efficeret in nobis id quod prohibet fieri, & nos puniret pro eo quod ipse principaliter efficeret, causa quippe prima principaliter influit quàm causa secunda, in illud quod ab vtraque efficitur, quia causa prima agit in propria virtute, & causa secunda agit in virtute causæ primæ: ergo ratio formalis constitutiva peccati commissionis non est aliquid positium. Nec valet solutio aliquorum ad vtramque rationem, scilicet quod in malitia morali est aliquid entitatis naturalis transcendentaliter imbibitæ, ratione cuius est participatio diuinæ entitatis & effectus diuinæ causalitatis. Nam contra primò, quia entitas transcendentaliter in aliquo imbibita, est idem realiter cum ipso, & pertinet ad eundem ordinem physicum aut moralem: vnde immeritò illa entitas dicitur naturalis, non moralis; maximè quia ratio transcendentaliter contenta & res continens non important conceptus distinctos & permixtos: & consequenter si malitia moralis sit participatio diuinæ entitatis, & effectus diuinæ causalitatis ratione illius entitatis imbibitæ, etiam sub formali sua ratione malitiæ moralis erit participatio diuinæ entitatis, & effectus diuinæ causalitatis; quod tamen dici non potest. Deinde, Esto quod in malitia morali transcendentaliter imbibetur aliquid entitatis naturalis, adhuc non posset dici quod ratio formalis constitutiva peccati commissionis sit simpliciter aliquid positium propter illud entitatis naturalis imbibitæ; si semel malitia moralis formalissimè

malissimè considerata, & vt formaliter distincta ab illa entitate vt volunt Aduersarij, non sit aliquid positium, quia cum peccatum formalissimè consideratum sit in genere moris, eius ratio formalis constitutiva formaliter sumpta est quid morale, & debet simpliciter denominari positiua vel non positiua secundum morale quod formaliter importat, & non secundum entitatem naturalem quam includit per modum transcendentis.

A d primum ergo dicendum, quòd D. Thomas in omnibus illis locis in contrarium adductis sumit malum morale seu peccatum materialiter & fundamentaliter, non autem formaliter, siue illud sumit secundum id quod habet de materiali, quod est fundamentum rationis eius formalis constitutivæ ipsius in esse morali. Dicimus ergo cum D. Thoma in illis locis quòd ratio constitutiva & distinctiva peccati siue mali moralis materialiter sumpti, est aliquid positium & bonum; sed tamen habet adiunctam priuationem rectitudinis debitæ in actu, quæ priuatio sic adiuncta ac diuersa specie proportionaliter ad ea quæ priuantur, est ratio formalis constitutiva peccati commissionis formaliter & in esse morali considerati, vt amplius statim declarabitur. Quod autem hæc sit mens D. Th. constat ex textus ipsius expensione: imò in duobus locis prioribus stat pro nobis; vnde 1. p. quæst. 48. art. 1. in corpore ait: Non potest esse quod malum significet quoddam esse aut quædam formam seu naturam; relinquatur ergo quòd nomine mali significetur quædam absentia boni; & pro tanto dicitur quòd malum neque est existens neque bonum: quia cum ens in quantum huiusmodi sit bonum, eadem est remotio vtrorumque. Et lib. 3. contra Gentes cap. 9. ait: Malum morale genus & differentia est in moralibus, non quidem quatenus est priuatio boni rationis, ex quo malum dicitur, sed ex natura actionis vel habitus alicuius habentis ordinem ad finem aliquem contrarium bono rationis: sicut homo cæcus est humanæ speciei indiuiduum, non ratione priuationis visus, sed quatenus est hic homo: quod testimonium expenditur dubio sequenti.

A d secundum dicendum, quòd eo ipso quòd obiectum morale est dissonum rationi, actus humanus qui in ordine ad illud elicitur, habet in ipso suo elici & ex vi ipsius, quòd sit priuatus rectitudine sibi debita, & consequenter quòd sit peccatum formaliter: vnde non prius intelligitur actus peccati elici, & postea priuari debita rectitudine, sed elicitur priuatus tali rectitudine, & per hoc præcisè habet quòd sit formaliter peccatum. Ad illud quod additur de bonitate morali, dicendum quòd est disparitas, quia bonum conuertitur cum ente, ens autem morale est quid positium, & consequenter bonitas moralis est quid positium; malum autem

est priuatio boni, & consequenter est priuatio entis, & sic malitia moralis non est quid positium, sed priuatiuum entitatis positivæ.

A d tertium dicendum, quòd ratio formalis constitutiva peccati commissionis est quid priuatiuum, vt dicitur dubio sequenti. Vnde ad primam probationem in contrarium, dicendum quòd peccatum commissionis distinguitur essentialiter à peccato omissionis in hoc, quòd peccatum omissionis consistit in sola priuatione, non enim habet actum per se acquisitum ad eius existentiam, at tantum per accidens, vt dicitur disputatione sequenti: peccatum verò commissionis per se petit actum ad sui existentiam, cui tanquam materiali coniungitur priuatio rectitudinis, quæ est formale peccati. Ad secundam probationem dicendum, quòd est impossibile concipi peccatum absque illa priuatione rectitudinis, cum hæc sit ratio formalis constitutiva peccati, & non proprietas consequens, per hoc enim quòd actus humanus attingit obiectum moraliter malum siue contra regulas morum, habet formaliter quòd sit inordinatus, & indirectus siue priuatus rectitudine debitæ, quod est esse peccatum in genere moris. Ad tertiam probationem constabit ex dicendis dubio sequenti.

D V B I V M IV.

Vtrum ratio formalis constitutiva peccati commissionis sit aliquid priuatiuum.

S Vpponendum est, quòd priuatio & negatio in hoc conueniunt, quòd ambo dicant carentiam formæ in subiecto: in hoc autem differunt, quòd priuatio importet talem carentiam in subiecto apto ad habendam talem formam, quam aptitudinem subiecti nõ requirit negatio: Sumuntur autem tribus modis priuatio & negatio ex Aristotele 4. Metaphysicæ textu 4. & D. Thoma ibidem. Negatio igitur sumitur Primo latè pro quocunque non esse, & dicitur negatio simplex & pura: quia dicit meram remotionem siue absentiam entitatis, nec prout sic determinat sibi vel connotat aliquod subiectum, & in hoc sensu ipsum nihil siue non esse, non homo, non sedens dicuntur negationes. Secundo sumitur minus latè pro remotione & carentia entitatis siue formæ in aliquo subiecto, abstrahendo quod habeat vel non habeat aptitudinem ad talem formam: & sic comprehendit tam negationem quàm priuationem propriè dictam. Tertiò sumitur propriè & strictè pro carentia formæ in subiecto inepto ad illam habendam, vt carentia visus in lapide: in hoc sensu vna species dicit negationem alterius, & negatio vt sic opponitur priuationi propriè dictæ, quæ est carentia formæ in subiecto apto. Similiter priuatio sumitur tribus modis ex Aristotele 5. Metaph. textu

textu 27. & D. Thoma 1. p. q. 33. art. 4. ad 2. & alibi. Primò sumitur, quando subiectum caret forma, quæ nata est haberi ab aliquo, quodcunque illud sit: sed tamentale subiectum non est aptum habere illam, ut priuatio visus in lapide; & sic opponitur negationi primo modo sumptæ, sed coincidit cum eadem secundo modo. Sumitur secundò quando subiectum caret forma, quam licet ipsum non possit habere; potest tamen haberi ab aliquo sui generis, ut carentia visus in talpa. Tertiò quando subiectum caret forma, quam ipsum natum est habere, quando & ubi debet habere, ut tenebræ in aëre, & cæcitas in cane post nonum diem; & hæc est propria acceptio priuationis, & sic opponitur negationi: Priuatio autem sic propriè sumpta diuiditur in illam quæ consistit in fieri, & recipit magis & minus, ut agritudo, obscuritas, &c. & in illam quæ consistit in facto esse & in indiuisibili, ut mors, tenebræ, cæcitas. Quærimus ergo in præsentī, utrum ratio formalis constitutiuā peccati commissionis sit aliquid priuatiuum, & in qua priuatione consistat.

Prima opinio negat rationem formalem constitutiuā peccati commissionis esse aliquid priuatiuum: hanc sequuntur omnes illi Auctores, qui docent malitiam moralem esse aliquid positium. Probatum auctoritate D. Thomæ, tum locis dubio præcedēti citatis, ubi docet quòd ratio specificatiua peccati commissionis est quid positium, & consequenter ex ipso non est quid priuatiuum; tum specialiter 2.2. q. 6. art. 2. ad 2. ubi sic ait: Deformitas non solum importat priuationem debitæ formæ, sed contrariam dispositionem: unde deformitas se habet ad actum, sicut falsitas ad fidem.

Secundò, Ex vna parte moralitas in communi, cum sit genus ad bonitatem & malitiam moralem, est forma positua: ex alia verò parte plures actus peccaminosi ita sunt intrinsecè mali, ut nullo modo possint esse moraliter boni, sicut mendacium, odium Dei, &c: ergo ex utraque parte habetur, quòd malitia moralis, quæ est formalis ratio constitutiuā peccati commissionis, non sit aliquid priuatiuum; ex prima quidem, quia aliquod superius genericum non potest contrahi ad inferiora, quorum vnum sit positium, & aliud priuatiuum, unde cum bonitas moralis ex communi doctrina sit aliquid positium, malitia moralis quæ est aliud inferius moralitatis, non potest esse aliquid priuatiuum; ex secunda verò parte habetur, quia priuatio definitur, quòd sit carentia formæ in subiecto apto, constat autem quòd actus intrinsecè mali, non sunt apti habere rectitudinem, quam dicitur priuare malitia moralis, imò est impossibile quòd illam habeant.

Tertiò, Si ratio formalis constitutiuā peccati commissionis esset aliquid priuatiuum, sequeretur plura inconuenientia. Primum esset,

quòd peccatum commissionis nihil esset reale, cum entitas alicuius præcipuè attendatur ex ratione formali, & ita non distingueretur à peccato omissionis. Secundum esset, quòd peccatum commissionis formaliter consideratum esset ens rationis, cum priuatio sit ens rationis, & tamen negatur quòd formale peccati commissionis sit ens rationis. Tertium esset, quòd ex positiuo actus peccati commissionis tanquam ex materiali, & ex priuatiuo malitiæ moralis tanquam ex formali fieret vnum per se peccatum, & tamen est impossibile quòd ex positiuo & priuatiuo fiat vnum per se, propter omnimodam disproportionem. Quartum esset, quòd peccata commissionis solum constituerentur in specie, & distinguerentur ab inuicem penes rationem materiale, non autem penes rationem formalem, cum omnia conueniant in priuatiuo: ergo ratio formalis constitutiuā peccati commissionis non est aliquid priuatiuum.

CONCLUSIO.

RESPONDEO dicendum, quòd ratio formalis constitutiuā peccati commissionis est aliquid priuatiuum 2. & est priuatio rectitudinis in actu peccaminoso 3. ad quam consequitur priuatio rectitudinis in persona peccatoris. Ita docent Discipuli D. Thomæ & alij, qui negant rationem formalem constitutiuā peccati commissionis esse formam positiuam.

Probatum prima pars conclusionis auctoritate sacre Scripturæ & Sanctorum Patrum, apud quos natura peccati etiam commissionis explicatur nominibus priuatiuis, ut quòd sit nihil, quòd sit inordinatio, quòd sit defectus, quòd sit iniquitas. Vnde Dionysius cap. 4. de Diuinis Nominibus ait: Si malas fieri animas dicimus; in quo fiunt malæ, nisi in bonarum qualitatum operationumque defectu, atque proueniente ex infirmitate propria priuatione, ac prolapsione fruendi bonis suis? nam circumfusus nobis ærem offundī tenebris dicimus defectu atque absentia lucis: itaque neque in dæmonibus, neque in nobis est malum quasi existens, sed ut defectus & desertio priorum bonorum. Augustinus lib. 11. de Ciuitate Dei cap. 9. ait: Mali nulla natura est, sed amissio boni mali nomen accepit: & lib. 83. qq. quæst. 6. ait: Totum hoc nomen mali de speciei priuatione repertum est. Et exponens illud Euangelistæ, Sine ipso factum est nihil, per nihil intelligit peccatum. Et alibi sæpe docet, quòd peccare etiam peccato commissionis, non est aliquid efficere (intellige de formali peccati) sed est deficere, & ex hoc infert quòd potest creatura ex seipsa peccare, quia ex nihilo est. Idem docent plures alij Patres citati à Valentia disputatione 2. de Bonitate & malitia quæst. 13. puncto 3. Tandem D. Thomas multis locis docet, quòd malum morale siue peccatum consistit in priuatione: hic art. 1. dicit peccatum esse actum inordinatum: infra q. 75. art. 6. dicit

dicit quòd inordinatio peccati non est simplex negatio, sed priuatio eius, quod quidem natū est & debet habere: & q. 109. art. 2. ait, peccatum esse defectum boni. Item 3. contra Gentes cap. 9. docet quòd malum morale est, quod priuat ordine rationis. Idem passim alibi repetit. Nec valet solutio dicentium, quòd Sancti Patres exprimūt rationem formalem peccati commissionis nominibus significantibus priuationem & non formam positiuam, quia licet sit quid positiuum, melius tamen exprimitur per negatiuum. Nam contra primò, quia Sancti Patres non solum appellant peccatum aliquid priuatiuum, sed etiam expresse dicunt, quòd non sit aliquid positiuum. Deinde non ita abstrusa est natura peccati commissionis, quin facile possit explicari nominibus significantibus formam positiuam, si illam importaret, sicut illam explicant aduersarij similibus nominibus: quamuis in aliquibus simplicibus, ut in puncto, opus sit utri nominibus negatiuis. Probatur rationibus adductis dubio præcedenti, quæ etiam præsentis doctrinam conuincunt, Si enim malitia moralis nō est quid positiuum, necessario debet esse aliquid priuatiuum in actu humana. Denique specialiter probatur sequenti ratione: Malum ex propria ratione formali opponitur bono priuatiuè, ut constat tum adductis Patrum autoritatibus, tum inductione in aliis generibus, nam in genere entis naturalis malum est priuatio perfectionis naturalis, & in genere entis artificialis malum dicit priuationem conformitatis ad regulas artis; quamuis in utroque genere sit aliquid positiuum, quod est fundamentum & materiale illius priuationis: ergo malitia moralis, quæ est ratio formalis constitutiua peccati commissionis, opponitur priuatiuè bonitati morali, & cum bonitas moralis sit forma positiva in genere moris, malitia moralis debet esse priuatio talis formæ.

Probatur secunda pars conclusionis: ex hoc præcisè quòd actus humanus est rectus & conformis ad regulas morum, est actus moraliter bonus & virtuosus: è contra verò ex hoc ipso quòd non est rectus & conformis ad regulas morum, est actus moraliter malus & peccaminosus: ita ut seclusa habitudine conformitatis aut difformitatis ad regulas morum, actus humanus non intelligatur formaliter bonus aut malus, at tantum fundamentaliter: sed sicut conformitas ad regulas morū importat rectitudinem in actu virtuoso, sic difformitas ad regulas morum importat priuationem rectitudinis in actu peccaminoso; propterea D. Thomas hic art. 1. actum peccati vocat actum inordinatum: ergo ratio formalis constitutiua peccati commissionis est priuatio rectitudinis in actu peccaminoso.

Probatur tertia pars conclusionis: Creatura intellectualis est naturali appetitu ordinata ad bonum rationis, ad ipsum verò bonum rationis ordinatur liberè per actum rationi conformem;

deordinatur autem liberè per actum rationi difformem ab eodem bono rationis, ita ut ad deordinationem actus ab illo bono, consequatur deordinatio personæ peccatoris quasi effectus ipsius: ergo ad priuationem rectitudinis in actu peccaminoso, quæ est dicta deordinatio, consequitur priuatio rectitudinis in persona peccatoris.

Ad primum ergo dicendum, quòd D. Thomas in illo loco est manifestè pro nobis: nam cum sibi obieciſſet hoc argumentum, Sicut actus dicitur deformis propter hoc quod caret debita forma: ita etiam fides dicitur informis propter hoc quod caret debita forma: sed actus deformis peccati non est à Deo, ut supra dictum est: ergo neque etiam fides informis est à Deo. Sic respondet primò iuxta doctrinam traditam, quòd deformitas actus est de ratione speciei ipsius actus, secundum quòd est actus moralis, ut supra dictum est (videlicet in præſenti quæſtione art. 6.) dicitur enim actus deformis per priuationem formæ intrinsecæ, quæ est debita commensuratio circumſtantiarum actus, & ideo non potest dici causa actus deformis Deus, qui non est causa deformitatis, licet sit causa actus inquantum est actus. Secundò respondet hæc quæ continentur in obiectione, tanquam probabilia ad soluendum prædictum argumentum, quamuis non ita conformia eius doctrinæ.

Ad secundum dicendum, quòd moralitas in communi non est superius essentialiale vniucum ad bonitatem & malitiam moralem, sed est superius analogum; & ita non dicit vnam simpliciter rationem, sed dicit duas simpliciter rationes, quarum vna est positiva in bonitate, alia verò est priuatiua in malitia. Ad aliam partem dicendum, quòd priuatio strictè quidem sumpta est quando subiectum caret forma, quam ipsum natum est habere, quando & ubi debet habere: latius tamen sumpta priuatio est, quando subiectum caret forma, quam licet ipsum non possit habere, potest tamen haberi ab aliquo sui generis, ut carètia visus in talpa: probat ergo obiectio, quòd ratio formalis constitutiua peccati commissionis non est priuatio priori modo sumpta, quando actus est intrinsecè malus, sed non probat quòd non est priuatio posteriori modo.

Ad tertium dicendum, quòd ex doctrina conclusionis nullum sequitur inconueniens. Primum enim quod assignatur, non est inconueniens: fatemur siquidem quòd peccatum commissionis nihil est reale quoad suum formale, benè tamen quoad materiale per se importatum, ex quo etiam attenditur entitas talis peccati, & ratione cuius distinguitur à peccato omissionis, quod per se non importat actum, at tantum per accidens. Non autem sequitur secundum, quia priuatio non est purum ens rationis logicum, quod supra negatum est de peccato, quia licet in ratione entis totaliter dependeat à fictione rationis; non tamen in propria ratione

tione priuationis dependet à fitione rationis, sed est à parte rei. Tertiū quod assignatur, non est inconueniens, quia licet in ordine physico ex positiuo & priuatiuo non possit fieri vnum per se, bene tamen potest fieri in ordine morali, vt constat ex doctrina D. Thomæ 2.2. quæst. 6. art. 2. ad 2. Cuius differentie ratio est, quia ens physicum constituitur à parte rei, & ideo partes constituentes debent esse reales & proportionatæ: ens verò morale dependet à ratione, & variatur variata ratione, vnde potest constare pro formali ex habitudine vel conformitatis positivæ, vel difformitatis priuatiuæ ad rationem. Quantum ad quartum dicendum, quod peccata commissionis constituuntur adæquatè, & ab inuicem distinguuntur penes rationem materialem & rationem formalem simul: nam iuxta diuersitatem actuum est diuersa priuatio rectitudinis eorum in eorum in ordine ad regulas morum.

DISPUTATIO VII.

De Peccato Omissionis.

CONSIDERATA iam naturā peccati commissionis, considerandum est cum D. Thoma in præsentī quæstione articulo quinto Peccatum Omissionis, quantum ad essentiam, inceptiōem, & alia ad ipsum pertinentia.

D V B I V M I.

Vtrum actus, qui est causa vel occasio peccati omissionis, sit intrinsecè malus eadem malitia, morali, qua ipsum peccatum omissionis.

SUPPONENDUM est, ex D. Thoma hīc art. 5. & sex dictis supra dum ageretur de voluntario indirecto, quod quamuis possit dari omīssio voluntaria absque vllō actu formali, qui vel sit de essentia ipsius, vel qui per se coniūgatur cum ipsa: est tamen absolute & simpliciter impossibile dari omīssionem voluntariam absque vllō actu formali, vel antecedente, vel concomitante saltem per accidens, qui sit causa vel occasio omittendi. Vt autem omīssio voluntaria sit peccatum & malum morale, necessariò requiritur debitum siue obligatio non omittendi: tunc enim tantum peccat quis peccato omissionis, cum potest aliquid facere, debet facere, & non facit; & ita sicut peccatum commissionis est contra legem prohibentem aliquod malum fieri, sic peccatum omissionis est contra legem præcipientem aliquod bonum fieri. Cum igitur in omni peccato omissionis reperiatur aliquis actus coniunctus omīssioni, quæritur de ipso in præsentī vtrum sit malus moraliter, vtrum sit intrinsecè

malus, & vtrum sit malus eadem malitia morali qua ipsum peccatum omissionis; quæritur tantum de ipso actu coniuncto cum peccato omissionis, adæquatè distincto ab ipso; quia cum non pertineat per se, etiam tanquam materiale, ad peccatum omissionis, cuius quidditas & natura totalis consistit in priuatione, potest esse dubium, vtrum sit malus; cum tamen nullus dubitet; peccatum omissionis esse intrinsecè malum morale omninò priuatiuum.

Prima opinio Durandi in 1. disp. 35. quæst. 2. & aliorum, negat actum, qui est causa vel occasio peccati omissionis, esse moraliter malum, Probat: Ex vna parte actus studij vel orationis, qui potest esse causa seu occasio non audiendi Sacrum in die festo, est de se bonus ac laudabilis. ex alia verò parte non prohibetur aliqua lege; Tum quia præceptum audiendi Sacrum est affirmatiuum, & non negatiuum, & sic non prohibet talem actum; Tum quia actus prohibiti per legem sunt determinati, constat autem quod actus, qui sunt causa vel occasio omissionis, sunt indeterminati & innumeri: ergo talis actus studij vel orationis non est moraliter malus. Deinde, Actus ex obiecto bonus aliquando est occasio superbiæ, & per hoc non vitiatur, vt cum quis dat eleemosynam, & ex hoc sequitur vana gloria: ergo etiā ex paritate rationis, actus ex se bonus, qui est occasio peccati omissionis, non vitiatur nec fit moraliter malus. Denique intentio non redditur mala moraliter propter malam electionem ex D. Thoma in 2. d. 38. q. 1. art. 5. quamuis intentio sit causa vel occasio malæ electionis: ergo nec actus, qui est causa vel occasio peccati omissionis, est moraliter malus, si aliunde non sit malus; maximè quia per ipsum potest impleri aliquod præceptum, puta orandi, studendi, &c.

Secunda opinio negat actum, qui est causa vel occasio peccati omissionis, esse intrinsecè malum, & asserit denominari extrinsecè malum à malitia omissionis. Probat: Talis actus est præcisè malus, quia est causa vel occasio peccati omissionis, vt certum est, nam aliàs esset bonus, puta actus studij vel orationis qui est causa vel occasio omittendi Sacrum in die festo (non enim loquimur in præsentī de actu, qui ex sua specie est moraliter malus): ergo talis actus non est intrinsecè, at tantum extrinsecè malus, sicut & medicina est tantum extrinsecè sana, quia est causa sanitatis vt D. Thomas docet supra q. 29. art. 3. Deinde, Actus qui est causa vel occasio alicuius boni morales, non habet ex hoc præcisè quod sit intrinsecè bonus: ergo ex paritate rationis, actus qui est causa vel occasio peccati omissionis, non habet ex hoc præcisè quod sit intrinsecè malus.

Tertia opinio, quamuis concedat actum, qui est causa vel occasio peccati omissionis, esse intrinsecè malum, negat tamen esse intrinsecè malum

malum eadem malitia morali, qua ipsum peccatum omissionis. Probatur: Primum Angeli peccatum fuit aliis Angelis causa vel occasio peccandi, etiam peccato omissionis per hoc quod inordinate affecti ad propriam excellentiam, non se conuerterunt ad Deum ultimum finem, cum tamen deberent se conuertere: sed primum Angeli peccatum non fuit intrinsecè malum malitia talis omissionis, cum ex D. Thoma 1. p. q. 63. art. 2. hoc peccatum fuerit tantum peccatum superbiæ propriæ dictæ, ac ita peccatum commissionis, & non peccatum omissionis: ergo actus, qui est causa vel occasio peccati omissionis, non est intrinsecè malus eadem malitia morali, qua ipsum peccatum omissionis. Deinde omisio se habet ut circumstantia respectu actus, qui est causa vel occasio ipsius omissionis: ergo peccatum omissionis non potest influere propriam malitiam specificam tali actui; quia circumstantia non influit in actum malitiam specificam, nisi sit per se & directè volita; constat autem quod solus actus, qui est causa vel occasio peccati omissionis, est per se & directè volitus, ipsa autem omisio est tantum per accidens & indirectè volita.

CONCLUSIO.

RESPONDEO dicendum, quod actus, qui est causa vel occasio peccati omissionis, etiam si aliàs sit bonus, ut sic tamen est moraliter malus 2. intrinsecè 3. eadem malitia morali, qua ipsum peccatum omissionis. Ita communiter docent Theologi, specialiter N. Cornejo Tract. 7. disputatione 3. dubio 3. 4. & 5.

Probatur prima pars conclusionis, intellecta cum hac limitatione; quod scilicet actus ille qui est causa omissionis non cadat sub principaliori præcepto quam res quæ omittitur, vel ex aliqua circumstantia non excusetur, quia tunc omisio non esset peccatum; ut si quis ut adesset in extremis alicui infirmo, vel ut vitaret euidens aliquod periculum, non audiret Sacrum in die festo. Hæc pars sic intellecta probatur: Actus qui est causa peccati omissionis, est volitio directæ talis omissionis: Actus verò qui est occasio peccati omissionis, est volitio indirecta talis omissionis; aliàs omisio nullo modo esset voluntaria, nec proinde peccatum: sed volitio siue directæ, siue indirectæ alicuius obiecti moraliter mali, est mala, ut communiter conceditur, & constat ex dictis supra de bonitate & malitia: ergo actus qui est causa vel occasio peccati omissionis, etiam si aliàs sit bonus, ut sic tamen est moraliter malus. Deinde, Præceptum obligans ad finem, obligat etiam virtualiter ad media, sine quibus finis haberi non potest, ut constat ex eo quod media sunt propter finem: & consequenter præceptum obligans ad audiendum Sacrum v. g. etiam obligat ad cessandum ab omni actu libero impossibili cum auditione Sacri: ergo cum talis actus impossibilis cum auditione Sacri, hinc &

R. P. Philippi Carm. discal. Diss. Theolog. in 1. 2.

nunc exerceatur contra præceptum legis, est moraliter malus. Denique actus qui est alteri causa vel occasio peccandi ex intentione operantis, est moraliter malus: ergo etiam actus, qui est ipsi operanti causa vel occasio peccati omissionis, ex eius intentione formali si sit causa, vel ex eius intentione virtuali si sit occasio, est moraliter malus.

Probatur secunda pars conclusionis: Actus coniunctus peccato omissionis; si sit causa illius, ac ita per se coniunctus illi, est volitio formalis illius peccati; si autem sit occasio, ac ita per accidens coniunctus, est volitio virtualis illius: sed volitio peccati siue formalis, siue virtualis est intrinsecè mala, ut patet; quia actus moralis accipit speciem ab obiecto morali, unde si sit circa obiectum moraliter malum, erit actus intrinsecè malus: ergo actus, qui est causa vel occasio peccati omissionis, est intrinsecè malus. Deinde talis actus, qui est causa vel occasio peccati omissionis, v. g. volitio studij pro tempore, quo instat præceptum de audiendo Sacro, est præcisè malus ex hoc quod sit causa vel occasio omissionis, & tunc quando incipit est moraliter malus, licet non sequatur postea omisio, & tunc volens studere verè constituitur peccator ob dictam volitionem studij, unde etiam non sequuta omissionem tenetur confiteri, quod habuerit volitionem studendi aut aliud faciendi, pro tempore quo erat obligatus audiendi Sacrum: ergo actus, qui est causa vel occasio peccati omissionis, est intrinsecè malus.

Probatur tertia pars conclusionis: Si talis actus sit causa peccati omissionis, est formalis volitio illius: si autem sit tantum occasio, est virtualis & indirecta volitio illius, ut dictum est, qui enim vult formaliter & directè actum aliquem impossibilem cum alio, vult virtualiter & indirectè omittere illud aliud: sed volitio siue formalis, siue virtualis alicuius peccati, participat malitiam moralem talis peccati, ut ex se constat, quia tale peccatum est obiectum specificationum illius volitionis, & obiectum moraliter malum influit eandem malitiam moralem specificam in actum specificatum, quam ipsum habet per modum obiecti: ergo actus, qui est causa vel occasio peccati omissionis, est moraliter malus eadem malitia morali, qua ipsum peccatum omissionis. Deinde, Ex vna parte sæpe contingit quod talis actus nullam habeat malitiam ex proprio formali obiecto, ut constat in volitione studij tempore quo audiendum est Sacrum; & tamen talis actus est moraliter malus ex hoc quod sit occasio peccati omissionis, ut dictum est: ex alia verò parte idem actus est contra idem præceptum, contra quod est omisio, quia ut dictum est, præceptum obligans ad aliquid, obligat etiam ad cessandum ab omni impossibili cum illo: ergo ex utraque parte habetur, quod actus qui est causa vel occasio peccati omissionis, est malus

BBb 2

eadem

eadem malitia morali, qua ipsum peccatum omissionis.

A d primum ergo dicendum, quòd quamvis actus studij vel orationis ex propria ratione aliàs esset bonus & laudabilis: tamen ut est causa vel occasio omittendi Sacrum, est malus & damnable, quia est indirectè contra legem præcipientem audire Sacrum: quæ quamvis sit affirmativa, continet tamen aliquid negativum, quatenus omnis lex præcipiens aliquid virtualiter prohibet omne impossibile cum illo: & licet actus formaliter & directè prohibiti per legem, sint determinati; non tamè actus virtualiter tantum ac indirectè prohibiti. Ad aliud dicendum, quòd est disparitas in hoc quòd actus bonus, qui est occasio superbiæ, non est ita coniunctus cum illa ut non possit stare sine illa, imò potest stare cum humilitate: actus verò, qui est causa vel occasio peccati omissionis, ita est coniunctus cum illo, ut necessariò illud inferat, & sit impossibilis cum exercitio rei præceptæ. Ad aliud dicendum, quòd intentio ex obiecto bona, & quæ est causa electionis malæ, ex hoc ipso fit mala, ut si quis intendat dare eleemosynam ex re furto tollenda: si autem intentio sit tantum occasio malæ electionis, non propterea fit mala, quia talis intentio non est ita coniuncta cum illa mala electione, quòd sit impossibilis cum bona electione; sicut actus, qui est occasio peccati omissionis, est impossibilis cum bono omisso, & ita hic actus est virtualis volitio peccati omissionis, non autem bona intentio est virtualis volitio malæ electionis. Ad illud quod subditur, dicendum quòd per actum ex obiecto formali bonum potest impleri præceptum, quamvis aliunde talis actus sit malus, ut si quis studeat vel oret propter vanam gloriam: Notandum tamen quòd si concurrant duo præcepta, tunc adimplendum est illud quod iudicatur principalius, quia si non possint simul adimpleri, cessat obligatio præcepti minus principalis, quia intentio rectè præcipientis non est impedire bonum principalis, & consequenter tunc omissio rei præceptæ præcepto minus principali non est peccatum: instante igitur præcepto de audiendo Sacro, malum est studere, quamvis sit minus malum, quàm esse otiosum; non tamen potest dici quòd sit melius, propriè loquendo, tunc studere quàm esse otiosum, quia comparatio melioris supponit utrumque extremum comparatum esse bonum.

A d secundum dicendum, quòd solum probat talem actum esse malum participando malitiam moralem ab extrinseco, scilicet ab omissione cuius est causa vel occasio; non autem probat quòd intrinsecè non habet talem malitiam: unde ad instantiam dicendum quòd est disparitas, nam quia medicina est causa naturalis sanitatis formalis quæ est in animali, sequitur quòd sanitas habeat tantum rationem effectus, effectus autem naturalis ut talis nihil influit in cau-

sam; sed actus humanus est causa vel occasio moralis, voluntaria, & libera peccati omissionis, ex quo sequitur quòd illud peccatum non habet tantum rationem effectus, sed etiam obiecti saltem virtualis ut dictum est, obiectum autem influit malitiam intrinsecam actui ad se terminato. Ad aliud dicendum, quòd si talis actus attingat bonum illud morale per modum obiecti, tunc intrinsecè participat aliquam bonitatem ab ipso, & sic est paritas: quamvis potius denominetur à propria sua bonitate, quàm à bonitate participata.

A d tertium dicendum, quòd primum Angelorum peccatum fuit superbiæ propriè dictæ; ut suo loco dictum est: & quia supremus peccantium suo peccato induxit alios ad peccandum, inde est quòd eius peccatum continet malitiam omnium aliorum peccatorum per se ad illud consequentium, siue sint peccata commissionis, siue peccata omissionis. Ad aliud dicendum, quòd sufficit ut circumstantia sit indirectè & virtualiter volita, ad hoc ut influat malitiam in actum, & adhuc malitiam essentialem ac primariam, quando actus aliunde non habet malitiam moralem, ut supra dictum est: unde non mirum, si peccatum omissionis, quamvis indirectè volitum, communicet suam malitiam actui, qui est causa vel occasio ipsius.

D V B I U M I I.

Utrum actus, qui est causa vel occasio peccati omissionis, habeat aliam malitiam à malitia omissionis.

S Vpponendum est, quòd actus qui est causa vel occasio peccati omissionis, potest esse ex propria specie siue ex obiecto formali bonus aut malus moraliter: nam si quis omitat audire Sacrum in die feito, ut studeat aut orationi vacet, actus studij aut orationis qui est causa vel occasio omittendi Sacrum, est bonus ex obiecto, quia absolute bonum est studere & orare: si quis autem omitat audire Sacrum, ut furctur vel occidat inimicum, actus furti vel occisionis, qui est causa vel occasio omittendi Sacrum, est malus ex obiecto, quia absolute malum est furari & occidere: Potest fieri etiam, quòd actus qui est causa vel occasio peccati omissionis, ex propria specie sit indifferens, ut si quis ludat, deambulet, aut dormiat, tempore quo audiendum est Sacrum. In præfenti dubio non agimus de actu, qui ex proprio obiecto vel aliunde est moraliter malus; sed de actu qui est bonus ex omni alio capite, vel qui est indifferens ex obiecto: & de illo querimus, utrum ex hoc præcisè quòd sit causa vel occasio peccati omissionis, habeat aliam malitiam ab ea in qua convenit cum omissione.

Prima opinio Gabrielis in 2. disp. 41. art. 3. dub. 3.

dub. 3. & Henrici Quodlibeto 12. qu. 24. asserit quòd actus, qui est causa vel occasio peccati omissionis, habet aliam malitiam à malitia omissionis. Probat: Actus studij v.g. qui est causa vel occasio omittendi Sacrum in die festo, procedit ex inordinato affectu erga studium, & ita est contra virtutem studiositatis, quæ ponit medium circa studium, & reprimat inordinatum affectum circa illud: ergo actus ille habet aliam malitiam à malitia omissionis, scilicet positivam malitiam contra virtutem studiositatis.

Secundò, Actus studij impediens auditionem Sacri præcepti est contra præceptum charitatis, cum per illum actum studium præferatur Deo; & insuper habet malam circumstantiam temporis, quia assumitur studium quando non debet assumi: ergo ex utroque capite habet malitiam distinctam ab illa quam participat ab omissione; maximè quia aliàs non posset esse causa omissionis malæ, iuxta illud Christi Domini, Arbor bona non potest malos fructus facere.

Tertiò, Si actus qui est causa vel occasio peccati omissionis, non haberet aliam malitiam à malitia omissionis, verè dicendus esset peccatum omissionis, & non peccatum commissionis, quia peccatum dicit pro formali malitiam moralem, & in illo actu esset tantum malitia omissionis ut supponitur: sed talis actus non est dicendus peccatum omissionis, at peccatum commissionis; Tum quia est actus inordinatus contra præceptum negativum prohibens quicquid potest impedire auditionem Sacri; Tum quia non secuta omissione, adhuc est actus malus, si quantum est in se sit causa vel occasio omissionis Sacri: ergo actus, qui est causa vel occasio peccati omissionis, habet aliam malitiam à malitia omissionis.

CONCLUSIO.

RESPONDEO dicendum, quòd actus qui est causa vel occasio peccati omissionis, ex hoc capite non habet aliam malitiam à malitia omissionis 2. unde non est necessariò exprimendus in confessione 3. secus autem esset, si alias esset malus. Ita communiter Discipuli D. Thomæ & alij in præsentia.

Probat: prima pars conclusionis: Actus qui est causa vel occasio peccati omissionis, ex hoc capite habet malitiam omissionis, quam aliàs non haberet, supponitur enim quòd sit bonus ex obiecto, & ex circumstantiis per se ad illum concurrentibus, & quæ specialem possent influere malitiam: ergo actus qui est causa vel occasio peccati omissionis, ex hoc capite non habet aliā malitiam à malitia omissionis, ex eodem enim capite non potest habere duplicem malitiam. Deinde talis actus est tantum contra virtutem, cuius opus per ipsum omittitur: & similiter per ipsum violatur vnicum præceptum formale & expressum, ut constat in actu studij tempore quo audiendum esset Sacrum, qui est tantum contra

virtutem religionis, cuius opus est audire Sacrum, & per ipsum violatur vnicum præceptum formale & expressum de audiendo Sacro, ut amplius declarabitur in solutione argumentorum pro prima opinione: ergo actus, qui est causa vel occasio peccati omissionis, ex hoc capite non habet aliam malitiam à malitia omissionis.

Probat: secunda pars conclusionis: Ex vna parte supponitur quòd actus, qui est causa vel occasio peccati omissionis, non habet propriam aliquam malitiam, at tantum malitiam participatam ab omissione: ex alia verò parte probatum est, quòd ex hoc capite quo est causa vel occasio peccati omissionis, non habet aliam malitiam à malitia omissionis: ergo sufficit quòd in confessione exprimat malitiam omissionis, unde talis actus non est necessariò exprimendus; & ita sufficit quòd ille, qui omisit audire Sacrum, ut vacaret studio, ludo, vel alteri rei aliàs licite dicat, in confessione se omisisse audire Sacrum.

Probat: tertia pars conclusionis: Quando actus qui est causa vel occasio peccati omissionis, est aliàs malus, nò solum còcurrunt duæ malitiæ, vna omissionis, alia commissionis, quasi disparatæ, sed ita quòd vna sit circumstantia alterius notabiliter aggrauans, & dans novam speciem malitiæ propter specialem difformitatem eius ad rationem; nam furtum quod est causa vel occasio omittendi Sacrum, ex hoc quòd apprehenditur ut coniunctum tali omissioni quasi causa vel occasio ipsius, apparet cum nova difformitate, quam non haberet separatam à tali omissione; & similiter omissio Sacri contingens ex furti intentione & coniuncta cum furto, apparet difformior, in quantum malus ille finis intentus influit novam speciem malitiæ moralis; ergo non sufficit in còfessione dicere seorsim malum actum, qui est causa vel occasio peccati omissionis, & ipsam omissionem; sed coniunctim debent exprimi, & ita debet pœnitens dicere in confessione, se omisisse Sacrum ut vacaret furto vel alteri rei illicitæ.

Ad primum ergo dicendum, quòd ad virtutem studiositatis tantum attinet moderari inordinatum affectum circa studium, quando inordinatio est per se circa obiectum ipsius studij: unde studiositas debet excludere curiositatem in inquirendo, & negligentiam in addiscendo, quæ sunt vitia per excessum & defectum ipsi studiositati opposita: quando autem inordinatio affectus provenit ex aliqua circumstantia accidentali, pertinente ad aliud obiectum & ad aliam speciem, pertinet ad aliam virtutem cuius est illud obiectum, moderari affectum inordinatum; unde in præsentia casu pertinet ad virtutem religionis, cuius obiectum nempe audire Sacrum præcipitur, tunc quando audiendum est Sacrum, moderari affectum circa studium; & sic talis affectus inordinatus non est contra virtutem studiositatis, sed contra virtutem religionis; cuius fi-

gnum est, quòd eodem præcepto formali affirmatiuo, quo præcipitur auditio Sacri, virtualiter prohibetur quicunque actus impediens auditionem Sacri, & consequenter præceptum illud affirmatiuum formale & explicitum continet virtualiter & implicitè aliud negatiuum.

Ad secundum dicendum, quòd ut aliquis actus sit contra præceptum charitatis, & habeat ex hoc specialem malitiam, debet esse directè & expressè contra tale præceptum: aliàs esse utique contra charitatem est tantum circumstantia generalis omnium peccatorum mortalium; constat autem quòd circumstantia generalis non dat nouam malitiam actui nisi sit directè ac expressè volita, & in hoc differt à circumstantia particulari quæ indirectè ac implicitè volita dat malitiam actui: & hoc discrimen communiter conceditur, & colligitur ex hoc quòd ex opposito sequeretur dari plures malitias in quolibet actu malo, quia ad ipsum concurrunt plures circumstantiæ generales ut odij Dei, inobedientiæ, rebellionis contra Deum, &c. Quantum ad aliud dicendum, quòd illa circumstantia temporis non est mala attento obiecto ipsius studij, sed attento præcepto de auditione Sacri, & ita non dat malitiam actui studij distinctam ab illa quam habet ab omissione Sacri, & sic illam moderari pertinet ad virtutem religionis, non ad virtutem studiositatis. Ad illud quod subditur, dicendum quòd bonus actus ex obiecto non potest ex propria ratione esse per se causa mali, sicut nec arbor bona mali fructus: benè tamen per accidens ut subordinatus voluntati defectuosa.

Ad tertium dicendum, quòd aliqui dicunt talem actum esse peccatum commissionis propter rationes adductas: Alij vero dicunt esse peccatum omissionis, tum quia tota eius malitia derivatur ab omissione, tum quia ipse actus & ommissio sunt vnicum peccatum tam specie quàm numero, tum quia ipse actus est formaliter & expressè contra præceptum affirmatiuum tantum: Vnde iuxta hos Authores concessa maiori negatur minor argumenti. Ad primam verò probationem dicendum, quòd actus iste est tantum implicitè & virtualiter contra præceptum negatiuum, quod non sufficit ut dicatur peccatum commissionis. Ad secundam probationem dicendum, quòd sufficit omissionem esse aliquo modo volitam per dictum actum, ad hoc ut ex ipsa adhuc non secuta actus sit & denominetur malus.

D V B I V M III.

Utrum actus purè concomitans peccatum omissionis, ex hoc ipso sit moraliter malus.

Supponendum est, quòd actus ille dicitur purè concomitans omissionem, qui nullo modo est causa vel occasio ipsius, siue qui nullo

modo influit in illam, id est nec efficienter, nec formaliter. Ex actibus autem qui possunt coniungi cum omissione, aliqui sunt impossibiles cum obseruantia rei præceptæ quæ omittitur, ut ludere in campo, vel dormire tempore quo audiendum esset Sacrum (per actus enim intelligimus vel formales & propriè dictos, vel virtuales & impropiè dictos): Alij verò sunt cõpossibiles cum obseruantia prædictæ rei præceptæ quæ omittitur, ut orare mentaliter, & recitare preces tempore quo audiendum esset Sacrum, supponitur enim quòd non solum est licitum, sed etiam laudabile orare vel recitare aliquid deuotum tempore quo Missa auditur; imò est communis opinio quòd eodem tempore, quo quis audit Missam ex præcepto, possit recitare diuinum officium, & satisfacere simul duplici præcepto, ex eo quòd vtrumque præceptum ordinetur ad eundem finem, qui est Deum colere per actum religionis. Querimus ergo in præsentem, vtrum actus purè concomitans peccatum omissionis, ex hoc ipso sit moraliter malus, malitia vtrique omissionis: certum est autem quòd aliunde, putà ex obiecto, potest esse malus; ut si quis furetur in agro quando deberet adesse Sacro: dubium autem præsens procedit vniuersaliter, siue actus sit cõpossibilis, siue sit impossibilis cum obseruantia rei præceptæ.

Prima opinio, quæ attribuitur Capreolo in 2. disp. 35. quæst. vnica art. 3. ad 2. Durandi, asserit quòd actus purè concomitans peccatum omissionis, siue sit cõpossibilis siue impossibilis cum obseruantia rei præceptæ, ex hoc ipso sit moraliter malus. Probatur: Actus humanus redditur moraliter malus ex defectu cuiuscunque circumstantiæ debitæ: sed actui purè concomitanti peccatum omissionis deest circumstantia temporis, sit enim quando non deberet, cum per eius exercitium inpediatur obseruantia rei præceptæ: ergo actus purè concomitans omissionem, ex hoc ipso est malus moraliter.

Secunda opinio Valentia hic puncto 4. & aliorum asserit, quòd quicunque actus impossibilis cum obseruantia rei præceptæ, ex hoc ipso sit moraliter malus; & subdit quòd talis actus non sit purè concomitans, sed quòd sit causa vel occasio peccati commissionis. Probatur: Talis actus est impeditiuus ex propria sua ratione, ad impletionem rei præceptæ, cum sit impossibilis cum illa, & consequenter quantum ad sufficientiam est causa omissionis præcepti: ergo ex hoc ipso est moraliter malus, ad malitiam quippe moralem actus non requiritur quòd sit causa peccati omissionis quantum ad efficaciam, sed satis est quòd sit causa quantum ad sufficientiam, ut constat in actu quo quis voluit formaliter aut virtualiter omissionem, etiam si ommissio postea non sequatur. Deinde, Præceptum audiendi Missam virtualiter prohibet omne illud quod ex propria sua ratione est impeditiuum rei

rei præceptæ, pro tempore quo præceptum obligat : ergo actus incōpossibilis cū obseruantia rei præceptæ, ex hoc ipso quod sit coniunctus cum omissione rei præceptæ, est moraliter malus; nam posito illo actu, & secluso quocunque alio, necessariò sequitur ommissio talis rei. Denique, Nisi actus ex se incōpossibilis cum obseruantia rei præceptæ, ex hoc ipso quod coniungatur cum omissione talis rei, sit moraliter malus, sequitur quod qui decreuit non recitare diuinum officiū ad quod tenetur, si nauigans proiciat in mare Breuiarium, talis projectio vt pote concomitans non erit mala; & similiter qui post votum simplex castitatis, decernit illud non seruare, & concomitanter ducit uxorem, non peccabit ducens uxorem; quæ cum sint falsa, sequitur quod quicunque actus incōpossibilis cum obseruantia rei præceptæ, ex hoc ipso sit moraliter malus.

CONCLUSIO.

RESPONDEO dicendum, quod actus purè concomitans peccatum omissionis, ex hoc ipso non est moraliter malus: siue sit composibilis. 2. siue sit incōpossibilis cum obseruantia rei præceptæ. 3. ad hoc autem vt actus aliquis exterior sit purè concomitans, sufficit quod alius præcesserit actus interior voluntatis, v.g. quo nolit obseruare rem præceptam, & quod hic actus exterior non sit formaliter aut virtualiter volitus. Ita communiter Discipuli D. Thomæ & alij plures.

Probatur prima pars conclusionis: Si quis decreuerit non audire Sacrum contra præceptum Ecclesiæ, propter aliquam difficultatem, nihil intendens operari tempore quo dicitur Sacrum & est ommissio illius; si currente illo tempore, ne sit otiosus, recitet rosarium, tunc illa recitatio rosarii nec est causa vel occasio omissionis Sacri, nec est formalis vel virtualis volitio illius; cum præcedens decretum non audiendi Sacrum sit causa efficiens adæquata talis omissionis, & vt virtualiter perseverans sit causa formalis ipsius: ergo talis actus recitandi purè concomitans omissionem Sacri, & composibilis cum auditione ipsius, ex hoc ipso non est moraliter malus, quia talis actus est omninò per accidens coniunctus cum omissione, & ita non participat eius malitiam moralem; ideo enim actus, qui est causa vel occasio peccati omissionis, est moraliter malus ex hoc capite participans eius malitiam, quia est per se coniunctus cum illa, & est formalis aut virtualis volitio illius. Deinde actus purè concomitans quantumcunque malus, non inficit bonum opus, vt vana gloria concomitans actum martyrij, quia est per accidens illi coniuncta: ergo ex paritate rationis actus purè concomitans peccatum omissionis, ex hoc ipso non est moraliter malus, si sit composibilis cum obseruantia rei præceptæ.

Probatur secunda pars conclusionis: Ponatur casus quo quis absolutè decreuerit non audire

Sacrum præceptum, ob aliquam difficultatem occurrentem, nihil amplius cogitans, & postea eligat studere vel exercere aliquod opus misericordiæ incōpossibile cum auditione Sacri, tunc decretum illud præcedens est causa totalis & adæquata tam efficiens, quàm formalis ipsius omissionis Sacri, vt dictum est, & quoad interceptionem, & quoad continuationem; quia illud studiū aut illud opus misericordiæ est per accidens coniunctum cum dicta omissione; & statim cessaret, si retractaretur actus voluntatis, quo quis absolutè decreuit non audire Sacrum; & ita obseruantia præcepti de audiendo Sacro nō redditur per illud studiū aut opus misericordiæ, physice vel moraliter incōpossibilis: ergo actus purè concomitans peccatum omissionis, ex hoc ipso non est moraliter malus, quamuis sit incōpossibilis cum obseruatiā rei præceptæ; quia vt dictum est, vt aliquis actus participet malitiam omissionis, debet esse per se coniunctus cum illa, & consequenter debet esse aliquo modo causa vel occasio ipsius. Deinde, Si actus purè concomitans peccatum omissionis, siue composibilis, siue incōpossibilis cū obseruatiā rei præceptæ, ex hoc ipso esset moraliter malus; sequeretur quod melius esset abstinere à pluribus actibus moraliter bonis ex obiecto, quàm illos exercere pro tempore quo est peccatum omissionis rei præceptæ, quia omnes illi actus ex hoc ipso quod essent concomitantes omissionem, essent moraliter mali; quod tamen est absurdum dicere: ergo actus purè concomitans peccatum omissionis, ex hoc ipso non est moraliter malus, siue sit composibilis, siue sit incōpossibilis cum obseruantia rei præceptæ. Denique, Communiter conceditur, quod si quis voueret recitare rosarium, aut facere aliquod opus misericordiæ tempore quo tenetur audire Sacrum, si non audit, tale votum esset validum & obligatorium, & maximè si assumeret illud tanquam medium, ad superandum difficultatem quam patitur in audiendo Sacro: ergo signum est quod ille actus recitandi, aut illud opus misericordiæ, ex hoc ipso quod sit purè concomitans peccatum omissionis, non habet malitiam moralem, quia votum debet habere obiectum moraliter bonum, imò debet esse de meliori bono.

Probatur & explicatur tertia pars conclusionis: Vt actus aliquis sit & dicatur purè concomitans respectu alicuius, requiritur & sufficit quod sit per accidens coniunctus ipsi, quasi nullo modo existens causa vel occasio ipsius, vt ex se constat: sed eo ipso quod ad exteriorem aliquem actum præcesserit actus interior voluntatis, v.g. quo nolit obseruare rem præceptam, & quod hic actus exterior non sit formaliter aut virtualiter volitus, verè hic actus est per accidens coniunctus omissioni rei præceptæ; nam licet non possit dari ommissio exercita absque aliquo actu, vt dictum est, tamen aliquando actus ei omninò per

per accidens coniungitur, ita ut nec sit causa, nec occasio eius, quia præsupponitur alius actus qui est causa totalis & adæquata eius, ut in præsentī contingit: ergo ad hoc ut actus aliquis exterior sit purè concomitans, sufficit quòd alius præcesserit actus interior voluntatis, v. g. quo nolit observare rem præceptam; & quòd hic actus exterior non sit formaliter aut virtualiter volitus.

A d primum ergo dicendum, quòd illa circumstantia temporis non est indebita, attento obiecto ipsius actus de quo loquimur; imò nec attempta observantia rei præceptæ, cum talis actus sit cōpossibilis cū illa, ut supponitur, & sic non reddit talem actum moraliter malum; ad quod sufficeret quòd illa circumstantia se habeat per accidens respectu obiecti ipsius actus, & quòd præceptum nullo modo per se sit de tali obiecto.

A d secundum dicendum, quòd talis actus de quo loquimur, est tantum physicè & materialiter ex propria sua ratione impeditivus adimplentionis rei præceptæ: non autem formaliter & moraliter, quia nec formaliter nec virtualiter est volitus sub ratione impeditivi; non enim antecederet, sed tantum consequenter se habet ad volitionem omissionis: unde nullo modo est causa vel occasio quoad sufficientiam, formaliter loquendo, peccati omissionis; & sic patet ad instantiam adductam. Ad aliud dicendum, quòd illud præceptum virtualiter quidem prohibet omne illud, quod ex propria sua ratione est formaliter & moraliter impeditivum rei præceptæ pro tempore quo præceptum obligat: non autem prohibet illud, quod est tantum materialiter & physicè impeditivum rei præceptæ modo explicato. Ad aliud dicendum, quòd qui tenetur ad aliquid faciendum, tenetur etiam non ponere impedimentum quo reddatur impossibilis observantia rei illius obligatoriae, ut contingit in duplici instantia adducta; nam qui projicit Breviarium in mare, non potest recitare officium; & qui ducit uxorem, non potest servare votum castitatis; quapropter uterque peccat: qui autem facit concomitanter purè aliquem actum impossibilem cum observantia rei præceptæ, cum possit illum relinquere ad libitum, & sic retractata voluntate possit observare rem præceptam; sequitur quòd non peccet ob exercitium talis actus, & consequenter talis actus non est moraliter malus.

D V B I U M I V.

Verum peccatum omissionis incipiat imputari, quando quis eam vult formaliter in seipsa, aut virtualiter in sua causa seu occasione.

SUPponendum est, quòd ut ommissio rei obligatoriae sit peccatum, debet esse aliquo modo volita, vel formaliter, vel virtualiter, vel dire-

ctè, vel indirectè, vel saltem interpretatiuè; quia nullum est peccatum, nisi sit aliquo modo voluntarium & liberum, libertas quippe actus humani est fundamentum totius moralitatis ipsius, ut dictum est supra: Ommissio autem potest esse volita vel in seipsa, ut cum quis vult formaliter & explicitè non audire Sacrum in die festo: vel potest esse volita in sua causa seu occasione, ut cum quis vult studere toto matutino tempore diei Dominicae. Ex quibus constat, quòd ommissio prius est volita vel in seipsa formaliter, vel virtualiter in sua causa seu occasione, quam de facto actu contingat: quæ prioritas aliquando est durationis realis, aliquando verò est tantum rationis. Quærimus ergo in præsentī, utrum peccatum omissionis, seu ommissio peccaminosa incipiat, quando quis eam vult formaliter in seipsa, aut virtualiter in sua causa seu occasione: vel utrum tantum incipiat esse peccatum, quando adest obligatio exercendi aliquem actum, & de facto non exercetur.

Prima opinio Marsilij in 2. quæst. 21. art. 2. & aliorum asserit, peccatum omissionis tunc tantum incipere, quando adest obligatio exercendi actum, & non antea; quamvis quis liberè ponat causam omittendi actum, impossibilem cum ipso actu. Probatur autoritate D. Thomæ hic art. 5. ad 3. ubi sic ait: Peccatum omissionis contrariatur præcepto affirmativo, quod obligat semper, sed non ad semper: & ideo solum pro tempore illo aliquis cessando ab actu peccat, pro quo præceptum affirmativum obligat. Et 2. 2. quæst. 79. art. 3. ad 3. id expressius docet, ait enim: Dicunt quidam quòd tunc incipit peccatum omissionis, quando aliquis se applicat ad actum illicitum & impossibilem cum illo actu ad quem tenetur: sed hoc non videtur verum, &c. Unde dicendum est, subiungit, quòd ommissio incipit ei (scilicet ebrio) imputari ad culpam, quando fuit tempus operandi: tamen propter causam præcedentem, ex qua ommissio redditur voluntaria, non est operatus.

Secundò, probatur ratione D. Thomæ loco ultimo citato: Potest fieri quòd quis iuerit cubitum vel se inebriaverit, cum intentione non audiendi Sacrum die Dominica, & quòd postea per violentiam excitetur & deducatur ad Ecclesiam, ubi audiat Sacrum; tunc isti non imputatur peccatum omissionis, quia reuera non omisit audire Sacrum, & tamen voluit formaliter omissionem, ut supponitur: ergo peccatum omissionis non incipit imputari, quando quis eam vult formaliter in seipsa, aut virtualiter in sua causa seu occasione.

Tertiò, Ex vna parte nō incipit esse & imputari peccatū, siue cōmissionis, siue omissionis nisi violetur aliquod præceptū: ex alia verò parte peccatū omissionis est tantum cōtra præceptū affirmativum, quod licet obliget semper, non tamen ad semper; in quo differt à præcepto negativo, quod

quod obligat semper & ad semper; vnde tantum violatur præceptum affirmatiuum illo tempore, pro quo obligat: ergo peccatum omissionis tunc tantum incipit esse & imputari; quando adest obligatio exercendi actum; & non antea, quando quis eam vult formaliter in seipsa, aut virtualiter in sua causa seu occasione.

CONCLUSIO.

RESPONDEO dicendum, quod peccatum omissionis incipit esse & imputari, quando quis eam vult aut formaliter in seipsa, aut virtualiter in sua causa seu occasione. Ita communiter docent Theologi.

Probatur conclusio, unica sed demonstratiua ratione: Volitio alicuius mali moralis est moraliter mala; vnde malitia peccati exterioris incipit esse & imputari, quando tale peccatum est vel formaliter & directe in seipso volitum, vel virtualiter & indirecte in sua causa, iuxta sententiam Christi Domini prolatam Matthæi cap. 5. his verbis: Qui viderit mulierem ad concupiscendum eam, iam mæchatus est in corde suo: ergo cum sit eadem ratio de peccato omissionis ac de peccato commissionis quantum ad hoc, peccatum omissionis incipit esse & imputari, quando quis eam vult aut formaliter in seipsa, aut virtualiter in sua causa seu occasione.

AD primum ergo dicendum, quod D. Thomas in illis locis intelligit de peccato omissionis completo quoad executionem, non autem quoad intentionem: concedimus enim quod peccatum omissionis non completur quoad executionem, nisi in actuali & exercita carentia actus præcepti; incipit tamen in ordine intentionis, quando primo est volita talis omisio, vel formaliter in seipsa, vel virtualiter in sua causa seu occasione.

AD secundum dicendum, quod iste talis quamuis non compleuerit peccatum omissionis actu externo, quia de facto audiuit Sacrum: illud tamen inchoauit actu interno.

AD tertium dicendum, quod licet peccatum omissionis sit directe contra præceptum affirmatiuum, sicut peccatum commissionis est contra præceptum negatiuum: tamen idem peccatum omissionis est indirecte contra præceptum negatiuum virtualiter inclusum in affirmatiuo, quo prohibetur ne ponatur impedimentum exercitio rei præceptæ, vel ne appetatur omisio eiusdem rei præceptæ: vnde præceptum affirmatiuum audiendi Sacrum in die festo, directe & primario ratione sui obligat ad exercitam auditionem Sacri; semper quidem obligat, sed non ad semper, quia tantum obligat pro tempore quo dicitur Sacrum: indirecte autem & secundario obligat ratione præcepti negatiui virtualiter inclusi, ne ponatur impedimentum obseruantie rei præceptæ, & ut sic semper & ad semper obligat.

D V B I U M V.

Utrum exterior omisio semper imputetur ad peccatum, dum actu fit.

SUPponendum est, tanquam certum & ab omnibus receptum, quod dum actu fit omisio rei præceptæ & obligatorie, si omittens obseruantiam talis rei sit compos sui & aduertat, verè est peccatum, & imputatur ut peccatum ipsi omittenti: Vnde præsens dubium solum procedit in casu, quo omisio exterior rei præceptæ fuerit prius liberè volita, vel formaliter & directe in seipsa, vel virtualiter & indirecte in sua causa seu occasione; dum verò actu fit, ipse omittens non sit compos sui, quia vel dormit, vel est ebrius, vel amens, vel furiosus, vel quocunque alio modo est impeditus vsus rationis: & sic quaeritur, utrum omisio exterior, quando sic fit à non habente vsus rationis, sit peccatum & imputetur ut tale, non solum quando prius illam voluit, & dedit causam seu occasionem, sed etiam quando actu fit cum dicto impedimento rationis.

Prima opinio Vasquis hinc disp. 94. cap. 1. & aliorum dicit, quancunque omissionem in somno, ebrietate, vel amentia factam non esse in seipsa malam & peccaminosam intrinsecè, sed tantum extrinseca denominatione propter causam liberè volitam; vnde ex hac opinione tantum imputatur quando datur causa talis omissionis aut commissionis. Probatur ex Clementina, si furiosus de Homicidio, ubi dicitur quod homicidium factum à puero, furioso, infano, aut dormiente non inducit irregularitatem: ergo signum est quod tunc dum fit ab illis, non est peccatum, quia alias non excusarentur ab irregularitate. Item autoritate S. Augustini lib. 22. contra Faustum cap. 24. ubi sic habet: Inebriauerunt Loth filiae eius, & se nesciente miscuerunt, quapropter culpandus est, non tamen quantum ille incestus, sed quantum illa meretur ebrietas; & ita ex Augustino incestus in ebrietate commissus, dum fit non est peccatum, sed tantum dum datur causa vel occasio illius. Item autoritate Aristotelis, qui 3. Ethic. cap. 5. dicit quod actus studiosi & vitiosi sunt in nostra potestate tam in principio quam in progressu, & tamen non sunt dum fiunt in somno, &c.

Secundò, Exterior omisio, & similiter commissio dum fit in somno, ebrietate, vel amentia; non est in seipsa formaliter libera, quia per similia impedimenta interruptitur vsus rationis necessarius ad libertatem; nec est in seipsa meritoria vel demeritoria: ergo etiam non est moraliter bona vel moraliter mala in seipsa, siue non est peccatum; cum fundamentum omnis moralitatis sit libertas, & ad moralitatem consequatur per modum proprietatis ratio meritorij

& demeritorij. Quod confirmatur ex eo, quòd si quis in somno vel ebrietate conferret Sacramenta, proferendo formas v. g. absolutionis & consecrationis, talia Sacramenta non essent valida ex defectu libertatis; quod indicat omissiones aut commissiones tunc contingentes non esse peccata.

Tertio, Si exterior omisio dum fit, semper imputaretur ad peccatum, sequerentur plura inconuenientia. Primum esset, quòd ille Clericus qui projiceret Breuiarium in mare, peccaret toto tempore nauigationis peccato omissionis non recitando officium, etiamsi doleret de tali proiectione. Secundum esset, quòd cum sit paritas quantum ad hoc de peccato commissionis, ac de peccato omissionis, sequeretur quòd ille qui parauit venenum alteri, tandiu peccaret, quandiu duraret actio veneni. Tertium esset, quòd omnia peccata tam commissionis, quam omissionis essent mala in seipsis, cum tamen aliqua dicantur esse mala in suis causis.

CONCLUSIO.

RESPONDEO dicendum, quòd exterior omisio rei præceptæ & obligatiuæ, aliquo modo volita vel formaliter in seipsa, vel virtualiter in sua causa seu occasione, est peccatum, & imputatur ad peccatum dum actu fit, & non tantum dum est primò volita. Ita communiter Discipuli D. Thomæ in præsentia, vt Caietanus, Conradus, Medina, & plures alij extra scholam D. Thomæ, vt Durandus in 2. disp. 35. quæst. 1. num. 9.

Probatur conclusio multiplici autoritate D. Thomæ: hinc art. 5. ad 3. vbi videtur inclinare ad aliud extremum, scilicet quòd tunc tantum est peccatum omissionis, dum actu fit exterior omisio; ait enim: Peccatum omissionis contrariatur præcepto affirmatiuo, quod obligat semper, sed non ad semper: & ideo solum pro tempore illo aliquis cessando ab actu peccat, pro quo præceptum affirmatiuum obligat. Et infra quæst. 76. art. 2. ad 3. ait: Sicut in peccato transgressionis peccatum non consistit in solo actu voluntatis, sed etiam in actu volito, qui est imperatus à voluntate: ita in peccato omissionis non solum actus voluntatis est peccatum, sed etiam ipsa omisio; in quantum est aliquo modo voluntaria. Item 2.2. quæst. 79. art. 3. ad 3. ait: Vnde patet, quòd præcedens inebriatio non fuit omisio, sed omissionis causa; Vnde dicendum est, quòd omisio incipit ei imputari ad culpam, quando fuit tempus operandi, tamen propter causam præcedentem, ex qua omisio redditur voluntaria, non est operatus. Idem sæpe alibi repetit.

Secundò probatur ratione indicata à D. Th. sic amplius expensa: Licet peccatum commissionis incipiat, quando est talis commissio primò volita, vel formaliter in seipsa, vel virtualiter in sua causa seu occasione; tamen intrinsecè completur, dum actu fit etiam ab ebrio, vel dor-

miente &c, vt colligitur ex hoc quòd qui præuidet se in ebrietate constitutum ordinariè committere aliquod peccatum, si illud tunc ebrius committat, tenetur in confessione dicere se commisisse tale peccatum, & non tantum se dedisse causam illius; quod indicat talem commissionem esse peccatum in seipsa dum actu fit, & non solum dum est primò volita seu voluntaria: ergo etiam licet peccatum omissionis incipiat, quando est talis omisio primò volita, vel formaliter in seipsa, vel virtualiter in sua causa seu occasione; tamen intrinsecè completur, dum actu fit etiam ab ebrio, vel dormiente &c. vt constat ex paritate rationis inter peccatum commissionis & peccatum omissionis quantum ad hoc; & radix istius est, quia in tali casu tam commissio, quam omisio est aliquo modo volita seu voluntaria, quod sufficit ad hoc vt vtrique sit moraliter mala & peccatum in seipsa: Quod confirmatur ex eo quòd qui præuidet se in ebrietate vel somno constitutum præcepto audiendi Sacrum non satisfactorum, si tunc ebrius vel dormiens non satisfaciatur tali præcepto, tenetur in confessione dicere se omisisse Sacrum præceptum, & non tantum se dedisse causam talis omissionis.

Tertio, Si quid obstaret, cur omisio exterior dum actu fit ab ebrio, vel dormiente, non esset in seipsa peccatum: maximè quia dum actu fit, non est in potestate ebrij vel dormientis illam vitare, cum non sit compos sui; non enim alia ratio assignatur, aut potest assignari: sed hæc ratio nulla est, quia ex hoc non desinit esse voluntaria (quod tamen sufficit vt sit moraliter mala & peccatum); nam ait Philosophus 3. Ethicorum cap. 5. Ea, quorum principia sunt in nostra potestate, esse voluntaria; quauis cum fiunt, non possint à nobis vitari: ergo cum aliàs omisio dum fit ab ebrio vel dormiente, habeat quicquid requiritur vt sit in seipsa moraliter mala & peccatum, verè dum fit est peccatum. Quod confirmatur ex hoc quòd incurrantur Censuræ Ecclesiasticæ propter omissionem sic voluntariam; & tamen Censuræ Ecclesiasticæ non incurruntur, nisi in exercitio alicuius peccati in seipso.

Ad primum ergo dicendum, quòd illa decisio procedit, quando homicidium est commissum sine culpa, vt à puero ante vsum rationis, à furioso, insano, aut dormiente; quando scilicet non fuit ab ipsis, dum essent compotes sui, vllò modo præuisum aut volitum, vel formaliter in seipso, vel virtualiter in sua causa seu occasione: Et idem dicendum esset de omissione nullo modo voluntaria; sed si aliquo modo est voluntaria, verè est peccatum in seipsa dum actu fit. Ad autoritatem Augustini dicendum, quòd ille accessus Loth ad filias non fuit incestus, quia ante ebrietatem nullo modo fuit præuisus aut volitus à Loth, vnde solum peccauit Loth peccato ebrietatis: si autem aliquo modo fuerit præuisus

& volitus, verè fuit peccatum incestus, sed non tantum, quantum fuisset si sobrius ad eas accessisset cum omnimoda deliberatione: & vtrumque potest congruere dicto Augustini, qui non totaliter ibi excusat Loth ab incestu, vt exponit D. Thomas 2.2. quæst. 150. art. 4. Ad auctoritatem Philosophi dicendum, quòd actus studiosi & vitiosi ideo dicuntur à Philosopho esse in nostra potestate tam in principio quàm in progressu, quia incipiunt liberè & perseverant liberè, etiam tempore somni, nisi prius retractetur voluntas; retractata verò voluntate omninò desinunt esse, aut saltem desinunt nobis imputari: quod non est de habitibus virtutum aut vitiorum, vt ibidem dicit Aristoteles, qui propterea dicuntur esse in nostra potestate tantum in principio.

Ad secundum dicendum, quòd talis omissio prius volita formaliter in seipsa, vel virtualiter in sua causa seu occasione, est sufficienter libera ad hoc vt sit moraliter bona vel mala, meritoria vel demeritoria. Ad confirmationem dicendum, quòd ad validitatem Sacramentorum requiritur non solum quòd liberè aliquo modo administrantur, sed etiam quòd eorum formæ humano more, id est cum actuali aduertentia proferantur: ad hoc autem vt commissio vel omissio dicatur voluntaria in seipsa, sufficit quòd prius fuerit aliquo modo liberè volita, & quòd non fuerit retractata voluntas; & quamuis per solam distractionem censeatur aliquando retractata, & multò magis per somnum; non ita tamen est quando perseverat aliquis effectus primæ illius voluntatis, vt contingit in præsentia, nam somnus aut ebrietas in exercitio est effectus illius voluntatis, qua fuit volita omissio: Idem dicendum de eo, qui iter arripit cum armis ad occidendum inimicum, quamuis enim dormiat & sæpe distrahatur in via, non tamen censetur retractata voluntas occidendi inimicum.

Ad tertium dicendum, quòd ex doctrina conclusionis nullum sequitur inconueniens. Ad primum enim dicendum, quòd per dolorem de projectione Breuiarij ille Clericus retractat voluntatem, quam habuit non recitandi officium, & ex tunc desinit peccatum omissionis. Ad secundum inconueniens dicendum similiter, quòd qui parauit venenum alteri, statim ac retractat voluntatem quam habuit occidendi illum, & adhibet remedia quibus potest impediri actio venini, cessat peccatum commissionis. Ad tertium inconueniens dicendum, quòd omnia peccata sunt mala in seipsis: aliqua tamen specialiter dicuntur mala in seipsis, quia sunt in seipsis formaliter volita dum fiunt: alia verò dicuntur mala in causis, quia sunt tantum volita in suis causis.

D V B I U M VI.

Virum puer perueniens ad vsum rationis peccet peccato omissionis, si non statim se conuertat in Deum.

Supponendum est, quòd peruenire ad vsum rationis, nihil est aliud, quàm scire discernere bonum morale à malo morali, quia vtrumque dicit ordinem ad rationem, cuius dictamen est proxima regula morum; bonum quidem morale dicit ordinem conformitatis, malum verò ordinem difformitatis: Vnde peruenire ad vsum rationis non est vtcunque discurrere circa bonum & malum, quia etiam paruuli discunt circa bonum delectabile & malum tristabile, præferuntque bonum malo; sed est ex propria industria siue intelligentia cognoscere bonum morale siue honestum conforme rationi, & malum morale siue inhonestum difforme rationi: Ad quod tamen non est necessarium, vt puer perueniens ad vsum rationis sciat distinguere quodcunque bonum honestum à quocunque malo inhonesto; sed sufficit quòd ex vi synderesis naturalis sciat, quòd bonum honestum sit appetendum, & malum morale fugiendum, & quòd bonum honestum sit præferendum bono utili & bono delectabili; & insuper quòd aduertat illud particulare in quo versatur, tunc agendo vel patiando, esse honestum aut inhonestum: vnde instans primum vsus rationis, de quo quæritur in præsentia, vtrum puer perueniens ad illud teneatur se conuertere in Deum, non est instans physicum aut mathematicum, sed est instans morale. Ad cuius euidenciam sciendum est, quòd causa cur pueri non statim ab initio natiuitatis habent vsum rationis, est tum nimia humiditas cerebri eorum, tum feruor sanguinis & motus spirituum animalium, in quibus deferuntur species intentionales: Ratione primi, illæ species non benè recipiuntur in sensibus internis residentibus in cerebro, & facillimè delentur; & consequenter tales sensus non possunt habere perfectam operationem, ex qua dependet perfecta operatio intellectus, qua cognoscatur bonum & malum morale, vnde illi sensus interni dicuntur ligati & impediti: Ratione secundi, species intentionales vt cunque receptæ & retentæ in sensibus internis facillè mouentur, permiscuntur & confunduntur, vnde fiunt disparatæ representationes & apparent chimeræ; ex quo etiam impeditur perfecta operatio sensuum interiorum, & consequenter ipsius intellectus tam agentis, quàm possibilis: quia verò successu temporis paulatim exsiccatur cerebrum, & feruor sanguinis ac motus spirituum animalium sedatur; inde est quòd prædicta impedimenta perfectæ operationis, tam sensuum interiorum, quàm intellectus paulatim etiam auferuntur, & tandem circa

septimum annum, aliquando citius, aliquando tardius iuxta complexionem corporum & qualitatē regionum, sunt penitus ablata; hæc verò dispositio cerebri & sensuum interiorum, quia fit per alterationē physicā, in instanti physico est extrinsecè completa. Quamvis autem perdurasset status iustitiæ originalis, adhuc fuissent dicta impedimenta vsus rationis in pueris, ut docet D. Thomas 1. p. q. 101. art. 2. quia proueniunt ex principiis naturalibus, & non ex corruptione naturæ: Quod si primus Patres statim à principio suæ creationis habuit vsum rationis, hoc fuit non ratione status iustitiæ originalis, sed quia conueniens fuit ut immediatè à Deo productus, esset statim ab initio perfectus, & ita crearetur cum perfecta organorum dispositione, imò & plenus gratia & sapientia: Nec obstat dictum Ecclesiastici, Corpus quod corrumpitur aggrauat animam; intelligitur enim de grauamine operationis animæ pro tempore quo est debita, & non pro primis illis pueritiæ annis. Vnde in illo principio puer verè habet intellectum & voluntatem, non tamen dicitur habere rationem & liberum arbitrium; quia quamvis intellectus & ratio sint eadem potentia realiter ex D. Thomas 1. p. q. 79. art. 8. sicut etiam voluntas & liberum arbitrium ex eodem Angelico Doctore 1. p. q. 73. art. 4. tamen intellectus non dicitur ratio, nisi ut discurret & ratiocinatur à principiis ad conclusiones; nec voluntas dicitur liberum arbitrium, nisi ut à primis principiis practicis circa finem procedit ad media eligenda. Igitur quando intellectus ita est dispositus ut possit à principiis deducere conclusiones, & voluntas ita est disposita, ut ex primis principiis practicis circa finem, ab intellectu cognitis & ipsi propositis deuenit ad eligenda media, dicitur homo peruenisse ad instans morale vsus rationis. Vnde tunc operando vel faciendo aliquod bonum morale format sic argumentum practicum: Bonum honestum est appetendum & faciendum: sed istud quod facio est bonum honestum: ergo est appetendum & faciendum. Si autem sit malum morale illud quod facit, sic format argumentum: Malum morale est fugiendum: sed istud quod facio est malum morale: ergo est fugiendum. Igitur instans morale vsus rationis continet illud breue spatium, quod incipit à perfecta illa dispositione qua intellectus potest sic discurrere, & terminatur in fine huius discursus: & quærimus in præsentia, utrum tunc puer teneatur sequi conclusionem alterius argumenti practici, præferendo bonum honestum bono vili & delectabili, quod in eadem actuali operatione occurrit: quod est eligere viuere honestè ac iuxta rationem, & se conuertere virtualiter ac implicitè in Deum: ita ut si tunc non habeat hanc electionem & conuersionem, peccet peccato omissionis:

Prima opinio Durandi, Gabrielis, Suaris,

Vasquis, & aliorum negat puerum peruenientem ad vsum rationis, peccare peccato omissionis, si non statim se conuertat in Deum. Probatur: Peccatum omissionis est contra præceptum affirmatiuum, & ita si puer perueniens ad vsum rationis, & non se conuertens ad Deum, peccaret peccato omissionis, deberet esse præceptum talis conuersionis pro tunc obligans: sed non datur præceptum talis conuersionis pro tunc obligans; Tum quia non habetur in sacra Scriptura fundamentum ponendi tale præceptum, illud enim, Convertimini ad me, intelligitur de conuersione peccatoris per poenitentiam, & si quod esset aliud præceptum affirmatiuum, cum non obliget ad semper, posset impleri alio tempore; Tum quia nullus Sanctorum Patrum facit mentionem talis præcepti, & communiter Theologi exceptis Discipulis D. Thomæ illud rejiciunt; Tum quia non potest adduci sufficiens ratio ad ponendum tale præceptum: ergo puer perueniens ad vsum rationis non peccat peccato omissionis, si non statim se conuertat in Deum.

Secundò, Nulla est penitus necessitas talis conuersionis pro primo illo instanti vsus rationis, propter quam puer tunc ad illam obligetur: duplex quippe assignatur necessitas à Discipulis D. Thomæ, Prima ut satisfiat præcepto diuino diligendi Deum super omnia, Secunda ne peccatum veniale sit cum solo originali, ut ait D. Thomas infra quæst. 89. art. 6. sed neutra videtur sufficiens necessitas ad talem conuersionem; non quidem prima, quia illud præceptum potest alio tempore impleri; nec etiam secunda, quia per talem conuersionem ut pote merè naturalem non potest tolli peccatum originale, quod est contra finem supernaturalem: ergo puer perueniens ad vsum rationis, non peccat peccato omissionis, si non statim se conuertat in Deum.

Tertiò, Fideles etiam timoratz conscientie nesciunt dari præceptum talis conuersionis, unde nec consentiunt se illud violasse: Deinde etiam si daretur, posset in illo instanti non occurrere: Denique posset puer tunc aliqua distractione superueniente occupari, cui consentire non est malum saltem graue: ergo puer perueniens ad vsum rationis, non peccat peccato omissionis, si non statim se conuertat in Deum.

CONCLUSIO.

RESPONDEO dicendum, quod puer perueniens ad vsum rationis, peccat mortaliter peccato omissionis, si non statim se conuertat in Deum; quia pro tunc tenetur se in illum conuertere. 2. non quidem formaliter & explicitè, sed virtualiter & implicitè, per propositum scilicet viuendi honestè, vel per amorem boni honesti ut sic, vel per similes actus, in quibus Deus implicitè continetur. 3. quod si tunc se conuertat in Deum hoc modo, ex diuina bonitate statim post habet perfectam conuersionem superatam

per naturalem, qua iustificatur à peccato originali, si iam non sit remissum. 4. vnde est impossibile, quòd peccatum veniale sit cum originali solo, siue absque peccato mortali. Ita communiter Discipuli D. Thomæ infra quæst. 86. art. 6.

Probatur prima pars conclusionis auctoritate D. Thomæ loco immediatè citato, vbi sic ait loquens de puero perueniente ad annos discretionis: Si verò non ordinet seipsum ad debitum finem: secundum quòd in illa ætate est capax discretionis, peccabit mortaliter, non faciens quod in se est. Deinde probatur ratione: Datur creaturæ intellectuali præceptum diligendi Deum super omnia, quod habetur expressum Deuteronomij cap. 6. Matthæi 22. Lucæ 10. & alibi, quod est primum & maximum Legis mandatum, non solum legis positivæ, verum etiam legis naturalis, quæ sicut dicitur proprium bonum naturale esse diligendum, sic dicitur illud esse diligendum iuxta regulas rationis, ac proinde cum debita subordinatione ad finem honestum, in quo implicitè includitur Deus vt ultimus finis naturæ, cuius est principium: sed tale præceptum principaliter obligat creaturam intellectualem pro illo instanti, quo primò est perfectè compos sui ac domina suarum actionum; & propterea Angeli mali peccarunt, quia nò se converterunt in Deum per primum actum suum perfectè liberum, in quo licet fuerit peccatum superbiæ ob specialem rationem suo loco adductam, inclusum tamen erat peccatum omissionis; constat autem quòd homo est perfectè compos sui ac dominus suarum actionum primò, quando peruenit ad instans usus rationis: quia ex vna parte primum quòd occurrit homini, est deliberare de seipso ordinando in debitum finem, qui est bonum honestum conforme rationi: ex alia verò parte per synderesim naturalem tunc intimatur ipsi lex naturalis, qua obligatur ad viuendum honestè seu conformiter ad suam naturam rationalem, & quæ tunc principaliter obligat, vt dictum est, & statim amplius declarabitur: ergo puer perueniens ad usum rationis, peccat peccato omissionis, si non statim se converterat in Deum. Quod sic confirmatur: Hoc præceptum de se convertendo in Deum, siue de diligendo Deum super omnia, quamvis non ad semper obliget quantum ad actum, cum sit præceptum affirmatiuum, tamen necessariò obligat pro determinato aliquo tempore, seu pro determinata aliqua duratione, sicut & alia præcepta affirmatiua: sed non est assignabile aliud tempus, seu duratio magis proportionata, quàm dictum instans morale usus rationis, vt constat ex modo dictis; tum quia ratio dicitur creaturam debere se convertere meliori modo quo potest, in signum subiectionis ad suum principium & authorem Deum, & ita creatura rationalis statim ac incipit uti ratione, debet se

convertere primo actu rationis in Deum tunc implicitè & virtualiter repræsentatum; Tum quia alia tempora ab Aduersariis assignata pro tali conuersione, non sunt sic apta & conuenientia, sicut instans prædictum usus rationis, vt constat ex sufficienti inductione ac enumeratione eorum: Nam quod dicitur, tale præceptum conuersionis obligare vel in hora mortis, vel in diebus festiuis, vel quando quis recipit aliquod insignis beneficium, vel quando adultus suscipit Baptismum; multò minus probabilitatis habet, quàm dicere quod obligat, quando in prædicto instanti usus rationis intimatur à Deo per dictamen rationis: nam quantum ad primum de hora mortis, quod scilicet pro tunc tantum hoc præceptum obliget, videtur omninò improbabile; quia hoc præceptum est fundamentum totius legis & vitæ rationalis, vnde dicitur in sacra Scriptura, quod ex eo pendet tota lex; & ita debet observari tempore vitæ, & non tantum in hora mortis; maximè quia ex hoc sequeretur quòd plures Sancti, qui morte subita decedunt, illud non obseruarent, vnde quamvis verum sit, quòd in hora mortis tenemur nos in Deum convertere, hoc ideo est, non quòd prius non obliget tale præceptum, sed quia tenemur per omnia media procurare salutem, maximè tunc quando maius instat periculum: Quantum verò ad alia quæ assignantur, constat quòd tunc potius est consilium, quàm præceptum talis conuersionis & dilectionis Dei, ultra quòd dictum est, quòd præceptum dictæ conuersionis in instanti usus rationis intimatur, & tunc adest peculiaris & principalis ratio obseruandi illud vt etiam dictum est, & consequenter tunc incipit obligare, & pro tunc magis quàm pro alio tempore.

Probatur secunda pars conclusionis: Ex vna parte non est per se notum Deum esse, vt docet D. Thomas 1. p. q. 2. art. 1. vnde quamvis facilimo discursu naturali possit sciri Deum esse, ita vt non possit dari ignorantia inuincibilis de existentia Dei, vt in Metaphysica probatum est; tamen in primo illo instanti usus rationis potest fieri, quòd non occurrat formalis & explicita cognitio ipsius Dei, & maximè illis qui in siluis & in terris infidelium sunt enutriti: ex alia verò parte puer tenetur se convertere formaliter & explicitè ad bonum honestum conforme rationi, vt dictum est in prima parte conclusionis, & Deus vt author naturæ rationalis continetur virtualiter & implicitè in bono honesto, quasi finis ipsius connaturalis: ergo ex qua parte tunc potest puero peruenienti ad usum rationis non occurrere formalis & explicita cognitio Dei, non tenetur pro tunc formaliter & explicitè se ad illum convertere, cum talis conuersio formalis & explicita non possit fieri sine formali & explicita Dei cognitione præuia, & aliud nemo ad impossibile teneatur: & ex qua parte Deus con-

tinetur virtualiter & implicite in bono honesto quasi finis in medio; per hoc quod pro tunc tenetur se formaliter & explicitè conuertere ad bonum honestum, etiam tenetur se virtualiter & implicite conuertere in Deum principium & finem connaturalem boni honesti, per propositum scilicet viuendi honestè, vel per amorem boni honesti vt sic, vel per similes actus.

Probatur tertia pars conclusionis autoritate D. Thomæ infra q. 89. art. 6. vbi loquens de pueru perueniente ad vsum rationis sic ait: Et si quidem seipsum ordinauerit ad debitum finem, per gratiam consequetur remissionem originalis peccati. Deinde probatur ratione, & simul explicatur dictum D. Thomæ: Ex vna parte hæc prima conuersio pueri peruenientis ad vsum rationis in Deum finem naturalem creaturæ intellectualis, est actus quidem in substantia merè naturalis, vnde ipsum non iustificat; & tamen non potest elici absque auxilio supernaturali diuinæ gratiæ, vt dicitur infra Tractatu tertio vbi agitur de necessitate Gratia, & hoc propter maximam difficultatem actus talis conuersionis, quo eligitur bonum honestum præ delectabili pro toto tempore vitæ, contra inclinationem naturalem appetitus sensitiui in bonum delectabile sibi conforme, sed sæpe contrarium & difforme rationi; qui actus est tantum proportionatus naturæ integræ, vbi appetitus inferior per bonum iustitiæ originalis est omnino subiectus appetitui superiori siue rationali; est autem valde improporcionatus & plurimum excedens respectu naturæ corruptæ siue destitutæ iustitiæ originali, in qua appetitus inferior est rebellis superiori: Ex alia verò parte certum est apud omnes Catholicos, quod facienti quod in se est, ex prioribus auxiliis diuinæ gratiæ, Deus non denegat gratiam, quia perfecta sunt Dei opera: ergo si puer perueniens ad vsum rationis se conuertit in Deum finem naturalem, quamuis ex vi huius conuersionis non iustificetur; statim tamen post ex diuina bonitate recipit maiora diuinæ gratiæ auxilia, nempe supernaturalem illustrationem ex parte intellectus, & motionem efficacem ex parte voluntatis, ex quibus habet perfectam conuersionem supernaturalem, qua iustificetur à peccato originali, si iam non sit remissum per Baptisma. Nec tamen inde sequitur, quod in nullo dabitur infidelitas negatiua, & quod nullus excusabitur ab infidelitate, si supponatur quod in primo instanti habuerit fidem necessariam ad conuersionem supernaturalem; nam si postea est infidelis videtur quod verè sua malitia amittit fidem, & ita habet infidelitatem priuatiuam ac culpabilem. Dicendum enim, quod licet puer perueniens ad vsum rationis prædicto modo iustificetur, ac ita recipiat gratiam sanctificantem cum fide & aliis virtutibus supernaturalibus: tamen quia illustratio subitanea, ex qua iustificatur, statim potest transire, & consequen-

ter fit vt puer obliuiscatur veritatis supernaturalis tunc cognitæ, nisi exterius vel interius de nouo instruatur; inde est quod excusatur si non credat tunc mysteria fidei: si tamen viuat honestè secundum rationem ex auxiliis diuinæ gratiæ, maiora auxilia recipiet à Deo, qui prouidebit eius instructioni, siue per hominem, siue per Angelum, siue per illustrationes internas, & ita credet quasi membrum Ecclesiæ, & saluabitur.

Probatur quarta pars conclusionis, intellecta secundum potentiam ordinariam, autoritate D. Thomæ loco iam citato, vbi ex professo probat hanc partem conclusionis; vnde sic incipit articulum: Respondeo dicendum, quod impossibile est, quod peccatum veniale sit in aliquo cum originali peccato absque mortali. Deinde probatur ratione D. Thomæ ibidem sic amplius expensa: Puer perueniens ad vsum rationis vel satisfacit præcepto prædictæ conuersionis & dilectionis Dei super omnia, vel ei non satisfacit: si satisfaciat, iustificatur à peccato originali, si adhuc non erat remissum, modo supra explicato: si non satisfaciat tunc, peccat moraliter, quia pro tunc illud præceptum est obligatorium; vnde si tunc se diuertat voluntariè ad aliud, vel si committat aliquid quod aliàs esset peccatum veniale, puta dicere mendacium, irasci, aut quid simile, tunc peccat mortaliter peccato omissionis: si autem ante completum illud breue spatium, in quo constituitur primum instans morale vsus rationis, superueniret absque illius culpa aliqua passio vel aliud impedimentum, quo discursus eius pertubaretur, ita vt non perficeret argumentum practicum superius explicatū, non censendus esset peruenisse ad vsum rationis, & ita nullo modo peccaret, nec mortaliter, nec venialiter; vt enim quis primò peccet, debet habere perfectū vsum rationis; quamuis aliàs ad peccatū veniale nō requiratur perfectus vsus rationis, quia hic imperfectus vsus rationis potest esse voluntarius in causa propter actum aliquem præcedentem; quod non potest admitti in ordine ad primum instans vsus rationis, cum illud non possit præcedere actus liber: Vnde tunc imperfectus vsus rationis, qui excusat à peccato mortali, etiam excusat à peccato veniali, vt ibidem dicit D. Thomas: ergo est impossibile secundum potentiam ordinariam, quod peccatum veniale sit cum originali solo, siue absque peccato mortali. Denique probatur à posteriori alia ratione D. Thomæ, quæ in argumento Sed contra eiusdem articuli sic proponitur: Pro peccato originali puniuntur homines in limbo puerorum, vbi non est pœna sensus, vt infra dicitur: in inferno autem detruduntur homines propter solum peccatum mortale: ergo non erit locus, in quo possit puniri ille, qui habet peccatum veniale cum originali solo.

Ad primum ergo dicendum, quod datur illud præceptum affirmatiuum de conuertendo se

se in Deum, obligatorium pro primo illo instanti vsus rationis: quod habetur expressum tum in illo Zachariæ 1. Conuertimini ad me, & ego conuertar ad vos, vt docet D. Thomas loco citato in responsione ad 3. tum etiam in Deuteronomio, vbi habetur præceptum æquiualens de diligendo Deo super omnia: & quamuis nullus ex aliis Sanctis Patribus faceret expressam mentionem huius præcepti, sufficeret autoritas D. Thomæ, cum tam firmis eius fundamentis; citatur tamen S. Basilius in Psalmum primum.

A d secundum dicendum, quod necessaria est dicta conuersio in Deum ex duplici illo capite, & vt satisfiat prædicto præcepto affirmatiuo, quod occurrit in primo instanti vsus rationis, & pro tunc obligat vt dictum est, quia est maxima eius aduertentia, & nisi ei satisfiat tunc, remanet debitum ei satisfaciendi pro quâdo sufficienter proponetur, donec ei satisfiat: est etiam necessaria ad tollendum peccatum originale modo explicato, nisi iam sit remissum, ne sequatur inconueniens assignatum in quarta parte conclusionis, si peccatum veniale esset cum originali peccato absque mortali.

A d tertium dicendum, quod non est mirum, si fideles qui non studuerunt, ignorent dari hoc præceptum, cum ipsi Theologi postquâ diu studuerunt, multa ignorent: nullus tamen illud ignorat aut ignorare potest, dum in exercitio occurrit in primo illo instanti vsus rationis; nec potest pro tunc non occurrere vel non aduerti. Quod si plures non confiteantur expresse de omissione huius conuersionis præceptæ sub conditione, prouenit ex inaduertentia, & sufficit quod de illa confiteantur sub generali ratione, in quantum confitentur de omni omissione mala: Constat autem ex dictis, quod si puer tunc consentiat cuicunque distractioni, aduertens ipsam esse malam moraliter (vt verè aduertit nisi perturbetur vsus rationis) peccat mortaliter peccato omissionis: Probabile valde est, quod iustificati prius per Baptismum, communius satisfaciunt dicto præcepto, quàm alij.



QVÆSTIO LXXII,

De peccatorum distinctione, in nouem articulos diuisa.



END est considerandum est de distinctione peccatorum vel vitiorum.

¶ Et circa hoc quærentur nouem.

¶ Primo, vtum peccata distinguantur specie secundum obiecta.

- ¶ Secundo, de distinctione peccatorum spiritualium & carnalium.
- ¶ Tertio, vtum secundum causas.
- ¶ Quarto, vtum secundum eos in quos peccatur.
- ¶ Quinto, vtum secundum diuersitatem reatus.
- ¶ Sexto, vtum secundum omissionem & commissionem.
- ¶ Septimo, vtum secundum diuersum processum peccati.
- ¶ Octauo, vtum secundum abundantiam & defectum.
- ¶ Nono, vtum secundum diuersas circumstantias.

ARTICVLVS I.

Vtrum peccata differant specie secundum obiecta.

378

AD PRIMUM sic proceditur. Videtur, quod peccata non differant specie secundum obiecta. Añs enim humani

præcipuè dicuntur boni vel mali per comparisonem ad finem, vt supra ostensum est. Cum igitur peccatum nihil aliud sit quàm actus hominis malus, sicut dictum est, videtur quod secundum fines peccata debeant distingui specie magis, quàm secundum obiecta.

¶ 2 Præterea, Malum cum sit priuatio, distinguitur specie secundum diuersas species oppositorum: sed peccatum est quoddam malum in genere humanorum actuum. Ergo peccata magis distinguuntur specie secundum opposita, quàm secundum obiecta.

¶ 3 Præterea, Si peccata specie differant secundum obiecta, impossibile esset idem peccatum specie circa diuersa obiecta inueniri: sed inueniuntur aliqua huiusmodi peccata: nam superbia est in rebus spiritualibus: & in corporalibus, vt Gregor. dicit in lib. 34. Moral. Auaritia etiam est circa diuersa genera rerum. Ergo peccata non distinguuntur specie secundum obiecta.

¶ 4 Contra est, quod peccatum est dictum, vel factum, vel concupitum contra legem Dei, sed dicta, vel facta, vel concupita distinguuntur specie secundum diuersa obiecta: quia actus per obiecta distinguuntur vt supra dictum est. Ergo etiam peccata secundum obiecta specie distinguuntur.

CONCLUSIO.

Quoniam actus humanus voluntarij, secundum quos attenditur specifica peccatorum distinctio, specie per obiecta distinguuntur: etiam peccata specie per obiecta distinguuntur necessarium est.

RESPONDENDO dicendum, quod sicut dictum est, ad rationem peccati duo concurrunt, scilicet actus voluntarij, & inordinatio eius: quæ est per recessum a lege Dei. Horum autem duorum vnum per se comparatur ad peccantem, qui intendit talem actum voluntarium exercere in tali materia: illud autem, scilicet inordinatio actus, per accidens se habet ad intentionem peccantis. nullus enim intendens ad malum operatur, vt Dionys. dicit 4. c. de diu. no. Manifestum est autem, quod vnumquodque consequitur speciem secundum illud quod est per se, non autem secundum id quod est per accidens: quia ea quæ sunt per accidens, sunt extra rationem speciei. Et ideo peccata specie distinguuntur ex parte actuum voluntarij magis, quàm ex parte inordinationis in peccato existentis: actus autem voluntarij distinguuntur specie secundum obiecta, vt in superioribus ostensum est. Vnde sequitur, quod peccata proprie distinguantur specie secundum obiecta.

A d primum ergo dicendum, quod finis principaliter habet rationem boni, & ideo comparatur ad actum voluntarij, quæ est primordialis in omni peccato, sicut obiectum. Vnde in idem redit, quod peccata differant secundum obiecta vel secundum fines.

A d secundum dicendum, quod peccatum non est pura priuatio, sed est actus debito ordine priuatus: & ideo peccata magis distinguuntur specie secundum obiecta actuum, quàm secundum opposita, quàmuis etiam si distinguantur secundum oppositas virtutes, in idem rediret: virtutes enim distinguuntur specie secundum obiecta, vt supra dictum est.

A d tertium dicendum, quod nihil prohibet in diuersis rebus specie vel genere differentibus inuenire vnâ formalem rationem obiecti, à qua peccatum speciem recipit: & hoc modo superbia circa diuersas res excellentiam quærit, avaritia vero abundantiam eorum quæ vsui humano accommodantur.

ARTICVLVS II.

Vtrum conuenienter distinguantur peccata spiritualia à carnalibus.

AD SECUNDUM sic proceditur. Videtur, quod inconuenienter distinguantur peccata spiritualia à carnalibus. Dicit enim Apostolus ad Gal. 5. Manifesta sunt opera carnis, quæ sunt fornicatio, immunditia, impudicitia, luxuria, idolorum seruitus, veneficia, &c. ex quo videtur quod omnia peccatorum genera sunt opera carnis: sed peccata carnalia dicuntur opera carnis; ergo non sunt distinguenda peccata carnalia à spiritualibus.

¶ 2 Præterea, Quicumque peccat secundum carnem ambulat, secundum illud Rom. 8. Si secundum carnem vixeritis, moriemini: si autem spiritu facta carnis mortificaueritis, viuetis. Sed viuere vel ambulare secundum carnem, videtur pertinere ad rationem peccati carnalis: ergo omnia peccata sunt carnalia. Non ergo sunt distinguenda peccata carnalia à spiritualibus.

¶ 3 Præterea, Superior pars animæ, quæ est mens vel ratio, spiritus nominatur: secundum illud Ephes. 4. Renouamini spiritu mentis vestræ: vbi spiritus pro ratione ponitur, vt ibi gloss. dicit: Sed omne peccatum, quod secundum carnem committitur, à ratione deriuatur per consensum: quia superioris rationis est consentire in actum peccati, vt infra dicitur. Ergo eadem peccata sunt carnalia & spiritualia: non ergo sunt distinguenda abinuicem.

¶ 4 Præterea, Si aliqua peccata specialiter sint carnalia, hoc potissimè intelligendum videtur de illis peccatis, quibus in corpus suum peccat aliquis: sed sicut Apostolus dicit 1. ad Corinth. 6. Omne peccatum quodcumque fecerit homo, extra corpus est: qui autem fornicatur, in corpus suum peccat: ergo sola fornicatio esset peccatum carnale, cum tamen Apostolus ad Ephes. 5. etiam avaritiam carnalibus peccatis annumeret.

¶ 5 Contra est, quod Gregor. 33. Moral. dicit, quod septem capitalium vitiorum quinque sunt spiritualia, & duo carnalia.

CONCLUSIO.

Quoniam ex obiectis siue finibus, peccata specie recipiunt: conuenit vt peccata illa, quæ in spirituali delectatione perficiuntur

ciuntur, spiritualia vocantur, quæ verò in delectatione carnali, carnalia.

Ad primum dicendum, quod sicut dicitur, peccata recipiunt speciem ex obiectis: omne autem peccatum consistit in appetitu alicuius commutabilis boni, quod inordinate appetitur, & per consequens in eo iam habito inordinate appetitur. Vnde dicitur, quod peccatum patet, duplex est delectatio; Vna quidem animalis, quæ consummatur in sola apprehensione alicuius rei ad votum habitæ, & hæc etiam potest dici delectatio spiritualis: sicut cum aliquis delectatur in laude humana, vel in aliquo huiusmodi. Alia vero delectatio est corporalis, siue naturalis, quæ in ipso tactu corporali perficitur, quæ potest etiam dici delectatio carnalis. Sic igitur illa peccata, quæ perficiuntur in delectatione spirituali, vocantur peccata spiritualia: illa vero quæ perficiuntur in delectatione carnali, vocantur peccata carnalia: sicut gula, quæ perficitur in delectatione ciborum, & luxuria, quæ perficitur in delectatione venerorum; vnde & Apostolus dicit ad Corinth. 7. Emundemus nos ab omni inquinamento carnis & spiritus.

Ad primum ergo dicendum, quod sicut glossa ibidem dicit, illa vitia dicuntur opera carnalia, non quia in voluptate carnis perficiuntur: sed caro sumitur ibi pro homine, qui dum secundum se vivit, secundum carnem vivere dicitur, ut etiam Augustinus dicit 14. de ciu. Dei. Et huius ratio est ex hoc, quod omnis rationis humanæ defectus ex sensu carnali aliquo modo initium habet.

Et per hoc etiam patet responsio **Ad secundum.** **Ad tertium** dicendum, quod in peccatis etiam carnalibus est aliquis actus spiritualis, scilicet actus rationis; sed finis horum peccatorum, à quo denominantur, est delectatio carnis. **Ad quartum** dicendum, quod sicut glossa ibidem dicit, specialiter in fornicationis peccato ferit anima corpori, in tantum ut nihil aliud in ipso momento cogitare homini liceat: delectatio autem gulæ etiam sit carnis, non ita absorbet rationem. Vel potest dici, quod in hoc peccato etiam quædam iniuria fit corpori, dum inordinate maculatur: & ideo per hoc solum peccatum dicitur specialiter homo in corpus peccare: auaritia verò, quæ carnalibus peccatis connumeratur, pro adulterio ponitur, quod est iniuria vsurpationis vxoris alienæ. Vel potest dici, quod res in qua delectatur auarus, corporale quoddam, non est, & quantum ad hoc connumeratur peccatis carnalibus: sed ipsa delectatio non pertinet ad carnem, sed ad spiritum: & ideo Gregorius dicit quod est spirituale peccatum.

ARTICVLVS III.

Utrum peccata distinguantur specie secundum causas.

Ad tertium sic proceditur. Videtur, quod peccata distinguantur specie secundum causas. Ab eodem enim habet res speciem, à quo habet esse: sed peccata habent esse ex suis causis; ergo ab eis etiam speciem sortiuntur. Distingunt ergo specie secundum diuersitatem causarum.

Præterea, inter alias causas minus videtur pertinere ad speciem causa materialis: sed obiectum in peccato est sicut causa materialis, cum ergo secundum obiecta peccata specie distinguantur, videtur, quod peccata multo magis secundum alias causas distinguantur specie.

Præterea, Augustinus super illud Psalm. Incensa igni & suffossa, dicit quod omne peccatum est ex timore male humiliante, vel ex amore male inflammante. Dicitur enim 1. 10. 2. quod omne quod est in mundo, aut est concupiscentia carnis, aut est concupiscentia oculorum, aut superbia vite. Dicitur autem aliquid esse in mundo propter peccatum, secundum quod mundi nomine amatores mundi significantur, ut Augustinus dicit super Ioan. Gregorius etiam 31. Moral. distinguit omnia peccata secundum septem vitia capitalia, omnes autem huiusmodi diuisiones respiciunt causas peccatorum, ergo videtur quod peccata differant specie secundum diuersitatem causarum.

Secundo contra est, quia secundum hoc omnia peccata essent vnus speciei, cum ex vna causa causentur. Dicitur enim Ecclesi. 10. quod initium omnis peccati est superbia. Et 1. ad Tim. vi. quod radix omnium malorum est cupiditas. Manifestum est autem esse diuersas species peccatorum: non ergo peccata distinguuntur specie secundum diuersitates causarum.

CONCLUSIO.

Distinguuntur peccata specie, non secundum diuersas causas actiue vel morales, sed secundum diuersos fines, quos sibi peccantes præstunt, à quibus ut obiecta, eorum voluntas mouetur.

Respondens dicendum, quod cum quatuor sint causarum genera, diuersimodè diuersis attribuntur, causa enim formalis & materialis respiciunt proprie substantiam rei, & ideo substantiæ secundum formam & materiam specie & genere distinguuntur. Agens autem & finis respiciunt directè motum & operationem: & ideo motus & operationes secundum huiusmodi causas specie distinguuntur, diuersimodè tamen. Nam principia actiua naturalia sunt determinata semper ad eosdem actus, & ideo diuersæ species in actibus naturalibus attenduntur non solum secundum obiecta, quæ sunt fines vel termini, sed etiam secundum principia actiua: sicut calefacere & refrigerare distinguuntur specie secundum calidum & frigidum. Sed principia actiua in actibus voluntatis, cuiusmodi sunt actus peccatorum, non se habent ex necessitate ad vnum, & ideo ex vno principio actiui vel motiui possunt diuersæ species peccatorum procedere. Sicut ex timore male humiliante potest procedere quod homo furetur, & quod occidat, & quod deserat gregem sibi commissum, & hæc eadem possunt procedere ex amore. Vnde manifestum est, quod peccata non differant specie secundum diuersas causas actiue vel morales, sed solum secundum diuersitatem cause finalis: finis

autem est obiectum voluntatis, obiectum est enim supra, quod actus humani habent speciem ex fine.

Ad primum ergo dicendum, quod principia actiua in actibus voluntatis, cum non sint determinata ad vnum, non sufficiunt ad producendum humanos actus nisi determinetur voluntas ad vnum per intentionem finis, ut patet per Philosophum in 9. Metaph. & ideo à hinc perficitur esse & species peccati.

Ad secundum dicendum, quod obiecta, secundum quod comparantur ad actus exteriores, habent rationem materię circa quam: sed secundum quod comparantur ad actum interiorē voluntatis, habent rationem finium, & ex hoc habent quod dent speciem actui. Quamuis etiam secundum quod sunt materia circa quam, habeant rationem terminorum, à quibus motus specificantur, ut dicitur in 5. Physic. & in 10. Ethic. sed tamen etiam termini motus dant speciem moribus, id quantum habent rationem finis.

Ad tertium dicendum, quod illæ diuisiones peccatorum non dantur ad distinguendas species peccatorum, sed ad manifestandas diuersas causas eorum.

ARTICVLVS IV.

Utrum peccatum conuenienter distinguatur in peccatum in Deum in seipsum, & in proximum.

Ad quartum sic proceditur. Videtur, quod inconuenienter peccatum distinguatur per peccatum quod est in Deum, in proximum, & in seipsum. Illud enim quod est commune omni peccato, non debet poni quasi pars in diuisione peccati: sed commune est omni peccato quod sit contra Deum: ponitur enim in diuisione peccati, quod sit contra legem Dei, ut supra dictum est, non ergo peccatum in Deum debet poni quasi pars in diuisione peccatorum.

Præterea, Omnis diuisio debet fieri per opposita: sed ista tria genera peccatorum non sunt opposita: quicunque enim peccat in proximum, peccat in seipsum & in Deum, non ergo peccatum conuenienter diuiditur secundum hæc tria.

Præterea, Ea quæ sunt extrinsecus, non conferunt speciem: sed Deus & proximus sunt extra nos. Ergo per hæc non distinguuntur peccata secundum speciem: inconuenienter igitur secundum hæc tria peccatum diuiditur.

Secundo contra est, quod Isidorus in lib. de summo bono distinguens peccata dicit, quod homo dicitur peccare in se, in Deum, & in proximum.

CONCLUSIO.

Cum omnia peccata sint actiones inordinatæ, contra eum qui in homine esse debet, ordinem ad Deum, ad seipsum, vel ad proximum: recte peccata in peccatum in Deum, in seipsum, & in proximum distinguuntur.

Respondens dicendum, quod sicut supra dictum est, peccatum est actus inordinatus: triplex autem ordo in homine debet esse. Vnus quidem secundum comparisonem ad regulam rationis, propter scilicet omnes actiones & passionis nostræ debent secundum regulam rationis cōmensurari. Alius autem ordo est per comparisonem ad regulam diuinæ legis, per quam homo in omnibus dirigi debet. Et siquidem homo naturaliter esset animal solitarius, hic duplex ordo sufficeret; sed quia homo est naturaliter animal politicum & sociale, ut probatur in 1. Politic. ideo necesse est, quod sit tertius ordo, quo homo ordinetur ad alios homines, quibus conuiuere debet. Horum autem ordinum primus continet secundum & excedit ipsum: quærunque enim continentur sub ordine rationis, continentur sub ordine ipsius Dei: sed quædam continentur sub ordine ipsius Dei, quæ excedunt rationem humanam, sicut ea, quæ sunt fidei, & quæ debentur soli Deo. Vnde qui in talibus peccat, dicitur in Deum peccare, sicut hæreticus, & sacrilegus, & blasphemus. Similiter etiam secundus ordo includit tertium & excedit ipsum: quia in omnibus, in quibus ordinatur ad proximum, oportet nos dirigi secundum regulam rationis: sed in quibusdam dirigimur secundum rationem quantum ad nos tantum, non autem quantum ad proximum, & quando in his peccatur, dicitur homo peccare in seipsum, sicut patet de gulo, luxurioso & prodigo: quando vero peccat homo in his quibus ad proximum ordinatur, dicitur peccare in proximum, sicut patet de fure & homicidia. Sunt autem diuersa, quibus homo ordinatur ad Deum, ad proximum, & ad seipsum. Vnde hæc diuisio peccatorum est secundum diuersas peccatorum species: nam & virtutes, quibus peccata opponuntur secundum hanc differentiam, specie distinguuntur. Manifestum est enim ex dictis, quod virtutibus theologicis homo ordinatur ad Deum: temperantia verò & fortitudo ad seipsum, iustitia autem ad proximum.

Ad primum ergo dicendum, quod peccare in Deum, secundum quod ordo qui est ad Deum, includit omnem humanum ordinem, commune est omni peccato: sed quantum ad id, quod ordo Dei excedit alios duos ordines, sic peccatum in Deum est speciale genus peccati.

Ad secundum dicendum, quod quando aliqua quorum vnus includit alterum, ab inuicem distinguuntur intelligitur fieri diuisio non secundum illud, quod vnus continetur in altero, sed secundum illud, quod vnus excedit alterum, sicut patet in diuisione numerorum & figurarum: non enim triangelus diuiditur contra quadratum secundum quod continetur in eo, sed secundum quod exceditur ab eo. Et similiter est dicendum de ternario & quaternario.

Ad tertium dicendum, quod Deus & proximus quamuis sint exteriora respectu ipsius peccantis, non tamen sunt extranea respectu actus peccati, sed comparantur ad ipsum sicut propria obiecta ipsius.

ARTICVLVS V.

Utrum diuisio peccatorum, quæ est secundum reatum, diuersificet speciem.

382 AD QUINTVM sic proceditur. Videtur quod diuisio peccatorum, quæ est secundum reatum, diuersificet speciem, puta cum diuiditur secundum veniale & mortale. Ea enim quæ in infinitum differunt, non possunt esse vnus speciei, nec etiam vnus generis: sed veniale & mortale peccatum differunt in infinitum: veniale enim debetur poena temporalis, mortali poena æterna, mensura autem poenæ respondet quantitati culpæ, secundum illud Deuteronomio 25. Pro mensura delicti erit & plagarum modus. Ergo veniale & mortale non sunt vnus generis, nec dicendum quod sint vnus speciei.

¶ 1. Præterea, Quædam peccata sunt mortalia ex genere, sicut homicidium & adulterium: quædam vero ex suo genere sunt peccata venialia, sicut verbum otiosum, & risus superfluus: ergo peccatum veniale & mortale specie differunt.

¶ 2. Præterea, Sicut se habet actus virtuosus ad primum, ita se habet peccatum ad poenam: sed primum est finis virtuosus actus, ergo & poena est finis peccati: sed peccata distinguuntur specie secundum fines, ut dictum est: ergo etiam distinguuntur specie secundum reatum poenæ.

CONCLUSIO.

Cum in peccatis reatus per accidens sint ex parte ipsius peccantis: non potest differentia venialis & mortalis peccati, vel alia quæcumque penes reatum sumpta peccatorum species distinguere.

RESPONDO dicendum, quod eorum quæ specie differunt, duplex differentia inuenitur. Vna quidem, quæ constituit diuersitatem specierum, & talis differentia nunquam inuenitur nisi in speciebus diuersis: sicut rationale & irrationale animatum & inanimatum. Alia autem differentia est consequens diuersitatem speciei, & talis differentia etiam in aliquibus consequatur diuersitatem speciei: in aliis tamen potest inueniri in alia specie, sicut album & nigrum consequuntur diuersitatem speciei corui & cygni, tamen inueniuntur huiusmodi differentia in eadem hominis specie. Dicendum est ergo, quod differentia venialis & mortalis peccati, vel quæcumque alia differentia quæ sumitur penes reatum, non potest esse differentia constituens diuersitatem speciei: nunquam enim id quod est per accidens, constituit speciem, id autem quod est præter intentionem agentis, est per accidens ut patet in 2. ^o

¶ Manifestum est autem, quod poena est præter intentionem peccantis: unde per accidens se habet peccatum ex parte ipsius peccantis. Ordinatur tamen ad peccatum ab exteriori, scilicet: ex iustitia iudicantis, qui secundum diuersas conditiones peccatorum diuersas poenas infligit: unde differentia, quæ est ex reatu poenæ, potest consequi diuersam speciem peccatorum, non autem constituit diuersitatem speciei: differentia autem peccati venialis & mortalis consequitur diuersitatem inordinationis, quæ complet rationem peccati. Duplex enim est inordinatio, vna per subtractionem principij ordinis: alia quæ etiam saluato principio ordinis, fit inordinatio circa ea quæ sunt post principium: sicut in corpore animalis quandoque quidem inordinatio complexionis procedit vsque ad destructionem principij vitalis, & hæc est mors. Quandoque vero saluo principio vitæ fit deordinatio quædam in humoribus: & tunc est ægritudo. Principium autem actus totius ordinis in moralibus est finis vltimus, qui ita se habet in operatiuis, sicut principium in demonstrabilibus in speculatiuis, ut dicitur in 7. Eth. ^o unde quando anima deordinatur per peccatum vsque ad auersionem ab vltimo fine, scilicet Deo, cui vnimur per charitatem, tunc est peccatum mortale; quando vero fit deordinatio citra auersionem à Deo, tunc est peccatum veniale. Sicut enim in corporibus deordinatio mortis quæ est per remotionem principij vitæ est irreparabilis secundum naturam: inordinatio autem ægritudinis reparari potest, propter id quod saluatur principium vitæ: similiter est in his quæ pertinent ad animam. Nam in speculatiuis, qui errat circa principia, imperuolabilis est: qui autem errat saluatis principijs, per ipsa principia reuocari potest. Et similiter in operatiuis, qui peccando aueritur ab vltimo fine, quantum est ex natura peccati, habet lapsum irreparabilem: & ideo dicitur peccare mortaliter æternaliter puniendus: qui vero peccat citra auersionem à Deo, ex ipsa ratione peccati reparabiliter deordinatur, quia saluatur principium: & ideo dicitur peccare venialiter: quia scilicet non ita peccat ut mereatur interminabilem poenam.

AD PRIMUM ergo dicendum, quod peccatum mortale & veniale differunt in infinitum ex parte auersionis: non autem ex parte conuersionis, per quam respicit obiectum, unde peccatum speciem habet. Unde nihil prohibet in eadem specie inueniri aliquod peccatum mortale & veniale: sicut primus motus in genere adulterij est peccatum veniale, & verbum otiosum, quod pterumque est veniale, potest etiam esse mortale.

AD SECUNDVM dicendum, quod ex hoc, quod inuenitur aliquod peccatum mortale ex genere, & aliquod peccatum veniale ex genere, sequitur quod talis differentia consequatur diuersitatem peccatorum secundum speciem, non autem quod easdem eam. Talis autem differentia potest inueniri etiam in his quæ sunt eiusdem speciei, ut dictum est.

AD TERTIVM dicendum, quod primum est de intentione merentis, vel virtuosus agentis: sed poena non est de intentione peccantis, sed magis est contra voluntatem ipsius, unde non est similis ratio.

ARTICVLVS VI.

Utrum peccatum commissionis & omissionis differant specie.

AD SEXTVM sic proceditur. Videtur, quod peccatum commissionis & omissionis specie differant. Delictum enim contra peccatum diuiditur Ephes. 2. vbi dicitur. Cum essetis mortui delictis & peccatis vestris. Et exponit ibi ^o glossa. Delicta, id est, dimittendo quæ iubentur, & peccatis, scilicet agentibus prohibita. Ex quo patet, quod per delictum intelligitur peccatum omissionis: per peccatum, peccatum commissionis: differunt ergo specie, cum ex opposito diuidantur tanquam diuersæ speciei.

¶ 2. Præterea, Peccato per se conuenit, quod sit contra legem Dei: ponitur enim in eius distinctione, ut ex ^o supradictis patet: sed in lege Dei alia sunt præcepta affirmatiua, contra quæ est peccatum omissionis: & alia præcepta negatiua, contra quæ est peccatum commissionis. Ergo peccatum omissionis, & peccatum commissionis differunt specie.

¶ 3. Præterea, Omissio & commissio differunt, sicut affirmatio & negatio: sed affirmatio & negatio non possunt esse vnus speciei quia negatio non habet speciem: non entis enim non sunt species, neque differentia. ut Philosophus dicit. Ergo omissio & commissio non possunt esse vnus speciei.

¶ 4. Contra, in eadem specie peccati inuenitur omissio & commissio: auarus enim & aliena rapit, quod est peccatum commissionis, & sua non dat, quibus dare debet, quod est peccatum omissionis: ergo omissio & commissio non differunt specie.

CONCLUSIO.

Quoniam commissio peccati ex eodem motu procedunt, atque ad finem eundem ordinantur (auarus enim & rapit & non dat quæ dare debet quod pecuniam accumulet) confiat illi, si obiecta vnde propria & formalis peccatorum distinctio sumenda est speciebus, non differre specie: differunt autem largius de specie loquendo materialiter.

RESPONDO dicendum, quod in peccatis inuenitur duplex differentia: vna materialis, & alia formalis. Materialis quidem attenditur secundum naturalem speciem actuum peccati: formalis autem secundum ordinem ad vnum finem proprium, quod est obiectum proprium. Unde inueniuntur aliqui actus materialiter specie differentes, qui tamen formaliter sunt in eadem specie peccati: quia ad idem ordinantur; sicut ad eandem speciem homicidij pertinet iugulatio, lapidatio & perforatio, quia omnes actus sunt specie differentes secundum speciem naturæ. Sic ergo si loquamur de specie peccati omissionis, & commissionis materialiter differunt specie: largè tamen loquendo de specie, secundum quod negatio vel priuatio speciem habere potest. Si autem loquamur de specie peccati omissionis & commissionis formaliter, sic non differunt specie: quia ad idem ordinantur, & ex eodem motu procedunt. Auarus enim ad congregandum pecuniam & rapit, & non dat ea, quæ dare debet; & similiter gulosus ad satisfaciendum gula, & superflua comedit, & ieiunia debita prætermittit: & idem est videre in cæteris. Semper enim in rebus negatio fundatur super aliqua affirmatione, quæ est quodammodo causa eius: unde etiam in rebus naturalibus eiusdem rationis est, quod ignis calefaciat, & quod non infrigidet.

AD PRIMUM ergo dicendum, quod illa diuisio, quæ est per commissionem & omissionem, non est secundum diuersas species formales, sed materiales tantum, ut dictum est.

AD SECUNDVM dicendum, quod necessarium fuit in lege Dei proponi diuersa præcepta affirmatiua & negatiua, ut gradatim homines, introducerentur ad virtutem, prius quidem abstinendo à malo, ad quod inducimur per præcepta negatiua, & postmodum faciendo bonum, ad quod inducimur per præcepta affirmatiua. Et sic præcepta affirmatiua & negatiua non pertinent ad diuersas virtutes, sed ad diuersos gradus virtutis, & per consequens non oportet, quod contrarietur diuersis peccatis secundum speciem. Peccatum etiam non habet speciem ex parte auersionis: quia secundum hoc est negatio vel priuatio: sed ex parte conuersionis, secundum quod est actus quidam. Unde secundum diuersa præcepta legis non diuersificantur peccata secundum speciem.

AD TERTIVM dicendum, quod obiectio illa procedit de materiali diuersitate speciei. Sciendum est tamen, quod negatio, etsi propriè non sit in specie, constituitur tamen in specie per reductionem ad aliquam affirmationem quam sequitur.

ARTICVLVS VII.

Utrum conuenienter diuidatur peccatum in peccatum cordis, oris, & operis.

AD SEPTIMVM sic proceditur. Videtur quod inconuenienter diuidatur peccatum in peccatum cordis, oris & operis. Aug. enim in 12. ^o de Trinitate ponit tres gradus peccati quorum primus est, cum carnalis sensus illecebram quandam ingerit, quod est peccatum cogitationis secundum gradus est, quando sola cogitationis delectatione aliquis contentus est. Tertius gradus est, quando faciendum differatur per consensum, sed tria hæc pertinent ad peccatum cordis: ergo inconuenienter peccatum cordis ponitur quasi vnus genus peccati.

¶ 2. Præterea, ^o Gregor. in 4. Moral. ponit quatuor gradus peccati, quorum primus est culpa latens in corde: secundus, cum exterius publicatur: tertius est, cum consuetudine roboratur: quartus est cum vsque ad præsumptionem diuinæ misericordie, vel ad desperationem homo procedit, vbi non distinguitur peccatum operis à peccato oris: & adduntur duo alij peccatorum gradus, ergo inconueniens fuit prima diuisio.

DDd ¶ 3. Præterea

in præfenti disputatione differamus : Quæ autem hîc dicentur de peccatis , ad vitia extendi debent , quæ sunt principia peccatorum.

D V B I U M I.

Utrum peccata differant specie secundum obiecta.

Supponendum est ex dictis , & ex D. Thoma hîc art. 1. ad 2. quod peccatum non est pura priuatio , sed est actus debito ordine priuatus : unde ut docet ibidem in corpore , ad rationem peccati duo concurrunt , scilicet actus voluntarius , & inordinatio eius , quæ est per recessum à lege Dei ; cum hac tamen differentia , quod tam actus , quam inordinatio eius pertineant ad rationem & quidditatē intrinsecam peccati commissionis , actus quidem quasi materiale , inordinatio autem quasi formale ipsius ; ad quidditatem autem intrinsecam peccati omissionis sola pertinet inordinatio , actus quippe physicus , quāuis necessariò , tamen accidentaliter tantum reperitur coniunctus , ut constat ex supra dictis : Quia tamen peccatum omissionis est essentialiter priuatio actus debiti , sicut peccatum commissionis est actus indebitus ; & aliunde debemus loqui de priuationibus & negationibus per reductionem ad formas quas priuant , & cum proportionem ad illas , inde est quod ab eodem prouenit specificatio & distinctio peccati omissionis , à quo prouenit specificatio & distinctio peccati commissionis , sed diuerso modo fundato in diuersa natura vtriusque peccati , in quantum peccatum commissionis est tendentia inordinata ad obiectum , peccatum verò omissionis est recessus inordinatus ab obiecto : quamuis autem in utroque peccato ipsa inordinatio sit præcipuum attentā naturā ipsius peccati ; attendita tamen intentione peccatoris , actus ipse qui est subiectum inordinationis , vel per se in peccato commissionis , vel accidentaliter in peccato omissionis , est præcipuum quod reperitur in peccato , ut docet D. Thomas ex S. Dionysio 4. cap. de Diuinis Nominibus , quia nullus intendens ad malum operatur , & ita inordinatio actus per accidens se habet ad intentionem peccantis , actus autem ipse voluntarius se habet per se : Quando dictum est , quod inordinatio actus est præcipuum quod reperitur in peccato , intelligitur de præcipuo non in esse rei , sed in esse constitutiui , nam semper in esse rei actus præeminet inordinationi , actus quippe est quid positium , inordinatio verò est quid priuatum . Quærimus ergo in præfenti , utrum peccata differant specie secundum obiecta .

Prima opinio negat , quod peccata differant specie secundum obiecta . Probat : In peccatis omissionis priuatio est adæquatum per se constitutum , actus quippe voluntarius in his peccatis tantum per accidens reperitur ; ut communi-

ter conceditur : in peccatis autem commissionis priuatio est præcipuū & formale constitutum , actus autem voluntarius est tantum materiale constitutum , quamuis per se requisitum : sed ex vna parte specificatio cuiuscunque rei debet attendi iuxta illud quod est in principium & formale ; ex alia verò parte priuationes distinguuntur specie secundum diuersas species formarum oppositarum : ergo peccata non differunt specie secundum obiecta , at secundum bonitates oppositas quas priuant ,

Secundò , Si quæ ratio suaderet , quod peccata specificantur secundum obiecta , ac proinde secundum ea differunt specie , esset quia in peccato quouis solus actus positius est per se intentus ; inordinatio autem ut pote priuatiua & mala , est tantum per accidens intenta ; aliunde verò actus specificatur ab obiecto , hæc enim ratio assignatur à D. Thoma in præfenti : sed hæc ratio nulla est ; Tum quia sæpe inordinatio actus est etiam per se intenta , quando quis vult ex malitia peccare ; in hoc enim differt peccatum ex malitia à peccato ex infirmitate vel ignorantia , quod in illo malitia est per se intenta , in isto autem est tantum per accidens intenta ; Tum quia auersio à bono incommutabili , in qua consistit inordinatio , & conuersio ad bonum commutabile , quæ est actus voluntarius , ita sunt connexæ , ut sit impossibile quod vna sit per se intenta , & non alia : ergo peccata non differunt specie secundum obiecta .

Tertiò , Sæpe contingit quod peccata non respiciant per se obiecta sua , siue quod propria obiecta non sint per se intenta ; ut constat Tum in eo qui furatur rem sacram , dolens quod sit res sacra ; Tum in eo qui furatur ex intentione tantum ostendendi suam subtilitatem : ergo peccata non specificantur , nec differunt specie secundum obiecta , quia specificatiuum rei respectiuæ debet esse per se intentum & respectum ab ea .

C O N C L U S I O .

R E S P O N D E O dicendum , quod peccata siue commissionis , siue omissionis differunt specie secundum obiecta . 2. peccata quidē commissionis directè & immediatè . 3. peccata verò omissionis indirectè & mediatè . Ita communiter Discipuli D. Thomæ & alij in præfenti .

Probat prima pars conclusionis , tum auctoritate , tum duplici ratione D. Thomæ hîc art. 1. Prima habetur in argumento Sed contra , desumpta ex definitione peccati tradita ab Augustino , & superius examinata , quæ sic procedit : Peccatum commissionis est dictum , vel factum , vel concupitum contra legem Dei : Peccatum autem omissionis est non dictum , vel non factum vel non concupitum contra legem Dei , in quantum est contra legem Dei , cum non dicitur , vel non fit , vel non concupitur aliquid præceptum ab eadem lege : sed dictum , factum , &

DDd 2 concupi

concupitum important actus; non dictum autem, non factum, non concupitum important negationem actuum: ergo cum actus, & consequenter etiam negationes actuum, specie differant secundum obiecta, peccata siue commissionis, siue omissionis differunt specie secundum obiecta. Secunda habetur in corpore articuli, & sic amplius expensa reducit ad formam: Ad rationem peccati duo concurrunt, scilicet actus voluntarius, & inordinatio eius, quæ est per recessum à lege Dei; ita quod actus voluntarius sit quid posituum, inordinatio verò sit quid priuatiuum, quia peccatum non est pura priuatio, sed est actus debito ordine priuatus; & consequenter actus ut pote bonus in esse rei, quia posituius, est per se intentus & à natura & ab operante; inordinatio verò, quia priuatiua & mala, est tantum per accidens intentus, & à natura & ab operante, quia nullus intendens ad malum operatur, ut Dionysius dicit 4. cap. de Diuinis Nominibus: ergo cum specificatio debeat attendi in vnoquoque secundum illud, quod est in eo per se intentum, & à natura & ab operante, & non secundum illud quod est in eo per accidens intentum & à natura & ab operante; sequitur quod peccata specie differunt secundum obiecta; non obstante quod in eis inordinatio sit formale peccati, & actus sit materiale, quia res positua, quale est peccatum, & maxime commissionis, debet specificari ratione alicuius positui intrinseci: quia tamen specificatio actuum humanorum fit ab obiectis, ut subditis ad regulas morum; inde est quod in actibus peccaminosis, simul cum specificatione physica, quæ est ab obiecto secundum rationes physicas considerato, est etiam specificatio moralis, proueniens ab obiecto secundum diuersam difformitatem ad regulas morum considerato & inspecto; & sic inordinatio ex hac difformitate proueniens, & constituens speciem moralem peccatorum, consequitur tam eorum auersionem à bono incommutabili, quam indebitam conuersionem ad bonum commutabile. Quamuis autem hæc ratio primario & directe procedat de peccato commissionis, secundario tamen & indirecte etiam procedit de peccato omissionis, ut constabit ex modo dicendis circa tertiam partem conclusionis, secunda enim constat ex dictis

Probatur & explicatur tertia pars conclusionis: Peccata omissionis non sunt per modum tendentiæ ad obiectum, sed per modum recessus ab obiecto; quia enim sunt contra præceptum affirmatiuum, in eo consistunt, quod non fit illud quod præcipitur; unde cum affirmatio & negatio reducuntur ad idem genus; sequitur quod cum actus virtutum specificentur ex sua tendentia & conuersione ad propria obiecta directe & immediate, etiam peccata omissionis actibus virtutum opposita specificantur indirecte & mediate ab iisdem obiectis virtutum, ex

suo recessu & auersione ab illis: ergo peccata omissionis specie differunt secundum obiecta indirecte & mediate.

Ad primum ergo dicendum cum D. Thomas hic art. 1. ad 2. quod peccatum non est pura priuatio, sed est actus debito ordine priuatus: & ideo peccata magis distinguuntur specie secundum obiecta actuum, quam secundum opposita, quamuis etiam si distinguantur secundum oppositas virtutes, in idem rediret, virtutes enim distinguuntur specie secundum obiecta. Vbi nota quod quamuis in peccato inordinatio sit præcipuum & formale, imò in peccato omissionis sit totale per se constitutiuum: tamen inordinatio reperitur in actu peccati commissionis, & excludit actum præceptum in peccato omissionis; & ita non potest intelligi specificatio moralis, aut distinctio specifica peccatorum, penes diuersam eorum inordinationem prouenientem ex diuersa difformitate obiectorum ad regulas morum; quin præintelligatur specificatio eorum physica, aut distinctio specifica penes ipsos actus, proueniens ex diuersitate physica obiectorum, quia hæc specificatio est fundamentum illius.

Ad secundum dicendum, quod illa ratio assignata est optima, ut constat ex dictis in prima parte conclusionis. Vnde ad primam impugnationem dicendum, quod actus peccaminosus semper est per se intentus, & à natura & ab operante; inordinatio autem ipsius actus nunquam est per se intentus à natura; quod verò aliquando per se intendatur à peccante ex malitia, hoc est per accidens, quia tunc apprehenditur talis inordinatio ut quid bonum: manifestum est autem, quod vnuquodque consequitur speciem secundum illud quod est per se, non autem secundum id quod est per accidens. Ad secundam impugnationem dicendum, quod quamuis inordinatio peccati per se primo attendatur penes auersionem eius à bono incommutabili, secundario tamen etiam attenditur penes conuersionem eius indebitam ad bonum commutabile; imò hæc conuersio infert illam auersionem, ut pote radix ipsius: ex hoc autem quod conuersio sit per se intentus, sequitur quod auersio sit per accidens intentus propter connexionem, non autem per se primo saltem ordinariè, cum sit mala.

Ad tertium dicendum, quod semper peccata respiciunt sua obiecta, quasi per se intentus. Vnde ad primam instantiam in contrarium, dicendum quod ille qui furatur rem sacram, simpliciter & absolute vult illam furari, quamuis non omnino voluntariè ob illam velleitatem in contrarium, ut dictum est supra de voluntario & inuoluntario. Ad secundam instantiam dicendum similiter, quod qui furatur ad ostendendam suam subtilitatem, si verè furatur, absolute & simpliciter furatur; quamuis ex illa intentione ostendendi subtilitatem, colligatur quod minus vult obiectum furti, quam illum finem.

D V B I U M II.

Utrum peccata distinguantur specie etiam ex aliis principiis.

Supponendum est ex D. Thoma hic art. 2. quod peccata distinguuntur in spiritualia & carnalia: Peccata spiritualia sunt illa, quæ perficiuntur in delectatione spirituali, ut superbia: Peccata verò carnalia vocantur illa, quæ perficiuntur in delectatione carnali, ut gula; nõ quod in istis non sit aliquis actus spiritualis, scilicet actus rationis in quo incipit peccatum; sed quia finis horum peccatorum, à quo denominantur, est delectatio carnis. Item peccata distinguuntur in peccata quæ sunt in Deum, quæ sunt in seipsum, & quæ sunt in proximum: Peccatum in Deum consistit in defectu alicuius actus in ordine ad Deum, ut est hæresis, blasphemia, sacrilegium: Peccatum in seipsum consistit in defectu alicuius actus in ordine ad seipsum, ut gula, luxuria, prodigalitas: Peccatum in proximum consistit in defectu alicuius actus in ordine ad proximum, ut furtum, homicidium, &c. Rursus peccata distinguuntur in peccata cordis, oris, & operis. Distinguuntur etiam peccata secundum causas & motiva. Item secundum leges. Distinguuntur quoque aliis modis, de quibus agitur in sequentibus dubiis. In præsentī igitur dubio examinantur illæ distinctiones siue divisiones expressæ, utrum sint specificæ & essentielles.

Prima opinio asserit quod peccata spiritualia distinguuntur specie à carnalibus, ex hoc præcisè quod sunt talia. Probatur: Distinctio quæ provenit ex obiectis formalibus, est essentialis & specifica, ut communiter conceditur: sed distinctio quæ est inter peccata spiritualia & carnalia, provenit ex obiectis formalibus, ut colligitur ex hoc quod talia obiecta causant delectationes in genere moris formaliter distinctas; & propter hoc etiam virtutes, quæ moderantur delectationes spirituales, distinguuntur specie ab illis quæ moderantur delectationes carnales: ergo distinctio quæ est inter peccata spiritualia & carnalia, est essentialis & specifica.

Secunda opinio asserit, quod distinctio peccati in peccata cordis, oris, & operis sit distinctio essentialis & specifica completa. Probatur: Eo modo distinguuntur ista peccata, quomodo distinguuntur generationes quæ reperiuntur in productione hominis, ut docet D. Thomas hic art. 7. sed in productione hominis sunt plures generationes specie completa distinctæ, quatenus per eas producuntur, vel uniuntur materiæ formæ completæ specie distinctæ, seque mutuo excludentes; primò enim producitur & unitur forma vegetatiua, deinde adueniente perfectiori dispositione producitur forma sensitiva excludens priorem vegetatiuam, denique intuitu perfe-

ctissimæ dispositionis creata rationalis anima, virtute eiusdem dispositionis, unitur materiæ, & excludit formam sensitivam: ergo peccata cordis, oris, & operis sunt distincta specie completa: Maxime quia ex vna parte sufficit consensus interior cordis circa luxuriam, vel verbum oris, vel etiam opus circa eandem materiam, ut dicatur esse peccatum mortale completum: ex alia verò parte tenemur confiteri quodlibet ex istis peccatis, quod indicat illa esse distincta specie completa.

Tertia opinio asserit, peccata distingui specie secundum causas etiam efficientes. Probatur: Actus humani in esse physico considerati specificantur ex suis principiis efficientibus, ut docet D. Thomas hic art. 3. tum etiam alibi, & constat ex hoc quod intellectio & volitio specie distinguuntur, quia procedunt ex principiis specie distinctis, ista à voluntate, illa ab intellectu: ergo etiam in esse morali considerati specificantur ex suis principiis efficientibus, ut constat ex paritate rationis; & sic peccata distinguuntur specie secundum causas etiam efficientes. Et confirmatur ex hoc quod secundum Augustinum in Psal. 79. amor malè inflammans, & timor malè humilians sunt causæ efficientes omnium peccatorum; & tamen constat quod peccata procedentia ex diuerso amore vel timore distinguuntur specie.

Quarta opinio asserit, peccata distingui specie secundum distinctionem specificam legum & præceptorum, quibus opponuntur. Probatur auctoritate D. Thomæ q. 2. de Malo art. 6. ubi distinguens peccata in ea quæ sunt prohibita quia mala, & in ea quæ sunt mala quia prohibita; docet priora non sumere diuersitatem specificam ex diuersitate præceptorum, quia in his præsupponitur distinctio malitiæ ante præcepta; de posterioribus autem docet, quod sumunt diuersitatem specificam ex diuersitate præceptorum, quia ideo præcisè sunt mala quia prohibita. Deinde; Peccatum ex eo est moraliter malum, quia dicit difformitatem ad leges, quæ sunt regulæ morum: ergo cum leges sint diuersæ secundum speciem, videlicet diuina, naturalis, & humana; sequitur quod ex diuersitate specifica legum proveniat distinctio specifica peccatorum illis oppositorum.

CONCLUSIO.

RESPONDEO dicendum, quod licet peccata quæ sunt in Deum, in seipsum, & in proximum, distinguantur specie morali 1. non tamen peccata spiritualia distinguuntur specie à peccatis carnalibus 3. nec peccata cordis, oris, & operis: hæc enim tantum distinguuntur secundum diuersos gradus 4. nec peccata distinguuntur specie secundum causas efficientes. 5. nec etiam secundum distinctionem specificam legum & præceptorum, quibus opponuntur. Ita communiter Discipuli D. Th. in præsentī & alij.

Probatur & explicatur prima pars conclusionis ex his quæ docet D. Thomas hic art. 4. Diuersa sunt principia, quibus homo ordinatur ad Deum, ad seipsum, & ad proximum: nam virtutibus theologicis ordinatur ad Deum, temperantia verò & fortitudine ad seipsum, iustitia autem ad proximum: vnde ex diuerso fine harum virtutum opera bona desumunt diuersam speciem bonitatis moralis: ergo etiam peccata in Deum, in seipsum, & in proximum ex diuerso fine harum virtutum, quibus opponuntur, desumunt diuersam speciem malitiæ moralis; quamuis ex parte obiecti aliquando conueniant: & ita homicidium sui ipsius & homicidium alterius ex parte finis distinguuntur essentialiter specie morali, quia primum est contra charitatem ex D. Th. 2. 2. q. 64. art. 5. secundum autem est contra iustitiam.

Probatur secunda pars conclusionis. Distinctio specifica peccatorum in malitia morali, vel provenit ex obiecto formali ipsorum, vel ex diuerso fine; alia enim causæ distinctionis, puta subiecti, efficientis, &c. se habent per accidens, & ita non causant distinctionem essentialem, at tantum accidentalem: sed peccata spiritualia & carnalia ex hoc præcisè capite non habent diuersa obiecta formalia, nec diuersos fines, vt constat in multis, nam potest quis superbire & mentaliter tantum, & etiam externè propter eundem finem: ergo peccata spiritualia non distinguuntur specie à peccatis carnalibus; & sic distinctio quæ est inter illa, est subiecti in accidentia.

Probatur tertia pars conclusionis tum auctoritate, tum ratione D. Thomæ hic art. 7. vbi eam expressè docet; cuius ratio sic reducitur in formam: Ex vna parte hæc peccata cordis, oris & operis sunt de eodè obiecto (hic enim loquimur de istis peccatis vt sunt de eodem obiecto & fine): ex alia verò parte prima inchoatio peccati est in corde; progressus in ore, secundum quod homo prorumpit faciliè ad manifestandum conceptum cordis; consummatio autem est in opere externo: vnde quamuis ex eodem motiuo procedant, diuersum tamen gradum habent, iracundus enim ex hoc quod appetit vindictam, primò quidem perturbatur in corde, secundò in verba contumeliosa prorumpit, tertio verò procedit vsque ad facta iniuriosa, & idem patet in quolibet peccato: ergo ex qua parte ista peccata sunt de eodem obiecto & motiuo seu fine, non distinguuntur specie: ex qua verò parte eorum inchoatio est in corde, progressus in ore, & consummatio in opere, distinguuntur secundum diuersos gradus; & cōsequenter hæc tria pertinent ad vnam perfectam peccati speciem, imò sunt idem numero peccatum, quando se simul moraliter concomitantur.

Probatur quarta pars conclusionis duplici ratione adducta à D. Thoma hic art. 3. Prima habetur in argumento Sed contra, ex auctoritate sacræ Scripturæ, vbi habetur quòd ex eadem

superbia, & similiter ex eadem cupiditate procedunt omnia peccata: Ecclesiastici 10. habetur, quòd initium omnis peccati est superbia, & 1. ad Timotheum vltimo dicitur, quòd radix omnium malorum est cupiditas: ergo peccata non distinguuntur specie secundum causas efficientes, cum ab eadem causa procedant omnes species peccatorum, nempe à superbia vel cupiditate. Secunda habetur in corpore articuli, & sic expenditur: Principia actiua naturalia sunt determinata semper ad eodè actus; & ideo diuersæ species in actibus naturalibus attenduntur non solum secundum obiecta quæ sunt fines vel termini, sed etiam secundum principia actiua, sicut calefacere & infrigidare distinguuntur specie secundum calidum & frigidum (quod debet intelligi iuxta superius dicta, quòd scilicet in exercitio actus naturales specificantur à principiis, nam absolute principia specificantur ab ipsis, & ipsi à suis terminis): sed principia actiua in actibus voluntatis, cuiusmodi sunt actus peccatorum, non se habent ex necessitate ad vnum; & ideo ex vno principio actiuo vel motiuo possunt diuersæ species peccatorum procedere: ergo peccata non distinguuntur specie secundum causas efficientes sed solum secundum diuersitatem causæ finalis, quia finis est obiectum voluntatis: ad quod sufficit, quòd sit obiectum principale, ratione cuius cætera appetantur; ex hoc enim sequitur quòd actus humani, ex diuersa ordinatione ad plures fines, sortiuntur plures species.

Probatur quinta pars conclusionis, tum auctoritate, tum ratione D. Th. hic art. 6. ad 2. vbi sic concludit: Vnde secundum diuersa præcepta legis non diuersificantur peccata secundum speciem: cuius ratio est, quia peccatum non habet speciem ex parte auersionis, ratione cuius opponitur legibus, quia secundum hoc est negatio vel priuatio: sed ex parte conuersionis, secundum quod est actus quidam. Deinde, Lex diuina, lex naturalis, & lex humana distinguuntur specie ex parte legislatoris, quia se habent vt causæ superiores & inferiores procedentes ex diuerso motiuo magis aut minus vniuersali: & tamen idem numero peccatum furti vel homicidij per has omnes prohibetur: ergo peccata non distinguuntur specie secundum distinctionem specificam legum & præceptorum, quibus opponuntur. Ex quo inferunt Auctores nostræ sententiæ, quòd qui obligatur ieiunare ex duplici præcepto, transgrediens vtrumque materialiter non ieiunando, nisi adsit formalis contemptus, est vnicum peccatum, non solum specie, sed etiam numero; quia illa præcepta sunt subordinata, & respiciunt ieiunium sub eadem ratione nempe mortificandi corpus; imò aliqui addunt, quòd talis non tenetur aperire in confessione se transgressum fuisse duplex præceptum, sed sufficit quòd dicat se transgressum

sum fuisse præceptum ieiunandi; quia hæc pluralitas præceptorum non aggrauat notabiliter, quia sunt eiusdem speciei & virtutis ex parte obiecti, & ita simul non producant maiorem effectum, quam quodlibet ipsorum seorsim produceret.

Ad primum ergo dicendum, quod obiecta formalia peccatorum spiritualium & carnalium non semper distinguuntur specie; & sic nec ipsa peccata distinguuntur specie malitiæ moralis, sicut nec delectatio spiritualis, & delectatio carnalis consequens, quamuis physicè distinguantur, propter quod requiruntur diuersæ virtutes ad earum moderationem.

Ad secundum dicendum cum Caietano, quod D. Thomas adducit illam instantiā de generatione hominis, ad ostendendum quod peccatum consummatur in opere, quod incepit in corde, & profecerat in ore; in hoc tenet similitudinem; non autem in hoc quod sicut sunt plures generationes speciei, saltem incōpleta, in productione hominis; ita sunt plura speciei completa vel incōpleta, peccatum cordis, peccatum oris, & peccatum operis. Ad illud quod subditur, dicendum quod quamuis consensus cordis, vel verbum oris, vel etiā opus, si sigillatim sumantur, sit peccatum mortale perfectum & tunc completum: si tamen simul reperiantur, peccatum dicitur consummari in opere, quod incepit in corde, & profecerat in ore. Quod autem teneamur confiteri quodlibet ex istis peccatis, prouenit ex hoc quod seorsim sumantur: si enim sumantur per modum vnius peccati completi, sufficit actus consummationem confiteri, ad hoc ut inchoatio eius in corde, & processus eius in ore conseantur subdī confessioni: unde qui confitetur se scienter occidisse hominem, non tenetur dicere se consensisse huic homicidio, & se dixisse quod vellet occidere.

Ad tertium dicendum, quod est disparitas inter principia actiua respectu actuum physycorum, & principia actiua respectu actuum moralium; quod illa sunt determinata ad vnum, & ita specificant actus ista verò non sunt determinata, & ita non specificant actus. Ad confirmationem dicendum, quod amor & timor prout important affectum circa diuersos fines, afferunt ex hac diuersitate finium diuersas malitias morales in actibus; non autem ut habent rationem principij aut causæ efficientis præcisè, nam si quis peccat ex amore & timore simul tendente ad eundem finem, non erit ex hac parte duplex peccatum.

Ad quartum dicendum, quod D. Thomas intelligendus est de legibus & præceptis, quæ pertinent ad diuersas virtutes, & sunt de diuersis materiis; quia tunc ex diuersis illis materiis circa quas, seu obiectis ut difformibus rationi propter repugnantiam præceptorum, procedit ad actus diuersa malitia specifica formaliter & immediatè, ab ipsis verò legibus & præceptis

radicaliter & mediatè: Caietanus tamen dicit in art. 6. D. Thomam mutasse sententiam. Ad aliud dicendum, quod quamuis illæ tres leges ex parte legislatoris speciei differant; non tamen ex parte rei prohibite, cum conueniant in vna & eadem ratione formali prohibendi, & ita non sunt disparatæ, sed subordinatæ; & consequenter ex habitudine difformitatis ad ipsas non sequitur distinctio specifica peccatorum, quia est vnica difformitas rei prohibite respiciens has tres leges cum subordinatione, ac proinde per modum vnius consideratas.

D V B I U M III.

Utrum peccatum commissionis, & peccatum omissionis distinguantur specie in esse morali.

Supponendum est, ex D. Thoma hic art. 6. quod peccatum commissionis & peccatum omissionis in esse physico siue materialiter distinguuntur specie: sic enim ait, Si loquamur de specie peccati omissionis & commissionis materialiter, differunt specie: largè tamen loquendo de specie, secundum quod negatio vel priuatio speciem habere potest: Vnde restat inquirendum, utrum etiam specie distinguantur in esse morali. Ad cuius euidentiā sciendum est ex D. Thoma ibidem, quod inueniuntur aliqui actus materialiter specie differentes, qui tamen formaliter sunt in eadem specie peccati, quia ad idem (scilicet obiectum) ordinantur; sicut ad eandem speciem homicidij pertinet iugulatio lapidatio, & perforatio; quamuis actus sint specie differentes secundum speciem naturæ, siue in esse physico: & hoc ideo, quia hæc distinctio mediorum per accidens & omnino materialiter se habet ad occisionem hominis, in qua consistit formaliter peccatum homicidij.

Prima opinio, quam sequuntur etiam aliqui ex Discipulis D. Thomæ, negat peccatum commissionis & peccatum omissionis distingui specie in esse morali, siue distingui specie essentiali in ratione peccati. Probatur autoritatè D. Thomæ hic art. 6. ubi sic ait: Si autem loquamur de specie peccati omissionis & commissionis formaliter, sic non differunt specie: quia ad idem ordinantur, & ex eodem motiuo procedunt. Et confirmat instantia, subdit enim: Auarus ad congregandum pecuniam, & rapit, & non dat ea quæ dare debet; & similiter gulosus ad satisfaciendum gulæ, & superflua comedit, & ieiunia debita prætermittit: & idem est videre in cæteris; semper enim in rebus negatio fundatur super aliqua affirmatione, quæ est quodammodo causa eius, unde etiam in rebus naturalibus eiusdem rationis est quod ignis calefaciat, & quod non infrigidet: ex quibus omnibus manifestè constat, quod ex mente D. Thomæ peccatum commissionis & peccatum omissionis, etsi sint

contra

contra eandem virtutem, non distinguuntur specie formaliter

Secundò, Peccatum quod est ex superabundantia, & peccatum quod est ex defectu, si sint contra eandem virtutem, vt illiberalitas & prodigalitas, non distinguuntur specie formaliter; Tum quia differunt solum secundum magis & minus in eadem materia; Tum quia si distinguerentur specie, essent contraria, & ita se expellerent mutuò ab eodem subiecto, cuius tamen contrarium apparet, idem quippe potest esse illiberalis & prodigus: ergo etiam peccatum commissionis & peccatum omissionis, si sint contra eandem virtutem, non distinguuntur specie formaliter, ex paritate rationis.

Tertiò, Ex vna parte tam peccatum commissionis, quam peccatum omissionis formaliter sumptum est quid priuatiuum: ex alia verò parte si sint contra eandem virtutem, habent idem obiectum eodem modo inspectum, vt constat in furto & omissione restituendi, opponuntur quippe eodem modo rectitudini iustitiæ, cum eodem modo faciant inæqualitatem ad alterum: ergo peccatum commissionis & peccatum omissionis ex vtraque parte habent quòd non distinguuntur specie formaliter; quia species formalis peccatorum desumitur ex obiecto, vnde cum sit idem obiectum in præsentī casu peccati commissionis & peccati omissionis; & aliunde non sit impedimentum ex parte positiui & priuatiui, cum vtrumque sit formaliter quid priuatiuum, sequitur quòd sint eiusdem speciei formaliter.

CONCLUSIO.

RESPONDEO dicendum, quòd peccatum commissionis & peccatum omissionis distinguuntur specie in esse morali: Ita quòd differunt essentialiter, etiam si sint contra vnam & eandem virtutem. Ita docent communiter recentiores Thomistæ, & plures alij.

Probat Conclusio autoritate D. Thomæ 2.2. quæst. 79. art. 2. vbi docet quòd transgressio, quæ est peccatum commissionis, ex duplici capite est speciale peccatum, vno modo secundum quòd opponitur ad genera peccatorum opposita alijs virtutibus; alio modo secundum quòd distinguitur ab omissione, quæ contrariatur præcepto affirmatiuo: ex quibus constat quòd peccatum transgressionis siue commissionis ex sua generali ratione distinguitur specie à peccato omissionis.

Secundò, Tam virtutes, quam peccata distinguuntur specie essentialiter per ordinem ad distincta obiecta formalia; in esse quidem naturæ & physico, si obiecta in esse physico considerentur; in esse verò morali, si obiecta considerentur in ordine ad regulas morum vt supra dictum est: sed obiecta formalia peccati commissionis & peccati omissionis, etiam contra eandem virtutem sunt distincta non solum in esse physico, at etiam in ordine ad regulas morum; nam res aliena vt

tollenda, quæ est obiectum furti peccati commissionis; & res aliena vt retinenda, quæ est obiectum peccati omissionis restituendi, important diuersam difformitatem ad leges quæ sunt regulæ morum: ergo peccatum commissionis & peccatum omissionis distinguuntur specie in esse morali.

Tertiò, Peccatum commissionis in sua propria ratione dicitur actum inordinatū, ita vt actus sit materiale ipsius, inordinatio autem formale, vtrumque tamen est per se requisitum ad constitutionem talis peccati: peccatum verò omissionis in sua propria ratione dicitur tantum inordinationem, quamuis requirat actum, qui sit causa vel occasio ipsius vt dictum est: & sic diuerso modo feruntur ad obiectum, siue respiciunt diuersimodè proprium obiectum; peccatum enim commissionis illud respicit per modum termini ad quem, faciendo scilicet contrarium rei præceptæ præcepto negatiuo; peccatum autem omissionis illud respicit per modum termini à quo, recedendo à re præcepta præcepto affirmatiuo: sed ex diuerso modo respiciendi obiectum per tendentiam & recessum prouenit distinctio specifica, vt constat inductione in omnibus: ergo peccatum commissionis & peccatum omissionis distinguuntur specie in esse morali.

Ad primum ergo dicendum, quòd D. Thomas ibi dum ait, quòd peccatum commissionis & peccatum omissionis non distinguuntur specie formaliter, benè tamen materialiter; Per speciem formalem intelligit illam, quæ est à fine operantis; per speciem autem materiale[m] intelligit illam, quæ est à fine operis seu ab obiecto formali quia hæc formalizatur & actuatur per aliam: quia tamen species moralis quæ est ab obiecto, est essentialis; illa verò quæ est à fine operantis, est accidentalis vt dictum est supra, dum ageretur de bonitate & malitia morali actuum humanorum, iuxta doctrinam D. Thomæ; sequitur quòd dum D. Thomas ibi negat, peccatum commissionis & peccatum omissionis distinguui specie formali, solum vult quòd non distinguuntur specie illa accidentali, quæ prouenit a fine operantis; non autem vult quòd non distinguantur specie essentiali, quæ prouenit ab obiecto, & quam vocat materiale[m]: nec instantia adducta aliud probat, vt consideranti patet.

Ad secundum dicendum, quòd peccatum ex superabundantia & peccatum ex defectu distinguuntur specie, vt probat ex professo D. Th. hic art. 8. quia procedunt ex diuerso motiuo; vnde ad primam probationem in contrarium dicendum cum D. Thoma ibidem ad 1. quòd differre secundum magis & minus, si procedat ex diuerso motiuo vt procedit in præsentī, est distinguui specie. Ad secundam probationem dicendum, quòd ista peccata sunt moraliter contraria, & ad hoc sufficit quòd non possint esse in eodem secundum idem: vnde D. Thomas loco citato

citato ad 3. ait; Prodigus & illiberalis potest esse aliquis secundum diuersa, vt scilicet sit aliquis illiberalis in accipiendo quæ non debet, & prodigus in dando quæ non debet: nihil autem prohibet contraria inesse eisdem secundum diuersa. Deinde esto ista peccata commissionis non distinguerentur specie, peccatum tamen commissionis & peccatum omissionis distinguerentur specie propter generalem rationem assignatam.

Ad tertium dicendum quantum ad primam partem, quod quamuis tam peccatum commissionis, quam peccatum omissionis sit quid priuatum quoad formale; tamen peccatum commissionis per se importat actum positium quoad materiale, quem non importat nisi per accidens peccatum omissionis; quod sufficit ad generalem eorum distinctionem essentialē. Quantum ad secundam partem dicendum, quod ista peccata habent diuersum formaliter obiectum, & diuerso modo inspectum, vt dictum est; & ita diuerso modo opponuntur rectitudini iustitiæ, & diuerso modo faciunt inæqualitatem ad alterum, vnum quidem auferendo rem alienam, aliud verò retinendo; vnde contrariantur distinctio dictamini rectæ rationis.

D V B I U M IV.

Vtrum peccatum mortale & peccatum veniale distinguantur specie.

Supponendum est secundum fidem, quod peccatum diuiditur in mortale & veniale: Peccatum mortale sic dicitur, quia infert mortem animæ per priuationem gratiæ, quæ est vita ipsius, per hoc quod tollat ordinem ad vltimum finem, & ex propria ratione est ab intrinseco irreparabile, & meretur pœnam æternam: Peccatum veniale dicitur illud, quod non tollit ordinem ad vltimum finem, vnde non meretur pœnam æternam sed temporalem, & propterea veniam meretur. Hoc supponendum est contra hæreticos: nam Iouinianus, vt referunt S. Augustinus & S. Hieronymus, dicebat omnia peccata esse æqualia, vnde ex ipso omnia sunt vel mortalia, vel venialia, Pelagius assererat omnia peccata auferre iustitiam, & consequenter omnia esse mortalia; & Luther & Calvinus dicunt omnia peccata esse mortalia ex sua natura, quamuis non impotentur vt talia Electis. Probatur tamen hæc doctrina Catholica contra prædictos hæreticos, autoritate sacre Scripturæ & Sæctorum Patrum, apud quos passim habetur prædicta distinctio peccati, & frequens mentio vtriusque peccati quoad rem, quamuis non semper sub expressis nominibus mortalis & venialis: nam in sacra Scriptura dicitur esse aliqua peccata, quæ excludunt iustitiam, vt Ezechielis 18. vel quæ excludunt à regno Dei, vt 1. ad Cor. 6.

R. P. Philippi Carm. distal. Diss. Theolog. in 1.2.

vel quid simile dicitur, quod importat talia peccata esse mortalia: econtra verò sæpe in sacra Scriptura dicitur, quod sunt aliqua peccata, quæ sunt compossibilia cum sanctitate & iustitia; quæ proinde non excludunt à regno cælesti, ac facile merentur veniam: vnde dicitur, Septies in die cadit iustus: Item apud Iacobum, In multis offendimus omnes: & apud Ioannem, Qui dicit peccatum se non habere, ipse se seducit. Posito igitur, quod peccatum diuidatur in mortale & veniale, quærimus in præsentī, vtrum hæc diuisio sit ab extrinseco tantum, vel ab intrinseco & ex natura rei, ita quod ex propria ratione peccatum mortale & peccatum veniale distinguantur specie; non solum quando sunt circa diuersa obiecta, sed etiam quando sunt circa vnum & idem obiectum; ex hoc præcisè quod vnum est peccatum mortale, & aliud peccatum veniale.

Prima opinio tenet distinctionem peccati in mortale & veniale non esse ex natura rei, sed tantum ab extrinseco. Probatur autoritate S. Basilij, qui scribens ad quosdam Monachos dicit in nouo Testamēto non esse distinctionem peccati mortalis & venialis. Deinde, Omne peccatū tollit perfectionē & iustitiam, & est impossibile ex propria sua ratione cum vita spiritali animæ, quia qui peccat, non est natus ex Deo, vt dicitur 1. Ioannis 3. ergo ex natura rei non datur distinctio peccati in mortale & veniale. Denique, Quodcunque peccatum inducit maculam animæ; excludit à regno cælesti iuxta illud Matthæi 5. Qui soluerit vnum de mandatis istis minimis, & docuerit sic homines, minimus vocabitur in regno cælorum; Et est tantæ malitiæ, quod potius fugiendum sit, quam quodlibet aliud malum: Quæ omnia indicant quodcunque peccatum esse mortale, ac proinde peccatum non diuidi ab intrinseco in mortale & veniale.

Secunda opinio tenet, quod absolutè peccatum mortale & peccatum veniale non distinguuntur essentialiter, & quod conueniunt in eadem specie, si sint circa idem obiectum, sicut furtum magnum & furtum paruum. Probatur, Specificatio cōuenit peccatis commissionis ex parte conuersionis & tendentiæ in obiectum: ergo cum peccatum mortale & peccatum veniale sunt de eodem obiecto, sicut furtum magnum & furtum paruum, sunt eiusdem speciei.

C O N C L U S I O.

R E S P O N D E O dicendum, quod sunt aliqua peccata ex suo genere & propria ratione mortalia, & alia venialia 2. peccatum mortale & peccatum veniale, quæ sunt circa idem obiectum, si considerentur physicè secundum materiale quod important, sunt eiusdem speciei 3. si autem considerentur moraliter secundum formale quod important, distinguuntur essentialiter & analogicè. Ita communiter Discipuli D. Thomæ & alij.

E E e

Probatur

Probatur prima pars conclusionis auctoritate sacræ Scripturæ & Sanctorum Patrum Matthæi 5. Christus Dominus indicat manifestè distinctionem peccati in mortale & veniale ex suo genere dum ait : Ego autem dico vobis, quia omnis qui irascitur fratri suo, reus erit iudicio: qui autem dixerit fratri suo racca, reus erit consilio: qui autem dixerit fatue, reus erit gehennæ ignis: Ex quo loco habemus, quòd non omnia peccata sunt mortalia, sed aliqua sunt venialia ex genere suo, quia non omnia sunt digna gehennæ æternæ, sed plura sunt tantum digna pœnæ temporalis. Augustinus hom. 7. super Ioannem dicit quòd crimen est (siue peccatum mortale) quòd damnationem meretur : veniale autem est, quòd non meretur damnationem. Et sermone 4. de Animabus Defunctorum, qui est 41. in ordine, enumerat quædam genera peccatorum venialium, & quædam genera peccatorum mortalium. Et tandem D. Thomas infra q. 88. art. 2. hanc partem conclusionis probat ex professo. Deinde probatur ratione, quam ibidem adducit D. Thomas : Sunt aliqua peccata, quæ ex genere suo sunt contra dilectionem Dei, sicut blasphemia, periurium, & huiusmodi; vel contra dilectionem proximi, sicut homicidium, adulterium, & similia : sunt alia peccata, quæ non sunt contraria dilectioni Dei vel proximi, sicut verbum otiosum, risus superfluous, & alia huiusmodi : sed priora peccata sunt ex suo genere siue ex obiecto mortalia, posteriora verò sunt venialia, quia priora excludunt gratiam sanctificantem cum charitate vitam animæ, posteriora verò sunt composibilia cum gratia sanctificante & charitate : ergo sunt aliqua peccata ex suo genere & ex propria ratione mortalia. Notat tamen D. Thomas ibidem, quòd peccata ex suo genere siue obiecto venialia fiunt ex parte agentis mortalia, vel quia in eis constituit finem vltimum, vel quia ordinat ipsa ad aliquid quòd est peccatum mortale ex genere, puta cum aliquis ordinat verbum otiosum ad adulterium committendum : Similiter etià ex parte agentis contingit, quòd aliquod peccatum, quòd ex suo genere est mortale, sit veniale propter hoc scilicet quòd actus est imperfectus, id est nō deliberatus ratione, quæ est principiū propriū mali actus, vt sunt subiti motus infidelitatis. Denique probatur ex impugnatione hereticorū: nam Adam, Dauid, & S. Petrus sunt electi, quia de factio iam sunt beati : & tamen peccauerunt mortaliter, & talia peccata fuerunt illis imputata vt mortalia, quia Adam peccando amisit gratiam & iustitiam originalem sibi, & suis posteris; Dauid amisit Spiritum sanctum, vnde dicit in Psalmo pœnitentiali, Spiritum rectum innotua in visceribus meis; De peccato S. Petri satis constat ex sacra Scriptura, & indicante eius lachrymæ : ergo falsum est id quòd docet Calvinus, quòd scilicet est tantum ab extrinseco distinctio

peccati in mortale & veniale, scilicet ex parte subiecti, quia in electis omnia peccata sunt venialia, & in reprobis omnia sunt mortalia. Similiter est iniquum id quòd asserit Luther, quòd eadem peccata ex genere sunt mortalia in infideli, & venialia in fideli : quia potius videntur excusanda in infideli, quàm in fideli, & ideo leuiora in illo, & grauiora in isto; quia iuxta dictum Christi Domini Lucæ 12. & Apostoli ad Hebræos 10. seruus qui scit voluntatem domini sui, & non facit, est magis reus, quàm ille qui nō scit. Et tandem est falsum ac contra fidem illud quòd dicunt alij hæretici, quòd omnia peccata in baptizatis sunt venialia, & in non baptizatis mortalia : quia Simon magus fuit baptizatus, vt constat ex Actibus Apostolorū, & tamen peccauit mortaliter seducens populum, & volens committere simoniam, imò creditur damnatus.

Probatur secunda pars conclusionis : Peccata secundum materiale, quòd physicè considerata important, specificantur ex obiecto, vt communiter conceditur; quia obiectum est per se primò inspectum ab ipsis physicè consideratis: ergo peccatum mortale & peccatum veniale, quæ sunt circa idem obiectum, vt furtum magnum & furtum paruum, si considerentur physicè secundum materiale quòd important, sunt eiusdem speciei.

Probatur tertia pars conclusionis auctoritate D. Thomæ infra q. 88. art. 1. ad 1. vbi sic ait: Diuisio peccati in veniale & mortale non est diuisio generis in species, quæ æqualiter participant rationem generis; sed analogi in ea de quibus prædicatur secundum prius & posterius: & ideo perfecta ratio peccati, quam Augustinus ponit, conuenit peccato mortali; peccatum autem veniale dicitur peccatum secundum rationem imperfectam, & in ordine ad peccatum mortale; sicut accidens dicitur ens in ordine ad substantiam secundum imperfectam rationem entis: non enim est contra legem, quia venialiter peccans non facit quòd lex prohibet, nec prætermittit id ad quòd lex per præceptum obligat, sed facit præter legem, quia non obseruat modum rationis quem lex intendit. Idem repetit art. 3. ad 1. & 2. Nota tamen circa hanc doctrinam D. Thomæ, quòd potest dupliciter intelligi, peccatum veniale non esse contra legem : Primò ita vt nulli legi contrarietur, & sic falsum est, nam constat ex dictis supra quòd contrariatur legi naturali siue dictamini rationis, eo ipso quòd contrariatur alicui virtuti : Secundò, ita vt non contrarietur fini legis, qui est dilectio Dei & sic verum est quòd non sit contra legem sed præter legem, quia per ipsum non seruatur debitus modus rationis à lege intentus. Ex quo sequitur esse falsum id quòd docent aliqui Authores, scilicet quòd peccatum mortale est contra præcepta, & peccatum veniale contra consilia : Nam contra hoc est, quòd tunc tantum peccamus, quando

quando agimus contra obligationem, vel deficiamus ab obligatione; constat autem quod consilia non obligant, & ita non peccamus præcisè omittendo consilia, vel aliquid faciendo contra consilia, nisi ad sit contemptus consiliorum prohibitus. Deinde probatur ratione D. Thomæ sic amplius dilucidata: Formale peccati est inordinatio moralis, ut sæpe docet D. Thomas, & communiter conceditur: sed peccatum mortale & peccatum veniale distinguuntur essentialiter & analogicè quoad inordinationem moralem; nam peccatum mortale causat simpliciter inordinationem moralem circa ultimum finem, quantum ad affectum saltem virtualem & interpretatum peccatoris adherentis creaturæ indebitè tanquam ultimo fini, quia ei adhæret spreto ordine ad Deum ultimum finem; peccatum autem veniale causat inordinationem moralem secundum quid, videlicet circa media servato ordine ad Deum ultimum finem, nam licet peccatum ipsum veniale non sit actu ordinabile ad Deum ultimum finem, ordinatur tamen habitualiter repertum in subiecto per charitatem in Deum ordinato; ex quibus sequitur quod peccatum mortale causat inordinationem ab intrinseco irreparabilem, peccatum autem veniale causat inordinationem reparabilem, ut docet & explicat D. Thomas infra q. 88. art. 1. constat verò quod inordinatio simpliciter ac irreparabilis, & inordinatio secundum quid & reparabilis distinguuntur essentialiter & analogicè, eo modo quo substantia & accidens in ratione entis; sunt enim analogæ non solum attributionis, sed etiam proportionalitatis, nam peccatum etiam veniale est intrinsecè peccatum, & non tantum per extrinsecam denominationem: ergo peccatum mortale & peccatum veniale, si considerentur moraliter secundum formale quod important, distinguuntur essentialiter & analogicè.

Ad primum ergo dicendum, quod intentum S. Basilij non est, negare quod in nouo testamento sit distinctio peccati mortalis & venialis, sed persuadere religiosis quod peccata etiam minima sunt eis fugienda quasi essent mortalia. Ad aliud dicendum, quod peccatum veniale non tollit perfectionem & iusticiam ad quam obligamur, sed solum illam quæ decet statum beatorum; nec tollit vitam spiritualem animæ, sed tantum illam tollit peccatum mortale, de quo ibi loquitur S. Ioannes. Ad aliud dicendum, quod solum peccatum mortale inducit animæ maculam simpliciter, peccatum autem veniale inducit tantum maculam secundum quid: nec peccatum veniale excludit simpliciter, à regno cœlesti; nec illud probat autoritas S. Marthæ, nam aliud est vocari minimum in regno cœlorum, & aliud excludi à regno cœlorum; & si docere inobseruantiam minimorum mandatorum excludit à regno cœlorum, est peccatum mortale: malum autem cul-

R. P. Philippi Carm. discal. Disp. Theolog. in 1.2.

pæ etiam minimæ, qualis est in peccato veniali, est superioris ordinis respectu mali cuiuscunque pœnæ, & ita potius fugienda est minima culpa, quam maxima pœna.

Ad secundum dicendum, quod tantum probat secundam partem conclusionis, quod scilicet peccatum mortale & peccatum veniale, quæ sunt circa idem obiectum, si considerentur physicè secundum materiale quod important, sunt eiusdem speciei.



QVÆSTIO LXXXV.

De effectibus peccati, in sex articulos divisa.



PRIMUM considerandum est de effectibus peccati.

¶ Et primo quidem, de corruptione boni naturæ. Secundo, de malitia animæ. Tercio, de reatu pœnæ.

¶ Circa primum queruntur sex.

¶ Primo, utrum bonum naturæ diminuat per peccatum.

¶ Secundo, utrum totaliter tolli possit.

¶ Tercio, de quatuor vulneribus, quæ Beda ponit, quibus natura humana vulnerata est propter peccatum.

¶ Quarto, utrum privatio modi speciei & ordinis sint effectus peccati.

¶ Quinto, utrum mors & alij defectus corporales sint effectus peccati.

¶ Sexto, utrum sint aliquo modo homini naturales.

ARTICVLVS I.

Utrum peccatum diminuat bonum naturæ.

AD PRIMUM sic proceditur. Videtur, quod peccatum non diminuat bonum naturæ. Peccatum enim hominis non est grauius quam peccatum demonis: sed bona naturalia in demonibus manent integra post peccatum, ut Dionysius dicit 4. de diuin. nom. * ergo peccatum etiam bonum naturæ humanæ non dimittit.

¶ 2. Præterea, Transmutato posteriori non transmutatur prius: manet enim substantia eadem transmutatis accidentibus: sed natura præexistit actioni voluntariæ: ergo facta deordinatione circa actionem voluntariam per peccatum non transmutatur propter hoc natura, ita quod bonum naturæ diminuitur.

¶ 3. Præterea, Peccatum est actus quidam, diminutio autem passio: nullum autem agens ex hoc ipso, quod agit, patitur: potest autem contingere, quod in vnum agat, & ab alio patiatur: ergo ille qui peccat, per peccatum non dimittit bonum suæ naturæ.

¶ 4. Præterea, Nullum accidens agit in suum subiectum: quia quod patitur, est potentia ens: quod autem subiicitur accidenti, iam est actu ens secundum accidens illud: sed peccatum est in bono naturæ sicut accidens in subiecto: ergo peccatum non diminuit bonum naturæ: diminuit enim quoddam agere est.

¶ 5. D. contra est, quod sicut dicitur Luc. 10. Homo defcendens à Hierusalem in Ierico, id est, in defectum peccati, expoliatur gratuitis, & vulneratur in naturalibus, ut Beda exponit: ergo peccatum diminuit bonum naturæ.

CONCLUSIO.

Inter naturæ bonæ, aliud (ut pote originalis iustitia) in totum sublatum est per peccatum: aliud (cuiusmodi sunt principia naturæ ex quibus ipsa natura constituitur, & proprietates ex his causate; ut sunt potentie animæ & similia) nec sublatum est nec diminutum per peccatum: aliud denique (cuiusmodi est ipsa naturalis inclinatio ad virtutem) sublatum quidem non est, verum valde diminutum per peccatum.

¶ 1. Ad 1. dicendum, quod bonum naturæ humanæ potest tripliciter dici. Primo ipsa principia naturæ, ex quibus ipsa natura constituitur; & proprietates ex his causate, sicut potentie animæ, & alia huiusmodi. Secundo, quia homo à natura habet inclinationem ad virtutem, ut supra habitum est: ipsa inclinatio ad virtutem est quoddam bonum naturæ. Tercio modo potest dici bonum naturæ donum originalis iustitiæ, quod fuit in primo homine collatum toti humanæ naturæ. Primum igitur bonum naturæ, nec tollitur, nec diminuitur per peccatum. Tertium vero bonum naturæ totaliter est ablatum per peccatum primi parentis. Sed medium bonum naturæ, scilicet ipsa naturalis inclinatio ad virtutem, diminuitur per peccatum: per actus enim humanos fit quidam inclinatio ad similes actus, ut supra habitum est: oportet autem, quod ex hoc, quod aliquid inclinatur ad vnum contrarium, diminuaturs inclinatio eius ad aliud. vnde cum peccatum sit contrarium virtuti, ex hoc ipso quod homo peccat, diminuitur bonum naturæ, quod est inclinatio ad virtutem.

¶ 2. Ad primum ergo dicendum, quod Dion. loquitur de bono primo naturæ, quod est esse, viuere & intelligere: ut patet eius verba intuenti.

¶ 3. Ad secundum dicendum, quod natura etsi sit prior quam voluntaria actio, tamen habet inclinationem ad quandam voluntariam actionem: vnde ipsa natura secundum se non va-

E E e

natur

452
1. q. 9. a. 2.
4. Et 2. d.
1. q. 4. a. 1.
ad 3. q. d.
10. q. 1. a.
1. ad 2. R.
1. d. 20.
a. 1. q. 1. ad
2. Et 3. q.
1. a. 1. 12.
Et ma. q.
2. art. 11.
c. 4. p. 4.
parua. d.
modis.

* Habetur
in gl. ordi-
na. super
11. l. 1. ordi-
n. 10.

q. 63. a. 1.

q. 51. a. 2.
& 1.

xiatur propter variationem voluntatis actionis: sed ipsa inclinatio variatur ex illa parte, quæ ordinatur ad Deum.

Ad tertium dicendum, quod actio voluntaria procedit ex diversis potentibus, quarum una est activa, & alia passiva: & ex hoc contingit, quod per actiones voluntarias causatur aliquid, vel auferitur ab homine sic agente: ut supra dictum est. ^{4. 11. ar. 2.}

Ad quartum dicendum, quod accidens non agit effectivè in subiectum: agit tamen formaliter in ipsum eo modo loquendi quo dicitur, quod albedo facit album: & sic nihil prohibet, quod peccatum diminuat bonum naturæ: eo tamen modo quo est ipsa diminutio boni naturæ, inquantum pertinet ad inordinationem actus: sed quantum ad inordinationem agentis, oportet dicere, quod talis inordinatio causatur per hoc, quod in actibus animæ aliquid est actum, & aliquid passivum: sicut sensibile movet appetitum sensitivum, & appetitus sensitivus inclinat rationem & voluntatem, ut supra dictum est. ^{* 9. 7. 4. 1.} & ex hoc causatur inordinatio non quidem ita, quod accidens agat in proprium subiectum, sed secundum quod obiectum agit in potentiam, & una potentia agit in aliam, & deordinat ipsam. ^{9. 10. ar. 1.}

ARTICULVS II.

Utrum totum bonum humane nature possit auferri per peccatum.

453

Infr. 9. 9. 1.
ar. 6. ad 1.
Et 1. 9. 4. 8.
ar. 4. Et 2.
de 6. ar. 4.
ad 1. & 2.

34. ar. 5.
Et 1. con-
tra 1. 12.
Et mo. 9.
2. ar. 12.
9. 1. 100
tra. 133

Enchir. ap.
13. & 14.
9. 19. 1. 1

Ar. prae.

Le. 1. Phys.
tra. 17. 10.
2.

Ar. prae.

AD SECUNDUM sic proceditur. Videtur, quod totum bonum humane nature possit per peccatum auferri. Bonum enim nature humane finitum est, cum & ipsa natura humana sit finita: sed quodlibet finitum totaliter consumitur, facta continua ablatione: cum ergo bonum nature continetur per peccatum diminui possit, videtur quod possit quandoque totaliter consumi.

¶ 1. Præterea, Eorum quæ sunt vni nature, similis est ratio de toto & de partibus: sicut patet in aëre, & in aqua, & carne, & omnibus corporibus similibus partium: sed bonum nature est totaliter uniforme: cum igitur pars eius possit auferri per peccatum, totum etiam per peccatum auferri posse videtur.

¶ 2. Præterea, Bonum nature, quod per peccatum minuitur, est habitus ad virtutem: sed in quibusdam propter peccatum habitus prædicti totaliter tollitur: ut patet in damniatis, qui reparati ad virtutem non possunt, sicut nec cæcus ad visum: ergo peccatum potest totaliter tollere bonum nature.

¶ 3. Contra est, quod Augustinus dicit in Enchir. * quod malum non est nisi in bono: sed malum culpe non potest esse in bono virtutis, vel gratie, quia est ei contrarium: ergo oportet quod sit in bono nature: non ergo totaliter tollit ipsum.

CONCLUSIO.

Quemadmodum per peccatum fieri non potest, ut homo desinat esse rationalis: ita bonum nature, quod est naturalis inclinatio ad virtutem, homini commensurans ex hoc ipso quod rationalis est, non potest per peccatum ab eo in totum auferri.

RESPONDENDO dicendum, quod sicut dictum est *, bonum nature, quod per peccatum diminuitur, est naturalis inclinatio ad virtutem, quæ quidem cōuenit homini ex ipso quod rationalis est: ex hoc enim habet quod secundum rationem operetur: quod est agere secundum virtutem: per peccatum autem non potest totaliter ab homine tolli: quod sit rationalis quia iam non esset capax peccati: unde non est possibile, quod prædictum nature bonum totaliter tollatur. Cum autem inueniamus huiusmodi bonum continetur diminui per peccatum, quidam ad huius manifestationem vbi sunt quodam exemplo, in quo inuenitur aliquid finitum in infinitum diminui, tamen nunquam totaliter consumi. Dicit enim Philosophus in 1. Physic. * quod si ab aliqua magnitudine finita continetur auferatur aliquid secundum eandem quantitatem totaliter tandem consumetur, puta si à quacunque quantitate finita semper subtraheretur mensura palmi. Si vero fiat subtrahitio secundum eandem proportionem, & non secundum eandem quantitatem, poterit in infinitum subtrahi, puta si quantitas diuidatur in duas partes, & à dimidio subtrahatur dimidium ita poterit in infinitum procedere: ita tamen quod semper per quod posterius subtrahitur, erit minus eo, quod prius subtraheretur. Sed hoc in proposito non habet locum: non enim sequens peccatum ininus diminuit bonum nature: quoniam præcedens, sed fortè magis, si sit gravior. Et ideo aliter est dicendum, quod prædicta inclinatio intelligitur ut media inter duo: fundatur enim sicut in radice in natura rationali & tendit in bonum virtutis sicut in terminum & finem. Dupliciter igitur potest intelligi eius diminutio: vno modo ex parte radicis, alio modo ex parte termini: primo quidem modo non diminuitur per peccatum, eo quod peccatum non diminuit ipsam naturam, ut supra dictum est: sed diminuitur secundum modo, inquantum scilicet ponitur impedimentum pertingendi ad terminum. Si autem primo modo diminueretur, oporteret quod quandoque totaliter consumeretur, natura rationalis totaliter consumpta. Sed quia diminuitur ex parte impedimenti, quod apponitur ne pertingat ad terminum: manifestum est quod diminui quidem potest in infinitum, quia in infinitum possunt impedimenta apponi, secundum quod homo potest in infinitum addere peccatum peccato, non tamen potest totaliter consumi, quia semper manet radix talis inclinationis: sicut patet de diaphano corpore, quod quidem habet inclinationem ad susceptionem lucis ex hoc ipso quod est diaphanum: diminuitur autem hæc inclinatio vel habitus ex parte nebularum superuenientium, cum tamen semper maneat in radice nature.

Ad primum ergo dicendum, quod obiectio illa procedit, quando fit diminutio per subtractionem: hic autem fit diminutio per appositionem impedimenti, quod neque tollit neque diminuit radicem inclinationis, ut dictum est.

Ad secundum dicendum, quod inclinatio naturalis est

quidem tota uniformis: sed tamen habet respectum & ad principium, & ad terminum: secundum quam diversitatem quodammodo distinguatur, & quodammodo non distinguatur.

Ad tertium dicendum, quod etiam in damnatis manet naturalis inclinatio ad virtutem, alioquin non esset in eis repositus conscientia: sed quod non reducatur in actum, contingit quia deest gratia secundum divinam iustitiam. Sicut etiam in cæco remanet aptitudo ad videndum in ipsa radice nature, inquantum est animal naturaliter habens visum: sed non reducitur in actum, quia deest causa, quæ reducere possit formando organum, quod requiritur ad videndum.

ARTICULVS III.

Utrum convenienter ponantur vulnera nature ex peccato consequentia, infirmitas, ignorantia, malitia & concupiscentia.

AD TERTIUM sic proceditur. Videtur, quod inconvenienter ponantur vulnera nature esse ex peccato consequentia, scilicet infirmitas, ignorantia, malitia, & concupiscentia: non enim idem est effectus & causa eiusdem: sed ista ponuntur causæ peccatorum: ut ex supradictis patet: ergo non debent poni inter effectus peccati.

¶ 1. Præterea, Malitia nominatur quoddam peccatum: non ergo debet poni inter effectus peccati.

¶ 2. Præterea, Concupiscentia est quiddam naturale, cum sit actus virtutis concupiscibilis: sed illud quod est naturale, non debet poni vulnus nature: ergo concupiscentia non debet poni vulnus nature.

¶ 3. Præterea, Dicitur est *, quod idem est peccare ex infirmitate & ex passione: sed concupiscentia passio quidam est: ergo non debet contra infirmitatem diuidi.

¶ 4. Præterea, Aug. * in libr. de natura & gratia ponit duo poenalia animæ peccanti, scilicet ignorantiam & difficultatem: ex quibus oritur error & cruciatus, quæ quidem quatuor non concordant istis quatuor: ergo videtur quod alterum eorum insufficienter ponatur.

In contrarium autem est auctoritas Bedæ †.

CONCLUSIO.

Quatuor sunt potentia anime, quæ ut virtutum, ita & virtutum subiecta esse possunt: pro quarum debito ordine per peccatum destituntur (quæ destitutio vulneratio nature dicitur) numero, quatuor nature vulnera (ignorantia in intellectu, malitia in voluntate, infirmitas in concupiscibili, & concupiscentia in concupiscibili) convenienter enumerantur.

RESPONDENDO dicendum, quod per iustitiam originalem perfecta ratio continebat inferiores animæ vires, & ipsa ratio à Deo perficiebatur ei subiecta: hæc autem originalis iustitia subtrahitur est per peccatum primi parentis, sicut iam dictum est: & ideo omnes vires animæ remanent quodammodo destitutæ proprio ordine, quo naturaliter ordinantur ad virtutem: & ipsa destitutio vulneratio dicitur nature. Sunt autem quatuor potentia anime, quæ possunt esse subiecta virtutibus, ut supra dictum est: scilicet ratio, in qua est prudentia: voluntas, in qua est iustitia: irascibilis, in qua est fortitudo: concupiscibilis, in qua est temperantia. Inquantum ergo ratio destituitur suo ordine ad verum, est vulnus ignorantia: inquantum verò voluntas destituitur ordine ad bonum, est vulnus malitia: inquantum verò irascibilis destituitur suo ordine ad arduum, est vulnus infirmitatis: inquantum verò concupiscentia destituitur ordine ad delectabile moderatum ratione, est vulnus concupiscentia. Sic igitur ista quatuor sunt vulnera inflicta toti humane nature ex peccato primi parentis. Sed quia inclinatio ad bonum virtutis in vnoquoque diminuitur per peccatum actuale, ut ex dictis patet *, etiam ista sunt quatuor vulnera ex aliis peccatis consequentia, inquantum scilicet per peccatum & ratio hebetatur præcipue in agendis, & voluntas induratur ad bonum, & maior difficultas bene agendi accrescit, & concupiscentia magis exardescit.

Ad primum ergo dicendum, quod nihil prohibet, id quod est effectus vni peccati, esse alterius peccati causam: ex hoc enim quod anima deordinatur per peccatum præcedens, facilius inclinatur ad peccandum.

Ad secundum dicendum, quod malitia non sumitur hic pro peccato, sed pro quadam pronitate voluntatis ad malum, secundum quod dicitur Genes. 6. Proni sunt sensus hominis ad malum ab adolescentia sua.

Ad tertium dicendum, quod sicut supra dictum est *, concupiscentia in tantum est naturalis homini, inquantum subditur rationi, quod autem excedat limites rationis, hoc est homini contra naturam.

Ad quartum dicendum, quod infirmitas communiter potest dici omnis passio, inquantum debilitat robur animæ & impedit rationem. sed Beda * accepit infirmitatem stricte, secundum quod opponitur fortitudini, quæ pertinet ad irascibile.

Ad quintum dicendum, quod difficultas, quæ ponitur ab Augustino includit ista tria, quæ pertinent ad appetitus potentias, scilicet malitiam, infirmitatem, & concupiscentiam. Ex his enim tribus contingit, quod aliquis non facilius tendit in bonum: error autem & dolor sunt vulnera consequentia: ex hoc enim aliquis dolet, quod infirmatur circa ea, quæ concupiscit.

ARTICULVS IV.

Utrum privatio modi speciei & ordinis sit effectus peccati.

AD QUARTUM sic proceditur. Videtur, quod privatio modi speciei, & ordinis non sit effectus peccati, dicit enim Augustinus * in libr. de natura boni, quod vbi hæc tria magna sunt, magnum bonum est, vbi parva paruum, vbi nulla nullum.

nullum. Sed peccatum non annullat bonum naturæ. Ergo non priuat modum, speciem & ordinem.

¶ 2. Præterea, Nihil est causa sui ipsius: sed peccatum est ex c. 36. & privatio modi, speciei & ordinis, vt Aug. dicit in libr. de natura boni: ergo privatio modi, speciei & ordinis non est effectus peccati.

¶ 3. Præterea, Diuersa peccata diuersos habent effectus: sed modus, species & ordo cum sint quedam diuersa; diuersas priuationes habere videntur: ergo per diuersa peccata priuantur non ergo est effectus cuiuslibet peccati privatio modi, speciei & ordinis.

Sed contra est, quod peccatum est in anima sicut infirmitas in corpore, secundum illud Psal. 6. Misere mei Domine, quoniam infirmus sum: sed infirmitas priuat modum, speciem & ordinem ipsius corporis: ergo peccatum priuat modum, speciem & ordinem animæ.

CONCLUSIO.

Qualicumque bono quomodocumque priuatur originale peccatum, seu actuale, eo inprimis modo, specie & ordine.

RESPONDO dicendum, quod sicut in primo dictum est, modus, species & ordo consequuntur vnumquodque bonum creatum inquantum huiusmodi & etiam vnumquodque ens: omne enim esse & bonum consideratur per aliquam formam, secundum quam sumitur species: forma autem vniuersalisque rei, qualicumque sit, siue substantialis, siue accidentalis, est secundum aliquam mensuram, vnde & in 1. Metaph. dicitur, quod formæ rerum sunt sicut numeri: & ex hoc habet modum quandam, qui mensuram respicit, ex forma verò sua vnumquodque ordinatur ad aliud. Sic igitur secundum diuersos gradus bonorum sunt diuersi gradus modi, speciei & ordinis. Est ergo quoddam bonum pertinens ad ipsam substantiam naturæ: quod habet suum modum, speciem & ordinem, & illud nec priuatur nec diminuitur per peccatum. Est etiam quoddam bonum naturæ inclinationis: & hoc etiam habet suum modum, speciem & ordinem: & hoc diminuitur per peccatum, vt dictum est, sed non totaliter tollitur. Est etiam quoddam bonum virtutis & gratiæ: quod etiam habet suum modum, speciem & ordinem, & hoc totaliter tollitur per peccatum mortale. Est etiam quoddam bonum, quod est ipse actus ordinatus, quod etiam habet suum modum, speciem & ordinem, & huius priuatio est essentialiter ipsum peccatum. Et sic patet qualiter peccatum est priuatio modi, & speciei & ordinis, & priuat vel diminuit modum, speciem, & ordinem.

¶ Vnde patet responsio ad duo Prima.

Ad tertium dicendum, quod modus, species & ordo se consequuntur, sicut ex dictis patet: vnde simul priuantur & diminuantur.

ARTICVLVS V.

Vtrum mors & alij corporales defectus sint effectus peccati.

AD QUINTVM sic proceditur. Videtur, quod mors & alij corporales defectus non sint effectus peccati: si enim causa fuerit æqualis, & effectus erit æqualis: sed huiusmodi defectus, non sunt æquales in omnibus, sed in quibusdam huiusmodi defectus magis abundant: cum tamen peccatum originale sit in omnibus æquale, sicut dictum est, cuius videntur huiusmodi defectus maxime esse effectus: ergo mors & huiusmodi defectus non sunt effectus peccati.

¶ 1. Præterea, Remota causa, remouetur effectus: sed remoto omni peccato per baptismum, vel penitentiam, non remouentur huiusmodi defectus: ergo non sunt effectus peccati.

¶ 2. Præterea, Peccatum actuale habet plus de ratione culpe, quam originale: sed peccatum actuale non transmutatur naturam corporis ad aliquem defectum: ergo multo minus peccatum originale. non ergo mors & alij defectus corporales sunt effectus peccati.

Sed contra est, quod Apostolus dicit Rom. 5. Per vnum hominem peccatum in hunc mundum intrauit & per peccatum mors.

CONCLUSIO.

Mors ceterique in humana natura corporales defectus (cum sint præter intentionem peccantis) per se effectus peccati primi parentis dici nequeunt: sed per accidens tantum, prout remouent prohibens, cause nomen sortitur, quia scilicet per peccatum primi parentis sublata est originalis iustitia, quæ omnem deor deordinationem & defectum prohibebat.

RESPONDO dicendum, quod aliquid est causa alterius dupliciter, vno modo quidem per se, alio modo per accidens. Per se quidem est causa alterius quod secundum virtutem suam naturæ vel formæ, producit effectum: vnde sequitur, quod effectus sit per se intentus à causa, vnde, cum mors, & huiusmodi defectus sint præter intentionem peccantis, manifestum est quod peccatum non est per se causa istorum defectuum. Per accidens autem aliquid est causa alterius si sit causa remouens prohibens, sicut dicitur in 1. Physic. quod diuellens columnam, per accidens mouet lapidem columnæ superpositum, & hoc modo peccatum primi parentis est causa mortis, & omnium huiusmodi defectuum in natura humana: inquantum per peccatum primi parentis sublata est originalis iustitia, per quam non solum inferiores animæ vires continebantur sub ratione absque omni deordinatione, sed totum corpus continebatur sub anima absque omni defectu, vt in primo habitum est. Et ideo subtrahit hac originali iustitia per peccatum primi parentis, sicut vulnerata est humana natura quantum ad animam per deordinationem potentiarum, vt supra dictum est: ita etiam est corruptibilis effectus facta per deordinationem ipsius corporis: subtrahit autem originalis iustitiæ habet rationem peccati, sicut etiam subtrahit gratiæ. Vnde etiam mors & omnes defectus corporales

consequentes sunt quedam peccati originalis peccati: & quauis huiusmodi defectus non sint intenti à peccante, sunt tamen ordinati secundum iustitiam Dei punientis.

Ad primum ergo dicendum, quod æqualitas causa per se causat æqualem effectum, augmentata enim vel diminuta causa per se augeret vel diminuitur effectus. Sed æqualitas causa remouens prohibens non ostendit æqualitatem effectuum: si quis enim æquali impulsu diuellat duas columnas, non sequitur quod lapides superpositi æqualiter ignoucantur: sed ille velocius inouebitur, qui grauior erit secundum proprietatem suam naturæ, cui relinquatur remoto prohibente. Sic igitur remota originali iustitia, natura corporis humani relicta est sibi, & secundum hoc secundum diuersitatem naturalis complexionis quorundam corpora pluribus defectibus subiacent, quorundam vero paucioribus quamuis existente originali peccato æquali.

Ad secundum dicendum, quod culpa originalis & actualis remouetur ab eodem, à quo etiam remouetur & huiusmodi defectus: secundum illud Apostoli Rom. 1. Vanificabit mortalia corpora vestra per inhabitantem spiritum eius in vobis. Sed vtrumque sit secundum ordinem diuinæ sapientiæ congruo tempore: oportet enim quod ad immortalitatem & impassibilitatem gloriæ: quæ in Christo inchoata est & per Christum nobis acquisita, perueniamus conformati prius passionibus eius: vnde oportet, quod ad tempus eius passibilitas in nostris corporibus remaneat ad impassibilitatem gloriæ promerendam conformiter Christo.

Ad tertium dicendum, quod in peccato actuali duo possumus considerare, scilicet ipsam substantiam actus, & rationem culpe: ex parte quidem substantiæ actus potest peccatum actuale aliquem defectum corporalem causare, sicut ex superfluo cibo aliqui infirmantur & moriuntur: sed ex parte culpe priuat gratiam quæ datur homini ad redificandum animæ actus, non autem ad cohibendum defectus corporales, sicut originalis iustitia cohibebat. Et ideo peccatum actuale non censatur huiusmodi defectus sicut originale.

ARTICVLVS VI.

Vtrum mors & alij defectus sint naturales homini.

AD sextum sic proceditur. Videtur, quod mors & huiusmodi defectus sint homini naturales: corruptibile enim & incorruptibile differunt genere, vt dicitur in 10. Metaph. Sed homo est eiusdem generis cum aliis animalibus, quæ sunt naturaliter corruptibiles. Ergo homo est naturaliter corruptibilis.

¶ 1. Præterea, Omne quod est compositum ex contrariis est naturaliter corruptibile, quasi habens in se causam corruptionis suæ: sed corpus humanum est huiusmodi: ergo est naturaliter corruptibile.

¶ 2. Præterea, Calidum naturaliter consumit humidum, vita autem hominis conseruatur per calidum & humidum: cum igitur operationes vitæ explantur per actum caloris naturalis, vt dicitur in 2. de anima, videtur quod mors & huiusmodi defectus sint homini naturales.

Sed contra, Quidquid est homini naturale, Deus in homine fecit: sed Deus mortem non fecit, vt dicitur Sap. 1. ergo mors non est homini naturalis.

¶ 4. Præterea, Id quod est secundum naturam, non potest dici poena nec malum, quia vnicuique rei est conueniens id quod est ei naturale: sed mors & huiusmodi defectus sunt poena peccati originalis, vt supra dictum est. Ergo non sunt homini naturales.

¶ 5. Præterea, Materia proportionatur formæ: & quilibet res suo fini: finis autem hominis est beatitudo perpetua, vt supra dictum est, forma etiam humani corporis est anima rationalis, quæ est incorruptibilis, vt in 1. habitum est: ergo corpus humanum est naturaliter incorruptibile.

CONCLUSIO.

Quantum mors aliqua corporales defectus sint circa naturam particularem: sunt tamen secundum naturam vniuersalem homini naturales, non quidem à parte formæ, sed materiæ.

RESPONDO dicendum, quod de vnaquaque re corruptibili dupliciter loqui possumus: vno modo secundum naturam vniuersalem, alio modo secundum naturam particularem. Natura quidem particularis est propria virtus actiua & conseruatiua vniuersalisque rei. Et secundum hanc hominis corruptio & defectus est contra naturam: vt dicitur in 2. de cal. quia huiusmodi virtus intendit esse, & conseruationem eius cuius est. Natura verò vniuersalis, & virtus actiua in aliquo vniuersali principio naturæ, puta in aliquo effectum corporum, vel alicuius superioris substantiæ, secundum quod etiam Deus à quibusdam dicitur natura naturans: quæ quidem virtus intendit bonum & conseruationem vniuersi, ad quod exigitur alternatio generationis & corruptionis in rebus. Et secundum hoc corruptiones & defectus rerum sunt naturales, non quidem secundum inclinationem formæ: quæ est principium essendi & perfectionis, sed secundum inclinationem materiæ, quæ proportionaliter attribuitur tali formæ secundum distributionem vniuersalis agentis. Et quamuis omnis forma tendat ad perpetuum esse quantum potest: nulla tamen forma rei corruptibilis potest assequi perpetuitatem sui præter animam rationalem, eo quod ipsa non est subiecta omnino materiæ corporali, sicut alix formæ: quinimo habet propriam operationem immaterialem, vt in primo habitum est. Vnde ex parte suæ formæ naturalior est homini incorruptio, quam aliis rebus corruptibilibus: sed quia & ipsa habet materiam: ex contrariis compositam ex inclinatione materiæ sequitur corruptibilitas in toto: & secundum hoc homo est naturaliter corruptibilis secundum naturam materiæ sibi relicte, sed non secundum naturam formæ.

¶ Tres autem primæ rationes procedunt ex parte materiae, aliæ vero tres ex parte formæ, unde ad earum solutionem considerandum est, quod forma hominis quæ est anima rationalis, secundum suam incorruptibilitatem proportionata est suo fini, qui est beatitudo perpetua: sed corpus humanum, quod est corruptibile secundum suam naturam consideratum, quodammodo proportionatum est suæ formæ, & quodammodo non. Duplex enim conditio potest attendi in aliqua materia: una scilicet quam agens elegit, alia, quæ non est ab agente electa, sed est secundum conditionem naturalem materiæ. Sicut faber ad faciendum cultellum eligit materiam duram & ductilem, quæ subtilizari possit, ut sit apta incisioni, & secundum hanc conditionem ferrum est materia proportionata cultello: sed hoc quod ferrum sit frangibile & rubiginem contrahens, consequitur ex naturali dispositione ferri, nec hoc eligit artifex in ferro, sed magis repudiaret si posset. Unde hæc dispositio materiæ non est proportionata intentioni artificis, nec intentioni artis. Similiter corpus humanum est materia electa à natura quantum ad hoc, quod est temperata complexionis, ut possit esse convenientissimum organum tactus, & aliarum virtutum sensitiuarum & motuarum: sed quod sit corruptibile, hoc est ex conditione materiæ, nec est electum à natura: quin potius natura eligeret materiam incorruptibilem, si posset. Sed Deus, cui subiacet omnis natura, in ipsa institutione hominis suppleuit defectum naturæ, & dono iustitiæ originalis dedit corpori incorruptibilitatem quandam, ut in 1. dictum est: & secundum hoc dicitur, quod Deus mortem non fecit, & quod mors est pœna peccati.

1. p. 97.
art. 3.

¶ Unde patet responsio ad obiecta.



QVÆSTIO. LXXXVI.

De macula peccati, in duos articulos diuisa.



END est considerandum est de macula peccati.

¶ Et circa hoc quaeruntur duo.

¶ Primo, utrum macula animæ sit effectus peccati.

¶ Secundo, utrum remaneat in anima post actum peccati.

ARTICVLVS I.

Utrum peccatum causet aliquam maculam in anima.

458

AD PRIMUM sic proceditur. Videtur, quod peccatum non causet aliquam maculam in anima. Natura enim superior non potest inquinari ex contactu naturæ inferioris, unde radius solaris non inquinatur per tactum corporum fetidiorum. Et Augustinus dicit in lib. 9. contra Iudeos: sed anima humana est multo superioris naturæ, quam res commutabiles ad quas peccatum conuertitur: ergo ex his maculam non contrahit peccatum.

¶ 2. Præterea, peccatum est principaliter in voluntate, ut supra dictum est: voluntas autem est in ratione, ut dicitur in 3. de anima. Sed ratio siue intellectus non maculatur ex consideratione quatuorunque rerum sed magis perficitur: ergo nec voluntas ex peccato maculatur.

¶ 3. Præterea, si peccatum maculam causet, aut macula illa est aliquid positivum, aut est priuatio pura. Si sit aliquid positivum, non potest esse nisi dispositio vel habitus: nihil enim videtur ex actu causari, dispositio autem & habitus non est: contingit enim remota dispositione vel habitu, adhuc remanere maculam, ut patet in eo qui peccauit mortaliter prodigalitate & postea transmutatur mortaliter peccando in habitum vitij oppositi. non ergo macula ponit aliquid positivum in anima. Similiter etiam nec est priuatio pura: quia omnia peccata eueniunt ex parte auersionis & priuationis gratiæ: sequeretur ergo, quod omnium peccatorum esset una macula. ergo macula non est effectus peccati.

¶ 4. contra est, quod dicitur Eccles. 47. Salomoni dedisti maculam in gloria tua: & Ephes. 5. ut exhiberet sibi gloriosam ecclesiam non habentem maculam aut rugam, & vtrouique loquitur de macula peccati. Ergo macula est effectus peccati.

CONCLUSIO.

Carentia nitoris, quem ex lumine rationis, & ex gratia Dei anima per hominis habet, macula peccati metaphoricè dicitur.

RESPONDENDO dicendum, quod macula propriè dicitur in corporalibus, quando aliquod corpus nitidum perdit suum nitorem ex contractu alterius corporis, sicut vestis & aurum, & argentum, aut aliud huiusmodi. In rebus autem spiritalibus ad similitudinem huius oportet maculam dici. Habet autem anima hominis duplicem nitorem. vnum quidem ex refugentia luminis naturalis rationis, per quam dirigitur in suis actibus, alium vero ex refugentia diuini luminis, scilicet sapientiæ & gratiæ, per quam etiam homo perficitur ad bene & decenter agendam. Est autem quasi quidam animæ tactus, quando inhaeret aliquibus rebus per amorem; cum autem peccat adæret rebus aliquibus contra lumen rationis & diuinæ legis ut ex supradictis patet. unde ipsum demeritum nitore ex tali contractu proueniens, macula animæ metaphoricè vocatur.

¶ Ad primum ergo dicendum, quod anima non inquinatur ex rebus inferioribus virtute earum, quasi agentibus eis in animam: sed magis à conuerso anima sua actione se inquinat inordinatè eis inherendo contra lumen rationis & diuinæ legis.

¶ Ad secundum dicendum, quod actio intellectus perficitur secundum quod res intelligibiles sunt in intellectu per mo-

dum ipsius intellectus: & ideo intellectus ex eis non inficitur, sed magis perficitur: sed actus voluntatis consistit in motu ad ipsas res: ita quod amor rei amatæ animam conglutinat, & ex hoc anima maculatur quando inordinatè inhaeret: secundum illud Osee 9. Facti sunt abominabiles sicut ea, quæ dilexerunt.

¶ Ad tertium dicendum, quod macula non est aliquid positivum in anima; nec significat priuationem solam, sed significat priuationem quandam nitore animæ in ordine ad suam causam, quæ est peccatum: & ideo diuersa peccata diuersas maculas inducunt, & est simile de umbra, quæ est priuatio luminis ex obiecto alicuius corporis: & secundum diuersitatem corporum obiectorum diuersificantur umbræ.

ARTICVLVS II.

Utrum macula maneat in anima post actum peccati.

AD SECUNDUM sic proceditur. Videtur, quod macula non maneat in anima post actum peccati: nihil enim manet in anima post actum nisi habitus vel dispositio: sed macula non est habitus vel dispositio, ut supra habitum est, ergo macula non manet in anima post actum peccati.

¶ 2. Præterea, Hoc modo se habet macula ad peccatum sicut umbra ad corpus, ut supra dictum est: sed transiente corpore non inaneat umbra: ergo & transiente actu peccati, non manet macula.

¶ 3. Præterea, Omnis effectus dependet ex sua causa: causa autem maculæ est actus peccati: ergo remoto actu peccati, non remanet macula in anima.

¶ 4. contra est, quod dicitur Iosue 23. An parum est vobis, quod peccastis in Beelphegor, & vsque in presentem diem macula huius sceleris in vobis permanet.

CONCLUSIO.

Quum macula denotet nitore defectum quandam, propter recessum à lumine rationis vel diuinæ legis: certum est eam in anima remanere, donec per contrarium motum ad lumen rationis legifque diuinæ (quod fit per gratiam) homo redeat.

RESPONDENDO dicendum, quod macula peccati remanet in anima etiam transiente actu peccati: cuius ratio est: quia macula, sicut dictum est, importat quandam defectum nitore propter recessum à lumine rationis, vel diuinæ legis: & ideo quando homo manet extra huiusmodi lumen, manet in eo macula peccati: sed postquam redit ad lumen rationis & ad lumen diuinum, quod fit per gratiam, tunc macula cessat. Licet autem cesset actus peccati, quo homo discessit à lumine rationis vel legis diuinæ, non tamen statim homo ad illud redit in quo fuerat, sed requiritur aliquis motus voluntatis contrarius primo motui, sicut si aliquis sit distans alicui per aliquem motum, non statim cessante motu, fit ei propinquus, sed oportet quod appropinquet rediens per motum contrarium.

¶ Ad primum ergo dicendum, quod post actum peccati nihil positivum remanet in anima nisi dispositio vel habitus: remanet tamen aliquid priuatiue, scilicet priuatio coniunctionis ad diuinum lumen.

¶ Ad secundum dicendum, quod transiente obstaculo corporis, remanet corpus diaphanum in aequali propinquitate & habitudine ad corpus illuminans: & ideo statim umbra transit. sed remoto actu peccati, non remanet anima in eadem habitudine ad Deum: unde non est similis ratio.

¶ Ad tertium dicendum, quod actus peccati facit distantiam à Deo: quam quidem distantiam sequitur defectus nitore hoc modo, sicut motus localis facit localem distantiam. Unde si cessante motu locali non tollitur distantia localis: ita nec cessante actu peccati, tollitur macula.



QVÆSTIO LXXXVII.

De reatu pœnæ, in octo articulos diuisa.



END est considerandum est de reatu pœnæ. Et primo de ipso reatu. Secundo de mortali & veniali peccato, quæ distinguuntur secundum reatum.

¶ Et circa primum quaeruntur octo.

¶ Primo, utrum reatus pœnæ sit effectus peccati.

¶ Secundo, utrum peccatum possit esse pœna alterius peccati.

¶ Tertio, utrum aliquod peccatum faciat reum aeterna pœna.

¶ Quarto, utrum faciat reum pœna infinita secundum quantitatem.

¶ Quinto, an omne peccatum faciat reum aeterna & infinita pœna.

¶ Sexto, utrum reatus pœnæ possit remanere post peccatum.

¶ Septimo, utrum omnis pœna inferatur pro aliquo peccato.

¶ Octauo, utrum vnus sit reus pœnæ pro peccato alterius.

ARTICVLVS I.

Utrum reatus pœnæ sit effectus peccati.

AD PRIMUM sic proceditur. Videtur, quod reatus pœnæ non sit effectus peccati: quod enim per accidens se habet ad aliquid, non videtur esse proprius effectus eius: sed reatus pœnæ per accidens se habet ad peccatum: cum sit pœ-

459

Inf. q. 89.

ar. 3. co. 2.

ad 1.

ar. pract.

ar. 1. ed. 3.

ar. pract.

460

2. d. 3. q. 1.

ar. 3. co. 2.

4. 12. q. 1.

101

ad. 1. co. 6. ter intentionem peccantis: ergo reatus pœnæ non est effectus d. 42. q. 1. peccati.
ad. 2. cor. 6. q. 1. peccati.
in expo. 1. est, cum sit iusta & à Deo: ergo non est effectus peccati, quod le. 1. ad 3. est malum
ad. 4.
1. 1. Conf. c. 12. in f. 1. ad 3. est malum
10. 1.

Præterea, August. dicit in 1. Confess. * quod omnis inordinatus animus sibi ipse est pœna, sed pœna non causat reatum alterius peccati: quia sic utitur in infinitum: ergo peccatum non causat reatum pœnæ.

Sed contra est, quod dicitur Rom. 2. Tribulatio & angustia in animam omnem operantis malum: sed operari malum est peccare: ergo peccatum inducit pœnam, quæ nomine tribulationis & angustia designatur.

CONCLUSIO.

Cum peccans agat contra ordinem rationis legisque humane & divine, necessarius eo ipso quod peccat, a. quædam pœna reatum incurrit.

Respondendo dicendum, quod ex rebus naturalibus ad res humanas derivatur, ut id quod contra aliquid insurgit, ab eo detrimentum patitur, videmus enim in rebus naturalibus, quod vnum contrarium vehementius agit, altero contratio superueniente: propter quod aqua calefacta magis congelatur, ut dicitur in 2. Meteororum. vnde in hominibus hoc ex naturali inclinatione invenitur, ut unusquisque deprimatur eum, qui contra ipsum insurgit. Manifestum est autem, quod quæcumque continentur sub aliquo ordine, sunt quodammodo vnum in ordine ad principium ordinis, vnde quicquid contra ordinem aliquem insurgit, consequens est ut ab eo ordine & principe ordinis deprimatur. Cum autem peccatum sit actus inordinatus, manifestum est, quod quicunque peccat, contra aliquem ordinem agit & ideo ab ipso ordine consequens est quod deprimatur, quæ quidem depressio pœna est. Vnde secundum tres ordines, quibus subditur humana voluntas, triplici pœna potest homo puniri. Primo quidem enim subditur humana natura ordini propriæ rationis. Secundo, ordini exterioris hominis gubernantis, vel spiritualiter vel temporaliter, politice seu æconomicè. Tertio subditur universali ordini divini regimini. Quilibet autem horum ordinum per peccatum pervertitur dum ille qui peccat agit & contra rationem, & contra legem humanam, & contra legem divinam. vnde triplicem pœnam incurrit, vnam quidem à seipso, quæ est conscientia, aliam vero ab homine, tertiam vero à Deo.

Ad primum ergo dicendum, quod pœna consequitur peccatum in quantum malum est ratione suæ inordinationis: vnde sicut malum est per accidens in actu peccantis præter intentionem ipsius, ita & reatus pœnæ.

Ad secundum dicendum, quod pœna quidem iusta esse potest, & à Deo & ab homine infligita. vnde ipsa pœna non est effectus peccati directè, sed solum dispositivè. Sed peccatum facit hominem esse reum pœnæ, quod est malum. Dicit enim Dionys. 4. cap. de divi. nom. * quod puniri non est malum, sed fieri pœna dignum: vnde reatus pœnæ directè ponitur effectus peccati.

Ad tertium dicendum, quod pœna illa inordinati animi debetur peccato, ex hoc, quod ordinem rationis pervertit: sit autem reus alterius pœnæ per hoc, quod pervertit ordinem legis divinæ vel humanæ.

ARTICULVS II.

Utrum peccatum possit esse pœna peccati.

461 AD SECUNDUM sic proceditur. Videtur, quod peccatum non possit esse pœna peccati. pœnæ enim sunt inducuntur, ut per eas homines reducantur ad bonum virtutis: ut patet per Philosophum in 10. Ethic. * sed per peccatum non reducit homo in bonum virtutis, sed in oppositum. Ergo peccatum non est pœna peccati.

Præterea, pœnæ iustæ sunt à Deo, ut patet per Augustinum in lib. 83. quæst. † peccatum autem non est à Deo, & est iniustum: non ergo peccatum potest esse pœna peccati.

Præterea, De ratione pœnæ est quod sit contra voluntatem: sed peccatum est à voluntate: ut ex supradictis patet. Ergo peccatum non potest esse pœna peccati.

Sed contra est, quod Gregor. dicit super Ezech. † quod quædam peccata sunt pœna peccati.

CONCLUSIO.

Tamen si peccatum vnum, alterius peccati pœna non sit, cum ea contra voluntatem, peccatum autem à voluntate procedat, est nihilominus variis modis vnum peccatum alterius pœna per accidens.

Respondendo dicendum, quod de peccato dupliciter loqui possumus: per se scilicet & per accidens. Per se quidem nullo modo peccatum potest esse pœna peccati: peccatum enim per se consideratur secundum quod egreditur à voluntate: sic enim habet rationem culpæ: de ratione autem pœnæ est, quod sit contra voluntatem, ut in 2. habitum est. Vnde manifestum est, quod peccatum, per se loquendo, nullo modo potest esse pœna peccati. Per accidens autem peccatum potest etiam esse pœna peccati tripliciter. Primo quidem ex parte causæ, quæ est remotio prohibentis: sunt enim causæ inclinantes ad peccatum, passionēs, tentatio diaboli, & alia huiusmodi, quæ quidem causæ impediuntur per auxilium divinæ gratiæ, quæ subtrahitur per peccatum. vnde cum ipsa subtrahit gratia sit quædam pœna & à Deo, ut supra dictum est, * sequitur quod per accidens etiam peccatum, quod ex hoc sequitur, pœna dicatur, & hoc modo loquitur. Apostolus Rom. 2. dicens, Propter quod tradidit eos Deus in desideria cordis eorum, quæ sunt animæ passionēs: quia scilicet deserti homines ab auxilio divinæ gratiæ vincuntur à passionibus: & hoc modo semper peccatum dicitur esse pœna precedentis peccati. Alio modo ex parte substantiæ a-

ctus, quæ afflictionem inducit, siue sit actus interior, ut patet in ipsa ira & invidia: siue actus exterior, ut patet cum aliqui gravi labore opprimuntur, & damno, ut expleant actum peccati, secundum illud Sap. 5. Lassati sumus in via iniquitatis. Tertio modo, ex parte effectus: ut scilicet aliquod peccatum dicatur pœna respectu effectus consequentis, sed his duobus ultimis modis vnum peccatum non solum est pœna precedentis peccati, sed etiam sui.

Ad primum ergo dicendum, quod hoc etiam quod aliqui puniuntur à Deo, dum permittit eos in aliqua peccata proficere, ad bonum virtutis ordinatur, quandoque quidem etiam ipsorum qui peccant: cum scilicet post peccatum humiliores & cautiore refurgunt: semper autem est ad emendationem aliorum, qui videntes aliquos ruere de peccato in peccatum, magis reformidant peccare. In aliis autem duobus modis manifestum est, quod pœna ordinatur ad emendationem: quia hoc ipsum, quod homo laborem & detrimentum patitur in peccando, natum est retrahere homines à peccato.

Ad secundum dicendum, quod ratio illa procedit de peccato secundum se. Et similiter dicendum est ad 2. & 3. & 4. & 5. & 6. & 7. & 8. & 9. & 10. & 11. & 12. & 13. & 14. & 15. & 16. & 17. & 18. & 19. & 20. & 21. & 22. & 23. & 24. & 25. & 26. & 27. & 28. & 29. & 30. & 31. & 32. & 33. & 34. & 35. & 36. & 37. & 38. & 39. & 40. & 41. & 42. & 43. & 44. & 45. & 46. & 47. & 48. & 49. & 50. & 51. & 52. & 53. & 54. & 55. & 56. & 57. & 58. & 59. & 60. & 61. & 62. & 63. & 64. & 65. & 66. & 67. & 68. & 69. & 70. & 71. & 72. & 73. & 74. & 75. & 76. & 77. & 78. & 79. & 80. & 81. & 82. & 83. & 84. & 85. & 86. & 87. & 88. & 89. & 90. & 91. & 92. & 93. & 94. & 95. & 96. & 97. & 98. & 99. & 100.

ARTICULVS III.

Utrum aliquod peccatum inducat reatum æternæ pœnæ.

AD PRIMUM sic proceditur. Videtur, quod nullum peccatum inducat reatum æternæ pœnæ. Pœna enim iusta adæquat culpæ, iustitia enim æqualitas est. vnde dicitur Isa. 27. In mensura contra mensuram cum abiecta fuerit, iudicabit eam: sed peccatum est temporale. Ergo non inducit reatum pœnæ æternæ.

Præterea, pœnæ medicinæ quædam sunt, ut dicitur in 2. Ethic. * sed nulla medicina debet esse infinita, quia ordinatur ad finem: quod autem ordinatur ad finem, non est infinitum, ut Philosophus dicit in 1. Polit. † ergo nulla pœna debet esse infinita.

Præterea, Nullus sapiens facit aliquid nisi propter se in ipso delectetur: sed Deus non delectatur in perditione hominum: ut dicitur Sap. 1. ergo non punit homines pœna sempiterna.

Præterea, Nihil quod est per accidens est infinitum: sed pœna est per accidens: non est enim secundum naturam eius qui punitur. Ergo non potest in infinitum durare.

Sed contra est, quod dicitur Matth. 25. Ibunt hi in supplicium æternum. Et Marc. 9. dicitur, Qui autem blasphemaverit in Spiritum sanctum, non habebit remissionem in æternum, sed erit reus æterni delicti.

CONCLUSIO.

Quæcumque peccata charitatem tollunt, pœnæ æternæ reatum inducunt.

Respondendo dicendum, quod sicut supra dictum est, peccatum ex hoc inducit reatum pœnæ, quod pervertit aliquem ordinem, manente autem causa, manet effectus, vnde quædiu perversitas ordinis remanet, necesse est quod remaneat reatus pœnæ. Pervertitur autem aliquis ordinem quandoque quidem reparabiliter, quandoque autem irreparabiliter. semper enim defectus, quo subtrahitur principium, irreparabilis est: si autem salvetur principium, eius virtute alij defectus reparari possunt. sicut si corruptatur principium visuum, non potest fieri visionis reparatio, nisi sola virtute divina: si verbò saluo principio visivo, aliqua impedimenta adueniant visioni, reparari possunt per naturam vel per artem. Cuiuslibet autem ordinis est aliquod principium, per quod aliquis sit particeps illius ordinis, & ideo si per peccatum corruptatur principium ordinis quo voluntas hominis subditur Deo, erit inordinatio quantum est de se irreparabilis: etsi reparari possit virtute divina: principium autem huius ordinis est ultimus finis, cui homo inhæret per charitatem: & ideo quæcumque peccata auerunt à Deo, charitatem auferentia: quantum est de se inducunt reatum æternæ pœnæ.

Ad primum ergo dicendum, quod pœna peccato proportionatur secundum acerbitatem tam in iudicio divino quam in humano: sed sicut August. dicit 21. de ciuit. Dei. * in nullo iudicio requiritur ut pœna adæquetur culpæ secundum durationem: non enim quia adulterium vel homicidium in momento committitur, propter hoc momentanea pœna punitur: sed quandoque quidem perpetuo carcere vel exilio: quandoque etiam morte, in qua non consideratur occasio mortis, sed potius, quod in perpetuum auferatur à societate viuentium: & sic repræsentat suo modo æternitatem pœnæ infligite diuinitus. Iustum tamen est secundum Gregor. * quod qui in suo æterno peccauit contra Deum, in æterno Dei puniatur. Dicitur autem aliquis in suo æterno peccasse non solum secundum continuationem actus in tota hominis vita durantis, sed quia ex hoc ipso, quod finem in peccato constituit, voluntatem habet in æternum peccandi. vnde dicit Greg. 4. Moralium. * quod iniqui voluissent sine fine viuere, ut sine fine potuissent in iniquitatibus permanere.

Ad secundum dicendum, quod pœna quæ etiam secundum leges humanas infligitur, non semper est medicinalis ei, qui punitur, sed solum aliis: sicut cum latro suspenditur non ut ipse emenderetur, sed propter alios, ut saltem metu pœnæ peccare desistant: secundum illud Prouerb. 19. Pessilientia flagellato, stultus sapientior erit. Sic igitur & æternæ pœnæ reprobatorum à Deo infligite sunt medicinales his, qui consideratione pœnarum abstinēt à peccatis: secundum illud Psal. 59. Dediti metuentibus te significationem, ut fugiant à facie arcus, ut liberentur dilecti tui.

Ad tertium dicendum, quod Deus non delectatur in pœnis propter ipsas: sed delectatur in ordine suæ iustitiæ, quæ hæc requirit.

Ad quartum dicendum, quod pœna etsi per accidens ordinatur ad naturam: per se tamen ordinatur ad priuationem ordinis

ca. 4. f. 4. pœna ad 3. med.

2. 2. q. 16.
ad. 2. ad. 4.
Et 1. d. 46.
ad. 2. ad. 4.
Et 2. d. 16.
ad. 3. Et
ma. q. 1. ad.
4. ad. 1. Et
Ro. 1. l. 7.
co. 5. f.
1. 10. f.
c. vi.
† q. 82. 18.
4.
q. 74. ad. 3.
c. 2.
Hom. 11. 4.
med. c. 1.
25. m. 4.
13.
p. p. q. 43.
ad. 5.
q. 79. ad. 3.

462
Infr. ar. 3.
Et 1. q. 86.
Et 4. d. 2.
d. 42. q. 1.
ad. 3. Et 3.
d. 10. m. 4.
3. Et 4. d.
46. q. 1. ad.
3. Et 3. d.
c. 14. f. 6.
144. 2. l.
4. 9. 9. Et
apo. 3. cap.
185. f.
188. f.
Rom. 2. c.
2. 1. 1.
c. 2. 1. 1. 1.
cap. 3. 1. 1. 1.
m. 10. 5.
† 1. 1. 1. 1. 1.
cap. 60. d.
m. 10. 5.

ar. 1. huius
q. 43.
lib. 4. dial.
cap. 44.

lib. 4. dial.
c. 4. habet
in fin. sent.

ordinis & ad Dei iustitiam. & ideo durante inordinatione semper durat poena.

ARTICVLVS IV.

Utrum peccato debeatur poena infinita secundum quantitatem

463 **AD QVARTVM** sic proceditur. Videtur, quod peccato debeatur poena infinita secundum quantitatem. Dicitur enim Ierem. 10. Corripe me Domine: verumtamen in iudicio, & non in furore tuo, ne forte ad nihilum redigas me: ira autem Dei vel furor metaphoricè significat vindictam diuinam iustitiae. redigi autem in nihilum est poena infinita, sicut & ex nihilo aliquid facere est virtutis infinitae. ergo secundum vindictam diuinam peccatum punitur poena infinita secundum quantitatem.

¶ 2. Præterea, Quantitati culpæ responderet quantitas poenæ: secundum illud Deuter. 25. Pro mensura peccati erit & plagarum modus. sed peccatum, quod contra Deum committitur, est infinitum. tanto enim grauius est peccatum, quanto maior est persona contra quam peccatur: sicut grauius peccatum est percutere principem, quam percutere hominem priuatum. Dei autem magnitudo est infinita. ergo poena infinita debetur pro peccato, quod contra Deum committitur.

¶ 3. Præterea, Duplicitèr est aliquid infinitum, duratione scilicet & quantitate: sed duratione est poena infinita. Ergo & quantitate.

Sed contra est, quia secundum hoc omnium peccatorum mortalium poenæ essent æquales: non enim est infinitum in finito maius.

CONCLUSIO.

Sicuti peccatum ex parte auersionis ab infinito bono, infinitum est, finitum autem ex parte conuersionis ad bonum creaturæ & commutabile: sic & poena peccato correspondens partim infinita partim infinita dici debet.

RESPONDENDO dicendum, quod poena proportionatur peccato. In peccato autem duo sunt. Quorum vnum est auersio ab incommutabili bono, quod est infinitum: unde ex hac parte peccatum est infinitum. Aliud, quod est in peccato, est inordinata conuersio ad commutabile bonum: & ex hac parte peccatum est finitum, tum quia ipsum bonum commutabile est finitum: tum etiam quia ipsa conuersio est finita: non enim possunt esse actus creaturæ infiniti. Ex parte igitur auersionis respondet peccato poena damni, quæ etiam est infinita est enim amissio infiniti boni, scilicet Dei. Ex parte autem inordinatæ conuersionis respondet ei poena sensus, quæ etiam est finita.

Ad primum ergo dicendum, quod omnino redigi in nihilum tum, qui peccat, non conuenit diuinæ iustitiæ, quia repugnat perpetuitati poenæ, quæ est secundum diuinam iustitiam. ut dictum est: sed in nihilum redigi dicitur, qui spiritualibus bonis priuatur, secundum illud 1. Corinthior. 13. Si non habuerit charitatem, nihil sum.

Ad secundum dicendum, quod ratio illa procedit de peccato ex parte auersionis, sic enim homo contra Deum peccat.

Ad tertium dicendum, quod duratio poenæ responderet durationi culpæ, non quidem ex parte actus, sed ex parte maculæ, quæ durante manet reatus poenæ, sed acerbitas poenæ responderet grauitati culpæ. culpa autem, quæ est irreparabilis, de se habet quoddam perpetuū daret: & ideo debetur ei poena æterna. non autem ex parte conuersionis habet infinitatem: & ideo non debetur ei ex hac parte poena infinita secundum quantitatem.

ARTICVLVS V.

Utrum omne peccatum inducat reatum poenæ æternæ.

464 **AD QVINTVM** sic proceditur. Videtur, quod omne peccatum inducat reatum poenæ æternæ. Poena enim ut dictum est, proportionatur culpæ: sed poena æterna differt à temporali in infinitum; nullum autem peccatum differre videtur ab altero in infinitum, cum omne peccatum sit humanus actus, qui infinitus esse non potest. cum ergo alicui peccato debeatur poena æterna, sicut dictum est, videtur quod nulli peccato debeatur poena temporalis tantum.

¶ 2. Præterea, Peccatum originale est minimum peccatorum: unde & Aug. dicit in Euch. quod mitissima poena est eorum, qui pro solo peccato originali puniuntur: sed peccato originali debetur poena perpetua: nunquam enim videbunt regnum Dei pueri, qui sine baptismo decesserunt cum originali peccato, ut patet per id quod Dominus dicit Ioan. 3. Nisi quis renatus fuerit denuo, non potest videre regnum Dei. Ergo multo magis omnium aliorum peccatorum poena erit æterna.

¶ 3. Præterea, Peccato non debetur maior poena ex hoc, quod alteri peccato adiungitur, cum utrumque peccatum suam habeat poenam taxatam secundum diuinam iustitiam: sed peccato veniali debetur poena æterna, si cum mortali peccato inueniatur in aliquo damnato: quia in inferno nulla potest esse remissio: ergo peccato veniali simpliciter debetur poena æterna: nulli ergo peccato debetur poena temporalis.

Sed contra est, quod Gregor. dicit in 4. dialogorum. quod quidam leuiore culpæ post hanc vitam remittuntur: non ergo omnia peccata æterna poena puniuntur.

CONCLUSIO.

His tantum peccatis æterna poena debetur, quæ contrariantur charitati: his uero, quæ præter ordinem charitatis sunt, temporalis tantum.

RESPONDENDO dicendum, quod sicut supra dictum est, peccatum causat reatum poenæ æternæ, in quantum irreparabili-

ter repugnat ordini diuinæ iustitiæ, per hoc scilicet quod contrariatur ipsi principio ordinis, quod est ultimus finis: manifestum est autem quod in quibuldam peccatis est quidem aliqua inordinatio, non tamen per contrarietatem ad ultimum finem, sed solum circa ea, quæ sunt ad finem, in quantum plus vel minus debet eis intendi, saluato tamen ordine ad ultimum finem: puta cum homo est nimis ad aliquam rem temporalem afficiatur, non tamen pro ea uellet Deum offendere, aliquid contra præceptum eius faciendo. unde huiusmodi peccatis non debetur æterna poena, sed temporalis.

Ad primum ergo dicendum, quod peccata non differunt in infinitum ex parte conuersionis ad bonum commutabile, in qua consistit substantia actus, differunt autem in infinitum ex parte auersionis: nam quidam peccata committuntur per auersionem ab ultimo fine: quidam uero per inordinationem circa ea, quæ sunt ad finem: finis autem ultimus ab his, quæ ad finem, in infinitum differt.

Ad secundum dicendum, quod peccato originali non debetur poena æterna ratione suæ grauitatis, sed ratione conditionis subiecti, scilicet hominis, qui sine gratia inuenitur, per quam solum sit remissio poenæ. Et similiter dicendum est ad Tertium, de veniali peccato. Aternitas enim poenæ non respondet quantitati culpæ, sed irremissibilitati ipsius, ut dictum est.

art. 3. huius
quæst.

ARTICVLVS VI.

Utrum reatus poenæ remaneat post peccatum.

465 **AD SEXTVM** sic proceditur. Videtur, quod reatus poenæ non remaneat post peccatum. Remota enim causa remouetur effectus: sed peccatum est causa reatus poenæ: ergo remoto peccato cessat reatus poenæ.

¶ 2. Præterea, Peccatum remouetur per hoc, quod homo ad virtutem redit: sed virtuoso non debetur poena, sed magis premium. Ergo remoto peccato, non remanet reatus poenæ.

¶ 3. Præterea, Poenæ sunt medicinæ: ut dicitur in 2. Ethic. sed postquam aliquis iam est ab infirmitate curatus, non adhibetur sibi medicina. Ergo remoto peccato, non remanet debitus poenæ.

Sed contra est, quod dicitur 2. Reg. 12. quod Dauid dixit ad Nathan: Peccaui Domino. Dixitque Nathan ad Dauid: Dominus quoque transiit peccatum tuum, non morieris: retinuit tamen quia blasphemare fecisti inimicos nomen Domini, filius qui natus est tibi, morte morietur. Punitur ergo aliquis à Deo, etiam postquam ei peccatum dimittitur: & sic reatus poenæ remanet peccato remoto.

CONCLUSIO.

Remota macula culpæ remanet reatus, non poena simpliciter, sed satisfactoria.

RESPONDENDO dicendum, quod in peccato duo possunt considerari, scilicet actus culpæ, & macula sequens. Planum est autem, quod cessante actu peccati, remanet reatus in omnibus peccatis actualibus. actus enim peccati facit hominem reum poenæ, in quantum transgreditur ordinem diuinæ iustitiæ, ad quem non redit nisi per quandam recompensationem poenæ, quæ ad æqualitatem iustitiæ reducit: ut scilicet qui plus uoluntati suæ indulget quam debuit, contra mandatum Dei agens, secundum ordinem diuinæ iustitiæ aliquid contra illud, quod uellet, spontaneus vel inuitus patiat: quod etiam in iniuriis hominibus factis obseruatur, ut per recompensationem poenæ reintegretur æqualitas iustitiæ, unde patet quod cessante actu peccati vel iniuriæ illarum, adhuc remanet debitus poenæ. sed si loquamur de ablatione peccati, quantum ad maculam; sic manifestum est, quod macula peccati ab anima auferri non potest, nisi per hoc quod anima Deo coniungitur per cuius distantiam detrimentum proprii nitore incurbat, quod est macula, ut supra dictum est. Coniungitur autem Deo homo per uoluntatem. unde macula peccati ad hominem tolli non potest, nisi uoluntas hominis ordinem diuinæ iustitiæ acceptet, ut scilicet vel ipse sibi poenam spontaneus assumat in recompensationem culpæ præteritæ, vel etiam à Deo illatam patienter sustineat, utroque enim modo poena rationem satisfactionis habet. Poena autem satisfactoria dimittit aliquid de ratione poenæ: est enim de ratione poenæ, quod sit contra uoluntatem: poena autem satisfactoria est secundum absolutam considerationem sit contra uoluntatem, non tamen ut nunc: & per hoc est uoluntaria: unde simpliciter est uoluntaria, secundum quid autem inuoluntaria, sicut patet ex his quæ supra de uoluntario & inuoluntario dicta sunt. Dicendum est ergo, quod remota macula culpæ, potest quidem remanere reatus non poenæ simpliciter, sed satisfactoria.

Ad primum ergo dicendum, quod sicut cessante actu peccati remanet macula, ut supra dictum est, ita etiam potest remanere reatus: cessante uero macula, non remanet reatus secundum eandem rationem, ut dictum est.

Ad secundum dicendum, quod virtuoso non debetur poena simpliciter: potest tamen sibi deberi poena ut satisfactoria: quia hoc ipsum ad uirtutem pertinet, ut satisfaciatur pro his, in quibus offendit vel Deum, vel hominem.

Ad tertium dicendum, quod remota macula sanatum est uulnus peccati quantum ad uoluntatem. Requiritur autem adhuc poena ad sanationem aliarum uirium animæ, quæ per peccatum præcedens deordinata fuerunt ut scilicet per contraria curentur. Requiritur etiam ad restituendum æqualitatem iustitiæ, & ad smouendum scandalum aliorum: ut redificentur in poena, qui sunt scandalizati culpa: ut patet ex exemplo de Dauid inducto.

† Io. 1. cor.
2. cor. 1.

ARTICVLVS VII.

Vtrum omnis pœna sit propter aliquam culpam.

466

AD SEPTIMUM sic proceditur. Videtur, quod non omnis pœna sit propter aliquam culpam. Dicitur enim loan. 9. de cæco nato: Neque hic peccauit, neque parentes eius, ut nasceretur cæcus. Et si sic videmus quod multi pueri etiam baptizati graues pœnas patiuntur, ut puta febres, demonum oppressiones, & multa huiusmodi. cum tamen in eis non sit peccatum, postquam sunt baptizati, & antequam sint baptizati, non est in eis plus de peccato, quam in aliis pueris, qui hæc non patiuntur. non ergo omnis pœna pro peccato est.

¶ 1. Præterea, Eiusdem rationis esse videtur quod peccatores prosperentur, & quod aliqui innocentes puniantur: utrumque autem in rebus humanis frequenter inuenimus: dicitur enim de iniquis in Psal. 72. In labore hominum non sunt, & cum hominibus non flagellabuntur. Et Job 21. Impij viuunt, subleuati sunt, confortatique diuitiis. Et Abacuc 1. dicitur. Quare respicias contemptores, & taces conculcante impio iusticiam? non ergo omnis pœna infligitur pro culpa.

¶ 2. Præterea, De Christo dicitur in 1. Petr. 2. quod peccatum non fecit, nec inuentus est dolus in ore eius: & tamen ibidem dicitur, quod passus est pro nobis: ergo non semper pœna à Deo dispensatur pro culpa.

Sed contra est, quod dicitur Job. 4. Quis vnquam innocens peritit? quando recti deleti sunt? quin potius vidi eos qui operantur iniquitatem, flante Deo, perisse. Et Aug. dicit in 1. Retractionum, quod omnis pœna iusta est, & pro peccato aliquo impenditur.

CONCLUSIO.

Quævis pœna sine simplicitate, sine satisfactoria, propter aliquam culpam est, sine originali sine actuali, propriam, vel alterius.

RESPONDEO dicendum, quod sicut iam dictum est, pœna potest dupliciter considerari, simpliciter, & in quantum satisfactoria. Pœna quidem satisfactoria est quodammodo voluntaria, & quia contingit eos, qui differunt in reatu pœnæ esse vnum secundum voluntatem vniõis amoris: inde est quod interdum aliquis, qui non peccauit, pœnam voluntarius pro alio portat: sicut etiam in rebus humanis videmus, quod aliquis in se transfert alterius debitum. Si vero loquamur de pœna simpliciter, secundum quod habet rationem pœnæ, sic semper habet ordinem ad culpam propriam, sed quandoque quidem ad culpam actualem: puta quando aliquis vel à Deo, vel ab homine pro peccato commisso punitur. Quandoque vero ad culpam originalem: & hoc quidem vel principaliter, vel consequenter. Principaliter quidem pœna originalis peccati est, quod natura humana sibi relinquitur destituta auxilio originalis iustitiæ: sed ad hoc consequuntur omnes pœnalitates, quæ ex defectu naturæ hominibus contingunt.

Sciendum tamen est, quod quandoque aliquid videtur esse pœnale, quod tamen non habet simpliciter rationem pœnæ. Pœna enim est species mali, ut in 1. dictum est, malum autem est priuatio boni: cum autem sint plura hominis bona, scilicet anima, corpus & exteriorum rerum, contingit interdum, quod homo patitur detrimentum in minori bono, ut augeatur in maiori, sicut cum patitur detrimentum pecuniæ propter sanitatem corporis, vel in vitioque horum propter salutem animæ, & propter gloriam Dei, & tunc tale detrimentum non est simpliciter malum hominis sed secundum quid. unde non habet simpliciter rationem pœnæ, sed medicinæ. Nam & medici austeras porciones propinant infirmis, ut conferant sanitatem. & quia huiusmodi non proprie habent rationem pœnæ, non reducuntur ad culpam sicut ad causam, nisi pro tanto: quia hoc ipsum quod oportet humanæ naturæ medicinas pœnales adhibere est ex corruptione naturæ quæ est pœna originalis peccati. In statu enim innocentie non oportuisset aliquem ad profectum virtutis inducere per pœnalia exercitia: unde hoc ipsum, quod est pœnale, in talibus reducitur ad originalem culpam, sicut ad causam.

Ad primum ergo dicendum, quod huiusmodi defectus eorum, qui nascuntur, vel etiam puerorum, sunt effectus & pœnæ originalis peccati, ut dictum est: & manent etiam post baptismum propter causam superius dictam: quod non sint æqualiter in omnibus, contingit propter naturæ diuersitatem, quæ sibi relinquitur: ut supra dictum est. Ordinatur tamen huiusmodi defectus secundum diuinam providentiam ad salutem hominum, vel eorum, qui patiuntur, vel aliorum, qui pœnis admoventur, & etiam ad gloriam Dei.

Ad secundum dicendum, quod bona temporalia sunt quidem aliqua bona hominis, sed parua: bona vero spiritualia sunt magna hominis bona. Pertinet igitur ad diuinam iustitiam, ut virtuosos det spiritualia bona, & de temporalibus bonis vel malis tantum det eis, quantum sufficit ad virtutem. Vt enim Dio. dicit 1. ca. de diuin. nom. Diuinæ iustitiæ est non emoliri optimorum fortitudinem materialium donationibus. aliis vero hoc ipsum, quod temporalia dantur, in malum spirituum cedit. unde in Psalm. 71. concluditur. Ideo tenuit eos superbia.

Ad tertium dicendum, quod Christus pœnam sustinuit satisfactoriam, non pro suis, sed pro nostris peccatis.

ARTICVLVS VIII.

Vtrum aliquis puniatur pro peccato alterius.

467

AD OCTAuum sic proceditur. Videtur, quod aliquis puniatur pro peccato alterius. Dicitur enim 2. Ro. 20. Ego sum Deus zelotes, visitans iniquitatem patrum in filios in tertium R. P. Philippi Carm. distat. Dist. Theolog. in 1. 2.

& quantam generationem, his qui oderunt me & Matt. 23. dicitur, Ut veniat super vos omnis sanguis iustus, qui effusus est super terram.

¶ 1. Præterea, iustitia humana deriuatur à iustitia diuina: sed secundum iustitiam humanam aliquando filij puniuntur pro parentibus, sicut patet in crimine Iuxta maiestatis. ergo etiam secundum diuinam iustitiam vnus puniatur pro peccato alterius.

¶ 2. Præterea, Si dicatur filius non puniri pro peccato patris, sed pro peccato proprio, in quantum inuenitur malitiam paternam: non magis hoc dicitur de filiis quam de extraneis: qui simili pœna puniuntur his, quorum peccata imitantur. non ergo videtur, quod filij pro peccatis propriis puniantur, sed pro peccatis parentum.

Sed contra est, quod dicitur Ezech. 18. Filius non portabit iniquitatem patris.

CONCLUSIO.

Pœnarum alia est satisfactoria, quam alius pro alio voluntarie assumit: alia medicinalis, quam Deus vel homo infligit ad medicinam, etiam pro alterius peccato: alia denique est, quæ merè pœna est, quæ pro suo quisque peccato tantummodo puniatur.

RESPONDEO dicendum, quod si loquamur de pœna satisfactoria, quæ voluntarie assumitur, contingit, quod vnus portet pœnam alterius in quantum sunt quodammodo vnus sicut iam dictum est. Si autem loquamur de pœna pro peccato infligita, in quantum habet rationem pœnæ, sic solum vnusquisque pro peccato suo puniatur: quia actus peccati aliquid personale est. Si autem loquamur de pœna, quæ habet rationem medicinæ, sic contingit quod vnus puniatur pro peccato alterius. Dictum est enim quod detrimenta corporaliū rerum vel etiam ipsius corporis sunt quædam pœnales medicinæ ordinari ad salutem animæ. unde nihil prohibet talibus pœnis aliquem puniri pro peccato alterius, vel à Deo, vel ab homine: ut puta filios pro patribus, subditos pro dominis: in quantum sunt quædam res eorum. Ita tamen quod si filius vel subditus est particeps culpæ, huiusmodi pœnalis defectus habet rationem pœnæ quantum ad vtrumque, scilicet eum, qui puniatur & eum pro quo puniatur. Si vero non sit particeps culpæ habet rationem pœnæ quantum ad eum, pro quo puniatur: quantum vero ad eum, qui puniatur, rationem medicinæ tantum, nisi per accidens in quantum peccato alterius consensit, ordinatur enim et ad bonum animæ si patienter sustineat. Pœnæ vero spirituales non sunt medicinales tantum, quia bonum anime non ordinatur ad aliud melius bonum. unde in bonis animæ nullus patitur detrimentum sine culpa propria, & propter hoc etiam talibus pœnis, ut dicit Hier. in epistola ad Auitum, vnus non puniatur pro alio: quia quantum ad animam, filius non est res patris. unde & huius causam dominus assignans dicit Ezech. 18. Omnes animæ meæ sunt.

Ad primum ergo dicendum, quod vtrumque dictum videtur esse referendum ad pœnas temporales vel corporales, in quantum filij sunt quædam res parentum, & successores predecessorum: vel si referantur ad pœnas spirituales, hoc dicitur propter imitationem culpæ: unde in Exod. additur. His qui oderunt me. Et in Matt. dicitur. Et vos implete mensuram patrum vestrorum. Dicit autem puniri peccata patrum in filiis: quia filij in peccatis parentum nutriti, promouentur sunt ad peccandum, tum propter consuetudinem, tum etiam propter exemplum patrum, quasi auctoritatem sequentes: sunt etiam maiori pœna digni, si pœnas patrum videntes, contemti non sunt. Ideo autem addidit, in tertiam & quantam generationem quia tantum consueuerunt homines viuere, ut tertiam & quartam generationem videant: & sic mutuo videre possunt & filij peccatum parentum ad imitandum, & patres pœnas filiorum ad dolendum.

Ad secundum dicendum, quod pœnæ illæ sunt corporales & temporales quas iustitia humana vni pro peccato alterius infligit: & sunt remedia quædam vel medicinæ contra culpas sequentes, ut vel ipsi qui puniuntur, vel alij cohibeantur à similibus culpis.

Ad tertium dicendum, quod magis debent puniri pro peccatis aliorum propinqui, quam extranei, tum quia pœna propinquo quodammodo redundat in illos qui peccauerunt, ut dictum est, in quantum filius est quædam res patris. Tum etiam quia & domestica exempla & domestica pœnæ magis mouent, unde quanto aliquis nutritus est in peccatis parentum, vehementius ea sequitur, & si ex eorum pœnis non est deterretus, obstinatior videtur: unde & est maiori pœna dignus.

DISPUTATIO IX.

De Effectibus Peccatorum.

POST QUAM D. Thomas egit per plures questiones de causis peccatorum: incipit à quæst. 85. agere de eorum effectibus, & continuat in q. 86. & 87. Effectus autem peccatorum sunt diminutio boni naturalis, defectus naturales, macula, reatus pœnæ, & alij de quibus in præsentī Disputatione agetur.

FFF

DVBIVM

D V B I V M I.

Utrum inclinatio naturalis ad bonum diminuat per peccatum.

Supponendum est, quod homo habet inclinationem naturalem ad bonum honestum conforme rationi: cum enim sit naturæ intellectualis seu rationalis, secundum partem superiorem consideratus, respicit tanquam obiectum sibi connaturale ac valde proportionatum, bonum illud honestum; unde secundum appetitum rationalem in illud naturaliter inclinatur. Quærimus igitur in præfenti dubio, utrum hæc inclinatio naturalis ad bonum honestum diminuat per peccatum tam originale, quam actuale, tam per actuale mortale, quam per actuale veniale; & ex hoc sequitur inquirendum, utrum admissa tali diminutione inclinationis naturalis ad bonum honestum siue ad virtutem, possit etiam admitti, quod per multiplicationem peccatorum omnino tollatur. Ad cuius euidenciam sciendum est, quod inclinatio naturalis ad bonum honestum siue ad virtutem, non est idem ac iustitia originalis, ut volunt aliqui, quia iustitia originalis est aliquid indebitum puræ naturæ rationali, & tamen inclinatio naturalis ad bonum honestum est aliquid necessariò consequens naturam rationalem.

Prima opinio asserit, quod per peccatum originale fuit totaliter ablata inclinatio naturalis ad bonum honestum: hanc sequuntur hæretici, dicentes quod per peccatum originale fuit totaliter ablatum liberum arbitrium; plura eorum argumenta superius adducta sunt: constat autem quod sublata libertate tollitur inclinatio ad virtutem, quia talis inclinatio debet esse humana, & consequenter libera. Deinde probatur specialiter: Per peccatum originale fuit à nobis ablata imago Dei, qua sumus & dicimur boni: ergo etiam fuit ablata inclinatio naturalis ad bonum honestum, quæ in nobis consequitur ad imaginem Dei.

Secunda opinio Aluaris, Montefini, & aliorum asserit, quod inclinatio naturalis ad bonum honestum fuit diminuta per peccatum originale. Probatur: Natura humana per peccatum originale fuit spoliata gratuitis, & vulnerata in propriis, ut constat ex parabola Samaritani curantis hominem, qui inciderat in latrones, & à quibus fuerat vulneratus ac semivivus relictus; hæc enim parabola exponitur communiter à Sanctis Patribus de genere humano relictò post peccatum originale: sed non potest intelligi, quomodo natura humana sit vulnerata in propriis per peccatum originale, nisi admittatur diminutio inclinationis naturalis ad bonum virtutis per peccatum: ergo inclinatio naturalis ad bonum virtutis fuit diminuta per peccatum originale.

Deinde D. Th. infra q. 85. art. 1. docet quod per peccatum diminuitur inclinatio naturalis ad bonum honestum: ergo cum peccatum originale sit verum peccatum, per peccatum originale fuit diminuta inclinatio naturalis ad bonum honestum. Denique, Post peccatum non potest liberum arbitrium suis viribus Deum super omnia diligere dilectione naturali: & tamen potuisset in puris naturalibus creatum sic illum diligere: ergo inclinatio naturalis ad bonum honestum fuit diminuta per peccatum originale.

Tertia opinio asserit, quod inclinatio naturalis ad bonum honestum per peccata actualia possit omnino tolli & extinguere. Probatur auctoritate sacræ Scripturæ, ubi dicitur quod peccator, cum in profundum malorum venerit, contemnet: quod experientia docet, nam aliqui eò malitiæ deueniunt, quod absque remorsu conscientie semper malè operantur. Deinde, Inclinatio naturalis ad bonum honestum est simpliciter finita, sicut & natura rationalis in qua est: ergo per multiplicationem peccatorum tot poterunt produci prauæ dispositiones, & tot apponi impedimenta, quod omnino tollatur & penitus extinguatur. Denique, Dæmones & damnati propter peccata sunt omnino obstinati in malo, ita ut non possint velle aliquod bonum: ergo de facto fuit omnino ablata & extincta in eis inclinatio naturalis ad bonum honestum.

C O N C L U S I O.

RESPONDEO dicendum, quod inclinatio naturalis ad bonum honestum siue ad virtutem non fuit omnino ablata. 2. imò nec fuit diminuta, propriè loquendo, per peccatum originale. 3. diminuitur autem per quodlibet peccatum actuale, siue commissionis aut omissionis, siue mortale aut veniale. 4. non quidem per remotionem alicuius intrinseci: sed per appositionem impedimenti extrinseci. 5. nunquam tamen potest totaliter extinguere. Hæc conclusio quoad primam partem est de fide: quoad alias partes est valde recepta inter Discipulos D. Thomæ & alios Theologos.

Probatur & explicatur prima pars conclusionis: Quamuis sit certum de fide contra Pelagianos, quod per peccatum originale multa aduenierint detrimenta naturæ humanæ; per subtractionem iustitiæ originalis, & incurrerit quatuor vulnera, de quibus disserit D. Thom. infra q. 85. art. 3. videlicet ignorantie in intellectu, malitiæ in voluntate, infirmitatis in irascibili, & concupiscentiæ in concupiscibili: tamen per illud peccatum non fuit ablata ratio à natura humana, cum sit de intrinseca eius quidditate: ergo cum inclinatio naturalis ad bonum honestum fundetur & radicitur in natura rationali, talis inclinatio non fuit omnino ablata per peccatum originale. Deinde probatur euidenti experientia: experimur enim quod nullus est homo, quantumcunque barbarus & infidelis, etiamsi adhuc existat in peccato

peccato originali, qui ex propria natura non inclinetur naturaliter ad aliquod bonū honestum; & qui non approbet virtutem, ac non sentiat remorsum conscientiae, quando quid inhonestum operatur: ergo signum est, quod inclinatio naturalis ad bonum honestum non fuit omnino ablata per peccatum originale.

Probatur & explicatur secunda pars conclusionis, quam sequuntur Caietanus, Medina & alij. Verum quidem est, quod per peccatum originale ablata fuit iustitia originalis, & pars inferior rebellis facta est superiori, vnde tendit in bonum delectabile sibi proprium & connaturale, saepe contra dictamē rationis: sed tamen quia iustitia originalis non erat debita purae naturae rationali, sed ei gratuito in eius creatione concessa; inde est quod maior illa inclinatio naturae rationalis ad bonum honestum in statu iustitiae originalis, non potest propriè loquendo dici inclinatio purè naturalis, ut pote radicata in dono gratuito iustitiae originalis; & sic quamvis per subtractionē iustitiae originalis inclinatio ad bonum honestum sit diminuta, non tamen inclinatio naturalis, fundata in puris principiis naturae rationalis, potest dici diminuta; Quod probatur primò autoritate D. Th. infra q. 85. art. 1. vbi probat quod inclinatio naturalis ad virtutem diminuitur per peccatum, in quantum per actus peccaminosos & contrarios virtuti acquiritur inclinatio ad similes actus contrarios virtuti, per hoc autem quod quis inclinatur ad vnum contrarium, diminuitur inclinatio eius ad aliud contrarium: sed per peccatum originale non habetur aliqua inclinatio siue habitus acquisitus, cum tale peccatū non consistat in proprio actu: ergo inclinatio naturalis ad bonum honestū non fuit diminuta, propriè loquendo, per peccatum originale. Deinde, Si inclinatio naturalis ad bonum honestum fuisset diminuta, propriè loquendo, per peccatū originale; talis diminutio fieret aliquo modo ex sequentibus, vel per remotionem alicuius intrinseci, vel per appositionem extrinseci impediementi, vel quia Deus intuitu peccati originalis denegat auxilia naturae debita ad bonum honestum, vel quia permittit nunc tentationes diaboli vehementiores: sed nullo ex his modis potest dici diminuta inclinatio naturalis ad bonum honestum; Non primo, quia ut dicitur in quarta parte conclusionis, talis inclinatio non est quid distinctū totaliter à principiis constitutionis naturae rationalis, quae non sunt diminuta, sed eadem post peccatum originale; Nec secundo, quia impediementum illud extrinsecum diminuens inclinationem naturalem ad bonum honestum debet esse aliquis habitus prauus inclinans ad contrariū bonum scilicet inhonestum, nullus autem habitus est acquisitus in nobis per peccatum originale; ut iam dictum est; Nec tertio, tum quia non constat ex Scripturis, quod intuitu peccati originalis Deus deneget auxilia na-

turae debita; tum quia per hanc denegationem auxiliorū non diceretur diminuta inclinatio naturalis ad bonum honestum, sed potius suspensa ne reduceretur in actum; Nec tandem quarto, tum quia tentationes diaboli sunt omnino extrinsecæ, & nisi eis consentiatur, per eas nihil ponitur intrinsecum inclinans ad contrarium virtutis, si autem consentitur eis, iam est peccatum actuale, quo concedimus diminui inclinationem naturalem ad bonum honestum; tum quia licet diabolus per peccatum originale acquisierit ius tentandi homines, tamen fuit impeditum per redemptionem Christi ex prauis eius meritis statim ab initio mundi inchoatam, & nunc per eam iam completam est sublatum, & sic non plus tentat, quam ei permittitur, vnde potest dici quod tam graues fuissent tentationes diaboli peccato originali non existente, ac nunc sunt, maximè circa peccata spiritualia, putà superbiz, inuidiz &c. (nam circa peccata carnalia ex subtractione iustitiae originalis per peccatum originale, mansit homo debilitatus, sed hoc non importat inclinationem naturalem ad bonum honestum esse diminutam, ut dictum est) ergo inclinatio naturalis ad bonum honestum, propriè loquendo, non fuit diminuta per peccatum originale.

Probatur tertia pars conclusionis: Inclinatio naturalis ad bonum honestum diminuitur per peccatum, quatenus ut ait D. Thomas per actus humanos fit quaedam inclinatio ad similes actus, oportet autem quod ex hoc quod aliquid inclinatur ad vnum contrarium, diminuatur inclinatio eius ad aliud; vnde cum peccatum sit contrarium virtuti, ex hoc ipso quod homo peccat, diminuitur bonum naturae quod est inclinatio ad virtutem: sed per quodlibet peccatum actuale, siue commissionis aut omissionis, siue mortale aut veniale fit quaedam inclinatio ad peccandum, per acquisitionem habitus vitiosi vel prae dispositionis; Quod fiat talis inclinatio per peccatum commissionis mortale aut veniale, patet quia peccatum commissionis mortale aut veniale dicit actum inordinatum, qui generat habitum vitiosum aut prauam dispositionem inclinantem ad bonum contrarium virtuti; Quod etiam fiat talis inclinatio per peccatum omissionis, constat ex dictis supra, vbi ostensum est, quod non potest dari pura omisso sine vllō actu saltem qui sit causa vel occasio ipsius, vnde per illum actum pro tunc vitiosum quatenus coniunctum priuationi, acquiritur contraria dispositio inclinationi naturali ad virtutem siue ad bonum honestum: ergo per quodlibet peccatum actuale, siue commissionis aut omissionis, siue mortale aut veniale diminuitur inclinatio naturalis ad virtutem siue ad bonum honestum.

Probatur quarta pars conclusionis quantum ad primum: Inclinatio naturalis ad virtutem siue ad bonum honestum, non est quid distinctum

ab ipsa natura siue à principiis constitutiuis naturæ totaliter, sed est quasi proprietas radicata in ipsa natura rationali : ergo cum nec natura rationalis, nec aliqua eius proprietas possit diminui intrinsecè, inclinatio naturalis ad bonum honestum non potest diminui per remotionem aliquius intrinseci. Probatur quantum ad secundum ex dictis, nam dictum est quòd inclinatio naturalis ad bonum honestum intantum diminuitur, in quantum per peccatum acquiritur praua dispositio inclinans ad bonum inhonestum : sed ista dispositio est impedimentum extrinsecè appositum : ergo inclinatio naturalis ad bonum honestum diminuitur per appositionem impedimenti extrinseci, siue extrinsecè aduenientis, quamuis intus recepti.

Probatur quinta pars conclusionis, tum expressa autoritate D. Thomæ, tum eius ratione infra quæst. 85. art. 2. vbi sic ait : Dupliciter potest intelligi diminutio inclinationis naturalis ad virtutem : vno modo ex parte radicis, alio modo ex parte termini : primo quidem modo non diminuitur per peccatum, eo quod peccatum non diminuit ipsam naturam; sed diminuitur secundo modo, in quantum scilicet ponitur impedimentum pertingendi ad terminum : si autem primo modo diminueretur, oporteret quòd quædoque totaliter consumeretur, natura rationali totaliter consumpta; sed quia diminuitur ex parte impedimenti, quod apponitur ne pertingat ad terminum : manifestum est quòd diminui quidem potest in infinitum, quia in infinitum possunt impedimenta apponi, secundum quòd homo potest in infinitum addere peccatum peccato; non tamen potest totaliter consumi, quia semper manet radix talis inclinationis.

A d primum ergo dicendum, quòd per peccatum originale non fuit totaliter à nobis ablata imago Dei, qua in ordine naturæ sumus ei similes; sed tantum fuit deformata per priuationem gratiæ sanctificantis & iustitiæ originalis, qua ei in ordine supernaturali reddimur similes, & quæ est perfectio superioris ordinis superaddita naturæ intellectuæ, quasi forma ipsius.

A d secundum dicendum, quòd natura humana per peccatū originale dicitur spoliata gratuitis, quia per illud amisit Gratiā sanctificantem & donum iustitiæ originalis : Dicitur autem vulnerata in propriis, quia per illud peccatum amissa iustitia originali, fuit ablata subordinatio partis inferioris ad superiorem, connaturalis & propria illi statui innocentie : Dicitur tandem semiviva relicta, quia sublato dono iustitiæ originalis & prædicta subordinatione destructa, quibus confortabatur, remansit infirma in ordine ad bonum honestum, non quidem per diminutionem inclinationis naturalis ad illud, sed per tendentiam appetitus inferioris ad bonum delectabile ipsi proportionatum, plerūque tamen contrarium bono honesto. Ad aliud dicendū, quòd

inclinatio naturalis ad bonum honestū diminuitur per peccatū, quo generatur praua dispositio inclinans ad contrarium virtutis, tale autē non est peccatū originale, quamuis sit verum peccatum. Ad aliud dicendum, quòd post peccatum originale liberum arbitrium easdem habet vires purè naturales, quas habuisset creatū in puris naturalibus nō existente peccato: nec tunc sine auxilio Dei potuisset efficaciter & expresse Deum suū per omnia diligere : quod tamen auxilium non fuisset auxilium gratiæ; sicut nunc est, vt dicitur infra in materia de Gratiā: cuius discriminis ratio adducetur ex differenti statu naturæ puræ & naturæ peccatricis, non autem ex differentia virium purè naturalium.

A d tertium dicendum, quòd licet peccator in profundum malorum veniens contemnat bene viuere, & male operetur, adest tamen remorsus conscientie inclinans ad bonum; qui remorsus non potest totaliter extinguī. Ad aliud dicendum cum D. Thoma infra q. 85. art. 2. ad 1. quòd obiectio illa procedit, quando fit diminutio per subtractionem : hūc autem fit diminutio per appositionem impedimenti, quod neque tollit, neque diminuit radicem inclinationis, scilicet rationem; diminuit tamen ipsam inclinationem. Ad aliud dicendum cum D. Thoma ibidem ab 3. quòd etiam in damnatis manet naturalis inclinatio ad virtutem, alioquin non esset in eis remorsus conscientie; sed quòd non reducatur in actum contingit quia deest gratia secundum diuinam iustitiam, & quia redduntur inflexibiles in malo, ratione status damnationis ob auersionem à Deo ultimo fine; & maximè dæmones qui ex vi propriæ electionis sunt omninò immobiles circa rem electam.

D V B I V M II.

Utrum mors & alij defectus corporales sint effectus peccati.

S Vpponendum est, quòd omnes defectus corporales sunt via & media ad mortem, vt esurire, sitire, pati calorem & frigus, & similia: de quibus possumus loqui, vel vt consequuntur naturam humanam vniuersaliter consideratam, vel vt consequuntur ipsam in indiuiduo siue in particularibus consideratam. In præsentī igitur quærimus, utrum mors & alij defectus corporales ipsam concomitantes, qui consequuntur naturam sub vtraque consideratione, sint effectus peccati; siue originalis, quod dicitur peccatum naturæ, quia inficit totam naturam humanam, vt procedentem ab Adamo per seminalem propagationem, nisi in aliquo ex singulari privilegio præseruetur, vt præseruatam dicimus in Beatissima virgine Dei genitrice Maria; siue actualis, quod dicitur peccatum personæ, quia soli personæ peccanti nocet. Hoc autem est singulare in

in peccato primi Parentis, quo transgressus est expressum Dei mandatum de comedendo fructu ligni scientiæ boni & mali; quod tale peccatum respectu primi Parentis fuit actuale, & ei nocuit spoliando ipsum Gratia sanctificante & iustitia originali; respectu verò posteriorum Adæ (quorum Adam fuerat constitutum caput morale, sicut & naturale per generationem) fuit originale, eisque nocet.

Prima opinio, sed hæretica, Pelagianorum negat quod mors & alij defectus corporales sint effectus peccati originalis: & asserit quod procedunt à causis extrinsecis, sicut mors & alij defectus corporales brutorum. Probat: Homo in statu innocentie non erat immortalis, nec ab intrinseco, nec ab extrinseco; non quidē ab intrinseco, quia per peccatum originale nihil naturæ deperit, vnde cum nunc homo non sit immortalis, nec tunc ab intrinseco erat immortalis; nec etiam ab extrinseco, quia lignum vitæ; quod assignatur tanquam remedium præservatiuum à morte, erat tantum in paradiso terrestri, vnde eius fructus non poterat facile haberi ab omnibus, & dato quod potuisset facile haberi, adhuc tamen non potuisset præservare à morte violenta, sed tantum à morte naturali: ergo mors & alij defectus corporales non sunt effectus peccati originalis, sed sunt proprietates naturæ humanæ.

Secunda opinio asserit, quod mors & alij defectus corporales ita sunt effectus peccati originalis, quod nullo modo sint effectus peccati actualis. Probat: auctoritate D. Thomæ infra q. 85. art. 5. ad 3. ubi loquens de morte & aliis defectibus corporalibus ait: Et ideo peccatum actuale non causat huiusmodi defectus, sicut originale. Deinde, Respectu eiusdem non est assignabilis duplex causa totalis: ergo cum peccatum originale sit causa totalis mortis & defectuum corporalium, peccatum actuale non potest esse eorum causa, & consequenter mors & alij defectus corporales non sunt effectus peccati actualis.

CONCLUSIO.

RESPONDEO dicendum, quod mors & alij defectus corporales sunt effectus peccati originalis 1. & sæpe etiam sunt effectus peccati actualis, tam quoad materiale, quàm quoad formale considerati: consequenter tamen ad peccatum originale & corruptionem naturæ 3. si autem Adam, aut aliquis ex posteris eius peccasset alio genere peccati quàm intemperantiæ, probabilius videtur quod non incurrisset mortem & alios defectus: incurrisset tamen debitum moriendi & patiendi huiusmodi defectus 4. vnde supposito peccato originali & corruptione naturæ, mors & illi defectus sunt quodammodo naturales homini. Ita communiter Discipuli D. Thomæ & alij.

Probat & explicatur prima pars conclusio-

nis: Per hoc quod dicimus, mortem & alios defectus corporales esse effectus peccati originalis, intelligimus supposita creatione hominis in statu iustitiæ originalis; nam si fuisset creatus in puris naturalibus, mors & alij defectus consecuti fuissent conditionem naturæ mortalis: supposito ergo quod Deus creaverit hominem in statu iustitiæ originalis, & simul decreverit perseverante illo statu eum præservare à morte & aliis defectibus, subministrando fructum ligni vitæ, & specialiter protegendo; dicimus quod mors & alij defectus corporales sunt effectus peccati originalis, non quidem per se causati, quia sunt præter intentionem Adami peccantis; sed per accidens causati, quatenus per peccatum originale fuit remota iustitia originalis, per quam non solum inferiores animæ vires continebantur sub ratione absque omni deordinatione, sed totum corpus continebatur sub anima absque omni defectu: & ideo subtracta hac originali iustitia per peccatum primi Parentis, sicut vulnerata est humana natura quantum ad animam per deordinationem potentiarum, ita etiam est corruptibilis effecta per deordinationem ipsius corporis: subtractio autem originalis iustitiæ habet rationem pœnæ, sicut etiam subtractio Gratiæ; vnde etiam mors, & omnes defectus corporales consequentes sunt quædam pœnæ originalis peccati: & quamvis huiusmodi defectus non sint intenti à peccante, sunt tamen ordinati secundum iustitiam Dei punientis. Hæc pars conclusionis sic explicata ex dictis D. Thomæ infra quæst. 85. art. 5. probatur auctoritate sacre Scripturæ, Conciliorum, & Sanctorum Patrum: Genesis 2. dicitur: In quocunque enim die comederis ex eo (scilicet ex ligno scientiæ boni & mali, in qua comestione fuit peccatum originale) morte morieris: S. Ambrosius lib. de Paradiso explicat de utraque morte, scilicet animæ & corporis: S. Augustinus explicat de morte corporis: Et quamvis S. Gregorius explicet de morte animæ; non tamen negat intelligi etiam de morte corporis. Et probatur quod debeat intelligi de morte corporis: nā Genesis 3. Deus intimat Adæ post peccatum sententiam pœnæ, quam minitatus fuerat verbis citatis: inter alia enim ait: Pulvis es, & in pulverem reverteris. Sapientia 1. habetur: Deus mortem non fecit, nec lætatur in perditione vivorum. Et cap. 2. Deus creavit hominem inextinguibilem, & ad imaginem similitudinis suæ fecit illum: invidia autem diaboli mors introiit in orbem terrarum. Ad Rom. 5. dicitur: Per unum hominem peccatum in hunc mundum intrauit, & per peccatum mors. Et cap. 6. dicitur: Stipendium enim peccati mors. Idem habetur cap. 8. & 1: ad Cor. 15. Hæc veritas catholica fuit diffinita in Concilio Milevitano can. 1. Arausicano II. can. 2. & Tridentino sess. 15. Hanc docuerunt communiter Sancti Patres, & docent Theologi cum D. Thoma infra q. 85. art. 5. Deinde probatur ratio-

tione: Quamuis homo in statu iustitiæ originalis esset mortalis ex conditione naturæ humanæ ex contrariis primis qualitatibus compositæ: tunc tamen erat non moriturus, tum quia perfectionem illius status dedecebat corruptio, tum quia iustitia originalis perfectè subordinabat corpus animæ, & ita durante hac subordinatione cum iustitia originali non erat futura mors, & similiter nec alij defectus corporales, qui sunt media ad mortem: ergo cum per peccatum originale sublata fuerit iustitia originalis, mors & alij defectus corporales consequentes ad hanc subtractionem, sunt effectus peccati originalis, tanquam remouentis prohibens.

Probatur secunda pars conclusionis quoad primum autoritate D. Thomæ infra q. 85. art. 5. ad 3. vbi sic ait: Ex parte substantiæ actus potest peccatum actuale aliquem defectum corporalem causare, sicut ex superfluo cibo aliqui infirmantur & moriuntur; sed hi defectus consequuntur naturam ut in individuo & particularibus; non tamen est necesse, quod omnes defectus corporales sint effectus peccati actualis etiam quoad materiale considerati, ut constat ex dicto Christi Domini de cæco nato, asserētis quod talis cæcitas non prouenerat ex peccato ipsius aut parentum eius, Sed ex dispositione causarum secundarum sub ordine diuinæ prouidentiae, ordinantis talem cæcitatem ad gloriam Dei & ad manifestandam Christi diuinitatem. Probatur quoad secundum: Sæpe Deus in pœnam peccatorum actualium infligit mortem corporalem & alios defectus, ut legitur 3. Regum de illo Propheta, qui occisus fuit à Leone, quia contra præceptum Domini comederat in aliqua Ciuitate, Legitur etiam in sacra Scriptura de Dathan & Abiron, De Antiocho & aliis, qui in pœnam peccatorum malè perierunt: ergo mors & alij defectus corporales sæpe sunt effectus peccati actualis quoad formale considerati; consequenter tamen ad peccatum originale & corruptionem naturæ humanæ, ut postea dicitur.

Probatur & explicatur tertia pars conclusionis: De his quæ pendent ex sola Dei voluntate non potest haberi certa notitia, nisi ex diuina reuelatione in sacris Litteris vel in traditionibus expressa: probabilius tamen potest haberi notitia per discursum ex reuelatis formatum: sicut ergo inferimus, quod si aliquis ex posteris Adæ comedisset de ligno vetito, incurrisset mortem, quia præceptum de non comedendo non solum fuit datum Adæ, sed colligitur datum etiam Eux & omnibus posteris ipsius Adami (quamuis omnibus aliis comedentibus, & Adamo non comedente non fuisset peccatum originale, quia solus Adam fuerat constitutus caput morale simul & naturale generis humani): sic debemus inferre quod hoc præceptum de non comedendo de ligno scientiæ boni & mali sub comminatione mortis erat limitatum ad hanc

materiam, & circa peccatum intemperantiæ prohibita, & ita sine fundamento extenditur ad alias materias & ad alia peccata: si enim in iudicio humano pœna pro homicidio vel alio scelere imposita, non infligitur nisi committenti homicidium vel illud aliud scelus; multò minus in iudicio diuino, quod præmiat ultra condignum, & punit citra condignum, pœna imposita pro vno peccato non infligitur pro alio, iuxta illud axioma legis; Priuilegia sunt amplianda, & pœnæ restringendæ. Quod autem, si Adam aut aliquis ex posteris eius peccasset alio genere peccati, quam dictæ intemperantiæ, incurrisset debitum moriendi, & patiendi huiusmodi defectus: probatur; Tum quia minimum peccatum etiam veniale, meretur mortem corporis; Tum quia peccatum quodlibet mortale, de quo præcipue intelligitur hæc pars conclusionis, sicut meretur priuationem Gratiae sanctificantis, sic meretur priuationem totalem iustitiæ originalis, qua sublata deordinaretur corpus ab anima & sic tenderet ad mortem & alios defectus corporales, nisi similes defectus à Deo impedirentur propter exigentiam naturæ vniuersæ in illo statu consideratæ.

Probatur quarta pars conclusionis autoritate & ratione D. Thomæ infra q. 85. art. 6. vbi hanc ex professo probat: ad cuius euidentiā notat quod natura diuiditur in vniuersalem & particularem; Natura vniuersalis est virtus actiua in aliquo vniuersali principio naturæ, puta in aliquo cœlestium corporum, vel alicuius superioris substantiæ, secundum quod etiam Deus à quibusdam dicitur natura naturans, quæ quidem virtus intendit bonum & conseruationem vniuersi, ad quod exigitur alternatio generationis & corruptionis in rebus; Natura verò particularis est propria virtus actiua & conseruatiua vniuscuiusque rei in natura autem humana reperitur, tanquā forma & pars nobilior, anima rationalis, & tanquam pars ignobilior materia prima. Ex quibus determinat D. Thomas, quod mors & alij defectus sunt naturales homini ex secundaria intentione naturæ vniuersalis, (primaria quippe intentio est circa generationes & bona naturæ); non quidem secundum inclinationem formæ, quæ est principium essendi & perfectionis; sed secundum inclinationem materiæ, quæ proportionaliter attribuitur tali formæ secundum distributionem vniuersalis agentis, & quæ est composita ex contrariis, ac appetit omnes formas. Ex his sic formatur ratio: Illud est quodammodo naturale homini, quod est secundum inclinationem materiæ, quæ est pars naturæ humanæ: sed mors & alij defectus sunt secundum inclinationem materiæ, supposito peccato originali & corruptione naturæ, nam sublata per illud iustitia originali cohibente prædictos defectus, relicta est suæ conditioni corruptibili, ut pote constitutæ ex contrariis: ergo supposito peccato originali & corru

corruptione naturæ, mors & alij defectus sunt quodammodo naturales homini.

A D primum ergo dicendum, quod homo in statu innocentie non erat proprie immortalis, sed erat non moriturus, ut ait Augustinus: & hoc ab intrinseco inchoatiue, quia habebat donum iusticie originalis, quod erat preseruatium à morte: completè verò ab extrinseco, in quantum ad exigentiam iusticie originalis, fuisset prouisus fructus ligni vite omnibus, etiam ministerio Angelorum, ad repellendam mortem naturalem; ad repellendam verò mortem violentam & similes defectus, Deus prouidisset vel immediatè seipso, vel mediatè per Angelos custodes; quamuis autem Christus Dominus reparauerit etiam istud damnum, & nobis meritis fuerit immortalitatem; illam tamen distulit usque ad futurum sæculum, ut & sentiremus damnum peccati in hac vita, & post resurrectionem frueremur illo bono nobis per ipsum acquisito. Notandum tamen, quod si Adam vel aliquis ex posteris eius amisisset iusticiam originalem alio peccato quàm intemperantie prohibitæ, non solum quantum ad hunc primarium effectum formalem, qui erat subdere partem inferiorem superioris, sed etiam quantum ad istum secundarium, qui erat componere quatuor humores (& ad quem ipsa sola non sufficebat, indigebat enim extrinsecis adiumentis), ex quorum discordia sequuntur mors & alij defectus corporales, pertinuisset ad diuinam prouidentiam alià viam eorum concordiam conseruare, vel facere quod ille peccator citò iusticiam originalem recuperaret, ne contra conditionem naturæ humanæ ut sic in illo statu, similes defectus incurreret.

A D secundum dicendum, quod D. Thomas ideo asserit istos defectus causari à peccato originali; non verò ab aliis peccatis actualibus: quia certò consequuntur ad peccatum originale, ad alia verò non ordinariè consequuntur, sed tamen aliquando consequuntur tam ad materiale peccatorum actualium, ut ibidem docet D. Thomas, quàm ad formale ipsorum ut dictum est; maximè quando sunt grauissima, ut illa peccata extraordinaria extraordinario supplicio puniantur, & ut alij homines hoc videntes terreantur & à similibus peccatis abstineant. Ad aliud dicendum, quod peccatum originale est quidem causa totalis mortis & defectuum corporalium in communi: sed quod in individuo sit talis mors & tales defectus, sæpe prouenit à peccatis actualibus, & ab aliis causis naturalibus.

D V B I V M III.

Utrum macula, quæ est effectus peccati, sit priuatio gratiæ, & luminis naturalis rationis.

S Vpponendum est, quod homo peccando contrahit maculam, ut constat ex sacris Scri-

pturis: Hieremiæ 2. dicitur: Mundabimini ab omnibus inquinamentis vestris: & Apocal. 12. Qui in sordibus est, sordescat adhuc. Macula autem proprie dicitur in corporalibus, quando aliquod corpus nitidum perdit suum nitorem ex contactu alterius corporis: vnde translaticie ac metaphoricè in spiritualibus ad similitudinem huius oportet maculam dici, detrimentum nitoris ex indebito contactu siue adhesionem animæ ad creaturam per amorem proueniens. Macula peccati non est ipsum peccatum actuale, sed effectus eius qui dicitur peccatum habituale: Prima pars huius dicti habetur ex illo Iosue 12. An parum est vobis, quod peccastis in Beelphegor, & usque in præsentem diem macula huius sceleris in vobis permanet? Habetur etiam ex auctoritate D. Thomæ infra quæst. 86. art. 2. ubi ex professo probat, quod macula manet in anima post actum peccati; & ratio est, quia in rebus materialibus, ex quibus in metaphoricè transfertur ad animam ratio maculæ, macula non est contactus ipse ad res sordidas, sed est priuatio nitoris exurgens ex illo contactu: ergo etiam in præsentem macula peccati non est contactus animæ ad creaturam per adhesionem indebitam, in quo est peccatum actuale, sed est priuatio alicuius nitoris animæ ex hoc contactu proueniens. Secunda pars autem habetur tum ex dictis, si enim macula peccati non sit ipsum peccatum actuale, cum aliàs subsequatur peccatum, necessarium est quod sit effectus peccati, qui dicitur peccatum habituale; Tum ex his quæ docet D. Thomas loco citato, ubi ait: Macula importat quendam defectum nitoris propter recessum à lumine rationis, vel diuinæ legis, & ideo quando homo manet extra huiusmodi lumen (in quo consistit peccatum habituale) manet in eo macula peccati: Peccatum igitur actuale dicit priuationem rectitudinis debitæ in actu; peccatum autem habituale dicit priuationem rectitudinis debitæ in persona, proueniens ex priuatione rectitudinis debitæ in actu. Querimus in præsentem, utrum macula quæ est effectus peccati actualis, sit priuatio Gratiae & luminis naturalis rationis: Ut autem certa ab incertis separemus, sciendum est quod Authores communiter concedunt maculam peccati non esse prauam aliquam dispositionem aut habitum acquisitum per peccatum, habitus quippe vitiosus per peccatum acquisitus est quid positium, & realiter distinctum à macula, ut constat ex multis: nam eadem est ratio maculæ causatæ à peccato actuali & maculæ proueniens à peccato originali; & tamen constat quod macula peccati originalis non importat in puero prauam aliquam dispositionem aut habitum vitiosum: Deinde per sanctificationem tollitur omnino macula peccati cuiuscunque; & tamen non tolluntur omnino prauæ dispositiones & habitus vitiosi, quamuis sint in via corruptionis: Denique una macula

macula peccati non est contraria alteri formaliter, at tantum causaliter, nec vna expellit aliam; & tamen vna praua dispositio aut habitus vitiosus est contrarius alteri & expellit illum, vt prodigalitas illiberalitatem.

Prima opinio Scoti in 4. disp. 14. Durandi, Medinae & aliorum asserit, quod macula quæ est effectus peccati, nihil est aliud quam reatus pœnæ æternæ: sed quia in reatu pœnæ tria possunt distingui; nempe condignitas pœnæ, quia qui peccat, dignus est pœna; obligatio ad pœnam, quia qui peccat, per leges obligatur ad pœnam; & destinatio ad pœnam per iudicem: inde est quod aliqui ex authoribus huius opinionis dicunt, maculam peccati consistere in dignitate pœnæ, alij dicunt consistere in obligatione ad pœnam, alij tandem dicunt consistere in destinatione ad pœnam. Probat hanc opinio vniuersaliter: & Primo authoritate Augustini super Psalmum 31. vbi dicit, quod peccatum deletur à Deo, quatenus non imputatur ad pœnam: ergo macula peccati nihil est aliud formaliter, quam reatus pœnæ æternæ. Deinde, Si quis offenda: aliquem regem, post actum offensæ nihil aliud remanet quam reatus ad pœnam: ergo idem dicendum respectu Dei, & ita macula peccati nihil est aliud formaliter quam reatus pœnæ æternæ. Denique, Ex vna parte macula peccati non est quid positium, quia omnia positiua sunt bona, macula autem peccati est mala: ex alia verò parte macula peccati non est priuatio Gratiæ, quia si quis creatus in puris naturalibus peccaret, incurreret maculâ, & tamen constat quod non priuaretur Gratia, quia non supponitur subiectum aptum: ergo restat quod macula peccati nihil est aliud formaliter, quam reatus pœnæ æternæ.

Secunda opinio Basolis & Vasquis asserit, quod macula peccati sit formaliter respectus ad peccatum præteritum non retractatum: cum hac differentia, quod Basolis dicit hunc respectum esse realem, Vasques autem dicit esse respectum rationis. Probat: Per respectum ad peccatum præteritum non retractatum optimè explicantur omnia, quæ sunt in macula peccati: nam per hoc quod quis peccauerit, resultat in eo relatio & connotatio ad peccatum præteritum; quod si non sit retractatum, denominat ipsum habitualiter peccatorem & maculatum; per retractationem verò, qui peccauit redditur incapax talis denominationis: ergo macula peccati est formaliter respectus ad peccatum præteritum non retractatum.

Tertia opinio negat, quod macula peccati sit priuatio Gratiæ. Probat: Ex vna parte macula peccati est prior quam priuatio Gratiæ, valet enim ista consequentia, est priuatus Gratia, ergo est maculatus: ex alia verò parte macula peccati est in voluntate, priuatio autem Gratiæ est in essentia animæ, in qua subiectatur Gratia: ergo macula peccati non est priuatio Gratiæ. Deinde,

Peccatum veniale inducit maculam, & tamen non priuat Gratiæ: imò in puris naturalibus posset esse peccatum mortale, & tamen non priuaret Gratia, quia tunc non esset: ergo macula peccati non est priuatio Gratiæ. Denique, Si macula peccati esset priuatio Gratiæ, sequerentur plura inconuenientia: Primum esset, quod macula peccati esset æqualis in omnibus ex quocunque peccato procederet, nam ex quocunque peccato expellitur tota Gratia: Secundum esset, quod homo non posset mundari à macula peccati nisi per infusionem Gratiæ (quia priuatio non potest recedere, nisi adueniente forma cuius est priuatio); quod tamen est falsum: Tertium esset, quod qui commisit multa peccata, non haberet maiorem maculam, quam qui vnicum commisit, quia per vnicum peccatum æquè priuatur Gratia, ac per multas: imò ipse qui vnicum commisit peccatum, potuit habere maiorem Gratiæ, quam alius qui multa & grauiora commisit: & consequenter macula quam incurrit, est maior, quia priuatio correspondet formæ priuatiæ.

CONCLUSIO.

RESPONDEO dicendum, quod macula quæ est effectus peccati, non est idem ac reatus pœnæ æternæ. 2. nec est respectus ad peccatum præteritum non retractatum. 3. sed est priuatio Gratiæ sanctificantis. 4. ac luminis naturalis rationis. Ita communiter docent Discipuli D. Thomæ, & alij plures.

Probat hanc conclusionem sigillatim quoad illa tria, quæ importat reatus pœnæ æternæ. Et Primò quoad dignitatem pœnæ: Per absolutionem sacramentalem, aut per actum contritionis & amoris Dei deletur omnino macula peccati & tamen in peccatore remanet dignitas pœnæ æternæ quia offendit Deum; & quamuis tunc pœna æterna commutetur in temporalem, hoc tamen non prouenit ex natura rei, sed ex summa Dei misericordia: ergo macula quæ est effectus peccati, non est idem ac reatus pœnæ æternæ, prout hic reatus importat dignitatem pœnæ. Deinde probatur quoad obligationem ad pœnam: Talis obligatio ad pœnam se tenet partim ex parte ipsius peccatoris, qui peccando agit contra legem obligantem ad pœnam, partim se tenet ex parte legislatoris condentis legem obligantem ad pœnam, nisi enim fuisset posita hæc lex obligatoria, peccator non obligaretur ad pœnam, quamuis esset dignus illa; & sic obligatio actiua ad pœnam se tenet ex parte legislatoris, obligatio autem passiuæ se tenet ex parte peccatoris: sed macula quæ est effectus peccati, se tenet tantum ex parte peccatoris vt constat, nam solus peccator dicitur maculatus, & legislator non dicitur propriè maculans: ergo macula quæ est effectus peccati, non est idem ac reatus pœnæ æternæ, prout hic reatus importat obligationem ad pœnam. Denique probatur quoad destinationem ad pœnam: Destinatio

natio actiua ad poenam se tenet ex parte Dei destinantis peccatorem ad poenam, destinatio autē passiva se tenet ex parte peccatoris destinati; & sic destinatio se tenet partim ex parte Dei, partim ex parte peccatoris: & tamen macula peccati se tenet tantū ex parte peccatoris: ergo macula peccati non est idē ac reatus poenae aeternae, ut hic reatus importat destinationem ad poenam. Præterea: Destinatio ad poenam tam actiue, quam passiuē sumpta; est bona physicē, cum sit quid reale; & etiam moraliter, cum sit opus iustitiæ vindicatiue: sed macula peccati est quid malum; & physicē, cum sit quid priuatiuum, ut ostendetur in tertia & quarta parte conclusionis; & etiam moraliter, cum displiceat Deo, cui solum displicet malum morale: ergo macula peccati non est idē ac reatus poenae aeternae, prout hic reatus importat destinationem ad poenam.

Probatur secunda pars conclusionis: In respectu ad peccatum præteritum non retractatum tria considerantur, videlicet ipse respectus, peccatū præteritum tanquam terminus, & non retractatio ipsius; ita quod non retractatio sit tantū conditio *sine qua non*, peccatum verò præteritū sit causa & terminus huius respectus, in quo iuxta Authores secundæ opinionis consistit formaliter macula peccati: sed hoc est falsum; Tum quia iste respectus non potest denominare peccatorem maculatum, sed tantum respicientem peccatum; Tum quia macula peccati originalis non consistit in simili respectu ad peccatum originale, sed in priuatione iustitiæ originalis, eadē autem est ratio de macula peccati actualis ac de macula peccati originalis; Tum quia nitor animæ, cui contrariatur macula peccati, non consistit in respectu ad actum virtutis, contrariorum autem eadē est ratio: ergo macula quæ est effectus peccati, non est respectus ad peccatū præteritum non retractatum.

Probatur tertia pars conclusionis, tum autoritate, tum ratione D. Th. infra q. 85. art. 1. ubi sic ait: Macula propriè dicitur in corporalibus, quando aliquod corpus nitidum perdit suum nitorem ex contactu alterius corporis (videlicet sordidi): in rebus autem spiritualibus ad similitudinem huius oportet maculam dici; habet autem anima hominis duplicem nitorem, vnum quidē ex refulgentia luminis naturalis rationis, per quam dirigitur in suis actibus, alium verò ex refulgentia diuini luminis, scilicet sapientiæ & gratiæ, per quam etiā homo perficitur ad bonū & decenter agendum: est autem quasi quidam animæ tactus, quādo inhæret aliquibus rebus per amorem; cum autem peccat, adhæret rebus aliquibus contra lumen rationis & diuinæ legis (& consequenter tales res sunt moraliter sordidæ, cum sint obiectiue malæ in esse morali): vnde ipsum detrimentum nitoris ex tali contactu proueniens (quod nihil aliud est, quā priuatio Gratiae sanctificantis, & luminis naturalis rationis) macula animæ metaphoricè vocatur. Quæ ratio sic amplius declaratur: Macula peccati est priuatio illius formæ, qua ablata exurgit, & qua posita recedit; omnis quippe macula est priuatio nitoris prouenientis ex aliqua forma reddend-

te subiectum nitidū, ut constat ex corporalibus, vnde ratio maculæ ad spiritualia metaphoricè translata est: sed Gratia sanctificans est talis forma, ut ipsa ablata exurgat macula peccati, & ipsa posita recedat; ut constat tum ex paritate maculæ peccati originalis, quæ exurgit per hoc præcisè quod non est gratia sanctificans, & gratia sanctificante posita recedit; Tum quia gratia sanctificans est nitor animæ; Tum quia denominatio maculati, iniqui, peccatoris, &c. consequitur priuationem gratiæ sanctificantis, denominatio verò immaculati, iusti, sancti, &c. consequitur positionem gratiæ sanctificantis; gratia quippe sanctificans ut includens omnes suas virtutes habet multos effectus formales, nam eleuat animam ad esse supernaturale, facit hominem iustum & rectum ordinando ipsum ad finem vltimum supernaturalem, facit animam splendidā & nitidam, facit hominem dignum vita æterna: ergo macula peccati est priuatio gratiæ sanctificantis secundum hos omnes effectus formales, si macula sumatur in tota sua latitudine, si enim sumatur limitatè sub aliqua determinata consideratione, est priuatio Gratiae secundum aliquem determinatum effectum formalem correspondentem.

Probatur quarta pars conclusionis, Tum adducta autoritate D. Thomæ, Tum ex his quæ docet art. 2. eiusdē quæstionis, ubi sic ait: Macula importat quendam defectum nitoris propter recessum à lumine rationis vel diuinæ legis: & ideo quandiu homo manet extra huiusmodi lumen, manet in eo macula peccati: sed postquam redit ad lumen rationis & ad lumen diuinū, quod fit per gratiā, tunc macula cessat. Deinde probatur ratione: Omne peccatum actuale est aliquo modo contra lumen rationis & legem æternam, quæ sunt regulæ morū: cum hac tamen differentia, quod peccatum veniale est tantum secundum quid & non simpliciter contra prædicta, quia compatitur debitam ordinationem ad vltimum finem; peccatū verò mortale est simpliciter contra prædicta, quia tollit debitam ordinationem ad vltimum finem, ad quam diriguntur omnes leges, ut pote statuentes media debite & proportionatè conducentia ad ipsum finem; vnde cum peccatum mortale priuet hominem gratia sanctificante, qua per affectum charitatis coniungitur Deo vltimo fini, sequitur quod etiam priuet actum humanum peccaminosum nitore, quem deberet habere per conformitatem ad lumen rationis & legem diuinam, & ex consequenti priuat ipsam personam peccatoris eodem nitore: ergo macula peccati est priuatio luminis naturalis rationis.

Ad primum ergo dicendum, quod S. Augustinus ibidem præmisit peccatū tegi à Deo, & postea subdit non imputari ad poenam, & per hoc deletur: in prioribus ergo verbis indicat maculam peccati esse priuationem Gratiae, peccatum enim non tegitur nisi per infusionem Gratiae; in posterioribus autem verbis solum indicat reatum ad poenam æternam esse effectum aliquem secundarium maculæ peccati. Ad aliud dicendum, quod ille qui offendit Re-

gem, amittit eius amicitia, quæ si esset aliquid intrinsecum reo (sicuti est amicitia Dei consistens in Gratia & Charitate) per illam offensam causaretur in eo macula, & non tantum reatus poenæ. Ad aliud dicendum, quod sufficit, ut peccatum hoc in se habeat, quod ex sua natura expellat gratiam, ad hoc ut macula peccati dicatur esse priuatio gratiæ: quæuis per accidens in tali casu illam non expelleret, sicut de facto illam non expellit secundum peccatum mortale, quia supponitur expulsa per primum.

Ad secundum dicendum, quod in peccatore est quidem relatio & connotatio ad peccatum præteritum: sed tamen hæc relatio & connotatio non denominat peccatorem & maculatum, ut dictum est, denominatione intrinsecæ; quamuis concedatur quod peccator denominatur extrinsecè maculatus à peccato præterito non retractato: unde debet in peccatore poni macula per modum formæ intrinsecæ, à qua denominetur intrinsecè maculatus; præter peccatum præteritum, à quo siue per respectum ad quod tanquam ad causam illius formæ intrinsecæ, denominatur extrinsecè maculatus, quia subiectum aliquod denominatur non solum à forma intrinsecæ, sed etiam à causa talis formæ, ab illa quidem intrinsecè, ab ista verò extrinsecè.

Ad tertium dicendum, quod macula peccati non est prior quam priuatio gratiæ, sed est simul & idè: unde ex vno infertur aliud, & sicut valet ista consequentia, est priuatus gratia, ergo est maculatus; sic etiam valet ista, est maculatus, ergo est priuatus gratia: macula autem peccati est per se primò in essentia animæ, in qua est etiam per se primò priuatio gratiæ; extenditur tamen ad voluntatē, in qua est priuatio charitatis concomitantis gratiam. Ad aliud dicendum, quod per peccatum veniale non inducitur macula simpliciter, de qua loquimur in præseti, at tantum macula secundum quid, quæ consistit in priuatione feruoris charitatis: si autem homo fuisset conditus in puris naturalibus, peccando incurrisset maculam, non solum ut est priuatio luminis naturalis rationis, sed etiam ut est priuatio gratiæ; quia peccatum hoc habet ex propria natura, ut quantum est in se, sit destructiuum gratiæ, si enim nos auertit à Deo ut est finis naturalis, multò magis nos auertit ab ipso ut est finis supernaturalis; tunc tamē per accidens non destrueret gratiam ex defectu ipsius, ut dictum est. Ad aliud dicendum, quod nullum ex dictis sequitur inconueniens: Non primum, quia ut docet D. Th. infra q. 86. art. 1. ad 3. macula peccati non significat priuationem solam gratiæ, sed significat priuationem quandam nitoris animæ in ordine ad suam causam, quæ est peccatum; & ideo diuersa peccata diuersas maculas inducunt, sicut diuersa corpora obiecta inducunt diuersas umbras, quod amplius declarabitur circa tertium inconueniens: Nec sequitur secundum, quasi sit inconueniens; fatemur enim quod homo non potest intrinsecè mundari à macula peccati, nisi per infusionem gratiæ, ut ratio conuincit, etiam si concedatur quod imperfectè possit remitti peccatum, per actum extrinsecum diuinæ vo-

luntatis, supposita aliquali retractatione ipsius: Nec tandem sequitur tertium inconueniens, nam licet per quodcunque peccatum auertamur à Deo, tamen est diuersa auersio, aliquando enim auertimur committendo peccatum contrarium Charitati, aliquando autem committendo peccatum contrarium fidei, vel spei, vel iustitiæ, &c. unde ex parte peccati tanquam causæ, vna priuatio gratiæ est maior alia, iuxta maiorem vel minorem malitiā ipsius peccati: & consequenter etiam ex parte gratiæ priuatæ, nā licet per quodcunque peccatum tota gratia priuetur, non tamen æquè vel totaliter, quia gratia ut includens omnes virtutes saltem virtualiter, non excluditur totaliter & directè, nisi per omnia peccata, & per peccata grauiora intensius excluditur: quod autem gratia sit maior aut minor, hoc est per accidens.

D V B I V M IV.

Utrum reatus poenæ sit effectus peccati.

Supponendum est, quod reatus poenæ est de genere respectiuorum: nā sicut in homine iusto, eo ipso quod operatus est aliquid boni & meritorij, exurgit ordo & respectus ad præmiū sic in peccatore, eo ipso quod operatus est aliquid mali & demeritorij, exurgit ordo & respectus ad supplicium siue ad poenam, iuxta illud Prouerb. 13. Peccatores persequitur malū, & iustis retribuentur bona. In reatu autem ad poenam triplex respectus distinguitur: nam Primò est dignitas siue cōdignitas poenæ, quia qui peccat, dignus est poena: Secundò est obligatio ad poenam, quia qui peccauit contra leges, per leges obligatur ad poenam: Tertio est actualis destinatio peccatoris ad poenam, ab eo cuius est leges poenales executioni mandare: primus tamen respectus est præcipuus & fundamentum aliorum; & est tantum respectus rationis, & non realis, cuius ratio manifesta est ex Logicis, nam respectus ad terminum non existentem est respectus rationis & non realis; ad respectum quippe realem prædicamentalem requiritur tam subiectum, quam terminus realiter existens, ac distinctio realis inter vtrūque: sed reatus ad poenam est respectus ad terminum non existentem, nondum enim existit poena, quamuis quis sit dignus poena, obligatus & destinatus ad poenam: ergo reatus ad poenam est respectus rationis & non realis; ex quo patet quod à parte rei, nemine cogitante dantur respectus rationis, qui tamē non apprehenduntur sub ratione entis, nec verè habent rationem entis nisi per intellectum, ut respectus visus in pariete, dextri in columna; unde licet repugnet dari ens rationis existens à parte rei, non tamen repugnat dari aliquid à parte rei, quod habeat tantum rationem entis & existat per intellectum, ut maximè constat in negationibus & priuationibus. Reatus poenæ est quid medium inter culpam & poenam, nam habet pro causā & principio culpam, & pro termino poenam, & sic aliquando sumitur pro culpa, aliquando pro poena, propriè tamen consistit in dicto respectu rationis ad poenam causato ex culpa

culpa : culpa semper est formaliter mala in genere moris; poena autem licet sit formaliter mala in esse naturæ ut pote naturæ contraria, in genere tamen moris non est formaliter sed tantum causaliter mala : Quod non sit formaliter mala in genere moris, constat ex eo quod ex propria sua ratione debet esse inuoluntaria, imò contra voluntatem, ut expressè docet D. Thomas 1. p. q. 48. art. 5. & infra q. 87. art. 1. unde satisfactio, quæ voluntariè fit etiam si sit laboriosa, non dicitur poena, quia hic & nunc est voluntaria siue volita, licet aliàs absolute non sit volita : Quod autem in genere moris sit causaliter mala, constat ex eo quod dicit relationem ad culpam, tanquam ad causam aliquo modo influentem, ut statim dicetur, unde seclusa relatione ad culpam quicumque labor aut afflictio non dicitur propriè poena, sed medicina ut in Beato Iob, in Tobia, & maxime in Beatissima Virgine & Christo Domino.

Prima opinio negat reatum poenæ esse effectum peccati, & asserit quod sit ipsamet malitia moralis peccati. Probatur, Reatus poenæ principaliter importat dignitatem siue condignitatem poenæ : sed malitia moralis peccati est dignitas siue condignitas poenæ : ergo reatus poenæ est ipsamet malitia moralis peccati, & non effectus eius.

Secundò, Omne malum reducitur vel ad malum culpæ, vel ad malum poenæ ; ut communiter conceditur : sed reatus poenæ est quid malum, & non malum poenæ, cum poena sit bona, iusta, & à Deo inflictæ : ergo est malum culpæ, & consequenter est ipsamet malitia moralis peccati, & non effectus eius.

Tertiò, Si reatus poenæ non esset ipsa malitia moralis peccati, sed effectus eius, sequeretur quod etiam ipsamet poena esset effectus peccati ; quia quod est causa causæ, est causa causati, peccatum autem esset causa reatus poenæ qui est causa eiusdem poenæ, & ita peccatum esset causa ipsius poenæ, & poena esset effectus peccati : sed poena non potest esse effectus peccati, quia ex vna parte effectus assimilatur suæ causæ ex alia verò parte peccatum est moraliter malum, & poena moraliter bona ut pote iusta : ergo reatus poenæ est ipsa malitia moralis peccati, & non effectus eius.

CONCLUSIO.

RESPONDEO dicendum, quod reatus poenæ non est ipsum peccatum. 2. sed effectus eius directus. 3. ipsa verò poena est tantum effectus indirectus peccati. Ita communiter Discipuli D. Thomæ & alij.

Probatur prima pars conclusionis : Reatus poenæ dicit respectum ad poenam, & non ad culpam, nam poenam respicit tanquam terminum, culpam verò tantum connotat quasi principium : sed peccatum potius dicit respectum ad culpam, quam ad poenam, imò est ipsamet culpa : ergo

R. P. Philippi Carm. discal. Disp. Theolog. in 1. 2.

reatus poenæ non est ipsum peccatum : Deinde in homine iustificato remanet reatus poenæ temporalis : & tamen secundum fidem in eo non remanet peccatum, aliàs non esset iustus : ergo reatus poenæ non est ipsum peccatum.

Probatur secunda pars conclusionis autoritate sacræ Scripturæ, ubi sæpe habetur, quod Deus decreuit poenā peccatori propter ipsa peccata, ut Psalmo 36. Iniusti autem punientur : & in Evangelio Matthæi, Qui dixerit fratri suo fatue, reus erit gehennæ : sed Deus iudex iustus non potest decernere poenā ei qui non est reus : ergo peccator propter sua peccata est reus poenæ, & consequenter reatus poenæ est effectus peccati. Deinde probatur autoritate Concilij Tridentini, ubi sessione 6. Canone 3. expressè definitur, quod reatus poenæ sit effectus peccati. Denique probatur, tum autoritate, tum ratione D. Th. infra q. 87. art. 1. Cuius ratio sic breuiter proponitur : Qui insurgit contra aliquem ordinem, dignus est ut deprimatur ab ipso ordine & à principe ordinis, ne ordo peruertatur, ut apparet in rebus naturalibus, vnum enim cōtrarium vehementius agit altero contrario superueniente : sed ex vna parte peccator peccando insurgit contra triplicem ordinem (peccatum enim est actus inordinatus) videlicet contra ordinem propriæ rationis ; contra ordinem exterioris hominis gubernantis, vel spiritualiter, vel temporaliter, vel politicè seu æconomicè ; & contra vniuersalem ordinem diuini regiminis (his quippe ordinibus homo naturaliter subditus est) nam quilibet horum ordinum per peccatum peruertitur, dum ille qui peccat, agit & contra rationem, & contra legem humanam, & contra legem diuinam : ex alia verò parte depressio peccatoris poena quædam est : ergo peccator dignus est triplici poena, siue triplicem poenam incurrit ; vnam quidem à seipso, quæ est conscientie remorsus, aliam verò ab homine, tertiam verò à Deo : & consequenter reatus poenæ est effectus directus peccati.

Probatur tertia pars conclusionis autoritate D. Thomæ loco citato ad 2. ubi sic ait : Poena quidem iusta esse potest, & à Deo & ab homine inflictæ, unde ipsa poena non est effectus peccati directè, sed solum dispositiuè. Deinde : Ex vna parte effectus directus peccati debet esse moraliter malus, debet enim assimilari suæ causæ moraliter malæ nempe peccato ; constat autè quod poena non est mala sed bona, ut pote iusta & à Deo inflictæ, unde Dionys. 4. cap. de Diuinis Nominibus dicit quod puniri non est malum, sed fieri poena dignum : ex alia verò parte posito peccato infligitur homini poena, siue à Deo, siue ab homine, siue à propria synderesi ; quod indicat peccatum influere dispositiuè & indirectè ad poenam : ergo ipsa poena est effectus peccati, non quidem directus, at tantum indirectus ; cum tamen reatus poenæ directè ponatur effectus peccati.

GGg 2

Ad

A D primum ergo dicendum, quòd culpa siue malitia moralis est radicalis dignitas pœnæ: reatus verò est formalis dignitas pœnæ.

A D secundum dicendum, quòd reatus pœnæ reducitur ad malum culpæ, tanquam eius effectus: & sic non est ipsamet culpa.

A D tertium dicendum, quòd etiam pœna est effectus peccati, sed indirectus: nec amplius probat argumentum, effectus autem indirectus non necessariò assimilatur suæ causæ, & sic pœna bona potest esse effectus indirectus peccati mali.

D V B I V M V.

Vtrum per omne peccatum inducatur reatus pœnæ, tam damni, quàm sensus.

S Vpponendum est, quòd peccatum diuiditur in originale & actuale: Peccatum originale dicitur illud, quod ab ipsa origine simul cum natura contrahimus à primo Parente, quod proinde reperitur in omnibus & singulis hominibus per seminalem propagationem ab Adamo procedentibus, excepta Beatissima Virgine: Peccatum autem actuale dicitur illud, quod committitur per actus inordinatos peccatoris; si directè, est peccatum commissionis; si indirectè, est peccatum omissionis: omne quippe peccatum actuale est in aliquo actu, vel per se requisito, vel saltem per accidens supposito; & sic in omni peccato actuali est aliquo modo conuersio indebita ad bonum commutabile creaturæ, & auersio à bono incommutabili Creatoris, vt supra dictum est, & ratione vtriusque debetur peccato aliqua pœna quia tam conuersio, quàm auersio peccati est inordinata. Pœna autem diuiditur generaliter in pœnam sensus & in pœnam damni: Pœna sensus dicitur illa, quam quis patitur per aliquem sensum: Pœna verò damni consistit in priuatione boni possessi vel ex iure possidendi; Hæc priuatio aliquando est pura, aliquando verò includit tristitiam ex tali priuatione causatā, quæ tristitia est effectus pœnæ dāni: vnde in damnatis non solum est priuatio Dei clarè visi & visionis beatificæ, sed etiā est summa tristitia & rabies causata ex continua cognitione talis priuationis. De ratione autem pœnæ vt sic, est, quòd sit inuoluntaria: ex quo sequitur quòd propriè loquendo, vnum peccatum non potest esse pœna alterius peccati per se, vt ex professo docet D. Thomas infra q. 87. art. 2. Quod sic amplius declaratur: De ratione pœnæ est quòd non sit voluntaria, culpa autem siue peccatum quoad malitiam ipsius moralem necessariò debet esse voluntarium. Deinde, Pœna ordinatur ad reparationem deordinationis, est ex se bona & iusta, ac est terminus per se diuinæ actionis: quæ omnia repugnant culpæ peccati, nam hæc causat ipsam deordinationem, est mala & iniusta, nec potest esse

per se terminus diuinæ actionis: vnde vnum peccatum non potest per se esse pœna alterius peccati: potest tamen per accidens tripliciter, vt ibidem docet D. Thomas; Primò ex parte causæ, quæ est remotio prohibentis, in quantum intuitu vnius peccati & in pœnam ipsius subtrahuntur diuina auxilia, ex qua subtractione sequitur per accidens aliud peccatum, quamuis enim destituti auxiliis efficacibus diuinæ gratiæ possumus non peccare, infallibiliter tamen ex malitia nostra peccabimus; Secundò ex parte substantiæ actus peccaminosi, qui aliquando inducit afflictionem & pœnam, iuxta illud Sap. 5. Lassati sumus in via iniquitatis; Tertiò ex parte effectus consequentis peccatum, qui potest esse pœna peccati: sed his duobus vltimis modis vnum peccatum non solum est pœna precedentis peccati, sed etiam sui. Quærimus in præsentī, vtrum per omne peccatum inducatur reatus pœnæ, tam damni, quàm sensus; ita vt cuilibet peccato siue actuali, siue originali correspondeat vtraque pœna, & de facto vtraque pœna puniatur, si non fuerit remissum.

Prima opinio negat, quòd per omne peccatum actuale inducatur reatus pœnæ sensus. Probatur: Pœna sensus debetur peccato actuali ratione conuersionis tantum, sicut pœna damni ei correspondet ratione auersionis: sed datur peccatum actuale, in quo non est conuersio ad creaturam, at tantum auersio à Deo, scilicet peccatum omissionis, peccatum odij Dei, &c: ergo per omne peccatum actuale non inducitur reatus pœnæ sensus.

Secunda opinio Gregorij Ariminensis & aliorum asserit, quòd non solum per omne peccatum actuale, sed etiam per originale inducitur reatus pœnæ sensus. Probatur autoritate sacræ Scripturæ, Conciliorum, & Sanctorum Patrum: Ad Ephes. 2. dicitur: Eramus natura filij iræ, sicut & cæteri, scilicet per peccatum originale; ac proinde filij vindictæ, vnde peccato originali debetur pœna sensus. Item habetur in sacra Scriptura, quòd in die iudicii omnes filij Adæ comparebunt, Sancti ad dexteram iudicis, & mali ad sinistram; & tunc erunt tantum duæ sententiæ, per vnā dabitur Sanctis regnum cælorum, per aliam dabitur malis & reprobis supplicium æternum siue ignis æternus, vt habetur Matthæi 25. vnde cum paruuli decedentes cum solo peccato originali non comprehendantur sub prima sententia, vt constat secundum fidem ex dicto Christi Domini, Nisi qui renatus fuerit ex aqua & Spiritu sancto, non intrabit in regnum cælorum; sequitur quòd comprehenduntur sub secunda sententia. Concilium Florentinum docet, quòd damnati post vltimum iudicium detrahentur ad inferos pœnis disparibus cruciandi. Hanc opinionem tradunt S. Augustinus & S. Gregorius, vt refert Sixtus Senensis lib. 5. Bibliothecæ annotatione 137. Deinde, Peccatum originale

ginale in hac vita punitur tam pœna damni, quia nascimur filij iræ; quàm pœna sensus, quia intuitu eius patimur multos dolores & etiam mortem: ergo etiam in alia vita punitur vtraque pœna, cum in illa magis soleant puniri peccata quàm in ista. Denique: Sicut auersioni quæ est in peccato, correspondet pœna damni, sic conuersioni correspondet pœna sensus: sed in peccato originali est non solum auersio, at etiam conuersio; nam cum peccatum primi Parentis habuerit conuersionem & auersionem, in ipso quippe fuit actuale, non est maior ratio cur potius nobis relinquat auersionem quàm conuersionem: ergo peccato originali non solum correspondet pœna damni, sed etiam pœna sensus.

Tertia opinio asserit, quòd peccato originali correspondet saltem afflictio interioris doloris. Probatur: Pueri decedentes cum peccato originali, scient saltem in die iudicii, quòd sint priuari beatitudine quam naturaliter appetunt, & Deo quem naturaliter amant: ergo non potest fieri, quin inde maximam patiantur afflictionem interioris doloris; nihil enim tam affligit, quàm priuari re appetita & amata, maximè si hæc priuatio sit æterna. Deinde, Sicut pueri baptizati se habent ad meritum Christi, ita non baptizati se habent ad demeritum Adæ: sed pueri baptizati gaudent propter meritum Christi: ergo pueri non baptizati dolent propter demeritum Adæ; maximè quia sciunt se propter illud priuari beatitudine supernaturali, ad quam fuerant ordinati. Denique, De ratione pœnæ est quòd sit contraria voluntati: sed omne quod est contrarium voluntati est contristans: ergo cum pueri decedentes cum peccato originali habeant pœnam damni, & sint in tenebris, verè inde contristantur.

CONCLUSIO.

RESPONDEO dicendum, quòd per omne peccatum actuale etiam veniale inducitur reatus pœnæ, tam damni, quàm sensus. 2. per peccatum autem originale non inducitur quidem reatus pœnæ sensus, siue taxatæ in alia vita, siue concomitantis ibidè. 3. sed tamen inducitur reatus pœnæ damni vt dicit puram priuationem visionis beatificæ. 4. non verò vt importat tristitiam ex tali priuatione causatam. 5. vnde etiam adulti qui moriuntur cum peccato originali & damnantur, non patientur tristitiam præcisè causatam ex priuatione gloriæ, quæ ad peccatum originale sequitur. Ita communiter Discipuli D. Thomæ & alij.

Probatur prima pars conclusionis: Conuersioni indebitæ, quæ est in peccato, debetur pœna sensus, & auersioni debetur pœna damni; nam cum pœna correspòdeat delicto iuxta modum ipsius, æquum est quòd voluntariæ auersioni à Deo correspondeat inuoluntaria eius priuatio, & voluntariæ cōuersioni indebitæ ad creaturas correspondeat inuoluntaria pœna sensus

proueniens à creaturis, iuxta illud Apocal. 18. Quantum glorificauit se & in deliciis fuit, tantum date ei tormentum & luctum: sed in omni peccato actuali etiam veniali est indebita conuersio ad bonum commutabile creaturæ, & auersio à bono incōmutabili Creatoris (in peccato quidem mortali simpliciter, in peccato autem veniali secundum quid); nam in quolibet peccato actuali vel est actus quo volumus indebitè bonum creatum, & sic est conuersio indebita ad illud, ac consequenter auersio à bono increato; vel est actus quo odimus bonum increatum, & talis actus odij fundatur semper in amore boni creati, quia non potest odio haberi Deus, nisi quia infert malum aut priuat bono, & sic ex amore nostri siue proprii boni sequitur odium Dei: ergo per omne peccatum actuale etiam veniale inducitur reatus pœnæ, tam damni, quàm sensus.

Probatur & explicatur secunda pars conclusionis. Pœna est duplex: vna dicitur taxata, quæ scilicet est intenta & ordinata à iudice: alia dicitur concomitans, v.g. si iudex iubeat erui oculos alicui reo propter delictum, hoc erit pœna taxata; alia verò pœnæ quæ consequuntur cæcitatem, sunt & dicuntur concomitantes: Deus autem præuidet omnes pœnas concomitantes pœnam à se taxatam, & illas ordinat ad varios fines, vel ad profectum illius qui patitur ad virtutem, vel vt euitet aliqua peccata, vel etià vt puniat pœna temporali peccatum patris in filio. His positis probatur quantum ad pœnam taxatam, auctoritate Sanctorum Patrum: Innocentius III. in Decretali cap. Maioris de Baptismate & eius effectibus, dicit quòd pœna sensus debetur peccato actuali; & consequenter non debetur peccato originali quod non est actuale. S. Bernardus serm. 3. de Resurrectione dicit quòd sola propria voluntas ardet in inferno: constat autem quòd originale peccatum non est peccatum propriæ voluntatis, imò consequitur ex voluntate aliena primi scilicet Parentis; vnde peccato originali non debetur pœna sensus. Tandem D. Thomas hoc probat ex professo q. 5. de Malo art. 2. triplici ratione. Deinde probatur ratione, quam D. Thomas adducit secundo loco, quæ est euidentior ex dictis, ac sic breuiter proponitur: Pœna sensus debetur tantum conuersioni repectæ in peccato, sicut pœna damni debetur eius auersioni: sed in peccato originali non est conuersio, quæ importat actum propriæ voluntatis, peccatum enim originale non est commissum propria voluntate, at contractum cum natura; vnde in peccato originali sola est auersio; vel aliquid auersioni respondens scilicet destitutio animæ à iustitia originali: ergo peccato originali non debetur pœna sensus taxata in alia vita, & ita per peccatum originale non inducitur reatus talis pœnæ. Probatur quantum ad pœnam concomitantem: Pœna sensus concomitans, licet

possit habere alios fines, semper tamen habet quòd ordinetur, ad profectum patientis: sed in alia vita patiens non proficit, nisi media passione perueniat ad beatitudinem, quod non conceditur illis qui decedunt cum peccato originali: ergo per peccatum originale non inducitur reatus pœnæ concomitantis in alia vita.

Probatur tertia pars conclusionis autoritate sacræ Scripturæ, Sanctorum Patrum, & Conciliorum. Ad Ephes. 2. dicitur, Eramus natura filij iræ, scilicet per peccatum originale, & consequenter digni priuari visione Dei. Innocentius III. loco citato dicit quòd originali peccato debetur pro pœna carentia visionis diuinæ, in qua carentia siue priuatione consistit pœna damni. Tandem hoc probat ex professo D. Thomas quæst. 5. de Malo art. 1. & consentiunt non solum omnes Theologi, sed etiam omnes Fideles, & est determinatum in Concilio Tridentino. Deinde probatur ratione: Peccato originali, cum sit verum peccatum, debetur aliqua pœna, vt omnes admittunt: sed non debetur illi pœna sensus, vt ostensum est: ergo debetur illi pœna damni, non enim superest alia pœna. Denique, Pœna damni consistit in priuatione visionis beatificæ siue gloriæ: sed peccato originali debetur priuatio gloriæ, quia debetur ei priuatio gratiæ in præseñi vita, & consequenter priuatio gloriæ in alia, nam gratia est semen gloriæ, vnde quod priuat gratia in hac vita, priuat etiam gloria in alia vita: ergo peccato originali debetur pœna damni, vt dicit puram priuationem visionis beatificæ.

Probatur quarta pars conclusionis autoritate sacræ Scripturæ: Apocal. 18. dicitur, Quantum glorificauit se & in deliciis fuit, tantum date ei tormentum & luctum: ex quo inferitur quòd dolor & afflictio solum debentur delectationi culpæ; constat autem quod in contractione peccati originalis nulla fuit delectatio. Deinde probatur tum autoritate, tum ratione D. Thoma q. 5. de Malo art. 3. Non tristatur quis de carentia boni ad quod non est ordinatus, vel ad quod se nescit esse ordinatum; solum enim tristatur de priuatione eorum, quæ scimus esse nobis aliquo modo debita vt constat experientia: sed paruuli decedentes cum peccato originali nesciunt se esse ordinatos ad gloriam siue visionem beatificam; quia cognitio ordinationis naturæ humanæ ad gloriam, cum sit mysterij supernaturalis, non potest haberi nisi per fidem, quam hi paruuli non habuerunt, cum sacramentum fidei scilicet Baptismum non suscepissent, vnde licet naturaliter sciant se creatos propter beatitudinem, & quòd beatitudo consistit in adeptione perfecti boni, non tamen sciunt quòd illud bonum perfectum ad quod homo factus est, sit illa gloria quam Beati possident, vt constat ex illo 1. ad Cor. 2. Nec oculus vidit, nec auris audiuit, nec in cor hominis ascendit quæ præparauit Deus diligentibus se; nobis autem

reuelauit Deus per spiritum suum: ergo paruuli decedentes cum peccato originali non tristantur de priuatione visionis beatificæ; & sic peccatum originale non inducit reatum pœnæ damni, vt importat tristitiam ex tali priuatione causatam.

Probatur quinta pars conclusionis: Ex vna parte cum peccato originali non debeat etiam minima pœna sensus positua vt dictum est, multo minus ei debetur maior pœna positua, qualis est tristitia de priuatione gloriæ: ex alia verò parte licet adulti morientes cum peccato originali sciant ex recordatione fidei se fuisse creatos ad gloriam consequendam, tamen sic disponente diuina providentia tantum cogitant quòd illam amiserunt propria malitia, ita vt de hoc summe tristentur nec curent de peccato originali: ergo etiam adulti qui moriuntur cum peccato originali & damnantur, non patientur tristitiam præcisè causatam ex priuatione gloriæ, quæ ad peccatum originale sequitur.

Ad primum ergo dicendum quantum ad peccatum omissionis, quòd vt dictum est, semper habet aliquem actum adiunctum moraliter malum eadem malitia omissionis, in quo actu est conuersio ad bonum commutabile alicuius creaturæ: Quantum verò ad peccatum odij Dei, constat ex dictis, quòd cum Deus sit summe bonus in se, non potest odio haberi ratione sui, sed tantum ratione alicuius effectus ipsius, vel scilicet quia priuat aliquo bono, vel quia infert aliquod malum; & ita hoc odium fundatur in amore illius, qui priuatur bono, vel cui infertur malum, in amore autem est conuersio ad bonum commutabile creaturæ.

Ad secundum dicendum, quòd sufficienter per peccatum originale dicimur filij iræ ac vindictæ, quia per illud sumus rei pœna damni, quæ est maxima. Illæ verò sententiæ finales, de quibus fit mentio in Scriptura, pertinent tantum ad adultos, vt constat ex ipso textu, in ultimo quippe iudicio tantum fiet mentio operum bonorum ad laudem, & malorum ad confusionem: vbi autem hi paruuli manebunt post iudicium, non ita certum est, quidam volunt quòd erunt in superficie terræ beati beatitudine naturali, sed tutius dicitur quòd reuertentur in limbum, qui comprehenditur sub inferis; & quòd ibi erunt immortales & impassibiles, & quòd Deus dabit immediatè omnia requisita ad eorum statum, quæ possent habere per obiecta: & quamuis concederetur quòd in limbo esset ignis, tamen non cruciarentur ab illo nec eorum animæ nunc, nec etiam corpora post resurrectionem, quia in statu futuræ vitæ actiua non agunt in animas & corpora secundum necessitatem naturæ, sed magis secundum ordinem diuinæ iustitiæ. Ad auctoritatem Concilij Florentini & Sanctorum Patrum, dicendum cum D. Thoma quæst. 5. de Malo art. 2. ad 1. quòd nomen tormenti, supplicij, gehennæ

gehennæ & cruciatus, vel si quid simile in dictis Sanctorum inuenitur, est large accipiendum pro pœna, vt ponatur species pro genere: ideo autem Sancti tali modo loquendi vsi sunt, vt detestabilem redderent errorem Pelagianorum, qui asseriebant in paruulis nullum peccatum esse, nec eis aliquam pœnam deberi. Et sic exponendi sunt Augustinus dum in lib. Hiponof. ait quod paruuli decedentes sine Baptismo experientur gehennam: & dum in lib. de Fide ad Petrum ait, Firmiter tene, & nullatenus dubites, paruulos qui sine sacramento Baptismatis de hoc sæculo transierunt, æterno supplicio puniendos: & Gregorius dum 8. Moralium ait de his, quos à culpa originali sacramenta non liberant: & licet ex proprio nihil egerint, tamen illuc ad tormenta perueniunt. Ad aliud dicendum, quod in alia vita non sunt fines, ad quos Deus ordinet pœnas concomitantes peccatum originale, sicut in ista, & ita non ibi erunt, sicut hic sunt: ratio autem in contrarium solum probat de pœnis taxatis, & non de concomitantibus: dicitur verò pœna horum puerorum post iudicium consummari inquantum ipsi qui punientur hac pœna, consummati erunt per corporum resurrectionem. Ad aliud dicendum, quod in vno peccato primi parentis omnes peccauerunt, vt Apostolus dicit Rom. 7. sed ad illud vnum peccatum non omnes eodem modo se habent, pertinet enim illud peccatum ad Adam per propriam voluntatem, & est eius actuale peccatum, & ideo habet conuersionem ad bonum delectabile circa quod fuit: sed ad alios pertinet per originem, & non per actuale voluntatem, & ideo non habet conuersionem, at tantum auersionem ex hoc præcisè quod infert priuationem iustitiæ originalis: Vnde eo ipso quod sumus priuati iustitia originali, sumus à Deo auersi, quia per solam gratiam & charitatem sumus ad Deum conuersi: per hanc autem priuationem non sumus conuersi ad aliquod bonum creatum; & inde est quod peccatum primi Parentis potius relinquit nobis auersionem, quam conuersionem: & ita quod Adā fuerit inobediens diuino præcepto, hoc nobis est commune cum in eo fuerint tanquam in capite morali, omnium voluntates; quod verò fuerit inobediens ob conuersionem ad tale bonum delectabile, hoc est illi particulare.

A d tertium dicendum, quod illi pueri ex speciali Dei providentia ignorabunt illa bona, quæ in die iudicii apparebunt in Beatis, sibi fuisse debita, siue se fuisse ordinatos ad illa. Et quamuis id scirent, ex eadem tamen providentia conformes erunt diuinæ voluntati qui sic de ipsis ordinauerit, vt medijs inter beatos & omnimodè miseros existant: licet enim sint absolute loquendo miseri & damnati, quia priuati beatitudine supernaturali simpliciter tali; habebunt tamen improprie & large loquendo, beatitudinem secundum quid, aut quasi beatitudinem

naturalem, quia non omnino erunt separati à Deo, quem perfectissima cognitione naturali contemplabuntur. Ad aliud dicendum cum D. Thoma quæst. 5. de Malo art. 3. ad 2. quod sicut Apostolus dicit Rom. 5. Maius est donum Christi, quam peccatum Adæ; & ideo non oportet, si pueri baptizati gaudent propter meritum Christi, quod non baptizati doleant propter peccatum Adæ: Quantum ad illud quod subditur, iam dictum est. Ad aliud dicendum cum D. Thoma ibidem ad 3. quod pœna non semper respondet actuali voluntati, puta cum aliquis absens infamatur, aut etiam bonis suis spoliatur se ignorante: sed oportet quod pœna semper sit vel contra actuale voluntatem, vel etiam habituale, vel saltem contra inclinationem naturalem. Nec tenebræ limbi nocebunt, aut officient illis pueris, quia habebunt ibi perfectas suas operationes, Deus enim immediate seipso subministrabit omnia ad illas necessaria, quæ aliàs possent conaturaliter habere per obiecta.

D V B I V M VI.

Vtrum per omne peccatum inducatur reatus pœnæ æternæ.

S Vpponendum est, quod circa pœnas damnatorum earumque durationem multi fuerunt errores. Primus error, quem Sanctus Hieronymus & S. Augustinus tribuunt Origeni, asserit quod pœnæ damnatorum aliquando finientur. Secundus error asserit quod quidem pœnæ dæmonum erunt æternæ, sed non pœnæ hominum damnatorum: Hic error immeritò tribuitur S. Hieronymo, nam licet in Commentariis super Isaiam alloquens dæmonem dicat, quod homines damnati liberabuntur, non verò ipse loquitur tamen non absolute sed ex hypothesi, id est si aliqui essent ex inferno liberandi, potius essent homines, quam dæmon cuius malitia maior est. Tertius error asserit, quod infideles punientur quidem in æternum, sed quod Christiani liberabuntur: iste error adhuc tribuitur Sancto Hieronymo, sed falso, nam loquitur de animabus Christianorum quæ sunt in Purgatorio. Quartus tandem error asserit, quod illi qui erant damnati, quando Christus descendit ad inferos, fuerunt liberati: sed quod illi qui sunt damnati ex illo tempore & damnabuntur vsque in finem mundi, punientur in æternum. Quamuis autem æternitas pœnarum non esset proportionata peccatis, adhuc tamen Deus posset iuste infligere pœnas æternas pro peccatis, primò titulo supremi dominij super omnes creaturas, deinde propter legem ab ipso latam, qua prohibuit peccatum morale sub pœna æterna: sed in tali casu non vocaretur proprie pœna, pœna quippe dicit relationem proportionis ad culpam, sed diceretur pœnalitas. Omne peccatum ratione

ratione culpæ meretur aliquam pœnam, vnde etiam peccatum veniale pœnam meretur: sed in præfenti quærimus, vtrum omne peccatum mereatur pœnam æternam, siue sit originale, siue actuale: ita vt hoc illi conueniat ex intrinseca sua malitia; & non tantum extrinsecè ratione subiecti, in quo est, æternaliter damnati: primò modo conuenit illi per se, secundo modo conuenit per accidens: Igitur aliquod peccatum potest æternaliter puniri, vel per se ratione proprii demeriti, vel per accidens ratione subiecti & coniunctionis cum alio peccato: quæ coniunctio potest dupliciter intelligi, vel quia peccatum illud quod dicitur coniunctum, nondum est remissum, vel quia si est remissum, nondum tamen est satisfactum pro illo.

Prima opinio Scoti, Cõradi, & aliorum asserit, quòd nulli peccato etiam mortali, correspondet intrinsecè ac per se pœna æterna, sed tantum extrinsecè & per accidens ratione subiecti, quod quia in æternum erit priuatum gratia ac inaculatum, in æternum punietur, tandiu enim durat pœna, quandiu durat culpa: vnde ex hac opinione per nullum peccatũ inducitur per se reatus pœnæ æternæ. Probatur autoritate S. Augustini, qui exponens istum versiculum Psalmi 71. Ex vlturis & iniquitate redimet animas eorum, ait: Deus plus exigit in pœnis, quàm sit commissum in culpis: ergo pœna æterna non correspondet per se & intrinsecè vlli peccato, & ita per nullum peccatum inducitur per se reatus pœnæ æternæ.

Secundò, Pœna æterna est valde improporcionata & excedēs respectu cuiuscũque peccati, cum peccatum quodcunque sit quid temporale, æternum autem est valde improporcionatum & infinitè excedēs respectu temporalis: ergo pœna æterna nulli peccato intrinsecè & per se correspondet, sola enim pœna proporcionata intrinsecè ac per se correspondet peccato, & consequenter per nullum peccatum inducitur per se reatus pœnæ æternæ.

Tertiò, Omnis pœna quæ infligitur peccatori pro aliquo peccato, est in remedium ad hoc vt tale peccatum euitetur, vel ab eodem peccatore, vel ab aliis: sed pœna æterna inflicta pro aliquo peccato non potest esse in remedium ad hoc vt tale peccatum euitetur; vel ab eodem peccatore, quia nunquam emendabitur si supponatur in æternum puniendus; vel ab aliis saltem post finem mundi, quia tunc nullus erit: ergo nulli peccato intrinsecè ac per se correspondet pœna æterna, vnde per nullum peccatum inducitur reatus pœnæ æternæ.

CONCLUSIO.

RESPONDEO dicendum, quòd per omne peccatum mortale, siue originale, siue actuale inducitur per se reatus pœnæ æternæ: per originale quidem reatus solius pœnæ damni, per actuale verò inducitur reatus tam pœnæ damni quàm

pœnæ sensus. 2. sed per peccatum veniale non inducitur per se reatus pœnæ æternæ; at tantum per accidens. 3. vnde de facto omne peccatum mortale non dimissum punitur pœna æterna secundum fidem: & hoc per se ex intrinseca exigentia peccati mortalis. 4. peccatum autem veniale coniunctum mortali per accidens punitur pœna æterna: quando scilicet vel non est dimissum quoad culpam, vel quando in hac vita non fuit pro eo satisfactum. Ita docent communiter Discipuli D. Thomæ & alij.

Probatur prima pars conclusionis tum autoritate, tum ratione D. Thomæ infra q. 87. art. 5. quæ sic proponitur in forma: Peccatum inducit reatum pœnæ ratione suæ inordinationis vt dictum est, ita vt mereatur pœnam proporcionatam suæ inordinationi: sed pœna proporcionata inordinationi peccati mortalis est pœna æterna; nam inordinatio siue peruersio ordinis quæ est in peccato mortali, cum sit circa vltimum finem, est irreparabilis ex parte ipsius peccatoris, quia vltimus finis in moralibus est sicut primum principium in speculatiuis, constat autem quòd error circa primum principium in speculatiuis est irreparabilis; si autem inordinatio peccati mortalis est irreparabilis ex propria sua ratione & ex parte peccatoris, est etiam æterna: ergo omne peccatum mortale siue originale, siue actuale inducit per se reatum pœnæ æternæ; cum dicta distinctione, quia vt ostensum est peccatum originale solum inducit reatum pœnæ damni, peccatum verò actuale inducit reatum tam pœnæ damni quàm pœnæ sensus. Deinde, Ex vna parte per peccatũ originale homo est auersus irreparabiliter à Deo vltimo fine, ad quem non potest esse conuersus nisi per gratiam & charitatem, quàm excludit peccatum originale: ex alia etiam parte per peccatum actuale mortale est homo similiter auersus irreparabiliter, quantum est in ipso, à Deo vltimo fine; per hoc enim quod inordinatè siue non seruato ordine debito ad vltimum finem, adhæret alicui creaturæ, ipsam vult interpretari vltimum finem (illud enim est volitum vt vltimus finis, quod ita est in se volitum, vt ratione sui & non ratione alterius sit volitum, vt constat ex ipsis terminis): adhæsiō autem alicui tanquam vltimo fini, est quantum ad affectum saltem interpretatiuum adhærentis, immobilis & æterna, cum de ratione vltimi finis sit esse regulam & motuum appetendi cætera: ergo cum pœna debeat esse proporcionata peccato quantum ad inordinatum affectum peccatoris, per omne peccatum mortale inducitur reatus pœnæ æternæ, vnde S. Gregorius lib. 4. Dialogorum cap. 44. dicit iustum esse, vt qui peccauit in suo æterno, puniatur in æterno Dei. Denique, Omni peccato mortali non dimisso infligitur à Deo iusto iudice pœna æterna, vt fides docet & postea diceretur; & hoc ratione propriæ malitiæ, & non tantum ratione coniu-

coniunctionis eius cum alio : ergo signum est, quòd per omne peccatum mortale inducitur reatus pœnæ æternæ. Nec contrarius est D. Thomas loco citato ad 2. quantum ad peccatum originale, dum ait quòd illi non debetur pœna æterna ratione suæ gravitatis, sed ratione conditionis subiecti scilicet homin^{is}, qui sine gratia inuenitur, per quam solum remissio pœnæ. Nam ibi tantum vult, quòd peccato originali non debetur pœna æterna ratione gravitatis ipsius, quasi habeat aliquam inordinationem per modum actus.

Probatur secunda pars conclusionis quantum ad primum, autoritate D. Thomæ loco citato, vbi sic ait loquens de peccatis venialibus: Vnde huiusmodi peccatis non debetur æterna pœna, sed temporalis; quod debet intelligi per se loquendo. Deinde probatur eius ratio: Per peccatum veniale non aufertur charitas, & consequenter non inducitur deordinatio irreparabilis, cum talis deordinatio non sit circa finem, sed tantum circa media, quæ proinde potest reparari ex recta intentione finis, sicut error circa conclusiones potest reparari ex recta cognitione principij; vnde deordinatio peccati venialis non est æterna quantum est ex parte ipsius: ergo cum pœna debeat esse proportionata deordinationi peccati, per peccatum veniale non inducitur per se reatus pœnæ æternæ. Probatur quantum ad secundum: Peccato veniali coniuncto cum mortali infligitur pœna æterna, vt dicitur in quarta parte conclusionis: ergo cum Deus sit iustus iudex, peccatum veniale inducit per accidens reatum pœnæ æternæ.

Probatur tertia pars conclusionis, quantum ad peccatum originale, tum communi sententia omnium Fidelium; tum decreto Concilij Tridentini, quo habetur pueros decedentes cum peccato originali priuandos esse in æternum visionem Dei, in qua privatione consistit pœna damni. Probatur quantum ad peccatum actuale autoritate sacræ Scripturæ, in qua passim habetur quòd damnati propter peccata mortalia cruciabuntur in æternum, vnde Matthæi 25. dicitur: Discedite à me maledicti in ignem æternum, qui paratus est diabolo & angelis eius; esuriui enim, & non dedistis mihi manducare, &c. Deinde probatur autoritate Conciliorum: hæc enim veritas catholica fuit definita in sexta Synodo generali, & habetur in Epistola Sophronij. Item in Concilio Lateranensi sub Innocentio III. Item in Tridentino Sessione 6.

Probatur quarta pars conclusionis, quantum ad primum, quòd scilicet peccatum veniale coniunctum mortali per accidens punitur pœna æterna, quando non est dimissum quoad culpam, autoritate D. Thomæ loco citato ad 3. Deinde, Quandiu manet culpa, tandiu manet reatus pœnæ, cum reatus pœnæ sit effectus culpæ vt vt dictum est, & cōsequenter tandiu perseverat

pœna inflicta in illo statu, in quo culpa est puniendi, scilicet in inferno & damnatione æterna; cuius ratio est, quia quandiu quis perseverat voluntariè in aliqua deordinatione, tandiu debet deprimi à principe ordinis sciente talem deordinationem, hæc autem depressio est pœna: sed culpa peccati venialis, quando non fuit dimissum quoad culpam, manet in æternum in damnantis vt supponitur, quia ad eius remissionem requiritur necessariò in subiecto gratia, quamvis non de nouo infusa, quæ tamen non est in damnatis: ergo peccatum veniale coniunctum mortali per accidens punitur pœna æterna, quando non est dimissum quoad culpam. Nec illud quod respondent aduersarij, soluit argumentum, quòd scilicet potest rex punire reum aliqua pœna, puta abscissione manus, qua exercita non manet amplius in reo reatus pœnæ, quamvis remaneat in eo culpa, potest enim reus perseverare quantum ad affectum in culpa, ob quam punitur. Dicendum enim, quòd est disparitas, nam rex tantum potest punire actum externum delicti, quo solo bonum commune læditur: & si posset punire actum internum, tandiu posset punire, quandiu sciret illum perseverare: Ad Deum autem pertinet tanquam ad supremum principem cuiuscunque ordinis, punire omne delictum siue internum, siue externum; & omnia etiam secretissima sunt ei nuda & aperta: Vnde peccatum veniale non inducit reatum pœnæ æternæ ratione proprii demeriti, nec quia redditur maius & gravius in se ex coniunctione ad peccatum mortale; sed quia sic coniunctum mortali in statu damnationis est irreparabile, vt dictum est. Probatur quantum ad secundum, quòd scilicet peccatum veniale coniunctum mortali punitur pœna æterna per accidens, si in hac vita non fuerit pro eo satisfactum, quamvis fuerit dimissum quoad culpam, tum expressa autoritate D. Thomæ in 4. d. 21. q. 2. art. 1. quæstiunc. 3. tum quia nunquam remittitur peccatum quoad reatum pœnæ, nisi debite pro illo satisfiat: sed in statu damnationis non potest debite satisfieri pro quocunque peccato, quia pœnæ satisfactoriæ debite debent esse voluntariæ, & tamen constat quòd pœnæ inferni non sunt voluntariæ, sed omninò violentæ damnatis.

A d primum ergo dicendum, quòd ibi S. Augustinus assumit culpam actuale siue actum peccaminosum; non autem culpam habituale: & sic certum est, quòd Deus plus exigit in pœnis, quàm sit commissum in culpis, quia pœnæ inferni sunt æternæ, culpæ autem actuales sunt temporales & quasi instantaneæ; sunt tamen proportionatæ culpis habitualibus in æternum perdurantibus, & ideo non punit ultra condignum; imò punit citra condignum, si attendatur intensio pœnarum.

A d secundum dicendum, quòd pœna non correspondet peccato ratione entitatis eius,

HHh

quam

quam concedimus esse temporalem; sed ratione malitiæ moralis, & culpæ consistentis in auersione à Deo ultimo fine, & conuersione indebita ad creaturam, quam dicimus esse quodammodo æternam in exercitio ipsius actus, & absolute loquendo perseverare habitualiter in æternum in statu damnationis.

Ad tertium dicendum, quod non est necesse, ut omnis pœna à Deo inflicta sit medicinalis; posset enim aliqua pœna iuste infligi ad seruandum ordinem iustitiæ vindicatiæ. Deinde, pœnæ æternæ damnatorum sunt medicinales, non quidem damnatis, sed nobis qui ex earum recordatione hîc in Via deterremur & abstinemus à peccatis. Denique, pœnæ æternæ damnatorum conducent ad gaudium accidentale Beatorum, qui gaudebunt videntes in his pœnis ordinem diuinæ iustitiæ, & etiam videntes se ex talibus pœnis Dei misericordia euasisse.

D V B I V M VII.

Utrum per omne peccatum inducatur reatus pœnae infinitæ.

SVpponendum est quod præsens dubium procedit de infinitate pœnæ quoad intensiorem, nam quoad extensionem dictum est dubio præcedenti. Peccatum autem inducit reatum pœnæ propriè dictæ & simpliciter talis in eo tantum, cuius est peccatum: vnde inferunt communiter Authores cum D. Thoma infra q. 87. art. 8. Primò, quod filius innocens non potest puniri pœna simpliciter tali, & propriè dicta respectu ipsius, pro peccato patris aut alterius: bene tamen potest puniri iudicio diuino pœna medicinali, vel ipsi, vel aliis: Ratio primi est, quia pœna simpliciter talis & propriè dicta est intenta ad reordinandum voluntatem sustinentis, & ad satisfaciendum pro inordinatione actus proprii; vnde cum in filio innocente non sit deordinata eius voluntas, nec proprius ipsius actus per peccatum patris, sequitur quod filius innocens non potest puniri pœna simpliciter tali & propriè dicta respectu ipsius, pro peccato patris aut alterius: Ratio secundi est, quia Deus est supremus Dominus vitæ & mortis hominum, & sic potest punire filium pro patre, & subditos pro domino, quia tunc punit patrem in filio & dominum in subditis, in quantum filius est aliquid patris & subditus aliquid domini; sed tamen hæc punitio habet rationem pœnæ medicinalis respectu sustinentis, & pœnæ simpliciter talis ac propriè dictæ respectu eius propter quem infligitur: Hæc possunt confirmari auctoritate multiplici sacræ Scripturæ; nam quod filius innocens puniatur iudicio diuino pro peccato patris, constat ex libris Regum, ubi habetur quod paruulus natus ex adulterio David

cum Bersabee mortuus sit ob peccatū patris. Item posteri Giesi puniuntur lepra propter peccatum Parentis; vnde S. Ambrosius libro 4. in Lucam cap. 4. ait: Vides, quia facti auctoris successio damnatur hæredis, inexpressibilis est enim venditi culpa mysterij, & gratiæ vindicta cœlestis, transiit ad posteros. Quod autem subditi puniantur pro domino, habetur in iisdem libris Regum exemplum celebre, quomodo propter peccatum superbiz eiusdem Regis David recensentis totum populum, multa millia populi peste perierint: & propterea Exodi 20. ait Dominus, Ego sum Deus zelotes visitans iniquitatem patrum in filios. Inferunt Secundò, quod non potest aliquis puniri in spiritualibus pro peccato alterius, quia pœnæ spirituales (scilicet priuatio gratiæ sanctificantis cum virtutibus & priuatio gloriæ, hæc quippe solum habent rationem pœnæ spiritualis, de qua hîc agimus) non sunt medicinales tantum, quia bonum animæ non ordinatur ad aliud melius & superius bonum; vnde in bonis animæ nullus patitur detrimentum sine culpa propria, & in talibus vnus non punitur pro alio, ut docet Hieronymus in Epist. ad Auitum, & expresse habetur Ezechielis 18. his verbis: Anima quæ peccauerit, ipsa morietur, filius non portabit iniquitatem patris & pater non portabit iniquitatem filij, iustitia iusti super eum erit, & impietas impij erit super eum: Cuius ratio est, quia quantum ad animam filius non est res patris, hanc enim causam in eodem cap. Dominus assignat docens: Ecce omnes animæ meæ sunt (quia scilicet immediatè ab ipso animæ creantur) ut anima patris, ita & anima filij mea est, anima quæ peccauerit, ipsa morietur: Vnde quamuis possit in corporalibus infligi minima pœna ob maius bonum; in spiritualibus tamen hoc non licet, quia pœna spiritualis habet semper annexam deordinationem rationis, quæ non potest habere rationem medicinæ, sed potius infirmitatis; & insuper priuatio gratiæ, sicut & peccatum non est medicina per se, sed tantum per accidens, quatenus ex illo Deus bonum elicit, iuxta dictum Apostoli, Omnia cooperantur in bonum his qui secundum propositum vocati sunt sancti. Inferunt Tertiò, quod in iudicio humano, non licet filium innocentem punire vel in corpore, vel in propriis pro peccato parentum, ut expresse habetur Deuteronomij 24. his verbis, Non occidentur patres pro filiis, nec filij pro patribus, sed vnusquisque pro peccato suo morietur; Imò nec princeps aliquis potest morti exponere innocentem, nisi ad euitandum malum publicum alio modo inuitabile: potest tamen filius innocens puniri pro peccato patris in his, quæ accepit à patre scilicet in bonis hæreditatis. Ex quibus omnibus sequitur, quod peccatum inducit reatum pœnæ simpliciter talis & propriè dictæ in eo tantum, cuius est peccatum:

tum: Quærimus verò in præfenti, utrum omne peccatum inducat reatum pœnæ infinitæ intensiue.

Prima opinio Aluaris & aliorum asserit, quòd per nullum peccatum inducitur reatus pœnæ damni infinitæ. Probatur: Pœna damni per quodcunque peccatum habeatur, est priuatio Dei ut visibilis & fruibilis à nobis, non enim est priuatio Dei in se, at tantum est priuatio visionis & fruitionis Dei: sed Deus ut visibilis & fruibilis à nobis est finitus, cum omnis creata visio & fruitio sit finita: ergo per nullum peccatum inducitur reatus pœnæ damni infinitæ. Et maxime per peccatum originale, quod est minimum peccatorum, unde Augustinus dicit in Enchir. cap. 93. quòd mirissima pœna est eorum, qui pro solo peccato originali puniuntur.

Secunda opinio asserit, quòd per nullum peccatum inducitur reatus pœnæ sensus infinitæ. Probatur tum autoritate, tum ratione D. Tho. infra q. 87. art. 4. Pœna sensus correspondet inordinatæ conuersioni quæ est in peccato, sicut pœna damni correspondet eius auersioni: sed conuersio inordinata ad bonum creaturæ est finita tum est parte actus, tum ex parte obiecti: ergo per nullum peccatum inducitur reatus pœnæ sensus infinitæ. Maxime quia non potest dari pœna sensus infinita.

CONCLUSIO.

RESPONDEO dicendum, quòd omne peccatum mortale inducit reatum pœnæ infinitæ: originale quidem solius pœnæ damni; actuale verò tam pœnæ damni, quam pœnæ sensus. 2. de facto tamen sola pœna damni est actu, simpliciter, & intrinsecè & non solum extrinsecè infinita. 3. pœna verò sensus est actu semper finita. Ita communiter Discipuli D. Thomæ, & plures alij.

Probatur prima pars conclusionis: Quamuis ex diuina ordinatione pœna sensus soli inordinatæ conuersioni, quæ est in peccato, correspondeat; tamen ex natura rei iuste posset infligi auersioni coniunctæ cum tali conuersione; cum enim hæc auersio in peccato actuali mortali sit malum infinitum in genere moris, in ratione iniuriæ Deo factæ, ut probatum est; meretur quæcunque pœnam tam damni, quam sensus infinitam; nam pœna reparatiua iniuriæ ex natura exigit, debet esse proportionata iniuriæ: ergo omne peccatum mortale inducit reatum pœnæ infinitæ: originale quidem solius pœnæ damni, quia non habet adiunctam conuersionem; actuale verò tam pœnæ dāni, quam pœnæ sensus. Deinde, Esto pœna sensus ex natura rei tantum corresponderet conuersioni repertæ in peccato: adhuc in peccato mortali cōuersio inordinata ad bonum commutabile, est infinite mala in genere moris, inquantum infert auersionē totalem à Deo ultimo fine, quamuis sit finita in esse physico: ergo ei debetur ex natura rei pœna sensus infinita,

R.P. Philippi Carm. discal. Diss. Theolog. in 1.2.

quamuis ex diuina indulgentia tantum infligatur pœna finita, iuxta rationem specificam & intensiorem physicam ipsius conuersionis: & propterea Deus dicitur punire citra condignū, pœnā scilicet sensus; & etiam pœnā damni, non quidem ratione sui, cum sit infinita ut statim diceretur, sed ratione tristitiæ & afflictionis adiunctæ.

Probatur secunda pars conclusionis, tum autoritate, tum ratione D. Thomæ infra q. 87. art. 4. ubi sic ait: Ex parte igitur auersionis respondet peccato pœna damni, quæ etiam est infinita, est enim amissio infiniti boni scilicet Dei. Quæ ratio sic amplius expenditur: Actualis priuatio tota simul existens formæ sine thegorematicè seu in potentia infinitæ secundum gradus determinatos, est infinita simpliciter actu, quia tota simul existens commensuratur toti illi formæ infinitæ possibili; unde sicut illa forma infinita secundum gradus determinatos, si esset tota simul, esset simpliciter actu infinita in esse formæ; sic quia eius priuatio correspondens eiusdem infinitati possibili secundum gradus determinatos, est tota simul, verè est simpliciter actu infinita in esse priuationis: sed pœna damni est talis priuatio, nam est priuatio beatitudinis formalis siue claræ Dei visionis, quæ est sine thegorematicè infinita, nam data quacunque visione Dei in intellectu creato, potest semper in infinitum dari perfectior visio secundum gradus determinatos, (quamuis nunquam actu infinite videatur) quia Deus est in infinitum visibilis, & intellectus creatus secundum potentiam obedientialem passiuam potest per lumen gloriæ magis ac magis eleuari ad videndum Deum: ergo pœna damni est actu simpliciter infinita, ac proinde in seipsa intrinsecè, & non tantum extrinsecè: Vbi nota quòd visio Dei potest esse infinita, non quia possunt aliqua infinita in vno genere videri, quia à Christo Domino videntur in Deo visione simpliciter finita & secundum quid tantum infinita, omnes cogitationes beatorum per totam æternitatem futuras, sed simul repræsentatas, quæ sunt infinitæ in hoc genere: verum potest esse infinita visio Dei, tum quia Deus in se potest infinite videri, tum quia possunt in eo videri infinita simpliciter & in omni genere in ipso eminenter contenta.

Probatur tertia pars conclusionis: Pœna sensus est qualitas physica, ut communiter conceditur: sed non potest dari aliquod physicum in genere qualitatis infinitum, aut in alio genere, ut probatur 1. p. quæst. 7. ergo pœna sensus, quantumcunque augeatur, est actu semper finita: maxime quia communiter conceditur, quòd Deus punit citra condignum: quod non esset, si tam pœna damni, quam pœna sensus esset actu infinita; unde cum pœna damni

HHh 2 in


in seipsa præcisè considerata sit infinita, saltem pœna sensus debet esse actu finita.


Ad primum ergo dicendum, quòd quidem Deus videtur finitè ab intellectu creato; sed tamen potest in infinitum sincathegorematicè videri ab illo, & pœna damni est priuatio huius visionis possibilis sincathegorematicè infinitæ: & idem dicendum de fruitione. Ad illud quod subditur de peccato originali, dicendum quòd ei correspondet pœna damni infinita: & tamen est mitissima, quia non infert tristitiam, nec habet pœnam sensus adiunctam in his qui pro solo originali puniuntur.

Ad secundum dicendum, quòd D. Thomas hoc dicit supposita ordinatione diuina, qua taxatur pœna sensus, iuxta rationem specificam & intensionem physicam conuersionis, quæ est in actu peccati: sed tamen in rei veritate, auersioni quæ est in peccato, deberetur ex natura rei pœna sensus infinita, id est data quacunque deberetur maior in infinitum. Ad illud quod subditur, dicendum quòd licet

non possit dari pœna sensus actu infinita; non tamen tollitur, quin peccatum mortale illam mereatur si esset possibilis, nam data quacunque meretur maiorem & maiorem in infinitum.

Possent hîc duo inquiri: Primum est, vtrum multa peccata venialia puniantur pœna æquali illi, qua punitur vnicum peccatum mortale: Secundum est, vtrum pœna essentialis damnatorum sit inuariabilis & eodem modo semper. Sed nunc breuiter respondetur: Ad primum quidem quòd maior est pœna sensus infligta pro vnicò peccato mortali, quàm pœna infligta pro multis venialibus; quia omnia peccata venialia simul non attingunt ad malitiam vnici peccati mortalis, & ita grauitas pœnæ illis debita non attingit ad grauitatem pœnæ isti debita, cum sit alterius rationis: Ad secundum autem respondetur, quòd sicut beatitudo essentialis est inuariabilis, sic & pœna essentialis damnatorum, quia contrariorum eadem est ratio.





TRACTATUS TERTIVS DE GRATIA DEI, EXTERNI ACTVVM HVMANORVM PRINCIPIO.

PROLOGVS.

POSTQVAM D. Thomas egit de actibus humanis, tam in esse physico, quam in esse morali consideratis: questione nonagesima incipit agere de exterioribus eorum principiis; Et primo agit de Legibus, quæ sunt principia directiua actuum humanorum, usque ad questionem centesimam octauam: Deinde questione centesima nona & quinque aliis sequentibus agit de Gratia Dei, quæ est principium inducens actus bonos, & impediens malos. Relictis iis quæ ad leges pertinent, tanquam facilioribus, & sufficienter à D. Thoma discussis, quantum attinet ad institutum theologicum:

aggredimur tertium Tractatum huius partis, de Gratia Dei, celeberrimum apud omnes. In eius examine post authoritatem sacra Scriptura & Conciliorum, authoritatem Sancti Augustini & D. Thomæ in omnibus magnam, sed in hac materia maximam ubique amplectemur. Indiuisam ponimus authoritatem Augustini & Thomæ, cum amborum sit eadem doctrina; fidelissimus quippe est Thomas Augustini discipulus: unde vnus Thomas pro mille aliis circa intelligentiam Augustini. Gratia dicitur externum actuum humanorum principium, quia de sursum venit ad roborandam naturam; multa enim sunt quæ ipsam excedunt, & maximè in statu corruptionis constitutam; quæ proinde propriis suis viribus non potest, benè tamen adiuta auxiliis Diuinæ Gratiæ: propterea in toto hoc Tractatu agitur de Gratia Dei, de eius auxiliis & effectibus scilicet iustificatione & merito.



QVÆSTIO CIX.

De exteriori principio humanorum actuum, scilicet de gratia Dei, in decem articulos diuisa.

CONSEQUENTER considerandum est de exteriori principio humanorum actuum, scilicet de Deo, prout ab ipso per gratiam adiunamur ad recte agendum. Et primo, considerandum est de gratia Dei. Secundo, de causa eius. Tertio, de eius effectibus.

¶ Prima autem consideratio est tripartita. Nam primo considerabitur de necessitate gratiæ.

Secundo, de ipsa gratia, quantum ad eius essentiam. Tertio, de eius diuisione.

¶ Circa primum quærantur decem.

¶ Primo, vtrum absque gratia possit homo aliquod verum cognoscere.

¶ Secundo, vtrum absque gratia Dei possit homo aliquod bonum facere vel velle.

¶ Tertio, vtrum homo absque gratia possit Deum diligere super omnia.

¶ Quarto, vtrum absque gratia possit per sua naturalia, præcepta legis obseruare.

¶ Quinto, vtrum absque gratia possit mereri vitam æternam.

¶ Sexto, vtrum homo possit se ad gratiam preparare sine gratia.

¶ Septimo, vtrum absque gratia possit resurgere à peccato.

¶ Octauo, vtrum absque gratia possit homo vitare peccatum.

¶ Nono, vtrum homo gratiam consecutus possit absque alio diuino auxilio bonum facere, & vitare peccatum.

¶ Decimo, vtrum possit perseuerare in bono per seipsum.

ARTICVLVS I.

Vtrum homo sine gratia aliquid verum cognoscere possit.

576

AD PRIMUM sic proceditur. Videtur, quod homo sine gratia nullum verum cognoscere possit: quia super illud 1. Cor. 12. Nemo potest dicere Dominus Iesus, nisi in Spiritu sancto, dicit glossa Ambrosii. * Omne verum à quocunque dicitur, à Spiritu sancto est: sed Spiritus sanctus habitat in nobis per gratiam: ergo veritatem cognoscere non possumus sine gratia.

¶ 2. Præterea, Augustinus dicit in primo Soliloquiorum * quod disciplinarum certissima talia sunt, qualia illa quæ à sole illustrantur, ut videri possint: Deus autem ipse est, qui illustrat.

H H h 3 Ratio

Inf. ar. 21.
ad 3. Et 2.
d. 20. ar. 3.
* Amb. scilicet
per hunc
locum Pauli.
10. 5.
* 1. cor. 12.
circum primum.
10. 1.

Ratio autem ita est in mentibus, ut in oculis est aspectus: mentis autem oculi sunt sensus animarum. sed sensus corporis quantumcumque sit purus, non potest aliquid visibile videre sine solis illustratione: ergo humana mens quantumcumque sit perfecta, non potest ratiocinando veritatem cognoscere absque illustratione divina, quæ ad auxilium gratiæ pertinet.

I. 14. c. 7.
Rom. 9.

¶ Præterea, Humana mens non potest veritatem intelligere nisi cogitando: ut patet per August. 14. de trinit. * sed Apost. dicit 1. ad Corinth. 3. Non sufficientes sumus aliquid cogitare à nobis, quasi ex nobis: ergo homo non potest cognoscere veritatem per seipsum sine auxilio gratiæ.

I. 1. 1. 1. c. 6.
4. id dicitur
1. 1. 1. 1. c. 6.
1. 1. 1. 1. c. 6.

Sed contra est, quod August. dicit in primo Retractionum, * Non verbum, quod in oratione dixi, Deus qui non nisi mundos verum scire voluisti: responderi enim potest, multos etiam non mundos multa scire vera, sed per gratiam homo mundus efficitur, secundum illud Psal. 50. Cor mundum crea in me Deus, & spiritum rectum innova in visceribus meis. ergo sine gratia potest homo per seipsum veritatem cognoscere.

CONCLUSIO.

Cum homo naturaliter sit rationalis & intellectualis natura, cum quoque naturales veritates absque supernaturali dono gratiæ cognoscere possit constat.

I. 1. 1. 1. c. 6.
4. id dicitur
1. 1. 1. 1. c. 6.
1. 1. 1. 1. c. 6.

Respondendum dicendum, quod cognoscere veritatem est usus quidam, vel actus intellectualis luminis: ita secundum Apostolum ad Ephes. 1. Omne quod manifestatur, lumen est, usus autem quilibet quandam motum importat, largè accipiendo motum, secundum quod intelligere & velle motus quidam esse dicuntur, ut patet per Philos. in 3. de anima. * Videmus autem in corporalibus, quod ad motum non solum requiritur ipsa forma, quæ est principium motus vel actionis, sed etiam requiritur motio primi mouentis. Primum autem mouens in ordine corporalium est corpus celeste. unde quantumcumque ignis habeat calorem perfectum, non alteraret nisi per motionem corporis celestis. Manifestum est autem, quod sicut motus omnes corporales reducuntur in motum celestis corporis, sicut in primum mouens corporale, ita omnes motus tam corporales, quam spirituales reducuntur in primum mouens simpliciter, quod est Deus, & ideo quantumcumque natura aliqua corporalis vel spiritualis ponatur perfecta, non potest in suum actum procedere nisi moueatur à Deo, quæ quidem motio est secundum suam providentiam rationem, non secundum necessitatem naturæ: sicut motio corporis celestis, non solum autem à Deo est omnis motio, sicut à primo mouente, sed etiam ab ipso est omnis formalis perfectio: sicut à primo actu. Sic igitur actio intellectus & cuiuscunque creati dependet à Deo in quantum ad duo. Vno modo, in quantum ab ipso habet perfectionem suæ formæ, per quam agit: alio modo in quantum ab ipso mouetur ad agendum. Vnaqueque autem forma indita rebus creatis à Deo habet efficaciam respectu alicuius actus determinati, in quem potest secundum suam proprietatem, ultra autem non potest nisi per aliquam formam superadditam: sicut aqua non potest calefacere, nisi calefacta ab igne. Sic igitur intellectus humanus habet aliquam formam, scilicet ipsum intelligibile lumen, quod est de se sufficiens ad quandam intelligibilia cognoscenda: ad ea, scilicet in quorum notitiam per sensibilia possumus devenire: alioquin verò intelligibilia intellectus humanus cognoscere non potest nisi fortiori lumine perficiatur: sicut lumine fidei, vel prophetiæ: quod dicitur lumen gratiæ, in quantum est naturæ superadditum. Sic igitur dicendum est, quod ad cognitionem cuiuscunque veri, homo indiget auxilio diuino, ut intellectus à Deo moueatur ad suum actum: non autem indiget ad cognoscendam veritatem in omnibus noua illustratione superaddita naturali illustrationi: sed in quibusdam, quæ excedunt naturalem cognitionem, & tamen quandoque Deus miraculose per suam gratiam aliquos instruit de his, quæ per naturalem rationem cognosci possunt: sicut & quandoque miraculose facit quædam, quæ natura facere potest.

Ad primum ergo dicendum, quod omne verum à quocunque dicatur, est à Spiritu sancto, sicut ab infundente naturale lumen, & mouente ad intelligendum & loquendum veritatem, non autem sicut ab inhabitante per gratiam gratum facientem: vel sicut largiente aliquid habituale donum naturæ superadditum. Sed hoc solum est in quibusdam veris cognoscendis & loquendis: & maxime in illis, quæ pertinent ad fidem, de quibus Apostolus loquebatur.

Ad secundum dicendum, quod sol corporalis, illustrat exteriores, sed sol intelligibilis, qui est Deus, illustrat interiores: unde ipsum lumen naturale animæ inditum est illustratio Dei, quæ illustratur ab ipso ad cognoscendum ea, quæ pertinent ad naturalem cognitionem, & ad hoc non requiritur alia illustratio, sed solum ad illa, quæ naturalem cognitionem excedunt.

Ad tertium dicendum, quod semper indigemus diuino auxilio ad cogitandum quodcumque, in quantum ipsam mouet intellectum ad agendum, actu enim intelligere aliquid, est cogitare: ut patet per August. 14. de trinit.

I. 14. c. 7.
Rom. 9.

ARTICVLVS II.

Utrum homo possit velle & facere bonum absque gratia.

577

Ad secundum sic proceditur. Videtur, quod homo possit velle & facere bonum absque gratia. Illud enim est in hominis potestate, cuius ipse est dominus: sed homo est dominus suorum actuum, & maxime eius quod est velle: ut supra dictum est. ergo homo potest velle & facere bonum per seipsum absque auxilio gratiæ.

¶ Præterea, Vnumquodque potest magis in id quod est sibi secundum naturam, quam in id quod est sibi præter naturam. sed peccatum est contra naturam (ut Dam. dicit in 2. lib.) opus autem virtutis est homini secundum naturam: ut supra

dictum est. cum igitur homo per seipsum possit peccare, videtur quod multo magis per seipsum possit bonum velle & facere.

¶ Præterea, Bonum intellectus est verum, ut Philosophus dicit in 6. Ethic. * sed intellectus potest cognoscere verum per seipsum, sicut & quilibet alia res potest suam naturalem operationem per se facere: ergo multo magis homo potest per seipsum facere, & velle bonum.

Sed contra est, quod Apostolus dicit Rom. 9. Non est volentis scilicet velle, neque currentis, scilicet currere: sed miserantis Dei. & August. dicit in lib. 7. correctione & gratia, quod sine gratia nullus proficiat, siue cogitando, siue volendo & agendo, siue agendo, faciunt homines bonum.

CONCLUSIO.

Indignus homo in statu naturæ integræ gratuito quodam auxilio, ut bonum non naturale, sed supernaturale vellet & operaretur, at in statu naturæ lapsæ quamquam particulare aliquid bonum vellet & operari posset, necessaria tamen ei diuina gratia fuit, ut eius natura sanaretur, & bonum meritorium operaretur, & vellet.

Respondendum dicendum, quod natura hominis potest dupliciter considerari. vno modo in sui integritate: sicut fuit in primo parente ante peccatum. alio modo, secundum quod est corrupta in nobis post peccatum primi parentis. secundum autem utrumque statum natura humana indiget auxilio diuino ad faciendum vel volendum quodcumque bonum, sicut primo mouente: ut dictum est. Sed in statu naturæ integræ quantum ad sufficientiam operatur virtutis poterat homo per sua naturalia velle, & operari bonum suæ naturæ proportionatum, quale est bonum virtutis acquisitæ, non autem bonum superexcedens, quale est bonum virtutis infusæ: sed in statu naturæ corruptæ etiam deficit homo ad hoc, quod secundum suam naturam potest, ut non possit totum huiusmodi bonum implere per sua naturalia. Quia ramen natura humana per peccatum non est totaliter corrupta, ut scilicet toto bono naturæ priuetur, potest quidem etiam in statu naturæ corruptæ per virtutem suæ naturæ aliquid bonum particulare agere (sicut edificare domos, plantare vineas, & alia huiusmodi) non tamen totum bonum sibi conueniens, ita quod in nullo deficiat: sicut homo infirmus potest per seipsum aliquem motum habere, non tamen perfecte potest moueri motu hominis sani, nisi sanetur auxilio medicinarum. Sic igitur virtute gratuita superaddita virtuti naturæ indiget homo in statu naturæ integræ quantum ad vnum, scilicet ad operandum & volendum bonum supernaturale: sed in statu naturæ corruptæ quantum ad duo, scilicet ut sanetur, & ulterius, ut bonum supernaturalis virtutis operetur: quod est meritum. Vterius autem in utroque statu indiget homo auxilio diuino, ut ab ipso moueatur ad bene agendum.

Ad primum ergo dicendum, quod homo est dominus suorum actuum & volendi & non volendi, propter deliberationem rationis, quæ potest scire ad vnam partem vel ad aliam: sed quod deliberet, vel non deliberet, & si huiusmodi etiam sit dominus, oportet quod hoc sit per deliberationem precedentem, & hoc non procedat in infinitum, oportet quod finaliter deueniatur ad hoc, quod lib. arb. hominis moueatur ab aliquo exteriori principio, quod est supra mentem humanam, scilicet à Deo: ut etiam philosophus probat in capitulo de bona fortuna, unde mens hominis etiam sani non ita habet dominium sui actus, quin indigeat moueri à Deo: & multo magis liberum arb. hominis infirmi post peccatum, per quod impeditur à bono per corruptionem naturæ.

Ad secundum dicendum, quod peccare nihil aliud est quam deficere à bono, quod conuenit alicui secunda in suam naturam: vnaqueque enim res creata, sicut esse non habet nisi ab alio, & in se considerata nihil est, ita indiget conservari in bono suæ naturæ conuenienti ab alio: potest enim per se ipsam deficere à bono, sicut & per seipsum potest deficere in esse, nisi diuinitus conservaretur.

Ad tertium dicendum, quod etiam verum non potest homo cognoscere sine auxilio diuino, sicut supra dictum est: & tamen magis est natura humana corrupta per peccatum quantum ad appetitum boni, quam quantum ad cognitionem veri.

ARTICVLVS III.

Utrum homo possit diligere Deum super omnia, ex solis naturalibus, sine gratia.

Ad tertium sic proceditur. Videtur, quod homo non possit diligere Deum super omnia ex solis naturalibus sine gratia. Diligere enim Deum super omnia, est proprius & principalis charitatis actus. Sed charitatem homo non potest habere per seipsum, quia charitas Dei diffusa est in cordibus nostris per Spiritum sanctum, qui datus est nobis, ut dicitur Rom. 5. ergo homo ex solis naturalibus non potest Deum diligere super omnia.

¶ Præterea, Nulla natura potest supra seipsum. Sed diligere aliquid plus quam se, est tendere in aliquid supra seipsum. ergo nulla natura creata potest Deum diligere supra seipsum sine auxilio gratiæ.

¶ Præterea, Deo, cum sit summum bonum, debetur summus amor, qui est, ut super omnia diligatur. Sed ad summum amorem Deo impendendum, qui ei à nobis debetur, homo non sufficit sine gratia, alioquin frustra adderetur gratia. ergo homo non potest sine gratia, ex solis naturalibus diligere Deum super omnia.

Sed contra, Primus homo in solis naturalibus constitutus fuit (ut à quibusdam ponitur) in quo statu manifestum est, quod aliquantulum Deum dilexit. Sed non dilexit Deum æqualiter sibi vel minus se, quia secundum hoc peccasset. ergo dilexit

578

I. 1. 1. c. 6.

5. c. 2. d.

3. d. 4. c.

3. d. 19. c.

3. d. 19. c.

3. d. 19. c.

3. d. 19. c.

3. d. 19. c.

3. d. 19. c.

3. d. 19. c.

3. d. 19. c.

3. d. 19. c.

3. d. 19. c.

3. d. 19. c.

3. d. 19. c.

3. d. 19. c.

3. d. 19. c.

3. d. 19. c.

dilexit Deum supra se, ergo homo ex solis naturalibus Deum potest diligere plus, quam se, & super omnia.

CONCLUSIO.

Homo in statu nature integræ non indiget diuina gratia gratuito auxilio viribus naturalibus superadditis ad Deum super omnia naturaliter diligendum, quamquam Dei ad hoc mouentis auxilio ei opus esset: ac in statu nature corruptæ indiget ad hoc gratia ipsam naturam interius sanante.

RESPONDENDO dicendum quod sicut supra dictum est in primo (in quo etiam circa naturalem dilectionem angelorum diuerse opiniones sunt posite) homo in statu nature integræ poterat operari virtute suæ naturæ bonum, quod est sibi connaturale absque superadditione gratuiti doni, licet non absque auxilio Dei mouentis: diligere autem Deum super omnia, est quiddam connaturalitè homini, & etiam cuilibet creature non solum rationali, sed irrationali, & etiam inanimatæ secundum modum amoris, qui unicuique creaturæ competere potest. Cuius ratio est, quia unicuique naturale est quod appetat & amet aliquid, secundum quod apertum natum est esse. Sic igitur agit vnumquodque prout aptum natum est esse, ut dicitur in 1. Phys. manifestum est autem quod bonum partis est propter bonum totius. unde naturali appetitu, vel amore vniuersæ res particularis amat bonum suum proprium propter bonum commune totius vniuersæ, quod est Deus: unde & Dionys. dicit in lib. de diuin. nom. quod Deus conuertit omnia ad amorem suum ipsius. unde homo in statu nature integræ dilectionem sui ipsius referebat ad amorem Dei, sicut ad finem: & similiter dilectionem omnium aliarum rerum: & ita Deum diligebat plus quam seipsum & super omnia. Sed in statu nature corruptæ homo ab hoc deiecit secundum appetitum voluntatis rationalis, quæ propter corruptionem nature sequitur bonum priuatum, nisi sanetur per gratiam Dei. Et ideo dicendum est, quod homo in statu nature integræ non indigebat dono gratiæ superadditis naturalibus bonis ad diligendum Deum naturaliter super omnia, licet indigeret auxilio Dei ad hoc cum mouentis: sed in statu nature corruptæ indiget homo etiam ad hoc auxilio gratiæ naturam sanantis.

Ad primum ergo dicendum, quod charitas diligit Deum super omnia eminentius quam natura: natura enim diligit Deum super omnia, prout est principium & finis naturalis boni: charitas autem secundum quod est obiectum beatitudinis, & secundum quod homo habet quandam societatem spirituales cum Deo, addit enim charitas super naturalem dilectionem Dei, promittendū quandam & delectationem, sicut habitus quilibet virtutis addit supra actum bonum, qui sit ex sola naturali ratione hominis virtutis habitum non habentis.

Ad secundum dicendum, quod cum dicitur, quod nulla natura potest supra seipsum, non est intelligendum, quod non possit ferri in aliquid obiectum quod est supra se manifestum est enim, quod intellectus noster naturali cognitione potest aliqua cognoscere, quæ sunt supra seipsum ut patet in naturali cognitione Dei: sed illud intelligendum est quod natura non potest in actum excedentem proportionem suæ virtutis: talis autem actus non est diligere Deum super omnia: hoc enim est naturale cuilibet nature creature: ut dictum est.

Ad tertium dicendum, quod amor dicitur summus, non solum quantum ad gradum dilectionis, sed etiam quantum ad rationem diligendi & dilectionis modum: & secundum hoc summus gradus dilectionis est quo charitas diligit Deum, ut beatificantem, sicut dictum est.

ARTICVLVS IV.

Verum homo sine gratia per sua naturalia, legis præcepta implere possit.

AD QVARTVM sic proceditur. Videtur, quod homo sine gratia per sua naturalia possit præcepta legis implere. Dicit enim Apostolus ad Rom. 2. Quod gentes, quæ legem non habent, naturaliter ea quæ legis sunt, faciunt: sed illud quod naturaliter homo facit per seipsum, potest facere absque gratia: ergo homo potest legis præcepta facere absque gratia.

¶ Præterea, Hieron. dicit in expositione Catholice fidei, illos esse maledicendos, qui Deum præcepisse homini aliquid impossibile dicunt: sed impossibile est homini, quod per seipsum implere non potest. ergo homo potest implere omnia præcepta legis per seipsum.

¶ Præterea, Inter omnia præcepta legis maximum est illud, Diliges Dominum Deum tuum ex toto corde tuo, ut patet Matt. 22. sed hoc mandatum potest homo implere ex solis naturalibus, diligendo Deum super omnia: ut supra dictum est: ergo omnia mandata legis potest homo implere sine gratia.

Sed contra est, quod Aug. dicit in lib. de hæresibus, hoc pertinere ad hæresim Pelagianorum: ut credant sine gratia hominem posse facere omnia diuina mandata.

CONCLUSIO.

Potius homo in statu nature integræ omnia mandata legis seruare, quantum ad ipsam operum substantiam, non autem in statu nature corruptæ: sed quantum ad modum agendi, ut scilicet ea ex charitate operari possit, indigus homo in utroque statu diuina gratia.

RESPONDENDO dicendum, quod implere mandata legis contingit dupliciter. vno modo quantum ad substantiam operum, prout scilicet homo operatur iusta & fortia, & alia virtutis opera. & hoc modo homo in statu nature integræ potuit omnia mandata legis implere, alioquin homo non potuisset in statu illo non peccare: cum nihil aliud sit peccare quam transgredi diuina mandata, sed in statu nature corruptæ non potest homo implere omnia mandata diuina sine gratia sanante.

Alio modo possunt impleri mandata legis non solum quantum ad substantiam operum, sed etiam quantum ad modum agendi, ut scilicet ex charitate fiant, & sic neque in statu nature integræ, neque in statu nature corruptæ potest homo implere absque gratia legis mandata. unde August. in libro de correctione & gratia: cum dixisset, quod sine gratia nullum procul bonum homines faciunt, subdit: Non solum ut mouente ipsa quid faciendum sit, sciant: verum etiam, ut præstante ipsa faciant cum dilectione quod sciunt indigent insuper in utroque statu, auxilio Dei mouentis ad mandata implenda, ut dictum est.

Ad primum ergo dicendum, quod sicut August. dicit in libro de spiritu & littera. non moueat quod naturaliter dixit eos quæ legis sunt facere: hoc enim agit spiritus gratiæ, ut imaginem Dei, in qua naturaliter facti sumus inhaereat nobis.

Ad secundum dicendum, quod illud, quod possumus cum auxilio diuino non est nobis omnino impossibile: secundum illud Philosophi in tertio ethic. quæ per amicos possumus, aliquantulum nos possumus. unde Hieron. fibidem confiteri sic nostrum liberum esse arbitrium, ut dicamus nos semper indigere Dei auxilio.

Ad tertium dicendum, quod præceptum de dilectione Dei non potest homo implere ex puris naturalibus, secundum quod ex charitate impletur, ut ex supradictis patet.

ARTICVLVS V.

Verum homo possit mereri vitam æternam sine gratia.

AD QVINTVM sic proceditur. Videtur, quod homo possit mereri vitam æternam sine gratia. Dicit enim Dominus Matt. 19. Si vis ad vitam ingredi serua mandata, ex quo videtur quod ingredi in vitam æternam, sit constitutum in hominis voluntate. Sed id, quod in nostra voluntate constitutum est, per nos ipsos possumus: ergo videtur quod homo per seipsum possit vitam æternam mereri.

¶ Præterea, Vita æterna est merces, vel præmium, quæ hominibus redditur à Deo, secundum illud Matt. 5. Merces vestra multa est in cælis: sed merces vel præmium redditur à Deo homini secundum opera eius, secundum illud Psal. 61. Tu reddes unicuique secundum opera eius: cum igitur homo fit dominus suorum operum, videtur quod in eius potestate constitutum sit ad vitam æternam peruenire.

¶ Præterea, Vita æterna est vltimus finis vite humanæ: sed quilibet res naturalis per sua naturalia potest consequi finem suum: ergo multo magis homo, qui est altioris nature, per sua naturalia potest peruenire ad vitam æternam absque aliqua gratia.

Sed contra est, quod Apostolus dicit ad Rom. 6. Gratia Dei, vita æterna: quod ideo dicitur, sicut glossa ibidem dicit, ut intelligamus Deum ad vitam æternam pro sua misericordia nos perducere.

CONCLUSIO.

Cum vita æterna sit finis vltimus hominis, naturalem eius virtutem excedens, non potest per sua naturalia ipsam sine diuina gratia auxilio consequi, vel mereri.

RESPONDENDO dicendum, quod actus perducetes ad finem, oportet esse fini proportionatos. Nullus autem actus excedit proportionem principij actui. Et ideo videmus in rebus naturalibus, quod nulla res potest perficere effectum per suam operationem, qui excedat virtutem actiuiam, sed solum potest producere per operationem suam effectum suæ virtutis proportionatum. Vita autem æterna est finis excedens proportionem creaturæ humanæ, ut ex supradictis patet. Et ideo homo per sua naturalia non potest producere opera meritoria proportionata vite æternæ, sed ad hoc exigitur altior virtus, quæ est virtus gratiæ. Et ideo sine gratia homo non potest mereri vitam æternam, potest tamen facere opera perducencia ad bonum aliquod homini connaturale: sicut laborare in agro, bibere, manducare, & habere amicum, & alia huiusmodi, ut Aug. dicit in tertia responsione contra Pelagianos.

Ad primum ergo dicendum, quod homo sua voluntate facit opera meritoria vite æternæ: sed sicut August. in eo lib. dicit, ad hoc exigitur quod voluntas hominis præparetur à Deo per gratiam.

Ad secundum dicendum, quod sicut Gloss. dicit Rom. 6. super illud, Gratia Dei vita æterna. certum est vitam æternam bonis operibus reddi: sed ipsa opera quibus redditur, ad Dei gratiam pertinent: cum etiam supradictum sit, quod ad implendum mandata legis secundum debitum modum per quem eorum impletio est meritoria, requiritur gratia.

Ad tertium dicendum, quod obiectio illa procedit de fine homini connaturali. natura autem humana ex hoc ipso, quod nobilior est, potest ad altiorum finem perducere, saltem auxilio gratiæ, ad quem inferiores nature nullo modo pertingere possunt: sicut homo est melius dispositus ad sanitatem qui aliquibus auxiliis medicinarum potest sanitatem consequi: quam ille qui nullo modo ut Philosophus introducit in 2. de celo.

ARTICVLVS VI.

Verum homo possit seipsum ad gratiam præparare per seipsum absque exteriori auxilio gratiæ.

AD SEXTVM sic proceditur. Videtur, quod homo possit seipsum ad gratiam præparare per seipsum absque exteriori auxilio gratiæ. Nihil enim imponitur homini quod sit ei impossibile, ut supradictum est: sed Zachar. 1. dicitur, conuertimini ad me, & ego conuertar ad vos: nihil autem est aliud se ad gratiam præparare quam ad Deum conuertere: ergo videtur

1. 1. q. 60. art. 5.

1. 2. Phys. text. 72. tom. 2. cap. 4. p. 4. inter modum & p. 100.

In cor. art.

Art. 2. In quæst.

579 Infr. art. 1. ad 1. & 2. & 2. diffin. 28. art. 1. & diff. 41. in ex. p. 11. ad 5. Et vers. 9. 24. art. 1. 4. Ad Damasc. non procul. 6 fin. tom. 2.

Art. 1. p. 100.

In lib. de hæresibus. 32. n. p. 100. ad 1. p. 100.

Ca. 2. art. 1. p. 100.

Art. 1. 2. & Cap. 26. & 27. in p. 100.

1. 3. Ethic. 2. p. 100. 3. 1. 100. art. 1. 100. in arg.

Art. 3. b. 100. q. 2.

580 Infr. art. 1. p. 100.

1. 3. Ethic. 2. p. 100. 3. 1. 100. art. 1. 100. in arg.

1. 3. Ethic. 2. p. 100. 3. 1. 100. art. 1. 100. in arg.

2. 1. 100. 3.

1. 3. Ethic. 2. p. 100. 3. 1. 100. art. 1. 100. in arg.

1. 3. Ethic. 2. p. 100. 3. 1. 100. art. 1. 100. in arg.

581 1. 3. Ethic. 2. p. 100. 3. 1. 100. art. 1. 100. in arg.

1. 3. Ethic. 2. p. 100. 3. 1. 100. art. 1. 100. in arg.

videtur quod homo per seipsum possit se ad gratiam preparare abique auxilio gratie.

¶ Præterea, Homo se ad gratiam preparat faciendo quod in se est: quia si homo facit quod in se est, Deus ei non denegat gratiam. Dicitur enim Matt. 7. quod Deus dat spiritum bonum petentibus se. Sed illud in nobis esse dicitur quod est in nostra potestate; ergo videtur, quod in nostra potestate sit constitutum, ut nos ad gratiam preparemus.

¶ Præterea, Si homo indiget gratia ad hoc, quod preparet se ad gratiam, pari ratione indigebit gratia ad hoc, quod preparet se ad illam gratiam, & sic procederet in infinitum, quod est inconueniens: ergo videtur standum in primo, ut scilicet homo sine gratia possit se ad gratiam preparare.

¶ Præterea, Prou. 16 dicitur, quod hominis est preparare animum: sed illud dicitur esse hominis, quod per seipsum potest: ergo videtur quod homo per seipsum se possit ad gratiam preparare.

Sed contra est, quod dicitur Ioan. 6. Nemo potest venire ad me, nisi Pater qui misit me, traxerit eum: si autem homo seipsum preparare posset, non oporteret, quod ab alio traheretur: ergo homo non potest se ad gratiam preparare abique auxilio gratie.

CONCLUSIO.

Non potest homo per seipsum preparari ad diuinæ gratie lumen suscipiendum, sed gratis Deo interius mouenti bonumque propositum inspiranti, auxilio indiget: ad meritorie verò operandum, & dignis Deo fruendum, indiget habituali gratia ipsius dono, quod huius tanti operis principium sit.

Respondendum dicendum, quod duplex est preparatio voluntatis humanæ ad bonum. Vna quidem, qua preparatur ad bene operandum, & ad Deo fruendum: & talis preparatio voluntatis non potest fieri sine habituali gratie dono, quod sit principium operis meritorij, ut dictum est. Alio modo potest intelligi preparatio voluntatis humanæ ad consequendum ipsum gratie habitualis donum, ad hoc autem, quod preparet se homo ad susceptionem huius doni, non oportet præsupponere aliquod aliud donum habituale in anima: quia sic procederet in infinitum: sed oportet præsupponi aliquod auxilium gratuitum Dei, interius animam mouentis, siue inspirantis bonum propositum. Huiusmodi duobus modis indiget auxilio diuino, ut supra dictum est. Quod autem ad hoc indigeamus auxilio Dei mouentis manifestum est. Necessè est enim cum omne agens agat propter finem, quod omnis causa conuertat suos effectus ad suum finem: & ideo cum secundum ordinem agentium siue mouentium, sit ordo finium, necesse est quod ad vltimum finem conuertatur homo per motionem primi mouentis, ad finem autem proximum per motionem alicuius inferiorum mouentium: sicut animus militis conuertitur ad querendum victoriam ex motione ducis exercitus, ad sequendum autem vexillum alicuius aciei ex motione Tribuni. Sic igitur cum Deus sit primum mouens simpliciter, ex eius motione est, quod omnia in ipsum conuertantur secundum communem intentionem boni, per quam vnumquodque intendit assimilari Deo secundum suum modum. Vnde Dion. in lib. de diu. no. dicit, quod Deus conuertit omnia ad seipsum, sed homines iustos conuertit ad seipsum sicut ad specialem finem, quem intendunt, & cui capiunt adhaerere sicut bono proprio secundum illud Psalm 72. Mihi adhaerere Deo bonum est. Et ideo quod homo conuertatur ad Deum, hoc non potest esse nisi Deo ipsum conuertente: hoc autem est preparare se ad gratiam quasi ad Deum conuertit. Sicut ille qui habet oculum aëreum ad lumen solis, per hoc se preparat ad recipiendum lumen solis, quod oculos suos conuertit versus solem. Vnde patet, quod homo non potest se preparare ad lumen gratie suscipiendum nisi per auxilium gratuitum Dei interius mouentis.

Ad primum ergo dicendum, quod conuersio hominis ad Deum sit quidem per liber arbitrium & secundum hoc homini præcipitur, quod se ad Deum conuertat: sed liber arbitrium ad Deum conuertit non potest, nisi Deo ipsum ad se conuertente: secundum illud Ierem. 31. Conuerte me, & conuertar: quia tu Dominus Deus meus. Et Threnorum vltimo Conuerte nos Domine ad te, & conuertemur.

Ad secundum dicendum, quod nihil homo potest facere nisi à Deo moueatur, secundum illud Ioan. 13. Sine me nihil potestis facere: & ideo cum dicitur homo facere quod in se est, dicitur, hoc est in potestate hominis secundum quod est motus à Deo.

Ad tertium dicendum, quod illa obiectio procedit de gratia habituali, ad quam requiritur aliqua preparatio: quia omnis forma requiritur susceptibile dispositum: sed hoc, quod homo moueatur à Deo, non præxigit aliquam aliam motionem, cum Deus sit primum mouens, unde non oportet abire in infinitum.

Ad quartum dicendum, quod hominis est preparare animum: quia hoc facit sine auxilio Dei mouentis, & ad se attraheatis, ut dictum est.

ARTICVLVS VII.

Vtrum homo possit resurgere à peccato sine auxilio gratie.

Ad superius sic proceditur. Videtur, quod homo possit resurgere à peccato sine auxilio gratie. Illud enim quod præxigitur ad gratiam sit sine gratia: sed resurgere à peccato præxigitur ad illuminationem gratie. Dicitur enim Ephes. 5. Exurge à mortuis, & illuminabit te Christus: ergo homo potest resurgere à peccato sine gratia.

¶ Præterea, Peccatum virtuti opponitur, sicut morbus sanitati: ut supra dictum est: sed homo per virtutem naturalem potest resurgere de agitudine ad sanitatem sine auxilio exterioris medicinx propter hoc, quod intus manet principium vite à quo procedit operatio naturalis: ergo videtur, quod

homo simili ratione possit reparari per seipsum, rediendo de statu peccati ad statum iustitiæ abique auxilio exterioris gratie.

¶ Præterea, Quilibet res naturalis potest redire ad statum conuenientem suæ naturæ: sicut aqua calefacta per seipsam redit ad naturalem frigiditatem, & lapis sursum proiectus per seipsum redit ad suum motum naturalem: sed peccatum est quidam actus contra naturam, ut patet per Damasc. in 2. lib. ergo videtur quod homo possit per seipsum redire de peccato ad statum iustitiæ.

Sed contra est, quod Apostolus dicit ad Gal. 2. Si data est lex, quæ potest iustificare, ergo. Christus gratis mortuus est, id est sine causa: pari ergo ratione si homo habet naturam per quam potest iustificari, Christus gratis, id est sine causa mortuus est. Sed hoc est inconueniens dicere: ergo non potest per seipsum iustificari, id est, redire de statu culpæ ad statum iustitiæ.

CONCLUSIO.

Quum naturalis in homine ratio non sit sufficiens principium sanitatis spiritalis, sed ipsi gratia, quæ tollitur per peccatum: fieri non potest, ut per seipsum homo sine auxilio gratie à peccato resurgat, hoc est, ad ea quæ peccando amisit reparetur.

Respondendum dicendum, quod homo nullo modo potest resurgere à peccato per seipsum sine auxilio gratie. Cum enim peccatum transiens actu remaneat reatu (ut supra dictum est) non est idem resurgere à peccato, quod cessare ab actu peccati: sed resurgere à peccato est reparari hominem ad ea quæ peccando amisit. Incurrit autem homo triplex detrimentum peccando, ut ex supradictis patet, scilicet maculam, corruptionem naturalis boni, & reatum poenæ. Maculam quidem incurrit, in quantum priuatur decore gratie ex deformitate peccati. Bonum autem naturæ corrumpitur in quantum natura hominis deordinatur voluntate hominis Deo non subie. & hoc enim ordine sublatum, consequens est, ut tota natura hominis peccatis inordinata remaneat. Reatus verò poenæ est, per quem homo peccando mortaliter meretur damnationem æternam. Manifestum est autem de singulis horum trium, quod non possunt reparari nisi per Deum. Cum enim decor gratie proueniat ex illustratione diuini luminis, non potest talis decor in anima reparari nisi Deo denud illustrante: unde requiritur habituale donum quod est gratia lumen. Similiter ordo naturæ reparari non potest, ut scilicet voluntas hominis Deo subieciatur, nisi Deo voluntatem hominis ad se trahente: sicut dictum est. Similiter etiam reatus poenæ æternæ remitti non potest, nisi à Deo, in quem est offensa commissa, qui est hominum iudex: & ideo requiritur auxilium gratie ad hoc quod homo à peccato resurgat, & quantum ad habituale donum, & quantum ad interiorem Dei motionem.

Ad primum ergo dicendum, quod illud indicitur homini, quod pertinet ad actum lib. arb. qui requiritur in hoc, quod homo à peccato resurgat: & ideo cum dicitur, Exurge, & illuminabit te Christus, non est intelligendum, quod tota exurrectio à peccato præcedat illuminationem gratie: sed quia cum homo per lib. arb. à Deo motum surgere conatur à peccato, recipit lumen gratie iustificantis.

Ad secundum dicendum, quod naturalis ratio non est sufficiens principium huius sanitatis, quæ est in homine per gratiam iustificantem, sed huius principium est gratia, quæ tollitur per peccatum: & ideo non potest homo per se ipsum reparari, sed indiget ut denud ei lumen gratie infunderetur: sicut si corpori mortuo resuscitando denud infunderetur anima.

Ad tertium dicendum, quod quando natura est integra, per seipsum potest reparari ad id, quod est sibi conueniens & proportionatum: sed ad id, quod superexcedit suam proportionem, reparari non potest sine exteriori auxilio. Sic igitur humana natura defluens per actum peccati, quia non manet integra, sed corrumpitur (ut supra dictum est) non potest per seipsum reparari, neque etiam ad bonum sibi conueniens, & multo minus ad bonum supernaturale iustitiæ.

ARTICVLVS VIII.

Vtrum homo sine gratia possit non peccare.

Ad octauum sic proceditur. Videtur, quod homo sine gratia possit non peccare. Nullus enim peccat in eo quod vitare non potest. ut Augustinus dicit in lib. de duabus animabus & de lib. arb. si ergo homo existens in peccato mortali, non possit vitare peccatum, videtur quod peccando non peccet, quod est inconueniens.

¶ Præterea, Ad hoc corripitur homo, ut non peccet. Si igitur homo in peccato mortali existens, non potest non peccare, videtur quod frustra ei correptio adhibeatur: quod est inconueniens.

¶ Præterea, Eccles. 15. dicitur. Ante hominem vita & mors, bonum & malum, quod placuerit ei, dabitur illi: sed aliquis peccando non desinit esse homo. Ergo adhuc in eius potestate est eligere bonum vel malum, & ita potest homo sine gratia vitare peccatum.

Sed contra est, quod Augustinus dicit in libr. de perfectione iustitiæ, Quisquis negat nos orare debere, ne intremus in tentationem, negat autem hoc, quod contendit ad non peccandum gratia Dei adiutorium non esse homini necessarium, sed sola lege accepta humanam sufficere voluntatem, ab auriibus omnium remouendum & ore omnium anathematizandum esse non dubito.

CONCLUSIO.

Homo in statu innocentie (quia eius natura perfectio sanctorum) cum solo auxilio generali, omnia & singula peccata sanctorum quædam mortalia vitare potuit. In statu autem nature corrupte, mortalia & singula, sed non omnia vitare potest, si est natura per gratiam infusam reparata: alias enim ne mortalia quidem omnia (præsertim tempore longo) vitare potest.

Respondendum

RESPONDEO dicendum, quod de homine dupliciter loqui possumus. Vno modo secundum statum naturæ integræ. Alio modo secundum statum naturæ corruptæ. Secundum statum quidem naturæ integræ etiam sine gratia habituali poterat homo non peccare nec mortaliter nec venialiter: quia peccare nihil aliud est, quam recedere ab eo, quod est secundum naturam, quod vitare homo poterat in statu naturæ integræ: non tamen hoc poterat sine auxilio Dei in bono conseruantis: quo subtrahendo etiam ipsa natura in nihilum decideret. In statu autem naturæ corruptæ indiget homo gratia habituali sanante naturam ad hoc, quod omnino à peccato abstinere: quæ quidem sanatio primo fit in presenti vita secundum mentem appetitui carnali nondum omnino reparato. Vnde Apostolus ad Rom. 7. in persona hominis reparati, dicit, Ego ipse mente serui legi Dei, carne autem legi peccati. In quo quidem statu potest homo abstinere ab omni peccato mortali quod in ratione consistit, vt supra habitum est. * non autem potest homo abstinere ab omni veniali propter corruptionem inferioris appetitus sensualitatis, cuius motus singulos quidem ratio reprimere potest (& ex hoc habent rationem peccati & voluntarij) non autem omnes quia dum vni resistere nititur, fortassis alius insurgit: & etiam quia ratio non semper potest esse peragil ad huiusmodi motus vitandos, vt supra dictum est. Similiter etiam antequam hominis ratio, in qua est peccatum mortale, reparatur per gratiam iustificantem, potest singula peccata mortalia vitare, & secundum aliquod tempus, quia non est necesse, quod continuo peccet in actu, sed quod diu maneat abique peccato mortali esse non potest. Vnde & Greg. * dicit super Ezech. quod peccatum quod mori per penitentiam non deletur. suo pondere ad aliud trahit Et huius ratio est, quia sicut rationi subdi debet inferior appetitus, ita etiam ratio subdi debet Deo, & in ipso constituere finem suum voluntatis. Per finem autem oportet, quod regulentur omnes actus humani, sicut per rationis iudicium regulari debent motus inferioris appetitus. Sicut ergo inferiori appetitu non totaliter subiecto rationi, non potest esse quia contingant inordinati motus in appetitu sensitiuo: ita etiam ratione hominis non totaliter existente subiecta Deo, consequens est, vt contingant multæ inordinationes in ipsis actibus rationis. Cùm enim homo non habet cor suum firmitatem in Deo, vt pro nullo bono consequendo, vel malo vitando ab eo separari vellet, occurrunt multa propter quæ consequenda vel vitanda homo recedit à Deo, contemnendo præcepta ipsius, & ita peccat mortaliter, præcipue quia in repentinis homo operatur secundum finem præconceptum, & secundum habitum præexistente, vt Philof. dicit in 3. Ethicor. * quamuis ex præmeditatione rationis homo possit aliquid agere præter ordinem finis præconcepti, & præter inclinationem habitus. Sed quia homo non potest semper esse in tali præmeditatione, non potest contingere, vt diu permaneat quin operetur secundum consequentiam voluntatis deordinatæ à Deo, nisi cito per gratiam ad debitum ordinem reparetur.

Ad primum ergo dicendum, quod homo potest vitare singulos actus peccati, non tamen omnes nisi per gratiam, vt dictum est. Et tamen quia ex eius defectu est, quod homo se ad gratiam habendam non præparet, propter hoc à peccato non excusatur, quod sine gratia peccatum vitare non potest.

Ad secundum dicendum, quod correctio utilis est, vt ex dolore correptionis voluntas regenerationis oriatur, si tamen qui corripitur, filius est promissionis, vt strepitu correptionis forissecus insonante aut flagellante, Deus in illo intrinsecus occulta inspiratione operetur & velle: vt August. dicit in libr. * de correptione & gratia. Ideo ergo necessaria est correctio: quia voluntas hominis requiritur ad hoc, quod à peccato abstinere, sed tamen correctio non est sufficiens sine Dei auxilio. Vnde Eccles. 7. Considera opera Dei, quod nemo possit corrigere, quem ille despexit.

Ad tertium dicendum, quod sicut Aug. * dicit in Hypognosticon, verbum illud intelligitur de homine secundum statum naturæ integræ, quando nondum erat seruus peccati, vnde poterat peccare & non peccare, nunc etiam quodcumque vult homo, datur ei, sed hoc quod bonum vult, habet ex auxilio gratiæ.

ARTICVLVS IX.

Utrum ille, qui iam consequutus est gratiam per seipsum possit operari bonum & vitare peccatum absque auxilio gratiæ.

AD NOVVM sic proceditur. Videtur, quod ille qui iam consecutus est gratiam, per seipsum possit operari bonum & vitare peccatum absque alio auxilio gratiæ. Vnumquodque enim aut frustra est, aut imperfectum, si non implet illud ad quod datur. Sed gratia ad hoc datur nobis, vt possimus bonum facere, & vitare peccatum. si igitur per gratiam hoc homo non potest, videtur quod vel gratia sit frustra data, vel sit imperfecta.

¶ 2. Præterea, Per gratiam ipse Spiritus sanctus in nobis habitat secundum illud 1. ad Corin. 3. Nescitis quia templum Dei estis, & Spiritus Dei habitat in vobis? Sed Spiritus sanctus cùm sit omnipotens, sufficiens est, vt nos inducat ad bene operandum, & vt nos à peccato custodiat: ergo homo gratiam consecutus potest vtrumque prædictorum absque alio auxilio gratiæ.

¶ 3. Præterea, Si homo consecutus gratiam, adhuc alio auxilio gratiæ indiget ad hoc, quod recte viuatur, & à peccato abstinere, pari ratione est illud aliud auxilium gratiæ consecutus fuerit, adhuc alio auxilio gratiæ indigebit: procederet ergo in infinitum quod est inconueniens. Ergo ille, qui est in gratia, non indiget alio auxilio gratiæ ad hoc quod bene operetur, & à peccato abstinere.

R. P. Philippi Carm. discal. Dis. Theolog. in 1. 2.

Sed contra est, quod August. dicit in libr. * de natura & gratia, quod sicut oculus corporis plenissime sanus nisi candore lucis adiutus, non potest cernere sic & homo perfectissime etiam iustificatus, nisi æterna luce iustitiæ diuinitus adiuuetur, recte non potest viuere. Sed iustificatio fit per gratiam: secundum illud Rom. 3. Iustificati gratia per gratiam ipsius. Ergo etiam homo iam habens gratiam, indiget alio auxilio gratiæ ad hoc, quod recte viuatur.

CONCLUSIO.

Cùm nullum agens secundum, agat nisi in virtute primi, sique caro spiritus perpetuo rebellis: non potest homo licet iam gratiam consequutus, per seipsum operari bonum & vitare peccatum absque nouo auxilio Dei ipsum mouentis, dirigentis, & protegentis, quamuis alia habitualis gratia, ad hoc ei necessaria non sit.

RESPONDEO dicendum, sicut supra dictum est, homo ad recte viuendum dupliciter auxilio Dei indiget. Vno quidem modo quantum ad aliquod habituale donum, per quod natura humana corrupta sanetur, & etiam sanata eleuetur ad operanda opera meritoria vite æternæ, quæ excedunt proportionem naturæ. Alio modo indiget homo auxilio gratiæ, vt à Deo moueatur ad agendum.

¶ Quantum igitur ad primum auxilij modum homo in gratia existens, non indiget alio auxilio gratiæ quasi aliquo alio habitu infuso: indiget tamen auxilio gratiæ secundum alium modum, vt scilicet à Deo moueatur ad recte agendum: & hoc propter duo. Primo quidem ratione generali propter hoc, quod sicut supra dictum est, * nulla res creata potest in quemcumque actum prodire nisi virtute motionis diuinæ. Secundo, ratione speciali propter conditionem status humanæ naturæ: quæ quidem licet per gratiam sanetur quantum ad mentem, remanet tamen in ea corruptio & infectio quantum ad carnem per quam seruit legi peccati, vt dicitur ad Rom. 7. Remanet etiam quædam ignorantia obfcuritas in intellectu, secundum quam (vt etiam dicitur Rom. 8. J. quid oremus sicut oportet, nescimus. Propter varios enim rerum euentus, & quia etiam nos ipsos non perfecte cognoscimus, non possumus ad plenum scire quid nobis expediat: secundum illud Sap. 9. Cogitationes mortalium timida, & incerta prouidentia nostræ. Et ideo necesse est nobis, vt à Deo dirigamur & protegamur, qui omnia nouit, & omnia potest. Et propter hoc etiam renatis in filios Dei per gratiam conuenit dicere: Et ne nos inducas in tentationem: &c. Fiat voluntas tua sicut in celo & in terra, &c. quæ in oratione Dominica continentur ad hoc pertinentia.

Ad primum ergo dicendum, quod donum habitualis gratiæ non ad hoc datur nobis, vt per ipsum non indigeamus ulterius diuino auxilio: indiget enim quilibet creatura, vt à Deo conseruetur in bono, quod ab eo accepit. Et ideo si post acceptam gratiam homo adhuc indiget diuino auxilio, non potest concludi, quod gratia sit in vanum data, vel quod sit imperfecta: quia etiam in statu gloriæ quando gratia erit omnino perfecta, homo diuino auxilio indigebit. Hic autem aliquam gratiam imperfectam est, in quantum hominem non totaliter sanat vt dictum est.

Ad secundum dicendum, quod operatio Spiritus sancti, quæ nos mouet & protegit, non circumscribitur per effectum habitualis doni quod in nobis causat: sed præter hunc effectum nos mouet & protegit simul cum Patre & Filio.

Ad tertium dicendum, quod ratio illa concludit, quod homo non indiget alia habituali gratia.

ARTICVLVS X.

Utrum homo in gratia constitutus indigeat auxilio gratiæ ad perseuerandum.

AD DECIMVM sic proceditur. Videtur, quod homo in gratia constitutus non indigeat auxilio gratiæ ad perseuerandum. Perseuerantia enim est aliquid minus virtute, sicut & continentia, vt patet per Phil. in 7. Eth. * Sed homo non indiget alio auxilio gratiæ ad habendum virtutes, ex quo est iustificatus per gratiam. Ergo multo minus indiget auxilio gratiæ ad habendum perseuerantiam.

¶ 2. Præterea, Omnes virtutes simul infunduntur. Sed perseuerantia ponitur quædam virtus. Ergo videtur quod simul cum gratia infusus aliis virtutibus perseuerantia detur.

¶ 3. Præterea, Sicut Apost. dicit ad Rom. 5. plus restitutum est homini per donum Christi, quàm amiserit per peccatum Adæ. Sed Adam accepit, vnde posset perseuerare: ergo multo magis nobis restituitur per gratiam Christi vt perseuerare possimus: & ita homo non indiget gratia ad perseuerandum.

Sed contra est, quod August. dicit in libr. de perseuerantia. * Cur perseuerantia poscitur à Deo, si non datur à Deo? an & ista irritoria petitio est, cùm id ab eo petitur quod scitur, non ipsum dare. sed ipso non dante esse in hominis potestate? Sed perseuerantia petitur etiam ab illis, qui sunt per gratiam sanctificati: quod intelligitur cùm dicimus, sanctificetur nomen tuum: vt ibidem Aug. confirmat per verba Cypriani †: ergo homo etiam in gratia constitutus indiget, vt ei perseuerantia à Deo detur.

CONCLUSIO.

Indiget homo in gratia constitutus, ad hoc usque ad finem vite sue in bono perseueret, non quidem habituali diuinæ gratiæ dono, sed speciali quodam diuino auxilio, contra sensationum impulsus, illum protegente.

RESPONDEO dicendum, quod perseuerantia tripliciter dicitur. Quandoque enim significat habitum mentis, per quem homo firmiter stat, ne remoueatur ab eo quod est secundum virtutem per tristitias irruentes, vt sic se habeat perseuerantia ad tristitias, sicut continentia ad concupiscentias & delectationes, vt Philosoph. dicit in 7. Ethic.

¶ Alio modo potest dici perseverantia habitus quidam, secundum quem homo habet propositum perseverandi in bono usque in finem. Et utroque istorum modorum perseverantia simul cum gratia infunditur, sicut & continentia & cetera virtutes.

¶ Alio modo dicitur perseverantia continuatio quidam boni usque ad finem vite. Et ad talem perseverantiam habendam, homo in gratia constitutus non quidem indiget aliqua alia habituali gratia, sed divino auxilio ipsum dirigente & protegente contra temptationum impulsus, sicut ex precedenti questione apparet. * Et ideo postquam aliquis est iustificatus per gratiam, necesse habet à Deo petere prædictum perseverantiæ donum, ut scilicet custodiatur à malo usque ad finem vite: multis enim datur gratia, quibus non datur perseverare in gratia.

A d. primum ergo dicendum, quod obiectio illa procedit de primo modo perseverantiam, sicut & secunda obiectio procedit de secundo. Unde patet solutio A d. secundum.

A d. tertium dicendum, quod sicut Aug. dicit in lib. de natura & gratia. * homo in primo statu accepit donum, per quod perseverare posset, non autem accepit, ut perseveraret: nunc autem per gratiam Christi multi accipiunt & donum gratia quo perseverare possunt, & ulterius eis datur, quod perseverarent. Et sic donum Christi est maius quam delictum Adæ. Et tamen facilius homo per gratia donum perseverare poterat in statu innocentie in quo nulla erat rebellio carnis ad Spiritum, quam nunc possimus, quando reparatio gratia Christi est inchoata quantum ad mentem, nondum tamen est consummata quantum ad carnem. quod erit in patria: ubi homo non solum perseverare poterit, sed etiam peccare non poterit.

DISPUTATIO I.

DISPUTATIO I.

De Necessitate Gratia.

QUOD ex Necessitate Gratia colligatur eius natura; statim in principio huius Tractatus agendum est de Necessitate Gratia.

D V B I V M I.

Utrum sit necessaria gratia ad cognoscendum speculative verum naturale.

SUPPONENDUM est, verum naturale in prædicti vocari illud omne quod potest cognosci ex sensibilibus, cum obiectum nostri intellectus pro hoc statu sit quidditas materialis siue sensibilis: unde ad verum naturale pertinent tam prima principia sine discursu cognita, quam conclusiones ex illis medio discursu deductæ; ac proinde scientia omnes tam speculativæ, quam practicæ ex illis genitæ: è contra verò non solum res fidei, sed etiam futura contingentia & cogitationes cordis præcisæ à signo externo dicuntur ens supernaturale: Nomine autem gratia non intelligitur gratia habitualis sanctificans, quia multi peccatores sine illa sunt docti in scientiis naturalibus & multi iusti cum illa sunt ignorantes; sed intelligitur gratia actualis, siue aliquod auxilium speciale, ut illustratio intellectus specialiter & præter communem cursum à Deo concessa.

Prima opinio Vasquis 1.2. d. 188. cap. 1. & 2. asserit necessariam esse gratiam, siue specialem illustrationem ad cognoscendum quodcumque verum naturale; ita ut non sufficiat auxilium generale: hanc tamen negat dari nobis per Christum. Probatur autoritate sacra Scriptura & Sanctorum Patrum. 1. ad Cor. 3. Non sumus sufficientes cogitare aliquid ex nobis quasi ex nobis, sed sufficientia nostra ex Deo est. Ambrosius in Comm. ad Epist. 1. ad Cor. 12. ait: Omne

verum à quocunque dicatur, à Spiritu sancto est: constat autem quod indigemus gratia ad percipienda ea quæ sunt à Spiritu sancto. D. Th. hic art. 1. docet intellectum indigere motione Dei ad cognoscendum quodcumque verum, nec dicit hanc motionem esse concursus Dei generalem; imo colligitur esse gratiam actualem, quia ad 1. solum excludit necessitatem gratia habitualis ad cognoscendum verum naturale.

Secundò. Petimus à Deo gratiam addiscendi scientias: nec pro his acquisitis licet gloriari: ergo signum est, nos indigere gratia Dei ad hoc; si enim viribus naturæ id possemus, frustra peteremus gratiam, & liceret in nobis gloriari.

Tertiò. Multa occurrunt impedimenta in cognitione veri naturalis, ut defatigatio sensus: ergo necessaria est gratia ad illa vincenda; & maximè quia requiritur maior concursus ad verum, quam ad falsum cognoscendum, & tamen ad falsum cognoscendum requiritur concursus generalis.

CONCLUSIO.

RESPONDEO dicendum, quod ad cognoscendum quodcumque verum naturale in particulari non est necessaria gratia siue speciale auxilium, sed sufficit auxilium generale 1. secus est ad cognoscendas omnes veritates naturales; imò ad habendam unam scientiam sine admixtione erroris, indigemus enim speciali illustratione 3. sicut & ad cognoscendas conclusiones theologicas in principiis: non autem in seipsis. Ita communiter Discipuli D. Thomæ.

Probatur prima pars conclusionis autoritate D. Th. loco citato. Vbi sic ait, Vnaquæque autem forma indita rebus creatis à Deo habet efficaciam respectu alicuius actus determinati, in quem potest secundum suam proprietatem: Et infra. Non autem indiget ad cognoscendam veritatem in omnibus nova illustratione superaddita naturali illustrationi. Et in 2. d. 28. quæst. 1. art. 5. ait: Dicendum ergo est, sine omni gratia intellectum posse cognoscere verum naturale. Deinde probatur multiplici ratione: Sensus potest percipere verum naturale sine gratia, ut oculus discernere inter album & nigrum. Deinde: Artifices cognoscunt plures veritates suarum artium absque gratia, quamvis non in prima inventionem: ergo intellectus potest etiam cognoscere quodcumque verum naturale sibi proportionatum sine gratia. Item: Lumen naturale intellectus per peccatum originale non remansit extinctum, sicut nec in dæmonibus: ergo non amisit proportionem naturalem, quam habet ad verum quodcumque naturale, & ita sine gratia potest illud in particulari cognoscere. Denique: Non apparet ex quo capite ad talem cognitionem requiratur gratia. Non ad apprehendendum, sufficit enim propria industria aut instructio magistri; loquimur enim de intellectu perspicaci & naturaliter perfectò; si enim esset obtusus

obtusius indigeret gratia. Nec ad iudicandum ita esse, quia se naturaliter determinat ad magis probabiles rationes. Nec etiam ex parte voluntatis applicantis intellectum, quia omnis homo naturaliter scire desiderat, ultra quod non esset necessaria ex parte intellectus ad cognoscendum; de hoc enim procedit difficultas: ergo ad cognoscendum quodcumque verum naturale in particulari non est necessaria gratia. Idem est dicendum de principiis practicis ac speculativis: nam naturaliter scimus hoc principium practicum, Quod tibi fieri non vis, alteri ne feceris; imò & de veritatibus naturalibus circa Deum, ut quod sit vnus, bonus, iustus, æternus, &c. ut docet D. Thom. 1. p. quæst. 2. iuxta illud ad Rom. 1. Inuisibilia ipsius per ea quæ facta sunt, intellecta conspiciuntur.

Probatur secunda pars conclusionis: Intellectus ad cognoscendum indiget ministerio sensuum tam internorum, quam externorum, unde naturaliter nihil est in intellectu, quin fuerit in sensu: sed est impossibile naturaliter quod sensus versentur circa omnes veritates naturales, tum quia ipsæ non occurrunt, tum quia ipsi fatigantur facile: ergo ad cognoscendas omnes veritates naturales indigemus speciali illustratione. Deinde: Nullus de facto propria industria consequitur talem cognitionem, & si qui illam habuerunt, hoc fuit ex peculiari Dei infusione, ut constat: ergo signum est, quod sine gratia haberi non potest. Denique constat, quod Gentiles Philosophi, ut Plato, Aristoteles, & alij quauis acutissimi essent ingenij, habuerunt scientias permixtas tot erroribus, ut docet D. Thom. 1. part. quæst. 1. art. 1. & in eorum libris videre licet: ergo ad habendam etiam vnicam scientiam sine admixtione erroris, indigemus speciali illustratione.

Probatur tertia pars conclusionis: Quando conclusiones cognoscuntur in principiis, cognoscuntur eodem actu cognitionis, quo ipsa principia, ut est communiter receptum: sed ad illum actum cognitionis, quo cognoscuntur principia theologica, necessaria est specialis illustratio, cum principia illa primò cognita, & in quibus cognoscuntur conclusiones, sint supernaturalia; talia enim sunt principia Theologiz cum sint propositiones fidei: si quæ enim naturalia admiscerentur, sunt extranea: constat autem quod cognitio est proportionata siue eiusdem ordinis, cum re cognita: ergo indigemus speciali illustratione ad cognoscendas conclusiones theologicas in principiis. Quando verò hæ conclusiones cognoscuntur in seipsis ut deductæ à particulari Theologo, cognoscuntur cognitione distincta à cognitione principiorum; & insuper non sunt de fide, quia discursus ille particularis quo sunt deductæ, est fallibilis, unde non certò constat esse virtualiter reuelatas in suis principiis; quamuis enim argumentum sit in

R. P. Philippi Carm. discal. Diss. Theolog. in 1.2

forma, & bona appareat consequentia, hæc tamen certitudo est merè naturalis, cui certitudo fidei innitti non potest, unde Theologus debet credere se forte errare: ergo ex neutro capite habetur, quod necessaria est gratia ad illas cognoscendas; secus est, quando deducuntur ex infallibili assistentia Spiritus sancti, ut in Conciliis, tunc enim sunt de fide, quia virtualiter esse reuelatas à Deo infallibili consequentia colligitur, unde cum sint de fide, opus est speciali illustratione ad illas cognoscendas.

Ad primum ergo dicendum, quod si Apostolus loquatur de cognitione cuiuscunque veri naturalis in particulari, sufficientia nostra dicitur esse ex Deo, in quantum sine præmotione Dei intellectus non potest actu cogitare. Si autem loquatur de cognitione alicuius in ordine ad vitam æternam, quod est probabilius, sic fatemur esse necessariam gratiam. Ad illud Ambrosij dicendum cum D. Thom. 1.2. quæst. 109. art. 1. ad 1. quod omne verum est à Spiritu sancto, sicut ab infundente naturale lumen, & mouente ad intelligendum & loquendum veritatem. Ad D. Thom. dicendum, quod ibi per motionem intelligit concursum generalem, ut patet ex ipso textu. Ad 1. verò excludit gratiam habituales, ad cognoscendum etiam omnes veritates naturales, ad quas necessaria est gratia actualis; sed ipsam non includit ut necessariam ad cognoscendum quodcumque verum naturale in particulari.

Ad secundum dicendum, quod est necessaria gratia ad addiscendas scientias perfectè & sine errore; unde illas à Deo petimus, imò & ad facilius cognoscendas particulares veritates: Nec licet gloriari etiam de naturalibus, multò minus de his quæ facimus ex speciali Dei auxilio.

Ad tertium dicendum, quod fatigatio sensuum impedit cognitionem omnium veritatum naturalium, aut plurium simul; sed non cuiuslibet in particulari: Deus autem diuersimodè concurrit ad cognitionem veram & falsam: ad veram enim concurrit tam quoad materiale, quam quoad formale; ad falsam verò quantum ad materiale tantum, sicut & ad peccatum; quia falsitas est defectus non ordinabilis ad vltimum finem: propterea non fuit in Christo Domino, sicut nec error aut deceptio; nec possunt procedere ab habitibus infusis. Auxilium generale dicitur debitum non debito iustitiæ, sed debito connaturalitatis, quia Deus quasi se obligauit ad sic concurrendum cum causis secundis, quamuis absolutè sit gratis hic concursus, sicut & creatio.

D V B I U M II.

Verum homo sine gratia possit practicè cognoscere aliquod verum morale practicum.

Supponendum est, hanc difficultatem non Sprocedere de practicis artificialibus: certum

III 2 est

est enim apud omnes, ad hæc sigillatim non esse necessariam gratiam; unde solum procedit de agibilibus & moralibus: Similiter procedit de cognitione practica siue ordinata ad praxim; dictum est enim dubio præcedenti de cognitione speculatiua principiorum practicorum: Cognitionis autem practica consistit in iudicio practico intellectus; quod est duplex, vnum antecedens electionem mediorum, & aliud consequens siue applicans ad opus, quod etiam dicitur imperium.

Prima opinio tenet non esse necessariam gratiam, ad primum iudicium practicum de quocunque vero morali practico in particulari. Probatur: Potest quis sine gratia iudicare Deum esse amandum & honorandum, vt pote summum bonum ex illo ad Rom. 1. Qui cum cognouissent Deum, non sicut Deum glorificauerunt: ergo homo sine gratia potest practice cognoscere aliquod verum morale practicum.

Secundò: Primum illud iudicium est in ordine ad bonum morale, quod est homini connaturale & proportionatum; ex alia verò parte non mouet proximè ad opus: ergo potest haberi sine gratia.

CONCLUSIO.

RESPONDEO dicendum, quod homo sine gratia non potest cognoscere practice omne verum morale practicum, sicut nec speculatiue. 2. loquendo autem in particulari necessaria est gratia ad vtrumque iudicium in ordine ad actiones morales conducentes ad vitam æternam quocunque modo, vel per modum meriti in iustis, vel per modum dispositionis etiam initialis ad iustificationem. 3. quod idem dicendum est, in ordine ad actiones morales bonas, non solum conducentes ad vitam æternam, sed etiam arduas & difficiles, secus si sint faciles. 4. in statu iustitiæ originalis, poterat vtrumque iudicium haberi sine gratia, in ordine ad actiones quasunque morales ordinis naturalis: non autem supernaturalis ordinis. 5. tunc autem sine gratia erat impossibile cognoscere tam practice, quam speculatiue omnes veritates speculatiuas & practicas: plures tamen fuissent cognitæ quam nunc: de his licet fuisset opinio aut fides humana, nullus tamen fuisset error aut deceptio.

Probatur prima pars conclusionis iisdem rationibus, quibus dubio præcedenti probatum est, non posse cognosci veritates naturales speculatiue: par enim est ratio quantum ad hoc, de cognitione speculatiua & practica.

Probatur secunda pars conclusionis auctoritate sacræ Scripturæ, Conciliorum, & Sanctorum Patrum. 2. ad Cor. 3. dicitur: Non sumus sufficientes cogitare aliquid à nobis quasi à nobis, sed sufficientia nostra à Deo est: Si non cogitare, quod est primus actus; multò minus iudicare, quod consequitur. Psalm. 118. Doce me facere iustificationes tuas. Concilium Mileuitan. ait ca-

non. 4. Donum Dei est, & scire quid facere debeamus, & diligere vt faciamus. Concilium Arausican. II. canone 9. Diuini muneris est, cum rectè cogitamus: Idem sæpe repetit contra Semipelag. Aug. 2. de peccatorum meritis cap. 17. Nolunt homines facere quod iustum est siue quia latet an iustum sit, siue quia non delectat, &c. vt innotescat quod latebat, & suaue fiat quod non delectabat, gratiæ Dei est, & lib. 6. contra Iulianum cap. 5. Ignorantia minuitur veritate magis magisque lucente, concupiscentia minuitur charitate magis magisque feruente, nihil boni horum duorum est à nobis. Huius ratio est quia principium & finis debent proportionari & esse eiusdem ordinis, vt communiter est receptum apud omnes: ergo cum iudicium practicum est de actionibus moralibus conducentibus ad vitam æternam supernaturalem, debet procedere à principio supernaturali, scilicet gratia, & non à sola potentia naturali.

Probatur & explicatur tertia pars conclusionis: Certum est vt infra dicetur, quod actiones bonæ morales, si sint arduæ & difficiles, non possunt fieri sine gratia, etiam non ordinando eas ad finem supernaturalem: benè tamen si fuerint faciles: & hoc prouenit ex læsione voluntatis & rebellionem partis inferioris in superiorè, quæ pars inferior tendit ad bonum sensibile sibi conueniens contra regulas & ductum rationis: ergo cum iudicandum est an sint faciendæ tales actiones difficiles, opus erit gratia ad rectè iudicandum, cum enim vtrumque iudicium de quo agimus non sit speculatiuum, sed practicum mouens per se ad opus, vnum quidè proximè, aliud, remotè, est contra naturalem inclinationem partis inferioris, ipsam quasi cogens, eique violentiam inferens; unde resistit & facile vinceret, nisi pars superior firmaretur gratia, quia bonum sensibile præsens plus mouet quam bonum rationis solum apprehensum, vt experientia constat. Deinde habemus de hoc instantiam: nam puer dum in primo instanti vsus rationis se conuertit in Deum virtualiter, eligens benè viuere secundum rationem, iustificatur ex D. Th. per subsequentem actum perfectæ charitatis, ad quem Deus mouet, intuitu illius primi quem fecit: ergo illum fecit ex viribus gratiæ, quia Deus non denegat quidem vltiorem gratiam, facienti quod in se est ex prioribus viribus gratiæ, quia incipit vt perficiat: non tamen dat gratiam facienti quod in se est ex viribus naturæ & intuitu huius, vt infra dicetur.

Probatur quarta pars conclusionis: In statu iustitiæ originalis pars superior erat benè ordinata ad bonum morale, & inferior ita subiecta superiori, vt non posset resistere, nisi prius superior restitisset Deo: ergo tunc supposita illa gratia iustitiæ originalis, quæ conaturalis erat huic statui, sine alio speciali auxilio poterat haberi vtrumque iudicium in ordine ad quasunque

que

que actiones morales ordinis naturalis: non verò ordinis supernaturalis, quia quod est supernaturale, excedit proprias vires naturæ quomodo-cunque institutæ. Idem dicunt proportionaliter de pura natura aliqui Authores, asserentes, quòd fuisset producta in statu perfectò, ita vt pars inferior esset subiecta superiori, vnde ei non restitisset; siue hæc subiectio facta fuisset ex dono habituali vt in statu iustitiæ originalis, seclusa tamen gratia sanctificante aliena à tali statu, siue per auxilia actualia exigita ab illo statu, ac ipsi connaturalia, quæ nunc sæpe Deus iustè negat propter peccatum originale, & quando dat quasi indebita, pertinent ad ordinem gratiæ. Sed melius videtur dicendum idem, quantum ad hoc, de pura natura, ac de natura post lapsum: nec enim pura natura ex sua ratione petit aliam subiectionem partis inferioris ad superiorem, quàm eam quam nunc habet.

Probatur quinta pars conclusionis. In statu naturæ integræ nati fuissent pueri absque omni scientia ex D. Thoma 1. p. q. 101. art. 1. videtur autem impossibile, quòd addiscerent omnes veritates, quia sine categorematicè sunt infinitæ, vnde non possent omnes occurrere: nec Adam omnes nouit quamuis enim vt pater & doctor futurus omnium, omnes scientias infusus habuerit & perfectas; non tamen omnes veritates debuerit per illas attingi: quod autè tunc fuissent plures cognitæ quàm nunc, patet, quia tunc fuisset vita longa, sanitas continua, pars inferior eiusque passionibus quietæ, infatigabiles sensus, &c. quæ plurimum conducunt ad scientias comparandas & ad veritatem cognoscendam, sicut contraria obstant cognitioni veritatis, quamuis autem tunc multa scirent per opinionem & fidem humanam, nullus tamen esset error aut deceptio, defectus contrarij illi statui: quia iudicassent illa esse probabilia, non iudicantes esse vera aut falsa determinatè.

Ad primum ergo dicendum, quòd cognoscere Deum esse amandum & colendum in abstracto, siue non hîc & nunc in particulari, est cognitio speculatiua obiecti practici; vnde ad hanc non requiritur gratia: cognoscere autem hîc & nunc & media tali actione, &c. Deum esse colendum, est cognitio practica, & si tunc adfit magna difficultas in exercitio illius, non potest fieri sine gratia.

Ad secundum dicendum, quòd bonum morale est proportionatum naturæ humanæ integræ sed excedit ipsam corruptam vt dictum est, nisi sanetur & fortificetur gratia; sufficit autem quòd illud primum iudicium moueat practicè ad opus, quamuis remotè, ad hoc vt non possit haberi sine gratia.

D V B I U M III.

Verum peccatores & infideles possint facere aliquod opus moraliter bonum.

Supponendum est, opus moraliter bonum esse opus virtutis moralis acquisitæ, quod scilicet procedit ex electione voluntatis, & est bonum ex obiecto, & ex omnibus suis circumstantiis maximè fine, vt constat ex dictis supra: Et de hoc quærimus in præsentî, vtum possit fieri à peccatore & infideli, abstrahendo pro nunc, An cum gratia an sine gratia fieri possit, de quo agetur dubio sequenti.

Prima opinio, est omnia opera infidelium & peccatorum esse peccata, ac proinde ipsos non posse facere aliquod opus moraliter bonum. Ita vniuersaliter Lutherani & Calvinistæ: Quantum verò ad infideles tenent Michaël Baius Decanus Louanienfis, & Gregorius in 2. d. 39. quæst. 1. art. 2. coroll. 3. Probatur autoritate sacræ Scripturæ. Ad Rom. 14. dicitur: Quod non est ex fide, peccatum est. Ad Hebræos 11. Sine fide impossibile est placere Deo. Matthæi 7. Non potest arbor mala bonos fructus facere.

Secundò, autoritate Sanctorum Patrum, Maximè Augustini, qui sæpe docet opera Gentilium esse peccata. Item in Infidelibus non posse esse veras virtutes. Imò lib. 1. Retract. cap. 3. retractauit, quod dixerat in aliquibus Gentilibus resplenduisse aliquas virtutes. Quantum ad peccatores, de Gratia & libero arbitrio cap. 18. ait, Quod non fit ex charitate, non benè fit. Et 2. Retract. cap. 15. Voluntas sine charitate tota est vitiosa cupiditas.

Tertiò, Opus moraliter bonum est tale ex obiecto & omnibus suis circumstantiis, maximè finis debiti: sed in infidelibus non habentibus notitiam Dei non potest esse circumstantia debiti finis; quia nec ordinant opus suum ad illud actualiter explicite; nec virtualiter implicite, vt patet; imò habitualiter ordinant ad sua idola: ergo omnia opera infidelium sunt peccata.

C O N C L U S I O.

RESPONDEO dicendum, quòd non omnia opera infidelium sunt peccata, & multo minus peccatorum 2. sed aliqua sunt actus virtutis moralis 3. quomodo imperfectæ ex defectu charitatis. Ita communiter Discipuli D. Th. & alij.

Probatur prima pars conclusionis auctoritate Concilij Tridentini sess. 6. cap. 7. vbi ait: Si quis dixerit opera omnia quæ ante iustificationem fiunt, quacunque ratione facta sint, verè esse peccata; anathema sit: Hæc autoritas manifestè saltem conuincit de peccatorum fidelium operibus: quòd autem debeat intelligi de operibus infidelium, etiam constat; nam Concilium loquitur absolute & non limitatè, dum ait: Opera omnia quæ ante iustificationem

III 3 fiunt.

fiunt. Quod etiam colligitur ex illo 1. ad Cor. 7. Si nupserit virgo non peccauit, quod illimitatè dictum est tam de virgine fidei, quàm infidei; licet enim Apostolus scribat Fidelibus, tamen etiam tradit precepta multa circa infideles: vt si mulier fidelis voluerit cohabitare cum viro infidei, &c. Deinde, Damnatur in Bulla Pij V. & Gregorij XIII. propositio ista Michaëlis Baij: Opera omnia infidelium sunt peccata. Ratio est, quia peccatum est opus defectuosum: sed in peccatoribus & infidelibus sunt multa opera, quæ non sunt defectuosa siue non deficientia, nec à lege æterna, nec à regula rationis vt patet, & magis patebit ex modo dicendis: ergo non omnia opera infidelium sunt peccata, & multò minus peccatorum.

Probatur secunda pars conclusionis autoritate sacre Scripturæ & Sanctorum Patrum. Sacra Scriptura laudat multa opera infidelium vt obstetricum ægyptiarum, quod non occiderint filios Hebræorum: Raab meretricis, quod liberauerit exploratores. Item Cornelij, vnde Actuum. 1. dicitur Orationes & eleemosinæ tuæ exaudite sunt apud Deum: ergo talia opera sunt moraliter bona, & actus virtutis acquisitæ; quia Scriptura non laudat nisi bonum: nec Deus præmiasset obstetrices illas, & Raab præmio temporali propter opera mala. Sancti etiam Patres multa referunt opera bona infidelium, vt Ciri quod iusserit & adiuuerit suis sumptibus reedificationem templi Iudæorum, &c. vnde Chrysostomus Homilia 67. dicit, nullum esse hominem adeo malum, qui non habeat aliquid boni: & Aug. de Spiritu & Littera cap. 28. ait: Non profunt impiis bona eorum opera, sine quibus difficillimum est vitam transigi. Deinde Vt aliquod opus sit moraliter bonum & actus virtutis acquisitæ, sufficit quod sit propter honestatē virtutis ex Aristotele 2. Ethicor. cap. 4. vt dare eleemosinam ad subleuendam miseriam inopis: & ex hoc habet quod virtualiter & implicite ordinetur ad Deum: sed plura opera infidelium & peccatorum sunt huiusmodi, non minus ac fidelium & iustorum, qui possunt sæpe operari benè moraliter & sine peccato propter solam honestatem virtutis; vnde non est necesse vt aliquod opus sit actus virtutis moralis, imò etiam theologicæ fidei & spei, quod sit ex motu charitatis: ergo aliqua opera infidelium & peccatorum sunt actus virtutis moralis. Nec obstat illud Isaïæ. 1. Ne offeratis vltra sacrificium frustra, incensum abominatio est mihi: Ex quo videtur colligi quod opus factum à peccatore sit abominabile coram Deo. Nam dicendum hoc esse speciale in sacrificio, quia sancta sunt sanctè tractanda, vnde propter irreuerentiam tam in antiqua, quàm in noua lege peccat, qui sacrificat in peccato: in antiqua etiam ex alio titulo peccabat ex D. Th. quia enim sacramenta non habebant suum effectum ex opere operato,

sicut habent sacramenta nouæ legis, eorum effectus poterat impediri ex indispositione offerentis, & propter hanc indispositionem impediens offerens peccabat.

Probatur breuiter tertia pars conclusionis: Charitas est forma omnium virtutum, in quantum ordinat omnes actus illarum ad vltimum finem, & reddit eos meritorios & perfectos ex imperfectis: actus enim dirigibiles in vltimum finem est imperfectus, quandiu sistit in fine proximo, & non dirigitur ad vltimum: sed actus virtutum moralium sunt dirigibiles in vltimum finem, in illum tamen non diriguntur in infidelibus & peccatoribus ex defectu charitatis, cuius solius est ordinare in vltimum finem, cum illum sola ipsa respiciat; vnde sistunt ex defectu illius in fine proximo honestatis: ergo in infidelibus & peccatoribus, licet plura opera sint actus virtutis moralis: tamen sunt actus virtutis imperfectæ ex defectu charitatis: quod etiam verum est de actibus fidei & spei supernaturalis in peccatoribus.

Ad primum ergo dicendum, quod in primo loco per fidem intelligitur fiducia de recto dictamine conscientie, vt patet ex ipso textu, nam Apostolus agit de his, qui vesebantur vel abstinebant cibis vetitis à lege veteri; & ait neutrum istorum esse peccatum, si fiat ex fide id est si sit fiducia de recto dictamine conscientie; & vtrūque esse peccatum, si fiat contra illud dictamen vel dicendum cum D. Th. 2. 2. q. 102. a. 4. ad 1. quod omnia opera infidelium sunt peccata, quæ non sunt ex fide, siue quæ procedunt ex infidelitate; sicut omnia opera fidelium sunt bona, quæ procedunt ex fide & gratia: Similiter debet intelligi illud ad Titum. 1. Coinquinatis autem & infidelibus (id est vt talibus operantibus) nihil est mundum. Ad aliud dicendum, quod infidelis non placet Deo auctori supernaturali per sua opera, quia sunt mortua; sed aliud est, quod sint peccata & mortifera. Vel potest intelligi, quod non placeat Deo regulariter, absolutè loquendo. Ad aliud dicendum, quod ibi per arborem malam non intelligitur peccator aut infidelis, sed mala doctrina & praua voluntas.

Ad secundum dicendum, quod dum Augustinus ait, opera Gentilium esse peccata: intelligendus est, vt in plurimum, dum autem ait in infidelibus non esse veras virtutes: si intelligat de habitibus, simpliciter verum est, quia virtutes acquiruntur multiplicatione actuum moraliter bonorum, quos tamen fatemur esse raros in infidelibus: si autem intelligat de actibus, dicendum quod ibi per veras virtutes intelligit perfectas, quas non ponimus nec in infidelibus, nec in peccatoribus, In tertio loco solum vult Aug. quod non omnia quæ resplendebant vt virtutes in Gentilibus, fuerint virtutes. In quarto loco solum intendit, non fieri benè id est in ordine ad vitam æternam, quod sit sine charitate: sed aliud

aliud est, quod sit malum & peccatum. In quinto tandem intelligendus est ut in plurimum, quia sine charitate voluntas facile concupiscit quæ, non debet; cum enim non sit bonè affecta erga Deum, facile aderet bono commutabili contra regulas rationis & legis diuinæ.

Ad tertium dicendum, quod honestas virtutis est debitus finis actus moralis, & est per se appetibilis ac bonus: actus verò ad illum ordinatus dicitur implicite ordinari in Deum ut ultimum finem & virtualiter; non virtute alicuius actus præcedentis: sed quia respicit finem proximum talem, scilicet honestatem virtutis, qui natura sua ordinatur in Deum authorem naturæ, & ultimum finem ordinis naturalis. Nec sufficit ordinatio habitualis ad idola, ad hoc ut actus sit malus: sicut enim non sufficit directio habitualis ad meritum, sed requiritur actualis formalis, aut virtualis; sic & ad demeritum & malitiā: quia tamen infideles ut in plurimum ordinant omnia sua ad idola; ideo rara sunt opera ipsorum ex omni parte bona.

D V B I U M IV.

Utrum homo sine gratia possit facere aliquod opus moraliter bonum.

Supponendum est, hic nomine gratiæ non intelligi gratiam habitualement, aut actualem ordinis supernaturalis quoad substantiam: sed aliquod auxilium speciale indebitum iuxta communem cursum naturæ, distinctum à concursu Dei generali tam prævio quàm simultaneo, quæ Deus omnibus causis secundis communicat ex debito cōnaturalitatis, sine quo nihil possunt agere. Per opus autem moraliter bonum intelligitur opus procedens ex voluntate libera, circa obiectum bonum cum omnibus debitis circumstantiis: non tamen ordinatum ad finem supernaturalem actu formaliter aut virtualiter; unde est opus siue actus virtutis moralis, ut si quis det elemosinam propter honestatem misericordiæ, &c. ad opus autem morale requiritur electio voluntatis siue procedat & eliciatur immediate ab ipsa, siue tantum imperetur.

Prima opinio asserit nullum etiam minimum posse fieri opus moraliter bonum sine gratia. Ita Vasques 12. disp. 190. cap. 2. ubi plures alios pro se citat. Probat authoritate sacre Scripturæ, Sanctorum Patrum, & Conciliorum. Ioann. 15. dicitur: Sine me nihil potestis facere 1. ad Cor. 4. Quid habes quod non accepisti. Ad Ephes. 2. Creati in Christo Iesu in operibus bonis. Concilium Arausicanum. I. I. canon 22. ait: Nemo habet de suo nisi mandacium & peccatum. Item multa Concilia damnant Pelagianos & semipelagianos, quod dicerent posse fieri bona opera sine gratia. In hoc etiam perpetui sunt Sancti Patres. Cyprianus ait: Nihil nobis gloriandum

est, quandoquidem nostrum nihil est. Augustinus serm. 33. de verbis Apostoli; Agis quidem illo. non adiuuante (scilicet Deo) libera voluntate, sed malè, cum dico, ubi sine adiutorio Dei nihil agis, nihil boni dico, nam ad malè agendum, habes sine adiutorio Dei liberam voluntatem. Item libro. 4. contra Iulianum cap. 3. ait: Omnia proinde cetera quæ videntur inter homines habere aliquid laudis, videantur tibi virtutes veræ, videantur opera bona, & sine villo facta peccato; quod ad me pertinet, hoc scio, quia non ea facit voluntas bona, ergo homo sine gratia non potest facere aliquod opus moraliter bonum.

Secundò, Perimus à Deo gratiam, ut quodcunque opus moraliter bonum exequamur, ut patet ex multiplici oratione Ecclesiæ, & hanc petimus ex meritis Christi; & similiter Sancti Patres suadent nobis, ut gratias Deo agamus pro quocunque bono opere, quod facimus: ergo signum est, quod homo sine gratia nullum potest facere opus moraliter bonum; si enim sine gratia aliquod posset, frustra peteret gratiam ad omnia, & frustra pro his gratias ageret.

Tertiò, Ad quamcunque actionem moraliter bonam debet præcedere recta cogitatio, & data in tali tempore & circumstantiis, ut nō respiciatur à voluntate: sed talis cogitatio non est ex natura, aut ex dono creationis; at est ex gratia & donum Dei: ergo homo sine gratia non potest facere aliquod opus moraliter bonum; imò ex contrario sequitur, initium nostræ iustificationis esse ex nobis, quod est Pelagianum, nam cum intuitu bonorum operum moralium Deus det gratiam, iuxta illud: Facienti quod in se est, Deus non denegat gratiam; Si ex nobis sine gratia possumus opera moraliter bona, nos incipimus sine gratia nostram iustificationem.

C O N C L U S I O.

R E S P O N D E O dicendum, quod homo sine gratia non potest facere aliquod opus moraliter bonum difficile & arduum, ut mori pro Patria intuitu pietatis naturalis 1. benè tamen potest sine gratia facere bonum opus morale facile, ut honorare parentes, salutare amicos, facere parvam elemosinam indigenti, ædificare domus, plantare vineas, & similia. Ita D. Thom. ex professo probat huc art. 2. & cum eo communiter eius Discipuli.

Probatur prima pars conclusionis: In statu naturæ corruptæ pars inferior est deordinata à superiore & rebellis effecta ei non obedit; imò eam trahit & inclinat ad obiecta sensibilia præsentia, sibi proportionata; quæ magis mouent, quàm bona honesta absentia, licet maiora: nec malis certò creditis futuris à bono concupiscibili deterretur efficaciter: ut experientia constat in Fidelibus: ergo cum opus moraliter bonum difficile & arduum sit contra naturalem inclinationem partis inferioris, homo sine gratia non potest illud facere; benè tamen in statu naturæ integræ,

integræ, in quo pars inferior erat totaliter subiecta superiori, & superior despotice dominabatur, & sic ibi honestum præualuisset delectabili: vnde loco citato ait D. Thom. Sic igitur virtute gratuita superaddita virtuti naturæ indiget homo in statu naturæ integræ quantum ad vnum, scilicet ad operandum & volendum bonum supernaturale, sed in statu naturæ corruptæ quantum ad duo, scilicet vt sanetur, & vterius vt bonum supernaturalis virtutis operetur.

Probatur secunda pars conclusionis iuxta mentem D. Th. loco citato, vbi dicit quod homo in statu naturæ corruptæ potest per virtutem suæ naturæ aliquod bonum particulare agere non tamen totum bonum sibi connaturale: ita quod in nullo deficiat: & affert exemplum, Sicut homo infirmus potest per seipsum aliquem motum habere, non tamen perfecte potest moueri motu hominis sani, nisi, sanetur auxilio medicinæ: sic ait quod per peccatum originale remansit infirmum, sed non extinctum liberum arbitrium; & ita potest habere aliquem motum in bonum honestum, non autem ad totum bonum honestum sibi connaturale, nisi sanetur gratia, Nec loquitur ibi D. Thom. de gratia habituali sanctificante, vt sentit Vasques, sed de actuali; nam art. 5. vbi id ipsum repetit, docet ad meritum requiri tam gratiam habitualem, quam actualement: non autem requiri habitualement ad opera moraliter bona. Nec valent obiectiones Vasquis desumptæ ex autoritate eiusdem D. Thom. in quibus videtur dicere, quod ad omne opus bonum faciendum requiritur gratia: quia D. Thom. aliquando loquitur de opere moraliter bono conducente ad vitam æternam aliquo modo ex directione voluntatis, & tunc certum est fieri ex auxilio supernaturali diuinæ gratiæ, quia vt ait D. Thom. eodem art. 5. actus perducetes ad finem oportet esse fini proportionatos: nullus autem actus excedit proportionem principij actiui. Vel loquitur D. Thom. de opere moraliter bono difficili & arduo: vnde 2. 2. q. 136. art. 5. ad 2. ait: Bonum politicæ virtutis commensuratum est naturæ humanæ, & ideo absque auxilio gratiæ gratum facientis potest voluntas humana in illud tendere, licet non absque auxilio gratiæ Dei; ibi autem loquitur de morte tolerata à Gentilibus pro Patria. Deinde probatur autoritate sacræ Scripturæ, Conciliorum, Pontificum, ac Sanctorum Patrum. Ad Rom. 2. dicitur: Gentes, quæ legem non habent, naturaliter quæ legis sunt, faciunt; id est aliqua saltem facilia. Et cap. 4. Si Abraham ex operibus iustificatus est (id est moraliter bonis factis viribus naturæ) habet gloriam, sed non apud Deum. Ad Philipenses 3. Vt inueniar in eo (id est Christo) habens non meam iustitiam, quæ ex lege est, sed quæ est Deo. Concil. Trident. sess. 6. cap. 2. Deus impossibilia non iubet, sed iubendo monet & facere quod possis, & petere quod non possis, & adiuuat

vt possis: Ecce asserit aliqua nos posse bona, quæ Deus iubet; alia verò nos non posse, nisi adiuuemur. Pius V. Gregor. XIII. & nuper Urbanus VIII. dānarunt sequentes propositiones Baij: Pelagianus est error, dicere quod liberum arbitrium valet ad vllum peccatum vitandum. Item cum Pelagio sapit, qui boni aliquid naturalis, hoc est quod ex naturæ solis viribus ortum ducit, agnoscit. Item, Liberum arbitrium sine gratia & Dei adiutorio nō nisi ad peccandum valet. Item, Opera omnia infidelium sunt peccata. Nec valet responsio Vasquis, quod non damnantur ipsæ propositiones, sed censuræ in ipsis contentæ. Nam contra, quia constat in duabus vltimis nullam esse censuram; & licet valeretur, adhuc ex ore eius habemus hanc doctrinam non esse dignam censura, sed tutam; vnde frustra contra eam congerit tot Concilia & Sanctos Patres, qui loquuntur de bonis operibus conducentibus ad vitam æternam, vel arduis. Aug. libro de Spiritu & Littera cap. 27. ait: Quædam tamen facta vel legimus, vel nouimus, vel audiuius, quæ secundum iustitiæ regulam non solum vituperare non possumus, verum etiam merito recteque laudamus; quamquam si discutiantur, quo fine fiant, vix inueniuntur quæ iustitiæ debitam laudem defensionemue mereantur. Et cap. 28. Vnde merito dici possit, etiam si in ipsa impietate vitæ suæ, facere aliqua legis vel sapere: nam & ipsi homines erant, & vis illa naturæ inerat eis qua legitimum aliquid anima rationalis & sentit, & facit: sed pietas, quæ in aliam vitam transfert beatam & æternam, legem habet immaculatam conuertentem animas. Et 3. Hipognosticon. dicit esse quædam bona opera orta ex bono naturæ. Respondet Vasques August. in prioribus non loqui in propria sententia, & vltimum non esse opus eius. Deinde ait quod in exemplo. S. Aug. & D. Thom. non afferuntur opera moraliter bona & honesta, sed commoda vitæ, vt plantare vineas, &c. Sed contra: nam contextus ipse collectus ex prioribus & posterioribus manifestat August. loqui in propria sententia: & acceptatio D. Thom. & aliorum communiter illius operis tanquam Augustini refutat aliud. Deinde, Nullum est opus morale, quod in indiuiduo non sit bonum aut malum, siue sit commodum siue incommodum vitæ: & si non loquuntur de operibus bonis moraliter, ad quid Vasques motionem ad ista requisitam à D. Thom. conatur probare iuxta mentem D. Thom. esse gratiam. Prosper cap. 22. contra Collatorem docet infideles non habentes gratiam Christi, aliqua recte sancta ad gubernationem Reipublicæ habere, & probat ratione sequenti, quam etiam affert D. Thom. Liberum arbitrium per peccatum originale nō mansit extinctum, at infirmum, alioquin non esset meritum & demeritum: sicut, vt ait Aug. imago Dei per peccatum non est extincta in homine: ergo sicut homo infirmus potest fa-

cere aliqua & facilia opera sani : sic liberum arbitrium seipso & sine auxilio gratiæ potest facere aliqua opera moraliter bona sibi connaturalia, sed facilia.

A d primum ergo dicendum, quòd tam Scriptura, quàm Concilia intelligenda sunt de bonis operibus aliquo modo conducentibus ad vitam æternam, siue in ordine ad iustificationem: vnde dum quis iustificatur, nihil habet de suo in ordine ad talem iustificationem, nisi mendacium & peccatum : & eodem modo intelligendi sunt Sancti Patres Cyprianus & Aug. in primo testimonio : nam in secundo pro bona voluntate, intelligit voluntatem te conuertentem ad Deum per charitatem, & conducentem ad vitam æternam vt seipsum explicat ibidem, dum ait : Scito nos illud bonum hominum dicere, illam voluntatem bonam, illud opus bonum, sine Dei gratia, quæ datur per vnum mediatorem Dei & hominum, nemini posse conferri, per quod solum homo potest ad æternum Dei donum regnumque perducere.

A d secundum dicendum, quòd petimus à Deo gratiam ad facienda opera moraliter bona, non tantum quantum ad substantiam, sed etiam & maximè quantum ad modum, vt scilicet nobis profint in ordine ad vitam æternam : & maximè quia tentatio superueniens potest impedire ab illis bonis operibus; vnde necessaria est gratia externæ protectionis. Deinde petimus à Deo merè naturalia, vt pluuiam. Ad aliud similiter dicendum, quòd agendæ sunt Deo gratiæ, etiam de naturalibus bonis, maximè quia continuo nos præuenit gratia externæ protectionis, impediens ne tentationes occurrant, quæ retrahant à bonis operibus.

A d tertium dicendum, quòd illa recta cogitatio ad opus moraliter bonum, procedit à Deo vt authore naturæ, ad quem omnis primus actus intellectus, à quo incipit actio voluntatis, reducitur: ille autem actus semper inclinat ad bonum; quòd si sit supernaturale, est actus ordinis supernaturalis procedens à Deo vt authore gratiæ : si autem sit bonum morale tantum, est actus ordinis naturalis procedens à Deo vt authore naturæ. Ista autem opera moraliter bona non profunt perse ad remissionem peccati, nec ad impetrandam fidem, nec villo modo disponunt ad gratiam : nec placent simpliciter Deo, nec pertinent ad veram pietatem & cultum Dei, nec aliud merentur quàm præmium temporale : vnde falsum est, quòd intuitu eorum Deus det gratiam; quam quidem non denegat facienti quod in se est, ex prioribus viribus gratiæ : benè tamen denegat facienti quod in se est viribus naturæ, vt dicitur infra.

D V B I U M V.

Verum sit necessaria gratia ad vincendas tentationes.

S Vpponendum est, tentationem esse cogitationem impellentem aliquo modo ad peccandum, vel detinentem & retrahentem à bono opere : quæ aliquando est ab extrinseco proponente, homine vel diabolo; aliquando ab intrinseca corruptione naturæ, iuxta illud Iacobi, Vnusquisque tentatur à concupiscentia sua abstractus & illectus. Tentatio autem vel est contra præcepta supernaturalia fidei, spei, & charitatis; & hæc non potest vinci sine auxilio diuinæ gratiæ, qua fiant actus contrarij, qui sunt supernaturales. Vel est contra præcepta naturalia, & de hac loquimur in præfati : Quæ rursus vel est grauis ac vehemens, vel parua & leuis.

Prima opinio asserit, ad vincendam quamcunque etiā minimam tentationem, esse necessariam gratiam. Ita Vasques 1.2. disp. 189. & alij Antiqui. Probatum auctoritate sacræ Scripturæ, Conciliorum, & Sanctorum Patrum. Psalmo 27. dicitur : In te eripiar à tentatione. Psalmo 29. Auertisti faciem tuam à me, & factus sum conturbatus. Psalmo 117. Impulsus euerfus sum vt caderem, & Dominus suscepit me. Matth. 26. Orate ne intretis in tentationem. Et in oratione Dominica: Ne nos inducas in tentationem. Concil. Arausic. II. can. 9. ait : Diuini est muneris, cum pedes nostros à falsitate & iniustitia detinemus. & can. 14. Nullus miser de quacunque miseria liberatur, nisi qui Dei misericordia præuenitur. Idem communiter docent Sancti Patres : ergo ad vincendam quamcunque tentationem est necessaria gratia.

Secundò, Petimus à Deo gratiam ad vincendas quascunque tentationes, vt patet ex oratione Dominica: & damus gratias Deo, quando illas vicimus: ergo signum est, quòd necessaria sit gratia ad illas vincendas.

Secunda opinio est in alio extremo, scilicet non esse necessariam gratiam ad vincendam quamcunque tentationem etiam grauem. Ita Ricardus articulo 7. contra Lutherum. Probatum : Posita quacunque tentatione remanet voluntas libera, ac proinde potens resistere, & non peccare, suis viribus : ergo non est necessaria gratia ad vincendam quamcunque tentationem.

C O N C L V S I O.

R E S P O N D E O dicendum, quòd est necessaria gratia, ad vincendam quamcunque tentationem grauem 2. sicut & ad vincendas omnes leues 3. non autem ad vincendas singulas in particulari 4. semper tamen est necessaria gratia externæ protectionis. Ita communiter Theologi.

Probatum & explicatur prima pars conclusionis

K K K

nis

nis : Magna & vehemens tentatio dicitur , vel quæ multum durat ; vel quæ multum impellit, vel quæ est de obiecto gustus & tactus valde alliciente : contra dicitur levis tentatio , quæ parum impellit , & parum durat : hæc gravitas & leuitas non solum defumitur ex natura ipsius tentationis ; sed etiam ex ordine ad subiectum taliter dispositum ; vnde eadem tentatio vni est grauis , alteri levis. Probatur igitur autoritate sacræ Scripturæ & Sanctorum Patrum : Sapientia 8. dicitur : Scio quia non aliter possum esse continens, nisi Deus det : Quem locum explicat S. August. lib. de Continentia cap. 1. & 3. de virtute continentia & non de continentia sapientia, vt intelligit Vasques 2. ad Cor. 12. Rogans Paulus dominum , vt auferatur stimulus carnis, audit : sufficit tibi gratia mea. Ad Rom. 8. Sed in his omnibus superamus propter eum, qui dilexit nos, vel per eum qui dilexit nos, vt legit. S. Prosper contra Collatorem cap. 25. Ratio est: quia natura humana per peccatum originale remansit infirma : ergo sicut infirmus , si vehementer impellatur , & à nemine fulciatur , non poterit resistere impulsui suis viribus , sed infallibiliter cadet : sic in moralibus, si adsit vehemens tentatio, & non fulciatur à gratia interna illustrationis & motionis in bonum , non solum non poterit facere actum virtutis contrariae , sed non poterit resistere tentationi , etiam negatiue se habendo , & infallibiliter cadet : Hæc gratia interna debet perseverare toto tempore tentationis : in breuissimo tamen tempore grauis tentationis sine hac gratia potest quis liberari à peccato mortali, vix à veniali; quia tunc non est plena deliberatio , sed imperfecta quæ exultat à mortali. Semper etiam est necessaria gratia externæ protectionis, per quam auertuntur & impediuntur plures & maiores tentationes , vnde non cadimus in plura & maiora peccata. Hæc resistentia debet intelligi etiam sine ordine ad vitam æternam : dummodo fiat non cadendo in contrarium peccatum, nam sic cadendo non est opus gratia ad resistendum tentationi : puta si quis tentetur ad non ieiunandum , & tamen ieiunet propter vanam gloriam, aut alium malum finem, quia tunc maior tentatio vincit minorem: In statu naturæ integræ ad vincendas vehementes tentationes fuisset etiam necessaria gratia, quia tamen tunc non fuisset naturæ infirmitas plures tentationes , quæ nunc ratione illius sunt graues, fuissent leues.

Probatur secunda pars conclusionis breuiter, de qua infra latius. Tentatio est vita hominis super terram : vt ait, Iob; vnde nobis hinc inde nascuntur tentationes , & dum vni attendimus ac resistimus, ex defectu debitæ attentionis , cadimus in aliam, vt experimur; ergo necessaria est gratia internæ inspirationis & motionis firman- tis in bono , ad vincendas omnes leues tentationes.

Probatur tertia pars conclusionis autoritate Pij. V. & Greg. XIII. à quibus damnata fuit hæc propositio, Baij. Pelagianismus est, dicere, liberum arbitrium sine gratia posse resistere alicui tentationi. Deinde, Ex S. Prospero contra Collatorem cap. 21. sunt aliqua bona opera tam facilia, puta salutare amicum, honorare parentes, &c. vt nullam habeant difficultatem in sui exercitio. Similiter sunt aliqua bona ita naturaliter dilecta, vt conseruatio proprij esse, beatitudo, &c. vt natura refugiat contrarium: ergo leues tentationes, quæ contra ista exurgere possunt, naturaliter vincuntur; vnde ad vincendas singulas in particulari non est necessaria gratia interna; maxime quia cogitatio congrua ad hæc conformia naturæ rationali est ordinis naturalis. Denique, Infirmus potest alicui impulsui leui resistere non cadendo, & sic aliquem gressum facere: ergo idem dicendum est in moralibus de natura infirma, & sic seipsa absque gratia interna potest vincere leues tentationes; vnde sufficit gratia externæ protectionis , ne vel multiplicentur, vel ne diu durent , vel ne intendantur ac ita ex leuibus fiant graues.

Ad primum ergo dicendum vno verbo, quod tam Scriptura, quam Concilia & Sancti Patres, dum dicunt necessariam esse gratiam ad vincendas tentationes, vel intelligunt tentationes vehementes, vel omnes leues collectiue; vel tandem per gratiam intelligunt, non internam inspirationis & motionis, sed externam protectionis.

Ad secundum dicendum, quod petimus à Deo gratiam ad vincendas quascunque tentationes, non tantum quoad substantiam, sed etiam quoad modum, id est in ordine ad meritum & ad vitam æternam : & pro hoc beneficio gratias damus : certum est enim quod in ordine ad vitam æternam non possumus vincere minimam tentationem sine gratia : insuper petimus gratiam externæ protectionis pro qua etiam gratias agimus : & maxime quia possumus & debemus Deo agere gratias pro bonis naturalibus.

Ad tertium dicendum, quod voluntas posita quacunque tentatione remanet libera; & potest quibuscunque resistere leuibus propria virtute; grauius ex gratia sufficienti, quam nemini denegat Deus in similibus ; alioquin consentiendo non peccaret, quia nemo ad impossibile tenetur sed tamen infallibiliter ex sua malitia cadet sine gratia efficaci, quam à Deo petimus , & concedit ipse cui vult.

D V B I U M VI.

Vtrum homini sit necessaria gratia ad diligendum super omnia Deum vt finem naturalem.

Supponendum est, dilectionem Dei super omnia exprimi hoc actu. Volo in omnibus Deo

Deo placere, & potius vellem mori quam Deum grauitè offendere; quamuis non sit opus illam explicite elicere: & in hoc est maxima Dei dilectio appretiatiue, ex quo procedit quod maxima complacentia gaudeamus, tam de bonis intrinsecis Dei, vt quod sit summè bonus, vltimus finis, quem præfert omnibus; quam de bonis eius extrinsecis, vt quod diligatur, laudetur, & glorificetur à creaturis. Hic amor amicitiae Dei super omnia diuiditur in naturalem & supernaturalem: naturalis tendit in Deum vt authorem & finem naturæ, supernaturalis autem tendit in ipsum Deum vt authorem gratiæ, & vltimum finem siue obiectum beatificum. Hanc distinctionem affert D. Thom. art. 3. ad 1. vbi ait: Charitas diligit Deum super omnia eminentius quam natura; natura enim diligit Deum super omnia, prout est principium & finis naturalis boni, charitas autem secundum quod homo habet quandam societatem spiritualement cum Deo: addit enim charitas super naturalem dilectionem Dei, promptitudinem quandam & delectationem, sicut habitus quilibet virtutis addit supra actum bonum, qui sit ex sola naturali ratione hominis virtutis habitum non habentis. Vnde merito damnata fuit hæc propositio Baij: Distinctio illa duplicis amoris, naturalis, vt quo Deus amatur vt author naturæ; & gratuiti, quo Deus amatur vt beator, vana est & commentitia, & ad illudendum sacris Litteris pluribus veterum testimoniis excogitata. Et probatur hæc distinctio ratione D. Th. loco citato, desumpta ex Dionysio: quia Deus creando omnia conuertit ea ad seipsum vt finem vltimum naturæ, dans illis inclinationem ad hoc, vt quodlibet creatum tendat ad vniuersalem finem totius creaturæ. Deinde quod natura sit eleuata ex Dei gratia ad finem supernaturalem, non tollit quin etiam sit ordinata ad finem naturalem suum, eo modo quo fuisset in puris naturalibus; imò hæc eleuatio supponit hanc ordinationem, vnde actibus elicitis pro diuersitate motiui, potest tendere ad Deum, & vt finem naturæ, & vt finem supernaturalem homo iustus: non autem Hæretici, Schismatici, Gentiles, aut peccatores, quia licet amor concupiscentiæ sit composibilis cum peccato mortali auertente ab vltimo fine, etiam si sit eiusdem vltimi finis, quia amans hoc amore non tam amat vltimum finem, quam seipsum, sibi illum concupiscens: non tamen amor amicitiae vltimi finis, siue naturalis, siue supernaturalis est composibilis cum peccato mortali, quia peccatum auertit totaliter ab vltimo fine, id est secundum omnem rationem, quia destruit & gratiam & naturam: nec reparatur malum naturæ indutum, nisi simul fiat reparatio mali supernaturalis ex præcepto Dei: vnde talis actus amoris naturalis elicited à peccatore non est formaliter actus amoris, cum simpliciter sit auersus à Deo, sed tantum materialiter: nec Aristoteles contra-

R. P. Philippi Carm. discal. Disp. Theolog. in. I. 2.

riatur, dum dicit quod hominis ad Deum non potest esse amicitia: nam Aristoteles per amicitiam intelligit familiaritatem & communicationem, quam Gentiles non nouerunt, & rara est inter Fideles: aliqui tamen magni Sancti experiuntur. Nec similiter obstat hoc principium, Amicabilia quæ sunt ad aliud, sunt propter amicabilia quæ sunt ad se: Est enim limitandum ex D. Th. scilicet quando amicabile non est summum bonum & vniuersale; quia si sit tale, amatur ratione sui.

Prima opinio negat esse necessariam gratiam, ad diligendum super omnia Deum vt finem naturalem. Probatur: Pro omni statu, siue naturæ integræ, siue naturæ corruptæ dilectio Dei vt authoris naturæ est actus ordinis naturalis: ergo non excedit vires naturæ.

Secundò, Dæmones & damnati in quibus non ex gratia, habent dilectionem naturalem Dei super omnia; eorum quippe natura remanet benè ordinata ad Deum authorem, & finem suum, vt docet D. Th. ergo multò magis homines in statu naturæ corruptæ, sine gratia poterunt Deum super omnia diligere dilectione naturali, cum sint melioris conditionis, quam dæmones & damnati vt pater.

Tertiò, Homo iustus in statu naturæ corruptæ potest sine gratia Deum diligere super omnia vt authorem naturalem, quod etiam potuisset homo in puris naturalibus: ergo etiam homo peccator hoc potest, cum sit eadem prorsus natura in peccatore ac in iusto, & quæ fuisset in puris naturalibus: ergo simpliciter in statu naturæ corruptæ potest homo sine gratia diligere super omnia Deum vt authorem naturalem; maximè quia sine gratia potest circa Deum habere amorem concupiscentiæ, ergo & amicitiae.

CONCLUSIO.

RESPONDEO dicendum, quod homo in statu iustitiæ originalis; sicut & in puris naturalibus potuisset sine gratia diligere super omnia Deum vt authorem naturalem, nisi occurrisset vehemens aliqua tentatio, aut occasio moriendi pro Deo authore naturæ; tunc enim ad talem actum cum illis circumstantiis fuisset necessarium auxilium gratiæ. 1. in statu verò naturæ lapsæ sine gratia sufficienti ad iustificationem, non potest nec per vnum instans, nec in habitu, nec in actu absoluto diligere super omnia Deum vt authorem naturalem. 3. potest tamen habere quandam velleitatem sic diligendi. Ita Discipuli D. Thomæ.

Probatur prima pars conclusionis autoritate, & ratione D. Th. art. 3. quia in statu iustitiæ originalis dum homo erat iustus, eius natura & voluntas erat perfecte ordinata ad vltimum finem tam naturalem, quam supernaturalem: similiter in puris naturalibus fuisset rectè ordinata ad Deum vltimum finem naturalem: ergo cum aliunde actus dilectionis naturalis Dei super omnia

nia non excedat vires naturæ, cum sit ordinis naturalis, potuisset homo pro utroque illo statu sine auxilio diuinæ gratiæ diligere super omnia Deum ut authorem naturalem: quia ut ait D. Th. naturali appetitu, vel amore vnaquæque res particularis amat bonum suum proprium, propter bonum commune totius vniuersi quod est Deus; unde & Dionysius dicit libro 4. de Diuinis Nominib. cap. 4. quod Deus conuertit omnia ad amorem sui ipsius, unde homo in statu naturæ integræ dilectionem sui ipsius & omnium aliarum rerum retulisset ad amorem Dei, unde Deum super omnia dilexisset. Si autem fuisset deordinatus à Deo per peccatum: in statu iustitiæ originalis indiguisset auxilio gratiæ supernaturalis, quo reordinaretur ad Deum finem supernaturalem adhuc ut etiam dilectione naturali posset eum diligere; posito autem quod natura sit eleuata ad finem supernaturalem, non potest ex speciali Dei decreto esse ordinata ad Deum finem naturalem, quin sit ordinata ad ipsum ut finem supernaturalem. In puris autem naturalibus indiguisset auxilio speciali siue gratiæ ordinis naturalis, quo tolleretur auersio à Deo fine naturali, & iterum reordinaretur ad ipsum. Illud quod subiungitur in hac parte, patet; quia ille actus dilectionis naturalis, licet quoad substantiam non excedat vires naturæ bene ordinatæ, excedit tamen ut substat illis circumstantiis, ob maximam tunc arduitatē.

Probatur secunda pars conclusionis etiam auctoritate & ratione D. Thom. loco citato: Homo propter corruptionem naturæ sequitur bonum priuatum, si sit peccator, quia iam se auertit à Deo bono communi per peccatum, quod cum sit & contra naturam, & contra legem diuinam, deordinat tam à fine naturali, quam supernaturali: ergo cum peccator ut dictum est, non possit reordinari ad vltimum finem naturalem, nisi simul reordinetur ad finem supernaturalem; & hoc non possit fieri sine gratia supernaturali sufficienti ad iustificationem; nec etiam à peccatore poterit Deus diligere super omnia ut author naturæ, sine auxilio eiusdem gratiæ naturam sanantis; ex quo patet quod impossibilitas diligendi Deum ut authorem naturalem sine gratia, non provenit ex parte actus, quasi excedat vires naturæ, sed ex parte status peccati.

Probatur tertia pars conclusionis: Illa velleitas non est actus dilectionis Dei, sed potius habet ipsam dilectionem pro obiecto, ad quam tendit inefficaciter, nec per ipsam ordinatur homo ad Deum finem naturalem, ut patet: ergo potest esse in peccatore in statu naturæ corruptæ sine gratia.

Ad primum ergo dicendum, quod hæc necessitas gratiæ non provenit ex parte actus quasi excedat vires naturæ, sed ex statu peccatoris ut dictum est.

Ad secundum dicendum, quod hæc dilectio

naturalis & conuersio dæmonum ac damnatorum in Deum authorem naturalem, non est per actum elicatum, de quo hic agimus; imò sic sunt inflexibiliter auersi à Deo: sed tantum est per appetitum innatum naturæ semper bene ordinatæ.

Ad tertium dicendum, quod non differt natura peccatoris à natura iusti, aut hominis constituti in puris naturalibus in aliquo physico, sed in aliquo morali: quia in homine iusto est ordinata in Deum finem naturalem, & supernaturalem: in puris naturalibus secluso peccato fuisset ordinata ad Deum finem naturalem, & tantum negativè deordinata à Deo fine supernaturali, siue non ordinata ad ipsum: nunc autem in peccatore est deordinata priuatiuè ab utroque fine: quæ deordinatio debet adæquatè reparari, ut dicatur Deus super omnia diligere, quod sine gratia fieri non potest. Ad illud de amore concupiscentiæ, dicendum est quod sine gratia haberi potest; negatur tamen de amore amicitiae; disparitas est, quia peccator per amorem concupiscentiæ amat se, non Deum quem ad se ordinat, per amorem verò amicitiae amat Deum ut vltimum finem, ad quem se & alia ordinat.

D V B I V M VII.

Utrum homo sine gratia possit implere omnia præcepta legis.

Supponendum est, præcepta Dei esse in triplici differentia: quædam sunt supernaturalia siue de obiecto supernaturali putà præcepta credendi & sperandi in Deum, ipsumque diligendi: alia præcepta sunt de receptione sacramentorum: alia denique sunt præcepta naturalia Decalogi, tum quia sunt de obiecto naturali, tum quia sunt dictata lumine naturali: & de his vltimis tantum agimus in hoc dubio, de aliis agetur dubio sequenti.

Prima opinio, sed hæretica, Lutheri & Caluini eorumque sequacium, est quod absolute loquendo præcepta legis non possunt impleri, & de facto à nemine implentur; & maximè illud, Non concupisces. Probatur auctoritate sacre Scripturæ: Actuum 15. dicitur, Quid tentatis Deum imponere iugum super seruitores discipulorum quod neque patres nostri, neque nos portare potuimus. Ad Rom. 7. Velle adiacet mihi, perficere autem bonum non inuenio. Item Video aliam legem in membris meis. Ad Galatas. 3. Quicumque ex operibus legis sunt, sub maledicto sunt, scriptum est enim, maledictus omnis qui non permanferit in omnibus, quæ scripta sunt in libro legis: unde dicunt hæretici, Qui sub lege sunt, sunt maledicti, quia tenentur facere id quod non possunt. Deinde probant experientia: quia ipsi non potuerunt præcepta implere,

implere, propter concupiscentiam continuo allicientem; propterea dicit Apostolus, Video aliam legem in membris meis repugnantem legi mentis meæ.

Secunda opinio, etiam hæretica, est Pelagianorum in alio extremo, quod homo sine gratia tam habituali, quam actuali possit adimplere totam legem, & semper. Probatur autoritate Scripturæ; Deuteronomij 30. dicitur, Mandatum quod præcipio tibi ego, non supra te est, neque procul positum. Ad Rom. 2. Gentes, quæ legem non habent, naturaliter quæ legis sunt faciunt. Deinde: Ista præcepta sunt naturalia, ac proinde non excedunt vires naturæ; ergo non est necessaria gratia ad illa implenda.

CONCLUSIO.

RESPONDEO dicendum, quod omnia præcepta Decalogi possunt impleri ab homine. 2. in statu quidem iustitiæ originalis sine auxilio speciali gratiæ dummodo non vrgeret grauis tentatio, & sic totam legem potuisset naturaliter implere. 3. sed in puris naturalibus & in statu naturæ corruptæ non potest totam legem implere, etiam quantum ad substantiam sine gratia specialis auxilij, ultra gratiam externæ protectionis: imò nec difficiliora præcepta, nec facilia in particulari urgente graui tentatione. 4. insuper ad implendam totam legem per multum tempus est necessaria gratia habitualis sanctificans: sicut & ad implendam ipsam quantum ad modum agendi ex charitate. Ita communiter Theologi.

Probatur prima pars conclusionis ex Scriptura. Deuter 30. dicitur: Mandatum quod ego præcipio tibi hodie, non supra te est; scilicet adiutum mea gratia. Ecclesiastici 15. Si volueris mandata seruire, conseruiabunt te. Psalm 118. Viam mandatorum tuorum cucurri, cum dilatasti cor meum, scilicet per gratiam. Matthæi. 11. Iugum meum suauis est, & onus meum leue. Ad Philipp. 4. Omnia possum in eo qui me confortat. Deinde definitum est in Concilio Tridentino sess. 6. canone. 18. & cap. 11. vbi assertur hoc dictum Aug. cap. 43. de Natura & Gratia: Non igitur Deus impossibilia iubet, sed iubendo admonet & facere quod possis, & petere quod non possis, & adiuuat vt possis. Denique, Deus iuste punit transgressores legis: ergo potuerunt illam, saltem adiuti gratia Dei, obseruare; quia si non potuerunt, non fuerunt obligati seruire, cum nemo ad impossibile teneatur; si autem non fuerunt obligati seruire, iniuste punirentur à Deo propter inobseruantiam, quod est blasphemum in Deum.

Probatur secunda pars conclusionis ex dictis supra, quod homo non indignisset gratia specialis auxilij in statu iustitiæ originalis, ad facienda bona opera moralia, qualis est obseruatio præceptorum legis naturalis, nisi occurrisset grauis aliqua tentatio. Ita D. Th. hic art. 4.

Probatur tertia pars conclusionis, quam communiter docent Theologi, & creditur esse de fide, autoritate Concilij Mileuitani can. 4. vbi dicitur anathema ei, qui dixerit gratiam Dei solum esse necessariam ad cognoscendum quid sit faciendum, quid fugiendum, & non esse necessariam, vt postquam nouerimus, faciamus. Et cano. 5. anathema dicitur contra Pelagium, asserentem istam gratiam esse quidem necessariam, vt facile, non tamen vt possimus operari quæ sunt legis. Deinde: Implere totam legem est perfectissimum opus hominis sani: ergo homo infirmus in statu naturæ corruptæ sine gratia, imò & in puris naturalibus non potest illam implere, vnde cadet infallibiliter in difficilioribus præceptis, & etiam urgente tentatione, nisi adiuuetur gratia; non solum leuiter, sed etiam grauius: hanc tamen Deus sufficienter omnibus dat, vnde casus imputatur ad culpam.

Probatur quarta pars conclusionis autoritate Sacræ Scripturæ, Conciliorum, & Sanctorum Patrum. Isaïæ 57. habetur: Abscondi à te faciem meam, & indignatus sum, & abiit vagus in via cordis sui. Ecclesiastici 27. Si non in timore Domini tenueris te, instanter cirò subuerteretur domus tua. Concilium Mileuitan. can. 3. definit gratiam, in qua iustificamur, non solum valere ad remissionem peccatorum quæ iam commissæ sunt, sed esse adiutorium ad non peccandum in futurum. D. Th. loco citato illam docet, licet aliàs contrarium docuerit in 1. d. 28. q. 1. art. 2. & 1. Gregor. Homilia 11. in Ezechielem: Peccatum quod per pœnitentiam non deletur, suo pondere in aliud trahit. Deinde probatur ratione à priori: Impossibile est esse benè ordinatum circa media, qualia sunt præcepta, & non circa finem Deum scilicet, quia eliguntur media propter finem, & intuitu eius: constat autem quod sine gratia sanctificante nullus est benè ordinatus in Deum vltimum finem, A posteriori etiam probatur, quia experientia constat quod peccator sæpe cadit, & nullus diu obseruat totam legem, quia hæc obseruantia totalis legis, vt dictum est, non potest esse sine auxilio diuinæ gratiæ in statu naturæ corruptæ: peccator autem, vt pote inimicus Dei, meretur priuari illo efficaci auxilio, & ita infallibiliter cadit ob corruptionem naturæ, quæ continebatur iustitia originali, computata in illo statu pro dono ordinis naturalis: nec illa necessitas siue infallibilitas cadendi excusat à peccato, cum sit voluntaria in sua causa.

Ad primum ergo dicendum, quod in primo loco per legem non intelliguntur præcepta Decalogi, sed cæremonialia: nec ista dicuntur impossibilia simpliciter, cum multi iusti illa obseruarint; sed tantum secundum quid, id est difficilia. In secundo solum vult Apostolus, quod ea quæ vult, sine gratia Dei perficere non possit. Similiter in tertio tantum vult, quod lex carnis

repugnat legi mentis, si non adiuuetur à gratia: vnde subdit, Quis me liberabit de corpore mortis huius? Gratia Dei per Iesum Christum. Quartus locus non benè exponitur ab hæreticis: licet enim opera legis sint impossibilia libero arbitrio sibi relicto, non tamen adiuto gratia, quam Deus omnibus concedit, nisi qui obicem ponunt vt mali, quales sunt hæretici; vnde friuola est experientia adducta in ipsis: in viris sanctis est vera, sed contraria; per gratiam autem moderatur, & vincitur concupiscentia.

A d secundum dicendum, quòd lex Dei non est supra nos, dum adiuuamur gratia Dei: quæ enim per amicos possumus, aliquid nos possumus ex Aristotele 3. Ethicor. Alius locus intelligendus est non de tota lege, sed de facilioribus præceptis. Ad aliud dicendum, quòd natura sana potest omnia naturalia; non autem infirma, nisi adiuuetur.

D V B I V M VIII.

Vtrum homo sine gratia possit implere præcepta supernaturalia.

SVpponendum est, quòd præcepta supernaturalia sunt in duplici differentia; Quædam sunt de actibus virtutum theologicarum, quorum obiectum est omninò supernaturale; ac proinde ipsi actus ab illo specificati, vt dicitur dubio sequenti: licet autem sint aliæ virtutes supernaturales præter theologicas, scilicet virtutes morales per se infusæ, distinctæ specie ab acquisitis eiusdem nominis, propter diuersum modum tendendi siue motiuum: tamen non inuenitur expressum præceptum de earum actibus, nullus enim obligatur ad ieiunandum ex motiuo charitatis: inuenitur autem præceptum de actibus fidei, spei, & charitatis. Alia præcepta supernaturalia sunt de administratione & receptione Sacramentorum.

Prima opinio, sed hæretica, est Pelagianorum quòd homo sine gratia possit implere præcepta de actibus fidei, spei, &c. vt dicitur dubio sequenti: quia earum obiecta dicunt contineri sub obiecto adæquato intellectus & voluntatis.

C O N C L U S I O.

RE S P O N D E O dicendum, quòd est necessaria gratia actualis ad implenda præcepta de virtutibus supernaturalibus, & ad non peccandum in eorum obseruatiã. 2. ad implendum autem præceptum affirmatiuum de receptione Sacramentorum, regulariter loquendo non est necessaria gratia sanctificans, nec antecedenter, nec consequenter. 3. benè tamen est necessaria ad implendum præceptum quasi negatiuum non-indignè suscipiendi. 4. similiter præceptum affirmatiuum de administrando Sacramenta potest impleri sine gratia sanctificante, non autem præceptum quasi negatiuum de non-

indignè administrando. It a communiter Theologi.

Probatur prima pars conclusionis autoritate D. Th. supra q. 63. art. 2. ad 2. vbi ait: Sūt quædam peccata mortalia, quæ homo sine gratia nullo modo potest vitare, quæ scilicet directè opponuntur virtutibus theologicis, quæ ex dono gratiæ sunt in nobis. Ratio est, quia ad satisfaciendum præceptis de actibus harum virtutum, tales actus debent elici: sed non possunt elici sine gratia actuali, vt magis declarabitur dubio sequenti, cū sint supernaturales: ergo ad implenda præcepta de virtutibus supernaturalibus, est necessaria gratia actualis, ac proinde ad non peccandum in eorum obseruantiã, nisi ad sit ignorantia inuincibilis: insuper ad actum charitatis est necessaria gratia sanctificans, saltem consequenter.

Probatur secunda pars conclusionis ex vsu Ecclesiæ, & communi consensu Theologorum, qui fatentur præceptum de Baptismo impleri à suscipiente cum obice: vnde non tenetur iterum baptisari. Idem fatentur de suscipiente fidei & sacrilegè Eucharistiã in Paschate, vel viaticum in articulo mortis: licet enim talis peccet mortaliter vt statim dicitur, quia præceptum naturale est, quòd sancta sunt sanctè tractanda; tamen satisfacit præcepto diuino; & idem dicendum de annua confessione: vnde non debet reiterari hæc Sacramenta suscipere: licet autem Deus legislator media hac susceptione Sacramentorum intendat susipientem ad sui amicitiam disponere; hic tamen finis est extrinsecus actui imperato, propterea non obligat: ergo ad implendum præceptum affirmatiuum de receptione Sacramentorum, non est necessaria gratia sanctificans, nec antecedenter, nec consequenter.

Probatur & explicatur tertia pars conclusionis. Lumine naturali notū est, sancta esse sanctè tractanda: sed qui suscipit Sacramenta sine gratia sanctificante, vel antecedenter, vel saltè consequenter modo statim dicendo, non tractat ea sanctè, cum ipse sit impius & impurus: ergo necessaria est gratia sanctificans ad implendum præceptum quasi negatiuum non-indignè suscipiendi Sacramenta. Sciendum igitur: alia esse Sacramenta viuorum, alia mortuorum: mortuorum sunt Baptismus & Pœnitentia, quæ per se causant primam gratiam, quæ est vita animæ, & adhuc sunt per se primò instituta, vnde suscipiens ordinariè est mortuus, & sufficit quòd accedat cum attritione cognita: vnde susceptionem istarum antecedit gratia actualis & consequitur gratia sanctificans: viuorum autem sunt reliqua Sacramenta, sic dicta quia non debent suscipi, nisi ab homine iusto & viuente vita spiritali, vnde per se sunt instituta ad causandum augmentum gratiæ, quam præsupponunt; & non primam gratiam, nisi per accidens, vt cum quis credens se esse in gratia, ad Eucharistiã accedit;

accedit; tunc enim iustificatur virtute Sacramenti, & de attrito fit contritus ex D. Thom. 3. part. quæst. 79. art. 3. & quæst. 80. art. 4. ad 5. unde ad Sacramenta viuorum debet præcedere tam gratia actualis, quam habitualis perse; imò ad Eucharistiam debet præcedere confessio, quamuis peccator sciret se esse contritum, & hoc ex speciali præcepto cōtento in illis verbis Apostoli: Probet autem seipsum homo, & sic de pane illo edat, &c. Quod est intelligendum per se, nam per accidens deficiente idoneo confessore, sufficit contritio præsumpta.

Probat & explicatur quarta pars conclusionis: Parochus dum existens in peccato administrat Sacramenta, licet peccet, quia non tractat sancta sanctè, tamen non tenetur iterum administrare: ergo signum est quòd præceptum affirmatiuum de administrando Sacramenta, potest impleri sine gratia sanctificante: non autem præceptum quasi negatiuum de non-indigne administrando; unde parochus tenetur esse dispositus, quia est minister ad hoc per se institutus, per accidens autem excusatur; ut si obliuiscatur peccati commissi: quæ obligatio non currit in ministris per accidens in casu extremæ necessitatis, unde non peccant baptizantes in statu peccati puerulum morientem.

Ad fundamentum hæreticorum dicendum, quòd licet obiecta fidei & spei contineantur sub obiecto adæquato intellectus & voluntatis: non tamen sunt obiecta inadæquata proportionata, sed excedentia.

D V B I U M IX.

*Vtrum sit necessaria gratia ad credendum
mysteria fidei.*

Supponendum est, actum fidei esse supernaturalem quantum ad substantiam; quòd idem dicendum est de aliis actibus virtutum theologicarum, & moralium per se infusarum. Ad eius euidentiā nota, aliquid esse supernaturale tribus modis: vel ex parte efficientis tantum, quando causa agens agit supra naturam, siue supra exigentiam naturæ, producit tamen aliquid naturale in substantia, ut visus restitutus cæco nato: vel quantum ad modum intrinsecum tantum, ut ambulatio facta propter Deum; entitas quippe eius est purè naturalis, ex directione tamen charitatis acquirit modum intrinsecum supernaturalem, ratione cuius est meritoria: vel quantum ad substantiam, quando tota entitas est supernaturalis, & talis est actus fidei, & omnes alij actus qui respiciunt obiectum supernaturale, & in illud tendunt modo supernaturali; unde exigunt procedere à principio supernaturali, id est à potentia eleuata aliquo habitu, siue virtute agendi proxima saltem actuali & fluente supernaturali. Nec contrariatur D. Thom. dum

actum fidei vocat naturalem; actum verò miraculosum, siue prophetiæ supernaturalem: quia tantum vult actum miraculosum & prophetiæ dici supernaturalem, quia est omnino supra naturam, in quantum homo ad illos concurret ut instrumentum; actum verò fidei vocat naturalem, quia licet supernaturalis in entitate, est tamen connaturalis homini habenti fidem, in quantum ad illum concurret ut causa principalis, & facit alios similes, ut fidei humanæ: Fides autem definitur ab Apostolo, quòd sit sperandum substantia (id est fundamentum) rerum: argumentum (siue assensus) non apparentium, & tendit ad mysteria supernaturalia ut in obiectum, sub motiuo diuinæ reuelationis, ad cuius actum concurret pia affectio: unde ex duplici capite, scilicet ex parte intellectus & voluntatis, necessaria erit gratia, si semel est necessaria: non quidem gratia habitualis, sed actualis: ab ipsa autem fide incipit iustificatio.

Prima opinio, sed hæretica, est Pelagij Angli monachi, tempore Innocentij I. & Arcadij Imperatoris circa annum Domini 405, qui acerrimus gratiæ inimicus negabat in principio omnino gratiam, postea admisit sed fraudulenter sub nomine creationis: tandem admisit gratiam externæ protectionis & propositionis fidei ac legis: negauit tamen semper gratiam internæ motionis necessariā esse ad non peccandum, ad merendum vitam æternam, ad credendum, ad iustificationem, ad perseuerandum in gratia. Ita refert Aug. Epist. 105. & duabus sequentibus, ubi refert acta Conciliorum Mileuitani, Africani, & Palæstini contra hos errores. His successerunt Semipelagiani, siue reliquiæ Pelagianorum, admittentes gratiam necessariam esse ad omnia supradicta, ut adiuuantem & cooperantem, non verò ut operantem & præuenientem; unde dicebant omnia à nobis incipere, contra quos agit Aug. de Prædestinatione Sanctorum, & de Bono Perseuerantiæ, ac damnati fuerunt in II. Concil. Arausicano. Probat tamen hic error: Mysteria fidei proposita sunt proportionata intellectui, sicut colores manifestati sunt proportionati visui: ergo sicut per naturam videntur colores, sic per naturam creduntur illa mysteria; maxime quia Gentiles credunt figmenta impossibilia naturaliter.

Secundò, Natura nostra est creata à Deo perfecta in ordine ad vltimum finem, perfecta enim sunt Dei opera: ergo non indiget aliquo superaddito, ad tendendum in illum per fidem, dilectionem, &c.

Tertiò, Ex D. Th. 1. p. q. 32. art. 1. potest quis cognoscere naturaliter, quòd argumenta facta contra mysteria fidei non concludunt: & similiter quòd illa mysteria sunt credibilia: ergo & credere illa.

C O N C L U S I O.

R E S P O N D E O dicendum, quòd siue intellectus

lectus non potest elicere actum fidei, siue formatæ, siue informis, nisi eleuatus lumine supernaturali. 2. sic nec voluntas potest velle credere fide diuina: nec intellectus iudicare esse credendum, nisi applicetur per auxilium supernaturale gratiæ præuenientis & adiuuantis. Ita omnes Catholici.

Probatur prima pars conclusionis tanquam de fide. Ioan. 6. dicitur: Nemo potest venire ad me, nisi pater meus traxerit eum: Trahere autem denotat gratiam operantem; non autem ducere. Ad Ephes. 2. Gratia estis saluati per fidem; & hoc non ex vobis, Dei enim donum est. Concil. Triden. sess. 6. can. 3. Si quis dixerit sine præueniente Spiritus sancti inspiratione, atque eius adiutorio hominem credere posse sicut oportet anathema sit, Conc. Arausica. II. can. 5. & 7. definit & damnat eum, qui dixerit tam ipsius fidei augmentum, quam initium id est credulitatis affectum, quo in eum credimus qui iustificat impium, non esse per gratiæ donum, id est per inspirationem Spiritus sancti, corrigentis voluntatem nostram ab infidelitate ad fidem, ab impietate ad pietatem. Denique probat Aug. 1. de Præd. Sanctorum cap. 2. ex illo Apostoli. 1. ad Cor. 3. Non sumus sufficientes aliquid cogitare ex nobis, quasi ex nobis: ergo multò minus credere, quod est cogitare cum assensu; hic autem assensus est certissimus, quia procedit ex reuelatione diuina, quæ si negetur in vno, deperditur fides quæ æqualiter respicit omnia reuelata.

Probatur secunda pars conclusionis etiam de fide. Actuum 16. dicitur, quod cum prædicasset Paulus, adaperuit Deus cor Lidiæ, vt attenderit iis, quæ dicebantur à Paulo. Ad Philipp. 1. Qui cœpit in vobis opus bonum, perficiet & cap. 2. Deus est qui operatur in vobis velle, & perficere pro bona voluntate. Conc. Araus. II. canone 5. Si quis sicut augmentum, ita etiam initium fidei, ipsumque credulitatis affectum, quo in eum credimus qui iustificat impium, & ad regenerationem Baptismatis peruenimus, non per gratiæ donum, id est per inspirationem Spiritus sancti, corrigentem voluntatem nostram ab infidelitate ad fidem, ab impietate ad pietatem, sed naturaliter inesse dicit, Apostolicis dogmatibus aduersarius approbatur. Nec potest explicari Concilium de sola voluntate credendi fidei formatæ; quia intentum illius erat contra Semipelagianos, qui nunquam dubitarunt necessariam esse gratiam ad fidem formatam; sed debet intelligi de fide informi, quæ est initium iustificationis; & corrigit ab impietate, quæ est nolle, vel non velle credere, ad pietatem, id est piam affectionem ad credendum; vel si pietas accipiatur pro gratia remissionis, hæc inspiratio corrigit initiatiuè, non formaliter. Et canone 7. Si quis per naturæ vigorem bonum aliquod, quod ad salutem pertinet vitæ æternæ, cogitare vt expedit confirmat absque illuminatione & inspiratione

Spiritu sancti, hæretico fallitur spiritu. August. Epistolis supra citatis, & de Prædest. Sanctorum cap. 2. vbi retractat quod dixerat in expositione Epistolæ ad Rom. initium fidei esse ex nobis: & cap. 6. ait: Quod aliqui credere vellent Christo prædicanti proueniebat ex gratia: quod alij nolent ex iudicio Dei.

Secundò probatur ratione: Si velle credere esset ex nobis, etiam esset ex nobis ipsum credere, nam posita voluntate credendi, statim sequitur ipsum credere. Deinde, Credere est actus quoad substantiam supernaturalis, vt dictum est: ergo & ipsum velle credere, quod actus credendi habet pro obiecto à quo specificatur; & consequenter velle credere, quod applicat intellectum vt attendat dictis, & credat creditis, non est ex nobis, sed ex gratia: hæc autem applicatio debet intelligi in ordine ad credendum, quia multi infideles attendunt sine gratia rebus fidei, sed vt irrideant: hæc etiam applicatio non consistit in hoc præcisè, quod voluntas non contrarietur, & quasi negatiuè se habeat; sed verè positiuè applicat ad hunc actum in specie & in individuo. Quod etiam iudicium præcedens hanc voluntatem sit ex gratia, probatur quia pertinet ad initium fidei vt patet, quod initium ex Concilio citato procedit ex gratia. Deinde, Gratia actualis nunquam incipit à voluntate, sed ab intellectu, qui debet mouere voluntatem media cogitatione sancta & iudicio; cum autem ex Apostolo non simus sufficientes cogitare, multò minus iudicare. Voluntas igitur mouetur ab intellectu quoad iustificationem, quia specificatur ab obiecto cognito per intellectum; vnde actus voluntatis vt sit supernaturalis, obiectum vt cognitum, ipsaque cognitio debent esse eiusdem ordinis; vnde non potest esse dilectio charitatis nisi præcedat cognitio supernaturalis fidei, aut visionis beatæ: cuius ratio est, quia voluntas vt agat supernaturaliter, debet tendere in obiectum supernaturale, non tantum materialiter; sed etiam formaliter tale; ad hoc autem requiritur cognitio saltem vt conditio sub qua proponatur: cognitio verò obiecti supernaturalis vt talis, est etiam supernaturalis licet non vt materialiter considerati, vt patet in fide hæreticorum. Hic autem processus incipit à prima quadam cogitatione inspirata, quam sequitur iudicium, deinde voluntas credendi, & tandem actus fidei: hic actus est veræ virtutis in Fidei, elicitus ab habitu fidei: alij verò actus præcedentes habentur ex auxilio actuali, iudicium verò post iustificationem elicitur à prudentia infusa.

Ad primum ergo dicendum, quod mysteria fidei, licet proposita, sunt ordinis supernaturalis, quædam absolute, alia verò vt substant reuelationi diuinæ, vnde sunt improporcionata intellectui relicto suæ naturæ; & ita indiget gratia: colores autem, vt pote ordinis naturalis, semel manifestati

stati sunt proportionati visui. Est etiam differentia inter mysteria fidei & illa figmenta Gētilium; nam illa figmenta creduntur fide humana, mysteria verò fidei fide diuina; vnde adhuc credenda requiritur gratia, non ad illa.

Ad secundum dicendum, quòd quia finis naturæ humanæ est supernaturalis & excedens, ac proinde alterius ordinis; propterea natura quantumcunque perfecta in suo ordine, indiget gratia ad illum attingendum; & ad tendendum per fidem, dilectionem, &c.

Ad tertium dicendum, quòd quia mysteria fidei sunt vera, argumenta contra ipsa facta sunt falsa, & deficiunt in aliquo quod naturaliter videri potest: ex hoc autem colligitur tantum, mysteria illa non esse impossibilia; non autem esse possibilia, quia ignoratur an sit aliud argumentum demonstrans hanc impossibilitatem, sola fides id docet: Ad aliud dicendum, quòd valde differunt ista duo, res est vera, & est credibilis vera; primum non demonstratur, nisi per principium intrinsecum: secundum verò demonstratur à posteriori per signa, aut per aliud principium extrinsecum, putà attestationem dicentis, quæ licet sit Dei, adhuc tamen comparatur cum fide, maximè quando est de mysteriis omnino supernaturalibus, saltem secundum probabilem opinionem, de qua tomo sequenti agetur.

D V B I U M X.

Verum sit necessaria gratia, ut quis mereatur vitam æternam, se disponat ad gratiam, & resurgat à peccato.

Supponendum est, non remitti peccatum, nec infundi gratiam habitualemente adultis, absque aliqua dispositione: & hoc habetur definitum in Concilio Tridentino sess. 6. cap. 5. & canone 3. Quod colligitur ex illo Zachariæ 1. Conuertimini ad me, & ego conuertar ad vos: & optimè probat D. Thom. hinc art. 6. ex analogia ad introductionem formæ naturalis completæ, ad quam requiritur dispositio.

Prima opinio, sed hæretica, asserit non esse necessariam gratiam ad merendum vitam æternam. Probatur: Quælibet res naturalis ex suis viribus, potest peruenire ad suum vltimum finem: ergo & homo ad vitam æternam, quæ est suus vltimus finis.

Secunda opinio, etiam hæretica, negat necessariam esse gratiam actualem, ut quis se præparet ad gratiam sanctificantem. Probatur ex illo Proverb. 16. Hominis est præparare animum. Deinde, Facienti quod in se est, Deus non denegat gratiam. Denique, Si ad gratiam est prærequisita gratia, dabitur processus in infinitum.

Tertia opinio, sed item hæretica, negat necessitatem gratiæ ad resurgendum à peccato. Probatur, Quælibet res naturalis redit naturali-
B. P. Philippi Carm. discal. Diss. Theolog. in 1.2

ter ad actum convenientem suæ naturæ, sicut aqua calefacta ad naturale frigus: ergo & homo saltem poterit reparare per actus virtutis acquiratæ, damnum quod per peccatum intulit naturæ, quod est resurgere à peccato.

C O N C L U S I O.

RESPONDEO dicendum, quòd homo non potest sine gratia tam habituali, quam actuali mereri vitam æternam 1. nec se disponere ad gratiam sanctificantem sine auxiliis gratiæ actualis 3. sicut nec resurgere à peccato. Ita communiter omnes Theologi.

Probatur nunc breuiter prima pars conclusionis (fusus infra probanda in materia de Merito); tum ex illo ad Rom. 6. Gratia Dei vita æterna. Tum autoritate & ratione D. Thom. hinc art. 5. Actus perducens ad finem debet esse fini proportionatus, sicut & principio actiuo à quo procedit, ut patet; non enim potest illud excedere: ergo cum vita æterna sit quid supernaturale, meritum ad illam perducens debet esse eiusdem ordinis, ac proinde à principio supernaturali gratiæ, & non ex viribus naturæ.

Probatur secunda pars conclusionis ex Scriptura. Ieremiæ 21. dicitur Conuerte nos Domine ad te, & conuertemur. Ioan. 6. Nemo potest venire ad me, nisi pater qui misit me traxerit eum. Deinde habetur definita in Conciliis Mileuitano can. 4. Arausicano can. 3. & 5. Trident. sess. 6. cap. 5. & can. 3. Deinde probatur ratione D. Th. hinc art. 6. Dispositio debet esse eiusdem ordinis cum forma introducenda per ipsum, ut patet tum inductione, tum ratione; quia aliàs non disponderet subiectum ad talem formam, sed relinqueret æquè improporcionatum ac ante; quod verum est tam de proxima, quam de remota dispositione: sed gratia habitualis introducenda in iustificatione est forma supernaturalis, ut etiam patet: ergo etiam dispositio ad illam tam proxima, quam remota debet esse ex auxilio supernaturali gratiæ actualis, & non à natura iuxta illud ad Philipp. 1. Qui cœpit in vobis opus bonum, perficiet. Deinde, Cum agens agat propter finem, secundum ordinem agentium est ordo finium & econtra, tam secundum rationem vniuersalis & particularis, quam secundum rationem naturalis & supernaturalis: ergo cum vita æterna, ad quam sumus deputati & ordinati per gratiam habitualemente immediatè, sit vltimus finis & supernaturalis, dispositio ad illam gratiam, quæ est motio mediata ad vitam æternam, debet procedere à Deo primo agente supernaturali per gratiam actualem, & non à natura.

Probatur tertia pars conclusionis ex illo Orationis Dominicæ: Dimitte nobis debita nostra; vnde habetur definita in Conciliis Mileuitano can. 5. Arausicano. can. 4. & Trident. sess. 6. c. 14. & can. 1. quam nec negauit Pelagius, ut refert Aug. Deinde probatur ratione D. Th. art. 7. Resurgere

furgere à peccato non est cessare à peccato : sed refarcire damna peccati , scilicet maculam pro-
uenientē ex priuatione gratiæ , quæ non tollitur
nisi adueniente de nouo gratia : item est refar-
cire corruptionem naturæ deordinatæ , quæ non
tollitur , nisi Deo per gratiam iterum ordinante
ipsam ad finem supernaturalem , & tandem est
refarcire reatum pœnæ æternæ , qui non tollit-
tur , nisi Deus per peccatum offensus remittat
offensam : ergo sine gratia non potest quis re-
furgere à peccato.

A D primum ergo dicendum , quòd illa ratio
probareret , si homo esset ordinatus tantum ad fi-
nem naturalem sibi proportionatum , sicut aliæ
res naturales : sed est ordinatus ad finem super-
naturalem , ac proinde mediis supernaturalibus.

A D secundum dicendum , quòd illa præpa-
ratio est quidem hominis , quia fit per liberum
arbitrium : sed tamen non excluditur auxilium
supernaturale Dei mouentis & attrahentis illud.
Ad aliud dicendum , quòd Deus non denegat
gratiam facienti quod in se est ex viribus gratiæ
actualis ; non autem illam cōcedit facienti quod
in se est ex viribus naturæ , vt infra dicitur. Ad
aliud dicendum , quòd solum ad gratiam habi-
tualem , quæ est forma perfecta , prærequiritur
gratia actualis vt dispositio : non autem ad gra-
tiam actualem , quæ est forma incompleta : hoc
enim vniuersaliter est verum , quòd ad formam
completam præcedit dispositio , non autem ad
incompletam , vt patet inductione in naturalibus ,
& sic non datur processus in infinitum.

A D tertium dicendum , quòd res naturales
alteratæ à naturali sua dispositione , possunt se re-
ducere , vt patet in exemplo adducto : non autem
si fuerint corruptæ , qualis est natura humana per
peccatum , est enim habitualiter auersa à Deo &
à bono rationis , & conuersa ad malum ; quam
corruptionem non tollit nisi per reordinationem
ad Deum vltimum finem , tam naturalem , quàm
supernaturalem , vt dictum est , quæ haberi non
potest nisi per gratiam.

D V B I V M X I.

*Verum homo iustus indigeat speciali priuilegio gra-
tiæ , ad vitandum omnia peccata venialia.*

S Vpponendum est quòd Peccatum Veniale
non est contra charitatem , sed tantum contra
feruorem eius , vnde potest reperiri in homine
iusto simul cum gratia sanctificante. Peccatum
veniale est in triplici differentia : nam aliud est
veniale ex genere suo siue ex obiecto , vt verbum
otiosum mendacium officiosum : aliud ex leuita-
te materiæ , vt paruum furtum : aliud denique ex
imperfectiōe deliberationis. Nomine autē spe-
cialis priuilegij , non intelligitur auxilium gratiæ ,
quod cōmuniter & multis datur ad vitanda pec-
cata mortalia ; nam certum est sine auxilio gra-

tiæ Dei non posse vitari omnia peccata venialia :
sed intelligitur aliquod gratiæ priuilegium con-
cessum paucissimis.

Prima opinio asserit sufficere auxilia gratiæ
communia & ordinaria homini iusto , ad hoc vt
vitet omnia peccata venialia : Pro hac opinione
citur Vega libro 14. in Trident. cap. 19. & duo-
bus sequentibus. Probatur autoritate Scriptu-
ræ. Tobix 4. dicitur : Multa bona habebimus
si timuerimus Deum , & recesserimus ab omni
peccato. Ad Philippenfes 2. Omnia facite sine
murmurationibus & hæitationibus , vt sitis sine
quærela , & simplices filij Dei. Ad Coloss. 1.
Vt exhibeamus omnem hominem perfectum in
Christo Iesu. Sed non potest verè dici quòd
aliquis recedat ab omni peccato , & sit perfe-
ctus , si non vitet omnia peccata venialia : ergo
sufficiunt auxilia gratiæ communia & ordinaria
homini iusto , ad hoc vt vitet omnia peccata ve-
nialia : imò hoc videretur determinatum à Conci-
lio Arausicano canone vltimo , vbi dicitur ba-
ptizatum Christi gratia adiuuante & cooperante
accepta , posse adimplere quæ ad salutem perti-
nent , si fideliter laborare velit.

Secundò , Licet homo sit infirmus propter re-
bellionem carnis ad rationem : gratia tamen Dei
data per Christum est omnipotens , vt docet S.
Prosper , alique Sancti Patres : ergo mediâ illâ
saltem homo iustus poterit vincere omnes ten-
tationes , & sic vitare omnia peccata venialia :
imò hoc petimus à Deo & statuimus , vnde est
possibile.

Tertiò , Homo iustus non peccabit venialiter ,
si obseruet omnia Dei præcepta , cum peccatum
veniale sit contra præcepta Dei : sed homo iustus
cum auxiliis gratiæ communibus potest obser-
uare omnia Dei præcepta , non tantum sigillatim ,
sed etiam simul sumpta , sic enim per gratiam
Christi sunt possibilia : ergo sufficiunt auxilia
gratiæ communia & ordinaria homini iusto , ad-
hoc vt vitet omnia peccata venialia ; aliàs si non
posset omnia vitare , sed necessariò caderet in
aliquibus , non peccaret ; non enim peccamus in
his quæ vitare non possumus.

Secunda opinio , sed hæretica Calvinistarum ,
est , hoc priuilegium vitandi omnia peccata ve-
nialia nulli vnquam , etiam Beatissimæ Virgini
fuisse concessum. Probatur ex Scriptura , vbi di-
citur , Quis mundus erit à sorde : Non est homo
qui non peccet : In multis offendimus omnes.
Quæ loca vniuersaliter loquuntur , & ita com-
prehendunt omnes.

Secundò , Hoc dicunt Sancti Patres : nam ,
Chrysostomus hom. 20. in Ioannem ait B. Vir-
ginem ex motu ambitionis dixisse ad Filium Vi-
num non habent , Vnde reprehensa fuit à Filio
dicente , Quid mihi & tibi. Aug. etiam libro
quæstionum veteris & noui Testamenti q. 75.
videtur dicere B. Virginem habuisse dubitatio-
nem fidei in Passione Christi.

Tertiò

Tertiò, Nulli alteri Sancto concessum fuit hoc priuilegium, quamuis alia plurima sint concessa. ergo nec B. Virgini, quam credendum est dixisse quotidie in Oratione Dominica illa verba, Dimitte nobis debita nostra.

CONCLUSIO.

RESPONDEO dicendum, quòd homo etiam iustus indiget speciali gratiæ priuilegio, ad vitanda omnia peccata venialia, maximè quæ fiunt ex subreptione appetitus siue ex imperfecta deliberatione. 2. sine quo priuilegio potest iustus in aliqua materia abstinere ab omni peccato veniali, etiam per totam vitam. 3. non tamen circa sensibilia gustus & tactus. 4. sed pro breui tempore potest fieri, quòd actu non peccet & sit sine macula peccati venialis. 5. hoc priuilegium fuit concessum Sanctissimæ Virgini Mariæ. Ita omnes Theologi.

Probatur prima pars conclusionis intellecta de homine post amissam iustitiam originalem; nam in illo statu naturæ integræ non solum poterat vitare omnia peccata venialia, imò non poterat peccare venialiter, quin prius mortaliter ex D. Thom. hic art. 8. probatur inquam auctoritate Scripturæ. 2. Paralip. 6. dicitur: Nec enim est homo, qui non peccet. Iacob. 3. In multis offendimus omnes. Psalmo 31. Remisisti impietatem peccati mei, pro hac orabit ad te omnis sanctus. 1. Ioannis 1. Si dixerimus quoniam peccatum non habemus, ipsi nos seducimus, & veritas in nobis non est. Proverb. 24. Septies enim cadet iustus. Ecclesiast. 7. Non est homo qui faciat bonum & non peccet. Idem determinauit Concilium Mileuitanum cap. 6. ubi ait: Quisquis sic accipiendum putauerit, vt dicat propter humilitatem oportere dici, nos habere peccatum, non quia verè ita est; anathema sit. Vnde Aug. de Ecclesiasticis Dogmatibus c. 36. asserit, esse de fide, quòd iustus non possit per totam vitam esse sine peccato: quod docet D. Th. in præsentia, & communiter Sancti Patres & Scholastici. Tandem hoc fuit definitum in Còc. Trident. sess. 6. can. 23. ubi dicitur, quòd absq; speciali priuilegio non possit homo per totam vitam vitare omnia peccata etiam venialia: ex quo colligitur quòd nec per multum tempus: & quamuis prædicta fere omnia testimonia loquatur de facto, non verò de possibili; ex vno tamen sequitur aliud: nam si de facto nullus iustus vitet omnia peccata venialia sine tali priuilegio, signum est quòd indiget illo, & sine illo non potest vitare. Deinde probatur ratione D. Thom. Licet natura humana per gratiam sanetur quantum ad mentem, remanet tamen in ea corruptio quantum ad carnem, per quam seruit legi peccati: remanet etiam quædam ignorantia obsecraturitas in intellectu, secundum quam quid oremus sicut oportet nescimus, propter varios enim rerum euentus, & quia etiam nos ipsos non perfectè cognoscimus, non possumus ad ple-

R. P. Philippi Carm. discal. Diss. Theolog. in 1.2.

num scire quid nobis expediat: vnde ex hac inordinatione partis inferioris à superiori prouenit, quòd ratio non potest perfectè aduertere ad omnes tentationes, & ita dum vincit vnā, cadit in aliam; & quamuis singulis possit resistere, non tamen omnibus: hæc autem intelligenda sunt præcipuè de peccatis venialibus, quæ fiunt vt subreptione siue ex imperfecta deliberatione, ne ratio probat: licet etiam vera sint de aliis peccatis venialibus, quæ fiunt ex perfecta deliberatione; hæc enim deordinatio partis inferioris & virium eius à parte superiori est causa, quòd homo cadat in peccata venialia etiam ex perfecta deliberatione, vt in risum immoderatum, verbum otiosum, mendacium officiosum, & similia.

Probatur secunda pars conclusionis experientia: videmus enim plures homines iustos nihil vnquam per totam vitam furto subripuisse, quamuis leuissimum: aut nunquam mentitos: vnde S. August. & S. Hieronymus exponentes hæc verba Psalmi 115. Omnis homo mendax, dicunt esse intelligenda de homine relicto suæ naturæ: ergo sine speciali priuilegio gratiæ potest iustus in aliqua materia abstinere ab omni peccato veniali, etiam per totā vitam; gratia enim tot iustis collata non potest dici ex priuilegio.

Probatur tertia pars conclusionis: Sensibilia gustus & tactus sunt valde conformia parti inferiori, eamque vehementissimè alliciunt, vt experientia constat, & testatur Sanctus Paulus Apostolus, quamuis iustus & Deo gratus, asserens se sentire in membris suis legem contrariam legi mentis & Dei: ergo cum pars inferior sit deordinata à superiori, facilè tendit in sensibilia gustus & tactus; vnde circa illa sine speciali priuilegio gratiæ non potest homo iustus abstinere ab omni peccato veniali: quod indicat illud Sap. 8. Et vt sciui quoniam aliter non possem esse continens, nisi Deus det: Propterea quòd doctor Angelicus D. Thom. & S. Mater nostra Theresia omni prorsus sensu libidinis caruerint, huic priuilegio ab omnibus adscribitur; & manifestatum fuit D. Thom. dum sibi lumbos fortiter præcingi sensit.

Probatur quarta pars conclusionis: Potest contingere quòd aliquis eliciat actum meritorium charitatis aut alterius virtutis, perfectum ex omni parte, vt dum aliquis est in perfecta contemplatione. Deinde, Macula peccati venialis tollitur per displicentiam illius, aut per actum feruidum charitatis, cui peccatum veniale opponitur; contraria autem se mutuo tollunt: sed potest homo iustus habere displicentiam peccatorum venialium, aut elicere actum feruidum charitatis, imò tam feruidum vt amore aliqui langueant & moriantur, vt contigit in S. M. N. Theresia, & constat eius reuelatione & vulnere in eius corde reperto: ergo pro breui tempore potest fieri quòd homo iustus sine præ-

LLI 2 dicto

dicto speciali priuilegio non peccet, & sit sine macula peccati venialis, quod manifestè declaratur in aliquibus iustis, de quibus constat quòd rectà cœlum post mortem petierunt: quod tamen nullus cum minima etiam macula ingreditur, dicitur enim in Apocal. quod nihil coinquinatum intrabit in Hierusalem cœlestem.

Probatur quinta pars conclusionis consensu vniuersalis Ecclesiæ qua illud, Tota pulchra es amica mea & macula non est in te; intelligitur de B. Virgine. Item determinatione Conciliorum VI. generalis sub Agathone Papa actione 11. vbi dicitur quòd B. Virgo fuerit incontaminata tam secundum corpus, quàm secundum animam: Concilij Claramontani sub Urbano II. Et tandem Concilij Tridentini sess. 6. canon. 23. vbi dicitur Ecclesiam semper sensisse, quòd Sanctissima Virgo habuerit huius modi priuilegium vitandi omnia peccata venialia. Item auctoritate Sanctorum Patrum: vnde ait August. de Natura & Gratia cap. 36. De qua nullam prorsus, cum de peccatis agitur, habere volo quæstionem. D. Thom. 3. part. quæst. 27. art. 4. Nec deest magna congruentia, quia decuit Matrem Dei ea puritate nitere, qua maior sub Deo esse non posset, vt ait S. Anselmus. Hoc autem priuilegium in hoc consistit, quòd vltra sanctam cogitationem præuenientem ad bonum, ita subiugatur sensualitas, vt ex ea non insurgat praua cogitatio ad malum: siue vno verbo, in extinctione, aut saltem ligatione fomitis, si enim insurgant tentationes, vix potest quis liberari à peccato veniali. Vnde B. Virgo caruit omni tentatione tam externa, quàm interna ex speciali priuilegio: quamuis de externa videatur D. Thomas sentire contrarium in 4. disp. 49. art. 3. quæstiuncula 1. ad 2. sed explicatur quòd intelligit de tentatione non in actu, sed in aptitudine.

A d primum ergo primæ opinionis dicendum, quòd duplex est perfectio: vna simpliciter absque omni peccato etiam veniali, & hæc est propria beatorum, quam ex priuilegio habuit Beatissima Virgo: alia est, quæ consistit in operando opera iustitiæ & charitatis excludens omne peccatum mortale eiusque maculam, & hæc præcipitur & laudatur à Scriptura: est tamen consilium & præceptum de vitandis omnibus peccatis venialibus; non quidem collectiue, sed sigillatim; quia possumus singula vitare, non omnia: qui autem abstinet ab omni peccato mortali, adimplet quæ ad salutem pertinent, & sic intelligit Concilium Arausicanum.

A d secundum dicendum, quòd Deus posset tantam gratiam homini dare, sanando eius infirmitatem, & debilitatem partis inferioris, quòd vitaret omnia peccata venialia, hoc tamen non facit vsque ad Patriam iustis de causis: vnde quòd non vitet homo peccata omnia cum auxilijs gratiæ ordinariis, non est ex defectu gratiæ, sed ex magna nostra debilitate: per imus autem

à Deo, & statuimus vitare singula peccata venialia, quod est possibile; non omnia.

A d tertium dicendum, quòd peccatum veniale non est contra præcepta de vltimo fine: sed contra modum obseruandi: possumus autem cum gratia Dei ordinaria singula seorsim peccata venialia vitare, non omnia collectiue: hæc autem impossibilitas vitandi omnia, non est ex connexionione terminorum, quia alioquin absolute non possent vitari: nec est tantum moralis, aliàs oppositum aliquando eueniret, cum tamen sine speciali priuilegio nunquam eueniret: sed est impossibilitas infallibilitatis, inferens necessitatem consequentiæ siue ex suppositione cadendi in aliquid, non determinatè, sed vagè sumptum: quod non lædit libertatem arbitrij, quæ attenditur circa singula determinatè, non circa omnia collectiue, vel circa aliquod vagè sumptum, ex D. Thom. in præsent. art. 8. ad 1.

A d primum secundæ opinionis hæreticorum dicendum, quòd hæc & similia loca sunt intelligenda cum hac clausula, nisi adsit aliquod speciale priuilegium, quod adfuit Beatissimæ Virgini, vt declararunt Concilia.

A d secundum dicendum cum D. Thom. 3. part. quæst. 27. art. 4. ad 2. quòd S. Chrysostomus vel excessit quantum ad hoc, vel locutus est in aliorum sententia: nec Beata Virgo fuit repræhensa à Filio, sed admonita, quòd ad ipsos non spectabat providere vinum. Ad August. dicendum cum D. Thom. loco citato, quòd loquitur non de dubitatione culpabili circa fidem, sed de stupore quodam & admiratione, qua B. Virgo mirabatur videns pati & mori Christum, quem firmissimè credebatur esse Deum: vnde illud Lucæ 2. Tuam ipsius animam pertransibit gladius, intelligitur de gladio doloris & compassionis, quam habuit Virgo iuxta Crucem.

A d tertium dicendum, quòd Beata Virgo, vt pote Mater Dei, est supra omnes eminens; & propterea habuit hoc priuilegium nulli alteri concessum: imò iudicatur temeraria & errori proxima opinio Catherini dicentis hoc non peccandi venialiter priuilegium concessum fuisse aliis, vt S. Ioanni Baptistæ, Ieremiæ, &c. Ad aliud dicendum, quòd B. Virgo dicens illa verba: Dimitte nobis debita nostra non oratit nomine proprio, sed totius Ecclesiæ: siue in communitate Fidelium.

D V B I V M XII.

Vtrum homo iustus indigeat auxilio gratiæ ad perseverandum.

Svpponendum est ex D. Thom. hic art. 10. Quòd perseverantia tripliciter dicitur: quandoque enim significat habitum mentis, per quem homo firmiter stat ne remoueatur ab eo quod est secundum virtutem, per tristitias ir-

ruentes

ruentes, ut sic se habeat perseverantia ad tristitias, sicut continentia ad concupiscentias, ut Philosophus dicit in 7. Ethicor. Alio modo potest dici perseverantia habitus quidam, secundum quem homo habet propositum perseverandi in bono usque in finem, & utroque istorum modorum perseverantia simul cum gratia infunditur, sicut & continentia, & cæteræ virtutes. Alio modo dicitur perseverantia continuatio quædam boni usque ad finem vitæ, & hæc dicitur donum perseverantiae proprium Prædestinatorum: Nec sibi contrariatur dum 1. 2. qu. 137. art. 4. accipit tantum perseverantiā dupliciter, prætermisso primo modo; nam ibi loquitur de perseverantia habituali tantum, pro ut est virtus: primo autem modo sumpta non est virtus, & vocatur potius dispositio ad virtutem, quia virtus est quid perfectum, & media ipsa operamur facile & delectabiliter: Differt autem donum perseverantiae à dono confirmationis in gratia, quod est Vix, in hoc quod perseverantia respicit tantum ultimum vitæ, ut postea dicitur, confirmatio autem in gratia importat aliquam durationem: neutrum autem tollit peccabilitatem absolute & ab intrinseco; sed sola confirmatio in gratia quæ habetur in Patria, ut ait D. Thom. quæst. 14. de Verit. art. 9. Et 4. contra Gentes cap. 70. ait: Immutabilitatis voluntatis non potest homini competere, nisi secundum quod attingit ultimum finem.

Prima opinio, sed hæretica, Pelagianorum asserit quod homo iustus non indiget auxilio gratiæ ad perseverandum. Probatur, Homo in statu iustitiæ originalis non indiguisset auxilio gratiæ ad perseverandum, præter gratiam habituales: ergo dū reparatur hæc gratia in homine iusto, non est ultra necessarium auxilium gratiæ, quia ex Apostolo ad Rom. 5. plus repositum est homini per donum Christi, quam amissum per peccatum Adæ.

Secundò, Perseverare in gratia est conservare ipsam usque in finem: sed ad talem conservationem sufficit concursus Dei quo fuit producta, ut patet in conservatione aliarum formarum, puta lucis in aëre: ergo homo iustus non indiget auxilio gratiæ ad perseverandum.

Tertiò, Perseverantia & confirmatio in gratia sunt omnino idem: sed homo iustus ut sit confirmatus in gratia non indiget auxilio internæ gratiæ; sed sola extrinseca Dei voluntate & protectione: ergo nec ad perseverandum.

CONCLUSIO.

RESPONDEO dicendum secundum fidem, quod homo iustus indiget auxilio gratiæ ad perseverandum. 1. quod auxilium consistit tam in interna motione, quam in externa protectione, aut saltem in una ipsarum. 3. & est idem cū auxilio quo resistimus finali tentationi & vitamus peccatum mortale saltem in fine vitæ, post acquisitam gratiam. 4. nulli iusto negatur

auxilium gratiæ sufficiens ad perseverandum. 5. licet non sit debitum, sed merè gratuitum maxime post peccatum originale. Ita omnes Theologi.

Probatur prima pars conclusionis autoritate Conciliorum. In Milevitano canone 3. & duobus sequentibus: item in Africano canon. 78. definitur hominem indigere auxilio gratiæ ad non peccandum, ac proinde ad perseverandum in gratia. In Arausicano II. canon. 10. sic habetur: Adiutorium Dei etiam renatis ac sanctis semper est implorandum, ut ad finem bonum pervenire, vel in bono possint opere perdurare. In Tridentino sess. 6. cap. 13. & canone 22. Si quis dixerit iustificatum vel sine speciali auxilio Dei in accepta iustitia perseverare posse, vel cū eo non posse; anathema sit. De hac re expressa & multiplex est autoritas Sanctorum Patrum; maxime Augustini in libro de Gratia & Libero Arbitrio cap. 6. item de Natura & Gratia c. 167 & lib. 2. de Bono Perseverantiæ cap. 2. & 3. D. Th. in hoc art. 10. & alibi sæpe. Hanc veritatem collegerunt tam Sancti Patres, quam Concilia ex sacra Scriptura: Ad Philipp. 1. dicitur: Qui cœpit in vobis opus bonum, perficiet usque in diem Christi Iesu. 1. Petri 5. Deus autem qui vocavit nos in æternam gloriam suam, &c. modicum passos ipse perficiet, confirmabit, solidabitque: Ioannis 17. Pater Sancte serva eos: Constat autem quod si Deus debet perficere bonum opus quod cœpit, si nos confirmat & solidat, si servat nos à malo, non possumus sine eius divina gratia perseverare: in his enim Scriptura attribuit aliquid speciale Deo, quod non attribuit in aliis actionibus naturalibus, ad quas concurret concursu generali. Deinde, sacra Scriptura inducit nos ad petendam à Deo perseverantiam, siue ut præservet nos à malo (quod idem est) tanquam donum excedens vires nostras & supernaturale: In Oratione Dominica habetur: Ne hos inducas in tentationem. Matthæi 26. Orate ne intretis in tentationem. Christus ob eandem causam oravit pro suis Discipulis. Ioan. 17. Non rogo ut tollas eos de mundo, sed ut servas eos à malo. Lucæ 22. Ego pro te rogavi Petre, ut non deficiat fides tua. Denique, Qui perseverat in gratia usque in finem, plus accipit ordinis supernaturalis à Deo, quam qui accepta gratia non accipit donum perseverantiæ in illa, unde tenetur gratias agere tanquam pro maiori beneficio ordinis supernaturalis: ergo necessarium est auxilium gratiæ ad perseverandum in bono; & si fuit necessarium in statu naturæ integre, multò magis in statu naturæ corruptæ, in quo licet pars superior sanetur per gratiam sanctificantem; tamen inferior remanet deordinata & concupiscit aduersus spiritum.

Probatur secunda pars conclusionis: Potest fieri quod homo post acceptam gratiam sanctificantem diu vivat, & perseverans in ea bene

L L 1 3 operando

operando & tentationibus resistendo moriatur: sed hoc fieri non potest sine interna motione gratiæ, & externa protectione qua prohibentur plures & grauiiores tentationes, quibus forte succumberet; potest etiam fieri quod homo post iustificationem statim moriatur, vel morte naturali, vel violenta; quæ coniunctio mortis cum statu gratiæ & iustificationis est effectus prædestinationis, tum in adultis, tum in paruulis iuxta illud: Raptus est, ne malitia mutaret intellectum eius, &c. tunc in breui illo spatio, vel operatur aliquid supernaturale, & hoc per gratiam internæ motionis; vel saltem prohibita sunt tentationes, & hoc per gratiam externæ protectionis: ergo auxilium gratiæ necessarium ad perseuerandum, consistit tam in interna motione, quàm in externa protectione, aut saltem in vna ipsarum.

Probatur tertia pars conclusionis: Qui moritur in gratia, habet donum perseuerantiæ, vt patet, mori enim in gratia est eius effectus, licet per breuissimum tempus perseuerauerit: sed qui resistit finali tentationi, & vitat peccatum mortale saltem in fine vitæ post acquisitam gratiam, moritur in gratia, hæc enim solum deperditur per peccatum mortale: ergo qui resistit finali tentationi, & vitat peccatum mortale saltem in fine vitæ post acquisitam gratiam, habet donum perseuerantiæ: ac proinde auxilium gratiæ necessarium ad perseuerandum est idem, quod auxilium gratiæ quo resistimus finali tentationi, & vitamus peccatum mortale saltem in fine vitæ post acquisitam gratiam. In proposito igitur perseuerandi, quod est actus elicitus ab habitu virtutis perseuerantiæ, non consistit donum perseuerantiæ; ad ipsum enim habendum sufficit auxilium gratiæ actualis transiens, sicut & ad alios actus virtutum.

Probatur quarta pars conclusionis: Iusti moriuntur in sacra Scriptura, vt perseuerent: Apocalypsis 3. Tene quod habes, vt nemo accipiat coronam tuam. & cap. 1. 2. Esto fidelis vsque ad mortem, dabo tibi coronam vitæ. Ad Philipenses 1. Cum timore & tremore salutem nostram operamini: Et ita possunt perseuerare; non enim est admonitio de impossibilibus: sed nullus potest in gratia perseuerare sine auxilio diuinæ gratiæ, vt dictum est in prima parte conclusionis: ergo nulli iusto negatur auxilium gratiæ sufficiens ad perseuerandum. Deinde, Ex Conciliis Deus neminem deserit, nisi prius ab eo deseratur cuius tamen contrarium contingeret, si Deus denegaret iustis auxilium gratiæ sufficiens ad perseuerandum; hæc enim denegatio non potest esse pœna præcedentium peccatorum, nec originalis, quia iam sunt remissa in iustis; ex peccatis enim remissis etiam originali nihil remanet perditionis, vt in Conciliis definitum est, maximè in Tridentino: & habetur ad Rom. 8, Nihil ergo nunc damnationis iis, qui

sunt in Christo Iesu. Et tamen aliquid perditionis remaneret, si propter illa negaretur auxilium gratiæ sufficiens ad perseuerandum, sine quo non possumus saluari: nec est pœna futurorum peccatorum, quia Deus non punit peccatum antequam sit.

Probatur & explicatur quinta pars conclusionis: Quamuis gratia supernaturalis nulli sit debita, etiam in statu iustitiæ originalis, propterea enim dicitur gratia, quia datur gratuito: multò minus tamen est debita homini in statu naturæ lapsæ, in quo propter peccatum est spoliatus gratuito: vnde quodlibet auxilium gratiæ est donum duplici titulo gratuitum pro statu naturæ lapsæ; & quia supernaturale, ac superadditum naturæ; & quia collatum post lapsum, id est indignis per peccatum. Notandum tamen quod ex suppositione præcepti excedentis vires liberi arbitrij, sunt debita auxilia gratiæ sufficientia, sine quibus impleri non potest: vnde licet Deus possit iuste pro peccatis actualibus negare auxilia sufficientia, sine quibus tale præceptum est impossibile: & tunc omissio illius imputetur ad peccatum, quia omittens redditur ex propria voluntate indignus illis auxiliis, & consequenter eadem propria voluntate & malitia redditur impotens ad illud præceptum implendum; peccata enim actualia sunt commissa propria voluntate. Videtur tamen repugnans tum misericordię, tum iustitiæ diuinæ, quod vlli propter solum peccatum originale negentur auxilia gratiæ sufficientia, & quod imputetur ad peccatum & ad æternam damnationem vt includit pœnam sensus, omissio præcepti aliàs impossibilis; quia impotentia illud implendi non esset ex propria voluntate, quandoquidem ab ipsa non procedit peccatum originale: licet enim gratuita iuste negentur subditis ob peccatum Capitis, non tamen ob illud peccatum iuste negantur quæ aliàs sunt ipsis debita, qualia sunt auxilia sufficientia ex suppositione dicti præcepti. Vnde nec Deus posset iuste punire æterna pœna sensus (quæ non est medicinalis) illos qui præcisè ex negatione auxiliorum præceptum non implerent; etsi posset iuste punire pœna damni, quæ est priuatio gratuitorum. Quod apparet in humanis: nam potest filius ob peccatum parentis iuste priuari à Rege paterna hæreditate, nobilitate, & similibus: non tamen ob illud potest iuste puniri in corpore, nec iuste puniretur non obediens præcepto Regis, si ex priuatione talis hæreditatis & nobilitatis præcisè fieret impotens obedire, quia nemo tenetur ad impossibile quod nõ oritur ex propria voluntate.

A d. primum ergo dicendum, quod etiam in statu iustitiæ originalis erat necessarium auxilium gratiæ ad perseuerandum, Ita D. Thom. hic art. 10. ad 3. S. Aug. de Correctione & Gratia cap. 11. ait: Istam gratiam non habuit homo primus, qua nunquam vellet esse malus; sed

sane

sane habuit, in qua si permanere vellet, nunquam malus esset, & sine qua etiam cum libero arbitrio bonus esse non posset. Et tandem Concilium Arausicanum II. can. 19. ait: Natura humana etiam si in illa integritate; in qua est condita, permaneret, nullo modo seipsam creatore non adiuuante seruaret: non tamen tunc fuissent necessaria tot auxilia, quia non aderant tentationes ab intrinseco ex parte concupiscentiæ, quæ tunc subordinata erat rationi: quia verò homo in primo statu accepit donum, per quod perseverare posset, non autem accepit ut perseveraret; nunc autem per gratiam Christi multi accipiunt, & donum gratiæ quo perseverare possunt; & ulterius eis datur quod perseverarent: donum Christi est maius, quàm delictum Adæ: quæ reparatio Christi nunc est tantum inchoata, scilicet quantum ad mentem, nondum consummata quantum ad carnem, quod erit in Patria, ubi homo non solum perseverare poterit, sed etiam peccare non poterit.

Ad secundum dicendum, quod quando forma conservanda habet contrarium quo possit corrumpi, sicut gratia habet peccatum, requiritur ultra concursus Dei producentis & conservantis talem formam, auxilium quo vitetur & remoueat eam contrarium: peccatum autem non potest vitari, saltem vique ad finem vitæ, sine auxilio gratiæ.

Ad tertium dicendum, quod confirmatio in gratia, ultra voluntatem extrinsecam Dei, importat collationem auxiliorum divinæ gratiæ tam externè protegentis, quàm internè confirmantis, quibus omnia peccata mortalia saltem vitantur: unde nunquam deperditur gratia sanctificans: & hæc auxilia gratiæ efficacia debent durare toto tempore confirmationis in gratia; tunc enim licet absolutè homo peccare possit, nunquam tamen de facto peccabit; & hoc infallibiliter, siue necessitate ex suppositione; siue consequentiæ: iuxta illud, Qui potuit transgredi, & non est transgressus: Hæc confirmatio differt à dono perseverantiæ: quod istud solum importat per se, quod homo moriatur in gratia in ea perseverando in ultima vitæ periodo: ultra quod confirmatio in gratia dicit adhesionem & stabilitatem in bono: unde maius est donum: Quando autem D. Thom. qu. 24. de Veritate. art. 9. dicit neminem in hac vita fuisse confirmatum in gratia: intelligit de confirmatione per aliquod habituale, per quod reddantur homines ab intrinseco inpeccabiles, sicut sunt beati in cælo: non autem per continuam auxiliorum collationem, quomodo Apostoli fuerunt confirmati ut docent communiter Theologi, & B. Virgo excellentiori modo, ita ut nec venialiter unquam peccaverit.



QVÆSTIO CX.

De gratia Dei quantum ad eius essentiam, in quatuor articulis divisa.



PRIMUM considerandum est de gratia Dei quantum ad eius essentiam.

Et circa hoc quaeruntur quatuor.

1. Primo, utrum gratia ponat aliquid in anima.
2. Secundo, utrum gratia sit qualitas.
3. Tertio utrum gratia differat à virtute infusa.
4. Quarto, de subiecto gratiæ.

ARTICVLVS I.

Utrum gratia ponat aliquid in anima

AD PRIMUM sic proceditur. Videtur, quod gratia non ponat aliquid in anima. Sicut enim homo dicitur habere gratiam Dei, ita etiam gratiam hominis: unde dicitur Gen. 39. quod Dominus dedit Ioseph gratiam in conspectu principis carceris. Sed per hoc, quod homo dicitur habere gratiam hominis, nihil ponitur in eo, qui gratiam alterius habet, sed in eo cuius gratiam habet, ponitur acceptatio quardam: ergo per hoc quod homo habere gratiam Dei dicitur, nihil ponitur in anima, sed solum significatur acceptatio divina.

2. Præterea, Sicut anima vivificat corpus, ita Deus vivificat animam: unde dicitur Deut. 30. ipse est vita tua. Sed anima vivificat corpus immediatè: ergo etiam nihil cadit medium inter Deum & animam. Non ergo gratia ponit aliquid creatum in anima.

3. Præterea, Ad Rom. 1. super illud, Gratia vobis & pax, dicitur glossa. Gratia id est remissio peccatorum. Sed remissio peccatorum non ponit in anima aliquid, sed solum in Deo non imputante peccatum: secundum illud Psal. 31. Beatus vir cui non imputavit Dominus peccatum. Ergo nec gratia ponit aliquid in anima.

4. Sed contra, Lux ponit aliquid in illuminato. Sed gratia est quædam lux animæ, unde Aug. dicit in lib. de natura & gratia. Præparatorum legis divinæ lux deserit veritatis, quæ desertus utique sit cæcus: ergo gratia ponit aliquid in anima.

CONCLUSIO.

Quem diligere sit velle alteri bonum, Deique voluntas, rerum sit causa: certum est gratiam seu dilectionem Dei, semper aliquid (nempe id quod ei vult) in anima eius quem diligit efficere.

RESPONDEO dicendum, quod secundum communem modum loquendi, tripliciter gratia accipi consuevit. Vno modo pro dilectione alicuius: sicut consuevimus dicere, quod iste miles habet gratiam regis, id est, rex habet eum gratum. Secundo sumitur pro aliquo dono gratis dato: sicut consuevimus dicere, Hanc gratiam facio tibi. Tertio modo sumitur pro recompensatione beneficii gratis dati: secundum quod dicimus agere gratias beneficiorum. Quorum trium secundum dependet ex primo: ex amore enim quod aliquis habet alium gratum, procedit quod aliquid ei gratis impendat. Ex secundo autem procedit tertium: quia ex beneficiis exhibitis gratiarum actio confurgit. Quantum igitur ad duo ultima, manifestum est, quod gratia aliquid ponit in eo qui gratiam accipit. Primo quidem ipsum donum gratis datum: secundum huius doni recognitionem. Sed quantum ad primum est differentia attendenda circa gratiam Dei, & gratiam hominis: quia enim bonum creaturæ provenit ex voluntate divina, ideo ex dilectione Dei, qua vult creaturæ bonum, prodest aliquid bonum in creatura. Voluntas autem hominis mouetur ex bono præexistente in rebus: & inde est, quod dilectio hominis non causat totaliter rei bonitatem, sed præsupponit ipsam vel in parte, vel in toto. Patet igitur, quod quamlibet Dei dilectionem sequitur aliquid bonum in creatura causatum, quandoque tamen dilectioni æternæ coæternum. Et secundum huiusmodi boni differentiam differens consideratur dilectio Dei ad creaturam. Una quidem communis, secundum quam diligit omnia, quæ sunt, ut dicitur Sap. 12. secundum quam esse naturale rebus creatis largitur. Alia autem dilectio est specialis, secundum quam trahit creaturam rationalem supra conditionem naturæ ad participationem divini boni: & secundum hanc dilectionem dicitur aliquem diligere simpliciter: quia secundum hanc dilectionem vult Deus simpliciter creaturæ bonum æternum, quod est ipse. Sic igitur per hoc, quod dicitur homo gratiam Dei habere, significatur quiddam supernaturale in homine à Deo proveniens. Quandoque tamen gratia Dei dicitur ipsa æterna Dei dilectio: secundum quod dicitur etiam gratia prædestinationis in quantum Deus gratuito, & non ex meritis aliquos prædestinavit. Sive elegit. Dicitur enim ad Ephes. 1. Prædestinavit nos in adoptionem filiorum, in laudem gloriæ gratiæ suæ.

Ad primum ergo dicendum, quod etiam in hoc, quod dicitur aliquis habere gratiam hominis, intelligitur in aliquo esse aliquid, quod sit homini gratum, sicut & in hoc, quod dicitur aliquis gratiam Dei habere. Sed tamen differenter: nam illud, quod est homini gratum, in alio homine præsupponitur eius dilectioni: causatur autem ex dilectione divina, quod est in homine Deo gratum, ut dictum est.

Ad secundum dicendum, quod Deus est vita animæ per modum causæ efficientis: sed anima est vita corporis per modum causæ formalis. Inter formam autem & materiam non cadit aliquod medium, quia forma per seipsam informat materiam,

586

2. d. 26. a.
1. et 3. d.
1. et 1. 55.
Et vir. 9.
27. ar. 1.

Gl. interli-
nario in
hoc loc.

cap. 22. in
pro. 10. 7.

Aliis non
lumen.

In cor. art.

teriam, vel subiectum. Sed agens informat subiectum, non per suam substantiam, sed per formam, quam causat in materia.

AD TERTIUM dicendum, quod Aug. dicit in l. Retracta-
7. c. 35. tionum, * Vbi dixit gratiam esse in remissionem peccatorum,
pacem vero in reconciliationem Dei: non sic accipiendum
est, ac si pax ipsa & reconciliatio non pertineant ad gratiam
generalem, sed quod specialiter gratia nomine remissionem
significauerit peccatorum. Non ergo sola remissio peccato-
rum ad gratiam pertinet: sed etiam multa alia Dei dona. Et
ideo remissio peccatorum non fit sine aliquo effectu diuinitus
q. 713. a. 2. in nobis causato, ut infra patebit.

ARTICVLVS II.

Vtrum gratia sit qualitas anime.

AD SECUNDUM sic proceditur. Videtur, quod gratia
non sit qualitas anime. Nulla enim qualitas agit in suum
subiectum, quia actio qualitatis non est absque actione sub-
iecti: & sic oporteret, quod subiectum ageret in seipsum. Sed
gratia agit in animam iustificando ipsam: ergo gratia non est
qualitas.

¶ 1. Præterea, Substantia est nobilior qualitate. Sed gratia
est nobilior, quam natura anime: multa enim possumus per
gratiam, ad quæ natura non sufficit, ut supra dictum est. Ergo
gratia non est qualitas.

¶ 2. Præterea, Nulla qualitas remanet, postquam definit
esse in subiecto. Sed gratia remanet, non enim corrumpitur,
quia sic in nihilum redigeretur, sicut ex nihilo creatur:
vnde & dicitur noua creatura, ad Galat. vi. ergo gratia non
est qualitas.

¶ 3. contra est, quod super illud Psal. 103. Vt exhalaret
faciem in oleo, dicit glossa. * quod gratia est nitore anime, san-
ctum concilians amorem. Sed nitore anime est quædam qua-
litas, sicut & pulchritudo corporis: ergo gratia est quædam
qualitas.

CONCLUSIO.

*Præter auxilium speciale, quo Deus hominem mouet ad
bene agendum, ponendum etiam est in anima iustificatorum, ha-
bens gratia seu qualitas quædam supernaturalis: ut suauiter
& promptè ab ipso ad æternum bonum consequendum mo-
ueatur.*

RESPONDEO dicendum, quod sicut iam dictum
est, in eo, qui dicitur gratiam Dei habere, significatur esse quid-
dam effectus gratia Dei voluntatis. Dictum est supra, quod
duplitter ex gratia Dei voluntate homo adiuuatur. Vno
modo in quantum anima hominis mouetur à Deo ad aliquid
cognoscendum, vel volendum vel agendum. Et hoc modo
ipse gratuitus effectus in homine non est qualitas, sed motus
quidam anime: actus enim mouentis in moto est motus, ut
dicitur in 3. Physicorum. * Alio modo adiuuatur homo ex gratia
Dei voluntate, secundum quod aliquod habituale donum à
Deo anime infunditur. Et hoc ideo, quia non est conueniens,
quod Deus minus provideat his, quos diligit ad supernaturale
bonum habendum, quam creaturis, quas diligit ad bonum
naturale habendum. Creaturis autem naturalibus sic provideat,
ut non solum moueat eas ad actus naturales, sed etiam lar-
giatur eis formas, & virtutes quasdam, quæ sunt principia
actuum, ut secundum seipsas inclinentur ad huiusmodi mo-
tus. Et sic motus quibus à Deo mouentur, sunt creaturis con-
naturales & faciles, secundum illud Sapient. 8. Et disponit
omnia suauiter. Multo igitur magis illis, quos mouet ad con-
sequendum bonum supernaturale æternum, infundit aliquas
formas, seu qualitates supernaturales, secundum quas suauiter
& promptè ab ipso moueantur ad bonum æternum conse-
quendum. Et sic donum gratia qualitas quædam est.

AD PRIMUM ergo dicendum, quod gratia secundum quod
est qualitas, dicitur agere in animam, non per modum cause
efficientis, sed per modum cause formalis: sicut albedo facit
album, & iustitia iustum.

AD SECUNDUM dicendum, quod omnis substantia, vel est
ipsa natura rei, cuius est substantia, vel est pars nature: secun-
dum quem modum materia vel forma substantia dicitur. Et
quia gratia est supra naturam humanam non potest esse, quod
sit substantia, aut forma substantialis: sed est forma acciden-
talis ipsius anime. Id enim, quod substantialiter est in Deo,
accidentaliter fit in anima participante diuinam bonitatem,
ut de scientia patet. Secundum hoc ergo, quia anima imper-
fectè participat diuinam bonitatem, ipsa participatio diuinæ
bonitatis, quæ est gratia, imperfectiori modo habet esse in
anima, quam natura anime: in quantum est expressio vel partici-
patio diuinæ bonitatis, non autem quantum ad modum ef-
fendi.

AD TERTIUM dicendum quod sicut dicit Boetius, accidentis
esse est ineffe. Vnde omne accidens, non dicitur ens quasi
ipsum esse habeat, sed quia eo aliquid est. vnde & magis di-
citur esse entis quam ens, ut dicitur in 7. Metaphysicorum. * Et quia eius
est fieri vel corrumpi, cuius est esse: ideo propriè loquendo
nullum accidens neque fit, neque corrumpitur, sed dicitur
fieri vel corrumpi, secundum quod subiectum incipit, vel
definit esse in actu secundum illud accidens. Et secundum
hoc etiam gratia dicitur creari, ex eo quod homines secun-
dum ipsam creantur, id est, in nouo esse constituuntur ex
nihilò, id est non ex materia, secundum illud ad Ephes. 2.
Creati in Christo Iesu in operibus bonis,

ARTICVLVS III.

Vtrum gratia sit idem quod virtus.

AD TERTIUM sic proceditur. Videtur, quod gratia sit
idem quod virtus. Dicit enim Augustinus. * quod gratia ope-
rans est fides, quæ per dilectionem operatur: ut habetur in
lib. de Spiritu & littera. Sed fides quæ per dilectionem ope-
tur, est virtus. Ergo gratia est virtus.

¶ 1. Præterea, Cuiusque conuenit definitio, conuenit
& diffinitio: Sed diffinitiones de virtute dantur siue à Sanctis,
siue à Philosophis, conueniunt gratia: ipsa enim bonum facit
habentem, & opus eius bonum reddit: ipsa etiam est bona
qualitas mentis, quæ recte viuatur, &c. Ergo gratia est
virtus.

¶ 2. Præterea, Gratia est qualitas quædam. Sed manifestum
est, quod non est in quarta specie qualitatibus, quæ est forma &
circa aliquid constans figura: quia non pertinet ad corpus,
neque etiam in tertia est, quia non est passio, vel passibilis
qualitas, quæ est in parte anime sensitiua, ut probatur in 7.
Physicorum. * ipsa autem gratia principaliter est in mente: neque
iterum est in secunda specie, quæ est potentia vel impotentia
naturalis, quia gratia est supra naturam, & non se habet ad
bonum & malum, sicut potentia naturalis, ergo relinquatur,
quod sit in prima specie, quæ est habitus vel dispositio. Ha-
bitus autem mentis sunt virtutes: quia etiam ipsa scientia
quodammodo est virtus, ut supra dictum est. Ergo gratia est
idem quod virtus.

¶ 3. contra, Si gratia est virtus, maximè videtur quod sit
aliqua trium theologicarum virtutum. Sed gratia non est
fides, vel spes, quia hæc possunt esse sine gratia gratum fa-
cientem: neque etiam caritas, quia gratia præuenit caritatem,
ut Augustinus dicit in lib. de prædestinatione sanctorum. * Ergo
gratia non est virtus.

CONCLUSIO.

*Vt naturale lumen rationis aliquid est præter virtutes ac-
quisitas; ita supernaturale gratia lumen, siue donum, est ali-
quid præter virtutes infusas, quibus homo perficitur ad ambu-
landum, secundum quod congruit diuinæ gratiæ luminari.*

RESPONDEO dicendum, quod quidam posuerunt
idem esse gratiam & virtutem secundum essentiam, sed dif-
ferre solum secundum rationem, ut gratia dicatur, secundum
quod facit hominem Deo gratum, vel secundum quod gratis
datur, virtus autem secundum quod perficit ad bene ope-
randum. Et hoc videtur sensisse Magister in 2. Sententiarum
distinctione 16. * Sed si quis rectè consideret rationem virtutis, hoc
scire non potest: quia ut Philosophus dicit in 7. Physicorum. *
virtus est quædam dispositio perfecti. dico autem perfectum,
quod ad dispositum secundum naturam. Ex quo patet, quod
virtus vniuersalisque rei dicitur in ordine ad aliquam natu-
ram præexistentem: quando scilicet vnumquodque sic est
dispositum, secundum quod congruit suæ nature. Manifestum
est autem, quod virtutes acquiruntur per actus humanos, de
quibus supra dictum est, sunt dispositiones, quibus homo
conuenienter disponitur in ordine ad naturam, quæ homo est.
Virtutes autem infusæ disponunt hominem altiori modo,
& ad altiorem finem. vnde etiam oportet, quod in ordine ad
aliquam altiorem naturam, hoc est in ordine ad naturam diui-
nam participatam, quæ dicitur lumen gratiæ: secundum quod
dicitur 1. Petri. 1. Maxima & pretiosa vobis promissa donauit, ut
per hoc efficiamini diuinæ consortes nature: & secundum
acceptationem huiusmodi nature dicuntur regenerati in
filios Dei. Sicut igitur lumen naturale rationis est aliquid
præter virtutes acquiras, quæ dicuntur in ordine ad ipsum
lumen naturale, ita etiam ipsum lumen gratiæ, quod est
participatio diuinæ nature, est aliquid præter virtutes infu-
sas, quæ à lumine isto deriuantur, & ad illud lumen ordina-
tur. Vnde Apostolus dicit ad Ephes. 5. Eratis aliquando tene-
bre, nunc autem lux in Domino, ut filij lucis ambulare.
Sicut enim virtutes acquiras perficiunt hominem ad ambu-
landum secundum quod congruit luminari naturali rationis,
ita virtutes infusæ perficiunt hominem ad ambulandum,
secundum quod congruit luminari gratiæ.

AD PRIMUM ergo dicendum, quod Aug. nominat fidem
per dilectionem operantem gratiam, quia actus fidei per dile-
ctionem operantis est primus actus, in quo gratia gratum fa-
ciens manifestatur.

AD SECUNDUM dicendum, quod bonum possumus in dif-
finitione virtutis dicitur secundum conuenientiam ad ali-
quam naturam præexistentem, vel essentialem, vel partici-
patam. sic autem bonum non attribuitur gratiæ, sed sicut ex-
dici bonitatis in homine: ut dictum est.

AD TERTIUM dicendum, quod gratia reducitur ad primam
speciem qualitatis. Non tamen est idem quod virtus, sed ha-
bitudo quædam, quæ præsupponitur virtutibus infusis, sicut
earum principium & radix.

ARTICVLVS IV.

*Vtrum gratia sit in essentia anime sicut in subiecto, an in
aliqua potentiarum.*

AD QUINTUM sic proceditur. Videtur, quod gratia
non sit in essentia anime sicut in subiecto, sed in aliqua
potentiarum. Dicit enim Augustinus in Hypognosticum. * quod
gratia comparatur ad voluntatem, siue ad lib. arbitrium, sicut
seffor ad equum. Sed voluntas siue liberum arb. est potentia
quædam: ut in primo dictum est. Ergo gratia est in potentia
anime sicut in subiecto.

¶ 1. Præterea, Ex gratia incipiunt merita hominis: ut
Augustinus dicit. * sed meritum consistit in actu, qui ex aliqua
poten-

☞ *gr. c. potentia procedit. ergo videtur, quod gratia sit perfectio ali-*
q. circa fr. cuius potentia animæ.

is. 7. & li. ¶ j. Præterea, Si essentia animæ sit proprium subiectum
1. ad simp. gratiæ, oportet quod anima in quantum habet essentiam, sit
q. 1. & de capax gratiæ. Sed hoc est falsum: quia sic sequeretur, quod
gr. a. & b. omnis anima esset gratiæ capax. Non ergo essentia animæ est
viii. 6. proprium subiectum gratiæ.

¶ 4 Præterea, Essentia animæ est prior potentia eius. Prius autem potest intelligi sine posteriori ergo sequetur, quod gratia possit intelligi in anima, nulla parte vel potentia animæ intellecta, scilicet, neque voluntate, neque in intellectu, neque aliquo huiusmodi, quod est inconueniens


§ a b contra est . quod per gratiam regeneramus in filios Dei. Sed generatio per prius terminatur ad essentiam, quam ad potentias : ergo gratia per prius est in essentia animæ, quam in potentiis.

CONCLUSIO.

Quia omnis perfectio potentie anime habet rationem virtutis: gratia autem non est virtus, sed aliquid virtutis prius: necessarium est non potentiam vitam, sed essentiam ipsam anime subiectum gratie esse.

RESPONDENDO dicendum, quod ista questio ex pre-
cedenti dependet *. Si enim gratis sit idem quod virtus, ne-
cessario est quod sit in potentia animæ sicut in subiecto: nam
potentia animæ est principium subiectum virtutis, ut supra.

9-36.3.1. dicendum est *. Si autem gratia differat à virtute non potest dici quòd potentia animæ sit gratia subiectum: quia omnis perfectio potentie animæ habet rationem virtutis, ut supra di-

9. 11.  36. art. 2.

A primū ergo dicendum, quod sicut ab effluens animæ effluunt eius potentie, quæ sunt operum principia, ita etiam ab ipsa gratia effluunt virtutes in potentias animæ, per quas potentie mouentur ad actus. Et secundum hoc gratia comparatur ad voluntatem, ut mouens ad motum, quæ est comparatio fessoris ad equum: non autem sicut accidens ad subiectum.

¶ Et per hoc etiam patet solutio ad Secundum. est enim gratia principium meritorij operis mediantibus virtutibus: sicut essentia animæ est principium operum vitæ mediantibus potentiis.

A n tertium dicendum, quòd anima est subiectum gratiæ, secundum quod est in specie intellectualis, vel rationalis naturæ: non autem constituitur anima in specie per aliquam potentiam, cum potentia sint proprietates naturales animæ (speciem consequentes). Et ideo anima secundum suam essentiam differt specie ab aliis animabus, scilicet brutorum animalium, & plantarum. Et propter hoc non sequitur, si essentia humanæ animæ sit subiectum gratiæ, quòd qualibet anima possit esse gratiæ subiectum: hoc enim convenit essentia animæ, inquantum est talis speciei.

A quo quantum dicendum . quod cum potentie anime sunt naturales proprietates speciem consequentes . anima non potest sine his esse . Dato autem quod sine his esset . adhuc tamen anima diceretur secundum speciem suam intellectus vel rationalis : non quia actu haberet has potentias . sed propter speciem talis essentia . ex qua nasci sunt huiusmodi potentie efficere .

hoc, quod est gratis datum, ponitur ut gratiz differentia: quia ex. 3. Et Re-
inuenitur etiam extra gratiz genus.

¶ Præterea, Omnis diuini debet esse per opposita. Sed etiam ipsa gratia gratum faciens, per quam iustificamur, gratis nobis à Deo conceditur; secundum illud Rom. 5. iustificati gratis per gratiam ipsius. Ergo gratia gratum faciens non debet diuidi contra gratiam gratis daram.

Sed contra est, quod Apollus vtrunque attribuit gratiæ, scilicet & gratum facere, & esse gratis donum. Dicit enim quantum ad primum ad Ephes. 1. Gratificauit nos in dilecto filio suo. Quantum vero ad secundum dicitur ad Rom. 2. Si autem gratia, iam non ex operibus, alioquin gratia iam non est gratis. Potest ergo distingui gratia, quæ vel habet vnum tantum, vel vtrunque

CONCLUSIO

Cum gratia sit, per quam homines ordinantur, & reducuntur in Deum (quod ordine quodam fit) consequenter dicitur in gratiam gratum facientem, per quam homo per seipsum, Deo coniungitur: & gratia data, per quam unus homo alteri ad salutem cooperatur.

RESPONDENDO dicendum, quòd sicut Apostolus dicit ad Rom. 13. Quæ à Deo sunt, ordinate sunt. In hoc autem ordo rerum consistit, quòd quædam per alia in Deum educantur, vt Dion. dicit in lib. cōs. hier. ¶ Cum igitur gratia ad hoc ordinetur vt homo educatur in Deum, ordine quodam hoc agitur, vt scilicet quidam per alios in Deum educantur. Secundum hoc igitur duplex ex gratia. Vna quidem per quam ipse homo Deo coniungitur, quæ vocatur gratia gratum faciens. Alia verò per quam vnus homo cooperatur alteri ad hoc, quòd ad Deum educatur. Huiusmodi autem donum vocatur gratia gratis data: quia supra facultatem naturæ & supra meritum persone homini conceditur. Sed quia non datur ad hoc, vt homo ipse per eam iustificetur, sed potius vt ad iustificationem alterius cooperetur; ideo non vocatur gratum faciens. Et de hac dicit Apost. 1. ad Corinth. 12. Vnicuique datur manifestatio spiritus ad vtilitatem scilicet aliorum.

A d primum ergo dicendum, quod gratia non dicitur facere gratum effectivè, sed formaliter, scilicet quis per hanc homo iustificatur & dignus efficitur vocari Deo gratus, secundum quod dicitur ad Col. 1. Dignos nos fecit in partem sortis sanctorum in lumine.

Ad secundum dicendum, quod gratia secundum quod gratis datur, excludit rationem debiti. Potest autem intelligi duplex debitum. Vnum quidem ex merito proveniens, quod refertur ad personam, cuius est agere meritoria opera, secundum illud ad Rom. 4. Ei qui operatur, merces imputatur secundum debitum, non secundum gratiam. Aliud est debitum secundum conditionem naturæ: puta si dicamus debitum esse homini, quod habeat rationem, & alia quæ ad humanam pertinent naturam. Neuro autem modo dicitur debitum propter hoc, quod Deus creaturæ obligetur, sed potius inquam creatura debet subijci Deo, ut in ea divina ordinatio impleatur. quæ quidem est, ut talia natura, tales condiciones vel proprietates habeat, & quod talia operans, talia consequatur. Dona igitur naturalia carent primo debito: non autem carent secundo debito. sed dona supernaturalia utroque debito carent: & ideo specialius sibi nomina gratiæ veniant.

Ad tertium dicendum, quod gratia gratum faciens addit illud super rationem gratiz facit, quod etiam ad rationem gratiz pertinet: quia facit hominem gratum facit deo, & ideo gratia gratia data, quæ hoc non facit, retinet bi nomen commune, sicut in pluribus aliis contingit. Et sic proponitur due partes divisionis, sicut gratum faciens, & non faciens gratum.

QVÆSTIO CXI.

De diuisione Gratiae , in quinque articulos diuise.

E t n o n c o n f i d e r a n d u m e s t d e d i v i s i o n e g r a t i s .

Et circa hoc quaeruntur quinque.

¶ Primo, utrum conuenienter diuidatur gra-
tia per gratiam gratis datam, & gratiam
gratum facientem.

¶ Secundo, de diuisione gratiæ gratum facientis, per operantem & cooperantem.

¶ Terrio, de diuisione eiusdem per gratiam prouenientem
& subsequentem.

Quarto, de diuisione gratis gratis data.

¶ Quinto, de comparatione gratiæ gratum facientis, & gratiæ datæ.

ARTICVLVS I.

*Verum gratia convenienter dividatur per gratiam gratum
facientem, & gratiam gratis datam.*

590 **A**D P R I M U M sic proceditur. Videtur, quod gratia non
conuenienter dividitur per gratiam gratum facientem, &
gratiam gratum datam. Gratia enim est quoddam donum Dei,
ut ex supradictis patet. Homo autem ideo non est Deo gratus,
quia aliquid est ei datum a Deo, sed potius e conuerso: ideo
enim aliquid datur alteri gratis a Deo, quia est homo gratus
ei: Ergo nulla est gratia gratum faciens.

et. q. 27. 9 a Præterea, Quæcumque non dantur ex meritis præcedentibus, dantur gratis. Sed etiam ipsum bonum naturæ datur homini absque merito præcedenti: quia natura præsupponitur ad meritum. Ergo ipsa natura est etiam gratis data à Deo, natura autem dividitur contra gratiam. Inconveniens igitur

R. P. Philippi Carm. dical, Diff. Theolog. in 1.2.

ARTICVLVS II.

Verum gratia convenienter dividatur per operantem & cooperantem.

AD SECVNDVM sic proceditur. Videtur, quod gratia inconuenienter diuidatur per operantem, & cooperantem. Gratia enim accidens quoddam est: vt supra dictum est *. Sed accidentia non possunt agere in subiectum: ergo nulla gratia debet dici operans.

2. *Petere, Si gratia aliquid operetur in nobis, maxime operetur in nobis iustificationem. Sed hoc non sola gratia operatur in nobis: dicit enim August. super illud Ios. 14. "Opera quæ ego facio, & ipse faciet. Qui creavit te sine te, non iustificabit te sine te. Ergo nulla gratia debet dici simpliciter operans.*

9. Præterea, Cooperati alieni, videtur pertinere ad infestius agens, non autem ad principalius. Sed gratia principalis operatur in nobis, quàm liberum arbit. secundum illud Rom. 9. Non est currentis neque volentis, sed miserentis Dei. Ergo gratia non debet dici cooperans.

¶ 4. Præterea, Divisio debet dari per opposita: sed operari & cooperari non sunt opposita: idem enim potest operari & cooperari. Ergo inconuenienter diuiditur gratia per operantem & cooperantem.

Sed contra est, quod Augustinus dicit in libr. de grat. & lib. arb. 2. Cooperanda Deus in nobis perficit quod operando incipit: quia ipse, ut velimus, operatur incipiens, qui volentibus cooperatur perficiens. Sed operationes Dei, quibus movet nos ad bonum, ad gratiam pertinent: ergo convenienter gratia diuina per operantem & cooperantem.

CONCLUSION

Quam illam diuisionem, qua gratia secundum diuerfos effus in operantem & cooperantem distinguitur, Apostolus ad Philippenses innuit his verbis, Deus est qui operatur in vobis & velle & perficere: resti gratiam ita diuini manifestum est.

M M m R u p o n

RESPONDO dicendum, quod sicut supra dictum est, gratia dupliciter potest intelligi. Vno modo diuinum auxilium quo nos mouet ad bene volendum & agendum. Alio modo habituale donum nobis diuinitus inditum. Vtque autem modo gratia dicta conuenienter diuiditur per operantem & cooperantem. Operatio enim alienius effectus non attribuitur mobili, sed mouenti. In illo ergo effectui, in quo mens nostra est mota & non mouens, solus autem Deus mouens, operatio Deo attribuitur: & secundum hoc dicitur gratia operans. In illo autem effectui, in quo mens nostra, & mouet & mouetur, operatio non solum attribuitur Deo, sed etiam animæ: & secundum hoc dicitur gratia cooperans. Est autem in nobis duplex actus. Primus quidem interior voluntatis: Et quantum ad istum actum voluntas se habet vt mota, Deus autem vt mouens: & præsertim cum voluntas incipit bonum velle, quæ prius malum volebat. Et ideo secundum quod Deus mouet humanam mentem ad hunc actum, dicitur gratia operans.

2. 17. 49.
præcipue.

Eodem lib.
de gratia
17. 47.

¶ Alius autem actus est exterior, qui cum à voluntate imperetur (vt supra dictum est) consequens est, quod ad hunc actum operatio attribuitur voluntati. Et quia etiam ad hunc actum Deus nos adiuvat, & interius confirmando voluntatem, vt ad actum perueniat, & exterius facultatem operandi præbendo, respectu huiusmodi actus dicitur gratia cooperans. Vnde post præmissa verba (subdit Augustinus). Vt autem velimus operari, cum autem volumus, vt perficiamus, nobis cooperatur. Si igitur gratia accipitur pro gratuita Dei motione, quæ mouet nos ad bonum meritum, conuenienter diuiditur gratia per operantem & cooperantem. Si vero accipitur gratia pro habituali dono, sic est duplex gratia effectus, sicut & cuiuslibet alterius formæ. Quorum primus est esse, secundus est operatio: sicut caloris operatio est facere calidum, & exterior calefactio. Sic igitur habitualis gratia in quantum animam sanat, vel iustificat, siue gratiam Deo facit, dicitur gratia operans: in quantum vero est principium operis meritorij, quod ex libero arbitrio procedit, dicitur cooperans.

Ad primum ergo dicendum, quod secundum quod gratia est quadam qualitas accidentaliter, non agit in animam effectiue, sed formaliter: sicut albedo dicitur facere albam superficiem.

Ad secundum dicendum, quod Deus non sine nobis nos iustificat: quia per motum liberi arbitrij dum iustificamur, Dei iustitia consentimus. Ille tamen motus non est causa gratiæ, sed effectus, vnde tota operatio pertinet ad gratiam.

Ad tertium dicendum, quod cooperari dicitur aliquis aliter non solum sicut secundarium agens principali agenti, sed sicut adiuvans ad præsuppositum finem, homo autem per gratiam operantem adiuvatur à Deo vt bonum velit. Et ideo præsupposito iam fine, consequens est vt gratia nobis cooperetur.

Ad quartum dicendum, quod gratia operans & cooperans est eadem gratia: sed distinguitur secundum diuersos effectus, vt ex supra dictis patet.

In eod. art.

ARTICVLVS III.

Vtrum gratia conuenienter diuidatur in præuenientem & subsequenter.

592

2. 49. 26.
a. 5. 4. 1. 1.
q. 27. a. 1.
ad 6. 1. 1.
22. 1. 1. 1.
2. 1. 1. 1.
1. 1. 1.

AD TERTIUM sic proceditur. Videtur, quod gratia inconuenienter diuidatur in præuenientem & subsequenter. Gratia enim est diuine dilectionis effectus. Sed Dei dilectio nunquam est subsequens, sed semper præueniens secundum illud 1. Ioan. 4. Non quæ nos dileximus Deum, sed quia ipse prior dilexit nos: ergo gratia non debet poni præueniens & subsequens.

¶ 2. Præterea, Gratia gratum faciens est vna tantum in homine, cum sit sufficiens: secundum illud 1. ad Corinth. 12. Sufficit tibi gratia mea. Sed idem non potest esse prius & posterius: ergo gratia inconuenienter diuiditur in præuenientem & subsequenter.

¶ 3. Præterea, Gratia cognoscitur per effectus. Sed infiniti sunt effectus gratiæ, quorum vnus præcedit alium: ergo si penes hos gratia deberet diuidi in præuenientem & subsequenter, videtur quod infinitæ essent species gratiæ: infinita autem reliquuntur à qualibet arte. Non ergo gratia conuenienter diuiditur in præuenientem & subsequenter.

¶ 4. Contra est, quod gratia Dei ex eius misericordia progignit. Sed vtrunque in Psalm. 1. legitur, Misericordia eius præueniet me. & iterum, Misericordia eius subsequetur me: ergo gratia conuenienter diuiditur in præuenientem & subsequenter.

CONCLUSIO.

Propter effectuum gratiæ multipliciter, qui diuersum comparationem, nunc prius, nunc posteriores dici possunt: videtur in præuenientem & subsequenter gratia diuiditur.

RESPONDO dicendum, quod sicut gratia diuiditur in operantem & cooperantem secundum diuersos effectus, ita etiam in præuenientem & subsequenter, qualitercunque gratia accipitur. Sunt autem quinque effectus gratiæ in nobis, quorum primus est, vt anima sanetur: secundus, vt bonum quod vult efficaciter operetur: quartus est, vt in bono perseueret: quintus est, vt ad gloriam perueniat. Et ideo gratia secundum quod causat in nobis primum effectum, vocatur præueniens respectu secundi effectus: & propter causat in nobis secundum, vocatur subsequens respectu primi effectus. Et sicut vnus effectus est posterior vno effectui, & prior alio, ita gratia potest dici præueniens & subsequens secundum eundem effectum respectu diuersorum. & hoc est quod Augustinus dicit in libro de natura & gratia: Præuenit vt sanetur, subsequitur, vt sanitati ogetemur: præuenit vt vocemur, subsequitur vt glorificemur.

Ca. 32. p. 1.
v. 1. 1. 1.
1. 1. 1.

Ad primum ergo dicendum, quod dilectio Dei nominatur

aliquid merum, & ideo nunquam potest dici nisi præueniens. Sed gratia significat effectum temporalem, qui potest præcedere aliquid, & ad aliquid subsequi: & ideo gratia potest dici præueniens & subsequens.

Ad secundum dicendum, quod gratia non diuersificatur per hoc, quod est præueniens & subsequens secundum effectum, sed solum secundum effectum sicut & de operante & cooperante dictum est. Quia etiam secundum quod gratia subsequens ad gloriam pertinet, non est alia numero à gratia præueniente, per quam nunc iustificamur. Sicut enim charitas viz non euacuatur, sed perficitur in patria, ita etiam & de lumine gratiæ est dicendum, quia neutrum in sui ratione imperfectionem imponat.

Ad tertium dicendum, quod quamuis effectus gratiæ possint esse infiniti numero, sicut sunt infiniti actus humani: tamen omnes reducuntur ad aliqua determinata in specie, & præterea omnes conueniunt in hoc, quod vnus alium præcedit.

ARTICVLVS IV.

Vtrum gratia gratis data conuenienter ab Apostolo diuidatur.

AD QUARTUM sic proceditur. Videtur, quod gratia gratis data inconuenienter ab Apostolo distinguitur. Omne enim donum, quod nobis à Deo gratis datur, potest dici gratia gratis data. Sed infinita sunt dona, quæ nobis gratis à Deo conceduntur tam in bonis animæ, quam in bonis corporis, quæ tamen non Deo gratos non faciunt: ergo gratiæ gratis datæ non possunt comprehendi sub aliqua certa diuisione.

¶ 2. Præterea, Gratia gratis data distinguitur contra gratiam gratum facientem: sed fides pertinet ad gratiam gratum facientem: quia per ipsam iustificamur secundum illud Roman. 5. Iustificati igitur ex fide, &c. Ergo inconuenienter ponitur fides inter gratias gratis datas, præsertim cum alie virtutes ibi non ponantur, vt spes & charitas.

¶ 3. Præterea, Operatio sanctorum, & loqui diuersa genera linguarum, miracula quædam sunt, interpretatio etiam sermonum ad sapientiam, vel scientiam pertinet, secundum illud Dan. 1. Pueris his dedit Deus scientiam & disciplinam in omni libro & sapientia: ergo inconuenienter diuiduntur gratia sanctorum & genera linguarum contra operationem virtutum, & interpretatio sermonum contra sermonem sapientie, & scientie.

¶ 4. Præterea, Sicut sapientia & scientia sunt quædam dona Spiritus sancti, ita etiam intellectus, consilium, pietas, & fortitudo, & timor vt supra dictum est. Ergo hæc etiam debent poni inter gratias datas.

¶ 5. Contra est, quod Apostolus dicit 1 ad Corinth. 12. Alij per spiritum datur sermo sapientiæ: alij autem sermo scientiæ secundum eundem spiritum: aliter fides in eodem spiritu: alij gratia sanctorum: alij operatio virtutum, alij prophetia, alij discretio spirituum, alij genera linguarum, alij interpretatio sermonum.

CONCLUSIO.

Restat diuidere Apostoli dona gratias gratis datæ: alia enim ad perfectionem cognitionis, vt fides, sermo sapientiæ: ac sermo scientiæ: alia ad doctrinæ confirmationem, vt gratia sanctorum, operatio virtutum, prophetia, discretio spirituum: alia ad pronuntiandi facultatem spectant, vt genera linguarum, & sermonum interpretatio.

RESPONDO dicendum, quod sicut supra dictum est, gratia gratis data ordinatur ad hoc, quod homo alteri cooperetur, vt reducat ad Deum: homo autem ad hoc operari non potest interius mouendo (hoc enim solius Dei est) sed solum exterius docendo vel persuadendo. Et ideo gratia gratis data illa sub se continet quibus homo indiget ad hoc, quod alterum instruat in rebus diuinis, quæ sunt supra rationem.

Ad hoc autem tria requiruntur. Primum quidem, quod homo sit sortitus plenitudinem cognitionis diuinorum, vt ex hoc instruat alios possit. Secundo, vt possit confirmare vel probare ea, quæ dicit: alius non esset efficax eius doctrina. Tertio, vt ea quæ concipit possit conuenienter auditoribus proficere.

¶ Quantum igitur ad primum, tria sunt necessaria sicut etiam apparet in magisterio humano. Oportet enim quod illi, qui debet alium instruere in aliqua scientia, primo quidem principia illius scientiæ sint certissima: & quantum ad hoc ponitur fides, quæ est certitudo de rebus inuisibilibus, quæ supponuntur principia in catholica doctrina. Secundo oportet, quod doctor recte se habeat circa principales conclusiones scientiæ, & sic ponitur sermo sapientiæ, quæ est cognitio diuinorum. Tertio oportet, vt etiam abundet exemplis & cognitione effectuum, per quos interdum oportet manifestare causas: quantum ad hoc ponitur sermo scientiæ quæ est cognitio rerum humanarum, quia inuisibilia Dei per ea quæ facta sunt, intellecta conspiciuntur. Confirmatio autem in his quæ subduntur rationi, est per argumenta. In his autem quæ sunt supra rationem diuinorum reuelata, confirmatio est per ea, quæ sunt diuinæ virtutis propria: & hoc dupliciter. Vno quidem modo, vt doctor sacre doctrinæ faciat quæ solus Deus facere potest in operibus miraculosis. Siue sint ad salutem corporum & quantum ad hoc, ponitur gratia sanctorum. Siue ordinentur ad solam diuinæ potestatis manifestationem, sicut quod sol ster, aut tenebreat, quod mare diuidatur: & quantum ad hoc, ponitur operatio virtutum. Secundo, vt possit manifestare ea, quæ solius Dei est scire, & hæc sunt contingentia futura: & quantum ad hoc, ponitur prophetia: & etiam occulta cordi, & quantum ad hoc, ponitur discretio spirituum. Facultas autem pronuntiandi potest attendi vel quantum ad idioma, in quo aliquis possit intelligi, & secundum

593

3. contra
ca. 32. 4. 1.
1. 1. 1.
1. 1. 1.

1. 1. 1.

1. 1. 1.

secundum hoc ponuntur genera linguarum. Vel quantum ad sensum eorum quæ sunt proferenda. & quantum ad hoc ponitur interpretatio sermonum.

art. 3. huius q. 4. A d primum ergo dicendum, quod sicut supra dictum est non omnia beneficia, quæ nobis diuinitus conceduntur, gratiæ gratis datæ dicuntur: sed solum illa, quæ excedunt facultatem naturæ; sicut quod piscator abundet sermone sapientiæ & scientiæ & aliis huiusmodi. Et talia ponuntur hic sub gratiæ gratis datæ.

A d secundum dicendum, quod fides non numeratur hic inter gratiæ gratis datas, secundum quod est quædam virtus iustificans hominem in seipso: sed secundum hoc quod importat quandam supereminentem certitudinem fidei, ex qua homo sit idoneus ad instruendum alios de his quæ ad fidem pertinent. Spes autem & charitas pertinet ad vim appetitiuam, secundum quod per eam homo in Deum ordinatur.

A d tertium dicendum, quod gratia sanitarum distinguitur à generali operatione virtutum, quia habet specialem rationem inducendi ad fidem, ad quam aliquis magis promptus redditur per beneficium corporalis sanitatis, quam per fidei virtutem assequitur. Similiter etiam loqui variis linguis, & interpretari sermones, habent speciales quasdam rationes mouendi ad fidem, & ideo ponuntur speciales gratiæ gratis datæ.

q. 52. ar. 1. & 4. A d quartum dicendum, quod sapientiæ & scientiæ non computantur inter gratiæ gratis datas, secundum quod enumerantur inter dona Spiritus sancti, prout scilicet mens hominis est bene mobilis per Spiritum sanctum ad ea, quæ sunt sapientiæ & scientiæ: sic enim sunt dona Spiritus sancti, vt supra dictum est. Sed computantur inter gratiæ gratis datas secundum quod important quandam abundantiam scientiæ & sapientiæ, vt homo possit non solum in seipso rectè sapere de diuinis, sed etiam alios instruere, & contradicentes reuincere. Et ideo inter gratiæ gratis datas significantur primo sermo scientiæ: quia vt Aug. dicit 14. de trin. aliud est tantummodo quid homo credere debeat propter adipiscendam vitam beatam: aliud est scire quemadmodum hoc ipsum & piis opituletur, & contra impios defendatur.

Alias si- gnificauer- postur. lib. 14. c. 1. a me- dia. tom. 3.

ARTICVLVS V.

Vtrum gratia gratis data sit dignior, quàm gratia gra- tum faciens.

Supr. q. 7. ar. 7. ad 1. lib. 3. ethic. cap. 2. in fi. art. 1. & 4. huius q. 4. S94 A D QVINTVM sic proceditur. Videtur, quod gratia gratis data sit dignior quàm gratia gratum faciens. Bonum enim gentis est melius quàm bonum vnius, vt * Philosophus dicit in 1. Eth. Sed gratia gratum faciens ordinatur solum ad bonum vnius hominis: gratia autem gratis data ordi- natur ad bonum commune totius Ecclesiæ, vt supra dictum est. ergo gratia gratis data est dignior quàm gratia gratum faciens.

lib. 5. ethic. cap. 1. post med. 10. 5.

¶ 1. Præterea. Maioris virtutis est, quod aliquid possit agere in aliud quàm quod solum in seipso perficiatur: sicut maior est claritas corporis, quod potest etiam alia corpora illu- minare, quàm eius quod ita in se lucet, quod alia illuminare non potest propter quod etiam * Philosophus dicit in 1. Eth. quod iustitia est preclarissima virtutum, per quam homo rectè se habet etiam ad alios. Sed per gratiam gratum facientem homo perficitur in seipso: per gratiam autem gratis datam homo operatur ad perfectionem aliorum: ergo gratia gratis data est dignior, quàm gratia gratum faciens.

¶ 2. Præterea. Id quod est proprium meliorum, dignius est quàm id quod est commune omnium, sicut ratiocinari, quod est proprium hominis, dignius est, quàm sentire, quod est commune omnibus animalibus. Sed gratia gratum faciens est communis omnibus membris Ecclesiæ: gratia autem gratis data est proprium donum digniorum membrorum Ecclesiæ: ergo gratia gratis data est dignior, quàm gratia gratum faciens.

¶ 3. D contra est, quod Apostolus 1. ad Corinth. 12. enumeratis gratiis gratis datis, subdit, Adhuc excellentiorem viam vobis demonstro. Et sicut per subsequentiâ patet, loquitur de charitate, quæ pertinet ad gratiam gratum facientem: ergo gratia gratum faciens excellentior est, quàm gratia gratis data.

CONCLUSIO.

Gratia gratum faciens, cum immediatè hominem Deo coniungat, gratiæ autem datæ (vt gratia prophetiæ, aut miraculorum, &c.) ad hoc solum præparat atque disponat: multo excellentior, nobilior, & dignior est, quàm gratia gratis data.

RESPONDEO dicendum, quod vnaquæque virtus tanto excellentior est, quanto ad altius bonum ordinatur. Semper autem finis potior est his, quæ sunt ad finem: gratia enim gratum faciens ordinat hominem immediatè ad coniunctionem vltimi finis: gratiæ autem gratis datæ ordinant hominem ad quandam præparatoriam finis vltimi: sicut per prophetiam & miracula, & alia huiusmodi homines inducuntur ad hoc, quod vltimo fini coniungantur. Et ideo gratia gratum faciens est multo excellentior, quàm gratia gratis data.

lib. 12. met. 1. 3. 10. 3.

A d primum ergo dicendum, quod sicut * Philosophus dicit in 12. Met. bonum multitudinis, sicut exercitus, est duplex. Vnum quidem, quod est in ipsa multitudine puta ordo exercitus: aliud autem est, quod est separatim à multitudine sicut bonum ducis. Et hoc melius est: quia ad hoc etiam illud ordinatur. Gratia autem gratis data ordinatur ad bonum commune Ecclesiæ: quod est ordo Ecclesiasticus: sed gratia gratum faciens ordinatur ad bonum commune separatim, quod est ipse Deus. Et ideo gratia gratum faciens est nobilior.

A d secundum dicendum, quod si gratia gratis data posset hoc agere in altero quod homo per gratiam gratum facientem consequitur, sequeretur quod gratia gratis data esset nobilior: sicut excellentior est claritas solis illuminantis, quàm

RESPONDEO Philippi Carm. discal. Diss. Theolog. in 1. a.


corporis illuminati. Sed per gratiam gratis datam homo non potest causare in alio coniunctionem ad Deum, quam ipse habet per gratiam gratum facientem: sed causat quasdam dispositiones ad hoc. Et ideo non oportet, quod gratia gratis data sit excellentior: sicut nec in igne calor manifestatiuus speciei eius, per quam agit ad inducendum calorem in alia est nobilior, quàm forma substantialis ipsius.

A d tertium dicendum, quod sentire ordinatur ad ratiocinari sicut ad finem, & ideo ratiocinari est nobilior. Hic autem est e conuerso: quia id quod est proprium ordinatur ad id quod est commune, sicut ad finem. Vnde non est simile.

DISPUTATIO II.

DISPUTATIO II.

De Diuisione Gratia.

 **V**IA Gratiam Dei ad multa esse necessariam dictum est: & ex alia parte variæ sunt differentiæ gratiarum, ad prædictorum e- uidentiam agendum est de Diuisione Gratia.

D V B I V M I.

Vtrum Gratia diuidatur in internam & externam.

SVpponendum est, quod tentationes aliæ Sproueniunt ab intrinseco, aliæ ab extrinseco. Ad intrinseco dicuntur prouenire, quæ procedunt à propria concupiscentia iuxta illud Iacobi. Vnusquisque autem tentatur à concupiscentia sua abstractus & illectus; quia scilicet pars inferior deordinata à superiori per peccatum originale tendit ad bonum concupiscibile sibi proportionatum, non attendendo ad Legem Dei & regulas rationis; imò ipsam ad se flectit rationem: & in hoc consistit fomes peccati. Ab extrinseco autem proueniunt tentationes, vel à diabolo tentante, vel ab hominibus, siue aliis extrinsecis inducentibus ad peccatum. Similiter pericula mortis alia sunt ab intrinseco, alia ab extrinseco: Ab intrinseco quidem propter quatuor qualitates primas, quarum temperies si dissoluatur, periclitatur vita: propter diuersa organa, quibus constat corpus humanum, & administratur operatio vitalis, qua perturbata deficit vita: & propter alios similes casus: Ab extrinseco autem pene sunt innumera, vt quotidiana docet experientia, nam homines variis modis violentæ mortis perire videmus: ex quibus tentationibus & periculis per gratiam Dei, aliquando manifestè & miraculosè liberamur.

Prima opinio sed hæretica, fuit Pelagianorum, qui licet in principio cum suo Hæresiarcha omnem penitus gratiam negarent: in fine tandem coacti sunt admittere gratiam externæ protectionis, propter euidentissima Scripturæ testimonia: internam autem eadem semper obstinatione negarunt. Probatur: Scriptura monet nos, imò præcipit vt operemur bona, & resistamus tentationibus: ergo hæc agere est in potestate liberi arbitrij, quia Scriptura non præcipit impossibilia, nemo enim ad impossibile tenetur: ac proinde vltra externam Dei protectionem

M M m 2 nem

nem, & legis manifestationem non requiritur aliud.

Secundò, Opera Dei sunt perfecta, & consequenter natura humana fuit condita perfecta: ergo non indiget aliquo superaddito ad operandum quæ sibi lege proponuntur, dummodo lex manifestetur.

Tertiò, Homo in statu iustitiæ originalis non indiguisset aliqua gratia interna ad benè operandum, merendum, & resistendum tentationibus: ergo nec modò; cum sit eadem natura in nullo intrinsecè læsa.

CONCLUSIO.

RESPONDEO dicendum, quòd gratia Dei diuiditur in internam & externam: nam vltra protectionem externam quam gratuitò homini exhibet: communicat illustrationes supernaturales eius intellectui, & internas motiones voluntati: Ita tenent omnes Theologi, tanquam dogma fidei in multis Conciliis determinatum, vt dicetur dubiis sequentibus.

Probatnr quòd detur gratia externæ protectionis multis Scripturæ locis. Sapientiæ 5. Raptus est, ne malitia mutaret intellectum eius, aut ne fictio diceret animam illius. Matthæi. 24. Nisi breuiati fuissent dies illi, non fieret salua omnis caro, sed propter Electos breuiabuntur dies illi. Psal. 90. Qui habitat in adiutorio altissimi, in protectione Dei cœli cōmorabitur: Et deinde per totum penè Psalmum enarrat effectus talis protectionis: imò hæc Dei externa protectio multis declaratur miraculis, vt constat tum quotidianâ experientiâ, tum ex multis Scripturæ locis, vt in persona Dauidis, qui obsessus tenebatur à Saule certò capiendus & occidendus, nisi aduenisset repentinus nuntius de irruptione inimicorum, quo nuntio recedere coactus est.

Secundò: Multæ sunt huius vitæ tentationes & occasiones peccandi, quas Deus auertit ab hominibus, maximè electis: multa item mortis pericula, à quibus eos eripit, vt à naufragio, nece violenta, & similibus; ne moriantur in statu peccati mortalis: sed hæc sunt dona Dei gratuita: ergo datur gratia externæ protectionis.

Probatnr quòd detur gratia interna, infinitis penè Scripturæ locis, maximè in Epistolis Sancti Pauli, quem hæc gratia conuertit, & perfectum reddidit: clamat enim, Omnia possum in eo, qui me confortat. Item: Gratia eius (scilicet Dei) in me vacua non fuit. Item: Non ego solus, sed gratia Dei mecum. Item dicitur illi à Christo: Sufficit tibi gratia mea. Deinde, Homines sæpe operantur actus meritorios & supernaturales, & resistunt etiam grauissimis tentationibus: sed ad hæc necessaria est gratia interna, tam ex parte intellectus, quàm ex parte voluntatis, vt ostensum est disputatione præcedenti: ergo datur gratia interna; & ita gratia diuiditur in internam & externam.

Ad primum ergo dicendum, quòd omnia,

quæ præcipiuntur nobis à Deo, sunt possibilia; aliqua quidem ordinis naturalis & facilia, ex viribus liberi arbitrij: alia verò ordinis supernaturalis aliquo modo, vel etiam ordinis naturalis sed difficilia, ex auxilio diuinæ gratiæ, quam vrgente præcepto de aliquo excedente vires liberi arbitrij nemini denegat Deus: vnde omnes possunt quæ præcipiuntur, vel ex se, vel ex interna Dei gratia, cui tamen non omnes correspondent.

Ad secundum dicendū, quòd natura humana fuit condita perfecta, sed in suo ordine: vnde in statu integro non indigebat gratia interna ad quęcunque opera ordinis naturalis: benè tamen ad opera supernaturalia siue quantum ad substantiam, siue quantum ad modum; hæc enim vt patet ex ipsis terminis, excedunt vires naturæ: in hoc verò statu corruptionis indiget gratia interna, etiam ad opera naturalia mortaliter bona vt dictum est, si sint ardua, ob eius infirmitatem.

Ad tertium dicendum, quòd in statu iustitiæ originalis fuisset necessaria gratia interna ad merendum, ad resistendum grauibus tentationibus, & ad opera supernaturalia: non autem ad opera naturalia, propter integritatem naturæ; quia pars inferior per donum iustitiæ originalis, quod erat naturale illi statui, omninò subiecta erat rationi: quod donum amisit, vnde dicitur læsa in naturalibus; propterea resistit rationi, nec ei subditur nisi per gratiam internam.

D V B I V M I I.

Vtrum alia sit gratia ordinis naturalis, alia ordinis supernaturalis.

Supponendum est, quòd ex operibus ad quæ speragenda est necessaria gratia, quædam sunt ordinis supernaturalis; vel quantum ad substantiam, vt actus elicit per habitus infusos; vel quantum ad modum, vt actus naturales ordinati ex charitate ad finem supernaturalem: quædam verò sunt ordinis omninò naturalis, vt actus moraliter boni elicit à virtutibus acquisitis, & non ordinati ad finem vitæ æternæ. Similiter ex tentationibus, quibus sine gratia resistere non possumus, aliæ sunt contra præcepta supernaturalia v. g. fidei, spei, & charitatis: aliæ contra præcepta merè naturalia.

Prima opinio asserit nullam dari gratiam ordinis naturalis. Probatnr: Natura contradistinguitur à gratia, vt communiter dicunt Theologi: ergo est implicantia in adiecto, quòd detur gratia ordinis naturalis.

Secundò, Illud dicitur ordinis naturalis tantum, quod est debitum naturæ, siue quod confertur ad exigentiam naturæ: sed nulla gratia potest esse debita naturæ, aut conferri ad eius exigentiam, vt probat Sanctus Paulus; quia gratia

gratia ex suo conceptu importat quod sit gratuita siue gratis data, ac proinde non debita; hæc enim duo debitum & gratuitum opponuntur: ergo non datur gratia ordinis naturalis.

Tertiò, Omnis gratia confertur nobis per Christum siue ex meritis Christi, ut sæpe dicit S. Paulus, & cum eo communiter Sancti Patres & Theologi: sed quæ sunt ordinis naturalis non conferuntur nobis ex meritis Christi, quia Christus tantum venit propter nostram redemptionem & salutem æternam, & consequenter tantum propter illa quæ per se conducunt ad salutem æternam, quod non potest esse aliquid ordinis naturalis: ergo non datur gratia ordinis naturalis.

CONCLUSIO.

RESPONDEO dicendum, quod gratia diuiditur in gratiam ordinis naturalis, & ordinis supernaturalis: quamuis gratia ordinis naturalis sit multò inferior gratia supernaturali. Ita Montesinus, Valsques, & alij Theologi in præfenti.

Probatúr conclusio ex communi vsu loquendi: nam illud omne bonum etiam naturale, quod euenit præter communem cursum naturæ, ex speciali tamen Dei protectione vocatur gratiæ donum, siue proueniens ex gratia, ut quod aliquis liberetur à morte via aliqua extraordinaria. Deinde, Ad opera moraliter quidem bona, sed purè naturalia exercenda, si sint ardua est necessaria gratia, ut dictum est, sicut & ad opera supernaturalia: sed ad opera supernaturalia requiritur gratia ordinis supernaturalis, qua potentia constituatur in actu primo proportionata actui vel operi efficiendo: & ad opera naturalia requiritur ex natura rei tantum gratia ordinis naturalis, quia non est necesse quod principium excedat actum, sed sufficit quod ei proportionetur: ergo alia est gratia ordinis naturalis, & alia ordinis supernaturalis. Denique, Agens & finis debent proportionari, siue sibi debent correspondere; unde communiter conceditur, quod finis vniuersalissimus & vltimus correspondet causæ primæ & vniuersalissimæ, finis proximus causæ particulari & proximæ, fines intermediij eadem proportionem causis intermediis: & hoc prouenit quia omne agens agit propter finem, unde est idem ordo agentium ac finium, ut docet D. Th. supra quæst. 109. art. 6. ac proinde si finis sit tantum ordinis naturalis, etiam agens; si finis fuerit ordinis supernaturalis, etiam agens; & e contra: sed opera moraliter bona tantum quæ sunt ex gratia, non ordinantur ad finem supernaturalem ex sua ratione, aut saltem possunt non ordinari; quod maximè patet in Gentilibus, & certissimum esset in statu puræ naturæ: ergo nec procedunt à Deo ut agente supernaturali, ac proinde nec medio eius influxu aut gratia supernaturalis ordinis, sed ordinis naturalis: secus autem si ordinantur ad finem supernaturalem.

Ad primum ergo dicendum, quod quando

dicitur gratiam contradistingui à natura, sumitur ibi gratia pro principaliori membro, scilicet pro gratia ordinis supernaturalis: vel natura sumitur non pro eo quod est ordinis naturalis sed quod contingit secundum ordinarium cursum naturæ.

Ad secundum dicendum, quod non tantum illud dicitur esse naturalis ordinis, quod est debitum naturæ, aut secundum eius exigentiam: sed etiam omne illud, quod non ordinatur ad finem supernaturalem, ac proinde procedit à Deo ut auctore naturæ.

Ad tertium dicendum, quod licet Christus principaliter venerit propter redemptionem & sanctificationem, ita ut hac causa cessante, siue non existente peccato non venisset: tamen supposito eius aduentu, pertinet ad eius dignitatem, quod omne gratuitum, ut illuminatio extraordinaria, protectio specialis, &c. per ipsum nobis donetur; principalius tamen quæ sunt ordinis supernaturalis.

D V B I V M III.

Vtrum gratia diuidatur in gratiam gratum facientem & gratis datam.

PRIMA opinio, sed hæretica, est nullam dari gratiam gratum facientem, nec gratis datam: alij verò dicunt hanc diuisionem gratiæ non esse bonam. Probatúr: Hæc diuisio non est adæquata; nam virtutes theologicæ sunt quædam gratiæ ordinis supernaturalis, & tamen sub nullo membro diuisionis continentur; non quidem sub gratia gratum faciente, quia fides & spes remanet sine gratia in peccatore: nec sub gratia gratis data, ut fatentur Theologi, alioquin omnes Christiani haberent gratias gratis datas, quod nullus dixit: ergo hæc diuisio non est bona.

Secundò, Gratia ordinis naturalis non continetur, nec sub gratia gratum faciente, quia nec sanctificat; nec conducit ad sanctitatem per se: nec etiam continetur sub gratia gratis data, ut patet ex enumeratione Sancti Pauli: ergo hæc diuisio est inadæquata.

Tertiò, Non est assignabile in quo gratia gratum faciens, & gratia gratis data differant: ergo hæc diuisio est superflua.

CONCLUSIO.

RESPONDEO dicendum, quod est de fide dari gratiam gratum facientem, & gratis datam 2. quæ in aliquibus conueniunt, in aliquo tamen distinguuntur 3. hæc diuisio est tantummodo gratiæ ordinis supernaturalis 4. gratiæ gratis datæ sunt nouem ex S. Paulo 1. ad Cor. 12. scilicet sermo sapientiæ, sermo scientiæ, fides, prophetia, discretio spirituum, gratia sanctorum, gratia virtutum siue miraculorum, genera linguarum, interpretatio sermonum. Ita communiter Theologi.

Probatur prima pars conclusionis, tum communi consensu Sanctorum Patrum & Scholasticorum, qui eam admittunt tanquam de fide, tum expressa autoritate sacre Scripturæ: nam de gratia gratum faciente habetur ad Rom. 3. Iustificati gratis per gratiam ipsius. Et ad Ephes. 1. In qua gratificauit nos in dilecto Filio suo. De gratia verò gratis data. 1. Petri 4. Vnusquisque sicut accepit gratiam; in alterutrum illam administrantes, sicut boni dispensatores multiformis gratiæ Dei. Et 1. ad Cor. 12. Alij datur per spiritum sermo sapientiæ, &c. ibique sigillatim omnes enumerantur.

Probatur secunda pars conclusionis. Conueniunt hæ gratiæ in tribus, scilicet quòd sint aliquid creatum, & per hoc distinguuntur à gratia vnionis quæ ratione termini in quo fit, scilicet personæ diuinæ, est quid increatum; & à gratia prædestinationis, quæ dicitur ipsa electio Dei ad gloriam, quæ etiam est quid increatum: quòd sint naturæ quid superadditum, & per hoc excluditur gratia creationis, & quòd non sint ex meritis, cum hoc sit de ratione gratiæ vt probat Sanctus Paulus ad Rom. 2. Differunt autem non in hoc quòd gratia gratum faciens non possit esse cum peccato, benè tamen gratia gratis data: hoc enim est falsum, nam sub gratia gratum faciente non solum continetur gratia habitualis, quæ est forma sanctificationis; sed etiam gratiæ actuales, quæ disponunt ad sanctificationem, ac proinde sunt cum peccato. Nec etiam in hoc differunt, quòd gratia gratum faciens sit habitus, & gratia gratis data sit aliquid actuale: nam vt dictum est, gratiæ disponentes ad iustificationem sunt actuales, & tamen continentur sub gratia gratum faciente: & e contra in Christo aliquæ gratiæ gratis datæ fuerunt habitus. Sed differunt in hoc secundum D. Thom. quòd gratia gratum faciens perficit subiectum in quo est; & coniungit Deo: gratia verò gratis data non per se ordinatur ad hoc, sed est propter bonum aliorum vt coniungantur Deo; vnde v. g. prophetia licet aliquo modo perficiat subiectum in quo est, saltem effectiue sicut perficit alios, hoc tamen est per accidens, nec ad hoc ordinatur, sed ad vtilitatem communem Ecclesiæ: nec coniungit Deo vt vltimo fini etiam per se dispositiue, sicut gratia gratum faciens.

Probatur tertia pars cōclusionis: Gratia gratū faciens perficit subiectum in quo est, & cōiungit Deo vt vltimo fini supernaturali: gratia verò gratis data ad hoc datur, vt alij Deo coniungantur: sed hi sunt effectus tantummodo gratiæ ordinis supernaturalis; nam gratia ordinis naturalis non conducit per se ad iustificationem, nec habentem nec alios; quia actus conducens ad aliquem finem debet ei proportionari, & esse eiusdem ordinis: ergo hæc diuisio est tantummodo gratiæ ordinis supernaturalis. Quantum ad quartam partem conclusionis videatur D. Thom. hic

q. 111. art. 4. vbi exponit sufficientiam diuisionis gratiæ gratis datæ & sigillatim naturam explicat.

Ad primum ergo dicendum, quòd virtutes theologicæ imò omnes dispositiones ad iustificationem comprehenduntur sub gratia gratum faciente, quæ proinde quantum ad hæc potest esse in peccatore.

Ad secundum dicendum, quòd D. Thom. hic tantum diuidit gratiam ordinis supernaturalis propter rationem dictam.

Ad tertium patet ex dictis, in quo differant gratia gratum faciens, & gratia gratis data.

D V B I V M I V.

Vtrum gratia diuidatur in habitualem & actualem

Prima opinio asserit, dari quidem gratiam actualem sed hanc nihil aliud esse, quàm ipsam operationem intellectus & voluntatis. Ita tenent Montesinus hic disp. 31. q. 2. & alij plures. Probatur autoritate D. Thom. qui hic q. 110. art. 3. gratiam actualem negat esse qualitatem, & asserit esse motum: ait enim, Dupliciter ex gratuita Dei voluntate homo adiuuatur; vno modo in quantum anima hominis mouetur à Deo ad aliquid cognoscendum, vel volendum, vel agendum, & hoc modo ipse gratuitus effectus in homine non est qualitas, sed motus quidam animæ; actus enim mouentis in moto est motus, vt dicitur in 3. Physic Item 3. p. q. 62. art. 4. loquens de virtute quæ est in Sacramentis ad suos effectus, dicit esse motionem; imò hoc vniuersaliter asserit de instrumentali virtute, & cum eo communiter eius Discipuli: ergo gratia actualis nihil est aliud, quàm operatio intellectus aut voluntatis.

Secundò, Si gratia actualis qua Deus concurret cum causa secunda, esset aliquid aliud ab operatione intellectus aut voluntatis, vt qualitas; cum esset quid creatum dependens à Deo in esse & operari, non posset agere sine alio concursu Dei, & idem curreret de illo alio concursu, & sic in infinitum: ergo dicendum est, quòd gratia actualis sit ipsa operatio vel actus intellectus aut voluntatis, imò hoc indicat nomen actualis.

Tertiò, Si gratia actualis est aliquid præter operationem intellectus aut voluntatis, sequitur quòd sit qualitas perfecta & habitus infusus; quod enim multum vel parum duret, hoc non variat speciem, vt dicitur cap. de Qualitate: sed gratia actualis nō est habitus, alioquin nulla esset diuisio gratiæ in actualem & habitualement, omnis enim esset habitualis; deinde quia habitus infusus indiget concursu speciali ad suos actus supernaturales, quo tamen non indiget gratia actualis, alioquin daretur processus in infinitum: ergo gratia actualis non est aliud ab operatione intellectus aut voluntatis.

CONCLUSIO

CONCLUSIO.

RESPONDEO dicendum, quod gratia diuiditur in actualem & habitualem. 2. habitualis est qualitas perfecta. 3. actualis non est ipsa operatio intellectus aut voluntatis. 4. aut aliquid completum & permanens per modum habitus. 5. sed est aliquid fluens & incompletum, & dicitur motio virtuosa, qua primum agens vniuersalissimum concurret ad agendum cum causa secunda iuxta modum sibi proprium. 6. quæ motio cum est ordinis supernaturalis, aliquando reducit tantum causam secundam de actu primo ad secundum. 7. aliquando etiam simul constituit eam in actu primo. 8. & tunc pro diuersitate speciei actuum diuersificatur etiam specie talis motio. Ita communiter Discipuli D. Thomæ.

Probatur prima pars conclusionis, tum communi consensu theologorum, tum etiam auctoritate sacræ Scripturæ & Conciliorum, ex quibus manifestum est Deum concurrere cum causa secunda in multis, concursu supernaturali, qui concursus est ordinis gratiæ: & cum non sit permanens, sed finita actione finiatur, est aliquid actuale: ex alia verò parte datur gratia habitualis, qua sanctificatur homo, ut infra probabitur: ergo gratia diuiditur in actualem & habitualem.

Probatur secunda pars conclusionis etiam communi consensu Theologorum, & auctoritate D. Thom. hic q. 110. art. 2. & 3. Deinde: Ideo gratia dicitur habitualis, quia participat naturam habitus, qui est qualitas perfecta: ergo gratia habitualis est qualitas perfecta; sed de hoc infra.

Probatur tertia pars conclusionis auctoritate D. Th. q. 3. de Potentia art. 7. ubi ait: In operatione, qua Deus operatur mouendo naturam, non operatur ipsa natura. Et quæstionis præcedentis 109. huius 1. 2. titulum ponit, De exteriori principio humanorum actuum, scilicet de gratia Dei: ergo gratia actualis, quæ est principium humanorum actuum, non est ipsa operatio intellectus & voluntatis, cum talis operatio sit interna, & effectus gratiæ. Deinde operatio tam intellectus quam voluntatis est effectus gratiæ Dei, nam per auxilium gratiæ actualis nobis communicatum operamur; sed omnis effectus distinguitur tam à causa siue principio quod, quam à principio quo operandi. Denique, Intellectus & voluntas sæpe eliciunt actus supernaturales, respectu quorum non sunt in actu primo, sed constituuntur in eo per gratiam actualem, ut cathecumenus dum credit siue dum elicit actum fidei ante infusionem habitus: constat autem quod ipsa operatio non constituit in actu primo, sed illum præsupponit, cum sit actus secundus: ergo gratia actualis non est ipsa operatio intellectus aut voluntatis.

Probatur quarta pars conclusionis auctoritate D. Thom. adducta in contrarium. Deinde,

Habitus subiiciuntur potentiæ, vimur enim quando volumus, & potentia non subiicitur habitibus: constat autem quod potentiæ nostræ subiiciuntur gratiæ actuali, & non e contra. Deinde, Posito quocunque habitu, adhuc necessaria est gratia actualis ad operandum. Denique, Habitus non determinat potentiam ad hunc numero actum, sed tantum ad hunc specie: sed gratia actualis ad hunc specie & numero actum determinat potentiam: ergo gratia actualis non est aliquid completum & permanens per modum habitus.

Probatur quinta pars conclusionis auctoritate D. Thom. 1. p. q. 109. art. 9. ubi ait: Nulla res creata potest in quemcunque actum prodire, nisi virtute motionis diuinæ. Item q. 3. de Potentia art. 1. ad 7. ait: Virtus naturalis, quæ est rebus naturalibus in sua institutione collata, inest eis ut quædam forma habens esse ratum & firmum in natura: sed id quod à Deo fit in re naturali, quo actualiter agat, est ut intentio sola habens esse quoddam incompletum, per modum quo colores sunt in aëre, & virtus artis in instrumento artificis. Probatur ratione: Cum causa secunda est in actu primo constituta, nihil aliud requiritur quam motio causæ primæ, quæ de actu primo reducatur ad actum secundum: ad hanc autem motionem causa secunda se habet merè passiuè, quia se habet tantum ut recipiens; sed ad actum (ad quem mouet) verè actiuè concurret: nec Concilium Tridentinum sess. 6. de Iustificatione. canone 4. aliud definit, dum damnat eos, qui dicunt liberum arbitrium se habere ut inanime quoddam, & nihil omnino agere ac merè passiuè se habere: quomodo autem media hac gratia actuali concurrat causa prima cum secunda dicetur disputatione sequenti.

Probatur sexta pars conclusionis: Aliquando, imò sæpe contingit; quod causa secunda sit in actu primo constituta, in ordine ad actus supernaturales, per habitus supernaturales infusos, quia ut docet D. Th. hic q. 110. art. 2. non est conueniens quod Deus minus provideat his, quos diligit ad supernaturale bonum habendum, quam creaturis quas diligit ad bonum naturale habendum: creaturis autem naturalibus sic prouidet, ut non solum moueat eas ad actus naturales, sed etiam largiatur eis formas & virtutes quasdam, quæ sunt principia actuum, ut secundum seipsas inclinentur ad huiusmodi motus; & sic motus quibus à Deo mouentur, sunt creaturis connaturales & faciles, secundum illud Sapientiæ 8. Et disponit omnia suauiter: multò igitur magis illis, quos mouet ad consequendum bonum supernaturale æternum, infundit aliquas formas seu qualitates supernaturales, secundum quas suauiter & promptè ab ipso moueantur ad bonum æternum consequendum, mediante gratia actuali, ut præmiserat D. Thom.

Thom. ergo tunc motio ordinis supernaturalis reducit tantum causam secundam de actu primo ad secundum ; quod enim præintelligitur perfectè in actu primo constitutum , non amplius exigit aliquid ex parte actus primi sed tantum indiget ut reducat ad actum secundum ; in tali autem casu omnes motiones sunt eiusdem rationis specificæ , quamvis actus ad quos movent differant specie : ad eandem quippe specie motionem siue impulsu sequuntur motus sursum & deorsum specie distincti : quia motio & impulsus non sunt motus qui debeant specificari à termino ad quem , & se tenentes ex parte mobilis ; sed sunt principia motus tenentia se ex parte moueris , communicata tamen ipsi mobili.

Probatur septima pars conclusionis : Aliquando contingit , quod causa secunda non præintelligatur constituta in actu primo in ordine ad actus supernaturales , ad quos mouetur à Deo , ut dum cathecumenus mouetur ad actum fidei ; nondum enim habet habitum fidei infusum , cum nondum habeat gratiam sanctificantem , cum qua infunduntur habitus supernaturales siue à qua emanant , & hoc ordinarium est in causis instrumentalibus ordinis supernaturalis , puta Sacramentis : ergo tunc motio ordinis supernaturalis simul constituit causam secundam in actu primo , imò prius natura quam reducat ad actum secundum : cum sit impossibile ut aliquid exeat in actum secundum , quin prius saltem natura sit in actu primo , nam ut constat ex ipsis terminis actus secundus præsupponit primum , & ad ipsum sequitur , iuxta illud , Vnumquodque agit in quantum est actu : unde tunc talis motio simul eleuat & applicat , ac dicitur virtuosa , sicut pulsatio artificiosa qua pulsatur Cithara.

Probatur octaua pars conclusionis : In prædicto casu motio illa ordinis supernaturalis , quæ est gratia actualis , supplet vicem habitus supernaturalis unde ei debet correspondere siue esse eiusdem virtutis ac naturæ , qua habitus ; & solum differre in modo essendi , quatenus illa est aliquid fluens & incompletum , hic verò aliquid permanens & completum : ergo sicut pro diuersitate specifica actuum diuersificatur specie habitus , ut communiter fatentur Philosophi , si actus sint primarij ; sic etiam diuersificabitur specie talis motio : alioquin talis motio vicaria habitus haberet maiorem latitudinem obiecti , quod repugnat communi sententiæ , & diminutæ eius entitati. Hæc autem limitatio , tum habitus , tum motionis procedit , quia potentia maximè spirituales , ob suam eminentiam , habent obiectum satis amplum coalescens ex multis partibus specie distinctis in ratione obiectiua , propter diuersum modum terminandi ; specie quidem materiali in ordine ad ipsas , specie verò formali in ordine ad habitus : & ita possunt occupari circa has & non illas , & consequenter acquirere diuersos habitus circa has potius , quàm

circa illas : ad quam proportionem infunduntur habitus : & inde est quod potentia habet obiectum magis latè patens , sicut & actum ; quàm habeat habitus : & similiter tendit modo magis vniuersali ad obiectum , habitus autem modo magis particulari : unde sunt quædam modificationes potentia ad determinatas materias intra latitudinem sui obiecti , & simul inclinationes quibus fertur ad suos actus faciliter , promptè , constanter , imò delectabiliter.

Ad primum ergo dicendum , quod D. Th. sub nomine motus animæ non intelligit præcisè actum animæ , sed motionem hic explicatam , ut inferentem actum animæ ; præmisit enim quod anima hominis mouetur à Deo ad aliquid cognoscendum , vel volendum , vel agendum : unde actus cognoscendi , vel volendi , vel agendi est terminus motus vel motionis : ita clare D. Th. infra 1. 2. q. 112. ar. 2. ubi ait : Ipse bonus motus liberi arbitrij quo quis præparatur ad donum gratia suscipiendum est actus liberi arbitrij moti à Deo. Ad aliud dicendum quod loco citato D. Th. manifestè dicit in Sacramentis esse aliquam virtutem spirituales , non quidem completam & permanentem , sed transeuntem & incompletam , qua eleuantur ad agendum , ac proinde præuiam actioni eorum , ab eaque distinctam : & hoc probat ex doctrina generali , nam virtus eadem principalis agentis inuenitur in instrumentis communicata ab eodem agente principali : Et sic intellig. Concil. Trid. sess. 14. cap. 4. dum attritionem vocat impulsu Spiritus sancti.

Ad secundum dicendum , quod gratia actualis , cum sit ipsa motio , qua Deus applicat causas secundas ad agendum , non indiget alio ad agendum : at sufficit quod à Deo communicetur causis secundis , ad hoc ut in exercitio & actu moueat : unde nomen actualis non significat , quod ipsa sit actus siue operatio causæ secundæ , sed quod sit aliquid actuale consistens in actu siue in exercitio , non in habitu.

Ad tertium dicendum , quod gratia actualis distincta ab operatione , non est qualitas perfecta , sed imperfecta & incompleta , ut dictum est : multum autem vel parum durare , non semper variat speciem ; sed benè , quando hoc prouenit ab intrinseco , ut constat in habitu & dispositione : unde gratia actualis distinguitur specie ab habituali , non solum quia ab intrinseco citò transit , sed maximè quia est in sua natura quid incompletum.

D V B I V M V.

Utrum gratia diuidatur in excitantem , & adiuuantem.

Prima opinio admittens hanc diuisionem , asserit gratiam excitantem siue vocantem nihil

nihil aliud esse, quàm quosdam actus vitales nostros indeliberatos, quos Deus operatur in nobis, sine nobis quidem liberè cooperantibus, quamvis vitaliter & efficienter concurrentibus; & ita ad hos actus potentia non agit ut libera, sed ut natura: Actum intellectus vocant illuminationem, voluntatis autem vocant excitationem suasionem aut viatricem delectationem: Probatur autoritate Conciliorum Arausici II. & Tridentini sess. 6. de iustificatione cap. 5. quæ gratiam excitantem explicant per illuminationem, inspirationem, tactum siue instinctum à Deo intellectui & voluntati communicata: sed hæc sunt actus indeliberati harum potentiarum: ergo gratia excitans nihil est aliud quàm actus indeliberati intellectus & voluntatis.

Secundò, S. Augustinus ubique hanc gratiam excitantem vocat viatricem delectationem, quæ est actus voluntatis. Et S. Prosper libro 2. de Vocatione Gentium cap. 26. ait: Gratia quidem Dei in omnibus iustificationibus principaliter præminet, suadendo exhortationibus, mouendo exemplis, terrendo periculis, incitando miraculis, dando intellectum, inspirando consilium, corque ipsum illuminando, & fidei affectionibus imbuendo: sed ibi intellectus & consilium sunt actus potentie intellectus: ergo gratia excitans nihil est aliud, quàm actus indeliberati intellectus & voluntatis.

Tertiò, Gratia excitans est aliquid internum, & inhærens intellectui ac voluntati; nam gratia interius excitat: non autem est habitus, cum citò transeat: ergo est actus harum potentiarum; maxime quia nullus negat, piam cogitationem perfinere ad gratiam excitantem.

CONCLUSIO.

RESPONDEO dicendum, quòd gratia actualis diuiditur in excitantem siue vocantem, & in adiuuantem 1. vtrique est interna & externa 3. excitans interna simpliciter prima non est actus vitalis, sed quid præuium 4. eius effectus est quòd homo euigilet, & attendat salutem animæ, & his quæ ad eam conducunt, fugiendo malum, & sectando bonum 5. hæc gratia non datur propter conatum & industriam recipientis: sed ex pura Dei misericordia, vel ab ipso immediatè, vel mediantibus Ecclesiæ ministris. 6. quæ ut complectitur tam illuminationem intellectus, quàm motionem voluntatis, est sufficiens ad conuersionem, siue ad actum bonum eliciendum 7. gratia adiuuans est quæ hominem excitatum adiuuat in prosecutione boni operis: Ita omnes Discipuli D. Thomæ.

Probatur prima pars conclusionis multiplici autoritate sacræ Scripturæ. 1. ad Timoth. 1. de gratia excitante dicitur: Qui nos liberauit & vocauit vocatione sua sancta, &c. secundum propositum suum, & gratiam quæ data est nobis in Christo Iesu. Apocal. 3. Sto ad ostium & pul-

so, si quis aperuerit mihi ianuam, intrabo. De adiuuante ad Rom. 8. Spiritus adiuuat infirmitatem nostram. Probatur autoritate Concilij Arausici canone 25. vbi dicitur: Hoc etiam salubriter confitemur & credimus, quòd in omni opere bono nos non incipimus, & postea per Dei misericordiam adiuuamur: sed ipse nobis, nullis præcedentibus bonis meritis, & fidem & amorem sui inspirat. Item Concilij Trident. sess. 6. de iustificat. cap. 5 vbi ait: Declarat præterea ipsius iustificationis exordium in adultis, à Dei per Iesum Christum præueniente gratia sumendum esse, hoc est ab eius vocatione, qua nullis eorum existentibus meritis vocantur, ut qui per peccata à Deo auersi erant per eius excitantem atque adiuuantem gratiam ad conuertendum se ad suam ipsorum iustificationem, eidem gratiæ liberè assentiendo & cooperando disponantur: ita ut tangente Deo cor hominis per Spiritus sancti illuminationem, neque homo ipse nihil agat, inspirationem illam recipiens, quippe qui illam & abiicere potest: neque tamen sine gratia Dei mouere se ad iustitiam coram illo libera sua voluntate possit: Et cap. 6. habetur: Disponuntur autem ad ipsam iustitiam, dum excitati diuina gratia, atque adiuti, &c. Finque mentio vtriusque gratiæ in eadem sessione: sicut & apud Sanctos Patres maxime Augustinum libris de Prædestinatione & Gratia cap. 8. & deinceps. Ratio autem cur admittenda sit hæc vtrique gratia est manifesta, quia Deus incipit mediante sua gratia omne opus bonum in nobis, saltem supernaturale iuxta illud Pauli, Qui cœpit in vobis opus bonum, ipse perficiet: Hæc autem inceptio consistit in excitatione siue vocatione: ex aliq. parte Deus debet nobiscum concurrere adiuuando nos sua gratia, ut infra dicitur: ergo datur vtrique gratia, excitans & adiuuans, & ita gratia diuiditur in excitantem & adiuuantem.

Probatur & explicatur secunda pars conclusionis: Deus aliquando suis inspirationibus & motionibus internis excitat nos, vel ad iustificationem, vel ad aliquod bonum opus, & in eius exercitio nos adiuuat: & similiter aliquando vtitur concionibus, vel piis monitis & consiliis, ut nos ad pietatem excitet, iisdemque nos adiuuat, ita tamen quòd talia monita & consilia sequatur interna inspiratio & motio: ergo vtrique gratia, scilicet excitans & adiuuans, est interna & externa.

Probatur tertia pars conclusionis ex Scriptura Psalm. 120. dicitur: Auxilium meum à Domino: si autem auxilium gratiæ esset actus vitalis, ac proinde procedens à nobis sicut à Deo, posset dici auxilium meum à me, sicut dicitur à Domino. Apocal. 3. Ecce ego sto ad ostium & pulso, si quis audierit vocem, & aperuerit mihi ianuam, intrabo ad illum, & cœnabo cum illo, & ipse mecum: ergo sicut pulsatio effecti-

NNn uè

uè tantum procedit à pulsante, sic excitatio, siue gratia excitans procedit à solo Deo; & ita non potest esse actus vitalis, sed est quid præuium: Et hoc satis exprimit Concilium Tridentinum supra citatum, dum dicit quòd homo dum excitatur, recipit illuminationem & inspirationem Dei, & illam potest abjicere; quæ non possunt aprari actui virali, quem homo non tam propriè dicitur recipere, quàm elicere. Deinde, Actus nostri vitales non dicuntur gratia, sed effectus gratiæ. Denique, Est impossibile quòd potentia nostræ eliciant actum quemcunque supernaturalem, nisi saltem in priori naturæ constituentur per aliquid in se receptum, in actu primo supernaturali, quia actus secundus præsupponit primum: & si iam per habitus sint constitutæ in actu primo, debent applicari à causa prima ad agendum per aliquid ab ipsa in se ipsis receptum, cum causa secunda agat in virtute primæ: ergo in omni euentu gratia excitans interna simpliciter prima non est actus vitalis, sed quid præuium: dictum est autem, simpliciter prima, quia licet non primò excitemur per nostros actus, tamen per illos multum excitamur ad alios sequentes eliciendos.

Probatur quarta pars conclusionis ex illo Actuum 16. Aperuit Dominus cor Lydiæ, vt intenderet iis quæ à Paulo dicebantur. Et ratio est, quia primum quod facit peccator adiutus gratia Dei vocante & excitante, est euigilare à somno peccati quo grauabatur, & agnoscere pessimum statum perdicionis in quo est, & tandem attendere salutem suæ animæ, & his quæ ad eam conducunt fugiendo malum & sectando bonum: ergo hæc sunt effectus gratiæ excitantis; nam alij actus perfecti consequentes, vt fidei, spei, &c. sunt effectus gratiæ adiuuantis.

Probatur quinta pars conclusionis: tum ex illo 2. ad Cor. 3. Non sumus sufficientes cogitare aliquid à nobis, quasi ex nobis; sed sufficientia nostra ex Deo est: tum ex dictis supra de necessitate gratiæ, quòd initium nostræ iustificationis est à gratia & pura Dei misericordia, & non à nobis, vt definiunt Concilia contra Semipelagianos: quod verum non esset, si gratia excitans daretur propter conatum & industriam recipientis: ergo hæc gratia confertur nobis ex pura Dei misericordia, vel immediatè ab ipso vt sæpe contingit, vel etiam mediante Ecclesiæ ministris; & hoc viâ ordinariâ, vt communiter docent Sancti Patres & experientia, imò & Scriptura 2. ad Cor. 6. Adiuuantes exhortamur, ne in vacuum gratiam Dei recipiatis. 1. ad Cor. 3. Dei adiutores sumus. Psalmo 67. Dominus dabit verbum euangelizantibus virtute multa, & dabit voci suæ vocem virtutis.

Probatur sexta pars conclusionis: Ad conuersionem implendam, aut ad actum bonum eliciendum, sufficit quòd intellectus supernaturali illustratione cognoscat quid oporteat agere,

rectè iudicando; & quòd voluntas sequatur & exequatur eius ductum: ex his enim duabus potentiis totum hoc negotium pender: ergo gratia excitans vt complectitur tam illuminationem intellectus, quàm motionem voluntatis, est sufficiens ad conuersionem, siue ad actum bonum eliciendum: vnum autem sine alio non sufficit, cum talis actus dependeat ab vtraque potentia.

Probatur septima pars conclusionis: Adiuuare aliquem, est ei excitato ad operandum auxilium præstare, vt actu operetur, vt patet ex ipsis terminis: ergo gratia adiuuans est quæ hominem excitatum adiuuat in prosecutione boni operis iam coepti, per attentionem hominis ad illud.

Ad primum ergo dicendum, quòd Concilia nomine illuminationis siue illustrationis, intelligunt propositionem obiecti supernaturalis factam intellectui: nomine autem inspirationis, tactus, & instinctus intelligunt motionem præuiam Spiritus sancti, qua applicatur intellectus ad assensum, & voluntas ad consensum boni: hæc autem præcedunt omnes actus etiam indeliberatos harum potentiarum, cum ipsas potentias ad eos eliciendos applicent.

Ad secundum dicendum, quòd victrix delectatio, quæ est actus voluntatis, habet rationem gratiæ excitantis, vt ait Augustinus; sed non primæ, quia hæc delectatio procedit ex priori gratia, scilicet illuminatione & inspiratione Spiritus sancti, qua intellectus & voluntas ad hanc delectationem mouentur: Et similiter dicendum ad S. Prosperum, quòd Deus dicitur dare intellectum, & inspirare consilium, quia sua gratia excitante & adiuuante applicat intellectum ad hos actus, non autem quòd hi actus sint ipsa gratia.

Ad tertium dicendum, quòd gratia excitans intrinsecè recipitur in potentia, & inhæret; sed breui, quia est quid vile & citò transiens: pia autem cogitatio pertinet ad gratiam excitantem, respectu actuum sequentium, sed non pertinet ad primam, vt dictum est.

D V B I V M V I.

Vtrum gratia diuidatur in præuenientem & subsequentem.

Prima opinio negat gratiam præuenientem: Hanc videntur sequi qui negant præmotionem ad actus supernaturales. Probatur: Gratia præueniens est illud auxilium, quo Deus præuenit nostram voluntatem, ipsamque mouet ad actus supernaturales, ita vt sit influxus in ipsam potentiam, & non in actum: sed hæc gratia est impossibilis, quia impossibilis cum libertate: ergo non datur gratia præueniens.

Secundò, Eadem gratia, quæ respectu vnius est præueniens, respectu alterius est subsequens: ergo cum gratia debeat diuidi in membra oppo-

ita, non diuiditur in præuenientem, & subsequenter.

Tertio, E contra videtur quod non detur gratia subsequens: quia diuina gratia est domina, & non pedissequa nostræ voluntatis: ergo nulla gratia est subsequens; quia subsequi est pedissequi, & non domini.

CONCLUSIO.

RESPONDEO dicendum, quod gratia diuiditur in præuenientem & subsequenter: siue in antecedentem & concomitantem: præuiam & simultaneam. 2. alia tamen est præueniens simpliciter & absolute omnes actus nostros, & hæc est idem quod excitans: alia verò est tantum præueniens respectiue, & est idem quod adiuuans. 3. hæc diuisio communius tribuitur gratiæ actuali, adaptatur tamen etiam gratiæ habituali. Ita communiter Discipuli D. Thomæ.

Probaturs prima pars conclusionis autoritate sacre Scripturæ, Conciliorum, & Sanctorum Patrum. Psalm. 20. dicitur: Quoniam præuenisti eum in benedictionibus dulcedinis. Psalm. 38. Misericordia eius præueniet me. Psalm. 22. Et misericordia tua subsequetur me omnibus diebus vitæ meæ. Conc. Trident. sess. 6. cap. 5. can. 16. Cum Christus Iesus tanquam caput in membra & tanquam vitis in palmites in ipsos iustificatos iugiter virtutem influat, quæ virtus bonorum opera semper antecedit, & comitatur, & subsequitur. Alia etiam Concilia celebrata contra Pelagianos ac Semipelagianos frequentem habent vtriusque huius gratiæ mentionem. D. Thom. hic quæst. 111. art. 3. agit de hac diuisione. S. August. 2. contra Epist. Pelagian. cap. 9. ait: Auertat Deus hanc amentiam, vt in donis eius nos priores faciamus, posteriorem Deum. Et de Natura & gratia cap. 31. ait: Præuenit vt sanemur, quia & subsequitur, vt & sanati vegetemur, præuenit, vt vocemur, subsequitur vt glorificemur, præuenit vt piè viuamus, subsequitur vt cum illo semper viuamus. S. Fulgentius libro 1. ad Monimum cap. 11. ait: Præuenit impium vt fiat iustus, subsequitur iustum ne fiat impius, præuenit elisum vt surgat, subsequitur eleuatum ne cadat. & cap. 9. Deus donat gratis indigno gratiam, &c. vt præueniente misericordia bonum velle incipiat, & subsequente misericordia bonum quod vult facere valeat. S. Greg. 2. Moralium cap. 10. Deus præueniendo dedit eis bonum velle quod voluerant, & subsequendo dedit bonum posse quod volunt. Cælestin. 1. ad Episc. Gallor. Non dubitamus, ait, ab ipsius gratia omnia hominis merita præueniri, per quæ fit vt aliquid boni & velle incipimus, & facere. Et tandem est oratio Ecclesiæ: Tua nos quæsumus Domine gratia semper & præueniat, & sequatur, ac bonis operibus iugiter præstet esse intentos. Cuius ratio est manifesta, nam vt probatum est de necessitate gratiæ, Deus sua gratia incipit in bonis operibus excitando, & postea

R. P. Philippi Carm. discal. Disp. Theolog. in. I. 2.

adiuuat in prosecutione operis: ergo datur gratia præueniens nostros actus, & concomitans illos, ac subsequens: est tamen idem numero auxilium gratiæ, quod vt præuenit nos saltem prioritate naturæ dicitur gratia præueniens; vt concomitatur actum nostrum; dicitur gratia concomitans siue simultanea; & subsequens; inquantum actum inceptum ad finem perducit eius inceptionem subsequens.

Probaturs secunda pars conclusionis: Gratia Dei est, quæ simpliciter incipit in ordine ad iustificationem, & ad opera supernaturalia: sed primum quod facit, est excitare nos ad hæc agenda: ergo gratia præueniens simpliciter & absolute omnes actus nostros, est idem quod gratia excitans, & dicitur etiam præuia, aut antecedens simpliciter: aliunde verò quia in opere iustificationis concurrunt plures actus ordinati, quorum medij sunt subsequentes respectu præcedentium, & præcedentes respectu subsequentium, sic gratia quæ ad illos eliciendos datur, dicitur præueniens respectiue, & simul subsequens; vnde cum non sit omnino & primo præueniens, est idem quod adiuuans, concomitans, & simultanea.

Probaturs tertia pars conclusionis communi vfu Theologorum, qui in materia de gratia nomine gratiæ præuenientis & subsequentis, intelligunt auxilia actualia: quod etiam clarè indicant autoritates supra adductæ, tam Scripturæ, quàm Sanctorum Patrum. Quod autem hæc diuisio possit etiam adaptari gratiæ habituali, docet D. Thom. art. 3. citato, vbi sic ait: Sunt autem quinque effectus gratiæ in nobis, quorum primus est vt anima sanetur, secundus vt bonum velit, tertius est vt bonum quod vult efficaciter operetur, quartus est vt in bono perseveret, quintus est vt ad gloriam perueniat: & ideo gratia secundum quod causet in nobis primum effectum, vocatur præueniens respectu secundi effectus: & prout causet in nobis secundum, vocatur subsequens respectu primi effectus; & sicut vnus effectus est posterior vno effectui, & prior alio; ita gratia potest dici præueniens & subsequens secundum eundem effectum respectu diuersorum: Præmiserat autem hanc diuisionem gratiæ in præuenientem & subsequentem, esse gratiæ qualitercunque accipiatur.

Ad primum ergo dicendum, quod gratia præueniens est compossibilis cum libertate, vt infra dicitur: nam licet efficaciter, suauissimè tamen nos mouet; vnde ait August. 2. contra Epistolas Pelagianor. cap. 9. Benedictio dulcedinis est gratia Dei, qua fit in nobis vt nos delectet, & cupiamus quod præcipit nobis; in qua si nos non præuenit Deus, non solum non perficitur, sed nec inchoatur ex nobis.

Ad secundum dicendum, quod gratia præueniens & subsequens est eadem gratia, sed distinguitur secundum diuersos effectus: vnde

NNn 1 hæc

hæc diuisio est eiusdem auxilij gratiæ secundum diuersa connotata.

Ad tertium dicendum, quod si gratia esset tantum subsequens, ut aliqui ponunt, verè esset pedissequa nostræ voluntatis: cum autem asseratur esse simul præueniens, concomitans, & subsequens; denotatur magnum eius dominium, significatur enim quod sine ipsa nihil possumus incipere, nec proseguere, nec finire; unde ad omnia ponitur necessaria

D V B I V M VII.

Vtrum gratia diuidatur in operantem, & cooperantem.

Supponendum est, quod voluntas potest se mouere duobus modis. Primo moraliter, quando scilicet ex præuia intentione finis applicat se ad electionem mediorum. Secundo physice, quando actum suum elicit, quia de ratione actus voluntarij est, quod efficienter procedat à principio intrinseco se mouente: Voluntas nunquam agit liberè nisi moueat se hoc secundo modo; benè tamen sine primo, quando scilicet versatur circa finem ut finis est, quia de eo ut ait D. Thom. non est deliberatio nec consilium: si autem finis sumatur ut medium, potest cadere sub deliberatione & consilio.

Prima opinio tenet, gratiam dici operantem in ordine ad actus interiores, & cooperantem in ordine ad exteriores, Probatur autoritate. S. August. de Gratia & Libero Arbitrio cap. 17. ubi ait: Ut velimus, sine nobis operatur; cum autem volumus, & sic volumus ut faciamus, nobiscum cooperatur. S. Bernardus libro de Gratia & Libero Arbitrio circa finem: Benè cogitare, & benè velle tribuit gratiæ operanti; actum verò externum bonum tribuit gratiæ cooperanti. D. Thom. hinc quæst. 111. art. 2. idem expressè docet.

Secunda opinio est aliorum, quod gratia operans non distinguatur ab excitante, siue moraliter mouente & alliciente. Probatur autoritate Conciliorum, & Sanctorum Patrum, qui pro eodem sumunt gratiam operantem & excitantem; maximè Augustinus, & Concilium Tridentinum sess. 6. de Iustificatione canone 4. sic ait: Si quis dixerit liberum hominis arbitrium à Deo motum & excitatum, nihil cooperari assentiendo Deo excitanti, &c. Deinde, Operatio gratiæ talis est, quod solum nos excitet & moraliter alliciat ad agendum; non enim præmouet physice, quia voluntas tantum passiuè concurreret: ergo gratia operans non distinguitur ab excitante.

Tertia opinio asserit nostros actus bonos, quatenus procedunt à Deo ut à causa prima, esse gratiam operantem; quatenus autem à nobis procedunt, esse gratiam cooperantem. Proba-

tur: Ex Concilio Tridentino sess. 6. de Iustificatione canone 4. liberum arbitrium cooperatur Deo: ergo operatio Dei est gratia operans, & cooperatio nostra gratia cooperans.

Quarta opinio est Caietani 1. 2. quæst. 111. art. 2. & Soti libro 1. de Natura & Gratia cap. 16. gratiam dici operantem, in quantum causat in nobis intentionem finis: cooperantem verò, in quantum causat electionem mediorum: & probatur autoritate D. Thom. loco citato.

Quinta opinio asserit gratiam cooperantem esse præuenientem liberam cooperationem liberi arbitrij. Probatur autoritate D. Thom. qui hinc quæst. 111. art. 2. ait: In illo effectui in quo mens nostra & mouet & mouetur, operatio non solum attribuitur Deo, sed etiam animæ, & secundum hoc dicitur gratia cooperans. Et q. 114. in Proæmio ait: Deinde considerandum est de merito quod est effectus gratiæ cooperantis. Deinde, Gratia operans & cooperans sunt eadem gratia: ergo cum gratia operans sit præueniens liberam cooperationem liberi arbitrij, est etiam cooperans.

C O N C L V S I O.

RESPONDEO dicendum, quod secundum fidem gratia diuiditur in operantem & cooperantem 2. quæ diuisio cõmunius attribuitur gratiæ actuali, adaptatur tamen etiam habituali 3. gratia actualis operans, alia est operans tantum secundum quid & moraliter, & est idem cum gratia excitante: alia est operans simpliciter & physice, quæ realiter distinguitur ab excitante 4. & hæc requiritur ad omnem operationem supernaturalem, siue sit interna, siue externa; siue intentio finis, siue electio mediorum 5. quamuis autem gratia operans sit præueniens operationem nostram, non tamen gratia cooperans ut talis formaliter & reduplicatiuè. Ita Discipuli D. Thom.

Probatur prima pars conclusionis auctoritate sacre Scripturæ, Conciliorum, & Sanctorum Patrum. De gratia operante ad Philipp. 2. dicitur: Deus est enim, qui operatur in nobis & velle, & perficere. Itaque 16. Omnia opera nostra operatus es nobis Domine. De cooperante. Marci ultimo habetur: Domino cooperante. Ad Rom. 8. Diligentibus Deum omnia cooperantur in bonum. Concilium Arausican. canone 9. Quoties enim bona agimus, Deus in nobis, atque nobiscum ut operemur operatur; quod Deus operetur in nobis, est gratiæ operantis: quod operetur nobiscum, est gratiæ cooperantis. S. August. libr. de Gratia & Libero Arbitrio cap. 17. Cooperando Deus in nobis perficit, quod operando incipit, quia ipse ut velimus operatur incipiens, qui volentibus cooperatur perficiens. Ibidem: Ut velimus sine nobis operatur: cum autem volumus, & sic volumus ut faciamus, nobiscum cooperatur; tamen sine illo vel operante ut velimus, vel cooperante cum volumus, ad bona

bona pietatis opera nihil valeamus. Libro 1. ad Simplicianum quæst. 2. Aliter Deus præstat ut velimus, aliter præstat quod voluerimus; ut velimus enim, & suum esse voluit, & nostrum; suum vocando, nostrum sequendo: quod autem voluerimus solus præstat. Et libro de dono Perseuerantiæ cap. 13. Nos ergo volumus, sed Deus in nobis operatur & velle: nos ergo operamur, sed Deus in nobis operatur, etiam operari pro bona voluntate; hoc vobis expedit & credere & dicere, hoc est pium, hoc verum, ut sit humilis & submissa confessio, & detur totum Deo. S. Bernardus libro de Gratia & Libero Arbitrio ait: Ipsa scilicet gratia liberum excitat arbitrium, cum seminat cogitatum: sanat, cum immutat affectum: roborat, ut perducatur ad actum: seruat, ne sentiat defectum: sic autem ista cum libero arbitrio operatur, ut tantum illud in primo præueniat, in cæteris comitetur, ad hoc utique præueniens, ut iam sibi deinceps cooperetur: ita tamen quod à sola gratia cœptum est, pariter ab utroque perficitur; ut mixtim non sigillatim; simul, non vicissim per singulos profectus operentur, non partim gratia, partim liberum arbitrium; sed totum singula opere iudiuo peragunt. Anselmus in illud Pauli 1. ad Cor. 15. Gratia Dei mecum; ait: Notandum quod superna pietas prius agit aliquid in nobis sine nobis, ut subsequente quoque nostro libero arbitrio, bonum quod iam appetimus agat nobiscum. Multa sunt alia, tum Scripturæ, tum Conciliorum, tum Sanctorum Patrum testimonia, ad probandam hanc gratiæ diuisionem in operantem & cooperantem; quamuis sub aliis, sed idem significantibus terminis: cuius ratio est, quia Deus in nobis per suam gratiam debet incipere opera bona, quod fit per operantem, ut constat ex prædictis autoritatibus: & similiter debet nobiscum eadem operari, quod fit per gratiam cooperantem: ergo datur utraque, & sic gratia diuiditur in operantem & cooperantem.

Probatur secunda pars conclusionis ex communi usu, nam in materia de gratia, nomine operantis & cooperantis gratiæ intelliguntur auxilia actualia, quæ sic explicat & distinguit D. Th. hic qu. 111. art. 2. Gratia dupliciter potest intelligi: vna modo diuinum auxilium, quo nos mouet ad bene volendum & agendum: alio modo habituale donum nobis diuinitus inditum; utroque autem modo gratia dicta conuenienter diuiditur per operantem & cooperantem: operatio enim alicuius effectus non attribuitur mobili, sed mouenti; in illo ergo effectui, in quo mens nostra est mota & non mouens, solus autem Deus mouens, operatio Deo attribuitur, & secundum hoc dicitur gratia operans, in illo autem effectui, in quo mens nostra & mouet & mouetur: operatio non solum attribuitur Deo, sed etiam animæ, & secundum hoc dicitur cooperans. Et infra. Si verò accipiatur gratia pro

habituali dono, sic est duplex gratiæ effectus: sicut & cuiuslibet alterius formæ, quorum primus est esse, secundus est operatio: sic igitur habitualis gratia, in quantum animam sanat, vel iustificat, siue gratam Deo facit, dicitur gratia operans; in quantum verò est principium operis meritorij, quod ex libero arbitrio procedit (ratione habituum supernaturalium, qui emanant à gratia habituali, & ad eam pertinent) dicitur cooperans.

Probatur tertia pars conclusionis: Gratia operans moraliter est illa, quæ alliciendo, imitando & suadendo facit ut faciamus, operatur ut operemur: sed hæc conueniunt gratiæ excitanti ut supra ostensum est: ergo gratia operans moralis est idem cum gratia excitante. E contra gratia physice operans est illa, quæ verè physice & efficaciter applicat nos ad operandum opera supernaturalia, ut infra dicetur: sed hoc non habet gratia excitans, eius enim tantum est mouere moraliter: ergo gratia operans physice & simpliciter talis distinguitur realiter ab excitante. Quod datur gratia physice operans, dicetur infra.

Probatur quarta pars conclusionis auctoritate Conciliorum. Arauscani canon. 9. citato. Quoties bona agimus, Deus in nobis atque nobiscum ut operemur operatur, *ly* quoties importat omnem operationem. Trident. sess. 6. de Iustificatione canone 3. & 4. ubi habetur, quod liberum arbitrium non operatur aliquem actum supernaturalē, nisi motum à Deo. Gelasius Papa Epist. 5. ad vniuersos Episcopos, illud Apostoli: Non autem ego, sed gratia Dei mecum, explicans ait: Quis autem audeat dicere Christianus, aliquid haberi boni sine gratia? quando Magister Gentium clamat: cuncta breuiter in se dona concludens, Gratia Dei sum id quod sum, & gratia eius in me vacua non fuit, ut ostenderet quia donum gratiæ, non ipse præcesserit, sed fuerit subsequutus; atque monstraret cooperatorem se esse gratiæ, subsequendo? Sed plus omnibus, inquit, illis laboravi. Ac rursus veritus, ne de se præsumere videretur, adiunxit, Non ego, sed gratia Dei mecum: non dixit, ego, & gratia Dei mecum, sed præposuit gratiam præcedentem se, atque subiunxit: quid autem haberi possit sine gratia, cum sit fides ipsa per gratiam: subintelligens quod fides est principium operum supernaturalium: Et si gratia est operans antecedenter ad actus etiam initiales fidei, ac proinde nondum perfectos, multo magis ad alios actus omnes subsequentes perfectos. S. August. de Gratia & Libero Arbitrio cap. 16. ait: Certum est, nos velle cum volumus, sed ille facit ut velimus bonum. Et infra: certum est, nos facere cum facimus, sed ille facit ut faciamus, præbendo vires efficacissimas voluntati. Sed expressius loco citato de dono Perseuerantiæ c. 13. Nos ergo volumus, sed Deus in nobis operatur & velle: nos ergo operamur, sed Deus

in nobis operatur etiam operari pro bona voluntate, &c. Cuius ratio est, quia ad omnem piam operationem requiritur concursus gratiæ diuinæ præuius: Hoc enim auxilio præuius debet influere prima causa qualis est Deus, ut infra dicitur: sed tale auxilium est gratia operans, cum faciat nos facere & operetur in nobis ipsum operari ut ait Aug. ergo ad omnem operationem supernaturalem, siue sit interna, siue externa, siue intentio finis, siue electio mediorum, requiritur gratia physicè operans.

Probatur quinta pars conclusionis: Gratia cooperans ut sic formaliter & reduplicatiuè, est illa qua Deus cooperatur nobis, siue nobiscum operatur, ut constat ex dictis, & omnes fatentur. sed cooperari, siue cum aliquo operari non importat prioritatem, sed simultatem & puram concomitantiam, ut patet ex ipsis terminis: ergo quamuis gratia operans & cooperans sint eadem gratia ut ait D. Thom. loco citato, maxime ad 4. tamen quia distinguuntur secundum diuersos effectus, gratia operans est præueniens cooperationem nostram, non autem gratia cooperans ut talis formaliter & reduplicatiuè.

Ad primum ergo dicendum, quod gratia Dei non solum applicat potentias ad suos actus interiores, sed etiam ad exteriores; posito enim imperio intellectus, & motione voluntatis, non sequeretur operatio exterior, nisi consecutiue ad tale imperium & motionem potentia executiua per gratiam applicaretur: quæ propterea dicitur operans tam respectu internæ, quam externæ operationis: cooperans verò, quia perseverat cum potentiis in ordine ad utramque operationem usque in finem: quia verò actus siue operatio externa consequens ad internam, coniungitur illi, & sic continuata efficit quid vnum morale cum interna; ideo gratia à Sanctis citatis, Augustino, Bernardo, & Thoma dicitur operans respectu operationis internæ, & cooperans respectu externæ, quæ est continuatio moralis internæ: in rigore tamen, quia sunt duo actus realiter physicè distincti, utraque gratia requiritur ad quemlibet actum.

Ad secundum dicendum, quod est duplex gratia operans, ut dictum est: vna operans tantum moraliter, & hæc est idem quod excitans, & de hac intelligunt Concilia & Sancti Patres: alia est operans physicè, ac distincta ab excitante, ad cuius receptionem potentia se habet passiuè tantum; actiuè verò cum ipsa concurrit, & libere ad suum actum.

Ad tertium dicendum, quod gratia operans est effectus, & terminus operationis Dei in nobis ex D. Thom. hic q. 110. art. 2. & nostra cooperatio est effectus gratiæ operantis: siquid autem ad extra producat, & etiam continuatio cooperationis sunt effectus gratiæ cooperantis; ad quæ cooperatur potentia mota per gratiam.

Ad quartum dicendum, sicut ad primum,

quod electio mediorum ut continuata intentioni finis, moraliter reputatur pro eodem actu continuato: unde gratia ut terminata ad intentionem finis dicitur simpliciter operans; ut verò terminata ad electionem mediorum, dicitur cooperans: quamuis reuera ad utrumque actum requiratur tam gratia operans, quam cooperans, quia sunt duo actus physicè distincti: & iuxta hæc intelligendus est D. Thom.

Ad quintum dicendum, quod authoritates adductæ solum probant, gratiam cooperantem materialiter & realiter esse præuenientem cooperationem nostram, cum sit eadem gratia cum operante: non autem formaliter & reduplicatiuè; propterea D. Th. ibidem ait, quod distinguuntur secundum diuersos effectus, in quantum scilicet gratia ut operans habet pro effectum nostram cooperationem, & sic illam antecedit prioritate naturæ & causalitatis; ut verò cooperans, habet pro effectum continuationem cooperationis nostræ, eiusque terminum productum.

D V B I V M VII.

Utrum gratia actualis diuidatur in sufficientem & efficacem.

Prima opinio asserit, omnem gratiam esse efficacem, nullam sufficientem, hancque vocat monstrum gratiæ. Ita tenet inter alios Cornelius Ianfenius, Probatur multis Scripturæ, Conciliorum, & Sanctorum Patrum, maxime Augustini testimoniis, quæ ubique gratiam Dei efficacem vocant. Deinde, Gratia auxilia à Deo conferuntur ad aliquem effectum, aliàs essent otiosa: ergo illum exequentur, alioquin intentio Dei falleretur, & ita omnia sunt efficacia. Denique, Gratia sufficiens explicatur, quod sit auxilium quo possumus facere, nunquam tamen faciemus: sed hoc est ludere verbis, nam si verè est sufficiens, cum eo aliquando faciemus; non enim potest colligi sufficientia alicuius virtutis, nisi quia aliquando cum ea facimus, aliquando non facimus: ergo non datur gratia sufficiens; maxime quia si daretur talis gratia, non obligaremur cum illa operari, quia cum detur tantum ut possumus operari, & non ut operemur, satisfacimus obligationi dum possumus operari, licet non operemur actu.

Secunda opinio est in alio extremo, asserens nullam gratiam esse ex se efficacem, sed omnem sufficientem, & reddi à nobis efficacem vel inefficacem; unde inferunt eius Authores, quod cum eadem omnino gratia vnus conuertetur & operabitur, alius non. Ita Molina & eius sequaces quamplurimi. Probatur: Calvinus lib. 2. Institutionum cap. 3. adinuenit ad stabiliendam suam hæresim, hoc nomen efficacis: ait enim, Neque secus accipi sententia Christi potest, Omnis qui audit à Patre meo, venit ad me, quam ut efficacem,

cem à seipsa Dei gratiam doceat : & ex hoc infert nullam esse libertatem , quod necessario videtur sequi ; quod tamen dicere est hæreticum , tollens omne meritum , necessitatem exhortationum , &c. Deinde , Admissa hac gratia ex se efficaci , tollitur omnis gratia purè sufficiens , quia non possumus operari sine gratia efficaci , ut colligitur à posteriori , quia sine ea nunquam operamur ; potentia autem colligitur ex actu : ergo quæcunque alia non est sufficiens , illa enim non est sufficiens , cum qua præcisè non possumus operari , sed indiget alia. Denique , Potest fieri , imò sæpe fit quòd ex eadem prædicatione , & cum eadem gratia interna vnus conuertatur , alius non , ut Christus Dominus dixit prædicans Bethsaidæ & Corozain , dicens : Si hæc signa fierent in Tyro & Sydone , eius incolæ conuerterentur , cum tamen vos obstinati sitis : Si autem hoc intelligeret cum inæqualitate gratiæ , potuissent Christo respondere , Frustra nos arguis ; si enim illis non dares maiorem gratiam , non conuerterentur , & nos conuerteremur ; si dares nobis æqualem : ergo omnis gratia est sufficiens , nulla ex se efficax.

Tertia opinio negat , admittendam hanc diuisionem gratiæ in sufficientem & efficacem. Probat : Nec in Scriptura sacra , nec in Conciliis , nec in Sanctis Patribus , nec in antiquis Scholasticis fit mentio huius diuisionis ; Imò Concilium Tridentinum accuratissimum maximè in hac materia de Gratia & Libero Arbitrio , adæquatè diuidit gratiam in excitantem & adiuuantem. Deinde , Vnum membrum diuisionis non debet includi in alio , cum diuisio debeat fieri per membra opposita : sed gratia sufficiens includitur in efficaci , nam gratia omnis efficax , quæ facit actu facere ; est etiam sufficiens , quæ dat posse , nam ab actu ad potentiam valet consequentia.

CONCLUSIO.

RESPONDEO dicendum , quòd gratia diuiditur in sufficientem & efficacem 2. sufficiens est illa , cum qua absolute possumus ; cui tamen competit aliqua efficacia 3. efficax autem simpliciter est illa , quæ infallibiliter facit nos facere , & hanc efficaciam habet ex se ut venit à Deo 4. aliquando consistit in vnica motione , præsupposito tamen iudicio rationis 5. aliquando verò plures illustrationes & motiones præsupponit ; quamuis non ex necessitate , cum in se sit efficax , & non solum virtute præcedentium. Ita communiter Discipuli D. Thomæ.

Probat prima pars conclusionis autoritate sacre Scripturæ , Conciliorum , & Sanctorum Patrum. De gratia sufficiente 1. ad Cor. 3. Omnia possum in eo qui me confortat. Item : Non sumus sufficientes cogitare aliquid à nobis , quasi ex nobis , sed sufficientia nostra ex Deo est. Et cap. 12. Sufficit tibi gratia mea ; constat autem quòd loquitur ibi Apostolus de sufficientia gratiæ : nam in primis duobus locis agit de operi-

bus in ordine ad vitam æternam : in ultimo autem agitur de resistentia contra tentationes grauissimas carnis , ad quæ omnia est necessaria gratia. De efficaci : Ezechielis 36. Spiritum meum ponam in medio vestri , & faciam ut in præceptis meis ambuletis , & iudicia mea custodiatis , & operemini. Ioannis 6. Omnis qui audit à Patre & didicit , venit ad me. Et cap. 10. Non rapier eas quisquam de manu mea , & non peribunt in æternum. Ad Rom. 8. Quos vocauit , hos & iustificauit. Ad Philipp. 2. Deus est enim , qui operatur in vobis & velle , & perficere pro bona voluntate : Plurima alia sunt Scripturæ loca , in quibus licet non nominentur gratia sufficiens & efficax , indicantur tamen in suis effectibus. Probat ex Conciliis : Araucano II. c. 19. de sufficiente : Cum sine gratia Dei salutem non possit homo custodire , quam accepit , quomodo sine Dei gratia poterit reparare , quod perdidit : & canone 25. Hoc etiam secundum fidem catholicam credimus , quòd accepta per Baptismum gratia , omnes baptizati Christo auxiliante & cooperante , quæ ad salutem pertinent , possint & debeant , si fideliter laborare voluerint adimplere. De efficaci canone 9. sic ait : Quoties enim bona agimus , Deus in nobis , atque nobiscum ut operemur operatur. & canone 20. Multa in homine bona fiunt , quæ non facit homo ; nulla verò facit homo bona , quæ non Deus præstet , ut faciat homo. Ex Concilio Tridentino sess. 6. cap. 11. de gratia sufficiente : Deus impossibilia non præcipit , sed præcipiendo monet & facere quod possis , & petere quod non possis , & adiuuat ut possis. & canone 4. indicat efficacem. Probat ex Sanctis Patribus , maximè August. & D. Thom. S. Augustinus libro de Correctione & Gratia cap. 11. ait : Istam gratiam non habuit homo primus , quæ nunquam vellet esse malus (id est non habuit efficacem) : sed sanè habuit , in qua si permanere vellet , nunquam malus esset , id est habuit sufficientem. Et cap. 12. Aliud est adiutorium , sine quo aliquid non fit (id est auxilium sufficiens) : & aliud est adiutorium , cum quo aliquid fit (id est auxilium efficax). & infra. Primo itaque homini quod in eo bono , quo factus fuerat rectus , acceperat posse non peccare , posse non mori , posse ipsum bonum non deserere , datum est adiutorium perseverantiæ : non quo fieret ut perseveraret , sed sine quo per liberum arbitrium perseverare non posset : nunc verò sanctis in regnum Dei per gratiam Dei prædestinatis , non tantum tale adiutorium perseverantiæ datur , sed tale ut eis perseverantia ipsa donetur : non solum ut sine isto dono perseverantes esse non possint , verum etiam ut per hoc donum non nisi perseverantes sint. Sed clarius loquitur de gratia efficaci , libro de Gratia & Libero Arbitrio cap. 5. Ut Paulus de celo vocaretur , & tam magna & efficacissima vocatione conuerteretur , gratia Dei

Dei erat sola, quia eius merita erant magna, sed mala. & cap. 16. Certum est nos facere cum facimus, sed ille facit ut faciamus, præbendo vires efficacissimas voluntati, &c. S. Cyrillus in libro de Adoratione ait: Indicium tibi sit Palladi valde manifestum, dum non solis verbis nos stimulas, & adhortationibus menti immisiss ut discedamus à peccato; sed tantam benignitatem nobis etiam exhibet vniuersorum saluator Deus ut efficaci subsidio adiuuet, secundum quod scriptum est: Apprehendisti manum dexteram meam, & in consilio tuo deduxisti me: nam quoniam hominis natura non valde generosa est, neque satis idonea, ut malum effugere queat, simul quodammodo nobiscum certat Deus, & duplex concedere beneficium videtur, persuadens admonitionibus, ut subsidium inueniamus, & fortius illud præstans, quam ut malum præsens & violentum præualere possit. S. Thom. in 3. disp. 13. quæst. 2. art. 2. quæstiunc. 2. ad 5. ait quod Christus satisfecit pro tota humana natura sufficienter, non tamen efficienter, quia non omnes illius satisfactionis participes fiant, quod ex eorum improbitate est, non ex ipsius insufficiencia satisfactionis. Et 3. part. quæst. 79. art. 7. ad 2. Sicut Passio Christi prodest quidem omnibus quantum ad sufficientiam, & ad remissionem culpæ, & adeptionem gratiæ & gloriæ; sed effectum non habet nisi in illis, qui Passioni Christi coniunguntur per fidem & charitatem: ita & sacrificium Missæ, quod est memoriale Domini- cæ Passionis, non habet effectum nisi in illis, qui coniunguntur huic Sacramento per fidem & charitatem. Et exponens illud Matthæi 26. Hic est sanguis meus noui testamenti, qui pro multis effundetur in remissionem peccatorum, ait: Et pro multis, & pro omnibus, quia si consideretur sufficientia, ipse est propitiatio pro peccatis nostris, & non pro nostris tantum, sed pro totius mundi: sed si consideremus effectum, non habet effectum nisi in his qui saluantur, & hoc ex culpa hominum. Et super cap. 6. Ioannis: Attractio Patris efficacissima est, quia omnis qui audiuit à Patre & didicit, venit ad Christum. Et tandem supra quæst. 106. art. 2. ad 2. loquens de lege noua dicit: quod quantum est de se, sufficiens auxilium dat ad non peccandum. Sed plura S. August. & D. Thom. afferuntur testimonia disp. sequenti. Probatur ratione: Datur in nobis gratia, quæ multoties est tantum sufficiens, quando scilicet non facimus aliquod opus supernaturale, ad quod interius mouemur, & experimur sine clarè videmus, quod illud possumus, & si non facimus, est ex malitia nostra: & hoc certissimum esse debet, cum urget aliquod præceptum de obiecto supernaturali, quod nobis debet esse possibile ex gratia Dei sufficienti, nihil enim impossibile nobis à Deo præcipitur. Nec potest dici quod negetur hæc gratia propter peccata, maxime originale. Quia ut dictum est su-

pra ex Apostolo & Concil. Trident. sess. 5. can. 5. nihil remanet nobis damnationis, postquam peccata sunt remissa: quod tamen falsum esset, si intuitu eorum negaretur nobis gratia sufficiens, sine qua saluari non possumus. Deinde quia est axioma theologicum, quod Deus neminem deserit, nisi prius ab eo deseratur, quod non esset verum, si Deus negaret auxilia gratiæ sufficientis. Ex alia parte datur multoties in nobis gratia, quæ est efficax, quia est effectiua huius ad quod datur: ergo gratia actualis diuiditur in sufficientem & efficacem.

Probatur & explicatur secunda pars conclusionis: Illa gratia verè dicitur sufficiens, ultra quā nihil aliud requiritur ex parte potentiæ, ut constituatur completè in actu primo, & sit ultimò expedita ad agendum, ita ut solum supersit quod de actu primo reducatur ad secundum; & quod illud quo reducitur ad actum secundum, non pertineat ad actum primum quasi complens illud, sed tantum ut applicans ad agendum; nam posse agere, & actu agere multum differunt: sed hoc est absolute posse, ut patet: ergo gratia sufficiens est illa, cum qua absolute possumus. Quod autem illi comperat aliqua efficacia; probatur quia gratia, quæ est tantum sufficiens ad credendum, efficit ut homo cogitet de credendis; & illa quæ est sufficiens ad eliciendum actum contritionis, causabit actum attritionis: quia omne auxilium gratiæ receptum in intellectu & voluntate, aliquo modo mouet & excitat, ac ita applicat ad aliquem saltem imperfectum actum, est enim impossibile quod Deus moueat animam, & anima non moueatur, mouere enim & moueri sunt correlatiua: ergo gratiæ sufficienti respectu vnius actus competit aliqua efficacia respectu alterius.

Probatur tertia pars conclusionis autoritate Scripturæ, ex illo Apostoli: Qui spiritu Dei aguntur, hi sunt filij Dei. Item ex illo Christi Domini: Nemo venit ad me, nisi Pater meus traxerit eum. Item ex illa oratione Ecclesiæ: Oblationibus nostris Domine placare susceptis, & ad te nostras etiam rebelles compelle propitius voluntates: Agi autem, trahi, & compelli important maximam efficaciam diuinæ gratiæ in seipsa, & independentem à nobis. Probatur etiam pluribus testimoniis sacræ Scripturæ adductis pro prima parte conclusionis, & Sanctorum Patrum; maxime duobus ultimis Aug. lib. de Gratia & Libero Arbitrio c. 5. Ut Paulus de cælo vocaretur, & tam magna & efficacissima vocatione cōuerteretur, gratia Dei erat sola, quia eius merita erant magna, sed mala. & cap. 16. Certum est nos facere cum facimus, sed ille facit ut faciamus, præbendo vires efficacissimas voluntati. S. Prosper libro de Ingratis cap. 15. ait:

*At verò omnipotens hominem cum gratia salant,
Ipsa suum consummat opus, cui tempus agendi
Semper adest, quæ gesta velis, non moribus illi*

Fit

*Fit mora, nec causis anceps suspenditur ullis.
Nec quod sola potest, cura officioque ministri
Exequitur, famulisque vicem committis agendi.*

Probatur ratione: Deus est omnipotens, cuius motioni resisti non potest, iuxta illud Esther 13. Domine rex omnipotens, in ditione enim tua cuncta sunt posita, & non est qui possit tuæ resistere voluntati, si decreueris saluare Israël: Ex quo D. Th. 2. 2. q. 24. art. 11. infert quod Spiritus sanctus infallibiliter operatur quodcumque voluerit. Et 1. 2. quæst. 112. art. 3. Si ex intentione Dei mouentis est, quod homo cuius cor mouet, gratiam consequatur, infallibiliter ipsam consequitur: ergo gratia efficax, illa scilicet quæ infallibiliter facit nos facere habet suam efficaciam ex se, & ut veniat à Deo: non præiudicantem tamen libertati, ut postea dicitur; imò illam perficientem, quia ut ait D. Thom. 1. p. quæst. 19. ex omnipotentia Dei prouenit, quod moueat efficaciter causas secundas, & tamen quod ipsæ operentur iuxta modum suum, quia motio Dei est causa tam substantiæ actus, quam eius modi. Imò D. Thom. 1. 2. quæst. 10. art. 4. ait: quod magis repugnaret diuinæ motioni, si voluntas per eam necessariò moueretur, quod non competit suæ naturæ, quam si moueretur liberè, prout congruit suæ naturæ. Deinde, Infallibilitas diuinæ prædestinationis fundatur in efficacia auxiliorum diuinæ gratiæ in se, & ut veniunt à Deo, quia ipsa est præscientia & præparatio beneficiorum Dei, quibus certissime liberantur quicumque liberantur, ut ait Augustinus: quæ infallibilitas præscientiæ & prouidentiae est impossibilis, nisi ponantur hæc beneficia siue auxilia gratiæ in se, & ut veniunt à Deo, esse efficacia: nam hæc auxilia sunt executiua diuinæ voluntatis, & eliguntur antecederet ad præuisionem cooperationis nostræ; imò ut illatura talem cooperationem, quod non fieret, nisi ex se & ut veniunt à Deo, siue independenter à nobis essent efficacia. Denique, Si auxilia gratiæ non essent ex se, & ut veniunt à Deo, efficacia; sed redderentur ab aliquibus cooperantibus talia, & non ab aliis; sequeretur quod illi qui redderent ea efficacia, se discernere ab aliis in quibus non redderetur efficacia, quod est contra Apostolum 1. ad Cor. 4. dicentem: Quis enim te discernit? quid autem habes quod non accepisti? si autem accepisti, quid gloriaris quasi non acceperis: ergo gratia efficax simpliciter est illa, quæ infallibiliter facit nos facere, & hanc efficaciam habet ex se ut venit à Deo.

Probatur quarta pars conclusionis: Aliquando contingit quod aliqui de repente conuertantur, ut accidit sancto Paulo Apostolo: ergo tunc gratia efficax consistit in vnica motione efficacissima, quia supplet plures dispositiones quæ ordinariè solent præcedere; quia verò talis conuersio fit liberè, ideo præsupponit iudicium rationis, quod necessarium est ad libertatem vo-

luntatis, cum sit radix ipsius: vnde ex Scriptura constat Sanctum Paulum fuisse edoctum à Christo, antequam conuersum.

Probatur quinta pars conclusionis: Quantum ad primum non est difficultas, experimur enim quod viâ ordinariâ plures illustrationes, & internæ motiones solent præcedere conuersionem, ut de seipso testatur S. Augustinus: licet enim Deus minima gratia efficaci posset quemlibet conuertere, tamen ut hoc negotium suauius fiat, paulatim disponit mentem instruendo, & cor emolliendo, & postea motione efficaci pro bona voluntate sua conuersionem concludit. Quantum verò ad secundum, quod hæc motio sit ex se efficax, & non solum virtute præcedentium, probatur: quia illæ illustrationes & motiones præcedentes mouent tantum moraliter, & sæpe contingit quod ex duobus sic æqualiter motis vnus conuertatur, & alius non: ergo signum est, quod motio illa vltima physica qua ille conuertitur, habet ex se suam efficaciam, & non virtute præcedentium, quæ sunt tantum ad melius esse, & non ad simpliciter esse: si enim ex se esset tantum sufficiens in vtroque, cum essent paria auxilia gratiæ tam moralia, quam physica, conuersio vnus præ alio esset adscribenda libero arbitrio, & non gratiæ: licet enim conuersio absolute esset à gratia simul & libero arbitrio, non tamen ut respectiuæ; cum enim præsupponatur æqualis gratia, inæqualitas quæ est in effectu non potest procedere à gratia, æqualis enim gratia æqualem habet effectum, sed esset ex inæquali conatu liberi arbitrij: quod est contra prædictam authoritatem Apostoli, Quis te discernit? quid habes quod non accepisti: Ex quo sequitur, quod gratia efficax ut venit à Deo habet aliquam realem virtutem sibi intrinsecam, quæ non habet auxilium quod est tantum sufficiens, & minima efficax plus est quam maxima sufficiens: hæc enim nunquam conuerteret minimum peccatorem, illa conuerteret maximum, si ei detur, quia efficax est executiua voluntatis Dei consequentis & efficaci: sufficiens autem voluntatis antecedentis inefficax. Quando autem D. Thom. q. de Virtutibus docet aliquos ex naturali complexione, aut cælesti influenza magis esse propensos ad virtutem, quod etiam experientia constat, hoc debet intelligi de virtute purè morali & ordinis naturalis: nam ad supernaturalia natura nullam habet propensionem, sed tantum capacitatem: vnde non est maior dispositio per se ad illa in vno quam in alio, alioquin naturalis dispositio, aut cælestis influenza esset principium conuersionis, quod est error Semipelagianorum.

Ad primum ergo dicendum, quod omnis Dei gratia est efficax vel simpliciter, vel secundum quid, ut dictum est; & hoc tantum volunt Scriptura, Concilia, & Sancti Patres. Ad aliud dicendum, quod gratia efficax simpliciter, cum

faciat facere, sortitur suum effectum: & similiter gratia sufficiens, quia excitat peccatorem, & dat illi vires sufficientes ut conuertatur si velit; quod autem non velit, procedit à sua malitia: datur autem à Deo non solum ut possimus operari, sed ad hoc ut operemur, & gratia talis dat sufficientem virtutem ad operandum; non tamen sequitur operatio, quia liberum arbitrium ei resistit: vnde non satisfat obligationi. Ad aliud dicendum, quod propter eminentiam ordinis supernaturalis, & summam debilitatem naturæ, maximè corruptæ accidit quod liberum arbitrium nunquam facit aliquid ordinis supernaturalis, licet possit: vnde necesse est quod gratia totum faciat dando posse, & actu facere: hæc autem ratio cessat in rebus ordinis naturalis; propterea sufficientia virtutis colligitur ex actu. Huius solutionis habetur instantia, quam omnes debent recipere, nam omnes præciti habent gratiam sufficientem, qua in ultimo vitæ perseverent in gratia sanctificante, si tunc illam habeant, vel ut ad eam perueniant, & tamen nullus eorum in gratia perseverat, aut eam acquirit. Et hoc habetur ex Concilio Arelatenſi III. quod dicit anathema illi, qui dixerit illum qui periit, non accepisse ut saluus esse posset. Hanc doctrinam tradit & mirè explicat Augustinus lib. de Correctione & Gratia cap. 12. dicens, quod ex quo primi hominis voluntas concupiscentiali ægitudine vitiata atque debilitata est, non ei sufficit amplius, neque posteritati eius illud adiutorium cum quo habeat iustitiam si velit; sed opus est alio potentiore quo fiat ut velit, tantoque ardore diligat, ut carnis voluntatem contraria concupiscentem voluntate spiritus vincat: aliàs inter tot tantasque tentationes infirmitate sua voluntas ipsa succumberet; & ideo perseverare non possent, quia deficientes infirmitate nec vellent, aut non ita vellent infirmitate voluntatis ut possent: subuentum est igitur infirmitati voluntatis humanæ, ut diuina gratia indeclinabiliter & insuperabiliter ageretur; & ideo quamvis infirma (per istam concupiscentialem ægitudinem) non tamen deficeret, neque aduersitate aliqua vinceretur. Notandum tamen circa mentem Augustini in tota hac materia, quod intentum eius fuit impugnare Pelagianos & Semipelagianos negantes vulnera naturæ per peccatum originale, ac proinde medicinalem Dei saluatoris gratiam: Vnde concedit ipsis, siue potius admittit (in quo non erat difficultas) quod Adam in statu innocentie cum sola gratia sufficiente habuisset iustitiam si voluisset, quasi tunc talis gratia daret actu agere ob integritatem naturæ: quod tamen negat in statu corruptionis ob naturæ vulnera. Sed in rei veritate semper fuit necessaria gratia efficax ad actu agendum in ordine supernaturali, sicut & præmotio physica efficax in ordine naturali. propter essentialem subordinationem liberi ar-

bitrij creati ad Deum primam & vniuersalissimam causam.

Ad secundum dicendum, quod Calvinus non errauit asserens gratiam esse efficacem, sed errauit dum ex hoc principio intulit nos non cooperari liberè gratiæ efficaci, sed solum motu spontaneo. Ad aliud patet ex dictis, quod cum gratia sufficienti possumus, licet ex malitia nunquam faciamus, nisi detur gratia efficax, quæ malitiam nostram superet & vincat resistantiam. Ad aliud dicendum, quod cum æquali gratia externa, & maximè cum eadem interna nunquam continget, quod vnus conuertatur, & alius non ut infra dicetur; vnde ad instantiam dicendum, quod Christus Dominus repræhendit Iudæos, quia ponebant obicem gratiæ efficaci Dei, quæ visis illis signis cōferretur, & qua conuerterentur; nam propter sua peccata, maximè obstinationem, odium & ingratitudinem erga ipsum Christum, indigni reddebantur tali gratia: quod non erat in Tyriis & Sydoniis, quibus visis illis signis collata fuisset gratia efficax, qua fuissent conuersi, quia in eis non erat tale impedimentum, quale in Iudæis.

Ad tertium dicendum quod tam in sacra Scriptura, quàm in Conciliis, Sanctis Patribus, & antiquis Scholasticis fit sæpe mentio vtriusque gratiæ sufficientis & efficaciæ, ut dictum est: & Concilium Tridentinum sub excitante & adiuvante comprehendit sufficientem & efficacem. Ad aliud dicendum, quod gratia sufficiens non includitur formaliter, at tantum eminenter in efficaci: quia sufficiens ut talis, dat tantum posse ob resistantiam voluntatis, efficax verò non dat tantum posse, sed actu operari: deinde licet essent eadem gratia, adhuc possent diuidi ex parte effectus, sicut operans & cooperans.

DISPUTATIO III.

De concursu Dei in ordine gratiæ cum causis secundis.

DETERMINATA iam necessitate gratiæ, facta eius diuisione, & examinata gratia actuali, qua Deus concurret cum causis secundis ad supernaturalia; statim agendum occurrit de ipso Dei concursu gratuito.

D V B I V M I.

Utrum Deus auxilio gratiæ præuio prædeterminet physicè liberum arbitrium ad agendum.

Supponendum est, duplicem esse prædeterminationem, siue præmotionem, vnā physicā, aliam moralem: Moralē est illa, quæ fit mediis suasionibus quibus humana voluntas interiorius & exteriorius allicitur, & ex parte obiecti inclinatur

inclinatur ad prosequendum propositum bonum tanquam sibi conueniens; hæc non inducit certò & infallibiliter effectum ad quem prædeterminat voluntatem, sed tantum quadam certitudine morali, cui potest subesse falsum; quia vt docent S. Aug. & D. Th. suasio non facit de nolente volentem, cum illa posita possit voluntas in sensu composito non operari, imò operari contrarium. Prædeterminatio physica est illa, qua Deus efficienter facit vt liberum arbitrium se liberè determinet, & cooperetur; vnde se determinat, & à Deo determinatur; & quia actio Dei vt pote causæ primæ, præcedit prioritate naturæ cooperationem liberi arbitrij, ideo dicitur prædeterminari à Deo, nam *ly præ* importat prioritatem. Ex quibus sequitur quòd prædeterminatio physica est simpliciter & absolute talis, habens efficaciam & efficientiam simpliciter loquendo: moralis autem habet tantum efficientiam secundum quid, vnde est tantum prædeterminatio secundum quid.

Prima opinio negat Deum auxilio gratiæ præuio prædeterminare physice liberum arbitrium ad agendum. Ita Molina & eius sequaces. Probatur autoritate sacræ Scripturæ, Ecclesiast. 5. Apposui tibi ignem & aquam, ante hominem vita & mors, bonum & malum; quod placuerit ei dabitur illi: quod repugnat cum prædeterminatione physica. Chrysostomi homil. 12. super Epistolam ad Hebræos: Non antecedit nostras voluntates, ne lædatur liberum arbitrium: & Sanctus Anselmus ait, illud esse necessarium absolute, quod habet necessitatem ex priori: ergo Deus non prædeterminat physice auxilio gratiæ præuio liberum arbitrium ad agendum.

Secundò, Si Deus auxilio gratiæ præuio prædeterminaret physice liberum arbitrium ad agendum, læderet, imò omninò tolleretur eius libertatem, quia tolleretur eius indifferentiam ad vtrumlibet, prædeterminando ad vnam partem, quæ tamen indifferentia est de essentia libertatis: propter hanc enim specialem prædeterminationem Angeli non fuerunt liberi ad peccandum in primo instanti: nec homo fuit liber in statu innocentie peccandi venialiter, priusquam peccasset mortaliter; nec confirmati in gratia habent libertatem ad peccandum: sed de fide est, quod liberum arbitrium agit integra & illæsa sua libertate: ergo Deus non prædeterminat physice liberum arbitrium ad agendum auxilio gratiæ præuio.

Tertiò, Si quid probarent rationes contrariæ, probarent etiam quòd Deus prædeterminaret liberum arbitrium ad peccatum, siue ad entitatem, actum, aut materiale peccati quod idem est, quod videtur impium asserere: à Deo enim summo bono non potest procedere summum malum quod est peccatum: ergo Deus non prædeterminat physice liberum arbitrium ad agendum auxilio gratiæ præuio.

R. P. Philippi Carm. discal. Diss. Theolog. in. 1. 2.

CONCLUSIO.

RESPONDEO dicendum, quòd Deus prædeterminat liberum arbitrium ad agendum opera virtutis, auxilio gratiæ præuio tam moraliter. 2. quàm physice. 3. quod auxilium est influxus immediatus in causam secundam siue liberum arbitrium, & non influxus cum ipsa in actum siue effectum. Ita omnes Discipuli D. Thomæ.

Probatur prima pars conclusionis ex illo Ioannis 6. Nemo potest venire ad me, nisi Pater qui misit me, traxerit eum: quod saltem intelligitur de prædestinatione morali. Quem locum exponens. S. Aug. plura dicit ad nostrum intentum, Et libro. 1. ad Simplicianum q. 2. ait: Cum ergo nos ea delectant quibus proficiamus ad Deum, inspiratur hoc, & præbetur gratia. & infra: Voluntas ipsa nisi aliquid occurrerit, quod delectet atque inuitet animum, moueri nullo modo potest: hoc autè vt occurrat, non est in hominis potestate. Quid volebat Saulus, nisi vt inuaderet & traheret, vinceret & necaret Christianos? Quam rabida voluntas, quam furiosa, quàm cæca: qui tamè vna desuper voce prostratus, occurrente vtiq; tali viso, quo mens illa & voluntas refracta sæuitia retorqueretur, & corrigeretur ad fidem; repente ex Euangelij mirabili persecutore mirabilior prædicator effectus est. Idem dicunt omnes Sancti Patres & Scholastici. Deinde: Datur gratia excitans, præueniens liberum arbitrium, vt supra ex Scriptura, Conciliis, & Sanctis Patribus ostensum est: sed per hanc Deus prædeterminat moraliter liberum arbitrium; siue allicit & mouet moraliter, antequam seipsum moueat, idem enim est. Denique: Liberum arbitrium ad hoc vt operetur, indiget determinari à fine præconcepto, quia nihil volitum, quin præcognitum: sed hoc est ipsum prædeterminari moraliter, cum fiat per modum suasionis & propositionis obiectionis conuenientis: ergo Deus prædeterminat moraliter liberum arbitrium ad agendum opera virtutis, auxilio gratiæ præuio.

Probatur secunda pars conclusionis autoritate Scripturæ: Ad Ephes. 2. dicitur: Ipsius enim sumus factura, creati in Christo Iesu in operibus bonis, quæ præparauit Deus vt in illis ambulemus: sicut igitur creatio non præsupponit subiectum, sed illud ponit; sic Deus non præsupponit consensum nostræ voluntatis, sed illum sua gratia prædeterminando ponit: Prouerbiorum 21. Sicut diuisiones aquarum, ita cor regis in manu Domini, quocunque voluerit verteret illud. Item ex illo, Qui spiritu Dei aguntur, hi sunt filij Dei. & aliis supra citatis, quando agebatur de efficacia gratiæ. Probatur ratione D. Thom. 1. 2. quæst. 80. art. 1. Deus est prima causa actionis causæ secundæ, non solum quantum ad eius substantiam, sed etiam quantum ad omnem eius modum realem, & formalitatem ordinabilem ad ipsummet Deum vltimum finem, quia nihil

OOO 2

effugit

effugit causalitatem Dei, unde etiam est causa eius quantum ad vitalitatem; Ac proinde est causa illius actionis etiam ut exit à causa secunda, hæc enim dependentia & exitus actionis à causa secunda est aliquis modus aut formalitas realis, est enim in ipsa nemine cogitante: sed Deus non potest esse causa actionis causæ secundæ secundum quod exit ab ipsa, nisi faciat quod causa secunda eliciat actu actionem, quod est ipsam prædeterminare physicè ad operandum: ergo Deus prædeterminat physicè liberum arbitrium ad agendum opera virtutis, auxilio gratiæ præuio.

Secundò, Si Deus non prædeterminaret physicè liberum arbitrium ad omnes suas actiones: sequeretur quod liberum arbitrium creatum, esset primum se mouens, & primum se determinans ad suas actiones; quod enim non præmouetur & prædeterminatur ab alio, est primum se mouens, & primum se determinans; & consequenter est primum principium simpliciter suarum actionum: sed hæc sequela non potest admitti, quia essent plura prima principia in ordine operatio, quod est error Manichæorum, & habet specialem repugnantiam in ordine gratiæ: ergo Deus prædeterminat physicè liberum arbitrium ad agendum opera virtutis, auxilio gratiæ præuio. Dupliciter respondent Aduersarij: Primò quod liberum arbitrium non habet esse & potentiam operatiuam ex se; quod tamen est de ratione primi mouentis: Secundò quod liberum arbitrium non potest agere sine concursu simultaneo Dei; quod tamen requiritur ut sit primum se mouens. Sed primam solutionem impugnat D. Thom. in 2. d. 37. q. 2. art. 2. ubi hanc rationem adducit dicens, quod solutio inuoluit contradictoria, quia quod non habet esse à se, ut asseritur de libro arbitrio, non habet actu operari à se, sed ab eo à quo habet esse; quia operari sequitur esse, & modus operandi modum essendi: unde debent omninò proportionari & commensurari: Deinde, Esto hæc solutio vitet liberum arbitrium non esse simpliciter primum ens & primum principium; non tamen vitat esse primum principium suarum actionum. Contra secundam solutionem est, quia Deus non solum operatur ut causa prima, dum solus operatur, sed etiam dum operatur simul cum causa secunda, & maximè respectu actionum vitalium & liberarum, ad quas efficiendas necessariò indiget concursu causæ secundæ, ut communiter docent Scholastici: ergo quod liberum arbitrium non possit agere sine concursu simultaneo Dei, non tolleretur quin esset primum se mouens, si non prædeterminaretur ab alio. Deinde, quia ex eadem radice procedit, quod indigeat concursu simultaneo & præuio, quia tam ipsum, quam eius actio sunt ens secundum dependens à primo.

Tertiò, Quoties ad aliquam actionem requi-

ritur necessariò concursus simultaneus duarum causarum, oportet ut vel vna moueat aliam, vel vtrique ab alia tertia moueatur; aliàs omninò à casu sequeretur illa simultas concursuum, quamuis causæ sint subordinatæ, ut patet: nam non apparet quomodo per se simul præbeant concursum, & est impossibile quod causa prima præuideat futurum concursum secundæ, nisi prædefinatur futurum auxilio efficaci præuio ipsam prædeterminante, ut docet D. Thom. & cum eo eius Discipuli 1. p. q. 19. ergo cum liberum arbitrium, ut pote causa secunda, non possit mouere Deum causam primam, nec alia tertia causa sit excogitabilis quæ vtrumque præmoueat; necesse est quod Deus efficaciter prædeterminet liberum arbitrium ad agendum opera virtutis, auxilio gratiæ præuio. Hoc docet S. M. N. Theresia in expositione Cantici Cantorum, exponens illud. Introducit me in cellam vinariam, ordinauit in me charitatem, ubi inuehitur in Authores contrariæ opinionis.

Probatur tertia pars conclusionis ex Cathedismo Romano, ex decreto Concilij Trident. iussu Pij. V. edito, prima parte de primo Symboli articulo num. 22. ubi ait: Non solum autem Deus vniuersa quæ sunt, prouidentia sua tuetur, atque administrat; verum etiam quæ mouentur & agunt aliquid, intima virtute ad motum atque actionem ita impellit, ut quamuis secundarum causarum efficientiam non impediat, præueniat tamen, cum eius occultissima vis ad singula pertineat, &c. quæ manifestè indicant auxilium Dei præuium esse influxum immediatum in causam secundam. Deinde, Ab eo quod se habet ad vtrumlibet, non sequitur aliqua actio, nisi ab aliquo alio moueatur & inclinetur ad vnum, ut ait D. Th. 1. p. q. 19. art. 3. ad 5. cum non sit maior ratio cur exeat ab ipso hic actus, potius quam alius: sed hæc motio & inclinatio non fit, nisi per influxum physicum immediatum in liberum arbitrium; nam motio moralis, quæ fit per propositionem obiecti, non habet infallibilem efficaciam: ergo auxilium gratiæ præuium est influxus immediatus in liberum arbitrium; maximè quia ut ostensum est, gratia incipit & operatur in nobis & velle, & ipsum operari nostrum.

Ad primum ergo dicendum, quod licet liberum arbitrium prædeterminetur, seipsum tamen etiam determinat; dicitur enim prædeterminari, quia per aliquid præuium in se receptum applicatur, ut se determinet; & ita eligit quod vult. Ad illud Chrysostomi respondet D. Thom. esse intelligendum de antecedentia, quæ sit sine præuio iudicio rationis, ac proinde quæ necessitet liberum arbitrium. Ad illud Anselmi respondet etiam D. Thom. 1. part. quæst. 19. art. 8. ad 3. quod posteriora habent necessitatem à prioribus, secundum modum priorum; unde & ea quæ fiunt à voluntate diuina, talem necessitatem habent,

habent, qualem Deus vult ea habere, scilicet vel absolutam, vel conditionalem tantum.

Ad secundum dicendum, quod est duplex indifferentia aut indeterminatio voluntatis: una purè privatiua, qua suspenditur ab omni actu, & hæc importat imperfectionem & potentialitatem, quam remouet prædeterminatio Dei: alia est, quæ opponitur modo operandi cum determinatione ad vnum, ac proinde sine potentia ad oppositum, & hanc relinquit prædeterminatio Dei, quia respicit utramque partem; vnam ad quam prædeterminat, ut futuram; aliam ut possibilem: prima indifferentia non requiritur ad libertatem, imò opponitur actuali libertati: secunda autem est de intrinseca ratione libertatis. Hoc autem totum efficit prædeterminatio Dei, quia cum sit summè efficax, ut dictum est ex D. Thom. non solum infert actionem, sed etiam modum quo Deus eam vult fieri. Ad instantias adductas dicendum, quod Angelus in primo suæ creationis instanti dirigebatur à Deo speciali prouidentia ne peccaret; quia cum hæc prima actio sit quasi corollarium naturæ Angelicæ ei debitum ad instar proprietatis, erat à Deo etiam ut ab agente particulari; unde si fuisset defectuosa, hic defectus in Deum redundasset. Ad aliam dicendum similiter, quod pertinebat ad specialem Dei prouidentiam, ut ait D. Thom. quod homo in statu iustitiæ originalis non peccaret venialiter, priusquam mortaliter, quia hic defectus repugnat perfectioni naturæ benè ordinatæ; facta autem deordinatione ab ultimo fine per peccatum mortale, etiam fuit deordinata pars inferior à superiori, unde sæpe deficit. Ad aliam dicunt aliqui, quod donum confirmationis in gratia, cum sit quædam participatio gratiæ consummatæ, addit supra gratiam sanctificantem perfectionem intrinsecam auferentem à confirmantis veritatem ad malum, unde non possunt simpliciter peccare mortaliter: alij dicunt quod possunt peccare, sed nunquam peccabunt propter auxilia gratiæ efficacia suo tempore collata, quibus certissimè à peccato liberantur.

Ad tertium dicendum, quod Deus auxilio generali prædeterminat liberum arbitrium ad entitatem, actum, aut materiale peccati materialiter sumptum, ut infra dicetur.

D V B I U M I I.

Utrum Sententia de prædeterminatione physica, maxime in ordine gratiæ, sit S. Augustini & Dini Thomæ.

Supponendum est, hoc dubium seorsim à primo discuti, propter maximam S. Augustini & D. Thomæ auctoritatem, maxime in materia gratiæ, ut testantur, SS. Prosper, Fulgentius, & Hilarius Discipuli S. August. de eodem

Sancto Doctore, & Cælestinus. 1. Epistola ad quosdam Galliæ Episcopos cap. 2. & 3. Sanctus Leo I. ex libris S. Aug. quædam capitula de gratia & libero arbitrio transcripsit de verbo ad verbum, approbavit, definiuit, & misit ad Concilium Arausicanum, ut ibi subscriberentur & reciperentur, quod factum, est: Et tandem Geladius Papa Epistola ad Honorium, postquam multum laudauit doctrinam S. Augustini contra pelagianam hæresim, subiungit; Adhuc maius scelus accrescit, ut sub conspectu & præsentia sacerdotum beatæ memoriæ Hieronymum, atque sanctum Augustinum ecclesiasticorum lumina magistrorum mulca moritura, sicut scriptum est, exterminans oleum suauitatis, lacerare contenderet. Et tandem Ioannes II. epistola ad quosdam Senatores Romanos ait: Sanctus Augustinus, cuius doctrinam secundum prædecessorum meorum statuta, Romana sequitur & seruat Ecclesia: unde meritò malè audit, qui in hac materia de gratia relinquit Augustinum. De auctoritate Sancti Thomæ in Ecclesia nullus dubitat, videantur Nostri Salmanticensis tomo 1. in primam partem in oratione exhortatoria; unde annis præteritis dum sub Clemente VIII. & Paulo V. agitata fuit hæc materia de auxiliis diuinæ gratiæ, Augustin. & Thomas erant lidius lapis ad quem examinabantur omnia.

Prima opinio asserit, Sanctum Augustinum & D. Thomam non admittere præmotionem, & prædeterminationem physicam in ordine gratiæ, sed tantum moralem. Probatur multiplici auctoritate ipsorum. S. Aug. præmotionem Dei reducit ad eius vocationem, excitationem, & suasionem; quæ non sunt quid physicum, sed morale. Et lib. 2. quæst. ad Simplicianum q. 2. sic ait: Illi enim electi, qui congruenter vocati: illi autem qui non congruebant, neque contempebantur vocationi, non electi; quia non secuti, quamuis vocati. & post pauca: Cuius miseretur, sic eum vocat, quomodo scit ei congruere, ut vocantem non respuat. Item libro de Spiritu & Littera cap. 34. Visorum suasionibus agit Deus ut velimus, & ut credamus siue extrinsecus per euangelicas exhortationes, siue intrinsecus, ubi nemo habet in potestate quid ei veniat in mentem, sed consentire vel dissentire propriæ voluntatis est: his ergo modis Deus agit cum anima rationali ut credat. Et explicans efficaciam vocationis libro 2. de peccatorum meritis & remiss. cap. 17. ait: Nolunt homines facere quod iustum est, siue quia latet an iustum sit, siue quia non delectat: tantò enim quidque vehementius volumus, quantò certius quàm bonum sit nouimus, tamque delectamur ardentius: ut autem innotescat quod latebat, & suaue fiat quod non delectabat, gratiæ Dei est, qua hominum adiuuat voluntates: ergo sententia de prædeterminatione physica, maxime in ordine gratiæ non est S. Augustini.

Secundo probatur autoritate D. Thom. qui supra qu. 9. art. 2. ad 3. admittit tantum prædeterminationem voluntatis esse à Deo ad bonum vniuersale, qua posita homo se determinat ad volendum hoc vel illud bonum, adiutus tamen gratia excitante; sic enim ait: Deus mouet voluntatem hominis sicut vniuersalis motor, ad vniuersale obiectum voluntatis quod est bonum, & sine hac vniuersali motione homo non potest aliquid velle: sed homo per rationem determinat se ad volendum hoc vel illud, quod est verè bonum, vel apparens bonum; sed tamen interdum specialiter Deus mouet aliquos ad aliquid determinatè volendum, quod est bonum, sicut in his quos mouet per gratiam. & qu. 10. art. 4. ait: sic Deus mouet voluntatem, quod non ex necessitate ad vnum determinat: ergo non prædeterminat physicè ex doctrina D. Thomæ.

CONCLUSIO.

RESPONDEO dicendum, quod sententia de prædeterminatione physica, maximè in ordine gratiæ, est Sancti Augustini eiusque Discipulorum Sanctorum Patrum Prosperi, Hilarij & Fulgentij. Item D. Thomæ & omnium Thomistarum, vt ipsi sæpe & expressè fatentur.

Probatur conclusio autoritate S. Augustini & eius Discipulorum. Aug. sermone 13. de verbis Apostoli sic ait: Agis & ageris; & tunc benè agis, si ab eo agaris: spiritus enim Dei, qui te agit, agentibus adiutor est. Et libro de gestis Pelagij c. 3. explicans illud Apostoli: Quotquot spiritu Dei aguntur, hi sunt filij Dei, ait: Nam procul dubio plus est agi quàm regi; qui enim regitur, aliquid agit, & à Deo regitur vt rectè agat, qui autem agitur, agere aliquid ipse vix intelligitur; & tamen tantum præstat voluntatibus nostris gratia Saluatoris, vt non dubitet Apostolus dicere, Quotquot spiritu Dei aguntur, hi sunt filij Dei: nec aliquid in nobis libera voluntas melius agere potest, quàm vt illi se agendam commendet, qui malè agere non potest: & hoc cum fecerit, ab illo se vt faceret, adiutam non dubitet, cui dicitur in Psalmo, Misericordia eius præueniet me. Multa similia habet in toto hoc libro. Et de gratia Christi c. 23. ait: Magnum profectò adiutorium diuinæ gratiæ, vt cor nostrum quò voluerit Deus ipse declinet. Idem probant plura eius testimonia adducta dubio 8. præcedentis disputationis: vbi etiam adductum est testimonium expressum S. Prosperi. Fulgentius libro de Incarnatione cap. 29. & Hilarius Epistola missa ad S. Augustinum, quæ habetur in principio libri de Prædestinatione Sanctorum, hoc docent.

Secundò probatur autoritate D. Th. qu. 3. de Potentia art. 7. vbi ait: Deus operatur in natura & in voluntate operantibus, & hoc multipliciter: primò quidem, quia dedit rebus naturalibus virtutes per quas agere possunt: secundò, inquantum conseruat virtutem naturalem in esse:

tertiò, inquantum mouet eam ad agendum; in quo non intelligitur collatio, aut conseruatio virtutis actiue, sed applicatio virtutis ad actionem, sicut homo est causa incisionis cultelli ex hoc ipso quod applicat acumen cultelli ad incidendum mouendo ipsum: & statim subdit rationem: Et quia natura inferior agens non agit, nisi mota; eo quod huiusmodi corpora inferiora sunt alterantia alterata, cælum autè est alterans non alteratum; & tamen non est mouens nisi motum, & hoc non cessat quousque perueniatur ad Deum, sequitur de necessitate quòd Deus sit causa actionis cuiuslibet rei naturalis vt mouens, & applicans virtutem ad agendum. Item. 1. p. q. 2. art. 3. præcedenti discursu probat dari vnum Deum. & q. 105. art. 4. ait: Deus mouet res ad operandum, quasi applicando formas & virtutes rerum ad operandum, sicut artifex applicat securim ad scindendum: vbi *ly quasi*, non est particula diminuens, sed affirmans iuxta illud Ioan. 1. Vidimus gloriam eius, gloriam quasi vnigeniti à Patre. vnde ad 3. absolutè dicit: Applicat res ad agendum. Et hæc sufficiant ex innumeris penè locis, quæ passim in doctrina D. Thom. occurrunt ad hunc intentum: nam aliquando dicit quòd Deus determinet causas secundas ad agendum, aliquando quòd eas mouet, aliquando quòd Deus immutat voluntatem nostram, aliquando quòd imprimendo aliquam virtutem applicat ad agendum, aliquando quòd Deus operatur in nobis, aliquando quòd causæ secundæ mouentur vt instrumenta Dei, aut quid simile: Quod omnes Thomistæ sint huius sententiæ est omnibus manifestum.

Ad primum ergo dicendum, quòd ex his locis solum colligitur, dari prædeterminationem moralem, quod non negatur: non autem quòd non detur prædeterminatio physica, quod asseritur; cum constet ex pluribus aliis locis eiusdem Sancti August. supra citatis: imò ex his in contrarium adductis potest colligi; nam nomine vocationis congruæ potest, imò debet intelligi iuxta mentem August. gratia efficax, nam talis congruitas ex ipso non dependet ex naturali dispositione liberi arbitrij, aut ex aliis circumstantiis putà temporis & loci: sed illam affert secum gratia efficax.

Ad secundum dicendum, quòd ille locus D. Th. benè intellectus non fauet Aduersariis: nam ibi dicit quòd Deus vt vniuersalis motor mouet voluntatem ad eius obiectum vniuersale, scilicet bonum vel beatitudinem in communi, & ad hanc motionem non concurrat voluntas vt potentia libera, sed vt natura, vnde ad illud fertur sponte & necessariò; sicut ad alia quæ ipsi proponuntur vt necessariò cōnexa tali bono, vnde in ordine ad illud omnia alia vult: propterea dicit S. Doctor, quòd sine hac vniuersali motione homo non potest aliquid velle. quando autem subiungit: Sed homo per rationem determinat

minat se ad volendum hoc vel illud, quod est verè bonum, vel apparens bonum; non intelligit quòd sit primum & vnicum se determinans, ut putant Aduersarij; sed tantum quòd se ad hoc liberè determinet, (semper tamen sub prædeterminatione diuina ut se explicat D. Thom. qu. 9. de Malo art. 1. ad 4. vbi sic ait: Cum aliquid mouet seipsum, non excluditur quin ab alio moueatur, à quo habet hoc ipsum quod seipsum mouet: & sic non repugnat libertati, quod Deus est causa actus liberi arbitrij). quod non facit in ordine ad bonum in communi, potius enim determinatur ad illud, quàm se determinet. Nec sequentia verba fauent Aduersariis, scilicet: Sed tamen interdum specialiter Deus mouet aliquos ad aliquid determinatè volendum quod est bonum, sicut in his quos mouet per gratiam: Non enim per hæc verba excludit, quòd Deus moueat omnes ad obiecta & ad actus determinatè, saltem quantum ad entitatem; imò hoc præsupponit, nam si Deus specialiter per gratiam, siue speciali auxilio gratiæ mouet aliquos determinatè ad bonum & ad actus bonos moraliter, sequitur quòd concursu generali moueat omnes ad obiecta determinata & ad suos actus determinatos ut physicè bonos. Deinde *ly determinatè* appellat supra rationem moralem, & non physicam; & ita verum est quòd Deus mouens ad rationem moralem, non mouet determinatè nisi ad bonam, nam ad malum morale non mouetur homo à Deo, sed à seipso. Quòd autem hoc intendat D. Thom. patet: nam respondet obiectioni qua dicebatur, quòd si voluntas moueretur à Deo nunquam moueretur ad malum morale siue peccatum. Ad alium locum dicendum, quòd licet Deus determinet voluntatem ad vnum, hoc tamen non est ex necessitate absoluta, sed tantum ex necessitate consequentiæ & infallibilitatis, compossibili cum libertate; & ita intelligendus est D. Thom.

D V B I U M III.

Utrum Deus prædeterminet liberum arbitrium ad materiale peccati.

Supponendum est ex Nostriſ Salmanticensibus Tractatu de Voluntate Dei disp. 10. dub. 7. quòd ex actibus peccaminosis alij sunt intrinsecè mali, quia ex obiecto sunt tales, & ita prohibiti quia mali, ut actus odij Dei vel mendacij deliberatè exerciti: alij dicuntur extrinsecè mali, quia prohibiti aliqua lege positiua: Inter hos est differentia, quòd primi ita habent annexam malitiam & deformitatem, ut nullo modo etiam de potentia absoluta possint honestari, si deliberatè exerceantur: secundi, quamuis posita lege, & ut exercentur hinc & nunc attentis omnibus circumstantiis ita habeant annexam malitiam, ut non possint non eam asferre, absolutè tamen

seclusa lege positiua possunt honestari. Peccatum autem quodcunque potest considerari tripliciter: Primò quoad suam entitatè physicam, nihil considerando in eo de deformitate, aut ordine quem dicit ad regulas moris: Secundò, quatenus formaliter respicit prædictas regulas, abstrahendo tamen an ille ordo sit conformitatis vel difformitatis ad illas, quia non consideratur secundum suam ultimam rationem, sed secundum quòd est actus moralis ut sic, siue secundum quòd est indiuiduum quasi genericum immediatè contentum sub prædicto actu morali communiter sumpto: Tertiò secundum quòd dicit deformitatem ad regulas moris. Quòd autem debeat admitti hæc triplex consideratio, patet; nam primò actus odij Dei si fiat indeliberatè, habet suam entitatem physicam ut patet, imò eiusdem speciei essentialis & physicae, ac quando fit deliberatè; & tamen tunc non pertinet ad ordinem moralem, sed tantum, ad physicum, quia fundamentum totius malitiæ aut deformitatis moralis est libertas. Quòd etiam actus odij Dei possit considerari ut indiuiduum quasi genericum ordinis moralis, proptèr scilicet importat entitatem physicam ut materiale substratum, & rationes superiores ordinis moris, in indiuiduo tamen, siue ut dicunt actum physicum ex deliberatione procedentem, abstrahendo an sit conformis aut difformis ad regulas morum, patet etiam; nam cuiuslibet generis aut rationis communis est considerare eius indiuiduum vagum abstrahens à rationibus specificis, ut quoddam animal, quædam arbor. Rursus materiale peccati, quod est fundamentum malitiæ, potest dupliciter considerari; vel formaliter & reduplicatiuè, in ratione materialis & fundamenti malitiæ: vel tantum materialiter & specificatiuè, id est quoad id, quod aliàs est materiale & fundamentum malitiæ: Sensus igitur præsentis dubij est, an Deus prædeterminet liberum arbitrium ad materiale peccati materialiter & specificatiuè sumptum, siue ut importat eius entitatem physicam, & illud omne quod malitiam in recto aut in obliquo per se non exprimit.

Prima opinio negat Deum prædeterminare liberum arbitrium ad materiale peccati. Ita tenent omnes, qui negant præmotionem siue prædeterminationem physicam. Probatur multiplici autoritate Scripturæ & Sanctorum Patrum, qui rejiciunt tanquam inapiam hanc propositionem, scilicet quòd Deus moueat nos ad peccandum, unde multò minus nos præmouet: sed specialiter D. Th. hoc rejicit nam 1. 2. q. 80. art. 1. ad 3. sic habet: Deus est vniuersale principium interioris motus humani: sed quòd determinetur ad malum consilium voluntas humana, hoc directè quidem est ex voluntate humana, à diabolo autem per modum persuadentis: ergo Deus non prædeterminat liberum arbitrium ad materiale peccati

peccati physicè, maximè quia omnes negant prædeterminare moraliter.

Secundò, Deus non prædeterminat ad materiale peccati formaliter & reduplicatiuè sumptum, siue vt fundat malitiam; quia conuinceretur eum velle malitiam, quod est impium dicere: ergo nec prædeterminat ad materiale peccati materialiter sumptum; quia est impossibile hæc duo separari: nam in actu odij Dei quod consistit in auersione libera à Deo, non potest considerari talis auersio libera, nisi vt est fundamentum malitiæ; maximè quia materiale peccati vt tale formaliter, importat aliquem modum vel formalitatem realem, quæ debet attribui Deo, si vera sint fundamenta Thomistarum.

Tertio, Liberum arbitrium non poterit non peccare faciendo id ad quod à Deo præmouetur, si Deus præmoueat ad materiale peccati; vnde ne peccet, debet abiicere talem præmotionem, & ab illa se subtrahere; cum tamen sit impium dicere quòd homo debet se subtrahere à ducatu Dei ne peccet, hoc enim est constituere Deum peccati ducem; quod contrariatur summæ Dei bonitati, cui repugnat inclinare ad id ex quo infallibiliter sequitur malitia; & visceribus immensæ eius misericordiæ, qua vult omnes homines saluos fieri, & neminem damnari; ac tandem repugnat iustitiæ, est enim iniustum, quòd iudex puniat reum propter peccatum, ad quod ipse iudex inclinauit: ergo Deus non prædeterminat liberum arbitrium ad materiale peccati.

Quartò. Ex opposita sententia sequuntur multa inconuenientia. Primum, quòd peccator haberet rationabilem excusationem sui peccati, nam posset Deo dicere, feci id ad quod me impulisti efficacissimè. Secundum, quòd Deus esset principalior causa peccati, nam dum homo ex vna parte grauitèr tentatur, ex alia verò cogitat quomodo possit resistere, à Deo efficaciter mouetur ad actum peccaminosum. Tertium, quòd Deus discerneret v.g. odientem Deum à non odiente. Quartum, quòd esset licitum velle actum peccaminosum quantum ad entitatem, quia licitum, imò laudabile est nos velle id, quod Deus vult nos velle. Quintum, quòd induratio peccatoris consisteret in auxilio positiuo. Sextum, quòd Deus in suo decreto positiuo, quo prædefiniuit nos prædeterminare ad entitatem peccati, cognosceret ipsam malitiam peccati, vt pote necessariò annexam tali entitati, nec esset necessarium decretum permissiuum: ergo Deus non prædeterminat liberum arbitrium ad materiale peccati.

CONCLUSIO.

RESPONDEO dicendum, quòd Deus non prædeterminat, aut præmouet physicè liberum arbitrium ad peccatum. 1. nec ad malitiam aut deformitatem, quæ est formale ipsius. 3. nec ad materiale ipsius formaliter & reduplicatiuè

consideratum. 4. sed tantum ad materiale materialiter & specificatiuè, quod consistit in eius entitate secundum se, & non vt substrata malitiæ.

Probatur prima pars conclusionis contra hæreticos autoritate sacræ Scripturæ, Conciliorum, & Sanctorum Patrum. Psalmo 5. dicitur: Non Deus volens iniquitatem tu es. Osee 13. Perditio tua ex te, tantummodo in me auxilium tuum. Item ex illo: Deus odio habet impium & impietatem eius. Habetur in Concilio Arausicano canone 25. aliquos ad malum diuina potestate prædestinatos esse, non solum non credimus; sed etiam si sunt, qui tantum malum credere velint, cum omni detestatione illis anathema dicimus. In Concilio Tridentino sess. 6. de iustificatione canone 6. Si quis dixerit non esse in potestate hominis vias suas malas facere sed mala opera ita, vt bona Deum operari, non permissiue solum, sed etiam propriè & per se, adeò vt sit proprium eius opus non minus proditio Iudæ, quam vocatio Pauli; anathema sit. Infinitæ sunt authoritates Sanctorum Patrum in hac materia, & ratio conuincit: nam peccatum, & eius deformitas siue malitia sunt malum infinitum, offensio Dei, imò destructiuum Dei quantum est ex parte eius, tollit enim ab ipso rationem vltimi finis, cum peccator bonum commutabile assumat pro vltimo fine, auertendo se à Deo bono incommutabili: sed repugnat Deum summè rectum esse authorem tanti mali, sicut esset si prædeterminaret, aut præmoueret physicè liberum arbitrium ad peccatum, aut ad formale ipsius scilicet deformitatem & malitiam: ergo Deus non prædeterminat, aut præmouet physicè liberum arbitrium ad peccatum, aut ad deformitatem & malitiam quæ est formale ipsius: Et ex hoc manet probata secunda pars conclusionis; vnde sequitur non esse concedendum, quòd Deus sit causa peccati, aut mali moralis; aut blasphemix, mendacij, & odij Dei: imò absolute negandæ sunt similes propositiones; sicut & quòd homo indigeat auxilio Dei ad mentendum, quia sunt vel de peccato, vel de malitia quæ est formale & principale in peccato.

Probatur tertia pars conclusionis: Materiale peccati v.g. odij Dei, in esse materialis & fundamenti formaliter & reduplicatiuè sumptum, est intrinsecè malum morale causaliter: ergo non potest directè esse à Deo. Deinde: Agens attingens fundamentum & materiale malitiæ, quatenus & fundamentum & materiale ipsius, ac proinde quatenus est causa eiusdem malitiæ, non potest non attingere sua causalitate eandem malitiam; propterea creatura odio habens Deum non aliter attingit malitiam eius saltem regulariter, nisi quia attingit fundamentum & materiale illius quatenus tale: ergo cum Deus non prædeterminet, aut præmoueat physicè liberum arbitrium ad peccatum, aut ad malitiam quæ est

est formale ipsius; nec etiam poterit prædeterminare, aut præmouere ad materiale ipsius formaliter & reduplicatiuè consideratum.

Probatur quarta pars conclusionis, quam cõmuniter docent Thomistæ, autoritate Scripturæ, & SS. Patrum. Ad Rom. 1. dicitur Deum tradere homines in desideria cordis eorum, & in immunditiã, & in passionem ignominiz vt faciãt ea, quæ non conueniunt. & ibidẽ, inducere corda hominum in malum. Ad Corinth. 4. dicitur: Deum facere nos errare. 2. Regum 16. dicitur: Deum inducere, suscitare, & confortare corda hominum ad bella iniusta. Isaia 19. Dominus miscuit illis spiritum erroris; Et Isaia 63. Qui errare fecisti nos Domine à via tua; indurasti corda nostra vt non timeremus te. Nec possunt hæc explicari de sola permissione Dei: hanc enim solutionem excludit S. Aug. libro 5. contra Iulianum cap. 3. vbi ait: Quæris inaniter quomodo intelligẽdum sit, tradere Deum, &c. multum laborans, vt ostendat eum tradere deferendo: quid est quod dicis, cum desideriis suis traditi dicuntur relictĩ per diuinam patientiam, intelligendi sunt non per potentiam in peccata compulsi, quasi non posuerit hæc duo idem Apostolus, & patientiam & potentiam, vbi ait: Sic autem Deus volens ostendere iram, & demonstrare potentiam suam, attulit in multa patientia vasa iræ, quæ perfecta sunt in perditionem: facit hoc miris & ineffabilibus modis, qui nouit iusta iudicia sua non solum in corporibus hominum, sed & in ipsis cordibus operari. Item libro de Gratia & Libero Arbitrio cap. 21. His, ait, & talibus testimoniis satis quantum existimo, manifestatur operari Deum in cordibus hominum, ad inclinandas eorum voluntates quocũque voluerit, siue ad bona pro sua misericordia, siue ad mala pro meritis eorum, iudicio vtique suo aliquando aperto, aliquando occulto, semper autem iusto: sic vsus est Iuda tradente Christum, sic vsus est Iudæis crucifigentibus Christum, qui & ipso diabolo vtitur pessimo. Id etiam expressè probat D. Thom. multis locis suæ doctrinæ. In 2. d. 37. q. 2. art. 2. per totum confirmat exemplo claudicationis dicens: quod sicut totum quod est de motu in claudicatione, procedit à virtute motiua; defectus autem à sola curuitate tibiz: sic totum quod est de entitate in actu peccaminoso, est à Deo; deformitas autem à solo libero arbitrio deficiente. vnde ait: Quicquid est in actu deficiente scilicet peccato, de ratione actus, & entis, & boni; totum hoc à primo agente scilicet Deo procedit mediante voluntate. & ad 1. Sed Deus actionis illius causa est in qua malum consistit, eo quod influit agenti esse, posse, & agere. & ad 3. Deus dicitur causa bonarum operationum, non solum quantum ad essentiam actus, sed etiam quantum ad perfectionem secundum quam bona dicuntur, vtrumque enim agenti influit, vt agat, & vt benè agat:

R. P. Philippi Carm. discal. Diss. Theolog. in 1. 2.

sed in malis actionibus, quamuis sit causa earum quantum ad essentiam, non tamen est causa quantum ad defectum. & ad 5. ait: Dicendum quod sicut actio, quæ peccati deformitatem habet, dicitur bona in quantum est actio bonitatis naturæ, non propterea quod aliquando inueniatur separata à deformitate; sed quia bonitas illa naturæ deformitati substat: ita etiam Deus dicitur causa illius actionis in quantum est actio, & non in quantum est deformis hoc modo, quod actionem non faciat à deformitate separatam; sed quia in actione deformitati coniuncta, hoc quod est actionis faciat; & quod deformitatis, non facit: etsi enim in aliquo effectu plura inseparabiliter coniuncta sint, non oportet vt quicquid est causa eius quantum ad vnum, sit etiam causa eius quantum ad alterum. Idem docet q. de Malo art. 2. præcipuè ad 4. & pluribus aliis locis.

Secundò, Omnipotentia Dei, vt pote vniuersalissima causa physica, debet extendi sua causalitate tanquam ad obiectum per se materiale, ad omnem entitatem physicam, imò ad omnem modum & formalitatem pertinentem ad hanc lineam; & modo conuenienti primæ causæ, scilicet præcipuè concurrente, quia ad omne id extenditur omnipotentia Dei per suam causalitatem, quod est ordinabile in diuinam bonitatem tanquam in vltimum finem, ex eo quod primum & vniuersalissimum efficiens, quale est diuina potentia, debet per se terminari ad ea quæ cadunt sub primo nobilitate seu vltimo & vniuersalissimo fine, nempe diuina bonitate, vt ita causa efficiens & finalis habeant debitam proportionem: constat autem quod omne illud quod pertinet ad lineam physicam, est ordinabile ad diuinam bonitatem, & consequenter procedit ab omnipotentia diuina vt à prima causa præuiè concurrente: ergo cum materiale peccati materialiter tantum consideratum, pertineat ad lineam physicam (est enim actus & entitas) procedit à Deo vt à prima causa præuiè concurrente; quod est liberum arbitrium prædeterminari à Deo ad materiale peccati materialiter consideratum: maximè quia liberum arbitrium dum peccat, licet deficiat in genere moris, efficit tamen in genere physico; & ita ad hanc efficientiam indiget concursu præuiò primæ causæ: quia hic actus v. g. odij Dei quamuis physicè consideratus sit auersio physica à Deo vt obiecto, quia est actus fugæ respectu illius, est tamen conuersio physica ad ipsum vt vltimum finem.

Tertiò, Si quæ esset ratio quæ suaderet, Deum non prædeterminare liberum arbitrium ad materiale peccati materialiter consideratum, esset quia huic est annexa inseparabiliter malitia & deformitas peccati; hoc enim est præcipuum fundamentum Aduersariorum: sed hæc ratio nulla est, & potiori iure tenentur ipsi respondere

P P P

Aduer

Aduersarij : nam ratio veri est inseparabilis à ratione boni , & tamen intellectus attingit tantum rationem veri, & voluntas tantum rationem boni : ergo cum sola entitas physica in actu peccaminoso sit attingibilis à causalitate Dei , sola hæc ab ipso attingetur , etsi coniuncta sit cum malitia , vt expresse docet D. Thom. supra citatus. Deinde claudicatio quantum ad actualitatem motus procedit à virtute progressiua , à qua tamen non procedit defectus claudicationis, quamuis inseparabilis realiter ab actualitate motus, hic enim defectus procedit à sola tibia curua. Denique ex Aduersariis Deus concurrit simultaneè ad materiale peccati materialiter consideratum (hoc enim docent omnes Scholastici contra Durandum) non obstante quòd sit inseparabiliter annexum cum malitia : ergo etiam concurrit præuiè cum libero arbitrio, siue illud prædeterminat ; si enim Aduersarij dicunt , & secundum fidem dicere tenentur , quòd Deus tali concursu simultaneo attingens immediatè entitatem actus peccaminosi, non attingit ipsam deformitatem quamuis annexam, quia hæc coniunctio non est essentialis & intrinseca , siue ex meritis ipsius entitatis, sed prouenit ab extrinseca voluntate deficiente, quare non admittent, quòd Deus concursu præuiò mediatè attingit illà entitatem, non attingendo malitiam ob rationem dictam : concursus enim præuius non est influxus immediatus in actum, sed in potentiā, & mediatuò mediante potentia in actum : est enim difficilius conceptu , quòd influxus immediatus in actum attingat entitatem eius & non malitiam , quā quòd hoc faciat influxus mediatuò in actum ; non enim illum attingit nisi medio alio , à quo præcisè potest procedere hic defectus malitiæ. Prædictæ autoritates , & rationes etiam probant Deum prædeterminare liberum arbitrium ad materiale peccati materialiter consideratum, non solum quantum ad omnes rationes physicas tam superiores quàm specificam in eo inuentas, sed etiam quantum ad omnes rationes superiores pertinentes ad regulas morum ; non autem quantum ad ultimam & specificam , scilicet deformitatem ad easdem regulas.

A d primum ergo dicendum , quòd Deus nec mouet , nec præmouet ad peccatum vt dictum est ; imò hoc vt impium reiciendum est contra Caluinum , qui Deum dicebat causam peccati , saltem indirectè & ex consequenti, quod damnat Concilium Tridentinum : non autem damnat , dicentes quòd Deus præmouet ad materiale peccati materialiter consideratum. Ad aliud dicendum , quòd ad malum consilium vt sic formaliter , non concurrit Deus : sed hæc determinatio est effectiue ab humana voluntate deficiente, & à diabolo suadente ; & sic intelligit D. Thom. non autem negat quin Deus prædeterminet voluntatem humanam ad materiale ipsius.

A d secundum dicendum , quòd aliud est materiale peccati formaliter & reduplicatiue sumptum , & aliud ipsum materiale tantum & specificatiue sumptum vt dictum est : vnde ad hoc prædeterminat Deus , & non ad illud, licet non possint separari ab actu vt liberè elicitò à voluntate deficiente ; sunt tamen duæ rationes distinctæ : vnde auersio physica à Deo vt obiecto , quam importat actus odij Dei , est aliquod bonum ordinis naturæ & physici , & causatur à Deo : auersio autem moralis à Deo vt ultimo fine , est deformitas & malitia illius actus, causata à solo libero arbitrio deficiente. Materiale autem peccati formaliter & reduplicatiue non importat aliquem modum aut formalitatem realem supra seipsum materialiter consideratum, sed tantum connotat aliquod priuatiuum vt sibi coniunctum , scilicet deformitatem quæ non est aliquid reale, quamuis sit realiter & à parte rei, sicut aliæ priuationes.

A d tertium dicendum , quòd homo infallibiliter peccabit , sequendo præmotionem Dei ad materiale peccati ; non ex vi præmotionis, quasi non sit ad bonum, sed ex sua malitia : vnde debet illam abjicere & non sequi , vt potest ; talem enim dat Deus vt resisti ei possit : in aliis verò dum præmouetur ad bonum morale, debet sequi ductum Dei : nec ex his sequitur, Deum esse duocem peccati : nec repugnat bonitati diuinæ inclinare ad materiale peccati materialiter sumptum, nec eius misericordiæ ; imò aliquando procedit ex summa eius misericordia, cum ex malo & peccato multa eliciat bona ad vtilitatem nostram , & gloriam suam : & iuste punit peccatorem , quia deficit exequendo præmotionem : Quamuis autem possit Deus præmouere physicè ad materiale peccati , non tamen moraliter ; quia præmotio physica & agens physicum debent tantum attendere ad lineam physicam, & ad ea quæ sunt huius lineæ , scilicet ad rationem entis physici per participationem ; cui per accidens & ratione alterius contingit deformitas moralis : cæterum motio moralis, & agens morale vt sic per modum consulentis, præcipientis, aut lege positiua permittentis, debent in suo consilio, præcepto, aut permissione attendere ad omnia quæ infallibiliter sequuntur ad actionem illam quomodocunque & ita omnis defectus moralis ei imputatur, non autem agenti physico : maximè quia Deus tenetur , vt pote prima & vniuersalissima causa, præmouere physicè ad materiale peccati non autem moraliter.

A d quartum dicendum , quòd assignata inconuenientia non sequuntur. Non primum, quia Deus præmouet solum ad entitatem & actualitatem quæ secundum se & vt causatur à Deo, est bona bonitate naturæ & physica, redditur autem defectuosa defectu morali à voluntate deficiente. Nec secundum, quia talis præmotio debet

debet indispensabiliter causari à Deo primo ente & primo libero, cui tamen peccator potest resistere adiutus gratia sufficienti, quam Deus dat omnibus; unde quia liberè & defectuosè illam exequitur, peccat, & non Deus. Nec tertium, quia solum probat Deum discernere odientem Deum à non odiente, quantum ad totum quod est de entitate in illo actu, non autem quantum ad malitiam, quod est verissimum. Nec quartum, quia cum actus peccaminosus non possit elici à nobis, nisi deficiendo, non possumus sine peccato velle eius materiale consideratum saltem practicè & efficiendo: nec semper est licitum & laudabile velle, quod Deus vult nos velle voluntate præcisè orta ex generali ratione primæ causæ: benè tamen voluntate signi, consilij, aut præcepti, aut legis permissuæ. Nec quintum, quia induratio peccatoris non procedit à Deo per hoc quòd præmoueat ipsum ad actum peccaminosum, sed per hoc quòd denegat ei iusto iudicio auxilia gratiæ efficacia, quibus resistat tentationibus, & bene operetur. Nec tandem sextum, quia cum ex Aug. nihil fiat nisi Deo volente aut permittente, ex vi decreti positiui Deus solum videt entitatem futuram actus peccaminosi; in permissiuo autem ipsum defectum: permissiuum autem præcedit prioritate à quo positiuum, prius enim Deus decreuit permittere quòd Petrus cadat, deinde decernit concurrere positiuè ad entitatem actus, quod sibi conuenit indispensabiliter in quantum primæ causæ.

D V B I U M IV.

Utrum facienti quod in se est Deus infallibiliter det gratiam.

Prima opinio, sed Hæretica, fuit Semipelagianorum, Facienti quod in se est ex solis viribus naturæ, Deum non denegare gratiam; unde consequenter asseriebant primam gratiam vocationis dari à Deo, propter naturalem conatum liberi arbitrij desiderantis & petentis animæ salutem: unde erat axioma apud illos, Labori & obedientiæ humanæ subiungit Deus gratiam adiuuantem. Probatum auctoritate sacre Scripturæ. Zachar. 1. Conuer timini ad me, & ego conuertar ad vos. Matthæi 7. Deus dat spiritum bonum petentibus se. Prouerb. 16. Hominis est præparare animum. Lucæ. 10. Petite & dabitur vobis quærite & inuenietis, pulsate & aperietur vobis: Deinde, Nisi Deus daret gratiam facienti quod in se est ex viribus naturæ, sequeretur quòd Deus esset acceptor personarum: ergo opera bona facta ex solis viribus naturæ sunt materia primæ gratiæ.

Secunda opinio Molinæ 1. p. q. 14. art. 13. disp. 10. & sequacium, asserit quòd si quis faciat, aut conetur facere quod in se est ex solis

viribus naturæ, Deus infallibiliter dabit gratiam: non quia illa opera mereantur gratiam, ut volebant Semipelagiani, sed ex Dei misericordia, qua statuit legem, promissionem, vel pactum pepigit cum Christo, quòd propter ipsius merita concedet gratiam omnibus adultis facientibus quod in se est, etiam ex solis viribus naturæ. Probatum auctoritate sacre Scripturæ, & Sanctorum Patrum. Apocal. 3. Ego sto ad ostium & pulso, si quis audierit vocem meam, & aperuerit mihi ianuam, introibo ad illum, & cœnabo cum illo, & ipse mecum. Ioan. 1. Dedit illis potestatem filios Dei fieri. Ecclesiastici 15. Ante hominem vita & mors, bonum & malum, quod placuerit ei, dabitur illi. Aug. 19. de Ciuitate Dei. cap. 13. ait: Deus dedit hominibus quædam bona huic vitæ congrua, &c. eo pacto æquissimo, ut quicumque mortalis talibus bonis rectè vsus fuerit accipiat ampliora atque meliora, ipsam scilicet immortalitatis pacem, atque conuenientem gloriam, & bonorum in vita æterna ad fruendum Deo & proximo in Deo: qui autem perperam id est iniuste, nec illa accipiat & hæc amittat. D. Thom. q. 14. de Veritate art. 11. ad 1. Siquis in siluis enutritus ductum naturalis rationis sequeretur in appetitu boni, & fuga mali, certissime est tenendum, quòd ei Deus vel per internam inspirationem reuelaret ea quæ sunt ad credendum necessaria, vel aliquem fidei prædicatorem ad eum dirigeret, sicut misit Petrum ad Cornelium Act. 10. Ibidem ad 2. Quamuis non sit in potestate nostra cognoscere ea quæ sunt fidei ex nobis ipsis, tamen si nos fecerimus quod in nobis est, ut scilicet ductum naturalis rationis sequamur, Deus non deficiet nobis in eo quod nobis est necessarium. Idem docet q. 24. art. 1. ad 2. & 3. contra Gentes cap. 149. Deus quantum in se est, paratus est omnibus gratiam dare, sed illi soli gratia priuantur, qui in seipsis gratiæ impedimentum præstant.

Tertiò, Nisi adsit talis lex aut pactum, sequitur quòd aliquis benè viuens moraliter, necessario damnatur; quia sine gratia non potest saluari & tamen nisi adsit illa lex, quamuis benè uiuat ex viribus naturæ, non dabitur illi gratia: constat autem quòd nullus est, qui non possit saluari, cum Deus velit omnes homines saluos fieri, ut ait Apostolus. Deinde, Sequitur quòd quis inculpabiliter potest carere gratia: nam facienti quod in se est, ei denegatur; nemo autem ad impossibile tenetur. Denique sequitur, quòd possit dari peccatum veniale cum solo originali: nam si puer perueniens ad vsum rationis eligat benè viuere, satisfacit præcepto de se conuertendo ad Deum virtualiter, qua conuersione non iustificatur, quia intuitu eius non dabitur gratia necessaria ad iustificationem: nec etiam peccat, quia facit totum quod in se est; unde remanet solum peccatum originale, & postea poterit committi veniale, quod est contra

D. Thom. ergo est illa lex aut pactum, quod facienti quod in se est ex solis viribus naturæ, dabitur infallibiliter gratia.

CONCLUSIO.

RESPONDEO dicendum, quod facienti quod in se est ex solis viribus naturæ, non datur gratia, quia illa opera non sunt meritoria eius. 1. nec est lex aut pactum illam dandi. 3. bene tamen facienti quod in se est ex prioribus gratiæ auxiliis dantur vltiora auxilia. 4. imò & gratia sanctificans. Ita omnes Discipuli D. Thomæ.

Probatur prima pars conclusionis autoritate sacræ Scripturæ, Conciliorum, & Sanctorum Patrum, qui vocationem nostram, imò quodcunque initium iustificationis referunt ad misericordiam Dei; quod non esset, si Deus intuitu operum naturalium tanquam meritorum conferret gratiam. Thren. 5. Conuertere nos Domine ad te, & conuertermur. 2. ad Timoth. 1. Vocauit vocatione sua sancta, non secundum opera nostra. Ad Rom. 10. Inuentus sum à non querentibus me, palam apparui iis qui me non interrogabant. & cap. 9. Non est volentis, neque currentis, sed Dei miserentis: ergo cuius vult miseretur; & quem vult, indurat. Concilium Arausicanum canone 6. Si quis sine gratia Dei credentibus, volentibus, desiderantibus, conantibus, & laborantibus, vigilantibus, studentibus, petentibus, querentibus, & pulsantibus nobis misericordiam dicit conferri diuinitus; non autem ut credamus, velimus, vel hæc omnia sicut oportet agere valeamus, per infusionem & inspirationem sancti Spiritus in nobis fieri confiteretur, & aut humilitati, aut obedientiæ humanæ subiungit gratiæ adiutorium, &c. resistit Apostolo dicenti: Quid habes, quod non accepisti 1. Cor. 4. & gratia Dei sum id quod sum. Sancti Patres sunt perpetui in hac veritate. Aug. passim in suis scriptis libro 1. contra duas epistolas Pelagianor. cap. 8. ait: Si enim sine Dei gratia per nos incidit cupiditas boni, ipsum ceptum erit meritum, cui tanquam ex debito gratiæ veniat adiutorium; ac sic gratia Dei non gratis donabitur, sed meritum nostrum dabitur. S. Prosper contra Collatorem idem docet. & D. Thom. multis locis suæ doctrinæ ut 1. 2. q. 112. art. 3. Item 3. contra Gentes cap. 149. Huius ratio duplex est. Prima: Si gratia daretur intuitu operis nostri facti ex solis viribus liberi arbitrij, tanquam meritorij illius, ut optimè argumentantur D. Paulus & S. August. gratia non esset gratia; quod enim datur ut præmium, non est gratia, nam gratia sic vocatur, quia datur gratis: vnde sola prima gratia habitualis, & omnia auxilia illam præcedentia & subsequenta propriè dicuntur gratia, quia non cadunt sub merito: gloria verò dicitur corona iustitiæ, sicut & aliquo modo augmentum gratiæ. Secunda est: quia in ordine naturæ solum computantur bona indoles, bonum ingenium, aliqua bona opera facilia,

quæ sunt multò inferioris ordinis respectu ordinis gratiæ siue supernaturalis ordinis, ac proinde non possunt esse meritoria illius.

Probatur secunda pars conclusionis ex illo ad Rom. 9. Cum nondum nati fuissent, aut aliquid boni egissent aut mali, non ex operibus, sed ex vocante dictum est, Iacob dilexi, Esau autem odio habui. Ad Rom. 11. Quis prior dedit illi, & retribuetur ei: & pluribus aliis locis, quibus manifestè indicatur, concedi nobis auxilia diuinæ gratiæ ex pura Dei misericordia, sine vllò intuitu ad bona opera naturalia. Nec loca adducta ab Aduersariis conuincunt dari talem legem aut pactum. Item patet ex illo. S. Prosperi lib. 1. de Vocatione Gentium cap. 9. Manet prorsus, & quotidie impletur quod Abraham Dominus sine conditione promisit, sine lege donauit. Deinde, Lex & pactum inducunt iusticiam saltem imperfectam, ut infra dicitur de merito; propterea vita æterna dicitur corona iustitiæ: ergo si Deus ex pacto aliquo aut lege daret gratiam facienti quod in se est ex viribus naturæ, iam gratia non esset gratia, sed præmium. Denique, Ex viribus naturæ non possunt etiam ex Aduersariis, fieri nisi aliqua facilia & rara bona opera, quorum intuitu etiam tanquam ex conditione non debet dari gratia v.g. vocationis; alioquin omnibus daretur, vix enim inuenitur vnus homo quamuis pessimus, qui aliquod bonum opus aliquando non faciat; experimur tamen, quod multi non vocantur, &c.

Probatur tertia pars conclusionis: tum communi consensu Theologorum admittentium hoc axioma: tum autoritate & ratione D. Th. quæst. 112. art. 3. vbi sic ait: Præparatio ad gratiam potest dupliciter considerari. Vno quidem modo secundum quod est à libero arbitrio; & secundum hoc nullam necessitatem habet ad gratiæ consequutionem, quia donum gratiæ excedit omnem præparationem virtutis humanæ. Alio modo potest considerari secundum quod est à Deo mouente, & tunc habet necessitatem ad id, ad quod ordinatur à Deo; non quidem coactionis, sed infallibilitatis, quia intentio Dei deficere non potest, secundum quod August. dicit in libro de Prædestinatione Sanctorum, quod per beneficia Dei certissimè liberantur, quicunque liberantur: vnde si ex intentione Dei mouentis est, quod homo cuius cor mouet, gratiam consequatur, infallibiliter ipsam consequitur, secundum illud Ioan. 6. Omnis qui audit à Patre & didicit, venit ad me.

Probatur & explicatur quarta pars conclusionis (in qua intendimus quod si Deus efficacibus auxiliis suæ diuinæ gratiæ disponat aliquè ad iustificationem, posita dispositione vltima, quæ infallibiliter ponenda est, scilicet actu contritionis & charitatis; cum integritate Dei deficere non possit, subsequetur gratia sanctificans ex natura rei): autoritate Concilij Tridentini Sess.

Sess. 6. de Iustificatione cap. 7. vbi ait: Hanc dispositionem seu præparationem (cap. præcedenti descriptam, quæ est per actum contritionis & charitatis) iustificatio ipsa consequitur quæ non est sola peccatorum remissio, sed & sanctificatio & renouatio interioris hominis, per voluntariam susceptionem gratiæ & donorum; vnde homo ex iniusto fit iustus, & ex inimico amicus, vt sit hæres secundum spem vitæ æternæ. Deinde autoritate D. Th. 1. 2. qu. 113. art. 8. ad 2. vbi ait: Dispositio subiecti præcedit susceptionem formæ ordine naturæ, sequitur tamen actionem agentis, per quam etiam ipsum subiectum disponitur; & ideo motus liberi arbitrij naturæ ordine præcedit consequutionem gratiæ, sequitur autem gratiæ infusionem: Quod etiam habetur ex illo Pauli ad Rom. 4. Ei qui non operatur, credenti autem in eum qui iustificat impium, fides (scilicet formata per charitatem) reputatur ad iustitiam secundum propositum gratiæ Dei. Denique, Vltima dispositio ad gratiam simul & semel est cum gratia, ob proportionem naturalem quam habet actus contritionis & charitatis, qui est vltima dispositio, cum ipsa gratia: vnde est meritorius vitæ æternæ ex D. Th. 1. 2. qu. 112. art. 2. ad 1. vt continuatus post infusionem gratiæ: ergo cum facienti quod in se est ex prioribus auxiliis efficacibus diuinæ gratiæ concedatur vltima dispositio ad iustificationem, etiam ex natura rei consequitur gratia sanctificans: gratia autem sanctificans consequitur actum contritionis, vt forma vltimam dispositionem, non autem vt merces meritum, iuxta illud Concilij Trident. Sess. 6. cap. 8. Gratis iustificari ideo dicimur; quia nihil eorum quæ iustificationem præcedunt, siue fides, siue opera, ipsam iustificationis gratiam promeretur; si enim gratia est, iam non ex operibus; alioquin vt idem Apostolus inquit, gratia iam non est gratia.

A d primum ergo dicendum, quod nostra conuersio in Deum, petitio spiritus boni, præparatio animi, inquisitio, pulsatio, & similes præparationes ad gratiam etiam remotæ, fiunt ex auxiliis efficacibus præuenientis gratiæ: vnde non mirum si intuitu ipsorum dentur vltiora auxilia, & gratia sanctificans. Ad aliud dicendum, quod in gratuitis non est acceptio personarum repræhensibilis, fit enim gratia ei cui dantur, nulla verò fit iniuria eis quibus negantur; sed tantum in debitis potest esse acceptio personarum repræhensibilis: constat autem quod gratia est quid gratuitum.

A d secundum dicendum, quod auditio vocis Dei ita vt ei obediamus, apertio ianuarum cordis, regeneratio in filios Dei per gratiam sanctificantem, electio vitæ & boni spiritualis fiunt ex auxiliis efficacibus præuenientis diuinæ gratiæ, & non ex solis viribus liberi arbitrij. Ad locum. S. Aug. dicendum, quod loquitur de recto

vsu temporalium, non quidem habito ex solis naturæ viribus, sed ex efficacibus auxiliis diuinæ gratiæ: certum est enim quod homo iustus benè vtens temporalibus meretur de condigno vitam æternam. Et similiter dicendum ad D. Thom. quod ipse intelligit de illo qui sequeretur ductum rationis in appetitu boni & fuga mali, ex auxiliis diuinæ gratiæ, est enim impossibile vt dictum est supra, quod aliquis sine gratia operetur, vel appetat bonum honestum arduum, aut fugiat malum morale si vrgeat tentatio, aut etiam quod diu appetat bonum morale facile, & fugiat malum: constat autem quod D. Thom. loquitur de illo qui diu, imò ordinariè sequeretur ductum rationis in appetitu boni & fuga mali: vnde 1. 2. q. 89. art. 6. ait: quod si puer perueniens ad vsum rationis seipsum ordinaverit ad debitum finem per gratiam, consequetur remissionem originalis peccati. Deus autem dicitur à D. Thom. paratus quantum est in se, omnibus gratiam dare, quia omnibus dat quando & vbi oportet auxilia gratiæ, quibus sufficientibus ad operandum bonum vel fugiendum malum, aliqui resistunt, vnde ponunt impedimentum gratiæ sanctificantis: aliis benè operantibus, & gratiam sanctificantem consequentibus ex auxiliis efficacibus diuinæ gratiæ.

A d tertium dicendum, quod est impossibile, quod aliquis benè viuat moraliter sine auxiliis diuinæ gratiæ, vt constat ex dictis de necessitate gratiæ, vnde est casus impossibilis, quod aliquis benè viuat ex solis naturæ viribus: sicut & quod aliquis inculpabiliter careat gratia habituali & actuali: habituali quidem, quia quilibet potest illam consequi ex auxiliis diuinæ gratiæ, quæ saltem sufficientia nulli Deus denegat quando & vbi sunt necessaria: actuali etiam, quia Deus illam saltem sufficientem omnibus dat. Ad aliud dicendum, quod illa conuersio in Deum vltimum finem naturalem, siue in bonum honestum, cum sit ardua (constat enim quod sit arduum eligere viuere moraliter benè) non habetur ex solis viribus naturæ, sed ex auxilio diuinæ gratiæ, ac proinde puer in instanti vsus rationis illi correspondens consequitur vltiora auxilia supernaturalia, quibus conuertitur in Deum vltimum finem supernaturalem; & ita iustificatur, quia Dei perfectæ sunt opera: vnde etiam ille casus est impossibilis, quod scilicet sit peccatum originale cum solo veniali, de potentia ordinaria.

D V B I U M V.

Utrum Deus concurrat etiam simultaneè cum causis secundis ad actus supernaturales.

S Vpponendum est, omnia creata dependere à Deo, tam in esse, quam in operari: in esse quidem, quia fuerunt à Deo creata secundum

fidem ex illo Ioannis 10. Omnia per ipsum facta sunt: Apocal. 4. Quia tu creasti omnia, & propter voluntatem tuam erant, & creata sunt: Cuius ratio est manifesta, quia omnia alia à Deo sunt entia per participationem; quod colligitur ex limitata eorum perfectione; proinde ad aliud debent reduci tanquam ad principium effectuum sui secundum totum quod habent, ac ita per creationem reducuntur ad ipsum Deum, qui est ens per essentiam, quia est ipsum esse per se subsistens, continens omnem modum & perfectionem essendi. Deinde, quia ab ipso conseruantur continuo influxu, siue continuata creatione (conseruatio enim est continuata creatio), vt etiam constat ex Scriptura: Sap. 11. Quomodo autem posset aliquid permanere, nisi tu voluisses; aut quod à te vocatum non esset, conseruaretur: Vnde sicut lux aëris dependet in fieri & conseruari à sole continuo illuminante, illoque recedente perit: sic quodlibet esse creatum dependet à Deo continuo influente, & si desineret influere, statim ad nihilum rediret, vnde eductum est. In operari etiam; tum quia Deus communicat creaturis potentias operatiuas, easque conseruat: tum quia eas applicat ad operandum, vt dictum est: ex quo sequitur, Deum esse primam causam simpliciter, alia verò omnia agentia esse causas secundas, Causa prima est vniuersalissima, cuius causalitas ad omnia se extendit, agit absque vlla sui mutatione, nec vllum ex necessitate supponit subiectum; quæ conditiones non conueniunt causis secundis.

Prima opinio Durandi in 2. d. 1. quæst. 5. & d. 37. quæst. 2. negat Deum concurrere simultaneè cum causis secundis: dicit tamen omnia pendere à Deo in agendo, siue in suis actionibus, quia ab ipso producta sunt, acceperunt ab ipso virtutes operatiuas, & conseruantur. Probat: Causa principalis attingit suum effectum propria virtute; per hoc enim distinguitur à causa instrumentali, quæ agit in virtute alterius: sed inter causas secundas multæ sunt principales, vt patet & communiter conceditur: ergo propria virtute attingunt suos effectus, & ita non indigent concursu primæ causæ.

Secundò, Non est necessarius concursus duorum agentium ad eundem effectum, nisi vtrumque sit partiale, vel alterum ita imperfectum, vt non possit agere nisi alterius ope fulciatur: sed Deus non potest esse agens partiale, nec creatura cum totus effectus ab illa procedat, & inter causas secundas multæ sunt æqualis, & aliæ maioris perfectionis quàm effectus: ergo in sua operatione non indigent concursu Dei simultaneo.

Tertiò, Si Deus concurrat cum causis secundis, vel hoc facit vna & eadem actione, vel actione distincta. Non primum, quia plura non agunt per eandem actionem, nisi habeant eandem vim operandi, quod non accidit in prima

& secunda causa. Nec secundum, quia actiones non distinguuntur nisi per terminos, idem autem esset terminus vt patet: Deinde, Actio Dei cum sit independens, esset prior actione causæ secundæ, & sic produceret totum effectum, & nihil relinqueret producendum secundæ: ergo Deus non concurrat simultaneè cum causis secundis, iuxta illud Ecclesiæ. Reliquit hominum in manu consilij sui.

CONCLUSIO.

RESPONDEO dicendum, quòd Deus concurrat simultaneè cum causis secundis: ita vt quælibet causa secunda constituta in actu primo per suas virtutes actiuas non possit agere sine concursu Dei simultaneo. 2. qui concursus in ordine ad actionem, est ipsa præmotio perseverans dum fit actio. 3. in ordine verò ad effectum causæ secundæ, est ipsa eadem actio causæ secundæ vt est à Deo. Ita omnes Discipuli D. Thomæ.

Probat: prima pars conclusionis autoritate sacræ Scripturæ. Isaia 26. Omnia enim opera nostra operatus es in nobis Domine. Ioan. 15. Sine me nihil potestis facere. Idem docent communiter Sancti Patres. Deinde, Omne ens per participationem dependet essentialiter ab ente per essentiam tanquam à causa, ex hoc enim fundamento colligitur vnum tantum esse Deum: sed Deus absolute & secluso quocunque respectu ad causas secundas interpositas in causando, est ens per essentiam, actiones verò cuiuscunque creaturæ sunt immediatè entia per participationem, secluso quocunque respectu ad causas secundas: ergo per seipsas & omnino immediatè dependent à Deo, tanquam ab actuali causa, & ita Deus concurrat simultaneè cum causis secundis. Denique, Omnis perfectio possibilis, & eminètia supra creaturas debet Deo attribui: sed est possibilis ista perfectio & eminentia supra creaturas, quòd ipsæ à Deo dependant immediatè non solum in esse, sed etiam in operari, quæ immediata dependentia in operari non potest intelligi sine conuersu Dei simultaneo, illo enim sublato potest tantum intelligi mediata dependentia ob communicatam virtutem operatiuam: ergo Deus concurrat simultaneè cum causis secundis; quod colligitur etiam à posteriori si enim Deus immediatè conseruat actiones causarum secundarum, etiam immediate eas producit.

Probat & explicatur secunda, & tertia pars conclusionis: Causa secunda concurrat ad suam actionem immediatè, non per aliam actionem, quia alias daretur processus in infinitum; sed per suam potentiam: ad suum verò effectum concurrat per suam actionem: ergo cum Deus indiuisibiliter concurrat cum causa secunda, concurrat ad eius actionem per præmotionem perseverantem in eius potentia, per ipsam applicata ad agendum, dum fit actio; ad effectum

effectum verò concurrat per eandem actionem causæ secundæ, ut est à Deo.

A D primum ergo dicendum, quòd si maior sic intelligatur, ut causa principalis sit tantum illa, quæ ita operatur propria virtute, ut non indigeat ope & concursu causæ alterius ordinis, est falsa; hæc enim definitio sic intellecta non convenit causæ secundæ principali, sed tantum primæ: si verò sit sensus, quòd ita operatur virtute propria, ut non dependeat in tali virtute ab alia causa particulari eiusdem ordinis, quasi transeunter ipsi communicetur, est vera.

A D secundum dicendum, quòd maior est vera in causis eiusdem ordinis & non subordinatis; non verò in causis diuersi ordinis & essentialiter subordinatis. Ratio disparitatis est, quia causa particularis, si sit æquè perfecta ac effectus, præstat omnem concursum, quem petit effectus producendus ut à tali causa præstetur, & quem causa ipsa postulat præstare: unde si alia causa particularis concurrat, signum est, vel causam illam priorem esse partialem, vel tantæ imperfectionis ut ex propria virtute non possit attingere effectum: sed in causis subordinatis & diuersi ordinis, licet quælibet sit totalis, non excluditur tamen consortium alterius causæ, quia eius totalitas solum petit, ut in suo ordine totalitatem habeat; & quia est subordinata, petit alterius concursum, & quod illa actio ab utraque procedat.

A D tertium dicendum, quòd causa prima & secunda concurrunt per eandem actionem ad effectum: quando autem obicitur, quòd plura non agunt per eandem actionem, nisi habeant eandem vim operandi, dicendum hoc esse tantum verum in illis causis siue suppositis, quæ sunt eiusdem ordinis in ratione agendi. Ad illud Eccles. dicendum, quòd homo dicitur relinqui in manu Concilij sui, quia est dominus suæ operationis, & liber in eligendo; indigens tamen concursu Dei simultaneo ad quamcunque suam operationem & electionem.

D V B I U M V I.

Verum à solo Deo sit, quòd hic actus supernaturalis in individuo producat.

SUPponendum est, Deum scientia simplicis intelligentiæ attingere ac distinctè cognoscere omnia possibilia in seipsis; quamuis enim omnia in se tanquam in medio cognitionis attingat tamen eius cognitio terminatur ad res secundum esse quod habent in seipsis distinctum ab esse diuino: nam secundum esse quod habent in Deo indistinctum ab esse diuino (quod ut pote per se subsistens & irreceptum, continet formaliter omnem perfectionem essendi, eminenter verò omnes modos essendi, etiam imperfectos ratione limitationis) videt in se ipso scien-

tia visionis: Ratio utriusque est, quia scientia Dei est infinita tam intensiue, quam extensiue, ac comprehensua ipsius Dei tanquam obiecti primarij & consequenter diuinæ omnipotentiae: ergo attingit omnia scibilia in essentia diuina tanquam in medio, iuxta modum singulorum: possibilia quidem in comprehensione diuinæ omnipotentiae, quæ comprehensiue visa ducit in cognitionem sed abstractiuam quodammodo, quamuis distinctissimam possibilia in seipsis; non enim alio modo sunt cognoscibilia: & hæc cognitio dicitur simplicis intelligentiæ; actualia verò in quacunque temporis differentia: possibilia etiam secundum esse quod habent in Deo indistinctum ab ipso (sic enim sunt quid actuale) videt scientia visionis & intuitiua; actualia quidem in æternitate simul præsentia, possibilia autem in eminentia sui esse diuini: Quæ autem hic dicuntur de actu supernaturali, debent proportionem seruata intelligi de quolibet alio actu, imò & de quolibet individuo substantiali.

Prima opinio asserit non esse à Deo, sed à causa secunda eleuata per gratiam, quòd hic actus supernaturalis in individuo producat. Probatur autoritate D. Th. supra q. 9. art. 6. ad 3. ubi sic ait: Deus mouet voluntatem hominis, sicut vniuersalis motor ad vniuersale obiectum voluntatis, quod est bonum; & sine hac vniuersali motione homo non potest aliquid velle, sed homo per rationem determinat se ad volendum hoc vel illud, quod est verè bonum; vel apprensens bonum: ergo & ad eliciendum hunc in individuo actum supernaturalem; unde ab ipso, & non à Deo est, quòd hic actus supernaturalis in individuo producat.

Secundò, In actu supernaturali licet sint plures formalitates, siue gradus vniuersales generici, specifici, & individualis; tamen sunt eadem indiuisibilis entitas realis, unde totus actus est à Deo causa prima, & totus à causa secunda: ergo non est à solo Deo, quòd hic actus supernaturalis in individuo producat.

Tertiò, Rationes superiores quæ sunt in aliquo effectui, reducuntur ad causas superiores proportionaliter; unde ratio suprema & vniuersalissima entis, ipsumque esse reducit ad primam & vniuersalissimam causam Deum: & contra rationes magis particulares reducuntur ad causas magis particulares & proximas, ut communiter docent Philosophi: ergo cum ratio individualis sit vltima, reducit non ad Deum primam causam, sed ad causam proximam & vltimam; unde non est à solo Deo quòd hic actus supernaturalis in individuo producat.

C O N C L U S I O.

R E S P O N D E O dicendum, quòd à solo Deo est 1. & non à causa secunda, quòd hic actus supernaturalis in individuo producat. Ita communiter Thomistæ & alij.

Probatur prima pars conclusionis, quantum ad

ad primum quod importat dictio exclusiua *solo*, scilicet quod à Deo sit, quod hic actus supernaturalis in indiuiduo producat: tum ex Scriptura, vbi dicitur passim, quod omnia à Deo fiunt, quod attingit à fine vsque ad finem disponens omnia suauiter: tum sequentibus rationibus, Deus est ens per essentiam: ergo omne ens, siue modus & formalitas quælibet entis per participationem, ab ipso vt à prima causa dependet, ac proinde hæcceitas siue ratio indiuidualis cuiuslibet actus supernaturalis est à Deo. Deinde vt dictum est in Tractatu de Voluntate Dei, Deus prædefinit omnia, omnesque actus etiam quoad minimas circumstantias, & applicat causas secundas ad productionem ipsorum secundum modum prædefinitionis: ergo à Deo est, quod hic actus supernaturalis in indiuiduo producat. Denique, Ex S. Aug. nihil fit nisi Deo volente fieri, aut permittente vt fiat, implicat enim quod aliquid fortuito & præter intentionem Dei contingat: ergo est à Deo, quod hic actus supernaturalis in indiuiduo producat.

Probatur secunda pars conclusionis: Quælibet causa secunda, licet sit determinata ad speciem actus ratione potentie operatiue, tamen est indeterminata quantum ad indiuiduum, quia potentia eius operatiua indifferenter se habet ad producendum hunc in indiuiduo, vel alium actum: v.g. intellectus indifferenter se habet ex se ad producendam hanc intellectionem vel aliam, huius vel illius obiecti; solum est determinatus ad speciem actus, vnde si agat, debet producere intellectionem, & non actum alterius speciei: ergo debet ab extrinseco determinari ad producendum hunc in indiuiduo actum; & quamuis possit hæc determinatio reduci ad diuersitatem temporis & obiectorum, tamen radix huius determinationis, & vnica causa effectiue determinans est solus Deus, applicans media præmotione causam secundam ad operandum hic & nunc, per talem potentiam, circa tale obiectum.

Ad primum ergo dicendum, quod D. Thom. ibi tantum vult, quod homo se habeat merè passiuè, aut saltem non liberè ad illam determinationem vniuersalem ad bonum; & quod postea se liberè determinet ad volendum hoc vel illud bonum, sed semper sub præmotione diuina, per quam hic & nunc applicatur: vnde ab illa procedit quod sit hic in indiuiduo actus; & maxime si sit actus supernaturalis, tunc enim tota virtus proxima agendi est à Deo vnde ibidem subdit D. Thom. Sed tamen interdum specialiter Deus mouet aliquem ad aliquid determinatè volendum, quod est bonum, sicut in his quos mouet per gratiam.

Ad secundum dicendum, quod tam causa prima, quam causa secunda producant totum effectum; sed tamen causa secunda habet à

Deo determinatè cur potius hunc effectum vel actum producat, quam alium in indiuiduo; quamuis quoad speciem sit seipsa ratione potentie operatiue determinata, & quasi determinet influxum causæ primæ ad speciem actus.

Ad tertium dicendum, quod maior est vera quoad rationes essentielles quæ sunt in effectu vel in actu, non autem quoad indiuidualem: Et ratio est, quia illæ rationes correspondent causæ ratione potentie & virtutis operatiue, quæ est diuersa in diuersis causis subordinatis; vnde in effectu debet aliquid cuiuslibet causæ correspondere: sed ratio indiuidualis prouenit ex hoc quod potentia hic & nunc applicetur ad operandum, hæc autem applicatio est à solo Deo radicaliter media præmotione.

D V B I V M VII.

Vtrum causa secunda sit causa principalis actus supernaturalis.

Supponendum est, quod omnes causæ secundæ possunt dici instrumenta Dei; etiam in ordine ad effectus & actus sibi proportionatos, propter duo. Primum est, quia producant esse siue existentiam suorum effectuum & actuum instrumentaliter tantum, vt dictum est in Metaphysica, quia ex D. Thom. effectus vniuersalissimus, qualis est esse, soli causæ vniuersalissimæ scilicet Deo principaliter attribuitur. Ita docet 2. contra Gentes cap. 21. & cum eo communiter eius Discipuli. Secundum est, quia non co-operantur nisi præmotæ, ita habet D. Thom. quæst. 24. de Veritate art. 1. ad 5. vbi sic ait: Instrumentum dupliciter dicitur: vno modo propriè, quando scilicet aliquid ita ab altero mouetur, quod non confertur ei à mouente aliquod principium talis motus, sicut serra mouetur à carpentario; & tale instrumentum est expers libertatis: alio modo dicitur instrumentum magis communiter, quicquid est mouens ab alio motum, siue sit in ipso principium sui motus siue non. Item 3. contra Gentes cap. 100. ait: Cum Deus sit primum agens, omnia quæ sunt post ipsum, sunt quasi quædam instrumenta ipsius: & in hoc sensu solus Deus est causa principalis omnium, & maxime actuum supernaturalium: Sed dubium præsens non procedit de causa principali, vt opponitur instrumento sic latè sumpto, sed prout opponitur instrumento propriè & rigorosè dicto. Ad cuius rationem tria requiruntur. Primum, vt virtute propriæ formæ habeant aliquam actionem præuiam dispositiuam ad actionem principalis agentis; sed hæc conditio quantum ad ultimam partem, nempe quod talis actio sit dispositiua ad actionem principalis agentis, conuenit tantum necessariò illis instrumentis, quæ ex natura sua sunt instrumenta, non autem illis quæ ex dispositione Dei assumuntur, quia

quia non assumuntur ex necessitate, sicut accidit in Sacramentis Ecclesiæ: semper tamen est necessarium, quod verum instrumentum habeat præuiam actionem respectu subiecti, in quo operatur virtute principalis agentis: Ita D. Thom. 1. part. quæst. 45. art. 5. & inde probat non posse assumi instrumentum ad creandum: & 3. part. q. 62. art. 1. ad 2. sic ait: Instrumentum habet duas actiones; vnam instrumentalem secundum quam operetur non in virtute propria, sed in virtute principalis agentis: aliam autem habet actionem propriam, quæ competit sibi secundum propriam formam, sicut securi competit scindere ratione suæ acuitatis; facere autem lectum, in quantum est instrumentum artis: non autem perficit instrumentalem actionem, nisi exercendo actionem propriam, scindendo enim facit lectum: istæ autem duæ actiones non distinguuntur semper realiter realitate maiori, sed aliquando distinguuntur solum modaliter. Secundum quod requiritur est, vt operetur effectum principalis agentis, eleuatum per solam motionem transeuntem impressam ipsi à principali agente, non autem per formam permanentem, ratione cuius habet proportionem cum effectui, siue illa forma sit naturalis, siue supernaturalis ordinis. Ita D. Thom. 3. part. quæst. 62. art. 4. vbi sic ait: Instrumentum non operatur nisi in quantum est motum à principali agente, quod per se operatur; & ideo virtus principalis agentis habet permanens & completum esse in natura, virtus autem instrumentalis habet esse transiens ex vno in aliud & incompletum, sicut & motus est actus imperfectus ab agente in patiens: & ratio huius est, quia virtus instrumentalis non attribuitur instrumento vt sit propria illius, sed est quasi intentio agentis superioris vtentis tali instrumento, & ideo debet esse transiens & non permanens, incompleta, & quæ solum consistat in vfu: si enim virtus esset completa & permanens, haberetur vt propria; constat autem quod habitus supernaturales, licet producantur à solo Deo & sint quædam participationes diuinarum perfectionum, non possunt esse virtus instrumentalis, nec dici quid transiens & incompletum; nam ex D. Thom. loco citato virtus instrumentalis est transiens & incompleta, sicut & motus est actus imperfectus ab agente in patiens: sed habitus non se habet vt motus imò opponitur ei, nam habitus essentialiter est difficile mobilis à subiecto, ac ita ex natura sua permanens, maxime quia omnis habitus etiam supernaturalis ponitur in genere qualitatis; virtus autem instrumentalis ex D. Thom. ibidem ad 2. non est propriè loquendo in aliquo genere, sed reducitur ad genus & speciem virtutis perfectæ: nec ratio participationis dicit rationem incompleti, quia gratia est participatio diuinæ naturæ formalissimè considerata, & tamen est quid completum. Tertium quod requiritur

R.P. Philippi Carm. discal. Disp. Theolog. in 1.2

ad rationem veri instrumenti est, quod non agat nisi tantum vt motum: Ita D. Thom. 3. p. q. 62. art. 1. vbi ait: Causa instrumentalis non agit per virtutem suæ formæ, sed solum per motum quo mouetur à principali agente; vnde effectus non assimilatur instrumento, sed principali agenti, & art. 4. Instrumentum non operatur nisi in quantum est motum à principali agente, quod per se operatur: ex hac conditione sequitur quod actio causæ instrumentalis debet esse transiens in exteriorem materiam, nullum enim agens actione immanenti agit tantum vt motum, sed seipsum mouet, nam ille motus est ab intrinseco, cum sit vitalis; & hoc præcipue in causâ libera. Quamuis autem hoc dubium sit determinatum in particulari materia de Visione Dei 1. part. quæst. 12. conueniens tamen est illud vniuersaliter hic pro omni materia determinare etiam pluribus adductis, quæ ibi dicta sunt.

Prima opinio aliquorum, etiam Thomistarum asserit quod si causa secunda eleuetur tantum per auxilia actualia gratiæ, ad eliciendum actum supernaturalem, tunc est tantum instrumentum respectu talis actus, puta cathecumenus respectu actus fidei. Probatur: Causa quæ ante operationem non est constituta in actu primo respectu alicuius actus, per formam sibi propriam, est tantum instrumentum respectu illius, quia causa principalis agit per formam propriam: sed hoc accidit, quando causa secunda eleuetur tantum per auxilia actualia: ergo tunc est tantum instrumentum.

Secunda opinio Suarez lib. 6. de Gratia cap. 6. & 7. Vasquez 1. part. quæst. 46. & aliorum extra scholam. D. Thom. vniuersaliter asserit causam secundam esse tantum instrumentum in ordine ad actus supernaturales, siue eleuetur per auxilia tantum actualia, siue etiam per habitus infusos & supernaturales ad illos producendos. Probatur autoritate Scripturæ 1. ad Cor. 15. Plus omnibus laboravi, non ego, sed gratia Dei mecum: Ad Rom. 8. Qui spiritu Dei aguntur, hi sunt filij Dei: Agi autem est proprium instrumentorum. Item autoritate D. Thom. qui 2. 2. quæst. 173. art. 4. ait: Mouetur mens prophetæ à Spiritu sancto, sicut instrumentum deficiens respectu principalis agentis: ergo causa secunda non est causa principalis actus supernaturalis, sed tantum est instrumentum.

Tertiò, De ratione causæ principalis est, quod agat per formam propriam, siue intrinsecam & profluentem à principiis intrinsecis, defectu cuius aqua calida est tantum instrumentum calefactionis: sed habitus supernaturales, quibus mediis causa secunda producit actus supernaturales, non sunt forma propria eius, nec fluunt à principiis intrinsecis, ac infunduntur à Deo: ergo causa secunda non est causa principalis actus supernaturalis.

Quartò, Si causa secunda est causa principalis

QQq

palis actus supernaturalis, qui est vltima dispositio ad gratiam, sequitur quod sit causa principalis gratiae; quod enim causat vltimam dispositionem, causat etiam formam ad quam disponit: sed non potest dici, quod gratia habeat causam principalem præter Deum, cum sit participatio diuinæ naturæ: ergo causa secunda non est causa principalis actus supernaturalis cuiuscunque, eadem quippe est ratio singulorum; maxime quia causa secunda concurret tantum ad illam per propriam virtutem partialiter, sicut & causa prima mediante habitu.

CONCLUSIO.

RESPONDEO dicendum, quod causa secunda est causa principalis actus supernaturalis, siue operetur eleuata per habitum supernaturalem, puta luminis gloriæ in visione beatifica, aut charitatis in dilectione Dei. 2. siue sit tantum eleuata aliquo auxilio supernaturali supplente habitum; quod proinde sit simul applicatiuum & eleuatiuum potentiae concurrentis principaliter vt *quo*.

Probatur prima pars conclusionis, quam communiter docent Thomistæ: Nulla ex conditionibus supra assignatis pro vero instrumento competit causæ secundæ, aut eius potentiae eleuatæ per habitus supernaturales, vt patet discurrendo per singulas: ergo causa secunda eleuata per habitus supernaturales non est instrumentum, sed causa principalis actus supernaturalis. Deinde, Potentia naturalis concurret vt causa principalis ad suos actus naturales, vt potentia visiva ad visionem: ergo & potentia constituta in ordine supernaturali per habitus supernaturales ad actus eiusdem ordinis. Denique, Quando alicui agenti communicatur aliqua forma, quæ ex se est principium principale alicuius actus vel effectus, si per talem formam illud agens eleuetur, & concurret eodem indiuisibili influxu cum illa forma, illud agens est causa principalis talis actus vel effectus: sed habitus supernaturalis ex ipsismet Aduersariis est principium *quo* principale actus supernaturalis; & per ipsum ita eleuatur potentia causæ secundæ, vt non partialiter, sed vno indiuisibili influxu concurret potentia cum ipso habitu in actum: ergo causa secunda est causa principalis illius actus supernaturalis. Quidam ex Aduersariis negant maiorem huius argumenti, & dant instantiam, scilicet quod calor est causa principalis alterius caloris, & tamen aqua calida non calefacit principaliter sed tantum instrumentali-ter. Sed contra, nam aqua se habet merè passiuè in productione caloris, nihil enim aliud facit quam sustentare calorem, & calor calefacit vt *quo*; ignis autem, à quo processit ille calor & cuius est virtus, calefacit vt *quod*: & huius ratio assignari potest, quia causa principalis agit semper per formam; vel ab intrinseco emanatam, vel saltem intrinsece habitam vt propriam, &

quæ non repugnat propriæ naturæ: constat autem quod calor & calefacere repugnant naturæ aquæ, cui proprium est frigus & infrigidare: habitus verò supernaturales, & operationes siue actus supernaturales, licet sint supra naturam hominis, tamen ei non repugnant, cum ex Augustino libro de Prædestinatione Sanctorum cap. 5. tom 7. posse habere fidem naturæ sit hominis; & cum obiectum ad quod ordinantur isti habitus & actus supernaturales, contineatur intra latitudinem obiecti adæquati potentiae causæ secundæ; ipsa potentia se habet actiuè respectu illorum actuum, & non merè passiuè vt aqua in calefaciendo, vnde est disparitas. Alij negant minorem, dicentes quod causa secunda & habitus supernaturalis concurrunt partialiter ad actum supernaturalem, & distincto influxu: ita vt totum quod est supernaturale in actu, correfpondeat habitui, rationes verò naturales correfpondeant causæ secundæ. Sed contra, quando aliqua concurrunt partialiter, quodlibet præstat suum concursum independentem ab alio, licet totalis effectus ab utroque dependeat, vt patet in duobus trahentibus nauim: sed hoc non contingit in præfenti, cum totum quod est in actu, etiam vitalitas, sit supernaturale; & totum, etiam supernaturalitas, sit vitale (sed de hoc dubio sequenti ex professo agetur). Aliqui recurrunt ad potentiam obedientialem actiuam, qua dicunt intellectum concurrere partialiter, Sed talis potentia alibi impugnata est.

Probatur secunda pars conclusionis: De ratione veri instrumenti est, quod non agat ab intrinseco, sed tantum per motum quo mouetur à principali agente, vt constat ex autoritate D. Thom. superius adducta: sed potentiae causæ secundæ eleuatæ auxilio actuali, non solum agunt per talem motum, sed etiam agunt ab intrinseco; quod maxime apparet in actibus liberis; nam ad hos ita mouentur, vt etiam se moueant, aliàs non agerent cum dominio & ex electione, quod tamen requiritur ad libertatem: ergo causa secunda, etiam tantum eleuata aliquo auxilio supernaturali, est causa principalis actus supernaturalis. Deinde, Ideo potentiae eleuatæ per habitus sunt causa principalis suorum actuum supernaturalium, quia ipsorum obiectum continetur intra latitudinem obiecti adæquati ipsarum potentialium, abstrahendo à proportionato & improporcionado: & contra ideo aqua calida est tantum instrumentum calefactionis actiuæ, quia calefacere est extra obiectum ipsius: ergo quomodocunque eleuentur ipsæ potentiae, sunt causa principalis suorum actuum, cum sint eiusdem ordinis cum illis; & obiectum quod respiciunt, sit intra latitudinem sui obiecti adæquati, & se moueant ad illos actus: vnde patet quod licet virtus instrumentalis sit fluens & incompleta, non tamen constituit omne subiectum cui communicatur, in esse instrumenti: si enim

si enim repugnet tali subiecto esse instrumentum respectu alicuius, talis virtus illud tantummodo eleuat: & quādo dicitur à D.Th. quòd virtus, qua aliquid constituitur in esse instrumenti sit fluens & incompleta, est simpliciter concedendum; non tamen est concedendum, quòd omnis virtus fluens & incompleta constituat in esse instrumenti: verum est tamen quòd potentia sic eleuatæ habent magis rationem instrumenti, quàm quando eleuantur per habitus.

A d primum ergo dicendum, quòd in tali casu auxilium actuale gratiæ simul eleuat. & applicat potentiam: vnde prius natura constituit causam secundam in actu primo, quod sufficit: & dicitur forma propria illius; non quòd habeat sibi illud subordinatum, quin potius ei subordinatur; sed quia illo eleuata æquè libère & vitaliter agit, ac quando est eleuata per habitum.

A d secundum dicendum, quòd illa loca Scripturæ significant tantum, quòd Deus magis principaliter operatur bona opera nostra, quàm nos ipsi: & quòd Deus sit causa prima: agi autem & non agere est proprium instrumenti; agi autem & simul ab intrinseco agere repugnat vero instrumento; qui autem spiritu Dei aguntur, vt ait. S. Aug. libro de Correctione & Gratia cap. 2. ita aguntur, vt agant, non vt ipsi nihil agant: Vnde quando Sancti Patres totum opus nostræ iustificationis tribuunt Deo, intelligunt tanquam causæ primæ & magis principali, per cuius gratiam concurrat ille qui iustificatur, & hoc certum est de fide. Ad locum D.Thom. dicendum, quòd loquitur ibi de instrumento latè sumpto, vt sæpe nominat omnes causas secundas instrumenta Dei. Vel dicendum, quòd actus vitalis procedens à mente prophetæ eleuata lumine prophetico, si consideretur secundum se præcisè, procedit à propheta vt à causa principali: si verò consideretur, vt per ipsum actum Deus vult significare aliquid, sic procedit à propheta sicut ab instrumento Dei, & in hoc sensu loquitur D.Thom. & manifestatur hoc exemplo: Sacerdos est causa principalis suæ locutionis vt sic, dum consecrat & absoluit, &c. sic enim ad illam mouetur, vt etiam se moueat: & tamen est tantum instrumentum illius locutionis, pro vt consecrat absoluit, &c. ac proinde est tantum instrumentum consecrationis & absolutionis; quia tantum consecrat vt motus & eleuatus à charactere, qui est virtus instrumentaria permanens per accidens. Et idem dicendum de tactu quo suscitatur mortuus, & sunt alia miracula. Simili modo intelligendus est D.Thom. 3. p. q. 7. art. 1. ad 3. dum ait, quòd humanitas Christi est instrumentum diuinitatis: non enim est instrumentum respectu actionum immanentium, ad quas eliciendas infunduntur ei habitus supernaturales, sed respectu miraculorum, productionis gratiæ, & similium: si enim D.Thom. intelligeretur vniuersaliter de omnibus, sequeretur quòd

R. P. Philippi Carm. discal. Disp. Theolog. in. 1. 2.

etiam humanitas dicenda esset instrumentum Verbi respectu visionis, locutionis, & similium; quod nullus admittit: ex hoc ipso igitur quòd D.Thom. dicit humanitatem Christi esse instrumentum animatum, intelligit quòd ita est instrumentum respectu aliquorum, vt sit causa principalis respectu aliorum.

A d tertium dicendum, quòd maior est falsa, scilicet quòd forma per quam agit causa principalis, debeat emanare à principiis intrinsecis; sufficit enim quòd talis forma actuet intrinsecè potentiam in ordine ad aliquid, quod contineatur intra latitudinem sui obiecti adæquati, siue sit proportionatum, siue excedens & improporcionatum.

A d quartum dicendum, quòd maior est falsa: tunc enim solummodo causa participalis vltimæ dispositionis ad aliquam formam, est etiam causa principalis formæ, quando forma est terminus secundarius per simplicem emanationem actionis productiue dispositionem, vt contingit in generatione substantiali brutorum: non autem quando forma producit per aliam actionem, vt contingit in generatione hominis: & hoc est in præsentī, nam gratia sanctificans speciali actione producit à Deo: causa autem secunda non concurrat partialiter ad actus supernaturales, vt dicitur dubio sequenti, in eo sensu quo intelligunt Aduersarij.

D V B I U M VIII.

Utrum tam causa prima, quàm causa secunda concurrant tantum partialiter ad actus Supernaturales

PRima opinio asserit, tam causam primam, quàm causam secundam concurrere tantum partialiter ad actus supernaturales: ita vt vitalitas illorum sit à sola causa secunda agente per potentiam vitalem, supernaturalitas autem sit à sola causa prima agente per habitus, vel auxilia ordinis supernaturalis. Probat: Potentia, qua concurrat causa secunda ad actus supernaturales, est in se purè ordinis naturalis, nec per habitus amittit suum esse naturale secundum quod concurrat: ergo non attingit supernaturalitatem actus, actus enim secundus non potest excedere primum.

Secundò, Si causa secunda concurreret ad supernaturalitatem alicuius actus, purè fidei, visionis beatificæ, charitatis & similium; sequeretur quòd naturalem haberet inclinationem ad talem actum supernaturalem, sicut causa ad effectum; & etiam quòd iuxta maiorem perfectionem potentiæ naturalis, esset perfectior & intensior talis actus: sed vtrumque est falsum: ergo causa secunda non concurrat ad actus supernaturales quantum ad eorum supernaturalitatem, ac ita concurrat ad illos tantum partialiter.

QQq 2

Tertiò,

Tertiò, Vitalitas cuiuscunque actus petit indispensablem procedere à principio vitali & intrinseco, ut communiter docent Theologi, & constat ex ipsis terminis; nam actus dicitur vitalis, qui procedit à principio vitali: sed habitus & auxilia gratiæ, quibus mediis concurrunt causa prima ad actus supernaturales, non sunt quid vitale, quia non procedunt à principiis essentialibus ipsius operantis: ergo non attingunt vitalitatem actus supernaturalis, ac ita causa prima mediis illis concurrens, concurrunt tantum partialiter ad actus supernaturales.

CONCLUSIO.

RESPONDEO dicendum, quod quamvis improprie loquendo possit dici, quod tam causa prima, quam secunda concurrant partialiter ad actus supernaturales. 2. non tamen proprie loquendo sunt causæ partiales, sed totales, quælibet in suo ordine. 3. eo quod eodem indivisibili influxu concurrant, quatenus potentia naturalis causæ secundæ est virtus remota & radicalis agendi, habitus autem quibus à Deo elevatur, sunt totalis & adæquata virtus agendi proxima: Ita D. Bernard. citandus infra dubio. 10. ad 1. & omnes Thomistæ.

Probatur & explicatur prima pars conclusionis: Tunc improprie aliqua dicuntur concurrere partialiter ad aliquem actum, quando vnum non excludit consortium alterius in operando, sed simul concurrunt: sed supra ostensum est, quod causa prima concurrunt tum præviæ, tum simultaneè cum causa secunda ad singulos eius actus; & maxime ad supernaturales, ad hos enim duplici titulo concurrunt, & ratione dependentiæ in operando causæ secundæ à prima, & ratione supernaturalitatis: ergo proprie loquendo potest dici quod tam causa prima, quam secunda concurrunt partialiter ad actus supernaturales.

Probatur secunda pars conclusionis: Tunc dicuntur duo proprie loquendo, concurrere partialiter ad aliquem actum vel effectum, quando utrumque præstat suum concursus independentem ab alio, licet reperiatur utriusque concursus ad effectum, ut patet in duobus trahentibus navim, quia tunc non concurrunt eodem indivisibili influxu, nec sunt vnum per se principium, quasi actus sit totus ab utroque, sed sunt tantum vnum per aggregationem, ita ut actus vel effectus cuilibet partialiter correspondeat: sed hoc non reperitur in præsentibus; nam ex causa prima & causa secunda, ratione essentialis subordinationis, fit vnum per se principium, ita ut eodem indivisibili influxu concurrant, & ex potentia causæ secundæ & habitu infuso à causa prima fit vnum per se principium quo adæquatum, tanquam ex ratione remota & ratione agendi proxima (licet in esse entis fiant vnum per accidens) nec potentia concurrunt ad actum supernaturalem independentem ab habitu super-

naturali, nec habitus independentem à potentia, sed ambo simul concurrunt cum mutua dependentia, ut statim explicabitur: ergo causa prima & causa secunda proprie loquendo, non sunt causæ partiales, sed totales, quælibet in suo ordine.

Probatur & explicatur tertia pars conclusionis: Quod potentia naturalis causæ secundæ sit virtus remota & radicalis agendi, constat triplici ratione: Primò, quia ex D. Thom. 1. p. q. 12. art. 3. habetur, quod oculus corporeus non possit elevari ad videndum Deum, quia non habet istam radicalem potentiam actiuam, sicut habet intellectus, qui propterea de facto ad hoc elevatur per lumen gloriæ: & radix huius differentie assignatur, quia Deus continetur intra obiectum intellectus, & non intra obiectum oculi; quod colligitur à posteriori, nam intellectus virtute sua naturali attingit utcumque ad Deum cognoscendo, non autem oculus videndo. Secundò, quia si potentia non esset virtus radicalis & remota agendi, sed solus habitus esset tota virtus agendi, in quacunque potentia poneretur habitus, semper suum eliceret actum: & ita sicut intellectus cum lumine gloriæ videt Deum, sic posset videre voluntas, si in ea poneretur lumen gloriæ: & posset poni, nisi obstarat quod non potest esse operativa per ipsum, quod est nostrum fundamentum: constat autem quod voluntas non potest videre Deum, sicut videt intellectus, sed tantum potest diligere aut frui. Tertiò, Quia intellectus aliarumque potentiarum verè dicuntur causa principalis actiuæ vitalis actus supernaturalis, intellectus enim verè dicitur videns Deum, & voluntas dicitur diligens Deum, videre autem & diligere primò & per se important actionem immanentem elicitam, & ex consequenti tantum passionem, in quantum talis actio utpote immanens, recipitur: si autem istæ potentiarum non essent virtus agendi remota & radicalis, non possent dici causæ actiuæ ut quo, sola enim virtus agendi est actiuæ ut quo: radix horum est, quia vitalitas accidentalis alicuius actus procedit à vitalitate substantiali animæ, quæ est primum fundamentum vitæ, ac proinde mediis potentiis operantibus, ac consequenter hæc sunt virtus agendi remota in ordine ad actus etiam supernaturales.

Quod autem habitus supernaturales sint totalis & adæquata virtus agendi proxima, constat. Primò, quia tales habitus requiruntur non ad facile, sicut alij habitus naturales, sed ad simpliciter posse; quod non esset, si potentia naturalis, haberet ex se aliquam virtutem agendi proximam. Secundò, quia talis virtus potentiarum si esset, deberet relucere in effectu, & quo perfectior esset potentia quoad sua naturalia cæteris paribus, etiam perfectior esset actus; ac proinde intellectus naturaliter perfectior, cum æquali lumine gloriæ perfectius Deum videat, cuius

cuius contrarium ostenditur 1. part. quæst. 12. Tertiò, quia quando actus est supernaturalis quoad substantiam, tunc licet vitalitas remota sit naturalis, tamen vitalitas proxima, & omnes rationes eius tam specifica, quam generica & transcendentales sunt realiter & intrinsecè supernaturales; & hoc est discrimen inter ipsum, & inter actum supernaturalem tantum quoad modum: hoc autem esse non potest, nisi totalis & adæquata virtus agendi proxima sit supernaturalibus, nam si aliquid esset de naturali, relucet in actu: igitur potentia quæ est virtus agendi remota, perfecta & eleuata habitu supernaturali, tanquam totali & adæquata virtute agendi proxima, ac ita per ipsum constituta in ordine supernaturali concurrat cum ipso eodem indiuisibili influxu ad actum supernaturalem; ex virtute quippe agendi remota & virtute proxima sit vnum simpliciter, non quidem in esse entis, sed in esse principij quo.

A D primum ergo dicendum, quod esse naturale potentia est tantum virtus agendi remota; eleuatur autem ad ordinem supernaturalem à virtute agendi proxima, quæ est habitus supernaturalis, non quidem in esse entis, sed tantum in esse principij: & hoc sufficit ut attingat supernaturalitatem quæ est in actu: quamuis enim rationes diuersæ, quæ sunt in actu, possint in abstracto consideratæ resolui in diuersa principia, puta rationes genericæ ac vitalitas in potentiam; ratio verò supernaturalis & specifica in habitum supernaturalem & obiectum: hoc tamen in concreto fieri non potest, quia omnes istæ rationes in actu identificantur à parte rei, & ratio specifica est præcipuum quod reperitur in actu; & perfectio cuius ita attenditur secundum rationem specificam, ut aliquid sit simpliciter perfectius alio, quod est in perfectioni specie; & maior perfectio secundum rationem specificam infert maiorem perfectionem secundum rationem genericam ordinariè; vnde maior vel minor perfectio actus supernaturalis non attenditur secundum maiorem vel minorem perfectionem naturalem potentia, sed secundum maiorem vel minorem perfectionem habitus, vel auxiliij supernaturalis.

A D secundum dicendum, quod ut aliqua potentia dicat inclinationem ad aliquem actum ex sua natura, talis actus debet illi esse proportionatus secundum suam substantiam, & potentia debet esse proximè potens illum elicere ex sua virtute quantum ad substantiam; quod non est in proposito, loquimur enim de actu supernaturali quoad substantiam. Ad aliam partem patet ex dictis.

A D tertium dicendum, quod quia habitus supernaturalis & auxilium diuinæ gratiæ recipiuntur in potentia, quæ est principium vitale, tanquam totalis & adæquata virtus proxima agendi; concurrunt etiam ad vitalitatem actus

supernaturalis, quæ est etiam supernaturalis, recipiuntur enim vitaliter in potentia tanquam complementum ipsius: & in hoc sensu sunt quid vitale.

D V B I U M I X.

Virum actus supernaturalis sit connaturalis causæ secundæ eleuata.

S Vpponendum est tanquam certum, quod actus supernaturalis non est connaturalis causæ secundæ consideratæ secundum suam virtutem naturalem; nam ad connaturalitatem requiritur proportio, quæ ut patet ex ipsis terminis, non est inter naturale & supernaturale: vnde sola restat difficultas de causâ secundâ eleuata per habitum supernaturalem, quo constituitur in actu primo proportionato, ad eliciendum talem actum: vel etiam eleuata per auxilium actuale diuinæ gratiæ. Ad cuius euidentiam sciendum est, quod Deus dat omnibus adultis gratiam sufficientem ad salutem: & maximè quando instat aliquod præceptum, quod sine gratia impleri non potest. Nec obstat dictum cuiusdam Concilij Sardinensis sexaginta & amplius Episcoporum, quod habetur in Epistola Synodali Episcoporum Africanorum in Sardinia exulum, vbi habetur: De gratia non dignè sentit, quisquis eam putat omnibus hominibus dari. Nam ibi nomine gratiæ intelligitur gratia sanctificans & gratia fidei; subditur enim pro ratione illius dicti: Cum non solum omnium sit fides, sed adhuc nonnullæ gentes reperiantur, ad quas fidei prædicatio non peruenit; Beatus autem Apostolus dicit: Quomodo inuocabunt, in quem non crediderunt? aut quomodo credent ei, quem non audierunt? quomodo autem audient sine prædicante? Non itaque gratia omnibus datur; quandoquidem ipsius gratiæ participes esse non possunt, qui fideles non sunt, nec possunt credere, ad quos inuenitur ipse fidei auditus minimè peruenisse.

Prima opinio negat, actum supernaturalem esse connaturalem causæ secundæ eleuata: hæc tribuitur Scoto & Molinæ. Probatur: Cui est supernaturalis actus primus, est etiam supernaturalis actus secundus, cum sint inter se proportionati: sed actus primus, scilicet habitus qui est principium actus secundi, est supernaturalis causæ secundæ eleuata: ergo & actus secundus supernaturalis est ipsi supernaturalis, & non connaturalis.

Secundò, Quando potentia, vel causa aliqua non potest producere actum vel effectum aliquem, nisi ut eleuata, talis actus vel effectus est supernaturalis: sed hoc reperitur in causâ secundâ per ordinem ad actum supernaturalem: ergo talis actus est ipsi supernaturalis, & non connaturalis.

CONCLUSIO.

RESPONDEO dicendum, quodd licet actus supernaturalis non sit connaturalis causæ secundæ nudè sumptæ. 1. est tamen ipsi connaturalis ut eleuata per habitum, vel auxilium supernaturale. Ita communiter Discipuli D. Thomæ. X.

Probaturs conclusio quoad secundam partem (prima enim constat ex dictis) autoritate D. Th. 22. q. 2. 3. art. 2. ubi probat charitatem esse aliquid creatum in anima, ut connaturaliter diligat: & subiungit, Nullus autem actus perfecte producit ab aliqua potentia actiua, nisi sit ei connaturalis per aliquam formam, quæ sit principium actionis; unde illum communiter sequuntur eius Discipuli, & maxime Caietan. 1. p. q. 12. art. 5. ad 2. Scoti.

Secundò, Ille actus est connaturalis, qui est proportionatus & delectabilis, signum enim connaturalitatis alicuius operationis est delectatio in ipsa: sed actus supernaturalis est proportionatus causæ secundæ eleuatae & constitutæ in actu primo per habitum supernaturalem, nam talis habitus est totalis virtus proxima agendi, & habita ut forma propria ipsius causæ secundæ, constat autem actum habitui proportionari: insuper est ipsi delectabilis, experimur enim nos delectabiliter operari quando habemus habitus, siue naturales, siue supernaturales; habitus enim dant facile, constanter, & delectabiliter operari: & maxime charitas & lumen gloriæ, nam in visione beatifica, & in amore beatifico est maxima omnium delectationum, cum sit perfecta beatitudo: ergo actus supernaturalis est connaturalis causæ secundæ eleuatae.

Ad primum ergo dicendum, quod ratio illa procedit de causa secunda eleuata specificatiue sumpta, non reduplicatiue, siue de causa secunda quæ est eleuata, & non propterea est eleuata: unde maior est tantum vera, si subiectum sumatur specificatiue; falsa verò si sumatur reduplicatiue: Ratio huius est, quia si causa secunda eleuata consideretur specificatiue, id est non ut eleuata, sed secundum se, est merè naturalis; & ideo non potest illi esse connaturalis aliquis actus supernaturalis, siue primus, siue secundus: sed si reduplicatiue sumatur ut eleuata, iam est translata in ordinem supernaturalem per habitum, quo eleuatur in actu primo ad operandum; unde actus secundus est ipsi connaturalis ut sic eleuatae.

Ad secundum dicendum similiter, quod si causa secunda consideretur specificatiue eleuata, maior est vera: sed si consideretur reduplicatiue ut eleuata, & constituta in actu primo per formam eleuantem, sicut hic consideramus, est falsa.

DUBIUM X.

Vtrum bonus vsus auxiliorum gratia sit effectus eorumdem auxiliorum.

SUPponendum est, præsens dubium possit proponi sub aliis verbis, scilicet an cooperatio liberi arbitrij, cum gratia sit effectus ipsius gratiæ: Pro quo habetur certum apud omnes Catholicos, quod non possumus operari, nec de facto operamur aliquem actum supernaturalem, sine auxiliis diuinæ gratiæ, iuxta illud Apostoli: Non ego solus, sed gratia Dei mecum; Dubium tamen est, vtrum tale auxiliū sit ex se indifferens, & ex bono vsu reddatur efficax; vel ex sua efficacia inferat talem bonum vsus, siue cooperationem liberi arbitrij, tanquam effectum suum: Ex quo ortum habuit aliud dubium voce tenus, quamuis re ipsa sit idem: Vtrum scilicet sit dabilis casus, quod ex duobus motis iisdem penitus auxilijs gratiæ internis, vnus operetur & conuertatur, alio non operante & remanente obstinato.

Prima opinio Molinæ & sequacium negat, bonum vsus auxiliorum gratiæ esse effectum eorumdem auxiliorum, & asserit esse effectum solius liberi arbitrij, ex sua innata facultate cooperantis, & reddentis efficacia auxilia diuinæ gratiæ ex se indifferentia. Probaturs autoritate sacre Scripturæ, & Concilij Tridentini. In sacra Scriptura sæpe habetur, quod cum eadem gratia vnus conuertatur, & alius non, ut patet ex illo quod Christus improperauit viris Corozain & Bethsaidæ, dicens quod si hæc signa quibus resistebant, facta fuissent in Tyro & Sydone, Tyrij & Sydonij egissent pœnitentiam. Concilium autem sess. 6. cap. 5. ait: Tangente Deo cor hominis per Spiritus sancti illuminationem, homo ipse aliquid agit inspirationem illam recipiens, quippe qui illam & abiicere potest; quod non esset, si bonus vsus auxiliorum gratiæ esset effectus eorumdem auxiliorum: ergo est effectus solius liberi arbitrij.

Secundò, Qui benè vtuntur auxilijs diuinæ gratiæ, sunt laudabiles, & de facto laudantur in Scripturis, & præmiantur à Deo: è contra verò qui iis non benè vtuntur sed resistunt, sunt vituperabiles, damnantur propterea, & puniuntur: ergo ille bonus vsus debet refundi in liberi arbitrium, sicut & illa resistantia; alioquin si bonus vsus attribueretur gratiæ, resistantia deberet attribui carentiæ gratiæ, ac proinde immeritò damnetur, qui non operaretur propter solum defectum gratiæ quæ non est in nostra potestate: ergo bonus vsus auxiliorum gratiæ non est effectus eorumdem auxiliorum; & hoc concordat communi sensui Sanctorum, qui solent dicere, quod si Deus faceret alijs gratias, quas sibiipfis facit, multò essent meliores seipfis.

Tertio,

Tertiò, Bonus vsus auxiliorum gratiæ præui-
sus est ratio, siue conditio prædestinationis, vt
docet Scriptura, & Sancti Patres. Ad Rom. 8.
Quos præsciuit, & prædestinavit conformes
fieri, &c. Aug. de Prædestinat. Sanctorum cap. 10.
Prædestinatio sine præscientia esse non potest.
D. Thom. 3. p. q. 1. art. 3. ad 4. Prædestinatio
præsupponit præscientiam futurorum: Quod
idem docent alij Sancti Patres. Et ratio est eui-
dens, quia electio ad gloriam, cum sit primum in
prædestinatione, & actus Dei, debet esse ratio-
nabilis, ac proinde debet supponere in Electis al-
iquid, propter quod eligatur siue assumatur præ
aliis: ergo bonus vsus auxiliorum gratiæ non est
effectus gratiæ, quia effectus gratiæ sunt effectus
prædestinationis, effectus autem prædestinationis
non sunt ratio aut conditio ipsius; hæc enim illam
antecedunt; effectus autem subsequuntur.

CONCLUSIO.

RESPONDEO. dicendum, quòd bonus v-
sus auxiliorum gratiæ per liberum arbitrium, si-
ue cooperatio liberi arbitrij auxiliis diuinæ gra-
tiæ est effectus eorundem auxiliorum; vnde non
est dabilis casus, in quo cum iisdem auxiliis in-
ternis gratiæ vnus conuertatur, & alter non. Ita
omnes Discipuli D. Thomæ.

Probatur conclusio multiplici autoritate sa-
cræ Scripturæ, vbi dicitur quòd Deus facit nos
facere, sicut cum dicit: Faciam vos ambulare in
præceptis meis. sed euidenter ex illo 1. ad Cor.
4. Quis enim te discernit? quid autem habes
quod non accipisti? si autem accepisti, quid
gloriaris quasi non acceperis. Ecce Sanctus A-
postolus reprehendit Corinthios, quia inter se
diuisi erant, & iudicantes præferebant se Apo-
stolis, vel aliis Discipulis; ait igitur; Nolite
itaque ante tempus iudicare quoadusque veniat
Dominus, qui & illuminabit abscondita tene-
brarum, & manifestabit consilia cordium, & tunc
laus erit unicuique à Deo; Et postea prædictis
verbis monet, non esse gloriandum in bonis o-
peribus, & in sanctitate ac donis, vt indicant
verba immediatè prolata; quia discretio vnus
ab alio per bonum vsus auxiliorum gratiæ, siue
cooperatio liberi arbitrij cum auxiliis Dei, pro-
uenit à gratia, ita vt nihil habeamus quod non
acceperimus: vnde non est in nobis gloriandum,
& tamen possemus in nobis gloriari, si talis bo-
nus vsus esset à nobis, ita vt aliis non operanti-
bus nos operaremur: vnde aliqui malè expli-
cant istum locum de discretionem siue de assump-
tione vnus præ alio ad officia Apostolatus, &
similia tantum; hæc enim explicatio repugnat
textui; & intelligentiæ S. August. de Præd. SS.
cap. 5. citandi disp. sequenti dub. 6.

Secundò, Probatur autoritate Sanctorum
Patrum. S. Prosper libro 1. de Vocatione Gen-
tium cap. 25. ait: Illa quæstio, quam secundum
mentem Apostoli impenetrabilem confitemur,
per liberi arbitrij velle & nolle non soluitur;

quia licet insit homini bonum nolle, tamen nisi
donatum, non haberet bonum velle. S. August.
libro de Spiritu & Littera cap. 34. ait: Iam si ad
illam profunditatem scrutandam quisquam nos
arctet, cur illi ita suadeatur vt persuadeatur, alteri
autem non ita, duo sola occurrunt interim, quæ
respondere mihi placeat: O altitudo diuitia-
rum, & Nunquid iniquitas apud Deum? Cui au-
tem responsio ista displicet, quærat sapientiores,
sed caueat ne inueniat præsumptiores: Ecce
attribuit diuitiis, siue gratiæ Dei persuasionem,
siue cooperationem liberi arbitrij, & negat Deum
esse causam obstinationis. Idem passim repetit.
D. Th. hic q. 111. art. 2. ad 2. ait, quòd Deus non
sine nobis nos iustificat, quia per motum liberi
arbitrij dum iustificamur; Dei iustitiæ consen-
timus: ille tamen motus non est causa gratiæ,
sed effectus: vnde tota operatio pertinet ad
gratiam. Et qu. 6. de Veritate, art. 2. ad 21. ait:
Hoc ipsum quod est velle accipere gratiam, est
nobis ex prædestinatione diuina.

Tertiò, Probatur ratione: Nō operamur actus
supernaturales, nisi per auxilia Dei efficacia,
non ab extrinseco, sed ab intrinseco & vt pro-
ueniunt à Deo talia, in quantum sunt executiua
decretorum Dei efficacium ex se, vt ostensum
est supra: ergo bonus vsus ipsorum siue coope-
ratio liberi arbitrij cum ipsis est effectus effica-
ciæ ipsorum, & non causa: ac ita non est dabilis
casus, in quo cum iisdem auxiliis internis gratiæ
vnus conuertatur, & alter non: quamuis cum
iisdem auxiliis exterius hoc possit fieri, eadem
enim prædicatione vnus mouetur, & non alius.
Nec obstat quòd D. Thom. q. de Virtutibus in
communi dicat aliquos magis esse inclinatos ad
virtutem, vel ex naturali dispositione, vel ex cœ-
lorum influentia, quàm alios; & hoc patet ad
sensum: vnde videtur quòd non indigent tot
auxiliis gratiæ, ac alij. Dicendum enim quòd
S. Doctor intelligit de virtute morali, quando a-
ctus eius potest exerceri sine gratia: ad super-
naturalia enim natura non potest, vnde tota vir-
tus agendi proxima est à gratia.

Ad primum ergo dicendum, quòd illud
exemplum Christi est de auxiliis exterius diui-
næ gratiæ, vt patet: Tyrii autem & Sydonii si
fuisent conuersi illis, habuissent maiora auxilia
interna, quàm habebant Corozaitæ & Bethsairæ;
& tamen damnantur, quia sua ingratitudine &
peccatis se reddiderunt indignos illis: quod non
fuit in Tyriis & Sydoniis. Concilium autem
Tridentinum intendit tantum, quòd liberum
arbitrium simul cum gratia operetur id, quod
cœptum est à sola gratia; vnde. S. Bernardus in
Tract. de Gratia & Libero Arbitrio ait, Quòd à
sola gratia cœptum est, pariter ab utroque (scili-
cet à gratia & à voluntate) perficitur; vt mixtim,
non singillatim; simul, non vicissim per singulos
profectus operentur: non partim gratia, partim
liberum arbitrium, sed totum singula opere in-
diuiduo

diuiduo peragunt , totum quidem hoc , &
totum ex illa, sed vt totum in illo , sic totum ex
illa.

A D secundum dicendum , quòd cum auxiliis efficacibus potest liberū arbitrium deficere; & quia non deficit, laudatur iuxta illud; Qui potuit transgredi, & non est transgressus; facere mala, & non fecit: ex alia vero parte dat Deus omnibus gratiam sufficientem quando opus est ad operandum; & quòd non habeat suum effectum, prouenit ex resistantia liberi arbitrij: vnde damnantur qui sic resistūt. Ad illud cōmune dictum Sanctorum, dicendum quòd prouenit ex humilitate, quia credunt se sua ingratitude & peccatis ponere obicem augmento gratiæ.

A d tertium dicendum, quòd falsum est, bo-
num vsum liberi arbitrij esse rationem prædesti-
nationis, vt in eodem Tractatu dictum est : vnde
ad locum S. Pauli & S. August. dicendum , quòd
vel intelligunt præscientiam simplicis intelligen-
tiæ terminatam ad prædestinatum, & non ad eius
cooperationem cum auxiliis gratiæ : vel si intel-
ligant de præscientia terminata ad cooperatio-
nem, non ipsam præcedere, sed subsequi præde-
stinationem , licet prius sit scripta. Ad illud D.
Thom. dicendum cum Caietano, quòd præde-
stinatio præsupponit præscientiam aliquorum,
quæ sunt causa ipsius v.g. Christi ; non autem
boni vsum auxiliorum gratiæ, qui est effectus gra-
tiæ : Vel loquitur de prædestinatione formalissi-
mè considerata, quæ præsupponit electionem
mediorum ; & non prout importat electionem
ad gloriam. Ad aliud dicendum , quòd Deus
elegit nos, vt simus sancti, vt ait Apostolus ; &
non quia sumus sancti : & quia Deus potest nos
facere sanctos, ideo eius electio est rationalis,
& propria Dei , dum nihil præsupponit in iis
quos eligit ; in creaturis autem eligentibus non
esset rationalis electio, si non præsupponerent
idoneitatem in eligendis, cum eam ipsis com-
municare non possunt.

[illegible]

*De concordia liberi Arbitrij cum efficacia
diuina gratia.*

EMPER difficile apparuit concordare liberum arbitrium cum efficacia diuinæ gratiæ: propter quod Pelagiani vt defenderent libertatem, negarunt gratiam: è contra Lutherani & Calvinistæ admittentes ethiciam gratiæ, negarunt libertatem, dicentes eam esse titulum sine re, vel rem de solo titulo; Vt catholicam fidem explicemus, quæ cum efficacia gratiæ libertatem consistetur, superest: vt determinata iam tali efficaciâ, cum ea libertatem concordemus.

D V B I V M L

*Utrum homo habeat liberum arbitrium, ita
ut liberè operetur.*

Spponendum est, liberum Arbitrium esse potentiam indifferentem ad vtrumlibet, vt constabit ex definitione libertatis inferius tradenda, quæ in actu primo est idem quod liberum arbitrium: vnde ei opponitur tam coactio, quàm necessitas. Coactio est à causa extrinseca subiecto resistente, necessitas est ab obiecto apprehensio sub omnimoda ratione boni, & vtraque tollit indifferentiam essentialem libertati: Quædam necessitas est tantum quoad specificationem actus, vt circa beatitudinem in communi, si quis enim habeat actum circa ipsam, debet necessario esse volitio; & hæc tollit libertatem contrarietatis, quæ importat posse velle hoc, aut eius contrarium. Alia necessitas est quoad exercitium, sicut amor Beatorum erga Deum clarè visum, summum bonum, ac obiectum adæquatum beatitudinis; in exercitio enim nulla est difficultas, quæ possit suspendere actum aliàs ex obiecto necessarium quoad specificationem; & hæc tollit libertatem contradictionis, quæ importat posse velle, & non velle idem. Necessitas autem in natura intellectuali, sicut & libertas abstrahunt à perfectione & imperfectione, eorumque perfectio & imperfectio debet diiudicari & regulari ab obiecto; si enim obiectum vt pote summum bonum, petat diligere necessario, imperfectum esset & contra naturam diligere liberè, & tunc necessitas importat perfectionem simpliciter ex omni capite; vnde est perfectio simpliciter necessaria Deo, quod se necessario diligat; si autem obiectum, vt pote limitatæ bonitatis, petat tantum diligere liberè, sic diligere est perfectio, & esset imperfectio diligere necessario; & ita est perfectio in Deo, quod omnia alia à se diligat liberè. Actus autem qui tantummodo est liber, quia potest non esse, & est contingens simpliciter; dicit imperfectionem: in Deo autem quia non distinguitur ab actu necessario, dicit infinitam perfectionem.

Prima opinio, sed hæretica, negat homini liberum arbitrium siue libertatem. Ita tenuerunt quidem antiqui Philosophi, introducentes factum ineluctabile, cui resisti non posse asserbant: Hanc secuti sunt Luther & Calvinus, dicentes efficaciam diuini decreti & præmotionis inferre hominibus necessitatem, vnde libertatem vocant titulum sine re, vel rem de solo titulo. Probatum auctoritate sacræ Scripturæ, & Sanctorum Patrum, qui passim dicunt non posse resisti diuinæ voluntati & potestati: ergo cum Deus omnes actiones hominum prædefinierit, illas homines necessario exequuntur.

Secundò, Divinum decretum est immutabile

VI

ut fides docet : ergo homines non possunt facere contrarium eius, quod Deus decrevit: sicut enim si de facto facerent contrarium, mutaretur aut violaretur tale decretum; ita si possent facere contrarium, posset mutari aut violari; nam sic se habet potentia ad potentiam, sicut actus ad actum: ergo cum de omnibus sit decretum Dei, in omnibus homines necessitantur, quia in nullo ex illis possunt facere contrarium.

Tertiò, Ab effectu colligitur causa, & ab actu potentia: sed homo nunquam facit contrarium eius, quod Deus decrevit, ex illo Esther 13. Dominus omnium es, nec est qui resistat maiestati tue: ergo nec potest facere contrarium, & ita non liberè, sed ex necessitate operatur; imò multoties ex coactione, unde exclamat Apostolus, Quis me liberabit de corpore mortis huius, non quod volo bonum ago, sed quod nolo malum facio.

CONCLUSIO.

RESPONDEO dicendum secundum fidem, quòd homo habet liberum arbitrium: Hęc conclusio est communis inter Sanctos Patres & Scholasticos, à quibus citandis propterea abstinemus.

Probatur conclusio auctoritate sacrę Scripturę, & Concilij Tridentini. Ecclesiastici 15. Deus ab initio constituit hominem & reliquit illum in manu consilij sui, &c. Item cap. 31. Qui potuit transgredi, & non est transgressus; facere mala, & nō fecit. Idem passim habetur aliis locis. Concilium autem Tridentinum sess. 6. de iustificatione illud definit canone. 4. 5. & 6. vbi sic ait: Si quis dixerit liberum hominis arbitrium à Deo motum & excitatum, nihil cooperari assentiendo Deo excitanti atque vocanti quo ad obtinendam iustificationis gratiam se disponat ac præparet, neque posse dissentire si velit, sed veluti inanime quoddam nihil omninò agere, merèque passivè se habere; anathema sit. Item: Si quis liberū hominis arbitrium post Adę peccatum amissum & extinctum esse dixerit, aut rem esse de solo titulo, imò titulum sine re, figmentum, denique à Satana inuectum in Ecclesiam; anathema sit. Item: Si quis dixerit, non esse in potestate hominis vias suas malas facere, sed mala opera ita, ut bona Deum operari non permissivè solum, sed etiam propriè & per se, adeò ut sit proprium eius opus non minus proditio Iudę, quàm vocatio Pauli; anathema sit: hæc enim debent dicere, qui negant libertatem.

Secundò probatur ratione: In sacra Scriptura sunt multe exhortationes, multa consilia, multaque præcepta ad sectandum bonum, & fugiendum malum: ergo est in nostra libertate utrumque facere; si enim essemus necessitati in nostra operatione, frustra hæc adhiberentur. Deinde, Qui benè agunt, merentur; qui verò malè, demerentur: sed necessariis nec meremur, nec demeremur, ut patet in pueris & fatuis, li-

cet sponte agant, quia non agunt liberè & ex electione, unde libertas requiritur ad meritum & demeritum, tanquam conditio essentialis: ergo homo habet liberum arbitrium. Denique, In Scripturis laudantur qui exercent opera bona, vituperantur autem qui exercent mala: ergo est in potestate hominis utramque viam sequi, & hoc in nobis experimur, quamvis si diu assuescimus malo, vix possumus vitare, quia habitus est quasi altera natura, licet absolūtè possumus cum gratia Dei, & aliquando fieri contingit.

Ad primum ergo dicendum, quòd Scriptura & Sancti Patres intelligunt in sensu composito, & non in sensu diuiso; quasi non possit componi resistentia nostra cum diuina voluntate circa aliquid; benè tamen potentia ad resistendum: & hæc sufficit ad salvandam libertatem, ut infra dicetur, quando agatur de sensu composito & diuiso.

Ad secundum dicendum, quòd quia diuinum decretum non solum est de substantia operis, sed etiam de circumstantiis & modo v.g. quod fiat liberè, ideo ex eo quod est immutabile, sequitur quòd liberè fiat id quod decretum est fieri liberè, ac proinde quod ita fiat, ut possit non fieri: unde licet absolūtè sic se habeat potentia ad potentiam, sicut actus ad actum: & posito possibili nullum sequatur inconueniens; tamen facta aliqua suppositione hoc ita non est: propterea Sanctus Prosper lib. de vocatione Gentium cap. 17. ait Quod eos voluit Deus velle, voluerunt, qui ad obediendum sibi ipsum velle sic donat, ut etiam à perseverantibus illam mutabilitatem, quæ potest nolle, non auferat. & D. Thom. q. 23. de Veritate art. 5. ad 3. Quamvis non esse effectus diuinę voluntatis non possit simul stare cum diuina voluntate, tamen potentia deficiendi effectum simul stat cum diuina voluntate; non enim sunt ista impossibilia, Deus vult istum saluari, & iste potest damnari; sed tamen ista sunt impossibilia, Deus vult istum saluari, & iste damnatur.

Ad tertium dicendum, quòd maior est vera in naturalibus, & respectu causarum secundarium: nō autem in supernaturalibus, ut dictum est de gratia sufficiente, cum qua possumus operari & tamen nunquam operamur ob rationem ibi dictam: nec respectu primę causę, ex cuius omnipotentia sequitur, quòd infallibiliter faciamus id quod vult, ac proinde nunquam sit contrarium eius quod vult, quamvis possit fieri. Ad illud Apostoli dicendum, quòd loquitur non de malo determinato, quia possumus à quolibet determinatè abstinere cum gratia Dei, quæ nulli negatur; sed de malo indeterminatè & veniali, quia ut dictum est sine speciali Dei priuilegio non possumus vitare omnia peccata venialia; quamvis possumus singula in particulari vitare.

D V B I V M I I.

Quid sit liberum Arbitrium.

SVpponendum est, quòd etsi libertas sit in voluntate formaliter, tanquam in subiecto proximo & immediato; tamen radicaliter est in intellectu, tanquam in causa, fundatur enim in indifferentia iudicij, quo bonum proponitur voluntati ad intellectum, sub indifferentia diligendum: inquantum proponitur ei vt bonum limitatum, & non coniunctum necessario cum bono in communi siue cum beatitudine, inquantum hæc sine illo esse potest: ac proinde proponitur vt liberè diligendum, solum enim necessitatur quoad specificationem ad beatitudinem, & ad ea quæ illi sunt necessario connexa. Ita D.Th. 1.2. quæst. 17. art. 1. ad 2. vbi sic ait: Radix libertatis est voluntas sicut subiectum, sed sicut causa est ratio; ex hoc enim voluntas liberè potest ad diuersa ferri, quia ratio potest habere diuersas conceptiones boni; & ideo Philosophi definiunt liberum arbitrium, quod est liberum de ratione iudicium, quasi ratio sit causa libertatis: Ex quo sequitur, quòd ad actum liberum requiritur indifferentia, quæ diuiditur in actiuam & passiuam: passiuam est ad aliquid recipiendum, vnde conuenit potentia passiuæ, & hoc modo materia prima est indifferens ad hanc vel illam formam habendam: actiuam est in ordine ad agendum, & hoc modo intellectus est indifferens ad hoc vel illud intelligendum: & quia eadem potentia potest esse simul actiuam & passiuam respectu diuersorum, ideo potest simul habere indifferentiam actiuam & passiuam, vt intellectus habet passiuam in ordine ad hanc vel illam speciem intelligibilem recipiendam; actiuam verò ad hanc vel illam intellectionem eliciendam. Rursus indifferentia tam actiuam, quam passiuam diuiditur in negatiuam & priuatiuam: priuatiua importat carentiam alicuius perfectionis, vnde ex determinatione prouenit subiecto aliqua perfectio, siue hæc determinatio proueniat ab ipso, vel ab alio, vel ab utroque, & hæc consequitur sæpe causas secundas: negatiua autem nullam connotat imperfectionem in subiecto, quia subiectum per determinationem non perficitur; qualis est illa quæ intelligitur in Deo ante decreta suæ voluntatis, quibus se ad vnam partem determinauit: Ita D.Thom. 1. contra Gentiles cap. 82. vbi concludit: Sic autem est in diuina voluntate respectu aliorum à se; nam finis eius à nullo aliorum dependet, cum tamen ipsa fini suo perfectissimè sit vnita: non igitur oportet potentialitatem aliquam in diuina voluntate ponere.

Prima opinio negat liberum arbitrium esse potentiam ad vtrumlibet, aut quòd essentialis sit ei aliqua indifferentia; quam soli libero arbi-

trio imperfecto & defectibili attribuit: ex quo concludit quòd Deus amat se liberè, & similiter quòd beati amant Deum cum perfectissima libertate. Probatur autoritate. S. Augustini & D.Thom. S. Augustinus Epist. 89. sic ait: Voluntas libera tanto liberior, quanto sanior; tantò autem sanior, quanto diuinæ gratiæ misericordiæque subiectior. D.Thom. autem 1. p. qu. 61. art. 8. ad 3. ait: Quòd liberum arbitrium diuersa eligere possit, seruatò ordine finis, pertinet ad perfectionem libertatis eius; sed quòd eligat aliquid diuertendo ab ordine finis, quod est peccare, hoc pertinet ad defectum libertatis: ergo indifferentia non est essentialis libero arbitrio. Et in 3. disp. 18. art. 2. ad 2. ponit libertatem in hoc quòd aliquis sit immunis à coactione.

Secundò, Christus in obediendo præcepto moriendi non habuit indifferentiam, quia non potuit non obedire, & tamen liberè mortuus est: Angeli boni, & etiam mali in prima operatione non fuerunt indifferentes ad bonum & ad malum, quia talis operatio non potuit esse mala; & tamen fuerunt in ea elicienda liberi, quia meruerunt: Angeli mali, cum sint obstinati in malo, non sunt indifferentes; & tamen liberè operantur, quia continuò peccant: ergo indifferentia non est essentialis libero arbitrio, maximè, quia voluntas dum operatur est perfectissimè libera, quia est libera in actu secundo, & tamen tunc non est indifferens, sed determinata ad vnam partem.

Tertiò, Si indifferentia est essentialis libero arbitrio, vel est indifferentia obiectiua, vel formalis: si formalis vel est actiuam, vel passiuam: rursus vel priuatiua, vel negatiua: sed nulla istarum est essentialis. Non obiectiua, quia proposito quomodocunque obiecto, Deus vt pote author & dominus voluntatis, potest facere quòd voluntas liberè velit, iuxta illud Prouerb. 21. Cor Regis in manu Dei, sicut diuisiones aquarum, quocunque voluerit, vertet illud. Non formalis passiuam, quia Concilium Tridentinum Sess. 6. damnat eos, qui eam libertati attribuunt, & merito quia se haberent sicut inanime quoddam. Nec formalis actiuam, quia admissa prædeterminatione physica stare non potest; quod enim est prædeterminatum, non est indifferens: Et consequenter nec est indifferentia negatiua aut priuatiua, quia præsupponunt actiuam, aut passiuam: ergo indifferentia non est essentialis libero arbitrio.

C O N C L U S I O.

RESPONDEO dicendum, quòd indifferentia est essentialis libero arbitrio, 1. non quidem passiuam, aut priuatiuam: quamuis hæc consequantur liberum arbitrium creatum. 3. benè tamen negatiua, & actiuam. 4. obiectiua autem prærequiritur, tanquam causa & radix ipsius. 5. vnde liberum arbitrium est facultas voluntatis & rationis ad vtrumlibet agendum vel non agendum,

dum, siue ad agendum vnum vel alterum, non simul, sed diuifim. Ita fere omnes Theologi.

Probatur prima pars conclusionis: tum pene communi authoritate Sanctorum Patrum & Scholasticorum: tum ex sacra Scriptura. Ecclesiastici 15. Deus ab initio constituit hominem, & reliquit illum in manu consilij sui. Item, Apposuit tibi aquam & ignem, ad quod volueris porrigere manum. Item, Ante hominem mors & vita, bonum & malum, quod placuerit ei, dabitur illi. Nec potest responderi, hanc differentiam communiter dictam conuenire tantum libero arbitrio imperfecto & defectibili quia D.Th. illam extendit ad liberum arbitrium diuinum: nam 1. p. q. 19. art. 10. ait Deum esse simpliciter liberum, quia ad opposita se habet, inquantum velle potest hoc esse vel non esse, & communiter Scholastici dicunt Verbum & Spiritum sanctum in diuinis procedere per actum necessarium, quia actu liber est indifferens ad esse vel non esse: ac proinde si diuinæ personæ procederent per actum liberum, non haberent omnimodam necessitatem.

Probatur & explicatur secunda pars conclusionis: In Deo secundum fidem est liberum arbitrium, quia liberè vult omnia a se, & omnia liberè creauit iuxta illud Psalmi, Deus vltionum Dominus, Deus vltimum liberè egit. Et ratio est, quia nullum aliud à Deo, imò nec omnia simul habent rationem summi boni, aut necessariam connexionem cum illo, quia sine ipsis subsistere potest; ad suam enim beatitudinem Deus est sibi sufficientissimus, & bonorum nostrorum non indiget: sed indifferentia passiva, aut priuatiua non est essentialis libero arbitrio diuino, nam omne passiuum excluditur à Deo, quia importat potentialitatem: priuatiuum etiam, quia importat carentiam perfectionis debitæ, Deus autem non perficitur per hoc quod se determinat ad hanc partem. v. g. creationem huius mundi; non enim est indigentis naturæ, quamuis ex infinita diuina perfectione & actualitate colligatur, quòd sicut diuinus intellectus attingit omnia scibilia, sic diuina voluntas attingit omnia volibilia, volendo vt sint, vel nolendo vt sint siue volendo vt non sint: ergo indifferentia passiva & priuatiua non est essentialis libero arbitrio vt sic, siue vt abstrahit ab increato & creato, & vt conuenit vtrique analogicè. Quòd autem consequatur liberum arbitrium creatum, probatur quoad indifferentiam passiuam, quia liberum arbitrium creatum non est purus actus, sicut est increatum: nec est primum se determinans, vt infra dicetur, sed ita se determinat vt prædeterminetur ab alio: sed hæc important potentialitatem & indifferentiam passiuam. Quoad priuatiuam autem, quia cum liberum arbitrium creatum distinguatur à suo actu, quod non est in Deo, verè realiter perficitur, dum determinatur

ad actum, ac ita præhabebat indifferentiam priuatiuam.

Probatur tertia pars conclusionis: tum ex dictis in prima parte, si enim aliqua indifferentia est essentialis libero arbitrio, & hæc non sit passiva & priuatiua, sequitur quòd debeat esse negatiua & actiua: tum ex dicendis in vltima parte, quando explicabitur definitio liberi arbitrij; ibi enim ostendetur quomodo habeat indifferentiam negatiuam & actiuam: tum duplici authoritate D. Thom. 1. p. q. 83. art. 3. ait: Ex hoc liberi arbitrij esse dicimur, quòd possumus vnum recipere alio recusato, quod est eligere: Et q. 24. de Virtute art. 1. ad 16. explicans quomodo creatura immobiliter adhærens Deo sit libera, ait: Quia potest adhærendo Deo multa facere, vel non facere. Deinde, probatur ratione: Liberum arbitrium in quocunque sit, est essentialiter & per se potentia actiua, ex D. Thom. q. 24. de Veritate art. 4. & maximè ad 18. est enim facultas volendi & nolendi, eligendi hoc vel illud, &c. ergo indifferentia ipsi essentialis debet esse in ordine ad actionem, ac proinde actiua, & simul negatiua, inquantum negat determinationem ad vnam partem, ex qua non semper perficitur, vt patet in increato libero arbitrio.

Probatur quarta pars conclusionis duplici authoritate D. Thom. 1. p. q. 83. art. 1. ait: Quia iudicium rationis ad diuersa se habet, & non est determinatum ad vnum; pro tanto necesse est, quòd homo sit liberi arbitrij, ex hoc ipso quod rationalis est, & 1. 2. q. 17. art. 1. ad 2. ait: Quòd radix libertatis est voluntas sicut subiectum, sed sicut causa est ratio: ex hoc enim voluntas liberè potest ad diuersa ferri, quia ratio potest habere diuersas conceptiones boni. Quod sic declaratur. Voluntas naturaliter ex se est determinata ad bonum, tanquam ad obiectum; vnde quicquid vult, illud vult sub ratione boni, vel veri, vel apparentis; nec potest nolle bonum vt tale; quòd si aliquod bonum in particulari respuit, hoc prouenit, quia in eo apparet aliqua ratio mali, vel limitata ratio boni, hæc enim carentia maioris bonitatis, est quoddam malum: & insuper apparet ipsum non esse necessariò connexionem cum bono in communi siue beatitudine, propterea proponitur ab intellectu vt diligendum sub indifferentia & non necessariò: & ex hoc prouenit tanquam ex radice, quòd voluntas illud appetat non necessariò (solum enim necessitatur ad summum bonum, & ad illud sine quo summum bonum esse non potest vel haberi, quale est proprium esse) sed liberè & cum indifferentia, quod colligitur manifestè à posteriori, nam idem modo vult, & modo non vult.

Probatur & explicatur quinta pars conclusionis authoritate D. Thom. loco proximè citato, vbi sic concludit: Et ideo Philosophi definiunt liberum arbitrium: quòd est liberum de

RRr 2 ratione

ratione iudicium, quasi ratio sit causa libertatis. Deinde, ut dictum est, radix libertatis est iudicium indifferens; libertas autem est formaliter in voluntate tanquam in subiecto: ergo recte definitur liberum arbitrium, quod sit facultas voluntatis (scilicet ut proprii subiecti) & rationis (tanquam connotatio prærequisiti) ad vtrumlibet agendum vel non agendum, siue ad agendum vnum vel alterum: in hoc enim consistit indifferencia essentialis libertati. Igitur liberum arbitrium etiam positis omnibus prærequisitis ad agendum, simul potest vtrumlibet agere ut docet Concilium Tridentinum sess. 6. sed non potest vtrumque agere simul; & ita est simultas potentia, non potentia simultatis actuum, ob impossibilitatem ipsorum: & ita etiam simpliciter & in sensu diuiso potest non operari; non autem in sensu composito, ut docet D. Thom. 2.2. qu. 24. art. 1. vbi ait quod virtus Spiritus sancti infallibiliter operatur quodcumque voluerit, unde impossibile est hæc duo simul esse vera, quod Spiritus sanctus velit aliquem mouere ad actum charitatis, & quod ipse charitatem amittat peccando. Et 1.2. quæst. 112. art. 3. ait: Præparatio secundum quod est à Deo mouente, habet necessitatem ad id, ad quod ordinatur à Deo, non quidem coactionis, sed infallibilitatis; quia intentio Dei deficere non potest: unde si ex intentione Dei mouentis est, quod homo cuius cor mouet, gratiam consequatur, infallibiliter ipsam consequitur secundum illud Ioan. 6. Omnis qui audit à Patre & didicit, venit ad me; & S. August. in Enchir. cap. 95. ait: Deus noster in cælo & in terra omnia quæcumque voluit, fecit; Quod vtrique non est verum, si aliqua voluit, & non fecit; & (quod est indignius) ideo non fecit, quia ne fieret quod volebat, omnipotens voluntas hominis impediuit.

A d primum ergo dicendum, quod S. Aug. non agit ibi de libertate, prout dicit liberum arbitrium, sicut nos agimus in præfenti: sed de libertate Christiana, quam habemus per Christum, scilicet à peccato, à seruitute diaboli, & aliis miseriis. Ad D. Thom. dicendum, quod libertas consistit essentialiter in facultate ad opposita contradictorie, ut ad agendum hoc bonum & ad non agendum: hoc saluato est perfecta libertas, & in Deo, ac beatis reperitur; sed facultas ad opposita contrarie ut ad agendum bonum & malum, est quædam ampliatio libertatis sed defectuosa, proueniens à conditione liberi arbitrii creati; ex hoc enim quod est ex nihilo, potest deficere, ut ait August. Igitur saluatur tota perfectio libertatis, sed non tota amplitudo importans defectum, in Deo & Beatis. In secundo autem loco assumit liberum pro voluntario, quod non excludit necessarium, sed coactum.

A d secundum dicendum, quod Christus Dominus in obediendo præcepto moriendi habuit indifferenciam contradictionis, ut fuisse o-

stensum est in 3. part. Disput. 9. dub. 4. quia potuit non obedire merè negative & condictione, non autem priuatiue & contrarie: ad libertatem vero sufficit indifferencia contradictionis, nec requiritur indifferencia contrarietatis. Ad aliud dicendum, quod Angeli non potuerunt quidem deficere moraliter loquendo in prima operatione, quia dirigebantur à Deo; nec physice in sensu composito, bene tamen in sensu diuiso, quia natura creata est defectibilis ab intrinseco, donec firmetur, in bono per gratiam contumacitatem & perfectam. Ad aliud dicendum, quod Angeli mali ex sua malitia & voluntate sunt obstinati in malo, unde liberè operantur malum, & maxime in individuo: unde continuò peccant saltem ex mala intentione finis. Ad aliud patebit ex dicendis dubio sequenti.

A d tertium dicendum, quod indifferencia obiectiua est prærequisita ad libertatem: Deus autem vertit cor regis quod vult, quia proponit ei obiecta quomodo vult: est autem impossibile, quod Deus moueat cor liberè, si non proponat obiectum sub indifferencia iam dicta, ut infra dicetur; formalis autem indifferencia negatiua & actiua essentialiter requiritur: licet autem liberum arbitrium prædeterminetur à Deo, simul tamen se determinat, ut etiam infra dicetur; unde habet indifferenciam actiuam ratione sue determinationis, passiuam verò ratione prædeterminationis diuinæ; hæc autem non est essentialis, sed concomitans liberum arbitrium creatum: Concilium verò damnat eos, qui ita attribuunt libertati indifferenciam passiuam, ut tollant ab ipsa actiuam, constituentes eam quasi quoddam inanime.

D V B I V M I I I.

Vtrum voluntas, dum actu operatur, sit verè libera.

PRIMA opinio Ochami in 1. d. 38. q. 1. & aliorum ex Nominalibus, asserit voluntatem in eo instanti quo elicit volitionem, non esse liberam ad non eliciendam, vel ad eliciendam volitionem, quamuis toto tempore antecedenti fuerit indifferens ad vtrumlibet & libera. Probat authoritate Philosophi 1. Perihier. cap. 6. vbi ait: Omne quod est, dum est, necesse est esse: sed necessarium & liberum opponuntur: ergo actus voluntatis dum est, est necessarius; & consequenter voluntas dum actu operatur, non est libera; quia qualis est actus, talis est potentia in eliciendo tali actu.

Secundò, Ad libertatem requiritur indifferencia contrarietatis, aut saltem contradictionis, ut dictum est: sed in voluntate dum actu operatur, neutra est: non contrarietatis, quia non potest velle simul opposita, cum sint impossibilia: nec contradictionis, quia non potest simul

mul velle, & non velle aut nolle idem obiectum; quod constat à posteriori, hoc enim nunquam contingit: ergo voluntas dum actu operatur, non est libera.

Tertio, Vel voluntas dum actu operatur, potest elicere actum contrarium, vel non: si non potest, non est tunc libera, quia libertas consistit in facultate ad vtrumlibet: non potest autem dici quod possit, quia potentia quæ nunquam reducitur in actum, est frustra: imò pro tunc non potest non habere talem actum, quia sicut non datur potentia ad præteritum ad hoc quod non fuerit, quia est extra causas, sic nec datur potentia ad præsens ad hoc quod non sit, cum non sit minus extra causas ac præteritum: ergo voluntas dum actu operatur, non est libera.

CONCLUSIO.

RESPONDEO dicendum, quod voluntas est perfectè libera in illo priori naturæ, quo præmota & positis omnibus necessariis ad agendum se applicat ad actum. 2. sicut & dum actu operatur, quia talis actus est exercitium suæ libertatis. 3. & non solum quia potest continuare actum, aut ab illo desistere. Ita Discipuli D. Thomæ & alij.

Probaturs prima pars conclusionis nunc breuiter, inferius suè probanda tum ex dictis duobus dubiis præcedentibus, ex quibus manifestè patet; tum autoritate Concil. Trident. Sess. 6. de Iustificatione canone 4. vbi habetur: Si quis dixerit liberum hominis arbitrium à Deo motum & excitatū nihil cooperari, assentiendo Deo excitanti atque vocanti, quoad obtinendam iustificationis gratiam se disponat ac præparet, neque posse dissentire si velit, sed veluti inanime quoddam nihil omninò agere, merèque passiuè se habere; anathema sit: Quæ autoritas infra expendetur.

Probaturs secunda pars conclusionis: Necessarium, liberum, & contingens sunt differentie actuum, prouenientes à principio operatio, scilicet determinato aut indifferenti, abstrahentes à differentiis temporis; vnde actus qui fuit elicitus à potentia indifferenti, fuit liber; qui elicitur, erit liber; qui elicitur, est liber: imò est actuale exercitium libertatis ipsius potentie: ergo quamuis fieri non possit quod actus liber, qui fuit, non fuerit: aut quod actus liber dum est, non sit; ibi enim inuoluitur contradictio: tamen actus liber siue qui fuit, siue qui est, semper retinet naturam actus liberi; & consequenter potentia in actuali eius exercitio fuit & est libera. Deinde, Diuina voluntas operans ad extra est perfectè libera, & tamen semper est in actu secundo, imò est actus secundus absque vlla distinctione: ergo voluntas, in actu secundo, siue dum operatur actu, est libera; eadem quippe est ratio de diuina voluntate & de creata quantum ad hoc. Denique, Experimur quod dum aliquid volumus, liberè volumus: ergo vo-

luntas dum actu operatur, est libera.

Probaturs tertia pars conclusionis. Tum experientiâ, quia in nobis experimur, quod voluntas pro libito continuat actum, aut ab illo desistit: ergo est libera respectu talis continuationis, aut cessationis. Deinde, Continuare actum, & ab illo desistere habent rationem futuri, & de facto cōtinuatio & cessatio sunt quid futurum sub ratione possibilis: sed nullus Catholicus negat, quin voluntas sit perfectè libera in ordine ad suos actus futuros, dummodò adsit indifferentia obiectiua: ergo voluntas dum actu operatur, est libera, quia potest continuare actum, aut ab illo desistere.

Ad primum ergo dicendum ex D. Thom. 1. p. qu. 14. art. 13. illam propositionem Aristotelis. Omne quod est, dum est, necesse est esse; intelligendam esse, non de necessitate rei existentis in se absolute considerata, sed prout supponit rem existere, vt si dicatur res existens est existens; sed hæc necessitas non tollit libertatem, aut contingentiam rei absolute & in seipsa considerata, cum sit necessitas tantum ex suppositione, & non absoluta.

Ad secundum dicendum, quod libertas importat facultatem ad opposita diuim habenda aut elicienda; non autem simul ob impossibilitatem actuum: vnde dicitur simultas potentie, non potentia simultatis: quādo igitur voluntas actu operatur, siue elicit vnum actū, habet quidē necessitatem ex suppositione ad illum, non autem absolutam; & ita licet non possit contrarium in sensu composito, potest tamen in sensu diuiso, & hoc sufficit vt verè tunc dicatur libera.

Ad tertium similiter dicendum, quod voluntas dum actu operatur; potest in sensu diuiso actum contrarium, quod sufficit ad libertatem. Ad probationem in contrarium dicendum, quod potentia quæ est ad vtrumlibet, si se determinet ad vnā partem, non est frustra, licet non possit determinare se simul ad aliam ob impossibilitatem actuum; quia natura illius est, quod simul possit ad vtrumlibet, non autem ad vtrumlibet simul. Ad aliud dicendum, quod solum probat fieri non posse, quod actus præsens non sit pro tunc, quia idem esset simul & non esset, quod implicat; sicut non potest fieri, quod præteritum non fuerit; sed non probat; quod actus ille dum est, non sit liber, sicut & quod præteritus non fuerit liber, ex hoc quod voluntas in instanti quo se determinat, sit perfectè libera, vt definit Concilium Tridentinum: quantum verò ad continuationem actus conuenit cum futuro, cum sit in fieri & poni extra causas; & non cum præterito, quod est in facto esse & perfectè extra causas: vnde voluntas potest facere, quod duret, aut cesset; non autem potest facere, quod non fuerit.

D V B I V M I V.

Utrum liberum arbitrium creatum habeat supremum dominium suorum actuum.

Supponendum est, dominium liberi arbitrij supra suos actus, si quod detur, in hoc consistere, quòd illos eliciat ex electione, & non ex coactione, aut ex necessitate: supremum autem dominium, si habeat, in hoc consistit, quòd se ipso independentem ab alio tãquam ab applicante, prœmouente, aut prœdeterminante illos eliciat: vnde est idem quærere, vtrum liberum arbitrium creatum habeat supremum & independentem dominium suorum actuum, ac quærere an sit primum se determinans; & quamuis dependeat in suo esse quantum ad fieri & conseruari à Deo, vt fides docet, & fatentur omnes Catholici; hæc tamen dependentia, si sit sola, non est sufficiens ad excludendum ab ipso primum & supremum dominium suorum actuum, saltem directum, quia tantum respicit directè & formaliter ipsum esse eius, & non operari; & ita esset dependens in ratione entis tantum, & non in ratione causæ.

Prima opinio asserit, liberum arbitrium creatum habere primum & supremum dominium suorum actuum modo explicato. Ita tenent omnes, qui negant prœdeterminationem physicam. Probatum auctoritate sacræ Scripturæ, in qua habetur quòd ita sit absolutum, vt possit independentem ab alio eligere quod voluerit, imò quod Deo resistat. Ecclesiastici. 15. Deus ab initio constituit hominem, & reliquit illum in manu consilij sui. Item Apposuit tibi aquam & ignem; ad quod volueris porrige manum. Item, Ante hominem mors & vita, bonum & malum, quod placuerit ei, dabitur illi. Et Actuum. 7. Dura certuice, & incircumcisus cordibus & auribus vos semper Spiritui sancto resistitis, sicut patres vestri, ita & vos: ergo liberum arbitrium creatum habet primum & supremum dominium suorum actuum.

Secundò, Liberum arbitrium est facultas ad vtrumlibet, ita vt positis omnibus requisitis ad operandum, possit operari & non operari, vt communiter docent Scholastici: sed ad hoc requiritur primum & absolutum dominium in ipso supra suos actus, nam quod non possumus nisi dependenter ab alio, non possumus absolute, nam potestas absoluta est omninò expedita & impedibilis ab alio: ergo liberum arbitrium creatum habet primum & supremum dominium suorum actuum.

Tertiò, Si liberum arbitrium creatum non habet primum & absolutum dominium suorum actuum, sed dependens à Dei voluntate, ita vt nunquam operetur, nisi quod Deus voluerit, aut permiserit operari, sequitur quòd libertas non

sit propriè nisi in Deo, cum non fiat nisi quod ipse vult, & quomodo vult: sed liberum arbitrium creatum verè & propriè habet libertatem, vt constat ex ipsis terminis, & fides docet: ergo liberum arbitrium creatum habet primum & supremum dominium suorum actuum; alioquin in nullo posset vituperari, quia semper ageret ex voluntate Dei.

C O N C L U S I O.

RESPONDEO dicendum, quòd liberum arbitrium creatum secundum fidem habet dominium suorum actuum. 2. non quidem primum & absolutum. 3. sed secundum & dependens à Deo. 4. maximè respectu actuum supernaturalium. Ita omnes Discipuli D. Thomæ.

Probatum prima pars conclusionis. Tum ex dictis in tribus præcedentibus dubiis: ad libertatem enim requiritur dominium potentie supra suos actus. Tum ex argumentis in contrarium adductis, quæ hanc tantum partem conuincunt, vt constabit ex eorum solutione. Tum communi consensu Scholasticorum cum D. Thom. in 2. d. 25. q. 1. art. 1. vbi sic ait: Iudicium de actione propria est solum in habentibus intellectum, quali in potestate eorum constitutum sit eligere hanc actionem vel illam; vnde & dominium sui actus habere dicuntur, & propter hoc in solis intellectum habentibus liberum arbitrium inuenitur, non autem in illis, quorum actiones non determinantur ab ipsis agentibus, sed ab aliquibus aliis causis prioribus.

Probatum secunda pars conclusionis ex illo Esther 13. Dominus omnium es, nec est qui resistat maiestati tuæ. Item, Domine rex omnipotens, in ditione enim tua cuncta sunt posita, & non est qui possit tuæ resistere voluntati, si decreueris saluare Israël, tu fecisti cælum & terram, & quicquid cæli ambitu continetur: quæ indicant supremum dominium Dei in omnia, & ratio redditur, quia omnia creauit. Deinde ex illo Prouerbiorum 21. Cor regis in manu Domini, sicut diuisiones aquarum, quocunque voluerit vertet illud: Ponitur cor regis, quod videtur magis independentem, & tamen est in manu Domini siue in potestate eius, sicut diuisiones aquarum, id est tam facile vertit illud quocunque voluerit, sicut facile aquæ diuiduntur, quod significat maximum & supremum Dei dominium supra liberum arbitrium creatum, in ordine ad suos actus; & consequenter illud non habet ipsum liberum arbitrium. Denique auctoritate. S. Aug. & D. Thom. S. Aug. lib. de Gratia & Libero Arbitrio cap. 20. sic ait: Scriptura diuina si diligenter inspiciatur, ostendit non solum bonas hominum voluntates, quas ipse facit ex malo, & à se factas bonas in actus bonos, & in æternam dirigit vitam; verum etiam illas, quæ conseruant sæculi creaturam, ita esse in Dei potestate, vt eas quò voluerit, quando voluerit, faciat

faciat inclinari, vel ad beneficia quibusdam præstanda, vel ad poenas quibusdam ingerendas, sicut ipse iudicat occultissimo quidem iudicio, sed sine dubitatione iustissimo. Item de Correctione & Gratia cap. 14. Si ergo cum voluerit reges in terra Deus constituere, magis habet in potestate voluntates hominum, quam ipsi suas; quis alius facit, ut salubris sit correctio, & fiat in correpti corde correctio, ut cœlesti constituatur in regno. Idem sæpe alibi repetit. D. Thom. 1. p. q. 83. art. 1. ad 3. ait: Liberum arbitrium est causa sui motus, quia homo per liberum arbitrium seipsum mouet ad agendum: non tamen hoc est de necessitate libertatis, quod sit prima causa sui id quod liberum est, sicut neque ad hoc quod aliquid sit causa alterius, requiritur quod sit prima causa eius: si autem non est prima causa sui, nec etiam sui motus. Item. 3. contra Gentes cap. 149. Non ergo per huiusmodi verba excluditur liberum voluntatis arbitrium, sicut quidam malè intellexerunt, quasi homo non sit dominus suorum actuum interiorum, & exteriorum, sed ostenditur Deo esse subiectum. Item 1. 2. q. 109. art. 2. ad 1. Mens hominis etiam sani non ita habet dominium sui actus quin indigeat moueri à Deo, multò magis liberum arbitrium hominis infirmi post peccatum, per quod impeditur à bono per corruptionem naturæ. Et clarius 1. contra Gentes cap. 68. Dominium autem quod habet voluntas supra suos actus, per quod in eius est potestate velle vel non velle, excludit determinationem virtutis ad vnum, & violentiam causæ exterioris agentis; non autem excludit influentiam superioris causæ, à qua est ei esse & operari; & sic remanet causalitas in causa prima quæ Deus est respectu motuum voluntatis. Ex quibus sequens ratio deducitur, Liberum arbitrium creatum habet esse & operari dependenter à Deo, ita ut non operetur nisi applicetur & prædeterminetur physice à Deo ad operandum, ut constat tum ex his autoritatibus, tum ex dictis Disputatione præcedenti: ergo non habet primum & supremum dominium suorum actuum, sed secundum & dependens à Deo: Et ex his probata manet tertia pars conclusionis.

Probatur quarta pars conclusionis: Tum ex his quæ dicta sunt de necessitate gratiæ, ubi ostensum est liberum arbitrium indigere gratia non solum ut actu eliciat actus supernaturales, sed etiam ut simpliciter possit, unde ex seipso non potest illos elicere, & ita in his eius dominium est magis dependens à Deo, quam in naturalibus. Tum autoritate S. Aug. & D. Th. S. Aug. de dono Perseuerantiæ, cap. 8. ait: Non itaque in hominum, sed in Dei est potestate, ut habeant homines potestatem filij Dei fieri: ab ipso quippe accipiunt eam, qui dat cordi humano cogitationes pias, per quas habeat fidem, quæ operetur per dilectionem, ad quod bonum sumendum, & tenendum, & in eo perseueranter vs-

que in finem proficiendum, non sumus idonei cogitare aliquid, quasi ex nobismetipsis, sed sufficientia nostra ex Deo est, in cuius est potestate cor nostrum, & cogitationes nostræ. D. Th. 2. 2. q. 1. art. 5. ad 1. ait: Quod si in potestate hominis esse dicatur aliquid excluso auxilio gratiæ; sic ad multa tenetur homo, ad quæ non potest sine gratia præparante, sicut ad diligendum Deum & proximum, & similiter ad credendum articulos fidei: sed tamen hoc potest cum auxilio gratiæ.

A d primum ergo dicendum, quod auctoritates illæ Ecclesiastici solum probant hominem habere dominium suorum actuum, sed non probant habere supremum & independentem, quia homo nihil boni facit, nisi Deo volente & applicante ipsum ad illud: nihil autem mali, nisi Deo prius permittente ut illud faciat, & concurrente ad entitatem actus. Alia autem autoritas solum intendit, Iudæos restituisse inspirationibus Spiritus sancti, quæ sint effectus voluntatis signi: non autem voluntatis beneplaciti; quod enim Deus absolute & efficaciter vult, infallibiliter impletur.

A d secundum dicendum, quod liberum arbitrium creatum, positis omnibus prærequisitis ad agendum se tenentibus ex parte potentiæ, potest simpliciter tam operari, quam non operari: nunquam tamen operabitur nisi applicetur à Deo ad operandum, quæ applicatione posita infallibiliter operabitur: unde licet habeat dominium suorum actuum, tamen non habet absolutum & independentem sed dependens & impedibile.

A d tertium dicendum, quod solum probat in Deo solo esse libertatem absolutam & independentem, quod est verissimum: non autem quod non sit libertas dependens in libero arbitrio creato: & ratio est, quia Deus ex sua omnipotentia & summa efficacia facit, quod liberum arbitrium creatum velit id quod ipse disposuit, & eo modo quo disposuit, scilicet liberè iuxta suam naturam. Ad aliud dicendum, quod quandiu liberum arbitrium creatum facit id, quod Deus vult ipsum facere, non est vituperabile, quia id semper est bonum: quando autem facit malum ex sua malitia, est vituperabile; quia tunc non operatur ex voluntate Dei volente, sed tantum permittente illud malum propter bonum finem

D V B I U M V.

Utrum liberum arbitrium creatum possit abiicere auxilium efficax diuinæ gratiæ, ei resistere, & dissensire.

Svpponendum est, auxilium efficax diuinæ gratiæ non subiaccere, propriè loquendo, potestati liberi arbitrij creati quantum ad vsum, sicut

sicut subiacent habitus etiā supernaturales, quos habet; quia ex D. Th. 1. 2. q. 16. art. 1. vsus rei cuius importat applicationē rei illius ad aliquam operationē, vnde & operatio ad quā applicamus rem aliquam, dicitur vsus eius, sicut equitare est vsus equi, & percutere est vsus baculi; constat autem quod liberum arbitrium creatum non applicat ad operationem auxilium efficax diuinæ gratiæ, sicut applicat habitus; quin potius ab ipso applicatur vt dictum est: vnde non subiaceret quantum ad vsum potestati liberi arbitrij, sed e contra: quamuis improprie loquendo de vsu auxilij efficacis, provt accipitur pro termino eius, scilicet operatione, vel pro cooperatione liberi arbitrij, debet dici secundum fidem, quod auxilium efficax quantum ad vsum subiaceret potestati liberi arbitrij, quia nihil tam subditum ipsi, quam propria operatio, aut cooperatio; cuius habet proprium & perfectum dominium, vt dictum est dubio præcedenti. Hoc secundum est manifestum & certum apud omnes Catholicos: Primum autem videtur determinatum in Concilio. II. Arausicano can. 6. vbi dicitur: Si quis humilitati aut obedientiæ humanæ subiungit gratiæ adiutorium, nec vt obediētes & humiles simus, ipsius gratiæ donum esse consentit, resistit Apostolo dicenti, Quid habes quod non accepisti? & gratia Dei sum id quod sum: Vnde S. Augustinus de Correptione & Gratia cap. 8. ait: Voluntas humana non libertate consequitur gratiam, sed gratia potius libertatem. Et S. Prosper Epist. ad S. Augustinum ait: Nunquid illa virtus gratiæ, quæ sibi quos voluit, subdidit; conuertere eos, qui inconuertibiles permansere, non potuit?

Prima opinio asserit, liberum arbitrium creatum posse in quocunque sensu abiicere auxilium Dei præueniens, quodcunque illud sit, eique resistere, ac dissentire. Ita tenent omnes illi, qui dicunt omnia Dei auxilia esse indifferentia, & reddi tantum efficacia à cooperatione liberi arbitrij. Probatum auctoritate sacræ Scripturæ, Conciliorum, & Sanctorum Patrum. Matthæi 23. Quoties volui congregare filios tuos quemadmodum gallina congregat pullos suos sub alis, & noluisti. Actuum 7. Vos Spiritui sancto semper resistitis. Concilium Senonense Decreto Fidei 15. ait: Nec tale est Dei trahentis auxilium, cui resisti non possit. Tridentinum Sess. 6. cap. 5. ait: Ita vt tangente Deo cor hominis per Spiritus sancti illuminationem, homo aliquid agat, inspirationem illam recipiēs; quippe qui illam & abiicere potest. Et canone 4. Si quis dixerit liberum hominis arbitrium à Deo motum & excitatum, nihil cooperari assentiendo Deo excitanti atque vocanti, quo ad obtinendam iustificationis gratiam se disponat ac præparet, neque posse dissentire si velit, sed velut inanime quoddam nihil omnino agere, merèq; passivè se habere; anathema sit. D. Thom. au-

tem Quodlibeto. 1. art. 7. ad. 2. ait: Deus mouet omnia secundum modum eorū; & ideo diuina motio à quibusdā participatur cū necessitate, à natura autem rationali cum libertate, propter hoc quod virtus rationalis se habet ad opposita: & ideo sic Deus mouet mentē humanā ad bonum, quod tamen potest huic motioni resistere. Et S. Anselmus ait, quod suppositio antecedens, cui resisti non potest, tollit libertatem: ergo liberum arbitrium creatum potest in quocunque sensu abiicere auxilium efficax diuinæ gratiæ, ei resistere, & dissentire.

Secundò, Si auxilium diuinæ gratiæ ita sit efficax independenter à libero arbitrio, vt liberum arbitrium non possit illud abiicere, nec ei dissentire, aut resistere; reuera infert illi necessitatem, imò violentiam: sed hoc repugnat fidei: ergo & primum.

Tertiò, Deus vt pote dominus & author liberi arbitrij, potest illud necessitare, & cogere ad aliquem actum: sed non aliter potest facere, quam imprimendo ipsi auxilium efficax, quod abiicere non potest, nec ei resistere, aut dissentire: ergo cum de facto illud imprimat, de facto necessitat, & cogit ad omnes suos actus quos elicit.

CONCLUSIO.

RESPONDEO dicendum, quod de facto liberum arbitrium nunquam abiicit auxilium efficax diuinæ gratiæ, nec ei resistit aut dissentit. 1. nec potest abiicere illud, nec ei resistere, aut dissentire, in sensu composito. 2. bene tamen in sensu diuiso, resistentia latè sumpta. 3. non autem rigorosè. Ita communiter Discipuli D. Thomæ.

Probatum prima pars conclusionis auctoritate sacræ Scripturæ, & Sanctorum Patrum. Esther 13. Dominus omnium es, nec est qui resistat maiestati tuæ. S. Aug. in Enchiridio cap. 95. Deus noster in cælo sursum, in cælo & in terra omnia quæcunque voluit facit, quod vtiq; non est verum, si aliqua voluit & non fecit, & quod est indignius, ideo non fecit, quoniam ne fieret quod volebat, omnipotens voluntas hominis impediuit. & infra: Hoc nisi credamus, periclitatur ipsum nostræ fidei confessionis initium, quia nos in Deum Patrem omnipotentem credere confitemur; neque enim veraciter ob aliud vocatur omnipotens, nisi quia quicquid vult potest, nec voluntate cuiuspiam creature voluntatis omnipotentis impeditur effectus. D. Th. 1. 2. q. 112. art. 3. ait: Si ex intentione Dei mouentis est, quod homo cuius cor mouet, gratiam consequatur, infallibiliter ipsam consequitur, secundum illud Ioannis 6. Omnis qui audit à Patre & didicit, venit ad me: ergo de facto liberum arbitrium nunquam abiicit auxilium efficax diuinæ gratiæ, nec ei resistit, aut dissentit; imò est contradictio in terminis contrarium asserere: nam si auxilium dicitur efficax; vel est tale

uale ex se, & ita efficaciter facit facere; vel est tantum efficax ex cooperatione liberi arbitrij, vt dicunt Aduersarij; & consequenter liberum arbitrium cooperatur ipsi, ac ita nunquam illud abiicit, nec ei resistit, aut dissentit.

Probatur secunda pars conclusionis auctoritate sacræ Scripturæ. Esther 13. Domine Domine rex omnipotens, in ditione enim tua cuncta sunt posita, & non est qui possit tuæ resistere voluntati, si decreueris saluare Israël. Deinde auctoritate S. Augusti de Correptione & Gratia cap. 14. vbi sic ait: Cui volenti saluum facere, nullum hominis resistit arbitrium: sic enim velle & nolle in nolentis aut volentis est potestate, vt diuinam voluntatem non impediatur, nec superet potestatem; de his enim qui faciunt quæ non vult, facit ipse quod vult: non est itaque dubitandum Dei voluntati, qui in cælo & in terra omnia quæcunque voluit fecit, & qui etiam illa quæ futura sunt fecit, humanas voluntates non posse resistere, quo minus faciat ipse quod vult, quandoquidem etiam de ipsis hominum voluntatibus quod vult, cum vult facit. Denique: Liberum arbitrium motum auxilio efficaci posse illud abjicere, ei resistere, & dissentire in sensu composito nihil aliud significat, nisi quod auxilium efficax, & actualis eius abiectio, resistentia, & dissensus possint componi, aut sint simul compossibiles in libero arbitrio: sed constat quod hoc fieri non potest, & propterea D. Thom. quæst. 23. de Veritate art. 5. dicit prædestinatum non posse damnari in sensu composito: ergo liberum arbitrium non potest abjicere auxilium efficax diuinæ gratiæ, nec ei resistere, aut dissentire in sensu composito; sed hæc magis patebunt ex dicendis infra, dum explicabitur sensus compositus & diuisus.

Probatur tertia pars conclusionis auctoritatibus sacræ Scripturæ, Conciliorum, & Sanctorum, & Patrum in primo argumento adductis in contrarium, quæ hanc partem conuincunt. Quod autem hæc sit mens Concilij Tridentini, patet; nam dum ait liberum arbitrium excitatum & motum à Deo, auxilio videlicet efficaci, aliquid operari assentiendo Deo vocanti, licet possit dissentire si velit; cum modus, *possit*, vel *possibile est* ponatur inter extrema dicti subiectum & prædicatum, facit sensum diuisum: faceret autem sensum compositum, si modus præponeretur, aut postponeretur toti dicto, vt magis infra explicabitur. Deinde, Dicere quod liberum arbitrium non possit in sensu diuiso abjicere auxilium Dei efficax, aut ei dissentire, & resistere resistentia latè sumpta, est dicere quod non habet potentiam ad illud abjiciendum, ei dissentiendum & resistendum, quod est error hæreticorum negantium cum auxilio efficaci posse stare libertatem, damnatus à Concilio Tridentino: ergo liberum arbitrium potest in sensu diuiso abjicere auxilium efficax diuinæ gratiæ, ei

R. P. Philippus Carm. discal. Disp. Theolog. in 1. 2.

dissentire, aut resistere resistentia latè sumpta, prout idem est ac dissentire.

Probatur quarta pars conclusionis auctoritate Scripturæ, & Sanctorum Patrum. Genesis. 50. Dixit Ioseph fratribus suis; Num Dei possumus resistere voluntati? vos cogitastis de me malum, sed Deus vertit illud in bonum, vt exaltaret me, sicut in præsentiarum cernitis, & saluos faceret multos populos. Iob. 9. Deus cuius iræ nemo resistere potest. S. Hieronimus in 1. ad Eph. cap. 1. Illi autem scilicet Deo nullus resistere potest, quin omnia quæ voluerit faciat. S. Augustinus citatus de Correptione & Gratia cap. 14. S. Prosper Epist. ad Rufinum: An dicendum voluntati Dei humanas obistere voluntates, & tam feros, tamque intractabiles horum hominum mores, vt Euangelium ideo non audiant, quia prædicationi impia corda non pareant: & quis istis corda mutauit, nisi qui finxit sigillatim corda hominū: quis huius rigoris duritiam ad obediendum molliuit affectū, nisi qui potens est de lapidibus Abrahæ filios excitare, D. Th. 3. contra Gentes cap. 94. Impossibile est, quod aliquod agens diuinæ prouidentie executionem impediatur, sibi contrarium agendo. Deinde, Vt liberum arbitrium propriè resistat debet agere, ac ita moueri à Deo ad talem actionem: ergo si potest Deo auxiliisque eius efficacibus resistere, potest à Deo moueri ad talem resistentiam, quod implicat, nam ipsemet Deus esset primum resistens sibi, ac ita simul efficaciter veller & nollet idem fieri. Item, Vt aliquid possit resistere alteri, debet habere maiorem, aut saltem æqualem virtutem cum illo: constat autem quod liberum arbitrium creatum non habet æqualem virtutem cum Deo. Denique, Impossibile est, vt docet D. Th. q. 1. de Potentia art. 3. ad 1. quod aliqua creatura moueatur immediatè à Deo, sicut mouetur liberum arbitrium per gratiam; & quod talis motus sit ei violentus, quia semper mouet ad diuinam bonitatem, ad quam omnia magis inclinantur, quàm lapis ad centrum: Imò vt docet idem D. Thom. quæst. 6. de Potentia art. 1. ad 17. in qualibet re naturali est naturalis ordo, & habitudo ad causas omnes superiores; & inde est quod illa quæ fiunt ex impressione cælestium corporum in corporibus inferioribus, non sunt violenta, licet videantur esse contraria naturalibus motibus inferiorum corporum, vt patet in fluxu & refluxu maris, qui sequitur motum lunæ; & multò minus est violentum, quod à Deo fit in istis inferioribus: sed vbi non est violentia, ibi non est propriè resistentia, vt patet: ergo liberum arbitrium creatum non potest propriè resistere Deo, aut auxilio efficaci gratiæ eius quo mouetur, sed voluntariè fertur quocunque Deus voluerit & inclinauerit: quod debet intelligi, tam in sensu composito, quàm in sensu diuiso.

Ad primum ergo dicendum, quod illæ
SSs auctoritates

authoritates vel possunt intelligi de voluntate tantum signi, ac proinde de auxilio tantum sufficienti; & tunc potest liberum arbitrium etiam in sensu composito illud abicere, ei resistere, & dissentire, imò de facto contingit quòd abiiciat, resistat, & dissentiat, & hoc maximè quantum ad authoritates Scripturæ. Vel possunt intelligi de voluntate beneplaciti, & auxilio efficacis maximè authoritates Conciliorum, & tunc tantum in sensu diuiso potest liberum arbitrium creatum abicere, dissentire, & resistere resistentià improprie dictà. Ad illud. S. Anselmi dicendum, quòd si tali suppositioni antecedenti non possit resisti absolute & in sensu diuiso, tunc tollitur libertas, & hoc non est in præsentì: unde D. Th. 1. p. q. 19. art. 8. respondens ad 3. huic authoritati S. Anselmi ait: Posteriora habent necessitatem à prioribus secundum modum priorem; unde & ea quæ sunt à voluntate diuina, talem necessitatem habent, qualem vult Deus ea habere, scilicet vel absolutam, vel conditionatam tantum; & sic non omnia sunt necessaria absolute; & maximè quia. S. Anselmus ibi agit in ordine causas superiores excepta prima; nam in ordine ad primam ait: Quando Deus vult effectum sequi voluntatem, tunc necesse est voluntatem esse liberam, & esse quod vult.

A d secundum dicendum, quòd si liberum arbitrium creatum non posset abicere auxilium efficax, aut ei dissentire absolute & in sensu diuiso, verè pateretur necessitatem, & aliqualem violentiam: sed hoc non dicitur, at tantum quòd non possit dissentire in sensu composito, qui non importat tolli potentiam dissentiendi, sed tantum actum dissensus.

A d tertium dicendum, quòd si Deus vellet cogere & necessitare liberum arbitrium creatum, deberet facere quòd iudicium rationis non esset indifferens, sed quòd proponeret obiectum vt determinatè volendum; quandiu enim proponitur obiectum sub indifferentia, non potest esse necessitas in potentia, vt infra dicitur: & insuper deberet imprimere auxilium ita efficax, quòd nullo modo posset ei resisti.

D V B I U M V I.

Verum collatio auxilij efficacis sit adæquata causa, quòd liberum arbitrium operetur, & conuertatur.

S Vpponendum est, esse latum discrimen inter has duas propositiones. Solus Deus, vel solum auxilium efficax est causa quòd liberum arbitrium operetur, & conuertatur: &, Solus Deus, vel solum auxilium efficax est causa actus conuersionis: In prima enim prædicatum est totum hoc complexum: *causa quòd liberum arbitrium operetur, & conuertatur*: in quo inuoluitur concursus liberi arbitrij influentis in actum

conuersionis; unde sensus eius est quòd solus Deus vel solum auxilium efficax facit quòd liberum arbitrium conuertatur & operetur: In secunda autem prædicatum est hoc còplexum; *causa actus conuersionis*; unde sensus eius est, quòd ita Deus, vel auxilium efficax est causa actus conuersionis, quod nullum aliud suppositum sit causa illius: quia, *ly solus*, tenens se ex parte subiecti, excludit quodcunque aliud suppositum à consortio prædicati.

Prima opinio recentiorum extra scholam D. Th. negat quòd collatio auxilij efficacis sit sola & adæquata causa quòd liberum arbitrium creatum operetur & conuertatur. Probaturs authoritate sacræ Scripturæ, & Concilij Trident. Zachariæ 1. Conuertimini ad me, & ego conuertar ad vos. Ioëlis 1. Conuertimini ad me in toto corde vestro. 1. ad Cor. 15. Abundantius omnibus laboravi, non autem ego, sed gratia Dei mecum. Ex quibus locis, aliisque pluribus habetur, quòd liberum arbitrium sit causa, imò principalis suæ conuersionis. Concilium autem Tridentinum sess. 6. cap. 5. & canone 4. damnat hæreticos dicentes solam gratiam totam in nobis operari, & solum Deum esse causam nostræ conuersionis: ergo collatio auxilij efficacis non est adæquata causa quòd liberum arbitrium operetur, & conuertatur.

Secundò, Probaturs multiplici authoritate Sanctorum Patrum. S. August. libro 1. ad Simplicianum quæst. 2. ait: Vt velimus, & suum esse voluit, & nostrum; suum vocando, nostrum sequendo. De Spiritu & Littera cap. 43. Consentire vocationi, aut non consentire propriæ voluntatis est. S. Prosper lib. 1. de Vocatione Gentium cap. 26. Gratia Dei in omnibus iustificationibus principaliter præeminet suadendo exhortationibus, &c. sed etiam voluntas hominis subiungitur ei, atque coniungitur, vt diuino in se coope-retur operi, & incipiat exercere ad meritum, quod superno semine concepit ad studium; Quod idem communiter docent alij Sancti Patres: ergo collatio auxilij efficacis non est causa adæquata, quòd liberum arbitrium operetur & conuertatur.

Tertiò, Si collatio auxilij efficacis sit adæquata causa, quòd liberum arbitrium operetur & conuertatur, nulla erit alia causa conuersionis, & operationis liberi arbitrij, adæquata enim causa & sola causa idem sunt; sola autem causa dicit exclusionem cuiuscunque alterius: sed de fide est quòd liberum arbitrium sit causa etiam suæ conuersionis; damnantur enim in Concilio Tridentino, qui dicunt ipsum se merè passiuè habere velut inanime quoddam: ergo collatio auxilij efficacis non est adæquata causa, quòd liberum arbitrium operetur & conuertatur.

C O N C L V S I O.

R E S P O N D E O dicendum, quòd licet collatio auxilij efficacis non sit adæquata & sola causa

causa conuersionis, vel operationis liberi arbitrij.
2. tamen est sola & adæquata causa, quod liberum arbitrium operetur & conuertatur. Ita communiter Discipuli D. Thomæ.

Probatur secunda pars conclusionis (primam enim conuincunt argumenta in contrarium adducta) autoritate Sanctorum Patrum. D. Th. hic quæst. 111. art. 2. ait quod Deus non sine nobis nos iustificat, quia per motum liberi arbitrij dum iustificamur, Dei iustitiæ consentimus: ille tamen motus non est causa gratiæ, sed effectus; vnde tota operatio pertinet ad gratiam. S. Aug. de Gratia & Libero Arbitrio cap. 16. Vt ergo velimus, sine nobis operatur; cum autem volumus, & sic volumus vt faciamus, nobiscum operatur, cum sine illo vel operante vt velimus, vel cooperante cum volumus, ad bona pietatis opera nil valemus. Et cap. 5. dixerat: Vt Paulus Apostolus efficacissima vocatione conuertetur, gratia Dei erat sola. Sanctus Prosper cap. 14. de Ingratis ait.

Vt tamen his studiis auditor promouetur,

Non Doctor, neque discipulus; sed gratia sola

Efficit, inque graues adolet plantaria fructus.

Idem repetit cap. 15. aliis versibus supra adductis, dum ageretur de gratia efficaci.

Secundò, Quod collatio auxilij efficaci sit adæquata causa, quod liberum arbitrium conuertatur, nihil aliud importatur, quam quod auxilium efficax solum, vel solus Deus mediante ipso faciat per modum causæ primæ liberum arbitrium velle conuersionem & operari: sed hoc est verissimum ex Scriptura sacra, Ad Rom. 9. quippe dicitur: Non volentis, neque currentis, sed miserentis est Dei. 1. ad Cor. 4. Quis enim te discernit. Ad Philip. 1. Deus est enim, qui operatur in nobis & velle, & perficere pro bona voluntate: Non autem dixit Paulus; qui cooperatur in nobis, vel operatur nobiscum: nam vt velimus, sine nobis operantibus operatur, licet enim voluntas velit, & causet volitionem; non tamen facit se velle, aut causare volitionem, Nec tamē quia Deus facit, ideo ipsa non causat, sed potius ideo causat: ergo collatio auxilij efficaci est adæquata causa, quod liberum arbitrium conuertatur: & hoc confirmari potest ex omnibus illis rationibus, quibus probatum est, Deum mediante gratia inchoare solum conuersionem, quia est prima causa, cui aliæ subordinantur; & quod efficaciæ solius gratiæ est, qua Deus efficit quod homo conuertatur, discernens ipsum ab aliis.

Ad primum ergo dicendum, quod solum probat, liberum arbitrium concurrere ad suam conuersionem, quasi eliciens actum conuersionis: non tamen facit se operari & conuerti, sed hoc habet à sola præueniente gratia efficaci: quod importatur in hac propositione, Collatio auxilij efficaci est adæquata, vel sola causa quod liberum arbitrium operetur & conuertatur; Et similiter dicendum ad secundum, & tertium.

R. P. Philippi Carm. d. f. c. l. Disp. Theolog. in. 1. 2.

D V B I U M V I I.

Vtrum auxilium efficax præuenientis gratia tollat, aut ledat liberum arbitrium.

Supponendum est, quod licet collatio auxilij efficaci sit radix & prima causa conuersionis: eius tamen negatio non potest dici causa cur homo non conuertatur: Primum est Augustini de Prædestin. Sanctorum cap. 5. vbi ait: Nunquid enim per hæc dona, quæ omnibus communia sunt hominibus, discernuntur homines ab hominibus? hic autē prius dixit: Quis enim te discernit? & deinde addidit, Quid autem habes quod non accepisti? Posset quippe dicere homo inflatus aduersus alterum, Discernit me fides mea, iustitia mea, vel si quid aliud: Talibus occurrens cogitationibus bonus Doctor; Quid autē habes, inquit, quod non accepisti? à quo nisi ab illo, qui te discernit ab alio, cui non donauit, quod donauit tibi? si autem & accepisti, ait, quid gloriaris, quasi non acceperis. Et post pauca: Gratia discernit bonos à malis, non quæ communis est bonis & malis Vtrumque habetur ex communi penè consensu Scholasticorum, & colligitur euidenter ex illo Osee 13. Perditio tua ex te Israël, tantummodo in me auxilium tuum. Cuius ratio ex supradictis defumitur: nam vt definitum est; initium iustificationis est ex gratia, quæ si fuerit efficax, infallibiliter trahit liberum arbitrium, & ita conuertitur; si non fuerit efficax, licet sit potens trahere, ei tamen resistit liberum arbitrium, & sic non conuertitur; & consequenter non conuerti refunditur in resistantiam liberi arbitrij, & non ad negationem auxilij efficaci; quamuis ex tali negatione possit colligi, sed semper ob resistantiam liberi arbitrij: vnde quando Philosophus. 1. Poster. cap. 3. ait, quod si affirmatio est causa affirmationis, negatio est causa negationis: intelligendus est, quando affirmatio est causa adæquata, excludens consortium alterius; si enim duæ causæ concurrant, vtrique attribuitur effectus: negatio verò ipsius potest provenire ex parte vnius tantum resistantis alteri, & hoc contingit in præsentī: vtrumque tamen supponit voluntatem Dei, quia vt ait Aug. in Enchiridio cap. 95. non fit aliquid, nisi omnipotens fieri velit, vel sinendo vt fiat, vel ipse faciendo.

Prima opinio, sed hæretica Lutheri, & Caluini, eorumque sequacium, admittit quidem auxilium efficax præuenientis gratiæ; sed tamen asserit ipsum tollere liberum arbitrium: vnde vocat ipsum titulum sine re, vel rem de solo titulo. Probatur multis autoritatibus & rationibus supra adductis & solutis; sed specialiter: Liberum arbitrium sic præmotum efficaciter non potest non operari, ob necessariam connexionem talis auxilij cum futuritione actus; & colligitur

SSs 2

gitur

*non con-
uer-
ti
sed
liber
arbit
rio.*

*duc em-
pau-
am
degr-
u-
pau-
me ma-
in resp-*

Ad primum ergo dicendum, quod solum probat, liberum arbitrium concurrere ad suam conuersionem, quasi eliciens actum conuersionis: non tamen facit se operari & conuerti, sed hoc habet à sola præueniente gratia efficaci: quod importatur in hac propositione, Collatio auxilij efficaci est adæquata, vel sola causa quod liberum arbitrium operetur & conuertatur; Et similiter dicendum ad secundum, & tertium.

gitur à posteriori, quia si posset non operari, aliquando non operaretur, quod enim euenit semper, euenit necessarium: ergo cum posito auxilio efficaci præuenientis gratiæ semper liberum arbitrium operetur, sequitur quòd necessarium operetur, & sic illud auxilium tollit liberum arbitrium.

Secunda opinio aliorum extra scholam D. Thom. negat auxilium efficax ab intrinseco præuenientis gratiæ, asserens quòd si daretur; tolleretur, aut læderetur liberum arbitrium: Huius etiam fundamenta superius sunt relata & soluta. Probatur tamen nunc breuiter: Si auxilium præuenientis gratiæ sit efficax ab intrinseco, & de facto conferatur libero arbitrio, ipsum prædeterminat ad vnā partem, & consequenter tollit eius indifferentiam, quia tale auxilium ita respicit vnā partem, vt nullo modo respiciat alteram: sed sublata indifferentia tollitur libertas, vt patet: ergo auxilium efficax præuenientis gratiæ tollit, & lædit liberum arbitrium.

CONCLUSIO.

RESPONDEO dicendum, quòd datur auxilium efficax ab intrinseco præuenientis gratiæ 1. quod non tollit, nec lædit liberum arbitrium. Ita omnes Discipuli D. Thom.

Probatur secunda pars conclusionis (prima enim constat ex dictis in secunda & tertia Disputatione) autoritate Scripturæ sacræ, & Concilij Tridentini. In Scriptura dicitur de sapientia, quòd attingit à fine vsque ad finem fortiter (ecce auxilium diuinæ gratiæ ab intrinseco efficax): & disponit omnia suauiter (ecce quomodo non tollit, aut lædit liberum arbitrium.) Concilium Tridentinum sess. 6. de Iustificatione can. 4. sic ait: Si quis dixerit liberum hominis arbitrium à Deo motum & excitatum nihil cooperari, assentiendo Deo excitanti atque vocanti, quo ad obtinendam iustificationis gratiam se disponat ac præparet; neque posse dissentire si velit, sed veluti inamine quoddam nihil omnino agere merèque passiuè se habere; anathema sit: Ex quo loco sic arguitur: Vel Conciliū per liberum arbitrium motum, & excitatum intelligit ipsum motum motione morali, vel motione physica simultanea, vel physica præuia, vel quacunque motione ad agendum necessaria: Non primum, nec secundum; tum quia Aduersarij vt Molina intelligunt hunc canonem de præmotione, & illo vtuntur contra ipsam; tum quia procedit contra Caluinum, qui ex præmotione Dei efficaci inferebat tollendam esse libertatem, & hoc damnat Concilium, non autem damnat præmotionem efficacem: ergo intelligit de motione præuia quam admittit, vel de quacunque motione ad agendum necessaria: & ita damnat qui dixerit auxilium efficax præuenientis gratiæ, tollere, aut lædere liberum arbitrium; quod est hæresis Caluini: si enim iudicasset Caluinum errare admittendo auxilium efficax præuenien-

tis gratiæ; hoc potius damnaasset, quod non facit, sed damnat eos qui ex illo admissio, vt ipsum Concilium admittit, asserunt tollendam esse libertatem. Quod confirmatur autoritate Cathedismi eiusdem Concilij, vbi hæc habentur, Non solum autem Deus vniuersa quæ sunt prouidentia sua gubernat, atque administrat; verum etiam quæ mouent & agunt aliquid, intima virtute ad motum atque actionem ita impellit, vt quamuis causarum secundarum efficientiam non impediatur, præueniat tamen: cum eius occultissima vis ad singula pertineat. Respondit Delrio Cathedismum fuisse compositum à Dominicanis, & propterea non esse magnæ autoritatis: Sed hæc responsio iusta est à Summo Pontifice expungi, tanquam iniuriola Sanctæ Sedi.

Secundo probatur autoritate S. Augustini & D. Thom. S. Augustinus lib. 1. contra duas Epist. Pelagianor. cap. 9. ait: Quis trahitur, si iam volebat? & tamen nemo venit, nisi velit; trahitur ergo miris modis vt velit, ab illo qui venit intus in ipsis hominum cordibus operari; non vt homines, quod fieri non potest, nolentes credant, sed vt volentes ex nolentibus fiant. D. Th. 1. p. q. 19. art. 8. ait: Cum voluntas diuina sit efficacissima, non solum sequitur quòd fiant ea, quæ Deus vult fieri; sed quòd eo modo fiant, quo Deus ea fieri vult: vult autem quædam fieri Deus necessarium, quædam contingenter, vt sit ordo in rebus ad complementum vniuersi: Quod autem dicit D. Th. de voluntate Dei, debet etiam intelligi de præmotione eius efficaci, quæ est executiua voluntatis ipsius.

Tertiò, Probatur duplici ratione D. Th. Primam proponit loco citato sic: Cum aliqua causa efficax fuerit ad agendum, effectus consequitur causam, non tantum secundum id quod fit, sed etiam secundum modum fiendi vel essendi: ex debilitate enim virtutis actiue in semine contingit, quòd filius nascitur dissimilis patri in accidentibus, quæ pertinent ad modum essendi: ergo quòd auxilium præuenientis gratiæ sit efficax, non tollit, aut lædit liberum arbitrium; sed facit potius vt liberè operetur, cum sit executiua diuinæ voluntatis efficacissimæ. Secunda colligitur ex variis eius locis, & sic procedit: Licet sit contra naturam liberi arbitrij, quòd determinetur totaliter ab extrinseco determinatione quæ fit per actum secundum; (debet enim seipsum etiam determinare per consilium, cum ex electione & dominio sui actus operetur): tamen non est contra eius naturam quòd efficaciter determinetur ab extrinseco determinatione pertinente ad actum primum, & realiter præcedente actum secundum; cum liberum arbitrium non sit primum se determinans, nec habeat primum & supremum dominium sui actus: sed auxilium efficax præuenientis gratiæ non determinat totaliter liberum arbitrium determinatione quæ fit per actum secundum.

Handwritten notes:
 1. p. q. 19. art. 8. ait: Cum voluntas diuina sit efficacissima, non solum sequitur quòd fiant ea, quæ Deus vult fieri; sed quòd eo modo fiant, quo Deus ea fieri vult: vult autem quædam fieri Deus necessarium, quædam contingenter, vt sit ordo in rebus ad complementum vniuersi: Quod autem dicit D. Th. de voluntate Dei, debet etiam intelligi de præmotione eius efficaci, quæ est executiua voluntatis ipsius.
 2. p. q. 19. art. 8. ait: Cum voluntas diuina sit efficacissima, non solum sequitur quòd fiant ea, quæ Deus vult fieri; sed quòd eo modo fiant, quo Deus ea fieri vult: vult autem quædam fieri Deus necessarium, quædam contingenter, vt sit ordo in rebus ad complementum vniuersi: Quod autem dicit D. Th. de voluntate Dei, debet etiam intelligi de præmotione eius efficaci, quæ est executiua voluntatis ipsius.

secundum, at tantum determinatione pertinentem ad actum primum; quia tantum applicat ipsum ad hoc ut se determinet ad volendum; per hoc enim quod vult obiectum, vult se velle illud virtuali quadam reflexione ex D. Thom. 1. 2. q. 16. art. ultimo ad 3. ergo tale auxilium efficax praeuenientis gratiae non est contra naturam liberi arbitrij; & ita non tollit, aut laedit ipsum, sed perficit.

Ad hunc applicat ad id quod
Ad primum ergo dicendum, quod auxilium efficax praeuenientis gratiae non habet connexionem necessariam absolute, siue necessitate consequentis cum futuritione actus; sed tantum necessitate consequentiae & infallibilitatis, quae non nocet libertati: & licet in naturalibus id quod evenit semper, eveniat necessario; hoc tamen non est in moralibus, quia licet liberum arbitrium efficaciter applicatum semper agat, quia tamen se etiam applicat ex electione, non necessario agit.

Ad secundum dicendum, quod auxilium efficax praeuenientis gratiae praedeterminat quidem liberum arbitrium, inquantum tollit indifferentiam privativam, seu negativam, & suspensionem qua non magis suspensa erat ab uno quam ab alio actu: sed tamen sic praedeterminando ad unam partem, facit quod seipsum ad illam liberè determinet; hoc enim auxilium ita respicit unam partem ut futuram, quod respiciat etiam aliam ut possibilem.

D V B I U M VIII.

Utrum si Deus ageret ex necessitate naturae, adhuc voluntas creata ageret liberè, & esset contingentia in rebus.

Supponendum est, aliquid dici contingens multipliciter. Primò, quia potest esse & non esse in ordine ad potentiam Dei absolutam: & in hoc sensu omnis creatura est contingens ut patet. Secundò, quia procedit quidem à causa proxima necessaria & determinata ad unum: sed tamen impedibili ex concursu aliarum causarum particularium, & defectu, vel contrario influxu uniuersalium, ut sunt fructus terrae; licet enim attenda causa proxima sint determinati ad esse, tamen de facto impediuntur aliquando, ex illo duplici capite, unde absolute possunt non esse, sicut & esse, & consequenter sunt quid contingens. Tertiò, quia procedit à causa indifferenti ad utrumlibet, & sic contingens comprehendit etiam liberum: unde actus liberi dicuntur contingentes. Quartò autem, & propriissime dicitur aliquid contingens, quia procedit à causa proxima defectibili: & in hoc sensu nullus effectus immediatè à Deo productus (cum sit indefectibilis in sua operatione) potest dici contingens, nec necessarius, sed liber quia est mediū inter necessarium & contingentem: Simi-

liter nullus effectus, etsi in se contingens ratione causae proximae, potest dici contingens in ordine ad causalitatem mediatam Dei indefectibilem. Hoc autem dubium procedit, si Deus concurreret eadem motione iisdemque auxiliis quibus nunc concurrit, licet ab ipso procedentibus necessario: v. g. si concurreret cum libero arbitrio creato medio iudicio rationis practico indifferenti, quod sequatur voluntas.

Prima opinio Scoti in 1. d. 2. quaest. 4. & aliorum asserit, primam radicem contingentiae & libertatis in istis inferioribus esse libertatem diuinam, ita ut si Deus ageret ex necessitate naturae, nulla esset libertas & contingentia; sed omnia evenirent necessario: Ad hanc opinionem reducuntur aliqui Thomistae, qui licet ad summam efficaciam diuinæ voluntatis tanquam ad primam radicem, referant contingentiam & libertatem horum inferiorum; dicunt tamen diuinam libertatem esse conditionem *sine qua non*; unde inferunt eandem consequentiam, quod si Deus ageret ex necessitate naturae, nulla esset libertas aut contingentia. Probatur, Omne ens, & omnis modus entis per participationem, reducitur ad ens per essentiam, cuius est participatio, tanquam ad primam radicem: ergo cum libertas sit quidem modus entis & perfectus, debet reduci ad Deum primum liberum; & consequenter si Deus non ageret liberè, nulla esset hinc libertas, aut haec esset independens à Deo, quod implicat.

Secundò, Si Deus ageret ex necessitate naturae, necessario moueret, & applicaret causas omnes secundas ad agendum, cum causae secundae non possint agere nisi praemotae à prima; & consequenter necessario applicarentur, ubi enim applicatio actiua est necessaria, etiam passiva est necessaria: ergo omnes earum actiones & effectus evenirent necessario; & ita non esset in istis inferioribus nec libertas, nec contingentia: maxime, quia causae intermediae eo modo mouent, quo mouentur, unde ex motione necessaria primae sequitur motio necessaria omnium aliarum.

Tertiò, Si Deus ageret ex necessitate naturae, vel effectus procederent à solo Deo, vel ab ipso concurrente causa secunda: sed si procederent immediatè à Deo, procederent necessario, quia ex una parte non procederent liberè, ut supponitur, nec contingerent, cum Deus sit causa indefectibilis: si autè procederent à Deo concurrente causa secunda, adhuc procederent necessario, quia Deus ut pote causa prima, prius natura attingit effectum, quam causa secunda; & sic haberet produci necessario simpliciter, & nullo modo contingenter, quia implicat ut aliquod creatum, etiam respectu diuersorum sit simul necessarium & contingens: ergo si Deus ageret ex necessitate naturae, nulla esset libertas, aut contingentia in istis inferioribus.

CONCLUSIO.

RESPONDEO dicendum, quod summa efficacia & omnipotentia diuinæ voluntatis est prima radix, & causa efficiens libertatis & contingentiae horum inferiorum. 1. non solum quia creauit liberum arbitrium, sed etiam quia prædefiniuit, quod ex talibus causis liberis & contingentibus producerentur in indiuiduo tales effectus liberi & contingentes cum omnibus circumstantiis. 3. liberum autem arbitrium creatum, & causæ secundæ defectibiles seu impedibiles sunt causa proxima libertatis & contingentiae. 4. vnde licet Deus ageret ad extra ex necessitate naturæ, dummodo concurreret eodem concursu entitatiuè quo nunc, licet necessariò procedente à Deo, adhuc esset libertas & contingentia in rebus creatis. Ita tenent Caietanus 1.p. q. 19. art. 8. Ferrar. 1. contra Gentes cap. 67. Zumel 1.p. q. 14. art. 13. disp. 8. Aluares lib. 3. de Auxiliis disp. 26. & alij plures.

Probatur prima pars conclusionis autoritate D. Thom. 1. part. quæst. 19. art. 8. ubi explicans, vnde prouenit quod aliqui effectus sint contingentes & liberi, postquam reiecit opinionem eorum, qui hoc reducebant ad causas secundas, sic ait: Et ideo melius dicendum est, quod hoc contingit propter efficaciam diuinæ voluntatis; cum enim aliqua causa efficax fuerit ad agendum, effectus consequitur causam, non tantum secundum id quod fit, sed etiam secundum modum fiendi vel essendi: ex debilitate enim virtutis actiue in semine contingit, quod filius nascitur dissimilis patri in accidentibus, quæ pertinent ad modum essendi: cum igitur voluntas diuina sit efficacissima, non solum sequitur quod fiant ea, quæ Deus vult fieri; sed quod eo modo fiant, quo Deus ea fieri vult: vult autem quædam fieri Deus necessariò, quædam contingenter, ut sit ordo in rebus ad complementum vniuersi; & ideo quibusdam effectibus aptauit causas necessarias, quæ deficere non possunt, ex quibus effectus de necessitate proueniunt; quibusdam autem aptauit causas contingentes defectibiles ex quibus effectus contingenter eueniant. Non igitur propterea effectus voliti à Deo eueniunt contingenter; quia causæ proximæ sunt contingentes; sed propterea quia Deus voluit eos contingenter euenire, contingentes causas ad eos præparauit. Ratio igitur D. Thom. in hoc consistit, quod voluntas Dei est in ipso prima radix agendi ad extra, & applicat intellectum tanquam potentiam operatiuam quia talis actio est libera; vnde determinat de effectibus vsq; ad minimas circumstantias essendi, & præparat ipsis causas proportionatas, ita ut infallibiliter eueniant eo modo quæ ipse vult: sed hoc ideo est, quia diuina voluntas est summè efficax & omnipotens: ergo summa efficacia & omnipotentia diuinæ voluntatis est prima radix & causa efficiens libertatis & contingentiae horum inferiorum, quia

eminenter continet in sua omnipotentia omnem modum agendi.

Probatur secunda pars conclusionis. Tum prædicta autoritate D. Thom. Tum deinde ex supradictis in hac & præcedenti Disputatione, ubi ostensum est, quod non solum Deus creauit liberum arbitrium, sed etiam applicat ad operandum hunc & illum effectum in particulari cum omnibus circumstantiis, quia est prima causa: hoc autem præsupponit in Deo prædefinitionem, nihil enim agit Deus præter intentionem. Tum denique, quia Deus habet vniuersalissimam & perfectissimam prouidentiam omnium; de cuius ratione est, quod non solum adhibeat media proportionata ad finem (quod tantum exigit prouidentia humana defectibilis) sed etià quod acquirat infallibiliter finem; vnde nihil euenit præter eius intentionem, vnde omnia debet prædefinire: ergo summa efficacia & omnipotentia diuinæ voluntatis est prima radix, & causa efficiens libertatis & contingentiae horum inferiorum, non solum quia creauit liberum arbitrium, sed quia prædefiniuit quod ex talibus causis liberis & contingentibus producerentur in indiuiduo tales effectus liberi & contingentes cum omnibus circumstantiis.

Probatur tertia pars conclusionis prædicta autoritate D. Thom. ait enim: Quibusdam effectibus aptauit Deus causas contingentes defectibiles; ex quibus effectus contingenter eueniant: Deinde effectus procedit totus secundum omnes conditiones quas habet in suo fieri, à causa proxima; propterea ordinariè effectus ipsi vniuocè proportionatur: ergo liberum arbitrium creatum, & causæ secundæ defectibiles seu impedibiles sunt causa proxima libertatis & contingentiae. vnde quando D. Thom. loco citato subiungit: Non igitur propterea effectus voliti à Deo eueniunt contingenter, quia causæ proximæ sunt contingentes: debet intelligi de prima radice & causalitate, non autem de proxima.

Probatur quarta pars conclusionis duplici ratione D. Thom. Etiam si Deus ageret ad extra ex necessitate naturæ, adhuc homo posset habere iudicium practicum indifferens de agendis, ut supponitur in conclusione, & nulla ratio contrarium suadet: sed quia iudicium istud non est ex naturali instinctu in particulari operabili, sed ex collatione quadam rationis, ideo homo agit libero iudicio potens in diuersa ferri: non enim ipsum iudicium est determinatum ad vnum; & pro tanto necesse est quod homo sit liberi arbitrij ex hoc ipso quod rationalis est, ut ait D. Thom. 1. part. quæst. 83, art. 1. ergo licet Deus ageret ad extra ex necessitate naturæ, adhuc esset libertas & contingentia in rebus creatis. Deinde, Ex D. Thom. 3. contra Gentes cap. 86. à causa prima non sequitur effectus de necessitate, nisi etiam causa media sit necessaria, sicut in syllogismis ex maiori necessaria non sequitur conclusio necessaria,

cessaria, si minor sit contingens: sed data illa hypothesi, homo esset liberi arbitrij, & darentur alix causæ defectibiles & impedibiles ex concursu aliarum, sicut nunc dantur, alioquin esset aliud vniuersum: ergo data illa hypothesi, adhuc esset libertas & contingetia in rebus creatis.

A D primum ergo dicendum, quod licet Deus non esset liber formaliter data illa hypothesi, adhuc esset liber eminenter, quia Deus debet in se habere omnem perfectionem, vel formaliter, vel eminenter; & ita libertas reduceretur in Deum, sicut nunc reducitur contingetia, quamuis Deus non sit causa contingens formaliter, quia non est impedibilis.

A D secundum dicendum, quod licet tunc Deus moueret necessariò: non tamen moueretur necessariò liberum arbitrium supposito illo iudicio indifferenti practico: alix verò causæ naturales essent impedibiles ex concursu aliarum, vnde & defectibiles ac contingentes; concursus autem causarum superiorum modificaretur in inferioribus.

A D tertium dicendum, quod data illa hypothesi, fatemur omnes effectus qui producerentur à solo Deo, fore necessarios, vt probat argumentum: non autem illos, qui producerentur media causa libera, siue agente ex iudicio indifferenti practico: aut media causa defectibili & impedibili. Nec verum est, quod prima causa prius natura attingat effectum, quam secunda; sed tantum hoc habet quod prius natura applicet secundam ad agendum, quam sequatur actio: vnde non sequeretur idem fore necessarium & liberum siue contingens: quod tamen non est impossibile, imò de facto contingit, nam eodem actu charitatis necessariò Beati diligunt Deum vt est in se bonus & diligibilis: & libero diligunt eum vt est ratio diligendi creaturas; & hoc ideo quia esse necessarium aut liberum sunt differentia tantum accidentales, conuenientes actui ab extrinseco, scilicet ex diuerso iudicio rationis de obiecto.

D V B I U M I X.

Vtrum cohereat cum libertate voluntatis, quod in sensu composito non possit non elicere actum, ad quem efficaciter pramouetur, dummodo possit in sensu diuiso.

SUPponendum est ex supradictis, indifferentiam negatiuam & actiuam esse essentialem libero arbitrio; ita vt in ipso sit simul potentia ad opposita, saltem contradictoriè, licet tantum diuisim, & non simul habenda: vnde simul est in voluntate creata potentia ad cõsentiendum & dissentiendum, quæ sunt opposita contrariè: vel ad consentiendum & ad non consentiendum, quæ sunt opposita contradictoriè: sed non ad simul habendum vtrumque extremum: vnde

dicatur esse in libero arbitrio similtas potentia, sed non potentia similtatis; & hoc quia potentia magis latè patet quam actus, vnde eadem respicit opposita sub aliqua ratione communi, puta bonitatis; actus verò multiplicantur & numero, & specie sub eadem potentia; & plures simul sunt impossibiles (nisi sint subordinati & diuersi ordinis) & maximè si sint oppositi contrariè aut contradictoriè: cum autem auxilium efficax prauementis gratia infallibiliter inferat actum ad quem datur, eadem ratio est impossibilitatis talis auxilij cum actu contrario, ac impossibilitatis duorum actuum contrariorum; Ad discernendum autem quando propositio modalis sit composita vel diuisa, siue quando facit sensum compositum vel diuisum, datur sequens regula: Quando modus interfertur dicto & diuidit prædicatum à subiecto, facit sensum diuisum, vt Prædestinatum possibile est damnari: Prædestinatus necessariò saluabitur: prima enim est vera; secunda falsa. Quando autem modus anteponitur, vel postponitur toti dicto, facit sensum compositum, quia prædicatum coniungitur cum subiecto, vt Possibile est prædestinatum damnari; Prædestinatum saluari necesse est; prima enim est falsa, secunda vera: Hoc licet ita sit secundum rigorem logicum, tamen quia non est infallibile apud Sanctos Patres, ideo quomodocunque ponatur modus in propositione, solet apud ipsos aliquando facere sensum diuisum, aliquando sensum compositum; vnde ab Scholasticis communiter distinguitur.

Prima opinio multorū extra scholam D. Th. negat coherere posse cum libertate voluntatis, quod in sensu composito non possit non elicere actum ad quem efficaciter pramouetur, etiam si possit in sensu diuiso: Sed hæc opinio procedit ex mala intelligentia sensus compositi & sensus diuisi: intelligunt enim, quod tunc dicitur sensus compositus, quando potentia habet præmotionem; & sensus diuisus, quando potentia non habet præmotionem: vnde quando Thomistæ dicunt quod voluntas præmota non potest non operari in sensu composito, bene in sensu diuiso; volunt prædicti Authores quod Thomistæ sint intelligendi quod voluntas non potest non operari, quandiu habet præmotionem, bene autem si tollatur præmotio. Probatur tamen: Ad libertatem requiritur quod potentia pro eodem instanti respiciat opposita, ita vt simul possit vtrumque, aliàs pro illo instanti non esset indifferens ad vtrumlibet: sed si voluntas præmota non possit in sensu composito non elicere actum; non respiciet pro illo tunc opposita, respiciet enim determinatè illum actum, & non contrarium: ergo non coheret cum libertate voluntatis; quod in sensu composito non possit non elicere actum ad quem efficaciter pramouetur.

Secundò.

Secundò, Si voluntas efficaciter pramota ad aliquem actum, posset illum non operari, quandiu habet pramotionem, sequeretur quòd dato possibili sequeretur aliquod impossibile: nam posito quòd tunc non operetur (hoc enim est possibile) sequitur quòd reddatur irrita & inefficax diuina pramotio, quia non fieret id ad quod daretur, quod tamen est impossibile: sed ex possibili non sequitur impossibile, vt communiter docent Philosophi: ergo voluntas efficaciter pramota ad aliquem actum, non potest illum non operari quandiu habet pramotionem.

CONCLUSIO.

RESPONDEO dicendum, quòd cohæret cum libertate voluntatis, quòd in sensu composito non possit non elicere actum ad quem efficaciter pramouetur, dummodo possit in sensu diuiso: si benè intelligatur sensus compositus & diuisus. Sic autem debet intelligi; dum dicitur aliquid non posse fieri in sensu composito, benè tamen in sensu diuiso; quòd scilicet potentia non possit coniungere, componere, siue simul ponere actum ad quem pramouetur; & eius negationem siue actum contrarium; & consequenter non possit vtrumque coniungere cum potentia simul: quamuis remaneat facultas ad vtrumlibet, scilicet ad actum ad quem pramouetur, & ad eius negationem, imò ad contrarium: non igitur libertas est potentia ad vtrumque, id est ad velle & nolle simul habenda: sed ad vtrumlibet, scilicet ad velle & nolle diuisim, id est ad eligendum vnum ex his duobus quod magis libuerit. Necessitas in sensu composito, vel in sensu diuiso aliquando vocatur à D. Thom. necessitas ex suppositione vel absoluta vt 1. p. q. 23. art. 6. & ad 3. aliquando vocatur necessitas conditionata vel absoluta, vt 1. 2. qu. 112. art. 3. Ibidem etiam ab ipso vocatur necessitas infallibilitatis vel necessitas simpliciter. Aliquando vocatur necessitas consequentiæ vel necessitas consequentis, vt qu. 24. de Veritate art. 1. ad 1. sub nomine sensus compositi; vel diuisi admittit 1. contra Gentes cap. 67.

Probaturs conclusio sic explicata autoritate Sanctorum Patrum. D. Thom. q. 2. de Veritate art. 5. ad 3. ait: Quamuis non esse effectus diuinæ voluntatis, non possit simul stare cum diuina voluntate; tamen potentia deficiendi effectum simul stat cum diuina voluntate: non enim sunt ista impossibilia, Deus vult istum saluari, & iste potest damnari; sed ista sunt impossibilia, Deus vult istum saluari, & iste damnatur. S. Anselmus lib. de concordia prædestinationis & liberi arbitrij, cap. 1. ait: Quoniam enim quod Deus vult, non potest non esse; cum vult hominis voluntatem nulla cogi, vel prohiberi necessitate ad volendum vel ad non volendum, & vult effectum sequi voluntatem, tunc necesse est voluntatem esse liberam, & esse quod vult. Possent plures adduci autoritates,

maximè S. August. & S. Prosperij sed in præcedentibus dubijs adductæ videri possunt.

Secundò probatur ratione: Voluntatem efficaciter pramotam ad aliquem actum non posse non elicere illum in sensu composito, benè autem in sensu diuiso, est ipsam non posse componere simul in se actum illum, aut pramotionem ad illum cum actu contrario aut eius negatione; benè tamen posse componere simul in se actum illum, aut pramotionem ad illum cum potentia ad contrarium aut ad eius negationem, vt dictum est; sed hoc cohæret cum libertate voluntatis; quia vt etiam dictum est; libertas non est potentia ad vtrumque simul; sed ad vtrumlibet: siue ad vtrumque diuisim; propterea non dicitur potentia simultatis, sed simultas potentiarum: ergo cohæret cum libertate voluntatis, quòd in sensu composito non possit non elicere actum ad quem efficaciter pramouetur, dummodo possit in sensu diuiso.

Tertiò, Prædestinatus potest damnari; & iustus potest peccare mortaliter, sunt propositiones falsæ in sensu composito, & veræ in sensu diuiso: per hoc quòd ista non possint componi prædestinatio & actualis damnatio: & similiter iustitia cum peccato mortali; benè tamen prædestinatio cum potentia ad damnationem, & iustitia cum potentia ad peccandum mortaliter, vt communiter docent Scholastici: licet autem prædestinatus in sensu composito non possit non saluari, siue non possit damnari, & iustus non possit in sensu composito peccare mortaliter; quia tamen in sensu diuiso & prædestinatus potest damnari, & iustus peccare mortaliter, saluatur libertas, ita vt prædestinatus liberè saluetur, & iustus liberè perseueret in gratia: ergo pari modo cohæret cum libertate voluntatis, quòd in sensu composito non possit non elicere actum ad quem efficaciter pramouetur, dummodo possit in sensu diuiso.

Ad primum ergo dicendum, quòd ad libertatem quidem requiritur quòd potentia pro eodem instanti respiciat opposita, ita vt simul possit vtrumque, sed non simul vtrumque ponere, at tantum diuisim; cum sit impossibile vtrumque oppositorum esse simul: vnde hæc impossibilitas prouenit ex parte oppositorum, & non ex parte potentiarum: quando igitur voluntas medio iudicio practico indifferenti intellectus, ac imperio eiusdem determinauit se sub prædeterminatione diuina, ad hunc in indiuiduo actum cum omnibus circumstantiis; ex suppositione est impossibile quòd tunc simul possit illum non habere, aut habere contrarium; & tamen liberè illum habet, & liberè caret contrario: per hoc enim quòd liberè se determinauit ad vnā partem, liberè se auertit ab alia; & ita nulla est ibi necessitas, nisi ex suppositione talis determinationis; quia considerata voluntas in vltimo actus primi, erat indifferens ad vtrumlibet; & dum actu

actu agit, respicit quidem oppositum, sed non pro tunc habendum ex suppositione illius actus; necessitas autem ex suppositione libera non nocet libertati.

A D secundum dicendum, quod ex possibili præcisè & ex vi ipsius nullum sequi potest impossibile, absolute & simpliciter loquendo; bene tamen facta aliqua suppositione: quod patet duplici instantia de prædestinato, & de iusto; nam si prædestinatus damnaretur, aut confirmatus in gratia peccaret, quod est possibile; sequeretur hoc impossibile, quod irritum fieret diuinum decretum. & similiter dicendum est in præsentis; si voluntas efficaciter præmota ad actum, illum non eliceret, quod est possibile; sequeretur hoc impossibile, quod voluntas Dei efficax frustraretur: quando autem voluntas se determinauit ad vnā partem, non sequitur quod sit frustra potentia eius ad oppositum, licet tunc non possit reduci ad actum, quia sufficit potentia ad vtrumlibet, quod in ultimo actus primi potuerit quamcunque partem eligere licet ex suppositione quod vnā elegerit, tunc aliam simul habere non possit.

D V B I U M X.

In quo consistat legitimā concordia diuinæ prædefinitionis & gratiæ efficacis cum libero arbitrio.

Supponendum est, hanc concordiam liberi Arbitrij cum diuinis prædefinitionibus, & efficacis auxiliorum Dei esse mysterium supernaturale, ac proinde non posse naturali lumine euidenter cognosci; vnde de eo sobriè loquendum est, & potius authoritati Scripturæ ac Sanctorum Patrum, quàm propriæ rationi debemus inniti: Certum tamen est de fide, dari hanc concordiam contra Pelagium ex vna parte negantem gratiam saltem efficacem, & Lutherum ac Caluinum ex alia negantes libertatem.

Prima opinio Molinæ & sequacium, in sequentibus fundamentis statuit hanc concordiam: dicunt enim Deum ante omne decretum suæ voluntatis scientia media videre quid esset factururus Petrus ex sua innata libertate, si constitueretur in hoc vel illo ordine rerum, cum his & illis circumstantiis; quo præuiso, si vult illum operari, decernit illū ponere in illo statu, & dare illi auxilia gratiæ, cum quibus videt ipsum fore operaturum: Ex quo inferunt quod cum eadem gratia vnus conuerteretur, alius verò non; quia vnus benè vtetur auxiliis gratiæ, alius non. Addit Molina hunc esse vnicum modum concordia liberi arbitrij cū gratia, S. Aug. incognitum, quem si cognouisset, sine dubio approbasset, & non induxisset homines in desperationem suis decretis absolutis: Sed hæc opinio rejicienda est, quia contraria S. August. & D. Thom.

R. P. Philippi Carm. discal. Disp. Theolog. in 1. 2

quorum authoritas in materia gratiæ summa est. Deinde quia ex illa sequitur hæreticos in hac materia semper fuisse victores ante Molinam: nam si modus conciliandi libertatem cum gratia ab ipso adinuentus, vt credit, (quamuis sit tantum resuscitatus, extinctus enim fuerat à S. Augustino) est vnicus; quicquid aliud ipsis responsum sit, eorum rationes conuicerunt; quod maximum est inconueniens, admittitur enim quod Deus reliquerit per multa sæcula Ecclesiam, nec Spiritus sanctus peculiari modo astiterit tot Conciliis ad hanc materiam decidendam congregatis, & nouissimè reliquerit Patres Concilij Tridentini vt assisteret Molinæ tunc docenti in Ciuitate Eborensi Lusitaniæ. Tum etiam, quia fundamenta illius non sunt stabilia, vt patet ex dictis; & maximè quia illa scientia media est impossibilis & improbata à S. Augustino & D. Thom. Nec quietat mentem, quia semper recurrendum est ad absolutam Dei voluntatem; cur præuisis omnibus & singulis rerum ordinibus, voluerit constituere Petrum in illo ordine, in quo scit ipsum consenturum & operaturum, non verò in aliis; & e contra de Paulo: vnde ad easdem incidit difficultates & ad alias maiores. Denique, Videns Deus Petrum in illo ordine rerum cum omnibus circumstantiis & tali auxilio gratiæ, vel ibi inuoluitur eius decretum absolutum & efficax, expressum per hoc (& ego vellem vt faceret), ac proinde auxilium efficax executiuum talis decreti; & tunc videtur scientia necessaria, quia necessarium est vt fiat id quod Deus vult fieri: vel non inuoluitur tale decretum efficax; & tunc non potest videri aliquid futurum, cum nihil fiat vt ait Aug. de dono Perseuerantiæ cap. 6. nisi quod aut ipse Deus facit (decreto videlicet positiuo), aut fieri ipse permittit (decreto permissiuo): si autè decretum sit indifferens, sicut & auxilium, causa secunda est quæ incipit, ac proinde est prima; nam ipsa est quæ determinat auxilium, & non determinatur ab ipso. Nec potest videri aliquid futurum per hoc quod Deus videat Petrum in hoc ordine rerum naturaliter ita dispositum, & consequenter non indigentem motione tam intensa, ac si esset in alio ordine; si enim ibi non inuoluatur decretum efficax vt dictum est, ac proinde inferens auxilium sui executiuū habens efficaciam decreti, nihil erit futurum, nec proinde præuidebitur vt futurum: quia nec illud auxilium, nec alia creatura potest in voluntatem creatam, nisi vt est executiua diuinæ: quia voluntas creata soli Deo creatori suo est directè subiecta; & sic solum potest intelligi operatura cum Deus voluerit, & modo quo Deus voluerit; & non aliàs quicquid in ea ponatur: vnde ad efficacem eius operationem debet præire diuina voluntas efficax, & conditionata ad operationem conditionatam. Deinde ille actus supernaturalis esset principaliter ascribendus disposi-

T T t

tionis

tioni naturali, & ita vnus se discerneret ab alio, quod est contra Apostolum: maximè quia virtute naturalium nullus homo est magis dispositus ad supernaturalia, sed omnes æqualiter & infinite distant.

Secunda opinio Durandi in 2. d. 37. quæst. 1. asserit, quod Deus postquam creauit liberum arbitrium, præter conseruationem nullum alium adhibet concursus. Sed hæc opinio communiter rejicitur, & est contra Scripturam, Concilia & Sanctos Patres, qui dicunt Deum omnia operari maximè supernaturalia, quod non potest intelligi per hoc præcisè, quod conseruat potentias. Isaia 26. Omnia opera nostra operatus es nobis Domine. 1. ad Cor. 12. Qui operatur omnia in omnibus. Concil. Arausicanum II. can. 9. Quoties bona agimus, Deus in nobis, atque nobiscum vt operemur, operatur; Quod probat multis rationibus. D. Thom. 3. contra Gentes cap. 67. Deinde adhuc remanet difficultas conciliandi liberum arbitrium cum efficacia diuinæ prædestinationis & providentiæ.

Tertia opinio asserit, Deum non concurrere præuiè, sed tantum simultaneè cum libero arbitrio; ita vt concursus Dei sit in effectum, & non in causam secundam; ac proinde asserit Deum & liberum arbitrium concurrere partialiter, & independenter à se inuicem; quamuis autem simul tempore concurrant, prius tamen natura incipit liberum arbitrium: Hic modus tribuitur Scoto, Gregorio Ariminensi, & Gabrieli in 2. d. 37. Sed vltra quod est contra S. Aug. & D. Th. manet impugnatus ex dictis supra; ostensum est enim dari concursus Dei præuium; Deum & liberum arbitrium non esse causas partiales, sed totales, ita vt Deus sit prima, applicans liberum arbitrium causam secundam; Insuper decreta Dei sunt absoluta ante præuisionem futuræ cooperationis, & gratia præcedit liberum arbitrium, non autem subsequitur vt pedissequa, sicut ponit hæc opinio.

CONCLUSIO.

RESPONDEO dicendum, quod concordia liberi arbitrij cum diuina prædestinatione, & efficacia gratiæ in hoc consistit, quod Deus author omnis creaturæ habet supremum dominium cuiuscunque creaturæ, non solum quantum ad esse, sed etiam quantum ad operari: & sicut esse non possunt, nisi ex continuo eius influxu, tanquam primi entis, & entis per essentiam; sic nec possunt operari, nisi ex influxu eius, tanquam causæ primæ, ac proinde præuiò & applicante ad agendum, & etiam simultaneo & cooperante. Quia verò est causa libera agens per intellectum, à qua omnis formalitas quæ est in effectum, omnisque modus qui est in actione, dependet tanquam ens per participationem ab ente per essentiam; ideo prædefinit efficaciter & absolute omnia futura, etiam cooperationem causarum secundarum, & bonum vsum liberi

arbitrij tanquam effectum: Ad ordinem vniuersi autem prædefiniuit aliqua fore necessaria, alia contingentia, & libera; hæc enim varietas causat eius pulchritudinem. Et tandem quia eius voluntas est summè efficax & omnipotens, non solum sequitur quod fiant ea quæ Deus vult fieri, sed quod eo modo fiant quo Deus ea fieri vult, vt ait D. Thom. 1. part. quæst. 19. art. 8. Et 1. 2. quæst. 10. art. 4. ad 1. ait quod voluntas diuina non solum se extendit, vt aliquid fiat per rem quam mouet; sed vt etià eo modo fiat quo congruit naturæ ipsius (quia motio est executiua decreti); & ideo magis repugnaret diuinæ motioni, si voluntas ex necessitate moueretur, quod suæ naturæ non competit, quàm si moueretur liberè, prout competit suæ naturæ: Et ex his supra probatis sequitur concordia liberi arbitrij cum diuina prædestinatione, & efficacia gratiæ.

Contra hanc concordiam obijciunt Aduersarij, quod eius fundamentum scilicet decretum absolutum & independentem, ac efficacia gratiæ est radix hæresis Lutheri & Caluini. Deinde inducit homines in quandam desperationem, quod scilicet independenter à bono vfu, vel malo liberi arbitrij sint prædestinati & reprobati; vnde quicquid faciant prædestinati saluabuntur, & reprobi damnabuntur. Denique non quietat intellectum & propter eius difficultatem Pelagiani negauerunt gratiam efficacem, Lutherani autem & Calvinistæ illa admissa negarunt libertatem.

AD hæc dicendum, quod errarunt Lutherus & Calvinus, non in hoc quod admitterunt decretum Dei absolutum, ac gratiæ efficacem; sed quia ex hoc principio catholico collegerunt conclusionem hæreticam, scilicet omnia fieri necessariò, nec esse libertatem. Ad aliud dicendum, quod est querela Pelagianorum contra S. Augustinum; cui ipse ex professo responder lib. de dono Perseuerantiæ cap. 15. quod diuina prædestinatio & reprobatio non solum respiciunt finem, sed etiam media, quæ in nostra sunt potestate; licet infallibiliter euenient: sine quibus non peruenitur ad finem; vnde falsum est quod quicquid faciat prædestinatus, saluabitur, aut reprobis damnabitur. Ad aliud dicendum, quod opinio Aduersariorum non magis quietat intellectum, vt consideranti patet: Ecclesia autem incedit media via inter hos extremos errores.



QVÆSTIO CXII.

De causa gratiæ, in quinque articulos diuisa.

DEINDE considerandum est de causa gratiæ. Et circa hoc quærentur quinque.
 ¶ Primo, vtrum solus Deus sit causa efficiens gratiæ.
 ¶ Secundo, vtrum requiratur aliqua dispositio ad gratiam ex parte recipientis ipsam per actum liberi arbitrij.
 ¶ Tertio,

secundum illud Osee 13. Perditio tua ex te Israel, tantummodo in me auxilium tuum.

A d tertium dicendum, quod etiam in rebus naturalibus dispositio materiz non ex necessitate consequitur formam, nisi per virtutem agentis, qui dispositionem causat.

ARTICVLVS IV.

Vtrum gratia sit maior in vno, quam in alio.

198 **A**D QVARTVM sic proceditur. Videtur, quod gratia non sit maior in vno quam in alio: gratia enim causatur in nobis ex dilectione diuina. vt * dictum est. Sed Sap. 6. dicitur, pusillum & magnum ipse fecit, & equaliter est illi cura de omnibus: ergo omnes equaliter gratiam ab eo consequuntur.

¶ 2. Præterea, Ea quæ in summo dicuntur, non recipiunt magis & minus. Sed gratia in summo dicitur: quia coniungit vltimo fini: ergo non recipit magis & minus: non est ergo maior in vno quam in alio.

¶ 3. Præterea, Gratia est vita animæ, vt * supra dictum est. Sed viuere non dicitur secundum magis & minus: ergo etiam neque gratia.

¶ 4. Contra est, quod dicitur ad Eph. 4. Vnicuique data est gratia secundum mensuram donationis Christi. Quod autem mensuratur datur, non omnibus equaliter datur: ergo non omnes equaliter gratiam habent.

CONCLUSIO.

Gratia gratum faciens maior in vno quam in alio est, non ex parte finis (qualibet enim gratia vnus cor immediate vltimo fini) sed ex parte subiecti magis dispositi. quia scilicet plenioris maioremque gratiam accipit homo magis preparatus.

¶ 1. Respondens dicendum, quod sicut * supra dictum est, habitus duplicem magnitudinem habere potest. Vnam ex parte finis vel obiecti, secundum quod dicitur vna virtus alia nobilior, inquantum ad maius bonum ordinatur. Aliam vero ex parte subiecti, quod maius vel minus participat habitum inherenter. Secundum igitur primam magnitudinem gratia gratum faciens non potest esse maior & minor: quia gratia secundum sui rationem coniungit hominem summo bono, quod est Deus. Sed ex parte subiecti gratia potest suscipere magis vel minus, prout scilicet vnus perfectius illustratur à lumine gratiæ quam alius. Cuius diuersitatis ratio quidem est aliqua ex parte preparantis se ad gratiam: qui enim magis se ad gratiam preparat, plenioris gratiam accipit. Sed ex hac parte non potest accipi prima ratio huius diuersitatis: quia preparatio ad gratiam non est hominis nisi inquantum liberum arbitrium eius preparatur à Deo. Vnde prima causa huius diuersitatis accipienda est ex parte ipsius Dei qui diuersimodè suæ gratiæ dona dispensat ad hoc, quod ex diuersis gradibus pulchritudo & perfectio ecclesiæ confurgat, sicut etiam diuersos gradus rerum instituit, vt esset vniuersum perfectum. Vnde Apostolus ad Eph. 4. postquam dixerat, Vnicuique data est gratia secundum mensuram donationis Christi, enumeratis diuersis gratiis, subiungit, Ad consummationem sanctorum in edificationem corporis Christi.

A d primum ergo dicendum, quod cura diuina dupliciter considerari potest. Vno modo, quantum ad ipsum diuinum actum, qui est simplex & vniformis. Et secundum hoc equaliter se habet eius cura ad omnes, quia scilicet vno actu simplici & maiora & minora dispensat. Alio modo potest considerari ex parte eorum, quæ in creaturis ex diuina cura promouentur. Et secundum hoc inuenitur inæqualitas, inquantum scilicet Deus sua cura quibusdam maiora quibusdam minora prouidet dona.

A d secundum dicendum, quod ratio illa procedit secundum primum modum magnitudinis gratiæ: non enim potest gratia secundum hoc maior esse quod ad maius bonum ordinatur: sed ex eo quod magis vel minus ordinatur ad idem bonum magis vel minus participandum. Potest enim esse diuersitas intentionis & remissionis secundum participationem subiecti, & in ipsa gratia & in finali gloria.

A d tertium dicendum, quod vita naturalis pertinet ad substantiam hominis, & ideo non recipit magis & minus. Sed vitam gratiæ participat homo accidentaliter, & ideo eam potest homo magis vel minus habere.

ARTICVLVS V.

Vtrum homo possit scire se habere gratiam.

199 **A**D QVINTVM sic proceditur. Videtur, quod homo possit scire se habere gratiam. Gratia enim est in anima per sui essentiam. Sed certissima cognitio animæ est eorum quæ sunt in anima per sui essentiam, vt patet per Aug. * 12. super Gen. ad litteram: ergo gratia certissime potest cognosci ab eo, qui gratiam habet.

¶ 2. Præterea, Sicut scientia est donum Dei, ita & gratia. Sed qui à Deo scientiam accipit, scit se scientiam habere, secundum illud Sap. 7. Dominus dedit mihi horum, quæ sunt, veram scientiam: ergo pari ratione qui accipit gratiam à Deo, scit se gratiam habere.

¶ 3. Præterea, Lumen est magis cognoscibile quam tenebra, quia secundum Apostolum ad Eph. 5. omne quod manifestatur, lumen est. Sed peccatum quod est spirituale tenebra, per certitudinem potest sciri ab eo, qui habet peccatum: ergo multo magis gratia, quæ est spirituale lumen.

¶ 4. Præterea, Apostolus dicit 1. ad Cor. 2. Nos autem non spiritum, huius mundi accepimus, sed spiritum, qui à Deo est, vt sciamus quæ à Deo donata sunt nobis. Sed gratia est pri-

mum donum Dei: ergo homo qui accipit gratiam per Spiritum sanctum, per eundem Spiritum scit gratiam esse sibi datam.

¶ 5. Præterea, Gen. 22. ex persona Domini dicitur ad Abraham, Nunc cognoui quod timeas Dominum, id est cognoscere te feci. Loquitur autem ibi de timore casto, qui non est sine gratia: ergo homo potest cognoscere se se habere gratiam.

S d contra est, quod dicitur Eccl. 9. quod nemo scit vtrum sit dignus odio vel amore. Sed gratia gratum faciens facit hominem dignum Dei amore. Ergo nullus potest scire vtrum habeat gratiam gratum facientem.

CONCLUSIO.

Tamen si quis & coniecturis inquantum scilicet homo nullius sibi conscius peccati mortalis percipit se delectari in Deo & contemnere res mundanas scire aliquo modo quis possit se habere gratiam: tamen id certo, nisi ei reueletur, scire non potest.

Respondens dicendum, quod tripliciter aliquid cognosci potest. Vno modo per reuelationem. Et hoc modo potest aliquis scire se habere gratiam: reuelatur enim Deus hoc aliquando aliquibus ex speciali privilegio, vt securitatis gaudium etiam in hac vita in eis incipiat, & confidentius & fortius magnifica opera proficiuntur. & mala præsentis vite sustineant. Sicut Paulo dictum est ad Cor. 12. Sufficit tibi gratia mea. Alio modo homo cognoscit aliquid per seipsum, & hoc certitudinaliter. Et sic nullus potest scire se habere gratiam: certitudo enim non potest haberi de aliquo, nisi possit diiudicari per proprium principium; sic enim certitudo habetur de conclusionibus demonstratiuis per indemonstrabilia vniuersalia principia. Nullus autem posset scire se habere scientiam alicuius conclusionis, si principium ignoraret. Principium autem gratiæ & obiectum eius est ipse Deus, qui propter sui excellentiam est nobis ignotus, secundum illud Iob 16. Ecce Deus magnus vincens scientiam nostram. Et ideo eius præsentia in nobis & absentia per certitudinem cognosci non potest, secundum illud Iob 9. Si venerit ad me, non videbo eum: si autem abierit, non intelligam. Et ideo homo non potest per certitudinem diiudicare, vtrum ipse habeat gratiam, secundum illud 1. ad Cor. 4. Sed neque me ipsum iudico: qui autem iudicat me, Dominus est. Tertio modo cognoscitur aliquid coniecturaliter per aliqua signa. Et hoc modo aliquis cognoscere potest se habere gratiam inquantum scilicet percipit se delectari in Deo, & contemnere res mundanas, & inquantum homo non est conscius sibi alicuius peccati mortalis: secundum quem modum potest intelligi quod habetur Apocal. 1. Vincenti dabo inanna absconditum, quod nemo nouit, nisi qui accipit: quia scilicet ille qui accipit * per quandam experientiam dulcedinis nouit, quam non experitur ille, qui non accipit, ista tamen cognitio imperfecta est. Vnde Apostolus dicit 1. ad Cor. 4. Nihil mihi conscius sum, sed non in hoc iustificatus sum: quia vt dicitur in Psalm. 18. Delicta quis intelligit ab occultis &c.

A d primum ergo dicendum, quod illa quæ sunt per essentiam sui in anima, cognoscuntur experimentaliter cognitione, inquantum homo experitur per actus principia intrinseca: sicut, voluntatem percipimus volendo, & vitam in operibus vite.

A d secundum dicendum, quod de ratione scientiæ est quod homo certitudinem habeat de his, quorum habet scientiam: & similiter de ratione fidei est, quod homo sit certus de his, quorum habet fidem. Et hoc ideo, quia certitudo pertinet ad perfectionem intellectus, in quo prædicta dona existunt: & ideo quicumque habet scientiam vel fidem, certus est se habere. Non est autem similis ratio de gratia & charitate, & aliis huiusmodi quæ perficiunt vim appetituum.

A d tertium dicendum, quod peccatum habet pro principio & pro obiecto bonum commutabile, quod nobis est notum. Obiectum autem vel finis gratiæ est nobis ignotum: propter sui luminis inmensitatem secundum illud 1. ad Timoth. 6. Lucem habitat inaccessibilem.

A d quartum dicendum, quod Apostolus ibi loquitur de donis gloriæ, quæ sunt nobis data in spe, quæ certissime cognoscimus per fidem, licet non cognoscamus per certitudinem nos habere gratiam, per quam nos possumus ea promereri. Vel potest dici, quod loquitur de notitia privilegiata quæ est per reuelationem. Vnde subdit, Nobis autem reuelauit Deus per Spiritum sanctum.

A d quintum dicendum quod illud verbum Abraham dictum, potest referri ad notitiam experimentalem, quæ est per exhibitionem operis. In opere enim illo quod fecerat Abraham, cognoscere potuit experimentaliter se Dei timorem habere.

¶ Vel potest hoc etiam ad reuelationem referri.

DISPUTATIO V.

De Gratia Habituali.

POST considerationem gratiæ actualis & modi quo Deus prima causa concurrat mediante ea cum causis secundis; agendum est de gratia habituali in se, ad quam acquirendam, conseruandam, & augendam tanquam

tanquam ad proprium finem ordinatur gratia actualis.

D V B I U M I.

Utrum gratia habitualis sit aliquid creatum in anima.

Prima opinio, sed Hæretica, negat dari gratiam habitualement, quæ sit aliquid creatum in anima. Ita Calvinistæ, qui dicunt hominem iustificari tantum ab extrinseco, per hoc scilicet quod ipsi credenti in Christum, propter merita eiusdem Christi, non imputentur peccata; & appareat iustus visus sub iustitia Christi, sicut omnia visa per medium rubrum aut viride, apparent rubra aut viridia. Probatur, Si esset necessaria gratia habitualis in anima, maxime propter remissionem peccatorum & iustificationem; hoc enim primum assignatur fundamentum: sed non est propter hoc necessaria gratia habitualis in anima quia remissio peccatorum & iustificatio fit ab extrinseco, Per hoc quod Deus non imputet, sed tegat peccata iuxta illud Psalmi 31. Beatus vir, cui non imputauit Dominus peccatum: & Beati, quorum remissæ sunt iniquitates, & quorum tecta sunt peccata: ergo non datur gratia habitualis, quæ sit aliquid creatum in anima.

Secundò, Gratia habitualis est necessaria ad hoc, ut homo sit permanenter in gratia Dei, & ut Deus viuificet animam eius vita spirituali: sed ad hæc non est necessarium aliquid creatum in anima; Non ad primum, quia dicitur aliquis esse in gratia alterius, per hoc quod diligatur ab ipso, & ita gratia Dei est ipsa æterna Dei dilectio animæ extrinseca; Nec ad secundum, quia sicut anima viuificat corpus immediate, sic Deus immediate viuificat animam per seipsum, & non per aliquid in ea creatum: ergo non datur gratia habitualis, quæ sit aliquid creatum in anima.

Tertiò, Charitas qua diligimus Deum, non est aliquid creatum in anima, sed est ipsa persona increata Spiritus sancti, ut asserit Magister sententiarum in 1. disp. 17. & colligitur ex illo 1. Ioannis 4. In hoc cognoscimus, quoniam in eo manemus (id est per charitatem) & ipse in nobis, quoniam de Spiritu suo dedit nobis: Idque expresse docet S. August. 8. de Trinitate cap. 7. ubi Deum vocat dilectionem; ait enim, Qui proximum diligit, consequens est ut ipsam præcipue dilectionem diligat, Deus autem dilectio est, & qui manet in dilectione, in Deo manet; consequens ergo est ut præcipue Deum diligat. & cap. 19. vocat Deum charitatem, qua ipsum diligimus; ait enim. Si in donis Dei nihil maius est charitate, & nullum est maius donum Dei, quam Spiritus sanctus, quid consequentius quam ut ipse sit charitas, qui dicitur Deus, & ex Deo: ergo nec gratia habitualis est aliquid creatum in anima; cum par sit vtriusque ratio.

CONCLUSIO.

RESPONDEO dicendum, quod in iustis est gratia habitualis, quæ est aliquid creatum in anima. 1. estque qualitas perfecta sub specie habitus: 3. quod idem dicendum de charitate. Ita omnes Catholici.

Probatur prima pars conclusionis auctoritate sacre Scripturæ, Concilij Tridentini, & Sanctorum Patrum. Psalmo 83. Gratiam & gloriam dabit Dominus. Ad Rom. 6. Per quem accepimus gratiam. Ad Ephes. 4. Vnicuique nostrum data est gratia secundum mensuram donationis Christi. 2. Petri 1. Maxima pretiosa nobis promissa donauit, ut per hæc efficiamini diuinæ consortes naturæ. & 1. Ioannis 3. Omnis qui natus est ex Deo, peccatum non facit, quoniam semen ipsius in eo manet. Ex Concilio Tridentino tota ferè sess. 5. definitur, pueris per Baptismum dari gratiam: vtrique habitualement, nam actualis datur tantum ad opus meritorium, cuius tunc non sunt capaces: eiusdem autem rationis est gratia sanctificans in adultis ac in paruulis, cum eandem causet formaliter sanctificationem. Idem habetur ex Sanctis Patribus, August. libro de Natura & Gratia cap. 22. in Enchiridio cap. 105. de Spiritu & Littera c. 9. D. Thom. 1. 2. quæst. 110. art. 1. ubi hoc expresse tractat, & probat sequenti ratione: Quia bonum creaturæ prouenit ex voluntate diuina, ideo ex dilectione Dei qua vult creaturæ bonum, profluit aliquod bonum in creatura: voluntas autem hominis mouetur ex bono præexistente in rebus; & inde est quod dilectio hominis non causat totaliter rei bonitatem, sed præsupponit ipsam vel in parte, vel in toto: Patet igitur quod quamlibet Dei dilectionem sequitur aliquod bonum in creatura causatum: dilectionem quidem communem, secundum quam diligit omnia quæ sunt, sequitur bonum naturale rebus creatis largitum: dilectionem verò specialem, secundum quam trahit creaturam rationalem supra conditionem naturæ, ad participationem diuini boni, & secundum quam diligit aliquem simpliciter, sequitur bonum supernaturale gratiæ & gloriæ, in creatura rationali siue intellectualem causatum: unde dilectio Dei prius est effectiua, quam affectiua.

Probatur secunda pars conclusionis auctoritate, & ratione D. Thom. loco citato art. 2. ubi sic eam probat. Non est conueniens quod Deus minus provideat his, quos diligit ad supernaturale bonum habendum, quam creaturis quas diligit ad bonum naturale habendum: creaturis autem naturalibus sic provideat, ut non solum moueat eas ad actus naturales, sed etiam largiatur eis formas & virtutes quasdam, quæ sunt principia actuum, ut secundum seipsas inclinentur ad huiusmodi motus; & sic motus quibus a Deo mouentur sunt creaturis connaturales & faciles, secundum illud Sap. 8. Et disponit omnia

suauiter: multo igitur magis illis, quos mouet ad consequendum bonum supernaturale æternum, infundit aliquas formas seu qualitates supernaturales, secundum quas suauiter & promptè ab ipso mouentur ad bonum æternum consequendum: & sic donum gratiæ qualitas quædam est. Et art. sequenti ad 3. sic ait: Gratia reducitur ad primam speciem qualitatis (id est habitus) nec tamen est idem quod virtus, sed habitudo quædam quæ præsupponitur virtutibus infusis, sicut earum principium & radix.

Probatur tertia pars conclusionis ex illo ad Rom. 5. Charitas Dei diffusa est in cordibus nostris per Spiritum sanctum, qui datus est nobis: Ecce ponitur charitas vt effectus in nobis causatus à Spiritu sancto, ac proinde vt quid ab ipso distinctum: Quem locum exponit S. Aug. de Spiritu & Littera cap. 32. sic: Charitas quippe Dei dicta est diffundi in cordibus nostris, non qua nos ipse diligit, sed qua nos facit dilectores suos: sicut iustitia Dei, qua iusti eius munere efficiuntur; & fides Iesu Christi, qua nos fideles facit: Item ex Concilio Trid. sess. 6. cap. 7. vbi dicitur quod in iustificatione hæc tria simul accipit homo scilicet fidem, spem, & charitatem, Cum igitur secundum omnes Scholasticos fides & spes sint aliquid creatum in anima, etiam ipsa charitas erit aliquid creatum. Hoc idem habetur ex D. Thom. 1. 2. q. 24. & in 1. d. 17. q. 1. & probatur eadem ratione D. Thom. quia probatum est gratiam esse qualitatem, nam si conueniens est quod Deus infundat habitus quæ sunt principia actuum supernaturalium, vt tales actus fiant suauiter & promptè, ac sint connaturales potentiæ eleuatæ; consequens est quod charitatis & dilectionis actus supernaturales, inter alios præcipui & eminentissimi, eliciantur ab habitu charitatis infuso, vt à principio immediato: non enim procedunt à gratia, nisi mediatè, in quantum scilicet ipsa est radix à qua emanant habitus supernaturales, qui sunt ordinati ad eliciendos actus supernaturales; propterea subiectantur in potentiis animæ; ipsa verò gratia est subiectiuè in substantia animæ, non enim ordinatur ad operandum supernaturaliter, sed immediatè ordinatur ad dandum esse supernaturale: habitus autem supernaturales, quia sunt tota & adæquata virtus proxima agendi, vocantur ad D. Th. semipotentie.

Ad primum ergo dicendum cum D. Th. 1. 2. q. 110. art. 1. ad 3. & q. 113. art. 2. quod remissio peccatorum & iustificatio non fit sine aliquo effectui diuinitus in nobis causato: Et respondet ad illum locum Psalmi, quod sicut dilectio Dei non solum consistit in actu voluntatis diuinæ, sed etiam importat quendam gratiæ effectum: ita etiam & hoc quod est Deum non imputare peccatum homini importat quendam effectum in ipso, cui peccatum non imputatur; quod enim alicui non imputetur peccatum à Deo ex diuina dilectione procedit.

Ad secundum dicendum cum D. Th. loco citato, quod secundum communem modum loquendi tripliciter gratia accipi consuevit: Vno modo, pro dilectione alicuius: Secundo, pro aliquo dono gratis dato: Tertio, pro recompensatione beneficii gratis dati: In hoc autem quod dicitur aliquis habere gratiam alterius, intelligitur in illo esse aliquid, quod sit homini gratum; sicut & in hoc quod dicitur aliquis gratiam Dei habere: sed tamen differenter; nam illud quod est homini gratum præsupponitur eius dilectioni; causatur autem ex dilectione diuina quod est in homine Deo gratum. Ad aliud autem dicendum, quod Deus est vita animæ per modum causæ efficientis, sed anima est vita corporis per modum causæ formalis: inter formam autem & materiam non cadit aliquod medium, quia forma per seipsam informat materiam vel subiectum; sed agens informat subiectum, non per suam substantiam, sed per formam quam causat in materia.

Ad tertium dicendum, vt dictum est, quod charitas est aliquid creatum in anima: Locus autem S. Ioannis sic debet intelligi; quod quia charitas appropriatur Spiritui sancto amoris diuini notionali, sicut sapiëntia appropriatur Filio; Deus dicitur dare de suo Spiritu, quando infundit charitatem, per quam iustus manet in Deo, & Deus in illo. Ad locum Augustini dicendum, quod vis eius argumenti in hoc consistit, quod qui diligit proximum, diligit suam dilectionem; quia volendo volumus nos velle, actus enim voluntatis eo quod voluntarius, est virtualiter reflexiuus supra seipsum: qui autem diligit suam dilectionem aut charitatem, consequenter diligit ipsum Deum, qui est dilectio & charitas per essentiam, cuius nostra dilectio & charitas est quædam participatio: in participatione autem dilecta diligitur id cuius est participatio.

D V B I V M II.

Vtrum gratia habitualis distinguatur à charitate.

PRIMA opinio negatiua est Scoti in 2. d. 27. art. 1. Durandi. d. 26. q. 1. num. 7. & aliorum. Probatur autoritate Scripturæ, Concilii Tridentini, & S. Aug. Ad Rom. 5. dum fit mentio iustificationis quæ fit per gratiam, habetur: Charitas Dei diffusa est in cordibus nostris per Spiritum sanctum, qui datus est nobis. Concilium Trident. nullam aliam ponit formam nostræ iustificationis præter charitatem, nec adducit gratiam vt quid distinctum; vnde dicit sess. 6. cap. 7. quod fides non est sufficiens ad iustificationem, nisi ad eam spes accedat, & charitas: & sess. 14. cap. 4. dicit quod contritio charitate formata conciliat nos Deo: cui Ecclesia conformatur dum orat, Da nobis fidei, spei, & charitatis augmentum. Tandem Aug. de Natura & Gratia cap. 41. dicit charitatem

charitatem esse nostram iusticiam, qua iusti sumus: ergo cum gratia habitualis sit forma nostræ iustificationis, non distinguitur à charitate.

Secundò, Idem est effectus gratiæ & charitatis, tam in genere causæ formalis, quàm efficientis; nam sicut gratia nos facit iustos, charos Deo, filios eius adoptiuos, ac tandem est principium meriti; sic & charitas: ergo gratia habitualis non distinguitur à charitate; quia cum non multiplicentur entia sine necessitate, ex identitate effectus, maximè formalis colligitur identitas formarum, sicut ex diuersitate effectuum colligitur earum diuersitas.

Tertiò, Si gratia habitualis distingueretur à charitate, cum ambo sint formæ absolutæ & completæ, possent ab inuicem separari; licet enim correlatiua & incompleta ut materia & forma, etsi realiter distincta, non possint separari; tamen omnia entia actu completa & absoluta sunt ab inuicem separabilia: sed charitas est inseparabilis à gratia, ut fatentur Scholastici communiter, & tamen sunt formæ completæ & absolutæ: ergo non distinguuntur ab inuicem.

CONCLUSIO.

RESPONDEO dicendum, quòd gratia habitualis distinguitur realiter à charitate. 2. charitas enim est virtus, 3. gratia verò habitualis non est virtus, nec in communi, nec in particulari. 4. sed parens & radix omnium virtutum.

Probatur prima pars conclusionis, quam tenent D. Th. 1. 2. qu. 110. art. 3. & alibi sæpe, ac communiter eius Discipuli, autoritate sacræ Scripturæ, Conciliorum, & Sanctorum Patrum 1. ad Cor. 16. Gratia Domini nostri Iesu Christi vobiscum, charitas, &c. 1. ad Thimoth. 1. Superabundauit gratia cum fide, & dilectione; Ecce gratia sanctificans & habitualis & dilectio siue charitas afferuntur ut duo distincta. Concilium Viennense, Clementina vnica de summa Trinitate definit conferri in Baptismo informantem gratiam, & virtutes: vnde cum charitas sit virtus, gratia habitualis distinguitur ab illa. Aug. de Spiritu & Littera cap. 32. ait: Charitas quippe Dei dicta est diffundi in cordibus nostris, non qua nos ipse diligit, sed qua nos facit dilectores suos; sicut iustitia Dei, qua iusti eius munere efficiuntur: clarè distinguit gratiam iustificantem à charitate. Tandem probatur ratione D. Th. 1. 2. qu. 110. art. 3. quam sic proponit: Ut Philosophus dicit in 7. Physicor. virtus est quedam dispositio perfecti, dico autem perfectum, quod est dispositum secundum naturam; ex quo patet quòd virtus vniuscuiusque rei dicitur in ordine ad aliquam naturam præexistentem, quādo scilicet vnumquodque sic est dispositum secundum quod congruit suæ naturæ: manifestum est autem, quòd virtutes acquisitæ per actus humanos sunt dispositiones, quibus homo conuenienter disponitur in ordine ad naturam qua

homo est: virtutes autem infusæ disponunt hominem altiori modo, & ad altiorem finem; vnde etiam oportet quòd in ordine ad aliquam altiorem naturam, hoc est in ordine ad naturam diuinam participatam, quæ dicitur lumen gratiæ, secundum quod dicitur 2. Petri 1. Maxima & pretiosa vobis promissa donauit, ut per hoc efficiamini diuinæ consortes naturæ: & secundum acceptionem huiusmodi naturæ dicimur regenerari in filios Dei: sicut igitur lumen naturale rationis est aliquid præter virtutes acquisitas, quæ dicuntur in ordine ad ipsum lumen naturale: ita etiam ipsum lumen gratiæ, quod est participatio diuinæ naturæ, est aliquid præter virtutes infusæ, quæ à lumine isto deriuantur, & ad illud lumen ordinantur: ac proinde gratia habitualis distinguitur realiter à charitate, cum ipsa sit virtus, ut statim dicitur.

Probatur secunda pars conclusionis. Tum communi consensu Theologorum; imò & omnium Fidelium, qui tenent tres esse virtutes Theologicas, scilicet fidem, spem & charitatem; ipsamque charitatem esse præcipuam: vnde D. Thom. agens de virtutibus in particulari 2. 2. suo ordine agit de charitate. Tum sequenti ratione: Virtus est aliquid superadditum naturæ, per se primò ordinatum ad operationem; vel ut simpliciter eliciatur, quatenus natura ex se præcisè non potest illam elicere; vel ut saltem facilius, & delectabiliter eliciatur: licet enim virtus actuet, perficiat, & eleuet potentiam cui inhaeret hoc tamen totum sit propter operationem: sed charitas est aliquid superadditum naturæ per se primò ordinatum ad operationem, scilicet ad diligendum Deum ut authorem supernaturalem; ut sic enim est obiectum excedens naturam in se præcisè consideratam, ut patet ex ipsis terminis: ergo charitas est virtus.

Probatur tertia pars conclusionis: Gratia est aliquid præsuppositum ad virtutes, ut dictum est ex D. Thom. ergo non est virtus. Deinde, Si esset virtus in communi, prædicaretur de omnibus virtutibus in particulari, sicut animal prædicatur de homine, leone, & aliis: falsum est autem quòd gratia prædicetur de virtutibus in particulari in sensu formali; maximè de omnibus. Denique, Gratia habitualis non est in peccatore secundum fidem, & tamen in ipso remanent virtutes fidei, & spei: ergo gratia habitualis non est virtus, nec in communi, nec in particulari.

Probatur quarta pars conclusionis: Gratia habitualis ut dictum est, præsupponitur ad virtutes infusæ, sicut lumen naturale rationis ad virtutes acquisitas, siue tanquam natura ad suas proprietates: ergo sicut natura est parens & radix omnium suarum proprietatum, sic gratia habitualis est parens & radix omnium virtutum infusarum; vnde omnes illæ præsupponunt in prima sui productione gratiam habitualement; nec possunt esse sine illa in statu perfectio siue ut principia

principia actus meritorij, quamuis fides & spes remaneant in peccatore, sed informes ex speciali Dei influxu: cum enim sint principia actuum quibus iustificationi præparamur, necessarium fuit ut remanerent; alioquin desperata esset salus peccatorum. Ex his sequitur quod gratia est participatio diuinæ naturæ in se formalissimè considerata ex illo 2. Petri 1. Maxima & pretiosa vobis promissa donauit, ut per hoc efficiamini diuinæ consortes naturæ: virtutes autem infusæ sunt participationes attributorum, siue diuinarum perfectionum.

Ad primum ergo dicendum, quod (quia tam actus quam habitus charitatis sunt inseparabiles à gratia habituali iustificante: actus quidem ut vltima dispositio ad gratiam, quam ponit; & ut sic est prior naturâ ipsâ gratiâ, & elicitur medio auxilio actuali supplente habitum charitatis: ipse verò habitus est inseparabilis à gratia cum sit proprietas eius:) tam Scriptura, quam Concilia, & Sancti Patres aliquando assignant charitatem pro forma iustificationis: non quia reuera ita sit, sed quia est inseparabiliter coniuncta cum illa: aliquando tamen condistinguunt charitatem à gratia habituali, quæ est forma iustificationis, ut dictum est.

Ad secundum dicendum, quod effectus illi assignati sunt primariò & formaliter à gratia tantum habituali, à charitate verò actuali sunt tantum dispositiuè; consequenter autem à charitate habituali: ratio huius est, quia gratia datur ad esse, & est per modum naturæ, ac ita est principium radicale meriti; charitas autem habitualis datur ad operari, & est per modum potentiae, ac proinde est principium formale proximum meriti.

Ad tertium dicendum, quod charitas habitualis est proprietas gratiæ iustificantis: vnde naturaliter est inseparabilis ab ipsa; de potentia tamen absoluta potest separari: in tali autem casu homo habens gratiam habitualement, esset iustus, filius Dei adoptiuus habens ius ad regnum cœleste, quamuis non haberet charitatem: si autem Deus auferret gratiam habitualement ab homine iusto absque eius culpa; non amitteret ius ad regnum cœleste sibi debitum ratione præcedentis meriti, & maneret iustus & gratus Deo, non quidem intrinsecè per formam inhaerentem; sed extrinsecè per actum dilectionis Dei. Ex dictis infertur gratiam habitualement subiectari in essentia animæ, charitatem verò in voluntate; quia habitus operatiui sunt in potentiis, à quibus eliciuntur eorum actus.

D V B I V M I I I.

Verum solus Deus sit causa principalis gratiæ habitualis.

PRima opinio asserit, posse communicari alicui creaturæ, quod sit causa principalis gra-

tiæ habitualis. Ita tenuit Scotus in prima questione Prologi, & alij. Probatur autoritate SS. Dionysij & Augustini. Dionysius libro Cœlestis Hierarchiæ docet angelos superiores purgare, illuminare, & perficere inferiores: hoc autem fit per gratiam habitualement. Augustinus autem 1. de Prædestin. Sanctor. cap. 5. ait quod posse habere gratiam, fidem, &c. naturæ est hominum: & ita naturalis est homini potentia passiva gratiæ receptiua: ergo & actiua eiusdem productiua; omni enim potentia passiuæ correspondet actiua eiusdem ordinis: & consequenter potest communicari alicui creaturæ, quod sit causa principalis gratiæ habitualis.

Secundò, Gratia est accidens finitum in sua entitate ut patet; ergo potest dari aliqua creatura perfectior quam sit gratia, cui sit communicabilis virtus productiua gratiæ, per modum causæ principalis; imò videtur fuisse communicata humanitati Christi Domini, iuxta illud Ioan. 1. Gratia & veritas per Iesum Christum facta est.

Tertiò, si quid obstarer, quin possit communicari alicui creaturæ, quod sit causa principalis gratiæ habitualis, maximè quia gratia est accidens supernaturale: sed hoc non obstat, quia potest à Deo creari substantia supernaturalis eiusdem ordinis cum gratia, & perfectior ipsâ gratiâ. Deinde, Quia lumem gloriæ est perfectius gratia habituali, & consequenter poterit diuinitus gratiam producere, ut causa principalis æquiueca. Denique, Non obstante supernaturalitate gratiæ, Sacramenta nouæ legis illam producant ut instrumenta Dei, quia tantum eleuantur per virtutem incompletam & transeuntem: ergo possent illam producere per modum causæ principalis, si illis à Deo communicaretur aliqua virtus completa & permanens.

C O N C L V S I O.

RESPONDEO dicendum, quod de facto solus Deus est causa principalis gratiæ habitualis. 2. imò & de possibili, ita ut nec de potentia absoluta possit communicari alicui creaturæ virtus connaturalis, qua sit causa principalis productiua gratiæ. 3. quamuis de facto assumatur à Deo ut instrumentum ad illam producendam. Ita omnes Thomistæ.

Probatur prima pars conclusionis, tum autoritate, tum ratione D. Thom. hic art. 1. quam sic proponit: Nulla res potest agere ultra suam speciem, quia semper oportet quod causa potior sit effectui: donum autem gratiæ excedit omnem facultatem naturæ creatæ, cum nihil aliud sit, quam quædam participatio diuinæ naturæ, quæ excedit omnem aliam naturam; & ideo impossibile est, quod aliqua creatura gratiam causet: sic enim necesse est, quod solus Deus deficiet communicando consortium diuinæ naturæ, per quandam similitudinis participationem, sicut impossibile est quod aliquid ignis fiat nisi solus ignis

ignis. Quæ ratio potest reduci ad hanc breuiorem formam: Causare gratiam est deificare effectiue, siue facere consortem & participem diuinæ naturæ, ac deiformem ut patet ex autoritate D. Petri superius adducta: sed deificare est solius Dei per modum causæ principalis: sicut ignire per modum causæ principalis est solius ignis, aut alterius eminenter continentis naturam ignis, ac proinde perfectioris: constat autem quod nihil continet eminenter naturam Dei, quia esset perfectius illo & superioris ordinis, quod implicat: quod autem continet formaliter naturam Dei est Deus ipse vnus: ergo solius Dei est causare gratiam ut causa principalis.

Probatur secunda pars conclusionis eadem ratione, quæ non solum de facto, sed etiam de possibili conuincit. Deinde, Nulli creaturæ potest esse connaturalis gratia habitualis, sicut nec lumen gloriæ, aut alia accidentia ordinis supernaturalis, ut docet D. Thom. 1. p. q. 12. art. 5. ad 3. cuius ratio est maximè de gratia, quia per ipsam fit homo filius Dei adoptiuus; constat autem quod adoptio fit ex mera voluntate adoptantis: ergo multò minus est possibile communicari alicui creaturæ virtutem connaturalem, qua sit causa principalis productiua gratiæ, quia maius est posse aliquid producere, quàm posse illud habere. Nec potest dici, quod homo per gratiam sibi à Deo communicatam possit similem in alio producere verè physicè: tum quia gratia non est physicè operatiua, datur enim ad esse, & non ad operari; imò licet habitus possint esse principia actuum, nullus tamen est qui alium habitum verè efficienter & immediatè possit producere; vnde quando magister docet discipulum eius habitus scientificus non producit immediatè, similem in discipulo, sed talis habitus producit in discipulo per demonstrationem, quam ipse discipulus format ex propositione magistri; constat autem quod gratia est habitus: tū quia gratia sic communicata & operatiua physicè alterius similis, non esset connaturalis, quia non daretur ad eliciendos actus vitales, sed ad effectum extrinsecum operanti: vnde in tali productione operans se haberet non ut causa principalis, sed ut instrumentum. Denique, Si alicui creaturæ posset communicari virtus productiua gratiæ per modum causæ principalis, videtur sequi quod possit illi communicari omnipotentia, quod tamen est absurdum dicere; quia gratia habitualis est perfectissimus effectus omnipotentia ad extra; si autem potest alicui communicari potentia in ordine ad suum perfectissimum effectum, etiam potest communicari in ordine ad alios effectus imperfectiores.

Probatur tertia pars conclusionis communi penè consensu Theologorum, qui cum D. Thom. 3. p. q. 62. asserunt Sacramenta nouæ legis causare gratiam, ut instrumenta Dei verè physicè; & non tantum moraliter: & per hoc di-

stinguuntur à sacramentis legis veteris, quæ non causabant gratiam quam significabant: vnde ait Augustinus, Quæ tanta virtus aquæ, ut corpus tangat, & mentem abluat. Idem docent de humanitate Christi Domini, quam vocant instrumentum coniunctum diuinitatis, siue quoddam diuinitatis organum, ut ait Damasc. 3. libro. cap. 15. Sacramenta verò instrumenta separata: Cessant autem hinc rationes & inconuenientia, quæ probant non posse dari creaturam, quæ sit causa principalis gratiæ; quia instrumentum ut tale non tam agit, quàm agitur; nec agit propria & connaturali virtute, sicut causa principalis.

A d primum ergo dicendum cum D. Th. 1. 2. q. 112. art. 1. ad 3. quod angelus purgat, illuminat, & perficit alium angelum vel hominem, per modum instructionis cuiusdam; non autem iustificando per gratiam: vnde Diony. dicit. 7. cap. de Diuinis Nominibus; quod huiusmodi purgatio, illuminatio, & perfectio nihil est aliud, quàm diuinæ scientiæ assumptio. Ad aliud Aug. concessio antecedenti, negatur consequentia: verum quidem est omni veræ potentia passiuæ correspondere actiuam eiusdem ordinis: si autem non est veræ potentia, ut contingit in potentia obedientiali passiuæ, quæ est potius quædam capacitas naturæ; sufficit quod ei correspondeat potentia actiua in alio subiecto: vnde ponitur in Deo virtus principalis productiua gratiæ.

A d secundum dicendum, quod licet gratia sit accidens finitum, & sub hac ratione analoga accidentis sit imperfectius in suo esse, quàm quælibet substantia, quia huius esse est esse per se, illius verò esse est inesse: tamen ut tale accidens, siue secundum suam rationem specificam est ordinis superioris & diuini: potest enim contingere, quod aliquid sit imperfectioris generis, quod respicit esse: & simul perfectioris ordinis, quia respicit finem sicut contingit aliqua esse diuersi generis & eiusdem ordinis, ut dispositio ad formam substantialem, & ipsa forma. Ad illud de Christo Domino, dicendum, quod secundum diuinitatem fuit causa principalis gratiæ, secundum verò humanitatem causa instrumentalis, & hoc vult S. Ioannes.

A d tertium dicendum, quod est impossibilis substantia supernaturalis: quia accidens ideo dicitur supernaturale, quia ordinat subiectum ad finem supernaturalem, accidentis enim esse est inesse; & consequenter perficit subiectum in ordine ad aliquem finem, à quo habet quod sit vel ordinis naturalis, vel supernaturalis: sicut enim habet esse in & à subiecto, sic habet diuersum modum & ordinem essendi ex diuerso modo & ordine perficiendi subiectum: substantia autem sicut habet esse per se independenter ab alio, sic & diuersum modum essendi: imò & diuersum ordinem: cum igitur omnis substantia creata dabilis habeat esse distinctum à sua essetia & nulla ratione sui, sed

per accidētia superaddita ordinetur ad finem supernaturalem, nulla substantia creata est dabilis, quæ sit ordinis supernaturalis; sed solus Deus, cuius essentia est suum esse. Ad aliud dicendum, quod lumen gloriæ non est perfectius gratia habituali: hæc enim est participatio diuinæ naturæ formalissimè consideratæ, illud verò est participatio diuini intellectus: gloria autem quia importat gratiam habitualement consummatam, id est emanantem lumen gloriæ, est perfectior gratia simpliciter dicta: Deinde dato quod lumen gloriæ esset perfectius gratia habituali, non sequeretur quod posset illam producere per modum causæ principalis, propter rationes dictas. Ad aliud patet ex dictis, cur possit creatura producere gratiam ut instrumentum Dei non autem ut causa principalis. Similiter homo non potest esse causa principalis habituum supernaturalium; bene tamen actuum supernaturalium; quia illi sunt totaliter supernaturales, non verò isti ob virtutem radicalem potentiæ naturalis, à qua etiam procedunt.

D V B I V M I V.

Utrum gratia habitualis educatur de potentia obedientiali animæ.

Supponendum est, potentias animæ esse in duplici differentia. Aliæ sunt actiuæ, quæ agunt in suum obiectum, ut intellectus agens, & potentiæ vegetatiuæ: Aliæ sunt passiuæ & receptiuæ, quæ patiuntur à suo obiecto, ut intellectus passibilis, voluntas, potentiæ sensitiuæ. Inter potentias passiuas est adhuc discrimen. Aliæ enim sunt purè passiuæ & receptiuæ: Aliæ ita sunt passiuæ respectu obiecti, ut etiam sint actiuæ respectu suorum actuum, quos eliciunt. Purè passiuæ vel dicuntur naturales, vel obedientiales: Naturales sunt illæ, quæ dicunt ordinem ad agens naturale, respiciunt formam naturalem, & reducuntur in actum modo naturali: Obedientiales verò dicunt ordinem ad agens supernaturale, respiciunt formam supernaturalem in substantia, vel saltem quoad modum, & reducuntur in actum modo supernaturali: quamuis etiam, licet non tam ordinariè potentia quæ respicit agens artificiale, dicatur obedientialis. Tunc autem dicitur aliqua forma, siue sit substantialis, siue accidentalis, educi de potētia materiæ vel subiecti; quando in suo esse, fieri, & conseruari ita pendet à subiecto, ut ipsum fieri sit ex vi transmutationis eiusdem subiecti, quod præsupponitur in aliqua duratione reali: unde si quid ex his desit, forma non dicitur educi de potentia materiæ, sed creari, aut concreari: creari quidem; si eius esse sit omnino independens à subiecto, ita ut sine ipso subsistere possit quamuis sit eius compars; & fieri eius solum dependeat à subiecto ut à conditione siue occasione, & non ut à

causa, ut contingit in productione animæ rationalis, quæ propterea dicitur creari, licet totus homo dicatur generari: concreari autem; si eius esse & fieri dependent quidem à subiecto ut à causa materiali, non ita tamen quod hoc sit ex vi transmutationis eiusdem subiecti præsuppositi in aliqua duratione reali, ut contingit in productione formarum cœlestium, quæ propterea dicuntur concreari.

Prima opinio negat gratiam habitualement educi de potentia obedientiali animæ, & asserit creari, aut saltem concreari. Ita tenent S. Bonaventura in 4. d. 1. art. 1. quæst. 4. Scotus ibidem quæst. 1. & alij etiam ex recentioribus. Probatur autoritate sacræ Scripturæ. Psalmo 50. habetur. *Cormundum crea in me Deus*, Id est crea gratiam in corde meo, qua mundetur. Ad Ephesios 2. *Creati in Christo Iesu in operibus bonis*. Et ad Galatas 6. *Homo iustus dicitur noua creatura*: ergo gratia habitualis producit per creationem.

Secundò, Gratia habitualis non magis dependet in sui productione ab anima rationali; quam ipsa anima à materia cui infunditur; imò minus, cum enim gratia sit ordinis supernaturales, magis excedit virtutem animæ ordinis naturalis, quam anima rationalis excedat materiam, cum sint eiusdem ordinis naturalis; & ita anima nihil omnino influit in gratiam, aut in eius productionem: sed anima rationalis propter eiusdem suæ productionis independentiam à materia, dicitur creari: ergo & gratia propter suæ productionis independentiam ab anima.

Tertiò, Homo dum iustificatur, dicitur creari in gratia, ut patet ex adductis autoritatibus Apostoli: ergo gratia, ipsa habitualis, qua iustificatur, debet concreari; cum enim ipsum totum creatur, forma & aliæ partes dicuntur concreari; ut dicitur de forma & materia cœlesti.

CONCLUSIO.

RESPONDEO dicendum, quod gratia habitualis non potest dici propriè & rigorosè loquendo creari. 2. siue concreari. 3. sed propriè educitur de potentia obedientiali animæ. Ita Caietanus 3. part. quæst. 8. art. 1. (quamuis alibi contrarium tenuisse videatur), Medina, Montesinus, & alij Expositores D. Thom. in præsentia.

Probatur prima pars conclusionis duplici autoritate D. Thom. Prima habetur 1. 2. quæst. 113. art. 9. ubi Sanctus Doctor inquit, quod sit maius opus Dei, creatio mundi, an iustificatio impij; & respondet distinguendo, scilicet quod ex parte modi agendi maximum opus est creationis, in quo ex nihilo fit aliquid; propter magnitudinem verò eius quod fit, maius opus est iustificatio impij, quæ terminatur ad bonum æternum diuinæ participationis, quam creatio cœli, & terræ, quæ terminatur ad bonum naturæ mutabilis: hæc autem distinctio nulla esset, si gratia propriè crearetur ut patet. Secunda colligitur ex duplici

duplici loco : nam 1. part. quæst. 45. negat D. Thom. posse dari instrumentum ad creandum : & tamen 3. part. quæst. 8. docet humanitatem Christi esse instrumentum coniunctum diuinitatis ad producendam gratiam : & quæst. 62. asserit Sacramenta concurrere ad eandem gratiam producendam ut instrumenta separata : ergo ex D. Thom. gratia habitualis non creatur.

Secundò, Desitio gratiæ habitualis non fit per annihilationem, quia ut probatur communi sententia Theologorum, nihil vnquam Deus annihilauit. Deinde, Quia ut ait D. Thom. 2. 2. quæst. 24. art. 10. Peccatum mortale destruit gratiam effectiuè, & tamen constat nullam creaturam posse esse causam efficientem annihilationis; imò annihilatio non potest fieri per efficientiam, sed per subtractionem cōcursum Dei conseruantis: maximè, quia sicut creatura non potest attingere creationem, sic nec annihilationem; par enim vtriusque est ratio : ergo productio gratiæ non est per creationem : quia ex communi sententia Philosophorum, inceptio & desitio rei alicuius sibi correspondent; ita ut quod incipit per generationem, si desinat, desinit per corruptionem; & quod desinit per corruptionem, inceptum per generationem; & similiter quod inceptum per creationem, si debeat desinere, desinet per annihilationem, & e contra : unde cum gratia non desinat per annihilationem, dum desinit; signum est quod non incipit per creationem.

Probatur secunda pars conclusionis : Concreari est simul cum alio creari, ut patet ex ipsis terminis : sed dum infunditur gratia homini qua redditur iustus, non creatur ipse homo, imò præsupponitur; non enim iustificatio fit ex negatione totius entis, sed talis entis scilicet iusti: ergo gratia habitualis non potest dici propriè concreari.

Probatur tertia pars conclusionis autoritate D. Thom. qu. vnica de Virtutibus in communi art. 10. ad 13. vbi agens de virtutibus infusis, docet eas educi de potentia obedientiali animæ, & eadem est ratio de gratia habituali, cum quales virtutes simul infunduntur. Et 1. 2. q. 110. art. 2. ad 3. docet quòd gratia dicitur creari, ex eo quod homines secundum ipsam creantur, id est in nouo esse constituuntur ex nihilo, id est non ex meritis.

Secundò, Gratia habitualis dependet in suo esse, & fieri ab anima; ita ut non fiat nisi per aliquam animæ mutationem, & ex vi illius; quia gratia, cum sit accidens cuius esse est inesse subiecto, eadem indiuisibili actione fit, & vnitur subiecto: quod non est semper verum in substantiis; quia enim habent esse per se, possunt produci formæ substantiales vna actione terminata ad esse subsistens; & alia distincta, quamuis simultanea, vniri subiecto, siue materiæ, ut contingit in anima rationali, quam Deus creando infundit, & infundendo creat: ergo gratia ha-

bitualis propriè educitur de potentia obedientiali animæ : quia fieri cum dicta dependentia ab anima, est educi de eius potentia, ut dictum est. Ex dictis sequitur, quòd si accidentia prius tempore siue duratione reali producerentur separata à subiecto, cum solo ordine ad illud ipsis essentiali & inseparabili, & postea vnirentur ipsi, verè dicerentur creari, quia tunc esse duarum actionum : quod est possibile saltem respectu plurium accidentium perfectorum, non autem respectu modorum : prioritas autem naturæ ad hoc non sufficit, quia ut dictum est, ex eo quod accidentis esse est inesse, si producatur in subiecto, fiunt ex vi transmutationis eiusdem : nec est fundamentum distinguendi ibi realiter duas actiones; in formis verò substantialibus, quibus conuenit esse & subsistere per se independentem à materia, ut sunt animæ rationales, est fundamentum distinguendi has duas actiones; æquè enim possent produci naturaliter loquendo separata, ac producuntur vnita : cum enim aliquando sint sine materia, possunt fieri extra materiam naturaliter, dicentes tamen ordinem ad ipsam, ut compartes ipsius in ordine ad totum compositum; fieri enim & esse proportionantur: & ita earum fieri non dependet à transmutatione & dispositione materiæ, tanquam à causa, sed solum tanquam à conditione.

Ad primum ergo dicendum cum D. Thom. 1. 2. q. 110. art. 2. ad 3. quòd gratia in Scripturis sacris dicitur creari; non quia secundum suum esse naturale & physicum producat ex nihilo, quod importat vera creatio; sed quia infunditur à Deo nullis nostris meritis præcedentibus, quod habet quandam similitudinem creationis. Adde quod etiam in Scripturis dicitur gratia, & homo iustus gigni. 1. ad Cor. 4. Per Euangelium ego vos genui; & 1. Petri 2. Sicut modo geniti infantes.

Ad secundum dicendum, quòd licet gratia ratione ordinis magis excedat animam secundum suam virtutem naturalem, quam anima materiam; non tamen excedit eam secundum potentiam obedientialem: & quia est accidens, in suo fieri dependet ab influxu passiuo & receptiuo ipsius animæ modo supra explicato, quod sufficit ut non dicatur propriè creari, sed educi de potentia obedientiali ipsius animæ.

Ad tertium dicendum est sicut ad primum.

D V B I U M V.

Verum gratia habitualis sit æqualis in omnibus iustis.

Supponendum est, quòd ad receptionem gratiæ habitualis in anima, saltem connaturalis, requiritur aliqua dispositio ordinis supernaturalis; dispositio enim & forma debent esse

V V v 2 in

in eodem ordine, cum dispositio sit quædam inchoatio formæ: Ita D. Thom. 1. 2. qu. 112. art. 2. cuius ratio est, quia cum natura paulatim procedat, non statim à principio habet opus perfectum, & sic ad introductionem cuiuscunque formæ perfectæ connaturaliter recipiendæ, debet in subiecto receptiuo procedere aliqua dispositio.

Prima opinio, sed hæretica, fuit Iouiniani circa annum Domini 393. asserentis gratiam in omnibus iustis esse æqualem. Probatur auctoritate sacræ Scripturæ. Matthæi 20. adducitur parabola patris-familias reddentis denariū diurnum omnibus operariis inæqualiter operantibus, Et Sap. 6. dicitur quod æqualiter cura est Deo de omnibus, cuius prouidentia principalis effectus est gratia: ergo gratia habitualis est æqualis in omnibus iustis.

Secundò, Gratia correspondet naturæ, vnde D. Th. 1. p. q. 62. art. 6. docet angelis datam esse inæqualem gratiam, secundum inæqualitatem naturalium; ac ita omnes habuerunt inæqualem, quia ex ipso omnes differunt specie: ergo cum omnes homines iusti conueniant in vna natura specifica, gratia habitualis erit æqualis in omnibus.

Tertiò, Gratia facit nos viuere vita spirituali, & constituit nos filios Dei adoptiuos: sed viuere, & filiatio non suscipiunt magis & minus: ergo nec gratia, à qua ista procedunt vt à causa formali, & ita est æqualis in omnibus iustis.

CONCLUSIO.

RESPONDEO dicendum, quod secundum perfectionem & magnitudinem specificam gratia habitualis est æqualis in omnibus iustis. 1. secundum verò perfectionem & magnitudinem indiuidualem, est inæqualis in adultis inæqualiter dispositis, æqualis in æqualiter dispositis. 3. in paruulis autem ante vsum rationis est æqualis, si eadem Sacramenta susceperint; inæqualis, si inter eos est inæqualitas in participatione Sacramentorum. Ita communiter Theologi.

Probatur prima pars conclusionis auctoritate & ratione D. Thom. 1. 2. qu. 112. art. 4. vbi sic ait: Secundum magnitudinem ex parte finis vel obiecti, secundum quod dicitur vna virtus alia nobilior, inquantum ad maius bonum ordinatur, gratia gratum faciens non potest esse maior & minor, quia gratia secundum sui rationem coniungit hominem summo bono quod est Deus. Et in responsione ad 2. Non potest gratia secundum hoc maior esse, quod ad maius bonum ordinet. Cuius rationis efficacia in hoc consistit: quod gratia ubicunque sit communicans suum effectum formalem, ordinat ad eundem finem scilicet Deum, sub eadem ratione quatenus est participatio diuinæ naturæ formalissimè consideratæ, & proinde est vnica in specie, ex fine siquidem vel obiecto specificantur habitus: ergo

cum ratio & perfectio specifica sit indiuisibilis sicut numeri, vt ait Philosophus, ac proinde æqualis in omnibus illam participantibus, gratia habitualis secundum perfectionem & magnitudinem specificam est æqualis in omnibus iustis.

Probatur secunda pars conclusionis auctoritate, & ratione D. Th. loco citato, vbi sic ait: Ex parte subiecti gratia potest suscipere magis vel minus, prout scilicet vnus perfectius illustratur à lumine gratiæ, quàm alius: cuius diuersitatis ratio quidem est aliqua ex parte præparantis se ad gratiam; qui enim magis se ad gratiam præparat, plenior gratiam accipit: sed ex hac parte non potest accipi prima ratio huius diuersitatis, quia præparatio ad gratiam non est hominis, nisi inquantum liberum arbitrium eius præparatur à Deo; vnde prima causa huius diuersitatis accipienda est ex parte ipsius Dei, qui diuersimodè suæ gratiæ dona dispensat, ad hoc quod ex diuersis gradibus pulchritudo & perfectio Ecclesiæ confurgat; sicut etiam diuersos gradus rerum instituit, vt esset vniuersum perfectum: Ecce D. Th. assignat triplicem causam maioris, vel minoris intensionis gratiæ in diuersis hominibus adultis: materialem, scilicet maiorem vel minorem dispositionem suscipientis, causatam tamen ex diuino auxilio: efficientem, scilicet voluntatem ipsius Dei liberè dispensantem dona suæ gratiæ, & diuersimodè: ac tandem finalem, scilicet pulchritudinem & perfectionem Ecclesiæ confurgentem ex diuersis gradibus.

Secundò probatur auctoritate sacræ Scripturæ, Conciliorum, & Sanctorum Patrum. Ioan. 15. Maiorem hac dilectionem nemo habet. & 21. Simon Petre diligis me plus his: Constat autem quod sicut gratia & charitas sunt inseparabiles ab eodem subiecto, sic in eodem sunt æquales: cum igitur reperitur inæqualis charitas in diuersis, etiam reperitur inæqualis gratia habitualis. Idem habetur definitum in Concilio Trident. sess. 6. cap. 7. ait enim: Iustitiam in nobis recipientes, vnusquisque suam secundum mensuram quam Spiritus sanctus paritū singulis prout vult, & secundum propriam cuiusque dispositionem & cooperationem. Idem habetur in Concilio Florentino in Litteris vniuersionis: & ita hæc conclusio est de fide: Quam etiam communiter docent Sancti Patres. Hieronymus libris contra Iouinianum. Augustinus Hæresi 32. & alij. Deinde, Sacramenta nouæ legis ex opere operato causant gratiam, & inter ipsa Eucharistia cæteris paribus causat maiorem, vt pote continens fontem gratiæ: sed potest contingere, & de facto contingit quod homines sint inæquales in participatione Sacramentorum, aliqui enim magis frequentant, & cum maiori deuotione: ergo inæqualem participant gratiam. Item gloria erit inæqualis in pluribus Beatis iuxta illud Ioan.

Ioan. 14. In domo patris mei mansiones multæ sunt. 1. ad Cor. 9. Qui parce seminat, parce & metet, &c. Item Sicut differt stella à stella in claritate, sic erit in regno Dei: Et ratio est, quia homines beati replent sedes angelorum apostatarum, & restaurant eorum ruinas: constat autem quod fuissent inæquales in gloria, sicut fuerunt inæquales in gratia ex D. Thom. ergo etiam gratia est inæqualis in hominibus iustis; quia intensio gloriæ correspondet intensiōi gratiæ, hæc enim est semen gloriæ. Denique, Non est semper æqualis gratia in eodem homine iusto, sed sæpe augetur ex illo Apocal. 22. Qui iustus est iustificetur adhuc. 2. ad Cor. 9. Augēbit incrementa frugum iustitiæ vestræ. Et habetur definitum in Concilio Trident. sess. 6. cap. 10. ait enim: Iustificati in ipsa iustitia, per Christi gratiam accepta, cooperante fide bonis operibus crescunt, atque magis iustificantur: & canone 24. Si quis dixerit iustitiam acceptam non conseruari, atque etiam augeri coram Deo per bona opera; sed opera ipsa fructus solummodo & signa esse iustificationis adeptæ, non autem ipsius augendæ causam; anathema sit: ergo nec est æqualis in omnibus iustis adultis, par enim est ratio vtriusque ut consideranti patet.

Probatur breuiter tertia pars conclusionis: Sacramēta nouæ legis causant gratiam habitualement ex opere operato, ita ut singula propria virtutē habeant causare determinatam gratiæ portionem independentem à dispositione subiecti; supposita tamen illa tantum ut conditione in adultis: & quod nobiliora sunt Sacramēta, eō maiorem causant gratiam: ergo in paruulis ante vsum rationis est æqualis gratia habitualis, si eadem Sacramēta susceperint, putā solum Baptismum; inæqualis, si inter eos est inæqualitas in participatione Sacramentorum, putā si aliqui tantum Baptismum, alij verò simul Baptismum & Confirmationem susceperint.

Ad primum ergo dicendum, quod per denarium diurnum non intelligitur gratia habitualis, ut intendit Vasques, quia gratia habitualis cum detur gratis, non datur ut merces, sicut datus est denarius diurnus operariis: sed intelligitur beatitudo obiectiua, quæ est æqualis & eadem in omnibus Beatis, scilicet Deus obiectum beatitudinis, quamuis beatitudo formalis correspondens gratiæ habituali sit inæqualis in multis. Ad aliud dicendum cum D. Thom. 1. 2. quæst. 112. art. 4. ad 1. quod cura diuina dupliciter considerari potest: vno modo quantum ad ipsum diuinum actum, qui est simplex & vniiformis; & secundum hoc æqualiter se habet eius cura ad omnes, quia scilicet vno actu & simplici, & maiora & minora dispensat: alio modo potest considerari ex parte eorum, quæ in creaturis ex diuina cura proueniunt; & secundum hoc inuenitur inæqualitas, in quantum scilicet Deus

sua cura quibusdam maiora, quibusdam minora prouidet dona.

Ad secundum dicendum, quod verum est gratiam fuisse datam angelis, iuxta inæqualitatem naturalium: non quod ipsa natura secundum se sit dispositio ad gratiam, aut illam exigat; sed ex mera Dei libertate: unde non sequitur, quod omnes homines æquales in natura, sint etiam æquales in gratia habituali. Quod natura non sit dispositio ad gratiam, patet: quia aliqui homines inferiores in natura Angelis, sunt superiores in gratia.

Ad tertium dicendum cum D. Thom. ibidem quod vita naturalis pertinet ad substantiam hominis; & ideo non recipit magis & minus: sed vitam gratiæ participat homo accidentaliter; & ideo eam potest homo magis vel minus habere. Ad aliud similiter dicendum, quod filiatio naturalis non recipit magis & minus, quia fundatur in substantia: filiatio autem adoptiua recipit magis & minus, quia fundatur in voluntate adoptantis, & in aliquo accidente scilicet gratiæ: radix huius est, quia ex Philosopho substantia non recipit magis & minus, bene autem qualitas.

D V B I U M V I

Utrum quis possit esse certus quod sit in gratia Dei.

PRima, sed hæretica, opinio est Lutheri art. 10. Caluini in antidoto Concilij Tridentini ad sess. 6. eorumque sequacium, qui asserunt Fideles non solum esse certos quod sint in gratia; sed etiam posse, imò & teneri hoc credere fide diuina: & hanc solam fidem sufficere, sed requiri ad iustificationem. Probatur auctoritate sacre Scripturæ. Ad Rom. 8. Ipse Spiritus testimonium reddit spiritui nostro, quod sumus filij Dei: ac proinde quod habemus gratiam habitualement, qua adoptamur in filios Dei. Ibidem: Certus sum, quia neque mors, neque vita, neque angeli, neque creatura alia poterit nos separare à charitate Dei, quæ est in Christo Iesu; Imò si non essemus omninò certi quod sumus in gratia Dei, non crederemus articulum Symboli de remissione peccatorum: ergo potest quis esse certus quod sit in gratia Dei.

Secundò, Non est maius & difficilius scire se esse in gratia Dei, quàm se habere fidem diuinam, vtrumque enim est supernaturale: sed potest quis scire certò se habere fidem diuinam, iuxta illud 1. ad Cor. cap. ultimo: An non cognoscitis vosmetipsos, quia Christus Iesus in vobis est. Et Aug. 13. de Trinitate cap. 1. Fidem ipsam quam videt quisque in corde suo, si credit; vel non esse, si non credit aliter nouimus. Item: Ipsam fidem, quando inest in nobis, videmus in nobis. Et ratio huius multiplex est, quia nullus

petit à Deo fidem, sed augmentum fidei, & si quis dubitaret de sua fide, esset aliquo modo infidelis. Deinde, Multi experiuntur se paratos mori pro sua fide. Denique, Eliciendo actus fidei certi sumus, nos credere mysteriis reuelatis: ergo potest quis esse creatus quod sit in gratia Dei.

Tertiò, iusti certò vident se multa ex charitate facere: imò multi, scilicet qui martyres propter Deum moriuntur, se facere summum opus imperatum à charitate, iuxta illud, Maiorem charitatem nemo habet, ut animam suam ponat quis pro amicis suis: sed actus charitatis non potest esse sine gratia Dei: ergo potest quis esse certus quod sit in gratia Dei.

CONCLUSIO.

RESPONDEO dicendum, quod secundum fidem, nullus absque speciali reuelatione potest fide diuina credere se esse in gratia. 2. imò id certa scientia scire non potest, seclusa tali reuelatione. 3. sed tantum coniecturali notitia per aliqua signa. Hanc conclusionem docet D. Th. quantum ad duas posteriores partes 1.2. q. 112. art. 5. & communiter alij.

Probatur prima pars conclusionis autoritate sacræ Scripturæ. Ecclesiastæ cap. 19. Sunt iusti atque sapientes, & opera eorum in manu Dei; & tamen nescit homo utrum amore, an odio dignus sit, sed omnia in futurum seruantur incerta. Ecclesiastici 9. De propitiato peccato noli esse sine metu. Prouerb. 10. Quis potest dicere, mundum est cor meum. Iob. 9. Si simplex fuero, hoc ipsum ignorabit anima mea, & verebar omnia opera mea. Item; si iustificare me voluero, os meum condemnabit me; Si innocentem ostendero, prauum me comprobabit. Nec contrariatur, dum cap. 27. ait; Non recedam ab innocentia mea, iustificationem meam quam cœpi tenere, non deferam: neque enim reprehendit me cor meum in omni vita mea. Aliud enim est, non reprehendi à conscientia, siue non esse sibi conscius de peccato mortali: & aliud est, se scire certè aut credere fide diuina, se non esse in peccato: sed in gratia Dei. Psalmo 18. Delicta quis intelligit, ab occultis meis munda me, & ab alienis parce seruo tuo. 1. ad Cor. 4. Nihil mihi conscius sum, sed non in hoc iustificatus sum, neque me ipsum iudico; qui autem iudicat me, Dominus est. Et tandem hæc veritas habetur definita in Concilio Trident. sess. 6. cap. 9. & canone 12. 13. 14. Cuius ratio est, quia de fide est, tantum credi fide diuina quæ sunt à Deo reuelata, siue in Scriptura sacra, siue in Conciliis, siue per Traditionem, aut aliquo alio modo infallibili: sed non habetur reuelatum à Deo aliquo modo ex dictis, quod hic vel ille in particulari sit in gratia Dei: ergo secundum fidem nullus absque speciali reuelatione potest fide diuina credere, se esse in gratia: propterea Deus aliquibus iustis

sibi familiaribus hoc reuelat; unde signum est quod ante dictam reuelationem hoc non tenebantur, aut poterant fide diuina id credere, aliàs superflua esset hæc specialis reuelatio.

Probatur secunda pars conclusionis autoritate Concilij Tridentini sess. 6. cap. 9. vbi sic ait: Quilibet dum seipsum, suamque propriam infirmitatem & indispositionem respicit, de sua gratia formidare & timere potest; ac proinde nullus certa scientia scire potest seclusa reuelatione se esse in gratia: nomine autem infirmitatis intelligit Concilium fragilitatē, quæ in multis deficiamus omnes: nomine autem indispositionis intelligit insufficiētiā, quam habet homo ex suis viribus, ut disponatur ad iustitiam. Item probatur autoritate, & ratione D. Th. loco citato, vbi sic ait: Alio modo homo cognoscit aliquid per seipsum, & hoc certitudinaliter; & sic nullus potest scire se habere gratiam: certitudo enim non potest haberi de aliquo, nisi possit diiudicari per proprium principium, sic enim certitudo habetur de conclusionibus demonstratiuis per indemonstrabilia vniuersalia principia; nullus autem posset scire se habere scientiam alicuius conclusionis, si principium ignoraret: principium autem gratiæ & obiectum eius est ipse Deus, qui propter sui excellentiam est nobis ignotus, secundum illud Iob. 36. Ecce Deus magnus vincens scientiam nostram; & ideo eius præsentia in nobis, & absentia per certitudinem cognosci non potest secundum illud Iob. 9. Si venerit ad me, non videbo eum: si autem abierit, non intelligam; & ideo homo non potest per certitudinem diiudicare utrum ipse habeat gratiam: non tamen sequitur, quod homo sit semper in actuali formidine de hoc, an sit in gratia; sed solum dum actu considerat propriam infirmitatem, & indispositionem. Nec obstat id quod habet Aug. sermone 6. de verbis Apostoli exponens illud, Ipse spiritus testimonium reddit, &c. scilicet catholica fide spiritum Dei nobis inesse cognoscimus: loquitur enim non de particularibus, sed de tota Ecclesia vniuersali, sicut & Apostolus loquitur de iustis non determinatè sed indeterminatè.

Probatur tertia pars conclusionis autoritate Sanctorum Patrum. Hilarij in cap. 5. Matthæi de certitudine confidentiæ & spei. Gregorij. 1. Dialog. cap. 1. Bernardi Sermone de tribus modis orandi. & tandem D. Thom. loco citato, vbi sic ait: Cognoscitur aliquid coniecturaliter per aliqua signa, & hoc modo aliquis cognoscere potest se habere gratiam, in quantum scilicet percipit se delectari in Deo, & contemnere res mundanas, & in quantum homo non est conscius sibi alicuius peccati mortalis: ista tamen cognitio imperfecta est, unde Apostolus dicit 1. ad Cor. 4. Nihil mihi conscius sum, sed non in hoc iustificatus sum. Quod autem prædicta signa coniecturaliter demonstrent gratiam patet, quia

quia sicut per peccatum mortale oppositum gratiæ auertimur à Deo bono incommutabili, & conuertimur ad creaturas bonum commutabile: sic per gratiam habitualemente sumus auersi à creaturis, & conuersi à Deo; ac proinde delectabimur in Deo, & contemnemus res mundanas: & tandem quia sicut qui est auersus ab ultimo fine per peccatum, est moraliter impossibile quòd sit benè dispositus circa omnia media conducentia ad finem, quia ex his nulla non eliguntur nisi propter finem, ac ita deficit in multis: sic è contra qui non deficit circa media, puta præcepta, ita ut diu non peccet, quòd coniecturaliter scitur ex eo quòd quis non sit sibi conscius peccati; probabiliter est benè affectus circa ultimum finem, & coniecturaliter concluditur esse in gratia.

A D primum ergo dicendum, quòd primus ille locus diuersimodè à diuersis exponitur. Quidam volunt quòd intelligatur de ipso Sancto Paulo, & reliquis Apostolis, quibus reuelatum fuit in die Pentecostes per Spiritum sanctum, quòd essent iusti. Alij quòd intelligatur de tota Ecclesia, ita ut in ipsa sint filij Dei, siue sanctorum communio. Alij quòd sit propositio conditio-nata, id est si fecerimus quæ præcipiuntur nobis, iuxta alium locum Ioan. 14. Vos amici mei estis, si feceritis quæ ego præcipio nobis. Alij denique per testimonium intelligunt quandam pacem animæ, includentem quandam securitatem coniecturalem, quòd simus in gratia Dei: & hanc experiuntur qui benè viuunt. Eodem modo explicantur sequentes autoritates 1. ad Cor. 2. Nos autem non spiritum huius mundi accepi-mus, sed Spiritum qui ex Deo est, ut sciamus quæ à Deo donata sunt nobis. 1. Ioannis 4. Perfecta charitas foras mittit timorem. Ad secundum locum dicendum, quòd sanctus Apostolus loquitur de seipso ex speciali reuelatione, vel nomine certitudinis non intelligit cognitionem certam, sed spem & certam confidentiam. Ad aliud dicendum, quòd articulus fidei de remissione peccatorum non est quòd remittantur peccata huic vel illi, sed quòd remittantur verè poenitentibus, & se disponentibus ad iustitiam, de qua vera poenitentia & dispositione nullus potest esse certus omnino, nisi ex speciali reuelatione, etiam si accedat ad Sacramenta; quia vel aliquid deficit ex parte eius, vel ex parte ministri.

A D secundum dicendum, quòd potest quis esse certus se habere fidem mysteriorum supernaturalium, abstrahendo quòd sit fides diuina aut humana, quia ut ait D. Thom. 1. 2. quæst. 112. art. 5. ad 2. de ratione scientiæ est, quòd homo certitudinem habeat de his quorum habet scientiam: & similiter de ratione fidei est, quòd homo sit certus de his quorum habet fidem; & hoc ideo quia certitudo pertinet ad perfectionem intellectus, in quo prædicta dona existunt; & ideo

quicumque habet scientiam vel fidem, certus est se habere: non est autem similis ratio de gratia & charitate, & aliis huiusmodi quæ perficiunt vim appetitiuam: non autem potest quis omnino esse certus, sed tantum coniecturaliter se habere fidem diuinam seclusa reuelatione, cum talis fides sit quid supernaturale, ac proinde non habens principium naturale quo possit demonstrari: unde non potest quis esse omnino certus, quòd credat propter authoritatem diuinam; potest enim contingere quòd credat vel propter authoritatem humanam, vel propter alia motiua: & iuxta hanc distinctionem intelligenda est sacra Scriptura, & sanctus Augustinus. Unde ad rationes dicendum, quòd non solum potest quis petere augmentum fidei, sed etiam ut credat actu veræ fidei diuinæ: nec esset infidelis, qui dubitaret se credere vera fide diuina, sed tantum si dubitaret de obiecto fidei à Deo reuelato, & proposito ab Ecclesia: pro quo quilibet Fidelis debet esse paratus mori, non pro hoc quòd habeat actum veræ fidei: nec eliciendo actus fidei sumus certi quòd sint fidei diuinæ, sed solum quòd sint circa mysteria fidei, vel medio naturali, vel supernaturali.

A D tertium dicendum, quòd iusti non certo sciunt se facere ex charitate diuina quæ faciunt, sed tantum probabiliter. Ad illud de martyrio dicendum cum D. Thom. 2. 2. qu. 124. art. 4. quòd de ratione martyrij est actualis mors: unde quandiu quis viuit, non scit se esse martyrem, quia non peruenit ad consummationem martyrij; & quamuis ex speciali Dei priuilegio conferat paruulis gratiam quasi ex opere operato, quando ad illum statum peruenit tormentum aut percussio, unde necessario sequenda sit mors quia supplet pro ipsis voluntas Christi: non tamen confert adultis ex opere operato, sed est quoddam opus fortitudinis imperatum ex charitate; & ita, ut conferat gratiam, aut eius augmentum, non requiritur consummatio operis, sed sufficit quòd quis incipiat velle mori pro Christo ex charitate, unde toto tempore quo durat talis voluntas, aut opus externum imperatum à charitate, augetur gratia: sed quia non habetur physica certitudo, sed solum moralis quòd hæc voluntas procedat ex charitate, ideo non habetur certitudo physica, sed moralis quòd ille talis sit in gratia.



Q V Æ S T I O X C I I I.

De effectibus gratiæ, in decem articulos diuisa.



E I N D E considerandum est de effectibus gratiæ. Et primo de iustificatione impij, quæ est effectus gratiæ operantis. Secundo, de merito, quòd est effectus gratiæ cooperantis.

¶ Circa primum quæruntur decem.

¶ Primo, quid sit iustificatio impij.

¶ Secundo, utrum ad eam requiratur gratiæ infusio.

¶ Tertio, utrum ad eam requiratur aliquis motus liberi arbitrij.

¶ Quarto, utrum ad iustificationem impij requiratur motus fidei.

¶ Quinto,

- ¶ Quinto, utrum ad eam requiratur motus liberi arbitrii contra peccatum.
 ¶ Sexto, utrum praemissis sit connumeranda remissio peccatorum.
 ¶ Septimo, utrum in iustificatione impij sit ordo temporis, aut sit subito.
 ¶ Octavo, de naturali ordine eorum quae ad iustificationem concurrunt.
 ¶ Nono, utrum iustificatio impij sit maximum opus Dei.
 ¶ Decimo, utrum iustificatio impij sit miraculosa.

ARTICVLVS I.

Utrum iustificatio impij sit remissio peccatorum.

600 AD PRIMUM sic proceditur. Videtur, quod iustificatio impij non sit remissio peccatorum. Peccatum enim non ad 1. & 4. solum iustitia opponitur, sed omnibus virtutibus, ut ex 2. supradictis patet. Sed iustificatio significat motum quandam ad iustitiam: non ergo omnis peccati remissio est iustificatio, cum omnis motus sit de contrario in contrarium.
 ¶ 2. Præterea, Vnumquodque debet nominari ab eo quod est potissimum in ipso, ut dicitur in 2. de anima. Sed remissio peccatorum præcipue fit per fidem, secundum illud Act. 13. Fide purificans corda eorum, & per charitatem, secundum illud Proverb. 10. Vniuersa delicta operit charitas. Magis ergo remissio peccatorum debuit denominari à fide vel à charitate quam à iustitia.

¶ Præterea, Remissio peccatorum idem esse videtur quod vocatio: vocatur enim qui distat. Distat autem aliquis à Deo per peccatum. Sed vocatio iustificationem præcedit, secundum illud Rom. 9. Quos vocauit, hos & iustificauit: ergo iustificatio non est remissio peccatorum.

¶ 3. d. contra est, quod Rom. 1. super illud, Quos vocauit, hos & iustificauit, dicitur glossa remissione peccatorum: ergo remissio peccatorum est iustificatio.

CONCLUSIO.

Ea iustificatio quæ fit per modum simplicis mutationis, non est remissio peccatorum sed solum iustitiæ acquisitio. Quæ verò dicitur impij iustificatio (de qua hic solum sermo est) cum per modum motus de contrario in contrarium fiat, est remissio peccatorum cum acquisitione iustitiæ.

RESPONDEO dicendum, quod iustificatio passivè accepta importat motum ad iustitiam, sicut & calefactio motum ad calorem. Cum autem iustitia de sui ratione importet quandam rectitudinem ordinis, dupliciter accipi potest. Vno modo, secundum quod importat ordinem rectum in ipso actu hominis. Et secundum hoc iustitia ponitur virtus quædam, siue sit particularis iustitia, quæ ordinat actum hominis secundum rectitudinem in comparatione ad alium singularem hominem; siue sit iustitia legalis, quæ ordinat rectitudinem actus hominis in comparatione ad bonum commune multitudinis, ut patet in 3. Eth. Alio modo dicitur iustitia prout importat rectitudinem quandam ordinis in ipsa interiori dispositione hominis, prout scilicet supremum hominis subditur Deo & inferiores vires animæ subduntur supremæ, scilicet rationi. Et hanc etiam dispositionem vocat Philosophus in 3. Ethic. iustitiam metaphoricè dictam. Hæc autem iustitia in homine potest fieri dupliciter. Vno quidem modo per motum simplicis generationis, qui est ex privatione ad formam. Et hoc modo iustificatio posset competere etiam ei, qui non esset in peccato, dum huiusmodi iustitiam à Deo acciperet, sicut Adam dicitur accepisse originalem iustitiam. Alio modo potest fieri huiusmodi iustitia in homine secundum rationem motus, qui est de contrario in contrarium: & secundum hoc iustificatio importat transmutationem quandam de statu iniustitiæ ad statum iustitiæ prædictæ. Et hoc modo loquimur hic de iustificatione impij secundum illud Apost. ad Rom. 4. Ei qui non operatur, credenti autem in eum qui iustificat impij, &c. Et quia motus denominatur magis à termino ad quem, quam à termino à quo, ideo huiusmodi transmutatio, quæ aliquis transmutatur à statu iniustitiæ per remissionem peccati, sortitur nomen à termino ad quem, & vocatur iustificatio impij.

AD PRIMUM ergo dicendum, quod omne peccatum secundum quod importat quandam inordinationem mentis non subditur Deo iniustitia potest dici prædictæ iustitiæ contraria, secundum illud 1. Ioan. 3. Omnis qui facit peccatum, & iniquitatem facit, & peccatum est iniquitas: & secundum hoc remotio cuiuslibet peccati dicitur iustificatio.

AD SECUNDUM dicendum, quod fides & charitas dicunt ordinem specialem mentis humanæ ad Deum secundum intellectum vel affectum: sed iustitia importat generaliter totam rectitudinem ordinis. Et ideo magis denominatur huiusmodi transmutatio à iustitia quam à charitate vel fide.

AD TERTIUM dicendum, quod vocatio refertur ad auxilium Dei interius mouentis & excitantis mentem ad deferendum peccatum. Quæ quidem motio Dei non est ipsa remissio peccati, sed causa eius.

ARTICVLVS II.

Utrum ad remissionem culpæ, quæ est iustificatio impij, requiratur gratiæ infusio.

601 AD SECUNDUM sic proceditur. Videtur, quod ad remissionem culpæ, quæ est iustificatio impij, non requiratur gratiæ infusio. Potest enim aliquis remoueri ab uno contrario sine hoc quod perducatur ad alterum, si contraria sint mediata: sed status culpæ & status gratiæ sunt contraria mediata: est enim mediæ status innocentis in quo homo nec gratiam ha-

bet nec culpam. Ergo potest alicui remitti culpa sine hoc, quod perducatur ad gratiam.

¶ 2. Præterea, Remissio culpæ consistit in reputatione diuina, secundum illud Psalm. 31. Beatus vir cui non imputauit Dominus peccatum. Sed infusio gratiæ ponit etiam aliquem in nobis, ut supra habitum est: ergo infusio gratiæ non requiritur ad remissionem culpæ.

¶ 3. Præterea, Nullus subiicitur simul duobus contrariis. Sed quædam peccata sunt contraria, sicut prodigalitatis, & libertatis: ergo qui subiicitur peccato prodigalitatis, non simul subiicitur peccato illiberalitatis. Potest tamen contingere, quod prius ei subiiciebatur; ergo peccando vitio prodigalitatis liberatur à peccato illiberalitatis, & sic remittitur aliquod peccatum sine gratia.

¶ 4. d. contra est, quod dicitur Rom. 3. Iustificati gratis per gratiam ipsius.

CONCLUSIO.

Quoniam iustitia Dei repugnat peccato dimittente vigente culpa, nullius autem hominis qualis modo noscitur, reatus pena absque gratia tolli queat: ad culpam quoque hominis qualis modo nascitur, remissionem gratiæ infusionem requiri manifestum est.

RESPONDEO dicendum, quod homo peccando Deum offendit sicut ex supra dictis patet. Offensa autem non remittitur alicui nisi per hoc, quod animus offensus peccatus offendenti. Et ideo secundum hoc peccatum nobis remitti dicitur, quod Deus nobis peccat. Quæ quidem pax consistit in dilectione, quæ Deus diligit nos. Dilectio autem Dei quantum est ex parte actus diuini, est æterna & immutabilis, sed quantum est ad effectum quem nobis imprimi quandoque interruptur, prout scilicet ab ipso quandoque deficiamus quandoque iterum recuperamus. Effectus autem diuine dilectionis in nobis qui per peccatum tollitur, est gratia, quæ homo fit dignus vita æterna, à qua peccatum mortale excludit. Et ideo non posset intelligi remissio culpæ, si non adesset infusio gratiæ.

AD PRIMUM ergo dicendum, quod plus requiritur ad hoc quod offendenti remittatur offensa, quam ad hoc, quod simpliciter aliquis non offendens non habeatur odio. Potest enim apud homines contingere, quod vnus homo aliquem alium nec diligat, nec odiet, sed si eum offendat, quod ei dimittat offensam, hoc non potest contingere absque speciali beneuolentia. Beneuolentia autem Dei ad hominem reparari dicitur per donum gratiæ: & ideo licet homo antequam peccet, potuerit esse sine gratia & sine culpa, tamen post peccatum non potest esse sine culpa, nisi gratiam habeat.

AD SECUNDUM dicendum, quod sicut dilectio Dei non solum consistit in actu voluntatis diuinæ, sed etiam importat quandam gratiæ effectum (ut supra dictum est) ita etiam hoc, quod est Deum non imputare peccatum homini, importat quandam effectum in ipso, cui peccatum non imputatur: quod enim alicui non imputetur peccatum à Deo, ex diuina dilectione procedit.

AD TERTIUM dicendum, quod sicut Aug. dicit in lib. de nuptiis & concupiscentiæ. Si à peccato desistere, hoc esset non habere peccatum, sufficeret, ut hoc moneret Scriptura, Fili peccati, non addicias iterum. Hoc autem non sufficit, sed additur: Et de peccatis deprecare, ut tibi remittantur; tanquam enim peccatum actum, & remanet reatu, ut supra dictum est: & ideo cum aliquis à peccato vnus vitij transit in peccatum contrarij vitij, definit quidem habere actum præteriti, sed non definit habere reatum. Unde simul habet reatum vtriusque peccati: non enim peccata sunt sibi contraria ex parte auersionis à Deo, ex qua parte peccatum reatum habet.

ARTICVLVS III.

Utrum ad iustificationem impij requiratur motus liberi arbitrii.

AD TERTIUM sic proceditur. Videtur, quod ad iustificationem impij non requiratur motus liberi arbitrii. Videmus enim quod per sacramentum baptismi iustificantur pueri absque motu liberi arbitrii, & etiam interdum adulti. Dicit enim 4. August. in 4. Confess. quod cum quidam suus amicus laboraret febribus: iacuit diu sine sensu in sudore lethali, & dum desperaretur, baptizatus est nesciens & renatus est: quod fit per gratiam iustificantem. Sed Deus potentiam suam non alligauit sacramentis: ergo etiam potest iustificare hominem sine sacramentis, absque omni motu liberi arbitrii.

¶ 2. Præterea, In dormiendo homo non habet usum rationis, sine quo non potest esse motus liberi arbitrii: sed Salomon in dormiendo consecutus est à Deo donum sapientiæ, ut habetur 3. Reg. 3. & 2. Paral. 1. Ergo etiam pari ratione donum, gratiæ iustificantis quandoque datur homini à Deo absque motu liberi arbitrii.

¶ 3. Præterea, Per eandem causam gratia producit in esse & conseruatur. Dicit enim 4. Aug. super Gen. ad litteram, quod ita se debet homo ad Deum conuenerere, ut ab illo semper fiat iustus. Sed absque motu liberi arbitrii gratia in homine conseruatur: ergo absque motu liberi arbitrii potest à principio infundi. ¶ 4. d. contra est, quod dicitur Ioan. 6. Omnis qui audit à Patre & didicit, venit ad me. Sed discere non est sine motu liberi arbitrii, addiscens enim consentit docenti: ergo nullus venit ad Deum per gratiæ iustificantem absque motu liberi arbitrii.

CONCLUSIO.

Cum impij iustificati fiat Deo illud ad iustitiam mouente, cuiusque Deus finis secundum propriam cuiusque naturam moueat ad ipsum (si modo rationis actum habuerit) iustificatio, nem liberi arbitrii motum, quo gratiæ donum accipiet, requiri dicendum est.

RESPONDEO dicendum, quod iustificatio impij fit Deo mouente hominem ad iustitiam: ipse enim est qui iustificat impij, ut dicitur Rom. 3. Deus autem mouet omnia secundum

secundum modum vniuersalisque: sicut in naturalibus videmus, quod aliter mouentur ab ipso gratia, & aliter leuia propter diuersam naturam vniuersalem. Vnde & hominem ad iustitiam mouet secundum conditionem naturæ humanæ. Homo autem secundum propriam naturam habet, quod sit liberi arbitrij, & ideo in eo qui habet vltimū liberi arbitrij non fit motus a Deo ad iustitiam abique motu liberi arbitrij, sed ita intundit donum gratiæ iustificantis, quod etiam simul cum hoc mouet liberum arbitrium. ad donum gratiæ acceptandum in his, qui sunt huius motionis capaces.

Ad primum ergo dicendum, quod pueri non sunt capaces motus liberi arbitrij, & ideo mouentur a Deo ad iustitiam per solam informationem animæ ipsorum. Hoc autem non fit sine sacramento: quia sicut peccatum originale, à quo iustificatur, non propria voluntate ad eos peruenit, sed per carnalem originem: ita etiam per spirituales regenerationem à Christo in eos gratia denaturatur. Et eadem ratio est de funtibus & amentibus, qui nunquam vsum liberi arbitrij habuerunt. Sed si quis aliquando habuit vsum lib. arbitrij. & postmodum eo careat, vel per infirmitatem, vel per somnum, non consequitur gratiam iustificantem per baptismum exterius adhibendum, aut per aliquod aliud sacramentum, nisi prius habuerit sacramentum in proposito: quod sine vfu lib. arb. non contingit. Et hoc modo ille, de quo loquitur Augustinus, renatus fuit: quia & prius & postea baptismum accepit.

Ad secundum dicendum, quod etiam Salomon dormiendo non meruit sapientiam, nec accepit: sed in somno declarata est ei, quod propter præcedens desiderium ei à Deo sapientia infunderetur. Vnde ex eius persona dicitur Sapientia 7. Optauit, & datus est mihi sensus. Vel potest dici, quod ille somnus non fuit naturalis, sed somnus prophetie, secundum quod dicitur Num. 12. Si quis fuerit inter vos propheta Domini, per somnum, aut in visione loquar ad eum. in quo casu aliquis vsum liberi arbitrij habet. Et tamen sciendum est, quod non est eadem ratio de dono sapientie & de dono gratiæ iustificantis. nam donum gratiæ iustificantis præcipue ordinatur hominibus ad bonum, quod est obiectum voluntatis. & ideo ad ipsum mouetur homo per motum voluntatis, qui est motus liberi arbitrij. sed sapientia perficit intellectum, qui præcedit voluntatem. Vnde abique completo motu liberi arbitrij. potest intellectus dono sapientie illuminari: sicut etiam videmus, quod in dormiendo aliqua hominibus reuelantur: sicut dicitur Job. 33. Quando irruit sopor super homines, & dormiunt in lectulo, tunc aperit aures vitorum: & erudiens eos, instruit disciplinam.

Ad tertium dicendum, quod in infusione gratiæ iustificantis est quædam transmutatio animæ humanæ, & ideo requiritur motus proprius animæ humanæ, ut anima moueatur secundum modum suum. Sed consecratio gratiæ est abique transmutatione. vnde non requiritur aliquis motus ex parte animæ, sed sola continuatio influxus diuini.

ARTICVLVS IV.

Utrum ad iustificationem impij requiratur motus fidei.

603 AD QVARTVM sic proceditur. Videtur, quod ad iustificationem impij non requiratur motus fidei. Sicut enim per fidem iustificatur homo, ita etiam & per quædam alia, scilicet per timorem: de quo dicitur Ecclesi. 1. Timor Domini expellit peccatum: nam qui sine timore est, non poterit iustificari, & iterum per charitatem, secundum illud Luc. 7. Dimissa sunt ei peccata multa, quoniam dilexit multum. & iterum per humilitatem secundum illud Iac. 4. Deus superbis resistit: humilibus autem dat gratiam. & iterum per misericordiam: secundum illud Prou. 13. Per misericordiam & fidem purgantur peccata. Non ergo magis motus fidei requiritur ad iustificationem impij, quam motus prædictarum virtutum.

¶ 2. Præterea, Actus fidei non requiritur ad iustificationem, nisi in quantum per fidem homo cognoscit Deum: sed etiam aliis modis potest homo Deum cognoscere, scilicet per cognitionem naturalem, & per donum sapientie: ergo non requiritur actus fidei ad iustificationem impij.

¶ 3. Præterea, Diverſi sunt articuli fidei: si igitur actus fidei requiratur ad iustificationem impij, videtur quod oporteret hominem, quando primo iustificatur: de omnibus articulis fidei cogitare: sed hoc videtur inconueniens, cum talis cogitatio longam temporis moram requirat. Ergo videtur quod actus fidei non requiritur ad iustificationem impij.

¶ 4. Contra est, quod dicitur Rom. 1. iustificari igitur ex fide pacem habemus ad Deum.

CONCLUSIO.

Cum ad impij iustificationem, mentis in Deum conversio requiratur, prima autem eius conversio in Deum, fiat per fidem: fidei motum ad impij iustificationem requiri manifestum est.

Ar. præc. **RESPONDO** dicendum, quod sicut dictum est *, motus liberi arbitrij requiritur ad iustificationem impij, secundum quod mens hominis mouetur à Deo. Deus autem mouet animam hominis, conuertendo eam ad seipsum, ut dicitur in Psalm. 14. secundum aliam litteram, Deus tu conuertens vniuersificabis nos: & ideo ad iustificationem impij requiritur motus mentis, quo conuertitur in Deum. Prima autem conversio in Deum fit per fidem, secundum illud ad Hebr. 11. Accedentem ad Deum oportet credere quia est. Et ideo motus fidei requiritur ad iustificationem impij.

Ad primum ergo dicendum, quod motus fidei non est perfectus, nisi sit charitate informatus: vnde simul in iustificatione impij cum motu fidei est etiam motus charitatis mouetur autem liberum arbitrium in Deum ad hoc, quod ei se subiciat: vnde etiam concurrunt actus timoris filialis, & actus humilitatis. *P. Philippi Carm. discal. Diff. Theolog. in t. 2.*

Contingit enim vnum & eundem actum lib. arb. diuersarum virtutum esse, secundum quod vna imperat, & alia imperatur: prout scilicet actus est ordinabilis ad diuersos fines. Actus autem misericordie operatur circa peccatum per modum satisfactionis: & sic sequitur iustificationem vel per modum preparationis, in quantum misericordes misericordiam consequuntur: & sic etiam potest præcedere iustificationem, vel etiam ad iustificationem, concurrere simul cum prædictis virtutibus, secundum quod misericordia includitur in dilectione proximi.

Ad secundum dicendum, quod per cognitionem naturalem homo non conuertitur in Deum, in quantum est obiectum beatitudinis & iustificationis causa. vnde talis cognitio non sufficit ad iustificationem. Donum autem sapientie præsupponit cognitionem fidei: ut ex supradictis patet.

Ad tertium dicendum, quod sicut Apost. dicit ad Rom. 4. Credienti in eum, qui iustificat impium, reputabitur fides eius ad iustitiam, secundum propositum gratiæ Dei. Ex quo patet, quod in iustificatione impij requiritur actus fidei, quantum ad hoc, quod homo credat Deum esse iustificatorem hominum per mysterium Christi.

ARTICVLVS V.

Utrum ad iustificationem impij requiratur motus liberi arbitrij in peccatum.

AD QVINTVM sic proceditur. Videtur, quod ad iustificationem impij non requiratur motus liberi arbitrij in peccatum. Sola enim charitas sufficit ad deletionem peccati: secundum illud Prou. 10. Vniuersa delicta operis charitas: sed charitatis obiectum non est peccatum: ergo non requiritur ad iustificationem impij motus liberi arbitrij in peccatum.

¶ 2. Præterea, Qui in anteriora tendit, ad posteriora respicere non debet: secundum illud Apost. ad Philip. 3. Quæ quidem retro sunt, obliuiscens, ad ea vero quæ sunt priora, extendens inquit, ad destinatum persequor: brauium superne vocacionis. Sed tendenti in iustitiam retrorsum sunt peccata præterita: ergo eorum debet obliuisci, nec in ea se debet extendere per motum lib. arbitrij.

¶ 3. Præterea, In iustificatione impij non remittitur vnum peccatum sine alio: impium enim est à Deo diuidiam sperare veniam: si igitur in iustificatione impij oportet liberum arbitrium moueri contra peccatum, oporteret, quod de omnibus peccatis suis cogitaret: quod videtur inconueniens, tum quia requireretur magnum tempus ad huiusmodi cogitationem, tum etiam quia peccatorum quorum est homo obitus, veniam habere non posset. Ergo motus liberi arbitrij in peccatum non requiritur ad iustificationem impij.

¶ 4. Contra est, quod dicitur in Ps. 31. Dixi: Confitebor aduersum me iniustitiam meam Domino, & tu remisisti impietatem peccati mei.

CONCLUSIO.

Quum iustificatio impij transmutatio quædam sit de peccato ad iustitiam: necessarius est in eius iustificatione (si rationis vsum habet) liberi arbitrij motus, non solum quo per desiderium & amorem animæ eius ad iustitiam accedit, verum etiam quo per odium à peccato recedit.

RESPONDO dicendum, quod sicut * suprà dictum est, iustificatio impij est quidam motus, quo humana mens mouetur à Deo à statu peccati in statum iustitiæ: oportet igitur quod humana mens se habeat ad vtrumque extremorum secundum motum liberi arbitrij sicut se habet corpus localiter motum ab aliquo mouente ad duos terminos motus. Manifestum est autem in motu locali corporum, quod corpus motum recedit à termino à quo, & accedit ad terminum ad quem: vnde oportet quod mens humana, dum iustificatur, per motum liberi arbitrij recedat à peccato, & accedat ad iustitiam: recessus autem & accessus in motu liberi arbitrij accipitur secundum delectationem & desiderium. Dicit enim * Aug. super Ioan. exponens illud, Mercenarius autem fugit: Affectiones nostræ motus animorum sunt, latitudo animi diffusio; timor, animi fuga est: progredieris animo cum appetis: fugis animo, cum metuis. Oportet igitur quod in iustificatione impij sit motus liberi arbitrij duplex. Vnus, quo per desiderium tendat in Dei iustitiam: & alius, quo delectetur peccatum.

Ad primum ergo dicendum, quod ad eandem virtutem pertinet prosequi vnum oppositorum, & refugere aliud: & ideo sicut ad charitatem pertinet diligere Deum, ita etiam delectari peccata, per quæ anima separatur à Deo.

Ad secundum dicendum, quod ad posteriora non debet homo regredi per amorem: sed quantum ad hoc, debet ea obliuisci, ut ad ea non afficiatur: debet tamen eorum recordari per considerationem, ut ea detestetur, sic enim ab eis recedit.

Ad tertium dicendum, quod in tempore præcedente iustificationem oportet, quod homo singula peccata quæ commisit, detestetur quorum memoriam habet. & ex tali consideratione præcedenti subsequitur in anima quidam motus delectantis vniuersaliter omnia peccata commissa, inter quæ etiam includuntur peccata obliuioni tradita: quia homo in statu illo est sic dispositus, ut etiam de his quæ non meminit, contereretur si memorie adessent: & iste motus concurrat ad iustificationem.

ARTICVLVS VI.

Utrum remissio peccatorum debeat numerari inter ea, quæ requiruntur ad iustificationem impij.

AD SEXTVM sic proceditur. Videtur, quod remissio peccatorum non debeat numerari inter ea, quæ requiruntur.

XXX

604
Inf. art. 7.
ad 1. & 2.
q. 88.
art. 2. cor.
17. q. 1. 2.
q. 4. Et
3. cor.
1. 158. Et
ver. q. 28.
ar. 3.

art. 1. bon.
um qual.

17. ad. 46. in
loco. non
procul à f.
tam. 6.

605
1. q. 86. a.
6. ad. 1. &
tur

2. q. 11. tot ad iustificationem impij. Substantia enim rei non connumeratur his, quæ ad rem requiruntur: sicut homo non debet connumerari animæ & corpori. sed ipsa iustificatio impij est remissio peccatorum, ut dictum est: ergo remissio peccatorum non debet computari inter ea, quæ ad iustificationem impij requiruntur.

3. Præterea, Idem est gratia infusio, & culpa remissio. sicut idem est illuminatio, & tenebrarum expulsio, sed idem non debet connumerari sibi ipsi: vnum enim multitudini opponitur: ergo non debet culpa remissio connumerari infusioni gratiæ.

4. Præterea, Remissio peccatorum consequitur ad motum liberi arbitrij in Deum & in peccatum, sicut effectus ad causam: per fidem enim & contritionem remittuntur peccata. sed effectus non debet connumerari suæ causæ, quia ea quæ connumerantur, quasi adiunctim condita sunt simul natura: ergo remissio culpæ, non debet connumerari aliis, quæ requiruntur ad iustificationem impij.

5. Contra est, quod in enumeratione eorum, quæ requiruntur ad rem, non debet prætermitti finis, qui est potissimum in vnoquoque: sed remissio peccatorum est finis in iustificatione impij. Dicitur enim ista. 7. Iste est omnis fructus, ut auferatur peccatum eius: ergo remissio peccatorum debet connumerari inter ea, quæ requiruntur ad iustificationem impij.

CONCLUSIO.

Cum inter alia, quæ ad motum requiruntur, pertineat ipsius motus consummatio: recte peccatorum remissio (quæ se habet in iustificatione tanquam eius consummatio) ut annuntiat, quæ ad impij iustificationem pertinent.

RESPONDO dicendum, quod quatuor enumerantur, quæ requiruntur ad iustificationem impij, scilicet gratia infusio, motus liberi arbitrij in Deum per fidem, & motus liberi arbitrij in peccatum, & remissio culpæ: cuius ratio est, quia sicut dictum est: iustificatio est quidam motus, quo anima mouetur à Deo à statu culpæ in statum iustitiæ: in quolibet autem motu, quo aliquid ab altero mouetur, tria requiruntur. Primum quidem, motus ipsius mouentis. Secundum, motus mobilis. Tertio, consummatio motus, siue peruenit ad finem. Ex parte igitur motionis diuinæ accipitur gratia infusio. ex parte vero liberi arbitrij motus accipiuntur duo motus ipsius secundum recessum à termino à quo, & accessum ad terminum ad quem. Consummatio autem siue peruenit ad terminum huius motus importatur per remissionem culpæ: in hoc enim iustificatio consummatur.

Ad primum ergo dicendum, quod iustificatio impij dicitur esse ipsa remissio peccatorum secundum quod omnis motus accipit speciem à termino: tamen ad terminum consequendum multa alia requiruntur, ut ex supra dictis patet.

Ad secundum dicendum, quod gratia infusio & remissio culpæ dupliciter considerari possunt. Vno modo, secundum ipsam substantiam actus; & sic idem sunt: eodem enim actu Deus & largitur gratiam, & remittit culpam. Alio modo possunt considerari ex parte obiectorum: & sic differunt secundum differentiam culpæ quæ tollitur, & gratiæ quæ infunditur, sicut etiam in rebus naturalibus generatio & corruptio differunt: quoniam generatio vnius sit corruptio alterius.

Ad tertium dicendum, quod ista non est connumeratio secundum diuisionem generis in species, in qua oportet, quod connumerata sint simul: sed secundum differentiam eorum, quæ requiruntur ad completionem alius, in qua quidem enumeratione aliquid potest esse prius & aliquid posterius quia principium & partium rei composuit potest esse aliquid alio prius.

ARTICVLVS VII.

Utrum iustificatio impij fiat in instanti, vel successiue.

606 AD SEPTIMUM sic proceditur. Videtur, quod iustificatio impij non fiat in instanti, sed successiue: quia ut dictum est, ad iustificationem impij requiritur motus liberi arbitrij. Actus autem liberi arbitrij est eligere, qui præexistit deliberationem conciliij, ut dictum est. Cum igitur deliberatio discursus quandam importet, qui successionem quandam habet, videtur quod iustificatio impij sit successiua.

2. Præterea, Motus liberi arbitrij non est absque actuali consideratione: sed impossibile est simul multa intelligere in actu, ut in 3. dictum est. cum igitur ad iustificationem impij requiratur motus liberi arbitrij in Deum, scilicet in Deum & in peccatum, videtur quod iustificatio impij non possit esse in instanti.

3. Præterea, Forma quæ suscipit magis & minus, successiue recipitur in subiecto, sicut patet de albedine & nigredine: sed gratia suscipit magis & minus, ut supra dictum est: ergo non recipitur subito in subiecto. cum igitur ad iustificationem impij requiratur gratia infusio, videtur quod iustificatio impij non possit esse in instanti.

4. Præterea, Motus liberi arbitrij, qui ad iustificationem impij concurrat, est memoratus: & ita oportet quod præcedat gratiæ, siue quia nullum est meritum, ut infra dicitur: sed prius est aliquid consequi formam, quam secundum formam operari: ergo prius infunditur gratia, & postea liberum arbitrium mouetur in Deum, & in detractionem peccati: non ergo iustificatio est tota simul.

5. Præterea, Si gratia infundatur animæ, oportet dare aliquid instanti, in quo primo animæ insit: similiter si culpa remittitur, oportet vltimum instanti dare in quo homo culpæ subiacet. Sed non potest esse idem instanti, quia sic opposita simul inessent eidem: ergo oportet esse duo instantia sibi succedentia inter quæ, secundum Philosophum in 5. Physicorum, oportet esse tempus medium: non ergo iustificatio sit tota simul, sed successiue.

6. Contra est, quod iustificatio impij fit per gratiam spiritus sancti iustificantis. sed spiritus sanctus subito aduenit mentibus hominum, secundum illud Act. 2. Factus est repente de celo sonus tanquam aduenientis spiritus vehementis, ubi dicitur glossa, quod nescit tarda molimina spiritus sancti gratia: ergo iustificatio impij non est successiua, sed instantanea.

CONCLUSIO.

Cum à Deo (cui resistere nihil potest) impij iustificatio fiat, ideo autem aliquid in tempore fiat, quia patienti agenti resistit ipsam impij iustificationem (per infusionem gratiæ quæ in instanti fit) accipiamus, in instanti fieri certum est.

RESPONDO dicendum, quod tota iustificatio impij originaliter consistit in gratiæ infusione. Per eam enim & libetum arbitrium mouetur, & culpa remittitur: gratia autem infusio fit in instanti absque ratione. Cuius ratio est, quia quod aliqua forma non subito impugnetur subiecto, contingit ex hoc, quod subiectum non est dispositum, & agens indiget tempore ad hoc, quod subiectum disponat: & ideo videmus quod statim cum materia est disposita per alterationem precedentem forma substantialis acquiritur materia: & eadem ratione quia diaphanum est secundum se dispositum ad lumen recipiendum, subito illuminatur à corpore lucido in actu. Dicitur autem supra, quod Deus ad hoc quod gratiam infundat animæ, non requirit aliquam dispositionem nisi quam ipse facit. Facit autem huiusmodi dispositionem sufficientem ad susceptionem gratiæ, quandoque quidem subito, quandoque autem paulatim & successiue, ut supra dictum est. Quod enim agens naturale non subito potest disponere materiam, contingit ex hoc quod est aliqua proportio eius, quod in materia resistit ad virtutem agentis: & propter hoc videmus, quod quanto virtus agentis fuerit fortior, tanto materia citius disponitur. Cum igitur virtus diuina sit infinita, potest quantumque materiam creatam subito disponere ad formam, & multo magis liberum arbitrium hominis, cuius motus potest esse instantaneus secundum naturam. Sic igitur iustificatio impij fit à Deo in instanti.

Ad primum ergo dicendum, quod motus liberi arbitrij, qui concurrat ad iustificationem impij, est consensus ad detestandum peccatum, & ad accedendum ad Deum, qui quidem consensus subito fit. Contingit autem quandoque quod præcedat aliqua deliberatio, quæ non est de substantia iustificationis, sed via in iustificationem: sicut motus localis est via ad illuminationem & alteratio ad generationem.

Ad secundum dicendum, quod sicut in dictum est, nihil prohibet duo simul intelligere actus, secundum quod sunt quodammodo vnum: sicut simul intelligimus subiectum & prædicatum, in quantum vniuntur in ordine affirmationis vnius. Et per eundem modum liberum arbitrium potest in duo simul moueri secundum quod vnum ordinatur in aliud: motus autem liberi arbitrij in peccatum, ordinatur ad motum liberi arbitrij in Deum: propter hoc enim homo detestatur peccatum, quia est contra Deum cui vult adherere. Et ideo liberum arbitrium in iustificatione impij simul detestatur peccatum, & conuertitur se ad Deum sicut etiam corpus simul recedendo ab vno loco accedit ad alium.

Ad tertium dicendum, quod non est ratio quare forma subito in materia non recipiatur, quia magis & minus potest inesse: sic enim lumen non subito recipitur in aëre qui potest magis & minus illuminari: sed ratio ex parte dispositionis materia vel subiecti, ut dictum est.

Ad quartum dicendum, quod in eodem instanti in quo forma acquiritur, incipit res operari secundum formam: sicut ignis statim cum est generatus, mouetur sursum, & si motus eius esset instantaneus, in eodem instanti completetur. Motus autem liberi arbitrij, qui est velle, non est successiua, sed instantaneus, & ideo non oportet quod iustificatio impij sit successiua.

Ad quintum dicendum, quod successio duorum oppositorum in eodem subiecto aliter est consideranda in his, quæ subiacent tempori, & aliter in his quæ sunt supra tempus. In his enim quæ subiacent tempori, non est dare vltimum instanti, in quo forma prior subiecto inest. est autem dare vltimum tempus, & primum instanti, in quo forma subsequens inest materia vel subiecto. Cuius ratio est, quia in tempore non potest accipi ante vnum instanti aliud instanti præcedens immediatè, eo quod instantia non consequenter se habeant in tempore, sicut nec puncta in linea (ut probatur in 6. Physicorum), sed tempus terminatur ad instanti, & ideo in toto tempore præcedenti, quo aliquid mouetur ad vnum formam, subest forma opposita, & vltimo instanti illius temporis, quod est primum instanti sequentis temporis, habet formam, quæ est terminus motus. Sed in his quæ sunt supra tempus, aliter se habet: si qua enim successio sibi adæquata, vel intellectualium conceptionum (puta in angelis): ratio successio non mensuratur tempore continuo, sed tempore discreto, sicut & ipsa quæ mentionantur non sunt continua, ut in primo habitum est. Vade in talibus est dandum vltimum instanti, in quo primum fuit: & primum instanti, in quo est id quod sequitur. Nec oportet esse tempus medium quia non est ibi continuas temporis quæ hoc requirunt. Mens autem humana quæ iustificatur, secundum se quidem est supra tempus, sed per accidens subditur tempori, in quantum scilicet intelligit cum continuo, & tempore secundum phantasmatum, in quibus species intelligibiles considerat, ut in primo dictum est. Et ideo audiendum est secundum hoc de eius mutatione secundum conditionem motum temporalium, ut scilicet dicamus quod non est dare vltimum instanti, in quo culpa insit, sed vltimum tempus. est autem dare primum instanti, in quo gratia inest: in toto autem tempore præcedenti operatur culpa.

ARTICVLVS VIII.

Vtrum gratia infusio sit prima ordine naturæ inter ea quæ requiruntur ad iustificationem impij.

607

4. 1. 17. q. 1. ad 4. q. 1. 5. q. 1. ad 2. 6. 17. q. 29. a. 7.

AD OCTAVVM sic proceditur. Videtur, quod gratia infusio non sit prima ordine naturæ inter ea, quæ requiruntur ad iustificationem impij. Prius enim est recedere a malo, quam accedere ad bonum. secundum illud Psalm. 10. Declina a malo, & fac bonum. Sed remissio culpæ pertinet ad recessum a malo. infusio autem gratiæ pertinet ad prosecutionem boni: ergo naturaliter prius est remissio culpæ quam infusio gratiæ.

¶ 2. Præterea, Dispositio præcedit naturaliter formam ad quam disponit: sed motus liberi arb. est quædam dispositio ad susceptionem gratiæ: ergo naturaliter præcedit infusionem gratiæ.

¶ 3. Præterea, Peccatum impedit animam ne liberè tendat in Deum: sed prius est removere id quod prohibet motum, quam motus sequatur: ergo prius est naturaliter remissio culpæ, & motus liberi arbitrij in peccatum quam motus lib. arb. in Deum, & quæ infusio gratiæ.

Sed contra est. Causa est prior naturaliter suo effectu: sed gratia infusio causa est omnium aliorum quæ requiruntur ad iustificationem impij, ut supra dictum est: ergo est naturaliter prior.

CONCLUSIO.

Cum ipsius momenti actio primum naturaliter locum in quolibet motu teneat, ad eam verò spectet infusio gratiæ: restat itaque, inter ea quæ ad impij iustificationem requiruntur, prima ordine naturæ poni.

RESPONDENDO dicendum, quod prædicta quatuor quæ requiruntur ad iustificationem impij, tempore quidem sunt simul: quia iustificatio impij non est successiva, ut dictum est, sed ordine naturæ vnum eorum est prius altero. & inter ea naturali ordine primum est gratia infusio, secundum motum liberi arbitrij in Deum, tertium est motus lib. arb. in peccatum, quantum vero est remissio culpæ. Cuius ratio est: quia in quolibet motu naturaliter prius est dispositio materiz, siue motus ipsius mobilis: ultimum vero est finis vel terminus motus, ad quem terminatur motus mouentis. Ipsa igitur Dei mouentis motio est gratia infusio, ut dictum est: motus autem vel dispositio mobilis est duplex motus lib. arb. terminus autem vel finis motus est remissio culpæ, ut ex supradictis patet. Et ideo naturali ordine primum in iustificatione impij est gratia infusio, secundum est motus lib. arbit. in Deum: tertium vero est motus liberi arb. in peccatum. Propter hoc enim ille qui iustificatur, detestatur peccatum, quia est contra Deum: unde motus liberi arb. in Deum præcedit naturaliter motum liberi arbit. in peccatum, cum sit causa & ratio eius. quantum vero & ultimum est remissio culpæ, ad quam tota illa transmutatio ordinatur sicut ad finem, ut dictum est.

Ad primum ergo dicendum, quod recessus a termino & accessus ad terminum dupliciter considerari possunt. Vno modo, ex parte mobilis, & sic naturaliter recessus a termino præcedit accessum ad terminum: prius enim est in subiecto mobili oppositum quod abijcitur, & postmodum est id, quod per motum assequitur mobile. Sed ex parte agentis est econuerso, agens enim per formam quæ in eo præexistit, agit ad remouendum contrarium: sicut sol per suam lucem agit ad remouendum tenebras. Et ideo ex parte solis prius est illuminare, quam tenebras remouere; ex parte autem aeris illuminandi prius est purgari a tenebris, quam consequi lumen ordine naturæ, licet utrumque sit simul tempore. Et quia infusio gratiæ & remissio culpæ dicuntur ex parte Dei iustificantis, ideo ordine naturæ prius est gratia infusio, quam culpæ remissio. Sed si sumantur ea quæ sunt ex parte hominis iustificati, est econuerso: nam prius est ordine naturæ liberatio a culpa, quam consequutio gratiæ iustificantis. Vel potest dici, quod termini iustificationis sunt culpa sicut a quo, & iustitia sicut ad quem: gratia vero est causa remissionis culpæ & adaptionis iustitiæ.

Ad secundum dicendum, quod dispositio subiecti præcedit susceptionem formæ ordine naturæ, sequitur tamen actionem agentis, per quam etiam ipsum subiectum disponitur, & ideo motus liberi arb. naturæ ordine præcedit consecutionem gratiæ, sequitur autem gratia infusio.

Ad tertium dicendum, quod sicut Philosoph. dicit in 2. Physic. in motibus animi omnino præcedit motus in principium speculationis, vel in finem actionis, sed in exterioribus motibus remotio impediementi præcedit assecutionem finis: & quia motus liberi arb. est motus animi, prius naturæ ordine mouetur in Deum sicut in finem, quam ad remouendum impediementum peccati.

ARTICVLVS IX.

Vtrum iustificatio impij sit maximum opus Dei.

608

3. 1. 43. ar. 4. 1. 17. q. 1. ad 2. 6. 17. q. 29. a. 7.

AD NOVVM sic proceditur. Videtur, quod iustificatio impij non sit maximum opus Dei. Per iustificationem enim impij consequitur aliquis gratiam viz, sed per glorificationem consequitur aliquis gratiam patriæ, quæ maior est: ergo glorificatio angelorum vel hominum est maius opus, quam iustificatio impij.

¶ 2. Præterea, Iustificatio impij ordinatur ad bonum particulare vnius hominis: sed bonum vniuersi est maius quam bonum vnius hominis, ut patet in 1. 2. Eth. ergo maius opus est creatio celi & terræ, quam iustificatio impij.

R. P. Philippi Carn. discal. Disp. Theolog. in 1. 2.

¶ 3. Præterea, Maius est ex nihilo aliquid facere, & vbi nihil cooperatur agenti, quam ex aliquo facere aliquid cum aliqua cooperatione patientis: sed in opere creationis ex nihilo fit aliquid, unde nihil potest cooperari agenti, sed in iustificatione impij Deus ex aliquo aliquid facit, id est, ex impio iustum, & est ibi aliqua cooperatio ex parte hominis: quia est ibi motus lib. arb. ut dictum est: ergo iustificatio impij non est maximum opus Dei.

Sed contra est, quod in Psalm. 144. dicitur, Miserationes eius super omnia opera eius: & in collecta, dicitur, Deus qui omnipotentiam tuam parendo maxime & iudicando manifestas. & August. dicit exponens illud Ioan. 14. Maiora hominum faciet, quod maius opus est, ut ex impio iustus fiat, quam creare celum & terram.

CONCLUSIO.

Quatenus impij iustificatio terminatur ad bonum æternum diuine participationis, quod est maximum bonum, ceteris ipsius quoque iustificationis opus, maximum esse certum est.

RESPONDENDO dicendum, quod opus aliquod potest dici magnum dupliciter. Vno modo ex parte modi agendi, & sic maximum opus est creationis, in quo ex nihilo fit aliquid. Alio modo potest dici opus magnum propter magnitudinem eius quod fit, & secundum hoc maius opus est iustificatio impij, quæ terminatur ad bonum æternum diuine participationis quam creatio celi & terræ, quæ terminatur ad bonum naturæ mutabilis: & ideo August. cum dixisset, quod maius est, quod ex impio fiat iustus, quam creare celum & terram, subiungit. Celum enim & terra transibit, prædestinatorum autem salus & iustificatio permanebit. Sed sciendum est, quod aliquid magnum dicitur dupliciter. Vno modo, secundum quantitatem absolutam: & hoc modo donum gloriæ est maius, quam donum gratiæ iustificantis impij: & secundum hoc glorificatio iustorum est maius opus quam iustificatio impij. Alio modo dicitur aliquid magnum quantitate proportionis: sicut dicitur mons parvus, & initium magnum: & hoc modo donum gratiæ impij iustificantis est maius, quam donum gloriæ beatificantis iustum: quia plus excedit donum gratiæ dignitatem impij, qui erat dignus pœna, quam donum gloriæ dignitatem iusti, qui ex hoc ipso, quod iustificatus, est dignus gloria, & ideo August. dicit ibidem. Iudicat qui potest, vtrum maius sit iustos angelos creare, quam impios iustificare, certe si æqualis est utrumque potentia, hoc maioris est misericordiz. Et per hoc patet responsio ad PRIMUM.

Ad secundum dicendum, quod bonum vniuersi est maius, quam bonum particulare vnius, si accipitur utrumque in eodem genere sed bonum gratiæ vnius maius est, quam bonum naturæ totius vniuersi.

Ad tertium dicendum, quod ratio illa procedit ex parte modi agendi, secundum quem creatio est maximum opus Dei.

ARTICVLVS X.

Vtrum iustificatio impij sit miraculosa.

AD DECIMUM sic proceditur. Videtur, quod iustificatio impij sit opus miraculosum. Opera enim miraculosa sunt maiora non miraculosis. sed iustificatio impij est maius opus, quam alia opera miraculosa, ut patet per August. in auctoritate adducta: ergo iustificatio impij est opus miraculosum.

¶ 2. Præterea, Motus voluntatis sita est in anima sicut inclinatio naturalis in rebus naturalibus: sed quando Deus aliquid operatur in rebus naturalibus contra inclinationem naturæ, est opus miraculosum: sicut cum illuminat cæcum, vel suscitatur mortuum: voluntas autem impij tendit in malum. Cum igitur Deus iustificando hominem moueat eum in bonum, videtur quod iustificatio impij sit miraculosa.

¶ 3. Præterea, Sicut sapientia est donum Dei, ita & iustitia: sed miraculosum est, quod aliquis subito sine studio sapientiam assequatur à Deo: ergo miraculosum est, quod aliquis impius iustificetur à Deo.

Sed contra, Opera miraculosa sunt supra potentiam naturalem, sed iustificatio impij non est supra potentiam naturalem. Dicit enim August. in lib. de prædest. sanctorum, quod posse habere fidem, sicut posse habere charitatem, naturæ est hominum: habere autem fidem, quemadmodum habere charitatem, gratiæ est fidelium. Ergo iustificatio impij non est miraculosa.

CONCLUSIO.

Opus iustificationis, prout à solo Deo fieri potest, atque interdum præter communem naturæ cursum fit, dum scilicet sic hominem gratia præuenit, ut statim quandam perfectionem iustitiæ assequatur: miraculosum dici potest.

RESPONDENDO dicendum, quod in operibus miraculosis tria consueverunt inueniri, quorum vnum est ex parte potentiz agentis: quia sola diuina virtute fieri possunt, & ideo sunt simpliciter mira: quasi habentia causam occultam, ut in primo dictum est, & secundum hoc tam iustificatio impij quam creatio mundi, & vniuersaliter omne opus, quod à solo Deo fieri potest, miraculosum dici potest. Secundo in quibusdam miraculosis operibus inuenitur quoddam forma inducenda est supra naturalem potentiam talis materiz: sicut in suscitatione mortui, vita est supra naturalem potentiam talis corporis. Et quantum ad hoc, iustificatio impij non est miraculosa, quia naturaliter anima est gratiæ capax: eo enim ipso, quod facta est ad imaginem Dei, capax est Dei per gratiam, ut August. dicit. Tertio modo in operibus miraculosis inuenitur aliquid præter solitum & consuetum ordinem causandi effectum: sicut cum aliquis infirmus sanitate perfectam assequitur subito præter solitum cursum sanationis, quæ fit à natura vel arte: & quantum ad hoc, iustificatio impij quandoque est miraculosa, & quandoque non. Est enim iste communis

X X X 2 & can

ar. 3. huius quæst.

tra. 72. in locum post med. illius tra. 9.

tra. 72. in locum post med. illius tra. 9.

tra. 72. in locum post med. illius tra. 9.

609

inf. 7. 105. ar. 7. ad 1. 3. 1. 4. 4. ar. 1. ad 1. 3. 1. 2. 4. 2. 1. ar. 3. 1. 2. 4. 2. 1. ar. 4. 1. 2. 4. 2. 1. ar. 5. 1. 2. 4. 2. 1. ar. 6. 1. 2. 4. 2. 1. ar. 7. 1. 2. 4. 2. 1. ar. 8. 1. 2. 4. 2. 1. ar. 9. 1. 2. 4. 2. 1. ar. 10. 1. 2. 4. 2. 1. ar. 11. 1. 2. 4. 2. 1. ar. 12. 1. 2. 4. 2. 1. ar. 13. 1. 2. 4. 2. 1. ar. 14. 1. 2. 4. 2. 1. ar. 15. 1. 2. 4. 2. 1. ar. 16. 1. 2. 4. 2. 1. ar. 17. 1. 2. 4. 2. 1. ar. 18. 1. 2. 4. 2. 1. ar. 19. 1. 2. 4. 2. 1. ar. 20. 1. 2. 4. 2. 1. ar. 21. 1. 2. 4. 2. 1. ar. 22. 1. 2. 4. 2. 1. ar. 23. 1. 2. 4. 2. 1. ar. 24. 1. 2. 4. 2. 1. ar. 25. 1. 2. 4. 2. 1. ar. 26. 1. 2. 4. 2. 1. ar. 27. 1. 2. 4. 2. 1. ar. 28. 1. 2. 4. 2. 1. ar. 29. 1. 2. 4. 2. 1. ar. 30. 1. 2. 4. 2. 1. ar. 31. 1. 2. 4. 2. 1. ar. 32. 1. 2. 4. 2. 1. ar. 33. 1. 2. 4. 2. 1. ar. 34. 1. 2. 4. 2. 1. ar. 35. 1. 2. 4. 2. 1. ar. 36. 1. 2. 4. 2. 1. ar. 37. 1. 2. 4. 2. 1. ar. 38. 1. 2. 4. 2. 1. ar. 39. 1. 2. 4. 2. 1. ar. 40. 1. 2. 4. 2. 1. ar. 41. 1. 2. 4. 2. 1. ar. 42. 1. 2. 4. 2. 1. ar. 43. 1. 2. 4. 2. 1. ar. 44. 1. 2. 4. 2. 1. ar. 45. 1. 2. 4. 2. 1. ar. 46. 1. 2. 4. 2. 1. ar. 47. 1. 2. 4. 2. 1. ar. 48. 1. 2. 4. 2. 1. ar. 49. 1. 2. 4. 2. 1. ar. 50. 1. 2. 4. 2. 1. ar. 51. 1. 2. 4. 2. 1. ar. 52. 1. 2. 4. 2. 1. ar. 53. 1. 2. 4. 2. 1. ar. 54. 1. 2. 4. 2. 1. ar. 55. 1. 2. 4. 2. 1. ar. 56. 1. 2. 4. 2. 1. ar. 57. 1. 2. 4. 2. 1. ar. 58. 1. 2. 4. 2. 1. ar. 59. 1. 2. 4. 2. 1. ar. 60. 1. 2. 4. 2. 1. ar. 61. 1. 2. 4. 2. 1. ar. 62. 1. 2. 4. 2. 1. ar. 63. 1. 2. 4. 2. 1. ar. 64. 1. 2. 4. 2. 1. ar. 65. 1. 2. 4. 2. 1. ar. 66. 1. 2. 4. 2. 1. ar. 67. 1. 2. 4. 2. 1. ar. 68. 1. 2. 4. 2. 1. ar. 69. 1. 2. 4. 2. 1. ar. 70. 1. 2. 4. 2. 1. ar. 71. 1. 2. 4. 2. 1. ar. 72. 1. 2. 4. 2. 1. ar. 73. 1. 2. 4. 2. 1. ar. 74. 1. 2. 4. 2. 1. ar. 75. 1. 2. 4. 2. 1. ar. 76. 1. 2. 4. 2. 1. ar. 77. 1. 2. 4. 2. 1. ar. 78. 1. 2. 4. 2. 1. ar. 79. 1. 2. 4. 2. 1. ar. 80. 1. 2. 4. 2. 1. ar. 81. 1. 2. 4. 2. 1. ar. 82. 1. 2. 4. 2. 1. ar. 83. 1. 2. 4. 2. 1. ar. 84. 1. 2. 4. 2. 1. ar. 85. 1. 2. 4. 2. 1. ar. 86. 1. 2. 4. 2. 1. ar. 87. 1. 2. 4. 2. 1. ar. 88. 1. 2. 4. 2. 1. ar. 89. 1. 2. 4. 2. 1. ar. 90. 1. 2. 4. 2. 1. ar. 91. 1. 2. 4. 2. 1. ar. 92. 1. 2. 4. 2. 1. ar. 93. 1. 2. 4. 2. 1. ar. 94. 1. 2. 4. 2. 1. ar. 95. 1. 2. 4. 2. 1. ar. 96. 1. 2. 4. 2. 1. ar. 97. 1. 2. 4. 2. 1. ar. 98. 1. 2. 4. 2. 1. ar. 99. 1. 2. 4. 2. 1. ar. 100. 1. 2. 4. 2. 1. ar. 101. 1. 2. 4. 2. 1. ar. 102. 1. 2. 4. 2. 1. ar. 103. 1. 2. 4. 2. 1. ar. 104. 1. 2. 4. 2. 1. ar. 105. 1. 2. 4. 2. 1. ar. 106. 1. 2. 4. 2. 1. ar. 107. 1. 2. 4. 2. 1. ar. 108. 1. 2. 4. 2. 1. ar. 109. 1. 2. 4. 2. 1. ar. 110. 1. 2. 4. 2. 1. ar. 111. 1. 2. 4. 2. 1. ar. 112. 1. 2. 4. 2. 1. ar. 113. 1. 2. 4. 2. 1. ar. 114. 1. 2. 4. 2. 1. ar. 115. 1. 2. 4. 2. 1. ar. 116. 1. 2. 4. 2. 1. ar. 117. 1. 2. 4. 2. 1. ar. 118. 1. 2. 4. 2. 1. ar. 119. 1. 2. 4. 2. 1. ar. 120. 1. 2. 4. 2. 1. ar. 121. 1. 2. 4. 2. 1. ar. 122. 1. 2. 4. 2. 1. ar. 123. 1. 2. 4. 2. 1. ar. 124. 1. 2. 4. 2. 1. ar. 125. 1. 2. 4. 2. 1. ar. 126. 1. 2. 4. 2. 1. ar. 127. 1. 2. 4. 2. 1. ar. 128. 1. 2. 4. 2. 1. ar. 129. 1. 2. 4. 2. 1. ar. 130. 1. 2. 4. 2. 1. ar. 131. 1. 2. 4. 2. 1. ar. 132. 1. 2. 4. 2. 1. ar. 133. 1. 2. 4. 2. 1. ar. 134. 1. 2. 4. 2. 1. ar. 135. 1. 2. 4. 2. 1. ar. 136. 1. 2. 4. 2. 1. ar. 137. 1. 2. 4. 2. 1. ar. 138. 1. 2. 4. 2. 1. ar. 139. 1. 2. 4. 2. 1. ar. 140. 1. 2. 4. 2. 1. ar. 141. 1. 2. 4. 2. 1. ar. 142. 1. 2. 4. 2. 1. ar. 143. 1. 2. 4. 2. 1. ar. 144. 1. 2. 4. 2. 1. ar. 145. 1. 2. 4. 2. 1. ar. 146. 1. 2. 4. 2. 1. ar. 147. 1. 2. 4. 2. 1. ar. 148. 1. 2. 4. 2. 1. ar. 149. 1. 2. 4. 2. 1. ar. 150. 1. 2. 4. 2. 1. ar. 151. 1. 2. 4. 2. 1. ar. 152. 1. 2. 4. 2. 1. ar. 153. 1. 2. 4. 2. 1. ar. 154. 1. 2. 4. 2. 1. ar. 155. 1. 2. 4. 2. 1. ar. 156. 1. 2. 4. 2. 1. ar. 157. 1. 2. 4. 2. 1. ar. 158. 1. 2. 4. 2. 1. ar. 159. 1. 2. 4. 2. 1. ar. 160. 1. 2. 4. 2. 1. ar. 161. 1. 2. 4. 2. 1. ar. 162. 1. 2. 4. 2. 1. ar. 163. 1. 2. 4. 2. 1. ar. 164. 1. 2. 4. 2. 1. ar. 165. 1. 2. 4. 2. 1. ar. 166. 1. 2. 4. 2. 1. ar. 167. 1. 2. 4. 2. 1. ar. 168. 1. 2. 4. 2. 1. ar. 169. 1. 2. 4. 2. 1. ar. 170. 1. 2. 4. 2. 1. ar. 171. 1. 2. 4. 2. 1. ar. 172. 1. 2. 4. 2. 1. ar. 173. 1. 2. 4. 2. 1. ar. 174. 1. 2. 4. 2. 1. ar. 175. 1. 2. 4. 2. 1. ar. 176. 1. 2. 4. 2. 1. ar. 177. 1. 2. 4. 2. 1. ar. 178. 1. 2. 4. 2. 1. ar. 179. 1. 2. 4. 2. 1. ar. 180. 1. 2. 4. 2. 1. ar. 181. 1. 2. 4. 2. 1. ar. 182. 1. 2. 4. 2. 1. ar. 183. 1. 2. 4. 2. 1. ar. 184. 1. 2. 4. 2. 1. ar. 185. 1. 2. 4. 2. 1. ar. 186. 1. 2. 4. 2. 1. ar. 187. 1. 2. 4. 2. 1. ar. 188. 1. 2. 4. 2. 1. ar. 189. 1. 2. 4. 2. 1. ar. 190. 1. 2. 4. 2. 1. ar. 191. 1. 2. 4. 2. 1. ar. 192. 1. 2. 4. 2. 1. ar. 193. 1. 2. 4. 2. 1. ar. 194. 1. 2. 4. 2. 1. ar. 195. 1. 2. 4. 2. 1. ar. 196. 1. 2. 4. 2. 1. ar. 197. 1. 2. 4. 2. 1. ar. 198. 1. 2. 4. 2. 1. ar. 199. 1. 2. 4. 2. 1. ar. 200. 1. 2. 4. 2. 1. ar. 201. 1. 2. 4. 2. 1. ar. 202. 1. 2. 4. 2. 1. ar. 203. 1. 2. 4. 2. 1. ar. 204. 1. 2. 4. 2. 1. ar. 205. 1. 2. 4. 2. 1. ar. 206. 1. 2. 4. 2. 1. ar. 207. 1. 2. 4. 2. 1. ar. 208. 1. 2. 4. 2. 1. ar. 209. 1. 2. 4. 2. 1. ar. 210. 1. 2. 4. 2. 1. ar. 211. 1. 2. 4. 2. 1. ar. 212. 1. 2. 4. 2. 1. ar. 213. 1. 2. 4. 2. 1. ar. 214. 1. 2. 4. 2. 1. ar. 215. 1. 2. 4. 2. 1. ar. 216. 1. 2. 4. 2. 1. ar. 217. 1. 2. 4. 2. 1. ar. 218. 1. 2. 4. 2. 1. ar. 219. 1. 2. 4. 2. 1. ar. 220. 1. 2. 4. 2. 1. ar. 221. 1. 2. 4. 2. 1. ar. 222. 1. 2. 4. 2. 1. ar. 223. 1. 2. 4. 2. 1. ar. 224. 1. 2. 4. 2. 1. ar. 225. 1. 2. 4. 2. 1. ar. 226. 1. 2. 4. 2. 1. ar. 227. 1. 2. 4. 2. 1. ar. 228. 1. 2. 4. 2. 1. ar. 229. 1. 2. 4. 2. 1. ar. 230. 1. 2. 4. 2. 1. ar. 231. 1. 2. 4. 2. 1. ar. 232. 1. 2. 4. 2. 1. ar. 233. 1. 2. 4. 2. 1. ar. 234. 1. 2. 4. 2. 1. ar. 235. 1. 2. 4. 2. 1. ar. 236. 1. 2. 4. 2. 1. ar. 237. 1. 2. 4. 2. 1. ar. 238. 1. 2. 4. 2. 1. ar. 239. 1. 2. 4. 2. 1. ar. 240. 1. 2. 4. 2. 1. ar. 241. 1. 2. 4. 2. 1. ar. 242. 1. 2. 4. 2. 1. ar. 243. 1. 2. 4. 2. 1. ar. 244. 1. 2. 4. 2. 1. ar. 245. 1. 2. 4. 2. 1. ar. 246. 1. 2. 4. 2. 1. ar. 247. 1. 2. 4. 2. 1. ar. 248. 1. 2. 4. 2. 1. ar. 249. 1. 2. 4. 2. 1. ar. 250. 1. 2. 4. 2. 1. ar. 251. 1. 2. 4. 2. 1. ar. 252. 1. 2. 4. 2. 1. ar. 253. 1. 2. 4. 2. 1. ar. 254. 1. 2. 4. 2. 1. ar. 255. 1. 2. 4. 2. 1. ar. 256. 1. 2. 4. 2. 1. ar. 257. 1. 2. 4. 2. 1. ar. 258. 1. 2. 4. 2. 1. ar. 259. 1. 2. 4. 2. 1. ar. 260. 1. 2. 4. 2. 1. ar. 261. 1. 2. 4. 2. 1. ar. 262. 1. 2. 4. 2. 1. ar. 263. 1. 2. 4. 2. 1. ar. 264. 1. 2. 4. 2. 1. ar. 265. 1. 2. 4. 2. 1. ar. 266. 1. 2. 4. 2. 1. ar. 267. 1. 2. 4. 2. 1. ar. 268. 1. 2. 4. 2. 1. ar. 269. 1. 2. 4. 2. 1. ar. 270. 1. 2. 4. 2. 1. ar. 271. 1. 2. 4. 2. 1. ar. 272. 1. 2. 4. 2. 1. ar. 273. 1. 2. 4. 2. 1. ar. 274. 1. 2. 4. 2. 1. ar. 275. 1. 2. 4. 2. 1. ar. 276. 1. 2. 4. 2. 1. ar. 277. 1. 2. 4. 2. 1. ar. 278. 1. 2. 4. 2. 1. ar. 279. 1. 2. 4. 2. 1. ar. 280. 1. 2. 4. 2. 1. ar. 281. 1. 2. 4. 2. 1. ar. 282. 1. 2. 4. 2. 1. ar. 283. 1. 2. 4. 2. 1. ar. 284. 1. 2. 4. 2. 1. ar. 285. 1. 2. 4. 2. 1. ar. 286. 1. 2. 4. 2. 1. ar. 287. 1. 2. 4. 2. 1. ar. 288. 1. 2. 4. 2. 1. ar. 289. 1. 2. 4. 2. 1. ar. 290. 1. 2. 4. 2. 1. ar. 291. 1. 2. 4. 2. 1. ar. 292. 1. 2. 4. 2. 1. ar. 293. 1. 2. 4. 2. 1. ar. 294. 1. 2. 4. 2. 1. ar. 295. 1. 2. 4. 2. 1. ar. 296. 1. 2. 4. 2. 1. ar. 297. 1. 2. 4. 2. 1. ar. 298. 1. 2. 4. 2. 1. ar. 299. 1. 2. 4. 2. 1. ar. 300. 1. 2. 4. 2. 1. ar. 301. 1. 2. 4. 2. 1. ar. 302. 1. 2. 4. 2. 1. ar. 303. 1. 2. 4. 2. 1. ar. 304. 1. 2. 4. 2. 1. ar. 305. 1. 2. 4. 2. 1. ar. 306. 1. 2. 4. 2. 1. ar. 307. 1. 2. 4. 2. 1. ar. 308. 1. 2. 4. 2. 1. ar. 309. 1. 2. 4. 2. 1. ar. 310. 1. 2. 4. 2. 1. ar. 311. 1. 2. 4. 2. 1. ar. 312. 1. 2. 4. 2. 1. ar. 313. 1. 2. 4. 2. 1. ar. 314. 1. 2. 4. 2. 1. ar. 315. 1. 2. 4. 2. 1. ar. 316. 1. 2. 4. 2. 1. ar. 317. 1. 2. 4. 2. 1. ar. 318. 1. 2. 4. 2. 1. ar. 319. 1. 2. 4. 2. 1. ar. 320. 1. 2. 4. 2. 1. ar. 321. 1. 2. 4. 2. 1. ar. 322. 1. 2. 4. 2. 1. ar. 323. 1. 2. 4. 2. 1. ar. 324. 1. 2. 4. 2. 1. ar. 325. 1. 2. 4. 2. 1. ar. 326. 1. 2. 4. 2. 1. ar. 327. 1. 2. 4. 2. 1. ar. 328. 1. 2. 4. 2. 1. ar. 329. 1. 2. 4. 2. 1. ar. 330. 1. 2. 4. 2. 1. ar. 331. 1. 2. 4. 2. 1. ar. 332. 1. 2. 4. 2. 1. ar. 333. 1. 2. 4. 2. 1. ar. 334. 1. 2. 4. 2. 1. ar.

et confectus cursus iustificationis, ut Deo mouente interior animam, homo conuertatur ad Deum, primo quidem conuersione imperfecta, ut postmodum ad perfectam deveniat: quia charitas inchoata metetur augeri, ut aucta mereatur perfici, sicut Augustinus dicit. Quandoque vero tam vehementer Deus animam mouet, ut statim quandam perfectionem iustitiæ adsequatur (sicut fuit in conuersione Pauli) adhibita etiam exterius miraculosa prostratione, & ideo conuersio Pauli tantquam miraculosa in Ecclesia commemoratur celebriter.

Ad primum ergo dicendum, quod quidam miraculosa opera etiam sunt minora, quam iustificatio impij quantum ad bonum quod fit: sunt tamen præter consuetum ordinem talium effectuum, & ideo plus habent de ratione miraculi.

Ad secundum dicendum, quod non quandoque res naturalis mouetur contra suam inclinationem, est opus miraculosum (alioquin miraculosum esset, quod aqua caleficeret, vel quod lapis sursum proiceretur) sed quandoque hoc fit præter ordinem propriæ causæ quæ nata est facere hoc. iustificare autem impium nulla alia causa potest nisi Deus, sicut nec aquam calefacere nisi ignis. Et ideo iustificatio impij à Deo, quantum ad hoc non est miraculosa.

Ad tertium dicendum, quod sapientiam & scientiam homo natus est acquirere à Deo per proprium ingenium & studium, & ideo quando præter hunc modum homo sapiens vel sciens efficitur, est miraculosum, sed gratiam iustificantiem non est homo natus acquirere per suam operationem, sed Deo operante. Vnde non est simile.

DISPUTATIO VI.

DISPUTATIO VI.

De Iustificatione.

QUIA Iustificatio est primus formalis & principalis effectus gratiæ habitualis: propterea post considerationem ipsius gratiæ secundum se, de ipsa iustificatione considerandum est.

D V B I V M I.

Utrum in iustificatione impij fiat remissio peccatorum.

SUPPONENDUM est, iustitiam sumi dupliciter, Primò ut importat rectitudinem ad alterum secundum actum, dū reddit unicuique quod suum est, & sic computatur inter virtutes Cardinales. Secundò sumitur ut est rectitudo creaturæ ad Deum finem supernaturalem, & est idem quod sanctitas, iuxta illud ad Rom. 10. Ignorantes iustitiam Dei & suam quærentes statuere, iustitiæ Dei non sunt subiecti; & ad Philip. 3. Et inueniar in illo non habens meam iustitiam, sed illam quæ est Christi Iesu: & hæc habet, statum imperfectum in Viatoribus post peccatum, quia licet in eis mens sit ordinata ad Deum finem ultimum supernaturalem; tamen inferiores vires non sunt omnino subditæ rationi, sicut erant subditæ in statu iustitiæ originalis: propterea ratione huius iustitiæ illius status fuit perfectior nostrâ, fuit tamen defectibilis: in Patria autem habebit statum perfectissimū, ibi enim per gratiam consummatam mens erit non solum habitualiter, sed etiam actualiter ordinata ad Deum, & vires inferiores omnino & indefectibiliter subduntur rationi. Ab hac iustitia derivatur nomen iustificationis tam actiue, quam passiue sumptæ: actiue sumpta importat actum causæ iustificantis per infusionem gratiæ, vel actum formalem ipsius gratiæ seipsa formaliter iustificantis; passiue autem sumpta importat motum

vel mutationem, qua aliquis de non iusto, vel iniusto fit iustus: est simplex mutatio & generatio spiritualis, quando habet pro termino à quo puram negationem iustitiæ, & sic fuit iustificatio Angelorū, Sanctissime Virginis, & prima Adami; quia de non-iustis facti sunt iusti; est autem motus, quando procedit de contrario in contrarium, & sic est iustificatio impij, qua transmutatur de statu iniustitiæ ad statum iustitiæ: Aliquando tamen iustificatio sumitur pro declaratione iustitiæ, quæ cum fit à Deo, infallibiliter præsupponit iustitiam, quia Deus non potest decipi aut decipere, sicut homines: Hæretici admittunt tantum iustificationem in hac secunda acceptione, sed errant contra Scripturam; nam iuxta primam acceptionem dicitur Gal. 3. Iustificati ex fide pacem habeamus. Isaia 53. In scientia sua iustificauit ipse iustus seruus meus multos, & iniquitates eorum ipse portauit, & sic intelligunt Sancti Patres & Concilia, maximè Tridentinum sess. 6. de Iustificatione. Notandum tamen, quod quando iustificatio hic dicitur motus, non intelligitur motus rigorose sumptus quoad omnia quæ importat, hic enim fit successiue, & in tempore; cum tamen iustificatio fiat in instanti: sed tantum vocatur motus quantum ad hoc, quod procedat de contrario in contrarium, sicut motus physicus: Ita Caietanus. Similiter iustificatio quæ est mutatio, ut in Sanctissima Virgine, Angelis, & primis parentibus qui in eodem instanti suæ creationis, productionis, aut generationis fuerunt iustificati; non habet omnes condiciones veræ mutationis, hæc enim præsupponit subiectum transmutandum in aliqua duratione reali, quod non facit hæc iustificatio; & ita procedit non de priuatione, quia hæc connotat subiectum; sed de pura negatione gratiæ: vnde iustificatio non debet dici absolutè motus, aut mutatio; sed quasi motus, & quasi mutatio: iustificatio quidem impij quasi motus, quia ut dictum est procedit à contrario ad contrarium, habet enim peccatum pro termino à quo, quod secundum suum materiale est quid positium, secundum formale verò quamuis non sit quid positium, tamen se habet respectu gratiæ quasi contrarium positium, quia illam expellit & hoc sufficit, ut iustificatio impij dicatur esse secundum rationem motus.

Prima opinio, sed hæretica, sicut negat iustificationem intrinsecam, sic negat in iustificatione impij fieri remissionem omnium peccatorum. Probat authoritate Scripturæ, quæ sub nomine iustificationis non intelligit aliquid intrinsecum, sed solum extrinsecam declarationem quod aliquis sit iustus. Psalmus 50. ait ut iustificeris in sermonibus tuis. Prouerb. 17. Qui iustificat impium, & qui cōdemnat iustum abominabilis est vterque apud Deum. Iob. 9. Si iustificare me volueris, os meum condemnabit me: ergo

ergo in iustificatione impij non fit remissio peccatorum.

Secundò, Nullus quantumvis iustificatus, adimplet præceptum charitatis de diligendo Deum ex toto corde, ex totis viribus, &c. similiter non caret concupiscentia: sed qui non satisfacit præcepto, est in statu peccati, sicut & qui habet concupiscentiam, hæc enim est radix omnium peccatorum: ergo in iustificatione impij non fit remissio peccatorum.

Tertiò, Peccata verè non remittuntur: sed tantum teguntur, vel non imputantur iuxta Psalmum 31. Beati quorum remissæ sunt iniquitates, & quorum testæ sunt peccata; beatus vir cui non imputavit Dominus peccatum: Ecce Psalmista explicat quòd remissio iniquitatum non aliter fiat, quàm tegendo, & non imputando ipsas; ergo in iustificatione impij non fit remissio peccatorum.

CONCLUSIO.

RESPONDEO dicendum, quòd secundum fidem in iustificatione impij fit remissio omnium peccatorum. 2. vndelicet iustificatio impij non fit formaliter idem quod remissio peccatorum, sunt tamen idem concomitanter: 3. in ipsa sunt duæ mutationes. 4. & distinguitur specie à pura iustificatione. Ita communiter omnes Theologi.

Probatur prima pars conclusionis autoritate sacræ Scripturæ. Paralipp. 1. dicitur: Obsecro aufer iniquitatē serui tui. Pl. 50. Dele iniquitatem meam. Isaïæ 43. Ego sum ipse, qui deleo iniquitates tuas propter me: & capite sequenti, Deleui vt nubem iniquitates tuas, & quasi nebulam peccata tua. Ioan. 1. Ecce qui tollit peccata mundi. Ioan. 17. Sanctifica eos in veritate: item vt sint & ipsi sanctificati in veritate. Ad Hæbr. 1. Purgationem peccatorum faciēs. 1. ad Cor. 6. Sed abluti estis, sed sanctificati estis in nomine Domini nostri Iesu Christi 1. Ioan. 1. Sanguis Iesu Christi Filij eius emundat nos ab omni peccato: Sed auferri, deleri, tolli, purgari, & ablui peccata est ipsa verè & propriè remitti, vt patet maximè ex declaratione Concilij Tridentini quod sess. 6. cap. 7. dicit quòd in iustificatione impij fit remissio peccatorum, & renouatio vitæ, & sess. 5. canone. 5. damnat, qui negauerit per Baptismum remitti peccatum originale, & auferri totum id quod habet rationem culpæ: aut qui dixerit tantum regi, aut radi peccatum; quod confirmat ex illo ad Rom. 8. Nihil ergo nunc damnationis est iis, qui sunt in Christo Iesu: ergo secundum fidem in iustificatione impij fit remissio omnium peccatorum.

Secundò probatur autoritate Sanctorum Patrum. D. Th. hic art. 1. vbi hoc probat ex professo, & sic concludit: Ideo huiusmodi transmutatio, qua aliquis transmutatur à statu iniustitiæ per remissionem peccati, sortitur nomen à termino *ad quem*, & vocatur iustificatio impij.

S. Aug. lib. 1. contra epist. Pelagianor. cap. 13. Dicimus Baptisma, &c. auferre crimina, non radere. Et lib. 3. cap. 5. Quicquid peccati ex humana infirmitate subreplerit, pietate ipsius fidei continuò deletur.

Tertiò probatur duplici ratione: Nisi in iustificatione verè remittantur peccata, sequitur quòd in peccatore qui dicitur iustificari, non solum remaneat reatus poenæ, sed etiam culpa & macula peccatorum, ratione cuius homo est inimicus Dei, seruus peccati, & iniustus: ac proinde non posset dici verè mundus, immaculatus, sanctus, iustus, & amicus Dei; quæ tamen debent conuenire homini iustificato, vt patet: ergo in iustificatione impij fit remissio peccatorum. Deinde, Sacramenta nouæ legis causant id quod significant, & in hoc excedunt sacramenta veteris legis, quæ tantum erant signa gratiæ, & non causa, vt est commune axioma Theologorum: sed Sacramenta nouæ legis per se ordinata ad iustificationem impij scilicet Baptismus & Poenitentia significant remissionem peccatorum, maximè ratione formæ, nam forma Baptismi est: Ego te baptizo, &c. siue abluo à peccatis; forma poenitentiae: Ego te absoluo à peccatis, &c. quod idem est, ac remitto tibi peccata tua, iuxta illud Christi Domini: Quorum remisistis peccata, remittuntur eis. Nec obstat illud ad Hæbr. 6. Impossibile est eos, qui semel sunt illuminati, & lapsi sunt, rursus renouari ad poenitentiam: nam ibi *ly impossibile* idem est ac difficile: ergo in iustificatione impij fit remissio peccatorum.

Probatur & explicatur secunda pars conclusionis: Remissio peccatorum secundum se formaliter considerata, præcisè importat quòd fit ibi mutatio, qua quis de iniusto fit non- iniustus; siue tantum dicit recessum à termino *à quo*, scilicet peccato: iustificatio autem impij formaliter etiam secundum se considerata, præcisè importat mutationem, qua quis de non-iusto fit iustus, quamuis connotet quòd fuerit iniustus, & principaliter respicit terminum *ad quem*: hæc tamen duæ mutationes connotant se inuicem, ita vt vna non possit esse sine alia, eo prorsus modo quo se habent generatio & corruptio; & propter hoc sicut dicitur quòd generatio vnius est corruptio alterius, licet in sensu formali non sit verum, sed tantum concomitanter; sic dicitur quòd iustificatio impij est remissio peccatorum, non formaliter, sed concomitanter: & sic intelligendus est D. Thomas loco citato. Et ex his patet tertia pars conclusionis.

Probatur quarta pars conclusionis. Mutationes, & motus non solum distinguuntur specie penes terminos *ad quos*, sed etiam penes diuersum modum tendendi ad ipsos, vt constat in motu recto & circulari ad eundem terminum: & similiter penes diuersum ordinem ad

terminum à quo, vt patet in creatione, generatione, & resurrectione hominis: hæc enim tria propter diuersum ordinem ad terminum à quo specie distinguuntur: sed iustificatio impij, & pura iustificatio licet habeant eundem terminum ad quem, scilicet iustitiam siue sanctitatem, dicunt tamen diuersum ordinem ad terminum à quo; nam pura iustificatio est de termino negatiuo, scilicet à non-iusto ad iustum, vnde habet rationem mutationis siue spiritualis generationis; iustificatio autem impij est de termino positiuo, scilicet ab iniusto ad iustum, vnde habet rationem motus, vt dictum est: ergo iustificatio impij distinguitur specie à pura iustificatione, qualis fuit Sanctissimæ Virginis, Angelorum, & prima primorum parentum.

Ad primū ergo dicendū, quod licet aliquando in Scriptura sacra iustificatio sumatur pro declaratione iustificationis, vt probant loca in contrarium adducta: tamen præsupponunt iustificationē internā, quando talis declaratio fit à Deo; alioquin Deus falleretur, aut falleret: quod est impium dicere. Deinde, Plura adducta sunt alia loca, in quibus nomine iustificationis intelligitur iustificatio interna per remissionē peccatorū.

Ad secundum dicendum, quod si nomine dilectionis Dei super omnia intelligatur delectio Dei indefectibilis, & procedens cum tota intentione & toto conatu, verum est quod non habetur hūc in via talis dilectio, sine speciali priuilegio, quale fuit in Beatissima Virgine, quia feruor charitatis sopitur per peccata venialia, quæ sine speciali priuilegio vitari non possunt omnia: vnde talis feruor erit tantum in Patria: præceptum autem de diligendo Deum non respicit talem dilectionem, vt pote hūc viā ordinariā impossibilem, nihil enim impossibile præcipitur, quia nemo ad impossibile tenetur: vnde dilectio Dei quæ cadit sub præcepto in hoc consistit, quod aliquis præferat Deum in corde & æstimatione sua omnibus creaturis; & hæc dicitur à Theologis dilectio Dei super omnia, & appretiatuē dicitur esse ex toto corde, ex tota mēte, &c. Ad aliud de concupiscentia dicendum, quod concupiscentia sumitur dupliciter, scilicet pro appetitu sensibili, vt includit concupiscibilem & irascibilem deordinatum & non subiectum rationi; & hic reperitur in iustis, nisi adsit speciale priuilegium vt in Beatissima Virgine, & relinquatur post Baptismum ad agonem & meritum: sed non est peccatum, quamuis aliquando vocetur peccatum, quia procedit ex peccato originali, & inclinatur ad peccatum actuale. Sumitur etiam pro actu inordinato talis appetitus, qui si sit primo primus siue omnino præueniens rationem, non est peccatum, quia de ratione peccati est, quod sit ex deliberatione: si autem sequatur iudicium rationis de obiecto malo, erit peccatum mortale; sed non compatitur cum iustificatione, imò reddit iniustum.

Ad tertium dicendum cum D. Th. quod testio, & non imputatio peccatorum fit per eorundem veram remissionem, & infusionem gratiæ: quod enim Deus non imputet peccata, procedit ex eius supernaturali dilectione, quæ esse non potest sine infusione gratiæ, vt dictum est supra. Ex quibus sequitur quod hæc duæ propositiones: Christus est nostra iustitia: Merita Christi nobis cōmunicantur, & applicantur, non sunt concedendæ sine distinctione & explicatione: Prima debet distingui, nam in sensu formali est falsa & hæretica, in sensu causali est vera: Secunda sic debet explicari, scilicet quod nobis fiat communicatio, & applicatio noua meritorum Christi, per hoc quod producit in nobis aliquid inhærens, aut augetur in nobis donum gratiæ præexistētis virtute meritorū Christi, quibus nobis meruit gratiam, aut eius augmentum; & non quod ipsa merita nobis imputentur, vt volunt hæretici. Nec obstat illud Psal. 142. Non iustificabitur in conspectu tuo omnis viuens. Nec illud Iob. 9. Scio quod ita sit, & quod non iustificatur homo compositus Deo: Nam Psalmista vult solum quod nullus virtute suorum operum sine gratia Dei possit iustificari, id est nullus iustificaretur in conspectu Dei, si ipse esset tantum iudex, & non præuenisset vt misericors pater. In verbis autem Iob nihil aliud habetur, quàm quod homo quamuis iustus, comparatiuē ad Deum non est iustus iuxta illud hymni angelici: Tu solus sanctus; vnde prædictum locum sic exponit. S. Gregorius: humana iustitia diuinæ iustitiæ comparata, iniustitia est.

D V B I V M I I.

Vtrum in iustificatione impij sit infusio gratiæ, & iustitia interna acquisitio.

PRima, sed hæretica, opinio Lutheri & sequacium est, nullam in nobis reperiri iustitiam internam, sed solum externam Christi Domini nobis imputatam, ratione fidei nostræ in ipsum. Probatur multis autoritatibus sacre Scripturæ, quibus dicitur Christus esse nostra iustitia, nos esse iustitia ipsius, iustitiam nobis imputari, ac tandem quod iustitia nostra nihil sit, imò sit iniustitia coram Deo. 1. ad Cor. 2. dicitur: Christus factus est nobis iustitia, sanctificatio, & redemptio. 2. ad Cor. 3. Eum qui non nouit peccatum, pro nobis fecit peccatum, vt efficiamur iustitia Dei in ipso. Ad Rom. 10. S. Paulus arguit eos, qui ignorantes Dei iustitiam, suam volunt statuere: Item ait, Vt non inueniar in Christo habens meam iustitiam, sed iustitiam quæ ex Christi fide est. Ad Rom. 4. Credidit Abraham Deo, & reputatum est illi ad iusticiā. Item, Quia credenti in eum, qui iustificat impium, fides reputatur ad iustitiam. Et tandem multis in locis Scripturæ habetur, quod omnis nostra iustitia est immunda

immunda coram Deo, & veluti pannus menstruatus: ergo in iustificatione impij non est infusio gratiæ, & iustitiæ internæ acquisitio.

Secundò, Si quid suaderet admittendam esse gratiæ infusionem in iustificatione impij, maxime quia in iustificatione homo debet fieri amicus Dei, ad quam amicitiam necessaria est gratiæ infusio: sed hoc est falsum, nam in iustificatione ad summum requiritur remissio peccatorum, quæ potest stare sine amicitia Dei, videmus enim quòd sæpe homines remittunt iniurias sibi factas, & tamen non sunt amici eorum quibus eas remittunt: ergo in iustificatione impij non est gratiæ infusio, & iustitiæ internæ acquisitio.

Tertiò, iustitia Christi est infinita, ac proinde sufficiens pro omnibus delictis: ergo ipsa nobis sufficit; Ex quo hæretici inferunt sequentes errores, scilicet. Quòd homines non sunt verè iusti, sed reputantur tales: Quòd omnes eadem iustitia Christi sunt aequaliter iusti: Quòd simus iusti non per aliam dispositionem, quàm per fidem: Quòd non debemus satisfacere pro nostris peccatis: Quòd Fideles sunt certi certitudine fidei de sua iustificatione.

CONCLUSIO.

RESPONDEO dicendum, quòd in iustificatione impij est infusio gratiæ, & acquisitio iustitiæ internæ. 1. quia sumus perfectè iusti & sancti, ita ut per ipsam excludatur peccatum mortale absque nouo fauore, aut condonatione extrinseca: Ita tenent omnes Catholici.

Probatur prima pars conclusionis multiplici autoritate sacre Scripturæ. Ioan. 1. De plenitudine eius nos omnes accepimus, & gratiam pro gratia: vbi *ly accepimus*, importat gratiam intrinsecè receptam, sed dimanantem de plenitudine gratiæ Christi. Ioan. 17. Ut sint & ipsi sanctificati in veritate. 2. ad Cor. 9. Augebit incrementa frugum iustitiæ vestræ. Et Apocal. 22. Qui iustus est, iustificetur adhuc: ergo loquitur de iustitia interna, nam iustitia Christi non augetur. 1. Ioan. 3. Omnis qui natus est ex Deo, peccatum non facit, quoniam semen ipsius in eo manet. 2. ad Cor. 1. Qui vixit nos Deus, qui & signauit, & dedit pignus Spiritus in cordibus nostris: Semen autem, vnctio, & pignus significant aliquid internè receptum. Item probatur auctoritate Concilij Tridentini, quod sess. 6. cap. 7. definit quòd iustificatio impij non est sola peccatorum remissio, sed sanctificatio & renouatio interioris hominis, per voluntariam susceptionem gratiæ & donorum: subditque causam formalem nostræ iustificationis esse iustitiam Dei, non quia ipse iustus est, sed qua nos iustos facit. Item dicit, iustitiam in nobis recipientes vnusquisque suam; quamquam enim nemo possit esse iustus, nisi cui merita Passionis Domini nostri Iesu Christi communicantur, id tamen in hac impij iustificatione fit, dum per Spiritum sanctum charitas

Dei diffunditur in cordibus eorum: Hæc veritatem habent communiter omnes Sancti Patres vnde sufficiat illud Aug. de Spiritu & Littera cap. 9. iustitia Dei manifestata est, iustitia Dei, non qua Deus iustus est, sed qua induit hominem cum iustificat impium.

Secundò probatur duplici ratione: quarum Prima sit, Dum Deus iustificat impium, illum verè facit iustum amicum suum quem specialiter diligit, filium suum adoptiuum habentem ius ad regnum cœleste, ad quòd verè & extrinsecè est ordinatus, ad differentiam peccatorum: Hæc omnia patent ex Scripturis, & communi consensu Theologorum: sed non potest aliquis intelligi verè iustus, sine iustitia internæ, nec esse amicus Dei ab ipso specialiter dilectus, nisi in ipso causetur aliquid speciale internum: in hoc enim differt dilectio diuina à dilectione creaturæ, quòd illa prius est effectiua quàm affectiua, creaturæ verò prius affectiua quàm effectiua, ut dictum est, quia Deus non potest diligere bonum quòd ab ipso non processerit: omne enim bonum est participatio Dei, creaturæ autem præsupponit bonum quòd diligit in aliquo: Similiter adoptio Dei, ut pote perfecta & excedens adoptionem creatam consistentem solum in extrinseca denominatione, fundatur in aliquo esse interno supernaturali, quia per ipsam homo habet ius ad regnum cœleste per ordinationem specialem, ac proinde non solum extrinsecam, hæc enim communis est omnibus hominibus, natura enim humana est extrinsecè eleuata ad finem supernaturalem, iuxta illud Apostoli, Vult Deus omnes homines saluos fieri, ergo per intrinsecam, & consequenter in iustificatione impij fit infusio gratiæ, & acquisitio iustitiæ internæ. Secunda ratio est: Sola imputatio peccatorum nostrorum non sufficit, ut Christus cui imputata sunt, dicatur verè & propriè peccator, hoc enim asserere esset summa blasphemia: quamuis enim Christus dicatur 2. ad Cor. 2. peccatum & maledictum, hoc tamen non propriè dicitur, sed similitudinariè, quia fuit hostia pro peccato, & sustinuit pœnam nostræ maledictionis: ergo nec sola imputatio meritorum Christi, aut eius iustitiæ est sufficiens ut verè simus & dicamur iusti, ut patet ex paritate rationis, ac proinde cum in iustificatione verè & propriè peccator fiat iustus ex Scriptura, in ipsa debet fieri infusio gratiæ, & acquisitio iustitiæ internæ.

Probatur secunda pars conclusionis auctoritate Concilij Tridentini sess. 6. cap. 7. vbi ait: Vnica formalis causa iustificationis est iustitia Dei, non quia ipse iustus est, sed qua nos iustos facit, qua videlicet ab eo donati renouamur spiritu mentis nostræ, & non modo reputamur, sed verè iusti nominamur & sumus; quòd non esset verum, si præter infusionem gratiæ, & acquisitionem iustitiæ internæ requireretur nouus

uus fauor, aut condonatio extrinseca ad exclusionem peccati mortalis. Item in eodem cap. definit remissionem peccatorum, & renouationem interioris hominis fieri per voluntariam susceptionem gratiæ & donorum: subditque, Dum eiusdem id est Christi Sanctissimæ Passionis merito per Spiritum sanctum charitas Dei diffunditur in cordibus eorum qui iustificuntur, atque ipsis inhæret; imò si hic nouus fauor, & condonatio extrinseca requireretur, gratiæ infusio se haberet per accidens ad iustificationem, cuius contrarium ostensum est. Deinde, Ad hoc vt expellatur peccatum mortale, sufficit quòd tollatur macula ab ipso relicta, vt patet, ipsa enim sublatâ sumus iusti & immaculati: sed hæc macula præcisè aufertur per gratiam infusam, cuius priuatio est talis macula, macula enim peccati est priuatio nitidis gratiæ, & non solum externæ dilectionis & beneuolentiæ diuinæ; hæc enim vt dictum est, efficit aliquid in subiecto dilecto, constat autem quòd priuatio aufertur per positionem formæ in subiecto: ergo per infusionem gratiæ, & acquisitionem iustitiæ internæ sumus perfectè iusti & sancti, ita vt per ipsam excludatur peccatum mortale; absque nouo fauore & condonatione extrinseca, quamuis per hoc quòd Deus infundat gratiam, verè etiam extrinsecè condonet peccata. Nec obstat quòd Christus est causa extrinseca formalis siue exemplaris nostræ iustificationis, in quantum per iustificationem sumus filij Dei adoptiui, quo conformamur imaginem filij Dei naturalis: non enim hoc tollit, quin sit etiam causa meritoria, & efficiens eiusdem iustificationis, quæ consequenter ponit quid intrinsecum in iustificato.

Ad primum ergo dicendum, quòd primus locus est intelligendus in sensu causali, & non formali; Dicitur igitur Christus factus nostra iustitia, sanctificatio, & redemptio; quia est causa nostra iustitiæ, sanctificationis, & redemptionis. Secundus locus continet figuratam locutionem: Christus enim dicitur factus peccatum, id est peccati hostia: nos autem effici iustitia Dei in ipso, id est iusti coram Deo per ipsum. In tertio loco per iustitiam propriam intelligitur iustitia quæ habetur propria virtute, seclusâ gratiâ, quæ propter Christum in quem credimus, nobis datur: & hanc merito damnat S. Paulus, quia sine gratia meritis Christi nobis concessa non possumus coram Deo esse iusti. In quarto loco non excluditur iustitia interna ab Abraham; sed tantum quòd Abraham non fuerit iustificatus ex operibus legis veteris, sed ex fide viuâ in Christum. Et similiter intelligendus est quintus locus: Vltimus tantum probat, quòd iustitia nostra, siue propriis viribus acquisita, & non per gratiam Christi, est immunda; quod verissimum est.

Ad secundum dicendum, quòd si amicus

offendit amicum, non intelligitur huic perfectè remissa iniuria, nisi redeat ad pristinam amicitiam: & licet hoc ita non esset inter homines; tamen hoc ita euenit respectu Dei: quòd enim nobis remittat iniuriam prouenit ex eius dilectione, dilectio autem supernaturalis Dei respectu creaturæ prius est effectiua obiecti boni supernaturaliter, quod fit per gratiam, quàm affectiua vt dictum est.

Ad tertium dicendum, quòd iustitia Christi quamuis infinita, semper nobis est extrinseca; vnde non potest nos formaliter & intrinsecè facere iustos, sed solum causaliter: vnde quantum ad sufficientiam, quia infinita, potest effectiue infinitas creaturas iustificare, applicatur autem nobis iustitia Christi per gratiam, qua formaliter iustificamur; ipsa enim ex meritis Christi & eius influxu nobis communicatur.

D V B I V M III.

Utrum sola gratia habitualis sit forma nostra iustificationis.

PRIMA opinio tenet, non solum gratiam habituales esse formam nostræ iustificationis, sed etiam actum dilectionis Dei, & contritionis perfectæ. Pro hac citatur Vatques 1.1. disp. 208. cap. 10. saltem de possibili. Probatur autoritate sacræ Scripturæ. Luca. 7. Remittuntur ei peccata multa, quoniam dilexit multum. Ioan. 14. Si quis diligit me, Pater meus diliget eum, & ad eum veniemus, & mansionem apud eum faciemus. Prouerbior. 10. Vniuersa delicta operit charitas 1. Petri. 4. Charitas operit multitudinem peccatorum. Ad Rom. 13. Plenitudo legis est dilectio. Ad Coloss. 3. Charitas vinculum perfectionis. 1. ad Timoth. 1. Finis autem præcepti est charitas: sed hæc manifestè indicant dilectionem Dei, & contritionem perfectam fundatam in dilectione esse formam iustificationis: ergo sola gratia habitualis non est forma nostræ iustificationis.

Secundò probatur autoritate Sanctorum Patrum: August. de Natura & Gratia cap. vltimo, vbi sic ait: Charitas inchoata, inchoata iustitia est, charitas prouecta, prouecta iustitia est, charitas magna, magna iustitia est. Bernard. sermone 38. in Cantica, vbi explicans illud ad Ephes. 5. Estote imitatores Dei sicut filij charissimi, & ambulate in dilectione, ait: Talis conformitas maritat animam Deo: quod non esset nisi talis conformitas in dilectione faceret hominem iustum, & dilectio ipsa esset forma iustificationis: Imò Concil. Tridentinum sess. 6. cap. 7. explicans quomodo applicentur nobis merita Christi, ait: Id tamen in hac impij iustificatione fit, dum per Spiritum sanctum charitas Dei diffunditur in cordibus eorum, vbi charitatem assignat pro forma iustificationis.

Tertiò,

Tertio, Totum quod est in peccato, destruitur per actum dilectionis Dei, in peccato enim est auersio à Deo, & cōuersio ad creaturā; per actum autem dilectionis Dei conuertimur ad Deum super omnia dilectum, & auertimur à creatura per detestationem peccati: & licet hic actus non semper duret, per ipsum tamen remanet homo habitualiter conuersus ad Deum, sicut transacto actu peccati remanet habitualiter auersus; maxime quia actus est perfectior quàm habitus: sed illud est forma iustificationis, quod destruit totum quod est in peccato, ut patet: ergo actus dilectionis est forma nostræ iustificationis.

CONCLUSIO.

RESPONDEO dicendum, quod sola gratia habitualis est forma nostræ iustificationis, tum in paruulis dū iustificantur per Baptismum. 2. tum in adultis dum iustificatur per sacramentum in re susceptum cum sola attritione. 3. tum etiam dum iustificantur per actum dilectionis Dei, aut contritionis formatæ. 4. ita ut nec de facto, nec de possibili tales actus possint esse forma iustificationis. 5. sed sunt dispositio tantum ad iustificationem. Ita communiter Theologi.

Probatur prima pars conclusionis; tum communi consensu Theologorum; tum sequenti ratione: Per baptismum paruuli verè iustificantur, quia mundantur à peccato originali, ut definit Concilium Tridentinum sess. 5. per multos canones; & nullum habent peccatum actuale, quod supponit vsum rationis: sed non possunt iustificari per aliquem actum meritorium; est enim ridiculosum asserere quod tunc eliciant actum fidei, vel alterius virtutis, cum videamus multos tunc flentes, & renuentes baptizari; unde potius redderentur impij, quā iusti: ergo superest quod iustificantur per aliquod donum supernaturale habitualiter in ipsis permanēs, donec excludatur per peccatum, quod vocamus gratiā habitualem.

Probatur secunda pars conclusionis: Adulti dum iustificantur per Sacramentum in re susceptum cum sola attritione (sufficit enim attritio de peccato antecedenti ad Sacramentum, ut docet Concilium Tridentinum sess. 14. cap. 4. quæ attritio est dolor de peccato propter pœnas inferni, vel amissionem gloriæ, vel fœditatem peccati) non iustificantur ratione solius attritionis, ita ut ipsa sit forma iustificationis, non enim est impossibilis cum peccato mortali; aliàs sine Sacramento etiam sufficeret: ergo superest, ut iustificentur per gratiam habitualement, quam producant Sacramenta ut instrumenta Dei, & quæ sit forma iustificationis.

Probatur tertia pars conclusionis autoritate Concilij Tridentini sess. 6. cap. 7. vbi ait: Vnica formalis causa iustificationis est iustitia Dei, non qua ipse iustus est, sed qua nos iustos facit: nomine autem iustitiæ hic communiter intelligunt Theologi gratiam habitualement. Ibidem describens iustificationem dicit, quod sit sanctificatio

& renouatio interioris hominis, per voluntariam susceptionem gratiæ & donorum. Deinde, Forma iustificationis eadē debet esse in adultis, ac in paruulis: vbiūque enim reperitur idem effectus formalis, debet provenire ab eadem forma, ut patet: unde eōm sit eadem iustificatio in paruulis & adultis, solum enim distinguuntur in modo quo iustificantur; paruuli enim iustificantur sine propria dispositione, iusti autem cum illa; sequitur quod in paruulis & adultis sit eadem forma iustificationis: sed in paruulis forma iustificationis est gratia habitualis, ut dictum est: ergo & in adultis.

Probatur quarta pars conclusionis autoritate Concilij Tridentini sess. 6. canone 7. vbi ait: Si quis dixerit sine præueniente Spiritus sancti inspiratione atque eius adiutorio, hominem credere, sperare, diligere, aut pœnitere posse sicut oportet; ut ei iustificationis gratia conferatur; anathema sit: Ecce Concilium distinguit gratiam iustificationis, siue quæ est forma iustificationis, ab actibus credendi, sperandi, diligendi, & pœnitendi; quos docet præcedere iustificationem. Ex quo testimonio sequens deducitur ratio: Forma iustificationis ita ex natura sua expellit peccatum, ut ipsa posita non sit necessarium quid aliud ad expellendum peccatum, ut patet; quia peccator fit iustus per hoc quod mundetur à peccato: sed ex Concilio Tridentino posito actu dilectionis & contritionis, confertur gratia iustificationis: ergo actus dilectionis & contritionis non sunt de facto forma iustificationis. Quod neque de possibili, Probatur: Ad iustificationem, siue ad remissionem peccatorum non sufficit, quod cōuertamur in Deum, quod fit per actum contritionis & dilectionis; sed insuper requiritur, quod Deus conuertatur ad nos, iuxta illud: Conuertimini ad me, & ego conuertar ad vos, ut docet D. Thom. hic art. 2. quæ conuersio Dei ad nos non fit per nostros actus vitales ut patet, cum ipsi sint inclinationes actuales operantis, sed per aliquid quod Deus in nobis operatur sine nobis, quod est gratia habitualis, qua iuxta Diuum Petrum sumus diuinæ consortes naturæ: ergo nec de possibili actus dilectionis Dei & contritionis possunt esse forma iustificationis. Deinde, Actus dilectionis Dei & contritionis perfectæ sunt dispositio ad iustificationem; & remissionem peccatorum, ut postea dicitur: ergo non possunt absolutè esse forma ipsius iustificationis, quia inductione in omnibus patet, quod illud quod ex natura sua est dispositio ad aliquam formam, & non tantum ex ordinatione extrinseca, non potest eleuari ad hoc, ut sit forma ipsa ad quam disponit: hæc enim est differentia inter causam formalem & efficientem, quod causa efficiens possit eleuari ad effectum excedentem propriam naturam & virtutem; non autem causa formalis cuius signum est quod in genere causæ efficientis dan-

tur instrumenta, non autem in genere causæ formalis: & hoc ideo quia causalitas causæ formalis est illi essentialis, & indispensabilis à forma communicata; unde quia seipsa, & non aliquo medio causat suum effectum formalem, causat necessariò, & quantum potest: causalitas autem causæ efficientis non est sic essentialis; ac proinde est impedibilis, cum causa efficiens non seipsa, sed media actione agat. Confirmatur: Ut tales actus sint forma iustificationis, vel debent eleuari, vel non: Secundum dici non potest, quia si non indigent aliquo superaddito, ut sint forma iustificationis, & possint esse, de facto erunt; nec potest dici quòd de facto impediuntur à gratia habituali reperta in subiecto, ne causent talem effectum formalem: quia ubicunque reperiuntur duæ formæ potentes causare effectum formalem, ibi reperiuntur etiam duo effectus formales: sicut si per possibile vel impossibile, Deus introduceret duas formas substantiales in eadem materia, quælibet causaret suum effectum formalem, hic enim est inseparabilis à forma communicata propter rationem dictam. Si dicatur primum, vel hæc eleuatio fieret per maiorem intensiorem, vel additionem nouæ entitatis, vel per extrinsecam Dei assistentiam: non per maiorem intensiorem, hæc enim non transfert dispositionem ultra naturam dispositionis, sed ad summum facit quòd sit maior & melior dispositio: non per additionem nouæ entitatis, quia potius hæc entitas esset forma iustificationis, quàm actus, quia ut dictum est, hæc entitas non eleuaret actus illos in genere causæ formalis, cum hæc eleuatio sit impossibilis propter rationem dictam: nec tandem per extrinsecam Dei assistentiam, quia est impossibile ut aliquid intrinsecè eleuetur, sicut deberent eleuari isti actus ut essent causa formalis iustificationis, per aliquid extrinsecum, siue non intrinsecè receptum: ergo nec de possibili actus dilectionis Dei, & contritionis formatæ possunt esse forma iustificationis.

Probatur quinta pars conclusionis; tum communi consensu Theologorum; tum quia ex Scriptura & Conciliis dilectioni attribuitur iustificatio, ut constat ex locis in contrarium adductis: sed non ut formæ iustificanti, ut probatum est: ergo ut dispositioni proximæ. Deinde, Datur aliqua vltima dispositio ad introductionem gratiæ habitualis, quæ sit eiusdem ordinis supernaturalis; nulla enim forma perfecta recipitur saltem connaturaliter, nisi in subiecto perfectè disposito, ut patet inductione, & supra ostensum est: sed actus dilectionis Dei, & contritionis perfectæ potius habet ex natura sua quòd sint apti ad disponendum ad introductionem formæ habitualis remissiue peccatorum, quàm quodlibet aliud; nam peccator ideo peccat, quia auertitur à Deo, & complacet sibi in peccato: è contra ut remittatur peccatum, debet peccator

iterum conuerti ad Deum, & auerti à peccato, ita ut sibi displiceat: si igitur attritio quæ hoc facit imperfectè, scilicet ex motiuo imperfecto, est dispositio ad iustificationem & remissionem peccatorum, multò magis dilectio Dei, & contritio perfecta, quæ hoc perfectè facit scilicet ex motiuo perfectò: ergo sunt dispositio ad iustificationem. Denique, Illud est perfecta & vltima dispositio, cuius intensiõni correspondet & cõmenfuratur gratia habitualis, quæ infunditur in iustificatione; hoc enim est vniuersaliter verum, quòd omnis forma intensibilis magis vel minus participatur à subiecto, iuxta maiorem vel minorem eius dispositionem: ad hoc enim datur in ipso maior vel minor dispositio, ut passim experientia constat, & docet D. Th. 1.2. q. 112. art. 4. sed certum est apud omnes Catholicos, quòd maiori vel minori intensiõni dilectionis, & contritionis perfectæ correspondet maior vel minor gratia remissiua peccatorum; imò cum est maxima, remittitur peccatum non solum quantum ad culpam & reatum pœnæ æternæ, sed etiam quantum ad omnem pœnam, ut docent communiter Theologi de Sacramento Pœnitentiæ: ergo actus dilectionis Dei, & contritionis perfectæ sunt vltima dispositio ad iustificationem.

A d primum ergo dicendum, quòd quatuor priora testimonia Scripturæ solum probant, dilectionem & charitatem actualem esse vltimam dispositionem ad iustificationem: effectus enim qui completè procedit à forma attribuitur etiam dispositioni; quia ab ipsa inchoatiue procedit; & sic remissio peccatorum, & peculiaris Dei inhabitatio, quæ sunt effectus gratiæ sanctificantis, attribuuntur etiam dilectioni quæ est dispositio ad gratiam. Tria verò posteriora loca intelliguntur de charitate ut coniuncta gratiæ ipsamque præsupponente; cum enim esse sit propter operari, non intelligitur iustus perfectus per gratiam, donec operetur supernaturaliter, maxime per charitatem: unde charitas dicitur plenitudo legis, vinculum perfectionis, finis præcepti.

A d secundum dicendum, quòd illi Sancti Patres loquuntur vel in sensu causali, vel à posteriori: charitas enim causat effectiue ut dispositio iustitiam, cuius etiam est signum; iustitia enim interna cum pertineat ad esse supernaturale, declaratur operatione charitatis ab ipsa inseparabili. Et similiter Concilium Tridentinum non assignat charitatem pro forma iustificationis, sed tantum pro signo.

A d Tertium dicendum, quòd totum quod est in peccato, destruitur quidem per actum dilectionis Dei & contritionis, sed tantum dispositiue; & non formaliter, sicuti per gratiam habitualement: nec paritas adducta inter actum dilectionis & actum peccati valet; quia enim homo seipso est sufficiens ad peccandum, quia peccare est deficere, ideo seipso potest auerti à Deo; & in hac malitia ut tali nihil Dei reperitur, sed solum

lūm est finis à quo aueritur peccator; ac propterea sufficit peccatum commissum, ad hoc ut ratione maculæ per actum relictæ homo sit habitualiter auersus à Deo: sed in iustificatione, qua homo fit perfectè amicus Dei, duplex reperitur conuersio; vna peccatoris ad Deum, & hæc habetur per actum dilectionis Dei; alia Dei ad peccatorem per perfectum amorem ipsius Dei, cuius terminus est gratia infusa peccatori; quia amor perfectus vel fundatur in similitudine, vel illam causat; amor diuinus non fundatur in illa, quia omne quod est in creatura procedit à Deo, & est effectus amoris Dei; vnde causat similitudinem: perfecta autem similitudo Dei habetur per gratiam, quæ est participatio diuinæ naturæ formalissimè considerata, ratione cuius sumus participes & consortes diuinæ naturæ, ut ait. S. Petrus. Quod ultra conuersionem peccatoris in Deum sit necessaria ad iustificationem & remissionem peccatorum conuersio Dei ad peccatorem, patet ex eo quod peccatum ut offensa Dei includit malitiam infinitam, cui proinde peccator non potest satisfacere ex rigore iustitiæ, quicquid agat, & ita oportet quod Deus velit liberaliter condonare: condonat autem verè pœnitenti, quia sic promississe constat ex Scripturis, ut: Nolo mortem peccatoris, sed ut magis conuertatur, & viuat. Item; Conuertimini ad me, & ego conuertar ad vos: Huius habemus instantiam, si quis vilis grauiter regem offenderit, quantumcunque pœniteat, non satisfacit pro offensa, nec ei remittitur nisi rex liberaliter condonet. Quantum ad id quod dicitur, actum esse nobiliorem habitu, dicendum quod licet si verum, quod actus sit nobilior habitu à quo elicitur, non tamen quilibet actus est nobilior quolibet habitu.

D V B I U M IV.

Utrum de potentia absoluta possit remitti peccatum absque iustificatione interna.

Supponendum est, quod macula peccati non consistit in reatu pœnæ, siue in obligatione, aut destinatione ad pœnam. Probatur ex Concilio Tridentino sess. 6. vbi docet in iustificatione impij tolli maculam peccati, posse tamen remanere reatum pœnæ temporalis. Item auctoritate Pij. V., & Gregorij XIII. qui in sua bulla cōtra Baium damnant hanc eius propositionem: Transeunte actu peccati nihil manet, nisi reatus, aut obligatio ad pœnam: Verum quidem est, quod ad peccatum consequitur hic reatus ad pœnam, qui enim delinquit, meretur puniri: sed vterius est culpa & macula, quæ consistit in priuatione gratiæ, & deordinatione habituali à lege diuina, ab ultimo fine, & à lumine rationis.

Prima opinio negat posse remitti peccatum imperfectè etiam de potentia absoluta, absque

R.P. Philippi Carm. discal. Disp. Theolog. in. 1. 2.

iustificatione interna & infusione gratiæ. Probatur: Remissio peccati & iustificatio se habent concomitanter, ita ut separari non possint, imò pro eodem sumuntur: sed est impossibile simpliciter, quod sit iustificatio sine infusione gratiæ habitualis, iustificatio enim est effectus formalis gratiæ habitualis; constat autem quod effectus formalis non potest esse, nisi adsit forma: ergo non potest remitti peccatum, etiam de potentia absoluta, absque iustificatione interna, & infusione gratiæ. Et hoc docet D. Thomas: hic art. 2. vbi dicit quod non potest intelligi remissio culpæ, si non adsit infusio gratiæ. Et q. 28. de Veritate, art. 2. vbi ait, quod nullo modo potest remitti peccatum sine infusione gratiæ.

Secundò, Deus non remittit peccatum, nisi diligendo; hæc enim remissio est effectus dilectionis Dei: sed dilectio Dei est efficax, & ponit in re amata bonitatem quam in ipsa diligit, ut docet D. Th. 1. 2. q. 110. art. 1. vnde talis dilectio dicitur effectiua, priusquam affectiua: ergo Deus non potest remittere peccatum absolute loquendo, absque iustificatione interna: & infusione gratiæ, per hanc enim homo fit bonus bonitate supernaturali.

Tertiò, Sicut posito peccato homo est inimicus Dei; sic illo remisso fit Dei amicus; contrariæ enim causæ habent contrarios effectus: sed homo non fit amicus Dei, & obiectum dilectionis eius, sine iustificatione interna & infusione gratiæ: ergo non potest etiam de potentia absoluta remitti peccatum, absque iustificatione interna & infusione gratiæ; maxime quia omnis actio diuina in aliquo est productiua, & causat in ipso aliquam mutationem physicam.

C O N C L U S I O.

RESPONDEO dicendum, quod de potentia Dei absoluta potest remitti peccatum utcumque, absque iustificatione interna & infusione gratiæ. 1. non autem perfectè. 3. hæc autem remissio fieret non per hoc quod homo relinqueretur in puris naturalibus. 4. sed per aliquam eius physicam mutationem.

Probatur prima pars conclusionis, quam sequuntur communiter Discipuli D. Th. Ferrar. 3. contra Gentes cap. 117. Sotus in 4. d. 1. q. 30. Ledesma 2. p. 4. q. 27. art. 2. & alij plures extra eius scholam, ut Suares, Vasques, Bellarminus, Durandus. Inter homines potest utcumque remitti iniuria siue imperfectè, absque eo quod remittēs reddatur amicus ei cui fit remissio; sed tantum redditur pacatus, ita ut hæc omnia sint extrinseca: ergo etiam de potentia Dei absoluta poterit à Deo remitti utcumque, & imperfectè peccatum alicui, per actum Dei remittentis extrinsecum, absque iustificatione interna, & infusione gratiæ. Deinde, Gratia habitualis est effectus voluntatis diuinæ, qua ex impio facit iustum, ipsumque diligit: ergo potest Deus de sua potentia absoluta impedire illum effectum,

Y Y y 2

cum

cum ab ipsa dependeat in genere causę efficientis: & tunc desinet ille esse impius per extrinsecam imperfectam remissionem peccati; non tamen erit perfectę iustus: per hanc autem remissionem extrinsecam tolleretur macula peccati, inquantum importat priuationem amicitię extrinsecę Dei ad peccatorem & gratię; tunc enim esset pura negatio vtriusque, quia Deus vtens suo dominio remitteret peccatum extrinsecę propter aliquem actum peccatoris, non tamen conferret illi gratiam habitualement.

Probatur secunda pars conclusionis auctoritate, & ratione D. Th. 1. 2. qu. 113. art. 2. vbi sic ait: Homo peccando, Deum offendit: offensa autem non remittitur alicui, nisi per hoc quod animus offensi pacatur offendenti; & ideo secundum hoc peccatum nobis remitti dicitur, quod Deus nobis pacatur: quę quidem pax (scilicet perfecta) consistit in dilectione qua Deus diligit nos: effectus autem diuinę dilectionis in nobis, qui per peccatum tollitur, est gratia qua homo fit dignus vita æterna, à qua peccatum mortale excludit; & ideo non posset intelligi remissio culpę (scilicet perfecta) si non adesset infusio gratię.

Probatur tertia pars conclusionis: Vt remittatur peccatum, debet tolli eius macula, & reparari deordinatio voluntaria à Deo sine supernaturali, vt statim probabitur: sed hoc non potest fieri, per hoc quod homo relinquatur in puris naturalibus, quia non potest tolli hæc macula, quę consistit in priuatione amicitię Dei & gratię, nisi vel per positionem gratię, vel per aliquem actum peccatoris, ratione cuius tollatur deordinatio voluntaria à Deo sine supernaturali; & Deus saltem extrinsecę remittat peccatum: constat autem, quod nullum horum ponitur ex hoc quod homo relinquatur in puris naturalibus: ergo remissio prædicta peccatorum non fieret per hoc quod homo relinqueretur in puris naturalibus.

Probatur quarta pars conclusionis auctoritate D. Th. hic art. 1. vbi sic ait: Alio modo potest fieri huiusmodi iustitia in homine, secundum rationem motus, qui est de contrariis in contrarium, & secundum hoc iustificatio importat transmutationem quandam de statu iniustitię ad statum iustitię prædictę: & hanc transmutationem vocat D. Th. renouationem interioris hominis, quę ordinarię fit per gratiam habitualement, supposito actu hominis se conuertentis in Deum finem supernaturalem ex auxiliis diuinis: de potentia tamen absoluta potest fieri per prædictum actum; nunquam tamen sine illo: nam vt ait D. Thom. 3. p. qu. 86. art. 2. impossibile est peccatum actuale mortale sine poenitentia remitti: cuius ratio est, quia macula peccati consistit in auersione libera à Deo: ergo non potest tolli nisi per conuersionem liberam ad Deum, siue sit perfecta dilectionis & con-

tritionis, siue sit imperfecta attritionis: quando enim non retractat hanc auersionem, tandiu in illa habitualiter perseuerare censetur: vnde sicut est impossibile, quod quis sit actualiter peccans & iustus; sic est impossibile, quod sit iustus etiam per infusionem gratię, si non retractet suam auersionem liberam per actum contrarium: vnde sine tali actu est impossibile, quod ei infundatur gratia sanctificans, aut saltem quod habeat suum in eo effectum formalem: cum tali autem actu sine infusione gratię de potentia absoluta potest imperfectę remitti peccatum. Deinde, Vt remittatur peccatum, requiritur quod homo qui erat auersus, conuertatur ad Deum; & Deus qui erat offensus, conuertatur ad hominem: sed hæc conuersio non potest fieri sine aliquo actu, tum hominis, tum Dei saltem extrinsecę remittentis peccatum: ergo de potentia Dei absoluta potest remitti peccatum vtcunque, absque iustificatione interna & infusione gratię, per aliquam mutationem physicam peccatoris, qua malum morale ab ipso commissum & coniunctum actui physico reparatur.

Ad primum ergo dicendum, quod ordinarię loquendo, remissio peccati, & iustificatio impij intrinseca concomitanter se habent: sed de potentia Dei absoluta possunt separari, ita vt sit remissio peccati per actum Dei extrinsecum sine iustificatione intrinseca, sed tantum extrinseca quę importat emendationem à peccato. D. Thomas autem in primo loco intelligit de remissione perfecta: in secundo loco etiam intelligit de remissione perfecta, quę nullo modo siue nullā viā potest esse sine infusione gratię.

Ad secundum dicendum, quod dilectio Dei ordinarię est efficax & causat gratiā, si sit completa: aliquando tamen potest causare solam remissionem peccati extrinsecę, supposito actu poenitentis; & hic status remissionis peccati sine iustitia interna est obiectum dilectionis Dei incompletę, quia ex se ordinatur ad finem supernaturalem vt remouens prohibens.

Ad tertium dicendum, quod malum ex quocunque defectu: vnde homo per peccatum reddit se odibilem & inimicum Dei, quia per peccatum est omnino auersus à Deo, & tollitur gratia habitualis: Quia verò bonum ex integra causa, nisi tollatur talis auersio, & restituatur gratia, non erit simpliciter & perfectę amicus Dei, bene tamen imperfectę, vt dictum est per solā remissionem peccati. Nec verum est, quod Deus per omnem actionem causet in obiecto mutationem physicam, sufficit aliquando quod causet morale, vt in dispensatione voti facta à Deo: Quę in hoc dubio dicta sunt, debent intelligi de solo peccato actuali: nam originale, cum non sit commissum propria voluntate, sed aliena, potest remitti sine propria voluntate non solum per infu-

fusionem gratiæ in Baptismate, sed etiam de potentia absoluta potest remitti per actum Dei extrinsecum.

D V B I V M V.

Utrum de potentia Dei absoluta possint simul esse gratia & peccatum.

Supponendum est, gratiam habitualement semel habitam posse deperdi, & de facto deperditur quolibet peccato mortali: Hoc statuitur contra varios hæreticos; Iovinianum scilicet, Pelagium, Beguardos & Beguinos, contrarium absolutè asserentes, item contra Lutheranos, & Calvinistas asserentes nullum peccatum imputari homini iusto præter infidelitatem, ipsumque non teneri observare alia præcepta, sed tantum præceptum fidei. Item contra Viclefum, & Ioannem de Hus asserentes prædestinatos non posse excidere à gratia, ut refert noster Vvaldensis lib. 1. cap. 25. Hoc supponendum est de fide, quia expressè habetur in Scripturis, & definitum fuit in variis Conciliis. Ezechielis 33. Iustitia iusti non liberabit eum, in quacunque die peccaverit. Ad Galatas. 5. Currebatis bene, quis vos impediuit, à gratia excidistis 1. ad Cor. 10. Qui se existimat stare, videat ne cadat. Apocal. 3. Tene quod habes, ut nemo accipiat coronam tuam. Idem habetur in Concilio Tridentino sess. 6. cap. 14. Qui verò ab accepta iustificationis gratia per peccatum exciderunt. Et canone 23. damnatur qui dixerit semel iustificatum non posse peccare, & gratiam amittere. Idem Concilium damnat sigillatim prædictos errores. Ratione etiam probatur; à posteriori quidem, quia si semel iustificatus non posset peccare, & amittere gratiam, non esset necessarium Pœnitentiæ Sacramentum: à priori autem, quia gratia viæ relinquit liberum arbitrium indifferens ad bonum & ad malum, ac proinde potest se determinare ad utrumque, & de facto se determinat: unde per peccatum se auertit à Deo, ac ita amittit gratiā, quæ stare non potest cum hac auersione. Nec obstant autoritates Scripturæ ab Aduersariis adductæ, scilicet 1. Ioan. 3. Qui natus est ex Deo, peccatum non facit, quoniam semen ipsius in eo manet, & non potest peccare. Item ad Gal. 5. Si spiritu ducimini, non estis sub lege. Ad Rom. 6. Non enim sub lege estis, sed sub gratia. 1. Ioannis. 2. Ex nobis prodierunt, sed non erant ex nobis, nam si fuissent ex nobis, permansissent utrique nobiscum. Primus quippe locus diuersimodè, & catholice explicatur à Sanctis Patribus: vel de homine iusto post hanc vitam, & ita absolutè est concedendus: vel quod sit intelligendus in sensu composito, in quo est concedendus, negandus autem in sensu diuiso; impotentia autem in solo sensu composito non tollit simpliciter potentiam: vel tandem quod sit

intelligendus in sensu formali & reduplicatiuè, id est qui natus est ex Deo, id est in quantum natus ex Deo, & in quantum habet gratiam non potest peccare, quia hæc repugnant peccato potius, quàm inducant ad peccandum; & hoc indicant illa verba, quoniam semen ipsius in eo manet, Secundus locus dupliciter intelligitur: vel qui spiritu ducitur, non est sub lege veteri: vel quod non est sub lege absolutè quantum ad vim coactiuam, sed tantum quantum ad vim directiuam, quia non formidine pœnæ, sed virtutis amore legem obseruat. Similiter tertius locus dupliciter exponitur: vel non estis sub lege, id est veteri; sed sub gratia, id est sub lege gratiæ: vel non estis sub lege, id est cum sola cognitione legis, sed sub gratia, id est cum gratia quæ dat vires ad legem implendā. Quartus locus intelligitur de hæreticis, qui exierunt ex Ecclesia, ex qua non exiissent si fuissent de numero electorum; peccatum autem mortale destruit gratiam, non solum moraliter demeritoriè, sed etiam effectiue, ex D. Th. 2. 2. qu. 24. art. 10. & 12. non quia attingat immediatè ipsam gratiam effectiue, sed quia effectiue physicè producit in subiecto aliquid impossibile cum gratia sanctificante, scilicet auersionem à Deo, in quantum se conuertit indebitè ad creaturas.

Prima opinio asserit posse, de potentia Dei absoluta, simul esse gratiam & peccatum mortale. Ita tenent Scotus, Suares, & alij. Probatur, Hoc non repugnat nec ex parte Dei, nec ex parte subiecti: non quidem ex parte Dei, quia quamuis peccator existens in peccato sit indignus gratia, tamen Deus excessu suæ bonitatis gratiam in illo conseruat: nec ex parte subiecti, quia Deus potest separare à gratia hoc quod est excludere peccatum, cum sit effectus eius formalis secundarius, primarius enim est sanctificare, effectus autem secundarius est separabilis à forma: ergo de potentia Dei absoluta possunt esse simul gratia & peccatum.

Secundò, Deus potest de potentia sua absoluta conseruare simul in eodem subiecto duas formas contrarias, putà calorem & frigus, ut communis est sententia Philosophorum; tunc enim quælibet haberet tantum effectum suum formalem primarium, & impediretur secundarius, qui est expellere formam contrariam: ergo etiam poterit Deus de eadem potentia sua absoluta, simul conseruare in eodem peccatum & gratiam; non enim magis opponuntur, quàm calor & frigus.

Tertiò, Peccatum est actus, gratia autem habitus: sed actus non contrariatur habitui, at tantum actui: ergo saltem de potentia Dei absoluta, possunt simul esse habitus gratiæ & actus peccati.

CONCLUSIO.

RESPONDEO dicendum, quod est omnino impossibile, ita ut implicet contradictionem,

YYy 3 quod

quod gratia sanctificans sit simul cum peccato in eodem subiecto; mutuo enim se expellunt. 2. imò nullum peccatum semel dimissum per gratiam iustificantem, redit quantum ad maculam, per subsequens peccatum. Ita communiter Discipuli D. Thomæ.

Probatur prima pars conclusionis: Gratia sanctificans causat formaliter hos affectus, scilicet quod homo sit consors diuinæ naturæ, filius Dei adoptiuus (nisi fuerit Filius Dei naturalis: quod dicitur propter Christum Dominum, quia enim est filius naturalis, quia per naturam est talis, non potest esse filius adoptiuus, qui sit talis per voluntatem adoptantis, debet enim esse extraneus); item amicus Dei, ius habens ad regnum cælorum, iustus, purus, & immaculatus: e contra peccatum, vñ pote macula, delet participationem diuinæ naturæ, tollit adoptionem diuinam, reddit inimicum Dei, aufert ius ad gloriam, imò ponit reatum pœnæ æternæ, ac tandem facit iniustum, pollutum, maculatum, &c. est autem impossibile, quod forma sit in aliquo subiecto, & non causet suum effectum formalem; nam seipsa informando illum causat: ex alia parte effectus formales oppositi, maximè priuatiuè, quales sunt assignati, de nulla potentia simul in eodem esse possunt, vt est communis sententia Philosophorum: ergo est omnino impossibile, ita vt implicet contradictionem, quod gratia sanctificans sit simul cum peccato in eodem subiecto. Deinde, Licet peccatum dum est in fieri, ratione materialis physici quod includit opponatur contrariè gratiæ sanctificanti, illamq; physicè destruat: tamen dum est in facto esse, scilicet eius macula opponitur priuatiuè illi, eo modo quo tenebræ opponuntur luminì, ex D. Th. vnde cõmuniter solet dici quod macula peccati est priuatio nitoris gratiæ: ergo sicut implicat contradictionem, quod lumen & tenebræ sint simul in eodem subiecto, positio enim vnus priuatiuè oppositi est expulsio siue negatio alterius; sic implicat contradictionem quod gratia sanctificans & peccatum sint simul in eodem subiecto.

Probatur secunda pars conclusionis communiauctoritate Theologorum cum D. Thom. 3. p. q. 88. art. 1. & colligitur ex Decretali Gelasij Papæ, vbi habetur: Diuina clementia dimissa peccata in vñtionem vltius redire non patitur. Itē ex illo ad Rom. 11. Sine pœnitentia sunt dona & vocatio Dei. Ratio est: Si rediret peccatum quantum ad maculam, vel hoc esset à solo Deo, vel à solo homine, vel ab vtroque, vt patet ex sufficienti dinumeratione: non à Deo solo, aut cum homine, quia impium est dicere, Deum vel solum, vel cum alio esse causam positionis, aut reparationis peccati: non à solo homine, quia idem numero per naturam, & citra miraculum redire non potest; homo autem solus non potest facere miracula: quæ ratio conuincit; siue

peccatum remittatur absolutè, quod certum est; siue conditionatè tantum, id est si homo amplius non peccauerit, quod vix probabile est; non enim perfectè remitteretur peccatum, nam maneret quasi radix ipsius: vnde cum Scriptura, & Sancti Patres aliquando dicunt redire peccata coram Deo: vel intelligunt pro eo quod ipsa punit Deus pœna temporali, vel quia peccatum subsequens est gratius cæteris paribus, propter circumstantiam ingratitudinis.

A d primum ergo dicendum; quod repugnantia se tenet tam ex parte Dei, quàm ex parte peccatoris: ex parte Dei quidem, quia licet Deus possit plura beneficia conferre indignis peccatoribus, & de facto conferat; vt bona temporalia, & auxilia diuinæ gratiæ: non tamen omnia indignis manentibus in sua indignitate, vt visionem beatificam, vnionem hypostaticam, & huiusmodi est gratia habitualis: hæc repugnantia se tenet etiam ex parte subiecti, propter oppositionem priuatiuam, quæ est inter peccatum & gratiam sanctificantem, eorumque effectus formales, vt dictum est: vnde licet admitatur quod expellere peccatum sit effectus formalis secundarius gratiæ; tamen ita est coniunctus cum primario scilicet iustificatione supposito peccato, vt sint omnino inseparabiles: ac proinde in hoc casu & similibus effectus secundarius non potest impediri; quod hîc est manifestum, nam ex opposito sequeretur duo contraria priuatiuè esse simul.

A d secundum dicendum, quod verum est duas formas contrarias positiuè & accidentales, posse de potentia Dei absoluta esse simul in eodem subiecto, calorem & frigus, & ibi habere simul suos effectus formales; quia expulsio contrariæ formæ positiuæ est effectus secundarius omnino, nec intimè coniunctus cum primario, vnde potest impediri à Deo: sed expulsio priuationis contrariæ aut priuatiuè oppositæ, non est omnino effectus secundarius, quodammodo enim pertinet ad primarium; non enim potest intelligi introduci formam in subiecto, quin ab illo expellatur priuatiuè oppositum, quia opposita priuatiuè respectu subiecti capacis sunt quasi contradictoria, non autem contraria positiuè.

A d tertium dicendum, quod licet actus non opponatur directè habitui operatiuo, maximè si acquiratur multis actibus, & ita non expellat ipsum; non enim per vnum actum intemperantiæ expellitur habitus acquisitæ temperantiæ: e contrario est de habitu non operatiuo infuso, sed pertinente ad esse, maximè quia macula peccati habet potius rationem habitus, quàm actus: & simul est factum esse & fieri vtriusque, scilicet gratiæ & peccati, quia sunt in instanti: vnde eandem repugnantiam habent in fieri siue dum actu fiunt, quam habent in facto esse siue dum sunt habitualiter & permanenter.

D V B I V M V I.

Vtrum sola fides sit dispositio necessaria ad iustificationem impij.

Supponendum est, quòd in sacra Scriptura fides multa significat. Primò idem est, ac fidelitas in stando promissis, vnde seruare fidem est seruare fidelitatem. Secundò idem est, ac ipsa promissio, iuxta illud ad Rom. 3. Nunquid incredulitas illorum, fidem Dei euacuabit, absit. Tertio idem est, ac fiducia siue spes firma, iuxta illud Marci 11. Omnia quæcunq; orantes petitis, credite quia accipietis, & euenient vobis. Et Iacobi. 1. Postulet autem in fide nihil hæsitans. Quarto tandem fides sumitur propriè pro actu intellectus, quo assentitur his quæ non videt, propter autoritatem solam dicentis: & duplex est; si enim autoritas sit diuina, dicitur fides diuina, & est omninò infallibilis, & describitur ab Apostolo, quòd sit sperandarum substantia rerum, argumentum non apparentium; si autem autoritas sit alicuius creaturæ, dicitur fides humana, quæ non est omninò infallibilis.

Prima opinio, sed hæretica, est quòd sola fides sit dispositio necessaria ad iustificationem. Ita tenuerunt aliqui antiqui hæretici, quorum errorem suscitauerunt hæretici nostri temporis, inter quos tamen est disceptatio: nam Lutherus pro fide, quam dicit esse saltem dispositionem necessariam ad iustificationem, intelligit fiduciam & confidentiam, qua quis confidit sibi remissa esse peccata; & hanc dicit ita sufficere vt vt alia bona opera nullo pacto sint requisita: Calvinus autem pro fide intelligit assensum intellectus, quo quis credit hoc obiectum, scilicet sibi remitti peccata, quam fidem licet dicat sufficere ad iustificationem, non tamen excludit bona opera, quæ dicit se habere concomitanter ad iustificationem impij, tanquam signa iustitiæ. Probatur vniuersaliter hic error multiplici autoritate sacræ Scripturæ, quæ soli fidei attribuit nostram salutem, iustificationem, & remissionem peccatorum. Ioan. 3. Vt omnis qui credit in ipsum, non pereat. Ad Rom. 10. Omnis qui credit in illum, non confundetur. Ad Rom. 3. Iustitia Dei per fidem Iesu Christi. Ad Rom. 5. Iustificati ex fide pacem habeamus. Actuum 10. Omnes Prophetæ testimonium perhibent remissionem peccatorum accipere omnes, qui credunt in eum. Ad Ephes. 2. Gratia enim estis saluati per fidem, & non ex operibus. Ad Galatas 2. Scientes quòd non iustificatur homo ex operibus legis. Ad Rom. 4. Si Abraham ex operibus iustificatus est, habet gloriam, sed non apud Deum, &c. ergo sola fides est dispositio necessaria ad iustificationem impij.

Secundò, Videmus inter homines, quòd si

quis alium offenderit, offensus facillè remittit iniuriam; si aduertat eum qui se offendit, ita affici erga se, vt confidat talem iniuriam sibi ab ipso remittendam: ergo multò magis Deus, qui est summa bonitas, remittet iniurias sibi factas à peccatoribus, si viderit eos confidere suæ bonitati, quòd remittet.

Tertio, Debemus fide diuina credere diuinis promissionibus, imò confidere quòd Deus stabit promissis: nec aliud præter hanc confidentiam Deus à nobis requirit, iuxta illud: Amen dico vobis, quicquid orantes petitis, credite quia accipietis, & fiet vobis: sed inter diuinas promissiones vna est remissio peccatorum, iuxta illud: Nolo mortem peccatoris, sed vt magis conuertatur & viuat, imò habetur articulus fidei de remissione peccatorum: ergo sola fides est dispositio necessaria ad iustificationem impij.

CONCLUSIO.

RESPONDEO dicendum secundum fidem, quòd sola fides nò est dispositio necessaria ad iustificationem impij: sed plures alij actus supernaturales debent interuenire. 1. fides autem diuina est principium tantum iustificationis, prout terminatur ad articulos & mysteria fidei. 2. non autem fides quæ habeat pro obiecto hoc, scilicet remissa esse nobis peccata; hoc enim non pertinet ad fidem catholicam, nec ad iustificationem necesse est hoc credere. Ita omnes Catholici.

Probatur prima pars conclusionis varia, & multiplici autoritate sacræ Scripturæ. Tum ex illis locis, quibus dicitur præter fidem, plura alia esse necessaria ad salutem; vt de sumptione sacræ Eucharistiæ Ioan. 6. Nisi manducaueritis carnem Filij hominis, non habebitis vitam in vobis: De virtute poenitentiae, Lucæ 13. Nisi poenitentiam habueritis, omnes similiter peribitis: De Sacramento Penitentiae ex eius institutione: De obseruantia mandatorum, Matthæi 19. Si vis ad vitam ingredi serua mandata. Tum deinde ex aliis locis, in quibus dicitur fidem sine operibus non sufficere ad iustificationem, Iacobi 2. Quid proderit fratres mei, si fidem quis dicat se habere, opera autem non habeat, nunquid poterit fides saluare eum; Item, Fides sine operibus mortua est: 1. Petr. 1. Satagite vt per bona opera certam vestram vocationem faciatis: 1. Ioannis 2. Qui dicit se nosse eum & mandata eius non custodit, mendax est: Ad Galatas 5. In Christo Iesu neque circumcisio aliquid valet, neque præputium, sed fides quæ per charitatem operatur: Ad Rom. 2. Non auditores legis iusti sunt apud Deum, sed factores legis iustificabuntur. In hac doctrina perpetui & vniformes sunt Sancti Patres, & definita habetur in Concilio Tridentino, sess. 6. cap. 7. & 8. Item canone 9. vbi sic ait: Si quis dixerit sola fide impium iustificari, ita vt intelligat nihil aliud requiri, quod ad iustificationis gratiam

gratiam consequendam cooperetur, &c. anathema sit. Et ratio videtur manifesta: nam peccatores peccando offenderunt Deum, dum autem iustificantur, remittitur eis talis offensa: sed sola fides non conducit ad hanc remissionem, sed requiritur contritio & alij actus, quibus placatus reddatur Deus; hoc enim experimur in humanis, si quis enim offenderit regem, non recipiet veniam suæ offensæ, quamvis credat ipsum esse regem, ipsum sibi offensam condonaturum, & de hoc confidat; nisi prius veniam petierit, ostenderit se contritum de tali offensa commissa, &c. ergo secundum fidem sola fides non est dispositio necessaria ad iustificationem impij, sed plures alij actus supernaturales debent interuenire.

Probatur secunda pars conclusionis: tum auctoritatibus sacræ Scripturæ adductis in contrarium, quæ nihil aliud probant: tum auctoritate Concilij Tridentini sess. 6. cap. 8. vbi ait: Cum verò Apostolus dicit, iustificari hominem per fidem, & gratis; ea verba in eo sensu intelligenda sunt, quem perpetuus Ecclesiæ catholicæ consensus tenuit & expressit, ut scilicet per fidem iustificari dicamur; quia fides est humanæ salutis initium, fundamentum & radix. Vbi nota nomine fidei intelligi non solum actum intellectus, quo assentimur mysteriis fidei, sed etiam actum voluntatis inclinantis ad credendum, imò & piam cogitationem ad hoc inducentem; ab his enim incipit opus iustificationis: vnde fides siue motus fidei dicitur iustificationis initium, dicitur etiam fundamentum, iuxta illud ad Hebræos 11. Fides est sperandarum substantia rerum, id est fundamentum earum. Et August. Sermone 22. de verbis Apostoli ait Domus Dei credendo fundatur, sperando erigitur, diligendo perficitur: vnde fides dicitur initium iustificationis ratione prioritatis, fundamentum verò ratione causalitatis; est enim primus motus iustificandi, & influens in alios, & propter hoc etiam dicitur radix iustificationis, viua quidem, cum informatur charitate, & tunc est perfectum fundamentum, ut ait D. Thom. 2. 2. quæst. 4. art. 7. ad 4. ut verò est informis, licet formaliter non influat vitam, nec sit perfectum vitæ spiritualis fundamentum; tamen ut donum Dei ad hoc disponit, & sic potest dici fundamentum in sensu explicato. Quòd autem hæc fides, quæ est initium iustificationis, debeat terminari ad articulos fidei & mysteria supernaturalia, si intelligatur de prima iustificatione adulti, certum est apud omnes Theologos; impossibile enim est secundum legem ordinariam, quòd quis iustificetur non credens mysteria fidei, imò non potest quis licet baptizari, donec sit de illis instructus iuxta illud. Marci 16. Qui crediderit, & baptizatus fuerit, saluus erit; vbi credere præcedit Baptisma: Nō autem est necesse credere sigillatim omnia, quæ sunt fidei, sed solum quæ sunt in

Symbolo, quod est epilogus omnium. Si autem intelligatur de alijs iustificationibus, manifestum est etiam, quòd fides mysteriorum fidei præcedit: nullus enim procuraret iustificari, nec accederet ad Deum per poenitentiam; nisi crederet Deum misericordem, omnipotentem, remissionem peccatorum, communionem Sanctorum, vitam æternam, &c. quamvis non sit necesse, ut tunc habeatur actus fidei explicitus de singulis mysteriis in particulari.

Probatur tertia pars conclusionis ex dictis superius, vbi ostensum est, non cadere sub fide catholica quòd huic vel illi sint remissa peccata, quia cum talis remissio dependeat ex vera poenitentia, & de hac non habeatur certitudo physica, cum sit actus supernaturalis, ac proinde excedens cognitionem humanam & naturalem; ideo nec talis remissio peccatorum potest cognosci certò certitudine physica, sine speciali revelatione & cōsequenter nec credi fide divina, maxime quia non creditur fide divina, nisi quod est reuelatum à Deo formaliter, aut virtualiter: quæ reuelatio virtualis solum potest declarari per Ecclesiam, ut fit in Conciliis, in quibus ex speciali assistentia Spiritus sancti, ac proinde infallibiliter ex principiis formaliter, & immediate à Deo reuelatis colliguntur plura mediatè & virtualiter reuelata: ergo fides, quæ est initium iustificationis, non habet pro obiecto hoc, scilicet remissa esse nobis peccata; hoc enim non pertinet ad fidem catholicam, nec ad iustificationem necesse est hoc credere.

Ad primum ergo dicendum, quòd in illis auctoritatibus sacræ Scripturæ, in quibus præcisè dicitur nos iustificari, aut nobis remitti peccata per fidem: nomine fidei intelligitur, non sola fides, sed fides formata charitate; quæ per dilectionem operatur: vel si intelligatur sola fides, sensus illorum est iuxta vnam animam Sanctorum Patrum interpretationem, non quòd fides sit vnica dispositio ad iustificationem; sed quòd sit initium fundamentum, & radix ipsius. In alijs verò locis, vbi requiritur fides, & excluduntur opera legis; per talia opera, vel intelliguntur opera legis veteris, vel opera facta ex viribus naturæ; non autem excluduntur opera facta ex fide, quæ per dilectionem operatur.

Ad secundū dicendum, quòd etiam inter homines non remittitur iniuria, nisi reus ostendat se dolere quòd alterum offenderit, quantumcunque confidat sibi remittendam talem iniuriam; imò hæc confidentia absque tali dolore potius irritaret offensum: quod debet intelligi, si remittatur iniuria non intuitu solius Dei, sed propter dispositionem rei: certum est autem quòd Deus non remittit omnino gratis offensas in se commissas, sed propter dispositionem peccatoris; imò hoc non est possibile, quòd Deus remittat peccata sine aliquo actu peccatoris se conuertentis ad Deum, & dolentis de peccato,

peccato, ut dictum est supra: ratio est, quia quod homo remittat alteri iniuriam sibi ab illo irrogatam, non immutat illum, aut iustificat intrinsecè, nec reus iustificatur absolutè; sed solum homo offensus deponit omnem malam voluntatem quam habet contra ipsum: quando autem Deus remittit peccatum, verè remittitur, & reus intrinsecè iustificatur, quod fieri non potest, sine contritione.

Ad tertium dicendum, quod illa promissio de remissione peccatorum, non est absque conditione veræ conversionis in Deum, ut patet ex ipsamet autoritate adducta; unde fide diuina creditur, quod verè pœnitentibus remittuntur peccata, non autem quod huic vel illi pœnitenti qui nescitur an verè pœniteat.

D V B I U M V I I.

Qui actus requirantur, ut disponatur impius ad iustificationem.

Supponendum est, iustificationem impij fieri in instanti, quamvis dispositiones ad ipsam successiue & in tempore fiant. Ratio istorum est, quia impius viâ ordinariâ disponitur ad iustificationem per multos actus, tam intellectus, quàm voluntatis, incipiendo ab imperfectioribus: incipit enim illustratus à Deo cogitare pessimum statum in quo est, terretur metu inferni, desiderat salutem, videt se Deum optimum & amore dignissimum offendisse, & tandem propter ipsum summè dilectum dolet de peccatis; qui dolor est contritio, & vltima dispositio ad iustificationem: hi autem actus enumerati regulariter durant per aliquod tempus, & fiunt successiue ut experimur; diuinitus tamen possunt hæc omnia in vno instanti concludi, quia quod dispositio ad formam fiat successiue ab agente naturali, contingit ex hoc quod est aliqua proportio eius quæ in materia resistit, ad virtutem agentis; & propter hoc videmus quod quanto virtus agentis fuerit fortior, tanto materia citius disponitur: cum igitur virtus diuina sit infinita, potest quancunque materiam creatam subito disponere ad formam, & multò magis liberum arbitrium hominis, cuius motus potest esse instantaneus secundum naturam: siue ergo, tota dispositio ad iustificationem fiat in tempore, siue in instanti, ipsa tamen iustificatio impij, quæ originaliter consistit in infusione gratiæ, fit in instanti: quia hoc est vniuersaliter verum, quod completa dispositione introducitur forma; propterea generatio substantialis, & illuminatio fiunt in instanti: dispositio autem ad iustificationem completur per actum contritionis, qui actus incipit in instanti, licet possit perseverare multo tempore. In eodem autem instanti, in quo primò est contritio, siue dolor de peccato propter Deum summè dilectum, fit

R. P. Philippi Carm. discal. Disp. Theolog. in 1.2

gratiæ infusio: igitur sicut actus contritionis, sic infusio gratiæ incipiunt per primum sui esse, & desinunt per vltimum sui esse, ita ut sit verum dicere, Nunc primò est, immediatè ante non erat: Nunc vltimò est, immediatè post non erit. Vnde tota ratio cur forma suscipiatur in materia vel subiecto successiue, accipienda est ex parte dispositionis successiue eiusdem materiæ vel subiecti, & non ex parte ipsius formæ, quia habet latitudinem gradualem, siue quia recipit magis & minus, siue potest magis & minus inesse; sic enim lumen non subito reciperetur in aëre, qui potest magis & minus illuminari. Vbi nota quod illuminatio per se petit fieri in instanti, quando medium est dispositum, sicut facta fuit in prima creatione solis: per accidens autem incipit & fit successiue, propter motum localem, & applicationem successiuam luminosi: sed gratia nec per se, nec per accidens fit successiue, quamvis non implicet ita fieri.

Prima opinio asserit, non esse necessarios plures actus virtutum in iustificatione impij. Probat: Si plures essent necessarij actus virtutum ad iustificationem impij, ex eo maximè ut mediis ipsis disponderetur impius: sed ex eo capite non sunt necessarij, quia tales actus fierent successiue vnus post alium, vnde successiue disponderent; & ita iustificatio fieret successiue; ideo enim calefactio fit successiue, quia subiectum disponitur successiue ad calorem; constat autem quod iustificatio fit in instanti: ergo ad ipsam non sunt necessarij plures actus virtutum.

Secundò, Impius si moriatur martyr pro Christo, licet non habeat alios actus virtutum, puta contritionis; tamen iustificatur perfectissimè, ita ut non solum poena æterna, sed etiam temporalis remittatur cum culpa: ergo in iustificatione impij non requiruntur plures actus virtutum.

Tertiò, Potest contingere, quod aliquis non disponatur paulatim ad iustificationem, sed statim iustificetur, quia potens est Dominus subito honestare pauperem, quod contigit in Apostolo Paulo, & in aliis pluribus, quorum propterea iustificatio fuit miraculosa: ergo ad iustificationem impij non requiruntur plures actus virtutum.

C O N C L U S I O.

RESPONDEO dicendum, quod in iustificatione impij ordinariè interueniunt plures actus virtutum, explicitè & sigillatim elicit. 2. aliquando contingit quod tantum implicitè reperiantur. 3. ex quibus aliqui tantum remotè; alij proximè disponunt, scilicet contritio & dilectio Dei super omnia, siue actus charitatis. Ita communiter Theologi.

Probat: & explicatur prima pars conclusionis: Reperiuntur igitur in iustificatione impij hi actus. Primò ex diuina illustratione ordinis supernaturalis cognoscit pessimum statum, ad

ZZZ quem

quem deuenit per peccatum, quibus bonis per ipsum priuetur, maximè hæreditate cœlesti, & amicitia Dei: quibus malis afficiatur, maximè reatu pœnæ æternæ. Deinde huic cognitioni ex auxiliis diuinæ gratiæ succedit desiderium recedendi à statu peccati, & recuperandi pristinum statum iustitiæ. Tandem ad illum tendit diuersis actibus, tum circa Deum, tum circa peccatum; circa Deum ipsum incipit fides supernaturalis, quæ terminatur ad Deum ut obiectum beatitudinis, & causam iustificationis; vnde credit iuxta Paulum ad Rom. 4. quod Deus sit, & quod inquirentibus se remunerator sit, & iustificator impij. Deinde est actus spei & confidentiæ, quod sibi ex misericordia Dei propter merita Christi Domini remittentur peccata, quia ut ait Ambrosius libro. 1. de Pœnitentia capit. 1. nemo potest benè agere pœnitentiam, nisi qui sperauit indulgentiam: Et ad Rom. 8. Spe salui facti sumus: & Psalm. 90. Quoniam in me sperauit liberabo eum, &c. Concurrit etiam actus timoris filialis, & actus humilitatis, quibus peccator se subiicit Deo. Denique est actus charitatis & dilectionis Dei super omnia, quo peccator se conuertit ad Deum vltimum finem supernaturalem, à quo se per peccatum auerterat. Hæc docet Conciliū Tridentinum sess. 6. cap. 6. Circa peccatum autem debet esse actus pœnitentiæ, siue detestatio eiusdem peccati, quæ si sit vel propter fæditatem peccati, vel propter damna quæ ipsi peccatori affert scilicet reatum pœnæ æternæ, & amissionem regni cœlestis, dicitur attritio; & hæc cum sacramento in re suscepto sufficit ad iustificationem; secus sine sacramento: si autem hæc detestatio peccati sit ex motiuo solius Dei, scilicet propter Deum summè dilectum, & peccati ut est offensa Dei, dicitur contritio; & hæc iustificat cum sacramento in voto, licet ratione institutionis Christi debeat postea idem sacramentum in re suscipi: hic autem actus circa peccatum ex natura rei requiritur, & non solum ex iure diuino positiuo, ita ut nec de potentia Dei absoluta possit quis sine illo, vel æquivalenti putà dilectionis Dei, iustificari post peccatum actuale commissum, ut dictum est: est enim impossibile quod quis possit accedere ad iustitiam ut ad terminum *ad quem*, non recedendo ab iniustitia ut à termino *à quo*; hic autem recessus fit formaliter per contritionem & detestationem peccati, virtualiter per actum charitatis, qui enim per charitatem accedit ad Deum formaliter; recedit virtualiter à peccato eius contrario, quod autem hi actus & plures alij ordinariè fiant explicitè & sigillatim, quotidie experimur: ergo in iustificatione impij ordinariè interueniunt plures actus virtutum explicitè, & sigillatim elicit.

Probatur secunda pars conclusionis: Potest contingere, imò de facto aliquando contingit:

quod quis subito, & miraculosè iustificetur, ut contigit in S. Paulo Apostolo: & tunc vel hoc fit per actum dilectionis Dei super omnia, bonitate eius summa peculiari illustratione cognita, vel per actum detestationis peccati propter Deum summè dilectum: sed tunc non habentur explicitè & formaliter actus omnes supra enumerati, sed tantum virtualiter & implicitè ut patet: ergo in iustificatione impij aliquando contingit quod aliqui tantum actus virtutum enumerati implicitè reperiuntur. Sciendum tamen est quod actus qui versatur circa peccatum, & actus circa Deum dum explicitè habentur, distinguuntur realiter: hic enim est volitio, ille autem nolitio; vnde sicut in motu physico sunt duæ mutationes, ita & multò magis in motu iustificationis qui fit per actus & affectus animæ, qui realiter distinguuntur penes obiecta diuersa: quamuis etiam possit dici, quod in iustificatione impij, quando actus circa Deum, & circa peccatum explicitè habentur, sunt duo motus; quorum vnus ordinatur ad alterum, odio enim habetur peccatum propter amorem Dei: si autem tunc non occurrant memoriæ peccata, & fiat actus dilectionis Dei, in quo virtualiter sit actus contritionis, est vnicus motus: si fiat iustificatio extra Sacramentum, sufficit conteri de peccatis ut sic in communi, si autem fiat in sacramento, debet præcedere examen singulorum peccatorum, & postea fieri actus contritionis vel attritionis, qui virtualiter saltem cadit supra singula moraliter præsentia.

Probatur tertia pars conclusionis: Quod aliqui ex prædictis actibus virtutum disponant tantum remotè ad iustificationem patet, nam v. g. fides informis, aut spes de misericordia Dei, & fiducia de remissione peccatorum stant simul cum peccato, ita ut per hos actus non statim iustificetur peccator; tamen his paulatim disponitur, ut resurgat à peccatis: ergo tantum remotè disponunt ad iustificationem. Quod autem contritio perfecta, quæ continet dilectionem Dei super omnia, ratione ipsius dilectionis, & dilectio ipsa siue actus charitatis proximè disponant ad iustificationem, probatur; Cum actu charitatis non potest stare peccatum, intrinsecà enim habent oppositionem, sicut enim in peccato est auersio à Deo authore supernaturali & obiecto beatitudinis, sic in actu charitatis & dilectionis supernaturalis est conuersio perfecta in ipsum Deum authorem supernaturalem & obiectum beatitudinis; vnde cum opposita non possint esse simul, inde est quodposito actu charitatis remittitur peccatum, & infunditur gratia iustificans: ergo contritio perfecta, & dilectio Dei super omnia proximè disponunt ad iustificationem.

Ad primum ergo dicendum, quod tunc tantum forma diuisibilis introducitur successiuè, quando

quando vltima dispositio fit successiue, vel ratione sui, vel ratione partium subiecti; propterea ignitio ligni secundum diuersas partes fit successiue: quod autem dispositiones remotæ introducantur successiue, hoc non tolit quin forma introducat in instanti, quia introductio formæ non dependet immediate, nisi à dispositione proxima, à remotis autem mediate: vnde ad hoc quod iustificatio fiat in instanti, sufficit quod vltima dispositio, scilicet actus contritionis, vel dilectionis Dei fiat in instanti, licet alij actus præcedentes in sui successione includant tempus.

A d secundum dicendum, quod qui rapitur ad martyrium, si memoriam habeat peccati mortalis debet facere actum contritionis; si enim non pœniteat, non potest diligere Deum super omnia; si autem charitatem non habuerit, etiam si tradiderit corpus suum ita vt ardeat, nihil ei proderit: quod si peccata ei non occurrunt, potest diligere Deum, & in actu dilectionis est virtualis pœnitentia. Optimum est consilium, vt si quis repente rapiatur ad martyrium, magis attendat ad dilectionem Dei, ad gloriam, & ad alia ex quibus fortior euadat ad tolerandum martyrium, quam ad recogitandum vitam præteritam; vnde sufficit quod tunc in communi conteratur de suis peccatis.

A d tertium dicendum, quod ordinariè interueniunt in iustificatione impij prædicti actus: tamen aliquando contrarium euenit, vt dictum est in secunda parte conclusionis; & hoc tantum probat obiectio: ista autem pluralitas actuum, quia sunt per modum vnius, est possibilis: vnde quia intellectus potest multa ad inuicem ordinata, ac proinde per modum vnius, vno scilicet actu formaliter, & vna specie; virtualiter tamen multiplici cognoscere: sic voluntas ex naturali sympathia ad intellectum potest simul ad multa tendere per modum vnius, id est ad multa ad inuicem ordinata; vno tamen actu formaliter physicè, virtualiter tantum multiplici, id est moraliter, in quantum elicitur ab vna virtute, & imperatur ab alijs pluribus: tunc enim habet bonitatem moralem non solum virtutis à qua elicitur, sed etiam omnium aliarum à quibus imperatur, vt actus contritionis peccatorum propter Deum elicitur à virtute pœnitentiæ, & imperatur à virtute charitatis: licet autem idem actus non possit esse in duplici specie physica, hæc enim deriuatur ab obiecto formali actus, quod est vnicum: potest tamen esse in multiplici specie morali, hæc enim procedit non solum ab obiecto, sed etiam à circumstantiis & à fine, siue proximo, siue medio, siue vltimo; & ita cum possint esse plures fines, ad quos idem actus à diuersis virtutibus ordinatur, sic idem actus potest esse in multiplici specie morali: sicut etiam ratione circumstantiarum.

D V B I U M V I I I.

Virum actus contritionis vel charitatis, qui sunt vltima dispositio ad iustificationem impij, procedant à gratia habituali & habitibus infusis.

Supponendum est ex D. Thoma hic art. 8. Quod in iustificatione impij hæc quatuor reperiuntur, infusio gratiæ, motus liberi arbitrij in Deum per actum charitatis, motus liberi arbitrij in peccatum per contritionem, & remissio peccati: quæ sunt simul tempore siue duratione, quia iustificatio impij non fit successiue, sed in instanti: inuenitur tamen inter ipsa ordo naturæ, ac proinde prioritas & posterioritas: In ordine igitur intentionis, & ex parte agentis prima est infusio gratiæ, primum enim quod intendit Deus est communicare se per gratiam impio; & quia hæc communicatio fit libere concurrente libero arbitrio, ideo eodem ordine intentionis sequitur actus liberi arbitrij in Deum tendentis per charitatem; deinde actus contritionis in peccatum, quia enim hæc contritio est propter Deum, ideo fundatur in prædicto actu charitatis quem præsupponit; & tandem intelligitur remissio peccatorum, vt effectus infusionis gratiæ iustificantis: Sed in ordine executionis, & ex parte subiecti aliter se res habet; nam primum quod intelligitur, est communicatio auxiliorum diuinæ gratiæ, quibus liberum arbitrium applicatur ad eliciendos prædictos actus contritionis & charitatis, quibus vltimò disponitur peccator ad suspensionem gratiæ iustificantis, ex parte enim subiecti prior est in executione dispositio quam forma; inter hos autem actus contritio præcedit charitatem in eodem ordine & ex parte subiecti, quia in hoc ordine prior est recessus à termino à quo, quam accessus ad terminum ad quem; per contritionem autem receditur à peccato termino à quo iustificationis, detestando ipsum; per charitatem autem acceditur ad Deum: & tandem est infusio gratiæ iustificantis & causantis remissionem peccati. Nec mirum quod in vtroque ordine remissio peccati semper est vltimum: Ratio est, quia est in vtroque effectus gratiæ secundarius, iustificatio enim est primarius: effectus autem vt talis semper est posterior sua causa: inter alia autem est mutua prioritas & posterioritas in diuerso ordine, quia vt certum est apud omnes Philosophos, id quod est primum in ordine intentionis, est vltimum in ordine executionis, & e contra; vnde hi ordines opposito prorsus modo procedunt. Nec contrariatur D. Thom. dum loco citato ad 1. dicit liberationem à culpa esse priorem consequutione gratiæ iustificantis ex parte subiecti; quia D. Thom. intelligit tantum in ordine intentionis, & ex parte subiecti, adhuc non de gratiæ consequutione secundum

cundum se, sed ratione iustificationis: nullo autem modo intelligit in ordine executionis, nunquam enim dixit quod in hoc ordine remissio culpæ antecedit motum liberi arbitrij.

Prima opinio tenet actus contritionis & charitatis, qui sunt vltima dispositio ad iustificationem impij, procedere à gratia habituali, & habitibus infusis. Probatur autoritate D. Thom. qui loco citato ait: in iustificatione impij infusionem gratiæ obtinere primum locum, & hanc esse causam motus liberi arbitrij in peccatum, & in Deum. Item ait ad 1. quod ex parte agentis prius est infusio gratiæ, quamvis est parte passi & subiecti, prius sit remissio culpæ, & exemplificat in illuminatione solis, in qua ex parte solis prius quidem ex communicatio lucis, ex parte verò aeris prius est etiam ordine executionis expulsio tenebrarum. Et ad 2. ait quod motus liberi arbitrij naturæ ordine præcedit consecutionem gratiæ, sequitur autem gratiæ infusionem: ergo actus contritionis & charitatis, qui sunt vltima dispositio ad iustificationem impij, procedunt à gratia habituali & habitibus infusis.

Secundò, Vltima dispositio ad iustificationem est meritoria gloriæ de condigno, vt docet D. Thom. hic art. 7. ad 4. & ita procedit à gratia habituali quæ est principium totius meriti. Deinde Actus charitatis, aut contritionis perfectæ non potest esse informis, sicut actus fidei & spei sunt informes, qui non præsupponunt gratiam habitualem: ergo tales actus, qui sunt vltima dispositio ad iustificationem impij, procedunt à gratia habituali & habitibus infusis.

Tertiò, Actus contritionis & charitatis, qui sunt vltima dispositio ad iustificationem impij, non sunt minus perfecti & supernaturales, quam alij qui facta iam iustificatione eliciuntur: ergo non minus ac alij procedunt à gratia habituali & habitibus infusis: maximè quia omnis vltima dispositio ad aliquam formam procedit ab eadem forma, vt patet in generatione substantiali & alijs.

CONCLUSIO.

RESPONDEO dicendum, quod actus contritionis perfectæ & charitatis, qui sunt vltima dispositio ad iustificationem impij, quantum ad primum sui esse, non procedunt à gratia & habitibus infusis, quasi ipsam præsupponant etiam secundum præcisam rationem genericam. 2. nec procedunt ab ipsa secundum quod est à Deo, quasi secundum hanc rationem antecedit talis actus, & tantum subsequatur vt recepta in subiecto. 3. sed absolute tales actus sunt priores naturæ, gratia habituali, quantum ad primum sui esse: licet sint posteriores quantum ad continuationem. 4. vnde procedunt ab auxilio actuali diuinæ gratiæ supplente vicem habituum, continuantur autem per ipsos habitus. 5. hi tamen actus, qui sunt vltima dispositio ad iustificationem, non sunt causa efficiens aut me-

ritoria gratiæ sanctificantis, sed tantum causa materialis dispositiua. Ita Discipuli D. Thom.

Probatur prima pars conclusionis: Gratia, sicut & quælibet alia forma, secundum rationem genericam præcisè sumpta non operatur, sed quælibet operatio proueniens ab aliqua forma in genere causæ efficientis, præsupponit talem formam adequatè in sua specie constitutam: Ratio est, quia nihil agit nisi existat, operari enim sequitur esse; existentia autem non aduenit nisi essentia adequatè in sua specie constituta, cum sit vltima rei actualitas intrinseca, quamvis enim sint aliquæ operationes quæ conueniunt subiecto ratione formæ genericæ sumptæ, & alia quæ conueniunt eidem subiecto ratione formæ specificæ sumptæ, sicut sentire, & intellige re in homine; tamen anima rationalis non efficit sensationem prius naturâ quàm sit rationalis, propter rationem dictam: ergo actus contritionis perfectæ & charitatis, qui sunt vltima dispositio ad iustificationem impij, quantum ad primum sui esse, non procedunt à gratia & habitibus infusis, quasi ipsam præsupponant etiam secundum præcisam rationem genericam, maximè quia hi actus, si procederent à gratia, deberent ab ipsa procedere secundum rationem specificam, & non genericam, quia ratio generica gratiæ vt præintellecta rationi specificæ, non est supernaturalis, sed est supernaturalis tantum ex contractione ad rationem gratiæ specificam supernaturalem: constat autem quod principium effectuum horum actuum supernaturalium debet esse supernaturale.

Probatur secunda pars conclusionis: Gratia habitualis non solum prout recipitur in subiecto, sed etiam prout procedit à Deo, præsupponit istos actus; quia cum non procedat semper æqualis à Deo, sed nunc maior, nunc minor; hoc euenit ex inæquali dispositione suscipientis, ratione prædictorum actuum quibus disponitur; & ita gratia habitualis vt procedit à Deo, præsupponit prædictos actus, Deinde, Forma quælibet prius recipitur in subiecto, quàm operetur; nam prius præstat effectum formalem magis sibi intrinsecum, quàm effectum in genere causæ efficientis si non autem præstat effectum formalem nisi recepta in subiecto, cum talis effectus sit informare subiectum: ergo actus contritionis perfectæ & charitatis, qui sunt vltima dispositio ad iustificationem impij, quantum ad primum sui esse, non procedunt à gratia habituali secundum quod est à Deo, quasi secundum hanc rationem antecedit tales actus, & tantum subsequatur vt recepta in subiecto.

Probatur tertia pars conclusionis autoritate D. Thom. supra quæst. 109. art. 6. ad 3. vbi docet dispositionem ad gratiam habitualement non procedere ab ipsa gratia habituali, sed à gratia actuali siue motione diuina; ibi autem agit de dispositione vltima, de hac enim procedebat: obiectio.

obiectio, ut intuenti patet. Et clarius 1. p. q. 62. art. 2. ad 3. ait: Triplex est conuersio in Deum: vna quidem per dilectionem perfectam, quæ est creaturæ iam Deo fruētis, & ad hanc conuersionem requiritur gratia consummata: alia conuersio est, quæ est meritum beatitudinis, & ad hanc requiritur habitualis gratia, quæ est merendi principium: tertia conuersio est, per quam aliquis preparat se ad gratiam habendam, & ad hanc non exigitur aliqua habitualis gratia, sed operatio Dei ad se animam conuertentis: vnde patet quod non est procedere in infinitum. Quod autem D. Thom. dicat hanc ultimam dispositionem esse meritoriam gloriæ: intelligendus est, non de ipsa quantum ad primum sui esse, quo ordine naturæ præcedit gratiam habitualement ad ipsam disponens, sed quantum ad sui continuationem, quæ est cum gratia ut statim dicetur. Item supra q. 112. art. 2. agens de præparatione ad gratiam habitualement ait: Quæcunque præparatio in anima esse potest, est ex auxilio Dei mouentis animam ad bonum. Deinde: Ut introducatur gratia habitualis in anima connaturaliter, ut pote forma perfecta, debet præsupponi in anima dispositio eiusdem ordinis, & ultima: nec sufficiunt dispositiones remotæ, quia iam non sunt dum introducitur gratia, & quia extra Sacramentum non sunt sufficientes ad hanc introductionem: & hoc est ita verum, ut D. Th. 3. p. q. 24. art. 3. etiam in iustificatione animæ Christi hanc requirere videatur, quamuis possit dici animam ipsius ex vnione ad Verbum sufficientissimè fuisse dispositam ad gratiam habitualement, quæ hanc vnionem consequuta fuit ut proprietas, sicut etiam & gloria: ergo actus contritionis perfectæ & charitatis, qui sunt vltima dispositio ad iustificationem, sunt priores naturæ, gratia habituali, quantum ad primum sui esse. Denique, Gratia habitualis datur iuxta mensuram vltimæ dispositionis, ut docet Concilium Tridentinum sess. 9. cap. 7. ergo prædicti actus, qui sunt vltima dispositio ad iustificationem, sunt priores naturæ, gratia habituali, quantum ad primum sui esse.

Probat & explicatur quarta pars conclusionis: Prædicti actus non procedunt à gratia habituali quomodocunque considerata, ut ostensum est: nec à solo libero arbitrio, quia sunt actus supernaturales, ac proinde excedentes virtutem naturalem liberi arbitrij: ergo procedunt ab auxilio actuali diuinæ gratiæ, siue à libero arbitrio moto & eleuato per tale auxilium: & hoc expresse docent adductæ autoritates D. Thom. tunc autem auxilium non solum mouet liberum arbitrium, sed etiam eleuat constituendo in actu primo, & supplendo vicē habituum supernaturalium: Quia tamen in eodem instanti, in quo hi actus eliciuntur tanquam vltima dispositio ad iustificationem, infunditur gratia habitualis forma iustificationis simul cum habitibus superna-

turalibus, tales habitus possunt influere in eodem actus ut continuatos, ut sic enim subsequuntur habitus, & incipiunt esse meritorij ratione gratiæ sanctificantis; auxilia verò actualia habent tunc tantum rationem applicantis potentiam ad operationem.

Probat & quinta pars conclusionis. Tum communi consensu Scholasticorum. Tum ex analogia ad naturalia, in quibus dispositio tantum est causa materialis, & non efficiens respectu formæ. Tum deinde quia hæc est differentia inter habitus infusos & acquisitos, quod ad acquisitos concurrimus ut causa principalis efficiens: ad infusos autem, qualis est gratia, concurrimus tantum materialiter recipiendo, quia ex Aug. definitur virtus, aut habitus infusus, quod fiat in nobis sine nobis, id est cooperantibus effectiue, non autem sine nobis dispositis, & materialiter concurrentibus: quæ definitio communiter recipitur; vnde est noua gratia Dei, quod positis illis actibus infundatur gratia sanctificans, potest enim Deus illam non infundere: Quod autem non sit causa meritoria gratiæ, patet quia gratia est principium omnis meriti; vnde cum tales actus quantum ad primum sui esse præcedant gratiam, ut dictum est, non possunt esse causa meritoria eiusdem gratiæ; quia principium meriti non cadit sub merito, siue non potest esse terminus meriti: ut continuati autem, quia præsupponunt gratiam, possunt esse meritorij augmenti gratiæ, & gloriæ ut infra dicetur: ergo hi actus, qui sunt vltima dispositio ad iustificationem, non sunt causa efficiens, aut meritoria gratia sanctificantis, sed tantum causa materialis dispositiua. Quod debet intelligi extra Sacramentum: nam in Sacramento quatenus sunt pars materialis illius, concurrunt effectiue ut instrumentum ad producendam gratiam, simul cum forma absolutionis; & sicut reliqua Sacramenta sunt causæ instrumentales gratiæ.

Ad primum ergo dicendum, quod licet D. Thom. nomine gratiæ intelligeret gratiam habitualement, debet intelligi ordine intentionis, & non ordine executionis: requiritur autem quod gratia habitualis sit prior ordine executionis ad hoc, ut hi actus procedant ab illa. Deinde. D. Thom. per infusionem gratiæ intelligit communicationem auxiliorum diuinæ gratiæ, quod patet ex eius verbis; ait enim, In quolibet motu naturali primum est motio ipsius mouentis; ipsa igitur Dei mouentis motio est gratiæ infusio: Hac voce passim utitur Concilium Arausicanū II. ad declarandum auxilium actuale diuinæ gratiæ. In secundo loco intelligit D. Thom. liberationem à culpa esse priorem non consecutione gratiæ iustificantis, sed ipsa iustificatione ex parte subiecti ordine tantum intentionis, & non ordine executionis; maxime propterea nomine gratiæ intelliguntur auxilia gratiæ, quibus mouetur liberum arbitrium ad actus contritionis & chari-

tatis: hæc auxilia intelligit D. Thom. nam ibidem subdit: Vel potest dici quod termini iustificationis sunt culpa sicut à quo, & iustitia sicut ad quem; gratia verò est causa remissionis culpæ, & adeptionis iustitiæ: effectus formales gratiæ sunt iustificatio, & liberatio à peccato: qui inter se mutuam habeant prioritatem & posterioritatem; ita ut ex parte agentis prior sit sanctificatio siue iustificatio, & ex parte subiecti prior sit liberatio à peccato; ut est simile in illuminatione aëris, & expulsionem tenebrarum, qui sunt duo effectus lucis receptæ in aëre. In tertio loco per gratiæ infusionem intelligit D. Th. communicationem auxiliorum diuinæ gratiæ, quæ antecedit motum liberi arbitrij, & hic antecedit gratiæ habitualis consequutionem.

Ad secundum dicendum, quod illi actus sunt meritorij vitæ æternæ, non secundum quod antecedunt prioritate naturæ infusionem gratiæ habitualis, sed ut sunt cum tali gratia; nullum est enim instans reale, in quo sint hi actus, & non sit gratia sanctificans, non enim possunt esse informes id est cum macula peccati: unde ratione prioritatis naturæ iam dictæ dicit Conciliū Tridentinum sess. 6. cap. 7. Hanc dispositionem seu præparationem iustificatio ipsa consequitur: unde ista causalis est vera, Gratia habitualis datur, quia homo est contritus: Quia verò in eodem instanti, in quo est contritio, ponitur gratia habitualis, ideo pro omni instanti reali hic actus est meritorius, non ipsius gratiæ quæ est principium meriti, sed gloriæ.

Ad tertium dicendum, quod hi actus contritionis & charitatis non sunt minus perfecti & supernaturales, quàm alij subsequentes iustificationem; sunt enim supernaturales quantum ad substantiam, quia procedunt à principio supernaturali, scilicet auxilio actuali diuinæ gratiæ supplente vicem habitus. Ad aliud dicendum, quod vltima dispositio necessaria ad introductionem formæ, semper præcedit hanc introductionem, ut in combustionem calor maximus compossibilis cum forma ligni, & simul corruptivus illius, prior est introductione formæ ignis, & est vltimò dispositivus sed præviè ad talem formam: calor verò ut octo dicitur quidem vltima dispositio, sed est concomitans, & procedens à noua forma ignis: & hic non potest præcedere in materia disposita, cum sit incompossibilis cum forma ligni, & materia prima non possit esse sine vlla forma etiam diuinitus.



QVÆSTIO CXIV.

De merito, quod est effectus gratiæ cooperantis, in decem articulos diuisa.



E I N D E considerandum est de merito, quod est effectus gratiæ cooperantis.

¶ Et circa hoc quærentur decem.

¶ Primo, utrum homo possit aliquid mereri à Deo.

¶ Secundo, utrum aliquis sine gratia possit mereri vitam æternam.

¶ Tertio, utrum aliquis per gratiam possit mereri vitam æternam ex condigno.

¶ Quarto, utrum gratia sit principium merendi, mediante charitate principaliter.

¶ Quinto, utrum homo possit sibi mereri primam gratiam.

¶ Sexto, utrum homo possit eam mereri alij.

¶ Septimo, utrum possit sibi aliquis mereri reparationem post lapsum.

¶ Octavo, utrum possit sibi aliquis mereri augmentum gratiæ vel charitatis.

¶ Nono, utrum possit sibi mereri finalem perseverantiam.

¶ Decimo, utrum bona temporalia cadant sub merito.

ARTICVLVS I.

Utrum homo possit aliquid mereri à Deo.

AD PRIMUM sic proceditur. Videtur, quod homo non possit aliquid mereri à Deo. Nullus enim videtur mercedem mereri ex hoc, quod reddit alteri quod debet: sed per omnia bona quæ facimus, non possumus sufficienter recompensare Deo quod debemus, quin semper amplius debeamus, ut etiam Philosophus dicit in 3. Ethic. unde & Luc. 17. dicitur, Cum omnia quæ præcepta sunt feceritis, dicite, serui inutilis sumus; quod debemus facere, fecimus. ergo homo non potest aliquid mereri à Deo.

¶ 2. Præterea, Ex eo quod aliquis sibi proficit, nihil videtur mereri apud eum cui nihil proficit: sed homo bene operando sibi proficit vel alteri homini, non autem Deo. Dicitur enim Iob. 31. Si iuste egeis, quid donabis ei, aut quid de manu tua accipiet? ergo homo non potest aliquid à Deo mereri.

¶ 3. Præterea, Quicumque apud aliquem aliquid meretur, constituit eum sibi debitorem: debitum enim est, ut aliquis merenti mercedem rependat: sed Deus nulli est debitor. unde dicitur Rom. 10. Quis prior dedit ei, & retribuetur ei? ergo nullus à Deo potest aliquid mereri.

¶ 4. Contra est, quod dicitur Ier. 31. Est merces operi tuo. sed merces dicitur quod pro merito redditur: ergo videtur quod homo possit à Deo mereri.

CONCLUSIO.

Potest homo apud Deum aliquid mereri, non quidem secundum absolutam iustitiam rationem, sed secundum diuinam ordinationem quandam præsuppositionem, prout scilicet id tanquam mercedem consequitur homo per suam operationem ad quod ei Deus operandi virtutem deputauit.

R E S P O N D E O dicendum, quod meritum & merces ad idem referuntur. Id enim merces dicitur, quod alicui recompensatur pro retributione operis vel laboris, quasi quoddam pretium ipsius: unde sicut reddere iustum pretium pro re accepta ab aliquo, est actus iustitiæ, ita etiam recompensare mercedem operis, vel laboris, est actus iustitiæ. Iustitia autem æqualitas quædam est, ut patet per Philosophum in 3. Ethic. & ideo simpliciter est iustitia inter eos, quorum est simpliciter æqualitas: eorum verò quorum non est simpliciter æqualitas non est simpliciter iustitia, sed quidam iustitiæ modus potest esse: sicut dicitur quoddam ius patrum siue dominatum, ut in eodem libro Philosophus dicit: & propter hoc in his in quibus est simpliciter iustum, est etiam simpliciter ratio meriti & mercedis. in quibus autem est secundum quid iustum & non simpliciter, in his etiam non simpliciter est ratio meriti, sed secundum quid in quantum saluatur ibi iustitiæ ratio: sic enim & filius meretur aliquid à patre, & seruus à domino. Manifestum est autem, quod inter Deum & hominem est maxima inæqualitas (in infinitum enim distant & totum quod est hominis bonum, est à Deo: unde non potest homini à Deo esse iustitia secundum absolutam æqualitatem, sed secundum proportionem quandam, in quantum scilicet uterque operator secundum modum suum. Modus autem & mensura humanæ virtutis homini est à Deo, & ideo meritum hominis apud Deum esse non potest nisi secundum præsuppositionem diuinæ ordinationis: ita scilicet ut id homo consequatur à Deo per suam operationem, quasi mercedem, ad quod Deus ei virtutem operandi deputauit. Sicut etiam res naturales hoc consequuntur per proprios motus & operationes, ad quod à Deo sunt ordinatæ: Differenter tamen, quia creatura rationalis seipsam mouet ad agendum per liberum arbitrium: unde sua actio habet rationem meriti: quod non est in aliis creaturis.

Ad primum ergo dicendum, quod homo, in quantum propria voluntate facit illud quod debet, meretur: alioquin actus iustitiæ, quo quis reddit debitum, non esset meritorius.

Ad secundum dicendum, quod Deus ex bonis nostris non querit utilitatem, sed gloriam, id est manifestationem suæ bonitatis, quod etiam ex suis operibus querit. Ex hoc autem, quod cum colimus, nihil ei accrescit, sed nobis: & ideo meremur aliquid à Deo, non quasi ex nostris operibus aliquid ei accrescat, sed in quantum propter eius gloriam operamur.

Ad tertium dicendum, quod quia actio nostra non habet rationem meriti nisi ex præsuppositione diuinæ ordinationis, non sequitur quod Deus efficiatur simpliciter debitor nobis, sed sibi ipsi, in quantum debitum est, ut sua ordinatio impleatur.

ARTICVLVS II.

Utrum aliquis sine gratia possit mereri vitam æternam.

AD SECUNDUM sic proceditur. Videtur, quod aliquis sine gratia possit mereri vitam æternam. Illud enim homo à Deo meretur, ad quod diuinitus ordinatur: sicut dictam est.

610

Sup. q. 23.

ar. 4. q. 2.

d. 5. q. 3.

ar. 1. q. 4.

28. ar. 4.

q. 1. h. 6.

le. 3. ca. 2.

10. 2. ca. 10.

p. 1. mod.

tem. 3.

l. 6. 5. ar. 1.

in prior. b.

4. cap. 1. 5.

lib. 5. r. 1.

cap. 6. 5. 5.

611

Sup. q. 100.

ar. 5. q. 10.

ar. 1. q. 100.

d. 10.

ca. 10.

ca. 10.

Artic. 1.
l. 1. q. 9.

est. Sed homo secundum suam naturam ordinatur ad beatitudinem sicut ad finem, unde etiam naturaliter appetit esse beatus, ergo homo per suam naturam abique gratia mereri potest beatitudinem, quæ est vita æterna.

¶ 2. Præterea, idem opus quanto est minus debitum, tanto est magis meritorium: sed minus debitum, est bonum quod fit ab eo, qui minoribus beneficiis est præventus. Cum igitur ille, qui habet solum bona naturalia, minoribus beneficiis sit consecutus à Deo, quam ille qui cum naturalibus habet gratia: videtur quod eius opera sint apud Deum magis meritoria: & ita si ille qui habet gratiam, potest mereri aliquomodo vitam æternam, multo magis ille qui non habet.

¶ 3. Præterea, Misericordia & liberalitas Dei in infinitam excedit misericordiam & liberalitatem humanam: sed unus homo potest apud alium mereri, etiam si nunquam suam gratiam ante habuerit: ergo videtur quod multo magis homo abique gratia vitam æternam possit à Deo mereri.

Sed contra est, quod Apostolus dicit Rom. 6. Gratia Dei vita æterna.

CONCLUSIO.

Cum vita æterna omnem naturæ facultatem excedat, non potest homo neque in statu nature integre, neque in statu nature corrupte ipsam abique gratia, & diuina reconciliatione à Deo promereri.

q. 109. a. 2.

Respondendum dicendum, quod hominis sine gratia duplex status considerari potest, sicut supra dictum est. Unus quidem nature integre, qualis fuit in Adam ante peccatum. Alius autem nature corrupte, sicut est in nobis ante reparationem gratiæ. Si ergo loquamur de homine sub ad primam statum, sic una ratione non potest homo mereri abique gratia vitam æternam per pura naturalia: quia scilicet meritum hominis dependet ex præordinatione diuina. Adus autem cuiusque rei non ordinatur diuinitus ad aliquid excedens proportionem virtutis, quæ est principium adus: hoc enim est ex institutione diuine providentiæ, ut nihil agat ultra suam virtutem. Vita autem æterna est quoddam bonum excedens proportionem nature creatæ: quia etiam excedit cognitionem, & desiderium eius secundum illud 1. ad Cor. 2. Nec oculus vidit, nec auris audiuit, nec in cor hominis ascendit. Et inde est quod nulla natura creata est sufficiens principium adus meritorij vite æternæ, nisi superaddatur aliquod supernaturale donum, quod gratia dicitur. Si verò loquamur de homine sub peccato existente, additur cum hoc secundario propter impedimentum peccati. Cum enim peccatum sit quædam Dei offensio excludens à vita æterna (ut patet per supra dicta) nullus in statu peccati existens potest vitam æternam mereri, nisi prius Deo reconcilietur dimisso peccato, quod fit per gratiam: peccator enim non debetur vita, sed mors, secundum illud Rom. 6. Stipendia peccati mors.

Ad primum ergo dicendum, quod Deus ordinavit humanam naturam ad finem vite æternæ consequendum, non propter virtutem, sed per auxilium gratiæ. Et hoc modo eius adus potest esse meritorius vite æternæ.

Ad secundum dicendum, quod homo sine gratia non potest habere æquale opus operi quod ex gratia procedit: quia quanto est perfectius principium actionis, tanto est perfectior actio. Sequenter autem ratio supposita æqualitate operationis vitæque.

Ad tertium dicendum, quod quantum ad primam rationem inductam dissimiliter se habet in Deo & in homine: nam homo virtutem benefaciendi habet à Deo, non autem ab homine: & ideo à Deo non potest homo aliquid mereri nisi per donum eius, quod Apostolus signanter exprimit dicens. Quis prior dedit ei, & retribuetur illi: Sed ab homine potest quis mereri antequam ab eo acceperit per id quod accepit à Deo. Sed quantum ad secundam rationem sumptam ex impedimento peccati, simile est de homine, & de Deo: quia etiam homo ab alio mereri non potest, quem offendit prius, nisi ei satisfaciens reconcilietur.

ARTICVLVS III.

Primum homo in gratia constitutus potest mereri vitam æternam ex condigno.

612

3. q. 4. a. 1.
1. ar. 2.
2. diff. 27.
ar. 3. q. 2.
ar. 4. q. 3.
diff. 4. q. 3.
ar. 1. ad 1.
ar. 3. q. 2.
Rom. 4. ar. 6.
fin. & cor.
3. diff. 4. q. 3.
fin.
Et An.
gust. in lib.
de gra. & lib. arb. c. 6.
9. q. 10. me.
dum 10. 7.

Ad tertium sic proceditur. Videtur, quod homo in gratia constitutus non possit mereri vitam æternam ex condigno. Dicit enim Apostolus ad Rom. octauo Non sunt condigne passionis huius temporis ad futuram gloriam, quæ reuelabitur in nobis. Sed inter alia opera meritoria maxime videntur esse meritoria sanctorum passionis, ergo nulla opera hominum sunt meritoria vite æternæ ex condigno.

¶ 2. Præterea, Super illud Roman. 6. Gratia Dei, vita æterna: dicitur glossa. Posset recte dicere, Stipendium iustitiæ vita æterna: sed maluit dicere, gratia Dei, vita æterna, ut intelligeremus Deum ad æternam vitam pro sua miseratione nos perducere, non meritis nostris. Sed id quod ex condigno quis meretur, non ex miseratione sed ex merito accipit, ergo videtur quod homo non possit per gratiam mereri vitam æternam ex condigno.

¶ 3. Præterea, Illud meritum videtur esse condignum quod æquatur mercedi. Sed nullus adus presentis vite potest æquari vite æternæ, quæ cognitionem & desiderium nostrum excedit, excedit etiam charitatem vel dilectionem vite, sicut & excedit naturam, ergo homo non potest per gratiam mereri vitam æternam ex condigno.

Sed contra. Id quod redditur secundum iustum iudicium, videtur esse merces condigna. Sed vita æterna redditur à Deo secundum iudicium iustitiæ, secundum illud secundæ ad Timoth. 4. In reliquo reposita est mihi corona iustitiæ, quam reddet mihi Dominus in illa die iustus iudex, ergo homo meretur vitam æternam ex condigno.

CONCLUSIO.

Opus hominis iusti, ut ab inhabitantibus Spiritus sancti (cuius instigatus est dignitas) gratia procedit, vita æterna meritorium est ex condigno: non autem de condigno meretur, ut à libero eius arbitrio procedat, propter maximam inæqualitatem: licet congruum sit, ut homini secundum suam virtutem operanti, Deus secundum virtutis sue excellentiam recompenset.

Respondendum dicendum, quod opus meritorium hominis dupliciter considerari potest. Vno modo, secundum quod procedit ex libero arbitrio. Alio modo, secundum quod procedit ex gratia Spiritus sancti. Si consideretur secundum substantiam operis, & secundum quod procedit ex libero arbitrio, sic non potest ibi esse condignitas propter maximam inæqualitatem, sed est ibi congruitas propter quandam æqualitatem proportionis. Videtur enim congruum, ut homini operanti secundum suam virtutem, Deus recompenset, secundum excellentiam suæ virtutis. Si autem loquamur de opere meritorio, secundum quod procedit ex gratia Spiritus sancti, sic est meritorium vite æternæ ex condigno, sic enim valor meriti attenditur secundum virtutem Spiritus sancti mouentis nos in vitam æternam, secundum illud Ioan. 4. Fiet in eo sors aquæ salientis in vitam æternam. Attenditur etiam pretium operis secundum dignitatem gratiæ, per quam homo confors factus diuine nature, adoptatur in filium Dei, cui debetur hæreditas ex ipso iure adoptionis, secundum illud Rom. 8. Si filij, & hæredes.

Ad primum ergo dicendum, quod Apostolus loquitur de passionibus sanctorum secundum eorum substantiam.

Ad secundum dicendum, quod verbum illius glossæ intelligendum est quantum ad primam causam perueniendi ad vitam æternam, quæ est miseratione Dei: meritum autem nostrum est causa subsequens.

Ad tertium dicendum, quod gratia Spiritus sancti, quam in presenti habemus, etsi non sit æqualitas gloriæ in actu: est tamen æqualitas in virtute: sicut semem arborum, in quo est virtus ad totam arborem. Et similiter per gratiam inhabitat hominem Spiritus sanctus, qui est sufficiens causa vite æternæ: & dicitur esse pignus hæreditatis nostræ 2. ad Corint. 1.

ARTICVLVS IV.

Verum gratia sit principium meriti principaliter per charitatem, quam per alias virtutes.

Ad quartum sic proceditur. Videtur, quod gratia non sit principium meriti principaliter per charitatem quam per alias virtutes. Merces enim operi debetur secundum illud Matth. vigesimo. Voca operarios, & redde illis mercedem suam. Sed qualibet virtus est principium alicuius operis: est enim virtus habitus operatiuus ut supra habitum est. Ergo qualibet virtus est æqualiter principium merendi.

¶ 2. Præterea, Apostolus dicit 1. ad Corint. 3. Vnusquisque propriam mercedem accipiet secundum proprium laborem. Sed charitas magis diminuit laborem quam augeat: quia, sicut Augustinus dicit in libro de verbis Domini, omnia frus & immania, facilia & propè nulla facit amor. Ergo charitas non est principaliter principium merendi, quam alia virtus.

¶ 3. Præterea, Illa virtus videtur principaliter esse principium merendi, cuius adus sunt maxime meritorij. Sed maxime meritorij videntur esse adus fidei & patientiæ, sue fortitudinis: sicut patet in martyribus, qui pro fide patienter, & fortiter vsque ad mortem certauerunt. Ergo alia virtutes principaliter sunt principium merendi, quam charitas.

Sed contra est, quod Dominus Ioan. decimo quarto dicit, Si quis diligit me, diligetur à Patre meo: & ego diligam eum, & manifestabo ei meipsum. Sed in manifesta Dei cognitione consistit vita æterna, secundum illud Ioan. 17. Hæc est vita æterna, ut cognoscant te solum Deum verum & viuum. Ergo meritum vite æternæ maxime residet penes charitatem.

CONCLUSIO.

Gratia principaliter per charitatem (ex qua opus maxime fit voluntarium, & præcipue ad beatitudinem ordinatur) quam per alias virtutes, operis meritorij principium existit.

Respondendum dicendum, quod sicut ex dictis accipi potest, humanus adus habet rationem merendi ex duobus. Primo quidem & principaliter ex diuina ordinatione, secundum quod adus dicitur esse meritorius illius boni, ad quod homo diuinitus ordinatur. Secundò verò ex parte liberi arbitrij: in quantum scilicet homo habet præ cæteris creaturis, ut per se agat voluntarie agens. Et quantum ad vtrumque principium meriti penes charitatem consistit: Primo enim confidendum est quod vita æterna in Dei fruitione consistit: motus autem humanæ mentis ad fruitionem diuini boni est proprius adus charitatis, per quem omnes adus aliarum virtutum ordinantur in hunc finem, secundum quod aliz virtutes imperantur à charitate. Et ideo meritum vite æternæ primò pertinet ad charitatem: ad alias autem virtutes secundario, secundum quod eorum adus à charitate imperantur. Similiter etiam manifestum est, quod id quod ex amore facimus, maxime voluntarie facimus: unde etiam secundum quod ad rationem meriti requiritur, quod sit voluntarium, principaliter meritum charitati attribuitur.

Ad primum ergo dicendum, quod charitas in quantum habet vltimum finem pro obiecto, mouet alias virtutes ad operandum: semper enim habitus ad quem pertinet finis, imperat habitus, ad quos pertinent ea, quæ sunt ad finem, ut ex supradictis patet.

Ad secundum dicendum, quod opus aliquod potest esse laboriosum & difficile dupliciter. Vno modo ex magnitudine operis, & sic magnitudo laboris pertinet ad augmentum meriti: & sic charitas non diminuit laborem, imò facit aggredi opera maxima: magna enim operator si est, ut Gregorius dicit

913

2. 2. q. 181.
ar. 2. co. 6.
3. diff. 30.
ar. 3. q. 2.
diff. 30. ar.
2. q. 1. q. 1.
diff. 4. q. 1.
ar. 1. q. 6.
ar. 1. q. 6.
Et Ro. 1. 4.
3. q. 1. q. 1.
diff. 6. 1. q.
3. co. 2.
prim.
2. 2. q. 1.
1. Aug. in
serm. 9. d.
med. Et
ser. 4. 1. d.
1. q. 1. q. 1.
1. q. 1. q. 1.
1. q. 1. q. 1.

Ar. 1. ad
10. q. 9.

2. 2. q. 1.

In humil. cit in quadam homilia⁴. Alio modo ex defectu ipsius operan-
Pen. & est tis : unicuique enim est laboriosum & difficile quod non
30. in E- prompta voluntate facit : & talis labor diminuit meritum , &
mag. non a charitate tollitur.

Ad tertium dicendum , quod fidei actus non est merito-
rius , nisi fides per dilectionem operetur : ut dicitur ad Gal. 5.
Similiter etiam actus patientiæ & fortitudinis non est meri-
torius , nisi aliquis ex charitate hæc operetur : secundum illud
primæ ad Corinthios 13. Si tradidero corpus meum , ita ut ar-
deam , charitatem autem non habuero , nihil mihi prodest.

ARTICVLVS V.

Utrum homo possit sibi mereri primam gratiam.

614 AD QUINTVM sic proceditur. Videtur , quod homo
1. q. 2. art. 1. Apodit sibi mereri primam gratiam. Quia , ut Augustinus
11. 10. Et dicit² , fides meretur iustificationem : iustificatur autem ho-
2. dist. 17. mo per primam gratiam. ergo homo potest mereri sibi pri-
am gratiam.

3. d. 19. c. 1. 2. Præterea , Deus non dat gratiam nisi dignis , sed non
1. art. 1. q. 1. dicitur aliquis dignus aliquo bono , nisi qui ipsum promeruit
1. cor. 4. 6. Et ex condigno. ergo aliquis ex condigno potest mereri primam
1. cor. 14. 6. gratiam.

149. q. 150. c. 1. 3. Præterea , Apud homines aliquis potest promereri do-
num iam acceptum : sicut qui accepit equum à domino , mere-
tur ipsum bene utendo eo in sequito domini : sed Deus li-
beralis est , quam homo. ergo multo magis primam gratiam
iam susceptam potest homo promereri à Deo per subsequenti-
am opera.

2. cor. 2. 11. Sed contra est , quod ratio gratiæ repugnat mercedi
operum , secundum illud Rom. quarto. Ei , qui operatur , mer-
ces non imputatur secundum gratiam , sed secundum debi-
tum : sed illud meretur homo quod imputatur sibi secundum
debitum , quasi meretur operum eius : ergo primam gratiam
non potest homo mereri.

CONCLUSIO.

Quum neque operibus antecedentibus possit sibi homo pri-
mam gratiam mereri (quia scilicet cum dono gratiæ nullam
habens proportionem) neque operibus consequentibus , eo quod
gratiæ non sit eorum finis , sed principium : nullum hominem
sibi gratiam mereri posse dici debet.

Respondendo dicendum , quod donum gratiæ confi-
derari potest dupliciter. Vno modo secundum rationem gra-
tuiti doni , & sic manifestum est , quod omne meritum repu-
gnat gratiæ : quia ut ad Rom. vndecimo Apostolus dicit , Si
autem gratia , iam non ex operibus. Alio modo potest confi-
derari secundum naturam ipsius rei , quæ donatur & sic etiam
non potest cadere sub merito non habentis gratiam , tum quia
excedit proportionem naturæ , tum etiam quia ante gratiam in
statu peccati homo habet impedimentum promerendi gratiam ,
scilicet ipsi peccatum. Postquam autem iam aliquis habet gra-
tiam , non potest gratia iam habita sub merito cadere : quia
merces est terminus operis : gratia verò est principium cuiuslibet
boni operis in nobis , ut supra dictum est. Si verò aliud
donum gratuitum aliquis mereatur virtute gratiæ præcedentis ,
iam non erit prima. Vnde manifestum est quod nullus potest
sibi mereri primam gratiam.

Ad primum ergo dicendum , quod sicut Aug. dicit in libro
11. 1. c. 21. Retrahit. Ipse aliquando in hoc fuit deceptus , quod credi-
dit initium fidei esse in nobis , sed consummationem nobis da-
re ex Deo : quod ipse ibidem retrahit , & ad hunc sensum vide-
tur pertinere , quod fides iustificationem mereatur. Sed si
supponamus , sicut fidei veritas habet , quod initium fidei sit
in nobis à Deo , iam etiam ipse actus fidei consequitur primam
gratiam , & ita non potest esse meritorius primæ gratiæ. per
fidem igitur iustificatur homo , non quasi homo credendo me-
reatur iustificationem , sed quia dum iustificatur credit : eo
quod motus fidei requiritur ad iustificationem impj , ut supra
dictum est.

Ad secundum dicendum , quod Deus non dat gratiam nisi
dignis , non tamen ita quod prius digni fuerint , sed quia ipse
per gratiam eos facit dignos , qui solus potest facere mundum
de immundo conceptum semine.

Ad tertium dicendum , quod omne bonum opus hominis
procedit à prima gratia sicut à principio , non autem procedit
à quocunque humano dono. Et ideo non est similis ratio de
dono gratiæ , & de dono humano.

ARTICVLVS VI.

Utrum homo possit alteri mereri primam gratiam.

615 AD SEXTVM sic proceditur. Videtur quod homo possit
alteri mereri primam gratiam : quia Matth. 9. super illud ,
2. d. 27. c. 1. Videns teses fidem illorum , &c. dicit glo. Quantum valet
6. c. 1. d. 1. apud Deum fides propria , apud quem sic valet aliena , ut intrus
19. q. 1. c. 1. & extra sanaret hominem : sed interior sanatio hominis est
2. q. 1. c. 1. per primam gratiam : ergo homo potest alteri mereri primam
3. d. 5. q. 9. gratiam.

3. d. 5. c. 1. 2. Præterea , Orationes iustorum non sunt vacuæ , sed ef-
4. d. 45. q. 9. ficaces : secundum illud Iacob , vit. Multum valet deprecatio
2. d. 1. q. 1. iusti assidua : sed ibidem promittitur , Orate pro inuicem , ut
1. cor. 1. c. 1. saluemini : cum igitur salus hominis non possit esse nisi per
2. Tim. 4. 6. gratiam , videtur quod vnus homo possit alteri mereri primam
2. 6. gratiam.

3. d. 1. c. 1. 3. Præterea , Lucæ 16. dicitur Facite vobis amicos de
mammona iniquitatis ut , cum defeceritis , recipiant vos in æ-
ternæ tabernacula : sed nullus recipitur in æterna tabernacula ,
1. q. 1. c. 1. nisi per gratiam , per quam solam aliquis meretur vitam æter-
1. q. 1. c. 1. nam , ut supra dictum est : ergo vnus homo potest alteri ac-
1. q. 1. c. 1. quirere merendo primam gratiam.

Sed contra est , quod dicitur Ier. 17. Si steterit Moyses &
Samuel coram me , non est anima mea ad populum istum : qui
tamen fuerunt maximi meriti apud Deum. Videtur ergo quod
nullus possit alteri mereri primam gratiam.

CONCLUSIO.

Quum ideo solam humanis operibus meritum condigni tri-
buatur , quia ex Dei motione & gratia sumus , quæ soli Christo
tanquam capiti Ecclesiæ sic data est , ut non tantum sibi , sed
etiam aliis vitam æternam promereri possit : ideo solus Chri-
stus de condigno primam gratiam mereri alteri potest.

Respondendo dicendum , quod sicut ex supradictis pat-
et , opus nostrum habet rationem meriti ex duobus. Primum
quidem ex vi motionis diuinæ , & sic meretur aliquis ex con-
digno. Alio modo habet rationem meriti , secundum quod
procedit ex libero arbitrio in quantum voluntarie aliquid fa-
ciunt : & ex hac parte est meritum congrui , quia congruum
est , ut dum homo bene vititur sua virtute , Deus secundum
super excellentem virtutem excellentius operetur. Ex quo pat-
ter , quod merito condigni nullus potest mereri alteri primam
gratiam nisi solus Christus : quia vnusquisque nostrum mouetur
à Deo per donum gratiæ , ut ipse ad vitam æternam perueniat :
& ideo meritum condigni ultra hanc motionem non se
extendit. Sed anima Christi mota est à Deo per gratiam ,
non solum ut ipse perueniret ad gloriam vite æternæ , sed
etiam ut alios in eam adduceret , in quantum est caput Eccle-
siæ , & auctor salutis humanæ : secundum illud ad Heb. 2. Qui
multos filios in gloriam adduxerat , auctorem salutis , &c. Sed
merito congrui potest aliquis alteri mereri primam gratiam.
Quia enim homo in gratia constitutus implet Dei voluntatem ,
congruum est secundum amicitiam proportionem : licet Deus im-
pleat hominis voluntatem in saluatione alterius : licet quan-
doque possit habere impedimentum ex parte illius , cuius ali-
quis , sanctus iustificationem desiderat. Et in hoc casu loqui-
tur auctoritas Ierem. vlt adducta.

Ad primum ergo dicendum , quod fides aliorum valet alij
ad salutem merito congrui , non merito condigni.

Ad secundum dicendum , quod imperatio orationis inni-
tatur misericordiæ : meritum autem condigni innititur iusti-
tiæ : & ideo multa orando impetrat homo ex diuina misericor-
dia , quæ tamen non meretur secundum iustitiam : secundum
illud Dan. 9. Neque enim in iustificationibus nostris proster-
nimus preces ante faciem tuam , sed in miserationibus tuis
multis.

Ad tertium dicendum , quod pauperes elemosynas reci-
pientes dicuntur recipere alios in æterna tabernacula , vel
impetrando eis veniam , orando , vel merendo per alia bona
ex congruo , vel etiam materialiter loquendo : quia per ipsa
opera misericordiæ , quæ quis in pauperes exercet , meretur reci-
pi in æterna tabernacula.

ARTICVLVS VII.

Utrum homo possit sibi mereri reparationem post lapsum.

AD SEPTIMVM sic proceditur. Videtur , quod aliquis
possit sibi mereri reparationem post lapsum. Illud enim
quod iuste à Deo petitur. homo videtur posse mereri : sed nihil
iustum à Deo petitur , (ut Aug. dicit) quàm quod reparetur post
lapsum , secundum illud Psalm. 70. Cum defecerit virtus mea ,
ne derelinquas me , Domine. Ergo homo potest mereri , ut re-
paretur post lapsum.

2. d. 27. c. 1. 2. Præterea , Multo magis homini profunt opera sua ,
quam profunt alij : sed homo potest aliquo modo alteri mereri
reparationem post lapsum , sicut & primam gratiam : ergo
multo magis sibi mereri potest , ut reparetur post lapsum.

3. Præterea. Homo : qui aliquando fuit in gratia per bo-
na opera quæ fecit , meruit sibi vitam æternam , ut ex supradic-
tis patet : sed ad vitam æternam non potest quæ peruenire
nisi reparetur per gratiam : ergo videtur quod sibi meruit re-
parationem per gratiam.

Sed contra est , quod dicitur Ezech. decimo octauo. Si
auerit se iustus à iustitia sua , & fecerit iniquitatem , omnes
iustitiæ eius , quas fecerat , non recordabuntur : ergo nihil va-
lebitur ei præcedentia merita ad hoc , quod resurgat , non
ergo aliquis potest sibi mereri reparationem post lapsum fu-
turum.

CONCLUSIO.

Nullo modo potest aliquis sibi mereri reparationem post la-
psum , sed hoc sola Dei miseratione obtinere valet.

Respondendo dicendum , quod nullus potest sibi me-
reri reparationem post lapsum futurum , neque merito con-
digni , neque merito congrui. Merito quidem condigni hoc
sibi mereri non potest : quia ratio huius meriti dependet ex
motione diuinæ gratiæ , quæ quidem motio interruptur per
sequens peccatum : vnde omnia beneficia , quæ postmodum
aliquis à Deo consequitur , quibus reparatur , non cadunt sub
merito : tanquam motione prioris gratiæ usque ad hæc non se
extendente. Meritum etiam congrui , quo quis alteri pri-
mam gratiam meretur , impeditur ne consequatur effectum
propter impedimentum peccati in eo , cui quis meretur : multo
igitur magis impeditur talis meriti efficacia per impedimen-
tum , quod est & in eo qui meretur & in eo cui meretur : hic
enim vtrunque in vnâ personam concurrat : & ideo nullo
modo aliquis potest sibi mereri reparationem post lapsum.

Ad primum ergo dicendum , quod desiderium , quo quis
desiderat reparationem post lapsum , iustum dicitur , & simili-
ter oratio quia tendit ad iustitiam : non tamen ita , quod ius-
titia innitatur per modum meriti , sed solum misericor-
dia.

Ad secundum dicendum , quod aliquis potest alteri mereri
ex congruo primam gratiam : quia non est impedimentum
saltem ex parte merentis , quod inuenitur dum aliquis post
meritum gratiæ à iustitia recedit.

Ad

Ad tertium dicendum, quod quidam dixerunt, quod nullus meretur absolute vitam æternam nisi per actum finalis gratiæ: sed solum sub conditione si perseverat. Sed hoc irrationabiliter dicitur, quia quandoque actus ultime gratiæ non est magis meritorius, sed minus quam actus præcedentes propter agilitudinis opprobrium. Unde dicendum, quod quilibet actus charitatis meretur absolute vitam æternam: sed per peccatum sequens ponitur impedimentum præcedenti merito, ut non fortitius effectum sicut etiam causæ naturales deficiunt à suis effectibus propter superueniens impedimentum.

ARTICVLVS VIII.

Utrum homo possit mereri augmentum gratiæ vel charitatis.

617

AD OCTAVVM sic proceditur. Videtur, quod homo non possit mereri augmentum gratiæ vel charitatis. Cum enim aliquis receperit primum quod meruit, non debetur ei alia merces: sicut de quibusdam dicitur Matth. 6. Receperunt mercedem suam, si igitur aliquis meretur augmentum charitatis, vel gratiæ, sequeretur quod gratia augmentata non posset ulterius expectare aliud primum: quod est inconueniens.

¶ 2. Præterea, nihil agit ultra suam speciem: sed principium meriti est gratia, vel charitas, ut ex supradictis patet. ergo nullus potest maiorem gratiam vel charitatem mereri, quam habeat.

¶ 3. Præterea, id quod cadit sub merito, meretur homo per quemlibet actum à gratia vel charitate procedentem: sicut per quemlibet talem actum meretur homo vitam æternam, si igitur augmentum gratiæ vel charitatis cadit sub merito, videtur quod per quemlibet actum charitatis informatum aliquis mereatur augmentum charitatis: sed id quod homo meretur, infallibiliter à Deo consequitur, nisi impediatur per peccatum sequens. Dicitur enim secundum ad Timoth. primo. Scio cui credidi: & certus sum, quia potens est depositum meum seruare. Sic ergo sequeretur quod per quemlibet actum meritorium gratia vel charitas augeretur, quod videtur inconueniens: cum quandoque actus meritorij non sint multum feruentius, ita quod sufficiant ad charitatis augmentum. Non ergo augmentum charitatis cadit sub merito.

¶ 4. Contra est, quod Aug. dicit super epist. Ioan. quod charitas meretur augeri ut audiat incrementum & perfici: ergo augmentum charitatis vel gratiæ cadit sub merito.

CONCLUSIO.

Quum per idem & unum finem & progressum ad finem consequamur, iustus autem homo per opera sua bona, quatenus uiuente Deo facta sunt, vitam æternam de condigno meretur, ipsum etiam gratia & charitatis augmentum mereri dicendum est.

RESPONDENS dicendum, quod sicut supra dictum est, illud cadit sub merito condigni, ad quod motio gratiæ se extendit: motio autem alicuius mouentis non solum se extendit ad ultimum terminum motus, sed etiam ad totum progressum in motu: terminus autem motus gratiæ est vita æterna, progressus autem in hoc motu est secundum augmentum charitatis vel gratiæ, secundum illud Proverb. quarto. Iustus semina quasi lux splendens procedit & creuit uique ad perfectum diem, qui est dies gloriæ. Sic igitur augmentum gratiæ cadit sub merito condigni.

AD primum ergo dicendum, quod primum est terminus meriti. Est autem duplex terminus motus, scilicet ultimus & medius, qui est & principium & terminus, & talis terminus est merces augmenti. Merces autem fauoris humani est sicut ultimus terminus his, qui finem in hoc constituunt: unde tales nullam aliam mercedem recipiunt.

AD secundum dicendum, quod augmentum gratiæ non est supra virtutem præficientis gratiæ, licet sit supra quantitatem ipsius: sicut arbor est sic supra quantitatem seminis, non est tamen supra virtutem ipsius.

AD tertium dicendum, quod quolibet actum meritorio meretur homo augmentum gratiæ, sicut & gratia consummationem quæ est vita æterna. Sed sicut vita æterna non statim redditur, sed suo tempore: ita nec gratia statim augetur, sed suo tempore: cum scilicet aliquis sufficienter fuerit dispositus ad gratiæ augmentum.

ARTICVLVS IX.

Utrum homo possit perseverantiam mereri.

618

AD NONVM sic proceditur. Videtur, quod aliquis possit perseverantiam mereri. Illud enim quod homo obtinet petendo, potest cadere sub merito habentis gratiam: sed perseverantiam petendo homines à Deo obtinent, alioquin frustra peteretur à Deo in petitionibus orationis dominicæ, ut Aug. exponit in libr. de bono perseverantix, ergo perseverantia potest cadere sub merito habentis gratiam.

¶ 2. Præterea, Magis est non posse peccare, quam non perseverare, sed non posse peccare cadit sub merito: meretur enim aliquis vitam æternam, de cuius ratione est impeccabilitas. Ergo multo magis potest aliquis mereri, ut non peccet, quod est perseverare.

¶ 3. Præterea, Maius est augmentum gratiæ, quam perseverantia in gratia, quam quis habet: sed homo potest mereri augmentum gratiæ, ut supra dictum est: ergo multo magis potest mereri perseverantiam in gratia, quam quis habet.

¶ 4. Contra est, quod omne quod quis meretur à Deo, consequitur, nisi impediatur per peccatum: sed multi habent opera meritoria, qui non consequuntur perseverantiam, nec potest dici quod hoc fiat propter impedimentum peccati, quia hoc ipsum quod est peccare, opponitur perseverantix: ita

K. P. Philippi Carm. distat. Disp. Theolog. in 1.2

quod si aliquis perseverantiam mereretur, Deus non permetteret aliquem cadere in peccatum. Non igitur perseverantia cadit sub merito.

CONCLUSIO.

Cum perseverantia sit non effectus gratiæ, sed causa potius & principium, eo quod sit quedam conservatio. & continua creatio gratiæ: manifestum est nos perseverantiam viam non mereri, sed illam solum quæ perseverantia gloriæ dicitur.

RESPONDENS dicendum, quod cum homo naturaliter habeat liberum arbitrium flexibile ad bonum & ad malum, dupliciter potest aliquis perseverantiam in bono obtinere à Deo. Uno quidem modo per hoc, quod liberum arbitrium determinatur ad bonum per gratiam consummatam: quod erit in gloria. Alio modo ex parte motionis diuinæ, quæ hominem inclinat ad bonum uique ad finem. Sicut autem ex dictis patet, illud cadit sub humano merito, quod comparatur ad motum liberi arbitrij directi à Deo mouente sicut terminus, non autem id quod comparatur ad prædictum motum, sicut principium. Unde patet quod perseverantia gloriæ, quæ est terminus prædicti motus, cadit sub merito. Perseuerantia autem viæ non cadit sub merito, quia dependet solum ex motione diuina, quæ est principium omnis meriti: sed Deus gratiæ perseverantix bonum largitur cuiusque illud largitur.

AD primum ergo dicendum, quod etiam ea, quæ non meremur, orando impetramus: nam & peccatores Deus audit, peccatorum veniam petentes, quam non merentur: ut patet per Aug. super illud Ioan. Scimus quia peccatores Deus non exaudit: alioquin frustra dixisset publicanus, Deus propitius esto mihi peccatori: ut dicitur Luc. 18. Et similiter perseverantix donum aliquis petendo à Deo impetrat vel sibi, vel alij, quamvis sub merito non cadat.

AD secundum dicendum, quod perseverantia, quæ erit in gloria, comparatur ad motum liberi arbitrij meritorium, sicut terminus, non autem perseverantia viæ ratione prædicta.

Et similiter dicendum est ad tertium de augmento gratiæ: ut per prædicta patet.

ARTICVLVS X.

Utrum temporalia bona cadant sub merito.

AD DECIVM sic proceditur. Videtur, quod temporalia bona cadant sub merito. Illud enim quod permittitur aliquibus, ut primum iustitiæ, cadit sub merito: sed temporalia bona promissa sunt in lege veteri, sicut merces iustitiæ, ut patet Deuter. 28. Ergo videtur quod bona temporalia cadant sub merito.

¶ 2. Præterea, illud videtur sub merito cadere quod Deus alicui retribuit pro aliquo seruitio quod fecit: sed Deus aliquando recompensat hominibus pro seruitio sibi facto aliqua bona temporalia. Dicit enim Exod. 1. Et quia timerunt obsequia Deum, edificauit illis domos, ubi gloss. Gregor. dicit quod benignitatis earum merces potuit in æterna vita retribui: sed culpa mendacij terrenam recompensationem accepit. & Exech. 29. dicitur, Rex Babylonis seruare fecit exercitum suum seruitute magna aduersus Tyrum, & merces non est reddita ei: & postea subdit, Erit merces exercitus illius, & dedi ei terram Aegypti pro eo quod laborauerit. mihi. Ergo bona temporalia cadant sub merito.

¶ 3. Præterea, Sicut bonum se habet ad meritum, ita malum se habet ad demeritum: sed propter demeritum peccati aliqui puniuntur à Deo temporalibus poenis: sicut patet de Sodomitis, Genes. 19. Ergo & bona temporalia cadunt sub merito.

¶ 4. Contra est, quod illa, quæ cadunt sub merito, non similiter se habent ad omnes. Sed bona temporalia & mala similiter se habent ad bonos & malos: secundum illud Eccles. 9. Vniuersa æquæ eueniunt iusto & impio, bono & malo, mundo & immundo, immolanti victimas & sacrificia contemnenti. Ergo bona temporalia non cadunt sub merito.

CONCLUSIO.

Temporalia bona, prout ad opera virtutum quibus in vitam æternam perducimur, utilia sunt, sicut simpliciter bona dicuntur, ita etiam simpliciter ac directe sub merito cadunt prout verò secundum se considerantur, sicut simpliciter bona hominis non sunt, ita non simpliciter cadunt sub merito, sed secundum quid.

RESPONDENS dicendum, quod illud, quod sub merito cadit, est primum, vel merces, quod habet rationem alicuius boni. Bonum autem hominis est duplex: unum simpliciter, aliud secundum quid. Bonum hominis simpliciter est ultimus finis eius: secundum illud Psalm. 72. Mihi autem adhaerere Deo, bonum est: & per consequens omnia illa, quæ ordinantur ut ducentia ad hunc finem, & talia simpliciter cadunt sub merito. Bonum autem secundum quid, & non simpliciter hominis est quod est bonum ei, ut nunc: vel quod ei est secundum quid bonum, & huiusmodi non cadunt sub merito simpliciter, sed secundum quid. Secundum hoc ergo dicendum est, quod si temporalia bona considerantur prout sunt utilia ad opera virtutum quibus perducimur in vitam æternam, secundum hoc directe & simpliciter cadunt sub merito, sicut & augmentum gratiæ, & omnia illa, quibus homo adiuuatur ad perueniendum in beatitudinem post primam gratiam: tantum enim dat Deus viris iustis de bonis temporalibus & etiam de malis, quantum eis expedit ad perueniendum ad vitam æternam: & in tantum sunt simpliciter bona huiusmodi temporalia: Unde dicitur in Psalm. 11. Timentes autem Dominum non minuentur omni bono: & alibi, Non vidi iustum derelictum, &c. Psalm. 16.

Si autem considerentur huiusmodi temporalia bona secundum se, sic non sunt simpliciter bona hominis, sed secundum quid: & ita non simpliciter cadunt sub merito, sed secundum quid.

AA 222

dum quid : in quantum scilicet homines mouentur à Deo ad aliqua temporaliter agenda, in quibus suum propositum consequuntur Deo fauente : ut sicut vita æterna est simpliciter præmium operum iustitiæ per relationem ad motionem diuinam (sicut supra dictum est *) ita temporalia bona in se considerata habeant rationem mercedis habito respectu ad motionem diuinam, qua voluntates hominum mouentur ad hæc prosequenda. licet interdum in his non habeant homines rectam intentionem.

ar. 1. 3. 6. huiusmodi quasi.
A d primum ergo dicendum, quod sicut Augustinus dicit *Lib. 4. c. 2. contra Faustum lib. 4. ** In illis temporalibus promissis figuræ fuerunt futurorum spiritualium, quæ implentur in nobis. Carnalis enim populus promissis vitæ præsentis inhaerebat : & illorum non tantum lingua, sed etiam vita prophetica fuit.

A d secundum dicendum, quod illæ retributiones dicuntur esse diuinitus factæ secundum comparationem ad diuinam motionem, non autem secundum respectum ad malitiam voluntatis, præcipue quantum ad regem Babylonis, qui non impugnauit Tyrum, quasi volens Deo seruire : sed potius ut sibi dominium usurparet. Similiter etiam obstetrices licet habuerint bonam voluntatem quantum ad liberationem puerorum, non tamen fuit earum recta voluntas quantum ad hoc, quod mendacium confinxerunt.

A d tertium dicendum, quod temporalia mala infliguntur in poenam impiis, in quantum per ea non adiuuantur ad consecutionem vitæ æternæ. Iustis autem qui per huiusmodi mala iuuantur, non sunt poenæ, sed magis medicinæ, ut supra dictum est *.

g. 3. ar. 7. 8.
A d quartum dicendum, quod omnia æquè oueniant bonis & malis quantum ad ipsam substantiam bonorum vel malorum temporalium : sed non quantum ad finem : quia boni per huiusmodi manuducuntur ad beatitudinem, non autem mali. Et hæc de moralibus in communi dicta sufficiant.

DISPUTATIO VII.

De Merito.

QUÆSTIO I. *VI*A operari sequitur esse, eique proportionatur; ideo operari est effectus formæ dantis esse, sed secundarius : cum ergo ad esse supernaturale communicatum per gratiam habitalem sequatur operatio supernaturalis, quæ est meritoria; propterea meritum est effectus secundarius gratiæ habitualis, & de eo considerandum est post considerationem iustificationis effectus eius formalis primarij.

D V B I V M I.

Vtrum homo mereatur apud Deum

SUpponendum est, quod meritum est opus, cui debetur præmium, aut merces : ita colligitur ex D. Thom. hic art. 1. meritum enim & præmium sunt correlatiua : Meritum ordinariè sumitur in bonam partem, aliquando tamen sumitur in malam partem; maxime dum exprimitur eius terminus scilicet poena, solemus enim dicere hic homo meretur suspendium : iuxta utramque acceptionem meriti ait August. de Gratia & libero arbitrio cap. 6. Apostolus Paulus, quem certè inuenimus sine vllis meritis bonis, imò cum multis meritis malis, &c. Nisi autem addatur aliquid, quo meritum determinetur in malam partem, potius debet dici demeritum. Certum est apud omnes, homines suis culpis mereri apud Deum poenas & supplicia, unde sola difficultas est, an etiam mereantur præmia.

Prima opinio, sed hæretica, tenet quod homo non mereatur apud Deum aliquod præmium : Ita tenent hæretici nostri temporis. Probatur tamen autoritate sacræ Scripturæ. Tum

quia in ea non reperitur hoc nomen meritum, ut usurpatur à Theologis. Tum deinde, quia ex Scriptura constat omnia opera nostra esse mala & peccata, ac iustitias nostras esse iniustitias coram Deo : sed malis operibus & iniustitiis non meretur quis præmium : ergo homo non meretur apud Deum.

Secundò, Ad meritum præmij inter alias conditiones hæc dux requiruntur, quod scilicet ex opere meritorio accrescat aliquid ei apud quem quis meretur; & quod tale opus non sit aliunde debitum, videmus hoc inter homines : sed ex nostris operibus nihil omninò accrescit Deo, qui bonorum nostrorum non indiget, & aliunde quicquid agamus, hoc totum debemus Deo multis aliis titulis, nec possumus sufficienter Deo recompenfare pro vnico, putà creatione aut redemptione, unde Lucæ 17. dicitur : Cum omnia, quæ præcepta sunt feceritis, dicite serui inutiles sumus : ergo homo non meretur apud Deum.

Tertiò, Vel tale meritum esset de congruo, vel de condigno : si de congruo, non est propriè meritum : si de condigno, sequuntur hæc inconuenientia. Quod inter Deum & hominem reperiatur iustitia vera, meritum enim de condigno fundatur in iustitia, falsum est autem inter Deum & hominem reperiri iustitiam, si enim propter dependentiam filij à patre, & captiui à domino non est inter ipsos vera iustitia, multò minus inter Deum & hominem, cum hic sit maior dependentia ex parte hominis. Secundum, quod ex priori sequitur est quod Deus constitueretur nobis debitor, quod est contra Sanctos Patres, qui dicunt Deum præmiare sua dona, cum præmiat nostra opera : ergo homo non meretur apud Deum.

CONCLUSIO.

RESPONDEO dicendum, quod homo meretur apud Deum præmium. 2. dum benè viuit, & obseruat legem ipsius : quod totum est de fide. 3. sicut & quod in omni opere suo non peccat. Ita tenent omnes Catholici.

Probatur prima pars conclusionis ex Scriptura. Ecclesiast. 16. Omnis misericordia faciet locum unicuique secundum meritum operum suorum. Nec valet responsio hæreticorum, quod in græco non habetur, secundum meritum, sed secundum opera sua : Nam esto ita sit, tamen idem significat; nam quod datur intuitu operum, datur secundum meritum. Ad Hebr. 13. Beneficiæ & communionis nolite obliuisci, talibus enim hostiis promeretur Deus. Deinde, In Scriptura dicitur quod datur nobis merces, corona iustitiæ, & quod sumus digni Deo, quæ omnia dicunt relationem ad meritum. Ierem. 31. Est merces operi tuo. Mathæi. 5. Merces vestra copiosa est in cælis. Item ex illo Pauli ad Timot. 4. In reliquo reposita est mihi corona iustitiæ, quam reddit mihi iustus iudex. Sap. 3. Deus inuenit

inuenit illos dignos se. Apocal. 3. Ambulabunt mecum in albis, quia digni sunt. Ad Hebræos. 6. Non iniustus Deus, ut obliuiscatur operis vestri. Et tandem definita habetur in Concilio Tridentino sess. 6. cap. 16. & canone 32. vbi habetur: Si quis dixerit hominis iustificati bona opera ita esse dona Dei, ut non sint etiam bona ipsius iustificati merita: aut ipsum iustificatum bonis operibus, quæ ab eo per Dei gratiam, & Iesu Christi meritum, cuius viuum membrum est, fiunt, non verè mereri augmentum gratiæ, vitam æternam; & ipsius vitæ æternæ, si tamen in gratia decesserit, consecutionem, atque etiam gloriæ augmentū; anathema sit. Probatur ratione D. Th. hic art. 1. Meritum fundatur in iustitia & æqualitate: sed licet inter Deum, & hominem non sit perfecta æqualitas ac proinde nec perfecta iustitia, sicut nec inter patrem & filium, aut dominum & seruum; tamen est imperfecta æqualitas & iustitia, fundata in ordinatione & promissione diuina, ita scilicet ut id homo consequatur à Deo per suam operationem quasi mercedem, ad quod Deus ei virtutem operandi deputauit: ergo homo meretur apud Deum præmium; licet non merito absoluto & perfecto, sed secundum quid & imperfecto.

Probatur secunda pars conclusionis contra hæreticos, dicentes esse impossibile iustum seruare legem & præcepta. Matthæi. 11. dicitur, Iugum meum suauis est, & onus meum leue. 1. Ioan. 5. Mandata eius graui non sunt. Psalm. 18. Lex Domini immaculata conuertens animas, testimonium Domini fidele sapientiam præstans paruulis, iustitiæ Domini rectæ lætificantes corda, præceptum Domini lucidum illuminans oculos, timor Domini sanctus permanens in sæculum sæculi, iudicia Domini vera iustificata in semetipsa, desiderabilia super aurum & lapidem pretiosum multum, & dulciora super mel & fauum: etenim seruus tuus custodit ea, in custodiendis illis retributio multa: Ecce Psalmista non solum possibilia, sed etiam suauia & desiderabilia dicit præcepta Dei, & hoc experiuntur iusti, qui ea obseruant: propterea alibi Deo dicit, Qui fingis laborem in præcepto, quasi in eorum obseruatione non sit verus labor obseruantibus, sed fictus & apparens tantum malis non obseruantibus. Et tandem habetur definitum in Concilio Tridentino sess. 6. can. 18. vbi ait: Si quis dixerit Dei præcepta homini etiam iustificato & sub gratia constituto, esse ad obseruandum impossibilia, anathema sit. & cap. 11. Deus impossibilia non iubet; sed iubendo monet & facere quod possis, & petere quod non possis, & adiuuat ut possis: Hanc doctrinam sequuntur communiter Sancti Patres, præcipue August. de Natura & Gratia cap. 43. vnde vltima autoritas Concilij desumpta est. Nec contrariatur de perfectione iustitiæ. q. 16. vbi resoluit quòd in Patria Beati adimplent totam legem

sine peccato, ex quo colligitur quòd hic sine peccato non possit lex Dei adimpleri, & ita est impossibile, nam Augustinus intelligit de adimplitione eius sine peccato etiam veniali: & de obseruantia perpetua totius legis: quorum vtrumque est impossibile; primum quidem sine speciali priuilegio, secundum sine confirmatione in gratia: sed non negat quodlibet præceptum posse obseruari cum auxiliis gratiæ ordinariis, imò totam legem pro aliquo tempore sine peccato mortali, quod solum tollit iustitiam: & ratio est manifesta; quia non decet diuinam bonitatem præcipere impossibilia. Deinde nullus peccaret non obseruando præcepta, iuxta commune proloquium, Nemo ad impossibile tenetur; & ita non peccat in eo, quod vitare non potest.

Probatur tertia pars conclusionis autoritate sacræ Scripturæ Iob. 2. In omnibus his non peccauit Iob. 1. Ioannis 3. Qui natus est ex Deo, peccatum non facit. 2. Petri 1. Satagite ut per bona opera vestra, &c. Psalm. 4. Irascimini, & nolite peccare. Et tandem habetur definitum in Concilio Tridentino sess. 6. canone 23. vbi ait: Si quis in quolibet bono opere iustum saltem venialiter peccare dixerit, aut quod intolerabilius est, mortaliter; atque ideo poenas æternas mereri, tantumque ob id non damnari, quia Deus ea opera non imputat ad damnationem; anathema sit. Ratio est, quia si omnia opera iusti essent peccata, frustra sacra Scriptura induceret homines ad virtutem. Deinde, ad hominem contra hæreticos: Si omnia opera sunt peccata: ergo etiam actus fidei, quo credunt sibi remissa esse peccata; ac proinde non possent illo iustificari, aliquis enim non meretur iustificari etiam ab extrinseco per actum peccaminosum. Quod ita verum est, ut non solum iusti, sed etiam peccatores & infideles possint facere aliquod opus moraliter bonum, & non peccare in omni opere suo, ut de peccatoribus definit Concilium Tridentinum sess. 6. canone 7. vbi dicitur: Si quis dixerit opera omnia, quæ ante iustificationem fiunt, quacunque ratione facta sint, verè esse peccata, vel odium Dei mereri, aut quantò vehementius quis nititur in se disponere gratiam, tanto eum grauius peccare; anathema sit. Nec obstat illud ad Galat. 3. Quicumque ex operibus legis sunt, sub maledicto sunt: loquitur enim Apostolus de operibus cæremonialibus legis veteris, quæ sufficienter promulgato Euangelio cœperunt esse mortifera. Nec etiam obstat illud ad Rom. 7. Velle adiacet mihi, perficere non inuenio: solum enim vult Apostolus, quòd multa volumus ex gratia Dei, quæ tamen non semper facimus; non tamen vult quòd fieri non possint cum eadem gratia Dei. Quando autem 1. Ioan. 1. dicitur: Si dixerimus quòd peccatum non habemus, ipsi nos seducimus: intelligi debet vel vniuersaliter de omnibus sine speciali priuilegio, quantum ad peccatum veniale habituale, à quo

raro homines viatores sunt liberi, & ita sine periculo mendacij nullus potest asserere se non habere peccatum: vel intelligitur vt in pluribus de peccato mortali, plures enim sunt homines qui habent peccatum mortale.

A d primum ergo dicendum, quòd hoc nomen meritum formaliter & explicitè, iuxta rigorum scholasticum inuenitur aliquando in Scripturis, & sæpe inuenitur virtualiter & æquiuenter. Nec verum est quòd ex Scriptura omnia nostra opera sint mala: iustitiæ autem, non veræ, sed apparentes tantum tales, dicuntur iniustitiæ.

A d secundum dicendum, quòd licet ex bonis nostris operibus nihil intrinsecum Deo accrescat, accrescit tamen aliquid ipsi extrinsecum, scilicet gloria; Deus enim ex bonis nostris non quærit vtilitatem, sed gloriam siue manifestationem suæ bonitatis: quod etiam ex suis operibus quærit: vnde benè operando, ipsum coram angelis & hominibus glorificamus, & in hoc meremur. Ad aliud dicendum, quòd tanta est Dei bonitas, vt acceptet in meritum nostra bona opera, licet tot titulis sint ipsi delicta; dummodo fiant cum debitis circumstantiis, & conditionibus infra recensendis: Et hoc etiã potest euenire inter homines, vt quis mereatur apud regem, si liberè & benè faciat id, ad quod aliunde tenetur. Illud autem Lucæ debet intelligi, vel quantum ad affectum humilitatis, vel quia ex nostris bonis operibus nihil vtilitatis Deo accrescit, sed nobis.

A d tertium dicendum, quod in nobis reperitur vtrumque meritum; & de congruo, quod non fundatur in iustitia, sed in conuenientia, vnde non est tam rigorosum; & de condigno, non quidem fundatum in iustitia absoluta & perfecta, sed in imperfecta quæ reperitur inter Deum & hominem: cum autem actio nostra non habeat rationem meriti, nisi ex præsuppositione diuinæ ordinationis, non sequitur quòd Deus efficiatur simpliciter debitor nobis, sed sibiipsum in quantum debitum est, vt sua ordinatio impleatur, siue non constituitur simpliciter nobis debitor, sed ex suppositione suæ promissionis & pacti, quia fidelis est, & seipsum negare non potest.

D V B I V M I I.

Utrum homo mereatur primam gratiam, augmentum eius, & perseverantiam in ipsa.

Supponendum est, quòd prima gratia alia est actualis, alia habitualis. Prima gratia actualis est primum auxilium Dei vt authoris supernaturalis, quo nos excitat aut vocat ad aliquid supernaturale. Prima autem gratia habitualis est illa, quæ infunditur à Deo in iustificatione impij, dum remittitur peccatum: dicitur autem

prima, non quia infunditur in prima iustificatione, quia in omni iustificatione datur prima gratia; sed dicitur prima ad distinctionem augmenti gratiæ, quod dicitur gratia secunda. Similiter duplex est meritum, scilicet de condigno, & de congruo: differunt autem in hoc, quòd quamuis vtrique merito debeatur aliqua retributio, diuersimodè tamen; nam merito de condigno debetur retributio ex iustitia aut perfecta, aut imperfecta, tanquam corona, merces, & stipendium: merito autem de congruo datur quidem aliquando retributio, sed non est propriè debita, saltem ex iustitia; ad summum ex conuenientia, aut gratitudine: vnde non per modum coronæ, mercedis, & stipendij. Ex quo sequitur meritum in communi dici analogicè de his duobus membris, & meritum de condigno esse absolutè & simpliciter meritum; meritum verò de congruo solum esse meritum secundum quid: ex quo rursum sequitur, quòd meritum de condigno habet æqualitatem cum præmio, non autem meritum de congruo: quod non debet intelligi quantum ad naturam meriti & præmij, sic enim esset falsum, nam beatitudo quæ est præmium meriti de condigno, excedit in esse naturæ & in naturali perfectione opera meritoria: sed debet hæc æqualitas in hoc pensari, quòd præmium respondens merito de condigno sit ad æqualitatem debitum, siue propter ius quod est in opere meritorio ad tale præmium; quod non est in merito de congruo, nam illi præmium est tantum debitum ex quadam congruentia, non de iure, aut debito proprio, hæc autem congruentia potest attendi vel ex parte solius operis, quando persona operans non est in gratia & amicitia Dei, sed opus est supernaturale, vt oratio peccatoris procedens ex fide: vel ex parte vtriusque, quando scilicet persona operans est in gratia, & opus est tale cui ex congruentia debeatur præmium; sic iustus meretur de congruo conuersionem peccatoris pro quo orat.

Prima opinio potest esse, quòd quis non solum de congruo, sed etiam de condigno mereatur primam gratiam. Probatur, Per actum contritionis vel charitatis, qui sunt priores infusione gratiæ, vt pote vltima dispositio ad ipsam, meretur quis vitam æternam siue gloriam, quæ est maius quid prima gratia: ergo etiam poterit mereri primam gratiam; maximè quia Deus non dat illam nisi dignis. Deinde, Si quid obstaret, maximè quia gratia est principium meriti, vnde debet præcedere omne meritum: sed hæc ratio solum conuincit, quòd non possit quis mereri primam gratiam per merita antecedentia, non autem per subsequèntia, sicut qui accepit equum à domino, meretur ipsum benè vtendo eo in seruitio domini: ergo potest quis etiam de condigno mereri primam gratiam.

Secunda opinio potest esse, quòd nullus possit mereri augmentum gratiæ. Probatur, Nullus

lus etiam iustus potest sibi mereri reparationem futuram post lapsum, per opera facta in gratia, quod videtur minus, quam mereri augmentum gratiæ; nam in reparatione importatur æqualis gratia, in augmento autem importatur gratiæ excessus. Deinde non potest assignari, quod sit principium talis meriti: non enim potest esse gratia aut charitas, qua quis operatur, quia terminus meriti excederet principium ut patet, cum tamen certum sit nihil agere ultra suam virtutem. Denique, Si quis mereretur augmentum gratiæ, hoc esset terminus meriti, & sic meritò non deberetur gloria at illud augmentum, quod est inconueniens: ergo nullus potest mereri augmentum gratiæ.

Tertia opinio potest esse, quod quis possit sibi mereri perseverantiam in gratia. Probatur, Maius est augmentum gratiæ, quam perseverantia in gratia; sicut maius est non posse peccare, quam remanente potentia peccandi actu non peccare: sed iusti merentur augmentum gratiæ, & merentur non posse peccare, quia merentur vitam æternam, de cuius ratione est impeccabilitas: ergo & perseverantiam in gratia.

CONCLUSIO.

RESPONDEO dicendum, quod nullus meretur nec de condigno, nec de congruo primam gratiam actualem. 2. primam verò gratiam habitualement quamvis nullus mereatur de condigno, aut de congruo congruitate se tenente ex parte personæ, bene tamen de congruo congruitate se tenente ex parte operis. 3. iusti per bona sua opera merentur augmentum gratiæ, tam de condigno quam de congruo. 4. perseverantiam autem in gratia non merentur de condigno: bene tamen de congruo merentur multi. Ita communiter Theologi.

Probatur prima pars conclusionis: Prima gratia actualis est prima vocatio, vel excitatio Dei, qua nos Deus de statu peccati allicit ad statum iustitiæ, ut supra dictum est: sed nullus meretur hanc primam vocationem vel excitationem; nec formaliter consideratam sub ratione gratiæ, quia sic ex D. Paulo ad Rom. 2.4. & 11. gratia non est ex operibus, & si esset ex operibus, iam non esset gratia; nec materialiter consideratam, id est secundum naturam ipsius rei quæ donatur: Tum quia est supernaturalis ordinis, & quodcunque opus hominis ante elicitum est merè ordinis naturalis, constat autem quod meritum siue de condigno, siue de congruo debet esse proportionatum & eiusdem ordinis cum præmio: Tum etiam, quia homo supponitur esse in statu peccati, tunc autem est incapax utriusque meriti; de condigno quidem, quia gratia habitualis sola est principium huius meriti, quæ tamen est exclusa per peccatum; de congruo autem, quia homo per peccatum constituitur inimicus Dei, inimicus autem potius meretur excludi, quam acceptari ad gratiam & ad

meritum, unde peccatum est impedimentum merendi: ergo nullus meretur nec de condigno, nec de congruo primam gratiam actualem. Hæc conclusio debet intelligi non solum de prima omnino vocatione ad fidem quæ dicitur primus effectus prædestinationis, si homo ei correspondeat, hoc enim demonstrant rationes adductæ: sed etiam de prima quacunque vocatione & excitatione ad iustificationem, post receptam fidem: quia per peccatum homo redditur indignus & incapax merendi, tum de condigno, tum de congruo hanc primam vocationem: nam si eliciat aliquem actum supernaturalem, puta fidei quo alias posset mereri, hunc voco primam vocationem conducentem aliquo modo ad iustificationem: posita autem hac prima vocatione, quia correspondet ei, meretur de congruo maiorem excitationem & dispositionem, quia facienti quod in se est ex viribus gratiæ, Deus non denegat gratiam; non tamen meretur maiorem illam excitationem de condigno, quia non præsupponitur habere gratiam habitualement, quæ est principium vnicum talis meriti. Similiter hæc conclusio debet extendi ad primam gratiam ordinis naturalis, & ad gratiam externæ protectionis, qua Deus non permittit v. g. aliquem tentari supra suas vires; tum quia hæc sunt supra humanam industriam, propterea vocantur gratia; tum etiam quia non constat esse pactum initum à Deo, quod qui bene viuunt moraliter iuxta communem cursum, propter illa opera præcedentia recipient hanc gratiam, siue ordinis naturalis; siue externæ protectionis.

Probatur secunda pars conclusionis quantum ad meritum de condigno autoritate Concilij Tridentini sess. 6. cap. 8. ubi sic habetur: Grátis autem iustificari ideo dicimur, quia nihil eorum, quæ iustificationem præcedunt, siue fides, siue opera ipsam iustificationis gratiam promerentur. Et ratio iam adducta D. Th. est manifesta, quia gratia habitualis est principium meriti de condigno, & sic nullus sine illa potest mereri, unde per opera præcedentia nullus meretur de condigno primam gratiam habitualement: nec etiam per subsequencia, quia ex D. Th. principium meriti non potest esse terminus meriti, siue cadere sub merito, ut declarabitur in responsione ad primum: unde ait D. Thom. hic art. 5. Postquam autem iam aliquis habet gratiã, non potest gratia iam habita sub merito cadere, quia merces est terminus operis, gratia verò est principium cuiuslibet boni operis in nobis: si verò aliud donum gratuitum aliquis mereatur virtute gratiæ præcedentis, iam non erit prima; unde manifestum est quod nullus potest sibi mereri primam gratiam, id est de condigno. Quod nec de congruo congruitate se tenente ex parte personæ, probatur ex illo August. Epistola 105. Ideo percipiendæ huius gratiæ merita nulla præcedunt, quoniam meritis impij non gratia, sed

pœna debetur. Et in Præfatione ad Psalm. 31. Nihil boni egisti, & datur tibi remissio peccatorum: quod debet intelligi attenda conditione personæ, & non operis: & ratio est, quia illa persona cum sit in peccato, & in inimicitia Dei, ex hac parte non habet congruentiam, vt exaudiatur à Deo: Quod autem mereatur de congruo congruitate se tenente ex parte operis, docet D. Thom. in 2. d. 27. art. 4. ad 4. & S. Aug. Tractatu 44. in Ioannem, vbi sic ait: Peccatores exaudit Deus; si enim peccatores non exaudiret Deus, frustra ille publicanus oculos in terram demittens, & pectus suum percutiens diceret, Deus propitius esto mihi peccatori: ista confessio meruit iustificationem, quomodo iste cæcus illuminationem. In Psalm. 50. De incerto pœnitentiam egerunt, certam misericordiam meruerunt. Epist. 105. Neque ipsa remissio peccatorum sine aliquo merito est, si fides hanc impetrat, neq; enim nullum est meritum fidei, quia fide ille dicebat, Deus propitius esto mihi peccatori, & descendit ille iustificatus. Ratio est, quia bonis operibus quæ antecedunt iustificationem, putà fidei, orationis, &c. peccator disponitur ad iustificationem, & illam impetrat vt patet: Sed apud Scholasticos idem est meritum de congruo respectu alicuius præmij, ac opus impetratorium illius, aut disponens ad illud; est enim iam communis doctrina, quod dispositiones vocentur meritum de congruo: ergo potest quis mereri primam gratiam habituales de congruitate se tenente ex parte actus. Ex quibus duo sequuntur: Primum est, quod meritum de congruo quo peccator impetrat sibi primam gratiam habituales, est minus in ratione meriti, quàm illud quo iustus impetrat peccatori primam gratiam, quia illud est tantum congruum ex parte operis, non autem ex parte personæ operantis; illud verò est congruum ex vtraque parte, Secundum est, quod in hoc differunt meritum de congruo & meritum de condigno, quod meritum de condigno dicitur ad mercedem, quod quidem ius est in actu meritorio, & debet fundari in dignitate personæ, & gratia sanctificante, quæ est filiationis adoptiue; & ita si non sit talis dignitas in persona, nec erit meritum de condigno in eius actu: sed meritum de congruo tantum dicit congruentiam quandam, & impetrationem, quæ reperiri potest ex parte solius actus licet non reperiatur ex parte personæ in se consideratæ.

Probatur tertia pars conclusionis autoritate sacræ Scripturæ, vbi dicitur quod gratia augetur propter opera, vt Apocal. 22. Qui iustus, est iustificetur adhuc. Item ex Concilio Tridentino sess. 6. canon. 32. vbi habetur. Si quis dixerit hominis iustificati bona opera, &c. non verè mereri augmentum gratiæ, &c. anathema sit. Item autoritate August. super Epist. Ioannis: Caritas meretur augeri, vt aucta mereatur & per-

fici. Huius rationem assignat D. Th. hic art. 8. his verbis: Illud cadit sub merito condigni, ad quod motio gratiæ se extendit, motio autem alicuius mouentis non solum se extendit ad vltimum terminum motus, sed etiam ad totum progressum in motu (id est continuando & intendendo ipsum) terminus autem motus gratiæ est vita æterna, progressus autem in hoc motu est secundum augmentum charitatis vel gratiæ: sic igitur augmentum gratiæ cadit sub merito condigni. Quod etiam sub merito congrui, patet ex ratione D. Th. art. 3. huius quæstionis: quia videtur congruum, vt homini operanti secundum suam virtutem, Deus recompenset secundum excellentiam suæ virtutis. Deinde, Quia nullus recipit augmentum gratiæ, nisi se disposuerit: sed opus disponens ad aliquid, dicitur meritum de congruo respectu illius, vt dictum est.

Probatur quarta pars conclusionis: tum auctoritate D. Thom. eadem quæstione art. 9. tum duplici eius ratione; quarum prima est: Illud cadit sub merito de condigno, quod comparatur ad motum liberi arbitrij directi à Deo mouente, sicut terminus, non autem id quod comparatur ad prædictum motum sicut principium: sed licet gratia consummata, qua liberum arbitrium inflexibiliter perseverat in bono ita vt non possit ab illo recedere, sit terminus talis motus ex ordinatione diuina; ex eadem tamen ordinatione motio siue auxilia actualia gratiæ, quibus liberum arbitrium in via perseverat in bono, non recedens quidem ab illo, potens tamen recedere; non sunt terminus talis motus meritorij, sed sunt ex natura sua principium omnis meriti: ergo talia auxilia, & consequenter perseverantia Viæ non cadunt sub merito de condigno, sicut cadit perseverantia Patriæ: hæc ratio est à priori. Secunda est à posteriori: Omne quod quis meretur à Deo, consequitur nisi impediatur per peccatum: sed multi habent opera meritoria, qui non consequuntur perseverantiam; nec potest dici quod hoc fiat propter impedimentum peccati, quia hoc ipsum quod est peccare, opponitur perseverantiæ: ita quod si aliquis perseverantiam mereretur, Deus non permetteret ipsum cadere in peccatum: ergo iusti non merentur de condigno perseverantiam in gratia. Quod autem multi eam mereantur de congruo, satis patet ex dictis, nam omne opus impetratorium alicuius & dispositio ad illud, dicitur meritum de congruo: certum est autem quod multi iusti impetrant à Deo suis bonis operibus & orationibus perseverantiam in gratia, quotquot scilicet in illa perseverant, quibus disponuntur etiam, vt Deus gratis & misericorditer ipsis perseverantiæ bonum largiatur: ergo multi iusti merentur de congruo perseverantiam in gratia.

A d. primum ergo dicendum, quod licet gloria

ria sit quid maius prima gratia; tamen prima gratia est principium omnis meriti, gloria verò est terminus ipsius; unde gloria potest cadere sub merito, non autem prima gratia: est enim impossibile quòd principium effectiuum meriti cadat sub merito quia simul esset terminus: & ita simul esset prius & posterius illo duratione reali, quod est impossibile; prius quidem ut principium effectiuum, quod necessariò præcedit effectum; posterius autem inquantum terminus causatus. Ad aliud dicendum, quòd Deus non dat gratiam nisi dignis: non tamen ita quòd prius digni fuerint, sed quia ipse per gratiam eos facit dignos; quamuis prius debuerint esse dispositi: & sic aliquo modo digni. Ad aliud dicendum, quòd omne opus bonum & meritorium procedit à prima gratia sicut à principio effectiuo etiam bonus vsus illius; & sic non potest talis gratia esse terminus meriti: bonus vsus autem equi, & alia opera subsequencia donationem equi, principaliter procedunt à virtute vrentis, & ab equo ad summum instrumentaliter; unde non mirum si illa opera possint esse meritoria eiusdem equi.

A D secundum dicendum, quòd cum meritum procedat ex ordinatione diuina, siue habeat terminum sibi à Deo determinatum & Deus ordinauerit augmentum gratiæ, & gloriam pro termino meriti de condigno, non vero reparationem post lapsum; sequitur quòd iustus possit sibi mereri augmentum gratiæ, non verò reparationem post lapsum. Ad aliud respondet D. Thom. hic art. 8. ad 2. quòd augmentum gratiæ non est supra virtutem præexistentis gratiæ, licet sit supra quantitatem ipsius: sicut arbor, etsi sit supra quantitatem seminis, non est tamen supra virtutem ipsius: unde gratia & charitas adiuta auxilio actuali, ac ita principium intensioris actus quàm sit habitus, vel etiam æqualis, aut remissioris est principium meriti. Ad aliud dicendum, quòd sicut motus physici est duplex terminus, vltimus scilicet, & medius: sic motus meriti est duplex, vltimus est gloria, medius est augmentum gratiæ.

A D tertium dicendum, quòd meritum habet pro termino augmentum gratiæ, & statim impeccabilitatis gloriæ, tum ex ordinatione diuina, tum quia possunt esse terminus meriti: quod non est in perseverantia Viæ in gratia, ut dictum est.

D V B I U M III.

Utrum homo iustus mereatur gloriam

SUPponendum est contra Hæreticos nostri temporis, esse licitum, imò laudabile operari intuitu præmij, & maximè propter spem vitæ æternæ: quamuis enim sit perfectius & laudabilius operari ex puro motiuo amoris Dei, vel

intuitu placendi diuinæ maiestati, ut est in confesso apud omnes: tamen etiam bonum est operari intuitu præmij, non solum supernaturalis & ordinis diuini, sed etiam intuitu temporalis lucri; non ita tamen quòd intentio in illo sistat, sed ita quòd tale lucrum sumatur ut medium ad finem supernaturalem: & inde est quòd D. Thom. hic art. 10. ait quòd quamuis bona temporalia in se præcisè considerata, siue secundum suam substantiam non cadant sub merito; tamen considerata ut sunt vtilia ad opera virtutum quibus perducimur ad vitam æternam, directe & simpliciter cadunt sub merito. Nec contrariatur dum 2. 2. quæst. 19. art. 4 ad 3. ait amorem mercenarium esse malum, qui sine dubio est ille, qui respicit præmium, & maximè temporale: dicendum enim quòd solummodo tunc amor est mercenarius, quando tantum operatur intuitu præmij, maximè temporalis; ita ut si illud non esset, cessaret à bono opere non autem quando cum intuitu præmij adest voluntas saltem virtualis placendi Deo, & adimplendi voluntatem Dei, quæ vult nostram sanctificationem, & glorificationem, & media omnia ad illam quomodocunque conducentia. Hoc supponendum est de fide: nam in Concilio Tridentino sess. 6. cap. 16. dicitur: benè operantibus vsque in finem vitæ proponendam esse vitam æternam: id est ut intuitu illius benè operentur. Et canone 16. damnatur sub anathemate, qui dixerit iustos non debere suis operibus sperare à Deo æternam retributionem. Et probatur multiplici autoritate sacræ Scripturæ: Psalmo. 118. Inclinaui cor meum ad faciendas iustificationes tuas in æternum propter retributionem. Lucæ 16. Facite vobis amicos, ut cum defeceritis recipiant vos in æterna tabernacula. Ad Titum 2. Expectantes beatam spem, & aduentum gloriæ magni Dei. 1. ad Cor. 15. Abundantes in opere Domini semper, scientes quòd labor vester non erit inanis in Domino. Ad Hebræos 11. De Moyse: qui negauit se esse filium filiarum Pharaonis, aspiciebat enim in remunerationem. Et cap. 12. de Christo: Proposito sibi gaudio sustinuit crucem. Item probatur tum dictamine luminis naturalis, tum quia spes est virtus theologica habens pro obiecto vitam æternam: ergo operari intuitu illius non est malum, sed bonum, & actus virtutis: unde potest quis sperare dum operatur, mediis bonis operibus ac meritis ex gratia elicitis se obtenturum vitam æternam, & intuitu illius operari: non autem meritis virtute naturali elicitis; hæc enim excluduntur ab Ecclesia in diuersis Orationibus, quia nulla sunt, aut improporcionata præmio vitæ æternæ.

Prima opinio, sed hæretica, est Lutheranorum in confessione Augustana, quòd homo iustus licet aliquid mereatur apud Deum, non tamen vitam æternam: Probatur autoritate sacræ

cræ

eræ Scripturæ. Ad Rom. 6. Stipendium peccati mors, gratia autem vita æterna. Psalm. 102. Qui coronat te in misericordia & miserationibus: ergo homo iustus non meretur gloriam.

Secundò probatur autoritate Sanctorum Patrum. Augustinus: Coronat te, quia dona sua coronat, non merita tua. Basilius in Psalm. 114. Manet requies sempiterna illos, qui in hac vita legitimè certauerint, non tanquam debitum operibus redditum, sed ob munificentissimi Dei gratiam, in quo sperauerunt, exhibita. Bernardus in Psalm. 102. Meum proinde meritum miseria Domini. & Sermone 1. de Annuntiatione, Neque talia sunt hominum merita, ut propterea vita æterna debeatur ex iure, aut Deus iniuriam aliquam faceret, nisi eam donaret: ergo homo iustus non meretur gloriam.

Tertiò, Ut homo iustus mereatur gloriam saltem de condigno, debet esse proportio inter actum meritorium, & ipsam gloriam dandam ut præmium: sed nullus actus præsentis vitæ potest æquari gloriæ, propterea Lucæ 17. dicitur: Cum feceritis omnia quæ præcepta sunt vobis, dicite quia serui inutiles sumus: ergo homo iustus non meretur gloriam; unde ad Titum 3. dicitur: Non ex operibus iustitiæ, quæ fecimus nos, sed secundum misericordiam suam saluos nos fecit.

CONCLUSIO.

RESPONDEO dicendum, quòd homo iustus meretur gloriam siue vitam æternam, tam de congruo. 2. quàm de condigno. 3. unde positis conditionibus requisitis ad merendum, maximè pacto & promissione diuina, est debita non solum titulo fidelitatis & gratitudinis: 4. sed etiam aliquo modo ex iustitia, tam commutativa, quàm distributiva. 5. unde Deus redditur debitor homini iusto. Ita communiter Theologi.

Probatur prima pars conclusionis tanquam de fide: habetur enim definita in pluribus Conciliis Arausicano II. can. 18. Lateranensi sub Innocentio III. cap. firmiter: Florentino in Litteris Vnionis cap. de Purgatorio: & Trident. sess. 6. cap. 16. & canone 32. Deinde habetur expressa in Scriptura: Ad Galatas 6. Qui seminat in spiritu, de spiritu metet vitam æternam. Matthæi 5. & Lucæ 6. Merces vestra multa, aut copiosa est in coelis. Sapientiz 5. Iusti autem in perpetuum viuent, & apud Dominum est merces eorum. Et tandem Matthæi 25. dicitur, quòd mali ibunt in ignem æternum, & iusti in vitam æternam propter eorum opera: ergo saltem de congruo homo iustus meretur gloriam. Et ratio est manifesta, nam congruum est ut Deus præmiet vita æterna illos, qui in vita temporali procurant in omnibus ipsi placere operando & patiando pro ipso; ac ita digni Deo redduntur, iuxta illud Sapientiz 3. Inuenit illos Deus dignos se. Apocal. 3. Ambulabunt mecum

in albis, quia digni sunt. Ad Thessalon. 1. Ut digni habeamini in regno Dei, pro quo patimini. Nec obstat si dicatur quòd vitæ æternæ regnum est debitum iustis per modum hæreditatis; iuxta illud ad Rom. 8. Si filij, & hæredes: quod autem sic est debitum, non cadit sub merito. Respondetur non esse inconueniens, quòd idem sit debitum duplici titulo, & hæreditatis, & mercedis; nam filius-familias potest obtinere bona paterna, & iure hæreditatis, & ex iustitia si pater reddatur ei debitor. Quod in præsentì proportionè seruata dicendum est: unde gloria data paruulis, vel etiam adultis intuitu gratiæ collata per Sacramenta & ex vi ipsorum præcisè, datur ut hæreditas: data verò adultis propter ipsorum merita, datur ut merces, ut præmium, & corona.

Probatur secunda pars conclusionis: tum autoritate D. Th. hic art. 3. ubi illam ex professo tractat tum sequenti ratione, Illud cadit sub merito de condigno, quod redditur ex iustitia, & saluâ iustitiâ non potest non reddi, ut communiter docent tam Theologi, quàm Iurisperiti: in hoc enim differunt meritum de condigno & de congruo; quod dum negatur præmium merito de condigno, læditur iustitia; dum autem negatur merito de congruo, non fit contra iustitiam, sed solum contra decentiam: sed gloria redditur homini iusto ex iustitia, iuxta illud ad Timotheum 4. In reliquo reposita est mihi corona iustitiæ, quam reddit mihi Dominus in illa die iustus iudex: unde si Deus non redderet non solum esset infidelis, sed etiam iniustus modo infra explicando, ut ait Apostolus ad Hebr. 6. Non est iniustus Deus, ut obliuiscatur operis vestri: ergo homo iustus meretur gloriam de condigno, ut magis constabit ex statim dicendis.

Probatur tertia pars conclusionis: Homo iustus benè operando præstat obsequium Deo, qui promisit mercedem talibus operibus: ergo posita tali promissione aliisq; conditionibus, gloria est debita homini iusto à Deo titulo fidelitatis; infidelis enim esset Deus, si non daret quod promisit; non enim staret promissis: & insuper etiam titulo gratitudinis; lex enim gratitudinis postulat, quòd Deus exhibeat beneficium obsequentibus sibi, proportionatum eorum meritis, quod nō est aliud quàm gloria, ipsa enim sola est proportionata gratiæ principio meritorum, ipsa enim est semen gloriæ; quamuis enim Deus absolute posset iustorum merita acceptare titulo obligationis (quicquid enim homines faciant nō possunt Deo pro minimo beneficio satisfacere): posita tamen promissione, quòd præmiū dabit talibus operibus, redditur illis debitor, saltem titulo gratitudinis: licet enim bonorum nostrorum non indigeat, nec vlla utilitas ex nobis ipsi intrinsecè proueniat; sufficit tamen quòd ex illis magis apud homines innotescat & glorificetur, quod est quædam utilitas extrinseca, hanc enim solum potest à nobis Deus exigere & expectare: constat

constat autem quòd fidelitas & gratitudo inducunt debitum, licet non tam rigorosum sicut iustitia; & hoc habetur expresse in Concilio Tridentino sess. 6. cap. 16. ait enim: Iustificatis hominibus, & benè operantibus proponenda est vita æterna, tanquam gratia misericorditer promissa, & tanquam merces ex ipsius Dei promissione bonis operibus ipsorum fideliter reddenda.

Probat, & explicatur quarta pars conclusionis, ex illo ad Hebræos 6. Non iniustus Deus, ut obliuiscatur operis vestri. Item 1. ad Timotheum 4. In reliquo reposita est mihi corona iustitiæ, quam reddet mihi Dominus in illa die iustus iudex: Ecce bis in hac autoritate indicatur gloriam esse debitam iustis, titulo iustitiæ. Deinde: Gloria datur iustis ut corona, merces, & præmium rigorosè loquendo, ut communiter docent Theologi, & expresse habetur in Scriptura: & in hoc differt à multis aliis donis, quæ Deus post promissionem factam hominibus concedit, putà Incarnationem Verbi, quæ licet sint dona, non tamen habent rationem præmij: ergo gloria est debita, non solum titulo fidelitatis & gratitudinis, sed etiam aliquo modo titulo iustitiæ; quod enim est debitum tantum titulo fidelitatis aut gratitudinis, non est debitum ut corona, merces, aut præmium rigorosè loquendo; non enim correspondet merito de condigno, sed tantum de congruo ut dictum est: ergo gloria est debita homini iusto aliquo modo ex iustitia. Denique, Quod est debitum ex promissione acceptata, sub conditione operis æqualis aut digni, est debitum aliquo modo ex iustitia, ut constat apud omnes: sed gloria sic est debita homini iusto; nam Deus promittit gloriam iustis benè operantibus, & sub hac conditione, quorum scilicet bona opera habent condignitatem & qualitatem ex gratia habituali principio ipsorum ad gloriam, cum gratia sit semen gloriæ: ergo gloria est debita homini iusto aliquo modo ex iustitia, siue Deus ex iustitia obligatur illam reddere iustis pro meritis ipsorum. Confirmatur, Ex communi sententia homo iustus, ratione bonorum operum factorum in gratia, habet ius ad gloriam supposita promissione diuina: ergo Deus dum illam reddit homini iusto, reddit illi suum ius; reddere autem alicui suum ius, est opus iustitiæ, & consequenter gloria est debita homini iusto aliquo modo ex iustitia: additur autem particula diminutiva, aliquo modo, quia inter Deum & homines non potest intercedere perfecta iustitia, cum enim tot titulis sumus Deo obligati, posset alio titulo acceptare nostra bona opera, maximè quia ab ipso merè gratis accipimus gratiam, quæ in nobis est principium meriti: vnde iustitia hæc est imperfecta, principaliter fundata in promissione Dei. Quòd autem hinc interueniat tam iustitia distributiva, quam commutativa, facile declaratur. Proprium est iustitiæ distributivæ,

R. P. Philippi Carm. discal. Disp. Theolog. in 1. 2.

servare æqualitatem geometricam; ita ut plus detur ei, qui plus meretur; & minus ei, qui minus meruit: sed hoc facit Deus dando gloriam, iuxta illud 1. ad Cor. 9. Qui parçè seminat, parçe & metet: ergo hinc interuenit iustitia distributiva. Similiter proprium est iustitiæ commutativæ, reddere æqualem mercedem pro labore unicuique non attenta comparatione ad alios: sed hoc facit Deus, nam vnumquemque præmiat iuxta mensuram operum suorum, quibus regnum cælorum emitur iuxta illud August. Regnum cælorum venale est, tantum valet quantum tu, te da, & habebis illud: ergo hinc etiam interuenit iustitia commutativa: Vtriusque autem ratio sic distinguenda est: quia ex D. Th. 2. 2. qu. 71. art. 1. & 2. ac Aristotele 5. Ethicor. cap. 3. Iustitia commutativa est partis ad partem, siue inter particulares personas: distributiva autem est partis ad totum siue inter particulares personas ut sunt partes communitatis, & principem communitatis illius; & propterea obligatio inducta per iustitiam commutativam est maior, huic enim debet satisfieri ex bonis propriis, alteri enim satisfit ex bonis communitatis: inde est quòd Deus distribuens gloriam ut caput communitatis iustorum, iisdem iustis, exercet iustitiam distributivam: ut autem confert gloriam iustis singulis intuitu obsequij sibi ab ipsis præstiti, exercet iustitiam commutativam. Ex quibus sequitur, gloriam multis titulis esse iustis debitam: primò titulo hæreditatis omnibus iustis: secundò titulo fidelitatis, quia illam Deus promittit omnibus iustis: tertio titulo gratitudinis: quartò titulo iustitiæ.

Probat, quinta pars conclusionis autoritate August. in Psalmum 109. ubi sic ait: Deus fecit se nobis debitorem, non aliquid à nobis accipiendo, sed tanta nobis promittendo. Deinde, Deus promittit homini iusto gloriam: ergo cum teneatur adimplere promissum, fidelis est enim Deus, & seipsum negare non potest, ut ait Paulus, sequitur quòd redditur debitor homini iusto: vnde quando D. Thom. 1. p. qu. 21. art. 1. ad 3. & hinc art. 1. ad 3. negat Deum esse nobis debitorem, loquitur de Deo absolute nulla facta suppositione, quia sic debitor, maximè si aliquid acceperit, est quodammodo inferior: non autem loquitur facta suppositione promissionis aut pacti: vnde in 2. d. 27. q. 1. art. 3. ad 4. dicit, quòd Deus non efficitur debitor nobis, nisi forte ex promissione, quia benè operantibus præmium promittit: ac proinde Deus redditur debitor & sui, & nostri; sui, quia seipsum negare non potest; nostri, quia nobis promittit.

Ad primum ergo dicendum, quòd vita æterna dicitur gratia, quia radix eius est gratia: nisi enim præveniretur gratia liberum arbitrium, non posset mereri vitam æternam; quamvis seipso deficiendo & peccando mereatur mortem, quæ ob id dicitur stipendium peccati. Similiter

BBbb

dicitur

dicatur Deus coronare nos in misericordia & miserationibus : vel quia nos præmiat ultra condignum : vel quia præuenit nos sua gratia misericorditer collata, sine qua non posset nos coronare.

A D secundum dicendum, quòd Augustinus solum negat merita humana coronari prout significant opera facta ex viribus naturalibus liberi arbitrij; ipsa verò opera facta ab eodem libero arbitrio ex viribus gratiæ dicuntur dona Dei, sicut & ipsa gratia quæ cum virtutibus infusis est tota virtus proxima supernaturaliter operandi & merendi. Et similiter dicendum ad Basilium, nam per opera intelligit ipsa ut correspondent virtuti naturali liberi arbitrij: non autem ut procedunt à gratia, nam ut sic correspondet requies sempiterna eis ut præmium; unde dicitur exhibita ob munificentissimi Dei gratiam. Ad Bernardum dicendum, quòd in primo loco solum vult meritum nostrum esse miserationem diuinam; quia misratio diuina, qua confertur nobis gratia principium meriti, est radix illius. In secundo autem loco, vel per hominum merita intelligit opera ab ipsis facta solis viribus liberi arbitrij, vel solum excludit perfectam iustitiam inter Deum & homines; non autem imperfectam, fundatam maximè in promissione & pacto Dei.

AD tertium dicendū cum D.Th. hinc 2.3. ad 3. quòd gratia Spiritus sancti, quam in præsentem habemus. (quod idem dicendum est de actu meritorio ab ipsa procedente) etsi non sit æqualis in actu, est tamen æqualis virtute, sicut semē arborum, in quo est virtus ad totam arborem: & similiter per gratiam habitat hominem Spiritus sanctus, qui est sufficiens causa vitæ æternæ; unde & dicitur esse pignus hæreditatis nostræ 2. ad Cor. 1. Ad aliud autem Lucæ dicendū quòd hæc dicuntur à Christo, vel ad inducendum Discipulis spiritum humilitatis, vel quia ex nostris operibus nihil utilitatis intrinsecè Deo proueniat: vel intelligitur de operibus factis solis viribus liberi arbitrij. Et similiter intelligi debet Apostolus dum ait: Non ex operibus iustitiæ, quæ fecimus nos: non autem de operibus factis ex gratia, imò Apostolus illa includit, dum subiungit: Sed secundum misericordiam suam saluos nos fecit, quia scilicet secundum misericordiam suam dedit nobis gratiam, quæ est principium meriti, & radix salutis æternæ.

D V B I V M IV.

Quæ conditiones requirantur ad meritum de condigno.

Supponendum est, in merito tria importari: scilicet personam, quæ meretur: personam, apud quam meretur: & actum, quo meretur. Ex parte singulorum plures communiter affi-

gnantur conditiones ad meritum: ex parte quidem personæ merentis, quòd sit in gratia, quòd sit in Via: ex parte actus, quòd sit verus actus: liber quod sit directus ad Deum finem supernaturali directione actuali, aut saltem virtuali: ex parte personæ apud quam meretur; quòd sit pactum, aut promissio.

Prima opinio est circa personam merentem, Michaëlis Baij, damnata à Pio V. & Gregor. XIII. quòd non requiritur in persona merente status gratiæ: sed tantum ad consecutionem præmij. Probatur ex illo Matth. 19. Si vis ad vitam ingredi, serua mandata: ubi ad merendum vitam æternam sola exigitur observatio mandatorum. Deinde; Potest homo mereri apud alterum hominem, etiam si sit inimicus eius: ergo etiam apud Deum poterit mereri existens extra gratiam & amicitiam illius. Denique, Aliquis existens in gratia per peccatum meretur damnationem æternam: ergo etiam aliquis existens in peccato, seruando mandata meretur vitam æternam, ac proinde status gratiæ non est requisitus ad merendum.

Secunda opinio negat requiri ad meritum actum liberum verum, & directum ad finem supernaturalem actualiter vel virtualiter. Probatur quantum ad primam partem; ex D. Th. 1. 2. q. 71. art. 5. Peccatum omissionis, ac proinde demeritum possunt esse sine vero actu: ergo & meritum; par enim ratio utrobique currit, unde si Deus præceperit homini cessare ab omni actu, obediendo huic præcepto merebitur, sicut Christus Dominus etiam dormiendo merebatur, quia meritum nihil est aliud quam dignitas vitæ æternæ. Quantum ad secundam, quòd actus non debeat esse liber, Probatur: Christus, Beatissima Virgo, & Angeli in primo instanti meruerunt: sed non fuerunt liberi; nam fuerunt determinati ad bonum, ita ut deficere non potuerint, quæ determinatio opponitur indifferentiæ libertatis: ergo ad meritum non requiritur, quòd actus sit liber. Quantum ad tertiam, quòd actus non debeat esse directus ad finem supernaturalem directione actuali aut virtuali, probatur: sufficit directio habitualis; si enim in humanis opera moraliter bona dilecti filij placeant patri, licet non fiant ab ipso intentione actuali aut virtuali placendi patri dummodo filius sit taliter dispositus habitualiter, quòd velit ei in omnibus placere: quanto magis opera hominis iusti dilecti filij adoptiui Dei eidem Deo placebunt, & erunt meritoria cum sola directione habituali.

Tertio opinio negat ad meritum requiri pactum, aut promissionem ex parte personæ apud quam quis meretur. Ita Vasques 1. 2. disp. 214. cap. 8. Probatur D. Thom. 1. 2. quæst. 21. art. 3. & 4. docet esse proprietatem actus boni aut mali, quòd sit meritorius aut demeritorius: & ratio est, quia actus bonus est dignus præmio, malus est dignus pœna secluso quocunque alio; unde

vnde sicut actus malus seclusa comminatione Dei est demeritorius; sic bonus est meritorius secluso pacto aut promissione Dei. Deinde; In humanis sufficit, quod quis applicet operarium secluso quocunque pacto aut promissione, ad hoc ut eius operatio sit meritoria, & condigna præmio: ergo etiam sufficit ad meritum, quod Deus præceperit aliquid secluso quocunque pacto aut promissione. Denique probatur ab inconuenienti, quia si requiritur ad meritum hoc pactum vel promissio, debet sciri ab eo qui meretur, imò & acceptari: sed constat esse multos iustos rudes, qui hæc nesciant ut patet, & ita non mererentur, quod est maximum inconueniens: ergo ad meritum non requiritur pactum aut promissio, ex parte personæ apud quam quis meretur.

C O N C L U S I O.

RESPONDEO dicendum, quod assignatæ conditiones sunt omninò requisitæ ad meritum: vnde persona, quæ meretur, debet esse in gratia habituali, & in statu viæ. 1. actus meritorius debet esse verus actus liber, ac directus in Deum finem supernaturalem directione actuali, aut saltem virtuali. 3. debet esse pactum, aut promissio ex parte personæ apud quam quis meretur. Ita Discipuli D. Thomæ.

Probatur prima pars conclusionis sigillatim quoad omnia. Quod persona quæ meretur, debeat esse in gratia habituali & sanctificante; probatur ex Scriptura. 1. ad Cor. 13. Si tradidero corpus meum ita ut ardeam, charitatem autem (quæ sine gratia esse non potest) non habuero, nihil mihi prodest. Genesis. 4. Respexit Dominus ad Abel, & ad munera eius: Ecce Deus prius respicit dignitatem personæ, postea opera eius. Et tandem habetur in Concilio Tridentino sess. 6. cap. 16. vbi inter alia dicitur: Christus tanquam vitis in palmites, caput in membra influit in ipsos iustificatos virtutem, quæ quidem virtus bona eorum opera antecedit, comitatur, & subsequitur; sine qua nullo pacto Deo grata & meritoria esse possent: Ecce ad meritum prærequiritur iustificatio personæ merentis. Deinde probatur ratione, Totum ius, aut dignitas actus meritorij ad vitam æternam, dimanat ex gratia adoptionis, sicut in Christo dimanabat ex gratia vnionis vel filiationis naturalis; vnde dignitas personæ redundat in actum ut sit meritorius, quia quando quis est sine gratia, ut in puris naturalibus, non est dignus vita æterna; nihil enim habet, quo ad illam dignitatem supernaturalem eleuetur: quando autem est in peccato mortali, est dignus carere vita æterna, cum sit dignus pœna damni: qui autem meretur vitam æternam, est dignus illa, constat verò esse impossibile, quod idem simul sit dignus vita æterna, & carentia illius: hoc enim est esse simul dignum, & indignum vita æterna: ergo ad meritum requiritur, quod persona merens sit in

statu gratiæ. Denique, si homo in statu peccati aut sine gratia posset mereri gloriam, posset etiam mereri primam gratiam: gloria enim est gratia consummata; vnde si indignitas personæ per peccatum & carentiam gratiæ non obstat, quin possit mereri gloriam; nec obstat, quin possit mereri gratiam: ergo implicat quod aliquis existens in peccato mortali, aut in puris naturalibus possit mereri vitam æternam; opera enim facta in utroque statu nullam habent dignitatem ad gloriam, nec illam possunt habere ex promissione aut acceptance extrinseca Dei, pendent enim à gratia quantum ad illam dignitatem in genere causæ formalis, Quod etiam ad meritum requiratur status viæ, scilicet quod non videat Deum, & sit in carne mortali, si loquamur de homine puro, est communis sententia Theologorum cum D. Thom. in præfenti. Cuius ratio est, quia meritum dicit tendentiam ad terminum, ac proinde viam; vnde proprium est viatorum: & hoc maxime fundatur in ordinatione diuina, quæ viam pro merito, & terminum pro præmio assignauit: ex quo colligitur Christum existentem in carne mortali non fuisse purum viatorem, sed simul viatorem & comprehensorem; & potuisse mereri, ex qua parte erat viator: animas verò purgatorii, licet Deum non videant, non tamen esse viatrices quia principalis conditio requisita ad statum viatorum in hominibus, est quod sint in carne mortali. Hæc conditio intelligenda est de via ordinaria, nam de potentia Dei absoluta potest quis existens in termino putà in gloria, aut purgatorio mereri: licet enim videatur conueniens, quod ordinariè beatitudo essentialis sit immutabilis quia est status perfectissimus; nulla tamen apparet implicantia, quin augeatur aucto lumine gloriæ in infinitum syncategorematicè, & quin tale augmentum cadat sub merito, sicut potest cadere sub demerito augmentum pœnæ damnatorum: in tali autem casu Beati essent quidem in termino respectu beatitudinis acquisitæ, essent verò in via respectu vltioris gradus illius. Hoc autem maxime est verum de animabus purgatorii, quæ medium quendam habent statum inter viatores & comprehensores: cum his enim de facto non merentur, cum illis verò satisfaciunt pro pœna patiendis; pro peccatis verò venialibus per actus dilectionis & contritionis.

Probatur secunda pars conclusionis quoad primum, scilicet quod actus meritorius debeat esse verus actus, ita ut non possit esse meritum in pura omissione obiecti veriti, nisi adsit actus internus circa illam tanquam obiectum, eligens ipsam, vel imperans & reducens in executionem: primo modo habet bonitatem obiectiuam, quam refundit in actum internum versantem circa ipsam: secundo modo habet bonitatem formalem participatam ab actu interno, vn-

de meritum est in actu interno : probatur igitur auctoritate D. Thom. 1. 2. quæst. 21. art. 2. & 3. ubi docet quod ratio meriti sit proprietas actionis humanæ , Deinde ex Aristotele 1. Ethicor. cap. 4. actus virtutis, ac proinde meritorius debet esse circa bonum honestum , propter ipsam honestatem , & ita honestas debet esse directe volita , & consequenter meritum non potest esse sine directe voluntario : sed non potest esse directe voluntarium sine actu vero saltem interno ; quo voluntas feratur : ergo actus meritorius debet esse verus actus. Quoad secundum, quod scilicet talis actus debeat esse liber , probatur auctoritate Scripturæ & Patrum. Ecclesiastici 15. dicitur : Ad quod volueris porrigere manum. 1. ad Cor. 9. Si volens hoc ago , mercedem habeo. Idem docet S. August. in libris de Gratia & Libero Arbitrio. D. Thomas in 3. disp. 18. quæst. 1. art. 2. & 1. 2. quæst. 114. unde est communis doctrina Theologorum. D. Bernardus libello de Gratia & Libero Arbitrio ait : Vbi libertas non est , neque meritum. Deinde , Inter eum qui meretur , & eum qui præmiat est quidam contractus ; nam qui meretur , exhibet obsequium suum ; qui autem præmiat , dat mercedem : constat autem quod inter contrahentes nullus dat aliquid , nisi habeat eius dominium ut patet , unde actus meritorius debet esse sub dominio : sed homo solum habet dominium actus liberi , non verò actus necessarij , aut non liberi : ergo actus meritorius debet esse liber : unde Aristoteles 3. Ethicor. cap. 5. ait , Per ea quæ nobis insunt à natura, nec meremur, nec demeremur. Denique, ut actus sit meritorius , debet esse bonus moraliter ; sicut ut sit demeritorius, debet esse moraliter malus : sed bonitas & malitia moralis præsupponunt libertatem, ut omnes fatentur, & patet à posteriori ex duobus : quia pueri & amentes non merentur , aut demerentur ex defectu libertatis ; sicut nec homo per actus exteriores indeliberatos siue non imperatos à voluntate , à qua solum habent quod sint liberi : ergo nec de potentia absoluta actus potest esse meritorius, nisi sit liber. Quod tandem actus debeat esse directus ad Deum finem supernaturalem directione actuali aut virtuali , & non sufficiat habitualis , probatur ex duplici capite. Primo, quia actus ut sit meritorius debet esse directus ad Deum ex Scriptura , & communi sententia : sed directio habitualis non est directio rigorosè. Deinde eadem est ratio de merito & demerito, siue de bono & malo morali quantum ad hoc : sed ut actus sit moraliter malus , peccatum, & demeritorius , non sufficit directio habitualis ; sed requiritur directio actualis, aut saltem virtualis ; alioquin omnes Gentilium actiones essent malæ , peccaminosæ , & demeritoria , cuius contrarium supra ostensum est ; nam illi si interrogarentur de ultimo fine suarum actionum , assignarent sua idola , in quo consistit directio ha-

bitualis : ergo ut actus sit meritorius , debet esse directus ad Deum finem supernaturalem directione actuali, aut virtuali. Ex quo sequitur, quod omnes actus virtutum infusarum sint meritorij, si adsint aliæ conditiones ; theologalium quidem, quia actu diriguntur, tendunt enim immediate ad Deum ; moralium verò, quia virtualiter ad Deum diriguntur , inquantum petunt ab intrinseco esse coniunctæ charitati, quæ directe & immediate respicit Deum ultimum finem : secus est de virtutibus moralibus acquisitis ; earum enim actus merè naturales non sunt in se directi ad ultimum finem supernaturalem , sed debent dirigi per imperium charitatis, ut amplius dicetur dubio sequenti.

Probatur & explicatur tertia pars conclusionis ; Pactum vel promissio Dei conferendi homini iusto vitam æternam propter eius merita supponit acceptationem talium meritorum, quæ acceptatio est duplex , intrinseca videlicet , & extrinseca : intrinseca est per gratiam filiationis, quæ dignificat personam formaliter inhærendo illi , dignificat etiam opus eius quodammodo in genere causæ efficientis ; & de hac non est dubium quin det operi valorem vitæ æternæ : opera enim iustorum habent valorem vitæ æternæ, non quatenus procedunt à libero arbitrio , sed quatenus procedunt à gratia habituali ; siue ut procedunt à libero arbitrio non secundum propriam virtutem, sed ut dignificatur per gratiam : acceptatio extrinseca est actus Dei acceptantis opera iustorum in ordine ad vitam æternam , & hæc acceptatio non dat valorem operibus , sed supponit : requiritur tamen ut conditio sine qua non ex parte Dei, adhuc ut opera iustorum sint meritoria vitæ æternæ. Primum debet necessariò dici, ne incidamus in errorem hæreticorum, qui negant opera iustorum ullam habere in se dignitatem & valorem, sed asserunt ei advenire ab extrinseca Dei acceptatione : quod tamen est falsum, nam sicut comminatio Dei non dat peccatis quod sint meritoria pœnæ æternæ , sic nec promissio eius dat operibus quod sint meritoria vitæ æternæ nisi haberent in se condignitatem, quam indicat Apostolus ad Rom. 6. Gratia autem vitæ æternæ : & 1. Ioannis 3. Semen Dei manet in illo id est gratia , quæ ut semen continet gloriam. Et confirmatur à posteriori : tum quia incarnatio Verbi fuit promissa antiquis Patribus, non tamen propterea illam meruerunt de condigno : tum etiam quia remissio peccatorum promittitur verè pœnitentibus, qui tamen illam non merentur , & ita promissio Dei non dat valorem operibus iustorum. Quod autem requiratur ut conditio , sine qua non talia opera non essent meritoria vitæ æternæ, Probatur Tum auctoritate D. Thom. totâ hac quæst. 114. ubi sæpe repetit , quod ad rationem meriti requiritur ordinatio ex parte Dei ; sed clarius art. 6. Tum ex Concilio Senensi sub Antonio Episc. cap. 6. ubi sic

sic habetur : Facit Deus unicuique locum iuxta mensuram operum suorum , non absoluta condignitate , sed gratuita & liberali promissione , qua conuentione facta de denario diurno misit operarios in vineam suam , iuxta illud Iacobi 1. Accipiet coronam vitæ , quam repromisit Deus diligentibus se. Tum ratione , Opera Beatorum & animarum purgatorii habent eandem condignitatem & valorem , quem habent opera iustorum viatorum , & tamen illa non sunt meritoria , sicut ista : sed hoc discrimen non potest aliunde prouenire , nisi ex ordinatione diuina , qua ad meritum acceptantur bona opera facta in via , non autem facta in termino. Deinde , Meritum respicit præmium vt debitum , & præmiantem vt debitorem : sed Deus nulli puræ creaturæ potest esse debitor seclusa sua promissione , iuxta illud Aug. Deus dat omnibus debitum , & non est debitor ; quia esse debitorem importat aliquam inferioritatem : ergo ad meritum requiritur , quod sit pactum aut promissio ex parte personæ , apud quam quis meretur. Hoc tamen est intelligendum de merito finito : nam si meritum sit infinitum , quale fuit meritum Christi Domini , non requiritur hoc pactum aut promissio : cuius differentię ratio est , quia opera finiti valoris qualia sunt creaturæ , nisi intercesserit pactum de retribuenda vita æterna , possunt à Deo acceptari ad satisfaciendum sibi pro infinitis debitis creaturæ ad Deum , nec pro vno possunt satisfacere : si autem meritum sit infiniti valoris , potest satisfacere pro infinitis debitis , & applicari pro infinitis impetrandis : nec potest non acceptari , infinitum enim non potest exauriri. vnde si Christus applicasset sua merita pro redemptione omnium damnatorum imò pro incarnatione Patris & Spiritus sancti , hæc omnia obtinuisset. Nec obstat illud Isaïæ 53 Si posuerit animam suam , videbit semen longæuum : sicut nec istud Psalmi 2. Postula à me , & dabo tibi gentes hæreditatem tuam. Non enim significant istud pactum , sed sunt simplex declaratio efficacię meritorum & Passionis Christi Domini , qui omnia obtenturus erat pro quibus sua merita erat applicaturus.

Ad primum ergo dicendum , quod est impossibile diu obseruare omnia mandata sine gratia habituali , vt dictum est supra : vnde ex hoc ipso quod ad meritum regni cœlestis requiritur obseruantia mandatorum , etiam indicatur quod requiritur gratia : Deinde hoc auctoritas æquè pugnat contra Baium , nam ibi loquitur Scriptura non de merito , sed de ingressu vitæ æternæ , qui tamen non potest esse sine gratia habituali , vt fatetur Baius ipse. Ad aliud dicendum , quod est latum discrimen , nam homo vnus non meretur apud alterum , nisi aliquid naturalis ordinis ; potest autem ex seipso facere opus æquale , & non obligari ad ipsum ex alio titulo : sed respectu Dei hoc non est ; quia ex vna parte

præmium est supernaturale , & est ipsi obstrictus multis aliis titulis , vnde ob solum pactum eius merita ordinantur ad vitam æternam : inter alias autem conditiones , quas supponit pactum ex parte personæ , est ista quod persona sit adoperata per gratiam in filiationem & amicitiam Dei , ad hoc vt ipsa & eius opera sint condigna vitæ æternæ. Ad aliud dicendum , quod peccatum seipso est dignum damnatione ; opera autem etiam moraliter bona sine gratia non sunt digna vita æterna.

Ad secundum dicendum , quod licet omissio non sit verus actus , tamen tam in peccato , quam in merito fundatur in actu saltem interno : vnde omissio est peccatum , vel actus bonus , quia volita & imperata ; Christus autem etiam dum dormiebat merebatur , quia cor eius vigilabat , vnde utebatur scientia infusa : Nec verum est , quod meritum nihil aliud sit , quam dignitas vitæ æternæ : nam pueri baptizati habent hæc dignitatem , quæ est principium prærequisitum meriti , sed non habent meritum. Ad aliud dicendum , quod Christus , Beatissima Virgo , & Angeli pro illo instanti fuerunt determinati ad bonum , & ita non habuerunt libertatem contrarietatis , sed contradictionis , siue non fuerunt liberi quoad specificationem , sed tantum quoad exercitium : quæ tamen libertas sufficit ad meritum , non ad peccandum : vnde Christus Dominus absolutè potuit non mori , sed ex suppositione præcepti impositi & acceptati , non potuit non mori : necessitas autem ex suppositione non tollit libertatem , vt fatentur omnes , & patet in Deo , qui liberè agit quod decreuit , posito tamen decreto non potest non agere. Ad aliud dicendum , quod opera moralia nisi dirigantur actualiter , aut virtualiter ad finem supernaturalem , sunt purè naturalia & quoad substantiam , & quoad modum ; vnde non possunt esse meritoria vitæ æternæ supernaturalis ; quia meritum debet proportionari præmio : vnde licet placeant Deo non tamen in ordine ad vitam æternam.

Ad tertium dicendum , quod D. Thom. debet intelligi cum hac limitatione , scilicet si habeat actus bonus reliquas conditiones requisitas , tam ex parte sui , quam ex parte personæ merentis , & personæ apud quam quis meretur. Ad aliud patet ex dictis , nam homo est multis titulis obligatus Deo , vnde eius opera possent à Deo acceptari ad sibi satisfaciendum , & non in ordine ad præmium : sicut contingit inter homines ; quando intercedit eadem obligatio : quæ quia non semper intercedit , ideo potest esse meritum absque pacto & promissione. Ad aliud dicendum , quod nullus est iustus , qui nesciat explicitè , aut saltem implicitè hoc pactum , quia ex Apostolo accedentem ad Deum oportet credere , quia est , & quia inquirentibus se remunerator est.

D V B I V M V.

Verum positis conditionibus assignatis, omnes actus virtutum tam infusarum, quam acquisitarum sint meritorij.

Supponendum est, virtutes diuidi in per se infusas, & acquisitas: per se infusæ sunt in nobis sine nobis operantibus, sed tamen dispositis; vnde infunduntur à Deo vt auctore supernaturali simul cum gratia, à qua emanant. Hæ subdiuiduntur in theologicas, sic dictas quia immediatè respiciunt Deum vt obiectum, scilicet fidem, spem, & charitatem: & in morales, videlicet prudentiam, iustitiam, fortitudinem, temperantiam, aliasque his subordinatas: quæ omnes proinde sunt supernaturales quoad substantiam, & regulantur in suis actibus motiuo supernaturali. Acquisitæ dicuntur illæ, quas propria industria comparamus, vnde sunt naturales, & regulantur in suis actibus motiuo naturali, vt honestate; ac correspondent, etiam quoad nomina infusis moralibus; vnde alia est prudentia, iustitia, &c. infusa; alia acquisita: infusæ pereunt pereunte per peccatum gratia; acquisitæ remanent, vt ex earum actibus experimur in peccatoribus & infidelibus. Acquisitæ possunt per accidens infundi, vt dicuntur infusæ Christo ab instanti incarnationis, de quo suo loco agitur: tunc tamen adhuc sunt naturales quoad substantiam, & præternaturales in modo suæ productionis: Acquisitæ autem distinguuntur specie à per se infusis ratione motiui ex quo tendunt, quod est ratio formalis *sub qua*.

Prima opinio potest esse, quòd solus actus charitatis sit ex se meritorius; alij autem actus virtutum theologicarum, vt fidei, & spei non sint meritorij, nisi imperentur à charitate, quamuis habeant supra assignatas condiciones. Probatum multiplici autoritate D. Th. 2. 2. q. 124. art. 2. ad 2. ait charitatem esse principium merendi. hic art. 4. sic ait: Meritum vitæ æternæ primariò pertinet ad charitatem, ad alias autem virtutes secundariò secundum quod earum actus à charitate imperantur: & ad 3. ait, quòd actus fidei est meritorius, quando fides per dilectionem operatur.

Secunda opinio tenet, quòd omnes actus virtutum moralium infusarum non sint meritorij. Ita Vasques. Probatum: In peccatore nullum est meritum: sed in peccatore possunt esse actus harum virtutum, potest enim peccator habere actum adorationis erga Christum: ergo actus omnes virtutum moralium infusarum non sunt meritorij, sed illi soli qui imperantur à charitate.

Tertia opinio est in alio extremo, quòd omnes actus virtutum etiam acquisitarum in homine iusto sint meritorij, etiam si non imperentur

à charitate. Ita Vasques. Probatum autoritate Scripturæ: Matthæi 25. Venite benedicti, &c. esuriui enim, & dedistis mihi manducare. Marci 9. Quisquis potum dederit vobis calicem aquæ, recipiet mercedem. Deinde, Tales actus sunt per gratiam collatam ex meritis Christi: sed talis gratia est principium meriti, maxime in operibus egregiis. Denique, Vel charitas requiritur ad hos actus vt sint meritorij, tanquam ratio formalis meriti, vel tantum vt conditio: primum dici non potest, nam ex hoc sequeretur solum actum charitatis esse meritorium, quod nullus dixit: si secundum dicatur, sequitur tales actus esse meritorios in se, & solum exigi charitatem vt conditionem, quod est verum: alioquin sequeretur, plures actus bonos hominis iusti non esse meritorios, quod est magnum inconueniens, cum placeant Deo, tanquam opera filij propter dignitatem personæ; sicut ei placebant omnia opera Christi Domini.

CONCLUSIO.

RESPONDEO dicendum, quòd actus fidei, & spei virtutum theologicarum, quando ex nulla circumstantia vitiantur, sunt semper meritorij in homine iusto. 2. sicut & omnes actus virtutum moralium per se infusarum secluso per possibile vel impossibile imperio charitatis, cum qua semper sunt coniunctæ. 3. actus verò virtutum moralium acquisitarum in homine etiam iusto, si non fiant propter motiuum supernaturale non sunt meritorij, nec de condigno, nec de congruo. 4. quòd autem aliquis actus sit magis meritorius, prouenit vel ex maiori nobilitate obiecti, vel quia est intensior, vel quia ad illum concurrunt plura motiua, & plures virtutes. Ita Discipuli D. Thom.

Probatum prima pars conclusionis: Hi actus habent omnes condiciones requisitas, ad hoc vt sint meritorij: nam sunt hominis iusti & viatoris, vt supponitur: ex parte Dei est pactum & promissio, quæ respicit omnes actus supernaturales, & tandem hi actus sunt veri actus vt patet, supponuntur esse liberi, sunt etiam supernaturales quoad substantiam, eliciuntur enim per habitus supernaturales, propter motiuum supernaturale, & attingunt immediatè Deum finem supernaturalem, vnde sunt directi ad ipsum directione actuali: ergo sunt meritorij. Deinde, Omnis actus qui procedit à gratia habituali sanctificante, est meritorius positis prædictis conditionibus, gratia enim dignificat, tam subiectum in quo est, quam operationes eius, quæ ab ipsa procedunt: sed actus fidei, & spei procedunt à gratia habituali sanctificante, cum enim omnes virtutes infusæ emanent à gratia sicut proprietates ab essentia, ipsa gratia operatur mediis omnibus illis, eo modo quo essentia mediis suis proprietatibus actiuis scilicet potentiis; vnde est primum & radicale principium actuum actuum virtutum infusarum, sicut essentia est radicale principium

cipium omnium operationum subiecti : ergo actus fidei, & spei sunt meritorij in homine iusto quando ex nulla circumstantia vitiantur. Hæc ratio probat etiam de aliis omnibus actibus supernaturalibus, elicitis à virtutibus infusis, ut de attritione, timore gehennæ, &c.

Probatur secunda pars conclusionis iisdem rationibus, ac prima: notando quòd licet secluso imperio charitatis per possibile, aut impossibile, actus virtutum moralium per se infusarum non dicantur actu directi in finem supernaturalem, quia non respiciunt Deum in se immediatè, sed vel eius cultum ut religio, aut quid simile: tamen propter necessariam, & indissolubilem connexionem eorum cum charitate, sunt virtualiter ad ipsum directi, virtute & ratione charitatis, quæ actu & immediatè attingit ultimum finem, & ad ipsum virtualiter dirigit omnia sibi connexa. Probabilius tamen est, imò certum in doctrina D. Thom. quòd actus virtutum moralium per se infusarum non possunt esse sine motiuo & imperio charitatis. Ita D. Thom. 1. 2. qu. 65. art. 2. ubi dicit omnes virtutes morales infusas esse connexas charitati, sicut acquisitæ sunt connexæ prudentiæ; non autem potest intelligi D. Thom. de solis habitibus, sed debet etiam intelligi de actibus: nam actus virtutis moralis infusæ præsupponit & includit iudicium prudentiæ infusæ, sicut actus virtutis moralis acquisitæ præsupponit & includit iudicium prudentiæ acquisitæ: constat autem quòd sicut iudicium prudentiæ acquisitæ præsupponit rectum affectum circa bonum morale, quod est finis actuum moralium; sic iudicium prudentiæ infusæ præsupponit rectum affectum circa Deum finem supernaturalem, qui est obiectum charitatis: ergo actus virtutis moralis infusæ est propter motiuum charitatis, & includit eius imperium: unde D. Thom. 2. 2. qu. 124. art. 2. ad 2. docet quòd actus martyrij est actus & fortitudinis ut elicientis, & charitatis ut imperantis, & habet perfectionem utriusque.

Probatur tertia pars conclusionis quantum ad meritum de condigno, autoritate D. Th. 1. p. qu. 62. art. 4. ad 2. ubi dicit quòd angelus nō meretur conuersione naturali in Deum, sed conuersione charitatis quæ est ex gratia. hic art. 4. docet actus aliarum virtutum habere à charitate, quòd sint meritorij. Nec sibi contrariatur, dum 1. 2. qu. 11. art. 4. ad 3. dicit quemlibet actum bonum aut malum esse meritorium, aut demeritorium ad Deum: nam vel loquitur de actu bono supernaturali vel quoad modum, vel quoad substantiam, qui solus absolutè dicitur bonus à D. Thom. vel si loquatur de actu bono purè morali, debet intelligi quòd sit meritorius, sed præmij proportionati scilicet ordinis naturalis, puta bonorum temporalium. Deinde, Ex sacra Scriptura habetur quòd qui meretur vitam æternam per opera moraliter bona, debet habere

aliquod motiuum supernaturale; unde Matthæi 19. dicitur: Omnis qui reliquerit domum vel fratres propter nomen meum. Marci 10. Propter Euangelium, Lucæ 16. Propter regnum Dei, centuplum accipiet & vitam æternam possidebit. Idem docet communiter Sancti Patres. Et ratio est, quia meritum & præmium debent esse proportionata & eiusdem ordinis, ut patet & communiter fatentur omnes: sed actus virtutum moralium acquisitarum, si non fiant propter motiuum supernaturale, sunt puri ordinis naturalis, siue eliciuntur ex solis viribus liberi arbitrij, siue ex gratia ordinis naturalis: ergo non possunt esse meritorij vitæ æternæ, quæ est ordinis supernaturalis. Confirmatur: Vel gratia habitualis iustorum influit in hos actus aliquid supernaturale, vel nihil: si nihil influat, manet argumentum in sua vi; si influat aliquid supernaturale, iam tollitur suppositio, nam difficultas est de solis actibus moraliter bonis ordinis naturalis: deinde non potest illud influere, nisi applicando virtutes acquisitas ex motiuo supernaturali, quod nos intendimus: unde non est paritas in instantia de Christo Domino; quia persona eius diuina quatenus talis vnita humanitati influebat in omnia eius opera, unde erant infiniti valoris: homo autem iustus non influit quatenus talis, nisi in opera quorum principium est gratia, qualia non sunt opera virtutum acquisitarum, facta sine motiuo supernaturali: unde non sunt opera filij & amici reduplicatiue, sed specificatiue; & ita non placent Deo nisi ut authori naturæ. Dum autem isti actus diriguntur ad finem supernaturalem, remanent quidem in ordine naturali quantum ad suam substantiam, ut qui dat eleemosynam ex commiseratione naturali, eleemosinam tamen sic factam ordinat ad Deum authorem supernaturalem: sed habet quendam modum supernaturalem physicum ex ordinatione voluntatis ad ultimum finem supernaturalem: sicut assensus conclusionis propter principia importat modum scientifici, quem non habet, si fieret independenter à principiis: eodem autem modo influit finis in media in practicis, sicut principium in conclusiones in speculatiuis. Probatur quoad meritum de congruo: Non datur gradus aliquis gloriæ correspondens istis actibus, nisi ratione motiui supernaturalis quo dignificantur & eleuantur aliquo modo ad ordinem supernaturalem, quia præmium debet esse eiusdem ordinis cum merito; est enim intellectu difficile, quòd retributio supernaturalis detur intuitu operis facti solis viribus liberi arbitrij, sicut plures actus virtutum moralium acquisitarum fiunt; aut facti ex principio purè naturali: vel concedendum est principium istud supra impugnatum, Facienti quod in se est viribus naturæ, Deus non denegat gratiam. ergo actus virtutum moralium acquisitarum in homine etiam iusto, si non fiant propter motiuum super

supernaturale non sunt meritorij de congruo præmij supernaturalis. Nec est contrariū quod ait D. Thom. hīc art. 3. scilicet si considerentur actus boni in homine iusto, quatenus sunt ex libero arbitrio, congruum tantum est ut illis detur retributio; si autem considerentur pro ut sunt ex gratia, ut sic sunt meritorij de condigno, nam D. Thom. per liberum arbitrium intelligit non ipsum solum, sed ipsum ut eleuatum auxilio supernaturali, ut patet; nam eundem numero actum attribuit & libero arbitrio, & gratiæ: per gratiam autem, non intelligit auxilium gratiæ, sed gratiam habitualement: unde non agit D. Thom. de actibus virtutum moralium acquirarum, si fiant sine motiuo supernaturali.

Probat & explicatur quarta pars conclusionis sigillatim. Quod actus sit magis meritorius, quia est nobilioris & præstantioris obiecti, est pene communis sententia; si cætera sint paria, nullus enim est, qui neget esse magis meritorium ponere animam pro Christo, quam dare paruam elemosynam pro ipso: unde D. Th. hīc art. 4. ad 2. ait quod magnitudo laboris & difficultatis, quæ provenit ex magnitudine siue præstantia operis, pertinet ad augmentum meriti; & sic charitas non dimittit laborem, imò facit aggredi opera maxima: illa autem quæ provenit ex defectu operantis, unicuique enim est laboriosum & difficile, quod non prompta voluntate facit, dimittit meritum; & à charitate tollitur: & 2. 2. q. 27. art. 7. dicit amicorum dilectionem esse magis meritoriam, quam inimicorum: & ratio est, quia meritum est proprietas actus boni, & ita proportionatur actui; & consequenter actus perfectior erit magis meritorius: constat autem quod perfectio essentialis actuum desumitur ex nobilitate obiecti; ex quo sequitur quod actus charitatis sit cæteris paribus magis meritorius, quam actus fidei, & spei: actus fidei, quam actus spei: & actus harum virtutum theologiarum, quam actus virtutum moralium. Nec D. Th. tollit ab aliis virtutibus præter charitatem quod sint meritoria præmij essentialis, dum ait. 1. p. q. 95. art. 4. quod charitati correspondet præmium essentialis, aliis verò virtutibus præmium accidentale. Nam vel sumit ibi charitatem pro gratia, ratione coniunctionis inseparabilis, quæ est radix meriti præmij essentialis, vel solum vult quod principaliter per charitatem meremur præmium essentialis, per alias verò virtutes præmium accidentale, puta per fortitudinem aureolam martyrij; per virginitatem aureolam ipsi correspondentem, & sic de aliis. Quod etiam ratio maioris meriti proveniat ex maiori intensione actus cæteris paribus, patet; nam circumstantiæ quæ augent bonitatem actus intra eandem speciem, augent etiam meritum illius intra idem obiectum, quia ratio meriti consequitur bonitatem actus, & ei proportionatur: unde intensus actus charitatis est magis merito-

rius, quam actus remissus. Quod denique ille actus sit magis meritorius, ad quem concurrunt plura motiua, & plures virtutes, patet: alioquin dicendum esset, quod ille qui dat obolum ex charitate ut quatuor, tantum mereatur ac ille, qui moritur martyr ex eadem charitate ut quatuor; quod nullus dixerit: & ratio est, quia actus tot habet bonitates aut malitias, quot virtutes aut vitia, siue motiua bona & mala ad ipsum concurrunt, ut docet D. Tho. 2. 2. q. 124. art. 2. ad 2. & propterea actus martyrij est valde meritorius, quia ad ipsum concurrunt feruens charitas ut imperans (datur enim maximum quod potest dari ab homine) fortitudo ut eliciens, actus fidei, & actus religionis qui est confessio. Licet autem principalis ratio meriti sit ab obiecto, potest tamen fieri quod ex intensione actus, aut ex pluribus motiuis coequetur, unde actus valde intensus imperfectioris virtutis, vel ex pluribus motiuis imperfectis poterit æquare, imò excedere in merito actum remissum perfectioris virtutis: in particulari autem scire hunc excessum, est solius Dei, qui mensuram meriti unicuique taxavit.

A d primum ergo dicendum, quod D. Th. in primo loco solum vult, quod sine charitate non est meritum vitæ æternæ: vel sumit ibi charitatem pro gratia. In secundo per imperium charitatis intelligit consortium charitatis: sicut & in tertio, fides enim dicitur operari per dilectionem, quæ est coniuncta cum dilectione: est tamen actus fidei magis meritorius, si sit ex imperio charitatis.

A d secundum dicendum, quod pereunte gratia, pereunt etiam omnes virtutes morales infusæ: & sic earum actus non possunt reperiri in peccatore; unde hæc adoratio est actus virtutis religionis acquisitæ.

A d tertium dicendum, quod illi actus misericordiarum fiunt ex motiuo supernaturali, ut patet ex ipso textu, ut sint meritorij. Ad aliud dicendum, quod non solum donum gratiæ tam actualis, quam habitualis supernaturalis conferatur nobis ex meritis Christi; sed etiam multa dona & auxilia ordinis naturalis: actus autem illi qui fiunt ex auxilio gratiæ supernaturalis, supposita tamen gratia habituali aliisque conditionibus, sunt supernaturales, & meritorij: illi autem qui fiunt ex auxilio gratiæ ordinis naturalis, remanent in eodem ordine naturali, nec sunt meritorij præmij supernaturalis, nisi ex aliquo motiuo ad illum ordinem eleventur. Ad aliud dicendum, quod imperium charitatis, vel alterius virtutis infusæ se habet ut ratio formalis, & non tantum ut conditio ad meritum actus virtutis acquisitæ: quia bonitas virtutis acquisitæ imperatæ, cum sit ordinis naturalis, non potest esse meritoria præmij supernaturalis: unde sola bonitas proveniens in actu ex imperio charitatis, est in illo ratio formalis meriti supernaturalis, cum sit eiusdem ordinis: in aliis autem virtutibus

bus infusus est propria bonitas supernaturalis meritoria præmij supernaturalis; unde bonitas in ipsis proueniens ex charitate non est sola & adæquata ratio meriti, sed inadæquata: actus autem virtutis acquisitæ non sunt opera filij vt sic reduplicatiue, & solum placent Deo vt auctori naturæ: secus est de operibus Christi Domini, qui vt filius Dei naturalis dabat valorem infinitum omnibus suis actibus, quos omnes dirigebat ad Deum auctorem gratiæ.

D V B I U M V I.

Utrum homo iustus quolibet actu bono mereatur augmentum gratiæ & gloriæ.

Supponendum est, tanquam certum apud omnes Catholicos, quod gratia non est æqualis in omnibus iustis: imò nec semper in eodem viatore: sed maior est in vno, quam in alio, & in eodem augetur per bona opera, ex Concilio Trident. sess. 6. cap. 7. & constat ex illo Apocal. ultimo: Qui iustus est, iustificetur adhuc. Et ex illo Iacobi 2. Videtis, quoniam ex operibus iustificatur homo, & non ex fide tantum: ex operibus verò bonis & supernaturalibus, quædam sunt maioris, alia minoris, alia æqualis intensiōis cum gratia habituali: quæ diuersitas prouenit ex diuersitate auxiliorum præuenientis diuinæ gratiæ.

Prima opinio Durandi in 1. d. 17. q. 8. asserit hominem iustum non mereri augmentum iustitiæ, nisi actibus quibus adæquatè respondet Dei excitationi. Probatur: Talis non rectè vitur accepris: ergo non est dignus accipiendis.

Secunda opinio negat, per actus remissos aut æquales, hominem iustum mereri augmentum gratiæ, charitatis, & gloriæ. Ita tenent aliqui recentiores Thomistæ. Probatur: In sacra Scriptura repræhenduntur actus remissi: ergo illis non meremur, imò potius deficimus ex illo Gregorij 16. Moralium cap. 16. In via Domini non progredi, est retrogredi. Deinde, Per actus remissos, aut æquales non intenduntur habitus acquisiti: ergo nec habitus infusi; cum par sit vtriusque ratio, imò sicut per actus remissos habitus acquisitus disponitur ad corruptionem, sic & habitus infusus. Et hoc videtur docuisse D. Thom. in 1. d. 17. quæst. 2. art. 3. ad 2. & alibi.

C O N C L U S I O.

RESPONDEO dicendum, quod homo iustus meretur augmentum gratiæ, charitatis, aliorumque habituum supernaturalium, ac gloriæ; si actus eius habeant prædictas condiciones requisitas ad meritum, etiam si non correspondeat adæquatè excitationi Dei. 1. non solum per actus intensiores, sed etiam per æquales, imò & remissiores habituali gratia. 3. merentur autem non tantum secundum totam latitudinem, verum secundum totam durationem.

R. P. Philippi Carm. discal. Disp. Theolog. in 1.2

4. unde sequitur non esse causam physicam, ac tantum meritoriam talis augmenti. 5. augmentum autem istud debitum actibus remissis, tam gratiæ & charitatis, quam gloriæ non datur hic, sed in Patria. Ita docent Nostri Salmanticenses Tractatu 5. disp. 4. dub. 2. Montefinus, hic. Aluaris lib. 7. de Auxiliis disp. 60. & alij plures.

Probatur prima pars conclusionis: In prima iustificatione, quantumcunque intense quis excitetur à Deo ad contritionem, si eliciat minimum actum contritionis, verè iustificatur, cum minima enim contritione non potest stare peccatum, vt fatentur omnes; aliàs simul esset auersio à Deo & conuersio perfecta ad ipsum; & consequenter recipit primam gratiam: ergo etiam poterit recipere secundam gratiam, siue augmentum gratiæ, &c. licet non respondeat adæquatè excitationi Dei. Deinde, Talis actus habet omnes condiciones requisitas ad meritum, vt enumeranti patet: ergo erit meritorius. Denique, Ex opposito sequitur hoc inconueniens, quod iustus per actum intensum non mereatur, & per remissum mereatur; potest enim contingere, quod excitetur à Deo vt septem, & tamen actus sit tantum vt sex; tunc actus est intensus, & tamen non est meritorius, quia adæquatè non correspondet excitationi: & e contra potest fieri quod excitetur vt tria, & quod actus correspondeat adæquatè, & ita sit meritorius.

Probatur secunda pars conclusionis. Quantum ad primum; scilicet actus intensiores esse meritorios, nullus Catholicus dubitat: hæc autem eorum intensio, siue excessus supra gratiam habitualement prouenit ex intensiōe auxilij præuenientis diuinæ gratiæ: unde licet vt actus sit meritorius, debeat procedere ex gratia habituali, non tamen requiritur vt secundum totam latitudinem intensiōis procedat ab illa; sed sufficit quod ab illa procedat secundum suam substantiam, vt sit meritorius etiam secundum totam suam intensiōem. Quantum ad secundum, scilicet actus æquales, & remissiores habituali gratia esse meritorios, docet expressè D. Thom. 2. 2. quæst. 14. art. 6. in solutione ad argumenta & hic art. 8. ad 3. vbi hæc habet: Quolibet actu meritorio meretur homo augmentum gratiæ, sicut & gratiæ consummationem quæ est vita æterna: sic sicut vita æterna non statim redditur, sed suo tempore; ita nec gratia statim augetur, sed suo tempore: cum scilicet aliquis sufficienter fuerit dispositus ad gratiæ augmentum. Colligitur manifestè ex sacra Scriptura, vbi pro minimis operibus bonis promittitur præmium æternum, putà dantibus calicem aquæ frigidæ. & ex Concilio Tridentino sess. 6. cap. 16. vbi enumerantur condiciones actus meritorij; & tamen nulla fit mentio de intensiōe, scilicet quod actus debeat esse intensior. Probatur ratione: Vt dictum est ratio meriti non solum desumitur ex intensiōe actus, sed etiam ex eius obiecto, aut ex pluribus moti-

CCcc uis

uis ad illum concurrentibus ; unde actus quo quis vult subire martyrium pro Christo intensus ut duo, potest esse magis meritorius, quàm actus quo quis vult dare eleemosynam; licet sit intensus ut tria : ponatur ergo quòd quis habeat gratiam ut tria auctam ex voluntate dandi eleemosynam; si tunc faciat actum martyrij ut duo, talis actus est simul minus intensus, & tamen merebitur augmentum gratiæ & gloriæ, ut potest magis meritorius, quàm fuerit actus dandi eleemosynam. Deinde, Peccator per actum peccati remissioem meretur nouam pœnam ut patet: ergo multò magis iustus per actum bonum remissioem merebitur nouum gradum gratiæ & gloriæ, quia Deus est liberalior in præmiando, quàm in puniendo ut infra dicitur. Denique sequuntur ex opposito hæc duo inconuenientia. Primum, quòd idem actus charitatis id est intensus ut sex in homine valde perfectò non erit meritorius, quia erit remissior, & tamen erit meritorius in iusto adhuc imperfectò, quia erit intensior respectu illius. Secundum est, quòd omnes actus boni Sanctissimæ Virginis non fuerint meritorij, quia post actus feruentissimos charitatis in Deum, faciebat aliquando non ita feruentes in proximum : ergo per actus æquales, imò & remissiores gratia habituali meretur iustus augmentum gratiæ & gloriæ. Nec valet duplex responsio Aduersariorum, quòd scilicet per actus æquales & remissos meretur quis gloriæ accidentalem, vel meretur eundem gradum gloriæ essentialis debitum pluribus titulis. Non quidem prima, quia Scriptura & Concilium promittunt cuilibet actui meritorio vitam æternam, quæ plus dicit quàm gloriæ accidentalem, hæc enim cum non sit perpetua sed aliquando interrupta, non potest dici vita æterna: Deinde, quia gloria accidentalis non solum datur ob actus meritorios, sed etiam ob actus bonos factos in statu peccati. Nec etiam secunda, ut probant argumenta facta, maximè quia sequeretur aliquem per totam vitam bene operantem non plus habiturum illo, qui tota vita malè vixerit, si vterque in iustificatione receperint æqualem gratiam, quòd apparet falsum. Quòd autem iisdem actibus remissis mereatur quis etiam augmentum gratiæ & charitatis, probatur : Gratia est semen gloriæ, ius & acceptatio ad gloriæ: ergo cum per actus remissos mereatur quis maiorem gloriæ, merebitur etiam maiorem gratiam, non enim potest esse debita maior gloria, nisi ei qui habet maius semen gloriæ, maius ius & maiorem acceptationem ad gloriæ. Rursus charitas & alij habitus supernaturales sunt proprietates gratiæ, & propter hoc simul infunduntur : ergo etiam simul augentur. Deinde, Qui meretur maiorem gloriæ, mereatur maius lumen gloriæ, quia Deum intensius videat : ergo & maiorem charitatem, quo intensius ipsum diligat ; quia in Patria cognitio & a-

mor debent commensurari, ac proinde eorum principia.

Probatur tertia pars conclusionis : Duratio vnius actus æquiualeat multiplicitati actuum: unde est circumstantia augens bonitatem aut malitiam actus, non secus ac intensio : ergo actus boni sunt meritorij non solum secundum totam latitudinem, sed etiam secundum totam durationem ; & ita qui continuabit actum charitatis per vnā horā, tota hora merebitur, & plus quàm si in illa hora haberet plures actus charitatis interruptos, eiusdem tamen intensiois. Huic autem durationi non solum correspondet duratio præmij æterni, aut tantum maior visio extensua Dei : sed etiam augmentum præmij, & intensio ; quia actui bono etiam instantaneo correspondet præmium æternum, & quælibet visio beatifica attingit omnia quæ sunt formaliter & necessariò in Deo : ex his autem quæ sunt in Deo eminenter plus videt, qui Deum intensius videt.

Probatur quarta pars conclusionis : Sicut Deus voluit nos iustificari per gratiam, & perfici per gloriæ : sic voluit se solo infundere habitum gratiæ & gloriæ, reliquosque habitus supernaturales connexos cum gratia ipsosque simul cum gratia augere: ergo actus meritorij non sunt causa physica, at tantum meritoria augmenti gratiæ, & hoc totum dependet ex ordinatione diuina : & debet intelligi extra Sacramentum, nam in Sacramento Pœnitentiæ actus meritorij pœnitentis sunt causa physica instrumentalis augmenti gratiæ, causati à Sacramento.

Probatur quinta pars conclusionis sequenti ratione : Actibus meritoriis remissis debetur præmium, siue maior gratia & gloria, siue augmentum earum : sed hoc augmentum non statim conceditur, ut patet ex adducta auctoritate D. Thom. & ratio est, quia Deus causa physica gratiæ eiusque augmenti, se habet in eius infusione & augmentatione cum analogia quadam ad productionem & accretionem formarum naturalium ; unde sicut istæ non producuntur nisi in subiectis dispositis ; nec augentur statim positis actibus remissis, sic nec gratia : ergo tantum in Patria, quæ est status frugum & præmiorum : unde ibi in primo instanti datur mensura gloriæ proportionata meritis cuiusque : & similiter gratia, & alij habitus supernaturales augentur ad eandem proportionem : unde potest fieri quòd gratia in aliquo sit parua quantitate formali, & magna quantitate virtuali propter præcedentia opera, quæ respicit & connotat : & huic correspondet augmentum formale gratiæ & gloriæ, sicut semini formaliter paruo debetur quòd sit principium magnæ arboris: unde D. Th. hic art. 8. ad 2. ait : Augmentum gratiæ non est supra virtutem præexistentis gratiæ, licet sit supra quantitatem ipsius : sicut arbor etsi sit supra quantitatem seminis, non est tamen supra virtutem

tutem. vnde sequitur quòd ille qui habet gratiam vt quatuor, connotantem plura merita, sit magis sanctus, quàm ille qui habet eandem gratiam, connotantem pauciora merita; quia gratia non solum habet magnitudinem gradualem sicut albedo, sed etiam virtutalem vt semen: Non tamen ex dictis excludimus, quin Deus intuitu actuum remissorum det aliquando auxilia suæ gratiæ, quibus in hac vita fiant actus intensissimi, & ita augeatur gratia: hoc enim indicat D. Thom. 2. 2. quæst. 24. art. 6. ad 1. dum ait: Quilibet actus charitatis meretur charitatis augmentum, non tamen statim augetur, sed quando aliquis conatur ad huiusmodi augmentum.

A d primum ergo dicendum, quòd ille qui respondet Dei excitationi, licet non adæquatè; non quidem optimè, sed tamen benè utitur acceptis, vnde est dignus accipiendis, etsi non dignissimus.

A d secundum dicendum, quòd in sacra Scriptura non repræhenduntur, nisi peccata & imperfectiones: nam opera illorum Episcoporum erant defectuosa in aliqua circumstantia; vnde dicitur illis quòd opera plena, id est bona ex omni parte faciant: falsum est autem, quòd ille qui facit actus virtutis remissos retrogrediatur in via Dei, imò progreditur. Ad aliud dicendum, quòd est magna disparitas, nam habitus acquisiti augentur per suos actus physice, & ideo quilibet illorum solum augetur per similes actus, & per intensiores tantum: charitas autem, gratia, & alij habitus infusi augentur per actus meritorie, & ita omnes ac singuli augentur per quemlibet actum meritorium, sicut & dona Spiritus sancti propter connexionem cum gratia: sicut enim in naturalibus dum augetur totum, augentur singulæ partes; sic autem gratia augentur singulæ virtutes. Hoc autem est peculiare in fide & spe, quòd per proprios actus etiam remissos augentur moraliter & dispositiue in peccatore, quia sicut possunt esse sine gratia, ita & possunt augeri sine illa. D. Thom. autem dum ait per actus remissos non mereri augmentum charitatis, debet subintelligi (statim tribuendum): quod si absolute loquatur: contrarium docuit locis pro conclusione citatis.

D V B I U M V I I.

Verum S. Patriarcha noster Elias & Enoch nunc merentur.

Svpponendum est, Enoch & Eliam Patrem nostrum, iuxta communem Scholasticorum sententiam, esse in paradiso terrestri vel alio secretiori loco, ibique reseruati vsque ad tempora Antichristi: tunc enim venient, & se illi opponent, regnum illius percutient plaga magna, ac tandem ab illo occidentur, tertia die resurgent, & cunctis videntibus in cælum ascendent:

R. P. Philippi Carm. discal. Disp. Theolog. in. 1. 2.

interim viuunt vita felici absque vlla molestia; non tamen fruuntur diuina visione, nisi forte raptim aliquando, eo modo quo Moyse & Paulo aliàs concessa fuit: sæpe tamen Beatorum & Angelorum consortio gaudent. Pertinent autem ad Ecclesiam siue legem gratiæ, & non tantum ad synagogam aut legem naturæ, quia credunt in Christum iam natum, & pro Ecclesia ac fide eius moriuntur. Constat autem omnia à Deo ipsis benignè concessa, esse effectus meritorum Christi, sicut communiter concedunt Theologi de aliis Sanctis. Vtrum autem gratia habitualis, vt data propter Christum aliquid peculiare habeat quod non haberet si daretur non intuitu meritorum Christi, in ordine ad meritum; quidam negant, alij & melius affirmant, vt Caietanus 3. p. q. 1. art. 2. dicunt enim quòd meritum & satisfactio nostra fundata in meritis Christi quia procedunt à gratia concessa intuitu meritorum illius sunt maioris valoris: videtur enim conueniens, quòd Deus plus æstimet, maiori complacentia acceptet, magisque præmiet opera Fidelium coniuncta operibus Christi, tanquam membrorum cum capite, intuitu eiusdem capitis, quod infinite amat: vnde licet sit eadem gratia in esse physico, siue detur ex meritis Christi, siue non: non tamen est eadem in esse morali; aliquid enim dignitatis accrescit ei, ex eo quod detur ex meritis Christi: vnde debet concedi, quod nos verè meremur per propria opera elicita ex gratia Christi, & quòd Christus in nobis merentibus nobis meretur ob rationem dictam.

Prima opinio Vasquis negat Eliam & Enoch nunc mereri: hanc probabilem censet Suares, & alij. Probatur: Ad meritum multum conferunt passionibus & incommoditates vitæ, tentationes & similia, quibus tamen omnibus carent nunc Elias & Enoch: ergo non merentur.

Secundò, Elias & Enoch non sunt puri Viatores, sed sæpe vident Deum; si enim D. Thom. concessit hanc visionem Moyse & D. Paulo, quia hic futurus erat Doctor Gentium, ille Doctor Iudæorum; conueniens est autem quòd Doctor clarius sciat quæ docet, quàm discipuli quos docet: multò magis & frequentius concedenda est his Sanctis, qui futuri sunt doctores & Gentilium & Iudæorum: ergo non merentur; maxime quia sunt extra communem modum vitæ humanæ.

Tertiò, ex opposito sequitur hoc inconueniens, scilicet Enoch & Eliam futuros sanctissimos, & maiores in sanctitate Sancto Ioanne Baptista & Apostolis, imò Sanctissima Virgine; est enim impossibile quòd meritum sex millium annorum, quale est meritum Enoch; & meritum Eliæ duorum millium & quingentorum annorum non excederet meritum vitæ valde limitatæ: constat autem communi consensu Scholasticorum & Ecclesiæ, quòd non surrexit maior Ioan-

CCcc 2 ne

ne Baptista inter natos mulierum, & quòd Apostoli sicut prius, ita & abundantius receperunt gratiam Spiritus sancti, & quòd Beatissima Virgo omnes Sanctos longe excedat in meritis & in gloria: ergo Elias & Enoch non merentur.

CONCLUSIO.

RESPONDEO dicendum, quòd Elias & Enoch non solum meruerunt, dum vitam communem cum aliis duxerunt; & merebuntur in fine mundi, dum ad vitam communem redibunt. 1. sed etiam nunc de facto merentur. Prima pars conclusionis est certa apud omnes: Secundam partem docet Viegas ad cap. 11. Apoc. sect. 4. num. 4. & grauitè arguit contrarium dicentes: Noster Franciscus à S. Maria primo tom. Historiæ Prophetiæ: quam aliqui in propriam ipsorum confusionem ad tribunal Inquisitionis detulerunt, sed in nullo fuit damnata, ut quidam mentiuntur, sed tantum in aliquibus & paucis explicata. In hanc etiam inclinât Montefinus 1. 2. q. 114. disp. 351.

Probat: Elias & Enoch sunt verè Viatores, non comprehensores; & pertinent ad Ecclesiam militante, non verò triumphante; nec vlla huc vique est assignata media. Ecclesia: insuper eorum opera habent omnes conditiones requisitas ad meritum superius recensitas: ergo verè merentur, nihil enim amplius requiritur ad merendum.

Secundò, Nullum affertur fundamentum desumptum ex Scriptura, aut Sanctis Patribus ab Aduersariis: rationes verò leues sunt, ut patebit ex earum solutione: ergo frustra suspendunt merita horum Sanctorum pro illo tempore intermedio.

Tertiò, Non videtur credibile quòd Deus hos Sanctos tam longo tempore priuauerit visione sui beatifica, sine aliquo fructu & utilitate ipsorum; nullus autem esset fructus, nullaque utilitas si toto illo tempore non mererentur augmentum gratiæ & gloriæ: ergo merentur.

Ad primum ergo dicendum, quòd licet multum conferant ad meritum passiones & tentationes; sine illis tamen potest esse meritum: certum est enim quòd Adam in statu innocentie, & alij meruissent, in quo nullæ futuræ erant passiones: vnde D. Thom. in 2. d. 29. q. 1. art. 4. ad 2. ait non requiri certamen pugne ad meritum, sed certamen quo aliquis eleuetur supra se.

Ad secundum dicendum, quòd ille qui continuè Deum non videt, & est in carne mortali, est purus viator; tales autem sunt Elias & Enoch. Deinde, non requiritur quòd aliquis sit purus Viator ad merendum, sed sufficit quòd sit Viator, ut patet in Christo Domino, qui meruit, & tamen simul & continuè erat comprehensor; multò magis ex hac parte Elias & Enoch, qui rarò Deum vident.

Ad tertium fatemur, hos duos futuros maximos Sanctos, & nulli inferiores excepta Beatissima Virgine: regulæ enim sanctitatis sunt of-

ficia à Deo concessa, quibus ministros suos Deus reddit idoneos; & passiones propter Deum toleratæ. Quis nobiliora habuit officia, vel habiturus est quàm Elias? Quæ fecit tempore synagogæ indicant maximam sanctitatem: in fine mundi futurus est Apostolus Christi, quem in carne vidit in monte Thabor die Transfigurationis: futurus est præcursor secundi eius aduentus; Quanta passus sit, & quanta patietur, indicant sacræ Scripturæ: vnde præferendus Apostolis: æqui parandus Baptiste; multò tamen postponendus Sanctissimæ Virgini: Nec ratio Aduersariorum est efficax, potest enim fieri quòd aliquis vnico actu valde intenso plus mereatur, quàm alius per multa sæcula: vnde communiter conceditur quòd Beata Virgo plus meruit sola, quàm omnes Sancti simul & collectiue, qui fuerunt, & erunt: & ipsa sola plus gloriæ habet, quàm omnes simul. Apostoli dicuntur accepisse Spiritum abundantius aliis, vel quia breui tempore eius plenitudinem habuerunt, quam Elias paulatim accipit cum Enoch: vel in ordine ad successores ipsorum, inter quos non est Elias, Enoch, aut Ioannes Baptista.

D V B I V M VIII.

Verum merita per peccatum mortificata reuiuifcant in iustificatione.

SUppponendum est ex D. Th. 3. p. q. 89. art. 5 & 6. hanc esse differentiam inter opera mortifera, mortua, & mortificata: quòd opera mortifera sunt peccata mortalia, quæ afferunt mortem animæ: hæc etiam dicuntur opera mortua iuxta illud ad Hæbræos 9. Sanguis Christi emundabit conscientiam nostram ab operibus mortuis. Opera mortua sunt opera bona, tam bonitate morali, quàm supernaturali, facta in statu peccati mortalis, quia non habent radicem vitæ animæ, scilicet gratiæ sanctificantis, & in hoc sensu fides in peccatore dicitur mortua: hæc licet non sint meritoria vitæ æternæ, solet tamen Deus illa præmiare mercede temporali, & si sint ordinis supernaturalis, disponunt quamuis remotè ad iustificationem. Opera tandem mortificata sunt opera facta ab homine iusto, meritoria vitæ æternæ, quæ tamen mortificantur per subsequens peccatum mortale, siue impediuntur à suo effectu, qui est ius actuale ad vitam æternam: & de his procedit præsens difficultas.

Prima opinio negat opera mortificata reuiuifcere in ordine ad præmium essentialè; concedit tantum reuiuifcere in ordine ad præmium accidentale: vnde dicit quòd nulla dabitur beatitudo essentialis intuitu illorum operum, sed tantum erit quoddam gaudium in Beatis, quòd fecerint talia opera meritoria. Probat: auctoritate D. Th. 3. p. q. 89. art. 5. ad 3. vbi hoc expressè dicit.

Secunda

Secunda opinio, quamvis concedat reuiuiscere opera mortificata in ordine ad primum essentiale gloriæ, negat tamen quod nouus gradus gloriæ detur intuitu illorum, sed dicit quod ille gradus qui correspondet contritioni, qua quis resurgit à peccato, correspondeat etiam prioribus meritis mortificatis. Non aliter probatur, quam quod sit possibile, ut idem primum detur multis titulis, ut contingit in Christo, qui quolibet actu meruit nostram redemptionem superabundanter.

Tertia opinio tenet quidem reuiuiscere opera & merita mortificata, in ordine ad primum essentiale sibi præcisè correspondens: non tamen secundum totam latitudinem. Ita plures è Thomistis, qui variant in modo explicandi: nam Capreolus, Paludanus, & alij dicunt quod iuxta dispositionem subiecti reuiuiscunt; ita ut si habeat actum contritionis ut duo, resurget ad gratiam & ad gloriam ut tria, si habuerit pauca merita; vel ut quatuor quinque, & amplius, si merita fuerint multa & plura. Alij superaddunt quod si contritio fuerit ita perfecta, ut valeat non solum ad remissionem culpæ, sed etiam totius pænæ, tunc merita reuiuiscunt secundum totam latitudinem. Alij tandem, ut Sotus & Ledesma, solum admittunt totalem reuiuiscenciam, quando contritio est ex toto conatu, id est correspondens adæquatè vocationi & excitationi diuinæ. Probatur hæc opinio autoritate D. Th. qui 3. p. q. 89. art. 5. ad 3. & in 3. d. 31. q. 1. art. 4. quæstiunc. 3. ad 4. dicit, quod reuiuiscunt merita ad primum essentiale quantum ad partem, iuxta quantitatem ipsius charitatis & gratiæ. Deinde, ex opposito sequitur hoc inconueniens, quod homines non deterreantur à peccato, si sciant quod in iustificatione omnia merita redeant. Item quod resurgens à peccato habeat maiorem gratiam quam ante; & ita peccator esset melioris conditionis: quam qui est iustus.

CONCLUSIO.

RESPONDEO dicendum, quod opera siue merita per peccatum mortificata reuiuiscunt. 1. non tantum ad primum accidentale, sed etiam ad essentiale. 2. ita ut ipsis præcisè correspondeat aliquis gradus gloriæ. 3. hæc autem reuiuiscencia non est partialis, sed semper totalis; etiam si sit minima contritio, aut attritio cum Sacramento, qua iustificetur peccator. 4. hoc fit non omnino ex natura rei, aut omnino ex mera Dei misericordia, sed partim ex utroque. 5. idem dicendum est de totali reuiuiscencia gratiæ sanctificantis secundum magnitudinem virtualem, non autem formalem. Ita Nostri Salmanticenses Tractatu 5. Disp. 4. Dub. 2. & plures alij ex Discipulis D. Thomæ.

Probatur prima pars conclusionis autoritate sacre Scripturæ. Ezechielis. 18. Si impius egerit pœnitentiam, omnium iniquitatum eius non

recordabor. & cap. 33. Iniquitas impij non nocebit ei; quod esset falsum, si merita non reuiuiscerent: ratione enim iniquitatis siue peccati commissi priuaretur tot gradibus gloriæ, quæ priuatio est quædam partialis pœna æterna. Item autoritate Concilij Tridentini sess. 6. cap. 16. ubi ait: Iustificatis hominibus, siue acceptam gratiam perpetuò conseruauerint, siue amissam recuperauerint, proponenda sunt Apostoli verba; Abundate in omni opere bono, scientes quod labor vester non est inanis in Domino: non enim iniustus est Deus ut obliuiscatur operis vestri, & dilectionis quam ostendistis in nomine ipsius: Ecce quomodo Concilium dicit Deum non obliturum, imò mercedem redditurum bonis operibus omnibus iustificationum, siue semper manserint in gratia, siue ad illam redierint. Idem repetit in eodem capite: & canone 31. unde quando canone 16. dicit reddendum esse vitam æternam ei qui in gratia perseuerauerit usque in finem, per talem perseuerantiam non intelligit quod iustus gratiam nunquam amiserit, sed solum quod in ea decesserit. Ratio huius multiplex est: Prima iam adducta, quod scilicet Deus peccatum remissum puniret pœna æterna, carentia videlicet visionis beatificæ, correspondentis prioribus meritis per peccatum interruptis. Secunda, quia ex opposito sequitur hoc inconueniens, scilicet quod si quis per totam vitam plurimum meruerit, fragilitate tamen naturæ lapsus statim pœnituerit ut vnum, talis non sit habiturus gloriam nisi ut vnum; cum tamen econtra possit contingere, ut aliquis maximus peccator in tota vita pœniteat ut duo in fine vitæ, & hic habebit gloriam ut duo; & sic præferretur alteri, quod apparet magnoperè absurdum: Igitur ut docet D. Thom. loco citato 3. p. licet merita nō maneant in re dum aliquis est in peccato, manent tamen in acceptatione diuina, in quantum est in Deo decretum præmiandi talia merita, quod decretum ita respicit merita præcedentia, ut connotet futuram iustificationem, & finalem sanctitatem: unde cum non sit tale decretum respectu reprobatorum saltem absolutum, quando quis non est resurrector, eius merita nec sunt in re, nec in acceptatione diuina.

Probatur secunda pars conclusionis. Tum prædictis autoritatibus Scripturæ & Concilij Tridentini, ubi loquendo generaliter de meritis, ac proinde de reuiuiscencibus assignant pro præmio vitam æternam, quæ importat gloriam essentialem, & non tantum accidentalem. Deinde, Ex hoc sequeretur prædictum inconueniens, scilicet quod vnus resurgens per contritionem ut vnum, haberet vnum tantum gradum gloriæ essentialis, licet per totam vitam meruerit: & econtra si vnus conuertatur per contritionem ut duo, licet fuerit peccator totā vitā, haberet gloriam essentialem ut duo, ac proinde maiorem quam ille alius. Denique, Sicut gratia est vita

hominis iusti, sic & meritorum eius, vnde merita non possunt intelligi reuiuiscere, nisi redeat gratia ipsis correspondens, & consequenter ius ad gloriam essentialem correspondentem tali gratiæ & meritis: ergo in iustificatione merita reuiuiscunt, non tantum ad præmium accidentale, sed etiam ad essentialē; & maximè quia gloria accidentalis scilicet gaudium de bonis operibus non tam est præmium, quàm proprietas consequens bona opera, non enim habetur tantum de bonis operibus mortificatis, sed etiam de mortuis.

Probatur tertia pars conclusionis: Si meritis reuiuiscantibus præcisè non corresponderet aliquis gradus gloriæ, sed idem gradus qui correspondet contritioni, aut iustificationi qua resurgunt, sequitur prædictum inconueniens, vt consideranti patet. Deinde, Concilium citatum assignat meritis reuiuiscantibus præmium gloriæ æternæ, non minus ac continuatis, & in hoc nullam ponit differentiam: ergo sicut diuersis actibus meritoriis correspondet diuersus gradus gloriæ essentialis; sic actibus meritoriis reuiuiscantibus correspondet aliquis gradus gloriæ peculiaris, & diuersus ab aliis. Denique, Ex opposito sequitur magis redire peccata dimissa per subsequens peccatum, quàm merita per iustificationem: nam peccatum subsequens ratione circumstantiæ ingratiitudinis quam habet, meretur nouum gradum pœnæ essentialis in inferno; & tamen meritis mortificatis non corresponderet peculiaris gradus gloriæ essentialis: ergo cum nullus hoc admittat, dicendum est quòd meritis reuiuiscantibus præcisè correspondet aliquis gradus gloriæ; maximè quia vt ait D. Thom. loco toties citato, merita per peccatum solum impediuntur, vnde ablato impedimento peccati debent redire & reuiuiscere ac proinde respicere peculiarem gradum gloriæ, præcisè sibi debitum sicut prius.

Probatur quarta pars conclusionis. Tum ex hoc vsque dictis. Tum autoritate D. Thom. 3. p. q. 89. art. 5. vbi hanc expressè docet. Tum etiam eius ratione: Contritio, vel attritio cum Sacramento non solum se habet vt dispositio ad gratiam: sed etiam respectu priorum meritorum se habet vt remouens prohibens, id est peccatum quod est impedimentum mortificans priora merita; vnde est tantum causa per accidens reuiuiscantiæ meritorum: sed quæcunque minima contritio, aut attritio cum Sacramento tollit omnia peccata, siue totam culpam quæ erat impedimentum vt patet: ergo licet in iustificatione impij gratia infundatur iuxta mensuram contritionis & attritionis, tamen reuiuiscantiæ meritorum non est partialis, sed semper totalis, etiam si contritio, aut attritio cum Sacramento sit minima: radix huius est, quia contritio qua quis iustificatur, non dat valorem prioribus meritis mortificatis, sed illa habuerunt suum valorem ex

gratia præcedenti, ex bonitate obiecti, & aliis circumstantiis. Hic tamen est notandum, quòd non redit eadem gratia numero sed æquiualens: hanc partem conclusionis docent Nostri Salmanticenses in Tractatu de Prædestinatione, & Montesinus 1. 2. quæst. 114. disp. 36.

Probatur quinta pars conclusionis: Sicut ad merendum non sufficit; quòd opera sint bona & facta in gratia, sed insuper requiritur pactum & acceptatio Dei; sic ad reuiuiscantiæ meritorum requiritur, & quòd talia merita sint radicata in gratia, siue facta in statu gratiæ; & insuper quòd sit pactum de tali reuiuiscantiæ, poterat enim Deus contrarium statuere, scilicet quòd homo peccando amitteret omnia merita sine spe recuperandi: ergo sicut reuiuiscantiæ meritorum ratione primi fundatur in natura rei; sic ratione secundi fundatur in misericordia Dei. Deinde, Merita mortificata reuiuiscunt, quia remanent in acceptance diuina ratione decreti diuini, respicientis tum priora merita, tum subsequentiæ iustificationis: ergo cum tale decretum sit liberum, fundatur in misericordia Dei, & ita reuiuiscantiæ meritorum non est omnino ex natura rei: & hoc maximè, quia peccator dum resurgit non satisfacit adæquatè Deo propter infinitatem peccati: vnde secluso illo Dei decreto gratia quæ daretur in iustificatione, expelleret quidem omnem culpam, redderet Deum placatum, constitueret hominem Dei amicum, & acceptum ad gloriam correspondentem tali gratiæ, non verò correspondentem prioribus meritis: & sicut nunc remanet remissa culpa, reatus pœnæ temporalis, sic tunc remaneret reatus alicuius pœnæ æternæ, scilicet carentia visionis beatificæ correspondenti prioribus meritis.

Probatur & explicatur sexta pars conclusionis: Dicimus igitur quòd omnis gratia amissa per peccatum, siue fuerit data virtute meritorum, siue virtute Sacramentorum, per sequentem iustificationem reuiuiscit, vt conuincunt superiores rationes de reuiuiscantiæ meritorum adhuc propositum applicatæ vt consideranti patet: vnde gratia quæ infunditur in iustificatione, licet correspōdeat secundum magnitudinem formalem tantum contritioni qua quis iustificatur, tamen secundum magnitudinem virtutalem correspondet etiam prioribus meritis: vnde qui resurgit cum maiori contritione semper habet maiorem gratiam formaliter: virtualiter autem maior est gratia resurgentium, quæ plura connotat merita: sicut semen sinapis est minus in quantitate formali pluribus aliis, quibus est maius quantitate virtuali, quia respicit maiorem prolem & fructum.

Ad primum ergo dicendum, quòd D. Th. ibi admittit reuiuiscantiæ meritorum ad vtrumque præmium: ait enim, Ille qui per pœnitentiæ resurgit in minori charitate, consequetur quidem

quidem præmium essentiale secundum quantitatem charitatis in qua inuenitur (non ait in qua resurgit) habebit tamen gaudium maius de operibus in prima charitate factis.

A D secundum dicendum, quod quamuis sit verum, quod idem præmium sit debitum pluribus titulis: tamen Deus, cuius natura est bonitas, & opus est misericordia, dat specialem gradum gloriæ essentialis intuitu meritorum reuiuiscientium.

A D tertium dicendum, quod licet quantitas formalis charitatis habitualis & gratiæ, non sit maior quantitate actus charitatis, quo quis resurgit: quantitas tamen virtualis est maior, & huic vult ibi D. Th. commensurari præmium essentiale reddendum in Patria, & etiam præmium accidentale scilicet gaudium maius de operibus in prima charitate factis. Ad aliud dicendum, quod hoc inconueniens prouenit ex malitia hominum: nam bonitas & liberalitas Dei erga ipsos deberet esse motiuum fortissimum ad deterrendum homines à peccatis. Ad aliud dicendum, quod resurgens à peccato non semper habet maiorem gratiam quantitate formali, sed tantum virtuali ut dictum est: nec villo modo sequitur quod peccator sit melioris conditionis quam homo iustus, imò est pessimæ conditionis, cum sit inimicus Dei, filius vindictæ & gehennæ, nihilque mereatur in ordine ad vitam æternam, quorum contraria reperiuntur in homine iusto.

D V B I V M IX.

Utrum Deus premiet ultra condignum, & puniat citra dignum.

Prima opinio quam sequitur Vega q. 5. de Iustific. & ad quam inclinat Vasques, est negatiua. Probatur autoritate sacre Scripturæ. Ad Rom. 2. Deus reddet unicuique secundum opera eius. Iacob. 2. Iudicium sine misericordia illi, qui non fecit misericordiam. Matthæi. 5. Seruus nequam traditus in carcerem, donec soluat vltimum quadrantem. Apocal. 18. Quantum glorificauit se, & in deliciis fuit tantum dare illi tormentum: ergo Deus non præmiat ultra condignum, nec punit citra dignum.

Secundò, Non est assignabile in quo sit præmium ultra condignum: Non in duratione eius, quia gratia est semen vitæ æternæ. Non in intensiōe, quia gloria correspondet gratiæ. Nec in hoc quod præmientur merita mortificata, quia hæc ex natura rei reuiuiscunt, & ita præmiantur ex iustitia: ergo Deus non præmiat ultra condignum.

Tertiò, Tam pœna damni, quam pœna sensus multò excedunt demeritum peccati: nam pœna damni est infinita, tum duratione, tum intensiōe; quia est priuatio actualis & tota simul Dei infinitè syncategorematicè à quocunque

participabilis. Similiter pœna sensus est infinita duratione, cum tamen peccatum penè in instanti consummetur; & est intensissima, cum tamen conuersio ad bonum commutabile quæ est in peccato, & cui correspondet pœna sensus, sit sæpe valde remissa: ergo Deus non punit citra dignum.

C O N C L U S I O.

RESPONDEO dicendum, quod est axioma theologicum cōmuniter receptum, quod Deus præmiat ultra condignum, & puniat citra dignum: vnde contraria opinio est saltem singularis. Hic autem excessus præmij non solum consistit in hoc, quod Deus det gloriam correspondentem gratiæ tam acquisitæ per merita, quam communicatæ per Sacramenta & virtute ipsorum: sed maxime in hoc consistit, quod visio & fructio beatifica sit futura maior intensiue ex misericordia Dei, quam esset debita gratiæ & meritis iustorum. Defectus verò punitionis in hoc consistit; quod pœna sensus damnatorum sit futura minor intensiue ex misericordia Dei, quam ex iustitia esset debita peccatis ipsorum.

Probatur conclusio autoritate sacre Scripturæ. Matthæi. 5. Merces vestra copiosa est in cœlis, id est superabundans. Lucæ. 6. Mensuram bonam, & confertam, & coagitatam, & supereffluentem dabunt in sinum vestrum. Ad Rom. 8. Non sunt condignæ passionis huius temporis ad futuram gloriam quæ reuelabitur in vobis. Probatur etiam ex Bulla Pij. V. & Gregorij. XIII. contra Baium, in qua damnatur hæc eius propositio decima quinta: Opera bona iustorum in die iudicij extremo non accipient maiorem mercedem, quam iusto Dei iudicio mereantur. Idem communiter docent Sancti Patres. D. Thom. in 4. d. 46. q. 1. art. 2. Basilii in Psalm. 114. exponens illud, Conuertere anima mea in requiem tuam, dicit requiem quam Deus tribuit iustis, esse opus magnificentiæ. Fulgentius lib. 1. ad Monimum cap. 10. sic intelligit illud Psalm. 102. Qui coronat te in misericordia, quia ex misericordia Deus tribuit iustis plus quam meruerunt. Ratio huius est, quia in omnibus Dei operibus relucet iustitia & misericordia iuxta illud, Miserationes eius super omnia opera eius: sed nisi Deus præmiaret ultra condignum, & puniret citra dignum, in his operibus non reluceret misericordia, sed tantum iustitia ut patet, & ad summum misericordia se haberet antecederet præparans merita, & impediens maiora demerita: ergo Deus præmiat ultra condignum, & punit citra dignum. Deinde; Peccator meretur annihilari, Deum enim offendit, & ita reus est læsæ maiestatis diuinæ: reges autem temporales contra similes reos inducunt quandam speciem annihilationis, eos comburendo, & spargendo eorum cineres ad auras, eorumque memoriam quantum possibile est delendo: annihilatio autem cum sit destructio totius

tius

tius esse, est maxima omnium poenarum, tollit enim omne bonum; alia verò aliquod supponunt, saltem esse: & tamen Deus hanc poenam non infligit damnatis. Item eorum peccata sunt infinitae malitiae; & tamen eis non infligitur poena sensus infinita. Econtra verò Deus saluam iustitiam potuit non praemiare merita mortificata, sicut non castigat peccata dimissa; similiter posset dare gloriam correspondentem meritis tantum, & non gratiae Sacramentalis: ergo Deus praemiatur ultra condignum, & punit citra dignum.

A d primum ego dicendum, quòd supposito decreto Dei de puniendo citra dignum, taxauit Deus poenam pro vnoquoque peccato, & supposito hoc decreto, & ista taxatione Deus reddet vnicuique secundum opera eius, reddet iudicium sine misericordia ei, qui non fecerit misericordiam: damnatus soluet usque ad vltimum quadrantem, & vnusquisque tantum habebit tormenti in inferno, quantum hic habuit delictorum.

A d secundum dicendum, quòd praemium ultra condignum potest pensari ex omnibus illis, & aliis assignatis; potuisset enim Deus saluam iustitiam statuere iustis gloriam ad tempus, non maiorem quam fuerint merita, &c. vnde non te-

netur reddere ex iustitia vitam aeternam, nisi ratione pacti vt dictum est.

A d tertium dicendum, quòd peccator meretur poenam infinitam ex parte subiecti, scilicet annihilationem, quam Deus non dat: poena autem damni est finita ex parte subiecti, quia in eo supponit aliquod bonum, scilicet proprium esse: vnde est tantum infinita ex parte obiecti. Poena autem sensus debetur conuersioni indebitae siue coniunctae cum offensa Dei, in quantum per illam eligit creaturam vt vltimum finem; offensa verò in Deum commissae est digna omni poena imaginabili. Nec istae poenae in duratione excedunt culpam: in hoc enim quòd peccator finaliter auertit se à Deo & conuertit se ad creaturas; vult virtualiter peccatum suum durare in aeternum.

Hae sufficiant pro Prima Secundae: Quae autem dicta sunt, vti sunt ad gloriam Dei, Sanctissimae Virginis Mariae eius Matris, Sanctae Parentis Nostrae Theresiae, ac Angelici Doctoris D. Thomae. Si quid autem non solum contra fidem, & bonos mores; sed etiam contra eiusdem Sanctissimi Doctoris sententiam dictum sit, libenter reuocamus: omniaque infallibili iudicio S.M. Ecclesiae submittimus.

F I N I S.



